







Digitized by the Internet Archive  
in 2012 with funding from  
Research Library, The Getty Research Institute











Fol 1924

3 illen

Schmalzgrueber, Fr.

17 14.5-63







R. P. FRANCISCI  
SCHMALZGRUEBER  
JUS  
ECCLESIASTICUM  
UNIVERSUM.



SCHEIDT  
172  
ECCLIASTICUM  
UNIVERSUM





J U S *Schöpfenthalensis  
Gleicheny 24. V. 1956.*

# ECCLESIASTICUM

UNIVERSUM,

BREVI METHODO AD DISCENTIUM

Utilitatem explicatum,

## SEU LUCUBRATIONES

CANONICÆ

IN QUINQUE LIBROS DECRETALIUM

GREGORII IX. PONTIFICIS MAXIMI,

IN QUIBUS PRÆCIPUÆ, QUÆ TUM IN THEORIA;  
tum in Praxi occurrunt, difficultates solvuntur, allatis etiam contra  
sentientium fundamentis, & horum solutionibus.

A U T H O R E

## R. P. FRANCISCO SCHMALZGRUEBER

SOCIETATIS JESU, SAC. THEOLOGICÆ, ET SS. CANONUM DOCTORE,  
horumque antehac in Alma, & Electorali Universitate Ingolstadiana Professore  
Ordinario, & Primario, nunc Episcopalis Universitatis Dilinganæ Cancellario,

### TOMUS PRIMUS.



NEAPOLI, MDCCXXXVIII.

Prostant

## V E N E T I I S,

APUD JOSEPHUM BORTOLI.





# PRÆFATIO.



Uplex eorum, qui Jus Canonicum discunt, vel docent, querela est: una adversus ejusdem Interpretes, quorum aliqui, dum doctrinam suam pluribus, magnisque Voluminibus explicant, prolixitate sua legentem fatigant; alii contrà, dum brevi nimium methodo includere nuci contendunt Controversiarum amplissimarum iliadem, plura omittunt, quæ legentes rescire cuperent, & sic brevitate sua, vel si ita dicere liceat, avaritia communicandi Scientiam suam, desideria aliorum acuunt, non verò satiant. Alteram iidem intendunt adversus doctrinæ ordinem; videtur enim tota illa indigesta quædam esse Materiarum moles, & Titulorum multitudo, quasi temere, alearum in morem, in Juris Canonici Corpus projecta, non alia cum utilitate, & fructu, quàm ut discentes ordo iste malè digestus turbet; iis verò, qui aliquousque in Sacra ista Doctrina progressi sunt, difficiliorem faciat eorum, quæ jam comprehendunt, memoriam. Querela utraque rem primo solum obtutu respicienti justa admodum videri potest; sed penitiùs eam consideranti, posterioris quidem se ultrò prodet iniquitas; adversus priorem autem facile sese remedium offeret. Utriusque experimentum capere in his Lucubrationibus nostris cupimus. Ut primæ ex illis medeamur, præcipuas Libri cujusque Controversias, & Quæstiones exponere, sic conabimur, ut cum prolixitate vitemus molestiam, inter brevitem, quam pròfitebimur, non omittamus Controversias illas, quas elucidatas à nobis Lector desideret. Alterius Querelæ iniquitatem; si fas est dicere, ob oculos ponemus, dum ostendemus, in quolibet Decretalium Libro eum teneri Titulorum simul, atque doctrinæ ordinem, quo meliorem in tanto Materiarum diversissimarum cumulo nemo facile desiderabit. Titulum cuique Libro specialem dabimus: eritque ille ipse, quem Glossa iisdem olim dedit in tritissimo illo Versu,

*Judex, Judicium, Clerus, Sponsalia, Crimen.*

Tu, Lector Benevole, judica, an metam propositi nostri attigerimus: sin minùs, conatum lauda, operis defectum excusa,

# A P P R O B A T I O

## THEOLOGICÆ FACULTATIS INGOLSTADIENSIS.

**C**Um Commentationes istæ Canonicae in quinque Libros Decretalium, magno studio, industria, & ingenio elaboratae, nusquam Morum, Fideique Orthodoxæ Regulas offendant: cumque insuper perpetuo Juris Pontificii Textui ita pressè simul, ac suisè inhæreant, ut omnes, quæ huc pertinent, & sparsim à Doctoribus per integra etiam Volumina moveri solent, Quæstiones, veluti in Nuce Iliadem, mira dexteritate, amœna claritate, ac limato judicio, solidissimè concludant: dignissimas esse judico, quæ Luci publicæ proponantur, & ab omnibus Juris Pontificii tam Studiosis, quàm Magistris obviis etiam ulnis excipiantur. Ita censeat

FRANCISCUS SCHILCHER Soc. JESU, Theologiae  
Doctor, ejusdemque in Moralibus Professor Ordinarius,  
ac pro tempore Sacrae Facultatis Decanus.

---

# A P P R O B A T I O

## JURIDICÆ FACULTATIS INGOLSTADIENSIS.

**L**ucubrationes præsentēs, quibus Libri quinque Decretalium Gregorii IX. Pont. Max. industria singulari, & solidissimè evoluti exhibentur, tum ob summam eruditionem, & doctrinæ soliditatem, tum ob materiæ inibi pertractatæ præstantiam dignissimæ sunt, quæ pro utilitate plurimorum in lucem prodeant. Ita censeat

JOANNES FRIDERICUS de CHARDEL, Jurium  
Doctor, Sacrae Casaræ Majestatis Consiliarius, Institutionum Professor Ordinarius, & pro tempore  
Collegii Juridici Decanus.

---

# A P P R O B A T I O

## FACULTATIS THEOLOGICÆ FRIBURGENSIS.

**P**ostquam Admodum Reverendus, Religiosissimus, ac profundissimus Pater Franciscus Schmalzgrueber, Soc. Jesu, SS. Theologiæ, ac SS. Canonum Doctor, horumque olim in Alma Universitate Ingolstadiensi, & Dilingana Professor Ordinarius, p. t. autem hujus ultimæ Cancellarius Dignissimus, Commentarium suum in quinque Libros Decretalium Gregorii IX. Pontificis Maximi methodo brevi, & utilissima doctrina Ingolstadii in lucem editum, denuo sub Sacrae Facultatis nostræ Theologicæ Friburgensis etiam approbatione imprimi desiderat, petitioni ejus justissimæ tanto magis deferendum duximus, quanto minùs Fidei Orthodoxæ, aut bonis Moribus quidquam in illo contrarium reperitur, insuper ob materiæ, quam clarissimè tractat, dignitatem, & utilitatem ab aliis Censoribus jam antea rite approbatum, dignissimum omnino judicamus, qui pro solatio, & usu multorum secunda vice typis mandetur. Ita sub appresso Sacrae Facultatis nostræ consueto Sigillo, & manus propriæ subscriptione testamur.

L. S.

JACOBUS CHRISTOPHORUS HELBING ab  
Hirtzenfeldt, & Buchholtz, Eques, SS. Theolog.  
Doctor, & Professor Ordinarius, Senior, & Primarius,  
Sac. Cas. Majest. Consiliarius, Abbas Infirmary ad Sanctum Spiritum in Madosca, p. t. Sacrae Facultatis Theologicæ Decanus, & Rector Ecclesiæ Friburgensis.



# A P P R O B A T I O

## JURIDICÆ FACULTATIS FRIBURGENSIS.

**Q**Uandoquidem omne bonum communicativum sui, & id, quod animarum salutem solida eruditione intendit, in lucem publicam prodire, & quasi supra candelabrum poni, sicque, ut luceat omnibus, constanter conservari conveniat; hinc, ut Lucubrationes istæ in quinque Libros Decretalium ( utpote Opus doctissimum, solidissimum, eruditissimum, ac utilissimum ) Orbi Litterario verum bonum appetenti, ac solidè erudiri, illustrarique ambienti iterum, iterumque publico typo communicentur, dignissimum esse censent, appposito Facultatis suæ Sigillo, & propriis manuum subscriptionibus

JOANNES BAPTISTA OBRIST, J. U.  
Doctör, Instit. Imper. & Processus Cameralis  
Professor Ordinarius, nec non Camera Imperialis  
Advocatus, & Procurator, & p. t. Facultatis  
Juridicæ Decanus.

JOANNES SIGISMUNDUS STAPFF,  
J. U. Doctör, Codicis, Juris Naturalis, &  
Gentium, ac Feudorum Professor Ordinarius,  
p. t. Universitatis Rector.

L. S.

FRANCISCUS JOSEPHUS MICHAEL  
EINHORN, J. U. Doctör, Pandectarum, ac  
Processus Criminalis in Universitate Friburgensi  
Professor Ordinarius.

GEORGIUS ALBANUS DRAYER, J. U.  
Doctör, SS. Canonum, & Juris Publici  
Professor Ordinarius.

# A P P R O B A T I O

## FACULTATIS THEOLOGICÆ DILINGANÆ.

**H**OC *Jus Ecclesiasticum Universum* paucis abhinc annis vulgatum, & summo omnium plausu exceptum, optimo jure publicam iterum aspicit lucem, ut ardentissimis plurimorum studiis fiat satis; adeo enim Fidei Sanctitati, & Morum honestati nulla sui parte adversatur, ut & hanc & illam plurimum promoveat. Præterea conjungit Theoriam solidissimam cum utilissima Praxi, vastissimam totius Juris Canonici materiam cum clarissima brevitate, maximam ingenii perspicaciam cum prudentia singulari, quæ Quæstiones abstrusissimas mira eruditione, pari claritate, pulcherrimo ordine, maxima soliditate dilucidat, è vastissimis plurimorum Auctorum Voluminibus nucleum, & nervum colligit, ipsique Juri jus suum ubique tribuit. Unde mirum non est, nec unquam fuit, quod hoc *Jus Ecclesiasticum Universum* non solum intra, sed etiam extra Europam fuerit avidissime expetitur, & longè, lateque dispersum. Dignissimum proin censeo, ut ad immortalem Clarissimi sui Auctoris laudem, Universitatis nostræ, quam doctrinæ, sapientiæ, & nominis sui splendore pluribus annis illustravit, quæ Juris Sacri Professor, & hodie, quæ Cancellarius dignissimus, illustrat, decus, & ornamentum singulare, totius verò litterati Orbis emolumentum insigne, & exitium, iterum publici Juris fiat. Ita censet

JACOBUS GRANDVILLERS, Soc. JESU, SS.  
Theologia Doctör, & Professor Ordinarius, nomine  
Facultatis Sacre.



# A P P R O B A T I O

## FACULTATIS JURIDICÆ DILINGANÆ.

**U**Niversum Jus Canonicum, quod Author prius in Alma Universitate Dilingana, tum etiam per complures annos in Celeberrima Ingolstadiensi, tanquam Professor Ordinarius, ac Juris Primarius, maxima Nominis sui fama, & Reipublicæ bono docuit, eam continet Juris tam Sacri, quam Profani abundantissimam doctrinam, ut ob miram, & amœnam cum brevitate conjunctam claritatem, exquisitum dubiarum Opinionum selectum, profundam soliditatem per plurimas Concertationes solemnes publicè demonstratam, copiosam celeberrimorum utriusque Juris Interpretum veterum, & recentiorum fideliter relatorum authoritatem, ob accuratam cum Summorum Pontificum novissimis Decretis conformitatem, ac omnium Materiarum, servato Ordine Titulorum, eruditam Exegesi seipsum præstantia sua ita commendat, ut nostra approbatione, aut commendatione non indigeat: Dignissimum proin, quod, ut plurimarum Regionum id expetentium votis satisfiat, in lucem denuo edatur, ad publicam rei literariæ utilitatem, omniumque Juris seu Canonici, seu Civilis Cultorum, in Schola, vel Foro versantium, instructionem perennaturum.

ANTONIUS SOLL, Soc. JESU, SS. Theol. & SS. Canonum Doctor, horumque in Alma, & Episcopali Universitate Dilingana Professor Ordinarius, nomine Facultatis Juridicæ.

---

# A P P R O B A T I O

## SACRÆ FACULTATIS THEOLOGICÆ SALISBURGENSIS.

**J**US Ecclesiasticum Universum, seu *quinque* libri Decretalium Clarissimi P. Francisci Schmalzgrueber S. J. &c. &c. videntur esse comparandi panibus illis *quinque* hordeaceis Joan. c. 6. eò quod multa millia hominum legentium saturare possint. Sed unde pinguedo? unde adeps, quo panes isti ad gustum palati deliniantur? En Clarissimi Authoris Nomen, & Omen! *En pinguedinem! En adipem* SS. Canonum, ac Legum in his *quinque* Libris tam Theoriæ, quam Praxi optimè deservientium! in his *Comeditis adipem in saturitatem. Ezech. cap. 39. vers. 19.* Neque metuenda est dulcissimi potus absentia, vel defectus; neque sollicitè cogitandum, quod *hauriatur parum aquæ de fovea. Isai. cap. 30. vers. 14.* Siquidem Clarissimis Author convenienter suo cognomini etiam profundissima *fovea* est, ex qua scaturiunt limpidissimi scientiarum rivuli, nulla fæce erroris contra Orthodoxam fidem, nulla spurca contra bonos mores amurca perturbati, aut permixti: Venite jam, quotquot laboratis, & in utroque Juris studio onerati estis, hic Clarissimus Author reficiet vos, omnem in utroque studio *Famem, ac sitim* extinguet. Aspiciat ergò hoc Jus Ecclesiasticum Universum, famulantibus pretiosis instrumentis typo, & prælo, mundum, & lucem publicam pro utilitate communi, pro immortalis fama Clarissimi sui Authoris, *aliàs super athera noti*. Ita censet, & judicat in Archiepiscopali Universitate Salisburgensi

P. AMBROSIVS ZIEGLER, Ord. S. Ben. in Monasterio Cremisaniensi Sup. Aust. Professor, SS. Theol. Doctor, ejusdemque Professor Ordinarius, Celsissimi, ac Reverendiss. S. R. I. Principis & Archi-Episcopi Salisburgensis Consiliarius Ecclesiasticus, nec non S. Facultatis Theologicæ p. t. Decanus.

---

# A P P R O B A T I O

## FACULTATIS JURIDICÆ SALISBURGENSIS.

**L**Egi præsentem tractatum in *quinque* Libros Decretalium Gregorii IX. ab Admodum Reverendo, & Clarissimo P. Francisco Schmalzgrueber S. J. SS. Theologiæ, & SS. Canonum Doctore, & eorundem quondam Professore confectum. Hic Tra-



Tractatus Penus est quædam omnibus necessariis instructissima, referatissima, & fertilissima, ex qua omnia ad perfectam SS. Canonum notitiam necessaria haberi, & colligi possunt. Lux est, quæ discentium intellectum illuminat, & depulsis Jurium ignorantia tenebris ob claritatem suam lumen scientiæ eidem infundit. Armamentarium est, ex quo gravissima rationum, & textuum pondera, velut fortissima arma, quibus Adversarii cæsim punctimque feriendi sunt, depromere licet. Turris est, ex qua mille clypei dependent, quibus repugnantium tela retunduntur, infringuntur, eluduntur. Dignissimum proinde judico, qui deterfa præli fuligine, in publicam lucem prodeat, maximo rei litterariæ emolumento, SS. Canonum cupidis illustrationi, Studiosorum Juris, & Judicum adjumento, & Clarissimi Authori æterno ornamento. Ita censet

JOSEPHUS ADAMUS AYBLINGER Jurium Doctor, Celsissimi, & Reverendissimi S. R. I. Principis, & Archiepiscopi Salisburgensis Consiliarius, in Universitate ibidem Pandectarum Professor Ordinarius, & inclyta Facultatis Juridicæ p. r. Decanus.

## A P P R O B A T I O

### FACULTATIS THEOLOGICÆ OENIPONTANÆ.

**I**ntegrum Opus, cujus Pars est præsens Liber, adeo sibi similem ubique Authorem refert, ut nullibi non clarum, ac solidum Juris Canonici Interpretem exhibeat, qui Jura Ecclesiæ, & Religionis nostræ Dogmata contra quoscunque hostes feliciter salvat, munit ac defendit. Quapropter jure etiam suo obtinet, ut ad publicam æqui, rectique amantium utilitatem, iterum, iterumque in lucem prodeat. Ita sentio, ita precor, &c.

LEO LEHNER Soc. JESU, SS. Theologia Doctor, ejusdemque in Moralibus Professor, Ordinarius, & p. r. Sacra Facultatis Decanus.

## A P P R O B A T I O

### FACULTATIS JURIDICÆ OENIPONTANÆ.

**P**ræsens Opus integrum Juris Canonici solidissima ex omni Jure armatura munitam, & facis instar clarissimè illustratam Materiam in se continet, omnisque generis profundissima dubia non perfunctoriè hic discussa, ac nullam ferè notabilem Controversiam, undecumque originem illa trahat, relinquit intactam, imò accuratissimè examinatam, atque decisam præbet, ita, ut hic minimè possit objici, quod Cothmannus de plerisque Jctorum scriptis, 1. Conf. 1. n. 527. scribit, *ea nimirum hodie nimis leviter, & superficialiter, non medulliter condi*; sed splendore, & merito suo dicere valeat, se omne tulisse punctum, & in unam quasi Synopsis mira claritate, & ea felicitatè coegisse totius Juris nucleum, ut vanus omnis imposteriorum labor futurus videatur illorum, qui eandem viam calcare præsumperint; Nam præter Jura ubique fideliter allegata, & accuratissimè explicata, atque plurium celebratissimorum Virorum, Scriptorumque autoritate corroborata, conspiciuntur quoque novissimæ Sacra Sedis Apostolicæ Constitutiones, & Sanctiones ubertim hic radiantes, prout cujusque tulit materiæ conditio, ita, ut quisquis sit, jucundissima rerum varietate non minùs insigniter recreetur, quàm profundissima Juris antiqui, præprimis verò novissimi Scientia, rationibus itemque dubitandi, & decidendi subnexis, instruat, & ad incogitata sæpe excitetur. Habent igitur, qui in Cathedris, & Foro versantur, quidquid propè in dubium vocari potest, patentque jam, quæ in hoc clarissimo opere, velut in Sileno quodam Alcibiadis, latebant Mysteria. Dignissimè proinde, & omni Titulo publicæ luci denuo dandum, reimprimendumque esse censeo

THOMAS HERMANN de REICHENFELDT, J.U. Doctor, in Alma Casareo-Archiducali Universitate Oenipontana Pandectarum, & Juris Feudalis Professor Ordinarius, ac pro tempore Facultatis Juridicæ Decanus.

ELEN



# ELENCHUS TITULORUM

## LIBRI PRIMI Decretalium.

### DISSERTATIO PROOEMIALIS.

#### §. I.

De Etymologia Juris, & Justitiæ, diversa eorum acceptione, & Generali divisione. fol. 1

#### §. II.

De Jure Naturali. 6

#### §. III.

De Jure Positivo in genere, & in specie de Jure Positivo Divino. 14

#### §. IV.

De Jure Positivo Humano, & in specie de Jure Gentium. 17

#### §. V.

De Jure Civili in genere, & in specie de Jure Civili Publico. 22

#### §. VI.

De Jure Civili Privato. 25

#### §. VII.

De Jure Canonico, clauso Corpore Juris communis. 32

#### §. VIII.

De Decretis Conciliorum, horumque Autoritate. 51

#### §. IX.

De Decretis, & Declarationibus Sacræ Synodi Tridentinæ. 46

#### §. X.

De Bullario, Cancellariæ Apostolicæ Regulis, & Romanæ Rotæ Decisionibus. 50

#### §. XI.

De Usu Juris Canonici, & Civilis. 51

### TITULUS I.

#### De Summa Trinitate, & Fide Catholica.

§. I. De Summa Trinitate. 53

II. De Fide Catholica, & ejus Professione. 54

### TITULUS II.

#### De Constitutionibus.

§. I. De Natura, Varietate, Actibus, & Causa Finali Legis. 56

II. De Causa Efficiente Legis. 57

III. De Causa Materiali Legis. 59

IV. De Causa Formali Legis. 60

V. De Effectu Legis. 62

VI. De Subjecto Legis. 64

VII. De Interpretatione Legis. 67

VIII. De Cessatione Legum. 68

### TITULUS III.

#### De Rescriptis.

§. I. De Rescripti Natura, Varietate, & Impetratione. 72

II. De Rescriptorum Forma. 74

III. De Vitiis Rescriptorum, maximè de Ob- & Subreptione illorum. 76

IV. De Rescriptorum Præsentatione. 78

V. De Rescriptorum Interpretatione. 79

VI. De Rescriptorum Executione. 80

### TITULUS IV.

#### De Consuetudine.

§. I. De Consuetudinis Natura, Varietate, & Conditionibus ad illam requisitis. 82

II. De Rationabilitate ad Consuetudinem requisita. 83

III. De Tempore ad Consuetudinem Legitimam requisito. 84

IV. De Qualitate Actuum, & Consensu Legislatoris ad Consuetudinem requisitis. 85

V. De Effectibus Consuetudinis. 86

VI. De Consuetudinis Probatione, & Abrogatione. 89

### TITULUS V.

#### De Postulatione Prælatorum.

§. I. De Postulationis Natura, Varietate, Effectu, & Fine. 90

II. Quis postulari possit, vel non possit? 90

III. Quinam postulare possint? 92

IV. Quæ sit Forma Postulationis? 93

### TITULUS VI.

#### De Electione, & Electi Potestate.

§. I. De Electione, & Electoribus. 94

II. De Electis, vel Eligendis ad Prælaturas, & Dignitates Ecclesiasticas. 98

III. De Convocatione Electorum ad celebrandam Electionem. 100

IV. De Electionis Loco, Tempore, & Tractatu prævio. 102

V. De Forma Electionis, & præcipuè de Forma Scrutini. 105

VI. De Forma Electionis per Compromissum. 107

VII. De Electionis Libertate, ejus Intimatione, & Confirmatione. 109

VIII. De Consecratione Episcopi Electi, & Confirmati. 112

IX. Specialia de Electionibus Regularium. 113

X. Aliqua Quæstia de Electione Summi Pontificis. 115

### TITULUS VII.

De Translatione Episcopi. 117

### TITULUS VIII.

De Autoritate, & Usu Pallii. 119

TITU-



## TITULUS IX.

### *De Renuntiatione.*

- §. I. De Natura, & Varietate Renuntiationis. 121  
 II. De Beneficiis, quæ resignari possunt, vel non possunt. 122  
 III. De Personis, quæ Beneficia resignare possunt, vel non possunt. 123  
 IV. De Consensu Superioris requisito ad Renuntiationem. 125  
 V. De Causa Renuntiationis. 127  
 VI. De Forma Renuntiationis, & præcipuè de modo renuntiandi Beneficia per Procuratorem. 128  
 VII. De Effectibus Renuntiationis. 130

## TITULUS X.

### *De Supplenda Negligentia Prælatorum.*

- §. I. De Supplenda Negligentia in Beneficiorum Collatione. 131  
 II. De Supplenda Negligentia in Justitiæ, & Officii administratione. 133

## TITULUS XI.

### *De Temporibus Ordinationum, & Qualitate Ordinandorum.*

- §. I. De Ordinum Natura, Varietate, & Numero. 134  
 II. De Temporibus, Interstitiis, & loco Ordinationum. 136  
 III. De Ordinandorum Qualitate. 138  
 IV. De Ministro Ordinis. 140  
 V. De Litteris Dimissoriis. 143  
 VI. De Titulo ad quem ordinandi sunt Clerici. 144  
 VII. De Pœnis malè Ordinantium, & Ordinatorum. 145

## TITULUS XII.

- De Scrutinio in Ordine faciendo. 148

## TITULUS XIII.

- De Ordinatis ab Episcopo, qui renunciavit Episcopatu, vel ab Excommunicato. 149

## TITULUS XIV.

### *De Aetate, & Qualitate, & Ordine Præficiendorum.*

- §. I. De Præficiendorum Aetate. 149  
 II. De Ordine requisito in promovendis ad Prælaturas, & Beneficia. 151  
 III. De cæteris Qualitatibus Promovendorum. 153  
 IV. De Electione inter promovendos ad Dignitates, & Beneficia. 154

## TITULUS XV.

- De Sacra Unctione. 156

## TITULUS XVI.

- De Sacramentis non iterandis. 158

## TITULUS XVII.

### *De Filiis Presbyterorum Ordinandis, vel non.*

- §. I. De Filiis illegitimis in genere, & de horum incapacitate ad Ordines, & Beneficia. 159  
 II. De Filiis Clericorum in specie. 162

## TITULUS XVIII.

- De Servis non Ordinandis, & eorum manumissione. 164

## TITULUS XIX.

- De Obligatis ad Ratificationem Ordinandis, vel non. 165

## TITULUS XX.

- De Corpore vitiatis Ordinandis, vel non. 166

## TITULUS XXI.

- De Bigamis non Ordinandis. 169

## TITULUS XXII.

- De Clericis Peregrinis. 171

## TITULUS XXIII.

- De Officio Archidiaconi. 173

## TITULUS XXIV.

- De Officio Archipresbyteri. 174

## TITULUS XXV. XXVI. & XXVII.

- De Officio Primicerii, Sacristæ, & Custodis. 175

## TITULUS XXVIII.

### *De Officio Vicarii.*

- §. I. De Vicario in Divinis. 175  
 II. De Vicario Jurisdictionis Episcopalis. 177  
 III. Specialia de Vicario Capituli, Sede Episcopali vacante. 180

## TITULUS XXIX.

### *De Officio, & Potestate Judicis Delegati.*

- §. I. De Natura, & Varietate Judicium Delegatorum. 182  
 II. De iis, qui potestatem delegandi, vel subdelegandi habent. 183  
 III. De iis, quibus Delegatio fieri potest, vel non potest. 184  
 IV. De Causis, quæ delegari possunt. 185  
 V. De Officio Judicis Delegati. 187  
 VI. De Potestate Judicis Delegati. 188  
 VII. De Cessatione Officii, & Potestatis Judicis Delegati. 189  
 VIII. De Judicibus Conservatoribus. 191

## TITULUS XXX.

- De Officio Legati. 192

## TITULUS XXXI.

### *De Officio Judicis Ordinarii.*

- §. I. De Summo Pontifice. 195
- II. De Sacra Romanæ Ecclesiæ Cardinalibus. 197
- III. De Patriarchis, Primatibus, & Archiepiscopis. 198
- IV. De Episcopis, & horum Officio, ac Potestate. 200
- V. De Officio, & Jurisdictione Ordinaria, Prælatorum Regularium, Episcopo inferiorum. 202
- VI. De Officio, & Potestate Parochi. 204

## TITULUS XXXII.

### *De Officio Judicis.*

- §. I. De Natura, & Varietate Judicium. 205
- II. De Jurisdictione Judicis. 206
- III. De Officio, & Obligatione Judicis. 208

## TITULUS XXXIII.

### *De Majoritate, & Obedientia.*

- §. I. De Majoritate. 211
- II. De Obedientia, & Reverentia, quæ Majoribus à Minoribus præstari debet. 112

## TITULUS XXXIV.

### *De Tregua, & Pace.*

- §. I. De Bello. 213
- II. De Tregua. 215
- III. De Pace. 216

## TITULUS XXXV.

### *De Pactis.*

- §. I. De Pacti Natura, Varietate, & Obligatione. 217
- II. De Personis, quæ pacisci possunt, vel non possunt. 219
- III. De Materia, sive Objecto Pactorum. 221
- IV. De Forma Pactorum, atque Contractuum. 223
- V. Aliqua de Contractibus, quæ præcipua est Pactorum species. 224

## TITULUS XXXVI.

### *De Transactionibus.*

- §. I. De Transactionis Natura, & Varietate. 226
- II. De Causis Transactionum. 227
- III. De Effectu, Extensione, & Rescissione Transactionum. 229

## TITULUS XXXVII.

### *De Postulando.*

- §. I. De Postulationis Natura, Advocatorum differentia, & Varietate. 230
- II. De Subjecto Postulationis. 231
- III. De Objecto Postulationis, Advocatorum Officio, seu Obligatione, & Prærogativis. 232

## TITULUS XXXVIII.

### *De Procuratoribus.*

- §. I. De Natura, & Varietate Procuratorum. 234
- II. De iis, qui constituere Procuratorem possunt. 234
- III. De iis, qui Procuratores constitui possunt. 235
- IV. De Causis, in quibus constitui Procuratores possunt. 237
- V. De Mandato Procuratoris. 238
- VI. De Officio, & Potestate Procuratoris. 240
- VII. Quomodo Officium, & Potestas Procuratoris expiret. 241

## TITULUS XXXIX.

### *De Syndico.*

242

## TITULUS XL.

### *De his, quæ vi, metusve causa sunt.*

- §. I. De Natura Vis, & Metus, & eorum Divisionibus. 244
- II. De Valore, & Firmitate Actuum metu gestorum. 245
- III. De Rescissione Actuum metu gestorum, & hujus Probatione. 248

## TITULUS XLI.

### *De in integrum restitutione.*

- §. I. De Natura hujus Restitutionis, & Conditionibus ad eam requisitis. 250
- II. De Subjecto Restitutionis in integrum. 252
- III. De Objecto Restitutionis in integrum. 255
- IV. De Forma Restitutionis in integrum. 257

## TITULUS XLII.

### *De Alienatione Judicii mutandi causa facta.*

261

## TITULUS XLIII.

### *De Arbitris.*

- §. I. De Natura, & Varietate Arbitrorum. 262
- II. De Subjecto, & Objecto Arbitrii. 263
- III. De Arbitrii Forma, Effectu, & Contrariis. 266





# INTRODUCTIO

A D

## JUS CANONICUM UNIVERSUM,

S E U

### DISSERTATIO PROÆMIALIS.



Ntequam ipsam Juris Sacri, quam meditor, Explanationem exordiar, non abs re facturum me æstimo, si aliquantisper consistens in limine, & Doctorum, quam in aliis Scientiis explicandis tenent, methodum imitatus, toti huic Operi Prolegomena quædam præfixero, atque in his de Juris origine, progressu, natura, varietate, autoritate &c. pauca aliqua disseruero, cum & Ulpiani sit monitum, quòd *Juri operam daturum prius nosse oporteat, unde nomen Juris descendat, ut habetur l. Juri 1. ff. de J. & J.* Hinc Juris Interpretes hortatur Gajus *l. facturus 1. ff. de Orig. Jur.* ut ad suum exemplum præfationem explicationi præmittant; nam *si in foro, inquit, causas dicentibus, nefas, ut ita dixerim, videtur esse, nulla præfatione facta, Judici rem exponere, quanto magis interpretationem promittentibus inconveniens erit, omisis initiis, atque origine non repetita, illotis, ut ita dixerim, manibus protinus materiam interpretationis tractare?* & hoc non absque ratione; nam Præfationes libentius nos ad propositæ materiæ lectionem inducunt, & cum eò ventum est, evidentiorum præstant intellectum. Ut verò clariùs procedam in hoc negotio, totam Dissertationem in suos §.§. dividam. Sit ergo

#### §. I.

*De Etymologia Juris, & Justitiæ, diversa eorum acceptione, & generali divisione.*

#### S U M M A R I U M.

- 1 **V**ocis Jus variæ derivationes.
  - 2 Quenam ex his præferenda?
  - 3 Diverse acceptiones istius Vocis: pro eo, quod justum est.
  - 4 Pro loco, in quo Jus redditur.
  - 5 Pro Sententia Judicis.
  - 6 Pro morali facultate agendi, vel omittendi, aut obligandi alterum ad aliquid agendum, vel omittendum.
  - 7 Pro Scientia Jurium.
  - 8 Pro Lege, vel Canone.
  - 9 Diverse acceptiones Justitiæ.
  - 10 Hujus Definitio.
  - 11 Species ei subjecta.
  - 12 Descriptio Justitiæ Commutativæ.
  - 13 Officium Justitiæ Distributivæ, & hujus à priori differentia.
  - 14 Officium Justitiæ Legalis, & ejus differentia à Justitiæ Commutativæ, Obedientiæ, & Pietate in Patriam.
  - 15 Officium, & Differentia Justitiæ Vindicativæ.
  - 16 Diverse Juris divisio.
  17. 18 Justit duplex acceptio.
  - 19 Quid sit Activum, & Passivum?
  - 20 Activi divisio in Jus Proprietatis, & Jus Jurisdictionis: ubi etiam definitur Jus Proprietatis.
- Schmalzgrueber Tom. I.

- 21 Definitur Jus Jurisdictionis.
- 22 Requisita ad acquirendum Jus Proprietatis.
- 23 Divisio istius in Jus Reale.
- 24 Personale.
- 25 Et Mixtum.
- 26 Differentia horum Jurium inter se invicem.
- 27 Requisita, ut quis habere dicatur Jus reale.
- 28 Corollaria quædam.
- 29 Jus Reale proprietatis dividitur in Dominium Perfectum, & Imperfectum.
- 30 Definitio Domini Perfecti.
- 31 Definitio Domini Imperfecti, & hujus species.
- 32 Dividitur Jus Jurisdictionis.
- 33 Et Jus, quatenus istud pro Lege accipitur.

**Q**uæritur 1. Unde Juris nomen desumptum sit? Resp. variæ sunt opiniones DD. nam 1. aliqui cum Francisco Connano *lib. 1. Comment. Jur. Civil. c. 2. n. 4.* Jus dici putant à Dictione *Juxta*, quòd *juxta* sit; sed hæc derivatio videtur quæsitæ ex proprii ingenii placito, cum ratio nulla derivationem hanc suadeat. 2. Majoragius *l. 4. Misc. c. 1.* & alii illud derivarunt à verbo *Juvo*, quòd adversus vim, & injuriam præsidio sit; sed etiam hoc videtur longè petittum. 3. Alciarius *l. 1. Parerg. c. 29.* non tamen melius, quàm priores, illud deducit per Metathesin à nomine *Vis*; quia nihil magis contrarium Juri, aut Legibus inimicum est, quàm *Viscan. Christianis 12. caus. 11. q. 1. & l. factum 155. ff. de R. I. 4.* & verisimiliùs alii cum Aristotele *5. Eth. c. 1.* dictum volunt à *Jussu*, seu *Jubendo*, quasi *Jus* idem sit, ac *Jussum* Superioris; nam *Festo* teste, Jura sive Leges à Præscis dicebantur *Jussa*: ut adeo Jus sit id, quod vel DEUS, vel natu-



ra, vel Princeps vel Populus, vel Civitas, vel consuetudo jubet. Plettenberg *Introd. Jur. Can. c. 1. pr. 5.* Isidorus *l. 5. Etym. c. 2.* per Apocopen derivatum dicit à *Iusto*, prout refertur *can. Ius generale 2. dist. 1.* ubi ait *Ius autem est dictum, quia iustum est.* 6. denique Ulpianus *l. juri 1. ff. de J. & J.* Jus à *Iustitia* denominavit, vel tanquam objectum ab ipso actu, seu potentia, quemadmodum scibile à scientia, visibile à visu appellatur; vel potius tanquam Artem, seu Scientiam à suo fine; cum enim laudatus JCtus *l. cit.* ex Celso Jus definiat, quod sit *ars boni, & equi*, Jus ibi sumit pro Scientia Juris. Scientiæ verò, & Artes denominationem sæpe accipiunt à fine, quem sibi propositum habent, ut patet in Grammatica, Logica, Theologia &c. cum ergo Jus, pro arte, seu scientia sumptum, pro fine propositam sibi Iustitiam habeat, rectè ab ista denominari potest.

2. *Dubitatur*, quænam derivatio ex his præferenda sit? Resp. Dubii istius resolutionem plurimum pendere ex ea Quæstione, qua quæritur, utrum *Ius* sit nomen primitivum, an ab alio derivatum, quæ quæstio de Nomine quidem est; non tamen ideo contemnenda, cum, ut Epictetus monet, *initium doctrinæ sit consideratio nominis*, Nomen Primitivum esse contendit Gregor. Lopez *Animadv. c. 1. n. 5.* & probat hanc ejus Opinionem P. Jacobus Vviestner in *Dissert. Proëm. ad Ius Canon. n. 1.* Derivatum ab alio volunt *n. præc.* allegati. Prima sententia non displicet; videtur enim *Juris* vocabulum esse simplicius *Iusto*, & *Iustitia*, simulque Jus, utpote objectum *Iustitiæ*, ipsa *Iustitia* antiquius est. Igitur non Jus à *Iustitia*, *Iustu*, aut *Iusto*, sed potius *Iustitia*, & *Iustus* à Jure secundum ipsius etiam Grammaticæ Leges derivatur. Qui *Opinionem alteram* sequi volet, optimè dicet, si asserat Jus derivatum esse à *Iustitia*; habebit enim pro se *Ulpianum*, conf. *authoritatem Legis l. Juris cit.* quam derivationem proinde amplectitur Clariss. D. Braun. *Jurispr. p. 1. c. 1. §. 1. n. 2.* & sequitur Magnif. P. Schmier *tr. de Jur. Legal. c. 1. n. 1.* Rationem hujus Etymologiæ non incongruam dat Gonzal. in *Apparat. de Orig. & Progress. Jur. Can. n. 1.* quia Jus est medium, per quod intendimus *Iustitiam*.

3. Quæritur 2. in quotuplici significatione *Juris* nomen accipiat apud Doctores? Resp. significationes hujus Nominis non minùs sunt variæ, prout notatur *l. Ius pluribus 11. & l. fin. ff. de J. & J.* nam 1. aliquando significat idem, quod *justum*, rationis naturalis dictamini, Divinæque, & humanæ Legi consentaneum, & æquum est, æste Paulo JCto *l. jus pluribus cit. pr.* & in hoc sensu S. Aug. *l. 9. de Civit. c. 21. ait*, quod *jure sit, justè fieri*.

2. Aliquando accipitur pro loco, in quo Jus redditur, suumque litigantibus per sententiam adjudicatur *l. jus pluribus cit. vers. alia*, & *l. voluit 4. §. quod ait. 1. ff. de interrog. in Jur. faciend.* Ulpianus ait, *Ius eum solummodo locum esse, ubi Iuris dicendi, vel judicandi gratia Judex consistat.* S. Thom. 2. 2. q. 57. art. 1. ad 1. Molin. de *I. & J. tr. 1. D. 2. n. 4.* Laym. *Theol. moral. l. 3. tr. 1. c. 1. fin.* Lauterbach *ad ff. de I. & J. n. 20.* Muller. *ad Struv. Exerc. 1. th. 47. lit. A.* Pirhing *Proëm. n. 4. fin.* Magnif. P. Schmier *tr. de Jur. Legal. c. 1. n. 2.* Et in hoc sensu dicimur in *Ius ire*, *vocari*, *duci*, *comparere*, *ac fisci in Iure*; & Cicero *Orat. pro Murena* ait: *Ego te in Iure conspicio*.

3. Significat aliquando sententiam Judicis, per quam alicui decernitur, vel dicitur Jus, seu adjudicatur, quod ipsi debetur; quia Judex sententiam proferens, Jus proferre censetur *l. jus pluribus cit.* est enim sententia Judicis veluti Lex quædam, non quidem publica, sed privata, per quam inter partes litigantes Jus dicitur, & pronuntiat, quid *justum* sit, & alteri debitum, quid *litum* legitimum, sive Legibus consonum. Molin. *D. 2. cit. n. 1.* Palao *tr. 31. D. un. p. 1. n. 2.* Pirhing *Proëm. n. 4. cit.* Et hoc verum est, licet iniquam sententiam Judex proferat; sed tum non est consensus Jus proferre comparatione istius, sed comparatione illius sententiæ, quam tenebatur proferre. Palao *l. cit.* & notat Paulus *l. jus pluribus cit.* ibi: *Prætor quoque Ius reddere dicitur, etiam cum inique decernit, relatione scilicet facta, non ad id, quod ita Prætor fecit, sed ad illud, quod Prætozem facere convenit*.

4. Sæpe denotat moralem facultatem aliquid agendi, vel omittendi, aut obligandi alterum ad aliquid dandum, faciendum, aut omittendum: ita, ut violatio talis potestatis sit injuria trahens onus restituendi. Palao *n. 2. cit.* Viva *Curs. Theol. p. 5. D. 2. q. 1. pr.* Lauterbach

*ad ff. de J. & J. n. 20.* quo sensu Jus est quasi radix, seu fundamentum Juris accepti pro æquo alteri debito; nam ex eo, quod alicui ex *Iustitia* quidpiam debitum sit, acquiritur ei facultas agendi, petendi, urendi &c. Ita accipitur Jus, quando homines dicuntur esse sui, vel alieni Juris. *Inst. de his, qui sui, vel alien. Jur. &c.* Item quando quis dicitur habere Jus Agnationis, vel Cognationis ad hæreditates, vel tutelas, quod *Jus necessitudinis* appellatur *l. fin. ff. de J. & J.* quando hæres dicitur succedere in omne Jus defuncti *l. heredem 59. & l. hereditas 62. ff. de R. J.* Eodem sensu dicitur nemo plus Juris, seu potestatis transferre posse in alterum, quam ipse habeat *l. nemo 54. ff. eod.* Simili in significatione dicimus uti *jure nostro*; & nemo videtur dolo facere, qui Jure suo utitur; contra jus alterius lædere, qui ipsi infert injuriam *l. nemo 55. ff. eod.* Denique in hoc ipso sensu dicitur Judex de partium Jure cognoscere, decernere &c. Molin. *D. 2. cit. n. 4.* Less. *l. 2. de Just. c. 2. dub. 1. n. 2.* Laym. *l. 3. tr. 1. c. 1. n. 3.* Palao *p. 1. cit. n. 2.* Pirhing *Proëm. n. 3.* Muller. *ad Struv. Exerc. 1. th. 47. lit. A.*

5. Passim *Juris* nomine venit ipsa Ars, sive Scientia Jurium, i. e. Legum, & Canonum; quemadmodum enim Medicinæ nomen initio impositum est ad significandum Medicamentum, quod ad sanandum prodest, inde verò, denominatione ab objecto ad habitum Scientiæ translata, vox illa ad significandam Artem ipsam, quæ Medicamenta hujusmodi applicare docet, accommodata est; ita pariter vocabulum *Juris*, impositum primò ad significandum *justum* inde traductum est ad significandas Leges, & Canones, quibus continetur, & ad denotandam Artem ipsam, qua cognoscitur, quid in actionibus hominum *justum*, *injustum*ve sit. Molin. *D. 2. cit. n. 1.* Pirhing *Proëm. n. 4. ver. quarto.* Muller. *ad Struv. th. 47. cit. lit. A.* Magnif. P. Schmier *tr. de Jur. Legal. c. 1. n. 2. fin.* In hoc sensu *Juris* nomen usurpavit Ulpianus, dum *l. Juri 1. pr. ff. de J. & J.* ait: *Juri*, i. e. Scientiæ Legum, *operam daturum prius nosse oportet, unde nomen Juris descendat*; & definitur ab eodem Ulpiano *l. cit. Ars boni, & equi*; quam Definitionem explicat Imperator §. *Jurisprudentia 1. Inst. tit. eod.* dum inquit: *Jurisprudentia est Divinarum, atque humanarum rerum notitia, justè, atque injustè scientia*, i. e. est cognitio, seu peritia præceptorum Divinorum, & humanorum, quæ docent, quid *justum*, vel *injustum*, *æquum*, vel *iniquum* sit. Huic scientiæ qui student, *Juris Studiosi*, qui eam callent, *Jurisconsulti*, vel *periti*, aut *Doctores*, qui eandem profitentur in Academiis, & Universitatibus *Studiosum*, *Jurium Professores* vocantur.

6. Denique, & præcipuè ad præsens propositum *Juris* & nomen aliquando significat Legem, vel Canonem, sive regulam *justi*; nam cum Legibus non nisi id, quod *justum* est, sive debitum inter Cives, vel erga Remp. statuat, hinc factum est, ut ipsæ Leges tum Divinæ, tum humanæ *Jura* appellarentur: adeoque in hac significatione *Ius* nihil aliud sit, quam regula *justi*, & *injusti*; quod enim regula, seu norma est in aliis rebus, aliòque indigitur vocabulo, ut in Mathematicis est *Circinus*, in Geometria *linea*, in Optica *tubus*, in Arte fabrilis *perpendicularum*, & in cæteris mensurationibus *Ulna*, *Cubitus*, *Pertica*, & siquæ alia, id est in Republica *Jus*, ad quod facienda exigi, & agenda mensurati debent. Muller. *ad Struv. Exerc. 1. th. 47. lit. B.* In hoc sensu accipitur *Jus can. Ius 2. dist. 1.* ubi relatus Isidorus ait: *Ius generale nomen est; Lex autem (scripta scilicet) Juris est species.* In eadem significatione capitur, quando aliquid dicitur esse *liquidum*, & exploratum, vel dubii *Juris*, quando aliquis dicitur laborare ignorantia *Juris*, quando Professores *Juris* dicuntur tradere, & Discipuli excipere interpretationem *Juris Canonici*, *Civilis*, *Feudalis*, *Publici* &c. Molin. *tr. 1. de J. & J. D. 2. n. 1.* Pirhing *Proëm. n. 4.* Viva *Curs. Theol. p. 5. D. 2. q. 1. pr.* Magnif. P. Schmier *tr. de Jur. Legal. c. 1. n. 2. fin.*

Quæritur 3. quotupliciter accipiat Nomen *Iustitia*? 9  
Resp. *Iustitia* sic dicta, quod Jus sitat, ac statuatur, non minùs, quam ipsum Jus variè apud DD. accipitur; nam 1. sumitur aliquando pro *Lege*: *Scitis, quod docuerim vos præcepta, atque justitias.* Deut. 4. v. 5. 2. Pro observantia Legis, prout sumpsit Tullius *l. 1. de Leg. cum dixit*, eam esse *obtemperacionem Legis*. 3. Pro Habitu Gratia Sanctificantis, quo homo efficitur Deo gratus, & *justus*, prout sæpe sumitur in SS. Litteris, & Tridentino passim, præ-



sertim verò sess. 6. c. 7. de Reform. ibi: *Unica formalis causa* (justificationis) *est justitia Dei, non qua ipse justus est, sed qua nos justos facit, qua videlicet ab eo donati, renovamur spiritu mentis nostræ, & non modo reputamur, sed verè justii nominamur, & sumus, Justitiam in nobis recipientes.* 4. Pro collectione omnium Virtutum, ut Philof. 5. Eth. c. 3. ex Theocride dixit: *Justitia in sese virtutes continet omnes*, & Zacharias: *Serviamus illi in sanctitate, & Justitia.* Luc. 1. v. 75. 5. Pro cujuslibet virtutis habitu, vel actu: sic quamlibet operationem honestam vocamus opus justum, & Christus Matth. 6. v. 1. ait: *Attendite, ne Justitiam vestram faciatis coram hominibus.* 6. Pro omni, & sola virtute, quæ est ad alterum, aliquo modo distinctum sive realiter, sive Juris fictione ab operante, ut ei sumum quoddam jus tribuat: qua ratione complectitur non solum quatuor Species Justitiæ strictè sumptæ, sed etiam Misericordiam, Pietatem, Gratitude, Religionem, Liberalitatem, Munificentiam, & Obedientiam. 7. denique strictè sumitur pro Justitia particulari, seu speciali Virtute Morali, quæ tanquam Virtus Cardinalis annumeratur Prudentiæ, Temperantiæ, & Fortitudini, juxta illud: *Sobrietatem enim, i. e. Temperantiam, & Prudentiam docet, & Justitiam, & Virtutem, i. e. Fortitudinem.* Sap. 8. v. 7. In hoc sensu accepta.

*Justitia* definitur ab Ulpiano, quod sit *constans, & perpetua voluntas jus suum cuique tribuendi*, ut videre est l. *Justitia* 10. ff. de I. & I. Consonant S. Thom. 2. 2. q. 58. art. 1. S. Ambros. l. 1. de Offic. c. 24. S. August. l. 19. de Civit. c. 21. & recipitur passim à TT. & Jctis, ob quorum auctoritatem etiam sustineri potest, licet ad rigorem Logicum non sit adeo exacta. Dicitur 1. *Constans, & perpetua voluntas*; quæ verba ponuntur loco generis: omnes enim virtutes voluntatis sunt habitus, vel actus ejusdem, isque *constans*, i. e. firmi; nam virtutis est firmare voluntatem in bono honesto: & *perpetui*, non quidem ex parte actus, quasi actus Justitiæ semper durare debeat, nec ex parte subiecti, quasi debeat perpetuò inhærere animæ; sed ex parte objecti, quod voluntas debeat semper, & omni tempore parata esse, non obstante quacunque difficultate, reddere alteri, quod ipsi debetur. Dicitur 2. *Jus suum*, nempe passivum, quod immediatè est actio, vel ommissio actionis alteri debita, mediatè verò est id, quod per actionem alteri debetur. Exemplum habes in Emptore equi; nam huic ex Justitia obligatur venditor immediatè ad traditionem equi, mediatè ad ipsum equum, quem ille emit. Dicitur 3. *Cuique*, i. e. alteri cuicunque, penes quem est Jus activum adversum nos; sicut enim nullus sibi propriè injuriam inferre potest, ita nec sibi præstare Justitiam, sed Justitia essentialiter est ad alterum. Dicitur 4. *Tribuendi*: quod intellige non tantum de tributione physica & reali, sed etiam de negativa; quia ad Justitiam spectat, non tantum tribuere id, quod debetur, sed etiam non auferre, quod ipse Jure suo jam possidet. Palao tr. 31. D. un. p. 2. n. 2. Hinc Ulpianus Definitioni allegatæ subjunxit, *Juris præcepta esse, honestè vivere, alterum non ledere, suum cuique tribuere.*

*Justitiæ* sic definitæ quatuor assignantur Species, nempe Justitia Commutativa, Distributiva, Legalis, & Vindicativa: quæ divisio ob maximam auctoritatem ferè omnium toleratur; quamvis non sit univoca, ut rectè cum aliis probat Viva Curs. Theol. p. 5. D. 3. q. 2. ar. 2. n. 5. nam tunc Justitia analogicè de his omnibus dicitur, quando ratio importata per nomen *Justitiæ* non est eadem in omnibus, sed partim eadem, partim diversa: ita se res habet in præsentis articulo; quia ratio importata per nomen *Justitiæ* est constans, & perpetua voluntas tribuendi unicuique Jus suum, sumendo vocem *Jus* strictè, prout significat Jus proprietatis ordinatum ad utilitatem habentis illud, & quod unicè ex voluntate habentis obligat, aut cessat obligare, ut communiter docent. atqui solum Justitia Commutativa respicit Jus hujusmodi strictè dictum; aliæ autem Virtutes Justitiæ, etiam si respiciant Jus, & ponant operationem debitam, non respiciunt tamen Jus strictum; hinc ex sola istarum violatione non oritur obligatio restituendi, utpote quæ tantum ex Jure stricto violato nascitur.

*Justitia Commutativa*, quæ Antonomalticè est Justitia, dicitur illa, quæ exercetur in Contractibus, & in Commutationibus, respicitque medium rei Arithmeticum, & bonum particulare uniuscujusque Civis; & ideo dicitur ordinare in Communitate Cives ad invicem, ut qui-

libet servet Jus alterius. *Convenit* hæc cum reliquis tribus speciebus Justitiæ; quia necessariò est ad alterum: tantum enim dati potest inter personas verè distinctas, v. g. Titium, & Cajum, vel inter quasi personas, ut quando contrahitur cum Collegio, vel Republ. quæ est persona ficta, aut damnum illi inferitur. *Differt* autem ab iis; quia observat æqualitatem perfectam, & Arithmeticam, videlicet, ut quantum acceptum fuit, tantundem vicissim detur, seu restituatur. Sunt autem duplicis generis *Commutationes*, & inde ortæ obligationes. Aliæ *Voluntariæ*, quæ mutuo consensu partium fiunt v. g. per Contractum Emptionis Venditionis, in quibus servari debet perfecta, & Arithmetica æqualitas inter quantitatem rei acceptæ, & datæ, ut si quis domum emit, & accepit æstimatam 300. aureis, debet totidem dare Venditori, qui domum tradidit. Aliæ sunt *Commutationes Involuntariæ*, quæ ex delicto, suo damno injustè illato oriuntur, ut si quis v. g. furatus est alteri equum æstimatum 50. fl. debet totidem ei restituere, etiam si nullum pactum cum ipso inierit; quia rem ablatam vel invitus reddere, aut damnum illatum rescire cogitur, ut si quis domum, aut segetes alicujus per injuriam exusserit. Laym. l. 3. tr. 1. c. 4. n. 2. Pirhing Proem. n. 5.

*Justitia Distributiva* ordinat Communitatem ad Cives, quippe quæ distribuit inter Cives bona communia Reip. honores, & onera juxta proportionem meritorum, facultatum, & virium. Hanc exercere est solius Principis, seu Gubernatoris, aut Delegati. Ex ista obligatur Episcopus, & quivis alius Collator Beneficiorum Ecclesiasticorum, ut ista conferat Clericis pro cujusque statu, & meritis, ita, ut Dignitates, & Beneficia majora conferantur iis, qui in Ecclesia digniores, & aptiores reperiuntur. Deficit autem Justitia Distributiva aliquo modo à Justitia particulari propriè, ac strictè accepta; nam 1. non est omnino ad alterum, sive ad personam adæquatè distinctam, sed est totius Reip. ad partem, seu membrum illius, totum autem non omnino, seu totaliter, sed inadæquatè solum distinguitur à singulis partibus, quas includit. 2. Justitia Distributiva non continet propriè, & strictè debitum, sicut Justitia Commutativa; nam ille, cui ex emptione v. g. vel Donatione res debetur, longè majus, & arctius jus habet ad illam, tanquam sibi debitam, petendam, quam v. g. Clericus, qui dignior est, ad Beneficium, vel alius in Rep. ad Honores ejusdem, quippe qui ante distributionem talium bonorum non habet Jus strictè dictum ad ea bona, sed habet solummodo titulum decentiæ, quod ea bona sibi conferantur: & hinc, qui violat Justitiam Distributivam, dicitur *Acceptor personarum*, & non nisi largè injustus, neque ad restitutionem tenetur. 3. Denique Justitia Distributiva non constituit æqualitatem perfectam, & Arithmeticam, quæ est inter duas quantitates v. g. 50. & 50. sed observat duntaxat æqualitatem Geometricam, & proportionalem, ut qualis est proportio inter status, seu dignitates, & merita personarum, talis proportio servetur in distribuendis inter illas communibus bonis vacantibus; nempe Officiis, & Beneficiis. V. g. si Dignitas, & merita Præpositi alicujus Ecclesiæ duplo excedant simplicem Canonicum, æquum est, ut illi duplo plus ex Ecclesiæ redditibus detur, quam huic S. Thom. 2. 2. q. 61. art. 1. & 2. Molin. tr. 1. de J. & J. D. 12. n. 3. Less. l. 2. de Just. c. 1. dub. 4. n. 20. & 21. Laym. n. 2. cit. fin. Pirh. n. 5. Lauterbach ad ff. de J. & J. n. 15. Viva Curs. Theol. p. 5. D. 3. q. 1. art. 2. n. 4. vers. distributiva.

*Justitia Legalis* ordinat Cives ad Communitatem, quippe quæ respicit primò, & per se bonum Communitatis, vel Reip. ejusque conservationem, vel augmentum, cujus quis pars, seu membrum existit, obtinendum per Legum observantiam. Dicitur quoque *Justitia Generalis*; quia spectat bonum generale, & commune, propter quod Leges conditæ sunt: ideoque est Virtus distincta à cæteris, cum habeat speciale objectum, nimirum bonum commune & speciale honestatem, quæ reperitur in hoc studio boni communis, quam nulla alia Virtus specialis, neque etiam cæterarum collectio intendit. Plettenberg Introd. ad Jus Canon. c. 1. n. 4. Dissert. 1. à *Justitia Commutativa*; quia non respicit per se primò Jus strictum uniuscujusque: & hinc Legum transgressores, bonum commune negligentes, ad restitutionem non obligantur. Viva n. 4. cit. vers. *Justitia Legalis*. 2. Ab *Obedientia* distinguitur; quia ista primariò, & directè spectat obtemperare Superiori: Justitia



tia verò Legalis directè intendit bonum Communitatis, quod ex observantia Legum provenit. Viva *l. cit.* 3. à *Pietate erga Patriam*; quia potest aliquis ex pietate intendere bonum Patriæ, etiam quando desit esse Civis: at Justitia Legalis respicit bonum commune, etiam si Respubl. non sit propria Patria, & solum quando aliquis est Reip. Civis. Viva *l. cit.*

- 15 *Justitia vindicativa* denique cum Legali quidem hæcenus explicata convenit in hoc, quòd etiam ipsa Cives ad Communitatem ordinet, sed in modo disconvenit; Legalis enim intendit bonum commune per observantiam Legum, ut dictum est; at Vindicativa hoc bonum commune procurat per inflictionem pœnæ committit; inclinatur enim ad puniendum delicta, pœnam condignam pro gravitate delicti infligendo, ne nimirum nimia remissione libertas peccandi crescat, aut contrà pœnarum severitas culpæ mensuram excedat. Plettenberg *n. 4. cit.* Neque ipsa respicit Ius strictè dictum, ordinatum ad bonum particulare, & ad utilitatem habentis illud; nam neque Malefactor per delictum suum dicitur acquirere jus ad pœnam, sed potius contrahere debitum pœnæ: neque Superior habet jus puniendi in bonum proprium, sed in bonum Communitatis; atque adeo habet jus puniendi ex Iure Iurisdictionis, non verò Proprietatis. Viva *l. cit.* Distinguitur autem Justitia Vindicativa à cæteris Justitiæ speciebus adæquatè, prout inter cæteros more suo doctè ostendit P. Martin. Elparz. *de Virt. Iust.* q. 22. Neque obest, quòd illa pœnam delictis imponendo, attendat quantitatem Arithmeticam: quæ causa fuit, quòd multi eam ad Justitiam Commutativam reducerint; nam præterquam, quòd sicut dictum est, non respiciat Ius strictè dictum, etiam non facit omnimodam compensationem Reip. per delictum læsæ, prout Justitia Commutativa ex officio facit: neque enim per pœnam, quæ delicto imponitur, propriè compensatur, aut tollitur delictum, vel damnum per illud illatum reparatur. Molin. *tr. 1. de I. & J. D. 12. n. ult.* Laym. *l. 3. tr. 1. c. 4. n. 2. fin.* Pirhing *Proœm. n. 5.*

- 16 *Quæritur 4.* quotupliciter Ius dividi possit? Resp. interesse, in qua acceptione nomen *Iuris* accipiat. Porro ex iis acceptionibus Iuris, quas *n. 3. & seqq.* retuli, maximè huc pertinent *prima*, ubi Ius idem, quod justum est; *quarta*, ubi sumitur pro facultate aliquid agendi, vel omittendi, aut obligandi alterum ad aliquid faciendum, vel omittendum; & *sexta*, ubi significat Legem, vel Canonem, sive Regulam justæ.

- 17 *Dub. 1.* quotupliciter accipitur *Iustum*, seu Jus pro *Iusto*, sumptum? Resp. accipitur in duplici sensu, 1. *latè* pro eo, quòd rectæ rationi, & Legi Divinæ, vel humanæ consonum, atque conforme est. Et in hoc sensu acceptum ab Aristotele 5. *Eth. 1.* Iustum legitimum, i. e. quod à *Legum latrice facultate definitum est*, appellatur, spectatque ad Justitiam generalem, seu Legalem, per quam quisque reddit, quod justum, & debitum est Reip. cuius ipse est membrum: sicque *Ius*, & *Iustum*, dicitur omne opus virtutis, maximè verò operationes Virtutum illarum, quæ sunt ad alterum; nam in harum rectitudine præcipue illa fundatur. Sed etsi in operante plerumque obligationem supponat Justitia sic accepta, alter tamen, erga quem exercetur ejus operatio, per hoc nullum sibi acquirit jus: sic divites tenentur dare Eleemosynam pauperibus, hi tamen non habent jus, vel actionem, qua eos cogere possint ad eam elargiendam: in quo differt à Iure strictè accepto; nam

- 18 2 Accipitur *Iustum specialiter*, & *strictè* pro eo, quod est æquum, seu æquale, & alteri debitum: & ut sic est objectum Justitiæ particularis, quæ est Virtus Cardinalis *supra num. 12.* descripta. Hoc sensu acceptum *Iustum*, seu Jus tres requirit condiciones. 1. ut sit debitum; adcoque illius violatione alteri sit injuria, 2. ut sit æquale, vel saltem æquabile juri alterius: & ex hoc capite non pauci ex TT. negant inter DEUM, & Creaturam posse dari Jus, & Justitiam strictè dictam, quòd Creatura DEO reddere non possit æquivalens, conf. etiam nequeat jus suum juri DEI æquare. 3. ut sit ad alterum; nihil enim sibi est æquale, sed alteri. Et ad hoc non sufficit semper distinctio personarum physica, sed requiritur etiam diversitas moralis: & hinc licet Pater, & filius, Maritus, & Uxor, Dominus, & Servus physicè sint distinctæ personæ, quia verò in sensu morali, & fictione Juris pro una persona habentur,

cum filius sit pars moralis Patris, Uxor Mariti, Servus Domini, quatenus nimirum subjacent voluntati Patris, Mariti, Domini, idcirco inter eos, quatenus ita considerantur, non datur Jus, & Justitia propriè dicta. Adjudi autem, *Quatenus ita considerantur*; nam si comparentur inter se præcisè, ut homines sunt, absque subjectione unius ad alterum, sicut eatenus inter illos datur realis distinctio, ita inter ipsos etiam datur jus, & justum simpliciter: & hinc si Pater filios, Maritus uxorem, aut Dominus servos immerentes infamaret, mutilaret, aut occideret, augeret injustè, & violaret Justitiam strictè dictam. S. Thom. 2. 2. q. 58. art. 1. & 2. Molin. *tr. 1. de I. & J. D. 2. n. 3.* Laym. *l. 3. Theol. mor. tr. 1. c. 1. n. 2.* Pirh. *Proœm. n. 2.* Plettenberg *Introd. ad Ius Canon. c. 1. n. 6. vers. porro.*

Dub. 2. quotuplex sit Ius sumptum pro facultate aliquid agendi, vel omittendi, aut obligandi alterum ad agendum, vel omittendum? In hoc sensu acceptum dicitur *Ius Activum*; actio verò, vel ommissio actionis ab altero præstanda appellatur *Ius Passivum*, seu Terminus Iuris Activi; quia correspondet isti, & est correlativum illius. E. g. vendidisti equum, & per hoc adversus Emptorem acquisisti Ius activum ad pretii solutionem, eo casu pretii solutio ab emptore præstanda, vel obligatio solvendi pretium residens in Emptore est Ius Passivum: & ita semper, quando in aliquo datur Ius Activum, & potestas obligandi alios, in istis responderet Ius passivum, & obligatio aliquid faciendi, vel omittendi, quòd Ius passivum etiam appellatur *Debitum*. Hoc notato ad propositum dubium.

Communiter DD. Ius ita acceptum, seu Ius activum dicunt esse duplex, videlicet Ius proprietatis, & Ius Iurisdictionis. *Ius proprietatis* est potestas, seu facultas voluntate verè, vel interpretativè sua, & in suum commodum obligandi alterum ad aliquid præstandum, vel omittendum: & tale jus est dominium rerum corporaliū, quasi dominium incorporaliū, jus utendi fruendi, jus decimandi, jus eundi, agendi, ambulandi per fundum alterius &c. Dixi autem, *Voluntate verè, aut interpretativè sua*, propter infantes, amentes, pupillos, prodigos, & similes, qui Iuris Domini quidem capaces sunt, voluntatem tamen propriam, aut nullam habent, vel si habent, eam à voluntate Tutoris, Curatoris, Patris &c. dependentem habent, quorum potestati, tutelæ, vel Curatelæ &c. subiecti sunt: & hinc istorum voluntas ex Iuris interpretatione est voluntas ipsius infantis, pupilli, &c.

*Ius Iurisdictionis* est potestas publica obligandi voluntate sua alterum ad aliquid faciendum, vel omittendum, in totius Communitatis, aut etiam privatorum bonum. Et tale Ius Iurisdictionale habet Papa, Imperator, Principes, Prælati, & Magistratus etiam inferiores, ac quicunque Iudices, cum ordinaria, vel delegata potestate constituti. Differt à Iure proprietatis, quòd istud immediate, directè, & principaliter tendat in bonum proprium obligantis; contrà verò Ius Iurisdictionis immediate, directè, & principaliter tendat in bonum subditorum, & Communitatis. Dixi utrinque *immediate, directè, principaliter*; nam mediatè, indirectè, & secundariò Ius proprietatis aliquando cedit in bonum aliorum, & Communitatis, & vicissim Ius Iurisdictionis in bonum proprium habentis Iurisdictionem: sed hoc casu Ius Iurisdictionis admixtum habet Ius proprietatis, quatenus nempe habens Iurisdictionem simul habet jus, & facultatem obligandi alios, ne se impediunt à possessione, vel exercitio Iurisdictionis. Porro Actus Iurisdictionis proprii sunt præcipere, prohibere, punire, ferre Leges, in iis dispensare, pronuntiare sententiam, & definire, quid jus postulet. Plettenberg. *Introd. ad Ius Canon. c. 2. n. 5.*

Ut acquiratur Ius proprietatis, requiritur aliquis titulus, seu causa, propter quam possit aliquis obligare alios, & sic præferri cæteris: & tales Tituli aliqui præbentur à Natura, uti est integritas membrorum corporis humani, propterquam homo obligare quemcunque potest, ne sibi in istis, vel vita noceat: alii verò à Jure positivo, tum Gentium; uti est prima rerum divisio, tum Civili, uti est, Præscriptio, propter quos titulos Ius quis habet ad petendum id, quod his Iuribus suum est repetendum, quod ex istis titulis sibi debetur. Porro hujusmodi Titulus est Ius Proprietatis incompletum, & si quis velit rem,



rem, per talem Titulum sibi oblatam, habere ne suam, nascitur Jus proprietatis completum. Videantur dicta *ad Libr. 2. tit. 12. n. 22. & seqq.* ubi de Modis, quibus hoc Jus acquiritur, & de hujus Juris effectibus.

23 Dub. 3. quotuplex sit Jus Proprietatis? Resp. apud ple-  
rosque TT. & JCTos duplex, apud alios etiam triplex est,  
scilicet Jus Reale, sive in re, Jus personale, sive ad  
rem, & Jus Mixtum. *Jus Reale*, sive in re est, quod  
immediatè respicit rem, quæ propterea, ad quemcunque  
deveniar, transit cum isto onere, ut is, qui jus in ea  
habet, eam persequi, repetere; & vindicare possit. Ta-  
le jus habet Emptor in re sibi vendita, si simul sit tra-  
dita; nam à quocunque illa detineatur, vindicare il-  
lam potest: item Beneficiarius in Beneficio Ecclesiastico,  
si in hoc Canonice sit institutus: nam iste repetere illud  
potest à quocunque detentore illius &c. Effectus istius  
Juris est *Actio realis*, quæ varia sortitur nomina pro va-  
rietate rerum, quæ in Judicio repeti, & vindicari pos-  
sunt. Hinc à posteriori Jus istud definiri potest, quod  
parit Actionem Realem. Plettenberg *Introdukt. Jur. Ca-  
non. c. 2. num. 1. Viva Curs. Theol. p. 5. D. 2. q. 1. art. 2.  
num. 9. Valleng. Proem. §. 2. n. 4. Pirhing ibid. num. 6.  
Vviestner num. 6.*

24 *Jus Personale*, seu *ad rem* est, quod alicui competit ra-  
tione Contractus cum alio initi, vel quasi Contractus,  
vel ratione delicti ab alio commissi, vel quasi delicti,  
& respicit immediatè personam ex tali Contractu, vel  
quasi Contractu, Delicto, vel quasi delicto obligatam.  
Valleng. *l. cit. n. 3.* cum allegatis. Tale Jus habet electus  
ad Prælaturam, antequam confirmetur, præsentatus ad  
Beneficium, antequam instituitur, emptor ad rem  
sibi venditam, antequam illa tradatur &c. Descendit ex  
hoc Jure *Actio Personalis*, quæ proximè, ac directè ten-  
dit in personam nobis sic obligatam, & ita illi cohæret,  
ut contra alium rei possessorem institui nequeat. Ex-  
emplum esto: Titius vendidit domum suam Cajus, &  
tradidit; Cajus, antequam solvat pretium pro illa Ti-  
tio, eandem domum vendidit Sempronio, simulque tra-  
didit, ac vicissim pretium domus ab illo accepit. Hoc casu  
Titius non potest agere contra Cajum actione Reali,  
sive in rem ad domum sibi restituendam; quia Dominium  
illius per venditionem, subsecuta traditione, jam trans-  
latum est in Sempronium: sed competit illi solum Actio  
personalis, & hæc quidem non in Sempronium; quia  
inter hunc, & Titium non est celebratus Contractus,  
vel quasi Contractus, nec intervenit delictum, vel  
quasi delictum: sed adversus Cajum duntaxat, vel si  
iste defunctus jam sit, adversus hæredes ipsius, quippe  
qui eadem persona cum defuncto Juris fictione censetur,  
ad præstandam sibi solutionem pretii in Con-  
tractu Emptionis Venditionis inter Titium, & Cajum  
celebrato convenienti §. *omnium 1. Inst. de Action. Gloss.  
fin. ibid. Schneidevv. num. 12. Pirhing num. 6.* Est ergo  
hujus Juris effectus Actio Personalis: hinc ab isto effe-  
ctu definiri potest, quod sit tale Jus, quod tribuit, vel  
parit Actionem Personalem.

25 Jus Mixtum, quod ab aliquibus pro tertio membro di-  
vidente additur, secundum istos de utroque priore parti-  
cipat. Tale Jus habet Titius adversus Cajum, apud  
quem servum suum fugitivum latere non vanè suspica-  
tur ex eo, quod is detineat hominem aliquem; quia Jus  
istud immediatè rem, & personam respicit; non ta-  
men est merè reale; quia Titius non potest sibi vendi-  
care hominem, quem Cajus detinet, sed tantum  
agere *ad exhibendum*: nec etiam merè personale; quia  
personam quamcunque, ad quam Servus pervenit, se-  
quitur. Jus hoc Mixtum producit Actiones Mixtas:  
hinc definiri ex isto effectu potest, quod sit tale Jus,  
quod tribuit, vel parit Actionem Mixtam.

Discrimen inter hæc tria Jura hætenus explicata paret  
ex eorum Effectu; nam Jus reale, ut dictum est, fundat  
Actionem Realem, qualis est Rei Vindicatio, Actio  
Confessoria, Negatoria, Publiciana, Rescissoria,  
Pauliana, Serviana, & quasi Serviana. Ex Jure Per-  
sonali descendunt Actiones Personales, quæ referuntur,  
& explicantur ab Interpp. *ad §. in personam 8. Inst. de  
action. Jus mixtum producit Actiones Mixtas, quales  
sunt Actio ad exhibendum, qua petitur exhiberi e. g. ho-  
mo detentus ab altero, ad eognoscendum, an sit Servus  
fugitivus, necne, ut n. præc. dictum; Actio Familie her-  
iscunda, qua agitur inter hæredes de dividendis rebus*  
*Schmalzgrueber Tom. I.*

hæreditariis: *Actio de communi dividundo*, quæ datur il-  
lis, inter quos est res communis, ut Legatum, donum  
&c. dividatur, vel quod præstandum est, præstetur; &  
denique *Actio finium regundorum*, quæ agitur de finibus  
prædiorum confusis iterum determinandis. Alii tamen  
has Actiones Mixtas communius negant, dum dicunt  
eas simpliciter esse Personales; & hinc Jus Proprietatis  
solum dividunt in Reale, & Personale: quod discutere  
non est hujus loci.

Porrò, ut dicatur aliquis habere Jus in re, & respectu 27  
hujus ipsi competat Actio Realis, tria requiruntur. 1.  
*Existentia rei*, sive illa sit corporalis, & tangibilis, ut  
domus, sive incorporalis, & tangi nequeat, ut Jus Pa-  
tronatus, quod consistit in denominatione quadam mor-  
ali; nam res non existens nondum est obventa, nec juri  
devincta: ideoque ad fructus sequenti anno proventuros  
ex Beneficiis suis Ecclesiastici non habent Jus in re, sed ad  
rem tantum. 2. *Titulus* aliquis justus e. g. Emptionis,  
Donationis, vel similis, ut dominium rei comparatur:  
hinc fur, & Usurarius ob defectum Vituli non habet  
Jus in re circa pecunias furto, vel Usura acquisitas. 3.  
*Traditio*; quia traditionibus, & ufucapionibus dominia  
rerum, non nudis Pactis transferuntur *l. traditionibus*  
20. *C. de Pact.* quod intellige *regulariter*; nam in aliqui-  
bus casibus ex speciali Juris dispositione traditio non re-  
quiritur, veluti 1. in Beneficiis Ecclesiasticis, ubi suffi-  
cit collatio, & acceptatio *c. si tibi absenti 17. de Prab. in*  
6. 2. in hæreditate rerum, ubi sufficit sola aditio *l. cum*  
*hæredes 23. ff. de acquir. vel amitt. possess.* aditur autem  
hæreditas, cum acceptatur verbo, vel facto §. *fin. Inst.*  
*de hered. qualit.* 3. in Legatis à Testatore relictis; nam  
Legati dominium à morte Legantis statim acquiritur  
Legatario, etiam ignorant *l. cum pater 77. §. furdo 3.*  
& *l. Legatum 80. ff. de Legat. 2. 4.* in Donatione facta  
Ecclesiæ, vel alteri piæ causæ ob speciale privilegium *l.*  
*fin. C. de SS. Eccl.* quia regulariter hujusmodi Dona-  
tiones vini Voti habent, quod, si de meliori bono sit,  
statim acceptatur à DEO, ut adeo probabilius tali casu  
non sit opus acceptance ipsius Ecclesiæ, prout diceretur  
*Libr. 3. tit. 24. num. 9.* Plures alios Casus vide apud  
alios. Interim noto, licet his casibus ante apprehen-  
sionem acquiratur rei dominium, non tamen ante illam  
acquiri possessionem illius; quia possessio, nisi naturali-  
ter apprehensa sit, ad nos non pertinet, ut ait Javole-  
nus *l. cum hæredes cit.* Plettenberg *Introd. Jur. Can. c. 2.*  
*num. 1.*

Ex Definitionibus Juris Realis, & Personalis hæte- 28  
nus explicatis inferitur 1. non esse Personale Jus illud, quod  
habemus adversus alios, ne nos in usu rerum nostrarum  
vi, aut dolo impediatur; quia non oritur ex Contractu,  
vel quasi Contractu, Delicto, vel quasi delicto, sed  
consequitur ad Jus in re; cum enim habeam Jus in bonis  
meis, & fama, habeo consequenter Jus, nequis in  
usu eorum me impediat. 2. posse aliquando Jus reale  
versari circa personam immediatè: & tale est Jus, quod  
Dominus habet in Servum suum. Hinc differt istud à Jure,  
quod Conductor habet in Operarium, quod personale  
est: & ratio disparitatis est, quia Jus Domini respicit  
Servum ut rem, quæ subest dispositioni ipsius, ut vendi,  
huc illuc transferri &c. ab illo possit: Jus verò Condu-  
ctoris tendit in Operarium, ut personam in ratione a-  
gentis ad præstandas nimirum operas, ad quas condu-  
ctus hic est. 3. omnem actionem oriri ex obligatio-  
ne aliqua, quæ est causa, & materia actionis; ideo  
enim competit nobis Actio sive personalis, sive realis,  
seu Jus persequendi in judicio, quia persona, vel res ali-  
qua nobis est obligata. Gloss. *pr. V. Actio Inst. de Action.*  
*Pirhing Proem. num. 6. fin. Plettenber l. cit.* cum quibus  
adverto, Actionem duplici modo accipi, scilicet vel  
pro actu, per quem petitur res ab alio debita, vel pro po-  
tentia, sive jure agendi, in qua acceptione *pr. cit. Inst.*  
definitur, quod *nihil aliud sit, quam jus persequendi in ju-  
dicio, quod sibi debetur.*

Dub. 4. quotuplex sit Jus Proprietatis Reale? Resp. 29  
Subdividitur in Dominium Plenum, seu Perfectum, &  
in non Plenum, seu Imperfectum, & imminutum.  
*Perfectum* dicitur, quod complectitur & proprietatem  
rei, & illius emolumenta, nec gravatur jure alterius.  
*Imperfectum*, quod aut tantum habet proprietatem rei,  
seu Dominium directum, vi cujus aliquis *Proprieta-  
rius*, & *Dominus directus* appellatur, qualis est Do-  
minus



minus rei in Feudum, Emphyteusum, Ususfructum &c. data; vel tantum habet emolumenta rei, seu fructus, & hoc dicitur *Dominium Utile*, ille vero, qui Dominium istud habet, *Dominus indirectus*, seu *Utilis, Vassallus, Emphyteuta, Usufructuarius &c.* vel denique & rem quidem, ac emolumenta illius continet, ita tamen, ut grayeretur jure alieno, quale est, quod quilibet Socius in re inter illos communi habet.

30 *Dominium perfectum* rectè definitur à Bartol. ad l. si quis ff. de acquir. vel amitt. possess. quòd sit ejus perfectè disponendi de re corporali, nisi lege prohibeatur. Recipiunt hanc Definitionem communiter TT. & Juristæ. Dicitur 1. *Jus*, quod se habet tanquam genus ad Dominium, & alia Jura imperfecta, quæ non sunt Dominia; cujusmodi est Jus ad rem, Jus pignoratarii, quod habet ad Pignus, Jus Depositarii, quod habet ad Depositum &c. Dicitur 2. *perfectè disponendi*, nempe destruendi, vendendi, utendi, aut aliam quamcunque dispositionem exercendi, quæ sit consentanea subjecto Dominii, quo Dominium perfectum ab Imperfecto differt, quippe quo præditus non ita pro arbitrio suo potest disponere invito altero, qui Jus aliquod in ea habet. Dicitur 3. *de re corporali*; quia rerum incorporearum, ut sunt ipsa Jura, Officia, Servitutes, Actiones Personales &c. non habetur propriè dominium, sed quasi Dominium. Dicitur 4. *nisi Lege prohibeatur*: quo innuitur, quod per accidens aliquando fiat, ut quis per Legem, vel Pactum impediatur à perfectà dispositione, & usu rei: sic pupillus, licèt perfectum habeat dominium in sua bona, cum sit dominus omnium Galat. 4. v. i. non potest tamen ob Legis prohibitionem illa alienare: item qui domum emit cum pacto non vendendi, sit dominus domus, licèt non possit de illa disponere per venditionem, cum istam Pactum per accidens adjunctum veter. Quare hujusmodi Lex, omnimodam dispositionem prohibens, tantum suspendit usum Juri, & Dominii, non verò diminuit ipsum Dominium, si non simul fundetur in Jure alterius contrario: nam si in tali Jure fundaretur, sicut fundatur prohibitio in habentibus Dominium solum imperfectum, ista diminueret perfectionem Dominii.

31 *Dominium Imperfectum* est quidem Jus disponendi de re, sed non perfectè, puta vel de rei substantia tantum, non verò de fructibus, quale habet Dominus directus in re Feudali, aut in Emphyteusum, vel Ususfructum concessa, vel contra de fructibus, aut rei utilitate tantum, non verò de substantia, & proprietate, ut Vassallus, Emphyteuta, Usufructuarius &c. Species Dominii Imperfecti sunt Servitutes omnes, Feudum, Emphyteusum, Libellus, Superficies, Usufructus, Usus, Habitatio, & reductivè etiam Possessio: quamvis aliqui, forte non malè, quasdam ex recitatis Speciebus non Dominia, sed Jura Realia solum appellent, præsertim ultimas.

32 Dub. 5. quoruplex sit Jus Jurisdictionis? Resp. aliud est *Divinum*, & *Increatum*, quod est absolutissimum, & omni ex parte perfectissimum, aliud *Humanum*, sive *Creatum*: quod dividitur in *Ecclesiasticum*, & *Politicum*, seu *Temporale*. Illud versatur circa causas, ad DEI Cultum, & Spiritualem animarum salutem pertinentes; Posterius circa causas Sæculares, & profanas, & temporalem Reip. gubernationem proximè respicit. Utrumque subdividitur. in Jurisdictionem *Ordinariam*, & *Delegatam*. 2. in Jurisdictionem *fori interni*, & ista quidem in *Voluntariam*, & *Contentiosam*. 3. in *Personalem*, & *Realem*, seu *Territorialem*. 4. in *Imperium* & *Jurisdictionem simplicem*; Imperium verò in *Merum*, & *Mixtum*; de quibus omnibus Libr. 1. tit. 32. n. 5. & seqq.

33 Dub. 6. quoruplex sit Jus pro Lege acceptum? Resp. dividitur in *Jus Naturale*, & *Positivum*. Positivum verò, repetito tamen diviso in membris dividendis, subdividitur in *Jus positivum Divinum*, & *Humanum*, ut sic à priori membro, nempe Jure Divino excludatur Jus naturale, quod certo respectu, accerta ratione Divinum appellatur, nempe quatenus à DEO, tanquam Authore Naturæ, dimanat, ut bene advertit Vallens. Proem. §. 4. n. 2. Humanum denique subdividitur in *Jus Gentium*, *Civile*, & *Canonicum*: de quorum singulis, ut accuratius agatur, sit

## §. II.

## De Jure Naturali.

## S U M M A R I U M.

- 34 Descriptio Juris Naturalis.
35. 36. 37. Triplex illius acceptio in sensu S. Thoma.
- 38 Sumitur in his modis virtualiter.
- 39 Varia apud DD. sortitur nomina.
- 40 Potest in duplici sensu accipi.
- 41 Quod sit Subjectum Juris Naturalis? Rationes dabituri.
- 42 Resolvitur, nullam Juris veri participationem inesse brutis.
- 43 Confirmatur doctrina ista.
- 44 Respondetur ad opposita.
- 45 An materialiter saltem Jus naturale commune sit brutis, & homini? Argumenta pro Parte affirmante.
- 46 Respondetur, in brutis solum inesse quandam Analogiam, & umbram Juris naturalis.
- 47 Contraria Argumenta solvuntur.
- 48 Hinc rejicitur definitio Ulpiani, qua dicit, Jus Naturale esse id, quod Natura omnia animalia docuit.
- 49 Non placet etiam, quæ Jus naturale constituit in ipsa Natura rationali.
- 50 Aliqui Jus istud ponunt in ipso dictamine rationis à Natura Authore indito.
- 51 Improbatur hæc Definitio.
- 52 Argumenta pro hac adducta solvuntur.
- 53 Doctrina istius Confirmatio.
- 54 Ponitur vera Juris naturalis Definitio.
- 55 Pro ista videtur stare Eximius Doctor Suarez.
- 56 An sola Principia Generalia Materia Legis naturalis sint?
- 57 Resolvitur, ad ejus Materiam pertinere etiam illa, quæ ex his Principiis per evidentem, & necessariam illationem deducuntur.
- 58 Respondetur ad Argumenta opposita.
- 59 An ultra hæc omnia se extendat Jus Naturale?
- 60 Respondetur negativè.
- 61 Regule quedam, unde colligi possit, quòd aliquid sit objectum Juris Naturalis?
62. 63 Explicatio istarum.
- 64 Modus applicandi has Regulas.
- 65 Referuntur Præcepta Juris Naturalis in particulari.
- 66 Distinguuntur in Affirmativa, & Negativa.
- 67 An dentur Actus Jure Naturali irritati?
- 68 Ponitur Responsio affirmativa.
- 69 Solvuntur Argumenta contraria.
70. 71 Regule discernendi actum Jure naturali irritum ab eo, qui eo Jure est solum prohibitus?
- 72 Corollarium.
- 73 An, & quomodo Jus Naturale sit, & dicatur immutabile?
- 74 Respondetur, non esse mutabile formaliter, & propriè.
- 75 Quod triplici Argumento probatur.
- 76 Non repugnat illud mutari materialiter, & improprie.
- 77 Quòd sit maximè, quando materia illius pendet ex certa conditione, quæ dependet à dominio, & potestate DEI.
- 78 Vel etiam hominis.
- 79 Hinc conditio talis est consideranda, ut sciamus, an Jus Naturale in particulari casu ita mutari possit, vel non.
- 80 Solvuntur Objectiones.
- 81 Et ponitur Principium etiam ad alias solvendas.
- 82 Jus Naturale admittit Epikiam impropriam.
- 83 Etiam propriam admittunt aliqui.
- 84 Sed melius negatur.
- 85 Solvuntur opposita.

Quæritur 1. quid, & quoruplex sit Jus Naturale? 34  
Resp. Jus Naturale can. 7. dist. 1. dicitur, quod est commune omnium Nationum, eo quòd ubique instinctu naturæ, non Constitutione aliqua habetur: in quem sensum Ari-



Aristoteles 5. *Eth. c. 7.* illud describit, esse id, quod ubique eandem vim habet, & non quia videtur, aut non videtur, Sensus est, quod ejus obligatio non libera præcipientis voluntate, sed ex ipsa rei præcepta, vel prohibita natura oriatur, quæ quia immutabilis est, & eadem ubique, ideo etiam ipsum Jus naturale ubique, & apud omnes Gentes, quamdiu circumstantiæ eadem manent, eandem vim habet, utpote quod eo ipso veritatem, & rectitudinem sibi insitam possidet. Card. Aguirre *Phil. mor. l. 5. c. 8. n. 2.* Plettenberg *Introd. Jur. Can. c. 3. n. 1.* Pirhing *Proæm. n. 8.* Magnif. P. Schmier *tr. de Jur. Legal. c. 2. n. 1.*

35 Triplex autem, ut S. Thom. 1. 2. q. 94. art. 2. statuit, est Jus Naturale, secundum triplicem inclinationem, quam habet homo ad bonum prosequendum, & malum vitandum. 1. inest homini inclinatio ad conservationem sui, tanquam ad bonum secundum naturam, in qua inclinatione communicat cum omnibus substantiis; *Omnis enim natura*, ut l. 4. de fin. ait Cicero, *vult esse conservatrix sui, ut salva sit, & in genere conservetur suo.* Secundum hanc inclinationem Juris Naturalis sunt ea omnia, per quæ vita hominis conservatur, & contrarium impeditur. Et consentit Ictus cum l. nihil 35. ff. de R. I. docet, nihil tam naturale esse, quam eo genere quodque dissolvere, quam quo colligatum est.

36 2 Inest homini inclinatio ad aliqua magis specialia secundum naturam, in qua communicat cum cæteris animalibus: & secundum hoc dicuntur ea esse de Lege Naturali, quæ Natura omnia animalia docuit, ut est commixtio maris & femina, liberorum procreatio, & educatio &c. S. Thom. l. cit. Et hoc sensu Jus Naturale definitur ab Ulpiano, quod sit illud, quod Natura omnia animalia docuit, ut habetur l. juri 1. §. Jus naturale 3. ff. de J. & I. atque adeo Jus naturale sic acceptum nihil est aliud, quam instinctus naturæ sensitivæ, qui hominibus cum brutis communis est.

37 3 Modo, pergit S. Thom. l. cit. inest homini inclinatio ad bonum secundum naturam rationis, quæ est sibi propria: & ex hoc profluit Jus Naturale propriè dictum, de quo l. omnes 9. ff. de I. & I. Gajus Ictus Quod verò, inquit, naturalis ratio inter omnes homines constituit, id apud omnes peræque custoditur. Ex quo sequitur, quod Jus Naturale in hoc sensu acceptum inest soli homini; quia nihil aliud est, quam recta ratio ab Authore naturæ ipsi indita, seu dictamen, & conscientia præcipientis aliquid necessarii faciendum, vel non faciendum: in quo sensu rectissime Seneca *Epist. 65. ad Lucillum* inquit: *Est ergo à DEO, tanquam natura Authore, impressum, inditumque cordibus nostris, per quod secundum dictamen rationis practica actus humanos liberos ad bonum, justumque dirigimus.*

Modi isti ostendunt quidem, in quo Lex Naturalis consistat virtualiter; ostendunt enim illam in effectu, & signo suo, scilicet in inclinatione, & dictamine à natura indito, quo agnoscimus, quid naturæ rationali conveniens, vel inconveniens, per se honestum, vel inhonestum sit: interim tamen Lex Naturalis formaliter spectata, & prout constituit Jus Legale, videtur dicere aliquem actum Voluntatis Divinæ, nobis intimatum per Lumen rationis, hujusque dictamen, quo ordinamur ad id, quod Naturæ rationali conveniens est, & removemur ab eo, quod eidem est inconveniens: de quo *infra n. 54.*

39 Interim noto, hoc Jus Naturale apud Scriptores tum veteres, tum hodiernos varia sortiri nomina. Gajus Ictus l. omnes 9. ff. de I. & I. illud vocat *Jus Commune*, Cicero pro Milone appellat *Legem non scriptam*, quam non didicimus, legimus, verum ex ipsa Natura hausimus, accepimus, expressimus: ad quam non docti, sed facti, non instituti, sed imbuti sumus. Seneca de Benefic. l. 4. c. 7. nuncupat *Legem Divinam*, alii aliter. Apud TT. communiter *Lex Aeterna* dicitur: quas voces explicans S. Augustinus l. 1. de Liber. Arbitr. c. 6. ait: *Legem aeternam esse summam rationem in DEO existentem, cui obtemperandum est.* Hancque ex Gentilibus præcipue agnovit Cicero l. 11. de Leg. ubi scribit: *Hanc video sapientissimorum fuisse sententiam, Legem neque hominum ingeniis excogitam, neque scitum esse aliquod populorum, sed aeternum quiddam, quod universum mundum regeret imperandi, prohibendique sapientia. Ita principum Legem illam, & ultimam mentem esse dicebant, omnia ratione aut cogentis, aut vetantis DEI: ex qua illa Lex, quam Dii humano*

generi dederunt, recte est laudata; est enim ratio, mensque sapientis ad jubendum, deterrendumque idonea.

Potest autem, ut recte cum Sanct. Gallensibus advertit Magnif. P. Schmier 1. de Jur. Legal. c. 2. n. 8. Lex æterna dupliciter accipi. 1. in latiori significatione, quatenus denotat rationem Divinæ Sapientiæ, directivam omnium motuum, & creaturarum in suos fines. 2. in pressiori sensu, quatenus significat rationem ejusdem Divinæ Sapientiæ actus liberos Creaturæ rationalis efficaciter ordinantis in finem ultimum: quod bene norandum pro resolutione sequentium duarum Quæstionum, in quarum una

Quæritur 2. quod sit Subjectum Juris Naturalis? Sunt, qui cum Paris. p. 1. de Univers. p. 3. c. 3. Gregor. Lopez *Animadv. p. 3. c. 8.* Albert. Gentil. 3. *Leß. 1.* Loriot. de Jur. Ort. tr. 10. *Axiom. 8.* Gonzal. *Apparat. de Orig. & Process. Jur. Can.* contendunt, Legem æternam, seu Jus Naturale non solum ad Creaturas rationales, sed etiam irracionales extendi. Fundamentum huic suæ doctrinæ capiunt 1. ex l. juri 1. §. Jus naturale ff. de J. & I. ubi Ulpianus, *Jus naturale*, inquit, *est, quod natura omnia animalia docuit; nam Jus istud non humani generis proprium, sed omnium animalium, quæ in terra, quæ in mari nascuntur, avium quoque, commune est: hinc descendit maris, atque femina conjunctio, quam nos Matrimonium appellamus: hinc liberorum procreatio, hinc educatio; videmus etiam, cætera quoque animalia, feræ etiam, istius Juris peritia censer: quæ verba in Institutiones suas retulit Imperator, ut videtur ex pr. Instit. de I. N. G. & C. quem secuti Icti Jus naturale communiter definiunt, quod sit ipse instinctus, seu propensio Naturæ sensitivæ, quæ hominibus cum brutis animantibus communis est. 2. ex variis S. Scripturæ textibus, in quibus habetur, DEUM creaturis etiam ratione carentibus, v. g. aquis, & pluviis Legem posuisse Job. 28. Prov. 8. ex modo operandi Brutis plurimis, singulariter verò canibus, apibus, simiis &c. familiari, quo tam dextrè, & accuratè suas actiones artemperare sciunt, ut planè aliquam saltem Juris naturalis notitiam iis inesse existimari possit.*

Sed veriùs negatur, ullam veri Juris participationem inesse brutis, vel ulli alteri creaturæ irrationali. Ita Laurent. Valla l. 4. *Elegant. c. 40.* Connan. l. 3. *Comment. Civil. c. 6.* Corraf. l. 6. *Miscell. c. 25. n. 7.* Vvesenbec. ff. de I. & I. n. 25. Vallenf. *Proæm. §. 3. n. 2.* Pirh. *ibid. n. 9.* Vviefstner n. 14. Magnif. P. Schmier *tr. de Jur. Legal. c. 2. n. 13.* & plerique RR. contra VV. ICros. Ratio est, quia, ut creatura afficiatur Jure, oportet, ut illa rationis usu, & libertate sit prædita, & simul obligationis, ac pænæ capax: rationis usum habere debet, ut qualiteratem actus, & vim regulæ eum præcipientis, vel prohibentis agnoscat: libertatem; quia frustra imperatur, vel prohibetur, quod agitur, vel omittitur necessitate: obligationis capax debet esse; quia hanc Lex, & Jus imponit: Pænâ autem; quia hanc meretur transgressio obligationis per Jus impositæ. atqui nullum ex his cadit in bruta, vel alias creaturas irracionales. ergo &c.

Conf. 1. si in brutas animantes caderet Jus, in eas etiam cadere injuriâ necesse foret, cum eadem sit ratio contrariorum. atqui injuria in eas non cadit, teste Ulpiano l. si quadrupes 1. §. ait Prator 3. ff. si quadrup. pauper. fecer. ibi: *Pauperies est damnum, sine injuria facientis datum; nec enim potest animal injuria fecisse, quod sensu i. e. ratione, caret:* quæ verba repetit Imperator pr. *Instit. tit. eod.* & hinc damnum à bruto illatum non injuria, sed *Pauperies* dicitur. 2. si bruta capacia Juris naturalis forent, iisdem competeret Jus adversus hominem, possetque homo injustitiæ, & injuriæ insimulari, qui bestiam occideret. sequela est contra Veritatis Increatæ asserta clarissima P. 8. v. 6. & seqq. ubi plenissimum homini dominium in res sublunares, animatas, & inanimatas tribuitur. 3. si ut creatura Juri naturali subdit, necessaria non esset ratio, & libertas, sed sufficeret vis, ac propensio naturalis, Jure illo etiam afficerentur vegetabilia, & res omnino inanimatæ; nam & ipsa effectus sibi competentes ex inclinatione naturali exercent, dum gravia tendunt deorsum, sursum levia, vegetabilia suam propagant speciem &c. 4. si prolis generatio, alimentatio, & educatio in brutis proficerentur à Jure Naturali; quia commune hoc bruta cum homine habent, etiam comestio, progressio, quies, A 4 fini-



similesque aliæ actiones referendæ essent ad Jus naturale; nam istæ non minùs, ac illæ brutis cum homine communes sunt. sequelam falsam, & omnino absurdam Adversarii ipsimet agnoscunt. ergo &c. 5. experientia docet, bruta ex necessitate Naturæ ad unum quasi objectum affixa, & alligata esse: neque tam agere ex libera electione, quàm agi ex impressa motione ad finem à Natura præfixum, ut adeo omnes illorum actus sint necessarii. sed actus necessarii per regulam moralem, quale Jus propriè dictum est, ad rectitudinis orbitam frustra revocantur, cum aliter fieri nequeant. ergo in brutis Jus nullum est: quod agnovit Plato, dum, *Nosstra*, inquit, *terra ex omnibus animantibus hominem genuit, qui ceteris intelligentia præstat, solusque Jus, ac Deos animadvertit*; & Aristoteles, cum ait: *Jus esse non potest, inter quos neque Lex est, neque justitia neque injustitia*.

44 Neque contrarium probant Argumenta n. 41. allata. Ad 1. Dum dicitur, *Jus naturale, quod Natura omnia animalia docuit, illudque etiam brutis commune est*, intelligendum est, ut faciat hunc sensum; illud, quod in hominibus dicitur Jus naturale, non solum ab hominibus, verum etiam à brutis usurpatur, sic tamen, ut quatenus in brutis reperitur, non dicatur Jus naturale; quia sicut bruta sunt incapacia injuriæ, ita, & Juris, quod à ratione, qua bruta destituuntur, deducitur: sed eatenus solum dicitur Jus naturale, quatenus ab hominibus, & quidem tunc solum, quando non ex sensus, sed rationis ductu usurpatur. Dixerunt ergo Ulpianus, & Justinianus, Jus naturale non esse proprium generis humani; quia scilicet illi non ita convenit, quin in brutis quoque aliqua ejus adumbrata effigies reperiatur, ut notat Valens. *Proœm. §. 2. num. 2.* atque adeò, dum Jus istud esse in brutis dicitur, ad hominem refertur, non verò ad ipsa bruta, nisi improprie, & Metaphorice, quo modo illis etiam aliquando adstruitur prudentia, fortitudo, & aliæ Virtutes: quod nihil aliud est, quàm quòd à brutis ex sensitivo instinctu exercentur actus aliqui similes iis, qui si exerceantur ab homine ex instinctu, & dictamine rationis, Virtutes sunt, & dicuntur. Ad 2. dum in Scriptura dicitur, quòd DEUS *Legem aquis posuerit, ne transirent fines suos*, & similia, *Legis* nomen sumitur valde improprie pro ordinatione Divina, qua DEUS illas cohibet, ne terminos suos egrediantur in nocumentum Universi. Ad 3. ex beneficio dispositionis Divinæ similiter provenit, quòd aliqua animantia solertiùs, & perfectiùs, alia tardiùs, & imperfectiùs operentur, ut cum Samuel. Puffendorff *de I. N. G. & C. l. 2. c. 3. §. 2.* notat Magnif. P. Schmier, *tr. de Jur. Leg. c. 2. n. 14.*

Queritur 3. an saltem materialiter Jus naturale commune sit brutis, & homini? Ita sentire videntur AA. num. 41. allegati; nam quod formaliter illius capax sit solus homo, efficaciter ostendit Ratio num. 42. allata, & hujus Confirmationes num. 43. quia scilicet solus homo rationalis est, & à natura insiti dictaminis ductu, ac propria electione fertur in id, in quod inclinatur.

45 Quod verò materialiter hujus Juris capacia bruta sint, conantur efficere sequentibus Argumentis, 1. quia plures sunt actiones utriusque communes, ut maris, & feminæ conjunctio ad sobolis procreationem, ejusdem procreatæ alimentatio, & educatio, in quas instinctu, & propensione naturali non minùs bruta feruntur, quàm homines. 2. bruta objectum, in quod feruntur, cognitione saltem materiali, & sensitiva attingunt, cujus cognitionis expertes sunt res vegetabiles, & inanimatæ. ergo jam potest ostendi, quare ista juri naturali subiecta non sint, sint autem subiecta Bruta. 3. non desunt exempla vindictæ exercitæ, & Divinæ etiam Lege constitutæ in Brutis animantes, si occidissent hominem, aut huic monstrosa libidine sese commiscuissent. ergo etiam pœnæ suo modo capaces sunt.

46 Verum hæc omnia, si aliquid probant, hoc solum probant, quòd brutis insit quædam umbra, & analogia juris naturalis, quo sensu, ut n. 44. ad 1. adverti, etiam iisdem adstruitur Justitia, Prudentia, Fortitudo, & aliæ Virtutes, quarum in illis non veritas, sed imitamenta, & simulacra quædam deprehenduntur. Ita Suar, *l. 1. de Legib. c. 3. n. 3.* Donell. *l. 1. Comment. c. 6.* Hilliger *ad cund. l. cit. a lit. G.* Mynsing *ad pr. Inst. de J. N.*

*G. & C. n. 2.* Vvesenbec. *ibid.* Harppr. *pr. eod. n. 3.* Zæf. *ad ff. de I. & I. n. 24.* Lauterbach. *ibid. n. 23.* Muller. *ad Struv. Exercit. 1. th. 49. lit. A. fin.* Glete *Jurisp. fund. l. 1. tit. 2. c. 2. §. 1. n. 1.* Franz, *ad Inst. de J. N. G. & C. p. 1. n. 6.* Plettenberg. *Introd. Jur. Can. c. 3. n. 1.* Pirhing *Proœm. n. 9.* Vviestner *n. 17.* Reiffenstuel *n. 16.* & videtur hoc insinuari ab ipso Ulpiano, & Justiniano, dum *l. cit.* dicunt, *cetera animalia istius Juris notitia censeri*, quod Verbum improprietatem denotat. Si tamen, ut n. 40. annotavi, Jus Naturale accipias in sensu lato, prout significat rationem Sapientiæ Divinæ, directivam omnium motuum, & creaturarum in suos fines, non nego, sub hac ratione acceptum Jus Naturale terminari ad brutas animantes; imò non ad has tantum, sed ad quascunque etiam inanimatas Creaturas sub hac ratione dirigitur. Similiter admitto in brutis Jus naturale in sensu primo, & secundo S. Thomæ explicato *sub n. 42.* Sed nego ita acceptum Jus Naturale posse dici Jus propriè Legale, utpote cujus subiectum rationis usum desiderat.

Ad Argumenta contraria non est difficilis Responsio. 47 Ad 1. materialis illa communio actionum ad inducendam communionem Juris Naturalis, prout illud Legis rationem habet, non sufficit: nam Jus, prout habet rationem Legis, in subiecto, quod afficit, prout dictum est num. 42. capacitatem obligationis, rationem, & libertatem exigit, quorum omnium brutum incapax est. Accedit, quia in ipso opere materiali, siue actione ad propagationem speciei à natura ordinata, & brutis communi, natura homini prohibet conjunctionem cum filia, & matre, vagumque concubitum, & fornicationem simplicem, à quibus bruta naturali instinctu non arcentur, ut rectè Suar, *l. 2. de Legib. c. 17. n. 6.* Ad 2. cognitio illa sensitiva non facit, ut bruta obligationi Legis Naturalis sese submittere, vel subducere, eaque submissione præmium, vel subductione pœnam promereri possint: quod tamen requiritur ad hoc, ut quis Legi Naturali subiectus sit. Ad 3. vindicta illa non habet rationem pœnæ respectu bruti, sed respectu hominis; occiduntur enim aliquando bruta in pœnam negligentis custodiæ, vel ne ulterius noceant, aliquando verò, ut in crimine illo fœdissimo, ne occursum suo memoriam ejusdem refricent, & ad ulterius peccandum occasionem præbeant.

Queritur 4. quomodo definiri Jus Naturale possit? 48 Varii varias Definitiones afferunt. 1. Veteres plerique Civilistæ, quibus assentiuntur Mastertius, Ungebaur, Corasus, Gentilis apud Joannem Groningium *Biblioth. Jur. Gent. l. 3. c. 4. & 7. n. 3.* & sequitur Magnif. D. Christop. de Chlingensperg *ad Inst. de I. N. G. & C. q. 2.* Jus naturale ex Ulpiano definiunt, quòd sit id, quod *Natura omnia animalia docuit*. Sed jam ostensum est, quòd homini cum brutis non sit ulla communio Juris Naturalis: hinc Definitio ista non est Juris Naturalis, prout hoc Jus Legale, & propriè dictum est; sed solummodo, prout dicit inclinationem, quandam potentiam sensitivam, quam Natura animantibus indidit.

2. Alii cum Vasquezio *l. 2. D. 150. c. 3.* describunt 49 illud, quòd sit ipsa Natura rationalis, quatenus est prima regula vel boni convenientis, vel mali inconvenientis, *Fundamentum* illorum est, quòd aliquæ actiones intrinsecam malitiam habeant, neque quoad istam pendeant ab intrinseca prohibitione, judicio, aut Voluntate Divina: ut adeo radix, & basis hujus turpitudinis in ipsa ratione naturali resideat.

Sed improbant Definitionem istam Suar. *l. 2. LL. c. 5. n. 5.* Carat. *Theol. Reg. D. 2. a num. 20.* Reding *de LL. q. 15. art. 1. contr. 2.* Sanct Gallens. *de LL. sect. 2. qu. 1. concl. 1.* Magnif. P. Schmier *tr. de Jur. Legal. cap. 2. num. 16.* nec absque ratione. nam 1. ex ea sequitur, quòd DEUS non minùs propriè haberet suam Legem naturalem, quæ ipsum liget, ac homo eam habet; continet enim in se naturam, cui ratione insinitæ suæ rectitudinis disconveniens est omne peccatum. 2. Lex naturalis non esset Lex Divina; quia præcepta illius non essent ex DEO, quatenus necessariam honestatem habent, sed ex ipsa natura rationali, quæ à DEO quidem dependet quoad existentiam, non verò in ratione mensuræ honestatis, & inhonestatis.

3. Lex



3. Lex naturalis est vera Lex, posita à potestate Superiore. non ita posita esset, si Lex naturæ esset ipsa natura; aliàs seipsa esset inferior, & superior. 4. Lex naturæ, teste Apostolo *Rom. 2. v. 14.* est scripta in cordibus nostris. ergo ipsum cor, seu natura rationalis non potest esse sibi Lex, sed potius subiectum Legis. 5. Lex naturæ est prima, indefectibilis, & immutabilis Regula. talis Regula non potest esse Natura creata. ergo

Ad fundamentum adversæ sententiæ dico, quarundam actionum malitiam independentem à Voluntate Divina dari quidem fundamentaliter, quatenus in seipsis inconvenientiam ad Lumen rationis habent, formaliter tamen haberi dependentem à Voluntate Divina, qua Legem suam in cordibus nostris scripsit, cui deinde repugnat talis actio.

3 Plures TT. & JCTi cum Suar. *c. 5. cit. n. 9. Molin. tr. 5. de J. & J. D. 47. n. 3. Salas D. 1. de Legib. sect. 3. Laym. l. 1. tr. 4. c. 8. n. 7. Grotio de Jur. Bell. & Pac. l. 1. c. 1. n. 10. Mevio Prodrum. Jurispr. Inspect. 2. n. 14. Struv. ad ff. Exerc. 1. th. 52. Pirhing Proæm. n. 9. Vviefstner ibid. n. 18. Reiffenstuel n. 15. Legem Naturalem dicunt esse inditum à Naturæ Authore DEO nobis Lumen rationis, atque dictamen, quo honestum discernimus ab inhonesto, & judicamus, aliqua quidem, tanquam natura sua nobis convenientia, esse à nobis agenda, alia, tanquam disconvenientia, vitanda, alia, tanquam ex se indifferentia, esse permixta. Nam 1. innuisse istud videtur Psaltes Regius *Psal. 4. vers. 6. ubi multis*, i. e. ut *S. Aug. & S. Thom.* explicant, stultis, & iniquis hominibus, sciscitantibus, *Quis ostendit nobis bona?* hoc est, bona opera nobis facienda, Divino afflatus Spiritu, respondet: *Signatum est super nos lumen vultus tui, Domine*, significans, ipsum Lumen rationis à DEO nobis inditum, sufficere ad discernendum bonum à malo, & movere ad hoc quidem vitandum, illud verò agendum. 2. hoc ipsum clariùs habetur *Rom. 2. v. 14. & 15.* ubi Apostolus, *Gentes*, inquit, *quæ Legem (Mosaicam) non habent, naturaliter ea, quæ Legis sunt, faciunt*, h. e. lumine, & ductu rationis à natura ipsis insitæ pleraque opera Legis perficiunt, ut declarat Apostolus subjectis verbis: *Ejusmodi Legem (Mosaicam) non habentes, ipsi sibi sunt Lex.* Qua autem ratione Lex sibi ipsi sint, explicans, ait: *Ostendunt opus Legis scriptum in cordibus suis, testimonium reddente ipsis conscientia ipsorum*, seu lumine rationis à natura indito homini. 3. consentit Angelicus in *4. dist. 33. art. 1.* ubi, *Naturalis*, inquit, *conceptio omni homini indita, qua dirigitur ad operandum convenienter, Lex naturalis, seu Jus nature dicitur*, & *1. 2. q. 94. art. 6.* allegans August. qui *1. 2. Confess. c. 4.* ad DEUM conversus, ait: *Lex tua scripta est in cordibus hominum*, ac de eodem loquens, *Quis enim*, inquit, *scribit in cordibus hominum naturalem Legem, nisi DEUS?* 4. id agnovit Cicero, dum *Libr. de Republ. Est*, inquit, *vera ratio nature congruens, diffusa in omnes, & constans, quæ vocat ad officium jubendo, verando &c.* 5. hoc significare videtur Imperator, dum §. *jus autem 1. Inst. de J. N. G. & C.* jus naturale ait esse illud, quod naturalis ratio inter homines constituit.*

Verùm hæc Argumenta meo judicio plus non probant, quàm quòd dictamen rationis nobis proponat Legem Naturalem, & hæc in ipso eluceat, non verò, quòd in illo Lex Naturalis consistat formaliter, eo ferè modo, sicut Promulgatio Legis humanæ proponit nobis Legem humanam, non tamen ipsa est Lex humana, sed conditio solum, qua posita incipit obligare Lex humana. Quod Magnif. P. Schmier *tr. de Jur. Legal. cap. 2. num. 22.* confirmat triplici Argumento. 1. omnis Lex, conf. etiam naturalis, constituitur actu, & autoritate Superioris. atqui dictamen rectæ rationis non constituitur actu, & autoritate Superioris; provenit enim à Natura rationali, quæ seipsa non est superior, & quamvis quoad existentiam dependeat à DEO, non tamen dependet secundum rationem mensuræ recti, & boni. ergo &c. 2. Quod est essentialiter defectibile, nequit esse regula indefectibilis. sed dictamen rectæ rationis æquè, ac Natura rationalis, est essentialiter defectibile, utpote creatum, & corruptum; Lex verò Naturalis est indefectibilis regula. ergo dictamen rectæ rationis non est formaliter ipsa Lex natu-

ralis. 3. Dictamen, rationis, dum judicat hoc, vel illud esse præceptum, vel prohibitum, solum applicat Legem, quam pro objecto suo habet, affirmando dari præceptionem, vel prohibitionem. igitur ipsum non potest esse Lex, sed hanc tanquam objectum suum supponit.

Ad Argumenta contraria haud difficulter respondetur. 52

Ad 1. Psalmista *l. cit.* plus non videtur innuere, quàm quòd in nobis DEUS posuerit Lumen rationis, per quod agnoscamus Legem æternam, seu Naturalem, & quid ex illius præcepto nobis agendum, vel omittendum: adeoque Lumen istud propriè non est Lex, sed pro objecto suo Legem æternam habet, eo ferè modo, quo promulgatio, & cognitio Legis humanæ, quæ dum ostendit, quid ex præcepto Legis humanæ sit faciendum, non sit Lex humana, sed hanc aliunde sancitam supponit, nobisque applicat, ut obligationem suam respectu nostri in actu 1. vel etiam in 2. exerat. Ad 2. dum Apostolus dicit, Legem naturalem scriptam esse in cordibus nostris, intelligendum est objective, quatenus scilicet in corde datur dictamen conscientiæ, quod nobis repræsentat Legem naturalem, eo ferè modo, quo dicimus, factum aliquod descriptum esse in libro, non quòd ibi scriptum sit ipsum factum, sed quòd scripti sint characteres, qui à nobis lecti ducunt nos in cognitionem facti, quod ibi narratur. Ad 3. similis est Responsio; nam Naturalis conceptio, seu dictamen eo modo ab Angelico dicitur Lex Naturalis, quo modo factum dicitur, quod in Libro descriptum lego; sicut enim voces, quæ ibi leguntur, signum facti sunt, ita & dictamen Legis naturalis, quam istud pro objecto habet. Ad 4. etiam cognitio Legis humanæ nos ad Officium vocat, nec tamen ipsa est Lex. Ad 5. etiam, dum promulgatur Lex, dicitur illa institui, vel constitui, *can. in istis 3. §. Leges dist. 4.* nec tamen promulgatio Legis est ipsa Lex.

Et verò, quòd necessariò admittenda sit Lex aliqua à dictamine rationis distincta, quam istud pro objecto habeat, videtur clarè concludi ex eo, quia eodem rationis nostræ dictamine agnoscimus, quòd si transgrediamur Legem Naturalem, incurramus non tantum reatum culpæ, sed etiam pænæ. ergo agnoscimus etiam Legem, quæ pænā hanc statuit. atqui pænā istam non statuit ipsum dictamen rationis, sed à DEO naturæ Authore statutam supponit. igitur illa ordinatio, quæ DEUS creaturam rationalem ordinat ad ea, quæ naturæ ipsius qua talis convenientia sunt, sub reatu culpæ, & pænæ, si Legem hanc transgrediatur, erit Lex naturalis. Et hæc ipsa ratio est, quod

4 Et meo judicio optimè alii Jus, seu Legem Naturalem definiunt, quòd sit Ordinatio rationis, per Sapientiam Divinam facta, & per Lumen rationis à DEO omnibus manifestata, præcipiens ea, quæ rectæ rationi sunt consentanea, contraria prohibens, permittens indifferentia. Ita quoad sensum, & ferè etiam quoad verba Magnif. P. Schmier *tr. de Jur. Legal. c. 2. n. 25.* Dixi 1. *Ordinatio rationis*, i. e. dispositio rationabilis: in quo convenit Lex Naturalis cum Lege positiva quacunque. Dixi 2. *per Sapientiam Divinam facta*: in qua dispositione faciendi videtur concurrere tam actus Intellectus Divini, quàm actus Voluntatis Divinæ: ille cognoscendo, quid Creaturæ rationali sit naturaliter congruum, iste obligando illam ad observantiam sub reatu culpæ, & pænæ. Dixi 3. *per Lumen rationis manifestata*: quod proinde se habet instar Promulgationis. Et per hoc ipsum etiam indicatur, quòd subiectum hujus Juris, seu Legis sit sola Creatura rationalis, sicut ostensum est à n. 41. Cæteræ particulæ explicant, quòd triplex sit Jus Naturale, scilicet *Præceptivum, Prohibitivum, & Permissivum.* Primum terminatur ad ea, quæ nobis necessariò sunt faciendi, tanquam honesta, ut colere DEUM, honorare parentes, stare promissis &c. alterum ad illa, quæ necessariò sunt fugienda, vel omittenda, tanquam inhonesta, ut Blasphemia, Perjurium, Mendacium &c. tertium illa respicit, quæ ex se nec præcipiuntur, nec prohibentur, ut ambulare, ludere &c.

Videtur Definitionem istam insinuare ipse Eximius Doctor Suarez *l. 2. de LL. c. 6. n. 13.* ubi dicit, quòd *Lex naturalis*



ralis possit vel in Deo, vel in nobis considerari: & in DEO quidem secundum rationis ordinem supponit iudicium ipsius Dei de convenientia, vel inconvenientia talium actuum; addit autem voluntatem obligandi homines ad id servandum, quod recta ratio dicitur. Addit idem Doctor, hoc fortassis voluisse insinuare S. August. l. 22. c. 27. contra Faust. quando dixit, Legem aternam esse Divinam rationem, vel voluntatem, ordinem naturalem conservari jubentem, perturbari vetantem: ubi idem Eximius subiungit, copulam Vel accipiendam non disjunctivè, sed copulativè, ex ratione; Usitatum enim est, inquit, ut particula vel pro copulatione accipiatur, maxime quando illa, inter quæ ponitur, ita sunt inter se connexa, ut non separantur; sic autem se habent Ratio Divina, & Voluntas circa Legem aternam: & ideo utramque Aug. complexus est. Ita Eximius, qui deinde explanans Legem naturalem, prout in nobis est, dicit, eatenus illam esse signum Voluntatis Divinæ. Verba illius sunt: Unde tandem fit, Legem naturalem, prout in nobis est, non tantum esse indicantem malum, sed etiam obligantem ad cavendum illud, ac proinde non solum representare naturalem inconvenientiam talis actus, vel objecti cum rationali natura, sed etiam esse signum Divina voluntatis vetantis illud. Et in hac acceptione sumpsit Legem naturalem, quando illam infra libr. 1. tit. 2. num. 3. cum Authoribus tertiæ Definitionis descripsi, quod sit dictamen rationis à natura inditum, quo natura rationalis discernit honestum à turpi; dicendum enim, per eam Definitionem explicari Legem naturalem, prout in nobis est, quatenus scilicet est signum representans Legem naturalem constitutam per Intellectum, & Voluntatem Divinam, quæ propriè Ius Legale est obligans ad sui observantiam.

56 Quæritur 5. quæ sit Materia Legis Naturalis, seu quæ sint ejus præcepta? Aliqui apud Suar. l. 2. de LL. c. 7. num. 2. volunt, sola generalia principia per se nota, quæ versantur circa bonitatem, vel malitiam moralem, qualia sunt his Scripturæ verbis explicata, Declina à malo, & fac bonum, & quod tibi non vis fieri, alteri ne feceris, esse materiam hujus Legis, non verò conclusiones, quæ ex his principiis eliciuntur. Fundantur 1. quia Jus Naturale est illud, ad quod ipsa Natura immediatè inclinatur, hujusmodi autem tantum sunt dicta prima Principia; nam quæ per discursum comparantur, originem potius ab ipso homine habent. 2. Jus illud, quod versatur circa prima Principia, est prorsus immutabile, tam ex parte sua, quam ex parte hominum; quia ignorari non potest. illud autem, quod versatur circa Conclusiones ex his principiis deductas, mutari potest, & ignotari. 3. Quia aliàs etiam actus Virtutum, quos præcipiunt homines, pertinent ad Legem Naturæ; quia per discursus ex illa eliciuntur. 4. Neque distingueretur Jus Gentium à Jure naturali, sed illius pars esset, vel sub illo contineretur.

57. Sed dicendum Jus Naturale complecti omnia præcepta, seu principia moralia, quæ evidentem habent honestatem necessariam ad rectitudinem morum, ita, ut opposita moralem inordinationem, seu malitiam evidenter contineant. Ita Suar. l. cit. num. 4. & communis TT. duce Angelico l. 2. q. 91. art. 2. q. 94. art. 2. & q. 95. art. 2. & q. 100. art. 1. 2. & 3. Ostenditur 1. inductione; nam præcepta Decalogi indubitato sunt de Jure naturæ, nec tamen omnia continent principia per se nota, sed aliqua indigent discursu, ut clarum est. Similiter de Jure naturali secundum doctrinam Christianam sunt præcepta, quæ prohibent simplicem fornicationem, Usuram, vindictam propria auctoritate de inimico sumptam; item affirmativa de honorandis parentibus, servando Voto, aut promissione, danda Eleemosyna ex superfluo &c. & tamen sine discursu, & interdum multa ratiocinatione non concluduntur. 2. omnia illa, quæ ex principiis primis supra enumeratis evidenter concluduntur, præcipiuntur, quia honesta sunt, vel prohibentur, quia mala sunt, & non è converso. ergo non pertinent ad Legem positivam; nam quæ hac Lege præcisè præcepta, vel prohibita sunt, honestatem, & malitiam suam primum ex Lege capiunt, quippe quæ aliàs indifferentia sunt. Aliud autem membrum dividens Legis in genere non est, nisi Lex naturalis, ut dictum est nu. 33. igitur ad hanc spectabunt. 3. Prima illa Principia ad Legem naturalem pertinent, quia per se, & ex vi terminorum habent convenientiam cum

natura rationali, ut talis est. atqui hanc connexionem; licet non immediatè, habent etiam Conclusiones ex illis Principiis evidenter deductæ. Igitur hoc ipso, quod illa Principia spectent ad Legem naturalem, ad eam spectabunt etiam Conclusiones ex illis evidenter deductæ; nam veritas Principii continetur in Conclusionem, & qui unum præcipit, vel prohibet, necessariò præcipit, vel prohibet id, quod continetur in illo, & sine quo illud non potest subsistere.

Neque obstant Argumenta contraria. Ad 1. ad rem 58 moralem, & obligationem parum interest, quod interveniat, vel non interveniat discursus, si obligatio ipsa, per discursum deducta, cum primis principiis connexionem intrinsecam, & evidentem habeat; nam quidquid ex necessario dictamine rationis naturalis est, consequitur ex necessitate ad naturam, & est ex naturali inclinatione. Ad 2. Lex naturalis, ut infra nu. 74. ostendamus, nunquam propriè mutatur, quamvis quædam ejus præcepta habere possint materiam magis, vel minus mutabilem, quod non variat rationem formalem Legis. Ad 3. aliquæ Virtutes, quas homines præcipiunt, spectato solo Jure naturali, sunt tantum de Consilio, ut est auditio Missæ die Festo, ad quam, Jure naturali præcisè spectato, nulla est obligatio, sed illarum duntaxat Virtutum actus ad obligationem Juris naturalis pertinent, quorum ommissio inordinationem, & malitiam hic, & nunc, independentem ab omni alio præcepto habet. Ad 4. commodius respondebitur §. 4. ubi declarabitur Natura, & obligatio Juris Gentium; hac enim non cognita, non potest ostendi, quomodo ab isto Jus naturale differat.

Dub. 1. an ultra Principia Generalia Declina à malo, 59 & fac bonum, & Quod tibi non vis fieri, alteri ne feceris &c. & ultra illa, quæ ex principiis his evidenti necessitate deducuntur, se extendat Jus Naturale? Rationem dubitandi facit Gratianus in Summ. dist. 1. ubi dicit, Jus Naturale esse, quod in Lege, & Evangelio continetur: quod si verum est, non solum ea, quæ in dictis principiis continentur, vel ex illis per discursum necessarium, & evidentem deducuntur, ad Jus Naturale pertinebunt, sed præterea etiam illa, quæ vel per Moysen DEUS præcepit, vel Christus jussit in Lege nova; nam hæc sunt, quæ in Evangelio, & Lege continentur.

Sed certa est Sententia negativa. Neque obstat textus 60 cit. nam eo textu non voluit Gratianus Jus Naturale definire, aut dicere, quod præcepta omnia, per Moysen, & Christum tradita, sint Naturalia, vel Juris naturalis: Sed tantum docuit, Jus istud contineri in Lege, & Evangelio, quatenus in his illud quasi fuit confirmatum, & explicatum tum per Præcepta Decalogi, tum per illud Principium generale contentum Verbis Christi, Omnia, quæcunque vultis, ut vobis faciant homines, & vos facite illis &c. Matth. 7. v. 12. ad quod Principium videtur maximè respexisse Gratianus l. cit. Hinc Suar. l. 2. de LL. c. 7. n. 9. dicit, textum Gratiani allegatum sic legendum: Jus Naturale est, quo quisque jubetur aliis facere, quod sibi vult fieri: quod in Lege, & in Evangelio continetur.

Dub. 2. unde colligi possit, quod aliquid sit Objectum 61 Juris Naturalis? Resp. Card. Pallav. Philos. Moral. seu de Bonol. l. c. 26. & seqq. Haunold. Theol. Specul. l. 2. tr. 1. n. 350. & seqq. Glerle Jurispr. fund. l. 1. tit. 2. c. 2. §. 3. n. 7. Magnif. P. Schmier de Jur. Legal. c. 2. num. 51. hanc ponunt regulam. 1. id omne, spectato naturæ Jure, esse licitum, quod simpliciter expedit esse licitum ad felicem Naturæ humanæ statum. 2. illud esse obligatorium, eodem Jure naturali spectato, quod in ordine ad eundem finem simpliciter expedit esse præceptum, vel prohibitum. 3. illud Jure Naturæ esse graviter, vel leviter prohibitum, quod pro humani generis beata conditione simpliciter expedit esse graviter, vel leviter prohibitum.

Porro, quid sit expedire ad bonum, & felicem statum, 62 est extrinsecis notum; nempe expedire ad aliquem finem est, plus boni afferre, quam mali ad illum finem. ergo expedire licere est ipsam licentiam plus boni afferre, quam mali. Haunold. l. cit. n. 351. Addidi, Quod expedit licere, & non dixi, Quod expedit fieri; nam sæpe contingit, quod hic, & nunc aliqua actio plus boni afferret ad finem Reip. quam mali, adeoque expedit illam fieri secundum se: sed tamen non expedit eam licere; quia



quia scilicet ex ipsa licentia plus mali, quam boni sequeretur, aut timendum esset in ordine ad felicem statum Reip. humanæ. Pro Exemplo Haunold. *l. cit.* ponit Mendacium; posset enim contingere, ut levi Mendacio adverteretur hostis iniquus, & integrum regnum conservaretur, & sic per consequens hic & nunc mendacium plus boni afferret, quam mali: & tamen hoc non obstante, non licet etiam in tali casu mentiri; quia ipsa licentia mentiendi in casu, quo plus emolumenti speraretur ex mendacio, quam damni, esset ansa tanti abusus, ut omnis societas, & humanum commercium summe læderetur, si non omnino dissolveretur.

63 Similiter adjunxi, *Quod simpliciter expedit licitum esse, aut vetitum*; non enim sufficit ad inducendam prohibitionem ex ipso Jure Naturæ, si tantum utile, & perquam commodum esset tranquillo, & felici statui Reip. humanæ, tale objectum esse prohibitum: sed hoc rectius ad objectum Juris positivi, quam Naturalis reducitur, ut cum P. Ioann. Baptist. Erhart *Quest. Theol. de Peccat. th. 27.* notat Magnif. P. Schmier *l. cit. n. 53.* ubi rationem dat, quia sunt plurima Legis positivæ capita, quæ si prohibita fuissent pro omni tempore, prohibitio hæc bono publico fuisset valde utilis, & proficua, tamen libeta Legislatoris voluntate aliquamdiu fuerunt licita, & post tempus primum prohibita. Exemplum est Matrimonium clandestinum, quod usque ad *Trident. Concil.* valuit, licet ob infinita incommoda, quæ secum trahit tale Matrimonium, utile fuisset bono publico illud fuisse invalidum.

64 Porro ad cognoscendum, quid simpliciter ad felicem Naturæ humanæ statum expediat esse licitum, præceptum, aut prohibitum. Haunold. *n. 350. cit.* & P. Schmier *l. cit. n. 55.* considerandum dicunt, quid singuli homines, in statu impossibilitatis positi, & adhuc incerti de sua existentia, deque suis casibus fortuitis, censuissent conducere ad tranquillitatem, & bonum statum Reip. humanæ, si de hoc ab Authore Naturæ interrogati jussi fuissent suffragium ferre; nam id simpliciter expedire, ut licitum, præceptum, vel prohibitum sit, censendum est, quod ita interrogati censuissent sic expedire. *Ratio est*, quia suffragium hoc non aliunde processisset, quam ex ipso Naturæ lumine, quod cum inditum sit ab ipso Authore Naturæ hoc ipso deprehendimus iudicium ipsius Authoris Naturæ, cuius *lumen signatum est super nos.* Ps. 4.

65 Dub. 3. quænam sint Præcepta Juris Naturalis in particulari? Resp. triplicis maxime generis sunt; nam 1. aliqua concernunt DEUM, & jubent eundem tanquam Conditorem, conservatorem, largitorem, ac remuneratorem nostrum colere, ejus supremum Numen adorare, reverenter invocare illius Nomen, illi servire, illum laudare, & pro collatis Beneficiis gratias exhibere, 2. alia ad nos ipsos pertinent, & præcipiunt honestè vivere, vitando mendacium, abstinendo ab ebrietate, illicito concubitu, & quavis alia turpitudine &c. 3. alia proximum spectant, & mandant parentes honorare, Magistratus revereri, benefactoribus referre Antidota, neminem lædere damno aliquo in anima, corpore, fama, rebus suis eum afficiendo. Eò etiam spectat fidelitas in promissionibus, & Contractibus; quamvis enim Contractibus quibusdam à Jure Gentium, & aliis à Jure Civili forma certa statuta sit, obligatio tamen fidei in iis datæ Juris naturalis est, cum natura ipsa dicat,tribuendum esse cuique suum. Quorum omnium ratio est, quia hæc omnia ex duobus illis Primis Principiis *n. 56. pr.* allegatis per evidentem, & necessariam Consequentiam deducuntur: conf. secundum dicta *n. 57.* etiam ipsa sunt Juris Naturalis.

66 Porro ex his Præceptis aliqua sunt *Affirmativa*, quæ nempe aliqua præcipiunt, quale est de colendo DEO, & honorandis Parentibus &c. alia *Negativa*, quæ aliquid prohibent tanquam malum, ut *Non occides, non furum facies &c.* *Negativa* obligant *semper*, & *pro semper*, & implentur per solam actus prohibiti omissionem. *Affirmativa* obligant quidem *semper*, sed non *pro semper*; quia solum obligant pro iis circumstantiis, in quibus ommissio actus præcepti est mala; nec implentur, nisi per actionem positivam, & quidem ordinariè distinctam à voluntate implendi.

67 Quæritur 6. an dentur actus naturali Jure irritati? *Ratio dubitandi* est 1. quia Naturalis ratio solummodo

manifestat actuum inhonestatem, & turpitudinem; nihil autem facit actibus inhonestis decernendo pœnam, aut vimissem adimendo. 2. non apparet ratio alios præ aliis irritandi: neque ulla habetur nota, aut Regula irritatis à simpliciter prohibitis discernendi. 3. id ipsum patere videtur exemplis; nam quamvis Jus naturale prohibeat, non tamen irritat Venditionem factam pretio justo majori, conjugium initum post Sponsalia cum alia celebrata, vel post Votum Continentiæ, aut Religionis editum &c.

Sed adhuc dicendum, Jus Naturale non solum præhibere actus inhonestos, sed aliquos ex iis etiam irritare. Ita passim supponunt. DD. dum quærent de variis actibus, an Jure solum positivo, an verò etiam Naturali sint irriti, & testatur Suar. *l. 2. de LL. c. 12. n. 3.* id esse omnino exploratum. Constat hoc etiam exemplis Matrimonii initi inter consanguineos primi Gradus Lineæ rectæ, Contractus Usurarii quoad Usuræ ex eo exigendæ Jus, & obligationem, Pactionum de re turpi, & inhonestis initarum &c. qui actus illo Jure non solum vetantur, sed etiam irritantur.

Neque urgent, quæ in contrarium allata sunt. *Ad 69* 1. licet Jus Naturale relaxationem pœnæ relinquit Providentiæ, & Justitiæ Divinæ, hujusque Ministris, & Magistratibus subordinatis, ex allatis tamen *num. præc.* exemplis constat, per idem Jus non tantum manifestari actuum ibi recensitorum inhonestatem, sed etiam nullitatem, & obligationem ad pœnam. *Ad 2.* regulam discernendi actum Jure Naturali irritum ab eo, qui eo Jure est solum prohibitus, dabit, resolutio Dubitationis *n. seq.* ponendæ, ubi nullitas talium actuum refunditur vel in defectum alicujus requisiti substantialis, vel in malitiam ipsis intrinsicam perpetuam, seu turpitudinem illorum semper durantem. Ex quo patet responsio *Ad 3.* quia in assignatis ibi Exemplis nullum deest substantiale requisitum ad valorem Contractus, cum venditor ante traditionem adhuc habeat dominium rei venditæ, & Sponsus jus in corpus suum per Sponsalia nondum transtulerit. Sed neque isti Contractus malitiam, seu turpitudinem perpetuam habent; quia in Venditione rei pro pretio justo majori cessat turpitudinis, si excessus sit rescriptus emptori; in Matrimonio autem contra Votum contracto manet quidem illicita debiti petitio, non tamen ejus redditio.

*Dubitatur* ergo, quæ sit Regula discernendi actum Jure Naturali irritum ab eo, qui eo Jure est solum prohibitus? Resp. duplicem Regulam tradunt Suar. *c. 12. cit. num. 4.* & 5. P. Vviestrum *Proem. num. 24.* & 25. Magnif. P. Schmier *tr. de Jur. Legal. c. 2. num. 101. & seqq.* Prima est, irritos esse Jure Naturali omnes illos actus, qui deficiunt in valoris principio substantiali, vel hoc omnino tollunt: & sic 1. Jure Naturali est irrita Donatio, aut Venditio rei jam antè donatæ, aut venditæ, simulque traditæ, quia in hac Donatione, & Venditione deficit principium substantiale, scilicet potestas disponendi, & dominium, quod per primam Donationem, & Venditionem, secuta traditione, jam translatus est in primum Donatarium, & Emptorem *l. traditionibus 20. C. de Pact. 2.* Irritus Jure Naturali est Contractus, extortus vi absoluta, aut dolo versante circa substantiam rei; quia talis vis, & dolus consensus, Jure naturali ad substantiam Contractus validi requisitum, tollit *l. nihil 115. ff. de R. J. 3.* Eodem Jure Naturali irritum est Matrimonium contractum cum Impotentia perpetua ad copulam conjugalem; quia hæc Impotentia tollit capacitatem subjecti, quæ ad Matrimonii valorem Jure naturali requiritur, utpote quod dari duntaxat potest inter corpora habilia.

*Alteræ regula* est, illos actus Jure Naturali esse irritos, qui eo Jure illiciti sunt propter malitiam intrinsicam perpetuam, sive turpitudinem semper durantem. *Rationem* dat Suar. *l. cit. nu. 5.* quia quando valor Actus est contra Jus Naturæ, à nemine fieri potest, cum Jus Superioris resistat. in casu autem præsentis regulæ valor ipse est contra Jus naturæ; quia turpitudinis ejus habet causam perpetuam, & semper duraturam. igitur non potest valor talis actus subsistere; conf. irritus erit actus. Et ex hoc capite Jure Naturali irritum est Matrimonium, inter consanguineos primi gradus lineæ rectæ initum; quia turpitudinis, ob quam Jure Naturali illicitum illud est, non tantum in contractu, sed etiam



etiam in usu talis Matrimonii datur, & nunquam cessat. Item Jure naturali est irritus Contractus Usurarius quoad Usuras: quia turpitudine illius sicut in conventionem, ita etiam in Usurarum exactiōe, & solutarum retentione semper reperitur, cum semper maneat nullitas Tituli, & inæqualitas inter datum, & acceptum.

72. *Ex quo sequitur*, si prohibeantur Jure Naturæ aliquis actus, sed ita, ut nec sit illicitus ob turpitudinem intrinsecam perpetuam, nec deficiat in valoris principio substantiali, talem actum eodem Jure naturali non esse irritum. Suar. l. cit. nu. 6. P. Schmier n. 105. Ratio est, quia supposita potestate agentis, capacitate materiæ, destitutiōe turpitudinis, & indecentiæ, concurrunt omnia requisita ad substantiam actus, quamvis ille sit aliunde prohibitus. ergo talis actus illicitus quidem erit, non tamen invalidus. *Ex quo confirmatur*, quod n. 69. dixi de Matrimonio contracto post Votum Castitatis simplex; nam Votum hoc non aufert, sed tantum ligat potestatem in corpus proprium, potestque in Matrimonio post Votum contracto esse honestus ipsius usus reddendo debitum. Item Venditio secunda post primam sine traditione factam, si res vendita secundo emptori tradatur, valet: quia penes Venditorem tali casu remansit dominium, adeoque etiam potestas iterum vendendi, & transferendi: atque insuper traditione facta secundus Emptor in re emptæ, & ita tradita iustum titulum habet.

73. Quæritur 7. an & quomodo Jus Naturale sit, & dicatur immutabile? Quod mutabilitatem aliquam recipiat hoc Jus, videtur colligi 1. ex Doct. Angel. qui l. 2. q. 94. art. 5. agnoscit aliquam mutationem in præceptis Legis Naturalis particularibus, licet eandem neget in generalibus: & consentit Philosophus 5. Eth. c. 7. ubi asserit, Justum Naturale aliquando mutationi esse obnoxium. 2. Jure Naturali sunt omnia communia omnibus juxta *can. dilectissimis 2. caus. 12. q. 1.* ubi Clemens Papa sic loquitur: *Communis usus omnium, quæ sunt in hoc mundo, omnibus esse hominibus debuit*, & tamen post lapsum generis humani illud est revocatum, atque introducta bonorum divisio. 3. Bella, captivitates, & servitutes Jure gentium sunt introductæ. atqui hæc sunt contra Jus Naturale, ut aperte testatur Imperator §. *sed Jus 2. vers. Jus autem Gentium Inst. de I. N. G. & C.* ibi: *Bella etenim (intellige, Jure Gentium) orta sunt, & captivitates secutæ, & servitutes, quæ sunt naturali Iuri contrariæ*: quia scilicet hoc Jure omnes nascuntur liberi. 4. Jure Naturæ jubemur reddere Depositum ab alio acceptum, & tamen si hujusmodi redditiōe Resp. incurreret damnum aliquod, Depositum non est reddendum. 5. Præceptum de Matrimonio non contrahendo cum Matre, aut filia est naturale, & tamen casu, quo ad conservationem humani generis hoc necessarium foret, obligare præceptum hoc desinit. 6. Jure naturali permittuntur multa, v. g. variorum ciborum comestio, quæ tamen Jure positivo prohibente, permissa esse desierunt; & è contrario naturali Jure præcepta est observatio Votorum, ac Juramentorum, quorum obligatio tamen Dispensatione Apostolica relaxatur.

74. Sed his non obstantibus, dicendum, Jus naturale formalitèr, & propriè loquendo, nulla auctoritate, etiam Distincta, mutari posse: quod procedit non tantum quoad prima, & universalissima ejus Principia, quod *bonum faciendum, à malo declinandum, proximus non ledendus sit &c.* Sed etiam quoad Particularia, & ex primis illis per evidentem discursum deducta, scilicet *non blasphemandum, non pejerandum, non mentiendum esse*. Ita cum S. Thom. 1. 2. q. 94. art. 4. & q. 100. art. 8. magno consensu TT. & JCti atque inter hos nominatim Suar. l. 2. de LL. c. 13. n. 2. Molin. de I. & I. tr. 5. D. 49. & 57. Grot. de Jur. Bell. & Pac. l. 1. cap. 1. num. 10. circ. fin. Struv. ad ff. Exerc. 1. th. 49. Vallens. proœm. §. 3. n. 3. D. Gletle Iurisp. Fundam. l. 1. tit. 2. c. 2. §. 5. n. 10. Clariss. D. D. Franz. ad tit. Inst. de I. N. G. & C. p. 1. n. 22. Pirh. Proœm. n. 11. Vvictner ibid. n. 36. Reiffenstuel n. 19. Magnif. P. Schmier tr. de Iur. Legal. c. 2. n. 111. & agnovit Imperator §. *sed naturalia 11. Inst. de I. N. G. & C.* ibi: *Sed naturalia quidem Iura, quæ apud omnes Gentes peragræ observantur, Divina quadam Providentia constituta, semper firma, atque immutabilia permanent*. Et subscripfit Aristoteles 5. Eth. c. 7. dum ad Nicomachum scribens, *Quidquid, ait, est ex Natura, siue Na-*

*turale, immobile, seu immutabile est, & nullibi non eandem vim obtinet, quemadmodum ignis & hic, & apud Persas pariter urit.*

Probat Assertionem istam Suar. l. cit. triplici Argumento. 1. quia hoc Jus Naturale vel consideratur in DEO, vel in homine. Prout est in homine, mutari non potest; quia est intrinseca proprietas fluens ex ipsa Natura rationali, quæ talis est. ergo, manente natura rationali, auferri non potest. Si verò consideretur hæc Lex, ut est in DEO, non dependet ab ipsius arbitrio; quia versatur circa ea, quæ habent honestatem, vel turpitudinem intrinsecam, & essentialem. igitur quàm parum essentias rerum, tam parum Jus Naturale, manente natura rationali cum usu rationis; & Libertatis, DEUS mutare potest. 2. quælibet Lex, si deficit, vel deficit ex revocatione Legislatoris; vel ex defectu finis, quia incipit esse injusta, & irrationabilis; vel ob lapsum temporis, quia pro certo tempore statuta est. atqui Lex Naturalis non potest deficere per revocationem Legislatoris; quia ab arbitrio istius non pender, ut dictum est: neque ex defectu finis; quia cum versetur circa objecta, quæ intrinsecam, & essentialem honestatem, vel inhonestatem habent, quamdiu hanc retinent objecta ista, injusta, & irrationabilis non potest fieri Lex illa præcipiens, ista prohibens: non denique lapsu temporis; quia cum Leges istæ sint necessariae, & æternæ veritatis, non possunt esse latæ pro certo tempore. 3. Præcepta Naturalia vel sunt affirmativa, vel negativa. neutrum genus horum præceptorum potest per se cessare, vel desinere obligare. Non negativa; quia ista versantur circa rem intrinsecè malam. igitur sicut res intrinsecè mala non potest desinere esse mala, ita nec potest desinere Lex negativa hæc prohibens. Sed neque etiam Præcepta affirmativa possunt desinere; quia ista obligant ad actum honestum, quando omisso illius per se, & intrinsecè mala est. ergo sicut illa omisso non potest non esse mala, ita nec obligatio affirmativi præcepti ad actum omissionis illi contrarium potest per se desinere aut mutari: cons. semper obligat pro suo tempore.

Dixi autem, *Formaliter, & propriè loquendo* Jus naturale mutari non posse, nam materialitèr, improprie, & indirectè mutari potest, si scilicet materia, & objectum, circa quod versatur Jus Naturale, per certas circumstantias recipiat mutationem. Pater in Voto, cujus obligatio est Iuris naturalis, & cessat, quando materia Voti cessat esse possibilis, aut de meliori bono; nam non mutatur ipsum Jus Naturale, quippe quod in talibus circumstantiis nunquam obligavit ad observationem Voti: sed per adventum talis circumstantiæ objectum, seu materia illius extrahitur è numero eorum, quæ comprehendit obligatio Naturalis, sicque fit, ut sine ulla ipsius Legis naturæ vera mutatione, lumine rationis dictante, & interpretante, id, quod alias regularitèr, non considerata illa circumstantia, injustum est, ut in casu posito omisso rei, vel actionis per Votum promissæ, justum fiat. S. Thom. 2. 2. q. 57. art. 2. Sot. de Just. l. 1. q. 5. Molin. de J. & J. tr. 1. D. 4. Petr. Peck. de R. J. in 6. num. 18. Struv. ad ff. Exerc. 1. th. 59. Plettenberg Introd. Jur. Can. c. 3. n. 1. circ. fin.

Porro sic materialitèr Jus naturale mutari potest, quandoque materia illius pender ex certa conditione, quæ mutabilis est, atque auferri potest: quod runc præcipuè fit, quando materia Iuris Naturalis dependet à dominio, & potestate DEI, vel hominis. *A supremo DEI dominio* pender vita, & res hominum. Et hinc 1. licet Abrahamus inolasset Isaacum filium suum, licet aliàs occisiō innocentis sit contra Jus naturale; quia hæc tamdiu solum est mala, & Iuri naturali dissona, quamdiu pugnat contra Jus, & dominium DEI, quod occisiōe hujusmodi læditur, cum ipse solus sit Dominus vitæ, & mortis. non sic ampliùs pugnat, quando ipse DEUS jubet, vel permittit innocentem occidi. ergo &c. 2. Jure naturali illicita est Polygamia, & tamen antiqui Patres licet duxerunt plures uxores; nam Polygamia eatenus solum Jure naturali illicita est, quia DEUS, in cujus dominio sunt corpora humana, solum concessit facultatem homini, ut unusquisque una sola contrahat Matrimonium, sicque sibi mutuo concedant usum corporis ad generationem proles. ergo si DEUS alicui concedat facultatem dandi usum corporis



ris sui pluribus, sicut tunc talis datio non amplius repugnat DEI dominio, ita illa haud amplius erit contra Jus naturale. 3. auferre rem suam alteri est Jure naturali prohibitum, & tamen Israelitæ licite spoliaverunt Ægyptum: *Exod. 12.* quia Jus Naturale ablationem hujusmodi prohibens, non obligat in illa circumstantia, quando dominus rei ablata non est, aut non potest esse rationabiliter invitus, ita invitus esse non potest, quando DEUS, qui est primus, & supremus bonorum temporalium Dominus, dat facultatem auferendi, & spoliandi, sicut *l. cit.* dedit Israelitis, ergo &c.

78 *A dominio, & potestate hominis* pendent Conventiones, Pacta, Contractus, & etiam res fortunæ &c. quamvis enim Conventionum obligatio sit Juris Naturalis, & istud prohibeat retinere rem alienam, possunt tamen homines ob hoc suum dominium mutare materiam Juris naturalis, aut remittendo obligationem, quæ vi istius Juris ex Conventione exurgit, vel faciendo, ut illa nunquam inceperit in aliqua Conventione, vel Contractu. Exempla sunt Contractus à Minore celebratus sine auctoritate Tutoris, vel Curatoris, cui obligationem Ius positivum humanum sustulit; Matrimonium clandestinum, quod à Trid. declaratum est esse invalidum; dominium rei alienæ acquisitum Usucapione, vel Præscriptione, quam Lex prævalere adversus Ius Domini prioris voluit &c. Imò etiam privati homines possunt remittere debitum, injuriam &c, atque ita auferre obligationem Naturalem, nempe tollendo materiam, dum cedunt Iuri suo.

79 Quare ut cognoscatur, utrum Ius Naturale in aliqua particulari materia sit penitus immutabile, vel an contra mutationem aliquam saltem materialem, & improprie dictam recipiat, videndum est, an Materia illius Juris pendeat ex aliqua conditione, quæ auferri potest, an verò non pendeat ex tali conditione. Nam si ex tali conditione penderet, illa ablata, vel mutata, materialiter etiam mutatur Ius naturale; si vero non pendeat ex hujusmodi conditione, manebit Ius Naturale circa materiam illam penitus invariabile, & immutabile. In secundo hoc genere est Ius Naturale prohibens Idololatriam, Blasphemiam, Perjurium, Odium DEI, Mendacium &c. nam materia horum actuum nunquam potest ullis circumstantiis, & conditionibus ita vestiri, ut fiat objectivè bona, vel saltem non mala: conf. Ius Naturale istos actus, utpote essentialiter, & semper malos, prohibens mutari, aut abrogari nulla ex parte, & ne materialiter quidem potest. Videatur Magnif. P. Schmier *de Jur. Legal. c. 2. à n. 107.*

80 Ex his facile solvuntur Argumenta n. 73. in contrarium allegata. *Ad 1.* mutatio, quam S. Thomas, & Aristoteles *l. cit.* agnoverunt, non est circa ipsum Ius Naturale, quasi hoc in se variaretur, & mutaretur, sed solum circa ejus materiam, sive præcepti objectum, quod per adventum noxæ circumstantiæ extrahitur ex numero eorum, quæ, seclusa tali circumstantia, erant de Jure Naturali: nam ut hæcenus adverti, Ius naturale, præcipiens aliquid faciendum, aut fieri prohibens, referri non debet ad objectum absolute consideratum; quia illud non sic præcipit, aut prohibet, sed cum certis, & debitis circumstantiis, pro quibus id præcipit, vel prohibet. Deinde etiam distinguendum est inter Ius Naturale præcipiens positivum, & inter permittens, seu negativum; nam hoc posterius utique mutari potest, ut bene advertit Lauterbach. *ad ff. tit. de I. & I. n. 25.* atque hinc *Ad 2.* Iure naturali omnia sunt communia, non positivè, quasi hoc Iure fuerit præcepta rerum communio, & divisio prohibita; sed negativè solum, quatenus isto Iure nulla est facta rerum divisio, neque de tali quidpiam statutum, & hoc ita quidem, ut ipsum Ius naturale humano generi concesserit potestatem divisionem hanc inducendi, si successu temporis supervenirent circumstantiæ, quæ divisionem istam aut, exigenter, aut suaderent: & tales circumstantiæ post lapsum primorum parentum, & depravatam naturam humani generis reipsa intervenerunt; cum enim mali, & cupidi occuparent ultra ea, quæ sibi necessaria erant, etiam inferendo violentiam aliis magis probis, aut minus fortibus, volentibus secum in rebus his participare, & uti illis ad necessitatem, ad communem generis humani tranquillitatem omnino necessarium fuit, sublata communione rerum, induci divisionem. *Ad 3.* Bella, captivitates, servitutes sunt contra Ius naturale, & Libertas secundum illud Ius non positivè, quasi Ius naturale istam præceperit, & illa vetuerit: sed partim negativè, quia servitu-

tem, captivitatem &c. Ius naturale non invexit; partim positivè, quia unicuique Ius naturale concessit, ut esset liber, & dominus suæ libertatis, hoc ipso, quod illum fecerit liberi arbitrii. Porro libertas ista per Ius gentium tollitur, absque mutatione Juris naturalis, ob novam circumstantiam; cum enim post hominis peccatum ob quorundam violentiam necessaria fuerit potestas contra istam se defendendi, licitum factum est bellum, & permessa aggressoris occisio, conf. etiam bello justo capri captivitas, & in servitutem redactio, in quam, si ita luberet victori, Iure gentium commutari potest occisio *l. hostes 24. ff. de captiv. & postl. revers. Ad 4.* Etsi Iure naturali reddendum sit Depositum, nunquam tamen Juris naturalis fuit, ut ensis depositus redderetur furioso, aut non furioso quidem, sed abusu in perniciem Reip. vel alterius *can. ne quis 14. caus. 22. q. 2. Ad 5.* In casu tali cessat conditio, sub qua Matrimonium Patris cum filia, aut filii cum Matre est Iure naturali prohibitum; cum enim reverentia, & submissio, quam filii Parentibus debent, sit bonum minus, & inferioris ordinis, quàm sit propagatio, & conservatio totius humani generis, huic illa cedere debet, conf. circumstantiis ita mutatis, nunquam tale Matrimonium Iure naturali fuit prohibitum. Vide, quæ dixi *infra ad Lib. 4. Tit. 14. n. 24. & seqq. Ad 6.* Esus carniæ Iure naturali permissus solum est, nisi prohibeatur Lege positiva. Quoad dispensationem in Votis, & Juramentis dicendum, quod aliquando humana potestate dispensetur in illis solum improprie, declarando videlicet, quod hæc, & nunc non amplius obligent: si autem verè relaxetur illorum obligatio, id sit potestate à DEO accepta, ejusque nomine, & quidem non directè, sed indirectè solum. Videantur, quæ dixi *infra Lib. 1. Tit. 2. n. 56.*

Simili ratione solvi possunt omnia alia Argumenta, 81 quibus probari videtur, Ius Naturale esse mutabile, nempe, quod illud in se, & ex parte sua semper unum, & idem maneat, dicatur autem solum mutari per denominationem extrinsecam ratione circumstantiarum de novo advenientium, quæ in materiam, de qua Ius naturale est, variationem quandam inducunt. Et tales circumstantias ex parte objecti, seu materiæ potest Ius Positivum, sive Gentium, sive Civile, sive Canonicum addere, vel detrabere, nulla prorsus mutatione facta in Iure naturali, prout patet ex pluribus exemplis hæcenus allatis, item ex Lege Præscriptionis, qua post legitimum possessionis tempus bona fide continuata: adiciuntur possessori rei possessæ dominium, quæ adiectio nequaquam pugnat contra Ius naturale; quia præscriptio non facit, ut postquam legitimè completa est, retineatur id, quod actu alienum est, sed facit, ut qui præscripsit, retineat suum, seu id, cujus dominium per præscriptionem legitimè completam Legis auctoritate est consecutus. Atque hoc modo intelligendus est Ictus dum *l. Ius Civile 6. ff. de I. & I.* dicit, *Ius Civile nec in totum à Naturali recedere, nec per omnia ei servire*, sed aliquando aliquid ei detrabere, aliquando addere; quia scilicet circumstantiam aliquam aliquando detrahit, aliquando addit, sicque illud determinat, modificat, vel restringit. *Molin. de I. & I. tr. 1. D. 4. Vallens. Proëm. §. 3. n. 6. Lauterbach ad ff. Tit. de I. & I. n. 25.*

Quæritur 8. utrum Ius Naturale admittat interpreta- 82 tionem per Epiikiam? *Certum est*, quod admittat Epiikiam improprie dictam, seu talem, quæ est nuda Legis declaratio, & explicatio, Ita Covar. *in 4. Decret. p. 2. c. 6. §. 9.* Suar. *l. 2. de LL. c. 16. n. 6.* Magnif. P. Schmier *pr. de Jur. Legal. c. 2. n. 132.* Ratio est, quia multa Præcepta naturalia non obligant semper absolute, sed aliqua conditionatè solum, & certas limitationes recipiunt, ut est illud de homicidio vitando, quod intelligendum est, nisi suscipiatur ex causa justæ defensionis; item de Voto, quod solum obligat sub conditione, si maneat servatu possibile &c. igitur ut talia præcepta rite percipiantur, & applicentur, explicatione indigent. *Conf.* quia Lex Naturalis secundum se spectata non præcipit actum, nisi ut illum bonum esse supponit, nec prohibet, nisi prout supponit intrinsecè malum: quod cum juxta hæcenus dicta dependeat à certis conditionibus, & circumstantiis, cum quibus actus ille secundum se bonus, aut malus est, necesse est has investigare, atque decernere: quod ipsum est interpretari Legem per Epiikiam improprie dictam.



83 *Dubium* duntaxat est, utrum Lex Naturalis recipiat Epiikiam propriè dictam, seu talem, qua non tam interpretatur, quàm emendamus Legem, atque casum, Lege comprehensum, ex benigna interpretatione à Lege excipimus. Affirmant Cajetan. 2. 2. q. 120. art. 1. Sot. l. 1. de Iust. q. 7. art. 3. ad 3. & l. 10. q. 3. art. 4. Navar. conf. 4. de Despons. Impub. n. 16. & 17. & à fortiori omnes, qui veram in Iure Naturæ mutationem admittunt. Et videtur istud probari posse ex paritate cum Lege positiva, quæ recipit veram Epiikiam, quia occurrere possunt circumstantiæ, in quibus prudens formari potest præsumptio, quòd Legislator, iis consideratis, non voluerit obligare. atqui etiam in Lege Naturali similes circumstantiæ emergere possunt. Exemplum est in mutilatione corporis proprii, quæ licet aliàs Iure Naturali prohibita sit, non censetur tamen cadere sub prohibitionem illam in ea circumstantia, qua supponitur esse necessaria ad proprii corporis conservationem.

84 Sed dicendum: Propria Epiikia non habet locum in aliquo præcepto Naturali, ut naturale est, seu secundum se spectato: idque verum est adeo, ut neque ab homine, neque à DEO ipso fieri ea possit. Ita Suar. c. 16. cit. num. 7. Gibalini. Scient. Can. lib. 2. cap. 3. quæst. 3. num. 11. Magnif. P. Schmier c. 2. cit. num. 134. Ratio est 1. quia Lex naturalis posita est in recta ratione, igitur sicut ista à vero non potest deficere ita nec potest deficere iustum huic Legi respondens, quippe quod ita Legale est, ut etiam sit naturale, cum oriatur ex intrinseca, ut sic dicam, conformitate, & consonantia extremorum. 2. Ius naturale præcipit, & prohibet, quæ decentiam, vel indecentiam habent connatam, & intrinsecam. sed fieri non potest, ut quæ ex connata indole sunt decencia, manentibus, iisdem circumstantiis, fiant indecentia, & vicissim: si autem mutantur circumstantiæ, jam fit mutatio materiæ; cons. cum tali casu dicitur Lex non amplius obligare, jam non emendatur Lex per Epiikiam propriam, sed per impropiam offendendo, quòd in hac circumstantia nunquam obligavit. 3. Epiikia vera in casu particulari Ius naturale immutat formaliter. atqui ostensum est à num. 73. quòd Lex Naturalis mutationem formalem etiam quoad Principia particularia non possit recipere. ergo &c.

85 Ad Argumentum Sententiæ oppositæ nego paritatem; nam Lex positiva fundamentum, & vim habet ex intentione solius Legislatoris, qui si humanus sit, nequit omnes omnino casus in sanctione Legis prævidere, & prospicere. Contra Ius Naturæ obligationem suam habet non ex arbitrio solius Legislatoris, sed quasi ex necessitate naturæ, & exigentia materiæ, & supponit actum, quem præcipit, intrinsecè bonum, actum verò, quem prohibet, intrinsecè malum, ut adeo non possit non obligare, quamdiu manent circumstantiæ, in quibus bonus, vel malus est actus, quem præcipit, aut prohibet. Ad Conf. in Exemplo illo non Lex, sed materia deficit; nam mutilatio non prohibetur, nisi quatenus est noxia corpori: qualis non est, quæ fit, & ordinatur ad vitæ, & corporis totius integritatem conservandam.

### §. III.

*De Iure Positivo in genere, & in specie de Iure Positivo Divino.*

### S U M M A R I U M.

- 86 *Juris Positivi Etymologia, & Definitio.*
- 87 *Discrimen inter ipsum, & Ius Naturale.*
- 88 *Ejus Præcepta.*
- 89 *Varietas.*
- 90 *Definitio Iuris Divini Veteris.*
- 91 *Ejus Conditor fuit solus DEUS.*
- 92 *Præcepta illius fuerunt triplicis generis, Moralia, Ceremonialia, & Iudicialia.*
- 93 *Ex his Moralia sunt Iuris Naturalis.*
- 94 *Secundum varietatem Præceptorum dividitur etiam ipsum Ius Testamenti Veteris in Morale, Ceremoniale, & Forense.*
- 95 *Ex his Iuribus in Lege nova mansit solum Ius Morale.*
- 96 *An in Veteris Testamenti Libris aliquæ Leges,*

*& Præcepta fuerint merè humana?*

- 97 *Resolvitur pro Negativa Sententia.*
- 98 *Solvuntur Fundamenta contraria.*
- 99 *Definitio, & diversa Nomina Iuris Divini Novi.*
- 100 *Quæ sint hujus Præcepta?*
- 101 *An omnia Præcepta, quæ Apostoli nobis tradiderunt, Divina sint?*
- 102 *Maximè illud de Homicida, & Bigamo non ordinando?*
- 103 *Definitur Negativa.*
- 104 *Utrum non Christus Dominus in Lege Gratia aliquid addiderit quoad Præcepta Moralia ultra id, quod ista aliàs habent de Iure Naturali, & habuerunt in Veteri Testamento?*
- 105 *Respondetur, auxisse quidem obligationem istorum intensivè, non verò extensivè.*
- 106 *Solvuntur opposita.*
- 107 *Quenam Leges Ceremoniales ex his, quarum usus in Ecclesia Christi est, pertineant ad Ius Positivum Divinum?*
- 108 *Resolvitur ad hoc pertinere illa, quæ pertinent ad Ritum substantialem Sacrificii, & Sacramentorum.*
- 109 *Respondetur ad Argumentum oppositum.*
- 110 *Utrum Lex nova præcipiat tantum Actus externos, vel etiam internos?*
- 111 *Quot modis præcipiantur Actus interni?*

**Q**Uæritur 1. quid sit Ius Positivum? Resp. Ius Positivum (quo aliqui Positivum appellant apud Canonum l. 1. Comment. c. 8.) ita dicitur, quòd ultra ea, quæ Ius Naturale præcipit, prohibet, vel permittit, aliquid ponat: estque illud, quod procedit, ac pender à libera voluntate Superioris, scilicet DEI, vel hominis, aliquid præcipientis, prohibentis, vel permittentis. Suar. l. 1. de LL. c. 3. n. 13. Molin. tr. 1. de I. & I. D. 4. n. 2. Valens. Proëm. §. 4. n. 1. Pirhing ibid. n. 8. Vviestner n. 26. Reiffenstuel n. 17. Et hoc est, quod vult Philosophus 5. Eth. c. 7. definiens Ius Positivum, quod ab initio (nimirum ante Legem latam) hoc, an illo modo fiat, nihil refert; cum autem constitutum fuerit, tunc demum refert; quia scilicet ejus obligatio non ex natura rei præceptæ, sed ex præcepto, & voluntate præcipientis oritur, & derivatur ad objectum: quo fit, ut mutari possit, etiam si maneant omnes eadem circumstantiæ, cum quibus antea obligabat. Valleng. n. 1. cit. & sumitur arg. c. omnis 1. de R. I. Dub. 1. quod sit discrimen Juris Positivi à Naturali. 87

Resp. triplex maximè est. 1. Ius Naturale id, quod præcipit, honestum esse supponit, & quod prohibet, supponit esse inhonestum: Ius Positivum autem objectum prohibendo facit malum, præcipiendo facit bonum. Hinc tritum illud in Scholis pronuntiatum est, ea, quæ Iure Naturali præcipiuntur, vel prohibentur, ideo præcipi, vel prohiberi, quia in se sunt bona, vel mala; ea verò, quæ Iure Positivo præcipiuntur, vel prohibentur, ideo esse mala, vel bona, quia sunt prohibita, vel præcepta. Molin. tr. 1. de I. & I. D. 4. n. 2. & 3. Valleng. Proëm. §. 4. n. 2. Pirhing ibid. n. 8. vers. & hinc. Plettenberg Introd. Iur. Can. c. 3. n. 2. Reiffenstuel Proëm. n. 19. 2. Ius Positivum multiplex, & varium est pro varietate locorum, & temporum; Naturale autem, licet pluribus præceptis etiam ipsum constet, unum, idèquæ est in omnibus hominibus, ubique, & semper. Plettenb. Reiffenst. &c. l. cit. 3. Ius Positivum ex Legislatoris voluntate, manentibus iisdem circumstantiis, mutari, ejusque obligatio omnino tolli potest, ut n. præc. dixi; at præcepta, & obligationes Iuris Naturalis ex sua natura immutabilia sunt, ut ostensum est supra n. 73. & seqq.

Dub. 2. quotuplicis generis sint Præcepta Iuris Positivi? 88

Resp. hujus, ut etiam Iuris Naturalis, secundum dicta n. 66. Præcepta sunt duplicis generis; nam quædam sunt Negativa, quæ aliquid prohibent; alia verò sunt Affirmativa, quæ aliquid mandant. Illa semper, & pro semper obligant, & impleri possunt per solam omissionem actus prohibiti; Ista, etsi obligent semper, non tamen pro semper, sed pro iis tantum circumstantiis, & occasionibus, in quibus actus præcepti ommissio mala est: & implentur ferè per actum positivum distinctum à voluntate implendi. Et hinc fuit illa Divisio Iuris Positivi in Affirmativum, & Negativum. Affirmativum est, quod pro objecto habet positionem Actus; seu quo aliquid agendum præcipitur. Negativum, quod pro objecto habet omissionem actus; seu quo



quo aliquid agendum prohibetur. Prius alio nomine dicitur *Præceptivum*, posterius *Prohibitivum*: quibus addi tertia Species potest, nempe *Jus Positivum Permissivum*, quod nec præcipit, nec prohibet, sed permittit duntaxat aliquid fieri, vel omitti.

89 Dub. 3. quoruplex sit Jus Positivum? Resp. aliud est Jus Positivum Divinum, aliud Jus Positivum Humanum. *Divinum* est, ut inquit S. Thom. 2. 2. q. 57. art. 3. ad 3. quod Divinitus promulgatur, h. e. quod DEUS, vel Christus statuit, & per se, vel per Ministros, puta Angelos, Moysen, & Apostolos promulgavit. *Humanum* est, quod humano arbitrio conditum est. Istud n. 33. divisimus in Jus Gentium, Civile, & Canonicum: de quo sermo per sequentes §§. Illud subdividitur in Jus Divinum Vetus, & Novum: de quibus hic

80 Quæritur 2. quid sit *Jus Divinum Vetus*? Resp. *Jus Divinum Vetus* est, quod DEUS in Veteri Testamento ipse condidit, & per Angelos, Moysen, & Prophetas tradidit Populo Israelitico, ut ad finem æternæ Beatitudinis, per fidem in Christum venturum obtinendæ, disponeretur. Ita quoad rem Gonzal. *Apparat. Jur. Canon.* n. 23. P. Vviesner *Proem* n. 40. Magnif. P. Schmier *de Jur. Legal.* c. 3. n. 2. Dixi 1. in *Veteri Testamento*. Venit autem hic Testamento nomine Divina promissio & pactum cum hominibus initum: & hinc *Vetus Testamentum* nihil aliud erit, quam promissio Divina, populo Israelitico de conferendis bonis temporalibus, & æternis, & de nascituro Christo ex ipsorum sanguine, facta sub conditione servandarum Legum, per Moysen promulgatarum, Dixi 2. per *Angelos, Moysen, & Prophetas*: nam per Angelos DEUS Legem Moyse tradidit, Moyses autem, & Prophetæ, tanquam Præcones illius; eandem promulgarunt. Dixi 3. *Populo Israelitico*; nam huic uni, & soli, exclusis Gentibus, Lex vetus est posita, ut patet ex illo *Deut.* 4. ibi *Quæ est alia Gens tam inclita, ut habeat ceremonias, justaque Iudicia, & universam Legem?* Hinc cæteræ Nationes ad Legem istam non obligabuntur, nisi postquam quis ex illis ad Religionem Judaicam transierit. Dixi 4. *ad finem æternæ Beatitudinis*; per Legem enim ita acceptam instruebatur populus tum in iis, quæ ad naturalem morum honestatem spectant, tum vero maximè in illis, quæ pertinebant ad Cultum Divinum, ut hoc modo supernaturalem Beatitudinem sibi comparet. Dixi 5. *per fidem in Christum venturum obtinendæ*; nam ut Apostolus *Rom.* 10. ait, *finis Legis Christus ad justitiam omni credenti*: & *Galat.* 3. *Lex Pedagogs noster fuit in Christo, ut ex fide justificemur*.

91 Dub. 1. quis fuerit Conditor, & Author Legis Veteris? Alphonsus Salmeron. *D.* 61. & 62. in *Acta* contendit Legum Ceremonialium, & Iudicialium vetum Conditorum fuisse Moysen: quod videtur colligi ex illo *Joan.* 1. v. 17. ubi Præcurfor inquit: *Lex per Moysen data est*, & *Matth.* 19. ubi Christus; *ad duritiam cordis vestri permisit vobis Moyses libellum repudii*.

Sed inhærendum doctrinæ n. præc. jam insinuatæ, & dicendum, solum DEUM fuisse Conditorum Legis Mosaicæ. Patet clarè ex diversis Scripturæ textibus, præsertim *Exod.* 20. ibi: *Locutusque est Dominus cunctos sermones hos*; *Ego sum Dominus DEUS tuus* &c. item *Deut.* 1. ibi: *Locutus est Moyses ad filios Israel omnia, quæ præceperat ei Dominus, ut diceret eis*. Et denique *Malach.* 4. ibi: *mementote Legis Moysis servi mei, quam mandavi ei in Horeb ad omnem Israel*. Moyses igitur fuit tantummodo Promulgator istius Legis à DEO per Angelos acceptæ: quod indicat Apostolus *Galat.* 3. ubi ait, Legem antiquam *ordinatam esse per Angelos in manu mediatoris*, nempe Moysis.

Neque obstant textus in contrarium allegati. Ad 1. cum Clemente Alexandrino non obiter ponderandum est, quòd Ioannes 1. cit. studiosè dixerit, Legem per Moysen datam, non factam esse, i. e. non inventam, sed communicatam. Ad 2. Libellus Repudii permissus fuit vel dispensativè, vel tolerantivè. si prius, opus fuit autoritate Divina, sine qua vinculum Matrimonii dissolvi nequit, si posterius, ad evitanda majora mala minus malum permitti, ac tolerari potest absque ulla autoritate Legislativa, quippe quod etiam privatus potest.

92 Dub. 2. quoruplex generis præcepta contineantur in Lege Veteri? Resp. triplicis generis, nempe Moralia, Ceremonialia, & Iudicialia: quod innuitur *Deut.* 6. v. 1. ibi *Hæc sunt Præcepta, Ceremonia, atque Iudicia*. Mo-

ralia præcepta sunt, quæ directionem morum, & istorum secundum rectæ rationis dictamen conformacionem, & reformationem spectant, ut sunt Præcepta Decalogi *Exod.* 20. à n. 3. relata. *Ceremonialia*, quæ determinant tempus, ritus, & ceremonias, sive modos debiti DEO cultum exhibendi, cujusmodi sunt, quæ præcipue in *Levitico* de Sacerdotibus, & Levitis, de Festivitatibus Sabbati, Paschæ, Azymorum &c. de Sacrificiis, & multiplici genere Sacrificiorum, & Hostiarum enarrantur. *Iudicialia* denique, quæ ad Politicum regimen Reip. & Iustitiæ administrationem spectant, & consignata sunt in Libro *Exodi* c. 21. & seqq.

Ex his Moralia sunt Iuris naturalis, ac proinde immutabilia, & indispensabilia: quod proinde Jus naturale per Jus positivum Divinum fuit repetitum, & explicatum; idque ratione optima. Cum enim rationis Lumen per peccatum etiam circa moralia, & naturalia Præcepta valde fuerit obscuratum, & inde factum, ut de humanarum actionum bonitate, atque malitia sinistrum sæpe iudicium tulerit, necesse erat per Præcepta positiva, & per auctoritatem Legis Divinæ imbecillitati intellectus humani subveniri ad agnitionem illorum, sicut per doctrinam, & revelationem Fidei subvenitur homini non tantum in iis, quæ rationem superant, sed etiam in his, quæ de DEO naturaliter cognosci possunt, ut ex S. Thoma rectè advertit Suar. l. 9. de *LL.* c. 4. n. 19. Cætera Iuris Divini Veteris Præcepta, nempe Ceremonialia, & Iudicialia, sunt determinationes Præceptorum Moralium, & duntaxat vim habebant ex institutione, & Voluntate Divina; ac proinde ad Jus Divinum Positivum tantummodo spectabant. Vallens. *Proem.* §. 4. n. 5.

Dub. 3. quoruplex generis sit Jus Divinum Positivum Veteris Testamenti? Resp. sicut Præcepta, ita & ipsum Jus continens ea Præcepta dividitur in Morale, Ceremoniale, & Iudiciale. *Morale* est Jus Divinum scriptum, præcipiens, quæ sua natura honesta, prohibens verò, quæ turpia sunt. *Ceremoniale*, seu *Rituale* est Jus Divinum scriptum de ceremoniis circa cultum Divinum, vel propter typicam significationem, vel propter ordinem Ecclesiasticum Populo Israelitico observandis latum. *Forense*, seu *Iudiciale* est Jus Divinum scriptum de causis, seu negotiis civilibus, & Politicis latum, Lauterbach *ad ff. de I. & I.* n. 28, & seqq.

Ex his Iuribus in Lege nova remansit solum Morale, non quatenus Veteris Testamenti, sed quatenus Jus Naturale: adeoque hodie dum ad integram obedientiam omnes obligat. Cætera, opere Redemptionis nostræ per mortem Christi consummato, etiam ipsa mortua sunt, & abrogata, exceptis iis, quæ à Legislatore Ecclesiastico denuo sunt resuscitata: quo casu tamen Christianos obligant non amplius, ut Lex Divina, sed ut humana tantum, utpote à sola voluntate humana potestatem obligandi habentia. Canis. l. 1. tit. 2. in *notat.* Vallens. *Proem.* §. 4. n. 6. Pirh. ib. n. 17. Magnif. P. Schmier *de Jur. Legal.* c. 3. n. 16.

Dub. 4. an in Veteris Testamenti Libris aliquæ Leges, & Præcepta fuerint merè humana? Affirmativa videtur colligi. 1. quia Lex antiqua per sæpe in SS. Litteris appellatur *Lex Moysis*, ut videre est *Malach.* 4. v. 4. ibi *Mementote Legis Moysi Servi mei*; item *Luc.* 2. v. 22. ibi, *Secundum Legem Moysi*. 2. quia Moyses à S. Clemente Romano l. 6. *Constit.* c. 19. Regis, Sacerdotis, & Legislatoris appellationibus honoratur, non aliam utique ob causam, nisi quòd ipse Leges saltem aliquas tulerit.

Sed meliùs tenetur Negativa Sententia, quam etiam cum S. Thom. 1. 2. q. 98. art. 2. defendunt Bellarm. l. 1. de *Verb. DEI script.* c. 6. Maldonat. in *Matth.* c. 19. v. 8. Suar. l. 9. de *LL.* c. 2. n. 14. & præcipui nominis TT. plerique, juxta quos assertio hæc ita certa est, ut existiment esse rem Fidei Veritati valde propinquam. *Probatur*, quia *Exod.* 20. & 21. & seqq. ac ferè per totum *Leviticum* præmittuntur illa verba: *Locutus est Dominus ad Moysen, hæc dices filiis Israel* &c. & *Deut.* 1. princ. similiter dicitur: *Locutus est Moyses ad filios Israel omnia, quæ præceperat ei Dominus, ut diceret eis*: quod ipse repetit c. 6. init. & postea eodem contextu, & modo omnes Leges profert, ergo nullam possumus Legem cum fundamento excipere; aliàs nihil manebit firmum in reliquis.

Neque obstant Argumenta contraria. Ad 1. Lex antiqua *Lex Mosaica* dicitur, non quòd Moyses eam condiderit, sed quòd illam promulgarit. Ad 2. ob eandem rationem etiam dicitur *Legislator*. Et retorquetur argum-



mentum in Legem novam, quæ *Lex Gratiæ* dicitur, non quasi Gratia legem hanc tulerit, sed quia hæc finis, & causa fuit ferendæ Legis novæ à Christo.

99 Quæritur 3. quid sit *Ius Divinum Novum*, Resp. *Ius Divinum Novum* est, quod Christus Dominus, DEUS simul, & Homo, in novo Testamento condidit, & vel per seipsum, vel per Apostolos promulgavit. Vallens. *Procem.* §. 4. n. 6. In Scriptura Sacra variis appellatur nominibus: nam 1. à S. Paulo interdum appellatur *Lex fidei*, Rom. 3. 2. ab eodem vocatur etiam *Lex spiritus vitæ*, Rom. 8. & ob hanc rationem communiter dicitur 3. *Lex gratiæ*; nam Gratia est spiritus nostræ vitæ, vel etiam Vita nostri Spiritus. Imò solet interdum *Gratiæ* simpliciter appellari, juxta illud *Ioann.* 1. *Lex per Moysen data est, gratia, & veritas per JESUM Christum facta est.* 4. Vocatur etiam *Lex Amoris*; quia Spiritus Gratiæ est Spiritus amoris, juxta illud Pauli *Rom.* 8. ibi: *Non accepistis Spiritum servitutis iterum in timore, sed accepistis Spiritum adoptionis filiorum, in quo clamamus, Abba, Pater*, qui est, *Spiritus dilectionis*, ut idem Paulus 2. *Timoth.* 1. Et inde 5. dicitur interdum *Lex Libertatis*. Jacob. 1. quia ubi *Spiritus Domini, ibi Libertas*, 2. *Corinth.* 3. 6. denique appellatur *Lex nova*, vel quia totum hominem per gratiam renovat, ut sumitur ex August. *tr.* 65. in *Ioan.* vel quia est ultima Lex à DEO data, quæ priorem antiquavit, ut sensit Cyrill. 1. 9. in *Ioann.* c. 23. explicans illa verba Christi *Ioan.* 13. *Mandatum novum do vobis*; quæ licet de mandato amoris specialiter dicta fuerint, meritò tamen ad totam Legem amoris, quæ in præcepto amandi virtute continetur, & ab eodem Christo data est, accommodantur: & propterea etiam Lex hæc ab Authore suo *Lex Christi* nuncupatur.

100 Dub. 1. quæ sint Præcepta Juris Divini Novi? Resp. hujus Juris præcepta sunt de Fide Spe, & Caritate, de dilectione inimicorum de ritibus substantialibus Sacrificii, & Sacramentorum, & quæcunque ex ore Christi excerpta Apostoli tradiderunt. Ex his, ut patet, aliqua *Moralia* sunt, nempe illa, quæ sunt de dilectione proximi, & inimicorum: item quæ sunt de Fide, Spe, & Caritate; nam ut Suar. l. 10. de *LL. c.* 2. n. 3. advertit, etiam hæc suo modo inter *Moralia* computantur. Alia verò sunt *Ceremonialia* de ritibus Sacrificii, & Sacramentis. *Judicialia* in hac Lege à Christo lata sunt nulla; quia sicut Christus non assumpsit sibi temporale regnum, nec temporale Iudicium, prout patet ex verbis ejusdem ad Pilatum: *Regnum meum non est de hoc mundo.* Ioan. 18. & Luc. 12. & ex dictis ad illum, qui postularat: *Dic fratri meo, ut dividat mecum hereditatem*, cui respondit: *Homo, qui me constituit Iudicem inter vos?* ita ut nec temporale Regnum, aut Remp. Politicam instituit, sed solum Ecclesiam suam, quatenus congregatio est ad spiritualem finem per spiritualia media ordinata: & ideo per se tantum illas Leges tulit, quæ ad hunc finem directè pertinebant. ad hunc autem per se, & directè non pertinent Leges Judiciales, ergo &c. *Neque obstat*, quod etiam in Ecclesia Christi, ut talis est, aliquæ Leges Judiciales sint necessariæ ad Politicum Regimen Ecclesiasticum, quod suo modo spirituale est; nam sufficiebat, quod potestatem ferendi Leges Judiciales pro necessitate Politici Regiminis Ecclesiastici commiserit Vicariis suis, quæ proin Leges non sub Lege Divina, sed sub Canonica computantur. Suar. l. 10. de *LL. c.* 2. n. 2.

101 Dub. 2. an omnia Præcepta, quæ Apostoli nobis tradiderunt, Divina sint? Resp. negativè; quia ea solum, quæ ex ore Christi excerpta nobis tradiderunt, pro Divinis habenda sunt, ut insinuavi n. præc. ea verò, quæ iidem Apostoli accepta, à Christo potestate, tanquam Pastores, & Rectores Ecclesiæ, Decreta reliquerunt, ut sunt Canones Apostolorum, præcepta de observanda die Dominica, de Jejunio Quadragesimali &c. ad Ius humanum Ecclesiasticum spectant, ut rectè adnotarunt Molin. *tr.* 1. de *I. & I. D.* 5. n. 1. Vallens. *Procem.* §. 4. n. 6. Pirhing *ibid.* n. 13.

102 Difficultas est, ad quod genus Præcepti, Divini, an Ecclesiastici spectet Præceptum de Percussore, seu de Homicida, & de Bigamo non ordinando? Videtur spectare ad Præcepta Divina; nam de his ordinandis, & ad Episcopatum non assumendis præceptum in SS. Litteris continetur 1. *Timoth.* 3. v. 2. & 3. ibi *Oportet Episcopum irreprehensibilem esse, unius uxoris virum, non vinolentum, non percussorem &c.*

Verùm hoc non obstat, quia in Actis, & Epistolis Apostolorum non solum Domini, sed quædam ipsorum etiam Apostolorum præcepta, & consilia continentur, ut patet ex *Act.* 15. v. 29. ubi præcipitur abstinencia à sanguine, & suffocato: item ex illo Pauli: *Ceteris ego dico, non Dominus. 1. Corinth.* 7. v. 12. & *De Virginibus præceptum Domini non habeo; consilium autem do, ibid.* v. 25. Et tale Præceptum etiam est de Bigamo, & Homicida non ordinandis: quod ex eo desumitur; quia in nova Lege, exceptis, quæ ad Fidem, & Sacramenta pertinent, non continetur ullum Præceptum Divinum, quod non etiam sit naturale, ut cum S. Thom. 1. 2. q. 108. art. 1. instar Axiomatis Theologici tradunt Covar. de *Sponsal.* p. 2. c. 6. §. 10. n. 2. Suar. l. 10. de *LL. c.* 2. à n. 4. Vallens. *procem.* §. 4. n. 6. Vviestner *ibid.* n. 46. Magnif. P. Schmier de *Iur. Legal.* c. 3. n. 25. Sed de hujus ipsius Axiomatis veritate, & intelligentia ulterius.

Dub. 3. utrùm non Christus Dominus in Lege Gratiæ 104 aliquid addiderit quoad Præcepta Moralia ultra id, quod ista aliàs habent de Jure Naturali, & habuerunt in Veteri Testamento? Videtur respondendum affirmativè; nam 1. in Lege Gratiæ datur Præceptum credendi explicitè Trinitatem, & Mysteria Verbi Incarnati &c. quæ Præcepta nec semper fuerunt, nec ex natura rei necessaria erant. 2. In eadem Lege tenemur sperare remissionem peccatorum, & gratiam explicitè per Christum: quæ obligatio nascitur ex præcepto speciali Christi, nec antè fuerat. Item tenemur sperare ingressum in Regnum Cælorum statim post mortem, si peccati impedimentum statim sublatum est &c. 3. videtur notabilis facta mutatio tam quoad dilectionem DEI, quam quoad dilectionem proximi; nam quoad primam tenemur explicitè diligere DEUM trinum, & unum, cum in Lege Mosaica, ubi Mysterium SS. Trinitatis nondum fuit revelatum ita clarè, suffecerit amare DEUM simpliciter: quoad alteram *Joan.* 13. dixit Christus: *Mandatum novum do vobis, ut diligatis invicem &c.* ubi videtur præcipi specialis modus, quo Christiani se invicem debent diligere, præ illo, quo vi Legis Naturalis tenemur diligere quemvis proximum. 4. In Præcepto orandi Christus addidit specialem formam orandi. *Matth.* 6. & in aliis locis videtur præcipere Christianis specialem frequentiam orandi, & modum explicitum petendi per ipsum. *Joan.* 14. & 16. imò totum Præceptum orandi videtur positivum, & maximè proprium Christianorum, licet usus orandi antiquior, & universalior sit.

Sed dicendum, quod Christus quidem in materia morali 105 addiderit novum præceptum, positivum, quo Præcepta moralia Legis naturalis confirmavit, & sic auxit obligationem, adeò, ut Christiani peccatum contra Legem Naturalem cæteris paribus sit gravius, quam in homine Gentili in eadem materia: non tamen obligationem istam, quæ Jure Naturali dabatur, auxerit extensivè, ut plura objecta jam nunc contineat, quam quot continentur per se in Jure naturali indeterminatè. Ita Suar. l. 10. de *LL. c.* 2. n. 5. & seqq. post S. Thom. 1. 2. q. 108. art. 1. *fin. Corp.* & clariùs art. 2. *fin.* ubi ait: *Lex nova nulla alia opera determinare debuit præcipiendo, vel prohibendo, nisi Sacramenta, & moralia Præcepta, quæ de se pertinent ad rationem Virtutis, ut non esse occidendum, vel furandum, & similia.* Et rationem dat; quia cum hæc sit *Lex Gratiæ, solum ea præcipere debuit, vel prohibere, per quæ in gratiam inducamur, vel quæ pertinent ad rectum gratiæ usum ex necessitate.* Quod confirmat ex eo, quia in Lege Veteri non erant alia Præcepta moralia præter ea, quæ naturalia sunt: & concludit, multo minus hoc debere fieri in Lege nova; quia quantum ad hoc *Lex nova supra Veterem addere non debuit.* Nam 1. ut idem S. D. art. 1. *cit. fin. Corp.* dicit, etiam quoad hæc Legem novam appellari *Legem Libertatis*; quia Lex Vetus tam multa in particulari præcipiebat, ut ferè nihil liberum determinationi subditorum relinqueret: Lex autem nova è converso nihil per Legem Positivam determinat in materia morali, sed ea solum præcipit, quæ habent necessariam convenientiam, vel contrarietatem ad interiorè gratiam, quæ in fide per dilectionem operante consistit.

Neque doctrinam istam convellunt Argumenta opposita. 106 Ad 1. circa Præceptum Fidei duo sunt distinguenda, scilicet revelatio cum sufficienti propositione credendorum, & obligatio ad credendum ea, quæ revelata, & proposita sunt. Primum est ex Voluntaria dispositione DEI,



DEI, & ita dici potest de Jure Divino positivo, pertinente ad novam Ecclesiæ institutionem, in qua Christus voluit, tantam esse lucem, & cognitionem DEI, ut credatur etiam Mysterium Trinitatis explicitè. Alterum, scilicet obligatio credendi explicitè Mysterium, si hoc sufficienter revelatum, & propositum sit, exinde sequitur, & jam non est merè positiva; sequitur enim ex natura rei, & intrinsicè ad propositionem Mysterii rite factam. Et sic præceptum credendi explicitè Mysterium Trinitatis, quod datur in Lege nova, præsuppositivè quidem, quatenus supponit revelationem, quæ simpliciter non erat necessaria, erit positivum, formaliter autem, & in se naturale. *Ad 2.* licet usus spei multò perfectior postuletur in Lege nova, quàm antea, tum quoad modum sperandi gloriam, tum quoad media supernaturalia ordinata ad eam obtinendam, non tamen propter hoc necessarium erat, ut circa materiam spei in hac Lege darentur Præcepta specialia positiva, quia tota spei, prout nunc datur, obligatio, supposita fide Incarnationis, & institutione Sacramentorum, ex rei natura sequitur. *Ad 3.* neque in Præcepto Caritatis per Legem novam inducta est aliqua obligatio, quæ non nascitur ex ipsa natura rei; nam obligatio amandi Deum trinum, & unum, nascitur ex agnitione Trinitatis, & Unitatis, obligatio verò speciali amore prosequendi Christianos oritur ex ordine Caritatis, ratione cuius obligamur magis amare, cæteris paribus, magis conjunctos: novum verò Præceptum hoc dicitur, non quia positivum, & non naturale est, sed vel quia à Christo fuit renovatum, ut dixi. Clem. Roman. l. 6. *Const. c. 23.* vel quia novo modo est latum, explicando novam rationem in objecto illius, sumptam ex adventu Christi, & ex speciali Dilectione sua erga homines, ut videtur exponere ibi Chrysost. *homil. 71.* & Cyrill. l. 9. c. 23. vel denique ex effectu, quia hæc dilectio renovata erat mundum, ut sensit Aug. ibi *tr. 65.* *Ad 4.* in Præcepto Orationis Christus nihil addidit tanquam necessarium, quod de Jure naturæ non est, ut ostendit Suar. l. 1. *de Orat. c. 29.* sed tantum explicavit modum, tradendo formulam orandi, cujus usum tamen non præcepit, sed suavit, sicut etiam suavit frequentiore orandi usum in Christianis. Et sic patet, in materia morali quidem Christum tradidisse diversa Consilia, non tamen præcepisse aliquid, ad quod non antea obligabat Jus Naturale secundum qualitatem Status fidelium.

107 Dub. 4. quænam Leges Ceremoniales ex his, quarum usus in Ecclesia Christi est, pertineant ad Jus Positivum Divinum? Resp. in antiqua Lege Præcepta Ceremonialia circa quatuor versabantur; nam complectebantur Sacrificia, Sacramenta, Sacra, & Observantias. Ex his de duobus posterioribus Christus nullum dedit Præceptum Positivum, sed potestatem instituendi illa, & instituta præcipiendi commisit Ecclesiæ pro prudenti suo arbitrio: atque hoc spectabat ad libertatem, & perfectionem istius Legis. Suar. l. 10. *de LL. c. 2. n. 17.*

108 De duobus prioribus Præcepta Divina dantur in Lege nova: & videbatur hoc necessarium ad perfectionem istius Legis; nam Sacrificia, & Sacramenta pertinent ad substantiam Cultus Divini? Sacrificium quidem; quia veluti essentiam Cultus Divini externi, & publici continet: Sacramenta verò; quia ad sanctificationem Cultorum DEI ordinantur, non sufficiebat autem, institutionem istorum relinqui homini quoad substantiam illorum; quia quoad istam debebant esse firma, & stabilia semper in Ecclesia, ut per talia signa semper Ecclesia Christi ab aliis Sectis, vel congregationibus distinguere-  
tur; nam ut Aug. l. 19. *contra Faust. c. 11.* inquit, *In nullum nomen Religionis coagulari homines possunt, nisi aliquorum signorum, vel Sacramentorum consortio colligentur.* igitur ad servandam hanc unitatem, eamque conservandam necesse erat dari Præcepta Divina, quæ substantiam illorum determinarent; accidentalia verò, cum in his unitas non consistat, permitti Ecclesiæ determinationi poterant. Suar. n. 17. *cit.*

109 Neque Præcepta ista adversantur aut suavitati, & libertati, aut perfectioni Legis novæ. Suavitati, & libertati ejus non repugnant; quia Christus Dominus, ut notat Aug. *Epist. 118. c. 1.* *Levi jugo suo nos subdidit, & sarcinæ levi: unde Sacramentis numero paucissimis, observatione facillimis, significatione præstantissimis societatem novi populi colligavit.* Perfectioni non adversantur; quia se-

cum afferunt Spiritum gratiæ, & Caritatis, & ad illum obtinendum ordinantur. Spiritus autem Caritatis, ut S. D. *Libr. de Perfect. Instit. c. 5.* dixit, *facit Præcepti sarcinam non prementem onere ponderum, verum etiam sublevantem vice pennarum.*

Dub. 5. utrum Lex nova præcipiat tantum actus externos, vel etiam internos? Resp. à Jure Divino Positivo novo utrosque præcipi. Et quidem, quod præcipiat Actus externos patet; quia Lex nova continet Præcepta tum Ceremonialia, tum Moralia. Ceremonialia omnia de actibus externis sunt; Moralia verò confirmant obligationem Legis Naturalis. igitur illos actus præcipiet illa, quos ista datur autem ista etiam ad actus externos, e. g. Eleemosynæ, Dilectionis per opus externum Caritatis exercendæ &c. ergo &c. De Internis patet; quia in iis principaliter consistit rectitudo ad DEUM, eamque maximè Christus intendit: ideoque dixit *Matth. 5. Nisi abundaverit Justitia vestra plusquam Scribarum, & Phariseorum,* qui Justitia externa contenti erant, *non intrabitis in regnum cælorum.* Suar. n. 18.

Præcipiuntur autem Actus interni per Legem Divinam Positivam novam duobus modis. Et uno quidem per se, & directè, ita, ut in ipso actu interno quasi consummetur materia Præcepti: & hoc modo præcipiuntur Actus Virtutum Theologicarum, & quarundam moralium, & actus contrarii prohibentur. Altero modo præcipiuntur propter Actus externos, qui interdum per se primò præcipiuntur; cum enim Actus isti externi, ut per istos satisfiat Præcepto, debeant esse morales, & humani, tales autem esse non possunt sine intentione, & attentione ad Actum humanum, ac moralem requisita, quæ est actus internus, consequenter illos præcipiendo etiam Actum internum præcipit. Quod accommodari etiam debet Legi Divinæ, quatenus aliquos actus externos prohibet; nam simul prohibet actus internos: & sic prohibet etiam internam concupiscentiam, & prava desideria, ut habetur *Matth. 5.*

## §. I V.

De Jure Positivo Humano in genere, & in specie de Jure Gentium.

## S U M M A R I U M.

- 112 *Juris Positivi Humani Definitio.*
- 113 *Necessitas.*
- 114 *Divisio in Scriptum, & non scriptum.*
- 115 *Ratio hujus appellationis.*
- 116 *Jus Gentium pertinet ad Jus humanum, idque non scriptum.*
- 117 *Quid Gentium nomine hic intelligatur?*
- 118 *Quid intelligatur nomine Jutis Gentium?*
- 119 *Hujus divisio in Primarium.*
- 120 *Et Secundarium.*
- 121 *An sustinenda sit hæc divisio?*
- 122 *An detur Jus Gentium propriè dictum?*
- 123 *Defenditur Affirmativa.*
- 124 *Respondetur ad opposita.*
- 125 *An Jus Gentium ex toto sit Positivum?*
- 126 *Resolvitur pro Affirmativa.*
- 127 *Argumenta contraria dissolvuntur.*
- 128 *An idem Jus sit ex toto humanum?*
- 129 *Respondetur affirmativè, & probatur ex S. Thoma.*
- 130 *Et ratione.*
- 131 *Solvuntur Objectiones.*
- 132 *Quid sit Jus Gentium?*
- 133 *Quod ejus subjectum?*
- 134 *Quotuplex sit?*
- 135 *Objectum Juris Gentium propriissimè dicti.*
- 136 *Objectum minus propriè accepti.*
- 137 *Obligat hoc Jus in Conscientia, quatenus illud præceptivum, aut prohibitorium est.*
- 138 *Et stringit ipsos Supremos Principes.*
- 139 *Potest mutari.*
- 140 *Etiam id, quod propriissimè tale est.*
- 141 *Ratio hujus mutabilitatis.*
- 142 *Tolli tamen moraliter nequit.*
- 143 *Etiam quoad singularia sua Præcepta.*
- 144 *Differentia hujus Juris à Jure Naturali.*
- 145 *Et à Jure Civili.*



- 112 **Q**uæritur 1. quid sit Ius Positivum Humanum? Resp. est Ius, quod homines à DEO accepta potestate condiderunt, ac promulgarunt: sive quod obligandi vim immediatè obtinet à libera voluntate hominis, publica auctoritate aliquid præcipientis, vel prohibentis. Vall. *Proem.* §. 4. num. 7. Pirh. *ib.* num. 13. *vers.* *Ius Positivum.* Reiffenst. num. 23. Differt à Iure Naturali, & à Positivo Divino tum in ratione Authoris sui, tum in ratione unitatis, & perpetuitatis; nam Lex Naturalis, & Positiva Divina pro Authore suo habent ipsum DEUM; Humana verò hominem: illæ eadem sunt apud omnes; non verò istæ, sed aliæ, atque aliæ aliis, atque aliis Gentibus placent.
- 113 **Q**uæritur 2. an necessarium fuerit Legibus Naturalibus, & Divinis superaddi Ius Humanum? Resp. affirmativè: & 1. quidem; quia Lex Divina, & Naturalis generales admodum, & indeterminatæ sunt, quæ proinde per Leges humanas determinandæ, temperandæ, ejusque societati, ac communitati accommodandæ sunt ad consensionem, & concordiam inter homines, in rebus humanis, & politicis diversimodè sæpe opinantes, & sentientes conciliandam. 2. quia hoc exigebat bonum, & quies Reip. & Civium illius, quæ ut facta recta maneret adversus improborum violentias, factæ sunt Leges, ut earum metu humana coereretur audacia, tutaque sit inter improbos innocentia, & in ipsis improbis formatio supplicio refrenetur audacia, & nocendi facultas, sicut loquitur Isidorus relatus *can. factæ 1. dist. 4.* 3. quia maximè connaturale est homini Legibus humanis regi; namut Platol. 2. de *LL.* ait, *si homines absque Legibus vixerint, nihil à feris atrocissimis discrepabunt*: Et Aristotiles 1. *Polit. c. 2.* sicut homo, si sit perfectus virtute, est optimum animalium, ita si fiat alienus à Lege, & Justitia, sit pessimum omnium.
- 114 **Q**uæritur 3. quod duplex sit Ius Humanum? Resp. est duplex, Scriptum, & non scriptum, *Scriptum* Ius est, quod publica auctoritate ejus, qui Legum ferendarum potestatem habet, mandatum, conditum, & literis expressum est: tale Ius faciunt Canones Apostolici, concordæ SS. PP. Sententiæ, Conciliorum Decreta, Constitutiones Principum, Statuta aliorum etiam inferiorum Legislatorum &c. *Ius non scriptum* est, quod usu, & moribus introductum, & approbatum est; tale Ius sunt Consuetudines tam Ecclesiasticæ, quàm Sæculares; & in specie Usus, & Consuetudines Feudales. *Neque obstat*, quòd usus isti postmodum in Scripturam redacti fuerint, prout patet ex duobus Libris Feudorum. Nam ad Ius Consuetudinarium sufficit, quòd illud primitus sine expresso Principis consensu solis utentium moribus fuerit introductum, quidquid sit, an illud postea memoriæ causa in Scripturam redigatur, necne; hoc enim per accidens est.
- 115 Ex quo sequitur, quòd Ius Scriptum dicatur non omne, & solum illud, quod scriptis exceptum est; quia ex una parte Consuetudines Feudales, & aliæ quædam in Scriptum relatæ sunt, nec tamen per hoc Iuris Scripto accensentur: ex altera verò parte, si Princeps quidpiam oratenus in bonum commune statueret, illudque sola Præconis voce promulgaret Communitati, adhuc illud ad Ius Scriptum pertineret. Nomen ergo hoc suum Ius Scriptum accepit, non quia necesse est illud in Scripturam redigi; sed quia consuevit ita redigi in Scripturam, ut hac ratione melius promulgari, populoque innotescere, ac præ oculis legentium, ad conservandam perpetuam ejus memoriam, jugiter haberi possit. Reiffenst. *Proem.* num. 159.
- 116 **Q**uæritur 4. ad quam Iuris speciem pertineat Ius Gentium? Resp. Ius Gentium, ita dictum, quia consensu omnium, vel plerarumque Gentium est introductum, habet cum Iure Divino Positivo, & Naturali valde propinquam cognationem; tum quia ad instar memoratorum Iurium universalitate sua ad omnes, aut plerasque saltem Gentes portigitur; tum quia non minùs privatos, quàm Principes sibi devotos, & obstrictos tenet: pertinet tamen ad Ius Positivum Humanum, idque non scriptum. Ad *Ius Humanum* pertinet; quia voluntate, & consensu hominum ad humanarum Societatum tranquillitatem vitæque, ac commerciorum compendia promovenda, & stabilienda est introductum: ad *Non Scriptum* verò *Ius* spectat; quia introductum est consensu non expresso, sed tacito, admodum
- Juris non scripti, seu Consuetudinarii.
- Porro *Gentium* appellatione intelliguntur homines, qui in Corpora Civilia concesserunt. Possunt autem Gentes trifariam considerari. 1. pro omnibus, quotquot toto Orbis ambitu continentur, cognitæ æquè, ac incognitæ 2. ex harum numero pro illis tantum, quarum cognitio datur. 3. denique ex his, quæ nobis sunt cognitæ, pro iis solum, quæ inter reliquas sunt moratioræ. Quoad Ius Gentium non intelliguntur Gentes; quarum omnis notitia nobis desuit; neque barbaræ illæ, quæ deposita humanitate, speroque omnis honestatis, atque decoris studio, serinum penitus in modum vitam exigunt: sed moratioræ, quæ Naturæ lumine culturam adhibent, & illius, quæ in vita, moribusque versatur, honestatis studium, atque peritiam profitentur, quales fuerunt olim Iudæi, inter Gentiles Romani, & Græci, & nunc præ cæteris Europæi. Muller, *ad Struv. Exerc. 1. th. 54. lit. B.*
- Q**uæritur 5. quid intelligatur nomine Iuris Gentium? 118  
Resp. hoc Nomen à pluribus DD. accipitur latius pro omni illo Iure, quod omnibus, aut ferè omnibus hominibus proprium est, iisque solis convenit, sive interim illud revera pertineat ad Ius Naturale, sive ad Ius Gentium, ut contra distinctum à Iure Naturali: in quo sensu Imperator l. *Iuri 1. §. fin. ff. de I. & I.* dixit, *Ius Gentium esse, quo Gentes humana utuntur*, quòdque *solis hominibus inter se commune est*: Et ita acceptum Ius Gentium Iuris Interplices communiter distinguunt in Ius Gentium Primarium, & Secundarium. Ita Schneidevv. *ad §. Jus autem 1. Inst. de J. N. G. & C.* Bachov. *ibid.* Vvolfg. Textor. in *Synops. Jur. Gent. c. 2.* Mevius in *Nucl. Jur. Nat. Inspect. 5.* Sanct. Gallens. *de LL. sect. 2. q. 3. concl. 1.* Magnif. D. Christoph. de Chlingenberg *ad Instit. tit. cit. q. 3.* & plures alii.
- Ius Gentium Primarium*, seu *Antiquum* vocant, quod 119  
solis hominibus convenit, sic tamen, ut non ab aliqua hominum constitutione, sed à naturali instinctu rationis ortum habeat, utpote ab initio cum hominibus natum, & mentibus eorum à DEO naturaliter inditum. De hoc loquitur Imperator §. *Ius autem cit.* & Cajus l. *omnes 9. ff. de I. & I.* ibi: *Quod verò naturalis ratio inter omnes homines constituit, id apud omnes populos peræque custoditur, vocaturque Ius Gentium, quasi quo Iure omnes Gentes utuntur.* Hoc Ius intrinsecè pertinet ad Ius Naturale: & hinc à quibusdam *Ius Naturale Secundarium* appellatur; distinguunt enim duplex Ius naturale, unum *Primarium*, quod continet dictamina Iuris Naturalis quoad instinctus, & inclinationes hominibus cum brutis communes; alterum *Secundarium*, quod comprehendit dictamina rationis naturalis homini soli propria, Hujus Iuris sive Naturalis, sive Gentium exempla habentur in *can. Ius Naturale 7. dist. 1.* Muller. *ad Struv. Exerc. 1. th. 55. lit. A.* Valleng. *Proem. §. 5. num. 5.* Pirhing. *numér. 10.* Reiffenstuel *numér. 31.*
- Ius Gentium Secundarium*, quod etiam ad distin- 120  
ctionem prioris *Ius Gentium Humanum* appellant, dicunt illud, quod ex ratione quidem naturali proficiscitur, non tamen simpliciter, & ab initio solo rationis instinctu, ac lumine hominum menti est inditum, & nobiscum natum, sed postea exigentibus humanis necessitatibus, vel suadentibus, usu, ac moribus omnium, aut ferè omnium Gentium est introductum, sive per modum Legis præceptivæ, aut prohibitivæ, sive per modum potestatis, seu facultatis permissivæ quidpiam agendi, quod usu, seu consuetudine omnium, aut penè omnium Gentium concessum est, tanquam utile hominibus in communi societate viventibus. Unde etiam *Ius Humanum* appellatur à Livio *Libr. 5. de Urbe Condita*, ut quod plurima hominum pars ubique receperit. Hoc solum ad Ius positivum pertinet, & *Ius Gentium* propriè dictum est, de quo sermo est *can. Ius Gentium 9. dist. 1. l. ex hoc Iure 5. ff. de I. & I. §. sed Ius 2. vers. Ius autem gentium Inst. de I. N. G. & C.* Ratio Ius istud introducendi fuit, quia homo, cum sibi ipsi non sufficiat, sed præ omnibus aliis animalibus per totam vitam suam indigeat ope aliena, naturaliter est animal sociabile: ac proinde nonnulla ad conservandam, vel redintegrandam hanc communem inter se societatem, necessaria, atque utilia mutuo consensu, usuque ipso constituerunt, quæ hac ratione ad Ius Gentium spectare dignoscuntur.



scuntur. Et hoc Jure introducta sunt Bella, Paces, & Fœdera, Captivitates, & Servitutes, Divisio bonorum, & omnes penè Contractus. Suar. l. 2. de LL. c. 8. Valens. Proem. §. 5. n. 5. Pithing num. 10, vers. alterum, Reiffenst. num. 32.

121 Disputant hic aliqui, an sustinenda sit hæc Divisio in Jus Gentium Primarium, & Secundarium. Defendunt illam DD. num. 118. allegati cum aliis. Sed longè plures illam reiiciunt cum Molin. de I. & I. tr. 1. D. 3. & seqq. Suar. l. 2. de LL. c. 17. & 19. Fleck. Biblioth. Jur. Civ. l. 1. tit. 9. num. 4. Groning. Biblioth. l. 3. passim. D. Gletle Jurispr. fund. l. 1. tit. 2. c. 3. §. 4. num. 1. Clariss. D. D. Franz. ad Inst. de J. N. G. & C. p. 2. num. 5. Magnif. P. Schmier tr. de Jur. Legal. c. 4. num. 22. qui triplicem Rationem affert. 1. quia divisio hæc fundatur in finitio supposito, quod detur duplex Jus Naturale, Primævum nempe, quod commune est homini cum brutis; & Secundarium, quod solis hominibus proprium est, & Jus Gentium Primatum vocant. 2. quia Jus Gentium non est pars Juris Naturalis, sed ab hoc adequatè distinguitur, ut ostenderetur *infra* num. 126. 3. quia Imperator Jus Gentium, Civile, & Naturale revera discriminare voluit; & nequaquam primum cum tertio maritare, prout expendenti Rubrum, & Nigrum *Tit. de I. N. G. & C. in Inst.* sine negotio apparebit.

122 Quæritur 6. an detur Jus Gentium propriè dictum? Negant nonnulli, teste D. Gletle p. 1. *Pandect. q. 1. num. 1.* Fundantur in duplici argumento. 1. quia videtur impossibile, ut Gentes universæ cocant ad unum aliquod commune Jus mutuo consensu pangendum. 2. quia videtur deficere huic Iuri objectum; nam capita illa, quæ vulgò Juris Gentium esse dicuntur, ne quidem à Gentibus innotioribus observantur.

123 Sed dicendum, dari Jus Gentium. Ita post Suar. l. 2. de LL. c. 27. num. 1. & alios Magnif. P. Schmier tr. de Jur. Legal. c. 4. num. 4. & novissimè P. Vitus Pichler *Candid. Jurispr. Sacr. Proleg. num. 21.* Pater 1. ex communi Gentium sensu; passim enim apud Historicos, & Scriptores publicos leges, à Gentibus ad Jus Gentium provocatum fuisse. 2. ex ratione; nam Gentes defacto inter se societatem aliquam invere, ergo indigent Regula, ad cujus normam societas illa ritè instituat, & actiones, ac negotia vel dirigantur, ut iusta sint, vel reformentur, si sint iniusta, præsertim in commerciis, & contractibus. atqui hæc Regula nihil aliud est, quam ipsum Jus Gentium. ergo &c.

124 Ad Argumenta contraria Responsio non est difficilis. Ad 1. ad Jus Gentium constituendum non fuit necessarium, ut Gentes in unum locum convenirent, aut consensum mutuum verbis exprimerent; sed sufficiebat consensus tacitus, quem uniformi circa unam, eandemque materiam operatione, ac subsecuta in transgressores animadversione, declarantur. Ad 2. quod constitutum sibi Jus tam religiosè, prout oporteret, Gentes non observent, non defectum, sed abusum Juris existentis indicat; hac ipsa namque de causa, quod una, vel altera Gens Juris istius capita temere infringat, Gentes aliæ ad arma convolant, & vindictam capiunt, ut lugubris tot bellorum experientia monstrat.

125 Quæritur 7. an Jus Gentium ex toto Positivum sit? Multi ex JCTis confundunt hoc Jus cum Naturali Jure, & putant illud denominatione solum extrinseca ab hoc differre, dum volunt Juris Naturalis esse ea, quæ Naturæ rationali, quâ tali conformia sunt; Juris Gentium verò illa, quæ conformia sunt eidem Naturæ, supposito rationio humanæ indigentia. Ita Puffendorff. de Jur. Nat. l. 2. c. 3. §. 23. Ryffel de Jur. Natur. l. 1. c. 7. num. 15. & c. 27. num. 4. Hobbesius in lib. de Cive c. 14. §. 4. Schambog. ad Inst. tit. 2. l. 1. q. 5. Rationes illorum sunt, quia omne Jus à Superiore debet procedere. non apparet autem, à quo Superiore possit procedere Jus Gentium, si Naturale non est, cum omnes homines, conf. etiam supremi Principes eo Jure teneantur, & sic respectu ejus sint subditi. 2. non potest ostendi, quæ præcepta sint propria Iuri Gentium, quatenus hoc distinguitur à Jure Naturali; nam ea, quæ apud JCTos ad Jus Gentium referuntur, v. g. circa modos acquirendi, Contractus &c. vel ad Jus Naturale pertinent, vel ad Jus Civile singulorum. igitur quatenus à Jure Civili distinguitur, eatenus pars Juris naturalis erit. 3. plura dicuntur esse Jutis Gentium v. g. privilegia, & prerogativæ Legatorum, Schmalzgrueber Tom. I,

quæ nullo modo obligatoria, sed arbitraria sunt. 4. ipse Imperator Jus Gentium ad Jus Naturale revocat §. Jus autem 1. Inst. de I. N. G. & C. ibi: Quod verò naturalis ratio inter homines constituit, id apud omnes peræque custoditur, vocaturque Jus Gentium.

Verum his non obstantibus, dicendum, Jus Gentium 126 ex toto Positivum esse, atque à Naturali Jure adæquatè distinctum. Ita Suar. l. 2. de LL. c. 17. per totum. Gonzal. Apparar. Jur. Can. num. 19. Gronius de Jur. Bell. & Pac. l. 1. c. 1. num. 14. Mevius Nucl. Jur. Gent. Inspect. 5. th. 9. Vitriar. Inst. de I. N. G. & C. Prolegom. num. 24. Groning. Bibl. Jur. Gent. l. 3. c. 10. num. 15. Magnif. P. Schmier de Jur. Legal. c. 4. num. 6. Ratio est 1. quia Jus naturale fundatur in necessitate Naturæ, & objectum ejus, intrinsecam continet honestatem, vel malitiam, prout ostensum est *suprà* num. 57. Non ita fundatur Jus Gentium, & hujus objecta non sunt intrinsecè honesta, vel inhonesta, prout patet in captivitate, & servitute per Jus Gentium introducta. ergo &c. 2. Jus Gentium ex fine suo primario magis societatem, quam Naturam Rationalem respicit; contrà Jus Naturale intendit ex primario suo fine felicitatem Naturæ rationalis quâ talis, neque magis Socium, quam hominem per se primò informare studet. igitur ex fine differunt; conf. etiam secundum se. 3. Jus Naturale in cordibus nostris scriptum, & sine hominum voluntate ex ipsa necessitate Naturæ rationalis fancitum est: Jus verò Gentium moribus utentium invaluit, nec sine Gentium voto, & voluntate, saltem tacita, ut num. 116. dixi, coaluit. igitur non est idem cum Jure Naturali, nec esse potest ejusdem portio.

Argumenta Contraria inentum non probant. Ad 1. 127 dicit Magnif. P. Schmier. l. cit. num. 15. Superiorem, cujus autoritate, Jus Gentium vim Legis, & Juris habet, esse DEUM, non tanquam Authorem Naturæ (sic enim Jus Naturale constituit) neque ut Authorem supernaturalem; nam sub isto respectu Jus Divinum Positivum condidit: sed velut Authorem humanæ Societatis, & supremum Policiarum, & Rerump. Principem, quatenus scilicet, supposita Societate, quam homines inter se habent, ille voluit, ut inter Gentes daretur aliqua communis Regula, ad cujus libellam Societas illa inflecteretur, quæ ipsa regula Jus Gentium appellatur. Sed quia hoc modo Jus Gentium videtur effici quasi Divinum à DEO, à quo vim obligandi accipere dicitur, quæ sequela cum dicendis num. 129. pugnat, idcirco aliam viam in eo, & dico, Jus Gentium constitutum esse per modum pacti, non expressi, sed taciti, manifestati per hoc, quod Gentes Jus istud animo introducendæ, & retinendæ obligationis receperint, & data occasione ad illud, tanquam ad Jus sibi commune, provocent. Authores ergo istius Juris sunt ipsæ Gentes ita tacitè paciscentes: conf. Superioritate ad Jus istud constituendum opus non est, cum Pacta fieri inter æquales possint. Ad 2. Præcepta illius Juris enumerabuntur num. 135. Neque obest, quod aliqua ex istis revocentur ad Jus Naturale, alia ad Jus Civile: ad Jus Naturale enim revocantur; quia hoc est principium, ex quo deducta sunt; ad Jus Civile ob formam, quæ à Jure hoc illis data est. Ad 3. Datur etiam Jus Gentium permissivum, cujus actus, & objecta recensentur num. 136. Ad 4. Imperator §. cit. vel usurpavit Jus Gentium pro Naturali per abusum Vocabuli, vel per Rationem Naturalem intellexit non regulam intrinsecæ honestatis, vel malitiæ, sed potiùs congruentiam, & convenientiam aliquam, quam stando in Jure Naturæ absque longiori indagine deprehendere licet: quod ipsum idem Imperator indicare videtur §. sed Jus 2. Inst. eod. ubi dicit, Jus Gentium esse, quod usu exigente, & humanis necessitatibus, Gentes humana sibi constituunt.

Quæritur 8. utrum Jus Gentium ex toto humanum 128 sit? Negant aliqui, qui proinde existimant, hoc Jure contineri quædam Præcepta, quæ faciant Jus humano, & positivo quocunque altius, à Naturali tamen distinctum: quænam verò Præcepta sint Juris hujusmodi altioris, non convenit inter ipsos; nam 1. aliqui ad Naturale Jus solum referunt, quæ vel immediatè, & sine discursu, vel ex discursu quidem, sed facillimo innotescunt; ad Jus Gentium autem pertinere, ajunt, quæ ex primis, ac per se notis generalibus Præceptis Moralibus discursu minis facili deducuntur.



tur. 2. alii ad Ius naturale revocant etiam ea, quæ ita deducuntur ex Principiis, generalibus, si Societatem, commercium, & conventionem humanam non supponant; ad Ius Gentium autem, quorum absoluta obligatio huiusmodi societatem, commercium, & conventionem supponit,

129 Sed melius dicitur, Ius Gentium propriè dictum Ius merè positivum, & humanum esse. Ita Sot. *lib. 1. de Iust. q. 5. art. 4.* & latius *lib. 3. quest. 1. art. 3.* Bellarm. *lib. 1. de Cler. cap. 29. Edit. ult. Covar. reg. Peccatum p. 2. §. 11. num. 4.* Molin. *tract. 2. de 1. & 1. D. 3. num. 3.* Suar. *lib. 2. de LL. cap. 19. num. 3.* Salas *D. 2. de LL. num. 21.* Gonzal. *Apparat. num. 17. & 19.* Vviesner *Proëm. num. 52.* Reiffenst. *ibid. num. 34.* & consentit Doct. Angel. *1. 2. quest. 95. art. 4.* ubi absolute Ius Positivum dividit in Gentium, & Civile, & utrumque dicit esse humanum Ius derivatum à Naturali. Neque dici potest, quòd S. D. Ius humanum hic dicat non ab Authore, sed ex materia, quia versatur circa res humanas, in qua significatione ipsum Ius naturale humanum est, quia illo humanum genus gubernatur, & humanæ actiones diriguntur; quamvis enim idem Angelicus sub tam lata significatione accepisse videatur Ius humanum *cit. q. art. 2. in art. 4. cit.* tamen expressè Legem humanam à Naturali distinguit, & dicit, Legem humanam derivari à Naturali, & Ius Civile quidem per modum determinationis particularis, Gentium verò per modum conclusionis, non simpliciter necessariæ, sed ita convenientis Naturæ, ut quasi instigante Natura inferatur, prout eundem explicant Sot. Bellarm. Covar. Suar. *l. cit.*

130 Rationem dat Suar. *loc. cit. num. 4.* quia Lex sufficienter dividitur in Naturalem, & Positivam, & hanc vel Divinam, vel Humanam. atqui Ius Gentium non est Ius Naturale propriè dictum, aut pars illius, ut dictum est *num. 126.* nec etiam Ius Divinum Positivum, utpote non habens pro suo immediato Authore DEUM, cum non constet, quando, & ubi, ac per quos ab ipso sit traditum. ergo necesse est, ut sit Ius merè positivum humanum. *Conf.* quia Lex naturalis est, quam non opinio genuit, sed naturalis evidentia, ut Cicero dixit. ergo omnis Lex, quæ non hoc modo generatur, positiva, & humana est. tale autem est Ius Gentium; quia non per evidentiam, sed probabilitatem, & communem æstimationem hominum introducit. ergo &c.

131 Neque contrarium probant Adversarii, *Ad 1.* discursus non variat ipsum Ius, sed solum explicat prima Principia, & Præcepta Moralia generalia, & ostendit, quænam particularia Præcepta illis comprehendantur: unde five immediatè, five per discursum constet, aliquid præceptum, permissum, vel prohibitum esse, si bonitatem, vel malitiam intrinsecam habeant, pertinebunt ad Ius Naturale. *Ad 2.* ex eo loquendi modo sequeretur, quòd præcepta non furandi, parendi domino, implendi Contractus, observandi promissionem, non vendendi rem consecratam, & similia ad Ius Gentium spectent; neque enim absolutam obligationem inducunt, nisi supposita rerum divisione, ac dominio, servitute, commercio, promissione, consecratione &c. sequela apertè falsa est; quia omni alio Iure secluso, lumen, & ratio naturalis dicat, ea observari debere.

132 Quæritur 9. quid sit Ius Gentium, & quod ejus Subiectum? Resp. Ius Gentium, ut contradistinctum à Iure Naturali, & prout illud merè Positivum, & quidem merè Humanum est, definiri potest, esse id, quod exigentibus necessitatibus, & utilitatibus, suadentibus usu, & moribus omnium, aut ferè omnium, Gentium introductum est. Vallens. *Proëm. §. 5. nu. 1.* Plettenberg *Introd. Jur. Canon. cap. 3. num. 3.* & fundamentum dat Imperator §. *sed Ius 2. vers. Ius autem Gentium.* *Inst. de J. N. G. & C. ibi: Ius autem Gentium omni humano generi commune est; nam usu exigente, & humanis necessitatibus, Gentes humana Jura quadam sibi constituerunt.*

133 Subiectum istius Juris est solus Homo, consideratus ut Civis, seu membrum totius Communitatis humanæ, ex omnibus populis, & Gentibus constitutæ, multipliciter enim considerari homo potest, & pro diversa consideratione subiacet diversis Iuribus. 1. enim considerari potest ut Animal, 2. ut creatura ratione præ-

ditæ. 3. ut membrum totius Communitatis humanæ. 4. ut subditus Romano Imperio. 5. ut Christianus, five subiectus Sanctæ Matri Ecclesiæ. 6. denique ut Civis, seu membrum certi alicujus Principatus, vel Reip. Si primo modo spectetur, utitur Iure Naturali illo impropriissimè accepto, & prout illud dicit inclinationem potentiæ sensitivæ. Si secundo, regitur Iure Naturali propriè dicto, & per hoc dirigitur ad vitanda ea, quæ rationali creaturæ dissentanea, & præstanda illa, quæ eidem consentanea sunt. Si tertio, subest Iuri Gentium, eoque dirigitur ad ea, quæ pertinent ad Populorum, ac Nationum omnium, five totius Humanæ Communitatis bonum, ac felicitatem. Si quarto, utitur Iure Civili, quod simpliciter prolaturum intelligitur de Romano. Si quinto, dirigitur Iure Ecclesiastico, seu Canonico. Si sexto, subest Statutis particularibus Reip. vel Principatus, iisque disponitur ad ea, quæ pertinent ad bonum commune Principatus, seu Reip. cujus est Civis. Lancelot. *pr. libr. 1. Inst. in Gloss. V. est igitur.* Gonzal. *Proëm. numer. 30.* Reiffenst. *num. 29.*

Quæritur 10. quotuplex sit Ius Gentium *num. 132.* 134 descriptum? Resp. est duplex; nam aliud est Propriissimè tale, aliud minùs propriè. *Ius Gentium propriissimè acceptum* est, quod inter Gentes quæ tales receptum est cum mutua obligatione, & Iure, ita scilicet, ut ob communem omnium Gentium utilitatem illud inter se, seu inter Gentes observandi sit obligatio. *Ius Gentium minùs propriè acceptum* verò est illud, quod receptum est inter Gentes sine obligatione mutua, seu quin obligatio detur illud inter se observandi.

*Ad Ius Gentium propriissimè acceptum* in genere spectant 135 ea, quæ cum natura non præceperit, vel prohibuerit, Gentium penè omnium usu, & moribus propter communem omnium, seu totius Communitatis humanæ utilitatem cum mutua obligatione sunt introducta, & recepta. Talia sunt 1. *Ius Legatorum*, seu Ministrorum, qui ab uno Principe ad alium Principem, vel Remp. certum in finem mittuntur; nam si naturam spectes, non teneretur Gens una alterius Gentis Legatos admittere, publicam illis securitatem præbere, quia tamen utilitas Gentium petiit, ut supposita Societate, sint, qui communia negotia inter Gentes nomine communi tractent, eadem utilitas petiit, ut huiusmodi Legati non tantum admittantur, sed etiam admissi plenissima securitate fruantur *l. fin. ff. de Legat. 2.* *Ius Belli*, idque tam quoad potestatem illud gerendi, quam Ius Gentium concessit supremis Principibus Superiorem non recognoscentibus, quam quoad modum id indicendi, & prosequendi, circa quem Iure Gentium constitutum est, ut prius indicatur per sociales, ut fontes, & belli instrumenta non inficiantur veneno, ut hostis non occidatur per submissos sicarios &c. 3. *Fœdera Pacis, & Induciarum*; nam licet ista quoad obligationem, postquam inter Gentes inita sunt, ad Ius Naturæ spectent, quoad petitionem tamen, & justè petitorum admissionem sunt Iuris Gentium. 4. *Servitus*, seu facultas liberis hominibus, iusto bello captis, ac servatis pro Servis utendi; nam à Natura omnes liberi nascimur. 5. *Ius Commercii* quæstuosi apud exteras, & non hostiles Nationes exercendi. 6. *Ius Sepulture*, seu defuncto supremum honorem habendi ejus cadaver humando, seu terræ, ex qua ortum est, reddendo.

Exempla Iuris Gentium minùs propriè dicti sunt, 136 1. Modus determinatus exhibendi DEO cultum per Sacrificia; nam in genere debetur DEO Cultus Iure naturali. 2. Institutio certi Status hominum ad Sacrificia DEO offerenda. 3. usus panis pro cibo. 4. constructio ædium. 5. munitio Civitatum. 6. divisio rerum. 7. jus postliminii. 8. Contractus non pauci, ut Emptio Venditio, Locatio Conductio &c. 9. plerique modi acquirendi. Licet enim ista apud plures Gentes observentur; quia tamen pro fine non habent communem plurium Gentium felicitatem, mutuum inter illas obligationem non inducunt: & hinc potius Iuris Civilis sunt; quia obligationem duntaxat pariunt inter membra particularium Communitatum: Vocantur tamen abusivè Ius Gentium; quia à pluribus populis observantur.

Quæritur 11. an, & qualem obligationem producat 137 Ius Gentium? Resp. producit obligationem in conscientia,



tia: eamque gravem secundum gravitatem materiæ. Est uniformis omnium Gentium sensus, quippe quæ non majus objici scelus alicui posse existimant, quam quod Jus Gentium violaverit: elucetque per se gravitas hujus violationis tum ex eo, quia Jus istud communi Gentium consensu decretum, sanctissimum reputatur; tum quia pro materia habet ea, quæ pacem, tranquillitatem, & felicitatem ipsarum Gentium inter se conciliant. Gibalin. l. 4. c. 7. q. 3. n. 1. Manif. P. Schmier. de Jur. Legal. c. 4. num. 16. Intelligendum autem hoc præcipue est de Jure Gentium, quod num. 135. propriissime acceptum diximus; nam in Jure Gentium minus proprie dicto, quia illud pro fine suo non habet communem plurimum Gentium felicitatem, rationes allatæ non procedunt. Unde ut cognoscatur, an, & qualiter illud obliget, considerata est ejus materia: quæ considerata patebit, aliqua quidem ejus objecta obligationem strictam in conscientia parere, ut sunt Contractus, qui contrahentem utrumque stringunt in conscientia, postquam sunt initi, & eo modo, quo initi sunt; alia verò esse Juris solummodo permissivi, ut constructio ædium, munitio Civitatum &c. Ratione quorum Jus Gentium solum obligat, ne volentes hoc Jure uti ab usu ejusdem libero injuste impediantur.

138 Porro Jus Gentium stringit ipsos etiam Supremos Principes, & Summa Orbis Capita. Brunnem. ad l. omnes populi 9. ff. de I. & I. n. 4. Fleck. Biblioth. Jur. Civil. l. 1. tit. 9. n. 6. Magnif. P. Schmier tr. de Jur. Legal. c. 4. n. 57. Nam quia Jus Gentium respicit omnium Gentium emolumentum, omnes obligat, ex quibus Gens quævis componitur. componuntur autem Gentes non solum ex subditis, tanquam membris, sed etiam ex Principibus, & Magistratibus, tanquam Caputibus cujusque gentis, ergo &c. Hinc curæ esse vel maxime Principibus Supremis debet, ut Jura ista facta recta maneant; nam ut apud Grotium in Prologom. sapienter Themistius, Reges, quales exigit sapientia regula, non unius sibi credita gentis habere rationem, sed totius humani generis oportet. Ex hoc Jure igitur decidendæ sunt Lites, quæ inter Supremas Potestates vertuntur; cum enim istæ Jure Civili non obstringantur, obstringantur verò Gentium Jure, hujus Decreta controversias eorum component. P. Schmier. l. cit. n. 58. Secundum ejusdem Juris præcepta etiam dirigenda sunt bella inter Princeps Supremos suscepta; licet enim aliàs inter arma Leges fileant, id solummodo intelligendum est de Jure Civili, & de Legibus Judiciariis, aut Pacis propriæ, non verò de Jure Gentium, & Naturali; nam ut bene Dio Prinsensis apud laudatum Grotium: *Inter hostes scripta quidem Jura, i. e. Civilia non valent; at valent non scripta, i. e. ea, quæ Natura dicitur, aut Gentium consensus constituit.*

139 Queritur 12. utrum Jus Gentium mutari, abrogari, vel derogari eidem possit? Certum est, posse mutari, & non usu cujusque Gentis, vel usu contrario, imò Lege etiam publica, abrogari, vel derogari Juri Gentium minus proprie dicto, & accepto in sensu supra num. 134. explicato; nam hoc Jus Gentium, ut n. 136. notavi, portio quædam Juris Civilis est, & ob particularis cujusque Gentis utilitatem introductum: & hinc sicut Civiles, ita & ipsum mutari, & abrogari potest. Neque obest, quod receptum sit apud plures Gentes, ex quo etiam Jus Gentium dicitur; nam receptum est inter Gentes sine mutua inter se obligatione: cons. una gens alteram impedire non potest, ne, si velit, Jus illud in Natione, vel Provincia sua abroget, vel ei deroget; quivis enim cedere, & renuntiare potest, quæ in suum præcisè commodum sunt introducta. l. 2. de LL. c. 20. n. 7.

140 De Jure Gentium propriissime dicto major est difficultas; cum enim Jus istud respiciat utilitatem communem omnium Nationum, & omnium auctoritate videatur introductum, ideo non sine omnium consensione tolli poterit. videtur autem impossibile obtinere istum consensum à Nationibus per totum latè Orbem diffusis, etgo &c.

Sed dicendum, etiam istud de se mutabile esse, non tantum per accidens ratione materiæ, seu objecti mutati, sed etiam per se, & formaliter, ita, ut quamvis circumstantiæ omnes, cum quibus antea ob-

ligabat, eadem maneant, tamen obligare cesset. Ita Molin. tr. 1. de I. & I. D. 4. n. 6. Suar. c. 20. cit. n. 6. Gibalin. l. 4. c. 7. q. 3. n. 3. Clariss. D. Franz Inst. tit. de I. N. G. & C. p. 2. n. 19. Magnif. P. Schmier de Jur. Legal. c. 4. n. 64. Et hinc, quod apud aliquos populos censetur esse de Jure Gentium, potest apud alios non servari; quia hoc Jus non semper omnibus sed regulariter, & fere omnibus Gentibus commune est, ut dicitur can. Jus Gentium 9. dist. 1.

Ratio hujus mutabilitatis est, quia objectum hujus Juris non sunt res intrinsecæ, & de se malæ, ut necessitas sit, illa prohiberi aut ita intrinsecæ, & de se bonæ, ut exigant præcipi; sed præcepta ejus, licet ex principiis naturalibus deducantur, ita tamen solummodo deducuntur, ut ex iis non inferantur per illationem aliquam necessariam, sed ex honestate solum, quæ per hujusmodi illationem, ostenditur, per liberum Gentium ipsarum arbitrium arrepta sint. igitur Jus istud portio est Juris arbitrarii, & positivi: cons. sicut quodvis Jus aliud positivum, & humanum, ita etiam ipsam, cum ita placuerit, à constituentibus liberè mutari potest, & abrogari, sicut liberè est constitutum arg. Reg. nihil 35. ff. & Reg. omnis 1. extrà.

Procedit hoc, ut non tantum tolli possit ex parte, sicut sublatum est quoad Captivitatem, & Servitutem personalem inter Christianos, apud quos capti Christiani à Christianis in bello justo non amplius servi sunt: sed Ratio n. præ. allata probat, quod etiam tolli possit ex toto, absolute loquendo. Dixi absolute loquendo; quia, ut totum eliminetur, moraliter fieri non potest; cum enim Jus istud ob Gentium utilitatem, earumque consensu, & cum obligatione mutua introductum sit, ad Jus istud abrogandum videtur esse opus consensu omnium, aut fere omnium Gentium, juxta Regul. 29. in 6. ibi: *Quod omnes tangit, ab omnibus approbari debet.* Inò non expedit omnino, ut fiat hujusmodi abrogatio, ob gravissima incommoda, & mala, quæ inde orirentur, si v. g. rerum divisio tolleretur, si Legatorum persona non amplius habeatur sancta &c. Plettenberg Introd. Jur. Can. cap. 3. n. 3.

Idem quod nunc de abrogatione totali dixi: etiam dicendum de abrogatione, & mutatione alicujus articuli, in quantum talis mutatio respicit non partes unius Gentis, aut Communitatis, ut relationem habent ad se invicem, sed prout refertur una Gens ad cæteras Gentes; nam quamvis induci possit, ut in aliqua certa Gente respectu membrorum suorum tollatur aliquis articulus istius Juris, prout sublata est Servitus inter Christianos secundum dicta num. præ. moraliter tamen fieri non potest, ut Jus Gentium præceptum immutetur ita, ut respectu aliarum Gentium immutetur, ex ratione num. 141. allata. Et hoc est, quod probat Ratio dubitandi num. 140. posita. Suar. c. 20. cit. num. 8. Gonzal. in Appar. Jur. Can. num. 19. P. Schmier c. 4. cit. num. 66. Excipi fortè potest Casus, quo populus aliquis adverteret, aliquod Præceptum Juris Gentium sibi noxium esse; tunc enim, si credere posset, cæteras Gentes non fere invitas, non usu aut usu contrario, vel etiam Lege publicata, posset Præceptum hoc tollere. P. Vviestner Proœm. num. 60.

Queritur 13. quomodo Jus Gentium differat à Jure Naturali, & Positivo Civili? Resp. à Naturali differt 1. ratione Originis; quia Jus Naturale à Natura, & cum Natura cœpit; Jus Gentium non prius condi cœpit, quam post naturam depravatam, & homines multiplicatos super terram. 2. ratione Causæ Efficientis; quia Naturale conditum est à Naturæ humanæ Authore DEO; Jus Gentium pro usu vitæ humanæ homo ipse construxit. 3. Ratione Subjecti; nam illud prædicatur de homine, quatenus est rationalis Creatura; istud hominem eundem efficit, ut est animal sociabile: & quidem ita, ut non omnes omnino Gentes, ut Jus Naturale, afficiat, sed tantum illas, apud quas vel expressa voluntate receptum est, vel consuetudine, & usu invaluit. 4. ratione Objecti; nam illud versatur circa ea, quæ intrinsecæ, & per se mala sunt, aut intrinsecæ, & per se bona; illa prohibendo, ista præcipiendo, propterea formaliter immutabile est; Istud verò etiam formaliter mutari potest, cum præcepta ejus ex principiis



cipliis Naturalibus, ut num. 141. ostensum est, non deducantur per necessariam illationem, sed libero Gentium arbitrio sint constituta. 5. ratione *Finis*; nam Jus Naturale facit, ut homo coram DEO, & hominibus ambulet rectus in probitate, & innocentia; Jus Gentium verò Civem instituit, ut Societati sit aptus. 6. ratione *Obligationis*; nam illud sola materia obligat; istud ex tacito Gentium Pacto. Molin. tr. 1. D. 4. num. 6. Suar. lib. 2. de LL. c. 20. per totum. Vallenf. Proëm. §. 5. num. 2. Pirhing ibid. num. 11. fin. Plettenberg Introd. Jur. Can. cap. 3. num. 3. fin. Muller. ad Struv. Exerc. 1. th. 56. lit. A.

- 145 *A Jure Civili Jus Gentium differt.* 1. quia Jus Civile non omnibus Populis commune est, sed à quolibet Populo, vel Civitate, ob speciales causas sibi proprium constituitur can. *Ius Civile* 8. dist. 1. 2. Jus Gentium pertinet ad ea, quæ derivantur à Jure Naturali, velut conclusiones Practicæ ex suis Principiis; contrà ad Jus Civile spectant particulares illæ determinationes, quæ conformiter Juri Naturali secundum diversam locorum, temporum, aliarumque circumstantiarum exigentiam ab unaquaque Civitate, Regno, vel Provincia sunt ad propriam suorum subditorum utilitatem, & commoditatem. Reiffenstuel Proëm. numer. 35. 3. licet neutrum Jus moraliter sit mutabile in totum quoad totam collectionem Præceptorum, quoad singula ramen Præcepta Jus Civile facile mutari, & abrogari potest, non verò Jus Gentium quippe quod ad communem Gentium utilitatem secundum singula Præcepta est constitutum, licet facile sit ea in una, vel altera parte diminui. Suar. c. 20. cit. num. 9.

### §. V.

*De Jure Civili in genere, & in specie de Jure Civili Publico.*

### S U M M A R I U M.

- 146 *Varia acceptiones Juris Civilis.*  
 147 *Divisio in Jus Publicum, & Privatum.*  
 148 *Definitio Juris Publici, & divisio in Antiquum & Hodiernum.*  
 149 *Discrimen Juris Publici à Privato.*  
 150 *Author Juris Publici quis sit?*  
 151 *Unde trahat originem?*  
 152 *An rectè Acatholicise Juri hujus restauratores ja-  
 citent?*  
 153 *Jus hoc consistit in Sacris.*  
 154 *In Sacerdotibus.*  
 155 *Et in Magistratibus.*  
 156 *Jus Publicum antiquum componunt præcipuè tres Li-  
 bri ultimi Codicis, & aliquot Novellæ.*  
 157 *In Imperio Romano-Germanico hodie vim Juris Pu-  
 blici obtinet Bulla Aurea.*  
 158 *Pax publica profana.*  
 159 *Ordinatio Camerae, & Indicii Imperialis Aulici.*  
 160 *Pax Religiosa.*  
 161 *Pacificaciones alie, præsertim Osnabrugo-Monaste-  
 riensis.*  
 162 *Capitulatio Casarea.*  
 163 *Recessus Imperii.*  
 164 *Legibus publicis obligantur omnes Imperii Status,  
 & subditi.*  
 165. 166 *Non tamen Imperator.*  
 167 *Nisi vi directiva indirectè.*  
 168 *Leges istas mutare solus Imperator non potest.*  
 169 *Potest, accedente consensu Statuum Imperii?*  
 170 *Potest etiam cum uno, vel altero in his Legibus di-  
 spensare.*  
 171 *An possit Imperator sine consensu Statuum mutare  
 ea, quæ in Capitulatione sua, vel aliàs se serva-  
 turum promissit?*  
 172 *Respondetur affirmativè, si id casus extrema neces-  
 sitatis exigat.*  
 173 *Negatur de casu magna utilitatis, cum exceptione.*

**Q**uæritur 1. quid intelligatur nomine *Juris Civilis*? 146  
*Ius Civile* varias significationes habet. 1. accipitur generaliter pro omni Jure, quo Cives utuntur & sicut comprehendit Jus Naturale Gentium, & Civile in specie. 2. pro Jure positivo, quod expresso Legislatoris consensu pro certa Rep. in ordine ad finem temporalem ordinatum est. 3. per excellentiam, & Antonomastice pro Jure Romano, quod scilicet ad statum Rei Romanæ spectat §. *Ius* 2. *Inst. de I. N. G. & C.* 4. pro Jure Civili in specie sic dicto, quatenus à Jure Honorario, & Prætorio distinctionem recipit, & huic opponitur *l. Ius autem* 7. ff. de I. & I. 5. strictissimè pro Lege 12. Tabularum. Lauterbach ad ff. de I. & I. num. 34. Hic Jus Civile accipitur in significatione secunda; consequenter pro eo, quod cujusque Reip. Legislator in proprium Reip. commodum constituit: & hujus extranei nullum habent usum *l. sunt quidam* 17. ff. de Pœnis.

Quæritur 2. quotuplex sit Jus Civile in hac secunda si- 147  
 gnificatione acceptum? Resp. est duplex; nam dividitur in Jus Civile publicum, & in Jus Civile privatum. Illud ita dictum est ab eo, quod manifestum, & non occultum sit. Triplicem acceptionem in Jure habet; nam 1. Jus publicum vocatur à *Causa Efficiente*, quod auctoritate publica constitutum est: quo sensu ad Jus Publicum revocatur Tutela *l. ex sententia* 29. ff. de Testament. Tutel. Testamenti factio *l. Testamenti* 3. ff. qui Testam. facer. poss. beneficium Legis Falcidiae *l. quod bonis* 15. §. frater 1. ff. ad Leg. Falcid. & alia Jura alibi. Et in hoc Papinianus Jus publicum accipit, quando *l. Jus publicum* 38. ff. de Pact. ait, *Jus publicum privatorum patris mutari non posse*. 2. aliquando ab *Uso*, & *Effectu* Jus publicum dicitur, quod omnibus est commune, ac universos concernit Cives, prout sit *l. nihil* 116. §. non capitur 1. ff. de R. I. & *l. maritorum* 2. C. ne uxor pro marito & c. Et in hoc sensu Jus publicum opponitur privilegio, quod non pertinet ad universos, sed ad singulos. 3. & prout huc pertinet, à *sine* Jus publicum dicitur, quod ad utilitatem publicam directè, principaliter, & immediatè est constitutum: & ita Jus publicum accipit Imperator §. *fin.* *Inst. de I. & I.* & *Jctus* *l. Iuri* 1. §. *hujus* 1. ff. eod. ubi uterque *Jus publicum* dicit esse, quod ad statum rei Romanæ spectat. Ita acceptum opponitur Juri Civili privato, quod singulorum utilitatem principaliter, & immediatè respicit, prout idem Imperator, & *Jctus* §. & *l. cit.* monent, Franzkh. tit. de I. & I. num. 91. & 92. Lauterbach ad ff. ibid. num. 36. Clariss. D. Franz. q. select. 12. num. 1. & seqq. Magnif. P. Schmier tr. de Jur. Legal. c. 6. n. 1. & 2.

Quæritur 3. quid, & quotuplex sit *Jus Publicum* in 148  
 hoc tertio sensu acceptum? Resp. est Jus, quod de Causis publicis ad publicam utilitatem directè, principaliter & immediatè est constitutum. Ita Lauterbach ad ff. de I. & I. num. 36. & quoad rem alii. Dividitur per modernos Juris Civilis Interpretes in *Commune*, & *antiquum*, de quo maximè in tribus Libris ultimis Codicis. Et in *Speciale*, sive *Hodiernum*, quod post translationem Romani Imperii è Græcis ad Germanos in persona Caroli M. Sedis Apostolicæ auctoritate factam, ut habetur c. *venerabilem* 34. junct. Gloss. V. *transfuit*, & V. *in Germanos de Elect.* observari cœpit: atque consistit in modernis Romano-Germanici Imperii Constitutionibus, puta Aurea Bulla Catoli IV. Instrumento Pacis Monasteriensis 1648. solenniter erecto, in Capitulationibus Imperatoriis, Recessibus Imperii & c. de quibus sigillatim infra. Lauterb. n. 36. cit. Reiffenst. Proëm. num. 162.

Ex quo sequitur discrimen inter Jus Civile Publi- 149  
 cum, & Privatum; nam etsi Lex omnis feratur in bonum commune, immediatè tamen, directè, & principaliter in bonum commune, & publicum totius Imperii nullum aliud ordinatur, quàm hoc ipsum Jus Publicum, quod num. præc. descripsi. Nempe quæ Lege Publica sanciantur, in executione primò in utilitatem publicam redundant, ac per consequentiam in singulos diffiunt, ut adeo in Jure isto bonum publicum sit finis immediatus tam intentionis, quàm executionis. Contrà Jura alia, licet ultimò intendant bonum commune, in executione tamen priùs ad utilitatem singulorum; dein per consequentiam ad Reip. totius commoda, quatenus hæc per bonum statum singulorum promoventur, dimanant,



nant, ut bene notant Herman. Hermes *Fasc. Jur. Publ. c. 1. num. 3.* & hunc secutus Magnif. P. Schmier *c. 6. num. 6.*

150 Quæritur 4. quis sit Author, & quæ origo Juris Publici? Resp. Author, & causa Efficiens hujus Juris est solus Imperator in Imperio. Patet ex Definitione Legis; nam Lex quælibet ab eo, qui curam Communitatis habet, egreditur. est autem Jus Publicum verè Lex, & Ius Legale. ergo constitui ab illo debet, qui supremum Reip. Caput est. hoc autem in Politicis respectu Imperii Romano. Germanici est Imperator. ergo &c. Neque obstat, quòd ex ordinatione Pacis Monasteriensis *art. 8. §. gaudemus.* Procerum Imperii consilium, & suffragium prærequirere teneatur; nam hoc non obstante Imperator Leges conceptas Imperialis culminis autoritate solus promulgat, prout demonstrant Recessuum ferè omnium formulæ: *Postquam enim nos cum statibus Imperii convenimus, & illi pariter nobiscum, statuimus proinde, jubemus, & de Casarea potestatis plenitudine mandamus.* D. Baro ab Andlern *Jurispr. Publ. & Privat. l. 1. tit. 3. p. 2. n. 30.* P. Schmier *l. cit. n. 7.*

151 Quod Originem Juris Publici Romani attinet, satis certum est, illud cum ipsa Romanorum Monarchia effloruisse, eundemque habuisse ortum, quem Ius Civile Privatum; cum enim Reip. cujusque salus ab ordine, quem Cives ejus tum inter se, tum cum ipsa Rep. habent, pendeat, ut illa rite sit constituta, Legibus tum publicis, tum privatis temperari debet, quibus instructi Cives Ius suum quærant, simul verò ipsius Reip. commoda, & utilitatem non negligant. Publicæ tamen hæ Leges non statim, ut à Romanis conditæ, sic etiam scriptæ sunt: quo factum est, ut cum plerumque Philautiæ vitio magis soleamus propriis studere commodis, quam utilitati publicæ, præferrim cum Imperatores ipsimet, atque inter hos Iustinianus, privata potius, quam Publica Iura tractare cœperint, pauci admodum ex Veteribus JCrīs fuerint, qui de Studio adeo nobili literis aliquid consignarunt, prout notat D. Baro ab Andlern. *Jurispr. publ. & privat. l. 1. tit. 2. p. 2. num. 7.* ubi addit, siquæ fortè scripta de Iure Publico olim extiterunt, ea vel cum Urbe Roma circa annum Urbis conditæ 366. incensa conflagraffe, vel periisse in universali illo incendio Constantinopolitano Anno Christi 1354. in quo 3000. librorum concremati sunt, vel siquæ scripta post hanc utramque cladem superfuerunt hominum incuria fuisse suppressa, atque deperdita, adeo, ut ex antiquo illo Iure Publico Romano pauca admodum, & ferè illa tantum, quæ in ultimis tribus Libris Codicis continentur, pro tempore præsentis restent.

152 Gloriantur quidem Apatholici, sibi que honorem hunc sumunt, quòd ipsorum opera Studium Juris Publici, antea quasi mortuum, & extinctum ad vitam, & lucem revocatum fuerit. Laudandus quidem hie eorum est labor, in quo hi Doctores ipsorum Orthodoxorum Doctorum industriam plurimum vident; sed majori commendatione existeret dignus, si Libris suis Publicis quoad res, quæ Fidem, & Historiam Ecclesiasticam tangunt, non tot falsitates immiscuissent: qualis etiam illa est, quando causam, quòd Studium Juris Publici tandiu neglectum jacuerit in Germania, cum Svvedero *Introd. ad Jus Publ. part. gen. c. 1. num. 8.* & Iacob. Brunnem. *Jurispr. Publ. Dissert. 1. §. 4.* in Patum refundunt, & Pontificem in Iura Principum involasse arguunt. Calumnia hæc est, & jure optimo in Adversarios retorquetur, qui doctrina sua sollicitant Principes, ut in Iura Ecclesiastica vicissim involent, sibi que potestatem Spiritualem, quam unicè Christus Petro, & successoribus dedit, attribuant. Fatetur Pontifex duabus potestatibus supremis, tanquam magnis Luminaribus, Pontificia, & Imperatoria, Mundum regi; fatetur Imperatoriam potestatem quod temporalia in Romano Imperio supremam esse: nihil de hoc sibi vindicare, prout constat ex *can. cum ad verum 6. dist. 96.* ubi Nicolaus Papa, *Cum ad verum*, inquit, *centum est, ultra sibi nec Imperator Jura Pontificatus arripuit, nec Pontifex nomen Imperatorium usurpavit; quoniam idem Mediator DEI, & hominum, Homo Christus JESUS, si, actibus propriis, & dignitatibus distinctis officia potestatis utriusque discrevit, ut Chri-* Schmalzgrueber Tom. I.

*stiani Imperatores pro æterna vita Pontificibus indigerent. & Pontifices pro cursu temporalium tantummodo rerum Imperialibus Legibus uterentur &c.*

Quæritur 5. in quibus rebus consistat Ius Publicum? Resp. juxta *can. Jus Publicum 11. dist. 1.* Ius istud est in *Sacris, & in Sacerdotibus, & in Magistratibus*: quæ verba Gratianus desumpsit ex *l. juri 1. §. cujus 1. ff. de J. & J.* ubi Ulpianus, *Publicum Ius*, inquit, *in Sacris, in Sacerdotibus, in Magistratibus constituit.* *Sacra* sunt, quæ DEO, & ejus cultui consecrata sunt. *Fest. l. 16.* qualia sunt Tempia, Altaria, Indumenta Sacerdotalia, vasa, aliaque Divinis ministeriis inservientia. Spectant hæc ad Ius Publicum; quia Res Sacræ Iure Digestorum illæ sunt, quæ sunt publicè consecratæ à Principe, vel ab eo potestatem habente: adeoque si quis privatus sibi Sacrum constituerit, profanum erit *l. in tantum 6. vers. sacræ 3. & l. sacra loca 9. ff. de divif. rer. l. fin. ff. ut in possess. legat.* Plettenberg *Introd. Jur. Can. c. 3. num. 5.* Apud Christianos Sacri nomen accipitur strictius pro eo, quod quoquo modo ordinem habet ad felicitatem hominis supernaturalem: cons. quæ ita Sacra sunt, ad Ius Ecclesiasticum spectant.

Per Sacerdotes hic intelliguntur omnes, qui DEO, & Sacris vacant *l. non distinguemus 32. §. Sacerdotio 4. ff. de recept. qui arbitr. Gloss. in l. 1. §. Sacerdotes ff. de I. & I.* Hi quoque spectant ad Ius Publicum; quia pro Populo DEO preces offerunt, & sunt Mediatores inter DEUM, & hominem. S. Thom. *p. 3. q. 22. art. 4.* ideoque Sacerdotes dicuntur ad ministerium communis salutis à Christo electi *can. sepe 72. caus. 12. q. 2.* & communes omnium Patres, ac Magistri *can. quis dubitet 9. dist. 96.* Plettenb. *l. cit.*

Denique Magistratum nomine intelliguntur Personæ publicæ in Principali Dignitate constitutæ, penes quas est ordinaria Jurisdicção, & merum Imperium, ut colligitur ex *l. cum, qui 12. §. Magistratus 1. ff. de Jurisd.* Pertinent hæc personæ ad Ius Publicum; quia publicæ utilitati potissimum intendunt condendo Leges, jura reddendo subditis &c. Plettenb. *l. cit.*

Quæritur 6. quænam Iura componant Ius publicum Romani imperii; Resp. Antiquum, ut *num. 148.* monui, continetur præcipuè in tribus ultimis Libris Codicis, & aliquot Novellis. Verum hoc Ius, mutata Republica, magnam quoque mutationem subiit: hinc Libri illi Codicis in Scholis hodie non ampliùs explicantur. Siqua ergo circa Ius publicum, & materias illius hodie Controversia moveatur, adeundum pro hujus decisione erit Ius publicum recentius, quod ex variis Constitutionibus Imperatoriis, aliisque Iuribus compaginatur; nam

1 Iuris Publici in Imperio Romano Germanico vim hodie obtinet *Bulla Aurea*, sic dicta ab appenso Sigillo Aureo. Hanc Carolus IV. Imperator, cum Imperii Ordinum, & Statuum consensu, partim Norimbergæ usque ad Caput 24. exclusivè, partim Metis à Capite 24. usque ad finem, Anno Christi 1356. promulgavit. Statuuntur ibidem plura, quæ Electionem, & Coronationem Imperatoris, nec non Iura Electorum concernunt. Virriar. *Inst. Jur. Publ. l. 1. tit. 2. n. 12.* Herman. Hermes *Fasc. Jur. Publ. c. 1. n. 15.* & *seqq.* Clarif. D. de Vvöllern. *Select. q. 6. n. 5.* & 6. Magnif. P. Schmier *tr. de Jur. Legal. c. 6. n. 15.* Bullæ istius unum Autographum, teste Ioann. Ehrner. Mayer. *de Jur. Stat. Imper. Legislat. c. 5. n. 64.* asservatur Francofurti ad Mœnum; alterum retinetur Moguntia; tertium, ut vult Virriar. *l. cit. num. 13.* Romæ, vel ut contendit Svveder. *Introd. ad Jus publ. part. gen. c. 2. num. 7.* Heidelbergæ.

2 Pax publica profana, quæ est Pragmatica sanctio adversus vim privatam, vulgò *Jus à pugnīs, & clava dictum*, à Maximiliano I. in Comitibus Vvormationibus Anno 1495. primitus stabilita, & postea in Comitibus Augustanis Anno 1500. confirmata, & deinceps ab aliis Impp. ad Imperii tranquillitatem magis stabiliendam, cum saluberrimarum Ordinationum Auctionario, teste Gaill. *l. 1. de pac. publ. c. 1. num. 2.* pluries repetita, ac renovata. Retunditur hac Constitutione audacia improborum pacis perturbatorum, qui non attendentes ad autoritatem Imperatoriam, siqua inter ipsos orta fuisset controversia, non Iudicio contendere, sed armata manu, rapinis, & ruinis litem dirimere



maluerunt. Contra hos igitur dicta Constitutione omnis iniusta vis arcetur à Statibus, & Subditis Imperii, & in transgressores pœna Banni, seu Præscriptionis Imperialis sancitur. D. de Vvöllern. q. 6. cit. nu. 9. & duob. seqq. P. Schmier l. cit. n. 16.

159 3 *Ordinatio Camera*, & *Judicii Imperialis Aulici*, qua Iudicium Camerae, & Aulæ Imperialis formatum, atque inter Imperatorem, & Status conventum est, ut illud erigeretur Spiræ (quod nostris temporibus ob tumultus Bellicos Vvezlariam translatus est) istud Viennæ in Austria. Finis, quem in erigendis his Iudiciis spectavit Imperator, & Proceres, fuit quies publica per Instrumentum pacis publicæ jam antè stabilita; quæ ut conservaretur, & Iustitia non Marte deinceps, sed arte quæreretur, ad hæc duo Iudicia remissa sunt Controversiæ, quas inferiora Tribunalia aut ex defectu Jurisdictionis non possunt decidere, aut quia à Sententia ipsorum appellatum est, non potuerunt finire. Ernest. Gockel. de *Jurisdic. Suprem.* §. 2. & 4. D. Vvöllern q. 6. cit. num. 12. P. Schmier l. cit. num. 17. *Ordinatio Camerae Imperialis* edita primum est à Maximiliano I. eodem anno 1495. quo pax publica, confirmata dein, & renovata à Carolo V. Anno 1584. *Ordinatio verò Iudicii Imperialis Aulici* promulgata est Anno 1654.

160 4 *Pax Religiosa* primum composita Passavii Anno 1552. dein Augustæ Anno 1555. stabilita: cui causam dederunt Religionis dissidia; cum enim Provinciæ à Catholica Fide deficerent integræ, Lutheri primum, dein etiam Calvinii veneno corruptæ, neque appareret, qua arte vim mali frangeret Imperator Carolus V. A Catholicis adversus Edictum Vvornatiense protestantibus (unde etiam *Protestantium* nomen adepti sunt) & in Fœdus Smalkaldicum contra Orthodoxos coeuntibus, dira necessitate temporum cogente factum est, ut ad evitanda majora mala, certarum Sectarum, nimirum initio Lutheranae, & tum etiam Calvinianæ liberum exercitium in Imoprio permitti debuerit. D. Baro ab Andlern l. 1. tit. 1. part. 2. D. de Vvöllern l. cit. num. 13. P. Schmier nu. 18.

161 5 *Pacificaciones alia*, inter quas primas obtinet *pax Osnabrugo-Monasteriensis*, per quam pax Religiosa partim roborata, partim in favorem A Catholicorum aucta est; nam plures Diœceses, in Ducatus, & Principatus erectæ, in horum manibus relictæ sunt, protestante nequequam in contrarium per Nuntium suum Summo Pontifici, Imperii Principes Orthodoxos urgente belli vi, ac necessitate publica, ut ad majora mala evitanda consentirent inviti. D. Andlern. p. 2. cit. num. 3. & 20. P. Schmier n. 20. P. Vyiestner *proœm.* n. 78.

162 6 *Capitulatio Casarea*, quæ est conventio, qua Imperator, per Electorum suffragia deputatus, ante Coronationis solemniam certas condiciones sibi propositas acceptat jutatus. Ita quoad rem D. Gletle *Select. Jur. publ.* c. 2. n. 2. D. Vvöllern, in *Salisburg.* q. 2. num. 10. P. Schmier num. 22. Harum Capitulationum ante tempora Caroli V. nec monumenta, nec alia documenta extant: unde origo illarum ad hujus tempus revocanda videtur; cum enim Electores timuissent, ne sub Principe tam potente vires admittat Libertas Germanica, de certis quibusdam gubernandi articulis, Neo-Electo præscribendis, animum adjecere: in quos idem Imperator eò concessit libentius, quò duriore sibi conditionem, in casu recusationis, ejus in Electione competitor Franciscus I. Galliarum Rex facere potuissent. D. Gletle c. 2. cit. num. 5. D. Vvöllern. q. 2. cit. à n. 53. Vitriar. l. 1. Mayer. c. 5. cit. n. 65. P. Schmier n. 25.

163 7 *Recessus Imperii*, quo nomine veniunt Decreta Comitialia, quæ sub finem Comitiorum à Statibus, & Imperatore concluduntur. Horum Recessuum originem aliqui cum Plessingero in *Not. ad Vitriar.* l. 1. tit. 2. num. 10. lit. D. ad tempora Caroli M. referunt; alii longius adhuc repetunt, nixi autoritate Taciti, qui de *Mon. Germ. De minoribus*, inquit, *rebus Principes consultant, de majoribus omnes, ita tamen, ut ea quoque, quorum penes plebem arbitrium est, apud principes tractentur*: quod de Imperii Recessibus intelligendum existimant. Sed quia ante Bullam Auream de nullo alio Recessu Imperii ullæ existunt authenticæ tabulæ, esto, in Conventibus Procerum Imperii aliqua ante id tempus in commune Imperii bona statuta sint, hinc ejusmodi Recessus scriptis Imperii Legibus accenseri ne-

queunt, ut bene advertit Magnif. P. Schmier l. cit. n. 14. Vim ergo Legis scriptæ duntaxat habebunt Recessus illi, qui hodieum in manibus sunt.

Quæritur 7. quinam Legibus publicis obligentur? 164  
Resp. obligantur his omnes Imperii Status, ac subditi. Patet ex Recessu Imperii de Anno 1654. §. 6. ibi: *Statuimus proinde, volumus, mandamus omnibus, & singulis, summi infimique gradus, personis, Ecclesiasticis, & Secularibus, mediatis, & immediatis Imperii statibus. Ex quo patet* 1. hoc Iure etiam teneri subditos Imperii mediatos, cum discrimine; nam Status immediati immediatè, mediatii mediatè, quatenus scilicet à Principe, & Domino terræ representantur, obligantur. Magnif. P. Schmier c. 6. cit. nu. 28. 2. ab obligatione hac non esse exemptos Status Imperii Ecclesiasticos; cum enim ab Imperio integras Provincias, Regiones, Principatus, Comitatus &c. acceperint in Feudum, æquum est, ut vicissim Iurisdictionem Imperatoris, & Imperii, nec non Leges publicas, tanquam Vasalli istorum agnoscant c. *ceterum* §. de *Judic. c. ex transmissa* 6. & c. seq. de *for. compet.*

An verò etiam Imperator hujusmodi Legibus publicis 165  
subjectus sit, dubitari potest. Sed dubium istud distinctione resolvitur. Dicendum ergo, Imperatorem his Legibus non teneri vi coactiva, teneri tamen vi directiva, non quidem directè, sed indirectè duntaxat. Et quidem 1. Responsionis istius membrum ex eo liquet; quia Imperator ahuc hodie est Monarcha, vel si hoc neges, saltem est Princeps summus, & Caput Imperii. igitur ex reliquis Imperii membris nemo est, qui Iurisdictionem in ipsum habeat, & vi illius Iustitiæ vindictivæ severitatem, aut vim coactivam exerceat. Hermes *Fasc. cap. 11. num. 84.* P. Schmier l. cit. num. 31. Neque contrarium probatur ex Bulla Aurea, ubi c. 3. §. *fin.* Electori Palatino adstruitur prærogativa Iudicaturæ Cæsareæ; nam Iudicatura hæc non tam Authoritatis publicæ, quam privati arbitrii rationem habet, dum Imperator, qui nec Camerali, nec Aulico Iudicio Imperiali subjacet, nolens in propriis causis sibi dicere, Palatinum, quasi Arbitrum, sibi delegit. Vitriar. l. 3. tit. 12. §. 16. Mulz. in *Repræsent. Majest.* p. 1. c. 16. §. 1. P. Schmier n. 32.

2 Idem Imperator etiam vi directiva istarum Legum 166  
directè non obligatur. Hermes l. cit. P. Schmier n. 33. cujus ratio est; quia Leges tum publicæ, tum privatæ directè feruntur in subditos. Imperator autem nec sibi, nec Imperio subditus est, igitur Legibus publicis quoad vim directivam directè obligari non potest.

Supereest ergo, ut iisdem Legibus vi directiva solum 167  
obligetur indirectè, quatenus scilicet ad Legum istarum observantiam ultro in ipsa Legum earundem constitutione se obligat, ut patet ex *Recess. Imp. de Anno 1500.* aliisque Recessibus: imò eas servaturum ante coronationem jurata sponione promittit, prout liquet ex Capitulationibus hæcenus usitatis. Neque obligatio hæc Cæsareæ Majestatis fulgorem dimittit, cum spontanea illa sit, atque ad exemplum aliorum utilissima, contrarium verò periculofum ex Platonis sententia, qui lib. 4. de *LL.* non dubitat dicere, *interitum parari illi Civitati, in qua non Lex Magistratibus, sed Magistratus Legibus dominantur.* Mulz. p. 1. c. 12. §. 4. & seqq. Hermes *Fasc. c. 3. à n. 31.* D. ab Andlern. l. 1. tit. 3. p. 2. n. 16. & 24. P. Schmier n. 35.

Quæritur 8. utrum Imperator Leges publicas mutare 168  
possit? *Certum videtur* 1. ipsum solum non posse has Leges in totum abrogare, vel ex parte eisdem derogare, quippe quas ipse solus non sanxit: cum ergo de Statuum Imperii sancitæ sint placito, sine horum consensu videntur tolli non posse, præsertim cum ad eas observandas Jurisjurandi religione sese obstrinxerit Imperator. Hermes *Fasc. Jur. publ. c. 1. q. 5. n. 30.* Vveizenegger *Dissert. Jurid. de Imperat. c. 7. n. 11.* Magnif. P. Schmier de *Jur. Leg. c. 6. n. 36.*

*Certum videtur* 2. posse Leges publicas ex parte, vel 169  
etiam in totum mutari ab Imperatore, accedente consensu Statuum Imperii; nam *omnis res, per quasunque causas nascitur, per easdem dissolvitur*, ut dicitur c. *omnis* 1. de *R. I.* igitur sicut Imperator has Leges Publicas cum Statuum consensu edidit, ita de eorundem Statuum consensu tollere, vel mutare easdem potest. Hermes l. cit. n. 30. P. Schmier n. 37.

*Certum videtur* 3. posse Imperatorem cum uno, vel 170  
altero



altero in Legibus publicis dispensare, si dispensatio ista in præjudicium Imperii non vergat; cum enim talis Dispensatio nullo Jure prohibita reperiatur, permessa censeri debet. *Hermes c. 11. n. 76. & seq. P. Schmier n. 38.*

171 *Dubium est inter DD. utrum ipsemet Imperator sine consensu Statuum in casu extremæ necessitatis, vel maximæ utilitatis mutare possit ea, quæ in sua Capitulatione, vel aliàs se servaturum promisit? Quod dubium videtur solvi posse distinguendo inter casum extremæ necessitatis, & maximæ utilitatis.*

172 *In Casu extremæ necessitatis videtur Imperator posse hujusmodi mutationem facere, ut docet D. Vvöllern q. 2. & approbat P. Schmier n. 39. 1. quia non videtur mens ista fuisse aut Imperatoris, aut Statuum, ut obligatio servandi has Leges ad hujusmodi casum porrigeretur, quippe quæ tali casu potius noxia, quam proficua Imperio foret, 2. nulla Lex hominem in casu necessitatis extremæ obligat, quippe cum necessitas Legem non habeat, ergo nec Leges publicæ tali casu Imperatorem ligabunt. 3. Capitulationes Imperatoriæ casum necessitatis clare excipiunt, ut eas legentibus perspicuum fiet; nam postquam ibi recensentur varia negotia, quæ sine Ordinum Imperii consensu peragi nequeunt, subjungitur: Quodsi autem nos Imperii causa bello impetamur. Vel ipsum sacrum Imperium bellum habeat, tunc possumus omnium statuum auxiliis uti.*

173 *In Casu Utilitatis autem videtur, quod Imperator hujusmodi mutationem facere sine Ordinum consensu nequeat, ut cum cit. D. Vvöllern sentit P. Schmier n. 44. ex duplici ratione. 1. quia hujusmodi Leges, Pactiones &c. se servaturum Imperator promittit non solum in genere, sed etiam in specie cavet, quod in casu saluus, & utilitatis publicæ, ubi Statuum omnium consensus, & consilium exquiri nequit, saltem cum Electoribus rem agere velit, ut videre est in Capitul. Leopold. & Joseph. art. 10. 2. quia concessa semel libertate à Capitulatione sub utilitatis prætextu recedendi, jam non amplius ullus articulus foret à recessu tutus; semper enim obtendi posset utilitas, & sub istius pallio cellari transgressio, Excipiendum videtur, si occasio se offerret recuperandi quidpiam eorum, quæ Imperio hæcenus iniquè subtracta sunt, & ea occasio elaberetur, si Statuum consensus deberet peti, & expectari: tum enim, ut notat Mulz. Representat. Majest. p. 2. c. 5. nu. 20. dubitandum non foret, quin Imperator studium augendi Imperium ipso actu testari, & consensum Statuum, qui tali casu indubitatus est, anticipare possit.*

## §. VI.

## De Jure Civili Privato.

## S U M M A R I U M.

174 *Definitio Juris Privati, & differentia ab aliis Juribus.*

175 *Varium est in variis Provinciis.*

176 *Aliud est Jus Civile merum, aliud Mixtum.*

177 *Aliud Commune, aliud Particulare.*

178 *Scriptum, & Non Scriptum.*

179 *Et Scriptum quidem ulterius dividitur in Civile in Specie, & Prætorium.*

180 *Prætorium adjuvat, restringit, & extendit Jus Civile.*

181 *Et hujus rigorem temperat.*

182 *Jus Civile oritur ex Jure Naturali.*

183 *Cui aliquando addit aliquid.*

184 *Aliquando detrahit.*

185 *Romanum cæpit ab Urbe condita.*

186 *Primum Jus Scriptum apud Romanos fuerunt Leges XII. Tabularum.*

187 *Accessit successu temporis interpretatio Jctorum.*

188 *Diversi Codices, ac demum id, quod hodie extat, Corpus Juris auctoritate Justiniani confectum est.*

189 *Juris Justiniani auctoritas florere in Italia cæpit sæculo 12.*

190 *In Germaniam ante sæculum 15. translatum non est.*

191 *Sub cujus finem expresso consensu Imperatorio præscriptum est Assessoribus Camera.*

192 *Quam Sanctionem dein secuti sunt Germani Ordines.*

193 *Tres ultimi Codicis Justiniani Libri non ita recepti sunt.*

194 *Partes Jus Civile Romanum componentes.*

195 *Alia Jura, quæ in Corpore Juris Civilis continentur.*

196 *Jura non inserta huic Corpori.*

197 *Pandectarum Etymologia, & alia Nomina.*

198 *Origo, & auctoritas.*

199 *Compilatores, & annus Compilationis, ac promulgationis factæ.*

200 *Partes, & numerus Librorum, ex quibus componitur.*

201 *Institutionum nomen, & tempus, quo editæ sunt.*

202 *Habent vim Juris.*

203 *Divisio in Libros, & Titulos.*

204 *Auctoritas Inscriptionum.*

205 *Varii dantur Codices.*

206 *Justinianus alius est prima, alius repetita Pælectionis.*

207 *Auctoritas Legum Codici insertarum.*

208 *Et Authenticarum, quæ ibi leguntur.*

209 *Novellæ quid?*

210 *Varia istarum versiones.*

211 *Author illarum, & tempus, quo editæ sunt.*

212 *Ratio, quare vocentur Authentica.*

213 *De his Novellis notandæ.*

214 *Auctoritas 13. Edictorum Justiniani, & aliorum Jurium, quæ post Novellas ponuntur.*

215 *Feudorum Jus Consuetudinarium est.*

216 *Libri, quibus Ius istud continetur, & auctoritas illorum.*

217 *Speculum Saxonicum, & Suevicum.*

218 *Prævalet Ius Feudale Romanum.*

219 *Quæ sit Iuris istius observantia.*

220 *An in Justiniani Iuris Voluminibus sit admittenda aliqua Antinomia?*

**Q**Uæritur 1. quid sit *Ius Civile Privatum*? Resp. 174  
*Ius Civile privatum* definiri potest, quod sit *Jus Positivum*, auctoritate Principis, vel Magistratus Sæcularis conditum, & ad singulorum Civium temporalem utilitatem immediatè, directè, & principaliter ordinatum. Ita quoad sensum DD. communiter. Bonitas hujus Definitionis patet; quia distinguit hoc Jus ab omni alio Jure, quod sub terminis definiti non comprehenditur. Nam 1. differt à *Jure Naturali*; quia ejus obligatio pendet ab auctoritate humana, est unius tantum Civitatis, aut Populi, est mutabile, etiam in totum, quatenus est ex parte sua. Valleng. *Proem. §. 6. num. 2. 2.* à *Jure Gentium*; quia hoc Moribus introductum est; istud majorem sui partem Legibus, constat: illud gentes omnes, aut ferè omnes obligat; istud cum duntaxat Populum, vel Civitatem, qui Jurisdictioni Conditoris subjectus est: illud vicinè naturali, sanctius, & mutationi minùs obnoxium est; istud verò magis mutabile &c. 3. à *Jure Civili Publico*; quia hoc immediatè, directè, & principaliter respicit utilitatem publicam; illud autem privatam singulorum Civium. 4. à *Jure Canonico*; quia Jus Canonicum dimanat à potestate Ecclesiastica, & dirigitur ad bonum Spirituale, &c.

Porro ejusmodi Jura Civilia Privata plura sunt, uti 175  
 Atheniensium, Lacædemoniorum, Longobardorum, Francorum &c. moderno tamen usu, & per Antonianam Juris Civilis nomine venit Jus Romanum §. *Sed Ius 2. Inst. de I. N. G. & C.* Intellige statim dubio, ac nisi aliud ex contextu pateat, Valens. §. 6. *cit. n. 1.* Alio nomine Jus Romanum *Jus Quiritium* vocatur; quia Romani, *Quirites* dicebantur, vel à *Quirino*, quod alterum Romuli nomen sui *can. fin. dist. 1. & §. sed Jus cit.* sumptum ab ingenti ipsius hasta, quæ Sabinorum lingua *Quiris* vocabatur juxta Gloss. in §. *sed Jus cit.* vel à Curibus Sabinorum urbe *Quiritium* nomine mutuato, Livius libr. 1. Plettenberg. *Introd. ad Jus Can. c. 3. num. 4.*

Quæritur 2. quotuplex sit *Jus Civile Privatum*? Resp. 176  
 varias hujus Jutis divisiones afferri à variis. 1. enim dividi potest in *Jus Civile Merum*, quod ex mera Civili ratione excogitatum est: cujusmodi sunt variae Leges apud Romanos, veluti Lex 12. tabularum, qua parte solos Filios, admittebat ad hæreditatem paternam; Item



Item Lex Poppea, Flavia, Foconia, Falcidia, Fufia, Caninia, & alia. Et in *Jus Civile Mixtum*, quod de Jure Naturali, & Gentium participat. Muller. *ad Struv. Exerc. 1. th. 55. lit. A.* cum aliis.

177 2 Dividitur in Jus Commune, & Particulare. *Juris Communis* nomine veniunt illa Jura, quæ in Imperio considerato, ut est una Respublica, ab Impp. Statibus Imperii vel expressè sancita, vel usu recepta, & approbata, generaliter vigent, omnesque ejusdem Cives, & subditos, obligant, vulgò *communis Imperii Jura*, *recessus*, & *consuetudines*, quo pertinet Jus Cæsareum, commune scriptum, Recessus, & Ordinationes Imperii, quæ ab Imperatoribus Germanicis Statuum suffragio in Comitibus sunt lata, & promulgata, in quantum illæ utilitatem singulorum immediatè spectant; nam in quantum pro fine suo immediato habent utilitatem publicam, juxta dicta n. 158. & 163. ad Jus Publicum pertinent. *Particulare Jus* autem dicuntur Jura illa, quæ in particularibus Imperii Rebus, seu Territoriis, Civitatibus &c. vi Superioritatis constituta, vel usu introducta sunt, & unius solum Provinciæ, vel Civitatis Imperialis subditos ligant, vulgò *Provincialia Statuta*, *consuetudine*, *Principatum Dominiorum*, *Statuta Tribunalium*, & *particularia locorum*; cum enim non omnia omnibus convenire possint ob Regionum, morumque diversitatem, & Leges ad Resp. non istæ ad Leges accommodandæ sint, hinc factum, ut singulæ pene Civitates, & Communitates Jus sibi proprium habeant. Vallenf. *Proem. §. 6. num. 1.* Talia Jura sunt Austriacum, Bavaricum, Saxonicum, Tirolense, &c. Et etiam reducitur *Jus Municipale*, quo utuntur alicujus Civitatis incolæ, *Jus Militare*, quod ad disciplinam militarem spectat; item *Statuta*, quæ à Collegiis, Mercatoribus, Campsoriis fiunt, & ipsos duntaxat obligant. Analogicè verò (quia Jus Legale non constituunt) ad Jus particulare spectant *Jus Paternum*, quod Pater habet ad filium, *Herile*, quod Dominus ad servum, & *Oeconomicum*, quod Vir ad Uxorem. S. Thom. 2. 2. q. 57. art. 4. Imò mutuum etiam consensum duarum privatarum personarum, in privato Contractu factum, appellare possumus Jus Particulare; nam talis consensus sufficit ad jus aliquod inter duos constituendum. S. Thom. 1. cit. art. 2.

178 3 Dividitur Jus Civile Privatum in Scriptum, & Non scriptum. Hæc divisio à Causa Instrumentali desumpta est; Legislator enim voluntatem suam vel expressè manifestat publicè Legem promulgando, aut connivet; ut usu Jus aliquod introducat. *Primo modo* declarat, voluntas facit Jus scriptum; scribere enim Leges est sive scriptura, sive per Præconem, sive alio modo Jus futurum manifestare: *Altero modo* fit Jus non scriptum. *Jus* ergo scriptum est Jus expressa sanctione in Republica viventibus latum, ac promulgatum l. *leges 9. C. de LL. Jus* verò non scriptum, quod non est autoritate publica expressè præceptum, sed moribus solum utentium receptum, & tacitè comprobatum §. *sine scripto 9. Inst. de J. N. G. & C. l. de quibus 32. §. inveterata 1. & l. sed & ea 35. ff. de LL. De Jure scripto dicitur infra Libr. 1. Tit. 2. de non scripto Libr. eod. Tit. 4. Potest autem, ut n. 114. monui, utrumque Jus scripto excipi; neque enim Jus scriptum ita dicitur, quòd litteris consignatum, sed quòd præscriptum, & sancitum sit; sicut nec Leges à legendis Legum tabulis dictæ sunt. Nam Leges, & Jura solum scribuntur, ut sic diutius conservetur eorum memoria: ac proin scriptura non ad essentiam Juris scripti, sed ad modum illius duntaxat pertinet; nam Imperator dicendo Legem condit. Arum. *Exerc. ad Inst. 1. th. 16. Treutler. vol. 1. select. Disp. 1. th. 5. Lit. B. Struv. ad ff. Exerc. 2. th. 2. Muller. ad Struv. ibid.**

179 Porro Jus Civile scriptum subdividitur in Civile in specie ita dictum, & in Prætorium l. *Jus autem 7. ff. de I. & I. ubi etiam definitio illorum iraditur*; nam *Jus Civile*, ut ibi Papinianus loquitur, est, quod ex Legibus, Plebiscitis, Senatus consultis, Decretis Principum, auctoritate prudentum venit. *Jus Prætorium* verò est, quod Prætores introduxerunt, adjuvandi, vel supplendi, vel corrigendi Juris Civilis gratia, propter utilitatem publicam: quod & Honorarium dicitur, ad honorem Prætorum sic nominatum. Ad Civile ergo Jus, prout istud Prætorio opponitur, pertinere censetur, quæ per Legem 12. tabularum, Plebiscita, Senatus consulta, Responsa Prudentum, aut Principum placita definita sunt, & ideo legiti-

mam causam habere dicuntur; illa verò, quæ nullis Legibus definita sunt, sed ex Prætoris tantum Jurisdictione substantiam capiunt & per ipsius Edictum ex æquis, ac naturalibus tantum causis sunt proposita, ad *Jus Prætorium* spectant §. *sed ista 3. Inst. de Action.* Ex duplici hoc Jure duplex nascitur Actionis genus, *Actio Civilis* videlicet, & *Prætoria*; & prior quidem ex Jure Civili, posterior verò ex Prætorio descendit: ubi notandum, ut sciatur, ad quale genus ex his duobus Actio aliqua pertineat, considerandam esse ipsius Actionis originem; nam, licet Prætor de re, vel negotio quodam judicium dederit, si eo nomine de Jure Civili quoque actio competet, non statim Prætoria censenda est, cum illa à Prætoris non sit introducta, sed solum approbata, veluti est Actio Commodati, quam approbavit Prætor l. *ait Prætor 1. & l. in commodato 17. ff. Commodat. Schneidevv. ad §. sed ista cit. n. 11. Magnif. D. Verlohner de Action. obs. 4. n. 3.*

Tria igitur circa Jus Civile Jus Prætorium, ut ex l. *Jus autem cit.* habetur, facit; adjuvat enim illud, restringendo corrigit, & extendendo supplet. *Adjuvat* Prætor Jus Civile, casus comprehensos ad faciliorem exitum perducendo, ut factum est §. *sunt autem 1. Inst. de bonor. possess.* ubi bonorum possessionem secundum tabulas decernit ex causa testati scriptis hæredibus, & in causa intestati liberis, & aliis legitimis hæredibus dat possessionem, quæ vocatur *Unde Liberi, unde legitimi*. Forster. *de Success. l. 2. c. 28. Muller. ad Struv. Exerc. 2. th. 4. lit. A. Restringendo corripit*, dum casus, verbis generalibus comprehensos, ob æquitatem quasi subduxit, & admisit, quod Jure Civili generalibus verbis vetitum videbatur. Exempla hujus rei passim occurrunt E. g. Filiusfamilias Jure Civili videbatur teneri ex mutuo, cum eodem Jure non reperitur exceptus; Prætor verò illi dedit Exceptionem SC. Macedoniani. Item Legibus 12. Tabularum sui tantum ad successionem ab intestato vocabantur, excludebantur verò emancipati, sive non sui; Prætor etiam istos per æquitatem admittit ad bonorum possessionem, quæ eundem pendè effectum habet cum Hereditate Civili, & sic corrigit Jus Civile strictum, vel rescindit dando bonorum possessionem contra tabulas. Muller. l. cit. lit. B. *Extendendo supplet* Jus Civile, casus omissos pro comprehensis habendo, uti factum est, quando Actionem in factum, vel subsidiariam dat, æquitatem id flagitante l. *quia actionum 11. ff. de præscript. verb.* item quando dat bonorum possessionem in causa testati secundum tabulas posthumo alieno instituto. Muller. l. cit. lit. G. Ex causa intestati vide quinque exempla apud Forster. l. 2. cit. c. 27. n. 3. & seqq.

Quia igitur rigorem Legum in hunc modum æquitatem 181 temperabant, Prætores, hinc factum, ut Edicta ipsorum non à populo tantum recepta, sed etiam ab Impp. fuerint approbata; imò postquam haud amplius Prætoribus licuit Jus aliquod introducere, Edicta prius ab ipsis edita, Imp. sic jubente, à Juliano in Corpus Juris relata sunt: postquam relationem eadem Edicta, seu Jus Prætorium vim Legis, aut Constitutionis nactum videtur, in multis tamen partibus distincta à Jure Civili natura Juri Prætorio relicta est, ut proin Jus Prætorium, & actiones inde descendentes, etiam post novam Justiniani promulgationem, & hodiernam receptionem priorem suam naturam retineat. Vvesnbec. ad §. 7. num. 6. *Inst. de J. N. G. & C. Muller. loc. cit. lit. D.*

Quæritur 3. unde originem suam Jus Civile deducat? Resp. Juris Civilis Origo ab ipsarum Rerump. ortu, & ex Jure Naturali, ac Gentium deducitur, non per modum conclusionis, sed per modum determinationis, aut arbitramenti humani; namque illud non ratio absoluta constituit, sed homines pro arbitrio sibi sanxerunt, prout ad vitæ, & Reip. usum id conferre censebant. Muller. *ad Struv. Exerc. 1. th. 57. lit. A.* Unde factum, ut quemadmodum Ulpianus l. *Jus Civile 6. ff. de I. & I.* monet, *Jus Civile* neque in totum à Jure Naturali, vel Gentium recedat, neque per omnia ei serviat, sed ei vel addat, vel detrahat.

Addit autem his Iuribus aliqua modo triplici. 1. constituen- 182 do quædam, ut magis adstringantur Cives ad Iuris Naturæ, & Gentium Præcepta servanda: quo referendæ nonnullæ ultiores prohibitiones Graduum, nec non solennitates Jure Civili proditæ in Matrimoniis, ubi tamen Jus hoc Civile non aliter obligat, quàm qua-



quatenus cum Canonico Jure concordat. 2. ea, quæ Jure Naturæ, & Gentium non sunt definita, determinando per illationem aliquam à primis Principiis remotiorem: Sic Jus Naturæ & Gentium volunt, ut fontes puniantur, non autem præscribunt, quo genere pænæ; sed Jus Civile determinationem hanc facit, ut si Latro, e.g. sit, puniatur gladio, vel rota, si fur, laqueo. Pirhing *Proem. n. 12. pr. cum aliis.* 3. actus, ex Jure Naturali, vel Gentium provenientes, ad usum temporalem Reip. ex rationibus Civilibus ita formando, ut adiciat iis substantia, quibus non observatis, actus, utpote forma illa præscripta destitutus, sit nullus, & ita quidem, ut nec in conscientia quis ad ipsum servandum sit obligatus *l. non dubium §. C. de LL. l. si unus 12. C. de Testam. & tot. tit. C. de Præd. Minor.*

184 *Detrahit* verò Jus Civile Jure Naturali, & Gentium non quidem aliquid jubendo, quod in se, & ex natura sua illicitum est, vel prohibendo, quod licitum, sed ea Jura ob circumstantias personarum, & rerum sæpe limitando: quod facit 1. ex ratione Politica non assistendo Juri naturæ, ita scilicet, ut ex justa quadam ratione vim, & effectum denegat alicui actui, qui aliàs, secluso ejusmodi Jure Positivo haberet effectum: ut cum Filios, dar Exceptionem SC. Marcedoniani contra mutuarium, cum mulieri concedit beneficium SC. Vellejani contra fidejussionem à se interpositam, cum Pacto nudo denegat Actionem Civilem &c. 2. permittendo nulla, quod conditior rerum humanarum non aliter ferar, ut cum marito permittit occisionem adulteræ, vel adulteri deprehensi in adulterio, cum læsum infra dimidium non defendit concessa ipsi Actiones &c. quibus casibus Jus Civile talia non positivè approbat, sed permittit solum, & cujusque conscientia relinquit, atque ideo illum, qui talia contra Jus Naturale agit, & in conscientia de illo convictus est, non absolvit. 3. ob causas prægnantes, atque in Reip. commodum, Libertatem, Jure Gentium, & Naturali datam, restringendo, ut sit in Donationibus, quas Jus Civile ad certam summam restringit, & pro excessu insinuationem apud Judicem postulat. Grotius *de Jur. Bell. & Pac. l. 2. c. 2. n. 5. Struv. ad ff. Exerc. 1. th. 58. Pirhing n. 12. cit. vers. interdum.*

185 *Quæritur* 4. quando Jus Civile Romanum sit conditum? Resp. hoc Jus temporum successu conditum, perfectumque est; inirio enim, ut *l. necessarium 2. §. & quidem 1. ff. de Orig. Jur.* traditur, Populus Romanus à Romulo Urbis Conditor, & primo Rege sine Lege certa, & Jure certo, pro arbitrio solum gubernabatur. Aucta de in Civitate, & Populo in XXX. partes diviso, quæ *Curiæ* appellatae sunt, ab ipso Romulo, populo per 30. suas Curiæ convocato ceteræ Leges, quæ propterea *Curiatæ* dicebantur, sancitæ sunt, quas postea Numa Pompilius, & ceteri ejusdem Successores auxerunt, & propterea *Regiæ* vocatae sunt: atque istas temporibus Tarquinii, Sextus Papirius Jctus in unum Volumen collegit, cui à Compilatore *Juris Civilis Papiriani* nomen est inditum *l. & §. cit. Lauterbach ad ff. de Orig. Jur. §. 1.* Hoc Jute aliquandiu regebatur Populus, usque dum tandem expulsi Regibus, etiam Leges hæ Regiæ cum Regia potestate exolvere.

186 *Sublati* his Legibus, aliquamdiu Populus Romanus utebatur incerto Jure, & consuetudine maximè: quia verò sic publica tranquillitas diu consistere non poterat, authore Tirio Romilio, Viro Consulari, Jctum factum, Plebiscito confirmatum, de extraneis Legibus colligendis. Missi ergo ad hunc finem in Græciam, Legibus, & bonis moribus tunc florentissimam, sunt Viri, teste Pomponio *l. necessarium 2. §. postea 4. ff. de Orig. Jur. decem, Livio verò libr. 3. & aliis Historicis* apud Lauterbach *ff. eod. §. 2. tres, nim. Spur. Posthumus, A. Manlius, & Sev. Sulpitius Camerinus, qui Leges Solonis, aliorumque Gratiæ Sapientum conscriberent.* His post biennium reversis, Centuriatis Comitibus A. U. C. 301. Decemviri ex Ordine Senatorio creati, iisque negotium datum, ut Leges à Græcis mutuatas, in certam formam, & ordinem arbitrato suo distribuerent. Confectum negotium istud ab ipsis intra anni spatium est opera, & consilio Hermodori Ephesii, qui cum fortè in Italia exulabat, ac tandem Leges ita collectæ, facta prius potestate inspiciendi, & censendi omnibus, ebores primùm, ut vult Pomponius *l. cit. §. 2. vel ut Dionysius, Livius, & alii AA. ferunt, æreis tabulis incisæ sunt, Decem pri-*

mum hujusmodi tabulæ erant, quibus cum deesse aliquid animadverteretur, sequenti anno aliæ duæ tabulæ adjec-tæ, & ita ex accidenti Leges istæ *Leges XII. Tabularum* sunt appellatae: ab initio pro Rostris propositæ, postea in Capitolio asservatæ, quas Livius *l. 3. c. 34.* fontem omnis publici, privatique Juris, & absolutum Corpus omnis Romani Juris appellat, & Cicero sub persona Crassi *Lib. 1. de Orat.* omnibus Philosophorum Bibliothecis anteposit. Frantz. *ff. de Orig. Jur. n. 10. & seqq. Lauterbach ibid. §. 2.*

Quia verò successu temporis animadversum est, quòd 187 his Legibus 12. Tabularum non omnes casus comprehensi existerent, iisdem accessit Interpretatio Jctorum quæ *Jus Civile* communi nomine dicebatur, & per se quidem auctoritatem Juris non habebant, tacito ramen consensu populi abierunt in mores *l. necessarium cit. §. his Legibus 5. & §. ita 12. pr. ff. de Orig. Jur.* Dein eodem ferè tempore à Jctis ne populus, prout veller. Actiones institueret, composita sunt certæ, solennesque Actiones, & præscripta iisdem solennis formula, quæ *Actiones Legis*, seu *Legitimæ Actiones* appellabantur *l. cit. §. deinde 6. & seqq.* Supervenerunt *Plebiscita*, seu sancita Plebis, prout hæc à Patritiis, & Senatoribus distinguebatur *l. cit. §. 8.* Addita *Senatus consulta*, i. e. jussa, & ordinationes Senatorum *l. cit. §. 9.* Secuta *Edicta Prætorum*, qui Juri dicundo præerant: quo *Jus Honorarium* ab honore Prætorum vocatum est *l. cit. §. eodem 10.* Tandem, cum rebus ita dictantibus, necessum esset, Reip. per unum consuli, constituto Principe, data est ei potestas, ut quod constitueret, ratum esset *l. cit. §. novissima 11.* unde *Principis Constitutio*, seu *Placita Principum*. Hi postea Jctis licentiam respondendi solenniorem concesserunt, & hinc *Responsa Prudentum*, à quibus Judici recedere non licebat *§. responsa 8. Inst. de I. N. G. & C.*

Memoratis Iuribus cum successu temporis alia, & alia 188 semper accederent, in immensum ferè excresebat eorum moles, adeò ut duo penè millia Librorum, & plusquam trecenties decies millia versuum haberent. *Conf. tanta §. 1. de Confirm. Digest. Lauterbach Proleg. §. 2. n. 2.* Julius Cæsar primùm cogitationem suscepit copiam Legum adeo immensam, & diffusam in paucissimos Libros colligendi. Sed quia talia meditantem, & agentem mors oppressit, intentionem ipsius dein assumpsit Hadrianus Imp. qui opera Salvii Juliani, Jcti summæ auctoritatis, Prætorum Edicta, in unum Volumen collecta, digessit, quod opus *Edictum Perpetuum* appellabatur. *Conf. tanta §. 18. de Conf. Digest. c. tanta 2. §. 18. C. de V. l. Enucl.* quod Edictum postea interpretati sunt, & Commentariis suis illustrarunt Papinianus, Ulpianus, Paulus, Gajus, Scævola &c. Interea jam ab Augusto, & Successoribus variæ Constitutiones promulgatae sunt, quas usque ad Constantinum M. Gregorius, & Hermogenes Jcti privata potius, quàm publica auctoritate collegerunt: unde *Codices Gregorianus, & Hermogenianus*. Hos subsequutus Theodosius Minor Anno Christi 401. Constitutiones Principum, præcipuè Christianorum, nim. Constantini, & posteriorum uno volumine est complexus; quod ex ejus nomine *Codes Theodosianus* appellatur. Sed quia magna pars Juris in Prudentum Responsis, & Scriptis posita, item Novellæ Constitutiones ipsius Theodosii Min. aliorumque Principum sequentium deerant, & insuper in tribus istis Codicibus multa iterata, multa inter se pugnantia, multa denique usu, & Legibus posterioribus abrogata continebantur, ideo Iustinianus Imp. occasionem sumpsit perficiendi istud, quod, ut dixi, Julius Cæsar, alique sibi proposuerunt, & opera præsertim Treboniani, aliorumque fedecim Jctorum usus, Jus universum ex tanto Librorum numero, in certum quoddam Corpus, distinctum in Libros suos, redegit. *l. tanta 2. §. quæ omnia 9. C. de V. l. Enucl. Lauterbach ad ff. de Orig. Jur. §. 7.*

*Quæritur* 5. quando Jus Iustinianæum recipi in Scho- 189 lis, & Foro cœperit? Resp. tempore Iustiniani per totum Imperium Legis in modum observari debuit: post ejus mortem auctoritas illius successu temporis valde est diminuta. Crescere autem iterum cœpit Sæculo 12. circa Lotharii Imp. tempora, ubi Innerius, postquam diuturno studio in Legum Romanarum explicationem incubuit, ostensa illarum æquitate, & prudentia singulari, Committissæ Mathildis denique hortatu, & jussu, Bononiæ



niæ Scholam publicam instituit, ibique Leges istas profiteri cepit: cujus exemplum deinde cum sequerentur Bulgarus, Martinus, Jacobus, Hugo, maximè illarum præ aliis usus invaluit, adeo ut Leges illæ non tantum docerentur in Scholis Italicis, sed etiam recipi in foro ceperint. Italiam dein sæculo 13. secuta est Gallia, & Hispania. Conring. *tr. de Orig. Jur. Germ.* c. 21. 22. 23. & 24. Struv. *ad ff. Exerc. 2. th.* 34.

190 Quando Germani has Romanas Leges receperint, incertum est. Volunt aliqui, eas in Scholas pariter, ac fora reductas esse Lotharii tempore etiam in Germania. Sed verior Sententia est, Ius istud ante Sæculum 15. in Germaniam translatum non fuisse, ad cujus initium, cum in eadem Germania conderentur Academiae, iisque Professores, ex Italia acciti, præficerentur, hinc factum est; ut ipsæ Academiae ad exemplum Italicarum se componerent, & Ius istud primum reciperetur in Scholis Germanicis, deinceps etiam prædicaretur in foro Imperii Germanici, consensu saltem tacito Imperatorum, ac Statuum Germaniæ, ejus professionem in Scholis Publicis, & usum in foro admittentium; neque enim ullo Imperii publico Decreto Ius illud prima Sæculi prædicti ætate in Germania receptum esse doceri potest, prout eruditè ostendunt Conring. *de Orig. Jur. Germ.* c. 20. & seqq. c. 32. & 33. & in *Disp. de Iud. Reip. Germ.* th. 59. Christ. Lehmann. in *Chron. Spir.* l. 4. c. 21. p. 327. fin. Lauterbach. *Proleg. ad ff. §. 1. nu.* 13. Struv. *ad ff. Exerc. 2. th.* 35. Muller. *ibid. lit.* G.

191 Ille autem consensus expressus videtur accessisse, quando in Ordinatione Camerae Imperialis, Maximiliano I. regnante, Anno 1496. Assessoribus, Iuramento ipsis præscripto, manifestè injectum est, ut secundum Iura communia, Romana scilicet judicent: quod ipsum Jus deinde per alias Imperii Constitutiones confirmatum, approbatum, & Iuris Communis appellatione insignitum est *Ord. Cam. de Anno 1500. §. ordinamus, statuimus, V. secundum jus Casareum scriptum. Edict. Norimb. de Anno 1521. V. difformiter iuribus vel contra iura Ordin. Cam. de Anno 1555. p. 1. tit. 13. §. 1. ibi secundum communia iura Imperii, & p. 2. tit. 3. §. fin. ibi ordinamus, & statuimus, ut -- juxta iura communia observetur Ordinatio. Statuta Politica de Anno 1577. §. 17. ibi, Quoniam ejusmodi contractus in communibus iuribus rigore prohibiti sunt: & alibi passim.*

192 Hanc igitur publicam Sanctionem plurimi, ac singuli Germaniæ Ordines post sensum, & separatim, liberrimo tamen semper arbitrari, secuti sunt, ita, ut hodieum non tantum in dicta Camera Imperiali, sed etiam in reliquis Imperii Provinciis quoad decernendos Processus, & causas decidendas Ius istud vigeat: conf. qui hodie in nostro Imperio Lege Justinianæ nititur, licet ejusdem observantiam non probet, causam nihilominus tamdiu fundatam habet, donec Adversarius monstrat Jus posterius, vel Statutum contrarium, Lauterb. *Proleg. §. 2. num.* 14.

193 Id tamen hic noto cum Struv. *Exerc. 2. cit. th.* 36. discrimen aliquod faciendum esse inter Jus Romanum privatum, quod de Causis, & negotiis privatis disponit, & inter Publicum, quod, ut *num.* 156. dixi, potissimum habetur in Libris posterioribus Codicis; nam istud, quia non ita ad statum Imperii Romani hodierni quadrat, non similiter, ut Privatum, receptum est: aliqua tamen, quæ scilicet nostra Resp. Romano-Germanica cum antiqua Romanorum communia habet, inde commodè applicari possunt, ut ipse usus hodiernus docet.

194 Quæritur 6. quot partes contineat Jus Commune Romanum, seu Corpus Juris Civilis Romani? Resp. quatuor præcipuè partes continet, scilicet Volumina Pandectarum, Institutionum, Codicis, & Novellarum: quæ omnia Volumina collecta sunt, ut dictum est, ex diversis Iuribus; nam ed collectæ Leges, quas Populus, Patritii, ac Senatoribus connumeratis, Plebiscita, quas plebs, exclusis Senatoribus, & Patritiis, *Senatusconsultum*, quæ Senatus, *Principum Placita*, quæ solus Princeps, *Prætorum Edicta*, quæ Prætor, vel Ædilis, *Responsa Prudentum*, quæ JCti constituerunt §. *constat autem 3. Inst. de l. N. G. & C.*

195 Præter hæc Jura eidem Juris Corpori inserta inveniuntur plura alia. Et 1. quidem Edicta 13. à Justiniano, necessitate exigente, proprio motu promulgata; &

quædam aliæ ejusdem, uti & Justinii Augustini, filii ipsius adoptivi, ac Tiberii Imp. Novellæ Constitutiones: quæ tamen, quia magis præfco illi, quàm moderno ævo accommodata sunt, non omnibus Juris Imperialis editionibus inserta inveniuntur. 2. Novellæ Constitutiones Imperatoris Leonis: sed istæ, quia publicatæ sunt, Occidente jam ab Orientis Imperio avulso, in Occidente vim plenam Juris authentici non obtinent; deferri tamen illis quandoque solet, cum Justinianæ Iuri non contradicunt. 3. Consuetudines Feudales ex moribus Longobardicis, & quibusdam Imperatorum, præsertim Germanorum Constitutionibus desumptæ: Harum duo Libri vulgò circumferunt: Cujacii verò Editio in quinque Libros easdem distribuit.

His Iuris Corpori Iuris Communis insertis accesserunt denique alia Iura, & Constitutiones, quæ vim Iuris perpetui in Imperio Romano Germanico hodie habent, quamvis in dicto Iuris Communis Corpore non sint clausæ: & talis est inter alias *Constitutio Criminalis*, de modo procedendi in Iudiciis publicis, & plerumque Criminum pœnis, à Carolo V. & Imperii Ordinibus in Comitibus Augustanis, & Ratis bonensibus promulgata Anno 1530. & 1532.

197 Quæritur 7. quid sint *Pandectæ*? Resp. *Pandectæ* Grecum nomen quasi *Omnicapientiam* significat. Datum hoc nomen isti Iuris Civilis parti est, quod omne Ius antiquum contineat §. igitur 4. *Proëm. Inst. l. tanta 2. §. omnia 1. & l. dedit nobis 3. §. & piissimas 1. C. de Vet. Jur. enucl.* Appellantur etiam *Digesta*, à forma nempe, quod scilicet confusa Prudentum argumenta in iustum modum digesta sint, per *ll. cit.* Quandoque etiam dicitur *Codex Iuris enucleati*, prout fit *l. DEO Authore 1. §. itaque 11. & seq. C. eod.* cujus Nomenclationis ratio esse potuit; quia *Pandectæ* præ reliquis Iuris Libris non tantum habent Leges, sed & negotiorum definitiones, & divisiones; imò totam Iuris Artem suppeditant, cum Codex cum Novellis decidendis controversiis, & praxi unagis sit accomodatus. Hahn. *ad Voesenbec. tit. de J. & I. pag. 8. fol. 2. Lauterbach Proëm. §. 4. n. 2. Plettenberg Intr. Jur. Can. c. 4. n. 1. alii.*

198 Desumptæ sunt *Pandectæ* ex veterum maximè probatorum JCtorum Libris, Responsis, & immensis antiquæ Iurisprudentiæ Voluminibus: in quibus quia heterogenea exoleta, & aliquando etiam sibi pugnantiæ tractabantur, *Pandectarum* Compilatores pro arbitrio multa adjecerunt, multaque detraxerunt, & hæc omnia olim licitè: quod tamen hodie sine Crimine Falsi non amplius fieri potest *l. DEO Authore 1. §. sed in hoc 7. l. tanta, 2. §. tanta autem 10. & §. hac igitur 19. C. de Vet. Jur. enucl.* nam Imperator omnia, quæ in Volumine hoc continentur, suafecit, nemine audente comparare ea, quæ antiquitas habebat, cum his, quæ (Justiniani, cujus jussu compilatio facta est) *authoritas introduxit*, ut §. *tanta autem cit.* dicitur, & hoc adeo quidem, ut si aliter fuerint apud Veteres conscripta, in contrarium autem in compositione (*Digestorum*) inveniantur, non scriptura, sed (ipsius Imperatoris) *electioni* hoc adscribatur §. *sed in hoc cit.* neque impofterum liceat in Iudiciis, vel in alio certamine, ubi Leges necessariae sunt, ex aliis Libris, nisi ex (Justiniani) *Institutionibus, Digestis, & Constitutionibus* ab ipso compositis aliquid vel recitare, vel ostendere, nisi temerator velit falsitatis crimini subiectus, unà cum Iudice, qui eum audientiam accommodaverit, pœnis gravissimis laborare. Frustra igitur ætas, qua JCti Veteres, & in Digestis laudati vixerunt, in subsidium vocatur, aut ex singularibus Legum inscriptionibus, & locis, unde desumptæ sunt, conciliatio petitur; quia Responsa ista vim Legis non ex autoritate JCtorum sed ex voluntate Imperatoris, ea pro Lege sua habentis, acceperunt, Lauterbach *Proëm. §. 5.*

199 His *Pandectis* septem, & triginta JCti symbolas conrulerunt, ex quorum verbis, & responsis *Digestorum* Leges, velut centones, confarcinatæ sunt, ut ex Bud. in *Pandect.* notat Plettenberg §. 4. *cit. num.* 1. Compilatores fuerunt Trebonianus, Constantinus, Theophylus, Dorotheus, & alii clarissimi viri, quorum nomina referuntur *l. tanta 2. §. quæ omnia 9. C. de Vet. Jur. Enucl.* Compilatæ sunt anno Imperii Justiniani quarto, Christi 530. Promulgatæ 17. Cal. Ian. Anno 533. Legum authoritatem acceperunt simul cum Institutis 3. Cal. Ian. seu



feu 30. Dec. ejusdem anni, prout videre est *Const. tanta* §. *fin.* & *Const. dedit nobis* §. *fin. de Confirm. Digest.* Lauterbach *Proem.* §. 4. n. 6.

200 Distinxit hæc Digesta, secundum ordinem Edicti perpetui conscripta, ipse Justinianus in septem partes, prout patet ex *l. tanta* 2. §. *omnia* 1. *fin.* & §§. *seq. C. de Vet. Jur. enucl.* Interpretes autem postea, nim. Bulgarus, & cœtanei diviserunt in tres tantummodo. Primam à Libr. 1. usque ad finem Libri 24. vocarunt *Digestum Vetus*, quodd cæteras Partes antecedit. Secunda incipit à Libr. 25. terminatur in Libr. 38. & dicitur *Digestum Infortiatum*, vel potius *Infartiatum*, quod inter Vetus, & Novum medium sit, ac quodd fortissimas Leges contineat. Reliqui duodecim Libri componunt Partem tertiam, quæ *Digesti Novi* nomen accepit. Struv. *ad ff. Exerc. 1. th.* 68. Adeoque Digesta continent Libros omnino 50. ex quibus cum Lex aliqua allegatur, denotari solet Signo ff. de quo Gothofred. in *Not. ad Rubr. Const. de Concept. Digest. lit. G.* hæc habet: *Cur Digesta in hunc modum ff. Veteres pinxerint, frustra queritur ab Alciato; Notariorum, enim inventum est, quod plerumque nullam habet rationem.* Alii originem istius refundunt in eorundem Notariorum, & Librariorum inscitiam, vel imperitiam, initiali Pandectarum litteræ antè usitata ff. sufficientium.

201 Queritur 8. quid sint *Institutiones*? Resp. *Institutiones*, alio nomine *Instituta*, sunt quoddam Juris compendium, ex variis antiquorum Institutionibus, & præcipue ex Commentariis Cui, item ex Digestis, & Codice Justiniano antiquo, aliisque novis Constitutionibus, jussu, & autoritate Justiniani, opera Treboniani, Theophili, & Dorothei confectum, ut sint totius *Legitima Scientia prima elementa*, prout loquitur Imperator *Proem. Inst.* §. igitur 4. *fin.* Compositio Digestis sunt posteriores, promulgatione autem priores; nam in publicum editæ sunt Anno Christi 533. 11. Cal. Decemb. adeoque 25. diebus ante Pandectas: Confirmatione tamen sunt pares; quia Leges Institutionum, & Digestorum unâ 3. Cal. Jan. eodem anno vim Juris, & vigorem ab Imperatoria Autoritate acceperunt *Const. tanta* §. 25. & ult. *Const. dedit nobis dedit* §. 23. & ult. *de Confirm. Digest.* Lauterbach *Proleg. Digest.* §. 3. n. 5. & §. 8. n. 1. Clariss. D. Franz, *Proem. Inst.* n. 13.

202 Habent Institutiones vim Juris indubitato, prout patet ex *Proem. Inst.* §. *quare ex omnibus* 6. ibi: *plurimum Constitutionum nostrarum robur eis accommodavimus.* Unde errat Vvilenbach. *D. 1. ad Inst. n. 8.* dicens, eos, duntaxat Institutionum textus habere auctoritatem Juris, qui Pandectis respondent & Codici; sapissime enim Imperator se refert ad latiores Libros, & Codicis Constitutiones, quæ tamen sæpe non extant, prout fit §. *sed nec* 27. *Inst. de Legat. & §. tripli. 24. Inst. de Action.* Quare, si aliquid in Institutionibus contineatur, quod in aliis non reperitur, propterea nequaquam id reiiciendum, sed merito pro Jure sumendum, atque servandum est. Lauterbach §. 3. *cit. n. 4.* & videatur Cujac. *l. 11. obs.* 38. ubi varia producit loca singularia, quæ in Institutis quidem, non vero in aliis Voluminibus reperiuntur. Ratio est, quia omnibus Institutorum textibus Imperator auctoritatem Juris accommodavit, Constitutiones vero, ad quas ibi se refert, credendum est, vel ab eodem Imperatore in reliquis Juris voluminibus esse data opera omittas, vel casu, & culpa deperditas. Hoc verum est, quodd in casu, quo in Institutis generaliter quid proponitur, si textus ille reperitur in Digestis, vel Codice, interpretationem, limitationem, explicationem ex his accipiat, prout vice versa Leges Digestorum explicantur per Instituta.

203 Dividuntur Institutiones in 4. Libros, & 99. Titulos, quorum singuli suas habent Inscriptiones, & Rubricas, auctore ipso Justiniano additas, quæ proin in genere, tanquam Authenticæ Jus faciunt, & ad Causarum decisiones validè allegantur, modò perfectam contineant orationem. Perfecta autem oratio plerumque incipit à particula *Ut*, vel *Ne*, & certum aliquid fieri præcipit, vel prohibet, e.g. *Quod quisque Juris in alterum statuerit, ut ipse eodem Jure utatur; Ne quis eum; qui in Jus vocabitur, vi eximat; Ne liceat in una, eademque causa tertio provocare; Nemini licere Signum Salvatoris Christi humi vel in silice, vel in marmore aut sculpere, aut pingere; Ne quis in sua causa judicet, vel Jus sibi dicat &c.* Sed hujusmodi inscriptiones, quæ orationem integram faciant, & per se ad causarum decisionem aliquid tri-

buant, in Institutis reperiuntur nullæ, pauca in ff. & Cod. quæ autem in his reperiuntur, in tantum decisivè allegari possunt, ut si sint generales, per Nigrum specialius non restringantur, hoc verò per illas potius ampliatur, modò Nigro, seu textui non sint contrariæ; tunc enim illi magis standum erit, quàm Rubricæ Carpov. *p. 1. Const. 27. def. 4. n. 5.* Berlich. *p. 3. concl. 5. n. 25.* Lauterb. *Proleg. §. 3. n. 6.*

Inscriptiones autem §§orum in Institutis, quæ in nonnullis Exemplaribus apparent, sunt Interpretum, aliter, quàm in Digestis, ubi unusquisque eorum, qui Author Legis fuit, in honorem antiquitatis, Justiniano Authore, inscriptus est. *Const. tanta* §. 10. *de Confirm. Digest.* Inter hos autem Legum Authores unus altero potior non habetur, nec Papiniano cedit Ulpianus, vel alius quidam: & sic abrogata est *L. un. Cod. Theod. de Respons. Prud.* ubi Papinianus singulis aliis JCTis præfertur. Lauterb. *l. cit. num. 7.*

205 Queritur 9. quid intelligatur nomine *Codicis*? Resp. ut dictum est *n. 188.* Codicum nomine variæ Legum, & Constitutionum Imperatoriarum Compilationes veniunt, scilicet Codex Gregorianus, Codex Hermogenianus, Codex Theodosianus, & Codex Justinianus, De Gregoriano, & Hermogeniano fragmenta quædam supersunt. Theodosianus adhuc ferè integer superest, licet hoc uti Imperator prohibuerit. *Const. Cordi nobis* §. 4. & 5. *de emend. Cod.* Interim tamen DD. quidam hodierni Codicis textus sæpius ex illo, æquè ac ex Historia veteri explicare, & emendare solent: quod improbat *Contius*; nebulones appellans, qui ex Codice Theodosiano augeant, vel emendent hodiernum Justinianum; quem sequitur *Alciato*, qui Codicem Theodosianum, hodie superstitem, dicit magis Alarici Regis, quàm Theodosii esse, eumque mendis scatere.

*Codex Justinianus* duplex est, primæ, & secundæ, seu repetitæ Prælectionis. *Prima Lectio* est, quem Justinianus ex Gregoriani, Hermogeniani, & Theodosiani Codicum, aliorumque Imperatorum Constitutionibus concinnatum, à suo nomine Justinianum dixit, & tertio Imperii sui, Christi verò 529. anno 7. Id. Apr. promulgavit: & hic est ille Codex, cujus in Institutis sæpius fit mentio, quo tamen hodie destituimur. Lauterbach *Proleg. §. 5. n. 2. Secunda, seu Repetita Lectio* Codex Justinianus est, quem laudatus Imperator post Volumina hæcenus recensita jam edita, ad eundem ferè cum Institutis, & Pandectis ordinem anno Imperii septimo, Christi 534. 16. Cal. Dec. seu 16. Novembr. vulgavit: & hic Juris auctoritatem accepit eodem anno 4. Cal. Jan. sive 28. Decembr. Lauterb. *l. cit. n. 5.* In isto Codice idem Justinianus ex priori Codice nonnullas Constitutiones detraxit, & alias novas addidit: quem etiam solum observari imposterum voluit, ut habetur *Const. Cordi nobis* §. *repetita* 5. *de emendat. Cod.* Atque hic intelligitur, quando Codex à JCTis citatur. Dividitur in 12. Libros, quorum tamen tres ultimi, tractantes de Jure Publico, teste *Riccio* apud Lauterb. *l. cit.* diu post editi sunt, & in Scholis explicari non solent.

207 Codici huic adjunctæ sunt Constitutiones aliquæ ab Antonio Augustino, Contio, & Cujacio quæ ceu spuria communiter Juris auctoritate destituuntur, nec etiam in illis casibus, qui Legibus expressè decisi non sunt, tanquam Authenticæ in foro allegari possunt. Pro talibus habere debent, qui vel in Veteribus Exemplaribus non reperiuntur, & ab Accursio, aliisque Glossatoribus non sunt illustratæ Glossis; vel diverso, & majori signantur numero, sic XXXVI. XXXIX. XL. in *Cod. tit. de Episc. & Cler.* Item XVII. & XVIII. *tit. de Episc. audient.* Non tamen omnes hoc diverso notantur numero, e.g. *l. 30. & quatuor sequent. tit. eod.* ideoque Gothofredus, qui talia in notis admonere solet, inspicendus erit. Similiter Juris auctoritate carent Leges Codicis, quæ promanant ex Libris Basilicis; novæ enim hæc Pandectas, 60. Libris distinctas, post Digesta Justiniani annis plusquam 300. Basilii Macedo Imp. & eo mortuo Leo Philosophus ipsius filius fabricati sunt. Continent hi Libri inutilia, & supervacanea multa: in Occidentali Imperio nunquam fuerunt recepti, & Pandectis Justiniani restitutis, omnem ubique auctoritatem deperdiderunt. Et idcirco neque hodie pro authenticis habentur, aut allegantur. Lauterb. *Proem. §. 5. n. 7.*



208 Eidem Codici insertæ leguntur aliæ adhuc particulæ, minusculis litteris expressæ, quæ vocantur *Authenticæ*. Et his plures Friderici Imp. autoritate adjectæ sunt, quæ propterea *Authenticæ Friderici* audiunt. Hæ per se non aliter, ac *Authenticæ Justiniani* Legum autoritatem habent: & tales sunt *Auth. item nulla, & auth. statumimus de Episcop. & Cler. auth. habita Ne filius pro patre &c. Auth. cassa de SS. Eccl. auth. Sacramenta. si advers. Vendit. auth. navigia de furt.* Aliæ verò, & quidem plurimæ ab Irnerio, seu Vvernero Jcto, qui Anno Christi 1137. clariit, ex Novellarum Volumine privata autoritate adjectæ sunt. Tales sunt *auth. quas actiones de SS. Eccl. auth. sed Index de Episc. & Cler. auth. hodie de Indic. auth. quod sine de Testam. auth. ex causa de liber. præterit. auth. excipitur de bonis, quæ liberis &c. auth. quod ita de duob. reis, auth. bona damnatorum de bon. proscripti. &c.* de istis *Authenticis* communis doctrina est, quod, quociescunque *Authentica* aliqua in Codice ex Novella desumpta discrepat ab ipso textu Novellæ, toties magis sit standum Novellæ, quàm *Authenticæ*, cum Originali sit potiùs habenda fides, quàm Copiæ, seu Exemplo *l. quicunque 2. ff. de Fid. Instrum.* Nullam itaque vim, & vigorem Juris per se habent istæ *Authenticæ*, sed ad fontem semper recurrendum, illeque sequendus est, ut post *Hilliger. Umm. Bice. Alb. Gentil. Hunu. Stephan. Kleinschmid, Sixtinum*, & alios notat *Lauterbach Proleg. §. 5. n. 10. Muller, ad Struv. Exerc. 1. th. 68. lit. S. Clariss. D. Vvidmont Pandect. Prælim. Resol. num. 40. Vviesner Proœm. n. 71. Reiffenstuel ibid. n. 169.* Dissentit tamen *Befold. Dissert. de Lib. Jur. c. 5. vers. sed sunt.* *Berlich. p. 2. decis. 257. n. 44.*

329 Quæritur 10. quid nomine *Novellarum* veniat? Resp. hoc nomine venit Volumen novarum Constitutionum Justiniani, quas idem Imperator diversis temporibus pro causarum emergentium varietate tam suppletorias, quàm correctorias promulgavit, atque ex his unum singulare Volumen confici jussit. Volumen istud *Novellarum* nomen accepit; quia novissimè post Codicem Justinianum sunt promulgatæ: & hinc etiam *Ius Novissimum* dicitur. Continent *Authenticas Collationes* novem, quæ suos in Titulos, Tituli in Capita, & Capita quandoque in §. distinguuntur. Summa omnium *Novellarum* hodie extantium sunt 168. *Rittershus. Proœm. Expos. Meth. Novell. c. 1. n. 8. Lauterbach Proleg. §. 6. n. 1.*

210 Pleræque Græcè fuerunt compositæ, exceptis paucissimis, ut *Novel. 9. 11. 23. 62. 143. 150.* quæ originaliter Latine conscriptæ sunt. Græcus textus diu latuit, quem Gregorius Holoander Zvickaviensis in lucem produxit, Versionis Latine *Novellarum* Interpretes sunt *Julianus, Epitomator, vetus ille Anonymus, Agylæus, & Contiùs. Prima Editio* est *Juliani. Secunda* est semibarbara illa, in qua multæ *Novellæ* desunt, quas ex Græcis Libris suppleverunt *Holoander, & Scrimgerus*: viderunt autem, tandem *Henricus Agylæus, & Antonius Contiùs. Tertia* Latina Versio est *Gregorii Holoandri*, quæ *Norimbergæ* primùm 1531. prodiit, dein alibi etiam, maximè *Antwerpæ* 1575. recusa est: Accesserunt denique Supplementa *Agylæi, & Contiù*, quæ post *Novellas* in Corpore Juris communis adjectæ reperiuntur, *Muller, ad Struv. Exerc. 1. th. 68. lit. T.*

211 *Novellarum* Authorem communis Sententia facit *Justinianum*: existimat tamen *Balduinus in Protheoria de Novell. Constit.* quam fecit *Lovanii* Anno Christi 1541. harum *Justiniani* Constitutionum plures fuisse Scriptores quod etiam indicare videtur diversitas Græcicæ Phrasæ, & Stylus subinde varias. Nonnullas etiam *Novellas* tam *Iustini secundi*, quàm *Tiberii*, qui huic *Iustino* successit, cum *Novellis Justinianæis* commiseri annotaverunt *Cujacius, Agylæus, Rittershusius* apud *Muller loc. cit.* *Justinianæ* non uno, & eo tempore, sed successivè, necessitate sic postulante, ab anno Imperii *Justiniani* octavo usque ad 38. ejusdem, Christi 565. vitæ dicti Imperatoris ultimum conditæ, & promulgatæ sunt. Dies illis in hoc Volumine nullus additur, prout is adscribitur aliàs Legibus Codicis: sed nec ordo temporis, quo editæ sunt, observatur; nam tempore compositionis posteriores subinde ordine sunt priores: & sic *Novella 23.* antecedit compositione *Novellam 20.* licet numero istam sequatur; idem accidit in *Novella 50.* quæ tempore præcedit *Novellam 41.*

212 Vocantur *Novellæ* etiam *authenticæ* Nomine, ad dis-

ferentiam *Epitomes*, in quam *Novellas* contraxit *Julianus Patritius*, vir eloquentissimus; & *Civitatis Constantinopolitanæ Antecessor*; *Authenticum* enim, ab autoritate præstanda dictum, est id, unde alia *Exempla*, & *Copiæ* transumuntur *l. quicunque 2. ff. de Fid. Instrum.* Respectu hujusigitur *Epitomes*, tanquam *Exempli*, & *Transumpti Liber* iste *Novellarum Constitutionum Authenticæ* nomine rectè insignitus est, utpote ex quo *Epitomen* illam suam *Julianus*, veluti ex fonte, & *Originali*, transcripsit, quodammodo abbreviavit. *Vvesenbec. in Oecon. Novell. pr. Spekkam in Exegesi. Jur. Univ. in Protheor. th. 19. Muller. l. cit. lit. y.*

De his *Novellis* tria notanda veniunt, 1. Versio Latina vulgaris hodie recepta est, neque ab illa recedere licet, etiam si textus Græcus ostendatur esse alterius sensus. *Ricius de Libr. Jur. §. 62. Muller. ad Struv. Exerc. cit. th. 69. lit. A. 2.* Tres *Novellæ* ultimæ, nimirum 166. 167. 168. quas *Cujacius* adjecit, in foro nullius sunt autoritatis. *Gentil. de Libr. Jur. c. 6. Muller. l. cit.* Reliquæ verò, quas *Veteres Glossæ, & Commentariis* non illustrarunt, sed *Holoander* demum edidit, autoritatis sunt dubiæ, & controversæ. *Gentil. Ricc. Muller. l. cit. 3.* quando sibi invicem contrariantur *Novellæ*, tunc posterioribus cedunt priores, quæ non ex serie, sed ex subscriptione judicantur. *Lauterbach Proleg. §. 6. num. 4.* Et sic *Novella 53. & 74.* per *Novellam 117.* item *Novella 95. & 119.* per *Novellam 127.* & denique *Novella 106.* per *Novellam 110.* est immutata.

Treddecim *Justiniani* *Edicta*, quæ *Novellis* istis subiciuntur, & aliæ *Justinii, Tiberii, & Justiniani* Constitutiones illis annexæ in foro, & quoad *Causarum* decisiones omni *Juris* autoritate desituuntur. Quod etiam dicendum de *Novellis Leonis*, Constitutionibus Imperatoris, quæ illas sequuntur, & de *Libris Basilicis*, licet aliquid contineant, quod *Jure* recepto decusum non est: quod plurimis autoritatibus probat *Lauterbach Concl. Forens. Exerc. 1. th. 11. & 12.* quidquid in contrarium dicat *Arumæus*; Sanctioni enim illarum communiter nihil *AA. tribuitur*, licet multum tribuendum sit *aquitati, & rationi*, in illa fundantur. *Albert. Gentil. l. 1. de Nupt. c. 6. Lauterbach Proleg. §. 6. num. 6.*

Quæritur 11. quid censendum de *Libris Feudorum*? 213 Resp. hi prædictis *Juris Civilis* partibus accesserunt, & *Jura Feudalia*, quæ à *Veteribus Jura Militaria* solebant appellari, continent. *Juris* istius origo in consideratione generali Gentium, in speciali verò *Longobardorum* moribus vulgò adscribitur, quamvis *Maurit. Pos. Jur. Feud. Contr. Dec. 1. th. 4. 6. & 7.* velit, ejus ortum ex *Germania* repetendum. Prima ejus hinc inde desumpta collectio *l. 2. feud. tit. 1. 23. & 25.* tribuitur *Oberto de Orto, & Gerharδο Capogisto, seu Nigro* Consulibus *Mediolanensibus*. Pro *Jure* tamen non scripto, & merè *Consuetudinario* etiam post collationem istam habetur; quia nunquam ab Imperatore publica quadam sanctione, sed tacito tantum generali consensu à *Sæculo 15.* hucusque approbatum creditur. *Lauterbach. Proleg. §. 7. n. 3. Valens. Proœm. §. 6. n. 2. Reiffenstuel ibid. n. 170.*

Communiter duo numerantur *Feudorum Libri*, primus, & secundus, quibus in Corpore *Juris* additur alius, qui appellatur *Quintus* de *Feudis*, confectus à *Cujacio* ex variis diversorum *Impp. Feudalibus* Constitutionibus. Textus eorum in *Germania*, tanquam inveterata consuetudo, plenam habent autoritatem *Juris*, nisi vel pacto *Investituræ*, vel particulari *Curiarum* consuetudine aliud receptum sit. *Lauterb. l. cit.* Principia nonnulla sumunt ex *Jure Romano*, alia ex Constitutionibus Principum, quædam ex *Decretis Pontificum*. *Struv. Sym. Jur. Feud. c. 1. Aphor. 5. n. 3. & 4. Lauterbach. l. cit.* Distinguendum tamen est inter *Capita Ordinaria, & Extraordinaria*; nam posteriora, quæ incipiunt à *Tir. 58. de Notis, Feudorum Libr. 2.* exclusivè usque ad *Libr. V.* quia ex *Atidione, & Alvaroto* à *Cujacio* privata solum autoritate adjecta sunt, pro *Apocryphis* habentur. solent tamen allegari in casibus, ubi cum *Capitulis Ordinariis* conveniunt, vel ad istorum explicationem faciunt: ibi verò, ubi continent *Casum* in ordinariis non decusum, vim *Juris* nullam habent; cons. allegari pro *Jure* nequeunt. *Struv. l. cit. Aphor. 7. n. 10. Stryk Exam. Jur. Feud. c. 1. q. 22. Lauterb. l. cit. n. 5.*

Meminerunt *DD.* duplicis alterius *Juris Feudalis*, quod olim in *Germania nostra* obtinuisse credunt, scilicet *Ius Saxo-*



- Saxonicum*, & *Suevicum*, quæ postea in certa Specula redacta sunt, *Saxonicum* ex usu magis, quàm verbis Speculi æstimatur. Eo deficiente, etiam in Provinciis, ubi *Saxonicum* hoc receptum est, Jus Romanum observatur, & quandoque etiam ex hoc Jure illud explicatur; nam quod de Jure Saxónico expressè constitutum non est, id sub Juris communis dispositione relinquitur, Hartm. Pistor, l. 1. q. 32, n. 8, Carpz. p. 2. const. 16. def. 15, n. 8. Lauterbach, *Proleg.* §. 2. n. 9. An *Suevicum* unquam receptum fuerit, non immeritò dubitatur: de quo vide Struv. *Synt. Jur. Feud.* c. 1. Aph. §. n. 5. Conring. de *Orig. Jur. Germ.* c. 3. p. 135. Vitriar. *Inst. Jur. Publ.* l. 1. tit. 6. n. 5. p. 64.
- 218 Interim his, & aliis Iuribus Feudalibus, nisi contrarium receptum alicubi usu sit, præstat Ius Feudale Romanum, seu illud, cujus Capitula in Corpore Juris Communis extant; nam Ius istud in Constitutionibus Imperii receptum, atque ad illud in Recessibus sæpenumero provocatum est, prout constat *Reform. Polit. de Anno 1548. tit. 3. ibi: Recess. Imper. Erfurt. de Anno 1567. §. Et postquam*, &c. Rhet. in *Comment. Jur. Feud.* p. 10. & seqq. Lauterbach *Proleg.* §. 7. n. 6.
- 219 Quoad observantiam hujus Juris cum Marant. p. 3. *Specul. n. 22. & seqq.* notat Vallens. *Proem.* §. 8. n. 12. imprimis servandas esse particulares cujusque Provinciæ circa Feuda Constitutiones: iis cessantibus, servandum Ius Consuetudinarium Feudorum; & si casus occurrat, qui in eo non est decisus, recurrendum ad Ius commune, maximè de Usufructu, & Emphyteusi, arguendo de simili ad simile; dissentientibus verò Jure Civili; & Canonico, recurrendum potiùs ad Canonicum, cum ratione Juramenti, quod à Vassallis in Investitura præstat, ad hoc Ius materia ista pertineat.
- 220 Quæritur 12. an in relatis Justinianæ Juris Voluminibus necessariò admittenda sit aliqua Antinomia? *Certum est* 1. si Imperator cum Imperii Statibus, emendatis, & transformatis hucusque usitatis Iuribus, alium, atque recentiorum Codicem juberet confici, & hunc approbaret, annexa conditione, ut post definitum tempus Ius inde redderetur, & omnia tanquam sua ex ultima hac Editione valere deberent, talem Codicem Jus fore novum, & Juri Justinianæ, imò & ipsis Recessibus Imperii derogaturum; nam ejusdem potestatis est ferre Leges, & eas abrogare.
- 221 *Certum est* 2. si Recessus Imperii conferantur cum Jure Justinianæ, & textus Voluminum priorum Justinianæ Juris conferantur cum dispositionibus Novellarum, hæc Juri Justinianæ priori, & istis Recessus Imperii derogare; nam in Recessibus à Jure Justinianæ, & in Novellis à priorum Voluminum dispositionibus non raro discessum est, prout nemo facile inficiatur, & constat de Novellis *Novell.* 1. 4. 18. 118. &c. imò aliquando una Novella posterior alteram priorem abrogat. Struv. *Exerc.* 1. th. 69. Muller, *ibid.* lit. A. Lauterbach *Proleg.* §. 8. num. 2. & ostensum est num. 213.
- 222 *Certum est* 3. in uno, eodemque Libro (Novellis exceptis) non esse admittendam Antinomiam, ne eodem quasi tempore contradictoria dixisse Legislator videatur; unde disparitas est cum Novellis; nam hæc non uno, & eodem tempore, sed diversis, ut num. 210. notavi, editæ sunt. Excipitur, nisi aperta, & manifesta sit correctio, uti de 50. Decisionibus Justinianæ passim DD. perhibent, quæ in Codice positæ, ipsas Leges Codicis reformare possunt, ac communiter ex eo dignosci solent, quod habeant subscriptionem, *Lampadio*, & *Oreste Consulibus*; inscriptionem ad *Joannem*, vel *Julianum PP.* & additum annum Regiminis Justiniani; quodque ab initio referant dubia, & altercationes Jctorum. Videantur Magnif. D. de Bassis in 50. *Decisionibus*, Magnif. D. Christoph. de Chlingensperg *Proem. Inst.* q. 9.
- 223 *Controversia* igitur solum est, an ejusmodi Antinomia sit admittenda, si Repetitæ Prælectionis Codex, Pandectæ, & Instituta inter se invicem conferantur? Negant non pauci cum *Duareno*, *Arumao*, *Zasio*, *Harpprecht*, *Frankizio*, qui proinde has Juris partes ab omni contrarietate absolunt. His patrocinari videtur Justinianus ipse, nihil Legibus contrarium in Codice inveniri asserens l. DEO auctore 1. §. nulla 8. ibi, *Nulla autem in omnibus prædicti Codicis membris Antinomia aliquem sibi locum vendicat; sed sit una concordia, una consequentia, Adversario nullo constituto C. de Ver. Jur. enucl.* quod ipsum repetit l. tanta 2. §. contrarium 15. & l. fin. §. contrariam 15. C. eod.

Alii verò, cum diffidant, textus omnes inter se conciliari posse, cum *Ant. Matthai*, *Budao*, *Cujacio*, *Connano*, *Donello*, *Bocero*, *Besoldo*, *Perez*, *Vuiffenbach*, *Manzio*, *Carpzovio*, *Barchovio*, *Eckoldt*, quos sequitur *Lauterb. Proleg.* §. 8. num. 2. & duob. seqq. Muller ad *Struv. Exerc.* 1. th. 69. lit. B. Magnif. P. Schmier tr. de *Jur. Legal.* c. 7. num. 21. liberè admittunt, Codicem derogare Pandectis: unde dicunt, in foro, ubi Codex à Digestis dissentit, Juri Codicis, tanquam posteriori, & sic potiori standum esse arg. l. fin. C. de *Constit. princ.* Idque verum esse affirmant non tantum quoad Leges posteriori Codici demum adjectas, sed etiam quoad illas, quæ in priori, & primæ Prælectionis Codice jam extiterunt. *Lauterbach Concl. For. Exerc.* 1. th. 13. lit. B. quod etiam testatur Imperator *Novell.* 158. c. 1. & aliis rationibus confirmat Hunnius tr. de *Auth. & Interpret. Jur.* l. 1. c. 3. q. 1.

Exempla occurrunt complura; sic enim 1. Jure ff. Matrimonium solvitur Deportatione l. si quis 56. ff. solut. *Matrim.* quod correctum est l. Matrimonium 1. C. de *Repud.* & l. res uxoris 24. C. de *donat. int. vir. & uxor.* 2. Jure Digestorum, si mutus, aut surdus, ut liceret sibi Testamentum facere, à Principe impetraverit, valet Testamentum l. si mutus 7. ff. qui facer. *Testam. poss.* quod emendatum est per l. discretis 10. C. tit. eod. ubi surdo tantum, aut muto tantum libera datur potestas testandi, neque requiritur licentia impetrata à Principe. 3. Jure ff. Liberi omnia bona tam adventitia, quàm profectitia, in Patris hereditatem conferre necesse habebant l. hic titulus 1. pr. ff. de *Collation.* secus est hodie propter l. fin. C. eod. 4. Jure ff. ut Liberi sint legitimi, aut ingenui, & conceptionis, & partus tempus inspicitur l. & servorum 5. §. ingenui 2. ff. de *Stat. hom.* Jure Codicis autem non conceptionis, sed partus tempus inspicitur l. nuper 11. C. de *Natural. Liber.* 5. Jure ff. tempus in integrum restitutionis concessæ Minoribus erat annum duntaxat l. interdum 19. ff. de *Minor.* quod corrigitur l. fin. C. de *temp. in integr. Restit.* ubi etiam pro Majoribus ex causa justa restituendis conceditur quadriennium integrum &c.

An verò Institutiones Digestis, & Codici derogent, major est difficultas; quia ut num. 199. dixi, simul cum Digestis Legum auctoritatem acceperunt, & ante Codicem Repetitæ Prælectionis, quo hodie utimur, ut num. 206. monui, promulgatæ sunt. Sed difficultas ista videtur componi posse, si dicatur, quod Institutiones non derogent Digestis, quatenus sunt Compendium Juris per Digesta proditi; derogent tamen secundum textus acceptos ex Codice. *Clatiss. D. Ioan. Sigism. Stapff. Quæst. ex Univ. Jur.* q. 1. n. 11. Ratio est facilis, & deducta ex dictis num. 224. quia eatenus, quatenus textus Codicis continent Instituta sunt Ius recentius. igitur sicut Leges Codicis derogant Digestis, ita etiam Instituta secundum textus, sumptos ex Codice.

Exempla hujus correctionis non pauca habentur; sic enim 1. Jure Digestorum tempus pubertatis incertum erat l. 49. pr. & §. 1. cum seqq. ff. de *Legat.* 1. l. 34. §. 2. ff. de *Legat.* 3. l. 101. §. 2. ff. de *condit. & demonstr. l. 22. ff. quando dies Legat. ced.* In Institutiis, & Codice tempus hoc definitum est, ut tempus istud incipiat in sceminis anno atatis duodecimo, in masculis decimo quarto pr. *Inst. quib. mod. tutel. fin. & l. fin. C. quand. tut. vel curat. ess. de fin.* 2. Jure ff. minores poterant esse Tutores l. 73. pr. ff. de *R. I.* aliud disponitur in Institutiis, & Codice §. item major. 13. *Inst. de excus. tutor.* & l. fin. C. de *legit. tutel.* 3. Jure ff. minima capitis diminutio extinguerebat Usufructum l. in singulos 8. ff. de *ann. Legat.* l. si tibi 4. ff. quib. mod. *Usufr. fin.* Secus est de Jure Institutionum, & Codicis §. finitur 3. *Inst. de Usufr. l. corruptionem* 16. C. eod.

Aliquando tamen in Institutionibus locus, ex Digestis, vel Codice descriptus, ex illis vel restituendus, vel extendendus, vel restringendus est. Extendendus est pr. *Inst. de ingen.* per l. & servorum 5. ff. de *stat. hom.* Restringendus est §. Religiosum 9. *Inst. de rer. divis.* per l. si plures 41. ff. de *Relig. & sumpt. fun.* item §. 25. *Inst. eod.* per l. 7. §. 7. ff. de *acquir. rer. domin.* item §. 30. *Inst. eod.* per l. 37. & 38. ff. de *rei vindic.* Muller, ad *Struv. Exerc.* 1. th. 69. lit. E.

Ad Textus num. 223. allegatos responderi potest, à Justiniano quidem in mandatis datum esse Triboniano, & ejus in Repetitæ Prælectionis Codice adornando adjutoribus, ut Leges abrogatas tollerent, & omnem contrari-



et arietatem abolerent; sed hujus mandati partes omnes non usquequaque impletas: quod merito veniam habet; nam facile, atque opere in magno fas est obrepere sonnum.

Porro quis concedere Legem Civilem possit: qualem obligationem Lex ista producat, quas personas obstringat, & plura alia videre est infra Lib. I. Tit. 2.

## §. VII.

De Jure Canonico clauso Corpore Juris Communis,

## S U M M A R I U M.

- 230 Etymologia Juris Canonici.
- 231 Ejus diversa Nomina.
- 232 Definitio.
- 233. 234 Præstantia supra Jus Civile.
- 235 Hoc sæpe corrigit.
- 236 Sæpe etiam in subsidium vocat.
- 237 Originem sumpsit ab ipsis Apostolis.
- 238 Qui certos Canones, seu Leges Ecclesiasticas statuerunt, fidelibus observandas.
- 239 Quibus addita successu temporis sunt Constitutiones Apostolicæ, à Clemente conscriptæ.
- 240 Et Jura alia.
- 241 Canonum Collectiones sunt præcipuè decem: prima Dionysii Exigui.
- 242 Secunda Fulgentii Ferrandi.
- 243 Tertia Martini Braccarensis.
- 244 Quarta Cresconii Episcopi Africani.
- 245 Quinta Isidori.
- 246 Sexta Brocardi, seu Burchardi: Septima Cardinalis Deusdedit; Octava Anselmi Mantuani.
- 247 Nona Ivonis Carnotensis; Decima hodierna.
- 248 Jus Canonicum dividitur in Scriptum, & non Scriptum.
- 249 Scriptum in Commune, & Speciale.
- 250 Commune in contentum Corpore Juris Canonici, & in positum extra illud.
- 251 Partes, seu Volumina Corpus Juris Canonici tria continet: primò Decretum Gratiani.
- 252 Hujus Decreti materia.
- 253 Dicitur Concordantia discordantium Canonum: & quare?
- 254 Alterum Volumen constituunt V. Libri Decretalium Gregorii IX.
- 255 Olim non erant in Corpore Juris.
- 256 Tertium Volumen constituit Sextus Decretalium, Clementina, & Extravagantes.
- 257. &c. Quam auctoritatem habeant Canones Apostolici?
- 260 Quis fuerit Author Decreti?
- 261 Quando istud in lucem prodierit?
- 262 An approbati Juris Ecclesiastici vim obtineat?
- 263 &c. Quid judicandum de Paleis, quæ sub hoc nomine in Decreto Gratiani reperiuntur?
- 270. 271 Quæ sit Auctoritas Epistolarum, in Collectione Isidori comprehensarum?
- 272 Quoties facta sit Compilatio Decretalium?
- 273. 274 Quis hodierna sit Author, & quæ materia in hac tractetur?
- 275 &c. An omnes Voluminis Gregoriani textus habeant vim Juris Ecclesiastici, totam Ecclesiam obligantis?
- 279 An textus Juris Canonici omnes ab Antinomia absolvi possint?
- 282 Quæ Regula observanda, quando in Jure Canonico contrarietas Canonum sese offert?
- 284 Quis sit Author Libri VI. Decretalium?
- 285 Clementinarum?
- 286 Extravagantium?
- 287 Liber VII. Decretalium duplex est: unus collectus à Petro Matthæi.
- 288 Alter typis impressus jussu Clementis VIII. sed non vulgatus.
- 289 Liber VI. Decretalium, item Clementina, & Extravagantes Joannis XXII. habent vim indubitati Juris.
- 290 De Extravagantibus Communibus proponitur dubium.

291 Sed resolvitur affirmativè.

292 Hinc in Judiciis obtinent plenam fidem.

293 Quam vim habeat liber Decretalium Septimus?

294 Auctoritas Juris denegatur tam illi, quem Petrus Matthæi condidit.

295 Quam posteriori Clementis VIII.

296 Quam auctoritatem habeat Rubrica præfixa Titulis, & Capitulis?

298 Quot modis allegari possint Rubricæ?

302 Quam vim habeant Summaria Capitulorum?

303 Quid judicandum de Superscriptionibus, quæ ponuntur in Decretalibus?

304 &c. Quæ sit Auctoritas Glossæ in interpretatione Juris?

**Q**Uæritur 1. quid nominis sit Jus Canonicum? Ref. 230 Jus Canonicum sic dicitur à voce Græcæ Canon, quod Latinis Regulam denotat, ac proinde idem sonat, quod Jus Regulare: cujus Nomenclationis causa est; quia collectum est ex Canonibus, seu Regulis, quas Ecclesia proponit ad dirigendas actiones Christiani Populi in ordine ad felicitatem Supernaturalem. Lancellot. Inst. Jur. Canon. l. 1. pr. Tholos. Parat. Jur. Can. l. 1. tit. 2. c. 2. Vallens. Proëm. §. 7. n. 2. Pirhing ibid. n. 14. König n. 2. Reiffenstuel n. 38. Posset quidem hoc nomine etiam Jus Civile saluari; nam & ipsum Regulæ vivendi in Republ. & cum Civibus Reipubl. statuit: Antonomasticè tamen Titulus iste Canonico Juri debetur, cum & potestatem multo sanctiorem, & finem longè diviniorem, & formam regendi oppidò tutiorem præsupponat, ut bene advertit Magnif. P. Schmier cap. 5. de Jur. Legal. num. 1. Tribus Nomen hoc tribui solet, nimirum Scientiæ, quæ Jus istud docet, vel caller; ipsis Legibus, & Regulis Ecclesiasticis, quæ Jus istud objective constituunt; & denique Volumini, seu (ut phrasis vulgata habet) Corpori, in quo Leges, & Regulæ hæ continentur.

Habet autem plura alia Nomina; nam 1. vocatur Jus 231 Ecclesiasticum; idque tum ratione materiæ; quia agit de rebus, & personis Ecclesiasticis, quæ præcipuè hoc Jure reguntur: tum ratione originis; quia nimirum auctoritate Ecclesiastica constitutum, ac confirmatum est. 2. appellatur etiam Jus Pontificium, utpote per Summos Pont. Christi in terris Vicarios pro bono regimine Ecclesiæ universalis, ac spirituali fidelium salute institutum, collectum, & approbatum, à quorum proinde voluntate, & auctoritate vim Legis, & Juris habet. 3. dicitur Jus Sacrum, & Canones, quos proponit, dicuntur Canones Sacri, prout videre est c. nobis 25. fin. de Jur. Patron. & c. intelleximus 1. de nov. oper. nunt. idque tum ab Authore; sumit enim exordium à persona Sacra: tum à materia; quia materias Sacras tractat: tum à fine; quia dirigit ad finem Sacrum. 4. aliquando Juris Divini nomine honoratur, prout observat Abb. in c. qualiter, & quando 24. num. 3. de Accus. & patet ex c. nimis 30. de Iurejur. ibi, Nimis de Jure Divino quidam Laici usurpare nituntur, & clariùs ex c. cum de diversis 2. de Privileg. in 6. ibi Providimus, quòd ibidem (nempe apud Sedem Apostolicam) de cetero regatur, & vigeat Studium Juris Divini, & humani Canonici videlicet, & Civilis: quod etiam agnovit Imperator, cujus verba c. inherentes 1. de Iuram. Calumn. relata sunt hæc: Nos itaque (Divina, & humane Legis intentione servata) decernimus &c. per illam intelligendo Jus Canonicum, & per hanc Jus Civile. Ratio hujus Nomenclationis est, non quòd verè Divinum sit (est enim merè humanum, & ab homine conditum) sed quia vel continet quædam excerpta ex SS. Litteris, & in Conciliis repetita c. qualiter, & quando cit. ubi dicitur, quòd ex auctoritatibus Veteris, & Novi Testamenti -- processerint Canonica Sanctiones; vel quia Canones instinctu, & dono, aut gratia Spiritus Sancti dictati sunt ean. violatores 5. caus. 25. q. 1. vel quia sunt conclusiones deductæ ex Principiis Legis Divinæ c. qualiter cit. vel denique quia Jus istud à Pontifice, tanquam Christi in terris Vicario, accepta ab ipso, conf. Divina potius auctoritate est constitutum, ut notatur c. quanto 3. de Translat. Episc. junct. c. inter corporalia 2. eod. ubi Abb. num. 5. notanter tradit, quòd factum à Papa, tanquam Vicario DEI, censetur esse factum ab ipso DEO. Barbosa. in can. Regula num. 6. dist. 3. Gonzal. in Appar. de Orig. Jur. Can. num. 29. Plettenberg Intr. Jur. Can. c. 5. n. 1. Val.



Vallens. *Proëm.* §. 7. num. 2. Pirhing *ibid.* num. 14. Magnif. P. Schmier *tr. de Jur. Leg.* c. 5. num. 3.

232 Quæritur 2. quid rei sit *Jus Canonicum*? *Resp.* *Jus Canonicum* definiri potest, quod sit *Jus Positivum*, quod à Summis Pont. constitutum, vel approbatum, Ecclesiæ traditum, fideles proximè ad cultum Divinum, Pacem, & justitiam Christianam conservandam; ultimato autem ad æternam beatitudinem, tanquam ultimum finem, consequendum dirigit. Ita quoad rem omnes. Dicitur 1. *Jus Positivum*; quia autoritate Summorum Pont. latum est, qui cum in Ecclesia DEI supremi Principis locum obtineant, ad eos spectat universales Leges Ecclesiæ condere. Dicitur 2. *constitutum*, i. e. latum, & legitimè promulgatum per Decretales Epistolas, Rescripta, & Constitutiones summorum Pont. Dicitur 3. *vel approbatum*; quia in Jure Canonico quædam sunt desumpta ex Decretis Conciliorum tum Generalium, tum Provincialium, ex Placitis Principum Sæcularium, & ex Sententiis SS. PP. quibus nisi accedat autoritas Summi Pontificis, & hujus approbatio, vim Legis, seu Juris Canonici non habent. Dicitur 4. *Fideles*; quia qui extra Ecclesiam sunt, non subjiciuntur regulariter huic Juri, juxta Apostolum 1. *Corinth.* 5. v. 12. ibi; *quid mihi de iis, qui foris sunt, judicare*? Hinc infideles pœnis Spiritualibus non sunt coercendi, licet corporalibus subiici possint, si quæ prohibita, illis, aut in opprobrium Christianæ Religionis faciant c. in nonnullis 15. de *Judeis*. Dicitur 5. *proximè ad Cultum Divinum &c.* quibus verbis indicatur finis tum proximus, tum ultimus, & principalis Juris Canonici; nam ultimato intendit Spiritualem, & supernaturalem Beatitudinem, quam cum consequi nequeamus, nisi per actus Religiosos, & ad Cultum Divinum ordinatos, istos pro fine immediato habet eos præcipiendo, contrarios prohibendo.

233 Ex quo infertur multiplex præstantia Juris Canonici supra *Jus Civile*; nam 1. præstat *Origine*; quia promanat ab ipso Christo, & à potestate merè Spirituali, Petro, ejusque in Apostolica Sede Successoribus immediatè à Christo communicata. 2. *Universalitate*; quia obligat omnes Christi fideles, per Mundum universum sparsos c. *canonum* 1. de *Constit.* &c. omnes 4. de *Major. & obed.* totus enim Orbis terrarum subest Conditoribus hujus Juris, Christo nimirum, ejusque in terra Vicariis *can. cuncta* 17. & *can. seq. caus.* 9. q. 1. 3. *Materia*; quia hæc Spiritualis est, vel Spirituali annexa. 4. *Fine*; quia intendit pro fine ultimo æternam Beatitudinem, & salutem animæ Spiritualem, ac Supernaturalem, per vitæ, & Justitiæ Christianæ opera obtinendam.

234 Contra *Jus Civile* 1. promanat à potestate prorsus Sæculari, profana, & à Populo proximè collata, translataque in Principes; sumpsit enim initium à Legibus quibusdam Curiatis, à Lege 12. Tabularum, ab Edictis Prætorum, ut num. 185. & seqq. ostendi. 2. adstringit certum duntaxat Populum, e.g. Romanum, *Jus Civile Romanum* &c. 3. materia illius merè profana est; quia profana sunt res, personæ, & actiones, circa quas versatur. 4. finis ejusdem est merè temporalis; quia spectat solum Justitiam Legalem, quietem Reip. temporalem, & felicitatem naturalem. Abb. *Proëm.* num. 16. Suar. l. 4. de *LL.* c. 19. à num. 2. Plettenberg *Introd. Jur. Canon.* c. 5. num. 3. Vallens. *Proëm.* §. 7. num. 3. Vviestner, *ibid.* num. 80.

235 Hinc etiam est, quod plura Principia, & Regulas, à Jure Civili factas, Canones Ecclesiæ vel corrigant, vel non admittant: uti sunt 1. quæ rebus, vel personis Ecclesiasticis præjudicium faciunt c. *consuetudines* 1. de *Consuet.* c. *contingit* 1. de *Iurejur.* in 6. c. *fin. de Immunit.* in 6. 2. quæ statuunt aliquid motu proprio, & ex se de personis, aut rebus Ecclesiæ, licet id Ecclesiarum commodum, & favorem respiciat c. *Ecclesia* 10. de *Constitur.* ubi statuitur, ut talia nullius firmitatis existant, nisi ab Ecclesia fuerint approbata; & ratio datur; quia *Laicis super Ecclesiis, & Personis Ecclesiasticis nulla est attributa facultas, quos obsequendi manet necessitas, non auctoritas imperandi.* 3. quæ decernunt aliquid in materia merè Spirituali, e. g. *Voti*, *Iuramenti*, *Sacramentorum* &c. *can. si Imperator* 11. dist. 96. ubi additur ratio; quia ad *Sacerdotes DEUS*, voluit, quæ Ecclesiæ disponenda sunt, pertinere, non ad *Sæculi potestates*, quas, si fideles sunt, Ecclesiæ suæ Sacerdotibus voluit esse subjectas. 4. quæ sunt bonis moribus adversantia, & absque peccato exequi

non licet: & sic Leges Civiles permittunt Concubinarum, Præscriptionem cum mala fide &c. quæ tamen *Jus Canonicum* abominatur, quod istud præter Justitiam, puritatem etiam conscientiæ intendat, cum è contrario *Jus Civile* solum attendat vitæ Civilis commoditatem, Civium pacem, & litium detestationem. Plettenberg num. 3. cit.

Interim tamen etiam suus honor per *Jus Canonicum* stat Legibus Civilibus, quippe, quas in subsidium sæpe SS. Canones vocant, non tantum, ut ancillentur. Ioan. Andr. de nov. oper. num. 2. sed etiam, ut Sanctiones Canonice Iuris Civilis subtilitate decorentur. Bald. *Proëm. Decret.* plurimum namque *Sacrorum Statuta Canonum Principum Constitutionibus adjuvantur*, ut dicitur c. *intelleximus* 1. de nov. oper. num. 2. Imò multa Pontificum Decreta ex Legibus Civilibus penè ad verbum desumpta sunt: ideoque Leges Civiles in foro etiam Ecclesiastico recipiuntur, atque etiam obligant in conscientia, si iustæ sint, & Sacræ Scripturæ, Canonibus, & bonis moribus non repugnent. Laym. l. 1. rr. 4. c. 8. num. 9. Plettenberg. c. 5. cit. num. 4.

Quæritur 3. unde originem trahat *Jus Canonicum*? 237 *Ref.* hanc debet ipsis Apostolis, qui ad gubernandam Ecclesiam, & stabiliendam, ac propugnandam Evangelicam doctrinam, in Cætus aliquoties coeuntes, varias Sanctiones condiderunt, & promulgarunt: Inveniuntur autem hujusmodi Cætus ab Apostolis celebrati omnino quatuor, qui omnes habiti sunt Ierosolymis. *Primum* celebrarunt anno Christi 34. secundum *Baronium* in domo Mariæ Matris Ioannis, ubi Divina sorte S. Matthias suffectus est in locum proditoris Iudæ. *Act.* 1. v. 15. *Secundum* instituerunt eodem anno, & loco, ubi ut satisfaceret querelæ Græcorum, i. e. Iudæorum ex Græcia, vel Provinciis, ubi Græcè loquebantur, conquerentibus, quod Viduæ illorum despicerentur in quotidiano ministerio, ex septuaginta Christi Discipulis electi sunt septem Diaconi, non tantum, ut ministrarent mensis communibus, sed etiam ut Altaris ministerio præficerentur, & vivificum Christi Sanguinem communicantibus præberent, teste Iustino *Apol.* 2. Cyprian. *Serm. d. Lapsis & Ambros.* *Libr. 1. Off. Tertium* congregarunt Anno Christi 51. ubi statutum est, ut conversi ex Gentilibus non circumciderentur, neque alia Lege Ceremoniali Judaica obligarentur, sed abstinere solum ab immolatis Simulacrorum, & sanguine, suffocato, & fornicatione. *Act.* 15. *Quartum* convocarunt anno Domini 56. vel ut alii 58. in quo confirmata sunt Decreta de Gentibus ad Fidem conversis superiore Concilio statuta, & Iudæis credentibus permixtis ad tempus est usus Legalium, dummodo spem suæ salutis in illis non collocent, ut nimirum Synagoga paulatim cum honore sepeliretur, & non statim ut impia, & mortifera damnetur. Gonzal. *Apparat. Jur. Canon.* à num. 31. Plettenberg *Introd. Jur. Canon.* cap. 11. num. 2. Magnif. P. Schmier. *tract. de Jur. Legal.* c. 5. n. 29.

Decretis istis, quæ Juris Canonici quædam quasi initia erant, accesserunt successu temporis quidam alii Canones, & Leges Ecclesiasticæ, ab Apostolis conditæ. Leges autem istæ ab initio non statim fuerunt scriptis commendatæ, sed Traditionum instar in Fidelium Cæribus observatæ; nam ut *Tertullianus* apud Gonzal. loc. cit. n. 40. allegatus ait, *prior fuit animam, quam Littera; & sermo prior, quam Liber; & prior sensus, quam stylus.* Postea verò hæ ipsæ Leges à S. Clemente B. Petri Discipulo & Successore Græcè conscriptæ sub nomine *Canonum Apostolicorum* sunt, quas denique Dionysius Scythia, Abbas Romanus, cognomento *Exiguus*, vir suo tempore æstimationis summæ, Anno 526. tempore Iustini Imp. teste Cassiodoro de *Divin. Lett.* c. 23. apud Baron. ad *Annum Christi* 102. §. *rursum verò* in Latinum transtulit.

Canonibus Apostolicis cum tempore successerunt *Constitutiones Apostolicæ*, octo Libris comprehensæ. 239 Quis earum Author fuerit, multi dubitant, & adhuc sub Iudice lis est. Communiter dicuntur ab eodem S. Clemente fuisse collectæ, quod etiam Titulus præfert. *Marca Concord.* l. 3. cap. 2. existimat, Codicem istum erudito Scriptori, qui tercio saltem Sæculo floruerit, vindicandum. Hoc certum videtur, anriquissimum esse. Multa utilia Constitutiones hæ continent, magnoque in pretio apud veteres Græcos fuerunt, adeo, ut



non dubitet Gabriel Albaspinus Episcopus Aurelianensis l. 1. *Observ. c. 13.* quin olim Ecclesia Græca eas pro Legibus, Manuali, Pontificali, seu Rituali, ut vocant, Codice habuerint, Æthiopes quoque eos Libros verè Apostolicos æstimare, testis est Bellarm. *de Script. Eccles. in Clemente num. 92.* At verò à posterioribus Græcis in Concilio Trullano *can. 2.* tanquam ab Hæreticis depravata reiciuntur. Nec magnæ sunt authoritatis in Ecclesia Latina, quòd in iis nævi quamplurimi reperiuntur, & ab Hæreticis Græculis multa perperam relata, nonnulla adulterata, atque corrupta fateantur Baronijs, Bellarminus, Petronius, Sirmondus, Petavius, Labbè, alique Scriptores Catholici, ut notat Plettenberg *Introd. Jur. Can. c. 11. num. 7.*

240 Subinde cum insequentes Ecclesiarum Rectores, ad exemplum Apostolorum, in rebus dubiis, & controversis vel Synodi alicujus, vel Pontificis Summi definitionem exquirerent, plures aliæ tum à Conciliis, tum à Pontificibus Romanis Constitutiones, Decreta, & Canones editi, ac promulgati sunt, qui, ne oblivioni traderentur, Litteris consignati circumferebantur: & sic denique factum est, ut cum prioribus Decretis semper adderentur alia, & alia nova, tandem moles illorum in immensum excreverit. Accessit difficultas alia; nam quia non alio, quàm temporis, quo edebantur, conscripta sunt ordine, ipsa materiarum inter se non coherentium multitudo ingens memoriæ Fidelium, & Ecclesiæ præsertim Rectorum negotium faciebant. Quare pro faciliiori illorum notitia, & usu diversæ tandem tum Græcè, tum Latine conscriptæ Decretorum istorum Collectiones sunt: de his proinde

241 Quæritur 4. quot diversæ Collectiones Canonum, & à quibus illæ conscriptæ sint? Resp. Decem omnino diversæ numerantur. Et Prima quidem confecta creditur à memorato Dionysio Abbate Romano circa Annum Christi 527. Græcis in Idioma Latinum translatis. Collectionem istam Nicolaus Papa *can. si Romanorum l. dist. 19.* vocat *Codicem Canonum*: eum approbavit Léo IV. *can. de Libellis l. dist. 20.* & Adrianus I. Pontifex circa Annum 787. Carolo Magno dono dedit, qui eos observari in Gallia, & capita Decretorum in Capitulare Aquisgranense, Anno 789. confectum, referri iussit. Sirmondus *tom. 2. Concil. Gall. ad Annum Christi 787.* In hac Collectione Dionysius, vel alius ejus Author Præsulum Sedis Apostolicæ constituta, incipiendo à Syricio usque ad Hormisdam, complexus est, & in aliquem redacta ordinem Titulis suis distinxit, ut ipsemet testatur in Epistola ad Julianum Presbyterum: quibus deinde addita sunt Decreta Gregorii II. Petrus de Marca *lib. 3. c. 3.*

242 Secundam Sæculo eodem concinnavit Fulgentius Ferrandus Diaconus Ecclesiæ Carthaginensis, in qua citantur solum, non recitantur Canones diversorum Conciliorum. Opus istud Cresconius in sua Collectione *Breviarium* appellat: ejus mentionem facit Gratianus sub nomine *Breviationis Canonum* post *Can. Sacrorum 34. dist. 63.* & Baronijs *ad Annum Christi 527. n. 87.*

243 Tertiā sub Annum Christi 571. & Honorii I. tempus partim ex Synodis Græcis, partim etiam ex Latinis, præcipuè Toletanis, Conciliis elaboravit Martinus Ordinis S. Benedicti ex Abbate Monasterii Dumiensis Ecclesiæ Braccarensis Episcopus, ex Pannonia oriundus, qui vivere desit circa Annum Christi 573. prout Baronijs testatur. Approbavit hanc ejus Collectionem Concilium Lucense II. celebratum Anno 572. Canones in hac contentos in Decreto suo complures posuit Gratianus sub nomine Martini Papæ, prout ostendit congerendo textus Antonius Augustinus in *Gratian. Dial. 10. 11. & 12.*

244 Quarta, & recentis capitibus constans Collectio eodem ferè tempore confecta, & sub nomine *Concordia Canonum*, vel *Libri Canonum*, ut est in MS. ad Liberium Pontificem data est à memorato Cresconio Episcopo Africano, teste Baronio. In hac idem Cresconius explicat, quibus Synodorum, & Epistolarum Decretalium locis causæ illæ, quarum proponit Titulos, tractentur. Plettenberg *Introd. Jur. Can. c. 11. n. 6.*

245 Quinta Authorem Isidorum habet, qui ex antiquorum Pont. Epistolis, & Conciliorum Canonibus, facto initio à Canonibus Apostolorum, usque ad Concilium Hispalense Secundum, quod celebratum est Anno Christi 657.

Collectionem hanc suam confecit. Quis autem fuerit hic Isidorus, disceptatur. Aliqui illam tribuunt S. Isidoro Hispalensi Episcopo; de quo ramen difficultas est 1. quia Author hujus Collectionis in Opere hoc suo meminit Concilii Toletani II. habiti Anno 975. & Concilii VI. celebrati Anno 681. adeoque scripsit quadraginta, & pluribus annis post obitum Isidori Hispalensis, qui vivere desit 636. 2. quia inseruit Collectioni suæ Epistolas Gregorii II. & III. nec non Zachariæ, qui post Annum 700. in Sede Apostolica sederunt. 3. quia hæc Collectio inter Opera Isidori Hispalensis à SS. Braulio, & Ildephonso, item à Grialio, & Loaysa, qui ea ex vetustis Exemplaribus luci dederunt, non recensetur. Hinc alii Viri Docti MS. Codices secuti, putant, authorem hujus fuisse Isidorum Episcopum Setubensem, dictum *Mercatorem*, verius *Peccatorem*, quòd demissionis ergò hoc nomen Epistolarum subscriptionibus addere sit solitus; quam opinionem confirmat Chronicon Juliani Toletani, editum Parisiis à Laurentio Ramiretio, in quo refertur, Isidorum istum ope cujusdam Monachi Compilationi operam dedisse, & obiisse Anno 805. Accedit Luitprandus in *Chronico Anno 719.* ubi, *Isidorus*, inquit, *Setuvitanus*, qui interfuit Concilio XVI. Toletano, composuit *Ordinem Concilii & collectionem Conciliorum*, quæ dicitur *Isidori Peccatoris*. Nonnulli contendunt conciliare utramque Opinionem, dum dicunt, Collectionem istam à S. Isidoro Hispalensi fuisse primò digestam, sed postea cum Auctario non modico Canonum, ex Conciliis Toletanis, post ipsum celebratis, depromptorum, fuisse editam ab Isidoro altero Peccatore.

*Sextam* ex Summorum Pont. Epistolis Conciliorum, 246 per annos plusquam 400. celebratorum, Decretis, SS. PP. Sententiis, & Sanctionibus etiam Imperialibus (quod nemo ante illum fecerant) meliore, quàm Isidorus, ordine compilavit, & in viginti Libros divisam sub *Decretorum* nomine Anno 1020. edidit S. Brocardus, sive Burchardus, ex Monacho S. Benedicti Lobii Episcopus Vvornatiensis.

*Septimam* fecit Cardinalis Deus dedit, qui floruit eodem Sæculo sub Victore II. Papa. Scripsit illam Polycarpus, ejusque meminit Baronijs *tom. 2. Anno 1086.*

*Octava* edita est ab Anselmo Mantuano, Episcopo Lucensi, qui eodem ferè tempore floruit sub Pontificatu Gregorii VII. Hujus meminit Bellarm. *de Script. Eccles.*

*Nonæ* Author est Ivo Gallus, ex Præposito Monasterii Quirini Belvacensis Ordinis Canonicorum Regularium S. Augustini Episcopus Carnotensis, qui in hoc suo Volumine multa quoque ex Pandectis, & Codice Justiniani admisit: Volumen istud in compendium contraxit Hugo Catalauniensis, & *Pannoniam*, quasi Leges Ecclesiæ omnes complecteretur, vocavit. Claruit Ivo temporibus Urbani II. usque ad annum 1114. Boron. *ad hunc annum n. 14.* Polsevin. in *Apparat. Sacr. lit. I.* Plettenberg *Introd. Jur. Can. c. 11. n. 9.*

*Decimo* tandem loco post relatas, & Photii, Harmenopoli, Siagthii, & aliorum minoris notæ Compilationes in lucem prodit *Corpus Juris Canonici*, quo hodie in Scholis, & Foro utimur.

Quæritur 5. quoruplex sit Jus Canonicum? Resp. 1. 248 dividitur in Jus Scriptum, & non Scriptum *can. Ecclesiasticarum 5. dist. 11.* & merito; nam, ut *can. Jus generale 2. dist. 1.* notatur, *Omne Jus Legibus, & moribus*, i. e. Constitutionibus scriptis, aut Consuetudine, quæ §. *constat 3. Instit. de J. N. G. & C.* Jus non scriptum vocatur, *constat.* Reiffenstuel *Proëm. num. 47.*

2. Jus Scriptum subdividitur in Jus Commune, & 249 Speciale, seu Statutarium. *Commune* dicitur, quod pro universa Ecclesia latum est, adeoque omnes Fideles obligat. *Speciale* est, quo pro certo loco, Provincia, Diocesi, vel Communitate latum est; ideoque extra illius fines non obligat, ut sunt diversæ Constitutiones Synodales Diocesum, & Provinciarum. Tholof. l. 1. *Paratit. Jur. Canon. tit. 2. cap. 14.* Pirhing *Proëm. num. 20. fin.*

3. Jus Commune iterum subdividitur in illud, quod 250 in Corpus Juris Canonici legitima autoritate translatum est, atque hoc *inc. Pastoralis 8. de Fid. Instrum.* speciali ratione *Jus Commune* appellatur: & in id, quod est extra Corpus Juris Canonici, sive quòd in eodem non continetur, ut sunt Decretales quædam Extrava-



gantes, quæ Corpori Juris non sunt insertæ, secundum quas Judex judicare potest, si Juri communi sint consonæ *cap. Pastoralis cit. Pirhing loc. cit. Reiffenstuel num. 49.*

- 251 Quæritur 6. quibus partibus constet Corpus Juris Canonici? Resp. Corpus Juris Canonici, prout defacto circumfertur, complectitur tria Volumina. *Primum Volumen* communis usui vocatur *Decretum* vel simpliciter, vel cum addito *Gratiani* ab Authore, qui illud elaboravit, & concinnavit, atque in tres partes divisit, quarum *prima* continet *Distinctiones* centum, & unam, divisas in *Canones*, seu *Capitula*, ut nonnunquam vocantur. *Secunda* continet 36. *Causas*, seu *Casus*, & *Controversias*, quarum ferè singulæ plures habent *Quæstiones*, istæ autem suos *Canones*, quos iterum aliqui vocant *Capitula*. *Tertia* inscribitur *de Consecratione*, & habet *Distinctiones* quinque, quæ iterum singulæ in *Canones* dividuntur.
- 252 In *prima parte* Decreti agitur de varia Juris Origine, partibus, & speciebus: item de iis, quæ ad Jura, & Dignitates, Gradus, Electiones, Ordinationes, & Officia personarum Ecclesiasticarum pertinent. *Alterâ Pars* materiam rerum Juridicarum, & Judiciorum Ecclesiasticorum complectitur. In *Tertia Parte* totius Jurisdictionis, & Ministerii Ecclesiastici Jura, ritus, Ordinationes, Consecrationes, & executiones explicantur. Pirhing *Proæm. num. 21.* Reiffenstuel *ibid. num. 59.*
- 253 Inscribitur Decretum istud ab Authore Operis *Concordantia discordantium Canonum*; quia in hoc suo Libro Gratianus potissimum intendit Canonum ipsorum vel veram, vel apparentem contrarietatem, qua totum Jus conturbatum fuit *l. DEO auctore 1. §. nostram autem 12. C. de Vet. Jur. enucl. tollere*, & ad conformitatem, ac consonantiam revocare, eò quod magna vis, & elucidatio Juris consistat in concordandis Juribus contrariis, aut quovis modo discordantibus, ut colligitur ex *Proæm. Decret. §. sanè*, & *Proæm. Cod. Conf. 1. habeturque l. 1. de nov. Cod. faciend. Vallens. Proæm. §. 8. num. 14.*
- 254 *Alterum Volumen*, in quod Corpus Juris Canonici hodiernum dividitur, complectitur quinque *Libros Decretalium*, intellige *Epistolarum*, ita inscriptos appellatione desumpta à majore parte eorum, quæ in his continentur; quia in his multo plures sunt Epistolæ SS. Pontt. quàm sint aliæ Authoritates simul sumptæ: contra verò in Opere Gratiani multo plura sunt Decreta Conciliorum, quàm Constitutiones, vel Epistolæ Decretales Summorum Pontt. ideoque Gratiani Opus *Decretum* est appellatum, Gregorii IX. autem *Decretalium* nomen accepit.
- 255 Olim Decretales non erant in Corpore, sed solum Decretum Gratiani. Hinc quando ex Decretalibus fiebat citatio, addebatur Vox *Extra*, vel ejus loco littera X. ut indicaretur Titulum, & Capitulum citatum non in Decreto, sed extra illud repetiri, in hunc modum *c. dudum extra de Præbend.* quod etiamnum hodie fit à quibusdam.
- 256 *Tertium Volumen* continet tres Partes. *Prima* est Liber VI. Decretalium, divisus iterum in quinque Libros eo modo, quo Decretales priores; Libri autem hi quinque dividuntur in suos Titulos, servato in istis ordine, quo ponuntur in Decretalibus prioribus, licet complures omitantur, qui in istis inveniuntur. *Secunda* sunt Clementinæ, sic dictæ, quia à Clemente V. editæ, quamvis eas non Clemens ipse, quippe ante perfectionem illarum morte præventus, sed Joannes XXII. vulgavit Avenione 8. Calend. Novemb. 1317. *Tertia* Extravagantes, sic appellatæ, quod ante hac extra Corpus Juris, quasi incerta se se vagarentur. Priores Joanni XXII. dicuntur, quia hic fuit illarum conditor, qui etiam illas Juris Corpore clausidit; posteriores, seu *Communes* nullius Pontificis Summi auctoritate sunt compilatæ, atque idcirco ad authores suos, & tempus *Data* sunt reducendæ.
- 257 Quæritur 7. quam vim, & auctoritatem habeant Canones Apostolici? Nonnulli cum Magdeburgensibus omnem vim, & auctoritatem Legis Ecclesiasticæ iisdem negant. Nuntur 1. *can. Sancta 3. dist. 15.* ubi Gelasius Papa Librum Canonum Apostolorum inter Apocryphos numerat: quod repetitur *can. Canones 1. & can. Clementis 3. dist. 16. 2.* quia non convenit de Schmalzgrueber. Tom I.

Canonum istorum numero; nam Zepherinus Papa, relatus *can. Sexaginta 2. dist. 16. cit.* scribit 60. vel ut alia Lectio habet, 70. Sententias ab Apostolis præceptas esse; contra in Synodo Universalis sexta *can. 2.* Canones Apostolorum 85. approbantur: alii cum Baronio tantum agnoscunt Authenticos quinquaginta duos. 3. quia in dictis Canonibus aliqua decernuntur planè absona; nam *Canon. 5.* videtur statuere pœnas segregationis, & depositionis in Episcopum, Presbyterum, & Diaconum, qui Religionis prætextu suam dimiserit uxorem, cum tamen honestè, & cum virtute hoc fieri Apostolorum exemplum doceat: *Canon. 45. & 46.* videtur indiscriminarim reprobare Baptismum ab Hæreticis collatum, quem tamen validum esse usus Ecclesiæ comprobatur; *Canon. 65.* eum, qui Dominicum diem, uno solo dempto, jejunare deprehendatur, si Clericus sit, deponi, si Laicus, à communione ejici jubet, cum tamen quavis die jejunare virtuosum sit.

Sed dicendum, Canones Apostolorum 85. omnes, prout defacto in Corpore Juris inveniuntur, esse Authenticos, & verè Canonizatos. Ita Turrianus, qui ipsorum auctoritatem integro Libro vindicat, Covar. *Var. Resol. c. 17. num. 6.* Barbof. *in can. 1. dist. 16. num. 3.* Gonzal. *Apparat. Jur. Canon. n. 42.* Vviefstner *Proæm. num. 82.* Plettenberg *Introd. Jur. Canon. c. 11. num. 2.* Magnif. P. Schmier *rr. de Jur. Legal. num. 31.* Consentit Tertul. *Lib. adversus Praxeam*, & S. Athanasius in *Synopsi* numerans illos inter Hagiographos: Sanctus Joannes Damascenus quoque *lib. 4. de Fid. Orthod. c. 18.* eos ponere videtur inter Sacras Scripturas. Responsio sumitur ex *can. placuit 4. & can. quoniam 7. dist. 16.* ubi pro Canonici Scripturis agnoscuntur. Videatur Gonz. *l. cit.* ubi authenticè monstrat, singulos Canones à diversis Pontificibus, & Conciliis fuisse approbatos.

Neque obstant Fundamenta Adversariorum. *Ad 1. can. sancta*, & duobus cæteris, ut Turrianus *l. 1. 15.* notat, tanquam Apocryphus reiicitur, non Liber Canonum Apostolorum verus, sed alius à Priscillianistis eo nomine editus, & multis falsis dogmatibus scatens. Deinde, ut Melchior Canus *Lib. 5. Loc. Theol. c. 5.* advertit, Apocryphus, seu non Canonicus dici Liber aliquis dupliciter potest, vel quia non est ex Sacris, seu Sacræ Scripturæ Libris, vel quia non est Authenticus, h. e. Apostolicæ, vel alterius Ecclesiasticæ Legis auctoritatem non habet: primo sensu facilè omnes concedunt, Canones Apostolorum non esse Canonicos, quia Divinæ Scripturæ Libris à Trid. *sess. 4. Decret. de Scriptur.* non accensentur; in posteriori autem Canonici verè sunt ob textus allatos, & auctoritatem humanam maximam. *Ad 2.* quod ab aliquibus plures, ab aliis pauciores recenseantur Canones Apostolici, Responsioni datæ nihil obest; quia hoc inde proficisci potuit, quod qui pauciores numerant, duos, vel tres etiam in unum collegerint; quos alii diverferunt. *Ad 3.* in Canone 5. non præcipitur, ut Clerus conjugatus maritali commercio uxori suæ cohabitaret, sed ut ipsius curam habeat, eamque honestè sustentet juxta præceptum S. Pauli 1. *Timoth. c. 5.* & exemplum S. Petri 1. *Corinth. 9.* In Canone 45. & 46. solum reiicitur Baptismus ab Hæreticis collatus alia, quàm qua institutus est, forma, qualis erat; qui tempore Apostolorum à quibusdam perperam conferebatur in tribus Patribus, aut in nomine trium principii expertium, aut trium Filiorum, vel trium Paracletorum, vel in morte Domini, ut patet ex Canone 49. & 50. Denique Canone 65. jejunium die Dominico prohibitum fuit propter errorem quorundam Hæreticorum illius temporis, qui diem illum in jejunio, & planctu ad invidiam Catholicorum obibant. Laym. *l. 4. rr. 8. c. 2. num. 9.* nempe pro temporum, & circumstantiarum varietate, quæ in se bona, & laudabilia sunt, verari possunt, & debent, ut bene notat Magnif. P. Schmier *l. cit. num. 34.*

Quæritur 8. quis fuerit Author Decreti, quod vulgò, ut *num. 251.* innui, Gratiani dicitur? Resp. apud omnes exploratum esse, Authorem illius fuisse Gratianum, Professione Monachum ex ordine S. Benedicti. De Patria illius non satis convenit inter AA. Trithemius de *Vir. Illust. l. 2. c. 13.* eum Classensem facit. Sed melius, dicitur Clusius; patria enim fuit Clusium, seu Guisa, Civitas Thussæ, ut ex Baronio *ad annum*



1151. & Possevino *Apparat. V. Gratianus* notat Plettenberg *Introd. Jur. Canon. c. 22. num. 2.* Similis controversia de illo est circa locum Professionis. Nam Sigonius, & plerique Scriptores eum tribuunt Monasterio S. Felicis Bononiensis; Contra Monachi S. Proculi suum esse affirmant, eique Statuum marmoream in Claustro, quod hortum respicit, erexerunt, Partes istorum defendit Marant. *in Prax. p. 3. num. 34.* & Præpositus Alexander, asserens *in Proëm. Decreti*, compositionem illius factam esse in Monasterio S. Proculi. Arnoldus Vion utriusque Monasterii Monachos conciliare studet, dicitque Gratianum prius Monasticam vitam professum fuisse in Monasterio S. Proculi, deinde transisse ad Monasterium SS. Felicis, & Naboris, ibique Decretum compilasse. Certe in hoc Monasterio elaboratum esse Opus hoc, probat Inscriptio incisa Saxo perverusto, quod in Sacratio illius Ecclesiæ reconditur, & Epitaphium illustre, quod defuncto positum est Bononiæ: utrumque recenset P. Plettenberg *num. 2. cit.*

261 Dub. 1. quando Decretum Gratiani in lucem prodierit? Resp. juxta verisimiliorem sententiam in lucem prodit Anno 1151. tempore Eugenii III. ut habet Volumen vetustissimum Decreti, & Chronicon, quod inscribitur *Pomærium Ecclesiæ Ravennatis*, & asservatur in Bibliotheca Vaticana. Alii tamen non improbabiler volunt, vulgatum illud esse Anno 1141. & sic etiam habet Editio jussu Gregorii XIII. emendata, Tholosanus denique *l. 1. tr. 2. c. 14. in Schol.* existimat, editum fuisse Anno 1127. Has diversas sententias conciliare nititur Bellarminus de *Scriptor. Eccl.* dicens, ille anno 1127. Compilationem Decreti fortè fuisse inceptam à Gratiano. Plettenb. *l. cit.* Composuit autem hoc suum Volumen Gratianus ex variis S. Scripturæ sententiis, ex Conciliorum Decretis, atque ex Constitutionibus, & Decretalibus Epistolis Summorum Pontt. ex Legibus Imperatorum, nec non ex selectissimis SS. PP. sententiis; quibus nonnunquam sua quoque adjecit.

262 Dub. 2. an approbati Juris, & Legis Ecclesiasticæ vim obineant textus omnes Gratiani Decreti? Affirmant Archidiaconus, *in cau. quis nesciat num. 2. dist. 9. Abb. in c. ex parte 2. num. 12. de Rescript. Felin. ibid. num. 44. Tusch. Pract. V. Decretum Concl. 110. num. 11. Molfes. Summ. tom. 1. tr. 9. c. 5. num. 73. Marant. Specul. p. 3. num. 34. Martha de Jurisd. num. 1. c. 30. num. 37. & alii. 1. quia Decretum hoc videtur vel expressè fuisse approbatum ab Eugenio III. vel saltem tacitè tolerantia, & patientia Summorum Pontt. dum non ignorant, & patiuntur id in foro, & Scholis passim allegari: imò ipsemet allegat, ut videre est *c. cum Apostolica 7. de his, quæ sunt à Prælat. & c. c. relatum 11. de Test. c. nobis 27. de Jur. Patron. c. continebatur 6. de Despons. Impub. Clem. 1. de Jurejur. 2.* Decretum hoc Authenticum esse probat communis modus loquendi Glossæ, & DD. asserentium, quòd Leges Civiles, in Decretum Gratiani relatæ, hoc ipso canonizatae sint, ut loquitur Gloss. *marg. in Auth. quas actiones C. de SS. Eccl. in l. 1. C. de Episc. & Cleric. & alibi passim. 3. Doctores Juris Canonici passim vocantur Doctores Decretorum* ac proinde oportet etiam Decretum esse Authenticum; nam nomina debent convenire rebus suis *§. est & aliud 3. Inft. de Donat. 4. si quid obstarer, obstarer hoc, quòd à Gratiano, privato homine, Decretum istud collectum fuerit. hoc non obstat; nam etiam Decretales Gregorii IX. à S. Raymundo Pennafortio, ut n. 273. dicam, & quatuor Libri Institutionum Imperialium à Treboniano, & sociis, potestate Legislativa carentibus, compositi sunt, qui tamen Libri indubitanter Legis autoritatem obtinent. 5. frustra Summi Pontifices inter alia gravissima Christianæ Reip. negotia viderentur manum apposuisse pro emendatione tam accurata Decreti, nisi hoc pro Authentico habuissent. 6. vis indubitati Juris Decreto tribuenda videtur hodie, postquam jussu Gregorii XIII. à variis erroribus purgatum, & vulgatum est, istius Papæ Epistola præfixa, ubi simul cum reliquis Libris illud appellat *Jus Canonicum*, dicendo, *Nos opportunè providere volentes, ut hoc Jus Canonicum sic expurgatum ad omnes ubique Christi fideles factum perveniat*: conf. idem Pontifex Decretum istud cum ceteris Libris in Corpore Juris contentis censuit esse Canonicum, atque Authenticum.**

263 Sed melius tenetur Negativa, quam etiam defendunt Ancharan. *in c. canonum statuta num. 48. de Con-*

*stit. Ant. de Burrio Proëm. §. sanè num. 10. Joan. Andr. in c. 1. de Rescript. Frid. de Senis Conf. 76. Scot. in 4. dist. 6. q. 8. §. sed non videtur. Covar. l. 1. var. c. 1. num. 12. & 13. Suar. l. 4. de LL. c. 5. num. 6. Rodriq. tom. 1. Reg. q. 6. art. 2. Sanch. l. 9. de Matr. D. 12. num. 5. Salas tr. 14. de LL. D. 8. sect. 13. Dian. p. 5. tr. 14. resol. 68. Laym. l. 1. Theol. Mor. tr. 5. c. 6. num. 12. Henric. Canif. Summ. l. 1. tit. 1. Befold. Dissert. de Libr. Jur. c. 8. Andr. Mendo l. 1. de Jur. Acad. q. 28. num. 526. Delrio Disp. Mag. l. 5. sect. 16. p. 790. Vallens. Proëm. §. 8. num. 12. Zoef. Praef. ad Jus Canon. num. 9. Gonzal. Appar. Jur. Canon. num. 51. Plettenberg Introd. Jur. Can. c. 22. num. 3. Engl. Proëm. num. 51. Konig num. 4. Vviestner num. 90. Reiffenstuel num. 65. Magnif. P. Schmier de Jur. Legal. c. 5. num. 39. & decisum est à Rota Decis. 480. apud Pennam. Ratio est, quia Gratianus, tanquam privatus, condendæ Legis autoritatem non habuit, neque ab ullo Pontifice ejus Volumen Jure Ecclesiastico est accensum, ut patebit ex Objectionum solutione.*

Hinc Decreti istius textus singuli ad fontes suos, seu 264 originem sunt reducendi; continet autem Decretum hoc 1. textus Scripturæ. 2. Constitutiones Apostolicas, & Conciliorum Decreta. 3. Sanctiones, & dicta SS. PP. 4. quosdam textus ex Jure Imperiali desumptos, 5. narrationes, ex Historicorum, & similium Scriptorum monumentis depromptas. 6. quædam alia, quæ de suo inseruit Gratianus. Ex his singuli textus eam autoritatem habent, quam habent Libri, & Authores, unde desumpti sunt. Proinde, quæ Gratianus refert ex SS. Litteris, habent Autoritatem Divinam; quæ ex Summorum Pontt. Constitutionibus, & Decretis Conciliorum, vim Juris Ecclesiastici obtinent: quæ verò idem Gratianus adducit ex SS. PP. majorem quidem probabilitatem, quàm aliorum DD. sententiæ, merito sibi vendicant, autoritate autem Legis non polent, nisi fortè per Summum Pont. canonizata sint. Illa, quæ Gratianus de suo addit, dicendo sententiam propriam, probabilitatem faciunt, sicut judicium alterius periti Viri: quæ denique ex Constitutionibus Imperatorum, & Legibus Civilibus inspergit, tum demum in Foro Ecclesiastico vim habent, quando Juris Canonici defectum suppleant, neque contraria sunt Immunitati Ecclesiasticæ, nihilque determinant circa res, & personas Ecclesiasticas.

Neque obstant, quæ opponuntur, Ad 1. circa asser- 265 tam approbationem Eugenii III. contrarium probat Boetius Epo l. 2. de Jur. Sacr. n. 135. apud Vallens. Proëm. §. 8. nu. 12. Quod atinet ad usum immemorabilem legendi in Scholis, & citandi in Judiciis Decretum Gratiani, ex hoc approbatio tacita Pontificum non eruitur, nec plus inde probatur, quàm quòd textus ex eo cit. ut num. præced. dixi, revocentur ad primariam suam autoritatem, cum qua etiam à DD. & JCtis allegantur. Porro Summi Pontifices dum quandoque in suis Decretalibus allegaverunt Decreta suorum Antecessorum, ea non desumpserunt primum ex Decreto Gratiani, sed jam prius, & aliunde illa habuerunt in forma Authentica: & idcirco probationes ipsorum erant fortissimæ, & convincentes. Ad 2. communis ille modus loquendi Glossæ, & DD. asserentium, Leges Civiles, in Decretum Gratiani relatæ, per hoc censeferi Canonizatas, largè duntaxat accipiendus est, ita, ut solum indicare per hanc phrasim velle intelligi debeant, quòd æquitas, seu convenientia istarum Legum tanta sit, ut Compilatori Decreti viderentur esse dignæ, quæ pro meliori notitia, & instructione illozum, qui in studio SS. Canonum versantur, in illud referrentur: si plus intendatur, negari debet, quòd Leges Civiles propter Collectionem in Decretum Gratiani canonizatae sint. Fagnan. *in c. Canonum statuta num. 38. & 39. de Constit. Gonzal. Appar. num. 50. Reiffenstuel Proëm. num. 68. Ad 3. voce Decretorum* denotantur diversæ Constitutiones, sive Decreta Summorum Pontt. quorum illi censentur esse Doctores, non autem Decreti Gratiani; aliàs potius nuncupandi forent Doctores Decreti, quam Decretorum. Reiffenst. *l. cit. n. 69. Ad 4. Libri illi non à privatis suis Compilatoribus, sed à Pontifice, & Imperatore, quorum jussu, & mandato compositi sunt (ut ex Proëmiis Decretalium, & Institutionum apparet) suam autoritatem desumunt, qualem autoritatem Gratiano in componendo suo*



suo Decreto non constat fuisse datam. *Ad 5.* curam illam, quam Pontifices habuerunt in emendando Decreto, meruerunt dignitas, & utilitas hujus Voluminis. *Ad 6.* ab eadem emendatione, & præfatione Gregoriana Decretum hoc id solum accepit, quod Canones in illud relati, aliæque Authoritates cum suis Originalibus sine errore, aut falsitate censeantur correspondere. Barbof. *ad Proœm. Decret. num. 6. & seq. Engl. Proœm. num. 5. vers. sed communis.*

266 Dub. 3. quid judicandum de Paleis, quæ sub hoc nomine in Decreto Gratiani reperiuntur? Resp. ita appellantur quidam Canones Decreto huic inspersi. Cur verò ita nuncupentur, incertum est. Aliqui ita dictos putant, quod res inanes, ac leves contineant: sicque instar Paleæ nullam mereantur considerationem, aut fidem. In sententiæ istius confirmationem adducitur aliquod Gratiani responsum, quod dedisse fertur coram Pontifice, à quo Decreti confirmationem perierat, de interjectis illis particulis, seu Capitulis; nam de his interrogatus, dixisse fertur: *Palea est, nec de grano meo.* Barth. Cœpoll. *de Cognit. Libr. Jur. Can. princ.*

267 Alii sic dici existimant à Palea Discipulo Gratiani, quem aliqui *Protopaleam*, vel potius *Pocopaleam* vocant, nonnulli *Quartopalea* nomen habuisse referunt. Joan. Andr. *in addit. Specul. tit. de Disput. & alleg.* Barbof. *in Proœm. Decret. num. 9.* Thom. Canan. *Reper. in Proœm. Decret. num. 618. & 624.* Marant. p. 3. *Specul. num. 36.* Plettenberg *Introd. Jur. Can. c. 22. num. 5.* Jason cum quibusdam putat, illum fuisse Cardinalem: qui fortè idem ipse erat, cujus meminit Cœpoll. *tract. de cogn. Libr. Jur. Can.* apud Fagnan. *de Constit. p. 22. num. 44.* Hujus ergò opera collectos existimant istos Canones, & ab Authoris nomine appellatos.

268 Communior sententia prioribus rejectis, derivant Nomen istud ab adverbio *παλιν*, depravatè *παλιν* i. e. *rursum*, quasi *Additiones*; dicunt enim, Capitula ista esse additiones quasdam, quæ primitus per Gratianum in Decreto posite non fuerant, sed postea primum vel ab ipso Gratiano, vel aliis ipso posterioribus ad marginem adscriptæ fuerunt, quas deinde Librarii quidam omiserint, quidam verò in contextu posuerunt, donec tandem cognito, quod isthæc Capitula utilia sint, ea omnia Decreto inserta fuerint. Ita *Admonitio ad Lectorem Gratiani Decreto præfixa §. in alio*, Fagnan. *in c. Canonum statuta num. 44. de Constitut.* Barbof. *Proœm. Decret. num. 8.* Vallenf. §. 8. *num. 5.* Pirhing *num. 21.* Engl. *n. 6.* Reifensuel *num. 84. & seqq.* Desumitur ex eo, quod ejusmodi Capitula, Paleæ inscripta, à primo Vaticani Exemplari abint (prout notatur in *Annotationibus ad can. sed pensandum V. Palea dist. 6. & alibi*) nec inveniuntur in pluribus aliis, præsertim antiquis Decretorum Libris, qui Paleas ejusmodi vel non habent, vel saltem non omnes habent.

269 Paleæ sunt numero 116. utpote in Distinctionibus 52. in Causis 64. An unus, idemque omnium Author sit, incertum est. Juxta *Admonitionem num. præc.* relata aliquæ à Gratiano inter relegendum adjectæ, aliæ ab Interpretibus ad marginem adscriptæ sunt. Hoc certum est, Paleas istas, licet non sint omnino contemnendæ, cum multæ in Decretalibus, aliisque Collectionibus ante Gratianum reperiuntur, & magistralis doctrinæ contineant auctoritatem, non tamen habere vim Juris, & Canonis, cum eam Authores, quicunque illi fuerint, tribuere illis non potuerint, quippe potestate Legislativa destituti. Imò minoris sunt auctoritatis, quam Decretum, & dicta Gratiani, cum nec Glossas habeant, nec allegentur sub nomine Capitulorum, sed Palearum *can. precarie §. caus. 10. q. 2.* neque earum mentionem faciat Gregorius XIII. in Bulla Decreto præfixa. Hinc etiam AA. qui Decreto vim Legis tribuunt, eam denegant Paleis, quod Gregorius XIII. eas non comprehenderit nomine Juris Canonici, hoc enim si voluisset, manifestis verbis declarasset, cum sciret, illas in communi usu, & solita DD. interpretatione Juris vigorem non habere. Thom. Canan. *Proœm. num. 625.* Plettenberg *Introd. Jur. Can. c. 22. num. 6.* qui tamen addit, juxta Præpositum in *can. imprimis num. 44. caus. 2. q. 1.* iisdem communiter credi, nisi detur Jus in oppositum.

270 Dub. 4. quæ sit autoritas Epistolarum, in Collectione Isidori comprehensarum? Nonnulli cum *Francisco Turriano*, & *Severino Binnio* eas defendunt ut genuinas illorum Pontificum, quorum nomina præferunt. Con-  
*Schmalzgrueber, Tom I.*

trà Bellarminus l. 1. c. 14. *de Script. Eccles.* has Epistolas *indubitatas esse affirmare non audeat.* Baronius *ad Annum 862.* dicit, *ex multis eas reddi suspectas:* sequuntur *Peronius, Sirmondus, Petavius, Philippus Labbè & alii eruditissimi Scriptores Ecclesiastici*, qui illas Epistolas vel indubitatas esse negant, vel ut confictas planè reiiciunt.

*Certum est*, illas non extra omnem suspensionem esse. 1. 271 quia elegantiam, & nitorem secundi Sæculi, quo datæ dicuntur, non referunt. 2. quia in omnibus Epistolis idem Stylus, eademque scribendi norma servatur, ita, ut non à pluribus, sed ab uno conscriptæ esse videantur. 3. quia in iis Author, vel Authores utuntur vulgata Versione Scripturæ, quod indicium est, illas exaratas esse post ætatem S. Hieronymi. 4. quia S. Hieronymus earum non meminit in Catalogo scriptorum Ecclesiasticorum, adeoque videntur ipsi fuisse incognitæ, conf. post ipsum probabilius editæ. 5. quia Dionysius Exiguus, qui veterum Pontificum Epistolas summa diligentia collegit, eas in Compilatione sua omisit. 6. quia, ut primus observavit Antonius Augustinus in *Notis ad Capitula Hadriani*, in Epistolis illis reperiuntur ipsa Legum Imperatoriarum verba, & Scholia quædam, quæ sub Aniani nomine extant ad Codicem Theodosianum, cum tamen Pontifices, quibus Epistolæ illæ adscribuntur, duobus, & tribus etiam Sæculis editionem Codicis illius præcesserint, Plettenberg *Introd. Jur. Can. c. 11. num. 8.*

272 Quæritur 9. quis fuerit Compiler Decretalium Gregorii IX. quæ Secundum Volumen in Corpore Juris Canonici constituunt? Resp. Compilatio hæc ante istum Pontificem sæpius fuit tentata, & etiam facta. *Primam* fecit Bernardus Balbus Præpositus Papiensis, ac postea Episcopus primum Faventinus, deinde Papiensis, qui cum notaret, in Gratiani Volumine ex antiquis Conciliis, & Decretalibus nonnulla fuisse omissa, plura verò nova Concilia post Decretum ejusdem Gratiani celebrata, novæque Constitutiones editas, novas istas Decretales, insertis plurimis antiquorum Canonibus, & Epistolis, in unum Corpus redegit. Hostiens. Joann. Andr. *in Proœm. Decret. Secunda* tentata quidem à Gilberto Abbate, & Alano Episcopo Altissiodorensi, sed perfecta à Magistro Joanne Gallensi, seu Vvallenf. ut eum vocat Joan. Andr. l. cit. *num. 16.* qui natus Volterris fuit, & Compilatione hac sua complexus est Decretales usque ad Innocentii III. tempora. *Tertia* primum à Bernardo Archidiacono Compostellano privata auctoritate facta Romæ, unde & *Romana* dicta est, absoluta autem jussu Innocentii III. Pont. fuit à Petro Beneventano Subdiacono, & prædicti Papæ Notario. Quia verò tertia hæc Compilatio eas tantum Constitutiones complectebatur, quas Innocentius usque ad duodecimum sui Pontificatus annum ediderat, ideo *Quarta* Compilatio emanavit, Authore, ut plerique putant Tancredo Bononiensi Archidiacono, & huic Volumini insertæ Constitutiones dicti Pontificis posteriores, cum Lateranensis Concilii sub eo celebrati Canonibus. *Quinta* denique accessit mandato Honorii Papæ III. ex ipsiusmet Honorii Constitutionibus confecta. Gregor. Tholos. *Paratii. Jur.*

273 Has omnes demum Compilationes anno 1230. in unum Volumen, quinque Libris distinctum, redegit Gregorius IX. cura S. Raymundi Pennafortii, Ordinis Prædicatorum, Viri Sanctitatis, & doctrinæ percelebris, eisdem Pontificis Capellani, & Penitentiarii. Secutus in hac sua Compilatione est Pontifex ferè ordinem, ac normam Pandectarum, & Codicis, atque in ea Jus Canonicum universum ad Judiciorum rationem digessit; nam in *primo Libro*, expositis Principiis Juris Canonici, agit de Ordinibus, gradibus, Jurisdictionibus, & officiis Magistratum, qui Jurisdictioni Ecclesiasticæ præfunt. Deinde subjunguntur quædam, quæ circa personas, & res litigantium in principio Judiciorum versantur. In *Secundo Libro* tractat de Judiciis Ecclesiasticis, eorumque ordine, & processu. In *Tertio Libro* agit de vita Clericorum, eorumque Juribus, & obligationibus tum propriis, tum sunt Ecclesiastica Beneficia, tum communibus cum Laicis, ut sunt Contractus, Testamenta, usus Sacrorum, Jus Sepulturæ &c. In *Quarto Libro* tractat de rebus potissimum Laicorum propriis, & ideo de



Sponsalibus, & Matrimonio ejusque annexis, Unde Summa horum quinque Librorum continetur hoc versu:

*Judex, Judicium, Clerus, Sponsalia, Crimen,*

274 Ex quo pater, quod totum Jus Canonicum, in quinque Decretalium Libros divisum, ad quatuor Capita potissimum reduci possit: nempe ad Personas Clericorum, & Laicorum, ad res earundem personarum, ad Indicia, & Actiones, ad Delicta, & eorum pœnas. Clauduntur Decretales istæ ad imitationem Pandectarum Titulis *de Verborum Significatione, & de Regulis Juris.*

275 Dub. 1. an omnes Voluminis Gregoriani textus habeant vim Juris Ecclesiastici, totam Ecclesiam obligantis? *Ratio dubitandi* est 1. quia Decretales, quæ huic Volumini insertæ, & Alexandri III. ac Innocentii III. nomine inscriptæ sunt, non omnes inter istorum Pont. Epistolas reperiuntur. 2. quia Sententiæ, quæ in ipso referuntur, non omnes sunt Summorum Pont. aut Conciliorum confirmatorum autoritate Pontificia. 3. quia ex ipsorum Summorum Pont. Rescriptis complura non toti, sed particulari alicui Ecclesiæ, Diocesi, Provinciæ, & quædam, eaque non pauca, uni, vel pluribus personis particularibus inscripta sunt; conf. videntur inter hos duntaxat Jus facere. 4. quia Summi Pontifices quinque Libros Decretalium, Sextum item, & Clementinas solis Doctoribus, & Scholaribus Bononiæ commorantibus à principio transmissere, ut patet ex Proëmiis dictorum Librorum.

276 Sed his non obstantibus, certum omnino est, huic Gregoriano Volumini, ejusque textibus vim, & auctoritatem Juris indubitati competere. Ita Scor. in 4. dist. 6. q. 8. §. *sed non videtur*, Andr. Mendo l. 1. de Jur. Acad. q. 28. n. 528. Gonzal. Appar. Jur. Can. n. 50. Piettenberg Introd. Jur. Can. c. 23. num. 2. fin. Valleng. Proëm. §. 8. n. 12. Pirhing ibid. num. 22. vers. aliud, Engl n. 8. Konig num. 4. Vvictner n. 97. Reiffenstuel n. 87. & alii DD. consensu unanimi; nam huic Volumini, & textibus in eo contentis vim Juris hoc ipso Pontifex Gregorius IX. contulit, dum eos Juri Ecclesiastico inseruit, & in Ecclesia observari præcepit. Declarat hoc satis idem Pontifex in Epistola præfixa huic Volumini, ibi: *Volentes igitur, ut hac tantum Compilatione universi utantur in Judiciis, & in Scholis, districtius prohibemus, ne quis presumat aliam facere absque auctoritate Sedis Apostolicæ speciali*: ubi præcipit universis per Orbem Christianum Fidelibus, ut has Decretales tanquam normam, & regulam, non tantum doctrinæ in Scholis tradendæ, sed etiam rerum in Judiciis agendarum sequantur, cum ergo Pontifex non solum possit, sed etiam hic expressè velit omnes obligare subditos per Decretales istas, dubium non est, quin eæ Jus universale faciant.

277 Excipiuntur tamen 1. textus, quorum dispositioni legitime præscripta Consuetudine, aut Constitutione contraria posteriore est derogatum. 2. Rescripta his Libris clausa, quibus certas duntaxat personas affici constat ex illorum materia, & aliis circumstantiis: & tale est c. *ex rescripto* l. de Locat. & Conduct. ut ibidem notant Barbof. num. 3. & Gonzal. num. 5. Item c. *cum esses* l. de Testam. ut ibi cum aliis monet Joan. Andr. 3. Allegationes partium litigantium iisdem textibus insertæ, nisi sententiæ, aut Responso Papæ firmatæ, vel alio Juris textu sint approbatæ: & sic c. *cum dilectus* 2. de Cappell. Monach. allegatur, Ecclesiam intra fines Parochiæ sitam, de Jure communi esse subjectam: & tamen hoc Jus ubi sit, Innocentius ant seignorare; imò id in Jure nullibi expressum esse disertè asserit Abb. nu. 3. Item c. *Abbate* 25. de V. S. à parte litigante opponitur Consuetudini, quod ea Judicio contradictorio non sit approbata: & tamen Abb. ibid. num. 13. Suar. l. 7. de LL. c. 11. num. 2. alique Interpretes, atque DD. negant, hujusmodi approbationem ad illam à Jure exigì &c.

278 Sic limitata Responsione, facilis est solutio eorum, quæ n. 275. eidem opponuntur. Ad 1. Decretales istæ aut sunt omissæ, aut error Librariorum incuria contigit. Ad 2. textus illi, quicunque illi sint, & sive transumpti sint ex Constitutionibus Imperatorum, aut aliorum Principum Sacularium, sive ex Sententiis PP. aut aliorum privatorum DD. per hoc ipsum, quod in Decretales à Pontifice relati sint, Juris Ecclesiastici auctoritatem, & vim acceperunt; quia omnia nostra

facimus, quibus nostram impartimur auctoritatem, l. DEO auctore 1. §. *sed neque* 6. fin. C. de Veter. Jur. enucl. Ad 3. eadem est Responsio; nam licet illa Rescripta primò Jus particulare solum constituerint, per insertiōnem tamen in Corpus Juris communis hujus auctoritatem adeptæ sunt. Ad 4. id ideo factum, quia studium utriusque Juris Bononiæ tum temporis communius, & generalius erat, ibique quasi de omnibus Mundi partibus studentes reperiabantur: unde & Mater Studiorum Bononia appellatur, ut refert Horatius Lutus *Tractatum* tom. 18. tr. de Privil. Scholar. num. 23. Et ideo adhuc omnes fideles, hoc non obstante, Decretales hæc obligant, cum non sit necessarium, Rescriptorum, & Legum Pontificiarum notitiam singulorum auribus per speciale mandatum, vel litteras inculcare, ut dicitur c. *adhuc* 1. de Postul. Pralat. & notat Gloss. Proëm. Decret. Gregor. IX. V. Bononia.

Dub. 2. an textus Corporis Juris Canonici omnes ab Antinomia absolvi possint? Certum est, inter textus Decreti, & Decretalium plures sibi opponi, ac proinde per hos priores correctos esse, cum non appareat, qua interpretatione in concordiam reduci possint Engl Proëm. num. 18.

280 Controversia inter DD. est de Constitutionibus, & Decretis Gregoriani Voluminis. Nullam dari in his Antinomiam, contendunt Gloss. in Proëm. Decret. Greg. IX. cit. V. contrarietatem Monet. p. 2. de Distrib. c. 11. n. 31. Barbof. in Proëm. cit. num. 42. Engl num. 18. cit. ea ducti ratione; quia in una eademque Compilatione contrarietas generatim non sustinetur l. DEO auctore 1. §. nulla 8. & l. tanta 2. §. contrarium 15. C. de Vet. Jur. enucl. idque de Decretalibus, suæ Compilationi insertis, ipse Gregorius IX. clarè insinuat.

281 Verum an omni ex parte hoc Pontificis propositum à Compilatore impletum sit, non immeritò in dubium trahi potest ob complures textus, quos à contrarietate quidem vindicare complures Interpretes, & DD. nituntur; difficulter autem hoc impetrant. Tales sunt 1. c. *relatum* 19. & c. *gratum* 20. de Offic. Deleg. quorum primo dicitur, Jurisdictionis Delegatæ perpetuationem primò induci Litis Contestatione, cum tamen per textum alterum eadem perpetuatio inducatur ipso Citationis mandato, aut istius saltem insinuatione. 2. c. *referente* 7. de Prabend. ubi habenti plures Ecclesias permittitur electio, ut quam ex iis velit, dimittat: à qua Constitutione, quamvis à se edita, recessit Alexander III. c. *quia nonnulli* 3. de Cleric. non resid. ubi statuit, ut plures Ecclesias successivè recipiens, quod contra Sacros Canones accepit, amittat. 3. c. *de multa* 28. de Prab. & c. *litteras* 9. de concess. Prab. ubi statuitur, ut tali casu ipso Jure vacet prima Ecclesia, vel Beneficium, & sic derogatur tam c. *quia nonnulli*, quam c. *referente* cit.

282 Dub. 3. quæ Regula observanda, quando in Jure Canonico contrarietas Canonum sese offert? Resp. interesse, an dubia sit contrarietas, an verò certa. Si dubia sit, eaque talis, ut commoda aliqua Interpretatione, salva verborum proprietate, & ratione recti sermonis, conciliari possit, expedit Iura Juribus concordare, ut evitetur Jurium correctio, & contrarietas c. *cum expediat* 29. de Elect. in 6.

283 Si verò certa sit contrarietas, eaque talis, ut conciliari nulla arte, & modo possit, stabitur posteriori Decisioni; quia Jus posterius derogat priori c. fin. pr. de sent. Excomm. in 6. Quod observandum non tantum, quando contrarietas ista occurrit in diversis Corporis Juris Canonici partibus, sed etiam, quando in eadem, cum hoc solum discrimine, quod in diversis partibus Antinomia admittatur facilius, difficilius in eadem, & serè hoc casu tum solum, quando posterior expressè terminos correctorios alterius Canonis prioris habet, ut factum est in c. *exigit* 2. & c. *felicitis* 3. de Censib. in 6. Prioritas autem, & posterioritas tali casu desumenda non est ex ordine, quo inter se ponuntur in certo Juris Volumine, seu parte, sed à tempore, quo singulæ Decretales sunt editæ; nam sæpè priores tempore posteriores sunt ordine.

284 Quaritur 10. quis compilavit Libros tertii Voluminis, ex quo componitur Corpus Juris Canonici? Resp. diversos habent Autores; nam *Librum Sextum Decretalium* sub annum Christi 1294. velut alii volunt, 1300. com.



compilarunt Guilielmus de Mandagoro Archiepiscopus Ebedunensis, Berengarius Fredellus, vel Stredelius Episcopus Bitterrensis, & Richardus de Senis S. R. E. Vice-Cancellarius, ac postmodum Cardinalis Diaconus S. Eustachii, mandato Bonifacii VIII. in locum Cælestini Pontificatum renuntiantis suffecti: qui deinde huic Libro Juris Ecclesiastici auctoritatem dedit. Collectus est ex Summorum Pontificum Gregorio IX. posteriorum, imò ipsius etiam Gregorii IX. quibusdam Rescriptis, & præcipue ex Conciliorum Lugdunensium primii, & secundi Generalis sub Innocentio IV. circa Annum 1245. & Gregorio X. Anno 1274. celebratorum Decretis; cui ad finem adjectæ sunt Regulæ Juris 86. majori ex parte desumptæ ex Regulis Juris Cæsarei. In Libro hoc multa deciduntur, quæ olim in Iudiciis, & Scholis controversa erant: hinc Liber iste in Collectione ad priores Decretalium Libros se habet, ut Novellæ ad Codicem, & est suppletorius. Lauterbach. *Proleg.* §. 9. num. 8.

285 *Clementinas* partim ex Canonibus Concilii Viennensis circa Annum 1311. celebrati, partim ex propriis Constitutionibus colligendas curavit Clemens V. easque Joannes XXII. ejus Successor absolvit, & promulgavit. Fuit Joannes XXII. antea Jacobus dictus, natione Gallus, Cadurci urbe Aquitanix à patre Arnolde Deusa, misero, & veteramentario Sutore natus, quem eximia virtus, & doctrina ad supremum Dignitatis fastigium evexit; nam primum effectus est Arelatensis Episcopus, & Caroli II. Regis Cancellarius, ubi tantum sui officii famam auxit, ut Archiepiscopus Avenionensis, mox Cardinalis, & Episcopus Portuensis creatus fuerit à Clemente V. & hoc demum è vivis sublato, totius Ecclesiæ obtinuerit Principatum Anno 1316. post quem altero post anno, nimirum 1317. hanc Compilationem promulgavit, Plettenb. *Intr. Jur. Can.* c. 24. n. 2. ex Spondano *ad eundem annum*. Dividuntur *Clementinæ* in quinque Libros, sicut *Decretales*, Libri deinde in Titulos, sed multò pauciores, Tituli denique in capitula.

286 *Extravagantes Joannis XXII.* continent 20. Constitutiones dicti Pontificis, in 14. Titulos distributas. *Extravagantes Communes* dividuntur in quinque Libros, Libri in Titulos, Tituli in Capitula, quorum singula novam, & distinctam Constitutionem, sive Extravagantem continent. In priores Glossa scripsit Zenzilinus de Cassianis; in posteriores Joannes Monachus Pichardus, Guilielmus de Monte Lauduno, & Joannes Franciscus de Pavinis.

287 Additur in recentiore Juris Canonici editione Liber VII. Decretalium, in quem Petrus Matthæi JCrus Lugdunensis Bullas quasdam, & Constitutiones posteriorum Pontificum, quæ in Corpus commune Juris nondum receptæ sunt, collegit, & juxta ordinem quinque Librorum Decretalium distribuit.

288 De alio Septimo Decretalium Libro animum, & curam suscepit Gregorius XIII. qui operam hanc commisit Flavio Ursino, Francisco Alciato, & Antonio Caraffæ Cardinalibus. Hoc verò Pontifice defuncto, Sixtus V. ejus Successor hoc opus perficiendum commisit Pinello Aldobrandino, & Matthæo Columnæ pariter Cardinalibus, è quibus Aldobrandinus, nomine Clementis VIII. Assumpto, post obitum Sixti in thronum sublatus, perfectioni ejusdem Operis institit; cumque dubium incideret, an inferendi quoque essent Canones Conciliorum Florentini, & Tridentini ad dogmata spectantes, judicatum est, eos quoque Compilationi huic inferendos: sicque Volumen istud ex diversorum Pontificum Constitutionibus, & Conciliorum Decretis, trecentorum propè annorum spatio editis, concinnatum labore maximo, & ad normam Voluminis Gregoriani in V. Libros digestum accuratissime summa, tandem die 25. Julii 1598. perfectum est, promulgatum tamen non est, sed subsistere tunc demum cœpit; nam cum typis jam excusum, sub nomine *Septimi Libri Decretalium Clementis VIII.* vulgandum propediem esset, mota quæstio est, an à Jurisperitis super Decretis Concilii Trid. huic Libro insertis, Glossæ, & Commentarii edi possent, non secus, ac super aliis Compilationibus factum videmus: & ex ratione, quòd ejusmodi Glossæ, & Commentarii in Trid. à Pio IV. in Bulla super Confirmatione ejusdem Concilii

edita sub gravissimis Censuris prohibeantur, responsum est negativè: sicque suppressum est opus istud tantis laboribus, & vigiliis, elucubratum, tantisque Præfulum, Gymnasiorum, ac totius Ecclesiæ votis expeditum. Fagnan. *in c. cum venissent de Judic. num.* 61. & 62. Plettenberg *Introd. Jur. Can.* c. 25. num. 2. Reiffenst. *Proem. num.* 62.

Dub. 1. an Juris Ecclesiastici plenum robur, & auctoritatem in foro, & Scholis obtineat Liber VI. Decretalium, Clementinæ, & Extravagantes? *Certum est*, Juris Ecclesiastici plenum robur, & auctoritatem eandem, quam Decretalium Libri priores habent, competere Libro IV. Clementinis, & Extravagantibus Joannis XXII. nam Sextus à Concilio Lugdunensi, Clementinæ à Concilio Viennensi, & ipso Clemente Pontifice, Extravagantes Joannis XXII. ab hoc Pontifice, Authore illarum, sunt approbatæ.

*Controversia* moveri potest de Extravagantibus communibus. *Ratio dubitandi* est, quia non constat, quòd istæ alicujus Pontificis auctoritate sint compilatæ, ut proinde recurrendum esse videatur ad fontem, unde desumptæ sunt, & videndum, an cum Originali concordent.

Sed omnino dicendum, etiam his Ecclesiastici Juris vim, & auctoritatem concedendam, nisi posteriore aliqua Constitutione, vel consuetudine legitimè præscripta iisdem derogatum constet. Rom. *Consil.* 260. nu. 2. Tusch. *lit. 1. concl.* 679. Franc. de Pavinis *in Prel. ad Extrav. Joannis XXII.* Plettenberg *Introd. Jur. Can.* c. 24. num. 3. Vviestner *Proem. num.* 107. & alii passim. Ratio est, quia etsi non sint auctoritate Apostolica compilatæ, sunt tamen ea auctoritate editæ, ut ex omnium subscriptionibus, & ex Data compluribus subscripta liquet. Neque dici potest, quòd non concordent cum Originalibus; nam hæc in Archivio Apostolico asservantur, quibus si discordarent, Pontifex utique jussisset emendari errorem, præsertim cum publica, pacifica, & tribus Sæculis continuata tolerantia pariatur textus istarum Extravagantium in foro, & Scholis allegari.

Quatè Extravagantes istæ facient plenam fidem in Judiciis, etiam si non producantur, & sententia contra illas lata erit nulla, ut post alios monet Plettenberg *l. cit.* & ratio est, quia Sententia contra Jus notorium lata nulla est. sed Extravagantes constituunt Jus notorium; nam post publicationem satis evulgatæ sunt per Librorum impressionem, ita, ut ignorantia de illis præsumi nequeat.

Dub. 2. quam vim, & auctoritatem habeat Liber VII. Decretalium; Procedit quæstio tam de illo Libro VII. quem compilavit Petrus Matthæi juxta *num.* 287. quam de eo, qui impressus est jussu Clementis VIII. sed postea suppressus. Uterque hic Liber videtur vim, & robur Juris Ecclesiastici habere, tum quia metas Constitutiones Ecclesiasticas continet, tum quia posterior hoc ipso censi canonizatus possit, quòd jussu Clementis sit editus.

Sed dicendum, nec unum, nec alterum vim Juris Ecclesiastici usquequaque perfectam habere. Franc. de Pavinis *Prelud. ad Extrav. Joann. XXII. vers. debet autem.* Pirhing *Proem. num.* 24. *vers. ad has*, Engl *ibid. n.* 11. Reiffenstuel *num.* 61. Ratio de priore est, quia auctoritate solùm privata collectus est, neque constat, quòd Constitutiones eo comprehensæ omnes debito modo sint promulgatæ, & tanquam Jus universale Ecclesiæ propositæ: unde cum Regula alias universalis sit, quòd Extravagantes Bullæ, quas non constat debito modo publicatas, aut in usum deductas fuisse, & an cum suis Originalibus in omnibus, & per omnia corresponderent, in rigore non obligent, nisi producantur in forma authentica cum plumbo, & debita subscriptione, ut Constitutiones in hoc Libro VII. Petri Matthæi comprehensæ fidem faciant in Judicio, in Originali sunt producendæ.

*Posterior*, quia jussu Gregorii XIII. Sixti V. & Clementis VIII. collectus, & ultimi Voluntate etiam typis impressus est, majorem videtur auctoritatem habere, cum approbationem Pontificis habeat, quæ Legis, Jurisque auctoritatem dat: sed spe auctoritatem hanc Juris Ecclesiastici obtinendi idem Liber jam tum excidit, quando sub nomine Libri VII. Decretalium Clementis VIII. propediem jam erat publicandus; Cum enim ex ratione gravissima publicatio ista fuerit intermissa, eidem



deest substantiale aliquod Requisite, nempe Promulgatio, sine qua Lex nulla obligat. Quare textus ex isto Libro nulli allegari utiliter poterunt, sed recurrendum ad Originales textus, & ipsas Constitutiones Pontificum, & Conciliorum Flor. & Trid. Decreta, quæ Liber iste complectitur.

296 Quæritur 11. quam auctoritatem habeat *Rubrica* præfixa Titulis, & Capitulis? Resp. distinguendum esse inter Rubricas præfixas textibus Voluminis Gratianæi, & inter Rubricas præfixas textibus duorum posteriorum Voluminum. *Rubrica Voluminis Gratianæi* Legis Ecclesiastici auctoritatem non habent, Abb. *Proœm. Decretal. num. 8. Cæpoll. tr. de Cognit. Libr. Jur. Can. num. 16.* Reiffenst. *Proœm. num. 93.* Ratio est, tum quia neque Authentica, neque ab ipso Decreti Compilatore, sed ab aliquo quodam præfixa sunt, prout notatur §. *nota in fin. post Summam dist. 1.* tum quia non tam Rubricæ, quam Summæ quædam Canonum subjectorum sunt, & ex iis aliqua falsæ, aliæ corruptæ reperiuntur.

297 Alia est ratio Rubricæ, quæ præfixa invenitur textibus duorum posteriorum Voluminum; nam hujus maxima est auctoritas, ut notat Gloss. in *Decret. libr. 6. Proœm. V. titulus*. Abb. *num. 8. cit. Jason in l. 1. ff. de reb. credit. à num. 2.* Vviefner *Proœm. num. 108.* Reiffenstuel *ibid. num. 93.* Ratio est, quia teste Bonifacio VIII. *Proœm. Libr. 6. ibi Nos Decretales hujusmodi &c.* auctoritate Apostolica præfixa est. Ex quo sequitur, eas utiliter allegari.

298 Possunt autem Rubricæ allegari ad quatuor potissimum effectus. 1. *Dispositivè*, si contineant orationem perfectam, uti est Rubrica *Ne Sede vacante aliqui innovetur, Ut Ecclesiastica Beneficia sine diminutione conferantur*, &c. tunc enim, ut *suprà* de Rubricis Juris Civilis *num. 203.* monui, etiam Rubricæ Juris Canonici vim Iuris habent; cons. allegari tanquam Ius certum, possunt, prout quotidiana docet experientia. Dixi, *si contineant Orationem perfectam*; nam si perfectam Orationem non contineant, ut istæ: *De Summa Trinitate, & Fide Catholica, de Constitutionibus, de Rescriptis &c.* cum ob imperfectionem sensus, sive Orationis, quam habent, de nullo disponant, allegari dispositivè nequeunt, benè tamen ad tres sequentes effectus.

299 2. *Declarativè*; nam quotiescunque verba Canonis, Legis, vel Statuti, adeoque Nigri obscura, vel ambigua sunt, possunt, ac debent declarari per Rubricam iis præfixam Gloss. in *l. 1. V. retractare C. ne liceat in una, eademque causa tertio provocare &c.* Jason. *ibid. num. 2.* Abb. *Proœm. Rex Pacificus, num. 8.* Reiffenstuel *Proœm. num. 99.* & alii passim. Et ob hanc rationem Gloss. in *c. cum Monasterium V. postulantis de Elect.* infert, in casu istius Capituli celebratam fuisse Electionem, & non merè postulationem, quia Capitulum hoc non ponitur sub Rubrica *de Postulatione*, sed *de Electione*.

300 3. *Extensivè*; nam Rubrica generalior Nigro, & habens perfectam Orationem, Nigrum magis speciale ampliat. Tusch. *lit. R. concl. 370. num. 1. & seqq.* Astens. *Tract. tom. 2. tr. de Statut. art. 8. num. 94. & seqq.* Barbof. *Loco à Rubrica num. 4.* Reiffenstuel *l. cit. num. 100.* Excipiuntur tres Casus. 1. si intelligendo Rubricam generaliter insurgeret correctio Nigri, sive contradictio inter Rubricam, & Nigrum; tunc enim Nigrum, veluti posterius, & magis speciale, magisque deliberatum, restringit Rubricam: & merito; quia tum demum Rubrica generalior declarat Nigrum, illudque ampliat, quando Nigrum est dubium. igitur quando clarum hoc est, Rubricæ prævalet, neque ab ista interpretationem, vel ampliationem recipit. Roman. *Consil. 104. n. 5.* Tusch. *l. cit.* Reiffenst. *num. 101.* 2. si consuetudo practica, seu stylus sit contrarius; nam consuetudo est optima Legum interpret. *c. cum dilectus 8. de Consuet. & l. si de interpretatione 37. ff. de LL. 3.* si Nigro generaliter intellecto, sequeretur aliquid ductum, absurdum, vel iniquum contra, vel præter significationem verborum, & mentem statuentium; nam in materia odiosa locutio indefinita non æquipollet universali, imò strictissimè debet intelligi *c. odia 15. de R. J. in 6.* Jason. *l. cit. num. 7.* Astens. *num. 96.* Reiffenst. *num. 102.*

301 4. Rubricæ Authentica universaliter allegantur arguendo non solum ex verbis (modo hætenus declarato) sed etiam ex situatione, sive ordine ipsarum Rubricarum, interpretando videlicet textum, ut conveniat Titulo,

sive Rubricæ, sub qua positus iste est. Abb. *l. cit. & in c. bona §. fin. de Conf. util. vel inut.* Jason. *num. 14.* Reiffenst. *num. 103.* neque enim in Jure aliquid inordinatum, incorrectum, aut superfluum admitti debet, contra Proœmium Decretalibus præfixum. Et hinc duæ fieri Regulæ possunt. 1. ubicunque plures Lecturæ possunt elici ex uno textu Canonis, Legis, vel Statuti, illa est amplectenda, quæ magis convenit, & adaptatur Rubricæ, sub qua textus ille est positus. Et sic Gloss. in *c. bona cit. V. tamdiu* ex eo, quod textus iste sit positus sub Titulo *de Confirmatione utili, vel inutili*, infert in casu istius Capituli factam esse à Papa Confirmationem simplicem Sententiæ: aliàs enim si per modum secundæ instantiæ pronuntiatum ab eo fuisset, textus iste debuisset poni sub Titulo *de Appellatione*. 2. Res, & personæ, de quibus in textu sermo est, induunt rationem, & qualitatem, quàm Rubrica significat: Et sic Gloss. in *c. tibi qui 12. V. certò de Rescript. in 6. & in Clem. un. V. Executores de Offic. Deleg.* ex eo, quod materia de Executoribus ponatur sub Titulo *de Officio Delegati*, infert, quod Executores à Sede Apostolica deputati, habeant Delegatam Jurisdictionem. Similis Delegata Jurisdictio à Glossa, & DD. adstruitur Conservatoribus, quos Sedes Apostolica concedere solet ad defendendos sibi commissos à manifestis injuriis, & violentiis; quia materia Conservatorum ponitur sub Rubrica *de Officio Delegati*, prout liquet ex *c. 1. 2. & fin. eod. in 6.*

Dub. 1. quam vim habeant *Summaria* Capitulorum, quibus istam summantur, horumque contextus in brevem Summam redigitur? Resp. ista non esse de textu, sed pro majori legentium commoditatè primùm addita fuerunt ex scriptis diversorum DD. præsertim *Abbatis Panormitani, Joannis Andreae, Dominici*, & aliorum, qui in ipsis Summariis non rarò allegantur. Patet proinde, quod hæc Summaria sint quidem Doctrinalia, vim tamen Authenticam, & Decisivam in Judiciis nullam habeant, nisi in quantum concordant cum textu subsequenti. Quia tamen Summaria ista constituuntur ex his, quæ Canonum, vel Legum sonant expressa verba, meritò in magna estimatione habenda sunt: & per hoc distinguuntur à Notabilibus, quæ constituuntur ex illis, quæ tacitè intelliguntur. Gallefius *Tract. tom. 1. tr. de Exercit. Juris peritor. lib. 3. n. 70.* Reiffenstuel *n. 107.*

Dub. 2. quid judicandum de *Superscriptionibus*, quæ ponuntur in Decretalibus? Resp. hæc omnino Authentica sunt, atque ex illis in Jure validum est Argumentum. Ita Gloss. in *c. quorundam 24. V. Predicatorum de Elect. in 6.* Petrus à Monte *Tract. tom. 13. tr. de Potest. Pontif. §. quinto quæro. n. 2.* Reiffenstuel *n. 108.* Ratio clara est; quia totum Volumen Decretalium à Papa est approbatum, & in ipso omnia superflua sunt refecata; igitur cum relictæ sint Superscriptiones Capitulorum, etiam ipsæ censendæ sunt Authentica, sicque valet Argumentum ex ipsis depromptum.

Quæritur 12. quæ sit auctoritas Glossæ in interpretatione Juris? Resp. hujus, quamvis non Legis, aut Canonis, magna tamen auctoritas est, adeo, ut eam cujusvis eximii Scriptoris, imò communi DD. sententiæ prævalere, & propterea in Decisionibus Casuarum, quæ ambigunt resolutionis sunt amplectendam tradant Bartol. in *l. ut vim. ff. de J. & J.* Jason *ibid. n. 34.* Bald. in *l. quanquam 2. C. de sentent. quæ sine certa &c.* & in *l. cum hæreditas C. de positi.* Butrius in *l. 1. C. qui pro sua Jurisdic. &c.* Felin. in *c. 1. n. 54. de Constit. Cævall. Præfat. ad commun. Opin. à n. 61.* Mascard. *de Probat. concl. 843. n. 1.* Reiffenstuel *Proœm. n. 146.* Et quidem, quod Glossa vim, & auctoritatem Legis non habeat, ex eo patet; quia nuppiam auctoritas Legis condendæ eidem est attributa: quinimo à privatis DD. videlicet *Bernando, Tancredo, Joanne Andreae*, & aliis, quorum nomina ad finem Glossatum plerumque apponuntur, textui Canonum apposita est, atqui tales privati DD. potestatem condendi Leges non habuerunt. ergo &c.

Quod verò magna sit ejus auctoritas, inter DD. *citt.* & communiter etiam inter cæteros convenit: & patet experientia Magistra. Excipitur 1. si Glossas alias sibi contrarias habeat. 2. si Juris textum aliter intelligendum doceat Consuetudo, quæ optima Legum interpret est. 3. si Sententia contraria sit Juri conformior, vel nitatur meliore, ac subtiliore ratione. Ita communem de Glossæ auctoritate sensum rectè temperant Abb. in *c. Capel-*



*Capellanus num. 3. de Fetiis, Mascard. conc. cit. num. 13. 14. & 19. & alii, præsertim RR. Interpretes, iuxta quos tum primum Glossæ authoritati in iudicando, & consulendo præalii deferendum est, quando Jure, vel Ratione nititur, & à textu non dissidet. secus, si dissideat; tunc enim ajunt præferendam communem sententiam, si hæc Juris textui, aut rationi non repugnet; quia duo in dubio præsumuntur veritatem assecuti præ uno.*

306 Quare in delectu Opinionum, inter se contrariarum, non est habendus respectus, num Glossa, vel alius Doctor opinionem aliquam foveat, sed ad rationem, propter quam Glossa, vel Author certus eandem foveret. *l. Dco Authore 1. §. sed neque 6. C. de Vet. Jur. Enucl. ibi, Sed neque ex multitudine Authorum, quod melius, & æquius est, judicatore, cum possit unius forsitan, & deterioris sententia & multos, & majores aliqua in parte superare. Reiffenstuel n. 149.*

307 Neque obstat, quod Glossa tantæ authoritatis esse iudicata fuerit, ut majores nostri dignam censuerint, quæ ad Canonis, vel Legis declarationem in Corpore Juris poneretur. Item non obstat, quod Bartolus, Baldus, & alii DD. passim ejus explicationem sic æstiment, ut audeant dicere, quod Glossæ authoritas omnes alias authoritates antecedit, à qua proin in causis magnis recedendum non sit: inter quos DD. Jacob. Burr. in l. 1. C. qui pro sua Jurisd. ait, quod ubi cum Glossa concordat aliquis Doctor, illa opinio censeatur communis in iudicando.

308 Nam respondetur, id intelligendum in Causis, quæ, ut notavi num. 304. dubiæ, & ambigæ resolutionis sunt, ita, ut pro una parte non stet major ratio, quàm pro altera; ubi enim pars una rationum momentis vincit alteram, rationi posthabenda authoritas Glossæ est. Si par utrinque ratio pugnet, Glossæ authoritatem sequimur, non ex necessitate, sed per modum consilii; quia cum veritas non potest facile inveniri, utilius est accedere Opinioni Glossæ, cujus authoritate defendimur, & excusamur facilius, quàm si adstipulemur sententiæ privati cujusdam Doctoris, non afferentis clariora Juris, aut Rationum fundamenta: non tamen idcirco cogimur tunc sequi Glossam, ut fatetur Bald. in l. conventicula 16. n. 3. C. de Episc. & Cleric.

## §. VIII.

De Decretis Conciliorum, horumque Autoritate.

## SUMMARIUM.

- 309 Concilii Etymologia.
- 310 Diversa acceptio, & definitio Concilii Ecclesiastici.
- 311 Origo Conciliorum Ecclesiasticorum probabilis Divina est.
- 312 Quod ostenditur ex Bellarmino.
- 313 Et confirmatur ex instinctu Gentium ferè omnium.
- 314 Sunt utilissima Ecclesiæ, quamvis non necessaria absolute.
- 315 Non tenetur Pontifex stare iudicio Concilii.
- 316 Cause particulares convocandi Concilia.
- 317 Alia sunt Generalia, alia Particularia.
- 318 Particularia sunt triplicis Generis: primò Nationalia.
- 319 Secundo Provincialia.
- 320 Tertiò Diocesana, seu Episcopalia.
- 321 Ad Provincialia revocari possunt celebrata à Legatis Pontificis cum Episcopis Provincia, & Congregationes Religiosorum Ordinum.
- 322 Concilium Generale debet convocari jussu Summi Pontificis.
- 323 Qui huic per se, vel per Legatos præsidere debet.
- 324 Vocandi ad illud sunt omnes, qui jus habent suffragii.
- 325 Et primò quidem Episcopi.
- 326 Secundo Cardinales S. R. E. etiam non Episcopi.
- 327 Tertiò ex usu, & privilegio vocantur Abbates, & Generales Ordinum Religiosorum.
- 328 Qui omnes jus suffragii habent.
- 329 Reliqui Clerici minores, qui adsunt, Voto duntaxat Consultivo gaudent.
- 330 Procuratores, qui loco Episcopi absentis interfunt

- Concilio Generali, non habent Votum Decisivum.
- 331 Quæ sit Potestas Cardinalium Legatorum, qui loco Pontificis præsunt Concilio?
- 332 Duo casus, in quibus Concilium Generale convocari absque Pontificis Romani authoritate potest.
- 333 An fieri hoc possit in aliis insuper casibus?
- 334 Respondetur negativè.
- 335 Explicantur Canones, & Historici dicentes, Concilia aliquando convocata fuisse ab Imperatore, vel alio Principe Seculari.
- 336 Utrum Pontifex Romanus potestatem præsidendi in Conciliis Generalibus sibi jure vendicat?
- 337 Defenditur affirmativa, & Orthodoxa sententia.
- 338. 339 Solvuntur opposita.
- 340 Quatuor Conciliorum Generalium Classes.
- 341 Approbata Concilia Generalia sunt 18.
- 342 Reprobata octo.
- 343 Partim approbata, partim reprobata sex.
- 344 Nec approbatum, nec reprobatum reperitur unum, Pisanum prius.
- 345 Decreta Conciliorum Generalium habent vim Legis totam Ecclesiam obligantis, si confirmata sint à Summo Pont.
- 346 Quæ confirmatio proin peti debet.
- 347 Etiam si Concilio præfederint Legati Pontificis.
- 348 An ejusmodi Decreta Conciliaria vim Legis universalis habeant ante Confirmationem Pontificis?
- 349 Respondetur negativè.
- 350 Quod extenditur ad Concilium convocatum in causa Schismatis, vel Hæresis Pape.
- 351 Respondetur ad Argumentum oppositum.
- 352 An Concilium Generale condere valeat Statuta, seu Leges, ipsum Papam obligantes?
- 353 Defenditur negativa.
- 354 Solvuntur argumenta contraria.
- 355 An confirmari à Pont. debeant etiam Concilia Particularia?
- 356 Quam potestatem Concilia ista habeant?

**H**Actenus de Jure Canonico clauso Corpore Juris communis sequitur de Jure non clauso hoc Corpore. Inter ejusmodi Jura sunt præcipuè Decreta Conciliorum.

Queritur 1. quid sit Concilium Ecclesiasticum? Discre. 309 pant DD. in radice hujus Nominis assignanda; nam aliqui Concilium dictum esse existimant à Consulendo, quod ea, quæ ibi decernuntur, concludantur consultatione communi prudentum, ac sapientum Virosum, de rebus necessitatem, & utilitatem publicam concernentibus. Alii deducunt à Considendo, quod eorum Decreta fiant à confidentibus iisdem Sapientibus, super hujusmodi negotiis congregatis, & deliberantibus: quod innuitur can. Canones 1. §. fin. dist. 15. ibi: Concilium à communi intentione dictum quasi Consilium; Consilium quasi Confidendum D. in L. litteram transeunte. Alii denique vocem istam derivant à Ciliis: quia Decreta illius fiunt obrutu, & communi intentione memoratorum Sapientum, mentis oculos in idem dirigentium, prout explicatur can. & §. cit. ibi, Vel Concilium dictum est à communi intentione, eo quod in unum dirigant omnem mentis obrutum. Cilia enim oculorum sunt: unde qui sibi met dissentiant, non agunt Concilium; quia non consentiunt in unum.

Concillii nomen in triplici significatione capitur. 1. 310 Latè, & generaliter pro quovis conventu multorum hominum, non tantum proborum Ps. 110. v. 1. sed etiam impiorum Ps. 25. v. 4. 2. pressius cum Cicerone, qui in Orat. pro Roscio ait, Concilium esse congregationem deputatam ad aliquid cum deliberatione agendum: & in hoc sensu sæpius accipitur non solum in Veteri Testamento 1. Paralip. 26. v. 15. Esth. 1. v. 13. sed etiam in novo. Luc. 22. v. 66. Act. 5. v. 21. & alibi. 3. strictè, & prout nunc usus obtinet pro conventu personarum Ecclesiasticarum, coeuntium in eum finem, ut simul collatis sententiis, statuunt, quod bonum videtur. In hoc sensu dicitur Concilium Ecclesiasticum, & definitur, quod sit Congregatio, sive Conventus publicus prudentum Virorum Ecclesiasticorum, authoritate Prælati convocatorum, ad tractandum de rebus Ecclesiæ utilitatem, vel necessitatem publicam concernentibus. Bellarm. l. 1. de Concil. c. 3. pr. Plettenberg Intr. Jur. Can. c. 13. num. 1. Vallenf. Proem. §. 10. num. 1. Vviesner ibid. num. 118. Hujus-



Hujusmodi Concilia Ecclesiastica in Canonibus Apostolorum *can. 36.* & postmodum à SS. PP. & ipsis Conciliis sæpissimè appellantur *Synodi*: quod tamen nomen à plebrique ad Cœtus Metropolitanos, & Diœcesanos contrahitur. Plettenb. *l. cit.*

311 Quæritur 2. quo Iure sint introducta Concilia Ecclesiastica? Resp. antiquissimus istorum usus in Ecclesia est: nam ut *n. 237.* ostendi, ab ipsis Apostolis in ipso Ecclesiæ nascentis primordio celebrari cœperunt, ac deinde singulis ætatibus, prout Ecclesiæ vel necessitas, vel utilitas exigebat, repetita. Originem Conciliorum Albertus Bighius *l. 6. de Cælest. Hierarch. c. 1.* contendit esse planè humanam, & naturali ratione excogitatam. Sed probabilius tamen est, Divinam esse. Ita Bellarm. *l. cit. vers. hanc autem.*

312 Ostenditur ab eodem Bellarmino triplici Argumento 1. quia Concilium Chalcedonense in *Epistola ad Leonem*, & VI. Synodus *Actione 17.* & Cælestinus Papa in *Epist. ad Concil. Ephes.* item Concilium Toletanum III. *non procul ab initio*, docent, Concilia esse demonstrata à Christo in illis verbis: *Ubi fuerint duo, vel tres congregati in nomine meo, illic in medio illorum sum.* Matth. 18. 2. credibile est, Apostolos, qui pleni erant Spiritu Sancto, non nisi ipso Spiritu Sancto admonente, primum Concilium congregasse; unde etiam dicunt; *Visum est Spiritui Sancto, & nobis.* Act. 15. atqui falso Decreta sua Apostoli, quæ in hoc suo Concilio statuerunt, Spiritui Sancto tribuissent, si iste nec author, nec actor esset in Conciliis, sed ut *Pighius* vult, convocare Concilia inventio solùm humana esset. 3. etsi ratio humana, & naturalis dicter, ut in rebus dubiis Princeps consulat homines peritos, tamen ut soli Episcopi convocentur, & ii non, ut Consiliarii tantùm, sed ut Iudices sententiam ferant, non videtur solius rationis humanæ inventum esse.

313 Confirmat Plettenberg *l. cit. n. 2.* nam si ex Iure solùm humano Concilia instituta essent, quibus Episcopi tanquam Iudices interessent, mutatio sæpius circa ea contigisset, talis autem non contigit; nam ubique omnium Gentium consensu Sacerdotes, qui Divinis præerant, judicandi de rebus maximis auctoritatem habebant; licenim 1. in Lege Mosaica constitutum erat Concilium 70. Virorum, quod ab Hebræis *Sanhedrim* dictum est, in quo, Summò Pontifice præsidente, graviores causæ decidebantur. *Dent. 21. v. 5. & 17. v. 8.* Sigonius *l. 6. de Republ. Hebr.* 2. apud Romanos, teste Tullio *pro Domo sua*, Augures *Religionibus Deorum*, & *Summa Reip. à majoribus præfelli* erant. 3. apud Gallos Druides de omnibus ferè controversiis publicis, privatisque constituebant. *Cæsar. libr. 6. Bell. Gallic.* 4. idem faciebant Sacerdotes apud Ægyptios. *Strabo l. 17. de Maroarum moribus*, apud Persas. *Euseb. in Chronico*, apud Athenienses. *Ioseph. l. 14. Antiq. c. 10.* Convincit ergo omnium ferè gentium consensus, auctoritatem Sacerdotum in judicando non esse solùm humani, sed Naturalis, & in Ecclesia etiam Divini Juris.

314 Quæritur 3. ob quas Causas convocari Concilia, præsertim Universalia soleant? Videntur, frustra hæc convocari; quia Summus Pontifex, etiam solus, & sine Concilio est Iudex omnium controversiarum, quæ circa Fidem, & mores moveri possunt, eique, tanquam Christi Vicario, omnes Fideles obtemperare tenentur, Sed licet hoc ita sit, causa tamen convocandi hujusmodi Concilia fuit iustissima, ne Pontifex in decidendis hujusmodi Controversiis gravioribus temerè videretur agere: atque ita in Ecclesia omnium Sæculorum praxis obtinuit. In quem sensum Cælestinus III. *c. prudentiam 21. de Offic. Deleg.* ait: *Illam fuit antiqua Sedis Apostolicæ provisio, ut hujusmodi Causarum recognitiones duobus, quam uni, tribus, quam duobus libentius delegaret, cum (sicut Canones attestantur) integrum sit Judicium, quod plurimorum sententiis confirmatur.* Utilissima igitur Concilia Ecclesiæ sunt, quamvis non necessaria absolute, & simpliciter, ut notat Bellarm. *l. 1. de Concil. c. 10.* & ostendit ex eo, quia licet etiam primis Ecclesiæ temporibus non defuerint causæ, ob quas Concilia potuissent convocari, trecentis tamen primis annis Ecclesia Conciliis Generalibus caruit, nec tamen oppressa est, igitur potuisset sine dubio aliis trecentis, & rursum aliis sexcentis, atque aliis mille permanere, cum solus Pontifex tum per Leges suas, tum per Conciliorum Provincialium Decreta sufficienter

necessitatibus Ecclesiæ providere possit.

Atque hinc fluit, quòd medium quidem ordinarium, 315 quo Pontifex circa fidem & mores utitur in rebus arduis, sit convocare Concilium, atque ejus sententiam audire, non tamen teneatur semper judicio illius stare, sed si ipse cum Concilio Cardinalium, quod est Judicium Sedis Apostolicæ, & Tribunal Ecclesiæ, dissentiat à sententia Concilii, poterit res controversas determinare. S. Thom. 2. 2. q. 1. art. 10. atque tunc sententia Papæ, & Cardinalium præferenda est definitioni Concilii Generalis; nam sententia Papæ est judicium Sedis Apostolicæ, & Ecclesiæ Catholicæ, quæ in fide, & moribus errare non potest *can. quoties 12. & can. hæc est fides 14. caus. 24. q. 1.*

Causæ particulares, ob quas Concilia Generalia convocari solent, sunt variæ. Et 1. quidem nova, & antè non judicata Hæresis: & sic congregata est Synodus Nicæna I. contra Arrium, Constantinopolitana I. contra Macædonium, Ephesinum contra Nestorium Chalcedonense contra Dioscorum, & Eutychetem, Constantinopolitanum II. contra Errores Origenis, Constantinopolitanum III. contra Monothelitas, & istorum Hæreses, tum subortæ, condemnatæ. 2. Schisma in Ecclesia ortum, dum plures pro Pontifice Romano se gerunt: & in hunc finem convocatum est Concilium Constantiense, ubi tres erant, qui se Pontifices appellabant. 3. ut Turcis, aliisque Ecclesiæ hostibus communi subsidio resistatur: ob quam causam Concilium coegerunt Urbanus II. Callixtus II. Eugenius III. 4. Suspicio Hæresis, vel infidelitatis, aut Tyrannis incorrigibilis in Romano Pontifice: & ob hanc congregatum fuit Sinuesanum in causa Marcellini, Romanum in causa Damasi, Sixti III. Leonis III. quorum tamen nullum sententiam damnationis in Papam dicit. 5. Reformatio abusum, & extirpatio vitiorum, quæ in Ecclesiam irrepunt: pro quibus tollendis Concilia hucusque omnia, etiam particulata, celebrata sunt. 6. excogitari posset, si Cardinales aut nolent, aut non possent eligere Pontificem, per morbos, mortem, vel alium casum inevitabilem impediti; nam tunc utique ad Concilium Generale spectaret determinare de Electione Pontificis. Coriolanus in *Præl. 1. Summ. Concil. Plettenberg. Intrad. Jur. Can. c. 13. nu. 4.*

Quæritur 4. quotuplicis generis dentur Concilia Ecclesiastica? Resp. Conciliorum aliqua sunt Generalia, 317 alia Particulata. *Generalia* sunt, quæ congregantur Summi Pontificis auctoritate, omnibus Christiani Orbis Episcopis convocatis: hinc Græcè *Oecumenica*, quasi Orbis terræ Concilia, ab Aug. *lib. 2. de Bapt. c. 3.* *Plenaria* appellantur, quia universalem Ecclesiam repræsentant. *Particularia* verò sunt, quæ celebrantur, convocatis non Orbis totius, sed alicujus tantùm Nationis, Provinciæ, aut Diœcesis Episcopis, vel Prælati, & Clericis. *Gloss. in Summ. V. generalia diff. 17.* Bellarm. *l. 1. de Concil. c. 4.* Plettenberg *Intr. Jur. Can. c. 13. n. 5.* Pirhing *Proœm. n. 18.*

Particularia sunt triplicis generis. 1. *Nationalia*, quæ 318 celebrat aliquis Patriarcha, vel Primas, aut etiam Papa eum Archiepiscopis, & Episcopis unius alicujus Regni, vel Nationis, seu duarum, trium, vel plurium Provinciarum. Talia sunt multa Romana, à Summo Pont. cum Episcopis tantùm Italiæ celebrata; Toletana item, & Africana: de quibus id notandum, quòd hæc Concilia, licet sint distincta à Generalibus, & Provincialibus, aliquando tamen *Provincialia*, aliquando *Universalia* appellantur, ut patet in Conciliis Romanis sub Symmacho, ubi semper dicitur, *Symmachus Concilio Generali præsidens*; & tamen aderant solùm Episcopi Italiæ: similiter in Concilio Toletano III. *cap. 18.* dicitur: *Præcipit hæc Sancta, & Universalis Synodus*; & tamen solùm aderant Episcopi Hispaniæ: idem patet in Concilio Carthaginensi IV. Dicuntur ergo *Generalia*, sive *Universalia*, non absolute, sed quia vel sunt Universalia, & Generalia in certo Regno, aut Natione, vel quia sunt Universalia quoad auctoritatem, quia scilicet, quatenus approbata sunt à Summo Pont. omnes Christi Fideles ad sui observationem adstringunt. *Provincialia* autem vocantur, ad distinctionem à Conciliis proptiè Generalibus, quòd certis tantùm Provinciis contineantur, cum illa ad omnes Christianos pertineant. Bellarm. *l. cit. vers. vocantur.* Vallens. *Proœm. §. 10. num. 6.*

2 *Provincialia*, quæ Archiepiscopus, vel Metropo- 319 litanus



litanus celebrat cum suis Suffraganeis Episcopis, Abbatibus, aliisque Clericis suæ Provinciæ. Talia sunt plurima in Tomis Conciliorum. Præest illis Archiepiscopus, sive Metropolitanus: hinc ad illorum convocationem, aut celebrationem non requiritur præsentia, vel auctoritas Primatis, aut Patriarchæ *arg. can. de Conciliis 2. dist. 18. Vallenf. l. cit. n. 7.* Interesse illis sub certis pœnis jubentur omnes Episcopi, & alii, quibus id vel de Jure, vel de consuetudine competit. Olim haberi debebant singulis annis bis. *can. de Conciliis cit. & can. pervenit 6. dist. cit.* postea constitutum, ut celebrarentur semel saltem in anno *can. quoniam 7. dist. cit. c. sicut 25. pr. de Accusat.* quod tempus denique à Trid. *sess. 24. c. 2. de reform.* relaxatum est ad triennium, & injunctum Archiepiscopis, ut singulis saltem trienniis hujusmodi Synodos Provinciales celebrent.

320 3 *Diœcesana*, seu *Episcopalia*, quæ celebrantur ab Episcopo, aut Sede vacante, à Capitulo cum Abbatibus, aliisque Prælati, & Clericis suæ Diœcesis. Hujus generis Concilia paucissima exant in Tomis Conciliorum: nec immerito; nam vix dici possunt Concilia, cum in eis ordinariè nullus sit, qui Jurisdictionem habeat, præter unum Episcopum, qui tali Concilio præsidet. Bellarm. *l. cit. vers. Diœcesana*, Vallenf. *l. cit. n. 9.* De Jure haberi deberent singulis annis juxta *can. quando 2. junct. Gloss. fin. dist. 18. can. placuit 51. junct. Gloss. V. Concilio caus. 12. q. 2. can. Abbates 16. pr. caus. 18. q. 2. Trid. sess. 6. c. cit. fin.*

321 Ad Provincialia Concilia revocari possunt ea, quæ Legatus à Latere, vel alius ex speciali mandato suæ Legationis celebrat cum Metropolitanis, & aliis Clericis Provinciæ, aut Provinciarum, intra terminos suæ Legationis contentarum; nam & hæc Provincialia dicuntur à Provincia, quæ habere debet unum Archiepiscopum, & decem, aut undecim Episcopos. Vallenf. *l. cit. n. 8.* Episcopaliibus addi possunt Concilia, seu Congregationes, in quibus ex Superiorum suorum auctoritate aliqujus Ordinis Monachi, aut alii Religiosi conveniunt: cæque sunt vel Generales, vel Provinciales; de quibus agitur *inc. penult. & ult. de Stat. Monach.* Vallenf. *num. 9. Pirhing n. 19.*

322 Quæritur 5. quid requiratur, ut legitimum, & perfectum dicatur Concilium Generale? Resp. 1. requiritur, ut hujusmodi Concilia congregentur Summi Pontificis mandato, vel approbatione. Pelagius II. *Epist. 8.* Alexander III. *Const. Quoniam 9.* Innocentius III. *Const. Vineam*, & ita factum est in primis quatuor Conciliis, quibus S. Gregorius tantum tribuit, ut *sicut Sancti Evangelii quatuor Libros, sic quatuor hæc Concilia suscipere, & venerari se fateatur*, ut refertur *can. sicut 2. pr. dist. 15.* Ideoque si sine Summi Pontificis auctoritate Concilia convocentur, invalidè celebrantur *can. Synodum 1. & duob. seqq. junct. can. multis 5. dist. 17. & Conciliabula potius, sive improbata Conventicula, & Synagoga Sarana, quam Concilia dicenda sunt, per rextus cirt. S. Thom. 2. 2. q. 1. art. 10.* Patet ex traditione; & perpetuo usu Ecclesiæ, & probatur etiam ex hoc; quia omnes totius Orbis Christiani Episcopos convocare ad eum solummodo pertinet, cujus Jurisdictioni omnes subsumt. hic autem est solus Romanus Pontifex. ergo &c.

323 2 Requiritur, ut Pontifex Concilio præsit per se, vel per Legatos suos *can. Regula 2. & can. Concilia 6. dist. 17.* Caput enim, quale est Pontifex, præsidere debet Corpori: idque semper in legitimis Conciliis Oecumenicis observatum fuit. *Neque obstat*, quod Imperatores in Sexra, & Octava Synodo præsedisse dicantur, & propterea in his, & aliis Conciliis per se, vel per Legatos suos digniorem sæpe locum, nimirum in medio occupaverint. Nam digniorem locum occuparunt, non Jure, sed defacto tantum, & ipse Constantinus in Nicæno I. humiliorem sibi locum delegit, teste Euseb. *lib. 5. de Vir. Constant.* cujus exemplum imitati sunt alii pientissimi Imperatores, & inter cæteros Martianus *can. nos ad fidem 2. & can. satis 7. dist. 96.* Quod verò sæpe Impetratores Conciliis interfuerint, id factum ad majorem eorum celebritatem, & ut tumultus in tanta congregatorum frequentia averterentur, non verò ut in iis Judicium partes sustinerent, vel suffragium ferrent, prout testatur suprâ laudatus Martianus, cujus verba referuntur *can. nos ad fidem cit.*

3 Requiritur, ut ad Concilium vocentur omnes, 324 qui jus habent suffragii, quantum moraliter fieri potest, nec ullus eorum à Concilio excludatur; quia hoc repræsentat totam Ecclesiam. Concil. Constant. *sess. 5.* idque approbatum est à Martino V. & patet ex *Reg. 29. in 6.* ibi: *Quod omnes tangit, debet ab omnibus approbari.* Non tamen est necesse, ut convocatio ad singulorum aures perveniat; sed sufficit, ut ex intentione vocantis per se ad omnes referatur. Item non est opus, ut in particulari vocentur omnes, sed satis erit Patriarchas, Primares, & Archiepiscopos invitare cum illorum Suffraganeis, & Prælati subditis, ut vel omnes veniant, vel nomine omnium illos mittant, qui sufficere illis videbuntur. Plettenberg *c. 13. n. 5.*

Quæritur 6. quinam vocari debeant, aut soleant ad 325 Concilium Generale? Resp. 1. vocandi sunt omnes totius Orbis Christiani Episcopi: idque ex Jure proprio; quia sunt Pastores Ecclesiæ ex officio *Ephef. 4.* quam tanquam Primates regere debent *Act. 20.* cum in ea propriè habeant Jurisdictionem *Sext. Synod. act. 11. & Sept. Synod. c. 19.* ita, ut nullus positivè excludi possit, nisi Excommunicatus. Non tamen est necesse, ut omnes Concilio intersint; nam ut Bellarm. *l. cit. c. 19.* Laym. *l. 1. tr. 4. c. 6. n. 9.* Vallenf. *Proœm. §. 10. num. 4.* Vviestner *ibid. n. 120.* notant, si Concilium celebrabatur in Oriente, pauci ex Episcopis Occidentalibus, & si in Occidente, pauci ex Orientalibus interesse sunt soliti. Episcopi Titulares vocari possunt, & habere Suffragia: sed non est necesse; quia actu carent Jurisdictione Episcopali, sicque habere usum testatur Suaz. *D. 9. de Concil. sect. 1. num. 18.* apud Plettenberg *c. 13. cit. nu. 5.*

2 Vocari debent Cardinales, etiam non Episcopi: 326 idque ex privilegio, vel consuetudine, ut quidam existimant, vel ut alii cum Suaz. *l. cit. num. 17.* etiam ex Jure ordinario; quia actus Jurisdictionis, qui ad externum Ecclesiæ regimen ordinantur, & intrinsecè à consecratione Episcopali non pendent, communicari possunt quibuscumque personis Ecclesiasticis capacibus.

3 Exusu, & privilegio, non ex Jure communi vocantur Generales Ordinum Regularium, & Abbates consecrati habentes Jurisdictionem. Plettenb. *num. 6.* Præter istos admittuntur etiam nonnulli Theologi doctrina, prudentiaque conspicui, non Ecclesiastici tantum, sed nonnunquam etiam Laici, qui ut Consiliarii in rebus solum discutiendis adjuvant. Item Notarii, Cursores, & alii, qui PP. congregatis in necessariis famulantur. Accedere quoque ad Concilium possunt, quotquot se laicos existimant *can. propter 4. dist. 18.* & hi, si Beneficiati sint, possunt percipere fructus Beneficiorum suorum, exceptis distributionibus quotidianis, non secus, ac si præsentessent. Concil. Constant. *sess. 10.* Bellarm. *l. 1. de Concil. c. 15.*

Quæritur 7. quam auctoritatem Episcopi & alii Prælati Ecclesiastici in Concilio Generali habeant? Resp. 1. Episcopi in Concilio suffragium, seu Vocem Decisivam habent, eaque illis competit Jure ordinario, & ex Officio proprio, seu ex munere suo Pastoralis. 2. similiter Suffragium habent in Conciliis decisivum Cardinales, & quidem ante Episcopos, licet ipsi Episcopi non sint; quia ex usu, & privilegio Pontificum illis præferuntur in iis, quæ non dependent à Characterè Episcopali; habentque in Titulis suis Jurisdictionem Episcopalem *c. his quæ 11. de majorit. & obed. 3.* Abbates, & Generales Ordinum Regulatum ex usu, & privilegio. Bellarm. *c. 15. cit.*

Reliqui minores Clerici, qui ad Concilium Generale 329 vocantur, tale Votum non habent, sed consultivum duntaxat: adhibentur enim, ut juvent Concilii Patres in disputando. Bellarm. *l. cit.* Multo minùs Votum Decisivum habent personæ Laicæ, licet Principes, Reges, aut Imperatores, vel istorum Legati sint. Laym. *l. 1. tr. 4. c. 6. §. 2. num. 10.* Pirhing *Proœm. num. 18.* nam licet interesse possint, & nonnunquam interfuerint Conciliis, interfuerunt solummodo, ut Defensores, Testes, Consiliarii, Suggestores, vel Executores. Bellarm. *l. cit.*

Dubitari potest de Prælati, vel aliis Clericis; qui loco 330 Episcoporum absentium interfuerint Concilio Generali: quod dubium resolvi ope distinctionis potest; nam olim ferebant Suffragium Decisivum, non secus, ac Episcopi, à quibus mittebantur, & quorum vices gerebant; ut patet ex Actis Synodi Nicænæ, Constantinopolitanæ I. & II. Ephésinæ, & Chalcedonenfis &c. Novissimè in Con-



Concilio Trid. nemo ad Suffragium Decisivum admittitur, qui ab alio subrogatus fuisset, sive is Procurator esset cujusdam Anrictitis, sive Generalis alicujus Præfidis Ordinis Religiosi, Pallav, in *Hist. Concil. Trid.* l. 6. c. 2.

331 Præ cæteris eminet potestas Cardinalium Legatorum, qui Pontificis summi loco Concilio præfident; nam hi 1. possunt durante Concilio, Litteras privatas ad se scriptas, etiam nomine Regum, & Rerump. recipere, privatim referare, & legere, in quibus si quid contineatur, de quo monendum sit Concilium, id, re prius cum Collegis, & Consultoribus collata, illi proponunt. 2. si Litteræ ad universum Concilium directæ sint, eas non referabunt, nisi auditis Patribus, præterquam casu, quo earum Author per alias adjectas Litteras arbitrio, & prudentiæ ipsius Legati permittit, ut illas; quæ ad universum Concilium scriptæ sunt, proferre possit, aut suppressere. 3. eorundem Legatorum, atque etiam Consultorum, re tamen prius cum Legatis collata, officium est decernere, quid ex iis, quæ à cæteris PP. ipsis proposita fuerunt, Concilio sit proponendum. Plettenberg *Introd. Jur. Can.* c. 12. n. 10.

332 Queritur 8. an aliquando Concilium Generale absque Pontificis Romani auctoritate convocari possit? Resp. duo sunt casus, in quibus Concilium Generale à Collegio S. R. E. Cardinalium absque Pontificis Romani auctoritate convocari potest: unus, si Papa lapsus esset in Hæresin; alter, si duo de Papatu contenderent, & neuter in Concilii convocationem consentire veller: his enim casibus Ecclesiæ, & Fidelium utilitas publica exposceret convocari Concilium, ut tollantur, & avertantur publica scandala, ac detrimenta, quæ ex hujusmodi Hæresi, vel Schismatis continuatione impendent. Sed hujusmodi Concilia, sic congregata, imperfecta appellat Bellarm. l. 1. de *Concil.* c. 14. ad 2. quod Concilium sine Capite statuere nihil possit in Causis Fidei, aliisque majoribus, de quibus statuere potest cum Capite.

333 Dubitari potest, an extra hos casus Concilium Generale alterius, quàm Pontificis Romani, auctoritate convocari legitime possit? *Videtur posse*; sic enim, ut volunt affirmativæ sententiæ Patroni, convocatum est Nicænæ I. à Constantino Magno, Constantinopolitanum I. à Theodosio Seniore, Ephesinum I. à Theodosio Juniore, Chalcedonense à Martino, & alia Concilia Oecumenica ab aliis Imperatoribus.

334 Sed manifesti erroris ex ipsis Conciliorum Actis convinci possunt, quicumque putant, Concilia ejusmodi sine Romani Pontificis auctoritate congregata fuisse; nam 1. Nicæna Synodus à Constantino, & Papa est congregata, ut refertur in *Sexta Synodo Act.* 8. 2. Constantinopolitanum Concilium indictum est ad Damasi Papæ litteras: nam ita apud Theodoret. l. 5. c. 9. fatentur Concilia illius Episcopi, dum ipsi Damaso Papæ scripserunt, quod litterarum illarum, ad Imperatorem missarum, mandato ad iter Constantinopolim usque faciendum, se præparaverint. 3. eodem modo Ephesinum coactum est interveniente consilio Cyrilli, & auctoritate Cælestini Papæ, ut perhibet Prosper in *Chronico*, & constat ex Evagrio l. 2. c. 4. 4. Martianus, indicturus Concilium, per Epistolam Leonem Papam rogavit, ut ipse veniat, & Concilium faciat, vel si nolit venire, per Litteras significet, quidagi velit: quæ Litteræ habentur ante Concilii Chalcedonensis Acta.

335 Quare cum ex Historiis, & variis Canonibus apud Gratianum legimus, Imperatores, vel Principes congregasse aliqua Concilia, accipi istud debet, vel quod illa congregarint ex sententia, & auctoritate Summi Pontificis, & tanquam ejus voluntatis, atque Decreti executores, vel quod ipsi perentibus, postulantis, & urgentibus decreta fuerint, auctoritate tamen Summi Pontificis. Nam cum iste sit universalis Ecclesiæ Rector, & Pastor, atque Imperator in Spiritualibus cumque sit Index supremus omnium Fidelium, supremam, & amplissimam habens in eos potestatem sibi soli à Christo datam, ad eum spectat disponere de iis, quæ concernunt universalem statum Ecclesiæ, & ad id Concilia Universalia convocare, non autem ad Imperatorem, vel alium Principem Sæcularem, qui non Ecclesiæ Præsul, sed Filius est si Catholicus est. Vallens. *Proëm.* §. 10. n. 4.

336 Queritur 9. utrum Pontifex Romanus potestatem præ-

sidendi in Conciliis Generalibus sibi jure vendicat? Negant Magdeburg. *cent.* 4. c. 7. coll. 537. Calvin. *lib.* 4. *Inst.* c. 7. §. 1. & 2. Carol. Molin. in *Consil. de Concil. Trid.* non recipiend. §. 4. ubi impudenter mentitur, quod Legati Pontificis post omnes Episcopos in Conciliis semper sederint, cum in nullo Concilio inveniantur ultimo loco sedisse, Herman. Hamelmann. l. 3. *Proleg.* c. 8. Brentius in *Proleg. contra Petrum à Soto*, & alii nostri temporis Heretici, juxta quos Præses ordinarius Conciliorum debet esse Imperator, vel aliquis ab eo missus, aut si nullum ipse mittat, Præsidentem aliquem ipsa Synodus constituere debet. Hinc reipsa, dicunt, in Conciliis Generalibus antiquis non præfuisse serè unquam Romanum Pontificem; sed vel Imperatorem, vel ejus Legatos, aut antiquiorem Patriarcham, aliumve Episcopum loci, in quo celebrabatur Concilium: inquem finem adducunt Exemplum Constantini in Concilio Nicæno.

Sed tenendum, tanquam indubitatum, quod præsidere Concilio Generali pertineat ad summum Pontificem, cons. iste hanc prærogativam jure suo sibi vendicat, eo-que utatur sive per se, sive (quod ordinariè in Conciliis, quæ extra Urbem habentur) per Legatos suos iisdem præsidendo. Ita praxis; nam ita factum hæcenus semper fuisse, omnium Conciliorum Generalium perfectorum exemplis demonstrat Bellarm. l. 1. de *Concil.* c. 19. Ratio est, quia ipsi soli demandata est cura Gregis Domini à Christo *Joan.* 21. v. 17. ibi, *Pasce oves meas.* Conf. nam etiam S. Petrus in Concilio Apostolico *Act.* 15. v. 6. præfedit, primus locutus est, primusque quæstionem propositam definivit, quem deinde secuti sunt omnes cæteri. Atque ob istam Sedis Apostolicæ prærogativam Conciliorum Patres Romanum Pontificem *Patris* nomine honorant, iste verò eos *Filiorum* nomine compellat, ut patet ex Theodoret. *lib.* 5. n. 10. & Concilii Chalcedonensis Epistola ad Leonem I. apud Bellarm. c. 19. *cit. V. sed hic.*

Ad objecta ab adversariis Novatoribus jam satis responsum est n. 23. Ex superabundanti additur, Constantinum Nicænæ Synodo non præfuisse, tanquam illius moderator, ac Iudex esset: quod inde sit indubitatum; quia consedit in Sede humiliori, quàm Episcopi, & non nisi his annuentibus apud Euseb. l. 3. *ejus Vita*, & Theodoret. l. 1. c. 17. Deinde in ipso Concilio palam professus est, se debere ab Episcopis judicari, eisque subiectum esse, non præpositum, ut scribit Ruffin. *lib.* 10. c. 2. Denique post omnes Episcopos subscripsit Concilio, cui ramen Præses primo loco subscripsit, ut testatur Basilius Imperator in *fine Octava Synodi.*

Dices Constantinus in eo Concilio consedit in Aula capite, Patres verò dextrorsum, & sinistrorsum. Resp. Imperatori delatam primam Sedem solummodo materialiter, quod honoris gratia factum est, & quia illi Concilio Pontifex ipse non aderat; nam præsentem Pontifice, prima Sedes Imperatori neque materialiter competit, sicut neque delata est illi in Florentino, licet Græci omnino contenderent, ut in summo loco sederet eorum Imperator, & Summum Pontificem præcederet. Bellarm. c. 19. *cit. vers. altera.*

Queritur 10. quot sint Concilia Oecumenica, seu Universalia? Resp. Bellarminus l. 1. de *Concil.* c. 4. fin. in quatuor Classes Concilia dividit; quædam enim sunt à Sede Apostolica approbata, atque ab Ecclesia universa recepta: quædam omnino reprobata: quædam partim approbata, partim reprobata: quædam nec approbata, nec reprobata; quod tamen ultimum membrum in Conciliis particularibus potissimum locum habet.

Concilia Generalia approbata numerantur hucusque octodecim apud Bellarmin. l. 1. *cit.* c. 5. scilicet 1. *Nicænæ* I. sub Sylvestro Papa, & Constantino Magno Imperatore contra Arium, inchoatum Anno Christi 327. & productum usque ad annum 330. qui fuit annus Sylvestri Papæ 15. Constantini Imp. 20. 2. *Constantinopolitanum* I. sub Damaso Papa, & Theodosio Seniore anno 383. celebratum adversus Macedonium, qui negabat Spiritus Sancti Divinitatem. 3. *Ephesinum* I. indictum auctoritate Cælestini Papæ, Theodosio Juniore Imp. anno juxta Baronium 430. juxta Bellarminum 434. ad condemnandam Hæresim Nestorii, qui duas distinctas in Christo commiscebat personas, Divinam, & humanam, & negabat B. Virginem appellandam Theotocon, h. e. Deiparam. 4. *Chalcedonense* adversus Hæresim Eutychetis, qui unam duntaxat in Christo naturam admisit,



misit, apertum anno 451. 3. Idus Octobris, auctoritate Leonis I. Pontificis, & jussu Martiani Imp. ut constat ex ejus Epistola ad Leonem data, & Concilii istius Actis præfixa. 5. *Constantinopolitanum II.* sub Vigilio Papa, & Justiniano Seniore Anno 553. in quo præter alia condemnati sunt errores Origenis. 6. *Constantinopolitanum III.* Anno 681. vel 685. sub Agathone Papa, & Constantino Pogonato Imp. in quo damnata est Hæresis eorum, qui unam tantum in Christo Voluntatem esse volebant, & propterea Monothelitar dicebantur. 7. *Nicænum II.* sub Adriano I. Pontifice, & Constantino, atque Irene Impp. Anno Christi 781, si Paulo Diacono, vel 786. si Credeno credimus, in quo asserta Sacrarum Reliquiarum, & imaginum veneratio, contradicentes verò Hæretici declarati, & anathemate percussæ. 8. *Constantinopolitanum IV.* contra Photium sub Adriano II. Papa, & Basilio Imp. Anno 870. 9. *Lateranense I.* sub Callisto III. Papa, & Henrico V. Imp. pro recuperanda Terra Sancta. 10. *Lateranense II.* sub Innocentio II. Papa, & Lothario Imp. 1139. contra Antipapas, & pro Jure Cleri. 11. *Lateranense III.* sub Alexandro III. & Friderico I. Imp. anno 1180. pro reformatione Ecclesiæ, & contra Vvaldenses. 12. *Lateranense IV.* contra varias Hæreses, & pro Terra Sancta, tempore Innocentii III. & Friderici II. Anno 1215. 13. *Lugdunense I.* sub Innocentio IV. Papa contra Fridericum Imp. & pro Terra Sancta Anno 1245. 14. *Lugdunense II.* Anno 1274. contra errorem Græcorum tempore Gregorii X. & Rodulphi I. Imp. 15. *Viennense* Anno 1311. contra varias Hæreses sub Clemente V. Papa, & Henrico VII. Imp. 16. *Florentinum* contra errores Græcorum anno 1439. sub Eugenio IV. Papa, & Alberto I. Imp. 17. *Lateranense V.* contra Schismata, & pro variis negotiis tempore Julii II. & Leonis X. Pontificum, & Maximiliani I. Imp. Anno 1512. inchoatum, finitum 1517. 18. *Tridentinum* inchoatum 1545. finitum 1563. contra Hæresim Lutheri, tempore Pauli III. Julii III. Pii IV. Pont. & Caroli V. ac Ferdinandi I. Impp.

342 Concilia Generalia reprobata Bellarminus *lib. 1. de Concil. c. 6.* recenset octo. 1. *Concilium Antiochenum* anno 5. Constantii, Christi 345. in quo damnatus est Athanasius, & via patefacta ad eversionem Concilii Nicæni I. 2. *Mediolanense* Episcoporum plusquam 300. anno Christi 354. tempore ejusdem Constantii, in quo etiam obliquè Fides Catholica damnata est. 3. *Ariminense* Episcoporum 600. sub eodem Constantino Anno 363. in quo sublatum est de Symbolo Nomen *ὁμοούσιος*. Hujus Concilii fuit quasi pars quadam Seleuciense in Oriente. 4. *Ephesium II.* tempore Theodosii Junioris Anno 449. in quo à factione Dioscori occisus est S. Flavianus Episcopus Constantinopolitanus, & Legati Leonis Romani Pontificis fugati, ac demum Hæresis Eutyariana confirmata. 5. *Constantinopolitanum* sub Leone Isaurico contra SS. Imagines anno 730. cui nullus Patriarcharum interfuit, excepto S. Germano, qui tamen non consensit, & idèd à sua Sede Constantinopolitana dejectus est. 6. *Constantinopolitanum* sub Constantino Copronymo Anno 755. ad quod conveniunt Episcopi 338. sed nullus adfuit Patriarcharum, excepto Pseudo-Episcopo Constantinopolitano: definitum in isto Concilio fuit, abolendas esse Christi, & Sanctorum Imagines. 7. *Pisanum* posterius Anno 1511. congregatum ab Imperatore, & Rege Galliarum, & aliquot Cardinalibus contra Julium II. & reprobatum paulò post in Concilio Lateranensi sub Julio II. *sess. 2. & 3.* 8. *Vuttenbergen- se*, quod Luthetani Generale vocant, trecentorum Patrum, præside Luthero, Anno 1536.

343 Concilia partim approbata, partim reprobata apud *cit.* Bellarm. *cap. 7.* inveniuntur sex. 1. *Sardicense* convocatum anno Christi 351. auctoritate Julii I. Romani Pontificis sub Imperio Constantis, in quo 300. Episcopi Occidentales Fidem Catholicam confirmarunt, 70. Orientales adhæserunt Arrio. 2. *Syrmiense* celebratum Anno 356. Liberio Summo Pontifice, & Constantio Imperatore: in quo duæ formulæ Fidei dissentientes inter se editæ sunt; una composita Græcè à Marco Arethinsio, qui postea sub Juliano illustre Martyrium per tulit, ab Hilario, tanquam Catholica, explicata, altera ab aliis Latinè plena aperta blasphemiam. 3. *Quinisextum*, sic appellatum, quia nec quinta, nec sexta

Synodus Constantinopolitana fuit, sed utrique aliquos Canones addidit, qui numero 102. sunt, *Trullani* dicti, à Palatio, quod Trullum dicebatur, in quo Canones isti compositi sunt. 4. *Francofordiense* celebratum Anno 794. Adriano I. Pontifice, & Carolo M. Francorum Rege, quod Concilium ipse Adrianus confirmavit quoad partem, in qua definitur, Christum non esse Filium DEI adoptivum; reprobavit autem quoad partem, in qua ex errore damnatur Septima Synodus. 5. *Constantiense* Patrum ferè mille, ex quibus Episcopi amplius 300. inchoatum sub Joanne XXIII. 1514. & finitum 1518. sub Martino V. & Sigismundo Imperatore, quod Concilium, quantum ad primas Sessiones, ubi decernitur Concilium esse supra Pontificem, reprobatum est in Concilio Florentino, & Lateranensi ultimò, quantum verò ad ultimas Sessiones, & ea omnia, quæ probavit Martinus V. ab omnibus Catholicis recipitur. 6. *Basileense* indictum à Martino V. sed hoc è vivis exempto, convocatum ab Eugenio IV. illius Successore Anno 1431. finitum 1449. quo tempore cessit Nicolao V. Pontifici tam Concilium, quam Papa Felix V. in Schismate ab ipso Concilio creatus. Hujus Concilii nihil est ratum, & probatum, nisi quædam dispositiones circa Beneficia Ecclesiastica, ab isto Concilio factæ, quas pacis, & unitatis gratia Nicolaus prædictus approbavit.

Generale Concilium nec approbatum, nec improbatum 344 videtur esse *Pisanum*, quod anno 1409. deposuit Gregorium XII. & Benedictum XIII. pro Pontifice se gerentes, & elegit Alexandrum V. Interfuerunt huic Concilio Cardinales 23. Patriarchæ 3. Archiepiscopi, & Episcopi 300. Monasteriorum Præfecti 280. alique Theologi, & Legati Principum Europæ. S. Antoninus *p. 3. l. 22. c. 5. §. 2. & 3.* dicit, illud non Concilium, sed Conciliabulum fuisse, quòd Romani Pontificis auctoritate congregatum non fuerit. Contrà tamen est, quia si apertè reprobatum illud fuisset, Alexander V. ab eo electus computari inter veros Pontifices non potuisset: quod tamen est contra communem opinionem, quæ Alexandrum istum, & Joannem, qui ei successit pro veris Pontificibus habet; & hinc Alexander VI. se non quintum, sed sextum appellavit. Videtur ergo hoc Concilium saltem reducendum ad quartam hanc Classem Conciliorum nec approbatorum, nec reproborum.

Quæritur 11. quam vim habeant Decisiones, & Decreta 345 Conciliorum Generalium? Resp. si à Sede Apostolica confirmata sint, obtinent plenum robur, & auctoritatem ita, ut hujusmodi Decreta, si Fidei Orthodoxæ doctrinam concernant, perinde, ut quatuor Evangelia, amplectenda, & retinenda sint; si verò morum reformationem spectent, vim Legis universalis, omnes Christi fideles obligantis, obtineant. Ratio de *Decretis Reformationis* est, quia hujusmodi Leges Papa solus potest condere. ergo multo magis ea condere potest cum Concilio Generali. De *Decretis Fidei* autem ex eo ostenditur; quia ejusmodi Concilia, Capiti suo unita, assistentiam habent Spiritus Sancti, qui est Spiritus Veritatis, & representant totam Ecclesiam, quæ est Columna, & firmamentum Veritatis; & hinc S. Augustinus *Epistol. 162.* ejusmodi Canones appellat ultimum Ecclesiæ judicium, quod quia infallibile nullique errori obnoxium est mutari, & tractari, nisi errando, non potest, teste Epiphanio *Hæresi 77.*

Ex quo sequitur, ad hoc, ut hujusmodi Decreta infalli- 346 bilitatem, & vim Legis universalem Ecclesiam obligantis obtineant, indigere illa approbatione, & confirmatione Pontificis; secus utraque destituentur. Hinc Acta Conciliorum omnia ad Romanum Pontificem transmitti, eorumque confirmatio peti debet; ut robur obtineant: & ita ab initio statim factum est à Concilio Nicæno I. ubi PP. in Epistola Synodica ad Sylvestrum Papam, *Quidquid constituimus, inquit, precamur, ut vestri oris consortio confirmetur.* Exemplum istius secuta sunt reliqua Concilia, & novissimè Tridentinum, in quo Patres Concilii solenniter declararunt, & protestati sunt, omnia, & singula à se statuta, ita decreta fuisse, ut in his salva semper Auctoritas Sedis Apostolicæ sit, & esse intelligatur, ut habetur *sess. 25. c. 21. de Reform.*

Proceditque hoc, etiam si in Concilio præfuerint Le- 347 gati Pontificis; nam hoc non obstante, Romani, ut semper factum est, ab ipso Pontifice confirmanda, transmitti debent. *Nicænum I. Epistol. ad Sylv. Chalcedon. Epistol.*



*Epist. ad Leon. Papam*. Nam Pontifex est supra Concilia, non verò Concilia supra Pontificem. Decreta autem Concilii Generalis, cui Pontifex non per se, sed per Legatos præfider, eduntur nomine Concilii, ut patet ex octo Conciliis Generalibus, atque etiam ex Tridentino, in quibus sæpius legitur, *Synodus definit, mandat, prohibet*. ergo &c.

348 Quæritur 12. an ejusmodi Decreta Conciliaria vim, & robur Legis universalis habeant etiam ante confirmationem Sedis Apostolicæ? Ita quidem Sotus existimat in 4. dist. 20. q. 1. art. 4. ad 2. quod Concilio Generali ipsa ejus convocatione conferatur potestas ferendi hujusmodi Leges; hæc autem potestas frustra eidem daretur, si ejus Ordinationes, ac Decreta vim Legis ante confirmationem Apostolicam non obtinerent. ergo &c.

349 Sed verius est, robur plenum, & absolutam vim obligandi ejusmodi Decreta solum obtinere, si Confirmatio Apostolica supervenerit. Navarrus de Constitut. conf. 1. num. 4. Turrecr. l. 2. Summ. 71. Suar. l. 4. de LL. c. 6. n. 2. Salas D. 8. de LL. num. 25. Laym. l. 1. tr. 4. c. 6. §. 2. num. 9. Palao tr. 3. D. 1. p. 23. num. 15. Pirhing Proœm. n. 18. Vviestner ibid. num. 131. & alii, desumentes istud ex perpetua traditione, & observantia Conciliorum Generalium, quorum Patres semper aut petierunt, aut receperunt Decretorum suorum confirmationem.

350 Ex quo sequitur, à Concilio Generali, convocato in causa Hæreseos Papæ, vel Schismatis, statui quidem ea posse, quæ præsens Ecclesiæ status, & recta gubernatio exposcit; quia aliàs omni humano præsidio destituta, magis perturbaretur, & gravibus periculis exponeretur: non tamen ab eo posse condi Leges Ecclesiæ universales, utpote cum careat Capite.

351 Neque aliud probat Argumentum Soti; nam potestas ferendi Leges hujusmodi, & obligandi Fideles omnes per ipsam convocationem conceditur quidem Concilii Patribus, non tamen absoluta, sed conditionata tantum, & dependens ab approbatione Romani Pontificis: quod inde patet, quia Jurisdictionem in Ecclesiam suam Christus immediatè dedit soli Petro, ejusque successoribus, ut constat ex verbis Christi: *Tu es Petrus, & super hanc petram edificabo Ecclesiam meam*. Matth. 16. v. 18. & *Pasce oves meas*. Joann. 21. v. 6.

352 Quæritur 13. an Concilium Generale condere valeat Decreta, seu Leges, ipsum Papam obligantes? *Rationem dubitandi* faciunt 1. Synodus III. à Symmacho Romano Pontifice congregata, ubi cap. 4. prout refertur *can. non liceat* 20. caus. 12. q. 2. alienatio prædii Ecclesiasticis ipsi Papæ est interdicta. 2. Bulla Reformatoria, sub Leone X. in *Concil. Later. V. sess. 9.* publicata, ubi statuitur, ut ea observetur etiam in Romana Curia. 3. Decretum S. Synodi Trident. *sess. 24. c. 19. de Reform.* tollens mandata de providendo, & gratias, quæ *Exspectativa* dicuntur, & à Sede Apostolica emanant. 4. Ejusdem Synodi Decretum *sess. 25. c. vers. 9. insuper de Reform.* prohibens, ne impofterum Beneficia Libera uniantur cum Patronatis.

353 Sed his, non obstantibus, indubitata est negativa. Ratio est, quia inferior in superiorem, imò & par in parem Jus, & Legem ferre non potest, ut explorati Juris Regula habet *can. inferior* 4. junct. Gloss. *V. eodem dist. 21. c. cum inferior* 16. de *Major. & Obed. l. nam Magistratus* 4. ff. de *recept. qui arbitr.* atqui Romanus Pontifex supremam in terris potestatem habet, & idcirco nemini subjectus est, ut constat ex verbis Christi, *Tu es Petrus, & super hanc petram &c. tibi dabo claves Regni cælorum &c. quodcumque solveris &c.* Matth. 16. v. 18. quibus D. Petro, ejusque Successoribus supremam, nullique subjectam potestatem traditam esse, SS. PP. doctrina, & Ecclesiæ traditio constans semper fuit, ut latè ostendit Bellarm. l. 2. de *Summ. Pontif. Suar. de Fid. D. 10. Card. Sfondrat. Regal. Sacerdot. l. 2. à §. 4.*

354 Neque contrarium evincunt Decreta in Ratione dubitandi allata. Ad 1. ut Barbof. in *can. cit. num. 5.* observat, Papæ nomine ibidem non Romanus, sed alii Episcopi inferiores veniunt, quod antiquitus non infrequens fuisse notat Gloss. in *can. propter* 7. *V. Martini dist. 17. Gregor. Tholos. Syntagm. l. 15. c. 2. num. 17. & alii.* Si contendas, intelligi Summum Pontifi-

cem, esto, ita sit, Decreta tamen hujusmodi respectu illius non Legis, sed discretæ commonitionis, & salutaris consilii rationem habebunt. Ad 2. Bulla illa Reformatoria non tam Decretum Concilii est, quam Ordinatio Summorum Pont. Concilio approbante publicata, ut ex Bullæ *cit.* Præfatione, & *Data* illius abunde constat. Ad 3. laudati Concilii PP. *sess. cit. c. 21. de Reform.* expressè protestati sunt, *omnia, & singula, sub quibuscumque clausulis, & verbis, quæ de Morum Reformatione, atque Ecclesiastica disciplina in hoc Sacro Concilio statuta sint, ita decreta fuisse, ut in his salva semper autoritas Sedis Apostolicæ & sit, & esse intelligatur.* Ad 4. eadem est Responsio.

Quæritur 14. an sicut Generalia, ut Orbis Christiani totius, sic etiam Particularia Concilia, ut certæ Nationis, Provinciæ, Diœcesis subditos obligent, opus habeant Confirmatione Apostolica? *Rationem dubitandi* faciunt verba Symmachi Papæ relata *can. Concilia* 8. dist. 17. ubi, *Concilia*, inquit, *Sacerdotum Ecclesiasticis Legibus quot annis decreta per Provincias, quia præsentiam Papæ non habent, valetudinem perdidierunt, h. e. invalida, nulliusque momenti sunt.*

Verum certa est negativa Sententia, modò in talibus Conciliis nihil statuatur contra Canones, & consuetudines universalis Ecclesiæ. Laym. l. 1. tract. 4. c. 7. num. 2. Pirhing Proœm. num. 19. Vviestner ibid. 138. & patet ex *can. Concilia cit. fin. & can. fin. dist. 18.* ubi Provinciæ, sive Diœcesis subditis talia Decreta *referenda*, sive publicanda dicuntur: & confirmatur ex *Trident.* quod *sess. 24. cap. 2. de Reform.* præcipit observari ea, quæ in Concilio Provinciali ordinata fuerint, sine ulla mentione Confirmationis Apostolicæ. Accedit ratio; quia Episcopi, & Archiepiscopi habent potestatem condendi Statuta, obligantia subditos Diœcesis propriæ, dummodo nihil statuunt, quod Canonice obviet institutis *c. si quis 2. de Major. & Obed. & c. fin. de Constit. in 6.*

Neque obstat Ratio dubitandi; nam ut bene advertit Vviestner n. 138. cit. verba ibi allegata non sunt sententia ipsius Papæ, sed adversariorum ipsius ab ipso proposita: hinc verbo *Perdiderunt* Ennodius post *can. cit. V. eodem* signum interrogationis adiecit. Quare si rectè intelligantur Verba illa, aliud non evincunt, quàm responsionem, obijcientium insaniam à Papa subjectam, scilicet à Conciliis Particularibus contra Apostolicas Sanctiones, & de Fidei, aliisque negotiis, & causis majoribus nihil quidem constitui posse, posse tamen constitui de iis, quæ extra hujusmodi causas sunt, & sic statuta non quidem fideles omnes, subditos tamen obligare, atque obstringere. Ex quo solvitur, quod

Quæritur 15. quam potestatem habeant Concilia Particularia, Nationalia scilicet, Provincialia, & Diœcesana. Distinguendum enim est inter Decreta Fidei, & Morum. Decreta fidei, seclusa commissione Apostolica, condere nulla possunt. Statuta, seu Decreta Morum facere quidem possunt, sed hæc ultra Nationem, Provinciæ, vel Diœcesim vim obligandi non porrigunt, nisi Sedis Apostolicæ autoritate pro tota Ecclesia recepta, & approbata sint, sicut à Leone IV. recepta, & approbata sunt Ancyranum, Neocæsareense, Gangrense, Antiochenum, Laodicense, & quædam alia *can. de libellis* 1. post *princ. dist. 20.* Pirh. Proœm. num. 19.

## §. IX.

### De Decretis, & Declarationibus Sacræ Synodi Tridentinæ.

## S U M M A R I U M.

- 359 Concilium Generalium novissimum est Tridentinum.  
360 Autoritatem habet parem cum cæteris Conciliis.  
361 Primo tempore omnis potestas illud interpretandi fuit reservata soli Pontifici.  
362 Et Congregationi Cardinalium super hoc instituta commissa sola executio.  
363 Cui postmodum data etiam potestas est ex eodem Concilio decidendi Casus primum claros.  
364 Postea verò etiam dubios.  
365 &c. Facultates hujus Congregationis.



369 *Personæ, ex quibus illa constituitur.*  
 370 *An Declarationes hujus Congregationis habeant vim, & auctoritatem Legis Ecclesiasticæ? Prima sententia negat.*

371 372. *Altera affirmat.*  
 373 *Tertia distinguit.*  
 374 *Et negat de Extensivis.*  
 375 *Nisi fiant ex speciali mandato Papæ, & legitime promulgentur.*

376 *Affirmat de Comprehensive.*  
 377 *Respondetur ad Argumenta primæ sententiæ.*  
 378 *Præter Congregationem Cardd. Interpp. Trid. dantur alia; & primò quidem Congregatio super Negotiis Episcoporum, & Regularium.*  
 379 *Congregatio Jurisdictionis, & Immunitatis Ecclesiasticæ.*

380 *Rituum.*  
 381 *Indicis Librorum prohibitorum.*  
 382 *De Propaganda Fide Catholica.*  
 383 *S. Officii Inquisitionis &c.*  
 384 *Quando istarum Decreta vim Legis habeant?*

359 **C**onciliorum Generalium, ut ex dictis num. 341. fin. patet, novissimum est Sacrosancta, & Oecumenica Synodus Tridentina, quæ sub Paulo III. Rom. Pont. & Carolo V. Romanorum Imperatore inchoata est Anno Christi 1545. finita sub Pio IV. anno 1563. & confirmata anno eodem ab eodem Pontifice per Constitutionem *Benedictus DEUS* 7. Calend. Febr.

360 **Q**uæritur 1. quæ sit auctoritas hujus Synodi, & Decretorum illius? Resp. hujus Concilii par cum cæteris Oecumenicis, & ab Ecclesia receptis Conciliis auctoritas est: Unde sit, quod omnia ejus Decreta Dogmatica, ut Articuli Fidei firmissimè retinenda, ea verò, quæ Reformationem morum concernunt, tanquam commune, & novissimum Jus Ecclesiæ, custodienda, & observanda sint, ubicunque legitime promulgata, nec per desuetudinem, aut consuetudinem contrariam abrogata fuerint. Ita communis, & certa Sententia DD. Catholicorum: & Ratio est, quia Concilium hoc in Spiritu Sancto congregatum est auctoritate Apostolica, ejusque Decreta omnia à laudato Pio IV. in Confessorio Secreto per Constitutionem *Benedictus DEUS* cit. confirmata.

361 **Q**uæritur 2. penes quem sit potestas, & auctoritas declarandi Decreta hujus Concilii? Resp. in hoc diversis temporibus diversa sunt observata. Nam primo tempore per memoratum Pium IV. *const. cit.* interpretandi potestas reservata fuit soli Pontifici, & prohibitum universis, ne ad Decreta Concilii edantur Commentaria, prout olim fecerat ad Codicem Justinianus l. *DEO Auctoritate* l. §. *nostram autem consummationem* 12. C. de *Vet. Jur. enucl.*

362 Subinde instituit idem Pius IV. Congregationem octo Cardinalium, qui dicto Concilio interfuerant, ejusque sensum probè noverant, ut Decreta Synodi per Officiales servanda curarent, & si quod dubium, aut difficultas aliqua in executione occurreret, ad Pontificem referrent: super quo edita est *Const. Alias nonnulli* 4. *Notas Augusti* 1564.

363 **C**um verò successu temporis hæc Congregatio sæpe in rebus dubiis, ad Concilii tamen intelligentiam pertinentibus, responsa dedisset. & dubitatum esset, an ad hoc facultatem haberet ob prohibitionem à Pio IV. factam, indulgit primùm S. Pius V. eidem Congregationi, ut posset decidere casus, quos claros putaret, dubiis ad se remissis: Ac non multo post facultatem ipsi concessit decidendi causas, & controversias, interpretationem Concilii concernentes, prout in Libro Congregationis annotavit Cardinalis Caraffa apud Fagnan. in c. *quoniam* 13. de *Constit. num.* 7.

364 Denique Sixtus V. reservatis sibi, & successoribus suis tantum iis, quæ ad Fidei dogmata pertinent, etiam concessit prædictæ Congregationi potestatem declarandi Decreta morum reformatoria, etiam in casibus dubiis, Papa tamen in his consulto, ut habetur *Const.* incipit *Immensa* edita 11. Calend. Febr. 1587.

365 **Q**uæritur 3. quas facultates habeat Congregatio S. R. E. Cardinalium, Interpretum Tridentini? Resp. 1. habet facultatem executionis, vel observantiæ, ut hujus Concilii Decreta servantur, prout dictum est num. 362.

quæ potestas ipsi competit cumulativè cum aliis, puta cum Congregatione super negotiis Episcoporum, & Regularium.

2 Interpretari potest idem Concilium quoad Decreta morum reformatoria, secundum dicta num. 364. Interpretatur verò non tantum Decreta ista in abstracto, sed etiam in Concreto decidit casus particulares, remittendo ad Judices Ordinarios ea, quæ in facto consistunt.

3 Concessa huic Congregationi à Syxto V. *Const. immensa cit.* est facultas Synodos Provinciales, & Diocesanas in usum deducendi, ut hæc singulis, illæ tertio quovis anno celebrentur; item facultas recognoscendi Decreta Synodorum Provincialium, audiendi postulata Archiepiscoporum, & Episcoporum, qui Limina Apostolorum visitant, ex his postulatis expediendi ea, quæ ipsa Congregatio per se potest, relatis ad Pontificem rebus gravioribus, ab iisdem Episcopis, & Archiepiscopis exposcendi statum Ecclesiarum, Cleri, & populi illis subiecti, & discedentibus dandi Litteras ex Formula præscripta, restantes, obitam per eos esse Visitationem Liminum Apostolorum.

4 Idem Pontifex *Const. cit.* huic Congregationi concessit auctoritatem non solum in Urbe, & Statu Ecclesiastico, sed etiam in universò Christiano Orbe ordinandi ea, quæ pertinent ad Divinum Cultum propagandum, & mores Christiani populi componendos: quibus omnibus Gregorius XIV. adjecit facultatem scribendi nomine Papæ Litteras in forma Brevis. Fagnan. num. 7. cit. Plettenberg *Notit. Congreg. & Tribun. Cur. Roman. c.* 18. §. 1. num. 9.

Porro Congregatio hæc constat ex meris Cardinalibus, præter unum Prælatum, qui Secretarii Officio fungitur. Ex his Cardinalibus unus est Præfectus, qui cum Secretario subscribit Litteras, & Decreta, ipsiusque Congregationis curam habet, & directionem. Habetur hæc Congregatio vel singulis Septimanis, vel bis in Mense, prout negotia postulant, die Sabbati, olim in domo Cardinalis Senioris, nunc in Palatio Apostolico, & quandoque etiam coram ipso Pontifice. Plettenb. l. cit. num. 10.

370 **Q**uæritur 4. an Declarationes Congregationis Cardinalium Concilii Interpretum habeant vim, & auctoritatem Juris, siue Legis Ecclesiasticæ? Negant Petr. de Ledesm. *Summ. tom.* 1. de *Sacr. Pœnit. c.* 13. diffc. 5. Vega *Summ. tom.* 1. c. 62. cas. 40. Sanch. l. 8. de *Matr. D.* 2. num. 10. Pont. l. 5. de *Matr. c.* 13. §. 2. num. 7. Dian. p. 1. tr. 10. res. 29. Bonac. de *LL. D.* 1. q. 1. p. 8. n. 4. Laym. l. 1. tr. 4. c. 7. num. 26. Pellizar. *Man. tr.* 4. c. 4. n. 108. & alii non levibus persuasi Argumentis. Nam 1. Lex ferri debet, & solet per verba præceptiva, vel prohibitiva, ut ex communi docet Suar. l. 3. de *LL. c.* 5. num. 8. & ut obliget, publicè promulgari, juxta illud: *Leges instituuntur, cum promulgantur. can. in istis* 3. diff. 4. & *Novell.* 66. Rubr. & c. 1. pr. atqui Declarationes istius Congregationis non effertur per verba præceptiva, vel prohibitiva, sed per verba *Censuit, Censemus*, quæ tantum denotant sensum, vel judicium alicujus de re aliqua: item non promulantur, vel publicantur instar Legum, sed tantum petentibus reddi solent simpliciter. ergo &c. 2. id, quod vim Legis omnes obligantis habet, authenticè innotescere Communitate debet. *can. erit autem* 2. diff. 4. & l. *leges* 9. C. de *LL.* atqui Congregationis istius Declarationes non innotescunt authenticè, cum ad hanc non dirigantur, nec ita fiant, ut ad Diocesum Ordinarios per Agentes, quos Romæ habent, authenticè valeant pervenire, sicut perveniunt Decreta Rituum, Inquisitionis, & aliarum Congregationum. 3. Declarationes istæ sunt ad instantiam, vel consultationem, in casu particulari inter partes controverso, vel in dubio, an Conciliari Decreto certus aliquis casus comprehendatur. atqui Responsa super casu particulari, qualitatibus, & circumstantiis particularibus vestito, partibus litigantibus, vel alicui consulendi reddita, etsi Legis vim respectu ipsorum habeant, non tamen habent respectu aliorum; quia res inter alios actæ alios non afficiunt c. *quavis* 25. de *Sent. & rejudic. l. res inter* 2. C. quib. *res judicat. non noc.* & Leges pro iis, quæ communiter, & frequenter eveniunt, non pro particulari, & raro contingente casu feruntur l. *Jura* 3. l. *ex his* 4. C. ff. de *LL.* 4. ut Declaratio Legis vim Legis habeat, ne



necesse est, ut ab eo fiat, qui condendæ Legis potestatem habet, juxta *c. inter alia 31. de Sent. Excomm.* ibi, *Unde Jus prodit, interpretatio quoque, quæ vim Juris habet, procedat.* atqui non constat, quod Sacre Congregationi Sedes Apostolica condendæ Legis potestatem concesserit. 5. Declarationibus S. Congregationis regulariter non apponitur tempus, aut locus; adeoque validæ esse non possunt; invalidæ enim sunt Constitutiones Papales, non continentes locum, & tempus. 6. Declarationes ab illa editæ sunt innumeræ, & earum non paucæ aliis, & aliis verbis expressæ, quandoque etiam contrariæ, teste ipsamet S. Congregatione in Decreto, Gregorii XV. jussu edito, apud Fagnan. *in c. 13. de Const. n. 59.* ut adeo, si Legale robur obtinerent, Legum quotidie subnascentium multitudine Resp. Ecclesiastica obrueretur, varietate, & incertitudine non parum confunderetur,

371 Affirmativam defendunt Rodriq. *tom. 1. Regul. q. 11. art. 1. & 2. Garc. de Benef. part. 1. in Prefat. Mirand. tom. 2. q. 26. art. 11. Salas de LL. tr. 14. q. 97. D. 21. sect. 12. Zypæus Analys. Jur. Pont. in Prefat. Barbof. l. 1. Jur. Eccl. c. 4. n. 8. Ridolph. Prax. Judic. p. 1. c. 7. n. 83. Lezan. tom. 3. Summ. V. S. Congregatio n. 8. Fagnan. in c. quoniam 13. de Constit. an. 8. Pignatell. tom. 1. consult. 86. n. 19. Engl Procem. n. 19. Reiffenstuel ibid. n. 130. & alii passim, persuasi gemina, & utraque non levis momenti ratione, Prima est, quia Legis vim citra omnem dubitationem habent Declarationes Tridentini redditæ ab ipso Papa, ergo eandem habent redditæ à S. Congregatione. Prob. Conf. Nam 1. interpretandi facultas, ut dictum est n. 364. & 366. concessa Congregationi est ab ipso Papa, ut adeo locus sit Regulæ: *Qui facit per alium, est perinde, ac si faciat per seipsum*, quæ est 72. in 6. 2. ex Constitutione Sixti V. ut notavi n. 364. cit. Declarationes in casibus dubiis, non sunt, nisi Summo Pont. consulto, & istius nomine Litteris expresso per concessionem Gregorii XIV. juxta n. 368. atqui Declarationes factæ, approbante Pontifice, & ejus nomine, eadem autoritate pollent, qua redditæ ab ipso Pontifice, 3. Declaratio est manifestatio sensus Legis. atqui sensus Legis sive à Conditor ipsomet, sive ipsius nomine, & autoritate ab alio manifestatus, Legis anima, visque ipsius, & Lex ipsa est, ergo &c.*

372 Altera Ratio est, quia Congregationis istius, utpote à S. Sede Apostolica institutæ, non minor autoritas est, quam Prudentum, seu JCrorum quibus Justinianus olim Legum interpretandarum autoritatem dedit. l. DEO auctore l. 1. §. & ad tue 3. vers. his itaque C. de Vet. Jur. enucl. atqui istorum sententiæ, & responsa vim Legis obtinent, ita, ut ab illis recedere Judici fas non sit §. responsa 8. Inst. de l. N. G. & C. & decernitur etiam l. DEO auctore cit. ibi, *Ut omnes, qui relati fuerint in hunc Codicem, prudentissimi Viri habeant autoritatem, tanquam si eorum studia ex Principalibus Constitutionibus profecta, & à nostro Divino fuerint ore profusa*; cuius rei rationem subjicit Imperator. *Omnia enim merito nostra facimus, quia ex nobis omnis eis impartietur autoritas*, ergo etiam Declarationes hujus Sacre Congregationis vim Legis Ecclesiasticæ obtinebunt; nam dum Pontifex facultatem interpretandi Decreta Concilii, antea sibi reservatam, ei concessit, hoc ipso Declarationes, & interpretationes ipsius vult suas esse effectas, prout loquitur Bonifacius VIII. de provisione facta à Legato autoritate ipsi à Sancta Sede concessa c. si Apostolica 22. de Præb. in 6. Atque eam ob causam Congregatio hæc multoties inscribitur: *Tridentini Concilii Sanctissimi Domini Nostri Autoritate*, seu *Apostolica autoritate Interpres*. Plettenberg, *Notit. Congr. & Trib. Cur. Rom. c. 18. §. 2. n. 6.* Confirmat hoc etiam praxis; nam teste Garcia l. c. hæc Sacra Congregatio sic rescriptit cuidam Abbatissæ Messanensi: *Eadem ratio habenda est in his, quæ scribuntur à Cardinalibus S. Congr. Concil. Trid. nomine ipsius Congregationis, ac si à Papa scripta essent.*

373 Tertia, & verior Sententia distinguit inter Declarationes; nam hæ duplicis generis sunt, Comprehensive, & Extensivæ. Comprehensive sunt, si sensus sic declaratus à verborum propria, & usu recepta significatione non recedat. Extensivæ, si illam egrediantur, & ultra id quod verba propriè, & secundum sensum communem accepta denotant, aliquid concedant, prohibeant, dispenfent &c.

374 De Extensivis libenter concedit sententia ista, quod vim, & autoritatem Legis non habeant, nisi fiant ex speciali mandato Papæ, & legitimè promulgentur. Ratio solida, & perspicua est; quia hoc ipso, quod Concilia-

rium Decretorum verbis non contineantur, sunt novæ Leges Ecclesiasticæ, autoritatem Legislativam in declarante exposcentes. Atqui S. Congregatio ex sua institutione autoritatem istam non habet. ergo &c.

Dixi, *Nisi fiant ex speciali mandato Papæ, & legitimè promulgentur*; nam si ita fiant, & promulgentur, vim Legis indubitato obtinent. Et tales Declarationes sunt Decreta ejusdem S. Congr. jussu Urbani VIII. edita de Alienatione rerum temporalium, ad Monasteria, aliosque Regularium Conventus pertinentium 7. Sept. 1624. de Apostatis Regularibus, & Ejectis 21. Sep. anno eodem, de Celebratione Missarum 21. Junii 1625.

De Comprehensive autem affirmant, quod vim Legis habeant, si Papa consulto factæ, à Cardinale Præfecto, & Secretario subscriptæ, & consueto ipsius Congregationis Sigillo munitæ sint: idque verum est non tantum respectu eorum, quibus redduntur, sed etiam respectu aliorum, qui de illis ita redditis notitiam certam habent. Ita Coronius l. 2. contr. 8. c. 3. Gobat *Exper. tr. 3. n. 604. Card. de Luca in Annot. ad Conc. Trid. Disc. 1. n. 17. Lantusca Theatr. Regul. V. Congregatio Conc. Trid. n. 4. Engl Procem. n. 16. Vviestner n. 146. Reiffenstuel n. 129. & seqq.* & ita suadent Rationes pro Secunda Sententia n. 371. & 372. allatæ. Confirmatur ex usu Rotæ Romanæ, quæ dictas Declarationes Cardd. absque ulla oppositione, & ambiguitate reverenter recipit, atque omnibus modis observat, etiam dimissis ipsius Rotæ Decisionibus, quando in contrarium adsunt Declarationes sepè dictæ Congreg. Barbof. l. 1. Jur. Eccl. c. 4. n. 81. Fagnan. in c. 1. quoniam cit. n. 72. Card. de Luca *Disc. 6. de Parochis n. 5. Reiffenstuel n. 136.*

Neque contrarium evincunt Rationes, & Argumenta n. 370. allata pro prima opinione. Ad 1. verbo *Censendi* S. Congregatio sæpius, & jure utitur, quia eodem quondam, cum aliquid juberet, aut vetaret, etiam uti Senatus Romanus consueverat l. Senatus 52. ff. de contrah. empt. cuius autoritate ipsa pollet *can. Ecclesia 7. caus. 16. q. 1. Innoc. in c. cum te 23. Sent. & re judic. n. 1. & Censere* frequentius, ac Juridicè idem est, quod *Constituere, decernere, præcipere, vel prohibere*, ut ait Javolenus l. censeri 111. ff. de V. S. Calvin. *Lexic. V. Censere. Ad Conf.* comprehensiva Legum Declaratio, ut vim Legis obtrineat, promulgatione opus non habet; quia non conditur Jus novum, sed antè conditum, jamque promulgatum solummodo explicatur, ac demonstratur: ac proinde cum à principio jam in fuisse censetur Legi, quam explicat, ad tempus istius conditæ retrahitur; quod declarat Imperator *Novell. 145. fin.* ubi de tali Legum suarum declaratione loquens, *Quam interpretationem*, inquit, *non in futuris tantummodo casibus, verum in præteritis etiam valere sancimus, tanquam si nostra Lex ab initio cum interpretatione tali à nobis promulgata fuisset.* Ad 2. tantum sequitur, quod agens contra Legem in sensu per Declarationem Comprehensive explicato ob ignorantiam invincibilem excusetur à pœna, & culpa, donec ei Declaratio ex ipsius Congregationis Litteris in Forma authentica exhibitis, aut in istarum Authentico Transumpto, & relatione de iis fide digna, ac certa innotescat, sicut fit in aliis etiam Legibus. Ad 3. si S. Congregatio super casu, & dubio particulari interrogetur, ut testis est Fagnanus quondam ejusdem Secretarius *in c. quoniam cit. n. 65. ea, quæ in facto constitunt, remittit, ad Judices Ordinarios, ipsa verò Autoritate Apostolica ferè tantum pronuntiat de mente PP. Trident. & de sensu Decretorum illius. atqui pronuntiatio Principis, vel Deputatorum illius ad responsa de Jure reddenda, quando declarant, quid Juris sit in aliquo casu, ad similes casus omnes porrigitur, ut colligitur ex §. responsa 8. Inst. de l. N. G. & C. & l. fin. C. de LL. cuius ratio est, quia cum Jus non pro uno duntaxat, sed pro aliis quoque similibus casibus, & eventibus proditum sit, authentica ejus Declaratio reddita pro uno, cæteros quoque casus similes ex Lege comprehendi ostendit. Ad 4. patet ex Probationibus secundæ Sententiæ. Ad 5. expressio temporis, & loci requiritur quidem in novæ Legis editione, non tamen in Legis editæ Declaratione; hæc enim, ut dixi, retrahitur ad tempus conditæ Legis, cui inest, & ab illius promulgatione vim obligandi habet. Ad 6. illud non pugnat contra Declarationes exhibitas in forma authentica, & ex principio authentico notas; quia tales nec multæ, nec falsæ, neque etiam inter se contrariæ faciliè reperiuntur, cum Fagnanus, testis omni exceptione major, l. cit. n. 57. testetur, quindecim annorum, quibus S. Con-*



S. Congregationi à Secretis fuit, spatio ne unam quidem, anteaſtis autem temporibus omnibus duas, duntaxat immutatas fuiſſe. Quas re, ſiquæ contrariæ ſibi inveniuntur, pro Apocryphis habendæ ſunt, vel ſi pro veris agnoſcendæ, ad ſpeciem ſolùm contrariæ ſunt, quia in diverſis circumſtantiis datæ, aut ſi contrarietas vitari nequeat, poſterior derogabit priori.

378 Quæritur 5. quam vim habeant Declarationes aliarum S. Congregationum? Præter Congregationem Cardinalium Trid. Interpretum, plures adhuc aliæ vigent Romæ. Et 1. quidem *Cogregatio ſuper Negotiis Episcoporum, & Regularium*, quam inſtituit Sixtus V. primò diviſam in duas, unam ſuper Negotiis Episcoporum, alteram ſuper negotiis Regularium dein verò ab eodem Pontifice conjunctam in unam. Conſtituitur illa ex 24. Cardinalibus, & uno Præſato, qui Secretarii munus gerit: antiquior inter illos Cardinales eſt Præſes, ſeu Præfectus illius. Pertinent ad hanc Congregationem duo diverſorum negotiorum genera. *Unum* eſt, quando Controverſiæ oriuntur inter Episcopos, alioſve Prælatos, aut Vicarios, & Officiales ex una, & inter ſubditos, vel Regulares ex altera parte, ſi nimirum hi graventur vel à Locorum Ordinariis, aut Ordinariam Jurisdictionem Eccleſiaſticam habentibus, vel à Parochis, aliſque Clericis Sæcularibus. *Alterum*, cùm contendunt inter ſe Religioſi: quod pluribus modis fieri poteſt; nam controverſiæ intercedere poſſunt. 1. inter Religioſos diverſi Ordinis. 2. inter Religioſos ejusdem Ordinis. 3. inter Religioſum, & ipſam Religionem. Terminantur Negotia iſta ab hac Congregatione abſque ſtrepitu, & forma judicii, inſpecta ſolùm facti veritate, & frequenter etiam ſumpta tantummodo extrajudiciali, ac ſecreta informatione: & expediuntur omnia, graviffima licet ſint, gratis, etiam pro ſcriptura, adeòque partes nullo gravantur ſumptu, niſi perexiguo, quo compenſantur Labores perſonales, & indiſtriæ Correfponſalium, qui negotia curant. Nonnunquam etiam, ſi cauſarum qualitas id exigat, Honorarium datur Advocatis, & Procuratoribus, & expenſæ, factæ in Informationibus neceſſariis capiendis, refunduntur. Card. de Luca *Relat. Cur. Rom. Diſc.* 16. Plettenberg. *Notit. Cong. & Trib. Cur. Rom. c.* 19. apud quem plura de modo procedendi Congregationis iſtius videri poſſunt.

379 2 Congregatio *Jurisdictionis, & Immunitatis Eccleſiaſticae*. Hæc inſtituta eſt ab Urbano VIII. Conſtituunt illam Cardinales, & Prælati plerumque ex Rotæ, & Cameræ Auditoribus eo numero, qui determinatus fuerit à Pontifice. Munus ejusdem proprium, & præcipuum eſt protegere, & defendere Jurisdictionem, & immunitatem Eccleſiaſticam perſonalem, quàm localem, & realem, ne hæc violeſtur, aut illa uſurpetur à Magiſtratribus, vel Communitatibus Sæcularibus, neve à Gabelarum, aliorumque onerum localium exactoribus graveſtur. Negotia hæc expediuntur in illa gratis, & proceditur in iis extrajudicialiter ſine Proceſſibus. Card. de Luca *l. cit. diſc.* 17. Plettenberg *l. cit. c.* 20.

380 3 Congregatio *Rituum*. Hæc erecta eſt à Sixto V. *Conſt.* incipit *Immenſa*, quæ inter Conſtitutiones iſtius Pontificis eſt 74. videtur eſſe duplex, *Una*, eaque ordinaria, erecta pro decidendis controverſiis circa Ritus, Ceremonias, præcedentias, aliasque præeminentias; altera extraordinaria pro Canonizatione Sanctorum, & Beatificatione Servorum DEI. Ad primam admittuntur tot Cardinales, quot Pontifex conſtituerit, & plures Prælati, quorum unus Secretarii munus obire ſolet. Proceditur in hac extrajudicialiter, & omnia ſiunt gratis. Ad alteram extraordinariam ſpectant iidem Cardinales, & Secretarius, qui ad priorem, ſed non iidem Prælati, Officiales, & Theologi; nam alii pro hac Congregatione conſtituuntur. Eſt etiam in ea *Promotor Fidei*, qui ex conſuetudine idem eſſe ſolet, qui Advocatus Fidei. Accedunt quoque ad hanc tres antiquiores Rotæ Auditores, veluti Canonum periti, qui munus gerunt Aſſeſſorum: item unus ex Protonotariis Participantibus, tanquam *Promotor cauſæ*: & demum alii quoque Theologi, qui *Conſultores*, vel *Qualificatores* dicuntur; & peritiſſimi quique in omni Facultate Doctores, etiam Medici, & Philoſophi, qui judicent, an operationes, quæ miraculis adſcribuntur, verè ſint ſuper naturales. Inquirunt in hac Congregatione, & examinantur omnia, etiam minima, accuratiſſimè: de quo vide *Libr. 3. tit. 45.*

Schmalzgrueber. Tom I.

4 Congregatio *pro Indice Librorum prohibitorum*. Erecta eam Sixtus V. *cit. Conſt. Immenſa*, eum præcipuè in finem, ne Libri Hæreſis veneno infecti, ac doctrina noxia aſperſi imprimantur, & vulgentur. Congregatio hæc conſtituitur ex tot Cardinalibus, quot voluerit Pontifex, quorum unus eſt Præſes Congregationis, cum Secretario, & duodecim Conſultoribus. Ex his Conſultoribus primarius eſt Magiſter S. Palatii: cæteri ut plurimum eliguntur è Religioſis diverſorum Ordinum Romæ præſentibus, Theologiæ, & omnis liberalis doctrinæ bene peritis. Officium iſtorum eſt, revidere, & examinare Libros ſuſpectos, qui inter eos à Secretario distribuuntur, ut deinde Judicium ſuum de iis in plena Congregatione referant. Omnia in hac Congregatione expediuntur gratis, & tractantur ſummarie ſine forma Judiciali, prout de aliis Congregationibus dictum eſt. Card. de Luca *Relat. Cur. Rom. diſc.* 19. Plettenb. *c.* 22.

5 Congregatio *de propaganda Fide Catholica*. Erecta eſt à Gregorio XV. per Conſtitutionem ſuam 26. incipit *Inſerutabili*. Interſunt illi aliquot Cardinales, unus Protonotarius Apoſtolicus, Secretarius Status, Judex, qui eſſe ſolet Referendarius utriuſque Signaturæ, Aſſeſſor S. Officii, & Præſatus aliquis, qui Secretarius eſt Congregationis, cum nonnullis Religioſis. Officium hujus Congregationis eſt inveſtigare in vias, & modos, quibus vera Fides Catholica in omnibus mundi partibus propagari, & conſervari poſſit, eaque omnia, quæ ad hunc finem conducere poſſunt, curare, & ſi quæ res controverſæ inter Miſſionarios occurrant, eas, relatis ad Pontificem rebus gravioribus, ſummarie, & de plano decidere, & expedire. Card. de Luca *diſc.* 23. Plettenb. *c.* 26.

6 Congregatio *S. Officii Inquiſitionis* contra Hæreticam pravitatem: de qua vide *Lib. V. tit. 7. à num. 74.* Qui plura habere cupit, conſulat Plettenb. *l. cit. c.* 16. & AA. ab hoc allegatos. Omitto Congregationes cæteras, quarum plures erectæ ſunt Romæ diverſis temporibus, uti eſt S. Congregatio Examiniſ Episcoporum, Fabricæ, ſuper Statu Regularium, Indulgentiis, & SS. Reliquiis præpoſita, Viſitationis Apoſtolicæ, pro Erectione Eccleſiarum, & Proviſionibus Conſiſtorialibus, pro Conſultationibus, negotiorum Status Eccleſiaſtici quæ *Conſulta* dicitur, ſuper bono Regimine Status Eccleſiaſtici &c.

De his ergo Congregationibus quæſtio eſt, an Declarationes illarum, in quibus Jus commune Eccleſiæ explicant, & ſuper Jure respondent, vim Legis habeant? Reſp. cum diſtinctione, qua uſus ſum *ſupra num. 373.* nam ſi Declarationes hujusmodi munitæ ſunt ſubſcriptione Cardinalis Præfecti, & Secretarii, ac Sigillo conſueto, Comprehendiſſæ vim, & authoritatem Legis habent, etſi in forma authentica non exhibitæ, modò conſtet uniformiter, & ſæpius ſuper eodem caſu, & Juris dubii articulo eas redditas, aut ſecundum illas à Rotæ, aliorumque Tribunalium Romanorum Judicibus pronuntiatum eſſe. *Ratio* perſpicua eſt, quia uniformitas Reſponſorum, ac ſententiarum; ſuper eodem articulo ſæpius, & uniformiter redditatum, inducit Stylum, & praxin Curiæ, Stylus autem, & praxis Curiæ Jus facit *c. quàm gravi 6. de crim. falſ. & l. fin. C. de LL.*

Contra verò, ſi hujusmodi ſubſcriptione, & Sigillo ſint deſtitutæ vim Legis per ſe non obtinent. Patet ex Decreto, quod incipit *Cum Sacra* à S. Congregatio 2. *Auguſti 1632.* juiſſu *Urbani VIII.* edito, ubi mandat Pontifex, ejusmodi Declarationes Indici Librorum prohibitorum inferi, iuſque adimit omnem vim, & fidem in, & extra Judicium. *Ratio* hoc decernendi redditur in ipſo Decreto, quòd ad S. Congregationis notitiam pervenerit, quamplures ex ejus Declarationibus alteratas, diminutas, & forſan omnino conſictas eſſe.

Addidi *per ſe*; nam hoc Decreti rigore non obſtante, Sanch. *l. 8. D. 2. num. 10.* Salas *de LL. tr. 14. q. 97. D. 21. ſect. 12. fin.* Dian. *p. 1. tr. 10. reſ. 29. fin.* Pellizar. *Man. tr. 4. c. 4. num. 108.* Fagnan. *in c. quoniam de Conſtit. num. 59.* & alii DD. plerique Declarationibus, quæ à privatis, ſed probatis Authoribus referuntur, ſi ſenſum à verborum proprietate non recedentem, rationi, ac communibus Juris regulis non repugnantem, & aliis Declarationibus non contrarium reddant, ſicque de vitio aliquo ſuſpectæ non ſint, haud agrè deferunt, & ajunt, ab illis ſine gravi ratione in praxi non recedendum; partim quia Romanæ, aliæque Curiæ Eccleſiaſticæ contra



cas non solent pronuntiare; partim verò quia credunt, eas ex ipsis Originalibus, aut alio Principio Authentico depromptas esse: ex qua ratione ipsi etiam Decreto jussu Urbani VIII. edito fidem habent,

## §. X.

*De Bullario, Cancellaria Apostolica Regulis, & Romana Rota Decisionibus.*

## S U M M A R I U M.

- 387 *An vim Legis, universam Ecclesiam obligantis, habeat Bullarium Romanum?*  
 388 *Respondetur habere quoad Bullas, de quibus legitime constat, eas receptas, & pro tota Ecclesia editas esse.*  
 389 *Cui non obstat Constitutio Bonifacii VIII. præfixa Libro VI. Decretalium.*  
 390 *An Juris Communis vim habeant Regule Cancellaria Apostolica?*  
 391 *Respondetur vi Juris Universalis destitui illas, quæ solummodo concernunt expeditionem Litterarum in Curia.*  
 392 *Ceteris verò, quæ generales sunt, vim istam competere.*  
 393 *Sed per modum Juris novi, & novo modo lati.*  
 394 *An promulgatio in his Regulis necessaria sit?*  
 395 *Solvuntur Argumenta opposita.*  
 396 *Utrum Legis rationem habeant Decisiones Rot. Romana.*  
 397 *Ostenditur negativa.*  
 398 *Quamvis magna sint autoritatis.*  
 399 *Ita, ut si plures uniformes circa eandem causam emanaverint, consuetudinem, & Stylum faciant.*

387 **Q**Uæritur 1. an vim Legis, universam Ecclesiam obligantis, habeat Bullarium Romanum, diversas Summorum Pontif. Constitutiones collectas complectens? Affirmant hoc aliqui, quòd Bullarium hoc evulgatum sit primò ductu, & auspicio Sixti V. à Laetio Cherubino Jcto Romano, & cum deinde auctiore numero Bullæ Extravagantes in illud congestæ, & typis datæ fuissent ab Angelo Maria Cherubino, prioris filio Monacho Cassinensi, dedicari sibi Bullarium, hoc ita augmentatum permiserit Urbanus VIII. præfixo privilegio Bibliopolæ concessio, ne quis id opus sine ejus licentia imprimat, aut vendat. Verum ex hoc autoritas Canonica dicto Bullario nulla concessa est; nisi velis dicere, quòd omnes Libri, qui auctoritate alicujus Pontificis Romani conferuntur, aut eidem cum simili privilegio Typographico dedicantur, Libri Canonici dicendi sint: quod nemo admiserit.

388 **Q**uare dicendum, tum primò Bullas, in eo contentas, habituras autoritatem Juris, Ecclesiam universalem obligantis, quando legitime constat, quòd pro tota Ecclesia latæ, rite promulgatæ, & usu receptæ fuerint, atque insuper cum Originalibus suis congruant: secus si fiat, autoritate Legis destituentur, & Sententia contra illas lata irrita non erit, nec in judicio illis fides habebitur. Tusch. lit. E. concl. 679. num. 1. & 2. Plettenberg Introd. Jur. Can. c. 19. n. 2. Engl Proëm. n. 13. Vviesner num. 114. quia sic præsumitur probabilis ignorantia talis Bullæ Extravagantis, vel saltem meritò credi potest, eam non fuisse usu receptam.

389 **M**overi quidem dubium potest, etiam de iis, quas constat rite promulgatas esse, & cum Originalibus suis concordare, propter Constitutionem Bonifacii VIII. incipit *Sacrofancta*, Anno 1298. cum Libro VI. Decretalium editam, ubi Pontifex statuit non recipiendas, nec pro Decretalibus habendas Prædecessorum suorum Constitutiones, quæ Sexto illo Libro clausæ non reperiuntur. Verum cassatio ista, & annullatio referenda est solum ad eas Constitutiones, quæ Juris Ecclesiastici communis vim habere antè debebant, aut videbantur: non verò ad illas, quæ pro universali Ecclesia post Constitutionis istius editionem latæ sunt. Imò nec iis præjudicat, quæ ante illam Constitutionem sunt editæ, si pro personis, locis, vel Communitatibus particularibus, v. g. certæ alicujus Diocesi, Civitatis, Ecclesiæ, Monasterii, vel totius Familiæ Religiosæ favore emanarunt, cujusmodi plures Constitutiones in Bullario extant; nam hæc adhuc jus facient pro iis, pro quibus latæ sunt, & eatenus etiamnum hodie validæ sunt.

390 **Q**uæritur 2. an Juris Communis vim habeant Regulæ

Cancellariæ Apostolicæ? Negant Anchar. *conf.* 297. n. 1. & 2. Decius *inc.* 1. de *Constit.* n. 2. Mascard. de *Probat. Concl.* 257. n. 1. Salas *tr.* 14. D. 21. *sect.* 1. n. 7. Nituntur 1. quia ex Regulæ solum sunt Constitutiones Locales, ut indicat ipsarum appellatio; videntur enim solum conditæ pro Cancellaria Romana, & ad instruendos istius Magistratus. 2. Lex universalis natura sua est stabilis l. *Edicta* 3. C. de *edend.* Regulæ autem istæ cum suo Authore deficiunt; cessant enim obligare post mortem Pontificis, ut patet ex Proëmio illarum, ubi à suo tempore duraturæ dicuntur. 3. sententia contra Regulam Cancellariæ, etiam allegatam, lata valet Felin. *in c.* 1. de *sent. & re jud.* nam ut ista, & quilibet alius actus contra regulas istas factus irritetur, necessaria est Regula prohibentis impetratio, allegatio, in Actis productio, & Registratio. Cockier *in Reg.* 26. n. 6. atqui si Legem universalem constituerent, sententia contra ipsas lata foret irrita ipso Jure c. cum *inter* 13. de *sent. & re judic.* & l. cum *prolatis* 32. ff. de *re judic.*

Sed melius alii distinguuntur inter eas, quæ ipsi Cancellariæ præscribuntur, & Litterarum solummodo expeditionem in Curia faciendam concernunt; & inter Generales, sive illas, quæ de Reservationibus Apostolicis, de Dispensationibus, de Indulgentiis impetrandis, & concedendis, de certis Beneficiis per Papam conferendis, eorumve Reservationibus, & annali, vel triennali possessione &c. agunt. Priores solum Cancellariam, & ipsius Officiales ligant; posteriores Juris universalis, etiam extra Curiam, & Urbem obligantis, sed novo modo, & forma ex dispositione Pontificis introducti, vim, & autoritatem habent: & in Judicio, saltem cum à S. R. E. Vice-Cancellario impetratæ producuntur, fidem faciunt. Ita Nicol. Milis, *in Repert.* V. *Lex.* Felin. *in c.* 2. de *Rescript.* & *in c.* quod *super his de fide Instr. concl.* 2. Franc. de Pavinis *in Prel. Extrav.* Joann. XXI. Lud. Gomez. *Proëm. Reg. Cancell.* q. 2. fin. Cockier *in eandem Regularum Rubr.* n. 22. & 23. Gonzal *Apparat.* n. 57. Plettenberg *Notit. Congr. & Trib. Cur. Rom.* c. 11. n. 5. Vviesner *Proëm.* n. 116. & decisum est sæpius in Rota. Et quidem quòd priores Regulæ non faciant Jus universale, probat Ratio prima *nu. præc.* allegata, & ostendit ipsa materia, quæ particularis est, ut adeo etiam Regula Jus particulare constituit.

392 **Q**uòd verò posteriores vim, & autoritatem Juris universalis habeant, his evincitur Rationibus. 1. quia ex persona Conditoris metienda est Lex, utrum universalis illa, vel specialis sit c. *fin. de constit.* in 6. atqui Conditor istarum Regularum est Pontifex, qui generalem habet Jurisdictionem in toto Orbe. ergo & Lex ab eo condita generalis erit, nisi materia particularis, & ad personas, vel communitatem particularem restricta sit. 2. materia Legis modificat Legem, & determinat illius limites; odiosa namque restringit, favorabilis ampliat Legem *Reg. Odia* 15. in 6. atqui materia Regularum Cancellariæ, ut sunt Beneficia, Dispensationes, aliæque Gratiæ Pontificiæ, est favorabilis, ergo extenditur ad omnes toto Orbe Summo Pontifici subjectos. 3. ab his Regulis specialiter excipiuntur Cardinales. ergo ceteri omnes comprehenduntur; nam exclusio unius est inestatio alterius l. cum *Prator* 12. ff. de *Judic.* adeoque constituunt Jus universale.

393 **Q**uòd verò Regulæ istæ Jus novum, & novo modo, ac forma introductum constituent, patet ex eo, quia carent perpetuitate, & publicatione debita. Et quidem perpetuitate carent; quia morte cujuslibet Papæ illas, promulgantis, Jus per eas introductum extinguitur. Simo-neta de *Reserv.* q. 58. & hinc, Sede vacante, possunt Episcopi ex Jure communi Beneficia vacantia conferre, nisi per Concordata Germaniæ, aut alia ratione sint affecta Pontifici: duratque facultas hæc in Episcopis, usque dum novus Pontifex talia Beneficia sibi rursus reservet; nam post reservationem denuo factam sic reservata non amplius conferre Episcopus poterit, licet vacaverint vacante Sede Pontificia, sed sibi imputare debet, quòd illa non antè contulerit. Cockier *Proëm. ad Reg. Cancell.* Vvagnereck de *Præbend.* & *Reg. Cancell.* Plettenb. c. 11. cit. num. 9.

394 **P**romulgatione debita carent; quia quæ generaliter obligant, Jure antiquo generaliter quoque promulgari debent, ut omnibus possint innotescere c. *cognoscens* 2. de *Constit.* & c. *fin. eod.* in 6. atqui Regulæ Cancellariæ non promulgantur, nisi in Curia Romana. Imò ut effectum saltem aliquem, scilicet nullitatis actus in contrarium gesti sortiantur, nulla est necessaria publicatio illarum. Aeneas de Falconibus *tr. de Reservat.* p. 4. *nn.* 21. & 22.



Gomez. *Proem. reg. q. 2. §. 4.* cum Glossatore dicens, ante publicationem Regularum Pontificem statim, ac assumptus est, Regulis virtutem suam tribuere, ita, ut si vacaret Beneficium post Pontificis creationem, & ante Regularum promulgationem, id non caderet sub Expectativis Prædecessoris; quia hæc per Regulas Cancellariæ censerentur revocata; & ita suo tempore decisum in Rota idem testatur. Cæterum ordinariè fieri solent Regulae Cancellariæ die immediatè sequenti assumptionem novi Pontificis. Plettenb. *l. cit. n. 10.*

395 Neque obstant Argumenta allata in contrarium. *Ad 1.* Cancellariæ Regulae nomen hoc acceperunt, vel quòd multæ illarum spectent expeditiones, quæ in ea fiunt, vel quòd in ea publicentur, & registrentur: quod non impedit, quo minùs Jus universale faciant; nam & Jus Prætorium dictum est, quia dicebatur in Prætorio à Prætoribus, & tamen Jus universale est. *Ad 2.* licèt in omnimoda perpetuitate deficiant, stabilitatem tamen sufficientem habent hoc ipso, quòd durent ad vitam Legislatoris, & nunquam expirent sine certa spe resurrectionis paulò post futurae Cockier *l. cit. n. 8.* *Ad 3.* nec sententia lata contra Extravagantes, non insertas Corpori Juris communis ipso Jure est nulla, ne ob incertitudinem ipsarum Extravagantium, etiam sententiarum valor incertus sit: & tamen Extravagantes istæ Jus Generale constituunt. Felin. & Canonistæ communiter in *c. Pastoralis de fid. Instr.* igitur Jus generale constituere etiam Regulae Cancellariæ poterunt, licèt sententia contra ipsas lata non sit ipso Jure irrita; nam & ipsæ, mutari cum possint, incertæ sunt, nec ubique notæ.

396 Quæritur 3. utrum Legis rationem habeant Decisiones Rotæ Romanæ, sive Summi Tribunalis Apostolici? Aliqui vim Legis iisdem adstruunt, alii solum iisdem dant vim probabilis doctrinæ. Melius distinguitur; nam inter partes litigantes jus faciunt, tanquam Sententiæ Judiciales, ita ut sicut istæ, ita & illæ, si transferint in rem judicatam, ampliùs everti nequeant. Non tamen Jus faciunt inter alios, & extra Curiam, quamvis magnæ sint autoritatis, talisque, ut sine magna ratione, & gravi autoritate ab iis recedendum non sit. Ita Gemin. in *c. duobus de Rescript. n. 9. in 6. Franc. ibid. n. 10. Felin. in c. pastoralis n. 10. de fid. instrum.* Garc. de Benef. Pref. tom. 1. Franc. de Pavinis *Prælat. Extrav. Joann. XXII. vers. Decisiones*, Fagnan. in *c. cum venissent* 12. n. 32. de Judic. Gonzal. *Apparat. n. 57.* Card. de Luca *Relat. Cur. Rom. Disc. 32. n. 66.* Plettenberg *Notit. Congr. & Trib. Cur. Rom. c. 11. n. 17.* Engl *Proem. n. 17.* Vviefstner *n. 117.* Reiffenstuel *n. 140.*

7 Et quidem, quòd Decisiones istæ Jus universale non faciant, ex eo ostenditur, quia nusquam reperitur, Auditoribus Rotæ Rom. fuisse concessam potestatem Jus novum condendi; sed data ipsis duntaxat est potestas secundum Jura jam posita in causis particularibus judicandi, ac sententiam ferendi: prout in simili de Decisionibus Cameræ Imperialis passim sentiunt DD. quòd Assessores data fuerit ab Imperatore potestas secundum Leges judicandi, non autem novas condendi. *Conf.* quia Rota quandoque mutat opinionem suam, idque frequenter, ut notat Decius *Conf. 404.* Nicol. Moron. *Tract. tom. 11. p. 1. tr. de Treug. & Pac. q. 121. n. 193.* Card. de Luca. *Disc. 32. cit. n. 10.* Reiffenst. *n. 141.* hoc autem fieri non posset, si Decisiones ejusdem vim Legis universalis haberent, ergo &c.

Quod verò eadem Decisiones magnæ autoritatis sint, patet ex sensu DD. communi, ex quibus plerique, iique gravissimi eas, tanquam Doctrinam Magistralem plurimum Judiciorum, in idem prævia causæ cognitione tendentium, venerantur: & meritò; quia non nisi summa cum maturitate prodeunt, simulque ab uno ex supremis totius Orbis Christiani Tribunali, & Capellam, seu Aulam Pontificiam representante promanant. Hinc est, quòd has Rotæ resolutiones inferiores Judices, & Magistratus, imò & superiores Sacra Congregationes cum veneratione suscipiant, maximamque fidem tribuant: quorum exemplum secuti aliarum Nationum Professores, atque Scriptores eximii, earum autoritatem frequenter allegant, suasque assertiones ex iis confirmant. Imò, ut Imol. in *c. 1. de lit. contest.* Garc. *l. cit.* Fagnan. in *c. cum venissent cit. n. 32.* Reiffenst. *n. 142.* notant, Rotæ Romanæ Decisiones prævalent opinioni communi, atque, ut ait Quintilian. *Mandof. Tract. tom. 3. tr. de Monitoriis q. 27. n. 6.* Rota loquente, cætera Tribunalia obmutescunt. Schmalzgrueber Tom. I,

Insuper eadem Decisiones, si plures, etque uniformes circa eandem causam emanaverint, consuetudinem, & Stylum in Curia Romana pariunt, ut tradunt Franc. de Pavinis *V. Decisiones cit.* Fagnan. *n. 32. cit.* Plettenberg. *n. 17.* Engl *Proem. n. 17.* Reiffenstuel *n. 145.* arg. *l. si de interpretatione 37. & l. nam Imperator 38. ff. de LL.* quarum posteriore Callistratus, *Nam Imperator*, inquit, *nostræ Severus rescripsit, in ambiguitatibus, quæ ex Legibus proficiscuntur, consuetudinem, aut rerum perpetuò similiter judicatarum auctoritatem vim Legis obtinere debere*: ut proinde alii Judices in similibus causis eidem Rotæ meritò se conforment. Ratio est, quia ad Rotam spectat interpretari verba, & mentem Papæ in Rescriptis, & in hac quasi possessione existit ipsa, sciente, patiente, imò & mandante summo Pontifice, Petten. Ubi tamen adverto cum P. Reiffenst. *l. cit.* per hoc aliis Judicibus non imponi necessitatem, ut secundum Rotæ Decisiones judicent, nisi quatenus meliora Juris fundamenta aliunde non superunt.

## §. XI.

## De Usu Juris Canonici, &amp; Civilis.

## S U M M A R I U M.

- 400 Jus Canonicum, & Civile se invicem juvant.
- 401 Cum de Ecclesia, vel personis, aut rebus Ecclesiasticis agitur, in utroque foro observandum est Jus Canonicum.
- 402 In his Civile locum habet, quando merum favorem continet.
- 403 Idem Jus Canonicum observandum est in Materia Spirituali.
- 404 Et in iis, quæ conscientiam concernunt.
- 405 In materia profana observatur quodlibet in suo foro.
- 406 Dubiam Legem interpretatur Canon.
- 407 Et Canonem dubium Lex.
- 408 In Causis, quæ Processum Judicarium concernunt, Jus Canonicum præfertur etiam quoad forum Civile.
- 409 In criminibus mixti fori Judex Ecclesiasticus irrogat pœnas Decretas Jure Canonico, Sacularis dictatas Jure Civili.

**H**Actenus de Partibus Juris Canonici: quod finem 400 diversum quidem à Jure Civili, non tamen isti omnino contrarium spectat. Hinc est, quòd sicut Leges non dedignantur SS. Canones imitari, ita SS. Statuta Canonum Principum Constitutionibus adjuvantur *c. intelleximus 1. de nov. Oper. nunt.* adeo, ut in casu, quo Leges non contradicunt Canonibus, & Leges, & Canones mixtim allegentur in utroque foro, *Abb. in c. 1. cit. num. 4.* Ancharan. in *c. Canonum Statuta n. 44. de Const.* & constat ex recepta praxi Tribunalium, & Jutorum passim in utroque foro tales probationes admittentium, & assumentium: & meritò; nam fortior videtur ille casus, illaque Decisio, ubi duplex concurret dispositio, & quæ non profunt singula, juncta juvant. Gloss. in *c. cum causam V. adminicula de Probat.* Imò quando in uno Jure alicujus casus non invenitur decisio, ista ab altero Jure peti potest, & debet, prout sumitur ex *c. dilecti 4. & c. fin. de Arbitr. 6. cum secundum Leges 19. de Heret. in 6. c. si Judex 12. vers. sicut de illo de sent. Excomm. in 6.* Quæ tamen doctrina non indiscriminatim vera, sed Regulis sequentibus temperanda est.

*Prima Regula est:* Cum de Ecclesia, aut de personis, 401 vel rebus Ecclesiasticis agitur, in utroque foro Jus Canonicum observandum est. Gloss. in *c. possessor V. sed utrum de R. J. in 6.* Joan. Andr. *ibid.* Abb. in *c. licet nu. 10. de for. compet.* Felin. in *c. in causis n. 1. de testib.* Laym. *l. 1. tr. 4. c. 8. n. 8.* Fagnan. in *c. cum esses n. 98. de Testam.* Vallenf. *Proem. §. 9. n. 3.* Engl *n. 19. vers. sexta* König *n. 8. coroll. 2.* Sannig. *tit. 8. n. 2.* & sumitur arg. *c. Ecclesia 10. de Constit.* cujus textu Leges Civiles, quæ de his aliquid præcipiendo, aut prohibendo disponunt, habentur pro irritis. Ratio est, quia nulla Jurisdictio, vel potestas extendere se ultra limites suos potest. Ecclesia autem, & personæ, ac res Ecclesiasticæ sunt extra limites Jurisdictionis, & potestatis Sæcularis, quippe quæ de his statuere, ac disponere nihil potest *can. si Imperator 11. dist. 96. c. fin. de reb. Eccl. non alien. c. quanquam 4. de Censib.*



in 6. l. privilegia 12. & *Auth. cassu, C. de SS. Eccl.* Atque hoc adeo verum est, ut irrita sint ejusmodi Statuta Legis Civilis, vel Magistratus Sæcularis, etsi in favorem Ecclesiæ, aut personarum ejusdem cederent, nisi ab ipsa Ecclesia sint approbata, & recepta: & ratio est, quia quandam Superioritatem, & potestatem præcipiendi, vel prohibendi adstruunt in eum, qui præcepto, vel prohibitione ejusmodi obligatur. Abb. in c. Ecclesia cit. n. 37. Vivian. in *Ration. ibid.* Laym. n. 1. Vviesl. *Proœm.* n. 156. Kon. ib. n. 8. coroll. 2.

402 *Regula II.* Casu tamen, quo dispositio Juris Civilis esset merè favorabilis, nullumque damnum, aut præjudicium, vel obligationem personis Ecclesiasticis aliquid præcipiendo, vel prohibendo afferret, deficiente, dispositione Canonica, ipsa retineri, & in utroque foro observari debet. Abb. l. cit. Laym. n. 2. Vallens. n. 3. Engl. n. 19. *vers. Dixi tancetsi.* Kon. nu. 8. coroll. 2. Ratio est, quia talis dispositio est merum privilegium, quod etiam non subditis, & quin Jurisdictio in hos exerceatur, concedi potest. *Conf.* quia aliàs, quod in Ecclesiarum, & Ecclesiasticarum personarum favore est introductum, in earum detrimentum retorqueretur, contra *Reg. quod ob gratiam* 61. in 6. Porro tales dispositiones sunt *Auth. quas actiones C. de SS. Eccl.* qua Romanæ 100. annorum, cæteris autem Ecclesiis quadragenariæ Præscriptionis privilegium datur: item *Auth. item nulla C. eod.* ubi Ecclesiæ, & personæ Ecclesiasticæ ab Exactionibus, & oneribus, per Sæculares Magistratus imponendis, liberæ pronuntiantur: & *Auth. ingressi dist. tit.* ubi bona ingrediendum Religionem, si intestati decedant, Monasteriis acquiruntur &c.

403 *Regula III.* Cum de rebus Spiritualibus agitur, v. g. de Matrimonio, cæterisque novæ Legis Sacramentis, de Statu Clericali, vel Religioso, de Dignitatibus, & Beneficiis Ecclesiasticis, de Decimis, Primitiis, Oblationibus, de Juribus Sepulturæ, & Patronatus &c. Juris Canonici dispositio tantum est attendenda. Lauterbach *Proleg.* §. 9. n. 16. Engl. n. 19. *vers. quinta,* Konig n. 8. Reiffenst. n. 220. Ratio est, quia Spiritualia, hisque annexa, & res Ecclesiasticas tractare, ordinare, deque iis autoritative disponere solius Spiritualis, & Ecclesiasticæ, non Sæcularis est potestatis c. *decernimus* 2. de *Judic. ibi, Laici Ecclesiastica negotia tractare non presumant; & c. si Judex* 12. de *Sent. Excomm.* in 6. ibi, *Quia de re Spiritualis, & Ecclesiastica.* Quare licet Jure Civili secundum aliquos invalidum sit Matrimonium, quod filii fam. contrahunt sine consensu parentum, in quorum potestate existunt l. *nuptiæ* 2. & 18. ff. de *rit. nupt.* Jure tamen Canonico, & Concilii Trid. *sess. 24. c. 1. de Reform. Matr.* ita contractum, si non simpliciter licitum, saltem validum pronuntiatur, prout dicitur *infra ad libr. 4. Decret. tit. 2. n. 71. & seqq.* Engl. *Proœm.* n. 19. *vers. quare.*

404 *Regula IV.* si de conscientia, & peccato agatur, & Jus Civile à Canonico divertat, sicut fit in Legibus, quæ permittunt Concubinatum cum una domi uxoris loco retenta, eadem adulteri cum filia, vel uxore in adulterio deprehensi, Usuras merè lucratorias, Præscriptionem cum mala fide, &c. secundum Jus Canonicum, non Civile pronuntiandum est. Fagnan. in c. *cum esses* n. 167. de *Testam.* Gaill. l. 1. obs. 141. n. 5. Lauterb. *Proleg.* §. 9. n. 16. Mull. ad *Struv. Exerc.* 2. th. 39. lit. G. Vallens. *Proœm.* §. 9. n. 4. Engl. n. 19. *vers. quarta,* Konig n. 4. coroll. 1. Reiffenst. n. 217. & 219. & sumitur ex c. *fin. de præscript.* ubi dicitur, *generaliter omni constitutioni, & consuetudini derogandum esse, quæ absque peccato mortali non potest observari.* Ratio est, quia de rebus, quæ peccatum continent, & salutem animæ Spiritualem concernunt, aliquid statuere Ecclesiasticæ potestatis est, & præsertim Summi Pontificis, tanquam supremi animarum Pastoris, cujus Constitutionibus proinde Jus Civile, quatenus recedit à Jure Canonico, correctum, & abrogatum esse censetur.

*Regula V.* In Materia profana, & animarum salutem non concernente, v. g. in Contractibus, Testamentis, successione ab intestato, constitutione, vel restitutione Dotis, Actionibus, & actibus merè Civilibus, si utrumque Jus non conveniat, quodlibet in suo foro est observandum, nempe Jus Civile in Imperio Romano, Canonicum in terris temporali dominio Papæ subjectis *arg. can. cum ad verum* 6. dist. 96. c. *causam* 7. & c. *per venerabilem* 13. *vers. is autem in patrimonio, qui fil. legit.* Gloss. in c. *ut questionibus* 2. V. *Lex Civilis de Arbit.* in 6. Abb. n. 7. Laym. l. 1. tr. 4. c. 8. n. 8. Hartm. *Pistor. conf.* 41. n. 6. vol. 6. Vallens. §. 9. cit. n. 4. Engl. n. 19. *vers. tertia,* Konig n. 8. coroll. 3. Vviesl. n. 106. Reiffenstuel n. 217. & 223. Lauterb. l. cit. n. 15. Muller. ad *Struv. l. cit.* Ratio est, quia Ecclesiastica, & Sæcularis sunt duæ potestates distinctæ, & in materia profana neutra alteri subordinata, In Causis tamen Clericorum, etiam temporalibus, & extra territorium temporale Romani Pontificis, Juri Canonico est insistendum c. *quod Clericis* 9. de *for. compet.* Sed hic rextus juxta singularem interpretationem Barbof. *ibid.* n. 5. non procedit eo casu, quo Clericus actor convenit Laicum coram Judice Laico; nam hoc casu sicut Clericus actor forum Rei Laici, ita etiam ejusdem fori Leges sequi debet, ut proinde verba illa, in c. 9. cit. posita, si Clerici Parisienses commorantes habuerint contra aliquos, vel aliqui contra eos &c. intelligenda sunt in hunc sensum: Si Clerici Parisienses contra aliquos alios Clericos coram Judice tamen Ecclesiastico Actionem instituant, hujusmodi controversiam Jure Canonico decidendam.

*Regula VI.* Quoties in materia profana decisio Juris Civilis dubia, Juris Canonici autem certa est, in utroque foro standum est posteriori; quia per Pontificiam decisionem sublata censetur Legum obscuritas, & sopita varietas Legistarum. Abb. in c. *per venerabilem cit.* nu. 38. Laym. in c. *super litteris* 20. de *Rescript.* in 6. Vallens. n. 4. Engl. n. 19. Konig n. 15. Vviesl. n. 161. Reiffenstuel n. 225. Lauterbach n. 14. & 17. Muller l. cit.

*Regula VII.* Contra si aliquid dubium, & obscurum sit in Jure Canonico, clarè verò decisum in Jure Civili, & materia sit profana, insistendum est decisioni Juris Civilis c. *intelleimus* 1. & c. *seq. de nov. oper. nunt.* ubi hujusmodi Leges, SS. Canonibus non contradicentes, ab Ecclesia videntur approbatæ. Menoch. l. 2. de *arbitr. cas.* 185. n. 12. Fagnan. in c. *cum esses* n. 18. de *Testam.* Palao tr. 3. D. 1. p. 5. n. 4. Vallens. n. 4. cit. Engl. n. 19. *vers. secunda,* Kon. n. 15. Vviesl. n. 162. Reiffenst. n. 225. Lauterb. n. 14. Muller l. cit. Dixi, si *Materia sit profana;* nam si materia Spiritualis sit, tum solum Leges Civiles in ea procedunt, quando canonizatae, h. e. expressè sunt approbatæ, aut usu receptæ, sicut factum est in Cognatione orta ex Adoptione, & Matrimonium dirimente. *Rubr. & c. un. de Cognat. Leg.*

*Regula VIII.* In Causis, quæ Processum Judicium concernunt, Jus Canonicum præfertur etiam quoad forum Civile. Gentil. de *Libr. Jur. Can.* n. 2. Canis. *Summ. Jur. Can. tit. 1.* Kleinschmid de *Princ. Jur.* tr. 4. sect. 11. n. 73. Muller. l. cit. omnes siquidem Juri fatentur, Processum ex Jure Canonico maximè esse petendum, ita tamen, ut in Camera Imperiali Ordinationes Imperii, & cujuscunque Judicii stylus strictè, & præcisè sit observandas. Hunnius *Encyclop. Jur.* p. 1. tit. 1. c. 3. n. 17. & seqq.

*Regula IX.* In criminibus mixti fori Judex Ecclesiasticus irrogat pœnas decretas Jure Canonico, Sæcularis dictatas Jure Civili, ut *Lib. 2. Tit. 1. n. 61. & seqq.* statuatur. Hæc Prolegomenorum loco Juris Ecclesiastici explanatio præmittere libuit, pro meliori eorum, quæ impossibile tractabuntur, intelligentia; plurimum enim in quavis Scientia juvat paruram, partes, & objectum illius nosse. Quare istis expeditis, inoffenso pede licebit ingredi in ipsius Sacri Juris interiora penetralia.





# J U D E X E C C L E S I A T I C U S, S E U

Decretalium Gregorii IX. Pont. Maximi.

## L I B E R I.

*In* quinque partes discriminari Liber hic potest: quarum prima Regulam proponit, quam Judex Ecclesiasticus sequi in judicando debet; altera modum explicat, quo quis ad Judicis Ecclesiastici dignitatem assumitur; tertia Ordinem, quo debet insignis esse; quarta Officium, quod gerendum eidem est; quinta denique per quædam Præliminaria ad Judicia Ecclesiastica eidem viam præmunit.

### P A R S I.

#### *Regula Judicis Ecclesiastici.*



**R**egula, quam Judex, non tantum Ecclesiasticus, sed quivis alius sequi in judicando debet, maxime quadruplex est. Prima *Deus* est; hunc enim in judicando, ne alienis evertatur affectibus, præ oculis habere maxime Judicans debet: & hinc dum sententiam pronuntiant Judices, plerumque in clausulam eidem addunt solum *Deum præ oculis, & animo habentes &c.* Altera *Lex* est; nam ut *can. in istis 3. dist. 4.* dicitur Judex *non de legibus, sed secundum ipsas judicare debet.* Tertia, siquidem sit Judex inferior, *Rescriptum Principis*, quo aut judicandi potestas ipsi conceditur, aut modus in causa procedendi præscribitur. Quarta *Consuetudo*; nam ubi Lex deficit, Legis vices legitime introducta Consuetudo supplet. Quatuor istas regulas quatuor Tituli primi proponunt Judici. Sit ergo

### T I T U L U S I.

#### *De Summa Trinitate, & Fide Catholica.*

**U**o Rubrica præsentis Tituli capita continet: unum de Summa Trinitate, alterum de Fide Catholica, ejusque professione discurret. Utrumque necessarium est Ecclesiastico Judici: primum, ut secundum eum, à quo potestatem accepit, tanquam Regulam in judicando sententiam suam dirigat: nam *per me Principes imperant* (inquit Divina Sapientia Proverb. 8.) & *potentes decernunt Justitiam*; alterum, quia Judex Ecclesiasticus plerumque est in Ecclesiastica aliqua Dignitate constitutus, cujus fundamentum est Fides Catholica. Hinc ut certa sit Ecclesia de Judicium suorum fide, Professionem ejusdem à plerisque illorum exigit, imitata in

*Schmalzgrueber. Tom. I.*

hoc Principes Laicos, qui dum Officium Judicis alicui concedunt, Juramentum fidelitatis ab eo solent exigere.

### §. I.

#### *De Summa Trinitate.*

### S U M M A R I U M.

- 1 *Reliciuntur Errores in Mystério Summæ Trinitatis.*
- 2 *Primus Joachimi Abbatis, asserentis, in tribus Personis Divinis unitatem tantum similitudinariam.*
- 3 *Alter Almarici, distincta tempora assignantis singularum Personarum Regimini.*
- 4 *Tertius, Græcorum, negantium, quod Spiritus S. procedat à Filio.*
- 5 *Quartus eorundem Græcorum, existimantium, quod si Spiritus S. procederet à Filio, processurus esset ab hoc & Patre, tanquam à duobus Principiis.*
- 6 *Quintus Raymundi Lulli, arbitrantis, Mystèrium istud ratione naturali demonstrari posse.*

**F**ons & norma Juris Canonici, juxta quod procedere Judex Ecclesiasticus debet, est Fides Catholica: hæc autem tanquam objectum suum primarium SS. Trinitatem respicit, quod ineffabile Mystèrium ut contrarii oppositione magis claresceret, exposita breviter ejus substantia, Pontifex ad rejiciendos errores, in eo Mystèrio ortos, procedit. Hi verò sunt maxime quinque, qui Titulo præsentis damnantur.

Primus est *Joachimi Abbatis*, viri de cætero Sancti, quem tamen propria ratio, non satis examinata ad trutinam fidei, eò adduxit, ut crederet, in tribus Divinis Personis non esse unam, eandemque indivisibilem Naturam, sed easdem moraliter solum unam, & unitate quadam collectivam, ac similitudinariam tantum conjunctas esse. In hunc errorem triplex ratio innocentem induxit. 1. Quia si revera daretur una res, seu Essentia, communis tribus Personis, non jam *Trinitas* statueretur in Deo, sed



magis *Quaternitas*, videlicet tres Personæ, & Natura illa communis, tanquam quarta quædam Essentia. 2. Quia unum, & plura, divisum, & indivisum sibi opponuntur. Igitur imperceptibile est quomodo tres distinctæ Personæ sint una indivisa Essentia, seu Natura. 3. Quia Christus pro Fidelibus rogans Patrem, petit, ut sint unum, sicut & nos (Pater nempe, & Filius) unum sumus. *Joan. 17. v. 22.* atqui Fideles sunt una Ecclesia, non verè, & reali, sed impropria solum, & morali unitate, communionis nempe, & Fidei. igitur nec Personæ Divinæ unum sunt verè & propriè, sed impropriè tantum per unionem Caritatis.

Porro Error iste damnatus est ab Innoc. III. in Concil. Lateranen. IV. prout refertur *c. damnamus 2. h. tit.* ubi decusum est, tanquam Fidei nostræ articulus, quod in DEO sit una quædam, & simplicissima Essentia, omnibus tribus Personis communis, & cuilibet identificata: ut proinde de veritate ista dubitare non amplius liceat.

Ad Argumenta Joachimi facilis est responsio. *Ad 1.* patet ex dictis; cum enim communis ista natura identificetur omnibus tribus Personis, consentaneum est, in Deo non *Quaternitatem* inveniri, sed *Trinitatem* duntaxat. *Ad 2.* Essentia Divina quidem in se est una, & simplicissima, virtualiter tamen est plura, quatenus identificatur cum tribus Personis realiter inter se distinctis; ex quo sequitur, totam oppositionem, quæ in Divinis existit, solum dari inter Personas, non verò inter has, & Naturam. *Ad 3.* conjunctio sicut in textu cit. prout PP. Concil. Lateran. *c. c. c.* explicant, non similitudinem, & unitatem perfectam, sed aliqualem tantum propottionem denotat, ut sensu sit: *Volo, ut fideles per unionem Caritatis unum sint in gratia, sicut nos unum sumus per unionem identitatis in Natura.*

3 Secundus error in eodem Concilio Lateranensi damnatus, prout habetur *c. damnamus cit. prope finem.* fuit *Almarici*, natione Galli, patria Carnotensis, qui cum assecis suis præter alias complures Hæreses de tribus Personis Divinis ita insaniebat, ut diceret æterni Patris potestatem non fuisse porrectam ultra Legem Mosaicam; Testamentum novum à Filio promulgatum cum Sacramentis omnibus jam suo avo accepisse finem, & incepisse tempus Spiritus S. cujus gratiam & caritatem sic attollebat, ut affirmaret, ejus beneficio homines sine actu exteriori salvari, neque amplius reos peccati fieri, etsi adulteria, fornicationes, & flagitia quævis committant.

Serpebant errores isti longo tempore per populum, quia clanculum spargebantur; se eos tandem, ut *Odoric. Rainald. ad annum Christi 1209. n. 28.* refert, in lucem protulerunt Guarinus quidam, qui cum se asseciam hujus doctrinæ fingeret, errores ejusdem didicit, eosque prodidit: quo factum, ut complures Almarici sectatores addicerentur rogo, Magistri verò eorum, quia jam antè ex impatientia, quam ex probo damnationis, ob alios errores à Sede Romana in se fulminatæ, concepit, contabuerat, ossa exhumata, igni concremata, & cineres in ventum sparsi sunt.

4 Tertius error est Græcorum, negantium Tertiam SS. Trinitatis Personam, nempe Spiritum S. procedere à Filio. Erroris istius occasionem sumpserunt ex verbis Christi *Joan. 15. v. 26.* ubi promittit Apostolis, quod velit eisdem mittere Spiritum S. qui à Patre procedit, nulla mentione facta, quod etiam procedat à Filio, quam utique fecisset, si ab ipso procederet.

Errorum istum damnavit Gregorius IX. vel potius X. in Concilio Lugdunensi, prout refertur *c. un. h. tit. in 6.* imò jam antea Ephesinum celebratum anno Christi 431. & relatum *can. de Spiritu 39. dist. 5. de consecr.* ubi definitum est, Spiritum S. procedere non solum à Patre, sed etiam à Filio: & colligitur hoc etiam ex illo *Joan. 16. v. 15.* ubi Christus, *Omnia*, inquit, *quæcunque habet Pater, mea sunt*, si scilicet Filiationi non repugnent; non repugnat autem Spiratio activa Filio. ergo &c.

*Ad Argumentum Græcorum* dico, Christum in textu cit. sufficienter innuere, quod Spiritus S. etiam ab ipso procedat; appellat enim eundem ibi *Spiritum Veritatis*, i. e. Filii; nam *ego sum Via, Veritas, & Vita*, inquit ipse Christus. *Joan. 14. v. 6.*

5 Quartus de Summa Trinitate error est eorundem Græcorum, docentium, quod si Spiritus S. procederet simul à Patre, & Filio, consentaneum sit, eundem Spiritum S.

ab iisdem procedere, tanquam à duobus Principiis, & per duas Spirationes.

Verum hæc quoque ipsorum illatio ab eodem Concil. Lugdun. prout *c. un. cit.* refertur, damnata est, & definitum, quod *Spiritus S. æternaliter ex Patre & Filio, non tanquam ex duobus Principiis, sed tanquam ex uno Principio; non duabus Spirationibus, sed unica Spirazione procedat*: cujus definitionis ratio est, quia Pater cum Filio communia habet omnia, in quibus ipsi sibi invicem non opponuntur: non opponuntur autem sibi quoad potestatem Spirativam; quia ut Concil. Florent. PP. *sess. 22.* inquit, *Spiritus S. per se neque ad Patrem, neque ad Filium refertur, quatenus Pater & Filius sunt; Spiritum enim ut Spiritum ad Spirantem referri oportet &c.* igitur necesse est, ut eadem sit Spiratio activa Patris & Filii, & conf. non duo Spiratores, aut duæ spirationes.

Quintò vanitatis arguitur Error *Raymundi. Lulli*, qui 6 inter cætera erronea dogmata jactanter asseruisse perhibetur, SS. Trinitatis Mysterium à se Demonstrationibus ita evidentibus probari, ut etiam Paganus & Mahumetanus, si eas attendere, & penetrare vellet, iisdem convinceretur: hinc existimabat, Fidem rudibus duntaxat, & imperitis necessariam esse, non verò habentibus intellectum elevatum, quippe qui facilius trahantur ratione, quam fide.

Et verò naturali ratione cognosci posse Mysterium, istud, videtur erui ex duplici capite. 1. Quia illud litteris, & libris suis insertum posteritati reliquerunt etiam Gentiles Philosophi; hi autem in cognitionem ejusdem venire non potuerunt, nisi ex rationibus naturalibus. 2. Quia ipsi TT. multum laborant in investiganda ratione naturali pro hoc Mysterio; horum autem conatus frustraneus, atque inutilis foret, si per rationem naturalem Mysterium istud cognosci non posset, ergo &c.

Sed omnino statuendum, & firmiter tenendum est, Summæ Trinitatis Mysterium nulla ratione humana evidenter, & efficaciter probari posse: imò probabilius est, nulla omnino revelatione præcedente, id nec per conjecturam, aut suspicionem ullam in mentem venturum fuisse homini. Ita communis TT. cum *Suar. Vasq. Tanner. &c.* Colligitur ex *c. firmiter 1. & c. fin. h. tit.* ubi Innocentius III. cum PP. Concilii Lateran. IV. *Deum unum, & trinum incomprehensibilem, & ineffabilem* nuncupat, eo ferè sensu, quo Dionysius *L. de Divin. nom. cap. 16.* docuit, illud summæ, omniaque superantis Divinitatis, Dei unius simul & trini arcanum rationem omnem, mentemque vincere. *Neque obstat*, quod 1. obicitur, de Gentilibus Philosophis; nam isti notitiam illam sibi compararant, non Luminis naturalis ductu, sed ex Lectione Librorum Moysis, Oraculis Sybillarum, & Apollinis Delphici, aliorumque Idolorum responsis. *Ad 2.* Theologorum labor in eo situs est, non ut ratione naturali Mysterium hoc demonstrent, sed ut ostendant, veritatem ejusdem rationi illi non repugnare.

Hæc Canonistæ de Mysterio Trinitatis prælibasse sufficiat: qui plura desiderat, Theologos consulat, quorum officium est Fidei Articulos explicare, & contra Hæreticos propagare.

## §. I I.

### De Fide Catholica, & ejus Professione.

#### S U M M A R I U M.

- 7 Recensentur Persona obligata ad faciendam Professionem fidei.
- 8 Edi illa etiam per procuratorem potest.
- 9 Omitentes eam culpabiliter fructus Beneficii, vel Canonici non faciunt suos.
- 10 Hos probabilius tenentur restituere ante Sententiam.
- 11 Distributionibus quotidianis tamen non privantur.

**F**ides Divina, seu Catholica tripliciter potest accipi: 1. pro actibus illis intellectus, quibus assentimur firmissimè Veritatibus & dogmatis per Ecclesiam nobis à Deo propositis. 2. pro *Habitu supernaturali*, ex quo ejusmodi actus eliciuntur. 3. Pro *summa*, & *collectione articulorum Fidei*, seu veritatum, quæ nobis à Deo per Eccle-



Ecclesiam proponuntur credenda. Hoc tertio modo sumitur in præsentis titulo; nam in hoc præter Summæ Trinitatis Mysterium, de quo hætenus, etiam cæteri, sed præcipue tantum Fidei nostræ Articuli proponuntur. Ut autem Fidei huic Pastores animarum firmius adhererent, S. Synodus Trid. *sess. 24. c. 21. §. provisi de reform.* præceptum addidit, ut qui ad Pastoralis curæ, vel alterius Dignitatis Ecclesiasticæ munus evecti essent, Fidei istius Professionem publicè eederent, & cum Juramento promitterent, se in Ecclesiæ Romanæ obedientia perman-  
suros.

7 Quæritur 1. quinam obligentur ad sic edendam Professionem Fidei? Resp. 1. obligantur provisi de quibuscunque Beneficiis curam animarum actualem annexam habentibus. §. *provisi cit.* ubi iisdem præcipitur, ut eam faciant *ad minus intra duos menses à die adeptæ possessionis in manibus ipsius Episcopi, vel eo impedito, coram Generali ejus Vicario, seu Officiali.* 2. Provisi de Canonicatu, vel Dignitate in Ecclesia Cathedrali, tam Regulari, quàm sæculari. Trid. *l. cit.* §. *provisi autem*, ubi decernitur, ut ejusmodi Professionem edant similiter intra duos menses à die pacificæ possessionis, sive admissionis ad participationem massæ Capitularis, *coram Episcopo, vel Vicario Generali ejusdem, & Capitulo*: proceditque hoc, etsi aliàs ab Episcopo exempti sint. 3. Promovendi in Patriarchas, Primate, Archiepiscopos, & Episcopos. Trid. *sess. 25. c. 2. §. idemque de reform.* ubi jubentur Professionem hanc edere in prima Synodo Provinciali, in qua ipsi interfuerint; & si quis eorum istud renuerit, cæteris Episcopis Comprovincialibus injungitur, ut statim summum Pont. de eo admoneant, interim verò ab ejusdem renuentis communione absteineant: quod præceptum renovatum est à Gregorio XIV. *Constit. incipit Onus Apostolica edita 13. Mart. 1591. 4.* Prælati Monasteriorum, Conventuum, Domorum, aliorumque locorum regularium quorumcunque, etiam Ordinum militarium; nam ad hoc dispositionem Trid. *cit.* extendit Pius IV. *Constit. incip. Injunctum nobis. edita Idib. Nov. 1564.* apud Tamb. *de Jur. Abb. tom. 1. D. 8. q. 3. num. 2.* ubi num. 3. cum aliis addit Constitutionis istius usum non in omnibus Religionibus introductum esse; consequenter singularum consuetudo observanda erit, quippe quæ leges constitutas abrogat, & novas vi sua constituit. 5. Doctores, Magistri, Regentes, & alii cujuscunque artis liberalis Professores, sive Clerici illi sint, sive Laici per *Constit. Pii V. incipit In sacrosancta* relata à Rodriq. *tom. 2. Regul. q. 72. a. 2.*

8 Quæritur 2. an Fidei Professio à personis ad eam obligatis edi valeat per Procuratorem? Negat Gonz. *ad Reg. 8. Cancell. proæm. §. 7. num. 169.* Stephan. Gratian. *Discept. for. c. 166. num. 22.* & nonnulli alii. Et suaderi istud videtur 1. quia ut sententia istius AA. refertur, ita declaratum est bis à S. Congr. Card. & toties decusum in Rota. 2. Quia in formula Juramenti, quæ refertur *c. Ego N. 4. de Jurejur.* adduntur verba: *sic me DEUS adjuvet, & hac sancta DEI Evangelia*; quæ verba minus bene pronuntiantur à Procuratore, cum non ipse proprio, sed nomine Principalis juret. 3. Quia sæpè ex speciali indulto Sedis Apostolicæ designatur certus Episcopus, qui Professionem fidei à noviter ad Episcopatum suscepto recipiat, ne is cum magno labore itineris, & expensis cogatur Romam tendere. atqui hac commissione opus non foret, si Professio fidei edi per Procuratorem posset; quia laborem & expensas jam evitaret, si constitueret Procuratorem jam existentem Romæ.

Verum his non obstantibus, dicendum, Professionem fidei, de qua hic sermo est, præstari per Procuratorem posse. Ita Vivian. *de Jur. Patron. L. 13. c. 3. num. 27. Az. p. 2. L. 3. c. 2. q. 6.* Tamb. *de Jur. Abb. D. 8. q. 3. num. 11.* Barb. *de Offic. & potest. Episc. alleg. 61. num. 20.* Sperell. *decis. 106. num. 7.* Vviesl. *hic num. 54.* & plurimi alii ab his *citt.* quibus concordat passim recepta praxis. Ratio est, quia quod quis potest facere per seipsum, etiam facere potest per alium juxta *Reg. 68. in 6.* nisi Canone, aut Lege prohibeatur, atqui Professio fidei nullo Jure prohibetur edi per alium, imò per *can. optatum 4. dist. 100.* satis clarè ita edi permittitur. ergo. *Conf.* quia Professio hæc fidei, ut notat P. Vviesl. *hic n. 54.* nihil est aliud, quàm Juramentum solenne, quo assumptus ad Dignitatem, aut Canonicatum jurat Romanæ Ecclesiæ obedientiam, & fidelitatem. atqui Juramentum ejusmodi edi per  
*Schmalzgrueber Tom. I*

Procuratorem potest ex indubitata apud omnes doctrina. ergo &c.

Argumenta negativæ sententiæ non convincunt. *Ad 1.* Declarationes ab Adversariis allegatæ Sperell. *l. cit. prope fin.* dicit esse apocryphas: Decisionibus Rotæ ex Masobrio opponit tres alias, stantes pro affirmativa. *Ad 2.* non apparet, cur non, ut cætera, ita etiam hæc finalia verba Principalis sui nomine proferre Procurator valeat. *Ad 3.* id probat, quòd cautius agat, qui ejusmodi Indultum impetrat; non verò, quòd necessarium sit. Excipio casum, quo per statuta specialia Ecclesiæ vel Monasterii &c. Professio fidei personalis exigitur.

Quæritur 3. quæ sit pœna omissæ Professionis fidei, 9 cum emitte debuisset? Resp. juxta Trid. *sess. 24. c. 12. de reform.* si provisi de Beneficio Curato, vel Canonicatu, aut dignitate in Cathedrali Ecclesia intra duorum mensium terminum Professionem fidei culpabiliter omittant, in pœnam privantur fructibus, qui ejusmodi Beneficiis post elapsum bimestre proveniunt, adeò ut eos, Professione etiam postea facta, non recuperent, nec possessio iisdem quoad fructuum istorum perceptionem suffragetur. Ita Trid. *l. cit.*

Dixi 1. *provisi de Beneficio Curato, vel Canonicatu, aut Dignitate in Cathedrali Ecclesia*; nam provisi solum de Capellaniis, & portionibus in Cathedrali, vel de Canonicatu, & Dignitate in Collegiata Ecclesia, aut de aliis Beneficiis simplicibus, ad professionem illam Trid. Decreto non adstringuntur, & cons. nec illius omissæ pœnas incurrunt, ut cum aliis notat Barbos. *de Offic. & potest. Episc. alleg. 61. à num. 13.*

Dixi 2. *si culpabiliter omittant*; nam ignorantia, aut oblitio inculpabilis sicut excusat ab observatione præcepti, ita etiam à pœna transgressionis ejusdem: debet tamen ignorantia ista, vel oblitio probari sufficienter ab allegante; cum enim sit ignorantia Juris clari, supponitur in foro externo abesse ab iis, in quibus illa non toleratur.

Dixi 3. *fructibus, qui post elapsum bimestre proveniunt*; nam fructibus, primo bimestri perceptis, Tridentinum *l. c.* non privat, quippe quorum acquisitionem conditioni Professionis emittendæ non alligavit.

Quæritur 4. an qui omisit Professionem Fidei intra tem- 10 pus à Trid. statutum, fructus, post illud perceptos ex Beneficio, teneatur restituere ante sententiam? Negat Sanch. *L. 2. moral. c. 5. num. 10.* Barb. *de offic. & potest. Episc. alleg. 61. num. 28.* & ab his complures alii *citt.* ex ratione, quia Lex hæc Tridentini est pœnalis; Lex autem pœnalis non obligat ante sententiam, etiam si pœnam ipso Jure irroget *arg. c. cum secundum 19. de Hæretic. in 6.* Accedit, quia ipsum Trid. quando vult obligare ad restitutionem ante sententiam, id clarè exprimit, adjecta clausula *alia etiam declaratione non secuta*, prout de Clerico non residente fecit *sess. 23. c. 1. v. si quis autem de reform.* igitur cum in nostro casu dictam clausulam non adjecerit, dicendum, quòd ad restitutionem fructuum amissorum ante sententiam in foro conscientie noluerit obligare.

Verum his non obstantibus, tenenda est affirmativa sententia, quam etiam defendunt Azor. *p. 2. L. 7. c. 2. q. 1. in fin.* Ledesin. *p. 2. summ. tr. 1. c. 4. concl. 10. diff. 1.* Garc. *p. 3. de benefic. c. 3. num. 35.* König. *hic num. 10.* & colligitur ex Trid. *c. 12. cit.* ubi statuit, ut omittentes culpabiliter Professionem *fructus non faciant suos*; & cons. eorum acquisitionem impedit. Igitur dum illos percipiunt, rem alienam detinent; res autem aliena ante omnem sententiam restitui debet. ergo &c.

*Ad argumentum adversæ sententiæ* Lex illa Trid. non est pœnalis, vel saltem, ut DD. *citt.* notant, non purè pœnalis, sed conventionalis, dum acquirere volentibus Beneficiorum fructus pro conditione statuit, ut Professionem Fidei intra tempus constitutum faciant, vel eam saltem culpabiliter non omittant. *Ad Conf.* clausula illa in nostro casu subintelligitur ex natura rei; nam ad obligandum aliquem ad restitutionem ante sententiam, sufficit, quòd is sit detentor rei alienæ.

Quæritur 5. an Professionis omissionem amittantur, 11 restitutioni obnoxia sint etiam Distributiones quotidianæ? *Ratiq. dubitandi est*, quia etiam hæc fructus Præbendarum sunt, cum non nisi de præbenda provisis obveniant.

Sed probabilius respondetur negativè. Ita Gonzal. *in reg. 8. Cancell. proæm. §. 7. n. 154. & 170.* Garc. *p. 3. de*  
*D 4 Benef.*



*Benef. c. 3. num. 60. Barb. alleg. 61. cit. num. 30. &c. & hoc teste decisum à Rota. Excipitur casus, quo Beneficium, vel Canonicatus præter Distributiones fructus alios nullos præberet; tunc enim, ne Tridentini Decretum omnino eludatur, etiam de distributionibus debet intelligi, ut rectè cum cæteris advertit Barb. l. cit.*

*Ad rationem dubitandi Distributiones in materia odiosa, qualis est præfens, non veniunt fructuum nomine, cum exhibeantur Canonicis non tituli, sed præfentia, & ministerii personalis intuitu.*

## TITULUS II.

### De Constitutionibus.

**C**onstitutio à *Constituendo*, i. e. *simul statuendo* dicitur; vel quia Princeps, non solus, sed simul cum suis Consiliariis condere Constitutiones solet, ut colligitur l. *humanum* 8. C. de *Legib.* vel quia Constitutio debet esse communis, & pro pluribus *can. erit. 2. dist. 4.* Hujus Synonyma vulgò censentur esse *Lex*, *Jus*, *Statutum*. Verùm si Voces istæ sumantur strictè, diversum quid sonant; nam *Constitutionum* nomine propriè Decreta veniunt, quæ à Summo Pont. *Legum & Jurum*, quæ à Principe Supremo sæculari; *Statutorum* autem, quæ à Principibus, & Magistratibus inferioribus sanciantur, ut bene advertit Pal. tr. 3. D. 1. p. 1. num. 1. Hoc titulo *Constitutionis*, & *Legis* nomen accipitur, prout etiam *Statuta* complectitur.

### §. I.

#### De Natura, Varietate, Actibus, & Causa Finali Legis.

### SUMMARIUM.

- 2 *Lex est Ordinatio rationis ad bonum commune ab eo, qui curam communitatis habet, promulgata.*
- 3 *Alia est Lex Divina, alia Naturalis, alia Humana: & hæc vel Ecclesiastica, vel Civilis.*
- 4 *Alia Præceptiva, alia Pœnalis, vel mixta.*
- 5 *Alia affirmativa, alia negativa, Irritans, vel tantum prohibens; Favorabilis, & odiosa.*
- 6 *Actus Legis sunt quatuor, imperare, vetare, permittere, punire.*
- 7 *Causa finalis in omni Lege propriè dicta est bonum commune.*

**Q**uæritur 1. Quid sit Lex? Resp. Lex est ordinatio rationis ad bonum commune ab eo qui curam Communitatis habet, promulgata. Ita S. Thom. 1. 2. q. 90. a. 4. quem recipiunt in hoc omnes DD. Sensus est, quod Lex sit rationalis dispositio, & imperium, legitime promulgatum, quo superior sibi subiectam communitatem obligat ad aliquid faciendum, vel omittendum, in bonum ipsius communitatis.

*Ex quo sequitur*, quod ad Constitutionem Legis quædam quidem requirantur ex parte Conditoris; alia ex parte materiæ, circa quam Lex conditur; alia verò ex parte ipsius Legis conditæ. *Ex parte Conditoris* requiritur 1. potestas præcipiendi, non dominativa tantum, qualem habent parentes in filios, domini in servos, sed politica, & Jurisdictionis. 2. Judicium intellectus, quo judicet, id, quod præcipit, aut prohibet, congruere Reip. & expedire, ut ab omnibus observetur. 3. Voluntas obligandi subditos sufficienter manifestata. *Ex parte materiæ* autem, ut sit de re honesta, iusta, & secundum naturam possibili. *Ex parte ipsius Legis* denique, ut sit conveniens loco, tempori, & patriæ consuetudini; item ut sit necessaria, utilis, & manifesta. Quæ omnia innuuntur *Can. erit. 2. dist. 4.* & per decursum istius Tituli pluribus exponuntur.

**Q**uæritur 2. quotuplex sit Lex? Resp. Lex genericè accepta variè dividitur; nam 1. dividitur in Legem Divinam, Naturalem, & Humanam. *Divina* est Deus ipse, quatenus indicat, quid sit faciendum, vel omittendum, & voluntatem habet obligandi ad sui observationem. Hæc prima regula est cæterarum Legum, ad quam tanquam finem ultimum ordinari debent. *Naturalis* propriè sumpta est, dictamen rationis à natura in-

ditum, quo natura rationalis discernit honestum à turpi. *Humana*, quæ ab hominibus proximè & immediate ponitur. Et hæc alia est *Ecclesiastica*, quæ descendit à potestate Ecclesiastica, & *Canon* indigitatur in *Summ. dist. 3.* alia *Civilis*, quæ ponitur à potestate sæculari, & *Jus forense*, seu *Civile* dicitur juxta *Summ. cit.*

2 Dividitur in Legem præceptivam, & pœnalem. 4 *Præceptiva* est, quæ aliquid absolute, & simpliciter præcipitur, aut prohibetur. *Pœnalis*, quæ transgressori pœna, aut multa injungitur: estque duplex; nam alia est purè pœnalis, alia mixta. Illa solum statuit pœnam, non verò sub culpa obligat ad actum immediate præceptum, prout plures sunt regulæ Religioforum Ordinum: ista duo continet membra, quorum primo aliquid jubetur, vel prohibetur, altero transgressoribus pœna imponitur, ut si Legislator caveat: *Nemo subditorum arma vendat Imperii hostibus; qui contrafecerit, ejus bona confiscabuntur.*

3 Dividitur Lex in Legem affirmativam, & negativam. *Affirmativa* est, quæ imperat aliquid positivum & reale, esto, verbis negativis imperet, ut est Lex de audiendo sacro diebus festis, de Communionem recipienda in Paschate &c. *Negativa*, quæ negationem imperat, & actum positivum prohibet; qualis est Lex de non furando, de non occidendo, de non fornicando &c.

4 In Legem, quæ irritat actum adversus eandem factum, sicut est Lex Tridentini de matrimonio clandestino; & in Legem, quæ solum eundem prohibet fieri, ut sunt pleræque cætera.

5 In Odiosam, & Favorabilem. *Odiosa* est, quæ principaliter saltem in alicujus odium tendit, quamvis secundariò cedat in favorem alterius; *Favorabilis*, quæ principaliter facta est in favorem alicujus, licet secundariò redundet in alterius odium.

Quæritur 3. quot, & quanam sint actus Legis? Resp. 6 quatuor assignantur L. *legis virtus* 7. ff. de *Legib.* Ubi Modestinus, *Legis virtus*, inquit, hæc est, imperare, vetare, permittere, punire.

Sed hæc assertio difficultatem patitur. 1. Quia imperare, vetare non videntur distingui. 2. Lex inducit obligationem; hanc non inducit permissio. 3. Punio fit propter Legem violatam. igitur hanc totam jam supponit, & conf. actus Legis non est; aliàs etiam collatio præmii actibus Legis adnumerabitur, & sic plures erunt actus Legis, quam quatuor.

Verùm adhuc retinenda est communis sententia, cum auctoritatem pro se Legis habeat. Ad 1. sufficiens est distinctio; nam imperare accommodatur præcepto affirmativo, vetare negativo. Ad 2. permissio ad Legem pertinet, non per se, sed consecutivè; non enim Lex est respectu illius, cui permissio facta est, sed respectu aliorum, quibus per eam injungitur, ne eum, cui quid permissum est, ab hoc faciendo impediunt. Ad 3. etsi Lex pœnam injungens aliquando obligationem Legis cujusdam præcedentis supponat, ipsa tamen, dum pœnam transgressionis statuit, distinctam, novamque obligationem inducit; quia Judices quidem obligat ad pœnæ ejus executionem; subditos autem, ut illam sustineant. Ad id, quod additur de præmio, nego paritatem; nam præmiatio procedere potest etiam ab æquali, vel inferiore, punio solum à Judice.

Quæritur 4. quæ sit causa finalis Legis? Resp. Causa 7 finalis, seu finis Legis est bonum commune Reip. Patet ex *Can. erit. 2. dist. 4.* ubi inter conditiones ad Legem requisitas ponitur, ut nullo privato commodo, sed pro communis civium utilitate conscripta sit. Concordat L. 1. ff. de *Legib.* ubi Papinianus, *Lex*, inquit, est commune præceptum. Et hinc Lex injusta, inutilis, non conveniens bono publico Lex non est, nec obligationem potest inducere. Hæc certa.

*Dubium est*, utrum Lex omnis necessario respicere debeat bonum commune? *Ratio dubitandi est*. 1. quia plures sunt Leges, quæ respiciunt bonum speciale, quales sunt Leges inductæ in favorem pupillorum, minorum, militum &c. 2. Privilegium lex privata dicitur. Sed hoc in bonum privilegiati duntaxat, non verò communitatis cedit. ergo &c. 3. Lex tributotum, & vectigalium tantum respicit utilitatem Principis, non verò communitatis; imò potius est in istius dampnum. 4. Lex præscriptionis, etsi quibusdam sit utilis, pluribus tamen damnosa est. 5. Denique est §. *fin. Inst. de I. & I.* prodita, & à DD. appro-



bata partitio Juris in publicum, & privatum, certè non alia de causa, quàm quòd aliquæ quidem Leges publicum alia privatum duntaxat bonum respiciant.

Verùm hæc argumenta vim tantam non habent, ut à Doctrina communi dimovere nos debeant, cum qua dicendum, quòd Lex omnis commune bonum respicere necessariò debeat: id enim elicitur ex *citt.* textibus qui generales sunt. *Ad. 1.* etiam illæ Leges bonum commune respiciunt: quia non attendunt bonum cujuslibet personæ singularis, quatenus talis est, sed quatenus inducit rationem communem pupili, minoris &c. Accedit, quia bonum istarum personarum cedit in bonum totius Reip. cui maximè competit prædictis personis favere. *Ad. 2.* Privilegium respectu ejus, cui concessum est, facultas duntaxat est, respectu cæterorum verò Lex, ut non impediatur privilegium abusu Privilegii, & eatenus cedit in bonum commune; bonum enim publicum est privilegiatos non turbari in usu Privilegiorum suorum. *Ad. 3.* Leges Vestigialium, si iusta sint vestigalia, utiles sunt Reip. quia tribuuntur ad ejus defensionem. *Ad. 4.* per Legem præscriptionis caventur lites, constituitur pax &c. igitur et si quibusdam damnosa sit, communitati tamen est utilis. *Ad. 5.* divisionis illius ratio est, quia aliarum Legum materia proxima, circa quam primò & per se versantur, bonum privatum; aliarum bonum publicum respicit: quo tamen non obstante, utraq; verè & propriè Leges sunt; quia ratio, propter quam illa circa privatum, ista circa publicum bonum versantur, semper est Reip. totius bonum.

## §. I I.

## De Causa Efficiente Legis.

## S U M M A R I U M.

- 8 Est in hominibus potestas ferendi Leges.
- 9 Potestas ferendi Leges Canonicas principaliter inest Pontifici.
- 10 Post Pontificem potestas ista competit etiam aliis Prælati Jurisdictionem Ecclesiasticam obtinentibus.
- 11 Quæ in hoc sit potestas Concilii?
- 12 Quæ Congregationis Cardinalium?
- 13 Quæ Capituli Cathedralis, Sede vacante, vel non vacante?
- 14 Quæ aliarum Communitatum Ecclesiasticarum?
- 15 Quis condere Leges Civiles possit?
- 16 Pontifex non potest condere Leges Civiles, quibus obligentur, qui domino ipsius temporali non sunt subiecti.
- 17 Nec Imperatori obligare Legibus suis datum est alios, quam qui sunt in Provinciis subiectis Imperio.
- 18 Prælati inferiores Pontifice condere non possunt Leges adversus Jus commune Ecclesiasticum; possunt Magistratus, & Principes Imperii adversus Jus Civile.

8 **C**ertum est 1. esse in hominibus potestatem ferendi Leges; quia sine illa Communitas hominum gubernari non posset; nam ut dixit Sapiens Prov. 11, ubi non est gubernator, corrumpit populus: sed gubernator officium suum exercere non potest, nisi mediis Legibus. ergo vel ab alio debet illas recipere, vel ipse, si supremus sit, debet easdem condere. 2. Pariter certum est, hanc potestatem ferendi Leges nemini competere à natura: quia natura omnes homines liberos fecit; nemini enim potestatem, & Jurisdictionem Politicam in alium concessit, restat igitur, ut solum ipsa communitas hominum à natura habeat hanc potestatem. 3. Similiter exprolatum est, ob confusionem, quæ necessariò fuisset orta, si omnes de communitate, præsertim ampla, ad regimen sui concurrerent, potestatem istam non potuisse exerceri, nisi à quibusdam, vel uno etiam, in quem potestas gubernativa à populo fuit translata. Dubium duntaxat est, in quibus resideat potestas gubernandi populum Legibus à se sancitis, Et cum Leges, ut dictum est *Num. 3.* sint duplicis generis, Ecclesiasticæ, & Civiles, hinc

9 **Q**ueritur 1. in quo sit potestas condendi Leges Ecclesiasticas, seu Canonicas? Indubitatum est, hanc potestatem esse penes Summum Pont. Petri Successorem; quia illi

commissa est potestas gubernativa totius Ecclesiæ, quæ, ut *Num. præc.* dictum est, sine Legislativa esse non potest. Habet autem Pontifex hanc potestatem immediatè à Christo; non enim pro solo Petro dictum est: *Super hanc Petram ædificabo Ecclesiam meam*, sed pro omnibus ejus Successoribus; omnibus enim Jus clavium datum est, omnibus dictum est: *Quodcumque ligaveris super terram, erit ligatum & in cælis, & quodcumque solveris, erit solutum.* Neque in hac sua potestate Pontifex vel à Concilio, vel à consensu Cardinalium pendet: non à Synodo, vel Concilio, prout clarè decisum videtur *Can. cuncta 17. caus. 9. q. 3.* & probat ratio; nam Pontifex est supra Concilium, & hoc totam suam auctoritatem ab ipso habet: non à consensu Cardinalium; quia Pontifex eandem nunc potestatem habet, quam habuit Petrus. sed Petrus independentè ab aliis Apostolis poterat Leges ferre. ergo à fortiori Pontifex Leges ferre independentè à Cardinalium consensu poterit. Quare si aliquando consilium Cardinalium postulat ad ferendas Leges, id non ex necessitate, sed æquitate fit, eo quòd conveniens sit, ut omnes intelligent summa maturitate, & prudentia Ecclesiam gubernari.

Dub. 1. An, & quam potestatem condendi Leges, 10 vel Statuta habeant Prælati inferiores Pontifice? Resp. potestatem hanc pluribus communem esse; nam 1. Leges ferre pro sua Diocesi possunt Episcopi. *c. si quis 2. de major. & obed. &c. fin. h. tit. in 6.* 2. Prælati alii Episcopis superiores, ut sunt Patriarchæ, Primates, Archiepiscopi, respectu propriarum quisque Diocesium arg. *cc. citt.* Leges enim, quæ totam Provinciam, cui præsumt, obligent, ipsi ferre non possunt, nisi in Concilio Provinciali, & de consensu Episcoporum Comprovincialium, ut habetur expressè *can. nullus Primas 7. caus. 9. q. 3.* & *c. sicut olim 25. de accusat.* 3. Cardinales; sed tantum respectu Ecclesiæ sui Tituli, ut colligitur ex *c. his qua 11. de major. & obed.* & ratio est, quia solum ibi Jurisdictionem habent. 4. Legatus Sedis Apostolicæ; nam hic Leges ferre potest obligantes totam Provinciam, durantque illæ, non solum tempore Legationis, sed etiam illo finito, donec à Pont. vel alio Legato revocentur, ut constat ex *c. fin. de Offic. Legati.*

Dub. 2. An potestas Legislativa competat etiam Con- 11 ciliis? Resp. distinguendo inter Concilium Generale, & Particulare. Concilium Generale, si accedat auctoritas Summi Pontificis, Leges condere potest, quæ obligent universam Ecclesiam, ut cum cæteris docet Navar. *Conf. 1. h. tit. n. 4. Suar. l. 4. cit. c. 6. n. 2. Pal. tr. 3. D. 1. p. 23. n. 15.* & ratio est, quia sic, & non aliter Concilio Generali à Pontifice concessa est potestas condendi Leges. Atque hinc ejusmodi Concilia semper à Pont. Decretorum suorum petere confirmationem solent, ut fecit Trid. *sess. 25. in fin.*

Concilia particularia Leges quidem ferre & ipsa possunt, sed tantum pro suo Territorio, videlicet Nationale pro Natione, Provinciale pro Provincia, Diocesana pro Diocesi; non autem, ut iis obligetur universa Ecclesia ut bene notat Suar. *cap. 6. cit. à num. 8. Excipitur*, nisi Decreta talis Concilii à Pont. approbentur pro universa Ecclesia; tunc enim ratione approbationis vim Legis universalis habent. & talia multa sunt inserta Decretalibus à Gregorio IX.

Dub. 3. Qualem potestatem condendi Leges habeat 12 Congregatio Cardinalium? Videtur, quòd huic competat plena potestas condendi Leges; nam 1. Collegium Cardinalium assimilatur Senatui Romano *can. Constantinus 14. dist. 96.* 3. habet potestatem eligendi Pontificem, & creandi Legislatorem universalem. Igitur etiam condendi Leges. 3. Vim Legis universalis habent Declarationes S. Congregat. Concil. sed hæc emanant à Cardinalibus, Congregationem illam constituentibus. ergo &c.

Verùm hæc argumenta non sunt ita efficacia, ut evincant intentum: quare dicendum, Congregationem Cardd. per se loquendo non habere potestatem condendi Leges obligantes universam Ecclesiam. Ita Suar. *L. 4. cit. 6. num. 6. Pal. tr. 3. D. 1. p. 23. num. 19.* & cum his cæteri. Ex hoc verum est, etiam sede Papali vacante, ut patet ex *c. ubi periculum 3. de elect. in 6. & Clem. ne Romani 2. eod.* ubi Cardinalibus, sede Vacante, solum conceditur, ut ea statuunt, quæ pro electione Summi Pont. & pro Ecclesiæ defensione, ac periculorum occurrentium aver-



aversioque visa fuerint expedire: & cavetur, ne se in alio negotio intromittant: id verò, quod secus fecerint, irritum & inane decernitur. Quare cum præceptorum impositione sufficienter caveatur periculis occurrentibus, nequeunt Legem statuere; quia Lex est statutum permanens.

Ad rationes in oppositum allatas facilis est responsio. Ad 1. Congregatio Cardinalium assimilatur Senatui Romano, non quoad potestatem condendi Leges, sed in honore, & dignitate; cum enim potestas ferendi Leges Canonicas Ecclesiastica, & spiritualis sit, Constantinus Imp. eam Cardinalibus dare non potuit. Ad 2. non est novum, quòd alicui facultas concedatur ad actum nobiliorem, inferiore denegato; sic enim à Christo omnibus Sacerdotibus concessa est Potestas consecrandi ejus Corpus, non tamen consecrandi calices. Ad 3. TT. complures putant eas Declarationes tantum doctrinales esse, vel ad summum constituere jus merè privatum inter partes consulentes: si vim decisivam, & Legis universalis habent, ideo habent; quia concessa specialiter est à Summo Pont. prout concessam à Sixto V. & Gregorio XIV. contendit Fagnan, in c. fin. h. tit. n. 8. & seqq. sed tum Cardinales id faciunt autoritate non propria, sed Apostolica, V. infra N. 25.

73 Dub. 4. quam potestatem condendi Leges habeat Capitulum Cathedrale? Resp. distinguendo inter Capitulum sedè Episcopali vacante, & inter Capitulum, sede plena, si Sede vacet, satis convenit inter DD. quòd tunc Capitulum Cathedrale potestatem Leges condendi habeat; nam eo tempore penes ipsum residet Jurisdictio Episcopalis c. cum olim 14. de major. & obed. c. un. eod. in 6. ex quo sequitur, quòd his suis statutis obligare Diocèsim universam possit; quia Episcopus potuit, à quo ad illud universa Jurisdictio necessaria translata est per textus cit.

Dubium igitur propositum solum procedit casu, quo Sedes Episcopalis plena est. Sed solvi hoc ope distinctionis potest, dicendo Capitulum, Sede plena, Leges ferre non posse, quæ extraneos Diocèsanos obligent; posse, & quidem absque consensu Episcopi sui, ferre Leges, & statuta, quibus obligentur ipsi Capitulares. Ita Suar. l. 4. de Legib. c. 6. n. 11. & 12. Pal. tr. 3. D. 1. p. 23. num. 25. & apud hunc Abb. Felin. Sylv. &c. Ratio prima partis est; quia Capitulum in Diocèsanos extraneos potestatem, & Jurisdictionem non habet, nisi per mortem Episcopi. Pars altera colligitur ex c. cum omnes 6. h. tit. ubi supponi videtur, posse Canonicos, irrequisito Episcopo, Jus in seipos statuere. Accedit ratio, quia in his, quæ pertinent ad rectam, & ordinariam gubernationem Capituli, ipsum Capitulum procedit absque Episcopo. ergo signum est, quòd in illis Jurisdictionem habeat. Si Jurisdictionem, etiam potestatem Legislativam; nam gubernatio sine vi coactiva rectè state non potest. ergo &c. Unde sufficit, si consensum Episcopi exquirant duntaxat in gravioribus.

Neque obstat, quòd Episcopus sit Caput Ecclesiæ, Capitulum verò corpus; corpus autem sine capite nihil possit efficere; nam Capitulum etiam sine Episcopo est corpus integrum, quippe cum caput immediatum habeat, sc. Decanum, vel Præpositum.

14 Dub. 5. an, & quam potestatem aliæ communitates Ecclesiasticæ, tum sæculares, tum Regulares habeant? Resp. de Regularibus certum est, quòd in illis potestas legislativa resideat; quia in iis non solum est potestas dominativa ex vi voti obedientiæ, & traditionis uniuscujusque ad se gubernandum; sed etiam Jurisdictionis concessa à Pont. ad gubernandum Religiosos juxta præscriptum Regulæ. Exercetur autem potestas ista aliquando à Capitulo Generali, aliquando à Superiore Ordinis, & Provincialibus: de quo videnda sunt specialia Ordinis cujusque Statuta. De Capitulis Ecclesiarum Collegiatarum, & aliis communitatibus Ecclesiasticis sæcularibus satis liquet, quòd de jure communi, seclusa contraria consuetudine, Jus Legislativum non habeant, ut rectè notat Pal. D. cit. punct. 23. num. 26. quia nullibi invenitur illis concessa, & potestas Jurisdictionis, cum sit res facti, præsumenda non est, nisi probetur. Poterunt tamen, ut idem Palao addit, eadem communitates, etiam ipsæ, in rebus levioribus ordinationes facere tam dispositivas, quàm pœnales, quæ ad culpam obligent, vel ratione potestatis dominativæ, quam communitas in membra sua ex ipsorum traditione ultronea acquisivit, vel ratione promissionis & juramenti, quod singuli præ-

stare de servandis communitatis statutis assolent.

Quæritur 2. quinam possint Leges civiles condere? 15 Resp. in hoc spectandum Regimen cujusque gentis, vel loci; nam in statu Democratico Leges condit universus populus, in Aristocratico Optimates, in Monarchico summus Princeps. In specie 1. Leges condere, & his Provincias Imperio subjectas potest obligare Imperator L. Deo Authore. 1. C. de veter. Jur. enucl. L. bene 3. &c. C. de quadrien. præscript. l. inter. & L. fin. C. de Legib. Ratio est, quia Imperator nunc eandem potestatem in terris sibi subjectis habet, quam hebebant Imperatores antiqui. sed hi potestatem habebant condendi Leges, totum Imperium obligantes, ut constat ex toto Jure Cæsareo, quòd Autoritate Imperiali constitutum est, & specialiter ex L. tanta 2. C. de vet. Jur. enucl. ergo &c. 2. Reges pro Regnis sibi subditis; quia habent potestatem gubernativam, quæ sine Legislativa esse non potest. 3. Principes alii, qui superiorem non recognoscunt in temporalibus, pro Provinciis suis, ex vulgata regula: Quilibet Princeps in suo territorio tantum potest, quantum Imperator in Imperio. 4. Quidam alii inferiores, tum Principes, tum Magistratus. Sed hi videre debent, qua ratione ipsis concessa sit potestas gubernativa, & Legislativa; nam juxta modum concessionis illa duntaxat iisdem competit. 5. Communitates perfectæ, si supremam Jurisdictionem habeant, & eam non transulerunt in aliquem Principem. Cæteræ, quæ Supremo alicui Principi subjectæ sunt, Leges non possunt condere, nisi privilegio Principis, usu, a ut consuetudine illud ipsis concessum sit. Hæc certa.

Dubium est 1. an Pontifex habeat potestatem condendi 16 Leges Civiles? Certum est, quòd ejusmodi Leges ferre possit pro terris sibi subjectis etiam quoad dominium temporale; nam spiritualis Jurisdictio temporalem non excludit Extr. unam sanctam 1. de major. & obed. & Reges, ac Principes, dum ejusmodi terras donarunt Pontifici, in hunc cum iisdem transulerunt potestatem gubernativam; ergo & Legislativam, quæ gubernativæ necessario est conjuncta.

Controversia solum est, an Pontifex possit condere Leges Civiles obligantes universam Ecclesiam? Non desuerunt, qui affirmarent, moti 1. textu can. omnes 1. dist. 22. ubi Nicolaus Papa Mediolanensibus rescribens, Beato Petro terreni simul, & cælestis Imperii jura commissa affirmat. 2. Extr. unam sanctam cit. ubi Bonifacius VIII. cum ostendisset, in Ecclesiæ potestate duos gladios esse, unum spiritualem, alterum temporalem, illum in manu Sacerdotis, istum in manu Regum, subiungit: Oportet autem gladium esse sub gladio, & temporalem auctoritatem spirituali subiaci potestati. 3. c. cum haberet 5. de eo, qui duxit &c. ubi Pontifex Leges Civiles, quibus alimenta negantur illegitimis, c. super 4. de secund. nupt. ubi reprobantes secundas nuptias, c. vigilant 5. & c. fin. de præscript. ubi permittentes præscriptione malæ fidei possessori corrigit, iisque derogat. 4. Pontifex potestatem habet in ipsos Principes, & Regna transfert, prout fecit Leo Papa, dñi Imperium Romanum à Græcis ad Germanos transtulit. Clem. un. de Jurejur. ergo multo magis habet potestatem ferendi Leges Civiles.

Sed adhuc tenenda est negativa sententia, quam etiam defendunt Molin. tr. 2. de J. & J. D. 29. n. 19. Suar. l. 4. de Legib. c. 6. n. 3. Pal. tr. 3. D. 1. p. 22. §. 1. nu. 1. & apud hos plurimi alii: paterque ex perpetua Ecclesiæ praxi; imò confessione ipsorum Summorum Pontificum, liberè fatentium, quòd potestas Politica, ordinaria, & directa, ac Jurisdictio tam Legislativa, quàm dominativa sit penes Imperatorem, & alios Principes sæculares exclusivè ad Papam, ut liquidè constat ex can. quoniam 8. dist. 10. can. Cum ad verum 6. & can. duo sunt 10. dist. 96. c. novit. 13. de Judic. c. per venerabilem 13. qui fil. legitim. & aliis pluribus. Ratio est, quia Christus solum spiritualem Jurisdictionem Petro, & Successoribus ejusdem tribuit, ut serè omnes colligunt ex verbis Tibi dabo claves regni cælorum &c. igitur ut temporalem Jurisdictionem haberet Pontifex, debuit illa eidem concedi à Principibus, atqui de his non constat, hanc potestatem concessisse Pontifici. ergo &c.

Neque obstant Argumenta contraria. Ad 1. B. Petro commissa sunt Jura cælestis, & terreni Imperii; sed unum directè, alterum indirectè, & ita, ut isto Papa uti non possit,



possit, nisi quantum hoc exigit Ecclesiæ conservatio, & communis salus spiritualis alicujus Regni, vel Provinciæ. *Ad 2.* ad eundem finem gladius debet esse sub gladio, & temporalis Principum Jurisdictio spirituali Pontificis subiici. *Ad 3.* Pontifex corrigit, & derogat legibus Civilibus, quando istæ peccatum nutriunt, aut æquitati non sunt consentaneæ, quales sunt allegatæ in Argumento. *Ad 4.* translatio illa Imperii ad defensionem, & conservationem Ecclesiæ necessaria erat: & ita transferendo Pontifex usus est Jurisdictione non temporali, sed spirituali, sibi à Christo data.

17 Dub. 2. Quousque se extendat potestas Legislativa Imperatoris? Resp. extendit se ad totum Imperium, omnesque ejusdem Provincias, & Regna, licet ista gubernentur ab alio supremo Principe; esto enim, quod Imperator per se immediatè illas Provincias non gubernet, at recognoscitur tamen ab illarum Ducibus, tanquam supremus Princeps Jure feudi, vel alio simili titulo.

Terras Imperio non subjectas Legibus suis obligare non potest, ut bene Molin. *tr. 2. D. 30. num. 2. Suar. L. 3. de Leg. c. 7. num. 8. Pal. tr. 3. D. 1. p. 22. num. 5.* & ratio est, quia si hanc potestatem haberet, haberet illam sibi concessam vel à Christo, vel jure belli, vel electione populi: non à Christo; nam si Pontifici non est data, minis censetur concessa Imperatori: non jure belli; nam constat Imperatorem non occupare terras, quæ aliis Regibus subjectæ sunt: non electione populi; nam de hac non constat, imò constat contrarium, quippe cum Principes extra Imperium in terris suis supremam potestatem habeant.

Quæstio moveri potest, an Regna ista, & Provinciæ, saltem casu, quo propriæ Leges deficiunt, gubernari in causis decidendis secundum Leges Imperatorias debeant?

Affirmativa certa est in terris subjectis temporali dominio Papæ, quia ita statutum est *c. intelleximus 1. de nov. oper. nuntiat.* In aliis spectandæ sunt speciales illarum Leges, vel consuetudo: & ita consuetudine obtinere in Hispania, docet *Pal. l. cit. num. 9.* sed tantum in vi rationis, & directionis justæ, non verò in vi Legis obligantis: & hinc *num. 11.* ait, neminem puniendum esse propter transgressionem Legum civilium in Hispania, vel alio Regno, aut Provincia, si actus non sit contra jus naturale, vel patrium; neque contractum fore irritum, etsi à Jure Civili irritetur, modò non sit irritus Jure naturali, vel patrio.

18 Dub. 3. Utrum Principes Imperii inferiores Imperatore, & Prælatis inferiores Pontifice condere Leges, & statuta possint, quæ sint Juri communi contraria? Triplex est Sententia. Prima affirmat, saltem si ejusmodi statuta non sint peccati nutritiva, idque ex duplici argumento. 1. ex *L. omnes 9. ff. de J. & J.* ibi: *quod quisque populus ipse sibi jus constituit, id ipsius proprium civitatis est.* 2. Ex paritate cum consuetudine, quæ Juri ram Civili, quam Ecclesiastico derogare potest, ut dicitur *infra tit. 4. num. 20. & 21.*

Secunda Sententia hanc potestatem inferioribus Magistratibus absolutè negat, mota pariter duplici fundamento. 1. *Clem. ne Romani 2. de Elect.* ubi Clemens V. in princ. Nos inquit, attendentes, quod Lex superioris per inferiorem tolli non possit &c. 2. Generali ratione, quia vis, ac potestas inferior prævalere nequit superiori, tanquam fortiori. *can. inferior 4. dist. 21. & c. cum inferior 16. de major. & obed.*

Tenenda est tertia, eaque media inter utramque præcedentem sententia, & dicendum, per statuta facta à Prælatis inferioribus derogari quidem non posse Juri Pontificio; posse autem Juri Cæsareo per Magistratus, & Principes Imperatore inferiores. Ita Abb. *in c. fin. de consuet. num. 9. Felin. in c. quod super 9. de major. num. 2.* cum aliis. Pro prima parte habentur clari textus *can. institutionis. 7. can. amputato 11. & can. sequent. caus. 25. q. 2.* maximè verò *c. quod super cit. ibi: dummodo non ducas aliquid statuendum, quod Canonice obviet institutis:* ubi clarè ejusmodi potestas negatur Prælatis inferioribus. Pars altera colligitur ex *L. omnes cit.* quam licet *Suar. L. 6. de Legib. c. 26. n. 11.* intelligendam velit de Juribus Imperialibus ultra Jus commune latis, cæteri tamen DD. & ipsa consuetudo de statutis etiam Juri communi contrariis accipiendam esse convincunt.

Ex quo cadunt argumenta sententiarum oppositarum. Neque contrarium evincitur ex Jure consuetudinis;

nam ista adversus jus commune vim habet duntaxat, quando accedit consensus Legalis ejus, qui legem tulit. Atqui consensus iste ex parte Legum Canoniarum, ut ex textibus *citt.* patet, supponi non potest; potest autem supponi ex parte Legum Civilium. ergo &c.

## §. III.

## De Causa Materiali Legis.

## S U M M A R I U M.

- 19 *Materia & objectum Legis sunt omnes actiones humane, quæ præcipi, prohiberi, puniri, aut permitti possunt.*
- 20 *Etiā indifferentes.*
- 21 *Non tamen merè internæ.*
- 22 *Sub qua ratione materia Legis possint esse actus præteriti?*
- 23 *Non potest princeps aut lege, aut alia ordinatione auferre subditis Jus suum, nisi casu, quo bonum Reip. hoc exposcit.*

IN hoc Regulæ locum habet, materiam, seu objectum Legis esse omnes actiones humanas, quæ præcipi, prohiberi, puniri, aut permitti possunt, prout colligitur ex *L. legis virtus 7. ff. de Legib.* Et hinc 1. materia Legis præceptivæ esse non potest actus per se inhonestus; quia lex omnis debet esse rationi conformis, ut dictum est *num. 2.* talis non esset, si præciperet actum per se inhonestum. ergo &c. Dixi præceptivæ; nam Lex permissiva pro objecto suo habere potest etiam, quod de se inhonestum est, illudque permittere ad vitanda majora mala, sicut alicubi permittuntur lupanaria. 2. Materia Legis præceptivæ esse non potest res aut physicè, aut moraliter impossibilis; nemo enim obligari ad impossibile potest. *Reg. 185. ff. & Reg. 6. de R. J. in 6. 3.* Objectum præcepti universalis esse non possunt actus valde ardui & difficiles, uti sunt actus Consiliorum Evangelicorum; quia Lex debet esse accommodata fragilitati humanæ, prout colligitur ex *can. erit. autem 2. dist. 4. 4.* Legis prohibitivæ materia esse possunt actiones etiam ex natura sua honestæ, in quantum bono publico, vel certo fini sunt inconvenientes; sic enim die festo prohibetur Labor servilis, nundinæ, & judicia secularia &c. licet de se honestæ.

Quæritur 1. an Legis materia sit actus indifferens? 20 *Ratio dubitandi* est, quia Lex debet esse rationalis, justa, & utilis communitati. *can. erit. autem cit.* talis autem non est, quæ præcipit actum, secundum se, & spectatis omnibus circumstantiis indifferentem. ergo &c.

Hoc argumentum occasionem distinctioni, & resolutioni quæstionis præbet; dico enim actus indifferentes, quamdiu indifferentes manent, esse objectum Legis solum permissivæ: casu autem, quo necessarii, vel utiles sunt ad finem à Legislatore intentum, posse esse materiam etiam Legis præceptivæ. Ita S. Thom. 1. 2. q. 18. a. 9. *Suar. L. 3. de legib. c. 12. num. 18. Pal. tr. 3. D. 1. p. 5. num. 2.* cum aliis.

*Pars 1.* responsionis evincitur per rationem dubitandi allatam. *Pars 2.* constat ex eo, quia actiones indifferentes honestatem participant à fine, in cujus gratiam à Legislatore præcipiuntur: cons. non amplius indifferentiam suam retinent in ejusmodi circumstantiis, quibus bono communi necessariae, aut utiles sunt.

Quæritur 2. an, & quæ Lex imperare possit actus internos? 21 *Certum est* hos imperari posse per Legem Divinam, & naturalem; nam huic non minùs potentiæ inferiores, quam exteriores subjectæ sunt.

*Difficultas* est solum de Lege Civili, & Canonica. Affirmant Gloss. *in can. cogitationis 14. de poenit. dist. 1. & in Clem. 1. de Heret. §. verum 17. eo ipso.* Rosella V. absolutio 1. n. 28. & 29. *Medin. C. de orat. q. 13.* & videtur hoc etiam probare ratio; nam 1. Lex humana imperat, & prohibet actus humanos, & liberos. tales autem constituuntur per actus internos voluntatis. Ergo hos etiam imperat, vel prohibet. 2. Si Lex humana prohibere, vel præcipere actus internos non posset, ideo non posset, quia de iis non posset cognoscere. sed hoc nimium probat; quia probat, quod neque prohibere, aut præcipere possit actus occultos externos. 3. Judices Ec-



potestatem suam non à populo, sed à Christo habent. sed hic potestatem in actus etiam internos habet, & probabilius etiam iisdem dedit ob verba generalia *Quodcumque ligaveris &c. Matth. 16. v. 19.* 4. Leges Ecclesiasticæ spectant bonum animarum, & finem supernaturalem; ad hujus autem assecutionem actus interni plurimum prodesse, vel obesse possunt. 5. Ecclesia absolvit, & reservat peccata merè interna, dispensat in votis internis, præcipit recitationem horarum cum attentione, & devotione interna. ergo ejus potestas se extendit ad actus merè internos.

Verùm hæc argumenta plus non probant, quàm quòd adhiberi debeat distinctio; possunt enim per Legem humanam præcipi actus interni indirectè, & quatenus illi necessarii sunt ad actus externos imperatos rectè peragendos; non autem directè, & quando ad hunc finem non sunt necessarii. Ita communis cum S. Thom. 1. 2. *quest. 91. art. 4. & q. 100. a. 9.* Paret Responsio de *Lege Civili*; quia hæc à potestate populi ortum habet; sed populus dare Jurisdictionem non potest supra id, quod sibi est omnino incognitum, & in quo nullam inter se communionem habet. ergo &c. De *Lege Canonica* ostenditur: nam potestas Legislativa Ecclesiæ à Christo data est primò, & per se ad rectam ejusdem gubernationem. atqui Ecclesia visibilis non bene gubernatur actu invisibili. Accedit, quia potestas Legislativa conjuncta esse debet cum potestate punitiva, ut rectè Aristot. 10. *Eth. cap. 5.* scilicet per sententiam, non ipso facto; quia hoc est conveniens, & maximè necessarium ad observationem Legum. sed Ecclesia non potest per sententiam punire actus merè internos; quia nequit de illis cognoscere, & judicare. ergo &c.

Neque obstant adducta in contrarium. *Ad 1.* pater ex dictis; nam exercitium libertatis eo casu necessarium est ad actum liberum: unde hunc præcipiendo, vel prohibendo etiam actum internum voluntatis præcipit, vel prohibet indirectè. *Ad 2.* per accidens solum est, quòd de actu externo occulto cognoscere Judex humanus nequeat; per se enim talis est, ut cognoscere de illo possit: contrà actus merè internus per se ab hominibus incognoscibilis est. *Ad 3.* illis Christi verbis concessa est potestas in actus merè internos solum pro foro interno conscientia, quæ non proprio. sed Dei nomine, & vice ab homine exercetur. *Ad 4.* Leges Ecclesiasticæ spectant bonum animarum procurandum directè per actus externos, indirectè per actus internos; aliter enim isti, ut ostensum est, Ecclesiæ potestati non subjacent. *Ad 5.* dum Ecclesia reservat peccata merè interna, versatur circa actum externum, absolutionem videlicet, quam prohibet dari, nisi ab eo, qui Jurisdictionem habet. Similiter circa actum externum versatur, dum dispensat in votis merè internis; nam dispensando facit omissionem actus voto promissilegitimam. Quod additur de recitatione Horarum, mirum non est hanc præcipiendo etiam intentionem, & attentionem præcipi; sine his enim non est Oratio.

22 Quæritur 3. an, & quando actus præteriti esse possint Materia Legis? Resp. distinguendo inter Legem Declaratoriam Juris præexistentis, Legem irritantem, Legem præcipientem, vel prohibentem, & Legem punientem; nam 1. actus præteriti possunt esse materia Legis, quæ declarat Jus præexistens, ut patet ex *can. ut lex 40. caus. 27. q. 1. & c. fin. de spons. duor.* Ratio est; quia ejusmodi Constitutio non condit jus novum, sed solummodo id, quod antea positum jam est, manifestat.

2. Actus præteriti possunt esse materia Legis irritantis per argumentum à sensu contrario *c. cognoscentes 2. & c. fin. h. tit.* Ratio est, quia non est minor vis Legis, quàm sententia. atqui per sententiam à Judice irritari potest actus præteritus. ergo & Lege. Opus tamen est, ut Lex exprimat ejusmodi actum irritare se velle; aliàs non censetur irritatus, ut cum aliis advertit Laym. in *c. fin. cit. n. 4.* & ratio est, quia Princeps Jure quæsito neminem private censetur, nisi id exprimat.

3. Actus præteriti non possunt esse materia Legis præcipientis, vel punientis; quia hæc debet esse possibilis *can. erit. autem 2. dist. 4.* ad præteritum autem, ut pro præterito tempore factum, aut infectum sit, non datur potentia. *can. si Paulus 11. caus. 32. q. 25.*

4. Quamvis inhabilitas ob actum præteritum, nulla Lege prohibitum, contrahi possit, aut privile-

gium ob eundem denegari, affici tamen pœna propriè dicta non potest, ut rectè notat Vviesl. *hic n. 43.* Ratio est, quia hujusmodi actus transgressionis rationem non habet. Igitur neque pœnam meretur, quæ transgressio- nis est ultio.

5. Denique probabilius, nisi aliud exprimat, actus præteritus, anteriori aliqua Lege prohibitus, recipit solum pœnam; quæ illa Lege est constituta, non verò asperiores alias, siquam statuisset Lex alia post illius commissionem edita, ex regula generali *L. Lege. 7. C. de Legib.* ubi Imperatores, *Leges*, inveniunt, & *constitutiones* futuris certum est dare formam negotiis, non ad facta præterita revocari, nisi nominatim & de præterito tempore... cautum sit.

Quæritur 4. an Lege sua Princeps auferre subditis Jus suum possit? Videtur posse pro libitu, 1. Potestas ista data Regi, & à Samuele promulgata est Dei nomine 1. *Reg. 8. v. 11.* 2. Princeps est supra Leges *L. Princeps 31. ff. de legib.* igitur dominium, saltem illarum rerum, quas ex Legis dispositione privati obtinent, iisdem auferre potest. 3. Idem est Dominus mundi *L. de precatio 9. ff. de Leg. Rhod. de jactu.* ita, ut quæ in mundo sunt, ejus esse omnia intelligantur. *L. bene 3. C. de quadr. præscript.* igitur disponere de iis potest pro libitu, eaque suis Dominis auferre, & aliis dare, vel sibi retinere. 4. Supremus Princeps sæcularis non minorem habet potestatem in bona temporalia subditorum suorum, quàm habeat Papa in spiritualia, & his annexa. Atqui Papa in his plenissimam dispositionem habet. ergo & Princeps sæcularis in illis.

Sed dicendum, non posse Principem aut Lege, aut alia ordinatione auferre subditis Jus suum, nisi casu, quo bonum Reip. hoc exposcit. Ita Abb. in *c. 7. h. tit. n. 11.* Felin. *ibid. n. 26.* Gail. 1. 2. *obs. 56. n. 1. & seqq.* Ratio est; quia juris naturalis præcepta sunt alterum non ledere, jus suum cuique tribuere §. *juris 3. Inst. & L. justitia 10. §. juris 1. ff. de J. & J.* atqui juris naturalis præceptis indiscriminatim omnes tenentur. ergo nec Princeps absque causa auferre subdito jus suum potest. *Conf.* quia Principis potestas est tota à populo §. *sed & quod Principi. 6. Inst. de jur. nat. gent. & civil.* atqui populus in singulorum civium bona ita absolutam potestatem non habuit, ut sine causa eos jure suo private posset. ergo nec Princeps.

Neque contrarium evincunt argumenta allata. *Ad 1.* Eo loco, ut cum S. Th. 1. 2. *q. 105. a. 1. ad 5.* exponit communis DD. non proponitur jus Regi verè competens, sed potius prænuntiatur usurpatio iniqua juris. *Ad 2.* etsi Princeps solutus sit Legibus civilibus, non tamen Lege naturali, quæ subdito jus suum sine causa auferri vetat. *Ad 3.* Imperator mundi dominus est, non totius, sed quoad Provincias subiectas Imperio: & quoad has etiam non plenum rerum singularum dominium, sed eminentiale duntaxat habet, quatenus potestatem de iisdem disponendi tribuit Reip. necessitas, vel utilitas. *Ad 4.* Neque Pontifex potestatem hanc habet, ut possit res & jura, locis, ac personis Ecclesiasticis jam quæsita, sine justa causa auferre pro voluntatis suæ arbitrio.

## §. I V.

### De Causa Formali Legis.

## S U M M A R I U M.

- 24 Forma Legis sunt verba, vel alia signa externa, quibus Legislatoris eam condentis voluntas manifestatur, communitati.
- 25 Sententia declaratoria à legislatore lata vim legis habet; non tamen ea, quæ præcisè est decisiva litis, nisi id exprimat legislator.
- 26 Ad legem requiritur Promulgatio.
- 27 Leges Imperiales non obligant, nisi post duos menses à Promulgatione in Provinciis facta.
- 28 Quæ solemnitas publicationis requiratur in Lege Canonica?
- 29 An etiam necessaria sit acceptatio populi, ut Lex Civilis, vel Canonica obliget?

Forma Legis sunt verba, vel alia signa externa, quibus Legislatoris eam condentis voluntas manifestatur communitati. Talia sunt verba *Præcipio, jubeo,*



*impero &c.* quæ Legem affirmativam; *prohibeo, inhibeo, veto &c.* quæ legem prohibentem indicant. Non tamē necessariō hæc adhibenda sunt; sed sufficiunt etiam alia his æquivalentia: imō indifferentia de se, modō ex recepta consuetudine indicent sufficienter animum Superioris intendentis obligationem imponere. Quod si omnibus consideratis, dubium maneat, an verba aliqua præceptum vel Legem importent, an verō tantū Consilium, reputanda sunt continēre consilium, ut rectē Pal. *tr. 3. D. 1. p. 9. n. 1.* notat: & ratio est, quia est res gravis, & subditis onerosa. Hæc certa.

Quæritur 1. an ex prolatione sententiæ, datæ à Principe in aliqua causa, statim intelligatur Lex constituta ad decidendas causas eum illa similes? Dupliciter potest Legislator sententiam ferre in aliqua speciali causa. 1. ut sententia sit declaratoria Legis à se, vel prædecessoribus latæ. 2. Ut solum sit decisiva iuris secundum Leges à se, vel Jure divino, aut Naturali statutas.

Si primum, declaratio talis, etsi non constituat novam Legem, facit tamen, ut Lex ita declarata in posterum obliget secundum sensum in declaratione expressum; quia Lex obligat secundum voluntatem, & intentionem expressam Legislatoris, quæ voluntas manifestatur ejusmodi declaratione.

Si secundum, major est controversia; nam duplex est sententia. Prima affirmat ejusmodi sententiam Legem facere cum Felin. in *Rubric. de rescript. num. 1.* Moventur jure, & ratione. 1. c. in causis 19. de sent. & re judic. ibi: cum in similibus causis ceteri teneantur similiter judicare. 2. l. fin. C. de legib. ubi in princ. Imperator Justinianus, si Imperialis Majestas, inquit, causam judicialiter examinavit, & sententiam dixit, omnes omnino Judices, qui sub Imperio sunt, sciant hanc esse legem non solum illi causæ, pro qua producta est, sed & omnibus similibus. 3. Accedit ratio; quia sensus, ac sententia Principis est regula, cui inferiores Judices conformare se omnes debent, ut dicitur princ. l. fin. cit. id autem, cui omnes conformare se debent, vim Legis habet. ergo &c.

Secunda cum Covar. quem citant, & sequuntur Suar. l. 3. c. 15. num. 16. Pal. *tr. 3. D. 1. p. 8. num. 5.* negat sententiam ejusmodi habere vim Legis, idque pariter ex triplici fundamento. 1. ex textu l. 2. C. de legib. ubi Imperatores, quæ ex relationibus, inquit, vel suggestionibus judicantium procerum introducto negotio statuimus, generalia jura non sint &c. 2. quia in decidenda lite alicujus causæ particularis Princeps non attendit bonum commune, sed speciale aliquorum, ergo ex vi illius decisionis non censetur Legem ferre. 3. quia sententiæ sæpe nituntur Jure speciali, & particularibus circumstantiis, quæ sæpe in eorum pronuntiatione non exprimuntur.

Utrique sententiæ aliquid tribuendum: cum secunda dicendum ejusmodi sententias regulariter jus non facere; cum prima affirmandum jus facere casu, quo Princeps aliquo signo sufficienter declarat, quod sententiam aliquam instat Legis habere velit: Tale esset, si eam juberet corpori Juris communis inferi, aut alia solemnī forma publicari.

Quæritur 2. an, & quomodo ad Legem requiratur Promulgatio? Certum est ex definitione Legis, dari non posse Legem, quin publicetur, publicatione sufficienti, ut ad notitiam totius communitatis deveniat. l. leges sacratissimæ 9. C. de legib. & Rub. Novell. 66. & ratio est, quia Lex est regula operationum non unius, vel alterius personæ, sed omnium, quæ in communitate resident. igitur ita publicari debet, ut in notitiam omnium illorum venire possit.

Dubium esset, qualis requiratur publicatio; nam duplici modo publicari potest. 1. In Consistorio Principis, ubi constituitur. 2. In publico, ubi promulgatur, Videtur primum sufficere; nam c. Ad hæc 1. de postulat. Prælati, dicitur Legem obligare, si solemniter editur, aut publice promulgatur, disjunctivè scilicet; at ubi disjunctivè duo requiruntur, alterutrum sufficit. 2. Si Lex primum constitueretur per promulgationem, sequeretur, quoddam, qui scit, per Legem latam à Principe proximè promulgandam, diminutum esse pretium certis mercibus, e. g. frumento, possit illud emptori de hoc non certiorato vendere corrente, & conf. auctiore pretio, sequela admitti non potest; quia ita fraus fieret emptori. 3. Si requireretur sollemnis, & publica promulgatio Legis, deberet illa intimari singulis. hoc autem est impossibile. ergo &c.

Sed dicendum sine promulgatione publica Legem non obligare. Patet ex can. in istis 3. §. Leges dist. 4. & l. 9. ac Rubr. cit. Ratio est, quia Lex est commune quoddam præceptum, & communis regula vivendi toti communitati præscripta. ergo debet omnibus patefieri; & non singulis, sed toti communitati intimari, quod fit per promulgationem publicam.

Neque obstant Argumenta opposita. Ad 1. Particula aut in textu cit. sensum non disjunctivum, sed copulativum habet, ut vult Pal. p. 10. num. 1. vel cum Suar. l. 3. de legib. c. 16. num. 1. dices, solemnem editionem, & publicam promulgationem esse verba æquipollentia. Ad 2. Eo casu venditor nullam emptori facit injuriam; vendit enim mercem eo pretio, quod illa defacto habet. Ad 3. ut singulis Lex innotescat, requiritur, ut isti obligentur in actu 2. non verò, ut obligentur in actu 1. Lex enim non circa singulos in particulari, sed quatenus unum corpus communitatis constituunt, versatur.

Quæritur 3. ubi promulgari Leges civiles debeant, & à quo tempore post promulgationem obligent? Resp. distinguendum esse inter Leges, quæ feruntur pro una solum Provincia, & inter eas, quæ feruntur pro pluribus Si primum, sufficit promulgatio facta in præcipua illius civitate, post quam in actu 1. statim obligat ejusmodi Lex universam Provinciam, nisi aliud exprimat. Si secundum, quales sunt Leges latæ pro toto Imperio, promulgati debent in singulis Provinciis subjectis Imperio. In utroque facile DD. conveniunt.

Difficultas est, à quo tempore post promulgationem obligent? Videntur etiam ipsæ statim obligare; si enim contrarium probaretur, id maximè probaretur ex Novell. 66. ubi Rubrica, ut facta, inquit, novæ constitutiones post insinuationes earum post duos menses valeant, quæ verba generalia sunt: atqui ex istis verbis nihil probatur; nam rubrum ex nigro, seu ipso textu subjecto interpretationem recipit. textus autem specialis est, & tantum loquitur de Constitutionibus testamentariis, ut patet ex ejus verbis ibi: Sancimus igitur, ex illo nostras constitutiones, quæ pro Testamentis sunt, valere &c. ergo. Conf. Rubrica non disponit tanquam Lex, sed est index Legis, & demonstrat ea, quæ in textu habentur, ut ex Decio, & Alciato probat Menoch. l. 6. præf. 1. ergo etiam si illa generalis sit, non obligabit generaliter, si textus sit specialis.

Verum retinenda est communis sententia, & dicendum, Leges Imperiales non obligare, nisi post duos menses à promulgatione in Provinciis facta. Ita Navar. l. 1. c. 1. de Constit. q. 4. num. 19. Suar. l. 3. de legib. c. 16. n. 8. & seqq. Pal. D. 1. cit. p. 11. num. 3. seqq. & apud hos communis aliorum, qui omnes deducunt hoc ex Rubrica cit. nam sensum perfectum habet. quando autem Rubrica sensum perfectum habet, vim Legis ex communi doctrina obtinet. Neque obstat specialitas textus; quia ut cit. DD. notant, iste non est appositus ad limitandam Rubricam, sed exempli causa. Ex quo patet ad rationem dubitandi, & Conf. subjunctam.

Addidi autem Leges Imperiales; quia Novella ista, & Rubrica illius solum procedunt de Legibus factis ab Imp. vel aliis, qui Legibus Imperatoriis subjecti sunt. Lex enim lata ab aliis Legislatoribus quamprimum obligat, quando sufficienter promulgata est, & in notitiam communitatis devenit, nisi aliud Princeps Legislator statuat.

Quæritur 4. quæ sollemnitas publicationis requiratur in Lege Canonica? Putant aliqui cum Gloss. in c. 2. V. ante prohibitionem h. tit. in hac servandam eandem sollemnitatem, quæ in Legibus Imperialibus, ita ut si pro diversis Provinciis, vel Diocæsisbus lata sit, in qualibet sit publicanda, & post publicationem regulariter non obliget, nisi post duos menses.

Moventur 1. textu can. si in adiutorium 7. dist. 10. & c. intelleximus 1. de nov. oper. nunt. ubi casu, quo Jus Canonicum nihil disponit, præcipitur servandum Jus civile, nisi hoc bonis moribus repugnet. atqui in præsentī casu circa sollemnitatem publicationis SS. Canones nihil determinat, determinat autem Jus civile. ergo &c. 2. c. cum infirmitas 13. de pœnit. & remiss. ubi pœna in Medicos lata statuitur ab his non incurri, nisi postquam Legem istam Prælati locorum promulgaverint. igitur Promulgatio Prælati requiritur, ut in sua Diocesi Lex habeat vim obligandi. 3. Bulla Pii IV. quæ incipit sicut ad sacrorum, & ad calcem Trid. impressa habetur, in qua Pontifex expressè recipit Novell. cit. & propterea statuit, ut De-



creta ejusdem Concilii primum obligarent Calendis Maii à finito Concilio. 4. Ratione : quia nimis durum videretur, facta publicatione Romæ, Decreto Pontificio obligari statim quovis fideles, etiam remotissimè diffitos.

Sed adhuc tenendum, sufficere publicationem Romæ factam, ut Lex Pontificia omnes Christi fideles liget, neque opus esse expectare bimestre à facta promulgatione. Ita Sylv. *V. Lex q. 6. Suar. L. 4. de legib. c. 15. num. 3. Pal. tr. 3. D. 1. p. 12. n. 2.* & apud hos *Abb. Navar. Az. Sal. &c.* Ratio est, quia cum Pontifex non arctetur Juris civilis Legibus, non tenetur in publicatione Decretorum suorum servare modum ab his præscriptum. igitur nihil impedit, quo minus obligare possit statim universam Ecclesiam, quando Lex aliqua promulgata est Romæ : & hoc meritò præsumitur, quòd ita obligare velit, quando intentionem suam non aliter explicat ; solet enim hoc exprimere in Bulla sua, quando ob causam Legem suam vult non obligare statim, aut promulgari eandem alibi. *Conf.* quia multa Decreta Juris Canonici, non pauca Constitutiones Pontificiæ, Regulæ Cancellariæ, & ipsa Bulla Cænæ tantum promulgata sunt Romæ, & tamen Ecclesiam universam obligant.

Neque obstant Argumenta contraria. *Ad 1. can. si in adiutorium.* & *c. intelleximus cit.* locum duntaxat habent, quando decidenda est causa, & Canon non extat, ex quo decisio fieri possit ; tunc enim Pontifex jubet recurrere ad Leges civiles : & meritò ; quia decisio causæ fieri ex æquo debet, quod in defectu Canonum Judici Ecclesiastico Leges ostendunt. *Ad 2. & 3.* ibi exprimitur modus promulgationis, & terminus inductæ obligationis : ex hoc tamen ad cæteras Leges Canonicas non debet fieri extensio : sed potius inferri contrarium, videlicet, Leges Pontificias obligare statim, nisi aliud exprimitur. *Ad 4.* Assertio nostra solum adstruit obligationem in actu 1. qua stante, distantia loci facere potest, ne detur obligatio in actu 2. ignorantia excusante à transgressione Legis : quo multum lenitur asperitas assertionis. Extendunt hoc multi etiam ad Legem irritantem, dicentes, quando per eam irritatur actus, qui aliàs Jure naturali subsisteret, Legem tamen ejusmodi, ex aequitate saltem, vim non habere, donec in Diœcesibus nota sit, vel saltem innoscere moraliter possit.

29 Queritur 5. utrum acceptatio populi necessaria sit, ut Lex Civilis, vel Canonica obliget ? Affirmativa videretur probari his argumentis. 1. ex *can. in istis 3. §. leges diff. 4.* ibi : *leges constituuntur, cum promulgantur ; firmanur, cum moribus utentium approbantur.* igitur sine moribus utentium Lex firmitatem non habet. 2. *l. de quibus 32. ff. de legib.* Julianus JCtus, cum ipse leges, inquit, nulla alia ex causa nos teneant, quam quòd iudicio populi recepta sint &c. 3. Multæ sunt Constitutiones Pontificiæ, quæ præcisè idco in certis locis non obligant, quòd ibi receptæ non fuerint prout exemplum est in Trid. quoad Decreta reformatoria multo tempore non recepto in Gallia. 4. Legum obligationem consuetudo populi potest tollere. ergo etiam illam impedire potest, ne inducatur. 5. Supplicando, vel appellando à Lege Legis obligatio suspendi potest. ergo etiam non acceptando tolli. 6. Leges à Legislatoribus præsumuntur latæ sub tacita conditione acceptationis ; nam hic modus est suavior, & aptior populo, ad cuius bonum feruntur.

Sed dicendum, ejusmodi acceptationem ad Legis valorem non requiri, nisi quando Lex prudentum iudicio est difficilis observationis, vel Legislator aliud exprimit, aut privilegio, vel consuetudine est receptum. Ita Suar. *l. 3. de legib. c. 19. num. 4. Pal. tr. 3. D. 1. p. 13. n. 1. & seqq.* & apud hos communis DD. Ratio est, quia Legislator tam Ecclesiasticus, quam Civilis potestatem Legislativam habet, ille à DEO, iste à populo, uterque tamen absolutam, ne aliàs elusoria esset. igitur modò constat, quòd Lege sua absolutè obligare subditos velit, obligabuntur illi, etsi à communitate Lex nondum sit plenè recepta ; quòd verò absolutè obligare sic velint, plerumque saltem, patet ex praxi, qua Legum Conditores, earum, etiam nondum plenè receptarum, observationem urgent, & transgressores puniunt. ergo &c. *Conf.* ista acceptatio populi ; secundum Adversarios requisita ad Legem, vel est observantia ipsius Legis, vel est quædam illius approbatio. nullum ex his ad Legem constituendam requiri potest : non primum ; quia obser-

vantia Legis Legem supponit ; ergo non constituit : non secundum ; quia aliàs populus esset Conlegislator, utpote cuius Juridica approbatio requireretur ad Legem.

Neque obstant argumenta opposita. *Ad 1.* Leges ex usu, & moribus subditorum firmanur, seu stabiliuntur in obligatione, quam habent, non tamen ab usu obligationem accipiunt. *Ad 2.* Judicium, & usus populi facit, ut Leges nos teneant firmiter ; impedit enim, ne contraria consuetudine abrogentur. *Ad 3.* Argumentum illud rectè probat, quòd ejusmodi Constitutiones per diuturnam non observantiam sublata in locis his fuerint : non tamen probat, quòd primi transgressores non peccaverint, nisi probabiliter potuerint præsumere, Pontificem ignorasse difficultatem, vel consuetudinem in contrarium. *Ad 4.* ut consuetudo legem aliquam abrogare possit, ut infra dicitur *Tit. 4. num. 14.* necesse est, ut inchoetur animo tollendi Legem. ergo eam jam constitutam supponit. *Ad 5.* si fiat appellatio ex justa causa, suspendet obligationem Legis ; atsi supplicatio tantum, inducta est obligatio, sed quæ speratur tollenda à Principe : & hinc durante supplicatione nihil faciendum est contra Legem. *Ad 6.* Regimen simul debet esse suave, & efficax ; tale autem non foret, si in arbitrio subditorum positum esset, an vellent obligari Legibus sancitis à Principe.

## §. V.

### De Effectu Legis.

## S U M M A R I U M.

- 30 Etiam Lex humana obligat in Conscientia.
- 31 Eaque omnis, si propriè Lex sit.
- 32 Dantur Leges merè pœnales.
- 33 Quando obliget Lex cum gravi periculo vite, aut alterius gravis lætetur ?
- 34 Quomodo Lex fundata in presumptione falsa ?

**E**ffectus Legis est obligatio ad ejus observantiam : quæ duplex est, una ad culpam, sive in conscientia, quæ dicitur *vis directiva* ; altera ad pœnam, quæ nuncupatur *vis coercitiva*. Utramque certò habent Leges Divinæ, & naturales : dubium solum est de Lege humana. Hinc

Queritur 1. an Lex humana Ecclesiastica, vel Civilis 30 habeat vim obligandi subditos in conscientia ? Ratio dubitandi est 1. ex illo Pauli 1. *Tim. 1. v. 9.* ubi Apostolus, iusto, inquit, Lex non est posita. ergo his saltem, qui Justitiam per Baptismum adepti sunt, imponi non potest Lex in conscientia obligans. 2. *Peccatum ex Aug. est dictum, factum, vel concupitum contra, vel præter legem Dei.* ergo qui transgreditur Legem hominum, non peccat. 3. Pœna peccati mortalis est infernus. sed homo non potest talem pœnam imponere. 4. homo non potest cognoscere ea, quæ in conscientia alterius geruntur. ergo non potest in conscientia illum obligare. 5. Lex humana, præcipuè civilis, bonum Reip. politicum duntaxat respicit ; ad hoc autem non videtur necessaria esse obligatio conscientia, quæ est interior, & bonum cuiusque proprium attendit. ergo &c.

Sed adhuc dicendum, etiam Legem humana, tam Civili, quam Canonica obligationem induci in conscientia, si ita velit ejusdem conditor. Ita cum S. Thom. 1. 2. q. 96. a. 4. TT. & JCTi. Colligitur ex Script. *Rom. 13. v. 1.* ubi Apostolus, *omnis anima, ait, sublimioribus potestatibus subdita sit* : & quidem ita, ut si potestati resistat, Dei ordinationi resistat. sed qui Dei ordinationi resistit, peccat, & damnationem sibi acquirit, prout additur *v. 2.* Ratio est, quia hæc potestas obligandi in conscientia ad commune bonum Reip. est maximè necessaria, quippe qua non posita, subditi solum attenderent observationi Legis, quando viderent sibi imponendam esse pœnam : quod esset aperire viam Hypocrisis, & simulationi.

Ad argumenta opposita facilis est responsio. *Ad 1.* Iusto lex non est posita, tanquam onus ; quia non pœna, sed caritate ad observationem illius trahitur. *Ad 2.* etiam transgressio legis humanæ est transgressio Legis Divinæ, illius scilicet, quæ præcipit legitimi Magistratus præ-



præceptum servari. *Ad 3.* Homo potest indirectè obligare sub pœna inferni, quatenus mandato hominis conjuncta est præceptum Dei jubens sub pœna inferni obedire homini. *Ad 4.* Etiam si ea, quæ geruntur in conscientia, non agnoscat homo, adhuc tamen obligare in conscientia potest ad actus externos. *Ad 5.* In bonitate morali fundari bonum politicum debet, & propterea ad bonum commune necessaria maximè est obligatio conscientia.

Quæritur 2. an hæc obligatio ad omnem Legem sit extendenda? Ratio dubitandi est 1. quia Lex est Jure gentium introducta, homines bello captos reducere in servitutem, adversus occupantes terras nostras movere bellum &c. 2. plures Leges sunt, quæ permittunt aliqua mala in Rep. ut majora vitentur; aliæ permittunt bona, non tamen obligant, ut sunt secundæ nuptiæ. 3. privilegium est lex privata, nec tamen adstringit ad ejus usum; quia renuntiare privilegiatus eidem potest. 4. Leges pœnales sunt verè Leges, nec tamen obligant in conscientia; per hoc enim distinguuntur à non pœnalibus. 5. Constitutiones plurium Religionum Leges sunt, nec tamen ad culpam obligant. 6. consilium inter Leges enumeratur *l. legis virtus 7. ff. de legib.* nec tamen consilium obligat. 7. Lex fundata in præsumptione verè lex est, quin tamen obliget in conscientia, ut est communis DD. sententia. 8. obligatio legis à Legislatore pendet. ergo potest eandem vel mitigare, vel omnino non imponere.

Sed respondendum est cum recepta TT. & JCorum sententia, nullam Legem esse posse, quæ vim obligandi non habeat, si justa illa sit, & verè Lex. Ratio est, quia Lex est rationabile præceptum Superioris. atqui non potest intelligi præceptum impositum subditis, nisi hi obligentur ad parendum præcepto. ergo &c.

Argumenta contraria non multum urgent. *Ad 1.* bella gerere, & captos bello in servitutem redigere &c. lex est, non respectu Victoris, sed cæterorum, quos proin obligat, ne eundem in hoc suo jure impediunt. *Ad 2.* & 3. similiter permissio, & privilegium propriè lex tantum est respectu non habentium privilegium, ne privilegio, vel permissione utentem turbent. *Ad 4.* etsi Leges merè pœnales non obligent ad actum immediatum, ratione cujus pœna imponitur, obligant tamen judicem ad pœnam imponendam, vel saltem subditum ad eam solvendam, si imponatur, quippe cum aliàs Judex non posset efficaciter transgressorem punire. *Ad 5.* Constitutiones ejusmodi Religionum sunt medium quid inter Legem, & Consilium: à Consilio habent; quia non ligant: à præcepto; quia procedunt modo imperativo. *Ad 6.* Consilium non est propriè Lex, sed similitudinem solum habet cum Lege, quia dirigit, & docet, quid fieri debeat. *Ad 7.* si præsumptio vera sit, lex, quæ in ea fundatur, vera Lex est; si falsa, erit præsumpta lex, & ideo obligabit præsumptivè solum, non propriè. *Ad 8.* licet moderari Legislator Legis à se positæ obligationem possit, non tamen potest eandem tollere, ita ut Lex perseveret; quia si perseverat Lex, perseverat præceptum, & cons. obligatio, quæ de ratione illius est.

Quæritur 3. an detur Lex merè pœnalis? Videtur respondendum negativè; nam pœna imponi nequit, nisi pro culpa, cum illa sit *noxæ vindicta*, prout dicitur *l. aliud 131. in princ. ff. de V. S.* in quem sensum S. Aug. *l. 1. retract. c. 9. omnis pœna*, inquit, *peccati pœna est, & supplicium nominatur*.

Sed certa est affirmativa sententia: & ratio est; quia obligatio Legislatoris intentioni commensuratur; potest autem iste habere hanc intentionem, ut obligare solum velit ad pœnam, non verò ad culpam. ergo &c.

*Ad Argumentum contrarium* dico, id intelligendum esse de pœna propriè dicta; nam pœna improprie, & latius accepta pro quocunque incommodo, vel damno justè subeundo, culpam verè talem necessariò non præsupponit, cum etiam sine hac ex justa causa imponi possit, ut colligitur ex *Reg. 23. in 6.*

Difficultas est, unde cognosci possit, quòd Lex aliqua obliget in conscientia ad actum, cui est pœna imposita; vel solum ad pœnam sustinendam, si imponatur? Resp. id maximè desumendum esse ex ratione pœnæ, an illa sit spiritualis, an solum temporalis; nam si *spiritualis*, & hæc gravius, ut Excommunicatio, suspensio, interdictum, ipsoque facto sit incurrenda, dicendum est,

Legem sub tali pœnam latam, ligare ad culpam, & quidem mortalem; quia ejusmodi pœnæ inferri non solent ob culpam levem, vel nullam: secus, si sit ferendæ sententiæ; tunc enim cum regulariter requiratur monitio, non tam punitur transgressio, quàm contumacia post monitionem se non emendantis.

Si verò *temporalis* sit pœna, consideranda sunt verba Legis; nam si Lex ejusmodi pœnam imponens feratur verbis præceptivis, nisi aliud Legislator expresse fecerit, censetur obligare ad culpam levem, vel gravem pro ratione materiæ. At si utatur verbis indifferentibus, quæ præceptum non sufficienter indicant, probabilius in conscientia obligatio inde non oritur, nisi consuetudine, vel usu indifferentia hæc verborum tollatur. Ita aliis *cit. Pal. tr. 3. §. 15. num. 8. & seqq.* Ratio est, quia in primo casu Legislator sufficienter indicat voluntatem imponendi præceptum; non autem in secundo. igitur cum potuerit etiam in hac declarare illam, & eam non declaraverit, merito præsumitur non habuisse intentionem imponendi præceptum, & cons. obligandi ad actum immediatum; nam hæc præsumptio benignior est, & subditis favorabilior. *Ex quo sequitur*, quòd pœna sola, etiam gravis, si temporalis sit, non sit sufficiens indicium obligationis mortalis ad actum, cui pœna imponitur.

Quæritur 4. An Leges obligent, si observari nequeant, nisi cum gravi periculo vitæ, aut alterius valde gravis jacturæ? Resp. hic distinctionem faciendam inter Leges esse; nam 1. si Lex sit *naturalis*, obligat qualemque metu vitæ, aut alterius gravis mali non obstante. Ratio est quia, quæ Lege naturali prohibita sunt, intrinsecè mala, ac proinde semper peccaminosa sunt; quia *licet metus attenuet culpam, tamen non eam prorsus excludit*, ut dicitur *c. sacris 5. de his, quæ vi, metusve caus.* cons. nullo mortis, aut alterius mali metu licitum fieri potest perjurium, fornicatio, mendacium &c.

2. Si Lex sit *Divina positiva* aut *humana* quidem, sed *Ecclesiastica*, videndum, an actiones ea Lege præceptæ sint speciales, & tales, quæ singulos respiciunt, an verò communes, h. e. pertinentes ad communem ritum Sacramentorum. Si *primum*, Lex ejusmodi non obligat cum gravi detrimento vitæ, imò neque honoris, aut rei familiaris: cons. non teneris cum gravi horum detrimento jejunare, audire Missam, communicare in Paschate &c. Si *secundum*, qualis est Lex præcipiens observationem Sigilli in Confessione, consecrationem sub utraque specie, celebrationem in vestibus sacris, mixtionem aquæ cum vino &c. ejusmodi Lex etiam cum periculo vitæ est observanda; quia observatio hæc pertinet ad commune bonum Religionis, quod præferendum est cui libet bono privato temporali.

3. Denique si sit *Lex Civilis*, distinguendum est, an ex observantia talis Legis vel præcepti pendeat bonum commune, & salus Reip. vel spiritualis, vel etiam temporalis. an verò non. Si *primum*, metus etiam gravis ab observantia ejusdem non excusat: cons. poterit aliquis tempore pestis obligari ad assistendum infirmis, bello ingruente ad custodiendam civitatem &c. Ratio est, quia eo casu prælationem bonum commune habet. Si *secundum*, Legislator ad Legis observantiam sub tam gravi periculo obligare non potest; quia Resp. non est domina vitæ suorum subditorum, sed gubernatrix; & iniqua foret gubernatio, si vitam privatorum periculo exponeret absque necessitate boni publici. Ita *Pal. tr. 3. D. 1. p. 16. à num. 1.*

Quæritur 5. an, & quando obliget Lex, quæ nititur præsumptione, cui non subest veritas? Resp. cum distinctione; nam duplex est præsumptio; aliqua, quæ fundatur in aliquo facto, seu delicto; & alia, quæ fundatur in periculo illius: vel ut alii loquuntur, alia est *præsumptio Juris de quolibet casu singulari*, alia *de communiter in illo contingente*.

Si præsumptio sit *de casu, vel facto, aut delicto aliquo singulari*, & præsumptio veritati non conveniat, cessat obligatio Legis; quia cessat adæquatus finis ejusdem. Ex quo infert *Pal. l. cit. p. 14. n. 12.* eum, qui per falsos testes convictus, à Judice coactus est solvere putatio debitori, uti compensatione occulta posse; quia injuriam passus est, etsi hæc in foro externo non præsumatur. *Neque obstat*, quod eo casu sententia Judicis sit justa; quia justa est quoad se, & secundum conscientiam suam, non verò quoad rem ipsam: & ideo facit, ut illi quidem parere con-



condemnatus debeat, nisi innocentiam suam probare possit; Jus vero condemnato non tollat, quippe quæ quodammodo conditionata est, *si allegata & probata sint vera.*

Contrà si præsumptio non in facto, vel delicto particulari, sed in *periculo illius universali* fundata sit, lex seu præceptum non cessat, etsi præsumptio illa in casu aliquo speciali cesseret, ut aliis *citt.* monet Pal. num. 13. & ratio est, quia tum fundamentum Legis est periculum, quod etsi cesseret in aliquo particulari casu, manere tamen potest in aliis, & sic prudentem rationem, ac fundamentum ponere ad faciendam aliquam Legem universalem. Leges ejusmodi sunt, quibus irritantur Matrimonia clandestina. Professio religiosa ante legitimam ætatem facta, contractus pupilli sine autoritate tutoris &c. quia ejusmodi contractus judicantur habere periculum fraudis, & ideo irritantur, etsi illud in casu aliquo particulari cesseret: semper enim verum est dicere, ejusmodi contractum sic factum periculosum esse.

## §. VI.

## De Subjecto Legis.

## SUMMARIUM.

- 35 Legibus adstringuntur soli subditi ratione utentes.
- 36 Princeps directè Legibus suis non obligatur.
- 37 Nec Clerici Civilibus.
- 38 Aut Religiosi exempti Episcopalibus, nisi in casibus, in quibus eosdem Ordinarios Jus subiicit.
- 39 Pueri, quamprimum adepti sunt rationis usum, obstringuntur Legibus, etiam Ecclesiasticis, si materia illorum ætati conveniat.
- 40 Ignorantia Legis inculpabilis semper excusat à culpa, non tamen Ignorantia pœnæ semper à pœna.
- 41 Peregrinus non tenetur Legibus patriæ suæ, ex qua discessit.
- 42 Nec directè obstringitur Legibus loci, quæ transit.
- 43 Quod etiam probabilius dicendum de Vagis.

35 **E**Xplorati Juris est Regula, Legibus obstringi posse solos subditos ratione utentes, ita ut earum transgressione peccent; nam vis obligandi est actus Jurisdictionis, qui in solos subditos potest cadere, & quidem in ratione utentes tantum, cum præceptum, utpote directivum rationis, usum rationis supponat. Atque hinc sequitur 1. Infideles, nondum baptizatos, nullis Legibus Ecclesiasticis teneri; quia sunt extra Ecclesiam, & in illos Ecclesia Jurisdictionem non habet *c. gaudemus 8. de divortii.* quo fit, ut solum teneantur Legibus naturalibus, & Divinis.

Sequitur 2. idem dicendum de Catechumenis; licet enim per fidem, & Baptismi votum facti sint membra Christi, Ecclesiæ tamen Judicio, & Legibus ante Baptismum actualiter susceptum non subduntur, cum in neminem illa judicium exerceat, qui non prius in ipsam per Baptismi januam sit ingressus, ut loquitur Trid. sess. 14. c. 2. de Pœnit. Sacram.

Sequitur 3. iisdem Ecclesiasticis Legibus non obligati pueros ante usum rationis, qui communiter habetur completo Septennio; quia fundamentum harum obligationum est usus rationis. Dixi *Ecclesiasticis*: nam Legibus naturalibus de se, & in actu 1. videntur teneri, ut notat Pal. tr. 3. D. 1. p. 24. §. 2. num. 3. quia harum obligatio fundatur in ipsa natura, quæ de se capax est rationis: excusantur tamen à transgressione, & peccato, donec perfectum usum rationis obtineant.

Sequitur 4. similiter ebrios, mente captos, & ignorantes invincibiliter Legem, affici quidem Legibus, cum suapte natura intelligere illas possint, tempore tamen amentitiæ, ebrietatis, ignorantie excusari à transgressione illarum; quia hujus rei esse non poterant sine libertate, qua carent.

Sequitur contra 5. Legibus non tantum naturalibus, & Divinis, sed etiam Ecclesiasticis per se subjectos manere Hæreticos, & Apostatas à Fide; licet enim, ut putrida membra, per Excommunicationem ab Ecclesiæ corpore abscissi sint, ob indelebilem tamen Baptismi Characterem eidem subjecti manent. Hæc certa.

36 Quæritur 1. an etiam Legislator Legibus suis oblige-

tur? Resp. cum distinctione: vel enim Legislator est communitas aliqua, e.g. Capitulum generale, vel unus tantum, e.g. Princeps. Si primum, certum est, singula Communitatis illius membra obligari Legibus à se latis, prout colligitur ex *c. cum omnes 6. h. tit.* & ratio est, quia eatenus non sunt Magistratus, sed subditi.

Si secundum, major est difficultas: quam facit 1. *can. justum est 2. dist. 9.* ubi expressè asseritur, *Principem Legibus teneri suis.* 2. *can. non liceat 20. caus. 12. q. 2.* ubi Symmachus Papa statuit, ut non liceat etiam Papa prædium Ecclesiæ alienare sine solemnitate Canonica, quamvis hæc solum Jure Ecclesiastico sit introducta. 3. *c. cum omnes cit.* ubi per modum Principii dicitur, *quod quisque Juris in alium statuit, etiam ipsum debere eodem uti, & in confirmationem allegatur dictum Catois: Patere Legem, quæ tu ipse tuleris.* 4. *L. digna 4. C. de Legib.* ubi Imperatores, *Digna*, inquit, *vox est Majestate regnantis, Legibus alligatum se Principem profiteri.* 5. Ratio: quia indecens est Legislatorem non se conformare suis subditis, & aliud prædicare verbo, aliud docere exemplo; poterit enim ipsi obijci, quod objiciebatur Pharisæis, quod nempe alligent aliis onera gravia, & importabilia, cum tamen ipsi nolint digito suo ea movere.

Verum his non obstantibus, probabilius Legislator Legibus suis, quatenus suæ sunt, sive obligatione immediate ex ipsis orta, non obligatur. Ita expressè *L. Princeps 31. ff. de legib.* ibi *Princeps legibus solutus est*; & §. *fin. Inst. quib. mod. testam. infirm.* ubi in fine Severus & Antoninus Imp. *Licet legibus*, ajunt, *soluti simus, attamen legibus vivimus.* i. e. etsi nos leges non adstringant, attamen ob bonum exemplum legibus conformamur. Rationem dat *l. si de re 51. ff. de recept. qui arbitr.* quia *neque imperare sibi, neque se prohibere quisquam potest.* Proceditque hoc, ut Legibus suis Princeps solutus sit, non tantum quoad vim coercitivam, & ratione pœnæ per eas statutæ, sed etiam quoad vim directivam, & ratione culpæ; nam etiam vis directiva Legum ex Jurisdictione oritur, quam exercere quis in se ipsum non potest, cum nemo possit respectu sui simul esse superior, & inferior. *Conf.* quia talis obligatio esset omnino inutilis; cum enim obligatio Legis ab hujus conditore pendeat, iste Legem toties posset rollere, quoties eam nollet observare.

Addidi autem *legibus, quatenus suæ sunt*; nam ex æquitate, & ratione naturali etiam ipse obligatur legibus suis se conformare, quando illæ respiciunt materiam communem, & accomodantur tam Legislatori, quam subditis, uti sunt, quæ statuunt certam taxam mercibus, certas solemnitates contractibus &c. Sed hoc non vi legis, sed vi Juris naturalis, quo cavetur; ne pluris vendatur res, quam illa valet communiri. at posita taxatione, jam res illa communiter non valet plus, quam sit taxata. ergo &c. Idem dicendum, si ex transgressione oriretur scandalum.

Sic limitata responsione, facilis est solutio ad Argumenta opposita. *Ad 1.* Textus ille intelligendus est secundum limitationem modò factam. *Ad 2.* in Canone illo, ut Barbof. *ibid. n. 5. & 8.* notat Pape nomine, non Summus Pontifex, sed Episcopi, alique Prælati inferiores veniunt: vel si velis intelligendum de summo Pont. dices, id locum habere de alienatione rerum Ecclesiæ sine iusta causa; sine hac enim nec Pontifex alienare potest, non tamen vi Juris Ecclesiastici, sed naturalis, cui etiam Pontifex subjacet. *Ad 3. & 4.* illi textus plus non probant, quam quod admodum deceat, & in aliquibus casibus etiam ex æquitate naturali teneatur Legislator se conformare subditis suis in observantia Legum: quæ ipsa responsio etiam est *ad 5. tum.*

Quæritur 2. qua ratione Legibus Civilibus obligentur Clerici, & Religiosi? *Certum est*, non obligari Legibus, quæ SS. Canonibus, aut statui ipsorum, & Libertati Ecclesiasticæ adversantur, ut ferè omnes alicujus nominis DD. Orthodoxi docent, & expressè traditur *c. quæ in Ecclesiarum 7. c. Ecclesia 10. h. tit.* & aliis multis rextibus.

*Dubium* duntaxat est de Legibus, quarum materia personis Ecclesiasticis, & sæcularibus communis est, & privilegiis eorundem, non repugnat, ut sunt Leges, quæ signant pretia mercibus, imponunt formam contractibus, prohibent frumentum exportari extra Provinciam &c. In qua controversia, etsi facile omnes contra Navarr. *Conf. 3. h. tit. concl. 3. nu. 4.* consentiant, has



has Leges etiam ab ipsis observandas, dissensio tamen inter DD. est, unde obligatio hæc oritur. Nam aliqui putant eam oriri ex vi ipsarum Legum Civilium, quæ licet vim coercitivam in Clericos nullam habeant, obtineant tamen in ejusmodi materia erga illos vim directivam. Ita Sal. D. 14. de legib. f. 8. à n. 94. quem citat, & sequitur Pal. tr. 3. D. 1. p. 24. §. 6. n. 6. Ratio præcipua illius est, quia Clerici Cives sunt, & pars præcipua civilis Reip. ergo publico Reip. gubernatori esse præcepti debent: hic autem, ut ponitur, est Princeps, vel Magistratus secularis, ergo huic subiecti sunt in temporalibus: si subiecti, etiam tenebuntur Legibus ab eo latis, modo statui illorum non advenfentur. ergo &c. *Conf.* si Clerici exempti essent à gubernatione politica Reip. exempti essent vel Jure Divino, vel humano Ecclesiastico: non Divino; nam de hoc potius constat contrarium ex illo Rom. 13. v. 1. ubi Apostolus, *omnis anima*, inquit, *potestatibus sublimioribus subdita est*? quæ verba expendens Chrysost. Hom. 23. ad Roman. etiam ad Clericos extendit; ait enim: *Etiamsi Apostolus sis, Evangelista, Propheta, sive quisque tandem fueris; nec enim pietatem subvertit ista subiectio &c.* Non etiam Jure Ecclesiastico; quia hoc Jure potius constat hujusmodi Leges sæpè Clericis observandas præcipi. non ergo eximuntur ab observacione illarum.

Verùm his non obstantibus, dicendum, probabilius Clericos, & Religiosos neque quoad vim directivam Legibus Civilibus subiectos esse, obligari tamen his Legibus, si bonum commune Reip. spectent, ex æquitate, & ratione naturali, & sæpè etiam ex præcepto Superioris sui Ecclesiastici, ita ut contra eas agendo etiam ipsi peccent, graviter, vel leviter, prout hoc exigit bonum commune, propter quod se conformare debent in Legum istarum observantia cæteris Civibus. Ita Decius in c. 10. h. tit. n. 7. Azor. p. 1. l. 5. c. 12. q. 3. & p. 2. l. 10. c. 7. q. 8. & 9. Suar. l. 3. de legib. c. 34. n. 13. 12. Salzedo præf. c. 10. c. 55. vers. non tamen intelligas &c. Ratio est, quia potestati Civili nulla est attributa potestas imperandi personis Ecclesiasticis, ut expresse dicitur c. Ecclesia cit. & aliis multis textibus. sed sine potestate imperandi obligatio obediendi esse non potest. ergo &c. *Conf.* Judices Laici nullam habent potestatem puniendi Clericos transgredientes leges suas, ut fatentur ipsi meri Adversarii. sed potestas coercitiva semper est directivæ conjuncta, ne sit inutilis, ut colligitur ex l. fin. ff. de Offic. ejus, cui mand. est Jurisdict. &c. ergo signum est Clericos necquoad vim directivam subiaci Legibus Laicorum. Unde cum observare nihilominus eas debeant, quando illæ bonum commune spectant, necesse est, ut ad hoc obligentur ex æquitate naturali, ferè sicut ex eadem in simili materia obligatur Legislator; & aliquando etiam ex præcepto Ecclesiastico, quo Superior Ecclesiasticus, naturali hac æquitate motus, ejusmodi Leges à Clericis sibi subiectis observari voluit.

Ex quo cadit *Argumentum sententiæ opposita*; dicendum enim Clericos esse quidem cives, ut cæteri, exemptos tamen, sicut in multis aliis, ita etiam ab obligatione Legum Civilium. *Ad Conf.* Exemptionem istam Clerici habent, si non Jure Divino, ut multi volunt, saltem Jure humano, eoque tam Ecclesiastico, ut pater ex cit. textibus, quàm Imperiali, prout colligitur ex L. Privilegia 12. & annexa Auth. Cassa C. de SS. Eccl. ubi cassæ, & irritæ declarantur omnia statuta contra libertatem Ecclesiæ, ejusque personas inducta; est autem pars libertatis legibus civilibus non adstringi. ergo &c.

Queritur 3. quâ ratione Legibus Episcopalibus ligentur Religiosi? Resp. cum distinctione: Vel enim exempti sunt, vel non exempti. Si non sint exempti à Jurisdictione Episcopi, Legibus ejusdem etiam ipsi stringuntur; nam Leges ferre, & his subiectos jurisdictioni suæ obstringere primus actus jurisdictionis est. Si verò sermo sit de Religiosis exemptis, dicendum extra casus, quibus & ipsi Ordinariorum jurisdictioni subsunt, quorum centum omnino, & sexdecim enumerat Chokier de Jurisd. Ordin. in Exempt. p. 2. q. 45. per totam, ejusmodi Regulates Constitutionibus Diæcesanis per se & directè non obligari, ut rectè Konig hic n. 16. Ratio est, quia eo ipso, quod à jurisdictione Episcoporum exempti sint etiam exempti erunt ab obligatione ad Leges Episcopales, quippe quæ præcipuus jurisdictionis Episcopalis effectus est.

Addidi per se & directè; nam utrum indirectè, & ex æquitate naturali ad earum observantiam teneantur,

non satis conveniunt DD. Affirmat Konig l. cit. ex ratione, quia pars debet se conformare toti; sunt autem & ipsi pars Clerici. ergo &c. Negat Pal. tr. 3. D. 1. p. 24. §. 6. n. 11. pro se allegans c. volentes 1. de privil. in 6. & Trid. sess. 25. c. 12. de Regular. ubi solum eis præcipitur obedire in festorum observacione, in interdicto, & cessatione à Divinis. ergo in aliis sunt exempti.

Tenenda videtur via media, & dicendum cum Suar. L. 4. de legib. c. 20. n. 10. eos teneri se conformare Clero quoad Constitutionum ejusmodi observantiam, casu, quo istud exigit ratio scandali, vel boni publici; his causis seclusis, non delinquere, si se non conforment.

Neque plus probat ratio pro affirmante sententia; quia ejusmodi Regulares sufficientem excusacionem habent, ne Clero relicto in his conformare se debeant, quippe qui alias obligationes habent, ratione status Religiosi, quas Clerus secularis non habet, ut adeo non cogendi sint alia subire onera, & ejusmodi Legibus parere, nisi adsit scandalum, vel publicum bonum exigat.

Queritur 4. quibus Legibus subiciantur doli capaces? 39 Resp. quamprimum usum rationis adepti sunt (quod ordinariè fit post completum septennium) Legibus non solum naturalibus, & Divinis, sed etiam Ecclesiasticis obstringuntur, si materia istarum ætati illorum conveniat. ita Layman. l. 1. tr. 4. c. 10. n. 4. & alii desumentes id Argumento c. omnis 12. de pœnit. & remiss. Ratio est, quia sicut usus rationis illos facit capaces culpæ, ita & facit capaces debiti, & obligationis per Legem, cum hoc necessario supponatur ad culpam.

Addidi *si materia ætati illorum conveniat*; nam pluribus Legibus Ecclesiasticis, etiam completo septennio, non adstringuntur. Talis est 1. Lex præcipiens Communionem annuam: ad hanc ex probabili, eaque communi sententia uno, altero, vel etiam tertio anno post completum septennium non obligantur, quod, etsi septennes pueri usum rationis habeant, non tamen eo ipso semper apti sint satis ad tantum Mysterium cum debita reverentia suscipiendum.

2 Lex imperans jejunium; nam etsi diebus esutialibus teneantur abstinere à carnibus, non tamen à secunda refectioe, nisi annum vigesimum primum ætatis impleverint, recte S. Thom. 2. 2. q. 147. a. 4.

3 Lex ferens Censuras, & alias pœnas Ecclesiasticas, etiam ipso jure incurrendas, ut probabiliter docet Pal. tr. 3. D. 1. p. 24. §. 2. n. 9. excipiens solum Excommunicationem ipso jure latam ob percussioem Clerici ob clarum textum c. super eo 1. & c. fin. de sent. excomm. ad cæteras juxta eundem ante pubertatem adeptam non tenebuntur.

Queritur 5. an, & qualiter à transgressione Legis excusetur ignorans Legem? Certum est 1. quod ignorans invincibiliter excusetur non tantum à culpa, sed etiam à pœna. à culpa quidem; quia talis ignorantia tollit voluntarium: à pœna autem; quia sine culpa nemo est puniendus Reg. 23. in 6.

Certum est 2. si ignorantia sit vincibilis, quod ea transgressorem Legis nec à culpa, nec à pœna excuset: non à culpa; quia talis ignorantia est culpabilis: non à pœna; quia reatus pœnæ consequitur culpam.

Certum est 3. si actus aliquis simul prohibitus sit Lege humana, & transgrediens ejusmodi Legem, sciat illum actum prohibitum esse Lege Divina, nesciat prohibitum esse Lege humana, idque invincibiliter, cum non excusari à culpa, nec à pœna, ejusmodi transgressioni taxata à Deo.

Certum est 4. Si Lex aliqua irritet actum, ignorantiam etiam invincibilem non excusare, nisi fortè irritatio facta sit præcisè in odium, & pœnam agentium. Patet in matrimonio clandestino: & ratio est, quia ignorantia non supplet defectum alicujus requisiti substantialis.

Dubium duntaxat est, an casu, quo aliquis Scientiam quidem habet Legis: prohibentis actum, ignorat autem illi actui esse constitutam pœnam, sic ignorans excusetur à pœna? Resp. distinguendo, an pœna illa sit censura Ecclesiastica, an irregularitas, vel alia ab his distincta pœna.

Si primum, à sic ignorante probabilius non incurritur; nam istiusmodi pœnæ imponuntur, tantum propter contumaciam, & contemptum potestatis clavium, qui deficit, deficiente Legis notitia; unde textus Juris, qui videntur esse contrarii, explicandi sunt tantum de ignorantia Juris clari, & crassa.



*Si secundum*, non defunt AA. qui neque has incurri à se ignorante velint; sed communis tamen doctrina cum Covar. *inc. almap. i. §. 10. num. 7.* affirmat, & persuadet hoc etiam ratio, quia istæ nec medicinales, nec puræ pœnæ sunt, sed insuper inhabilitates quædam, ex juris dispositione removens ab Altaris Ministerio cum, qui ejusmodi delicto se contaminavit.

*Si tertium*, videndum, an ad eam pœnam incurrendam Legislator requirat solam scientiam Legis prohibentis actum, an verò insuper dolum, temeritatem, & contemptum ejusdem Legis. Si solam scientiam Legis, contra Legem scienter delinquens se facit obnoxium pœnæ proportionatæ transgressioni: si dolum, temeritatem &c. Legis conditor videtur nolle incurri pœnam tali Legge constitutam, nisi violatio Legis conjuncta sit cum ejusmodi circumstantia aggravante.

41 *Quæritur 6.* an peregrinus teneatur Legibus suæ patriæ, quando alibi est, ubi illæ non vigent? Resp. negativè. Patet ex *c. fin. h. tit. in 6.* ubi ratio additur; quòd *extra territorium jus dicenti non pareatur impune*. Ex quo sequitur, si ejusmodi peregrinus accederet ad locum, ubi jejunium non servatur, eam posse moribus illius se conformare.

*Controversia est*, an privilegio hoc uti possit etiam ille, qui de loco, ubi obligatur lege c. g. jejunii, se transfert ad locum, ubi non datur, hæc obligatio, præcisè animo se eximendi ab hac obligatione? Negant *Ledesm. Man. Rebell. Sal. Sayr.* apud Pal. *tr. 3. D. 1. p. 24. §. 5. n. 3.* Movetur 1. quia, ut *c. Sides 15. & c. seq. de rescript.* habetur, *fraus & dolus nemini patrocinari debent*. atqui hic dolum, & fraudem committit. ergo &c. 2. *l. si cui 1. §. iidem 11. ff. de aqua, & aqua pluvia &c.* prohibetur sodiens agrum proprium, si id fecerit animo nocendi alteri, scilicet avertendi fontem vicini; at si fecit animo meliorem suum agrum reddendi, ei permittitur, dum opus in alieno non fiat. atqui etiam in nostro casu sic egrediens fugit à loco animo nocendi Legislatori. ergo &c. 3. præceptum non ludendi aleis à superiore factum subditis, obligat istos etiam extra territorium Legislatoris. ergo etiam Lex jejunii.

Sed adhuc dicendum, probabilius eo casu discedentem uti privilegio suo posse. Ita Pal. *tr. 2. D. 1. p. 24. §. 5. n. 4.* & teste P. Viesi. *hic num. 110.* communis sententia. Ratio est, quia is, qui utitur Jure sibi concessio, non potest dici fraudem committere *l. quod & lex 3. §. istamen 2. ff. de homin. liber. exhibend. & l. nullus 55. ff. de R. l.* talis autem, qui sic egreditur, nititur Jure suo; nam præceptum non obligat, ut subditi in loco persistant, sed solum ut servetur, quamdiu ibi persistant.

*Excipitur* specialiter casus, quando quis è loco, ubi Tridentinum in puncto matrimonii est promulgatum, egreditur in locum, ubi promulgatum non est, animo præcisè ibi contrahendi clam, ob Declarationem Cardd. roboratam speciali Brevis Apostolico ab Urbano VIII. ad Archiepiscopum Colonensem anno 1627. quo ejusmodi Matrimonium habetur pro illegitimo, prout dicitur *L. 4. Decret. tit. 3. num. 11.*

Ex his patet ad argumenta. *Ad 1.* constat, nullam committi fraudem, cum jure suo utatur discedens. *Ad 2.* Legislator non habet potestatem obligandi, ni existentes in suo territorio. igitur qui egreditur territorio Legislatoris, & ibi non servat Legem, injuriam Legislatori non infert, sed solum facit, ne ipsum deprehendat obligatio Legis. *Ad 3.* præceptum ejusmodi personale est, & personæ adhæret ossibus, quam proin sequitur, quocunque terrarum venerit. at statutum ejusmodi, vel Lex, de qua nos loquimur, est locale, & directè afficit territorium.

42 *Quæritur 7.* an peregrini, & forenses, teneantur Legibus loci, quæ transeunt? *Certum est 1.* ejusmodi forenses his obligari, si è accesserit animo figendi ibidem domicilium, vel saltem per majorem, aut notabilem anni partem habiandi; nam domicilium, vel quasi domicilium facit subditum talis loci.

*Certum satis est 2.* ejusmodi peregrinum, etsi ad talem locum transeierit animo ibi subsistendi tantum ad unum, vel alterum diem, ut solent mercatores, proficiscentes ad nundinas, obligari Legibus communibus, si hæc abrogatæ sint in ejus patria, vigeant autem in loco, quæ transeunt; quia consuetudo oppidi, quæ excusabat commorantem in patria, est privilegium locale, quod territorium non excedit.

*Certum est 3.* sic transeuntem obligari Legibus etiam particularibus loci, si illæ specialiter latæ sint in bonum illius loci ob necessitatem Reip. uti sunt, quæ prohibent, ne certæ merces ex oppido extrahantur, ne peregrini ultra tot dies commorentur, ne certum genus armorum feratur &c. quia aliter populus defendi non potest, nisi omnes, qui ibi existunt, Leges istas observent.

*Controversia est*, an extra hos casus obstringatur Legibus particularibus loci, quæ transeunt? Affirmant Covar. *l. 4. var. c. 20. n. 8.* Suar. *l. 3. de Leg. c. 33. n. 3.* Pal. *tr. 3. D. 1. p. 24. §. 3. n. 11.* & apud hunc multi alii. Fundantur 1. citato illo *si fueris Roma, Romano vivito more*. 2. textu *can. illa 11. vers. at ille dist. 12.* ubi Augustinus ad Januarium scribens, ait: *ad quam fortè Ecclesiam veneris, ejus morem serva*. 3. *c. fin. de feriis, & c. consilium 2. de observat. jejun.* ubi dicitur in festivitatis, & abstinentiis servandam esse consuetudinem regionis, non distinguendo inter viatores, & incolas. 4. Ejusmodi viatores, & peregrini, ut dictum est *num. præc.* eximuntur Legibus particularibus suæ patriæ. ergo æquum est, ut vivant Legibus loci, in quo existunt *arg. Reg. qui sentit 55. in 6. 5.* Reges, quæ prohibent frumentum, arma, merces alias exportari, obligant etiam viatores; quia sunt de re, pertinente ad bonum illius loci, ut paulò antea dictum est. atqui pax, tranquillitas, & bonum exemplum non minus bonum Reip. sunt, quàm abundantia frumenti, armorum, & aliarum mercium, ergo eum pax, & tranquillitas maximè custodiatur, si omnes, qui existunt in aliquo loco, se conforment Legibus illius loci, quamdiu ibi existunt, etiam peregrinis hæc observandæ sunt. 6. Ejusmodi peregrinus puniri potest ob delictum commissum in tali loco. ergo etiam obstringi ejusdem Legibus. Hæc sententia admodum probabilis est.

Dicendum tamen, probabilius hujusmodi peregrinos per se loquendo Legibus particularibus loci non obligari: & hinc si in tali loco servetur jejunium, secluso scandalo, peregrinus poterit ibi vesci carnibus; & si ibi celebretur festum, potest Missam omittere &c. ita Gloss. in *can. 11. cit. V. veneris*. Sylvest. *V. jejunium, num. 7.* Sanchez. *L. 1. Moral. c. 12. num. 38.* Laymann. *L. 1. Theol. Moral. tr. 6. c. 12. num. 4.* & apud Pal. *l. cit.* plures alii. Ratio est, quia Lex per se non obligat, nisi subditos, & membra communitatis, cui fertur; atqui prædicti peregrini moraliter non censentur subditi, vel membra communitatis, per ejus territorium duntaxat transeunt, cum brevis mora habeatur pro nulla *arg. 1. nam & ego 3. de V. S.* Hinc etiam forum non sortiuntur, nisi ratione rei sitæ; vel celebrati contractus, aut commissi delicti. ergo &c.

Neque obstant Argumenta contraria. *Ad 1.* axioma illud intelligendum est de iis, qui ad locum aliquem sese conferunt animo ibidem diutius commorandi; vel de casu, quo observationem Legis exigit ratio scandalii, aut boni publici. *Ad 2.* eadem est responsio, prout patet ex verbis immediate consequentibus, addit enim S. P. *Si cuiquam non vis esse scandalo, nec quemquam tibi*. *Ad 3.* id intelligendum de subditis: neque obstat, quòd hoc in textibus *citt.* non exprimitur; nam ratio id satis ostendit. *Ad 4.* *Neg. conf.* & hoc ob defectum Jurisdictionis requisitæ ad peregrinos hujusmodi obligandos: non ideo tamen exleges erunt; quia adhuc obligantur Legibus communibus. *Ad 5.* non quacunq; non observatione Legum territorialium turbatur pax, & tranquillitas Reip. vel si turbatur, obligatio erit eas servandi, non vi auctoritatis, quam in talem peregrinum Legislator ille non habet; sed vi Legis naturalis, quæ prohibet scandala, & nocumenta. *Ad 6.* Negatur paritas; nam delinquens in loco, quæ transeunt, sortitur forum ratione delicti, exigente hoc bono publico, ne delicta maneant impunita.

*Quæritur 8.* qua ratione Legibus teneantur Vagi, seu qui nusquam domicilium habent? Sanch. *L. 1. Moral. c. 12. num. 23.* cum non paucis aliis existimat, eosteneri Legibus particularibus loci, ubi existunt. Eandem defendit Pal. *tr. 3. D. 1. punct. 24. §. 4. num. 3.* ubi ait, esse sententiam omnium aliorum, etiam eorum, qui affirmant peregrinos, & forenses eximi à Legibus municipalibus, & Episcopalibus. Rationem dat, quia in vagis est specialis ratio; cum enim nullibi habeant domicilium, debent illud sortiri ex præsentanea habitatione; aliàs omnibus Legibus particularibus essent exempti, quod recta à eorum gubernatione dissidet.

Hæc sententia, etsi sit multum probabilis, insistendo tamen



men principiis jactis de petegrino, cum Less. *L. 4. de J. & J. c. 2. num. 49. Sayr. Clav. Reg. l. 3. c. 4. num. 8. Laym. L. 1. tr. 4. c. 12. n. 7. Vviesl. hic n. 114.* idem dicendum puto de vagis, quod supra dictum est de peregrinis, videlicet illos nullis adstringi Legibus illius oppidi, per quod transeunt. Ratio est, quia ejusmodi vagi non sunt verè subditi, cum subditus nemo fiat, nisi ratione originis, domicilii, vel quasi, contractus, & delicti. atqui ejusmodi vagi in loco, quà transeunt, non habent domicilium, vel quasi. igitur quoad Leges, quæ contractus non concernunt, vel delictis pœnam imponunt, non erunt subditi: si verò subditi non sunt, neque etiam tenebuntur obtemperare Legibus illius loci. ergo &c.

*Ad Argumentum sententia opposita* sufficit, quòd observare debeant Leges communes, & ex Legibus Municipalibus illas, quarum transgressio affert scandalum, vel obest bono publico loci, ejusque gubernationem, & pacem perturbat.

Litigant hìc multi, à quo Judice puniri debeat Vagus, qui delicto alicubi commissio, fugit in locum alium: alii volunt puniri posse in loco, in quo capitur; alii continentur remittendum ad Judicem delicti commissi; alii distinguunt, & cum prima asserunt puniri posse in loco capturæ, si hic cum loco delicti sub eodem sit Principe; si verò sub diversis, remittendum ad locum delicti. Verum de hoc ex instituto agitur *l. 2. tit. 2. de for. compet.* Saltem patet, quòd etiam in nostra sententia ejusmodi Vagi impunitatem non consequantur, quippe cum ratione delicti Judex loci, in quo commissum est, sortitus sit Jurisdictionem in delinquentem; proinde petere eundem poterit, quocumque fugerit, à Judice loci, quòd fugit.

## §. VII.

## De Interpretatione Legis.

## S U M M A R I U M.

- 44 Interpretatio Legis alia est Authentica, alia usualis, alia Doctrinalis, & hæc vel Declarativa, vel Extensiva, vel Restrictiva.
- 45 Authenticè interpretari Legem potest Legislator, hujus Successor, vel Superior, & qui ab his facultatem habet.
- 46 Doctrinaliter interpretari; Legem per se cuilibet permissum est.
- 47 Afferuntur Regule in Interpretatione Doctrinali servanda.
- 48 Per se loquendo ob similitudinem, vel identitatem rationis Lex extendi de casu ad casum Lege non comprehensum nequit.
- 49 Quando locus sit Interpretationi restrictiva Legum per Episcopiam?

**L**egis anima, & mensura obligationis ex ea ortæ, est intentio Legislatoris. *can. Humana 11. caus. 22. q. 5.* Hinc Legis interpretatio semper secundum mentem Legislatoris fieri debet, ita quidem, ut sicut *can. cit.* dicitur, non debeat aliquis verba considerare, sed voluntatem.

Quæritur 1. Quid, & quod duplex sit Interpretatio Legis? *Resp.* Interpretatio Legis nihil aliud est, quàm declaratio, qua declaratur, Legem ad hunc, vel illum casum esse extensam, vel non extensam. Hæc juxta Gloss. *l. 37. ff. de Legib.* triplex est, Authentica, Usualis, & Doctrinalis. Authentica est, quæ fit per eandem Legem, latam ad declarandum priorem: & hinc eandem auctoritatem habet, quam Lex ipsa. Usualis, quæ per usum & consuetudinem est introducta: hinc consuetudo *l. 37. ff. de Legib.* optima legum interpretatur, & quia si legitima sit, vim Legis habet, in effectu pro Lege habenda est. Doctrinalis denique, quæ fit arte, & peritia Interpretum, & DD.

Hæc iterum triplex est, videlicet 1. Declarativa, quæ est congrua obsecutorum, æquivocorum, aut dubiorum verborum expositio. 2. Extensiva, eaque vel purè, cum ob paritatem, vel similitudinem rationis dispositio Legis extenditur ad personam, vel casum, neque verbis, neque mente Legislatoris comprehensum: vel Comprehensive tantum, quando Lex per interpretationem extenditur ad personam, vel casum verbis quidem non expressum, Schmalzgrueber Tom I.

mente tamen Legislatoris comprehensum ob adæquatam rationis identitatem. 3. denique Restrictiva, cum interpretamur, aliquem casum particularem propter suas circumstantias sub Lege universaliter lata non contineri: unde Epiphania dicitur, i. e. benigna interpretatio, seu restrictio Legis secundum æquum, & bonum.

Nulla ex his tribus Doctrinalis interpretationis species inducit obligationem Legis, habet tamen probabilitatem, cum in quavis facultate standum sit judicio peritorum: imò si DD. communiter omnes conveniant in explicatione Legis, credendum illis omnino est, cum saltem tanta consensus, quomodo Lex communiter sit acceptata, declaret, ut rectè advertit Suar. *l. 6. de Legib. c. 1. n. 6.* & ex hoc König *hic n. 27.*

Quæritur 2. qui possint Legem interpretari authenticè? *Resp.* Regulariter solus Legislator, aut hujus successor, vel superior *c. inter alia 31. de sent. excomm. & l. fin. C. de Legib.* Ut tamen hujusmodi declaratio vim Legis obtineat, necesse est, ut legitimè, & publicè de ea constet; aliàs interpretatio doctrinalis solummodo erit, quamvis majoris auctoritatis, quàm alterius Viri docti. *Pal. tr. 3. D. 5. p. 3. §. 1. n. 2.*

Addidi Regulariter; potest enim Legislator potestatem interpretandi Legem suam committere etiam inferiori per *§. responsa 8. Inst. de J. N. G. & C.*

Talem 1. à Deo habet Summus Pontifex ad interpretandum Jus Divinum, ut communis docet cum S. Thoma.

2. à Pontifice Congregatio Cardd. Trid. Interpp. in dubiis de reformatione morum, & aliis humanis statutis, prout insinuavi supra *num. 12.* & constat ex *Bulla Sixti V.* quæ incipit *in mensa edita* 1588. Estque declaratio hæc non doctrinalis solum, ut quidam volunt, sed authentica, ut proinde vim Legis habeat, modò de ea constet authentice, videlicet aut per Breve Pontificis, aut per monitorium Auditoris Camerae, aut per Epistolam alicujus Cardinalis suo sigillo munitam, aut per transumptum ex Registro Congregationis parte citata, ut notat *Pal. l. cit. num. 6.* Ratio est, quia si solummodo doctrinales essent, non egissent speciali indulto, cum secundum dicenda *num. seq.* omnes viri docti declarare sic possint. Neque obstat, quòd Declarationes istæ subinde sibi pugnent; nam ut Lex prior per posteriorem, ita & Declaratio prior per posteriorem Declarationem abrogatur, & tollitur.

3. Licet Judices inferiores nullo modo regulariter declarare Legem à Principe latam possint, ita ut declaratio illorum obliget tanquam Lex, possunt tamen illud in rebus facilibus, & minutioribus; quia credendum est, in his Prælati inferioribus fuisse à Pontifice commissam hanc facultatem, ut advertit *Pal. num. 7.* & rationem dat; quia aliàs nulla Legis observantia perfectè introduceretur, si passim recurreretur ad Principem. In gravioribus iste adiri debet, vel ubi adiri non potest, Judex sensum Legis interpretabitur doctrinaliter secundum veriorem explicationem DD. secundum illam sententiam feret.

Quæritur 3. an cuilibet liceat Legem doctrinaliter interpretari? *Resp.* affirmative, si id faciat juxta Regulas, & ex sensu DD. non ex cerebro proprio. Ita *Pal. D. 5. cit. p. 3. §. 2. num. 1.* & hoc teste omnes DD. Ratio est, quia cum Lex sæpe ambiguitatem in sua significatione contineat, & Legislator de facili consuli non semper possit, necessarium erat, ut Doctoribus daretur facultas faciendi ejusmodi interpretationem.

Proceditque hoc etiam casu, quo per aliquam Legem prohibetur ejusmodi Interpretatio; nam regulariter loquendo ejusmodi verbis solum prohibetur Interpretatio frivola, & quæ est contra mentem Legis, ut *Pal. §. 2. cit. num. 6.* monet, & colligitur ex *Trid. sess. 4. decret. de us. Sacr. Libror.* ubi prohibetur fieri interpretatio contra eum sensum, quem tenuit, & tenet Sancta Mater Ecclesia. Neque obstat, hanc interpretationem per se esse exclusam; quia nihil prohibet eam etiam excludi per Legem positivam.

Dixi Regulariter; nam aliquando etiam Interpretatio Doctrinalis prohibetur, non quæcumque, sed quæ typis mandatur, & ex professo fit: & talis videtur esse, quæ prohibita est à Pio IV. in *Bulla Confirmatoria Concilii Trid.* ubi etiam Prælati præcipitur sub interdicti ab ingressu Ecclesia, aliis vero sub Excommunicationis lata sententia pœnis, ne Commentarios, glossas, annotationes,



*Scholia, ullumve omnino interpretationis genus super ipsius Concilii Decretis quocunque modo edere, aut - statuere audeant, etiam sub pretextu majoris corroborationis, aut executionis, aliove quasito colore.*

47 Quæritur 4. quæ regulæ sint servandæ in *Doctrinali* Interpretatione Legum? Resp. plures in hoc dati Regulas posse. 1. ante omnia alia spectanda est Legis materia, & præcipue finis, & causa, qua ad eam condendam Legislator principaliter est inductus; quia ut *c. intelligentia* 6. de *V. S.* dicitur, *non sermōni res, sed rei est sermo subiectus*.

2 Ponderandus est totius Legis, vel Canonis textus; quia ut habetur *l. incivile* 24. ff. de *Legib. incivile est, nisi tota Lege perspecta, una aliqua ejus particula proposita, judicare, vel respondere*.

3 In Interpretatione Legis non est recedendum à proprietate verborum, nisi id suadeat aut praxis, aut quia aliàs Lex foret inutilis, aut quia ex verbis propriè acceptis sequeretur iniquitas, vel absurdum. *c. inter* 2. vers. *sed neque de translat. Episc. l. non aliter* 69. ff. de *Legat.* 3. Ratio est, quia non est præsumendum, Legislatorem locutum fuisse improprie, cum Legem tulit, & quod ex verbis non venit intelligendum, nec ex mente provenire creditur. *l. Labeo* 7. §. *Servius* 2. vers. *id Tubero*. ff. de *supell. legat.*

4 Si sensus verborum dubius sit, ita ut accipi illa proprie in duplici, aut multiplici sensu possint, ille sensus est præferendus, quem verba ex communi usu approbata intellectu habent; quia ut dictum est *num.* 44. optima interpretres Legum est consuetudo.

5 Omnis Lex, etiam pœnalis, & odiosa, ita interpretanda est, ut non evadat inutilis, & otiosa; quia sic etiam intelligenda sunt verba in actibus, & negotiis, inter privatos gestis *l. item veniant*, 20. §. *præter* 6. ff. de *hered. petit.*

6 Lex exprimens genus comprehendere sub se censetur omnem speciem contentam sub genere, perinde ferè, ac si expressisset singulas, ex communi *JCr*orum axiomate: *ubi lex non distinguit, neque nos distinguere debemus*.

7 In pœnis facienda est interpretatio mitior, in odiosis restringenda, in favorabilibus amplianda etiam ad sensum verborum, quem ex sola Juris fictione habent juxta *regul. odia* 15. in 6.

8 Legi anteriori nunquam censetur derogatum per aliam Legem posteriorem, nisi hæc sit priori omnino contraria; quia correctio Legis vitanda est, quoad fieri potest: & hinc si Lex prior sit specialis pro aliquo casu, & posterior generalis, non censenda est correctæ prior, sed potius posterior limitari à priore, nisi verbis expressis posterior contradicat priori; nam hoc si fiat, tunc.

9 Regula est: Lex posterior priorem, cui contraria est, abrogat, vel ei derogat, licet nullam ejus mentionem faciat *c. licet* 1. h. t. in 6. ubi Ratio redditur, quia *Romanus Pontifex* (idem est de quovis Legislatore) *jura omnia in scrinio pectoris sui censetur habere*: & hinc condendo Constitutionem antiquæ contrariam, priorem censetur tollere. *Excipitur*, nisi Lex prior sit tantum particularis; hujusmodi enim Leges, cum innumeræ sint, & diversissimæ, à Papa probabiliter ignorantur, prout habetur *c. licet cit.* conf. condendo Legem universalem illi contrariam, nisi clausulam derogatoriam, addat, eandem non præsumitur revocasse.

10 Semper lex nova, si per contrarietatem fieri possit, secundum antiquam interpretari debet, etiam verbis aliquando acceptis in sensu minus proprio *l. non est novum* 26. & *l. sed & posteriores* 28. ff. de *Legib.*

48 Quæritur 5. an ob solam similitudinem, vel identitatem rationis extendi Lex debeat ad casum sub lata verborum forma in Lege non comprehensum? Rationem dubitandi facit commune axioma desumptum ex *l. illud* 32. ff. ad *Leg. Aquil.* quo *JCr*i inquirunt, *ubi eadem est ratio, ibi eandem debere esse dispositionem Juris*.

Sed respondendum est, per se loquendo tali extensioni locum non esse. Ita *Suar. l. 6. de Legib. c. 3. an.* 4. *Pal. rr. 3. D. 5. p. 3. §. 4. num. 2. &c.* Ratio est, quia ratio Legis non est Lex. ergo etiam si in alio casu eadem militaret ratio, adhuc non sequeretur esse de illo legem; quia optimè potest Legislator de uno disponere, & non de alio, vel quia non vult, vel quia non expedit omnia simul prohibere.

Dixi *Regulariter*; nam quando ejusmodi extensio esset de mente Legislatoris, merito præsumi potest, extensio facienda est, & existimandum, casum in Lege positum tantum exempli causa adjectum esse. Præsumi autem hoc potest 1. in *correlativis*: & hinc quia maritus ob adulterium uxoris eximitur ab obligatione reddendi debitum, etiam uxor eximitur, si adulterium commissum sit à marito, quod maritus, & uxor ad imparia judicari non debeant. 2. In iis, quæ *Jure equiparantur*, quoad ea, in quibus equiparantur. *Pal. l. c. num. 10.* & hinc si Excommunicatio lata sit in surripientem centum florenos, eandem incurrit, qui surripit torquem ejusdem pretii. 3. In *connexis* ita, ut unum subordinetur alteri, vel in isto contineatur, tanquam pars in toto, aut imperfectum in perfecto; in his enim, cui licet, quod plus est, etiam licet, quod minus est, juxta *Reg. 53. in 6.* Et hinc qui dispensare cum illegitimo potest ad Sacerdotium, etiam dispensare potest ad minores Ordines; qui potest condere testamentum, etiam potest condere Codicillum &c. 4. In iis omnibus, in quibus, si non fieret ejusmodi extensio, sequeretur *iniquitas*, aut *absurdum*: nam ad hæc cavenda verba Legum improprie accipi debent, ut patet ex *Num. præc.* ergo poterunt, & debebunt etiam accipi latè. 5. Denique in *decisione causarum*; nam quando pro aliquo casu decidendo nulla habetur Lex, judicandum erit ad normam casus similis expressi, ex communi axioma, quo dicitur, *casum similem expressum à lege non censi omisum*. In his ergo casibus procedit Regula pro ratione dubitandi allata, non verò in aliis.

Quæritur 6. quando locus sit Interpretationi *restrictivæ* Legum per *Epiikiam*? Resp. præcipue in his tribus casibus. 1. Si alioquin in casu particulari Lex evaderet iniqua, & præciperet aliquid illicitum: ita Lex, quæ e. g. statuit universaliter esse reddenda deposita, non obligat ad reddendum gladium depositum, si deponens eo velit uti ad occidendum innocentem. 2. Si Lex in casu particulari præciperet aliquid nimis arduum, & supra potestatem humanæ Legis: sic Lex jejunii non obligat in casu gravis infirmitatis, etsi iste in Lege jejunii non excipiatur expressè. 3. si prudenter credi possit, quod Legislator in hoc, vel illo casu Lege sua non voluerit obligare.

*Proceditque* hoc in omnibus Legibus, præterquam in irritantibus; nam istæ non recipiunt *Epiikiam*, seu interpretationem ex æquo & bono. Patet in matrimonio clandestino, quod irritum est, etsi ob pestem grassantem, vel mortem alterutrius contrahentis imminentem præsentia Parochi, & testium haberi nequiverit. Ratio est, quia, ut bene advertit *konig hic num. 27. in fine*, Leges irritantes non attendunt ad casus, & rationes particulares, sed præcisè ad rationem communem, & patiformitatem actuum.

## §. VIII.

### De Cessatione Legum.

## S U M M A R I U M.

- 50 Lex primò cessat ex cessatione cause finalis ejusdem.
- 51 Secundò per abrogationem.
- 52 Quando Lex anterior censeatur abrogata per posteriorem?
- 53 Quinam possint legem abrogare, vel derogare eidem?
- 54 An inferior possit abrogare legem propriam, si ea sit confirmata à Superiore?
- 55 An Episcopus, vel Archiepiscopus abrogare possit Constitutiones à se factas in Synodo Diocesana?
- 56 Tertius modus, quo lex cessat, est *Dispensatio*; ubi, an dispensari possit in lege naturali?
- 57 An in Jure Divino positivo dari *Dispensatio* possit, & à quo?
- 58 Quis dispensare possit in lege Ecclesiastica?
- 59 Quando Episcopis, & Prelatis inferioribus censeatur esse concessa potestas dispensandi in lege Pontificia?
- 60 Circa quos dispensatio exerceri debeat?
- 61 An Superior possit dispensare secum ipso?
- 62 Utrum ad valorem, & licentiam Dispensationis requiratur causa justa?



**C**essare Lex aliqua dupliciter potest in totum, vel in partem duntaxat. *In partem* cessat, quando pro aliquo casu speciali, vel pro aliquo tempore ejus obligatio cessat: *in totum* cessat, quando vel finis Legis omnino cessat, vel quando abrogatur Lex, vel quando dispensatur in illa. Ex quo sequitur, tribus modis Legem cessare posse. 1. Cessatione finis. 2. Abrogatione. 3. Dispensatione.

Quæritur 1. quando Lex cesset ex cessatione *causæ finalis* ejusdem? Resp. Quatuor has regulas observandas. 1. Cessare debet ejus causa finalis tota: hinc quia Lex jejunii ab Ecclesia lata est ob duplicem finem, unum intrinsecum, qui est honestas jejunii, alterum extrinsecum, qui est maceratio carnis, Lex illa adhuc manet, quamdiu finis ejusdem intrinsecus manet, quamvis alter extrinsecus cesset, & jejunio ad macerationem carnis, utpote spiritui plenè subjectæ, opus non sit. Pal. D. 5. p. 1. num. 3.

Causa finalis cessare debet pro omnibus Legis membris, seu articulis; aliàs ejus tantum articuli obligatio cessabit, cuius causa finalis cessat, cæteris vigorem retinentibus, ne utile per inutile vitietur contra *Regulam* 37. de R. J. in 6.

3 Si Lex aliqua lata sit ratione generalis periculi, e. g. latum est generale Præceptum, ne arma deferantur noctu ad vitandas rixas, ut Lex cesset, non sufficit, quòd in aliquo particulari casu periculum illud cesset, sed requiritur, ut cesset communiter, seu respectu totius communitatis; quia periculum commune, non particulare est ratio, & causa finalis Legis. V. *suprà* num. 34.

4 Causæ cessatio debet publicè innotescere, ut Legis obligatio ex ea cesset. Suar. l. 6. de legib. c. 9. num. 12. rationem dat, quia Lex communitatem adstringit, & ratione illius personas singulas, ergo dum communitati non constat de cessatione, etsi singulis constet, singuli excusari non possunt; quia non prius excusari possunt, quam ipsa communitas excusetur. Putat tamen Pal. tr. 3. D. 5. p. 1. num. 8. si de facto aliquibus constaret, cessasse integrè finem à Legislatore intentum, posse illos adversus Legem procedere, secluso scandalo, etiamsi communitati id non constaret, & videtur hoc evincere ratio ab ipso allegata; nam à puncto cessationis causæ, lex perit, ergo ab illo puncto deobligatur communitas, licet per ignorantiam putet se nondum esse de obligatam: ex hoc autem, quòd communitas ex ignorantia se censeat esse obligatam, non sequitur, quòd obligentur illi, qui carent hac ignorantia. ergo &c.

Quæritur 2. quomodo Lex cesset per *Abrogationem*? Resp. Abrogari lex aliqua dicitur tunc, quando à Principe Lex tota tollitur: hinc distinguitur à *Derogatione* Legis; nam hac Lex solum tollitur quoad partem aliquam. Porro abrogari Lex potest dupliciter. 1. Per aliam Legem, qua inducatur obligatio ad actum contrarium, vel contradictorium. 2. Sine alia Lege, præcise obligationem Legis impositam revocando.

*Dubium* 1. est, quænam conditiones servandæ sint in abrogatione Legis? Resp. 1. requiritur *potestas sufficiens*; solum enim per legitimam potestatem Leges abrogari possunt. 2. *Causa iusta*, & pertinens ad commune bonum *L. in rebus* 2. ff. de Constit. Princip. sine hac enim abrogatio Legis erit quidem valida, sed tamen illicita: valida quidem; quia Legis obligatio à Legislatoris voluntate pendet: illicita autem; quia ita abrogare Legem utilem Reip. est abuti potestate, & Jurisdictione sibi concessa, quam Princeps accepit ad regendos subditos per leges justas, & convenientes Reip. 3. *Publicatio abrogationis*, siquidem hæc fiat per impositionem novæ Legis; nam abrogatio talis verè Lex est. Secus, si fiat sine impositione novæ Legis; ut enim ita Lex abrogetur, satis est, si alio modo voluntatem abrogandi Legem sufficienter manifestet Princeps.

*Dub.* 2. quando Lex anterior censeatur abrogata per posteriorem Legem. Resp. Cum distinctione; vel enim Lex prior, & abrogata generalis est, vel specialis. Si *specialis*, per posteriorem Legem contrariam generalem non abrogatur, vel derogatur, nisi illius saltem in genere Princeps mentionem faciat; sed potius, ut vitetur Juris correctio, anterior Lex specialis erit quasi quædam exceptio Legis generalis posterioris. Si *verò anterior sit generalis*, videndum, an illa sit corpore Juris communis clausa, an verò extra hoc *Schmalzgruber. Tom. I.*

posita. Si *primum*, abrogatur per posteriorem, modò hæc priori contraria sit, neque opus erit de priore in posteriore Lege mentionem fieri; quia eorum, quæ Juri communi inserta sunt; Princeps censetur consensius, & cons. Legem contrariam ferendo voluisse abrogare priorem. Si *secundum*, anterior Lex per posteriorem sine prioris mentione non abrogatur, nec derogatur; quia ea, quæ extra Jus commune sunt posita, potest probabiliter ignorare Princeps. c. licet 1. h. tit. in 6. Pal. tr. 3. D. 5. p. 2. §. 1. à num. 7. & ab hoc cit.

Duo tamen casus sunt, in quibus Legis anterioris, etiam Corpore Juris communis clausæ, mentio fieri debet. Primus est, si Lex prior firmata sit Juramento de ea non abroganda; tunc enim fieri mentio illius deberet, ut per posteriorem abrogata censeri possit. Pal. l. cit. num. 8. Konig hic num. 29. ubi rationem dat; quia magis inconveniens est, Legislatorem contra suum Juramentum venire, quàm quòd lex posterior ob non sufficientem expressionem prioris fiat inutilis. *Secundus*, si Lex prior contineat clausulam derogatoriam deinceps ferendæ. Konig. l. cit. & apud hunc *Abbas contra Sylvestrum*, & alios. nam clausula illa debet aliquid operari; nihil autem operaretur, si per Legem posteriorem revocaretur perinde, ac si illam clausulam non haberet. ergo &c.

*Dub.* 3. quinam possint Legem abrogare? *Certum est*, 53 quòd Legem suam revocare possit 1. *qui illam tulit*; quia hæc dependet à voluntate ejusdem. 2. *Ejus Successor*; quia parem cum antecessore potestatem habet. 3. *Superior istorum*; quia habet universaliorem Jurisdictionem.

*Difficultas est de inferiore*, an iste abrogare Legem Superioris possit in suo saltem territorio? *Ratio dubitandi* est, quia inferior potest dispensare in Lege Superioris, puta, Episcopus in Legibus Pontificiis, in Regiis, vel Imperialibus Magistratus, ergo etiam iisdem derogare; non enim minùs hæc potestas, quàm illa pertinet ad rectam, & suavem Provinciæ gubernationem. *Confirmari* potest ex pluribus statutis municipalibus Juri communi contrariis, quæ valorem habent; sic enim Jure communi habetur, ne quis, ob delictum alterius puniatur, ut tradit Bartol. in l. 7. ff. de incendi. ruin. naufrag. n. 1. & tamen valet statutum, quo cavetur dominum teneri satisfacere pro damnis famulorum, quæ commissa fuerint, etiam ipso nesciente, & patrem pro damnis filiorum &c. cui similia multa alia refert Az. p. 1. l. 5. q. 11. & 14.

Sed adhuc verius est, inferiorem Legi Superioris derogare non posse, nisi fortè ex privilegio, aut præscripta consuetudine potestatem istam acceperit. Ita Suar. l. 6. de legib. c. 26. num. 4. Pal. tr. 3. D. 5. p. 2. §. 2. num. 5. Videtur hoc quoad Jus Canonicum decisum esse pluribus textibus, præcipuè autem c. quod super his 9. & c. cum inferior 16. de major. & obed. & patet universaliter ex ipsis terminis inferioris, & superioris; si enim ex se potestatem habet abrogandi Leges superioris inferior, non esset amplius inferior illo, sed potius superior.

*Ad rationem dubitandi* negatur, quòd inferior habeat ex se potestatem dispensandi in legibus superioris, sed si habet, habet illam à superiore, ut dicitur Num. 58. *Ad Conf.* statuta illa non sunt contra dispositionem Juris communis; Jure enim communi non est prohibitum expresse, ne aliquis innocens puniatur in bonis suis ob delictum alterius, sed solum est præter illam. condere autem statuta præter Jus commune, & potius ei faventia, quàm nocentia Reip. concessum est l. omnes populi 9. ff. de J. & J.

*Dub.* 4. an inferior possit abrogare legem propriam, si 54 ea sit consummata à Superiore? *Certum est* abrogari ab inferiore non posse, si superior in confirmatione addidit clausulam irritantem ea, quæ contrà essent statuenda, vel attentanda; tunc enim intelligitur sublata esse inferiori potestas in contrarium aliquid statuendi c. dilecto 25. §. *Præterea de prob. & dign.*

*Major difficultas est*, quando Princeps ejusmodi clausulam non adjecit, sed apposuit confirmationem tantum simplicem. Sanch. l. 8. de Matr. D. 17. n. 30. etiam hoc casu negat abrogari ejusmodi Legem sic confirmatam etiam à conditore suo posse, ex ratione, quia ex ea confirmatione censetur esse facta Lex superioris, cum Princeps ea, quæ autoritate sua confirmat, sua faciat c. si Apostolice 22. de proband. in 6. & l. Deo



*authore 1. §. sed neque 6. ff. de vet. Jur. enucl.*

Sed melius applicatur distinctio, qua utuntur Abb. in c. 8. h. tit. num. 2. Pal. rr. 3. D. 5. p. 2. §. 2. num. 8. Konig hic num. 28. & colendissimus Antecessor, & Professor meus P. Jacobus Vviesner p. m. ibid. num. 144. Vel enim statutum ejusmodi principaliter concernit favorem statuentium, vel contra concernit favorem publicum, aut aliorum, quam statuentium.

*Si primum*, etsi à Sede Apostolica confirmatum sit confirmatione simplici, derogari eidem potest à statuentibus; quia non debet censi velle superior beneficium invito obtrudere, & ad favorem recipiendum obligare nolentem. *Si secundum*, ab inferiore sine licentia superioris revocari non potest; quia ex quo iste statutum ejusmodi confirmavit, censetur suum fecisse juxta c. & l. cit. *Excipitur*, nisi confirmatio tantum petita sit ad majorem auctoritatem statuti: & hoc præsumendum vult Pal. l. cit. quodocunque confirmatio statuti petitur ab eo, qui, seclusa confirmatione, habet potestatem obligandi illos, pro quibus statutum condidit. *Ex quo patet responsio* ad Argumentum Sanchezii.

55 Dub. 5. An Episcopus, vel Archiepiscopus abrogare possit Constitutiones à se factas in Synodo Diocesana? Videtur non posse. 1. Quia Episcopus non est superior sua Synodo; est enim pars illius. ergo non potest abrogare statutum factum à Synodo. 2. Episcopus ipse Legibus, & constitutionibus Synodalibus arctatur, ut cum Medina plures alii docent apud Pal. rr. 3. D. 5. p. 2. §. 2. num. 9. 3. Constitutiones sic factæ vim habent non tantum à voluntate Episcopi, sed etiam Clericorum ibi congregatorum, qui suffragium decisivum habent. igitur sicut non solus Episcopus est Legislator in eo casu, sic nec solus derogare ejusmodi statutis poterit. 4. Esto, si Clerici in Synodo congregati non habeant votum decisivum, sed consultivum tantum, tamen statutum in Synodo factum ab Episcopo fieri debet cum horum consensu: atqui statutum factum cum consensu aliquorum transit in contractum, ac proinde sine simili consensu revocari non potest, ut tenet Bartol. in l. 9. ff. de J. & J. num. 29. vers. distingue, & plures alii apud Pal. l. cit.

Verum his non obstantibus, dico probabilius posse Episcopum, inconsulta Synodo, Constitutiones Synodales, si id viderit expedire (raro tamen illud expediet) abrogare. Ita Navarr. Summ. c. 25. num. 74. Az. p. 1. l. 5. c. 15. q. 3. Barb. de offic. & potest. Episc. alleg. 34. num. 3. Pal. l. cit. qui dat rationem, quia Clerici in Synodo congregati non faciunt Constitutiones, sed solum præbent consilium ad illas faciendas, non ex necessitate, sed ex utilitate, & convenientia, ut Episcopus procedat prudentius.

Neque aliud probant argumenta allata. 1. Episcopus est quidem pars Synodi, sed instructus simul potestate legislativa, quam reliqui in Synodo Diocesana congregati non habent. *Ad 2.* Constitutionibus Synodalibus Episcopus non aliter obligatur, quam si factæ fuissent à se solo, videlicet indirectè, & quatenus hoc aut bonum commune, aut necessitas scandalum vitandi suadet, ut suprà N. 36. de Legislatore quolibet dictum est. *Ad 3.* quod Clerici ceteri Votum decisivum in Synodo non habeant, videtur constare ex hoc, quia Synodalia statuta, non ipsi, sed solus Episcopus subscribit, absque ulla mentione Clericorum. *Ad 4.* Statutum factum cum consensu aliquorum in contractum transit tum solum, quando consensus expostulatur ut necessarius, & consentientes aliquid statuenti tribuunt: quod non fit in casu nostro.

56 Queritur 3. quomodo lex cesset per Dispensationem? Resp. hic tertius modus est tollendi Legem, non quidem semper totam, sed quoad partem; sæpè enim dispensatur solum in casu aliquo particulari, vel cum particulari persona, manente obligatione Legis pro reliqua communitate. Definiri communius solet, quod sit relaxatio alicujus Juris, seu exemptionis alicujus ab obligatione Legis. Ita Pal. rr. 3. D. 6. p. 1. num. 2. Porro in Lege sua dispensare potest quilibet Legislator, ejus successor, & istorum in Jurisdictione superior; non tamen inferior in Lege superioris, nisi hic eidem dispensandi potestatem concesserit expresse, vel tacite, ut infrà num. 59. dicitur.

Dub. 1. An dispensari possit in Jure naturali? Cer-

tum est, ab hominibus mutari posse pro circumstantiis occurrentibus ea, quæ sunt de Jure naturali concessivo, vel probativo. Patet ex multis instantiis; sic enim etsi per Jus naturæ omnia sint communia, Jure gentium introducta est rerum divisio; item etsi liber à natura sit homo, libertas tamen hæc captivis in bello auferri potest: denique etsi naturale sit dogma, quod nemo cum damno alterius locupletari possit, sæpè tamen Respubl. ob bonum commune, & pacem servandam bona unius alteri tribuit, ut fit per usucapionem, & præscriptionem.

*Difficultas* igitur solum est in Lege naturali præceptiva, an dispensari in ea ab homine, vel saltem à Deo possit? Videtur posse. 1. Quia quilibet Legislator dispensare in Legibus suis potest, & alteri vices dispensandi committere, cum Leges à Legislatoris voluntate pendeant. at præceptorum naturalium Legislator Deus est. ergo &c. 2. Constat Deum dispensasse in Lege naturali, nim. in præcepto non occidendi cum Abraham Gen. 22. non fornicandi cum Osea, Of. 1. non furandi, dum Israelitis permisit spoliationem Ægypti Exod. 12. 3. Pontifex dispensat in votis, & juramentis, in matrimonio rato, in Residentia Ecclesiæ: quorum omnium obligatio ex Jure naturæ oritur.

Sed tenenda negativa sententia, & dicendum, nec à Deo, nec ab alio, vices ipsius habente, propriè & directè dispensari posse in ullo Jure naturali. Ita ferè omnes TT. & Canonistæ cum S. Thom. 1. 2. q. 100. a. 8. Ratio est, quia quæ Lege naturali prohibita sunt, intrinsecè sunt mala, & inhonestæ; quæ autem intrinsecè mala, & inhonestæ sunt, honestæ, & licita fieri ulla potestate non possunt, cum essentiæ rerum sint immutabiles. ergo &c. Dixi autem *directè & propriè*: nam indirectè potest tam Deus, quam illius commissio homo: sed homo non in omnibus, in quibus Deus, sed tantum in iis, in quibus potestatem dominativam ipsi concessit Deus, ut fit in casu præscriptionis, ubi Leges uni adimunt proprietatem, alteri dant: de quo plura alibi.

Neque obstant Argumenta contraria. *Ad 1.* Jus naturæ à voluntate Dei æterna, ac necessaria pendet; ac proinde est immutabile. *Ad 2.* in illis exemplis non dispensavit Deus in præcepto naturali non occidendi, non fornicandi &c. hæc enim semper invariabilia manserunt; sed apposuit conditionem, qua illorum obligatio cessabat, & qua posita, nunquam Jus naturale negavit occisionem, commixtionem corporum, aut spoliationem: hæc autem conditio in iis, quæ non absolute mala sunt, est concessio Divina; cum enim omnia potestati illius dominativæ subint, ut pro lubitu de iis possit disponere, & disponendi facultatem concedere, si ipse facultatem istam concedat, licita erit spoliatio, commixtio corporum, occisio, etiam innocentis. Neque tamen hinc sequitur, etiam licitum fieri posse mendacium, odium Dei, &c. nam horum præceptorum materia non pendet ex dominio Dei. *Ad 3.* Pontifex dispensando in Voto, & Juramento, Dei nomine, & auctoritate relaxat promissionem ipsi factam, qua relaxatione facta obligatio Voti & Juramenti per se ipsam corrui: hoc autem non est propriè, & directè dispensare in Voto, & obligatione naturali Voti; nunquam enim obligatio fuit, ut remissa promissione Deo facta per Votum, obligaret Votum. Directè tunc dispensaretur in Voto, si per dispensationem liceret homini non implere obligationem Voti, à Deo, vel Dei nomine, & auctoritate non relaxatam. Idem dicendum ad duos reliquos casus.

Dub. 2. an in Jure divino positivo dari dispensatio possit, & à quo? *Certum est* 1. posse in hoc Deum dispensare; quia, ut dictum est num. 56. quilibet Legislator dispensare potest in propriis Legibus. 2. *Certum est*, hanc potestatem non esse concessam Regibus, & aliis Sæcularibus; quia tota illorum potestas est merè temporalis. 3. *Certum est*, eandem etiam non competere Prælati Pontifici inferioribus; quia usus hujus potestatis, si ad aliquem pertinet, debebat esse rarissimus. igitur si penes aliquem hominem est, non potest esse, nisi penes Summum Pont.

Tota igitur quæstio in id recidit, an summus Pontifex dispensare in Jure Divino possit? Videtur posse. 1. Quia dispensat in solemnibus Religiosis Professione. 2. Aliquando dispensat, ut Minister Sacramenti Confirmationis sit simplex Sacerdos. 3. Dispensare potest, imò ut quidam volunt, reipsa dispensavit in Sacrificio Missæ ob



ob urgentem causam, ut fieri id possit sub una duntaxat specie. atqui hæc omnia sunt Juris Divini. ergo &c.

Sed his non obstantibus, communis, & verissima DD. sententia est cum S. Thom. 1. 2. q. 97. a. 4. ad 3. quæ negat, Pontificem dispensare in ullo Jure Divino posse. Colligitur ex *can. sunt quidam 6. & seqq. caus. 25. q. 1.* ubi asseritur, non esse Sedis Apostolicæ aliquid condere contra Apostolorum statuta, & aliquid illorum mutare. Ratio est 1. quia si Pontifex haberet hanc potestatem, haberet illam à Christo, maxime vi verborum *Quodcumque solveris super terram &c.* atqui nec ex his verbis, nec aliunde colligitur satis hæc potestas concessa Pontifici; nam verba illa nimis generalia sunt, & ex verbis ita generalibus non debet inferri concessio rei tam gravis, & extraordinariæ, quæ propterea specialem concessionem petebat. 2. Hæc potestas non cederet in ædificationem Ecclesiæ, sed potius in destructionem illius; cum enim in Lege nova nulla alia præcepta Divina positiva extent præter illa, quæ pertinent ad Fidem, Sacramenta, & Sacrificia, si in his per dispensationem mutatio aliqua fieri posset, facile corrueretur unitas, qua secum invicem ligantur fideles per totum orbem diffusi. 3. Nulla excogitari potest causa legitima dispensandi in aliquo præcepto Divino, quæ non habeat etiam locum in reliquis præceptis: & sic ob penuriam aquæ naturalis per dispensationem fieri Baptismus poterit in aqua rosacea, ex penuria Sacerdotis absolutio in articulo mortis impartiri à Laico, ex penuria panis triticeï, vel vini consecrati in pane hordaceo, aut cerevisia est &c.

Neque urgent Argumenta opposita. *Ad 1.* Solemnitas Professionis Religiosæ, ut communis, DD. habet, & inde orta insolubilitas, non Jure Divino, sed Ecclesiastico introducta est: hinc sicut Pontifex, existente causa, remittere potest obligationem cujuscumque Voti Deo facti, ita remittere potest obligationem Professionis, quod facit remittendo obedientiam specialem, & Superioribus à profitente factam. *Ad 2.* Jure Divino solum habetur, quod Episcopus sit ordinarius Minister Sacramenti Confirmationis; absolute autem, ut notat Pal. tr. 3. D. 6. p. 3. num. 6. institutione Divina ministrare Confirmationem potest Sacerdos quilibet: hinc quando Pontifex ei committit hanc potestatem, non dispensat, sed tantum ponit conditionem, sine qua Sacerdos simplex Sacramentum istud impartiri non potest. *Ad 3.* non constat authenticè de ejusmodi dispensatione facta: vel si Pontifex aliquando dispensavit, ea dispensatio non fuit propriè dispensatio, sed tantum declaratio doctrinalis, quod in tali casu præceptum Divinum non obliget.

Dub. 3. quis dispensare possit in *Lege Ecclesiastica*? *Certum est 1.* Summum Pont. dispensare posse in omni Lege Ecclesiastica, sive illa ab ipsomet Pont. sive à Prædecessoribus, sive à Concilio generali lata sit; quia Prædecessoribus suis potestate par est, superior autem Conciliis. *Certum est 2.* Episcopum, & Archiepiscopum posse dispensare per se loquendo in Statutis Synodi Diocesana; quia sunt ab ipso Episcopo lata Clerici verò ceteri solum sunt consiliarii, non Legislatores, ut dictum est num. 55. *Certum est 3.* neque ab Archiepiscopo dispensari posse in Legibus Concilii Provincialis; quia non sunt latæ à solo Archiepiscopo, sed à Concilio superiore illius.

Quæstio tantum est, an Episcopus, vel alius Prælatus inferior Papa dispensare possit in Lege Pontificia expressè non reservata? Affirmat Sot. in 4. dist. 27. q. 1. ar. 4. §. *at quo tandem*. Covar. in c. alma p. 1. §. 7. num. 8. & alii, quos citant Pal. tr. 3. D. 6. p. 4. num. 7. & Barbof. de Off. & potest. Epif. alleg. 33. num. 17. Fundatur 1. textu c. nuper 29. de sent. excom. ubi Innocentius III. ad Episcopum Utatislaviensem referipit, *quando Conductor Canonis Excommunicationis absolutionem sibi specialiter non retinuit, eo ipso concessisse videri facultatem alius relaxandi.* ergo idem dicendum de Legibus, si dispensationem illarum sibi non reservavit Pontifex. 2. ex generali axiomate: quo Episcopi respectu subditorum suorum Diocesanorum dicuntur posse omnia, quæ Pontifex potest respectu omnium Christi fidelium, nisi huic specialiter sint reservata. 3. ex praxi communi: sic enim dispensationes in observatione Festorum, & jejuniorum passim petuntur, & sine scrupulo dantur ab Episcopis sine

Schmalzgrueber. Tom I.

recursu ad Pontificem. 4. ex ratione: quia sine hac facultate non possunt inferiores Prælati gubernationi rectè consulere, si deberent recurrere in quolibet casu ad Pontificem.

Sed melius negatur, quod in Lege Ecclesiæ universali inferiores Prælati quicumque dispensare possint, extra casus expressè, vel tacitè, ipsis permissos. Ita Gloss. in c. 15. de temp. Ordin. V. permissi. Abb. in c. 33. de testib. num. 3. Sylvest. V. dispensatio num. 14. Suar. l. 6. de Legib. c. 14. num. 4. Pal. tr. 3. D. 6. p. 4. num. 8. & apud hunc plures alii. Colligitur ex c. cum inferior. 16. de major. & obed. & Clem. ne Romani 2. de Elect. ubi cavetur, inferiore non posse superioris Jura mutare sine consensu ejusdem. atqui mutaret, si in Lege ejusdem dispensaret. ergo &c.

Ad argumenta in contrarium facilis est responsio. *Ad 1.* negatur paritas; quia potestas absolvendi à casibus non reservatis conceditur absolute, cum absolutio talis non sit contra Jus, sed conformis Juri; Jus enim præcipit dispositum absolvere; at dispensatio semper Jus violat, neque ita necessaria est bono animæ. *Ad 2.* axioma illud solummodò verum est in his, quæ ad commune Regimen spectant, & antequam à Pont. Lex aliqua constitutur; nam illa Lege constituta, ex vi illius limitata est Jurisdictio inferioris, ut non possit circa illam se intromittere. *Ad 3.* potestatem dispensandi in observatione Festorum, jejunii &c. cum sint casus usu frequentes, habent inferiores Prælati ex tacita concessione Pontificis per consuetudinem manifestata. *Ad 4.* argumentum hoc probat, quod in aliquibus casibus Episcopus, & inferiores Prælati habeant potestatem dispensandi in Lege Pontificia, ex tacito saltem consensu Pontificis: quod concordat responsioni nostræ. Sed hinc

Dub. 4. quando Episcopis, & Prælati inferioribus censetur esse concessa Potestas dispensandi in Lege Pontificia? Resp. 1. si materia levis sit, & ad mortale obligatio Legis non pertingat; quia commissa Jurisdictione videntur etiam hæc minora esse concessa. 2. in casibus frequenter occurrentibus; quia nimis esset onerosum ad Principem semper recurrere. 3. in casu extraordinario, quando urget necessitas dispensandi, & periculum est in mora, neque facile ad Superiorem recurri potest; tunc enim ex præsumpta Legislatoris voluntate censetur inferiori commissa facultas dispensandi, cum hoc suave Ecclesiæ Regimen exigit. 4. cum dubium est, an casus indigeat dispensatione; nam tunc præsumptio est pro libertate, neque censi debet esse Legi adstrictus, aliquis, quousque de Lege sibi moraliter constet: unde etiam datur, quod in tali casu opus sit dispensatione, sufficit tamen dispensatio Episcopi. 5. si consuetudine præscribatur, ut inferior dispenfer in Lege Superioris; nam consuetudo legitime præscripta Jurisdictionem confert. 6. si eadem facultas habeatur ex privilegio, modò hoc non sit revocatum; tunc enim patet de voluntate concedentis. 7. quodcumque in Canone impersonaliter, & indefinite dicitur, dispensari posse; alias enim verba illa forent superflua, cum nemini dubium sit, Pontificem dispensare posse in omni Jure Ecclesiastico.

Dub. 5. Circa quos dispensatio exerceri debeat? Uno verbo responderi potest, dicendo, exercendam illam esse circa subditos; cum enim sit actus Jurisdictionis, & superioritatem ex parte dispensantis, & subjectionem ex parte dispensati importat. In specie quoad casus sibi permisos dispensare etiam in Lege Pontificia possunt. 1. Legati Apostolici cum habitantibus in sua Provincia. 2. Episcopi cum suis Diocesanis. 3. Prælati Regulares cum suis Religiosis, saltem si exempti sint. 4. In quibusdam casibus Parochi cum suis Parochianis. Neque necesse est, ut is, cum quo dispensatur, habeat ibi domicilium; nam etiam cum vagis dispensare potest superior loci, in quo ad tempus resident. Quod ipsum Basil. de Leone l. 8. c. 5. num. 7. extendit etiam ad peregrinos: quod verum est quoad dispensationem in lege municipali, & communi; nam in votis, juramentis, & aliis specialibus impedimentis cum peregrinis superior loci, in quo sunt, dispensare probabilius nequit, ut notat Pal. tr. 3. D. 6. p. 7. §. 2. num. 4. ob complures Declarationes Cardd. quæ hujusmodi dispensationes negant impertiendas forentibus.

Dub. 6. An Superior, vel is, qui ex commissione potestatem dispensandi habet, secum ipso dispensare possit? *Certum est 1.* posse secum ipso dispensare indi-



rectè; nam quando in Lege jejunii, aut Festi Prælatus concedit dispensationem pro tota civitate, vel Conventu, necessariò in illa dispensatione etiam ipse includitur, cum sit præcipua communivitatis pars. *Certum est* 2. Quòd possit alteri vices suas committere, qui dispensationem ei concedat; quia Prælati non debent esse deterioris conditionis, quàm subditi, qui præmanibus habent, à quo possit absolvi, & dispensari.

*Difficultas* solum est, an dispensare secum ipso possit directè? Rationem dubitandi facit 1. *c. fin. de institut.* ubi dicitur, eum, qui Beneficium conferre potest, non posse seipsum instituere; & ratio subditur, quòd *inter dantem, & accipientem debeat esse distinctio personalis*. 2. *Ex magna 7. de vot.* ubi laudatur Episcopus Trecentis, quòd se noluerit obligatione voti exemptum judicare absque consilio Sedis Apostolicæ, & rationem addit Gloss. *ibid. V. noluisse, quia nemo Juramentum, vel votum suum debet interpretari*. 3. *Ex l. quamquam 1. ff. de auct. & cons. tutor.* ubi Regula Juris est, *in rem suam tutorem autorem fieri non posse*. 4. *Ex ratione*: quia Superior non potest se absolvere à Censuris, vel aliis pœnis, & inhabilitatibus. ergo nec dispensare.

Sed tenenda est affirmativa sententia, quàm etiam cum communi defendit Suar. *l. 6. de Legib. c. 12. num. 8. Pal. tr. 3. D. 6. p. 7. §. 1. n. 2.* Ratio est, quia Dispensatio est actus Jurisdictionis voluntariæ, quæ distinctionem personarum non requirit. *Conf.* quia dum Superior ipsi potestatem dispensandi concessit, ne deterior sit ipsius, quàm aliorum conditio, etiam censetur ei concessisse illam quod seipsum.

Neque vim habent Argumenta opposita. *Ad 1.* Ratio in *c. cit.* data non est sumenda generaliter, sed in illa materia Beneficiorum ob inconveniens maximum, quod esset, si Prælatus Beneficiorum distributor sibi ipsi conferret. *Ad 2.* Ibi Episcopus ille laudatur, non quia fecit opus necessarium, sed quia fecit opus supererogationis, & maximè deceptus. *Ad 3.* Negatur paritas; quia ibi est periculum damni in bonis pupilli, quale daninum non est in dispensatione. *Ad 4.* Absolutio à censuris est quædam Sententia, quam in seipsum quis dictare non potest: quoad reliquas pœnas distinguendum est, & concedendum de pœnis, quas per sententiam contraxit, negandum de iis, quas incurrit ipso Jure; nam in his, sicut cum aliis, ita probabilius potest dispensare secum ipso: imò tali casu potius dispensat Superior, à quo potestatem istam accepit.

62 Dub. 7. Utrum ad valorem, & licentiam dispensationis requiratur causa justa? *Certum est* 1. requiri, si inferior dispensat in Lege Superioris, e. g. Papa in Lege Divina, Episcopus in Lege Pontificia &c. & quidem ita, ut sine illa dispensatio neque valida sit, neque licita. Ratio est: quia non censetur superior potestatem dispensandi in Lege sua concedere, nisi ex causa rationabili: & hinc sine illa dispensans excedit limites potestatis sibi concessæ, quos egrediens nihil agit *c. dilecta 22. de rescript.* & *l. diligenter 5. in princ. ff. mandat.* *Certum videtur esse* 2. si Legislator dispenset sine causa in lege propria, eum validè dispensare; quia voluntate Principis Lex constituitur, & ex illa integrè pendet ejus obligatio. Ergo, si Princeps velit ab obligatione eximere aliquem, iste, aliis manentibus obligatis, exemptus erit ab obligatione.

*Controversia* moveri potest, an sine causa dispenset licitè? Videtur enim causa non esse opus. 1. Quia, ut dictum est modò, obligatio Legis ex voluntate Legislatoris pendet. igitur sicut pro libitu potuit illam imponere, ita etiam in illa dispensare. 2. Deus potest pro sola sua voluntate à Legum obligatione aliquem eximere, ergo etiam Legislator humanus. 3. Princeps potest tributa sibi debita debitori remittere absque ulla alia causa, ergo etiam Legislator obligationem Legis. 4. Plures dispensationes à Pontif. postulantiur in gradibus prohibitis, nulla ramen assignata causa. 5. Non potest dici, quale peccatum, veniale, an mortale sit, quando Legislator in Lege propria sine causa dispensat.

Sed his non obstantibus, dicendum, neque Legislatorem in Lege propria sine justa causa dispensare licitè posse. Ita communis cum S. Thom. 1. 2. q. 97. a. 4. & colligitur ex *can. necessaria 6. & can. seq. caus. 1. q. 7.* præcipuè verò ex Trid. *sess. 24. c. 5. & sess. 25. c. 14. & 18.* Ratio est manifesta, quia si Princeps sine causa ab

obligatione Legis te eximit, inæqualitatem facit, & aliquo modo committit vitium acceptionis personarum; item ansam præbet querelis aliorum, dum vident se esse sub onere Legis, te tamen excipi: quæ omnia sunt contra rationem. ergo non potest Princeps, qui debet esse fidelis, & prudens obligationum dispensator, hanc inæqualitatem inducere.

Neque urgent Argumenta contraria. *Ad 1.* Legislator etiam Legem ferre sine causa boni communis nequit, ut patet ex definitione Legis *Num. 2.* *Ad 2.* Voluntas Divina est summa regula bonitatis, non autem voluntas humana. ergo non est mirum, quòd causam requirat Legislator humanus ad dispensandum in lege licitè. *Ad 3.* In remissione tributii se Princeps habet, ut persona privata; at in exemptione à Lege non privatam personam agit, sed publicam. *Ad 4.* licet non assignetur causa, non tamen sine causa conceduntur eæ dispensationes; pro causa enim succedit Eleemosyna copiosior, à dispensata donata in sumptus publicos. *Ad 5.* Pal. *tr. 3. D. 6. p. 8. §. 1. n. 5.* aliis *citr.* notat, si Legislator in Lege propria sine causa dispenset, secluso scandalo, & damno notabili aliorum, committere solum peccatum veniale; quia non videtur esse gravis deformitas partem toti se non conformare. Hinc quando Trid. *l. citr.* graviter prohibet dispensationem sine causa, intelligendum est casu, quo gravis inconveniëntia ex hujusmodi dispensatione exurgit.

## T I T U L U S I I I.

### De Rescriptis.

Constitutionibus affinia sunt Rescripta; nam & ipsa inter placita Principum numerantur, & Legis vigorem habent, saltem inter partes, & personas, inter quas rescriptum est, & in negotiis, pro quibus rescripta sunt edita, *l. que ex relationibus 2. C. de Legib.*

### §. I.

#### De Rescripti Natura, Varietate, & Impetratione.

### S U M M A R I U M.

- 1 Rescriptum est Responsum à Papa, Imperatore, vel alio Principe, præsertim supremo, ad alicujus petitionem in scripto datum.
- 2 Præcipuè dividitur in Rescriptum Gratiæ, Justitiæ, & Mixtum.
- 3 Propriè dicta Rescripta concedi possunt tantum à Principe, qui Superiorem non recognoscit.
- 4 Impetrari possunt à quocunque, nisi specialiter prohibeatur.
- 5 Ab Excommunicato in septem casibus.
- 6 Rescriptum Justitiæ regulariter nemo impetrare potest pro alio, nisi instructus sit speciali mandato.
- 7 Potest Rescriptum Gratiæ.

1 Q Uæritur 1. quid sit Rescriptum? Resp. Id definiendum ex diversa acceptione istius nominis; potest enim dupliciter accipi, genericè, & specificè. *Genericè* acceptum comprehendit responsiones omnes etiam privatorum, scripto datas ad petitionem alterius verbo, vel scripto factam. *Specificè* sumptum solum continet responsiones, scripto datas à Principe: & in hoc sensu accipi potest vel strictè, vel latè. *Strictè* acceptum illa tantum Rescripta continet, quæ dantur à principe secundum Jus: quo sensu sumptum Rescriptum excludit à se Privilegium, & dispensationem; quia dispensatio semper est contra Legem, Privilegium verò aliquando contra, aliquando præter Legem. *Latè* sumptum sub se comprehendit etiam Privilegia, Dispensationes, & beneficia Principis, modò sint in scriptis ad supplicationem, vel petitionem alicujus obtenta. Ita sumitur præsentis titulo, & definitur, quòd sit responsum, à Papa, Imperatore, vel alio Principe, præsertim supremo, ad alicujus supplicationem, relationem, vel consultationem in scripto datum. Ita quoad sensum communiter DD.

Differt 1. ab Oraculo; quia hoc est responsum Principis ore, sive viva voce datum, quamvis postea in scripturam redactum sit. 2. ab Epistola Decretali; quia hæc



hæc interdum datur motu proprio Principis, non præcedente consultatione, vel petitione illius, cui, vel in cuius favorem data est.

Quæritur 2. Quotuplex sit Rescriptum? Resp. Præcæteris tres notabiles sunt ejus divisiones. 1. enim dividitur in Rescriptum contra Jus, præter Jus, & secundum Jus. *Contra Jus* est, quo aliquid conceditur contra Juris Regulas, ut sunt Dispensationes, & multa Privilegia. *Præter Jus*, quod versatur circa ea, quæ Jure non sunt decisa, ut cum Pontifex rescripto suo mandat Titio provideri de Beneficio. *Secundum Jus*, quo respondetur de Jure consulentibus, ut si Princeps alicui per litteras committit potestatem cognoscendi de causa inter partes controversa.

2 Dividitur in generale, & speciale. *Generale* est, quod habet vim obligandi omnes subditos, & in toto territorio Principi subiecto. *Speciale*, quod inter certas solum personas, & ad certas causas, vel negotia, certum locum, aut tempus datum est. Fieri autem ex Speciali potest Generale, si Jussu, & autoritate Principis inferatur Juri communi, & omnibus servandum proponatur.

3 Et præcipuè dividitur in Rescriptum Gratiæ, Justitiæ, & Mixtum. *Rescripta Gratiæ* dicuntur, quibus ex liberalitate Principis aliquid præter, aut contra Jus commune conceditur, ut sunt, quæ expediuntur super resignationibus Beneficiorum, collationibus & dispositionibus aliis. *Rescripta Justitiæ*, sive ad Lites vocantur, quæ ad Justitiæ administrationem ferè secundum Jus commune faciendam tendunt, ut quando Papa causæ ad se delatæ cognitionem committit Judicibus delegatis. *Rescripta mixta* denique dici possunt, quæ gratiam simul, & Justitiæ continent, ut si executori mandetur, ut conferat Beneficium, simulque ei detur potestas compellendi resistentes. Porro in dubio præsumitur esse Rescriptum Justitiæ, non gratiæ; nam qui gratiam allegat, eam probare debet.

Quæritur 3. quis concedere Rescriptum possit, in qua materia, & contra quem? Resp. 1. Rescripta propriè dicta concedere potest solus, & omnis Princeps superiorem non recognoscens, qualis est Pontifex in spiritualibus, in temporalibus Imperator, Reges & alii Principes habentes supremam potestatem, horumque Cancellarii. *c. ad hæc* 10. & *c. h. tit.* nam Inferiorum concessiones, in scripto factæ, rectius litteræ commissionis, Excommunicationis, Absolutionis &c. quam rescripta vocantur, ut ex *c. olim* 25. *V. absolutionis* desumit Vallenf. *hic* §. 1. n. 2.

2 Rescriptum impetrari potest super rebus omnibus, de quibus litigari potest, quæve ex officio, vel gratia concedi possunt, & solent. Host. *in suum*. *hic* n. 8. Vall. §. 4. num. 3. Pirh. num. 6.

3 Impetrari potest Rescriptum contra quemcunque, sive Clericum, sive Laicum, sive majorem, sive minorem 25. annis, etiam contra Excommunicatum, ne ex malitia sua commodum ferat, modò is, contra quem impetratur, subsit Jurisdictioni concedentis. Host. n. 6. Vall. num. 1. Pirh. num. 6. cit.

Quæritur 4. à quo Rescriptum impetrari possit? Resp. impetrari potest à quocunque, sive actor ille sit, sive reus, nisi specialiter prohibeatur. Prohibetur autem 1. Servus, licet 1. *C. de precib. Imper. offerend.* nisi ex atrocissimis causis, ut si Dominus in servos sævierit, vel ad impudicitiam, aut turpem violationem compellat *l. si dominus* 2. ff. *de his, qui sui, vel alien. jur.* 2. falsus, aut revocatus procurator *c. ex parte* 33. *h. tit.* 3. Hæreticus *l. nullus* 2. *C. de sum. Trinit.* 4. alii Excommunicati Excommunicatione majori *c. ipso Jure* 1. *h. tit.* in 6. Hæc certa.

Dubium est, an Rescriptum ab Excommunicato impetratum etiam sit invalidum? Ratio dubitandi sumitur à paritate; nam si excommunicatus agat in judicio, & per exceptionem Adversarii, vel à Judice ex officio non repellatur, sententia, & omnia acta sunt valida. ergo similiter si petat Rescriptum, & superior petentem non repellat, valebit Rescriptum.

Verum hoc non obstante, dicendum, regulariter Rescriptum Pontificum ab Excommunicato impetratum esse invalidum, & ipso Jure nullum. Ita statuitur *c. ipso Jure* cit. & docent ibidem Interpp. Ratio est, quia per Excommunicationem redditur omnino inhabilis ad impetrandum Rescriptum, præterquam in casibus Jure exceptis.

Proceditque hoc, etiam si sit toleratus; quia *Extrav. ad evitanda* à Martino V. in *Concil. Constantiensi* edita ipsis excommunicatis nullus favor indultus est, quem tamen consequerentur, si ob hoc, quòd tolerati sint, Rescriptum validè impetrare possent.

Ad *Rationem dubitandi* dico, id verum esse casu, quo Excommunicatus agit coram Judice Ordinario, qui Jurisdictionem jam antè fundatam habet; non verò casu, quo agit coram Judice delegato vi rescripti. & ratio est, quia hujus Jurisdictio originem suam sumeret ex rescripto, quòd cum nullum sit ipso Jure, etiam Jurisdictionem dare non potest Judici per hoc delegato, ut cum Gloss. in *c. ipso Jure* cit. *V. processus* notat Laym. num. 3.

Quæritur 5. quibus casibus validum sit Rescriptum impetratum ab Excommunicato? Resp. plures enumerari casus: hinc num. præc. addidi *Regulariter*. 1. validum est Rescriptum, si illud Excommunicatus impetraverit à Papa super causa Excommunicationis suæ; alioquin non habet medium necessarium ad sui defensionem *c. ipso Jure* 1. *h. tit.* in 6. & ibi DD.

2 Si Excommunicatus sit tantum conditionatè; nam pendente conditione, vim suam Excommunicatio nondum exerit, & cons. cum non impedit ab impetrandum Rescripto.

3 Si sit minor solummodo Excommunicatio; nam nomine Excommunicationis simpliciter, & absolutè positæ intelligitur solum major.

4 Si impetrans rescriptum in Excommunicationem primum incurrit post rescriptum Justitiæ impetratum; tali enim casu per Excommunicationem non vitaretur Rescriptum, quamvis impetrans per exceptionem repelli possit.

5 Si Papa Excommunicationis conscius, rescripsit; quia tali casu præsumeretur dispensasse: & hinc ex praxi Curie Romanæ Rescriptis ferè omnibus præmitti solet absolutio à Censuris, ut Rescripta consequantur effectum.

6 Si Rescriptum impetratum sit, & concessum ab Episcopo, vel alio Ordinario Papa inferiore; quia appellatione Rescripti, absolutè potari, solum veniunt responsa Principis, qui superiorem non habet; igitur *c. hoc Jure* cit. extendi non debet ad Episcopalia, vel similia.

7 Si excommunicatus Rescriptum impetravit ab Imperatore, Rege, vel alio Principe seculari; quia in præsentis Rubricæ textibus, ut bene advertit Pirh. *hic* num. 10. Vviesl. n. 21. solum, vel saltem præcipuè sermo est de Rescriptis Apostolicis: & propterea *c. hoc Jure* dispositio, tanquam odiosa, de his solis debet intelligi.

Quæritur 6. An quis non tantum pro se, sed etiam pro alio impetrare Rescriptum possit? *Certum est*, neminem posse impetrare Rescriptum Justitiæ, seu ad lites pro alio, sive nomine illius, sine speciali ejusdem mandato; nam hoc expresse veratur *c. nonnulli* 28. §. *sunt & alii*, & *c. ex parte* 33. *h. tit.*

Dubium faciunt *c. ex parte* cit. verba ibi: *Apostolica littera, quas sine speciali mandato Domini quis impetrat, valere non debent*; quæ verba cum significationem futuri temporis habeant, indicant ad Rescripti iritationem opus esse exceptione, cons. illud non esse irritum ipso Jure. Ita quidem putabat Gloss. in *c. cit.* *V. speciali*, Abb. in §. *sunt & alii* cit. n. 6.

Sed melius Imol. in §. *cit.* num. 4. in fin. Zæf. *hic* num. 15. Pirh. n. 12. Vviesl. n. 23. affirmant, sic impetratum Rescriptum esse ipso Jure irritum, Sumitur ex *l. licet* 24. *C. de procurat.* Ratio est, quia qui speciali mandato non est instructus, ad hujusmodi Rescriptum Papale impetrandum inhabilis est ob defectum potentiæ agendi. sed actus à persona inhabili procedens omnino nullus est. ergo &c. Et hoc verum est, etiam si ejusmodi Rescriptum Principalis, cujus nomine impetratum est, postea ratum habeat; quia rati habitio subsequens non retrahitur ad actum præstitum, quando is præstitus est à Persona, quæ intuitu boni publici inhabilis reddita est ad agendum, prout contingit in nostro casu.

Excipiuntur tamen 1. Personæ conjunctæ, ut sunt liberi, parentes, fratres, affines, liberti; nam hæ personæ, sicut agere possunt in Judicio pro iis, quibus ita conjunctæ sunt, dummodo de rato caveant, ita & impetrare pro illis rescripta possunt sine speciali mandato §. *sunt & alii*, & *c. ex parte* cit. Excipiuntur 2. etiam



etiam aliæ Personæ Jure non expressæ, si Judicis arbitrio videantur ita affectæ esse erga eos, pro quibus Rescriptum impetrarunt, ut sine fraudis suspitione pro illis in Judicio admitti possint, etiam sine speciali mandato. Abb. in §. cit. num. 10. ubi ait, personas in præcedente exceptione positæ exempli loco duntaxat enumeratas fuisse. Excipitur 3. Procurator generalis; quia hic, sicut agere potest in Judicio cum solo mandato generali, ita etiam absque mandato speciali, pro se tamen, & nomine proprio ad hujusmodi causas judicarias impetrare Rescriptum potest. Abb. in §. cit. num. 3. Excipitur 4. nisi aliter consuetudo obtineat; nam ut Navar. Conf. 4. h. c. num. 9. cum aliis notat, defecto ex stylo, & praxi Romanæ Curix, valent Rescripta ad lites, etiam sine speciali mandato pro extraneis impetrata.

Quæritur 7. an speciale mandatum principalis requiratur etiam ad Rescripta gratiæ? Affirmat Abb. in c. 20. de elect. n. 10. motus istius cap. textu.

7 Sed tenenda est negativa sententia, quam etiam cum communiori defendit Suar. l. 6. de Legib. c. 13. à n. 6. & colligitur ex l. universis 6. C. de precib. Imperat. offerend. ubi expressè permittitur Rescripta impetrari pro alio etiam sine hujus mandato; cui Legi derogatum nusquam est à Jure Canonico quoad Rescripta gratiæ. Ratio est, quia ejusmodi gratiæ à Papa concedi possunt motu proprio etiam absenti, & ignorantibus c. accedens 24. de præb. & c. si tibi absenti 17. eod. in 6. ergo etiam concedi poterunt, alio interveniente, & petente pro alio, etiam si mandatum petendi ab isto non habeat.

Adverto tamen, quòd eo casu illi, cui impetratum est tale Rescriptum, non acquiratur per illud Jus in re ante acceptationem illius: quod adeo verum est, ut etiam si impetrans pro ipso Rescriptum, sit persona conjuncta, nequeat tamen sine speciali mandato illud ejusdem nomine acceptare; quia acceptatio hæc, seu consensus est actus personalis, qui fieri debet ab eo, cui concessa est gratia c. si tibi absenti cit. Quod si tamen quis gratiam alteri factam hujus nomine acceptavit, satis est, ut is, cui concessa est gratia, acceptationem suo nomine factam ratificet, ut notat Gloss. in c. si tibi absenti cit. V. habueris: cujus ratio est, quia acceptatio sine mandato facta solum irrita fuit ex defectu consensus illius, ad quem pertinebat dare consensum. sed hic per ratihabitionem suppletur. ergo &c.

Neque contrarium probatur ex textu c. innotuit 20. quo Abbas se fundat; quia ibi negata fuit gratia dispensationis, non quia petita fuit sine speciali mandato ejus, cum quo dispensandum erat; sed quia Capitulares illegitimè natum, omiſsa postulatione, contra Jus tentarunt eligere, & confirmationem ejusdem petebant: quam meritò negavit Papa, ne videretur approbare factum Capitularium.

## §. II.

### De Rescriptorum Forma.

## S U M M A R I U M.

8 Quæ sit Rescripti forma?

9 Quid exprimi debeat in Rescriptis Justitiæ, seu ad lites?

10 Quid in Rescriptis Beneficialibus.

11 Quanta sit vis Motus proprii?

12 Quæ vis clausularum, quæ vel addi Rescriptis, vel subintelligi solent?

8 Quæritur 1. quæ sit Rescripti forma? Resp. Hæc in legitima ejusdem expeditione consistit. Ad quam requiritur 1. ut nomen Pontificis, vel Imperatoris præponatur, & annus Incarnationis, item Pontificatus (si sit Rescriptum Pontificium) vel Imperii (si sit Imperatoris) dies, Consul, & Indictio, locusque subiciatur; alioquin Rescriptum de falsitate suspectum redditur. c. eam te 7. h. tit. c. inter 6. de fid. Instrum. & l. si qua 4. C. de divers. Rescript.

2 Ut observetur stylus usitatus. Est autem stylus Curix Romanæ, ut Pontifex in suis Rescriptis Patriarchas, Archiepiscopos, Episcopos Fratres, Reges autem, Principes, & alios cujusunque ordinis, sive Cle-

ricos, sive Laicos Filios appellet; & cum uni tantum personæ rescribitur, nunquam sit usus pluralis numeri: quæ si in Rescripto aliquo neglecta fuerint, id falsum censetur. c. quam gravi 6. de crim. fals.

3 Ut Rescripta gratiæ bullentur cum filo serico rubro, & croceo: Rescripta Justitiæ autem cum filo canabris, in quo plumbum pender: & hinc c. quam gravi cit. in fin. Pontifex monet ad deprehensionem falsi præter alia diligenter filum Bullarum inspiciendum esse.

4 De Jure communi Imperiale Rescriptum debet scribi Scriptura purpurea, signarique ardore cocti muricis, & triti conchylii. l. sacri 6. C. de divers. rescript. sed hæc forma in desuetudinem abiit, ut testatur Brunnem. ibid. numer. 3.

5 Litteræ etiam gratiæ, continentes dispensationes, interinari, seu examinari debent ab Ordinariis, seu Commissariis, num petita sint vera; & quidem si contineant Rescriptum Justitiæ, coram partibus: & ratio est; quia in omni Rescripto Pontificio subintelligitur clausula si preces veritate nitantur, vel si ita est c. ex parte 2. & c. ex parte 12. h. tit. Imò Rescripta Imperialia non aliter de Jure valent, nisi dictam clausulam expressè contineant per l. fin. C. de divers. Rescript. velatam can. dicenti 16. §. universa caus. 25. q. 2.

Quæritur 2. Quid exprimi debeat in Rescriptis Justitiæ, seu ad lites? Resp. 1. si in eadem causa vel ab una solum parte, vel utriusque consensu impetratum jam sit Rescriptum ad Judices Delegatos, ut secundum valeat, in hoc mentio fieri debet prioris Rescripti c. ceterum 3. h. tit. Ratio est, quia si Papa, vel Princeps recordatus fuisset prioris Rescripti, posterius, vel omnino non, vel non eodem modo concessisset, ut adeo censetur citra ejus consensum extortum.

2 Si reus extra Diocesin propriam ultra terminum à Jure præscriptum (qualis antiquo Jure erant duæ dietæ, novo una) ad Judicium trahatur, debet fieri mentio dietarum. c. statutum 11. §. cum verò h. tit. in 6. quia non præsumitur Pontifex, nisi hoc exprimat, velle in tam remotum locum vocari partem cum tanto ejus incommodo.

3 Si per Rescriptum mandatur restitutio spoliati contra Judicem, qui per sententiam ipsum spoliavit Beneficio suo, debet fieri mentio causæ spoliationis c. dilectus 27. h. tit. quia non solet Pontifex dare Rescriptum in forma communi in tali casu adversus Judicem, priusquam constet, an Judex partem spoliando justè, vel injustè processerit.

4 Si Rescriptum impetretur adversus personam privilegiatam, debet exprimi conditio personæ privilegiatæ, saltem quando Privilegium respicit exceptionem dilatoriam, & dat formam rescripto impetrando, ut si sit persona miserabilis, vel Scholaris. Innoc. in c. 38. de offic. Jud. deleg.

5 Si impetretur Rescriptum super re litigiosa, debet fieri mentio litis pendens super illa re, & Judicis, coram quo lis inchoata, & processus pendet. Felin. in c. 20. h. tit. n. 12.

6 Multò magis mentio fieri debet si super re, super qua Rescriptum est impetratum, est jam in causa conclusum, sententia lata, vel appellatio interposita c. ex parte 12. h. tit. & c. bone 3. de confir. util. & inutil.

7 Quod etiam dicendum, si causa jam sit terminata transactione, vel pronuntiatione arbitri compromissarii; quia Pontifex litem, laudo, vel transactione finitam, non censetur per rescriptum suum resuscitare velle.

8 Denique si ad instantiam partis committatur alicui inquisitio specialis contra aliquem, debet in Rescripto fieri mentio diffamationis, vel indiciorum huic æquivalentium. c. inquisitionis 21. §. tertia. c. qualiter 24. de accusat. & c. siis. 2. eod. in 6.

Quæritur 3. quid exprimendum sit in Rescriptis Beneficialibus? Resp. In his adhibendam esse distinctionem; aliqua dantur in forma pauperum, seu in forma communi, quibus mandatur conferri Beneficium Clerico pauperi: & hæc vocantur Rescripta Justitiæ; quia æquum est Clerico provideri de Beneficio, si aliàs cogeretur mendicare. Alia verò dicuntur Rescripta Gratia, quæ à Curia Romana emanant etiam pro Clericis non indigentibus; & hæc sunt iterum duplicis generis, videlicet in forma gratiosa, & in forma Dignum.

Quando in forma Gratiosa dantur, Clericus iis instructus supponitur dignus Beneficio, quo providetur, sed tantum datur mandatum ad deputatos Executores, ut pro-



provisum in possessionem inducant. Quando autem dantur sub forma *Dignum*, etsi impetranti aliquando ad Beneficium tribuatur Jus, provisio tamen de illo non fit Romæ à Papa, sed facienda, vel saltem per Tituli collationem perficienda committitur Diocesis Ordinario, cum mandato, ut præmissis examine, Clerico, pro quo scribitur, si idoneus reperiatur, conferat Beneficium.

Jam in his Rescriptis servandæ sunt istæ Regulæ. 1. Si Rescriptum detur *in forma pauperum*, seu *communi*, debet fieri mentio Patrimonii; aliàs erit invalidum; & ratio est, quia per ejusmodi Rescripta providetur solum Clericis Pauperibus, sed non potest dici pauper, qui sufficiens Patrimonium habet. ergo &c.

2 Tam in Rescriptis Justitiæ, quàm in Rescriptis Gratiæ *sub forma gratiosa* debet exprimi illius, pro quo rescribitur, habitas, vel potius defectus, quo absque dispensatione redditur incapax Beneficii; aliàs si talis defectus reperiatur, & de hoc non sit facta mentio in Rescripto, repellendus est, cum Papa non præsumatur relaxare Jus, quando illud non exprimit.

3 Tam in Rescriptis gratiæ, quàm in Rescriptis Justitiæ Beneficialibus exprimendum est Beneficium antè obtentum, etiam unicum *c. cum adeo 17. h. tit.* Venit autem nomine Beneficii hoc loco etiam Beneficium tenue *c. si proponente 42. eod.* etiam Vicaria, si sit perpetua, *c. postulasti 27. eod.* imò & pensio, si in titulum Beneficii detur; cum enim in locum Beneficii succedat, perinde est, ac si quis Beneficium haberet. Cockier in *Reg. 61. Cancell. num. 29.*

4 Exprimenda etiam est qualitas Beneficii antè obtenti, v. g. an sit Dignitas, vel Personatus *c. ad aures 8. h. tit.* an sit curatum *c. cum in illis 16. in princ. de præb. in 6.* an residentiam perpetuam exigens arg. *c. fin. de Cleric. non resid.* an patronatum, vel electivum, aut unitum alteri Beneficio. Menoch. *de arbitr. c. 201. num. 71. 84. & 91.* quia Pontifex non censetur velle derogare Juri electorum, patronorum, præsertim laicorum &c. si non exprimat.

5 Exprimi debet, an sit beneficium Ecclesiæ Cathedralis; quia hoc non venit nomine Beneficii in Rescriptis ambrosius *c. quamvis 4. de Præb. in 6.* an sit Beneficium Regulare, si sæcularis, vel sæculare, si Regulare pro eo supplicet; quia regulariter Beneficia sæcularibus, & regularia regularibus conferri debent *c. cum de Beneficio 5. de præb. in 6.*

6 Exprimendus etiam valor, seu quantitas reddituum Beneficii juxta praxim, & stylum Romanæ Curiae. Franc. in *c. 21. de præb. in 6. n. 3.* Cockier in *Reg. 61. Cancell. num. 21.* qui tamen *n. sequent.* notat, hodie ex generali consuetudine Canonici omnes Germaniæ, & Hispaniæ rescribi ad 24. Ducatos, idque, ut vitentur Annatæ: & ita se habent Concordata Germaniæ teste Branden *super concord. Germ. not. 2.*

7 Exprimendus modus, quo vacat Beneficium, pro quo supplicatur, an morte, resignatione &c. inducta vacatio sit *c. susceptum 6. h. tit. in 6.* item persona, per cujus obitum e. g. illud vacat, si talis illa sit, ut Papa non credatur provisorius de Beneficio, nisi illa rescita. Menoch. *de arbitr. l. 2. cas. 201. n. 135.*

8 Exprimi debet, si jus ad, vel in Beneficio, quod per Rescriptum impetratur, competat alteri. Menoch. *num. 138.* quia Papa jus alteri competens tollere, vel ei derogare non creditur, nisi hoc exprimat.

9 Exprimendum est, etsi alius sit tantum in possessione colorata *c. cum nostris 6. de concess. præb.* imò si solum sit detentor Beneficii per aliquod tempus, nisi aperte sit injustus; quia possessione, non notorie injusta, de jure nemo sine causæ cognitione assolet.

10 Denique facienda est mentio Rescripti primi super Beneficio ab alio impetrati *c. audientiam 31. h. tit.* Proce- ditque hoc, etsi impetrans mandato illi prius impetrato renuntiavit: & ratio est, quia si prius mandatum hoc expressum fuisset in supplicatione, verisimiliter Papa posteriores litteras non concessisset.

Queritur 4. quando Rescriptum, seu litteræ Principis, vel Papæ censeantur datæ *ad instantiam*, & quando *motu proprio*? & quanta sit vis *Motus proprii*? Resp. *Motu proprio* tunc dicitur concedi gratia, quando ejus concessionem vel non præcessit impetrantis petitio, vel si præcessit, concedens tamen ad concessionem faciendam non est motus petitione, sed potius proprii animi motu, &

libertate. Contra *ad instantiam* concessa censetur gratia, quando ad ejus concessionem Princeps inductus est impetrantis pro ea precibus; ac petitione. Præsumitur autem concessa *ad instantiam*, quoties *motu proprio* concessam Litteris non est expressum, prout habetur *c. si motu 23. de Præbend. in 6.*

Porro clausula *illius motu proprio*, si Rescripto, vel potius litteris suis adjiciat Princeps, ea vis est, ut quamvis non tollat obreptionem, commissam per narrationem falsi, tollat tamen regulariter subreptionem commissam per reticentiam veri, seu alicujus veritatis de Jure, vel stylo Curiae exprimendæ. Ita Gloss. in *c. 23. V. modicum de præb. in 6.* Felin. in *c. 8. hinc n. 9.* Pirh. *h. tit. nu. 111.* Hinc validum est Rescriptum *motu proprio* concessum, quando impetrans retineat beneficium tenue; non verò valet, quando Beneficium, quod est curatum, dicitur simplex, aut falsus ejus valor exprimitur. Ratio disparitatis est, quia quando taceatur veritas, Pontifex ab illa ad concessionem non movetur; neque sciri potest, an bene informatus de rei veritate gratiam denegasset: imò cum ea gratia procedat ex mera liberalitate Principis, potius præsumi potest, quod etiam veritate cognita, adhuc illam concessurus fuisset. E contrario, quando causa falsa exprimitur, satis apparet, quod concessio ex errore processerit, igitur *cum errantis nullus sit consensus*, ut dicitur *l. non idcirco 9. C. de Jur. & fact. ignor.* neque clausula *motus proprii* firmabit gratiam.

Dixi *regulariter*; nam tres casus excipiendi sunt, in quibus Motus proprius etiam non tollit subreptionem. 1. Quando veritas per reticentiam suppressa respicit jus tertii, cui per Rescriptum præjudicatur; quia Motus proprius Jus quæsitum non aufert, nisi id exprimatur. 2. Quando suppressa est inhabilitas personæ, v. g. irregularitas: quia motus proprius inhabilitatem non aufert, neque dispensationem inducit super impedimento; nisi aliquid addatur, quo rescribens indicet se dispensare, vel impedimentum velle tollere. 3. Quando taceatur qualitas Beneficio intrinseca, ut quod sit curatum &c. cum enim pro diversis Beneficiis diversa requiratur habitas, præsumi non potest, quod Papa per Motum proprium beneficium quodlibet velit conferre cuilibet.

Queritur 5. quæ sit vis aliarum clausularum, quæ vel addi Rescriptis, vel subintelligi solent: Resp. Præter eam, de qua *Num. præced.* Motus proprii clausula frequentiores, quæ addi, vel subintelligi in Rescriptis solent, sunt maximè quatuor. Prima, & maximè consuetæ est, *si preces veritate nitantur*. Hujus diversa vis est in Rescriptis gratiæ, & Justitiæ; nam Rescriptum gratiæ, si res non ita se habeat, ut in supplicatione Rescripti dicitur, est ipso jure nullum, non verò Rescriptum Justitiæ. Ratio disparitatis est; quia in Rescriptis gratiæ clausula illa inferitur ad demonstrandam intentionem concedentis gratiam, illam non concessuri, si falsa sint, quæ proponuntur in supplicatione. at in Rescriptis Justitiæ inferitur tantum ad institutionem Judicis, quomodo secundum Justitiam procedere debeat.

Secunda non minùs usitata est; nam in omnibus Rescriptis sive gratiæ, sive Justitiæ subintelligi saltem debet & explicatur his verbis *Salvo Jure alterius*: & ratio est, quia Papa, vel Princeps non censetur velle derogare juri alterius, nisi hoc exprimat. Quo fit, ut Rescriptum, quod in damnum alterius cedit, nisi in Rescripto expressum illud sit, sit ipso jure nullum, saltem si grave sit: modicum enim præjudicium æstimari non solet *c. ad aures 8. junct. Gloss. V. intentionis h. tit.*

Tertia addi, vel subintelligi solent in Rescriptis datis ad Beneficia, & his verbis proponitur: *siis, cui datur Beneficium Ecclesiasticum, dignus sit*, h. e. si impedimentum Canonicum nullum habeat. Hæc tacitè ipso jure inest collationi Beneficii, non tamen facit illam conditionalem propriè; quia actu vel validam eam facit, si fiat digno, vel invalidam, si indigno.

Quarta additur Rescriptis derogatoriis Privilegiis, & effertur his verbis: *Non obstantibus quibuscunque privilegiis, sub quacunque verborum forma concessis*: Ad hujus vim explicandam necesse est distinguere inter privilegia Corpori Juris communis inserta, & inter illa, quæ jure communi non sunt comprehensa; his per ejusmodi clausulam regulariter derogare velle censetur Princeps, non illis. Ratio de primis est, quia Privilegium insertum Juri



communi instar publicæ Legis esse censetur. ergo non præsumitur Princeps, qui Legum publicarum custos esse debet, ei velle derogare per clausulam generalem revocatoriam, sed opus est specifica derogatione. *Ratio de secundis*; quia cum Papa privilegia omnia, & singula nosse nequeat; eo ipso revocare illa censetur, quod genere utatur, in quo ex natura sua omnes comprehenduntur species.

Addidi *regulariter*; nam 1. *excipiuntur* Privilegia, quæ ita concessa sunt, ut per nullam Constitutionem revocata censeantur, nisi quæ ipsum expressè meminerit; nam hæc generali revocatione non includuntur ex mente illa concedentis. *Excipiuntur* 2. privilegia concessa per modum contractus, v. g. in compensationem meritorum; quia per illa Jus acquiritur privilegiato; Iuri autem alicui quæsito derogari, non nisi ex gravi causa potest: opus igitur erit speciali mentione illorum, ut derogatum illis velle Princeps cogitari possit.

## §. III.

*De Vitiis Rescriptorum, maxime de Ob- & Subreptione illorum.*

## S U M M A R I U M.

- 13 Enumerantur Vicia Rescriptorum.
- 14 Inter hæc præcipuum est Ob- & Subreptio.
- 15 Si Rescriptum fraude vel dolo subreptitiè sit impetratum, vitiatur totum.
- 16 Si per simplicitatem, vel ignorantiam, aliquando vitiatur, aliquando non vitiatur.
- 17 Vitiata una parte Rescripti per Ob-vel Subreptionem, non vitiatur pars altera, quæ à vitiata est separabilis.
- 18 An vitientur Rescripta, si ex duabus causis in eo allegatis una sit falsa?
- 19 Quando vitientur per errorem adjecta qualitatibus?

<sup>13</sup> **Q**Uæritur 1. quibus modis vitiari, vel suspecta reddi Rescripta possint? Resp. Id fieri pluribus modis posse. 1. Si emanarunt contra Jus commune, non addita clausula derogatoria ejusdem *can. rescripta* 15. *caus.* 25. q. 2. quia non est verisimile, Principem Jus, tot vigiliis excogitatum, & inventum, uno rescripto tollere voluisse: ut adeo tale Rescriptum suspectum sit saltem, ne sit supposititium. 2. Si emanarunt contra consuetudinem legitimè præscriptam, & stylum Curiae, & speciali clausula non sint munita; quia Princeps non censetur huic derogare, nisi exprimat *c. porrecta* 6. *de conf. util.* 3. Si per illud lædatur Jus quæsitum alicui tertio, & Rescriptum de eo mentionem non faciat; quia princeps, nisi hoc exprimat, non præsumitur alterius Iuri per Rescriptum suum præjudicare. *c. super eo* 15. junct. *Gloss. V. intentionis de offic. deleg.* 4. Si per aliquod Rescriptum Justitiæ uni, vel pluribus certis Judicibus committerentur omnia negotia tam præsentia, quàm futura *c. adhuc* 10. *h. tit.* nam per ejusmodi Rescriptum nimium præjudicaretur potestati Judicis Ordinarii, quod præjudicium facere Papa non præsumitur. 5. Si in Rescripto Justitiæ delegaretur Judex incertus, & arbitrium impetrantis eligendus, non addita clausula *ex certa scientia c. adhuc cit.* quia impetrans posset eligere eum, qui sibi faveret, & adversæ parti meritò esset suspectus. 6. Si in rescripto committatur, aut mandetur aliquid insolitum, nimis durum, alienum à recta ratione, aut contra publicam utilitatem *c. si quando* 5. *h. tit. c. cum teneamur* 6. *de Præbend. & Novell.* 134. c. 6. 7. Si Rescriptum contineat manifestum, & inexcusabile peccatum, vel errorem in Latinitate, stylo Curiae, vel Cameræ Apostolicæ recepta. *c. ad audientiam* 11. *h. tit.* cum enim ejusmodi Rescripta per manus multorum Officialium transeant, non est verisimile, illos non correxisse, vel emendasse errorem, si illud Rescriptum emanasset ex Curia. 8. Si contineat raturam, lituram, cancellationem in loco suspecto, seu parte Rescripto substantiali *c. inter* 6. *de fid. instrum.* 9. Si careat debita forma, aut solemnitate, quæ in praxi, aut stylo Curiae recepta est *arg. l. jubemus* 29. *C. de Testam.* 10. Denique, & præcipuè vitiantur Rescripta per Ob- & Subreptionem. De qua

<sup>14</sup> QUæritur 2. qui sit Ob- & Subreptio? & quomodo Re-

scripta per illam vitientur? Sæpè Obreptio cum Subreptione confunditur, propriè tamen diversum quid sonant; nam *Obreptio* propriè committitur per narrationem, vel expressionem falsi; *Subreptio* per reticentiam, sive suppressionem veri. Quocunque modo ex istis vitietur Rescriptum, non prodest impetrantibus. Ratio est, quia ut *n. 12.* dictum est, in omni Rescripto exprimitur, vel subintelligitur clausula *si ita est, si preces veritate nitantur*. atqui Ob- & Subreptio veritatem tollit: hæc quidem eam tacendo; illa autem falsitatem ponendo. Igitur quacunque his interveniente, vitiatur Rescriptum: nec immeritò; cum enim tali casu Rescriptum procedat ex ignorantia, vel errore, meritò præsumitur deesse consensus in rescribente, utpote cui nihil magis est contrarium, quàm error, prout dicitur *l. si per errorem* 15. *ff. de Jurisdic.*

Discrimen tamen aliquod faciendum est inter Rescripta Gratiae, & Rescripta Justitiæ; nam Rescripta Gratiae ipso jure sunt irrita, si ob-vel subreptitiè impetrata sint per textus *c. ad audientiam* 31. *h. tit. c. si motu* 23. *de præb. in 6. & Clem. 1. eod.* at Rescripta Justitiæ communiter, & ordinariè solùm sunt irritanda ope exceptionis *c. si autem* 9. & *c. plerumque* 23. *h. tit.* Ratio discriminis est 1. quia facilius conceduntur Litteræ Justitiæ, quàm Gratiae, ideoque hæc etiam citius, & facilius redduntur irritæ, præsertim quia magis ingratus censetur, qui beneficium vel gratiam per ob-vel subreptionem obinet. 2. Rescripta gratiæ impetranti tribuunt Jus v. g. in, vel saltem ad Beneficium, & sic negotium quasi definiunt, & determinant: cons. majoris sunt præjudicii, quàm Rescripta Justitiæ, quæ negotium tantum præparant, Jus declarando, dando Judicem, modum procedendi præscribendo, ut rectè negotium definiri possit. 3. Rescripta gratiæ non respiciunt litigantem, cujus interfit de Ob-vel Subreptione excipere, sicut ea, quæ sunt Justitiæ: proinde majus est periculum indebiti usus in primis, quàm in secundis: & cons. major erat necessitas irritandi illa, quàm ista.

QUæritur 3. quibus modis contingat Obreptio? Resp. <sup>15</sup> Obreptio, ut *n. præc.* dictum est, contingit expressione falsi; Subreptio autem taciturnitate veri. Utrumque debet esse de re tali, quæ ad negotium, de quo datur Rescriptum, per se, seu intrinsicè pertineat, adeoque necessariò sit exprimenda. Quam autem exprimenda sint in Rescripto, dictum est *n. 9. & 10.* Porro Reticentia hæc veritatis exprimendæ, & expressio falsitatis in Rescripto, vel potius Supplicatione pro Rescripto dupliciter fieri potest, videlicet. 1. per dolum. 2. per simplicitatem, & ignorantiam.

Hinc 1. dubitatur, quomodo vitientur Rescripta ob-vel subreptitiè impetrata per dolum? Videtur, ea saltem non omni ex parte vitiari ob textum *l. præscriptione* 2. *C. si contra Jus &c.* ubi habetur, Rescriptum Principis per mendacium impetratum valere quoad Judicem in eo datum, eique Iurisdictionem tribuere, ut de veritate negotii Principalis possit cognoscere.

Sed dicendum. si Rescriptum sit ob-vel subreptitiè impetratum fraude vel dolo, illud vitiari totum, seu quoad omnes partes, si illætendant ad unum, eundemque finem. Colligitur ex *c. Sedes* 15. *c. ex tenore* 16. & *c. super litteris eo h. r.* Ratio est, quia mendax precator indignum se facit favore Rescripti: unde in suæ perversitatis poenam meritò hoc favore privatur; ne ex delicto suo commodum referat, *Procedique hoc* 1. non tantum de Rescriptis Justitiæ, sed etiam Gratiae; nam etiam textus *citt.* de primis solùm loquantur, ex communi tamen DD. & Interpretum extenduntur etiam ad Rescripta gratiæ, quod ista, cum ferè Iuris relaxationes sint, magis sint odiosa quàm ea, quæ lites concernuntur, & propterea facilius vitientur. *Procedit* 2. etiam de Privilegiis, & aliis litteris graciosis ob eandem rationem. *Procedit* 3. etiam si expressio falsi, vel suppressio veri non fuerit causa concessionis Rescripti; quia distinctio illa, an Papa, vel Princeps adhuc dedisset litteras necne, solùm locum habet, quando ob-vel subreptio contingit per simplicitatem, vel ignorantiam, non verò quando per dolum; tunc enim in poenam doli, & malitiæ indistinctè vitiatur Rescriptum. Debet tamen res, quæ subricetur, aut falsò allegatur, ut in principio *numeri præsentis* monui, esse talis, quæ secundum Iura, & praxin Curiarum pertineat ad substantiam causæ.

Ad textum in contrarium allegatum, præterquam quod textus iste procedat solùm in Rescriptis Imperatoriis, ut rectè ad *l. cit.* notat Bald. *num.* 13. dici præterea potest



est cum Abb. *inc. 20. cit. num. 3.* ibi sermonem esse de mendacio non dolo, quod non ex proposito, & sine animo decipiendi committitur, sed commissum est per ignorantiam, vel errorem. Vel si contendas, ibi sermonem esse de mendacio etiam dolo, dici cum Gloss. *fin. in l. prescriptione cit.* potest, textum loqui, non de delegato, sed Ordinario partium Judice; nam hic Jurisdictionem suam non habet ex Rescripto, & propterea mirum non est, quod possit cognoscere de veritate negotii.

Quæritur 4. an, & quomodo per Ob-vel Subreptionem vitientur Rescripta, si illa sine dolo, per simplicitatem, vel ignorantiam contingit? Resp. cum distinctione: Vel enim hoc casu suppressa veritas, aut expressa falsitas talis est, ut ea cognita, Pontifex negaturus fuisset Rescriptum; vel talis e contra, ut adhuc illud fuisset concessurus, quamvis non in ea forma, qua illud concessit. Si primum, Ob-vel Subreptio, tamen ex simplicitate, vel ignorantia, vitiat Rescriptum, prout habetur *c. super litteris 2. b. tit. de Rescriptis Justitiæ*; de Rescriptis gratiæ autem colligitur ex *c. constitutus 19. eod.* ubi generaliter, adeoque etiam per simplicitatem vel ignorantiam facta, Subreptio in impetratione Beneficii eandem inficere declaratur. Ratio est, quia in ordine ad valorem Rescripti non tam spectatur culpa, aut ignorantia, vel error impetrantis, quam intentio concedentis, à qua vim suam Rescriptum habet. hæc autem in casu præsentis deest, ergo &c. Si secundum, patet ex *c. super litteris cit.* Rescriptum Justitiæ non vitari: conf. poterit, & debet eo casu Index delegatus procedere in causa sibi per tale Rescriptum commissæ, non tamen secundum formam eo præscriptam, sed ordinariam. Ratio est, quia subreptio non dolosa non reddit vitiosum Rescriptum, nisi quatenus est causa concessionis. si ergo fuit causa inductiva solius formæ accidentaliter Rescripti, videlicet quoad specialem modum procedendi, tantum vitabit specialem formam Rescripti, non verò ejus substantiam, quæ in Jurisdictione consistit, cujus Subreptio non fuit causa, quippe cum illam Princeps dedisset, quamvis non intervenisset Subreptio.

De Rescriptis gratiæ in hoc secundo casu major est dubitatio. Videntur valere hoc casu. 1. ex *c. gratia 7. b. tit. in 6.* ubi statuitur, gratiæ litteras non infici reticentia Beneficii, quod impetranti, absenti, & ignorantibus Episcopo collatum fuit, si tale illud fuit, ut Papa rescribens illud adhuc concessurus fuisset, quamvis alio modo, si collationem ita factam scivisset. 2. Ex *c. si pro Clericis 8. de præb. in 6.* ubi reticentia defectus Ordinis non vitiat litteras Beneficiales, si qui eas impetravit, Ordines in Beneficiato requisitos intra tempora Iure statuta suscipere possit. 3. Ex pluribus Decisionibus Rotæ, præsertim in una *Senensi*, ubi pro valido habetur Rescriptum ad Thesaurariam, sive Sacristiam, impetratum sub nomine Dignitatis, licet postea compertum fuerit, illam non Dignitatem sed Officium esse. 4. Ex ratione; quia expressio falsitatis, & veritatis reticentia non dolosa id solum vitiat, quod causat, atqui casu, quo Papa adhuc daturus fuisset Rescriptum veritate cognita, expressio falsitatis, & veritatis reticentia non fuit causa Rescripti, ergo &c.

Sed dicendum, etiam Rescriptum gratiæ vitari, si veritas aliàs de Iure, vel stylo Curie exprimenda, per simplicitatem, vel ignorantiam expressa non fuit, & hæc reticentia, vel falsitas fuit causa finalis Rescripti. Ita communis cum Gloss. *in c. si motu 23. V. taceatur de præbend. in 6.* Clarus est *c. istius* textus; nam ibi Pontifex generaliter decernit, vitari Rescriptum Gratiae ad instantiamque modici, antè obtenti. Ratio est, quia tali casu desideratur aliquid, quod ad formam Rescripti pertinet, igitur cum forma det esse rei, ea deficiente, actus Iure non subsistit.

Neque contrarium efficaciter probant rationes allatæ. Ad 1. *c. gratia cit.* non fuit suppressa veritas, de Iure, vel stylo Curie exprimenda in Rescripto; cum enim in casu illius fuerit Beneficium collatum ignorantibus, per eam collationem ante acceptationem non fuit acquisitum Ius absolutum in Beneficio, sed solum facultas Iuris in eo per acceptationem acquirendi, atqui nullo Iure requiritur, ut talis facultas exprimat in Rescripto, ergo &c. Ad 2. Pariter non debet in Rescripto exprimi defectus Ordinis? quia ut provideri aliquis de Beneficio, certum Ordinem

exigente, possit, sufficit, si Ordinem talem intra annum suscipiat. mirum igitur non est, quod reticentia defectus Ordinis non vitietur Rescriptum. Ad 3. Ibi nomen Dignitatis expressum non fuit causa determinationis gratiæ, sed demonstrationis tantum; intendit enim Pontifex conferre Thesaurariam, æquè collaturus, si nominata fuisset Officium, atqui, ut *num. 18.* dicam, falsa demonstratio, quando de re constat, non vitiat Rescriptum. Ad 4. expressio falsitatis, & reticentia veritatis, etiam per simplicitatem facta, si de Iure, vel stylo Curie in Rescripto debuisset exprimi, causat defectum formæ; formæ autem defectus inducit nullitatem Rescripti, ergo &c.

Quæritur 5. an vitata una parte Rescripti per Ob-vel Subreptionem, vitientur etiam aliæ partes ejusdem Rescripti? Resp. cum distinctione. Vel enim partes Rescripti ceteræ connexæ sunt cum parte, quæ Ob-vel Subreptionem continet, quia v. g. ad unum finem tendunt; vel non sunt ita connexæ, sed ab hac separabiles.

Si primum, satis convenit inter DD. eo casu vitata per Ob-vel Subreptionem una parte, etiam corrumpi ceteras, cum connexorum sit eadem ratio. Si secundum, non obstante, quod Rescriptum secundum unam partem sit Ob-vel Subreptitium, non tamen per hoc vitantur partes ceteræ Rescripti, in quibus nulla intervenit Ob-vel Subreptio. Ita Abb. *in c. 15. b. tit. n. 4. Felin. ib. n. 2. Gaill. l. 1. obs. 14. n. 4.* & colligitur ex *c. si eo tempore 9. b. tit. in 6.* ubi litteræ imperatæ ad Beneficium cum cura, vel sine cura, tacito defectu ætatis ad Curatum insufficientis, etsi propterea invalidæ sint quoad Curatum, valere tamen asseruntur quoad Beneficium simplex, si prelator ad hoc habeat sufficientem ætatem.

Ratio est, quia *utile per inutile vitari non debet*, quando sunt ad invicem separabilia juxta *Reg. 36. in 6. junct. Gloss. ibid.* Et confirmatur: nam quando diversæ gratiæ, nullam inter se connexionem habentes, in eodem Rescripto conceduntur, sunt virtualiter duo Rescripta, & merè per accidens, & materialiter est unum Rescriptum, *Proceditque* hoc, etiam si in parte vitiosa intervenierit Ob-vel Subreptio per dolum, & non tantum per ignorantiam; quia irritatio Rescripti ob dolum, in eo impetrando commissum, est pœna à Iure statuta in odium doli; pœnæ autem strictæ interpretatoinis sunt, igitur ad partes Rescripti, non connexas cum parte vitiosa, extendi non debet.

Quæritur 6. an subsistat Rescriptum, in quo ex duabus causis, simul & copulativè allegatis, una vera, altera falsa est? Resp. Probabiliter subsistere, dummodo causa, quæ verè allegata est, ad gratiam, quæ Rescripto concessa est, impetrandam de Iure, vel stylo Curie sufficiat, & altera, quæ falso est allegata, non sit de substantia Rescripti, & causa finalis unica. Ratio est, quia quando copulativè exprimuntur duo, quorum singula de Iure, vel consuetudine sufficiunt, propositio copulativa resolvitur in disjunctivam arg. *l. sape 53. in princ. ff. de V. S.* atqui, quando disjunctivè narrantur duæ causæ, ut Rescriptum non fiat Ob-vel Subreptitium, sufficit alterutram esse veram, ergo &c.

Dixi autem si altera causa falso allegata non sit finalis &c. scilicet talis, qua non expressa, Princeps rem petitam non concessisset; tunc enim clarum est, Rescriptum vitari, cum desit consensus rescribentis. Porro, an aliqua causa finalis sit, an verò impulsiva tantum, si id ex verbis Rescripti non satis constet, arbitrio Judicis definiendum erit, qui ad Judicium prudens in hoc serendum in consilium adducet circumstantias Rescripti, maxime stylum Curie, & consuetudinem Principis. Quodsi omnibus consideratis, remaneat dubium ex utraque parte æquale, benignius sentiant, qui tali casu docent, in omnibus litteris gratiosis causam ex duabus tacitam, vel falso expressam censendam esse potius impulsivam tantum, ex generali principio, quod in dubio præsumendum sit pro valore actus, si is in nullius præjudicium cedat.

Aliud dicendum, quando unica solum causa in Rescripto exprimitur; nam hæc finalis, non impulsiva censeri debet: conf. si falsa illa sit, irritum erit Rescriptum. Ratio est; quia Princeps non censetur concedere velle Rescriptum sine vera aliqua causa, ut patet ex clausula apponi solita *si preces veritate nitantur*. Motus autem



tem præsumitur causa in Rescripto expressa; igitur hac non subsistente, cum alia tali casu non exprimitur, censeri debet concedere noluisse Rescriptum: conf. Rescriptum irritum erit ex defectu consensus.

- 19 Quæritur 7. an Rescripta viciuntur per errorem adjectæ qualitatæ? Resp. cum distinctione, an qualitas talis adjecta sit per modum taxationis, vel per modum demonstrationis tantum. Si per modum taxationis, vel restrictionis, aut determinationis, ut alii loquuntur, vitiatur Rescriptum, etsi error ejusmodi non sit causa Rescripti; quia talis error redundat in personam, aut substantiam rei, quæ per qualitatem illam determinatur, & restringitur. Procediturque hoc tam in Rescriptis Justitiæ, quam in Rescriptis gratiæ. In Rescripto Justitiæ exemplum est, si quis impetravit Rescriptum contra debitorem suum, allegando per errorem causam Mutui, cum tamen ipse sit debitor ex causa emptionis venditionis; nam causa Mutui quoad substantiam alia est, quam causa Emptionis Venditionis: conf. causa Mutui, per errorem allegata ab impetrante, se habet per modum determinationis, & vitiatur Rescriptum. Exemplum in Rescripto gratiæ habetur c. susceptum 6. h. tit. in 6. ubi proponitur casus, quo Pontifex per Rescriptum mandat conferri Beneficium vacaturum per Resignationem, & statuitur, si resignaturus Beneficium, antequam illud actu resignet, moriatur, eum, qui impetravit Rescriptum, non posse vi illius obtinere illud Beneficium: quia in Rescripto restrictio facta est ad certum modum vacationis, nempe per resignationem, qui proorsus diversus est à modo vacationis per mortem.

Quod si autem secundum contingat, & qualitas per errorem addita se habeat solum per modum demonstrationis, per ejusmodi errorem non vitiatur Rescriptum, modo de substantia rei constet, & etiam sine tali errore concessio, vel dispositio eodem modo fuisset facta. Casus est, si e. g. aliquis petiit dispensationem in ætate ad Ordines suscipiendos, & in Rescripto dispensationis dato appellatur Michael, cum revera vocetur Joannes, aut si per errorem dicatur esse Natione Germanus, cum revera sit Polonus: tale enim Rescriptum, non obstante hujusmodi errore, validum est, nam & Legata cum hujusmodi errore valent, ut habetur l. si quis 4. ff. de Legat. l. l. demonstratio 17. §. igitur 1. & l. falsa 33. ff. de condit. & demonstr. Ratio à priori est, quia nomina inventa sunt personarum, aut rerum significandarum gratia, igitur etsi in nomine, vel aliis signis, aut qualitatibus, rei demonstrandæ causa adjectis, etretur, id nihil obest concessionem, vel dispositionem, si de re ipsa quolibet alio inodo constet. §. siquidem 29. & §. sed Inst. de Legat. Addidi modo sine tali errore concessio eodem modo fuisset facta; secus enim vitaretur scriptum, ut si Pontifex jubeat Beneficium conferri Titio, quod aliàs conferri solitum erat solis Germanis, Titius verò non sit Germanus, sed Italus: & ratio est, quia tali casu error in qualitate redundat in Personam, & voluntas concedentis deest.

#### §. I V.

##### De Rescriptorum Presentatione.

#### S U M M A R I U M.

- 20 Quando Rescriptum, legitime impetratum presentari debeat Judici delegato, vel Executori Gratie in eo nominato?
- 21 Quæ effectum habeant, si legitimo tempore sint presentata?
- 22 Quale tempus in Rescriptis Justitiæ sit attendendum, Data, an Presentata?
- 23 Quale in litteris Gratie ad beneficia?

20 Quæritur 1. quando Rescriptum, legitime impetratum, presentari debeat Judici per illud delegato, vel Executori, gratiæ in eo nominato? Resp. Distinguendo: Velenim à rescribente præfixum est certum tempus, vel non est præfixum. Si primum, intra illud tempus necessario presentandum est, aliàs evanescet: & ratio est, quia Rescriptum omnem vim suam habet ex Principis voluntate, qui tali casu vult solum illud habe-

re vim, si intra tempus, quod ipse præscripsit, presentetur.

Si secundum, distinguendum est inter Rescripta gratiæ, & Justitiæ. Rescripta gratiæ quocunque tempore presentari possunt, etiam post mortem concedentis; nam perpetua sunt, nec morte concedentis, etsi res integra adhuc sit, perimuntur, ut patet ex c. si super gratia 9. de offic. Jud. deleg. in 6. Ex quo sequitur, quod is, qui super Beneficio litteras Apostolicas prius accepit, in illius affectatione præferendus sit illi, qui postea ad idem Beneficium obtinuit aliàs, quamvis iste suas prius præsentarit, quàm ille, modò non dolo, aut notabili negligentia presentare distulerit. cap. tibi 12. in fin. h. tit. in 6.

Aliud dicendum de Rescriptis Justitiæ, seu ad lites, & Juris observantiam datis; nam in his attendendum est, an unicum duntaxat super eadem causa impetratum Rescriptum sit, an verò duo. Si unum, eo utendi facultas durat tamdiu, quamdiu durat Jus agendi, vel excipiendi, super quo impetratum est; quia, ut liquet ex l. fulsò 2. C. de divers. Rescript. Rescripta etiam Justitiæ regulariter sunt perpetua. At si duo sint impetrata, & is, qui impetravit primum, eo, cum posset, intra annum per malitiam, vel negligentiam non fuit usus, Rescriptum primum evanescit, & convalescit secundum, licet istud absque mentione prioris impetratum fuisset, adco, ut deinceps primus impetrans adversus posteriorem Exceptionem opponere non amplius possit, prout in pœnam doli, & negligentia statuit Innocentius III. c. plerumque 23. h. t.

Quæritur 2. quem effectum habeant Rescripta, si validè impetrata, & legitimo tempore presentata sint? Resp. Effectus illorum duplex est, alius specialis, alius Generalis. Effectus specialis Rescripti varius est pro varietate clausularum illi insertarum, quæ modo restringunt, modò ampliant, aut exponunt concessionem. Effectus generalis, & cuilibet Rescripto communis est, quod in negotiis, & inter personas, in quibus, & inter quas Rescriptum conceditur, Jus statuatur, & ad observationem ejusdem obliget omnes, ad quos dirigitur. l. que ex relationibus 2. C. de Legib. Excipitur, nisi aliquid insolitum, à recta ratione alienum, vel contra publicam utilitatem mandetur; tunc enim Rescripti executio suspendenda, & nova declaratio; seu jussio petenda, ut bene advertit König hic n. 8.

Dixi in negotiis, & inter personas &c. nam ad decidendam quæstionem, an ejusmodi Rescriptum faciat Jus commune, adhibenda distinctio est, & affirmandum, si emanet ad declarationem Juris, dubii, & obscuri; negandum autem, si de Jure solum privato agatur. Ratio primi est, quia tale Rescriptum efficit instar declarationis authenticæ, quæ ut tit. 2. num. 44. dictum est, vim Legis habet. Ratio secundi; quia ut l. leges 3. C. de Legib. dicitur, Lex generalis solum illa est, quæ ad omnes iussa est pertinere. Excipitur, nisi specialiter caveat Princeps, ut hujusmodi Rescriptum ubique, & omnes obliget: quod velle regulariter creditur, si ejus jussu, & autoritate inferatur Corpori Jutis communis.

Quæritur 3. quale tempus in Rescriptis Justitiæ attendendum sit Delegatis, seu Executoribus per ea constitutis, data an presentata? Data tempus dicitur, quo litteræ Apostolicæ sunt expeditæ in Curia Romana; Presentata, quo eadem presentantur Delegato, vel Executori illarum. Quo notato

Dicendum in his Litteris attendendum esse aliquando tempus Data, aliquando Presentata, aliquando aliud, nam 1. si queratur, an validè sit impetratum Rescriptum, inspiciendum est tempus Data; neque enim sufficit, quod tempore Presentata impetrans Rescriptum fuerit habilis ad illud impetrandum: & hinc si tempore Data is ligatus erat Excommunicationis vinculo, Rescriptum non convalescit, etsi tempore Presentata ab ea sit absolutus.

2 Idem Data tempus attendendum est, quando dubitatur, ad quas causas, & actiones se illud extendat; nam ad causas, & actiones, post impetrationem primum ortas, non extenduntur Rescripta hujusmodi ex generali Regula, quod in simplici, quamvis generali, dispositione, si aliud non exprimitur, presentia duntaxat, non futura comprehendantur negotia, prout



ut sumitur ex *Clem. fin. h. tit. & l. si scripisset* 46. de *Legat. 2.*

3 Si quaestio sit, quando Judex in Rescripto delegatus Jurisdictionem accipiat, inspiciendum est tempus *presentatae*, ut colligitur ex *c. super eo* 12. de *appellat.* & ratio est, quia Jurisdictio non nisi scienti, & acceptanti acquiritur.

4 Idem *presentata* tempus attendi debet, quando quaeritur, num acta Judicis Delegati, per Rescriptum revocati, sint valida; valent enim tamdiu, quamdiu Rescriptum revocatorium potestatis eidem non praesentatur. *c. audita* 4. de *rescrit. spol.*

5 Denique si quaeratur, an Jurisdictio per Rescriptum data morte rescribentis sit extincta, spectari debet tempus citationis factae; si enim haec ante mortem rescribentis sit facta, perpetuatur Jurisdictio, nec morte rescribentis cessat; secus, si post mortem ejusdem *c. gratum* 20. & *c. licet* 39. de *offic. deleg.*

23 Quæritur 4. quale tempus attendendum sit in Litteris Gratiae, quibus Papa alicui providet, aut provideri mandat de Beneficio? Resp. regulariter in his inspiciendum esse tempus *datae*, prout colligitur ex *c. eam te* 7. *h. tit.* & *c. eo tempore* 9. *eod. in 6.*

Dixi *regulariter*; nam aliquando attendendum etiam in Rescriptis gratiae, seu Beneficialibus est tempus *presentatae*. I. Ut executor in ejusmodi Rescripto designatus exequi illud possit; nam ante litterarum praesentationem executio illarum inchoari non potest *arg. c. super eo* 12. de *appellat.*

2 Ut sciatur, an inhabilitas personae, pro qua Rescriptum est, orta ex defectu ætatis, vel alio, ipsam impediatur a consecutione gratiae, quæ Rescripto est impetrata; nam si defectus talis sit, ut ejus recitencia subreptionem non inducat, valet Rescriptum, modò is, pro quo scriptum est, tempore *presentatae* reperiatur habilis. Paret ex *c. ei cui* 29. de *prob. in 6.* vi cujus illi, qui impetravit mandatum de conferenda sibi Præbenda proximè vacatura, si primò vacet Præbenda Sacerdotalis, conferri debet, etsi tempore *datae* ob ætatem non fuerit ejusdem capax modò capax actu sit tempore executionis, seu vacationis, & collationis Beneficii. 3. Ut vi Rescripti conferri alicui Beneficium certæ qualitatis in Rescripto expressæ possit; sufficit enim, quòd tale Beneficium qualitatem in Rescripto denotatam habeat tempore vacationis, & collationis, etsi tempore *datae* non habuerit. Et hinc si alicui ex Rescripto Apostolico providendum sit de Beneficio simplici, conferri eidem Beneficium potest, quod tempore executionis est simplex, quamvis tempore *datae* Curatum fuerit: Item si Papa jubeat conferri alicui Beneficium certi valoris, is consequi vi talis mandati potest Beneficium, quod tempore collationis sibi factæ habet valorem in Rescripto expressum, licet tempore *datae* notabiliter istum excesserit, *Felin. in capit. 7. h. tit. num. 22.*

4 Ut executioni mandari possint litteræ in forma *Dignum* expeditæ ad Executorem cum clausulis *si tibi constituerit, si impetrantem idoneum esse reperiens, si preces veritate niti inveneris* &c. nam ut *Garc. p. 6. de benef. cap. 2. n. 277.* advertit, tali casu sufficit, si ejusmodi clausulæ executionis tempore verificentur, quòd illa verba tempus futurum denotent; qualitas autem adjecta verbo ad istius tempus referatur *arg. l. in delictis* 4. *§. si extraneus* 1. *ff. d. vocal. act.*

5 Idem dicendum monet Laym. in *c. 19. h. tit. nu. 7. prope finem*, si Papa dispensationem in impedimento, vel alia inhabilitate committat cum clausula, *si causa rationabilis urgeat, si revera adsit necessitas* &c. nam eo casu dicit sufficere, si causæ subsistant tempore dispensationis à Commissario faciendæ *arg. c. ei cui* 29. de *prob. in 6.*

## §. V.

### De Rescriptorum Interpretatione.

## S U M M A R I U M.

24 *Rescripta Justitiæ regulariter interpretari debent secundum propriam significationem verborum.*

25 *Et secundum Jus commune.*

26 *Ac strictè.*

27 *Ita ut quàm minimum afferent Prajudicium.*

28 *Interpretationem strictam habent etiam Rescripta ad Beneficia.*

29 *Aliquot sequela inferuntur,*

30 *Dispensationes regulariter strictè interpretari debent.*

Quæritur 1. quomodo interpretari oporteat Rescripta Justitiæ, seu ad lites? Resp. ad horum legitimam interpretationem faciendam ponuntur sequentes Regulæ 1. Interpretatio illorum regulariter faciendæ est secundum propriam, & communi usu, præsertim Curiae, ex qua emanant, receptam significationem verborum; nam in hoc sensu censetur locutus fuisse Princeps.

Regula 2. in dubio, quando non constat de contraria voluntate rescribentis, intelligi, & explicari debent secundum Jus commune, ne illi derogent, etiam si necessarium foret à verborum proprietate recedere, & clausulam adjectam transponere *c. causam* 18. *h. tit.* Ratio est; quia non censetur Papa, vel Princeps velle decernere aliquid, quod sit Juri communi contrarium, nisi expressè ei deroget per clausulam *Non obstante tali Lege. l. rescripta* 7. *C. de precib. Imp. offer. & l. fin. C. si contra jus, vel util. Reip.* Hinc casu, quo ordo, aut constructio verborum in Rescripto Justitiæ aliam explicationem, & sensum non admittit, nisi qui contrarius sit Juri communi, potius præsumendum est, errore scriptoris verba fuisse transposita, vel aliter mutata.

Regula 3. in Rescriptis Justitiæ stricta Interpretatio fieri debet *c. causam cit.* Ratio est, quia per illa detrahitur Jurisdictioni Ordinarii: deinde sunt odiosa, cum præbeant ansam, & materiam litigandi. Hinc ejusmodi Rescripta ad casum, vel personam eo non expressam, vel conjunctam cum casu, vel persona expressa extendi non debent. *c. olim* 32. & *c. P. & G.* 40. de *Offic. deleg.* Neque refert, etsi ejusmodi Rescripto adjecta sit clausula generalis, de indefinita, e. g. si rescribens dicat, quòd conveniri coram Judice à se delegato possint certæ personæ, cum addito, *Et quadam alia;* vel si committat certas causas cum clausula *Ut cognoscatis super his, & aliis quibusdam causis;* nam vi talis clausulæ Delegatus Jurisdictionem tantum accipit in personas, & causas similes expressas, & quidem non plures, quàm tres, vel quatuor, prout statuit Innoc. IV. *c. cum in multis* 2. *h. tit. in 6.* & ante ipsum Innoc. III. *c. Sedes* 15. *extr. eod.* Ratio est, quia clausula generalis, seu indefinita subsequens ordinariè restringitur ad similia iis, quæ præcesserunt, vel expressa sunt, nec comprehendit diversa.

Regula 4. Rescripti verba interpretanda sunt, ut quàm minimè præjudicetur aliis, eorumque Juri quaesito; quia concessionem Principis semper ita sunt intelligendæ, ut nemini noceant, nisi quantum expressum est *l. prater* 2. *§. merito* 10. *ff. ne quid in loc. publ. l. impuberi* 40. *ff. de administ. tator.* Et hinc 1. in Rescriptis Justitiæ nomine Clericorum non venit Episcopus, aut Religiosi; & nomine populi, si is v. g. interdictus est, non veniunt Clerici; & nomine civitatis ea tantum veniunt, quæ murorum ambitu continentur, non verò suburbia, & pagi ad civitatem pertinentes, nisi ex circumstantiis aliud appareat, ut colligitur ex *c. si civitas* 17. de *sent. excomm. in 6.* 2. si Rescriptum impetratum sit contra homines, qui sunt in Diocesi, vi illius conveniri non possunt, qui existunt in civitate Episcopali, ut statuitur *c. Rodolphus* 35. *h. tit.* & ratio est, quia nomine Diocesis sæpe, præsertim in odiosis, venit tantum territorium reliquum, quod ad Jurisdictionem Episcopi pertinet, præter Civitatem Episcopalem *arg. c. quamvis* 4. *prob. in 6.* 3. similiter Rescriptum impetratum à Papa contra aliquem sub clausula generali, seu indefinita *Et quosdam alios Clericos, vel Laicos,* non debet extendi ad ejus heredem, vel successorum, re adhuc integra. *c. significavit* 36. *h. tit.* Ratio est, quia defunctus, qui vi dictæ clausulæ conveniri poterat, re adhuc integra, & antequam Rescripti impetrator declararet, quemnam convenire vellet, nullam adhuc obligationem contraxit, ergo ea nec ad heredem transit, quippe qui obligatur tantum ex persona defuncti, quam representat.

Quæritur 2. qualis interpretatio fieri debeat in Rescriptis ad Beneficia? Videntur latè interpretanda; quia Rescriptum ejusmodi, quod Papa c. g. concedit ad conferendum Beneficium Ecclesiasticum, est beneficium Principis.



cipis. sed horum plenissima, & amplissima interpretatio facienda est *c. quamvis 4. de præb. in 6. & c. cum dilecti 6. de donat.* Verum hæc Regula solum vera est in iis, quæ non sunt ambitiosa: aliud dicendum in iis, quæ impetrari per ambitionem solent, uti sunt Beneficia, *c. quamvis cit.* Quare dicendum hujusmodi Rescripta strictè esse accipienda, neque de casu, aut persona expressa ad casum, vel personam non expressam extendi debere, vel posse. Ratio est, quia hujusmodi Rescripta continent mandatum de provisione facienda. sed fines mandati diligenter custodiendi sunt *l. diligenter 5. ff. mandat. ergo &c.*

*Excipitur.* 1. nisi litteræ Beneficiales simpliciter favorem contineant, ut si detur Episcopo facultas conferendi Beneficia propriæ Diœcesis, quæ erant reservata; nam per tale Rescriptum res ad suum primævum statum revertitur. *Excipitur.* 2. nisi motu proprio sint concessæ; tunc enim majorem favorem, & ampliore interpretationem merentur, quàm si ad alicujus instantiam sint impetratæ. *Felin. inc. 18. h. tit. n. 7. Excipitur* 3. si concessæ sint alicui in compensationem damni; quod quis passus est occasione Ecclesiæ, cui pro ipso scribitur. *Felin. l. cit. Atque hinc*

*Sequitur* 1. si quis impetravit Rescriptum de conferendo sibi Beneficio proximè vacaturo, eidem vi hujus Rescripti non deberi Beneficium, quod primum erectum est post datum Rescriptum, ut statuitur *Clem. fin. h. tit. & ratio est;* tum quia tale Beneficium non vacat propriè, quippe quod possessorem nullum adhuc habuit; tum quia rescribens non videtur cogitasse de illo, cum istud tempore dati Rescripti nondum in rerum natura fuerit.

*Sequitur* 2. si cui Papa Rescriptum concessit, quo mandat ipsi conferri Beneficium in civitate, vel Diœcesi, concessionem non extendendam ad Beneficium Ecclesiæ Cathedralis *c. quamvis cit.* quia quæ speciali mentione, & nota digna sunt, si specialiter non exprimantur, censentur studiosè omissa *arg. c. quia periculosum 4. de sent. excomm. in 6. & l. item 13. §. hoc editum 26. ff. de injur.* talis autem est Ecclesia Cathedralis ob eminentiam suam. ergo &c.

*Sequitur* 3. si in Rescripto Beneficiali mandetur alicui conferri Beneficium vacans, aut vacaturum per resignationem, non posse ei vi talis Rescripti conferri, si illud vacet per mortem, aut vicissim *c. susceptum 6. h. tit. in 6. & ibi Gloss. V. susceptum.* Ratio est, quia vacatio Beneficii per Resignationem, & vacatio per mortem sunt diversi modi, & species vacandi. atqui à diversis non fit illatio *arg. l. sed si 17. ff. de exception. & l. si maritus 10. in fin. C. de Donat. int. vir. & uxor.* Neque obstat, quod renuntiatio Beneficii, tanquam mors civilis, in Jure æquiparetur morti naturali; nam ista æquiparatio non habet locum, nisi in casibus Jure expressis, & hinc in litteris Beneficialibus, nisi aliud exprimat, appellatione mortis sola mors naturalis intelligi debet.

<sup>30</sup> Queritur 3. quam interpretationem, latam, an strictam in dubio patiantur Dispensationes? Videtur, quod latam. 1. quia sunt gratia, & Beneficium Principis, quod cum latæ interpretationis sit, dispensationes se extendent saltem ad similia, vel minora concessis. 2. Dispensatio imitatur naturam Privilegii; hoc autem latam interpretationem recipit ex *c. ex parte 27. de decim.* ubi Privilegium percipiendi Decimas extenditur etiam ad decimas ex novilibus. 3. Legitimatio, facta ad actus spirituales, porrigitur etiam ad temporalia *c. per venerabilem 13. in princ. qui fil. legit. 4. Cui licet, quod est plus, licet utique, quod est minus, ut habet Reg. 53. in 6.*

Sed contrarium satis clarè desumitur ex *Reg. 141. ff. & 28. in 6.* Accedit ratio, quia dispensatio est relaxatio quædam Juris communis, & contra Jus; quæ autem sunt contra Jus, & ad relaxationem illius tendunt, strictè interpretari debent. *Excipitur* 1. si dispensatio concessa sit ex motu proprio publicæ utilitatis intuitu; quia, licet etiam ista sit Juris relaxatio, ex mera tamen Principis liberalitate procedit. 2. Si sit indulta toti Religioni; quia etiam huic indulta Privilegia sunt amplianda. 3. si sit circa materiam Juris communis, vel Corpore ejusdem clausa; tunc enim eandem, quam Jus illud, interpretationem recipit. 4. Si sit concessa contra statum, vel consuetudinem loci contrariam Juri: quia tunc reducit ad Jus commune, conf. favorabilis est. 5. Si sit necessaria, vel extensione non admissa, reddatur inutilis *arg. c. si civitas 17. de sent. excomm. in 6. 6. Si ea,*

ad quæ extenditur, sint accessoria, & inseparabiliter connexa concessio.

Sic limitata responsione, facilis est responsio ad Argumenta opposita. *Ad* 1. illud duntaxat Beneficium largam interpretationem habet, quod in sui tantum Præjudicium Princeps largitur, non verò, quod Juri alterius, vel communi contrariatur. *Ad* 2. Dispositio *c. ex parte cit.* est conformis Juri communi; quia per illam decimas Novialium Monasterio attribuit Pontifex, ad quod illæ pertinebant Jure communi ob Parochias, quas obtinebat. *Ad* 3. Extensio illa solum ponitur in ratione dubitandi allegata pro parte, cui tamen non est conformis ipsa decisio, prout ex contextu patet. *Ad* 4. Argumento à majori ad minus per *Reg. cit.* locus duntaxat est in concessionibus Juris communis, non verò in iis, quæ sunt contra Jus commune, vel privatorum.

Dub. an sicut dispensatio, ita etiam facultas ad dispensandum data strictè interpretari debeat? Videtur respondendum affirmativè; quia etiam ipsa ad relaxationem Juris communis tendit. igitur ut dispensatio, ita & ipsa odiosa erit, conf. restringenda.

Sed cum communi DD. omnium tenenda est negativa <sup>31</sup> Sententia, & dicendum potestatem dispensandi non strictè, sed latè interpretandam, sive deinde Ordinaria illa sit, sive delegata. *De Ordinaria* patet; nam boni publici interest, legem communitati impositam, si illa uni, vel pluribus gravior justo appareat, relaxari posse. *De Delegata* autem ostenditur; quia Rescripta, & concessæ in his gratiæ, latè accipiendæ sunt, quando nec Juri communi, nec privatorum præjudicant. Talis est concessio potestatis ad dispensandum; continet enim meram gratiam, & Beneficium Principis, & nemini præjuocat, nisi concedenti tantum, qui volens potestatem hanc sibi competentem communicat alteri. *Excipitur*, si delegetur potestas dispensandi cum expressa persona particulari; nam hæc strictam interpretationem exigit, ut aliis *citt.* notat *Pal. tr. 3. D. 4. p. 11. n. 5.* & ratio est; quia talis facultatis concessio moraliter est dispensatio ipsius Superioris, à quo decernitur, & ejus executio ita committitur alteri, ut si preces veritate nitantur, nequeat denegari.

*Ad rationem dubitandi* duo sunt distinguenda: primum est ipsa potestas dispensandi, alterum executio potestatis concessæ; illa immediatum objectum est Rescripti concedentis hanc potestatem, hæc mediatum: sufficit autem, quod immediatum, & principale objectum Rescripti sit favorabile, etsi mediatum, & minus principale sit odiosum; nam hoc non obstante, Rescriptum simpliciter est favorabile, & conf. extendendum.

## §. VI.

### De Rescriptorum Executione.

## S U M M A R I U M.

- 32 Quibusnam personis committi possit, ac debeat Executio Rescriptorum?
- 33 An hujusmodi personis commissæ executio ad successores transeat?
- 34 Quando facienda sit executio Rescriptorum?
- 35 Si plura sint impetrata Rescripta, quod præferendum?
- 36 Quodnam Rescriptum valeat ex pluribus Rescriptis impetratis ad Beneficia?
- 37 An Rescripta Gratia mandari executioni possint, mortuo rescribente, qui illud concessit?

<sup>32</sup> Queritur 1. quibusnam personis committi possit, ac debeat executio Rescriptorum? Resp. Si Rescripta causæ cognitionem, & Jurisdictionem Ecclesiasticam externam exposcant, executio Rescripti à Sede Apostolica, & hujus Legatis Jure communi committi debet personis Dignitatem Ecclesiasticam, vel Personatum obtinentibus, vel Canonicis Ecclesiarum Cathedralium, prout habetur *c. statutum 11. in princ. h. tit. in 6.* quod statuendi ratio fuit, partim honor Sedis Apostolicæ, ne ejus Autoritas in ministro inferiore vilipendatur; partim utilitas impetrantium, ut petitos & dignos executores habeant, prout notat aliis *citt.* *Pirh. hic nn. 128.*

Dixi 1. Si causæ cognitionem, & Jurisdictionem Ecclesiasticam externam exposcant; nam si nudo ministerio opus



opus sit sine Jurisdictione; aut Jurisdictio quidem necessaria, non tamen in foro externo, qualitates in responsione relatæ non requiruntur, sed exequi rescripta poterunt etiam, qui qualitates illas non habent, ut cum aliis advertit Laym. *in c. cit. num. 1.* & pater in dispensationibus, quæ à S. Pœnitentiaria committi solent Confessario; nam in isto sufficit, si sit approbatus ab Episcopo, ad hoc electus ab Oratore, & Doctor in Theologia, vel Jure Canonico, aut saltem munitus Privilegio Apostolico, quale Societas JESU habet per *Constit. Greg. XIII. incip. Exponi. editam 3. April. 1582.*

Dixi 2. *Jurisditionem Ecclesiasticam*; nam *c. cit.* constitutio solum procedit in causis Ecclesiasticis, quæ coram Judice Ecclesiastico tractari debent; non item in causis merè temporalibus: nam hæc etiam coram Judice Laico secundum Canones tractari possunt, & cons. in iis etiam per Rescriptum à Pontifice Judex Laicus executor constitui poterit. Franc. *in c. cit. num. 12.*

Dixi 3. de *Jure communi*; nam si Papa ex certa Scientia committeret causam simpliciter Clerico, non constituto in Dignitate, valeret commissio; quia per ejusmodi clauulam censeretur derogasse Juri communi. Gloss. *in c. cit. litterarum.*

Dixi 4. à *Sede Apostolica, & hujus Legatis*; nam Episcopi Rescripta sua dirigere possunt ad quemvis Clericum, & ei Executionem committere, modò aliàs sit idoneus. Pirh. *hic num. 129.* hoc ipso, quia Jus positivum de his nihil disponit.

Dixi 5. *Dignitatem Ecclesiasticam obtinentibus*: ubi sufficit, si Dignitatem etiam ad nutum superioris revocabilem habeant, modò juncta sit cum Jurisdictione Ecclesiastica. Tales sunt Officialis, aut Vicarius Generalis Episcopi, vel Capituli Sede vacante: item Priores Conventuales, qui toti Conventui Regularium, cum Jurisdictione præfunt, licet Dignitatem istam non perpetuò gerant &c.

Quæritur 2. An hujusmodi personis commissæ Rescriptorum executio ad successores illarum transeat? *Certum est* transire, si commissæ sit Episcopo, Præposito, Decano &c. sub nomine Dignitatis, & non personæ, prout sumitur ex *c. quoniam 14. junct. Gloss. V. substitutum de offic. deleg.* & ratio est, quia Dignitas eorum perpetua est, & personæ obitu, vel renuntiatione non extinguuntur.

Dubium est de Vicario Generali, idque triplex. 1. An Vicario amoro, cedente, mortuo, commissione illi factam exequi possit Episcopus? 2. An ejus Successor in officio? 3. An Vicarius Capituli Sede vacante?

Ad 1. Respondeo negativè; quia dum Vicario commissæ est executio, ejus Dignitas, & Officium habet rationem conditionis *sine qua non*, seu qualitatæ requisitæ: quod ipsum probat, quod etiam utroque vivente, nec Episcopus ingerere se possit in executionem commissam Vicario, neque Vicarius in commissam Episcopo. *Neque obstat*, quod item Tribunal, & Jurisdictio sit triusque; quia hoc verum duntaxat est quoad Jurisdictionem Ordinariam, & causas comprehensas mandato generali Episcopi.

Ad 2. communis, & stylo Curia recepta est affirmativa sententia, si in Rescripto sit expressum nomen personæ, sed Officii, & Dignitatis; quia licet illa re ipsa non sit perpetua, perpetua tamen, & continua reputatur, quod cedenti, decedenti, amoto Vicario alius, eiusque substituatur, & Episcopi vices in se suscipiat. Accedit, quia id merito præsumi potest de mente Pontificis rescribentis, quod nolit cum maximo incommodo partes postquam Rescriptum impetrarunt ad Vicarium Episcopi, hoc mortuo, compellere ad redeundum Romam pro novo Rescripto.

Ad 3. Eidem stylo Curia conformior est opinio distinguendum inter litteras, & commissiones, quarum executio ex Juris dispositione, vel stylo Curia solis Episcopis, & eorum Vicariis committitur, & inter illas, quæ utique in Dignitate constitutis, & à parte nominatis committi solent: harum executionem à Vicario Episcopi ad Vicarium Capituli transire concedunt, non verò aliarum: quod ex eo colligunt, quia posteriores vacantes Sede committi à Curia solent Vicario Capituli, non verò priores, sed viciniore Episcopo, quod signum est vicarium Capituli à Curia non haberi omnino eodem modo, quo habetur Vicarius Episcopi Sede plena. V. Schmalzgruber Tom. I.

Garc. p. 6. de *Benef. c. 2. num. 44.* & plura infra dicenda tit. 29. & de *Offic. & potest. Judic. deleg.*

Quæritur 3. quando facienda sit executio Rescriptorum? Resp. cum distinctione; Vel enim in Rescripto pro executione ejusdem assignatum est certum tempus, intra quod fieri debeat, vel nullum est assignatum. *Si primum*, Judex delegatus, vel alius Executor intra terminum sibi præfixum tractare negotium, vel cognoscere de causa debet. *c. de causis 4. de offic. deleg.* Ratio est, quia tempus in Rescripto præfixum pertinet ad formam delegationis substantialem, ut adeo illius lapsu delegati Jurisdictio, & potestas expiret, nisi partes communi consensu approbent dilationem termini in rescripto Justitiæ, seu ad lites; cum enim terminus in hoc datus præsumatur in favorem partium, istæ consensu mutuo prorogate eundem poterunt *c. de causis cit.*

Quodsi autem secundum contingat, & nullum certum tempus executioni præfixum sit in Rescripto, videndum, an illud sit Rescriptum Justitiæ, seu ad lites, vel Rescriptum gratiæ. *Si Rescriptum Justitiæ* est, etsi omnibus modis curare Judex delegatus debeat, ut, quàm commodè potest, liti finem imponat, potestas tamen ei delegata nullius certi temporis lapsu extinguitur, ut statuitur *c. venerabilis 20. de Judic.* quo recessum est à *l. properandam 13. §. censemus 1. C. eod.* ubi triennium præfixum erat instantiæ Judicii. Si verò est *Rescriptum gratiæ, sive ad Beneficium*, Ordinarius, ad quem directæ sunt litteræ, intra 30. dies, à litterarum præsentatione numerandos, collationem facere, & provisum mittere in possessionem debet, nisi obster legitimum impedimentum, vel contradictor; hunc enim audire, terminos competentes ad allegandum ipsi concedere, & cognita causa, de eadem pronuntiare debet, ut rectè advertit Garc. p. 6. de *Benef. c. 2. num. 71. Pal. tr. 13. D. 2. p. 31. num. 5.* Interim tamen Executori non currit tempus memoratorum 30. dierum, ut iidem cum aliis notant; quia per ipsum non stat, quo minùs executioni detur provisio: & idem est, si is alia via impeditus fuerit.

Addidi *nisi obster legitimum impedimentum, vel contradictor*; nam hoc cessante, multum interest, an executio differatur ex negligentia, vel malitia Executoris, an verò prætextu, quod impetrans non sit idoneus, litteræ ob vel subreptitiæ &c. *Si primum*, is, in cujus favorem litteræ datæ sunt, etiam lapso triginta dierum termino, instare apud Executorem pro executione poterit, vel si velit, virtute Bullæ Executoriæ, ut vocant, quæ simul cum alia datur, adire ei licebit alium Judicem, qui provisum examinet, eique, ubi dignum illum repererit, beneficium conferat. *Si secundum*, provisio, qui tali sententia se gravatum sentit, gravamen istud removendum est præsidio Appellationis ad Papam, ranquam delegantem, interponendæ. Garc. *l. cit. à num. 72.* Ratio est, quia tali casu non est recursus ad primum Executorem, quippe qui pronuntiando sententiam de Subreptione litterarum, ineptitudine impetrantis &c. jam functus est officio suo: neque ad Executorem secundum; quia huic per Bullam executoriam tantum concessa Jurisdictio est in casum, quo primus executor in mora fuerit: non ad Metropolitanum; quia à delegato ad delegantem est appellandum. Proceditque hoc, etsi provisus repellatur ab Executore, quod is iudicium Examinarorum Synodali secutus sit; etsi enim isti officium non habeant à Pontifice, in hoc tamen casu Examen provisio non ordinaria, sed à Sede Apostolica delegata potestate peragunt.

Quæritur 4. quodnam Rescriptum præferendum, & executioni mandandum sit, quando super una, eademque causa duo vel plura Rescripta sunt impetrata? Resp. distinguendo: Vel enim utrumque Rescriptum est speciale, vel utrumque generale, vel unum generale, alterum speciale.

*Si primum*, distinguendum est; nam si posterius mentionem fecerit prioris sibi contrarii, isti derogatum censetur per posterius: si mentionem non fecerit, prævalebit prius, & secundum, si sit Rescriptum Gratia, ob Subreptionem erit ipso Jure nullum: si verò Rescriptum Justitiæ, per executionem repellere poterit, si intra annum hæc opponatur nam si post annum, convalescit posterius, & evanescit prius.

*Si Secundum*, videndum, an unum ex illis sit magis speciale, an neutrum. Si unum est magis speciale, illud prævale-



valebit, ut notat Rebuff. *Prax. Benef. tract. de Rescript. num. 194.* Si verò neutrum sit speciale magis, quàm alterum, prius impetratum prævalebit posteriori, nisi hoc munitum sit clausula, qua priorì derogetur. Vviesl. *hic num. 171.*

Si tertium contingat, & unum sit generale, alterum speciale, speciale derogat generali, quantum ad ea, quæ in speciali specialiter, & contraria contentis in generali exprimuntur, vel in generali non exprimuntur, licet prioris mentionem non faciat, prout statuitur *c. si cut 1. & c. pastoralis 14. h. tit.* Estque perinde, si prius fuerit generale, posterius speciale, siue contrà; quia generaliter generi per speciem derogatur juxta *Reg. 34. n. §.* Neque refert, an Rescriptum prius generale concedat aliquid secundum Jus, an contra illud; quia Papa per generalem gratiam alicui concessam non censetur sibi velle præjudicare, quo minus in specie eidem derogare possit, cum semper gratias, & facultates aliis sic concedat, ut majorem Potestatem sibi reseruet: neque opus est, ut in speciali posteriori fiat mentio generalis prioris, ut expressè habetur *c. dudum 14. vers. nos igitur de præb. in 6.*

Excipitur, nisi per Rescriptum, siue Privilegium generale jam sit alicui quæsitum Jus in re, ut si Papa alicui concessit Jus percipiendi Decimas alicujus Parochiæ, & postea alteri concedat Decimas alicujus prædii intra eandem Parochiam sit; tunc enim non est censendum, quod Pontifex per posteriorem concessionem voluerit derogare Juri acquisito per Rescriptum prius, sed potius præsumendum est, posterius Rescriptum processisse ex ignorantia prioris, nisi de hoc fiat expressa mentio. *Abb. in c. 1. h. tit. num. 10.* Ratio est, quia Rescriptum Principis non debet ita intelligi, ut alteri inferatur Præjudicium in Jure jam acquisito, nisi id exprimat. *l. prætor 2. §. si quis 16. ff. ne quid in loc. publ.* Neque obstat, quod aliàs in facto proprio non præsumatur ignorantia, vel oblitio, nisi tempus diuturnum intercesserit; potest enim Papa, vel Princeps ob multitudinem, & varietatem agendorum oblivisci Rescriptorum suorum, ita, ut Rescriptum posterius emanet sine recordatione prioris.

36 Quæritur 5. Quodnam Rescriptum valeat ex pluribus Rescriptis impetratis ad Beneficia? Resp. Distinguendo: Vel enim ad unum, idemque Beneficium utrumque Rescriptum est impetratum, vel ad diversa vacantia, vel vacatura. Si prius, videndum, an hujusmodi Rescripta inter se consentiant, an verò inter se pugnent. Si inter se consentiant, ambo, vel omnia valent; quia tunc in effectu sunt, & reputantur Rescriptum unicum, & veluti plura solum exemplaria ad majorem cautelam impetrata, ut si unum forte intereat, alterum usui esse possit. Si verò inter se pugnent, attendendum, an simul sint impetrata, an successivè. Si simul, utrumque suspectum erit. si successivè, speciale derogabit generali, & posterius speciale speciali priori secundum dicta *Num. præc.*

Major controversia est, si quis impetravit plura Rescripta ad diversa Beneficia vacantia, vel vacatura, quodnam ex illis valeat? Gloss. in *c. 32. h. tit. V. mentionem*, Gregor. Tolos. *ibid. num. 2.* cum aliis putant, utrumque esse validum, ita ut in optione impetrantis sit, quonam eorum uti velit. Contrarium tamen probabilius tenent Abb. *ibid. n. 7.* Imol. *n. 11.* Felin. *n. 1. & n. 2. in fin.* Ratio est, quia licet per tale Rescriptum, seu gratiam expectativam propriè loquendo non acquiratur impetranti jus ad Beneficium, nisi remotum, ac præparatorium, adeoque ex hoc capite non debeat de eo fieri mentio; quia tamen hoc modo occasio præberetur exercendis fraudibus, & via aperiretur ad obtinenda quandoque plura Beneficia contra præscripta Canonum, ideo merito alterum Rescriptum, si prioris mentionem non faciat, ob taciturnitatem veri habetur pro subreptitio. Procedit hoc, si unus, idemque impetraverit plura Rescripta; nam quid dicendum sit, quando diversa Rescripta à diversis impetrata sunt ad idem Beneficium, dictum est *num. 20.*

37 Quæritur 6. an Rescripta Gratiae, seu ad Beneficia mandari executioni possint, mortuo rescribente, qui illa concessit? Resp. cum distinctione: Vel enim Papa per ejusmodi Rescriptum Episcopo concessit facultatem providendi de Beneficio certæ Personæ, e. g. Titio, vel generaliter, & indeterminatè concessit, ut posset conferte Beneficia aliquibus Personis in certa Ecclesia.

Si primum, & res adhuc sit integra, morte mandantis potestas data extinguitur, ut statuitur *c. si cui 36. de præb. in 6.* Ratio est, quia mandatum morte mandantis, si res adhuc integra sit, finitur. §. *item 10. Inst. de mandat. & l. mandatum 15. C. eod.* Excipitur, si potestas ejusmodi concessa fuerit, non in favorem ejus, cui jubetur provideri, sed in favorem ipsius providentis, vel in favorem utriusque, vel Ecclesiæ, in qua jubetur provideri de Beneficio: tunc enim non expirat morte concedentis, ut satis innuitur *c. si cui cit.*

Si secundum, & potestas sit generaliter concessa, nulla nominata Persona, cui provideri oporteat, ea non expirat per obitum concedentis, quamvis res adhuc sit integra, ut iterum habetur *c. cit.* ubi etiam ratio datur, quia cum specialem gratiam contineat, decet esse mansuram.

## TITULUS IV.

### De Consuetudine.

Ubi Jus nihil statuit, consuetudo legitima Juris loco haberi debet, & juxta illam se regulare Judex. Hinc Jus etiam ipsa dicitur, cum addito tamen non Scriptum; quod nomen accepit, non quia non potuit, sed quia non debuit comprehendere scripto. *l. imò 36. ff. de Legib.*

### §. I.

De Consuetudinis Natura, Varietate, & Conditionibus ad illam requisitis.

## SUMMARIUM.

- 1 Consuetudo est Jus quoddam moribus constitutum, quod pro Lege suscipitur, ubi deficit Lex.
- 2 Variè potest dividi.
- 3 Non potest induci ab una solùm persona, etiam Principe, ut vim Legis habeat.
- 4 Sed à Communitate tantum, eaque perfecta.
- 5 Ad Legitimam Consuetudinem quatuor requiruntur.

Quæritur 1. quid sit Consuetudo? Resp. Consuetudinem dupliciter posse accipi. 1. *Causaliter* pro diuturno usu, & actibus longo tempore frequentatis à communitate, vel majore ejusdem parte. 2. *Formaliter* pro Jure, quod ex diuturno usu, & continuatione hujusmodi actuum oritur. In primo sensu accepta dicitur *Consuetudo facti*, in secundo *Consuetudo Juris*, & definitur *can. Consuetudo §. dist. 1.* his verbis: *Consuetudo est Jus quoddam, moribus constitutum, quod pro Lege suscipitur, cum deficit Lex.* Sensus est, quod consuetudo sit Jus ad aliquid faciendum, vel omittendum obligans, vel etiam aliquid permittens, introductum diuturno, libero, & publico Communitatis usu, approbante illo, qui curam habet illius Communitatis.

Differt 1. à Lege; nam hæc, prout opponitur Consuetudini, ex publicæ potestatis ordinatione expressa, & publicè promulgata vim obligandi accipit; Consuetudo autem ex usu tacitè approbato à Legislatore.

Differt 2. à Traditionibus propriè acceptis; quia hæc non ex usu, sed Christi, aut Apostolorum ejus, vel Ecclesiæ institutione ortæ sunt, & usu tantum conservatæ, atque ad nostra tempora propagatæ. *Suar. L. 7. de Legib. c. 4. num. 10.*

Differt 3. à Stylo Curie, tanquam includens ab incluso; nam Stylus est consuetudo particularis, & limitata ad actus judiciales, docens, quis modus teneri debeat in Judiciis, cognoscendis causis, & ferendis sententiis. *Pal. tr. 3. D. 3. p. 1. num. 3.*

Differt 4. à Præscriptione pluribus, & variis modis; nam 1. consuetudo respicit communitatem, quam obligat, vel aliquid permittendo deobligat; Præscriptio autem tantum respicit personas privatas, vel si Communitatem, ista tanquam persona particularis spectatur. 2. Ad Præscriptionem non requiritur consensus ejus, contra quem præscribitur; ad Consuetudinem verò necessarius est consensus saltem tacitus Principis, siue alterius, cujus Legi per eam derogatur. 3. Præscriptio locum habet tam in corporalibus, quàm in incorporali-



ralibus; Consuetudo tantum in posterioribus. 4. Præscriptio minuit Dominium, aut Jus alterius; non Consuetudo. 5. Illa bonam fidem requirit, & titulum; illa etiam mala fide induci potest, & tacitus Populi, vel Principis consensus ipsi pro titulo est. 9. Ad hanc, ut infra num. 9. dicetur, univèrsaliter decennium sufficit; in illa sufficit aliquando tempus brevis, aliquando requiritur diuturnius. Pal. l. cit. & apud eundem plures.

Quæritur 2. quoruplex sit Consuetudo? Resp. cum Consuetudo propriissimè habeat rationem Legis, easdem divisiones patitur, quas ipsa Lex. 1. Igitur alia est Canonica, alia Civilis. Canonica est, quæ vel Clericorum duntaxat usu est introducta, vel si etiam à Laicis, circa materiam spiritualement versatur, ut est consuetudo jejunandi, vel observandi aliquod festum. Civilis, quæ à Laicorum usu dimanar, & circa materiam temporalem propriam Laicorum versatur. Interferi inter has duas media quædam species posset, nempe Consuetudo, in qua circa materiam temporalem Clerici conveniunt simul, & Laici. Sed hæc non malè ad Civilem revocatur ex fine; spectat enim Regimen temporale, & bonum commune politicum. Suar. l. 7. de Legib. c. 5. num. 2. Pal. rr. 3. D. 3. p. 1. num. 4.

2. Alia est Generalissima, quæ extenditur per Orbem univèrsum, ut Jus gentium; alia Generalis, sive communis, quæ observatur in toto Imperio, Regno, Natione, vel Provincia, ut Consuetudines Feudales; alia Specialis, quæ viget in una Civitate, oppido, pago; alia Specialissima, quæ recepta est in minima parte populi, e. g. in una Ecclesia, Monasterio, Collegio &c.

3. Et præcipuè alia est Consuetudo secundum Legem, alia præter Legem, alia contra Legem. Secundum Legem dicitur illa, quæ Legem jam conditam diuturno usu confirmat vel etiam interpretatur can. in istis 3. §. Leges dist. 4. & l. si de interpretatione 37. ff. de Legib. Ita ex sola consuetudine, & hujus interpretatione habetur, quod Lex Quadagesimalis jejunii non violetur potu, aut modicissima sumptione cibi; violetur autem illud, quod prærequiritur ad sumptionem SS. Eucharistiæ. Præter Legem est, quæ inducit Jus novum, & præcipit, vel prohibet aliquid, de quo nulla Lex antè fuit. can. consuetudo 5. dist. 1. & l. de quibus 32. ff. de Legib. Contra Legem, sive huic contraria, qua introducitur oppositum Legis, sive Juris humani antecedentis, & istius dispositio vel usu non recipitur, vel recepta abrogatur, aut ei derogatur.

3. Quæritur 3. an solum à Communitate introduci Consuetudo possit? Videtur introduci posse etiam à privata Persona; potest enim hæc consuetudine à se introducta aliquando se eximere ab obligatione Legis, e. g. Episcopus, qui obligatus erat in correctione subditorum procedere ex consilio Capituli, ut non amplius teneatur illud exquirere c. non est 3. h. tit. in 6.

Sed certum est, nullam Personam privatam, & particularem id posse efficere, ut per ejus actus inducatur Consuetudo, quæ vim Legis habeat, aut utentem solvendi à Lege. Pal. rr. 3. D. 3. p. 3. n. 1. & ab hoc cit. Ratio est, quia irrationabile nimis, & bono communi contrarium foret, si subditus transgrediendo Legem, aut Præceptum posset se ab obligatione illius eximere; daretur enim ansa violandi Leges. Proceditque hoc, ut neque Princeps, seu Legislator ipse hoc possit, ut bene notat Pal. l. cit. Ratio est, quia Princeps non censetur Præceptum, aut Legem imponere subditis, vel illo solvere ex eo, quod ipse hoc, vel illo modo operetur.

Ad Rationem dubitandi aliud dicendum est de Consuetudine præscriptiva Juris, aliud de Legali: prior introduci à Persona privata potest, sicut ab ea induci potest præscriptio; non verò altera.

4. Quæritur 4. qualis Communitas esse debeat, ut Consuetudinem introducere possit habentem vim Legis. Certum est 1. imperfectam Communitatem, qualis est familia quædam, non posse introducere Consuetudinem, quæ vim Legis habeat. Pal. D. 3. cit. p. 3. num. 2. & colligitur manifestè ex l. de quibus 32. & l. sed & ea 35. ff. de Legib. & ratio clara est, quia non est capax ferendi Legem. Certum est 2. Communitatem perfectam, qualis est Resp. Provincia, Regnum, superiorem non cognoscens, posse consuetudinem Legalem statuere; quia Legem potest ferre. ergo etiam consuetudinem introducere, quæ pro Lege suscipitur.

Schmalzgrueber Tom. I.

Dubium est, an Consuetudinem, quæ vim Legis habeat, introducere possit populus superiorem recognoscens, & non habens Authoritatem condendi Legem, qualis est e. g. Episcopatus constitutus sub Episcopo, Regnum constitutum sub Rege, Provincia sub Principe habente absolutum Imperium in subditos Regni, vel provinciæ? Ratio dubitandi est; quia talis Communitas non habet potestatem condendi Legem, quippe quæ resider penes superiorem illius.

Sed respondendum est affirmativè. Ita Suar. l. 7. de Legib. c. 9. à num. 7. Pal. rr. 3. D. 3. p. 3. num. 4. & ab hoc cit. Clarum est de Consuetudine abrogante Legem; nam ad hanc introducendam sufficit esse Communitatem, cui Lex imponi possit. Major difficultas esset de consuetudine constitutiva novæ Legis. Sed etiam hanc potest inducere; quia esto, ferre legem non possit, tantum ideo illam ferre non potest, quia potestatem ferendi Leges in Principem transtulit. sufficit autem ad consuetudinem introducendam, quæ vim Legis habet, quod illa Communitas, quæ talem Consuetudinem introducit, de se possit ferre Legem, & accedat consensus Legalis Principis.

Ad Rationem dubitandi Communitas ejusmodi Consuetudinem introducit, non ut Legem suam, sed Principis, ex cujus consensu Legali vim habet.

Quæritur 5. quamnam conditiones requirantur ad legitimam Consuetudinem? Resp. ut non merè facti, sed Juris Consuetudo sit, quatuor conditiones à DD. communiter requiruntur. 1. Ut sit rationabilis. 2. Ut duraverit tempore requisito. 3. Ut intercefferit requisita actuum frequentia, & horum qualitas. 4. Denique ut adsit consensus Legislatoris. Verum de his particulatim agendum est. Sit ergo

## §. I I.

De Rationabilitate ad Consuetudinem requisita.

## S U M M A R I U M.

- 6 Potest rationabilis esse Consuetudo etiam contra Legem.
- 7 Quando censeri debeat Consuetudo aliqua esse rationabilis?
- 8 Quid judicandum in dubio?

Quæritur 1. an Consuetudo, quæ contra Legem est, rationabilis esse possit? Ratio dubitandi est 1. quia Lex necessariò est rationabilis. can. erit autem 2. dist. 4. igitur Consuetudo ei opposita rationabilis esse non potest; ratio enim non opponitur rationi. 2. Consuetudo contra Legem introduci non potest, nisi per actus contrarios Legi, qui cum hoc ipso peccaminosi sint, rationabiles esse non possunt. 3. l. Consuetudinis 2. C. quæ sit long. consuet. à Constantino Imp. disertè negatur Consuetudini vis, qua aut rationem vincat, aut Legem.

Sed his non obstantibus, dicendum, quod Consuetudo etiam adversa Legi, si habeat, quæ alias ad Consuetudinem legitimam requiruntur, sit omnino rationabilis: quod clarè supponitur c. fin. h. tit. & colligitur à paritate: nam sicut Consuetudo, ita & Lex posterior condita potest contraria priori Legi; certum autem est, quod talis Lex posterior rationabilis esse possit. ergo &c.

Neque obstant rationes dubitandi allatæ. Ad 1. Consuetudo contra Legem, dum Lex durat, irrationabilis est, sit tamen rationabilis, quando Lex contraria rationabilis esse desinit, quod tum fit, quando post continuatam requisito tempore violationem Legis, Lex incipit Reip. esse inutilis, ut adeo ad bonum commune conducat rolli obligationem illius, ne culpæ continuetur. Ad 2. Consuetudo vim abrogandi Legem præcipuè habet ex consensu Legali Principis, qui post frequentationem actuum contra Legem, debito tempore continuatam hoc ipso supervenit, quod Lege generali sancitum sit, omnem consuetudinem, quæ requisitis à Lege conditionibus instructa est, vim Legis habere: ex quo sequitur, etsi actus antecedentes peccaminosi fuerint, à peccato tamen omni absolvi actus sequentes post consuetudinem ritè completam. Ad 3. Suar. cum communi DD. responder, textum istum solum procedere de con-



suetudine, non quam nos concedimus, sed quæ legimus, & per *c. fin. tit.* requisitis conditionibus destituta est.

7 Quæritur 2. quando censeri debeat consuetudo aliqua esse rationabilis, & expediens communi bono? Resp. si Legi non adversetur, sed secundum, vel præter legem sit, clarum est bono communi expedire illius observationem; quia ut ex Menochio notat Pal. *tr. 3. D. 3. p. 2. §. 1. num. 4.* bono communi videtur expedire id, in quod communiter omnes conveniunt. At si Legi adversetur, certa regula non potest statui, sed ut *l. cit.* aliis relatis advertit Palao, id viri prudentis, aut Judicis arbitrio reliquendum est.

Ne autem Judex in pronuntiando pro consuetudine aberraret à Juris, & Veritatis semita, pro irrationabili, & cons. pro corruptela habeat. 1. Consuetudinem quam, cumque, quæ sit contraria Juri Divino, aut naturali; cum enim Consuetudo Jus merè humanum constituat, adversus Jus Divinum, vel naturale prævalere non potest. 2. si repugnet pietati in parentes, aut Religioni in Deum, atque in Cultus Divini diminutionem cedat: cujusmodi esset, qua parentibus negarentur necessaria alimenta, Canonicis sine justa causa absentibus darentur quotidianæ distributiones &c. 3. si disciplina Ecclesiasticæ nervum distrumpat: qualis est, quæ permetteret Interdictum, & alias Censuras impunè violati. *c. cum inter 5. h. tit.* aut impunitatem peccato concederet *c. ex parte 10. eod.* 4. si periculosa sit Reip. inducendo v. g. bonorum dissipationem, judiciorum perversionem &c. *c. ex parte cit. & c. ad nostram 3. eod.* 5. si tendat in Ecclesiarum damnum, e. g. permittendo, ut res ipsarum alienentur sine solemnitate Canonica, vel ut de iisdem Laici disponant pro libitu, aut Beneficia Ecclesiastica sine Episcopi, vel alterius Prælati approbatione tribuant &c. 6. si cedat in gravamen Libertatis Ecclesiasticæ v. g. permittendo trahi personas Ecclesiasticas ad forum seculare. 7. denique generaliter pro irrationabili habenda est consuetudo, qua introducitur, quod per Legem introduci non potuit; cum enim ad Consuetudinem quamcunque requiratur consensus Legislatoris, id quod istius voluntate, & approbatione licitum, honestumque fieri nequit, nulla consuetudine licitum reddi potest.

Quæritur 3. quid judicandum, quando dubium est, an Consuetudo sit rationabilis, & bono communi expediens? Resp. cum distinctione: vel enim Consuetudo talis est legi contraria, vel non esteidem contraria. *Si secundum*, in dubio standum est pro consuetudine jam introducta; si *primum*, standum pro lege est. Ita Pal. *tr. 3. D. 3. p. 2. §. 1. num. 5.* & apud hunc *citt.*

*Ratio primi est*; quia delicta non præsumuntur: & hinc posteri in Consuetudine introducta à suis Majoribus absque culpa possunt pergere; quia possunt de justitia ipsius præsumere. *Ratio secundi*, quia eo casu certa est reprobatio consuetudinis facta à Lege, ergo non potest ab honestate dubia vinci. *Excipitur*, nisi Consuetudo immemorialis fuerit; nam tempus immemoriale facit præsumptionem justitiæ tituli.

### §. III.

*De Tempore ad Consuetudinem Legitimam  
requisito.*

### S U M M A R I U M.

9 *Ad Consuetudinem faciendam sufficit decennium.*

10 *Etiā adversus Legem Ecclesiasticam.*

11 *Quamvis absens sit Legislator.*

12 *Debet tamen hoc tempus esse continuum.*

9 Quæritur 1. quantum tempus requiratur ad Consuetudinem? Videtur requiri tempus immemoriale, vel saltem 40. annorum, in quam sententiam inclinat Duaren. *ad tit. de legib. c. 11.* Fundamentum pro hac sententia capi potest ex diversis Juris utriusque textibus; nam *l. de quibus 32. ff. de legib.* Julianus, *inveterata*, inquit, *Consuetudo pro lege non immerito custoditur*, sed inveteratum dicitur, quod 40. annis stabilitum fuit, ut explicat Gloss. *in l. fin. C. de fund. rei privat. V. vetustatis*, ergo. &c. 2. Consuetudo sæpè appellatur illa,

quæ excedit hominum memoriam *l. hoc jure 3. §. dicitur aquæ 4. ff. de aqu. quotid. & altiv.* atqui hoc tempus 100. annos comprehendit, vel paulò minus. 3. ad Consuetudinem, quæ Legem inducit, longum tempus requiritur *c. fin. h. tit.* sed longum tempus complectitur 100. annos *l. 23. C. de SS. Eccl.* ergo &c.

Sed dicendum, ut Consuetudo habeat vim Legis, & abrogare Leges, saltem Civiles, possit, sufficere decennium, Ita Suar. *l. 7. de Leg. c. 15. num. 5.* Pal. *tr. 3. D. 3. p. 2. §. 2. num. 5.* & apud hunc *citt.* Ratio est, quia ad consuetudinem inducendam solum requiritur longum tempus. sed decennium est longum tempus, ut habetur *in princ. Instit. de Usucap. & l. fin. C. de long. temp. præscript. Conf.* ad Consuetudinem sufficit, ut sit legitime præscripta *c. fin. h. tit.* talis est, quæ per decennium durat; licet enim multæ sint aliæ præscriptiones, quæ longius tempus exigunt, quia tamen hoc secundum *textus citt.* sufficit, standum est huic tempori, cum agatur de re favorabili, & nemini contraria; si enim contraria alicui esset, esset vel Principi, vel subditis: non Principi, quia ex hujus legali consensu Consuetudo vim habet; non subditis, quia ab eorum voluntate, & usu pendet. Imò si Communitas, vel potius illius pars Legem non observet, & hoc sciat Princeps, ac taceat, aliquando hujus obligatio cessabit etiam ante decennium, non quidem ratione consuetudinis; quia hæc ante ipsius lapsum legitime præscripta non est. sed ex consensu ipsius Principis conniventis, eamque ita tacite tollentis *arg. Reg. 43. in 6.*

*Ad textus in contrarium allegatos*, in illis approbatur 10 consuetudo inveterata, quæ immemorialis, vel saltem 40. annorum sit, non autem negatur, quod decennium non sufficiat.

Quæritur 2. an decennium sufficiat etiam ad abrogandam Legem Ecclesiasticam? Communis Veterum Canonistarum hoc casu requirebat annos 40. ex ratione, quia adversus Ecclesiam non datur Præscriptio, nisi 40. annorum *c. de quarta 4. & aliis de præscript.* sed consuetudo abrogans Legem Canonice suo modo præscribit contra Ecclesiam. ergo tempus necessarium requisitum ad præscribendum contra Ecclesiam, erit etiam requisitum ad præscribendam consuetudinem contra Ecclesiam.

Verum hoc non obstante, dicendum, etiam contra Legem Ecclesiasticam consuetudinem decennio completi posse. Ita Less. *l. 2. de J. & J. c. 6. num. 46.* Pal. *tr. 3. D. 3. p. 2. §. 2. num. 9.* Card. de Lug. *de J. & J. D. 7. f. 6. num. 94. & ab his citt.* Ratio est quia Consuetudo abrogans Legem Ecclesiasticam non est contra Ecclesiam, sed potius pro illa, cum ex consensu illius abrogatio ista procedat: neque per ejusmodi Consuetudinem eidem tollitur, vel imminuitur ullum Jus, quod antè habuit, cum Pontifex Legem, quæ consuetudine abrogata est, quandocunque eidem visum fuerit, id è bono Ecclesiæ fore, liberrimè possit restituere.

*Argumentum adverse Sententiæ* nimium probat; probaret enim Legem Ecclesiæ universalem per consuetudinem non posse tolli, nisi spatio 100. annorum; nam tantum temporis requiritur ad præscribendum, adversus Romanam Ecclesiam, cujus Lex est, quæ universalem Ecclesiam obligat. Imò nec Leges imperiales per Consuetudinem tolli possent, nisi tempore immemoriali; nam sublatio Legis est quædam dispensatio, quæ reservata est Principi. atqui ut præscribatur adversus reservata Principi, requiritur tempus immemoriale *c. super quibusdam 26. vers. præterea de V. S.* Quare paritas Præscriptionis cum Consuetudine tunc solum procedit, quando per istam non tantum obligatio legalis tollitur, sed insuper Jus Ecclesiæ læditur, ut si Parochiani per Consuetudinem se facerent immunes à Decimis solvendis Ecclesiæ; nam tali casu esset Consuetudo non tantum Legalis, sed præscriptiva, & cons. ut ad præscriptionem, ita etiam ad ipsam requirerentur 40. anni cum titulo, vel hoc deficiente tempus immemoriale *c. Episcopum 1. de præscript. in 6.*

Quæritur 3. an decennium sufficiat ad complendam 11 Consuetudinem, tam cum præsens, quam cum absens est Legislator? Aliqui cum Sylvest. *V. Consuetudo q. 2.* existimant, cum absens est Legislator, requiri vicennium, quod probant ex *l. fin. C. de præscript. long. temp.* ubi dicitur longum tempus inter præsentem esse decen-



decennium, inter absentes verò vicennium.

Sed adhuc dicendum cum communi, decennium utrobique sufficere, sive cum præsens, sive cum absens est Legislator. Ratio est, quia Consuetudo non inducit Legem, nec eam abrogat ex consensu expresso Principis, sed ex consensu ejusdem generali, per Legem jam stabilito, qua vim inducendi Legem, vel abrogandi præexistentem dedit omni consuetudini legitime introductæ. igitur in ordine ad Consuetudinem, impertinens est, Principem absentem, vel præsentem in loco esse, ubi introducitur Consuetudo.

Ad Argumentum contrarium nego paritatem; quia ad præscribendum contra absentem longius tempus requiritur in favorem ejus, contra quem præscribitur, quippe cujus Jus præscriptione tollitur, vel minuitur: quod cum non fiat in Consuetudine, quæ merè Legali est, non erat ratio variandi tempus ad hanc requisitum, cum unica, ut Legis, ita & consuetudinis regula sit utilitas, & bonum communitatis, quod per præsentiam, vel absentiam Legislatoris non variatur.

Quæritur 4. qualis requiratur continuatio temporis requisiti? Resp. tempus illud debere esse continuum, non interruptum. Ita Suar. l. 7. de Legib. c. 8. n. 12. Pal. tr. 3. D. 3. p. 2. §. 2. n. 11. & communiter cæteri. Ratio est 1. quia si interumpitur, jam non durat decennio. 2. Præscriptio non debet esse interrupta. ergo nec consuetudo. 3. Tempus requisitum à Jure ad aliquem effectum, ut ex Sylvest. notat Pal. l. cit. intelligi debet de tempore continuo, non interrupto. Porro interrupta censetur consuetudo, si aut Princeps puniret transgressores Legis, ad quam abrogandam Consuetudo tendit, aut Communitas, vel major pars, quavis actu unico, contra Consuetudinem ageret. Suar. l. cit. num. 15.

#### §. I V.

De Qualitate Actuum, & Consensu Legislatoris ad Consuetudinem requisitis.

#### S U M M A R I U M.

- 13 Quanta requiratur frequentia actuum ad inducendam Consuetudinem?
- 14 Quales hi actus esse debeant?
- 15 Qualis debeat esse Legislatoris consensus?

Quæritur 1. quanta requiratur frequentia actuum ad inducendam Consuetudinem? Non conveniunt DD. nam 1. Azor. p. 1. l. 5. c. 17. q. 9. cum quibusdam aliis putat, sufficere unicum actum continuatum; quia ratione continuationis æquivalet pluribus. 2. Alii cum Sylvest. V. consuetudo q. 4. requirunt saltem duos vel tres, maximè si id sciat Legislator, & non contradicat; censetur enim tunc consentire. 3. Gloss. in l. de quibus 32. ff. de Legib. V. inveterata. cum quibusdam distinguit; nam de actibus Judicialibus concedunt duos, vel tres sufficere, negant de extrajudicialibus; quia dicunt actus judiciales constituere Stylum, qui bino actu perficitur. 4. Pal. tr. 3. D. 3. p. 2. §. 3. num. 2. cum aliis à se cit. id relinquit arbitrio Judicis: & hæc sententia, teste P. Vviesl. hic num. 16. tenetur à melioris notæ DD. nam ubi Lege nihil certi statuitur, ad arbitrium Judicis recurrendum est.

Neque adversæ sententiæ talibus fundamentis nituntur, ut hanc quartam convellant. Ad 1. Consuetudo, quæ vim Legis habet, debet esse longæva, & durans decennio. igitur per unicum actum induci non potest, cum nullus actus facile tam diu duret. Deinde consuetudo dicit frequentiam actuum. atqui quod semel, aut bis fit, non dicitur fieri frequenter, sed quod fit assidue l. item 15. §. aliud est 22. ff. de injur. Ad 2. Ex non resistantia præcisè non infertur approbatio; multa enim dissimulare Princeps debet, quæ tamen non approbat. Deinde esto, quod approbet, & propterea cesset Lex ante decennium, non tamen cessat vi consuetudinis, sed vi consensus Legislatoris abrogantis hoc casu Legem. Ad 3. etiam, ut actus Judiciales introducant Consuetudinem, quæ vim Legis habeat, requiritur, ut duraverint decennio. Excipitur, si actus judicialis sit à supremo Principe; hujus enim sententia, etsi uni-

ca, loco Legis habenda est, id tamen non ratione consuetudinis, sed ratione suæ voluntatis sufficienter declarata.

Quæritur 2. quales actus debeant esse, ut sufficiant ad 14 stabilendam Consuetudinem? Resp. Ex communi DD. sequentes qualitates habere debent. 1. Exerceri debent à Communitate tota, vel saltem majore illius parte, ut notat Gloss. in c. fin. h. tit. V. legitime: & ratio est, quia consuetudo introduci debet tacito consensu populi; in id autem consentire censetur universus populus, quod exercetur à majore ejusdem parte arg. c. cum in cunctis 1. de his, quæ sunt à majori part. &c. & l. quod major 19. ff. ad municip.

2. Hæc major pars debet esse ex personis habilibus, & capacibus Legis: unde amentes, & infantes, & omnes illi, qui Legibus non tenentur, non possunt sua consuetudine Legem abrogare, aut novam constituere. Pal. tr. 3. D. 3. p. 3. n. 5.

3. Actus isti debent exerceri uniformiter quia ex actibus non exercitis, vel continuatis uniformiter non intelligitur, quid populus servari velit, aut in quid conscientiar.

4. Exerceri debent liberè, & sine metu, saltem gravi; quia præsumi non potest, quod populus velit stabilire Jus per actus, quos repugnans exercet.

5. Non debent procedere ex errore, vel ignorantia, sed populus debet scire, quod Lex sit lata, ut illa per consuetudinem abrogetur, vel nulla adhuc circa talem materiam lata sit, ut circa illam consuetudinem per modum Legis constituat; aliàs actus ejusmodi erunt involuntarii, cum nihil contrarium magis sit consensui, quam error. l. si per errorem 15. ff. de Jurisdic.

6. Debent esse publici, & notorii; quia ex actibus clam, atqui in occulto exercitis intelligi nequit consensus populi aut torius, aut majoris ejusdem partis. Vallens. hic §. 2. num. 5.

7. Frequentari debent animo introducendi obligationem, si consuetudo sit præter Legem, vel eam tollendi, si contra Legem; quia actus agentium non operantur ultra intentionem illorum. c. fin. de Præb. & l. non omnis 19. ff. de reb. credit. Hinc etsi universali, & immemoriali Ecclesiæ usu passim recepta sit Salutatio Angelica ad consuetum campanæ pulsus, aspersio aquæ lustralis ad ingressum, vel egressum templi, sumptio SS. Cinerum ad initium Quadragesimæ, &c. ad ea tamen nulla est obligatio: & ratio unicè est, quia hujusmodi ritus, & actus à fidelibus frequentantur liberè duntaxat, & studio pietatis, non animo inducendi obligationem.

Quæritur 3. qualis requiratur consensus Principis, seu 15 Legislatoris ad consuetudinem legitime inducendam? Facile convenit inter DD. quod ejusmodi consensus requiratur; nam id expressè desumitur ex l. de quibus 32. in fin. ff. de Legib. probatque manifesta Ratio: quia nemo potest statuere Legem, & statutam abrogare, nisi qui potestatem habet ferendi Legem. ergo absque hujus consensu non potest induci consuetudo, quæ vim Legis habeat.

Controversia tota est, qualis iste consensus esse debeat? Sunt enim aliqui, qui cum Pont. l. 6. de Matr. c. 6. num. 7. exigunt consensum specialem, sive personalem, quo Princeps, vel Legislator mores populi, actus contra, vel præter Legem exercentis, approbet, aut saltem sciens, cum posset, non contradicat. Rationem dant, quia à Principe non approbantur omnes consuetudines, sed tantum aliquæ, aliæ reprobantur. Et confirmatur; quia Consuetudo specialis est Lex specialis, ergo requirit specialem consensum Legislatoris, qui sine speciali scientia, & consuetudinis approbatione esse non potest.

Sed meliùs cum communi, & receptissima sententia nullus alius ad introducendam Consuetudinem consensus requiritur, quàm Legalis, sive ut etiam vocant, Juridicus, qui habetur per Leges, & Canones Consuetudinem moribus populi introductam approbantes, eique tribuentes vim Juris non scripti, si illa rationalis, & legitime præscripta sit. Ratio est, quia optimè poterat Princeps, & quivis Legislator Lege sua sancire, ut quoties populus in aliqua consuetudine rationabili decennio duraverit, ea consuetudo suscipiatur pro Lege: quo posito, dubium esse non potest, quod vi Legis hujusmodi Consuetudo rationalis per decennium durans



sine alia approbatione Principis vim Legis obtineat, atqui hoc ipsum factum est utroque Jure, Canonico quidem *c. fin. h. tit.* Civili autem *l. de quibus 32. l. sed & ea 35. ff. de Legib. l. præsentes 1. & l. fin. C. quæ sit long. consuet.* ergo &c.

Neque obstat *Argumentum* adversæ sententiæ; nam à Jure solum approbantur, & permittuntur Consuetudines, quæ rationabiles, & legitimè præscriptæ sunt: hinc mirum non est, si Princeps Consuetudines, quæ has prerogativas non habent, reiiciat, *Ad Conf.* distinguendum est de speciali consensu, & dicendum, requiri specialem consensum proprium, & manifestum, non tamen ita singularem, ut solum unam consuetudinem comprehendat; potest enim unus, idemque specialis consensus pluribus Consuetudinibus deservire.

## §. V.

## De Effectibus Consuetudinis.

## S U M M A R I U M.

- 16 Consuetudinis præter Jus effectus est obligatio.
- 17 Hæc induci potest etiam per actus extrajudiciales.
- 18 Consuetudo unius Civitatis, vel Provincia non potest obligare aliam.
- 19 Potest induci Consuetudo, quæ solum ad pœnam obliget, non verò ad culpam.
- 20 Alter effectus Consuetudinis est abrogatio Legis præ-existentis.
- 21 Potest per illam abrogari etiam Lex Ecclesiastica.
- 22 Manente obligatione ad pœnam, sublata obligatione ad culpam, vel contra.
- 23 Abrogari per Consuetudinem potest etiam Lex prohibens contrariam Consuetudinem.
- 24 Imò etiam Lex infirmans, vel irritans certos actus.
- 25 Neque requiritur ad hujusmodi Consuetudinem bona Fides.
- 26 Tertius effectus est vis interpretandi Legem.
- 27 Quod authenticè facere Consuetudo potest, si sit legitimè præscripta.
- 28 In quibus vim interpretandi exerat Consuetudo?
- 29 Quartus effectus est irritatio actus aliàs de Jure validi.
- 30 Qualis Consuetudo requiratur, ut inducat Impedimentum irritans Matrimonium?
- 31 Quæ sit vis Consuetudinis immemoralis?
- 32 Quid illa efficiat, si ei jungatur fama obtenti Privilegii?

**M**ultipliciter Consuetudo potest actiones humanas afficere. 1. Obligationem imponendo. 2. Interpretando Legem jam constitutam. 3. Eam abrogando. 4. Irritando actum adversus Consuetudinem factum.

Queritur 1. an, & qualem obligationem imponere Consuetudo possit? Quod imponere obligationem possit Consuetudo legitimè præscripta, patet ex dictis; quia pro Lege suscipitur: est autem de ratione Legis, ut obliget?

- 16 Dubium est 1. unde colligi possit, quod aliqua consuetudo sit obligatoria? *Suar. l. 7. c. 15. num. 13. Pal. tr. 3. D. 2. p. 3. §. 3. n. 13. & cum his P. Vviesl. hic n. 24.* censent, id permittendum arbitrio Judicis, qui circa hoc Judicium ferat ex circumstantiis, præsertim verò ex actuum, & personarum eos frequentantium qualitatibus. *Ad quod cit. DD.* quatuor assignant conjecturas, ex quibus deduci possit, quod Consuetudo sit obligatoria. 1. Si consuetudo sit rei gravis, difficilis, & communiter servata à populo; quia non solet populus uniformiter convenire in his actibus, nisi quando se obligatum sentit. 2. Si viri prudentes, & timorati non solum ipsi morem ejusmodi servant, sed etiam malè sentiant de transgressoribus, vel populus communiter scandalizetur. 3. Si Prælati, & Superiores reprehendant, aut puniant violatores. 4. Si materia consuetudinis talis sit, ut multum conferat Reipublicæ. Quælibet enim ex his conjecturis non leve est indicium obligationis. Quod si autem tales, vel his similes circumstantiæ non appareant, in dubio præsumendum est, actus merè libera volun-

tate frequentari, & ipsa consuetudo, quancumque temporis, potius habenda pro voluntaria, & superogatoria, quàm pro obligatoria, & conscientiam stringente; tum quia Lex non præsumitur, sed probari debet; tum etiam, quia nemo præsumitur sibi velle imponere onus, nisi illud manifestè constet.

Dub. 2. an ad hoc, ut consuetudo vim Legis habeat, 17 illa debeat esse approbata in Judicio contradictorio? Ratio dubitandi desumitur 1. ex *c. Abbate 25. de V. S.* ubi quædam consuetudo eligendi judicatur insufficiens, quia non fuit in Judicio contradictorio approbata. 2. Ex *l. cum de consuetudine 34. ff. de Legib.* ubi Ulpianus monet, in consuetudine se fundanti primò explorandum, an in contradictorio Judicio aliquando firmata sit.

Sed communis DD. Sententia est, ad consuetudinem, ut vim Legis obtineat, non requiri, ut approbata sit in Judicio contradictorio, & introducta per actus Judiciales. Ratio est, quia Consuetudo eo ipso, quod rationabilis sit, & legitimè præscripta, vim Legis habet *c. fin. h. tit. & l. de quibus 32. ff. de Legib.* atqui hæc requisita obtinere potest etiam per actus tantum extrajudiciales, ergo &c.

Textus oppositi non urgent: *Ad 1.* triplex est responsio; nam primò illa tantum fuit allegatio partis, cui sententia Papæ non fuit conformis. deinde ibi sermo est de Consuetudine præscriptiva tantum, videlicet Juris eligendi, non de Legali: denique esto, quod etiam de hac loquatur, inde plus non evincitur, quàm quod illa optime probetur, allegatis actibus judicialibus. *Ad 2.* dicendum similiter, inspicere debere, an consuetudo sit firmata in judicio contradictorio, non tamen de necessitate, sed tantum de utilitate; quia probatione sumpta ex actibus judicialibus relevatur allegans consuetudinem ab ulteriore ejusdem probatione, cum hæc sit optima illius probatio.

Dub. 3. an Consuetudo unius Civitatis obligare aliam possit? Rationem dubitandi facit *c. super eo 3. de Cognat. spirit.* ubi Episcopo videtur præcipi Consuetudinem Metropolitanæ Ecclesiæ, vel aliarum circumpositarum inquirere, & diligentius imitari.

Sed respondendum est negativè: & ratio clara est, 18 quia consuetudo, & præscriptio tantum habet de potestate, quantum de usu & actu, ut rectè notat *Pal. tr. 3. D. 3. p. 4. §. 1. n. 2.* igitur non extenditur de loco ad locum, vel de persona ad personam, aut de casu ad casum. *Conf.* quia Princeps solum censetur velle obligare consuetudine Communitatem, quæ illam introduxit, non aliam: item Communitas illam introduxit tantum animo obligandi se. Interim tamen casu, quo Jure nihil statutum, vel consuetudine receptum circa aliquam rem est in civitate una, bene faciet Judex, si ad consuetudinem vicinarum civitatum recurat, modò illa rationabilis sit; debet enim secundum æquum judicare, quod facillimè desumet ex consuetudine rationabili vicinæ.

Neque obstat *c. super eo cit.* quia ut locum istum *Pal. cit. num. 3.* explicat, illa inquisitio, & investigatio non iungitur ex præcisa obligatione, sed solum ex æquitate. Deinde dici potest, id ibi fuisse injunctum Episcopo, ut cognosceretur, quæ probabiliter fuerit Consuetudo in Ecclesia propria; in hac enim cæteris paribus præsumitur esse Consuetudo eadem, quæ in vicinis.

Dub. 4. an consuetudo induci possit, quæ solum ad 19 pœnam obliget, non verò ad culpam? Resp. Affirmativè. Est certa sententia apud omnes, teste *Pal. p. 4. cit. §. 1. n. 1.* Ratio est, quia id Lege fieri potest, ergo etiam consuetudine, quæ pro Lege suscipitur.

Queritur 2. an, & quâ ratione Consuetudo abroget 20 Legem præ-existentm? *Certum est*, posse Legem abrogari per consuetudinem, prout habetur *c. fin. h. tit. l. de quibus 32. & l. sed & ea 35. ff. de Legib.* Ratio est, quia eadem vis est Consuetudinis, quæ Legis. igitur sicut Lex posterior abrogat priorem Legem contrariam, ita & consuetudo, modò illa rationabilis, & legitimè præscripta sit.

*Certum est 2.* per nullam consuetudinem derogari posse Legi naturali; quia hoc Jus immutabile est *§. sed naturalia 11. Inst. de J. N. G. & C.*

*Certum est 3.* non posse prævalere Consuetudinem adversus Jus Divinum positivum; quia Consuetudo est Jus merè humanum, utpote introductum moribus populi, & consensu Legali Principis; potestas autem humana



mana prævalere potestati, & Legi Divinæ nequit, ut pote longè superiori, quæ Jus Consuetudinarium contra suas Leges nunquam approbavit.

*Certum satis est* 4. quod Consuetudo etiam prævalere non possit adversus Jus Gentium; quia hoc, dictante ratione, omnium, aut ferè omnium gentium consensu introductum, & ideo introductum est, quia ad stabilendum inter ipsas commercium necessarium, aut summè utile videbatur. igitur non apparet, quomodo Consuetudo huic Juri contraria possit esse rationabilis.

*Certum est* 5. per consuetudinem abrogari posse Legem Civilem; hoc enim *l. de quibus cit.* aperte conceditur.

21 Dubium est 1. de Lege Canonica. Rationem dubitandi faciunt diversi textus. 1. *c. fin. h. tit.* ubi licet Consuetudini adstruatur magna autoritas, expressè tamen negatur vis, quæ Juri positivo præjudicium generare valeat. 2. *c. ad nostram audentiam* 3. *eod.* ubi Consuetudo, quæ Canonice obviat institutis, nullius esse momenti dicitur. 3. *c. cum venerabilis* 7. *eod.* ubi Innocentius III. ait, quod non tam consuetudo, quam corruptela censenda sit, quæ sacris est Canonibus inimica. quod repetitur *c. consuetudinem* 1. *eod. in 6.*

Verùm, ut rectè monet Gloss. *fin. in c. 8. de sent. & re judic.* textus isti, & ipsis similes intelligi solum debent de Consuetudine irrationabili, & nondum legitimè præscripta. Et hinc per Argumentum à sensu contrario, si rationabilis illa, & legitimè præscripta sit, etiam Juri Ecclesiastico derogare poterit, ut communis sententia DD. habet, & generalitas *c. fin. cit.* probat. Proceditque hoc etiam quoad Sacramentalia, & ipsas etiam Sacramentorum caeremonias, si substantiales illæ non sint, & à Christo præscriptæ prout colligitur ex *can. trina* 80. *de consecrat. dist. 4.* ubi statuitur, posse Baptismum conferri una, vel trina mersione pro cuiusque Ecclesiæ consuetudine. Ratio est, quia cum hæ caeremoniæ sint institutiones merè humanæ, nullum fundamentum est eas excipiendi à generalitate *c. fin. cit.*

22 Dub. 2. an Consuetudo abrogare possit Legem solum quoad pœnam, relicta obligatione quoad culpam, aut vicissim abrogare quoad culpam, manente obligatione quoad pœnam? Quoad 2. *quæsti partem* satis certa est affirmativa, & ratio est, quia possunt dari Leges purè pœnales, quæ solum ad pœnam obligent; ergo etiam consuetudine id obtineri potest. Excipe, nisi pœna talis sit, quæ culpam propriam supponat, quales sunt Censuræ; nam hæ nunquam imponuntur, nisi contumacibus, & conf. culpam propriam committentibus: & hinc fieri non potest, ut ad ejusmodi pœnam maneat obligatio, sublata per consuetudinem obligatione ad culpam.

Quoad primum major est controversia. Negat Alphons. à Castro *l. 2. de Leg. pœnal. c. 12.* alios referens, & rationem dat; quia qui facit contra legem obligantem in conscientia, committit culpam. igitur pœna adstringitur; nam pœna est propter culpam, & culpam sequitur: conf. non potest Consuetudo abrogare pœnam Legis, manente obligatione Legis.

Sed meliùs tenetur affirmativa sententia, quam etiam defendunt Sylvest. *V. consuetudo q. 11.* Suar. *l. 7. de Legib. c. 19. num. 3.* Pal. *tr. 3. D. 3. p. 4. §. 2. num. 3.* & apud hos *citt.* Ratio est, quia Consuetudo potest, quod Princeps potest per Legem. sed Princeps potest per Legem abrogare pœnam in Lege, positam, manente obligatione Legis. ergo &c. Conf. nam *can. cum multis* 3. *canf. 15. q. 8.* & Extrav. *ambitiosa de reb. Eccl. alien.* aliisque multis Decretis variæ pœnæ sunt impositæ, quæ jam usu cessarunt, manente obligatione Legis.

Ad Argumentum contrarium dico, violatorem Legis committere culpam, & pœnæ obnoxium esse, non tamen huic pœnæ determinatæ, quam Lex imposuit; nam hæc per Consuetudinem tolli potest, & relinqui in arbitrio Judicis, quam ipse velit imponere.

23 Dub. 3. an abrogari consuetudine possit Lex prohibens consuetudinem contrariam, quod fieri solet, adjecta Legi clausula *non obstante quavis consuetudine*? *Certum est*, nulla Consuetudine abrogari, vel derogari posse Legi reprobanti aliquam Consuetudinem, tanquam contrariam Juri naturali, aut Divino? quia talis consuetudo non esset rationabilis.

Difficultas solum moveri potest de Lege humana. Et ratio difficultatis est 1. quia qui prohibet consuetudinem futuram, prohibet illius efficaciam; aliàs sine effecty

foret prohibitio, sed si prohibetur efficacia consuetudinis, ista contra Legem prævalere non potest. ergo &c. 2. Consuetudo vim abrogandi Legem habet solum ex consensu, & voluntate Legislatoris. atqui in casu dubii Legislator prohibens consuetudinem contrariam jam sufficienter manifestat, se nolle Consuetudinem prævalere huic Legi. ergo &c. 3. Si Lex aliqua prohibeat præscriptionem alicujus rei, vel saltem intra 40. annos præscribi nolit, talis res vel omnino non præscribitur, vel non nisi tempore 40. annorum, esto, interveniat titulus, & bona fides. ergo nec Consuetudo abrogare poterit Legem, quæ prohibet consuetudinem contrariam Legi.

Verùm hæc difficultas solvi ope distinctionis potest, qua utitur Pal. *tr. 3. D. 3. p. 4. §. 2. n. 10.* & apud hunc *citt.* Vel enim adhuc manent circumstantiæ, propter quas Consuetudo adversa Legi reprobatur per Legem, vel circumstantiæ illæ cessarunt. Si primum, consuetudo adversus Legem prævalere non potest; quia quamdiu manent illæ circumstantiæ, Lex est, & perseverat esse rationabilis, & conf. consuetudo illi contraria est irrationabilis. Si secundum, prævalere adversus ejusmodi Legem Consuetudo potest; quia tali casu Legislator rationabiliter abrogare Legem suam posset. ergo etiam consentire, ut abrogetur per consuetudinem. Ex quo patet responsio ad argumenta opposita.

Dub. 4. an Consuetudo possit abrogare etiam Legem infirmantem, seu irritantem, e. g. quæ formam substantialem præscribit actui, vel certas personas ad contrahendum, eligendum &c. facit inhabiles &c. Rationem dubitandi facit *c. quod super* 5. *de Consang. & affinit. in fin.* ubi Pontifex cavit, ne inter gradus prohibitos contrahatur Matrimonium, & presumptores distinctione Ecclesiastica puniri jubet, non obstante consuetudine, quæ dicenda est potius corruptela.

Sed adhuc standum est pro affirmativa sententia. Ita Sanch. *l. 7. de matrim. D. 4. num. 14.* Pal. *tr. 3. D. 3. p. 4. §. 2. num. 5.* & ab hoc *citt.* Ratio est, quia id fieri potest per Legem, ut nemo dubitat. ergo etiam per consuetudinem, quæ loco Legis succedit. Ex quo sequitur, per Consuetudinem introduci posse impedimenta matrimonii irritantia, & introducta aboleri, si illa introducta sint Jure tantum humano.

Ad rationem dubitandi dico *c. cit.* loqui de Consuetudine nondum legitimè præscripta; hæc enim non habet vim abrogandi Legem.

Dub. 5. an Legem antea constitutam abrogare possit etiam Consuetudo non introducta cum bona fide? Negant Gloss. *in c. 3. V. canonicè h. tit. in 6.* Azor. *p. 1. l. 5. c. 17. q. 6.* Laym. *in c. fin. h. tit. num. 9.* Pirh. *hic num. 44.* secuti communioem doctrinam antiquorum. Ratio, qua moventur, est 1. quia consuetudo, ut prævaleat adversus Legem debet esse legitimè præscripta. legitima autem præscriptio sine bona fide nec inchoari potest, nec currere. 2. Quia sic daretur ansa subditis ad agendum adversus Legem, ut sic paulatim liberentur ab obligatione Legis. 3. Quia si bona fides non requireretur ad consuetudinem, tunc Communitas, etsi sciret se obligari ad solvendas decimas, adhuc tamen non solvendo se liberare posset ab obligatione solvendi: quod falsum est.

Sed probabiliùs bona fides ad introducendam Consuetudinem legalem adversus Legem non requiritur, ut aliis *citt.* advertit Clarissimus Antecessor, & Professor meus P. Jacobus Vviestner *hic* 35. Colligitur ex *l. de quibus* 32. *§. inveterata* 1. *in fin. ff. de legib.* ubi dicitur, rectissime receptum esse, ut Leges non solum suffragio Legislatoris, sed etiam tacito consensu omnium per desuetudinem abrogentur. atqui ad tacitum consensum requiritur scientia, & notitia Legis; quia errantis, sive ignorantis nullus est omnino consensus *l. si per errorem* 15. *ff. Jurisdikt.* ergo ad consuetudinem contra legem necessaria est hujus scientia, & conf. mala fides. Conf. quia ad consuetudinem adversus legem requiritur, ut frequententur actus contrarii, non quomodocunque, sed animo abrogandi legem, ut dictum est *n. 14.* hic animus haberi non potest sine scientia Legis, & conf. mala fide. ergo &c.

Neque obstant argumenta contraria. Ad 1. Consuetudo legitimè præscripta tunc dicitur, cum habuerit ea, quæ requiruntur ad Consuetudinem legalem. Ad 2. etsi illicium inde capere mali possint ad transgressionem



Legis, minùs tamen id noxium est, quàm perseverantia Legis, cujus observantia post diu continuatas transgressiones à communitate moraliter sperari non potest. *Ad* 3. illa consuetudo magis propriè præscriptio est, cum per illam lædatur Jus Ecclesiæ: cons. mirum non est, quòd ad illam requiratur bona fides. Neque obstat, etiam si hoc à communitate fiat; nam tali casu Communitas instar privati habetur, ut notatum est suprà *num. 1.*

26 Queritur 3. quam vim Consuetudo habeat interpretandi Legem? Certum est, hunc effectum competere Consuetudini; nam is apertè eidem tribuitur per *c. cum dilectus 8. h. tit. & l. si de interpretatione 37. ff. de Legib.* Ratio est manifesta; nam si consuetudo vim habet introducendi novas Leges, & jam statutas abrogandi, à fortiori habere debet efficaciam interpretandi illas, præsertim cum effectus iste videatur esse magis necessarius, quàm alii; sæpè enim Leges obscuræ sunt, & ambiguae tum in obligatione, tum in materia, ad quam se extendunt: ad quod dubium tollendum optima Regula erit inspicere, quomodo usu receptæ sint: nam usus, & consuetudo Legis interpres est mentis, quàm habuit Legislator ferendo Legem.

27 Dub. 1. an consuetudo interpretari Legem possit authenticè, an solum doctrinaliter, ut Leges interpretari DD. solent? Resp. Cum distinctione: Vel enim Consuetudo jam est legitimè præscripta, vel non. *Si prima*, interpretatio ejusdem est authentica, & sequenda, ut Lex, prout constat ex *l. nam Imperator 38. ff. de Legib.* & ratio est, quia verè Lex est; talis enim consuetudo pro Lege suscipitur. *Si secundum*, interpretatio ejusdem solum est doctrinalis, ut Doctorum, sed altiori tamen ratione, quia in consuetudine plures in unum conveniunt. Porro, ut primum effectum habeat consuetudo, requiruntur omnia, quæ aliàs requiruntur, ut Consuetudo vim Legis habeat: ut verò fortior effectum alterum, videlicet interpretandi Legem doctrinaliter, ea omnia non requiruntur; neque opus est, ut duraverit decennio, sed sufficit minus tempus. Excipe, si sit contra claram Juris dispositionem; talis enim Consuetudo, usque dum acquirat omnia, ad legitimam consuetudinem requisita, pro corruptela potiùs habenda est, ac proinde Judicem movere nequit, ut secundum illam ferat sententiam. *Pal. tr. 3. D. 3. p. 4. §. 3. n. 2. & 3.*

28 Dub. 2. in quibus vim interpretandi modò assertam exerat Consuetudo? Resp. potestas hæc est admodum ampla; nam 1. secundum illam regulandi sunt Contractus; quia secundum illam intelliguntur facti, nisi aliud expressum fuerit *l. semper in stipulationibus 34. ff. de R. J. l. quod si nolis 31. §. quia assidua 20. ff. de adilit. edict. 2.* Secundum consuetudinem introductam regulandum est Judicium tam internum, quàm externum; quia Judices debent secundum Leges judicare. sed nulla firmior, & solidior earum interpretatio esse potest, quàm ea, quæ per Consuetudinem habetur. ergo &c. *Pal. §. 3. cit. num. 6.* Proceditque hoc etiam in pronuntiatione arbitri Compromissarii; nam etiam iste secundum consuetudinem legitimè introductam, & præscriptam judicare debet. Et hoc verum est, etiam si partes in illum compromiserint, ut procedat secundum Leges, & consuetudo istis contraria sit; nam etiam consuetudo legitimè præscripta Lex est, & imperatur servari, ut Lex. *Pal. num. 4. & ab hoc cit. 3.* Vis interpretandi Legem in consuetudine se extendit etiam ad Jus Divinum, non quidem, quasi illa aliquid huic addere, vel minuere illud possit, sed solum indicando mentem Legislatoris: patet in multis traditionibus, & generalibus consuetudinibus totius Ecclesiæ circa usum Sacramentorum, quæ sufficienter Christi institutionem declarant. *Suar. l. 7. de Legib. c. 7. num. 6.*

29 Queritur 4. an consuetudo etiam vim habeat irritandi actum aliàs de Jure validum? Resp. Affirmativè; quia habet vim Legis. atqui Lex habet effectum irritandi. ergo & Consuetudo. *Ex quo sequitur*, posse per consuetudinem induci impedimenta irritantia Matrimonium.

Dubium 1. est, an tali casu requiratur scientia Pontificis de tali Consuetudine? Ratio dubitandi est, quia introducentes ejusmodi consuetudinem sunt inferiores Pontifice; inferior autem disponere circa Legem superioris non potest. ergo &c. Sed dicendum, non esse necessariam istam scientiam, *Pal. rr. 3. D. 3. p. 4. §. 4. num. 2.*

& apud hunc cit. Ratio est, quia *c. fin. h. tit. & l. de quibus 32. ff. de Legib.* nulla sit mentio istius scientiæ, sed tantum petitur, ut consuetudo sit rationabilis, & legitimè præscripta. *Neque obstat ratio dubitandi*; nam consuetudinis istiusmodi vis est ex consensu Pontificis; potest autem inferior cum consensu superioris de Lege Superioris disponere.

Dub. 2. Utrum in Consuetudine irritante Matrimonio 30  
nia requiratur, ut talis Consuetudo sit Laicorum simul, & Clericorum? Affirmat *Sanch. l. 7. de matr. D. 4. num. 11. circa finem* cum non paucis aliis, ex ratione, quia in Legibus Ecclesiasticis nihil possunt Laici. ergo consuetudo Laicorum præcisè non valebit statuere impedimenta matrimonii, sed debet accedere Consuetudo Clericorum, non admittentium ad Matrimonium cum ejusmodi impedimento. Sed respondendum est negativè cum *Pal. §. 4. cit. num. 4.* & dicendum, hoc casu sufficere solam Consuetudinem Laicorum. Ratio est, quia in iis, quæ spectant ad Laicos, etsi Ecclesiastica sint, Consuetudinem inducere Laici soli possunt, cum id faciant ex consensu Pontificis, qui generaliter vim Legis tribuit omni Consuetudini legitimè introductæ.

*Ex quo cadit ratio in contrarium*; nam etiam Laici possunt aliquid facere in Legibus Ecclesiasticis cum consensu Pontificis, qui hoc casu, ut est dictum, non deficit.

Queritur 5. quæ sit vis, & effectus Consuetudinis 31  
immemorialis? Veteres Juri cum *Innoc. inc. 13. de Judic. nu. 5.* pro Regula tradunt, Consuetudine immemoriali acquiri posse omnia illa, quæ privilegio, & indulto Principis acquiri possunt. Rationem dant, quia Consuetudo, cujus initii non extat memoria, æquiparatur privilegio, habeturque loco tituli legitimè constituti, & probati, ita ut concessio, vel probatio temporis immemorialis lapsu, melior titulus allegari nequeat: hinc clausula prohibente, vel irritante Consuetudinem contrariam ipsa non comprehenditur, ut pluribus aliis *citr.* advertit *Laym. l. 1. tr. 4. c. 24. n. 7.*

Verum hæc regula generaliter vera non est, sed duplici 32  
limitatione indiget. *Prima est*, nisi is pro quo allegatur præscriptio, vel consuetudo immemorialis, sit incapax possidendi, extra casum, quo habilitatur per privilegium; ex hoc enim capite Laicus nunquam per quamcunque Consuetudinem acquirere potest jus decimandi, eligendi, confirmandi ad Beneficia &c. etsi hæc omnia acquirere possit per privilegium Pontificium. Ratio est, quia hoc ipso, quòd Præscriptio sine possessione non procedat *Reg. 3. in 6.* sequitur, quòd is, qui incapax est possidendi, etiam incapax sit acquirendi per præscriptionem, vel consuetudinem. *Alteræ est*, nisi ejusmodi Consuetudini, vel Præscriptioni resistat Jus, eaque tanquam abusus, & corruptela à Lege, vel Canone reprobetur: & ob hanc rationem induci consuetudine non potest immunitas ab obligatione observandi Interdicta Ecclesiastica, potestas retinendi simul duos Canonicatus, Personatus &c. Ratio est, quia cum consuetudo, & præscriptio vim omnem debeant Legibus, vel SS. Canonibus, quibus introductæ, & approbatæ sunt, locus illis non erit respectu rerum, & personarum, respectu quarum illis resistit *Jus. l. ubi lex 24. ff. de usurpat. & usucap.*

Dub. an nihil efficiat temporis immemorialis lapsus, 33  
si cadat in personam aliàs Jure inhabilem, si saltem concurrat cum tempore immemoriali fama, seu existimatio constans, & publica privilegii Apostolici aliquando obtenti? Resp. hoc casu quidem Jus possessori nullum acquiri, cum lapsus temporis immemorialis, etiam cum fama privilegii habilitare personam ad veram, & legitimam possessionem nequeat: si tamen utrumque, scilicet fama privilegii, & temporis immemorialis possessio legitime probetur, vel aliunde de iisdem constet, fundabunt præsumptionem privilegii, ut continuari exercitium Juris hæcenus possessi possit, donec probetur contrarium. *Ex quo sequitur*, adversus ejusmodi tempus immemoriale, etiam cum tanta privilegii junctum, admitti probationem; quamvis enim faciant præsumptionem, illa tamen præsumptio ex nullo Juris textu probatur, quòd sit Juris, & de Jure: & hinc si vitium tituli in possessione ejusmodi demonstretur, præsumptio inde orta cedere debet veritati.



## §. IV.

## De Consuetudinis probatione, &amp; Abrogatione.

## S U M M A R I U M.

- 33 Consuetudo ab allegante probari debet.  
 34 Et quidem plenè.  
 35 Assertio unius doctoris excellentis in foro externo præsumptivè eandem probat, non concludenter.  
 36 Unicus testis illam nec semiplene probat.  
 37 Abrogari Consuetudo potest vel per Legem.  
 38 Vel per Consuetudinem aliam oppositam.

33 **Q**Uæritur 1. an probari debeant Consuetudo, vel Præscriptio ab eo, qui has allegat? Resp. affirmativè. Est recepta omnium sententia apud Pal. tract. 3. Disc. 3. p. 6. num. 1. Ratio est, quia ea, quæ consistunt in facto, non præsumuntur, Excipitur 1. si sit notoria; notoria enim probatione non indigent, Excipitur 2. si respiciat ordinem procedendi; hæc enim aliunde nota Judici esse debet, vel si ignota sit, informatione de illa melius aliunde, quam ex partibus Iudex capiet. Excipitur 3. si constituat Stylum Curia; ex priorum ratione. Excipitur 4. si dubitetur, an sit rationabilis; cum enim tunc solum agatur de qualitate consuetudinis, & res Juris, non facti sit, ad Judicem pertinebit de controversia illa discernere.

34 Dub. 1. quomodo probari debeat Consuetudo? Resp. saltem quando Causæ decisio ex consuetudine allegata pender, plenè illam probare allegans debet, ut aliis cit. advertit Pal. tr. 3. D. 3. p. 6. num. 6. neque enim Consuetudinis probatio ab aliis probationibus singulare aliquid habet. Plenè autem probata censebitur, si de illa deponant duo saltem testes, & simul testentur, se vidisse, sic observatum esse in illo loco, scientibus, & præsentibus multis, toto temporis spatio, quod ad introducendam consuetudinem requiritur; neque enim sufficit, si testentur esse Consuetudinem, nisi illius rationem reddant, Ratio est, quia Consuetudo est usus frequens populi, longo tempore durans. ergo qui de Consuetudine testari vult, debet testari de usu frequentari durante per longum tempus. Verum, si testes deponant de tempore immemoriali, sufficit, si testentur, se ita vidisse, & à majoribus audisse observatum qui viderint, aut audierint aliquid contrà fieri.

35 Dub. 2. an Consuetudo probetur sufficienter per assertionem alicujus excellentis Doctoris, testantis in scriptis suis, esse hanc Consuetudinem? Certum est satis, quod in foro Consuetudine tali Doctori, sic asserenti aliquid, fides integrè adhiberi possint, dummodo alii non contradicant; nam hoc si fieret, necesse foret, ut conveniant plures DD. vel saltem illius unius assertio adjuvetur aliis gravibus conjecturis, ut notat Suar. lib. 7. de Legib. c. 11. num. 8. In foro externo adhibenda est distinctio, & dicendum, tali assertioni credendum præsumptivè, non autem concludenter. Quod probet præsumptivè, patet; nam etiam testis alius, quavis non juratus, præsumptionem facit, ut notat Gloss. in c. 51. V. nisi juratus de testib. Quod verò non probet concludenter, inde constat; quia Consuetudo est quid facti. ea verò, quæ facti sunt, etiam prudentissimos plerumque fallunt l. in omni 2. ff. de Jur. & fact. ignor.

36 Dub. 3. utrum unicus testis probet Consuetudinem saltem semiplenè, ita ut Juramentum suppletorium deferri possit? Resp. negativè. Ita Pal. p. 6. cit. num. 7. & apud hunc Bald. Mascard. &c. Ratio est, quia cum Consuetudo debeat esse pluribus nota, si unus tantum inveniat, qui notitiam illius habeat, merito ille suspectus censi poterit, & testimonium ejusdem fallax. Excipitur, si agatur de Consuetudine multum antiqua; quia tunc vix est, qui illius recorderetur, & unus testis juratus semiplenam constituit probationem ex Auth. sed cum testator C. ad L. Falcid. & l. si arbiter 28. ff. de probat.

37 Quæritur 2. an, & quomodo abrogari Consuetudo per Legem expressam possit? Resp. quod ita abrogari Consuetudo possit, clarè constat ex c. licet 1. de Constit. in 6. & c. cum consuetudinis 9. h. tit. probatque hoc ratio; quia tota Consuetudinis vis est ex Voluntate Legislatoris

saltem tacita. ergo si contrarium disponat Legislator, vis cessat in Consuetudine. Ut autem dici possit, quando per Legem abrogata censeatur Consuetudo, sequentes regulæ observandæ sunt. 1. nulla Lex Consuetudinem abrogat, nisi clarè diametè sit ei contraria? Ratio est, quia Consuetudo legitimè præscripta Jus quoddam est, cujus correctio vitanda est, quoad fieri potest. l. præcipimus 32. C. de appellat.

2. Lege universali abrogatur Consuetudo æquè universalis illi opposita, etsi in Lege istius non fuerit facta mentio, neque adjecta clausula aliqua derogatoria. Sumitur ex c. licet cit. ubi solum singularium consuetudines dicuntur non abrogari per Legem generalem. Ratio est, quia Consuetudo universalis non præsumitur ignorata à Principe. ergo cum Legem illi contrariam statuit, intelligitur velle eidem derogare.

3. Lege universali non censeatur abrogari Consuetudo particularis alicujus loci, nisi illa hujus mentionem faciat, vel saltem addatur clausula generalis derogatoria consuetudinis cujuscunque contrariæ. Constat ex c. licet cit. & ratio ibidem datur, quia Papa, vel Princeps Legis conditor locorum specialium consuetudines potest, & probabiliter præsumitur ignorare: & propterea ipsis per constitutionem à se noviter editam, nisi expresse caveatur in ipsa, non intelligitur in aliquo derogare.

4. Lege speciali facta à Principe superiore, v. g. Papa, Imperatore &c. pro aliqua civitate, vel Provincia suæ ditionis, probabile est, non abrogari, vel derogari Consuetudini particulari illius Provincie, nisi expresse apponatur clausula derogatoria, ut ex argumento primum allato colligit Pal. l. cit. num. 6. Neque obstat, sic legem fieri frustraneam, quod neminem liget; quia hoc per accidens est ob consuetudinem ignoratam.

Quæritur 3. an abrogari Consuetudo etiam possit per aliam consuetudinem? Resp. affirmativè; habet enim Consuetudo omnes effectus Legis, igitur sicut Lex, ita & Consuetudo abrogare consuetudinem potest.

Ut verò vim istam habeat, debet esse contrariè opposita Consuetudini: & hinc si Consuetudo est universalis, abrogari debet per aliam consuetudinem universalem; particularis autem abrogare universalem non potest, sed tantum derogare, in loco scilicet, in quo cum generali oppositionem habuerit, ut rectè notat Pal. p. 6. cit. num. 2. Ratio est, quia Consuetudo non inducit jus, nisi usu, & facto. ergo non potest contrarium Jus inducere, nisi usus, & facta contraria sint.

Præterea in Consuetudine derogatoria requiritur idem tempus, quod Consuetudo præexistens, & abroganda requisivit ad sui constitutionem; debet enim esse legitimè præscripta, quod fieri non potest, nisi saltem decennio.

Denique actus, vel omissio actus, qui per Consuetudinem abrogandam exerceri poterat, vel debebat, debet esse libera; nam si occasio exercendi ejusmodi actum nunquam se offerat, non usus abrogare Consuetudinem præexistentem nunquam poterit.

## P A R S II.

## Creatio Judicis Ecclesiastici.

**J**udex Ecclesiasticus Episcopali plerumque, vel alia Dignitate Ecclesiastica solet insignis esse. Ad hanc perveniendi quadruplex via panditur. 1. Per postulationem. 2. Per Electionem. 3. Per Translationem. 4. Per Renuntiationem à Possessore priori factam. Quæ omnia per sequentes Titulos explicantur.

## T I T U L U S V.

## De Postulatione Prælatorum.

**P**ostulationis nomen tripliciter potest accipi. 1. Latè, & in hoc sensu significat quamecunque gratiæ cujuscunque petitionem. 2. Magis specificè pro querela, vel petitione facta contra aliquem in Judicio l. hunc titulum 1. §. postulare 2. ff. de postuland. de qua agitur Tit. 37. 3. Strictius adhuc, & in nostræ Rubricæ sensu pro ea solum petitione, qua eligentes in Prælatum sibi à Superiore petunt personam aliquam, quæ



quæ ob defectum aliquem non potest eligi. De hac igitur sit

## §. I.

*De Postulationis Natura, Varietate, Effectu, & Fine.*

## S U M M A R I U M.

- 1 *Postulationis natura, & Differentia.*
- 2 *Ejusdem varietas.*
- 3 *Effectus.*
- 4 *Finis.*

1 **Q**Uæritur 1. quid sit Postulatio? Resp. *Postulatio* est Capituli, vel Collegii concursus, & ad Superiorem destinata petitio, ut ad Prælaturam Ecclesiasticam dispensativè (velit admittere personam aliquam, quæ propter defectum, sive impedimentum Canonicum non potest eligi. Ita Abb. in *Rubr. h. tit. n. 1.* Laym. *ibid.* & quoad sensum DD. communiter. Convenit cum electione in hoc, quod ad eundem cum illa finem tendat, nimirum ut Sedes per mortem, vel renuntiationem antecessoris vacans impleatur: in multis autem ab illa differt. Nam 1. Postulatio est via solum extraordinaria perveniendi ad Prælaturas; Electio Ordinaria. 2. Postulatio est personæ, quæ Jure impedita, & inhabilis est ad Prælaturam, seu Dignitatem, ideoque dispensatione indiget; electio verò est personæ, quæ Jure non impedita, sed habilis est. 3. Electus in electionem absolute consentire potest; postulatus non nisi sub conditione dispensationis obtinendæ à Superiore, cum sit secundum Jura inhabilis. 4. Electio dicitur confirmari; postulatio verò admitti à Superiore: cujus causa est. 5. Ac præcipuum discrimen; quia Postulatio innititur gratiæ; Electio autem Juri, ut notat Gloss. in *c. un. V. eligo h. tit. in 6.* Ex quo sequitur. 6. Et ultimum, quod etsi electus instituta actione petere Prælaturam possit, Postulato tamen, antequam Postulatio à Superiore admittatur, actio ad Prælaturam non competat, cum adhuc summo Jure à Superiore ab hac repelli possit.

2 **Q**Uæritur 2. Quotuplex sit Postulatio? Resp. Duplex, sollemnis, & non sollemnis. *Sollemnis*, ut eam describit Abb. in *c. 1. h. tit. num. 34.* est, quando postulatur quis ab eo Superiore, qui potest super omni impedimento postulati dispensare: cujusmodi est illa, quam Num. præc. descripsimus. *Non sollemnis*, seu *simplex*, quando quis postulatur ab eo, qui non potest dispensare super impedimento, requiritur tamen ejus consensus ad promotionem sic postulati propter peculiare interesse, vel jus, quod in illa habet: talis est, cum Religiosus assumitur in Episcopum; nam hunc ad Episcopatum assumi nulla Lex Canonica prohibet, tanquam inhabilem, sed solum præcipit, ut non assumatur sine Prælati sui licentia.

Ex quo patet differentia inter utramque hanc Postulationem; nam *Sollemnis* dispensatione indiget, qua opus non habet *simplex*, seu *non sollemnis*: atque hinc ista est quædam electionis species, ad id instituta, ut Superior suo in electum jure cedat, & licentiam dando permittat, ut electus in sui electionem consentire possit.

3 **Q**Uæritur 3. quis sit effectus Postulationis sollemnis? Resp. Postquam admissa est à Superiore, vim habet electionis confirmatæ, ita ut postulatus omne Jus consequatur, perinde, ac si fuisset electus, & confirmatus: & hinc electione, vel Confirmatione alia opus non habet, ut notat Abb. in *c. 1. h. tit. n. 34.* Ante admissionem autem Postulatio nullum Jus tribuit Postulato; quia ut *n. 1.* dictum est, à gratia Superioris dependet. Hinc etiam Postulatus, antequam Postulatio admittatur à Superiore, suscipere nequit administrationem Ecclesiæ, ad quam postulatus est: & si illam suscepit, privatur omni commo Postulationis, Postulantes autem, si eum ad illam gerendam admisertint, Jure postulandi, vel eligendi pro illa vice excidunt, & Jus illud ad Papam devolvitur, ut ex *C. ard. Tusch.* advertit Pirh. *hic n. 38.*

4 **Q**Uæritur 4. quis sit effectus postulationis non sollemnis? Resp. Facit, ut secuta admissione, seu data licentia à Superiore, Postulatus possit eligi, si antequam eligeretur, postulatus fuit; vel si post electionem est postulatus,

ut electus confirmari. Abb. *l. cit.* Sylvest. *V. postulatio q. 6.*

Ex quo sequitur, Postulationem non solemnem fieri posse vel ante Electionem, si videlicet petatur à Superiore consensus, ut subditum suum eligi patiatur; vel post electionem Canonicè celebratam, si scilicet petatur à Superiore licentia acceptandi Electionem. Imò aliquando Postulatio non solemnis potest cum solemnibus concurrere, ut si ad Episcopatum assumendus esset filius familias Laicus; nam iste propter defectum Clericatus postulari deberet solemniter; & quia tanquam filius familias sub patria potestate constitutus est, non solemniter: & ratio est, quia indiget dispensatione Papæ, quia Laicus est; & licentia patris, quia hujus Juri subiectus est.

QUæritur 5. quis sit finis Postulationis? Resp. est in subsidium Electionis introducta, ut si quis per SS. Canones prohibetur eligi, saltem adminiculo Postulationis per viam gratiæ, & dispensativè ad Prælaturam, vel aliam dignitatem Ecclesiasticam admitti possit.

*Causa* duplex est Postulationis faciendæ, nempe Ecclesiæ viduatæ necessitas, vel ejusdem utilitas. *Necessitas*, si nullus in capitulo, vel Collegio sit, cui vacans Prælatura tuto committi possit. *Utilitas*, si Postulati pietas, doctrina, prudentia, & aliæ præclaræ dotes suadeant Prælaturæ præfici. Potestque casu, quo necessitas, vel utilitas Ecclesiæ ita exigeret, Episcopus consecratus, si postulatus fuerit ad aliam Ecclesiam Cathedralē, autoritate Pontificia cogi ad acceptandam illam Ecclesiam *can. scias 35. caus. 7. q. 1.* & in hoc comparatur Episcopus Monacho, qui non habet potestatem contradicendi suo Superiori.

## §. II.

*Quis postulari possit, vel non possit?*

## S U M M A R I U M.

- 6 *Postulari possunt, qui ob impedimentum Canonicum non possunt eligi.*
- 7 *Hoc impedimentum debet esse tale, in quo superior dispensare possit, & soleat.*
- 8 *An Episcopus ad alium Episcopatum possit eligi, an verò debeat postulari?*
- 9 *Quid dicendum de Cardinalibus?*
- 10 *Quid de Prælati Episcopo inferioribus?*
- 11 *An postulandus ad Prælaturam sit Clericus vel Monachus extraneus?*

**G**ENERALITER loquendo ad Prælaturas Ecclesiasticas illi solum postulari possunt solemniter, qui ob impedimentum Canonicum non possunt eligi. Patet ex Num. præc. quia, ut ibi dictum est, Postulatio est introducta in subsidium Electionis: frustra autem peteretur, ut ex gratia admittatur ad Prælaturam, qui sine illa ad eandem promoveri potest. Sequitur ergo, quod nec postulandus possit eligi, nec eligendus postulari.

QUæritur 1. quale Impedimentum, vel defectus esse debeat, ut propter illud postulari aliquis possit, aut debeat? Resp. debet esse talis, in quo superior dispensare possit, & soleat, ut notat Abb. in *c. fin. h. tit. n. 8.* Ex quo sequitur 1. Postulari posse, & debere 1. laborantes defectu natalium *c. innotuit 20. de elect.* 2. Etatis legitimæ, ut si quis nondum implevit annum 30. ætatis respectu Episcopatus *c. cum nobis 29. eod.* 3. Ordinis, ut si Laicus, vel in Minoribus constitutus in Episcopum assumendus sit *c. dudum 22. eod.* 4. Professionis Religiosæ, ut si Novitius, vel alius nunquam expressè professus assumendus esset in Prælatum *c. cum Monasterium 13. eod.* Hæc enim, & similia impedimenta, etsi faciant, ut eo laborans non possit eligi, non tamen impediunt, ne possit postulari, cum talia sint, in quibus ab Ecclesia dispensari possit, ac soleat.

Sequitur 2. postulari non posse, qui Jure aut naturali, aut Divino inhabiles sunt ad Dignitatem Episcopalem, vel Prælaturam aliam, quales sunt infantes, furiosi, amentes, propter crimen infames, rudes omnino, & illiterati; quia cum his Superior dispensare vel omnino non potest, vel non debet, cum Officium, ad quod per Postulationem promovendi essent, honestè, & utiliter exercere non possint.

Sequitur 3. similiter postulari non posse bigamos *c. nisi*



10. de renunt. spurios, sive ex damnato coitu procreatos arg. c. 10. cit. & alios, qui etsi laborent defectu ab Ecclesia dispensabili; tali tamen, in quo Ecclesia dispensare non soleat.

Sequitur 4. postulationis capaces non esse omnes illos, quos Jus Ecclesiasticum specialiter postulari prohibet: quales sunt temerarii violatores interdicti c. ad hac 1. h. tit. Religiosi Mendicantes ad Ecclesiam sæcularem inferiorem Cathedrali, & ad Monasterium quodcumque extra suum Ordinem; minor 27. annis ad Ecclesiam Cathedrali. Extrav. un. int. comm. h. tit. Neque obstat praxis Germaniæ, ubi sæpè ad Ecclesias Cathedrales, & Metropolitanas videmus eligi Principes, qui 27. in 20. ætatis annum non attigerunt; quia, ut observat P. Vviestner hic num. 9. praxis ista innititur indulto Pontificio, quo ejusmodi personæ Principes sæpè in ipsis collationibus Canoniceatum à Papa redduntur habiles, ut etiam ante præscriptam à Jure ætatem ad Ecclesias Cathedrali postulari possint.

Quæritur 2. an Episcopus ad alium Episcopatum possit eligi, an verò debeat postulari? Resp. cum distinctione: Vel enim est electus tantum, vel etiam confirmatus, aut consecratus. Si primum, eligi adhuc ad illam Ecclesiam potest; quia licet per acceptationem electionis conjugium spirituale inter ipsum, & Ecclesiam sit quodammodo inchoatum, nondum tamen est perfectè contractum: igitur sicut talis Episcopus electus tantum ante confirmationem, à Pontifice impetratam renuntiare juri per electionem quæsito potest, ita etiam poterit ad aliam Ecclesiam eligi. Si secundum, iterum distinguendum est, an talis Episcopus confirmatus, vel consecratus sit Titularis solum, quales in Germania nostra sunt Episcoporum in Pontificalibus Vicarii, qui vulgò Suffraganei nuncupantur; an verò Diocesani, & Ecclesiam actu habeant, quam per se, vel per Vicarios suos gubernent. De Posterioribus certum est, eos, ut ad aliam Cathedrali Ecclesiam assumi possint, postulari debere: estque perinde, sive talis Episcopus sit jam consecratus, sive solummodo confirmatus; quia per confirmationem conjugium spirituale Episcopi cum sua Ecclesia ratum sit, per consecrationem consummatum: utroque casu intercedit vinculum spiritualis conjugii.

Major Difficultas est de Prioribus, seu Episcopis Titularibus; cum enim hi careant Clero, & populo, simul & facultatibus, utpote qui Ecclesias suas, & Episcopatus in partibus Infidelium constitutos habent, necesse erit, ut si ad congruam sustentationem suam eis non sufficiat proprium patrimonium, de ea ipsis provideatur aliunde. igitur nihil prohibebit, quin etiam promoveantur ad Ecclesiam, & Episcopatum habentem Clerum, & populum. Conf. is, qui renunciavit Episcopatu, etsi confirmatus, & consecratus fuisset, post renuntiationem legitimè factam ad aliam Ecclesiam denuo potest eligi per viam ordinariam electionis. ergo etiam talis Episcopus titularis.

Verum his non obstantibus, dicendum, ejusmodi Episcopos Titulares, nisi Breve, seu Indultum Eligibilitatis à Sede Apostolica habeant, non posse eligi, sed debere postulari ad aliam Ecclesiam. Ita P. Vviestner hic n. 11. Ratio est, quia licet possessionem Episcopatus sui non habeant, tamen per confirmationem, & consecrationem Episcopalem verè conjuncti matrimonio spirituali sunt cum sua Ecclesia, in cujus signum annulum & ipsi gerunt, igitur non minus, ac alii Episcopi, qui Clerum, & populum habent, ut assumi ad aliam Ecclesiam Cathedrali possint, postulari debent. Addidi nisi Indultum Eligibilitatis habeant; nam tale Indultum hujusmodi Episcopis Titularibus, quando simul sunt Canonici Cathedralium Ecclesiarum, non difficulter conceditur, concedique etiam solet sive tum, quando Ecclesiæ suæ desponsantur, sive postea.

Ad Argumentum contrarium satis prospectum est istis Episcopis tum à Jure; tum etiam aliàs, ut sustentationem congruam habeant: à Jure quidem, quia, ut communis doctrina habet, per assumptionem illorum ad Episcopatum, beneficia ab eisdem prius obtenta non vacant; aliàs autem, quia plerumque sunt ceterorum Episcoporum Suffraganei, à quibus etiam sustentationem accipiunt. Ad Conf. negatur paritas; nam per renuntiationem, à Superiore admissam, conjugium spirituale solvitur, cessat causa, quare talis Episcopus ad aliam Ecclesiam non possit eligi.

Quæritur 3. utrum S. R. E. Cardinalis ad Episcopatum eligi possit, vel postulari debeat? Postulandum contendit Host. in c. 57. de elect. Sylv. V. postulatio q. 3. Azor. p. 2. l. 4. c. 3. q. 15. Moventur 1. textu c. bonæ 3. h. tit. ubi Cardinalis Presbyter ad Archiepiscopatum dicitur postulatus 2. Cardinales, etiam non Episcopi, sunt majores Episcopis, & saltem in Ecclesiis sui Tituli Jurisdictionem quasi Episcopalem habent; indecens autem videtur esse, ut quis per electionem à majore dignitate ad minorem descendat. 3. Cardinalis adstrictus est Romanæ Ecclesiæ. ergo sicut Episcopus, eò, quod sit adstrictus suæ Ecclesiæ, postulari debet, ita & Cardinalis.

Sed melius adhibetur distinctio: Vel enim agitur de Cardinale Episcopo, vel de Cardinale Presbytero, aut Diacono. Si primum, postulari debet, & quidem solemniter; quia laborat vinculo conjugii spiritualis, quo Ecclesiæ suæ devinctus est. Si secundum, postulari quidem debet, sed non solemniter, ut rectè aliis cit. advertit Pirhing hic n. 11. Vviestner, n. 14. quia licet eligi nullo jure prohibeantur, ex officio suo tamen Papæ sunt obligati, ut eum in regenda universali Ecclesia consiliis, & opera sua adjuvent, quæ cum plerumque utilior sit Reip. Christianæ, quam si residerent in particulari Ecclesia, merito licentia, & consensus Papæ requiritur, ut relicta cura universalis Ecclesiæ ad particularem regendam se transferant.

Neque contrarium probant argumenta opposita. Ad 1. Cardinalis illè, de quo c. bonæ cit. sermo est, ut cum aliis observat Gonzal. ibid. num. 16. non fuit Cardinalis Romanæ, sed tantum Canonicus Principalis Ravennatis Ecclesiæ. Deinde esto, fuisset de Romanæ Ecclesiæ Cardinalibus, postulatus dici potest postulatione simplici, & non solemnī, quæ revera electio est. Ad 2. Cardinales majores Episcopis sunt officio, inferiores autem Ordine, cum non detur Ordo major Episcopatu. Deinde esto, Cardinalis sit Episcopo major simpliciter, adhuc tamen ad Episcopatum eligi potest; quia causa, cur Episcopus ad alium Episcopatum eligi nequeat, in Cardinali cessat, cum hic non sit vinculo spiritualis conjugii alligatus alicui Ecclesiæ, ut Episcopus est alligatus suæ. Ad 3. ex eo solum sequitur, quod Cardinalis debeat postulari non solemniter, & quod Pontifex licentiant acceptandi electionem sui ad Episcopatum, si ita expedire videbitur, eidem negare possit.

Quæritur 4. an in Episcopum eligi possint, an verò postulari debeant Prælati Episcopo inferiores? Ratio dubitandi est, quia etiam ipsi vinculo spiritualis conjugii Ecclesiæ suæ devincti sunt: hinc etiam annulum gerunt, & vacans per mortem ipsorum Ecclesia viduata dicitur c. ne pro defectu 41. in princ. de elect.

Sed hoc non obstante, dicendum, Prælatos hujusmodi ad Episcopatum, aliasque Prælaturas non debere postulari solemniter, sed via electionis ad eas promoveri posse, modò consensus, seu licentia Superioris accedat, ut colligitur ex c. Abbatem 36. de elect. in 6. & Clem. 1. eod. Ratio est, quia Postulatio solemnī supponit in assumendo ad Episcopatum impedimentum Canonicum, in quo necessarium sit dispensare. atqui tale impedimentum hujusmodi Prælati ratione Prælaturæ suæ non habent; cum nullo Jure ad Ecclesias alias prohibeantur assumi, imò Jus, ut ex cit. textibus liquet, id ipsis clarè permittat, modò non fiat sine Superioris licentia. ergo &c.

Ad rationem dubitandi dico, inter hujusmodi Prælatos, & conceditam ipsi Ecclesiam non verum, sed improprie dictum conjugium duntaxat intercedere. Neque refert, quod morte illorum Ecclesiæ dicatur viduata; talis enim est viduitas; quale fuit conjugium.

Quæritur 5. An Clericus, vel Monachus extraneus, sive qui non est de gremio, vel Congregatione Regulari, eligi possit ad Prælaturam Ecclesiæ, vel Monasterii alieni, an contra postulari debeat? Videtur opus esse postulatione ob diversos Juris Canonici textus. 1. Can. Abbatem 4. caus. 18. q. 2. ibi quem de sua congregatione Monachorum electio poposcerit. 2. Can. quàm sit 5. cit. caus. & quæst. ubi Gregorius I. Defuncto Abbate, inquit, non extraneus eligatur, nisi de eadem Congregatione quem sibi propria voluntate concors fratrum societas elegerit. 3. ex integra electione c. cum nobis 19. & c. cum inter 21. de elect. quæ habetur apud Gonzalez, ubi extraneus, non nisi duabus partibus, sicut in postulatione, quando illa cum electione concurrat, fieri dicemus, in eum consen-



sentientibus obtinuit Prælaturam: quæ omnia indicant, casu, quo idoneus aliquis intra gremium datur, extraneum electionis passivæ incapacem esse.

Hæc argumenta, etsi probent, omnino decens, & conveniens esse, ut ex gremio, si idoneus intra illud habeatur aliquis, assumatur ad Prælaturam, non tamen probant, si electores sic velint, quod assumere via electionis non possint extraneum, modò is impedimentum Canonicum aliunde non habeat. Colligitur ex *c. cum inter cit.* ubi Pontifex omnes oppositiones, & inter has etiam, quod extraneus electus sit, tanquam frivolas rejicit, præter eam, qua Epilepsiæ morbo laborare ferebatur. Ratio est, quia extranei electio nullo Jure cassata reperitur.

Ad textus in contrarium allegatos dico, ibi quidem statui, ut eligatur aliquis ex gremio, addo tamen, id factum principaliter in favorem eligentium, cui renuntiare liberè possunt. Neque verum est, quod tali casu necesse sit, ut duæ partes in extraneum eligendum concurrant; nam major pars regulariter loquendo sufficit, ut satis clarè colligitur ex *c. cum nobis*, & *c. cum inter cit.*

### §. III.

*Quinam postulare possint?*

### S U M M A R I U M.

- 12 Postulare possunt, qui possunt eligere.
- 13 A quo Superiore fieri debeat Postulatio?
- 14 An iste eam possit repellere?
- 15 Quæ sint pœna postulantium laborantem vitio, vel defectu indispensabili?
- 16 Quæ pœna sit postulantium non habentem legitimam ætatem?

12 **R**egulæ generalis instar est apud DD. postulare posse omnes illos, qui possunt eligere, prout colligitur ex *c. bona 4. vers. ceterum h. tit.* & docet Host. in sum. hic num. 9. Sylv. *V. postulatio q. 4.* Pirh. num. 17. & c. Dubium moveri potest, & propterea.

Quæritur 1. an casu, quo aliquis, vel aliqui extranei per privilegium consuetudinem, vel præscriptionem obtinuerunt Jus eligendi ad Prælaturam alicujus Ecclesiæ, illi, vel illis etiam competat hoc ipso Jus postulandi? Ratio dubitandi est, quod privilegium, & præscriptio sint stricti Juris, & propterea de casu ad casum extendi non debeant, cum plus non præscribatur, quam quantum possidetur juxta *Reg. sine possessione 3. de R. J. in 6.*

Tenenda tamen est affirmativa sententia. Est communis DD. proceditque, etsi talis, vel tales actum postulationis nunquam exercuissent. Ratio est, quia Postulatio est accessoria ad electionem, & necessariò ei connexa, cum ad eundem finem tendat, & in supplementum electionis inventa sit; accessorium autem ad principale sequitur *Reg. 42. in 6.*

Ex quo cadit ratio dubitandi in contrarium; nam Regula ibi allegata locum non habet in iis, quæ necessariò connexa sunt: in istis enim, qui possessor est principalis, etiam possessor censetur eorum, quæ accessoriè sunt connexa cum illo; conf. ista etiam cum illo præscribuntur.

13 Quæritur 2. à quo Superiore fieri debeat Postulatio, seu quis illam possit admittere? Resp. distinguendo inter Postulationem simplicem, & solemnem. Postulatio simplex fieri debet ab eo Superiore, cui postulatus immediatè subest: & hinc si eligatur filiusfamil. postulatio fieri debet à patre: si Religiosus, à Superiore suo Regulari &c. ut is licentiam det acceptandi Electionem. At si Postulatio fiat solemnis, institui debet ad eum, ad quem spectat Prælati, si electus fuisset, confirmatio, modò ille super impedimento, quod postulatus habet, dispensare possit, ut cum Abb. in *c. fin. h. tit. num. 10.* communis DD. habet: & ratio est, quia postulationis admissio vim confirmationis habet, ut dictum est num. 3.

Ex quo sequitur, si quis postuletur ad Episcopatum, postulationem instituendam ad ipsum Pontificem; quia ad hunc solum, saltem in Germania nostra, spectat Episcoporum confirmatio. Ad alias Ecclesias, aut Dignitates Episcopatu inferiores etiam ab Episcopis, & simili-

bus Personis Ecclesiasticis postulatio fieri, & admitti potest, si iis potestas confirmandi competat.

Excepi, si potestatem dispensandi habeat; nam qui dispensare non potest, etiam postulationem non potest admittere, quippe cum in hac dispensatio requiratur. Et hinc si minor viginti duobus annis ad Dignitatem aliquam, e. g. Præposituram postuletur, etsi fortè aliàs Episcopus admittere postulationem posset, hoc tamen casu non potest; quia in defectu ætatis, per Jus Canonicum ad Ordines, & ad Beneficia requisitæ dispensare non potest, ut dicitur *infra tit. 14. n. 10.*

Quæritur 3. an Superior Postulationem sibi præsentatam possit repellere? Negat Abb. in *c. 5. h. t. num. 2.* repelli posse, si facta sit de persona idonea, & in concordia, vel saltem à duabus partibus Capitularium. Sed melius distinguitur, dicendo, casu, quo Postulatio vel omnium, vel duarum saltem Capituli partium suffragiis ob necessitatem, vel utilitatem Ecclesiæ facta est, Superiorem quidem ad eam admittendam teneri ex debito officii, non tamen ex obligatione Justitiæ strictæ sumptæ: & hinc si tali casu Superior aliquis Papa inferior postulationem sibi factam rejiceret, adversus illum postulantes quidem non habent actionem propriè dictam, officium tamen Superioris implorare possunt, ut recusatam ad postulationis admissionem compellat, prout cum Gloss. in *c. 3. h. tit. V. gratia* notat Laym. n. 7. *ibid.* Pirh. n. 16. Vvief. n. 41.

Dixi ex debito officii eum teneri postulationem hoc casu admittere; nam etiam ex debito officii, si urgens causa, præsertim publicæ utilitatis, aut necessitatis subest, tenetur dispensare in Votis, Irregularitate, Impedimentis Matrimonii &c. & ratio à priori est, quia Superior ex officio obligatur publicum bonum promovere, illudque non impedire.

Addidi non tamen teneri ex obligatione Justitiæ strictè dictæ; quod sumitur ex *c. postulationem 5. h. tit. ibi: licet per postulationem hujusmodi nullum jus sit alicui acquisitum, ideoque sine præjudicio alicujus eam potuissimus repellere &c.* Ratio est; quia tota admissio postulationis, etiam concorditer factæ, continet gratiam Superioris, dispensantis in defectu, vel impedimento. igitur non est ex Justitia debita, & consequenter, si rejiciatur postulatio, nemini sit injuria propriè dicta. Ex quo sequitur, quod postulatus, etiam unanimiter, absolute tamen postulationi consentire nequeat, cum tota pendeat ab admissione Superioris.

Quæritur 4. quæ sint pœnæ postulantium aliquem, qui ob vitium, vel defectum in dispensabilem postulari nequit? Resp. cum distinctione: Vel enim scienter hoc faciunt, vel non scienter quidem, sed temere.

Si primum, pro ea vice ipso jure, & facto privati sunt potestate postulandi, & eligendi, ut colligitur ex *c. ad hac 1. h. tit.* & notat *ibidem* Gloss. *V. privare*. Ratio est, quia ita statutum est de eligentibus scienter indignum *c. cum in cunctis 7. §. fin. de elect.* Neque obstat, quod hæc Constitutio sit pœnalis; nam etiam in pœnalibus, quando duo in jure æquiparantur, quod de uno illorum dispositum est, censeretur etiam debet dispositum esse de altero illorum, juxta doctrinam receptam Gloss. in *c. si postquam 33. V. provisione de elect. in 6.* ita autem æquiparantur electio, & postulatio, ut addit Gloss. *cit.* ergo &c.

Si secundum, eandem pœnam incurrunt casu, quo postulationem ejusmodi à Superiore cassatam, & reprobata renovant, aut repetunt: & devolvitur eo casu potestas eligendi, & postulandi ad alios, qui in postulationem indigni, aut ob vitium personæ reprobata, ejusque renovationem non consenserunt, sed expresse contradixerunt, licet ii numero pauciores sint, prout habetur *c. gratum 2. h. tit.* Ratio est, quia illi soli, qui ejusmodi postulationem renovarunt, deliquerunt, abutendo permessa sibi potestate, ceteri innocentes sunt; delicta autem suos premere debent auctores. Neque refert, quod aliàs factum à majore parte Capituli censetur factum ab omnibus; hoc enim non procedit in delictis, ut notat Abb. in *c. 2. cit. n. 6.*

Quæritur 5. quæ sit pœna postulantium ad Cathedralē Ecclesiam aliquem, qui 27. ætatis annum nondum attigit, vel qui postulant Religiosum mendicantem ad Ecclesiam sæcularem Cathedrali inferiorem, & ad quodcunque Monasterium extra suum Ordinem? Resp. his Extr.



*Extr. un. int. comm. h. tit.* sequentes pœnæ statutz sunt. 1. quod ita postulatum est, & attentatum, irritum, ac nullus penitus est momenti. 2. qui scienter ad ejusmodi postulationem processerint, ea vice postulandi, ac eligendi potestati privati, ac beneficiis, quæ in ipsa obtrinebunt Ecclesia, ad quam postulationem hujusmodi fecerint, per triennium suspenduntur. 3. Postulari verò, qui postulationis de facta negotium fuerint in Curia Romana pro ecuti, si se annum 27. non attigisse sciverint, usque ad annum 35. ceteri vero seculares, & regulares, extra suorum Ordinum Administrationes ineligibiles, & impossutabiles; ac prorsus inhabiles ad quasunque Dignitates Ecclesiasticas & Beneficia qualibet obtrinebunda decernuntur.

## §. I V.

*Qua sit forma Postulationis?*

## S U M M A R I U M.

17. *Que forma sit observanda in Postulatione?*  
 18. *An eadem persona postulari simul, & eligi possit?*  
 19. 20. *Quot suffragia debeat habere Postulandus?*  
 21. *An Postulantes variare possint?*

**C**ertum est de postulatione non solemnī, eadem forma hanc fieri posse, & debere, quā ipsa electio: ac proinde si per scrutinium fiat, observandas in hac esse solemnitates præscriptas c. quia propter 42. de elect. & ratio est, quia vera Electio est, etsi à Jure annexam habeat tacitam conditionem obtinendi consensus à Superiore. Dubium est, ac proinde

Quæritur 1. an etiam in Postulatione solemnī observandæ sint istæ solemnitates? Negat Host. in summ. hic n. 10. Sylv. V. postulatio q. 2. Franc. in c. un. h. tit. in 6. n. 3. Laym. ibid. n. 5. juxta quos, etsi totius, consultiusque sit observari formam scrutinii, & alias solemnitates, etiam in Postulatione, in solemnī tamen absolute non est necessarium, sed sufficit, si postulatio fiat in concordia, consentientibus duabus partibus postulantium, & ut postulatio publicetur saltem coram populo. Movenitur, quia si necesse esset in postulatione, sicut in Electione, formare Decretum, & observare alia, quæ requiruntur ad Canonicam Electionem, tum postulantes non possent recedere à Postulatione, antequam ea Superiori est præsentata, sicut eligentes non possunt resilire ab Electione: quod tamen falsum esse ostendimus infra Num. 20.

Sed probabilius etiam in postulatione solemnī, secluso speciali Jure, observari debet forma c. quia propter cit. electioni præscripta, quoad ea, quæ istius naturæ non adversantur. Ita Innoc. in c. 30. n. 1. de elect. Abb. in c. 42. ibid. n. 9. q. 2. & communior DD. Ratio est 1. quia electio, & Postulatio, cum diversa non est utriusque ratio, æquiparantur, ut dictum est Gloss. n. 15. atque secundum ibidem dicta, quando duo sibi æquiparantur, in iis, quæ naturæ illorum non adversantur, quod dispositum de uno est, etiam dispositum esse censetur de altero. 2. Postulatio Electioni subsidiaria est, & cum ista in eodem tractatu frequenter concurrat, dum aliqui ex Capitularibus unum postulare, alii alium volunt eligere, atqui non apparet, quomodo hoc casu non debeat observari eadem solemnitas in postulatione, quæ in electione, ergo &c. 3. Non est credibile, formam postulationis permissam esse arbitrio postulantium, præsertim cum majore accuratone sit celebranda, quam electio, cum illa sit extraordinaria, hæc ordinaria via perveniendi ad Dignitates Ecclesiasticas. igitur cum speciales de Postulatione solemnitates non sint Jure proditæ, solemnitates, quæ Electioni præscriptæ sunt, etiam ipsi præscriptæ censentur. 4. Si nullæ solemnitates certæ præscriptæ Postulationis essent, illa magis favorabilis esset, quam electio: quod verum non est, cum ista ad personam Jure habilem, illa ad impedimento laborantem præficiendam tendat. 5. Ipse Pontifex, etsi Postulationem, non servata forma, seu solemnitate scrutinii factam, de plenitudine potestatis possit admittere, id tamen non solet ordinari.

Ad Argumentum Adversariorum respondebitur N. 20. ubi causa dabitur, quare postulantes, nondum præsentata postulatione, variare possint.

Quæritur 2. an eadem persona simul eligi, & postulari possit? Videtur tenenda affirmativa sententia ex paritate cum aliis actibus, in quibus ea, quæ sibi non opponuntur, cumulari possunt, adjecta clausula, ut valeant meliori modo, quo de Jure possunt. Exempla passim inveniuntur in Jure; sic enim 1. in testamento addi potest clausula, ut casu, quo illud non valet Jure testamenti, valeat Jure Codicilli l. fin. C. de Codicill. Sic 2. in eodem libello alternativè peti potest, ut vel contractus declaratur irritus, vel læsus restituatur in integrum c. constitutus 8. de in integr. restit. Sic 3. in Judicio appellationis cumulari potest nullitas, & injustitia sententiæ, & peti, ut ea declaratur nulla, vel saltem injusta l. si expressim 19. ff. de appellat.

Sed respondendum est negativè ob clarum textum c. un. h. tit. in 6. ubi à Bonifacio VIII. omnes hæc formæ eligi postulando, postulo eligendo; eligo postulandum, postulo eligendum; Eligo in postulandum, postulo in eligendum, irritatæ sunt, tanquam imperfectæ, & quæ nec veram electionem, nec veram postulationem, sed potius sibi adversantia complectantur; cum enim Electio nullum, postulatio verò aliquod impedimentum supponat, ii, qui postulando eligunt, aut eligendo postulant, quodammodo impedimentum subesse affirmant simul, & negant.

Addit ibidem Pontifex, neque hanc formulam esse validam, si elector, vel postulans dicat *Eligo & postulo, prout melius de Jure valere potest*, quod incertitudinem contineat. Excipit casum, quando probabiliter dubitatur, utrum quis sit eligendus, vel potius postulandus; nam tunc electio, & postulatio fieri ea forma potest: idque verum est, sive sit dubium facti, quia v. g. nescitur, an assumendus ad Episcopatum impleverit annum 30. ætatis; sive contra sit dubium Juris: & ratio est, quia textus distinctè loquitur.

Debet tamen eo casu electus, vel postulatus, ut ibidem dicitur, ne in incerto vagetur, se (intra mensem arg. c. quam sit 6. de elect. in 6.) determinare, an electionis, vel postulationis viam prosequi velit, & determinatione semel facta, mutare consilium, atque ad alteram viam transire non amplius poterit.

Ad rationem dubitandi nego paritatem; quia cumulatio in casibus ibi positis à Jure non invenitur prohibita, vel irritata, sicut tamen Jure c. un. cit. prohibita, & irritata sunt formulæ implicantes simul Electionem cum Postulatione: quare dicendum per textum cit. restrictum esse Jus antiquius, quo ejusmodi formulæ habebantur pro validis, ut colligitur ex c. post translationem 11. in princ. ibi: *postulandum elegit, de renunt.* & notat Gloss. in c. un. cit. V. de cetero.

Quæritur 3. quot suffragia postulantium requirantur, 19 ut à Superiore Postulatio sit admittenda? Resp. cum distinctione. Vel enim Postulatio concurrat cum Postulatione, vel cum electione.

Si primum, communis hodie sententia, nemine ferè refragante, prout testis est P. Vviestner hic num. 26. habet, sufficere eo casu, si postulatio facta sit à majore parte Capituli; quia ordinariè, quod majoris partis consensu sit, pro eo habetur, ac si omnium consensu fieret, c. cum in cunctis 1. de his, quæ à major. part. & l. quod major 19. ff. admunicipal.

Si secundum contingat, & Postulatio concurrat cum Electione, quod una pars Capitularium postulet Titium, aliquo impedimento laborantem, altera Cajum eligat, major est controversia. Videtur enim sufficere, si etiam hoc casu in postulandum concurrat major Capitularium pars. 1. ex claro textu c. in causis 30. de elect. ubi postulatio Episcopi ad Metropolitanam Ecclesiam Tholosanam, pro quo stabant tria suffragia ex quinque Electoribus Compromissariis, prævaluit electioni Archidiaconi qui habebat suffragia tantum duo. 2. quia in omni tractatu Capitulari statuit suffragiis partis majoris juxta c. 1. & l. 19. cit. quibus textibus accedit, quia c. quia propter 42. de elect. electio, minori suffragiorum numero celebrata, generaliter pronuntiatur irrita, non distinguendo, an Electio cum Electione, vel cum Postulatione concurrat. 3. quia si major pars suffragiorum hoc casu non sufficeret, id maximè haberetur ex c. scriptum 40. de elect. ubi in concursu Electionis cum postulatione Electio, facta per suffragia plùs quàm tertiæ partis suffragantium præfertur Postulationi, pro qua consequenter non steterunt duæ tertiæ. atqui ex hoc textu nihil probatur; imprimis enim dispositio c. quia propter cit. posterior est, conf.



conf. istius contrariæ provisioni derogat : deinde dispositio *c. scriptum cit.* est tantum provisio specialis, facta casu, quo eligentes & postulantes mutuo consensu Electionem, & Postulationem suam submiserunt Pontifici, ut pro suæ voluntatis arbitrio hanc, vel illam admitteret, ut liquet ex textu.

Sed dicendum hoc casu, ut Postulatio unius alterius Electioni prævaleat, requiri, ut in postulandum consensiant duæ partes; aliàs si hic duas partes non habeat, eligendus autem pro se habeat plus, quam tertiam, prævalebit Postulationi Electio. Ita Abb. in *c. scriptum cit. num. 13. & 14. Sylv. V. postulatio q. 7. Barb. Jur. Eccl. l. 1. cap. 19. num. 18. Pirh. hic num. 18. Viesl. num. 28. & apud hos plures alii. Colligitur ex *c. scriptum cit.* ubi hoc aperte deciditur. Ratio est, quia Postulatio est via procedendi extraordinaria, & nititur gratiæ, nec ullum Jus tribuit postulato, qui defectu aliquo Canonico laborat; electio verò est via procedendi ordinaria, & Jure nititur, atqui oportet viam ordinariam magis expeditam esse, quam extraordinariam, & odiosam, vel saltem minus favorabilem viam: ut adeo non immerito Innocentius III. *c. scriptum cit.* ad Postulationem, quando cum Electione concurrat, requisiverit duas tertias Suffragiorum Capituli. *Confirmatur* ex præxi Romanæ Curiae, non admittentis hujusmodi Postulationes, sed his præferentis Electionem, quando ista in concursu cum Postulatione pro se habet plusquam unam partem Votorum.*

Neque obstant Argumenta opposita. *Ad 1.* ibi à toto Capitulo in quinque Electores compromissum fuit, ut is, quem isti concorditer, vel tres ex ipsis deligerent, pro Episcopo sine aliqua contradictione haberetur. Unde cum ex ipsis tres convenirent in Episcopum Conventuarum, juxta Compromissi formam, perinde fuit, ac si ille à toto Capitulo postulatus fuisset; nam Compromissarii vice, & nomine Capituli eligunt. *Ad 2.* Regula ibi allegata vera est, nisi Jus, aut voluntas Electorum aliter statuat: quod factum est in nostro casu per *c. scriptum cit.* *Ad 3.* Constitutio illa *c. quia propter cit.* generalis est; ea verò, quæ in *c. scriptum* statuitur, specialis pro casu Postulationis concurrentis cum Electione. igitur isti prior non derogat, cum omnibus notum sit, generi quidem derogari per speciem, non autem contra. Quod additur, quasi *c. scriptum cit.* non constituatur Jus commune, asserit quidem ibidem Glossa; sed Interpretes, alique DD. passim negant: ac proinde etiam in similibus casibus ejus dispositio observanda erit, ut notat Gonz. *ibid. n. 10. in fin.*

20 Quæritur 4. an casu, quo Electio in concursu cum Postulatione pro se habet plusquam unam tertiam suffragiorum partem Electo quærat Jus ad Prælaturam, ita ut à Superiore, posito quòd idoneus sit, necessariò confirmari debeat? Negant Laym. qq. Canon. de Elect. q. 7. Pirh. *hic n. 18. Engl. num. 6.* putantes, in arbitrio Superioris tunc esse positum, an velit Electionem confirmare, vel hac repulsa, Postulationem admittere.

Sed affirmativa videtur esse Juri conformior, præsertim cum, ut hic advertit P. Viesl. *n. 36.* adversarij nullo Jutis textu, neque textu, neque etiam ratione firmant opinionem suam. Colligitur 1. ex *c. scriptum cit.* ubi Pontifex Maximo Notario suo præcipit, ut Electionem sic factam auctoritate Apostolica confirmet. atqui confirmatio jam supponit Jus in confirmando, quippe quæ non dat esse actui, quem confirmat, sed tantum majus robur, & auctoritatem eidem conciliat. igitur si confirmanda erat jussu Pontificis hæc electio, Jus in Electo præcedens jam supposuit. 2. Confirmatio ad Electionem se habet, sicut Sponsalia de præsentia ad Sponsalia de futuro. igitur sicut sponsalia de præsentia supponunt Jus jam quæsitum per sponsalia de futuro, à se ratificandum, ita etiam confirmatio succedens Electioni; aliàs non universaliter verum esset axioma commune, quo dicunt passim DD. Confirmationem esse necessitat, & sapere iustitiam. 3. Electio in hoc casu idè à DD. *Butrio, Imol. Vallens. &c.* præferenda dicitur, quia postulatio nititur gratia, Electio autem Jure, quod difficilius expugnatur. atqui ratio ista ineptè daretur; si per talem Electionem ab electo acceptatam nullum acquireretur Jus, propter quòd ipsius conditio melior esset, quam postulati. ergo &c. 4. DD. passim æquiparant Electionem ejusmodi, in concursu cum postulatione factam, cum ea, quæ à majori, & saniori parte extra concursum facta

est; hæc autem, postquam acceptata est, Jus tribuit electo. ergo &c.

Quæritur 5. an postulantes variare possint, seu recedere à Postulatione? Resp. distinguendo: Vel enim Postulatio jam præsentata est Superiori, vel nondum eidem est præsentata. *Si primum*, postulantes sine consensu Superioris, cui præsentata est, non possunt amplius ab illa recedere, & alium eligere, vel postulare, sed Judicium istius expectare debent: non quidem, quasi per illam præsentationem postulato Jus aliquod acquisitum sit, sed ne Superiori illudatur, aut ejus Judicium videatur dependere ab arbitrio postulantium, prout dicitur *c. bona 4. h. tit. Si secundum*, possunt postulantes variare, & resilire à postulatione; idque verum est, etsi scrutinium apertum sit, vel etiam nuntius ad Superiorem destinatus, prout cum communi docet Abb. *inc. 4. cit. ubi num. 11.* pro ratione dat, quòd per Postulationem nullum Jus sit acquisitum postulato. atqui secundum regulam generalem, quam ibidem statuit, variationi locus regulariter est, quando alteri Jus non est quæsitum. ergo &c. Neque obstat *Reg. 21. in 6.* juxta quam *quod semel placuit, amplius displicere non potest*; quia regula ista solum procedit in rebus, quæ vel absolute mutationem recusant, ut matrimonium, vel eam non nisi cum præjudicio alterius recipere, ut Electio ab electo acceptata.

## TITULUS VI.

### De Electione, & Electi Potestate.

**A**ltera, eaque ordinaria ad Prælaturas via est Electio, frequentissima in Germania nostra, minus frequens in aliis Provinciis, & Regnis, cum in his plerumque ex Indulto Apostolico Principes supremi ad Episcopatus, & alias primas Dignitates Ecclesiasticas nominandi Jus habeant.

#### §. I.

### De Electione, & Electoribus.

## SUMMARIUM.

- 1 Electionis definitio.
- 2 Differentia.
- 3 Penes quos sit Jus eligendi, vel postulandi Prælatos.
4. 5. 6 An illud competere etiam possit Laicis?
- 7 An Clericis extraneis?
- 8 An omnibus Clericis vacantis Ecclesie?
- 9 An omnibus ejusdem Canonici?
- 10 An etiam illi, qui possessionem duntaxat Canoniciatus habet?
- 11 An sufficiat ad acquirendum Jus eligendi esse initiatum S. Ordine?
- 12 An providere Superior Ecclesie vacanti possit, quando nullus ex Canonici, vel Religiosis in S. Ordine constitutus est?
- 13 Quid dicendum de Excommunicatis?
- 14 Quid de Irregularibus?

**Q**uæritur 1. quid sit Electio? Resp. Electionis nomen; prout ad Personas, & Beneficia Ecclesiastica refertur, tripliciter sumi potest. 1. Latissime pro quacunque vocatione, approbatione, vel institutione personæ alicujus ad Beneficium: & sic includit etiam Postulationem, Nominationem, Præsentationem, Collationem. 2. Latè pro vocatione personæ idoneæ ad Beneficium Ecclesiasticum qualecunque, facta canonicè per suffragia, & Superioris legitimi confirmationem: & sic comprehendit etiam electiones ad Dignitates, e. g. Præposituram, Decanatum, Officia alia. 3. strictè, ac propriè pro vocatione personæ idoneæ ad Prælaturam vacantem, per suffragia canonicè facta, & legitima confirmatione Superioris approbata: & de hac potissimum hoc titulo sermo erit.

Sic sumpta Electio definiri solet, quòd sit personæ idoneæ ad Ecclesiæ vacantis dignitatem Pastoralem per Vota Capitulaticum, & aliorum, quibus Jus eligendi competit, canonicè facta vocatio. Colligitur ex *cum in cunctis 7. &c. quia propter 42. h. tit.* Ex quo sequitur ad Electionem hoc tertio modo acceptam requiri 1. ut fiat circa perso-



nam idoneam, seu nullo laborantem impedimento Canonico. 2. ut fiat ad dignitatem Pastoralem vacantis Ecclesiæ: quo excluduntur Electiones ad alias Dignitates, quæ non sunt primæ in Ecclesia aliqua. 3. ut fiat per vota Capitularium, & eorum, quibus Jus eligendi competat. 4. ut fiat Canonicè, i. e. solemniter, & ut in illa servetur forma eligendi præscripta à SS. Canonibus.

2. Quæritur 2. quomodo Electio propriè dicta distinguatur ab aliis modis, quibus Beneficia acquiruntur? Resp. 1. differt à libera collatione; quia per hanc Collatio acquiritur Jus reale, & quasi dominium in Beneficio, Dignitate, vel Prælatu sibi collata, qui proinde sine consensu Superioris eam admittentis renuntiare non amplius potest; at per Electionem etiam acceptatam Electo solum acquiritur Jus ad rem, ac proinde integrum adhuc eidem est, an electionem proseguere, vel eadem renuntiare velit.

2. à Præsentatione; quia in primis Jus eligendi non conceditur Laicis, conceditur Jus præsentandi: deinde per Electionem publicatam acquiritur Electo Jus saltem remotum, & imperfectum, non autem per præsentationem, cum istam liceat revocare, & alium præsentare: item ab Electo requirendus est consensus, ideoque huic intimari prius debet, quam Superiori denuntietur; præsentari verò Superiori aliquis potest, etiam non requisito ejus consensu: denique Electio requirit subsequenter confirmationem, præsentatio verò institutionem.

3. à Nominatione; quia per hanc, si propriè, & prout ab aliis Beneficia acquirendi modis differt, accipitur, non confertur Jus aliquod nominato, sicut per electionem acceptatam ab Electo. Addidi si propriè accipitur; nam præter hanc sunt duæ aliæ nominationis species: una, quæ fit, quando unus nominat certam personam ad Beneficium, vel Ecclesiam vacantem, alius verò eandem præsentat, ita, ut alium, quam nominatum à priore præsentare non possit; altera, qua Prælati, vel alius ad Ecclesiam, vel Beneficium, Monasterium, vel Dignitatem suam unitam, Ordinario Diocæsano offert personam idoneam, ut tanquam Vicarius perpetuus pro cura animarum approbetur: hæc quoad effectum est Collatio libera; illa præsentatio: ex quo patet, quomodo ab illis Electio differat.

4. Denique à Postulatione; quia ista innititur gratiæ, Electio Juri, ut dictum tit. præc. n. 1. ubi V. cæteras differentias.

3. Quæritur 3. penes quos sit Jus eligendi, & postulandi Episcopos, vel alios hujusmodi Prælatos Ecclesiasticos? Resp. hæc potestas non fuit penes eosdem quocunque tempore; nam in primitiva Ecclesia Apostoli plerique, accepta à Christo potestate, Successores sibi constituerunt. can. fin. dist. 68.

Ipsius sublatis, Episcopatum collatio libera aliquamdiu fuit penes summos Pont. can. omnes 1. dist. 22. Successu temporis Clero cujusvis Diocæsis permissum fuit, ut sibi Pastorem deligerent, plerumque à populo nominatum, vel præsentatum can. fin. §. sed nec dist. 51. & alibi.

Aucto denique Clericorum numero Jus eligendi concessum fuit Capitulo cujusque Ecclesiæ, can. fin. caus. 16. q. 7. can. Abbatem 3. & can. seq. caus. 18. q. 2. & generaliter c. nullus 1. h. tit. & merito: nam illi, qui sunt de corpore Ecclesiæ, melius censentur informati esse de necessitatibus, & commodis Ecclesiæ, quam alii extranei, & eorum consilio geri debent negotia Ecclesiæ c. novit 4. de his, quæ fiunt à Prælat. fin. conf. capit. igitur quando agitur de provisione Capituli, per quod incipit gubernari debet Ecclesia, ad ipsa membra Ecclesiæ spectare decet Electionem potius, quam ad alios non ita informatos.

Porro, etsi Jus istud in plerisque Provinciis, & Regnis ob varias causas sublatum Capitulo, & vel summo Pontifici, vel Regibus, & Principibus supremis hujus speciali Indulto reservata sit potestas nominandi Episcopos, & alios similes Prælatos, in Germania tamen nostra Consuetudo ejusdem retenta est, & confirmata per Concordata ejusdem, inter Nicolaum V. Pont. & Fredericum III. Imper. ac Germaniæ Ordinarios inita, & Romæ 14. Calend. April. 1448. publicata.

4. Quæritur 4. utrum Jus eligendi Episcopos, vel Prælatos competere etiam possit Laicis; Certum est. 1. Jus istud à Laicis acquiri posse Privilegio Apostolico; cum enim Pontifex habeat plenariam potestatem, & liberam di-

spositionem circa omnia Beneficia, & sit supra omne Jus Ecclesiasticum, privilegio suo habitare Laicum poterit, eumque eligendi capacem efficere. Certum est 2. non posse eundem Jus hoc acquirere ullo pacto, donatione, compositione cum Prælati Papa inferioribus inito, prout constat ex c. sacrosancta 51. h. tit. quia hi derogare nequeunt Ecclesiasticæ libertati, & SS. Canonibus, per quos Laici ad hujusmodi negotia spiritualia tractanda sunt facti inhabiles.

Difficultas est, an Jus eligendi Laicis competere valeat vi consuetudinis, vel potius Præscriptionis immemorialis? Ratio dubitandi est 1. quia, ut modò dictum est, Jus istud acquiri à Laicis potest per Privilegium à Sede Apostolica datum, atque consuetudo, vel præscriptio immemorialis æquiparantur privilegio. 2. Jus præsentandi ad Beneficia Ecclesiastica à Laicis per consuetudinem acquiri potest, quamvis etiam ipsum sit spirituale. ergo spiritualitas non oberit, quin etiam ab istdem per consuetudinem acquiri possit Jus eligendi. 3. Olim Electio Episcoporum fiebat à Clerico, & populo, ut constat ex can. Episcopos 13. ibi post electionem Cleri, & populi. can. lectis 18. ibi Clerum, & plebem ejusdem Ecclesiæ elegisse. can. sacrorum 34. ibi per electionem Cleri, & populi. dist. 63. can. fin. ibi sed nec ille deinceps Sacerdos erit, quem nec Clerus, nec populus propriè civitatis elegit. dist. 51. can. factus 5. ibi de plebis, quæ tunc adfuit, suffragio. caus. 7. q. 1. 4. Complures Principes seculares defuncto habent Jus nominandi Episcopos, & alios Prælatos Ecclesiasticos: imò ipsum Romanum Pont. olim nominabat Imperator, & Reges Italiæ, ut refertur in can. Hadrianus 22. & can. seq. dist. 63. 5. Accedit autoritas Cypriani, qui Epist. 68. dicit, traditione Divina, & Apostolica observatione servandum esse, ut Episcopus deligatur plebe præsentante. ergo olim saltem competeat plebi Jus eligendi Pontificem. igitur per consuetudinem Jus hoc amissum reduci denuo potest.

Verum his non obstantibus, dicendum, per nullam etiam immemorialis temporis consuetudinem posse Laicos acquirere Jus eligendi Prælatum Ecclesiasticum. Ira habetur c. Massana 56. h. tit. ubi talis Electio dicitur nullam obtinere firmitatem, & consuetudo contraria reprobat, tanquam corruptela. Ratio est, quia Jus eligendi, cum spirituale sit, in Laicos non potest cadere, ut dictum est num. præc. ergo Laicus non potest illud possidere sine titulo privilegii: præscriptio autem fieri non potest sine possessione. ergo &c.

Dixi autem Jus eligendi; nam 1. non est damnanda consuetudo, vi cujus requiritur, ut defuncti Prælati mors intimetur Patrono, vel Principi territorii, & petatur ejusdem consensus ad futuram electionem, prout in Bavaria consuevisse constat ex Concordatis inter Serenissimos Principes, & Ordinarios locorum initis 1583. 2. Non repugnat consuetudo, qua admittuntur Laici propter utilitatem Ecclesiæ, ut v. g. defendant Electores Clericos adversum illos, qui injustè illos turbare volunt. Fagnan. in c. 43. h. tit. num. 29. 3. Laici interesse electioni possunt, tanquam testes, vel ut tanquam Tabelliones, seu Notarii processum Electionis describant. Fagn. l. cit. num. 19. & 20. 4. Potest etiam induci consuetudo, vi cujus Electio facta intimari Patrono, vel Principi, & hujus consensus requiri debeat, qui tamen consensum istum negare non poterit, nisi ostendat subesse Canonici impedimentum, vel aliam justam causam afferat, quare consentire Electioni nolit. c. cum terra 14. & c. sacrosancta 51. h. tit.

Neque obstant rationes dubitandi allatæ. Ad 1. nego 6 consuetudinem æquiparari Privilegio, quando consuetudini resistit Jus, & qui privilegio consuetudinis se vult defendere, est possessionis incapax. Ad 2. Ratio diversitatis est, quia Jus eligendi est magis spirituale, cum Electio det Jus electo, non præsentatio: non igitur mirum est, quòd Jus præsentandi concedatur Laicis, non eligendi. Ad 3. Textus illi intelligendi sunt, non quasi populus suffragia dederit in Electione Episcopi, sed quòd vel populus aliquem nominaverit, aut postulaverit, quem postea Clerus secundum populi desiderium eligeret, etsi non necessario, ut innuitur can. nulla 1. dist. 62. ibi Nulla ratio finit, ut inter Episcopos habeantur, qui nec à Clericis sunt electi, nec à plebibus expetiti: vel dicendum, quòd populus postea consenserit in electionem factam per Clerum, ut significari videtur can. nosse 12. dist. 63. ibi S. i.



ibi *Sacerdotum quippe est electio* (sc. Episcopi) & *fidelis populi consensus adhibendus est*: quod repetitur *can. Cleri 26. dist. cit.* Ad 4. quod ex *c. Hadrianus cit.* affertur, Azor. p. 2. l. 4. cap. 2. q. 3. putat fabulosum esse, & à Gratiano ex Sigeberto incautè descriptum. Quod additur denominatione Principum, illa in effectu est præsentatio, quam Laicis competere posse ultro concessimus, sed negavimus paritatem cum Jure eligendi. Ad 5. ibi nomine traditionis S. Cyprianus non intelligit Jus, aut Præceptum Divinum, sed usum & morem, sive exemplum, & factum, quod tam in Lege Veteri, quam nova initio nascentis Ecclesiæ observatum fuit, non ex obligatione Legis Divinæ, sed ex libera concessione Apostolorum, aut Summorum Pontif. ut Pirh. hic n. 7. aliis cit. explicat.

7 Quæritur 5. an Jus eligendi Prælaturam aliquando competere possit etiam aliis Clericis extraneis, seu qui non sunt de Capitulo, vel Corpore Ecclesiæ? Resp. Etsi regulariter Jus hoc ad Capitulum spectet, tamen etiam Clerici extranei illud obtinere possunt, idque ex quadruplici capite. 1. *Privilegio Summi Pontificis*; nam etiam Laici Jus istud obtinere possunt per simile privilegium, ut dictum est num. 4.

2 *Fundatione*, si ab initio interveniente consensu Episcopi in fundatione Ecclesiæ Collegiatæ, sic constituatur, ut electio, vel nominatio Prælati pertineat ad alterius Ecclesiæ Prælaturam, aut Capitulum, vel Patronum Ecclesiasticum; nam hoc fieri SS. Canones concedunt ad excitandum fundationum Ecclesiasticarum studium. *c. præterea 23. de Jur. patronat.* cum ergo quilibet sit rerum suarum moderator, & arbiter, Patronus Ecclesiasticus (secus de seculari, ut dictum est num. 4.) fundationi Ecclesiæ adiacere poterit conditionem, ut sibi electioni Prælati interesse liceat cum Jure suffragii.

3 *Consuetudine* arg. *c. cum dilectus 8. de consuet. c. bone 4. de postul. Prælat.* Præscribitur autem Jus eligendi ab eo, cui de Jure communi non competit, spatio 40. annorum: neque opus est titulo; quia pro titulo est scientia, & patientia Capitalarium, aut aliorum, contra quos præscribitur, ut bene advertit P. Vviesl. hic n. 51. Necesse tamen erit in eo casu, ut intra prædictum tempus aliqua saltem electio facta, & Superioris autoritate confirmata, vel saltem nulla rejecta fuerit, ut ex Innoc. docet Azor. l. cit. c. 14. q. 6. nam electiones, quæ rejectæ sunt, nihil Juri conferre possunt.

4 *Præscripto*, vel conventionem extranei cum Capitalaribus; nam horum consensu unanimi, pro una saltem vice, Jus eligendi Clericis extraneis communicari, vel etiam totum per Compromissum in eosdem transferri potest, pro ut sumitur ex *c. scriptum 40. & c. causam 8. h. tit.* modò illi, qui sic assumuntur, in sacris sint constituti, & aliis qualitatibus in Electore requisitis præditi. Dixi *unanimes consensu*; nam hunc non immeritò requirit Abb. in *c. 25. h. tit. n. 3.* ubi notat unum solum se reliquis omnibus posse opponere, & impedire, ne extraneus admittatur: & merito; quia per talem admissionem derogatur Juri singulorum eligentium, & cons. locum habet Regula: *quod omnes tangit, ab omnibus debet approbari*, quæ est 29. in 6. Addidi *saltem pro ea vice*; nam in perpetuum concedi non potest personæ extraneæ, nisi cum consensu Superioris, & aliis solemnitatibus ad alienationem rerum Ecclesiasticarum requisitis, ut rectè cum communi advertit Barb. *de Offic. & potest. Episc. p. 1. tit. 1. c. 3. n. 24.*

8 Quæritur 6. an omnes Clerici vacantis Ecclesiæ Jus eligendi Episcopum, vel Prælaturam habeant? Resp. negativè: sed tantum illi, qui ut fratres, seu membra faciunt unum corpus Ecclesiasticum, seu Collegium, & Canonici, vel Capitulares vocantur. Hinc ceteri Clerici, Capellani, Beneficarii, etiam perpetui, qui de Capitulo non sunt, ideoque etiam propriè Canonici non dicuntur, de Jure communi, eligendi, vel postulandi potestatem non habent. Hoc certum

Controversum apud DD. est, quantus debeat esse numerus personarum, ut faciant Collegium? Alii volunt duos sufficere, alii tres requirunt. Utrique sententiæ aliquid tribuendum existimo, & dico, ad Congregationem, seu Collegium initio constituendum tres ut minimum personas requiri; si tamen illud semel sit constitutum, conservari posse Collegium, ejusque Jura etiam in duobus, imò in uno. Ita Gloss. in *cap. 1. h. tit. V. duo Abb. in cap. 2. de postul. numer. 9.* Lay-

man. in *cap. 1. cit. numer. 3.* Pirhing. hic *numer. 11. & 12.*

Pars 1. *Responsionis* de Jure Civili patet ex l. *Neratinus 85. ff. de V. S. & l. detestatio 40. in fin. ff. eod.* ubi dicitur, quòd duo non faciant familiam, sed saltem tres requirantur. igitur idem dicendum etiam est de Jure Canonico; nam ut *c. intelleximus 1. de nov. oper. nunt.* habetur, *SS. Canones non dedignantur imitari Leges*, ubi istæ ab illis non sunt immutatae, non autem constat de immutatione; nam quòd *c. nullus 1. h. tit.* Pontifex dicat, *nullus in Ecclesia, ubi duo, vel tres fuerint in Congregatione, nisi eorum electione Canonica, Presbyter eligatur*, solum probat, quòd Jus eligendi conservetur in duobus, si hi soli supersint, non verò, quòd duæ tantum personæ sufficiant ad Collegium in principio suo constituendum.

Pars 2. ex eo videtur ostendi, quòd plus plerumque requiratur ad primam rei constitutionem, quàm ad ejusdem conservationem. igitur etsi ad constitutionem Collegii primam necessariæ sint personæ saltem tres, ad conservationem illius tamen sufficient duo, vel unus. Discrepant tamen faciendum est inter casum, quo duo manent in Collegio tertio, vel cæteris mortuis, aut Congregationem deserentibus, & inter casum, quo solummodo manet unus; nam si duo, manet Collegium actu, sed velut imperfectum: ac si unus solummodo manet, non erit Collegium actu, erit tamen quodammodo habitu; quia Jura Collegii in illo unico perseverant. Laym. n. 3. cit.

Dubitari potest de casu, quo omnes à Collegio, vel Universitate mortui sunt, vel alio discesserunt: quo casu est adhibenda distinctio: Vel enim Jura & privilegia, concessa Collegio, sunt personalia, vel localia, seu realia. Si primum, omnibus illis mortuis, aut aliò discedentibus, exstinguuntur etiam ipsa Jura, ac privilegia ejusdem. Si secundum, hujusmodi Jura, & privilegia perseverant, & in parietibus, vel his etiam dirutis, in solo, & fundo inseparabiliter conservantur, ut aliis cit. notat Laym. l. cit. n. 5.

Quæritur 7. utrum Jus eligendi sit penes omnes Canonicos? Resp. negativè; nam 1. ex istis suffragiis Jus non habent in electione furiosi, & amentes, saltem quamdiu durat amentia, & nisi lucida intervalla habeant Gloss. in *c. 32. V. discretionem h. tit. in 6.*

2 Impuberes: in quo distinguendum est inter Jus antiquum, & novum; nam Jure antiquo puberes statim admitterentur ad electionem arg. *c. 32. cit.* Jure autem novo Clem. 2. *de etat. & qualit. & Trid. sess. 22. c. 4. de form.* ut quis vocem activam in Capitulo habeat, debet esse saltem Subdiaconus, & cons. regulariter attigisse saltem debet annum 22. ætatis.

3 Suspensi *c. cum inter 16. §. fin. h. tit.* Requiritur autem ad hunc effectum, ut suspensi sint non à solo Beneficio, nec à solo Ordine, nec ab Officio tantum aliquo particulari, sed ut suspensi sint vel expressè ab Officio, aut voce activa, vel neutro expresso, simpliciter. Pasferin. *de elect. q. 10. à n. 88.*

4 Excommunicati Excommunicatione majori *c. constitutis 23. junct. Gloss. V. Excommunicationis de Appel. lat. & c. un. & ibi Gloss. V. majoris ne sed. vacant. in 6.* Ratio est, quia Excommunicatio major post se trahit Suspensionem ab omni officio, & cons. etiam ab officio eligendi.

5 Qui in Interdicto sunt personali, & qui Interdictum locale, in loco interdicto sine speciali privilegio celebrando, temere violarunt *c. cum inter 16. h. tit. & c. is qui 18. §. is verò de sent. Excomm. in 6.* Ratio est, quia hujusmodi Interdictum Suspensionem importat.

6 Absentes, & legitimè non impediti, quo minùs electioni intersint. *c. quia propter 42. §. illud autem junct. Gloss. V. venire h. tit.* Addidi *legitimè non impediti*; nam qui ex legitimo impedimento absens est, si tamen in tali loco sit, è quo ad Electionem vocari de Jure debet procuratorem constituere permittitur, ut is suo nomine eligat, ut dicitur infra num. 27.

7 Qui ad Episcopatum scienter postularunt, vel elegerunt indignum *c. gratum 2. de postul. Prælat. c. scriptum 40. §. fin. h. tit.* qui formam eligendi *c. quia propter 42. h. tit.* præscriptam non observarunt *c. cit. vers. qui verò*; qui intra tempus à Jure indultum, cessante legitimo impedimento, Prælaturam non elegerunt *c. ne pro defectu 41. eod.* nam hi omnes pro ea saltem vice potestate eligendi



eligendi privantur, ut habetur *citt. textibus*, & dicitur infra *Num. 20. 37. & 50.*

8. Nullus Episcopus, vel Prælatus alius potest vivus eligere, vel constituere sibi Successorem in Episcopatu, vel Prælatu ex speciali prohibitione Iuris Canonici *can. Episcopo 3. & seq. caus. 8. q. 1.* ut sic tollatur omnis species successionis hæreditariæ in Prælaturas, & Beneficia Ecclesiastica.

9. Nemo potest eligere seipsum, sicut nec seipsum instituere, vel sibi conferre Beneficium; quia inter dantem, & accipientem debet esse distinctio personalis *c. fin. de Instituit. & nemo plurium personarum vices simul, & semel obire potest c. Presbyteros 38. caus. 16. q. 1. l. fin. C. de Affectu forib.*

10. Queritur 8. an potestas eligendi competat non solum ei, qui habet Jus, & proprietatem, ac quasi dominium Beneficii e. g. Canonicatus, sed etiam ei, qui solum est in possessione ejusdem? Resp. cum distinctione: Vel enim ille Beneficium, & Canonicatum ejusmodi, cui de Jure, vel consuetudine annexum est jus eligendi, possidet mala, vel bona fide. Si mala, e. g. quia per vim se in illud intrusit, jus eligendi ratione talis possessionis eidem non competit; & si cum aliis eligat, ac de vitio possessionis constet, suffragium ejusdem in numero ad electionem perficiendam computari non debet. Ratio est, quia malæ fidei possessor nullum ex possessione sua commodum, seu fructum percipere debet *l. mala fide 3. C. de condit. ex lege. Si bona fide possideat Canonicatum, Jus eligendi eidem competit, & votum, quod in tali electione dat, validum est, taleque manet, etsi postea constet proprietatem Beneficii penes ipsum non fuisse, saltem si ante electionem factam lis super proprietate Beneficii inter ipsum, & proprietarium contestata non sit ut cum communi notar Barboz. in c. querelam 24. hic n. 7. & patet ex c. cit. Ratio est, quia suffragatio in electione est quasi fructus quidam Juris eligendi, sicut præsentatio Juris præsentandi; fructus autem rei bonæ fidei possessori debentur *l. bona fidei 48. ff. de acquir. rer. domin.**

Dubium est, an talis possessor post litem super jure illo motam, & contestatam, suffragium dare in Electione valeat, & suffragium ab ipso datum valeat? Rationem dubitandi facit *c. cum venissent 2. de in integr. rest.* ubi Innocentius III. statuit Electionem Abbatis, à Monachis, in possessione Juris eligendi existentibus celebratam, nec confirmandam, nec infirmandam, quamdiu lis super hoc jure ipsis Monachis mota pender, ex ratione, quod ex ea etiam penderet Electionis valor, luculento indicio, non valituram Electionem, si decisa lite de vitio possessionis constet. *Conf. ex ratione; quia litis contestatione inducitur mala fides, ita ut fructus rei possessæ restituendi sint, si res possessa per litem evicta fuerit, l. sed & si 25. §. si ante 7. ff. de hæredit. petit. & l. certum 22. C. de R. V.*

Sed his non obstantibus, tenenda adhuc est affirmativa sententia, quam etiam defendunt Azor. p. 2. l. 6. c. 21. q. 18. Pal. tr. 13. D. 2. p. 4. num. 26. Vviesner. hic n. 56. & plures ab hoc *citt.* Ratio est, quia lite pendente circa rem, vel jus litigiosum, ejusque possessionem in actoris, vel rei præjudicium nihil est innovandum, sed omnia relinquenda sunt in eo statu, in quo erant tempore cæptæ litis, ut habetur *c. de memoria 1. & c. fin. ut lit. pendent.* atqui litis cæptæ tempore possessor Beneficii ratione possessionis suæ gaudebat jure suffragii in electione, igitur isto commodò litis pendens tempore non est privandus.

*Ad rationem dubitandi dico*, ibidem motam esse litem non super Jure Proprietatis, sed super ipso Jure possessionis: una litigantium parte existente in possessione, altera contendente, se hac injustè spoliaram esse; nam hoc casu juxta *c. cum venissent cit.* si pars, de cujus possessione constat, exclusa altera parte, ut Jure potest, ad Electionem procedat, confirmatio electionis differtur ad finem litis, & si pars exclusa se possessione spoliaram evicerit, ad instantiam ipsius Electio facta rescinditur. *Ad Conf. mala fides, quæ ex litis contestatione oritur, non verè, sed tantum fictè, & interpretativè mala est quoad restitutionem fructuum litis tempore perceptorum, si isti pretio sint æstimabiles; nam si pretio non sint æstimabiles, qualis est suffragatio in electione, non sunt restituendi: conf. in nostro casu facta à tali Electio confirmanda est favore Ecclesiæ, & animarum.*

Schmalzgrueber Tom. I.

Queritur 9. an omnes, qui sacro Ordine initiati, & aliàs ad eligendum non sunt facti inhabiles, ad Electionem admitti debeant? Circa hanc questionem triplex formari dubium potest. 1. An admitti debeat, qui Ordinem sacrum primum suscepit, postquam Prælatu vacante cæpit? 2. An suffragium habeat, qui ante legitimam ætatem ex dispensatione Apostolica sacro Ordine initiatus est? 3. An idem suffragii Jus competat ad sacrum Ordinem ante ætatem legitimam illegitimè promoto?

*Ad 1.* Cæteri Capitulares quidem expectare non tenentur, donec talis Canonicus promoveri ad Ordinem sacrum possit, si tamen iste ante Electionem ad istum promotus fuerit, ad suffragium in hac ferendum admitti debet, ut rectè advertit cum communi Gloss. in *Clem. 2. de atat. & qual. V. constitutus*; nam idem ex communi DD. tenet casu, quo Canonicus aliquis post vacationem jam inductam adeptus esset possessionem Canoniciatus.

*Ad 2.* ratio dubitandi oritur ex *Clem. cit.* ubi dum in Canonico Capitulari sacer Ordo exposcitur, in consequentiam etiam exposcitur ætas ad hunc ordinem requisita: & hinc cum dispensatio sit strictæ interpretationis, dispensatus in ætate ad Ordinem sacrum suscipiendum, non censetur eo ipso dispensatus ad dandum suffragium. Sed hoc non obstante, respondendum est affirmativè. Ratio est, quia defectus ætatis Jus suffragii non adimit ratione sui, sed solum ratione Ordinis sacri, ad quem ea ætas requiritur, ut adeo Canonico, via dispensationis ad Ordinem sacrum admissio, nihil desit, quod ad suffragii jus obtinendum requiritur. *Ad rationem dubitandi dico*, dispensationis interpretationem non ita strictam esse, ut non etiam patiatur extensionem à principali ad accessorium. Ita autem defectui principali sacri Ordinis accessorius est defectus ætatis, igitur illo per dispensationem remoto, etiam iste remotus & Canonicus ad vocem activam, aliosque Capitulares actus habilitatus censetur.

*Ad 3.* Est adhibenda distinctio: Vel enim ejusmodi Canonicus Ordinem sacrum ante legitimam ætatem suscepit bona, vel mala fide. Si primum, e. g. quia putavit se majorem natu esse, vox in electione eidem deneganda non est, cum sit constitutus in sacro Ordine per *Clem. cit.* requisito ad vocem in Capitulo obtinendam, neque Jus aliquod extet, quod in hoc constitutum præcisè ratione ætatis ab electione repellat. Si secundum, in temeritatis pœnam Jure suffragii privari meretur: imò ut quidam putant, ipso Jure privatus est ratione suspensionis, quæ ob temerariam hujusmodi Ordinis sacri suspensionem incurritur per *Constitutionem Pii II.* quæ incipit *cum ex sacrorum, editam 5. Calend. Dec. 1461.* de quo tamen alii non immeritò dubitant.

Queritur 10. an si nullus Canonicus, vel Religiosus in sacris constitutus reperiatur, non expectato, ut capaces Ordinis istum suscipiant, Superior Ecclesiæ vacantes de Prælato, & Capite providere possit? Videtur hoc dicendum; quia tali casu etiam cætera negotia Ecclesiæ, vel Monasterii ipse solus tractare potest arg. *c. un. ne Sed. vac. in 6.*

Sed neganda est paritas. Ratio disparitatis est, quia casu, quo nullus Canonicus, vel Religiosus in sacris constitutus est, tota potestas Ecclesiæ, vel Monasterii penes Prælatum residet, ut adeò mirum non sit, quod negotia ejusdem omnia solus tractare possit. At Superior potestatem non habet providendi Ecclesiæ, vel Monasterio vacanti de Prælato, nisi Jure devolutionis. expectare igitur debet terminum, à Jure ad electionem celebrandam indultum, & tum demum, si adhuc nemo Ordinem sacrum ex Canonicis, vel Religiosis Professis receperit, devoluto ad se Jure uti, & providere Ecclesiæ vacanti de Prælato poterit. Gloss. in *Clem. 2. cit. V. constitutus.*

Idem dicendum, si omnes de Capitulo excommunicati, suspensi, vel interdicti fuerint; sufficit enim, si intra tempus à Jure ad Electionem faciendam concessum absolutionem à Censura petant, & impetrent.

Queritur 11. an omnes Excommunicati priventur voce activa? Resp. Negativè; nam 1. ea non privantur Excommunicati Excommunicatione solum minori: nam hi, etsi eligi nequeant, eligere tamen possunt, uti sumitur ex *c. illa 39. h. tit. & notar Pirh. hic num. 28.*



ratio est, quia minor Excommunicatio non à Communionem fidelium, sed tantum à participatione Sacramentorum excludit.

2 Ut Excommunicati Excommunicatione majori (idem dicendum de aliis Censuratis) priventur voce activa, post Concilium Constantiense, & Extr. ad evitanda in eo edita requiritur, ut sint nominati, & publicè denunciati, vel notorii Clericorum percussores; aliàs nisi repellantur per exceptionem, suffragium illorum valebit, ut rectè observat Laym. de Elect. Pralat. q. 26. idque non tam in gratiam eligentium (nam censuratis per cit. Const. à Concilio nullus indultus est favor) quam ob utilitatem Ecclesiæ, & favorem Prælatis ad hanc electioni, aliorumque fidelium.

Quare soli Censurati notoriè tales vocem in Electione dandam amittent: idque ipso Jure, adeò, ut Electio ab ipsis celebrata sit irrita, cum ab omni exercitio Jurisdictionis, & officii spiritualis actibus suspensi sint arg. c. decernimus 8. de sent. excomm. in 6. & devolvitur eo casu Jus eligendi ad ceteros non Censuratos c. bona 36. hic, & c. gratum 2. de postul. pralat.

Dubitat, an valida sit Electio celebrata ab aliis non censuratis, si ad eandem secum faciendam admiserint scienter aliquem, vel aliquos notoriè Excommunicatos? Resp. negativè; nam hujusmodi electio verisimilius est ipso Jure irrita, ut communis sententia habet teste Suar. de Censur. D. 14. f. 2. num. 17. & sumitur ex c. fin. de procurat. ubi repellitur procurator, quod ejus electio nulla fuerit ob voluntariam admissionem quorundam Excommunicatorum: & quidem, ut Suar. cit. notat, non ex speciali ratione, quæ militet solum in Procuratore constituendo, sed ex generali in odium Excommunicationis: conf. quod ibi statutum est, extendendum est etiam ad Electionem Prælatis ita factam.

14 Quæritur 12. an Jure eligendi priventur etiam Irregulares?

Ita quidem casu, quo Irregularitas ex delicto descendit, existimant Sylv. V. Electio 1. q. 4. Donat. tom. 2. prax. Regul. tr. 4. q. 9. num. 2. & plures ab hoc cit. & videtur hoc sumi ex c. is qui 18. §. is verò de sent. Excomm. in 6. ibi Irregularitatem incurrit &c. & adeò efficitur ineligibilis, quod nec ad eligendum cum aliis debeat admitti: quibus verbis videtur significari, privationem vocis activæ vi Irregularitatis induci. Verum, ut communius DD. in c. citatum notant, hoc intelligendum est tantum de Irregularitate, quæ temeraria celebratione in loco interdicto contrahitur, & de qua ibidem sermo est; non autem generaliter, quasi cuilibet irregularitati ex delicto contractæ annexa esset vocis activæ privatio.

Quare cum Navar. Man. c. 27. num. 244. Suar. de Censur. D. 40. f. 2. num. 27. Barbof. de Can. & Dignit. c. 41. num. 9. Passerin. de Elect. c. 10. num. 104. Konig hic num. 13. Vviesl. ibidem num. 27. dicendum, Irregulares etiam ex delicto, præcisè ratione Irregularitatis ab actu eligendi non removeri. Suadet hoc etiam ratio Juris, quod ubi de pœnis agitur, strictam interpretationem latè præfert, ita ut pœna potius excludatur, quam inducatur arg. Reg. 15. & 49. in 6.

## §. II.

### De Electis, vel Eligendis ad Prælaturas, & Dignitates Ecclesiasticas.

## S U M M A R I U M.

- 15 In eligendo ad Episcopatum requiritur ætatis maturitas, gravitas morum, & litterarum scientia.
- 16 Ineligibiles sunt aliqui ob impedimentum naturæ.
- 17 Alii ob crimen, vel defectum morum.
- 18 Alii ratione Censuræ, & aliarum Pœnarum Ecclesiasticarum.
- 19 Electio indigni invalida est.
- 20 Eum eligentes pro illa vice privantur Jure eligendi.
- 21 Quod proin vel ad ceteros innocentes, vel ad Superiorem devolvitur.

Quæritur 1. quænam qualitates requirantur in eo, qui eligendus est in Episcopum, vel Prælaturam Ecclesiæ? Resp. Hæ summatim referuntur c. cum in cunctis 7. in princ. h. tit. ubi in personis ad has, & præsertim ad Episcopatum eligendis dicitur requirenda ætatis maturitas, gravitas morum, & litterarum scientia, ut cum honore, ædificatione, & utilitate publica curam animatum, & Ecclesiarum administrationem gerere possint.

Ex horum defectu SS. Canones à Prælatibus, & Dignitatibus Ecclesiasticis arcent complures, quorum impedimenta ad tria Capita reduci possunt; nam aliqui arcentur ob impedimentum naturæ, alii ob crimen, seu defectum morum, alii ob aliud impedimentum Canonicum.

Ob impedimentum naturæ ineligibiles sunt. 1. Furiosi, amentes, infantes, pueri, & qui requisitam ætatem nondum sunt assecuti. c. indecorum 3. de ætat. & qualitat. ubi ratio datur, quia videlicet Indecorum, imò damnosum Ecclesiis, & animabus periculosum est, ut hi debeant Ecclesias regere, qui non noverunt gubernare seipsos.

2 Qui vitio corporis laborant, ob quod suo munere honestè, & decenter fungi non possunt, & irregulares sunt can. hinc etenim 1. dist. 49. & tot. tit. de corp. vitiat. nam universim, qui à suscipiendis Ordinibus, vel Beneficiis repelluntur, multò magis arcentur ab Ecclesiasticis Prælatibus c. cum in cunctis cit.

3 Illegitimè nati c. Innotuit 20. h. tit. etsi postulati possint, si morum probitas, & litterarum scientia eluerint maculam natalium, ut ibidem notatur. Potest tamen eo casu, quo electus est tali defectu laborans, Pontifex dispensare, & tum electio prius irrita convalescit; quia tantum fuit Jure positivo nulla, jure naturali autem, & fundamentaliter subsistebat: unde sublato per dispensationem defectu Juris positivi, etiam civiliter convalescet. Pirh. hic num. 75.

4 Qui nati sunt ex genere maculato circa fidem, seu qui descendunt ex Hæreticis, & horum receptatoribus, fautoribus, defensoribus; nam de his c. quicumque 2. §. hæretici, & c. statutum de Hæretic. in 6. constitutum est, ne usque ad secundam generationem in linea paterna, & primam in materna ad ullum Beneficium Ecclesiasticum, seu officium publicum admittantur, nisi eorum parentes emendati, & Ecclesiæ ante mortem reconciliati sint: quæ tamen dispositio in Germania nostra, aliisque partibus Septentrionalibus non obtinet: & conf. ex his nati, si probi, & alias idonei sint, ibidem sine dispensatione, uti ad SS. Ordines, ita etiam ad Prælaturas promoveti poterunt, ut cum aliis advertit Konig hic num. 29.

Quæritur 2. quoniam ob crimen, vel defectum morum prohibeantur eligi? Resp. 1. eligi prohibentur Sacrilegi arg. c. venerabilem 34. h. tit. quia etiam ab aliis legitimis actibus repelluntur can. nulli 11. caus. 3. q. 4. 2. Falsarii litterarum Apostolicarum c. ad falsarios 7. de crim. fals. 3. Usurarii manifesti, & notorii; quia nec ordinandi sunt can. de Petro 4. dist. 47. c. inter dilectos 11. de excess. Pralat. 4. Perjuri; quia non merentur Ecclesias regere, ut dicitur c. querelam 10. de jurejur. 5. Publici Aleatores c. inter dilectos cit. 6. Ambitosus, sive qui in electionem sui, tanquam jam factam, ante formatum, & publicatum electionis decretum consensit; estque talis electio ipso Jure, irrita, c. cum post 46. & ibi Gloss. V. requisitum hoc tit. 7. Reus criminis Sodomie frequentati; cum enim istius frequentatione Clericus privetur Dignitate, Beneficio &c. jam acquisitis per Constitut. S. Pii V. incip. Horrendum editam 3. Septemb. 1568. multò magis impediatur ab eorum assecutione, ut rectè arguit Layman. de elect. Pralat. quæst. 53. 8. Qui plura beneficia curata, vel plures personatus, aut Dignitates tempore Electionis absque dispensatione Sedis Apostolicæ simul retinent c. dudum 54. §. nos igitur hoc tit. 9. Qui electioni de se factæ per secularis potestatis abusum consentite præsumpserint contra Canonicam libertatem c. quisquis 43. hoc tit. 10. Hæretici, etiam postquam ab hæresi sunt absoluti, eorumque ctedentes, fautores, defensores, receptatores. c. quicumque 2. §. hæretici, & c. statutum 15. de hæretic. in 6. 11. Schismatici, seu qui in Schisma aliquando inciderunt, etsi postea illud abjecerint, nisi Papa cum illis dispensaverit c. quia diligentia 5. hoc tit. 12. Qui ob defectum animi, seu crimen semel repulsi



pulsi sunt à Prælatura *c. super eo 12. eod.* quia secundum *Reg. 8. in 6.* semel malus semper præsumitur malus, sive suspectus in eodem genere mali. 13. Simoniaci, h. e. à quibus vel pro quibus pecunia, vel quid simile datum, seu promissum fuit, ut eligeretur *can. cavendum 3. caus. 1. q. 7. c. super eo 12. & c. si alicujus 59. h. tit. & c. Matthæus 23. de Simon.* ubi de hoc plura DD. 14. infames, sive deinde infames sint infamia Juris, sive facti; quia personis vilibus, & indignis portæ dignitatem patere non debent *c. inter dilectos 11. de excess. Prælat. l. un. C. de infamib. l. neque 2. C. de dignit.* Quodsi ramen posteriores, seu qui infames sunt tantum infamia facti, sufficienter se emendatos ostenderint, nisi aliud obstat, postea admitti possunt: quo differt infamia facti ab infamia Juris; nam hac laborantes etiam emendati ineligibiles manent, donec per Judicem relaxetur infamiae poena, & hac notatus pristino restituatur statui.

18 Quæritur 3. quinam ratione Censuræ, vel aliarum poenarum Ecclesiasticarum eligi ad Prælaturam nequeant? Resp. 1. eligi nequeunt Excommunicari. Proceditque hoc non tantum de Excommunicatis Excommunicatione majori *c. postulastis 7. in princ. de Cleric. Excomm.* sed etiam de minori *c. fin. & ibi Gloss. eod.* ratio est; quia cum talis sit privatus Sacramentis, sive eorum receptione, ad ea ministranda eligi non potest.

2 Suspendi. De suspensis ab officio constat; quia non potest quis promoveri ad suscipiendum illud officium, cujus exercitium illi est interdictum *c. fin. cit.* De eo, qui suspensus est à Beneficio, patet ex *c. cum bona 8. junct. Gloss. V. suspensus de atat. & qualit. & Gloss. in c. cupientes 16. §. ceterum V. beneficiis h. tit. in 6.* & ratio est, quia per Suspensionem ejusmodi à Beneficio, privatus est perceptione fructuum Beneficii, quod jam possidet. igitur non potest durante Suspensione eligi, aut promoveri ad novum Beneficium, per quod denuo acquirat Jus percipiendi fructus, & redditus Ecclesiasticos, ne quod una via quis perdit, per aliam acquirat *c. fin. cit. & ibi Gloss. V. privatus.*

3 Personaliter interdicti *arg. c. cum dilectus 8. de consuet. & c. fin. de Cleric. Excomm.* Quod extenditur etiam ad violatores Interdicti sive localis, sive personalis; nam hi Jure Electionis tam activæ, quam passivæ privati sunt *c. adhuc 1. de postul. Prælat. c. is qui 18. §. is verò de sent. Excomm. in 6.* Neque opus est, ut sic Censurati sint denunciati; nam ineligibilitas ista extenditur etiam ad Interdictos, Suspendos, Excommunicatos non denunciatos, & toleratos; quia *Extrav. ad excitanda cit.* Concilium Constantiense statuendo, quod aliqui actus Excommunicatorum non denuntiatorum valeant, favorem exhibere voluit Ecclesiæ, & aliis non Excommunicatis, non verò ipsis Excommunicatis; exhibuisset autem favorem non exiguum, si Excommunicati, Suspendi &c. Electio, non obstante ejusdem Excommunicatione, forer valida. ergo &c.

4 Universim eligi ad Prælaturam, vel aliud Beneficium nequeunt omnes Irregulares sive ex delicto, sive ex alio quocunque defectu, ut communis cum Sylvest. *V. Irregularitas princ. & Novar. Man. c. 27. num. 191.* docet. Textus varii afferuntur à variis, sed non satis convincunt; quia intelligi vel de Suspendis; vel de Excommunicatis, vel de Irregularibus, sed tantum in speciali materia possunt. Ratio tamen clara est, quia Beneficium datur propter officium *c. fin. de Rescript. in 6.* Irregularis autem inhabilis est ad Officium. igitur etiam ad Beneficium.

19 Quæritur 4. an valida sit Electio indigni, seu prohibiti eligi? Resp. negativè. Ita omnes. Dubium est, quomodo invalida sit, an ipso Jure, an per sententiam tantum irritanda? In quo dubio videnda qualitas causæ, ob quam aliquis ab Electione passiva repellitur; nam 1. si repellatur aliquis ob impedimentum naturæ ex iis, quæ recensita sunt *N. 16.* Electio ejusdem est ipso Jure irrita; quia impedimenta ibi relata vel absolute faciunt inhabilem ad Prælaturam, vel saltem ut ad eam promoveri non possit per viam Electionis. atqui Electio ejus, qui postulari solummodo potest, ipso Jure est irrita, ut omnes sentiunt. ergo &c.

2 Si repellatur ob crimen, distinguendum est, an ob illud incurritur Infamia, & quam, Jutis, an facti? Si primum, Electio ipso Jure est nulla absolute. Si secundum, Schmalzgrueber Tom. I.

solum irrita censenda est, spectato foro externo; quia in foro interno conscientiae potest Prælaturam, seu Dignitatem, ad quam electus est, recipere, & retinere, si nemo ipsi defectum infamiae objiciat, & speret, se intra breve tempus per publicam vitæ emendationem notam infamiae abolere posse; tunc enim revalidatione tituli, vel dispensatione non est opus, ut norat Laym. *in c. cum in cunctis 7. §. inferiora num. 14. h. tit. Pirh. hic num. 101.* quod multò magis dicendum, si crimen ejusmodi sit occultum.

Speciale quid constitutum est de Electione Simoniaci; nam ita facta, si pretio dato & accepto completa sit Simonia, ipso Jure est irrita. *Extr. 2. vers. per electiones, & vers. statuentes de Simon.* ita ut sic electus, etiam ignorans, ad eandem Prælaturam, donec vitium Simoniae per interpositam personam aliam purgatum sit, eligi nequeat, neque Episcopus cum eo dispensare possit, ut habetur *c. si alicujus 59. h. tit. Laym. ibid. num. 3. Barb. n. 3.* quos cum aliis citat, & sequitur P. Vviefner *hic num. 64.* Dixi 1. pretio dato, & accepto; nam si tantum promissum fuerit, Electio quidem non est ipso Jure irrita, sed irritanda à Superiore *c. nobis 27. de Simon.* Dixi 2. etiam ignorans; sic enim statuitur *c. si alicujus cit. & expressius c. Matthæus 23. & c. nobis cit. de Simon.* Excipitur, si data sit pecunia in fraudem electi, aut iste contradixisset *c. nobis cit. & c. sicut 33. eod.* Dixi 3. ad eandem Prælaturam; nam ad aliam Ecclesiam, vel Dignitatem non prohibetur eligi, cum in ordine ad alia Beneficia nihil in Jure statutum sit: casu tamen, quo electus ipse Simoniam commisit, necesse erit, ut per Papam ab Excommunicatione, in quam ipse cum mediatoribus incidit, absolvatur, & de crimine poenitentiam egerit, priusquam ad aliud Beneficium, vel Ecclesiam promoveatur. *Konig hic num. 40.* Dixi 4. nisi purgatum sit vitium &c. purgabitur autem, si irritata Simoniaci Electione, eligatur alius; nam si hic deinde resignet, vel moriatur, nihil obstat, saltem illum, qui ob Simoniam sine sua culpa repulsus est, denuo eligi. *Konig l. cit. Dixi 5. non posse Episcopum dispensare.* Colligitur ex *c. si alicujus cit.* Quod etiam dicendum de eo, qui accepit Beneficium simplex Simoniacè ignorans, si ratam habeat Electionem, vel postquam rescivit de contractu Simoniaci, illud liberè non resignat.

3 Denique quando aliquis repellitur ob Censuram, vel Irregularitatem, conveniunt 1. DD. ipso Jure irritam esse Electionem innodati Interdicto, Suspensione, & Excommunicatione majore ob claros textus *c. cum bona 8. de atat. & qualit. c. postulastis 7. & c. fin. de Cleric. Excomm.* Conveniunt 2. Electionem factam de irritito Excommunicatione minore mero Jure non esse irritam, sed irritandam per textum *c. fin. cit. ibi est Electio irritanda.* Circa Irregulares Controversia inter illos est: affirmant non pauci esse irritam horum Electionem ipso jure; alii volunt ex capite Irregularitatis tantum esse irritandam: idque meo judicio probabilius. Ratio est; quia in jure solum invenitur expressum, quod talis Electio sit prohibita. atqui aliud est esse prohibitum, aliud esse irritum. igitur cum prohibitioni hic non sit adjectum Decretum, seu clausula irritans, ea de Irregulari celebrata jure subsistet. Irritanda tamen erit *arg. c. ut Abbates 1. de atat. & qualit.* non solum, quia facta est contra prohibitionem Juris, sed quia sic electum confirmare non potest Superior, quamdiu inhabilitas ratione Irregularitatis manet.

Quæritur 5. quæ sit poena eligentium indignum, seu prohibitum eligi, vel postulari? Resp. si scienter hoc fecerint, & ex votis malè eligentium subsecuta sit communis Electio, Electores pro ea vice privantur jure eligendi ipso jure & facto, & insuper suspensi sunt ab Ecclesiasticis Beneficiis per triennium. Ita habetur *c. cum in cunctis 7. princ. h. tit. & meritò, ut in eo, in quo peccarunt, etiam puniantur.*

Dixi 1. si scienter hoc fecerint; nam si ignoranter, nisi ignorantia sit voluntaria, seu crassa, & affectata, poenæ istæ non incurruntur, ut in *c. 25. h. tit. V. scienter* advertit Glossa.

Dixi 2. si subsecuta sit communis Electio; nam ante hanc ad aliam Electionem procedi potest, & debet, ut constat ex *c. perpetuo 7. h. tit. in 6.* Ratio est, quia poena debet intelligi cum effectu. atqui atequam formationem sit publicum, & Capitulare Decretum Electionis, G 2 nis,



nis, licet scrutinium promulgatum sit, nondum tamen censetur facta Electio, ergo &c.

Dixi 3. *ipso Jure & facto*: quod intelligendum est de utraque pœna, videlicet privationis juris eligendi, & suspensionis à Beneficiis, uti de prima constat ex *c. quanquam* 18. *hoc tit. in 6.* de posteriore *c. si compromissarius* 37. §. *porro h. tit. in 6.* Extenditur pœna hæc privationis etiam ad eos, qui Dignitatem, vel Prælaturam indigno conferunt, in ea constituunt, vel confirmant *arg. c. nihil* 44. & cum aliis notat Azor. p. 2. l. 6. c. 26. q. 13. Ratio est, quia collatio vim Electionis habet, & magis delinquit, vel indigno scienter confert Prælaturam, vel confirmationem dat, quàm qui simpliciter eligit.

Dixi 4. *à beneficiis*; intellige, quæ obtinent in illa Ecclesia, in qua facta est Electio; nam hanc specialiter offenderunt: unde pœna hæc ad alia Beneficia, quæ in aliis Ecclesiis obtinent, non extenditur, ut habetur *c. si compromissarius cit. vers. restringitur*. Hæc satis certa.

Dubitari potest, an pœna ista extendatur etiam ad eligentes indignum ad Prælaturam, vel Dignitatem Episcopali inferiorem? Negat Joan. And. *in cap. 23. hoc tit. numer. 11.* ex ratione, quod *c. cum in cunctis cit.* solum fiat mentio de eligentibus indignum ad Dignitatem Episcopalem, ut adeo dispositio hujus cap. tanquam pœnalis ad eligentes Prælaturam inferiorem extendenda non sit. Verum hoc non obstante, dicendum, etsi tales suspensionem à Beneficiis non incurrant, prout statutum expressè de ipsis est *c. si compromissarius cit. vers. hujusmodi*, eos tamen incurrere pœnam privationis juris eligendi pro illa vice, ut constat ex *c. dudum* 22. *hoc tit. c. perpetuo* 7. & *c. quanquam* 18. *eodem in 6.* quibus pœna hæc etiam ad hos extenditur.

Quæritur 6. ad quos pertineat potestas eligendi, quando Capitulares elegerunt indignum? Resp. cum distinctione: Vel enim omnes Capitulares deliquerunt scienter eligendo indignum, vel tantum aliqui.

*Si primum*, potestas eligendi pro ea vice devolvitur ad Superiorem, & in Cathedralibus quidem Ecclesiis immediatè ad Papam, in aliis inferioribus ad proximum Superiorem. *c. quanquam cit.*

*Si secundum*, electione priore, utpote perperam facta, & invalida, rescissa, potestas eligendi penes Capitulares alios, qui in Electionem indigni non consenserunt, residet, qui proinde, exclusis delinquentibus, eorumque votis, suæ Electionis, qua in personam dignam convenerunt, Decretum formare; idque nomine totius Capituli promulgare poterunt; vel si velint, procedere ad novum Scrutinium, *c. congregato* 53. *hoc tit.* & ibi Abbas *numer. 6.* Proceditque hoc, etsi isti sint numero pauciores, imò licet unus duntaxat sit; nam in illo unico remanet Jus Collegii, & cons. iste, si velit, poterit solus eligere, Gloss. *in c. perpetuo* 7. *hoc tit. in 6. in notatione*.

Controversia est, an Capitulares, ad quos hoc modò devoluta est potestas eligendi pro ea vice, possint, si velint, cæteros ea privatos ad electionem secum celebrandam admittere? Rationem dubitandi facit Suspendio, in quam inciderunt sic eligendo.

Sed hæc non obstat, quia est Suspendio solum à beneficio, non autem ab Officio; unde cum privatio hæc solum spectet favorem cæterorum non consentientium, nihil impedit, quin, si velint, isti etiam delinquentes secum ad Electionem possint admittere; nam favori pro se principaliter introducto, quilibet renunciare potest. Ita Gloss. *in c. 25. h. tit. V. admiserant*. Abb. *ibid. n. 3.* Laym. *n. 2.*

Debent autem ad istos admittendos consentire omnes, sicut ad admittendum extraneum *arg. Reg. quod omnes tangit* 29. & *Reg. in re communi* 56. *in 6.* Ratio est, quia per ejusmodi admissionem ad Electionem jura singulorum diminuuntur.

## §. III.

## De Convocatione Electorum ad celebrandam Electionem.

## S U M M A R I U M.

- 22 *Quinam vocandi sint ad Electionem?*
- 23 *An Electio valeat, quando non sunt vocati omnes?*
- 24 *Quod jus contemptis competat?*
- 25 *Quinam absentes vocari debeant?*
- 26 *Quis sumptus itineris subministrare absenti debeat?*
- 27 *An Elector absens possit constituere Procuratorem?*
- 28 *Quid observandum Procuratori, & constituti Procuratori?*
- 29 *An Capitulum consentire debeat etiam in Procuratorem extraneum?*

Quæritur 1. quinam vocandi sint ad Electionem, quomodo, & à quo? Resp. mortuo, ac sepulto, nisi accelerationem necessitas exigat, Prælato, Decano, vel Prior, aut his absentibus Senior Electores, seu Capitulares in loco præsentibus, vel non longè distantes convocare debet, & cum iis in Capitulo decernere debet circa diem, locum, & horam futuræ Electionis, quem ubi constituerint, omnibus, qui ad Electionem vocandi sunt, intimare debent per litteras, vel nuntium ad hoc specialiter deputatum, cum monito, si intra tempus statutum non compareant, negotium Electionis, ipsis etiam absentibus inchoandum, ac perficiendum, prout cum aliis notat Tholosan. *tr. de elect. c. 14. num. 1.*

Vocandi autem ad Electionem sunt omnes, non tantum in loco præsentibus, sed etiam absentes, qui interesse debent, volunt, & commode possunt, ut dicitur *c. quia propter* 42. *in princ. h. tit.* Ratio est, quia nemo usu, sive Exercitio juris sui sine causa privari debet. Adeoque 1. vocari debent, qui Electioni interesse debent, h. e. ii, qui Jus suffragii habent de Jure communi, vel speciali, vel saltem sunt in ejus pacifica quasi possessione. Gloss. *in c. quia propter cit. V. qui debent*. 2. Vocandi sunt, qui interesse volunt; qui enim ex Electoribus legitimis interesse electioni nollent, non possunt compelli, ut compareant, cum juri suo renunciare quivis possit *c. si de terra* 6. *de privilegiis*. Excipe, nisi specialiter interfit Ecclesiæ, vel ex consuetudine, aut Statuto interesse omnes legitimè non inpediti tenerentur. Abb. *in c. cit. n. 4.* tunc enim interesse tenebuntur omnes, etiam pœna adjecta. 3. Vocandi sunt, qui commode electioni interesse possunt; nam qui vocari, aut compatete vel absolutè, vel sine ipsorum, aut Ecclesiæ periculo propter merum factionum, Schismatis, aut intrusionis Laicæ potestatis non possunt, vocandi non sunt *c. quia propter cit. & c. quod sicut* 28. ibi *sitamen sine periculo potuerunt convocari h. tit. & ibi Gloss. V. sine periculo*. quia commune bonum Ecclesiæ prævalere debet particulari privatorum.

Quæritur 2. an Electio valeat, ad quam non omnes, qui Electioni interesse debuissent, potuissent, & voluissent, vocari sunt, vel post vocationem admissi? Resp. Distinguido: Vel enim contempta est plus, quàm tertia pars eorum, vel pauciores.

*Si primum*, e. g. si ex 12. contempti sint quinque, Electio ipso Jure est nulla, non quidem propter contemptum, sed ob defectum potestatis eligendi, quæ residet in duabus partibus Capitularem, qui debent, volunt, & commode possunt interesse, Abb. *in c. 30. h. tit. n. 9.* & *in c. 42. in princ. eod. n. 12.*

*Si secundum*, & tantum unus, vel pauciores contempti sint, reliqui autem convenerint ad Electionem, tunc Electio ab his facta de jure est valida, si tamen in Electum convenerit major pars omnium suffragii jus habentium, prout colligitur ex *c. quod sicut* 28. §. *quod si eos*, & *c. auditis* 29. *h. tit.* ubi dicitur, quod contempti Electionem à cæteris factam per subsequentem consensum confirmare possint: quod fieri non posset, si Electio ipso jure irrita esset; quod enim ab initio vitiosum est, non potest tractu temporis convalescere *Reg. 29. ff. de R. I.* Ratio est, quia quod major pars Capituli præsentis decernit, pro eo habetur, ac si omnes decrevissent.



arg. l. quod major 19. ff. ad municipal. Et hinc colligitur, Vocationem Capitularium absentium, etiam eorum, qui vocari debent, non pertinere ad formam substantialem Electionis, cum aliquibus etiam non vocatis, subsistat Electio. Proceditque hoc, etsi extaret alicubi Statutum, Electionem, aliquibus contemptis celebratam, irritans; quia hoc ipsum Statutum, si Juri communi per Interpretationem non conformetur, valore destituitur, & conf. effectu carer, ut bene notat Abb. in c. 42. cit. n. 12. vers. nec valeret.

Addi sitamen in electum convenerit major pars eorum omnium, qui Jus suffragii habent; quia ut hujusmodi Electio, tanquam à majore Capituli parte facta, subsistat, necessarium est, ut in eam consenserit major pars, non tantum respectu presentium, sed etiam respectu absentium, qui de Jure vocandi erant. Et hinc si Collegium aliquod constet 12. Capitularibus, & ex his ad Electionem conveniant 10. duo ceteri non vocati condemnantur, ut Electio censetur facta à majore parte Capituli, non sufficit, ut ex decem vocatis conspirent sex, sed requiruntur septem; quia licet sex respectu decem sint major pars, non tamen respectu duodecim vocandorum, & Capitulum constituentium, ut rectè aliis cit. notat Passerin. de Elect. c. 11. num. 112. Ratio est, quia non vocati de Jure pertinent ad Capitulum, & non nisi per injuriam sibi illatam absunt; iniquum autem, & perniciosum est, ex injuria eum, qui hanc passus est, præjudicium, illum verò, qui intulit, commodum reportare. ergo &c.

24 Quæritur 3. quod Jus contemptis, seu non vocatis ad Electionem competat? Resp. possunt, si velint, illatam sibi injuriam prosequi, & à Superiore perire, ut Electio rescindatur, ut habetur c. quod sicut 28. §. quod si cit. & notat Gloss. ibid. V. consentire.

Extenditur autem 1. etiam ad Successorem in Prælatu-  
ra, vel Dignitate, si ratione istius Jus suffragii in Electione antecessori competiit; quia injuria censetur eo casu illata non tam personæ, quam Dignitati; quæ nunquam moritur, sed ad Successorem cum omnibus Juribus Dignitati annexis transit.

Extenditur 2. etiam si Electus sit confirmatus, vel etiam consecratus, ut colligitur ex c. quod sicut cit. & ibidem cum aliis interpp. advertit Abb. n. 3. Ratio est, quia Confirmatio innititur Electioni, tanquam legitimè factæ; igitur hac ob contemptum, vel alium defectum cassata, etiam ipsa cadit.

Extenditur 3. ut procedat etiam in aliis actibus Capituli, seu Collegii; nam etiam illi, si collegialiter peracti sint, aliquo contempto, aut non vocato, cum vocari debuisset, ad petitionem illius rescindendi sunt, tanquam non legitimè facti. arg. c. bone 36. h. tit.

Addi si velint; nam contempti Juri suo renunciare, & Electionem absque re factam approbare possunt, modò Electio ab initio fuerit valida; quia potestas agendi de contemptu est favor principaliter introductus pro ipsis contemptis. Est autem perinde, si contempti consensus sit expressus, siue tacitus: qualis foret, si contempti, postquam ante confirmationem publico edicto moniti sunt, non oppugnent Electionem; nam si postea illam oppugnare velint, repelluntur, quòd Juri suo renunciassent præsumantur.

Dubium est, an casu, quo contemptus expressè, vel tacitè renunciavit Juri, quod ob contemptum habebat ad petendam rescissionem, Superior ex officio, vel petente Electi adversario, rescindere Electionem possit? Affirmat Gloss. in c. 55. h. tit. V. nec præmissi. Sed melius cum Abb. ibid. n. 10. & aliis negatur, id ordinariè fieri posse. Ratio est, quia quando non de publico, sed de privato solum favore agitur, & is, cujus interest, Jus suum non prosequitur, Judex officium suum non potest ordinariè impetiri, ut colligitur l. dies 4. §. hoc autem 8. ff. de damn. infest. atqui in proposito casu non agitur de Jure pure publico (aliàs enim contempti Juri illi renunciare non possent) sed tantum de favore privato ipsius personæ contemptæ. ergo &c. Excipitur, nisi contemptus ex fraude fuisset vel factus, vel remissus; tunc enim Judex ex Officio rescindere Electionem potest, cum fraus sua nemini patrocinarì debeat.

25 Quæritur 4. quàm procul absentes esse debeant, ut non vocati agere de contemptu possint? Plurimum in hac re DD. variant; nam aliqui putant vocandos esse absentes, si sciatur, ubi sint, modò non sint in loco re-

motiore ultra duas diatas arg. c. nonnulli 28. de Re-script.

Alii volunt vocandos omnes, qui in Provincia (i. e. Archiepiscopatu) sunt; non autem illos, qui extra illam: quod colligunt ex c. coram 35. h. tit. ibi omnibus, qui fuerunt in Provincia, convocatis; & rationem dant, quia in Provincia existentes quodammodo pro presentibus habentur; qui autem extra Provinciam sunt, censentur esse absentes l. fin. C. de Prescript. long. temp. 10. vel 20. ann.

Optimè Gloss. in c. cum inter 18. h. tit. V. remoti, Abb. ibid. num. 4. cum cæteris monent, in hoc cujusque Ecclesiæ consuetudinem sequendam esse; sicut enim per consuetudinem acquiri Jus eligendi potest, ita etiam potest restringi, vel omnino amitti quoad vocationem absentium faciendam.

Speciato Jure communi, & seclusa speciali consuetudine, vocandi sunt Capitulares absentes omnes, siue in, siue extra Provinciam existant, modò in tali loco sint, ut commodè vocari, atque ad præfixum, & à Jure permissum tempus adesse possint, ut colligitur ex c. cum inter cit. c. quod sicut 28. & c. bone 36. h. tit. ubi Canonici, qui Rhegii debebat, ad Electionem vocatus est Cremonam, quæ est Civitas diversæ Provinciæ.

Nèque obstat c. coram cit. vocari enim ibi sunt omnes, vel quia id exigebat specialis Ecclesiæ consuetudo, vel quia omnes in Provincia, & non procul aberant, vel quia ob particulares circumstantias videbantur omnes, qui in Provincia erant, vocari commodè posse. Unde c. istius dispositio locum non habet casu, quo intra Provinciam valde amplam existentes procul, aut extra illam non procul à loco Electionis absunt; nam hi, non obstante, quòd sit extra Provinciam, vocandi sunt, non priores, licet sint intra Provinciam; isti enim commodè adesse non possunt, possunt illi. Ad rationem adjectam dico l. fin. cit. sermonem esse de præscriptione rerum immobilium, ubi specialiter constitutum est, ut qui in eadem Provincia domicilium habent, pro presentibus habeantur: quod ad præsentem casum extendi non potest.

26 Quæritur 5. quis Capitulari absenti debeat subministrare sumptus, seu expensas perfectionis ad locum Electionis? Rationem dubitandi facit 1. textus c. ut præterita 45. h. tit. ubi Honorius III. statuit, ut expensæ necessariae, quas Capitulum Constantinopolitanum, vel ejus nuntii, Sede vacante, pro Electionis negotio fecerint, de bonis Patriarchalibus fiant totaliter, vel redantur. 2. quia regulariter is ad expensas tenetur, cujus negotium principaliter geritur arg. l. fin. C. de statutis, & imag. atqui in electione principaliter geritur negotium Ecclesiæ vacantis; nam in hujus bonum illa principaliter tendit. ergo &c. 3. Officium suum nemini debet damnosum esse c. cum non deceat 30. princ. h. tit. in 6. damnosum autem utique foret Electoribus, si pro Electionis negotio factæ expensæ iisdem non præstarentur. ergo &c.

Difficultas hæc complanari ope distinctionis potest, quam adhibet Hostiens. in Summ. num. 31. §. quid juris hic: Vel enim talis Canonicus à loco Electionis abest propter ipsius Ecclesiæ, aut Prælatuæ utilitatem, vel solum pro suæ voluntatis arbitrio, aut pro suis commodis tantum.

Si primum, expensæ perfectionis ad locum electionis eidem ex redditibus Prælatuæ vacantis præstari debent, & hoc probant Argumenta pro ratione dubitandi allata. Excipitur, si talis Canonicus bona, siue res mobiles Prælati, qui decessit, occupasset, vel usurparet; nam isti expensæ refundi non debent, nisi quatenus excedunt quantitatem bonorum acceptorum, ut habetur c. ut præterita cit. & notat ibid. Laym. n. 10.

Si secundum, seclusa contraria consuetudine, tali Canonico expensæ in perfectionem non sunt præstandæ, vel refundendæ, sed sufficere, si de Prælatuæ redditibus præstentur sumptus, qui sunt in nuntium, à Capitulo expeditum ad significandum diem Electionis. Ratio est, quia c. ut præterita cit. jubentur solum refundi expensæ necessariae, non verò, quæ factæ sunt intuitu privati commodi.

Addi seclusa contraria consuetudine nam si alicubi vigeat consuetudo, ut Electoribus indiscriminatum omnibus solvatur certa quantitas de redditibus vacantis Prælatuæ intuitu sumptuum in negotio Electionis quo-



modocunque factorum, tolerari consuetudo hæc poterit; neque enim huiusmodi consuetudini aut Jus resistit, aut ratio. Nam quoddam Canonici Capitularibus ex officio, & ratione Canonici, seu præbendæ suæ incumbat Prælati Electio, non obstat; quia sæpè quid debetur ex officio, quod tamen non præstatur propriis, sed alienis, ejusque sumptibus, in cujus gratiam fit, Exemplum est in Procuracionibus, quæ debentur Episcopo ratione Visitationis, licet visitare Diocèsim ex officio suo debeat.

- 27 Quæritur 6. an Elector absens possit Procuratorem constituere, qui suo nomine, & loco eligat? Resp. ordinariè & regulariter non posse, sed id permissum solummodo est iis, qui iusto impedimento prohibiti sunt ad Electionem venire, nec omnibus, sed illis duntaxat, qui sunt absentes in loco, ex quo possint, & debeant vocari ad Electionem, prout statuitur *c. quia propter* 42. §. *illud autem h. tit.* Neque obstat, quod in aliis negotiis possit quis ordinariè suo loco constituere procuratorem, etiam si non sit impeditus, quo minùs per se agat, vel intersit *l. procurator* 1. §. *usus* 2. ff. *de Procurat.* nam hoc in Electionis negotio speciale est, cum ibi videatur electa industria personæ ipsius eligentis, ut notat Pirh. *hic num.* 145.

Dixi autem 1. ordinariè, & regulariter; excipitur enim, si in constitutionem Procuratoris Capitulum consentiat; nam *cit.* Constitutio *c. quia propter* in favorem Eligentium facta est, cui proinde isti renunciare possunt.

Dixi 2. iis, qui iusto impedimento prohibiti sunt &c. Tale censetur gravis infirmitas, detentio ab hoste, non tunc accessus ad electionem propter itinera infesta ab hostibus, vel paratas sibi ab inimico insidias, evocatio ad alius Tribunal, & alia prudentis viri arbitrio æstimanda Gloss. in §. *illud autem cit.* V. *venire*, & ibidem DD.

Dixi 3. qui possunt, & debent vocari ad Electionem; nam si quis impediatur venire, quia Excommunicatus, suspensus, aut interdictus est, Procuratorem loco sui constituere nequit; quia absurdum est illos admitti, quorum repellerentur authores. Similiter constituere Procuratorem non potest, qui abest in loco, unde ad Electionem vocari non debet; quia hic non plus juris dare procuratori potest, quam ipse habeat. igitur cum ipse expectari non debeat, neque Procurator ejusdem ad Electionem debet admitti.

- 28 Quæritur 7. quid observandum tum Procuratori, tum constituenti Procuratorem? Resp. 1. Procurator ab Electore absente, & Legitimè impedito constitutus debet esse de Collegio eorum, qui eligere debent, ut habetur §. *illud autem cit.* Possunt tamen Capitulares, si velint, etiam extraneum Procuratorem admittere, modò aliàs idoneus sit; Jure enim in favorem suum concessio uti possunt, vel eidem renunciare. Pirh. *hic n.* 148.

2 Constitui possunt ab ita impedito Electore Procuratores unus, vel plures, ita tamen, ut quando plures constituuntur, Electionis potestas singulis committatur in solidum, sive ita, ut unus sine altero eligere possit; quo casu locus erit præventioni, & ille admitteatur, qui priùs petierit admitti ad Electionem; si verò nullus præveniret alterum, præferetur is, in quem major pars Capituli consenserit. Si major pars Capituli in unum non consentiat, præferendus ille est, qui in litteris Procuratoriis priùs est nominatus, prout statutum est *c. si quis* 46. *h. tit. in 6.*

3 Huiusmodi Procurator jurare debet in animam sui principalis, quoddam is impeditus venire non possit, expressa causa impedimenti §. *illud autem cit.* & ibi Innoc. *n.* 11. ideoque opus est, ut Principalis det speciale mandatum Procuratori jurandi in animam suam. Excipe, nisi impedimentum sit notorium, vel juramentum unanimi omnium consensu remitteretur à Capitulo, in cujus favorem est introductum. Abb. in §. *illud autem cit.* *n.* 4.

4 Si unus tantum Procurator, isque è Capitulo constitutus sit ad eligendum simpliciter, duo quidem dare suffragia potest, unum suo, alterum principalis sui nomine, non tamen potest alium suo, alium nomine principalis eligere, ut habetur *c. si quis* 46. §. *porro h. tit. in 6.* Ratio est, quia qua conscientia suo, eadem alieno nomine eligens, digniori utroque casu suffragium dare debet; nequit autem ex duobus altero melior judicari uterque, ergo &c. Addidet autem, *si sit simpliciter constitutus ad eligendum*, videlicet cum mandato generali; nam

5 Si Procurator constitutus habeat mandatum speciale à domino de certa persona eligenda, illam, de qua expressum mandatum habet, eligere debet nomine procuratorio, suo autem nomine alium eligere licet poterit, prout dicitur §. *porro cit.* Ratio est, quia tali casu potius ipse principalis elegisse censetur, Procurator autem videtur solum constitutus ad præsentandum illius votum.

6 Procurator constitutus cum mandato generali potest etiam compromittere; quia huiusmodi mandato Jus eligendi totum in ipsum translatus censetur, ut adeo in electionis negotio possit omnia, quæ mandans posset, si præsens foret, atqui iste posset compromittere. ergo &c. Secus, si habeat speciale mandatum de certa persona eligenda; nam iste consentiendo in aliam, à Compromissariis fortè eligendam, excederet fines sui mandati. Gloss. in §. *porro cit.* V. *de certa.*

7 Procurator constitutus ad certam personam eligendam, vices suas subdelegare alteri potest; quia parum refert, an per se, vel per alium suffragium conferat in personam nominatam. Gloss. *cit.* Non autem hoc potest, si habeat mandatum generale, nisi id mandato insertum sit; qui censetur electa esse industria, & discretio personæ. Pirh. *hic n.* 150. V. *ceterum.*

29 Quæritur 8. an casu, quo nemo è Capitulo velit suscipere mandatum Procuratorium eligendi pro absente, & impedito accedere ad Electionem, Capitulum teneatur consentire, ut constituatur Procurator extraneus? Resp. negativè. Ita statutum est *c. si quis* 46. §. *fin. h. tit.* Quare hoc casu suffragii amissionem Elector absentis suæ, & istius causæ imputare debet, non verò Capitularibus cæteris; quia hi respuendo extraneum, & recusando mandatum procuratorium Jure suo utuntur: in primo quidem; quia secreta sua extraneo communicare non tenentur *arg. l. mercatores* 4. *C. de Commenc. & mercat.* in altero autem; quia ad suscipiendum Procuratoris munus cogi nemo invitatus potest, *l. invitatus* 17. *C. de Procurat.*

Dubium est, an tali casu Elector absens saltem non possit suffragium suum mittere, & dare per litteras? Resp. non posse; quia secundum formam eligendi præscriptam à Concil. Later. *c. quia propter* 42. *cit. h. tit.* non ante scrutinium, sed in ipso scrutinio suffragia secretè, & sigillatim exprimenda, seu data sunt, ut dicitur §. *fin. cit.* sed is, qui per litteras dat suffragium suum, dat illud ante scrutinium; nam si ipsum antè mori contingat, evidenter patet, eum suffragium non dare, sed dedisse.

Excipitur 1. si forma scrutinii in aliqua electione non sit accuratè servanda, ut sit in Electionibus Regularium, quæ sunt per schedulas obsignatas in utramque conjectas; nam in his nihil obstat suffragium ita scriptum ab absente, vel infirmitate detento mitti ad Capitulum, ut notat Laym. in *c. si quis cit. n.* 2.

Excipitur 2. si per fraudem, vel conjurationem nemo è Collegio velit loco absentis, & impediti partes Procuratoris suscipere; tunc enim absens conqueri poterit de injuria, & contemptu, & petere, ut rescindatur electio, cum omnis fraus ab Electione longè abesse debeat. Pirh. *hic n.* 151.

#### §. I V.

De Electionis Loco, Tempore, & Tractatu prævio.

#### S U M M A R I U M.

- 30 In quo loco sit instituenda Prælati Electio?
- 31 An institui possit etiam in Ecclesia interdicta?
- 32 Vel in loco occulto?
- 33 Quando celebrari Electio debeat?
- 34 Intra quod tempus?
- 35 Quando tempus istud incipiat currere?
- 36 An abbreviari possit?
- 37 Quæ sit pœna statuto tempore non eligentium?
- 38 Quid sit tractatus, qui aliquando præmitti solet Electioni?
- 39 An necessariò præmitti debeat?
- 40 An fieri vivente adhuc Prælati?
- 41 Quid dicendum de Capitulationibus?
- 42 Utrum ista Juramento firmantur?



30 **Q**uæritur 1. in quo loco sit instituenda Prælati Electio? Resp. 1. Electio fieri debet ab Electoribus in uno loco simul congregatis, ut constat ex *c. cum terra* 14. *h. tit.* Ratio desumitur ex generali Regula, sumpta ex *l. sicut* 7. §. *si quid* 1. ff. *quod cuiusque universi. nom.* quia videlicet actus Universitatis, qui gerendus est ab aliquibus, non ut singulares personæ sunt, sed ut Collegium, seu universitatem constituunt, non potest expediri ab iisdem, nisi ut collegialiter congregatis. talis actus Collegialis est Electio. ergo &c.

2 Electio Episcopi juxta Constitutiones Canonicas, si fieri potest, peragi debet in Ecclesia viduata, prout habetur *c. quod sicut* 28. *in princ. h. tit.* In hac autem celebrari censetur non solum, si in ipso ejus choro, vel navi, sed etiam si in Sacristia, vel in consueto Capituli loco, aut alio conclavi, & loco honesto intra Ecclesiæ ambitum sito, juxta consuetudinem cuiusque Ecclesiæ celebratur, ut aliis *citt.* notat Passerin. *de Elect. c. 12. num. 1.*

3 Si extra propriam Ecclesiam fiat in loco alieno, multum interest, an fiat ex causa rationabili, an verò justa causa non intercedente. Si primum, Electio sic facta valida simul, & licita est, modò in locum, ubi sit, Capitulares consentiant. Si secundum, juxta probabilem sententiam, valida quidem est, sed tamen per sententiam irritari poterit, quippe facta contra præscriptum SS. Canonum *arg. c. quanquam* 18. *ibi vel per sententiam h. tit. in 6.*

4 Distinguendum etiam est inter causas, ex quibus extra consuetum locum celebratur Electio; nam siurgens necessitas istud petat, v. g. quòd pestis ibi grassetur, vel quod locus ille accedi, & Electio ibi celebrari nequeat sine periculo probabili inferendæ violentiæ, sufficit, quòd major pars Capitularium conveniat, vel si periculum sit in mora, etiam minor, & constituto loco Electionis, ad eum vocet Electores ceteros absentes. At si extra locum consuetum celebratur Electio solum ob majorem commoditatem, ad hoc statuendum convenire debent duæ partes Capitularium, & quem locum major pars præsentium elegerit, ad eum conferre se etiam absentes debent, nisi unus, vel plures contempti fuerint, seu non vocati, qui contemptum suum prosequendo acta rescindi petant. Pirh. *hic num. 242.*

31 **Dub. 1.** An celebrari Electio etiam in Ecclesia interdicta possit? Rationem dubitandi facit *c. ubi periculum* 3. §. *porro h. tit. in 6.* ubi statuitur, ut casu, quo *Pontifex moritur extra Civitatem, in qua erat cum Curia sua residens, Cardinales in civitate, in cujus territorio, seu districtu idem Pontifex obiit, teneantur convenire ad electionem novi Pontificis, nisi sit forsitan interdicta.* igitur si interdicta sit, ibidem Electio celebrari non poterit; jubentur enim eo casu, *ut in alia viciniori, conveniant, que similiter Interdicto non subjacet.*

Verum hoc non obstante, dicendum, etsi Interdictum Ecclesiæ præbeat Capitularibus rationabilem causam Electionem instituendi alibi, id tamen non obstat, quin eligi Episcopus, vel Prælati inferior possit etiam in ipsa Ecclesia interdicta, ut cum communi advenit Abb. *in c. adhuc* 1. n. 33. *de Postul. Prælat.* & rationem dat, quia per Interdictum solum suspenduntur Divina, & Ecclesiastica Sacramenta, non verò contractus, & obligationes, quas inter est Electio legitime facta, & acceptata.

*Ad Textum in ratione dubitandi allegatum* respondet idem Abb. *l. cit.* illud esse speciale in Electione Papæ, quod proinde ad Electionem Prælatorum inferiorum trahi non debet: deinde ibi non dicitur, quòd Electio Pontificis in tali Ecclesia celebrata reddatur nulla: imò mero Jure tenet, ut cum eodem Abb. advertit Gloss. *ibid. V. interdicta.*

32 **Dub. 2.** an valeat Electio facta in loco occulto, seu clandestina? Resp. cum distinctione; nam quatuor modis clàm celebrari Electio potest. 1. Clàm tantum coram extraneis, si celebratur in loco occulto, à Capitularibus tamen legitime congregatis: & hoc casu facta Electio, si in alio non deficiat, valet; imò clandestina propriè non est; cum clàm factum dici non possit, quod etiam in loco abdito, omnibus Capitularibus cum Capite suo præsentibus, factum est.

2 Clàm coram majore parte Capitularium, si ad eam celebrandam conveniunt privato conventiculo vel aliqui tantum, vel minor pars Capitularium, aut saltem ad

constituendam Capitulari potestatem non sufficiens, ceteris nec monitis, nec vocatis: & ista Electio ob defectum vel Capitularis potestatis, vel justis suffragiorum numeri ipso jure est irrita *c. quia propter* 42. *in princ. h. tit.* & ibi Abb. *num. 12.*

3 Si omissa sit scrutinii publicatio, aut quæ hanc sequi debet, communis Electio: & hæc iterum irrita est; quia tam publicatio, quàm communis Electio ad formam scrutinii substantialem pertinet, ut infra dicitur *num. 50.*

4 Si ritè quidem sit facta, sed ita secreta habetur à Capitularibus, ut Clero, & populo solemniter non publicetur: hæc valida est; qui sollemnis publicatio ad formam substantialem Electionis non spectat, sed ex causa omitti, vel etiam usque ad confirmationem differri potest, ut aliis *citt.* notat P. Vviestner *hic n. 120*

**Quæritur 2.** quando celebrari Electio novi Prælati debeat? Resp. Regulariter celebrari Electio non debet ante defuncti Prælati sepulturam, & tertium Dispositionis diem, nisi urgeat necessitas, vel consuetudine aliud obtentum sit. *can. nullus* 7. *dist. 79. & c. bona* 36. *vers. Electionem h. tit.* juxta quos textus antè facta Electio, nulla justa causa hoc exigente, non quidem irrita est ipso Jure, irritari tamen per sententiam potest.

Post sepulturam Prælati, & tertium depositionis diem deligere sibi Capitulares tempus quodcumque possunt usque ad terminum à Jure præfixum, & concessum ad Electionem. Neque obstat, etsi dies Electioni statutus sit feriatus, ut cum communi advertit Passerin. *de Elect. c. 13. n. 45.* quia est actus Extrajudicialis, & quidem spiritalis, spectans pietatem, favoremque Ecclesiæ.

De nocte tamen facta electio, etsi Jure ipso non sit irrita, (cum nullo Jure expressum sit) rescindi tamen, & irritari potest per sententiam Judicis, ob suspicionem fraudis, cui actus publici, de nocte celebrati, obnoxii sunt, nisi suspicionem hanc necessitas, quæ festinationem Electionis urgeat, sufficienter purget: quo casu tamen diurnæ lucis defectum supplere debebunt sufficientia Luminaria, ut cum aliis monet Pirh. *hic n. 253.*

**Dub. 1.** intra quod tempus electio novi Prælati fieri debeat? Resp. in Ecclesiis Cathedralibus, & Regularibus differri non debet ultra tres menses; in aliis Prælaturis, Dignitatibus, & Beneficiis non ultra sex. Primum statuitur *c. ne pro defectu* 41. *h. tit.* alterum colligitur ex *c. nulla* 2. *de concess. præb.* Ratio discriminis est, quia Episcopi, & Prælati regulares, etsi à Jurisdictione Ordinationum suorum exempti non sint, Jurisdictionem ordinariam, & generalem Ecclesiasticam etiam fori externi in Clericos, & Religiosos, aliosque sibi ita subiectos habent; ut proinde meritò constitutum sit, ne datum ex diuturniore vacatura patiantur Ecclesiæ, ut ultra trimestre novi Prælati electio non differatur: quæ ratio non pugnat in aliis Prælaturis secularibus, Episcopatu inferioribus; quia istæ Jure communi, & Ordinario, seclusis specialibus privilegiis, Jurisdictionem in Clericos Ecclesiarum suarum non habent, sed ea ad Episcopum spectat.

*Dixi seclusis specialibus privilegiis;* nam etiam tales Prælati ex Privilegio, vel præscriptione Jurisdictionem Ordinariam, & Generalem obtinere possunt, & eo casu, maxime si sint exempti, Electiones illorum ultra tres menses differri non possunt, ut cum aliis Interpp. & DD. advertit Abb. *in c. ne pro defectu cit. n. 5.* Ratio est, quia in his est adæquata rationis identitas; ubi autem ratio Constitutionis principalis locum habet, etiam locum habere debet ejusdem dispositio.

Neque obstat, quòd constitutio *c. ne pro defectu cit.* sit restrictoria anteriorum Canonum, & cons. odiosa, & pœnalis, adeoque, etiam propter identitatem rationis non extendenda ultra casus, & personas expressas; nam potius est favorabilis, cum principalis ejus intentio sit occurrere periculis animatum, & Ecclesiarum indemnitatibus providere, ut optimè notat Pirh. *hic n. 244.*

**Dub. 2.** quando incipiat currere hoc trium, vel sex mensium tempus à Jure præscriptum? Resp. incipit currere à die notitiæ habitæ de vacatione, si ibi impedimentum non sit; aliàs à die remoti impedimenti: prout colligitur ex *c. ne pro defectu cit.* ubi Innoc. III. statuit, Electores eligendi potestate excidere, *si ab ipsis intra tres menses, cessante justo impedimento, non sit celebrata Electio.*



Ex quo sequitur 1. hoc tempus non currere ante, dum adhuc ignoratur vacatio. Ratio est, quia primæstre, vel semestire hoc à lege statutum est ad puniendam culpabilem moram, seu negligentiam. Sed dici non potest esse in mora, vel negligens, qui ignorat Prælatum vacare, ergo &c.

Sequitur 2. idem tempus non currere legitime impedito. Gloss. in c. quia diversitatem 5. V. suspensionis de concess. præb. ubi ait, quod tempus, in quo eligere quis non potest, non currit. Intelligendam autem hoc est de impedimento extraordinario, quod per accidens occurrit; nam si impedimentum sit ordinarium, temporis cursum non impedit, cum necesse plerumque sit, tempus aliquod intercedere, dum absentes vocentur, & veniant ad Electionem.

Sequitur 3. idem dicendum, etsi Capitulares ob propriam culpam in ejusmodi impedimentum, e. g. Censuras Suspensionis inciderint, & ideo eligere non poterint; adhuc enim ipsis tempus illud, quo durat ejusmodi impedimentum, numerari non debet, modò non fuerint negligentes in petenda absolutione; nam hoc si fieret, curreret & computaretur à tempore moræ commissæ in petenda absolutione. Gloss. V. cit.

Sequitur 4. id extendendum etiam ad casum, quo electio, aliàs canonicè facta, effectum non est sortita, quod Electus electioni consentire noluerit, vel postquam consensit, renuntiavit Juri suo, aut mortuus est &c., nam his casibus conceditur Electoribus integrum tempus ad aliam novam electionem celebrandam; tempus autem hoc computandum erit ab Electi dissensu, renuntiatione, morte &c. ut habetur c. si electio 26. h. tit. in 6.

Sequitur 5. id ipsum concedi Electoribus etiam in secunda, tertia, quarta, & ulterioribus electionibus, ut notat Pirh. hic num. 246. quia omnium par est ratio, modò nulla fraus eligentium interveniat.

36 Dub. 3. an tempus hoc trium, vel sex mensium restringi, & abbreviari possit? Resp. cum distinctione; vel enim tempus istud abbreviare volunt Electores ipsimet, & electioni faciendæ arctiorem constituere terminum, vel id facere intendit eorum Superior, e. g. Legatus Sedis Apostolicæ in Ecclesiis Cathedralibus, vel Episcopus in Ecclesiis inferioribus vacantibus sibi subiectis.

Si primum, id facere est in arbitrio Capitularium, modò in hoc convenientur duæ illorum partes, vel saltem major, & terminus non constituatur ita brevis, ut absentes, siqui sunt, electioni interesse commodè nequeant. Passerin. de elect. c. 13. num. 35. ubi rationem dat, quia Jus commune non prohibet electiones fieri intra tres menses, sed tantum præcipit non differri ultra illos: unde cum tempus hoc constitutum sit favore Collegii, renuntiare illi ex causa possunt Collegæ Electores.

Si secundum, potest id quidem Superior Papa inferior in casu necessitatis accelerationem poscens, non tamen extra illam, ut notat Abb. in c. 52. num. 1. & rationem dat, quia Jus eligendi, & terminus adeo amplius datus est Electoribus privilegio Papæ; non potest autem Legatus, vel alius Papa inferior lædere privilegium Papæ juxta Reg. 17. in 6.

Quodsi Capitulares sibi per Consensum Capitularum, aut Superior illorum ex causa necessitatis terminum Electioni breviorē statuat, eo lapsō Jus eligendi ad Superiorem non devolvitur, nisi simul præterierit etiam terminus præfixus à Jure: quod ipsum P. Vviestner hic num. 133. extendit etiam ad casum, quo terminus brevior statutus est ab ipso Pontifice, nisi, addiderit clausulam, quæ vel devolutionem importet, vel eligendi potestatem adimat.

37 Dub. 4. quæ sit pœna Capitularium per moram culpabilem non eligentium Prælaturam intra tempus Jure præfixum? Resp. privantur pro illa vice Jure eligendi, & hoc ad Superiorem devolvitur, qui intra tempus trium mensium, à die devolutionis numerandum, cum consilio sui Capituli, & aliorum virorum prudentum Ecclesiæ viduæ Pastorem idoneum providere Canonicè debet. Ita habetur c. ne pro defectu 41. h. tit. & docent ibid. DD. atque Interpp.

Dixi 1. privantur Jure eligendi, sc. ipso facto, nec requiritur alia sententia. Abb. in c. cit. num. 3. Hinc si post elapsum hunc terminum Capitulares eligant, Electio ipso Jure erit invalida, ob defectum potestatis ad Superiorem ipso Jure translata.

Dixi 2. ad Superiorem, sc. illum, qui debuisset electum confirmare; qualis est Pontifex respectu Episcopatum, & Prælaturarum, ipsi immediate subiectarum; Episcopus, vel alius Ordinarius respectu inferiorum, non exemptarum ab ejus Jurisdictione.

Dixi 3. cum consilio sui Capituli: hoc tamen requiritur non de necessitate, sed tantum de honestate, & æquitate, ut docet Gloss. in c. cit. V. consilio in fin. Ratio est, quia in his, quæ spectant ad Prælaturam Jure ad se devoluta, is non ita pender à Capitulo, sicut in iis, quæ ipsi competunt Jure, & potestate propria.

Dixi 4. Pastorem idoneum, & quidem è gremio Ecclesiæ, cui illum præficere debet; neque enim si idoneus adsit inter Capitulares illius Ecclesiæ, ipsis invitis obtrudere extraneum potest. Pirh. hic num. 251. Quodsi Electio ejusdem ex quocunque capite effectum non fortitur, non datur illi novum tempus ad aliam electionem faciendam, sed Jus eligendi reddit ad Electores ordinarios; quia hi pro una tantum vice illo Jure privati sunt.

38 Queritur 3. de Tractatu prævio, qui in aliquibus Ecclesiis præmitti solet ab Electoribus. Agitur in hoc vel de persona eligenda in genere, vel quædam personæ nominantur, & proponuntur Capitulo, quæ dignæ videntur ad Prælaturam. In eodem capitulariter deliberatur, quam eligendi formam, & modum eligentes observare velint. Inò in quibusdam Electionibus fit Capitulationio continens varios articulos, Ecclesiæ Regimen, rerumque, & Jurium ad eam pertinentium administrationem concernentes, cujus Capitulationis observantiam Capitulares singuli in casum, quod ipsi eligantur, jurati promittunt.

39 Dub. 1. an Tractatus, quo deliberatur de persona eligenda, necessariò præmitti Electioni celebrandæ debeat? Affirmat cum quibusdam aliis Donat. tom. 2. præf. Regul. tr. 1. q. 11. num. 3. ita ut puer, eundem pertinere ad formam substantialem electionis, nec per consuetudinem ejusdem necessitatem abrogari posse. Moventur isti AA. 1. can. in nomine 1. dist. 23. ubi præcipitur tractatus iste præmitti electioni Pontificis. 2. c. cum inter 21. c. quod sicut 28. & c. in causis 30. h. tit. in quibus ejusdem tractatus fit mentio. 3. c. cum in veteri 52. & c. in Genesi 55. ubi electiones sine prævio tractatu celebratæ à Papa sunt cassatæ. 4. addunt rationem, quia Electio est unius præ cæteris assumptio; huic autem locus non est sine tractatu prævio, cum sine isto Capitularibus nequeat innoscere, quis cæteris præferendus sit.

Sed melius ejusmodi tractatus ad substantiam Electionis non pertinet, spectato Jure communi docet Laym. in c. 42. h. tit. num. 1. Passerin. de Elect. c. 5. num. 65. Pirh. hic num. 191. Vviest. num. 145. Ratio est, quia antiquo Jure ejus necessitas non est expressa; novo autem Trid. sess. 25. c. 6. de Regul. formæ, quæ Regularium Electionibus ibidem præscripta est, non congruit, quippe quæ Scrutinium omnino secretum exigit, ut vocalium suffragia non revelentur. Ex quo sequitur tractatum istum per consuetudinem contrariam abrogari posse, prout in multis Ecclesiis abrogatus est.

Neque contrarium probant Argumenta allata. Ad 1. ab Electione Pontificis ad alias argumentum non licet ducere, cum illa multa alia habeat, quæ sunt singularia. Ad 2. c. cit. mentio quidem fit prævii tractatus, sed ex iisdem non probatur, quod is pertineat ad substantiam, & valorem Electionis, sed tantum, quod electionibus præmitti possit. Ad 3. c. 52. cit. fuit quidem cassata electio propter omissionem prævii tractatus: causa autem fuit, non quod de Jure sit necessarius, sed quia speciali mandato Papa ibi præcepit, ne electio fieret sine consilio duorum Abbatum, & unius fratris Ordinis Prædicatorum, & aliter factam electionem irritavit. c. 55. cit. autem Tractatus, nomine non intelligitur ille, qui præmittitur de persona eligenda, sed collatio, post scrutinium faciendam, in qua discutiendum est, an numerus votorum respondeat numero vocalium: propter hujus igitur collationis defectum, & quod Electio non sit facta collegialiter, ipsa cassata est, ut textum consideranti facillè patebit. Ad 4. Ratio ibi allata vim magnam habet, si electio de extraneis, & omnino ignotis personis fiat; exiguum tamen, si ea, ut ferè solet, celebretur de notis, multoque usu probatis, & collegialibus.

40 Dub. 2. an vivente Prælo, Capitulares possint collegialiter tractare de electione Successoris, citando videlicet,



cet, aut vocando Electores absentes, statuendo aliquid circa personam eligendam, locum, aut tempus Electionis, quo electores ad proximam Electionem convenire debeant &c. Resp. Negative: estque talis tractatus omnino irritus, ita ut citati etiam post Prælati obitum comparere vi talis citationis non debeant, prout liquet ex *c. bonæ 36. h. tit.* & probat ratio; nam ante mortem Prælati Canonici potestas eligendi, vel aliquid ad Electionem pertinens statuendi non competit, quippe quam habent primùm vacante Sede, Neque obstat Regula desumpta ex *c. de uxore 7. de sepultur.* quod dispositio facta tempore inhabili subsistere possit, si confertur in tempus habiles; nam Regula ista locum non habet, quando ita disponens tempore inhabili omnino caret facultate disponendi, sicut in casu nostro Capitulares carent vivente Prælato. Hinc potius in eo locum habet *Reg. 29. ff. de R. l.* quod initio vitiosum est, non potest tractu temporis convalescere.

Dixi *Capitulares*; nam ipse Prælatus, dum adhuc vivit, potest cum suis Capitularibus decernere aliquid ad tempus, locum, aut formam electionis pertinens; quia ipse potestatem statuendi habet: imò potest ante mortem suam convocare Electores, eos monere, ut concordēs sint, proponere ipsis certam personam idoneam, & de ea eligenda cum illis consultare, ut notat Pirh. *hic n. 120.* Electores tamen huiusmodi consultatione non ligantur, sed possunt ab ea recedere, & alium, quàm qui ipsis propositus est, eligere, cum Episcopo non sit permissum successorem sibi statuere.

Addidi *capitulariter*; nam extra Capitulum; imò etiam in Capitulo incidenter, & veluti per accidens de Successore post mortem Prælati senis, vel infirmi eligendo mentionem facere non est illicitum, modò non interveniat conventio, vel promissio de certa aliqua persona eligenda, ut aliis *cit.* advertit Pirh. *hic l. cit.* Ratio est, quia huiusmodi mentio non fit per modum tractatus Capitularis, cum non fiat definitivè.

<sup>41</sup> Dub. 3. an validus sit tractatus, quo à Capitularibus Congregatis super quibusdam articulis ab Episcopo, vel alio Prælato eligendo observandis ante electionem convenitur? Videtur esse validus 1. quia ita habet generalis, & immemorialis Germaniæ nostræ consuetudo, neque probari potest, quòd ista consuetudo sit, aut Legi Divinæ, aut naturali contraria. 2. quia Capitulum Sede vacante potest statuta condere, quæ ad Ecclesiæ bonum, vel utilitatem spectant. 3. quia eadem Sede vacante potest revocare res Ecclesiæ à Prælato defuncto malè alienatas, & alia ab eodem in præjudicium ejusdem, vel Mensæ Episcopalis perperam gesta, igitur multò magis per præviam Capitulationem cavere, ne à Prælato eligendo tale aliquid attentetur. 4. Si Electus non ligaretur ejusmodi Capitulationibus, ideo non ligaretur, quia hic statuta à Capitulo, & Antecessoribus facta revocare potest. atqui hoc non probat; quia ejusmodi Capitulationes non sunt propriè Statuta, sed conventiones, mutuo ipsius Electi, & cæterorum Capitularium consensu liberè initæ, quas revocare, altera parte invita, nec Papa potest, cum obligatio illarum sit naturalis.

Difficultas solvi distinctione potest: Vel enim ejusmodi Capitulationes in præjudicium Ecclesiæ, aut Electi tendunt, vel nullum ejusmodi præjudicium eidem afferunt, *Si secundum* contingat; & e. g. in capitulatione injungatur Electo, ut invalescentem in Diocesi pravam consuetudinem tollat, Clerum reformet, Seminatum erigat, vel aliud quid faciat, ad quod ex Pastoralis suo officio obligatur, Capitulatio ejusmodi tenet; quia his Electo nullum infertur gravamen, sed tantum admonetur officii sui, & ad id dignè gerendum excitatur. *Si primum* fiat, & per ejusmodi Capitulationes immutetur Ecclesiæ status, restringatur Electi Jurisdictio, & diminuantur Jura ad ejusdem Mensam spectantia, eaque vel ipsis Capitularibus, vel aliis tribuantur, illæ invalidæ sunt, prout clare patet *ex toto tit. ne sede vac.* Ratio est, quia Sede vacante Ecclesia, ejusque Prælati caret legitimo defensore, qui ejus res, & Jura tueatur: unde ut de his aliquid decerni possit, expectandus est Successor. *Conf.* quia Episcopus est Capituli Superior. huic autem ab inferiore Leges, & onera imponi nequeunt, & multo minùs res, ac Jura ejusdem restringi.

Ex quo patet *Ad 1.* nam pro modo distinctionis datæ valet, vel non valet Consuetudo hæc Capitulationum.

*Ad 2.* Capitulum Sede vacante potest Statuta condere, non tamen talia, quæ præjudicium Successori afferant. *Ad 3.* cavere Capitulum potest, ne aliquid à Prælato contra utilitatem Ecclesiæ attentetur; nequit autem ejus Jura diminuere, & multo minùs de ejus mensa sibi aliquid applicare, ne in facto proprio auctoritatem sibi præstet. *Ad 4.* Conventiones, & pacta etiam Episcopum ligant, non tamen illa, quæ per SS. Canones sunt irritata, quales sunt Capitulationes præjudiciosa Ecclesiæ, vel Electo.

Dub. 4. an Capitulationes, de quibus in primo responsionis *Num. præc.* datæ membro dictum est, firmentur Juramento? Videtur Juramentum istud saltem inducere obligationem Religionis à paritate cum Juramento, quod facit mutuarius feneratori de Usuris solvendis, aut deprehensus à prædone de solvendo lytro.

Sed tenendum tanquam indubitatum, quòd ejusmodi Juramenta non solum Capitulationes istas non firment, sed nec obligationem Religionis inducant. Patet ex *c. sicut 27. de Jurejur. c. contingit 1. eod. in 6.* & novissimè ex *Const. S. Pii V.* incipit *Durum* edita prid. *Calend. Jun. 1570.* *Greg. XIII.* incipit *inter Apostolicos* edita *Nonis Sept. 1584.* & *Innoc. XII.* incipit *Ecclesia* 22. *Sept. 1695.* publicata, ubi ejusmodi Capitulationes, & Juramenta iis adjecta declarantur irrita, si verò, qui ista scienter præstiterint, usu & commodo rei, cujus causa juraverunt, eo ipso privantur, adjectis aliis Excommunicationis, Suspensionis, & Interdicti pœnis. Ratio est, quia tale Juramentum, ut ex *num. præc.* colligitur, est de re illicita; tale autem Juramentum non obligat. Ex quo sequitur, quòd Electus postmodum ejusmodi Capitulationi licitè contravenire, etiam non petita Juramenti relaxatione, possit; quia relaxatio supponit obligationem, quæ relaxetur.

*Ad Argumentum contrarium* negatur patitas; quia solutio lytri, vel usuratum non est illicita.

## §. V.

De Forma Electionis, & præcipuè de Forma Scrutini.

## S U M M A R I U M.

- 43 Electionis forma est triplex, per Inspirationem, per Scrutinium, & per Compromissum.
- 44 Quos actus contineat Scrutinium?
- 45 Quot, & qui Scrutatores esse debeant?
- 46 Quomodo instituendum Scrutinium?
- 47 Quomodo publicatio illius?
- 48 Quomodo Votorum collatio?
- 49 Quomodo communis Electio?
- 50 An hæc omnia sint substantialia Electionis.

<sup>43</sup> AD evitanda maxima pericula, quæ ex inventis variis eligendi modis Ecclesiis, & Monasteriis illata sunt, ab Innoc. III. in Concil. Later. quod refertur *c. quia propter 42. h. tit.* triplex Electionis forma est constituta, per Inspirationem Divinam, per Scrutinium, & per Compromissum. De primo Electionis modo nihil hic disputandum occurrit, præterquam quòd duplex esse Inspiratio possit, una, quæ verè à Deo est, altera, quæ quasi à Deo esse censetur. *Vera Inspiratio* tunc datur, quando persona Ecclesiæ præficienda per veram DEI revelationem designatur. Sic proditori Judæ suffectus est S. Matthias *Act. 1. v. 26.* sic, ut *can. statuimus 8. dist. 61. vers. his omnibus* refertur, B. Nicolaus ex Laico electus est in Episcopum; B. Severus ex lanificio assumptus est in Archiepiscopum; B. Ambrosius, cum nondum esset baptizatus, in Archiepiscopum est electus.

Quasi Inspiratio dari censetur, quando nullo præcedente tractatu de certa persona eligenda, Electores in loco solito congregati unanimiter omnes simul in unum abque contradictione, vel hæsitacione statim consentiunt, & conclamant. *Gloss. in c. perpetuo 7. h. t. in 6.* quia huiusmodi concors consensus proficisci præsumitur ex instinctu Spiritus S. qui unitatis, & concordie author est. De quo plura Barb. *in c. 42. cir. n. 31.* Mirand. *in Man. Prælat. tom. 2. q. 23. n. 42.* Passer. *de Elect. c. 1. q. 4.*

Alter modus per Scrutinium eligendi, ut maximè Ordinarius, ita etiam plus dubitationis habet, ut ritè censetur peractus. Forma illius hos parciales actus continet.

I. Ipsam



1. Ipsum Scrutinium, seu secretam suffragiorum per Scrutatores à Capitulo electos collectionem. 2. Scrutini publicationem. 3. Suffragiorum collationem. 4. Decretum Capitularis, seu communis Electionis, ejusque promulgationem. Hæc essentialia sunt, & propria Electioni per Scrutinium factæ.

Præcedere solent aliæ solemnitates accidentales tantum, & communes etiam cæteris Electionum modis. 1. Preces publicæ, & privatæ per Civitatem, & Diocesim indictæ pro impetrando bono Pastore. 2. Missa de Spiritu S. ipsa die Electionis celebranda, sub qua Electores, etiam Presbyteri, S. Synaxi refici solent. 3. Hymnus *Veni sancte Spiritus* clara voce in Electionis loco recitandus ab omnibus. 4. Protestatio, quæ interponitur à Capitulo Præfide nomine totius Capituli de non excludenda persona, quæ habilis, aut admittenda, quæ ad suffragium in Electione ferendum ex quacunque causa inhabilis sit. 5. Absolutio, qua Electores omnes ab Excommunicatione, aliisque Censuris in ordine ad effectum Electionis Canonice absolventur à Legato Apostolico, vel alio quodam præfente, & prædito tali potestate. 6. Denique, ut *num. 38.* dictum est, in aliquibus Ecclesiis præmittitur tractatus de persona eligenda, & modo electionis. His præmissis, in Electionis negotio hac methodo procedi solet.

45 I. Constituuntur Scrutatores: quod ut legitimè fiat, sequentia notanda sunt. 1. Debent esse tres, ut expresse habetur *c. quia propter 42. h. tit.* Excipitur, si ob paucitatem Electorum tot haberi non possint. *Sylv. V. Electio 2. q. 10. vers. secundum.*

2 Hi Scrutatores debent eligi ab Electoribus collegialiter convenientibus, & legitimè congregatis *c. quia propter cit.* Possunt autem eligi vel per Scrutinium, vel etiam per Compromissum: imò ut notat *Pirh. hic num. 162.* sufficit consensus Electorum tacitus, qui sit, cum tres ex illis scrutinium facere aggrediuntur, & reliqui præfentes non contradicunt, cum possent.

3 De Jure communi, ut ex *c. cit.* patet, debent esse de Collegio; quia præsumuntur melius procuraturi Ecclesiæ utilitatem, quam extranei. Possunt tamen ex consuetudine, vel etiam de voluntate Capitularium assumi etiam extranei, modò sint Clerici: & sic in nonnullis Germaniæ nostræ, præsertim Regularibus Ecclesiis, obtinere notat *Laym. in c. cit. n. 3.*

4 Debent esse viri fide digni, qui scilicet singulorum suffragia fideliter, & absque fraude exquirant, & secretum servant. Hinc consultum est, & in multis Ecclesiis usitatum, ut Scrutatores ante omnia in manibus ejus, qui Capitulo præest, vel ad id ab eo mandatum habet, Juramentum edant, quòd fideliter agere, & quæ secreta esse oportet, non revelare velint, ut cum aliis monet *Rodr. tom. 2. qq. regul. q. 52. a. 1.*

5 Non debent esse tales, qui ob potentiam, vel asperitatem vultus, aut morum sint formidabiles; aliàs enim ab his, adjecta causa, appellari posset, maximè si unus, vel plures ex illis, invitis Electoribus, aliquem promoveri vellent ad Prælaturam, ut notat *Gloss. marg. in c. 42. cit. V. de Collegio.*

46 II. Scrutatores electi, postquam ab Electoribus Juramentum receperint, vel ipsimet eos adjuraverint de digniore eligendo, prout non quidem Jure præscriptum, usu tamen receptum est, procedere debent ad ipsum Scrutinium, seuquisitionem suffragiorum.

Hæc ritè facta censbitur, si fiat 1. ordinatè. Ordo autem in praxi observatur iste: primò exquirunt Votum ejus, qui toti Collegio præest; deinde à seipsis mutuò, siquidem ex Electoribus sint, & Jus suffragii habeant: postea ab aliis Capitularibus præfentibus secundum gradum Dignitatis, vel Ordinem antiquitatis: & denique Votis omnium præfentium exceptis, siqui sint in eadem Civitate, vel clauistro infirmi, ita ut ad Capituli locum venire nequeant, & procuratorem loco sui non constituerint, debent Scrutatores ad eos accedere, & suffragio illorum exquisito, statim ad locum Electionis redire. Ratio, quare ante alios Scrutatorum Vota exquiri debeant, est, ne aliorum Votorum conscii sua ex illis vota instruere, & interdumpro arbitrari electionem ratam reddere, vel infirmare possint, ut bene advertit *Layman. l. cit. num. 6.*

2 Requiritur, ut Scrutinium fiat secretò: quod duobus modis potest contingere. Primus, & Tridentino

conformior est, ut unusquisque eligentium in schedula Votum suum scribat secretè, vel scriptum deferat, & tradat clausum scrutatoribus, ita ut nec ipsis notum fiat. Alter, ut singuli Electores, unus post alterum, nemine alio ex Capitularibus audiente, viva voce coram Scrutatoribus proferant Votum suum, illudque Scrutatorum aliquis excipiat scripto.

3 Requiritur, ut fiat diligenter. Porro diligentia hæc maximè requiritur in altero prædicto suffragandi modo, qui viva voce contingit; tunc enim duo ad eam pertinent. Unum est, ut Electores diligenter examinentur, ob quæ merita, quove Zelo hunc præ alio nominent, quæque sint qualitates nominati. Alterum, ut ipsi scrutatores, vel unus ex ipsis deputatus, vel Tabellio una cum ipsis adhibitus, aut loco ejus duo testes jurati, Vota, seu suffragia singulorum Electorum in scriptum redigant *c. quia propter cit. ibi in scriptis redacta*: quod fit tum ad faciliorem gestorum probationem, tum ad perpetuam rei memoriam, tum ne variationi locus sit.

III. Peracto Scrutinio, postquam omnia suffragia collecta, & in scriptum redacta fuerint, mox, i. e. in continenti, & nullo alio actu extraneo interposito, & Scrutatoribus, vel uno ex ipsis reliquorum nomine, vel si hi impediti sint; ab illis, quos Capitulum substituit publicatio eorum fieri debet, ut sciatur, quisnam, vel quanam electi fuerint. *c. quia propter cit.* Effectus publicationis istius est, quòd Electores post illam censeantur functi officio suo, ideoque Votum suum variare, & alteri dare regulariter nequeant, sed ad Collationem Votorum sit procedendum *c. publicato 58. h. tit.*

Dixi regulariter. Excipiuntur enim 1. electiones Monialium; nam in his, si in nullam duæ, sed tantum major pars in unam consentiat, minor pars variare, & illi, quæ à majore parte electa est accedere potest, modo hoc fiat in continenti, & nullo actu extraneo interposito, *c. indemitatibus 43. §. sanè h. tit. in 6.*

Excipitur 2. Casus, quo etiam in aliis electionibus, publicato scrutinio, appareat, quòd in duos æqualia, vel in nullum majora vota conspirent; tunc enim Electores communi consensu vel novum scrutinium inchoare, vel in aliquos compromittere, vel mutata sententia accedere possunt ad numerum ejus, qui plura, licet non sufficientia suffragia tulit, ut in *c. 58. cit.* docet *Abb. n. 7. Fagn. ibid. n. 37. Pirh. n. 176. Vviesl. n. 176. 175.* Ratio est, quia *c. cit.* variatio prohibita solum est, ne fiat præjudicium Electo, atqui hoc casu nemini sit præjudicium, cum nulli sit jus quæsitum. ergo &c.

Excipitur 3. si publicato scrutinio is, in quem major pars consentit, juri suo renuntiet, vel ob defectum certò appareat esse ineligibilis; tunc enim Electores variare, & minori parti dignum eligenti possunt accedere. *Abb. l. cit. Fagn. n. 40. Pirh. Vviesl. l. cit.*

IV. Post publicationem Scrutini Electores statim tenentur procedere ad Collationem Votorum, ut appareat, quis à majore, & saniore parte Capitularium electus sit. Hæc autem juxta *c. in Genesi 55. h. tit.* triplex est.

1 *Numeri ad numerum*, ut appareat, quot quisque suffragia habeat. Debent autem in numerum computari tantum illa, quæ pura, seu absoluta, & certa sunt; nam conditionata, alternativa, & incerta sunt ipso jure irrita *c. in electionibus 2. h. tit. in 6.* Et hinc si ex 12. Canonicis octo tantum purè, & absolutè tulerint suffragium, & horum quinque consenserunt in Titium, hujus Electio, tanquam à majore parte facta, sine novo scrutinio est promulganda, non habita ratione suffragiorum, quæ quatuor cæteri incerta, dubia, vel conditionata dederunt, cum ista habeantur pro non datis, ut notat *Gloss. in c. cit. V. residente.*

2 *Zeli ad zelum*, considerando ipsorum Electorum prudentiam, probitatem, intentiones, & motiva, ut constet, quis à saniore Capituli parte electus sit; nam, ut electio vim habeat, exigitur copulativè, ut & major, & sanior pars præfentis, & legitimè congregati Collegii in eundem consenserit, ut habetur *c. quia propter 42. c. in Genesi 55. & c. Ecclesia 57. h. tit.*

3 *Meriti ad meritum*, considerando scientiam, prudentiam, virtutes, aliasque qualitates Electorum, & comparando illa inter se invicem, ut sciatur, uter ex duobus electis sit dignior, & magis idoneus. *c. Ecclesia cit.*

Porro computationes istæ faciendæ sunt regulariter; nam



nam in quibusdam casibus sola collatio numeri ad numerum sufficit. Et quidem 1. in electione Summi Pont. nam ibi sufficit, si appareat, quod in unum duæ partes consentiant *c. licet 6. h. tit.*

2 In electionibus Abbatissarum; quia ob sexus istius ad quærimonas proclivitatem difficile foret Zeli ad Zelum, & meriti ad meritum collationem facere. *c. indemnitatibus 43. in fin. h. tit.*

3 In electionibus Regularium, etiam virorum, ubi in multis Ecclesiis sufficit collatio numeri ad numerum, tum quia ob perfectam probitatem eligentium, eorumque juramentum dubitare non licet, eum, qui à majore parte electus est, verè idoneum esse; tum etiam quia in ejusmodi electionibus plerumque ex privilegio Sedis Apostolicæ non observantur omnes conditiones requisitæ ad formam scrutinii *juxta Clem. 1. §. deum de V. S.*

4 Quoties duæ partes Capitularium in unum consentiunt *c. si quando 9. h. tit. in 6.* ubi dicitur, quod contra Electores, qui partem reliquam sic excedunt, vel contra eum, qui ab his electus est, à reliqua parte nihil opponi possit, quod votum extenuet, licet opponi possit; quod illud annullat.

5 V. Facta collatione, si Vota ita reperiuntur dispersa, ut vel duo æqualem numerum suffragiorum habeant, vel nullus à majore, & saniore Capituli parte electus sit, scrutinio illo cassato, ad novum est procedendum. Si verò appareat, quod vel omnes, vel major, & sanior pars in unum, eumque dignum consenserit, mox Decretum electionis formari debet, & omnium nomine ab eo, qui Capitulo præest, vel ab alio, per Capitulum deputato, publicè promulgari *c. quia propter 42. c. cum post petiam 46. h. tit.* A majori autem parte electus tunc censetur, quando in ipsum convenerint non tantum suffragia respectivè plura, sed quando pars absolutè, & respectu omnium cæterarum major, ut constat *ex c. Ecclesia 48. h. tit.* Et hinc casu, quo e. g. 30. sunt Electores, qui præsentés sunt electioni, vel voluissent, potuissent, & debuissent interesse (nam in numerandis suffragiis etiam contemptorum habenda est ratio) ut electio subsistat, Electus ad minimum debet habere pro se Vota 16.

Porro ratio, ob quam electio communis requiritur, est, quia sicut electio, & quodvis Decretum communis non valet, nisi sit collegialiter, seu in Conventu factum, & promulgatum, ita ad majorem solemnitatem electionis Canonica necessarium est, ut ea non per singulos consensus, seu suffragia, sed per unum commune Decretum totius Collegii nomine peragatur.

Modus formandi, & promulgandi hujusmodi Decretum communis electionis est, ut is, cui id ex officio incumbit, vel commissum est, querat, an placeat electum publicari, & si responderint Capitulares *Placet*, eundem palàm eliger, & pronuntiabit ejusmodi forma: *Ego N. nomine meo, & omnium eligentium, mihique consentientium, invocata gratia Spiritus Sancti, in Episcopum, vel Abbatem hujus Ecclesiæ N. eligo, & electum pronuntio, & coram vobis publico in nomine Patris, & Filii, & Spiritus Santi. Amen.* Tamen verò sufficiat, quod hæc publicatio in Capitulo coram Capitularibus fiat, tutum tamen est, ut monet Abb. *in c. 42. h. tit. nu. 16.* & in pluribus Ecclesiis usitatum, ut etiam populo per unum de Capitulo, vel per extraneum solemniter denuncietur.

5 Hæc omnia, ut *n. 44.* dixi, Substantialia sunt formæ electionis per Scrutinium: quod ita verum est, ut si vel unum omitatur, vel ordo immutetur, aut unum non in continenti sequatur alterum, electio sit cassanda, seu irrita declaranda, prout sumitur *ex cit.* hæcenus Juribus. Debet autem servari hæc forma, regulariter, & sccluso privilegio, vel consuetudine immemoriali contra, in electionibus non solum Episcoporum, sed etiam aliorum Prælatorum quorumcunque, ordinariam & generalem Jurisdictionem spirituales exercentium in suos subditos; quia etiam hi, licet in sensu latiori, non incongruè dici possunt Ecclesiarum suarum quasi Sponsi, ut colligitur *ex c. ne pro defectu 41. h. tit.* ubi Prælati hujusmodi Ecclesiarum, perinde, quæ Cathedralium, appellantur Pastores, & quando Ecclesiæ illorum per obitum, renuntiationem &c. ipsorum vacant, pro viduatis habentur. Ita Laym. *in c. 42. h. tit. n. 11.* Fagn. *ibid. n. 9.* & apud hunc plures alii.

Pœna non eligentium secundum præscriptam formam

Scrutini duplex est. 1. quod electio sic attentata sit ipso Jure irrita, cum actus sine forma non subsistat; intellige, in foro externo, si sequatur Sententia declaratoria; nam si à nemine impugnetur, & subsistit, & Electus, si confirmetur, est verus Prælati, nec tenetur in foro conscientie resignare ante sententiam Judicis, cum naturalis obligatio, atque Jus ortum ex eligentium consensu subsistat. Laym. *l. cit. n. 13.* 2. quod Electores ob formam Scrutini non observatam eligendi potestate pro ea vice priventur. Hæc tamen pœna non incurritur ipso Jure, sed per sententiam ferendam à Judice, ut cum Gloss. *in c. 42. V. priventur* DD. advertunt. Hinc ut *n. 41. hic* notat Piching. si Electores tali casu, antequam per sententiam privarentur, eligerent, eorum Votum validum foret, & electio subsisteret.

## §. VI.

## De Forma Electionis per Compromissum.

## S U M M A R I U M.

- 51 Quando fieri Electio per Compromissum dicatur?
- 52 Qualis requiratur consensus Compromittentium?
- 53 Quales Compromissarii, & quot numero?
54. 55 Quomodo fieri Compromissum possit?
- 56 Quot Vota requirantur in Compromisso?
- 57 An exquirendum, vel expectandum Consilium aliorum, si sub hac limitatione est compromissum?
- 58 An Compromissarii constituti ad eligendum etiam possint postulare?
- 59 An eligere aliquem ex seipsis?
- 60 An in Compromisso etiam requiratur communis Electio?
- 61 An Compromittentes teneantur recipere electum à Compromissariis?
- 62 Qualiter expiret Compromissum?
- 63 Ad quos devolvatur Jus eligendi, si Compromissarii elegerint indignum, aut non statuto tempore?
- 64 Quæ sit pœna compromissariorum eligentium indignum?

Hæc tertia Electionis Formæ est. Tunc fieri dicitur, 51 quando ii, quibus Jus eligendi competit, communi consensu facultatem eligendi Prælatum committunt aliis viris idoneis, ut nomine, & vice omnium Ecclesiæ viduatur de Pastore provideant. Ita habetur *c. quia propter 42. vers. vel saltem h. tit.* Sic electi Compromissarii appellantur.

Queritur 1. qualis requiratur consensus Capitularium 52 compromittentium? Resp. debet esse consensus expressus, & quidem unanimis: Unanimis quidem; quia nemo invitatus Jure, & voce sua privandus est; & quod omnes tangit, ab omnibus approbari debet, ut habetur *Reg. 29. in 6.* Hinc quilibet potest contradicere, ne electio fiat per compromissum, ita, ut constitutum omnium cæterorum consensu invalidum omnino sit, si vel unus dissentiat, ut notat Gloss. *in c. 42. h. tit. V. vice omnium.* Abb. *in c. 30. eod. n. 3.* cum aliis, & colligitur *ex c. 30. cit. ibi à singulis de Capitulo statutum est.* Expressus autem esse debet; neque enim sufficit consensus interpretativus, si sc. Capitularis taceat, & expressè non contradicat, ut docent Abb. *l. cit. Sylv. V. Electio 2. q. 12. Pirh. hic n. 204.* Ratio est, quia in rebus tam gravibus, qualis in proposito est electio, taciturnitas non habetur pro consensu. Excipitur, si major, & sanior pars Capituli judicet utile fore, ut electio fiat per compromissum; tunc enim etsi unus, vel pauci non consentiant, modò expressè non contradicant, cum possent contradicere, propabiliter valeret Compromissum, ut notat Laym. *in c. 30. cit. n. 3.* quia non est magni præjudicii, ideoque taciturnitas pro consensu reputabitur.

Queritur 2. quales Compromissarii esse debeant, & quot numero? Resp. 1. debent esse viri idonei, & quidem Clerici, non Laici. Abb. *in c. 8. h. tit. n. 5.* Ratio est, quia Laici negotia Ecclesiastica tractare non debent. 2. Non debent necessariò esse de Capitulo, vel Collegio, sed possunt esse etiam extranei, modò tales sint, de quibus præsumptio, ac spes sit, quod Ecclesiæ de idoneo Pastore provisuri sint *c. causam 8. junct. Gloss. V. contulerint h. tit.* Ratio est quia etiam extraneis potestas eligendi, saltem pro una vice, communicari potest. *c. scriptum 40. eod. 3.*



ead. 3. Licet ferme usitatum, & consultum sit, ut Compromissarii sint numero impares, quod ita facilius obtineatur majoritas suffragiorum; compromitti tamen potest etiam in pares numero, ut colligitur ex *c. cum in veteri* 52. h. tit. 4. non debent necessario esse plures, sed compromittere Electores etiam in unum possunt, præsertim Superiorem, ut factum est *c. causam cit.* ubi à Monialibus compromissum est in Episcopum.

54 Quæritur 3. quot, & quibus modis fieri Compromissum possit? Resp. Præcipue duobus modis videlicet aut absolute, aut limitate. *absolute* fit compromissum, quando potestas eligendi Compromissariis ita committitur, ut quemcumque idoneum, etiam extraneum, & qui non sit de gremio vacantis Ecclesiæ, pro arbitrio suo eligere, vel postulare possint. *Gloss. in c. cum dilectus* 32. V. de gremio h. tit. *Limitate* tunc fit, quando potestas eligendi Compromissariis datur cum restrictione, e. g. ut eligant unum de Capitulo, vel qui non sit ex Compromissariis; vel ut electio ab ipsis fiat adhibito certorum consilio; aut ut illum eligant, quem, requisitis secretò singulorum Capitularium Votis, invenerint à majore parte Capituli nominatum: qui ultimus compromittendi modus aliquo modo mixtus est; participat enim aliquid de Scrutinio, & aliquid de Compromisso; approbatur autem expressè *c. cum dilectus cit.*

55 Quæritur 4. an valeat Compromissum ita factum, ut Compromissarii teneantur exquirere Vota singulorum Capitularium & eum, quem à majore solum respectivè Capitularium parte nominatum compererint, eligere? Valere ejusmodi Compromissum, & Electionem inde secutam videtur colligi ex eo, quia Capitulares unanimi consensu possunt compromittere in unum, ut is eis nominet Prælatum idoneum, quem ipsi recipere teneantur, ergo possunt etiam compromittere communi consensu, ut is à Compromissariis eligatur in Prælatum, in quem major respectivè Capitularium pars consenserit.

Sed contra militat *c. sicut* 23. h. tit. in 6. aperta decisio, ubi statuitur non valere hanc formam Compromissi. Excipiunt quidam cum *Gloss. in c. cit. V. Concilium* electiones, quæ fiunt ad Dignitates, & Prælaturas minores. Sed *Laym. ibid.* probabilius tenet oppositum; quia universim secundum Canones nulla Electio Capitularis, etiam si secundum formam Scrutini non fiat, nec fieri debeat, immò nullum Decretum, quod à Collegio, vel Capitulo emanat, valet, nisi pars major totius Capituli, seu Corporis Congregati consenserit.

*Ad rationem dubitandi allatam in contrarium* negatur paritas: nam in casu *Ant.* Capitulares abdicant se potestate eligendi pro ea vice, illamque ex Juris concessione in unum transferunt. At in casu *Conf.* & nostro non abdicant se illa absolute, sed transferunt eam in unum, vel plures Compromissarios cum restrictione, ut juxta formam *c. quia propter* 42. h. tit. excipiant singulorum Vota: cum igitur hoc casu cum Compromisso concurrat forma scrutini, etiam requiretur, ut juxta hanc formam in eligendum concurrat major, & sanior pars Capituli.

56 Quæritur 5. quot ex Compromissariis in Electum consentire debeant, ut Electio illorum valeat? Resp. non esse necessarium, ut consentiant omnes in unum, sed sufficiet, si consenserit in illum saltem major eorum pars, nisi aliud in Compromisso expressum sit. *Abb. in c. cum dilecti* 32. h. tit. n. 2. ubi pro Regula statuit valere acta nomine communitatis, si in ea major ejusdem pars consenserit, aliis præsentibus, quamvis contradicentibus.

Dubium est, quid sentiendum de electione secuta ex Compromisso; quo ita Compromissum in aliquos est, ut illi eum eligant, in quem major respectivè pars Compromissariorum consenserit, e. g. si septem sint Compromissarii, ut is pro legitime electo habeatur, in quem consenserint tres illorum, cæterorum Votis dispersis in alios? Affirmat cum quibusdam *Fagn. in c. licet* 6. h. tit. num. 57. Melius cum aliis negant *Laym. in c. sicut* 23. h. tit. *Pithing hic num.* 212. Rationem dant, quia electio per Compromissum etiam est Capitularis; cum fiat nomine, seu vice Capituli concedentis potestatem. atqui secundum Canones, & Ecclesia praxin commune hoc est omni Electioni Capitulari, ut rata non sit, nisi in eam saltem major pars consenserit. ergo &c. Quare huc accommodari etiam potest *Reg. 79. in 6. juxta quam ne-*

*mo potest plus Juris in alterum transferre, quam ipsi competere dignoscatur.*

Quæritur 6. ad quid teneantur Compromissarii, quibus data est eligendi potestas cum ea limitatione, ut in hoc negotio cætarum personarum consilium requirant? Resp. tenentur in tractatu Electionis requirere consilium illarum personarum, & congruo tempore expectare responsum; aliàs Electio non valebit, prout sumitur ex *c. cum in veteri* 52. h. tit. Ratio est, quia si consilium eo casu non petant, transgrediuntur limites sui mandati, & non observant formam Compromissi; actus autem, qui forma non observata geritur, ipso Jure invalidus est *c. cum dilecta* 22. junct. *Gloss. V. irritum de Rescript.* quia illam non observans aliud quid, quam quod commissum est, agere videtur *l. diligenter* 5. in princ. ff. mandat.

Dixi 1. requirere consilium debent; nam sequi consilium possunt, vel non. Ratio est; quia universim consilium non obligat juxta *reg. nullus* 62. in 6. Dixi 2. in tractatu Electionis; peti enim debet, dum res adhuc integra est, & tam maturè, ut ii, à quibus petitur, habeant tempus sufficiens ad deliberatè respondendum. *c. cum in veteri cit.* & ibi *Gloss. V. requisitum.* Dixi 3. congruo tempore expectare responsum: quod si ita expectatum fuerit, & Consiliarii nolint, vel differant respondere, absque eo procedere ad electionem poterunt Compromissarii, si negotium moram non patiat, & mandans absit. *Abb. in c. cit. num.* 13. *Laym. ibid. num.* 7. ubi addit idem dicendum, si jussi aliorum consilium exquirere, consulete illos non possint, negotium verò differri nequeat, aut mandans consuli.

Quæritur 7. An Compromissariis, quibus simpliciter potestas eligendi data est, etiam potestas postulandi data censeatur? Resp. Affirmativè. Colligitur 1. ex *c. in causis* 30. h. tit. ubi postulatio Episcopi facta à tribus ex quinque Compromissariis, ad eligendum constitutis, approbata fuit, licet expressè non fuerint etiam constituti ad postulandum. 2. Ex regula recepta apud DD. quod qui potest eligere, etiam possit postulare. 3. Ex ratione, quia sub Electione etiam Postulatio intelligitur, tanquam accessorium sub principali. *Excipitur*, nisi facultas postulandi expressè à compromittentibus in Compromisso negata sit Compromissariis; nam ex illorum voluntate dependet extensio Compromissi.

Quæritur 8. an Compromissarii possint aliquem eligere ex seipsis? Resp. distinguendo: Vel enim unus tantum est Compromissarius, vel plures. *Si unus tantum*, is, et si Capitulares in ipsum compromiserunt absolute, & illimitate, seipsum tamen non potest eligere; quia hoc casu ab ipso ortum haberet Electio, & cons. is tanquam ambitiosus repellii posset. *Si plures*, communis DD. affirmat contra *Gloss. in c. 33. h. tit. V. ex se*, quod eo casu Compromissarii, si à compromittentibus non prohibeantur, aliquem ex seipsis possint eligere, ne Compromissarii munus ipsi damnosum fiat.

Dubium est, an si duo constituti sint Compromissarii, Titius v. g. & Cajus, & Titius det Votum Collegæ suo Cajo, iste consentire in seipsum, & si complere Electionem possit? Ratio dubitandi est partim, quia Dignitatem, & Beneficium Ecclesiasticum nemo accipere potest à seipso *arg. c. fin. de instit.* & *c. per nostras* 26. de Jur. patron. cum inter dantem, & accipientem debeat esse distinctio personalis: partim verò, quia qui suffragium dat alteri, judicat eum esse indignum; Judex autem, & testis in propria causa nemo admittitur. *l. un. C. ne quis in sua caus.* & *l. omnibus* 10. C. de testib.

Sed his non obstantibus, dicendum, posse Compromissarium, cæteris se eligentibus consentiendo accedere, & sic electionem sui complere. Ita clarè statutum habetur *c. cum in Jure* 33. h. tit. Ratio est quia tali casu Compromissarius primò, & principaliter non eligitur à se, cum electio ab ipso ortum non habeat; sed ab aliis, quibus consentiendo eandem complet. Neque refert, quod tali accessionis locus non sit in Scrutinio; quia in hoc suffragia debent esse secreta *c. quia propter* 42. cit. & propterea in eo votum sibi dans, cum se ab aliis electum non sciat, non tam sui Electioni consentire, quam se principaliter, & directè eligere censetur: quod sine vitio ambitionis fieri nequit. At in compromisso plerumque à Compromissariis vota dantur non secreta, sed audientibus cæteris Compromissariis, ut adeo votis aliorum in se collatis accedens ambitionis non



non possit argui : debet tamen eo casu ita accedens non dicere : *Eligo, vel coeligo meipsum, sed consensio electioni de me factæ*, sc. quæ in fieri est, & per accessionem huiusmodi compleretur ad maiorem partem.

Neque obstat ratio dubitandi. *Ad 1.* aliud est eligere, & præsentare seipsum ad Dignitatem, vel Beneficium; & aliud Electioni, vel Præsentationi suæ à Coelectore, vel Compatrono factæ consentire : primum Jura prohibent; posterius permittunt. *Ad 2.* talis aliorum de se iudicium, & testimonium datum solum acceptat, eique accedendo probat; & propterea accipientis potius, quam dantis rationem habet.

60 Quæritur 9. utrum etiam in Compromisso requiratur Communis Electio, qua unus ex Compromissariis electum à se, & cæteris promulget, sicut supra dictum est de scrutinio? Ratio dubitandi sumitur à paritate cum Arbitrio, ubi secundum statuta Legum Civilium pronuntiatio fit ab omnibus Arbitris Compromissariis simul. igitur idem videtur dicendum de Compromissariis in Electione.

Sed in contrarium stat aperta Juris decisio *c. sicut 21. h. tit. in 6.* Ratio eadem est, quæ in scrutinio; nam in hoc Electio communis fieri ab uno omnium vice, & nomine debet, quia est actus communis totius Capituli, arqui non minus actus Capitularis est Electio per Compromissum; nam vice, & nomine Capituli Compromissarii eligunt.

*Ad rationem dubitandi* negatur paritas; arbitris enim committitur causa, non ut Collegio, sed ut singulis, & idcirco vel omnes, vel nullus arbitrium pronuntiare debet, vel saltem unus nomine omnium, sed per verba pluralis numeri *Nos ita censuimus &c.* Aliud est in electione; nam illa fieri debet à Capitulo, seu Collegio, & propterea statutum est Jure Canonico, ut in hujus rei signum idipsum exprimeretur per verba singularis numeri.

61 Quæritur 10. an qui compromiserunt in alios, teneantur recipere ab his electum? Resp. Si Compromissarii observant formam Compromissi, & idoneum elegerunt; Compromittentes necessariò debent illum recipere. Colligitur *ex c. causam 8. & c. cum in veteri 52. h. tit.* & consentiunt DD. Ratio est, quia electus à Compromissariis censetur electus ab ipsis compromittentibus, quorum nomine ipsi eligunt. igitur sicut ipsi principales post electionem factam non possunt resilire, vel repellere electum, cum functi jam sint officio suo, & electo jus sit acquisitum, ita nec possunt recedere ab electione facta à Compromissariis illorum. *Conf.* nam si penes Compromittentes esset electum legitime à Compromissariis recipere, vel repellere; Compromissi exigua foret utilitas, nec per illud componerentur discordiæ, circa Electionem inter Electos ortæ, ad quas tollendas præcipuè inventa est via Compromissi.

Addidi autem *si observata sit forma Compromissi, & electus idoneus*; nam si elegerunt indignum, vel formam Compromissi non observant, Compromittentes repellere electum possunt: cuius ratio est, quia non censetur potestatem eligendi in Compromissarios aliter transfuisse, quam sub conditione, ut servant formam sibi præscriptam, & dignum eligant.

62 Quæritur 11. qualiter expiret, aut finiatur Compromissum? Resp. Tribus maximè modis. 1. Si revocetur à Compromittentibus; nam si res adhuc sit integra, & ad substantialia Electionis nondum processum sit, consensu majoris saltem partis Capituli revocari potest per argumentum à sensu contratio *c. in causis 30. §. quia verò h. tit.* Ratio est, quia Compromissum æquiparatur mandato procuratorio, quod ante contestationem litis revocare licet, etiam si citationes, & exceptiones fori declinatoriæ præcesserint, modò ad substantialia ipsius Iudicii processum non sit. ergo similiter revocari potest Compromissum. Proceditque hoc, etiam non petito ipsorum Compromissariorum consensu; nam hoc non est opus, nisi casu, quo in ipsorum Compromissariorum gratiam factum sit Compromissum.

2 Si lapsus sit tempus Compromissariis ad Electionem faciendam destinatum, vel conditio adjecta deficiat *c. cum in veteri 52. h. tit. & ibi Innoc. n. 4.* Ratio, est quia forma, seu conditio præscripta mandatorio censetur pertinere ad substantiam actus, ita ut ea non servata, actus nò subsistat, cum mandataris censetur egressus fines sui mandati.

3 Si electio, vel postulatio ab ipsis facta ob defectum personæ electæ, vel quancunque aliam causam non sit effectum fortita; tunc enim non possunt sine alia commissione ad novam Electionem procedere, cum pro una solum vice sit ipsis commissæ Electio.

Quæritur 12. ad quos devolvatur potestas eligendi, si 63 Compromissarii vel indignum eligant, vel non eligant intra tempus à Jure præfixum; Resp. in primo casu hanc potestatem reverti ad compromittentes, in secundo autem devolvi ad Superiorem proximum. Ita deciditur *c. si compromissarius 37. h. tit. in 6.*

*Ratio prima partis est*; quia Compromissarii, sive bene, sive malè fecerint Electionem, functi jam sunt officio, adeo ut errorem suum emendare non amplius possint; necesse igitur est, potestatem eligendi devolvi ad alios, non autem ad ullos melius, quam ad Compromittentes. ergo &c. Proceditque hoc, sive scienter, sive ignoranter indignum elegerint Compromissarii; nam sine sua culpa jure eligendi privari non debent.

*Ratio secunda partis*, quia si quis, quod ipse facere tenetur, alteri committat faciendum, & hic negligat, ejus negligentia, seu omissio non excusat mandanrem *l. si procuratorem 8. §. si tutores 4. ff. mandat.* sibi ergo compromittentes debent imputare, quòd tam negligenti Compromissario, vel Compromissariis eligendi potestatem commiserint, ut habetur in textu.

Unde disparitas est inter hunc secundum, & priorem casum, cujus vario est, quia, ut Regulæ instar cum Host. in summ. hic n. 33. observat Laym. in c. cum in Jure 33. h. tit. n. 2. Procurator domino quidem nocet in omittendo, non etiam in committendo.

Addidi tempus à Jure præfixum; nam si solummodo lapsus sit tempus præfixum à Compromittentibus, per ejus lapsum isti jure eligendi non privantur, sed istud ad ipsos redit, computato tamen tempore, quo eligere poterant Compromissarii.

Quæritur 13. quæ sit pœna Compromissariorum eligentium scienter indignum? Resp. à Beneficiis Ecclesiasticis per triennium ipso Jure suspensi sunt. *c. cum in cunctis 7. §. fin. h. tit. & c. si compromissarius cit. §. porro.*

*Excipiuntur 1.* si compromissum sit in Episcopum; nam hic, etsi scienter indignum elegerit, non incurrit pœnam Suspensionis prædictam: & ratio est; quia, ut habetur *c. quia periculosum 4. de sent. Excomm. in 6.* Episcopi nullam interdicti, vel Suspensionis pœnam incurrunt, nisi de ipsis expressa fiat mentio.

*Excipiuntur 2.* quia, quamvis scienter, indignum eligunt ad Prælaturas, & Beneficia inferiora; nam hi non incurrunt Suspensionem hanc: & ratio est; quia pœna illa tantum imponitur scienter eligentibus indignum ad Episcopatum. igitur cum Constitutio *c. cit.* pœnalis sit, non debet extendi ad eligentes alios Prælatos, aut Beneficiarios inferiores.

*Excipitur 3.* ut pœna hæc Suspensionis solum intelligi debeat de Beneficiis, quæ Elector sic delinquens habet in ea Ecclesia, quam scienter eligendo indignum specialiter offendit, prout, de Electoribus dictum est num. 20.

## §. VII.

De Electionis Libertate, ejus Intimatione, & Confirmatione.

## S U M M A R I U M.

65 Electiones debent esse libera.

66 Non gravi metu extorta.

67 Pœna injustè gravantium Electores.

68 Pœna celebrantium Electionem per abusum potestatis secularis.

69 Quando Electio censetur celebrari per abusum potestatis secularis?

70 Quomodo Electio sit intimanda Electio, & ab ipso acceptanda?

71 Quale Jus acquiratur electo per Electionem?

72 An Electus, non confirmatus, administrare res, & Jura Ecclesia possit?

73 Quando, à quo, & quomodo petenda, & concedenda confirmatio?

74 Quis sit effectus Confirmationis?

75 An Confirmatio habeat vim sanandi defectum Electionis invalida?



64 **Q**uæritur 1. Utrum Electiones debeant esse liberae? Resp. affirmative; & hoc ita requiritur, ut Electio non liberè facta non valeat, ut colligitur ex *c. cum terra* 14. *h. tit.* ubi Libertas accensetur substantiabilibus Electionis, & reprobat consuetudo, qua alicubi introductum est, ut Electio dependeat ab arbitrio, seu voluntate alterius tertii. Estque perinde, siue tertius ille sit Laicus, siue Ecclesiasticus: neque refert, etiam si sit immemoralis; nulla enim Consuetudine introduci potest, ut is necessariò eligendus sit, quem alius quidam tertius, etiam Princeps, voluerit. Ratio datur in *c. cit.* quia videlicet Consuetudo hæc *ingravamen*, & *perniciem Ecclesiasticæ Libertatis redundat*, ut proinde merito reprobetur, ut corruptela. Imò repugnat substantiæ ipsius Electionis; nam eligere est ex duobus, vel pluribus propositis unum præoptare, quod non fit, si Electio ita pendeat ab arbitrio alterius, ut in hujus potestate sit situm, eum, qui à conventu electus est, admittere, vel rejicere; propriè enim hoc casu Conventus non ipse sibi Prælatum eligeret, sed tantum proponeret eligendum ab illo, à cujus voluntate penderet Electio.

66 Dub. 1. an valida sit Electio, quæ metu gravi ab Electoribus est extorta? Resp. cum distinctione; Vel enim per hujusmodi metum coguntur ad eligendam certam personam, vel solum aliquam ex pluribus determinatis personis, aut ex certo personarum genere.

*Si primum*, invalida est Electio; quia sublata est Electoribus omnis libertas. *Si secundum*, Electio quidem valet, sed plerumque per sententiam Superioris rescindi, & casari in odium, & detestationem meritis injustè incussis debet. Ita Abb. in *c. 14. h. tit. n. 3.* Laym. *ibid. n. 3.* Pirh. *hic n. 237.* & ab his *cit.*

Ratio, quod valeat, est, quia substantia Electionis absolute loquendo tali casu consistit, nec Capitularibus adempta est omnis libertas eligendi, cum adhuc liberè possint eligere unum ex pluribus, licet sit restricta ad certas personas: præterea talis Electio Jure Canonico non reperitur annullata; conf. valida censeri debet. Quod verò rescindi plerumque debeat, ratio est, quia non est facta secundum Canones, videlicet cum plena libertate.

67 Dub. 2. quæ sit pœna eorum, qui spoliando, aut aliter injustè persequendo gravant Electores, recusantes eligere certam personam ad petitionem eorundem? Resp. ipso facto Excommunicationem incurrunt. Ita *c. sciatis cuncti* 2. *h. tit. in 6.*

*Extenditur pœna ista* 1. non tantum ad facientes, seu spoliantes, sed etiam ad mandantes spoliari; quia etiam in maleficiis tenetur mandans, ac si per se faceret. Gloss. in *c. 12. cit. V. alios*.

*Extenditur probabilis* 2. etiam ad Executorem, saltem si iste non ignoravit causam, ob quam mandans hoc fieri iussit; quia verè, & realiter vexat, & persequitur, quamvis iussu, & mandato alterius. *arg. c. universitatis* 24. *de sent. Excomm.*

*Extenditur* 3. ad eum, qui per hujusmodi violentiam extorquet postulationem, confirmationem, institutionem &c. ob omnimodam rationis identitatem, quæ locum habet etiam in casu præsentis, cum dispositio *cit. cap.* sit favorabilis, utpote lata in defensionem libertatis Ecclesiasticæ.

*Extenditur* 4. ad eum, qui injustè spoliatur, & vexat Confanguineos personæ Ecclesiasticæ, quod non eligat personam, pro qua rogatum fuit, ut constat ex *c. sciatis*. Idem dicendum de eo, qui ita vexat ejusdem familiares, & affines, si injuria istis illata specialiter cedat in injuriam ipsius personæ Ecclesiasticæ, & propter hanc intendatur: id quod ex circumstantiis, & arbitrio prudentis determinandum est.

68 Dub. 3. quæ sit pœna celebrantium Electionem per abusum sæcularis potestatis? Resp. hæc taxatur *c. quisquis* 43. *h. tit.* & tangit eos duntaxat, qui sponte, & voluntariè Electionem sic celebraverint, vel ita celebrate consenserint, non verò, si per vim, vel metum coacti, prout colligitur ex *c. cit.* verbis ibi: *qui verò Electionem hujusmodi præsumpserint celebrare*: nam verbum præsumptionis temeritatem significat, à qua justus, & probabilis metus excusat, uti & quævis alia prudens ratio, v. g. quod Electores probabili credulitate ducti, existimarent, Jus eligendi per Privilegium competere Laicis in Electionem se ingerentibus.

Pœna autem *c. cit.* taxata est quadruplex. 1. Sic eligentes pro ea vice ipso Jure potestate eligendi excidunt, ut in quo peccaverunt, in eo & puniantur. Laym. *ibid. n. 12.* 2. Idem ab officiis, & Beneficiis Ecclesiasticis per triennium suspenduntur, scilicet, ut notat Gloss. *hic V. suspendantur*, per sententiam Judicis. 3. electio sic celebrata ipso jure est irrita, ut patet ex *c. cit.* ibi: *Quam ipso Jure irritam esse censemus*. 4. Sic electus, si in sui electionem consentiat, ipso jure fit inhabilis, ut eligi ad Prælaturam, vel Dignitatem possit *c. cit.* Eligi tamen potest ad Ecclesiasticam Parochialem, & alia Beneficia, etiam Canonatum Cathedralis Ecclesiæ, non obstante ejusmodi inhabilitate; quia *c. cit.* tantum dicitur, quod non possit eligi ad Dignitatem Ecclesiasticam, quo nomine, si propriè illud accipitur, non veniunt hujusmodi Beneficia.

Dub. 4. quandonom Electione Episcopi, vel Prælati 69 censeatur fieri per abusum sæcularis potestatis? Resp. tunc istud fieri quando Laici unus, vel plures immiscunt se Electioni, impediendo quomodocunque Libertatem Clericorum, ad quos spectat Electio.

In specie per abusum sæcularis potestatis celebrata censetur 1. Si electores ante electionem requirant consensum Principis Laici super electione faciendâ; hoc enim est contra libertatem Ecclesiasticam *c. cum terra* 14. *h. tit.* quamvis post electionem factam Principis consensus requiri possit *c. cum terra cit. in fin.*

2 Si Laicus, præsertim Princeps, intersit Electioni ad coeligendum *can. quia sancta* 28. §. *verum dist.* 63. nam intrudendo se in electionem Jus Clericorum diminuunt, & conf. Ecclesiasticam libertatem violant, qua electionis potestas solis Clericis attribuitur.

3 Quando Princeps, vel alia potestas sæcularis non quidem coeligit, suam tamen auctoritatem interponit, vel Jurisdictionem exercet, impediendo libertatem Electionis *can. quia sancta cit.* Imò si simpliciter tantum eidem intersit protectionis causa, ut notat Fagn. in *c. 43. cit. n. 30.* & seq. cum enim talis præsentia sit formidabilis, jam non relinquit electionem ita liberam, uti deberet. Accedit, quia sic sub prætextu protectionis sibi facile Jus interessendi Electionibus vindicarent Principes Laici, quod tamen non possunt acquirere, nisi privilegio, prout in electionibus Abbatum privilegio illud habet Serenissima Domus Bavarica per Concordata inter ipsam & Baviaræ Ordinarios erecta, atque à Pont. confirmata. Denique ad protegendum Electores non requiritur corporalis præsentia Principis in ipso actu, & loco electionis, sed sufficit, si extra locum electionis violentias propulset, & eligentium libertatem defendat.

Quæritur 2. quomodo electio sit intimanda Electo, 70 & ab hoc acceptanda? Resp. Circa hoc quæsitum sunt notanda sequentia. 1. Postquam electio canonicè facta, & celebrata est, Electores, quamprimum commodè poterunt, electo ipsam electionem præsentare debent, ejusque consensum petere. *d. quam sit* 6. *h. tit. in 6.*

2 Si ultra octo dies ex eo tempore, quo commodè potuerunt, numerandos, electionem Electo intimare culpabiliter distulerunt, à prosecutione Electionis quoad suas personas penitus ipso Jure sunt exclusi, & ab omnibus beneficiis suis quæ in illa Ecclesia, de cujus electione agitur, obtinent, per triennium continuum, ex tunc numerandum, eo ipso suspensi *c. cupientes* 16. §. *ceterum h. tit. in 6.*

3 Electus præsentatam sibi electionem accipere, vel recusare potest, vel etiam postquam acceptavit, eidem renuntiare ante Confirmationem factam, etiam sine Superioris consensu; quia *Beneficium invito non datur*, *Reg. 69. ff. de R. J.* nisi hoc exigat necessitas, vel valde magna utilitas Ecclesiæ, quo casu electus cogi à Superiore ad acceptandam electionem potest.

4 Si Electus voluerit acceptare electionem, debet id facere intra mensem numerandum à die præsentatæ sibi electionis, vel quo illa aliter in notitiam ejusdem pervenit: aliàs, si justo impedimento cessante, ultra illud tempus consensum distulerit, eo ipso omni Jure, per electionem sibi quæsito, excidit *c. quam sit cit.* ubi tamen excipitur, nisi conditio personæ electæ talis sit, ut electioni absque Superioris licentia consentire nequeat, uti est Religiosus: & hinc

5 Si Religiosus, vel alia similis persona, quæ sine licentia consentire nequit, electa sit, tunc electus, vel potius, ut ambitionis nota evitetur, Electores intra



tempus, quod spectatis circumstantiis, & boni viri arbitrio sufficit, petere, & impetrare licentiam debent *c. quam sit cit. & Extr. 2. int. comm. h. tit.* Hac autem impetrata, ex eo tempore adhuc mensem electus habet ad deliberandum, vel itne electionem acceptare, vel non; nam usque ad illud tempus censetur fuisse legitime impeditus. *c. quam sit cit. junct. Gloss. V. conditio.*

6 Acceptata electione, si electus præsens sit, processionaliter sub pulsu campanarum in Ecclesiam deduci, & ibi post Hymnum Ambrosianum decantatum, in Episcopali Cathedra inthronizari solet. In quibusdam etiam locis è suggestu populo adstanti Electio publicatur. Tholos. *de Elect. c. 16. n. 18.* quem citat, & sequitur Konig. *hic n. 86.*

Dub. 1. quale Jus acquiratur Electo per electionem sibi præsentatam, & acceptatam? Aliqui cum Gloss. *in can. quanto 10. dist. 63. V. Relatio.* existimant per eam acquiri Jus in re, quamvis ante Confirmationem non acquiratur exercitium illius Juris; idque ex duplici argumento. 1. deducunt *ex c. nihil 44. in fin. h. tit.* ubi in concordia electis ab Ecclesiis valde remotas ante Confirmationem permittitur administratio. 2. *Ex ratione* quia Jus ad rem electo jam competit ante acceptationem. igitur per acceptationem ita corroborabitur, ut reale evadat.

Sed communis sententia cum Garc. *de Benef. p. 4. c. 3. n. 2.* docet, solum per illam acquiri Jus ad rem. Colligitur 1. *ex c. super his 16. de accusat.* ubi dicitur, si per viam exceptionis ante Confirmationem obijciatur Electo crimen, illud impedire promovendum, ne confirmetur, *sed non deicere jam promotum*: ubi clarè supponitur, per electionem etiam acceptatam Prælaturam ab Electo nondum obtentam censi. 2. Conjugium spirituale, intercedens inter Ecclesiam, & Prælaturam, imitatur naturam conjugii carnalis. atqui conjugium carnale inchoatum duntaxat per sponsalia de futuro tribuit tantum Jus ad rem; Ratum verò per verba de præsentibus in re, ergo & conjugium spirituale. hoc autem per electionem etiam acceptatam solum est inchoatum; nam ratum primum efficitur per Confirmationem *c. fin. de translat. Episc.* 3. Electus Jati sibi acquisito per electionem acceptatam, nondum confirmatam liberè renunciare potest; non autem potest sine consensu Superioris Jus habens in re. 4. Si electus ante Confirmationem decedat, Prælatura non per ipsius, sed per antecessoris obitum, renunciationem &c. vacare dicitur. minùs autem apud hoc diceretur, si jam ante Confirmationem electionis Jus in re haberet Electus. ergo &c.

Neque obstant argumenta opposita. *Ad 1.* Electis ad Ecclesias valde remotas solum dispensativè, ut *c. cit.* dicitur, conceditur administratio: unde ex concessa his administratione non bene infertur, quod iis competat Jus in re, quippe cum illa competere alicui sine hoc possit. *Ad 2.* Jus ad rem, quod Electus ante electionem acceptatam acquirit, solum est imperfectum, cum proximè solum spectet electionem communem, & hujus intimationem electo faciendam: hoc ergo Jus per acceptationem perficitur, & completur, ut deinceps dicatur Conjugium spirituale inter Electum, & Ecclesiam inchoatum.

Dub. 2. Utrum Episcopus, vel Prælatus electus, ante impetratam Confirmationem, administrare res, & Jura Ecclesiæ, ad quam electus est, possit? Resp. cum distinctione inter eos, qui electi sunt in locis valde remotis, ita ut Confirmationem intra breve tempus petere; & obtinere nequeant, quales sunt respectu Pontificis, Romæ residentis, Episcopi in Germania; & inter eos, qui tempore à Jure statuto nec ob distantiam, neque ob aliud impedimentum prohibentur Confirmationem petere, & obtinere.

Priores, si in concordia, i. e. per majora suffragia Capitularium, ut Pirh. *hic n. 297.* notat, electi sint, administrare Episcopatum, vel Prælaturam statim tam in spiritualibus, quam in temporalibus, sola alienatione excepta, possunt, prout statuitur *c. nihil 44. §. ceterum h. tit.* idque meritò, ne Ecclesia interim, dum Confirmatio à Sede Apostolica advenerit, patiatur damnum. Manebuntque acta ejusdem valida, etiam si electio ex occulto aliquo defectu fuisset irrita, qui deinde deprehenderetur; nam Ecclesia tunc in hoc communi errore defectum potestatis censetur supplere propter utilitatem publicam *arg. l. Barbarius 3. ff. de Offic. Prat.*

Posteriores, uti & illi, qui in discordia electi sunt, nullam ante impetratam Confirmationem potestatem Jurisdictionis, vel administrationis habent, ut decernitur in *c. nostri 9. h. tit.* & si defecto vel per se, vel per alium, sive in totum, sive in partem sub quocunque colore, vel prætextu in administrationem sese ingesserint, eo ipso privantur Jure per electionem sibi quæsito *c. qualiter 17. h. tit.* & impofterum fiunt ineligibiles ad eandem, vel aliam Prælaturam *arg. c. super eo 12. eod.* ea verò, quæ ratione officii, vel Jurisdictionis usurpatæ, & non competentis gesta sunt, revocanda, & rescindenda sunt, ut constat *ex c. qualiter cit. in fin.* Estque hoc verum, ita, ut ne quidem administrare bona Prælaturæ, vel Episcopatus Electus ante impetratam Confirmationem possit, ut Oeconomus, vel Procurator, vel alio simili titulo. *c. avaritie 5. h. tit. in 6.* & ratio est, quia alioquin fieret fraus ipsi Legi prohibenti, & electus reipsa consequeretur id, quod Canon prohibuit.

Quæritur 3. quando, à quo, & quomodo petenda, 73 & concedenda sit Confirmatio Electionis? Resp. 1. *c. quam sit 6. h. tit. in 6.* Electo ad petendam Confirmationem electionis datur trimestre, numerandum à die consensus præstiti, intra quod si, legitimo impedimento cessante, petere eandem negligat, Jure per electionem sibi quæsito eo ipso privatur, ita ut si de negligentia constet, ad aliam electionem à Capitulo liberè procedi possit. Tempus hoc antiquo Jure concedebatur cuivis Electo; at recentiori *c. cupientes 16. in 6.* restrictum illud est electis ad Cathedrales, & Regulares Ecclesias, quæ Sedi Apostolicæ immediatè subjectæ sunt; nam ad has electus intra mensem, numerandum ab habita electionis suæ noticia, pro petenda Confirmatione ad Sedem Apostolicam iter arripere, vel si id commodè fieri non potest, personas idoneas mittere jubetur.

2 Peti Confirmatio ordinariè debet à proximo, seu immediato Superiore, cui Ecclesia, seu Dignitas electiva subest, & in specie Abbates, & Prælati Episcopo inferiores non exempti ab Episcopo, Episcopi ab Archiepiscopo, Archiepiscopi à suo Primare, vel Patriarcha, hi denique à Papa, ut patet *ex can. qui Episcopus 2. dist. 23. can. fin. dist. 64. c. cum dilectus 32. h. tit.* Excipitur, nisi hujusmodi Confirmatio specialiter Sedi Apostolicæ reservata sit, prout per Concordata Germaniæ in eadem reservata est Sedi Apostolicæ Confirmatio Episcoporum.

3 Si Electus Coelectum, aut alium suæ electionis adversarium habeat unum, vel plures, ii ante Confirmationem nominatim vocandi sunt ad causam suam agendam: si verò electio fuit concors, eò quod unus tantum electus sit, neque aliquis se electioni opponat, affigendum tamen est Edictum generale ad valvas Ecclesiæ, in qua electio celebrata est, & per illud contradictores, siqui sint, peremptoriè vocandi, ut statuto tempore, & loco Confirmationis faciendæ veniant, causas impugnandæ electionis, & impediendæ Confirmationis dicturi, ut præscribitur *c. fin. h. tit. in 6.* ubi Confirmationes, hac citatione omiſſa, factæ declarantur esse irritæ, & inanes.

4 Superior, antequam confirmet electum, etiam si nullus contradictor adsit, ex officio instituire debet examen, sive inquisitionem duplicem: unam de electionis processu, an in illa observata sint omnia per SS. Canones requisita; alteram de qualitatibus electi, an sit idoneus *c. cum nobis 19. & c. nihil 44. ibi diligenter examinet & Electionis processum, & personam electi.* Primum rescire potest ex instrumento, seu, ut alii vocant, Decreto Electionis; nam huic, si à Notario publico ritè confectum sit, & ut moris est, à singulis Capitularibus manu propria subscriptum, communique Capituli sigillo munitum, plena fides habetur, ut notat Abb. *inc. 20. h. tit. num. 14.* Alterum docebit Examen, ad quod electus in Episcopum se offerre solet vicino alicui Episcopo; nam hoc cum ipso processu electionis Romam ad Pont. pro Confirmatione impetranda mittendum est.

5 His positis, si Superior, qui confirmare electionem debet, aut electionis formam non observatam, aut electum indignum esse deprehenderit, illa cassanda, iste autem repellendus est *c. nihil 44. h. tit.* ubi indignum confirmans in pœnam privatur potestate proximè sequentem, seu primum sic confirmari successorem confirmandi, & simul jubetur suspendi à proprii Beneficii perceptione, quamdiu visum fuerit Superiori, qui suspensionem intulit.

At si



Ar si omnia ritè acta, & electum dignum esse repererit, Superior ad Confirmationem procedet, neque hanc electo sine istius, & eligentium injuria negare potest, cum ut suprà num. 71. dictum est, electo per electionem acceptatam acquiratur Jus ad Prælaturam. *Excipitur*, si Confirmator sit ipse Pontifex; cum enim iste plenam, & absolutam de Beneficiis quibuscunque disponendi potestatem habeat, si plenitudine istius uti velit, ex causa gravi, præsertim utilitatis publicæ, Canonicè electum, etiam dignum rejicere, deque alio aptiore, & digniore providere potest, prout patet ex *Concordatis Germania* §. *item placet ibi Electiones, si Canonice fuerint, confirmabimus, nisi ex rationabili, & evidenti causa de digniore, & utiliore persona duxerimus providendum.*

6 Tempus, intra quod Superior, cui confirmandi Jus competit, Confirmationem electo impertiri teneatur, à Jure quidem definitum non est, quia tamen Ecclesiæ interest, ut, quantum primum potest, fiat, ideo si Confirmatio absque causa legitima diu differatur, potest à Superiore Confirmatori peti, ut is terminum constituat, intra quem Confirmatio fieri debeat, quo elapso ipsemet Confirmationem præstabit *arg. c. irrefragabili* 13, §. *excessus, de Offic. Jud. Ord.*

74 Dub. 1. quis sit effectus Confirmationis? Resp. 1. dat plenum Jus in Prælatura, scilicet Jus in re, ita, ut Confirmatus sine licentia, & consensu Superioris amplius renuntiare non possit, ut dicitur in *tit. 9. n. 19.*

2 Conjugium spirituale inter Prælaturam, & Ecclesiam, quod per electionem fuit inchoatum, Confirmatione fit ratum.

3 Per Confirmationem electus acquirit Jus petendi Investituram, vel si in Decreto Confirmationis positi sunt termini, Investituram hoc ipso factam denotantes, per eam datur Electo Jus petendi inductionem in possessionem, vel etiam immediatè illam apprehendendi.

4 Per eandem Electus acquirit plenam administrationem, & exercitium omnium Prælatuæ Jurium tam spiritualium, quam temporalium, exceptis iis duntaxat, quæ majoris inquisitionis discussionem exigunt, & ministerium consecrationis desiderant. *c. transmissum* 15, h. tit.

5 Post Confirmationem Electus dici jam potest Episcopus, quamvis cum addito *Electus* ac proinde statim gaudere incipit privilegio *c. quia periculosum* 4. *de sent. Excomm. in 6.* quod nempe generali statuto, vel sententia interdicti, vel dispositionis non comprehendantur, nisi eorum fiat expressa mentio: item illo, quo datur Episcopo libertas eligendi sibi Confessarium, sacrificandi in altari portatili &c.

6 Si post Confirmationem electus Prælatura cedat, aut decedat, illa non jam amplius vacare intelligitur per renuntiationem, vel mortem antecessoris, sed ipsius confirmati.

75 Dub. 2. an Confirmatio habeat vim sanandi defectum electionis invalidæ? Resp. distinguendo: Vel enim defectus ille est alicujus qualitatatis, aut rei, quæ Jure Divino, vel naturali ad substantiam Electionis requiritur; vel est alicujus rei, aut qualitatatis, quæ solum requiritur Jure humano.

*Si primum*, e. g. si Electus non sit mas, si Electores potestate eligendi caruerint, si in Electum non consenserit major pars, sed tantum minor, major verò contradicat &c. defectus isti per Confirmationem sanari non possunt, ut bene cum aliis advertit Passerin. *de Elect. c. 33. num. 167.* Ratio est, quia Confirmatio tantum habet auctoritatem humanam, quæ adversus Legem Divinam, vel naturalem prævalere non potest. Neque obstat, quod aliquando Pontifex Electiones, ex defectu potestatis, vel numeri suffragiorum irritas confirmare soleat; quia non propriè illas confirmat, sed nulliter electo ex plenitudine potestatis de Ecclesia, ad quam ille nulliter electus est, liberè providet.

*Si secundum*, Pontifex ex plenitudine potestatis quidem ejusmodi defectus supplere, atque sanare potest, non tamen solet, nisi illud sufficienter exprimat: Ratio est, quia Confirmatio sequitur naturam actus confirmati, & tantum majus robur, & auctoritatem eidem confert, igitur si prius electio fuit invalida, manebit invalida.

Addi autem: *nisi illud sufficienter exprimat*; nam si in Decreto Confirmationis exprimitur particula, ex qua colligi possit, quod Papa confirmans habuerit certam scientiam defectuum, & illos ex plenitudine potestatis sup-

plere voluerit, Confirmatio valebit, & sanabit defectus prædictos, quippe quæ illo casu vim habet novum Justitibendi electioni confirmatæ, eamque ex invalida facienti validam. Nunquam tamen per clausulam generalem, ut cum aliis monet Laym. in *c. 1. de transact. num. 3.* censentur suppleti defectus, etiam Juris humani, si illi specialem expressionem dispensationis exposcant.

## §. VIII.

## De Consecratione Episcopi Electi, &amp; Confirmati.

## S U M M A R I U M.

76 Confirmationem sequitur Consecratio.

77 Fieri hæc debet tempore à Jure statuto.

78 A quo? 79. 80. 81. Et quot consecratoribus?

82 Qua forma, loco, & tempore?

83 Effectus Consecrationis Episcopalis.

76 Confirmationem Episcopi electi sequitur Consecratio, ut colligitur ex *c. cum olim* 7. *de dol. & contum.* & *c. provida* 44. h. tit. in 6. ubi Gloss. *V. consecrationes*, ait: *Consecrationem præcedere debet Confirmatio; alias non valet Consecratio*, quia scilicet Ordo collatus exerceri non potest.

77 Quæritur 1. intra quod tempus Episcopus confirmatus accipere Consecrationem teneatur? Resp. Ultra tres menses, à die confirmationis acceptæ numerandos, cessante legitimo impedimento, differri non debet. Gloss. in *c. 7. §. cum verò V. tempore* h. tit. Pœna ultra hoc tempus culpabiliter differentis Consecrationem suam antiquo Jure taxata refertur *can. quoniam* 2. *vers. si verò dist.* 100. Jure novo Trid. *sess. 23. c. 2. de reform.* statuitur, ut *Ecclesiis Cathedralibus*, seu *Superioribus*, quocunque nomine, aut titulo præfecti, etiam si *S. R. E. Cardinales sint*, si munus Consecrationis intra tres menses non susceperint, ad fructuum perceptorum restitutionem teneantur; si verò intra (alios) totidem menses postea id facere neglexerint, *Ecclesiis* ipso jure sint privati.

Quæritur 2. à quonam Episcopus, vel Archiepiscopus consecrari debeat? Resp. antiquo Jure Archiepiscopus consecrari debuit, præsentibus, & assistentibus omnibus Suffraganeis, seu Comprovincialibus Episcopis *can. final. vers. sed nec dist.* 51. *can. Episcopi* 1. *dist.* 64. *can. Archiepiscopus* 1. *dist.* 66. & *c. si Archiepiscopus* 6. *de temp. Ordin.* Episcopus verò vel ab ipso Archiepiscopo cum duobus aliis Comprovincialibus Episcopis, vel ejus mandato à tribus Episcopis, ad hoc à Metropolitano deputatis, debebantque in Consecrationem illius consentire vel omnes, vel saltem potior pars Comprovincialium Episcoporum. *can. Archiepiscopus cit.* & *can. seq. dist.* 66. *c. si Archiepiscopus cit. vers. reliqui verò*, & *c. seq. de temp. Ordin.* Hodierno Jure, quo Episcoporum, & Archiepiscoporum Confirmatio in Germania, & provisio, vel Institutio in aliis Regnis, & Provinciis Sedi Apostolicæ reservata est, etiam reservata est potestas consecrandi, ita ut sine Sedis istius speciali mandato per inferiores Episcopos consecrari non possint, nisi aliud consuetudine receptum sit, ut notat Gloss. fin. in *c. 45. h. tit.*

78 Quæritur 3. quot, & quonam Consecratores debeant esse in Consecratione Episcopi? Resp. Jure comuni Episcopus à tribus Episcopis consecrandus est *can. fin. vers. sed nec dist.* 51. *can. Comprovinciales* 4. *dist.* 64. *can. porro* 2. *dist.* 66. *c. si Archiepiscopus cit.* & *c. nec Episcopi* 7. *de temp. Ordin.*

Dubium est, an saltem ex dispensatione Apostolica consecratio peragi possit ab unico solum Episcopo? Negant quidam non infimæ notæ DD. 1. quia Papa dispensare non potest in materia, & forma Sacramentorum. atqui materia Episcopatus est impositio manuum non unius tantum, sed plurium Episcoporum, ut desumitur ex illo Pauli 1. *Tim. 4. vers. 14.* ubi habetur Episcopos ordinandos *cum impositione manuum Presbyteri*. 2. Jacobus Apostolus Jerosolymorum Episcopus ordinatus est à tribus Apostolis, Petro, Jacobo, & Joanne, à quibus hanc Episcopos ordinandi formam datam esse, testis est Anacletus *can. porro cit.* 3. *can. Chorepiscopi* 5. *dist.* 68. ibi *Quod autem Episcopi non sint, qui minus, quam à tribus ordinati sunt Episcopis, omnibus patet*: ex quo ibidem con-



concluditur, quod Chorepiscopi, ab uno, vel duobus tantum ordinari, non mereantur nomen Episcopi. 4. *Epist. Joan. III. ad Episcop. German. & Gall. tom. 2. Conciliorum relata* habentur hæc verba: *Omnia maxima Concilia affirmant, eum non esse Episcopum, qui minus quam à tribus Episcopis, autoritate etiam Metropolitanis, fuerit factus.* Verum his non obstantibus.

80 Dicendum ex dispensatione Pontificia Consecrationem Episcopalem peragi posse etiam ab Episcopo unico, assistentibus duobus Abbatibus, vel aliis Presbyteris in Dignitate Ecclesiastica constitutis. Ita communis, & confirmat praxis hodie recepta. Colligitur 1. ex *can. 1. Apost.* ubi Episcopus à duobus, vel tribus Episcopis ordinari iubetur. igitur ternarius jam non est de essentia Consecrationis Episcopalis. 2. ex *l. 7. Const. Clem. c. 27.* ubi clarè supponitur, in casu necessitatis Consecrationem fieri ab uno posse; solum enim ibidem dicitur, hoc non esse faciendum sine plurium commissione. 3. A paritate cum cæteris Sacramentis; in nullo enim alio Sacramento requiruntur tres Ministri. 4. Ex ratione negativa; quia trium Consecratorum necessitas nullo Jure satis probatur.

31 Argumenta contraria non evincunt intentum. *Ad 1.* Impositio manuum, à tribus Episcopis facta, non est materia necessaria, sed ritus tantum accidentalis; quia etiam cum præsentibus sunt tres Episcopi, tantum unus est Consecrator, ut colligitur ex *Pontificali Romano*, ubi semper fit mentio Consecratoris in singulari, cæteri duo Assistentes vocantur. *Ad 2.* S. Jacobus ibi non est ordinatus Episcopus, quippe qui ita ordinatus jam antea fuit à Christo; sed tantum administrationem certi loci accepit: deinde esto, quod ibi data sit forma consecrandi Episcopos, præscripta tamen est solum ab Apostolis, quorum Decreta duntaxat Jus humanum efficiunt, conf. Ecclesia ex justa causa potest ea mutare. *Ad 3.* Chorepiscopis textu *cit.* Episcopi nomen tollitur, non quia ab uno tantum sunt ordinati, sed quia erant simplices Sacerdotes tantum, ideo Chorepiscopi nuncupati, quia facultatem habebant conferendi minores Ordines. *Ad 4.* Esto, quod secundum Concilia non sit Episcopus, qui à duobus, vel uno tantum consecratus est; talis tamen erit, si ita consecratus sit ex dispensatione Papæ, cui soli in Canonibus Apostolicis dispensandi potestas competit.

32 Quæritur 4. qua forma, loco, & tempore Episcopus consecrari debeat? Resp. 1. Forma præscribitur *can. Episcopus 7. dist. 23. can. ordinationes 1. dist. 75. c. un. de sacr. Unct.* Ex actibus ibi descriptis ad substantiam Consecrationis pertinet sola manuum impositio, ut cum communi notat Gloss. in *can. Episcopus cit. V. Codicem.* Forma autem est *Accipe Spiritum Sanctum, &c.*

2 Decens quidem esset, ut Episcopus consecraretur in Ecclesia Cathedrali, ad quam est promotus; si tamen hoc commodè fieri nequeat, consecrari potest etiam in alia Ecclesia, præsertim si sit intra Provinciam, vel Diocesin sita *can. fin. dist. 51. & Trid. sess. 23. c. 2. de reform.*

3 Ex antiquissima traditione Episcopi, & Archiepiscopi die Dominica, consecrari debent, & quidem hora tertia, quæ respondet nostræ nonæ *can. Ordinationes 1. & can. quod die 5. dist. 75.*

4 Consecratio Episcopi fit inter Missarum solemnias, ubi Episcopus consecrandus concelebrat Episcopo Consecratori, & principaliter celebranti *c. quod sicut 28. §. super eo h. tit.*

5 Episcopus consecrandus, dum celebratur Missa, sub qua consecratur, Ordines conferre non debet *c. quod sicut cit.* nam hoc, ut ibidem dicitur, est privilegium Summi Pont. & meritò; nam Consecratio ipsius perficitur ante *Hymnum Angelicum, & postmodum ipse Missarum solemnias incipit, & perficit consecratus.*

33 Quæritur 5. quis sit effectus Consecrationis Episcopalis? Resp. 1. Episcopus per Consecrationem consequitur plenitudinem Officii Episcopalis, ita ut exercere possit omnia, non solum, quæ Jurisdictionis, sed etiam quæ Ordinis Episcopalis sunt *c. transmissam 15. h. tit.* Excipitur Archiepiscopus; nam iste ante susceptum pallium plenitudinem, potestatis suæ non consequitur, ut dicitur *cit. 8. num. 5.*

2 Consecratione Conjugium spirituale inter consecratum, & Ecclesiam perficitur, & consummatur *c. fin. de transl. Episc.*

3 Post Consecrationem Episcopus vocatur absolute *Schmalzgruber Tom. I.*

Episcopus, cum ante illam, etsi confirmatus esset tantum appellaretur cum addito *Episcopus electus.*

4 Postquam electus in Episcopum confirmatus, consecratus, & honorum Ecclesiasticorum administrationem adeptus est, tum demum ipso Jure, absque alia sententia vacant omnia ejus Beneficia, quæ habebat, etiam simplicia, imò & pensiones, ita ut liberè ab eo conferri possint, qui de iis disponendi facultatem habet. *c. cum in cunctis 7. §. cum vero h. tit.* Aliud dicendum, si consecratus quidem, sed honorum Ecclesiæ suæ administrationem nondum adeptus sit, uti sunt Episcopi Titulares; nam isti Beneficia antea possessa retinere, & nova, modò sint compatible, obtinere possunt, ut aliis *citt.* advertit Pirh. *hic n. 163.* quia Ecclesiarum suarum, ad quas consecrati sunt, possessionem non habent.

## §. IX.

## Specialia de Electionibus Regularium.

## S U M M A R I U M.

84 Quinam eligere ad Prælaturam Regularem Ordinis sui possint?

85 Quinam eligi?

86 An statim post Professionem?

87 Quæ forma observanda?

88 An valori Electionis noceat Votorum publicatio?

89 Specialia observanda in Electionibus Abbatissarum.

90 An, & quomodo Religiosi possint eligi ad Prælaturas extra Ordinem suum?

Quæritur 1. quinam eligere ad Prælaturam Regularem Ordinis sui possint? Resp. Ut Religiosus Jus Electionis activæ habeat, requiritur 1. ut ille sit de Ordine, & Conventu, à quo Prælatus eligendus est; nam Jure communi, & ordinario electio Prælati pertinet ad Conventum *c. nullus 1. h. tit. c. cum dilectus 8. de consuet. & can. Abbas 2. & tribus seqq. caus. 18. q. 2.* Hinc, ut benè notat Konig *hic n. 4.* si Regularis à Monasterio, in quo Professionem edidit, translatus est perpetuò in aliud ejusdem Ordinis, cum Capitularis prioris Monasterii esse cesset, etiam vocem, & Jus suffragii sibi in eodem reservare non potest.

2 Debent esse Professi, saltem tacitè; nam Novitii Jus eligendi non habent *c. ex eo 32. §. in Ecclesiis h. tit. in 6.* cujus ratio est, quia non sunt adhuc vera membra illius Corporis, seu Religionis, neque recum, aut personarum Monasterii sufficienti notitia instructi.

3 Debent esse Clerici; nam Laici conversi admitti ad electionem non possunt, nisi Jus eligendi vel per consuetudinem, vel per specialia Ordinis sui statuta obtineant, vel ipse Ordo talis sit, ut non ad ministeria spiritualia, sed ad opera temporalia solum, in bonum Ecclesiæ præstanda, sit institutus, quales sunt Ordines Militares, & Hospitalares; nam in his Superiorem sibi eligere possunt omnes Professi, etsi Clerici non sint, ut cum aliis notat Gloss. in *§. in Ecclesiis cit. V. hi qui.*

4 Non admittuntur etiam omnes Clerici, sed debent esse saltem constituti in Subdiaconatus Ordine: quod de Canonicis Regularibus clarum est ex *Clem. 2. de etat. & qualitat. & Trid. sess. 22. c. 4. de reform.* De cæteris Religiosis non pauci negant apud Pirh. *hic num. 356.* & horum sententia, spectando rationem fortasse est verior; si verò attendamus ad consuetudinem, quæ teste Mirand. *Man. Pralat. tom. 2. q. 23. art. 5. concl. 5.* observatur in omnibus Ecclesiis Regularibus, *Clem. & Trid. citt.* dispositiones ad hos etiam extendi debent.

5 Voce, & loco in Capitulo carent Religiosi Professi, etiam in majoribus constituti; qui ex Mendicantium Ordine transierunt ad non mendicantes, etiam si Apostolica Autoritate hoc factum sit *Clem. 2. de Regular.*

6 Jure suffragii in electionibus biennio privantur Religiosi proprietarii, sive illi, qui Superiore suo invito peculium retinent. *Trid. sess. 25. c. 2. de Regular.* His impedimentis nonnullæ Religiones addunt quadam specialia: unde harum propriæ Constitutiones spectandæ sunt. His præcis, Regulæ loco haberi potest, quod ob easdem causas, ob quas Capitulares Ecclesiarum secularium prohibentur eligere Prælatum, etiam prohibeantur Conventuales Regulares.



85 Quæritur 2. quinam eligi ad Abbatiam, vel etiam Prælatum Regularem possint? Possent omnes, qui impedimento non prohibentur. Præter impedimenta Jure communi introducta, de quibus *Num. 15. & seqq.* est defectus Professionis; neque enim in Prælaturam regularem eligi potest, qui antea eundem Ordinem Professus non est, & quidem expressè, nisi Papa dispenses, prout habetur *c. cum in Magistrum 49. in princ. h. tit.* ubi ratio redditur, quòd in *Magistrum assumi non debeat, qui formam discipuli non assumpsit, nec sit præficiendus, qui subesse non novit.*

Dixi 1. qui antea professus non est; neque enim potest quis simul profiteri, & in Abbatem, seu Prælaturam Regularem eligi *c. cum ad nostram 37. h. tit.* & ratio est, quia talis, potius censeretur Professionem emittere amore Dignitatis, quàm Religionis, aut suæ salutis.

Dixi 2. *Eundem Ordinem*; nam eligendus debet profiteri Regulam non quamcunque, sed ejus Ordinis, in cuius Prælaturam esset assumendus. *Clem. 1. in princ. h. tit.* ubi aliter facta electio irritatur, & datur ratio, quòd *rationi non congruat, ut homines disparis Professionis, vel habitus simul in eisdem Monasteriis socientur.*

Dixi 3. *& quidem expressè*; nam licet tacitè professus activè eligere non prohibeatur *juxta Num. præc.* non tamen potest ad Regimen Ecclesiæ Regularis eligi, sed debet emisisse Professionem expressam, & quidem expleto anno probationis integro *c. nullus 28. in 6. & Trid. sess. 25. c. 15. & 21. de Regular.* ut ita præcludatur via ambitioni, & inconvenientiæ, quæ oriretur, si post exactum in Novitiatu unum, vel alterum mensem ad Professionem admissus, eligi in Prælaturam posset.

Dixi 4. *nisi Papa dispenses*; non enim repugnat, quin Pontifex de absoluta sua potestate interdum Religiosos alterius Ordinis Monasteriis, & Conventibus præficere, Novitios in Abbates assumere, vel etiam, si urgens, & publica aliqua causa petat, Prælaturas Regulares, & Monasteria Clericis secularibus in Commendam perpetuam dare possit, *Konig hic num. 35.*

86 Dubium est, an Religiosus, vel Monialis statim post Professionem editam assumi in Abbatem, vel Abbatissam possit? De Monialibus clara est dispositio *Trid. sess. 25. c. 7. de Regular.* ubi statuitur, in Abbatissas, Præpositas, Priorissas non posse eligi, nisi post editam Professionem expressam octo, vel saltem quinque annis in Religione laudabiliter vixerint.

De Prælatibus Regularibus virorum non satis est exploratum. Si necessitas, vel evidens utilitas Monasterii ita postularer, posset talis Neo-Professus saltem in extraordinario casu, percepta prius ab eo Purgatione, quòd nullus dolus, vel ambitio intercesserit, ad Abbatiam admitti, modò in Regula sit sufficienter instructus, ut cum aliis advertit *Konig num. 33.* Ordinariè tamen id fieri non expedit, ut colligitur ex *c. officii 38. h. tit.* ubi habetur, quòd in Abbatem eligi nequeat, nisi instructus in Regula Monachali, qualis non censetur, qui paulò antè professionem edidit. Accedit, quia in hoc pugnat ratio, quæ *priori Num.* sumpta est ex *c. cum in Magistrum cit.* assumeretur enim in Magistrum, qui paulò antè desit esse discipulus.

87 Quæritur 3. quæ forma observari debeat in electionibus Abbatum, & Prælatorum Regularium? Resp. In electionibus Abbatum, & Prælatorum, qui Ecclesias, & Monasteria sua in titulum perpetuum obtinent, quales sunt Ordinis SS. Benedicti, Bernardi &c. observanda est forma communis præscripta *c. quia propter 42. h. tit.* In electione Superiorum, & Abbatum temporalium, & aliorum Officialium, ac Generalium *Trid. sess. 25. c. 6. de Regular.* præterea voluit, ut Vota sint omnino secreta, ita ut eligentium nomina non publicentur; secus factam electionem decrevit futuram irritam. In aliis etiam horum Electiones Juris communis dispositioni relinquuntur, nisi aliud Ordinum, vel Monasteriorum statuta, Privilegia, & consuetudines exigant; neque enim in cæteris per Decretum *Trid. cit.* derogatum est dispositioni *c. quia propter cit.* ut contra *Fagn. in c. cit. n. 20. Donat. Prax. regul. tr. 1. q. 5.* docent cum non paucis aliis *Tambur. tom. 1. de Jur. Abb. D. 5. q. 6. n. 10. Passerin. de Elect. c. 17. n. 5.* id confirmans Declarationibus Cardd. à se allegatis, & paret etiam ex ratione, quia Decretum hoc nihil vetat, quod innocentius in *c. cit.* exposcit, aut vicissim, præter publicationem nominis eligentium, Monet tamen hic re-

ctissimè *P. Vviest. num. 222.* in his electionibus apices Juris non semper ita scrupulosè observari, easque sine difficultate confirmari, modò constet, quòd observata sint substantialia electionis.

Dubium est, quænam Votorum, sive nominis eligentium publicatio electiones Prælatorum Regularium temporalium faciat irritas? Resp. Non obesse quamvis publicationem Votorum, vel eligentium, sed requiri, ut vel major eligentium pars, vel unus majoris partis consensu votum suum propalet, aut saltem propalatio talis sit, ut ea unius personæ electio vel promoveri, vel impediri posse judicetur. Ratio est, quia si quævis manifestatio Voti, vel nominis eligentium nullitatem electionis induceret, in potestate cujusvis Electoris, vel Scrutatoris esset, votum suum, aut alterius cujusque propalando irritam reddere electionem personæ, quæ ipsi displiceret.

Ex quo sequitur 1. non nocere valore electionis, si Elector absens Procuratori suo verbis; aut alio modo palam injungat, ut suo nomine certam personam eligat. *Garc. de benef. p. 5. c. 4. num. 202.* Ratio est, quia modò in hanc procurator Votum suum secretò conferat, satis secreta est suffragatio.

Sequitur 2. subsistere electionem, etsi contra secreti obligationem eligentium nomina post electionem jam legitime celebratam, & consummatam vel ab ipsis Electoribus, vel à Scrutatoribus temere propalentur. *Joan. Monach. in c. 24. h. tit. in 6.* Ratio est, quia electionis valor pendere nequit ab eventu futuro, sed statim, ac omnia substantialia posita sunt, valere incipit, nec valorem hunc suum amittit, etsi veniat ad casum, in quo ipsa incipere, aut perfici non potuisset.

Sequitur 3. non nocere electioni, etsi ante electionem, seu Scrutinium aliquis ex Capitularibus palam nominet personam, in quam suffragium suum decrevit conferre. *Garc. l. cit. numer. 196.* cum enim adhuc liberè illud dare possit huic, vel alteri, electio per hoc secreta esse non desinit.

Sequitur 4. non obesse, etsi elector per errorem, imprudentiam, aut malitiam ante electionem alicui ostendat nomen ejus, quem vult eligere, descriptum in scheda, modò id non fiat culpa Capituli, ob rationem initio assignatam.

Sequitur 5. etiam non vitari electionem, quamvis Electorum aliquis palam det votum suum, modò Capitulum contradicat, & tali voto rejecto, ita suffragantem vel aliud votum dare jubeat, vel tanquam indignum pro ea vice potestate eligendi, autoritate Ordinarii omnino privet.

89 Quæritur 4. quæ specialia observanda sint in Abbatissarum, & aliarum Superiorum Regularium Electionibus? Resp. 1. fieri & ipsæ debent per Vota secreta, & nomina eligentium nunquam sunt publicanda. *Trid. sess. 25. c. 6. de reform.*

2. Præses Electionis est Episcopus, vel alius Superior. *Trid. l. cit. c. 7. & Const. Greg. XV. incip. inscrutabili. edita Non. Febr. 1622.* qui tamen *c. 7. cit.* non debet ingredi claustra Monialium, sed ante cancellorum fenestrellas vota singularum accipere, nisi aliud justa causa, præsertim tranquillitatis, in electione postulet, ut *motu proprio* declaravit *Greg. XIII. incip. ubi gratia. edito idib. Jun. 1575.*

3. Suffragium, & vocem activam in ea habent solæ Moniales Professæ *c. indemnitate 43. in princ. h. tit. in 6.* & quidem in Ordine SS. Francisci, & Dominici non omnes, sed in primo solùm istæ, quæ quatuor; in secundo, quæ duodecim annos exegerunt à Professione. *Portell. dub. Regul. V. Abbatissa §. 3. & Castellan. de elect. c. 17. num. 15.* apud *Tamb. de Jur. Abbatiss. D. 28. q. 5. num. 3.* Præses electionis, Scrutatores probabilius Votum non habent, quippe quod à Jure tantum conceditur iis, qui sunt de Collegio, vel Congregatione *can. Abbas 2. caus. 18. q. 2.* & aliis passim: in illum tamen compromitti è Monialibus potest *c. causam 8. h. tit. & c. indemnitate cit. §. ceterum.*

4. Ut eligi aliqua in Abbatissam, vel Priorissam possit, necesse est, ut sit ejusdem Ordinis. *Clem. 1. h. tit. junct. Gloss. V. homines:* ætatis 40. vel 30. annorum, Professionis verò octo, vel saltem quinque: *Trid. c. 7. cit. legitime nata, & Virgo c. ut filii 1. de fil. Presbyr. & can. Juvenclus 12. caus. 20. q. 1. bonæ vitæ, & famæ Trid. c. 7. cit. ibi laudabiliter vixerit.*

5. Si Electio facta sit in concordia, sufficit, quòd in ele-



in electam conspiret major pars suffragantium *arg. c. quia propter 42. h. tit.* Si verò Electio fuerit discors, & aliquæ ex eligentibus contradicant, ut contradictione non obstante, confirmari Electa possit, opus est ut obtinuerit duas partes suffragiorum, saltem per accessum *c. indemnitatibus cit. §. sanè in princ.* ubi tamen permittitur Monialibus, si voluerint, contra personam electam, ad eam etiam post Confirmationem, & Benedictionem removendam, per accusationis, vel denuntiationis viam opponere.

6 Si publicato scrutinio ad Electam in discordia accedat major quidem pars, sed non tot, ut duas partes conficiant, antequam Superior Electionem confirmet, vel reprobet, super iis, quæ Electæ obijciuntur ab opposentibus, & super Electionis forma, atque idoneitate inquirere ex officio plenè, de plano tamen, & sine figura iudicii, debet, interim tamen Electæ contra Regulam *c. nosti 9. c. qualiter 17. h. tit. & c. avaritie 5. h. tit. in 6.* permittenda est administratio tam in temporalibus, quàm in spiritualibus, excepta tamen alienatione, & alicujus Monialis receptione *§. sanè cit. vers. si verò.*

7 Si autem vota, publicato scrutinio, ita sparsa reperiantur, ut minor solum Capituli pars pro Electæ, vel pro duabus partibus æquales stent, nullum Jus acquiritur Electæ, vel Electis, sed novum scrutinium est inchoandum, vel communi omnium consensu deveniendum est ad Compromissum. *vers. si verò cit.* neque in hoc casu datur accessus, cum Electio talis sit omnino irrita juxta Regulam *c. quia propter cit.* Excipitur, nisi accessus ejusmodi Religionis Constitutionibus, vel Consuetudine sit permixtus; tunc enim omnino licebit accedere, & numerum augere, ut rectè notat P. Vviestner *hic n. 243.*

8 Si Electio facta sit per Compromissum, & aliquæ Moniales se opponant, videndum, an opponat se major illarum pars, an verò minor. Si minor duntaxat, Electa, prævio tamen diligenti examine de servata Electionis forma, & ipsius Electæ idoneitate, non obstante contradictione, est confirmanda. *arg. c. in causis 30. junct. Gloss. in c. indemnitatibus cit. §. caterum V. expectare h. tit. in 6.*

Si verò se opponat pars major, iterum videndum, an opponant se duæ partes, an verò minor pars infra duas. Si primum electa nec confirmanda, nec admittenda est ad administrationem, sed litis per sententiam terminandæ eventus expectandus; quia tali casu præsumptio est pro justitia oppositionis. Si secundum, Electæ quidem, ne Monasterium patiarum detrimentum, permittitur administratio, Confirmatio tamen, & Benedictio differtur, donec de Justitia oppositionum cognoscatur *§. cit.* Quod de Electione Monialium hic dictum est, tenendum ferè est etiam in Electionibus Abbatissarum, & Præpositarum non Regularium, eo duntaxat excepto, quod Professio neque in eligentibus, neque in eligendis requiritur.

90 Quæritur 5. an, & quomodo Religiosi possint eligi ad Prælaturas extra suum Ordinem? Resp. Circa has Electiones sequentia sunt advertenda. 1. Nullus Regularis eligi potest ad Prælaturam, vel Ecclesiam Regularem alterius Ordinis, & Professionis, nisi sit Cathedralis, licet postulari possit. *Clem. 1. h. tit.*

2 Ad Ecclesias Cathedrales, sive Regulares illæ sint, sive Sæculares, eligi quivis Religiosus, imò etiam Novitius potest. *Clem. cit. & c. nullus 28. h. tit. in 6.*

3 Ad Prælaturas sæculares Cathedrali inferiores eligi absolute Mendicantes non possunt; quia nec postulari possunt. *Extr. un. in com. de postul.* Non mendicantes tamen probabilius ad istas possunt eligi, ut satis clarè supponitur *c. quorundam 24. §. circa h. tit. in 6.* ubi Bonifacius VIII. solum prohibet, ne Regulares electionibus -- à minore parte de se factis -- suum audeant præstare consensum. igitur, si à majore parte electi fuerint, poterunt consentire.

4 Ut Religiosus ad Dignitatem, vel Prælaturam extra Ordinem electus factæ de se electioni consentire possit, requiritur, ut major in eum pars consenserit *§. circa cit.* ubi tamen distinguendum est inter Mendicantes, & non Mendicantes; posteriores enim consentire Electioni possunt cum licentia Prælati sui, etiam si aliquis, vel aliqui, qui aliis dederunt suffragium, contradicant. Aliud dicendum de Regulari mendicante; nam ut iste electioni ad Episcopatum de se factæ consentire possit,

Schmalzgruber Tom. I.

vel omnia omnium eligentium suffragia in ipsum conferri debent, vel saltem si alii alius sua dedere, ante, vel in publicatione Electionis nullus debet esse contradicitor; hoc enim plerique DD. cum Gloss. in *cap. 3. V. singulis hoc tit. in 6.* intelligunt per electionem in concordia factam, quæ per *c. quorundam cit. vers. valentes* requiritur.

5 Si tamen sit Regularis assumptus ad Cardinalatum, & iste eligatur ad Episcopatum, vel Archiepiscopatum, consentire electioni huic de se factæ potest, si majora, etiam in discordia, in ipsum concurrant; quamvis enim per assumptionem ad Cardinalatum non deserit esse Religiosus, tamen desit esse subjectus jugo Regulæ, de quibus solis loquitur dispositio *c. quorundam cit.* ut bene advertit P. Vviestner *hic num. 258.*

§. X.

### Aliqua Quæsitæ de Electione Summi Pontificis.

#### S U M M A R I U M.

- 91 An Summus Pontifex sibi constituere Successorem possit?
- 92 Qui sint Electores Pontificis?
- 93 Quæ forma eligendi?
- 94 Quot in Electo requirantur suffragia?
- 95 An compleri numerus per accessum possit?
- 96 An, & quomodo Cardinales compromittere?
- 97 Qualitates requisitæ in Electo?
- 98 Quando Electus fiat verus Pontifex?
- 99 An ejus Electio valeat impugnari?
- 100 Quando procedi possit ad novam Electionem?

Quæritur 1. an Summus Pontifex sibi in Sede Apostolica constituere Successorem possit? Pro affirmativa assertur *can. si Petrus 1.* eique subjectus *can. unde 2. caus. 8. q. 1.* ubi clarè assertur, S. Clementem à B. Petro, cum Martyrio immineret, Ecclesiæ universali præfectum esse. Verum istorum Canonum veritas non immeritò dubia videri poterit, cum legamus Successorem proximum Sancti Petri fuisse Linum, postea Clerum, deinde primum Clementem. Si dicas, S. Clementem quidem à S. Petro sibi substitutum, sed demissionis studio renuntiasse Dignitati, & sic deinde electum Linum, non repugnare, sed cum communi dicam, eam substitutionem factam à S. Petro inspiratione, motuque Divino, ac proinde ejus factum non trahendum in consequentiam.

Quare cum Suar. *D. 20. de fid. f. 5. num. 16.* & frequentiori DD. facilè quidem concedo, quod in casu quodam extraordinario, quo aliter necessitati Ecclesiæ succurri non posse prævideret antecessor, Successorem sibi possit sufficere, ut colligi videtur ex *can. transitus 10. dist. 70.* nego tamen, quod istud possit potestate Ordinaria.

Ratio est 1. quia Papa, & Episcopus ratione spiritualis conjugii se habet ad Ecclesiam suam, sicut maritus ad uxorem. atqui iste alium sibi successurum in conjugio, etiam post mortem suam, constituere nequit. ergo &c. 2. Dispositio, licet sit facta tempore habili, si conferatur in tempus inhabile, nullum de jure effectum habet. talis est substitutio novi Pontificis, à Prædecessore facta; confertur enim in tempus mortis, quo Papa non amplius est. 3. Hujusmodi substitutio, si ordinariè fieri à Papa posset, mutaret universalis Ecclesiæ statum, & induceret transmissionem hæreditariam Pontificatus, quam tamen, tanquam maximè perniciosam regimini spirituali, semper exosam Ecclesia habuit.

Quæritur 2. penes quos sit potestas eligendi Pontificem? Resp. Olim erat penes universum Clerum, teste Cyprian. *l. 4. Epist. 2.* Postea repetitis vicibus eandem sibi vindicant Imperatores, jure, an injuria, non disputavero. Assertur quidem privilegium tanquam ab Hadriano concessum Carolo M. prout recenset Gratianus *can. Hadrianus 22. dist. 63.* sed hic canon, ut *Num. 6. ad 4.* notavi, multis videtur fictitius, vel si verè datum est ejusmodi privilegium, id intelligendum, non quod ab arbitrio Imperatoris dependeret constitutio Summi Pont. sed quod à Clero celebrata eidem fuerit præsentata, & consensus requisitus, ut firmior foret electio.



Moderno tempore Pontificem eligunt Cardinales, quibus Jus eligendi Papam concessit Nicolaus II. prout habet *can. in nomine 1. V. quapropter dist. 23.* non tamen solis; quia eorum electioni accedebat approbatio Cleri, & populi: Solis autem Cardinalibus potestas ista primum tributa est in Concilio Lateranensi *c. licet 6. h. tit.* ubi statutum, ut si inter eos de summo Pont. substituendo plena concordia esse non possit, pro legitimo D. Petri Successore absque ulla exceptione haberetur, qui à duabus illorum partibus esset electus, & receptus.

93 Queritur 3. quæ sit forma eligendi Pontificem? Resp. eligi potest vel per Inspirationem, vel per Compromissum, vel, quæ via usitatissima est, per Scrutinium. Si per Compromissum fiat electio, inter electionem Pontificis, & alias electiones hoc discrimen est, quod in his Compromissariorum unus nominatus ab altero, istius voto accedere, & sic complete sui electionem possit, ut dictum est *Num. 59.* non autem possit, quando per viam Compromissi eligendus est Pontifex ob *Constit. Greg. XV. incip. æterni §. 205.* ubi vorum seipsum eligentis sive in Compromisso, sive in Scrutinio irritatur: non tamen propterea irritatur electio, modo in Electum, qui sibi ipsi votum dedit, præter hoc suum votum consentiant duæ cæterorum partes. Hinc casu, quo in unum collata suffragia duas tertias partes excedunt, electi scheda non aperitur, neque inspicitur, an sibi ipsi suffragium dederit, ut notat Card. de Luca *Relat. Cur. Roman. disc. 3. num. 20.*

94 Queritur 4. quot suffragia debeat habere electus in Pontificem, ut electio ejusdem valeat? Resp. Debet habere duas tertias, ut patet ex *c. ubi periculum 3. h. tit. in 6. Clem. 2. ibid.* & aliis pluribus *Constit. à Clem. VII. Paul. IV. Pio IV. Greg. XV. & Urban. VIII. editis*, idque merito, quia in Electione Pontificis gravissimi momenti negotium versatur, quippe per quam à se acceptatam Electus hoc ipso sine ullius alterius hominis Confirmatione fit verus Successor Petri, & Christi Vicarius, quin eidem exceptio opponi possit.

Dubium est, an Cardinales in conclavi præsentés convenire unanimi consensu possint, ut valeat electio per Scrutinium celebrata, in quam major solum suffragantium pars consenserit? Videtur respondendum affirmativè: nam committere potestatem eligendi possunt majori parti Collegii, sicut est indubitatum ex *c. cum dilectus 32. h. tit.* ergo etiam consentire, ut pro Electo habeatur is, in quem major pars suffragia sua contulit; idem enim est, ac si electus fuisset ab omnibus.

Sed tenenda est negativa ob claram decisionem *Constit. Gregorian. cit.* ubi diserte annullatur Electio Pontificis per Scrutinium aliter, quam suffragiis duarum partium celebrata, cui tanquam Juri publico, in favorem totius Ecclesiæ introducto, privatis Cardinalium pactionibus renuntiari non potest.

*Ad rationem dubitandi* in textu ibi allegato sermo est de Compromisso, ex quo duci argumentum ad Scrutinium nequit.

95 Queritur 5. an casu, quo in unum non consentiunt duæ electorum Cardinalium partes, isti per accessum numerum requisitum complere possint? Resp. posse, ita ut novum Scrutinium inchoare non sit necesse, sicut necesse est in electionibus cæteris. Colligitur ex *c. licet 6. h. tit.* ibi *nisi major concordia intercesserit*, & notat *Abb. ib. num. 8.* cum aliis.

Permittitur autem accessus iste etiam infirmis, etiam si morbo impediti, ad Capellam, ubi celebratur electio, venire non possint; sicut enim propterea suffragii Jure non excidunt, ita neque accedere prohibentur.

Quare, ut Jure hoc suo etiam ipsi uti queant, ad eorum singulos per Cardinales Scrutatores deferitur folium, in quo nomina Cardinalium, & numerus votorum in quemlibet collatorum notatus est, unà cum alia scheda pro accessu parata, & arcula, inquam infirmis, & à loco Scrutinii absentes Vota sua inferunt, & per ejusmodi votum declarant, an, & cui velint accedere.

Accessus autem iste non est permissus, nisi semel in quovis Scrutinio, ut bene cum aliis notat P. Vviest. *hic num. 358.*

96 Queritur 6. Utrum Cardinales in tres v. g. compromittere possint ea forma, ut isti teneantur eligere in sum-

um Pont. in quem Cardinalium in conclavi præsentium major pars consenserit? Resp. cum distinctione: Vel enim compromissarii teneantur eligere, in quem major pars consenserit, collatis in eum votis per formam Scrutinii, vel in quem consenserit liberè, non observata Scrutinii forma.

*Si primum*, Compromissum, & inde secuta electio invalida est; quia est electio per Compromissum admixtum habens scrutinium, quod ut validum sit in Electione Pontificis, juxta *Constit. Greg. cit. §. 19.* requiritur, ut electio fiat per vota secretæ, & in Electum duæ partes Cardinalium consenserint.

*Si secundum*, valeat Compromissum, & electio ita celebrata. Ratio est, quia valet in aliis electionibus *c. in causis 30. & c. cum dilectus 32. h. tit.* in Compromisso autem, quo eligitur Pontifex, nihil novi præscribitur. ergo etiam valebit in electione Pontificis.

Queritur 7. quisnam eligi in Summum Pont. Possit? Videtur, non posse eligi alium, nisi Cardinalem; nam ita 1. statutum videtur *can. in nomine 1. dist. 23.* ibi *Eligatur autem de ipsius (Romanæ) Ecclesiæ gremio, si reperitur idoneus.* 2. Similia habentur *can. oportebat 3. & can. seq. dist. 79.* ubi expressè statuitur, ut *nullus unquam Laicorum, neque ex alio ordine præsumat, nisi per distinctos gradus ascendens Diaconus, aut Presbyter Cardinalis factus fuerit; ad Sacri Pontificatus honorem promoveri.* 3. Confirmat hoc trium sæculorum continua observantia, quo tanto tempore Pontifex tantum assumptus est ex gremio Cardinalium.

Sed dicendum, in Pontificem posse eligi quemcunque fidelem Catholicum, etiam Laicum, & uxoratum, modo habeat ea, quæ Jure Divino, & naturali ad Dignitatem requiruntur. Ita Barb. l. 1. *Jur. Eccl. c. 1. n. 77. & seqq.* cum communi DD. & decisum videtur *c. licet 6. h. tit.* ubi *statuitur, ut sine ulla exceptione ab universali Ecclesiæ Romanus Pontifex habeatur, qui à duabus partibus concordantibus electus fuerit, & receptus.* igitur etiam non poterit sic electo opponi exceptio, quod non sit de Collegio Cardinalium, vel Clericus. *Consequenter* quia ita sæpius ad Summum Pontificatum vocati sunt, qui antè non erant Cardinales; sicut enim, ut Barb. l. cit. notat, Eugenius III. ex Abbate simplici, Gregorius X. ex Atchidiacono, Cælestinus V. ex eremo vocatus, cum nec esset in sacris, Pontifex est creatus.

Dixi etiam *Laicum*, quod colligitur ex Ceremoniali Romanæ Ecclesiæ, ubi forma habetur ordinandi eum, qui ex Laico in Pontificem assumptus fuerit. Addidi & *uxoratum*, intellige, si uxor consentiat; aliàs poterit eundem revocare.

Neque obstant argumenta opposita. *Ad 1. & 2.* Juri antiquiori ibi allegato derogatum est per Jus recentius *c. licet cit.* *Ad 3.* observantiæ illi oppono observantiam pro *Constit. allatam.*

Queritur 8. an Pontifex vtrius statim fiat, qui electionem sui à Cardinalibus factam accepit? Resp. distinguendum, an legitime electus fuerit, an contra.

*Si primum*, statim administrationem plenam, à Deo sibi immediate collatam, habet, ut statuitur *can. in nomine 1. vers. electus tamen dist. 23.* etiam si nondum sit consecratus; nam consecratio tantum facit, ut exercere possit ea, quæ sunt Ordinis. Ratio responsionis est, quia Papa non indiget confirmatione; nam confirmatio electionis fieri per Superiorem debet; Papa autem nullum in terris Superiorem habet. Opus tamen est acceptatione ejusdem, ut conjugium spirituale, quod inter ipsum, & Ecclesiam intercedit, ratificetur. Porro hoc conjugium spirituale consummatur denique per Consecrationem, & Coronationem, ante quam in Bullis se Episcopum quidem appellat, non tamen absolutè, sed cum addito *Electum*, tempus verò, quod inter utramque, & electionem est medium, non simplicitè *Apostolatus sui*, sed *suscepti Apostolatus officii* vocat, prout cum Gloss. advertit Laym. *in c. licet cit. n. 7.*

*Si secundum*, Electio Cardinalium, cum invalida fuerit, Jus nullum electo potest tribuere. Hinc expectanda erit Ecclesiæ universalis acceptatio, quæ si superveniat, defectum electionis invalidæ, per Cardinales factæ, si desit tantum conditio Jure humano requisita, sanabit, ut adeo fiat verus Pontifex. Dixi *Conditio Jure humano requisita*; nam defectum conditionis



nis requisitæ per Jus Divinum Ecclesia sanare non potest. Quia verò ex communi TT. est Fide Divina credibile, quemlibet Summum Pont. postquam ab universali Ecclesia ut talis est acceptatus, esse verum Christi Vicarium, & B. Petri Successorem, nullum erit periculum, ne Ecclesia consentiat in eum Pontificem, qui defectum conditionis Jure Divino requisitæ habet. Sed de hoc latius TT.

Quæritur 9. an summi Pont. electio valeat impugnari? Certum est impugnari posse electionem etiam omnium consensu celebratam, si Electus laboret defectu, quo Jure naturali, aut Divino inhabilis redditur, v. g. si sit infans, amens, scæmina, hæreticus, vel nondum baptizatus. Ratio est, quia, ut *num. prior. dixi* impedimenta ista Ecclesia suo consensu non potest tollere, vel defectum supplere.

Dubium est, an opponi eidem possit defectus conditionis Jure solum humano reddentis electionem invalidam? Ratio dubitandi est, quia quæcunque pœnæ, nullitates, & inhabilitates ligare non possunt Pontificem, cum ille superior sit omni Jure Ecclesiastico. ergo &c.

Sed respondendum est cum distinctione: Vel enim electo solum opponitur defectus natalium, Ordinis sacri, Clericatus &c. quæ substantiam, & libertatem electionis non impediunt, vel contrà obiciuntur defectus, qui tollunt substantiam, & libertatem electionis, v. g. quod sit gravi metu extorta, quod Simoniaci, quod celebrata pauciorum, quam duarum partium suffragiis, vel ab iis, qui potestate eligendi notoriè carent.

Si primum, opponens, vel opposcentes non audiuntur ex *c. licet cit.* ibi *absque ulla exceptione*. Si secundum, oppositio admittitur, ut clarè habetur *can. si quis pecunia 9. dist. 79. & Constit. Julii II. incip. cum tam Divino edita in Concil. Later. sess. 5.*

Ad rationem dubitandi negatur, quod cum tali defectu electus sit verus Pontifex, cum electio sit Jure ipso invalida. igitur nihil obest, quin sic electum Leges hæ obligent; nam etsi ligent, non ligant Pontificem.

Quæritur 10. an si Papa quacunque ex causa fuisset electus invalidè, & hoc advertant Cardinales, Electo invito ad alterius novam Electionem possint procedere? Resp. Si Electus ut Papam se gereret, & Electioni renunciare noller, expectanda foret sententia Concilii Generalis de nullitate electionis pronuntiantis, antequam Cardinales ad novam electionem possent procedere, prout communiter colligitur DD. ex *Concil. Constant sess. 39.* ubi id de casu, quo electio est metu extorta, expressè habetur.

Post latam tamen sententiam à Concilio de nullitate Electionis, Electio novi Pontificis fieri debet à solis Cardinalibus, ut notat cum aliis Laym. in *c. licet. cit. num. 5.* & dat rationem, quia cum ea eligendi potestas Cardinalibus data sit à summis Pontr. approbantibus Conciliis Generalibus, absque necessitatis causa auferri eidem illa non potest.

Necessitas autem, ut Laym. *l. cit.* addit, pro ea vice auferendi Cardinalibus hanc potestatem foret, si v. g. ad Schisma tollendum, cui plerique eorundem faverent, expediens esset Electionem à Concilio Generali fieri: & ita à Concilio Constantiensis PP. electus est Martinus V. ut refert Azor. *p. 2. l. 4. c. 2. q. 13.*

## TITULUS VII.

## De Translatione Episcopi.

## SUMMARIUM.

- 1 Translationis natura.
- 2 An Episcopus consecratus transferri possit?
- 3 An Electus non consecratus?
- 4 Cujus autoritate transferri possint Prælati alii?
- 5 An etiam autoritate Capituli sede vacante?
- 6 An transferri possit invitus?
- 7 An ad Dignitatem minorem?
- 8 Effectus Translationis.

Terria via perveniendi ad Prælaturas est Translatio. Dupliciter potest accipi. 1. *specificè*, cum Episcopus transfertur ab uno Episcopatu ad alium. 2. *genericè*, quando Schmalzgruber Tom. I.

do Prælatus, vel alius quicumque Beneficiarius à Prælatura, vel Beneficio, quod habet, transfertur ad aliam Prælaturam, vel Beneficium.

In hoc secundo sensu accepta definitur, quod sit aliqujus personæ ab una Ecclesia ad aliam sæcularem, vel regularem, Superioris autoritate, ob causam utilitatis, vel necessitatis, facta mutatio. Ita quoad sensum DD. communiter, & colligitur ex *can. mutationes 34. caus. 7. q. 1.*

Dixi 1. *alicujus personæ*, videlicet genericè, & indefinitè; possunt enim ita transferri non tantum Episcopi, & his Superiores, sed etiam inferiores Prælati, & Beneficiati alii quicumque, prout constat ex *c. bona 3. & 4. de postul. c. dilectus 19. de præb. c. cum venerabilis 7. de consuet. c. dudum 22. de elect. c. quæsitum 5. de rer. permut. & toto h. tit.*

Dixi 2. *ab una Ecclesia ad aliam*, iterum indefinitè; potest enim ejusmodi translatio fieri non tantum ad majores, sed etiam ad pares, imò etiam ad minores Ecclesias, licet qui à majore ad minorem, v. g. ab Archiepiscopali ad Episcopalem Ecclesiam transire velit, non facile reperiat, aut si reperiat, qui velit, permittatur, ut ita transeat: & ratio est, quia id facere præsumitur non majoris fructus, aut utilitatis spiritualis gratia, sed studio avaritiæ, aut ex alio fine non bono.

Dixi 3. *Superioris autoritate*; nam propria autoritate transire ab una Ecclesia ad aliam nequit: & quidem si Episcopus ab una Sede ad aliam transferatur, requiratur licentia summi Pontificis *c. cum ex illo 1. h. tit.* quia actus translationis numeratur inter causas majores, quæ summo Pontifici reservantur.

Dixi 4. *ob causam necessitatis, vel utilitatis*: talis erit, si Prælatus in ea Ecclesia, quam possidet, non possit persistere propter aeris intemperiem, plebis odium, vel persecutionem, aut quod plus boni in alia Ecclesia prestiturus speretur.

Quæritur 2. an Episcopus consecratus autoritate Papali transferri ab una Ecclesia ad aliam possit? Rationem dubitandi facit *c. inter corporalia 2. §. cum ergo h. tit.* ubi dicitur, quod *Deus spirituale conjugium, quod est inter Episcopum, & Ecclesiam, suo tantum judicio reservaverit dissolvendum*. Conf. à paritate cum conjugio carnali, & consummato, cujus vinculum cum solvi nequeat à Papa, multo minùs ab eodem videtur solvi posse Vinculum matrimonii spiritualis per consecrationem consummati; nam §. *cum ergo cit.* dicitur, vinculum conjugii spiritualis fortius carnali est.

Sed communis sententia affirmat ejusmodi translationem fieri autoritate Papali posse; & stat pro eadem praxis indubitata Ecclesiæ. Ratio est, quia quandoque ad bonum universalis Ecclesiæ necessarium est, tales sedium mutationes fieri *can. mutationes cit. & can. scias 35. caus. 7. q. 1.*

Neque obstat ratio dubitandi allata; nam adhuc dissolvitur conjugium hoc spirituale autoritate Divina, si dissolvitur à Papa; hic enim dissolutionem hanc facit potestate immediatè sibi, tanquam supremo Christi Vicario, concessa à Christo. Quodsi contendens translationem Episcoporum esse lege Divina prohibitam, concedi potest id verum esse non absolutè, sed solum, ne fiat sine licentia Summi Pont. Simile est in matrimonio rato, quod Jure Divino inter Christianos indissolubilitatem habet, non tamen absolutam, sed conditionatam, nisi Pontifex ex gravi causa illud judicaverit dissolvendum.

Ad Conf. disparitas est, quia Matrimonium carnale consummatum idcirco non potest ulla humana potestate dissolvi, quia significat indissolubilem conjunctionem Christi cum Ecclesia, quam non significat matrimonium spirituale. Dicitur autem hoc conjugium spirituale. esse fortius carnali, tum quia dignius, tum quia efficacius est, tum etiam quia secundum quid minùs solubile est: dignius est, quia est ex natura sua spirituale, cum illud solum sit elevatum ad rationem entis spiritualis: efficacius est; quia consecratione Episcopi, qua conjugium spirituale consummatur, imprimatur character indelebilis animæ: secundum quid minùs solubile est; quia in carnali matrimonio conjuges à communi thoro, & cohabitatione mutuo consensu possunt discedere; at si ligatus matrimonio spirituali ab Ecclesia sua velit discedere, opus habet licentia Papæ:



3. Quæritur 3. utrum necessaria sit autoritas Papæ ad translationem Episcopi etiam tantum electi, non consecrati? Satis certum est, si tantum sit electus, non confirmatus, licentia Papæ non indigere, etiamsi petierit confirmationem, ut colligitur *arg. c. inter corporalia 2. h. tit.* & ratio probat; talis enim Episcopatus adhuc liberè, & sine autoritate Superioris renuntiare potest. ergo etiam transire ad aliam Ecclesiam.

Dubium moveri potest de casu, quo Episcopus jam confirmatus est, licet nondum consecratus. Et in tali casu transire fieri sine Pontificia autoritate posse, suadere videtur. 1. textu *can. quoniam 1. dist. 100.* ubi Ecclesia, quam obtinet Episcopus electus, & confirmatus, sed nondum consecratus, dicitur *Viduata*. 2. Eodem textu dicitur, Episcopum electum, si ultra sex menses consecrationem sui per negligentiam petere differat, secundum Metropolitanum Judicium compelli posse, ut cedat. ergo idem Metropolitanus poterit eundem etiam transferre ad aliam Sedem, neque opus erit Papæ consensu. 3. *c. quanto 3. h. tit.* statuitur, ut Episcopus, à sua Ecclesia ad aliam propria autoritate transiens, utramque amittat. igitur solvere saltem vinculum conjugii spiritualis, quod inter Episcopum confirmatum raturum est, propria autoritate poterit. si autem solvere, non est ratio, cur non etiam transire ad aliam Ecclesiam. ergo &c.

Sed clara est decisio *c. inter corporalia cit.* pro negativa sententia; Ratio ibidem datur, quod inter Episcopum, ejusque Ecclesiam intercedat conjugium spirituale, quod per electionem inchoatum, per Confirmationem ratum, per Consecrationem verò consummatum, sive perfectum censetur, ut dicitur *c. licet 4. h. tit.* cum igitur ad dissolutionem matrimonii carnalis rati necessaria sit autoritas Papæ, multo magis necessaria erit ad dissolutionem matrimonii spiritualis rati, quippe quod, ut *numer. prac.* in fine dixi, secundum quid est minus solubile.

Argumenta in contrarium non sunt efficacia. *Ad 1.* Ecclesia ibidem viduata dicitur, non absolute, & simpliciter, quasi nullum tunc Sponsum habeat, sed secundum quid, sive quoad aliqua; quia Episcopus talis non potest exercere ea, quæ sunt Ordinis: qua ratione etiam viduata Ecclesia dicitur, quæ Episcopum quidem habet, sed inutilem ad obeunda munia Episcopalia. *Ad 2.* neque cessio ista fit sine autoritate Romani Pontificis, quippe qui vi istius Canonis talem potestatem Metropolitanis concessit. *Ad 3.* Episcopus sine autoritate Papæ ad aliam Ecclesiam transiens priorem Ecclesiam non amittit ipso Jure, & facto, sed in pœnam temeritatis ea per sententiam Judicis condemnatoriam est privandus, ut *in c. quanto cit.* cum aliis notat Abb. *num. 13.*

4. Quæritur 3. cujus autoritate transferri possint Prælati alii inferiores Episcopo? Videtur, nec hos transferri posse sine autoritate Papæ; quia etiam inter istos, & commissas ipsis Ecclesiis intercedit spirituale conjugium, quod satis indicat *c. ne pro defectu 41. ibi Ecclesia viduata de Elect.*

Sed utendum est distinctione: Vel enim Prælati isti sunt exempti, vel non exempti. *Si primum*, ut legitime transferantur ad aliam Ecclesiam, necessaria est Papæ autoritas, cum iste sit illorum immediatus Superior. *Si secundum*, transferri possunt autoritate proximi Superioris, seu proprii Episcopi, ut colligitur ex *can. Abbas 8. caus. 18. q. 2.* Quodsi Ecclesia, ad quam fit translatio, sita sit in aliena Diocesi, necessarius erit consensus utriusque Episcopi *c. admonet 4. de renunt. c. fin. Cleric. peregr.*

*Ad rationem dubitandi* inter Prælaturam inferiorem Episcopo, & ejus Ecclesiam intercedit Matrimonium spirituale non verum, sed tantum quasi; nam ut S. Thom. *in 4. dist. 20. a. 4. q. 1.* notat, soli Episcopi de Jure communi Ecclesiis suis desponsantur per anulum.

Neque obest, quod etiam Prælatorum inferiorum obitu Ecclesiæ illorum viduata dicantur; talis enim est illorum viduitas, quale antea fuit Matrimonium.

5. Quæritur 4. an etiam Capitulum sede vacante transferre Abbatem, aut Beneficiarium ab una Ecclesia ad aliam possit? Negat Gloss. *in c. cum olim 14. V. Capitulo de major. & obed.* Rationem dat, quia hæc translatio est quædam alienatio, & donatio personæ. atqui alienationes rerum facere non potest Capitulum, sede vacante *can. si-*

*que 42. caus. 12. q. 2.* ergo multo minus personarum; majoris namque personæ, quam res æstimantur *can. precipimus 24. caus. cit. q. 1.*

Sed respondendum est affirmativè cum communi teste Konig *hic n. 5.* Ratio est, quia talis translatio, vel licentiæ concessio est actus purus Jurisdictionis; quæ autem Jurisdictionis sunt, à Capitulo, sede vacante, fieri possunt, ut omnium doctrina est, ergo &c.

*Ad rationem Glossæ* talis translatio in primis non est verè alienatio, cum loco Prælati, vel Clerici, qui Prælaturam, vel Beneficium deferit, protinus substituitur alius æquè utilis: aut si est alienatio, non est alienatio Jure prohibita; aliàs etiam Episcopus ejusmodi translationem non posset facere sine solemnitate Canonica ad alienationem requisita.

Quæritur 5. an Summus Pontifex possit Episcopum invitum ab una Ecclesia transferre ad aliam? Resp. Translatio Episcopi ab una Ecclesia ad aliam duos actus continet; videlicet solutionem vinculi cum priore Ecclesia, & alligationem ad aliam Ecclesiam.

*Quoad primum* satis convenit inter DD. ob causam communis utilitatis, aut necessitatis invitum absolvi posse à vinculo, quo alligatus est priori Ecclesiæ, ita ut ista, siquidem sic velit Pontifex, hoc ipso vacet. Ratio est, quia Pontifex potest dissolvere Matrimonium carnale raturum, non consummatum, ex justa causa, etiam invito altero conjugè. igitur sic dissolvere etiam poterit Matrimonium spirituale; nam hujus solutio magis subjecta est ejus potestati.

*Quoad alterum* affirmativam videntur tenere Host. & Joan. Andr. *in c. fin. de postul. Prælat.* Sed meliùs Fagn. *in c. quanto 3. hoc tit. num. 117.* cum communi negat. Ratio est, quia ad valorem rati spiritualis, quam carnalis conjugii requiritur consensus contrahentium, ut patet ex *c. cum inter 21. de Elect.* atqui ita translatus cum Ecclesia, ad quam transfertur, contrahit verum conjugium spirituale *can. sicut alterius 39. caus. 7. q. 1.* ergo opus est translato consensu. Addo tamen, casu, quo bonum publicum Ecclesiæ ejusmodi translationem exigit, translationem teneri consentire, & si nolit, pœnis à Pont. cogi posse, ut consentiat, & ex nolente fiat volens, ut colligitur ex *can. scias 35. caus. 7. q. 2.*

Quæritur 6. an is, qui dispensationem accepit, ut possit transire ad majorem Dignitatem, vi illius transire etiam ad minorem possit? Videtur posse ex paritate cum dispensatione super inhabilitate personæ; nam habilitatus per eam ad Dignitatem majorem, e. g. Archiepiscopalem, hoc ipso etiam censetur esse habilitatus ad minorem, seu Episcopalem. ergo pariter si dispensetur cum aliquo propter vinculum spirituales matrimonii, ut possit transire ad digniorem Ecclesiam, hoc ipso dispensatum censetur, ut transire possit ad Ecclesiam minus dignam.

Sed clara est in contrarium decisio *c. fin. h. tit.* & merito, quia indultum tale, utpote Juri communi pugnans, est strictæ interpretationis, ac propterea servandum ad litteram.

*Ad rationem dubitandi nego paritatem.* Disparitas est, quia ob vitium personæ faciliùs dispensatur ad minorem, quam ad majorem Dignitatem; at cum agitur de translatione ab una Ecclesia ad aliam, faciliùs dispensatur ad majorem, quam minorem ob rationem allatam *num. 1.*

Quæritur 7. quis sit effectus Translationis? Resp. 1. per illam Matrimonium spirituale, inter Episcopum transferendum, & priorem Ecclesiam contractum dissolvitur, isque ab ea omnino liberatur. *c. inter corporalia 2. h. tit. & c. bona 4. §. fin. de postul.* Ratio est, ne alioquin translatus existeret sponsus duarum Ecclesiarum. 2. translatus alteri Ecclesiæ jungitur, eandemque potestatem consequitur, perinde, ac si per electionem, aut alium legitimæ provisionis modum illam obtinuisset *c. 2. cit.* 3. per Translationem prior Ecclesia vacat ipso Jure, quamprimum translationem, eamque acceptavit.

Dubium est, an per translationem Episcopi statim vacare incipiat prior Ecclesia, etiamsi translatus Ecclesiæ, ad quam translatus est, possessionem pacificam nondum acquisiverit? Videtur tenenda negativa sententia; nam casu, quo quis promotus est à Dignitate inferiore ad Episcopatum, non vacant Beneficia prius obtenta, donec promotus adeat pacificam possessionem Episcopatus, ad quem promotus est, per textum, & DD.



*inc. cum in cunctis 7. §. cum verò de Election. & Elect. potest.*

Sed retinenda est affirmativa, eaque communis DD. Ratio est, quia ex tunc Episcopus jam est spirituali matrimonio copulatus posteriori Ecclesiæ. igitur ne committat spirituale adulterium, antequam secundæ jungatur, dissolvi debet vinculum cum priore, vel saltem à Papa dispensatum esse, ut utramque simul retinere possit, prout dispensare potest, & ex praxi constat eum sæpè sic dispensare.

Ex quo cadit ratio dubitandi; neque enim in Prælatibus inferioribus, & aliis Beneficiis urget eadem ratio, cum in his non contrahatur spirituale conjugium propriè dictum cum Ecclesiâ, à quo prius absolvi debeat Prælati, vel Beneficiarius promovendus ad Episcopatum.

## TITULUS VIII.

## De Authoritate, &amp; Usu Pallii.

## SUMMARIUM.

- 1 Quid sit Pallium?
- 2 Cur sumptum dicatur de Corpore B. Petri?
- 3 A quo? 4. Et quibus hoc concedatur?
- 5 Intra quod tempus petendum?
- 6 Quid Juris per ejus traditionem consequatur Archiepiscopus?
- 7 Quando, & ubi sit licitum uti Pallio?
- 8 An etiam extra Provinciam?
- 9 An in loco exempto?
- 10 An transferri illud ad alios possit?

**H**ic Titulus quasi appendix est trium priorum; quidam enim ex postulatibus, electis, translatis Jus Pallii habent, quo quia, ut statim num. seq. dicam, promotus primum consequitur ut plenitudinem potestatis officii sui, meritò præcedentibus Titulis subjungitur præfens de authoritate, & usu Pallii.

**1** Queritur 1. quid sit Pallium? Resp. Pallium est Vestis candida, ex lana alba contexta in coronæ, seu circuli modum, pectus & humeros circumiens, ac quatuor nigris, vel rubris crucibus distincta, anteriore parte nonnihil dependens. Ita Abb. ad Rubr. h. tit. Sylv. in summ. V. Pallium, Azor. p. 2. l. 3. c. 34. q. 1. & communiter alii. Est præcipuum Archiepiscoporum insigne, & ornamentum, cujus antiquissimus usus est in Ecclesiâ, & originem habet ab ipsis S. Petri Discipulis. Hoc plenitudo Pontificalis officii conceditur Archiepiscopo; nam sicut Episcopus non habet plenum jus in suo Episcopatu, antequam consecratus sit, ita neque Archiepiscopus plenum Jus habet in sua Provincia, priusquam acceperit Pallium, adeo, ut licet post acceptam Confirmationem, & Consecrationem dici Metropolitanus possit, Archiepiscopus tamen appellati ante Pallii receptionem nequeat c. nisi 3. h. tit.

**2** Queritur. 2. quare Pallium dicatur sumptum de Corpore B. Petri? Modus hic loquendi invenitur c. significasti 4. de Elect. cujus Interpretes varias dant rationes. 1. quia benedicitur, & consecratur à Papa super altari S. Petri, & ille, cui competit Jus Pallii, recipit illud de altari, si præfens est, aut alius loco ipsius, si fuerit absens. Ita Gloss. in c. significasti cit. V. Corpore assumuntur. Potest tamen etiam alio loco v. g. ex altari Capellæ Pontificiæ pallium recipi, ut notat Host. in summ. Num. 3. h. tit. 2. Quia à solo Romano Pont. Pallium confertur Jure ordinario; ab aliis non nisi ex privilegio ejusdem. Ita Abb. in c. significasti cit. num. 9. 3. Quia Pallium significat quasi particulam potestatis Ecclesiasticæ, quæ in S. Petro, ejusque Successoribus residet, cum alii Prælati solum vocati sint in partem sollicitudinis Pastoralis. Ita Laym. in c. cit. num. 3.

**3** Queritur 3. à quo conferri possit, ac peti debeat Pallium Archiepiscopale? Resp. Olim quatuor Patriarchæ principales, videlicet Constantinopolitanus, Antiochenus, Alexandrinus, & Jerusalemitanus conferre illud ex privilegio à Pontifice accepto poterant suffraganeis suis, sed non antè, quàm idipsum recepissent ipsimet à Pontifice, eidemque fidelitatis, & obedientiæ Juramentum præstissent. Nunc cum sedes istæ Patriarchales obtineantur ab Infidelibus, etiam in Patriarchis, qui Schmalzgrueber Tom. I.

solum titulum Ecclesiarum suarum defecto retinent, exspiravit potestas ista. Unde nunc Pallium solus Pontifex Romanus Archiepiscopis confert.

Forma verborum, qua Pallii traditio fieri solet, ut refert Gloss. in c. ad honorem 4. V. eod. h. tit. est talis: *Ad honorem Dei Omnipotentis, & B. MARIE Virginis, & BB. Petri & Pauli Apostolorum, & Domini Papæ N. Ecclesiæ Romanæ, & Ecclesiæ talis tibi commisse, tradimus tibi Pallium de corpore B. Petri sumptum, in plenitudinem Pontificalis Dignitatis, ut utaris eo intra Ecclesiam tuam certis diebus, qui exprimuntur in privilegiis, Ecclesiæ tuæ concessis à Romana Ecclesiâ, in nomine Patris, & Filii, & Spiritus S. Amen.*

Queritur 4. quibus concedatur, sive conferatur Pallium? Resp. Pallii Archiepiscopalis Jus 1. competit Summo Pontifici, velut Archiepiscopo Romano, ut constat ex c. honorem 4. in princ. h. tit. idque ex antiquissima consuetudine; nam ut testis est Polydorus Virgilius l. 4. de invent. rer. c. 32. Romani Pontifices primis statim nascentis Christianitatis temporibus eodem sunt usi.

2 Competit etiam Archiepiscopis omnibus, & qui superiores sunt istis, primatibus, & Patriarchis. Host. in summ. h. tit. num. 3. quibus Papa Pallium mittit, si instant periverint can. quoniam 1. & can. seq. dist. 100. non tamen antè iisdem datur, quàm Fidei Cath. Professionem fecerint, & Sedi Apostolicæ fidelitatis, & obedientiæ Juramentum præstiterint can. optatum 4. dist. cit. & c. significasti 4. de elect.

3 Ex speciali Sedis Apostolicæ privilegio, & longa consuetudine Pallium à Sede Apostolica mittitur, & traditur etiam quibusdam Episcopis, ut Ostiensi prope Romam, qui Papam consecrat, & Sacti Collegii Cardinalium Decanus est, Papiensi in Longobardia, Lucensi in Tuscia, Bambergensi in Germania, Doleni in Gallia, Quinque Ecclesiensi in Hungaria &c. Az. par. 2. lib. 3. cap. 34. qu. 3.

Queritur 5. intra quod tempus petendum sit Pallium? 5 Resp. is, cui Pallii Jus competit, debet intra tres menses, à die consecrationis, vel si jam antè consecratus sit, à die Confirmationis acceptæ numerandos, pallium à Pont. petere; alias si intra hoc tempus, legitimo impedimento cessante, id facere omittat, commissa sibi Dignitate, & potestate privatur, & Metropolitanis aliis licentia datur, post secundam, & tertiam commonitionem viduatis Ecclesiis cum consilio Romani Pontificis ordinando, & consecrando Episcopos subvenire, ut dicitur can. quoniam 1. dist. 100. Porro traditio Pallii, ut constitutum est Extr. un. int. comm. h. tit. non impeditur, aut retardatur per objectionem cujusvis criminis, aut defectus, nisi obicientes firment, præstato corporali Juramento, se id malitiose non agere, ac de objectis offerant facere promptam fidem, atque insuper ad pœnam talionis, seu extraordinariam se obligent arbitrio præsentis. Promptam autem fidem censentur facere, si ut ibidem dicitur, intra bimestris temporis spatium, numerandum à die collationis, ni antea probaverint legitime, quod opponunt. Ratio hujus Constitutionis est, ut malitiis hominum obviatur, qui facile falsis objectionibus suis efficerent, ut diutius cum magno animarum damno vacarent Ecclesiæ. Interim tamen per hujusmodi traditionem Pallii, ut ibid. in fin. additur, nullum præjudicium Pontifex fieri voluit viæ accusationis, denuntiationis, vel inquisitionis: & hoc ideo, ne Pallium detur, nisi dignis, & bene meritis.

Queritur 6. quid Juris, aut potestatis per Pallii traditionem consequatur Archiepiscopus? Resp. Pallii recepti duplex effectus est. 1. Per traditionem illius confertur nomen Archiepiscopale, quo nomine, ut N. 1. dixi, antea debuit abstinere, c. nisi specialis 3. h. tit. & ibidem DD. atque interpp. 2. Ejus concessione consequitur plenitudinem Pontificalis, sive Archiepiscopalis Officii, quæ in eo consistit, quòd Archiepiscopus post Pallium acceptum exercere possit omnes actus, qui sunt Jurisdictionis, & Ordinis, cum prius, etsi confirmatus, vel etiam consecratus fuerit, non potuerit illos omnes exercere.

Sed ex hoc dubium surgit, quosnam actus ante Pallii receptionem Archiepiscopus exercere nequeat: Pro cuius dissolutione distinguendum est inter actus proprios muneris Archiepiscopalis, & inter actus communes Episcopis omnibus.

Priores, quales sunt visitare Provinciam, convocare



Concilium Provinciale, &c. ante Pallii receptionem exercere nequit; quia ante illam Archiepiscopus confirmatus, & consecratus Jurisdictionem Archiepiscopalem habet quidem in aptitudine, non tamen in actu.

In *posteriores* subdistingendum est inter actus Jurisdictionis Episcopalis, & inter actus Ordinis Episcopalis. Actus *communes* Jurisdictionis Episcopalis, quales sunt causas cognoscere, eas delegare, constituere Judices, potestatem ordinandi Clericos, & consecrandi Episcopos committere alii Episcopo &c. exercere ante Pallii receptionem potest, ut patet ex *c. suffraganeis* 11. de *Elect.* & ratio est, quia illos exercere potest etiam Episcopus confirmatus, licet nondum sit Sacerdos.

Inter actus, qui sunt *Ordinis Episcopalis*, iterum distinguendum est; nam actus Ordinis *minus principales*, & quos peragere solet stola tantum indutus, ut est benedictio calicis, paramentorum, cœmeterii &c. exercere ante Pallii receptionem potest, ut bene advertit Kon. *hic num.* 14. ex ratione, quia pallium tantum requiritur ad Dignitatem Archiepiscopalem; hoc autem non videtur exercere tanquam Archiepiscopus, cum illos exercere etiam possint Abbates simplices.

At actus Ordinis Episcopalis *maiores*, & quos exercere debet indutus Pontificalibus, uti est confectio Chrismatis, dedicatio Basilicarum, Ordinatio Clericorum, consecratio Episcoporum, benedictio Abbatum, & Virginum &c. exercere ante Pallii receptionem non potest licite, uti constat ex *c. quod sicut* 28. §. *præterea de elect.* ubi ratio datur, quod istos actus *non tanquam simplex Episcopus, sed tanquam Archiepiscopus facere videatur*. Excipitur, si extra Provinciam suam invitetur ad actus istos exercendos à proprio Diœcesis Episcopo; ibi enim etiam actus Ordinis majores licite exercere potest, modò sit consecratus, ut notat Laym. in *c. 1. h. tit. num.* 4. & ratio est, quia cum extra Provinciam, ut *num.* 7. dicam, Pallio uti non possit, actus illos exercet, non ut Archiepiscopus, sed ut simplex Episcopus.

7. Quæritur 7. quando, & quo in loco licitum sit uti Pallio? Resp. solus Romanus Pontifex in omnibus Missarum solemnibus semper, & ubique Pallio utitur; quia *solus assumptus est ad plenitudinem Ecclesiasticæ potestatis, quæ per pallium significatur*, ut dicitur *c. ad honorem* 4. *h. tit.* Ceteri, quibus usus ejusdem concessus est, nec semper, nec ubique, sed certis tantum in locis, & diebus uti Pallio possunt; quia tantum vocati sunt in partem sollicitudinis Pastoralis.

Dies à Gloss. *c. ad honorem cit. V. eod.* Host. in *summ. hic num.* 5. & aliis enumerantur sequentes: videlicet in Festo Nativitatis Domini, S. Joannis Evangelistæ, S. Stephani, in Circumcisione Domini, in Epiphania, in Ramis Palmarum, in Cœna Domini, in Sabbato Sancto, tribus diebus Resurrectionis, in Festo Ascensionis, & Pentecostes, S. Joannis Baptistæ, & omnium Apostolorum; tribus, vel ut ponit Host. quatuor solemnitatibus B. V.S. Michaelis, omnium Sanctorum: in Dedicatione Ecclesiarum, in Festivitatibus Principalioribus Ecclesiæ Archiepiscopalis: in Ordinationibus Clericorum, & consecrationibus Episcoporum, & in die Anniversario consecrationis Archiepiscopi, vel aliis juxta tenorem privilegii, quod eisdem in concessione Pallii datum est. His omnibus diebus Archiepiscopus uti Pallio potest, non autem debet; quia non tenetur iis diebus solemniter, seu in Pontificalibus celebrare; nam si iis diebus privatim, & sine Pontificalibus celebret, potest id facere sine Pallio, ut colligitur ex *c. ad honorem cit. & can. pallium* 6. *dist.* 100. ubi tantum fit mentio de *Missarum solemnibus*.

Ut tempus, ita etiam locus Archiepiscopis, & aliis Pallii usum habentibus restrictus est. Nam 1. secluso speciali privilegio, eo uti possunt in solis Ecclesiis *c. cum super* 1. *h. tit. in fin.* Hinc si in domo privata, vel sub papilione, seu tentorio celebret, pallium gestare non potest, ut notat Gloss. marg. in *c. 6. h. tit.* Excipiunt aliqui cum Laym. in *c. 6. cit. numer.* 2. si altare portatile, quod hominum multitudinem capere non possit Ecclesia, præ foribus ejusdem extruatur. Rationem dat, quia talis celebratio veluti subrogatur in locum ejus, quæ in templo fieri debebat, ut proinde iisdem privilegiis gaudeat.

2. Et si Pallio Archiepiscopus uti possit intra omnes Ecclesias suæ Provinciæ, ut constat ex *c. cum super cit.* non tamen potest eodem uti extra Missarum solemnibus,

ut constat ex *can. pallium cit. dist.* 100. *can. contra* 8. *dist. ead. c. ad honorem* 4. *hic*. Excipitur, nisi aliud obtinuerit per privilegium, vel per legitimam consuetudinem; nam ut Gloss. in *can. pallium cit.* notat, etiam in Synodo Archiepiscopus uti pallio potest.

3. Non potest Archiepiscopus in pallio celebrare in Missis defunctorum, nisi hoc obtinuerit ex privilegio, prout colligitur ex *c. ult. in fin. h. tit.* & ratio est, quia Jure communi non potest Archiepiscopus uti Pallio, nisi in diebus solemnibus, in quibus pro defunctis celebrari non solet.

Quæritur 8. utrum Archiepiscopus extra Provinciam suam, Episcopus Jus Pallii habens extra Diœcesim uti eodem possit? Rationem dubitandi facit paritas cum Proconsule misso in Provinciam, qui utitur suis insigniis etiam extra Provinciam sibi commissam, ut dicitur *l. proconsul. 1. ff. de Offic. Procons.* & cum Legato à Latere Summi Pont. qui insignia Legationis suæ deportat etiam extra Provinciam sibi decretam, ut suo loco dicitur.

Sed negativa apertè colligitur ex *c. cum super* 1. & *c. ex tuarum* 5. *h. tit.* quibus textibus non est contraria dispositio *c. cum sis* 6. *cit.* ubi dicitur, Archiepiscopum, *ubicunque fuerit in Missarum celebrationibus constitutus, diebus solemnibus usum Pallii posse liberè exercere*; cum enim Jura Juribus concordanda sint, textus iste intelligendus est juxta mentem *c. cum super cit.* quod usum Pallii restringit ad Ecclesias intra Provinciam, ut proinde sensus ejusdem sit, ubicunque, seu in omnibus Ecclesiis suæ Provinciæ pallio uti posse.

Ad rationem dubitandi disparitas est, quia in Proconsule, & Legato à Latere non est facta limitata concessio insignium, sicut facta est in Archiepiscopo circa usum Pallii.

Dubitari potest, an saltem per consuetudinem obtineri possit, ut in aliena Provincia liceat uti Pallio? Videtur respondendum affirmativè; nam ut *num.* 6. dictum est, per consuetudinem obtineri potest, ut liceat Pallio uti extra templa, e. g. in Processionibus. igitur etiam obtineri poterit per eandem, ut liceat uti Pallio extra Provinciam.

Sed dicendum, nulla consuetudine, etiam immemoriali, induci posse, absque privilegio, seu fama accepti Privilegii Apostolici, ut Archiepiscopus extra Provinciam suam gestet Pallium. Ita decusum est *c. ex tuarum cit.* Ratio est, quia consuetudo, quæ est extra substantiam, seu formam substantialem rei, non valet *arg. c. non putamus* 2. de *consuet.* in 6. junct. Gloss. marg. *ibid.* talis est consuetudo præsens; Pallium enim, ut *n.* 3. monui, traditur sub hac forma: *Tradimus tibi pallium -- ut eo utaris intra Ecclesiam tuam*: quibus verbis usus ejusdem expressè limitatur ad Ecclesias Provinciæ suæ.

Dixi *absque Privilegio &c.* nam ex speciali gratia Sedis Apostolicæ potest concedi Archiepiscopo, ut extra Provinciam suam, e. g. in Ordinationibus Clericorum &c. Pallio uti possit, uti constat ex *c. tuarum cit.* quo privilegio tamen si velit uti Archiepiscopus, necessarius est consensus Ordinarii illius loci, & Metropolitanus illius Provinciæ; quia privilegium concessum alicui ita explicandum est, ut non cedat in præjudicium aliorum: cederet autem in præjudicium utriusque Episcopi: Diœcesani quidem, si absque ejus consensu alienus Episcopus in illius Diœcesi posset ordinare Clericos; Metropolitanus verò, si alius Archiepiscopus in sua Provincia absque suo consensu posset uti Pallio, ergo &c.

Ad rationem dubitandi nego paritatem; nam consuetudo ibi pro argumento assumpta nusquam reprobatur à SS. Canonibus, sicut tamen ut corruptela *c. ex tuarum cit.* reprobatur consuetudo gestandi. Pallium extra Provinciam propriam.

Quæritur 9. an Pallio uti Archiepiscopus, & in Pontificalibus celebrare (quod ipsum dubium cum proportionem formari potest etiam de Episcopis) possit in loco exempto, hujus proprio Rectore invito? Videtur non posse; quia, ut *preced. Num.* dictum est, non potest Archiepiscopus extra suam Provinciam Pallium ferre, nec Episcopus celebrare in Pontificalibus extra Diœcesim sine consensu proprii Ordinarii. Trid. *sess.* 6. *c. 5. de reform.* atqui loca exempta, sita intra Provinciam, æquiparantur existentibus extra illam, dicuntur non esse *de Diœcesi*, ergo &c. *Conf.* Archiepiscopus, vel



vel Episcopus non potest in loco exempto causas cognoscere, degradare, ordinare Clericos, chrisinare &c. ergo nec celebrare in Pontificalibus, & pallium gerere.

Sed hæc non obstant sententiæ affirmanti, licitum esse utrumque, quod colligitur, ex *Clem. 2. de privil.* ubi Episcopo, & Archiepiscopo expresse conceditur usus Pontificalium in loco exempto, neque sit exceptio Pallii. Ratio est, quia huiusmodi celebratio, etiam cum pallio, respicit dignitatem, & honorem sine administratione Jurisdictionis; atqui ea, quæ dignitatem, & honorem respiciunt tantum, ubique permittuntur Episcopis in sua Diœcesi, Archiepiscopis in sua Provincia. *Clem. cit.* ergo &c.

*Ad Argumentum contrarium* negatur paritas; quia locus exemptus, licet non sit de Diœcesi, est tamen in Diœcesi; neque æquiparatur locis existentibus extra Diœcesin quoad omnia, sed tantum quoad usum Jurisdictionis, & officii. *Ad Conf.* iterum negatur paritas; nam actus ibi recensiti sunt actus non tantum Ordinis, sed etiam Jurisdictionis, quos exercendo in locis exemptis, invitis eorum Rectoribus, violare censeretur privilegium exemptionis.

**10** Quæritur 10. an Pallium ad alios transferri possit? Resp. negativè, ut constat *ex c. ad hoc 2. h. tit.* Ex quo sequitur 1. non posse Archiepiscopum commodare pallium suum alteri Archiepiscopo, ut dicitur *c. cit.* ubi ratio redditur, quia pallium, personam non egreditur, sed cum eo sepeliri debet. *Neque obstat*, quod Jus pallii petendi à Sede Apostolica adhæreat Dignitati Archiepiscopali, & cons. censi debeat esse privilegium reale; nam hoc non obstante, concessio pallii ipsa sit personæ, & sic gestatio Pallii est veluti Privilegium personale.

Sequitur 2. si Archiepiscopus autoritate Pontificia transferatur ad alium Archiepiscopatum, non posse illum uti eodem pallio, quo in priore Ecclesia usus est, sed aliud petere, & expectare debet *c. bone 4. in fin. de postul. Prælat.* Ratio est, quia licet concessum personæ sit, & propterea Archiepiscopus translatus illud secum transferre debeat, concessum tamen eidem est cum restrictione ad certum locum, sive in ordine ad Ecclesias certæ Provinciæ, ut patet in Archiepiscopo, qui renuntiat loco, seu Ecclesiæ Archiepiscopali; is enim perdit usum pallii *c. ad supplicationem 9. de renunt.*

Sequitur 3. neque Successorem translatis Episcopi uti posse priore pallio; quia ut paulò antea dictum est, translatus illud secum transferre debet, & cum eodem sepeliri, ita ut vel induatur, utroque, vel potius pallio potius accepto induatur, alterum verò corpori, seu capiti ejusdem subiciatur, ut notat Abb. *in c. 2. cit. n. 2.*

## T I T U L U S IX.

### De Renuntiatione.

Quarta demum via perveniendi ad Prælaturas est Renuntiatio; dum enim prior Prælaturæ possessor eam per Renuntiationem dimittit, occasionem novæ collationi præbet. Sit ergo

#### §. I.

#### De Natura, & Varietate Renuntiationis.

### S U M M A R I U M.

- 1 *Definitio Renuntiationis.*
- 2 *Ejus Divisio in Tacitam.*
- 3 *Et expressam.*
- 4 *Renuntiatio metu extorta valet, quamvis sit rescindenda.*
- 5 *Idem dicendum de extorta fraude, vel dolo.*

**1** Quæritur 1. quid sit Renuntiatio? Resp. Renuntiationem dupliciter posse accipi. 1. *Late* pro spontanea, seu libera cujusque Juris proprii remissione; & in hoc sensu dicitur, quod liberum cuique sit Juri suo renunciare, dummodo id fiat sine præjudicio alterius, sive hominis privati, sive Ecclesiæ, sive Communitatis. 2. *Specificè* pro remissione Juris, quod quis habet in Beneficio Ecclesiastico. Hæc pluribus vocibus Synonymis, idemque significantibus in Jure appellari solet; nam ali-

quando vocatur Resignatio, aliquando cessio, & aliquando etiam ejuratio. *Definiri solet*, quod sit spontanea, & libera dimissio Beneficii proprii, ex justa causa facta coram legitimo Superiore eam acceptante. Duplex esse potest, Tacita, & Expressa. Et hinc

Quæritur 2. Quid sit Renuntiatio *Tacita*? Resp. 2 est, quæ non verbis, sed facto, Beneficii cessionem vel ex natura sua, vel ex interpretatione Juris annexam habente, inducitur. Huiusmodi actus, & facta sunt. 1. si Beneficiarius, etiam in Minoribus tantum constitutus, Matrimonium contrahat. *c. si quis 1. c. quod à te 3. c. de Cler. conjug.* 2. Si solemniter professus sit Religionem. *c. Beneficium 4. de Regular. in 6. 3. Si factus sit miles. Gloss. in c. fin. V. redderint de Cler. non resid.* 4. Si consecutus sit pacificam, & fructiferam possessionem alterius Beneficii incompatibilis cum priore. *c. de multa 28. & Extrav. Execrabilis Joannis XXII. de præbend.* 5. Si post obtentum Beneficium Curatum intra annum ad Sacerdotium non promoveatur. *c. licet 14. de Elect. in 6. 6. Si lite super Beneficio mota acceptat secundum, quod cum primo retinere non poterat. Gloss. in Clem. gratia 4. V. renuntiare de Rescript.* 7. Si patiatur ab alio Beneficium possideri per triennium. *Regul. Cancell. de triennal. possess.* 8. Denique quotiescunque aliquid facit, cui à Jure annexa est privatio Beneficii &c. Habent hi actus vim tacitæ renuntiationis ob præsumptionem Juris, quod in his casibus ex actibus memo ratis præsumit voluntatem renuntiandi Beneficio, & ob eam præsumptionem hos exercentes Beneficiis suis privat.

Quæritur 3. quid sit Renuntiatio *Expressa*? Resp. est 3 illa, qua Beneficii dimittendi voluntas verbis, vel scripto juxta formam à Jure præscriptam legitimè declaratur. Et est duplex, una Pura, seu Simplex, & absoluta, altera Conditionalis. *Purè, & simpliciter* fieri dicitur, quando fit in manibus Superioris, sine ulla pactione, conditione, vel modo, ita ut iste (nempe Superior) beneficium illud, tanquam vacans, statim conferre valeat, cui voluerit.

*Conditionalis* est, quæ fit sub certa conditione, pacto, & modo. Et hæc rursus quatuor modis fieri potest. 1. *in favorem certæ personæ, & non aliàs, nec alio modo*, ut cum quis Beneficio sese abdicat, hac clausula, seu conditione adjecta, ut illud Beneficium conferatur v. g. Titio consanguineo resignantis.

2 *Cum reservatione fructuum, vel pensionis constituta in Beneficio resignato, vel persona, cui sit resignatio*, ut cum Parochus senex, & impotens ad administrandam Parochiam illam renuntiat, reservando sibi cum Superioris licentia portionem fructuum, ut habeat, unde sese sustentet.

3 *Reservato regressu, ingressu, vel accessu.* *Regressus* reservatur, cum reservat sibi resignans Jus, ut possit ad Beneficium redire casu, quo ille, cui resignatio facta est, præmoriatur. *Ingressus* reservatur, si quis collatum sibi Beneficium, cujus possessionem nondum adiit, resignet alteri ea conditione, ut præmortuo resignatario, ipse propria autoritate possit ingredi, sive accipere possessionem Beneficii resignati. *Accessus* reservatur, cum Beneficium, destinatum puero ob ætatem incapaci, confertur interea alteri ea conditione, ut post legitimam ætatem puer iste propria autoritate possit accedere, & occupare tale Beneficium.

4 Denique Conditionalis renuntiatio fit *ex causa permutationis*, nempe cum quis Beneficium suum dimittit ea conditione, ut alterius Beneficium simile, vel dissimile sibi conferatur; tunc enim unus Beneficium suum commutat cum alterius Beneficio, & uterque suo se abdicat, ut alterius acquirat. An omnes isti modi Renuntiationis Conditionalis sint liciti, & Jure approbati, infra dicetur.

Quæritur 4. Utrum valeat Renuntiatio Beneficii extorta metu gravi injustè incusso? Invalidam esse ipso Jure contendunt Host. *in c. ad aures 3. de his, quæ vi &c. Gonzal. in c. ad audientiam 4. eod. n. 2. Pont. l. 4. de Matr. c. 8. n. 16.* Fundantur 1. textu *c. ad aures cit.* ubi statuitur, eum, qui renunciavit Electioni ob terrorem *Lai-corum, non impediri, quo minus Ecclesiæ, ad cujus regimen prius erat electus, præficiatur eidem.* igitur nulla est illa renuntiatio, cum Jus per electionem quæsitum non tollat. 2. *c. ad audientiam cit. eod. tit.* Innocentius III. mandat, eum, qui gravissimo Regis metu coactus fuit ad resignandam Ecclesiam, quam Canonice adeptus fuit, si consti-



constiterit, talem fuisse metum, qui potuerit, & debuerit cadere in virum constantem, ad prefatam Ecclesiam restitui; & addit causam: quia, quæ vi, metu & causa sunt, carere debent robore firmitatis. 3. Idem decernitur Clem. 2. de pœnis; nam ibi Clemens V. statuit, resignationes beneficiorum, modo supradicto extortas, licet à resignantium ipsorum Prælatibus receptæ, aut rata habitæ fuerint, nullius omnino esse firmitatis. 4. Idipsum videtur probare paritas cum Electione, quæ, si vi, metu & causa sit, nulla, & irrita est per c. ubi periculum 3. de elect. in 6.

Verum his non obstantibus, dicendum, etiam Renuntiationes metu factas, licet rescindi valeant, ipso tamen Jure subsistere. Ita Abb. inc. ad aures cit. nu. 5. Flamin. de resign. l. 13. q. 2. n. 8. Vall. de Benef. l. 3. tit. 13. num. 16. & communior cæterorum. Ratio est, quia metu facta renuntiatio hoc ipso, quod voluntaria, & libera sit, irrita non est Jure naturali, & nullo etiam Juris textu irritata. ergo sicut alii plerique actus metu gesti sunt validi, ita etiam renuntiationes.

Neque aliud probant Argumenta adversæ sententiæ. Ad 1. ibi solum dicitur, renuntiantem ita ex metu non impediri, quin præficiatur Ecclesiæ, ad quam electus est, non tamen dicitur præfici eum posse sine nova collatione: & etiam si hoc adderetur, non tamen bene hinc inferretur, Beneficium non fuisse amissum; ipsa enim restitutio in Beneficium, contra Renuntiationem metu extortam facta, est nova collatio tituli per ejusmodi Renuntiationem amissi. Ad 2. firmitatem etiam non habet Renuntiatio valida, si propter metum per sententiam rescindi possit, ut cum aliis rectè observat P. Vviestner hic n. 4. Ad 3. Clem. cit. loquitur de speciali casu, quo renuntiatio extorta fuit injusta detentione, & incarceratione: quo modo extortos actus à Jure specialiter irritatos dicemus tit. 40. n. 19. arg. l. qui in carcerem 22. ff. quod vi, met. caus. Ad 4. negatur paritas; nam quod electio metu extorta sit ipso Jure irrita, speciali Jure cavetur, ut patet ex c. ubi periculum cit. & iis, quæ dicta sunt tit. 6. num. 65. & 66. Jus adeò clarum circa nullitatem Renuntiationis metu extortæ nullum extat.

5. Quæritur 5. quid dicendum de Renuntiatione, extorta fraude, vel dolo? Rebuff. tit. de resignat. dol. fact. num. 4. Pal. tr. 13. D. 6. p. 2. §. 5. num. 8. cum quibusdam aliis putant, renuntiationem hujusmodi esse ipso Jure nullam, ex ratione, quia deceptio tollit omni modo libertatem, quam metus diminuit. Sed hoc Argumentum solvendum est in omni Contractu dolo, circa quem communis sententia distinguit, irritum illum esse ipso Jure, si dolus afficiat ejus substantiam, secus, si circumstantiam.

Quare etiam in Renuntiatione dolo extorta dicendum, nisi dolus versetur circa substantiam ejusdem, illam validam esse ipso Jure, quamvis ad instantiam renuntiantis, si hic dolum probaverit, sit rescindenda. Ita Flamin. l. 13. de resignati q. 3. à num. 1. Vallenf. de Benef. l. 3. tit. 14. num. 1. & seqq. Vviestner hic num. 5. Quod non sit omnino irrita, patet, quia si dolus non afficiat substantiam illius, ipsa quoad substantiam adhuc libera est, & consequenter habet id, quod Jure naturæ ad valorem ejusdem requiritur, & sufficit. Quod verò sit rescindenda, sumitur à paritate cum ea, quæ est extorta metu; dolus enim, & metus æquiparantur. c. cum contingit 28. de Jurejur. Accedit, quia SS. Canones abhorrent vitiosum ingressum in Beneficia, ut patet ex c. un. de eo, qui mittit. in possess. in 6. non potest autem esse ingressus magis vitiosus, quam ille, ad quem dolosa inductio ad renuntiationem complanavit ingrediendi viam. igitur cum malitia sua nemini prodesse debeat, meritò ejusmodi Renuntiatio rescissioni subijcitur.

#### §. I I.

De Beneficiis, quæ resignari possunt, vel non possunt.

#### S U M M A R I U M.

- 6 Quenam Beneficia resignari possint?
- 7 An etiam Patronata, Electiva &c.
- 8 An illud, ad cuius titulum quis ordinatus est?
- 9 Vel quo quis privatus est ob crimen?
- 10 Quid si privandus tantum sit per sententiam?
- 11 Quomodo renuntiari valeant pensiones?

Quæritur 1. quanam Beneficia resignari possint? 6 Resp. resignari possunt Beneficia omnia, cujuscunque sint generis, vel qualitatatis, nisi specialiter aliquo Jure scripto illud prohibeatur. Az. p. 2. lib. 7. c. 25. q. 1. Flamin. de resignat. l. 2. q. 1. num. 1. & seqq. Pirh. hic num. 12. Konig num. 12. Vviest. num. 12. & alii communiter. Ratio est, quia quilibet renuntiare Juri sibi competenti potest, etiam in spiritualibus, si hoc Jus pro ipso principaliter introductum est. tale Jus habet Clericus in Beneficio. ergo &c.

Quamvis autem hoc verum sit, discrimen tamen faciendum est inter Beneficia; nam resignationes Beneficiorum simplicium faciliè admitti debent ab Ordinariis, difficilius resignationes Ecclesiarum Parochialium, majori adhuc difficultate resignationes Prælatorum, qui Ordinariam, & generalem Jurisdictionem obtinent, uti sunt Abbates, & Prælati Regulares: & denique multo adhuc difficilius admittuntur Resignationes Episcoporum, qui archiepiscopo, & indissolubili conjugii spiritualis vinculo suis Ecclesiis sunt adstricti, adeoque non recipiuntur, nisi ex gravibus causis c. nisi cum pridem 10. h. tit.

Addidi nisi specialiter aliquo Jure scripto illud prohibeatur. Tale est 1. ad cuius Titulum quis est promotus ad SS. Ordines, saltem si resignans aliunde non habeat, unde commodè sustentetur, ut constat ex Trident. sess. 21. cap. 2. de reformat. ubi resignatio, quæ facta est, tali qualitate non expressa, irritatur, ne cum Sacti Ordinis dedecore Clericus resignans mendicare, vel sordidum aliquem questum exercere cogatur. 2. Beneficium unitum alicui Collegio Clericorum, Monasterio Religiosorum, aut Seminario Studiosorum; nam hujus renuntiatio, etiam coram Pontif. facta, nullius momenti est, nisi in litteris sit facta mentio unionis, prout colligitur ex Trid. Ratio est, quia per unionem Collegio, Monasterio &c. est acquisitum Jus ad Beneficium sibi unitum, cui per hujusmodi resignationem præjudicaretur. 3. Beneficium litigiosum; nam etsi istud in favorem colligantis renuntiari possit, non tamen in favorem alterius tertii, ut habetur c. si in 2. ut lit. pend. in 6. ne, ut ibidem dicitur, propter novos Adversarios (qui malitiose interdum petitoribus subrogantur) litigia in Ecclesiis dispendium prorogari contingat. 4. Beneficium in Commendam temporalem datum; nam quamvis istud renuntiari possit simpliciter, non tamen in favorem, quippe cum is, qui illud in Commendam sic habet, administrationem duntaxat, non Jus, & titulum in eo habeat. 5. Beneficia per intrusionem sine Titulo Canonico obrenta, uti etiam, quæ quis ex Juris dispositione, vel per sententiam Judicis, quæ transit in rem judicatam, amisit; quia renuntiatio est dimissio proprii Beneficii. Beneficia autem Canonice non obrenta propria non sunt; ea verò, quibus quis ipso Jure vel per sententiam privatus est propria esse deserunt. ergo &c.

Quæritur 2. an resignari possint Beneficia patronata, 7 electiva, vel reservata Summo Pontifici? Resp. posse, modò horum, quorum interest, consensus requiratur. Adeoque si Beneficium reservatum Papæ in favorem alicujus tertii resignetur, accedere debet consensus Papæ; si Electivum, consensus eligentium; si Patronatum, consensus Patroni. Ita Vivian. de Jur. Patron. l. 13. c. 10. n. 24. & 28. Barb. Jur. Eccl. l. 3. c. 15. n. 142. & 145. Flamin. de Resign. l. 2. q. 4. n. 4. & alii passim. Ratio est, quia, ut ex communi advertit P. Vviestner hic n. 13. quando resignatio fit in favorem tertii, vel ex causa permutationis, requiri debet consensus eorum, quorum interest. atqui vel maxime interest Papæ, ne Beneficium ipsi reservatum, Electorum, ne Electivum, Patronorum, ne Patronatum sine ipsorum consensu resignetur in favorem tertii, vel ex causa permutationis, quippe quorum Jus per ejusmodi resignationem, & permutationem læditur. ergo &c. Estque hoc ita verum, ut, quemadmodum DD. cit. cum aliis communiter docent, Resignatio alter facta sit nulla, non quidem ipso Jure, sed per sententiam ad instantiam Patroni, Electorum &c. præteritorum rescindenda.

Porro id, quod dictum est de Jure Patronatus, & consensu Patroni requirendo, extendendum est etiam ad casum, quo unus habet Jus nominandi aliquem ad Beneficium vacans, alter verò Jus præsentandi, ita ut quem prior nominavit, iste debeat præsentare, prout in pluri.



pluribus Germaniæ locis consuetum est; nam utriusque consensus eo casu est requirendus, Patroni quidem, ut patet ex modo dictis; Nominatoris autem, quia ejus nominatio reipsa, & in effectu est præsentatio, præsentatio verò hanc subsecuta potius est nominationis prius factæ executio, ut optimè notant Leurenus *For. Benefic. p. 2. q. 10. n. 2.* Lott. *l. 2. q. 15.* Pirh. *de Election. n. 4.* Vviesner *ibid. n. 8.*

Addidi in favorem tertii, vel ex causa permutationis; nam simpliciter, & purè hæc Beneficia, etiam sine consensu Papæ, Electorum, & Patronorum resignari, & resignationis illorum sic factæ etiam ab Ordinariis admitti possunt, modò sine prædictorum consensu, ab his non conferantur aliis, ut bene cum aliis notat Pal. *tr. 13. D. 5. p. 4. §. 2. n. 5.* & rationem dat, quia in resignatione pura non præjudicatur Patrono, bene tamen in collatione sine ejus consensu facta.

8 Quæritur 3. an valeat Resignatio Beneficii, ad cuius titulum aliquis ordinatus est, si resignans aliunde habeat sustentationem congruam, & qualitatis illius in supplicatione, Superiori pro renuntiationis admissione oblata, mentionem non fecit? Pro valida illam saltem in foro conscientie interno habent Flamin. *l. 2. q. 6. n. 41.* Navar. *conf. 23. de præbend. in fin.* & quidam alii. Rationem dant, quia talis jam videtur satisfecisse intentioni PP. Trid. prohibentium ejus resignationem.

Sed retinenda est sententia negativa, quam præter alios docent Garc. *de Benef. p. 2. c. 5. per totum*, maximè à *n. 214.* Barb. *de Offic. & potest. Episc. alleg. 19. num. 35.* Pal. *tr. 13. D. 5. p. 4. §. 2. num. 6.* Ratio est, quia à memorato Concilio ad formam, & valorem resignationis hujusmodi Beneficii simul requiruntur duo, scilicet ut in ea mentio fiat dictæ qualitatis, & ut Clerico resignanti de congrua sustentatione provisum sit aliunde: unde alterutro deficiente, deficiet etiam renuntiationis valor.

Ad argumentum oppositum: Esto fini Concilii tali casu sit satisfactum, non tamen satisfactum est ejus dispositioni: imò nec fini ejusdem, & intentioni satisfit; neque enim Concilium, ut bene notat Pal. *l. cit.* mentionem illius qualitatis exposulavit in Resignatione faciendâ eo solo fine, ut ordinatus haberet, unde commodè posset vivere, sed etiam, ut ita firmiter haberet, ut non posset se ea commoditate privare.

9 Quæritur 4. an omnino invalida sit resignatio Beneficii, quo quis ob crimen (vel alio modo, e. g. professione Religiosa, vel assentione alterius Beneficii incompatibilis) ipso Jure privatus est? Non convenient DD. nam Less. *l. 2. de J. & J. c. 35. num. 290.* Sanch. *l. 2. de Mat. c. 26. num. 9.* Pal. *tr. 13. D. 5. p. 4. §. 2. num. 13.* cum aliis volunt ejusmodi renuntiationem, si facta illa sit ante sententiam declaratoriam criminis, & privationis ex illo incurse, esse validam, & resignatio jus parere in Beneficio, quamvis, lata illa sententia, rescindi possit. Rationem dant, quia Clericus non perpetratione criminis, sed latâ primùm sententia declaratoria, possessionem Beneficii, & jus in illo perfectè amittit. igitur donec hæc ei per sententiam auferatur, transferre Jus istud adhuc per resignationem potest in alium.

Sed recedendum non est à communi sententia, quam præter alios defendunt Felin. *in c. 32. de rescript. num. 38.* Flamin. *l. 3. q. 1. à num. 20.* Garc. *de benef. p. 111. c. 3. nu. 124.* & apud hos plurimi alii, juxta quos ejusmodi renuntiatio, etiam ante sententiam declaratoriam in favorem tertii facta, est omnino invalida. Patet ex definitione Resignationis *Num. 1.* data; nam resignatio Beneficii est dimissio libera Beneficii proprii. tale non est amplius Beneficium, quo quis ob culpam ipso Jure privatus existit; nam à momento criminis perpetrati amittitur ejus titulus, & proprietas, ergo &c.

Neque obstat allata in contrarium ratio; quia si hæc aliquid probaret, probaret solùm, quòd Resignans tali casu transferre possit id solùm, quod ipsi ex Beneficio superest, nempe possessionem ejusdem, atqui hanc transferre in alium nequit; quia Beneficii possessio sine titulo licet non obtinetur per *Reg. beneficium c. de R. J. in 6.* ergo &c.

10 Quæritur 5. an criminosus Beneficium suum resignare alteri possit, quando ob crimen non est privatus ipso Jure, sed solùm privandus per sententiam? Videtur respondendum negativè, saltem casu, quo is jam est accusatus de tali crimine: idque ex duplici ratione, partim quia

tale Beneficium censetur esse litigiosum; partim verò quia tali resignatione præjudicatur Ordinario, quippe qui sic impeditur à libera collatione ejusdem.

Sed his non obstantibus, communis doctrina est Gloss. *in c. 2. V. finita ut lit. pend. in 6. Flam. l. 3. q. 16. num. 1.* Garc. *p. 11. de Benef. cap. 3. num. 64.* & aliorum, hujusmodi Beneficium ante privationis sententiam non tantùm simpliciter, sed etiam in favorem tertii, & ex causa permutationis renuntiari posse. Ratio est, quia quamdiu sententia ista lata non est, Beneficiarius jus adhuc in Beneficio habet. Proceditque hoc, quamvis alius Beneficium illud jam impetraverit in eventum privationis, & renuntians sciverit ita impetratum esse; utitur enim jure suo, ideoque nullam fraudem censetur committere. Neque necessarium est eo casu, ut fiat mentio criminis, accusationis, vel sententiæ privationis ex eo crimine imminens; quia talem mentionem faciendam esse, neque ex stylo Curie constat, neque ullo Jure cautum reperitur, ut notat Garc. *l. cit. nu. 121.*

Ad argumenta contraria facilis est responsio. Ad 1. ejusmodi Beneficium litigiosum non est, prout decisum à Rota testatur Barb. *de Offic. Episc. alleg. 69. num. 9.* & probat ratio; nam litigiosum Beneficium tum fit, quando lis movetur super ejusdem titulo, vel possessione, quod non contingit in casu præsentis. Ad 2. Ordinarius ante sententiam privationis jus quæsitum ad collationem Beneficii nullum habet. igitur dum criminosus illam anteverit resignando, præjudicium illi propriè dictum non creat.

Quæritur 6. utrum renuntiari in favorem alterius possint Pensiones, quæ jure, ac titulo Beneficii Ecclesiastici sunt constitutæ? Quòd simpliciter renuntiari possint, clarum est; nam jure pro se principaliter introducto quilibet potest cedere.

Majus dubium est, an renuntiari possint in favorem tertii distincti à Beneficiario, in cujus Beneficio constituta est pensio? Videtur posse. 1. quia in Jure Canonico etiam Pensio quandoque venit nomine Beneficii *c. ad audientiam 31. de rescript. ibi recipientes ab eis annuas pensiones, seu alia Beneficia*; dictio autem *alia* est implicativa similium. 2. Pensio saltem succedit in locum Beneficii; subrogatum autem sapit naturam ejus, cui est subrogatum. ergo sicut Beneficia in favorem tertii regulariter renuntiari possunt, ita & Pensiones. 3. In impetratione Beneficii mentio etiam faciendâ est pensionis, ita ut subreptitia sit impetratio, si pensionis, quam habet impetrans, mentionem non fecerit, non secus, ac quando mentio non est facta de Beneficio antè obrento, igitur hoc ipso inter Beneficia computari debet.

Sed contrarium omnino dicendum, scilicet pensiones ejusmodi non posse resignari in favorem tertii. Ita cum aliis Pirh. *hic num. 17.* Ratio est, quia Pensio non est propriè dictum Beneficium, sed onus temporale, quod propterea etiam Laico conferri potest. Excipitur, si accedat licentia Superioris; hac enim interveniente, in alios Pensiones transferri possunt.

Argumenta contraria non multum urgent. Ad 1. Dictio *alia* quandoque est repetitiva dissimilium, ut patet ex *Luc. 19. ibi Crucifixerunt eum, & duos alios latrones cum eo.* Hinc non sequitur ex textu dato, quòd Pensiones contineantur sub nomine Beneficii propriè dicti. Ad 2. Vulgare illud pronuntiatum tantum procedit, quando in subrogato eadem sunt qualitates, & conditiones, quæ in principali, cui subrogatur, at pensio habet diversas qualitates à Beneficio: & idcirco, quando mandatur alicui provideri de Beneficio, non potest vigore talis mandati illi provideri de pensione, nisi de hac in litteris expressa fiat mentio *c. quamvis 4. de præbend. in 6.* Ad 3. In impetratione Beneficii de multis aliis mentio fieri debet, quæ tamen non sunt Beneficia.

## §. III.

De Personis, quæ Beneficia resignare possunt, vel non possunt.

## S U M M A R I U M.

- 12 Quinam Beneficia resignare possint?
- 13 An renuntiare possit Pontifex Papatni?
- 14 An Clericus minor 25. annis?



15 *An Religionis Novitius?*

16 *An infirmus?*

17 *Quomodo computandi sint 20. dies requisiti pro valore resignationis factæ ab infirmo?*

18 *An dies vicesima inchoata haberi debeat pro completa?*

12 **Q**Uæritur 1. Quinam Beneficia resignare possit? Resp. Regulariter hoc permixtum est omnibus, qui specialiter à Jure non prohibentur. Prohibentur autem 1. furiosi, & mente capti; quia carent iudicio & consensu, propter cuius defectum etiam alios actus legitimos exercere nequeunt; estque resignatio ab ipsis in amentia, & futuro facta ipso Jure nulla, ita, ut cum ad sanitatem, & rationis usum pervenerint, Beneficium sic resignatum repetere valeant *arg. c. super hoc 5. h. tit.*

2 Clerici constituti in Ordinibus sacris, si non habent, unde postea sustententur, etiam ad Beneficia illa ordinati non sunt. S. Pius V. in *Constit.* quæ incipit *Quanta*, edit. 1. April. 1568.

3 Clerici, qui Jus ad rem solum ad Beneficium habent, ut sunt electi, præsentati, & habentes gratiam expectativam; hi enim licet hoc suo Jure simpliciter possint cedere, ipsum tamen Beneficium, vel Prælaturam resignare in favorem tertii, vel causa permutationis nequeunt. *Flamin. l. 2. q. 23. à n. 1.* & ratio est; quia ante Confirmationem, vel Institutionem Canonicè obtenta, & propria non sunt, cum nondum acquisitus sit titulus in iisdem.

4 Qui ob crimen privati sunt ipso Jure Beneficiis suis; quia hi, ut *Num. 9.* dictum est, quamvis usque ad sententiam declarationem criminis retinere possessionem Beneficii possint, Jus tamen ejus, & titulum facto ipso amittunt.

5 Privati per sententiam Judicis, intrusi, & alii similes, uti etiam qui ad Beneficium cum prius obtento incompatible promoti sunt, ob rationem allatam.

13 **Q**Uæritur 2. an renunciare Papatui suo possit Pontifex? Ratio dubitandi est, quia renunciatio debet fieri in manibus Superioris. Sed Papa non habet Superiorem in terris, qui solvat vinculum conjugii spiritualis, quod intercedit inter ipsum, & universalem Ecclesiam, sicque renuntiationem ejusdem admittat. ergo &c.

Sed clara est decisio *c. quoniam 1. h. tit. in 6.* ubi Bonifacius VIII. approbat Constitutionem Cœlest. V. statuentis, etiam Pontificem renunciare Papatui posse liberè, & *ne statum ejusmodi per temporis cursum oblivioni dari, aut dubitationem eandem in recidivam disceptationem ulterius deduci contingat, ipsum inter Constitutiones alias ad perpetuam rei memoriam referendum constituit.* Decisionem istam confirmat exemplum ejusdem Cœlestini, dum re ipsa renunciavit Papatui, & præterea etiam ratio; cum enim aliis Episcopis, & Prælatibus Ecclesiasticis ob salutem animæ suæ, & utilitatem Ecclesiarum suarum permixtum sit renunciare, multò magis permixtum id esse debet Pontifici Romano ob utilitatem totius Ecclesiæ.

Neque opus est eo casu, ut consensum renuntiaturus Pontifici præstent Cardinales, sed sufficit simplex declaratio voluntatis, qua exprimat se velle Papatui cedere. Ut tamen licet renuntiationem faciat, requiritur iusta causa: sine hac enim, licet valide fiat, peccat tamen; quia arctissimo vinculo ab ipso Deo imposito obligatus est Ecclesiæ universali, quod temere non debet solvere.

Neque obstat ratio dubitandi allata in contrarium; nam cum Pontifex sit omni Jure humano superior, illius renuntiatio alicujus Superioris admissione non indiget. Ad id, quod additur de vinculo conjugii spiritualis, dicendum, idem vinculum solvi à Pontifice, potestate à Christo accepta, eaque generali, qua datum est ipsi facere omne illud, quod ad rectam gubernationem Ecclesiæ necessarium est.

14 **Q**Uæritur 3. de Clerico minore 25. annis? Et quidem si impubes sit, h. e. 14. annis minor, & beneficium Ecclesiasticum ex dispensatione obtineat, patet, quod resignare illud sine auctoritate tutoris, causæ cognitione, & Decreto Superioris nequeat: & ratio est, quia pupillus sine tutore agere nihil potest *c. ex ratione 2. de etat. & qual. c. fin. de judic. in 6.*

Idem videtur dicendum de Pubere; nam etiam huic necessaria est auctoritas Curatoris ad faciendam alienationem. est autem alienationis quædam species resignatio, ergo &c.

Sed dicendum est, Clericum, qui minor quidem est

25. annis, major tamen 14. sine Curatoris consensu resignare Beneficia posse, quæ obtinet, quamvis, si per ejusmodi Renuntiationem graviter læsus sit, sit locus restitutioni in integrum prout dicitur infra *Tit. 41. n. 15.* Ita Canonistæ communiter teste Pirh. *hic num. 22.* Ratio est, quia Clericus minor 25. annis, major tamen 14. in Beneficialibus, & aliis causis spiritualibus, & ab his dependentibus habetur pro majore *c. fin. de Judic. in 6.* hinc pro hujusmodi causis in Judicio stare, & tum in hoc, tum extra illud exercere actus omnes sine Curatore potest, sicut major 25. annis.

Ex quo labitur argumentum in oppositam partem.

**Q**Uæritur 4. de Religionis Novitio? Huic perinde, ut ceteris Clericis, permixtum esse resignationem Beneficii, durante probationis tempore, eoque toto, contendunt *Garc. de benef. p. 11. c. 9. n. 11. & seqq. Barb. de offic. & potest. Episc. alleg. 99. n. 19. Pal. tr. 13. D. 6. p. 2. §. 3. n. 15.* ex ratione, quia ab antiquo Jure non est recedendum, nisi aliud Jure novo sit expressum. atqui Jure antiquo permixtum erat Novitio resignare Beneficia intra tempus probationis, illudque totum indistinctè, prout patet *ex c. ex transmissa 3. hic & c. beneficium 4. ibi nisi accedat ipsius Novitii assensus, de Regul. in. 6.* neque huic Juri derogatum est per *Trid. sess. 25. c. 16. de Regularib.* quia hoc tantum loquitur de renuntiatione bonorum temporalium, ut colligitur ex textu ibi *in favorem cujusunque causa pia*, qualis esse non potest translatio Beneficii. ergo &c.

Sed dicendum, probabilius renuntiationem Beneficii, à Novitio factam ante duos ultimos menses anni probationis, non esse validam; imò etiam intra hos factam effectum non sortiri, nisi secuta Professio. Ita *Flam. l. 3. q. 13. à n. 4. Azor. p. 2. l. 7. c. 20. q. 6. Tamb. de Jur. Abbat. D. 6. q. 10. n. 3. Pirh. hic n. 25. Vviestner n. 36.* & ab his *citr.* Deducitur clare est textu *Trid. cit.* nam ibi generaliter renuntiationes quasunque ante duos ultimos probationis menses factas annullat: *conf. etiam renuntiationes Beneficiorum.* Ratio est, quia ceteras renuntiationes annullavit *Trid.* ne Novitius ob renuntiationem temerè factam minus liber sit ad recedendum à Religione, quem recessum toto probationis tempore liberrimum esse voluit. atqui non minus libertati recessus obest renuntiatio Beneficii à Novitio facta, præsertim si aliunde congruam sustentationem non habeat. ergo &c.

*Ad rationem oppositam*, *Trid. l. cit.* non tantum loquitur de renuntiationibus ad causas pias; aliàs valeret renuntiatio officii temporalis, à Novitio ante ultimum bimestre facta, cum nec ipsa fieri possit in favorem causæ piæ, sed generaliter invalidat renuntiationes quasunque, etiam alterius causæ intuitu factas, ut satis indicat particula *Etiam* ibi adjecta, quæ implicativa est, & ab expressis diversa includit.

**Q**Uæritur 5. de Infirmitate? Hujus Resignatio, quocunque tempore, etiam in mortis articulo facta, valida erat antiquo Jure *arg. c. lecta 14. h. tit.* ut ibi notat *Abb. n. 2.* At novo Jure, ut valeat ejusdem (imò & sani, prout stylus, & praxis Curia habet) resignatio, secundum *Regulam 18. Cancellaria*, quæ ex *can. plerique caus. 8. q. 1. & c. fin. h. tit. in 6.* desumpta est, & passim *Regula de viginti*, sive *de infirmis Resignantibus* vocatur, necesse est, ut postquam ei à Superiore accepta ipse per se, vel per Procuratorem consensum præstiterit, 2. dies supervivat; nam si infra dies illos 20. decesserit, ipso Jure resignatio erit invalida. Ratio hoc statuendi fuit gravissima, partim ut ita evitarentur fraudes, quibus collationes Ordinariorum, & ipsius etiam Papæ, uti & ab ipso concessæ gratiæ Expectatiæ impediebantur; partim ut tolleretur omnis species successionis hæreditariæ, quam habere poterant Renuntiationes, à morti proximis factæ, si per has non secus, ac per ultimas Voluntates disponere possent prohibitu.

Habet autem Regula hæc, ut cum aliis *Pal. tr. 13. D. 6. p. 2. §. 3. n. 4. & seqq.* advertit, locum 1. non tantum in infirmis, sed etiam in sanis resignantibus, ut patet ex verbis Regula, quæ multis abhinc annis eidem sunt adjecta, ibi *etiam vigore supplicationis, dum effectus sanus, signata.* 2. in resignante quocunque, quantumvis exempto; quia Regula utitur signo universalis *Si quis in infirmitate constitutus.* 3. in qualibet resignatione, ibi *resignaverit, sive simpliciter, sive ex causa permutationis, sive*



*sive alias dimiserit.* 4. quaecunque sit Beneficium, faculare, sive Regulare, simplex, vel Curatum, aut etiam Dignitas; quia Regula dicit *siquis aliquod Beneficium*. 5. etiam si resignatio facta sit coram Ordinario; quia Regula non limitavit ad Resignationes in Curia. 6. denique quamvis ea facta sit per Procuratorem; quia resignans per Procuratorem, verè ipse resignat. Quorum omnium ratio est, quia Regula ista est favorabilis Ecclesiae, & cons. extensionis patiens, modò sistatur in verborum Regulæ proprietate, & ad mortem civilem, vel etiam violentam non detorqueatur.

17 Quæritur 6. quomodo in Regula ista accipiantur dies? Resp. dies hic accipitur pro die naturali 24. horarum, ut cum Rebuffo notat Pirh. *hic num.* 24. Incipiunt autem dies isti 20. currere à die præstiti consensus à resignante, pro ut habetur in ipsa Regula.

Dubium est, an dies consensus sit computandus in termino, ita, ut numerus 20. dierum includat etiam diem consensus? Affirmant Flamin. *l. 12. qu. 8. num.* 15. Pal. *tract.* 13. *D. 6. p. 2. §. 3. num.* 10. Pirh. *hic num.* 34. & plures aliis ab his *citt.* Rationem dant; quia dies termini computatur in termino, quando ejus interest, cui statuitur terminus, ut sic computetur in termino. atqui in proposito terminus 20. dierum præfixus est resignanti, & hujus interest, ut dies præstiti consensus computetur in termino; sic enim facilius expirat terminus, & cons. facilius, ac citius resignatio fortiter effectum. ergo &c.

Hæc sententia admodum probabilis est altera tamen, quia tenori, & fini regulæ magis consentit, probabilior, juxta quam dies prima computari debet à media nocte, residuum autem diei, quo resignationi per Superiorem acceptatæ resignans consensum præstitit, excludendum à computo. Ita Vallens. *de Benefic. l. 3. c. 21.* Chokier. *ad Reg. cit. n. 39.* Vviestner *hic n. 43.* & alii ab his *citt.* Sumitur ex ipsa Regula; quia in hac terminus 20. dierum assignatur per dictionem *A.* quæ de sui natura separationem, & exclusionem diei denotat, à quo terminus datur.

*Neque contrarium suadet ratio allata;* quia 20. dierum terminus statutus est non tam privato commodo resignantis, quàm publico favore Ecclesiae cujus interest fraudes, & hæreditarias successiones evitari in Beneficiis.

18 Quæritur 7. an dies vigesima inchoata haberi debeat pro completa? Affirmant non pauci apud Flamin. *l. 12. q. 8. n. 19.* pro regula tradentes, quòd dies inchoata in favorabilibus pro completa habenda sit *arg. l. à qua etate 5. ff. qui testam. fac.* ubi validum pronuntiatur testamentum ejus, qui illud ipso natali suo fecit quarto decimo anno ætatis; imò qui pridie post sextam horam nactus: & ratio datur; quia jam compleisse videtur annum quartum decimum.

Sed omnino dicendum, non esse computandum diem inceptum pro completo. Ita Flamin. *l. cit. n. 22.* Azor. *p. 2. c. 28. q. 7.* Pal. *§. 3. cit. n. 11.* Vallens. *n. 21. cit.* Pirh. *hic n. 34.* Vviestner *n. 45.* Colligitur ex textu Regulæ, quæ Beneficium per obitum vacare dicit, si resignans intra 20. dies decesserit. atqui, qui 20. die nondum completo decedit, decedit adhuc intra 20. dies. ergo &c. Accedit, quia si prima, & ultima dies inchoata sufficeret, Regula illa ad 18. dies, & aliquot horas restringi posset, si videlicet renuntiatio fieret ultima hora primæ diei, & mors prima hora diei ultimæ: quod esset contra verba Regulæ, & verisimilem intentionem Papæ, ut rectè notat Flamin. *num.* 25.

*Ad rationem oppositam* imprimis nego, quod computatio illa faveat illi, cui Regula faveri vult; vult enim faveri Ecclesiae, cui ad excludendas fraudes, & successiones hæreditarias magis favorabile est diem ultimum inchoatum pro completo non haberi. Deinde dico Regulæ illi locum esse duntaxat, quando tempus est designatum per annos; tunc enim ultima dies ultimi anni, statim ac cœpta est, pro completa habetur. At cum tempus designatur per dies, requiritur, ut illi à momento ad momentum completi sint.

§. I V.

*De consensu Superioris requisito ad Renuntiationem.*

## S U M M A R I U M.

- 19 *An ad renuntiandum opus sit consensu Superioris?*
- 20 *An eo opus sit ad dimittendum Beneficium, quo Beneficiarius ipso Jure privatus est?*
- 21 *Coram quo Superiore fieri renuntiatio debeat?*
- 22 *Coram quo renuntiatio simplex?*
- 23 *In favorem?*
- 24 *Cum reservatione pensionis, aut fructuum?*
- 25 *Accessus, ingressus, regressus?*
- 26 *Aut denique ex causa permutationis?*
- 27 *Maximè si sint triangulares, vel Quadrangulares?*

Quæritur 1. an Clericus Beneficiatus propria auctoritate, sine consensu Superioris, beneficium resignare possit? Resp. Si Canonicè illud consecutus sit, non posse illud sine Episcopi consensu dimittere, sed si resignare velit, hoc faciendum in manibus Ordinarii, i.e. ipsius auctoritate. Ita habetur *can. non oportet 19. can. siquis vero 23. c. siquis 24. caus. 6. q. 1. & c. admonet 4. b. tit. ubi Alexander III. Tornacensi Episc. de Clericis rescribens, Prohibeas, inquit, ne Ecclesias tuæ Diocesis absque assensu tuo intrare audeant, aut detinere, aut te dimittere inconsulto:* quibus verbis non tantum consilium, sed consensum etiam denotari monet *ibid. Abb. n. 1. Fagnan. n. 3.* Idemque est in Clericis, qui subiecti sunt Prælati inferioribus Episcopo; nam etiam hi sine istorum consensu Ecclesias, & Beneficia non debent dimittere, ut notat Gloss. *in c. cit. V. inconsulto.* Neque id immeritò; cum enim Clericus Beneficio, quod in titulum accepit, sine iusta causa privari non possit, par & æquum omnino est, ut nec ipse Beneficiatus sine iusta causa, & Superioris sui consensu illud queat dimittere. *Conf.* nam contrariorum eadem est disciplina, & per quasunque causas renascitur, per easdem dissolvitur. igitur sicut nemo potest Beneficium sine Superioris auctoritate acquirere, ita nec dimittere.

*Excipitur 1.* Si Beneficium sit primum quærendum, aut ad quod Clericus solum habet Jus ad rem, quale habent electi, præsentati, vel qui impetrarunt litteras Papales de promovendo; nam hi propria auctoritate renuntiare hujusmodi Beneficio possunt ante Confirmationem, Collationem, vel Institutionem à Superiore factam, prout sumitur *c. ad audientiam 31. de rescript. & c. si electio 26. de Elect. in 6.*

*Excipitur 2.* si Clericus Beneficiarius velit ingredi Religionem; nam his sufficit, si licentiam petierint ab Episcopo vel Ordinario, quam licet non obtinuerint, adhuc tamen ad Religionem transire possunt *arg. c. licet 18. de regular. Gloss. V. inconsulto cit.*

*Excipitur 3.* Si beneficium sit litigiosum; nam hoc etiam post collationem, vel institutionem ab eo, qui illud obrinet, sine auctoritate Superioris dimitti potest, ut docet Abb. *in c. 8. b. tit. n. 4.* Flamin. *l. 7. q. 1. n. 104.* Garc. *p. 11. c. 3. n. 249.* & alii, ex ratione, quia talis renuntiatio est favorabilis, cum per illam in causa dubia recedatur à lite.

Quæritur 2. an opus sit auctoritate Superioris ad dimittendum Beneficium, quo Beneficiarius ipso Jure privatus est? Resp. cum distinctione: Vel enim privatio ista inducta est ob consecutionem alterius Beneficii cum prioris incompatibilis, vel ob crimen commissum à Beneficiario.

*Si primum,* prius Beneficium dimitti coram Superiore, & cum auctoritate illius debet, ut statuitur *Extr. Execrabilis Joan. XXI. vers. qui verò de præb.* aliàs poterit Superior primi Beneficii acceptantem secundum, sine ejus consensu, revocare ad primum Beneficium. Imò revera tunc primum vacat ipso Jure Beneficium prius, quando Superior transacturo ad aliud consensum præstitit.

*Si secundum,* iterum distinguendum est, an Beneficiarius criminofus titulum illius Beneficii saltem coloratum habeat, an verò non? Nam si habet, quia videlicet illud legitima Superioris auctoritate accepit, licet illo ob crimen occultum privatus sit, iterum auctoritas Superioris requiritur, non quidem ad hoc, ut resignetur jus, ac verus titulus Beneficii, qui non ampliùs adest, sed pro-



propter titulum coloratum, quem adhuc habet, & propter quem retinere possessionem Beneficii tamdiu potest, quamdiu sententia criminis declaratoria in eundem à Judice nondum lata est.

Si verò reus catet titulo Beneficii tam vero, quàm colorato, eo quòd v. g. jam per sententiam declaratum sit, ipsum crimen ejusmodi incurrisse, hoc casu criminofus sine autoritate Superioris renunciare, seu potius Beneficium potest dimittere; quia non renuntiat titulo Beneficii, quem non habet, sed tantum injustæ possessioni.

21 Quæritur 3. coram quo resignatio Beneficii fieri debeat? Resp. coram legitimo Superiore. Ex quo sequitur, invalidam esse Resignationem Beneficii Ecclesiastici, quæ sit coram Laico, prout statuitur *c. quod in dubiis* 8. *hoc tit.* ubi qui ita renunciavit, nullo adactus metu, aut vi, isto per sententiam spoliandus venit. Ratio est, quia Laicus non potest esse, vel dici Superior respectu Clericorum, & Beneficiorum Ecclesiasticorum, cum ei nulla Jurisdictio, aut Potestas competat in Clericos, eorumque res, & jura, quippe quæ ex objecto suo est potestas spiritualis.

Dubium est, an valeat renuntiatio facta in manibus Ecclesiasticæ quidem, sed non legitimi Superioris? Omnino invalidam esse contendit cum aliis quibusdam *Garc. p. 11. c. 3. nu. 223.* & videtur hoc colligi ex *c. quod in dubiis cit.* ibi nullam obtineat firmitatem, ubi omnino irrita videtur pronuntiari.

Sed distinguendum est cum communi doctrina, & dicendum, eam renuntiationem quidem esse invalidam quoad Ecclesiam, vel Superiorem, coram quo resignari debuisset, validam tamen aliquo modo esse, quatenus respicit ipsum renuntiantem. Ratio est, quia actus contra legem factus, sicut non debet prodesse agenti, ne is ex suo facto illicito commodum sentiat, ita neque debet præjudicare Juri Superioris; nam alteri per alterum iniqua conditio inferri non debet *l. non debet* 74. *ff. de R. J. Conf.* nam talis renuntiatio videtur continere quasi pactum de non repetendo Beneficio, sicut acceptilatio inutilis, etsi non teneat, habet tamen vim pacti taciti, ne petatur *l. si unus* 27. *§. pen. ff. de pact.*

Ex quo sequitur, ita renuntiantem non quidem amittere Beneficium quoad proprietatem, & hinc, nisi Superior renuntiationem ejusmodi ratam habere velit, compelli ab isto posse ad Beneficium resignatum retinendum; præjudicasse tamen sibi quoad possessionem ejusdem, ita ut non possit amplius Beneficium ita dimissum repetere. Et ita intelligendus est textus *c. quod in dubiis cit.* à parte adversa.

22 Quæritur 4. coram quo Superiore fieri debeat resignatio simplex? Resp. Facienda est in illius Superioris Ecclesiastici manibus, ad quem pertinet non tantum jus, si-ve potestas conferendi Beneficia, vel instituendi Beneficiarios, sed etiam eosdem destituendi, seu deponendi, adeoque qui Jurisdictionem habet in renuntiantem. *Gloss. in Clem. un. V. manibus h. tit. Abb. in c. 8. h. tit. n. 6. Azor. p. 2. l. 7. c. 19. q. 7. Pirh. hic n. 68.* Ratio est, quia renuntiatio habet vim destitutionis, cum peream renuntians desinat intitulus esse: igitur fieri non potest, nisi in manibus ejus, qui habet potestatem destituendi, seu privandi renuntiantes.

In specie admittere Renuntiationes potest 1. Summus Pontifex: extenditque se hæc ejus potestas ad omnia Beneficia, & pro quocunque tempore, & loco; quia ipse in Beneficiis plenam habet potestatem disponendi, & facultas ab ipso Ordinariis data non privativè, sed cumulativè data videtur.

2 Legati à Latere; nam hi in collatione Beneficiorum Provinciæ suæ de Jure communi potestatem cum Dioecesium Ordinariis concurrentem habent: quo distinguuntur à Legatis missis *c. officii* 1. *de offic. Legat. in 6.* ubi etiam ratio datur; quia sicut honoris prærogative latantur, sic eos autoritate fungit ampliore decet.

3 Episcopi; nam hi sicut conferre, ita etiam recipere renuntiationes Beneficiorum in Dioecesi sua possunt, nisi sint exempta ab eorum Jurisdictione, & Pontifici, vel alteri Prælato Ecclesiastico etiam quoad renuntiationem reservata. Colligitur ex *c. ex frequentibus* 3. *de Inst. c. in Ecclesiis* 1. *de Capell. Monach. & c. admonet. 4. h. tit.*

4 Sede vacante Capitulum; nam hoc in Jurisdictione succedit Episcopo, conf. admittere resignaciones Benefi-

ciorum illorum potest, quotum collatio ad Episcopum spectat *c. cum olim* 14. *de majorit. & obed. & fuit decifum à majore parte Auditorum Rotæ, ut habetur decif. 6. rer. permut. in novis.*

5. Prælati alii Episcopis inferiores, quibus Jus, aut potestas admittendi renuntiationem ex privilegio, vel consuetudine legitime præscripta competit. *Pirh. hic n. 76.*

Quæritur 5. coram quo Superiore fieri debeat Resignatio in favorem certæ personæ, seu ita facta, & sub ea conditione, ut Beneficium resignatum conferatur certæ personæ nominatæ à resignante, & non aliter resignatio effectum habeat, nisi ea conditio impleatur? Resp. Hæc in manibus solius Papæ fieri, nec admitti ab inferioribus Prælati Ordinariis potest. Ita *Rebuff. in prax. benef. tit. de Resignat. condit. n. 1. & 14. Azor. p. 2. l. 7. c. 21. q. 2. Suar. de Simon. l. 4. c. 35. n. 6. Less. l. 2. de Just. c. 35. n. 87. Garc. p. 11. c. 3. n. 154. Pirh. hic n. 77. Vvestner num. 63.* & alii apud istos: idque probatur ex stylo, & usu Curiae Romanæ, seu communi consuetudine, juxta quam hujusmodi renuntiationes sunt reservatæ Papæ propter earum periculum, ne resignaciones, & collaciones Beneficiorum acquirant speciem quandam hæreditariæ successio- nis, cum affectus carnis vehementer impellere soleat ad resignandum amicis, & consanguineis: unde qui sum Beneficium resignat ea conditione, ut certæ personæ sit conferendum, videtur successorem sibi constituere in Beneficio, quod SS. Canones maximè horrent, & ita probant.

*Conf.* secundum Jus commune non potest Beneficium aliquod de novo conferri, nisi prius vacet, juxta *c. un. de rer. permut. in 6. & Clem. un. eod.* atqui Beneficium resignatum in favorem tertii, non potest vacare, nisi personæ designatæ conferatur; quia non prius impletur conditio. igitur renuntiationem ejusmodi admittere nemo potest, nisi qui est supra Jus commune: & talis est solus Papa, non vero Prælatus Papa inferior. Quod ita verum est, ut ne quidem ejusmodi resignacionem admittere possit per modum puræ, & simplicis, rejectæ scilicet conditione, ut Beneficium conferatur certæ personæ, ut rectè aliis *citt.* advertit *Garc. l. cit. nu. 155.* Ratio est, quia generaliter actus, factus cum aliqua qualitate, & adjectione, non potest acceptari quoad unam partem, & rejici quoad alteram, sed in forma specifica adimplendus est juxta regulam *l. qui heredi* 44. & *l. Mevius* 55. *ff. de conf. dit. & demonstrat.* atqui in casu prælenti fit resignatio non simpliciter, sed cum adjectione conditionis per modum unius individui actus; neque enim conditio hæc pro non adjecta haberi debet, etsi resignatio fiat coram Prælato inferiore Papa. ergo &c.

Quæritur 6. coram quo fieri possit Renuntiatio Beneficii conditionalis, quæ sit cum reservatione Pensionis aut fructuum? Resp. Etiam hæc fieri potest coram solo Pontifice. Ita *Azor. p. 2. l. 7. c. 20. q. 11. & c. 21. q. 7. Flamin. l. 6. q. 1. n. 3. & q. 2. n. 1. & 2. Pirh. hic n. 80.* & alii communiter. Ratio est, quia Beneficia Ecclesiastica regulariter non debent dividi *c. majoribus* 8. *de præbend. vel cum diminutione conferri c. un. ut Benef. Eccl. sin. dimin. confer.* dividitur autem Beneficium, vel saltem cum diminutione confertur, cum uni pensio, vel fructus ex Beneficio dantur, vel reservantur, alteri verò Jus, & titulus Beneficii confertur. ergo. &c.

Dixi posse hujusmodi resignacionem fieri coram Pontifice; quia hic plenissimam administrationem Beneficiorum Ecclesiasticorum habet; potestque de his disponere, prout necessarium ipsi, vel utile fore videbitur. Ut verò ritè etiam ipse illam admittat, opus est causa, & consensu resignatarii. Causa justa quidem, ne temere agat; talis esset, ne resignans nimium dispendium ex ipsa resignacione patiatur, sed habeat, unde commodè sustentetur, vel contracta debita solvat: consensu resignatarii autem; quia regulariter habens titulum onus sine fructu, & commodò subire non cogitur, cum secundum Apostolum 1. Corinth. 9. qui Altari servit, etiam vivere de Altari debeat.

Addidi coram solo Pont. nam aliis Prælati Papa inferioribus pensiones imponere Beneficiis permittitur solum definitè; & ad tempus v. g. ad vitam Pensionarii, & ex gravi causa, veluti ob necessitatem, vel magnam utilitatem Ecclesiæ, & regulariter non nisi cum approbatione Pontificis, ut dicitur *l. 3. tit. 12. n. 6. & seqq. ut benef. Eccl. sin. dimin. confer.*



Quæritur 7. cujus autoritate fieri possit renuntiatione Beneficii cum reservatione regressus, ingressus, & accessus ad illud? Resp. Solius Rom. Pontificis autoritate, & consensu fieri potest: idque ex plenitudine potestatis; nam huic Trid. derogare non voluit, quando sess. 25. c. 7. de reform. ejusmodi reservationes abrogavit, & statuit, ut nemini impofterum accessus, aut regressus, etiam de consensu, ad Beneficium Ecclesiasticum cujusunque qualitatibus concedatur. Quod S. Synodi Decretum innovatum est à S. Pio V. Constit. incip. *Romani Pontificis providentia*, ubi revocavit omnes regressus, accessus, & ingressus sub quibuscunque formis, & quibuscunque personis, & quomodocunque concessos. Causa eos tollendi fuit gravissima, eaque duplex, dum quia hæreditariæ Successionis speciem habent; tum ut omnis occasio caprandæ, vel optandæ mortis alienæ, & ambitiosa cupiditas in Beneficiis obtinendis tolleretur.

Quæritur 8. cujus autoritate fieri debeant resignationes Beneficiorum ex causa permutationis? Resp. Si permutatio fiat inter ipsos resignantes fieri possunt non tantum coram Papa, sed etiam coram Ordinariis Collatoribus, ut dicitur l. 3. tit. 19. de rer. permut. n. 65. Si verò permutatio non sit inter ipsos resignantes, sed alios ab his distinctos, ut cum Titius resignat Beneficium in favorem Sempronii, qui est consanguineus Caii, ea conditione, ut Cajus resignet Beneficium in favorem Mævii, qui est consanguineus Titii, eo casu ab Ordinario Papa inferiore admitti non potest, ut rectè cum aliis advertit Pirhing hic n. 82. & rationem dat, quia licet ejusmodi resignatio videatur fieri per modum permutationis, non tamen est pura permutatio, sed mixta cum renuntiatione in favorem tertii; Ordinarii autem non habent potestatem admittendi renuntiationes, nisi putas, & absolutas, ut patet à Num. 22.

Quæritur 9. coram quo fieri possint resignationes Triangulares, aut Quadrangulares, qualis esset, si Titius Beneficium suum resignet ea conditione, ut illud conferatur Cajo; iste suum, ut Sempronio; Sempronius autem suum, ut Titio? Videntur ab Ordinario Papa inferiore admitti posse; quia quoad effectum ad duas permutationes reducuntur; & idem est, ac si Titius prius cum Cajo, & postea cum Sempronio Beneficia permutasset.

Sed esto, hoc ita sit; quia tamen hujusmodi resignationes plura pacta, & conventiones continent, & quidem in gratiam, & favorem alterius, ideo tanquam Simoniacæ prohibita sunt Jure Canonico, quæ Simonia, cum solum sit Juris Ecclesiastici, in illa Pontifex dispensare, potest, & admittere hujusmodi renuntiationem: non verò alius Prælati Papa inferior.

Excipitur, si duplex ejusmodi permutatio seorsim, separatim, & successivè fiat, e. g. si Titius permutet Beneficium suum cum Cajo, & obento Beneficio Caii, permutet istud cum Beneficio Mævii; tunc enim eas admittere etiam posset Ordinarius, ut rectè Pirhing hic n. 83. in fin. ex ratione, quia tunc nullum intercedit pactum in favorem tertii, sed solum inter duos permutantes.

## §. V.

## De Causa Renuntiationis.

## S U M M A R I U M.

28 Ad renuntiandum Episcopatu requiritur causa justa: tales sunt sex.

29 Conscientia criminis.

30 Debilitas corporis.

31 Defectus scientia.

32 Malitia plebis.

33 Grave scandalum.

34 Irregularitas persona.

35 Præter has nulla alia sufficit.

36 Quid dicendum de Voto Religionis?

37 38 Ad renuntiandum Dignitatibus, & Beneficiis minoribus sufficit causa longè minor.

Quæritur 1. an, & qualis causa requiratur, ut Episcopatu suo renuntiare possit Episcopus? Quod causa aliqua justa non tantum ad renuntiandum Episcopatu, sed etiam aliis Beneficiis requiratur, patet ex dictis Num. 19. & confirmatur ex eo, quia ob

utilitatem permixtum est renuntiare Beneficiis. igitur non est licitum, ut quisque pro suo arbitratu illa possit relinquare; nam libertas talis in maximum Ecclesiæ detrimentum cederet. Qualis verò sufficiat causa, ut Episcopus renuntiare Episcopatu possit, definitur c. nisi cum pridem 10. vers. intueri h. tit. ubi sex enumerantur.

1 Conscientia criminis, non tamen cujusque, sed ut 29 textus loquitur, illius dumtaxat, propter quod ipsius officii executio, etiam post peractam poenitentiam impeditur. Talia sunt Simonia commissa in electione, Hæresis, assassinium, falsatio litterarum Apostolicarum, & aliud quodlibet, quod infamiam Juris ipso Jure irrogat, ut notat Gloss. in c. cit. V. sed dumtaxat. Rationem dat textus, quia si omnes, quos arguit conscientia cujuslibet culpe, cederent, pauci, vel nulli in illo ministerio remanerent.

2 Debilitas corporis, five ex infirmitate, five ex senectute proveniens, non tamen omnis, ut iterum textus habet, sed illa solummodo, per quam impotens redditur ad exequendum officium: ob hanc enim cedere Episcopatu Pontificis autoritate potest, non tamen cogitur, sed si retinere eundem velit, Coadjutor eidem est adjungendus, qui ex reditibus Episcopalibus certa portione detracta alatur. c. ex parte 4. de Cleric. agrotant.

3 Defectus scientia, cum quis ea non didicit, quæ ad officium suum pertinent, & quorum notitia ad regimen Ecclesiæ est necessaria. c. cit. vers. pro defectu. Et si autem scientia eminens in Episcopo optanda sit, toleratur tamen scientia competens; quia, ut l. cit. dicitur, imperfectum scientiæ potest supplere perfectio Caritatis.

4 Malitia plebis; non tamen, ut c. cit. vers. non tamen. Pontifex loquitur, pro qualibet culpa Pastor debet gregem deferere, ne mercenario comparetur, qui videt lupo venientem, & dimittit oves, & fugit: sed de Superioris licentia tum demum potest non tam timide sugere, quam providè declinare, cum oves convertuntur in lupos; & qui debuerant humiliter obedire, jam irrevocabiliter (i. e. sine spe emendationis) contradicunt &c.

5 Grave scandalum: ubi tamen est distinguendum; 33 nam si Pharisaicum illud dumtaxat est, & ex malitia profectum Episcopatus dimitti non debet; utiliùs namque scandalum nasci permittitur, quàm ut veritas fidei, & Justitiæ deferatur. c. qui scandalizaverit 3. de R. J. At si pusillorum, seu ex ignorantia, aut infirmitate orium sit, quod populus fortè patitur ex gestis, & præsentia Episcopi sui, ita ut illud aliter evitari nequeat, quàm per medium resignationis, licebit Episcopo cessionem petere, ne, ut cit. vers. pro gravi dicitur, plus temporalem honorem, quàm eternam subditorum videatur affectare salutem: imò eo casu tenebitur, cogique poterit ad renuntiandum; quia scandalum, quando sine peccato, & salutis periculo potest, vitandum est. Est hinc quando dicitur, quod nullus compellatur renuntiare invitus, intelligendum est, si causa justa non adsit.

6 Irregularitas persona; ubi juxta c. cit. vers. persona 34 verò iterum distinguendum est, an irregularitas sit dispensabilis, vel indispensabilis. Si indispensabilis sit, seu in qua Papa ordinariè dispensare non solet, ut si ad Episcopatum promotus sit bigamus, si ex damnato coitu procreatus, si reus homicidii voluntarii, & notoriè perpetrati &c. non solum petere, sed etiam cogi ad renuntiandum potest. At si dispensabilis sit, quia v. g. laborat defectu natalium, præsertim occulto, non debet ei concedi licentia renuntiandi; sed si laudabiliè impler officium suum, cum eodem ob utilitatem Ecclesiæ dispensari potest.

Quæritur 2. an etiam ex aliis causis præter sex enumeratas Episcopus renuntiare Episcopatu suo possit? Putant aliqui, sex istas causas solum referri, quia frequentius occurrunt, non tamen excludi alias æquè justas, ut si ob intemperiem aeris, cœlique, & loci gravitatem manere in Dicecesi sua non possit, si in illa habeat capitales inimicitias &c.

Sed communior sententia tenet, præter sex allatas non esse assignandas, vel concedendas Episcopis alias, quæ ad memoratas revocari nequeant. Colligitur ex c. cit. §. verum ibi si propter alias causas cessionem affectes, non est in hoc tibi postulandi favendum, cum hujusmodi postulatio videatur non esse discreta. Estque hoc ita verum, ut neque ex studio salutis, & perfectionis propriæ liceat resignare Episcopatum, & Religionem ingredi, nisi casu, quo videret, se in Episcopatu periclitari de salute



lute propria, vel alii invenirentur, qui Ecclesiæ longè meliùs præfutura essent. Patet ex *c. cit.* §. *ne putes*, ubi *vers. quapropter* Pontifex, *Facilius*, inquit, *indulgetur, ut Monachus ascendat ad Prælatum, quàm Præsul ad Monachatum descendat.*

Ratio est, quia nulli licet de statu perfectiore ad minus perfectum descendere; status autem Episcopalis est perfectior Religioso: Hinc quamdiu utiliter præesse potest gregi suo, decet, ut Ecclesiæ, cujus curam suscepit, servire pergat. Imò si Episcopus sine licentia Papæ profiteatur Religionem, relicto Episcopatu, irrita est ejus Professio, ut notat Pirh. *hic n. 52.* & rationem dat, quia Deus non acceptat Professionem, quæ sit contra prohibitionem Ecclesiæ.

- 36 Dubium moveri potest, an saltem ex religione Voti obstringatur renuntiare Episcopatu, qui ut meliùs vacare saluti propriæ possit, ingressum Religionis vovit? Resp. cum distinctione: Vel enim is Votum hoc edidit, antequam suscipere Episcopatum, & postea non impleto Voto, factus est Episcopus; vel illud, edidit, cum jam esset Episcopus constitutus, vel consecratus.

*Si primum*, talis Episcopatum resignate, & votum implere debet *c. per tuas 10. de Vot.* neque enim ejusmodi Votum commutari potest in susceptionem Episcopatus, sicut reliqua Vota commutari possunt in susceptionem Vitæ Religiosæ: & ratio est, quia licet Episcopus sit Status perfectior, id tamen solum ex eo est, quod perfectionem supponat, & requirat in eo, qui illum suscipit, ac retinet: hinc cum de cætero ad Perfectionis consecutionem non multum conferat, sicut tamen confert Status Religiosus, idcirco melius, & gratus DEO est, ut qui sic vovit Religionem, prius eam ingrediatur, in qua se perficere potest, quàm ut Episcopatum suscipiat, seclusa Ecclesiæ necessitate.

*Si secundum*, iterum distinguendum est: Vel enim ejusmodi Episcopus ad regendam Ecclesiam ex quacunque causa est minus sufficiens, aut eidem meliùs præfutura crederentur alii; & tunc Votum tenet, & Episcopus obligat saltem ad petendam renuntiandi licentiam, ut cum aliis advertit Sylv. *V. Votum 3. qu. 1.* Vel contra utiliter præest, & præfutura, præsertim præ aliis, creditur, & Votum ejusmodi irritum est, ut aliis *citt.* monet Laym. in *c. 10. cit. h. tit. num. 4.* Ratio est, quia Votum debet esse de meliori bono, sive de eo, quod Deo gratus est; atqui ingredi Religionem est opus minus bonum in eo, qui suscepto Episcopatu, se Ecclesiæ obligavit, & eidem utiliter præesse potest. ergo &c.

- 37 Queritur 3. ex quibus causis fieri possit renuntiatio aliarum Dignitatum Ecclesiasticarum, & Beneficiorum Curarum, vel etiam Simplicium? Resp. hæc resignari posse easdem ob causas, ob quas Episcopi Episcopatum, imò etiam ob leviores; quia tam arcto vinculo Ecclesiis, vel Beneficiis suis adstricti non sunt, ut adstringuntur Episcopi.

In specie autem causæ, ob quas Resignationes Beneficiorum, extra Curiam Romanam purè, & simpliciter factas, Ordinarii locorum admittere possunt, sunt plures, quæ enumerantur in *Constit. S. Pii V. incip. Quanta Ecclesiæ, edita Calend. April. 1568.* & extat Quarant. in *Summ. Bullar. V. Beneficiorum Resignationes*. Prima est, si Beneficiarius sit confectus senio, aut valetudinarius. 2. Si gravi morbo, e. g. lepra, paralyti, morbo Gallico, vel alio contagioso, & diuturno impeditus. 3. Si vitiatu corpore v. g. cæcus, claudus, mutus, vel surdus, membro mutilatus, debilitatus, vel deformatus. 4. Si reus criminis, ob quod privari Beneficio possit v. g. Simoniaci, Homicidii, Adulterii, Concubinarum, Sodomiaci, perjurii &c. 5. Si Censuris Ecclesiasticis irretitus. 6. Si nequeat, vel non debeat Ecclesiæ, aut Beneficio deservire, ut si sit publicè relegatus, vel arreptitius, aut Dæmoniacus; Irregularis, Infamis ob vitam turpem, & scandalosam. 7. Si obtineat duo Beneficia incompatibilia, quorum unum ad sustentationem sufficiat. 8. Si Religionem ingressurus, vel Matrimonium contracturus. 9. Si ob capitales inimicitias in loco Beneficii nequeat, vel non audeat residere. 10. Si aliqua adsit causa ex iis, ob quas Episcopus dimittere Ecclesiam suam potest.

- 38 Dubitatur, an ob istas solum, an verò etiam ob alias causas admitti renuntiatio Beneficii possit Ordinariis? Videtur respondendum negativè ob *Bullam S. Pii V. cit.*

ubi in certis solummodò, & ibi expressis causis renuntiatio conceditur inferioribus.

Sed ut benè cum Zypæo *Analyf. Jur. Pont. h. tit. nu. 1.* advertit Konig *ibid n. 15.* Bulla ista quoad hoc vel non est usu recepta, vel cerrè contraria consuetudine rursus abrogata; nam, ut receptus usus comprobat, etiam ob aliam rationabilem, quamvis privatam, commoditatem juxta Ordinarios arbitrium recipi Beneficiorum Renuntiationes possunt, modò tria hæc observentur. 1. Ut Beneficium resignaturus, si in Sacris sit constitutus, aliunde habeat, quo congruè, & absque dedecore status Clericalis vivere valeat.

2 Ne Episcopi, aut alii Collatores, qui ex prædictis causis resignationes Beneficiorum admittunt, ea conferant suis, aut dimittentium Consanguineis, affinibus, vel familiaribus, etiam per fallacem circuitum multiplicatum in extraneos collationum: sed quoad hoc Pia-na hæc Bulla in Germania, & pluribus aliis locis non est recepta.

3 Ut ubi usu diuturno contrarium non obtinuit, Resignationes Beneficiorum tantum admittantur ex causis *Num. præc. memoratis*.

## §. VI.

*De Forma Renuntiationis, & præcipuè de modo renuntiandi Beneficia per Procuratorem.*

## S U M M A R I U M.

39 *Forma legitima Renuntiationis.*

40 *Ejus publicatio.*

41 *Fieri per Procuratorem potest,*

42 *Quomodo?*

43 *Observare iste fines mandati debet,*

44 *Contra hoc acta non convalescunt ratihabitione;*

45 *Quando ejusdem potestas extinguatur revocatione?*

46 *Quando morte mandantis?*

Queritur 1. quid requiratur ex parte formæ ad legitimam Beneficii Renuntiationem? Resp. 1. ut sit spontanea, ut libera, non vi, gravi metu, aut dolo extorta: de quo *Num. 4. & 5.*

2 Ut fiat purè, & liberè, h. e. nulla interveniente pecunia, seu pretio, condicione, modo, vel pactione Simoniacæ, vel quæ Simoniacæ speciem habeat; aliàs ipso Jure erit irrita, nec firmabitur Juramento. *c. ad audientiam 4. de his, que vi, metu, &c. causa &c.*

3 Ut fiat cum consensu Patroni, si Beneficium sit Patronatum, aut Electorum, si Electivum, ut dictum est *Num. 7.* Quodsi tamen causa necessitatis, vel magnæ utilitatis hoc petat, isti consensum suum Episcopo negare non possunt, ut benè advertit Pirh. *hic n. 86.*

4 Ut fiat cum consensu Superioris, ut latè à *Num. 19.* Quod adèò obrinet, ut consuetudo contraria, ceu invalida, & corruptela, reprobanda sit. *c. cum venerabilis 7. de consuet.*

5 Ut fiat cum justa causa: de quo à *Num. 28.*

6 Ut fiat verbis specificis, & expressis; neque enim in dubio quis præsumitur renuntiare Beneficio suo, ex quo sustentari debet, quodque multis fortasse expensis, ac laboribus acquisivit. *c. super hoc 5. h. tit.*

7 Hodie ex communi stylo tum Curia Romanæ, tum alibi fieri solet, & debet in scriptis oblata Supplicatione, in qua petitur, ut eandem Superior admittat ob causas in illa expressas. *Flamin. l. 8. q. 2. n. 1.*

8 Denique per *Regul. 34. Cancell. & Constit. Pii V. incip. Sanctissimus*, & *Gregorii XIII. incip. Humano*: Renuntiationes sic factæ, & à Superiore admittæ publicari debent.

Queritur 2. quis sit Publicationis istius modus, ac necessitas? Resp. 1. Facienda est in Ecclesia: & quidem si sit Beneficium Cathedralis, in Ecclesia Cathedrali tantum; si Parochiale, vel intra limites Parochiæ situm, in Parochiali, & Cathedrali; si verò nullius Diocesis, nec subiectum alteri Parochiæ, in Ecclesia Beneficii tantum. *Flamin. l. 11. q. 6. n. 5. & seqq.* cum communi.

2 Publicatio hæc, seu promulgatio resignationis non quibuscumque, sed festivis diebus inter Missarum solemnias, & Officia Divina, ad quæ convenit frequens populus, per Notarium, ejus litteras, earumve transumptum manibus



nibus tenentem ( non enim necesse est, ut eas recitet ) intelligibili voce facienda est, ut omnibus præsentibus innotescere possit. *Flam. l. cit. num. 13. & 41.*

3 Tempus, quo Publicatio hæc fieri debeat, diversum est; nam si Resignatio facta est in Curia Romana, & Beneficium resignatum existat citra Montes, h. e. in Italia, publicati illa debet intra sex menses; si verò ultra montes, v. g. in Germania, intra novem menses à die concessæ gratiæ computandos. Si verò facta sit, extra Curiam in manibus Legati à Latere, Episcopi, vel alterius collatoris, renuntiatio ab his admitti, vel reici intra unum mensem, à provisis verò publicari infra tres menses, & intra eosdem possessio capi Beneficii resignati debet; tres tamen menses isti currunt non à die resignationis admissæ, sed à die, quo collatum est Beneficium. *Flam. l. cit. q. 2. num. 3.*

4 Publicandæ intra tempus designatum sunt Renuntiationes omnium omnino Beneficiorum, qualiacunque illa sunt, & quomodocunque renuntiatio illorum facta sit prout constat ex *Constit. S. Pii V. & Greg. XIII. cit.* Et extenditur hoc ad omnes resignatarios, etiam si sint Officiales Curiae Romanae, imò & Cardinales: neque excipiuntur minores 25. annis, ut notat *Pirh. hic numer. 105.* curritque, istis etiam ignorantibus, tempus ad publicationem præfixum.

5 Quod resignationum ejusmodi Publicationes, cessante legitimo impedimento, intra prædictum tempus non fiant, ipso Jure evadunt nullæ, ita, ut resignatarii non solum ex iis jus nullum acquirant, sed ad Beneficia sibi resignata, & non publicata quomodocunque obtinenda omnino inhabiles sint: ipsa etiam Beneficia non publicata reservantur dispositioni Sedis Apostolicæ, à quo proinde, tanquam vacantia propter non factam publicationem, impetrari possunt, & debent juxta *Constit. cit.* cujus dispositionem communiter ab omnibus, & ubique gentium receptam esse contendit *Flam. l. cit. q. 9. n. 6.* contrarium tamen docet *Garc. p. 11. de Benef. c. 3. n. 289.* & constat ex praxi Germaniæ nostræ, ubi Beneficiorum permutationes, & resignationes simplices coram Ordinario factæ non solent publicari, in quibusdam saltem Diocæsesibus, & Provinciis.

41 Quæritur 3. an, & quomodo Renuntiatio Beneficii per Procuratorem fieri possit, & debeat? Resp. circa hanc quæstionem DD. conveniunt communiter in sequentibus. 1. quilibet, qui renunciare Beneficium per seipsum potest, etiam potest per Procuratorem à se legitime constitutum: nam Regula generalis est, quemlibet, quod per se ipsum potest, id ipsum etiam posse per alium, nisi lege prohibeatur *c. potest 68. & c. qui facit 72. in 6.*

2 Resignari per Procuratorem possunt Beneficia omnia, non tantum simplicia, sed etiam Curata, & Dignitates Ecclesiasticæ, etiam maximæ, e. g. Cardinalatus, aut Pontificatus. *Clem. un. h. tit. ibi aut alii cuilibet Dignitati.*

3 Ad hoc eligi potest, non solum Clericus, sed etiam laicus. *Gloss. in Clem. un. cit. V. procuratorem, & ibi Abb. num. 2.* imò & Religiosus, modò consensum Superioris sui Regularis habeat. *Pal. tr. 13. D. 6. p. 2. §. 4. n. 2.* qui tamen monet, istum non teneri subdito suo consensum præstare, nisi in utilitatem Conventus cedat Resignatio.

4 Constitui potest ad resignandum Procurator non unus tantum, sed duo, vel tres, aut etiam plures, & quidem vel in solidum singuli, ita ut quisque eorum nomine sui principalis renunciare Beneficio possit; vel simul, & non in solidum, ita ut unus sine alio cedere Beneficio nequeat, sed consensus omnium requiratur. quo tamen casu non est necessarium, ut omnes Procuratores eodem tempore consentiant, sed satis est, si unus post alium consensum præbeat; quia illa clausula *simul, & non in solidum* in mandato expressa respicit constitutionem Procuratoris, non præstationem consensûs. *Azor. p. 2. c. 22. q. 4.*

5 Unus, Idemque Procurator constitui potest à resignante, ut nomine ejusdem Beneficium resignet, & à Resignatario, ut nomine hujus resignationem acceptet; quia nullo Jure hoc vetitum est, neque apparet ratio, quare non unus, idemque repræsentare possit personam utriusque. *Flam. l. 9. q. 23. num. 8.* Nunquam tamen potest aliquis eodem mandato constitui Procurator simul ad idem Beneficium acceptandum, & resignandum, ita ut

*Schmalzgrueber Tom. I.*

vi illius mandati possit Beneficium acceptare nomine mandantis, & iterum resignare. *Azor. l. cit. q. 7. Pal. num. 2. cit. Pirh. hic n. 95.* Ratio est, quia Beneficium acceptari nequit animo id sibi collatum dimittendi: atque idcirco ab eo, cui Beneficium confertur, exigere iuramentum solet, quo fidem faciat, se id dimittendi animo non acceptare.

Quæritur 4. quæ requirantur ad legitimam constitutionem Procuratoris, ad resignandum Beneficium deputati? Resp. 1. Procurator ad renunciandum debet esse liberè, & spontè constitutus. *Clem. un. h. tit.* nam constitutio Procuratoris coactè, vel per merum facta est, nulla, vel saltem irritanda per ea, quæ dicuntur, *tit. 40. de his, quæ vi, metus ve causa.*

2 Mandatum Procuratori ad renunciandum Beneficio datum debet esse speciale, hoc est, tale, in quo exprimat nomen Beneficii, & locus, ubi situm est, item nomen, & cognomen Procuratoris, eique expresse facultas detur ad resignandum Beneficium nomine Principalis. *Flamin. l. 9. q. 7. num. 9. & 27.* Ratio est, quia resignatio est species alienationis, cons. ad eam faciendam non sufficit mandatum generale, etiam cum libera, & amplissima potestate administrandi.

3 Mandatum hoc procuratorium debet esse in scripturam, seu instrumentum publicum redactum, & obsignatum signo, sive sigillo publico Judicis Ordinarii, vel Communitatis, & postea recognitum, & ab ipso Tabellione, qui illud confecit, subscriptum ad tollendam fraudem. *Pirh. hic num. 96.* qui tamen ibidem notat, hoc intelligendum duntaxat esse, quando Renuntiationes fiunt in Curia Romana, ut habet stylus, & usus ejusdem: nam extra Curiam renuntiatio fieri potest per mandatum in litteris privatis expressum, cum istæ mentem mandantis jam sufficienter expriment.

4 Instrumentum Procuratorium debet esse integrum, hoc est, non cancellatum, rasum, & deletum, saltem in loco principali; aliàs erit vitiosum, nullamque fidem faciet, ejusque vigore facta resignatio non subsistet, nisi ejus sine vitio producti cancellatio, ratio &c. post resignationem jam admissam contigerit. *Flam. q. 7. cit. à num. 44.*

5 Requiritur aliqui, ut instrumenti, coque comprehensi mandati procuratorii productio ultra quadriennium non differatur. Sed, ut bene notat *Pal. tr. 13. D. 6. p. 2. §. 4. n. 4.* in hoc consuetudo Provinciarum spectanda est; nam alicubi quocunque tempore admittitur: in Francia, teste *Flam. q. 13. num. 5.* etiam post annum finitur.

Quæritur 5. quid observandum sit Procuratori nomine alterius renuntianti Beneficium? Resp. debet diligenter observare fines mandati; alioquin si illos excedat, irrita est resignatio ob defectum consensus in principali constituyente *l. diligenter 5. ff. mandat.*

Excipitur 1. si datus ad resignandum purè, & simpliciter, resignet reservata domino pensione, fructibus, vel regressu; quia cum ita principalis mandantis conditionem meliorem faciat, nihil ab ejus voluntate alienum videtur facere. *Flam. l. 9. q. 17. num. 146.*

Excipitur 2. si habens mandatum renunciandi cum reservatione omnium fructuum, cum id impetrare non possit, renuntiet, reservata dimidia parte fructuum; nam ejusmodi Procurator eo casu utiliter rem domini gessisse videtur, cum omnes fructus reservare non posset. *Flamin. l. cit. num. 20. & 21.*

Excipitur 3. si constitutus ad resignandum Beneficium apud Papam, vel Ordinarium loci in favorem Titii, resignet coram Ordinario absolute, & simpliciter; quia cum apud Ordinarium non possit fieri resignatio in favorem alterius, potius est habenda ratio ejus, quod Procurator bene gessit, quam ejus, quod ejus principalis non bene mandavit. *Pirh. hic n. 98.*

Quæritur 6. an Resignatio, in qua Procurator mandati formam non observavit, superveniente mandantis ratihabitione, convalescat, & confirmetur? Videtur respondendum affirmativè; quia ratihabitione retrahitur, & æquiparatur mandato. *Reg. 10. in 6.*

Sed dicendum, non convalescere cum *Flam. l. 9. q. 17. num. 70.* & communi DD. quia Resignatio, & in eam præstitus consensus contra formam mandati irritus est juxta *numer. præc.* atqui quando actus, ad quem deberet retrahi ratificatio, ab initio nullus est, ratihabitione non retrahitur, ut pluribus *citt.* monet *Flam. num. 71.*



& docet ratio, quia ubi ratihabitio nihil reperit, nihil operatur, aut confirmat. Proceditque hoc maximè in Beneficialibus, & Beneficiorum resignationibus; nam in his simul exposcitur consensus resignantis, & legitimi Superioris illam admittentis, isque formalis, & expressus, ut habetur in *Reg. 45. Cancell.* qui tamen in simplici rati habiitione desideratur.

Ex quo patet solutio ad rationem dubitandi oppositam.

- 45 Quæritur 7. an, & qua ratione Procurator ad renuntiandum datus revocari possit à principali? Resp. posse ante factam resignationem, prout colligitur ex *Clem. un. h. tit.* & docet *Flamin. l. 9. q. 25. num. 1. & 2. Pirh. hic num. 99. Vviesl. num. 94.* Ratio est, quia mandatum revocari potest, si res adhuc sit integra §. *recltè 9. Inst. de mandat.* & sicut potest quis pœnitere, & revocare renuntiationem Beneficii, quam per se fecit, antequam ea admissa sit à Superiore, ita multo magis potest revocare illam, quæ sit per Procuratorem.

Debet tamen revocatio hæc intimari Procuratori, vel saltem Superiori, qui debet admittere resignationem, aliàs illa non obstante, resignatio à Procuratore facta erit valida; quia ignorantia revocationis præsumitur. *Excipitur*; nisi per negligentiam Procuratoris, vel Superioris, in cujus manibus renuntiatio erat facienda, vel alterius tertii factum fuerit, quo minùs posset fieri intimatio revocationis antecessione; tunc enim renuntiatio facta per Procuratorem revocatum non valebit, etsi revocatio nec ipsi Procuratori, nec Superiori intimata sit, cum dolus, & fraus nemini prodesse debeat.

- 46 Quæritur 8. an mandatum, Procuratori datum ad resignandum Beneficium, morte mandantis extinguatur? Certum est, extinguì, si is moriatur, antequam Superiori oblata à Procuratore sit supplicatio, & negotium cœptum; quia generaliter mandantis morte mandatum expirat, si negotium cœptum non sit, §. *item si 10. Inst. & l. inter causas 26. in princ. ff. mandat.* Idque procedit, etsi procurator ignoret mortem mandantis; quia omnes obligationes, & vincula morte solvuntur.

Dubium est, an etiam expiret mandatum mandantis morte, si hæc contigit, supplicatione jam porrecta & recepta à Datario?

Ratio dubitandi sumitur ex *Clem. fin. de Procurat.* ibi *Procuratorem à Prælato, Rectore, vel alio quolibet pro Ecclesia sua, vel Beneficio constitutum, per mortem constituentis revocari censemus, etiam quoad negotia jam incepta &c.*

Sed distinguendum est. Vel enim ipse Principalis supplicationem pro resignatione obtulit, & postea primum Procuratorem constituit, ad consentiendum resignationi; vel ipse Procurator eandem obtulit, & ea signata, ac resignata fuit à Datario, vivente adhuc resignante.

*Si primum*, non potest Procurator post mortem Principalis præstare consensum; quia quoad ipsum Procuratorem res etiamnum est integra, cum nihil agere cœperit, adeoque eo casu mandatum mandantis morte expirat. *Flam. l. 9. q. 24. num. 28.*

*Si secundum*, potest Procurator, expressum consensum præstare etiam post mortem constituentis, ut colligitur ex *Constitutionibus Alex. VI. & Leonis X.* quæ habentur apud *Flamin. l. cit. n. 15.* & ratio est, quia Procurator post mortem domini potest incepta perficere, non autem nova inchoare, *l. nam & Servius 21. §. si vivo 2. ff. de negot. gest.*

Neque obstat *Clem. fin. cit.* quia in hac agitur de Procuratore, à Prælato, Rectore, vel alio pro sua Ecclesia, vel Beneficio, hoc est, alieno, non proprio ipsius Prælati nomine constituto, de quo contra Juris communis Regulas constitutum est, ut mortuo Prælato, etiam quoad negotia inchoata potestas ejusdem cesseret, ne faciliè Ecclesiæ viduatæ patiantur detrimentum.

## §. VII.

### De Effectibus Renuntiationis.

## S U M M A R I U M.

47 Effectus Renuntiationis puræ.

48 Et conditionalis.

49 Quando liceat pœnitere?

50 An redire ad prius Beneficium?

51 Quid dicendum de Renuntiatione in fraudem alterius facta?

Quæritur 1. quis sit effectus Renuntiationis puræ, & simplicis? Resp. 1. resignans, postquam admissa est Resignatio, amittit omne Jus in Beneficio, nec illud deinceps vi prioris tituli potest repetere *c. ex transmissa 3. c. in presentia 6. h. tit.* Ratio est, quia renuntiando abdicavit à se omne Jus, quod in Beneficio habebat & videtur illud habere pro derelicto.

2 Si resignans amittit etiam possessionem Beneficii resignati, ita ut ad nudam detentionem, quam fortè retinet, non sit restituendus, si ea spoliatur. *Flamin. l. 1. q. 16. num. 3.* quia exceptio renuntiationis spontaneæ impedit restitutionem Beneficii, cum frustra ei tradatur possessio, cui obstat defectus notorius proprietatis.

3 Quod ex prioribus sequitur, ita resignans post resignationem admissam non potest amplius fructus Beneficii justè percipere: cum per illam titulus Canonicus extinctus sit, sine quo Beneficium justè possideri non potest; spectabunt proinde illi ad Successorem in Beneficio, cui propterea restituere illos resignans debet, si quos post renuntiationem admissam perceperit. *Pirhing. hic num. 110.*

Quæritur 2. quis sit effectus Renuntiationis conditionalis? Resp. ea regulariter effectum non consequitur, adeoque per illam titulus, aut possessio Beneficii non amittitur, nisi purificatæ fuerint conditiones, sub quibus factæ sunt. Est communis sententia apud *Flamin. l. 1. q. 3. num. 7. & 8.* Ratio est, quia conditio est ejus qualitatis, ut suspendat actum conditionalem in eventum, vel defectum conditionis, ita ut ea impleta, actus valeat, & effectum habeat; ea deficiente actus quoque invalidus sit, neque ullum effectum fortiat. *l. cedere diem 213. ff. de V. S. & l. sub conditione 16. ff. de condit. indebit.* Hinc si renuntiatio facta sit ex causa permutationis, & permutatio, seu collatio Beneficii utrinque non sit secuta, Jus Beneficii non amittitur à renuntiante, sed penes eundem manet *c. cum universorum 8. de rer. permut.* Idem dicendum de aliis renuntiationibus conditionalis, quæ fiunt cum reservatione pensionis, fructuum, vel regressus.

Quæritur 3. an pœnitere possit, qui solum licentiam cedendi Beneficio à Superiore petiit? Videtur non posse; nam ut habetur *c. bonæ 4. de postulat. Prælat.* postulantibus aliquem ad Prælaturam non possunt recedere à Postulatione, postquam ea præsentata est Superiori. ergo nec resignaturus Beneficium pœnitere potest, postquam à Superiore petiit licentiam resignandi.

Sed distinguendum est: Velenim licentiam resignandi nondum à Superiore obtinuit, vel illam jam obtinuit. *Si primum*, potest adhuc pœnitere; *si secundum*, non potest. Utrumque colligitur ex *c. quidam 12. h. tit.* ibi *ea obtenta*, ubi statuitur, tales ad cedendum Beneficiis, si ea post licentiam obtentam retineant, compellendos. igitur per argumentum à sensu contrario, si licentia nondum obtenta sit, locus erit pœnitentiæ. Ratio est, quia id statutum est, ne Superiori illudatur; ita autem illudatur, si post licentiam obtentam resignatio non sequatur, non verò, si ante illam obtentam supplicans mentem corrigit.

Neque obstat ratio dubitandi; quia postulantibus post postulationem Superiori præsentatam ideo resilire non possunt, quòd jam functi sunt officio, à Jure sibi concessio: quæ ratio non procedit in renuntiatione.

Quæritur 4. an redire ad Beneficium suum resignans possit? Resp. cum distinctione: Vel enim Renuntiatio facta est conditionatè tantum; vel absolutè, & simpliciter.

*Si conditionatè, & conditio nondum impleta est*, resignans redire ad illud propria autoritate, & absque nova collatione potest, quippe quod nondum vacare cœpit. *Excipitur*, nisi alius interea illud occupavit; tunc enim requireretur declaratio Superioris, qua pronuntiet renuntiantem posse ad Beneficium redire, quod deseruit; quia non potest propria autoritate possessionem capere, si alius eam occupavit.

Si verò facta est absolutè, vel conditionatè quidem, conditio tamen jam est impleta, sine novo titulo, & collatione ad illud redire nequit; potest tamen ex novo, si ad



si ad illud iterum eligatur, vel præsentetur, vel denuo ei conferatur, prout sumitur *ex c. cum inter 2. h. tit.*

Proceditque hoc, etiam si Juramentum renuntiationi adjectum sit; nisi aliunde constet, quod renuntians voluerit in Juramento adjecto inclusum esse jus etiam ex nova causa superveniente acquirendum; tunc enim distinguendum est: Vel enim Juramentum hoc factum est principaliter in honorem DEI, v. g. animo ingrediendi Religionem, vel præcipue in favorem eorum, quibus Jus eligendi competit. *Si primum*, omnino servandum est ob perfectiorem statum vitæ religiosæ. *Si secundum*, admittere Electionem denuo factam potest; quia eligentes denuo ipsum eligendo censentur relaxasse Juramentum: & hoc maxime verum est, si Superior ob causam, quæ bonum commune respicit, ita imperet; quia in omni Juramento subintelligitur hæc conditio *salvo Jure Superioris*.

51 Quæritur 5. an renuntiatio Beneficii in fraudem alterius facta effectum habeat? Casus esse potest: Titius impetravit à Papa gratiam expectativam, ut ipsi in Eystetensi v. g. Diœcesi conferatur Beneficium proximè vacaturum. Cajus videns per mortem Sempronii, quia graviter infirmus est, proximè vacaturum Beneficium pingue, ut Titium impediat ab hujus Beneficii consecutione, tenue Beneficium, quod ipse in Diœcesi prædicta habet, resignat, quod proinde, tanquam primò vacans, juxta gratiam expectativam ab Ordinario confertur Titio. In hoc casu respondendum est, resignationem hanc Caii effectum non habere, sed perinde esse, ac si facta non fuisset.

Hinc ea non obstante, non tenetur Titius collatum sibi Beneficium tenue acceptare, sed diutius expectare potest, donec pinguius illud Beneficium vacet, dummodo per probabiles, & sufficientes conjecturas probare possit, resignationem illam à Cajo factam fuisse in fraudem, vel odium sui: quod si deinde pinguior illa præbenda vacet, vel alia, potest Titius illam sibi debitam petere, & obtinere. Ita habetur *c. si te 2. h. tit. in 6.* Ratio est, quia licet illa non sit primò vacans, tamen ratione fraudis primò vacare Juris fictione censetur. Gloss. *ibid. V. debitam*; ne fraudatori malitia sua luctuosa sit.

## T I T U L U S X.

### De supplenda Negligentia Prælatorum.

Sæpe in Electione, Confirmatione, Collatione Beneficiorum, & aliarum Dignitatum Ecclesiasticarum committitur negligentia, quæ ne damnosa Ecclesiis, & animabus periculosa sit, cavetur hoc titulo. Additur altera negligentia species, quæ committi potest à Prælati in administratione Justitiæ, vel Officii sui. Sit igitur

#### §. I.

### De supplenda Negligentia in Beneficiorum Collatione.

#### S U M M A R I U M.

- 1 Negligentia Collatorum inferiorum corrigitur devolutione potestatis ad Superiorem.
- 2 Ad quem fiat devolutio Beneficii Electivi?
- 3 Ad quem Collativi?
- 4 An etiam ad Capitulum, sede vacante?
- 5 An valeat Electio, vel Collatio, statim post trimestre, vel semestrem elapsam facta?
- 6 Quid observandum in casu juris devoluti?

1 Quæritur 1. quomodo defectus, seu negligentia Prælatorum inferiorum, in conferendis Beneficiis commissa, suppleri possit, & debeat? Resp. negligentia in hoc committi potest dupliciter, videlicet si vel omnino non, vel de indignis, & inhabilibus provideretur vacanti Ecclesiæ, vel Beneficio: utrovis modo fiat defectus, statutum est *c. licet 3. h. tit. & c. nulla 2. de concess. præb.* ut Ordinarius Collator, qui ejusmodi negligentiam commisit, jure Beneficia illa conferendi pro ea vice privetur, & Jus istud devolvatur ad illis proximos, sive immediatos eorum Superiores: qui si & ipsi negligentes fuerint, transibit potestas conferendi ad alios mediatores gradatim usque ad Papam.

Schmalzgrueber Tom. I,

Ratio sic statuendi fuit; tum ne Ecclesiæ, & Beneficia diu vacent, cum diuturna vacatio Ecclesiis sit damnosa; tum ut sic acuatur diligentia collatorum ad Beneficia conferenda tempore per Jus constituto. Estque hoc ita verum, ut post elapsum tempus præfixum non concedatur licentia purgandi moram, licet aliàs mora purgari possit, ut tradit Gloss. *fin. in c. licet cit.* & ratio est, quia hæc pœna privationis, ob negligentiam decreta, est sententiæ ipso Jure lata; quilibet autem Canon, qui est lata sententiæ, habet in se executionem, saltem ita, ut Judex per sententiam declarare possit, omnia, quæ contra ejusmodi Canonem acta sunt, ipso Jure irrita esse. Pirh. *hic n. 1.*

Quæritur 2. ad quem fiat devolutio Beneficii Electivi? Resp. cum distinctione inter Ecclesiam exemptam, & immediatè subjectam Pontifici, & inter Ecclesiam non exemptam. Si exempta sit, & immediate Apostolicæ Sedi subjecta, potestas illi Ecclesiæ de Prælo providendi pro ea vice devolvitur ad Papam immediatè, ut notat Vallens. *de Benef. l. 2. tit. 20. num. 7.* Si non sit exempta, & Cathedralis sit, devolvitur ad Archiepiscopum; si inferior sæcularis, vel regularis, ad Episcopum ex dispositione Concilii Lateranensis relati *c. ne pro defectu 41. de Elect.*

Neque obstat *c. dilectus 12. de concess. præb.* ubi disertè negatur, in Cathedralibus Ecclesiis devolutionem immediatè fieri ad Archiepiscopum, & propterea ab hoc facta electio cassatur: nam Jus recentius antiquum corrigit. est autem Constitutio *c. dilectus cit.* edita anno 1210. quinque annis antiquior Constitutione *c. ne pro defectu cit.* utpote quæ lata est anno 1215. in hoc autem statuitur generaliter, ut *eligendi potestas ad eum, qui proximè præesse dignoscitur, devolvatur*: quod verò ea Constitutione comprehendantur etiam Ecclesiæ Cathedrales, patet ex verbis immediatè præcedentibus ibi *Cathedralis Ecclesia, vel Regularis*.

Excipitur 1. Si electores elegerint quidem intra statutum à Jure tempus Episcopum, sed talem, qui sit scienter indignus, vel in Electione non servarint formam *c. quia propter 42. de Elect.* præscriptam; tunc enim distinguendum est: Vel enim omnes in hoc peccarunt, vel aliqui tantum. Si omnes, devolutio fit ad Papam juxta *c. quanquam 18. de Elect. in 6.* Si aliqui tantum, potestas eligendi manet penes illos, qui non peccarunt; quia delinquentes pro mortuis habentur. *c. gratum 2. de postul. Prælat. V. supræ tit. 6. de Elect. num. 20. & 21. item n. 34. & seqq.*

Excipiuntur 2. Episcopatus Germaniæ plerique; nam in his jus providendi ab Electoribus, si intra statutum tempus non celebrent electionem devolvitur immediatè ad Papam ex regula generali, quod ob negligentiam Capituli Jus providendi immediatè devolvatur ad eum, qui habet potestatem electum confirmandi; atqui ex Concordatis Germaniæ jus confirmandi Episcopos in hac electos non Archiepiscopus, sed Pontifex habet, paucis exceptis. ergo &c.

Quæritur 3. quomodo devolvatur Beneficium collativum, seu liberum? Resp. Hic distinguendum est inter Collatores; nam 1. Collatio spectare potest ad Capitulum, Ecclesiæ Cathedralis, secluso Episcopo. 2. Ad Episcopum, secluso Capitulo. 3. Ad Episcopum, & Capitulum simul. 4. Ad alios Prælatos Episcopo inferiores.

In primo, & secundo casu Capitulum, & Episcopus vicissim negligentiam commissam suppleant, ita ut à Capitulo, si hoc intra tempus à Jure statutum Beneficia ad collationem suam spectantia conferre neglexerit, jus conferendi illa devolvatur ad Episcopum; & vice versa si Episcopus commiserit negligentiam, devolutio immediatè fiat ad Capitulum, ut habetur *c. nulla 2. de concess. præb.* Neque obstat, quod Capitulum sit inferius Episcopo, & inferiorem corrigere defectum Superioris non deceat; nam hoc verum est tantum, quando Jus aliter non disposuit. disposuit autem ita Jus nostrum casu ob communionem, quæ est inter Episcopum, & Capitulum, tanquam caput, & membra ejusdem corporis, ut meritò unius defectus per alterum suppleatur. Abb. *in c. nulla cit. num. 6. & 8.* Excipitur, si jus conferendi competat Episcopo Jure aliquo speciali, v. g. ex delegatione, singulari privilegio, vel devolutione; his enim casibus, ipso negligente, jus non ad Capitulum, sed ad



Archiepiscopum devolveretur, quòd ad hujusmodi Beneficia dicta communio non extendatur, Azor. p. 2. l. 6. c. 27. q. 2.

In tertio casu, videndum est, an eo casu jus conferendi Capitulo, & Prælatò competat, tanquam Prælatò, an tanquam Canonico privato. Si primum, uno negligente, & præmonito, collatio fieri potest ab altero intra semestre; si verò intra hoc tempus Beneficium vacans neuter conferat, eo lapsò, devolutio immediatè ad Archiepiscopum, vel si Beneficium exemptum sit, ad Papam fiet c. postulasti 15. de concess. præbend. & c. fin. h. tit. Si secundum, Capitulo negligente, conferendi jus ad Episcopum, tanquam Prælatum, devolvitur, ut notat Barbos. in c. 15. cit. num. 3. Neque obstat, quòd tali casu etiam ipse negligens fuerit, & sua negligentia à nemine suppleatur; quia actus Civiliter loquendo non singulis, sed Collegio imputatur: proinde eo casu solum Collegium negligens fuit, & cons. devolutioni ad Episcopum, tanquam Prælatum, locus manebit. Aliud foret, si collatio ad ipsum quidem, ut privatum, sed solum spectaret; nam eo casu devolutioni ad ipsum, etiam ut Episcopum, locus non esset, propter defectum distinctionis sufficientis personarum negligentiam committentis, & eam suppletis. Barb. l. cit.

In quarto casu, si Collator sit inferior Episcopo, & intra semestre Beneficium, cujus collatio eidem competit, conferre negligat jus conferendi Beneficium ad Episcopum loci, in quo Beneficium suum est, devolvitur. Clem. un. h. tit. Ab hoc, si non sit exemptus, devolvitur ad Archiepiscopum, ab Archiepiscopo ad Patriarcham, vel Primatem, cui ille subest, & tandem ad Papam. Pirh. de concess. præb. num. 34. not. 2. Proceditque hoc, etsi collator sit Exemptus; nam nisi etiam ipsum Beneficium exemptum sit, in casu negligentia à collatore commissæ, Jus conferendi ad eundem Episcopum, non quidem tanquam ad Ordinarium, sed tanquam ad Sedis Apostolicæ delegatum spectabit, ut habetur Clem. cit. Dixi nisi etiam ipsum Beneficium exemptum sit; tunc enim devolutio immediatè fieret ad Papam, ut colligitur ex c. cum singula 32. in fin. de præb. in 6.

Quæritur 4. an à Capitulo conferti valeant, Sede Episcopali vacante, Beneficia, quæ aliàs ad Episcopum, tanquam Diocesis Ordinarium, ob negligentiam Collatorum inferiorum devolvuntur? Negat cum paucis aliis Abb. in c. 14. de major. & obed. num. 2. existimans ea Beneficia, eorumque collationes futuro Episcopo reservandas. Nituntur 1. textu c. illa 2. ne Sed. vacant, ubi generaliter collatio Beneficiorum negatur Capitulo, præterquam in casibus Jure expressis. atqui nullo Jure expressum est, quòd potestas Beneficia devoluta conferendi, dum Sedes vacat, Capitulo competat. 2. Collatio Beneficiorum ejusmodi, sicut & aliorum, est fructus Dignitatis Episcopalis; fructus autem successorii reservandi sunt c. cum vos 4. de offic. Ordin. 3. Collatio Beneficiorum est quædam donatio, sive merè liberalis concessio c. un. vers. porro, ut Eccl. Benef. fin. dimin. atqui hæc non permittitur habenti administrationem rerum alienarum, qualem habet Capitulum; sede vacante. c. fin. de offic. Vicar. in 6. 4. Imò ejusmodi Beneficia sunt reservata Papæ per Regul. 2. Cancell. & Bull. S. Pii V. incipit, Sanctissimus, editam 9. Mart. 1568. quibus Beneficia, quæ Sede Episcopali vacante, vacant, & ad Episcopi collationem pertinent Pontifici reservantur.

Si etsi sententia hæc de Juris rigore verior sit, æquior tamen, & satis probabilis est affirmativa, quam præter alios docent Molin. tr. 5. de J. & J. D. 11. num. 2. Zypæus Analys. Jur. Pont. h. tit. num. 7. Vallenf. l. 1. de Benef. c. 10. num. 3. Vviesf. hic num. 30. Ratio est, quia Capitulo, sede vacante, permitti sunt actus Jurisdictionis necessaria. talis autem videtur esse collatio Beneficii devoluti, & omnes illæ, quæ alicui ex quacunque causa debentur, vel sine Ecclesiarum damno, & animarum periculo differri nequeunt, ut Vallenf. l. cit. num. 2. notat. ergo &c.

Ex quo corruunt Argumenta opposita; nam ad 1. in c. cit. sermo est de collatione libera, & quæ Episcopo ex ipsa Dignitate Episcopali competit, non verò de ea, quæ necessaria est, & quæ ad Episcopum petrinet solum ex accidente. Ad 2. eadem ex ratione collatio Beneficii devoluti non est propriè fructus Episcopatus, cum solum ex accidente competat, scilicet ex negligentia Superioris, idque non tam favore Episcopi, quam Eccle-

siarum, & animarum. Ad 3. Collatio Beneficii, etsi donatio quædam sit respectu ejus, cui illud confertur, simpliciter tamen est debita, cum ex officio suo Ordinarius illa conferat. Ad 4. Regula ibi allegata, & probabiliter adducta Constitutio S. Pii V. non ligat Germaniam ob Concordatam. item placet nobis, ubi Pontifex disertè promissit, quòd nulla reservatione, sive dispositione, autoritate Apostolica facta, aut facienda impedire velit collationes Ordinariorum extra casus expressos.

Quæritur 5. an valeat Electio, vel Collatio, statim post trimesstre, vel semestre lapsum celebrata? Ratio dubitandi sumitur ex c. litteras 4. h. tit. ubi electio postea facta sustinetur: & confirmatur, quia etiam in aliis eadem celeri satisfactione purgatur c. fin. de locat. ergo eadem purgabitur etiam celeri provisione.

Sed dicendum, ejusmodi Electionem, collationem &c. esse omnino nullam, ut cum communi docet Azor. p. 2. l. 6. c. 27. q. 16. Pirh. de concess. præb. num. 35. not. 5. item h. tit. num. 4. & 5. Vviesf. ibid. num. 37. Ratio est, quia post lapsum temporis à Jure præfixi collatores, Electores &c. jam privati sunt jure conferendi, & eligendi, sic disponente Jure in pœnam negligentia: ac proinde collatio, electio &c. postea facta, facta est à non habentibus potestatem conferendi; hæc autem, ipso Jure invalida est, ergo &c.

Excipitur 1. nisi is, ad quem devolutio facta est, collatori inferiori, à quo facta est, concedat facultatem conferendi etiam post lapsum temporis à Jure præfixi; tunc enim potest conferre, non quidem amplius Jure proprio, quo pro ea vice privatus est, sed devoluto, quod Superior ipsi cedit. Azor. l. cit.

Excipitur 2. Si Electores, Collatores &c. legitimè impediti sint, ne intra tempus Jure statutum eligere, vel conferre Beneficium vacans possint; quia legitimè impeditis tempus non currit, si de pœna ob negligentiam infligenda agatur c. quia diversitatem 5. de concess. præb.

Excipitur 3. si electio, præsentatio, collatio, facta intra tempus præscriptum, aliunde non sortiatur effectum, vel, quòd electus non consenserit, vel quòd post electionem mortuus fuerit &c. tunc enim Electoribus, collatoribus, patronis, &c. ad novam electionem, collationem &c. tempus integrum denuo indulgendum est, modò nihil actum sit fraudulenter c. si electio 26. de elect. in 6.

Excipitur 4. si Superior, postquam electio, collatio &c. Beneficii, elapso jam tempore à Jure constituto, facta est, sciens eam sic factam esse, non contradicat; nam expressa tolerantia jus dat in Beneficio, præsertim si à Papa fiat, & habet rationem novæ collationis, ut notat Pirh. hic num. 5. Imò, ut idem Pirh. l. cit. monet, probabile est, eo casu electum, vel institutum, si nemo se opponat, tuta conscientia retinere posse Beneficium sibi collatum post legittimum tempus, etsi Superior, ad quem devoluta est potestas, de hoc nihil sciat; quia talis collatio, spectato Jure naturali, est valida ante sententiam declaratoriam Judicis.

Ad rationem dubitandi solutionem dat ipse textus; vult enim ibidem Pontifex hujusmodi collationem de patientia sustineri, quod significat viam gratiæ; multa enim de patientia sustinentur, quæ in judicium deducta tolerari non possunt c. cum jam dudum 18. de præb. Ad Conf. Juris principium est, moræ emendationem non admitti, ubi dies & pœna à lege, vel homine apponitur l. ad diem 77. ff. de V. O. & l. trajectitia 23. ff. de O. & A.

Quæritur 6. quid observandum sit ulterius in casu Juris sic devoluti? Resp. Tria hæc observari debent 1. Devolutio Juris fit cum omnibus qualitatibus, Beneficio annexis, & quas Electores, vel Collatores in prima provisione observare debuissent: atque hinc Ordinarius, vel alius Superior, ad quem facta est devolutio, Beneficium vacans conferre debet personis ejusdem qualitatis, e. g. nobilitatis, gradus in litteris &c. cujus qualitatis personis conferre illud debuissent Collatores inferiores, à quibus potestas conferendi est devoluta, ut aliis cit. notat Garcias de Benefic. p. 10. c. 3. num. 42. & ratio est, quia limitata potestas ad Superiorem transit cum onere: & Superior subrogatus eodem Jure censetur cum eo, cui subrogatur arg. c. Ecclesia 3. junct. Gloss. V. successerunt Ut lit. pend.



2 Superiori, ad quem collatio devolvitur, ad hoc conferendum tantum temporis competit, quantum habuit is, cujus negligentia est devoluta: idque non à die, quo ad ipsum Jus istud devolutum est, sed à die, quo scivit, illud ad se devolutum esse. Azor. p. 2. l. 6. c. 27. q. 10. Quod dicendum non solum de proximo Superiore, sed etiam de eo, ad quem in casu, quod etiam iste sit negligens, contingit devolutio. Pirh. de concess. prab. num. 35.

3 Si Superior post devolutionem Beneficium contulerit, sed collatio ob aliquod impedimentum non subsistat, jus conferendi redit ad eum, ad quem jure proprio collatio spectabat Vallenf. de Benefic. l. 2. tit. 21. n. 6. præterquam si collatum fuisset à Papa: quia per appositionem manus Papæ etiam inutiliter factam, Beneficium sit affectum, & proinde, donec istius provisio effectum sit consecuta, ab alio conferri non potest. Chokier ad Reg. 8. Cancell. Gloss. 19. num. 4.

## §. II.

## De supplenda Negligentia in Justitia, &amp; Officii administratione.

## S U M M A R I U M.

- 7 Ad quem devolvatur Jurisdictio, si Episcopus sit negligens in administratione Justitiæ?
- 8 Ad quem, si impediatur exercere Officium suum Pastorale?
- 9 Quomodo negligentia, vel defectus Prælati suppleatur per dationem Coadjutoris?
- 10 Quis Visitatorem, vel Administratorem dare Ecclesie vacanti possit?
- 11 Quæ sit dato potestas competat?
- 12 Quid Juri, si Episcopus Abbatem electum sine causa nolit benedicere?

7 Quæritur 1. an si Episcopus in administratione Justitiæ, vel Officii negligens sit, potestas & Jurisdictio devolvatur ad Archiepiscopum, ita ut iste de causis subditorum Episcopo illi in prima instantia cognoscere, eosdem ordinare, absolvere, condemnare, excommunicare &c. valeat? Affirmat Azor. p. 2. l. 3. c. 34. q. 10. in fin. cum quibusdam aliis Nituntur 1. textu c. Romana 1. h. tit. in 6. ubi dicitur, quod Episcopo ob Censuram culpa contractam impedito, ejus Jurisdictio non devolvatur ad Archiepiscopum. igitur cum exceptio firmet regulam in oppositum, ad hunc devolvetur ob negligentiam; quia per hanc in ipsam Jurisdictionem peccatur. 2. can. cum simus 3. caus. 9. q. 3. statuitur, ut Metropolitanus, si Episcopi, qui sub eis sunt, non sategerint Oeconomus statuere in suis Ecclesiis, ipsi eos constituent. 3. Exceptio firmat regulam in casibus non exceptis; est autem regula generalis, qua negligentiam inferioris per Superiorem supplendam constat ex Rubr. h. tit. 4. Si non devolveretur ad Archiepiscopum, devolveretur ad Capitulum. ad hoc autem non devolvitur, nisi in casibus Jure expressis; neque enim ullibi talis potestas Capitulo concessa repetitur in Jure.

Sed communior sententia cum Abbat. in c. 11. de offic. Ord. num. 10. melius negat, quod potestas, & Jurisdictionis Episcopi ob ejus negligentiam devolvatur ad Archiepiscopum, præterquam in casibus Jure expressis. Ratio est, quia in materia generaliter prohibitoria, quod expresse non permittitur, prohibitum censetur c. inter 2. de translat. Episcop. sed Jure Canonico generaliter prohibitum est Archiepiscopo exercere Jurisdictionem in subditos suffraganeorum suorum, præterquam in casibus Jure expressis; neque uspiam expressum est, quod Archiepiscopus, si Suffraganeus ipsius sit negligens in suo officio, possit supplere vices illius, & exercere Jurisdictionem in ejus subditos. ergo &c.

Neque urgent Argumenta opposita in contrarium. Ad 1. casus c. Romanacit. est unus aliquis casus in quo Jurisdictionis non devolvitur ad Archiepiscopum; præter hunc autem sunt plures adhuc alii. Ad 2. Oeconomum eo casu constituere Archiepiscopus potest; quia id can. cit. est Jure expressum. Ad 3. non est verum, quod in Rubrica nostra tradatur Regula generalis Jurisdictionis firmatæ Archiepiscopo in casu negligentia

commisæ à suffraganeo suo; nam eo ipsi solum competit in casibus infra referendis Tir. 31. Ad 4. non sequitur devolvi Jurisdictionem ad Archiepiscopum ex eo, quod non devolvatur ad Capitulum; nam aliud medium superest corrigendi defectum, si scilicet Capitulum recurat ad Archiepiscopum, vel ad Papam, & hunc imploret, ut Episcopum compellat ad præstandum officium suum.

Quæritur 2. ad quem devolvatur potestas, & Jurisdictionis Episcopi, si iste impediatur exercere officium suum Pastorale? Resp. Distinguendo: Vel enim impedimentum istud provenit ex culpa ejusdem, v. g. quia ob delictum à se commissum est excommunicatus, suspensus &c. vel contra illud provenit aliunde, puta ex captivitate ab hostibus fidei, ejus amentia, vel alia causa perpetua, aut durabili.

Si primum, ad Papam recurrendum erit, tanquam ad omnium Ordinarium, & qui omnibus præest. can. cuncta. 17. & can. seq. caus. 9. q. 3. à quo proin petendum erit, ut vel Episcopum ab Excommunicatione absolvar, vel alia ratione Ecclesiæ provideat. Joan. Monach. in c. 1. h. tit. in 6. n. 11. Anchoran. ibid. not. 2. Pirh. hic n. 14.

Si secundum, Jurisdictionem in ejus Ecclesiam, & Diocesim exercet Capitulum c. si Episcopus 3. h. tit. in 6. quia tunc perinde censi debet, ac si Sedes vacaret. ergo sicut Sede vacante Capitulum administrare potest, donec novus Episcopus constituatur, ita etiam si Episcopus sit omnino impeditus, & inhabilis, donec aliter Papa provideat. Idem dicendum, si Episcopus in loca remota discesserit, diu absuturus, & nullum Vicarium, seu Administratorem constituit. Pirhing. hic num. 16.

Excludetur igitur utroque casu ab administratione Archiepiscopus: & merito; quia licet Archiepiscopus Jurisdictionem suam exercere in Suffraganeum, seu Episcopum non exemptam Provinciæ suæ possit, in ejus tamen Diocesim, & subditos eam exercere nequit, præterquam in casibus Jure expressis; nuspiam autem reperitur expressum, vel concessum Archiepiscopo, quod administrare Diocesim Suffraganei sui possit casu, quo iste ab administratione officii sui dictis modis est impeditus. ergo &c.

Quæritur 3. quomodo negligentia, vel defectus Prælati suppleatur per dationem Curatoris, seu Coadjutoris? Resp. Iterum distinguendo: Vel enim dandus est Curator, aut Coadjutor Episcopo inhabili; vel remisso in administratione officii sui, & negligentia.

Si primum, ab ipso Episcopo cum consensu Capituli, vel si is, quid velit, nolite, exprimere nequeat, ab isto solo assumendus est Coadjutor, cujus tamen officium expirat, mortuo Episcopo, nisi per specialem gratiam confirmatus à Papa jus succedendi acceperit: de quo l. 3. tit. 6. num. 15.

Si secundum, Coadjutorem, seu Curatorem Episcopo dat Papa, Prælati inferioribus horum Superior, ut colligitur ex c. grandi 2. hoc tit. in 6. nam generalis Doctrina est, quod si ille, qui præest alicui communitati, in officio negligens, & remissus sit, Superior illi dare idoneum Curatorem, vel Coadjutorem debeat.

Quæritur 4. quis Visitatorem, seu Administratorem dare Ecclesiæ vacanti possit? Satis conveniunt DD. quod talem dare possit Capitulum; cum enim Sede vacante Capitulum succedat in ordinariam Jurisdictionem Episcopi, eandem etiam alteri delegate, seu committere potest, nisi expresse reperitur Jure prohibitum.

Dubium est, an eo casu Ecclesiæ vacanti Administrator, vel Visitor etiam ab alio constitui possit, & à quo? In quo iterum distinctione opus est: Vel enim Capitulum eo tempore negligenter, & perperam rem administrat, vel contra ritè fungitur officio suo.

Si primum, dari Administrator, vel Curator potest ab Archiepiscopo, vocatis tamen prius Capitularibus (nam horum interest) & prævia judiciali cognitione, ita ut si ea non fiat, administratoris datio non valeat. c. fin. hoc tit. in 6. Gloss. ibid. V. vocato, & V. seq.

Si secundum, Ecclesiæ Cathedrali vacanti dari Visitor, vel Administrator potest à solo Papa, ut iterum habetur c. fin. cit.



Ratio utriusque est : quia Archiepiscopus pro Diœcesibus Suffraganeorum potestatem multum restrictam habet, & propterea administrationem, quæ Capitulo sede vacante competit, eidem sine causa necessaria auferre non potest. At Pontifex in omnibus Beneficiis plenitudinem potestatis obrinet, ut proinde (quamvis non soleat) etiam extra casum negligentiae Capituli, liberè constituere Coadjutorem, seu Administratorem possit.

Dixi *Ecclesie Cathedrali*; nam in aliis Ecclesiis inferioribus, sive non Episcopalibus potest dari Administrator in spiritualibus, & temporalibus etiam ab alio, quam Papa, ut colligitur *ex c. fin. cit.* à sensu contrario, & monet Franc. *ibid. not. 2.*

11 Queritur 5. quæ sit potestas Administratoris Ecclesiæ vacanti dati? Resp. cum distinctione : Si datus sit à Papa, omnem in Diœcesi Jurisdictionem habet, quam habet Episcopus, adeoque conferre Beneficia potest etiam, quæ ad liberam Episcopi solius collationem spectant, & hoc ob ampliorem prærogativam dantis, ob quam etiam decet ampliori datum potestate fungi.

Si verò sit ab alio, quam Papa datus, etsi in cæteris administrationem habeat non secus, ac Episcopus, Beneficia tamen, quæ ad liberam Episcopi solius collationem pertinent, conferre non potest, ut habetur *c. fin. §. hujusmodi h. tit. in 6.* Ratio est, quia collatio Beneficiorum libera, est quædam donatio; Administrator autem etiam cum libera potestate constitutus merè liberaliter donare non potest *l. filius fam. 7. princ. ff. de donat.* Idem dicendum de eo, qui constitutus est à Capitulo, sede vacante; nam nec Capitulum de rigore Juris loquendo hujusmodi Beneficia conferre potest. Sed de his plura *Libr. 3. tit. 6. n. 25. & seqq.*

12 Superest unus adhuc casus, quo defectus Episcopi suppletur, vel potius non obstat, & est, quando is cum humilitate, & devotione terriò requisitus, Abbates electos, & confirmatos benedicere sine causa renuit, de quo statutum est *c. statuimus 1. h. tit. ut iisdem Abbatibus*, etiam benedictione Abbatiali non recepta, liceat proprios Monachos benedicere, & alia, quæ ad Officium hujusmodi pertinent, exercere, donec ipsi Episcopi suam duritiam recogitent, & Abbates benedicere non recusent. Quod Rescriptum, etsi Abbatibus Cisterciensibus datum sit, ex communi tamen doctrina ad reliquorum Ordinum Abbates extenditur, teste Azor. *p. 1. l. 12. c. 20. q. 6. Laym. in c. 1. h. tit. q. 1. Pirhing. hic numer. 26.* & colligitur ex textu; nam ibi Pontifex non significat, se speciale privilegium Abbatibus Ordinis Cisterciensis dare, sed generaliter statuit, quid ab omnibus Abbatibus, fieri possit, ac debeat secundum rei æquitatem, & necessitatem, ne scilicet Abbates Officium suum exercere diu intermittant, & Monasteria propter negligentiam Episcoporum detrimentum in Spiritualibus, & aliis patiantur.

Procedit hoc maximè in Abbatibus subiectis Episcopo Diœcesis, in qua Monasteria ipsorum sunt sita; nam exempti non indigent isto privilegio, sed pro Benedictione accedere possunt quemcunque Episcopum. Et hinc quia talis modò est totus Ordo Cisterciensis, ejus Abbates à quovis Episcopo, imò à sui Ordinis Abbate Generali, & Vicariis ab eo per Provincias deputatis benedicti possunt, ex concessione *Innoc. VIII. die 9. Aprilis 1489. & Clementis VIII. 24. Jul. 1599.*

## P A R S I I I.

### Ordo Judicis Ecclesiastici.

J Udex Ecclesiasticus Clericus esse debet : hunc Ordo, vel saltem prima Tonsura facit. Quare non immeritò, post enumeratos modos, quibus ad Prælaturam quis assumi potest, de Judicis Ecclesiastici, seu Prælati Ordine, & cæteris qualitatibus agitur. Istud fiet in Parre hac tertia, in qua primis quidem Titulis de Ordine, & Præficiendorum qualitatibus, in reliquis autem de Ordinum impedimentis discurremus. Sit ergo

## T I T U L U S X I.

### De Temporibus Ordinationum, & Qualitate Ordinandorum.

U T ritè fiat Ordinatio Clericorum, non quovis tempore, nec indiscriminatim omnibus Ordines conferri debent.

#### §. I.

### De Ordinum Natura, Varietate, & Numero.

## S U M M A R I U M.

- 1 Ordinis definitio.
- 2 Diversitas.
- 3 Prima Tonsura non est Ordo.
- 4 Est autem Episcopatus.
- 5 Materia singulorum Ordinum.
- 6 Forma illorum.
- 7 An necessarius sit contactus physicus materia ab ordinante.

O Rdinis nomen variè sumitur 1. Latissimè pro rei 1 cujuscunque digestionem, seu collocationem in suo loco : & in hoc sensu à S. Aug. *l. 9. de Civit. c. 13.* definitur : *Est parium, dispariumque rerum suæ cuique tribuens dispositio*; 2. Latè pro certo hominum statu : quo sensu Christianorum Ordo duplex est, alius videlicet sæcularis, alius Clericalis *can. duo sunt 7. caus. 12. q. 1.* 3. Strictè, prout denotat potestatem spiritualemente conficiendi Sacramentum Eucharistiæ, vel ad id conficiendum ministrandi : quo sensu ordinatio est ipsa actio, seu ritus, & ceremoniæ sacræ, quibus ejusmodi potestas confertur. Hæc ultima acceptio ad Titulum præsentem spectat.

Queritur 1. quot sint Ordines? Resp. communiter 2 enumerantur septem : quatuor Minores, videlicet Ostiarius, Lectoratus, Exorcistatus, Acolytatus; & tres Majores, Subdiaconatus, Diaconatus, Presbyteratus. Posteriores etiam appellantur *Sacri* - Priores, *non Sacri*, non quòd non etiam isti sint Sacramentum (nam revera Sacramentum & illi sunt juxta communem doctrinam, quæ colligitur ex *Trid. sess. 23. de Sac. Ord. can. 3.* ubi generaliter definit, Ordinem esse Sacramentum (sed quod Majores Ordines majorem sanctitatem præferant, & proprius accedant ad Consecrationem Corporis Christi, votumque Castitatis ex Ecclesiæ institutione sibi annexum habeant. Omnium Ordinum collationi ex Ecclesiæ præscripto præmitti debet Prima Tonsura, qua homo Christianus à statu Laicali transfertur ad Clericalem, & capax redditur Sacræ Ordinationis, uti & Beneficiorum, jurisdictionis, ac Privilegiorum Ecclesiasticorum. *Pal. tr. 27. D. un. p. 2. n. 5.*

Queritur 2. An Prima Tonsura Clericalis sit Ordo? 3 Affirmat cum pluribus Canonistis, præsertim antiquioribus, Fagn. *in c. cum contingat. 11. de etat. & qualit. à n. 40.* ubi allatis pluribus textibus, & rationibus id sufficienter probare intendit. præcipua hujus sententiæ fundamenta, sunt *1. c. cum contingat. 11. cit.* ubi Innocentius III. interrogatus, an Religiosis, si ab Abbatibus suis tonsurentur, Clericatus Ordo in tonsura hujusmodi conferatur, respondet, *per primam Tonsuram, juxta formam Ecclesiæ datam, à talibus Clericalem Ordinem conferri. 3. can. Clericos. 1. dist. 22.* ubi inter Ordines ab Isidoro recensetur etiam Psalmistatus. Atqui Psalmistatus aliud nihil est, quam prima Tonsura; nam per hanc initiatus deputatur ad canendum in choro. 3. *Motus proprius Sixti V. contra male promotos ad Ordines*, ubi primam Tonsuram appellat Characterem, seu notam Clericalem.

Sed his non obstantibus, probabilior est negativa sententia; sc. quòd prima Tonsura non sit Ordo Ecclesiasticus propriè dictus, sed solum dispositio quædam ad Ordines, sicut Novitiatus ad Professionem. Ita S. Thom. *3. p. in suppl. q. 4. a. 2.* & teste Pit. *hic n. 1.* communis TT. Colligitur satis clare ex *Trid.* quod non solum Primam Tonsuram non numerat inter Ordines, sed eam ab his disertè distinguit, ut patet ex *sess. 23. c. 2. de sacr.*



*facr. Ordin. &c. 6. 10. & 17. de reform.* Ratio est, quia per omnem Ordinem Ecclesiasticum propriè dictum confertur potestas aliqua ad peculiarem actionem sacram, & Ecclesiasticam, adedque ministrorum Ecclesiæ propriam obeundam, ut colligitur *ex c. 17. cit.* ubi Trid. præcipit, ut SS. Ordinum functiones à Diaconatu ad Ostiariatum, ab Apostolorum temporibus in Ecclesia laudabiliter receptæ, & pluribus in locis aliquamdiu omisæ, in usum revocentur. atqui per Primam Tonsuram nulla confertur potestas ad specialem huiusmodi functionem sacram, sed solum per illam Assumitur aliquis ad statum Clericalem, & deputatur ad functionem communem omnibus, præsertim Clericis, sc. ad laudes Deo canendas, sive celebrandas. ergo &c.

Argumenta contraria non convincunt. *Ad 1.* ibi nomen Ordinis non accipitur propriè, sed latè pro dispositione, seu deputatione ad Ordines suscipiendos. *Ad 2.* Psalmistatus non est Ordo, sed officium, & quidem vel annexum Ordini Lectoratus, vel proprium Cantori, in primo casu sequitur primam Tonsuram, in secundo etiam non Clericis competit, prout constat *ex can. Psalmista 20. dist. 23.* ubi dicitur, quod *Psalmista, id est, Cantor, etiam absque licentia Episcopi, sola iussione Presbyteri officium suscipere cantandi possit.* *Ad 3.* Prima Tonsura Character, seu nota Clericalis dicitur, non quod Characterem imprimat, sed quia, ut dictum est eam suscipientes Clericali Ordini adscribuntur. Hinc etiam in Pontificali Romano collationi primæ Tonsuræ præfigitur Titulus *de Clerico*, non ordinando, sed *faciendo*.

4. Queritur 3. utrum Episcopatus sit Ordo distinctus à simplici Sacerdotio? Negant communiter TT. quod probant 1. *ex Flor. sess. 25. in Decret. Eugen. IV. §. sextum Sacramentum*, ubi traditur, quæ sit materia Presbyteratus, & aliorum Sacramentorum, nulla facta mentione Episcopatus. 2. *Ex Trid. sess. 23. c. 2. de sac. Ord.* ubi enumerantur omnes Ordines. Majores & Minores, nec tamen mentio fit Episcopatus. 3. *Ex ratione*: quia Episcopatus intrinsecè, & essentialiter includit Ordinem Presbyteratus, ita ut collatus non Sacerdoti invalidè collatus sit. atqui nullius ordo ex necessitate Sacramenti prærequirit alium, sed eo omisso confertur saltem valide. ergo &c. 4. Ordines distinguuntur per diversam habitudinem ad Sacrificium Missæ, seu in ordine ad consecrationem Eucharistiæ, sed in simplici Sacerdote non datur minor potestas, vel alia quoad consecrationem Eucharistiæ, quàm detur in Episcopo. 5. Si Episcopatus, & Presbyteratus sunt Ordines distincti, sequitur, quod Ordo Episcopatus sit inferior Sacerdotali; quia hic propinquius ordinatur ad conficiendum Sacramentum Eucharistiæ: quo autem propinquius Ordo aliquis ad hoc ordinatur, eo ille præstantior cæteris est. ergo &c.

Sed adhuc dicendum, Episcopatum esse Ordinem, eumque distinctum à simplici Sacerdotio. Ita Canonistæ communiter, & non pauci TT. Sumitur 1. *ex can. Cleros 1. dist. 21.* ubi Episcopatus, tanquam distinctus Ordo cæteris enumeratis adjungitur. 2. *ex Trid. sess. 23. can. 7.* ubi definitur Episcopos Presbyteris, seu Sacerdotibus superiores esse, & quidem vel maximè quoad potestatem Ordinis, de qua ibi agitur. 3. *Ex ratione*: quia Episcopatus habet propriam, ac distinctam materiam, formam, & potestatem: materia est impositio libri Evangeliorum super cervicem, & scapulas Episcopali consecrandi, & manuum impositio super caput ejusdem ab Episcopo consecratore, & assistentibus; forma in his verbis consistit *accipe Spiritum Sanctum &c.* nempe cum quadam plenitudine gratiæ ad omnes Episcopales functiones; potestas se extendit ad consecrationem Sacramentorum, quæ à simplici Sacerdote confici nequeunt.

Neque obstant Argumenta opposita. *Ad 1.* etiam Episcopatus sub nomine Presbyteratus continetur; licet enim distinguatur à simplici Sacerdotio, cum hoc tamen componit adæquatum Sacerdotium: quod innuisse videtur Anacletus Papa *Epist. 3. c. 1.* quando dixit Sacerdotum Ordinem bipartitum esse. Hinc septem adhuc sunt Ordines, quia Episcopatus cum simplici Sacerdotio est unus Ordo completus. *Ad 2.* Idem est respondendum: cæterum quod Trid. senserit, etiam Episcopatum esse Ordinem, patet ex dictis. *Ad 3.* etsi aliqui velint valere collationem Episcopatus, etiam si ordinatus non sit Sacerdos; quia tamen oppositum ve-

Schmalzgrueber Tom. I.

rius est; melius negatur paritas: ratio disparitatis est; quia actus principalis Ordinis Episcopalis est ordinare Sacerdotes: hic autem necessariò supponit Ordinem Sacerdotalem; cum impossibile sit, ut istum quis conferat alteri, si ipse illum non habeat. Contrarium fit in cæteris Ordinibus; nam in istis actus principalis illorum inferiorem Ordinem non supponit. *Ad 4.* in divisione Ordinum non solum potestas ordinata ad Sacrificium Missæ, sed etiam conferendi Sacramenta confirmationis, & Ordinis, & alias quasdam functiones exercendi considerari debet. atqui hæc potestas non datur in simplici Sacerdote. ergo &c. *Ad 5.* Episcopi non solum conficere Sacramentum Eucharistiæ possunt, sed etiam aliis dare potestatem hanc conficiendi, quam potestatem dare Sacerdotes simplices non possunt aliis; est autem potestas tantò altior, quantò se ad plura extendit, ut docet etiam S. Thom. *in 4. dist. 24. q. 3. a. 2.* Unde quando comparatur Ordo Episcopalis cum Sacerdotali, ut benè monet Pirhing. *hic numer. 5.* non debet ille considerari præscindendo ab Ordine Sacerdotali, sed ita, ut ex una parte constituatur simplex Sacerdos, & ex altera Sacerdos Episcopus.

Queritur 4. quæ sit materia singulorum Ordinum? 5. Resp. materia cujusque Ordinis, ut aliorum Sacramentorum duplex est, una remota, altera proxima. *Remota* est ipsa res, seu instrumentum, quod Ordinando traditur; & potestatem ei communicandam significat. *Proxima* est hujus ipsius rei, seu instrumenti traditio. In specie materia *Ostiariatus* proxima est traditio clavium Ecclesiæ, & cymbali, quo populus ad illam convocatur; *Lectoratus* traditio Libri Lectionum, sive Epistolarum, Prophetiarum, Sermonum, & Homiliarum, quæ ex SS. PP. in Ecclesia legi solent; *Exorcistatus* traditio Libri Exorcismorum; *Acolytatus* traditio urceoli vacui, & candelabri cum cereo extincto; *Subdiaconatus* traditio calicis vacui cum patena vacua superposita, & secundum aliquos Libri Epistolarum, quod tamen vetius alii negant; *Diaconatus* traditio Libri Evangeliorum, cui præmittitur impositio manus Episcopalis super caput Ordinandi, non quidem de necessitate Sacramenti, ut quidam putant, sed præcepti tantum, ut verius docent alii. *Presbyteratus* materia duplex est: quia etiam duplex per eum datur potestas Ordinato: una super Corpus verum Christi; altera super Corpus ejusdem Mysticum: prima significatur per traditionem Calicis cum vino, & patenæ cum Hostia; altera per impositionem manuum Episcopi, non primam, quæ præcipit traditionem Calicis, sed alteram, quæ fit ad finem Missæ. De materia *Episcopatus* dictum est *Numero præcedenti*.

Queritur 5. quæ sit forma essentialis cujusque Ordinis? 6. Resp. Consistit in verbis, quæ ab Ordinante, dum is materiam cujusque Ordinis Ordinando tradit, pronuntiantur, & potestatem per Ordinem collatam significant. In specie forma in Ecclesia Latina usurpata in *Ostiariatu* sunt hæc verba: *Sic agite, quasi reddituri Deo rationem pro iis rebus, quæ his clavibus recluduntur.* In *Lectoratu* ista: *Accipite, & estote Verbi DEI relatores, habituri, si fideliter, & utiliter, impleveritis officium vestrum, partem cum iis, qui Verbum DEI bene administraverunt ab initio.* In *Exorcistatu* ista: *Accipite, & commendate memoria, & habete potestatem imponendi manus super energumenos, sive baptizatos, sive Cathecumenos.* In *Acolyatu*, dum traditur Candelabrum, ista: *Accipite ceroserarium cum cereo, & sciatis, vos accendenda Ecclesiæ luminaria mancipari in nomine Domini; dum verò tradentur urceoli, hæc: Accipite urceolum, ad suggerendum vinum, & aquam in Eucharistiâ sanguinis Christi in nomine Domini.* In *Subdiaconatu* ista: *Videte, cujus ministerium vobis traditur, ideo vos admonet, ut ita vos exhibeatis, ut Deo placere possitis.* In *Diaconatu* ista: *Accipe potestatem legendi Evangelium in Ecclesia Dei, tam pro vivis, quàm pro defunctis, in nomine Domini.* In *Presbyteratu* ad traditionem calicis cum vino, & patenæ cum hostia: *Accipe potestatem offerre Sacrificium Deo, Missæque celebrare, tam pro vivis, quàm pro defunctis in nomine Domini; ad impositionem manuum Episcopi: Accipe Spiritum Sanctum, quorum remiseris peccata, remittuntur eis, & quorum retinueris, retenta sunt.* In *Episcopatu* denique ista: *Accipe Spiritum sanctum &c.*



7 Quæritur 6. an necessarius sit contactus physicus materiæ ab ordinante traditæ? *Certum est* 1. graviter peccari, si tactus alicujus materiæ omittatur; quia est contra praxin Ecclesiæ, & illius præceptum, & periculum adest invalidæ ordinationis. Pal. tr. 27. D. un. p. 4. num. 20. *Certum est* 2. opus non esse tangere Hostiam immediatè; tum quia contactus ejusdem immediatus in Rituali Romano non præscribitur; tum quia nec vinum in calice immediatè attingitur, cum tamen eadem sit hujus ratio. Pal. l. cit. & apud ipsum Vasq. Conin. Bonac. Valent. *Certum est* 3. non requiri contactum materiæ eo puncto, quo verba ab Episcopo proferuntur; quia satis est, quod moraliter conjungantur. Pal. l. cit. & apud ipsum Sâ, Bonac. Henriq. Laym. *Certum est* 4. ad Sacramenti valorem non requiri contactum materiæ immediatum, sed sufficere mediatum, ut si quis calicem tangat, & mediantem isto patenam impositam calici; quia moraliter, & in æstimatione hominum etiam istam tangere dicitur. Pal. cit. & apud eundem Vasq. Conin. Bonacin.

*Dubium* solum est, an ad valorem Sacramenti requiratur simpliciter contactus, an verò sufficiat sola traditio sine contactu tam immediato, quam mediato? Non requiri contactum ejusmodi existimat Laym. l. 5. tr. 9. c. 5. num. 4. cum pluribus aliis à se cit. ex ratione; quia si contactus iste necessarius foret, foret necessarius, vel ut Ordinandus potestatem sibi traditam acceptare significet, vel ut potestas per ordinationem tradita conferatur. Non *primum*; quia præterquam quod acceptatio ista non requiratur, ut patet in infante ordinato, acceptatio aliter significari ab Ordinato, quam per contactum potest, ut patet in contractu Matrimonii. Non *secundum*; quia commune est tam in Jure Civili, quam in Canonico, Jurisdictionem, potestatem, & dominium concedi absque rei traditæ contactu per hoc solum, quod res præsentì tradatur.

Sed verior est sententia communis DD. cum S. Thom. in 4. dist. 24. q. 1. a. 1. qq. 5. ad 3. juxta quam ad valorem ordinationis requiritur contactus instrumenti traditi physicus. Ratio unica, eaque solida est: quia Christus poterat ita hoc Sacramentum instituere, ut non possit conferri validè sine contactu Symboli: quod autem illud sic instituerit, suadet Ecclesiæ praxis, & tum ordinarum, tum ordinandorum, de prædicto contactu præstando sollicitudo. Idque indicant verba ab Episcopo prolata *Accipe potestatem* &c. tradito ejus Symbolo; traditio enim Symboli indicat Symbolum ab ordinando physicè debere accipi, sicut realiter accipitur potestas illo Symbolo communicata. Hinc meritò Clemens VIII. jussit reordinari saltem sub conditione eos, qui à Sagienfi Episcopo, ostensa tantum sibi materia, fuerint ordinati, ut ex Ysamberto refert Konig hic num. 33.

## §. II.

## De Temporibus, Interstitiis, &amp; Loco Ordinationum.

## S U M M A R I U M.

- 8 Tempora Ordinationum.
- 9 Observanda in collatione Primæ Tonsuræ, & Ordinum Minorum.
- 10 Consuetudine non potest induci, ut conferantur Ordines SS. extra tempora, potest Privilegio.
- 11 Diei Festi nomine in privilegio venit dumtaxat Festum in Choro, & Foro celebre.
- 12 Interstitia Ordinationum.
- 13 Quis possit in his dispensare?
- 14 Qua de causa?
- 15 An plures Ordines eidem eadem die conferri possint?
- 16 An pluribus diebus continuis.
- 17 In quo loco Ordines conferri possint?
- 18 An in Diœcesi aliena?
- 19 An in loco exempto?
- 20 Vel interdicto?

8 Quæritur 1. quo tempore Ordines, & Prima Tonsura conferri possint? Resp. 1. *Prima Tonsura* quolibet anni tempore, die, hora conferri potest, ut patet ex Pontifical. Roman. Tir. de Ordin. conferend. vers. Clericatus. & receptum est universali consuetudine, te-

ste Fagnan. in c. 3. h. tit. num. 4. 2. *Ordines Minores* conferri possunt non tantum in Ordinationibus consuetis, sed etiam quovis die Dominico, aut Festo saltem uni, vel alteri, in mane tamen, ut iterum habet Pontif. l. cit. vers. Minores, c. Subdiaconus 1. & c. de eo 3. h. tit. statuit expressè Alexander III. 3. SS. Ordines. nempe Subdiaconatus, Diaconatus, Presbyteratus nulli Episcopo, præterquam Romano Pontifici, licet conferre, nisi in Sabbatis quatuor temporum, Sabbato sancto, & Sabbato Dominicam Passionis præcedente in publica Ordinatione, ut patet ex can. fin. dist. 75. c. 1. & 3. cit. & novissimè statuit Trid. sess. 23. c. 8. de reform. 4. Episcopus consecrari debet, & potest quavis die Dominica, vel in Natalitiis Apostolorum, vel etiam in alio Festo, si Summus Pontifex hoc specialiter indulerit, ut loquitur Pontifical. Roman. tit. de consecrat. elect. in Episc. vers. statuta. Et quidem dies Dominica per consecratione Episcopi delecta est ob dignitatem istius Ordinis; quod ut c. v. quod die 5. dist. cit. dicitur, quidquid à Domino est insignius constitutum, in hujus diei dignitate sit gestum: possunt autem Episcopi, consecrari etiam in Natalitiis Apostolorum; quia in munere Pastoralis succedunt Apostolis, ut habetur can. in novo 2. dist. 21. & tradit Trid. sess. 24. c. 4. de reform. Pro cæteris Ordinibus Sabbatum potius designatum est, quia Sabbatum significat requiem, & qui ordinantur, transeunt ad requiem Clericalem; requiescere enim debent, sive cessare à laboribus, & negotiis sæcularibus. Minores verò Ordines, & prima Tonsura conferri etiam aliis diebus potest; quia his initiati ad sæculum reverti possunt, quod non possunt constitui in Sacris.

*Dub.* 1. quid observandum sit in collatione Primæ Tonsuræ, & Minorum Ordinum? Resp. 1. non est necessarium, ut conferantur sub Missæ Sacrificio. Pont. Rom. rit. de minor. Ord. neque ut Ordinans sit jejunus. Pirh. hic num. 78. Juxta Pont. Rom. tamen l. cit. Minores Ordines debent conferri manè, nisi consuetudine aliud sit inductum.

2 Nomine Festi, quo minores Ordines secundum dicta conferri possunt, probabilius intelligitur dies, qui festus est, non tantum in Choro, sed etiam in foro, saltem in particulari Ecclesia, prout declaravit S. Congregat. Concil. apud Fagnan. in c. 3. h. tit. n. 42.

3 Iisdem Dominicis, & Festis juxta Host. in c. 11. de atar. & qualis. §. sed quo tempore Minores Ordines Regularibus suis conferre possunt Abbates: quod tamen alii negant; quia c. 3. cit. loquitur de solis Episcopis. Hinc Pirh. l. cit. monet, quoad hoc spectandam esse consuetudinem loci.

4 Monitum hoc de consuetudine observanda procedit etiam in aliis; sic enim Barbof. de Offic. Episc. alleg. 11. num. 21. & apud istum Henriq. l. 10. c. 12. §. 2. restatur, in quibusdam Ecclesiis ex recepta ibidem consuetudine primam Tonsuram, & Minores Ordines tempore Ordinationum generalium conferri, non in ipso Sabbato, sed per anticipationem in vespere feriæ VI. præcedentis, vel etiam in feria IV. quatuor Temporum.

*Dub.* 2. An consuetudine induci possit, ut SS. Ordines extra prædicta tempora conferantur? Resp. negativè. Patet ex c. sane 2. h. tit. ubi contraria Consuetudo, tanquam institutioni Ecclesiæ inimica, penitus reprobanda dicitur. Interim tamen Papa aliquibus Privilegium dare potest, ut extra Tempora ordinentur; nam cum hæc prohibitio originem habeat à Jure positivo, Summum Pont. qui supra Jus est, ligare non potest. Tale Privilegium Societati JESU Gregorius XIII. concessit speciali Bulla, quæ incipit Pium, & utile, edita 22. Septembr. 1582. ut ejus Religiosi extra Tempora, & non servatis Interstitiis, tribus continuis Festis tres Ordines Sacros recipere possint. Estque hoc Privilegium cum aliis Religiosis incommunicabile, etiam iis, qui aliàs in Privilegiis cum Societate communicant, ut constat ex tenore Constit. cit. & Bulla Pauli V. incip. Quantum Religio, edita pridie Non. Sept. 1606. Unde necesse est, ut ipsi speciale privilegium habeant sibi datum, & quidem post Trid. hoc enim sess. 23. c. 8. de reform. jubet, ut Ordinationes SS. Ordinum statutis à Jure temporibus - - celebrentur; & postea sess. 25. c. 22. de Regular. generaliter revocat omnia & singula Regularium privilegia, sub quibuscumque verborum formulis concepta. Ex quo infert Mirand. in Manual. Pralat. tom. 1. q. 38. a. 4. vñ pri-



privilegiorum, quæ à Summi. Pont. ante Concil. Trid. Regularibus concessa sunt, non posse eosdem Regulares nunc ab Episcopis initiari SS. Ordinibus extra statuta tempora.

- II Dub. 3. si per Privilegium alicui concedatur à Sede Apostolica, ut etiam extra tempora à Jure statuta tribus Dominicis, vel aliis Festis diebus ad SS. Ordines promoveri possit, quales dies Festi nomine intelligi debeant? Rodriq. tom. 3. qq. regul. q. 23. a. 5. cum quibusdam aliis putat, sufficere, si Festum sit, quod sub Ritu duplici in Ecclesia celebratur, & hanc sententiam in praxi tutam esse existimat Dian. p. 5. tr. 13. res. 97. quod videtur etiam probare ratio; nam, ut colligitur ex Clem. un. de Reliq. & vener. SS. etiam isti dies, quamvis à laboribus feriari non sint, Festi dici non immerito possunt.

Contrà Azor. p. 2. l. 1. c. 27. q. ult. Barbosa, alleg. 11. num. 23. Card. de Lugo. Responf. Moral. l. 1. dub. 34. Pirh. hic num. 81. Vviestn. num. 43. & alii ab his cit. volunt, ejusmodi Privilegia de iis solummodo Festis intelligenda esse, quæ non solum à Clero in Choro, sed etiam à populo in foro per abstinentiam ab operibus servilibus, & Divinorum frequentationem celebrantur. Rationem dat Azor loc. cit. quia Pontifex in hujusmodi Privilegiis censetur nomen Festi accepisse, prout secundum vulgarem, & communem loquendi modum solet accipi, vulgò autem, & communiter ille duntaxat dies Festus dicitur, quem pro feriato Clerus, & populus habet. ergo &c.

Ex his duabus sententiis turior est posterior, maxime si, quod Card. de Lugo l. cit. monet, contraria, & prior sententia per Decretum Urbani VIII. ab ipso allegatum prohibita est. Quia tamen hæc ipsa sententia, teste la Croix l. 6. p. 2. num. 2293. adhuc hodie ab optimis Episcopis practicatur, ideo censeri merito potest, quod prohibitio hæc vel per contrariam consuetudinem abrogata sit, vel intelligi debeat de Festis ad Libitum, ut sensus sit, hujusmodi privilegiatos vi privilegii sui ordinarii posse tantum in Festis de præcepto. Hinc idem la Croix loc. cit. adhuc practicè probabile esse existimat, quod ita privilegiatis Episcopus possit conferre Ordines in Festo Duplici, etiam si non celebretur in foro, sed in choro tantum. Imò si in privilegio non habeatur expressè, ut Ordinatio fiat in Festo de præcepto, juxta eundem la Croix, sufficit Festum Duplex ad libitum.

- 12 Quæritur 2. quo Ordine, & quo intervallo temporis conferendi sint Ordines?

Resp. 1. conferendi sunt gradatim incipiendo à prima Tonsura, & per Ordines minores ascendendum ad majores, ita ut semper prius conferatur inferior, antequam detur superior. can. si officio 2. dist. 59. & c. un. de Cler. per salt. promot.

2 Non sunt conferendi plures Ordines simul eadem die: quod tamen solum procedit de Ordinibus majoribus; nam Minores Ordines cum prima Tonsura defacto conferri solent una, eademque die, ut communis, & in Germania passim recepta consuetudo obtinuit. Sylv. V. Ordo 2. q. 7. vers. tertium; Barbosa, alleg. 11. num. 19. Pirh. n. 83. & alii ab his cit.

3 In Ordinum collatione inter unum, & alterum servanda sunt Interstitia, seu intervalla Temporum: & quidem, ut à Minoribus ascendere quis possit ad Subdiaconatum, requiratur unus annus; alius annus, ut à Subdiaconatu ad Diaconatum; & tertius, ut à Diaconatu progredi possit ad Sacerdotium, prout statuit Triden. sess. 23. c. 11. de reform. Non est autem annus iste computandus Mathematicè, ut cum Barbosa rectè observat Pirh. hic n. 88. sed moraliter, ita ut sufficiat annus Ecclesiasticus, videlicet ab una Quadragesima ad aliam, à Pentecoste ad Pentecostem &c.

- 13 Dub. 1. quis dispensare in Interstitiis possit? Resp. 1. potest Pontifex: & quidem potestas hæc illius est amplissima, cum Interstitia hæc, & Tempora Ordinationum statuta sint tantum Jure Ecclesiastico, quo ipse superior est.

2 Nuntii Apostolici, sed hi tantum præcisè possunt, quantum ipsis quoad hoc à Papa concessum est: & licet aliquando dispensare possint ad Ordines suscipiendos extra tempora; non tamen dispensare possunt, nisi pro diebus festivis, iisque aliquo temporis spatio interpolatis; sic enim, & non aliter indulta hujusmodi concedenda impetrum censuit Congregatio Cardd. & aliorum Prælatorum

Decreto edito 14. Decemb. 1693. approbante Innoc. XII. ut videre est in Constitutione ejusdem, quæ incipit Speculatoribus publicata pridie Non. Novemb. 1694.

3 Episcopi cum subditis suis Diocesanis, & Regularibus non exemptis, imò etiam cum Exemptis; quia hi cum Prælatorum suorum licentia se subicere Episcopis possunt quoad gratias dispensationum, & absolutionum recipiendas. Extendit autem se hæc Episcopi potestas tantum ad Interstitia, ut his non observatis, intra Tempora Ordinationum consuetam ordinari quis possit; nam ut ordinari quis possit extra Tempora, ex Ordinaria potestate sua dispensare Episcopus nequit. Pirh. n. 89. Vviest. num. 37.

4 Capitulum Cathedralis Sede vacante; sed in iis solum casibus, quibus licentiam ordinandi, seu Ordines suscipiendi dare subditis Diocesanis potest. Piafec. prax. Epif. p. 1. c. 1. n. 8. n. 5. Quarant. V. Capit. Sed. vacante. q. 10. qui testatur, ita declaratum à S. Congreg. Concil.

5 Prælati Regulares cum subditis suis Regularibus. Ubi tamen distinguendum est inter Ordines Minores, & Majores: in Interstitiis Minorum Ordinum, quos ipsi conferunt, sicubi consuetudo est ea servari, possunt dispensare; quia regulariter ad eum spectat dispensare in Interstitiis, ad quem spectat Ordinatio Pirh. n. 90. non verò in Interstitiis Majorum Ordinum, ut declaravit Congregatio Cardd. apud Quarant. V. Ordo & Piafec. l. cit. Excipitur, si sint Prælati Regulares exempti, qui quasi Episcopi lem Jurisdictionem habent in subditos Regulares; nam hos etiam in Interstitiis Majorum Ordinum dispensare posse probabiliter aliis cit. tenet Pirh. l. cit.

Dub. 2. quæ sit causa sufficiens ad dispensandum in Interstitiis Ordinum? Quoad minores Ordines nulla requiritur causa; quia in plerisque locis consuetudo Interstitia ista sustulit, ut dictum est Num. 12. ubi verò ista in his servantur, tempus conferendi à Jure assignatum non est, sed Arbitrio Episcopi designandum relinquitur.

Quoad Ordines Majores, ut ad hos ascendere aliquis possit à Minoribus, & ab uno Majore ad alium, ex Constit. Innoc. XII. cit. requiruntur cause, earque magis rationabiles.

Tales ex Decret. Congreg. Cardd. & Prælat. supra cit. sunt 1. si ordinandi sint Referendarii utriusque Signaturæ, Familiares Papæ, vel Canonici Cathedralium, aut Collegiarum Ecclesiarum, vel eorum adjutores.

2 Si iidem sint Magistri, h. e. Doctores, Licentiat, vel etiam Baccalarii SS. Theologiæ, vel Doctores, aut Licentiat utriusque, aut saltem Canonici Juris, in publica, & approbata Universitate ejusmodi Gradum aliquem consecuti: ut etiam si triennio SS. Theologiæ Studiis sedulam navarunt operam.

3 Si Beneficium habeant, quod Sacerdotalem Ordinem exigit, vel aliud perpetuum, aut etiam Capellaniam ad tempus vitæ sibi concessam, ut illi deservire per seipsos possint.

4 Ob penuriam Sacerdotum Sacularium, vel Regularium, in Provincia, Diocesi, vel Monasterio.

5 Ob solatium Patris, vel Matris: debent tamen isti, ut ex hac causa dispensare Episcopus in Interstitiis possit, excessisse annum ætatis 50.

6 Si ipse Ordinandus 26. annum excesserit: quo tamen casu, ut etiam in præcedente, S. Congregatio exigit, ut dispensationem quoad Interstitia petens per triennium saltem in habitu Clericali honestè, & laudabiliter vixerit.

Dub. 3. An plures Ordines eidem eadem die conferri possint? Certum est 1. non posse eidem simul conferri duos Ordines majores ex c. litteras 13. & c. dilectus 15. h. tit. ubi tam Episcopus, quam ab eo sic ordinatus puniuntur pœna Suspensionis, ille quidem à collatione SS. Ordinum, quos simul contulit, iste verò ab executione Ordinis Sacerdotalis, quem simul cum Diaconatu temerè suscepit: quod Decretum innovavit novissimè Trid. sess. 23. c. 13. & 14.

Certum est 2. posse eidem eadem die simul conferri plures, vel etiam omnes minores Ordines, saltem de consuetudine, quæ in Germania nostra, ut dixi Num. 12. & alibi passim recepta est.

Certum est 3. non posse, Jure communi spectato, eadem die simul eidem conferri Subdiaconatum cum Ordinibus Minoribus, ut patet ex c. cum H. 2. de eo, qui surtitur &c. & Trid. sess. 23. c. 11. cit. ubi inter collationem mino-



minorum Ordinum, & Subdiaconatus annum spatium, ut intercedat, exigitur: quod etiam confirmat Ecclesiasticum consuetudo, quæ vim Legis obtinet.

*Difficultas* est, an Consuetudine introduci possit, ut Subdiaconatus eadem die conferatur simul cum Minoribus Ordinibus? Ratio difficultatis sumitur ex Trid. *sess. cit. c. 13. in fine*, ubi sublata sunt Privilegia plures Ordines simul conferendi; sed Privilegii major vis est, quam consuetudinis, ergo &c.

Sed dicendum, si alicubi vigeat consuetudo, ut Subdiaconatus simul cum minoribus eadem die aliquibus conferatur, eam consuetudinem non esse reprobendam. Ita Navarr. *Man. c. 25. 71.* Henriq. *L. 10. c. 11. num. 4.* Pirhing. *hic num. 83.* Vviesl. *num. 35.* Ratio est, quia consuetudo hæc non est damnata Jure antiquo, neque sublata à Trid. quippe quod *loc. cit.* solum revocat Privilegia, non verò consuetudinem contrariam. *Conf.* nam ut Pal. *tr. 27. D. un. p. 13. num. 5.* pluribus aliis *citt.* restatur, ad ira suscipiendum Subdiaconatum cum Minoribus potest ex causa utilitatis, vel necessitatis dispensare Episcopus, non autem minor est vis consuetudinis, quam dispensationis.

*Ad rationem dubitandi* dico, Decretum Trid. *cit.* esse odiosum, & *conf.* ultra ea, quæ in illo expressa sunt, non extendendum. Accedit, quia per illud neque privilegia omnia revocata sunt, sed tantum antè obtenta, non verò in posterum obtinenda.

16 Dub. 4. Utrum Ordines plures conferri possint pluribus diebus continuis? *Certum est* 1. posse id fieri, si Sabbato Ordinationis ob multitudinem ordinandorum, vel alia ex causa ordinatio omnium absolvi non potuit; tunc enim, continuato tamen jejunio, Dominica sequente ordinari reliqui adhuc poterunt, non verò, qui ordinati sunt in Sabbato, recipere novum Ordinem sacrum. *can. quod à Patribus 4. dist. 75. Gloss. in c. 13. hoc tit. V. uno die, & V. pertinere, Laym. ibid. num. 2. Gonz. num. 3.* Ratio est, quia tunc fictione Juris Sabbatum, & manè diei Dominicæ quasi una dies, & dies Dominica matutina quasi Sabbatina reputatur, ut adeo qui Ordines in priori accipiunt, omnes censeantur ordinari in Sabbato; *conf.* qui novum Ordinem sacrum acciperet, censeretur eadem die accepisse duos Ordines Sacros: quod juxta *num. preced.* fieri non potest.

*Certum satis est* 2. eum, qui in Sabbato ordinatus est Presbyter, posse in sequenti Dominica consecrari in Episcopum, sive continuato jejunio, sive non continuo. *Gloss. in can. 4. cit. V. Sabbati.* Ratio est, quia id nusquam reperitur prohibitum, & Episcopatus qualibet die Dominica conferri potest, adeoque etiam eo, qui Sabbatum 4. Temporum immediatè subsequitur. Imò si quis vel ex dispensatione, vel aliàs continuato jejunio die Dominica sit ordinatus Presbyter, juxta communem recte Pal. *tr. 27. D. un. p. 13. num. 4.* eadem die consecrari potest Episcopus. Ratio est, quia neque hoc reperitur prohibitum; Jura enim, & Canones, quando interstitia fieri præcipiunt, tantum de illis Ordinibus intelligendi sunt, qui in ordinariis, & generalibus Ordinationibus conferri solent, non verò de Episcopatu, ut rectè advertit Laym. *l. 5. tr. 9. c. 8. n. 6.*

*Certum est* 3. posse à Pontifice alicui indulgeri privilegium, ut Ordines etiam Sacros omnes suscipere possit diebus festis, vel etiam non festis continuis; quia quod regulariter hoc fieri nequeat, solum est introductum Jure Ecclesiastico, quo Pontifex non obligatur, & ab observatione ejusdem etiam alios deobligare potest.

*Difficultas* est, an is, qui ejusmodi Privilegium habet, & die Sabbati 4. Temporum in Ordinatione publica, & generali suscepit e.g. Diaconatum, die Dominica sequenti ordinari Presbyter possit? Videtur non posse, quia cum, ut supra dictum est, Dies Dominica matutina fictione Juris censeatur una dies cum Sabbato præcedente, talis censeretur eadem die accepisse duos Ordines SS.

Verum hæc fictio, meo quidem judicio, obesse non debet; nam introducta à Jure est potius in favorem, ut continuari Ordinatio possit ab Episcopo, quæ in Sabbato absolvi non poterat, quam in detrimentum, quale induceret respectu Privilegii, si is ob illam gaudere privilegio suo non posset. Quare nisi aliud Jure sit constitutum (de quo mihi non constat) judico, in tali casu attendendam non fictionem Juris, sed rei veritatem; est

autem rei veritas, quod Sabbatum, & Dominica sint dies distincti.

Quæritur 3. in quo loco Ordines conferri debeant? 17 *Resp.* Distinguendum inter Ordines Majores, & Minores. *Prima Tonsura*, & *Minores Ordines* conferri possunt non solum in Ecclesia, sed etiam in domo Episcopali, & quovis alio loco honesto, ut colligitur ex *can. quando 6. dist. 75. De Ordinibus majoribus. Trident. sess. 23. c. 8.* sic loquitur: *Ordinationes SS. Ordinum statutis à Jure temporibus, ac in Cathedrali Ecclesia, vocatis præsentibus ad id Ecclesiæ Canonibus, publicè celebrentur. Si autem in alio Diocesis loco, præsentem Clero loci, dignior, quantum fieri poterit, Ecclesia semper adeatur.* Hæc tamen, ut Pal. *tr. 27. D. un. p. 13. num. 9.* advertit, sub gravi culpa non obligant; quia nullum est verbum, quod præceptum indicet: hinc non solum in Ecclesia, sed etiam in Capella speciali, & privata domus solent Episcopi etiam SS. conferre Ordines.

Dub. 1. Utrum Ordines conferre Episcopus possit extra suam Diocesis? *Resp.* Non posse, sed omnes Ordines, etiam Minores, conferendi sunt in propria Diocesi Episcopi ordinantis. Estque hoc ita verum, ut nec propriis subditis Episcopus illos in aliena Diocesi conferre possit, sine expressa licentia Ordinarii loci. *Trident. sess. 6. c. 5. de reform.*

*Controversia est de prima Tonsura.* Barbarius in *c. nulli de offic. Legat. Alberic. in l. emancipari ff. de adoption. Rebuff. in prax. p. 1. cit. de Cleric. & à quib. &c. nu. 12.* Azor *p. 2. l. 3. c. 48. q. 5.* affirmant eam extra Diocesis subditis suis conferri, etiam Episcopo loci non requisito, posse ab Episcopo proprio: idque præcipue ex ea ratione, quod primam Tonsuram conferre Episcopus nonnunquam etiam sine Pontificalibus soleant, ut adeo ejus collatio non videatur esse actus Pontificalis, sed tantum Jurisdictionis voluntariæ, quam in subditos suos exercere Episcopus, etiam extra Diocesis existens, potest.

Verum hæc ratio nihil probat; etsi enim collatio Tonsuræ aliquando sine insignibus Pontificalibus fiat, non tamen ideo desinit esse actus Pontificalis, ut patet in Benedictione Corporalium.

Quare melius cum Pirh. *hic n. 77.* & aliis dicendum, irrequisito Ordinario loci, Episcopum extra Diocesis suam, ne quidem primam Tonsuram licitè conferre posse. Fundamentum sumitur ex Trid. *l. cit.* ubi exercitium Pontificalium in aliena Diocesi, *sine Ordinarii loci expressa licentia, diseritè prohibetur.*

Dub. 2. Utrum Episcopo extraneo concessum sit Pontificalia exercere, & Ordines conferre in loco exempto? 19 *Resp.* cum distinctione: Vel enim est locus exemptus, ita, ut nullius sit Diocesis, vel tantum ita, ut quamvis in Diocesi sit, non tamen sit de Diocesi. Si *primum*, sufficit licentia, seu vocatio Prælati exempti. Si *secundum*, opus est consensu tum Prælati exempti, tum Ordinarii loci, intra cujus fines locus exemptus constitutus est Barb. *alleg. 6. n. 12. & 13.* Pirh. *hic n. 77.* & declaravit Gregorius XIII. apud Joann. Gallemart ad Trid. *sess. 6. c. 5. de Reform. num. 3.*

Dub. 3. an in loco interdicto possint conferri Ordines? 20 *Resp.* non posse, sive deinde locus ille sit interdictus specialiter, sive solum generaliter; quia Interdictum prohibet omnium Sacramentorum usum, seu exercitium, exceptis specialiter in Jure expressis; nullibi autem reperitur in Jure expressum, vel concessum, ut in loco interdicto Ordines conferantur, præsertim cum hoc Sacramentum non sit ex necessariis ad salutem. Videantur, quæ dicuntur *infra Libr. V. tit. 39. n. 356.*

### §. III.

#### De Ordinandorum Qualitate.

#### S U M M A R I U M.

- 21 *Requisita ad validam Ordinationem in ordinando.*
- 22 *Famina Jure Divino est incapax Ordinum.*
- 23 *Quid dicendum de Hermaphrodito?*
24. 25 *Quid de coacto metu?*
- 26 *Requisita in Ordinando, ut licitè ordinari possit.*
- 27 *Aetas requisita ad singulos Ordines.*
- 28 *Scientia.*
- 29 *Quot modis possit aliquis esse subditus ordinanti?*  
Plures



**P**lures in Ordinando qualitates, & conditiones considerantur, & harum quidem aliquæ, ut valida sit Ordinatio alia, urea sit licita.

**21** Quæritur 1. quænam requirantur ad Ordinationem validam? Resp. 1. *ut sit mas*; nam fœmina ordinari non potest, ut patet ex perpetua praxi, & traditione Ecclesiæ: quam confirmat etiam ratio; quia Ordo importat eminentiam potestatis, dignitatis, & officii in Ecclesia præ aliis fidelibus; mulier autem in Ecclesia non docere, & præesse, sed subesse debet, ut constat ex S. Paulo: *Mulieres in Ecclesia taceant; non enim permittitur eis loqui*. 1. Corinth. 14. v. 34.

2. *Ut sit baptizatus*; quia Baptismus est *janua, & fundamentum omnium aliorum Sacramentorum*, ut dicitur *c. per Catechismum 2. de Cognat. spirit.* in 6. Hinc si Sacerdos v. g. deprehenderetur non fuisse validè baptizatus, postea suppleto Baptismo, omnes Ordines, quippe antea nulliter collati, necessariò reiterandi essent *c. si quis 1. & c. seq. de Presbyt. non baptiz.*

3. *Ut, si ordinandus sit adultus, & capax rationis, habeat intentionem saltem habituales suscipiendi Ordines*; quia cum Ordinatio hominem in novo statu constituat, id fieri haud convenit, nisi aliquo modo consenserit, ut colligitur ex *c. majores 3. §. item queritur de baptis.* ubi id de Baptismo deciditur. Unde irrita est collatio Ordinis, quando quis reluctans, & absolutè nolens est ordinatus.

**22** Dub. 1. quo Jure fœminæ incapaces sint Ordinis? Videntur incapaces esse solùm Jure Ecclesiastico, eoque non semper; nam 1. in Christo Jesu inter masculum, & fœminam non est discrimen. *Galat. 3. v. 28.* 2. in utroque testamento mulieres perhibentur fuisse Prophetissæ, ut constat de Maria sorore Moysis *Num. 12. v. 2.* de Anna Filia Phanuel *Luc. 2. v. 28.* 3. in primitiva Ecclesia fuerunt Diaconissæ, & Presbyteræ *can. Presbyter 18. & can. fin. dist. 32. can. Diaconissam 23. caus. 27. q. 1. & alibi.*

Sed dicendum, fœminam esse Jure Divino incapacem Ordinum. Ita communis TT. & Canonistarum cum S. Thom. in 4. dist. 25. q. 2. a. 1. Ratio petitur tum ex voluntate Christi, ipsam quoque Beatissimam Virginem, & Matrem suam nullo Ordine decorantis; tum ex natura Ordinationis, quæ ut *n. præc.* dictum est, Ordinatum in gradu superiore, & eminentiote inter fideles reliquos cum potestate eos docendi, & Sacramenta administrandi constituit.

Estque hoc ita verum, ut ne quidem prima Tonsura etiam per dispensationem Pontificiam initiari possint, ut cum communi docet Laym. l. 5. Theol. tr. 9. c. 6. n. 2. quia prima Tonsura est dispositio ad Ordines, sicut Novitatus ad Professionem Religiosam, sicut ergo, qui inhabilis est ad profitendum in aliqua Religione; etiam non potest suscipi in Novitatum ejusdem, ita etiam fœmina, cum Jure Divino sit incapax Ordinum, initiari prima Tonsura non potest.

Neque obstant Argumenta contraria. *Ad 1.* non est discrimen inter masculum, & fœminam quoad justificationem, & gratiam; est autem quoad superioritatem, & subjectionem, ut est ostensum. *Ad 2.* Donum Prophetiæ non infert superioritatem, & spirituales in alios potestatem, quam tamen Ordo infert, ut proinde ab illo ad hunc non detur illatio. *Ad 3.* Presbyteræ, & Diaconissæ, uti etiam Episcopæ, ut cum aliis advertit Pirh. *hic n. 6.* olim vocabantur aliquando uxores eorum, qui Diaconi, Presbyteri, vel etiam Episcopi facti sunt, & deinde à consorcio earum abstinerunt; aliquando etiam Viduæ ætate provectiores, non per veram Ordinationem, sed per Benedictionem, & destinationem tantùm simplicem ad quarundam Ecclesiæ rerum curam, Catechumenorum instructionem, & similia deputatæ.

**23** Dub. 2. an capax Ordinum sit Hermaphroditus? Resp. cum distinctione: Vel enim æque, aut magis accedit ad sexum fœmineum, vel in eo præpollat sexus virilis. *Si primum*, est Jure Divino incapax Ordinis, ut cum aliis notat Sylv. *V. Hermaphroditus*. Pal. tr. 27. D. un. p. 6. n. 3. Pirh. *hic n. 6.* & alii ab his *citt.* Ratio est, quia tales non absolutè, & simpliciter viri sunt, adeoque nec subiectum Ordinis capax. *Si secundum*, capax quidem Ordinis videtur esse Jure Divino; quippe cum simpliciter vir reputetur l. *queritur 10. ff. de stat. homin.* non tamen est ad Ordines admittendus, quia monstruosus passim à DD.

cum Arist. l. 4. de gener. anim. c. 3. in fin. reputatur, conf. irregularis, & Ordinum Jure Ecclesiastico incapax. *arg. can. illiteratos 1. dist. 36. Suar. de Censur. D. 51. §. 2. nu. 1. Bonac. D. 8. de Sacram. q. un. p. 5. n. 6. Vviesl. hic n. 6. & alii cum citt.*

Dub. 3. an valida sit Ordinatio coacti metu? Resp. **24** distinguendo: vel enim sic Ordinatus absolutè reluctans ordinatus est, vel ordinationi consensit, quamvis non consensurus, metus si absuisset. *Si primum*, Ordo collatus non valet *arg. c. majores §. item queritur cit.* & patet ex *Num. 21. supra.* *Si secundum*, valet, & imprimat Characterem *arg. c. cit.* quod confirmat etiam ratio; quia coacta voluntas est voluntas.

*Difficultas* est, an sic ordinatus metu, & in ordinationem ex eo consentiens obligetur Voto continentiae annexo SS. Ordinibus, & onus habeat recitandi Divini Officii? Quia in re *certum est* 1. ad utrumque teneri, si metus tantùm sit levis, non cadens in vitum constantem; quia Jura solùm succurrunt metum gravem passo, ut dicitur *Tit. 40. de his, quæ vi, met. caus.*

*Certum est* 2. ab ea obligatione non eximi eum, qui metum gravem, sed justè incussum passus est, e. g. quia possidebat Beneficium certum Ordinem requirens, & ad hunc suscipiendum ab Ordinario compulsus est subtractione fructuum, privatione Beneficii &c. quia nullam vim injustam, seu injuriam passus est, ob quam solam succurritur metum passo.

*Certum est* 3. obligationes prædictas contrahi ab eo, qui postquam coactè suscepit Ordinem Sacrum, deinde spontè, & non coactus, expressè, vel tacitè, verbo, vel factò e. g. ministrando in Ordine suscepto, Vorum suum ratificavit; nam ex eo tempore ad continentiam, & alia onera Ordini Sacro annexa tenebitur, ut ex communi docet Sanch. l. 7. de Matrim. D. 29. n. 9.

*Difficultas* urget in casu, quo Ordinatus passus est metum gravem, & hunc injustè, neque ratificatio aliqua spontanea susceptionem Ordinis subsecuta est? Ratio difficultatis est 1. quia de connexis idem est judicandum *c. translato 3. de Constitut.* ergo si metus non impedit valorem Ordinis, etiam non impedit obligationem huic annexam. 2. quia obligationes istæ sunt accessorie ad susceptionem Ordinis Sacri, accessorium autem sequitur principale suum *Reg. 42. in 6.* 3. Baptizatus incusso metu gravi tenetur vivere ut Baptizatus, & fidem Catholicam profiteri *c. de Judæis 5. & ibi Gloss. V. coacti. dist. 45.* ergo etiam coactè ordinatus tenebitur vivere ut ordinatus, & per consequens servare continentiam.

Sed est certa sententia, sic ordinatum ad neutrum teneri. Ita Sylv. *V. Ordo 4. q. 1. dist. 2.* Sanch. l. 7. de Matr. D. 29. n. 5. & apud hunc plures alii *citt.* Ratio est, quia Votum hoc continentiae, ut dicitur *L. 3. tit. 3. de Cleric. conjug.* tantùm annexum est Ordinibus SS. præcepto Ecclesiæ; neque censetur eam obligationem in se suscipere velle, qui metu gravi coactus in Ordinationem sui consensit.

Neque obstant Argumenta contraria. *Ad 1.* dico, idem judicandum de connexis, quando connexa sunt essentialiter, & inseparabiliter; non verò, quando Jure humano tantùm. *Ad 2.* Regula illa procedit tantùm, quando eadem est ratio accessorii, & principalis, & hoc cum illo inseparabiliter connexum est. *Ad 3.* Obligatio profitendi Fidem essentialiter connexa est characteri Baptismi, qui non tam Votum, quàm Professio quædam est Fidei.

Quæritur 2. quænam requirantur ex parte Ordinandi, **26** ut licitè ordinetur? Resp. 1. *ut sit major septennio*; nam illo minor ne quidem prima Tonsura initiari potest. *c. fin. h. tit. in 6.*

2. *Ut sit capax rationis*: ubi tamen distinguendum est inter perpetuò amentes, & eos, qui aliquando usi sunt ratione: priores ordinantur validè *arg. c. un. de Cler. per salt. promot.* posteriores, si cum ratione urebantur, Ordines non petierunt, invalidè; quia, ut Pal. tr. 27. D. un. p. 7. num. 4. notat, Sacramenta, quæ necessitatis non sunt, sed voluntatis, repelluntur, si non fuerint postulata, tempore, quo liberè postulari poterant.

3. *Ut non sit Neophytus*, sive ex Paganismo, vel Judaismo ad Fidem Christianam recens conversus. *can. Neophytus 9. dist. 61.* nisi in hac sufficienter instructus, & bonus Sacerdos fore arbitrio Episcopi judicetur. Pirhing. *hic num. 20.*



4 *Ut sit Confirmatus.* Trid. *sess.* 23. c. 4. *de reform.* Quomodo peccet, qui, omisso Sacramento Confirmationis, Ordines recipit, disputant DD. Graviter delinquere existimant Tann. *D. 4. de Sac.* q. 4. n. 48. Pont. *de Confirm.* c. 3. n. 6. Bonac. *D. 8. q. un. p. 5. n. 9.* Veniam duntaxat culpam committi putant Suar. *de Sacram.* D. 38. f. 1. Barb. *alleg.* 2. n. 15. & plures alii ab hoc *citt.*

5 *Ut sit calebs c. fin. cit.* ubi conjugato prohibetur etiam prima Tonsura conferri, nisi Religionem intrare, vel ad SS. Ordines cum consensu uxoris promoveri velit: quo casu tamen etiam ipsa Religionem ingredi, aut saltem, si non sit suspectæ ætatis, in sæculo manens Votum continentiae debet emittere. c. *cum sis* 4. c. *conjugatus* 5. & c. *uxoratus* 8. *de converf. conjugat.*

6 *Ut sit Litteratus c. fin. cit.* ubi illiterato, & conjugato, extra casum Jure permissum, primam Tonsuram conferens ab ejus collatione per annum suspensus est ipso Jure, ut notat Gloss. *fin. in c. cit.*

7 *Ut nulli culpa mortali sit scienter obnoxius;* quia Ordo est Sacramentum vivorum, & conf. statum gratiæ in suscipiente supponens. Konig. *hic n. 15.*

8 *Ut nulla Censura, vel Irregularitate, sive ex delicto, sive ex defectu quocunque proveniente, sit interitus.* Sylv. *V. Ordo* 4. n. 2. & cum eo cæteri.

9 *Ut sit bona vita, & existimationis publicæ;* nam criminosi, & infames sive Juris, sive facti infamia ordinari non debent. *can. infames* 17. *caus.* 6. q. 1. c. *ex tenore* 4. h. *tit.* & colligitur ex c. *fin. eod.* per sensum contrarium.

10 Denique ut sit subditus Ordinanti. c. *cum nullus* 3. h. *tit.* in 6. Trid. *sess.* 23. c. 8. *de reform. & Constit.* Innocentii XII. quæ incipit *Speculatores*, edita pridie Non. Novemb. 1694.

Dub. 1. quænam ætas requiratur ad singulos Ordines? Resp. Hæc olim pro diversis temporibus diversa requirebatur, ut constat ex *can. in singulis* 2. & *seq. dist.* 77. *can. nemo* 2. & *can. Presbyter dist.* 78. *Clem. generalem* 3. *de etat. & qual.* Hodie tenenda sequentia 1. Ut prima Tonsura alicui conferri licitè possit, debet esse major septennio c. *fin. h. tit.* in 6.

2 Pro minoribus ætas determinata non est; & hinc si ea scientia ordinandus polleat, quam Ordines hi requirunt, ordinari quis, & his Ordinibus initiari poterit, ut notat cum aliis Pal. *tr.* 27. *D. un. p. 7. n. 6.*

3 De Aetate autem Ordinum Majorum SS. Trid. *sess.* 23. c. 12. *de reform.* statuit, ut nullus imposterum ad Subdiaconatus Ordinem ante vigesimum secundum, ad Diaconatus ante vigesimum tertium, ad Presbyteratus ante vigesimum quintum ætatis suæ annum promoveatur: qui tamen anni sufficiunt, si inchoati sint, ut praxis habet, & DD. conveniunt. Et in hoc differunt hi Ordines ab Episcopatu; nam in hoc requiritur annus 30. completus, ut dicitur *Tit.* 14. n. 2. *de etat. & qual.*

Qui dubitat, an ætatem requisitam impleverit, non potest ordinari; quia præceptum de non suscipiendis Ordinibus ante ætatem legitimam est in possessione, & certum, adeoque vincit dubium: hinc si ejusmodi dubitans ordinari velit, dispensatione indiget. Dispensare autem in ætate ad Ordines suscipiendos potest solus Papa, non Episcopus; quia hic ordinariè relaxare non potest Jus commune Canonicum, vel Concilii Generalis. Pirh. *hic num.* 12.

38 Dub. 2. quæ scientia requiratur ad singulos Ordines? Resp. Hæc à Trid. pro diversis Ordinibus diversa requiritur; nam 1. ab initiandis prima Tonsura exigitur, ut sciant rudimenta Fidei, legere insuper, & scribere. *sess.* 23. c. 4. *de reform.*

2 Ad minores Ordines promovendi saltem Latinam Linguam intelligere debent. *sess. cit.* c. 11.

3 Ad Subdiaconatum, & Diaconatum assumendi literis, & iis, quæ ad Ordinem exercendum pertinent, instructi sint, oportet c. 13.

4 Ad Presbyteratus Ordinem progressuri debent esse instructi ea scientia, ut idonei sint ad docendum populum ea, quæ scire omnibus necessarium est ad salutem, & ad Sacramenta administranda. c. 14.

In dubio, an Ordinandus habeat sufficientem scientiam, Episcopi arbitrio determinandum relinquitur, ut declaravit Congreg. Cardd. apud Joan. Gallebart. c. 14. *cit. num.* 2. Non potest autem Episcopus in hoc impedimento dispensare. Pontifex facultatem quidem concedere potest, ut requisita à Jure scientia destitutus Ordinem

suscipiat, non tamen, ut eo utatur, donec eam acquisiverit; quia hoc est intrinsecè malum, ut notat Pirh. *hic num.* 14. Qui sine sufficienti scientia ordinatus est, suspendendus est ab exercitio Ordinis sic suscepti, donec eam acquisiverit: acquisita illa, impedimentum hoc suspensionis per seipsum sine alia dispensatione tollitur; quia cessante causa cessat effectus. Suar. *D. 51. de Censur.* f. 1. *num.* 10. quem sequitur Pirh. *loc. cit.* & alii communiter.

Dub. 3. quor modis possit aliquis esse subditus ordinanti? Resp. hoc fieri potest quinque modis. 1. ratione Originis. 2. ratione Domicilii. 3. ratione Beneficii. 4. ratione triennalis familiaritatis cum Episcopo. 5. denique ratione Licentiæ, seu Litterarum Dimissorialium: de quibus latius in sequentibus. Interim noto, si quis ratione prædictorum capitum diversis Episcopis subjectus sit, cum ab iis omnibus ordinari posse, ita, ut in electione ejusdem sit, à quo Episcopo velit suscipere Ordines, ut aliis *citt.* advertit Pirh. *hic n.* 30.

Disputant hic aliqui, an is, qui suscepit Ordinem unum ab uno Episcopo, e.g. originis, alium suscipere possit ab alio, e.g. Episcopo domicilii, sine prioris licentiâ? Ratio dubitandi sumitur ex c. *cum in distribuendis* 12. *hoc tit.* ubi Ordinatus à Papa indiget hujus licentiâ, ut ordinari possit ab alio Episcopo. Conf. quia regulariter, quando conceditur optio, & res non amplius integra est, variatio denegatur.

Sed dicendum, eo casu non esse opus licentiâ, ut alius Episcopus, modò aliquo ex prædictis capitibus ordinandus ei subjectus sit, huic Ordinem ulteriorem conferre possit. Ita Laym. *in c. 12. cit. vers. est autem.* Zoes *hic num.* 16. Vviesl. *num.* 65. & sumitur ex c. *cum nullus* 3. h. *tit.* in 6. ubi cuilibet ex propriis ordinandi Episcopis potestas concurrens conceditur. Excipitur, nisi Clericus in Sacris, videlicet Subdiaconus ordinatus sit ad Ecclesiæ servitium, seu Beneficium residentiam postulans; nam hic ab alio Episcopo, absque consensu ordinantis prioris, alium Superiorem Ordinem non potest accipere, uti testatur Quarant. *V. Ordo.* Piafec. *prax. Episc.* p. 1. c. 1. n. 2. *ampl.* 2. Laym. *l. cit.*

Ad rationem dubitandi id speciale est in Pontifice ob excellentiam, & reverentiam Apostolicæ potestati specialiter debitam, conf. ad alios Episcopos extendi non debet. Ad Conf. variatio regulariter solum prohibetur circa idem, non circa diversa; est autem Ordo quilibet ab alio diversus, imò distinctus specie.

## §. I V.

## De Ministro Ordinis.

## S U M M A R I U M.

- 30 Quis Minister Ordinarius Sacramenti Ordinis? quis Extraordinarius?
- 31 Qui Abbates conferre Ordines minores possint?
- 32 An etiam subditis Secularibus Abbates plenissime exempti?
- 34 An valida sit Ordinatio ab Abbate contra formam potestatis sibi concessa facta?
- 35 An alius, quam Episcopus ex delegatione conferre Ordines Majores possit?
- 36 Requisita ex parte Episcopi, ut licitè ordinet?
37. 38 Quis sit Episcopus Ordinis?
- 39 Domicilii?
- 40 Beneficii?
- 41 Quale id Beneficium esse debeat?
- 42 Quibus casibus ordinari aliquis ab Episcopo alieno possit?

Quæritur 1. quid requiratur ex parte Ministri, ut validè conferat Ordines? Resp. præter intentionem faciendi id, quod facit Ecclesia, requiritur in eo potestas ordinandi. Est autem hæc duplex, Ordinaria, & Extraordinaria.

Ordinaria competit solis, & omnibus Episcopis consecratis, ut constat ex *can. perlectis* 1. *vers. ad Episcopum dist.* 25. *can. quamvis* 4. *dist.* 68. & statuit Eugen. IV. in Concil. Florent. post *sess.* ult. §. sextum Sacramentum, ac Trid. *sess.* 23. c. 4. & *can.* 7. *de Sacram. Ord.* Neque perdit hanc potestatem Episcopus, etiam si sit hæreticus, suspen-



suspensus, excommunicatus, interdictus, depositus, vel degradatus; adhuc enim collatio Ordinum ab eo facta est valida, modò server formam Ecclesiæ, ut cum aliis notat Barbof. *alleg. 3. num. 3. Pal. tr. 27. D. un. p. 14. num. 1. Pirh. hic n. 21. Konig. n. 6.* Ratio est, quia potestas ordinandi fundatur in indelebili caractere Episcopali, & effectus Sacramentorum non pendet à bonitate, vel malitia Ministri.

*Extraordinariam* potestatem conferendi Ordines minores, & primam Tonsuram defacto habent plerique Abbates, & Cardinales Presbyteri in Ecclesiis sui Tituli; potestque hæc potestas ex speciali privilegio Papæ committi cuivis simplici Sacerdoti. *Piasec. Prax. Episc. p. 1. c. 1. a. 1. num. 8. Barbof. de Offic. Episc. alleg. 3. num. 4. Pirh. hic num. 47.* Imò etiam non Sacerdoti, supposita sententia non improbabili, quòd Ordines minores non sint vera Sacramenta, sed Sacramentalia ab Ecclesia tantum instituta. *Coninck tr. 2. de Sac. c. 9. D. 20. dnb. 9. Tiber. c. 6. q. 36. Pirhing. loc. cit.*

**31** Dub. 1. quibus Abbatibus, seu Prælati competat potestas conferendi minores Ordines? Resp. Ut istos conferre possint, requiritur 1. ut sint Abbates veri, qui Abbatias non in Commendam solum, sed in Titulum obtineant. *Zerol. prax. Episc. Verb. Abbas limit. 2. Tambur. tom. 2. de Jur. Abb. D. 2. q. 1. n. 5. Pirh. hic n. 43. 2. ut sint Sacerdotes can. quoniam 1. §. lectoris 2. dist. 69. c. cum corrigat 11. de etat. & qual. presc. 3. ut sint benedicti, aut saltem ex privilegio Pontificio habeant, ut Pontificalia exercere possint; quia tunc idem est, acsi benedicti essent. *Mirand. Man. Pralat. Regul. tom. 1. q. 38. a. 9. concl. 3. Barb. de offic. Episc. alleg. 3. num. 6. 4. ut sint Mitrati, seu habeant jus ferendi annulum, mitram, & baculum pastoralium, ita, ut, si una earum deesset, Ordinatio irrita foret. Barb. l. cit.**

**32** Dub. 2. quibus conferre primam Tonsuram, & Minores Ordines Abbates, seu Prælati regulares possint? Resp. Olim eos conferre poterant subditis suis, non solum regularibus, sed etiam sæcularibus, in quos ordinariam, & quasi Episcopalem Jurisdictionem exercent, prout cum aliis notat Barbof. *l. cit. n. 5.* Hodie per *Trid. sess. 23. c. 10. de reform.* potestas tam ampla restricta est Abbatibus, ut solum conferre primam Tonsuram, & Ordines Minores possint Regularibus sibi subditis, non verò aliis sive regularibus, sive sæcularibus.

*Excipitur*, nisi id fiat cum consensu Episcopi loci, in quo fit ordinatio, & cum litteris Dimissoriis Episcopi, vel Prælati ipsius ordinandi; cum his enim conferre hos Ordines Abbas, vel Prælati subditis etiam alienis, potest, prout declaravit *S. Congreg. Card. Trid. Interpp. de qua Joann. Gallemart. loc. cit.* & ratio est, quia Concilium ibi solum diminuit facultatem ordinandi Abbatibus, vel Jure communi, vel ex indulto Sedis Apostolicæ concessam, non verò eam, quam consequi possent ex licentia, vel delegatione ipsius Episcopi Diocesani; illud enim Decretum in hujus favorem editum est, ut patet ex illis verbis *Sed horum omnium Ordinatio ad Episcopos, intra quorum Diocesi fines existunt, pertineat*: ne igitur, quod in istorum favorem est introductum, in ipsorum detrimentum detorqueatur, dicendum est, quòd etiam post *Trid.* integra Episcopis potestas manserit, ut consensu possint in Ordinationem subditorum suorum ab Abbate aliquo Regulari faciendam.

**33** Dub. 3. an Abbates plenissimè exempti, qui proprium territorium habent, in quo Ecclesiasticam, & quasi Episcopalem Jurisdictionem exercent, etiam in populum, seu subditos sæculares iisdem primam Tonsuram, ac Minores Ordines conferre possint? Affirmat *Sanch. l. 7. moral. c. 1. dub. 19. n. 20.* quia ea facultas concessa Abbatibus fuit in Generali Concilio, nempe *Synodo 7. c. 15.* prout refertur *can. 1. cit. dist. 69.* atqui privilegium, concessum in Concilio Generali, & insertum corpori Juris communis, non censetur revocatum per generale privilegiorum revocationem ab aliquo Concilio posteriori factam, nisi illius mentio specialis fiat. ergo licet à *Trid.* adempta sit Abbatibus potestas conferendi minores Ordines sibi non subditis, non tamen censetur adempta quoad illos, qui ipsis sunt pleno Jure subiecti.

Verùm his non obstantibus dicendum, per Decretum *Tridentini sess. 23. cit. c. 10. de reform.* ademptam esse Abbatibus facultatem conferendi primam Tonsuram sæcularibus etiam sibi subditis. Patet ex verbis Concilii ibi eni-

quam, qui Regularis subditus sibi non sit: ubi potestas sibi conferendi primam Tonsuram, & Ordines minores Abbatibus restringitur, ad solos subditos Regulares.

*Ad Argumentum contrarium*, sicut ipsum Jus commune tollitur per posteriorem Legem, nulla de eo facta mentione, sic tolli etiam potest privilegium in Corpore Juris communis contentum: imò facilius potest derogari huic non facta ejusdem mentione, quàm privilegiis non insertis; in his enim allegari potest defectus intentionis Papæ ob ignorantiam, vel oblivionem illorum; in illis cum præsumatur illorum scientia, non item.

**34** Dub. 4. An Ordinatio facta ab Abbate contra formam, seu tenorem facultatis ordinandi sibi concessæ, eam excedendo, sit non solum illicita, sed etiam invalida? Validam existimat *Gloss. in c. Abbates 3. V. tonsuram de privil. in 6.* ubi ait, Abbatem Ordinato imprimere Characterem.

Sed melius tenetur negativa, ita *Suar. tom. 2. de Relig. l. 2. c. 29. n. 8. & 9. Laym. l. 5. Theol. tr. 9. c. 9. num. 7. Pirh. hic n. 49.* Ratio est, quia potestas hæc Abbatibus concessa est limitatè, & cum restrictione ad certas personas, videlicet Regulares. igitur si limites istos excedant, irrita erit Ordinatio ex defectu potestatis in Ordinante.

Ex quo sequitur, casu, quo Abbas Regulari, vel sæculari sibi non subdito sine licentia speciali proprii Episcopi, & Prælati contulisset minores Ordines, eam Ordinationem repetendam. In quo dispar est ratio inter Episcopos, & Abbates; nam illorum Ordinatio etiam subditis alienis valet: & ratio disparitatis est, quia istis potestas ordinandi competit vi Ordinis sui Episcopalis, Abbatibus autem vi Privilegii, quod multum ipsis à Jure restrictum est.

*Excipitur* 1. si Abbas ordinaret subditos suos Regulares extra Monasterium suum; nam tunc Ordinatio foret valida, imò si consensus Prælati, loci in quo sit, acederet, etiam licita, ut vult *Suar. num. 11. Pirh. l. cit.* Ratio est, quia locus est circumstantia nimis extrinseca, nec necessaria ad substantiam, & valorem Ordinationis, sed solum, ut licitè fiat.

*Excipitur* 2. Si Abbas Laico, suæ Jurisdictioni in temporalibus, & spiritualibus plenè subiecto; conferret primam Tonsuram, vel Minores Ordines; nam etiam hoc casu validam Ordinationem putant *Laym. & Pirh. l. cit.* ex ratione, quod potestas hæc olim ipsis competierit, & *Trid. c. 10. cit.* utatur solum terminis significantibus prohibitionem *Abbatibus non liceat &c.* non verò irritantibus actum.

**35** Dub. 5. an ex vi delegationis, à Sede Apostolica factæ, Sacerdos non Episcopus conferre etiam Ordines Majores possit? Resp. cum distinctione inter Presbyteratum, & duos reliquos Majores Ordines. *De Presbyteratu.* satis convenit inter DD. illius collationem Sacerdoti non Episcopo delegari non posse: quod confirmatur ex praxi Ecclesiæ; neque enim ostendi potest à Sede Apostolica unquam concessum esse hoc privilegium Sacerdoti non Episcopo: quod signum est à posteriori, potestatem illam non esse delegabilem. Ad id, quod adducitur de Chorepiscopis, qui Diaconos, & Presbyteros ordinare poterant, facilis est solutio; dicendum enim illos Chorepiscopos fuisse veros Episcopos, similes illis, qui hodie Titulares, & Episcoporum Suffraganei appellantur.

*De Subdiaconatu, & Diaconatu* major est controversia. Negativam tenet cum aliis à se cit. *Barbof. alleg. 3. n. 4.* Sed communior sententia cum *Rodrig. tom. 1. qq. Reg. q. 18. a. 3. Tann. tom. 4. D. 7. q. 3. dub. 2. n. 29. & seqq. Pirh. hic n. 48.* affirmativæ adhæret: nec immeritò; nam tale privilegium ordinandi Subdiaconos, & Diaconos constat fuisse concessum Abbatibus Cisterciensibus, licet multi contendant (quamvis non satis bene, ut videre est apud *P. Jacob. Vvex. Ariadn. p. 5. tr. 3. contr. 2. per totam*) eam potestatem à *Trid.* revocatum fuisse; quodsi autem Pontifex aliquando delegavit eam potestatem, ergo potuit eam delegare; aliàs gravissimè errasset, quod dici non potest.

**36** Quæritur 2. quid requiratur, ut Episcopus licitè conferre Ordines possit? Resp. Præterquam, quòd non debeat esse reus peccati mortalis, requiritur, ut sit Episcopus proprius ipsius ordinandi, vel saltem à proprio hujus Episcopo licentiam habeat, ut habetur *can. nullus 1. caus. 9. q. 2.* ubi dicitur, quòd Ordinatio aliter facta vires non habeat,



beat, scilicet quoad executionem Ordinis; nam ab hac Ordinatus ipso Jure suspenditur, ut statuit Trid. *sess. 14. c. 2. & sess. 23. c. 8. de reformat.* Potest autem aliquis tripliciter esse Episcopus proprius, ut quis ab eo licite recipere Ordines de Jure communi, & Ordinario possit, videlicet ratione Originis, Domicilii, & Beneficii, prout constat ex *c. cum nullus 3. princ. h. tit. in 6.* Ex quo sequitur, casu, quo aliquis in una Diœcesi natus est, in altera habitat, in tertia obtinet Beneficium, eum ab unoquoque istarum Diœcesium Antistite ordinari posse. His præmissis.

37 Dub. 1. quis sit Episcopus Originis? Resp. Est ille, è cujus Diœcesi aliquis oriundus est. Ex illa autem Diœcesi, vel loco quis oriundus censetur, in quo dum natus est, pater ejus domicilium constitutum habuit. Neque refert, quod ipse natus fuerit alibi, quia v.g. patentes ejus officii, legationis, aut negotii gerendi causa, dum ipse nascebatur, extra domicilium suum morabantur; nam adhuc fictione Juris in loco domicilii natus censetur, ut colligitur ex *l. filios 3. C. de municip. & originar. & l. cives 7. in fin. C. de incol. Quod si de origine filii constare non possit, inspicitur origo patris, adeo, ut quis Ordines suscipere possit ab Episcopo loci, ex quo pater ejus originem traxit; nam domicilium Originis paternæ etiam censetur domicilium filii. *l. assumptio 6. §. filius 1. ff. ad municipal.* Si neque iste locus sciatur, aut pater incertus sit, ut contingit in illegitimis, attenditur domicilium, vel origo matris *l. municipem 1. §. qui ex duobus 2. & l. ejus qui 9. ff. eod. nisi Principis Rescripto sint legitimati; hi enim, uti & adoptivi, patrem sequuntur. Gloss. l. 1. cit. V. parentibus.**

38 Ab hac regula universali excipiuntur 1. *Expositi*, quorum parentes ignorantur; hi enim non solum ab Episcopo loci, in quo nati, sed eo etiam, in quo expositi sunt, ordinari possunt, cum utriusque loci Cives efficiantur. Stephanus Gratian. *Discept. forens. tom. 1. c. 75. num. 12.* Barbof. *de offic. Episcop. alleg. 4. num. 17. & 37.* Pirhing. *hinc num. 31.* Konig. *nu. 21.* Vviefstner. *n. 59.* & apud hos alii.

2 *Nati, vel orti in loco nullius Diœcesis*; hos enim quoad Ordines subjici Episcopo viciniore à S. Congreg. Card. Concil. declaratum fuisse testis est Piafec, *in prax. p. 1. c. 1. a. 2. n. 5.*

3 *Pagani, & Judæi conversi*; nam isti Originarii sunt ejus Diœcesis, in qua baptizati, & spiritualiter nati sunt: proinde etiam quoad Ordines, si hos velint suscipere, illius Diœcesis Episcopo subduntur. Pirhing. Konig. Vviefstner *l. cit.*

4 *Liberti, sive Libertini*; hi enim ordinari possunt tum ab Episcopo suæ originis, tum etiam patronorum suorum, cum horum, non verò patris sequantur originem. *l. assumptio 6. in fin. & l. seq. ff. ad municipal.* Barbof. *l. cit. n. 36.*

5 *Vagi*; nam isti, si neque de origine ipsorum propria, neque de paterna constet, quoad Ordines subjicere se possunt Episcopo, cui voluerint. Tiberius Instr. *Ordinand. c. 7. q. 46.*

39 Dub. 2. quis sit Episcopus Domicilii? Resp. Episcopus Domicilii est ille, in cujus Diœcesi aliquis domicilium, sive sedem fixit, animo perpetuò ibi manendi, nisi quid avocet. *l. cives 7. C. de incol. l. assumptio cit. §. viris 2. l. in lege 203. ff. de V. S.* Barbof. *Alleg. 4. n. 22.* Ex quo sequitur, Studiosos, etiam si per annos complures in loco aliquo Studiorum causa versentur, non tamen vi istius commorationis ordinari ab Episcopo loci illius posse, nisi dimissorias, & facultatem habeant à proprio Episcopo; quia cum animum habeant aliquando redeundi in patriam, non contrahunt ibi domicilium. E contrario, si quis domicilium in loco aliquo fixerit hodie, cum animo perpetuò ibi manendi, modò de animo illo constet, statim ordinari poterit ab Episcopo Diœcesis, in qua domicilium fixit; quia domicilium non commoratio diuturna, sed animus cum actuali sui, & rerum translatione efficit; utroque enim, animo nempe, & facto simul contrahitur. *l. domicilium 20. junct. Gloss. V. facto. ff. ad municipal.*

Dixi modò de animo illo constet, quòd scilicet stabilem, & perpetuam habitationem in loco aliquo voluerit constituere: censetur autem hanc ibi constituisse, qui vel per decennium ibi habitaverit, vel majorem rerum, & bonorum suorum partem cum instructis ædibus in eum

locum transfulerit, & simul per considerabile tempus ibidem sit commoratus; nam isti, si insuper jurejurando testetur, se verè animum hujusmodi habere, credi debet, & si Ordines petat, ab Episcopo loci ordinari, prout latius declaratur in *Bulla Innocentii XII. incipit Speculatores edita pridie Nonas Novembr. 1694.*

Dub. 3. quis dicatur Episcopus Beneficii? Resp. Episcopus Beneficii is dicitur, in cujus Diœcesi aliquis Beneficium habet. Ad hoc ut aliquis ordinari possit, qui alibi natus est, vel domicilium habet, requiruntur sequentia.

1 Ut Beneficium, quod ordinandus obtinet, veri Beneficii Ecclesiastici rationem habeat. Unde non sufficit, ut aliquis obineat in alicujus Diœcesi Præbendam temporalem, aut Capellaniam non collativam, etiam perpetuam, vel Pensionem Ecclesiasticam; quia hæc non sunt Beneficia Ecclesiastica, ut dicitur *l. 3. tit. 5.*

2 Ejusmodi Beneficium debet actu fuisse collatum; nec enim sufficit esse proximè conferendum. Pirhing *hinc n. 33.*

3 Debet ei datum fuisse in titulum; nec enim satis est, si datum sit tantum in Commendam temporalem.

4 Præter titulum etiam accedere debet possessio Beneficii in titulum dati. Vide Pirh. *l. cit. & alios, quos ibi alleg.*

Dub. 4. quale debeat esse Beneficium, ut aliquis ordinari possit ab Episcopo Beneficii? Resp. Sufficit, qualecunque istud sit, modò verum sit Beneficium; quia textus *c. cum nullus 3. h. tit. in 6.* generalis est, neque distinctionem facit inter Beneficia.

Adeoque 1. sufficit, si sit etiam Manuale, licet enim titulo illius ordinari non possit aliquis. ordinari tamen poterit ad alium titulum ab Episcopo loci, in quo situm est ejusmodi Beneficium. Garc. *de Benef. p. 2. c. 4. n. 3.*

2 Etiam si tenue sit, & ad sustentationem Ordinandi insufficiens; nam in Jure etiam tenue Beneficium venit nomine Beneficii.

3 Et si residentiam non exigit in loco Beneficii, neque Clericus in illo actu resideat; aliàs non tam ratione Beneficii, quàm ratione domicilii, quod acquiritur per Beneficium exigens Residentiam, ab Episcopo Beneficii ordinari posset, sicque duo solum modi essent, quibus aliquis quoad susceptionem Ordinum subiceretur Episcopo, Originis nempe, & Domicilii.

4 Non etiam refert, ad quem pertineat collatio ejusdem Beneficii; nam etsi collatio ejus ad alium spectet, modò quoad Jura Episcopalia subiectum sit Episcopo loci, in quo situm est, Beneficiarius ab isto ordinari potest. Garc. *l. cit. n. 15.*

Dub. 5. quibus casibus ordinari aliquis possit ab Episcopo alieno? Resp. quatuor maximè assignantur. 1. Si Episcopus proprius sit publicè suspensus à collatione Ordinum, eo quòd ordinavit Clericos alienæ Diœcesis sine licentia Episcopi proprii; tunc enim ejus Clerici absque facultate illius vicinam aliquem Episcopum adire possunt, & Ordines, qui ipsis desunt, ab eo recipere. *c. eos qui 2. & ibi Gloss. V. suspens. h. tit. in 6.* & meritò, ut in eo puniatur, in quo peccavit. Dixi Clerici, & Ordines, qui ipsis desunt; nam ut pro prima Tonsura adire possint alienum Episcopum, habent opus licentia Episcopi proprii, quod colligitur ex *c. 2. cit.* ubi mentio fit de solis Clericis: & probat etiam ratio; neque enim tanta necessitas subest, ut Laici ordinentur, quanta, ut Clerici ascendant ad superiores Ordines.

2 Si ordinandus sit familiaris Episcopi; nam huic, etsi subditus aliàs ipsi non sit, modò ipse Episcopus, cujus familiaris est, sit Ordinarius, Clerum, & populum habens, & Ordinato statim contulerit beneficium, Ordines impertiri potest, non requisita licentia Episcopi proprii, prout decretum est in Trid. *sess. 23. c. 9. de reformat.* Debet tamen iste juxta Constitutionem Innocentianam *Num. 39. in fin. cit.* esse instructus litteris Testimonialibus proprii Episcopi super ætate, natalibus &c. Porro Familiaris Episcopi ad hunc effectum tunc esse censetur, si per triennium moraliter continuum præsens Episcopo inservivit, & in ejus obsequio sive intra, sive extra domum fuit versatus, & ejusdem expensis sustentatus. Barb. *alleg. 5. n. 6. & 7.*

3 Si ordinandus habeat privilegium, ut ordinari possit ab alieno Episcopo: quale habet Societas JESU, sibi datum à Gregorio XIII. incipit. *Pium, & utile*, vi cujus ejusdem Religiosi de Prælatorum suorum licentia ordinari possunt à quocunque Catholico Episcopo.



4 Si Ordines petens ab alieno Episcopo, habeat Litteras Dimissorias à proprio. Verùm de his plura sunt differenda. Sit igitur

## §. V.

## De Litteris Dimissoriis.

## S U M M A R I U M.

43 Regulariter quisque Episcopus ordinat suos subditos.

44 Quis dare Litteras dimissorias possit?

45 An Episcopus non consecratus?

46. 47 An Capitulum, Sede vacante?

48 An Vicarius Generalis?

49 An Prælati Regulares suis subditis regularibus, vel secularibus?

50 Quid in iis exprimendum?

51 Quomodo concedenda, & quamdiu durent?

43 **E**tsi maximè deceat, & Trid. hortetur Episcopos, ut per seipsos subditis suis Ordines conferant, ex causa tamen Ordinationem illorum committere etiam aliis possunt: nec solum suis, quos habent, in Pontificalibus Vicariis, seu, ut vocant, Suffraganeis, sed etiam aliis, ut praxis ab Ecclesia approbata tenet. Porro licentia hæc, etsi viva voce data sufficiat, ordinariè tamen conceditur in scriptis, & per litteras, quæ *Dimissoria* appellantur, quia per illas subditi ordinandi dimittuntur ad Episcopum alienum: item *Reverende*; quia à Reverendissimo Antistite conceduntur: aliquando etiam *Commendatitiæ*; quia per ipsas commendantur mores, probitas, & scientia ipsius ordinandi.

44 **Q**uæritur 1. quinam dare Litteras Dimissorias possint, & quibus? Resp. 1. Eas dare potest S. Pontifex, & quidem omnibus Christianis in toto Orbe existentibus, ut colligitur ex *c. sepè 1. h. tit. in 6.* Imò etiam privilegium dare potest, ut quis sine litteris Dimissoriis à quocunque Episcopo ordinari possit; nam Papa est Episcopus Ordinarius omnium fidelium.

2 Legatus à Larere, ex indulto ipsi concedi solito. *Garc. p. 5. de Benef. c. 7. n. 105.* Non tamen potest eas dare intra annum vacantis Sedis Episcopalis, nisi in casibus exceptis à Trid. de quibus infra; quia contra universale Concilium agere non potest, ut bene aliis *citt.* advertit *Pirh. hic n. 54.*

3 Episcopus proprius, à quo ratione alicujus ex causis §. *præc.* declaratis Ordines peti, atque concedi possunt *c. cum nullus 3. h. tit. in 6.* nam qui ordinare, is etiam Litteras Dimissorias dare potest juxta regulam; *potest quis per alium, quod potest facere per seipsum*, quæ est 68. in 6.

4 Prælati inferiores Episcopo, sive Regulares, sive Sæculares, sed non ad alienum Episcopum *c. cum nullus cit. V. inferiores*, & Trid. *sess. 23. c. 10. de Reform.* Excipitur, nisi privilegio, consuetudine, vel alio peculiari aliquo Jure obtinuerint potestatem dandi Dimissorias etiam ad Episcopum alienum. *Gloss. in c. cit. V. indultum.*

45 **Q**uæritur 2. an Dimissorias dare possit etiam Episcopus non consecratus? Resp. cum distinctione: Vel enim talis Episcopus solum est electus, vel etiam confirmatus. *Si hoc secundum*, Litteras Dimissorias concedere potest; quia harum concessio est actus Jurisdictionis, quam Electus per Confirmationem consequitur juxta dicta *Tit. 6. num. 74.*

*Si primum*, iterum distinguendum est: Vel enim electus est in loco, unde facile peti, & obtineri Confirmatio potest, vel in loco aliquo remoto. *Si prius*, expectare debet, dum confirmetur. *Si posterius*, etsi ita electi non soleant, non tamen apparet ratio, cur non possint, si in concordia electi sint, Dimissorias dare, cum Jus ipsum administrationem eis concedat, prout dictum est *Tit. cit. n. 72.* administrationis autem aliquis actus sit Dimissoriarum concessio.

46 **Q**uæritur 3. An Dimissorias dare possit Capitulum, Sede vacante? Videtur respondendum affirmati vè ex ratione; quia Sede vacante, Jurisdictio est penes Capitulum. igitur cum Dimissoriarum collatio, uti dictum est, sit actus Jurisdictionis, Capitulo Sede vacante competet illas concedere.

Sed distinguendum est inter Jus antiquius *c. cum nullus cit.* & inter Jus recentius Trid. illo poterat Capitulum Di-

missorias dare quocunque tempore vacantis Sedis; isto intra annum, à die vacationis, seu obitus Episcopi computandum, concedere eas duntaxat potest archæaris Beneficio, h. e. iis, qui vel actu obtinent, vel electi, præsentati, nominati sunt ad Beneficium, e. g. Parochiale exigens Ordinem Sacerdotalem intra annum suscipiendum, prout habetur *sess. 7. c. 10. de reform.* ut adeo casus iste sit inter exceptos, qui Capitulo Sede vacante ratione administrationis universalis non competunt. Ex quo solvitur argumentum oppositum.

**Q**uæritur 4. quid ergo circa Ordines suscipiendos possit 47 Capitulum Sede vacante? Resp. 1. Post annum vacationis Dimissorias potest dare subditis Diocesanis omnibus, intra annum archæaris Beneficio. *Trid. loco cit.*

2 Licet intra annum his tantum Dimissorias dare possit, intra eundem tamen dare Litteras Testimoniales de vita, moribus, & doctrina potest etiam aliis, qui à Summo Pont. privilegium habent suscipiendi Ordines à quocunque Episcopo; nam tales Litteræ non sunt Dimissoria, cum licentiam ordinandi, seu Ordines suscipiendi non contineant. *Pirh. n. 59.*

3 Potest intra eundem vacationis annum Episcopo extraneo licentiam dare, ut in Diocesi vacante Ordines conferat sive extraneis, sive subditis Diocesanis, Dimissorias à Papa, Nuntio Apostolico, vel Episcopo defuncto habentibus. *Barb. alleg. 7. n. 14.* Ratio est, quia Trid. *l. cit.* solum prohibet, ne Capitulum intra annum det licentiam ordinandi, seu ut ordinetur subditus Diocesis vacantis; dare autem licentiam Episcopo alieno in casu dato non est dare licentiam, ut ordinetur, sed hanc supponit ordinando aliunde concessam.

**Q**uæritur 5. quid circa Dimissorias possit Vicarius Episcopi, vel Capituli, Sede Episcopali vacante? *De posteriore* constat non plus posse, quam ipsum Capitulum; quia ab hoc potestatem omnem, quam habet accipit *De priore* ratio dubitandi est, quia concessio Litterarum Dimissoriarum, ut paulò antea dixi, est actus Jurisdictionis Episcopalis, non Ordinis. atqui Vicarius Generalis Episcopi Jurisdictionem Episcopalem, & quidem in ipso Episcopi Tribunali exercet *c. non putamus 2. de consuet. in 6.* ergo &c.

Sed clara in contrariam partem est decisio *c. cum nullus cit. §. inferiores hoc tit. in 6.* ubi potestas ista Episcopi Vicario expressè negatur: quare Dimissorias dare non poterit, nisi in tribus his casibus. 1. Si speciali mandato Episcopi in hunc finem instructus sit: *Gloss. in c. cum nullus cit. V. non extendas.* 2. Si Episcopus in remotis agat, ut insinuat *c. cit. vers. Episcopo.* 3. Si Vicario Episcopi hoc consuetudo permittat. *Pirh. hic n. 17. Vviesl. num. 72.*

**Q**uæritur 6. quid in negotio hoc possint Prælati Regulares? Resp. Circa istos sunt advertenda sequentia. 1. possunt Dimissorias dare Regularibus sibi subditis; quia habent generalem, & ordinariam Jurisdictionem quasi Episcopalem in illos, adeoque sunt Ordinarii eorum *c. quanto 7. junct. Gloss. V. si Prælati de offic. Ordin.*

2 Non possunt Jure communi eas dare suis Novitiis, sed petendæ hæc erunt ab Episcopo proprio Novitii, vel potius Monasterii, quod incolit Novitius *Sanch. l. 6. Moral. c. 10. n. 22.* ubi rationem dat, quia Prælati Religionis non habet omnimodam potestatem, & Jurisdictionem in Novitium, nec Novitius est illi quoad omnia subiectus, sed tantum, quatenus est necessarium ad finem probationis. *Excipitur*, si Religio aliqua privilegium haberet dandi Dimissorias ad quocunque Episcopum; nam eo casu probabile est, quòd Prælati Regulares possint dare Litteras Dimissorias etiam Novitiis, quippe qui etiam aliis Religionis privilegiis probabiliter gaudent.

3 Multò minùs Dimissorias dare possunt suis subditis secularibus, prout constat ex Trid. *sess. 23. 10. de reform.* *Excipitur*, nisi Prælati ejusmodi proprium, & exemptum territorium habeat; hic enim subditis suis etiam secularibus dare Dimissorias potest, cum revera horum sit Ordinarius.

4 Regularibus suis dare Dimissorias nequit, nisi servata forma à *Clem. VIII.* præscripta in *Constit.* edita 25. *Mart. 1596.* videlicet ad Episcopum Diocesenum nempe ejus Diocesis, in qua Monasterium situm est. Excipiuntur tres casus, quibus dare Dimissorias ad alienum Episcopum potest: quorum primus est, si Monasterium sit nul-



nullius Diœcesis. Barbof. *de offic. Episcop. allegat. 7. num. 8.* Alter si privilegium habeat, ut Religiosi ejusdem cum Superiorum suorum licentia ordinari valeant à quocunque Catholico Episcopo. Barbof. *allegat. 4. num. 60.* Ultimè, si Episcopus à sua Diœcesi sit absens, vel Ordinationes non habiturus: debet ramen eo casu Prælatus Regularis, dans Dimissorias ad alienum Episcopum, iis inferere causam, quare ad eum Dimissorias dirigat. Barb. *alleg. 7. n. 32.* ubi alia plura de his videri possunt.

50 Quæritur 7. quid exprimendum sit in Litteris Dimissoriis? Resp. 1. Si specialiter Dimissoriæ concedantur, exprimendum est nomen Episcopi, saltem appellativum, ad quem diriguntur; enim concedi vel generaliter, vel specialiter. Si generaliter concedantur, habens Dimissorias ordinari potest à quocunque Episcopo, gratiam, & communionem Sedis Apostolicæ habente. Si specialiter, ordinari tantum ab illo potest, ad quem sunt directæ; quia unius expressio alterius est exclusio *c. nonne 5. de præsumpt.*

2 Exprimendum est, qui Ordines vigore illarum conferendi sint; nam data licentia recipiendi solum Ordines minores, vel Ordines absolutè, majores Ordines non comprehenduntur, cum facultas hæc censeatur esse stricti Juris *arg. c. 1. h. tit. Pirh. n. 66.*

3 Exprimenda est causa, e. g. ægrotudo, vel aliud impedimentum, ob quod Episcopus proprius *vel nolit, vel nequeat ordinare*, ut dicitur *c. sepe 1. h. tit. in 6.* Consuetudine tamen in multis Provinciis receptum est, ut nulla causa exprimat, quam approbat Rebuff. *prax. benef. tit. de litter. Dimissor. n. 28.*

4 Continere debent Dimissoriæ commendationem, seu testimonium de natalibus, ætate, moribus, ac scientia ordinandi. Trid. *sess. 23. cap. 8. de reform.* Hinc ii, quibus Dimissoriæ dantur, examinari prius debent juxta idem Trid. *sess. cit. 3. nisi absentes sint, & sine notabili incommodo ad Episcopum proprium accedere nequeant*; tunc enim examen ipsorum vel Episcopo loci, in quo degunt, vel illi, qui ipsos ordinaturus est, delegari poterit juxta *Declar. Card. in Trid. sess. 7. c. 11. §. & diligenti, & sess. 23. c. 8. de reform.* apud Joan. Gallemarr. *n. 5.*

51 Quæritur 8. quomodo concedendæ sint Dimissoriæ, & quamdiu durent? Resp. Ad 1. concedendæ sunt gratis, ita ut pro iis, vel sigillo earum ab Episcopo, ejusque ministris nihil omnino accipi possit, etiam sponte oblatum. Trid. *sess. 21. c. 1. de reform.* Notarius tamen pro singulis Dimissoriis, aut Testimonialibus accipere potest decimam partem unius aurei, nisi salarium sit ei constitutum, vel consuetudo vigeat nihil accipiendi. Barbof. *alleg. 7. n. 26. & 27.*

Ad 2. Litteræ Dimissoriæ, cum sint quædam gratia, & beneficium, efficaciam habent, & valorem, quamdiu non revocantur. Barbof. *alleg. cit. num. 23.* Hinc morte concedentis, vel alio modo finita ejus potestate, non expirant, etiam re integra; quia sunt gratia data, quæ durat etiam post concedentis mortem. *c. si gratiose 5. de rescript. in 6.* Proceditque hoc etiam de Dimissoriis datis à Capitulo Sede vacante; nam si in casu à Jure permissio datae sint, vim suam retinent etiam post electionem novi Episcopi, nisi hic eas revocaverit, quod tamen facere sine justa causa non potest. Pirh. *hic n. 67.*

#### §. VI.

De Titulo, ad quem ordinandi sunt Clerici.

### S U M M A R I U M.

52 Titulus triplex est.

53. 54 Unus Beneficii.

55. 56 Alter Patrimonii.

57 Ad quem reducitur Titulus Pensionis.

58 Tertius Paupertatis, seu Professionis religiosæ.

52 Quæritur 1. quid sit Titulus, & ad quos Ordines requiratur? Resp. Tituli nomine hic venit cautio, qua provisum sit ordinando de sufficiente, eaque perpetua sustentatione: hinc etiam communiter Titulus Mensa dicitur. Olim requirebatur etiam ad Primam Tonfuram, & Minores Ordines, ut constat ex *can. neminem 1. junct. Gloss. ibid. dist. 70. & c. non liceat 2. & ibi*

*Gloss. V. Clericos de præbend.* Nunc titulus solum requiritur ad suscipiendos Ordines sacros, prout colligitur ex Trid. *sess. 21. c. 2. de reform. & praxis optima Legum interpretis habet: idque meritò, ne qui his Ordinibus initiati sunt, paupertate pressi in opprobrium Status Clericalis mendicare, aut sordidum quæstum exercere cogantur.* Porro Titulus hujusmodi triplex est, scilicet Beneficii Ecclesiastici, Patrimonii, & paupertatis Religiosæ.

Quæritur 2. qualis sit Titulus Beneficii, & quæ ad illum requirantur? Resp. Hic solus propriè dictus Ordinationis Titulus est; nam reliqui tantum sunt in vicem Tituli. Ut Titulo Beneficii ordinari aliquis possit, requiritur 1. ut Beneficium, ad quod aliquis ordinari cupit, sit perpetuum; aliàs contingere posset, ut Ordinatus ab ejusmodi Beneficio removeretur, & sic incideret in eadem incommoda, quæ pati possunt ordinati sine Titulo. Et hinc ordinari nemo potest ad Titulum Commendæ, aut Vicariæ Temporalis, Capellanæ ad nutum amovibilis, Beneficii manualis, aut Pensionis etiam Ecclesiasticæ, in si ista sit perpetua. Barbof. *de offic. Episc. alleg. 19. n. 25. Pirh. hic numer. 69. Konig. numer. 29. Vviesn. numer. 77.*

2 Ut Beneficium illud sit sufficiens Clerico ad honestam, & decentem sustentationem ut colligitur ex *c. Episcopus 4. de præbend. & statuit Trid. sess. 21. c. 2. de reform.* Satis tamen est si fructus Beneficii unà cum patrimonio certo, ac stabili Clerici sufficiant ad sustentationem ejusdem, etsi Beneficium per se solum non sit sufficiens Pirh. *hic n. 70.*

2 Ut sit actu obtentum, & pacificè possessum. Trid. *c. 2. cit.* Hinc nemo ordinari potest ad Titulum Beneficii, ad quod aliquis solum præsentatus, nominatus, vel electus est; quia ante institutionem, vel confirmationem nondum est in possessione illius. Barbof. *Alleg. 19. cit. num. 28.* Ob eandem rationem ordinari etiam non potest aliquis ad Titulum Beneficii litigiosi, si ante litem finitam congruam sustentationem non præbeat. Pal. *tr. 27. D. un. p. 10. num. 8.*

Dubiæ quæstionis est, quousque se porrigat necessitas Beneficii, ut Titulo ejusdem ordinari aliquis possit? Resp. non ulterius, quam ut ordinatus congruam, ac stabilem sustentationem habeat. Hinc 1. ordinari aliquis potest etiam ad titulum Beneficii litigiosi, si non quoad omnes fructus, sed tantum quoad aliquos litigiosum sit, & pendente litè sustentationem congruam Beneficiario præbeat. Pal. *l. cit.* quia ejusmodi Beneficium revera litigiosum non est, sed tantum pars fructuum.

2 Ordinari Subdiaconus, vel Diaconus potest, cui collatum est Beneficium, cujus fructus primum percipiet, quando futurus est Presbyter, ut declaratum est à *Congreg. Card. apud Garc. de benef. p. 2. c. 5. n. 110.*

3 Ordinari quis probabiliter potest ad servitium perpetuum alicujus Ecclesiæ, vel Altaris, ad quod cum consensu Episcopi, vel alicujus Prælati est deputatus, ita ut inde ali debeat, donec aliam sufficientem sustentationem habeat, ut ex Trid. *sess. 23. c. 16. de reform.* colligunt Flamin. *de resign. l. 3. q. 6. n. 33.* Zerol. *prax. Episc. V. dimissoria §. 1. dub. 1. Pirhing hic n. 71.*

4 Ordinari aliquis potest super redditibus alicujus Seminarii ad serviendum in Beneficio, quod Seminario unitum est, ut teste Garc. *l. cit. n. 104.* declaravit *S. Congreg. Card. Trid. Interpp.*

Quæritur 3. qualis sit Titulus Patrimonii, & quid ad illum requiratur? Resp. Hic propriè titulus non est, sed æquiparatur Titulo in eum finem, ut Clericus in Sacris ordinari possit. Intelliguntur autem Patrimonii nomine hoc loco Bona propria Clerici, quocunque titulo legitimo acquisita.

Ut ordinari Titulo Patrimonii Clericus possit, requiritur 1. ut bona illa sint sufficientia ad sustentationem Clerici. Pirhing *hic n. 72.*

2 Ut hæc bona patrimonialia sint certa: quia si incerta sint, sciri non potest, an sint sufficientia ad alimentum Clerici.

3 Ut sint immobilia; quia res mobiles faciliè extinguuntur, vel consumuntur usu, aut lapsu temporis: & hinc si mobilia sint, converti debent in immobilia. Azor. *p. 2. l. 3. c. 4. q. 7.*

4 Ut sint libera, h. e. nullo hypothecæ, vel alio titulo alteri obligata; quia alioquin fieri posset, ut à creditoribus auferrentur. Vviesn. *hic n. 80.*



5. Ut sint fructifera, & annum redditum Clerico ordinato afferant; quia idem est rem non habere, & habere, sed inutilem. *l. quoties 6. ff. qui satisdant cogant.*

6. Ut sint firma, & talia, quæ nec Clerico facile auferri, neque ab eo alienari, vel cessione aliqua in alios transferri, eisque obligari valide possint; quia alias contingere posset, ut iis in alios translatis, ordinato deessent alimenta congrua. *Vviefn. l. cit.*

Ex quibus sequitur 1. non posse aliquem ordinari ad bona patrimonii, in quibus tantum habet dominium directum, & alter utile; quia cum nullos fructus inde percipiat, nihilominus pauper erit. *Pirhing. hic num. 72. Vviefner l. cit.*

2. Non sufficit, ut quis ordinari possit, quod ex propria industria, aut ex honesto officio lucrari sustentationem suam possit, e.g. quod sit pictor, Musicus, Magister Grammaticæ &c. item quod Doctor, vel Licentiatum in Theologia, aut Jure Canonico, ut declaratum esse à Cardd. testis est *Garc. p. 2. c. 5. n. 125.* & merito; quia etiam vir maximè industrius, & peritissimus inutilis reddi, indeque necessariis alimentis destitui, variis casibus, & multis ex causis potest.

3. Sufficiens Titulum Patrimonii etiam non præbet Censui redimibilis; quia ejus redemptione pretium, quo emptus est, donec alium emendi occasio se offerat, consumi, & sustentatio in eo fundata facile potest deficere. Hinc ut sufficiat in Titulum, cautio adhiberi debet, ut casu, quo redimatur, pretio apud idoneas personas deposito, quamprimum potest, comparatur alius census, vel res frugifera. *Pal. tr. 27. D. un. p. 11. num. 9.*

4. Nec filius ordinati potest ad Titulum hæreditatis, seu patrimonii patris viventis; quia Tridentinum *l. cit.* requirit, ut ordinandus, si Beneficiarius, vel Pensionarius non sit, verè, & re ipsa patrimonium habeat, & non tantum in spe, seu fictione Juris, quo modo habet filius vivente patre. Hinc eo casu pater filio ordinando certam rem frugiferam designare, eamque vel re ipsa donare, & tradere debet filio, vel saltem sub speciali Hypotheca realiter obligare, ut alienari non possit, nisi cum onere pensionis filio ordinato inde solvendæ. *Molin. tr. 2. de J. & J. D. 238. n. 15.* Si tamen pater esset nobilis, aut unus ex magnatibus, ex consuetudine aliquatum Provinciarum sufficeret, promissionem ejus litteris authenticis exprimi; talis enim promissio jam haberetur pro titulo. *Pirh. n. 74.*

57 Dubitatur, an sufficiat etiam Titulus Pensionis, sive Stipendii sustentationis, Clerico ordinando assignatæ, eique annuatim præstandæ, donec consequatur Beneficium Ecclesiasticum, vel de congrua sustentatione ipsi aliunde provideatur? Resp. affirmativè. Sumitur ex *Trid. sess. 21. c. 2. de reform.* ubi eodem modo de Patrimonio, quo de Pensione loquitur, quod scilicet ordinari ad utramque Clericus possit, si ita necessitas, vel commoditas Ecclesiarum exegerit.

Distinguendum tamen est inter privatos, & principes, Magistratus, vel Communitates; nam ut hujusmodi Titulus Pensionis à privatis datus locum habeat, debet esse datus sub cautione reali, assignata videlicet re libera, & frugifera, unde sustentatio sufficiens pro Clerico possit accipi. At in personis Principibus, Magistratibus, Communitatibus sufficit simplex Cautio Instrumentaria; quia his nunquam facultas deesse potest ad Clericum sustentandum *Pirh. hic num. 73.* Si Monasterium, vel Ecclesia hujusmodi Titulum dederit, consensus Capituli debet accedere; aliàs Successor in Dignitate promissione antecessoris non obligabitur, & sic Titulus non erit idoneus. *Engl. tit. 14. de etat. & qualit. num. 18. Vviefn. hic num. 88.*

58 Quæritur 4. qualis sit Titulus, ad quem ordinandi sunt Clerici Regulares? Resp. hi, si Religionem approbatam solemniter professi sint, sine alio Titulo etiam ad Ordines SS. promoveri possunt, & solent juxta *can. neminem 1. dist. 70.* quia in illis Professio subit vicem Tituli, & Religio tenetur alere suum Professum. Porro Titulus iste communiter nuncupari *Titulus paupertatis con-*

uevit. Ut ad Ordines suscipiendos sufficiat, ordinandus debet esse professus, & quidem valide, & in Religione approbata. Hinc ordinari Titulo paupertatis non possunt Novitii, aut professi invalidè, uti & illi, qui Religio-

Schmalzgrueber Tom. I.

nem liberè dimittere, vel ab illa dimitti possunt ex *Constitut. S. Pii V. incipit Romanus edita 12. Nov. 1568.*

Excipiuntur Religiosi Societatis Jesu, qui post biennium Novitiatus tria Vota Simplicia ediderunt; hi enim ante solemnem Professionem, etiam sine alio Titulo, ad omnes SS. Ordines, perinde atque aliorum Ordinum Professi, promoveri possunt ex concessione *Gregorii XIII. Constit. incipit Ascendente edita 8. Calend. Jun. 1584.* & confirmata à *Gregorio XIV. Constit. incipit Ecclesia edita 30. Aug. 1591.* Simili Privilegio, ut absque Titulo ordinari possint, gaudent Alumni Pontificii, qui in Seminariis Studiorum causa aluntur, juxta Bullam *Gregorii XIII. 22. Sept. 1584.* datam.

## §. VII.

### De Pœnis malè Ordinantium, & Ordinatorum.

## S U M M A R I U M.

59 Multipliciter peccari in conferendis, & suscipiendis Ordinibus potest: hinc etiam multiplex pœna.

60 Pœna Ordinantis ante legitimam ætatem.

61 Pœna sic Ordinati.

92 Qui illam incurrant?

63 An etiam Regulares?

64 An concelebrans cum Episcopo in actu Ordinationis Irregularitatem incurrat?

65 66 Pœna ordinantis alienum subditum.

67 Pœna sic Ordinati.

68 Pœna dantis Dimissorias contra formam præscriptam.

69 Pœna Ordinantis sine Titulo.

70 Pœna sic Ordinati.

71 Pœna Ordinantis, & Ordinati in aliena Diœcesi.

72 73 Extra tempora à Jure statuta.

74 Interstitiis non observatis.

**M**ultipliciter peccari in Ordinibus conferendis, & suscipiendis potest. Modi, qui huc pertinent, maximè quinque sunt. 1. Si ordinetur aliquis ante legitimam ætatem. 2. Si ordinatus non sit subditus ordinantis, neque iste ab illius Ordinario licentiam habeat. 3. Si Ordinarius Ordines conferat in aliena Diœcesi sine consensu Ordinarii loci. 4. Si Ordinatio fiat extra tempora à Jure statuta, & Interstitiis non observatis. 5. Si sine Titulo Mensæ. Hinc.

60 Quæritur 1. quæ sit pœna Ordinantis, ante legitimam ætatem? Resp. Hæc pro diversitate Ordinum etiam ipsa diversa est; nam 1. si alicui ante legitimam ætatem (idem est, si illiterato, aut conjugato extra casus à Jure permisos) conferat primam Tonsuram, ab istius collatione per integrum annum ipso Jure suspensus est *c. fin. h. tit. in 6. & ibi Gloss. fin.* ut in eo, in quo peccavit, puniatur *c. quæ sivit 2. de his, quæ à majori &c.*

2. Similem Suspensionem ipso facto incurrere ab eo, qui talibus confert Minores Ordines, existimat *Sor. in 4. dist. 25. q. 1. a. 2.* idque ob paritatem rationis cum priori casu. Sed revera non est paritas; quia cum prima Tonsura sit quasi janua ad statum Clericalem, specialiter Pontifex cavere voluit, ne ad istum inhabiles admittantur. Et esto, quod sit paritas, vel etiam majoritas rationis, constitutio *c. fin. cit.* pœnalis est, & idcirco nec ob majoritatem rationis extendenda. Hinc cum *Suar. de Censur. D. 31. f. 5. n. 3.* dicendum, pœnam Suspensionis annuæ à collatione Ordinum minorum à sic ordinante ipso Jure non incurrere. Unde cum Jura eidem expressè pœnam nullam statuerint, punitionis modus relinquendus erit Superiori delinquentis.

3. Sacrum aliquem Ordinem scienter conferens non habenti legitimam ætatem pœnam Suspensionis incurrat, non quidem ipso Jure, sed ferendæ sententiæ, à collatione Ordinum, ut habetur *c. vel non est 14. h. tit.* intellige, non tantum illius, quem contra Juris prohibitionem contulit, sed etiam superiorum, & inferiorum; nam verba *c. cit.* generalia sunt.

4. Si ob hanc causam suspensus, Suspensione insuper habita, conferat Ordines, etiam minores, etiam Irregularitatem contrahit, ex generali regula, qua dicitur, quod suspensus ab aliquo Ordine, si in illo ministret, fiat irregularis; est autem actus Ordinis Episcopalis collatio etiam Minorum Ordinum; quia horum minister

K

pro-



proprius, & Jure ordinario est solus Episcopus. ergo &c. Fagn. in c. 14. cit. n. 33. & 34.

5 Ex eadem ratione idem Fagn. l. cit. n. 35. pœnam hanc Irregularitatis incurrere docet, si ita suspensus conferat primam Tonsuram. Sed minus bene; quia licet collatio primæ Tonsuræ etiam ipsa sit actus Ordinis Episcopalis, non tamen ipsa Ordo aliquis est secundum dicta num. 8. igitur pœnali constitutione c. 14. cit. qua suspendi tantum jubetur conferens Ordines ante ætatem legitimam, non comprehenditur. Poterit ergo Episcopus, qui ob collatum hoc modo Ordinem suspensus est à collatione Ordinum, sine Irregularitatis metu conferre primam Tonsuram.

61 Quæritur 2. quæ sit pœna ordinati ante ætatem legitimam? Resp. 1. Si Sacrum aliquem Ordinem, & hunc mala fide susceperit, Ordo quidem collatus valet (quia ætas non requiritur ad substantiam, seu valorem Ordinis) ab executione tamen illius, ipso Jure, suspensus est, Jure quidem antiquiori, c. vel non est cit. ut ibidem dicitur usque ad ætatem legitimam; recentiori autem Constitutionis Pii II. incipit. Cum ex sacrorum edita 5. Cal. Decembr. 1641. in perpetuum, donec absolutionis Beneficium consequatur.

2. Si in Ordine ita suscepto, antequam à suspensione absolutus sit, ministrare præsumperit, eo ipso Irregularitatem incurrit, ut habetur Constit. cit.

3. Præter aliàs pœnas in tales à Jure naturaliter inflictas, Beneficiis Ecclesiasticis privari possunt, ut ibidem dicitur, & videre est apud Quarant. Summ. Bullar. V. Ord. in princ.

62 Dub. 1. quid requiratur, ut ab Ordinato ante legitimam ætatem incurrantur hæc pœnæ? Resp. Requiritur hæc duo, ut susceperit Ordinem aliquem sacrum, & ut hunc mala fide susceperit.

Ex primi defectu pœnas istas non incurrit præmaturè promotus ad Ordines minores, & in his ante legitimam ætatem ministrans etiam mala fide, ut rectè notat Barb. de offic. Episc. alleg. 16. n. 14. & alii plures ab ipso cit.

Ex defectu secundi ab iisdem pœnis immunis est, qui bona fide, e. g. quia parentum, vel Superiorum testimonio deceptus, existimavit se ætatem requisitam habere, cum eam non haberet, Ordinem sacrum suscepit; nam iste, etsi comperto errore, in Ordine ita suscepto ministrare non possit licitè, Suspensionem tamen propriè dictam per suspensionem Ordinis ita factam non incurrit, ut patet ex Constit. Pii II. cit. ubi Censura hac ligatur, qui scienter hoc fecerint. Ratio est, quia Suspendio propriè dicta est pœna, quæ non incurritur, nisi propter delictum.

Ex quo sequitur, talem non habere opus absolutione, sed statim ac legitimam ætatem adeptus est, posse licitè in suscepto Ordine ministrare, ut notat Pirhing. hic num. 96.

63 Dub. 2. an pœnis his etiam subiaceant Regulares, si sacrum Ordinem ante legitimam ætatem susceperint? Videtur, quod non subiaceant; nam c. vel non est, & Constit. Pii II. cit. loquuntur tantum de Clericis, quo nomine in pœnibus, & odiosis non veniunt Religiosi, ut patet exemplo Interdicti, quod si in Clericos latum duntaxat sit, Religiosos non afficit.

Sed tenenda est affirmativa sententia, quam etiam propugnant Rodr. tom. 3. Regul. q. 24. ar. 8. Mirand. Man. Pralat. tom. 1. q. 39. ar. 6. Barbof. de offic. Episc. alleg. 16. cit. n. 25. Pirh. hic n. 95. Vviestner. n. 97. Ratio est, quia in materia, quæ æqualiter respicit Clericos sæculares, & Regulares, nomine Clericorum etiam veniunt Religiosi; talis autem est præfens materia. ergo &c.

Ex quo patet ad rationem dubitandi oppositam.

64 Dub. 3. an is, qui mala fide ante legitimam ætatem ordinatus est Presbyter, præter suspensionem statim in ipso actu Ordinationis etiam incurrat Irregularitatem? Affirmativam multis aliis cit. defendit Barb. alleg. 16. cit. n. 16. ex ratione, quia Sacerdos consecratus concelebrat cum Episcopo. sed qui ministrat in Ordine, à cuius executione suspensus est, sit irregularis. ergo &c.

Sed probabilius est Irregularitatem non incurri à sic Ordinato, nisi cum deinde solus celebrat. Ita Suar. de Censur. D. 31. f. 1. n. 71. & seqq. Quarant. Summ. Bullar. V. Ordo Vers. Ampliatio illa. Engl. cit. de etat. & qual. n. 10. Pirhing hic n. 95. & alii plurimi apud Barb. l. cit. quibus ac-

cedit Praxis Cancellariæ, quæ hujusmodi Irregulares non reputat. Ratio est, quia Canones, qui ferunt Irregularitatem in Clericum ministrantem in Ordinem, à quo suspensus est, loquuntur, & intelligi debent de usu Ordinum moraliter separabili ab Ordinis susceptione, & post præcedentem Ordinationem prorsus voluntariè assumpto, talis autem non est simultanea illa concelebratio, quæ fit cum Episcopo, quippe quæ ex usu Ecclesiæ inseparabiliter conjuncta est cum ipsa Ordinatione. ergo &c.

Quæritur 3. quæ sit pœna Ordinantis alienum subditum? Resp. si hoc faciat temere, & cum scientia, vel ignorantia affectata, sine licentia, vel Dimissoriis Episcopi proprii, ipso Jure incurrit suspensionem annuam à collatione Ordinum, prout colligitur ex c. eos qui 2. in princ. h. tit. in 6. Trid. sess. 23. c. 8. in fin. de reform. & novissimè ex Constit. Innocentii XII. incipit Speculatores edita pridie Nonas Nov. 1694.

Dixi autem temerè, & cum scientia nam Suspendio hæc pœna est, & cons. ut incurratur, requirit culpam, eamque gravem.

Et hinc 1. Suspensionem non incurrit, qui ordinavit alienum subditum ex probabili ignorantia, & errore, e. g. quia parentes dixerunt esse de Diocesi Ordinantis, vel quia Ordinatus communiter habebatur pro ejus subdito.

2. Ab eadem pœna liber est, qui bona fide ob causam, quæ ipsi rationabilis videbatur, existimavit, proprium Ordinat Episcopum Ordinationem à se factam habiturum ratam. Vid. Pirh. hic n. 97. & seqq.

Dub. 1. quousque se extendat ista suspensio, an solum ad Ordinem malè collatum, an etiam ad cæteros? Certum est à primæ Tonsuræ collatione talem non suspendi. Patet ex textu; quia hic disertè loquitur de collatione Ordinum. igitur ad primam Tonsuram, quæ Ordo non est extendi non debet.

Dubium procedit de Ordinibus, qui propriè Ordo sunt. Ad quam Controversiam Joan. Monach. Dominic. & Vivian. in c. cit. putant sic ordinantem suspendi solum à collatione Ordinum malè collatorum, ut pœna congruat delicto, & ordinans puniatur in eo, in quo peccavit.

Sed verior est sententia, quæ sic ordinantem docet suspensum esse à collatione omnium Ordinum, etiam eorum, in quibus conferendis non peccavit. Ita Gloss. in c. 2. cit. V. Ordinum. Laym. ibid. n. 2. Pirh. hic n. 98. Vviest. nu. 110. idque ob generalitatem textus; dicit enim ibidem Pontifex, sic ordinantes per annum à collatione Ordinum (indistinctè) suspensos esse.

Neque pœna hæc culpæ modum excedit; ut enim gravis illa sit, annua tamen est solum, & talis, quam merito exigit temeritas ordinantis.

Dub. 2. quam pœnam incurrit is, qui sine Dimissoriis, sive licentia Episcopi proprii, ab alieno Episcopo, vel Prelato est ordinatus? Resp. Sic ordinatus ab executione Ordinis sic suscepti suspensus manet, donec cum eo à proprio Episcopo circa hoc dispensetur. Ita habetur can. illud 1. & can. si quis 3. dist. 71. can. nullus 1. & seqq. caus. 9. q. 2. c. eos qui 2. h. tit. in 6. Trid. sess. 27. c. 8. de reform. & Constit. Pii II. incipit cum ex Sacrorum edita 5. Cal. Decembr. 1461.

Porro ut incurratur hæc pœna, Pirhing. hic n. 102. duo requirit, videlicet, ut susceperit ab alieno Episcopo sacrum aliquem Ordinem, & ut istum susceperit per dolum, aut crassam ignorantiam, adeoque per culpam latam, atque mortalem. In posteriori requisito faciliè consentiunt DD. reliqui, & innuitur in Constit. Piam. cit. ubi ad incurrendam hanc suspensionem requiritur temeritas.

At in priori contrarium sentiunt Navar. Man. c. 27. nu. 163. Quarant. V. Ordo. Vers. secundò limita. Barbof. alleg. 8. n. 11. & sumitur ex Trid. l. cit. ubi SS. Concilii PP. Suspensionis Censuram pronuntiant in omnes, qui Ordines sine licentia proprii Episcopi vel contulerint, vel receperint, nullo facto discrimine inter majores, & minores. Puto igitur pœnam istam incurri etiam à suscipientibus Minores Ordines.

Neque obstat, quod Constitutio Pii II. cit. loquatur tantum de Ordinibus sacris, nam ut correctio Juris vitetur, dicendum, quod Pontifex cit. collationem minorum Ordinum, ranquam casum omissum, reliquerit sub dispositione Juris anterioris.

Dub. 3.



68 Dub. 3. quam pœnam incurrant, qui Litteras Dimissorias contra formam à Trid. præscriptam conferunt, vel earum sic obtentatum virtute ordinantur? Resp. Si Capitulum Cathedrale, sede vacante, hujusmodi Litteras conferat, subijcitur Interdicto Ecclesiastico. Trid. *sess. 7. c. 10. de reform.* Si alius Prælatus, ab Officio, & Beneficio per annum ipso Jure suspenditur. *sess. 23. c. 10. de reform.* Ii verò, qui virtute Dimissorium sic obtentatum ordinati sunt, si in minoribus Ordinibus constituti fuerint, nullo privilegio Clericali, præsertim in criminalibus, gaudent; in Majoribus verò ab executione Ordinum, ad beneplacitum futuri Prælati, sunt ipso Jure suspensi, prout habetur in Trid. *e. 10. cit.*

69 Quæritur 4. quæ sit pœna Episcopi Ordinantis aliquem, sine Titulo Mensæ? Resp. Jure antiquo talis Ordinatio quoad executionem fuit irrita, ut patet ex *can. neminem 1. & can. seq. dist. 70.* Jure novo sublata ea suspensione, statutum est, ut si Episcopus Clerico non habenti utulum Beneficii, aut sustentationis necessaria conferat Ordinem sacrum, ipsemet ei necessaria alimenta provideat, donec Beneficium Ecclesiasticum ad sustentationem sufficiens assequatur. *c. Episcopus 4. c. cum secundum 16. de præbend. c. si Episcopus 37. eod. in 6.* Estque hoc onus reale, ac proinde ad Successorem transit *c. cum secundum cit.*

Excipitur 1. Si Episcopus non fuit in culpa, e. g. quia Clericus per fraudem finxit se habere Titulum; nam *res, qua culpa vacat, in damnum vocari non debet*, prout dicitur *c. cognoscentes 2. de Constit.*

Excipitur 2. Si Clericus ad Ordines fuit præsentatus ab alio quodam; tunc enim præsentator alere talem Clericum debet, Episcopus verò solum, quando præsentator non potest alere, & quidem solum tunc, quando ipse fuit in culpa. Laym. *in c. 3. de ætat. & qualitat. num. 4.*

Excipitur 3. Si Episcopus non per seipsum, sed per Suffraganeum, cui generalem subditos suos ordinandi potestatem concessit, Ordines indigenti Clerico dedit; tunc enim Episcopus Ordinans, non licentiam dans, ipsi alere debet, ut notat Pirh. *hic. n. 111.* quia Ordinatio censetur commissa, prout requirunt Canones.

Excipitur 4. Si talem admiserit Archidiaconus, aut Vicarius Generalis Episcopi, qui ratione Officii sui ordinandos, an requisita ad Ordines habeant, examinare, & admittere debet; cum enim hoc casu iste in culpa sit, etiam ipsi onus Clericum sic ordinatum sustentandi incumbit. Laym. *inc. 37. n. 14. §. secundo de Præb. in 6.*

Excipitur 5. Si Ordinatus sine Titulo aliunde de sua, vel paterna hæreditate subsidium vitæ habere possit. *c. Episcopus 4. de præbend. Pirh. hic. n. 111. in fin.*

70 Dubitatur, quæ sit pœna Ordinati sine Titulo? Resp. cum distinctione; nam si in culpa non fuit, sed postquam defectum Tituli sincerè exposuit Ordinanti, ab hoc tamen ordinatus est, nullam incurrit pœnam; nam pœna est propter culpam. At si in culpa fuit, quia finxit v. g. Titulum Beneficii, & sic decipit Episcopum, probabilius sic ordinatus incurrit Suspensionem ab executione Ordinis ita suscepti, & Irregularitatem, si in Ordine sic suscepto ministret: nec tenetur Ordinator eundem alere, ne lucrum ex fraude capiat, ut cum aliis notat Barbos. *alleg. 20. n. 33.* ubi si eam sententiam allegat *Constit. Urbani VIII. incipit Secretis æternæ providentiæ* ediam 14. Decemb. 1624.

Conf. ex Declaratione Cardd. qui, ut ad, 16. de præbend. n. 69. advertit Fagnanus, super hoc consulti, 27. Nov. 1610. responderunt, eam Suspensionem illo casu incurri.

Aliud foret, si non tantum Ordinatus, sed etiam Ordinans in culpa fuisset; nam eo casu uterque plecteretur, & Ordinatus quidem, ut dictum est, suspensus esset ab executione Ordinum; Ordinans verò in pœnam temerariæ Ordinationis ordinato necessaria vitæ subministrare deberet, donec iste Beneficium acquireret sustentationi sufficiens. Pirh. *hic. num. 112. in fin.* Imò si Ordinatio tali modo facta fuisset cum pacto, ne Ordinatus super Beneficio, vel alimentatione Ordinantem molester, etiam iste suspensionem à collatione Ordinum, eamque triennalem, & Sedi Apostolicæ reservatam, ipso Jure incurreret. *c. si quis ordinaverit 45. de Simon.*

71 Quæritur 5. quæ sit pœna Ordinarii loci? Resp. Ordinans ab exercitio Pontificalium, i. e. omnium actuum, Schmalzgrüeber Tom. I.

qui Episcopalis Ordinis proprii sunt; & sic Ordinati ab executione Ordinum ipso Jure suspensi sunt, ut habetur in Trid. *sess. 6. c. 5. de reform.* Proceditque hoc, etiam si tantum fuisset collata prima Tonsura; quia in loco *cit.* sub pœna suspensionis sacra Synodus non tantum collationem Ordinum, sed generaliter exercitium Pontificalium prohibet; est autem actus ad Pontificalia pertinens collatio primæ Tonsuræ. ergo &c.

Dubium est, an à Censura hac excuset bona fides? Resp. cum distinctione; nam Episcopus, si bona fide, propriis subditis extra Diocësin suam Ordines conferat, vel alium actum Ordinis Episcopalis exerceat, putans Ordinarium loci contentum fore, probabiliter à Censura hac liber est, ut notat Pirh. *hic. n. 105.* quia cum sit gravis pœna, ea non incurritur, nisi ob culpam gravem. Ordinati verò, licet eo casu ob rationem allatam non incurrant Suspensionem propriè dictam, tamen Ordinum ita susceptorum executionem non habent, donec ab Episcopo loci, ubi peracta est Ordinatio, cum eis fuerit dispensatum, ut rectè monet Pirh. *l. cit. & rationem dat, quia talis Ordinatio quoad executionem habetur pro irrita. can. Episcopum 7. caus. 9. q. 2.*

Quæritur 6. quæ sit pœna Ordinantis, & Ordinati extra tempora Jure statuta? Resp. Jure antiquo incurrebant Suspensionem duntaxat ferendæ sententiæ, ille quidem à Collatione Ordinum, iste autem ab exercitio Ordinum sic susceptorum prout colligitur ex *c. sanè 2. & c. cum quidam 8. h. tit.*

At novo Jure, quod introductum est per *Constit. Pii II. cit.* Ordinans quidem potestate ordinandi privandus est tantum per sententiam, Ordinatus autem suspensionem ab Ordinibus ita susceptis ipso Jure incurrit: & si in tali Ordine, insuper habita Suspensionem hac, ministrare præsumat, irregularis efficitur. Potest tamen probabiliter ab hac Suspensionem, & Irregularitate absolvi proprius Episcopus, ut colligitur ex *c. consultatorem 16. h. tit.*

Neque obstat, quod in *c. cum quidam cit.* videatur dispensatio hæc reservata Pontifici per verba, *Ordinatos autem à se susceptis Ordinibus tamdiu reddere debes expertes, donec apud nos restitutionem gratiam consequantur*; quia ibi absolutionem reservavit sibi Pontifex ob culpam Episcopi, quia ipse deliquit extra tempora ordinando.

Dubitatur, ad quos Ordines se Suspendio ista extendat? Resp. in Ordinante se extendit ad Ordinem, quem sic illicitè contulit, & hoc ad superiores, non verò ad inferiores, ut aliis *cit.* advertit P. Vviestner *hic. numer. 101.* Hinc suspensus ob Diaconatum extra tempora illicitè collatum potest adhuc confectre Subdiaconatum, & minores Ordines, non verò Diaconatum, & consecutivè nec Presbyteratum, sed locutus est Regulæ: *Cui non licet, quod est minus, etiam non licet, quod est majus.* Barbos. *Loc. comm. l. 14. c. 54. axiom. 5.*

Quoad Ordinatam dubitari potest, an Suspendio hæc incurritur etiam ab iis, qui extra tempora susceperunt Ordines Minores, vel primam Tonsuram? Et difficultatem facit *Constitutio Sixti V. incipit Sanctum & salutare* edita 1588. ubi Suspensionis etiam ad hos fit extensio. Sed difficultatem hanc solvit *Constitutio* alia Clementis VIII. incipit *Romanum Pontificem* edita Cal. Mart. 1595. ubi Constitutio Sixtina reducitur ad terminos Juris communis, & *Constitutionis Piane cit.* uti notat Barb. *alleg. 17. num. 9.*

Quæritur 7. quæ sit pœna Ordinantis, & Ordinati, non servatis Interstitiis? Resp. cum distinctione: Vel enim Episcopus eodem die simul plures Ordines contulit, vel non quidem eodem die, sed diversis, non tamen servatis spatiis temporum, inter quamlibet Ordinationem à Jure statutis.

Si hoc secundum, nec Ordinans, nec Ordinati pœnam aliquam, Censuram, vel Irregularitatem incurrunt; quia nulla pœna, aut Censura Jure communi, aut per Trid. decreta est: Ordinans tamen eo casu ab Ordinario suo non immeritò, tanquam transgressor Canonis, punietur pœna aliqua arbitraria, ut aliis *cit.* advertunt Pirh. *hic. 109. n. & Vviest. n. 105.*

Si verò primum contingat, & Episcopus duos Sacros Ordines, e. g. Diaconatus, & Presbyteratus eodem die, vel continuato jejuniis duobus conferat, Ordinans quidem



quidem à collatione Ordinum sic collatorum, Ordinatus verò ab exercitio posterioris Ordinis ita suscepti est suspendendus, donec à Papa dispensationem impetraverit, ut constat ex *c. litteras* 13. in fin. *h. tit.* & docent Abb. *ibid.* n. 2. Suar. de *Censur.* D. 31. §. 1. n. 41. Pirh. *hic* n. 108. quamvis alii cum Barbof. *alleg.* 14. n. 11. velint esse Suspensionem sententiæ lata. Rationem, quare Ordinatus solum incurrat Suspensionem ab uno, Ordinans verò ab utroque Ordine, dat P. Vviest. *hic* n. 99. quòd Ordinantis ob excelsitatem, majorem prudentiam, & circumspeditionem exposcentis, sit major culpa, quam ordinati.

## TITULUS XII.

### De Scrutinio in Ordine faciendo.

## SUMMARIUM.

1. *Quomodo instituendum sit primum Scrutinium?*
2. *Quomodo secundum? & de quibus?*
3. *Ubi requisita, quomodo probanda?*
4. *Scrutinium tertium.*
5. *Quid agendum Archidiacono, qui privatim scit ordinandum laborare defectu occulto?*

**O**rdinum collationi, de qua *prae. Tit.* præmittendum est Examen, sive Inquisitio de Ordinandorum dignitate, ab eo facienda, id ex officio, vel commissione spectat. Examen hoc, & Inquisitio *Scrutinium* dicitur à *Scrutando*: & triplex de Jure est. *Primum*, quod fit à Parocho, vel alio ab Episcopo constituto. *Alterum*, quod ab Episcopo ante Ordinationem institui debet. *Tertium*, quod fit in Ordinatione ipsa.

1. Queritur 1. quomodo, & quando instituendum sit primum Scrutinium? Resp. de hoc à Trid. *sess.* 23. *c. 5. de reform.* præcipiuntur sequentia.

1. Qui minores Ordines volunt suscipere, his sufficit, si habeant bonum testimonium à Parocho, & à Magistro Scholæ, in qua educantur.

2. Qui ad majores aspirant, per mensem ante Ordinationem adire debent Episcopum, qui deinde hoc primum Scrutinium committit Parocho, vel alteri, cui expedire videbitur.

3. Iste Scrutinium hoc perager, nominibus, & desiderio eorum, qui promoveri volunt, publicè in Ecclesia propositis, inquirendo de ipsorum Ordinandorum natalibus, ætate, moribus, vita, ac fide.

4. Quod examen, & inquisitionem si peregerit, ad Episcopum quamprimum transmittet Litteras testimoniales, ipsam inquisitionem continentes.

*Dubatur*, an hoc Scrutinium semper sit necessarium? Resp. etsi saluberrimè adhibeatur, in pluribus tamen Diocesis, præsertim Germaniæ nostræ, non est receptum, sed loco ejusdem recipiuntur Testimonia, à Sacram præsertim Litterarum Professoribus obrenta, de vita, doctrina, moribus ipsius ordinandi. Hæc autem Testimonia, ut monet P. Vviest. *hic* n. 2. melius dabuntur clausa, & signata; quia sic dabuntur sinceriora.

2. Queritur 2. quando, & quomodo fieri debeat secundum Scrutinium? Resp. ex Trid. Decreto *sess.* 23. *c. 7. de reform.* fieri debet feria 4. ante ipsam Ordinationem, vel alia die opportuna, ab Episcopo, adscitis aliis Sacerdotibus, & prudentibus, Legis Divinæ, & Sanctionum Ecclesiasticarum peritis viris. Inquiri in eo debent sequentia. 1. inquiri debet in *Genus*, h. e. an Ordinatus natus sit ex parentibus Catholicis, liberis, & legitimo thoro conjunctis: item quo loco natus sit, an baptizatus &c. 2. In *Personam ipsius Ordinandi*, an sit ligata Censura, vel Irregularitate aliqua impedita. 3. In *etatem*, an eam habeat, quæ ad Ordinem petatum requiritur. 4. In *Titulum Mensæ*, ut vocamus; nam sine Titulo, ut *an. 52.* dictum est, licitè conferri Ordines nequeunt. 5. In *Vitam*, & *mores ordinandi*; nam infames, & contaminati malis moribus merito ab Ordinibus repelluntur. 6. In *doctrinam*. 7. In *fidem*.

3. Dubit. an, & quomodo requisita hæc probari debeant? Resp. 1. *natales*, & *genus* probari potest, & solet testimonio Magistratus loci, in quo natus est Ordinandus, & aliquando per testimonium Parochi ex libro Parochiali, vel si propter incursum hostium, aut alias causas hu-

jusmodi testimonia haberi nequeant, per testes, aut famam publicam, ut notat Pirhing *hic* n. 4. Vviestner *num.* 4.

2. Libertas à *Censura*, *Irregularitate* &c. sufficienter probatur testimonio ipsius Ordinandi; quia in dubio defectus, & delictum non præsumitur.

3. *Aetas* ab ordinando probari debet per testimonium Magistratus, vel Parochi, aut his deficientibus, ex habitu, & constitutione externa corporis. Pacian. *de probat.* l. 2. c. 24. *an. 64.*

4. *Titulus* probatur per patrimonii, vel pensionis constitutæ instrumentum, per litteras actus collati, & pacificè possessi beneficii, aut per testimonium Prælati Regularis contestantis Ordinandum Religiosum, & sibi subiectum esse: his deficientibus sufficit notorietas facti. Pirh. Vviestn. l. *citt.*

5. *Mores* Ordinandi, ejusque probitas, si Religiosus sit, per Prælati, vel Superioris Regularis proprii; si aliquis Ecclesiæ servitio addictus, per Decani, Parochi, vel alterius Rectoris; si Studiosus in Academia, Gymnasio, per illius, qui huic præest, aut Professoris, aliquando etiam Notarii testimoniales litteras probari debent. Pirh. Vviestn. l. *citt.*

6. *Doctrina* probanda est per actuale Examen, quod subire etiam Regulares debent, ex Decreto Trid. *sess.* 23. *c. 12. de reform.* nisi privilegio Apostolico gaudeant, quo ab Examine subeundo sublevantur: quale Privilegium Societati JESU, cum aliis Ordinibus incommunicabile, dedit Gregorius XIII. in *Bulla* incipit *Pium & utile* edita 1582. die 22. Sept. & cum aliis privilegiis confirmavit, ac de novo concessit Paulus V. *Constit.* incipit *Quantum* edita Non. Sept. 1606. De quo Privilegio cum novissimè dubium subortum fuisset, ad interrogationem Archiepiscopi Mechliniensis, *An Clerici Societatis JESU, Sacros Ordines ab Archiepiscopo eodem suscepturi, debeant se subicere Examine, prout ceteri Regulares*, S. Congregatio Concilii die 5. Julii 1681. respondit negativè, nisi adsit consuetudo in contrarium. Videatur la Croix l. 6. p. 2. n. 2194. fin.

7. *Fides* ordinandi probari potest testimonio eorum, qui de ejus genere, vita, & moribus fidem fecerunt. Pirh. l. c. Vviestn. n. 8.

Queritur 3. quomodo peragitur tertium Scrutinium, 4. quod fit in ipso actu Ordinationis? Resp. Hoc peragitur solum, quando aliquis in Diaconum, vel Presbyterum est ordinandus. Forma illius præscribitur in *c. un. h. tit.* & Pontificali Romano *tit. de Ordinat. Diacon.* & *tit. de Ordinat. Presbyt.* nam sub initium Ordinationis olim Archidiaconus (hodie fermè Episcopi Sacellanus, vel Diaconus ei assistens, & Ordinandos præsentans) publica, & clara voce, *Reverendissime Pater*, inquit, *postulat Sancta Mater Ecclesia Catholica, ut hos præsentēs Subdiaconos ad onus Diaconi* (si Diaconi ordinandi sint; at si Presbyteri) *hos præsentēs Diaconos ad onus Presbyterii ordinetis.* Subin interrogat Episcopus Ordinans, *Scitis illos dignos esse?* cui prior subicit: *Quantum humana fragilitas nosse sinat, & scio, & testificor ipsos dignos esse ad hujus onus officii.*

Dubium est, quid agendum sit Archidiacono, si is sciat aliquem ex ordinandis laborare occulto quodam defectu? Resp. cum distinctione, qua utuntur Abb. *hic in fin.* Laym. *ibid.* n. 4. Pirhing n. 7. Vviestner n. 10. Vel enim rationabiliter sperare potest, Ordinandum à se admonitum ab Ordinatione recessurum, vel hoc sperare non potest. Si primum, monere eundem privatim debet, ne ad Ordines accipiendos accedat. Si secundum, optime sibi consulat, si pro ea vice declinet officium præsentandi. Si autem declinare illud non possit, & insuper videat, etsi defectum Superiori denuntiet, nihil tamen se profecturum ob defectum probationis, verba in Pontificali præscripta proferre potest, veritate, & conscientia salva; quia illa profert, non ut persona privata, & secundum privatam scientiam, sed ut persona publica, & secundum scientiam publicam, ut adeoensus sit, se scire ordinandos publicè esse, seu haberi dignos: quod omnino verum est, etiamsi aliquis sit, & ab ipso sciatur privatim esse indignus.



## TITULUS XIII.

*De Ordinatis ab Episcopo, qui renuntiavit Episcopatu, vel ab Excommunicato.*

## SUMMARIUM.

- 1 Quotupliciter fieri renuntiatio Episcopatus possit?
- 2 An qui renuntiavit Episcopatu, adhuc possit conferre Ordines?
- 3 An valida sit Ordinatio facta ab Episcopo, qui renuntiavit loco simul, & Dignitati?
- 4 An facta ab Episcopo Excommunicato, suspensio, lapsus in Hæresim?
- 5 Quis dispensare possit cum Ordinatis ab Episcopo Excommunicato?

**D**ictum est Tit. 11. quod nemo ordinari possit ab alio Episcopo, nisi à proprio, vel de hujus consensu; quia verò is, qui renuntiavit Episcopatu, desit esse proprius, ille autem, qui excommunicatus est, suspensus est ab exercitio Ordinis, durante Excommunicatione, idcirco de Ordinatis ab iisdem agitur *pres. tit.* an, & quomodo Ordinatio istorum valeat? Quod, dubium ut expediatur;

1. Queritur 1. quotupliciter fieri Renuntiatio Episcopatus possit? Resp. Fieri potest dupliciter, videlicet renuntiando loco tantum, vel loco simul, & Ordini, i. e. executioni Ordinis, ac Dignitati Episcopali. *Loco tantum* renuntiasse dicitur, qui renuntiavit curæ, seu Officio, & administrationi Episcopali, retento tamen Episcopali titulo, & dignitate. *Loco, & Ordini* autem, qui cum cura, & administratione etiam dimisit Dignitatem, & Denominationem Episcopalem.

*Causa*, cur *loco tantum* renuntiare possit Episcopus, esse potest hostilitas, intemperies aeris, vel alia causa justa, ob quam Diocesim dimittat. Ut verò *loco simul, & dignitati* renuntiare possit, communiter requiritur delictum, ob quod commertus fuerit Depositionem, quam voluerit renuntiando prævertere. Hinc cum delicta non præsumantur, in dubio, an renuntiaverit loco tantum, an etiam Dignitati, præsumendum est, quod renuntiaverit loco tantum.

Addidi *communiter*; nam aliquando renuntiare Dignitati etiam innocens potest, impetrando scilicet dispensationem, ut ingredi, & profiteri Religionem possit: tunc id fecisse potius præsumetur ex Zelo devotionis, quam depositionis metu.

2. Queritur 2. An Episcopus, qui renuntiavit Episcopatu, possit adhuc conferre Ordines? Resp. cum distinctione: Vel enim renuntiavit loco tantum, vel loco simul, & Ordini, seu Dignitati.

*Si Primum*, etsi sine licentia conferre Ordines nequeat, cum subditis careat, cum licentia tamen alterius Episcopi conferre licet Ordines quoscunque potest, tam Majores, quam minores; quia Dignitatem, & ea, quæ sunt Ordinis Episcopalis, retinet: conf. exercere adhuc Pontificalia cum licentia Ordinarii poterit.

*Si secundum*, primam Tonsuram quidem, & Ordines Minores cum licentia Ordinarii conferre potest; quia cum eadem conferre illos etiam potest Abbas: non tamen potest conferre Majores; quia hos conferre potest solus Episcopus: ille autem, qui renuntiavit loco, & Dignitati, non amplius appellatur Episcopus. *Pirh. hic n. 2. & 3. Engl. n. 2. & duob. seqq. Konig n. 1. & duob. seqq.*

3. Queritur 3. an valida sit Ordinatio facta ab Episcopo, qui renuntiavit Dignitati? Resp. esse validam; nam characterem Ordinis retinet: sic tamen Ordinatus ab executione Ordinis ita suscepti suspensus est, donec cum ipso Dispensetur. Ratio est, quia Ordinans potestatem Ordines legitimè conferendi non habuit, conf. etiam iis, quos ordinavit, dare usum, seu executionem Ordinum susceptorum non potuit.

*Discrimen* tamen aliquod faciendum est inter eos, qui à tali Episcopo ordinati sunt scienter, & inter eos, qui ignoranter; nam etsi utrique executione Ordinum careant ob rationem prædictam, *Priores* tamen, si à tali Episcopo acceperint Ordinem aliquem sacrum, executionem istius accipere non nisi à Summo Pont. possunt; *posteriores* autem, si ignorantia illorum sit inculpabilis, restitui

Schmalzgrueber Tom. I.

executioni Ordinis ita suscepti possunt dispensatione solius Episcopi, ut habetur *c. requisivit 1. h. tit. & notatibi dem DD.*

*Ex quo sequitur*, Suspensionem istam non esse propriè dictam Censuram, cum incurri possit etiam sine culpa; sed potiùs irregularitatem quandam, quæ proinde non absolutione tolli, sed dispensatione debet. *Laym. in c. 1. cit. n. 3. Pirhing hic n. 4.*

Queritur 4. an valida sit collatio Ordinum, facta ab Episcopo Excommunicato, suspensio, deposito, lapsus in hæresim &c. Dubium movent diversi textus Juris Canonici, præsertim *can. 1. 2. & 3. caus. 9. q. 1.* ubi talis Ordinatio omnino nulla, & invalida declaratur: quod etiam de ea, quæ facta est ab Episcopo hæretico, dicitur *c. 1. de Schismatic.*

Sed certa est affirmativa sententia, quam etiam aliis *citt.* tenet Barbof. *alleg. 3. n. 3. Engl. hic n. 6. Vviestner n. 6.* Ratio est, quia talis Episcopus characterem Ordinis Episcopalis, ac proinde etiam potestatem ordinandi retinet, licet illam, obstante Excommunicatione, Suspensione &c. exercere non possit licitè.

*Textus in contrarium allegati* non evincunt intentum; dici enim potest, quod in iisdem consecratio talis dicatur irrita non quoad substantiam Ordinis, aut Characteris, sed tantum quoad ejus suscepti usum, & exercitium, quippe cum ita ordinati ab executione ejusdem suspensi sint: vel si ex eo, quod in quibusdam illorum asseratur Consecratio iteranda, contendas illam etiam quoad substantiam fuisse irritam, responderi potest, id intelligendum de Episcopo Hæretico ordinante, qui nunquam Catholicus fuit, vel saltem non ritè consecratus, prout eos textus explicant *hic Pirh. Eng. Vviestn. &c.*

Queritur 5. quis dispensare possit cum Ordinatis ab Episcopo Excommunicato? Resp. De his idem ferè dicendum est, quod de Ordinatis ab Episcopo, qui renuntiavit Episcopatu. Vel enim scienter, vel ignoranter à tali Episcopo aliquis accepit Ordines. Si *scienter*, vel ignoranter quidem, sed per ignorantiam crassam, dispensare cum eo potest solus Papa; si *ignoranter*, & ignorantia fuit probabilis, Episcopus, ut habetur *can. Ordinationes 5. caus. 9. q. 1. & c. fin. h. tit. Pirhing hic n. 5.*

*Dubium est*, qualis Episcopus dispensare eo casu possit? Et certum quidem est, eo casu dispensare posse Successorem Episcopi sic ordinantis. An verò etiam dispensare possit Episcopus ipse, qui sic ordinando deliquit, controversum est inter DD. nam dispensare post absolutionem impetratam posse, affirmat *Abb. in c. fin. h. tit. n. 4.* negat Honor. ab Azel. *in summ. n. 5. h. tit.* ne videatur dispensare super proprio defectu.

## TITULUS XIV.

*De Aetate, & Qualitate, & Ordine Præficiendorum.*

**P**ræter ordinem, de quo hætenus, etiam Dignitatem plerumque Judex Ecclesiasticus habet, quia aliis præficitur. Præfici autem nequit, nisi requisitam à Jure ætatem, & alias qualitates habeat: quænam illæ sint, præsentis Titulo expeditur.

## §. I.

*De Præficiendorum Aetate.*

## SUMMARIUM.

- 1 Aetas ad summum Pontificatum nulla requiritur certa.
- 2 Ad Episcopatum 30. anni completi.
- 3 Ad Prælaturas Episcopali inferiores 25. inchoatus.
- 4 Ad Dignitates, & Personatus, quibus cura animarum non subest, vigesimus secundus.
- 5 Ad Canonicatus Cathedralium Ecclesiarum, seclusa consuetudine, vigesimus primus.
- 6 Ad alia Beneficia simplicia 14.
- 7 In Collegiatis Ecclesiis ad obtinendas Dignitates probabilis requiritur annus 22.
- 8 Ad Canonicatus in iisdem 14.
- 9 Quod etiam dicendum de Pensionibus Ecclesiasticis.
- 10 Episcopus dispensare in ætate Jure communi requisita non potest.



11 *Estque probabiliter collatio Beneficii non habenti ætatem requisitam ipso Jure nulla.*

12 *Cui incumbat onus probandi ætatem, vel hujus defectum?*

1 **Q**Uæritur 1. quænam ætas requiratur in præficiendis, & promovendis ad Prælaturas, & Beneficia Ecclesiastica? Resp. hæc varia est pro varietate Dignitatum, & Beneficiorum Ecclesiasticorum.

Et 1. quidem, ad *Summum Pontificatum* nulla certa ætas præfinita reperitur. Hinc in quacunq; ætate eligatur, defectus ætatis electioni ejus opponi non poterit, sicut nec alia impedimenta Jure Canonico introducta; sed sufficiet, si illa habeat, quæ Jure naturali, & Divino requiruntur ad Pastorem Ecclesiæ universalis, *c. licet 6. de Elect.* Decens tamen omnino est, ut ad hunc summum in Ecclesiâ gradum assumendus in ea saltem ætate sit constitutus, in qua Christus prædicare cœpit, & cæteri Ecclesiarum Episcopi promoveri solent, ut cum aliis notant Konig. *hic n. 1. Vviestner. n. 1.*

Ad *Dignitates Ordinis Episcopalis*, ut sunt Episcopatus, Archiepiscopatus, Primatus, Patriarchatus, exiguntur anni 30. compleri *c. cum in cunctis 7. in princ. de elect.* & ibi Host. *n. 5.* ubi dat rationem; quia sc. in hac ætate baptizatus est, & prædicare cepit Christus. Eandem ætatem in *Cardinalibus S. R. E.* requirit P. Konig. *hic n. 2.* & fundamentum assertioni ejusdem dat Trid. *sess. 24. c. 1. de reform.* ubi docet, *ea omnia, & singula, quæ de Episcoporum præficiendorum vita, ætate, doctrina, & cæteris qualitatibus aliis in eadem Synodo constituta sunt, etiam in creatione S. R. E. Cardinalium, etiamsi Diaconi sint, exigenda esse.* Sed rigorem hunc temperavit Sixtus V. *Constit. incipit Postquam de ipsis edita 1586.* ubi in Cardinalibus Diaconis major ætas non requiritur, quàm quæ sufficit ad suscipiendum intra annum Ordinem Diaconatus, ac proinde, ut constitutus sit intra annum ætatis vigesimum secundum.

3 *Ad Prælaturas Episcopali inferiores*, v. g. Præposituras, Decanatus, Archidiaconatus, & cæteras Dignitates, aut Beneficia, quibus cura animarum sive externi, sive interni fori annexa est, requiritur annus ætatis 25. inchoatus *c. cum in cunctis 7. §. inferiora de elect.* & Trid. *sess. 24. c. 12. de reform.* Intellige, si cura Dignitati, vel Beneficio sit annexa principaliter; nam si accessorie solum illi unita sit, quemadmodum sæpe unitur Ecclesiæ Parochialis Canonici, non alia requiritur ætas, quàm quæ requiritur ad illam Dignitatem, vel Canonikatam: & ratio est, quia tunc Beneficium Parochiale, vel Curatum, tanquam accessorium, assumit naturam, & conditiones Beneficii principalis, cui adjungitur, *juxta Declar. Card. apud Piafec. in prax. Episc. p. 2. c. 5. a. 3. n. 17.*

4 *Ad dignitates, & Personatus, quibus Cura animarum non subest*, Jure antiquo dubium erat, quænam ætas requireretur; nam aliqui putabant sufficere annum 14. completum ex *c. indecorum 3. h. tit.* alii contra argumento *c. un. eod. in 6.* existimant eandem ætatem in his requisitam fuisse, quæ in Dignitatibus Curatis. Sed quidquid de hoc sit, Jure novo Trid. *sess. 24. c. 12. de reform.* certum est, requiri, & sufficere annum 22. ætatis. An completus is esse debeat, vel sufficiat inchoatus, disputant DD. Azor. *p. 2. l. 6. c. 5. q. 3.* putat sufficere inchoatum, & ita receptum in Rota testatur Barbof. *de Offic. Episc. alleg. 60. n. 66.* Completum requiri docent Garcias *de Benef. p. 7. c. 4. n. 70. Less. l. 2. de J. & J. c. 34. n. 108.* & alii apud Barb. *l. cit.* & stat pro hac sententia Declaratio Cardd. apud Garc. *l. cit.* & ipsum Trid. ibi *non sit minor 22. annis*; qui enim istos nondum implevit, est eis minor ætate.

5 *Ad Canonikatam, Præbendas, & portiones Ecclesiarum Cathedralium*, Jure antiquo iterum controversum erat, quænam ætas requireretur; nam aliqui cum Gloss. *in c. 32. V. in tua de elect. in 6. & in c. 9. ætatem de Rescript. eod.* volunt sufficisse septennium; alii cum Abb. *in c. 35. n. 4. de præbend.* requirebant annum 14. saltem inchoatum. Controversiam decidit Trid. *sess. 24. c. 12. de reform.* ubi statuit, *neminem deinceps ad Dignitatem, Canonikatam, aut Portionem recipiendum, nisi qui in tali ætate sit, ut infra tempus à Jure statutum, Ordine Sacro, quem illa Dignitas, Præbenda, aut Portio requirit, initiari valeat.* Ex quo sequitur, cum de Jure Trid. *c. 12. cit.* in Ecclesiis Cathedralibus Canonici saltem Subdia-

coni esse debeant, necessarium esse, ut is, qui ad ejusmodi Canonikatam promoveri cupit, annum ætatis 21. ad minus attrigerit, nisi aliud vel consuetudine receptum, vel statuto, aut fundatoris voluntate præscriptum sit. Et talis consuetudo defecto passim est in Germania, ubi Subdiaconatus, & consequenter ætas ad hunc Ordinem requisita solum petitur in Canonico, ut admitti ad Capitulum possit.

6 *Ad alia Beneficia Simplicia, & inferiora* Jure antiquo sufficiebat septennium; nam Septennibus dari potest, & data etiam olim fuerat Prima Tonsura; non autem dabatur olim sine Beneficio *can. neminem 1. & can. seq. dist. 70.* Hodie ex Decreto Trid. *sess. 23. c. 6. de reform.* requiritur annus ætatis 14. saltem inchoatus, ut aliis *citt.* notat, & Declaratione S. Congreg. Cardd. confirmat Garcias *de Benef. p. 7. c. 4. n. 11. Excipitur*, nisi in fundatione statutum sit, ut Beneficium etiam minori 14. annis conferri possit: tunc enim fundationi standum est; quia huic Concilium derogare non voluit, ut declaratum est à Cardd. apud Joann. Gallemart. *ad loc. Trid. cit. n. 2.*

Quæritur 2. quænam ætas requiratur ad obtinendas Dignitates, & Canonikatam in Collegiatis, item ad obtinendas Pensiones in quibuscumque Ecclesiis? *Ad 1.* diversa est DD. sententia; nam Garc. *de benef. p. 7. c. 4. n. 58. & seqq.* putat ad obtinendas Dignitates, & Personatus in Ecclesiis Collegiatis non minus requiri annum 22. ac is requiritur in Cathedralibus: quod suum assertum firmat Declaratione Cardd. & Generalitate textus; nam Trid. *sess. 24. c. 12. de reform.* generaliter loquitur. Contrarium tamen, nempe Collegiatis Ecclesiis Decreto Concilii allegato non contineri aliis *citt.* docet Barbof. *de Offic. Episc. alleg. 60. n. 67.* ob aliam contrariam Declarationem Cardd. Sed hæc, ut rectè Garcias *l. cit. n. 63.* notat, solum loquitur de Canonikatibus Ecclesiæ Collegiatæ, non de Dignitate. Præferenda igitur videtur prior sententia, tanquam conformior Decreto Trid. *citt.* Excipitur Dignitas principalis; nam ad hanc, cum regulariter curam animarum in foro interno, vel externo annexam habeat, requiritur annus ætatis 25. saltem inchoatus secundum dicta *n. 3.*

8 *Ad 2.* In promovendo ad Canonikatam Ecclesiæ Collegiatæ, etiam Insignis, nisi aliud fundatione, Statuto, vel consuetudine receptum sit, requiritur, & sufficit annus ætatis 14. inchoatus: non quidem, ut aliqui volunt, de Jure antiquo; nam isto, ut *n. 5.* dixi, etiam ad Canonikatam in Cathedrali Ecclesia secundum multos sufficiebat septennium completum: neque etiam ex Trid. dispositione speciali; quia Concilium hoc de ejusdem modi Canonikatibus nihil expresse statuit: sed ex dispositione ejusdem Concilii generalis, qua universum pronuntiat, ut nullus Beneficium Ecclesiasticum obtineat ante annum ætatis 14. ut habetur *sess. 23. c. 6. de ref.*

9 *Ad 3.* Distinguendum est inter Pensiones merè profanas, & Ecclesiasticas. Ad priores obtinendas nulla certa ætas requiritur, ut rectè advertit Pal. *tr. 13. D. 1. p. 11. §. 3. n. 4.* Posteriores ante 14. ætatis annum conferri posse, & sæpe absque dispensatione conferri contendit Fagnan. *in c. 7. de Elect. n. 102.* Communior cum Garc. *de benef. p. 1. c. 5. n. 129.* Barbof. *de offic. Episc. Alleg. 60. n. 78.* Pal. *l. cit.* exigit annum 14. inchoatum propter Declarationem Cardd. ab istis allegatam, & Stylum Curiae, easdem qualitates, quæ requiruntur in obtinente Beneficium, etiam exigentis in illo, qui obtinet Pensionem Ecclesiasticam. *Conf.* quia Pensio substituitur loco Beneficii saltem simplicis, ideoque sapit ejusdem naturam, & easdem qualitates exigere in obtinente.

10 Quæritur 3. An Episcopus possit dispensare in ætate secundum universalis Ecclesiæ Canones requisita in ordinandis, vel præficiendis ad Beneficia? Videtur posse. Nam *1. c. un. h. tit. in 6.* permittitur Episcopis, ut cum iis, qui 20. annum compleverint, libere dispensare possint ad obtinendas Dignitates, & Personatus, quibus animarum cura non est annexa. *2. c. præterea 5. h. tit.* dicitur, quòd Clerici, in Minoribus constituti, ex dispensatione Episcopi possint ad Parochialem Ecclesiam assumi; non autem indigerent dispensatione Episcopi, si haberent ætatem legitimam. ergo &c.

Sed contradicendum, facultatem dispensandi in ætate quoad Beneficia competere soli Papæ. Ita Rebuff. *in prax. tit. de Dispens. rat. ætat.* Garc. *de benef. p. 7.*



c. 4. num. 57. Az. p. 2. l. 6. c. 5. q. 9. Less. l. 2. de J. & J. c. 34. num. 108. Barbof. in c. ex ratione 2. num. 1. h. tit. & alii communiter. Colligitur ex c. ex ratione cit. Ratio est, quia Episcopus non potest relaxare Jus commune Canonicum, nisi id specialiter, & expresse ei fuerit concessum. Dixi in ætate secundum Canones universalis Ecclesie requisita; nam si certa ætas in promovendis solum requiratur ex Statuto particularis Ecclesie speciali, Episcopus cum consensu Capituli dispensare in ea ætate potest, ut rectè observat Laym. in c. 2. cit. numer. 2. ex ratione; quia talis dispensatio fit in proprio ipsorum Jure, & Statuto.

Neque obstant Argumenta contraria. Ad 1. Jus illud correctum est per novum Trid. sess. 24. c. 12. de reform. ubi statuit, deinceps ad Personatus, & Dignitates, quibus animarum cura nulla subest, adseiscendos 22. annis non minores. Ad 2. solutionem dat textus ipse; nam subjungitur: dum tamen tales sint, quod infra breve tempus (videlicet intra unum annum à tempore, quo Beneficii possessionem quis adeptus est, computandum) possint in Presbyteros ordinari.

11 Dub. 1. num valida sit impetratio, collatio, &c. facta personæ, non habenti ætatem à Canonibus requisitam? Resp. si facta sit sine dispensatione Pontificia, est ipso Jure nulla. Ita Abb. in c. 2. h. tit. n. 4. Garc. de Benef. p. 7. c. 4. n. 82. Pal. tr. 13. D. 4. p. 3. n. 21. Barb. de Offic. Episc. alleg. 60. n. 78. & ab his cit. complures, Colligitur ex c. licet 14. ibi viribus omnino carcere. de elect. in 6.

Procedit hoc 1. etsi ad ætatem requisitam modicum tempus desit, e. g. unica dies, vel hora tantum; quia in his, quæ à Jure determinata, & limitata sunt, non licet arbitrari. Garc. l. cit. n. 83.

Procedit 2. etsi per ignorantiam, bona fide putans se habere ætatem legitimam, Beneficium accepisset; nam adhuc nulla est collatio, & si ad legitimam ætatem pervenerit, opus habet nova collatione, alioquin Beneficio abdicare se debet. Pirh. h. cit. num. 18.

Procedit 3. etsi ita promotus tempore, quo institutus est in Beneficium, habilis fuerit; quia concessio, quæ ab initio irrita est, tractu temporis non convalescit. Reg. 18. num. 6.

12 Dub. 2. Cui incumbat onus probandi, quando dubitatur, an quis habeat ætatem ad Beneficium requisitam, & unus affirmat se habere, alter negat? Ad hoc dubium respondet Konig. n. 8. distinguendo. Vel enim is, qui affirmat se habere ætatem legitimam, primum vult obtinere Beneficium, vel illud jam obtinuit. Si primum, cum petens in sufficientia ætatis fundet intentionem suam, eam probare debet l. de ætate 43. ff. de minorib. & l. cum minorem 9. C. de probat. Si secundum, onus probandi incumbit excipienti tempore promotionis fuisse defectum ætatis; quia tunc provisorius habet intentionem fundatam circa ætatem.

## §. I I.

De Ordine requisito in promovendis ad Prælaturas, & Beneficia.

## S U M M A R I U M.

- 13 Ad Papatum obtinendum nullus requiritur Ordo.
- 14 In Cardinalibus Ordo juxta gradum illorum.
- 15 In Episcopo, ut ante Electionem per sex saltem menses fuerit in Sacris.
- 16 Quis Ordo requiratur in promovendis ad Dignitates Episcopali inferiores?
- 17 Ad Beneficia Parochialia, & alia Curata?
- 18 Ad Canonicatus Cathedralium, & Collegiatarum Ecclesiarum?
- 19 In promovendis ad Beneficia Simplicia?
- 20 Quid Episcopus circa Clericos sibi subiectos quoad Ordines suscipiendos possit?
21. 22 An ad suscipiendos Ordines ipsos possit compellere?

13 Q Uæritur 1. qualis Ordo requiratur ad Prælaturas, & Beneficia? Resp. Promovendus ad ista debet saltem initiatus esse prima Tonsura; nam Beneficii, vel Dignitatis Ecclesiasticæ cujuscunque capax nemo est, qui non sit in actu Clericus, ut patet ex c. ex litteris 6. de Transact. & c. in Ecclesia 2. de Instit. Excipitur Papatus; Schmalzgrueber Tom. I.

nam ad hunc electo, neque quod uxoratus sit; multò ergo minùs, quod Laicus, opponi potest. c. licet 6. de elect. & ibi Abb. numer. 4. Ad Prælaturas Papatu inferiores, & Dignitates, aliaque Beneficia Ordines diversimode requiruntur. Et quidem

1 Ad Cardinalatum S. R. E. requiritur Ordo Gradui ipsorum competens; sunt enim tres Cardinalium Gradus, seu Ordines, quorum supremi sunt Cardinales Episcopi, medii Cardinales Presbyteri, infimi Cardinales Diaconi. Sufficiet tamen, si Ordinem ad singulos gradus requisitum intra annum ab assumptione ipsorum suscipiant.

2 In Episcopum eligendus ut minimum debet esse Subdiaconus, cum eligitur, ut constat ex c. à multis 9. h. tit. & quidem, ut Trid. sess. 22. c. 2. statuit, sex saltem mensibus ante electionem eo Ordine initiatus: reliquos verò Ordines ita suscipere debet, ut intra tempus à Jure constitutum consecrari in Episcopum possit; aliàs pœnas ab eadem Synodo sess. 23. c. 2. de reform. taxatas incurret, de quibus suprâ Tit. 6. n. 77.

Dixi ut minimum Subdiaconus; nam utrum sufficiat, electum sex mensium spatio fuisse Subdiaconum, quidam dubitant? Negat Barbof. de Offic. Episc. alleg. 1. num. 37. ubi putat, requiri, ut omnibus SS. Ordinibus initiatus fuerit per textum can. Osus 10. dist. 61. & Constit. Gregor. XIV. incip. Onus Apostolicæ editam 15. Maii 1590. quibus requiritur, ut Electus ad Episcopatum in Sacris in plurali, ac proinde non in solo Subdiaconatus Ordine sit constitutus.

Sed tenenda est affirmativa sententia, quam etiam defendunt Azor p. 2. l. 6. c. 8. q. 1. Less. l. 2. c. 34. num. 98. Gonzalez in c. 9. cit. n. 11. Vviestner h. cit. n. 20. & colligitur ex Trid. l. cit. ibi in sacro Ordine.

Neque obstant textus in contrarium allegati. Ad 1. Textus ille intelligi potest de consecratione Episcopi, videlicet hanc electo non impertiendam, nisi omnes Ordines inferiores habuerit; dicitur enim non prius ordinetur. Ad 2. ex communi loquendi modo in sacris constitutus dicitur, qui etiam solum est Subdiaconus.

3 Ad Dignitates Ecclesiasticas alias Episcopatu inferiores, quibus Cura animarum, aut Jurisdictio fori externi annexa est, ut sunt Abbatia, Præpositura, Decanatus, Archipresbyteratus, requiritur Ordo Presbyteratus c. ut Abbates 1. h. tit. non quidem, ut quis actu initiatus eodem sit tempore, quo hujusmodi Dignitas ipsi conferretur, sed ut saltem habilis sit ad eundem recipiendum intra tempus à Jure præfixum, h. c. intra annum, ut dicitur Clem. 2. h. tit. aliàs, si dictum Ordinem intra hoc tempus culpabiliter recipere differat, Jure per electionem, collationem &c. sibi quæsito ipso Jure privatus existet. Text. & Barb. in c. 1. cit.

Dubitatur, an hoc intelligendum sit etiam de Abbatibus, Præpositis &c. qui Conventu carent, aut Cura? Videtur etiam de his intelligendum; nam ex Decreto Trid. sess. 24. c. 12. de reform. nemo recipiendus est ad Dignitatem, nisi qui eo Ordine sacro initiatus sit, quem illa Dignitas requirit, aut in tali saltem ætate sit, ut infra tempus à Jure præfixum eodem initiari possit. atqui in Abbatibus, Præpositis &c. ut vidimus, requiritur Ordo Presbyteratus. ergo &c. Verùm hos non debere esse, aut fieri Presbyteros, clarè colligitur ex Trid. c. 12. cit. ubi ad hujusmodi Dignitates non curatas obtinendas sufficit, quod promovendi annum ætatis 22. compleverint: quæ ætas tamen non sufficeret, si ejusmodi Dignitates haberent annexum Ordinem Presbyteratus, ut aliæ Curatæ; quia promotus intra annum eundem Ordinem non posset recipere. Ex quo cadit argumentum oppositum, hoc ipso enim, quod cit. Concilium ad dictas Dignitates requirit solum annum ætatis 22. non requirit ad eas Ordinem Presbyteratus.

4 Eundem Presbyteratus Ordinem, vel saltem aptitudinem ad eum intra annum suscipiendum debet habere promovendus ad Beneficium Parochiale, vel aliud Curatum. c. licet 14. de elect. in 6. ubi ad ejusmodi Beneficium promotus, si cessante legitimo impedimento, intra annum, à die pacificæ possessionis acceptæ numerandum, Ordinem Sacerdotalem non recipiat, Beneficio illo ipso Jure privatur.

Dubitatur, qualem Ordinem actu habere debeat, qui ad Beneficium Curatum assumitur? Resp. Olim ad hoc assumendus debebat ad minimum fuisse Subdiaconus,



nus, ut habetur *c. praterea* 5. *h. tit.* quæ tamen constitutio Jure recentiori *c. si pro Clericis* 8. *de prob. in 6. & c. fin. de Inst. eod.* est correctæ: ut adeo moderno Jure sufficiat, si ad hujusmodi Beneficium promovendus constitutus sit in minoribus Ordinibus, saltem quando per viam impetrationis, vel præsentationis ad id promovendus est. Si promovendus sit per viam Electionis controversia est. Gloss. *in c. 8. cit. V. providere* putat hodieum requiri Subdiaconatum, nisi in hoc dispensetur. Sed Franc. *ibid. n. 5. prope finem*, & alij DD. communiter tenent, quòd hodie ad Beneficium Parochiale, vel aliud Curatum sine dispensatione promoveri etiam via electionis possit, qui minoribus duntaxat Ordinibus initiatus est. Imò Fagnan. *in c. 5. cit. n. 8.* dicit, in praxi Parochiales Ecclesias etiam Clericis primæ Tonsuræ conferri: quæ tamen praxis non est in nostris partibus.

18 5 In Canonicis Cathedralium, & Collegiatarum Ecclesiarum Jure antiquo facer Ordo non exigebatur, ut rectè notat Gloss. *in Clem. 2. V. Officiis h. tit.* Nunc distinguendum est; nam ut vocem in Capitulo habeant, constituti esse saltem in Ordine Subdiaconatus debent per *Clem. cit.* Ut verò alia Jura Canonicalia, & Præbendas percipiant, subdistingendum est inter Canonicos Collegiatarum, & Cathedralium Ecclesiarum; nam *priores*, ut rectè notat Barbof. *in Clem. cit. n. 3.* non debent esse aliquo Ordine sacro initiati; *posteriores* ex Decreto Trid. *sess. 24. c. 12. de reform.* omnes Canonicatus suis habent annexum Ordinem sacrum, & quidem ita, ut Canonicorum dimidia pars sint Presbyteri. Hæc tamen Constitutio Trid. in Germania nostra non videtur usu recepta, quippe in qua reperiuntur Canonici, qui prima tantum Tonsura initiati sunt, & 14. ætatis annum affecerit, ut dictum est *n. 5.* etsi tales vel nullos, vel non integros recipiant redditus.

Dubitatur, quorum Jurium capaces sint, qui Canonici sunt, & majorem Ordinem non habent? Plura illis competere. 1. Talis Canonicus, etsi in Minoribus solum sit constitutus, stallum in Choro retinet, & alia omnia, quæ extra Capitulum fiunt, peragere potest. Pirh. *hic n. 45.* 2. Si collatio Beneficii ad Canonicum Hebdomadarium per Turnum spectet, potest illud conferre. 3. Potest Capitulum hujusmodi Canonicum committere collationem, vel nominationem Beneficii, cujus nominatio, vel collatio ad ipsum Capitulum spectat. 4. Potest talis Canonicus optate Præbendam, si consuetudo, vel statutum Ecclesiæ non obstat. 5. Si Pontifex cum tali Canonico dispense, ut ante legitimam ætatem ad Ordinem Subdiaconatus promoveatur, is ex tali dispensatione factus Subdiaconus, vocem seu suffragium habebit in Capitulo; quia non ætas, sed Ordo requiritur, ut ad actus Capitulates admitti aliquis possit. Vid. Pirh. *l. c.*

19 6 In promovendis ad aliud Beneficium simplex communi Jure nihil statutum est: unde in his consulenda est consuetudo, & maximè Ecclesiarum Statuta, vel Fundatorum voluntas. Si ex his non liqueat, quòd certus aliquis Ordo requiratur, sufficit prima Tonsura. Hæc tamen necessarium requiretur, neque satis erit, si impetrans Beneficium eandem mox recepturus sit. Neque obstat, quòd aliàs ex trito axiomate proximè accingendus habeatur pro accincto; nam axioma istud locum non habet in substantialibus. prout prima Tonsura est respectu Beneficii; aliàs si etiam in his procederet, is, qui cras certò absolvendus est à Censura v. g. Excommunicationis, hodie quoad effectus Juris pro absoluto habendus esset, quod nemo admittit.

Dubitatur, an ordo facer ratione foundationis censetur annexus esse Beneficio, quando istud sibi ex voluntate Fundatoris habet annexa certa Missarum onera? Nisi expresse, vel tacite cautum in foundatione sit, ut Beneficiarius sit Sacerdos, aut per seipsum Missas præscriptas dicat, non tenetur ille vi talis Beneficii suscipere Ordinem Sacerdotii, sed ejusmodi oneribus satisfacere per substitutum potest juxta Declarationes Cardinalium apud Fagn. *in c. 1. h. tit. n. 65.* & Decisionem Rotæ *ibid. n. 73. & 74.* Proceditque hoc, etsi in foundatione cautum sit, quòd Capellanus celebrare Missas, vel Divinis Officiis deservire debeat, modò non jubeatur per seipsum celebrare, vel deservire; nam universim, & ex generali consuetudine in Beneficio simplici non requiritur personalis residentia; sed sufficit, quòd

ei deserviat per substitutum. Pirhing. *hic numer. 49.*

Quæritur 2. quid Episcopus circa Clericos sibi subiectos quoad Ordines suscipiendos possit? Et 1. quidem dubitatur, quis dispensare possit super Ordinibus Sacris intra annum suscipiendis? Jure communi, & regulariter dispensare solus Pontifex potest: inveniuntur tamen tres casus excepti à SS. Canonibus, quibus potestas dispensandi Episcopo competit. 1. Ex concessione Alexandri III. relata *c. praterea* 5. *h. tit.* olim dispensare poterat cum constitutis in Minoribus, ut obtinere possent Beneficia Parochialia. Modò hac dispensatione opus non est, quia etiam in Minoribus constituti obtinere Beneficia ista possunt, ut dictum est *n. 17.*

2 Ex concessione Bonifacii VIII. *c. cum ex eo* 34. *de elect. in 6.* ut ibidem notat Laym. *n. 1. Barb. n. 4.* cum obtinentibus Ecclesias Parochiales dispensare poterat ex causa Studiorum, ut Presbyteratum intra septennium suscipere non tenerentur, modò intra annum Subdiaconi facti fuerint: de quo quid hodierno Jure dicendum sit, referetur *Lib. 3. tit. 4. n. 59. & seqq.*

3 Per *c. cum ex eo cit. c. relatum* 4. & *c. tua* 12. *de Cler. non resid.* hodieum dispensare potest cum obtinentibus Beneficia Simplicia: quia Jure communi Ordinem Sacrum annexum non habent; in Statuto autem speciali, si per hoc Sacer Ordo exigatur, tanquam in Jure suo, liberè dispensare cum Capituli saltem consensu potest.

4 Ex iisdem textibus dispensare potest cum obtinentibus Canonicatus in Cathedrali Ecclesia, ut donec Studia sua abolverint, quorum causa absunt, Subdiaconatum non teneantur recipere, & tamen fructus, nisi aliud Statuta Ecclesiæ habeant, possint percipere. Vviest. *hic num. 30.*

Dub. 2. An Episcopus Clericos sibi subiectos possit compellere ad suscipiendos Ordines Beneficiis suis annexos? cum distinctione; vel enim hujusmodi promotus nullum impedimentum habet, quod arceat illum ab Ordine, qui beneficio, quo provisorius est, annexus est, recipiendo; vel adest causa justa, seu impedimentum, ob quod ad Ordinem annexum promovendus non est.

*Si primum*, compelli disjunctivè potest, ut vel intra tempus à Jure constitutum Ordinem vi Beneficii requisitum recipiat, vel isto cedat; qui jam non est simpliciter involuntarius, cum retinendo Beneficium etiam subjiciat se obligationi annexæ, cujus adimplerionem urgere potest, & debet Episcopus.

*Si secundum*, multum refert, an impedimentum istud provisorius contraxerit ante affecutionem Dignitatis, aut Beneficii, vel post. *Si ante*, amovendus est à Beneficio; quia impedimentum illud in promotione sua reticere non potuit.

*Si post affecutionem Beneficii*, iterum distinguendum, an propria sua culpa illud contraxerit, vel absque culpa, quia e. g. casu fortuito oculum, aut manum amisit. *Si prius*, non est compellendus ad suscipiendum Ordinem, sed privandus Beneficio per textum *c. ut Abbates* 1. & Gloss. *fin. h. tit.* *Si posterius*, nec privandus est Beneficio, nec ad Ordines compelli debet: non istud; quia istorum est incapax: non illud, ne afflictio addatur afflictio. Gloss. *cit.*

Dub. 3. an Episcopus, vel alius Superior ad suscipiendos Ordines possit compellere Clericum, qui vel nullum habet Beneficium, vel habet, sed tale, cui Ordo certus annexus non est? regulariter non posse, prout sumitur ex *c. quaris* 6. *hoc. tit.* Ratio est, quia regulariter nemo invitatus ad gradum altioris Ordinis promoveri debet *can. gesta* 2. *can. ubi ista* 7. & *can. seq. dist. 74.* imò si eos cogeret Episcopus, puniendus esset, *can. Episcopus* 1. *dist. cit.*

Dixi *Regulariter*; nam si Ecclesiæ utilitas, vel necessitas petat, remediis opportunis ad Ordines suscipiendos compelli possunt, & primò quidem privando illos voce in Capitulo, vel quotidianis distributionibus. *Clem. 2. h. tit.* postea si pœnæ huic non cesserint, subtrahendo ipsis redditus beneficiales, donec Ordines susceperint. Gloss. *fin. in c. 6. h. tit.* & Innoc. *ibid. n. 2. V. compellas*. Denique si perstiterint in contumacia, Beneficiis ipsis omnino privandi sunt, prout habetur *c. tit. in fin.* & tradunt *ibi* Host. Abb. cæterique interpretes.



## §. III.

## De Cateris Qualitatibus Promovendorum.

## S U M M A R I U M.

- 23 Referuntur alie Qualitates requisitæ in promovendis.  
 24 Scientia requisita in promovendis.  
 25 An collatio Beneficii illiterato facta sit valida?  
 26 An aliquando requiratur Gradus Doctoratus, vel Licentie?  
 27 An valida sit collatio Beneficii requirentis Gradum, si is indigno collatus fuit?  
 28 Morum honestas requisita in promovendis.  
 29 An valida sit collatio infami, vel criminoso facta?  
 30 Que Censura reddat collationem invalidam?  
 31 An eam invalidam reddat Irregularitas?  
 32 An præter qualitates Jure communi requisitas possint requiri alie?  
 33. 34. 35 Et præsertim Nobilitas?

23 PRÆter ætatem, & Ordines, de quibus hætenus, etiam aliæ qualitates in præficiendis requiruntur: quæ ad quinque maximè capita reducuntur. 1. *Natales legitimi*; nam universi filii illegitimi ab Ecclesiasticis Beneficiis submoventur, ut dicitur infra *Tit. 17. num. 1. & seqq.* 2. *Genus*; quia SS. Canones excludunt descendentes ex genere maculato circa fidem, ut fusiùs *l. 5. tit. 7. num. 115.* 3. *Conditio Personæ*; ne sit servus, aut conjugatus &c. 4. *Litterarum scientia*; quia illiterati, ut Beneficiorum, ita & Prælatorum, aut Dignitatis Ecclesiasticæ capaces non sunt. 5. *Morum, ac vitæ probitas*; nam irreprehensibilem Clericum esse oportet.

24 QUÆritur 1. quænam in præficiendis requiratur Litterarum Scientia? Resp. in genere loquendo ea in his scientia petitur, quæ ad Officium, Beneficio, vel Dignitati annexum, ritè obeundum est necessaria, ut patet ex *c. cum in cunctis 7. de Elect.* In specie

1 Episcopus ea Sacrarum rerum scientia præditus esse debet, ut alios in sana doctrina cohortari, & eos, qui contradicunt, arguere possit. *Tit. 1. v. 9. & 1. Timoth. 3. v. 2.* ad quod necessarium est, ut tam Theologiæ, quam SS. Canonum, quantum officium ejus requirit, peritia imbutus sit. *arg. can. omnes 6. dist. 38.* Idem dicendum de S. R. E. Cardinalibus, quia Summo Pontifici in regenda universali Ecclesia consiliis suis assistunt, eumque juvant. *Trid. sess. 24. c. 1. de reform.*

2 Alii Prælati Episcopo inferiores, ut Archidiaconi, Archipresbyteri, & similes Præpositi, quorum Dignitati annexa est cura animarum, & Jurisdictio exercenda in foro externo, scire debent Jura, & SS. Canones; quia secundum istos judicare, & sententiam ferre debent. *Abb. in c. cum in cunctis cit. n. 4. Azor. p. 2. l. 6. c. 6. q. 2. §. Archidiaconi.* Pirhing. *hic n. 23.* Vviestner *n. 37.*

3 In promovendis ad Beneficia Parochialia, & alia Curata, quæ non sunt Dignitas, nec Jurisdictionem contentiosam in foro externo sibi annexam habent, requiritur, ut sciant ea, quæ ad Sacramentorum administrationem ritè obeundam, & populum in rebus ad salutem necessariis instruendum pertinent. *can. quæ ipsis 5. dist. 38. c. cum sit 14. h. tit. Piafec. in prax. p. 2. c. 5. ar. 3. num. 11.*

4 In aliis Beneficiis simplicibus distinguendum est, an Ordinem aliquem sibi annexum habeant, vel non. Si primum, promovendi ad hæc Beneficia debent habere scientiam, quæ ad Ordinem annexum requiritur. Si secundum, sufficit, ut sciant legere, construere, cantare, secundum Gloss. in *Clem. un. V. reputamus. de concess. præb.* imò videtur sufficere, ut legere & construere sciant, pro ut in praxi receptum testatur *Garc. de benef. p. 7. c. 7. n. 5.* vel saltem scire debent Latine legere, & intelligere, ut Horas recitare possint. *Azor q. 2. cit. §. in iis.*

25 Dub. 1. an valida sit collatio Beneficii facta illiterato? Quidam apud *Garc. l. cit. n. 12.* putant esse invalidam ipso Jure. Melius distinguitur: Vel enim Beneficium confertur penitus illiterato, vel illi, qui quidem non penitus illiteratus est, scientia tamen per SS. Canones requisita caret.

Si primum, collatio Beneficii est ipso Jure nulla; & quidem ita, ut secundum aliquos in defectu hoc ne qui-

dem Papa dispensare possit, quòd existiment, litteraturam Jure naturali, ac Divino requiri ad Beneficium obtinendum. Contrarium tamen defendit *Azor p. 2. l. 6. cap. 6. q. 4.* ubi vult defectum istum à Pont. dispensabilem esse, ex ratione, quòd Papa Beneficiarium à functione, & Administratione Beneficii liberare, aut per Vicarii, vel Administratoris constitutionem sublevare eundem possit. Et confirmat hoc etiam praxis, quia passim videmus, quòd Papa interdum ex gravi causa cum pueris illiteratis dispenset, ut primam tonsuram accipiant, & Beneficia Ecclesiastica consequantur. *Pirhing hic n. 22.*

Si secundum, & Beneficiarius tantum non habeat scientiam ad Beneficium requisitam, collatio quidem vel promotio non est ipso Jure irrita, est tamen à Superiore irritanda, tanquam contra SS. Canones facta. *c. qualiter 17. & c. dudum 22. de elect.* quia *cavens litteris, sacris non potest esse aptus officiis*, ut dicitur *can. illiteratos 1. dist. 36.* imò talem ad Beneficium resignandum in conscientia obligari, docet *Laym. in c. fin. h. tit. n. 1. Excipitur*, nisi promotor speret se scientiam ad munus suum necessariam non longo post tempore acquisitum; tunc enim retinere Beneficium, vel Dignitatem, ad quam promotus est, potest, sed tenebitur addiscere, quod nescit, quamprimum commodè potest. *Garc. c. 7. cit. numer. 21.*

Dub. 2. an requiratur in promovendis ad Beneficium, vel Dignitatem aliquis Gradus Doctoratus, vel Licentie? Resp. Jure communi antiquo non requiri in illo Beneficio Ecclesiastico: de Jure tamen novo Tridentini Doctoratu, vel Licentiatu ex SS. Theologia, aut Jure Canonico, insignitus, vel saltem ex publico alicujus Academiae testimonio Gradus hoc dignus esse. 1. debet *Episcopus sess. 22. c. 1. de reformat.* 2. *Archidiaconus*, intellige, principalis, qui Jurisdictionem contentiosam fori externi habet. *sess. 24. c. 12. §. Archidiaconi etiam de reform. Garc. c. 7. cit. n. 41. 3. Scholasticus sess. 23. c. 18. §. de cetero. 4. Pœnitentiarius in Ecclesia Cathedrali. sess. 24. cit. c. 8. 5. Vicarius Capituli, Sede vacante. Sess. cit. c. 16.* quod idem dicendum de vicario Generali Episcopi, ut cum communi docet *Az. p. 2. l. 3. c. 43. q. 12.* In cæteris consuetudo loci servari debet; & quamvis S. Synodus *Sess. 24. cit. c. 12.* hortetur, ut in Provinciis, ubi id commodè fieri potest, Dignitates omnes, vel saltem dimidia pars Canonicatum in Cathedralibus Ecclesiis, & Collegiatis insignibus conferantur tantum Magistris, vel Doctoribus, aut etiam Licentiatu in Theologia, vel Jure Canonico, hoc ipso tamen, quia consilium tantum non verò præceptum ponit, id de necessitate non est inducendum.

Dub. 3. an si quis indignè promotus sit ad Gradum Doctoratus, vel Licentie sine scientia competente, impetratio, vel collatio Beneficii, aut Dignitatis Gradum requirentis eidem facta sit valida? Existimant quidam cum Gloss. in *Reg. 16. Cancellar.* ejusmodi promotionem esse invalidam, quia dicunt Gradum ejusmodi non sui, sed scientiæ gratia exigi.

Sed tenenda est affirmativa sententia, quam etiam defendunt *Azor p. 2. l. 6. c. 6. q. 1. Garc. p. 7. c. 7. num. 50.* *Pirhing hic n. 25.* *Vviestner num. 39.* & alii ab his *citt.* quamvis addant, sic promotum Jure naturali, & Divino obligari ad comparandam sibi scientiam ad Officium sufficientem, vel assumere adjutores, quorum consilio, & opera in illo ritè obeundo juvetur. *Ratio assertionis* est, quia talis revera est Graduatius, & sic gaudet privilegiis Graduatorum.

QUÆritur 2. quanta in promovendo ad Dignitatem, vel Beneficium Ecclesiasticum requiratur morum probitas, & vitæ honestas? Resp. Ad hanc tria requiruntur. 1. Ut promovendus non sit *criminosus*, h. e. talis criminis reus, quod depositione dignum sit, vel aliàs Censuram, Irregularitatem, infamiam, & publicam apud alios offensionem post sese trahat; nam hoc si publicè notum sit, & non emendatum, à Beneficiorum, & Dignitatum Ecclesiasticarum consecutione removet *c. cum in cunctis 7. §. inferiora de elect. c. grave 29. de præb. c. eam te 4. h. tit. & Trid. sess. 24. c. 12. de reform.* estque tali casu collatio cum limitatione *n. seqq.* ponenda ipso Jure nulla, ut cum aliis notat *Azor p. 2. l. 6. c. 7. q. 11.* Addidi si publicè notum sit; nam si occultum sit, valebit promotio, cum nullus existat Canon eandem irritans. *Azor l. cit. in fin.*

2 Ut non laboret infamia sive Juris, sive facti; nam infamia



infamibus portæ Dignitatum patere non debent *Reg. infamibus* 87. in 6. Accipitur autem in proposito vox *Dignitas* pro quolibet Beneficio, ut notat Garcias p. 7. c. 8. n. 3. Neque obstat, quod infamia supervenies infamatum non semper ipso Jure privet Beneficio, vel Dignitate obtenta; quia facilius quis repellitur à Beneficio obtinendo, quam dejiciatur, vel privetur obtento c. *super his* 16. de accusat.

3 Ut non sit Censura aliqua ligatus, vel Irregularis, ut ex communi docet Azor c. 7. cit. q. 2. Less. l. 2. de J. & J. cap. 34. num. 116. Pirhing hic num. 29. Vviefner num. 41.

- 29 Dub. 1. an cujuslibet Beneficii Ecclesiastici collatio infami, vel criminoso facta, sit ipso Jure nulla? Resp. cum distinctione, an Curatum sit, vel Simplex.

*Si Curatum*, collatio est ipso Jure irrita, & conf. Beneficium sic collatum ab alio impetrari potest, prout colligitur ex c. *cum in cunctis* 7. §. *inferiora de elect.* uti habetur, quod indignum ad hujusmodi Beneficium eligens pro ea vice eligendi potestate privetur, & sic electio, vel collatio ad Superiorem devolvi debeat: non autem devolveretur pro ea vice, si valeret indigni electio. ergo &c.

*Si verò simplex* duntaxat, & Cura animarum carens, probabiliter provisio, vel collatio infami, vel criminoso facta, licet irritanda sit ab eo, qui potestatem habet, ipso tamen Jure non est irrita, nisi illud crimen annexum habeat Censuram, vel Irregularitatem, seu inhabilitatem aliquam ad Beneficium, ut colligitur ex c. *inter dilectos* 11. de excess. Præbat. & notat Pirh. hic n. 28. ex ratione, quia nullus Canon extat, qui evincat talem collationem, seu provisionem ipso Jure irritam esse.

- 30 Dub. 2. quæ censura reddat collationem Beneficii ipso Jure irritam? Resp. 1. *Excommunicatio*, ut habetur c. *postulatis* 7. de Cleric. excomm. nam Excommunicatus inhabilis est Juris Ecclesiastici obtinendi. 2. *Suspensio ab officio, vel Beneficio*; quia ita suspensus prohibetur exercere officium, vel percipere fructus Beneficii, à quo est suspensus; ergo etiam durante Suspensione inhabilis est, ut novum officium, vel Beneficium consequatur, ne quod una via amittit, alia obtineat. 3. *Interdictum, si illud sit personale*; nam personaliter interdictus non potest officium suum præstare publicè, prout fieri in Ecclesia solet: conf. nec Beneficium, quod propter officium præcisè datur, eidem conferri potest.

- 31 Dub. 3. an promoveri ad Beneficium possit Irregularis? Resp. negativè, ut ex communi docet Az. c. 7. cit. q. 2. Pirh. hic num. 33. & ratio est, quia irregularis inhabilis est ad Officium. igitur cum, uti dictum est, Beneficium præcisè detur propter Officium, etiam inhabilis erit ad Beneficium. Ex quo sequitur, collationem Beneficii, etiam simplicis, Irregulari factam esse ipso Jure nullam: & ita ex communiore renet Garc. p. 7. c. 11. num. 1. 4. & 5. Potro, quæ hætenus dicta sunt de Excommunicatis, Suspendis, & Interdictis, quod scilicet non desint ad Beneficia promoveri, procedunt, etiam si denunciati, vel vitandi non sint, cum ipsis per *Extrav. Concil. Constant.* nullus factus sit favor, ut aliis *citt.* advertit Pirh. hic n. 32. in fin.

- 32 Quæritur 3. an præter relatas hætenus, & Jure communi requisitas qualitates, in promovendis ad certa Beneficia, vel Dignitates statuto, fundatione, consuetudine &c. possint requiri aliæ? Resp. affirmativè; nam omnes fatentur, quod consuetudine, statuto, fundatione induci possit, ut Beneficium conferri debeat Fundatoris consanguineis; vel alicui ex certa familia, civitate, provincia oriundo; item ut requiratur in promovendo Gradus litterarius certus &c.

- 33 Dubium, & celebris controversia est, an per consuetudinem, vel per statutum decerni possit, ut soli Nobiles, & illustres, exclusis ignobilibus, cæterisquæ idoneis, admittantur ad Dignitates, & Canonicatus in Ecclesiis Cathedralibus, vel Collegiatis? Videtur non posse. 1. ex c. *Venerabilis* 37. de præb. ubi exceptio talis consuetudinis rejicitur, & Canonicus contra eam ad Canonicatum provissus, ad Præbendam vacantem jubetur recipi, ex ratione, quia, ut ibidem dicitur, *non generis, sed virtutum nobilitas, vitæque honestas, gratum DEO faciunt, & idoneum servitorem.* 2. *Ex fine institutionis Beneficiorum*; nam Beneficium, cujusunque Ecclesiæ sit, ex institutione suadatur propter officium, & ministerium spirituale in Ecclesia exhibendum Deo. atqui ad finem

istum parum, vel nihil nobilitas Sanguinis, plurimum autem Scientia, & Virtus confert. ergo &c. 3. *Ex Christi exemplo*; quia hinc ut c. *cit.* habetur, *non multos secundum carnem nobiles, & potentes* (nempe solos Paulum, & Bartholomæum) ad Apostolatam elegit, *sed ignobiles, & pauperes.* igitur cum omnis Christi actio nostra sit institutio 1. *Petr.* 2. v. 21. pariter in promovendis ad Beneficia scientia, & Virtus, non nobilitas debeat attendi. 4. *Ex ratione*; quia sicut non est personarum acceptio apud Deum, ita nec debet esse in Ecclesia juxta *can. Recurrit* 2. *caus.* 32. q. 4. ibi *Nec electio muneris quaratur in successione generis, sed in perfectione vitæ, & sinceritate scientiæ.* 5. *Ex damnis Ecclesiarum*; nam ex tali consuetudine fit, ut ad ejusmodi Beneficia promoveantur minus digni, prætermisissis iis, qui Divinarum, & Humanarum rerum scientia, & usu præstant.

Sed dicendum, non tantum fundacione, sed etiam statuto, & consuetudine induci posse, ut ad certas Ecclesias, earumque Canonicatus, & Dignitates tantum admittantur nobiles, & illustres, exclusis ignobilibus, aliis idoneis, modò etiam priores idonei, & cæteris qualitatibus ad hujusmodi Beneficia, & Dignitates requisitis instructi sint. Ita aliis *citt.* docet Pirh. l. 3. tit. 5. num. 113.

Dixi 1. *fundacione*; quia talis modus, pactum, vel conditio, fundacioni appositæ, secundum se, & ex objecto suo non est illicita. Et *confirmatur*, quia frequens, & usu receptum est, ut fundaciones Beneficiorum fiant pro certa familia, aut pro oriundo ex certa civitate, ita ut si idonei sint, reliquis sint præferendi. ergo etiam fieri possunt hujusmodi fundaciones pro solis nobilibus, & illustribus.

Dixi 2. *Statuto*, si hoc Sedis Apostolicæ autoritate sit confirmatum; tum enim vim habebit privilegii Apostolici. Opus autem est, ut Apostolica autoritate ejusmodi statutum confirmetur; aliàs non valebit, cum inferior contra Legem Superioris statuere nihil possit.

Dixi 3. *consuetudine*; nam hac, si immemorialis illa sit, tueri sese Capitulares hujusmodi, dum ignobiles à Collegio excludunt, possunt, etsi fortè talis conditio in litteris fundacionis non sit expressa; quia adest capacitas, tam in præscribentibus, quàm in illis, qui admittuntur.

Quæ omnia confirmantur ex praxi Romanæ Curie, in qua, si mense Papali in aliqua Ecclesia, ubi ignobiles non admittuntur, Canonicatus vacet, iste non confertur, nisi illis, qui per fundacionem, statuta à Sede Apostolica approbata, & consuetudinem legitimè præscriptam requisita nobilitate insignes sunt, manifesto indicio approbationis Apostolicæ.

Neque obstant Argumenta contraria. *Ad* 1. per praxim Curie, & quam hæc supponit, approbationem Apostolicam derogatum est dispositioni c. *venerabilis cit.* *Ad* 2. finis institutionis Beneficiorum jam obtinetur, si, ut in Responsione dictum est, ad hujusmodi Canonicatus, & Dignitates assumantur, qui præter nobilitatem etiam cæteris ad hujusmodi Dignitates, & Beneficia requisitis instructi sunt. *Ad* 3. pauperes Piscatores DEUS ad Apostolatam evexit; quia ut ait Apostolus, infirma mundi elegit DEUS, ut confundat fortia: nunc ea vivimus tempora, quibus non minus splendoris, quàm præsidii ex personarum illustrium ad Clericatum adlectu accrescit Ecclesiæ. *Ad* 4. non est personarum acceptio, si nobiles, & illustres, ignobilibus exclusis, ad Dignitates, & Beneficia, præsertim simplicia assumantur, modo & ipsi idonei sint; licet enim forsasse alii ignobiles forent magis idonei, excessum tamen istum nobilitas supplet. *Ad* 5. Si observentur hæc omnia, quæ hætenus dicta sunt, nullum inde damnum Ecclesiis nascitur.

#### §. I V.

*De Electione inter promovendos ad Dignitates, & Beneficia.*

#### S U M M A R I U M.

- 36 Beneficia Ecclesiastica conferenda sunt dignis.  
37 Conferens Beneficium indigno, cum digno posset, graviter peccat.  
38 In Beneficiis Patrimonialibus, vel iis, quæ debent con-



*conferri alicui de corpore, non est præferenda persona extranea.*

39 *Extra hos casus dignior præferri digno debet.*

40 *Extenditur obligatio hæc ad Episcopatus; & Prælaturas.*

41 *Ad cætera Beneficia Curata.*

42. 43. 44. 45. 46 *Imò ad Beneficia simplicia.*

36 **N**on sunt promiscuè quibuslibet conferenda Beneficia, & Dignitates Ecclesiasticæ, sed dignis, & aliquando etiã dignioribus. Porto *Dignus* ille censetur, in quo non desideratur ulla qualitas ad Beneficium requisita, sive deinde hæc requiratur ex natura ipsius Beneficii, vel Dignitatis, sive ex fundatione, Statuto, vel alio Jure speciali. *Dignior* autem erit, in quo qualitates istæ præcellunt, ut omnibus consideratis, præ aliis idoneus censeatur ad Ecclesiam, cui præficiendus est, regendam, aut officium Beneficii annexum obeundum. Ita communis cum S. Thom. 2. 2. q. 63. art. 2. His notatis.

37 *Certum est* 1. graviter peccare illum, qui Beneficium, vel Dignitatem Ecclesiasticam quacunque confert indigno, cum digno posset. Patet ex c. *cum in cunctis* 7. §. *fin. de Elect. c. grave nimis* 29. de *Præb.* & Trid. sess. 7. c. 3. de *reform.* quibus textibus indignos ad Beneficia eligentibus, vel eadem ipsis conferentibus graves taxantur pœnæ Suspensionis à collatione Beneficiorum, & Jure eligendi, hujusque ad Superiorem devolutione; gravis autem pœna non infligitur, nisi propter grave delictum. ergo &c. *Conf.* ex ratione; quia si Beneficia conferantur indignis, præsertim quando illa Curata sunt, gravissima incommoda Ecclesiæ solent accidere: quæ incommoda, & damna, cum Beneficii collator ex officio, & conf. ex obligatione Justitiæ per digni promotionem cavere debeat, inde sequitur, quod, si indignum promoveat, ex Justitia obligetur ad reparationem omnium damnorum, quæ ex mala indigni à se promoti administratione obveniant Ecclesiæ. Ita Sylv. *V. restitutio* 3. q. 5. Rebuff. in *prax. tit. de pœn. contr. collator. indign. n. 6. & 8.* Pith. *tit. de præb. n. 93.* & alii DD. communiter.

38 *Certum est* 2. Quando Beneficium vi fundationis, aut alterius Juris specialis conferri debet personis certa qualitate præditis, ejusmodi personam, modò digna sit, præferendam extraneæ, quantumvis aliàs digniori; nam hujusmodi conditiones, in fundationibus appositæ, observandæ sunt; ut statuit Trid. sess. 25. c. 5. de *reform.*

*Certum est* 3. Si dignus in gremio haberi possit, nullam esse obligationem vocandi ad Prælaturam digniorem extraneum. Colligitur ex *can. nec emeritis* 12. & duob. seq. dist. 61. & docet communio cum S. Thom. a. 2. cit. Dubium, & controversia est, an detur obligatio præferendi digniorem digno extra relatos casus. Hinc.

39 Quæritur 1. an detur obligatio in Electionibus ad Prælaturas præferendi digniorem digno? Resp. affirmativè. Patet 1. ex *can. Metropolitano* 19. dist. 63. ubi Leo I. præcipit eligendum optimum. 2. ex *can. licet ergo* 15. caus. 8. q. 1. ubi S. Hieronymus disertè monet, *Sacerdotem, h. e. Episcopum ordinandum, qui præstantior est ex omni populo, qui doctior, qui sanctior, qui in omni virtute eminentior* &c. 3. ex Trid. sess. 24. c. 1. de *reform.* docet, *Electores alienis peccatis communicantes mortaliter peccare, nisi quos digniores, & Ecclesiæ magis utiles ipsi judicaverint, --- præfici diligenter curaverint* &c. 4. ex Decreto Innocentii XI. 2. Mart. 1679. ubi idem Pontifex inter Propositiones prohibitas refert numero 47. explicationes illorum, qui asserabant, in dicto Trid. Decreto gradum comparativum sumendum pro positivo, vel si in proprietate linguæ sumendus sit, id locum habere duntaxat in casu, quo sit concursus 5. ex *ratione*; quia Episcopale munus, ut Trid. c. 1. cit. loquitur, tale est, ut, si pro rei magnitudine expendatur, nunquam satis cautum de eo videri possit. igitur, ut caveatur, quantum potest, ad illud munus eligi debet, qui habet omnia ad id requisita, siquidem talis haberi possit; vel si haberi nequeat, eligendus est, qui talia habenti proximus est in perfectione talentorum, & qualitatum necessariorum ad illud munus.

40 Quæritur 2. ad quas Dignitates, & Prælaturas extendatur hæc obligatio? Resp. 1. extenditur ad *Episcopos*; nam de his loquuntur textus *citt.* & procedit præcipuè allata ratio. 2. ad *S. R. E. Cardinales*; nam in ho-

rum creatione S. Synodus Trid. sess. 24. c. 1. §. ea verò de *reform.* voluit omnia & singula exigi, quæ de *Episcoporum præficiendorum vita &c. constituta sunt.* 3. ad *Prælatos alios inferiores, si Jurisdictionem quasi Episcopalem Prælatursæ suæ annexam habeant, sive deinde Regulares illi sint, sive Sæculares*, ut ex communi aliorum sensu docet Sot. l. 3. de *Just. q. 9. a. 2. Vasq. de Benef. c. 2. §. 3. dub. 3.* Carden. *Cris. Theol. dissert. 28. n. 5.* Vvickner *hic n. 59.* juxta Conditionem Imperialem *Novell. 5. c. 9. ibi: qui optimus in Monasterio apparuerit, is Abbas erit.* Ratio est, quia etiam isti exercent munus Pastorale, propter quod ad Episcopatum eligi debet, qui dignior, & Ecclesiæ magis utilis fore judicatur. Accedit, quia digniorum præteritio non levia detrimenta afferret Religiosis familiis; & si pro ipsis præcisè eligi possent digni, via aperiretur ambitioni, & Prælaturas non rarò consequerentur indigni, cum elector, hoc ipso, quod adhibita diligentia aliquis ipsi non appareat esse indignus, eum indignum reputare debeat. c. *fin. de præsumpt.*

41 Quæritur 3. an digniores præferendi obligatio detur etiam in cæteris Beneficiis Curatis? Negant aliqui apud *cit. Carden. num. 10.* Sed alii omnes melioris notæ TT. & Canonistæ cum S. Thom. a. 2. cit. ad 3. affirmant. Patet expressè ex Trid. sess. cit. c. 18. §. *peracto.* & *Const. S. Pii V. quæ incipit in conferendis* edita 15. *Calend. Mart. 1567. §. 7.* qui textus, etsi videantur loqui tantum de collatione hujusmodi Beneficiorum faciendâ per concursum, tamen etiam ad collationem eorundem extra concursum extendendi sunt, cum concursus eo fine præcisè sit institutus, ut sciatur, qui digniores, magisque idonei sint. Ratio est, quia causa præcipua, ob quam obligatio datur digniores promovendi ad Episcopatus, & alias Prælaturas, est Cura animarum: quæ ratio pugnat etiam in habentibus Beneficia alia Curata.

Sed num valida est electio, vel collatio Beneficii, Curato digno facta, præterito digniore? Resp. cum distinctione: Vel enim in concursu facta est, vel extra concursum. Si primum, ipso Jure est irrita, prout docent Gonzal. ad *Reg. 8. Gloss. 4. num. 136.* Rebell. p. 1. de *oblig. Just. l. 3. q. 4. num. 15.* Pal. tr. 13. D. 2. p. 11. §. 3. num. 3. & colligitur ex Trid. quod cap. 18. cit. *prope fin.* provisiones de hujusmodi Beneficiis in persona minùs digna factas pro subreptitiis habet. Et confirmatur ex *Const. S. Pii V. cit.* ubi Pontifex ejusmodi Beneficia dignioribus conferri præcipit, addito Decreto irritante, & præmissa dignioribus, qui præteriti sunt, appellatione. Si secundum, communis est doctrina S. Thom. loc. cit. sic factas collationes, & electiones de Jure subsistere, nec per sententiam rescindendas. Colligitur ex c. *cum nobis* 19. cum inter 21. &c. de *elect.* Ratio est, quia si irritæ essent, aut rescissioni obnoxie, aperiretur via litibus, & calumniis impugnationibus.

42 Quæritur 4. an obligatio digniores præferendi procedat etiam in Beneficiis simplicibus, Curam animarum sibi annexam non habentibus? Negat Gloss. in *can. licet ergo cit. V. qui præstantior.* cum quibusdam aliis, quos citat, & sequitur Garc. p. 7. de *Benef. c. 16. à nu. 16.* Movetur 1. quia obligatio hæc in Beneficiis simplicibus non est Jure cauta, cum isto solum caveatur, ut beneficia non indignis, sed dignis conferantur, prout constat ex c. *cum nobis cit. & c. grave nimis* 19. de *præb.* quibus consonat Trid. sess. 7. c. 3. de *reform.* ubi decernit, ut *inferiora Beneficia Ecclesiastica --- personis dignis, & habilibus --- conferantur.* 2. Quia ex recepta passim consuetudine, & praxi Beneficia hujusmodi Prælati sine scrupulo dignis, etiam dignioribus prætermisiss, conferunt. 3. quia hujusmodi Beneficiatorum præcipuum munus est recitare Officium Divinum, cui æquè satisfieri potest ab iis, qui doctibus, & qualitativis spectatis, sunt minùs digni.

43 Verum his non obstantibus, dicendum, regulariter, & rigore Juris spectato, etiam in his Beneficiis esse obligationem illa conferendi dignioribus præ aliis, qui minùs digni sunt, quamvis probabiliùs non peccetur, nisi venialiter, si contrarium, idque rarò solummodò fiat. Ita cum S. Thom. a. 2. cit. ad 3. docent Vasq. de *Benef. c. 2. §. 3. dub. 1. num. 8.* Pal. tr. 13. D. 2. p. 11. §. 2. num. 8. & alii ab his *citt.* Ostenditur 1. ex c. *fin. de Offic. Custod.* ubi ad munus non Curatum custodiæ jubentur assumi *meliores, & sanctiores.* 2. Ex c. *un. Ut benef. Eccl. fin. dim. conf.* ubi Innocentius III. Archiepiscopo Mediolanensi rescribens, *Debuisse*, inquit, *Ecclesiasticum Officium, & Be-*



¶ *Beneficium in persona magis idonea dispensare*: quo textu non de Curato, sed simplici Beneficio sermonem esse, testatur Pal. *num. 8. cit.* & addit eo textu obligationem personæ magis idoneæ Beneficium conferendi non introduci, sed jam antè ab ipso institutionis exordio inductam supponi. 3. *Ex ratione*; quia in collationibus Beneficiorum minus dignos dignioribus præferens clarè satis committit acceptionem personarum, quæ contraria est Justitiæ distributiæ, & ex genere suo peccatum mortale, præsertim in collatoribus Beneficiorum, & officiorum Ecclesiasticorum, quibus Ecclesia potestatem hæc conferendi dedit, quod speraret, eos Beneficia dispensando meliorem, quo possunt, modo Ecclesiæ particularium necessitatibus, & utilitatibus consulturos.

44 Dixi autem non peccari, nisi venialiter, si ratio hoc fiat; quia Ecclesia plerumque non patitur propterea magnum aliquod damnum; ex damno autem æstimatur peccati gravitas: secus, si passim, & frequenter hoc fieret; tunc enim peccaretur mortaliter. Less. l. 2. de J. & J. c. 34. n. 66. & alii apud ipsum. Addidi regulariter; quia non desunt casus, & causæ, quæ etiam à veniali excusent Electorem, vel collatorem conferentem Beneficium minus digno. Talis est 1. si beneficium sit patronatum: nam ut in *Rubr. tit. de Jur. patron.* communius docent DD. Patronus Laicus potest præsentare etiam minus dignum, & Ordinarius ita præsentatum tenetur instituere. 2. in Beneficiorum renuntiationibus ex causa permutationis, vel in favorem; nam in his non obligatur Ordinarius indagare, an is, in cujus favorem renuntietur, vel cum quo alter permutat Beneficium, revera sit dignior cæteris. Azor p. 2. l. 6. c. 15. q. 10. 3. si excessus dignitatis in uno ex pluribus idoneis sit dubius, aut non valde notabilis; nam parum pro nihilo reputatur. P. Vviesner *hic n. 66.* 4. si id exigat spiritualis necessitas, aut utilitas Ecclesiæ, aut Diocesis, non habentis idoneos ad Beneficia Parochialia, vel alia Curata; nam tali casu non solum non peccabit, sed etiam providè ager collator, si Beneficium simplex primò vacans conferat minus digno, digniorem reservet pro Curato, quod prævidet propediem vacaturum. P. Vviesner *hic n. 69.* 5. Si Elector suffragium suum conferendo in minus dignum, hoc modo impedire possit electionem indigni alias secururam; tali enim casu non solum potest, sed etiam debet digno, prætermisso digniore, suffragium suum dare; quia sic magis procurat bonum Ecclesiæ suæ. Dian. p. 5. r. 5. *resol. 110.*

45 Argumenta in contrarium allata responsionem non difficilem habent. Ad 1. satis colligitur obligatio ista ex textibus, & ratione allegata n. 43. Accedit, quia dici potest, quòd textus ab Adversariis adducti, dum ajunt simpliciter Beneficia conferenda personis dignis, & habilibus, intelligendi sunt relativè ad indignos, quos ibi SS. Canones absolute volvere exclusos, cum digni solum excludantur, quando adest alius dignior. Ad 2. praxin illam, & consuetudinem tolerabilem facit probabilitas sententiæ advertæ: sistendo in rigore Juris abusus potius, & corruptela, quàm vera consuetudo dicenda foret. Ad 3. esto minus dignus æque satisfacere possit obligationi recitandi Divinum officium, ac dignior, magis tamen ex mere Ecclesiæ sit, si Beneficium etiam simplex conferatur digniori, cum quò doctiores, sanctiores &c. ministros habet, eò major sit illius splendor, & dignitas.

46 Quæritur hic aliqui, an eandem obligationem præsentandi digniorem præ digno habeant etiam Patroni tum Ecclesiastici, tum Laici; verùm hæc quæstio melius in locum proprium ad *Titul. de Jur. Patron.* rejicitur. Solum hic noto, si Collator Beneficium etiam Curatum digno conferat, prætermisso digniore, probabilius non teneri ad restitutionem faciendam Ecclesiæ, vel ipsi digniori: non huic; quia huic non sit injuria propriè dicta, cum Jus strictè dictum non habeat, sed tantum latè sumptum, prout hoc dicit aptitudinem, seu proportionem ad Beneficium: non ipsi Ecclesiæ; quia cum inter Ministrum dignum, & Beneficium, ad quod assumitur, sit æqualitas, non intervenit aliqua inæqualitas, quæ per restitutionem reparari debeat.

## TITULUS XV.

## De Sacra Unctione.

## SUMMARIUM.

- 1 Sacra Unctio est multiplex; imprimis in Baptismo.
- 2 Hæc Unctio non est de substantia Baptismi.
- 3 In Confirmatione.
- 4 Admixtio Balsami in hac ad substantiam Sacramenti non pertinet.
- 5 Non potest consecratio Chrismatis committi simplici Sacerdoti.
- 6 In Consecratione Sacerdotali, & Episcopali.
7. 8. 9 Hæc non pertinet ad materiam substantialem Ordinis.
- 10 Apud infirmos.
- 11 Quæ circa extremam unctionem notanda?
- 12 Reliquæ unctiones non Sacramentales.

O Ccasione Ordinationis Clericorum, de qua superioribus Titulis actum est, hic additur de variis Unctionibus sacris ex præscripto Ecclesiæ adhiberi solitis. Sunt autem hujusmodi Unctiones complures.

I. In Baptismo; nam Baptizatus à Sacerdote baptizante ter ungitur, bis ante Baptismum oleo Catechumenorum, primùm in pectore, deinde inter scapulas: & semel post Baptismum Chrismate sacro, in vertice c. *un. §. quia verò h. tit.* ubi etiam harum unctionum, & cur in dictis partibus fiant, ratio redditur.

Dub. an Chrismatica unctio in Baptismo sit de substantia hujus Sacramenti? Videtur respondendum affirmativè. 1. Ob *can. si quis 122. de consecr. dist. 4.* ubi eam omittens, *pro temeritatis ausu, ipse in se suæ damnationis protulisse sententiam* dicitur. 2. quia, ut Gloss. *fin. in cap. 19. de sent. Excomm. in 6.* notat, qui veteri Chrismate utitur in Baptismo, Suspensionis penam incurrit. igitur multò magis, si Chrismationem omnino omittat. 1. quia unctio Chrismatica de substantia est in Sacramento Confirmationis. ergo etiam in Baptismo.

Sed contrà unanimis, & certa T. T. sententia est, nec Chrismaticam istam, nec ullam aliam unctionem esse de substantia Baptismi. Ratio est, quia, quòd de substantia sit, neque ex Divina institutione, neque ex definitione, aut traditione Ecclesiæ habetur: imò ex hac potius habetur contrarium; constat enim quòd Baptismus validè ministrari etiam à Laicis possit, ubi tamen nec Chrismatica ista, nec ulla alia unctio adhibetur.

Neque contrarium probant Argumenta opposita. Ad 1. textu *cit.* solum taxatur temeritas adhibentium Chrismata vetus extra mortis præoccupantis periculum, quòd hoc veteri Ecclesiæ usui, & priscis sanctionibus contrarium sit. Ad 2. In pœnalibus non licet argumentari à paritate, vel etiam majoritate rationis. Ad 3. Chrismatica unctio in Confirmatione constituit materiam Sacramenti, quam non constituit in Baptismo.

II. Adhibetur Unctio in Confirmatione, ubi is, qui confirmatur, inungitur Chrismate in fronte sacro signo Crucis sub præscripta verborum forma c. *un. cit. §. per frontis.* Est autem Confirmatio novæ Legis Sacramentum, quo baptizatis spiritualis gratiæ augmentum, & robur confertur per Chrismatis in fronte unctionem, ad Christianam fidem fortiter, palamque profitendam. Effectus ejusdem est Character, & augmentum gratiæ acceptæ in Baptismo cum speciali auxilio ad bene operandum, & Christi fidem, si opus fuerit, fortiter, liberè, & constanter profitendam. S. Thom. 3. p. q. 72. a. 1. *Materia remota* est Chrisma benedictum ab Episcopo, consecratum ex oleo olivarum, cui balsamum admiscetur. Proxima Chrismatis in fronte unctio. Forma verba *Sigrote signo Crucis, & confirmo te Chrismate salutis, in nomine Patris, & Filii, & Spiritus Sancti, Amen.* Ex quibus tamen juxta communem solum Confirmatio te Chrismate salutis essentialia sunt: possuntque loco horum æquivalentia poni, ut ponunt Græci. Subjectum hujus Sacramenti est omnis homo viator, baptizatus, nondum confirmatus. Minister Ordinarius solus Episcopus. Extraordinarius ex commissione Papæ etiam simplex Sacerdos. Ejus susceptio non est de necessitate præcepti.



cepti. Quæ omnia Theologis, præsertim Moralibus, accuratius examinanda relinquimus.

4 Dub. 1. an admixtio balsami pertineat ad essentiam hujus Sacramenti? Affirmant Suar. 3. p. D. 34. f. 1. Laym. l. 5. tr. 3. c. 2. num. 1. Bonac. D. 3. de Sacram. q. un. p. 3. Pirh. tit. seq. num. 3. nec pauci alii etiam magni nominis DD. & sumunt hoc ex Conc. Flor. ubi Eugenius §. secundum Sacramentum absolute ait, *Materiam hujus Sacramenti esse Chrisma confectum ex oleo, & balsamo*, Accedit Traditio, & usus Ecclesiæ ab ipso Apostolorum tempore hucusque semper receptus.

Sed verisimilior videtur negativa, quam etiam defendunt Cajetan. p. 3. q. 72. a. 2. Navar. Man. c. 22. n. 8. Sor. in 4. dist. 7. q. 1. a. 2. Sà P. Confirmation. 7. Barbof. de Offic. Episc. alleg. 31. n. 3. & alii ab his relati. Sumitur ex c. pastoralis 1. de Sacram. non iterand. ubi Innocentius III. discrete rescribit, in casu, quo confirmandus non chrismate, sed oleo tantum inunctus est, *non esse aliquid iterandum, sed caute supplendum, quod incaute fuerat prætermisum*. atqui si admixtio, balsami pertineret ad substantiam Sacramenti, iterari hoc debuisset in casu dato. ergo &c. Conf. autoritate SS. Cypriani Episc. 70. Basilii de Spirit. Sanct. Episc. 27. Aug. l. 5. de Baptism. c. 20. & aliorum PP. Chrisma appellantium *Oleum Benedictum*, sine balsami mentione, non obscuro indicio, quod per admixtionem balsami essentialiter non constituitur Chrisma.

Ad Argumentum in contrarium allatum dico, in illo Decreto Eugenii recenferi non tantum id, quod de necessitate Sacramenti, sed etiam id, quod de necessitate præcepti ad materiam Confirmationis spectat: cujus explicationis fundamentum sumitur ex contextu: nam §. tertium ibidem dicitur materia Eucharistiæ esse vinum de vite cum modicissimæ aquæ admixtione, & §. quartum materia Sacramenti Penitentiae Satisfactio, licet satisfactio tantum sit pars integralis, & admixtio aquæ de præcepto Ecclesiastico. Ad Conf. traditio illa, & usus non institutionem Divinam, sed præceptum Apostolicum arguit.

5 Dub. 2. an sicut ministratio Sacramenti Confirmationis, ira & confectio Chrismatis simplici Sacerdoti committi possit? Certum est, non posse huic committi ab Episcopo; quia hic neque committere ei potest potestatem administrandi hoc Sacramentum.

Controversia solum est, an committi possit à Papa: In qua affirmativam sustinent Cajetan. p. 3. q. 72. ar. 2. Victoria in Summ. de Confirmat. §. 43. Gobat Experient. tract. 2. num. 745. in fin. cum quibusdam aliis: idque 1. autoritate Concilii Toletani l. can. 2. ubi simplicibus Sacerdotibus prohibetur Benedictio Chrismatis, non tamen pronuntiatur irrita. 2. qui potest facere majus, potest etiam, quod minus est. sed simplex Sacerdos potest efficere majorem Sacramentalem consecrationem S. Eucharistiæ; ergo etiam quamlibet minorem, seu non Sacramentalem. 3. Papa committere simplici Sacerdoti potest ipsam Chrismationem, seu administrationem Sacramenti Confirmationis, ergo etiam potestatem preparandi, seu consecrandi materiam, cum hoc minus quiddam sit, & accessorium.

Sed retinenda est negativa sententia, quam etiam defendunt Henric. l. 3. c. 2. §. 2. & c. 7. §. 4. Conink. D. 2. ar. 3. dub. 1. concl. 4. Laym. l. 5. tract. 3. c. 2. num. 3. Barbof. alleg. 39. n. 6. & alii ab his cit. Sumitur ex Decreto Eugenii cit. ubi dicitur *Materia Confirmationis esse Chrisma confectum ex oleo, & balsamo ab Episcopo benedictum*, ut adeo benedictio Episcopalis partialiter constituat materiam remotam hujus Sacramenti. atqui circa materiam Sacramentorum à Christo assignatam Pontifex mutare nil potest Trid. sess. 21. c. 2. de Communior. ergo Episcopali benedictioni Sacerdotalis subrogari non potest. Conf. ex perpetuo usu Ecclesiæ; neque enim constat, quod Ecclesiæ simplici Sacerdoti unquam commiserit potestatem conficiendi Chrisma, licet ipsi commiserit, & defacto à Gregorio XIII. sibi commissam habeant PP. Societatis JESU in Indiis potestatem administrandi Sacramentum Confirmationis.

Argumenta contraria, etsi probabilitate non careant, in re tamen, quæ Sacramenti valorem concernit, non evincunt intentum. Ad 1. etsi confectio Chrismatis à simplici Sacerdote facta non pronuntiatur expresse irrita, hoc tamen satis colligitur ex praxi Ecclesiæ, quæ si posset

eam Simplici Sacerdoti delegare, aliquando utique præsertim in terris infidelium, delegasset. Ad 2. principium illud, *Qui potest majus, potest etiam minus facere*, locum duntaxat habet in subordinatis, in quibus id, quod minus est, continetur in majore, tanquam pars in toto, & imperfectum in perfecto: non ita se habent duæ potestates, una consecrandi Eucharistiæ, altera consecrandi Chrismi, cum valde distinctæ, & separatæ sint. Ad 3. negatur Conf. quia potestas conferendi Sacramentum Confirmationis non trahit post se necessariò potestatem conficiendi Chrisma: neque deest ratio potestatem hanc denegandi, ut scilicet appareat dependentia, quam simplices Sacerdotes ab Episcopis suis habent.

III. Est Unctio Sacerdotalis: quæ triplex est pro triplici 6 gradu Sacerdotii; nam 1. Papa, qui supremum Sacerdotii gradum obtinet, Chrismate ungitur in capite; quia personam Capitis, scilicet Christum, in Pontificali officio repræsentat. c. un. §. unde in fin. ut. 2. Episcopus itidem Chrismate inungitur à Consecratore in capite, & manibus c. un. cit. §. hoc unguento. 3. Sacerdos simplex oleo Catechumenorum ab Episcopo inungitur in ambabus manibus simul junctis Pontif. Roman. Tit. de Ordinari. Presby.

Dubium est, an Unctio ista sit de substantia Consecrationis Sacerdotalis, vel Pontificalis? Certum est 1. non esse de substantia in Consecratione Summi Pontificis; quia in hac non confertur aliquis Ordo, & Pontifex jam ante Consecrationem suam est Christi in terris Vicarius, summa Potestate ab ipso Christo instructus. Certum satis est 2. eam, licet Ceremonia Ecclesiæ antiquissima sit, ad substantiam tamen Ordinationis Sacerdotalis non pertinere; quia hujus materia quoad potestatem in Corpus Christi verum est traditio Calicis cum vino, & patenæ cum hostia. quoad potestatem in Corpus ejusdem mysticum impositio manuum Episcopi. Laym. l. 5. tr. 9. c. 12. n. 4. cum aliis.

7 Controversia solum procedit de Chrismatica unctione in Consecratione Episcopali. Ysamb. p. 3. de Sacram. Ord. D. 3. a. 4. Medin. de Continent. Cleric. l. 1. c. 17. Franc. Sylvius 3. p. q. 40. a. 5. & quidam alii volunt, illam esse de substantia: idque desumunt 1. ex integra lectione c. un. cit. ubi in princ. ut refert Gonzalez, Innocentius III. discrete ait, unctionem istam in Consecratione Episcopi adhiberi ex præcepto Divino, & Apostolorum exemplo. 2. quia, ut habetur in Pontif. Roman. Tit. de Consecr. Elect. in Episc. antequam unctionem istam receperit Episcopus, solum appellatur *Electus*; statim verò ac illam receperit, dicitur *Consecratus*. 3. quia forma Sacramenti à materia ejusdem, & vicissim materia à forma ita determinari debet, ut sufficienter exprimat effectum Sacramenti; hunc autem non sufficienter exprimunt verba *Accipe Spiritum S.* in manuum impositione in Ecclesia Occidentali adhiberi solita, nisi accedat Unctio Chrismatis. ergo &c.

8 Sed dicendum, verisimilius Episcopalis Consecrationis materiam esse solam impositionem manuum Episcopalem; Formam verò verba illa *Accipe Spiritum Sanctum*; conf. unctionem Chrismaticam ad substantiam ejusdem non pertinere. Ita Gloss. in can. 1. V. tertia dist. 75. Sylv. V. Ordo 2. q. 4. dist. 4. Laym. l. 5. tr. 9. c. 5. n. 1. Pal. tr. 27. D. un. p. 4. n. 1. Gonzal. in c. un. cit. n. 4. Vviesl. hic n. 35. & seqq. Ostenditur 1. quia in S. Script. ubi de consecratione Episcopi sermo incidit, nulla unctionis, sed tantum impositionis manuum Episcopaliū mentio fit, ut patet ex illo Pauli 1. Tim. 4. v. 14. ubi *Noli negligere*, inquit, *gratiam, quæ in te est, quæ data est tibi per Prophetiam* (h. e. verba *Accipe Spiritum sanctum*) *cum impositione manuum Presbyterii*, videlicet Episcoporum. Item 2. Tim. 1. v. 6. ubi *Admoneo te*, ait, *ut resuscites gratiam Dei, quæ est in te per impositionem manuum mearum*. 2. Similiter quando in Conciliis, & à SS. PP. mentio fit de consecratione Episcopali, hæc cum impositione manuum pro eodem habetur, prout patet ex can. 10. & 17. can. 7. Antiocheni, can. 2. Concilii Carthagi. IV. relato can. 7. dist. 23. & S. Dionysio de Hierarch. Ecclesi. c. 2.

3. Ecclesia Orientalis sola manuum, & Pallii impositione in Consecratione Episcopali utitur, omiſſa unctione Chrismatica, non utique hanc omiſſura, si pertineret ad materiam à Christo designatam. 4. Sola manuum impositio cum verbis *Accipe Spiritum sanctum*, debita cum intentione prolatis, jam significat sufficienter effectum Sacramenti, sc. plenitudinem gratiæ, quæ cum Episcopali po-



potestate consecrato confertur, & illapsum Spiritus S. prout patet ex Textibus S. Pauli *citt.* & Trid. *sess.* 23. c. 3. *de sacr. Ordin.* 5. Si omiffa fuisset Chrismatica ista Unctio, ut habetur *c. un. in princ. h. tit.* suppleri debet, non verò iterari ipsa consecratio. atqui non sufficeret illam suppleri, si ad substantiam pertineret. ergo &c.

9 Neque obstant Argumenta opposita, *Ad 1.* Unctio illa præcepti Divini erat in Vetri Testamento, quod præceptum, cum ceremoniale duntaxat fuerit, in Lege nova cessavit, ita ut modò solum adhibeatur tanquam ceremonia accidentaliter ex præcepto Ecclesiastico. *Ad 2.* respondet P. Vviestner *hic n.* 39. id fieri, quia Pontificale Rom. noluit se immiscere controversiæ præsentis: hinc *Consecrati* titulum non tribuit Episcopo, usque dum completa sint Ceremoniæ omnes, & omnium calculo Electus habeatur pro Consecrato. *Ad 3.* Patet ex Argumento nostro 4. allato *n. præc.*

10 IV. Est Unctio extrema. Definiri communiter solet, quòd sit novæ Legis Sacramentum, ad salutem mentis, vel etiam corporis per Unctionem Olei, & orationem Sacerdotis homini ægrotanti, & vita periclitanti, à Christo Domino ordinatum, ut colligitur Jacob. 5. v. 14. & 15. Flor. *Decret. fidei.* §. *quintum.* & Trid. *sess.* 14. c. 1. *de extrem. unct.* & docent ibi DD. *Materia ejus remota est Oleum Olivatum, ab Episcopo benedictum.* Flor. & Trid. *l. cit. Proxima unctio Olei benedicti in oculis, auribus, naribus, labiis, manibus, pedibus, & renibus, quæ tamen ultima in fœminis semper, & plerumque etiam in maribus omittitur ob decentiam, & honestatem. Forma consistit in verbis Sacerdotis: Per istam sanctam unctio- nem, & suam piissimam misericordiam indulgeat tibi Deus, quidquid deliquisti per visum, auditum &c.* Ex quibus ad substantiam pertinent ea saltem, quibus denotatur Unctio cum deprecatione, ut infirmo à Deo peccata remittantur. Subjectum est homo viator, baptizatus, ratione aliquando usus, & constitutus in infirmitate lethali, siue illa deinde ex veneno, siue ex quocunque accidentatio morbo eveniat. Minister est Sacerdos: quicunque, ut validè; proprius Parochus, vel cum licentia hujus, ut licetè administretur.

11 Circa hanc Unctionem sunt notanda sequentia. 1. Oleum hoc debet esse benedictum ab Episcopo. Flor. & Trid. *l. cit.* potest tamen probabiliter ejus benedictio à Papa delegari etiam simplici Sacerdoti; nam id fit in Ecclesia Orientali, & morem istum approbavit etiam Clemens VIII. in Instructione de Ritibus Græcorum relata *Constit.* incipit *Sanctissimus* edita 31. Aug. 1595.

2 Si Oleum consecratum pro aliquo anno non sufficeret, Parochus id advertens, affundere ei potest aliud non consecratum; nam si hoc faciat in quantitate minori, totum consecratum evadet. *quod in dubiis 3. de consecr. Eccl. vel Altar.* & ratio est, quia magis dignum ad se trahit id, quod minus dignum est. Neque obstat, quòd vinum non consecratum mixtum consecrato in Sanguinem Christi non transcat; nam benedictio olei non immutat physicam substantiam olei, sicut tamen verba consecrationis immutant substantiam panis, & vini: unde cum verba ista non operentur, nisi quando existunt physice, sequitur, quòd postquam pronuntiata sunt, nihil efficere possit mixtio.

3 Oleum hoc ex traditione Apostolica *can. litteris* 18. *de consecr. dist.* 3. debet esse novum, siue eo anno benedictum, nisi aliud necessitas exigat; hac enim urgente, vetere oleo, donec novum ab Episcopo petatum afferatur, inungi morituros posse, existimant Laym. *l. 5. tr. 8. c. 2. n. 4.* Barb. *de Offic. Paroch. c. 22. n. 25.*

4 Etsi, quando id sine periculo potest, inungendi sint omnes quinque sensus, id tamen probabilius non requiritur ad substantiam Sacramenti, sed sufficit, si unus saltem inungatur, adhibitis verbis *Per istam sanctam Unctionem, & suam piissimam, misericordiam indulgeat tibi DEUS, quidquid deliquisti per visum, auditum, odoratum, gustum, tactum, & incessum. Amen.* Gobat. *Exper. tr. 8. n. 794. & alii communiter.*

5 Quamvis verba formæ deprecatoria esse debeant, ut liquet ex illo Jacob. 2. 14. *citt. Orent super eum,* & usu Ecclesiæ, non tamen requiritur, ut sint deprecatoria formaliter, sed sufficit, si talia sint virtualiter, qualis est illa forma Ecclesiæ Mediolanensis: *Ungo te oleo sanctificationis in nomine Patris, & Filii, & Spiritus Sancti, ut more militis uncti, preparatus ad certamen aereas superare possis*

*potestates:* & illa, quæ habetur in Libro Sacramentali Venerorum approbata à Leone X. quia ex mente proferentium Deprecationis ad Deum directæ vim habent.

6 Non est denegandum hoc Sacramentum Senibus ad mortis articulum sola senectute deductis; nam etiam ipsa morbus est: nec pueris rationis usum habentibus: nec furiosis, & amentibus, si aliquando mentis fuerunt compotes, & Christianè vixerunt: nec denique iis, qui ex repentino morbo, vulnere, casu omni sensuum usu sunt destituti; nam etsi isti externa aliqua actione, vel signo petere illud nequeant, ex vita tamen præterita Christianè acta præsumuntur id desiderare, vel desiderasse. Barb. *de Offic. Paroch. c. 22. à n. 12.*

Hæ quatuor unctiones Sacramentales sunt, præter 12 quas Ecclesia adhuc alias quasdam habet; nam 1. Imperator, & Reges oleo Catechumenorum unguntur in dextero brachio seu humero; quia in his partibus potissimum designatur Principatus juxta illud Isai. 9. *factus est Principatus super humerum ejus.* Ita *c. un. §. unde h. tit.*

2 Inungitur Ecclesia ab Episcopo in parietibus, dum dedicatur. *c. un. cit. §. ungitur h. tit.*

3 Altare, cum consecratur, ab Episcopo inungitur prius oleo simplici, & deinde Chrismate in cornibus *can. altera 32. de consecr. dist. 1.*

4 Calix quando ab Episcopo, vel alio privilegiato benedicatur, Chrismate inungitur in superficie.

## TITULUS XVI.

### De Sacramentis non iterandis.

#### SUMMARIUM.

- 1 Quenam Sacramenta iterari possint, vel non?
- 2 Quid faciendum, quando aliquid in Administratione Sacramentorum est ommissum?
- 3 An Confirmatio iterari debeat, quando confirmatus unctus est oleo tantum, non Chrismate?
- 4 Quomodo supplenda impositio manuum ommissa in Ordinatione Presbyteri?
- 5 An iteranda sit Consecratio Episcopi, quando iste unctus est Chrismate confecto ex balsamo artificiali?
- 6 An saltem Unctio Chrismatis tali casu supplenda sit?

Sicut in priore Titulo occasione Ordinationis de Sacra Unctione, ita in præsentem eadem occasione de Sacramentis, & eorum prohibita iteratione subjicitur.

Quæritur 1. quanam Sacramenta iterari possint, vel non possint? Resp. Ex septem novæ Legis Sacramentis quatuor, videlicet Eucharistia, Pœnitentia, Extrema Unctio, & Matrimonium iterabilia sunt, ut constat ex variis Juris Canonici textibus, & perpetua praxi Ecclesiæ. Cætera tria, sc. Baptismus, Confirmatio, & Ordo sine sacrilegio iterari nequeunt, quòd in suscipientis anima imprimant Characterem, ut definitum est à Trid. *sess. 7. can. 9. de Sacram. in gen.* Proceditque hoc, etiam si hæc Sacramenta suscipiantur fictè, i. e. cum conscientia peccati mortalis; etsi enim stante obice non conferant gratiam, tamen hoc per pœnitentiam remoto, reviviscunt, ut adeo iteratione illorum opus non sit. Neque obstat *can. manus 74. caus. 1. q. 1. ubi S. Augustinus, Manus, inquit, impositio* (quo nomine Sacramentum Confirmationis venit *c. un. §. per frontis. tit. præc.*) *non sicut Baptismus, repeti non potest; quid enim est aliud, quam oratio super hominem;* quia textus iste, ne S. P. sibi pugnet, dum *l. 2. contr. Epist. Petilian. c. 104.* Confirmationem expressè negat iterabilem esse, non de Confirmatione, aut Ordine, sed de alia manu impositione deprecatoria intelligi debet, eaque vel Curatoria, qua infirmi curabuntur *Marc. ult. v. 18. vel Reconciliatoria, qua post Baptismum in hæresin lapsi, & pœnitentes Ecclesiæ reconciliabantur &c.* ut aliis *citt.* explicat Pal. *tr. 20. p. 6. n. 4.*

Quæritur 2. quid faciendum, siquid in Administratione Sacramentorum per oblivionem, aut errorem ommissum sit? Resp. cum distinctione: vel enim ommissum est tantum aliquid *accidentale*, sicut fit, quando in Baptismo omittuntur insufflationes, exorcismi, inunctiones, alique similes ritus: & tunc quia ritus isti substantiales non sunt, id solum, quod ommissum est, suppleri debet, & ple-



plerumque solet . Vel contrà omisum est aliquid *substantialiale* , v. g. merio , aut affusio aquæ in Baptismo , unctio in confirmatione , traditio Calicis cum vino , & patenæ cum Hostia in Ordinatione Presbyteri &c. & tunc , quia sine his Sacramenti collatio nulla , & irrita est , omnibus substantialibus de novo adhibitis , conferri denuo Sacramentum debet , & sine propriè dicta iteratione potest ; quia tali casu non ipsum Sacramentum , sed aliquorum tantum substantialium prius sine effectu facta collatio iteratur ex doctrina Innocentii III. *c. fin. de Presbyt. non baptiz. ibi non intelligitur iteratum , quod ambigitur esse factum* .

Quæritur 3. an Confirmatio iterari debeat , si Episcopus per errorem non *Chrismate* , sed Oleo *benedicto* confirmandum unxerit ? Resp. nihil tali casu iterandum , sed cautè supplendum , quod incautè fuit omisum , ut expressè respondit Innoc. III. *c. pastoralis 1. h. tit. & ratio est* , quia , ut *Tit. præc. n. 4.* dictum est , Unctio Chrismatica non est de substantia Sacramenti Confirmationis , sed sufficit , si confirmandus ungatur simplici oleo . *Dubium est* , quomodo suppletio fieri possit ? Vel enim ita suppletur , ut confirmatus ungatur solo balsamo , quod unicum tali casu deerat ; & tunc quia balsamum non est Chrisma , non diceretur unctus Chrismate : Vel ita suppletur , ut ungatur etiam Cbrismate ; & explicari non potest , quomodo non iteretur ipsum Sacramentum . Resp. Tali casu suppletionem faciendam esse per inunctionem Chrismatis , sed sine repetitione formæ , vel saltem cum intentione non conficiendi Sacramentum , sed tantum supplendi defectum . Engl. *hic n. 5.*

Quæritur 4. quomodo intelligendum sit , quod in *c. fin. h. tit.* dicitur , si in Ordinatione Presbyteri *Manus impositio* omissa sit , nihil innovandum , sed illa tantum supplenda sit , cum tamen manus impositio non sit mera Ceremonia , sed materia substantialis illius Ordinationis , qua Sacerdoti datur potestas remittendi peccata ? Duplex ad hoc quæsitum responsio à DD. datur . Una dicit *c. cit.* sermonem esse solum de prima manuum impositione , quæ sit ab Episcopo , & cæteris Presbyteris præsentibus , antequam Ordinando tradatur Calix cum vino , & patena cum Hostia . Hæc quia Deprecatoria tantum non consecratoria est , idcirco omissa per errorem valorem Ordinationis non vitiat , & propterea ob hanc omissionem nihil substantialis est iterandum .

Altera fatetur eo loco sermonem esse de altera etiam impositione manuum , quæ Consecratoria est , cum per eam tradatur Ordinato potestas ligandi , & solvendi peccata . Quia tamen hæc potestas est per se separabilis à potestate conficiendi Corpus , & Sanguinem Christi , idcirco AA. hi dicunt , hac posteriori potestate legitime collata , nihil iterandum , sed tantum supplendam , sive subiiciendam manuum impositionem secundam cum verbis : *Accipe Spiritum Sanctum* &c. ut Ordinatus accipiat etiam potestatem in Corpus Christi Mysticum .

Dub. est , an , sicut quando omissa est hæc manus impositio , non iteranda est tota Ordinatio , ita etiam sufficiat suppleri defectum , quando posita impositione manuum , omissa est traditio Calicis cum vino , & patenæ cum Hostia ? Resp. Negativè ; quia potestas in Corpus Christi Mysticum essentialiter supponit in Ordinato potestatem in Corpus Christi verum , ita ut illa sine hac non possit consistere . Quare si Episcopus , omissa traditione Calicis , &c. qua Ordinato datur potestas conficiendi Corpus , & Sanguinem Christi , eidem per impositionem manuum contulisset potestatem ligandi , & absolvendi , utrumque suppleri deberet , primum , quia omisum ; alterum , quia illegitimè collatum .

Quæritur 5. an casu , quo Episcopus consecratus est adhibito Chrismate , quod confectum est ex oleo , & balsamo , non naturali , sed artificiali , iteranda sit Consecratio tum ipsius Episcopi , tum Sacerdotum ab eo ordinatorum ? Videtur repetendam ; quia in dubio , quando agitur de Administratione Sacramentorum , præsertim eorum , à quibus hominis salus dependet , id , quod tutius est , sequi oportet *c. fin. de Presbyt. non baptiz.* atqui in casu proposito dubium est , an valeat huiusmodi Consecratio , cum non desint DD. qui verum balsamum velint esse de substantia Chrismatis , & hoc factæ Consecrationis Episcopalis . igitur eo casu sequendum , quod tutius est : tutius autem est in tali dubio iterari Consecrationem &c. ergo &c.

Sed dicendum , nihil hoc casu iterandum esse . Pater ex *Tit. præc. n. 8.* ubi ostensum est , Chrismaticam unctionem in Consecratione Episcopi ad substantiam Sacramenti non pertinere , sed tantum requiri ex præcepto Ecclesiæ : in iis autem , quæ præcepto Ecclesiastico duntaxat introducta sunt , si aliquid omisum sit , iterationi substantialium locus non est , quando agitur de Sacramento Characterem imprimente , & initerabili . ergo &c.

Ex quo cadit Ratio dubitandi allata ; nam Sacramentum Characterem imprimens tum solum iterari potest , quando valor ejusdem est dubius ; non est autem dubius valor Consecrationis Episcopalis etiam sine balsamo vero factæ , quippe quam pro valida Jura sustinent , etiam si Chrismatio sit omnino omissa *c. un. in princ. de sacr. Unct.*

Dubium est , an tali casu saltem supplenda sit Unctio per Chrisma confectum ex vero balsamo ? Videtur supplendum , tum quia præcepto Ecclesiastico adhiberi debet ; tum quia etiam suppleri debet unctio Chrismatis , quando confirmatus unctus est solo oleo , & impositio manuum , quando hæc omissa est in collatione Presbyteratus , vel Diaconatus , licet neutra de substantia sit .

Sed dicendum , suppletionem hac opus non esse . Ita responsum à Sede Apostolica , super hac re consultata , testatur P. Vvies. *hic n. 15.* Ratio est , quia etiam balsamo artificiali verum balsamum admisceri solet , ut adeo præceptum Ecclesiæ per unctionem Chrismatis ex balsamo artificiali confecti jam impletum esse censeatur . 2. Ratio , quare Chrismati præcipiatur misceri balsamum , est , ut significetur nitor conscientiæ , & bonæ famæ odor , ad quos effectus spirituales specialis gratia Sacramentalis datur . atqui ad hos effectus significandos perinde conducit Chrisma confectum ex oleo , & balsamo artificiali , ac conducit confectum ex naturali . 3. Si suppleri deberet in Episcopo hæc Chrismatio in casu dato , suppleri etiam deberet in Sacerdotibus ab eo ordinatis , & aliis ab ipso confirmatis , qui cum plurimi sint , & per varias civitates , imò Dioceses , & provincias dispersi , præter scandalum , aliæque incommoda , etiam moraliter impossibilem huiusmodi suppletionem faciunt .

Multò minùs iterandum aliquid erit casu , quo Sacerdos per errorem oleo Catechumenorum ungeret infirmum ; licet enim diversa sit hujus , & olei infirmorum benedictio , in substantia tamen non differunt .

## TITULUS XVII.

De Filiis Presbyterorum Ordinandis , vel non .

Hactenus de Ordinandorum , & Præficiendorum Qualitatibus : nunc examinandum est , quænam impedimenta Canonica eosdem removeant tum ab Ordinibus , tum à Beneficiis & Dignitatibus . Hoc Titulo proponitur Impedimentum Natalium . Nigrum rubro est amplius , quia non tantum de Filiis Presbyterorum , sed etiam de aliis illegitimè natis agitur .

## §. I.

De Filiis illegitimis in genere , & de horum incapacitate ad Ordines , & Beneficia .

## SUMMARIUM.

- 1 Ab Ordinibus repellantur omnes illegitimi ?
- 2 Etiam si hic eorum defectus sit occultus .
- 3 Quid sentiendum de Expositis ?
- 4 Quid de susceptis ex Conjugibus , quorum unus , vel uterque ligatur Voto solemniter ?
- 5 Irregularitas hæc tollitur quatuor modis .
- 6 Præcipue Professione Religiosa .
- 7 Cujus effectus manet etiam in ejectis , & dimissis .
- 8 Solus ingressus in Novitiatum Vitium istud non tollit .
- 9 Nec Professio Religiosa quoad Pralaturas , & Beneficia Curata .
- 10 Quod etiam dicendum de feminis quoad Abbatias , & Prioratus illarum .
- 11 Quis dispensare cum illegitimis possit ?
- 12 Quid in hac re possit Episcopus ?



13 Quid Superiores Regulares cum subditis suis Regularibus?

14 An Dispensatio super defectum Natalium impetrata sit stricta, an vero lata interpretationis?

1 **Q**Uæritur 1. quinam ob defectum natalium ab Ordinibus, & Beneficiis repellantur? Resp. omnes illegitimè nati, ut statuitur *c. ut filii* 1. & seqq. *h. tit.* Ratio sic statuendi multiplex fuit. 1. quia, tanquam personæ viles, & infames, Ordine Clericali, Beneficiis, & Dignitatibus Ecclesiasticis reputantur indigni. *c. inter dilectos* 11. *de excess. Prælator.* 2. in detestationem paterni criminis, quod Jus plerumque etiam in filiis temporaliter punit. *c. vergentis* 10. *de hæretic.* ut per id puniatur pater ob magnum affectum parentum in filios, qui mala filiorum sæpe magis sentiunt, quàm propria. 3. ob timorem paternæ incontinentiæ, cujus imitatores præsumuntur futuri, *can. si gens.* 10. *dist.* 56.

*Proceditque hoc* l. ut neque ad minores Ordines absque dispensatione promoveri possint, ut constat ex *c. is qui* 1. *h. tit. in 6. Procedit* 2. ut incapaces sint Beneficia non solum curata, sed etiam simplicia *c. is qui cit. Procedit* 3. etiam de Dignitatibus, Personatibus &c.

2 Dub. 1. an Irregularitas hæc locum habeat etiam casu, quo defectus natalium est occultus? Negat Alphons. à Castro l. 2. *de leg. Pæn. c. ult. concl.* 3. quia etiam criminis occultus, peracta pœnitentia, admittitur ad Ordines. *c. ex tenore* 4. *de tempor. Ordin.* Accedit, quia nemo tenetur manifestare vitium suum occultum, nulla sua culpa contractum, sicque seipsum infamare.

Sed tenenda est affirmativa sententia, casu, quo Ordines recepturo certum esse laborare isto defectu. Ita communis TT. & Canonistarum, & sumitur ex *c. filii cit.* & *c. fin. h. tit.* quibus textibus filii illegitimi, generaliter, & indistinctè ab Ordinibus, & Beneficiis repelluntur.

*Excipitur* 1. si de defectu natalium dubitaretur: tali enim casu præferenda essent benigniora secundum communem Regulam, quæ maximè procedit in Irregularitatibus, cum ista non contrahatur, nisi in casibus Jure expressis *c. is qui* 18. *desent. excom. in 6.*

*Excipitur* 2. si gravis causa urgeat ad Ordines suscipiendos, & dispensationem petendo filius illegitimus se, vel parentes graviter infamaret, saltem apud Episcopum, vel Papam; tunc enim sine dispensatione ordinari posset Pirh. *hic n. 9.*

*Excipitur* 3. si sola mater, vel etiam pater dicat, eum natum esse ex adulterio; nam si aliunde probati nequeant illegitimi ejusdem natales, ipse verò in domo paterna educatus, & pro filio habitus sit; præsumptionem Juris pro se habet, qua stare potest etiam contra utriusque parentibus assertionem. Pirh. l. *cit. in fin.*

Ex quo cadit Argumentum contrarium; nam criminis ab Ordinibus solum repellitur propter infamiam, quæ sine publica criminis notitia non incurritur. *Ad Conf.* Illegitimus occultus per hoc se non manifestat, quod abstineat ab Ordinibus, & alium statum ingrediatur.

3 Dub. 2. an Ordines sine dispensatione suscipere possint Expositi, si alii, de quibus dubitatur, an sint legitimi? Negant Covar. in *Clem. si furiosus* p. 1. n. 9. Garc. de *benef. p. 7. c. 2. n. 8. & seqq.* Suar. de *Censur. D. 50. f. 4. n. 3.* & alii ab his *citt.* Rationem dant 1. quia in dubio præsumptio facienda ex his, quæ frequentius contingunt, cum id verisimilius sit. atqui Expositi frequentius illegitimi sunt, quia ferè omnes, & ut Garcias existimat, ex certum expositis plures, quàm nonaginta ex illicito coitu procreati sunt. ergo &c. 2. quia legitimi natales dependent ex justis nuptiis. hæ autem consistunt in facto, quod non præsumitur. ergo &c. 3. quia Expositi demonstrare nequeunt certum patrem. hi autem, qui certum patrem demonstrare nequeunt, dicuntur Spurii l. *vulgo concepti* 23. *ff. de stat. homin.*

Sed præferenda videtur affirmativa sententia, quam etiam tucntur Menoch. l. 6. *præf.* 54. n. 20. Pal. tr. 13. *D. 4. p. 1. §. 1. n. 9.* Barbosa, in *Rubr. de infant. & languid. exposit.* n. 3. Vviesl. *ibid.* n. 10. & plures alii ab his *citt.* Ratio est. 1. quia in dubiis semper præsumenda sunt benigniora reg. 56. *ff. de R. J.* præsertim quando agitur de favore prolis *c. ex tenore* 14. *qui fil. legit.* atqui dubium est, an Expositus ejusmodi sit legitimus, vel non; quia non raro etiam legitimi ob paupertatem, vel aliam similem cau-

sam exponi solent. ergo &c. 2. quia in dubio non præsumitur delictum *c. fin. de præsumpt.* & l. *merito* 51. *ff. pro Socio.* hoc autem fieret, si Expositi illegitimi esse præsumerentur, cum sic ex fornicatione potius, quàm ex legitimo thoro nati præsumerentur. ergo &c. 3. quia *c. lator* 5. &c. *pervenit* 11. *qui fil. legit.* Adversario obiciendi defectum natalium injungitur onus probationis. hoc autem non injungeretur ipsi, si in dubio non esset standum pro legitimitate. ergo &c.

Neque contrarium probant Argumenta opposita. *Ad* 1. hoc casu concurrunt duæ præsumptiones, ex quibus fortior est, quæ peccatum excludit, & favet proli. *Ad* 2. in dubio quisque præsumitur esse, qualis de Jure debuit: conf. præsumitur procreatus ex justis nuptiis, licet ista sit quæstio facti. *Ad* 3. Spurii dicuntur, qui demonstrare patrem certum non possunt, nisi pro legitimitate ipsorum sit præsumptio.

Dub. 3. utrum dispensatione indigeant filii, qui ex patre, post matrimonium contractum uxoris consensu ad Ordinem sacrum promoti, vel Religionem approbatam professi, sunt procreati; Ratio dubitandi ex una parte est, quia ejusmodi filii sunt procreati ex matrimonio justo, adeoque legitimi; ex altera autem parte procreati ex parentibus ligatis voto solemnè ab omnibus reputantur Spurii, utpote procreati ex damnato coitu.

Sed distinguendum est, an matrimonium ante susceptionem Ordinum, vel Professionem Religiosam fuerit ratum tantum, an etiam consummatum. *Si primum*, illud Professione solvitur: conf. proles ab ejusmodi parentibus procreata juxta omnes erit Spuria. *Si secundum* proles hujusmodi *civiliter*, hoc est, quoad successionem hereditariam, ceteraque Jura legitimis competentia secundum Leges Civiles habebitur pro legitima, ut probat allata ratio. *Canonicè* tamen, sive quoad Ordines, & Beneficia Ecclesiastica reputari debebit pro illegitima; conf. dispensatione indigebit, ut obtinere hæc possit, prout apertè colligitur ex *c. litteras* 14. *h. tit. & Declarat. Cardd. apud Garc. p. 7. de Benef. c. 3. n. 18.*

Proceditque hoc non tantum de natis ita ex patre Sacerdote, sed etiam de natis ex Diacono, Subdiacono, Religioso, ut benè advertit Pirh. *hic n. 11.* Neque obstat, quod *c. litteras cit.* solum loquatur de filiis Presbyterorum; nam is casus istius *cap.* fuit: de cetero, ratio, ob quam talis filius, ex Sacerdote, & uxore ante Sacerdotium ducta genitus, ad Ordines, & Beneficia sine dispensatione promoveri nequit, non est Ordo Sacerdotalis, sed votum solemnè continentiæ ei annexum, quæ ratio pugnat etiam in ita natis ex Diacono, Subdiacono &c.

Dub. 4. quot modis Illegitimi capaces fieri Ordinum, & Beneficiorum possint? Resp. posse quatuor præcipue modis. 1. per subsequens Matrimonium parentum *c. conquestus* 1. &c. *tanta* 6. *qui fil. legit.* 2. Rescripto Papæ, eos per absolutam legitimationem natalibus justis restituentis. 3. Professione Religiosa. 4. Dispensatione. De prioribus duobus modis ex instituto sermo erit *Libr. 4. tit. 17.* de posterioribus plura hic examinanda. Quare ulterius.

QUæritur 2. quid efficiat Professio Religiosa in illegitimis quoad Ordinum susceptionem? Resp. facit, ut sine dispensatione ad Ordines quoscunque, etiam si non illegitimi tantum, sed etiam spurii sint, promoveri possint. Patet ex *can. Presbyterorum* 1. *dist.* 56. &c. *ut filii*, 1. *h. tit.* quibus textibus in specie id conceditur de filiis Presbyterorum, qui verè spurii sunt, cum inter eorum parentes ob alterius Votum solemnè Matrimonium consistere non potuerit. Eundem effectum ex *Bulla* Gregorii XIII. incipit *Ascendente* habent Vota Societatis post biennium Novitiatus in Societate emitti solita; quia licet simplicia duntaxat sint, ea tamen emittentes verè Religiosi fiunt; his autem Natalium defectus non obstat, quo minùs ordinari possint, ut patet ex *can. & c. cit.*

Dub. 1. an inhabilitas ista quoad Ordines in Religio-nem per Sedem Apostolicam approbatam professis tollatur ita, ut si Professione edita, è Religione ejiciantur, aut dimittantur, post ejectionem, vel dimissionem Ordines quoscunque sine dispensatione possint suscipere? Ratio dubitandi est 1. quia in talibus cessat causa, qua ad Ordines, & ministerium sacrum sunt habilitati, ut proinde locus sit Regulæ sumptæ ex *c. cum cessante* 60. *de appellat.* 2. Quia etiam Novitii, qui à Superioribus suis Regu-lati-



laribus vi privilegii à Clem. IV. indulti à Censuris reservatis sunt absoluti, in eas reincident, si revertantur ad sæculum, igitur illegitimè nati reincident in irregularitatem pristinam, si ejiciantur, vel dimittantur ex Religione.

Sed retinenda affirmativa sententia, quam etiam descendunt Suar. *de Censur. D. 50. f. 5. n. 14. Sanch. l. 5. Moral. c. 5. n. 14. Barbof. in c. 1. h. tit. n. 2. Pirhing hic n. 6. Vviestner n. 11. Ratio est, quia reincidentia hæc in Irregularitatem frustra fingitur, cum nullum habeat fundamentum in Jure, sed potiùs ex hoc colligitur, id vitium Professione Religiosa absolute tolli.*

Neque obstant Argumenta contraria. *Ad 1.* Causa sublata per Professionem Religiosam Irregularitatis natalium est Jus, quatenus præmiare actum illum Heroicum voluit, quo Religiosus dimisso sæculo, & rebus omnibus, etiam propria sua voluntate se abdicavit: quæ causa non cessat, etiam si ille è Religione ejiciatur, vel dimittatur. *Ad 2.* Negatur *Conf.* & paritas; quia de reincidentia Novitii in Censuras Jure est constitutum, de reincidentia ejecti, vel dimissi post emissâ Vota substantialia in Irregularitatem ex defectu natalium nihil constitutum est Jure.

- 8 Dub. 2. an Irregularitatem ex defectu Natalium tollat etiam ingressus in Religionem educationis, vel probationis causa? Affirmat Rodriq. *tom. 1. Regul. q. 13. n. 4.* & videtur hoc colligi *ex c. ut filii 1. h. tit.* ibi *Vel in Congregatione Canonica regulariter viventes &c.* quæ verba generalia sunt, & etiam Novitiis accommodari possunt, *Conf.* nam in favorabilibus Clerici, & Monachi nomine veniunt etiam Novitii, & ingressus Religionem dicitur etiam ille, qui ingressus est Novitiatum. igitur cum vis ista tollendi vitium natalium tribuatur Religionis ingressui, eandem habebit etiam Novitiatus.

Sed satis certa est negativa sententia, videlicet vim tollendi vitium Natalium competere soli Professioni, & Votis, per quæ quis Religiosus efficitur. Ita Suar. *de Censur. D. 50. c. 5. n. 12. & 14. Sanch. l. 5. Moral. c. 5. n. 12. & 13. Pirhing hic n. 6. Vviestner n. 12.* & alii ab his *citt.* & colligitur *ex can. Presbyterorum 1. dist. 56.* ubi Urbanus II. *Presbyterorum filios*, ait (idem dicendum de aliis illegitimis) à *Sacris Altaris ministeriis removemus, nisi aut in Cœnobii Religiosè probati fuerint conversati*, i.e. nisi fiant Monachi, vel Canonici Regulares: quod expressius habetur *c. ut filii 1. h. tit.* ibi *nisi Monachi fiant*, scilicet propriè, & cum effectu, quod primum fit emissis Votis substantialibus Religionis.

Neque urgent verba *citt.* ex eodem *cap.* nam per ea solum significatur, quod non tantum Monachi, sed etiam Clerici, seu Canonici Regulares per Religionis ingressum, & Professionem in illa liberentur ab Irregularitate contracta ex defectu natalium. *Ad Conf.* licet alibi Religiosorum, & Monachorum nomine etiam veniant Novitii, hæc tamen eo nomine intelligi nequeunt: ratio est, quia cum legitimatio ad Ordines fiat ad rem quandam stabilem, & perpetuam, non expediebat legitimari aliquem ad Ordines, donec Statum Religionis perpetuum assumpsit; aliàs fraus contra legem fieri posset, si Novitius illegitimè natus Ordines Sacros susceperet, & ante Professionem iterum egrediretur. prout liberè potest.

- 9 Dub. 3. quæ vis sit Professionis Religiosæ in illegitimis ad Prælaturas, Dignitates, & Beneficia? Videtur pariter quoad hæc Irregularitatem tollere; nam Professio Religiosa dissolvit matrimonium ratum, cujus vinculum est longe fortius, ergo multò magis tollet inhabilitatem ad Ordines, Prælaturas, & Beneficia. Sed etsi verum sit *Ant.* falsa tamen est *Conf.* nam Status Religiosus non habet illam repugnantiam cum Irregularitate ad Ordines, & Beneficia, quam habet cum Matrimonio. *Dicendum* igitur est, per Professionem Religiosam illegitimos non reddi habiles ad Prælaturas *per c. ut filii 1. junct. Gloss. V. pralationem h. tit.* Estque hoc verum, etsi non sint perpetuæ, sed temporales, vel triennales duntaxat. *Pirh. hic n. 7.*

An iisdem interdicta sint etiam Beneficia inferiora, controversia est inter DD. Affirmat Suar. *de Censur. D. 50. f. 5. n. 15.* quod *c. ut filii cit.* illegitimis Professis sola SS. Ordinum susceptio permittatur. Navar. *l. 1. Conf. 3. n. 2. & seqq. Abb. in c. 1. cit. n. 6. Fagn. ibid. n. 20. Pirh. hic n. 7. Vviestner n. 14.* & alii ab his *citt.* distinguunt, & iis interdicta censent Beneficia Curata, non ramen Beneficia,

officia, & administrationes Ecclesiasticas curam animarum annexam non habentes, saltem si temporales illæ duntaxat sint: & sumunt hoc *ex c. fin. h. tit.* ubi hujusmodi illegitimi à solis Prælaturis, Personatibus, & Beneficiis Curatis remonentur: quod etiam confirmat praxis. *Pal. tr. 16. D. 2. p. 8. n. 9.* etsi sententiam hanc in praxi sequendam dicat, putat tamen, rigore Juris spectato, hujusmodi Professos illegitimos neque à Beneficiis Curatis removeri, excepta sola Prælatura. igitur in sensu contrario assumi poterunt ad alia Beneficia, & officia regularia, quæ non sunt Prælatura. *Ad c. fin. cit.* ait, ibi sermonem duntaxat esse de Clericis sæcularibus.

Dub. 4. an defectus natalium etiam obstat in fœminis evehendis ad Abbatis, & Prioratus? Negant Rodriq. *tom. 1. Regul. q. 13. a. 21. Mirand. tr. de Monial. q. 6. a. 3.* & non pauci alii. Idque 1. quia ut *Novell. 5. princ.* dicitur, Professio Religiosa *omnem maculam humanam detergit.* 2. quia *c. ut filii cit.* dum illegitimos à Prælaturis repellit, loquitur de solis filiis. igitur cum dispositio illius sit odiosa, ad filias extendi non debet *arg. Reg. Odia 15. in 6.* 3. quia Abbatis, & Prioratus Monialium non sunt Prælatura, cum non habeant Jurisdictionem Ecclesiasticam. 4. quia aliàs Professio Religiosa nihil operaretur in fœminis illegitimis.

Sed verius dicitur, quod etiam fœminæ illegitimè procreatæ, seclusis specialibus Ordinum Privilegiis, Abbatiarum, & Prioratum obtinendarum incapaces sint, nisi cum iisdem dispenseretur. Ita Abb. *in c. 7. de elect. n. 6. Fagn. in c. 1. h. tit. n. 38. & seqq. Barbof. ibid. n. 7. Pirh. hic n. 8. Vviestn. n. 16.* & alii apud ipsos, sicque declaratum est à S. Congreg. Cardd. & receptum consuetudine, teste Donat. *tom. 4. prax. Regul. tr. 7. q. 37. n. 15.* & *Pal. p. 8. cit. n. 12.* Ratio est, quia *c. 1. cit.* illegitimi Professi arcentur ab omni Dignitate, seu Prælatura, est autem Officium Abbatissæ, & Priorissæ quædam Dignitas, ut constat *ex c. indemnitate 43. §. sanè vers. verum siquæ ibi ut à Dignitate desiciatur adepta.*

Neque adversantur allata in contrarium. *Ad 1. c. filii cit.* Prælaturæ expressè excipiuntur, atqui nomine Prælaturæ, etsi verè tales non sint, veniunt etiam Abbatis, & Prioratus Monialium, cum iis insignes Prælationis officio fungantur in omnibus, quorum fœminæ capaces sunt. *Ad 2.* non est novum, quod in Constitutionibus, etiam pœnalibus, & odiosis, sub masculino etiam comprehendantur fœminæ, præsertim quando eadem in utrisque est ratio. Imò in hoc casu ita fieri patet ex *Constit. Sixti V.* edita contra illegitimos, ubi specialiter addit, quod eam nolit extendi ad fœminas, manifesto indicio, eas, si specialiter non exciperentur, de Jure comprehendendas. *Ad 3.* patet ex Responsione *Ad 1. Ad 4.* Professio Religiosa in fœminis non est sine effectu, licet enim ad Prælaturas non habiliter, habilitat tamen ad cetera omnia, quorum mulier professa capax est, ut notat *Sanch. l. 5. mor. c. 5. n. 19.*

Quæritur 3. quis dispensare possit cum illegitimis ad Ordines, Beneficia, & Dignitates Ecclesiasticas? Resp. 1. Ita dispensare potest Pontifex cum omnibus Christi fidelibus in ordine ad quoscunque Ordines, Beneficia, Dignitates, & Prælaturas, prout certum est apud omnes. Distinguendum tamen est inter Ordines Majores, & Minores; item inter Beneficia Curata, & simplicia; nam ad Ordines Majores, & Beneficia Curata de Jure communi dispensare solus Pontifex potest, ut patet *ex c. fin. h. tit.* & expressius *c. is qui eod. in 6.* Estque hoc ita verum, ut neque Legatus Sedis Apostolicæ potestatem istam ordinariè habeat, nisi hoc ei specialiter à Papa concessum sit, ut notat *Gloss. in c. is qui cit. V. Sedis Apostolicæ.*

*Dubitatur*, an recurrendum sit necessariò ad Pontificem, quando defectus natalium est occultus? Negat cum nonnullis *Dian. p. 3. tr. 1. Miscell. res. 21.* ex ratione, quia Irregularitas ex defectu natalium orta est ex delicto occulto parentum; atqui Episcopi per *Trid. sess. 24. c. 6. de reform.* facultatem habent dispensandi in omnibus Irregularitatibus provenientibus ex delicto occulto, præterquam ex homicidio voluntario, & iis, quæ deducta sunt ad forum contentiosum. ergo &c. Sed dicendum, etiam hoc casu opus esse Dispensatione Apostolica. Ita Suar. *de Censur. D. 50. f. 5. n. 5.* cum communi. Ratio est, quia ut Suar. *l. cit.* monet, Irregularitas ex delicto occulto illa duntaxat censetur, quæ orta est ex delicto proprio ipsius Irregularis, & non ex alieno, qualis in casu nostro



nostro est Irregularitas ex defectu natalium. Ex quo cadit argumentum oppositum.

Quodsi tamen quis habens defectum natalium Ordines bona fide ob ignorantiam defectus suscepisset, Episcopus dispensare cum eo posset, ut in susceptis Ordinibus ministeret, si impedimentum occultum sit.

- 12 Ad Ordines minores, & Beneficia simplicia dispensare cum illegitimis potest Episcopus, & alii Prælati inferiores obninentes Jurisdictionem quasi Episcopalem. Patet ex *c. is qui 1. h. tit. in 6.* Quoad beneficia tamen facienda est multiplex exceptio; nam 1. *Excipiuntur* Dignitates, & Personatus, etiam sine Cura; quia hæ Curatis beneficiis æquiparantur *c. dudum 54. de Electione.*

*Excipiuntur* 2. Canonicatus Ecclesiarum Cathedralium; quia hi ex Decreto Trid. *sess. 24. c. 12. de reformat.* Ordinem sacrum sibi annexum habent, ad quem cum Episcopus illegitimum habitare nequeat, neque cum ipso dispensare ad Canonicatum poterit, nisi prius hoc defectu laborans à Pont. dispensationem acceperit ad suscipiendum Ordinem sacrum.

*Excipitur* 3. Canonicatus Ecclesiæ etiam Collegiatae, si à Capitulo statutum sit, ut ad illum illegitimus non admittatur, & Statutum hoc vel juratum sit ab ipso Episcopo, vel confirmatum à Sede Apostolica; quia Episcopus Juramentum proprium sine causa relaxare non potest; per Confirmationem autem Statutum tale transit in Jus Pontificium. *Less. l. 2. de J. & J. c. 34. n. 87.*

*Excipitur* 4. Beneficium quodcumque simplex, quod actu requirit Ordinem sacrum vel secundum Jus commune, vel secundum consuetudinem Curiae Romanae, vel secundum Statutum Ecclesiæ particularis juratum, aut à Sede Apostolica confirmatum, ob rationes allatas. *Pirh. hic num. 16.*

*Excipiuntur* 5. etiam cætera Beneficia, si sita sint in Ecclesia, ubi pater illegitimi Beneficiarius est, vel fuit, ut dicitur *Num. 15.*

In reliquis casibus etsi dispensare Episcopus ad Beneficium simplex possit, non tamen ita, ut illegitimus dispensatus obtineat plura, quam unum, saltem si unum illorum ad congruam sustentationem sufficiat, ut colligitur ex *c. is qui 1. in princ. h. tit. in 6.* quod loquitur in singulari, & expressius §. *ille verò ibid.* ibi nequit prætextu dispensationis hujusmodi, nisi unicum beneficium obtinere.

- 13 3. Ex Privilegio Apostolico Mendicantibus concessio à Sixto IV. dispensare cum subditis suis Regularibus possunt eorum Superiores, prout videre est apud *Rodr. tom. 1. Reg. q. 13. a. 6.* quam facultatem revocavit à Sixto V. restituit Gregorius XIV. & concessit, ut Prælati Regulares dispensare cum illegitimis possint etiam ad Prælaturas, sed non nisi in Capitulo Generali, vel Provinciali, ut refert *Rodrig. l. cit. Mirand. Man. Prælat. tom. 1. q. 19. a. 3. & tom. 2. q. 2. a. 2.* apud quem legi possunt & Sixti V. & Greg. XIV. Constitutiones.

*Dixi ex privilegio;* nam de Jure communi cum Religiosis illegitimè natis dispensare ad Prælaturas potest solus Pontifex. Patet ex *c. ut filii 1. & c. fin. h. tit.* Proceditque hoc etiam de Prælaturis intra Ordinem; nam textus *citt.* generaliter loquuntur.

- 14 *Dubitatur,* an Dispensatio impetrata super defectu natalium exigat interpretationem strictam, an verò latam admittat? *Ratio dubitandi est,* quia etiam facultas dispensandi & legitimatio per Rescriptum facta est interpretationis latæ. Sed non est paritas: *non cum facultate dispensandi;* quia hæc non adversatur Juri communi, neque cedit in præjudicium tertii, sed potius cedit in salutem, & commodum plurimorum, quibus aliàs ad Summum Pont. cum magnis expensis, & molestiis recurendum fuisset: adeoque favorabilis est: *Non etiam cum legitimatio per rescriptum;* quia ista est natalium integra, plenaque restitutio, ac singulare Beneficium Principis, quod cæteris paribus, latam interpretationem habet. Aliter res se habet in ipsa dispensatione, quæ hoc ipso, quod à Jure communi exorbitet, odiosa est, & restringenda.

*Ex quo sequitur* 1. si quis dispensatus à Papa sit simpliciter, ut non obstante defectu natalium possit suscipere Ordines, Dispensationem illam intelligendam non de sacris, sed de minoribus duntaxat Ordinibus. *Barbos. de Offic. Episc. alleg. 45. num. 4.* Aliud dicendum, si quis dispensatus esset ad Ordines Sacros; is enim vi hujus dispensationis tacitè censeretur etiam

dispensatus ad Ordines minores. *Barb. l. cit. num. 5.*

2. Dispensatio, quæ data est etiam ad Ordines sacros, extendenda non est ad Beneficia, nisi ad simplex; quia Ordines, & Beneficia sunt quid diversum. *Rebuff. in prax. tit. de Dispens. sup. def. natal. n. 48.* Excipitur Beneficium simplex; nam Jura mandant SS. Ordinibus initiato de Beneficio provideri *c. proposuit 6. hic.*

3. Dispensatus simpliciter ad Beneficia, non hoc ipso dispensatus censetur ad Beneficium Curatum; quia ad hoc major requiritur idoneitas. *Pirh. hic n. 22.*

4. Dispensatus ad Beneficia quæcumque non potest vi talis dispensationis promoveri ad Dignitates, & Personatus. *Pirh. l. cit.*

5. Dispensatus etiam ad Dignitates non potest propterea promoveri ad Dignitates, quibus cura animarum annexa est. *Az. p. 6. c. 3. q. 6.*

6. Dispensatus ad dignitates etiam Curatas vi talis Dispensationis non potest obtinere Dignitatem principalem in Ecclesia Collegiata, aut principali proximam in Cathedrali; quia istæ juxta Stylum Curiae debent specialiter exprimi. *Barb. l. cit. n. 14.*

7. Dispensatus ad Dignitates Ecclesiasticas quascunque non ideo censetur dispensatus ad Episcopatum, vel Cardinalatum; nec dispensatus ad Episcopatum promoveri potest ad Archiepiscopatum; quia etiam hæ Dignitates ob excellentiam suam specialem expressionem requirunt. *Barb. alleg. 1. n. 17.*

8. Dispensatus ad unum Beneficium, eo relicto, sine nova dispensatione non potest obtinere aliud; quia dispensatio super priore Beneficio jam est sortita effectum suum, & ideo nihil ultra operatur. *Pirh. n. 24.* Aliud foret, si non dispensatus, sed revera legitimatus fuisset; tunc enim nova dispensatione ad novum Beneficium opus non haberet, cum per legitimatorem sit omnino sublatus defectus natalium. *Pirh. l. cit.*

An dispensatus ad Beneficium dispensatus etiam censeatur ad Pensionem Ecclesiasticam, controvertunt DD. Mihi placet sententia affirmativa, quam etiam tenet Colendissimus Antecessor, & Professor meus P. Jacob. Vviest, *hic n. 28.* & probat Decisionibus Rotæ, quæ in *Una Legione* 10. Oct. 1577. disertè tenuit, illegitimum Ecclesiasticæ Pensionis incapax non esse, nisi quatenus incapax est Clericatus, quæ incapacitate submota, hoc ipso etiam fiat capax Pensionis.

## §. I I.

### De Filiis Clericorum in Specie.

#### S U M M A R I U M.

- 15 An, & quomodo filii illegitimi Clericorum arceantur à Beneficiis paternis, & Ecclesiæ paternæ.
- 16 Quibus casibus incapacitas hæc procedat.
- 17 An etiam apud Regulares?
- 18 Filius, etiam legitimus, non potest patri succedere in Beneficio.
- 19 Potest pater filio.
- 20 Dispensare in hoc impedimento potest solus Pontifex.
- 21 An in beneficio avi &c. succedere possit istorum nepos legitimè natus ex filio legitimo?
- 22 An etiam ex filio illegitimo?
- 23 An iste in eadem Ecclesia cum avo obtinere Beneficium possit?

**F**ilii Presbyterorum, & Clericorum possunt esse legitimi, si scilicet ante Clericatum ex legitima uxore sint procreati; & illegitimi, si procreati sunt post Ordinem sacrum susceptum. De utrorumque capacitate ad Beneficia tum paternæ, tum Ecclesiæ paternæ agitur. Et hinc

Quæritur 1. an, & quomodo filii illegitimi Clericorum arceantur à Beneficiis paternis, & Ecclesiæ paternæ? Resp. horum, maximè Presbyterorum, filii illegitimi, etiam si dispensationem super defectu natalium obtinuerint, obtinere tamen non possunt ullum Beneficium, aut quoquo modo ex officio (aliud est, si liberè, & ex devotione) ministrare in Ecclesia, in qua ipsorum pater Beneficium aliquod quodcumque habuit: & si in tali Ecclesia instituti, vel recepti sint ad ministerium aliquod,



mod, inde amoveri debent. Ita clari textus c. 2. 3. 4. 5. & 16. h. tit. quorum dispositionem renovavit Trid. sess. 25. c. 15. de reform. ubi ratio datur, ut *paterna incontinentia memoria locis Deo Sacratiss...* longissime ceatur.

Dub. 1. quibus casibus incapacitas hæc procedat? Resp. 1. locum habet etiam in filiis illegitimis Clericorum, susceptis ante Clericatum, ut declaravit S. Congreg. apud Garc. de Benef. p. 6. c. 3. n. 15. 2. in susceptis à patre Clerico, etiam in minoribus solum constituto. Garc. l. cit. n. 4. 3. etiamsi huiusmodi illegitimi filii pater in Ecclesia non fuerit Canonice institutus, sed simplex tantum officium, e. g. Cantoris, Sacristæ sine titulo exercuerit, ut iterum declaratum à S. Congreg. testatur Garc. l. cit. n. 68. 4. Quamvis pater in Ecclesia sedem, seu locum v. g. in ejus Choro habuerit sine fructibus, solum ratione Dignitatis, in alia Ecclesia obtineat, ut ab iisdem Cardd. declaratum perhibet Garc. n. 66. 5. Quamvis filius illegitimus Religiosus sit factus; nam etiam iste à Beneficio, & sacro ministerio in Ecclesia, in qua pater Beneficium obtinuit, arceri debet ob generalitatem Jurium. Laym. inc. 2. h. tit. n. 2. Dixi in qua beneficium obtinuit? nam

Dubitari 2. potest, an in eadem Ecclesia Regulari filius illegitimus, & ejus pater possint simul esse Monachi, vel Canonici Regulares? Resp. distinguendo inter Jus antiquum, & novum Constitutionis Gregorii XIV. incipit Circumspecta editæ Idib. Mart. 1590. & extat apud Quarant. in Summ. Bullar. V. monasteria. Illo poterant simul esse Professi in eodem Monasterio, ut colligitur ex c. ad abolendam 16. h. tit. quod solum prohibet, ne filii illegitimi Canonici fiant in Ecclesiis secularibus, in quibus instituti sunt patres eorum: unde cum id, quod de uno prohibetur, de alio permittatur, censendum est tacite permitti, ut in Ecclesiis Regularibus recipi possint filii illegitimi, in quibus patres eorum Religionem professi sunt. At hoc posteriore Gregoriano filius illegitimus in Religione, vel Monasterio, in quo patet sive ante, sive post nativitatem dicti filii professus fuit, ipsius patre vivente, admitti non potest. Ex quo ipso tamen per contrarium sensum videtur colligi posse, quod patre mortuo talis illegitimus in eadem Religionem, seu Monasterium recipi possit.

Quæritur 2. an & quomodo filii legitimi arceantur à Beneficiis, quæ patres eorum obtinuerunt in titulum? Resp. de his c. ad extirpandas 11. c. Michael 13. c. Dilectus 17. h. tit. statuitur, ut etiam ipsi sine dispensatione Papæ incapaces sint ad immediatè obtinenda Beneficia, quæ patres eorum in titulum, tanquam Rectores, aut Vicarii perpetui obtinuerunt, idque ad tollendam speciem successionis hereditariæ, quæ in Beneficiis Ecclesiasticis --- Sacris Constitutionibus odiosa, & Patrum Decretis contraria est, ut loquitur Trid. sess. 25. c. 7. de reform.

Dixi 1. ad obtinenda immediatè Beneficia; nam si inter patrem, & filium legitimum intercessisset alia persona extranea, & in patris Beneficio ministrasset, hoc obtinere filius absque dispensatione possit, ut decidit c. ex transmissa 7. h. tit. Ratio est, quia sic successionis hereditariæ vitium purgatur, cum filius non tam patris, quam intermediæ illius personæ extraneæ successor foret.

Dixi 2. Beneficia, quæ in titulum &c. nam Beneficium, in quo pater tantum habuit Vicariam, seu Administrationem temporalem, obtineri à legitimo ejus filio etiam immediatè potest, c. constitutus 8. h. tit. Ratio est, quia tali casu, collatio facta filio speciem hereditariæ successionis non refert, cum Pater in illo Beneficio titulum, seu jus in re non habuerit.

Dixi 3. quod obtinuit Pater; aliud enim Beneficium in eadem Ecclesia non tantum post patrem, sed etiam cum illo obtinere non prohibetur filius legitime natus, ut expressè habetur c. adhuc 12. h. tit.

Dub. 1. an sicut filius in Beneficio patris, ita etiam pater in Beneficio filii prohibetur immediatè succedere? Affirmat Host. in c. 7. hoc tit. n. 9. & alii apud Fagn. ibid. num. 26. Rationem dant, quia can. Apostolica 7. caus. 8. q. 1. Successio in Beneficiis generaliter prohibetur; sicut autem filius succedit patri in bonis hereditariis, ita & pater filio suo præmortuo: ergo &c. Conf. quia eadem est ratio in utroque ex correlativis: igitur idem etiam Jus esse debet.

Sed communior cum Abb. Butrio, Garc. &c. concedit Schmalzgrueber Tom. I.

patrem succedere posse in Beneficio filio, etiam immediatè: idque 1. quia ejusmodi successio in Jure Canonico nusquam est prohibita. 2. quia Jura, quæ successionem filii in Beneficium paternum prohibent, sunt odiosa, ut multis videtur: & esto, quod favorabilia sint, ut n. 21. innuam, filii tamen in proprietas veterum debet, & conf. de filiis ad patres non extendenda. 3. quia pater succedere in Beneficio potest etiam filio suo illegitimo, ut declaratum à S. Congreg. notat Barb. de Offic. Episc. alleg. 65. n. 17. in fin.

Ex quo cadit argumentum contrarium; neque enim jus successionis ita propriè in ascendentibus, sicut in descendentibus (quos ipsa naturalis ratio ad successionem vocat) intercedere intelligitur.

Dub. 2. quis dispensare cum filio legitimo possit, ut 20 patri suo in eadem Ecclesia, & eodem Beneficio immediatè possit succedere? Resp. solus Papa, adeoque nec Episcopus, nec etiam Legatus Sedis Apostolicæ, nisi ex commissione speciali, c. dilectus 17. h. tit. Ratio est, quia generatim loquendo nullus præter Papam dispensare potest in Canonibus universalibus, nisi id obtentum sit privilegio, aut introductum consuetudine legitime præscripta.

Quæritur 3. an id, quod hucusque statutum ostendimus 21 de filiis, etiam intelligendum sit de nepotibus Clericorum? Certum est non posse istis succedere nepotes eorum illegitimos; quia nec aliorum Beneficiorum absque dispensatione capaces sunt, ut dictum est Num. 1.

Dub. 1. an in Beneficio avi, patrui, avunculi &c. immediatè succedere possint horum nepotes legitime nati? Resp. cum distinctione; nam nepotes in linea collateralis probabilius non prohibentur succedere etiam immediatè. Sumitur ex c. ex parte 12. de Offic. Deleg. & c. non sine 2. de arbit. Ratio est, quia inter collaterales non est tanta necessitudo successionis, ac proinde causa prohibitionis cessat.

Idem DD. non pauci affirmant de nepotibus per lineam rectam descendentibus; putant enim etiam hos sine distinctione succedere immediatè in Beneficium avi posse ex ratione, quia filiorum nomine ex propria significatione non minus non comprehenduntur nepotes, sed solum ex interpretatione quadam, quæ non habet locum in dispositione filiis odiosa, sed in favorabili tantum.

Sed verius videntur sentire, qui cum Host. in Summ. hic §. qui filii Presbyterorum vers. sed nunquid discrimen faciunt, an pater nepotis adhuc superstes sit, an verò mortuus: vivente patre nepos immediatè post avum obtinere ejusdem Beneficium potest, non autem eodem mortuo. Ratio est, quia mortuo patre, in patris locum subintrat filius; hinc filii loco censetur, & avo succedit §. sui autem 2. Inst. de hered. qualit. conf. tota ratio prohibitionis locum in eo habet, videlicet ut vitetur hereditaria successio in Beneficiis. Hæc autem causa cessat, quando pater adhuc in vivis est; nam hoc vivo, nepos etiam legitimus succedere avo in bonis ejusdem nequit.

Neque urget ratio posita in contrarium; nam etsi hæc dispositio non sit favorabilis respectu filiorum, est tamen favorabilis respectu Ecclesiæ, ideoque in ea filiorum nomine comprehenduntur etiam nepotes illorum.

Dub. 2. an succedere immediatè in Avi Beneficio possit etiam nepos ex ejus filio illegitimo legitime natus? Affirmat cum aliis Garc. de benef. p. 7. c. 3. n. 21. imò extendit ad nepotes etiam illegitimos: quod declaratum esse à S. Congr. Cardd. testatur n. 27.

Ego cum Pirh. hic n. 38. & aliis ab ipso cit. utor distinctione, qua num. præc. & dico, posse nepotem legitime natum ex filio illegitimo in Beneficio avi succedere vivente patre, non verò post mortem patris, si hic, pater scilicet legitimatus fuit, & succedere potuit in bonis paternis.

Ratio primi est, quia quod pater sit illegitimus, non obstat filiis ex eo legitime susceptis debet, cum nepos non ita repræsentet incontinentiam avi, ut filius patris, & licet filius præsumatur esse similis patri, non tamen avo nepos.

Ratio secundi, quia Jus hereditariæ successionis, patre mortuo, in ejusmodi nepotem transit: unde si hic avo succederet in Beneficio, successio ista haberet speciem hereditariæ successionis. Conf. quia ut num. præc. dictum



etum est, neque nepos legitimè natus ex filio legitimo tali casu avo suo immediatè succedere potest in Beneficio.

Addidi *si pater legitimatus succedere potuit &c.* nam si succedere iste non potuit, eò quòd vitium natalium in ipso purgatum non sit, nihil impedit, quin succedere avo possit nepos ex tali patre susceptus, ob rationem allatam pro primo Responstionis membro.

Dub. 3. An nepotes legitimi ex filio illegitimo procreati Beneficium possint obtinere in Ecclesia, in qua Beneficium avus obtinet, vel obtinuit? Negat Engl. *hic num. 4.* motus ratione Concilii, ut *paterna incontinentia memoria quam longissimè arceatur*, ut habetur *sess. 25. c. 15. de reform.* Verum textus iste non obstat; quia etiamsi Beneficium in Ecclesia avita obtineat nepos, adhuc paternæ incontinentiæ memoria arceatur longissimè in filiis, dum hi ad huiusmodi Beneficia obtinenda in Ecclesia paterna incapaces redduntur.

Unde melius cum Pirh. *hic num. 52.* & aliis ab hoc citr. tenetur affirmativa sententia. Ratio est; quia Concilium *l. cit.* paternæ, non avitæ incontinentiæ memoriam arcere intendit. Accedit, quia Decretum hoc Trid. & Constitutio Clem. VII. odiosa est, quippe quæ principaliter tendunt ad tollendam memoriam incontinentiæ paternæ in odium ejus, & liberorum illegitimorum. in odiosis autem, & pœnalis neque avus patris nomine, neque nepos nomine filii venit, ut cum aliis notat Covar. *l. 2. var. c. 8. n. 2.*

Ex quo sequitur, etiam nepotem illegitimum, si dispensationem obtinuerit super defectu natalium, non prohiberi amplius, quin in Ecclesia, in qua avus obtinuit Beneficium, in id ipsum huius Beneficium consequatur, prout declaratum à S. Congreg. testatur Garc. c. 3. *cit. n. 27.* & Barb. *Alleg. 65. n. 18.*

## TITULUS XVIII.

De Servis non Ordinandis, & eorum manumissione.

### SUMMARIUM.

- 1 Definitio Servorum, & horum varietas.
- 2 Incapacitas eorum ad Ordines.
- 3 Modus duplex, quo ista tollitur.
- 4 Quid Juris, si defacto servus aliquis ordinetur?
- 5 An filius fam. sine patris licentia ordinari possit?
- 6 Quid Juris, si Servus Religionem in scio domino ingreditur?
- 7 An servus à Domino post susceptos Ordines revocatus gaudeat privilegio Clericali?

Post vitium natalium, quod est impedimentum originis, sequitur de Servitute, quod est impedimentum conditionis personæ.

Queritur 1. quid sit servus, & quot eorum sint genera? Resp. hominum, qui servi nomine veniunt, sunt tria maximè genera. 1. *Servi propriè dicti*: hi à JCTis communiter definiuntur, quòd sint homines, qui Jure gentium contra naturalem libertatem dominio nostro subjiuntur. Tales olim fiebant quatuor præcipuè modis. 1. *Nativitate*; nam qui nascebantur ex matre serva, etiam ipsi sequebantur conditionem Servilem matris. §. *Servi 4. Inst. de Jur. person. l. & servorum 5. §. servi 1. ff. de stat. hom.* 2. *Captivitate*; nam qui capiebantur in bello justo, capientium subjiuebantur dominio. §. *item ea 17. Inst. de rer. divis.* 3. *Venditione sui ipsius*; nam si quis, cum esset major 20. annis, sciens, prudensque ad participandum pretium se venundari passus est, in pœnam privabatur libertate. §. *Servi cit. Inst. de Jur. person. 4. Revocatione libertati in servitutem*, quod fieri poterat ob ingratitudinem commissam in Patronum. *l. 2. C. de libert. Videatur Az. p. 2. l. 2. c. 31. & Interpp. ad §. 4. cit.* Hæc servitus inter Christianos sublata est; nam Christiani omnes in honorem characteris baptismalis sunt liberi: in Paganis autem, & Infidelibus hodie dum locum habet.

2. *Adscriptitii, & Originarii.* Adscriptitii dicuntur, qui glebæ, sive fundo colendo adscripti, & personaliter obligati sunt, ita ut à cultura sine voluntate Domini eos manumittentis recedere possessionem deferendo nequeant. Originarii appellantur, qui ex ita adscriptis nati sunt. Utriusque generis multi hodie dum in Germa-

nia nostra dantur, & vulgari appellatione dicuntur *leibeigne* quamvis aliàs sint homines liberi: cons. servi sunt in latiore duntaxat sensu.

3. *Famuli conductitii*: qui abusivè solùm dicuntur servi, quòd operam pro annua mercede dominis suis locent.

Queritur 2. quinam servi ab Ordinibus repellantur? Resp. 1. Servi propriè dicti; nam isti ut ordinari licitè possint, opus est, ut plenè manumissi fuerint à suis Dominis. Ex quo sequitur, nec liberos, vel libertinos ordinari posse, si manumissi sint quidem, cum retentione tamen obsequii temporalis. *can. quicumque 5. dist. 54.* Ratio est, quia ad Ordines promovendi ab omni jugo dominico debent liberati esse. *can. si quis 7. dist. cit.*

2. Ordinarii (imò & Gradus Academicos, ut praxis habet, consequi) non possunt servi Adscriptitii, & Originarii; quamvis enim, ut *num. præc.* dictum est, absolute sint homines liberi, in iis tamen locum pleraque habent, quæ de servis non ordinandis à SS. Canonibus sunt constituta, ut notant Pirh. *hic n. 8.* Vvagnereck *ad Rubr. h. tit. Vviesl. n. 9.* Neque obstat *can. si servus 20. dist. 54.* ubi in fine dicitur, quòd *adscriptitii in possessionibus Clerici fieri, etiam præter voluntatem Dominorum possint*; nam ut *l. cit.* advertit Pirhing, ibi sermo est de adscriptitiis ratione possessionum tantum, qui sine voluntate dominorum Clerici fieri possunt, ita tamen, ut Clerici facti *impositam sibi agriculturam adimpleant*, ut ibidem dicitur.

3. De famulis conductitiis apud omnes convenit, eos liberè ad Ordines promoveri posse; quia, ut *n. præc.* dixi, tantum abusivè sunt servi.

Queritur 3. quomodo tolli impedimentum servitutis, seu Irregularitas ex defectu libertatis oriunda possit? Resp. Tolli potest Dispensatione, & manumissione.

Dub. 1. quis dispensare in Irregularitate hac possit? Resp. non potest Episcopus, sed solus Papa. Quòd Episcopus dispensare non possit, patet *ex c. de servorum 2. h. tit.* ubi istis omnis facultas servos ordinandi, ac proinde etiam quoad Ordines dispensandi disertè adempta est. Quòd verò Papa possit, exinde constat, quòd in impedimentum istud descendat ex Jure Ecclesiastico. *toto h. tit.* Hoc tamen etsi verum sit, Pontifex tamen hac sua potestate non facilè, & vix unquam utitur, teste Corrad. *Prax. Disp. Apost. l. 3. c. 8. n. 2.* & ratio patet, quia tali dispensatione præjudicatur Dominis, dum ab horum servitio vel omninò extrahuntur, vel saltem impediuntur.

Dub. 2. quomodo fieri Manumissio servorum possit? Resp. potest fieri dupliciter, videlicet vel simpliciter, nulla reservatione facta, vel facta aliqua reservatione operarum, & harum quidem vel temporalium, vel spiritualium. Ut manumissus ordinari possit, nullas Dominus sibi reservasse operas temporales debet, ut colligere est ex *can. quicumque 5. dist. 54.*

Dixi *temporales*; nam spirituales operas reservare sibi Dominus in servo ordinando potest, debetque iste has ei præstare, aliàs si post Ordines acceptos præstare illas recuset, deponendus est. *c. nullus 4. h. tit.* Neque in hac reservatione operarum spiritualium periculum est aliquod Simonæ; quia libertas non pro re spirituali, sed pro obligatione perpetuò serviendi quoad operas spirituales conceditur.

Queritur 4. quid Juris, si defacto servus aliquis ordinetur? Resp. multum referre, an ordinetur sciente, nec contradicente, an verò ignorante; vel contradicente domino.

*Si primum*, servus, etsi Minores duntaxat Ordines, vel primam etiam Tonsuram acceperit, hoc ipso fit liber. *can. si servus 20. dist. 54.* Ratio est, quia ex dispositione, sive interpretatione Juris habetur pro absolute manumisso; ac proinde, tanquam persona Divinis obsequiis etiam Domini voluntate dicata, ad pristinam conditionem revocari nequit *arg. Reg. semel 51. in 6.*

*Si secundum*, iterum distinguendum est, an Minores tantum, an verò etiam Majores, & quos suscepit Ordines; nam si Ordines tantum minores acceperit, manet servus, & repenti domino restituitur *can. frequens 10. dist. 54.* & *c. de servorum 2. h. tit.* Neque obstat, quòd semel dictum Deo non debeat amplius ad profanos usus transferri *Reg. semel cit.* quia hæc ferè tantum procedit in rebus inanimatis, ut aliis *citr.* notat Barb. *in c. 2. cit. num. 5.* vel si de rebus animatis etiam, intelligi



ligi tantum debet, quando res illa pleno Jure dicata est Deo, & ab hoc acceptata. talis autem non est consecratio, quæ fit per minores Ordines, cum his initiatus Matrimonium contrahere, & à Divino ministerio ad vitam, & negotia secularia transire valeat.

At si Servus ejusmodi Majoribus Ordinibus initiatus fuit, ignorante vel contradicente Domino, iterum subdistingendum est, an Episcopus sciverit servum esse, vel non. *Si scivit*, statim fit liber, in officio permanet, & Episcopus tenetur Domino dare duos servos æque bonos, vel eorum æstimationem. *can. si servus 19. dist. 54. Si ignoravit*, tunc vel in Subdiaconum, aut Diaconum tantum est ordinatus, vel etiam in Presbyterum. *Si in Subdiaconum, vel Diaconum tantum*, vel alium Servum æqualem, vel sui æstimationem de peculio, cujus usum habet, domino exhibet, vel si neutrum præstare valeat, domino repenti restitui ipse debet. *can. ex antiquis 9. in fin. dist. cit.* Debet tamen repetitio hæc fieri intra annum, à die scientiæ factæ Ordinationis numerandum; nam si hoc tempore elapso revocaverit servum ita ordinatum dominus, non amplius auditur, sed Servus ita ordinatus ex interpretatione Juris manumissus censetur. *can. si servus 20. dist. cit.*

Si verò hujusmodi servus ordinatus Sacerdos fuerit, non potest revocari in servitutem, etiam si domino integre satisfacere nequeat, sed solum cogitur amittere peculium, si quod habet, illudque cedere domino; vel si peculium nullum habet, serviet domino ita exigenti in spiritualibus officiis, ut ita consulatur simul honori Sacerdotali, & dominus, exhibito sibi altiori, & utiliori ministerio, jacturam commodi temporalis æquius ferat. *can. ex antiquis, & can. sequ. dist. cit.*

5. Quæritur 5. an filiusfamilias sine licentia Patris ad Ordines SS. promoveri possit? Resp. etsi valde deceat, ut consensum hujus requirat, simpliciter tamen ordinari potest sine hujus consensu, ut rectè advertit Engli. *hic. n. 7.* Ratio est, quia de hoc in Jure Canonico statutum nihil reperitur; neque etiam de Jure Civili tanta est patri concessa potestas: imò si concessa foret, tanquam disponens de re Ecclesiastica, non deberet attendi. *Conf. à pari cum Religioso, qui sine Abbatis, qui pater ipsius Spiritualis est, licentia, Zelo Religionis transire potest ad strictiorem Ordinem c. licet 18. de Regular.*

Dubitatur, an Clericatus liberet à patria potestate? Resp. excepta Dignitate Episcopali, non liberare. *l. Sacrosancta 34. & Auth. seq. C. de Episc. & Cler.* Ex quo sequitur, etiam bona, à Clerico ante Clericatum acquisita, si Castrensis non sint, vel quasi Castrensis, manere sub jure, & administratione patris, ut notat Engli. *hic. n. 8.* Dixi ante Clericatum acquisita; nam acquisita post Clericatum ex speciali privilegio Clericis indulto in numerum peculii quasi Castrensis redacta sunt, ita ut de his liberè disponere, & testari valeant. *l. Sacrosancta cit. & Auth. Presbyteros eod.*

6. Quæritur 6. quid Juris, si servus Religionem incio domino ingrediatur? Resp. intra triennium domino illum repenti restitui debet cum omnibus, quæ attulit, fide tamen accepta de impunitate, ut dicitur *can. si quis incognitus 3. caus. 17. q. 2.* restitutus autem, si in sua receptione in Religionem usus est fraudibus, manebit nihilominus obstrictus Voris, & Religioni obnoxius, quantum in ipso est: idque in pœnam sceleris, quia usus est fraudibus. *Mirand. Man. Prel. Tom. 1. q. 17. a. 2. concl. 2. & 3. Excipitur* si etiam Monasterium sit in culpa v. g. quod sciverit eum esse servum, vel neglexerit inquirere in conditionem ejusdem; tum enim servus, Professione facta, non repetitur, sed Monasterium satisfaciet domino secundum boni viri æstimationem. *Mirand. l. cit. concl. 4.*

Dubium est de conditione ipsius Religiosi Professi, an servi, an verò filii fam. loco habendus sit? Resp. quoad acquisitionem equiparatur servo; quia quidquid acquirit, acquirit Monasterio. *Auth. ingressi C. de SS. Eccles.* Quoad cetera habetur loco filii fam. quia status Religiosus magis filialis, quam servilis est. *Bart. in l. 1. ff. de vulg. & pupill. substit.* Imò, ut notat Konig. *hic. n. 7.* nec nobilitatem amittit, ut adeo etiam nunc hodie eidem Nobilitatis titulus de Jure quadret, modò omnis ambitio, & vana jactantia, quam per ingressum Religiosus abscidit, ab eo exulet.

7. Quæritur 7. an si servus, qui domino ignorante, vel contradicente, Subdiaconus, vel Diaconus ordinatus est,

postea in servitutem vindicetur, retineat usum Ordinis suscepti, & adhuc gaudeat privilegio Canonis, & fori? Resp. non solum amittere usum Ordinum, sed etiam privilegium fori *can. ex antiquis 9. & ibi Gloss. 1. Religioso privilegio. dist. 54.* Quoad privilegium Canonis non conveniunt omnino DD. Præ aliis placet sententia Turrecr. qui in *can. nulli 2. dist. cit.* utitur distinctione, & dicit talem Clericum retinere privilegium Canonis quoad personas alias, non tamen respectu domini, cui per Ordinationem non debet fieri præjudicium. Poterit ergo post vindicationem dominus ejusmodi servum, Ordinibus non obstantibus, corrigere, ut prius, quod colligitur ex *can. nulli cit.* ubi dicitur, quod talis Clericus sit illius conditionis, cujus fuerat ante gradum, seu Ordinem susceptum, sed non est dubium, quin antea potuerit verberari à domino. ergo & nunc.

## TITULUS XIX.

De Obligatis ad Ratiocinia Ordinandis, vel non.

## SUMMARIUM.

- 1 Ab Ordinibus arcentur obligati ad ratiocinia.
- 2 Quinam illi sint?
- 3 Quando non repellantur?
- 4 An sufficiat cautio idonea ab his data?
- 5 Quid quando impotens ad solvendum est debitor?
- 6 Quid si debitum oriatur ex mutuo, conductione &c.
- 7 Quis dispensare possit in isto impedimento?

Impedimento conditionis personæ affine est, quod reperitur in obligatis ad ratiocinia, quia nec ipsi omnino liberi sunt. Unde merito ab Ordinibus repelluntur, donec se officiis, & negotiis publicis expedierint, prout statutum est *c. un. h. tit.* Ratio sic statuendi fuit maximè triplex. 1. quia tales magis intentione fugiendi ratiocinia, & forum Civile, quàm amore Religionis ad Clericatum præsumuntur transire. 2. quia ejusmodi Ordinatio faceret deteriorem causam eorum, quibus sic ordinati obligantur ad ratiocinia, cum in eos post Ordines susceptos plena executio ob privilegium Competentiæ fieri nequeat. 3. quia fieri posset, ut propter hujusmodi obligationem vel ipsi hujusmodi Officiales, vel Ecclesiæ, cui adscripti sunt, magnis vexetur litibus, & inde ortis incommodis.

Quæritur 2. quinam sint, qui hoc Decreto excluduntur à susceptione Ordinum? Resp. 1. qui ob publicam administrationem bonorum Reip. obligati sunt ad ratiocinia: quales sunt Thesaurarii, Quæstores, Tributorum publicorum susceptores &c. *can. un. dist. 53. 2.* Probabilius obligati ad ratiocinia etiam ob administrationem privatarum, uti sunt Tutores pupillorum, Curatores minorum, Actores, Executores, Procuratores, Depositarii &c. *c. un. h. tit.* 3. Alii quicunque, qui quocunque alio officio, administratione, aut negotiatione seculari obstricti sunt, ob quam minùs expediti reddantur ad serviendum Deo in officiis spiritualibus: quales sunt obligati militiæ *can. un. cit.* obligati ratione feudi ad obsequium personale, quod repugnet Ordini Clericali *arg. can. credo 2. caus. 21. q. 3.* conductores vectigalium, fisci, agrorum colendorum; & quicunque alii exercentes alias negotiationes, quæ Clericis prohibita sunt *can. cred. cit. & can. seq. c. multa 1. & c. seq. ne Cleric. vel Monach.* Hi igitur omnes, & his similes ordinandi non sunt, nisi prius ab hujusmodi muneribus, & obligationibus sint liberati; quia juxta Apostolum 2. *Timoth. 2. v. 4. nemo militans DEO implicat se negotiis secularibus.*

Quæritur 2. an omnia officia, & administrationes his obligatos prohibeant à suscipiendis ordinibus? Resp. Illæ solum, quas Clerici non possunt suscipere; nam illæ, quas suscipere in se post Clericatum adeptum possunt, etiam ab Ordinibus suscipiendis eosdem non prohibent. Tales sunt 1. Procuratores, Tutores, Curatores miserabilium personarum, v. g. viduarum, orphanorum, pauperum, aliorumque similium, humano auxilio destitutorum. 2. Administratores rerum alicujus Ecclesiæ, vel alterius causæ pæ. 3. Qui legitimam tutelam proximorum agnatorum habent. 4. Principum Cancellarii, Consiliarii, imò etiam Causarum Civilium



Judices. Vide Pirhing *hic* n. 3. Vviestner n. 4. & alios ab his *citr.*

4 Quæritur 3. utrum ad Ordines admitti possint etiam alii rerum temporalium administratores, si isti, deposita administratione, principales suos præstira fide jussoria, vel alia cautione idonea, securos reddiderunt de rationibus reddendis, & debitorum solutione, in sui defectum ab alio facienda? Resp. Affirmativè. Ita Abb. in *c. un. h. tit. n. 10.* Barb. *alleg. 10. n. 47.* Pirhing *hic* n. 3. Vviestner n. 5. Proceditque hoc, etsi debita ex administratione contracta nondum solverint. Suar. *D. 51. de Censur. f. 3. n. 23.* Ratio est, quia SS. Canones in prædictis administratoribus, ut ad Ordines admitti possint, solum exigunt, ut administrationis onus deposuerint, & ratiocinia reddiderint; propter obligationem autem debiti solvendi eos nullo modo excludunt.

5 Quæritur 4. an removeri ab Ordinibus suscipiendis possit, qui post redditas rationes administrationis, seu officii, debito pecuniario obstrictus permanet, cui solvendo non est? Resp. si hic bonis cedat, non est excludendus ab Ordinibus, ut aliis *citr.* notat Pirhing *hic* n. 5. An hoc procedat tantum in debito contracto ex administratione privata, an verò etiam in contracto ex administratione publica, controversia est inter DD. Aliqui apud Suar. *l. cit. n. 21.* putant debitores Reip. ex publica administratione ordinari non posse, eò quòd tales neque ad honores admittendi sint, donec solvant. *l. rescripto 6. §. debitores 1. ff. de muner. & honorib.* Sed textus iste non obstat; quia lex Civilis Irregularitatem non potest inducere, neque id, quod disponitur de sæcularibus honoribus, extendi debet ad Dignitates, & Ordines Ecclesiasticos.

Quare dicendum cum Suar. *l. cit. num. 23.* responsionem datam procedere, siue debitum pecuniarium sit contractum ex privata, siue etiam ex publica administratione, modò rationes sint redditæ, ac finitæ. Ratio generalis est, quia qui bona sua creditoribus cedit, reservata sibi congrua sustentatione, liber est, donec ad meliorem fortunam pervenerit, prout dicitur *l. 3. tit. 23. num. 25. & seqq.*

6 Quæritur 5. utrum à susceptione Ordinum arceantur, qui aliis ex promissione, mutuo, emptione, conductione, vel alio contractu ortam ad ratiocinia obligationem habent? Resp. si obligatio ista non oriatur ex administratione rerum alienarum capaces sunt Ordinum, non obstante illa obligatione. Ratio est, quia eos ab Ordinibus removendos nullo Jure expressum est, & dispositio *c. un. h. tit.* tanquam odiosa extendi non debet. Excipitur, quando sic obligatio est mota lis de dolo, vel brevi movenda; hic enim pendente lite ab Ordinibus est repellendus: & ratio est, quia si iste ex tali actione condemnaretur, redderetur infamis, §. *ex quibusdam 2. Inst. de pœn. rem. litig. l. pratoris 1. l. Furti 6. §. mandati 5. ff. de his, qui notant. infam.* Imò si manifestum sit ipsum de dolo teneri, potest Episcopus eum repellere ab Ordinibus, sicut quolibet criminis, & infamem. Gloss. in *c. un. V. ratiocinia in fin. h. tit.*

7 Quæritur 6. quis dispensare cum obligatis ad ratiocinia possit, ut ad Ordines promoveri possint? Resp. Potest solus Pontifex: quod tamen non facile solet, tum propter periculum damni, & infamiae inde redundaturæ in Ecclesiam; tum verò propter præjudicium eorum, quorum res administrarunt, ut testis est Corrad. *Prax. Disp. Apost. l. 3. c. 8. n. 2.*

## TITULUS XX.

De Corpore vitiatis ordinandis, vel non.

## SUMMARIUM.

- 1 Ab Ordinatione removet Vitium Corporis.
- 2 Et imprimis mutilatio.
- 3 Truncatus voluntariè etiam parte membri irregularis est.
- 4 Similiter, qui indiscreto Zelo se castraverunt; vel castrari permiserunt.
5. 6 Etiam vocis conservande gratia.
- 7 Non verò, qui inscii, vel inviti vitium hujusmodi passi sunt.
- 8 Etiam si culpa sua causam dederint.

9 Debilitati quinam?

10 Quæ impotentia ab Ordinibus arceat?

11 Quando morbus?

12 An simpliciter, an verò solum ab Ordine, cujus actum exercere non potest.

13 Quinam dicantur deformes?

14 An deformitas &c. removeat etiam ab exercitio Ordinis suscepti, & quomodo?

15 Quis judicare in dubio isto possit?

16 Quis dispensare in impedimento isto?

**L**icitam Ordinationem impedit etiam vitium corporis, ut habetur *can. si quis 4. & seqq. dist. 55. c. de Presbytero 1. & tot. tit. pref.* nec immeritò; nam etiam in antiqua Lege, qui vitium, aut maculam habebant, in corpore, à Divino ministerio arcebantur. *Levit. 21. à v. 17.* Otitur autem impedimentum hoc ex triplici maxime vitio, videlicet ex mutilatione, Debilitate, & Deformitate. Ut Ordinationem impediatur, defectus ratione unius saltem istorum debet esse talis, ut vel congruum Ordinis usum, & exercitium, præcipuè celebrationem Missæ impediatur, vel notabilem deformitatem, aut horrorem afferat, sicque faciat, ut qui illo laborat, sine indecentia, periculo irreverentiæ, aut scandalo nequeat peragere Sacrum Ministerium *c. de Presbyteri 1. c. cum de tua 2. & c. fin. h. tit.*

Quæritur 1. quinam *Mutilati* dicantur? & quando quis ratione mutilationis impediatur à suscipiendis Ordinibus? Resp. *Mutilati* propriè dicuntur, qui membro aliquo carent. Pirh. *hic* num. Engl. n. König n. 2. Vviestner num. 2. Porò *Membrum* propriè dicitur ea pars corporis, quæ notabilem, & peculiarem, siue ab aliis corporis partibus distinctam, & diversam functionem, & officium habet, ut sunt lingua, oculus, auris, nares, manus, pes &c. Reliquæ, quæ tantum coadjuvant partes principales in sua functione, ut digiti, non sunt membra, sed partes membri Barbol. *de Offic. Episc. alleg. 42. n. 11.* Ut ratione mutilationis quis arceatur à SS. Ordinibus debet esse truncatus aliquo membro, nec sufficit, ut careat parte membri, e. g. digito, nisi pars illa abscissa adimeret potestatem celebrandi, ut si pollex, si vel alius digitus ad celebrandum requisitus abscissus esset; vel deformitatem operaretur scandalosam. Barb. *l. cit. n. 12.*

Dub. 1. an absolvat ab Irregularitate defectus, seu truncatio membri non necessarij, si hæc accadat propria ipsius ordinandi, vel ordinari culpa; quia v. g. ubi ipsi membrum aliquod, vel membri partem abscidit, aut ab alio abscindi jussit, vel rogavit? Resp. negativè; nam hic tanquam irregularis tam ab Ordinibus suscipiendis, quam ab usu susceptorum removendus est, etsi ejusmodi mutilatio, vel abscissio nec usum Ordinis impediatur, nec gravem deformitatem afferat, Ita habetur *can. si quis abscidit 4. can. qui partem 6. dist. 55. & c. ex parte 3. h. tit.* Ratio est, quia hoc casu non tam consideratur defectus, aut deformitas ex abscissione relicta, quam injuria Creatoris, & sævitia voluntatis sibi ipsi ferrum injicere præsumentis, ut colligitur *ex can. 4. 5. & 6. dist. cit.* Proceditque hoc, etsi defectus, & culpa etiam absconditis sibi partem membri non sit notoria; quia Canones hic relati non fundantur in notorietate facti, sed in sævitia, quam quis in se exercuit, ut rectè aliis *citr.* observat Garc. *de benef. p. 7. c. 12. n. 5.*

Dub. 2. an Irregulares sint, qui aut indiscreto Zelo, aut studio conservandæ Castitatis, aut causa retinendæ vocis vel cantus seipso castraverunt, aut castrari permiserunt? De primis clarus est textus *can. hi qui 5. dist. 55. & c. significavit 1. h. tit.* nempe eos irregulares esse vel totaliter, si Laici adhuc fuerint, vel partialiter, si talis Sacerdos jam fuerit, ita ut Missam celebrare, & probabiliter nec ut Diaconus, vel Subdiaconus assistere possit, licet alia officia Sacerdotalia exercere possit. Castratos causa retinendæ vocis, & cantus ab Irregularitate hac multi absolvent cum Pasqualigo, Salonio, Caramuele: idque ex multiplici ratione: 1. quia *can. cit.* Irregularitatem hanc inducentes loquuntur de sui mutilatione facta ex indignatione, aut indiscreto Zelo. 2. Quia licet homo non sit dominus suorum membrorum, est tamen usufructuarius, qui potest rem usufructuariam meliorem facere, e. g. inutiles arbores excidendo, meliores inferendo &c. simile quid contingit in casu nostro, quippe cum vox suavis, maxime ad cultum Divinum



num ordinata, sit perfectio corporis, quæ pluribus membris, præsertim habita status consideratione, non necessariis, præstat. 3. Quia talis Castratio plerumque etiam affect magnam utilitatem temporalem, dum suavis vocis compassum acceptum reddit Principibus, & stipendia ei sufficientia ad lautam sustentationem comparat.

5 Sed hoc non obstante, probabilius est, pro Irregularibus habendos, qui vocis causa castrari se liberè permiserunt. Ita aliis *citt. Bonac. de Censur. D. 7. p. 2. nu. 34. Lezan. Q. Q. Regul. tom. 3. V. Irregularitas n. 75. Engl. hic n. 12. König n. 5. Vviesner n. 22. & colligitur 1. ex can. 4. 6. 7. dist. 55. & c. ex parte 5. h. tit. ubi ab Ordinum susceptione, & susceptorum exercitio generaliter repelluntur omnes, qui ita sibi vim inferre ausi sunt, vel affectarunt, ut ab aliis abscinderentur. 2. quia castratio procurata propter servandam Castitatem, & sic propter finem supernaturalem, Irregularitatem inducit, ut *nu. præc.* dictum est; igitur multo magis cum inducet facta, aut procurata propter solam vocem, tanquam finem longè ignobiliorem. 3. quia mutilatio sui nunquam licet, nisi quatenus hoc exigit necessitas, sive salus totius corporis, vel membri alicujus principalis, ut cum S. Thom. 2. 2. q. 65. a. 1. communis DD. sensus est.*

6 Neque urgent argumenta opposita. Ad 1. extensionem *citt. can.* ad nostrum casum generalitas rationis suadet, qua utuntur, videlicet, quòd hujusmodi seipfos abscindentes sint sui quasi homicidæ, & injurii DEO &c. quæ rationes pugnant etiam in casu præfenti. Ad 2. Suavis vocis ab hujusmodi eviratis semè frequentius extra Ecclesiam, & nonnunquam etiam intra ad lasciviam potius, quàm Cultum Divinum servit: & esto plurimum ad hunc serviat, non tamen illi est necessaria. Ad 3. utilitas illa temporalis, & lucrum pecuniarium minus est bonum, quàm malum sit probum evirationis, cum per hanc violetur dominium Divinum, qui usum fructum quidem corporis nostris concessit, sed non alio modo exercendum, quàm quatenus id gratum est ipsi.

7 Dub. 3. an etiam Irregulares sint, qui abscissionem, vel aliam corporis mutilationem inviti, vel inscii passi sunt? Resp. si hujusmodi mutilatio congruum Ordinis exercitium non impediatur, nec deformitatem corporis notabilem afferat, ut scandalum pariat, Irregulares non esse, si culpa sua mutilationi causam ipsi non dederunt. Ita Suar. *de Censur. D. 51. f. 2. n. 10. & communis DD. Colligitur ex c. ex parte 3. & 5. h. tit.* Ratio est, quia tunc cessat omnis causa imponendi Irregularitatem, cum & culpa abest, & defectus impedimentum, vel deformitatem non habeat; sine culpa autem, vel saltem causa Irregularitas non imponitur. Ex quo sequitur, ad omnes Ordines, etiam Episcopatum, promovci posse, qui hujusmodi abscissionem vel à Medicis, vel à parentibus, aut aliis, vel inviti, vel inscii, sive cantus, sive alia causa passi sunt, ut constat ex *can. qui partem 6. & pluribus seq. dist. 55.* Ratio, & disparitas inter casum Num. 3. & seqq. datur *can. qui partem cit.* quia videlicet in illis, qui propria culpa se mutilant, vel mutilari ab aliis sinunt, perverfa voluntas justè vindicatur, in his autem casus, vel alicuius factum veniam meretur.

8 Addidi, saltem si culpa sua mutilationi causam ipsi non dederunt; nam an casu, quo quis per culpam, v. g. rixando, vel adulterium committendo causam dedit mutilationi sui ab alio per injuriam, vel à Judice in pœnam illatæ, hanc passus irregularis sit, major est controversia? Affirmant per pauci cum Suar. *f. 2. cit. n. 8.* saltem si mutilatio sit perfecta, ita ut integrum membrum abscissum sit, idque ex duplici capite. 1. Quia *c. de Presbyteris 1. h. tit.* Presbyter, qui in duello partem digiti amisit, non nisi post peractam pœnitentiam, & misericorditer celebrare sinitur. Igitur prius Irregularis fuit. 2. quia si quis esset causa culpabilis talis mutilationis in alio, esset Irregularis. ergo etiam cum est causa talis mutilationis in seipso.

Sed dicendum, si hujusmodi mutilatio decentem Ordinis usum non impediatur, probabilius etiam tali casu Irregularitatem non induci. Ita Garc. *de Benef. p. 7. c. 12. num. 9. Pal. tr. 29. D. 6. p. 12. n. 3. Vviesner hic n. 19. & seqq.* & apud hos alii. Ratio est, quia Irregularitas non incurritur, nisi in casibus Jure expressis *c. is qui 18. de sent. Excomm. in 6.* atqui nullo Juris textu sufficien-

Schmalzgrueber Tom. I.

ter probatur, quòd in tali casu Irregularitas incuratur, cum omnes loquantur de eo solùm, qui per se, vel per alium sibi aliquam partem corporis voluntariè amputavit; igitur ille, qui amputationi violentè in se factæ causam dedit, ab hac Irregularitate probabilius immunis.

Neque obstant Argumenta adversæ sententiæ. Ad 1. ibi pœnitentia fuit injuncta ob scandalosam duelli oblationem, & acceptionem, qua quia Suspensionem incurrit, hinc misericordia opus erat, ut hæc pœna illi Presbytero remitteretur. Ad 2. de eo, qui causa culpabilis est mutilationis in alio, expressum est Jure *c. sententiam 9. de Cleric. vel Monach. & c. tua nos 19. de homicid.* nihil simile expressum est de nostro casu.

Quæritur 2. quanam dicantur Debilitati? & quando prohibeantur à susceptione Ordinum? Resp. Debilitati dicuntur, qui licet membra omnia, & integra habeant, eorum tamen unum saltem inutile, & insufficiens habent ad functiones, & ministerium, ad quod præstandum à natura est ordinatum, ut sunt oculus cæcus, auris surda, manus, vel pes aridus, crus contractum &c. Huc revocari possunt Morbosi, qui continuo, & gravi vel animi, vel corporis morbo laborant. Engl. *hic num. 2. König num. 2. Vviesner num. 3.* Proinde tanquam debilitati ab Ordinibus arcentur, qui vel omnino impotentes sunt ad celebrandum, vel ob morbum animi, aut corporis secure, & debito modo celebrare non possunt. Hinc.

Dub. 1. quanam ob impotentiam celebrandi, seu impedimentum secure, & debito modo celebrandi, & exercendi Ordines prohibeantur ordinari?

Resp. 1. qui utraque, vel alterutra manu caret, aut illam mancam, & inutilem habet *c. exposuisti 6. h. tit.*

2. Cui duo digiti cum medietate palmæ abscissi sunt. *c. Presbyterum 2. de Cler. agrot.*

3. Qui digito caret, non quocunque, sed qui ad frangendam Hostiam sit necessarius, qualis est pollex cum indice *c. fin. h. tit.*

4. Captus usu pedum, ut his introire, & stare ad altare Dei non possit. *can. nullus Episcopus 57. dist. 1. de Consecrat.*

5. Surdus, & mutus juxta *Can. 77. Apostolorum.* quamvis, cui post Ordinationem surditas advenit, privatim saltem celebrare sine ministro respondente possit, ad quod quidem non est necessaria Dispensatio Papæ, utiliter tamen petitur. Pirhing *hic n. 5.*

6. Cæcus utroque, vel sinistro solùm oculo, qui de Stylo Curie Oculi Canonici appellatur: quod tum verum est tantum, quando ita luscus sine indecora faciei conversione Missæ Canonem non potest legere; nam si oculus dexter virtute visiva ita præstaret, ut is legi decenter posset, Irregularitatem non induceret, ut cum pluribus aliis testatur Navar. *Man. c. 27. num. 199. Laym. l. 1. tr. 5. p. 5. c. 7. num. 2. Dian. p. 4. tr. 2. resol. 73. §. sed difficultas.* Pirhing *hic num. 6. Engl. n. 5. König num. 5. Vviesner num. 8.*

7. Abstemii, sive qui vinum omnino non bibunt; hi enim cum Sacrum Sanguinem, sub specie vini non possint sumere, admitti saltem ad Sacerdotium nequeunt. Abb. *in c. 5. de celebr. Miss. n. 1. Gutier. qq. Can. c. 4. n. 8. Barb. alleg. 42. n. 54. & apud hunc alii.*

8. Nanus, qui ita parvus est, ut brachia attollere nequeat, quatenus requiritur ad Altaris ministerium. Pirhing *l. cit. n. 5.*

Dub. 2. quando contrahatur Irregularitas ob morbum animi, vel corporis? Resp. quando is talis est, ut inferat debilitatem virium, aut horrorem, seu gravem deformitatem perpetuam, & moraliter incurabilem, ut ex communi docet Suar. *D. 51. de Censur. sess. 2. n. 17.* In specie ex causa morbi Irregularis sunt.

1. Leprosi *arg. c. de rectoribus 3. & c. tua nos 4. de Cleric. agrot.* Si tamen Sacerdos aliquis post Ordinationem in lepram incidat, privatim celebrare non est prohibendus. Sylv. *V. corpore vitiati q. 9.*

2. Amentes, furiosi, epileptici, etsi liberati videantur; quia vix unquam perfectè sani creduntur. Sylv. *l. cit. q. 8.* Si Presbyteri jam sint, distinguendum; nam si perfectè liberati videantur, ministrare in Ordinibus susceptis poterunt, & ad celebrationem Missæ admitti: si non ex integro, & perfectè, videndum, an frequenter patiantur aliquam harum passionum; & tunc abstinere debebunt omnino: an verò rarò, & tunc privatim celebrare poterunt adjuncto socio



Sacerdote, qui Missam perficiat, si fortè morbo corripit eos contigerit.

3. Arreptitii, seu obsessi à Dæmone. Hi enim, etsi antequam malum hoc paterentur, ordinati Sacerdotes fuissent, sine dispensatione tamen celebrare, vel ad altiorem Ordinem promoveri non debent. *can. communiter 3. dist. 33.* ubi tamen dispensationis facultas conceditur Episcopo, si unius anni spatio ab incurfu Dæmonum videantur liberati.

4. Paralytici, Phrenetici, Lunatici, aliove simili morbo laborantes, qui sicut ordinari non solent, ira ordinati, quando ex Medicorum judicio integrè convaluerunt, ad celebrationem admitti possunt. Tempus autem, quod datur ad explorandum, an quis convaluerit ex huiusmodi morbo, est spatium unius anni *can. communiter cit.* vel potius arbitrio Episcopi hoc relinquendum est. *Pirhing n. 14. cit.*

5. Qui ob debilitatem, vel frigiditatem stomachi valde frequentes, & faciles vomitus patitur, propter periculum irreverentiæ Sanctissimo Christi Corpori, & Sanguini inferendæ. *Barbos. alleg. 45. n. 54. in fin.*

12 Dub. 3. an qui huiusmodi Corporis vitio, quod Ordinis Sacerdotalis functionem præcipuam, nempe Missarum celebrationem impedit, laborare comperitur, possit nihilominus ordinari, si cæteras functiones Sacerdotales, vel Inferiorum Ordinum exercere possit? *Sayr. l. 6. Theaur. c. 7. n. 8.* concedit, hunc ad eum saltem Ordinem admitti posse, cuius functiones sine notabili indecentia obire potest. Sed tenenda est sententia negativa, quam etiam defendunt *Suarez. de Cens. D. 51. s. 2. n. 12.* *Garcias p. 7. de benef. c. 12. n. 28. & seqq. Pal. tr. 29. D. 6. p. 11. n. 4.* & alii ab his *citt.* & declaratum est à *Congr. Card.* teste *Garc. l. cit. n. 30.* Rationem dat *Pal. l. cit.* quia impeditus à celebratione ob vitium, seu defectum aliquem corporis abso. utè est irregularis, & conf. ab omnium Ordinum susceptione exclusus, quippe cum omnes cæteri ad Sacerdotium referantur.

13 Quæritur 3. quinam dicantur *Deformes*, ut impediantur à susceptione Ordinum? Resp. tales sunt, qui habent notabilem maculam, vel membri alicujus defectum, excessum, contractionem, vel distortionem, ut sine indecentia, horrore, aut risu conspici nequeant. Tales sunt

1. Qui uno oculo, vel dextro, vel sinistro carent cum notabili deformitate. *can. fin. dist. 55.*

2. Qui naribus, vel auriculis truncati sunt. *Laym. l. 1. tr. 5. p. 5. c. 7. n. 1. & ab hoc. citt.* Ratio est, quia etsi cartilago illa aurium non sit mebrum, ejus tamen carentia, saltem si capillis tegi non possit, inducit deformitatem valde notabilem.

3. Utroque, vel altero tantum pede carens, aut caprus, vel claudus ita, ut absque baculo, vel pede ligneo sese movere nequeat *can. si quis 10. dist. 55.* Si claudicatio non sit valdè deformis, ordinari sine dispensatione potest, ut cum aliis docet *Sylv. V. de corpore vitiatis q. 5.* & idem dicendum de non admodum deformiter gibbosis. *Sylv. l. cit. q. 6.*

4. Monstruosi, quales sunt hermaphroditi, etsi sexus virilis prævaleat, gigantes enormiter grandes, nani staturæ nimium parvæ; item qui duo capita, quatuor, aut tria brachia, vel alium defectum, aut excessum habent in corpore, qui ita deformet hominem, ut intuitibus horrore sit. *Barbos. alleg. 42. per totam.*

5. Denique inter sic impeditos, & irregulares censent aliqui etiam eum, qui in una manu sex digitos habet, aut uno ex minoribus etiam digitis caret. Sed hoc intelligendum est solum casu, quo digitus redundas pollicis, vel indicis usum, ad S. Hostiæ tractationem necessarium, impeditur, & sine vitæ, vel majoris deformitatis periculo non posset abscindi. *P. Vviestner hic n. 11.*

14 Dub. 1. an si ejusmodi corporis vitium, seu defectus, Missarum celebrationem impediens, sine propria culpa supervenit Presbyteratui suscepto, eo laborantem ab Ordinum susceptorum exercitio omnino removeat? Videtur respondendum affirmativè; quia si ejusmodi vitium accidat ante susceptionem Ordinum, eo vitio laborans sit simpliciter irregularis, & inhabilis ad suscipiendos Ordines etiam illos, ad quorum exercitium non est impeditus, ut dictum est *num. 12.* videtur autem par esse ratio de Ordinibus susceptis, quæ de suscipiendis. ergo &c.

Sed his non obstantibus, dicendum, quando virium corporis supervenit post susceptos Ordines sine propria culpa ordinati, per illud non induci Irregularitatem simpliciter, sed tantum quoad illum Ordinis actum, quem ob impedimentum illud sine periculo, vel ob deformitatem insignem sine scandalo, & irreverentia exercere Ordinatus non potest. Colligitur ex *c. Presbyterum 2. de Cleric. agrot.* ubi de Presbytero mutilato dicitur, *Ipsum autem cæteris Officiis Sacerdotalibus fungi minimè prohibemus.*

Ex quo sequitur, etsi ejusmodi Sacerdos ob cæcitarem, mutilationem, deformitatem &c. ab Altaris ministerio arceatur, eum tamen Confessiones audire, & alia Officia Sacerdotalia, sicut & Diaconalia, & Subdiaconalia exercere propterea non prohiberi. *Suar. de Censur. D. 51. s. 2. n. 3.* & alii communiter. Imò ut idem *Suar. n. 18.* addit, talis, licet non Curatum, cum obligationem Missam celebrandi annexam habeat, simplex tamen Beneficium, etiam postquam ejusmodi vitio laborare incepit, consequi absque dispensatione potest, modò officio, quod ei annexum est, fungi possit.

Ad rationem in contrarium allatam negatur paritas; nam Ordinatus jam habet jus quæsitum, & facilius aliquis removetur à Jure primum querendo, quam acquisito.

Dub. 2. quis judicare possit, & determinare in dubio, 15 an defectus corporis, vel deformitas sit adeo magna, & notabilis, ut promotionem ad Ordines impediatur, an verò modica solum? Resp. id determinandum relinqui debet Episcopo, ut aliis *citt.* notat *Barbos. alleg. 42. n. 60.*

An arbitrari in hoc dubio etiam Regulares Prælati de subditis suis Regularibus possint, controversa est inter DD. Negat cum non paucis *Sylv. V. de Corpore vitiatis q. 1.* nisi hoc expressè à Papa ipsis concessum esset. Affirmant *Suar. D. 51. cit. s. 2. nu. 16.* *Mirand. tom. 1. Man. Prælat. q. 8. a. 3. concl. 1.* & est communis doctrina teste *P. Vviestner hic numer. 16.* saltem si Regulares exempti sint; nam in hoc dubio arbitrari est actus Jurisdictionis Episcopalis, quam Prælati Regularis exemptus in subditos suos Regulares habet, Addunt tamen, Episcopum Ordinantem non teneri stari illorum judicio, nisi tales essent, qui litteras dimissorias dare ad Ordines recipiendos possent.

Quidquid de hoc sit, id satis certum est, si in Religioso Ordinationi superveniat impedimentum, de quo dubitetur, an executionem Ordinis suscepti impediatur, cum à Prælato suo Regulari, saltem exempto, ad Episcopum de necessitate remittendum non esse: Sed ipsemet judicium ferre potest, an publicè, vel privatim sacrificare, aut in alio Ordine ministrare sine notabili deformitate, irreverentiæ periculo, & scandalo possit, *Mirand. l. cit.*

Dub. 3. quis dispensare super Irregularitate ex vitio 16 Corporis otta possit? Resp. regulariter, & ad Ordines primum suscipiendos dispensare potest solus Pontifex, qui tamen rarò admodum, imò si defectus sit valde notabilis, propter periculum irreverentiæ Sacramento inferendæ, & populi scandalum, nunquam solet, ut aliis *citt.* advertunt *Pirli. hic n. 15.* *Vviestner n. 23.* & alii ab his *citt.*

Excipiuntur casus, in quibus Episcopus etiam potest, 1. si ad hoc acceperit auctoritatem Apostolicam, & sibi à Papa delegatam. *c. significavit 4. b. tit.* Et ita fieri defacto solet, quando Orator, seu dispensationem petens, est absens à Curia. *Vviestner hic numer. 24. 2.* in dubio; nam ibi interdum etiam Episcopus dispensare, vel potius benignè interpretari potest non esse gravem deformitatem, quæ Irregularitatem inducat. Eaque dispensatio, seu declaratio facilius locum habet, si quis Religiosus sit, vel Religionem ingressus, idque in favorem Religionis, *Laym. l. 1. tr. 5. p. 5. cap. 9. num. 3. 3.* si Irregularitas proveniat ex voluntaria abscissione alicujus partis proprii corporis; in ea enim, quando delictum occultum est, & abscissio Ordinis suscipiendi executionem non impedit, potestas dispensandi Episcopis competit vi *Trid. sess. 24. cap. 6. de reform.* ubi Episcopis conceditur facultas dispensandi in omnibus Irregularitatibus descendentibus ex delicto occulto, excepto solo homicidio voluntario.

Addidi ad Ordines primum suscipiendos; nam administrandum in Ordinibus susceptis dispensare potest Episcopus,



scopus, modò mutilatio non sit validè notabilis, & ordinatus sine scandalo ministrare possit. Pirh. *hic n.* 15. Engl. *n.* 19. Konig. *n.* 7. Vvief. *n.* 25.

## TITULUS XXI.

## De Bigamis non ordinandis.

## SUMMARIUM.

- 1 Quid sit Bigamia, & quotuplex?
- 2 Quid Bigamia vera?
- 3 An oriatur etiam ex Matrimonio ante Baptismum contracto?
- 4 An ex fornicatione cum pluribus?
5. 6. 7 Quid sit Bigamia Interpretativa, & quot modis contrahatur.
8. 9 Quid Similitudinaria?
10. 11. 12 Pœna Bigamorum sine dispensatione ordinatorum, & hos ordinantium.
- 13 An dispensare cum Bigamis possit Pontifex?
14. 15. 16. 17. 18 An Episcopus?
- 19 An Prælati Regulares?

1 **I**nter cætera Ordinum impedimenta etiam est Bigamia: quo nomine intelligitur Irregularitas proveniens ex defectu Sacramenti Matrimonii consummati; cum enim hoc institutum sit ad significandam conjunctionem Christi cum Ecclesia, quæ unica est, ab alio non assumpta, sed immaculata Sponsa, perfectè repræsentari unio ista non poterit à Bigamo, qui duxit duas, aut unam viduam, vel ab alio corruptam &c. Hinc meritò ab Ordinibus suscipiendis arceatur, cum non deceat, ut in significatione Sacramenti patiatur defectum, qui debet aliis Sacramenta administrare. *can. acutius 2. & seqq. dist. 26. c. debitum 5. h. tit.* Porro triplex communiter à DD. Bigamia dividitur, nempe Vera, Interpretativa, & Similitudinaria.

2 Quæritur 1. quid sit *Bigamia vera*, & quomodo contrahatur? Resp. *Bigamia Vera* contrahitur ab eo, qui Matrimonium successivè cum duabus verè, & validè contraxit, & consummavit utrumque. Hunc ab Ordinibus repellit Ecclesia. *c. debitum cit. & aliis pluribus textibus*; idque juxta monitum Apostoli 1. *Tim.* 3. ubi vers. 2. *Oportet*, inquit, *Episcopum* (quo nomine SS. PP. etiam Presbyterum intelligi docent) *esse unius uxoris virum*: & infra *v. 12.* addit: *Diaconi* (& Clerici quicunque juxta *can. 16. Apost.* & *can. cognoscamus 14. dist. 34.*) *sint unius uxoris viri*.

Dixi 1. *Matrimonium*; nam per sola Sponsalia cum pluribus inita non inducitur Bigamia, etiam si subsecuta sit copula sine affectu maritali. Barb. *de Off. Episc. alleg. 49. n. 13.* Dixi 1. *verè & validè contraxit*; nam si alterutrum sit invalidum, per hoc Bigamia vera non contrahitur, sed interpretativa, de qua *n. 5.* imò si invalidum fuit ex defectu consensus, quod fictè contractum sit, ne ista quidem, quamvis in foro externo ei non crederetur, ut notat Engl. *hic n. 5.* Konig *n. 5.* Dixi 3. *& consummavit utrumque*; nam qui matrimonium cum una sive priore, sive posteriore non consummaret, Irregularitatem non contraheret, cum carnem suam in plures nondum diviserit. *can. fin. dist. 34. & c. debitum 5. h. tit.*

3 Dub. 1. an verè Bigamus censendus sit, qui duas uxores ante Baptismum, vel unam antè, alteram post illum susceptum duxit? Negativam olim defendit S. Hieronymus, ut videre est *can. unius 1. dist. 26. & can. oportet 1. caus. 28. q. 3.* videtur hoc colligi 1. ex *can. 16. Apost.* & *can. si quis 1. dist. 33.* ubi ab Episcopatu, Presbyteratu, Diaconatu solum repellitur is, qui duabus nuptiis copulatus fuerit post Baptismum. igitur à sensu contrario ante Baptismum copulari non repelluntur. 2. Matrimonium ante Baptismum initum non est Sacramentum Ergo in eo non intervenit defectus significationis Sacramenti, & cons. fundamentum hujus Irregularitatis cessat. 3. Irregularitas est privatio habilitatis ad Ordines suscipiendos. Atqui infidelis ante Baptismum capax Ordinis non est. Ergo nec Irregularitatis. 4. Propter homicidium ante Baptismum justè, vel injustè patratum non incurritur Irregularitas. Ergo neque propter Matrimonium duplex, initum ante Baptismum. 5. Infideles non ligantur Ecclesiasticis Legibus, & propterea matrimonia illorum con-

tracta cum impedimento Juris Ecclesiastici sunt valida, & ut talia sustinentur etiam post Baptismum. atqui Irregularitas ista bigamiæ descendit tantum ex Jure Ecclesiastico. ergo &c.

Sed retinenda est affirmativa cum S. Augustino, S. Ambrosio, S. Thoma, & communi TT. & Canonistarum. Clarus est textus S. August. *can. acutius 2. caus. 28. q. 3.* & decisum est ab Innoc. Papa *can. deinde 3. dist. 26.* Ratio est, quia Irregularitas Bigamiæ non in pœnam alicujus delicti, quæ post baptismum cum delicto remittitur, sed ob defectum perfectæ significationis Sacramenti inducta est. atqui defectus iste significationis in matrimonio secundo reperitur, sive deinde illud ante, sive post Baptismum contractum sit. ergo &c. *Conf.* quia si Ecclesia statuisset, ut illi duntaxat admitterentur ad Ordines, qui nunquam conjugati fuerunt, nullus diceret, infidelem, qui ante Baptismum uxorem habuit, post eum susceptum, uxore mortua, ad Ordines promoveri posse; quia verum est hunc fuisse conjugatum: & hinc etiam ante Baptismum corrupta post illum velari inter Virgines nequit.

Nec in contrarium allata suadent aliud. *Ad 1.* præterquam quòd argumento à contrario locus non sit, ubi contrarium est Jure expressum, Gloss. in *can. si quis cit. V. post acceptum* notat, ibi subintelligendum *maximè post Baptisma*. *Ad 2.* satis est, quòd tale Matrimonium non sit aptum significare conjunctionem Christi cum unica Sponsa Ecclesia, quam semper etiam in statu innocentie ex primæva DEI institutione matrimonium consummatum habuit teste Apostolo. *Eph. 5. v. 27.* quamvis non ita perfectè, sicut postquam à Christo elevatum est ad dignitatem Sacramenti. *Ad 3.* Irregularitatis capax infidelis non est, quamdiu talis est; sit autem capax, quando baptizatus est. *Ad 4.* negatur paritas cum Irregularitate, quæ oritur ex homicidio; nam si injustum hoc fuit, ea oritur ex delicto, quod simul cum pœna tollitur per Baptismum: si justum, provenit ex defectu lenitatis Christianæ, qua in solos baptizatos cadit. *Ad 5.* Et si Leges Ecclesiasticæ infideles non ligent, ligant tamen eos post Baptismum, quando ratio Irregularitatis ex actibus in infidelitate factis adhuc perdurat.

Dub. 2. an Bigamus, vel saltem Irregularis censendus 4 sit, qui cum meretrice una, vel pluribus sæpius fornicatus est? Videtur contrahere impedimentum Irregularitatis; nam concubinitus est signum nimie incontinentie, & longè turpior, quàm Bigamia. ergo etiam propter illum quis removendus est ab Ordinibus.

Sed dicendum, eum propterea non esse Irregularem. Proceditque hoc, sive id factum sit ante Matrimonium, sive eo stante, sive illud, prout sumitur ex *can. fraternitatis 7. dist. 34. & c. quia circa 6. h. tit.* Ratio est, quia ad incurrendam Irregularitatem Bigamiæ requiritur, ut eam incurrens diviserit carnem suam in plures maritali affectu, ut patet ex *Num. 2.* atqui habens plures concubinas, licet carnem suam diviserit, non tamen divisit in ipsas maritali affectu ergo &c. *Conf.* Bigamia, ut *n. 1.* dictum est, est Irregularitas proveniens ex defectu significationis Sacramenti. atqui conjunctio fornicaria non impedit perfectam significationem Sacramenti, sicut nec ipsum Sacramentum impedit. ergo &c.

Neque obstat ratio dubitandi allata; præterquam epim, quòd ea ratio non sit primaria, & adæquata. propter quam Bigami arceantur ab Ordinibus, Bigamia, seu Matrimonium initum cum pluribus inducit vinculum indissolubile, & statum perpetuum, adeoque ex natura sua est signum incontinentie magis diuturnæ, firmiusque inhaerentis, quàm concubinitus, qui dissolvi potest, ut ex S. Thom. notat Vivian. in *c. quia circa cit.*

Quæritur 2. quid sit *Bigamia Interpretativa*, & quot 5 modis contrahatur? Resp. *Bigamia interpretativa* est, & contrahitur ab eo, qui præsumptione, seu potius fictione Juris duas uxores habuisse censetur. Quod tribus maximè modis contingit.

1 Siquis de facto ineat duo Matrimonia ob impedimentum aliquod dirimens de Jure invalida, vel unum validum, aliud invalidum, & utrumque consummet; licet enim ille vere Bigamus non sit ob invaliditatem unius, vel utriusque Matrimonii, inter Bigamos tamen interpretatione Juris computatur ob intentionem contrahendi cum duabus copula secuta affectu maritali. Patet ex *c. nuper 4. h. tit.* ubi statuitur Bigamiæ pœnam incurere eum, qui



qui post consummatum matrimonium cum legitima uxore, hac mortua, vel vivente; & consentiente, Ordines SS. suscepit, & post eos susceptos aliam invalidè duxit, & affectu maritali cognovit; quam Constitutionem DD. communiter extendunt etiam ad Laicos, si ii duplex matrimonium contrahant, quorum utrumque, vel alterutrum invalidum est, ob impedimentum dirimens non ignoratum. An verò extendenda sit etiam ad eos, qui ignari impedimenti sic contrahunt, controvertunt DD. & Suarez quidem *D. 49. de Censur. f. 2. n. 8.* affirmat; alii cum Sanch. *D. 84. de Matr. n. 6.* probabilius negant ex ratione, quia hæc species Bigamiæ interpretativæ non ob defectum Sacramenti, sed ob delictum, seu culpam incurritur, ut patet *c. nuper cit.*

- 6 2 Siquis matrimonium contrahat cum vidua à priore viro carnaliter cognita, vel cum corrupta ab alio extra matrimonium, cumque ea matrimonium contractum consummet, *can. 17. Apost. can. maritum 2. dist. 33. can. curandum 9. can. precipimus 10. can. si quis viduam 13. dist. 34.* & aliis compluribus. Neque refert, etsi matrimonium cum ejusmodi corrupta initium nullitum sit; quia etiam Matrimonium cum repudiata nullum est, & tamen facit Bigamum, ut patet *ex can. Apost. cit. can. si quis viduam 15. dist. 34. & c. ut Bigami 1. hoc tit.* Dixi cum corrupta ab alio; nam si quis duxit, quam ante Matrimonium corrupit ipse, probabilius Irregularis non efficitur, ut cum communi advertit Sanchez. *D. 84. cit. num. 14.* Ratio est, quia in tali matrimonio non est defectus Sacramenti, quod mulierem respicit, exigens, ut illa à pluribus non sit cognita: quod in casu præsentis verum omnino est. Neque obstat *can. Maritum 2. dist. 33.* ubi ab Ordinibus repellitur etiam ille, qui unam quidem, sed concubinam, non matronam habuit, neque distinguitur, an fuerit concubina alterius, an ipsius, qui deinde illam duxit; nam ut ad illum *can. DD. notant*, canon ille non est Gregorii, prout inscribitur, sed Gennadii, conf. non habet auctoritatem Juris. Sed esto, Juris auctoritatem habeat, id solum procedit de Jure antiquiore, quo Irregularitas erant Concubinari, non tantquam Bigami, sed ex delicto, concubinaria consuetudine perpetrato, ut ex Gonz. *c. quia circa 6. n. 4. & 5. notat Vviesner. hic n. 6. in fin.* hæc autem Irregularitas modo sublata est per *c. quia circa cit.*

- 7 3 Nasitur Bigamia Interpretativa, si vir accedat ad uxorem propriam, postquam per adulterium ab alio est corrupta. *can. sicutus 11. & can. seq. dist. 34.* Idque procedit, tamen si vir adulterium uxoris ignoraverit, aut ipsa non volens, sed per vim fuisset cognita ab adultero, ut cum communi advertit Sanch. *D. 84. cit. n. 15.* quia ejusmodi conjunctio inducit defectum perfectæ significationis Sacramenti, ferè, sicut si ab initio contraxisset cum corrupta. Neque obstat, quod Irregularitas Bigamiæ nec veræ, ut *n. 4.* dictum est, nec Interpretativæ, ut ex *c. quia circa cit.* constat, inducatur per fornicationem viri; nam ita statutum ab Ecclesia reperimus de fornicatione, & adulterio fæminæ, non autem de fornicatione, & adulterio viri. Rationem disparis ita Ecclesiasticæ dispositionis ex S. Thom. dat Pal. *tr. 29. D. 6. p. 8. num. 4.* quod actiones specificentur à termino ad quem; terminus autem, ad quem tendit Matrimonium, est mulier: proinde si hæc carnem suam in plures diviserit, Juris interpretatione eam divisisse in plures etiam vir reputabitur. Alii cum Suar. *D. 49. de Censur. f. 3. n. 9.* id factum volunt, quod defectus Virginitatis sit minus frequens, & magis indecens in fæmina, quippe cum talenti ducere, quæ antea jam ab alio corrupta erat, aut cohabitare cum uxore, quæ adulterium commisit, sit quædam infamia, & propterea probrosum dicatur Ordini Clericali: quæ ratio in viro corrupto non militat.

- 8 Quæritur 3. quid sit Bigamia Similitudinaria, & quomodo contrahatur? Resp. Bigamiam Similitudinariam contrahit ille, qui post susceptum Sacrum Ordinem, vel editam Professionem in Religione approbata cum unica, & Virgine Matrimonium defacto contrahit, & consummat. Ita cum communi Garcias *p. 7. de Benefic. c. 6. n. 15.* & patet de Clerico in Sacris constituto ex *cap. sanè 4. de Cleric. conjug. c. de Diacono 1. & c. seq. qui Cleric. vel vovent. de Religionem Professo ex can. quotquot 24. caus. 17. q. 1.* qui textus licet de fæminis Religionem professis tantum videatur loqui, ex communi tamen DD. interpretatione etiam ad viros extenditur. Ratio de utrisque

est, quia aliquo modo sunt similes contrahenti Matrimonium duplex, unum spirituale de Jure cum Ecclesia, vel Religione per Votum solemne continentiae annexum susceptioni Sacri Ordinis, & in Professione Religiosa inclusum; alterum defacto, scilicet carnale, quod interveniente carnali copula attentando, à priori vinculo recedere censetur.

Dixi autem cum una, & Virgine; nam si aliam antea habuit, & hac mortua, susceptis Ordinibus, defacto cum alio contrahat, Bigamiam non Similitudinariam, sed Interpretativam contrahet, prout constat *ex n. 5.* Similiter interpretativè Bigamus erit, qui in Sacro Ordine constitutus, Matrimonium defacto contrahit cum corrupta ab alio, vel cum vidua, eamque cognoscit carnaliter propter affectum intentionis cum carnali opere subsecuro; quia quantum in se est, matrimonium contraxit, & consummavit. Pirg. *hic num. 20. Honig. num. 4. in fin.*

Quæritur 4. quæ sit pœna Bigami absque dispensatione ordinati, & hos Ordinantis? Resp. Episcopus talem sine dispensatione ordinans incurrit Suspensionem à collatione eorum Ordinum, quos ipsi contulit, & à celebratione Missæ per annum *can. nullus 2. dist. 55.* quam Navar. *Conf. 3. hic n. 1.* putat, esse latam ipso Jure. Sed melius alii cum Pirh. *hic n. 26.* dicunt esse tantum ferendæ sententiæ, quod satis indicatur *c. super eo 2. h. tit.* ubi dicitur, quod Ordinatores -- sint privandi potestate Ordinum. Et sic etiam explicari debet *can. nullus cit.* dum in sic ordinantem statuit Suspensionem à celebratione Missarum.

Pœna Bigamorum absque dispensatione Ordinatorum duplex est. 1. privati sunt susceptione, usu, & executione omnium Ordinum, ut ex communi docet Suar. *de Censur. D. 49. f. 5. n. 3.* & constat *ex c. super eo cit. & c. seqq. h. tit.* Proceditque hoc, ut neque defuncta uxore admitti debeat bigamus ad susceptionem, vel executionem Ordinum, ut notat Gloss. *in c. 3. cit. V. nec defunctis h. tit.* Ratio est, quia non vinculum matrimonii, sed Irregularitas contracta ex divisione in plures impedit susceptionem, & executionem Ordinum. hæc autem per mortem uxoris non tollitur, ergo &c.

2. Si sint in minoribus constituti, seculares, & Bigamiam veram, vel interpretativam contraxerint, omni privilegio Clericali ipso facto nudati sunt, adeo, ut non Jurisdictioni fori Ecclesiastici, sed Sacularis subiecti sint: unde nec tonsuram, nec habitum deferre possunt, ut statuitur *c. un. h. tit. in 6.* Dixi 1. si sint in minoribus constituti; nam si constituti sint in sacris, privilegia Clericalia non amittunt, nisi deponantur, vel degradentur, irregulares tamen, & ab executione Ordinum suspensi sunt, donec cum ipsis dispenseretur. Pirh. *hic n. 24.* Ratio disparitatis est, quia existens in minoribus, si Bigamus fiat, fit Laicus, & non remanet persona Ecclesiastica; qui verò in sacris est, persona Ecclesiastica esse non desinit. Dixi 2. Saculares; nam Religiosi Professi, etiam si Bigamiam contraxerint, privilegia tamen Clericali gaudent, donec eo priventur per sententiam. Suar. *f. 5. cit. n. 7. Pal. tr. 29. D. 6. p. 8. n. 13.* Dixi 3. & Bigamiam veram, vel interpretativam contraxerint; quia ad similitudinariam non extenditur, quippe quæ Bigamia non est, nisi latè, & improprie. Suar. *h. cit.*

Quæritur 5. quis dispensare cum Bigamis possit? Et 1. quidem dubitatur, an dispensare possit Pontifex? Ratio dubitandi oritur 1. ex illo Apostoli 1. Tim. 3. ubi Bigami ab Episcopatu repelluntur, ut adeo impedimentum istud videatur esse Juris Divini. 2. *c. super eo 2. h. tit.* absolute dicitur in bigamis contra Apostolum dispensare non licet, ut debeant ad SS. Ordines promoveri &c. 3. Hæc bigamiæ Irregularitas oritur ex defectu significationis Sacramenti. Atqui Papa hunc nequit tollere, ergo &c.

Sed extra controversiam est, Pontificem cum Bigamis quibuscunque dispensare ad Ordines quoscunque posse, quanvis id rarò, & non nisi ex causis gravioribus faciat. Ratio est, quia impedimentum hoc est Jure Ecclesiastico introductum; potest autem Papa dispensare in omni Jure Ecclesiastico, etiam ab Apostolis, auctoritate solum humana, quatenus Rectores Ecclesiarum fuerunt, constituto, cum & ipse auctoritatem Apostolicam in ligando, atque solvendo habeat.

Neque obstant argumenta contraria. Ad 1. eodem loco



loco Apostolus præcipit, ne Episcopus sit percussor, & tamen Papa dispensat cum Homicida: dicendum ergo, præceptum hoc constitutum esse ab Apostolo autoritate non Divina, sed humana tantum. Ad 2. textu illo non impossibilitas, sed difficultas dispensationis in hoc impedimento significatur; hoc ipso enim, quod à traditione Apostolica ortum habeat, non nisi rarò, & ex gravi causa est concedenda. Ad 3. Papa dispensando non debet defectum Sacramenti tollere, sed manente defectu facit, ut eo laborans à susceptione Ordinum non prohibeatur.

14 Dub. 2. an dispensare cum Bigamis possit Episcopus? Resp. Convenit inter plerisque DD. Episcopum in Bigamia similitudinaria, si ea ligatus post peractam penitentiam, laudabilem vitam duxerit, dispensare ad Sacrorum etiam Ordinum susceptionem, & susceptorum executionem posse, prout colligitur ex c. sanè 4. de Cleric. conjug. & c. de Diacono 1. qui Cleric. vel vovent. maxime si Religionem ingredi velit c. ex litterarum 2. & ibi Gloss. V. castitatem de Cleric. conjugat. Ratio est, quia Irregularitas ista non oritur ex defectu, sed ex delicto; facilius autem dispensare Episcopus potest in ista, quam in illa.

15 Controversia est in Bigamia Vera, & Interpretativa, Sanchez D. 86. de Matr. n. 11. cum S. Thoma, Sylv. Avil. &c. putat Episcopum dispensare posse ad Ordines minores, & Beneficia simplicia his potissimum fundamentis. 1. can. Lector 18. dist. 34. dicitur: Lector, si viduam alterius duxerit, in Lectoratu permaneat, aut si forte necessitas sit Subdiaconus fiat nihil autem supra; similiter, & si bigamus fuerit: quod intelligi de Papa nequit, quippe qui, ut n. 13. dictum est, dispensare potest ad quoscunque Ordines. 2. Episcopus ad minores Ordines dispensare potest cum illegitimis c. is qui 1. de fil. presbyt. in 6. Item cum adulteris, hisque similibus criminosis c. at si Clerici 4. §. de adulteriis de Judic. ergo etiam cum bigamis, 3. Minores Ordines non habent annexum Votum Castitatis. Ergo licet ad Majores dispensare solus Pontifex possit, ad minores tamen Episcopus poterit.

16 Sed his non obstantibus, communior DD. sententia negat Episcopum dispensare in Bigamia Vera, & Interpretativa etiam ad Ordines minores, & Beneficium simplex, regulariter saltem loquendo, posse. Constat ex can. non confidat 59. dist. 50. c. nuper 4. h. tit. c. un. eod. in 6. Trid. sess. 23. c. 17. in fin. de reform. ubi Clerici Bigami ab usu Minorum Ordinum arceri jubentur; & ita declaratum à S. Congr. Cardd. testatur Garcias p. 7. de Benef. c. 6. n. 5. Ratio est, quia Episcopus non potest dispensare in Decreto Concilii Generalis, vel Juris Pontificii, nisi in casibus Jure expressis. sed Bigamos excludendos esse ab Ordinibus, etiam minoribus, si non Lege Apostolica, saltem in Concilio Nicæno decretum est, ut testatur Ambrosius relatus can. cognoscamus 14. dist. 34. nec uspiam reperitur concessum esse Episcopis, ut ita dispensare ad Ordines minores possint, ergo &c.

17 Dixi regulariter; nam 1. dispensare Episcopus potest autoritate sibi commissa à Pont. ut extra controversiam est. 2. in Bigamia Interpretativa orta ex delicto occulto vi Trid. sess. 24. c. 6. de reform. ut cum aliis, à se cit. docet Barb. alleg. 49. n. 25. quod tamen Suar. D. 51. cit. sess. 6. n. 9. negat ex ratione, quia Irregularitas hæc, et si delictum interveniat, non tamen oritur ex delicto, sed ex defectu Sacramenti, ideoque nihil refert, quod factum, in quo fundatur, sit publicum, vel occultum, 3. Secundum aliquos in casu, quo gravis necessitas urget ob ministrorum penuriam, nec aditus est ad Summum Pont. tunc enim secundum istos dispensare Episcopus potest quoad Minores Ordines, sicut in aliis Legibus Juris Pont. quod saltem verum est, quando adest causa valde gravis; nam justa causa non sufficit, cum hæc in omni dispensatione, quæ in lege Superioris sit, subesse debeat.

18 Sic limitatæ responsioni non obstant argumenta opposita. Ad 1. præterquam quod can. cit. non sit Martini Pont. ut à Gratiano inscribitur, sed Martini Archiepiscopi Bracarensis, variorum Canonum collectoris, ut notat Suar. D. 51. cit. f. 6. n. 5. facultas dispensandi cum Bigamis ad Ordines minores, & Subdiaconatum, siqua olim data fuit Episcopis, hodierno Jure c. un. h. tit. in 6. & Trid. sess. 23. c. 17. de reform. est revocata, ut dictum est num. 16. Ad 2. negatur paritas; quia præsumptio illa illimitationis incontinentiæ paternæ, ob quam ab Ordinibus prohibentur Illegitimi; & macula, quæ oritur ex crimine, laudabili vitæ honestate, & morum cor-

rectione tollitur; non etiam defectus significationis Sacramenti, quippe qui nec Baptismi lavacro aboletur. Ad 3. vera ratio, ob quam dispensari non potest ab Episcopo ad SS. Ordines, non est solemne Votum Castitatis, sed, ut dictum est, Sacramenti defectus, qui defectus locum habet etiam in Minoribus Ordinibus.

Dub. 3. an, & in qua Bigamia cum subditis suis Regularibus possint dispensare ipsorum Prælati Regulares? Resp. in Bigamia vera, & interpretativa non possunt dispensare etiam Exempti, nisi specialiter privilegiati sint; quia nuspiam in Jure Canonico reperitur talis potestas data Prælati Regularibus; quin etiam in privilegiis, quæ Ordinibus Mendicantibus concessa sunt, ordinariè excipitur Bigamia. At in Bigamia Similitudinaria dispensare possunt ii Prælati, qui Jurisdictionem quasi Episcopalem in suos subditos Regulares habent, ut sunt Generales, Provinciales, Abbates, aut Priores exempti. Suar. f. 6. cit. num. 18.

Porro quæ de Bigamis hæctenus dicta sunt, etiam locum habent in trigamis, quadrigamis &c. & sufficit in petenda dispensatione exprimere se duo matrimonia contraxisse, quamvis tria, vel plura contraxerit; quia æquè Irregularis est, qui Bigamus est, ac qui trigamus, aut etiam quatuor, vel plures nuptias celebravit, ut bene advertit. Pirh. h. c. num. 32.

## T I T U L U S XXII.

## De Clericis Peregrinis,

## S U M M A R I U M.

- 1 Quid de Clericis peregrinis statuatur in Jure?
- 2 An Episcopus Clericis suis aliò discessuris Litteras Commendatitias denegare possit?
- 3 Quomodo probeatur Clericatus in testimoniorum defectu?
- 4 An in Beneficiis conferendis peregrinis præferri possint indigenæ?
- 5 Quid in Collatione Beneficiorum circa Clericos peregrinos sit observandum Collatoribus inferioribus?

**I**nter Impedimenta, quæ vel à susceptione, vel ab executione Ordinum susceptorum prohibent, est, si quis peregrinus sit, id est, extraneus, qui non sit de Diocesi Episcopi Ordinantis, præsertim verò si vagus, & ignotus.

Quæritur 1. quid de his statuatur in Jure? Resp. De his tria statuuntur. 1. Ut non conferantur iisdem quicunque Ordines, etiam prima Tonsura, nisi Litteras Dimissorias ab Episcopis suis habeant. Ita statuitur c. fin. de temp. Ordin. in 6. idque salubriter, ne Ordinibus initientur indigni: quod faciliè eveniret, si sine istis admitterentur Peregrini, & in locis, ubi ordinantur incogniti c. 1. eod. in 6.

2 Ut aliquis ab uno Ordine ascendere ad superiorem possit, exhibere Peregrinus Episcopo Ordinanti præter Dimissorias etiam Litteras Formatas, seu Ordinum susceptorum testes debet cap. tua nos 1. h. c.

3 Iidem Clerici peregrini, & ignoti, etiam postquam ordinati sunt, ut ad Divina celebranda, & Sacramenta administranda admittantur, instructi esse debent Litteris commendatitiis, quæ non tantum de legitima Ordinatione, & carentia impedimenti celebrationis obstant, sed etiam de moribus, & doctrina testimonio locorum Ordinariis præbeant. can. extraneo 7. dist. 71. c. tua 3. h. c. & Trid. sess. 23. c. 16. in fin. de reform. nisi horum fides per ipsas Dimissorias fiat.

Estque hoc ita verum, ut Episcopus suæ Diocesis Prælatos, etiam exemptos, & Regulares, sub pœna Excommunicationis possit compellere, ne ejusmodi Clericos peregrinos ad Divina Mysteria celebranda admittant, donec ipse litteras illorum Testimoniales inspexerit, ut aliis cit. notat P. Vviest. h. c. m. 4. & meritò, ne aliquis aut non Sacerdos, aut à Jure impeditus, se Divinorum celebrationi ingerat.

Quæritur 2. An Episcopus Sacerdotibus, aliisque Clericis Diocesis suæ Commendatitias negare possit, si istas peregrinaturi, vel aliò discessuri petant? Satis certum est apud DD. quod istas denegare possit Clericis, qui Beneficia residentiam exigentia obtinent, si ultra tempus à Jure



Jure indultum peregrè abire velint, & iusta causa non subfit, nec idoneum Vicarium sibi substituant. Pal. tr. 27. D. un. p. 16. n. 3. & apud hunc alii.

Dubium est de cæteris Clericis, quibus denegari Litteras commendatitias posse videtur colligi ex *can. si qui verò 23. caus. 7. q. 1. & can. non oportet 36. de consecration. dist. 5.* Verùm ex his textibus nihil probatur; quia loquuntur solum de iis, qui leviter, & Episcopo; ejusque litteris non requisitis recedunt. Quare autoritate istorum textuum non obstante, cum communi dicendum, quòd Episcopi teneantur per se loquendo hujusmodi Clericis dare Litteras commendatitias, si has ex peregrinationis, aut etiam domicilii, vel Diocesis mutandæ causa perant. Laym. in c. 1. h. tit. n. 4. Pal. tr. 27. D. un. p. 16. n. 3. Barb. de offic. Episc. alleg. 21. num. 5. & apud hos alii.

Excipit Layman l. cit. illos Clericos, qui ob criminis conscientiam, vel suspicionem, aut aliam similem causam volunt discedere; nam his non commendatitias, sed Testimoniales duntaxat debet concedere, quibus quidem testetur de susceptis Ordinibus, & carentia impedimenti Canonici, quod ipsos à celebratione Divinorum removeat; non verò de probitate vitæ, & morum integritate: idque meritò, ne hujusmodi commendatione decepti Ecclesiarum Prælati, & alii Beneficiorum collatores, vel Patroni ipsos, cum fortè indigni sint, ab Beneficia, præsertim curata, promoveant, cum fidelium scandalo, & animarum periculo.

3. Quæritur 3. quid dicendum de Clerico peregrino, qui Ordinationis suæ litteras amisit, aut illas, Barbaris patriam occupantibus, obtinere non potest? De his certum est, eos ad celebrationem Missarum admitti posse, si legitimarum Litterarum amissionem, earumque tenorem, & sic etiam susceptos Ordines ritè probaverint per testes idoneos, famam, communem reputationem, & alia indicia his similia. Gloss. in c. 2. V. per Argumenta hinc.

Dub. 1. an admittendus sit ad celebranda Divina, qui neque indicis probare Clericatum potest, paratus tamen esse jurare, se hos, vel illos Ordines à suo Episcopo legitimè accepisse? Resp. negativè, Patet ex c. inter 2. hoc tit. Ratio est, quia Juramentum in supplementum probationis deferri non faciliè debet, nisi quando semiplena probatio, vel præsumptio quædam stat pro aliquo. arg. c. fin. de jurejur.

Dub. 2. an non saltem hujusmodi Clerici peregrini celebrare possint privatim? Resp. nisi suspecti sint de fitione, ad ita celebrandum admitti posse, ut habetur c. tue 3. h. tit. Ratio est, quia si publicè celebrarent, periculum esset, ne si Sacerdotes non essent, populum deciperent; si autem occultè, nullum alium deciperent, nisi seipsos, quod non præsumitur.

Dub. 3. quanam hic veniant nomine Peregrini? Resp. ii, qui vagi, & ignoti sunt ex mente Trid. sess. 23. cit. c. 16. ibi incertis vagantur sedibus; nam ii, qui noti sunt, & ferè etiam, qui ex vicinis Diocesisbus adveniunt, ad Sacrificium Missæ celebrandum passim admitti solent, quin hujusmodi probationes, aut commendatitiæ, vel testimoniales litteræ ab ipsis exhibeantur, aut exigantur, ut docet praxis quotidiana, & observat Zipæus in Analyfi.

4. Quæritur 4. an in Beneficiis conferendis peregrinis, & alienigenis præferri possint indigenæ, & Originarii? Videtur respondendum negativè. 1. Ob rextum c. ad decorem 5. de Instit. ubi moneri jubetur Patriarcha Constantinopolitanus, ut viros litteratos, & aliàs idoneos, undecunque originem duxerint; in prædictis Ecclesiis (Constantinopolitanis) instituat. 2. quia sicut apud Deum, ita neque apud Ecclesiam est personarum acceptio. hæc contingeret, si in conferendis beneficiis discrimen fieret ratione patriæ, & originis. 3. Non deest Sanctuarium DEI jure hereditario possideri, ut dicitur c. ad decorem cit. ita quasi possiderentur Beneficia, si certa tantum natio illa vindicaret.

Sed dicendum, si indigenæ inveniantur idonei, hos meritò præferri extraneis. Ita communior cum S. Tho. 2. 2. quæst. 63. art. 2. ad 4. & colligitur ex *can. hortamur 8. dist. 71.* & aliis pluribus, clarissimè autem ex Reg. 16. Cancell. quæ est de concurrentibus in data, ubi statuitur, ut ex talibus cæteris paribus, oriundus non oriundo ex loco, diocesanus non diocesano præferatur. Idem confirmat praxis Ecclesiarum, & hanc Statu-

ta, in plerisque Regnis, peregrinos, & alienigenas ad Dignitates, & Beneficia non admittentium. Ratio est, quia indigenæ ob amorem patriæ facilius inducuntur ad Residentiam, & administrationem Ecclesiasticam majori sollicitudine gerunt: irem propter indolis, morumque similitudinem, atque idiomatis peritiam plerumque præ exteris accepti sunt locorum inquilinis, qui ægrè admodum ferre, & videre solent, patriæ stipendia, decimas, aliosque laborum suorum fructus alienigenis obvenire.

Neque obstant argumenta allata. Ad 1. ut Gloss. ad c. decorem cit. V. undecunque notar, ibi lis erat agirara inter meros extraneos, Gallos scilicet, & Venetos, & statutum à Pont. ut non meri Veneti instituerentur: indigenarum autem mentio facta non est, quòd hi ob frequentia schismata, & errores viderentur minùs idonei. Ad 2. non committitur acceptio personarum, si ex duobus quoad scientiam, & alias dotes paribus præferatur indigena; nam iste, ut paulò antea dictum, est aptior. Ad 3. Quasi hæreditario Jure possiderentur Beneficia, si illa indigenis conferrentur ex pacto; non verò si his conferantur, quia cæteris paribus sunt aptiores.

Quæritur 5. quid in collatione Beneficiorum circa Clericos peregrinos sit observandum collatoribus Episcopo inferioribus? Resp. distinguendum esse inter Ecclesias Jurisdictioni Episcopi subjectas, & inter eas, quæ plenissimè exemptæ sunt etiam quoad populum.

In prioribus earum Prælati Beneficia Ecclesiastica Clericis peregrinis conferre non possunt, nisi Episcopus litteras Dimissorias eorum intpexerit, & examinavit c. fin. h. tit. Ratio est, quia ad Episcopum pertinet cavere, ne indigni, aut reprobi Clerici in suam Diocesium recipiantur. Pirh. hic num. 6. Imò neque indigenas possunt instituire sine consensu ejusdem, ut aliis cit. notar Pirh. l. cit.

In posterioribus non opus est, ut circa hoc consensum Episcopi petant, cum nec ipsi, nec populus ponatur eidem esse subiectus, ut bene advertit Pithing. hic n. 6. cit. & apud hunc Hostiens. h. tit. V. alienis. Abbas num. 3. ibid. & consentiant Doctores alii.

Neque opus est, ut pro Examine ad Curam ejusmodi Clericos mittant ad Episcopum; quia cum ipsimet habeant Jurisdictionem Episcopalem in suos subdiros, neque in hac exercenda dependant ab Episcopo, ipsis solis incumbit, ut Ecclesiæ, vel Ecclesiis sibi pleno Jure subiectis provideant de idoneis, aptisque Pastoribus.

Aliud dicendum de iis Collatoribus, qui non sunt plenè exempti; nam etsi isti in Beneficiis Simplicibus, quorum libera Collatio ad ipsos spectat, etiam sine Examine Episcopi instituire possint Clericos sibi notos, & à pietate, moribusque probatos, non tamen possunt in Beneficiis Curatis, sive Patronata illa sint, sive liberæ collationis, prout statutum est à Trident. sess. 7. cap. 13. de Reformation. & declaratum est à Card. Trid. Interpp. apud Joann. Gallemart. l. cit. V. instituantur, & confirmantur ibi: Congregatio censuit hoc non procedere in Beneficiis electivis. Sed in Beneficiis curatis, sive sint Juris Patronatus, sive liberæ collationis, Examen faciendum est ab Episcopis Ordinariis, secundum dispositionem Concilii Tridentini &c.

Et Verb. à locorum Ordinariis sequent. expressius: Obtinentes Beneficia Curata ab inferioribus collatoribus, debent ab Ordinariis examinari; secus in Beneficiis simplicibus, ad prædictos inferiores collatores pertinentibus.

Addidi in Beneficiis simplicibus, quorum libera collatio ad ipsos spectat; nam si Patronata sint, etiam in his opus est, ut à se instituendos Episcopi Ordinarii Examini prius subijciant, prout post verba primùm allegata notar Gallemart. loc. cit. ibi: Hoc etiam procedit in Beneficiis, quæ sunt de Jure Patronatus, & Simplicibus. Plura ex instituto de hoc negotio, & Collatorum inferiorum potestate dicuntur Libr. 3. Titul. 7. de Institutionibus, in quem locum præsens materia pertinet.



## P A R S I V.

## Officium Judicis Ecclesiastici.

**A**B Ordine, in quo Judex Ecclesiasticus constitutus esse debet, ad Officium illius descendimus. Quia verò diversa sunt Ecclesiasticorum Officia, & ex his aliqua Jurisdictionem annexam habent, alia administrationem duntaxat, idcirco non de Judicis tantum, sed aliis etiam Officiis in hac quarta Parte juxta Ordinem Compilationis Gregorianæ agetur, ut sic, quinam ex his Judices Ecclesiastici sint, quodque horum Officium, clariùs intelligatur. Sit igitur

## T I T U L U S XXIII.

## De Officio Archidiaconi.

## S U M M A R I U M.

- 1 Quid sit Archidiaconus?
- 2 Quod ejus Officium, & Potestas?
- 3 Quid facere possit?
- 4 Quid prohibeatur facere?
- 5 An, & qualis Dignitas sit Archidiaconatus?
- 6 Ordo, Doctrina, ætas requisita in Archidiacono.
- 7 Hujus differentia à Vicario Generali.

**Q**UÆRITUR 1. quid sit Archidiaconus? Resp. Archidiaconus Græca vox, *Primum*, seu *Principem Diaconorum* significat. Antiquissimus nominis istius usus est, significatio tamen diversa; nam primis Ecclesiæ temporibus Archidiaconi potestas se ultra Diaconos, & Hypodiaconos non extendebat, sed ille ex prioribus Archidiaconus dicebatur, qui ex septem Diaconis, in singulis urbibus, quibus præficiebatur Episcopus, constitui solitis, cæteris antiquior fuerat: quos proinde instruere debebat, & curare, ut munere suo rite fungerentur. Posterioribus autem temporibus potestas ejus ad universum Clerum secularem se cepit extendere, *c. ut Archidiaconus 1. h. tit.* Hinc de Jure SS. Canonum Archidiaconatus est proxima post Episcopalem Dignitas in Ecclesia Cathedrali, prout cum aliis advertit Barbof. *Jur. Eccl. l. 1. c. 24. n. 2. & 3.* Definiri potest Archidiaconus ex *c. 1. cit.* quod sit Vicarius proximus Episcopi, omnem sollicitudinem & curam tam in Clericis, quam eorum Ecclesiis, cognitionemque habens.

**Q**UÆRITUR 2. quod sit Officium, & potestas Archidiaconi? Resp. circa hoc spectanda est singularum Ecclesiarum consuetudo; nam in quibusdam Ecclesiis nullus est Archidiaconus, sed ejus Officium obit Archipresbyter, seu Decanus, vel Vicarius Generalis, aut Officialis Episcopi. In aliis præminentiam tantum habet inter Canonicos sine Jurisdictione, vel administratione. In certis Ecclesiis certum districtum habet, qui *Fines Archidiaconatus* dicuntur. In quibusdam non unus, sed plures Archidiaconi sunt constituti, qui totam Diocesim, in certas partes distributam, tanquam Vicarii Episcopi perpetui, & intulati gubernant. De Jure potestas ejus se ad universam Diocesim extendit: & propterea *Oculus Episcopi* dicitur.

**Q**UÆRITUR 3. quid in specie pertineat ad Archidiaconum? Resp. de Jure communi ad eum pertinet 1. curare, ut Officium Divinum ritè fiat *c. Officium 2. h. tit.* 2. habere curam primariam, & generalem vasorum sacrorum, & thesauri Ecclesiæ *c. ea quæ 3. h. tit.* 3. Ipsas Ecclesias, cum opus fuerit, restaurare *c. ut Archidiaconus cit. 4.* easdem, præsertim quæ intra fines Archidiaconatus sui sitæ sunt, visitare. *c. mandamus 6. eod.* 5. loco Episcopi, quæ corrigenda sunt in Episcopatu, corrigere *c. ad hæc 7. eod.* 6. promovendos ad SS. Ordines, & Beneficiis Ecclesiasticis præficiendos examinare, illosque postea Episcopo sistere, ut ab eo approbentur *c. adhæc cit. & c. ut nostrum 9. eod.* 7. post decretam ab Episcopo immisionem Abbatum, Abbatissarum, & aliorum Beneficiarum in corporalem possessionem Abbatiarum, & Beneficiorum suorum executionem ejus Decreti, seu ipsam immisionem actualem illorum facere *c. ut nostrum cit. 8.* audire jurgia Clericorum, deque

illis, aliisque causis Ecclesiasticis, non majoribus cognoscere, & judicare. *c. adhæc cit. 9.* denique ad ipsum pertinet omnis sollicitudo parochiarum, aliarumque Ecclesiarum Diœcesis, quam loco Episcopi in foro externo exercet *c. adhæc cit.*

QUÆRITUR 4. quænam ex vi Officii sui Archidiaconus non possit facere? Resp. 1. sine mandato speciali Episcopi non potest alicui committere animarum curam, & sic non habet Institutionem, quam vocant *Authorizabilem c. cum satis 4. h. tit.* 2. non potest dare Litteras Commendatitias, vel Dimissorias ad suscipiendos alibi Ordines *c. significasti 8. eod.* 3. non habet Jurisdictionem in Regulares, & Monasteria, etiam non exempta à Jurisdictione Episcopali, nisi quantum ei consuetudo generalis, vel specialis tribuit *c. fin. eod.* 4. ejus examini non subsunt causæ matrimoniales, criminales, & probabiliter etiam Beneficiales; nam hæc soli Episcopo commissæ sunt. *Trid. sess. 24. c. 5. de reform.* 5. nequit Excommunicare, suspendere, vel interdicare *c. Archidiaconis 5. h. tit.* nisi hoc vel autoritate Episcopi, vel consuetudine obrinuerit: quo sensu intelligi debent textus *c. referente 7. de præb. c. veniens 1. de eo, qui furtivè &c.* & alii in contrarium allegari soliti. Neque obstat, quod Archidiaconus habeat Jurisdictionem Ordinariam fori externi, cui aliàs potestas ferendi Censuras annexa est; nam Censuræ feruntur solum in causis majoribus, Archidiaconus autem in his cognitionem non habet, ut paulò antea dictum est.

QUÆRITUR 5. an, & qualis Dignitas sit Archidiaconatus? Prænotandum, tria hæc, Dignitas, Personatus, & Officium, ctsi aliquando confundantur, si tamen strictè accipiantur, diversum aliquid sonare; nam ut *Libr. 3. Tit. 5. n. 30. & 2. seqq.* dicitur, *Dignitas* est prærogativa, seu præminentia cum Jurisdictione. *Personatus* est præminentia sine Jurisdictione, ut cum quis in Choro, in Processione, in confesso, in suffragiis ferendis sedem, ac locum præ aliis digniorem obtinet. *Officium* denique est administratio sine Jurisdictione, qualem habet Sacrista, Custos, &c.

His notatis, ad Quæstionem datam respondeo, & dico, quod Archidiaconatus, spectato Jure communi, sit Dignitas strictè accepta, & quidem prima post Episcopalem. Quod *Dignitas* sit, patet ex dictis; quia Jurisdictionem sibi annexam habet. Quod *prima* sit, constat ex *c. Ut Archidiaconus 1. h. tit.* hinc Archidiaconus de eodem Jure communi præcedit etiam Præpositum, & Archipresbyterum *c. ad hæc 7. eod.* Neque obstat, quod Archipresbyter sit, & debeat esse Sacerdos, qualis esse non debet Archidiaconus; nam hoc solum probat, quod ille major sit ratione Ordinis, quo stante minor tamen Archidiacono est ratione Jurisdictionis.

QUÆRITUR 6. quis in Archidiacono requiratur Ordo, Doctrina, ætas, & an Episcopus pro arbitrato suo Officium Archidiaconi exercere, & eidem immiscere se possit, vel ipsum ad libitum amovere?

Resp. ad 1. Archidiaconus ratione Officii sui non est necessariò Sacerdos, sed sufficit, si sit Diaconus; quia Jurisdictionem tantum in foro externo habet, quæ Presbyteratus Ordinem non requirit.

Ad 2. ex Decreto *Trid. sess. 24. c. 12. de reform.* in omnibus Ecclesiis, ubi fieri potest, Archidiaconi esse debent Magistri in Theologia, vel Doctores, aut Licentiat in Jure Canonico. Quod tamen intelligendum est de iis solum Archidiaconis, qui Officium Archidiaconatus revera exercent; ii enim, qui Dignitatem tantum, & præminentiam habent sine Cura, & Jurisdictione, non debent necessariò Graduatì esse, ut declaratum esse à Cardd. testatur *Garc. de benef. p. 7. c. 7. n. 40.*

Ad 3. ætas requisita ad Archidiaconatum, cui cura animarum annexa est, est 25. annorum inchoatorum *c. cum in cunctis 7. §. inferiora de Elect. Trid. sess. cit. c. 12.* si Curam annexam sibi non habeat, sufficiunt 22. anni completi, sicut ad alias Dignitates sine Cura. *Trid. ibid.*

Ad 4. non potest Episcopus in Archidiaconi Officium se ingerere, aut illum pro libitu amovere; quia est Vicarius Episcopi, non assumptus ab Episcopo, sed datus à Jure, quod ab Episcopo convelli, vel mutari non potest *can. institutionis 7. caus. 25. q. 2.*

QUÆRITUR 7. quomodo differat Archidiaconus à Vicario Generali, vel Officiali Episcopi? Resp. licet vices Episcopi in Foro externo uterque gerat, differentia rationem



men inter eos non una est. nam 1. Archidiaconus est Vicarius Episcopi natus, intitulatus, & perpetuus; Vicarius Generalis autem est solummodo datus, & temporalis: proinde ad libitum Episcopi amoveri potest, quod fieri non potest in Archidiacono secundum dicta *num. præcedent.*

2 Jurisdictio Archidiaconi Ordinaria directè, & in specie descendit à Jure, seu Canone, vel huic æquipollente consuetudine, indirectè verò ab homine, seu Episcopo eum instituyente, vel confirmante; at verò Vicarii Generalis, seu Officialis Jurisdictio Ordinaria directè, & immediatè provenit ab Episcopo constituyente Vicarium, indirectè autem, & mediatè à Jure, quatenus hoc Episcopo dat facultatem Vicarium constituendi; nam alioquin Judex inferior Jurisdictionem suam Ordinariam committere alteri nequit, ut dicitur infra *tit. 32. de Offic. Judic. n. 9.*

3 Archidiaconus, etsi subordinatam Episcopo, propriam tamen Jurisdictionem, & ab Episcopali distinctum tribunal obtinet, & propterea ab ipso appellari ad Vicarium potest: quod fieri nequit in sententia lata à Vicario Generali; quia Jurisdictionem ab Episcopali indistinctam, & idem cum ipso Tribunal, atque Consistorium habet *c. Romana 3. in princ. de Apell. in 6.*

## TITULUS XXIV.

### De Officio Archipresbyteri.

## SUMMARIUM.

- 1 Quid sit Archipresbyter, & quotuplex?
- 2 Quod sit Officium Archipresbyteri Civitatenfis?
- 3 Quæ ejus Jurisdictio?
- 4 An sit Dignitas, & qualis?
- 5 Officium Decani Ecclesiæ Collegiatae.
- 6 Officium Decani Ruralis.
- 7 Modus istum constituendi.

1 **Q**Uæritur 1. quis sit Archipresbyter, & quotuplex? Resp. Archipresbyter, quasi Princeps Sacerdotum dicitur ille, qui reliquis Presbyteris in iis, quæ Sacerdotalis Officii sunt, cum imperio præest *c. ut Archipresbyter 1. h. tit.* Alio nomine etiam Decanus vocatur *c. adhuc 7. de Offic. Archidiacon.* Duplex dividitur; nam alius Urbanus, sive Civitatenfis dicitur; alius verò Ruralis, seu Forensis. Prior Presbyteris in urbe Episcopali, vel alia existentibus præest, & Decanus Ecclesiæ Cathedralis vel Collegiatae vocatur. Posterior extra Civitatem Episcopalem ruri tum plebis, tum Parochorum, aliorumque Clericorum, qui per minores titulos, seu Ecclesias habitant, curam gerit, & Decanus Ruralis, aut Vicarius, vel Officialis Foraneus appellatur.

2 QUæritur 2. quod sit Officium Archipresbyteri Civitatenfis, seu Decani Ecclesiæ Cathedralis? Resp. spectato Jure communi, ad Officium ejus pertinet, super omnes alios Presbyteros Curam animarum gerere *c. ut Archipresbyter cit.* Hinc quasi Dux, & Princeps illorum est. Pirh. *hic n. 2.* assidue, i. e. competentibus horis in Ecclesia stare *c. cit.* 3. in absentia Episcopi vice ejus Missarum solemniter celebrare, & Collectam, i. e. Missam FERIALEM dicere, vel alteri dicendam demandare *c. cit.* 4. in eadem absentia vice Episcopi inchoare Officium Ecclesiasticum, impetiri Benedictiones Presbyterales in Ecclesia *c. Officium 3. h. tit.* 5. eodem Episcopo absente, benedicere fontes, infirmos oleo sacro ungere, solemniter poenitentem, consulto tamen prius Episcopo, reconciliare, poenitentiam cunctis aliis Sacerdotibus injungere. *c. ministerium 2. h. tit.* 6. quando Episcopus Missam canit, præcipere Sacerdotibus, ut induant se vestibus sacris, & eos ordinare ad ministerium Altaris. *c. Officium cit.* 7. præcipere Custodi, ut in Sacratio Eucharistia non desit pro infirmis, & providere, ne fortè aliqui sine Sacramento Confessionis, & Eucharistia moriantur. *cap. eod.* 8. curam gerere, ut Sacerdotes Cardinales (i. e. qui Parochii sunt præfecti) in administratione Sacramenti Eucharistia, & in Officio, seu psallendis Horis Canonicis sint assidui, & ut Episcopi sui præceptis obtemperent. *c. ministerium cit.* 9. Confessiones etiam Sacerdotum, & aliunde accedentium Diocesanorum una cum aliis Presbyteris secundum provisionem Episcopi excipere, ad Catechumeno-

rum instructionem, & baptizandos infantes Sacerdotes providere. *c. 3. cit.*

QUæritur 3. an qualem Jurisdictionem habeat Archipresbyter Civitatenfis? Resp. Distinguendo inter Jus commune Scriptum, & Consuetudinarium.

Jure communi scripto Archipresbyter tantum habet Jurisdictionem in Foro interno, camque Ordinariam absolvendi à peccatis non reservatis, & quidem quoad Sacerdotes solos, ita, ut juxta idem Jus commune antiquum nulli alteri, quam ipsi, peccata sua confiteri olim potuerint: in foro autem externo, eodem Jure communi spectato, nullam habet Jurisdictionem, ut colligitur ex *c. ut Archipresbyter 1. h. tit.* & aliis *cit.* advertit Pirh. *hic n. 6.*

Aliud dicendum de Jure Consuetudinario hoc enim cum tempore introductum, & hodie etiam receptum est, ut Sacerdotes, alique Clerici peccata sua cuilibet Sacerdoti approbato confiteri possint, ut in *c. fin. h. tit.* notat Laym. *n. 2.* Eodem Jure Consuetudinario Archipresbyter in quibusdam Ecclesiis obtinet Jurisdictionem etiam fori externi, in multis quidem in Canonicos, & Officiales Capituli; in aliis verò, præsertim, ubi Archidiaconus nullus est, etiam in reliquis Clericis extra Ecclesiam Cathedralis, prout aliis *citt.* notant Laym. *l. cit. n. 2.* Pirh. *n. 6.* Vviff. *n. 4.*

QUæritur 4. an Archipresbyter Civitatenfis, seu Decanus Ecclesiæ Cathedralis habeat Dignitatem, vel Personatum? Resp. censetur habere utrumque, ita ut ipsi à Sede Apostolica, vel ejus Legato causæ delegari possint juxta *c. statutum 11. de rescript. in 6.* Neque obstat, quod Jure communi spectato, ut dictum est *num. præc.* non sit præditus Jurisdictione fori externi; quia saltem habet præminentiam inter Canonicos, & alios Clericos, quod ad Dignitatem, saltem latius acceptam, sufficit. Pirh. *hic n. 8.* & apud eundem Abb. Az. &c.

Dubium est, quæ sit major Dignitas, Præpositura, an Decanatus? Resp. in hoc attendendam consuetudinem cujusque loci, cum Jure communi Canonico de eo nihil expressum sit. In tota ferè Hispania, & Gallia prima post Pontificalem Dignitas est Decanatus; quia Decanus est caput Capituli, eique cum Jurisdictione aliqua in Canonicos obtenta præest. At in Belgio, Germania, Polonia dignior est Præpositura, etiam si nullam Jurisdictionem annexam habeat. Hinc etiam in plerisque Ecclesiis Cathedralibus, & Collegiatis Germaniæ reservata est collationi, & provisioni Pontificis juxta Concordata §. de cæteris.

QUæritur 5. an & qualem Jurisdictionem habeat Præpositus, vel Decanus Ecclesiæ Collegiatae? Resp. spectato Jure communi, probabile est Prelatos, seu Rectores Ecclesiarum Collegiatarum secularium, sive vocentur Præpositi, sive Decani, qui à Capitulo eliguntur, & à Superiore, vel Episcopo confirmantur, habere Ordinariam Jurisdictionem fori externi in Clericos sui Collegii, licet subordinatam Episcopo, cui subsunt, ita ut excommunicare, & alias Censuras ferre in eos possint. Gloss. in *c. 3. V. Ecclesiastica sententia de Offic. Jud. Ord.* Abbas *ibid. n. 3.* Pirh. *hic n. 9.* & colligitur ex *c. veniens. 1. de eo, qui furtivè &c.*

Spectanda tamen etiam quoad hos est consuetudo cujusque Ecclesiæ; nam in quibusdam locis, ut notat Pirh. *n. 9. cit.* dicti Prælati Jurisdictionem propriè exercent: in aliis cognoscere solum possunt de causis, & delictis levibus. In nostris partibus Præpositura Collegiata Ecclesiæ quidem est prima Dignitas, plerumque tamen sine Jurisdictione annexa, cum hanc Decanus exerceat, sibi datam per electionem Capituli, & Confirmationem Episcopi.

QUæritur 6. quod sit Officium Archipresbyteri, seu Decani Ruralis? Resp. de hoc agit *c. fin. h. tit.* ubi statuitur, ut singulæ plebes, Archipresbyterum habeant. Officium illius est tum plebis, tum Presbyterorum, qui per minores titulos habitant, inspectionem gerere, & ea quidem quæ minora sunt & tum inter plebem, tum inter Parochos, aliosque Clericos sibi subiectos controversa, sine figura judicii disponere, ac decidere; majore autem, & quæ sine cognitione, & definitione judiciali expediti nequeunt, ad Episcopum, sive Vicarium ejusdem referre. Barb. *Jur. Eccl. l. 1. c. 25. n. 27.*

Ex quo sequitur, quod ejusmodi Archipresbyteri, seu Decanatus Ruralis non sit Dignitas, nec Personatus: non



non *Dignitas*: quia ut *tit. prac. n. 5.* dictum est, Dignitas est præ eminentia cum Jurisdictione; Decanus Ruralis autem Jurisdictionem fori externi non habet, cum vi Officii sui de causis etiam minoribus cognoscere judicialiter nequeat: non etiam *Personatus*; quia est præ eminentia sine Jurisdictione, ut *nu. cit.* monui, & quidem, ut cum communi advertit Pirh. *hic n. 13.* in aliquo Clericorum Collegio, & Ecclesia principali. talem autem Decanus Ruralis non habet, sed tantum in minoribus, seu Plebanis Parochiis *c. fin. cit. ibi per minores titulos.*

Quæritur 7. quomodo constituendi sint Decani Rurales? Resp. communiter eliguntur à Capitulo, confirmari tamen debent ab Episcopo, vel Vicario ejusdem Generali, qui, antequam istud faciat, diligenter inquirere debet in eorum vitam, mores, & rerum agendarum peritiam, cum ab ipsis totus Clerus, qui in oppidis, & pagis extra Civitatem Episcopalem versatur, regi, & in disciplina, ac honestate vitæ conservari debeat.

Præterea Decani hujusmodi post editam Fidei Professionem etiam Juramentum præstare debent, quod Officium suum fideliter administrare, commissos suæ curæ Clericos, & loca sacra visitare, Capitula congregare, quæ corrigenda videbuntur, corrigere, Clericorum ebriitates, & alia scandala impedire, vel si impedire non possint, ad Ordinarium referre velint. Pirh. *hic n. 12.* & apud hunc Laym. *de Jurisd. Ord. concl. 147.*

## TITULUS XXV. XXVI. &amp; XXVII.

De Officio, Primicerii, Sacristæ, &amp; Custodis.

## SUMMARIUM.

- 1 Quid sit Primicerius, & quod ejus Officium?
- 2 Quod Officium Sacristæ?
- 3 Quod Custodis?

Quæritur 1. quid sit *Primicerius*? Resp. *Primicerius* antiquum nomen, inde sumptum, quod primus inscriberetur in cera, seu tabula cerata, hic *Cantorem* significat. Officium illius describitur *c. un. h. tit. 1.* præstet Diaconis, & aliis Clericis in docendo: hinc in aliquibus Ecclesiis *Scholasticus* dicitur: in aliis autem hujus Officium separatim est à Cantoris Officio: imò in plerisque Ecclesiis Cathedralibus à Scholastico non exercetur, sed tantum est titulus quidam, & præbenda Canonialis. 2. Sollicitè curare debet, ut inter eosdem Clericos serveretur disciplina, super quo oneratur ejusdem conscientia, tanquam rationem pro animabus illorum reddituri DEO. 3. eidem incumbit assignare Lectoribus Lectiones, quæ ad nocturna Officia Clericorum pertinent, eosque in modo cantandi, psallendique instruere. 4. de Jure communi Jurisdictionem non habet, sed administrationem tantum; quia licet delinquentes possit corrigere, non tamen illud potest in forma judiciali. 5. habet tamen Beneficium duplex, & Dignitatem; quia præ eminentiam cum administratione conjunctam habet, cum sit post Archipresbyterum primus in Choro, & alio confesso Canonico.

Quæritur 2. quid sit *Sacrista*, & quod ejus Officium? Resp. *Sacrista*, qui etiam *Thesaurarius* in quibusdam Ecclesiis dicitur, est ille Ecclesiæ minister, qui immediatam curam Sacri Thesauri habet.

Officium illius est calices, patenas, thuribula, candelabra, aliaque ejusmodi instrumenta, ornamenta, & vestimenta Ecclesiastica, totumque Ecclesiæ thesaurum custodire, & quæ ad luminaria, ministeria, ornatum, & thesaurum Ecclesiæ pertinent, curare, & ordinare *c. un. h. tit.*

Ex quo patet, Sacristam de Jure communi nudum obtinere Officium sine ulla Jurisdictione, aut præ eminentia. *De Jure Communi*, inquam; nam de consuetudine postea introducta, & multarum Ecclesiarum Statutis confirmata successu temporis officium hoc inter Dignitates Ecclesiasticas connumerari cepit, & hinc eidem causarum Ecclesiasticarum cognitio, & definitio à Sede Apostolica delegari potest, & aliquando etiam delegata est, ut patet ex *c. cum olim 32. de Offic. deleg. c. ex tenore 11. de for. compet. & c. significavit 18. de convers. conjugat.*

Quæritur 3. quod sit Officium *Custodis*? Resp. Hic *Sacrista*, seu *Thesaurarius* quasi minister est: ad Officium

ejus de Jure pertinet Ecclesiæ utensilia, & rei Divinæ instrumenta minus pretiosa custodire, parare panem, vinum, & alia ad Altaris ministerium necessaria, signa dare Divinorum Officiorum, lampades, & luminaria accendere, & extinguere *c. custos 1. & c. seq. h. tit.*

Ex quo constat *Sacristæ*, & *Custodis* Officia diversa esse, & hunc inferiorem *Sacrista*, si rigor Juris spectetur: *Juris rigor*, inquam; nam hodiernis moribus *Custodis* Officium, majore hujus parte translata in *Ædium*, unum, idemque factum est cum Officio *Sacristæ*, idque Jure non improbante, prout patet ex *c. fin. h. tit. ibi ut nulla negligentia in Ecclesia DEI videatur, hi tres, Archipresbyter, & Custos simul juncti providè peragent*, ubi *Sacrista Custodis* appellatione comprehendi potius, quam prætermisus videtur.

## TITULUS XXVIII.

De Officio Vicarii.

*Vicarius* generaliter ille dicitur, qui gerit vices alterius mortui, absentis, vel aliter impediti, ut muneri, aut rebus suis interesse, vel superesse ipsemet nequeat. Duplex dividitur, unus *Natus*, seu *Legitimus*, cui Vicariatus à Lege, vel Canone competit, qualis respectu Episcopi est Archidiaconus, & Archipresbyter, alter *Datus*, seu *Datus*, qui Officium ab homine, sive Superiore, eum sibi, vel alteri substituente, accepit. Hic à functionibus, quas vice alterius obit, vel *Vicarius Jurisdictionis*, vel *Vicarius in Divinis* dicitur. De utrisque istis plura sunt differenda. Hinc sunt

## §. I.

De Vicario in Divinis.

## SUMMARIUM.

- 1 Definitio Vicarii, & Divisio.
- 2 Observanda in constitutione Vicarii perpetui.
- 3 Causa hunc constituendi.
- 4 Jus, & potestas illius.
- 5 An perseveret presente Rectore principali?
- 6 Jus Rectoris principalis.
- 7 Causa constituendi Vicarium Temporaneum.
- 8 Quis istum possit constituere?
- 9 Qualis constituendus sit in Ecclesiis perpetuò unitis?
- 10 Jus & potestas Vicarii Temporalis.
- 11 Vicarius perpetuus non potest sibi substituere Vicarium perpetuum.
- 12 Potest Temporaneum.
- 13 Modi, quibus finiatur Officium Vicarii.

*Vicarius in Divinis*, qui etiam *Vicarius in Beneficiis* dicitur, ille est, qui in Divinis ministeriis, & Cura animarum, sive iis, quæ ad forum internum conscientie pertinent; vices alterius gerit. Alius est Perpetuus, alius Temporalis. *Perpetuus* est, qui in aliqua Ecclesia, assignata sibi ex hujus proventibus debita portione ad sustentationem congruam authoritate legitima Canonice instituitur, ita ut ad libitum, & extra casus Jure expressos amoveri nequeat. *Temporalis* verò, qui solum constituitur ad tempus, ita ut ex redditibus Ecclesiæ, cui servit, vivat quidem, quamdiu eidem servit, ad nutum tamen, & libitum ejus, à quo constitutus est, amoveri possit.

Quæritur 1. de *Vicario perpetuo*. Et 1. quidem dubitatur, à quo nominari, vel constitui possit *Vicarius perpetuus*? Resp. in constitutione hujus sequentia sunt observanda.

1. Nominatio ejusdem, seu presentatio regulariter pertinet ad Rectorem principalem, & Parochiam suæ Ecclesiæ, Dignitati, Monasterio &c. unitam habet, prout sumitur ex *c. ad audientiam 1. h. tit.* & declaratum esse à Cardd. testatur Garc. *de benef. p. 9. c. 2. n. 294.*

2. Si patronatum sit ejusmodi Beneficium, in quo constituitur *Vicarius perpetuus*, etiam opus est consensu Patroni, ut colligitur ex *c. ad audientiam 3.* & notat *ibidem* Gloss. *V. Rectoris de Eccles. edific.* Ratio est, quia *Vicarius perpetuus*, in Parochia canonice institutus, acquirit Titulum perpetuum Beneficii, saltem utilem; ad hunc



hunc autem præsentandi jus Patrono competit. igitur sine hujus consensu Vicaria perpetua nemini conferri debet.

3 Institutio hujusmodi Vicarii perpetui debet fieri ab Episcopo, ut colligitur ex *c. ad hæc 3. h. tit.* & ratio est, quia talis Vicaria inter Beneficia computatur; at sine consensu, & autoritate Episcopi nullum Beneficium erigi, vel conferri potest. ergo &c.

4 Antequam Episcopus Vicarium sibi præsentatum instituat, præmittere Examen ejusdem debet, an sit idoneus, Et hoc procedit, etsi Capella, vel Ecclesia, in qua instituitur Vicarius perpetuus, unita sit Ecclesiæ, vel Monasterio exempto, ut aliis *citr.* notat P. Vviesl. *hic n. 5.* Ratio est, quia licet Monasterium, vel etiam Capella sic unita à Jurisdictione Episcopi exempta sit, non tamen exempta est persona Vicarii, qui Curam in ea exercet, & populus, in quem exercetur: æquum proinde est, ut Episcopus sciat, an præsentatus ad Curam animarum exercendam idoneus sit.

5 Idem Episcopus hujusmodi Vicario etiam assignare debet congruam fructuum portionem, quæ plerumque est pars tertia, interdum major, vel minor, sicut ipsi Episcopo visum fuerit, modò tanta sit, ut decentem sustentationem habeat, & hospitalitatem erga peregrinos, ac misericordiam erga pauperes exercere, Jura Episcopalia solvere, aliaque onera supportare possit. *c. sicut nobis 2. de suppl. negl. Pralat. &c. de Monachis 12. de Prab. Excipitur*, nisi omnia hæc onera incumbant Rectori principali; tunc enim sufficiet Vicario perpetuo dati congruam sustentationem. *Clem. 1. de Jur. patronat.*

6 Dub. 2. in quibus Beneficiis, & quibus ex causis Vicarius perpetuus constitui possit? Resp. ferè tantum constitui solet in Beneficiis, & Ecclesiis Parochialibus: idque ex duplici præcipuè causa.

*Prima*, & frequentior est, quia talis Ecclesia Parochialis unita est alteri Ecclesiæ, Dignitati, Beneficio, Universitati, Collegio, Monasterio, Hospitali, vel alteri pio loco, ita ut Rector principalis in hujusmodi Ecclesia unita Curam animarum exercere vel non possit, vel eum exercere non debeat, *c. extirpanda 30. §. qui verò de Prab. & Trid. sess. 7. c. 7. de Reform.*

*Alterà*, eaque non infrequens, quando Parochia redivitibus abundans valde numerosum, & distantem populum habet; tunc enim Ecclesia, seu Capella Filialis erigitur, eique Vicarius perpetuus, assignata congrua portione, præficitur, qui ab Ecclesia Matrice sejunctos, & longè remotos curet juxta *c. ad audientiam 3. de Eccl. adif.*

Præsentatio autem illius ad Rectorem principalem, & probabilius etiam ad Patronum Ecclesiæ, ex cuius redivitibus erecta, fundata, & dotata est Filialis, pertinebit, ut rectè notat P. Vviesl. *hic n. 6.* idque ex duplici causa: quarum prima est, quòd proventus, ab Ecclesia matricè detracti, & applicati Ecclesiæ Filiali, mediata saltem descendant à Patrono, ejusque majoribus Ecclesiæ Matricis Fundatoribus; altera, quòd hujusmodi detractio proventus Beneficium Ecclesiæ matricis factum sit minùs æstimabile, adeoque deceat hunc defectum per Jus patronatus in Ecclesia filiali compensari.

7 Dub. 3. quale Jus Vicario perpetuo competat? Resp. si in Ecclesia Parochiali Canonice sit institutus, acquirit Jus reale, ac verum Titulum Canonicum Beneficii, non quidem directum, qui est penes Rectorem principalem, cujus vices gerere dicitur, sed utilem pensionis, ex annuis Parochiæ redivitibus sibi assignatæ. Hinc verum Beneficium habere censetur, & æquiparatur Parocho, ita ut quidquid de isto statutum est Jure, etiam in ipso loco habeat. *Clem. un. h. tit.*

In specie 1. eidem competit tota actualis potestas Parochialis, & Cura animarum per Sacramentorum aliorumque Divinorum administrationem ex Officio exercenda. *Barb. Jur. Eccl. l. 3. c. 6. n. 28.*

2 Habet intentionem de Jure communi fundatam in Decimis, sed pro sua tantum congrua portione assignata; nam in reliquis Decimis de Jure communi fundatam intentionem habet Rector, vel is, cui Beneficium est unitum. *Barbos. l. cit. n. 38. & 39. Tamb. tom. 3. de Jur. Abb. decis. 102. n. 2. Konig. rit. de decim. n. 14. & alii ab his citr.*

3 Idem debetur ipsi honor, locus, & prærogativæ, quæ aliis Parochis. *Gonzal. in reg. 8. gloss. 5. §. 3. n. 29.*

4 Eadem habet obligationes, quas veri Parochi juxta *reg. qui sentit. 55. in 6.*

5 Ab Ecclesia sua, in qua Canonice institutus est, sine culpa, vel alia causa jure expressa removeri non potest *c. adhuc 3. h. tit.*

6 Ejus Beneficium non vacat, etsi Rector principalis mortalis mortuus sit, vel Dignitatem, aut Beneficium, cui illud unitum est, amiserit, vel dimiserit; quia Jurisdictionem non habet ab ipso Rectore, sed ab Episcopo. *Pirh. hic n. 13.*

7 Non potest unus, idemque esse Vicarius perpetuus in diversis Ecclesiis *c. provideas 2. h. tit.* hinc per adeptionem alterius similis Beneficii Vicaria ejusmodi vacat ipso Jure. *Clem. un. h. tit.*

8 Intra annum ab adepta Vicariæ pacifica possessione, Sacrum Presbyteratus Ordinem suscipere, legitimo impedimento cessante, debet; aliàs Vicariam ipso Jure amittit. *Clem. cit.*

9 Ut Vicaria istiusmodi capax sit, debet annum ætatis 25. saltem inchoasse. *Gloss. in Clem. cit. V. etate.*

Quorum omnium una, eademque ratio est, quia ut initio *Num. præc. dixi*, & *Clem. cit.* statuitur, quidquid in Jure dispositum reperitur de Parochis, etiam in perpetuis Ecclesiarum Parochialium Vicariis locum habet.

Dub. 4. an Vicario perpetuo Parochiæ administratio in Divinis competat, etiam præsentante Rectore Principali? *Ratio dubitandi* est, quia præsentante eo, cujus vices geruntur, cessat, vel saltem minuitur potestas ejus, qui vices illius gerebat. Atqui Vicarius, etiam perpetuus, vices gerit tantummodo Rectoris principalis, ergo &c.

Sed retinenda adhuc est affirmativa sententia, & dicendum, quòd Vicarius perpetuus, etiam præsentante Rectore principali, administrare Parochiam in Divinis possit. Ita communis. Estque hoc ita verum, ut eo invito, Rector principalis in administrationem Sacramentorum, aliorumque Divinorum se ingerere nec possit, nec debeat, ut aliis relatis advertit *Laym. in c. h. 3. tit. num. 2.* Ratio est, quia ut *n. præc.* dictum est, tota Cura actualis Vicario commissa est; Principalis autem non nisi habitu eam retinet. exercere autem curam nemo potest, nisi qui actu eandem habet. ergo &c.

*Excipitur*, si Parochia illa pleno Jure incorporata esset Ecclesiæ, cujus caput est Rector principalis; tunc enim tota Cura tam actualis, quàm habitualis in Ecclesia incorporata est penes Rectorem principalem, & is, qui loco ejusdem Parochiam administrat, est solum Cooperator illius in ea Ecclesia: unde sicut Cooperator Parochum suum à Divinorum administratione impedire non potest, ita nec Rector principalis ejusmodi Vicarius.

*Ad rationem dubitandi* id procedit, quando ille, cujus vices geruntur, Curam actualem retinet, quod plerumque non fit in Ecclesiis, in quibus instituitur Vicarius perpetuus.

Dub. 5. quid Jus habeat Rector principalis in Ecclesia, in qua institutus est Vicarius perpetuus? Resp. 1. curam, ut *Num. præc.* dictum est, in habitu retinet, cujus effectus est, quòd ipsi afferat, & conservet Jus Vicarium nominandi, & Parochiales redivitus ferè quoad potiorem partem percipiendi, propter quod Parochia potius Rectoris principalis quàm Vicarii esse dicitur, ut *in c. 3. h. tit.* notat *Laym. num. 1.*

2 In iis, quæ ad externam defensionem, vindicationem Jurium Parochialium, adeoque ad forum contentiosum, atque fabricæ reparationem pertinent, Juris Parochialis exercitium etiam ad Rectorem principalem spectat, saltem si is majorem partem reddituum percipiat. *Laym. l. cit. num. 2.*

3 Si Vicaria perpetua per mortem, renuntiationem, privationem &c. vacet, ipsa Cura actualis animarum ad Rectorem principalem, si iste ejus capax sit, redit, ita, ut eo tempore, donec ab ipso præsentatus, vel nominatus novus Vicarius canonice institutus sit, administrare Sacramenta, aliaque Divina per seipsum, vel per alium Vicarium temporalem à se constitutum possit, ut cum aliis advertit *Laym. de Elect. Pralat. q. 208. in fin.*

Quæritur 2. de Vicario Temporaneo. Et 1. quidem dubitatur, ex quibus causis constitui possit Vicarius Temporaneus? Resp. plures à Jure approbatas causas inveniri. 1. quando Ecclesia, vel Beneficium per Rectoris obitum, renuntiationem, privationem vacat; tali enim casu eidem Vicarius dandus est, donec de novo Rectore provideatur. *Trid. sess. 24. c. 18. in princ. de reform.*

2 Quando in ea institutus Rector Ecclesiam, vel Benc-



Beneficium administrare per seipsum nequit ob defectum legitime ætatis, infirmitates, vel negotia, & occupationes alias, præsertim necessitatis, vel utilitatis Ecclesiæ causa susceptas *c. ex ratione 2. de atat. qual. & ordin. præfic. c. de Rectoribus 3. de Cler. egrot. &c.*

3 Propter diversitatem idiomatis, vel justam, & ab Ordinario approbatam absentiam causa Studiorum, vel peregrinationis ad pia, & Religiosa loca, præsertim in Terram Sanctam *c. quoniam 14. de Offic. Ordin. c. relatum 4. de Cler. non resid. c. fin. devot. & vot. redempt.*

4 Quando Rector ex dispensatione simul obtinet duas Ecclesias Parochiales, vel alia Beneficia Curata. *can. & temporis 48. caus. 16. q. 1.*

5 Quando Religionem ingressus, versatur in probatione *arg. c. de Monachis 12. de præb.*

6 Quando Divini Cultus incrementum ex Vicarii substitutione speratur *can. illud 15. & can. seq. caus. 7. q. 1.*

De quibus, & similibus causis latè Gonzalez. *ad Reg. 8. gloss. 5. §. 3. à n. 12. Azor p. 2. l. 3. c. 6. q. 3. Barbosa. Jur. Eccl. l. 3. c. 6. à n. 50. Pirh. hic num. 20. Vviestner n. 13. & alii passim.*

Dub. 2. quis possit constituere Vicarium Temporaleum? Resp. 1. id potest Episcopus in Ecclesiis, & Beneficiis sibi subjectis, ob Curam generalem, quam in Dicesim suam exercet.

2 In casu Vacaturæ per mortem, renunciationem, depositionem &c. Vicarii perpetui, qui prius erat in Beneficio, Vicarium Temporalem deputare potest Prælati Ecclesiæ, vel Beneficii, cui Beneficium Parochiale unum est, ut dictum est *num. 6.* Neque opus est tali casu ulla institutione, vel collatione, sed sufficit, si eum Episcopus approbet, & licentiam administrandi Sacramenta eidem concedat: in quem finem etiam examinare ipsum potest, ut notant Gonzalez. *l. cit. à n. 35. Garcias p. 1. de Benef. c. 2. n. 63. Barbosa. l. 3. Jur. Eccl. c. 6. n. 63. & alii ab his cit.*

3 Ex causa iusti impedimenti, vel absentiae, ob quam officio suo fungi non possit, substituere sibi Vicarium ex Sacerdotibus ab Episcopo approbatis potest Parochus, propria quidem autoritate, si officium huius ad breve tempus, e. g. unius, duarum, vel etiam trium hebdomadarum duraturum sit; cum consensu Ordinarii autem, si ad tempus aliquod longius aliquot mensium, ut insinuat Trid. *sess. 23. c. 1. vers. eadem omnino de reform.* ubi decernit, Parochos à suis Ecclesiis abesse non posse, nisi per duos, vel tres menses, vel de licentia Ordinarii, relictoque Vicario ab ipso Ordinario approbando.

Dub. 3. qualis Vicarius, Perpetuus, an Temporalis præficiendus sit, in Ecclesiis Parochialibus, quæ perpetuò annexæ sunt Ecclesiis, Capitulis, Monasteriis, vel aliis piis locis? Resp. spectato Jure commune, in huiusmodi Beneficiis unitis constituendos Vicarios perpetuos, ut constet *ex c. extirpanda 30. §. qui verò de præb. c. un. de capell. Monach. in 6.*

Excipitur 1. si huiusmodi Ecclesiæ pleno Jure, i. e. quoad temporalia simul, & spiritualia sint unitæ Monasterio, tunc enim ibidem exponi Regulares cum Jure Vicariorum Temporaneorum possunt juxta Bullam S. Pii V. *ad exequendum, circa fin.*

Excipitur 2. si hæc tenet semper administratæ sint per Regulares; quia Trid. dum *sess. 7. c. 7. de reform.* jubet Vicarios perpetuos poni in Ecclesiis unitis, intelligendum est solum de iis Parochiis, quæ solum quoad temporalia unitæ, & semper per sæculares Clericos administratæ sunt, ut advertit Konig *hic n. 32.*

Excipitur 3. si ita expedire videbitur Episcopo, ut Vicarium temporalem in huiusmodi Ecclesia ponat, ut habet Trid. *sess. 7. c. 7. de reform.* quod tamen raro faciet; quia plerumque magis expediet constitui Vicarium perpetuum, cum frequens ministrorum mutatio Ecclesiis raro sit utilis.

Dub. 4. quale Jus, sive potestas Vicario temporali competit? Resp. ejusmodi Vicarius, sive à Parocho, sive ab ipso Episcopo constitutus sit, Jus quidem, & Titulum in Episcopo, in quo Vicarius constitutus est, nullum acquirit, Curam tamen, aliasque functiones Parochiales omnes exercet instar ipsius Parochi, cujus nomine administrat, & penes quem Jus Parochiale, & Cura tum actu, tum habitu permanet. Pirh. *hic n. 21.*

Estque hæc potestas ipsius, & Jurisdictio quasi Ordinaria, non tantum delegata, cum eadem sit cum illa, quam habet is, cujus vices gerit, & cui substitutus est in Cura, & officio. Pirh. *l. c. n. 23.*

Neque obstat, quod ei non competat ratione proprii muneris perpetui, & irrevocabilis; quia competit ei saltem ratione muneris temporalis, & revocabilis: ex quo solum sequitur, quod ejus potestas non sit ordinaria, sed quasi Ordinaria, & Delegatæ similis.

Quæritur 3. de Vicario Vicarii. Et 1. quidem dubitatur, an Vicarius perpetuus substituere sibi similem alium, seu Vicarium perpetuum possit? Ratio dubitandi sumitur à paritate cum Procuratore, qui post litem contestatam, vel negotium cœptum substituere sibi alium similem Procuratorem potest *c. non indiscretè 1. de Procuratorib. in 6.*

Sed cetera est sententia negativa; ita enim clarè dictum habetur *c. Clerico 4. b. tit.* Ratio est, quia sic idem Titulus, seu Jus Vicariæ ad duos simul pertinere, quod fieri non potest. Confirm. quia nec ipse Parochus, licet Curam tam actualem, quam habitualem habeat, sibi substituere Vicarium perpetuum potest, quippe cum extra casus Jure expressos per seipsum deservire Ecclesiæ debeat; multò minùs ergo id poterit ejusdem Vicarius?

Ad rationem dubitandi negatur paritas; quia talis Procurator per contestationem litis, & negotii tractationem cœptam sit quasi dominus litis, seu negotii cœpti.

Dub. 2. an Vicarius substituere sibi alium Vicarium ad tempus possit? Resp. distinguendo inter Vicarium perpetuum, & Temporalem. De priore idem dicendum, quod *numer. 8.* dictum est de Parocho; quia quoad omnia æquiparatur Parocho. De Posteriore dicendum, cum quidem, tanquam Delegatum ad universitatem causarum, si functionibus peragendis non sufficiat solus, Cooperatorem assumere, eique unam, vel alteram causam, seu partem Jurisdictionis delegare non prohiberi, de Jure tamen Vicarium, etiam ad breve tempus, auctoritate propria sibi substituere, eique totam suam Jurisdictionem, seu Curam committere non valere, ut cum S. Thoma docet Sylvest. *V. Vicarius q. 5. Sanch. l. 3. de matrim. D. 31. n. 15. Laym. l. 5. tr. 6. c. 10. n. 13. Pirhing hic n. 22. Vviestner ibid. n. 18.*

Excipiunt, si talis Vicarius habeat speciale mandatum substituendi: Aut si consuetudo id permittat Vicariis; nam vi consuetudinis, si ob infirmitatem, vel aliam causam officio suo fungi nequeant, istud ad breve tempus demandare aliis possunt, & solent, testibus *citt. DD.* qui plerique istud refundunt in licentiam tacitam; quia *instituens Vicarium*, inquit Sylvest. *& sciens talem consuetudinem, implicite consentit in talem substitutionem.*

Quæritur 4. quomodo finiatur Officium Vicarii in Divinis? Resp. Officium Vicarii perpetui finitur tantum morte, resignatione, & depositione propria.

Temporalis non tantum hac, sed tribus insuper aliis modis. 1. morte, resignatione, depositione Rectoris principalis. 2. revocatione Vicarii ab eo, qui illum constituit, facta, ubi non opus est causa, cum ad nutum constituentis sit amovibilis. 3. Si ipse principalis ad officium suum redeat.

## §. II.

### De Vicario Jurisdictionis Episcopalis.

### S U M M A R I U M.

14 Vicarii Jurisdictionis definitio, & varietas.

15 Discrimen Vicarii Generalis à Foraneo.

16 Constituitur ab Episcopo, & Sede vacante à Capitulo.

17 Ejus qualitates.

18 19. 20. Jurisdictionem habet Ordinariam.

21 22. Ad que Jurisdictio hæc extendatur?

23 24. Quando tractare possit negotia, speciale mandatum postulantia?

25 Modi, quibus Jurisdictio ejusdem finitur.

Vicarius Jurisdictionis in genere est is, cui commissa est Jurisdictio. Hic, ut monui in *princ. præf. tit.* alius est Natus, alius Datus. De priore nihil dicendum superest



perest ultra ea, quæ dicta sunt *Tit. 23. & 24.* Posterioris tractatio huc pertinet.

17 Quæritur 1. quotuplicis generis sint Vicarii Jurisdictionis Episcopi Dati? Resp. duplicis; aliqui enim Jurisdictionem à constituyente diversam, etsi subordinatam, & ab eo dependentem habent, uti sunt Judices delegati ab Episcopo, & Vicarii *Foranei* dicti, quod Jurisdictionem suam extra Civitatem Episcopalem ad certam partem, seu districtum Diœcesis restrictam exercent. Gloss. in *Clem. 2. V. foraneus de Rescript.*

Alii verò eandem cum Episcopo constituyente Jurisdictionem habent, quamvis alio modo, videlicet dependentem ab ipso constituyente, cui in eodem Tribunali substituti sunt, exercendam. Hi tripliciter constitui possunt. 1. In Temporalibus tantum: & ita constitutus rectius appellatur *Oeconomicus*. 2. In spiritualibus tantum: & tunc vocatur *Vicarius Generalis* cum addito in *Spiritualibus*, in Litteris autem ultra Montes directis *Officialis Episcopi*. 3. In spiritualibus simul, & temporalibus: & tunc dici solet simpliciter *Vicarius Generalis*.

18 Quæritur 2. quod discrimen inter sit Vicarium Generalem Episcopi, & Vicarium foraneum? Resp. in multis dissidere, præcipuè verò in his tribus.

1 *Vicarius Generalis* est Dignitas, quia præminentiam cum Jurisdictione conjunctam habet, quippe qui de Jure communi præcedit omnes alios Canonicos, & Prælatos Episcopo inferiores, etiam Archidiaconum, prout dicitur infra *Tit. 33. num. 8.* At *Vicarius Foraneus* Officium quidem cum Jurisdictione, non tamen Dignitatem habet, utpote qui ne quidem Præpositos Ecclesiarum Collegiarum præcedit, ut notat Barb. *de Offic. Episc. alleg. 54. n. 140.*

2 Quod ex priorî sequitur, *Vicarius Generalis* potest esse delegatus, vel executor causarum Papalium; non verò *Vicarius Foraneus*: hinc si in Rescripto Apostolico aliquid Vicariis Generalibus committatur, ad Foraneum non pertinebit. Engl. *hic n. 5.*

3 *Vicarius Generalis* idem Tribunal cum Episcopo habet; hinc ab eo in iis, quæ agit ut *Vicarius Generalis*, ad Episcopum appellari nequit, sed appellari debet ad Archiepiscopum: at *Vicarius Foraneus* habet Tribunal diversum; proinde à gravamine per ipsum illato appellare ad Episcopum licet. Engl. *l. cit.*

16 Quæritur 3. à quo constitui debeat *Vicarius Generalis*, & quomodo? Resp. 1. Sede plena, *Vicarium Generale* constituit Episcopus cum consensu Capituli, imò etiam sine isto, ut cum communi docet Host. in *Summ. hic §. & in quib. casib. numer. 5.* Abb. in *c. tua nobis 4. h. t. num. 4.* Az. p. 2. l. 3. c. 6. q. 14. & firmat recepta, ac generalis consuetudo.

5 Si Sedes vacet, *Vicarium Generale* intra 8. dies à die notitiæ vacationis constituere, vel existentem confirmare debet Capitulum; aliàs si Ecclesia Suffraganea sit, ejus deputatio ad Metropolitanum; si verò exempta, uti etiam si Metropolitana Ecclesiæ vacantis Capitulum *Vicarium* in tempore non constituerit, ejus deputatio ad antiquiorem Episcopum ex Suffraganeis devolvitur juxta Decretum Trid. *sess. 24. c. 16. de reform.*

3 Si Episcopus solus implendo muneri Episcopali sufficiat, ad *Vicarium constituendum* cogi non potest, ut cum communi docet, & Rotæ Decisionibus firmat Barb. *Jur. Eccl. l. 1. c. 15. num. 16.* Secus, si ob amplitudinem Diœcesis, aliasque occupationes, sive difficultates id facere nequeat; tunc enim ratio naturalis id exigit, ut justitiæ, litigantibus, & Statui Ecclesiastico per deputationem Vicarii consulatur: potestque eo casu, si Episcopus id facere negligat, Archiepiscopus terminum ei præfigere, & hoc lapso, si nondum sit ab Episcopo constitutus *Vicarius*, ipsemet talem constituere, vel Sedes Apostolica, si Episcopus exemptus sit, ut aliis *citt.* notat P. Vviefstner *hic n. 23.*

4 Potest Episcopus non tantum unum, sed etiam plures *Vicarios principales*, & *Generales* constituere, & quidem singulos cum Jurisdictione in solidum, quò facilius negotia expediantur. Gloss. in *Clem. 2. V. principalis de Rescript.* Garc. p. 5. *de Benefic. c. 7. num. 36.* Barbos. *de Offic. Episc. alleg. 54. num. 165.* Palao *tr. 13. D. 2. p. 29. num. 2.* dicens se vidisse in multis Ecclesiis ita receptum in praxi. Quod ipsum etiam dici debet de Capitulo, Sede vacante, secundum eosdem DD. Ratio est, quia nullo Jure plures *Vicarii* constitui prohibentur.

5 Duo isti, vel plures *Vicarii Generales* residere debent in Civitate, vel loco Sedis Episcopalis; quia *Vicarius Generalis* ille dicitur, qui cum potestate, & Jurisdictione generali constitutus est in loco, ubi Episcopus Sedem habet, ex recepta doctrina Bartol. in *l. 1. in fin. ff. quis, & à quo appell.* & Marant. *de Ord. Jud. p. 4. dist. 5. num. 8.*

Quæritur 4. qualis debeat constitui *Vicarius Generalis* in *Spiritualibus*? Resp. 1. debet esse Clericus *can. in nona 22. caus. 16. q. 7.* ubi etiam additur ratio, quia *indecorum est Laicum Vicarium esse Episcopi, & Seculares in Ecclesia judicare.* Non tamen necesse est, ut sit constitutus in Sacris, nisi etiam in Pontificalibus, seu iis, quæ Episcopalis Ordinis propria sunt, in Episcopi locum sit substitutus, qui vulgò *Suffraganeus* dicitur; vel Episcopi vices suppleat etiam in foro interno Pœnitentiæ, qui vulgò *Pœnitentiarius* appellatur. Barb. *alleg. 54. num. 4.*

2 Non debet esse Conjugatus, etsi cum una Virgine, simulque habitum, & tonsuram deferat; quia hujusmodi Clerici non gaudent plenè privilegiis Clericalibus. Barb. *l. c. num. 6.*

3 Non Bigamus; nam hic, etsi Clericus factus sit, omni tamen privilegio Clericali nudatus est, nisi prius solutus sit à Bigamiæ impedimento, & in celibatu vivat, secundum dicta *Tit. 21. n. 11.*

4 Debet esse idoneus ætate, scientia, & usu rerum, moribus, & pietate. Ætas idonea censetur, si 25. annum attigerit; nam ea ætas requiritur in iis, quibus Cura animarum imponitur, ut dictum est *Tit. 14. numer. 3.* Scientia ea esse debet, ut sit Doctor, vel Licentiatus in Theologia, aut Jure Canonico juxta Trident. *sess. 24. c. 6. de Reform.*

5 Non necessariò debet esse Clericus sæcularis; nam etiam Canonici Regulares, & Monachi cum consensu Prælati *Vicarii* constitui possunt, cum Jure non prohibeantur, ita tamen, ut socium Religiosum habeant adjunctum. Rebuff. *prax. Benef. tit. de Vicar. Episcop. n. 30.* & 31. ubi n. 32. addit, ejus muneris incapaces esse Religiosos Ordinum Mendicantium: & colligitur ex *Clem. 1. §. ad Prioratus de Regular.*

Quæritur 5. qualis sit Jurisdictio Vicarii Episcopalis, 18 Ordinaria, an Delegata? Delegatam esse voluerunt Goffred. Alciat. Sor. Germon. Gomez, & alii plures, quos refert Barbos. *alleg. 54. numer. 30.* quorum Argumenta apud eundem sunt. 1. Episcopus habet Jurisdictionem Ordinariam, ergo non potest *Vicarius* habere eandem Jurisdictionem cum Episcopo, sed habet diversam, adeoque delegatam, ne sequatur absurdum, ut una, eademque Jurisdictio penes duos in solidum sit, quod non minùs pugnat rationi naturali, ac eidem pugnat, unius, ejusdemque rei possessionem penes duos in solidum esse. 2. Jurisdictio Ordinaria illa dicitur, quæ à Lege datur, & ab illa descendit. *l. & quia 6. ff. de Jurisd.* sed in universo Juris Canonici, aut Civilis Corpore nulla Lex, aut Constitutio extat, quæ Episcoporum Vicariis Jurisdictionem tribuat, ergo &c. 3. Si Jurisdictio Vicarii Ordinaria foret, omnino esset perpetua; nec tempore aliquo revocabilis; at Jurisdictio Vicarii non est perpetua, cum revocari ab Episcopo possit, ut infra dicitur *num. 25. 4.* Episcopi *Vicarius* vicem illius gerit, & ab ipso constituitur. sed ille, qui vice alterius fungitur, nihil habet proprium, sed delegata Jurisdictione uti creditur *l. solet 16. ff. de Jurisd. l. quæcumque 1. §. qui mandatam 1. & l. & si prator 3. ff. de offic. ejus, cui mandat. est Jurisd. 5.* inter Jurisdictionem Ordinariam, & Delegatam illud interest, quòd prior mortuo concedente, permaneat, posterior re integra finiatur, ita autem expirat Vicarii Jurisdictio. 6. *Vicarius Generalis* ab Episcopo constituitur; atqui Episcopus constituere Judicem Ordinarium nequit, quippe cum id ad solum Principem supremum pertineat *can. a Judicibus 33. caus. 2. q. 6.*

His tamen non obstantibus, verior, probabilior, & 19 SS. Canonibus conformior est sententia, quæ asserit, *Vicarium generale* Episcopi habere Jurisdictionem Ordinariam, non delegatam, Ita Gloss. in *c. 2. V. Officialem h. tit. in 6.* Host. in *Summ. hic n. 2.* Abb. in *c. 2. de Judic. n. 12.* & in *c. 4. de form. compet. n. 35.* Covar. *l. 3. var. c. 20. n. 4.* Sanch. *l. 3. de Matr. D. 29. n. 3.* Barb. *alleg. 54. n. 37.* Laym. in *c. fin. h. t. in 6. n. 1.* Pirh. *hic n. 35.* Vviefstner *nu. 35.* & alii plurimi ab his *citt.* Ratio est 1. quia eadem Jurisdictio non potest simul esse Ordinaria, & De-



& Delegata. atqui Jurisdictio Vicarii Generalis est eadem cum Jurisdictione Episcopi, quæ Ordinaria est. ergo &c. 2. à judice Delegato appellari potest ad delegantem. atqui à Vicario Generali, saltem in iis, quæ ipsi competunt ex Officio Vicarii, ad Episcopum appellari nequit. ergo &c. 3. Vicarius interponit decretum in alienationibus rerum minorum, & emancipationibus *l. fin. C. de Offic. ejus, qui vicem &c.* hæ autem delegari non possunt. *l. mandata 2. ff. de offic. ejus, cui mandat. &c.*

Proceditque hoc non tantum in iis causis, quæ ex Generali Officio Vicarii ipsi competunt, & in generali mandato comprehenduntur, sed etiam in iis, quæ requirunt speciale mandatum, modò vel in prima commissione generali Vicariatus Officio specialiter annectantur, vel tanquam Vicario Generali, seu intuitu Officii Vicariatus postea per speciale mandatum committantur, ut rectè aliis *citt.* advertit Barb. *l. cit.* Ratio est, quia tali casu Jurisdictio quoad actus, exigentes commissionem specialem, datur tanquam accessoria ad Officium generale Vicariatus. sed accessorium sequitur naturam principalis *juxta reg. 42. in 6.* ergo sicut Jurisdictio principalis ipsius Officii Vicariatus est Ordinaria, ita etiam Ordinaria erit Jurisdictio quoad actus specialiter commissos accessorie ipsi annexos. Aliter res se habet, quando aliquid, mandatum speciale exigens, Vicario Generali committitur ab Episcopo seorsum, ac separatim, & non intuitu, seu sub nomine Vicariatus; tunc enim dicendum, quòd Generalis Vicarius tantum habeat Jurisdictionem Delegatam, ut bene notat Garc. de Benef. p. 5. c. 8. n. 41.

Argumentis *num. 18.* allatis facilis patet Responsio. Ad 1. non repugnat dominium, & possessionem ejusdem rei diverso modo penes duos esse; sic enim penes unum potest esse dominium rei directum, & penes alterum dominium ejusdem rei utile: item penes unum potest esse possessio rei alicujus civilis, penes alium possessio ejusdem rei naturalis. igitur etiam non implicabit penes Episcopum esse Jurisdictionem principaliter, & nomine proprio, penes Vicarium accessorie, secundariò, & nomine ipsius Episcopi. Ad 2. Etiam Vicario Generali Jus Jurisdictionem suam tribuit, dum Episcopo permittit ejus nominationem, & concedit, ut Vicarius nomine ipsius in eodem Tribunali Jurisdictionem ejusdem exerceat. Ad 3. distinguendum est inter Jurisdictionem Ordinariam, quæ inest principaliter, & proprio nomine exercetur, & inter eam, quæ accessoria est alteri, cujus vice, & nomine exercetur; illa perpetua, & irrevocabilis est, non verò ista *arg. l. cum principalis 178. ff. de R. I.* Ad 4. tunc solum Delegatam potestatem aliquis habet, quando is, qui vices alterius gerit, id non facit ex officio proprio. at Vicarius Generalis Episcopi exercet Jurisdictionem, & supplet vices ejusdem ratione Officii sui, & non ex nuda commissione. ergo &c. Exemplum est in Legato Papæ, qui vices istius gerit, & tamen Jurisdictionem Ordinariam habet, quia ex proprio Officio illam habet. Ad 5. Jurisdictio Vicarii Episcopalis morte Episcopi expirat ideo, quia eadem est cum Jurisdictione Episcopi, quæ in ejusmodi casu cessat. Ad 6. principium illud, quòd solius Principis supremi sit constituere Judicem Ordinarium, verum est de eo, qui distinctum Tribunal, & Jurisdictionem à constituyente habet, non verò de eo, qui habet idem Tribunal, & Episcopo substitutus est in eadem Jurisdictione exercenda.

Quæritur 6. quid possit Vicarius Generalis Episcopi vi Officii sui generaliter ipsi commissi? Resp. vi istius expedire potest negotia, & causas omnes, quæ ad Jurisdictionem Episcopalem Ordinariam pertinent, exceptis duntaxat iis, quæ speciale mandatum requirunt *arg. c. licet 2. & c. fin. h. tit. in 6.* Garc. de Benef. p. 5. c. 8. numer. 65. cum aliis à *secitt.* Estque hoc ita verum, ut hoc ipso, si in aliquo Jutis textu dicitur quidpiam ad Episcopi Diocesani, vel Ordinarii potestatem pertinere, etiam pertinere præsumatur ad Vicarium Generalem, nisi vel ex Jure scripto, vel recepta consuetudine, vel aliunde e. g. ex ipsius Episcopi expressa voluntate, vel causæ gravitate constet, quòd specialis commissio ad id requiratur. Laym. in c. 2. h. tit. in 6. num. 1. Hinc

Dubium oritur, quænam negotia, & causæ speciale mandatum exigant, ut sine hoc exequi illa Vicarius Generalis nequeat? Resp. hujusmodi negotia, & causas esse sat multas.

Schmalzgrueber Tom. I.

In specie autem sine mandato speciali non potest 1. conferre Ordines, & exercere ea, quæ sunt Ordinis Episcopalis, etsi Episcopus consecratus sit; quia non in Divinorum, sed Jurisdictionis tantum exercitio Episcopi vices gerit. Barb. de Offic. Episc. alleg. 54. num. 83. & alii apud ipsum.

2 Dare Litteras Dimissorias, nisi quando Episcopus in remotis agit, ut ab ordinandis viri prudentis arbitrio conveniri difficulter possit *c. cum nullus 3. & ibi Gloss. V. remotis de temp. Ordin. in 6.*

3 Liberè conferre Beneficia, vel præsentare ad eadem, quando id ad Episcopum spectat *c. fin. h. tit. in 6.* & ratio est, quia hujusmodi collatio libera est quædam donatio, & liberalitas, quæ rei alienæ administrationem liberam habentibus generaliter non est permessa *l. contra 28. §. si filius 2. ff. de pact. & l. filius fam. 7. in princ. ff. de donation.*

4 Admittere, & approbare Resignationes Beneficiorum, sive deinde liberè illæ factæ sint, sive ex causa permutationis; quia harum admissio requirit potestatem destituendi, quæ Vicario Generali sine mandato speciali non competit *c. licet 2. h. tit. in 6.*

5 Ecclesias, & Beneficia unire, dividere, erigere, transferre, vel omnino suppressere; quia hæc inter causas arduas, & Episcopo reservatas numerantur. Barb. *l. cit. num. 71. & 72.*

6 Dispensare in Irregularitatibus, & absolvere à Censuris, etiam ex delicto occulto provenientibus. Trid. *sess. 24. c. 6. de reform. ibi per seipso, aut per Vicarium ad id specialiter deputandum.*

7 Absolvere à Casibus Episcopo reservatis *c. si Episcopus 2. de pœnit. & remiss. in 6.*

8 Dispensare in Votis, Juramentis, observatione Festorum Jejuniorum, Statutis Diœcesanis, Legibus Ecclesiæ, & etiam ubi dispensare Episcopus potest. Laym. in c. fin. h. tit. num. 9. ubi rationem dat, quia dispensatio est species gratiæ, & æquiparatur in integrum restitutioni, quæ generali mandato non comprehenditur, *l. illud 25. ff. de minor.*

9 Denique tractate causas, & negotia, quæ inter ardua reputantur: qualia sunt Visitatio Diœcesis, Congregatio Synodi Diœcesanæ, ultimarum Voluntatum executio, alienatio rerum Ecclesiasticarum, & præstatio consensus in eam, tractatio causarum feudalium, criminalium, saltem graviotum, restitutionis in integrum &c. de quibus passim DD.

Quæritur 7. quando hujusmodi causas, & negotia, 23 quæ mandatum speciale exigunt, tractare possit Vicarius Generalis? Resp. duplici via obtinere hoc potest, scilicet voluntate Episcopi potestatem hanc ei concedentis, & consuetudine. Sic enim 1. ex consuetudine passim introducta Vicarii Generales in Diœcesibus, præsertim amplioribus, ut sunt Diœceses Germaniæ nostræ, dispensant in observatione Festorum, jejuniorum, & aliis similibus frequentius occurrentibus, scientibus, & tolerantibus Episcopis. Laym. in c. fin. h. tit. numer. 9. limit. 2. Pith. hic numer. 59. Vviefstner numer. 42.

5 Ex eadem consuetudine, imò de Jure etiam, ex justa causa dispensant in denunciationibus, ex præscripto SS. Canonum, & Concilii Trid. præmittendis contactui Matrimoniali. Neque obstat, quòd Trid. *sess. 24. c. 1. de reform. matr.* eam dispensandi, seu remittendi facultatem concedat tantum Ordinario; nam etiam Vicarius nomine Ordinarii comprehenditur.

3 Ex simili consuetudine ubique ferè recepta, imò Juris concessione per *c. fin. de cognat. spirit. & c. accipisti 1. de frigid. & malefic.* Vicarii Generales liberè cognoscunt de causis Matrimonialibus, licet ob arduam suam criminalibus æquiparentur; quia difficultatem, quam arduitas causarum istarum facit, molire possunt plurimi, iique doctissimi Commentarii in Materia Matrimonii editi, si illos consulere Judex Ecclesiasticus velit.

Dubium est, quomodo explicare se Episcopus debeat, ut Vicario ejus Generali ceteri possint concessa ea, quæ speciale mandatum exigunt? Resp. debent ita exprimi, ut satis constet de intentione committentis; quia specialia non committuntur, nisi exprimantur *juxta Reg. in generali 81. in 6.*

Adeoque 1. non sufficit in mandato generali concedi



Vicario generalem, plenam, & liberam potestatem agendi omnia, quæ potest ipse Episcopus, etiam cum clausula *esse speciale mandatum requirant* arg. c. qui ad agendum 4. de procurat. in 6.

2 Similiter non ampliat, sed potius restringit potestatem Vicarii concessio, qua Episcopus generaliter eadem concedit, ut possit expedire omnia, quæ Episcopalis sunt potestatis, excepta aliqua re speciale mandatum requirente, e. g. concessione Beneficiorum; quia huiusmodi exceptio æquipollet particulæ adversariæ, & sensus est, quod Vicarius omnia possit exercere, quæ Jure Ordinario ad ejus officium spectant, sed Beneficia conferre non possit. Pirh. hic n. 43.

3 Si Episcopus in mandato generali exprimat unam, vel alteram causam, quæ speciale aliàs mandatum requireret, huiusque expediendæ potestatem det Vicario cum clausula *& omnia alia, quæ speciale mandatum requirunt*, vi hujus clausulæ Vicarius solum decidere potest minora, & aqualia expressis, non autem graviora arg. c. Sedes Apostolica 15. de Rescript. & Clem. 2. de Procurat. juxta quos textus generales huiusmodi clausulæ graviora concessis negotia non complectuntur.

4 Ex eadem ratione, si Episcopus Vicario suo specialiter commisit facultatem dispensandi in casibus Episcopalibus, sub ea commissione non comprehenduntur casus à Papa, vel Generali Concilio Episcopis ratione Dignitatis suæ etiam generaliter delegati, nisi ex adjuncta clausula colligi possit, quod Episcopus voluerit omnem suam potestatem, quatenus delegari potest, Vicario committere. Pirh. hic n. 60.

5 Si Episcopus Vicario suo concedat potestatem conferendi omnia Beneficia ad collationem Episcopi spectantia, vi hujus potestatis Vicarius conferre solum potest Beneficia, quæ Jure Ordinario, sive proprio, sive devoluto ad Episcopum tanquam Ordinarium spectant; non autem illa, quorum collatio jure speciali, aut ex privilegio ad eundem pertinet; uti nec illa, quæ ad ipsum, tanquam Sedis Apostolicæ delegatum, sunt devoluta, nisi etiam hoc exprimitur in instrumento Vicariatus. Item vi illius potestatis solum potest conferre Beneficia, quæ tempore *dare* aut acceptæ potestatis in rerum natura fuerunt, non autem, quæ post commissionem erecta, vel instituta fuerunt. Pirh. n. 54.

6 Si Episcopus Vicario concessit potestatem conferendi Beneficia, non sequitur, quod vi talis concessionis etiam possit admittere resignationes Beneficiorum, aut vicissim; quia hæc sunt duæ potestates diversæ, idèque ex concessione unius non potest inferri concessio alterius. Flam. l. 7. de resign. q. 24. n. 15. & 16.

7 Ex eadem ratione, si concessa Vicario sit specialis facultas admittendi resignationes Beneficiorum, vi talis facultatis non habet etiam potestatem destituendi, seu privandi Beneficiis Clericos: sed neque vice versa, si data sit ei potestas destituendi ob commissæ crimina, per hoc concessum ipsi censetur admittere resignationes liberas. Flam. l. cit. n. 19. & 20.

8 Similiter si data sit Vicario potestas destituendi, per hoc non habet potestatem instituendi, vel conferendi Beneficia, aut vicissim. Flam. nu. 17. Neque obstat commune principium, quo is, qui destituere potest, etiam dicitur instituere posse; nam hoc intelligendum est de eo, qui ordinariam habet potestatem destituendi, non qui delegatam, aut specialiter sibi commissam, quippe quæ limites commissionis non excedit, sed tantum extenditur ad ea, quæ necessariò post se trahit, vel in se includit.

35 Quæritur 8. quibus modis finiatur, & cesset Officium, & Jurisdictio Episcopalis Vicarii? Resp. cessat, & finitur variis modis.

1 Per mortem ipsius Vicarii; nam mors omnia solvit, ut commune Juris est axioma.

2 Per propriam renuntiationem expressam, vel tacitam, ut si è Dicecesi, in qua constitutus est Vicarius, discedat animo perpetuò extra illam manendi. Pirh. hic num. 68.

3 Per mortem, renuntiationem, depositionem, aut translationem Episcopi, cujus Vicarius est; tunc enim extinguitur in Vicario omnis potestas, etiam quoad causas jam cæptas. Abb. in c. 30. de Offic. deleg. numer. 8. in fin. Estque hoc ita verum, ut si Vicarius causam, vivente Episcopo cæptam, eo mortuo prosequatur, acta

omnia ex defectu potestatis sint irrita, nisi communis error defectum suppleat arg. l. Barbarius 3. ff. de Offic. Prætor. Ratio est, quia Episcopi, & Vicarii unum tribunal, & Jurisdictio est; igitur ea cessante in Episcopo, necesse est ipsam cessare etiam in ejus Vicario.

4 Per revocationem ab ipso constituyente factam, eamque vel expressam, vel tacitam, qualis fieret, si Episcopus constitueret alium Vicarium, & ex verbis constitutionis hujus secundi suffieienter appareret, primum Vicarium esse revocatum, aliàs hic secundus censebitur tantum additus primo. Debet autem ipsa revocatio denunciari Vicario; alioquin si revocationem ignoret, inò etiam si sciat, nondum tamen ipsi per Episcopum, vel alium ejus nomine sit intimata, per eum etiam post revocationem gesta valebunt, ut aliis cit. advertit Pirh. hic n. 75. & rationem dat, quia per easdem causas res nascitur, & dissolvitur Reg. omnis 1. de R. J. in constitutione autem Vicarii requiritur expressa intimatio, cum requiratur ejus consensus, ergo etiam in ejusdem revocatione.

5 Denique finitur, aut potius suspenditur Jurisdictio Vicarii toto tempore, quo vel ipse, vel Episcopus, cujus Vicarius est, excommunicatus, suspensus, aut interdictus est, ita, ut tali Censura durante, omnia illius acta sint irrita. Gloss. in c. 1. v. ipsius h. tit. in 6. Ratio est, quia cum Vicarii Jurisdictio, & Tribunal non distinguatur ab Episcopali, hac per Excommunicationem, Suspensionem &c. impedita, necessariò etiam illa impediatur. Quod intelligendum de iis, quæ ad Vicarium pertinent jure Ordinario Vicarii; nam si causa aliqua ipsi delegata esset ab alio, quam ipso Episcopo, quoad illam Jurisdictio Vicarii, re non amplius integra, probabilius non suspenderetur per Excommunicationem Episcopi, sed hac stante, adhuc posset de illa causa cognoscere, ut rectè monet Sanch. l. 3. de Matr. D. 30. n. 9. & dat rationem, quia ex una parte habitualiter adhuc manet Vicarius, ex altera Jurisdictio, per quam cognoscit de illa causa, non ab Episcopo, sed à delegante dimanar, ut proinde non sit ratio, quare per Excommunicationem Episcopi suspendatur.

### §. III.

*Specialia de Vicario Capituli Sede Episcopali vacante.*

### S U M M A R I U M.

- 26 *Eligi debet intra octo dies à Capitulo.*
- 27 *Quod tempus ab eodem restringi potest, non tamen prorogari.*
- 28 *Qualitates requisitæ in eligendo.*
- 29 *Forma eligendi.*
- 30 *Jurisdictio electi.*
- 31 *Non potest à Capitulo revocari.*
- 32 *Quando possit substituere sibi alium?*
- 33 *Quomodo ejus Officium finiatur.*

**Q**Uæ de Vicario Episcopali hætenus dicta sunt, plenè etiam intelligi debent de Vicario Capitulari; nam & iste Judex Ordinarius est quoad ea omnia, in quibus Judex Ordinarius est Vicarius Generalis Episcopi, Specialia, quæ circa hunc notari debent, sunt

1 Intra octo dies, à die vacationis Capitulo notificata numerandos, eligi, aut is, qui plena Sede ab Episcopo constitutus fuit, confirmari debet. Ita Trid. sess. 24. c. 16. de reform. ubi constituit Jus novum: nam antiquo Jure integrum erat Capitulo Jurisdictionem penes se residentem exercere per seipsum, vel per Vicarium à se constitutum; quia nullo Canone ad illius exercitium alteri committendum arcebat. Ratio Tridentini fuit, ut sic obviaret confusione, ac protelationi negotiorum, & aliis haud sanè levibus incommodis, quæ ex communi administratione Capituli, & difficultate legitima Suffragia impetrandi provenire plerumque solent.

2 Tempus hoc octo dierum restringi quidem à Capitulo potest, quippe quod in favorem ipsius Capituli constitutum est; non tamen prorogari, sed ejus non observati lapsu Vicarii deputatio ad Superiorem devolvitur. Trid. c. 16. cit.

An Vicarii constitutio, à Capitulo post octidui lapsum facta,



facta, omnino irrita, an verò valida sit, dissident inter sese DD. Suar. 28. de Censur. §. 3. n. 2. cum quibusdam aliis putat esse irritam, & videtur hoc colligi etiam ex Trid. l. cit. ibi *Vicarium infra octo dies post mortem Episcopi constituere, vel existentem confirmare omnino teneatur*. nam dictio *omnino* præcisam necessitatem, dictio autem *infra* exclusionem eorum, quæ extra sunt, denotat. Contrarium cum aliis tenet Garc. p. 5. de Benef. c. 7. n. 7. ubi docet, à Capitulo, si intra dies octo Vicarium non constituerit, re integra, antequam Metropolitanus talem elegerit, moram purgari posse, ut adeo etiam post octo dierum lapsum electus sustineatur. Neque obstat Trid. sed potius favet; cum enim non utatur verbo denotante nullitatem, dicendum, eo Concilii Decreto concedi quidem eo casu facultatem Metropolitanis deputandi Vicarium, non tamen illam auferri Capitulo, aut deputationem ab isto factam declarari irritam.

3 Hic Vicarius iisdem qualitatibus præditus esse debet, quibus Vicarius Generalis Episcopi, adeoque debet esse Doctor, vel Licentius in Theologia, aut Jure Canonico, vel aliàs, quantum fieri potest, idoneus. Non quidem necesse est, ut sit de Corpore Capituli; si tamen idoneus aliquis adsit, cæteris paribus, extraneo præferendus est, ut rectè advertit, & declaratione S. Congreg. firmat Garc. l. cit. n. 13. Quamvis autem de gremio aliquis eligatur, providendum ipsi nihilominus est de competente salario ex bonis, seu redditibus Ecclesiæ vacantis, cum nemo teneatur suis stipendiis militare c. cum ex officio 16. in fin. de præscript. Eidem cum salario etiam debentur fructus sui Canonicatus. c. de catero 7. de Cler. non resid. & c. cum non debeat 30. de elect. in 6.

An etiam Distributiones quotidianæ eidem debeantur, controvertunt DD. Ego sententiam sequor Colendissimi P. Professoris mei P. Jacobi Vviestner, qui hic n. 67. docet, Vicario Capitulari à Choro absentis distributiones quotidianas non quidem deberi spectato Iure, posse tamen ab ipso percipi vigore consuetudinis, quæ in multis locis receptum est, ut qui causa Ecclesiæ à Choro absunt, eandem lucentur, quæ consuetudo non obscure approbatur c. un. §. qui verò de Cler. non resid. in 6.

4 In Electione Vicarii Capitularis non est necessariò observanda forma c. quia propter 42. de elect. nec Decretum Concilii Trid. sess. 25. c. 6. de Regular. & declaratum est à Cardd. teste Garc. c. 7. cit. n. 22. Ratio est, quia in cit. c. tantum præscribitur forma Electioni Prælatorum, qui principalem, & perpetuam Jurisdictionem obtinent; Tridentinum verò loco cit. tantum loquitur de electione Superiorum Regularium, non sæcularium. Unde sufficiet, si in electionem ejusdem major pars Electorum consentiat.

Porro Vicarius à Capitulo post Trid. non potest eligi, nisi unus, ut declaratum est à SS. Congreg. teste Fagn. in c. 11. de majorit. n. 68. Excipitur, nisi alicubi per consuetudinem immemorabilem inductum esset, ut duo Vicarii eligantur à Capitulo, qui vel potestatem habeant simul in solidum, vel alternativè, e. g. alternis mensibus; nam hæc consuetudo, si legitimè probeatur, à Concilio non est sublata, ut apud eundem Fagn. Pontifex consultus respondit, modò uterque qualitates habeat in Vicario Capituli n. præc. requisitas.

5 Jurisdictio talis Vicarii eadem ferè est, quæ Vicarii Episcopalis; quia Episcopalem Jurisdictionem, quæ Sede vacante devolvitur ad Capitulum, ejusdem loco, & vice exercet. Barb. de Offic. Episc. alleg. 54. n. 158.

An vi generalis suæ commissionis expedire possit etiam illa, quæ Sede plena indigent speciali mandato, controversum est inter DD. Negat cum quibusdam Barb. de Canon. & Dignit. c. 42. n. 103. id firmans Decisione Rotæ, & videtur hoc etiam probari i. paritate cum Vicario Episcopali, cui facta generalis commissio ad causas, & negotia, quæ speciale mandatum postulant, non extenditur. 2. Vicarii Jurisdictio pendet à Capitulo. igitur hoc limitare eandem potest, ut ad negotia, & causas, speciale mandatum exigentes, non se porrigat. 3. Capitulum restringere potestatem Vicarii sui potest ad certum tempus, ut v. g. anni, vel semestris lapsu finiatur, ut allegata declaratione Cardd. probat Barbos. c. 42. cit. n. 44. ergo etiam quoad negotia, & causas.

Sed probabilior est affirmativa sententia, quam etiam Schmalzgrueber Tom. I.

cum pluribus aliis defendit Gutier Q. Q. Canon. l. i. c. 11. n. 10. Garc. de Benef. p. 5. c. 7. n. 28. Molin. de J. & J. tr. 5. D. 11. num. 3. Ratio est, quia, ut num. 26. dictum est, Trid. voluit Vicarium à Capitulo eligi, ad evitandam confusionem, & incommoda, quæ ex communi administratione Capitulari nasci solent; hæc autem non minù nasci possunt, si in judicio suo Capitulum reservaret ea, quæ speciali mandato aliàs indigent. ergo hæc judicio suo reservare non potest: *judicio suo*, inquam; nam reservare sibi aliqua, alteri per viam delegationis committenda, non prohibetur, quippe cum per ejusmodi delegationem dicta incommoda satis videntur.

Ex quo patet responsio ad Argumenta opposita. Ad 1. negatur paritas; nam Episcopus Jurisdictionem exercere per seipsum potest, non autem Capitulum post octo dies notæ Vacationis: unde constitutione Vicarii generaliter facta, etiam ea, quæ speciali mandato indigent, commississe censetur. Ad 2. ex dictis constat, quomodo limitare Vicario potestatem possit Capitulum, excipiendo sc. aliqua, quæ alteri cuidam via delegationis committat. Ad 3. iterum non est paritas; quia Jurisdictionem Vicarii restringendo quoad tempus Capitulum sibi reservat solam facultatem tempore illo lapsò Vicarium alium deputandi, quod Concilii Decreto, & intentioni non adversatur.

6 Capitulum Vicarium à se simpliciter, & absolute electum probabilius non potest revocare, & novum constituere, nisi ex causa bene visa S. Congregationi negotiis Episcoporum, & Regularium præpositæ, ut aliis cit. docet, & compluribus Cardd. Trid. Interpp. Declarationibus firmat Barbos. de Canon. & dignit. c. 42. n. 47. contra Quarant. Zerol. & alios. Ratio est, quia Trid. c. 16. cit. voluit à Capitulo Jurisdictionem Episcopalem, Sede vacante penes se residentem, intra 8. dies transferri in Vicarium à Capitulo ipso electum, ut per ipsum exerceatur. igitur hac translatione legitime facta, officio suo functum censetur: cons. sicut postea in pertractationem causarum, & negotiorum se immiscere non potest, ita neque Vicarium à se legitimè, simpliciter, & absolute constitutum revocare arg. l. iudex 55. ff. de re judicat.

Aliud est de Vicario, quem casu, quo Capitulum intra octo dies eligere Vicarium distulit, Metropolitanus constituit; nam hunc ad nutum Metropolitanus ipse revocare potest, ut censuit S. Congreg. in una Lima-na 29. Septembr. 1625. apud Barbos. l. cit. numer. 48. Ratio disparitatis est, quia in hujus revocatione non timentur ea incommoda, quæ ex suffragiorum dissensu timentur in revocatione Vicarii à Capitulo electi: unde deputatio à Metropolitano facta æquiparabitur ei, quæ Sede plena facta est ab Episcopo; & cons. sicut iste, ita etiam ille revocare a se constitutum pro arbitrio suo poterit.

7 Vicarius Capituli (quod ipsum dicendum est etiam Vicario Episcopi) non potest sibi substituere alium omnino similem, seu talem, cui totum ejus officium committatur arg. c. Clericos 4. h. tit. ubi de Vicario in Divinis hoc constituitur. Ratio est, quia nullus inferior Principe officium suum totum committere alteri potest, nisi in casibus ab ipso Principe, vel Jure concessis. Novell. 128. c. 20. & Novell. 134. c. 1. & propterea Vicarium etiam non possit constituere Episcopus, nisi hoc ipsi concessum foret à Canone.

Dixi *nisi in casibus à Jure, vel Principe concessis*; nam 1. ex justa causa infirmitatis, absentiae, vel alterius similis impedimenti Vicarius Episcopi, vel Capituli ad breve tempus in officio suo alium sibi substituere non prohibetur, ut colligitur ex c. Romana 1. h. tit. in 6. ubi istud non obscure supponitur. 2. Accedente mandato, & auctoritate Episcopi, vel Capituli subrogare sibi alium Vicarium potest etiam ad longum tempus; quia tunc non tam ab ipso Vicario generali, quam ab Episcopo, vel Capitulo substitutus censetur. Pirh. hic n. 63. 3. Potest Vicarius Generalis vi officii sui Generalis unam, vel alteram causam delegare alteri. Laym. inc. 1. cit. n. 13. quia in causis, quæ ratione Vicariatus eidem competunt, est Juxta Ordinarius: cons. delegare alteri potest: imò necesse hoc fuit, præsertim in ampla aliqua Diocesi, & ubi sunt multa negotia.

8 Jurisdictio Vicarii Capitularis expirat, postquam novus Episcopus confirmatus fuit, & possessionem Epi-



scopatus accepit; tandiu enim Sedes vacare censetur. Pirh. *hic n. 79. Vviesl. n. 74.* Hincut in Officio persistere possit, à novo Episcopo confirmari debet.

Idem Episcopus novus debet à Vicario Capituli, sicut etiam ab aliis Officialibus Ecclesiæ vacantis rationem exigere administrationis suæ, eosque punire potest, si in suo Officio deliquerint, etiamsi jam antea rationibus redditus à Capitulo, vel ab eo deputatis liberationem obtinuerint, juxta Trid. *sess. 24. c. 16. de reform.*

## T I T U L U S XXIX.

### De Officio, & potestate Judicis Delegati.

**P**ost Vicarios agitur de Judice Delegato; nam & iste vices alterius gerit, sed in alio Tribunali.

#### §. I.

### De Natura, & Varietate Judicium Delegatorum.

## S U M M A R I U M.

1 *Definitio Judicis Delegati.*

2 *Varietas.*

3 *Causa illum constituendi.*

4 *Delegatus ad Universitatem causarum quis?*

5 6. 7. 8. *Episcopus in casibus, in quibus procedit adversus Exemptos, Jurisdictione, non Ordinaria, sed Delegata utitur.*

**Q**uæritur 1. quid sit *delegare*, & *Judex Delegatus*? Resp. *Delegare* in genere nihil significat aliud, quam alium in locum suum substituere, seu vices suas eidem committere. Et hinc *Judex Delegatus* is erit, qui non munere proprio, sed ex commissione vel ipsius Juris, vel alterius hominis, propriam, & ordinariam Jurisdictionem habentis, immediatè, vel mediatè facta, ideoque alterius vice, & auctoritate Jurisdictionem ab isto derivatam, & distinctam exercet. Ita Molin. de *J. & J. tr. 5. D. 14. n. 1. Pirh. hic n. 1. Vviesl. n. 1.*

Differt 1. à *Judice Ordinario*; quia hic Jurisdictionem exercet suo Jure, five ex proprio aliquo officio, seu Magistratu. 2. ab *Arbitrio Compromissario*, & *mero Executore*; quia isti Jurisdictionem non habent, sed ille simplicem duntaxat causæ cognitionem, hic verò nudum solummodo ministerium. 3. à *Vicario Generali*; quia hic Jurisdictionem quidem alterius vice, eandem tamen, quam constituens habet, & in proprio hujus Tribunali exercet.

Quæritur 2. quotuplex sit *Judex Delegatus*? Resp. Delegatorum varia sunt genera, seu species; nam 1. aliqui sunt *Delegati à Jure*, five ex commissione ipsius Legis, seu Canonis; alii *ab homine*, seu *Judice Ordinario*.

Et ex his quidem aliqui sunt *Delegati à supremo Principe*, videlicet Papa, Imperatore, Rege, vel alio Principe, aut Magistratu Superiorem non recognoscente; alii verò *ab Inferiore*, ut sunt, qui ab Episcopo, vel alio simili Prælato Ecclesiastico, vel à Principibus, aut Magistratibus secularibus, Imperatori, Regi &c. subiectis delegantur.

2 Alii sunt *Delegati universales*, seu *ad universitatem causarum*; alii verò *Delegati Speciales*, seu *ad certam, vel certas causas*.

*Priores* sunt, quibus non una, vel plures particulares causæ, sed omnes vel universum, vel saltem in certo genere subalterno, e. g. Decimarum, Matrimonii, vel Mutui sunt commissæ, quamvis cum restrictione ad certum tempus, locum, quantitatem &c. ut si alicui committantur omnes causæ Decimales cognoscendæ ad unum annum, vel in tali territorio tantum, vel quæ non excedunt valorem 10. aureorum &c. & hi secundum proprios Juris terminos dicuntur habere *Jurisdictionem mandatam*.

*Postiores* contra sunt, quibus una tantum, vel plures etiam, sed certæ numero, aut inter certas personas motæ committuntur, sicut contingit, si alicui delegentur causæ Decimarum inter Monasterium, & Ecclesiam Parochialem, Juris Patronatus inter nobilem familiam, & aliquam Communitatem, Sponsalium, vel Matrimonii inter Titium, & Bertham &c. controversæ, &

deductæ in judicium: & isti propriè, ac simpliciter *Delegati* sunt, de quibus potissima Capitula Tituli præsentis loquuntur.

3 Quidam sunt *Delegati ratione Dignitatis*, quam obtinet is, cui delegatio facta est, ut si fiat delegatio Episcopo, vel Abbati certi loci, non expressu nomine personæ delegatæ e. g. Episcopo Eustettensi, Præposito Elvacensi &c. Alii contrà sunt *Delegati ratione personæ suæ*, & non Dignitatis, quibus fit delegatio expresso nomine proprio personæ delegatæ.

4 Denique alii sunt *Delegati*; quibus primùm delegata, seu demandata fuit Jurisdictio; alii verò *Subdelegati*, qui à Delegatis iterum delegantur.

Quæritur 3. quando creari possit *Judex Delegatus*, & quid intersit inter Jurisdictionem *mandatam*, & *Delegatam*? Resp. *Judex Delegatus* creari tunc potest, quando is, coram quo aliàs Jute ordinario partes instare deberent, vel non vult, vel impeditus non potest causam per se tractare, quam propterea alteri tractandam committit. Unde etiam Practici tales *Delegatos Commissarios* appellant: in Jute Civili frequenter *Judices Dati* dicuntur; possunt etiam *Judices Extraordinarii* appellari ad distinctionem illorum, qui Ordinariam Jurisdictionem habent.

Porro multum interest, an quis *mandatam*, an solum *delegatam* Jurisdictionem habeat; nam 1. qui *mandatam* Jurisdictionem habet; in multis æquiparatur *Judici Ordinario*. 2. Et si mandare Jurisdictionem non possit alteri, potest tamen *Judicem* dare, seu delegare ad particularem aliquam causam *l. cum prator 12. §. Judicem 1. ff. de Judic.* 3. Eidem integra Jurisdictio, i. e. cum plena potestate exequendi sententiam, adeoque mixtum imperium conceditur, cum illi, qui Jurisdictionem delegatam solummodo habet, solum committatur præter causæ cognitionem coercitio aliqua, seu simplex Jurisdictio absque ultimata, & perfecta potestate exequendi. Konig *hic n. 3.* 4. Ab habente *mandatam* Jurisdictionem non rectè appellatur ad mandantem, nisi hic aliquid Jurisdictionis sibi retinuerit, sed appellari ad hujus Superiorem debet *l. quod dicitur 1. ff. quis & à quo appelletur*, at verò à delegato ad delegantem Appellatio conceditur *l. un. C. qui pro sua Jurisdic.* Sed utut hæc vera sint, nomine *Delegati* tam is, qui *mandatam*, quam ille, qui *delegatam* Jurisdictionem habent, apud Authores passim veniunt.

Quæritur 4. an censendus sit *delegatus ad universitatem causarum* is, cui omnium causarum, inter Titium, & Cajum controversarum, committitur pertractatio? Affirmat Bartol. in *l. legatus 11. ff. de Offic. Procons. n. 4.* quia non apparet ratio, cur commissio generis causarum, ad certam quantitatem, locum, vel tempus restricta, delegatum ad causarum universitatem constituat, & talem delegatum non constituat commissio causarum restricta ad certas personas.

Sed verius aliis *citt.* negat Sanch. *l. 3. de matr. D. 31. n. 4.* nisi forè casu, quo illi demandarentur causæ inter illas personas non solum exortæ, sed quæcunque etiam nascituræ; nam hunc ad causarum universitatem delegatum dicendum verisimilius putat Orosius in *l. legatus cit. n. 10.* & 11. quem citat, & sequitur P. Vviesl. *hic n. 6.* ex ratione, quia sub tali commissione causæ possunt recipere augmentum, vel diminutionem, & plures suscitari valent, quam comprehendantur commissione certi generis causarum ad certam quantitatem, locum, vel tempus restricta.

Ad *Argumentum Bartoli* negatur paritas; quia commissio generis causarum restricta ad certam quantitatem, locum, vel tempus multo latius patet, & plura negotia, causasque complectitur, quam restricta ad certas personas. igitur ex eo, quod prior dicatur *Delegatus ad universitatem causarum*, non sequitur, quod etiam in causa quæstionis dici ad causarum universitatem delegatus debeat.

Quæritur 5. qualem Jurisdictionem, Ordinariam, & an *Delegatam*, Episcopi habeant in casibus, in quibus Ius commune concedit ipsis facultatem procedendi adversus Exemptos? Aliqui cum Beroio, Lotterio, & aliis apud Bartol. *de Offic. Episcop. alleg. 92. n. 2.* contendunt esse Ordinariam; idque 1. quia quoties Jurisdictio defertur ab ipsa Lege, non pro delegata, sed ordinaria habenda est per argumentum à sensu contrario ex *l. & quia*



ia 6. ff. de Jurisd. ubi pro mandata Jurisdictione habetur, quam lex non defert. 2. quando habenti aliàs potestatem de Jure communi ad aliquid faciendum, quæ tamen per privilegia, seu exemptionem impedita erat, eadem iterum potestas conceditur, casus privilegiati ad primævum suum statum, & conf. ad Ordinariam Jurisdictionem redeunt. atqui dum Episcopo in certis casibus potestas procedendi adversus exemptos, ipsi potestas conceditur faciendi aliquid, quod antequam eximenter à Sede Apostolica ejusmodi Regulares, Episcopus acere de Jure communi poterat ex communi regula, quod Episcopi in sua Diocesi possint, quæ Papa potest in toto Orbe. ergo &c. 3. quando Parochus, qui prius Censura impeditus, absolvere pœnitentes à peccatis non potuit, absolutus ab hac sua Censura, à peccatis absolvit pœnitentes suos, id facit, non potestate ab absolvente accepta, sed pristina, & ordinaria sua potestate. ergo pariter quando Episcopus adversus exemptos procedit in casibus, in quibus adversus ipsos procedere ante exemptionem poterat. ex Jurisdictione sua ordinaria procedit.

Verùm his non obstantibus, meliùs potestas hæc, & Jurisdictio Episcoporum solummodo delegata dicitur. Ita Riccius in prax. resol. 449. Sanchez l. 8. de matrim. D. 2. n. 10. Barbos. de Offic. Episc. alleg. 92. n. 3. Vviestner hic n. 9. & alii ab his cit. Ratio est, quia Judex Delegatus ille censendus est, cui Jurisdictio non jure officii sui, aut habita ratione ad illud, sed ex speciali tantum commissione competit, ita ut ratione illius censeatur habere totam, ut monui supra n. 1. sed Episcopis in hujusmodi casibus Jurisdictio non competit ratione officii, seu muneris sui Episcopalis, sed ex speciali commissione, ut clare insinuant ipsa lura, potestatem hanc ipsis concedentia c. irrefragabili 13. §. ceterum de Offic. Ordin. c. ad abolendam 9. in fin. de Hæret. Trid. sess. 6. c. 4. & sess. 22. c. 10. de reform. clarissimè verò c. un. §. fin. de stat. Regular. in 6. & Clem. un. de suppl. negl. ubi in casibus ibidem positus permittitur Episcopis à Pont. ut Sedis Apostolicæ delegata autoritate procedant.

Argumenta in contrarium allata non evincunt. Ad 1. Jurisdictio delegata etiam à Lege, seu Canone potest descendere, ut patet ex l. quæcunque 1. ff. de Offic. ejus, cui mandat. quod tunc fit, si à Lege; non sub ratione officii, sed per modum specialis commissionis tribuatur. Neque obstat, quod potestas hæc Episcoporum perpetua sit; nam ut Barb. l. cit. n. 7. advertit, hoc non provenit ex eo, quod talis Jurisdictio Ordinaria sit, sed quod Lex, seu Canon delegans nunquam moriatur. Ad 2. casus, qui antequam reservarentur, Ordinariæ Jurisdictioni subjecti erant, reservatione illa, sublata tunc solum ad Ordinariam Jurisdictionem revertuntur, quando ratione Officii, vel simpliciter subjiciuntur; secus, quando subjiciuntur de novo tantum per modum commissionis, sive cum clausula, specialem commissionem, sive delegationem significantem, prout contingit in nostro casu, ut vidimus in textib. cit. Ad 3. negatur paritas; Parochus enim à Censura absolutus pœnitentes Ordinaria potestate absolvit, quia potestas illius, ante per Censuram suspensa, eodem modo ipsi denuo conceditur, quo modo illam prius habebat; quod non contingit in Episcopo quoad casum questionis præsentis.

Porro ex resolutione præsentis questionis duo sequuntur. Primum est, quod in casibus, in quibus Episcopus præcisè vi ejusmodi specialis commissionis procedit, ab ipso non ad Archiepiscopum, sed ad Sedem Apostolicam, tanquam delegantem, appellandum sit c. super questionum 27. h. tit. cum Episcopus, quatenus Sedis Apostolicæ Delegatus est, Archiepiscopo major sit c. sanè 11. eod. & ibid. DD.

Alterum, quod Jurisdictio, quæ præcisè vi ejusmodi commissionis competit, Sede vacante, non transeat ad Capitulum; quia hoc Episcopo non succedit in iis, quæ eidem Jure speciali competunt, ut communiter in Rubricam Tit. ne Sed. vacant. 9. lib. 3. notant DD.

Addidi utrobique præcisè; nam in iis casibus, in quibus Episcopi tam Ordinaria, quam Delegata potestate possunt procedere, succedit Capitulum, & ab Episcopo appellari ad Metropolitani potest, ut rectè advertit Garc. p. 5. c. 7. n. 47. Barb. alleg. 92. cit. n. 17. Vviestner hic num. 12.

## §. I I.

De iis, qui potestatem delegandi, vel subdelegandi habent.

## S U M M A R I U M.

- 9 Delegare alteri potestatem sibi competentem potest quilibet Judex Ordinarius.
- 10 Et Delegatus à Principe subdelegare.
- 11 Non tamen Delegatus ab inferiore Judice Ordinario, nisi in certis casibus.

Quæritur 1. an, & qualis Judex Ordinarius delegare potestatem sibi competentem possit? Certum de Principe, & Magistratu Supremo: imò hoc necessarium est ob multitudinem causarum, quibus cognoscendis, & decidendis ipse solus non potest sufficere.

An etiam inferiores Principe Iudices Ordinarii, iique omnes delegationem hujusmodi possint facere, controversum est inter DD. Fachin. l. 1. contr. c. 45. existimat id tantum concessum Iudicibus majoribus: cui consentit Engl. hic n. 7. idque propter textus l. eum qui 13. ff. de Jurisd. & l. cum prator 12. §. judicem 1. ff. de Judic. ubi potestas delegandi tantum conceditur Magistratibus habentibus imperium: minores autem imperium non habent.

Sed dicendum, quemvis Ordinarium Iudicem delegare potestatem sibi competentem posse, non tamen omnem sine consensu Principis, & in perpetuum. Pars 1. sumitur ex c. cum Episcopus 7. ibi per se, vel per alium de Offic. Iudic. Ordin. in 6. l. more 5. l. solet. 16. & l. seq. ff. de Jurisd. qui textus generaliter loquuntur. Ratio est, quia regulariter quis concedere, & per alium exercere potest, quod sibi proprium est, juxta Reg. 68. in 6. habet autem quisque Ordinarius Jurisdictionem sibi propriam. ergo &c. Pars 2. ex eo colligitur, quia committendo totam suam Jurisdictionem non tam censeatur delegare, quam omnino se abdicare Jurisdictione, seu officio suo, quod sine Principis consensu nequit l. pen. junct. Gloss. V. abdicando ff. de Offic. Præs. d.

Ad textus in contrarium allatos dico, etiam minores Magistratus imperium habere, minimum saltem; quia hoc omni Iudici Ordinario competit, ne inutiles, & inefficax sit ejus potestas.

Quæritur 2. an subdelegare possit Delegatus à Papa, 10 vel alio supremo Principe? Ratio dubitandi est 1. quia Delegatus non habet propriam, sed delegantis Jurisdictionem utitur num. 1. h. tit. sed is, qui non suo, sed alieno beneficio, ac proinde Jurisdictionem non propriam sibi exercet, delegare non potest l. more cit. 2. sicut in aliis commissionibus, ita etiam in delegatione eligi videtur industria ipsius personæ. Sed ubi eligitur industria personæ, causa non potest committi aliis. 3. Delegatus à Principe potestatem subdelegandi subdelegato suo dare non potest c. super questionum 27. §. si verò h. tit. ergo nec subdelegare.

Sed certa est affirmativa sententia. Ita enim apertè deciditur c. si pro debilitate 3. c. Pastoralis 28. c. fin. h. tit. Concordat Ius Civile l. à Iudice 5. C. de Judic. & l. un. Vers. hæc teneant C. qui pro sua Jurisd. idque ob eminentiam potestatis Principis, quem ab hoc delegatus repræsentat.

Excipitur, si à Principe sit electa industria personæ Delegati: quod præsumitur fieri 1. quando causa ipsi commissa est ardua, & ita gravis, ut à Delegato meliùs, quam ab aliis expediti possit c. si pro debilitate cit. in fin. 2. si in Rescripti verbis dicatur Per te ipsum, vel personaliter exequaris &c. 3. si nundum ministerium, seu mera executio à Principe sit commissa; nam in hac plus operatur industria, seu experientia, petitia, & autoritas personæ. Debet tamen etiam his casibus patere de mente delegantis: aliàs nihilominus subdelegatio fieri alteri, qui credatur æquè bene, vel meliùs negotium perfecturus, potest.

Neque Conclusioni ita limitatæ obstant Argumenta opposita. Ad 1. Delegatus à supremo Principe æquiparatur Ordinario: adeoque sicut iste delegare, ita ille subdelegare potest. Ad 2. industria personæ non semper eligitur in Delegato, sed tunc solum, quando id vel



ex verbis, vel ex circumstantiis sufficienter colligitur. Ad 3. aliud est subdelegare, & aliud dare facultatem subdelegandi; à diversis autem non fit illatio.

- 11 Quæritur 3. an, & quando delegatus ab inferiore Jure Ordinario subdelegare possit? Videtur nunquam posse. 1. quia potestas subdelegandi, ut *num. præc.* dictum est, Delegatis à Principe conceditur ex speciali privilegio ipsi à Jure concessio propter eminentiam delegantis. igitur aliorum delegatis merito denegatur. 2. ea quæ sunt specialis concessionis, non possunt in alium transferri *l. 1. in princ. ff. de offic. ejus, cui mand. est Jurisd.* atqui potestas delegandi est specialiter Judicibus Ordinariis concessa *l. more 5. ff. de Jurisdic.* 3. SS. Canones dare vetant Judicem incertum *c. adha c. 10. de Rescript.* incertum autem Judicem Ordinarius inferior daret, delegando cum potestate subdelegandi, præsertim persona, in quam causa per subdelegationem transferenda esset, non expressa, cum tali casu delegans ignoret, quem delegatus sibi substituturus sit.

Sed etsi regulariter, & ordinariè Delegatus hujusmodi subdelegare nequeat, cum plerumque à delegante solum accipiat potestatem exercendi Jurisdictionem; non verò illam alteri committendi, plures tamen sunt casus, in quibus etiam ipse potestatem subdelegandi habet. In specie autem 1. si sit Delegatus ad universitatem causarum; is enim, saltem de consuetudine, non quidem totam suam potestatem, sed unam, vel alteram causam committere potest alteri, cum æquiparetur Judici Ordinario, ac proinde in eo locus sit arg. *c. cum Episcopus & l. more cit.* Pirh. hic n. 22. 2. si ita Delegato concessum sit expressè, vel tacitè à Delegante; quia tali casu censeri debet Delegatus non suo, sed alieno ipsius Delegantis Jure, ac nomine causam committere, & ab eo subdelegatus Jurisdictionem accipit non à Delegato subdelegante, sed ab Ordinario delegante. Sanch. *l. 3. Marr. D. 31. n. 7.* 3. si id, quod committitur, sit tantum articulus non Jurisdictionalis causæ Delegato commissa, seu nudum ministerium, vel executionem continens; talem enim articulum subdelegare potest etiam Delegatus ad unam duntaxat causam, ut colligitur ex *c. super questionum 27. Vers. nos autem h. tit.* & notat Laym. *ibidem* §. quem verò n. 11.

Neque obstant Argumenta opposita. Ad 1. potestas delegandi Delegatis à Principe ita conceditur, ut Delegatis ab inferiore non denegetur, quamvis in his magis restringatur, ad casus sc. modo expressos; & idcirco potestas Delegatorum à Principe in reverentiam delegantis est amplior. Ad 2. Ordinarius inferior delegans non potest transferre potestatem delegandi in delegatum, ita ut hic subdelegare possit suo nomine, bene autem, ut subdeleget nomine delegantis. Ad 3. licet Judex à Delegato substituendus ab initio sit incertus, sit tamen certus per designationem Delegati nomine Delegantis factam.

### §. III.

De iis, quibus Delegatio fieri potest, vel non potest.

### S U M M A R I U M.

- 12 Delegari regulariter possunt omnes, qui non prohibentur.  
13 Etiam minores, si 18. ætatis annum exceßerint.  
14 Non tamen Laici in causis spiritualibus, & Ecclesiasticis.  
15 Qualitates requiritæ in Delegato.  
16 Potest delegari etiam non subditus.  
17 Et plures in eadem causa.

- 12 DE his Regula generalis est, delegati omnes posse, qui non prohibentur, ut aliis *citt.* notant Pirhing. hic n. 29. Vviestner n. 26. Schambogen n. 16. Porro tripliciter ex capite prohiberi quis potest, ne delegetur, à natura, à lege, à Canone, à consuetudine, seu moribus hominum. A natura prohibentur delegari surdi, & muti, perpetuè amentes, infantes, impuberes, qui discretionem carent *can. infamis 1. §. tria caus. 3. q. 7. & l. cum prætor 12. §. non autem omnes 2. ff. de Judic. Lege, vel Canone Senatu moti §. cit.* Infames, utpote quibus actus legitimi interdicti sunt *c. licet 47. §. nec tamen de re-*

*stib. & Attest.* Excommunicati *can. audivimus 4. caus. 24. q. 1. & c. ad probandum 24. de re judic.* Moribus denique, sive consuetudine servi, & scæminæ; nam usu receptum est, ut civilibus officiis non fungantur, ut dicitur §. non autem *citt.* His positis.

Quæritur 1. an Minores 20. annis possint delegari? Videntur non posse, quia etiam non possunt esse arbitri compromissarii, licet partes consentiant *l. cum lege 41. ff. de recept. qui arbitr.* Conf. quia impuberes ob defectum ætatis ad judicandum requisitæ non possunt esse Judices Delegari. ergo cum neque minores 20. annis habeant ætatem Jure requisitam, etiam ipsi delegari non poterunt.

Sed dicendum, quod minores 20. annis, si tamen 18. annum exceßerint, Judices delegari esse possint, si vel Princeps talem scienter dederint, el partes in ipsum consenserint; aliàs facta delegatio non tenebit, ut dicitur *c. cum vigesimum 41. h. tit. & l. quidam 47. ff. de re judic.* ubi ratio datur, quia Princeps, qui ei magistratum dedit, omnia gerere decrevit, conf. in ætate censetur dispensasse.

Ad rationem dubitandi negatur paritas inter arbitrium, & delegationem; quia delegatus ut suspectus recusari, & ab eo appellari potest: quod fieri non potest in arbitriis: ex quo sequitur arbitrium esse majoris præjudicii, quam delegationem. Ad Conf. iterum negatur paritas; nam impubes ob defectum, & immaturitatem judicii prohibetur esse Judex, & conf. à natura, cujus defectum tollere, vel supplere Principes non potest; at incapacitas minoris, qui 18. ætatis annum explevit, solum oritur ex Jure positivo humano, quo superior Princeps est.

Quæritur 2. utrum Laici delegari possint ad causas Ecclesiasticas, & spirituales, ut Decimarum, Matrimoniales, Beneficiales &c. Videntur saltem cum Clerico ad hujusmodi causas delegari posse; nam accedente Episcopi consensu, in eos simul cum Clericis, tanquam arbitros, in hujusmodi causis compromitti potest *c. per tuas 9. de arbit.* Deinde Laici possunt esse Consiliarii Ecclesiastici: quare non etiam Delegati?

Sed his non obstantibus, dicendum, Laicos ad causas spirituales, & Ecclesiasticas, etiam cum Clericis, de Jure delegari non posse. Ita communis cum Host. in *Summ. hic n. 3.* & colligitur ex *c. decernimus 2. de Judiciis*, juxta quod ejusmodi negotiorum tractatio Jurisdictionem spirituales, & Ecclesiasticam exigit.

Dixi ad causas spirituales & Ecclesiasticas; nam ad causas temporales non criminales, etiam quæ inter Clericos agitantur, delegari ex communi Laicus potest, non tamen ad universitatem illarum; quia ad universitatem Delegati Jurisdictio æquiparatur Ordinariæ, cujus in Clericos obtinendæ Laicus de Jure incapax est.

Addidi de Jure non posse; nam Pontifex, qui est supra omne Jus Ecclesiasticum, ex certa scientia, & ex Papalis potestatis plenitudine Laico committere etiam causarum universitatem potest, non tantum temporarium, quæ inter Clericos interceduntur, sed etiam spiritualium qualiumcunque, ut cum communi notat Host. loc. cit.

Ad rationem dubitanti negatur paritas; nam arbitrium ferre, sicut & consilium dare in causa Ecclesiastica non est actus Jurisdictionis spiritualis, ideoque in Laicum potest cadere, at verò judicare in causa spirituali, seu Ecclesiastica est actus Jurisdictionis spiritualis, cujus Laicus non est capax, etiam adjuncto ei Conjudice Ecclesiastico.

Quæritur 3. quæ qualitates requirantur in Delegato? Resp. distinguendo inter Delegatos Papæ, vel Legatorum ejusdem, & inter Delegatos Episcopi, eique similitum Prælatorum, Delegatus Papæ, & Legatorum ejus nemo esse de Jure potest, nisi sit in Dignitate aliqua Ecclesiastica constitutus, vel Personatum obtineat, vel aliquis Ecclesiæ Cathedralis Canonicus sit, ut statuitur *c. statutum 11. de Rescript. in 6.* & notant ibi DD.

At Delegatus Episcopi, eique similitum Prælatorum potest esse etiam Sacerdos simplex, vel alius quivis Clericus, aut Religiosus, ut cum communi observat Gloss. in *c. cit. V. Sedis Apostolicæ*, quæ ibidem geminam disparitatis rationem tradit. Una est authoritas, & honor Sedis Apostolicæ, supra omnes alios eminentis: quare ne hæc in Delegato vices illius gerente vilipendatur, omnino convenit, ut à personis tantum gravibus, & Dignitate,



tate, Personatu, vel alio simili gradu conspicuis repræsententur. Altera, quia Episcopi hoc ipso, quia præsententur, delegationes facere secundum merita, & idoneitatem possunt; quod non potest Pontifex plerumque absens: unde iste uti præsumptione debet, quam merito capit ex Dignitate, Personatu &c. delegandi, cum præsumi utique debeat, eum, qui Dignitate præstat, etiam præstare moribus, & scientia.

Dixi autem *de Jure*; nam simpliciter, & absolute etiam Pontifex, sicut Laico juxta *num. præc.* ita multo magis Clerico Simpliciter delegare causas Ecclesiasticas potest, censeturque hoc facere, non tantum, quando Constitutioni *c. cit.* per Rescriptum suum diserte derogat, aut inhabilitatem exprimit, sed etiam quando simplici Clerico causam committit cum clausula *ex certa scientia*; quia cum tali clausula delegans præsumitur dispensare, ut notat Laym. in *c. statutum cit. n. 8. in fin.*

- 16 Quæritur 4. an Superior, seu Judex Ordinarius possit causas suas subdelegare etiam illi, qui non est quoad personam suam subjectus Jurisdictioni delegantis? Resp. posse; nam satis est, quod causa pertineat ad Jurisdictionem Delegantis, ita ut de illa possit cognoscere *l. un. C. qui pro sua Jurisd.* ubi tantum prohibetur, ne causa aliena, sive ad Jurisdictionem delegantis non pertinet alteri committatur. Bene tamen hic notat Pirh. *n. 35.* discrimen esse, quando Superior delegat sibi subditum, & quando delegat extraneum; nam subditum compellere potest ad acceptandam Delegationem, & si iste sine causa justa recuset delegationem acceptare, etiam pœnis in eundem animadvertere: hoc autem non potest erga non subditum; quia præcipienti extra territorium suum impune non paretur *l. fin. ff. de Jurisd.* Quodsi tamen iste Delegationem acceptavit, cogi etiam ipse potest, ut in causa procedat, eamque cognoscat. Molin. *tr. 5. de J. & J. D. 16. n. 1.*

Porro, quod de Judice Ordinario delegante dictum hic est, etiam dicendum de horum delegatis, quando ipsi causas sibi commissas aliis subdelegant; semper enim in his spectanda est persona primi delegantis, utpote quam repræsentant: & hinc Delegatus Papæ, vel alterius Principis superiorem non recognoscentis cogere ad recipiendam Delegationem potest quemcunque istorum subditum; conf. in Delegato Papæ potestas ista se extendit ad omnes Christianos *c. pastoralis 28. in princ. h. tit.*

- 17 Quæritur 5. an pluribus Judicibus eadem causa simul delegari possit? Resp. affirmativè, prout patet *ex c. causam 16. h. tit.* idque fieri potest sive in solidum, sive in non solidum, & simpliciter. In solidum plures delegati censentur, quando dantur cum clausula, *ut omnes, aut duo eorum, aut etiam unus procedat*, vel alia simili: non in solidum, sive simpliciter, quando ex tenore Rescripti in solidum constitutos non constat, ut notat Pith. *hic n. 17. Vviesner n. 37.*

Difficultas est, quomodo plures dati Judices Delegari procedere debeant? Resp. cum distinctione; nam si in solidum dati sunt, locus est præventioni, ita ut si unus de causa sine cæteris cognoscere cœperit, alii se intromittere nequeant, nisi, qui eos præoccupavit, infirmitate, vel alia causa sit impeditus, aut procedere malitiosè nolit *c. cum plures 8. h. tit. in 6.*

At si duo, vel plures delegati sint simpliciter, & non in solidum ad eandem causam, non potest unus procedere sine altero, aut sententiam sine illo ferre, & si procedat, vel ferat sententiam, processus est ipso Jure nullus, nisi aliter sit in forma commissionis expressum, *c. causam 16. & c. prudentiam 21. in princ. h. tit. l. duo 39. ff. de re judic.* quia ita procedens excedit limites sui mandati. Proceditque hoc, etsi postea ille tertius id ratum habeat. Gloss. in *c. prudentiam cit. in princ. v. teneatur prope fin.* quia quod ab initio vitiosum est, non potest tractu temporis convalescere. *Reg. 29. ff. de R. J.* Sed neque renuntiare huic suo Juri hic tertius hoc casu potest, cum hoc constitutum sit in favorem publicum, ne periculo corruptionis judicia sint subjecta.

## §. I V.

*De Causis, quæ delegari possunt.*

## S U M M A R I U M.

- 18 Regulariter delegari possunt omnes illæ causæ, quæ ad Ordinariam delegantis Jurisdictionem pertinent.  
19 Etiam ea, quæ sunt Ordinis.  
20 Non tamen, quæ sunt meri, vel mixti Imperii.  
21 Quod procedit etiam de Jure Canonico.  
22 Et respectu Subdelegationis.  
23 Excipitur Jurisdictio voluntaria, ratione Dignitatis concessa.

**R**egulariter delegari possunt omnes illæ causæ, quæ ad Ordinariam delegantis Jurisdictionem pertinent. *l. un. C. qui pro sua Jurisd.* adeo, ut etiam Judex, ad quem appellatum est, cum cognitio illius in ea instantia sit Ordinaria, causam illam ad se devolutam delegare alteri possit, prout satis clarè constat ex *c. pastoralis 11. in princ. de Offic. Ord.* Fierique hoc potest etiam à non Principe, sive qui Supremus Judex non est *c. ut litigantes 5. de Offic. Ord. & super questionum 27. §. intentionis junct. Gloss. v. alii delegare h. tit.* idque verum est saltem de Jure Canonico; nam de Jure Civili per *Auth. adhuc C. de Judic.* Judex appellationis de causa appellationis per seipsum debet cognoscere.

Quæritur 1. an delegari possint etiam ea, quæ sunt Ordinis? Resp. posse, modò is, cui demandantur, competentem Ordinem habeat. Host. in *Summ. hic n. 6. vers. delegantur.* Patet in exemplis; sic enim Parochus delegare potest Potestatem absolvendi alteri Sacerdoti approbato, Episcopus Ordinarius potestatem conferendi Ordines alteri Episcopo &c.

Dixi modò is, cui demandantur, competentem Ordinem habeat; nam alteri, cui deest Ordo requisitus, invalidè delegantur. Ratio est, quia potestas exercendi ea, quæ sunt Ordinis, non pendet ex sola voluntate Delegantis, sed ex institutione Christi; neque sola voluntate, verbis, aut alio signo conferri potest, sicut potestas Jurisdictionis, sed per realem consecrationem, & manuum impositionem datur.

Excipitur 1. collatio Minorum Ordinum; nam hos ex delegatione Juris communis, vel Summi Pont. etiam non Episcopi confirmare possunt, ut dictum est *Tit. 11. n. 30. supra.*

Excipitur 2. Sacramentum Confirmationis, quod imperiri ex commissione Summi Pont. potest etiam Simplex Sacerdos juxta communem doctrinam, & praxin Ecclesiar.

Excipitur 3. distributio SS. Eucharistiæ, quam committere Parochus in casu necessitatis, si ipse impeditus sit, potest etiam Diacono juxta Decretum Concil. Carthag. 4. *can. 38. & tradunt communiter DD.*

Quæritur 2. an delegari possint causæ meri, & mixti Imperii? Viderur mixtum saltem imperium delegari posse; nam 1. *l. quæcunque. §. qui mandatam 1. ff. de Offic. ejus, cui mandat.* dicitur. Imperium, quod Jurisdictioni coheret, mandata Jurisdictione, transire; hoc autem est imperium mixtum, ergo &c. 2. & expressius *l. fin. ff. eod.* Ictus, Mandata, inquit, Jurisdictione privato, etiam imperium, quod non est merum, videtur mandari; quia Jurisdictio sine modica coercitione nulla est.

Sed his non obstantibus, verius est de Jure saltem Civili ordinariè, & seclusa infirmitate, absentia, aut alio impedimento, à Judicibus Ordinariis Principe inferioribus causas, quæ ad merum, & mixtum imperium spectant, & specialiter concessa habentur, delegari non posse. Ita Bartol. in *l. 1. cit. n. 3.* Covar. *l. 3. var. c. 20. n. 9.* estque communis sententia apud Jul. Clar. in *pract. crim. l. 5. §. fin. q. 41. n. 1.* Ratio est, quia quæcunque specialiter Lege, vel Constitutione Principum tribuuntur, mandata Jurisdictione, non transferuntur, ut ait Papinianus, *l. 1. cit. in princ.* ita autem conceduntur Judicibus majoribus ea, quæ ad merum, & mixtum imperium spectant. ergo &c. Conf. quia in speciali concessione hujusmodi causarum censetur electa industria personæ, quæ non est eadem in alio; aut si eadem sit, id non judicandum illi, cui concessum specialiter, sed illi, qui concessit, ut adeo concessio non egredietur personam.



Dixi autem 1. *quæ specialiter concessa habentur*; nam id imperium mixtum, quod generaliter Jure Magistratus, conf. Ordinario competit, mandari potest, & mandata Jurisdictione, transit, ut habetur *l. 1. cit.* ex ratione, quam dat *l. fin. cit.* quia *Jurisdictio sine modica coercitione nulla est*.

Dixi 2. *Jure Civili*; nam motibus aliud obtinet; his enim etiam illa, quæ sunt meri imperii, habentur pars Ordinariæ Jurisdictionis, ut mandari & possint, & mandata Jurisdictione in Vicarios, quos Ballivos, aut simili nomine appellamus, transeant quoad exercitium, ut rectè notat Zoef. ff. de Jurisd. n. 55.

Dixi 3. *seclusa absentia &c.* nam in casu absentiae negotii publici causa etiam merum imperium delegari potest *l. 1. cit.* & ibi Gloss. V. si proficiscatur, juncta Gloss. marg. ff. eod. Gloss. in l. 3. V. mixtum ff. de Jurisd. Idque communiter extendunt DD. etiam ad casum infirmitatis, multitudinis causarum, vel alterius similis impedimenti ob identitatem rationis; nam *similis ratio similia Jura suadere videtur*, ut dicit Gloss. in c. 4. V. similitudine de Conf. util. & inutil.

Neque aliud probant textus allati in contrarium. Ad 1. textus ille solum loquitur de Imperio, quod generaliter Jure Magistratus competit; nam hoc solum Jurisdictioni coherere dicitur: non autem de Imperio, quod specialiter Lege datur; nam hoc delegari non potest. Gloss. in l. 1. cit. V. transire. Ad 2. idem respondet Alciatus apud Zoef. l. cit. n. 53. Alii cum Gloss. ibidem V. etiam imperium dicunt, ibi nomine Imperii intelligi coercitionem modicam, seu castigationem, quæ cuilibet Jurisdictioni propria est.

21 Quæritur 3. utrum de Jure Canonico causæ meri, & mixti imperii, ad Archiepiscoporum, Episcoporum, & aliorum similium, Prælatorum Ecclesiasticorum Jurisdictionem pertinentes, ab iisdem delegari possint? Zoësius hic n. 18. & ff. de Jurisd. n. 58. putat hanc quæstionem de Jure Canonico locum non habere, cum merum imperium dicatur habere, qui habet Jus gladii, seu potestatem animadvertendi in facinorosos homines pœna capitali i. imperium 3. ff. de Jurisd. Ecclesia autem non habeat gladium, nisi spirituale *can. inter hæc 6. caus. 33. q. 2.*

Sed nisi fiat quæstio de nomine, etiam Ecclesiastici merum Imperium habent, idque dupliciter, videlicet uno modo, ut Principes, & Domini sæculares, & eatenus judicium sanguinis etiam ipsi exercere possunt, non quidem per seipso, cum hoc repugnet Statui Ecclesiastico, sed per Laicos Vicarios suos: altero modo ut Ordinarii Ecclesiastici, & sub hac ratione ad merum imperium spectat Clericorum Degradatio, Depositio, Suspendio.

Non igitur inutiliter moveretur quæstio, an de Jure Canonico delegari merum, & mixtum imperium possit? In qua quidem quæstione non consentiunt DD. Affirmativam nullo inter causas discrimine tenet Gloss. in c. quod sedem 10. V. committere in fin. de offic. Ordin. Abb. ibid. n. 4. Marant. de Ordin. Judic. p. 4. dist. 5. n. 62. Molin. tr. 5. de J. & J. D. 17. n. 4. Vviefner. de Offic. Judic. n. 21. etque satis communis. Deducunt hoc 1. ex c. cum in Archiepiscopatu 4. de raptorib. ubi Judex Ordinarius inferior Principe, qualis erat Rex Siciliæ, causas criminales delegavit. 2. ex c. fin. ne Cleric. vel Monach. in 6. ubi habetur, Episcopos, Jurisdictionem temporalem obtinentes, delegare posse causas sanguinis, quæ procul dubio ad merum imperium pertinent. 3. ex Clem. 1. §. 1. de Heretic. ubi permittitur Episcopo potestas delegandi causas Hæresis, & eas committendi alteri. 4. ex c. licet 2. de Offic. Vicar. in 6. & c. cum Episcopus 7. de Offic. Ord. eod. vi quorum textuum Episcopi possunt per se, vel per alios exercere Jurisdictionem civilem, & criminalem, 5. ex generali consuetudine, qua mixti, merique imperii causæ delegantur; est autem consuetudo Juris dubii interpres optima. ergo &c.

Verum his non obstantibus, dicendum, probabilius etiam de Jure Canonico causas meri, & mixti imperii, quæ inferioribus magistratibus à Lege, vel Canone specialiter committuntur; ab iisdem delegari non posse. Ita Covar. l. 3. var. c. 20. n. 4. in fin. Menoch. de arbitr. l. 1. q. 74. n. 45. Fachin. l. 9. contr. c. 99. Pirhing hic n. 52. & alii plures ab his cit. Ratio est, quia Jure Canonico nusquam expressum est, quod generaliter, & univer-

sim à quovis Judice merum, & mixtum imperium delegari possit; nam Canones, qui in contrarium allegantur, ut mox videbimus, loquuntur solum in casu speciali, vel saltem dubiam habent explicationem; in dubio autem Jus Canonicum à Civili, præsertim in causis civilibus, & forensibus, discrepare non præsumitur: igitur meritò negatur, quod de Jure Canonico, scripto saltem, passim, & generaliter, & absque justa causa, & à quovis Judice Ordinario, merum, & mixtum imperium delegari possit.

Ad argumenta in contrarium allata non difficilis est responsio. Ad 1. Rex Siciliæ, de quo sermo est c. 4. de raptor. etsi ratione feudi, tanquam Vassallus, sit subiectus Summo Pontifici, nihilominus tamen Rex, & Princeps est, habetque omnem potestatem, quæ aut Principi jure communi convenit, aut speciali privilegio reservatur. Ad 2. Archiepiscopi, Episcopi, & alii Prælati Ecclesiastici causas Sanguinis ex status sui ratione tractare non possunt. igitur dum ipsi permixtum est merum imperium temporale, hoc ipso permixtum censetur, ut causas sanguinis committere aliis Vicariis suis, ac Locum tenentibus Laicis possint, non quidem ut Delegatis suis, sed tanquam Ordinariis Judicibus subordinatis. Ad 3. in Clem. cit. ob favorem fidei conceditur Episcopis Diocesanis, & Inquisitoribus fidei, ut in causa Hæresis delegare, seu committere vices suas aliis possint, ac proinde ea delegatio, seu commissio ad alia delicta, vel causas trahi, & extendi non debet. Ad 4. illis textibus datur Episcopis facultas cognoscendi, & expediendi causas criminales per Vicarios, qui cum Judices Ordinarii sint, & Ordinariam jurisdictionem exerceant, ut dictum est Tit. præc. n. 18. & seq. ab his inferri non potest, quod jure Canonico causæ istæ generaliter delegari possint. Ad 5. patet ex dictis, responsionem nostram solum procedere de jure scripto.

Quæritur 4. an causas meri, & mixti imperii subdelegare etiam Delegati possint? Resp. cum distinctione: 22 Vel enim delegati sunt à Judice Ordinario inferiore, vel à Principe nullum Superiorem recognoscente. Si primum, convenit inter omnes, quod isti causas criminales nullo modo subdelegare possint, ne quidem post litem contestatam, ut aliis cit. advertit Clar. præf. crim. q. 41. n. 2. Si secundum, Jacob. de Arena, Alberic. Jason apud Clar. l. cit. n. 3. negant delegari eas posse etiam à Delegato Principis: quibus non obscure consentit ipse Clarus, dum ait hanc sententiam in praxi servari, quod nunquam causæ criminales, ad merum imperium pertinentes, delegentur à Principe, nisi personæ industria, & fides specialiter sit electa.

Contrà Alciatus, Boerius, Guido Papæ, & alii ab eodem Claro cit. cum Gloss. in l. un. V. Judicandus C. qui pro sua Jurisd. putant ab hoc subdelegari alteri causam etiam criminalem sibi commissam posse. Additque Gloss. marg. ibid. hanc sententiam esse communem.

Quid de hoc sit, cum Jus de hoc nihil statuatur, observanda locorum est consuetudo, vel ubi de consuetudine certi nil statui potest, consideranda mens delegantis, an in delegato elegerit personæ industriam, vel non elegerit. Illud certum est, in generali concessione totius Jurisdictionis Civilis, & Criminalis, alicui à Principe facta, non censi comprehensa, quæ infra Tit. 32. n. 7. dicam, ad primum gradum meri, & mixti imperii pertinere, nisi specialiter exprimantur. Molin. tr. 5. D. 6. n. 3. & ratio est, quia in generali concessione non veniunt ea, quæ quis verisimiliter non esset in specie concessurus, si nim. in specie rogatus fuisset, juxta Reg. 81. n. 6.

Quæritur 5. an Jurisdictio voluntaria, ad merum, vel 23 mixtum imperium pertinens, si concessa sit alicui ratione officii sui, & dignitatis, & huic perpetuò annexa, delegari alteri possit? Negat Bald. & alii apud Sanch. l. 2. de Matr. D. 40. n. 13. idque ex duplici argumento. 1. ex c. fin. §. fin. h. tit. ubi Gregorius IX. nulli, inquit, cui commissum fuerit -- excommunicare, vel absolvere aliquos, dispensare in Irregularitatibus, -- liceat hæc de cetero aliis demandare, quia non sibi Jurisdictio, sed certum ministerium potius committitur in hac parte. 2. ex Trid. sess. 24. c. 6. de reform. ubi concedens Episcopis casus Pontificis occultos, explicat per se, vel per Vicarium. ergo clarè denotat, non posse delegare, ubi non committitur Episcopis delegandi potestas.



Verum his non obstantibus, dicendum, eam Jurisdictionem ita commissam regulariter delegari alteri posse, idque non tantum in casibus particularibus, sed etiam generaliter, nisi in concessione expressum sit, ut per se ipsum illam exerceat. Ita Gloss. in c. fin. cit. V. casibus. Covar. l. 3. var. c. 20. num. 5. & 10. Sanch. l. 2. de Matr. D. 40. num. 14. & alii apud istos. Sumitur ex c. fin. cit. Ratio est, quia talis perpetua commissio, à Lege, Canone, vel ex speciali privilegio facta, transit in potestatem, seu Jurisdictionem Ordinariam, ut potius Jurisdictio Ordinaria, quam Delegata censeretur; ea autem, quæ Jure Ordinaria, & proprio alicui competunt, possunt absolute, & generaliter delegari juxta regulam communiter receptam, ergo &c. Neque tunc censeretur electa industria personæ; quia hujusmodi potestas ad successorem transit, adeoque ad personas incognitas eam conferenti,

Dixi autem *regulariter*; nam 1. *excipitur*, nisi voluntaria Jurisdictio, seu potestas ipsi Officio à Lege, vel ex privilegio commissæ, seu concessa ita magni momenti sit, ut per alium expediri nequeat, uti est potestas conferendi Beneficia, quæ ab Episcopo alteri, quam Vicario suo Generali, committi nequit. Sanch. l. cit. numer. 16. *Excipitur* 2. nisi ex commissione, seu privilegii concessione appareat specialiter eam factam esse Prælaro, eo quod propter Autoritatem officii, & discretionem magis idoneus sit reputatus. Laym. in c. fin. cit. num. 3.

Neque urgent argumenta opposita. *Ad* 1. textus ille intelligendus est, quando nudum ministerium committitur personæ; secus, quando ex privilegio perpetuo Dignitati concessio; tunc enim non dicitur nudum ministerium, sed potestas ordinaria. *Ad* 2. Trid. l. cit. solum innuit Vicarium ex generali commissione Vicariatibus in his casibus non habere potestatem, nisi sibi specialiter committantur; non autem negat Episcopo potestatem eosdem casus, vel alios Dignitati ejusdem perpetuo concessos delegandi generaliter.

## §. V.

## De Officio Judicis Delegati.

## S U M M A R I U M.

- 24 *Discrimen inter Officium, & Potestatem.*
- 25 *Delegatus ante Rescriptum Delegationis sibi præsentatum non procedit.*
- 26 27. *Debet probare Delegationem sibi factam.*
- 28 *Observare formam in rescripto Delegationis præscriptam.*
- 29 *Admittere necessarias probationes, & rationabiles exceptiones.*
- 30 *Deferre Appellationi legitima.*

24 **R**ubrica h. tit. distinguit inter *Officium*, & *Potestatem*; nam etsi plerumque pro eodem sumantur, strictè tamen differunt, ut rectè aliis *citt.* advertit Pirh. *hic princ.* *Potestas* consistit velut in habitu, seu actu 1. *Officium* verò ipsum actum 2. seu exercitium significat. Deinde per *Potestatem* denotatur, quid possit facere Juxta Delegatus ratione Delegationis sibi factæ; per *Officium* verò, quid debeat, ac teneatur facere. Denique *Officium* latius patet; nam *Officium* multi habent, qui potestatem Jurisdictionis non habent. Porro ad *Officium* Judicis Delegati plura spectant.

25 1. Ut non procedat ante rescriptum delegationis sibi præsentatum. c. super eo 12. in fin. de appellat. Ratio est, quia Jurisdictio non acquiritur, nisi scienti, & acceptanti: hoc autem ante rescripti præsentationem non contingit. Ex quo sequitur 1. quod in Rescripto, quo confertur Jurisdictio, attendi debeat tempus non *data*, sed *præsentata*, ut notavi supra Tit. 3. n. 22. Sequitur 2. processum ante præsentationem rescripti delegationis à Judice inchoatum, & acta cætera irrita esse, ita ut nec secuta illius præsentatione, convalescant; quia facta sunt à non habente Jurisdictionem. Sequitur 3. id verum esse, etiam si, antequam processum inchoaverit, privatim sciiverit, sibi causam delegatam esse; quia requiritur, ut sciat authenticè per præsentationem rescripti. Pirhing n. 100. Vviestner n. 43. & alii ab his *citt.*

2 Litteras seu mandatum Delegationis suæ in forma 26 authentica exhibere debet, ejusque copiam facere partibus litigantibus coram se comparentibus, ut fides ipsi habeatur de accepta potestate; alioquin necessario ipsi parendum non est, neque Ordinarius loci, vel alius, cui Delegatus, etiam Sedis Apostolicæ, aliquid mandat, exequi illud tenebitur, prout sumitur ex c. cum in jure 31. h. tit. & c. cum contingat 24. de Rescript. Ratio est 1. quia in quolibet territorio præsumptio est pro Judice Ordinario. igitur alius in eo judicandi potestatem habere non creditur, nisi delegationem suam, editis istius litteris, probet. 2. quia Delegatio est quid facti; factum autem regulariter non præsumitur, sed probari debet l. ad servatio 10. C. de non numer. pecun. 3. Jurisdictio qualitas est, quæ homini nec à natura, nec ordinariè inest, sed uni, aut alteri competere potest, & conf. ante omnia est probanda. Hinc salubriter monent DD. ut is, pro quo à Delegato Papæ lata est sententia, tam hanc, quam delegationem, seu commissionem pari cura custodiat, ut si cum tempore super eadem causa conveniretur, tam sententiam à Delegato latam, quam Delegationem eidem factam legitimè probare possit.

Dubitatur, an aliter probare commissionem suam De- 27 legatus possit, quam per litteras Authenticas Delegationis? Resp. si sit Delegatus inferiori Principe, probare commissionem suam potest per testes; quia in iis locum habet jus commune, secundum quod eandem vim habet probatio per testes, quæ per instrumenta. l. in exercendis 15. C. de fid. instrum. At si sit Delegatus Principis, regulariter debent exhiberi ipsæ litteræ authenticæ Delegationis l. si quis 1. C. de mandat. Princip. vel saltem exemplum illarum ex originali solemniter transumptum. Gloss. in c. 31. cit. V. super mandato.

Dixi *regulariter*: nam plures sunt casus, in quibus rectè proceditur à Delegato, etsi litteras authenticas Delegationis suæ non exhibuerit. Et 1. quidem, si partes litigantes, & Juxta Ordinarius, in cujus territorio constituitur, sine illis fidem dare velint Delegato asserenti se habere mandatum. Pirh. *hic numer.* 70. 2. si ipse delegans præsens sit, ita ut facile ex ipso quæri possit, an potestatem ei delegaverit. Pirh. l. cit. 3. si ante exhibitas ejusmodi litteras partes litigantes coram Delegato litem sint contestatæ; quia hujusmodi exceptiones dilatoriarum Judicii opponi debent ab initio arg. c. inter 20. de sent. & re judic.

3 Delegatus accuratè observare debet formam, quæ 28 præscripta est in Delegationis Rescripto, ut præcipitur c. cum delicta 22. de rescript. & l. diligenter 5. in princ. ff. mandat. alias à delegato contra formam Rescripti acta erunt irrita c. cum olim 32. & c. venerabili 37. h. tit. Ratio est, quia Delegatus Jurisdictionem non habet, nisi quæ concessa ipsi est ex Rescripto Delegationis. igitur quæ ultra istius tenorem acta sunt, à non habente Jurisdictionem acta videntur.

*Excipitur* 1. si connexa, & accessoria sint; nam cui commissæ est aliqua causa, commissæ etiam censentur omnia pertinentia ad expeditionem causæ, quantumvis in delegatione non sint expressa, saltem si speciale mandatum, seu commissionem non exigant c. præterea 5. hoc tit.

*Excipitur* 2. si aliquando à rigorosa Rescripti observatione recessum suadeat æquitas, & rationabilis exceptio partis, e. g. quod intra terminum in rescripto præfixum comparere, aut causam sufficienter instruere nequeat; tunc enim dilatio ipsi concedenda est, maxime si reus sit; quia Papa rescribendo non censetur derogare juri partium, multo minus auferre reo defensionem à natura concessam arg. c. super eo 15. h. tit.

*Excipitur* 3. si partes favori per præscriptam Delegationis formam sibi quæsito ultro renuntient, ut si casu, quo Judici delegato pro cognitione causæ delegatæ præscriptus sit certus locus, partes consentiant, ut cognitio ejusdem fieri possit in alio; nam modò iste delegatus subjectus sit, vel si subjectus non est, is, cui subjectus est, consentiat, Delegatus in eo cognoscere de causa sibi commissâ potest c. statutum 11. §. in nullo de rescript. in 6.

*Excipitur* 4. si forma, seu conditio, quæ Judici delegato præscribitur, requiratur etiam de Jure communi; tunc enim formam novam non inducit, sed est solum instar commonitionis, seu instructionis Judicis, quæ si non



non observetur, illicitum quidem facit actum, non tamen invalidum. *Gloss. in Clem. un. h. tit. V. repperint.*

4 Delegatus admittere debet necessarias probationes, & rationabiles exceptiones, frivolas verò reicere *c. ex parte 13. h. tit.* Ratio est, quia Papa, quando præscribit certam formam in processu servandam, nulla exceptionum mentione facta, Juris ordinem, ac proinde ei conformes rationabiles exceptiones tollere non censetur. *Gloss. in c. cit. V. nullas. Abb. ibid. n. 5. & alii passim.*

Procciditque hoc, etsi prohibuerit exceptionem admitti; adhuc enim admitti à Delegato poterunt exceptiones notoriæ, fundatæ in Jure naturali, vel Divino, aut Jure humano specialiter approbatæ: quales sunt Exceptiones nullitatis, incompetentiæ Judicis, defectus citationis, inhabilitatis personæ ad agendum, inepti tituli: exceptiones inctus, & doli aperti: exceptiones fundatæ in confessione partis in judicio factæ, aut instrumento subnixæ, quod æquè, vel magis solemne sit, ac est illud, in quo actor suam intentionem fundat &c. de quibus, & aliis pluribus latè Felin. *in c. ex parte cit. à num. 6.*

30 5 Delegati Officium est, ut deferat legitimæ appellationi; cum enim hæc sit quædam sui defensio, in innocentia subsidium comparata *c. cum speciali 61. §. porro de appellat.* eidem Judex Delegatus non minis, ac Ordinarius, si legitimè sit interposita, deferre debet *can. omnis 3. & seqq. caus. 2. q. 6.*

Porro ad quem appellari debeat à Judice delegato, & quomodo appellatio proseguenda, melius dicitur *lib. 2. tit. 26.* ubi etiam de Recusatione Judicis delegati.

#### §. VI.

##### De Potestate Judicis Delegati.

#### S U M M A R I U M.

31 *Delegati potestas metienda est ex persona Delegantis, & Delegationis mandato.*

32 *In specie potest citare partes, & ad comparendam compellere.*

33 *Punire alios, qui Jurisdictionem ejusdem turbant.*

34 *Cognoscere, num sua sit Jurisdictio.*

35 *Absolvere Actorem ab Excommunicatione.*

36 *Eundem restituere in possessionem.*

37 *Sententiam à se latam exequi.*

38 *Ejus executionem alii demandare.*

39 *Pro eadem executione implorare auxilium brachii secularis.*

31 **N**on solum Officium Judex Delegatus habet, sed ut quæ officii sunt, causæ cognitione, & definitione exequi possit, officio ejus adjuncta potestas est. Hæc generatim loquendo ex autoritate, & potestate delegantis metienda est, & ex mandato concessio; nam Delegatus in Jurisdictione sibi concessa vices delegantis gerit *can. fin. dist. 93. can. valde 1. dist. 94. & c. sanè 11. h. tit.* non tamen æquæ honorandus, ac Principalis; quia ampliorem sibi potestatem reservavit delegans, quàm communicaverit Delegato. Pirh. *hic n. 71.*

Porro vi hujus potestatis Delegatus facit omnia, sine quibus exequi mandatam sibi Jurisdictionem non potest; nam hæc omnia in Delegatione continentur, etsi expressa non sint. *Molin. tr. 5. de J. & J. D. 26. num. 1.* Ratio est, quia qui executionem finis committit, etiam media necessaria, sine quibus finis obtineri non potest, commississe censetur.

32 In specie potest 1. citare partes inter se contendentes, ut compareant: & si legitimæ citatæ comparere, aut ejus mandato aliàs parere contumaciter recuserint, illas potest remediis opportunis ad id compellere *c. de causis 4. §. fin. & c. seq. h. tit.* Et idem dicendum de subdelegato à Delegato Papæ, vel Principis cum Jurisdictione ad totam causam, vel saltem ad certum articulum, prout sumitur *ex c. ex litteris 29. eod.*

33 2 Hanc potestatem puniendi, & compellendi exercere potest, non solum ad partes litigantes, in quas ei Jurisdictio est delegata, sed etiam ad alios, qui Jurisdictionem ejus, vel processum causæ impediunt, aut malitiosè retardant *c. quia quesitum 1. h. tit.* & si Delegatus Papæ sit, in ipsum etiam Episcopum, si hic in causa delegata

contumax, & rebellis sit. ut habetur *c. sanè 11. h. tit.* quia licet secundum suam personam fortè minor sit Episcopo, vel etiam eidem subjectus; ut Delegatus tamen Papæ, cum vices hujus repræsentet; est eo major *c. sanè cit. in princ.* In hunc tamen propter reverentiam Sacri Officii, quod gerit, mitius animadvertere debet, quàm in alios *c. pastoralis 28. h. tit. nisi fortè*, ut *c. quia Pontificali 2. eod. in 6.* dicitur, *aliter fieri suaferit nimia contumacia protervitas, seu culpa.*

3 Potest Judex Delegatus, si ei pars citata obijciat Jurisdictionis defectum, cognoscere regulariter, num sua sit Jurisdictio, prout sumitur *ex c. ex parte 33. de Rescriptis*, & docet Abb. *ibid. num. 3.* Et hinc discrimen est inter Judicem Ordinatum, & Delegatum; nam Judex Ordinarius tantum potest cognoscere, an sua sit Jurisdictio, quando ipsi objicitur, quod non sit competens respectu partis citatæ; non verò, quando ipsi obijciatur, quod nullam habeat Jurisdictionem. At verò Delegatus cognoscere potest, num sua sit Jurisdictio, etiam si pars citata ipsi obijciat, quod nullam Jurisdictionem habeat, ex capite, quod dicat Rescriptum delegationis esse invalidum. Ratio disparitatis est; quia Judex Ordinarius, cum defectus omnis Jurisdictionis ipsi objicitur, hanc fundatam non habet: & hinc nec pronuntiare interlocutoriè de illa potest, ne judicet directè in causa propria. At Judex Delegatus, cum omnia agat nomine delegantis, de cujus Jurisdictione, ut supponitur, nullum movetur dubium, ipse quoque Jurisdictionem fundatam, consequenter etiam potestatem habet cognoscendi, utrum litteræ Delegationis à delegante datæ sint validæ. Laym. *in c. ex parte cit. de rescript. n. 3.*

4 Potest delegatus absolvere Actorem ab Excommunicatione, quam incurrit post Rescripti imperationem ob causam pertinentem ad eam, ad quam Delegatio facta est, nisi illa sit specialiter reservata Papæ, ut habetur *c. prudentiam 21. §. sexta h. tit.* & ratio est, quia cum Excommunicatio à communicatione forensi removeat, ita necessarium est, ut causa principalis per Delegatum expediri possit. Addidi *ob causam pertinentem &c.* nam si ob causam diversam, & ad eam, quæ delegata est, non pertinentem excommunicatus est, ad Excommunicatorem est remittendus, ut deciditur *§. sexta cit.* qui si absolvere eundem renuat, videndum, an ex justa causa tenuit, an per malitiam. Si hoc secundum, juxta *§. cit.* ipse Delegatus absolvere eundem poterit. Si verò primum, absolvi à Delegato non poterit, ac proinde ab agendo ipse repellendus, & Papa de statu causæ informandus est, ut notat Pirhing *hic num. 85.* Vvicknet *num. 62.* Excipitur, si causa dilationem non pateretur; tunc enim excommunicatus à Delegato absolvi posset ad reincidentiam, sive ad præsentem tantum actum judicalem exercendum, ita ut isto peracto, in Excommunicationem reincidat. Laym. *in c. 21. cit. n. 6. not. 1.*

5 Potest Delegatus Actorem, si probaverit se possedisse, & spoliatum fuisse, contra reum absentem, & intra præfixum terminum non comparentem, restituere in possessionem: in quo tamen videnda causa absentiae, prout monet Alexander III. *c. consultationibus 10. h. tit.* nam si reus, antequam obtentæ essent Litteræ Delegationis, vel notitia de illis obtentis habita, Studiorum, peregrinationis, vel alia legitima causa sit absens, ita ut intra præfixum tempus se in judicio præsentem sistere nequeat, non possunt, nec debent iudices delegati actorem restituere, etiam si ille per testes idoneos probare paratus sit, se à possessione Ecclesiæ, vel Beneficii injustè dejectum fuisse. Secus si reus post habitam notitiam Rescripti Apostolici obtenti fraudulenter, & contumaciter se absentavit, & intra terminum præfixum non compareat; tum enim poterunt Iudices Delegati actorem, postquam se possedisse, & spoliatum esse probaverit, restituere in possessionem adversus reum absentem. Procciditque hoc, sive iste se absentarit ante, si ve post contestationem litis; nam utroque casu recipi testes possunt, & quando causa fuerit liquida, possessio actori restitui per sententiam definitivam, vel quasi definitivam, ut notat Laym. *in c. 10. cit.* Unde hic est unus ex specialibus casibus exceptis per *c. fin. §. porro. Ut lit. non contest.* in quo lite non contestata ad testium receptionem, & sententiam definitivam proccidi potest.



6 Potest Delegatus à Papa, vel Principe non tantum de causa sibi commissâ cognoscere, & super ea ferre sententiam, sed etiam latam exequi, ut constat ex c. *significasti* 7. h. tit. pro quo habet annum integrum continuum, à lata sententia numerandum c. *querenti* 26. h. tit.

An idem dicendum sit etiam de Delegato à Judice Ordinario inferiore, controvertunt DD. Negant Imol. in c. 26. cit. n. ult. Bartol. in l. à Divo Pio 15. ff. de re judic. n. 14. Matant. de Ord. Judic. p. 4. dist. 5. n. 45. & p. 6. de execut. n. 4. & colligi hoc videtur 1. ex c. *significasti*, & c. *querenti* cit. ubi tantum sermo est de Judicibus delegatis à Papa. 2. ex c. *siquis* 4. de for. compet. in fin. ubi Episcopus recusatus sententiam à Delegatis latam exequitur, non executurus, si Jurisdictionem adhuc haberet Delegatus. 3. ex l. à Divo Pio cit. ubi in princ. Ulpianus, à Divo Pio, inquit, rescriptum est, Magistratus Populi Romani, ut Judicium à se datorum, vel arbitratorum sententiam exequantur hi, qui eos dederunt: ex quibus verbis colligitur, Officium delegati ab Ordinario inferiore, lata sententia, expirare.

Sed retinenda est affirmativa sententia, tanquam probabilior, quam etiam defendunt Abb. in c. *querenti* c. n. 8. & in c. *siquis* c. n. 32. Molin. tr. 5. de J. & J. D. 26. n. 5. Barb. in c. 7. h. tit. n. 2. Pirhing hic n. 65. Schambogen n. 28. modò sibi Delegans executionem expressè non reservaverit. Ratio est, quia quando commissio alicui absolute facta est, censetur eidem simul commissâ omnia illa, quæ ad eam expediendam, & ad ultimum effectum perducendam requiruntur, modò delegans committere ea possit, nec sibi reserve. atqui ad ultimum effectum perducta causa non est, nisi quando sententia super ea lata executioni mandata est. ergo &c.

Neque obstant argumenta contraria. Ad 1. in textibus cit. de Judice Delegato à Papa solum fit mentio, non quòd ipse solus exequi sententiam à se latam possit, sed quia de hoc solo proponebatur questio in casu. Ad 2. in c. *siquis* cit. sermo non de Judicibus delegatis, sed arbitratis est: & si etiam de Delegatis esset, solum negatur ipsis potestas exequendi sententiam, quando eisdem commissâ est tantum causæ cognitio. Ad 3. ibi Judicis dati nomine, ut Schambogen l. cit. notat, intelligitur tantum Pedaneus, qui simplicem duntaxat notionem habet.

7 Delegatus Sedis Apostolicæ si sententiam suam exequi per se, aut ministros suos non possit, aut non velit, ejus executionem alteri, & quod frequentissimè solet, Judici Ordinario demandare, & quia in causa sibi commissâ major, & superior illo est, si renitatur, ad patendum, & exequendum compellere Censuris potest, ut statuitur c. *significasti* 7. h. tit.

Utrum Ordinarius exequi eandem teneatur etiam casu, quo scit eam injustam esse, dubium moveri potest. Videtur non posse. 1. quia ipsius Summi Pont. mandato permittitur supersedere Ordinarius, si hoc injustum existimet, donec rescribens consulatur c. *si quando* 5. de rescript. 2. Lucius III. c. *super eo* 2. de crim. fals. disertè commendat prudentiam Episcopi nolentis exequi sententiam auctoritate litterarum falsarum latam. 3. Innoc. III. c. *inquisitioni* 44. de sent. Excomm. rescripsit, eum, qui nullitatis matrimonii à se contracti conscius est, non teneri, nec posse sententiam pro ejus valore latam exequi, etiam si compellatur sub pœna Excommunicationis. 4. injusto mandato Superioris non est parendum c. *sollicitudinem* 54. vers. si verò de appell. imò resisti eidem potest l. *prohibitum* 5. & l. *defensionis* 7. C. de Jur. fisci.

Sed distinguendum: Vel enim talis sententia injusta solum, vel etiam irrita est. Si hoc secundum, exequi eandem Ordinarius non tenetur. Si primum, non obstante hac sua scientia, Ordinarius exequi eandem debet, prout statuitur c. *pastoralis* 28. §. quia verò h. tit. & tradunt ibi DD. Ratio est, quia Delegatus in causa sibi commissâ, ut paulò antea dictum est, est quovis Ordinario major; de majorum autem sententiis, justè, an injustè latæ sint, judicare inferioribus non est permittum, sed eis acquiescendum l. *advers.* 3. C. si advers. rem judicat. Conf. quia si Ordinarius demandatam sibi executionem sententia, quando istam injustam esse existimat, recusare posset, facilè everterentur judicia, & sententiarum executio ab executoribus; posset enim quivis prætere se conscientiam in contrarium habere, & sic impedire, aut protrahere executionem.

Excipitur 1. si injustitia sententiæ sit notoria; tunc

enim executor ad Superiorem referre id debet c. de cetero 5. de sent. & re judic. Excipitur 2. si causa sit criminalis, & agatur de vita, & membris innocentis; nam sententiam tali casu adversus hunc latam exequi intrinsecè malum est: de quo plenius Tit. 32. à n. 26. Excipitur 3. si non sit merus executor, sed mixtus: nam hic admittere, & cognoscere potest de impediens, ac minuentibus executionem, ut est v. g. compensationis exceptio, opposita ei, qui imperat solutionem &c. Vviesner hic n. 68.

Sic explicatæ conclusioni non obstant Argumenta in ratione dubitandi allata. Ad 1. in textu cit. permittitur quidem Ordinario, ut petere liberationem à Papa possit; si tamen non audiat, parere debet. Ad 2. sententia auctoritate falsarum litterarum lata non tantum injusta sed etiam irrita est. Ad 3. executio sententiæ latæ pro valore matrimonii, quod scitur ob impedimentum dirimens occultum nullum esse, est de re intrinsecè mala, & conf. præceptum humanæ potestatis, aut hujus dispositioni non est obnoxia. Ad 4. patet responsio ex dictis.

8 Delegatus Sedis Apostolicæ ad sententiæ à se latæ executionem non tantum Censuris, aliisque similibus remediis uti adversus contumaces, & illam impediens potest, sed etiam, si ita necessarium fuerit, brachii sæcularis auxilium implorare: quod etiam, si legitime illud imploraverit, denegari eidem non potest; & si hoc Juxta sæcularis indebitè neget, ad id exhibendum à Delegato Ecclesiasticis Censuris compelli poterit. Colligitur ex can. *administratores* 26. caus. 23. q. 5. ibi *Quoties ab Episcopis, & Ecclesiasticis viris conventi fuerint*, quibus verbis tam Delegati, quam Ordinarii Judices comprehenduntur. Proceditque hoc, ut auxilio isto uti Delegatus possit, etiam si non sit munitus speciali clausula, qua hujusmodi imploratio eidem permittatur, ut notat Abb. in c. 7. h. tit. n. 8.

Neque obstat, quòd Apostolicis mandatis inseri aliquando soleat clausula *Invocato etiam, si opus sit, auxilio brachii sæcularis*; quia etiam illa, quæ Jure insunt, & facilè subintelliguntur, sæpe exprimi solent vel ad tollenda dubia, vel ad majorem auctoritatem, ac firmitatem; quia expressa magis apprehenduntur, quam subintellecæ: videtur autem facultas implorandi auxilium brachii sæcularis inesse ipso Jure, & tacite subintelligi in delegationis Rescripto, etsi in eo non exprimat, quippe sine qua potestas Judicis delegati sæpe inefficax foret nec ejus sententia executioni mandari posset.

## §. VII.

De Cessatione Officii, & potestatis Judicis Delegati.

### S U M M A R I U M.

- 40 Officium, & potestas Judicis Delegati finitur, sententia pronuntiata, & executioni mandata.
- 41 Finito quocunque modo negotio.
- 42 Si interloquendo pronuntiet, sibi nullam competere Jurisdictionem.
- 43 Recusatione ejusdem.
- 44 Lapsu termini ad decidendam causam præfixi.
- 45 Revocatione Delegantis.
- 46 Morte ipsius Delegati.
- 47 Non tamen depositione Dignitatis.
- 48 Morte Delegantis, si res adhuc sit integra.
- 49 Talis autem censetur esse, etiam si Delegatus ante mortem committentis alteri subdelegaverit.
- 50 Denique morte ejus, qui vi Rescripti conveniendus erat coram Delegato.

Officium, & Potestas Judicis Delegati pluribus modis cessare potest. Et 1. quidem, si Delegatus sententiam pronuntiaverit, eamque per se, vel per alium executioni mandaverit, vel mandari præceperit; quia tunc censetur Officio suo functus, ut dicitur c. in litteris 9. h. tit. ubi tamen distinguendum, an sola cognitio causæ Delegato commissâ sit, an etiam executio; nam si primum, per pronuntiationem sententiæ officium Delegati finitur absolute; si alterum, finitur tantum quoad causæ cognitionem, ita, ut deinde ampliùs cognoscere de causa sibi commissâ nequeat, vel sententiam emendare, nisi nova eidem fiat commissio arg. c. si compromissarius 37. §. si verò de elect. in 6. & l. si ut proponis 4. C. quom. & quand. Judex



*Judex &c.* Proceditque hoc, sive bene, sive malè pronuntiaverit, ut cum aliis notat Gonzal. *in c. 9. cit. n. 3.*

An procedat etiam, quando pronuntiavit sententiam ipso Jure nullam, dubium fieri potest. Ratio dubitandi est, quia tali casu sententiam revocare, & aliter pronuntiare potest Judex Ordinarius *l. si expressim 19. ff. de Appellat.* ergo etiam Delegatus id poterit. *Conf.* nam id, quod nullum est, nullum sortitur effectum *l. si se 4. §. condemnatum 6. ff. de re judic.*

Sed dicendum, etiam tali casu sententiam à Delegato revocari posse, nisi novam Jurisdictionem à Delegante acceperit. Colligitur ex textibus *citt.* maximè ex *l. si ut proponis*, ubi in casu, quo sententia à Judice delegato pronuntiata est die feriato, & altera partium absente non citata, *conf.* nulliter pronuntiata, dicitur, non immeritò Præsidentem denuo *negotium alterius Judicis notioni terminandum commississe*; non autem id meritò factum esset, si Jurisdictio Delegati nullam sententiam pronuntiando non exspirasset. ergo &c.

*Excipitur tamen* 1. si delegatus sit ad universitatem causarum; nam hic æquiparatur Ordinario, & post latam sententiam, ejusque executionem non omnem Jurisdictionem amittit. Laym. *in c. 9. cit. n. 2. & alii apud ipsum.* *Excipitur* 2. si sententia ejusdem nulla sit, quia formam mandati non observavit; tunc enim veluti non usus Jurisdictione sua censetur *arg. l. quid tamen 21. ff. de recept. qui arbitr.* *Excipitur* 3. si actus sit extrajudicialis; nam in extrajudicialibus nullitas actorum corrigi non tantum ab Ordinario, sed etiam à Delegato generatim potest. Felin. *in c. 9. cit. n. 1.* ubi plures afferuntur Exceptiones.

*Ad rationem dubitandi* negatur paritas. Ratio disparitatis est, quia Delegatus habet potestatem limitatam, ideoque si semel fecit, quod sibi erat commissum, omnem potestatem amisit; at verò Ordinarius habet Jurisdictionem magis amplam, & stabilem, quam alteri delegando, vel semel sententiam ferendo non amittit, sed adhuc in habitu, & radice retinet. *Ad Conf.* sententia nulla nullum habet effectum, ita ut non liget partem, adversus quam pronuntiata est: de cætero quoad ipsum delegatum, ut Jurisdictionem illius finiat, effectum habet, cum istum Jus ipsi tribuat.

2 Finitur Delegati officium, & potestas, finito quocunque modo negotio, sive deinde finitum sit absolute, & simpliciter, quod sit per transactionem, compositionem, acceptilationem, aut pactum de non petendo; sive tantum finitum sit quoad ipsum Delegatum, quod is potestatem sibi commissam subdelegaverit alteri: ubi tamen videndi termini commissionis, seu subdelegationis ab illo factæ; vel enim commisit alteri nudum ministerium duntaxat, ipsum merum ministrum, ac veluti Officiale suum constituendo, vel etiam Jurisdictionem, subdelegatum Judicem eum faciendo in tota causa.

*Si primum*, non censetur subdelegans abdicasse se Jurisdictionem, sed revocare commissionem à se factam, & exequi per seipsum poterit, etiam si alter, cui commisit, jam cœperit exequi, juxta *c. significasti 7. h. tit.*

*Si secundum*, videndum, an res adhuc sit integra, an verò non. Si prius, iterum revocare ad se Jurisdictionem alteri commissam poterit, quippe quæ eo casu in Subdelegatum efficaciter nondum transit, ut statuitur *c. quamvis 6. h. tit. in 6.* Si posterius, revocationi locus non erit amplius, cum eo casu censeatur Jurisdictione in causa commissa se abdicasse, & functus esse Officio suo. Pith. *hic n. 155.* & alii ab ipso *citt.*

3 Finitur, si Judex Delegatus interloquendo pronuntiet, sibi nullam Jurisdictionem, seu potestatem in causa delegata competere, quod Rescriptum Delegationis invalidum sit *c. significantibus 38. h. tit.* Proceditque hoc, sive bene, sive malè pronuntiaverit; nam functus censetur Officio suo, ita ut reassumere illud deinceps nequeat etsi partes consentiant, cum istæ dare Jurisdictionem non possint. *l. privatorum 3. C. de Jurisdic. omn. Judic.*

*Excipitur* 1. nisi pars impetrans Rescriptum à tali sententia interlocutoria appellaverit; quia per appellationem, inspecto statu præsentis, est extincta sententia perinde, ac si lata non fuisset. Pirhing. *n. 159.* *Excipitur* 2. si Delegatus pronuntiet, sibi non competere Jurisdictionem super questione incidente tantum; nam talis interlocutoria non habet vim definitivæ, *conf.* officium delegati non extinguit. Pith. *l. cit.* *Excipitur* 3. si accessoriè tantum datus in causam est, ut si mandatum acceperit de

providendo alicui de Beneficio; nam iste, etsi pronuntiet, se executorem non esse, ita pronuntiando Jus parti quæsitum auferre non potuit. Pirh. *l. cit.*

4 Finitur recusatione illius: Ubi tamen distinguendum est; Vel enim pronuntiatum est ante litis contestationem, causam suspicionis legitimam esse, vel nondum est pronuntiatum. *Si primum*, & is, contra quem pronuntiatum est, à sententia lata non appellavit, ita amittit Jurisdictionem Delegatus, ut ne delegare quidem alteri causam sibi commissam possit; quia Judex esse omnino desit.

*Si secundum*, iterum distinguendum, an causa suspicionis proposita sit, vel non. Si proposita quidem, sed nondum pronuntiatum, ut subdelegare illam alteri possit, partium consensu opus est. Si neque proposita, pergere quidem in causæ cognitione non potest, ne gravamen ob legitimam causam eum recusanti inferat, subdelegando tamen vices suas alteri committere etiam sine partium consensu potest: quæ omnia colliguntur ex *c. Judex 5. h. tit. in 6.* & ratio est; quia ante propositam causam suspicionis non tollitur, neque suspenditur ejus Jurisdictio, ac proinde neque potestas subdelegandi, ipsi à Jure indulta.

5 Finitur lapsu termini, seu temporis ad dicendam causam præfixi, nisi iste communi partium consensu sit prorogatus *c. de causis 4. princ. h. tit.* Ratio est, quia Superior delegans hoc casu non dat Jurisdictionem Delegato ad causam expediendam, nisi limitatè secundum formam commissionis, ac mandati, & *conf.* lapsu temporis mandato præfixi Jurisdictio sic data exspirat.

Addidi, *nisi terminus communi partium consensu fuerit prorogatus*; communiter enim statuitur in favorem partium, quæ proinde huic suo favori tenutiare non prohibentur. *Excipitur* 1. nisi à delegante fuerit prohibita termini prorogatio; nam fines mandati diligenter custodiendi sunt *l. diligenter 5. in princ. ff. mandat.* *Excipitur* 2. nisi appareat terminum non ob privatum favorem partium, sed publicum bonum, v. g. Ecclesiæ Pastore carentis, præfixum esse; quia Juri publico pactis privatorum derogari non potest.

6 Finitur revocatione Delegantis, idque sive revocatio expresse sit facta *l. judicium 58. ff. de Judic. & ibi Gloss. V. judicium* junct. *Gloss. marg.* sive tacitè, ut si v. g. Delegans ad instantiam partis, vel alio modo procedat in causa à se delegata; nam hoc ipso eam ad se revocare censetur.

Ubi tamen statuendum est discrimen inter primum Delegantem, & Subdelegantem; nam subdelegans hujusmodi revocationem facere solum potest cum limitationibus *num. 41.* positis. At primus delegans illam facere pro arbitrio suo potest, cum utatur Jure suo, & quasi re propria. Idque verum est, etiam si res non amplius integra sit, sed Delegatus jam cœperit uti Jurisdictione sibi commissa; adhuc enim Judex Ordinarius causam, à se delegatam alteri, revocare, & reassumere potest, ut notat *Gloss. cit.* utraque: & ratio est, quia universim loquendo, etiam re non integra, mandans revocare mandatum potest, si talis revocatio in damnum, seu præjudicium tertii, seu mandatarii non redundet. Mol. *de J. & J. tr. 2. D. 552. num. 6.* ubi rationem dat, quia tali casu in ea revocatione tantum agitur de commodo, vel incommodo ipsius mandantis.

7 Finitur morte ipsius Delegati, etiam re non integra *arg. l. si quis 27. §. morte 3. & l. mandatum 57. ff. mandat.* & re integra ita, ut si plures simpliciter, & sine clausula sint delegati, obitu unius etiam exspiret reliquorum officium. *c. licet 50. & c. uno 42. h. tit.* Intellige, si Delegatio Jurisdictionis sit facta personæ, seu expresso nomine proprio Delegati, ex. gr. *Tibi, Sempronii, hanc causam committimus.*

Aliud est, si Delegatio facta sit sub nomine Dignitatis, aut Officii, e. g. *causam committimus Episcopo, vel Præposito, aut Rectori talis Ecclesiæ &c.* tunc enim morte Delegati potestas, & officium illius non extinguitur, sed ad successorem in eadem Dignitate transmittitur, ut diserte habetur *c. quoniam 14. h. tit.* idque verum est, si ve res integra sit, si ve non, ut *inc. cit.* norant DD. & rationem dant, quia Dignitas perpetua est, & renuntiatione, vel morte personæ nec extinguitur, nec mutatur.

An idem, quod de morte naturali *num. precedent. dictum*



dictum est, etiam dicendum sit in casu mortis civilis, quando Delegatus deposuit Dignitatem, vel Officium, controversia moveri potest.

*Certum est*, quod si Delegatio facta sit intuitu Dignitatis, tali casu Jurisdictio delegata in Delegato non maneat, sed ad Successorem in Dignitate transeat; quia in eo casu spectata est sola Dignitas, igitur Delegatio illam sequitur, in quacunq[ue] persona inveniatur.

Punctum difficultatis est, quando Delegatio facta est personæ; & rationem dubitandi facit; quia ut *num. 15.* dictum est, nullus esse Delegatus Sedis Apostolicæ ad lites, & causas Justitiæ potest, nisi in Dignitate sit constitutus, vel Canonicus Cathedralis Ecclesiæ, igitur si Dignitatem, vel Canonicatum deposuit, esse Delegatus Apostolicæ Sedis, & conf. exequi causam sibi commissam non amplius potest.

Sed dicendum, etiam deposita Dignitate, vel Officio, hujusmodi Delegatum cognoscere adhuc de causa sibi commissâ posse: neque refert, an res adhuc sit integra, vel non, ut cum Franc. in *c. quamvis 6. h. tit. in fin.* advertit Sanch. *lib. 8. de Matrim. D. 27. num. 25.* Ratio est, quia tali casu sola persona in considerationem venit, adeoque Delegatio illam sequitur instar privilegii personalis.

*Excipitur tamen* 1. si delegatus in delicti poenam privatus sit Officio, vel Dignitate *arg. l. Cassius 2. ff. de Senator.* ubi propter turpitudinem propriam Senatu motus non potest judicare. *Excipitur* 2. si Delegatus, deposita Dignitate, transisset ad statum incompatibilem, e. g. ducendo uxorem, & sic Jurisdictionis Ecclesiasticæ fiat incapax. Sanch. *n. 27.* & alii ab eo citati *Excipitur* 3. si Religionem ingressus fuerit non quancunque, (nam etiam Religionem ingressus exercere officium Delegati potest) sed talem, in cujus Constitutionibus causarum delegatarum cognitio, & executio specialiter prohibetur.

*Ad rationem dubitandi* sufficit, quod Delegatus tempore commissionis sibi factæ habuerit Canonicatum, vel Dignitatem, licet illam tempore præsentationis litterarum mandati dimiserit, ex Regula: *Factum legitime retractari non debet, licet casus postea eveniat, à quo non potuit inchoari*, quæ est *73. in 6.*

48 *8* Finitur potestas, & Officium delegati morte Delegantis, si res adhuc sit integra, & Delegatus nondum coepit uti Jurisdictione *c. relatum 19. c. gratum 20. & c. licet 30. h. tit.* Concordat Jus Civile *l. & quia 6. ff. de Jurisd.* Ratio est quia universim mandatum morte mandantis expirat, si res est integra *l. mandatum 15. ff. mandat.* Porro, ut res dici possit non amplius esse integra, juxta communem sufficit, si decretum citationis sit expeditum, licet illud parti nondum sit intimatum, prout colligitur *ex c. gratum cit.* ubi *proposito citationis decreto* res non amplius integra esse dicitur.

Neque obstat *c. relatum cit.* ubi Lucius III. Archiepiscopo Cantuariensi consulenti respondit, quod *si lis fuerit ante prædecessoris obitum contestata, mandatum morte mandatoris, seu delegantis, nullatenus expiraverit; si verò ante litis contestationem decessit, non esse à Judicibus, quos delegaverat, ex delegatione hujusmodi procedendum;* dici enim potest cum Laym. in *c. gratum cit. nu. 1.* Lucium, cum vidisset, quod Jure Civili non sit satis expeditum, quando Jurisdictio Delegati cœpta censei debeat, secutum fuisse tanquam tutiorem sententiam eorum, qui putabant, eam censei cœptam primùm per contestationem litis. Contra Urbanus in *c. gratum cit.* ab hac opinione recessit, & statuit, ad perpetuandam Jurisdictionem Delegati sufficere citationem. Porro quod hic dictum est de morte naturali Delegantis, etiam intelligendum de morte ejusdem Civili, si ab officio removeatur, ut cum aliis advertit Schambogen *hic num. 35.* & ratio est, quia mors naturalis, & civilis æquiparantur, quando eadem est ratio.

49 Dubitari potest, an Jurisdictio perpetuetur etiam per Subdelegationem à Delegato factam ante obitum Delegantis? Ratio dubitandi est, quia subdelegando Delegatus jam coepit uti Jurisdictione, hoc autem solum ad perpetuationem Jurisdictionis requiritur. *c. licet & c. quamvis cit.*

Sed respondendum est negativè, ut contra Host. Sylv. & paucos alios cum communi advertit Sanch. *l. 8. de Matrim. D. 28. num. 18.* Idem dicendum de aliis actibus præparatoriis Judicii præcedentibus citationem,

nti est vocare Notarium, vel testes, deligere locum judicio exercendo &c. Ratio est, quia delegare, subdelegare, & alii hujusmodi actus non sunt actus judiciales, cum etiam extra territorium Judicis Ordinarii, & Delegati, & sine causæ cognitione exerceri possint, igitur per hujusmodi actus nondum censei potest judicium cœptum. hoc autem requiritur, ut res censeatur non amplius esse integra. ergo &c.

Ex quo patet ad rationem dubitandi; nam Delegatus tunc solum censeatur usus jurisdictione sibi commissâ, quando exercuit actum intrinsecum, & substantialem judicii, cujusmodi est citatio; non verò quando solum exercuit actum jurisdictionis extrinsecum, & accidentalem, qualis est Subdelegatio.

9 Denique finitur officium, & potestas Judicis Delegati morte ejus, qui vi Rescripti conveniendus erat coram Delegato *c. significavit 36. de Rescript.* nisi ante ejus mortem lis contestata jam fuisset cum defuncto, vel iste conveniendus fuerit ratione Comitatus, Prælaturæ, Ecclesiæ &c. ut *arg. c. quoniam 14. h. tit.* docet cum aliis Abb. in *c. 36. cit. n. 4.*

## §. VIII.

## De Judicibus Conservatoribus.

## S U M M A R I U M.

- 51 Conservatoria definitio.
- 52 Qualitas in ipso requisita.
- 53 Officium, & potestas.
- 54 Quid observandum circa Conservatores Ordinum Mendicantium?
- 55 Quid circa Conservatores statutum sit Jure novo Trident.

**D**elegatis Judicibus annumerantur etiam Conservatores, qui quandoque à Papa, vel Principe alio supremo dantur, ut defendant eorum Jura, & Privilegia, quæ vident ab ipsis, qui ea obtinent, sufficienter defendi non posse.

Quæritur 1. quid sit Conservator? Resp. Conservator, 51 spectato Jure communi, est Judex Delegatus, seu deputatus à Papa, vel alio supremo Principe ad defendendos aliquos ab injuriis, seu damnis, & violentiis manifestis absque Judiciali causæ cognitione. Sumitur ex *c. statui-mus 1. & c. fin. in princ. h. tit. in 6.*

Dicitur 1. Judex delegatus, ut habet Gloss. in *c. cit. V. conservatores.* Hinc etiam naturam judicum Delegatorum sequuntur, & sicut Delegati, ita & Conservatoris Officium quoad negotia nondum cœpta morte constitutis expirat *c. fin. vers. Officium.*

Dicitur 2. à Papa, vel alio supremo Principe; nam Judicem Conservatorem in Ecclesiasticis dare potest solus Pontifex, ut communi notat Molin. de *J. & J. tr. 5. D. 29. n. 1.* idque propter amplitudinem potestatis, vi cuius procedere Conservator potest adversus quemcunque, qui ejusdem executionem impedit tentat.

Dicitur 3. ab injuriis &c. manifestis; debet enim procedere sine judiciali cognitione, quod fieri duntaxat potest, quando injuria est manifesta, seu notoria notorietate facti, vel juris: & hinc si manifesta non sit, intro-mittere se Conservator ad cognoscendum de facto nequit.

Quæritur 2. quis constitui Judex Conservator possit? 52 Resp. 1. debent esse Episcopi, hisque Superiores, vel Abbates, aut alii, qui Dignitatem, vel Personatum obtinent in Ecclesiis Cathedralibus, vel Collegiatis *c. fin. h. tit. in 6. in princ.* Hinc Conservatores esse non possunt Canonici Simples; quia Dignitatem, vel Personatum non habent: nec Generalis Vicarius; quia etsi Dignitatem habeat, ea tamen non est perpetua: nec denique Priores Conventuales, & Superiores Mendicantium locales alii, ut declaratum à Cardd. testatur Barb. de *Offic. Episc. alleg. 106. n. 15.*

2 Debent esse in altero Jurium Graduati, vel si tales non sint, ejusmodi Gradu insignem Consultorem, partibus non suspectum, tenentur assumere ex Bulla Leonis X. incipit *Regimini* apud Barbof. *l. cit.*

3 Nullus potest esse Conservator deputati sibi Conservatoris *c. fin. citat.* quia præsumitur, quod sibi fa-verent.



4 Non potest aliquis, Regibus, & Reginae exceptis, deinceps Conservatorem habere cum, qui sub ipsius Jurisdictione, dominio, vel districtu Ecclesiastico, vel temporali consistat. *c. cit.*

53 Quæritur 3. quod sit Officium, & Potestas Judicis Conservatoris? Resp. 1. Officium est, ut cognoscat de iniuriis, & violentiis manifestis, ut dictum est *num. 52.* nam quando dubium est, an is, contra quem pronuntiare Conservator deberet, injuriam fecerit, intromittere se ille non potest ob causam *num. cit.* allatam.

Si tamen certum sit de injuria, dubium tantum de notorietate injuriæ, de hac cognoscere summarie & ipse poterit, confiteum, à quo illata est, citatum super ea interrogare, & si iste interrogatus taceat, vel notoriam esse neget, super ea testes, aliasque probationes recipere. *Molin. D. 29. cit. n. 1.* Ratio est, quia universum in dubio quilibet Judex cognoscere potest, an sua sit Jurisdictio. *l. siquis 5. & ibi Gloss. & DD. ff. de judic.* alioquin facile eluderetur Conservatoris potestas.

2 Extendit se officium, & potestas Conservatoris adversus quoscunque, à quibus damnum, & injuria vel actu illata est, vel paratur, aut inferenda providetur, ut cum *Gloss. in c. 1. cit. V. defendere* advertit *Molin. n. 1. cit.* Ratio est, quia inferendæ injuriæ non minus, ac illatæ defensione opus habent. Proceditque hoc, etiam si is, qui injuriam intulit, vel inferre tentat, sit Laicus; nam si iste Ecclesiasticam personam vexet, aut opprimat, trahi ad forum Conservatoris Ecclesiastici potest; quia hoc crimen est mixti fori. *Pirh. hic numer. 209. in fin. & alii ab ipso citat.*

3 Si damnum jam illatum sit, Conservator authorem illius potest ad satisfactionem illius, & satisfactionem compellere; si nondum illata, sed notorie parata, & inferenda injuria sit ad eam intermittendam cogere, per Censuras Ecclesiasticas, aliaque Juris remedia, invocato etiam, si opus fuerit, auxilio brachii sæcularis, potest. *Gloss. V. cit.*

4 Hanc suam potestatem exercere duntaxat possunt in civitatibus, & Diocesis in quibus sunt deputati, non autem extra illas, neque ultra dietam, seu iter unius diei à finibus Diocesis, vel Provinciæ numerandum trahere, sive citare, etiam si partes consentiant *c. fin. cit. V. conservatores h. tit. & ibi Pirh. n. 211.* quo differt. Conservator à Judice delegato, cujus Jurisdictio de loco in locum partium consensu prorogari potest *cap. statutum 11. §. cum verò de Rescript. in 6.*

5 Debent ipsimet per se ipsos exercere officium suum; nec enim vices suas committere, vel causam, aut articulum causæ alii subdelegare possunt, nisi id in Litteris Apostolicis sit ipsis concessum *c. fin. cit. vers. vices quoque.* ubi tamen excipitur citatio partium, & denuntiatio sententiæ; has enim Conservator aliis intra civitatem, vel Diocesis, in qua est Deputatus, committere potest, dummodo eas qualitates habeant, ut Conservatores esse possint.

54 Quæritur 4. quid observandum circa Conservatores Ordinum Mendicantium? Resp. de his ex Bulla Greg. XIII. & S. Pii V. relata apud *Rodrig. q. regul. 65. art. 3. & seqq. & in Compend. Privil. Societ. V. Conservator.* sequentia sunt advertenda.

1 Ordines isti præter personas supra recensitas assumere in Judices Conservatores imò & Ordinarios ad servanda, & tuenda sua Jura, & Privilegia possunt etiam Canonicos Metropolitanarum, vel Cathedralium Ecclesiarum, & Vicarios Archiepiscoporum, vel Episcoporum, in spiritualibus, eorumque Officiales Generales ubilibet constitutos.

2 Idem eligere sibi ejusmodi Conservatores possunt in quibuscunque causis, sive criminalibus, sive civilibus, sive mixtis, sive actores sint, sive rei.

3 Conservatores sic assumpti cognoscere summarie, & procedere sine strepitu judiciali possunt non tantum in causis manifestis, sed etiam in iis, quæ judicialem indaginem requirunt.

4 Idem Conservatores ultra unam dietam, non tamen ultra tres dietas extra Provinciam partes citare possunt.

5 Possunt, quod aliis Conservatoribus negatum est *num. præc.* vices suas etiam aliis committere, & subdelegare.

6 Eorum Jurisdictio etiam quoad negotia nondum

cepta, imò futura tantum, morte concedentis, non expirat. Sed hæc omnia intelligenda sunt cum moderatione, quam in pluribus fecit Gregorius XIV. *Constit. quæ incipit Sanctissimus*, edita 20. Sept. 1621. & habetur apud *Barb. alleg. 106. n. 55. & Pelliz. Man. Regul. tom. 2. tr. 8. c. 8. à n. 81.*

Quæritur 5. quid circa Conservatores Jure novo Trid. statutum sit. Resp. de his *sess. 14. c. 5. de reform.* statutum est.

1 Ut Litteræ Conservatoriæ nemini, cujuscunque Dignitatis, & conditionis sit, etiam si Capitulum fuerit, suffragentur, quo minus coram Episcopo suo, sive alio Superiore Ordinario in criminalibus, & mixtis causis quovis prætextu conveniri possit.

2 Ut in causis, etiam merè Civilibus, si ipse actor extiterit, aliquem ei apud suos Conservatores Judices in judicium trahere minimè liceat.

3 Ut si in causis, in quibus ipse reus fuerit, contigerit, ut electus ab eo Conservator ab actore suspectus esse dicatur; aut si qua inter ipsos Judices, Conservatorem, & Ordinarium controversia super competentia Jurisdictionis orta fuerit, nequaquam in causa procedatur, donec per arbitros, in foris Juris electos, super suspitione, aut Jurisdictionis competentia fuerit judicatum.

4 Ut Litteræ Conservatoriæ, impetratæ ab aliquo, non prosint aliis, neque ejusquidem familiaribus, nisi duobus tantum, & his quidem solum, si propriis ejus sumptibus vixerint.

5 Ut nemo similium litterarum Beneficio ultra quinquennium uti possit.

6 Non liceat Conservatoribus judicibus ullum tribunal habere erectum.

7 In causis mercedum, & miserabilium personarum servetur Decretum ejusdem S. Synodi *sess. 7. cap. 14. de reform.*

8 Denique sub hoc Decreto non sint comprehensæ Universitates generales, ac Collegia Doctorum, aut Scholarium, nec Regularia loca, nec Hospitalia, nec eorum personæ, sed eæ sint omnino exemptæ.

## TITULUS XXX.

### De Officio Legati.

## SUMMARIUM.

- 1 Legati definitio, & divisio.
2. 3 Potestas & Jurisdictio omnibus Legatis communis.
4. 5 Specialis Legati à Latere.
- 6 Legati Missi, seu Nuntii.
- 7 Cum potestate Legati à Latere.
- 8 Legati Nati.
- 9 An credi debeat afferenti se esse legatum?
- 10 Modi, quibus finitur, vel suspenditur potestas Legati.
- 11 An extinguatur etiam morte Pontificis Legantis?

**T**itulus hic inrer præcedentem de Officio Judicis Delegati, & sequentem de Officio Judicis Ordinarii medius ponitur; quia Legatus Sedis Apostolicæ, de quo hic agitur, de utroque participat; de Officio Delegati quidem, quia vices mittentis gerit; de Officio Ordinarii autem, quia potestatem, & Jurisdictionem Ordinariam habet.

Quæritur 1. quid sit Legatus, & quot horum species? *Resp. Legatus Apostolicus* in genere est, qui à Sede Apostolica in certam Provinciam mittitur cum potestate administrandi negotia Ecclesiastica, quæ sunt muneris Apostolici. Fieri hoc potest cum, vel sine Jurisdictione: hinc eorum aliqui sunt *meri Nuntii, & non Judices*, alii verò *Legati Judices*. Priores nudum duntaxat Ministerium habent; posteriores etiam potestatem Judicariam. Et horum tres diversæ sunt species, videlicet Legati à Latere, Legati missi, seu Nuntii Apostolici, & Legati nati. *Legatus à Latere* est, si Cardinalis mittatur; quia hic quasi à Latere Pontificis, cui in consiliis, & negotiis adjuvans assistit, mittitur *Legatus missus*, si mittatur alius, quàm Cardinalis. *Legatus natus*, si Prælaturæ suæ, seu Dignitati Ecclesiasticæ Legationis munus perpetuò annexum habeat. Vide *Engl. hic n. 1. & 2. Konig. n. 1. & 2. Piching n. 1. Viestner n. 1. & seqq. Schambogen n. 1.* Priores,



Priores, nempe *Legati à Latere* non mittuntur, nisi casibus extraordinariis, & causis majoribus. Plerumque mittuntur, ut interfint Pontificis nomine Conciliis Generalibus, vel particularibus, & aliquando etiam ad Imperatorem, Reges, & aliosque magnos Principes pro pace inter eos reducenda, Juribus Romanæ Ecclesiæ defendendis, &c. Legati secundi generis, seu *Missi* aliquando mittuntur simpliciter, seu cum simplici potestate; aliquando adjecta clausula *cum potestate Legati à Latere*: & tales communiter sunt, qui resident Viennæ in Germania, Hispania, in Francia, Polonia, Venetiis, Neapoli, in Sabaudia, Florentiæ, Colonia ad Rhenum, Lucernæ in Helvetia &c. Legati tertii generis seu *Nati* plerumque sunt Primates Regnorum, in Germania olim Magdeburgensis, nunc Salisburgensis in Gallia Rhemenfis, in Hispania Toletanus; in Italia Pisanus, in Anglia Cantuariensis, in Hungaria Strigoniensis, in Bohemia Pragensis, in Polonia Gnesnensis Archiepiscopi &c.

2. Quæritur 2. quæ sit Potestas, & Jurisdictio omnibus Apostolicis Legatis communis? Resp. Officium omnibus Legatis commune est loco Pontificis exercere Jurisdictionem Ordinariam in fideles, & Provincias sibi commissas.

In specie quivis Legatus Pontificius potest, & debet 1. reformare mores, & corrigere vitia, etiam Episcoporum, & Archiepiscopi, qui sunt in ejus Provincia; quia est Judex illorum Ordinarius, & potestate superior. Molin. tr. 5. de J. & J. D. 7. n. 5.

2. Potest condere Statuta, non tantum, quæ durent, quamdiu ipse est in officio, sed etiam quæ finito illo, revocato sc. vel mortuo Legato eorum auctoritate, perseverent, ut statuitur *c. fin. h. tit.* & ratio est, quia æquiparantur Proconsulibus, & Præsidibus Provinciarum, quorum Statuta sunt perpetua.

3. Potest causas Provincialium, ad se devolutas, audire, de iis cognoscere, easque, sicut quivis alius Ordinarius, alteri delegare: quo casu Jurisdictio Delegati manet, etiam cessante potestate Legati, si præcessit citatio partium *c. cum non 1. h. tit.* secus expirabit mortuo, vel revocato Legato *c. fin. eod.*

4. Potest etiam super causa Electionis Episcopi examen instituere, quod deinde cum informationibus ad Papam mittere debet, & interim à causæ cognitione ulteriori abstinere: si secus fecerit, processus erit irritus; quia dum responsum à Papa veniat, Jurisdictio Legati quoad hanc causam suspensa est, prout sumitur ex *cap. licet 4. h. tit.*

5. Potest, & debet Principes, & populos in Fide, & affectione erga Sedem Apostolicam conservare, Constitutiones Pontificias in usum deducere, aut quo minus juxta statum Provinciarum in usum deduci possint, Summum Pontificem informare. Engl. n. 3.

6. Denique generatim in Provincia sibi commissæ regulariter potest ex vi muneris sui, quod potest Ordinarius in sua Diœcesi, aut Provincia, si sit Episcopus, siue Archiepiscopus, vel Patriarcha, ut colligitur ex *c. Legatos 2. h. tit. in 6.* Imò omnia potest, quæ ipse Summus Pontifex potest, præter illa, quæ in signum singularis prærogativæ sunt reservata Summo Pontifici; hæc enim speciali mandato indigent *c. quod translationem 4. h. tit.*

3. Dixi Regulariter; plurimum enim potestas Legati à voluntate Papæ cum mittentis pendet: unde illa Legatus non poterit, quæ Pontifex aut expressè sibi reservavit, aut sine speciali mandato hujusmodi Legatis non committuntur.

In specie 1. non potest unum Episcopum absque speciali mandato Papæ ab una Ecclesia Cathedrali transferre ad aliam *c. nisi specialis 3. h. tit.*

2. Non potest duos Episcopatus unire, aut unum in duos dividere, unum alteri subicere, Primatem constituere &c. *c. quod translationem 4. h. tit.*

3. Non potest causam, à Summo Pont. specialiter delegatam alteri, ad se trahere, aut sententiam ab isto juxta formam mandati latam irritare *c. studuisti 2. h. tit.*

4. Non potest admittere appellationem à sententia Delegati Papæ. Sequitur ex priori, & ratio est, quia appellatio fieri debet à minore Judice ad majorem; Delegatus autem Papæ in causa sibi commissæ est major Legatus Papæ *arg. can. fin. dist. 95. & c. sanè 11. de offic. deleg.*

Schmalzgrueber Tom. I.

5. Non potest aliquem restituere adversus sententiam Judicis Delegati à Papa, vel Principe *arg. l. adversus 3. C. si advers. rem judicat.* ubi dicitur, quod *adversus ejus sententiam, qui vice Principis cognovit*, i. e. Vicarii, vel Delegati illius, *solus Princeps restituat.*

6. Non potest se intromittere in causam, quæ ad Sedis Apostolicæ examen translata est *c. licet 5. h. tit.* ubi ea, quæ hoc casu à Legato acta sunt, *tanquam à non suo Judice facta*, dicuntur irrita, & inania.

5. Non potest adiri in prima instantia, nisi pro causis ei specialiter delegatis. Trid. *sess. 24. c. 20. de reform.*

8. Non potest delegare causas, nisi iis, qui qualitates habent ad Judicem Delegatum *num. 15. Tit. præc.* requisitas; quia coarctantur à Constitutione majoris.

4. Quæritur 3. quæ sint Prærogativæ, Potestas, & Jurisdictio Legati à Latere? Resp. 1. specialia ipsi insignia competunt, videlicet Vestis purpurea cum veste linea, seu byssina superiore, Palastrudus, siue equus albus phaleratus, frenum & calcaria deaurata, ut in *c. antiqua 23. de privil.* cum aliis notat Host. n. 12.

2. His Insignibus utitur, quamprimum egreditur territorium Civitatis, ubi Pontifex residet. Barbof. *Jur. Eccl. l. 1. c. 5. n. 18.* & ab eo tempore Jurisdictionem voluntariam exercere potest *arg. l. Proconsul. 1. ff. de Offic. Proconsul.*

3. Cum iisdem Insignibus ingreditur civitates, & oppida, sub Baldachino, Clero, & populo solemniter ipsum deducente. Barbof. *l. cit. n. 23.*

4. Ipso præsentem, alii Legati non possunt uti Legationis suæ insignibus, nec officio suo fungi, ut statuitur *c. volentes 8. h. tit.* ubi etiam insinuat ratio, quia sc. Legatus Cardinalis, cum à Latere Summi Pont. sit assumptus propinquius repræsentat Pontificem, ut proinde deceat, cæterorum jurisdictionem conticescere.

5. Jurisdictionem Ordinariam in Exemptos, & Sedi Apostolicæ immediatè subiectos habet, exceptis casibus Pontifici specialiter reservatis, ut notat Gloss. *in c. 1. V. universas h. tit.* Hinc Archiepiscoporum, Episcoporum, & aliorum Prælatorum exemptorum Electiones, nisi hoc specialiter sit reservatum Summo Pontifici, ut fit in Germania per Concordata, confirmare, & causas illorum potest cognoscere, quod reliqui Legati nequeunt *c. si Abbatem 36. §. hujusmodi de elect. in 6.*

6. A die egressus sui ex Urbe usque ad diem reditus in Urbem potest absolvere quoscunque Percussores Clericorum, etiam enormes, ab Excommunicatione, quam ideo incurrerunt *arg. à contrario desumpto ex c. quod translationem 4. & c. excommunicationis 9. h. tit.* ubi id Legatis missis, seu Nuntiis restringitur ad Provinciam ipsis commissam, & subditos suæ Provinciæ.

7. Circa Dispensationes, Absolutiones, Matrimonii solemnizationes habet concurrentem jurisdictionem cum quolibet Ordinario suæ Provinciæ. Barbof. *Jur. Eccl. l. 1. c. 5. n. 72.* & apud hunc Azor. p. 2. l. 5. c. 30. *per totum*, ubi tamen q. 15. & 17. advertit, eum in gradibus prohibitis consanguinitatis, & affinitatis, & multo magis cum iis, qui nondum legitimam habent ætatem v. g. ad Ordines, Beneficia, Professionem Religiosam &c. dispensare sine speciali Pontificis, concessione non posse.

8. Licet in *c. cum ex eo 14. de pœnit. & remiss. & c. fin. eod. in 6.* prohibeatur, ne alius, quam Papa, conferat Indulgentias plurium dierum, quam 40. de consuetudine tamen receptum est, ut Cardinales Legati possint concedere Indulgentias 100. dierum. Barbof. *l. cit. n. 85.* durante illæ etiam finita Legatione, ut idem Barbof. n. seq. aliis *citt.* advertit.

9. Habet potestatem Ordinariam, & concurrentem cum quolibet Ordinario conferendi Beneficia quælibet, in Provincia, ad quam destinatus est, sita *c. officii nostri 1. hoc tit. in 6. & c. si à Sede 31. junct. Gloss. V. Legatorum de præb. in 6.* quod procedit, etiam si illa Beneficia sint juris Patronatus Ecclesiastici *c. dilectus 6. h. tit.* vel ob negligentiam inferiorum collatorum, aut electorum ad Papam devoluta *c. venerabilis 37. de præb.*

10. Potest idem Legatus à Latere reservare collationi suæ beneficia nondum vacantia, & proximè vacatura, etiam in favorem certæ personæ, cum limitatione tamen præscripta *c. præfenti 3. h. tit. in 6.* Verum hæc potestas reservandi Beneficia vacatura, præsertim in favorem, non amplius viget, ob dispositionem Trid. quod *sess. 24.*



c. 19. de reform. omnes reservationes, expectativas, & gratias ad Beneficia vacatura prohibuit, ne aliqua occasio captandæ mortis habeatur, ut cum aliis notat Pal. tr. 13. D. 2. p. 25. n. 16. in fin.

11 Denique tam in materia Beneficiali, quàm in aliis causis potest Legatus à Latere omnia, imò plus, quàm Episcopi in suis Diocæsis, cum quo proinde potestatem concurrentem habent, iis duntaxat exceptis, quæ specialiter iisdem prohibentur, vel aliis reservantur.

5 Dixi iis duntaxat exceptis &c. etsi enim potestas Legati à Latere amplissima sit, in pluribus tamen, præsertim quoad collationem Beneficiorum, restringitur.

In specie 1. sine consensu Patroni conferre non potest Beneficia, quæ sunt Juris Patronatus Laici, si hoc non ex præscriptione tantum, consuetudine, vel privilegio, sed ex fundatione, dotatione, vel constructione comperat c. cum dilectis 28. de Jur. Patron. & ratio est, quia nec Pontifex huic Juri derogare unquam censetur, nisi id exprimat, ne Laici à fundandis, & ædificandis Ecclesiis avertantur.

2 Ex communi teste Chokier de Jurisd. Ordin. in exempt. p. 2. q. 2. n. 18. & seq. non potest se intromittere in collationem Beneficiorum, quæ devoluta sunt ad Episcopum ob negligentiam Prælatorum Regularium Exemptorum: & ratio est, quia Legatus habet privilegium conferendi Beneficia generale, Episcopus verò hoc casu speciale, tanquam Delegatus Sedis Apostolicæ Clem. 1. de supplend. negl. Præl. in omni autem Jure generi per speciem derogatur c. studuisti 2. h. tit. & c. generi 34. de R. J. in 6.

3 Non potest conferre, aut collationi suæ reservare Ecclesias Cathedrales, Regulares, & Collegiatas, harumque Dignitates, & Beneficia, quæ per electionem Capitularem conferuntur c. deliberatione 4. in princ. h. tit. in 6. Ratio est, quia id cederet in præjudicium Electorum, quorum juri nec Papa ipse facile derogare solet, sed liberam eligendi potestatem ipsis relinquere.

4 Non potest se immiscere collationi Beneficiorum, quæ vacant in Curia, aut aliàs Pontifici specialiter, vel generaliter reservata sunt. c. quod translationem 4. h. tit.

5 Similiter conferre non potest Beneficia litigiosa: hæc enim ab alio, quàm Papa conferri nequeunt, ut decisum à Rota testatur Garc. de Benef. p. 5. c. 3. n. 57.

6 Excipiunt non pauci Beneficia Germaniæ alternativa inrer Sedem Apostolicam, & Ordinarios collatores ob Concordata: Verùm hæc concursui Legatorum à Latere cum Ordinariis, & præventioni illorum non obstat resolutum fuit in causa Virdunensis Canoniciatus 6. Martii, & 19. Junii 1595. apud Garc. l. cit. n. 42.

7 Alii excepta volunt Beneficia Monocularia. Sed revera etiam hæc à Legato à Latere conferri possunt, ut aliis cit. rectè notat Pal. tr. 13. D. 2. p. 25. n. 4. & ratio est, quia in Legationis suæ provincia est Ordinarius, & generalis collator Beneficiorum Ecclesiasticorum; Monocularia autem ab ejus collatione nullo Jure reperiuntur excepta.

6 Quæritur 4. quæ potestas competat Legato misso, seu Nuntio Apostolico? Resp. hujus tota potestas potissimum desumenda est ex ejusdem commissione, vel privilegio; nam Jure communi aliam potestatem non habet, quàm quòd Provinciæ suæ sit Ordinarius c. Legatos 2. h. tit. in 6. quæ tamen ipsa potestas restrictior multo est in hujusmodi Legatis missis, quàm in Legato à Latere; nam 1. qui officii Legationis suæ non habent potestatem conferendi Beneficia, nisi hoc ipsis specialiter sit concessum c. officii 1. h. tit. in 6.

2 Eorum potestas, & Jurisdicctio in Exemptos se non extendit: hinc, nisi specialis commissio iisdem facta sit, Archiepiscoporum, Episcoporum, & Exemptorum Prælatorum Electiones confirmare nequeunt, ut colligitur ex c. si Abbatem 36. §. hujusmodi de Elect. in 6. & notat Pirhing. hic numer. 31. Ex eodem sequitur, Exemptos, nisi velint, compelli non posse, ut coram prædictis Legatis litigent. Molin. tr. 5. de J. & J. D. 9. n. 10.

3 Eorundem potestas etiam restringitur quoad locum; nam ultra Provinciam sibi assignatam, & Provinciales sibi subiectos non extenditur. Hinc etsi per c. excommunicatis 9. h. tit. etiam ipsi absolvere possint ab Excommunicatione Canonis ob percussionem Clerici, hanc tamen potestatem extra Provinciam existens exercere non potest, etiam in subditos suos Provinciales,

quod tamen potest Legatus à Latere. Si verò existat in Provincia sibi assignata, absolvere quidem poterit subditos Provinciales, non tamen extraneos, qui alibi Excommunicatione contracta, ad ipsos accedunt, & veniunt in Provinciam, in qua sunt Legati, ut expressè habetur c. excommunicatis cit.

Dubitarur, quàm potestatem Legato misso conferat 7 clausula cum potestate Legati à Latere, quæ de Stylo Curiae Romanæ solet addi quibusdam Legatis missis, seu Nuntiis? Garc. de benef. p. 5. c. 3. n. 81. Zoef. hic n. 15. Konig. num. 3. putant vi hujus clausulæ eandem auctoritatem, & potestatem competere, quæ de Jure communi competit Legatis Cardinalibus, quod conantur evincere arg. l. si ve 1. ff. de tutor. & curator. ubi insinuat, nihil interesse, an quis sit verus Proconsul, an solum ad tempus Proconsulatum obtinens. igitur neque intererit, an quis sit Legatus à Latere, an illius potestate præditus. Conf. quia verba Pontificis accipi debent cum effectu, & operari illa, quæ denotant c. si Papa 10. de Privil. in 6. hoc autem non fieret in casu nostro, nisi omnia concessa intelligantur, quæ involvir potestas Legati à Latere, ergo &c.

Sed dicendum, eos vi clausulæ istius majorem potestatem ultra ceteros Legatos missos non habere, nisi quantum ipsis à Pontifice speciali mandato concessum est. Ita Cockier de Jurisd. in exempt. p. 2. q. 2. n. 5. Pignatell. tom. 2. Consult. 1. n. 7. Barbof. Jur. Eccl. l. 1. c. 5. n. 4. Engl. hic n. 7. Vviestner. n. 33. & ostenditur à paritate cum Vicario Episcopi, qui constitutus est cum generali mandato, ut possit omnia, quæ potest Episcopus; nam iste cum generali hoc suo mandato non potest, nisi quæ speciali mandato non egent. Hinc ex cit. & plurium aliorum doctrina vi deputationis suæ generalis 1. non possunt conferre Beneficia, ut clarè desumitur ex c. officii 1. h. tit. in 6. ubi Legatis sive missis, sive natis, qui Cardinales non sunt, quantumcunque plenam Legationem obtineant, potestas illa conferendi disertè negatur. 2. à fortiori non habent potestatem in exemptos, nisi hoc ipsis specialiter concessum sit; nam Beneficia tantum de Episcopi, Exemptorum autem causæ de præjudicio Papæ sunt. 3. similiter vi clausulæ ejusmodi generalis etiam non possunt alia, præsertim graviora, quæ veris Legatis à Latere de Jure communi competunt.

Neque contrarium probat l. si ve cit. quia ibi non dicitur, quòd vices Proconsulis, aut Præsidis gerens possit omnia; quæ Proconsul, vel Præses potest, sed tantum agitur de datione Tutoris, quem dare etiam Legatus potest l. cit. §. Legatus 1. qui tamen utique est minor Proconsule.

Ad Conf. nego, verba illa propterea otiosa esse; significant enim potestatem, quàm hujusmodi Legatis cum tali clausula missis ampliorem, quàm cæteris, Papa speciali privilegio in litteris Legationis solet concedere.

Quæritur 5. quæ sit Potestas Legatorum Natorum? 8 Resp. horum specialis prerogativa est, quòd potestas illorum sit diuturnior, eum dignitati adhærear: & hinc potestatem hanc retinent, quamdiu Dignitatem, cui annexa est, non dimittunt. Gonzalez in c. 1. h. tit. nu. 6. Vviestner hic n. 31. De Jure communi potestatem absolventi, dispensandi, Beneficia conferendi, &c. aliam non habent, quàm quantam habent Archiepiscopi, & hinc sicut Archiepiscopi, ita nec ipsi absolvere ab Excommunicatione Canonis, præcindendo à speciali privilegio, possunt, ut statutum est c. excommunicatis 9. h. tit. in fin. & notat ibid. Abb. n. 7.

Addidi de Jure communi; nam ex privilegio speciali major plerumque ipsis potestas competit: proinde spectandus erit privilegiorum à Pontifice in litteris, quibus Legatio Dignitati annexa est, concessorum tenor; nam ex horum forma potestas Legati universa pendet. Archiepiscopus Salisburgensis, ut notat Engl. hic n. 10. ex hujusmodi privilegiis potestatem habet absolventi ab Hæresi, Beneficia in Mense Papali vacantiis conferendi, extra tempora, & non servatis Interstitiis ordinandi, cum iis, qui tertio, aut quarto gradu consanguinitatis, vel affinitatis conjuncti sunt, & manuum labore victum quærunt, ad matrimonia dispensandi, &c.

Dubium est, an asserenti se Legatum à Pontifice constitutum esse, credi debeat, non exhibitis litteris Mandati Apostolici? Resp. hic distinguendum esse inter Legatos, an sc. qui hoc asserit, sit Legatus à Latere, an verò alius. Si



*Si hoc secundum*, non habetur eidem fides, nisi ostendatur Litteris Papalibus *c. cum in jure* 31. *de Offic. deleg.* Ratio est, quia neque Ecclesia Romana Legationem aliquam suscipit, non exhibitis Litteris signatis, ut habetur *can. fin. dist. 97.* ergo nec alii cogentur ipsius Legatos suscipere sine litteris *arg. l. 1. ff. quod quisque Juris*, &c. Accedit, quia Legatio, sicut Delegatio, est aliquid facti; facta autem regulariter non presumuntur, sed probanda sunt *c. cum in jure cit.* Quare, ut parere ei Provinciales ipsi subiecti debeant, necesse erit, ut postquam ingressus Provinciam est, Litteras Legationis suae ostendat, & tum primum potestatem sibi commissam exercere incipiat.

*Si primum*, & is, qui Legatum se dicit, sit Cardinalis, & hoc constat, eidem quoad ea, quae generali officio Legati continentur, ex æquo, & decore habenda fides est; quia Cardinales à Curia alio, quam Legationis titulo exire non solent: ea autem, quae fieri solent, etiam si in facto consistant, presumuntur, ut *arg. l. si cui* 14. *ff. de ann. Legat.* tradit Everhard. *legal. arg. loc. 104. n. 6.* Quoad illa autem, quae commissionem specialem requirunt, aut aliis præjudicare possunt, fidem potestatis suae per Litteras Authenticas facere & ipse debet, quamvis in praxi id raro observetur. Pirh. *hic n. 3.*

Queritur 6. quomodo finiatur Officium, & Potestas Legati Apostolici? Resp. Legati nati Officium non finitur, nisi dimissa, aut amissa Dignitate, cui annexum est. Gloss. *in c. praesenti* 3. *V. finitur h. tit. in 6.* Legati Missi, & Legati à Latere Officium, & Potestas expirat sex potissimum modis.

Et 1. quidem lapsu temporis, si ad certum tempus Legatus datus sit. *arg. c. de causis* 4. *de Offic. Deleg.*

2. Finita causa, sive negotio, ad quod expediendum missus est. Vallenf. *hic §. 4. n. 4.*

3. Si causam aliquam ad Papam retulit, Jurisdictio ejus, quoad illam causam finitur, neque reassumere illam deinceps potest *c. licet* 5. *h. tit.*

4. Si Provinciam sibi commissam spontè egressus sit: ubi tamen distinguendum est, an egressus illam sit animo non redeundi ad legationem, an verò mox reversurus. Si primum (quod tamen ipsi sine Papae legantis facultate non licet) potestas ejus, & Jurisdictio omnino extinguitur *arg. l. praesentis* 3. *ff. de Offic. praesentis*. Si secundum, Jurisdictio illius suspenditur, & quidem contentiosa duntaxat, non voluntaria. Gloss. *in l. 3. cit. V. privatus est*.

5. Si is à Pontifice, à quo missus est, revocetur, & revocatio eidem legitime innotescat; aliàs gesta per ipsum, etiam post revocationem, valebunt, usque dum habeat revocationis scientiam. *arg. c. audita* 4. *de restit. spoliat.* imò etiam revocatus non videtur amittere Jurisdictionem, priusquam actualiter Provinciam excesserit, ut notat Engl. *hic n. 13.*

6. Morte ipsius Legati: Ratio est, quia munus, & potestas Legationis, etiam quae ratione Dignitatis, v. g. Archiepiscopalis competit, personalis potius, quam realis censeri debet, quippe quae propriè ad Successorem non transit, sed cum persona extinguitur, & postea de novo creatur, sive successor conceditur. Vviestner *hic num. 37.* & alii passim.

Dubitatur, an Legati potestas extinguatur morte Pontificis legantis? Resp. si datus sit cum clausula *Ad Beneplacitum legantis*, morte legantis extinguitur, sicut extinguitur, legantis voluntas, cui potestas Legati annexa est. At si simpliciter datus sit, etiam post Pontificis legantis mortem perseverat *c. Legatos* 2. *h. tit. in 6.* Ratio est, quia Legatus Pontificius Jurisdictionem Ordinarium, & propriam habet, quae morte concedentis non extinguitur. Accedit, quia Legatus Papae dicitur Legatus Sedis Apostolicae, quae nunquam moritur.

*Proceditque hoc*, etiam si Legatus nondum uti Jurisdictione coeperit, neque Provinciam sibi commissam ingressus fuerit ante obitum Papae; quia nec alii Judices Ordinarii Jurisdictionem per mortem concedentis amittunt, tamen cum iste mortuus est, res adhuc integra fuerit; & ipse Judex Jurisdictione sibi concessa nondum coeperit uti *arg. à contrario l. & quia* 6. *ff. de Jurisd.*

Quare perseverabit Legatus esse, donec vel à Successore Pont. vel à Collegio Cardinalium, Sede Apostolica vacante, revocetur: quod tamen istud, nisi ex gravi, & urgente causa, ordinariè non potest, ut aliis *citt.* advertit Schmalzgrueber Tom. I.

tunt Pirhing. *hic num. 38.* Vviestner. *n. 37.* & ratio est, quia Cardinales, Sede vacante, Jurisdictionem Pontificiam non exercent.

## TITULUS XXXI.

## De Officio Judicis Ordinarii.

**L**egati Apostolici, de quibus *Tit. praec.* sunt quidem, ut ibidem dictum est, Judices Ordinarii, sed non perpetui; quia Jurisdictio ipsorum certis temporum limitibus circumscribitur. Hic de iis Judicibus Ordinariis agitur, qui ratione perpetuae, & stabilis Dignitatis, Officii, vel Magistratus tales sunt: in quo sensu Judex Ordinarius definitur potest, quod sit, qui suo jure, & ex proprio munere, eoque perpetuo Jurisdictionem exercet. Tales sunt duplicis generis, Ecclesiastici scilicet, & Sæculares: de Sæcularibus nihil hic attinet dicere; Ecclesiasticorum diversa sunt genera. Summum locum in iis obtinet Summus Pontifex. Quare sit

## §. I.

## De Summo Pontifice.

## SUMMARIUM.

- 1 Triplex potestas, & persona Pontificis.
- 2 Ut Pontifex, est infallibilis regula Veritatis.
- 3 Etiam sine Concilio.
4. 5. 6 Est etiam infallibilis quoad Decreta morum.
- 7 In Canonizatione Sanctorum.
- 8 In approbatione, & confirmatione Religiosorum Ordinum.
- 9 Condere Leges Ecclesiasticas, & conditas abrogare potest.
- 10 Mutare Ritus accidentales Sacramentorum.
- 11 Reliquae ejusdem praerogativae.

**I**N Summo Pont. considerari hodie à DD. praesertim à Canonistis, solet triplex persona, & potestas. 1. Episcopi Ecclesiae universalis. 2. Episcopi Romani. 3. Principes saecularis Status Ecclesiastici. Ut Princeps saecularis est, potestas ejus diffunditur per Provincias, & terras dominio illius temporali subiectas, quas etiam, ut alii Principes solent, per Magistratus à se constitutos gubernat: estque hoc ejus dominium prorsus independens à quocumque alio. Altera, quam ut Episcopus Romanus habet, se extendit ad Urbem Romam, & ejus districtum: exercetque illam Summus Pontifex per Cardinalem Vicarium, qui proinde Jurisdictionem Ordinarium Episcopalem ibidem obtinet, prout eam obtinent in Diocesi qualibet Vicarii Generales ab Episcopo constituti. Prima, quam ut Episcopus Ecclesiae Universalis habet, omnium maxima, immediatè à Christo data est, & extendit sese ad omnes totius Orbis Christiani fideles seu baptizatos. Hinc Papa, i. e. Pater Patrum, Episcopus Episcoporum, & Ordinarius Ordinariorum dicitur. Hac potestate sicut supra ceteros Ecclesiarum Praelatos omnes planè excellit, ita plures vi illius praerogativas habet. Nam

1 Ipse est certa, & infallibilis Regula Veritatis, & supremus Index controversiarum Fidei, ita ut in hispanico judicio definiendis errare non possit. Ita cum S. Thom. 2. 2. q. 1. a. 10. magno consensu DD. Catholici, & probatur 1. ex illo Luca 22. v. 32. ubi Christus S. Petro, Ego, inquit, rogavi pro te, ut non deficiat fides tua; quibus verbis infallibilitate Petro, & Successoribus ejus promissam sex Romani Pont. & Patres plurimi tradiderunt, ut videre est apud Bellarm. l. 4. de Summ. Pontif. c. 3. vers. de cetero. 2. Ex verbis Christi Matth. 16. v. 18. ubi eidem Petro, Tu es Petrus, inquit, & super hanc petram aedificabo Ecclesiam meam: qua promissione omnes Petri Successores, tanquam visibilia Ecclesiae Capita, in Fidei soliditate corroborantur. can. ita Dominus 7. dist. 19. 3. Joan. 21. v. 17. ubi dum Christus ad Petrum, Pasce, ait, oves meas, eidem, & Successoribus ejus Dominici Gregis pascendi curam, & ad munus illud necessariam potestatem commisit; hac autem praecipue exercetur, exhibendo pabulum doctrinae spiritualis, & salutiferae. ergo &c. 4. ex ratione; quia dum



Summus Pontifex fidelibus veritatem aliquam credendam proponit, isti tenentur consentire, & proposito dogmati assensum præbere. non autem obligari ad hoc posset Ecclesia, si Pontifex in Dogmate fidei definiendo errare posset; sic enim etiam ipsa errare posset, assentiendo dogmati proposito, quod fortè est falsum.

Dubium est, an Summus Pontifex in Fidei controversiis definiendis infallibilis sit independentè à Concilio? Negant Alph. à Castro, Gerson, Almainus, & alii quidam, præsertim DD. Sorbonici; Sed contrà S. Tho. a. 10. cit. & torrentem DD. quorum aliqui doctrinam contrariam absolutè dicunt hæreticam, alii cum Bellarmino erroneam, & hæresi proximam. Nec immeritò; nam 1. textibus *Matth. & Luc. cit.* firmitas Fidei S. Petro, & Successoribus absolutè promittitur. 2. idem constat ex Decretis multorum Conciliorum, Sanctionibus Canonis antiquissimis, SS. PP. testimoniis plurimis, ut videre est apud Bellarm. c. 3. cit. 3. Accedit constans, & ab ipso Ecclesiæ primordio ad nostra usque tempora deducta praxis, qua SS. PP. & alii Ecclesiarum Prælati dubitationes de rebus fidei ortas ad Sedem Apostolicam deferrebant, & amplectebantur, quæ ista docebat; damnabant, quæ ab illa videbant damnari. 4. ex eadem praxi habetur, quòd ipsa Concilia, eorumque Decreta firmitatem non habeant, nisi ab eadem Sede convocata, & confirmata sint. 5. id ipsum ratio evincit; pessimè enim constituta foret Ecclesia, si Pontifex, quando ex Cathedra loquitur, non foret infallibilis, utpote quæ Judicem Controversiarum infallibilem aut difficillimè, cum ejusmodi Concilia Generalia difficillimè, & rarissimè congregentur, aut nunquam haberet, quippe cum de ipsis Conciliis dubitari possit, an legitimè sit congregata.

2. Papa, ut universalis Ecclesiæ Episcopus, est infallibilis regula morum, ita ut Decreta ejusdem, quibus aliquid ut honestum, vel inhonestum, licitum, vel illicitum universalis Ecclesiæ proponit, præcipit, vel prohibet, necessariò vera, nullique errori obnoxia esse possint. Ita Canus *Loc. Theol. l. 5. c. 5.* Bellarm. *l. 4. cit. c. 5.* Boz. *de signis Eccles. l. 16. c. 8. & l. 18. c. 6.* Vviestner *hic num. 7.* & patet ex suprà cit. textibus, probarique potest ulterius 1. quia ita omnino necessarium erat, ne Ecclesia gravissimis damnis, & perpetuis animarum periculis, ac dispendiis obiceretur, 2. quia Summi Pontificis Decretis, etiam quoad mores, sine maximo piaculo obedientia negari non potest; videtur autem absurdum esse Ecclesiam universalem cogi ad parendum illis Decretis, quæ erronea esse possint. ergo &c. 3. Fide certum est, Summum Pont. in pascendis ovibus errare non posse, hæ autem pascuntur non solùm fidei, sed etiam morum doctrina, ergo &c.

5. Huic Pontificis infallibilitati objiciunt Hæretici varios textus Juris Canonici manifestos, qui errores continent.

Et 1. quidem *can. quod proposuisti 18. caus. 32. q. 7.* ubi Gregorius III. marito, cujus uxor debitum non potest redde-  
re, permittit aliam ducere. 2. *c. licet 3. de Spons. duor.* ubi Alexander III. testatur, quòd aliqui ex prædecessoribus suis, judicaverint Matrimonium ratum cum una dissolvi per matrimonium contractum postea, & consummatum cum alia. 3. *c. quanto 7. de divort.* Innocentius III. refert, quosdam prædecessores suos (inter quos Cælestinus III. ut cum aliis notat Gonzalez) sensisse, quòd matrimonium fidelium, altero conjugum in hæresim, vel infidelitatem lapsò, dissolvatur. 4. *can. comperimus 12. dist. 2. de consecrat.* Gelasius Papa contra praxim Ecclesiæ, & dogma fidei Majorico, & Joanni Episcopis rescripsit. Communionem sub utraque specie necessariò servandam esse, & separationem illarum sine sacrilegio fieri non posse. 5. *c. cum esses 10. de testam.* Alexander III. rescripsit, Leges Civiles, quæ plures, quàm duos testes ad valorem testamenti exposcunt, à Lege Divina alienas esse, cum tamen justæ omnino sint, & in foro conscientiæ etiam teneant. 6. *can. à quodam Judeo 24. dist. 4. de consecrat.* Nicolaus Papa pro valido habet Baptismum sine trium personarum SS. Trinitatis expressione collatum. 7. *c. exiit 1. de V. S. in 6.* alius Nicolaus, videlicet III. vel IV. docuit, quòd Christus Dominus perfectam paupertatem in abdicatione omnis domini, tam in communi, quàm in particulari consistentem, verbo, & exemplo docuerit: quæ tamen doctrina Ex-

trav. 4. & 5. Joann. XXII. cod. de Hæresi condemnatur.

Verùm hi textus doctrinam à nobis assertam non possunt convellere; præterquam enim, quòd dici possit, in his errasse prædictos Pontifices tantum, ut privati Doctores errant, alia via superest, quæ illos ab errore absolvat. Ad 1. textus ille intelligi potest de matrimonio contracto cum impotente ob arctitudinem, adeoque nullo; vel si validum fuit, de rato tantum, quod postea auctoritate Pontificis sit dissolutum. Ad 2. similiter respondet Vvagnereck in *c. licet cit. V. aliter* licentiam aliam ducendi eo casu primum datam post matrimonium, quod ratum duntaxat erat, Pontificis dispensatione dissolutum. Ad 3. ex *c. quanto cit.* verbis liquet Cælestinum nihil ibi definivisse; dicit enim eo loco Innocentius: *Licet quidam Prædecessor noster aliter sensisse videatur.* Ad 4. ibi Pontifici solùm sermo de Sacerdotibus fuit, prout indicat textui præfixa Summa: *Corpus Christi sine ejus Sanguine Sacerdos non debet accipere.* Ad 5. ibi Pontifex dicit, quòd Leges, quæ plures testes exigunt, sint à Lege Divina alienæ, h. e. præter illam, non tamen contra; nec enim Lex Divina plures testes adhiberi prohibet. Ad 6. Papa *l. cit.* responderet ad interrogationem Bulgarorum, & ait nihil referre, an Baptismus à Judæo, vel Christiano collatus sit, modò ille debitam materiam, & formam adhibuerit; an autem explicita singularum Personarum Trinitatis mentio facienda sit, decidere non intendit, Ad 7. Joannes XXII. solùm damnat eos, qui volebant Christum nunquam aliquid etiam in communi possidisse: quod Nicolaus Pontifex non asseruit, sed tantum voluit dicere, quòd aliquando illam adeò strictam paupertatem docuerit, tum sc. quando Discipulos misit ad prædicandum, dicens, *Nolite possidere aurum &c.*

3. Summus Pontifex est etiam infallibilis, & nulli errori obnoxius in Canonizatione Sanctorum. Ita cum S. Thoma omnes melioris notæ DD. Ratio est, quia de fide est, quòd Sancti sint invocandi, & Reliquiæ eorum venerandæ; hæc autem fides utilitatem non haberet, si Ecclesia, penes quam solam est discernere, quibus veneratio, & invocatio competat, in hoc suo judicio falli posset. Accedit, quia postquam aliquis solemniter Canonizatus est, Ecclesia obligatur ad credendum, eum in cælis esse; credi autem istud non posset, si Pontifex in Canonizatione Sanctorum falli posset. ergo &c.

Dices: Canonizatio Sanctorum procedit ex testimoniis de Sanctitate Vitæ, & miraculis eorum, qui solemnè ritu in Sanctorum numerum referuntur. Atqui hæc, tanquam merè humana, possunt esse falsa, ergo &c. Resp. Canonizationem his testimoniis non fundari, sed Sanctitate Vitæ, de qua dum Pontifex judicat, ne in judicio suo erret, facit specialis instinctus, & assistentia Spiritus Sancti.

4. Etiam infallibilis est in approbatione, & confirmatione Religionum, saltem quoad ea, quæ pertinent ad veritatem doctrinæ: honestatem Instituti, & conducen-  
tiam hujus ad Spiritualem animæ salutem, & perfectionem consequendam. Ita Azor p. 2. l. 5. c. 7. q. 2. cum communi DD. contra Canum. Ratio est, quia error circa hujusmodi approbationem, & confirmationem secum trahit errorem circa doctrinam Fidei, & morum, qui secundum dicta à num. 2. in Summum Pont. qualem non cadit.

Dices: si Pontifex infallibilis esset in approbatione, & confirmatione Religiosorum Ordinum, Religiones à prioribus Pont. approbatæ non fuissent ab horum Successoribus abolitæ, & extinctæ, quod multis contigit: imò ea, quæ *Fraticellorum*, & *Fratr. de paupere Vita* nuncupata fuit, & à Cælestino V. approbata, à Joanne XXII. tanquam erronea, & impia damnata fuit Extrav. un. ejusdem Pont. de Relig. Domib. ergo & Resp. Fraticellorum Religionem nunquam fuisse approbatam à Cælestino, vel alio Pont. ut agnovit ipse Joannes Extr. cit. V. prætendentes, & notat Gloss. V. eodem, & V. approbatum. Si aliqua Religio, à Pont. legitimè approbata extincta deinde fuit, id fieri potuit ob duplicem causam, vel quòd ejusdem Alumni ab Instituti sui observantia recesserint, & fidelibus scandalo esse cœperint; vel quòd novis aliis Ordinibus subnascentibus, antiqui non amplius essent Ecclesiæ utiles.



5 Idem Papa, quatenus est universalis Ecclesiæ, Episcopus, habet potestatem condendi Leges, quæ Ecclesiæ totam obligent: & contra Leges Ecclesiasticas quascunque relaxandi, ac proinde dispensandi in quibuscunque impedimentis Ordinum, vel Matrimoniorum, quæ Jure Ecclesiastico introducta sunt. Ita cum communi DD. sensu tradit Suar. *de Leg. D. 20. f. 3. num. 16. & f. 4. numer. 37.* Ratio est, quia Pontifex quilibet parem cum Prædecessoribus suis, imò & cum Apostolis, Legum Ecclesiasticarum Conditoribus, potestatem, & Jurisdictionem habet.

Neque obstat *can. sunt quidam 6. & can. contra 7. caus. 25. q. 1.* quorum posteriore negatur, quòd Pontifex possit aliquid statuere, vel mutare *contra Patrum Statuta*; priore autem dicitur; quòd ipse multò magis *usque ad animam, & sanguinem* ea tueri debeat; nam hi, & similes textus intelligi debent de iis PP. Statutis, quæ Fidei, eorumque doctrinam concernunt, vel alia naturalis, ac Divini Juris præcepta explicant: in quibus quid Pontifex dispensando possit, dictum est *Tit. 1. num. 56. & 57.*

6 Quamvis numerum Sacramentorum novæ Legis augere, vel minuire, eorumque materiam, & formam, cæteraque substantialia, à Christo determinata mutare nequeat, utpote quæ Juris Divini sunt, habet tamen amplam potestatem quoad ceremonias accidentales illorum, ministrorum qualitates, & eorum, qui illa recipiunt, requisita, ita ut si in Divini cultus augmentum, fidelium ædificationem, & animarum salutem cedere videatur, possit novos ejusmodi ritus introducere, veteres abrogare, in Ministris, & suscipientibus alias, & alias qualitates exigere. Sequitur ex præcedenti; hæc enim omnia sunt Juris tantum Ecclesiastici.

7 Obtinet generalen, & supremam Clavium in terris potestatem, à Christo sibi datam, eamque duplicem, in foro scilicet interno, & externo, vi cujus absolvere à peccatis quibuscunque, relaxare Vota, & Juramenta, Censuris ligare Fideles. & solvere ligatos possit, ita ut nihil horum eidem sit reservatum.

8 Est ordinarius, & supremus omnium fidelium Judex, ita ut omnes in causis, ad Ecclesiæ forum quomodocunque pertinentibus, ad Tribunal ipsius stare teneantur, ipse verò à nemine mortalium judicari possit.

9 Denique eidem competit plenissima dispositio de Ecclesiis, Monasteriis, Beneficiis, horumque rebus, seu bonis, & Juribus, ut proinde disponere liberrimè de iis possit, prout vel ad ipsorum privatas, vel ad universalis Ecclesiæ publicas necessitates sublevandas, vel utilitates promovendas judicaverit expedire.

## §. I I.

## De Sacre Romanæ Ecclesiæ Cardinalibus.

## S U M M A R I U M.

- 12 Cardinalium origo.
- 13 Gradus, & Tituli.
- 14 Prærogative.
- 15 16. Potestas, & Officium.
- 17 Necessitas in negotiis arduis.
- 18 Authoritas in Conciliis auctoritate Papæ congregatis.

Proximum à Summo Pont. locum obtinent S.R. E. Cardinales, sic dicti à Cardine; nam sicut super Cardinem voluitur ostium domus, ita super hos Sedes Apostolica, totius Ecclesiæ ostium, quiescit, & sustentatur, ut Constit. Non mediocri inquit Eugenius IV. & meritò quidem, quia sunt præcepti Papæ Consilarii, facientes eum ipso unum Corpus, & Consistorium.

Quæritur 1. quæ sit illorum origo? Dissident inter se DD. In concordiam sententiæ illorum revocari possunt si distinguatur inter Officium, Titulum, Nomen, & Dignitatem illorum; nam 1. Officium videtur esse cœvum Apostolis; hi enim illud aliqua saltem ex parte gessisse videntur, dum post Ascensionem Domini adstiterunt S. Petro, eumque consilio, & auxilio adjuverunt, donec ipsis per Orbem universum dispersis, id munus in alios, quos S. Petrus sibi adscivit, Coadjutores transiit, ut fusè deducit Barbof. *Jur. Eccl. l. 1. c. 3. n. 2. & 3. 2. Tituli* Officio recentiores sunt; nam Anno pri-  
Schmalzgrueber Tom. I.

mum 304. à S. Marcello sunt instituti, & quidem numero tantum quindecim, iique Presbyteris, & Diaconis assignati, quorum officium præcipue fuit baptizandorum, & pœnitentium cura, & sepultura Martyrum, teste Flamin. *l. 2. de resign. q. 2. numer. 34. 3. Nomen Cardinalis* ante tempora B. Sylvestri extitisse non constat: unde cum in sexta Synodo Romana primum legatur, quæ sub B. Sylvestro post conversionem Constantini celebrata est, ab ipso adinventum creditur, & postea à Gelasio, Gregorio, aliisque Pont. in usum deductum Barb. *l. cit. num. 6. 4. Dignitas* initio fuit infra Episcopos, postea vel à Bonifacio VIII. vel à Clemente V. etiam supra Episcopos erecti sunt, & proximo ad Summum Pont. loco positi: in cujus eminentiæ signum Urbanus VIII. in Consistorio Secreto 10. Junii 1630. ipsis Titulum *Eminentissimi* dedit, cum prius *Illustrissimi* dicerentur.

Quæritur 2. quot sint diversi Gradus, & quot in 13 singulis Gradibus Tituli Cardinalium? Resp. Gradus diversi sunt tres, videlicet Cardinales Episcopi, Cardinales Presbyteri, & Cardinales Diaconi. In his 1. *Cardinalium Episcoporum* Tituli olim fuere octo, videlicet Hostiensis, Veliternus, Silvæ Candidæ, aliàs S. Ruffinæ, Portuensis, Sabinus, Prænestinus, Tusculanus, Albanus; nunc verò sex tantummodo numerantur, eo quòd Ecclesia Veliterna Hostiensis ab Eugenio III. & S. Ruffinæ Portuensis Callisti II. tempore conjuncta fuerit.

2 *Cardinalium Presbyterorum* Tituli olim fuere 28. duntaxat, nunc crevere ad quinquaginta, & unum, quos præter alios recenset Hunoldus Plettenbergius in *Notit. Congregat. & Tribunal. Cur. Roman. c. 1. §. 6. n. 10.* post Barb. *l. 1. Jur. Eccl. c. 3. in fin.*

3 *Diaconie* sunt 15. cum olim fuerint primò quatuordecim, ac deinde octodecim. Porro hunc Cardinalium numerum Summus Pontifex liberrimè augere, vel minuire potest, & etiam solet, prout res postulaverit, ut notat Azor p. 2. l. 4. c. 1. q. 6. *vers. at Cardinalium numerus.*

Quæritur 3. quæ sint Cardinalium prærogativæ? Resp. 14 sunt præcipue sequentes. 1. Cardinales etiam non Episcopi Episcopis, Archiepiscopis, & Patriarchis propter Officium sunt digniores; quia isti unius privata Ecclesiæ, isti totius populi Christiani utilitati præfunt, ut declaravit Eugenius IV. in Bulla *cit.*

2 Unum Corpus, & Consistorium efficiunt cum Pontifice, quem in universali Ecclesia gubernanda juvant. Hinc selectissimi ad Dignitatem hanc assumendi sunt, & quidem ex omni natione, ut unaquæque Natio suum habeat in Curia Romana Patrem tutelarem, & Patronum. Engl. *de major. & obed. n. 16.*

3 Creantur à solo Summo Pont. ita tamen, ut etiam Imperator, alique Reges aliquando aliquos nominare, & Pontifici possint proponere, quibus deinde hic, si dignos compererit, Cardinalitiam Dignitatem conferat. Engl. *loc. cit.*

4 Utuntur galero, & vestitu rubro, quo designatur, quòd usque ad mortem, & sanguinis effusionem pro exaltatione Sanctæ Fidei, & Statu Ecclesiæ Romanæ se intrepidus exhibere debeant, ut habetur ex Formula Ceremoniæ, cum qua Cardinali galerus rubeus datur.

5 Ut num. 12. dictum est, habent Titulum *Eminentissimi*, quem Titulum nemo alius usurpare potest, præter Ecclesiasticos Romani Imperii Electores, & Magistrum Equitum Melitensem. Vviesner *hic n. 26.*

6 Non tenentur regulariter Regulis Cancellariæ, nec aliis Constitutionibus generalibus odiosis, & pœnalicibus. Barb. *Jur. Eccl. l. 1. c. 4. n. 54. ex Regul. 67. nunc 68. Cancellariæ.*

7 Ex consuetudine dicuntur habere privilegium, ut si rco ad patibulum ducto occurrant, eumque veste, aut pileo tegant, dimittatur immunis, nisi reus sit læsæ Majestatis, vel alterius atrocis criminis. Plettenberg. *l. cit. §. 9. n. 7.*

8 In Testamentis condendis gaudent privilegio militum: nec Legibus Civilibus, quæ certam formam præscribunt, obstricti sunt Azor. p. 2. l. 4. c. 3. q. 20. apud quem vide plura alia.

Quæritur 4. quæ sit potestas, & Jurisdictio Cardinalium in Ecclesiis sui Tituli? Resp. 1. in his, & aliis, quæ Titulis eorum subjectæ sunt, etiam si Presbyteri tantum,



tantum, vel Diaconi sint, exercent Jurisdictionem quasi Episcopalem *c. his quæ 11. de major & obed.*

2 In iisdem, saltem si Presbyteri sint, possunt subditis, & familiaribus suis conferre primam Tonsuram, & ordines minores. *Barb. Jur. Eccl. l. 1. c. 4. n. 40.*

3 Si Beneficium aliquod in iisdem vacet, ipsi sunt Ordinarii Collatores, si in Urbe sint; nam in absentia solus Papa confert. *Barb. l. cit. n. 36.*

4 Easdem Ecclesias, & personas ratione illarum sibi subjectas visitare, & de causis illarum, etiam criminalibus cognoscere possunt, & si ita necessarium sit, Censuras ferre: & ideo Vicarius Urbis non cognoscit de causis sub Titulis Cardinalium, ut cum Flaminio notat *Barb. n. 37.*

5 In iisdem suis Titulis possunt ferre Leges in conscientia obligantes, in Titularium suorum Votis dispensare, subsidium Charitativum ab ipsis exigere, commutare ultimas voluntates in iis casibus, in quibus Episcopi possunt, & alia Episcopalia Jura exercere, etiam ante cœptam possessionem, & litterarum exhibitionem, ut idem Barbosa aliis *citt. n. 71.* notat.

16 Quæritur 5. quod sit Officium, & potestas Cardinalium respectu Universalis Ecclesiæ? *Ref. 1. ad eos spectat Electio Summi Pontif. de qua Tit. 6. a n. 91.*

2 Assistunt Pontifici consilio, & auxilio in Romana, & universali Ecclesia gubernanda, in occurrentibus negotiis, præsertim arduis, expediendis, in Legibus Ecclesiasticis promulgandis, & declarandis &c. *c. bona 3. de postulat. Pralat.*

3. Cum necessitatis, aut magnæ utilitatis publicæ causa postulat, egrediuntur extra Urbem, & Curiam ad Concilia Authoritate Apostolica dirigenda, pacem inter Christianos Principes, & Resp. componendam, expeditiones, & Sacra Bella, contra infideles suscepta, promovenda, gubernandas Civitates, ac Provincias, aliaque hujusmodi negotia pertractanda juxta dicta *Tit. præc.*

4 In Schismate, cum duo in discordia electi de Pontificatu contendunt, & nescitur, quis sit verus Pontifex, possunt Concilium cogere, cujus authoritate de certo, & universali Capite provideatur Ecclesiæ. *Barbos. J. Eccl. l. 1. c. 4. n. 76. & apud hunc citt.*

5 Vacante Sede Pontificia, etsi Jurisdictio Papalis ad ipsos non transeat, ea tamen, quæ ad electionem Papæ, & ruinationem Ecclesiæ adversus pericula imminencia pertinent, facere & ipsi possunt *c. ubi periculum 3. de elect. in 6. & Clem. ne Romani 2. eod.*

17 Quæritur 6. an Summus Pontifex consilium Cardinalium ad ardua negotia gerenda necessariò adhibere debeat? *Affirmat Ripa in Rubr. de Constit. n. 20. & Barbatia vol. 4. consil. 40. defumantes hoc ex c. per venerabilem 13. Vers. sunt autem. qui fil. legit.*

Communis tamen, & vera sententia est, Papam in negotiis, Ecclesiam universalem spectantibus, quantumcunque illa ardua sint, honestatis potius, quam necessitatis Lege adstringi ad Cardinalium consilium de his exequitendum, vel amplectendum. Quòd de honestate sit, habetur *c. fundamenta 17. Vers. decet namque de elect. in 6. ibi: Decet namque ipsi Romano Pontifici per Fratres suos SS. Rom. Ecclesia Cardinales --- libera provenire consilia. Quòd autem non sit de necessitate, colligitur ex c. cum ex eo 14. de pœnit. & remiss. in fin. ubi Pontifici Romano Potestatis plenitudo tribuitur.*

Ratio utriusque est, quia licet supremam, atque universalem Jurisdictionem suam Papa non ab homine, sed à Christo immediatè acceperit, & propterea majora negotia ad Sedem Apostolicam, quam Papa solus tenet, referri debeant, ei tamen temere, & sine judicio, consilioque sapientum h. e. Cardinalium ei assistentium, non est procedendum juxta monitum Sapientis *Eccl. 32. v. 24.*

18 Quæritur 7. quale jus Cardinales habeant in Conciliis authoritate Papæ congregatis? *Resp. in his perinde ut Episcopi, licet ipsi non sint Episcopi, vocem, seu suffragium habent, non consultivum duntaxat, sed decisivum. Ita cum communi DD. Suar. de fid. D. 11. f. 1. n. 17. & docet praxis recentiorum Conciliorum, præsertim Lateranensis, cujus Decretis Cardinales cum Episcopis, imò ante Episcopos subscripserunt. Ratio est, quia etiam ipsi succedunt loco Apostolorum; nam sicut hi, antequam ad prædicandum Evangelium per universum Orbem dispergerentur, assistebant B. Petro, ita ipsi ejusdem Successoribus. Hinc à S. Bernatdo in Epistola ad Eugenium*

*Seniores populi, & Orbis Judices appellantur. Accedit, quia eorum autoritas, & officium non tantum propriam sui Tituli, vel Romanam, sed vel maximè Ecclesiam universalem spectat.*

### §. III.

*De Patriarchis, Primatibus, & Archiepiscopis.*

### S U M M A R I U M.

19 Descriptio, diversitas, & potestas Patriarcharum.

20 Primatum.

21 Archiepiscoporum.

22 Et horum in Suffraganeos sibi subjectos.

23 Illorumque subditos.

24 Locus exercendæ in hos Jurisdictionis.

**O**rdinarii Judices post Papam stabiles sunt Patriarchæ, Primates, Archiepiscopi, & Episcopi. De his §. sequent. de prioribus nunc.

Quæritur 1. quid sint Patriarchæ; quot, & quæ eorum potestas, ac officium? *Resp. ad 1. Patriarcha Græcum nomen Summum Patrem, sive Patrum, & Episcoporum Principem denotat. Veniunt eo nomine Prælati, qui non unius duntaxat Provinciæ, sed totius Regni, vel Imperii Episcopis, & ipsis etiam Archiepiscopis præpositi sunt, ut ab his graviorum negotiorum summa ad ipsos deferatur can. urbes 1. dist. 80.*

*Ad 2. sunt duplicis generis; nam aliqui illorum Majores, alii Minores vocantur. Majores post Romanum Pontificem, Basilicæ Lateranensis Patriarcham, & cæterorum Patriarcharum Principem, sunt quatuor, Constantinopolitanus, Alexandrinus, Antiochenus, & Hierosolymitanus, quorum tres posteriores tempore quidem priores sunt, sed Constantinopolitanus primus nominatur propter residentiam Imperatorum Græcorum in Urbe Constantinopolitana. Minores Patriarchæ dicuntur, qui inter Latinos Romani Pontificis indulgentia, vel ex inveterata consuetudine Patriarchale nomen, & dignitatem sibi vendicant: cujusmodi sunt Patriarcha Aquilejensis, Venerus, Æthiopix, & Indiarum.*

*Ad 3. Patriarcharum Majorum potestas olim valde ampla fuit; nam pallium Archiepiscopis sibi subjectis dare, de causis illorum cognoscere, eosque juxta ex causa etiam deponere poterant: nunc, quia Provinciæ illorum ab Infidelibus occupantur, nomen, & dignitas quidem in Ecclesia mansit, Jurisdictio autem cessavit. Minores Patriarchæ in officio, & potestate conveniunt cum Primatibus: de quibus*

Quæritur 2. quid sint Primates, qui in singulis Regnis, & quæ illorum potestas? *Resp. ad 1. Primates sunt quidam Archiepiscopi potentiores, & qui majores Metropoles regunt: officio, & potestate à minoribus Patriarchis non distinguuntur; sed tantum nomine, & titulo, ut cum aliis existimat Azor. p. 2. l. 3. c. 35. q. 2. Barb. de Offic. & potest. Episc. p. 1. tit. 1. c. 6. num. 8. Konig. hic n. 11. cum aliis.*

*Ad 2. in Germania nostra Primatis dignitatem hodie obtinet Archiepiscopus Salisburgensis; in Hispania Toleranus: in Gallia Bituricensis, Lugdunensis, Arelatenus, Viennensis; in Italia Pisanus; in Polonia Gnesnensis; in Hungaria Strigonienensis; in Anglia Cantuariensis; in Scotia Archiepiscopus S. Andreæ; in Hibernia Armacanus; in India, Goanus, &c.*

*Ad 3. Potestas Primatum, & Patriarcharum in quatuor maximè rebus consistit. 1. confirmant Episcopos Sedi Apostolicæ non immediatè subjectos. Host. in Summ. de elect. numer. 27. 2. ad ipsos ab Archiepiscopis datur appellatio can. Provincia 1. dist. 99. 3. ad eosdem ab iisdem Archiepiscopis sit devolutio Beneficiorum Ecclesiasticorum ob eorum negligentiam in collatione arg. à contrario c. licet 3. de suppl. negl. 4. ad eos deferuntur querelæ adversus Archiepiscopos non exemptos can. si Clericus 46. caus. 11. q. 1.*

Quæritur 3. quid sit Archiepiscopus? quomodo differat à Primatè, Patriarcha, Episcopo, & quotuplex sit ejus potestas? *Resp. ad 1. Archiepiscopus, Græcum nomen, Summum, sive Principem inter Coepiscopos suæ Provinciæ indicat, Alio nomine Metropolitanus vocatur à Metropoli, sic dicta, quia Civitatum aliarum veluti*



mater est, cui istæ subjectæ sunt, & in qua Archiepiscopus residet. Venit ergo nomine *Archiepiscopi* ille Prælarus Ordinis Episcopalis, qui alicujus Provinciæ Episcopis omnibus præest. Isti verò *Suffraganei* ejusdem appellantur, quia Archiepiscopo in Conciliis, Consecrationibus, & aliis negotiis suffragantur.

*Ad 2.* à Patriarchis, & Primatibus differt, quia uni tantum Provinciæ præest, cum illi præsent integris Regnis, & Provinciis pluribus; ab Episcopis simplicibus, quia Jurisdictio ejus ad totam Provinciæ se extendit, cum Episcopi Suffraganei Jurisdictio unica duntaxat Diocesi claudatur. Non desunt tamen Archiepiscopi, qui unum tantum, imò aliqui inveniuntur, qui nullum sibi subiectum Episcopum habent, ut Archiepiscopus Rossanensis teste *Az. p. 2. l. 3. c. 33. q. 1.*

*Ad 3.* in Archiepiscopo triplex autoritas, & potestas distingui potest, & solet: quarum una est propria, seu quæ ipsi in Diocesim immediatè sibi subjectam competit; altera Coepiscopos, sive suffraganeos non exemptos Provinciæ suæ spectat; tertia in subditos istorum tendit. De prima nihil hic attinet dicere; quia cum Episcopis quibuscunque communis est: de qua proin. §. *sequent.* De duabus posterioribus hic agetur. Quare ulterius

*22* Quæritur 4. quæ sit jurisdictio, & Potestas Archiepiscopi in Episcopos Suffraganeos sibi subiectos? Resp. in hos Archiepiscopus habet jurisditionem Ordinariam, cum sit immediatus, & Ordinarius illorum Superior: habetque super hac illorum subiectione, & causarum illos concernentium cognitione intentionem Jure communi fundatam, exceptis quibusdam casibus *arg. can. quia cognovimus 6. caus. 10. q. 3. c. pastoralis 11. in princ. h. tit.* & notat *ibid.* Gloss. *V. exceptis.* Abb. *numer. 2. Barb. numer. 4.*

In specie ad ipsum pertinet 1. confirmare electiones suffraganeorum suorum, nisi horum Confirmatio specialiter sit reservata Summo Pontifici, prout, paucis exceptis, reservata est in Germania. Vide *Tit. 6. n. 73.*

2 Idem eosdem de Jure communi consecrat, vel consecrandi munus alii, cui vult, mandat *de Jure communi*, inquam; nam hodierno Episcopo consecrandi munus, vel licentiam concedit Papa. Vide *Tit. cit. n. 78.*

3 Potest Suffraganeis suis, horumque Vicariis Generalibus præcipere ea, quæ ad Officium illorum spectant, eosque, si contumaces fuerint, ad officium suum præstandum etiam per Ecclesiasticas Censuras compellere, observata tamen forma præscripta *c. quia Pontificali 2. de Offic. deleg. in 6.*

4 Supplet illorum negligentiam in collatione Beneficiorum, Oeconomorum constitutione, Excommunicationum absolutione Voluntatum ultimarum executione &c. *Barbosa Jur. Eccl. l. 1. c. 7. n. 32. & seqq.*

5 Eisdem vocat ad Synodum, sive Concilium Provinciale, in quo ipse deinde Præses est, & si aliquis vocatus non compareat, de causa absentia judicat. *Trid. sess. 24. c. 2. de reform.*

6 Cognoscit de illorum causis, civilibus tamen duntaxat; nam criminalium majorum cognitio, & decisio Sedis Apostolicæ reservata est, minores verò in Concilio tantum Provinciali, vel ab hoc deputatis cognosci, & terminari debent ex Decreto *Trid. sess. 24. c. 5. de refor.* imò etiam de civilibus extra Concilium provincialis cognoscendi potestatem Archiepiscopo negat *Barbos. Jur. Eccl. l. 1. c. 7. n. 46.* ubi in eam rem allegat rescriptum *S. Congr. Card. negot. Episc. & Regular. prapof.* datum Episcopo Rhegiensi die 31. Maii 1588.

*23* Quæritur 5. quam Jurisdictionem Archiepiscopus habeat in Subditos suorum Suffraganeorum? Resp. in hos Jurisdictionem Ordinariam quidem habet, quam tamen exercere non potest, nisi in certis casibus Jure expressis *can. nullus 7. & seq. caus. 9. q. 3. c. pastoralis 11. in princ. h. tit.* & *c. Romana 1. eod. in 6.* idque merito, nec Ecclesiasticus Ordo confundatur, & disciplina Ecclesiastica cum proprio, & immediato Superiore facile contemnatur.

Sunt autem casus specialiter à Jure expressi, qui sequuntur. 1. si ab Episcopo sententia, vel gravamine ad Archiepiscopum sit appellatum; tunc enim de causis, ita ad se devolutus, cognoscit, vel per se, si velit, vel per Vicarium suum, aut alium à se specialiter delegatum *can. conquestus 8. caus. 9. q. 3. junct. Gloss. V. provocaverint. Schmalzgrueber Tom. I.*

*c. cum non 1. de Offic. Legat. c. Romana 1. h. tit. in 6.* estque perinde, sive appellatio facta sit in causa spirituali; sive temporali, civili, vel criminali *c. Romana 3. §. 8. de appellat. in 6.*

2 Quando Archiepiscopus visitat Provinciæ; tunc enim in subditos suffraganeorum suorum duplicem potestatem obtinet, unam in foro interno, ut confitentes eos audire, & à peccatis, etiam reservatis Ordinario suo, Censurisque absolvere illos possit *c. fin. de Censib. in 6.* alteram in foro externo, sed multum restrictam; nam illam exercere solum potest puniendo criminosos notorios, & eos, qui aut procuraciones ipsi debitas negant, aut alia ratione Visitationem, vel ejus Jurisdictionem impediunt *c. Romana 1. de pœnis in 6.*

3 Si Episcopus sit negligens in exercenda Jurisdictione, & officio suo: tunc enim ejus potestas devolvitur ad Archiepiscopum; sed tantum in casibus Jure expressis: quales sunt punire notoria crimina, tollere pravas, & per Provinciæ invalescentes consuetudines, vindicare injurias, sibi, nuntiis, aut familiæ suæ in usu Jurisdictionis illatas; hæc enim tali casu Archiepiscopus facere etiam extra tempus Visitationis potest *c. Romana 1. §. sanè 4. vers. notoria de Censib. in 6. c. ex frequentibus 3. de inffit. & c. Romana 1. de pœnis in 6.*

4 Potest, saltem ut Delegatus Papæ, Canonicos, si absque rationabili, & manifesta causa cessent à Divinis, maximè si in Episcopi contemptum id faciant, punire, & si alia remedia non sufficiant, eosdem ad officium suum, ad querelam Episcopi etiam per Censuram compellere, ut habetur *c. irrefragabilis 13. §. Caterum h. tit. & meritò*, ne tali casu Episcopus Suffraganeus cognoscat, & Judex sit in causa propria, & propterea repellatur.

5 Potest alicui Prædicationis officium in tota sua Provinciæ, adeoque etiam in Diocesibus Suffraganeorum suorum interdiceret, & malefactorem promeritum extra totam suam Provinciæ relegare *c. tuarum 11. de privil. & c. non sine 2. de arbit.*

6 Potest per totam Provinciæ suam concedere Indulgentias, etiam si non sit in actu Visitationis, modò Statutum Generalis Concilii non excedat *c. nostro 15. de pœnit. & remiss.*

7 Potest per totam Provinciæ, etiam extra Visitationem jubere sibi præferri Crucem, populo benedicere, in Pontificalibus celebrare, etiam in locis exemptis à Jurisdictione Ordinarii, *Clem. 2. de privil.*

Plures alios casus recenset Gloss. in *c. pastoralis 11. V. exceptis.* Host. in *Summ. h. c. num. 7. vers. sunt autem distinctæ.* Quarant. in *Summ. Bullar. V. Archiepiscopi Auctoritas.* *Barbos. Jur. Eccl. l. 1. c. 7. n. 51. & seqq.* qui proin videri possunt.

Quæritur 6. in quo loco Archiepiscopus exercere possit Jurisdictionem suam erga subditos suffraganeorum? Resp. non potest causas ad se delatas alibi cognoscere, aut cognoscendas committere, vel delegare, quam in propria sua Civitate, vel Diocesi, aut in illa Diocesi, ex qua causæ illæ sunt profectæ, ac devolutæ. Ita statuitur *c. ut litigantes 5. h. tit. in 6.* & additur ibidem ratio, *ut litigantes relevantur à laboribus, & expensis.*

*Excipitur 1.* nisi aliud consuetudine sit receptum *c. cit. in fin.* modò illa sit legitime præscripta, sc. 40. annorum; quia sicut ad consuetudinem contra Jus Canonicum, quando præscriptiva illa est, requiruntur 40. anni, ita etiam, quando est consuetudo contra rationem in Jure expressam. Gloss. in *c. cit. V. statumus junct. Gloss. marg.*

*Excipitur 2.* nisi partes litigantes consentiant, ut in alio loco, seu Diocesi causa cognoscatur per Archiepiscopum, vel Delegatum illius, quam ex qua, vel ad quam devoluta est; quia cum hoc jus sit in favorem litigantium introductum, possunt illi renunciare *c. ad Apostolicam 16. de Regular.* Accedere tamen debet consensus saltem tacitus Ordinarii illius loci, in quo causa tractatur; quia Archiepiscopus non potest ingredi Diocesin sui Suffraganei, ut aliquid ibi agat, vel judicet, nisi in casibus Jure permissis.



## De Episcopis, &amp; horum Officio, ac Potestate.

## S U M M A R I U M.

- 25 *Episcopi Erymon, & potestas duplex, Ordinis, & Jurisdictionis.*  
 26 *Jurisdictionem immediate habet à Summo Pont.*  
 27 *Potestas consistit in duplici Lege, Diocesana, & Jurisdictionali.*  
 28 *Quanam spectent ad Legem Diocesanam?*  
 29 *Quæ ad Jurisdictionem Episcopi?*  
 30 *Quibus casibus Jurisdictionem habeat in exemptos?*  
 31 *In quo Loco exercere Jurisdictionem possit?*

25 **P**roximi post Archiepiscopos sunt Episcopi. Hinc Queritur 1. quid sint *Episcopi*, & quæ illorum potestas? Resp. Nomen istud, si Erymon illius spectemus, *Speculatorem*, vel *Superintendentem* significat; si officium, & dignitatem inter Christianos recepram, Prælatum Diocesenum nobis indicat, qui in certo alicujus Provinciæ districtu præest Clero, & populo; actuumque in Sacris exercendorum, & totius disciplinæ Ecclesiasticæ sollicitudinem, & curam suscepit.

Ex quo patet, quod Episcoporum potestas sit duplex, una *Ordinis*, altera *Jurisdictionis*. Potestas *Ordinis* dependet ab Ordine, & Characterē Episcopali; & consistit potissimum in tribus, sc. in Confirmando, Ordinando, & Consecrando, soletque exerceri in vestibus, & ornamentis Pontificalibus.

Potestas *Jurisdictionis* est, per quam Episcopus constituitur Judex, & Pastor Ecclesiæ suæ. Ea est Ordinaria; hinc etiam *Ordinarius* appellatur: se porrigit non tantum in Clericos, sed etiam in Laicos suæ Diocesis, eosque omnes, nisi sint specialiter exempti: extenditque se ad omnes causas spirituales, & mixtas *c. cum sit* 8. & *c. ex tenore* 11. *de for. compet.* Competit etiam Episcopo electo, & confirmato, etsi consecratus nondum sit *c. transmissam* 15. *de elect.*

26 Queritur 2. quo Jure potestas Jurisdictionis comperat, an Divino immediate, an verò immediate humano, mediatē Divino? Divino immediate competere affirmat Petrus Sotus, Castro, Victoria, & alii apud Azor *p. 2. l. 3. c. 30. q. 13.* Fundantur 1. textu *Act. 20. v. 28.* ubi Paulus ad Episcopos, & Presbyteros Ephesinos, *Attendite vobis*, inquit, & *universo gregi*, in quo Spiritus S. vos posuit Episcopos regere Ecclesiam DEI, ergo (inferunt) potestatem suam Episcopi immediate acceperunt à DEO, & non ab Ecclesia, vel Romano Pontifice. 2. Episcopi successerunt in locum Apostolorum *can. in novo* 2. *dist. 21.* sed Apostoli immediate à Christo acceperunt omnem potestatem Jurisdictionis. ergo &c. 3. Episcopale munus, ejusque officium, ac Juridictio Ordinaria est à Christo instituta. ergo Jure Divino competit. 4. Etiam nullum Episcopum Deus per seipsum immediate consecrat, & tamen potestas Ordinis juxta omnes est immediate à Deo. 5. Si potestas Jurisdictionis in Episcopis esset immediate à Papa, hic posset facere, ut nulli essent Episcopi. hoc autem facere nequit.

Sed tenenda est tanquam verissima sententia, quæ cum communi TT. & Canonistarum ait, potestatem Jurisdictionis, quam habent Episcopi, iidem dari immediate ab Ecclesia, seu Romano Pont. Probatur 1. ex pluribus antiquis Canonibus, in quibus dicitur, quod Episcopales Ecclesiæ instituerit Romana Ecclesia *can. omnes* 1. *dist. 22.* quod Ecclesiæ particulares comparatæ ad Ecclesiam Rom. sint sicut radii ad Solem, rami ad radicem, rivulus ad fontem *can. loquitur* 18. *caus. 24. q. 1.* quod Ecclesia Romana sit prima, quæ ita reliquis Ecclesiis vices suas credidit largiendas, ut in partem sint vocatæ sollicitudinis, non in plenitudinem potestatis *can. quin se scit.* 12. *caus. 2. q. 6. 2.* ratione S. Thomæ 2. 2. *q. 39. a. 3.* & *q. 184. a. 6. ad 1.* quia si potestas Jurisdictionis Episcopalis immediate esset data à Christo, non posset Episcopis auferri ab Ecclesia, vel Summo Pont. sicut potestas Ordinis auferri non potest. Arqui potestas Jurisdictionis auferri potest Episcopis per suspensionem, Excommunicationem, Degradationem, Depositionem &c. ergo &c. 3. Romanus Pontifex solus per se, vel per alios sua auctoritate, & consensu Episcopos creat, designat, eligit, insti-

tuit, transfert, & amovet: ipse Dioceses erigit, dividit, ampliat, minuit &c. quod est evidens signum, Episcopos omnem Jurisdictionem proximè accipere, & obtinere à Papa.

Necque obstant argumenta contraria. *Ad 1.* non est inusitatum Scripturæ, ut ea, quæ mediante Ecclesia sunt, Spiritui S. & DEO adscribat; sic enim *Ephes. 4.* dicit Paulus, Deum posuisse quosdam Apostolos, alios Doctores, alios Pastores, usque ad consummationem sæculi; nec ramen omnes Doctores, & Pastores ponit Deus immediate per se ipsum, sed per Vicarium suum, Pontificem. *Ad 2.* plures volunt, Apostolos non accepisse Jurisdictionem suam immediate à Christo, sed à Petro juxta *can. ita Dominus* 7. *dist. 19.* ut fusè probat ibidem Turrecr. Et esto, concessa ipsis sit immediate à Christo, non sequitur hoc etiam de Episcopis aliis, qui non sunt Apostoli; nam etiam Deus in creatione mundi omnia produxit immediate, in propagatione tamen nititur causis secundis, & earum concursu. *Ad 3.* aliud est officium, & potestatem Episcopalem esse institutam, aliud communicari huic, vel illi subiecto, pro his, vel illis subditis: primum immediate factum est à Christo; & propterea potestas Episcopalis est Divina, & spiritualis: alterum immediate fit per Ecclesiam, seu Papam, cui in Petro Christus dedit potestatem per totum Orbem instituendi, & creandi Episcopos omnium Ecclesiarum. *Ad 4.* negatur paritas. Disparitas est, quia potestas Ordinis confertur ab Ordinate, ut ministro, & quasi instrumento Christi; potestas Jurisdictionis verò Episcopis confertur à Papa, tanquam Vicario ejusdem: censetur autem quis per seipsum immediate fecisse, quæ facta sunt per ministrum; non verò, quæ facta sunt per Vicarium ejusdem. *Ad 5.* Divina Ordinatione in Ecclesia instituta Hierarchia, quæ constat Episcopis, Presbyteris & ministris, ut docet Trid. *sess. 23. can. 6.* unde mandatum à Christo Domino habet Pontifex, ut in partem suæ curæ Episcopos creet.

27 Queritur 3. in quo consistat jus, & potestas Episcopi? Resp. hæc tota consistit in duplici Lege, quarum una vocatur *Jurisdictionis*, altera *Diocesana*. Sumitur autem hic *Jurisdictionis* latè, prout etiam ea, quæ Ordinis sunt, comprehendit, quatenus nimirum istos, Episcopos propriis tantum subditis, non alienis regulariter imperitari potest, *Prima* tenentur omnes Ecclesiæ, tam sæculares, quam Regulares, quæ sitæ sunt in Diocesi ejusdem, & non specialiter sunt exemptæ *can. Monasteria* 17. *caus. 18. q. 2.* A' *secunda* ipso Jure eximuntur Ecclesiæ Regulares, seu Monasteria, etsi aliàs Jurisdictioni Ordinarii subiecta sint, & hoc in favorem Religionis *can. si ex Laicis* 1. *caus. 10. q. 1. can. inter cetera* 8. *caus. ead. q. 3. can. cum pro utilitate* 34. *caus. 16. q. 1. can. quam sit* 5. *in fin. junct. Gloss. V. juribus caus. 18. q. 2. c. dilectus* 18. & ibi *Gloss. V. de Lege Jurisdictionis h. tit.*

Dixi *Ecclesiæ Regulares, & Monasteria*; nam Capellæ, & Parochiæ sæculares non exemptæ, incorporatæ Monasteriis, tam Diocesana, quam Jurisdictionali Legi Episcopi subijciuntur. *Glossa in c. dilectus cit. in fin.* Abbas in *c. conquerente* 16. *n. 1. not. 2.* Layman *ibid. n. 1.* consequenter ut aliæ Ecclesiæ plenè subiectæ Episcopo, ita ejusmodi Monasteria ratione talium Capellarum, vel Parochiarum tenentur Episcopo ad ea, quæ ad Legem Diocesanam spectant. Proceditque hoc, etsi Monasteria ipsa aliàs quoad se exempta sint? nam adhuc Episcopo quoad Legem utramque ratione hujusmodi Capellarum, & Parochiarum subsunt, nisi etiam quoad istas exempta sint; vel nisi aliàs ex privilegio Sedis Apostolicæ, aut legitima consuetudine acquiſivissent Jura Episcopalia in illis Ecclesiis, ut cum aliis Abb. *l. cit.* notat.

28 Queritur 4. quænam sint, quæ ad Legem Diocesanam spectant? Resp. hæc enumerantur *c. conquerente* 16. *h. tit.* & sunt ferè ea, quæ ex parte Episcopi in recipiendo consistunt: uti est

1 *Cathedraticum*, seu *Synodaticum* duorum solidorum annuorum. *Cathedraticum* dicitur; quia ob honorem Cathedralis, seu Dignitatis Episcopalis datur: *Synodaticum*; quia solvi debet à Clericis in Synodo Episcopali, quot annis celebranda.

2 *Subsidium Charitativum*: quo nomine venit moderatum auxilium, seu præstatio, quam Episcopus ex causa rationabili, pensatis Ecclesiarum facultatibus, exigere à Clericis sibi subiectis potest.



3 *Quarta Decimationum*, quæ de Jure communi ab Ecclesiis Parochialibus, ad quas Decimæ spectant, Episcopo præstanda esset; nunc verò in pluribus locis per defuerudinem abolita est, quòd Episcopi jam aliunde sustentationem congruam habeant.

4 *Quarta Mortuorum*, sive, ut etiam vocatur, *Portio Canonica* Episcopo debita ex legatis, & oblationibus funeralibus, quæ factæ sunt Ecclesiis, vel aliis locis intra Diocesim sitis: de quo, & an illa etiam à Monasteriis solvi debeat, vide *lib. 3. Tit. 26. numer. 222. & seq.*

5 *Procuraciones*, sive moderata victualia, præstari solita ab Ecclesiis, dum Episcopus eas vel per se, vel per alium visitat: hæc præstandæ sunt etiam à Monasteriis non exemptis: quia Visitationi annexæ sunt: hinc ab aliis ad Legem Jurisdictionalem revocantur. Videatur *lib. 3. tit. 39. n. 100. & seqq. de Censib.*

6 *Convocatio ad Synodum*, saltem in quantum est convocatio; nam quatenus in ea judicatur, vel aliquid statuitur, ad Legem Jurisdictionis pertinet: & hinc, quamvis ipsa Monasteria sint exempta à Lege Diocesana, tamen Abbates eorum non sunt exempti quoad Synodum, quo minùs ad illam venire teneantur.

Hæc, si quæ alia Jure expressa sint, petere potest Episcopus; extra illa autem non potest aliquid exigere ab Ecclesiis sibi subjectis, nec à Clericis subditis petere servitia in Jure non expressa, aut Collectas ipsis imponere. *can. quia cognovimus 6. caus. 10. q. 3.*

29 Quæritur 5. quæ spectent ad Legem Jurisdictionalem Episcopi? Resp. hæc ex parte Episcopi serè in dando, seu faciendo consistunt. In specie ad ipsum ex Lege Jurisdictionali pertinet.

1 Cognoscere, & decidere omnes causas ad forum Ecclesiasticum externum spectantes *c. conquerente 16. h. tit.* concurruntque in hoc Episcopus cumulativè cum aliis Judicibus inferioribus, Jurisdictionem Ecclesiasticam fori externi Ordinariam ipsi subordinatam obtinentibus, ita ut inter eos sit locus præventioni, nisi isti Jurisdictionem hanc suam ex privilegio, vel præscriptione obtinuerint privativè, & excluso Episcopo *arg. l. ult. C. de Jurisd. omn. Judic.*

2 Potest in Diocesi sua inquirere, punire, & corrigere crimina subditorum suorum, nec Clericorum tantum, sed etiam Laicorum, saltem quoad illa, quæ ad forum Ecclesiasticum spectant, ut sunt Hæresis, Simonia, adulterium, quando de eo agitur ad divortium *c. perniciosam 1. h. tit.* Quoad Regulares Jurisdictioni suæ subiectos distinguendum est inter ea, quæ concernunt disciplinam, & observantiam Regularem, & inter illa, quæ spectant ad disciplinam Ecclesiasticam, & punishmentem graviorum criminum: quoad priora correctionem, & punishmentem Episcopus melius relinquit Prælato Regulari; quoad posteriora rectius eam ipse exequitur, ut cum aliis notat Sylv. *V. obedientia q. 8. & 10.*

3 Potest in contumaces, & Jurium Episcopaliū violatores, vel aliter delinquentes ferre pœnas, nec Ecclesiasticas tantum Excommunicationis, Suspensionis, Degradationis &c. sed etiam Corporales carceris, trirremium, verberum &c. *c. cum Episcopus 7. h. tit. in 6. ratio est, quia merum, & mixtum imperium habet. Excipitur pœna sanguinis; nam hanc si Clericus sit commertus, degradare eum debet, & Curia seculari puniendum tradere c. in Archiepiscopatu 4. de raptorib.*

4 Potest adversus inobedientes, & contumaces, si spirituali, & Ecclesiastica potestate nihil efficiat, Officiales, & ministros adsciscere: eorumque opera liras in eos sententias exequi, invocato etiam, si ita opus, vel expedire videbitur, auxilio brachii secularis, quòd si indebitè Judex secularis neget, ad id exhibendum Episcopus eundem poterit per Censuras compellere *c. perniciosam cit. c. licet 12. c. quoniam 14. h. tit.*

5 Potest, & debet visitare Diocesim, & Ecclesias, ac alia pia loca sibi subjecta, & ita quidem, ut quotannis rotam, vel si propter latitudinem Diocesis non possit, singulis bienniis per se, vel per alios Visitatores idoneos à se constitutos perecurat, prout decernum est à Trid. *sess. 24. c. 3. de reform.*

6 Potest conferre, destituere, & deponere de Beneficiis *c. conquerente 16. h. tit.* item inquirere, num Beneficiarii fuerint Canonice instituti *c. ordinarii 3. h. tit. in 6.*

7 Potest condere Statuta, seu Leges Diocesanas, & in

his cum subditis suis dispensare, in universalibus verò totius Ecclesiæ solum in casibus certis, qui referuntur, supra *Tit. 2. num. 59.*

8 Potest relaxare pœnas à se, vel inferiore latas: in latis ipso Jure distinguendum est; nam vindicativas, qualis est irregularitas ex delicto, relaxare solum potest in casibus à Jure, vel Superiore concessis; Medicinales autem secuta ejus, qui eam patitur, correctione; nisi specialiter sint reservatæ Summo Pontifici *c. at si Clerici 4. §. de adulteriis de Judic.*

9 In administratione Sacramentorum concurrunt cum omnibus Parochis, aliisque Curatis Ecclesiarum non exemptarum cumulativè, cum tota Diocesis sit ipse Parochia: reliqua, quæ sunt Ordinis Episcopalis, ut est collatio Ordinum, consecratio Ecclesiarum, Benedictio Abbatum, administratio Sacramenti Confirmationis &c. in Diocesi sua exercet privativè ad quemvis Episcopum extraneum.

10 Ad Legem Jurisdictionalem Episcopi pertinet prædicare Verbum Dei vel per seipsum, vel si impeditus sit, per alios ad hoc idoneos *c. inter cetera 15. h. tit. Trid. sess. 5. c. 2. & sess. 24. c. 4. de reform.* In Parochialibus Ecclesiis, & aliis suæ Diocesis ex eadem lege Prædicatores constituendi munus ad ipsum pertinet, nisi jus illud per consuetudinem immemorabilem acquisiverint inferiores alii. *arg. c. irrefragabili 13. h. tit. Trid. l. cit. juncta Declaratione Cardd. ibid.*

11 Denique ex Lege Jurisdictionis concedit indulgentias, profuturas etiam exemptis *c. cum ex eo 14. §. adhuc de pœnit. & remiss. & imponit pœnitentias publicas, non tamen nisi obpublica, & majora crimina can. fin. caus. 26. q. 6. Trid. sess. 24. c. 8. de reform.*

Quæritur 6. quibus casibus Episcopi loci Jurisdictionem habeant in Regulares Exemptos? Resp. hujusmodi casus quinquaginta duos enumerat Barbosa *de Offic. & potest. Episc. alleg. 105. à num. 54.* Chokier verò *de Jurisd. Ordin. in Exempt. p. 2. q. 45.* recenset omnino centum & sedecim: præcipuos ego hic referam. Et hi sunt

1 Si Regularis exemptus extra Monasterium, sive Domum Conventualem, aut Residentiam degat; hic enim ab Ordinario loci, saltem tanquam Sedis Apostolicæ Delegato, visitari, corrigi, & puniri. *Trid. sess. 6. c. 3. de reform. & in causis mercedum, & miserabilium personarum compelli ab eo ad solutionem potest. Trid. sess. 7. c. 14. de reform.*

2 Si degat in Monasterio, & delictum ab eo extra illud notoriè commissum Prælatus ejusdem ab Episcopo monitus punire negligat; tunc enim negligentiam hujus supplere potest Episcopus. *Trid. sess. 25. c. 14. de Regular.*

3 Nullus exemptus absque examine, & approbatione Ordinarii potest curare libros imprimi. *Trid. sess. 4. in Decret. de edit. & us. sac. libr.*

4 Potest Episcopus Regulares suæ Diocesis cogere, ut Lectionem Scripturæ Sacræ in Monasteriis, & Conventibus suis, si fieri commodè potest, habeant. *Trid. sess. 5. c. 1. vers. in Monasteriis de reform.*

5 Tenentur exempti, si Episcopus velit, Censuras, ab ipso inflictas, in Ecclesiis suis publicare. *Trid. sess. 25. c. 12. de Regular.*

6 Tenentur fervare Festa, quæ Episcopus in Diocesi sua servanda præcipit. *Trid. l. cit.*

7 Si vocentur ad publicas Processiones, debent in iis comparere, iis tantum exceptis, qui vel speciale privilegium habent, vel in strictiore clausula perpetuò vivunt. *Trid. sess. 25. c. 13. de Regular.*

8 Controversias, quæ in Processionibus, aut defunctorum corporibus sepeliendis interdum oriuntur, Episcopi judicio decidendas debent relinquere. *Trid. c. cit.*

9 Nullus Regularis, etiam exemptus, renuntiationem bonorum suorum intra duos menses ante Professionem facere potest, nisi cum licentia Episcopi, vel ejus Vicarii. *Trid. sess. 25. cit. c. 16.*

10 Potest etiam Episcopus eos compellere, ne quidquam ex bonis Novitii accipiant, & si acceperint, abeunt ante Professionem ex Novitatu reddant. *Trid. l. cit.*

11 Si Regulares exempti sint executores Testamentorum, potest eos Episcopus compellere ad rationes sibi reddendas, & punire, si malè rem gesserint. *Clem. un. de testam.*

12 Ubi Inquisitores non sunt, Regulares exempti in causa



causa hæresis, & criminibus aliis, ad Tribunal Sacrae Inquisitionis spectantibus, subsumunt Episcopo *c. ad abolendam* 9. §. *fin. de hæretic.*

13 Si extra Monasterium talis Exemptus sine habitu incedat, ab Episcopo puniri potest; secus, si intra. Chokier *l. cit. n. 33.* Barbosa *alleg. cit. n. 61.* & apud hos alii.

14 Si sine licentia sui Superioris à Conventu recedat, etiam prætextu accedendi ad Superiores suos, tanquam defertor Instituti, ab Ordinario loci puniri potest. Trid. *sess. 25. c. 4. de Regular.*

15 Regulares missi ad Studia in Conventibus tantum habitare debent; alias ab Ordinario contra eos procedi potest. Trid. *l. cit. in fin.*

16 Si Ecclesias Curatas obtineant, ab Episcopo, etiam Censuris, si ita necessarium fuerit, compelli possunt, ut Verbum Divinum prædicent &c. Trid. *sess. 5. c. 2. de reform.*

17 Si Religiosus, etiam exemptus, alienæ Parochiæ sponso sine proprii illorum Parochi licentia matrimonio conjungere, aut benedicere ausus fuerit, ipso Jure tamdiu suspensus manet, donec ab Ordinario ejus Parochi, qui Matrimonio adesse debebat, absolvatur. Trid. *sess. 24. c. 1. de reform. Matrim.*

18 Possunt Episcopi Moniales, etiam exemptas, compellere ad clausuram servandam. Trid. *sess. 25. c. 5. de Regular.*

19 Monasteria Sanctimonialium, quæ immediate sunt subjecta Sedi Apostolicæ, in Spiritualibus gubernantur ab Episcopo loci Trid. *l. cit. c. 9.*

20 Si Exempti importunas exigant Eleemosinas, vel si horis non debitis in suis Monasteriis, vel etiam in Oratoriis privatis celebrent, nisi muniti sint privilegio Apostolico, Episcopus contra eos procedere potest. Trid. *sess. 22. in Decret. de observand. in celebr. Missar.*

21 Si Episcopus eos vocet, tenentur ad Synodum Episcopalem accedere. Trid. *sess. 24. c. 2. de reform.*

22 Nullus Regularis, etiam exemptus, potest Confessiones audire, nisi Parochiale Beneficium habeat, vel ab Episcopo sit approbatus. Trid. *sess. 23. c. 15. de reform.*

23 Causæ matrimoniales ortæ inter eos, qui Monasteriis exemptis subjecti sunt, ab Episcopo, non ab horum Prælati cognosci debent, nisi illis Jurisdictione competat privativè, excluso Episcopo, per privilegium, aut consuetudinem immemorabilem. Trid. *sess. 24. c. 20. de ref.*

24 Si Regulares Sacramentum extremæ Unctionis, vel Eucharistiæ absque licentia Parochi, extra casum extremæ necessitatis administrent Parochianis, ab Episcopo possunt excommunicari. Clem. *1. de privil.*

25 Regulares etiam exempti subijciuntur Episcopo in petitione Chrismatum, consecratione Ecclesiarum, susceptione Ordinum, & iis omnibus, quæ sunt Ordinis Episcopalis, nisi privilegium habeant ut ubicunque, & à quocunque Episcopo ordinari possint. Chokier *l. cit. n. 6.*

26 Sine licentia Episcopi promulgare non possunt Indulgentias à Papa impetratas. Barb. *l. cit. n. 69.*

27 Potest Episcopus illos, si notoriè excommunicati sint, denuntiare, ut vitentur. Barb. *n. 73.*

28 In defectu Justitiæ possunt etiam illi recurrere ad Episcopum. Chokier *n. 63.*

29 Si fugæ sit periculum, potest Episcopus eos capere, & ad competentem judicem remittere. Chokier *n. 10.*

30 Non possunt Religiosi erigere nova Monasteria, sine Episcopi, in cujus Diocesi erigenda sunt, licentia prius obtenta. Trid. *sess. 25. c. 3. fin. de Regular.*

31 Monasteria, & loca Regularia post hac erigenda, in quibus duodecim Religiosi sustentari, & inhabitare non poterunt, & actu non inhabitant, Ordinarii loci Visitationi, & omnimodæ Jurisdictioni subjecta sunt, prout decisum à S. Congreg. Concil. refert Fagn. *in c. 19. h. tit. n. 78.*

32 Denique Gregorius XV. in Bulla incipit *inscrutabili* edita 1623. concessit Episcopis potestatem in Confessariis, & Administratores bonorum Monasteriorum Monialium: statuitque, ut Episcopus unà cum Prælati, seu Superioribus Regularibus, electioni Abbatissæ, seu Præpositæ per se, vel per alium præsidere possit.

33 Queritur 7. ubi, & quo in loco Episcopus exercere Jurisdictionem suam possit? Resp. 1. debet esse locus Diocesis propriæ; quia extra territorium suum jus dicenti impune non paretur *c. fin. de constit. in 6.*

2 Debet esse locus honestus, & sacrus. Gloss. *in c. cum Episcopus. 6. V. loco h. tit. in 6.*

3 Non debet esse nimis remotus; alias partes litigantes petere possent sibi assignati propinquiorem, in quo ipsis jus dicatur, & si id denegetur, appellare. Barb. *de Offic. Episc. alleg. 80. n. 5.*

4 Non debet locus ille esse exemptus; nam in exempto Episcopus exercere Jurisdictionem suam, saltem contentiosam, non potest, ut colligitur ex *c. cum Episcopus cit. ibi non exempto.* Ratio est, quia locus exemptus æquiparatur loco extra Diocesim, & territorium Episcopi fito. Excipitur, nisi Episcopus expulsus sit à sua Diocesi; tunc enim, petita, licet non obtenta licentia ab Ordinario loci, in aliena Diocesi jus dicere subditis suis potest. Clem. *un. de for. compet. Barbos. alleg. 80. cit. n. 10.*

5 Ordinariè jus dicere, & Tribunal, seu Consistorium habere debet in Civitate sua Episcopali; licet enim ab hac Tribunal suum transferre ad quemlibet alium suæ Diocesis locum possit, id tamen non potest perpetuo, vel ad longum tempus *can. placuit 21. caus. 7. q. 1.*

## §. V.

*De Officio, & Jurisdictione Ordinaria Prælatorum Regularium, Episcopi inferiorum.*

## S U M M A R I U M.

32 *Abbatis Erymon, & diversitas.*

33 *Potestas.*

34 *Jurisdictione.*

35 *Exemptorum in foro interno.*

36 *In foro externo.*

37 *Potestas Abbatum non exemptorum.*

38 *Abbatissarum.*

39 *Quæ Jurisdictione sœminis delegari possit?*

Episcopis dignitate, & potestate proximi sunt Abbates: hinc ordo doctrinæ exigit, ut etiam de his aliquid dicatur.

Queritur 1. quid sint Abbates, quotuplicis generis, & quæ illorum potestas? Resp. *Abbas*, nomen est ab Hebræis assumptum, & *Patrem* significat. In Jure nostro plerumque sumitur pro Prælato inferiore Episcopo. Sunt duplicis generis, aliqui *Saculares*, alii *Regulares*: ad quos reducuntur alii Religionum variarum Præpositi, qui & ipsi multiplicis generis sunt; nam aliqui illorum sunt *Generales*, qui toti alicui Religioso Ordini; alii *Provinciales*, qui Provinciæ; alii *Locales*, qui uni duntaxat Monasterio, vel Congregationi Religiosi Ordinis præstant.

Potestas varia est; nam aliqui Dignitatem solum sine Jurisdictione obtinent, alii simul Jurisdictionem, eamque vel subordinatam Episcopo, qualem habent Abbates non exempti; vel ab hoc independentem, qualem Exempti. Potestas, quæ Abbatibus, & cæteris Regularium Præpositis in subditos sibi Regulares competit, duplex est, una *Dominativa*, vel *Domestica* seu *Oeconomica*, qualem habet pater in filium, dominus in servum &c. altera *Jurisdictionis*, eaque iterum duplex, videlicet fori interni, & externi.

Queritur 2. quid sit *Potestas Dominativa*, Prælati Regularibus competens, & quæ sit ejus vis, & effectus? Resp. *Potestas Dominativa* est jus quoddam competens Prælato ad imperandum Religiosis sibi subditis, & utendum eorum operibus, prout ad Regularem disciplinam conveniens judicaverit. Oritur radicaliter ex Voto Obedientiæ, & accedente sui traditione, qua se, suamque voluntatem transfulerunt in Religionem, & istius Prælatos cum promissione, & obligatione secundum Regulam, quam profitentur, iisdem obediendi.

Vi istius potestatis possunt Prælati Regulares 1. Subditis suis Regularibus imperare ea, quæ conformia sunt Instituto, quod profitentur, & uti eorum operibus. 2. irritare illorum Vota. 3. res, & bona, quæ ad Monasterium, vel Congregationem spectant, administrare. 4. illa in, & extra judicium defendere, & dispensare. 5. ordinare omnia, quæ ad cultum Divinum, & Monasterii utilitatem spectant, prout dicitur *can. nullam 9. caus. 18. q. 2. c. edoceri 21. de rescript. c. Monachi 2. & c. cum ad Monasterium 6. de stat. Monach. & Canon. Regul.*

34 *Quæ-*



34 Quæritur 3. quæ sit *potestas Jurisdictionis* Prælati Regularibus competens? Resp. hæc est potestas spiritualis, & Ecclesiastica ad Claves Ecclesiæ pertinens, & cons. à Christo immediatè instituta, ac per Summum Pont. ip-sis immediatè, vel mediantibus aliis Prælati Ecclesiasticis communicata. Suar. *tom. 3. de Relig. l. 2. c. 18. n. 5.*

Convenit cum Potestate Dominativa in hoc, quòd utraque sit Ordinaria; hinc etiam delegare illam in sua absentia alteri Prælati potest, & tenebuntur tunc Religiosi ejusmodi Vicario obedire, sicut ipsi Prælati. Suar. *loc. cit.*

In multis aliis disconvenit, & 1. quidem potestas Jurisdictionis est Spiritualis, non verò Dominativa. 2. illa publica est ad Ecclesiæ gubernationem pertinens; quæ privata tantum. 3. illa instructus gravioribus etiam pœnis animadvertere in delinquentes sibi subiectos potest; ista præditus moderatam duntaxat coercionem habet.

Potest tamen quoad eundem actum utraque potestas concurrere, ut si Superior utramque habens aliquid præcipiat in Virtute Obedientiæ, & simul sub pœna Censuræ: dum primum facit, exercet potestatem Dominativam; dum secundum, potestatem Jurisdictionis.

35 Quæritur 4. quam Potestatem Prælati Regulares exempti habeant in foro interno? Resp. 1. in hoc foro possunt subditos suos Regulares absolvere à quibuscunque peccatis, & Censuris, specialiter non reservatis, vel alteri idoneo Sacerdoti eosdem absolvendi potestatem committere. Sylv. *V. Abbas q. 2. cum communi*, & colligitur *arg. c. nuper 29. de sent. Excomm.* ubi habetur, quòd quilibet Sacerdos proprius absolvere possit à Censuris non reservatis. ergo multo magis hoc poterit Prælati Ordinis erga Regulares suos.

2 Ab iisdem Censuris possunt subditos suos Regulares absolvere, etiam si sint latæ à Jure, modò ab eodem non sint alteri reservatæ; quia Conditor Canonis, quando Censuræ in eo appositæ absolutionem sibi non retinuit, hoc ipso facultatem absolvendi aliis concessisse censetur.

3 Nec refert, etiam si ab alio, e. g. inferiore Prælati, latæ sint; nam etiam ab his Prælati Superior potest absolvere: quò differt ab Archiepiscopo, qui extra casum appellationis ad se factæ, vel quo visitat Dioceses Suffraganeorum suorum, absolvere Subditum Suffraganei sui nequit à Censura, quam iste in eum tulit: & ratio disparitatis est, quia extra casum appellationis Jurisdictionem in eum non habet.

4 Idem Prælati Regulares, etiam inferiores, quales sunt Priores, Guardiani, Rectores &c. si ita Religiosis conservatio, & animarum salus exigere videatur, absolutioni suæ certa peccata graviora, & Religioni magis noxia reservare possunt: quam potestatem tamen Clemens VIII. in Bulla incipit *Ad futuram rei memoriam* edita 26. Maii 1593. restrinxit, ita, ut extra II. casus ibi specificatos sibi alium reservare sine Capitulorum consensu nequeant.

5 Possunt reservare absolutioni suæ Censuram, alicui peccato ipso facto annexam, licèt illud non sit ex II. assignatis. Neque per hoc contravenitur Constitutioni Clementis *cit.* licèt enim, quando reservatur Censura annexa alicui peccato, etiam peccatum reservatum censendum sit, hoc tamen solum sit per accidens, & indirectè; Pontifex autem *Const. cit.* solum prohibuit, ne præter II. expressa extra Capitulum reserventur alia per se & directè.

36 Quæritur 5. quam Potestatem Prælati Regulares exempti habeant erga subditos suos in foro externo? Resp. vi istius possunt 1. in Subditos suos Regulares inquirere, causas eorum cognoscere, delicta corrigere, & punire, carceris etiam, aliisque gravioribus pœnis in eos animadvertere, in contumaces ferre Censuras Excommunicationis, & alias, incorrigibiles à Monasterio expellere, ejectis, donec resipiscant, receptionem negare &c. per textum, aut *arg. c. cum in Ecclesiis 10. de major. & obed. c. ea quæ 8. de stat. Monach. c. sicut 33. & ibi Gloss. V. sub interminatione de Simon.*

2 Jurdictio, & potestas hæc Prælatorum Regularium erga Professos, & Religiosos suos extendit se ad omnem locum, ita, ut ubique locorum eos capere, & constringere possint, si sint fugitivi; quia eorum Jurdictio provenit ex personali obligatione Religiosorum per Vota secundum Sedis Apostolicæ approbationem: un-

de dici solet, quòd totus mundus his Prælati sit pro territorio.

3 Possunt cum iisdem suis subditis, quantum Religiosis Statuta, praxis, & privilegia permittunt, dispensare in observatione Regulæ, e. g. in abstinentiis, jejniis, & aliis observantiis Regularibus, iis duntaxat exceptis, quæ ad habitum, trium votorum observationem, & Religionis substantiam pertinent. Az. *p. 1. l. 12. c. 20. q. 16. in fin.*

4 Possunt dispensare in Votis, juramentis, & aliis casibus, in quibus Episcopi cum subditis suis Diocesanis Jure communi, & tanquam Diocesani Ordinarii possunt, nisi specialiter prohibeantur. Barb. *de Offic. Episc. alleg. 39. n. 18.* & ratio est, quia hoc ipso, quòd exempti sint, Jurisdictionem quasi Episcopalem in subditos suos Regulares habent.

5 Si subditos sæculares habeant, distinguendum est, an habeant territorium proprium, & separatum, ita, ut sint nullius Diocesis, vel sine territorio proprio, & separato, ita ut quidem non sint de Diocesi, sint tamen in Diocesi alterius Ordinarii. Si primum, circa subditos suos etiam sæculares possunt omnia in territorio suo, quæ Episcopus potest in sua Diocesi, iis duntaxat exceptis, quæ sunt Ordinis Episcopalis. Si secundum, tantum in sæculares subditos præcisè Jurisdictionem habent, quantam privilegio, vel consuetudine legitimè præscripta obtinuerunt; cætera Episcopo, in cujus Diocesi talis Ecclesia exempta est, relinquenda sunt.

Quæritur 6. quam potestatem habeant Abbates, & alii Regularium Prælati, qui Episcopis subiecti, & non exempti sunt? Resp. hæc ferè similis est illi, quam in foro utroque secundum dicta habent Prælati exempti, licèt in quibusdam aliquando restrictior.

In specie possunt 1. Regularibus suis præcipere ea, quæ ad Vota, observationem Regulæ, & Religiosam disciplinam domesticam, & rationem vivendi pertinent. 2. possunt sui Ordinis, vel Monasterii Officia iis, quos idoneos ex Regularibus suis sciverint, committere, & commissa auferre. 3. possunt in foro interno ipsos absolvere, vel ligare, & in externo foro delinquentes corrigere, plectere, & si contumaciter inobedientes sunt, censurare. 4. possunt cum ipsis in observatione Regulæ dispensare, ferè, ut Exempti possunt. 5. ad eosdem non minùs, quàm ad Prælatos Exemptos, pertinet administratio bonorum Monasterii, sive Congregationis Regularis, eaque magis, vel minùs libera, secundum Constitutiones, atque Statuta cujusque Ordinis. Videatur Pirhing *hic n. 125. Vviestner n. 89.*

Neque in his, si Prælati fungatur officio suo, immiscere sese Episcopus potest, quippe qui Superior istiusmodi Regularium est solum quoad disciplinam Ecclesiasticam, non verò quoad observantias Regulares. Sanch. *l. 6. mor. c. 1. n. 12. & 13.*

Quæritur 7. quam potestatem habeant Abbatissæ, & alie Præpositæ, vel Priorissæ, quæ Monasteriis Monialium præfunt? Resp. 1. possunt administrare, & regere Monasterium in temporalibus, ejusdem munera committere, & auferre, delinquentes corrigere, & moderata castigatione punire &c. ut quævis materfam. potest; habent enim potestatem dominativam, domesticam, & maternam.

2 Possunt Monialibus sibi subiectis spiritualia præcepere, & ad finem Spiritualem imponere, iisque, quæ ad salutem animæ spectant, & Regulæ conformia sunt, præcipere: hinc potestas illarum aliquo modo spiritualis est.

3 Etsi Jurisdictionem Spiritualem propriè dictam non habeant, cum potestatis clavium, à qua illa descendit, incapaces de Jure communi sint, aliquando tamen ex delegatione Prælatorum Ecclesiæ usum quandam, seu exercitium Jurisdictionis Spiritualis in Moniales, & Clericos sibi subiectos habent, ita ut isti in Beneficiis, pleno Jure sibi subiectis, instituire, eosque ab his, & Moniales ab officiis suis suspendere quodammodo possint *c. dilecta 12. de major. & obed.* ubi tamen duo sunt advertenda.

Primum est, quòd institutio illa, quam hujusmodi Abbatissæ in Beneficiis sibi subiectis faciunt, sit tantum collatio tituli, & possessionis; non verò Authoritativa, per quam hujusmodi Clericis conferatur animarum Cura; hanc enim nemo dat, qui ipsam non habet.



*Secundum*, quod Suspendio hæc ab Abbatissis facta non sit propriè dicta Suspendio; nam Censuras ferre non possunt: sed impropriè sumpta tantum, sive simplex præceptum, ne celebrent, & muneris sui actus exerceant: & hanc ob causam *c. dilecta cit.* Suspensiones ejusmodi *Salubria monita*, & *mandata* dicuntur.

32 Quæritur 8. an fœminæ Jurisdictionis spiritualis ita incapaces sint, ut hæc ipsis ne à Papa quidem delegari possit? Videtur ita dicendum; nam 1. ut *c. nova 10. de pœnit. & remiss.* clarè habetur, fœminæ potestatis Clavium incapaces sunt; ad has autem spectat Jurisdictio spiritualis propriè dicta, ut dictum est *num. præc.* ergo &c. 2. munus prædicandi interdictum est fœminis ab Apostolo 1. *Corinth. 14. v. 34.* & 1. *Tim. 2. v. 12.* ergo multò magis Jurisdictio spiritualis. 3. si posset concedi fœminis, fuisset aliquando ipsis concessa. atqui nunquam iisdem concessa legitur: nec ipsi etiam Beatissimè Virgini communicata à Christo, minimè dubio argumento incapacitatis.

Verùm his non obstantibus, dicendum, à Papa de Apostolicæ potestatis plenitudine delegari etiam fœminis posse aliquam Jurisdictionem spiritualement, modò potestatem Ordinis non includat, cujusmodi est potestas condendi Legem, ferendi Censuram, dispensandi in Voto &c. Ita communis TT. & Canonistarum cum S. Thom. in 4. *dist. 19. q. 1. a. 1. q. 3. ad 4.* Ratio est; quia ejusmodi Jura spiritualia de Papalis potestatis plenitudine possunt communicari Laicis, igitur nihil impedit, in casu aliquo extraordinario saltem, illa concedi fœminis.

Neque contrarium evincunt rationes allatæ. *Ad 1.* patet responsio; nam distinguendum est inter actus Jurisdictionis spiritualis; aliqui enim Ordinem supponunt, alii nullum: ad priores exercendos fœminæ sunt incapaces Jure Divino; ad posteriores Jure solum humano, in quo dispensare Pontifex potest. *Ad 2.* munus concionandi non ita interdictum est fœminis, ut non in casu aliquo extraordinario ipsis permitti possit ex concessione Papæ, in præcepto Apostolico dispensantis; sic enim legitur Sanct. Catharinam Senensem ex concessione Gregorii XI. coram Sacro Purpuratorum PP. Collegio aliquoties concionatam. *Ad 3.* in multis dispensare Pontifex Potest, de quibus tamen non constat, quòd aliquando dispensaverit.

## §. VI.

### De Officio, & Potestate Parochi.

#### S U M M A R I U M.

40 Jurisdictio Parochorum.

41 Officium.

42 Potestas in foro Pœnitentiali.

43 Potestas Regularium ad Sacramenta administranda &c.

**E**Tiam Parochus aliquo modo refertur ad Judices Ordinarios, quippe qui Jurisdictionem Ordinariam in foro interno quoad suos Parochianos habet; unde cum non sit Titulus, qui de potestate ejusdem agat, optimo Jure de hac Titulo præfente discurretur.

40 Quæritur 1. qualem Jurisdictionem habeant Parochi? Resp. Parochus simplex, spectato Jure communi, tantum habet Jurisdictionem Ordinariam in foro interno, & conscientiæ *arg. c. de persona 38. junct. Gloss. V. non ab alio caus. 11. q. 1.*

Ex quo sequitur 1. quòd Parochi Jure communi, & ordinario non possint dispensare in Legibus, & præceptis Ecclesiasticis cum suis subditis, & Parochianis; quia potestas in his dispensandi pertinet ad Jurisdictionem voluntariam fori externi, neque reperitur ullum Jus, quod hanc potestatem ipsis tribuat.

Sequitur 2. eosdem etiam non posse dispensare in Votis, Juramentis, vel illa commutare, etiam si minora illa sint, ut brevis peregrinatio ex eadem ratione; quia scilicet dispensatio hæc est actus Jurisdictionis Ecclesiasticæ distinctæ à Jurisdictione fori interni, quam solam Parochi habent.

Sequitur 3. similiter Jure ordinario etiam non possunt excommunicare, aut alias Censuras ferre, ut colligitur ex *c. querenti 20. de V. S. & c. cum medicinalis 1. de sent.*

*excomm. in 6.* ubi dicitur, sententiam Excommunicationis ferendam esse à Judicibus. Accedit usus, & praxis Ecclesiarum cum ratione; neque enim usquam reperitur potestas ista concessa Parochis, aut necessarium fuit eam ipsis concedi, quippe cum ipsorum Jurisdictio, ut dictum est, sit pro solo foro interno.

Dixi autem *Jure communi, & ordinario*; nam ex speciali privilegio, & consuetudine legitime præscripta possunt acquirere potestatem Censuras ferendi, & dispensandi in Legibus, Votis, & Juramentis. Et sic defacto ex consuetudine dispensant in præcepto jejunii, observatio- ne Festorum &c. etiam præfente Episcopo. *Suar. de Legib. l. 6. c. 14. n. 11.* Circa quam tamen consuetudinem notandum est, eam esse stricti Juris, nec extendendam ad alia, circa quæ ejusmodi consuetudo non est introducta; quia Juri communi derogat & conf. odiosa est.

Quæritur 2. in quo consistat officium Parochi? Resp. 41 Officium Parochi consistit in sequentibus.

1 Debet saltem diebus Dominicis & Festis, quibus populus ipsi commissus rei Divinæ interesse renetur, per se, vel, si justam causam absentiae habet, per alium celebrare Missam hora competenti, & tali, qua populus eidem commodè interesse possit. *Trid. sess. 23. cap. 14. de reform.*

2 Debet iisdem suis subditis ministrare Eucharistiam, non solum, quando ex præcepto obligati sunt communicare, ut in articulo mortis, & pro Paschate, sed etiam aliàs, quoties subditi rationabiliter illam petunt, modò non nimis frequenter petant, sed quatenus postulat illorum conditio, & Sacramenti reverentia. *Barbos. de Offic. & potest. Paroch. c. 20. n. 13. & duob. seqq.*

3 Teneatur Parochianorum suorum Confessiones audire, quoties isti justam confitendi causam habent, & opportuno tempore, ac loco confiteri petunt. *Pirhing. hic n. 147. in fin.*

4 Ad Officium Parochi spectat iisdem suis Parochianis administrare Baptismum, vel licentiam eum administrandi committere alteri Sacerdoti, aut Diacono *can. diaconos 13. dist. 93. can. placuit 8. caus. 16. q. 1.*

5 Debet iisdem suis subditis, in gravi infirmitate constitutis, conferre extremam Unctionem, ita ut graviter peccet, si sine justa causa illam neget, vel differat cum probabili periculo, ne infirmus interim decedat. *Laym. l. 5. tr. 8. c. 7. n. 3.*

6 Debet per se, vel si ipse legitime impeditus sit, per alium idoneum diebus saltem Dominicis, & Festis solemnitibus pascere plebem sibi commissam Verbo DEI. *Trid. sess. 5. c. 2. de reform.*

7 Debet iisdem diebus fidei rudimenta docere rudes, & doctrinam Christianam iis exponere. *Trid. sess. 24. c. 4. de reform.*

8 Debet assistere matrimonio suorum Parochianorum, vel alius, sed hic non nisi de illius licentia. *Trid. sess. cit. c. 1. de reform. marr.*

9 Ad propriam Parochi functionem pertinet benedictio candelarum in festo Purificationis, cinerum in principio Quadragesimæ, palmarum, fontis baptismalis &c.

10 Ipsius est denunciare jejunia, Indulgentias, Festa, Matrimonia ineunda.

11 Adeundem spectat annotare baptizatos, mortuos, matrimonio junctos &c. ad quod distinctos habebit libros

12 Post obtentam Parochiæ possessionem, intra duos saltem menses, Professionem Fidei tenetur emitte in manibus Episcopi, vel ejus Vicarii Generalis, prout dictum *Tit. 1. n. 7.*

Quæritur 3. quantam in foro pœnitentiali potestatem habeant Parochi? Resp. circa hanc illorum potestatem sequentia notanda sunt.

1 Hæc ipsum potestas est ordinaria: neque opus habent speciali approbatione Episcopi, vel Ordinarii; nam hoc ipso, quòd Parochiale Beneficium quis obtinuit, approbatus censetur, ut colligitur ex *Trid. sess. 23. c. 15. de reform. ibi nisi aut Parochiale Beneficium &c.*

2 Absolvere potest ab omnibus peccatis, Excommunicationibus Summo Pont. aut Episcopo non reservatis; à reservatis verò tantum in articulo mortis, vel quando Casus reservati Papæ ob impedimentum hunc accedendi, Episcopales facti sunt, & Episcopus, vel ejus Vicarius adiri nequit. *Pirh. hic n. 150.*

3 Ita possunt absolvere non tantum eos, qui veri illorum Parochiani sunt; & domicilium, vel quasi domicilium



ium intra Parochias illorum habent : sed etiam Peregrinos, qui alibi domicilium habent, & Vagos, qui domicilium habent nulli. *Sylv. V. Confessor. 1. q. 10.*

4 Parochianos suos audire confitentes potest ubique locorum, etiam extra Parochiam propriam; alienorum verò non nisi de licentia expressa, vel tacita proprii Parochi, in qua tamen concedenda iste difficilis esse non debet: aliàs si injustè eandem neget, ex probabili aliquorum sententia, absque facultate confiteri alieno Sacerdoti is, cui negata est, poterit. *Pirh. h. n. 147.* qui tamen probabilius putat esse contrarium.

5 Peregrini, & iter facientes confiteri possunt Parochi loci, in quo pro tempore versantur, & ab eo Eucharistiam suscipere, etiam tempore Paschali, si ad propriam Parochiam non possint accedere: idque ex tacito consensu suorum Parochorum, quod etiam consuetudo, & praxis confirmat, dummodo de industria à suo domicilio non discesserint, ut alibi confiterentur, & reversi proprio Parochi exhibeant testimonium annuæ Confessionis, & Communionis. *Laym. lib. 5. tract. 6. cap. 10. num. 9.*

43 Quæritur 4. quam potestatem administrandi Sacramenta, prædicandi Verbum DEI &c. habeant Regulares? Resp. in his spectanda sunt cujusque Ordinis Privilegia: ab his abstrahendo circa hanc illorum potestatem sunt notanda sequentia.

1 Omnes Christi fideles utriusque sexus, qui in Regularium, & aliis quibuscunque Ecclesiis, non contempto proprio Sacerdote, vel Parochi, diebus Dominicis, vel Festis Missas audiunt, satisfaciunt præcepto Ecclesiæ, prout Religiosis Mendicantibus concessit Leo X. apud Barbof. *de Offic. & potest. Paroch. c. 11. n. 15.* & generalis, vel saltem plerarumque Provinciarum obtinet consuetudo, qua derogatum est Juri antiquo, quod illis diebus Missam audire præcipit in Parochia propria, prout videre est *can. in Dominicis 4. & can. seq. caus. 9. q. 2. c. ut Dominicis 2. de Paroch. & Extr. 2. Sixti IV. de tregu. & pac. int. comm.*

2 Licet aliàs nemo Sacerdotum sine ordinarii Pastoris, videlicet Parochi, Episcopi, vel Papæ facultate expressa, vel præsumpta, ministrare alteri Eucharistiam extracatum extremæ necessitatis possit. *Clem. 1. in princ. de privil. Mendicantibus tanten, & qui cum ipsis privilegiorum communionem habent, à Pont. concessum est, ut non requisita licentia Parochi, in suis Ecclesiis per se, vel per alios Sacerdotes distribuere illam possint, prout videre est apud Rodriquez tom. 1. q. 9. Regul. q. 56. a. 3. Excipitur articulus mortis, & tempus Paschale, in his enim duobus casibus recipere Parochiani Eucharistiam debent à proprio suo Parochi, ac proinde Regulares Eucharistiam ministrare non possunt, nisi iis, qui præcepto jam satisfecerunt, vel satisfacturi sunt. *Laym. l. 5. tr. 3. c. 6. n. 3.**

3 Idem Regulares Mendicantes, & qui in privilegiis cum ipsis communicant, si ab aliquo Ordinario approbati, & à suis Superioribus ad audiendas Confessiones expositi, & deputati sint, ex privilegio Sedis Apostolicæ possunt excipere Confessiones omnium Christi Fidelium, quicunque apud ipsos peccata sua deponere voluerint, nisi specialiter excepti sint. *Rodriq. l. cit. q. 60. a. 4. Mirand. Man. Prel. q. 54. a. 14. Pirhing. h. n. 148. & patet ex Bulla Pauli III. Societati JESU concessa 1549. idque ex potestate Delegata sibi à Summo Pont. cujus auctoritate sibi consistentes absolvent.*

4 Absque licentia Parochi proprii, & extracatum necessitatis, nullus Sacerdos extraneus, etiam Regularis, administrare Baptismum licitè potest; quia hujus administratio ad proprium Parochi officium spectat: ut proinde graviter peccent parentes illi, qui prolem suam Parochi alieno, absque licentia proprii, baptizandam offerant; quia cooperantur peccato alieno sine licentia proprii Parochi subditum alienum baptizantis. *Laym. l. 5. tr. 2. c. 7. num. 2.*

5 Sine eadem licentia Sacerdos, vel Parochus alienus, etiam Regularis, alienis subditis conferre licitè Extremam Unctionem nequit, & Regulares, si hoc præsumant, ipso facto incurrunt Excommunicationem reservatam Papæ. *Clem. 1. de privil. in princ. Excipitur casus necessitatis, si proprius Parochus absit, vel præsens non possit, aut per manifestam injuriam nolit extremam Unctionem conferre, nec Superiori aditi pos-*

sit pro petenda licentia; tunc enim quilibet alius Sacerdos non excommunicatus, vel suspensus eam licitè ministrare potest. *Pirhing. num. 152.*

6 Munus prædicandi, etsi proprium Parochorum sit, ex privilegio tamen Sedis Apostolicæ competit etiam Regularibus, prout constat ex *Bulla Pauli III. incipit inter cunctas* edita 1545. ubi Religiosis Societatis JESU conceditur potestas prædicandi etiam extra Ecclesias, in omnibus locis, & publicis plateis. Alia passim videri apud TT. præsertim Morales, possunt.

## T I T U L U S XXXII.

## De Officio Judicis.

Actum hactenus de Judicibus in specie; nunc à specie ad genus descenditur. Tria hinc consideranda sunt. 1. Judicis natura, & qualitas. 2. ejus Jurisdictio. 3. potestas illius, atque Officium. Sit ergo

## §. I.

## De Natura, &amp; Varietate Judicium.

## S U M M A R I U M.

## 1 Definitio Judicis.

## 2 Divisio.

## 3 Qualitas.

Quæritur 1. quid sit *Judex*? Resp. *Judicis* nomen à *Jure*, sive *Iusto* dicendo sumptum est *c. forus 10. de V. S.* Definitur, quod sit persona legitima, quæ publicam potestatem habet cognoscendi de litigantium controversiis, & secundum præscripta Legum, locorumque consuetudinem de iisdem pronuntiandi. Ita quoad sensum omnes.

Dicitur 1. *persona legitima*, quæ scilicet à Lege non sit prohibita suscipere officium Judicis; plures enim à munere isto arcentur, ut infra dicitur *num. 3.*

Dicitur 2. *quæ publicam potestatem habet*, ut distingatur ab *Arbitro Compromissario*, qui solum privatam potestatem habet, utpote quam à privatis, ipsis nempe litigantibus, accipit.

Dicitur 3. *cognoscendi de litigantium controversiis, & iisdem pronuntiandi*; quibus verbis Officium Judicis describitur in compendio; nam in duobus consistit, causæ cognitione, & pronuntiatione sententiæ.

Addunt aliqui, & *sententiam exequendi*; sed inutiliter: non enim omnis *Judex* potestate sententiam à se latam exequendi resplendet per *l. à Divo Pio 15. in princ. ff. de re judic.*

Quæritur 2. quotuplex sit *Judex*? Resp. *Judex* alius est Jurisdictionalis, alius Notionalis. *Judex Jurisdictionalis* est, qui Jurisdictioni præest, seu qui Jurisdictionem aliquam obtinet. Hicque rursus pro multiplicitate Jurisdictionis est multiplex, Summus, & Subalternus, Ordinarius, & Delegatus, Criminalis, & Civilis &c. *Judex Notionalis*, qui etiam *Pedaneus* dicitur, est, qui nulli Jurisdictioni præest, sed nudam notionem, cognitionem, & pronuntiationem sententiæ obtinet.

Mos hujusmodi Judices Pedaneos constituendi hodie à foro recessit, relictum ramen aliquod est illorum vestigium. 1. in *Commissariis*, qui sæpissimè in foro seculari constituuntur; nam his plerumque, ut testis est praxis notoria, non Jurisdictio, sed notio causæ tantum, & amicabile partium compositio demandatur.

2. In *Camera Imperiali*, ubi examen testium, & inquisitio super puncto incidenti aliquo sæpe aliis demandatur, non ut de illo sententiam ferant, sed de eodem Judici referant.

3. In foro etiam Ecclesiastico; nam in hoc tam intra, quam extra Curiam Romanam apud Legatos Sedis Apostolicæ *Auditores* existunt, qui causas judiciales eo fine examinant, ut rem omnem ad Principales suos referant, & secundum illorum imperium, ac beneplacitum sententias promulgent, causasque decident. *Vviesner l. 2. Decret. tit. 1. n. 15.*

Quæritur 3. quinam Judices esse possint? Resp. generatim loquendo omnes, qui vel natura, vel lege non prohi-



prohibentur *can. infamis* 1. *caus.* 3. q. 7. l. *prator* 12. in *princ.* & in *fin.* ff. de *Judic.* Host. in *Summ.* §. *quis poss. eff.* *Ordin. de offic. Ordin.*

*Natura* prohibentur 1. surdus, mutus, perpetuo furiosus, & impubes; quia hi animi, illi corporis vitio impediti munus judicandi obire nequeunt *can. infamis cit.* §. *tria.* & l. *prator cit.* §. *non autem omnes* 2. & ibi In terpp.

2 Minor 25. annis, etsi jam pubes sit l. *cum lege* 41. & ibi Gloss. ff. de *recept. qui arbit.* quia qui nondum aptus est ad propria administranda, multo minus ad administrandam *Remp. l.* ad *Remp.* 8. ff. de *munerib.* Excipitur, nisi à Principe, vel consensu partium datus sit; tunc enim si major sit 18. annis, æquissimum, est sententiam ab eo datam tueri l. *quidam* 57. ff. de *re judic.*

3 De cæco distinguendum est; nam si antequam in cæcitatem incideret, Judex fuit, Judicis officio fungi potest; de novo autem, cum cæcus jam est, fieri Judex non potest l. *cæcus* 6. & ibi Gloss. V. *fungitur* ff. de *Judic.*

*Lege* prohibentur 1. infames *can. infamis cit.* nam universim infames à legitimis actibus repelluntur c. *licet* 47. §. *nec tamen de testib.* nec ipsis portæ dignitatum patere debent c. *inter* 11. de *excess. Pralat.* & l. *neque famosis* 2. C. de *dignit.*

2 Qui Senatu moti sunt propter turpitudinem l. *prator cit.* §. *non autem omnes* 2. & ibi Gloss. V. *motus* ff. de *judic.*

3 Publicè, & notoriè excommunicati c. *ad probandum* 24. de *sent. & re judic.* ubi tamen faciendum est discrimen inter excommunicatum toleratum, & non toleratum; nam si toleratus sit, acta, & sententiæ ab ipso latae validæ sunt: secus, si non sit toleratus. Sanch. l. 3. de *matr. D.* 22. n. 32. & 36. cum aliis.

4 Fœminæ, & Servi; quia receptum est, ut officiis civilibus non fungantur *can. infamis cit.* §. *tria*, & l. *prator* §. *non autem cit.* Excipiuntur fœminæ illustres, ut Regina, Principissæ, Comitissæ &c. vel quæ administrationem habent, ut Abbatissæ, Host. in *Summ.* §. *quis poss. eff. cit.*

5 Monachi, & Religiosi; quia pro mortuis reputantur. Gloss. *fin. in l. prator cit.* quod intelligi debet, si absque Prælati sui licentia Judicis munus in se suscipiat; id enim agendo illicitè agit, cum non habeat velle, & nolle proprium. Acta tamen ejus sunt valida, cum ex se potestatis judicialis non sit incapax: in quo ipse à Servo differt, cujus acta invalida sunt, nisi casu, quo propter communem errorem, & ignorantiam status jus supplet defectum l. *Barbarius* 3. ff. de *offic. Prator.*

6 Qui carent scientia requisita ad officium Judicis; nam Judicem non secundum animi sui ductum, sed secundum Canones, Leges, Statuta, itemque rationabiles consuetudines, ac mores locorum judicare oportet *cap. ex litteris* 1. in *fin. de consang. Instit. in princ. de offic. Judic.* igitur horum scientiam habere debet, talem saltem, quæ, si per Consiliarios, & Assessores juvetur, ad rectè judicandum sufficiat.

## § II.

### De Jurisdictione Judicis.

## S U M M A R I U M.

4 *Definitio Jurisdictionis.*

5 *Ejus divisio.*

6 *Merum imperium quid?*

7 *Imperium mixtum.*

8 *Modi Jurisdictionem Ordinariam acquirendi.*

9 *Datur vel ab homine, & à quo?*

10 *Vel à Lege, & à Canone.*

11 *Vel denique à Consuetudine.*

12 *Modi, quibus finitur Jurisdictio.*

13 *Non finitur Ordinaria morte concedentis.*

14 *Etiamsi data sit ad Beneplacitum ejusdem.*

15 *Quando extinguatur mandatum Judici Ordinario datum?*

4 **Q**Uæritur 1. quid, & quotuplex sit *Jurisdictio*? Resp. *Jurisdictio* Gloss. in l. *jus dicentis* 1. V. *potest* ff. de *Jurisdict.* & alii sic definiunt. *Est potestas de publico introducta, cum necessitate Juris dicendi, & æquita*

*ris statuenda.* Verum hæc definitio non videtur completi omnem *Jurisditionem*; nam *Jurisdictio Ecclesiastica* non ex *de publico*, seu autoritate Reip. introducta, sed à Christo Ecclesiæ data. Et hinc rectius alii cum Molin. tr. 5. de *Just. D.* 2. n. 1. eam sic describunt: *Est potestas alicujus auctoritatem, & eminentiam habentis super alios ex munere publico ad eorum regimen, & gubernationem.* Addidi ex *munere publico*, ut distinguatur à potestate Oeconomica, quam habet maritus in uxorem, Pater in filium, Dominus in servum, Magister in Discipulum; nam hæc privata solum est, & non *Jurisdictio* propriè dicta.

Divisiones *Jurisditionis* complures sunt, nam 1. alia est *Ecclesiastica*, alia *Politica.* Prior versatur circa causas ad Dei cultum, & spirituales animarum salutem pertinentes. *Posterior.* circa causas sæculares, & profanas, & temporalem Reip. gubernationem proximè respicit.

2 Dividitur in *Jurisditionem Ordinariam*, & *Delegatam.* *Ordinaria* est, quæ ex munere proptio, sive vi suæ dignitatis, officii, vel magistratus, quem quis gerit, exercetur l. *more* 5. ff. de *Jurisdict.* Istam habent, de quibus *Tit. præc. Delegata* est, quæ exercetur non ex munere proprio, sed præcisè ex alterius sive Juris, sive hominis commissione, de qua *Tit. 29. supra.*

3 In *Jurisditionem fori interni*, & *externi*: quæ iterum duplex est; nam alia *Jurisdictio fori externi* est *Voluntaria*, alia *Contentiosa.* Illa non nisi in volentes; hæc etiam in invitos exerceri potest: illa etiam in alieno territorio validè, & plerumque licitè exercetur: hæc non nisi in proprio, vel si in alieno quandoque, non nisi consentiente Judice, & partibus inter se contendentibus.

4 In *Personalem*, & *realem*, seu *territorialem.* *Personalis* coheret offibus personæ Judicis, cum qua etiam extinguitur: qualis est *Jurisdictio Rectorum Academicorum.* *Realis* est, quæ una cum re v. g. castro venit, ea lege ut, ipsam accipiens quasi in patrimonio habeat, & ad hæredes transmittat: qualem in Germania nostra habent multi Comites, Barones, Nobiles &c. per viam Investituræ, vel aliam similem concessionem.

5 In *Imperium*, & *Jurisditionem simplicem.* *Jurisdictio simplex* est, quæ mercenario officio Judici; *Imperium*, quod officio ejusdem nobili exercetur: & dividitur in *Imperium merum*, & *mixtum.*

*Merum Imperium* est *Jurisdictio*, quæ nobili Judici, officio, utilitatem publicam spectante, exercetur. Hujus sex omnino sunt gradus.

1 *Imperium maximum*, ad quod spectat Leges universales condere, & in eis dispensare, congregare Concilia, & Comitia generalia, bellum indicere, ac inferre, causas, remoto appellationis remedio, cognoscere, imponere tributa, & exigere vectigalia, cadere monetam, & similia facere, quæ *Regalia* appellari solent. Molin. tr. 5. de *J. & J. D.* 6. n. 1.

*Imperium majus*, ad quod pertinet facinorosos afficere pœna mortis, mutilationis, aut perpetui carceris, inferre mortem civilem per maximam capitis diminutionem, per quam olim & Jus Civitatis Romanæ, & libertas amittebatur, & secundum Jus Canonicum degradare Clericum, eumque potestati seculari tradere, excommunicare motu proptio, & non ad instantiam partis læsæ. Molin. l. cit.

3 *Imperium magnum*, quod pertinet potestas inferendi mediam capitis diminutionem, per quam Jus civitatis amittitur, retenta libertate, ubi olim fuit potestas deportandi in Insulam, cui hodie secundum nonnullos æquivalens condemnatio ad tritemes. Pirh. de *Offic. Judic. Ordin. n.* 3.

3 *Imperium parvum*, quod conceditur potestas relegandi, subjiciendi torturæ, verberandi flagellis, sed citra mortem, vel mutilationem: cujusmodi pœna etiam locum habet in foro Ecclesiastico. Molin. Pirh. l. cit.

5 *Imperium minus*, quod datur potestas leniter coercendi in corpore. Molin. Pirhing. l. cit.

6 *Imperium minimum*, ut est potestas imponendi modicam multam pecuniariam: *modicam*, inquam; nam si gravior multa pecuniaria imponatur, quod ob certas circumstantias in eam commutetur pœna corporalis, ob delictum committitur, ejus multæ impositio ad eum gradum meri imperii pertinet, ad quem pertineret pœna corporalis, quæ alioquin imponenda fuisset, Molin. loc. citat.

Mixtum



*Mixtum Imperium* est Jurisdictio, quæ exercetur nobili officio Judicis, respiciente utilitatem privatam. Etiam hoc Bartolus in *l. imperium* 3. *Jurisd.* in sex gradus distinguit. Primum appellat *Imperium mixtum maximum* ad quem pertinet concedere minoribus veniam ætatis, legitimare illegitimum, Jure infamem restituere famæ, & pristino statui, revocare sententiam, quæ transit in rem judicatam, & alia similia. Hæc soli Principi reservata sunt. Cæteri gradus, ut est restituere in integrum, constituere tutores, & curatores &c. etiam inferioribus Magistratibus competunt: hinc plura non attinet de iis dicere.

Ex gradibus meri Imperii primus de Jure competit soli supremo Principi, aliqua tamen ex illis etiam inferioribus Ducibus ab Imperatore conceduntur in feudum. Potestatem duobus ultimis gradibus comprehensam quilibet Judex Ordinarius habet, cum alioquin inefficax foret Jurisdictio, si nullam, etiam modicam, coercionem haberet conjunctam. Pirh. *de Offic. Ordin. n. 3.*

Illud autem de utroque imperio, mixto, & mero hic advertendum, quod esto, alicui à Principe generaliter concedatur potestas, & Jurisdictio tam Civilis, quam Criminalis, tam meri, quam mixti imperii, semper tamen intelligantur excepta ea, quæ ad primum gradum Imperii meri, & mixti pertinent, nisi specialiter exprimantur. Molin. *D. 6. cit. n. 3.* & ratio est; quia in generali concessione non veniunt ea, quæ quis non esset verisimiliter concessurus, ut dicitur *Reg. in generali* 81. in 6.

Quæritur 2. quot modis acquiratur Jurisdictio Ordinaria? Resp. tribus modis. 1. à Principe, cui æquiparatur Resp. sive populus, aut Magistratus Superiorem non recognoscens. 2. à Lege, seu Canone. 3. ex consuetudine legitimè præscripta: idque vel *privative* exclusio quocunque alio; vel *cumulative*, ut locus sit præventioni.

Hinc illa divisio Jurisdictionis in Separatam, Concurrentem, & Communem. *Separata* est, quæ in territorio, in quo exercetur, uni duntaxat competit, & à consorcio suo alium quemcunque excludit. *Concurrentem*, quæ pluribus cumulative competit, ita tamen, ut unusquisque per se, & nisi ab alio similem Jurisdictionem habente præveniat, in solidum possit cognoscere & definire causam. *Communis*, quæ competit cumulative pluribus ut universis, sicque simul, & complexivè, ut unus sine altero procedere nequeat.

Dub. 1. quis constituere Judices Ordinarios possit? Resp. 1. Summus Pontifex; nam ab hoc constituuntur Legati, Primates, Patriarchæ, Archiepiscopi, Episcopi, Officiales Sedis, seu Curie Romanæ, Vice Cancellarius, Camerarius, & alii hujusmodi: item Generales Ordinum Religiosorum.

2. Imperator, Reges, & alii supremi Principes: *supremi*, inquam; nam Judex inferior Principe, proprio Jure ac nomine, secluso privilegio, non potest dare alios Magistratus, & Judices Ordinarios; quia id est singulare privilegium competens soli Principi, ut constat *ex l. 2. feud. tit. 56.* Addidi *secluso privilegio*; nam

3. Etiam inferioribus Principibus inter alia Regalia sæpe ab Imperatore concedi solet, ut in suis terris constituere possint Gubernatores, & Judices Ordinarios. Et hinc licet Episcopi Germaniæ in causis Ecclesiasticis alios Judices Ordinarios, præter illos, quos Canones constitui jubent, vel permittunt, dare nequeant, quia tamen etiam sunt Principes Imperii, ejusmodi Judices dare possunt ex concessione Imperatoris ad causas profanas subditorum suorum Laicorum. Pirh. *de offic. Ord. n. 5.*

Dub. 2. quinam Iudices censentur dati à Lege, vel Canone? Resp. illi, qui secundum præscriptum Legis, vel Canonis ab homine publicam potestatem habente, vel ab Universitate, seu Collegio constituuntur.

Talis est 1. Vicarius assumptus ab Episcopo, vel Capitulo Sede vacante. 2. Archidiaconus electus à Collegio, seu Capitulo. 3. quilibet alius ab Universitate, vel Collegio, e. g. mercatorum, opificum &c. electus in Præfectum ejusdem; nam omnes isti Jurisdictionem à Lege, vel Canone habere censentur, quod Lex, vel Canon eos eligi præcipiat, vel permittat.

Est autem inter hos, & alios Judices istud discrimen, quod etsi & ipsi Jurisdictionem Ordinariam habeant, integrum tamen sit actoribus, vel coram ipsis, vel coram Superiore Judice Ordinario loci contendere; neque enim per hoc, quod hujusmodi Judices à Lege, vel Ca-

none dati sint, à Superiore Judice Ordinario loci litigantes eximuntur. Molin. *ir. 5. de J. & J. D. 8. num. 4. in fin.*

Dub. 3. an, & quomodo per consuetudinem acquiratur Jurisdictio? Resp. affirmative, si sit legitimè præscripta? Patet ex *c. cum contingat* 13. *in fin. de for. compet.* & docet *ibid.* Gloss. *V. maxime*, alique Canonistæ, & Legistæ in *l. imperium* 3. *ff. de Jurisd.* nam, ut communiter dici solet, consuetudo Jurisdictionem dat, & aufert.

Proceditque hoc non tantum de Jurisdictione simplici, sed etiam ea, quæ ad merum, & mixtum Imperium spectat; nam etiam hæc per præscriptionem, saltem immemorabilem, acquiri possunt, modò talia sint, ut aliis quoque interdum demandari, seu concedi soleant, ut rectè advertit Abb. in *c. 13. cit. num. 14. & 15.* Covar. in *Regul. possessor* p. 2. §. 2. n. 12. Haunold. *de J. & J. tom. 5. tr. 1. n. 42.* Pirhing *de Offic. Jud. Ordin. n. 7.* Engl *hic n. 23.* Vviefstet *n. 23.*

Colligitur ex *c. quod translationem* 4. *de Offic. Legat. c. super quibusdam* 26. *de V. S.* ibi: *ex antiqua consuetudine, & l. omnes* 4. *C. de præscript. 30. ann.* quæ permittitur præscriptio omnis Juris publici, & privati, in quacunque causa, & persona. Ratio est, quia postquam Præscriptio semel è Jure positivo est introducta, eidem obnoxia sunt omnia, quæ vel ex natura rei, vel ex ejusdem Juris dispositione præscribi non prohibentur, atqui nec natura rei, nec Juris dispositio prohibet Jurisdictionem præscribi, etiam quoad merum & mixtum imperium: ergo &c.

Quæritur 3. quibus modis finiatur potestas, & Jurisdictio Judicis? Quibus modis finiatur potestas, & officium Judicis delegati, dictum est *Tit. 29. a n. 40.* Superest ergo solum, ut hic dicatur, quibus modis finiatur Jurisdictio Ordinaria: quod quinque maximè modis contingit, 1. lapsu temporis, ad quod data est Jurisdictio Ordinaria. 2. morte ejus, cui data est. 3. Resignatione legitima officii. 4. depositione ejusdem ab officio. 5. translatione illius Hostien. in *Summ. de Offic. Ordin. §. & qualiter finiatur &c.* Pirhing *ibid. num. 12.* qui rectè advertit, hoc intelligendum quoad personam Ordinarii; nam alioquin Jurisdictio Ordinaria quoad Dignitatem, & Magistratum, cui annexa est, non extinguitur, sed cum ipsa Dignitate, seu Officio ad Successorem transit.

Dub. 1. utrum Jurisdictio Ordinaria expiret, per mortem Principis, à quo concessa est? Resp. non expirare: estque hoc verum, etsi res adhuc integra sit, & Ordinarius Jurisdictione illa nondum uti cœperit *c. Legatos* 2. *de Off. Leg. in 6. & quia* 6. *ff. de Juris.* Et in hoc distinguitur Jurisdictio Ordinaria à Delegata; quia delegata, re integra, per mortem delegantis extinguitur, ut dictum est *Tit. 29. n. 48.* Ratio disparitatis est, quia Jurisdictio delegata est instar mandati, quod in gratiam mandantis fieri solet: consilium ad delegantem, quàm delegatum spectat, neque istum constituit Judicem, antequam causam sibi demandatam aggredi cœperit, Aliud est in Jurisdictione Ordinaria? hæc enim, quamprimum acceptata est, tanquam gratia, & jus quoddam adheret personæ, & hanc constituit in statu, & dignitate Judicis. unde sicut gratia facta, ita & ipsa etiam morte concedentis persistit.

*Excipitur* specialiter Vicarius Generalis Episcopi, qui licet Jurisdictionem Ordinariam habeat; tamen eam amittit per mortem Episcopi etiam quoad negotia jam cœpta, ex singulari ratione; quia eam non nisi dependenter à Tribunali Episcopi accepit.

Dub. 2. utrum morte concedentis persistat Jurisdictio, concessa à Principe ad suum beneplacitum? *Ratio dubitandi est*; quia etiam gratia Principis ab eo concessa ad beneplacitum suum morte concedentis expirat. Sed etiam si hoc verum sit de gratia Principis, contrarium tamen tenendum de Jurisdictione Ordinaria, & dicendum, etiam, etsi ad beneplacitum Principis concessa sit, morte concedentis non extingui. Ita Sanch. *l. 8. de matr. D. 28. n. 5.* & alii ab eo *citt.* Ratio est favor, & utilitas publica; quæ in Jurisdictione Ordinaria conservanda versatur.

Dub. 3. an morte Superioris extingatur mandatum ab eo datum Judici Ordinario, vel Officiali? Certum est non expirare, quando Superior ei mandat aliqua, quæ ad Ordinarium ejus officium spectant v. g. ut subditum suum corrigat &c. hoc enim casu non censetur ei novam Jurisdictionem committere, sed excitare tantum jam antè obtentam.

*Majus dubium est*, quando eidem Superior commit-



rit aliquid, quod ad officium ipsius Ordinarium non pertinet: & ratio dubitandi est; quia tunc revera est Jurisdictio Delegata. Difficultas tolli distinctione potest, an scilicet committatur istud eodem mandato, quo mandatur jurisdictio Ordinaria, an distincto. *Si primum*, morte concedentis non extinguitur, sed potest executioni mandari etiam post mortem illius; quia tale mandatum censetur esse assessorium Jurisdictioni, aut officio. *Si secundum*, morte concedentis expirat; quia est Jurisdictio delegata, & disparata,

## §. III.

## De Officio, &amp; Obligatione Judicis.

## S U M M A R I U M.

- 16 Officium Judicis, & hujus divisio.
- 17 Mercenarium quod?
- 18 Nobile.
- 19 Quando hoc exerceatur motu proprio?
- 20 Quando ad instantiam?
- 21 An opus sit contestatione litis?
- 22 Obligatio Judicis.
- 23 Quando supplere à partibus omissa possit?
- 24 An rigorem Juris præferre aequitati?
- 25 An tenere communem sententiam præ alia sibi magis probabili?
- 26 An condemnare, quem scit esse nocentem, quia tamen nondum probatus est nocens?
- 27 28. 29. 30. 31. 32. An condemnare innocentem, qui probatus est nocens.

16 **Q**Uæritur I. quod sit Officium Judicis, & quotuplex? Resp. Officium Judicis, ut illud definit Mynsing. *ad Inst. h. tit. n. 4.* est potestas, quæ ad dirimendas lites, tollendaque gravamina quomodolibet secundum æquitatem exercetur, ut per hoc omnium tranquillitati privatim, & publicè consulatur. Brevius describi potest, quodd sit munus publicum cognoscendi, & definendi res judicio postulas. *Konig hic n. 1.* Duplex est, Nobile, & Mercenarium: & prius quidem dupliciter impendi potest, videlicet vel motu proprio, vel ad instantiam, sive implorationem partis.

17 Dub. 1. quod sit Officium Judicis *Mercenarius*? Resp. ita dicitur non à *Mercede*, quæ in Judice sordes redoler, sed quia servit actioni. Et hinc describitur esse illud, quod actioni Civili in judicio propositæ subservit, & impenditur; sive quod Judex impertitur ad instantiam actoris, proposita actione petentis, quod sua interest, & ab altero, cum quo litigat, stricto Jure debetur. *Pirhing. n. 1. hic. Vviesl. n. 9.*

Hoc exercere censetur Judex 1. quando aliquid ex Jure stricto, & non ex mera æquitate in judicio præcipit, prohibet, permittit. 2. quando sententiam sive interlocutoriam, sive definitivam super re in judicium deducta, & alteri stricto Jure debita. 3. & hoc procedit non tantum, quando pronuntiat super re principaliter in judicium deducta, sed etiam cum super fructibus, damnis, sumptibus litis, aliisque accessoriiis. *Schneidevvin. §. 11. Inst. de action. numer. 10. Matth. Stephan. de Offic. Judic. l. 2. c. 5. num. 5. & 6. Vvieslner l. cit. & alii*, quos hi allegant.

18 Dub. 2. quod sit Officium Judicis *Nobile*? Resp. *Nobile* officium Judicis dicitur, quod per se stat, h. e. quod non præcisè deservit, & aligatur actioni, vel exceptioni propositæ à litigante, sed à Judice sua auctoritate, sive motu proprio, & parte non implorante, vel implorante quidem, sed tamen actionem strictè dictam non habente exercetur. Et hoc contingit dupliciter, scilicet vel adjuvando Jus commune, ut si Judex parti pauperi ex officio deputer advocatum, pupillo constituat tutorem, litigantibus Judicem specialem &c. vel Jus commune impugnando, ut si concedatur restitutio in integrum, qua rescinditur id, quod de Jure aliàs validum est.

19 Dub. 3. quando Judex censetur exercere Officium *Nobile motu proprio*? Resp. tunc, quando Judex ex mero officio suo, nulla parte implorante, ob solam utilitatem publicam, interponit auctoritatem suam: quod pluribus modis potest contingere.

1 Cum Leges fert, in delicta inquirat, facinorosos puniat &c. *c. qualiter 24. de accus.*

2 Cum furiosis, pupillis, & aliis miserabilibus personis constituit tutores, curatores, advocatos, defensores *c. ex litteris 1. h. tit.*

3 Quando subditis, etiam non conquerentibus, contra Domini sævitiam providet, ne indebitè, & plus æquo vexentur *l. illicitas 6. §. ne potentiores 2. ff. de Offic. prefid.*

4 Quando possessionem, de qua partes contendunt; utrique aufert, & sequestrat, donec cui momentanea possessio adjudicanda sit, summarie cognoscatur, *Gaill. l. 1. obs. 5. n. 2.*

5 Quando terminata per sententiam lite, ad executionem ejusdem progreditur. *Matth. Stephan. de Offic. Jud. l. 2. c. 5. n. 7.* quia lata sententia definitiva, Judex functus censetur officio suo mercenario, quod propterea expirat, adeo ut nec de expensis postea pronuntiare valeat. *l. Judex 55. & l. cum querebatur 62. ff. de re judic. l. terminato 3. C. de fruct. & lic. expens.*

Dub. 4. Quando Judex exercere possit Officium nobile *ad instantiam*, sive *ad implorationem partis*? Resp. hoc multis modis exerceri posse.

1 Quando implorans nullam habet actionem, ut si minor sua facilitate, cum eum nemo deciperet, rem improvidè vendendo læsus in integrum restitui petit. *c. fin. h. tit. & l. hoc edictum 1. ff. de minor.*

2 Quando implorans actionem propriè dictam non habet, ut cum filius, cui pater alimenta negat, idem officium Judicis implorat, ut tanquam filius agnoscatur, & alatur *l. lis nulla 4. ff. de judic.*

3 Quando actionem quidem habet, quia tamen imploratio officii Judicis compendiosior, & propter periculum moræ expeditior ipsi videtur, mavult uti hac via, quam ordinaria Juris, & propterea petit, ut Judex jubeat adversarium desistere à gravamine. *Bald. in l. omnis 2. C. de Episc. aud.*

Dub. 5. an, cum imploratur Officium nobile Judicis, 2. I. opus sit contestatione litis? Resp. *Certum est* 1. non esse necessariam, imò ne locum quidem eidem esse casu, quo non imploratur officium Judicis adversus aliquem, ut si quis petat ab Excommunicatione absolvi, ut possit in judicio agere, restitui famæ, ut possit postulare &c. ratio est, quia tunc non est adversarius, cum quo lis contestetur.

*Certum est* 2. similiter non habere locum litis contestationem, quando officium Judicis imploratur adversus personam incertam, e. g. contra furem ignotum, qui imploranti rem suam abstulit; quia in hoc casu ignoratur, cum quo contestatur lis.

*Dubium* ergo procedit, quando Officium Judicis imploratur adversus certam personam: & tunc distinguendum est, an officium Judicis imploreretur principaliter, ita ut opus sit plena cognitione causæ, an incidenter tantum.

*Si primum*, litis contestatio necessaria est; quia eo casu ipsum officium Judicis imploratum actionis loco succedit: conf. sicut in aliis actionibus, ita & hoc casu post oblatum libellum litis contestatio cognitioni causæ præmitti debet.

*Si secundum* contingat, ut cum advocatus petit admitti exceptionem ante ingressum litis, vel post illum, quam intra debitum tempus non proposuit, tunc litis contestatione opus non est; quia vel non requiritur plena causæ cognitio, vel sufficit litis contestatio subsequens, aut præcedens in negotio principali. Ita Gregorius IX. *c. fin. h. tit.* & notat *ibid. Gloss. V. pro actione.*

Quæritur 2. quæ sit obligatio Judicis? Resp. obligatio Judicis est, ut sincerè, atque secundum Jura, & æquitatem judicet.

Hinc 1. cavebit, ne flectatur ira, odiò, timore, precibus, vel amicitia; hæc enim justitiam, & æquitatem subvertunt.

2 In judicando respectum personarum non habebit; quia *in judiciis non est acceptio personarum habenda*, ut dicitur *Reg. 12. in 6.*

3 Abstinebit à muneribus, ne venales sententias habeat: & hinc non accipiet quidquam etiam ab eo, qui bonam causam habet, ut secundum eam pronuntiet; quia justitia non est pretio æstimabilis *can. qui rectè 66. caus. 11. q. 3.*



4 In discutienda causa veritatem sectabitur: & propterea cuncta rimari, & ordinem rerum plena inquisitione debet discutere, quousque ad rei veritatem pertingat, ut dicitur *can. judicantem* 11. *caus.* 30. q. 5.

5 Nihil ex arbitrio domesticæ voluntatis faciet, sed ordinariè juxta Leges, ac jura, pronuntiabit, præsertim inferior, nisi recessum à Juris rigore æquitas suadeat; nam hujus magis, quàm illius ratio haberi debet *l. placuit* 8. *C. de judic.* quod quomodo intelligendum, vide *num.* 24.

6 Si causa civilis ex parte unius litigantis appareat probabilior, & justior, quàm ex parte alterius, in illius potius, quàm hujus favorem sententiam feret; contrariam enim sententiam damnavit Innocentius XI. *die* 2. *Martii* 1679.

7 Si æqualis ex utraque parte flet probabilitas, rem litis subjectam æqualiter inter partes litigantes dividet, si secundum pretium sit divisibilis; vel si divisibilis non sit, eam ex consensu partium per sortes adjudicabit uni, vel aliter partes inter sese componet, nisi alteruter favore possessionis gaudeat.

8 In criminalibus potius favebit reo: hinc si iste causam probabilem, et si minus probabilis sit, nutriat, condemnare illum non potest, quippe quod fieri solum ex probationibus, luce meridiana clarioribus potest *l. fin. C. de probat.*

9 Nunquam judicabit in causa propria; nisi in casibus à Jure permissis, vel quando Judex est Princeps supremus; nam iste causas inter se, suosque subditos exortas potest cognoscere, & decidere, hoc ipso, quòd Judicem alium nullum habeat *c. cum venissent* 12. & *ibi* Abb. *n.* 6. *de Judic.*

23 Dub. 1. an, & quibus casibus Judex ex officio supplere possit, vel etiam debeat omitta à partibus litigantibus, vel earum Advocatis? Resp. cum distinctione; nam ea, quæ sunt Juris, supplere potest; non verò ea, quæ ad factum spectant, saltem regulariter. Ita Gloss. *in c. bone* 3. *V. curavimus allegare de postull. Prælat.* Brunem. *in l. un. C. ut que desunt Advocat. part. Jud. supp.* Haun. *tom.* 5. *de J. & J. tr.* 2. à *num.* 51. Pitching *hic n.* 19. Konig. *num.* 16. Reiffenstuel à *numer.* 73. & novissimè Clarissimus P. Schmier *tr. de Judiciis c.* 2. *num.* 60. & *seqq.* Patet ex *l. un. cit.*

Ratio *primæ partis* est, quia illa ad officium Judicis spectant, conf. in judicio non potest Judex omittere. Talia sunt examinare libellum ab actore oblatum, eumque rejicere, si malè conceptus sit, deferre juramentum calumniæ, dare dilaciones parti petenti &c.

Ratio *secundæ partis* est, quia Judex non debet assumere officium partium. Ec hinc si pars omittat exceptiones proponere, producere testes, instrumenta, & alias probationes, petere à Judice sententiam ferri, vel aliquid aliud, quod in facto tantum consistit, regulariter loquendo Judex illud supplere non debet.

Dixi *Regulariter*; nam plures sunt casus, in quibus Judex ex officio suo supplere, & in medium proferre potest, & debet etiam ea, quæ ad factum spectant. Er talis est 1. si factum sit notum, ipsi ut Judici v. g. ex atestationibus, vel aliis actis in publicum judicium deductis. Brunem. *l. cit. num.* 2. 2. si factum sit notorium, quod nulla probatione indiget. Haunold. *l. cit. num.* 54. & 55. 3. si vertatur periculum animæ, ut frequenter accidit in causis matrimonialibus. Laym. *in c. bone cit. cas.* 3. 4. si testes notoriè indigni sint. Abb. *in c. cit. numer.* 9. 5. si in favorem boni publici, causæ piæ, vel miserabilium personarum cedat. Brunem. *num.* 7. 6. Quando Judex contra absentem procedit in contumaciam; tunc enim, ut justam ferat sententiam, inquirere in jura absentis, & ea etiam, quæ facti sunt, supplere potest, & debet. Brunem. *n.* 8. & alii *citt.*

4 Dub. 2. debeatne Judex amplecti sententiam in expressa Lege fundatam, quando sententia contraria ipsi videatur æquior? Resp. affirmativè. Ita Less. *l.* 2. *de J. & J. c.* 29. *n.* 45. Brunem. *in l. prospexit* 12. §. *ipsa* 1. ff. *qui, & à quib. manumiss.* P. Konig. *hic n.* 28. P. Schmier *l. cit. n.* 66. & militat apertè *l. prospexit. cit. ibi: Quod quidem perquam durum est, sed ita Lex scripta est.* Ratio est, quia si Lex justa est, etiam æqua est; & Judicis est Leges non mutare, sed applicare. Accedit; quia si cuivis Judici obtentu æquitatis recessus liceret à Lege, nulla Lex foret à recessu, & contemptu immunis.

Schmalzgrueber Tom. I.

*Excipitur* 1. quando constat mentem Legislatoris esse aliam, nec voluisse hunc casum comprehensum sua Lege; enim ne summum Jus fiat summa injuria, utendum Epiikia erit, & relictis verbis, tanquam cortice, sequenda ejusdem mens, tanquam anima Legis. Neque opus est eo casu Legislatorem, vel Superiorem consulere, ut quidam volunt; quia non opus est inquirere de mente, quando de ea constat.

*Excipitur* 2. quando non quidem constat, sed probabilius est aliam Legislatoris esse mentem, & res non patitur moram, ut Superior consulatur; nam etiam tunc contra rectam rationem foret verba sequi. Less. *l. cit. num.* 47.

*Excipitur* 3. quando verba Legis duplicem involvunt significationem, aut nonnihil obscura sunt, vel aliam Legem obstantem habent; tunc enim strictum Jus ex æquo, & bono interpretari oportet P. Schmier *l. cit. num.* 68.

Dub. 3. an Judex teneatur sequi communem sententiam, quando contraria ipsi apparet probabilior? Resp. negativè. Constat ex variis textibus, Juris Divini *Exod.* 23. v. 2. Canonici *c. Capellanus* 4. *de fer. Civilis l. Deo auctore* 1. §. *sed neque* 6. *C. de Vet. Jur. enucl.* & *l. nemo* 13. *C. de sent. & interlocut.* qui, & alii textus complures id volunt, ut Judex non attendat, quid alii judicaverint, sed juxta propriam conscientiam, & scientiam causam dirimat. Ratio est, quia Judex secundum merita causæ judicare debet; atqui tanto majora sunt causæ merita, quanto pro illa probabilior stat sententia. ergo quidquid alii judicaverint, non hi, sed illa sequenda est, cum sæpè contingat errare turbam.

Quæritur 3. quam scientiam possit, & debeat sequi 26 Judex, an privatam, quam obrinuit visu, auditu, vel alio sensu; an verò publicam, quam comparavit ex allegatis, & probatis?

*Certum est* 1. quòd Judex non possit condemnare reum, quem privata scientia scit certò nocentem esse, si ille de crimine nondum convictus, vel in judicio spontè confessus est. Ita Haunoldo teste *tom.* 1. *tr.* 2. *num.* 27. omnes TT. & Juristæ cum S. Thom. 2. 2. q. 67. art. 2. Ratio est, quia si Judex id posset, vel Judex inferior posset, vel supremus: *non inferior*; quia hic non haberet potestatem aliam, quàm quantam ipsi Princeps concessit. Atqui iste aliter potestatem judicandi Judici inferiori non dedit, quàm ut procedat secundum allegata, & probata. *Non etiam hoc potest Judex supremus*; quia nec iste majorem potestatem habet, quàm quanta à communitate in ipsum translata est, à qua promanar omnis potestas Principis. non est autem credibile, quòd communitas potestatem dederit Principi suo unius privato judicio sine publicis allegatis, & probatis reos absolvendi, vel condemnandi; nam hæc potestas in publicum foret noxia, & licentiam daret exercendi tyrannidem, evertendique judicia publica cum Reipubl. damno maximo. *Neque obstat*, quòd aliàs dicatur testimonium Principis plurimum testimonio vel æquivalere, vel prævalere; id enim, ut rectè advertit P. Schmier *l. cit. numer.* 29. tunc solum procedit, quando materia pendet ab alto Principis dominio, ut v. g. contingit in testamentis, donationibus &c.

*Certum est* 2. quòd Judex debeat probare media omnia, omnemque diligentiam adhibere ad liberandum reum illum, quem privata scientia scit esse innocentem. Ita certum est apud omnes. Media autem varia esse possunt. 1. iterum, & exactius examinare testes, & instrumenta, interrogando circumstantias loci, temporis, &c. ut vel sic falsitatem testium deprehendat, 2. inquirere causas, ob quas repellere possit accusatio, 3. dissimulanter permittere, ut innocens ex carcere fugiat, modò id sine scandalo fieri possit. 4. remittere causam ad Judicem superiorem, & coram illo testimonium ferre de innocentia rei sibi privatim cognita. 5. reum absolvere per potestatem absolutum, si Judex sit supremus, cum etiam omnino possit aliquando pœnam debitam condonare &c.

*Certum est* 3. quòd, si his, & aliis mediis adhibitis nihil proficiat, Judex inferior per sententiam ejusmodi reum non possit absolvere, quia sententia ferri debet secundum scientiam publicam, non privatam, ut iterum faciliè concedunt omnes.

Controversia in id recidit, an eo casu Judex reum, per alle-



allegata, & probata convictum, per sententiam condemnare possit? In qua tres omnino sunt DD. sententiæ.

*Prima* negat universim, quod Judex unquam, & in ulla causa condemnare per sententiam possit, quem privata scientia certò scit innocentem esse. Ita Abb. *in c. pastoralis* 28. §. *quia verò* num. 8. *de offic. deleg.* & alii apud Covar. *l. 1. var. c. 1. num. 3.* quos sequitur Besold, *de process. c. 3. th. 1. l. 6.* Konigl. 2. *Decr. tit. 19. num. 38.* & novissimè P. Schmier *l. cit. num. 32. & seqq.* Fundantur 1. textu *Exod. 23.* ubi inter alias Leges Judici Deus, *Non suscipies*, inquit, *vocem mendacii, nec in judicio plurimorum acquiesces sententia, ut à vero devies.* 2. *c. cum aeterni* 1. *de sent. & re judic. in 6.* dicitur, *injustè condemnari à Judice, quem aeterni Tribunal Judicis reum non habet.* talis autem utique est, qui privata scientia Judicis certò innocens esse scitur. 3. *l. illicitas* 6. §. *veritas* 1. *ff. de Offic. Pras.* jubetur Judex judicare secundum ea, quæ probantur. atqui tali casu non probatur Judici, quod reus sit nocens; probare enim est Judici fidem facere, quod repugnat hoc casu fieri, cum certus sit de innocentia rei. ergo &c. 4. inducta ad unum effectum, non debent contrarium ejus operari *Reg. 61. in 6.* nec obtento fine, attendi amplius media ordinata ad illum finem *arg. l. 7. in fin. ff. de Senator.* atqui actorum observatio, & probatio inducta est tanquam medium, quo constet de veritate *l. 3. ff. & l. 4. C. de testib.* ergo cessat, obtenta à Judice veritate, & non debet contra veritatem aliquid operari, aut ad illam suprimendam usurpari à Judice. 5. præsumptio cedit veritati. atqui allegata, & probata in judicio tantum præsumptionem faciunt. ergo casu, quo in mente Judicis veritas est, quod allegata, & probata sint falsa, non hæc, sed illa est attendenda, ne Judex contra conscientiam suam judicet. 6. occidere innocentem non est minùs intrinsecè malum, quam carnaliter cognoscere eam. atqui nullo casu licitum est alicui cognoscere eam, quam privatim certò scit non esse suam, quamvis per legitimos testes probatum sit, quod sua sit, & Judex pronuntiaverit matrimonium ipsorum validum esse. ergo nec licebit innocentem occidere, qui privatim talis esse scitur, licet per allegata probatus sit nocens.

39 *Secunda sententia* priori extremè contraria contendit, posse, ac teneri Judicem semper proficere sententiam secundum allegata, & probata in quacunque causa, etiam damnando innocentem, qui probatur nocens, si aliud medium non occurrat. Ita S. Thom. 2. 2. q. 64. a. 6. ad 3. Covar. *l. cit. c. 1. n. 3.* Clat, *pract. crim. §. fin. q. 66. n. 2.* Sayr. *Clav. Reg. l. 12. c. 8. num. 13.* Sanch. *l. 6. Conf. c. 1. dub. 17. num. 11. & 15.* Azor p. 1. l. 2. c. 17. q. 8. Dicast. *l. 2. rr. 1. D. 4. dub. 5. n. 68.* & alii ab his *citt.* Nuntuntur 1. textu *Deut. 17.* ibi *in ore duorum, vel trium testium peribit, qui interficietur.* 2. *c. pastoralis* 28. §. *quia verò de offic. deleg.* ubi decusum extat, quod Judex Ordinarius debeat exequi sententiam delegari, *etsi sciat esse injustam.* ergo etiam ferre illam poterit, si is, in quem fertur per allegata probatus sit nocens. 3. Judex est persona publica, & ut persona publica judicat. ergo etiam secundum scientiam publicam, ita ut scientia privata ad officium Judicis impertinenter se habeat, neque ab ipso sit attendenda. 4. si scientiam publicam, ex allegatis, & probatis acquisitam, sequi Judices in judicando non deberent, occasio præberetur Judicibus, ut pecunia corrupti nollent reum, per Juridicas probationes convictum, condemnare; dicere enim possent, quod privata scientia noverint, eum certò innocentem esse. 5. non debet plus credi uni testi, quam duobus, vel pluribus. hoc fieret, si Judex in judicando sequi deberet suam potius, quam aliorum testimoniam, & assertionem. 6. potuit Deus Judici dare potestatem, ut occidere, & condemnare etiam innocentem secundum allegata, & probata possit; & eam datam eidem esse probari necessitas, ne facile Judex suam unius opinionem communibus aliorum sententiis anteponeret, sicque judiciorum sinceritatem adverteret, ergo &c. 7. si Judex condemnare talem non possit, ideo non posset, quia est innocens. atqui innocens non amplius est, qui testibus & aliis probationibus publicis convictus est; nam secundum scientiam publicam Judicis nocens est. ergo &c.

30 *Tertia sententia* inter utramque priorem media distinguit, & in causis civilibus quidem, & criminalibus

minoribus cum prima affirmat Judicem posse ferre sententiam secundum allegata, & probata contra privatam suam scientiam; negat autem in causis criminalibus majoribus, ubi agitur de pœna mortis, vel mutilationis, quo casu istius sententiæ patroni volunt, Judicem, si aliter declinare condemnationem innocentis nequeat, teneri potius cedere officio suo, quam sententiam in innocentem ferre. Ita Less. *l. 2. de J. & J. c. 29. à n. 78.* Laym. *l. 2. Theol. tr. 6. c. 2. n. 8.* Card. de Lug. *tom. 2. de Just. D. 37. sect. 4. num. 45.* Haunold. *tom. 1. de J. & J. tr. 2. n. 38. & seqq.* Pirhing *hic n. 8. & seqq.* Reinffestuel *ibid. n. 46.* & alii ab ipsis *citt.* quibus subscribo.

*Ratio primæ partis est*, quia Resp. ex gravi causa propter bonum commune potest disponere de bonis externis subditorum, his ea auferendo, & transferendo ad alios. talis causa justa, & sufficiens videtur esse in nostro casu, ne ordo, aut forma judiciorum publicorum pervertatur, aut impediatur, quod faciliè fieri posset, si privata scientia prætextu Judex aliter judicare posset, quam quomodo deberet secundum allegata, & probata. ergo &c. Neque hoc ullus civium merito agrè ferre potest, ac queri sibi injuriam esse factam à Judice per talem sententiam, cum videat se ab illo juvari non posse, nec par esse, ut Judex adigatur ad deferendum officium, quippe cum Reip. plurius inter sit bonos habere Judices, quam tali casu subditorum bona de fendi: præsertim cum probabile admodum sit, per hujusmodi sententiam materialiter injustam, utpote quæ falsa præsumptione nititur, dominium rei, in multam adjudicatæ alteri, non amitti, sed jus recipiendi illam ab eo, cui adjudicata est, retineri à pristino possessore, ita ut si aliter recipere illam ab eo nequeat, occultæ compensationi locus sit. *Excipitur*, si sint bona publica Reip. ut officia, beneficia; nam de his Ecclesia, vel Resp. liberius disponere, quam de bonis privatorum potest: proinde quando aliquis per sententiam, legitimo Juris ordine observato, istis privatur, etiam dominium illorum amisisse censetur, ut aliis *citt.* advertit Less. *l. cit. n. 48.*

*Partem secundam* probant Argumenta allata pro prima sententia, maximè 4. 5. & 6. Conantur quidem respondere ad illa Adversarii; sed responsiones illorum facilem patiuntur impugnationem. *Dicunt* 1. eo casu non innocentem, sed nocentem occidi; nam secundum allegata, & probata est publicè nocens. *Sed contra est*; quia aliorum opinio, & calumniæ non possunt aliquem nocentem ex innocente facere; aliàs etiam Susanna fuisset nocens, quam tamen Scriptura innocentem vocat *Dan. 13.*

*Dicunt* 2. hujusmodi eadem aut mutilationem innocentis tantum indirectè esse voluntariam, & per accidens sequi, quatenus Judex directè intendit rectè exercere judicium, & servare publicum judiciorum ordinem, cui indirectè, & per accidens conjuncta est occisio innocentis. atqui occisio innocentis indirecta, si fiat ex causa justa, culpa caret, ut patet in obsidione urbis, in qua emissis globis, sæpe innocentes pro nocentibus feriuntur. *Sed negatur paritas*: occisio innocentum in obsidione urbis indirecta est, quia directio tormenti versùs urbem obsessam, quæ directè intenditur, est actus separatus, & distinctus ab occisione innocentis; cùm econtra sententia condemnatoria ad mortem sit actus cum occisione innocentis moraliter saltem conjunctus, & ab ea inseparabilis, ut proinde non videam, quomodo non etiam ipsa directè intendatur.

*Dicunt* 3. quod occidere innocentem non sit ita intrinsecè malum, ut non possit ex gravibus causis cohonestari; si enim ob bonum commune, ne perturbetur Resp. & via injustitiis pandatur, magistratus verum dominum, quantumvis innocentem, potest private bonis alioquin propriis, quare non etiam ob finem eundem vita? *Sed iterum negatur paritas*; nam in bona externa subditorum Reip. competit dominium alium, in vitam verò, & membra hominis dominium soli DEO proprium est: est igitur causa, quare eum ita bonum Reip. exigit, subditus innocens spoliari bonis externis possit, cum hoc sit effectus domini alti Reip. competentis; non verò est causa, quæ licitam faciat directam occisionem innocentis, qui scitur talis esse, & certò.

*Argumenta secundæ sententiæ* non sunt ita efficacia, ut non ad illa competens solutio dari possit. *Ad* 1. ibi solum præcipitur, ne aliquis condemnetur, nisi duobus, vel



vel tribus testibus convictus sit; non verò, ut condemnatur semper, quem duo, vel tres reum testantur, cum multa intervenire possint, propter quæ duorum testimonium non sufficiat ad ferendam condemnationis sententiam. *Ad 2.* ibi solum agitur de pœnis minoribus, quas dixi à Judice secundum allegata, & probata inferri etiam innocenti posse; agitur enim in eo textu de Judice Ecclesiastico, qui in causa sanguinis non cognoscit. Deinde esto, generaliter intelligendus sit, exponendus est de casu, quo sententia delegati non est injusta notoriè; tunc enim Judex ordinarius potest judicium suum delegato submittere, & credere, quod justè, & licitè sibi executionem mandaverit. *Ad 3.* publica illa scientia Judici tantum prodest ad ferendam sententiam tantum, quamdiu præsumere potest id, quod publicè probatum est, esse verum; atqui hoc præsumere non potest amplius, quando privata scientia certò novit reum, qui publicè probatus est esse nocens, innocentem esse, ergo &c. *Ad 4.* imprimis idem, vel majus periculum est in adversa sententia; posset enim Judex subornare testes, ut dicerent reum esse, quem ipse oppressum veller. Deinde hoc periculum non habet locum, quia in foro externo ipsi Judici, dicenti reum publicè convictum innocentem esse, non debet haberi fides, nisi id probet; sed potius puniendus est propter publicæ Justitiæ ordinem, seu processum non servatum: unde non facilè ei periculo se exponet, nisi propria conscientia urgeatur. *Ad 5.* non est contra rationem credere magis sibi ipsi, quàm mille testibus, posito, quod quis non nudam fidem, sed certam scientiam habeat; nam hæc prævalet mille testibus, qui solum fidem, non evidentiam rei faciunt. *Ad 6.* patet ex responsione *ad 4.* idem, vel majus subversionis Judiciorum periculum esse in adversa sententia: unde donec hujus Patroni probent, etiam in nostro casu concessam Judici potestatem auferendi vitam homini, in possessione manebit præceptum negativum *Non occides*. *Ad 7.* qui per allegata probatus est nocens, solum talis est præsumptivè, quæ præsumptio contraria veritate tollitur.

## TITULUS XXXIII.

## De Majoritate, &amp; Obedientia.

Inter Ecclesiasticos Judices, ut vidimus, diversi sunt gradus, pro quorum diversitate diversa est horum excellentia, & pro excellentia diversa debetur reverentia, & obedientia. Hinc merito ad calcem quartæ hujus partis præfens subjicitur Titulus, cujus Rubrica bipartita cum sit, ideo etiam per duos §§. expli catur.

## §. I.

## De Majoritate.

## SUMMARIUM.

- 1 2 3 4 5 Capita, quæ Majoritatem tribuunt.
- 6 Quæ Abbatum præminentia?
- 7 Quæ Vicarii Generalis?
- 8 Protonotariorum Apostolicorum?
- 9 Ecclesiarum, & Clericorum inter se?
- 10 11 Quis controversiarum in hac materia ortarum Judex?

Quæritur 1. quid sit Majoritas, & unde desumatur in Clericis? Resp. Majoritas in genere, ut Valens, *hic n. 1.* cum aliis explicat, est excellentia unius personæ. In Clericis variis modis potest contingere.

1 Et ante omnia attendenda est excellentia dignitatis. In hoc ordine primum in Orbe Christiano locum obtinet Summus Pontifex, ut qui absolutam, & toto Orbe diffusam potestatem habet, qua ceteras potestates omnes, & ipsum etiam Imperatorem excellit. 2. proximo à Pont. loco consistunt S. R. E. Cardinales, ad quem dignitatis gradum, ut *Tit 31. n. 12.* dictum est, circa tempora Bonifacii VIII. & Clementis V. evecti sunt: & quidem merito; quia cum Pont. gubernant universam Romanam Ecclesiam, & unum cum eo corpus constituunt. 3. Cardinales subsequuntur Patriarchæ, *Schmalzgrneber Tom. I.*

& Primates; hos Archiepiscopi; istos Episcopi, aliique Prælati: & demum ceteri Clerici.

2 Inter eos, qui dignitate sunt pares, attendenda est prærogativa Ordinis *can. fin. dist. 17. can. à Subdiacono 5. dist. 93. c. statumimus 15. h. tit.* Et hinc primum inter Cardinales locum obtinent Cardinales Episcopi, secundum Cardinales Presbyteri, ac demum Cardinales Diaconi. Idem de Jure dicendum foret de Canonicis Ecclesiarum Cathedralium, & Collegiarum. *De Jure*, inquam; nam de consuetudine, vel per particularia locorum Statuta hodie passim prius recepti Canonici, etsi posterius, receptis inferiores sint Ordine, istos tamen præcedunt loco, iisque præferuntur in consequendis Præbendis.

3 Siqui dignitate, & Ordine plures sunt, de Jure (nam in praxi parum hoc observatur) attendi deberet ad Dignitatem, vel Præcedentiam Ordinantis, aut certum gradum conferentis. Hinc 1. qui à Summo Pont. e. g. ordinatus est Sacerdos, præferendus est reliquis Sacerdotibus ordinatis ab Episcopo *c. per tuas 7. h. tit.* ut in Ordinato exhibeatur honor, & reverentia Ordinanti. 2. Similiter Episcopi, & Prælati exempti in Synodo Provinciali præcedunt Episcopos, & Prælatos non exemptos *arg. c. ut Apostolica 6. de privil. in 6.* ubi dicitur, quod Abbates Exempti, dum sunt in Synodo, uti possint mystra pretiosiore, quàm non exempti. 3. Eadem ex ratione receptus in Canonicum Autoritate Papæ in assecutione Præbendæ antefendus est recepto ab alio inferiore, licet iste sit prius receptus *capit. hi qui 12. de Præb. in 6.*

4 Si cetera omnia paria sint, majoritatem, seu præminentiam dabit antiquitas, sive prioritas temporis, ita ut is, qui prius ordinatus, aut institutus est in Ecclesia, ceteros post ipsum ordinatos, vel institutos in sessione, Processionibus, Suffragio, Subscriptione, Sigilli appositione, & aliis ejusmodi prærogativis præcedat, ut habetur *c. cum certum 1. h. tit.* & docet Magister usus. Et sufficit, quantumvis in possessione capienda uno tantum die, hora, vel momento præcesserit, ut aliis *citt. ad verit P. Vviestner hic n. 11.*

5 Denique præcedentiam tribuit privilegium. Sic inter Cardinales Episcopos primus eminet Hostiensis; quia ipsius est Papam consecrare, & Imperatorem inungere. Sic inter Patriarchas Alexandrinus præcedit Antiochenum, & utrumque, quamvis posterior tempore, Constantinopolitanus *ex Decreto Concil. Constantin. 1. can. 5.*

Quæritur 2. quis in Diocæsisbus post Episcopum honoratorem locum obtineat? Non convenient DD. alii qui enim hunc tribuunt Vicario Generali Episcopi; alii Abbatibus, & Præpositis habentibus Conventum, vel Collegium, cui cum Jurisdictione Ordinaria præsent; alii Canonicis Cathedralibus; & rursus alii Protonotariis Apostolicis. Hinc plura exurgunt dubia.

Dub. 1. quem locum Dignitatis obtineant Abbates, & Prælati Regulares comparatione Canonicorum Ecclesiæ Cathedralis? Resp. adhibendam distinctionem, qua utuntur Felin. *in c. meminimus 13. de accus. num. 6. Dec. conf. 162. col. 1. Abb. inc. 12. de præscript. num. 2. Tamb. de Jur. Abb. D. 25. q. 2. à num. 9. Vviestner hic num. 23.* & cum his dicendum, si Canonici Cathedrales collegialiter incedant, præcedentiam ipsos habere præ Abbatibus; secus, si incedant singuli, ita ut Ecclesiam Cathedrali non repræsentent.

Ratio 1. partis est; quia tunc repræsentant Ecclesiam Cathedrali: unde sicut ista dignior est Abbatiali, & quacunque alia Ecclesia inferiore, ita etiam ejus Canonici, dum eam repræsentant, præ aliis omnibus honorandi erunt.

Ratio 2. partis; quia Abbatialis dignitas omnibus aliis inferioribus Episcopali major à jure habetur. *can. si quis deinceps 12. caus. 16. q. 7.* Excipitur, nisi consuetudo contrarium obtineat; nam consuetudo in his omnibus attendenda est: & sic alicubi præ Abbatibus honoratorem locum sibi vendicant Præpositus, & Decanus Cathedralis Ecclesiæ, ut bene notat P. Vviestner *l. cit. numer. 24.*

Dub. 2. quam præminentiam habeat Vicarius Generalis Episcopi, vel Capituli Sede vacante? Resp. iterum distinguendo inter eam, quam habet de Jure, & eam, quam habet de consuetudine.

De Jure Sede plena primum locum post Episcopum



obinet; Sede vacante locum istum cedit Præposito, Decano, vel alteri, qui primam in Ecclesia Cathedrali ab Episcopali dignitate obinet; præcedit autem Canonicos cæteros. Ita Felin. in *Rub. b. tit. n. 10. Tusch. præf. V. Vicarius concl. 482. num. 21. Sbrozz. de Vicar. Episcop. l. 2. q. 25. num. 20. Barbof. de Offic. Episc. alleg. 54. num. 167.* Ratio est, quia Vicarius Generalis Sede plena representat Episcopum, Sede vacante Capitulum. igitur merito præminentiam utriusque obinet. atqui Capituli vacantis personam substituit non singula ejusdem non congregati membra, sed ille tantum, qui præcipuam Dignitatem obinet. ergo sufficit, si huic locum honoratorem cedat Vicarius.

Aliud dicendum de consuetudine; hac enim in non paucis, præsertim Germaniæ nostræ Ecclesiis introductum est, ut Vicarius Generalis supra Canonicos Ecclesiæ Cathedralis præminentiam nullam habeat; sed si Canonicus est, ordine quidem suo, qui eundem ut Canonicum rangit, incedit; si vero non sit de Canonicorum numero, in Ecclesia, Processionibus, & aliis congressibus Canonicos Ecclesiæ Cathedralis sequitur.

9 Dub. 3. quem locum Dignitatis obtineant Protonotarii Apostolici; Resp. inter hos distinguendum esse; sunt enim duplicis generis, & aliqui quidem *Participantes* dicuntur, alii *non participantes*.

*Priores olim*, teste Jacobat. a. 5. n. 4. ante Archiepiscopos, & Episcopos, nunc post illos proximum dignitatis locum obtinent. In antiqua Ecclesia septem duntaxat erant, per septem Urbis Regionem divisi, ut SS. Martyrum gesta perquirerent, & conscriberent. Hodie ad expediendas in Curia Romana Ecclesiarum, & Monasteriorum Bullas sunt deputati. Sixtus V. *Bulla* incipit *Romani Pontifex* numerum illorum ad 12. auxit, & alia *Bulla* incipit *Laudabilis* diversis privilegiis eos honoravit, ut privilegio creandi Doctores, & Notarios publicos, legitimandi spurios &c.

*Posterioribus*, seu *non participantes* sive, ut etiam vocantur, *Honorarii*, & Titulares tantis prærogativis non gaudent; præferuntur tamen Clericis inferioribus Prælatorum, vel, Dignitatem non habentibus: conceditur quoque ipsis facultas deferendi aliquem habitum Prælatorum, gestandi rochetum, & mantelletum tam nigri coloris quam violacei, utendi pileo super insignibus suis gentilium, & censetur etiam in aliqua Dignitate, ita ut causæ Papales iis delegari possint. Videatur Barbofa *Jur. Eccl. l. 1. c. 23. a numer. 7. Engl hinc num. 57. & seqq. Viefstner num. 26.*

10 Dub. 4. quis ordo sit dignitatis inter Ecclesias, & harum Clericos inferiores Episcopo? Resp. in his sequentia sunt advertenda.

1 Ecclesiæ Cathedralis præcedit cæteras: & propterea etiam Canonici illius præcedunt Clericos aliarum Ecclesiarum. inter ipsos autem Canonicos Cathedrales de Jure post Episcopum primus est Archidiaconus, huic vero proximus Archipresbyter: de *Jure*, inquam; nam de consuetudine, quæ ubique est observanda, in multis Ecclesiis aliud tenet. In Germania nostra passim primum post Episcopum locum obinet Præpositus, tum Decanus, & post istos Archidiaconus, & cæteri Canonici, ferè ordine antiquitatis servato.

2 Post Canonicos Cathedrales immediatè, & eodem ferè ordine sequuntur Canonici Collegiatarum Ecclesiarum: quos excipiunt Rectores curati, Plebani, & Ecclesiarum Parochialium Presbyteri, cum reliquo Clero sæculari.

3 Post Clerum sæcularem sequitur Clerus Regularis: inter hos primum dignitatis locum obtinent Canonici, & Clerici Regulares; tum Monachi, ac denique Mendicantes. Si plures familiæ ejusdem Ordinis existant in eadem urbe, præminentiam habent, quorum fundatio, sive introductio antiquior est.

11 Quæritur 3. ad quem pertineat compositio, & decisio controversiarum, quæ inter Personas, Conventus, & alias Communitates Ecclesiasticas, aut etiam Laicorum Confraternitates in ipsis funerum deductionibus, & publicis Processionibus nonnumquam de præcedentia oriuntur: Resp. cum distinctione: Vt enim super hujusmodi controversia processus judicialis instituitur, vel solum facienda est amicabile compositio.

Si hoc secundum, compositionem istam facere ad Episcopum spectat, etiam si personæ, aut Communitates exem-

pæ sint, ex Decreto Tridentin. *sess. 25. c. 13. de Regular.* Ratio est, quia ejusmodi deductiones, & Processiones sunt actiones spirituales, & ad finem supernaturalem ex sua institutione ordinatæ; de actionibus autem spiritualibus cognoscere, & pronuntiare, & ut cum Christiani populi ædificatione, debito modo, & ordine, sine tumultu, & scandalo peragantur, cavere, non sæcularis, sed Ecclesiasticæ potestatis est *can. bene 1. dist. 96. c. decernimus 2. de Judic.*

Si primum contingat, & inter hujusmodi personas, vel Communitates orta controversia instituto processu deducatur in iudicium, iterum distinguendum est, an agatur Iudicio petitorio, de ipso Jure præcedendi, an verò tantum possessorio de quasi possessione retinenda, vel recuperanda. Si prius, iterum cognitio, & decisio causæ ad Iudicem Ecclesiasticum spectat; quia propositæ deductiones, & Processiones, easque instituendi modus, & ordo, ut supra dictum, est aliquid spirituale, vel saltem huic annexum, aut præparatorium ad illud. Si posterius, & eo iudicio conveniatur persona, aut communitas sæcularis, nec admisceatur aliqua quæstio Juris, vel præcisè sistatur in quæstione facti, eo casu cognoscere, & pronuntiare de ejusmodi controversia potest etiam Iudex sæcularis, & ratio est, quia tum cognitio solum versatur circa aliquid temporale, nim. circa actus, quibus præcedentiæ quasi possessio acquiritur, retinetur, turbatur, vel amittitur, igitur non apparet, cur ejusmodi possessorio Iudicio reus Laicus conveniri nequeat coram Iudice sæculari.

#### §. I I.

De Obedientia, & Reverentia, quæ Majoribus à Minoribus præstari debet.

#### S U M M A R I U M.

13 Obedientiæ debitum.

14 Quibus debeatur; & à quibus?

15 Quomodo promittenda Episcopo?

16 An major possit minori subiacere?

17 Quomodo componenda sit controversia orta inter Clericos de Superioritate, & subiectione?

18 Pœna non obedientium.

EX majoritate, præsertim Jurisdictionis, sequitur 13 Obedientia, quam Majoribus præstare minores debent. Hæc juxta Host. & DD. in tribus consistit. 1. Ut ei, cui debetur, exhibeatur reverentia. 2. ut iusta ejus mandata recipiantur, & observentur. 3. ut ei in iudicio pareatur, nisi subditus ab hoc per interpositam Appellationem, vel Recusationem absolvatur, vel ei controversia ab ipso Superiore moveatur.

Quæritur 1. quibus debeatur Obedientia? & à quibus? 14 Resp. 1. Obedientia debetur Summo Pontifici ab universa Ecclesia, & omnibus Christi fidelibus, ita ut neque personæ, aut muneri dignitas quemquam ab obligatione ista excipiat; nam etiam Principes, Reges, atque Imperatores Pontificis, tanquam supremi omnium fidelium Patris, & Pastoris, Jurisdictioni subfunt quoad spiritualia, sive ea, quæ ad Cultum Divinum, & animarum salutem spectant, ut patet ex c. si quis 2. c. omnes 4. & c. solita 6. h. tit. & colligitur ex generalibus Christi verbis *Pasce oves meas.* Joan. 21. v. 17. quibus B. Petro, ejusque Successoribus Pastoralem curam, & fidelium regimen sine distinctione commisit.

2 Debetur Episcopo à Diœcesanis sibi subditis, in iis omnibus, quæ ad curam animarum pertinent. Neque refert, etiam si sint Imperatores, Reges, aut Principes; nam omnes Principes terræ, & cæteros homines Episcopis obedire B. Petrus præcipiebat, ut dicitur c. omnes cit. Quod si Princeps, aut Rex in Provincia, aut Regno suo plures Episcopatus habeat, Episcopus ejus loci, seu Civitatis, in qua Princeps, vel Rex Sedem principalem fixit, & ordinariè residet, ipsius quoque Ordinarius erit.

3 Debetur Cardinalibus à Capellanis, Presbyteris, & aliis Clericis sibi rationes Ecclesiæ, cujus Titulum habent, subjectis, ut statuitur c. his quæ 11. h. tit. Ratio est, quia Cardinales Romanæ Ecclesiæ, et si Presbyteri, vel



vel Diaconi tantum sint, Ordinariam, & quasi Episcopalem Jurisdictionem obtinent in Ecclesias sui Tituli, & cons. etiam in Parochias, & Capellas pleno Jure Ecclesiæ Titulari subiectas, & in Clericos earum: qui proinde in iis omnibus, in quibus Diocesani Episcopis, obedire iisdem debent.

4 Debetur *Pralatis, & Superioribus Regularibus* à Religiosis sibi subiectis in iis omnibus, quæ ad officium illorum spectant? idque ratione Voti Obedientiæ, quo propria voluntate se spoliaverunt.

5 Debetur *Abbatissis, & Superioribus Monialium* à Monialibus, & Clericis, si quos habent, ratione Ecclesiarum sibi unitarum subiectis: & licet ipsa Abbatissa istas: vel istos censurare non possit, utpote Clavium Ecclesiæ incapax, potest tamen implorare officium Superioris, ut ipse eas vel eos, etiam per Censuras, ad obedientiam compellat, ut habetur *c. dilecta 12. h. tit.*

6 Denique debetur *cuiunque Superiori legitimo*, non tantum, cum iusta præcipi, quod certum, sed etiam cum dubium; quia in dubio debet præsumi pro Superiore, qui est in possessione imperandi, & præcipiendi. Eng. *hic num. 66.*

15 Quæritur 2. quomodo Clerici Episcopo subiecti promittere eidem obedientiam debeant? Resp. cum distinctione inter Clericos Curatos, & inter eos, qui nec curam, nec administrationem habent.

*Priores* juxta consuetudinem Ecclesiæ tempore Investituræ tenentur Juramentum Obedientiæ præstare Episcopo, ut cum aliis notat Pirh. *hic n. 19.*

*Posteriores*, seu *Similes* Clerici satisfaciunt, si promissionem Obedientiæ præstent verbaliter, aut manualiter: quod ad id verum est, ut si scriptam, aut juratam à tali Clerico petat Episcopus, eidem injuriam faciat juxta *c. legebatur 3. h. tit.* quia excedit limites officii sui; in iis autem, in quibus limites officii sui excedit Superior, subditus ad obtemperandum non obligatur.

*Excipitur*, nisi ejusmodi Clericus inobediens, rebellis, & contumax fuerit, vel de inobedientia suspectus; talis enim ad Juramentum Obedientiæ Prælato suo præstandum compelli potest, prout sumitur ex *c. cum in Ecclesiis 10. h. tit.*

Proceditque hoc etiam de Regularibus; nam etiam hos, si obedire alio modo nolint, Prælati eorum Excommunicatione, aliisque Censuris ad obedientiam cogere, & ad illam jurandam compellere possunt. Gloss. in *c. 10. cit. V. Excommunicationis*. Abb. in *c. 3. cit. prope finem*. Pirh. *hic n. 20. & 21.*

16 Quæritur 3. an minor, seu inferior possit exercere Jurisdictionem, ac potestatem in majorem, vel superiorem, & hic subijci minori? Resp. si minor sit subditus Superioris, in hunc exercere Jurisdictionem non potest, nisi hic sponte se illi subijciat. Ita habetur *c. cum inferior 16. h. tit.* & additur ibi ratio; quia *inferior regulariterolvere nequit Superiorem, vel ligare, sed Superior inferiorem: & satis absonum videtur, ut filius potestatem habeat in parentem.*

Dixi autem 1. *nisi Superior se sponte illi subijciat*; nam si hoc faciat in casibus à Jure permissis, minorolvere, & ligare Superiorem potest, quippe qui se illi subijciendo fit minor. Exemplum est in summo Pont. qui etsi Superiorem non recognoscat, se subijcere tamen in foro pœnitentiæ potest Confessario suo.

Dixi 2. *si minor sit subditus*; nam si extraneus Episcopus delinquat in territorio Abbatis, vel Prælati exempti, potest ab hoc puniri *arg. l. præsens 3. junct. Gloss. V. prius est ff. de Offic. præsid.* ubi dicitur, quod Præfes Provinciæ in alieno territorio censeatur privatus: & ratio est, quia tali casu majoritas se habet per accidens. Excipiuntur causæ majores; quia hæc Sedi Apostolicæ referantur *c. inter corporalia 2. de translat. Episc.*

7 Quæritur 4. quomodo componenda sit controversia orta inter Clericos de Superioritate unius, & subjectione alterius? Resp. ad ejusmodi compositionem faciendam vocandi sunt illi, quorum interest. Patet ex *c. fin. h. tit.* ubi cum orta esset controversia inter Archiepiscopos Burdigalensem, & Bituricensem, quis eorum debeat esse Primas, Gregorius IX. Judicibus à se delegatis præcepit, ut compositionem facerent, sed super hac Prælatorum Burdigalensis Provinciæ tunc præsentium; nec non Cathedralium Collegiorum ejusdem, ex altera yeto parte Bituricensis Capituli consensum requirerent, eo-

que habito, provisionem illam publicarent.

Proceditque hoc universim in quacunque causa ardua, quæ concernit totam Provinciam. Ratio est, quia omnium interest; ergo etiam omnium requiretur consensus. Non est autem necesse, ut personaliter compareant singuli; quia hoc sine detrimento Cultus Divini vix posset contingere: sed sufficit, si Capitula interessata Procuratorem mittant, qui interesse observet, ne illis præjudicetur.

Quæritur 5. quæ sint pœnæ Jure Canonico decretæ in eos, qui sunt inobedientes suis Superioribus, seu Prælatibus Ecclesiasticis, eorumque Statutis? Resp. duplex Jure statuta est pœna: una pro iis, qui Decretis, seu Statutis Episcoporum, aliorumque Prælatorum, seu Superiorum Ecclesiasticorum per contumaciam non obtemperant; altera pro illis, qui non obediunt Constitutionibus Canonicis. Hi in obedientiæ notam, seu quodammodo infamiam incurrunt, prout ex *c. illud 5. h. tit.* notat Host. Abb. Pirh. qui *n. 28.* addit infamiam istam talem esse, quæ sublato peccato, ex quo provenit, per pœnitentiam tollitur.

*Priores* excommunicati debent, prout habetur *c. si quis 2. h. tit.* & notat Host. *ibid. V. abjiciatur*, Abb. *n. 4.* Pirh. *n. 27.* Hæc autem pœna Excommunicationis non est infligenda, nisi propter inobedientiam, quæ sit vel secundum se gravis culpa, vel propter adjunctas circumstantias, cui insuper contumacia accedat, ut communiter tradunt DD.

## P A R T I S V.

## Preliminaria Judiciorum Ecclesiasticorum.

Inter ea, quæ ad Officium Judicis, de quo *Part. præ.* pertinent, est cognoscere de causis in Judicium deductis, & lites super his ortas dirimere. Unde necessarium erat, explicato Judicis Officio, ad Judicium ipsum, ejusque Processum descendere: quod antequam fiat, his ultimis Libris istius, Titulis *Judiciorum Preliminarium* ponuntur. Reduci hæc possunt ad tria capita. *Primum* ad modum spectat, an scilicet partes cum, vel sine strepitu Judiciali per Pacta, Conventiones, Transactiones &c. litem inter se ortam velint componere. *Secundum* personas continet, quibus litigantes juvantur, quales sunt Advocati, Procuratores, Syndici. *Tertium* ipsos litigantes concernit, dum nonnullis illorum concedit Restitutionem in integrum, & sic idoneos ad agendum contra adversæ partis exceptiones efficit; omnibus verò libertatem indulget, an coram Judice, an verò coram Arbitris prosequi Jus suum velint.

## T I T U L U S XXXIV.

## De Trenga, &amp; Pace.

Objectum *Trenga*, & *Pacis* idem est, videlicet *Bellum*, quod *Trenga* ad tempus sopit, *Pax* verò tollit ex integro. Ut natura utriusque cognoscatur, aliqua de *Bello* præmittenda,

## §. I.

## De Bello.

## S U M M A R I U M.

- 1 *Natura, & divisio Belli.*
- 2 3 4 *Honestas.*
- 5 *Conditiones requisitæ.*
- 6 *Quando licitum illud sit Principi, aut Statui inferiori?*
- 7 *Quæ causæ bellorum justæ?*
- 8 *An ab hoc cessandum, competente satisfactione præstita?*
- 9 *Quid in eo liceat?*
- 10 *An etiam Insidia, & dolose circumventiones?*
- 11 *An innocentium cades, & spoliatio?*
- 13 *An occidere liceat prælio victos, aut bello captos?*



**Q**Uæritur 1. quid, & quodplex *Bellum* sit; Resp. *Bellum*, si Prisciano credimus, sic dictum est per Antiphrasin, quod minimè bellum, iucundumque sit. Alii cum Festo à Belluis illud derivant, quia bel-luarum est mutuo se laniatu conficere. Definitur ex sensu S. Thom. 2. 2. q. 42. a. 1. quod sit discordia Principum, vel Rerump. vim, & arma sibi mutuo inferentium. Ad substantiam illius pertinet, ut geratur inter Principes, vel Resp. nam si oriatur discordia inter Principem, & Remp. sibi subiectam, *Rebellio* est; si inter Cives, & Remp. *Seditio*; si inter privatos, *Duellum*, vel *Rixa*. Est autem duplex *Bellum*, nempe *Defensivum*, & *Offensivum*. *Defensivum*, ut illud describit Laym. l. 2. tr. 3. n. 12. n. 3. est, quo vis, & injuria illata, vel inferenda repellitur; *Offensivum*, seu, ut alii vocant, *Aggressivum*, quo damnum, aut injuria illata reparatur, aut vindicatur.

**Q**Uæritur 2. an licitum sit *Bellum*? Resp. Dubium esse non potest de *Bello defensivo*; nam hoc ad defensionem pertinet, Jure naturali cuius concessam. De *Bello Offensivo* priscorum, & nostri etiam temporis Hæreticorum quondam error fuit, illicitum illud esse. Argumenta illorum fuere 1. quia videtur prohibitum in Scriptura *Isaia* 2. v. 4. ubi de Lege gratiæ Propheta, *Conflabunt*, inquit, *gladios suos in vomeres, & lanceas suas in falces; non levabit gens contra gentem gladium, & non exercebuntur ultra ad prælium* &c. cui similia habentur *Mich.* 4. v. 3. 2. quia repugnat doctrinæ Christi, qua jubemur non resistere malo, sed percutienti unam maxillam præbere & alteram *Matth.* 5. v. 39. ex quo capite reprehensus est Petrus, gladium edicens adversus servum Pontificis, cum minitacione, quod omnes, qui gladium acceperint, gladio sint perituri. *Matth.* 26. v. 25. 3. quia causa est cædis multorum innocentium, direptionis Reip. devastationis templorum, & peccatorum plurimorum. 4. quia contrarium est præcepto dilectionis inimicorum. 5. quia illud gerendo videmur resistere voluntati Divinæ, immittenti ad punitionem peccatorum mala, quæ bello intendimus vindicare.

**S**ed dicendum licitum esse *Bellum*, etiam offensivum, si conditiones *num. seq.* ponendæ servantur. Est dogma fidei, unanimi consensu receptum à PP. & Doctoribus Orthodoxis. *Probat*ur 1. quia talia bella ab Abrahamo, Moyse, Josue, Gedeone, Davide, Machabris, aliisque eximiis Sanctis in veteri Testamento suscepta sunt, Deo non solum non improbane, sed etiam jubente, ut ex SS. Litteris constat: & hinc cum in nova Lege reprobatæ non sint, etiam in hac manebunt licita. 2. Christi Præcurfor, cum milites ad ipsum accederent, quærentes, quomodo Divinum Judicium, & condemnationem possent effugere, non iussit eos bellum deferere, & arma ponere, sed solummodo neminem concutere, & calumniam non inferre *Luc.* 3. v. 14. 3. Christus laudavit fidem Centurionis, desertionem militiæ non imperavit. *Matth.* 8. v. 10. imperasset autem, si bellum esset illicitum. 4. tale bellum quandoque necessarium est ad reparanda damna accepta, ad res ablatas recuperandas, ad vindicandam injuriam, & promerita pœna plectendos hostes, qui si impunitatem sperare improbitati suæ possent, prohibidine auderent quidlibet.

**A**rgumenta in contrarium frivola sunt. *Ad* 1. ibi prædicatur pax summa, quæ erat Christo nascente; bella verò non prohibentur. *Ad* 2. consilium est percutienti maxillam etiam præbere alteram, & non semper; nam nec Christus servo Principis Sacerdotum percutienti alteram præbuit. Quod additur de S. Petro, intelligendum est de vindicta propria autoritate suscepta. *Ad* 3. mala illa ex bello iusto nascuntur per accidens, & majora essent, si bellum non moveretur. *Ad* 4. præceptum dilectionis solum obligat, ne velis malum inferre inimicis, quatenus malum est; non verò ne illis inferas, quatenus id ipsis, & Reip. bonum est. *Ad* 5. etiam pestis, paupertas, infamatio, Dei pœnæ sunt, contra quas tamen non est illicitum de remediis sibi prospicere.

**Q**Uæritur 3. quæ conditiones requirantur, ut bellum sit licitum Reip. tres maximè à DD. statuuntur? 1. *Legitima autoritas*; nam bellum offensivum suscipiendi jus residet in solo Principe, vel Rep. Superiore in temporalibus non recognoscente, ut cum S. Thom. 2. 2. q. 40. a. 1. advertunt DD. cæteri: & ratio est, quia susceptio belli offensivi est actus Justitiæ vindicativæ, quæ in Principe solum, vel alio simili Magistratu supremo

principaliter residet. P. Vviestner *hic num* 5. 2. *causa justa*; nam sine hac bellum susceptum injuria est, & latrocinium. Debetque de hac constare legitimè saltem Principi suscepturo bellum, licet non sit necessarium, ut de illa constet militibus subditis; nam hi præsumere possunt Principem suum sine causa justa bellum non movere, ut communis notat, & docuit S. Augustinus relatus *can. quid culpatur* 4. *caus.* 23. q. 1. 3. *recta intentio*, ut scilicet causa justa poscente, decernatur bellum intuitu boni communis: & hinc non statim inferendum est parti adversæ, sed prius ab hac petenda satisfactio competens, quæ si offeratur, acceptari debet, & bellum omitti; quia, ut sumitur ex S. August. *Epist.* 207. *ab Bonifacium Comitem*, bellum est necessitatis, non voluntatis; hæc autem necessitas cessat, quando offertur, & præstatur satisfactio competens.

**D**ub. 1. an etiam Principi, & Statui inferiori licita sit susceptio belli adversus extraneos? Resp. affirmativè: & hoc in triplici casu. 1. ex consensu, etiam tacito, & rationabiliter præsumpto Principis, eique similis Magistratus supremi: præsumi autem hic poterit, cum necessitas magna urget, & indemnitati talis Principis, vel Status inferioris non satis consultum foret, nisi pro injuria illata statim arma corripere adversus hostem, qui hujusmodi injuriam intulit. *Molin. tr.* 2. *D.* 100. n. 12. *Pal. tr.* 6. *D.* 5. p. 2. n. 5. 2. si Princeps supremus, requisitus à Principe, vel Statu inferiore, hujus salutem negligeret, & injuriam, vel damnum datum vindicare non vellet; hoc enim casu inferior Princeps, vel Status non tantum adversus injuriantem, sed etiam adversus Principem Superiorem injuriantis, nolentem sibi jus dicere, bellum movere posset. *Palao l. cit. n. 3.* Vviestner *hic n.* 5. 3. Si ejusmodi Principi, aut Statui inferiori jus belli extraneis hostibus inferendi privilegio, vel legitima præscriptione esset quæsitum; quia ratione consuetudinis censetur ex voluntate sui Principis movere. *Molin. l. cit. n.* 9. *Pal. n. 4.* Vviest. *l. cit.* & apud hos alii.

**D**ub. 2. quæ sit causa justa inferendi bellum? Resp. Generalis unica est Belli offensivi, nempe *accepta injuria*, eaque gravis, & magni momenti. Particulares complures recenset Laym. l. 2. tr. 3. c. 12. n. 6. 1. ut si subditi rebelles ad obedientiam redigantur, 2. ut recuperetur Provincia, aut Civitas Principi, aut Reip. alicui jure debita, quam recuperare boni publici multum interfit. 3. ut vindicetur gravis contumelia illata Principi, vel Reip. 3. ut ultio sumatur de gente, vel Principe, qui hosti injustum bellum gerenti auxilium præbet. 5. ut repellantur ii, qui injustè prohibent, ne nocentes puniantur, quos puniri Reip. multum interest. 6. ut animadvertatur in eos, qui violarunt fœdus cum Principe, vel Rep. initum. 7. ut impetrentur ea, quæ Jure gentium permessa sunt, & per injuriam denegantur. 8. ut sociis auxilium justum afferatur. 9. ut defendatur Evangelium, & vera Fides adversus blasphemos, & veræ Religionis hostes, aliosque similes. Omnium istorum exempla habentur in Scriptura, ut eruditè ostendit Layman *l. cit.*

**D**ub. 3. an à prosecutione belli cessandum sit, quando, eo jam cepto, competens satisfactio offertur à parte adversa? Negat Cajetan. in *Summ. V. bellum*, cum quibusdam aliis, & probabile id censet S. V. *bellum numer.* 9. Fundatur, quia pars adversa hoc ipso, quod satisfactio, aut bellum inchoatum petitam, negaverit præstare, se constituit extra statum satisfaciendi, & posuit in statu satisfaciendi per Justitiæ vindicativæ executionem; ac proinde in potestate aggressoris est, executionem istam, postquam inchoata est, satisfactio acceptata, perficere.

Sed melius tenetur affirmativa, quam etiam tenet *Molin. tr.* 2. *de J. & J. D.* 103. n. 18. & *seqq.* Layman *l. 2. tr.* 3. c. 12. n. 7. *Palao tr.* 6. *D.* 5. p. 3. n. 4. & plures alii ab his *citt.* Ratio est; quia bellum non voluntatis, sed necessitatis est; hæc autem cessat, competente satisfactio oblata, & exhibita. ergo &c.

**D**ixi *competente*; ut talis sit, necesse est 1. ut pars satisfactionem offerens præstet non solum id, quod armis justè vindicatur, & petitur, sed etiam damna à se illata resarciat 2. ut refundat expensans in belli apparatus factas, & compenset labores, ac molestias, quas pars læsa in belli prosecutione passa est. 3. Si aliqui ex parte illa, contra quam bellum geritur, forent morte digni, ut



hos offerat parti læsæ ad supplicium. 4. Si ita pars læsa perat, ut eidem pars offerens satisfactionem præstet omnia, quæ illi imposterum necessaria sunt, ut securè vivat, & pacem obtineat.

*Argumentum ab adversa parte allatum* procedit casu, quo ista præstari nequeunt: unde cum plerumque præstari illa in ipso conflictu, & belli congressu ferè sit impossibile, plerumque negativa habebit locum, & pars læsa satisfactionem oblatam, nunquam incompetentem, poterit recusare.

Quæritur 4. quænam in Bello justè suscepto liceant? Resp. in hoc licent Principi, & hujus jussu ipsius Ducibus, & militibus ea omnia, quæ ad finem belli consequendum necessaria, aut valde convenientia sunt: adeoque permissum est adversæ partis Duces, & milites capere, & occidere, hostiles terras, & bona occupare, vastare agros, exarmare cives, diruere arces, propugnacula construere &c. Ita Molin. *tr. 2. cit. D. 117. in princ.* Layman *l. cit. n. 9.* Pal. *p. 4. n. 2.* Ratio est, quia ubi finis est licitus, etiam media ad illum finem obtinendum necessaria, & valde convenientia permixta sunt.

Dixi quæ necessaria, aut valde convenientia sunt; nam ex hoc capite plura in bello, etiam justè suscepto, illicita sunt. Et in specie quidem

1. Usus Amulethorum, & præsidiorum Magicorum, quibus v.g. pugnantium corpora impenetrabilia redduntur; quia necessarium, aut conveniens esse medium illud non potest, quod intrinsecè malum est.

2. Venenatio armorum, annonæ, fontium, quia bellicarum virium robore, armis, consilio, non veneficiis patrandum sunt. Puteus de *re militari. l. 8. q. 9.*

3. Expolatio Ecclesiarum, aliorumque locorum sacrorum, vel religiosorum, & bonorum ad ea, vel personas Ecclesiasticas pertinentium, prout sumitur *ex c. fin. h. tit.* & ratio est, quia Ecclesiastici constituunt partem Reip. distinctam a Statu sæculari, ac proinde hujus culpam non debent luere. Pal. *tr. 6. D. 5. p. 4. n. 18.* & ab eo *citt.*

4. Spoliatio peregrinorum, devotionis causa loca sacra obeuntium, mercatorum, rusticorum &c. *c. fin. cit.* & meritò; nam ut Livius *Hist. l. 28.* ait, *Jure belli in armatos, pugnantesque utendum est*, quales non sunt peregrini, mercatores &c.

5. Privatio libertatis; nam etsi à bello captis pecunia pro lytro possit exigi, in servitutem tamen, si Christiani sint, non possunt redigi, cum illa inter istos generali, & multorum sæculorum consuetudine sublata sit.

6. Violatio Treugæ, de qua infra *n. 13. & seq.* Dub. 1. an licitæ sint in Bello insidiæ, & dolosæ hostium circumventiones? Ratio dubitandi est, quia fas non est hostem decipere mendacio. atqui dolosæ circumventiones mendacio similes sunt. ergo &c.

Verùm hoc non obstante, dicendum, ejusmodi insidiæ, & dolosæ hostium circumventiones, si ad comparandam victoriam conferant, esse licitas bellum justum gerenti. Ita communis cum S. Thom. 2. 2. q. 40. a. 3. in *Corp.* citante pro se S. Augustinum *l. 83. qq. 9. 10.* ubi, *Cum justum*, inquit, *quis bellum susceperit, utrum aperta pugna, an insidiis vincat, nihil ad Justitiam interest.* Exempla complura dantur in S. Scriptura; sic enim Josue Divino jussu civitatem Hai insidiis circumventam expugnavit *Jos. 8. à v. 2.* sic Judith, obruncato per dolum Holoferne, liberavit Bethuliam &c. *Judith. c. 11. & seqq.* Ratio est manifesta; nam si licet hostes occidere, ut victoria obtineatur, quanto magis permittere, ut decipiantur?

*Ad rationem dubitandi allatam* dicendum cum S. Thom. *l. cit.* dupliciter aliquem posse falli ex facto, vel dicto alterius: uno modo dicendo falsum, vel non servando promissum; & hoc etiam in bello illicitum est: altero modo dicendo, vel faciendo aliquid, quod in sensu à nobis intento falsitatem non contineat, hostes tamen accepturi sunt in sensu falso: & hoc licitum est, cum non mendacium, sed potius occultatio sit veritatis, quam revelare hosti non teneor.

Dub. 2. utrum liceat innocentes occidere, vel eos bonis suis spoliare in bello justo? Videtur posse autoritate Scripturæ *Jos. 6. v. 21.* & *1. Reg. 15. v. 3.* ubi incolæ, nullo discrimine inter fontes, & insontes, interfecti sunt.

Sed dicendum per se neutrum esse licitum, per accidens

aurem, & quando hoc ad finem belli, & victoriam comparandam necessarium esset, licitum esse utrumque, direptionem quidem bonorum directè, vitæ autem ademptionem indirectè tantum. Ita Molin. *D. 119. & 121. in princ.* Layman. *l. 2. tr. 3. c. 12. n. 11. & 12.* Palao *tr. 6. D. 5. p. 4. n. 7. & 17.* aliique ab his *citt.*

*Ratio primæ partis* est, quia ejusmodi nocumenta, quæ fiunt in bello, tantum licita sunt, quando necessaria, aut valde convenientia sunt ad consequendum belli finem, ut dictum est *numèr. 9.* atqui directæ occisio innocentis nunquam potest esse necessaria, vel conveniens, cum sit intrinsecè mala; spoliatio verò illorum tantum tunc, quando bonum publicum illud exigit. ergo &c.

*Ratio secundæ partis quoad direptionem bonorum, & alias innocentium vexationes in bonis externis* est, quia ejusmodi direptio aliquando potest esse necessaria ad victoriam consequendam, & debilitandum hostem, ut si iste vires suas, & robur ex bonis illorum sumeret; nam tali casu, ut aliis *citt.* monet Palao *n. 18.* etiam Ecclesia, ejusque bona diripi, comburi, & devastari possent. ubi autem permissus est finis, etiam permixta sunt media necessaria, vel admodum conducuntur ad illum finem, si non sint ex natura sua illicita. ergo &c.

*Quoad occisionem innocentum indirectam* constat exinde, quia eo casu occisio per se non intenditur, & conf. nec imputari ad culpam potest, ubi id, ex quo occisio illorum per accidens sequitur, ad belli finem est necessarium. Casus ejusmodi est, cum machinis bellicis in obsidione urbis mœnia impetuntur, aut turris de-jicitur; hoc enim jure facit hostis obsidens, licet prævidere possit, plures innocentes horum ruina opprimendos.

*Ad rationem dubitandi* dico, id factum ex voluntate, & mandato DEI, qui vitæ omnium, necisque dominus est.

Dub. 3. utrum liceat interficere hostes bello captos, aut prælio victos? Resp. cum distinctione, an nocentes sint, h. e. rei criminis morte digni, an verò præsumi possint excusabiles, aut obignorantiam, aut ob dubium de belli justitia. *Si hoc secundum*, parva victoria, nefas est quæquam eorum occidere, quia tunc nulla præcessisset culpa, propter quam essent morte digni. *Si primum*, ex se fas est eos occidere; quia qui bellum justum intulit, tunc subit rationem Judicis ad hostes puniendos. igitur sicut quicumque Judex in sua Rep. licitè, quantum est ex se, interficit male factorem sibi subditum, quem morte dignum comperit, ita, quantum est ex se, fas erit interficere ex hostibus, quotquot morte dignos invenerit. Mol. *D. 122. n. 3. & 5.* Pal. *q. 4. cit. n. 5.* & alii ab his *citt.*

Dixi *ex se*; nam duplex addenda est limitatio. *Prima* est, nisi sub conditione, ne interficiantur, aut alia non injusta se dediderint; tunc enim servanda illis esset, si fuerit acceptata. Molin. *n. 7.* Pal. *l. cit.* *Secunda*, si omnes, aut valde multi nocentes sint; nam etsi Justitiæ rigore spectato, interfici possent omnes, Caritas tamen, & lenitas Christiana tali casu detrahendum aliquid rigori suadet: & hinc sufficiet, si anthores, & nocentiores tollantur è medio. Molin. *n. 4.* Pal. *n. 6.* Vviesner *num. 21. hic.*

## §. II.

## De Treuga.

## S U M M A R I U M.

13 Treuga definitio.

14 Divisio.

15 Oligatio.

16 Bellum gerere licet diebus festis.

17 Modi, quibus solvitur Treuga.

Quæritur 1. quid sit Treuga? Resp. Treuga est securitas personis, & rebus ad tempus præstita, discordia (ut genericè cum communi eam describit Gloss. in *c. 1. V. treugas h. tit.*) vel (ut alii magis specificè) bello nondum finito; Treuga enim propriè inducias in bello datas significat, ne intra illud tempus belligerantes se invicem armis laceessant, Germanicè *An. oder Still. fandt der Massen.* Differt à Pace, quia Pax discordia



diæ imponit finem, Treuga solum inducias, easque vel breviores, vel longiores. Si breviores, propriè *Treuga* est; si longiores *Induciae*, ut notat Vallenf. *hic n. 1.* ex Gloss. Sed hæc nominis quæstio est. Rei distinctio est in Treugas latè, & strictè acceptas. *Latè acceptæ* denotant quascunque inducias; *strictè*, & ut hoc præsertim *Titulo* sumuntur, illas potissimum includunt inducias, quibus mitigabantur incommoda bellorum privatorum, quæ à sæculo undecimo per Galliam, & Longobardiam grassabantur; cum enim ea ætate in dictis, aliisque Provinciis injurias sibi illatas quisque ulcisceretur ferro, Alexander III. in Lateranensi Concilio, repressurus, quem extinguere non valebat, necarium istum bellandi adorem, Inducias, & armorum feriaciones certis anni temporibus statuit, imposita temeritati transgredientium Excommunicationis ab Episcopo infligendæ pœna, ut constat *ex c. Treugas 1. h. tit.*

14 Quæritur 2. quod duplex sit Treuga? Resp. duplex est, alia *Legalis*, seu potius *Canonica*, quia Lege, vel Canone constituta est; alia *Conventionalis*, quia conventionione, sive mutuo partium consensu definitur, à quo proinde legem, formam, & inodum accipit, ut alii contractus *c. contractus 85. de R. J. in 6. & l. depositum 1. §. si conveniat 6. ff. depositi*. Prior subdividitur in Perpetuam, & Temporalem. *Perpetua* dicitur, quod sine dierum discrimine concedatur: hanc habent Clerici, Religiosi, Ruricolæ, & aliæ personæ relatæ *c. fin. h. tit. Temporalem* habent ceteræ personæ, & res quæcunque ad sacratiora anni tempora, & dies. Tempora hæc enumerantur *c. Treugas 1. h. tit.* & sunt ab Adventu Domini usque ad Octavam Epiphaniæ, à Septuagesima usque ad Octavam Paschæ, & reliquis anni Hebdomadis omnibus ab occasu Solis feriæ 4. usque ad Solis ortum feriæ 2. idque propter Mysteria his diebus peracta, Jovis quidem ob Mysterium Ascensionis Domini, & Cænæ ultimæ cum Discipulis institutæ; Veneris propter Passionem ejusdem; Sabbati, quia ea die SS. Corpus ejusdem jacuit in sepulcro; Dominica propter illius Resurrectionem, ut cum aliis notat Host. *in Summ. hic n. 5. Abb. in c. 1. cit. n. 1. Laym. ibid. n. 1.* ubi cum aliis notat, his armorum feriis per diuturnam consuetudinem jam dudum derogatum fuisse. Superest ergo de Treugis Conventionalibus, & de his

15 Quæritur 3. an Treugæ Conventionales servandæ sint? Ratio dubitandi sumitur *ex num. 19. supra*, ubi dictum est, licitum esse hostes dolo, sive solertia, & stratagematis fallere Verum ex hoc nihil probatur; nam ibi dicta intelligi debent de dolo bono, & laudabili, quem approbat *l. hoc edicto 1. §. non fuit 3. ff. de dol. mal.* talis autem dolus bonus non est violatio Treugæ conventæ; quia repugnat Juri gentium, ad quod Treugæ semel constitutæ pertinent *can. jus gentium 9. dist. 1.* imò æquitati naturali, quod imperat fidem datam etiam hosti servandam *can. noli 3. caus. 23. q. 1.* Rationem dat Ulpianus *l. hujus 1. ff. de pact.* quia nihil tam congruum fidei humana, quam ea, quæ inter eos placuerunt servari.

Quare tempore induciarum capta non sunt capientium, nec capti servi, neque opus est captis jure postliminii *l. postliminium 19. §. induciæ 1. ff. de captiv. & postlim. revers.* & ratio est, quia non Jure belli capta sunt. Quod si tamen hostis conventionem, & Treugam violasset prior, etiam altera pars ab obligatione servandi illam liberata foret, juxta tritum illud, *Frangenti fidem frangatur eidem*. Proceditque hoc, etsi juramento sit confirmata; nam ut Molin. *D. III. n. 2.* notat, pactum semper habet tacitam illam conditionem *Modo tu illi fies*. Similiter servanda non esset conventio, si contineret iniquitatem; quia *juramentum vinculum iniquitatis esse non potest*.

16 Quæritur 4. an liceat bellum gerere diebus festis? Ratio dubitandi est 1. quia die festo non licet quemquam afficere supplicio ultimo *c. fin. de feriis*. atqui non minùs repugnat sanctitati festi bellum gerere, cum utrobique profundatur humanus sanguis, ergo & c. 2. Ludos militares, ut Torneamenta, & Hastiludia non licet exercere diebus festis, quæ tamen ludica sunt. ergo multo magis prohibita erit seria armorum tractatio in bello.

Sed dicendum, justî belli prosecutionem tam offensivam, quam defensivam adversus hostes licitam esse etiam diebus Dominicis, & festis. Molin. *tr. 2. D. III. numer. 5.* cum communi, & constat de defensiva *ex 1. Mach. 2. v. 41.* De utraque probatur ratione; nam si

his diebus laborare permissum est pro salute corporali unius hominis, exemplo Medici ægro parantis pharmaceutum; imò etiam piscari, si magna speretur captura *c. licet 3. de feriis*; cur non etiam pro salute periclitantis Reip. bellum gerere, & collatis signis cum hoste configere, si affulgeat spes Victoriæ, qua illa à vastatione, & interitu vindicetur, & pristinæ felicitati restituitur?

*Argumenta opposita* non urgent. *Ad 1.* negatur paritas; quia executio sententiæ plerumque sine periculo ultra ferias differri potest, non potest ita differri prælium, cujus dilatio sæpè vincendi occasionem aufert, & Reip. eladem affert. *Ad 2.* Torneamenta vel periculosa sunt, vel innoxia, si hoc secundum, licita sunt etiam diebus festis. Molin. *l. cit. n. 7.* Si primum, quocunque tempore illicita sunt: cons. paritas inter hæc, & bellum instituta nimium probat.

Quæritur 5. quando Treuga solvatur? Resp. *Treugæ 17 Canonica* tamdiu durant per se loquendo, quamdiu stat ratio, ob quam sunt datæ: adeoque Rustici securitate gaudent, quamdiu vacant agriculturæ; mercatores, quamdiu exercent mercimonia; peregrini, quamdiu peregrinantur; Legati, quamdiu in Legatione sunt; Clerici & Monachi, quamdiu regulariter vivunt, & Ecclesiis serviunt. Pirh. *hic n. 6.*

*Treugæ Conventionales* solvuntur ex triplici capite. 1. si cesserit conditio; defectus enim conditionis omnem contractum reddit irritum *arg. l. si quis 37. ff. de contr. empt.* 2. si tempus sit elapsum: & hoc quidem non, ut aliàs in Civilibus plerumque, de die in diem, sed de momento in momentum est numerandum. Kon. *hic n. 6. 3.* si ab alterutra parte Treuga fuerit violata, ut dictum est *numer. 15.*

### §. III.

#### De Pace.

### S U M M A R I U M.

18 An Superior subditos possit cogere ad pacem, & transactionem faciendam?

19 Quibus casibus cogere illos possit?

20 An remittere damna subditis illata?

21 Quis ista compensare debeat?

Hæc, ut *Num. 13.* dictum est, opponitur Treugæ; quia Controversiam omnino finit. Hinc dicitur finis belli; *non enim*, ut S. Augustinus *can. noli 3. caus. 23. q. 1.* loquitur, *pax queritur, ut bellum excitetur; sed bellum geritur, ut pax acquiratur*.

Quæritur 1. an Judex, sive Superior Ecclesiasticus, 18 vel Sæcularis possit subditos, aut partes litigantes cogere ad pacem, & transactionem faciendam? Resp. cum distinctine; Vel enim publica sunt dissidia, seu bella inter Cives, & populos subjectos; vel tantum privati inter se litigant, & judicio contendunt.

*Si primum*, Princeps, seu Magistratus potest præcipere partibus inter se litigantibus, ut pacem, seu compositionem faciant *l. congruit 13. ff. de Offic. Præs. & Novell. 17. c. 2. Bartol. in l. cit. n. 4. Abb. in c. 1. h. tit. in princ.*

Longè magis potest cogere ad Treugam, seu Inducias faciendas; nam qui efficere potest totum, etiam partem potest: est autem Treuga quasi pars factæ pacis; quia est pax ad tempus, ergo & c.

*Si secundum*, & privati tantum inter se litigant, Superior, sive Judex eos ordinariè ad concordiam, & transactionem faciendam non potest cogere. *Novell. 124. c. ult. Felin. in princ. n. 1. h. tit. Zoes. ibid. n. 2.* quia Judex non potest Jus, quod habet, alicui tollere, vel interdicare.

Dixi autem *ordinariè*; nam casus aliqui excipiuntur. Hinc ulterius

Quæritur 2. in quibus casibus Judex, seu Superior cogere litigantes ad concordiam, & compositionem faciendam possit? Resp. tres casus communiter excipiunt DD. 19 1. si exinde bellum publicum, aut alia Reip. turbatio timeatur *arg. l. congruit 13. ff. de offic. Præs. Felin. in c. 1. h. tit. n. 5. fallent. 4. & 5.*

2 Si causa sit valde intricata, & lis diuturnaverit, nec spes sit controversiam brevi finiendam. Proceditque hoc non tantum, quando causa est criminalis super qua



qua transigi potest, sed etiam, quando civilis. Felin. l. cit. fallent. 3. Laym. inc. 1. cit. n. 2. except. 2.

3 Si causa sit talis, quæ Principis liberæ dispositioni subiecta sit, ut sunt causæ Beneficiariæ respectu Papæ. Felin. l. cit. fallent. 2. Laym. except. 3. Pirh. hic n. 8. qui tamen Tit. de pact. n. 20. rectè advertit, Summum Pont. rarè hac potestate uti, & tum solum, quando lis aliter expediri nequit, vel alia causa necessitatis urget.

Quæritur 3. an Princeps in Pacis tractatu pro illa consequenda damna subditis tempore belli illata remittere, aut etiam quædam illorum bona hosti dimittere sine ipsorum consensu possit? Negant Host. Bart. & alii in c. quanto 18. de jurejur.

Affirmant Mynsing. cent. 4. obs. 9. Gaill. l. 2. obs. 57. n. 1. Engl. hic n. 12. Konig. n. 8. & communior DD. id posse Principem, si pax aliter obtineri nequeat, & Reip. inrerit eam iniri. Ratio est, quia Princeps jus habet in bona subditorum, quoribus id publica utilitas, vel necessitas exposcit, cui privata postponitur Auth. his, quæ C. communia de Legat. atqui talis est pax; redundat enim in utilitatem etiam privatorum. ergo &c.

Excipitur damna illata Ecclesiis; cum enim de harum bonis disponere nequeat Princeps Laicus, etiam damna ipsi illata remittere sine Superiorum Ecclesiasticorum consensu nequit. Engl. l. cit. n. 13.

Quæritur 4. an, & à quo compensari damna bello privatis illata debeant? Resp. cum distinctione; nam si bellum est iustum, rescari debent ex bonis hostis, si aliqua sint; quia hic fuit causa iniusta damnorum: si verò nulla illa sint, aut non sufficientia, rescari debent, vel à Principe, vel à communitate, cujus gratia pax est inita quia æquitas naturalis suadet, ut qui commodum Pacis sentiunt, onus quoque propterea impositum proportionaliter sustineant.

At si iniustum sit bellum, & id Princeps inchoavit contra, vel præter voluntatem subditorum, tenetur ille solus ex propriis bonis damna subditorum rescari, eo quod sine iusta, & publica causa non possit subditos privare bonis suis, quippe quæ Jurisdictione tantum, non dominio possidet, ut præter alios notat Konig hic n. 8.

## T I T U L U S XXXV.

### De Pactis.

**T**Ractationi de Treuga, & Pace tractatio de Pactis subijcitur; pactis enim Treuga, & Pax firman- tur. Ufus Pactorum est tam orta lite, ut sopiatur, quam nondum orta, ut impediatur: idque ad parcendum expensis, quæ in litem Processu instituto, vel ulterius producto faciendæ essent.

#### §. I.

#### De Pactis Natura, Varietate, & Obligatione.

### S U M M A R I U M.

- 1 Pacti definitio, & differentia.
- 2 Divisio.
- 3 Modi, quibus vestiuntur Pacta nuda.
- 4 Obligatio Pollicitationis nondum acceptata.
- 5 Taciturnitas promissarii ad promissionem sibi præsentem factam non est sufficiens signum consensus.
6. 7 Vis Promissionis acceptata.

**Q**Uæritur 1. quid sit Pactum? Resp. Pacti nomen dupliciter solet accipi, specificè, & genericè.

Specificè acceptum significat conventionem, quæ fit super re certa, & gratuito, i. e. animo donandi, ut notat Vallens. hic §. 1. n. 4. & eatenus distinguitur à contractu contrariè, quod discrimen insinuat Paulus Jctus l. doli 19. ff. de Novation. ibi Contractibus, & Pactationibus.

Genericè sumptum conventiones planè omnes, ac proinde etiam reciprocas, & contractus includit, & definitur ab Ulpiano l. hujus 1. §. & est 2. ff. h. tit. quod sit duorum, plurimumve in idem placitum consensus, subintellige, de dando aliquo, vel faciando, ut cum Gloss. ibid. V. in idem notat P. Viestner hic n. 2. Ita accipitur in præfenti Titulo, & differt.

1 à contractu proprie, & strictè accepto, quia hæc as duntaxat Conventiones comprehendit, quæ Synallagma sunt, h. e. ultro, citroque obligationem pariunt, ut sunt Emptio Venditio, Locatio Conductio, Societas &c. l. Labeo 19. ff. de V. S. & ibi Gloss. V. ultro citroque.

2 à Transactione; quia hæc illas tantum conventiones complectitur, quæ de re dubia, & controversa, aliquo dato, retento, remisso, vel permissio, ineuntur l. transactio 38. C. de transaction.

3 à Pollicitatione, seu simplici promissione, & nondum acceptata; quia ista tantum unius, nempe solius offerentis, Pactum autem duorum, vel plurimum consensu, & conventionem perficitur l. hujus cit. & l. pactum 3. ff. de pollicit.

4 à Testamento, Codicillo, omnique alia ultima Voluntate; quia etiam hæc unus, sc. testatoris defuncti voluntate constant.

5 à Judicio, & sententia Consiliariorum, & Doctorum in idem conspirantium; quia licet etiam hæc sit duorum, vel plurium in idem placitum consensus, non tamen est de datione, aut facto aliquo alteri ab altero præstando, ita ut ex consentientium intentione in eorum uno agendi, aut recipiendi jas, in altero præstandi obligatio oriatur, sicut tamen ex Pacto oritur.

Quæritur 2. quotuplex sit Pactum hæcenus declaratum? Resp. plures esse istius divisiones. Præcipue sunt 1. in Publicum, & Privatum. Istud ob utilitatem privatam, illud ob publicam Reip. inicitur, atque contrahitur, uti sunt fœdera, pax, induciæ: hinc etiam iniri debent per eum, penes quem suprema potestas est l. conventionum 5. ff. h. tit.

2 In Promissorium, & Liberatorium. Promissorium est, quo paciscentes ad aliquid dandum, vel faciendum obligantur. Liberatorium, quod liberationem ab obligatione inducit.

3 In Expressum, & Tacitum. Expressum est, quod paciscentium consensu, vel verba, epistolam, vel alio modo declarato inicitur; Tacitum, quod eorum consensu, ex aliquo illorum facto præsumpto, elicitor: cuius exemplum est, si debitori Chirographum reddidi; videor enim cum illo convenisse, ne petam l. Labeo 2. §. & ideo 1. ff. h. tit.

4 Et præcipue in Pactum nudum, & Legitimum. Pactum nudum, seu simplex est, quod in nudis placiti finibus stat l. si tibi 27. C. de locat. & conduct. sive quod solo paciscentium consensu, & naturali æquitate nititur, ita ut neque proprium nomen certi Contractus sortiatur, neque præter conventionem aliam habeat, causam, formam vel solemnitatem, à quâ firmitatem accipiat ad efficaciter obligandum, & actionem de Jure producendam. Pactum legitimum, vel, ut vulgò appellari solet, Vestitum est, quod ultra simplicem conventionem partium, transit in propriam nomen certi Contractus, v. g. emptionis venditionis, locationis conductionis &c. vel certè aliud adminiculum habet, ratione cujus efficacem obligationem, & actionem patit. Ita Interpp. in c. 1. h. tit. & l. Juris gentium 7. ff. eod.

Quæritur 3. quot modis Pacta nuda vestiuntur? Resp. 3 octo præcipue modi à DD. enumerantur.

1 Si transeat in contractum specificum, in genere suo perfectum, v. g. emptionem, locationem, commodatum &c. l. Juris gentium cit. §. quæ pariunt 1.

2 Si ex alterutra parte sit secuta traditio rei, vel impletio promissionis; tunc enim is, qui implevit, potest agere contra alterum, ut vel promissionem ex sua etiam parte impleat, vel sibi restituat, quod accepit. Molin. tr. 2. de J. & J. D. 255. n. 4.

3 Si pacto nudo accedat stipulatio, v. g. si uno interrogante Promittis, te mihi pro equo daturum duos boves, alter respondeat Promitto l. ex placito 3. C. de rer. permut. & ratio est, quia eo ipso sortiretur rationem Contractus nominati. Molin. l. cit. n. 4.

4 Si in continenti adjungatur pactum simplex ad aliud pactum legitimum, e. g. si is, qui domum suam locavit alteri, in continenti, seu antequam divertat ad alia, cum eo paciscatur de adjacente agro colendo. Molin. n. 2. & 5.

5 Si pactum fiat in judicio; quia in judicio quasi contrahitur l. licet 3. §. idem 11. ff. de pecul. ex quasi contractu autem oritur obligatio, & actio. Inst. in princ. de oblig. quæ ex quasi contract. Pithing hic n. 5. in fin.



6 Si super hujusmodi pacto, vel promissione instrumentum publicum confectum sit à Notario, aut simplex scriptura extet manu promittentis subscripta, & obsignata, Abbas *in c. 1. h. tit. n. 4. Molina n. 3. cit.*

7 Si ejusmodi pacto adjiciatur juramentum. Covar. *in c. quamvis 2. de pact. in 6. p. 2. §. 4. n. 15. & 16. Molin. D. 156. num. 4. Layman, lib. 3. tr. 4. c. 2. n. 2. in fin. Pirhing hic l. cit.*

8 Denique si tale pactum legis assistentiam, & privilegium ab illa speciale habeat, ut oriatur ex ea actio Civilis: qualia sunt maximè quatuor, videlicet pacta sponsalitia, promissio dotis acceptata, simplex donatio, vel promissio de donando, & pactum, quo quis promittit solutionem debiti alicui, vel proprii alia die, aut loco. Molin. *D. 255. in 7. & tribus seqq. Pirhing, l. cit. Vviesner n. 11. hic cum aliis.*

4 Quæritur 4. an Pollicitatio, sive nuda, & non acceptata promissio obligationem, saltem naturalem, & in foro conscientie pariat, an contra pro libitu sit revocabilis? Videtur revocari non posse à paritate cum Votis, quæ semel edita revocari nequeunt. Verùm non est paritas, & disparitas liquet; Deus enim statim, ac Votum emissum est, si illud de meliori bono sit, etiam si sola mente conceptum sit, acceptare censetur; contra homo promissionem sibi factam, antequam ipsi sufficienter manifestetur, acceptare non potest, nec acceptare censetur, priusquam hoc aliquo signo externo declaret.

Quare dicendum, regulariter Pollicitationem, antequam acceptetur, nullam, etiam naturalem, obligationem inducere, sed revocari pro libitu promittentis posse. Ita Clar. *§. donatio q. 12. n. 2. Covar. in c. quamvis cit. p. 2. §. 4. n. 25. Molin. D. 263. a. 1. & teste P. Vviesner hic n. 13. plerique alicujus nominis DD. Ratio est, quia ut ex promissione quis alteri obligetur, seclusa speciali dispositione Legis, necessarius est mutuus consensus utriusque l. hujus 1. §. conventionis 3. ff. h. tit. atqui consensus mutuus tandiu deficit, quamdiu promissio non est acceptata à Promissario. ergo &c.*

Dixi autem Regulariter; *Excipitur enim* 1. si pollicitatio facta sit Civitati, seu Reip. ob causam, v.g. in gratitudinem pro honore ab ea accepto, vel accipiendo, in reparationem ædificii terræ motu, incendio, aut alia ruina destructi, pro opere promovendo, quod jam coeptum ab illa est; nam ex tali pollicitatione ex parte promittentis statim oritur obligatio, etiam Civilis, & in foro externo, etiam si nondum sit acceptata. l. si pollicitus 1. in princ. l. pactum 3. §. si quis 1. & l. propter 4. ff. de pollicit. ex speciali dispositione Juris, ob bonum publicum antecedenter quodammodo acceptantis promissionem ita Civitati, vel Reip. factam:

*Excipiunt 2. alii*, si sit facta Ecclesiæ, vel alteri causæ piæ ex ratione; quia censetur facta principaliter ipsi Deo, qui statim eandem acceptat. Sed et si omnino servanda sit hæc exceptio, quando constat pollicitationem principaliter factam ob honorem Dei, & Deo, imò ita factam plerumque præsumi debeat; universaliter tamen exceptio ista locum non habet, nisi pollicitatio Ecclesiæ facta confirmata sit Juramento: & ratio est, quia omnis promissio ea natura sua est respectiva, ita ut vim absolute obligandi non habeat, nisi dependenter ex alterius consensu; igitur cum aliquid speciale quoad hoc in favorem Ecclesiæ non reperitur statutum, idem dicendum erit de pollicitatione facta ipsi, aut alteri piæ causæ. Vide Sylv. *V. pollicitatio*, Less. *l. 2. de J. & J. c. 18. n. 37. & seqq. Pirhing hic n. 2. Vviesner n. 12.*

5 Quæritur 5. an promissio præsentis, & tacenti facta eo ipso censetur tacite acceptata, & cons. intervenire tacitum pactum, quo promittens obligetur? Ita quidem existimant Barrol. Jason, & alii apud Fachin. *l. 8. contr. c. 64.* & videtur istud suaderi 1. quia in favorabilibus tacens habetur pro consentiente *Reg. 43. in 6. 2. quia c. qualiter 3. h. tit.* promissa adimpleri jubentur: quod necessarium non foret, si manerent in terminis pollicitationis nudæ, & tacitum pactum non intercederet.

Sed tenenda est negativa sententia, quam etiam defendit Fachin. *l. cit. Konig hic n. 9. & alii ab his cit.* Ratio est, quia aliis inter præsentem nulla daretur pollicitatio nuda; vel enim is, cui promissio facta est, statim dissentit, vel non: si primum, pollicitatio dissensu tollitur; si secundum, jam non pollicitatio foret, sed pa-

ctum. *Conf. ex l. stipulatio 1. §. si stipulanti 4. ff. de V. O. ubi dicitur: si stipulanti mihi 10. tu 20. respondeas, non esse contractam obligationem, nisi in 10. esset autem contracta obligatio, saltem naturalis, ad alios decem, cons. ad 20. integros, si tacita acceptatio, & pactum subsisteret semper, quando aliquid promittitur præsentis, & tacenti. ergo &c.*

Neque urgent admodum argumenta opposita. *Ad 1.* Regula citata tantum procedit, quando factum aliquid, vel alia circumstantia aut conjectura intervenit, unde consensus sufficienter possit colligi; hoc si non fiat, tacere est quasi medium inter affirmare, & negare, consentire, & dissentire per *Reg. 44. in 6. ubi is, qui tacet, nec fateri, nec negare dicitur, adeoque adhuc deliberare præsumitur. Ad 2. ibi Jus Canonicum non tribuit novam efficaciam promissis, sed jam aliàs ex naturali obligatione competentem confirmat. atqui naturalis obligatio ex pacto tantum & consensu duorum, non verò ex nuda unius promissione oritur. ergo &c.*

Quæritur 6. quam vim habeat Pactum, sive Promissio acceptata? *Certum est* 1. quòd hujusmodi pacta, vel promissiones, etiam nudæ, postquam acceptatæ sunt, inducant obligationem præstandi id, quod promissum est, saltem naturalem, & in conscientia, nisi Jure sint irrita. Est indubitata TT. & JCorum sententia. Sumitur ex l. hujus 1. in princ. ff. h. tit. ubi Electi de pactis observandi, *aquitas* dicitur esse naturalis; & l. in his 5. §. imperator 2. ff. de solut. ubi dicitur ex hujusmodi pactis ipsas etiam *usuras deberi*. Ratio est, quia ex communi doctrina consensus verbis expressus, & acceptatus, si de re licita initus, & Jure irritatus non sit, ad inducendam obligationem naturalem sufficit. talis consensus etiam in pactis, quamvis nudis intervenit. ergo &c.

*Certum est 2.* Pacta, quæ nec dolo, nec contra Leges inita, sunt, inducere Exceptionem adversus paciscentem l. Juris gentium 7. §. sed cum 4. ff. h. tit. & quod ex tali pacto solutum est, non posse repeti l. ex quibus 51. & l. siquid dominus 64. ff. de condit. indebit. Sequitur ex dictis; nam post acceptance id, quod promissum est, ex Justitia debetur promissario: cons. per traditionem acquirit ejusdem dominium, & quidem irrevocabiliter, cum dolo, aut alius defectus non intervenerit, ut ponitur.

*Certum est 3.* ejusmodi Pacta, nisi privilegio, aut alio adminiculo munita sint, de Jure Civili actionem non producere, ut constat ex §. sed cum cit. l. divisionis 45. ff. h. tit. l. legem 10. l. cum proponas 21. l. si certis 28. C. eod. & passim alibi. Ratio est, quia sicut facile, & quotidie hujusmodi pacta inveniunt, ita etiam violantur: unde si adversus contravenientes daretur actio, necesse foret, multitudine litium Tribunalia opprimi cum damno, & perniciæ Reip.

Dubium, & celebris apud DD. est quæstio, utrum Pacta nuda actionem non saltem producant de Jure Canonico. Affirmant Abb. *in c. 1. h. tit. n. 5. Felin. ibid. n. 5. Molin. tr. 2. D. 257. n. 2. Less. l. 2. c. 18. num. 55. Vallen. hic §. 2. n. 5. Pirhing ibid. n. 36.* alique complures magni nominis DD. quorum sententiam confirmat consuetudo optima Juris interpres. Fundantur 1. c. Antigonus 1. h. tit. ubi cum Optantius ex pacto (non distinguendo inter nudum, & legitimum) conventus esset, Concilii Carthaginensis PP. omnes pronuntiarunt pro Antigono; nam omnium vox fuit, *Pax servetur, pacta custodiantur*. atqui vox *Conventus* actionem denotat. ergo &c. 2. c. qualiter 3. eod. ubi Gregorius M. *Studiose agendum*, inquit, ut ea, quæ promittuntur, opere compleantur. 3. ratione; quia SS. Canones conscientis intendunt consulere c. novit 13. de jud. & c. fin. de præscript. non autem satis consulerent, si solum præciperent pactorum hujusmodi observantiam, nisi etiam actionem adversus contravenientem indulgerent, quippe cum hæc sit efficax medium ad eorum observantiam obtinendam. ergo &c.

Sed his non obstantibus, dicendum, ex pacto nudo, præscindendo à contraria consuetudine, etiam de Jure Canonico actionem non produci. Ita Salicet. *in l. 10. C. de pact. q. 7. Alciat. l. 5. Paradox c. 3. Fachin. l. 2. contr. c. 100. Connanus l. 5. comment. c. 3. Palao tr. 32. D. 1. p. 3. n. 9. Haunold. tom. 3. de J. & J. tr. 8. n. 42. Gonzal in c. 1. h. tit. n. 8. Zoef. ff. cod. n. 6. Konig hic n. 54. Vviesner n. 18. & alii plures. Ratio est, quia à Jure Civili non est facile recedendum, nisi manifesta decisio Canonica in contrarium habeatur c. intelleximus 1. & c. seq. de nov. Oper.*



*Oper. nunt.* atqui nullus extat Canon, quo ex nudo pacto actio concedatur eo casu, quo negatur Jure Civili. ergo &c. *Conf.* quia SS. Canones non minùs, ac Leges Civiles, abhorrent à litium, & controversiarum frequentia: & hinc adversùs lædentem infra dimidium justipretii, licet graviter peccet, & pretii defectum supplere teneatur in conscientia, actionem tamen cum Jure Civili negant *c. cum dilecti* 3. & *c. cum causa* 6. de *empr. & vendit.* ubi hæc tantum conceditur læsis ultra dimidium.

In contrarium allata solutionem non incongruam patiuntur. *Ad 1.* ibi sermo est de pacto non nudo, sed legitimo: unde textus verba, quamvis generalia, juxta subjectam materiam, & casum propositum explicanda sunt: deinde in casu dicti *cap.* adversùs Optantium non fuit proposita actio, sed facta denunciatio injuriæ manifestæ, & Patrum Concilii officium ab Antigono imploratum. *Ad 2. l. Juris gentium* 7. §. 7. ff. h. tit. etiam Prætor dicit *pacta servabo*: & tamen liquet, nec Jure Prætorio ex Pacto nudo actionem concedi. *Ad 3.* ut pacta custodiantur, & eorum violatione peccata non continentur, satis cavetur per Denunciationem Canonicam, vel implorationem Officii Judicis.

## §. II.

De Personis, quæ pacisci possunt, vel non possunt.

## S U M M A R I U M.

8 Pacisci prohibentur aliqui natura.

9 Alii Canone.

10 Alii Lege: inter hos præcipue est Filiusfam.

11 Requisita, ut iste pacisci possit.

12 Non obligatur ex mutuo, exceptis certis casibus, videlicet S. C. Macedoniani.

13 Quo defenditur etiam in conscientia.

14 Nisi pecuniam mutuata adhuc habeat, vel inde factus sit locupletior.

15 Aut mutuantem excuset tolerabilis ignorantia Juris.

16 An filiusf. renunciare possit exceptioni S. C. Macedoniani.

8 **R**egulæ generalis instar est, pacisci omnes posse, qui specialiter non prohibentur; quia de genere permissorum est. Prohibentur autem aliqui natura, alii Lege, alii Canone. Hinc.

Quæritur 1. quinam prohibeantur natura, ut pacisci non possint? Resp. qui vel consentire non possunt, vel si consentire possunt, consensum, ut percipi possit, verbis, aut aliis signis exteriùs sufficienter explicare nequeunt.

Tales sunt 1. Infantes, quibus tenella ætas usum rationis denegat *l. obligationes* 1. §. huic proximus 13. ff. de *O. & A.*

2 Amentes, & mente capti, vel furiosi extra dilucida intervalla §. furiosus 8. *Inst. de inutil. stipul.* & *l. cit.* §. furiosus 12. quia non intelligunt, quid agant.

3 Ebrii, ebrietate, ut ajunt Theologica, seu tali, quæ omnimodam mentis alienationem inducit; quia à Seneca rectè infans comparantur.

4 Surdi, & muti simul, si consensum exprimere signis sufficienter nequeant; aliàs si istud possint, stipulationis quidem incapaces erunt. §. mutum 7. *Inst. de inutil. stipul.* pacisci tamen, & contrahere non prohibentur *l. in quibuscumque* 48. ff. de *O. & A.*

Quæritur 2. quinam pacisci prohibeantur Canone, si ve Jure Ecclesiastico? Resp. hoc Jure pacisci prohibentur de rebus Ecclesiasticis, quibus prohibita est alienatio earundem sine consensu Superioris, si ve Prælati, aut Capituli, ut patet ex *Tit. de reb. Eccl. non alien.* Host. in *Summ.* hic n. 4. Pith. n. 7. Vviestner n. 38.

Tales sunt 1. Prælati, & Administratores Ecclesiarum, & Monasteriorum: nam de bonis istorum immobilibus, & mobilibus pretiosis sine Juris solemnitatibus pacisci nequeunt; quia sine his alienate illa non possunt, ut ex instituto examinabitur *Lib. 3. Tit. 13. per totum.*

2 Religiosus; quia *velle, & nolle* proprium non habet, ut dicitur *c. Religiosus* 2. de *Testam.* in 6. Ex quo sequitur, ipsum, si paciscatur, vel contrahat circa rem temporalem absque licentia Superioris sui, invalidè pacisci, & contrahere, ita ut ex tali pacto, vel contractu

ne quidem naturaliter obligetur, ut bene notat Palao *tr.* 16. *D. 3. p. 15. n. 3.* ubi dat Rationem, quia Religiosus, obstante Voto Paupertatis, absque Superioris consensu, nec dare, nec recipere potest, & *conf.* etiam se obligare non potest ad sic dandum, vel recipiendum; obligatio enim ad aliquid dari non potest, quod sine peccato impleri nequit.

Excipiendus tamen est triplex casus, quo pacisci Religiosus potest.

1 Si paciscatur ex facultate Superioris expressa, vel tacita; nam hoc si fiat, ex ejusmodi pacto, vel contractu obligabitur tam civiliter, quam naturaliter, ut aliis *citt.* advertit Pal. *loc. cit. num. 1.* Ratio est, quia in tali pacto, vel contractu, utpote legitima autoritate inito, concurrunt omnia requisita ad naturalem, & civilem obligationem: quod adeo verum est, ut nec Superior, qui facultatem concessit, nec ejus successor dictum contractum irritare, vel obligationem cassare possit; quia per tale pactum jam est alteri jus quæsitum, quod jus Superior nequit remittere, cum non gerat vices ejus, cui quæsitum est.

2 Si Religiosus stipuletur pro Monasterio; talis enim Contractus stipulationis validus est, modò Monasterium, pro quo sit, non contradicat. Navar. *Comment. 2. de Regularib.* num. 32. Sanch. *l. 7. moral. c. 31. n. 32.* Pal. *loc. cit. num. 5.* Ratio est, quia cum ejusmodi stipulatio favorem, & utilitatem proprii Monasterii spectet, cuilibet Religioso tacitè à Jure videtur permissa *arg. §. sed & si quis alii* 20. *Inst. de inutil. stipulat.*

3 Si id, circa quod Religiosus paciscitur, sit actio personalis, ex se non inhonesta; nam circa has probabilius validè paciscitur sine licentia Prælati, vel Superioris. Navar. *l. cit. n. 42.* Pal. *n. 3.* Konig *hic n. 27. fin.* Vviestner *n. 37.* Ratio est, quia nulla Lex ejusmodi pacto resistit: & ideo quamdiu Prælatus obligationem inde ortam non irritat, tenetur ea Religiosus, debetque implere.

Quæritur 3. quinam prohibeantur Lege, ne possint pacisci? Resp. horum 5. sunt species.

1 Impubes, seu pupillus; nam hic sine autoritate Tutoris prohibetur pacisci, nisi paciscendo conditionem suam meliorem faciat, & non ipse alteri, sed alii ipsi obligentur. *Inst. in princ. & l. obligari* 9. pr. ff. de *authoritat. tutor.* aliàs contractus, vel pactum ab ipso inirum erit nullum civiliter *rinc. cit. & l. contra* 28. pr. ff. h. tit. & probabilius etiam naturaliter *l. quod pupillus* 31. ff. de *condict. indebit.* & *l. pupillus* 59. ff. de *O. & A.* Ratio est, quia etsi jam intelligat, quid agat tam leve tamen, & imbecille adhuc judicium habet, ut obligationis, quæ ex pacto profuit, gravitatem, & præjudicium pro merito non valeat æstimare.

2 Minor 20. annis: ubi tamen distinguendum est, an Curatorem habeat, vel non habeat. Si Curatorem habet, & obligatio ex pacto orta concernat res ejusdem, pacisci sine autoritate Curatoris non potest; potest autem, si concernat tantum ipsius personam; quia Curator rebus, non personæ datur. Fachin. *l. 3. contr. c. 9.* Vviestner *n. 24. hic.* Si Curatorem non habet, de rebus quidem mobilibus non pretiosis pacisci, & obligare se potest, salvo tamen beneficio restitutionis in integrum, si læsus sit; de immobilibus autem, vel mobilibus pretiosis ad alienationem illorum ut validè paciscatur, opus habet Decreto Judicis *l. lex quæ* 22. *C. de administrant. tutor. vel Curator.* & *l. non solum* 4. *C. de prad. minor.* Procedit hoc, etiam si ætatis veniam impetraverit *l. eos qui* 3. *C. de his, qui veniam ætatis &c.* quia Minor ejusmodi res etiam cum Curatore suo alienare non potest. Vviestner *hic n. 25.*

3 Proditus Juridicè, seu talis, cui, ne omnia sua dissipet, à Magistratu bonorum suorum administratio est interdicta; hic enim quoad hoc equiparatur Minori. *conf. sibi obligare alios, & acquirere quidem sine Curatoris sibi à Magistratu dati consensu potest, non tamen potest sine illo contractu, vel pactione sua se obligare alteri, & conditionem suam deteriore facerem* *l. is cui* 6. ff. de *P. O.* Konig *hic n. 24.* Vviestner *n. 26.*

4 Servus; in hunc enim, cum Jure Civili pro nullo habeatur, non cadit obligatio Civilis: Civilis, inquam; nam paciscendo naturaliter tam sibi aliòs, quam aliis se obligare potest *l. quod attinet* 32. ff. de *R. J.* & *l. servi* 14. ff. de *O. & A.*



5 *Filius familias*; nam hic pacisci quidem, & obligare se potest quoad bona Castrensia, vel quasi Castrensia; quia horum dominium, & administrationem habet *l. filius familias* 39. ff. de O. & A. At quoad bona adventitia, ut pacisci, & Contrahere possit, indiget consensu patris; quo multò magis indiget quoad bona perfectitia, cum istorum non tantum administrationem, ut adventitiorum, sed etiam dominium, & proprietatem habeat pater *l. fin. §. ipsum* 5. C. de bonis, quæ liberis &c.

11 Quæritur 4. quid requiratur, ut Filius familias paciscendo obligare se possit? Resp. 1. requiritur. ut sit pubes; nam filius impubes nequidem auctore patre obligare se potest §. *sed quod diximus* 19. Inst. de inut. stipul. & *l. fin. §. pupillus* 2. ff. de V. O. Neque obest, quod pupillus impubes auctore tutore efficaciter obligetur; ratio enim disparitatis præter alias est, quia pupillus ob consensum malè præstitum convenire Tutorem potest, non autem patrem, cum lis nulla inter patrem & filium esse possit *l. lis* 4. ff. de judic. & *l. actiones* 7. ff. de O. & A.

2 Ut in peculio adventitio ordinario habeat consensum patris; nam sine omni consensu patris de hoc invalidè paciscitur *l. fin. §. ipsum* 5. C. de bonis, quæ liberis &c. Dixi sine omni consensu; sufficit enim consensus tacitus, qualem haberet, si liberam illorum bonorum administrationem commisisset pater, vel hinc procul abesset. Molin. tract. 2. Disc. 261. numer. 3. vers. *sicut circa*. Addidi Ordinario; nam de bonis adventitiis extraordinariis, qualia sunt, quorum & proprietas, & ususfructus spectat ad ipsum filium, etiam inconsulto patre, paciscitur validè; quia de his, excepta testamentaria, liberam dispositionem eidem Jus tribuit. Novell. 117. c. 1. Konig hic n. 25. dist. 3.

3 Ut, si pacisci velit de peculio profectitio, & consensum patris expressum non habeat, saltem ejus causa paciscatur; tali enim casu paciscitur validè ob generalem, & interpretativum consensum patris, qui concedendo administrationem hujus peculii intelligitur etiam concessisse jus paciscendi, vel contrahendi de illo *l. qui peculii* 46. ff. de peculio. Et ideo si filius ex hac causa contrahat, uterque obligatur, filius quidem in solidum, pater verò peculiorens, seu juxta vires, & mensuram peculii *l. si quis* 44. ff. eod.

12 Quæritur 5. an filius familias obligetur ex mutuo, sine consensu, vel præcitu patris contracto? Resp. Regulariter non obligari, idque beneficio S. C. Macedoniani, quo sancitum est, ut filiusf. si in posterum ex mutuo pecuniario conveniretur, intentatam sibi à creditore actionem elidere, atque excludere ope exceptionis memorati SCti posset, ut habetur *l. 1. & seqq. ff. & C. ad S. C. Macedon.* Ratio sic statuendi fuit, ut ita coerceretur facilitas filiorumf. & improbitas sceneratorum, qui subinde filiisfam. dederunt pecuniam mutuam, sub ingenti scenore parentibus mortuis primùm solvendam: quo factum, ut filiisfam. aut impatientia alieni æris insidiarentur parentum vitæ; vel si istorum mortem expectarent, sæpe scenoris in immensum excreverent mole obruerentur.

Addidi regulariter; nam plures sunt casus, in quibus exceptioni ex hujusmodi SCto locus non est. Et 1. quidem, si filius mutuū accipiens sit miles; quia miles habetur pro eo, qui sui juris est, & non indiget consensu *l. fin. §. fin. autem* 1. C. ad S. C. Macedon. 2. Si habeat bona Castrensia, vel quasi Castrensia *l. fin. cit.* quia hujusmodi bonorum plenam administrationem habet, & respectu ipsorum reputatur pro Patrefam. 3. Si communi errore credebatur non filiisfam. esse sed sui juris *l. si quis* 3. in princ. ff. eod. 4. Si Patremf. se simulavit *l. si filiisfam.* 1. C. eod. 5. Legationis, vel Studiorum causa peregre degens mutuū accepit ad alimenta, & alios sumptus necessarios, quos patris pietas non recusasset. *l. Macedoniani* 5. C. eod. 6. si mutuū non constituit in pecunia, sed in alia res fungibili, ut in vino, frumento &c. nisi tamen ita fraus facta sit SCto, ut his rebus distractis, filiusf. uteretur pecunia *l. item* 7. §. *mutui* 3. ff. eod. 7. si mutuū quidem data sit pecunia, sed sciente, mandante, aut ratum habente patre. *l. si tantum* 12. *l. si filiisf.* 16. ff. & *l. fin. C. eod.* 8. si pecunia alio titulo fuerit debita à filiof. ut ex emptione, conductione, nisi tamen in hoc fraus interveniat *l. si quis* cit. §. *is autem* 3. 9. si pecunia mutuū accepta in rem, vel utilitatem patris conversa sit *l. item* cit. §. *proinde* 12. 10. si filiusf. præpositus à patre erat alicui negotiationi, & causa talis negotiationis mutuū accepit *l. item* tit. §.

*interdum* 11. 11. si filiusf. mutuū contraxisset post nuptias: quod procedit in iis Regionibus, in quibus filii eo ipso, quod contraxerint matrimonium, egrediuntur potestatem partiam, ut de Castella, & Lusitania restatur Molin. tr. 2. D. 301. n. 2. de plerisque Germaniæ partibus Engl hic n. 37.

Quæritur 6. an dicti SCti exceptione filiusf. defendatur etiam in foro conscientiae? Negat Fachin. l. 2. contr. c. 62. in fin. & videtur hoc etiam probare ratio. 1. quia filiusf. ex mutuo creditori obligatur naturaliter, ut expressè habetur *l. quia naturalis* 10. ff. de S. C. Maced. & ostenditur ratione; quia solutum non repetit *l. sed si* 9. §. & *h. 4. & §. seq. ff. eod.* quod tamen aliàs posset, si naturaliter non obligaretur *l. indebitum* 7. & *l. quod pupillus* 41. ff. de Condict. indeb. 2. exceptio SCti Macedoniani pœnalis est, & naturali obligationi, quæ antea oriebatur ex contractu mutui à filiof. celebrato, derogat. igitur tanquam odiosa restringi debet, quantum potest, conf. ad forum externum. 3. iniquum videtur pro beneficio aliquem damnum pati. sed beneficium contulit mutuū dans filio, qui tamen absque culpa sua pateretur jacturam.

Verum his non obstantibus, dicendum, per se loquendo, & extra casus Jure expressos, filiumf. exceptio hujus SCti etiam in foro conscientiae tutum esse. Ita Innoc. in c. *quia plerique* 8. de immunit. n. 3. Abbas *ibid.* n. 26. Gomez tom. 2. var. ref. c. 6. n. 2. Molina tr. 2. D. 301. n. 2. Lessius l. 2. c. 20. n. 8. Layman l. 3. tr. 4. c. 15. n. 5. Engl. hic nu. 38. Vviestner n. 31. & complures DD. alii. Ratio est, quia Lex justa in foro externo meritò etiam ad forum internum porrigitur, ne sine effectu sit, dum ad id, à quo ipsa absolvit, sub periculo salutis adstringeret Lex conscientiae. atqui Lex ista per SCtum memoratum posita in foro externo justa est; non enim excedit limites potestatis legislativæ ex justa, & publica causa contractum irritare, actionem denegare, dominium ab uno transferre in alium &c. ut patet exemplo legis inducentis præscriptionem, solemnitates in contractibus, & testamentis &c. Conf. Resp. hoc SCto voluit consulere vitæ parentum, & coercere tum filiorum levitatem, tum sceneratorum iniquitatem. atqui si contractum mutui, cum filio sine consensu parentis initum, non omnino etiam pro foro conscientiae irritasset, nec vitæ parentum fuisset satis consultum, nec filiorum levitas, & sceneratorum iniquitas efficaciter repressa; nam filius, ut æris alieni onere, quo conscientia ejus gravatur, se liberet, etiam post SCtum ad impia consilia, & struendas parentibus insidias compelli posset. ut igitur finem suum obtineat Lex, dicendum, quòd ejusmodi contractus fuerit omnino irritatus, ita ut Filius neque in conscientia teneatur debitum solvere.

Argumenta opposita non convincunt. Ad 1. filiusf. naturaliter fuisset obligatus, nisi Lex impedivisset obligationem, quod potest ex justa causa. Neque plus probat, quod additur ex *l. sed si cit.* ubi negatur eidem soluti repetitio; hoc enim non ideo fit, quòd naturaliter fuerit obligatus, sed quia soluti etiam indebiti dominium sceneratori concessit Resp. ad evitandam multitudinem litium, quæ ex soluti repetitione facilè excitarentur. Ad 2. etsi Exceptio per hoc SCtum inducta respectu sceneratorum sit odiosa, respectu Reip. tamen, ad cujus damna cavenda principaliter intenditur, est favorabilis, & conf. lata interpretationis. Ad 3. Resp. eo ipso, quòd rerum nostrarum domina magis, quàm nos ipsi, esse dicatur, contractum mutui à filiof. celebrati irritare ita potuit, ut ne quidem valeret in conscientia.

Quæritur 7. an si filiusf. pecuniam mutuam non inutiliter perdidit, vel expendit, sed post mortem patris adhuc pœnes se habet, vel in alias res commutavit, adeoque inde locupletior factus est, nihilominus exceptione SCti rueri se possit? Certum est, hoc se rueri posse in foro externo, ut clarè patet ex *l. sed si* 9. §. *hoc SCtum* 2. ff. de S. C. Maced.

Dubium est, an tutus etiam sit in foro conscientiae? Et ratio dubitandi sumitur ex responsione ad 3. n. præc. cum enim lex sit rerum nostrarum domina, dominium rei mutuatae in filiumf. à mutuante transtulit sine onere solvendi mutuū.

Sed melius dicendum, in hoc casu esse obligationem in conscientia ad restituendam pecuniam mutuam adhuc extantem, vel si non extet, ad solutionem illius, quo



## §. III.

## De Materia, sive Objecto Pactorum.

## S U M M A R I U M.

- 17 18. 19. *Quenam facta deduci in Pactum possint?*  
 20 21. 22. 23. *Quenam res;*  
 24 *An, & quale Pactum de hereditate viventis repro-*  
*betur à Lege?*  
 25 *An pactum affirmativum de succedendo, addito Ju-*  
*ramento, confirmetur?*  
 26 *An confirmetur Juramento etiam Pactum negativum*  
*de non succedendo?*  
 27 *Casus, quibus non confirmatur.*

**P**Acti Materia, seu Objectum duplex est, Res, & Facta.

Quæritur 1. quænam Facta deduci in Pactum possint? 17  
 Resp. ut factum aliquod deduci in Pactum possit, debet 1. esse proprium; nam factum alienum inutiliter promittitur §. *siquis* 3. & §. *versa vice* 21. *Inst. de inutil. stipulat. l. stipulatio* 38. *in princ.* & *l. inter stipulantem* 83. *in princ. ff. de V. O.* Excipitur, nisi promiserit quis, curatum se, ut alius faciat; tunc enim obligatur, ut illum inducat ad faciendum §. *siquis cit.* imò tunc revera jam paciscitur de facto proprio, nempe de industria sua adhibenda,

2 Debet esse possibile; nam *impossibilium obligatio nulla est*, ut dicitur *Reg. 185. de R. J.* Estque perinde, siue factum, de quo Pactio sit, sit impossibile ex natura sua, ut si quis pacisceretur de Solis, vel alterius sideris cursu impediendo; siue aliunde, ut si quis pactum iniret cum moribundo, ut post obitum reverteretur de suo, aut aliorum vita functorum statu amicis edoceat; nam materia istius Pacti in solius Dei est potestate.

3 Debet esse honestum; quia hoc licitè, & jure fieri non potest, homini possibile non censetur *can. faciat* 15. *caus. 22. q. 2.* ubi Gloss. *V. quod potest, Solum illud*, inquit, *dicimur posse facere, quod justè facere possumus.* Cui consonat, imò faciem prætulit Papinianus *l. filius* 15. *ff. de condit. Instituit.* ubi verè, & prorsus Christianè, *Quæ facta*, inquit, *ledunt pietatem, existimationem, verècundiam nostram, & (ut generaliter dixerim) contra bonos mores fiunt, nec facere nos posse credendum est.* Procceditque hoc, ut nec valeat Pactum de non faciendo delicto, puta de non furando, non mentiendo, non occidendo, cum gratis bonum esse conveniat, & turpe reputetur pro pretio demum abstinere à malo *l. Juris gentium* 7. §. *si ob maleficium* 3. *ff. h. tit.* & *l. ut puta* 2. *ff. de condit. ob turp. caus.*

Dub. 1. utrum pacisci liceat de delicto remittendo; 18  
 Resp. distinguendo; Vel enim delictum patratum jam est, vel nondum patratum, quando pactum initur.

*Si hoc secundum contingat*, ut si promittam tibi, me non conventurum te furri, si in futurum furtum mihi feceris, aut de dolo, si dolo me quandoque deceperis, pactum non tenet *l. si unus* 17. §. *illud* 3. & §. *seq. ff. h. tit.* Ratio est, quia, ut bene advertit Konig *hic num.* 46. tales promissiones præbent manifestam occasionem ruinæ, laxant habenas scelerum, & eos, quibus fiunt, reddunt alacriores ad delinquendum, quod sanctitas Juris non patitur.

*Si primum fiat*, & post furtum, injuriam, dolum &c. pactum ineatur, ne nobiscum agatur ex his causis, pactum tenet *l. si unus cit.* §. *pacta* 4. Ratio est, quia sic paciscendo non datur occasio peccandi, sed debitum, vel delictum jam antè commissum delinquenti remittitur. Konig *loc. cit.* Excipitur, si remissio talis cederet in præjudicium tertii, vel boni publici; hoc enim præferendum est.

Dub. 2. quam obligationem inducat Pactum, vel Pro- 19  
 missio ob turpem causam, si ab altera parte sine peccato impleri possit, ut si quis famina, ut copiam sui faciat, promittat pecuniam? Resp. Promittens turpe factum tenetur non implere promissum; quia sine peccato impleri non potest. Si tamen implevit, exigere potest pecuniam sibi promissam, & alter illam tenetur eidem dare; quia in danda pecunia peccatum nullum est. Pirh. *hic n.* 27. estque communis TT. & Canonistarum sententia.

quo factus est locupletior. Ita Layman. *l. 3. tr. 4. c. 15. n. 3. vers. ceterum*, Palao *tr. 32. D. 4. p. 3. n. 22. Engl. hic n. 39.* Vviestner *n. 32. contra Haunold. tom. 3. tr. 9. nu. 329.* Ratio est, quia tali casu cessat causa, ob quam concessa est filiof. exceptio SCri, & ipse liberatus ab onere solvendi mutuum, cum nihil amplius subsit causæ ut propter solutionem vitæ parentum insidiari debeat, quia habet, undesolvat.

*Ad rationem dubitandi* in casu dato dubium est, an Lex filiof. voluerit concedere dominium irrevocabile pecuniæ mutuata; an solùm mutuandi actionem negare in foro externo relicta interim obligatione naturali; in dubio autem ordinariè melior solet esse conditio ejus, qui certat de damno vitando, quàm qui de lucro captando.

Quæritur 8. an mutuantem filiof. excuset ignorantia Juris circa dictum SCrum? Resp. distinguendo; nam si sit ignorantia supina, & crassa, non excusat; secus, si sit in culpa, & tolerabilis: & ita accipiendus est textus *l. juris ignorantia* 7. & *l. seq. ff. de Jur. & fact. ignor.* ubi statuitur, quòd error Juris non profit quidem in lucro, seu acquirere volentibus, excuset tamen à pœna, & non noceat in damnis admittendæ rei suæ. Proccedit hoc maxime in iis personis, in quibus toleratur ignorantia Juris, ut sunt præcipuè minores, de quibus quoad hoc SCrum specialis est textus *l. verum* 11. §. *fin. ff. de minor.* & *l. Regula* 9. *ff. de Jur. & fact. ignor.* Item mulieres, milites, rustici, alique forensium rerum expertes, & simplices, ac plebei homines, ut notat Engl. *hic n. 39. vers. item mulieres*; qui tamen postea excipit eum, qui occasionem mali filiof. dedit, ejusque peccato cooperatus fuit, non ignorans, eum abuturum pecunia à se ipsi credita: huic enim quamvis ignorarit constitutionem hujus SCri, non putat contra illud subveniendum: quod colligit 1. ex *l. Regula cit.* ubi Paulus JCtus, fœminas, dicit, *ubi non est delictum, sed juris ignorantia, non le-di.* 2. ex *l. venia* 2. *C. de in jus vocand.* ubi libertus, qui patronum sine venia in jus vocavit, punitur pœna Edicti, sc. 50. solidorum, nec excusatur ob rusticitatem, siue Juris ignorantiam; quia ut ait Gloss. *in l. error* 9. *ff. de Jur. & fact. ignor.* sufficiebat liberto scire, hoc esse contra naturalem æquitatem, licèt prohibitionem Juris cum pœna ignorarit. 3. ex ratione; quia qui novit malitiam peccati, ex sola ignorantia pœnæ, à pœna (excepta Censura) excusari non solet. Vide Molin. *tr. 5. de J. & J. D. 71. n. 9. Engl. l. cit.*

Quæritur 9. an filiusf. exceptioni, quæ sibi ex hoc SCro competit, renunciare valeat? Non conveniunt DD. nam 1. Lessius *l. 2. de J. & J. c. 20. num. 8.* Layman *l. 3. tr. 4. c. 15. num. 5.* & alii nonnulli distinguunt inter simplicem, & juratam renuntiationem: priore negant exceptionem hanc tolli posse; quia non tam filii, quàm patris, & Reip. favor est: posteriore concedunt; quòd ejusmodi juramentum sit de re licita, & seclusa Civili Lege, honesta, conf. observandum.

*Altera sententia* cum Abb. *in c. 28. de Jurejur. n. 22.* universim negat renuntiationem, quamvis jurata sit, à filiof. factam tenere, præcipuè ex ratione, quòd quævis, siue jurata, siue non jurata renuntiatio inducat pericula, & incommoda, ad quæ excludenda potissimum inducenda est Exceptio SCri Macedoniani, ut adeo non major jurata, quàm simplici renuntiationi vis adstruenda sit.

Tertia cum Gomex *tom. 2. var. c. 6. nu. 2.* Haunold. *tom. 3. de J. & J. tr. 9. n. 328. in fin.* Engl. *hic num. 42.* & aliis via media incedunt, & inortuo quidem patre, vel aliter cessante incommodorum periculo, renuntiationem juratam volunt habere vim suam: at patre vivente dicunt suspensam illius obligationem, nisi casu, quo solutio sine præjudicio, & incommodo præstari, & pater, ut in eam consentiat, induci facilè potest. Solutio hujus quæstionis multum pendet ex ea, qua quæritur, an & quales contractus Jure positivo irriti per Juramentum adjectum confirmantur, de quo *Libr. 2. tit. 24. à n. 83.*



20 Queritur 3. quænam res deduci in Pactum possint? Resp. in genere loquendo Pacta iniri possunt circa res omnes tam corporales, quàm incorporales, tam mobiles, quàm immobiles, tam præsentēs, quàm absentes vel etiam futuras duntaxat, modò tales sint, quæ in commercium humanum venire possint, & Lege, vel Canone, non prohibeantur deduci in pactum: quod studiosè addendum; nam plures excipiuntur, ut in Pactum deduci nequeant.

Et 1. quidem excipiuntur *Res spirituales*; quia hæ, quatenus tales sunt, pretio humano omnino sunt inæstimabiles: & hinc si de his, præsertim obtinendi, pactio aliqua, & conventio onerosa, intercedat, Simonia committitur. Consequenter non valet 1. Pactum, quo partes litigantes de beneficio, privata conventionione, & sine Superioris autoritate conveniunt, ut una patris lite, & iure, si quod in Beneficio habet, cedat, altera vicissim tempotale aliquid det, v. g. expensas factas refundat, vel pensionem annuam solvat *c. cum pridem 4. h. tit.* Ratio est, quia sic lite cedens jus spirituale, quod ad Beneficium, vel in Beneficio habet, remittit pro temporali. 2. pactum, quo quis promittit, se pensionem antiquæ soluturum, si in Ecclesia, vel Beneficio instituatur *c. cum Clerici 6. & ibi Gloss. V. paciscatur h. tit.* estque collatio, vel institutio, ex tali pacto facta, omnino invalida, ut ex textu *cit.* colligitur. Pirhing *hic n. 23.* Ratio est, quia iterum temporale datur pro spirituali. 3. pactum, quo duo inter se propria autoritate (secus, si autoritate Superioris) permutant Beneficia; quia *in spiritualibus, & spirituali annexis nulla pactio, vel conventio, debet intervenire*, ut ait Gloss. in *c. 5. V. Simonia de rer. permutat.*

21 Excipiuntur 2. *Res, quæ non sunt, nec esse possunt*, ut Vulpanfer, Hircocervus &c. item quæ fuerunt, sed non amplius erunt, ut homo mortuus, domus combusta; hæ enim inutiliter deducuntur in pactum, adeo, ut ne quidem æstimatio rei promissæ debeatur §. *at si quis 1. Inst. de inutil. stipul. l. etsi 15. in princ. & l. domum 57. in princ. ff. de contrah. empt. l. si homo 69. & l. liber 103. ff. de V. O.*

Excipiuntur 3. *Res alienæ*: ubi tamen est distinguendum an contractus ex dispositione Juris ordinatus sit ad dandum. i. e. ad transferendum dominium, ut est mutuum, permutatio &c. an verò ad tradendum, ut sunt emptio venditio, locatio, conductio, depositum, commodatum &c. *Si primum*, res alienæ inutiliter interveniunt; secus, *si secundum*, ut colligitur ex *l. commodare 15. & seq. ff. commodati*, & *l. rem alienam 28. ff. de contr. empt.*

Excipiuntur 4. *Rex exempta à commercio hominum*. Unde non valet promissio de re Sacra, aut Religiosa, vel publica, & in communem usum deputata, ut est forum, theatrum &c. §. *idem juris 2. Inst. de inutil. stipul.* estque hoc ita verum, ut ne quidem promissio convalescat, si res promissa statim mutet, & in hominum commercio esse incipiat §. *cit.*

22 Excipiuntur 5. *Res incertæ*: ubi tamen distinguenda est ratio incertitudinis, an sc. deducta in pactum sit res incerta sub genere generalissimo, quale est res, ens, substantia; an sub genere subalterno, ut animal, vinum, frumentum &c. an sub genere infimo, quod Logici *speciem specialissimam vocant*, ut est servus, equus, bos &c. *Si primum*, tale genus ineptè in pactum deducitur; quia debitor liberare se obligatione posset solvendo rem vilissimam, & quam habere nihil creditoris interest, e. g. dando festucam. *Si secundum*, idem est iudicium; quia debitor hoc casu satisfaceret, præstando creditori muscam, guttam vini, vel granum frumenti. *Si tertium* iterum distinguendum, an species subjectæ sint corpus, an quantitas. *Si quantitas* sint, ut vinum Necaricum, frumentum Africum &c. videndum, an cum expressione quantitatis deducantur in pactum, & pactum valeat; an sine ea, & pactum ob nimiam incertitudinem erit inutile *l. triticum 94. ita stipulatus 115. in princ. ff. de V. O. l. cum post 69. §. gener. 4. ff. de jur. dot.* Si verò species generi subjectæ sint corpus, considerandum, an habeant terminos individuantes à natura, ut est equus, bos, servus; an ab arte, vel opera humana, ut est domus, fundus &c. *Si prius*, utiliter deducuntur in pactum; quia ejusmodi res saltem aliquo modo certæ sunt ob determinationem naturæ. *Si posterius*; nisi alia fiat determinatio; ineptè de iis paciscimur; quia debitore etiam minimam rem e.

g. glebam fundi (nam & hæc fundus est) præstando se liberaret. Konig *hic n. 38.*

Excipiuntur 6. res, super quibus pacisci Canone est prohibitum. Ita 1. pacisci non licet de Beneficiis absque autoritate legitimi Superioris, neque hæc sine ista ex pacto resignati, ut dictum est *num. 20. 2. invalidum est pactum de succedendo post mortem Prælati in ipsius Ecclesiam c. accepimus 5. h. tit.* Ratio est, quia Canones successionem quasi hæreditariam in Ecclesia Dei execrantur. 3. prohibitum, & invalidum est Pactum, quo Clerici domos suas locant, vel feuda concedunt cum pacto adjecto, ut conductores domorum, aut feudatarii, qui feuda à Clericis recipiebant, Decimas ipsis solverent *c. plerique 7. h. tit.* Ratio est, quia ejusmodi Pactum cedit in præjudicium Ecclesiæ Parochialis, cui Decimæ de Jure communi debentur. 4. non valet Pactum, quo Regulares v. g. ex privilegio Sedis Apostolicæ habentes facultatem Parochianos sepeliendi in sua Ecclesia, paciscuntur cum iisdem ad sepulturam Ecclesiasticam apud se eligendam; nam non obstante tali pacto, defunctus sepeliendus est in loco, in quo aliàs de Jure erat sepelendus *c. animarum 1. de sepult. in 6. 5. etsi duæ Ecclesiæ Parochiales pacisci inter se possint, quòd velint Parochianos mutuo recipere ad sepulturam, non tamen potest Ecclesia Parochialis, vel ejus Rector facere pactum, quòd proprios Parochianos ad sepulturam nolit recipere; quia tale pactum cederet in horum præjudicium, cum cuilibet liberum esse debeat eligere sepulturam, ubi voluerint *c. nos instituta 1. de sepult.**

Excipiuntur 7. res, super quibus pacisci prohibitum est Lege. Ita præter alia complura prohibetur 1. pactio inter Advocatum; & Clientem de quota litis: de quo ex instituto *Tit. 37. infra num. 11. & seq. 2. pactum, quo filia dote contenta renuntiat hæreditati paternæ l. fin. ff. de suis, & legit. hæred. & l. pactum 3. C. de collationib.* Ratio est, quia præterquam, quòd tale pactum potius reverentia paternæ extortum, quàm spontaneum videatur, etiam liberos retrahit à paterno obsequio, in quo spe futura successionis retinentur. 3. pactum de hæreditate viventis: de quo cum plura examinanda restent, hinc ulterius.

24 Queritur 3. quale pactum; de hæreditate viventis initum, reprobetur à Lege? Resp. reprobatur Pactum tam negativum; quàm affirmativum. *Negativum* inquit; cum filius, aut filia hæreditati paternæ renuntiat, ut positum est supra in *Casu 2. affirmativum*, quando convenitur, ut paciscantur unus, vel uterque, si alteri supervixerint, ejus sit hæres. Utrumque prohibetur, primum, ut constat ex *ll. & rationibus paulò antea allegatis. Posterius*, ut habetur *l. pactum 15. l. licet 19. C. h. tit. l. hæreditas 5. C. de pact. convent. & l. ex eo 4. C. de inutil. stipulat.* Ratio est 1. quia aliter, quàm Jure proditis modis, videlicet Lege, & Testamento, hæreditates deferendæ non sunt *l. hæreditas cit. 2.* quia hujusmodi pactis libertas testandi adimitur, vel restringitur contra Jura, quæ ultimam hominis voluntatem usque ad supremum vitæ spiritum ambulatoriam esse volunt, ut dicitur *l. quod iterum 4. ff. de adimend. vel transfer. legat. 3.* quia hujusmodi pactioes censentur esse periculosæ, & captandæ, vel optandæ mortis alienæ votum inducere: e. g. proinde bonis moribus adversantur *l. stipulatio 61. ff. de V. O. & l. fin. C. h. tit.*

Quatuor tamen excipiuntur casus. 1. si paciscentes sint milites; nam inter hos inita pacta, etsi revocari valeant, valida tamen sunt, & cons. si non revocentur, ultimæ voluntatis instar, executioni mandati debent *l. licet cit. 2.* si pactum ejusmodi initum sit de voluntate ejus, de cujus successione conventum est *l. fin. C. h. tit. 3.* si de hæreditate tertii indeterminati, sive à quocunque obventuræ aliqui paciscantur; nam tali casu periculum captandæ, vel obrandæ mortis alienæ cessat. Barbosa in *l. fin. cit. n. 7. 4.* si Leges pacta ejusmodi prohibentes usu non observentur: & ita in Germania passim super hæreditate, vel tota, vel pro parte pactis dotaliibus, & consfraternitatibus (ut vocant) aliisque conventionibus disponitur, ut notat Konig *hic n. 40.*

25 Dub. 1. an Pactum hujusmodi affirmativum de succedendo in hæreditate, quòd Jure Civili invalidum est, addito Juramento confirmetur? Negant Covar. in *c. quamvis 2. de pact. in 6. p. 3. init. n. 2. Gajll. l. 2. obs. 125. n. 2. & obs. seq. n. 1. Layman in c. quamvis cit. nu. 2. Pirh. hic n. 34.*



n. 34. Fundantur 1. quia *l. stipulatio, & fin. cit. l. dicitur*, quòd hujusmodi pacta sint contra bonos mores. ergo contra eosdem etiam erit Juramentum ipsis adjectum: non est autem obligatorium juramentum, quod contra bonos mores est præstitum *Reg. 58. in 6.* 2. hujusmodi Juramentum, & pactum, cui additur tale juramentum, restringit, vel adimit liberam potestatem testandi, quæ favore boni publici concessa est. 3. præbet occasionem captandæ, vel optandæ alienæ mortis, quod bono communi grave est.

Verùm his non obstantibus, dicendum ejusmodi Juramentum valere, eique contraveniri à Jurante sine perjurii peccato non posse. Ita Gutier. *tr. de Juram. p. 1. c. 59. n. 5.* Suar. *de Juram. l. 2. c. 23. n. 2.* Molin. *tr. 2. de J. & J. D. 151. n. 12. & c.* Ratio est, quia ejusmodi Juramentum nullo Jure est irritatum, & sine peccato, ac præjudicio tertii observari potest, ut adeo locus sit Regulæ *c. quamvis 2. de pact. in 6. & c. cum contingat 28. de Jurejur. Conf.* quia si hujusmodi juramenta, tanquam bonis moribus contraria, essent invalida, non apparet, quomodo hujusmodi pactiones validæ reddi possint vi consuetudinis; nam ista, quoties Jurî, & rationi naturali adversatur, reprobatur tanquam corruptela *c. fin. de consuet. atqui vi consuetudinis hujusmodi pactiones reddi validæ possunt, ut dictum est num. præc. in fin. ergo &c.*

Neque obstant Argumenta allata in contrarium. *Ad 1.* ejusmodi pacta, de hæreditate viventis inita, non sunt contra bonos mores naturales, cum Jure naturæ valeant; sed tantum contra bonos mores Civiles, cum adversentur solum Juri Civili, quod illa irritat. atqui Juramenta solum invalida sunt, quando adduntur contractui, vel pacto, quod Jure naturali illicitum, vel irritum est, non autem, quando moribus merè civilibus pugnat, ut aliis *citt. advertit Sanch. l. 1. de matr. D. 32. n. 1. Ad 2.* ademptio, vel restrictio liberæ voluntatis testandi provenit ex libera voluntate hanc libertatem habentis; potest autem propria voluntate libertas hæc adimi, vel restringi, & aliquando laudabiliter ita restringitur, ut sit emittendo Professionem Religiosam. *Ad 3.* occasio captandæ, vel optandæ mortis alienæ in his pactis solum remota est, nec per ipsa per se datur, sed tantum per accidens ob vitium paciscentium, eorumque paucorum, illorum nempe, qui habendi cupiditate obcecati, non verentur ad hujusmodi desideria prorumpere.

*Dub. 2.* an etiam Juramento confirmetur, & vim obligandi accipiat pactum negativum de non succedendo in hæreditate paterna, vel alia sibi deferenda? Resp. si Juramentum hoc nulla vi, doloque extortum sit, eo Pactum firmatur, ita ut omnino servandum sit, ut constet ex *c. quamvis cit.* Ratio est, quia omne Juramentum, quod non vergit in præjudicium tertii, & dispendium salutis æternæ, servandum est. tale est Juramentum appositum Pacto, quo renuntiatur hæreditati sibi deferendæ; quia est de re licita, neque præjudicium ullum affert tertio, sed soli juranti, ob cujus favorem principaliter improbatum est: potest autem favori pro se principaliter introducto renunciare quilibet *arg. c. si terra 6. de privil.*

*Dices:* Lex pacta hæc irritans inducta est in favorem, & bonum publicum, ut scilicet mulieres eo facilius inire possint matrimonia, & sic multiplicentur cives. atqui iis, quæ in favorem publicum inducta sunt, pactis privatorum renunciari non potest. ergo &c. Resp. *D.* inducta est in favorem publicum secundariò. *Conc.* principaliter, *Neg.* Neque obstat, quòd *c. quamvis cit.* tantum loquatur de filia renuntiante hæreditati paternæ; nam ob paritatem, & identitatem rationis extendenda ejus dispositio est ad quamcunque hæreditatis undecunque obvenientis, renuntiationem, ut rectè notat Pirhing *hic numer. 30.* cum aliis.

Proceditque hoc, etsi jurans ignoraverit, Pactum hoc Jure Civili prohibitum esse, quia ignorantia ista non impedit consensum jurantis. Pirh. *l. cit.* Intelligendum autem hoc est regulariter; nam plures casus excepti sunt. Hinc ulterius

*Dub. 3.* quibus Casibus Pactum de non succedendo, etiam juratum, obligationem non inducat? Resp. 1. si filia, aut filius renuntiavit hæreditati paternæ, vel maternæ, ita, ut necessaria alimenta in extrema etiam necessitate non haberet; quia hæc debentur Jure naturali, conf. ipsis etiam cum Juramento renunciari non potest.

2. Si ita renunciaret, ut ne dotem quidem retinuerit;

quia dos succedit loco alimentorum. sicut ergo alimentis renunciari non potest, ita nec doti, nisi casu, quo aliunde alimenta habeat, vel habere possit.

3. Si renuntiatio fuisset extorta metu, aut dolo; nam adversus tale juramentum peti posset ejusdem relaxatio, cum nullum jus tribuat ei, cui est factum.

4. Si pater, non obstante tali juramento, instituisset filium, aut filiam in testamento; quia pater hoc faciens censetur Juramentum remittere.

5. Si filia renuntiavit hæreditati solum in favorem fratrum, & ab his descendendum, & isti deficient, & præmortui sint; quia causa renuntiationis cessat *arg. c. 6. de appell.*

6. Si ea, quæ hæreditati renuntians filia dotis nomine accepit, legitimam non continerent; tali enim casu ipsa petere relaxationem Juramenti, & in integrum restitutionem posset, ut cum aliis notat Abb. *in c. 28. de Jurejur. numer. 25.*

7. Si filia, vel filius etiam major 25. annis, per hujusmodi renuntiationem valde enormiter, & multum ultra dimidium læsus sit; quia ex enormi læsione præsumitur dolus. Vide Pirhing. *hic n. 32. & 33.* & ab hoc *citt.*

## §. IV.

## De Forma Pactorum, atque Contractuum.

## S U M M A R I U M.

28 Forma Pactorum, & modi, quibus iniri possunt.

29 Quando contrahatur obligatio, si pactum purè sit initum?

30 Quando, si in diem?

31 Quando, si sub conditione?

32 Quando, si sub modo;

33 Qualis oriatur obligatio ex Pacto, vel Contractu alternativo?

**G**eneralis est Regula, quòd forma Pactorum, atque Contractuum ex consensu, & voluntate paciscentium pendeat: non quidem quoad omnia; nam à natura, vel legibus definitam substantiam habent: sed quoad ea, quæ extrinsecus eisdem accidunt; & eatenus per pacta additio, vel diminutio in contractibus fieri potest, prout lubitum contrahentibus fuerit: quo sensu *c. contractus 85. de R. J. in 6.* dicitur, quòd *contractus ex conventionione Legem accipiant.*

Possunt autem Pacta, & Contractus iniri quinque potissimum modis. 1. *purè*, h. e. non adjecto die, vel tempore, conditione, aut modo. 2. *in diem*, h. e. implerioni, vel executioni ejusdem assignando diem, vel tempus certum, aut incertum, e. g. ut solvat Calendis Januarii, vel quando navis ex India venerit. 3. *sub conditione*, e. g. solvam, si dignitatem petitam fuero consecutus. 4. *sub modo*, dispositionem temperando alicujus oneris adjectione. e. g. dono 100. ut pauperem alas, sepulcrum mihi ædifices. 5. *alternative*, sive sub distinctione e. g. dabo tibi equum, vel bovem &c. His suppositis

Queritur 1. quando Pactum, vel Contractus purè initus obligationem pariat? Resp. statim hanc parit, postquam perfectus est, ita ut ex eo tempore debitum peti confestim possit; quia *in obligationibus, in quibus dies non ponitur, præsentis die debetur*, ut dicitur *Reg. 15. ff. de R. J.* Quod tamen non ita intelligendum est, quasi statim adire creditor debitorem, & solutionem urgere debeat; sed oportet aliquod temporis spatium eidem concedere, ut commodè solvat *l. quod ducimus 105. ff. de solut.* Pro solutione constitutæ pecuniæ tempus hoc non debet esse brevius decem dierum spatio *l. promissor. 21. §. si sine 1. ff. de pecun. confir.* Pro implendis aliis contractibus, & obligationibus arbitrio Judicis determinandum est, qui consideratis circumstantiis, præsertim quantitate debiti, & qualitate debitoris, illud statuer, quod æquum judicaverit, ut aliis *citt.* advertit P. Vviesner *hic n. 68.* Casu, quo nullus assignatus est terminus solutioni, & hæc à creditore non petitur, præsumitur iste in solutionis dilationem pro foro conscientiæ consensisse, saltem si petere potuit, & ab ea petenda non fuit retractus metu, pudore, vel alia simili causa. Sanch. *l. 1. de Matr. D. 28. num. 2.*



30 *Quæritur 2. quando inducatur obligatio casu, quo pacti vel contractus implerioni assignatum est tempus, vel dies? Resp. cum distinctione. Vel enim assignata est dies, aut tempus certum, vel incertum.*

*Si primum*, obligatio quidem statim inducitur, non tamen statim urget, sed expectandum est, donec tempus assignatum lapsum sit, ita quidem, ut ne ipso quidem die: qui executioni assignatus est, peti efficaciter possit contractus impletio, ut dicitur §. *omnis 2. vers. at ne*, *Inst. de V. O.* & ratio est, quia actio efficax non est, antequam debitor cesseret solvere. atqui dici nequit, quod cesseret solvere, nisi totus ille dies præterierit; quia, ut §. *cit.* dicitur, totus ejus arbitrio tribui debet. Excipitur quantitas annua promissa alimentorum, vel Eleemosynæ nomine: nam hujus solutio fieri debet, & peti potest in principio anni *l. si competenti 1. C. quand. dies legat. ced.* quia dies in favorem debitoris adjecta est, cum in priori casu adjecta sit in favorem creditoris.

*Si verò secundum contingat*, & tempus, vel dies executioni assignatus incertus sit, videndum, an certum sit, eum diem aliquando futurum, an verò illud incertum sit. Si certum est, futurum diem illum, & incertum, quando futurus, ut cum promitto 100. in diem mortis paternæ, obligatio statim inducitur, sed ante adventum diei non urget *l. hæres 79. in princ. ff. de condit. & demonstr.* Si verò incertum sit, an aliquando exiturus sit dies, in quem promissio facta est, ut cum promitto 100. quando navis ex India venerit appositio talis diei in conditionem resolvitur, adeoque ante eventum ejusdem nec obligatio, nec actio nascitur *l. legatus 1. §. inest. 3. ff. de condit. & demonstr.* Excipiuntur, si dies incerta appositæ esset gratia solius promissarii, prout appositæ præsumitur casu, quo puellæ donantur, aut legantur 100. in diem futuram nuptiarum; nam eo casu dies præfixa censetur executioni tantum; conf. si ante nuptias puella decesserit, promissum petendi actio ad hæredes transmittitur *arg. l. si ita relictum 43. §. Pegasus 2. ff. de Legat. 2.*

31 *Quæritur 3. quando inducatur obligatio, si Pactum, vel Contractus ineatur sub conditione? Resp. hic distinguendum, an sit initus sub conditione de præsentī, præterito, aut futuro.*

Si initus sit sub conditione *de præsentī*, vel *præterito*, per appositionem talis conditionis non suspenditur obligatio, sed vel statim firma est casu, quo impleta est conditio; vel nulla est, si non sit impleta. §. *conditiones 6. Inst. & l. conditio 100. ff. de V. O.*

Si verò initus sit sub conditione *de futuro*, iterum distinguendum, an conditio ista sit contingens, vel necessaria, vel impossibilis.

Si *contingens* est, obligatio Pacti, vel Contractus suspenditur, ita ut pendente ea conditione, nihil debeatur, nec peti possit, sed tantum spes sit debitum iri, quæ spes etiam transmittitur ad hæredes §. *sub conditione 4. Inst. de V. O. l. is cui 42. ff. de O. & A. & l. cedere 213. ff. de V. S.*

Si *necessaria* est, contractus sub ea initus perinde, ac si putè initus esset, vel conditio de præsentī jam impleta, statim obligationem, & actionem inducit *l. si pupillus 9. §. qui sub conditione 1. ff. de novat.* modò ponens talem conditionem sciverit, eam necessariam, vel certò futuram esse; nam si ignorasset, ex mente trahentis obligatio suspenderetur ad eventum illius. Haunold. *tom. 3. de J. & J. rr. 8. n. 270.* cum communi.

Si denique *impossibilis* sit, vel secundum naturam suam, vel secundum Jura, aut mores, quia inhonesta, pactum, & contractus sub ea initus initio statim nullus est, & conf. nullam producit obligationem, & actionem *l. non solum 31. ff. de O. & A. ubi ratio redditur*, quia omnium *ea est cogitatio; ut nihil agi existiment, appositæ ea conditione, quam sciunt esse impossibilem.* Excipitur, si addatur Matrimonio, vel Ultimis Voluntatibus; nam in his pro non adjecta habetur *c. fin. de condit. apposit. l. 4. c. 8. & 9. ff. de condit. inst. tunc.* de quibus suo loco.

32 *Quæritur 4. quando obligationem producat contractus, vel pactum initum sub modo? Resp. eam inducit statim; quia modus contractui appositus non suspendit obligationem, sed tantum onus, vel obligationem aliquid præst. nisi imponit promissario *l. si doceas 1. & l. seq. C. de donat. quæ sub. mod. &c.* Et hinc, quod sub modo alicui donatum est, peti ab eo potest, etiam antè, quàm modus impleatur, quamvis sub cautione de modo exe-*

quando. *Molin. tr. 2. D. 208. n. 8. & ab eo cit.* Et hoc est discrimen inter conditionem, & modum; illa enim, ut *num. præc.* dictum est, contractus obligationem suspendit.

Quando autem pactum, vel contractus initus sit sub modo, vel conditione, difficile est cognoscere, cum sæpe sub iisdem verbis efferantur: hinc si ex verbis colligi nihil possit, considerandæ sunt circumstantiæ, an istæ paciscentium mentem aperiunt; si verò his perspectis, adhuc maneat dubium, præsumi debet esse conditionem, non modum. *Konig hic n. 51.*

*Quæritur 5. qualis obligatio inducatur per Contractum Alternativum? Resp. Obligatio etiam ipsa alternativa est, ut sc. in alterutro promissum impleat promittens: in quo electionem facere regulariter loquendo debitoris est, aliquando etiam creditoris, ut dicitur ad *Reg. 70. in 6.**

*Dubium est*, quid debeat casu, quo una ex duabus rebus alternativè debitis perempta est? *Resp. hic videndum, an perempta sit culpa creditoris, vel debitoris, vel neutrius.*

*Si culpa creditoris*, quòd cum una ex illis eidem offerretur à debitore, eam non receperit, debitor liberatur, ita ut nec superstitem, nec peremptæ æstimationem præstare teneatur *l. stipulatus 105. ff. de V. O.*

*Si culpa debitoris*, creditor petere potest superstitem, aut si hæc pretiosior sit, æstimationem peremptæ; *l. Stichum 95. ff. de solut.* Ratio hujus, & præcedentis resolutionis est; quia sua cuiusvis mora, & culpa, non alteri nociva est *Reg. mora, 25. in 6.*

*Si denique res perit neutrius mora, aut culpa*, videndum, an electio penes debitorem, an verò penes creditorem sit. *Si primum*; satisfacit creditor, si æstimationem peremptæ præstet; etsi ista minoris sit pretii, quàm superstes *l. cum res legata 47. §. sed & si 3. ff. de legat. 1. Si secundum*, præstare debet debitor vel rem superstitem, vel æstimationem peremptæ, prout elegerit creditor *l. Stichum cit.*

## §. V.

*Aliqua de Contractibus, quæ præcipua est Pactorum species.*

## S U M M A R I U M.

- 34 Contractus definitio.
- 35 36 37 38 Varia illius divisio.
- 39 Contrahere quinam possint?
- 40 Modi, quibus perficiuntur Contractus.
- 41 Obligatio ex iis orta.
- 42 Modi, quibus irritari possunt.

**P**auca tantum de istis aguntur hic in genere; nam in specie plerique examinabuntur *Lib. 3. à Tit. 14.*

*Quæritur 1. quid sit Contractus? Resp. Contractus nomen dupliciter sumitur. 1. stricte pro eo, qui ultro, citroque obligationem Civilem inducit: quales sunt Emptio Venditio, Locatio Conductio &c.*

2 *Late*, quatenus includit etiam illos Contractus, qui ex una solum parte inducunt obligationem Civilem: quales sunt Mutuatio, & Donatio. Hoc sensu acceptus est Conventio ultro, citroque habita, pariens actionem Civilem; seu. Est conventio legitima duorum, vel plurium, ad hoc interposita, ut uterque, vel saltem alteruter contrahentium ad aliquid dandum, faciendum, aut præstandum civiliter obligetur. Ita quoad sensum DD. communiter. Ille, quo unus solummodo ad aliquid dandum, faciendum, aut præstandum obligatur, à Civilistis non Contractus, sed Pactum legitimum appellatur, ad distinctionem Contractus strictè dicti. Differt à Pacto nudo; quia hoc, etsi conventio sit duorum, vel plurium, non tamen legitima, & actionem civilem pariens: à quasi contractibus; quia iste obligationem quidem, & actionem civilem parit, non tamen ex vero, & reali, sed ficto, ac dispositione Juris inducto consensu.

*Quæritur 2. quod duplex sit Contractus Resp. Contractuum variae divisiones à DD. enumerantur: inter quas prima & præcipua est in Contractum nominatum, & innominatum. Nominatus est, qui proprium, & speciale nomen in Jure habet, ut Emptio, Locatio, Societas, Mutuum*



Mutuum &c. *Innominatus*, qui proprium, & speciale nomen in Jure non habet, sed generali nomine permutationis venit, quam tamen aliqui specificè accipiunt, & à Contractibus innominatis distinguunt. Horum quatuor genera enumerat Paulus *l. naturalis 5. in princ. ff. de præscript. verb. sc. do, ut des; facio, ut facias; do, ut facias, facio, ut des*. Contractus isti hoc speciale habent de Jure Civili, quòd re sive integra, sive non integra, ei, qui implevit contractum, pœnitere liceat, & suum repetere, esto, qui accepit, neque in mora sit, neque in culpa, sed paratus ex sua etiam parte contractum implere. Neque refert, etsi iste jam aliqua preparatoria in ordine ad implendum fecisset; nam adhuc pœnitere ille, qui eundem implevit, potest, modò expensas refundat, si quas alter in hunc finem fecisset *l. si pecuniam 5. de condict. caus. dat. caus. non secur.* Habetque hoc, ut probabiliter docent Engli. *hic n. 13. Konig. n. 15.* & alii ab his cit. etiam locum de Jure Canonico, & in foro conscientie. *Excipitur* tamen 1. si causa sit favorabilis, qualis est causa pia, dotis, & liberatis; nam hujus favore pœnitentia non permittitur. Tiraquell. *de privil. caus. pie privil. 134.* & Gottofred. *in notis ad l. si pecuniam cit.* 2. si contractus fuerit juratus, vel aliàs pœnitentia renuntiatus. Engli. *n. 12. 3.* si contractus innominatus fuerit Transactio super lite dubia; expedit enim lites finiri. Vvading. *de contract. D. 6. dub. 1. §. 2. numer. 2.* ubi plures ejusmodi limitatione enumerantur.

2. Dividi Contractus potest in Unilateralem, & Bilateralem. *Unilateralis* est, qui tantum unam contrahentium partem obligat, ut mutuum, stipulatio, litterarum obligatio, aditio hæreditatis, solutio indebiti, & contractus innominati omnes. *Bilateralis* est, qui utramque contrahentium partem obligat: estque vel per se talis, vel per accidens. *Per se bilateralis* est, qui utrumque contrahentem statim initio æquè primò, & principaliter obligat, ut est Emptio Venditio, Locatio Conductio, Societas, communio hæreditatis, & communio rerum singularum: qui contractus omnes commune hoc habent, quòd utrinque pariant actionem directam. *Per accidens bilateralis* est, qui initio unum duntaxat contrahentem, postea verò, & per accidens etiam alterum incipit obligare: tales sunt Commodatum, depositum, pignus, mandatum, negotiorum gestio, tutelæ administratio; quibus omnibus hoc commune est, quòd pariant actionem directam, & contrariam: directam illi, qui initio statim obligat; contrariam illi, qui ex post facto, & per accidens incipit obligare.

3. Dividitur Contractus, quòd alius sit bonæ fidei, alius stricti Juris. *Bonæ fidei contractus* sunt, qui benignam interpretationem admittunt secundum æquum, & bonum, etiam si id verbis expressum non sit: tale sunt Emptio Venditio, Locatio Conductio, Depositum, Commodatum, cæteri que omnes, qui §. *actionum 28. Inst. de action.* recensentur. *Stricti Juris contractus* sunt, in quibus stricta interpretatio fieri debet secundum id, quòd expressis verbis conventum est, & natura stricti contractus exigit, ita tamen, ut verba non accipiantur contra mentem, & intentionem proferentis: & tales sunt mutuum, stipulatio, aditio hæreditatis, solutio indebiti, & cæteri contractus Unilaterales, excepta Permutatione, & Contractu æstimatorio. Proceditque differentia hæc inter Contractus, ut pluribus disputat P. Engli. *hic numer. 20.* etiam de Jure Canonico, quòd ipsa æquitas, quam Jus hoc præcipuè attendit, videatur postulare, ut aliqui contractus stricti Juris, sive interpretationis sint, cum in illis largiori interpretatio plerumque sine damno alterius fieri non possit.

4. Dividitur Contractus, quòd aliqui sint Juris gentium, alii contra Juris Civilis, ab origine scilicet, unde contractus ejusmodi orti sunt. *Juris gentium* sunt Permutatio, Emptio, Venditio, Locatio, Conductio, Societas, Depositum, Mutuum, & cæteri planè omnes §. *sed jus 2. Verf. fin. Inst. de J. N. G. & C. & l. ex hoc Jure 5. ff. de J. & J.* quatuor duntaxat exceptis, qui *Juris Civilis* dicuntur, quòd hoc Jure sint proditi: & hi sunt Stipulatio, Litterarum obligatio, Largaritas, Sponsalicia, seu Donatio propter nuptias, & contractus Emphyteuticus.

5. Denique dividitur Contractus in onerosum, & lucrosum. *Onerosum* est, in quo utrique parti contrahen-

tium imponitur onus dandi, vel præstandi aliquid, ut sit in Contractibus Emptionis Venditionis, Locationis Conductionis, Permutationis. *Lucrosus*, seu *Lucrativus* est, qui unam duntaxat partem gravat, ut Commodatum, Precarium.

Quæritur 3. quinam contrahere possint? Resp. qui pacisci: possuntque hi contrahere de re quacunque, de qua pacisci possunt, ut cum communi advertit P. Vviesner *hic n. 84.*

*Dubium* est, utrum quis sibi tantum, an verò alteri pacisci, & stipulari possit? Qua in re de Jure Civili indubitata est resolutio, neminem posse pacisci, vel stipulari alteri, nisi mandatum ad illud habeat, vel ei, cui paciscitur, subjectus sit, aut aliàs sua interfit §. *si quis 4. & §. alteri 19. Inst. de inutil. stipul. l. stipulatio 38. §. alteri 17. ff. de V. O.* Ratio est, quia hujusmodi stipulationes, & obligationes inventæ sunt, ut quis acquirat sibi, quod sua interfit. Et hinc neque Pater filios stipulando aliter potest acquirere, quam in iis, quæ Juris sunt, & median- te filio acquiruntur Patri; *aliòquin si factum conferatur in personam filii*, puta, ut ei ire, vel agere liceat, *inutilis erit stipulatio*, ut monet Paulus Jctus *l. quod dicitur 130. ff. de V. O.*

Controversia est, an id, quòd Jure Civili statutum est, obtineat etiam de Jure Canonico? Negat cum quibusdam à se cit. Covar. *in c. quavis 2. de Pact. in 6. p. 2. §. 4. num. 2. & 3.* ex ratione, quòd stipulatio tertio facta sit pactum nudum; hoc autem de Jure Canonico actionem producat, & stringat in conscientia. Ego, cum *num. 6.* jam negaverim, quòd Pacta nuda de Jure Canonico actionem producant, puto isto in casu non discedendum esse à Jure Civili. Ita cum communiore Abb. *in c. 14. de fid. instrum. n. 6. Fachin. l. 3. contr. c. 19. Sanch. l. 1. de Matrim. D. 7. n. 21. Engli. hic n. 26. Konig. n. 32.* & alii ab his cit. Ratio est, quia non est inducendum aliquod discrimen inter Jus Civile, & Canonicum, nisi expressum sit *arg. c. intelleximus 1. de nov. oper. nuntiat.* sed nullibi Jure Canonico expressum est, alteri factam stipulationem valere contra Juris Civilis Regulas. ergo &c. Proceditque hoc, ut ne quidem obligationem naturalem inducat, nisi ex post facto ab eo, cui facta est, acceptetur; tali enim casu ad summum vim pollicitationis ante acceptionem habet, quæ, si non- dum acceptata sit, ut *num. 4.* dictum est, ne quidem in foro conscientie stringit.

Quæritur 4. quot, & quibus modis perficiantur Contractus? Resp. quatuor; nam aliqui perfici dicuntur solo consensu, alii re, alii verbis, alii Scriptura, sive Litte- 40

ris §. *fin. Inst. de obligat.* *Solo consensu* perficiuntur contractus illi, ad quorum substantiam, seu naturam, neque certa verborum forma, neque scriptura, neque traditio rei requiritur. Tales sunt Emptio, Venditio, Locatio, Conductio, Societas, Mandatum, Emphyteusis, Feudum &c. *l. consensu 2. in princ. & §. seq. ff. de O. & A.*

*Re*, qui actuali rei traditione absolvuntur, ita ut ante illam nec firmitatem habeant, nec obligationem civilem inducant, ut Mutuum, Commodatum, Depositum, Precarium, Pignus, Permutatio.

*Verbis*, qui stipulatio sunt, unius scilicet contrahentium interrogatione, alterius responsione, v. g. cum Titius Cajò dicit: *Spondes mihi dare 100.* & iste respondet: *Spondeo.*

*Litteris* denique, & *Scripturà*, in quibus vel ex conventionem partium contrahentium, vel ex dispositione Legis ad substantiam contractus scriptura requiritur. Tales contractus sunt Donatio summæ, exigentis insinuationem apud Judicem, Emphyteusis in re Ecclesiastica &c. De quibus latè Molin. *tr. 2. de J. & J. D. 254. per totam.*

Quæritur 5. qualis oriatur Obligatio ex Contractu? 41  
Resp. liberè finitus sit, ex eo oritur obligatio non solum naturalis, sed etiam Civilis, ita, ut, quòd eo promissum est, actione, seu conventionem judiciali proposita peti possit. Proceditque hoc non solum de Contractu nominato, sed etiam de innominato, si ex parte alterius contrahentium impletio intervenierit, ut benè advertit P. Vviesner *hic n. 64.*

*Dubium* est, quis luere, & damnum sentire debeat, quando res, quæ in contractum deducta est, perit, aut deterior facta est? Resp. hinc distinguendum esse, quo- modo



modo istud contigerit, an dolo, culpa, vel casu fortuito.

*Si dolo*, damnum præstare is debet, qui dolo fecit; factum enim cuique suum, non alteri nocere debet, neque alteri per alterum iniqua conditio inferenda per vulgas Juris Regulas.

*Si Culpa*, videndum, qualis sit culpa, an lata, vel levis, vel levissima. Culpa lata præstari debet in omni contractu, quia in Jure æquiparatur dolo, & est dolus præsumptus; in contractibus, qui tendunt ad utilitatem utriusque contrahentis, uti sunt Emptio Venditio, Locatio Conductio &c. vindicatur etiam Culpa levis; Levissima autem in iis Contractibus, qui unice vergunt in utilitatem principaliter obligati, ut est Commodatum; de quibus latius *Lib. 3. à tit. 14.*

Sidenique *Casu fortuito*, regulariter damnum, quod inde alterutri contrahentium contigit, ab altero non præstatur, nisi in sequentibus tribus casibus. 1. si ita conventum sit ab initio, & debitor periculum rei in se suscipit; pacta enim ex conventionem Legem accipiunt. 2. si dolus, vel culpa casui causam dederit, ut si commodatarius cum equo meo, relicta tutiore, ivit per viam ob insidias latronum magis periculofam, 3. si debitor legitime interpellatus, ut rem debitam traderet, vel solveret, fuerit in culpabili mora tradendi, vel solvendi, Vide *Engl. hic n. 22. & seqq.*

¶ *Quæritur 6.* quot modis pacta vel contractus à Lege, aut Canone irritari possint? Resp. duobus præcipue. Uno modo, ut ex contractu ita irritato nec civilis, nec naturalis obligatio oriatur. Altero, ut ex eo non quidem oriatur obligatio civilis, oriatur autem naturalis.

Hinc dubium est, quinam actus ita censeantur irritati, ut ne naturalem quidem obligationem inducant? Ad quod respondendum est distinguendo, an Contractus ejusmodi sint irritati Jure naturali, vel Divino, vel positivo humano tantum, *Si Jure naturali, vel Divino* sunt irritati, quia v. g. habent defectum requisiti consensum, vel sunt de re illicita, certum est, eos ne naturalem quidem obligationem inducere, *Si Jure positivo humano*, videndum, an Lex tales contractus irritans munita sit clausula, quæ vel expresse naturalem, vel generaliter omnem obligationem contractui irritato tollit; an verò sine hujusmodi clausula simpliciter tantum pactum, vel contractum hujusmodi irritet.

*Si primum*, dicendum est iterum, quòd ne naturalem quidem obligationem contractus inducat; habet enim Legislator potestatem contractus sic irritandi, si bonum publicum ita exigat: & ita irritata est Professio Religiosa ante decimum sextum ætatis annum, renunciatio Novitii ante ultimos duos probationis menses, contractus pupilli sine Tutore, prodigi sine Curatore factus &c.

*Si secundum*, ex contractibus ita irritatis probabilius oritur obligatio naturalis, & in foro conscientiæ. Ita Abb. in c. 1. de in integ. rest. n. 19. Sylvest. V. alienation. 12. Navar. de alien. rer. Eccl. n. 17. Azor p. 2. l. 9. c. 1. q. 8. Layman l. 1. tr. 4. c. 16. num. 9. Pirh. tit. de reb. Eccl. non alien. n. 36. Vviestner hic n. 87. Ratio est, quia tales contractus, spectato Jure naturali, & Divino, valent, & obligant in conscientia. igitur nisi Lex, vel Canon hanc obligationem expresse tollant, dicendum, illam manere etiam post Legem, vel Canonem, quo simpliciter irritantur, cum intelligi possint de irritatione quoad forum externum.

## TITULUS XXXVI.

### De Transactionibus.

**P**Acti generatim accepti species celeberrima, & frequentissimum, quo controversiæ litigantium extra judicium componuntur, modus *Transactio* est, ita dicta, quia est quasi *Transitio actionis*; per eam enim is, qui transigit, transit, vel recedit ab actione, quæ ipsi comperebat. Hinc, ut observat Schambogen hic num. 2. actor magis propriè, quàm reus transigere dicitur.

§. I.

### De Transactionis Natura, & Varietate.

#### S U M M A R I U M.

- 1 *Transactionis definitio.*
- 2 *Est contractus, saltem innominatus.*
- 3 *Divisio ejusdem.*
- 4 *Differentia.*

**Q**Uæritur 1. quid sit *Transactio*? Resp. *Transactio* nomen dupliciter sumitur, latè, & strictè.

*Latè sumptum* quæcunque negotii compositionem, & actum quemlibet comprehendit, quod ab obligatione receditur, & quasi transitur, sive deinde id fiat per Juramentum litis decisorium, sive per sententiam Judicis, sive per amicabilem compositionem, sive per alium litis finiendæ modum l. *transacta* 229. & l. *seq. ff. de V. S.*

*Strictè* acceptum eam tantum compositionem significat, quæ res dubia, & controversa partium consensu componitur, aliqua re data, vel promissa, retenta, vel remissa c. *super eo* 7. h. tit. l. *qui transigit* 1. ff. & l. *transactio* 38. C. *cod.* Ita sumitur præsentem Titulo, & passim ab Authoribus definitur, quod sit *Pactio* non gratuita de re dubia, & controversa, sive lite incerta, & nondum finita.

Dixi *Pactio non gratuita*, nam nullo dato, retento, promisso, vel remisso, *Transactio* non procedit l. *transactio* cit.

Addidi *de re dubia, & controversa*, h. e. tali, circa quam lis aut mora jam sit, aut timeatur movenda in judicio l. *cum proponas* 2. C. h. tit.

2 *Quæritur 2.* an, & qualis Contractus sit *Transactio*? Negant aliqui, *Transactionem* inter Contractus, etiam innominatos, censerì posse: quod duplici ratione conantur probare. 1. quia *Transactio* priorem obligationem, sive actionem tollit. igitur potius ad Distractum, & Pactum dissolvens, quàm ad Contractum, seu Pactum contrahens, & obligationem inducens pertinet. 2. in *Transactione* non est locus penitentiae l. *quamvis* 39. C. h. tit. hanc autem, re adhuc integra, admittunt Contractus innominati, ut dictum *Tit. præc. n. 35.* ergo &c.

Sed dicendum, *Transactionem* Contractum, saltem innominatum esse, eumque onerosum. Ita Gibalin. de univers. rer. human. negot. tom. 2. l. 4. c. 7. ar. 1. numer. 3. Sabell. in Summ. V. *transactio* num. 1. Haunold, tom. 3. de J. & J. tr. 10. num. 986. Pirhing hic num. 1. Vviest. num. 4. Constat ex definitione Contractus num. 34. tradita; est enim pactum ultro, citroque inducens obligationem, eamque Civilem, si rei traditione, vel stipulatione firmata sit.

*Argumenta contraria* vim non habent. Ad 1. licet *Transactionis* finis sit distractio, formam tamen, quæ appellationem, & esse tribuit, contractus habet; & propterea potius pro contractu obligatorio, quàm pro distractu liberatorio haberi debet. Retorqueri argumentum etiam posset in Emptione secunda, & pacto novissimo, quod l. *Juris gentium* 7. §. *adeo autem* 6. ff. de pactis. Renovatus contractus dicitur, licet per hoc prius pactum vel emptio dissolvatur. Ad 2. quòd in *Transactione* penitere non liceat, minuendarum litium favore est introductum. l. *causas* 16. C. h. tit. conf. speciale aliquid habet.

*Quæritur 3.* quotuplex sit *Transactio*? Resp. *Transactio* alia est *Realis*, quæ ad successores rei, super qua transactum est, transit; nam Domini absolvi prædiorum, vel Jurium pactionibus obligare etiam suos heredes possunt, imò & pactum reale, sive quo res ipsa afficiatur, & obligetur, instituere l. *Juris gentium* cit. §. *pactionum* 8.

Alia est *Transactio Personalis*, quæ durat, dum transigens vivit, & cum eo extinguitur, nec transit ad successores, cujus exemplum extat c. *de cetero* 5. h. tit. ubi per *Transactionem*, litis finiendæ causa instituta, auctoritate Judicis delegati, onus pensionis, aut Censui imponi permittitur, non ipsi Beneficio, ita ut ad successorem transeat, sed parti transigenti, ad certos annos, aut ad vitam ejusdem; adeoque ea pensione oneratur persona.

*Quæritur 4.* quomodo differat *Transactio* à *Sententia*, 4 *Jurejurando*, *Pactio*, *Contractu*? Resp. 1. à *sententia* Judiciali differt;



differt; quia etſi etiam hæc definiat litem, hoc tamen facit citra conventionem, cum etiam in invitos feratur ſententia.

2 à *Jurejurando*; quia hoc, ſi partium voluntate delatum ſit, vim quidem Transactionis habet, non tamen naturam, quia non ſit neceſſariò aliquo dato, recte-  
tento &c.

3 à *Pacto*, & *Contractu*; quia ſub hoc continetur, tanquam ſpecies ſub ſuo genere; licet enim omnis Transactionis Pactum, & Contractus ſit, non tamen viciffim omne Pactum, vel Contractus Transactionis eſt.

## §. I I.

## De Cauſis Transactionum.

## S U M M A R I U M.

5. 6 *Quinam tranſigere poſſint?*
7. 8. 9. 10. 11 *De quibus cauſis?*
- 12 *Forma Transactionis.*
- 13 *Et tempus.*
- 14 *An Judex cogere, vel indacere litigantes ad transactionem poſſit?*

**H**As facile eſt assignare. *Cauſa Finalis* Transactionis eſt ſinis Litium, *Efficiens* ipſi litigantes, *Materialis*, ſeu *Objeſtum* res, & Jura, circa quæ tranſigitur, *Formalis*, ſeu *Forma* modus, quo Transactionis fieri debet, & ſolet.

Quæritur 1. quinam poſſint tranſigere? Reſp. generaliter loquendo tranſigere poſſunt omnes, & ſoli illi, qui rerum aut ſuarum, aut alienarum liberam adminiſtrationem, eaſque alienandi poteſtatem habent *arg. l. in remandata C. Mandati.*

In ſpecie tranſigere non poſſunt 1. *Infantes*, *amentes*, & *mente capti* ob defectum conſenſus; transactionis enim in conventionem, & conſenſum includit *l. hujus 1. C. conventionis 3. ff. de Pact.* 2. *Pupillus* ſine autoritate tutoris, *Minor* ſine autoritate Curatoris, ſi talem habeat, niſi tranſigendo conditionem ſuam meliorem faciant; tunc enim Transactionis ab ipſis facta habetur rata *arg. l. pupillus 5. §. 1. ff. de auctor tutor.* 3. *Prodigus*, cui bonis eſt interdictum, ut colligitur ex *l. is cui 6. ff. de V. O.* & ratio eſt, quia alienare non poteſt; conſ. nec tranſigere. 4. *Tutores pupillorum*, & *Curatores Minorum* ſine Decreto Judicis de bonis minorum, vel pupillorum immobilibus, aut mobilibus pretioſis, quæ ſervando ſervari poſſunt *l. non ſolum 4. C. de præd. minor.* Ratio eſt, quia alienare iſta bona ſine Judicis Decreto nequeunt. 5. *Syndici*, & *Adminiſtratores Civitatum* de iſdem immobilibus, & mobilibus pretioſis ſine conſenſu Superioris, ut colligitur ex *l. fin. C. de vendit. reb. civit.* Ratio eſt, quia etiam ipſi Tutores vocantur. 6. *Procurator*, niſi inſtructus ſit ſpeciali mandato, aut in rem ſuam datus, vel conſtitutus cum libera adminiſtratione bonorum *l. nullo 13. ff. h. tit. & l. mandato 60. ff. de procurat.* Ratio eſt, quia transactionis æquiparatur delationi Jurisjurandi *c. qui ad agendum 4. de procurat. in 6.* atqui Procurator cum generali tantum mandato conſtitutus Jusjurandum deferre non poteſt, ut dicitur *Tit. 38. num. 27.* 7. *Vasallus* ſine conſenſu domini directi de re feudali, illam tranſferendo in alium; quia ſine conſenſu domini directi nequit alienare *l. 2. feud. tit. 52.* 8. *Heres fideicommiſſo gravatus*, ut hæreditatem reſtituat alteri, niſi transactionis fiat cum ipſo Fideicommiſſario, vel de conſenſu illius. *Molin. tr. 2. de J. & J. D. 557. n. 1.* 9. *Pater* de bonis adventitiis filii jam emancipati ſine Decreto Judicis, & aliqua, licet non exacta, cauſæ cognitione *l. de re 10. ff. h. tit.* 10. *Religioſus* ſine licentia Prælati *arg. canon. non dicatis 11. cauſ. 12. q. 1.* 11. ipſi etiam Prælati, alique Eccleſiarum, & Monafteriorum Rectores, atque Adminiſtratores de rebus earum immobilibus, aut mobilibus pretioſis ſine ſolemnitatibus à Jure requiſitis ad alienationem illarum *c. ſtatuiſmus 2. & c. ſeq. h. tit.* Procedit autem hoc regulariter; nam

6 Excipendi ſunt caſus aliqui, in quibus tranſigere Prælati ſine conſenſu Capituli, & aliis ſolemnitatibus Juris de rebus Eccleſiæ, vel Monafterii ſui poſſunt. 1. ſi ſint res modicæ, & parum utiles, etiam immobiles, vel mobiles non pretioſæ, quæ ſervando ſervari nequeant; *Schmalzgrueber Tom. I.*

nam has Prælati liberè alienare poteſt, ut dicitur *libr. 3. tit. 13. n. 38. & 39. de Reb. Eccl. non alien.*

2 Si Prælati (idem eſt quoad hoc de Tutore, & quolibet Adminiſtratores cum libera poteſtate) ita tranſigat ſuper rebus immobilibus, vel mobilibus pretioſis Eccleſiæ, ut eas non perdat, vel alienet, ſed litis terminandæ cauſa, oblata alteri parti pecunia, recuperet, vel retineat. *Abb. in c. 3. h. tit. 3. Molin. tr. 2. D. 557. num. 8. Laym. l. 3. tr. 4. c. 31. n. 4.*

3 Si Prælati (vel alius ſimilis Adminiſtrator) à Conventu, vel Capitulo ſuo, præter mandatum Procuratorium, accepit litteras de ratiſhabitione, in quibus expreſſè contineatur, quòd, quidquid Prælati in tali cauſa egerit, Capitulum, vel Conventus ratum habebit *c. contingit 3. h. tit.* & ratio eſt, quia Prælati habens mandatum generale, & liberum, cum clauſula de ratiſhabitione Capituli, poteſt omnia facere, acſi expreſſum & ſpeciale conſenſum Capituli haberet, adeoque etiam tranſigere, & alienare, dummodo etiam legitimus Superior conſentiat. *Gloſſ. in c. 3. cit. V. litteras. Pirh. hic n. 11. Vvieuſt. n. 22.*

4 Si ita neceſſarium foret transactionem fieri ſuper rebus vincularis, aut alienari prohibitis ad diuturnas lites finiendas, impediendum ſcandalum, vitanda damna gravia; vel vi Statuti, aut ſententiæ Judicis ita jubentis; tali enim caſu etiam alienari ſine ſolemnitatibus poſſent. *Molin. tr. 2. D. 557. n. 9. Laym. l. cit. V. denique. Pirh. hic num. 12.*

5 Si Eccleſia rei, de qua tranſigitur, nec poſſeſſionem, nec aliud jus in re obtineat, ſed tantum ſpem, & jus ad rem dubium. Quarant. *V. alienatio n. 43. in fin. & ex eo König hic numer. 4.* Ratio eſt, quia hoc caſu non agitur de aliquo amittendo, ſed magis de non acquirendo; conſtat autem, quòd etſi Prælati amittendo, vel alienando Eccleſiam damnificare non poſſit, poſſit tamen eidem nocere non acquirendo, quod poſſet, vel deberet.

Quæritur 2. de quibus rebus tranſigi poſſit? Reſp. tranſigi poſſet de omnibus, & ſolis rebus, quæ dubiæ, & controverſæ ſunt, niſi id Jure prohibitum ſit, ut notat Hoſt. *in Summ. hic n. 3.* In ſpecie non eſt permiſſum tranſigere.

1 *De re certa*; quia Transactionis, ut *num. 1.* dictum eſt, eſt pactio de re dubia, & controverſa. Eſtque hoc ita verum, ut Transactionis aliter facta ſit omnino irrita in utroque foro: in interno quidem, quia qui per talem Transactionem acquirit, quod certo ſcit ad alterum pertinere, ſine titulo illud retinet; in externo autem, quia Jura ejusmodi Transactionem expreſſè irritant, & ſoluti repetitionem concedunt *l. in ſumma 65. §. & quidem 1. ff. de condiſt. indebit. l. præſes. 12. & l. ſub prætextu 19. C. h. tit.*

2 *De re judicata*, ut habetur *l. eleganter 23. §. ſi poſt 1. ff. de condiſt. indebit. & l. ſi cauſa 32. C. h. tit.* Ratio eſt, quia ſententia, poſtquam in rem judicatam tranſiit, rem inter partes certam, & indubitam facit *l. res judicata 207. ff. de R. J.* Excipitur niſi negetur, vel ignoretur, quòd judicatum ſit *l. poſt rem 11. ff. h. tit.*

3 *De hæreditate alicujus viventis*, ut habetur *l. nec nos C. de poſſim. reverſ.* Ratio, eſt quia de hac etiam paciſci non licet ſecundum dicta *Tit. præc. num. 24.*

4 *De iis, quæ Teſtamento, vel Codicillo relicta ſunt*; nam de his tranſigi nequit, niſi inſpectis, & cognitis teſtamenti, vel Codicilli verbis *l. æ his 6. ff. h. tit.* idque tum favore teſtatoris, ut ejus voluntas ultima agnoſcatur, tum in gratiam hæredis, ne modico præſenti contentus, magna bona, per ultimam voluntatem ſibi relicta, repudiet. Poteſt tamen inſpectioni Teſtamenti ab hærede renuntiari, ſaltem cum Juramento; quia diſpoſitio *l. de his cit.* principaliter condita eſt favore hæredis, ſecundario tantum favore teſtatoris, & boni publici, ut notat cum aliis Gurier. *de Juram p. 3. c. 2. n. 20. propemodum.*

5 *De alimentis futuris, Teſtamento, Codicillo, vel etiam mortis cauſa donatione relictis*; nam de his, ut tranſigi poſſit, opus eſt autoritate Judicis, & cognitione cauſæ *l. cum hi 8. in princ. ff. & l. de alimentis 8. C. h. tit.* Ratio eſt eadem, nec ſcil. ii, quibus relicta ſunt, contenti modico præſente, facile tranſigerent, & inde contra voluntatem teſtatoris egeant, quibus ipſe proſpectum voluit. Dixi *de alimentis futuris &c.* non enim omnis de alimentis ſine autoritate Judicis



prohibita transactio est, sed quatuor maximè in casibus fieri liberè & ipsa potest. 1. de alimentis præteritis, quæ sc. præstari jam debuissent *l. de alimentis cit.* Ratio est, quia in his periculum cessat, nec ab iis dependet vita hominis, cum nemo in præteritum sit alendus. 2. de alimentis, quæ solum ex contractu, vel aliunde, quam per ultimam voluntatem debentur *l. cum hi, cit. §. hæc oratio* 2. Ratio est, quia huiusmodi transactio nihil fit contra mentem contrahentium, & æquè bene quisque præsumitur prospecturus sibi in transactione, quam acquisitione, Engl. *hic num. 9.* 3. de alimentis futuris, etiam ex ultima voluntate debitæ, si iis, cui relicta sunt, transigendo conditionem suam meliorem faciat, ut si transigendo faciat sibi solvi per singulos menses, quod sibi dandum erat per singulos annos *l. cum hi cit. §. eam transactionem* 6. ne quod in favorem alimentarii constitutum est, in odium ejus, & dispendium detorqueatur contra Reg. quod ob gratiam 61. in 6. 4. etiam in aliis casibus, si transactioni de alimentis, ultima voluntate relicta, factæ addatur Juramentum; cum enim prohibitio transactionis principaliter facta sit in favorem alimentarii, nihil prohibet, quin renuntiare eidem favori suo alimentarius possit, Layman. *l. 3. tr. 4. c. 31. n. 6.* cum aliis.

- 9 6 De Crimine publico, saltem si tale sit, quod non irroget pœnam sanguinis *l. transigere* 18. C. h. tit. Ratio est, ne crimina impunita maneant in præjudicium boni publici *l. ita vulneratus* 51. §. estimatio 2. ff. ad Leg. Aquil. Accedit, quia sic transigendo reus censetur actorem corumpere, & actor judicium publicum vendere: quæ causa est, ut ita transigens habeatur pro confesso *l. quomam* 5. ff. de his, qui not. infam. nisi probet se innocentem esse, & pecuniam dedisse tantum ad redimendam vexam, vitandam molestiam, & sumptus litis *l. servi* 23. C. ad Leg. Jul. de adult. Dixi de crimine publico &c. non enim de omni crimine prohibitum est transigere. Nam 1. transigi potest de crimine privato, si de eo agatur civiliter, & ad pœnam parti læsæ applicandam; secus, si criminaliter, & ad vindictam publicam: tunc enim, si tale sit, quod non irroget pœnam sanguinis, transactio de eo facta est irrita, ut cum aliis notat Molin. *tr. 3. ac J. & J. D. 46. n. 14.* Ratio est, quia partes pactionibus præjudicare possunt juri suo, non item juri, & bono publico, ad quod accusatio criminalis tendit. 2. transigi potest super crimine capitali *l. transigere cit.* & *l. in capitalibus* 1. ff. de bon. eor. qui ant. sent. nam ut ibidem dicitur, Ignoscendum Principes consueverunt ei, qui sanguinem suum qualiter qualiter redemptum voluit. Hinc reus in tali casu cum accusatore transigens etiam pro confesso haberi non potest *l. fin. ff. de prævaricatione*, quia magis gravissimi periculi declinandi causa, quam conscientia criminis transigisse censetur. Excipitur *l. transigere cit.* crimen adulterii, quod etsi per *l. quomam* 19. C. ad leg. Jul. de adult. capitale esse cœperit, transactio tamen fieri de ipso prohibetur: quia cum paucis personis accusatio ejusdem permissa sit, si de eo transigi cum accusatoribus posset, ferè impunitum maneret. 3. transigi potest de crimine falsi *l. transigere cit.* Ratio est, quia licet pro eo de Jure communi non infligatur pœna sanguinis, valde gravem tamen infamiam condemnato irrogat, ideoque ejus pœna, quæ est tam gravis læsura honoris, pœna sanguinis æquiparatur. 4. transigi potest etiam super aliis criminibus, de quibus consuetudo legitimè præscripta transigendi licentiam induxit; ita enim Sabell. in Summ. *V. transactio n. 4.* testatur, de consuetudine totius Italiæ, licitam esse transactionem super quocunque crimine, etiam adulterii, & raptus, ita ut nec confessionem delicti, nec indicium inducat, sed potius profit ad diminutionem pœnæ, & ad obtinendum beneficium pacis à Statuto concessum.

- 10 7 De Re spirituali, aut huic annexis, si Transactio de istis fiat dato, aut retento aliquo temporali; nam hoc sine vitio Simonie fieri non potest, cum res spiritualis non sit æstimabilis pretio temporali, utpote omne ejusmodi pretium excedens. Et hinc 1. non potest, interveniente re temporali, transigi super Jure percipiendi Decimas *c. statumus* 2. juncta Gloss. *ibid. V. ut si super Decimis h. tit.* 2. super Jure Patronatus, seu præsentandi ad Beneficia *c. præterea* 9. eod. 3. super spirituali subjectione alicui debita *c. præterea cit.* 4. super Be-

neficio Ecclesiastico litigioso *c. super eo* 7. h. tit. & *c. fin. de rer. permut.* Ratio est, quia hæc omnia spiritualia sunt, aut spirituali annexa; cons. dato, aut retento aliquo temporali, super iis non potest transigi. Dixi dato, aut retento aliquo temporali; nam gratuita, & amicabile compositio super huiusmodi rebns, & Juribus non est prohibita, ut de beneficiis expressè statuitur *c. super eo cit.* imò nec propriè dicta Transactio, si res spiritualis compensetur dato, vel retenta alia re, aut Jure spirituali, ut si Religiosi pro Jure decimandi se obligent ad faciendas Conciones, vel administranda Sacramenta in certa Ecclesia, modò observentur ea, quæ de alienatione rerum Ecclesiasticarum Jure præscripta sunt *DD. ad c. super eo cit.* Ratio est, quia Transactio est species quædam permutacionis; res autem spiritualis cum alia re spirituali licitè permutari potest *c. ad questiones* 6. & *c. fin. juncta Gloss. V. temporalia de rer. permut.* ergo &c. Excipiuntur Beneficia Ecclesiastica; nam in his à SS. Canonibus tanquam Simoniaca reprobatur omnis transactio onerosa sine auctoritate Superioris inita, etiam quæ fieret cum pacto dandi, vel retinendi aliud Beneficium, vel simile Jus spirituale, ut colligitur ex *c. constitutus* 4. & *duob. seqq. h. tit.* ubi Pontifex absoluit, & nullo facto discrimine, prohibet passionem onerosam de Beneficiis. Ratio est, quia cum Beneficium habeat annexum commodum temporale, nempe præbandam, quæ in proventibus temporalibus consistit, hinc periculum, & suspicio est, ne huiusmodi Transactio super Beneficio fiat inuitu rei temporalis.

8 Denique super Matrimonio nec Transactio, nec Compositio amicabile fieri potest, si per eam fiat aliquid ad illud dissolvendum, prout constat ex *c. fin. h. tit.* & notat Gloss. *V. Sacramentum ibidem.* Ratio est, quia non possumus transigere, nisi circa ea, quæ in nostra sunt potestate; Matrimonium autem Divina auctoritate est institutum, adeoque nulla transactione, vel compositione humana quoad substantiam suam dissolvi potest; quia quos Deus conjunxit, homo non separet. *Gen. 2.* Proceditque hoc non tantum quoad Matrimonium consummatum, sed etiam quoad ratum; licet enim istud non sit omnino indissolubile, cum in eo Pontifex dispensare possit, id tamen nemo alius, præter Pontificem, potest. Dixi autem 1. super Matrimonio; alia enim est ratio in Sponsalibus de futuro: hæc enim inter puberes mutuo consensu, seu remissione dissolvi possunt; cons. etiam de iis transigi, si dubia sint. Konig *hic n. 12.* Dixi 2. ad Matrimonium dissolvendum; nam si Transactio, vel Compositio tendat ad Matrimonium contrahendum, de quo contendunt partes, an legitimè contractum sit, transigi de eo potest, non quidem auctoritate privata, sed publica Judicis, nisi aliud impedimentum canonicum intercedat, ut cum aliis notat Abb. in *c. fin. h. tit. n. 8.* nam tali casu cessat ratio prohibitiva transactionis, sive compositionis super matrimonio. Dixi 3. ut per eam fiat dissolutio; non enim repugnat super Matrimonio, de cujus valore dubium est, ante consummationem illius conveniri inter personas eo junctas, ut una ingrediatur Religionem, altera aliud Matrimonium ineat, & sic prius ratum dissolvatur. Ratio est, quia tali casu non dissolvitur ex conventionione partium, sed ex dispositione, & privilegio Jutis, quod ob favorem Religionis ingressui illius vim tribuit dissolvendi Matrimonium, etiam altera parte invitâ.

Quæritur 3. quæ sit Forma Transactionis? Resp. hæc duplex est, Essentialis, & Accidentalis. Accidentaliter ad modum pertinet, quo fieri Transactio debet; potest autem fieri quacunque verborum forma, modo istis, vel aliis signis sufficienter exprimat consensus mutuus: estque perinde, sive purè fiat, sive sub conditione *l. si super* 9. C. h. tit. sive in, sive extra judicium, interveniente, vel non interveniente scriptura *l. si ve* 28. C. eod.

Substantialia Transactionis sunt 1. ut pro remissione litis aliquid præstetur, aut fiat: quod differt à Compositione amabili, quæ gratis, fit, nullo dato, vel retento. 2. ut sit de re dubia; hinc invalida in utroque foro Transactio est, quæ fit super re, in qua alterutri transigenti constat, quod sibi nullum in illa jus competat: in foro conscientie quidem; quia sine titulo illam possidet: in externo autem vel ipso Jure, ut videtur colligi ex *l. in summa* 65. ff. de condi. indeb. vel saltem per actionem, aut exceptionem doli rescindenda *l. sub prætextu* 19. C. h. tit.



*h. tit. 3. ut sit de re controversa, seu lite incerta*; quia Transactio non est de qualibet re dubia, sed de re dubia propter litem motam, sed nondum finitam, vel movendam *l. cum proponas 2. C. h. tit.* Non autem refert, quod res in se certa sit, seu certum jus contineat; quia sufficit, quod sit dubium in facto, & non in Jure, ideoque de ea transigere licet propter incertum litis eventum. Vvesenbec. *ff. h. tit. n. 5. Pirh. h. n. 4.*

Dub. 1. quando transigere liceat? Resp. licet transigere vel ante contestationem, vel post contestationem litis, & in quacunque litis parte, donec sententia transierit in rem judicatam; nam eo usque adhuc dubius, & incertus est eventus litis. Gloss. in *Clem. 2. V. postquam, ut lit. pendens*.

Post sententiam transigere licet in casibus sequentibus. 1. si ab ea sit appellatum: quia appellatio suspendit sententiam, ideoque ea interposita, lis nondum finita est, sed adhuc durat *l. si causa 32. C. h. tit.* 2. si à sententia adhuc appellari potest; nam quamdiu appellari potest, sententia in rem judicatam non transit. 3. si adversus sententiam latam petatur restitutio in integrum, ut si minor, vel Ecclesia notabiliter læsa sit *l. si causa cit.* 4. si adversus rem judicatam à Principe admissa sit supplicatio. 5. si alio modo res judicata adhuc dubia esse possit.

Dub. 2. an, & quando Judex cogere ad Transactionem possit. Resp. Judicem quidem partibus litigantibus suadere posse, imò aliquando, si ita res exigit, debere, ut transigant, præsertim si causa sit valde ardua, ne lites cum magnis partium sumptibus protrahantur; absolute tamen eos cogere ad transigendum regulariter loquendo non posse per textum expressum *Novell. 124. c. 4. in fin.* Ratio est, quia regulariter nemo invitus tenetur cedere Juri suo, quemadmodum nec contrahere *l. invitum 11. C. de contrah. empt.* atqui transigendo Jus aliquod dimitti debet, cum quævis transactio fiat aliquo dato, aliquo retento. ergo &c.

Addidi regulariter; nam certis casibus contrarium tenet, præcipue 1. Si partium Jura sint omnino æqualia, & lis ita intricata, ut aliter expedire, & decidi nequeat. 2. Si ex continuatione litis timeatur periculum armorum, vel perturbatio pacis publicæ. 3. Si litigetur de tali re, circa quam Judex liberam disponendi potestatem habet. Vide *suprà Tit. 34. num. 18. & 19.*

## §. III.

De Effectu, Extensione, &amp; Rescissione Transactionum.

## S U M M A R I U M.

15 Effectus Transactionis.

16 Extensio.

17 Causæ, ex quibus potest rescindi.

18 19. 20. An etiam ex causa læsionis.

Queritur 1. quis sit Effectus Transactionis? Resp. sunt complures. 1. æquiparatur sententiæ, & habet vim rei judicatæ *l. non minorem 20. C. h. tit.* 2. rebus ac litibus incertis finem imponit *c. sicut 1. & l. fratris 10. C. eod.* 3. si legitime facta sit, revocari aut rescindi non potest, altera transactionum parte invitata *l. cum te 5. C. eod.* ne quidem Rescripto Principis *l. causas 16. C. eod.* aut prætextu novorum, vel de novo repertorum Instrumentorum, ad litem sopitam pertinentium *l. sub prætextu 19. & 29. C. eod.* 4. Omnes probationes, instrumenta, & alia jura partium in contrarium allata, si fraud, & dolus non intercessit, post finitam transactionem sunt irrita, & inania, etiamsi de hoc inter partes actum non sit *c. sicut grave cit. & ibi Gloss. V. habitorum*, ubi dat rationem, quia pacta novissima tollunt priora. 5. si firmata sit rei traditione, vel stipulatione, patit actionem Civilem; exceptionem verò, si sine illis sit inita *l. cum proponas 17. C. h. tit.* Porro Exceptio hæc est litis finitæ opponi ante, vel post litis contestationem potest, ut notat Abb. in *c. sicut grave cit. n. 3.*

Queritur 2. an, & quousque extendi Transactio debeat? Resp. cum distinctione, an Transactio sit specialis, vel generalis, aut indefinita. Si specialis est, ad alia extendi non debet, sed solum ad expressa, nisi sint connexa, & accessoria: conf. si Transactio sit de certa aliqua re, non potest peti alia res *l. si unus 27. §. pacta 4. in Schmalzgrueber Tom. I.*

*fin. C. de pact.* Si ex certa aliqua causa e. g. venditionis, tantum ex ista causa vi. Transactionis prohibetur transigens petere. Si verò generalis, aut indefinita Transactio sit, extenditur ad omnia particularia, sub eo genere contenta, etiamsi in specie non sint cognita *l. tres fratres 35. ff. de pact.* & ratio est, quia satis est, quod in genere, vel confusè cognita fuerint; adeoque comprehensa censentur, si non sint excepta.

Excepta autem censentur 1. quæ salva verborum proprietate in generalitate Transactionis non continentur. 2. quæ dolo unius ex transigentibus incognita, & occultata sunt *l. tres fratres cit. & l. qui cum 9. §. qui per fallaciam 2. ff. h. tit.* 3. si Transactio facta sit super rebus relictis in ultima Voluntate, de quibus non valet Transactio, nisi inspectis tabulis Testamenti; ut dictum est *n. 7. 4. si de iis tractatum non sit*; nam transactio, etsi generalis, & indefinita sit, ad ea tamen restringi debet, de quibus tractatum, sive inter partes actum est *l. qui cum cit. §. transactio 1.*

Queritur 3. ex quibus causis Transactio rescindi possit? Resp. quinque præcipue. 1. si interposito metu injusto, qui in virum constantem cadat, sit facta; nam talis Transactio exceptione metus, vel actione quod metus causa elidi potest *l. interpositus 3. C. h. tit.* 2. si dolo extorta sit; tunc enim per replicationem doli, vel per actionem de dolo rescinditur *l. sub prætextu 19. & l. si ex falsis 42. C. eod.* 3. si error substantialis intervenerit *l. si per errorem 15. ff. de Jurisd.* 4. si in rescissionem illius partes consentiant *l. si diversa 14. C. h. tit.* 5. si Transactio facta sit circa bona pupilli, minoris, vel alterius, qui restitutionis in integrum beneficio gaudet, & hic transactio sit læsus. Rubr. & text. *Cod. si advers. Transact.* 6. si inita sit ex falsis instrumentis, etiam bona fide, quia illa producens putabat esse legitima *l. si ex falsis cit.* quia transigens videtur consentire, subintellecta hac conditione, si instrumenta exhibita &c. jus verè dubium reddant; ita dubium autem non reddunt instrumenta falsa.

Dubium est, an sit major aliquis per Transactionem, 18 utrimque bona fide initam, læsus sit, illa ex hoc capite rescindi possit? Certum est. 1. rescindi non posse, si læsio sit infra dimidium; quia propter ejusmodi læsionem etiam non potest rescindi venditio arg. *c. cum dilecti 3. & c. cum causa 6. de Empt. & Vendit. l. rem majoris 2. C. de rescind. vend.* 2. satis convenit inter DD. rescindi posse Transactionem etiam juratam, ex capite læsionis enormissimæ, & ita decisum à Rota testatur Sabell. in *Summ. V. Transactio num. 17.* ubi læsionem enormissimam inter causas rescindendi Transactionem enumerat.

Controversia inter DD. est, quando læsio quidem non est enormis, sed tamen ultra dimidium? Affirmat Bartol in *l. rem majoris cit. num. 9. Fachin. l. 2. contr. c. 26. Molin. rr. 2. de J. & J. D. 556. n. 16. Pirhing h. n. 3. Engl n. 14.* Fundantur 1. quia æquitas naturalis dicitur, neminem cum alterius damno, & jactura locupletandum *l. Jure naturæ 206. ff. de R. J.* 2. quia in contractibus, aliisque omnibus rebus, cum potest, æqualitas observanda est *l. placuit 8. in fin. C. de judic.* hæc non observaretur, si læsio non daretur beneficio restitutionis. 3. *l. Imperatores 3. §. cum transactio 1. ff. h. tit.* transactio, cum hærede super fideicommissio inita, impugnari permittitur Codicillis postea repertis. ergo etiam instrumentis, saltem si sit immodica. 4. *l. si superstiti 5. C. de dol. mal.* ob immodicam læsionem permittitur filia adversus parentem, cum quo transegit, actio in factum, quæ non permitteretur, nisi rescindi ob læsionem immodicam transactio posset. ergo &c.

Verum etsi sententia hæc valde æqua, & humana sit, 19 Juri tamen, & rationi conformior videtur negativa, quæ docet, ejusmodi Transactionem ex capite læsionis ultra dimidium, nisi enormissima sit, non rescindendam. Ita Gloss. in *c. 6. de empt. & vendit. V. restituerent.* Bald. in *l. rem majoris cit. num. 3. Menoch. Conf. 401. n. 157. Gaill. l. 2. obs. 70. à num. 7. Stephan. Gratian. Discept. forens. c. 867. n. 48. Sabell. in Summ. V. Transactio nu. 17. Haunold. tom. 4. de J. & J. tr. 10. n. 247. König. h. n. 23. Vvicstner n. 10. & plurimi alii ab his cit. estque sententia hæc Jure Provinciali Bavarico *Summarischen Process. tit. 2. a. 3. in fin.* usu Imperialis Cameræ, teste Gaill. & repetitis Rotæ decisionibus, teste Sabell. *l. cit.* approbata*



Evincunt eandem 1. apertissimus textus *l. Lucius 78. §. fin. ff. ad S. C. Trebell.* ubi à fideicommissariis, etsi quadruplo minus, quàm in bonis erat, consecuti essent, dicitur agi posse in reliquum, *si transactum non sit*, igitur per argumentum à sensu contrario, si transactum sit, agi ab ipsis non potest, quantumvis læsi valde enormiter sint. 2. *l. in summa 65. §. & quidem 1. ff. de condit. indebit.* diserte negatur repetitio ejus; quod transactionis nomine datum est, licet res nulla media fuerit, & tantum conceditur casu, quo evidens calumnia detegitur. 3. *ll. sub prætenu 19. & 29. h. tit.* etiam sub prætenu instrumenti post reperti transactio bona fide facta rescindi prohibetur generaliter, & nullo facto discrimine inter eam, in qua læsio contingit infra, & eam, quæ contingit supra dimidium. 4. non minor est authoritas Transactionis, quàm Sententiæ, quæ in rem judicatam transiit *l. non minorem 20. C. h. tit.* atqui sententia, quæ transiit in rem judicatam, rescindi non potest prætenu cujusque læsionis, etiam ultra dimidium *tot. tit. C. sent. rescind. non poss.* ergo &c.

10 Neque obstant Argumenta in contrarium allata, Ad 1. locupletatio cum jactura alterius, quæ ex Transactionum firmitate aliquando oritur, raro, & præter Legislatoris intentionem accidit, & minus malum est, quàm suscitatio, & perpetuatio litium, cui occasionem præberet Transactionum ex causa læsionis rescissio. Ad 2. eadem est responsio: faterurque Pirh. *l. cit.* licet sententiæ adversæ patronus, rescissionem ejusmodi in Transactionibus, quippe quæ finiendarum litium causa sunt, ob læsionem, etiam enormem, raro solere concedi. Ad 3. negatur paritas; quia super rebus Testamento, vel Codicillo relictis, ut supra num. 7. dictum est, non potest transigi, nisi inspectis, & cognitis eorum verbis. Ad 4. ut Brunnem. in *l. superscripto cit. n. 11.* cum aliis notat, ibi supponitur in Transactione intervenisse dolus expressus.

## TITULUS XXXVII.

### De Postulando.

Quando per Pacta, & Transactiones lis inter partes exorta sopiri non potest, litigantes adeunt Judicem, eique Jus suum, quod habere videntur, postulando exponunt. Cum verò hoc raro per seipsos faciant litigantes, sæpè per Procuratores, plerumque per Advocatos, & Syndicos, si pars litigans sit Communiras, idcirco etiam de istorum officiis agendum est. Hoc Titulo sermo erit de *Advocatis*; nam hi propriè *postulare* dicuntur, Quare sit

### §. I.

De Postulationis Natura, Advocatorum differentia, & Varietate.

## SUMMARIUM.

- 1 Definitio Postulationis.
- 2 Definitio Advocati.
- 3 Differentia à Procuratore.
- 4 Varietas.
- 5 Causa constituens.

1 Quæritur 1. quid sit *Postulare*? Resp. Vox *Postulare* tripliciter in Jure accipitur. 1. prout subrogatur Electioni, dum ad Prælaturam, vel Dignitatem postulatur persona laborans impedimento Canonico dispensabili: de quo supra *Tit. 5.* 2. prout magis huc perinet, aliud nihil significat, quàm desiderium suum, vel amici sui apud eum, qui Jurisdictioni præst, in Jure, sive Judicio exponere, vel alterius desiderio contradicere *can. infantes 2. caus. 3. q. 7. l. hunc titulum 1. §. postulare 2. ff. h. tit.* 3. pro advocacy, sive officio Advocati: de quo propriè hoc loco sermo est.

2 Quæritur 2. quid sit *Advocatus*? Resp. *Advocatus*, qui aliàs etiam *Patronus Causæ*, & *Orator*, & *Causidicus* appellatur, propriè dictus est ille, qui pro altero præsentem postulat, seu defensionem præstat, & ei authoritate, consilio, opera sua in judicio assistit. Ita cum communi Pirh. *hic n. 2.*

Ex quo sequitur, Advocati munus non obire 1. qui sive verbo, sive scripto alicui consilium dar in aliqua causa, non adeundo Judicem; quia advocare est assistere in judicio, & ibi desiderium alterius exponere: & hinc prohibitus advocare non prohibetur extra judicium consilium litigandi dare, Abb. in *Rubr. h. tit. n. 1.*

3 Qui partes inducit ad contractum aliquem ineundum ob eandem rationem Sanch. *l. 6. moral. c. 13. numer. 30.*

3 Qui Jura partis allegat coram arbitratore; quia arbitramentum non est propriè judicium, sed quidam contractus transactionis: & sic hoc non est adesse litii, sed contractui. Aliud est in Arbitrio; nam qui coram hoc Jura partis allegat, verè advocare dicendus est, cum arbitria ad instar veri judicii redacta sint. Sanch. *l. cit. num. 31.*

4 Qui Judicem quidem adit, non tamen ibi Jura partis allegat, sed tantum rogat, ut eidem concedat terminum: imò qui etiam Jura partis allegat, sed privatim tantum, & non in Judicio. Sanch. *n. 29.*

Quæritur 3. quomodo Advocatus à Procuratore differat? Resp. licet sub generali appellatione Advocatorum comprehendantur etiam Procuratores, & contra Procuratorum nomine Advocati; quia utrique ad judicium pro causa agenda advocantur, & Clientis curam, seu procurationem gerunt: propriè tamen sumptus Advocatus in multis à Procuratore differt.

1 Enim Advocatus postulat pro præsentem, Procurator pro absente, ut patet ex definitione Advocati *num. præc.* & Procuratoris *Tit. seq. num. 1.* afferenda, in quo DD. conveniunt.

2 Advocatus debet esse Juris peritus, imò Juris Doctorum judicio approbatus *l. nec ceterorum 2. C. h. tit. l. nemi 11. C. de Advocat. divers. judicior. & l. jubemus 3. C. de Advocat. divers. judicium.* In Procuratore verò non tam scientia, quàm diligentia requiritur, cum causæ, seu negotii administrationem tantum habeat. Vvesenb. *ff. de Proc. n. 10.*

3 Advocati officium publicum, & honorabile est, multisque gaudens privilegiis *l. laudabile 4. C. de advoc. divers. judicium.* Procuratoris officium est magis privatum, vile, & onerosum *l. si quis 34. C. de Decurion. Gaill. l. 1. obs. 43. n. 3. & seqq.*

4 Cum Procuratore contrahitur, quando mandatum suscipit; non autem cum Advocato, quando constituitur: & hinc licet iste, quia, ut dictum est, munus ejus est publicum, cogi possit à Judice ad suscipiendum patrocinium causæ; non tamen ita cogi Procurator potest, cum nemo invitus cogatur contrahere *l. invitus 17. C. de procurat. & l. providendum 7. C. h. tit.*

5 Procurator, si causam malè egerit, vel cum Adversario colluserit, renetur actione mandati *l. si procuratorem 8. ff. mandati. & l. si procurator 10. C. de procurat.* Advocatus verò eo casu non ex mandato, sed de prævaricatione tenebitur *l. si patronum 1. C. de Advoc. divers. judicior.*

6 Procurator post litis contestationem fit dominus litis *c. 1. §. 1. de procurat. in 6.* Advocatus non item *l. ea que 1. C. de error. Advocat.*

7 Filiusfam. quod ex advocacy acquirat, tanquam peculium quasi Castrense, acquirit sibi *l. fin. C. de inoff. test.* non item, quod acquirit ex Procuratione; quia non tam est quæstus, sive lucrum ingenii, & doctrinæ, quàm communis negotiationis, cum Procurator tantum operas in causa tractanda præstet. Vvesenb. *ff. de procurat. n. 10.*

Quæritur 4. quotuplicis generis sint Advocati? Resp. 4. 1. alii sunt *Publici*, qui in causis publicis, & Fisci operam suam impendunt: de quibus *tot. tit. C. de Advocat. fisci.* alii *Privati*, qui operam suam præstant in causis privatorum.

2 Alii sunt *Ordinarii*, qui publica authoritate ad causas perorandas destinati, quasi ex officio, patrocinium litigantibus conferunt: & hi quia dum officium istud suscipiunt, Juramentum deponunt, & in Album Advocatorum referuntur, *Jurati*, *Immatriculati* dicuntur; alii verò sunt *Extraordinarii*, qui nec publica authoritate constituti, nec in numerum Advocatorum adlecti, extra Ordinem quasi, partibus patrocinantur in judicio.

3 Denique alii sunt *Voluntarii*, qui à partibus rogati spon-



spontaneè suum auxilium pollicentur; alii *Necessarii*, qui autoritate Judicis inviti jubentur causam Clientis suscipere.

5 Quæritur 5. quis Advocatos possit constituere? Resp. aliquando eos litigantes sibiipsis constituunt; aliquando iis petentibus, vel etiam ex officio illos decernit, & dat Judex, vel Magistratus Ordinarius, ut si partes principales propter impedimentum Juris, aut facti per seipsas postulare, vel propter notoriam egestatem, adversæ partis potentiam &c. acquirere Advocatum non possint *l. hunc titulum 1. §. ait prætor 4. ff. h. tit.*

Et hoc casu tenebitur patrociniū præstare parti, cui à Judice, vel Magistratu datus est, & quidem gratis, saltem lege Caritatis, si Cliens non habeat, unde salariū Advocato solvat, & hoc ex æratio publico pro talibus Advocatis constitutum non sit.

Quodsi patrociniū eo casu præstare renuat, ad id complere eundem Judex, vel Magistratus poterit, etiam sub pœna privationis officii *l. providendum 7. C. h. tit.* Ratio est, quia postulare pro sic destitutis patrociniū est obligationis naturalis, ad quam complendam subditum cogere Judex potest.

## §. I I.

### De Subjecto postulationis.

## S U M M A R I U M.

6 Postulare aliqui prohibentur Lege, vel Ediçto Prætoris.

7 8 9 10 Alii Canone, ut Excommunicati, Religiosi & Clerici.

11 Alii sententia Judicis.

12 Potest pacisci Advocatus de Salario.

13 Non verò de Palmario in eventum Victoriæ.

14 Juramentum tamen hujusmodi pactioni aditum valet.

**R**egula Generalis est, quòd postulare, seu advocare possint omnes, qui nominatim non prohibentur; quia Ediçtum de postulando prohibitorium est, sicut illud de Procuratore constituendo, ac proinde de re generaliter petmissa *l. mutus 43. §. cum quæretur 1. ff. de procurat.* Prohibentur autem aliqui Lege, alii Canone, alii sententia Judicis. Hinc

6 Quæritur 1. quoniam prohibeantur Lege, vel Ediçto Prætoris; nam etiam Ediçtum, postquam confirmatum est, sub Lege refertur? Resp. Lege, vel Ediçto Prætoris prohibetur 1. *Hereticus*, intellige, non toleratus, & *Infidelis*, seu qui Sacro Baptismate lotus non est *l. nemo 15. C. de Episc. audient. & l. fin. C. h. tit.* 2. *Servus*; quia legitimam personam standi in iudicio, & Juris Civilis communionem non habet *l. quod attinet 32. ff. de R. J.* 3. *Minor 17. annis*; quia necdum habet perfectum iudicium, quo opus est in postulando *l. hunc titulum 1. §. initium 3. h. tit.* 4. *Fœmina*, nisi pro filio, cujus est tutrix; quia alienam defensionem suscipere est officium virile *l. cit. §. secundo 5. 5. Cæcus*; quia, ut dicitur *§. secundo cit.* insignia magistratus videre, & revereri non potest. 6. *Surdus*, qui prorsus non audit; quia ut *§. initium cit.* habetur, Decretum Prætoris audire non potest. 7. *Infamis*; quia officium Advocati, ut *num. 3. dictum*, honorificum, & nobile est; infamibus autem portæ dignitatum parere non debent. *l. neque famosis 2. C. de dignit.* 8. *De capitali crimine*, vel de calumnia publico iudicio condemnatus *l. hunc titulum cit. §. removet 6.* nam etiam hic infamis est. 9. qui ex Testamento accepit aliquid, contra Testamentum, ex quo accepit *l. fin. ff. de inoff. testam.* quia, ut habetur *Reg. 38. in 6.* ex eo non debet quis fructum consequi, quod nifus extitit impugnare. 10. *Judex*, & *Arbiter* in ea causa, in qua sunt iudicaturi *l. quisquis 6. in princ. C. h. tit.* quia suspicio est, ipsos laturos sententiam in favorem sui Clientis. 11. *Fiscus*, vel *Respublica* contra privatum prætextu debiti, quod ipsis debetur *l. abhorret 3. & tot. tit. ne fisc. vel Resp. procurat. &c.* 12. *Potentiores tot. tit. ne liceat potentiorib.* ne sc. mole potentia opprimant jura adversæ partis. 13. *litterarum*, & *Jurium imperiti*, ut habetur *l. nec cæcerorum 2. C. h. tit.* & hodie, prout insinuat *Ord. Camer. p. 1. tit. 18.* qui Gradu Licentiæ, vel Doctoratus Juridici sunt destituti.

Schmalzgrueber Tom. I.

Quæritur 2. quoniam Canone, sive Lege Ecclesiastica 7 prohibeantur postulare, seu Advocati munus obire? Resp. *Excommunicati*: ita statuitur *c. decernimus 8. de sent. Excomm. in 6.* his enim communicatio cum fidelibus omnis, etiam forensis, est interdicta.

2 *Religiosi*, præterquam in causis, in quibus vertitur utilitas Monasterii; in his enim, accedente mandato, sive consensu proprii Prælati Regularis obire munus Advocati, vel Procuratoris etiam coram Judice sæculari possunt *can. Monachi 35. caus. 16. q. 1. & c. ex parte 2. h. tit.* Excipiuntur FF. Minores S. Francisci; nam hi ob nullam Monasterii sui utilitatem ejusmodi munus, etiam de Superiorum suorum licentia, obire possunt. *Clem. exivi 1. de V. S.*

3 *Clerici sæculares*, cum discrimine tamen nam in aliquibus casibus postulare possunt Clerici sæculares omnes, in aliquibus nullus, in aliis quidam possunt, quidam non possunt: Et hinc

Dubit. 1. quibus casibus Clericis sæcularibus omnibus 8 permissum sit postulare? Resp. *c. fin. h. tit.* quatuor enumerantur. 1. pro seipsis, sive in causa propria; non enim coguntur istam agere per Procuratorem, vel Advocatum.

2 Pro causa suæ Ecclesiæ, quæ hic ponitur ut diversa à causa Prælat, vel Rectoris Ecclesiæ, ut cum aliis notat *Abb. in c. 1. h. tit. n. 1. & in c. fin. ibid. n. 1. not. 2.*

3 Pro personis conjunctis usque ad quartum gradum consanguinitatis: quibus *Gloss. in c. fin. V. pro seipso* annumerandos vult etiam Fratres spirituales, v. g. Canonicos ejusdem Ecclesiæ, cum in his procedat paritas, vel majores rationis.

4 Pro personis miserabilibus, quarum defensio ad Ecclesiam spectat, quales sunt pauperes, pupilli, orphani, viduæ; nam harum personarum patrociniū suscipere est opus pietatis.

5 Addi debet consuetudo Romanæ Curie, in qua Summi Pontificis tolerantia, Clerici, etiam Sacerdotes, obire solent munera Advocationis, & Procurationis, testibus Stephan. Gratian. *tom. 1. Discept. forens. c. 57. n. 38.* Fagn. *in c. 1. cit. n. 22.* Pirhing *hic n. 12.*

Dub. 2. in quibus casibus prohibitum sit cuivis Clerico 9 advocare? Resp. duo enumerantur. 1. in causa sanguinis, mortis videlicet, & mutilationis, saltem pro actore contra reum *c. sententiam 9. ne Cleric. vel Monach. idque propter periculum irregularitatis. Gloss. in c. 1. h. tit. V. stipendiis.*

Addidi *saltem pro actore contra reum*; nam etsi tutius sit in hujusmodi causis omnino abstinere ab advocatione etiam pro reo, probabilius tamen hoc non est prohibitum Clericis; quod non solum verum est hodiernis moribus, quibus pœna talionis per defuetudinem est sublata, sed etiam antiquo Jure, saltem si Clericus advocatus protestationem præmississet, quòd non intendat patrociniū præstare reo ad pœnam illam inferendam accusatori, si in probatione deficiat, sed tantum pro defensione rei. Pirhing *hic numer. 11.* Schambog. *num. 5.* Ratio est, quia etsi pœna illa deficiens, in probatione multetur, præter intentionem tamen Clerici Advocati mulctatur.

*Alter casus est*, quo agitur causa Ecclesiæ, vel Episcopi proprii *c. fin. h. tit. Vers. Clericus*, ubi Clericus, qui contra Ecclesiam, à qua Beneficiū habet, pro extraneis Advocatus, vel Procurator esse præsumit, tanquam ingratus privatur Beneficio, quod in ea obtinet, non quidem ipso Jure, sed per sententiam: quod ipsum statuitur *c. gravem 15. de excess. Prælat. contra eum*, qui sic delinquit contra Episcopum.

Intelligendum autem hoc est regulariter; nam plures faciendæ sunt exceptiones, quibus etiam contra Ecclesiam, in qua Beneficiū obtinet, Clericus Advocati munus obire potest. 1. si præcepto Superioris ad hoc cogatur. 2. si postuler in causa propria, vel personæ conjunctæ. 3. si pro personis miserabilibus, alio Advocato destitutis. 4. si Ecclesia ingrata esset in Clericum. 5. si in una Ecclesia, pro qua postulat, esset Prælatus, in altera, contra quam postulat, haberet aliud Beneficiū. Vide Pirhing. *hic n. 14. & 15.* cum aliis ab hoc *citt.*

Dub. 3. quæ causæ sint, in quibus pro discrimine Ordinum aliquibus permittitur advocare, aliis prohibetur? Resp. causæ istæ sunt aliæ omnes, præterquam criminales ad pœnam sanguinis, vel mutilationis, & intentatæ contra Ecclesiam, vel Episcopum proprium.



Nam 1. Clerici, qui Sacerdotes sunt, in nulla causa, præterquam quinque casibus *num. 8.* exceptis, advocare possunt, etiam coram Tribunali Ecclesiastico *c. Clerici 1. & c. fin. h. tit.* cujus ultimi textu Sacerdos indistinctè prohibetur in iudicio postulare, adeoque etiam coram Iudice Ecclesiastico: & ratio insinuat; quia *Sacerdotis officium est nulli nocere, omnibus autem velle prodesse.* atqui Advocatus, dum uni parti assistit, & patrocinatur, alteri nocet, quam oppugnat. ergo &c.

2 Clerici Subdiaconi, & Diaconi Advocati, & Procuratores esse possunt coram Iudice Ecclesiastico, etiam in causis secularibus; coram Iudice seculari autem (extra casus omnibus permisos) tantum in negotiis Ecclesiasticis, ut cum aliis advertit Abb. *in c. 1. cit. n. 3.* Ratio est, quia causa unica, ob quam Clerici in Majoribus constituti à Iudiciis remouentur, est, quòd ejusmodi munera gerere dedecet excellentiam Status, cui per Ordinem Sacrum irrevocabili adstricti sunt, atqui talis dedecentia non est, quando causæ etiam seculares coram Iudice Ecclesiastico, aut negotia Ecclesiastica aguntur coram Iudice Seculari. ergo &c.

3 Clerici in minoribus constituti Advocati esse possunt etiam coram Iudice seculari extra causam sanguinis, & mutilationis, ut colligitur *ex c. Clerici 1. h. tit.* ubi huiusmodi Clericis Advocacionis munus coram Iudice seculari prohibetur, *si stipendiis Ecclesiasticis sustententur*, igitur, ut per argumentum à sensu contrario infert Gloss. *ibid. V. stipendiis*, si tales Clerici Ecclesiasticis stipendiis non sustententur, quia nullum Beneficium Ecclesiasticum habent, etiam in foro seculari advocare poterunt, saltem si patrimonialia, vel aliunde acquisita bona non habeant. Vide Fagn. *in c. 1. cit. n. 5. Puh. hic n. 7. Vviesner numer. 14.*

11 Quæritur 3. quinam sententia Iudicis postulare prohibeantur? Resp. sententia Iudicis postulare prohibendus est. 1. qui, postquam in numerum Advocatorum semel relatus est, & dein iussus à Iudice patrocinium præstare parti Advocatum non inveniendi, illud præstare recusavit sine iusta causa *l. providendum 7. C. h. tit. 2.* qui compertus fuerit mala fide processisse, & colludendo cum Adversario causam prodidisse *arg. l. prævaricator 1. in fin. & l. accusator 5. ff. de prævaricatione.* Menoch. *de arbitr. cas. 323. n. 8.* 3. qui sub nomine honorarii ex ipso negotio, quod tuendum suscepit, emolumentum sibi certæ partis, sive quoram litis, & rei in iudicium deductæ cum litigatoris damno fuerit pactus *l. siqui 5. C. h. tit.*

12 Dub. 1. utrum liceat Advocato pacisci de Salario solvendo à suo Cliente? Resp. Affirmative; quia hoc exigere Advocatus à suo Cliente potest, etiam si nihil de eo conventum sit, cum *nemo suis stipendiis cogatur militare*, ut dicitur *c. cum ex officio 16. de præscript. in fin.* Si certum aliquod stipendium, seu salarium à Lege, vel consuetudine taxatum sit, majus, quam taxatum sit, exigere Advocatus non potest; recipere tamen potest, si spontè, & liberaliter offeratur. Ratio est, quia quivis tenetur Legem iuste taxantem pretium servare. Si nullum certum salarium à Lege, vel consuetudine taxatum sit, tantum recipere poterit, quantum habita ratione laboris, dignitatis, scientiæ, & difficultatis causæ, arbitrio prudentis viri videbitur, & non ultra. *l. præses 1. §. in honorarius 10. ff. de extraord. cognit.*

Quis salarium subministrare debeat Advocato pauperis, controversia est inter DD. Aliqui ad hoc solvendum obligant divitem pauperis Adversarium. Verum hæc obligatio videtur nimis dura, si dives adversus pauperem ex iusta causa, & non temere litiget. Hinc alii melius docent, eo casu pauperi subministrandas pecunias ex Eleemosynarum ærario, quibus salarium suo Advocato solvat, vel hunc cogendum, ut gratis eidem serviat quod posterius teste Gaill. *l. 1. obs. 43. n. 10.* in Camera Imperiali fieri solet.

13 Dub. 2. utrum Advocatus cum Cliente suo pacisci possit de Palmario, seu, quod idem est, de extraordinario aliquo ultra salarium ordinarium in casum victoriæ sibi solvendo.

Certum est 1. non esse illicitam pactionem, qua inter Advocatum, & Clientem post litem finitam, & causam actam convenitur de extraordinario aliquo Palmarii, seu victoriæ nomine sibi solvendo, modò hoc fiat in quantitate moderata; nam talis pactio nullo Jure reprobata, imò approbata invenitur *l. præses cit. §. siqui 12.*

Certum satis est 2. subsistere pactionem, qua antè ceptam, aut finitam litem Advocatus cum Cliente suo paciscitur de certa quantitate pecuniæ, vel alia re sibi præstanda honorarii nomine, ita, ut debeatur, sive Clientis vincat in causa, sive vincatur, modò istud non multò sit majus eo, quod salarii debetur nomine; nam tali casu ratio cessat, ob quam Jura pactionem de quota litis prohibuerunt, cum ejusmodi pacto Advocatus ad delinquendum non invitetur.

Dubium procedit tantum casu, quo Pactio sit ante litem finitam de Palmario solvendo in eventum tantum victoriæ? Rationem dubitandi facit *l. siqui 5. C. h. tit.* qua improbantur pactiones non de re quacunque, sed illæ duntaxat, quæ de certa parte, sive quota ex ipsis negotiis, sive rebus litigiosis ineuntur, igitur super aliis rebus initæ valebunt.

Sed tenenda est negativa sententia, quam etiam defendunt cum plerisque antiquioribus Pirhing *hic n. 21. Vviesner n. 24.* & novissimè Magnif. D. Laurentius Albertus Verlohner Pandectarum in Universitate Ingolstadtensi Professor Clarissimus *Semicent. q. 22. n. 6.* Ratio est, quia Pactum de Palmario haud secus, ac pactum de quota litis ex una parte Advocatum censetur proximè invitare ad peccandum, & adhibendos dolos, fraudes, ac quævis alia illicita media pro obtinenda sententia favorabili; ex altera verò parte non levis suspicio de concussione subest, ne Clientis metu perdendæ litis tale pactum invitus ineat: ac proinde sunt eadem causæ contra pactionem Palmarii, quæ contra pactionem de quota litis.

Ex quo cadit ratio in contrarium.

Dub. 3. an validum sit Juramentum additum Pacto, 14 quod inter Advocatum, & Clientem initum est de quota litis, vel certa quantitate præstanda in eventum victoriæ. Videtur esse irritum; quia bonis moribus adversatur, utpote invitans ad delinquendum, ut patet ex *num. præc.*

Sed dicendum, quidquid sit, an pactum ejusmodi juramento confirmetur, ita, ut inducat obligationem Justitiæ, de quo *l. 2. tit. 24.* saltem Juramentum istud inducit obligationem Religionis, & conf. non est omnino invalidum. Ratio est, quia salutis dispendium, & tertii præjudicium per se non affert: & hinc procedit Regula *c. cum contingat 28. de jurejur. & c. quamvis 2. de pact. in 6.*

Ad rationem dubitandi dico, pactum hoc adversari quidem bonis moribus civilibus, non verò naturalibus; quia occasionem calumniandi, quam Advocato dat, dat tantum per accidens, & remotam, ita ut si illam arripiat Advocatus, id non pactioni, sed improbitati ejusdem sit imputandum.

### §. III.

De Objecto Postulationis, Advocatorum Officio, seu Obligatione, & Prærogativis.

### § U M M A R I U M.

- 15 16. Causæ, quas defendere Advocati possunt.  
17 Eorum Officium, & Obligatio.  
18 Commoda, & Privilegia.

Quæritur 1. quasnam causas perorandas suscipere possint Advocati?

Certum est 1. non posse ab ipsis suscipi causam injustam; alioquin si sciens id fecerit, tenebitur tum parti læsæ, tum Clienti, si eum decepit, dicens esse causam justam, ad restitutionem damni illati, ut rectè Pirh. *hic n. 22. König n. 17. Schambogen n. 7. Dixi si sciens &c.* nam si ignoranter causam injustam defendit, videndum, an ignorantia hæc fuerit culpabilis, an inculpabilis. Si prius; solum tenebitur juxta modum culpæ; si posterius, ad nihil omnino; in utroque ramen casu, errore cognito, debet causam desecere, vel potius Clientem disponente, ut ipsemet cedat lite, & cum Adversario suo componar. S. Thom. 2. 2. q. 71. a. 3. ad 2. Addidi si eum decepit; nam si Clientem monuit de injustitia causæ, & hic nihilominus in prosecutione causæ stare voluit, parti quidem adversæ pro reparatione damni illati obligabitur: non tamen Clienti, utpote qui sciens, & volens damnum hoc passus est. König *l. cit.*

Certum



*Certum est* 2. non esse opus, ut Advocatus sit certus de iustitia causæ, quam suscipit; quia potest suscipere defendendam causam etiam merè probabilem, saltem si sit æquè probabilis, vel probabilior, quàm sit causa oppositæ partis. Ratio est, quia, ut bene advertit König *num.* 18. si hoc non liceret, vix unquam liceret Advocato patrocinium interponere, cum lites ferè omnes oriantur ex Jure, vel factò dubio.

*Certum est* 3. non posse illum suscipere causam probabilem, in qua nulla spes prudens affulget victoriæ, nisi monito priùs de hoc periculo suo Cliente. Ratio est, quia suscipiendo ejusmodi causam, nulla prævia monitione de periculo, subijci Clientem suum manifesto discrimini, cum sperari ex patrocinio illius nihil aliud possit, quàm expensæ frustraneæ. Ex quo sequitur, si Advocatus sciat, in Dicasterio, in quo causam perorat, practicare sententiam suæ contrariam, eum debere desistere à patrocinio. P. Schmier *tr. de Judic. c. 2. n.* 170.

6 Controversia est casu, quo non modica est probabilitas causæ, & spes victoriæ, minortamen ea, quæ pro Adversario militat? Negativam hoc casu defendit Sor. *l. 5. de Just. q. 8. a. 3.* saltem quando lis est de magni momenti re: & probare istud videtur triplex ratio. 1. quia illi potius debet Advocatus favere, qui habet jus potius, istud habet, qui causam habet probabiliorē; quia Jus magis in favorem illius inclinatur. 2. ubi jura partium dubia, & obscura sunt, favendum est reo, ex Regula Generali sumpta *ex c. inter 6. in fin. de fid. instrum.* ergo contra jus rei facit Advocatus, qui tali casu patrocinatur actori. 3. bellum inferre non licet ei, cujus causa probabilior judicatur; ergo nec intentare litem.

Sed his non obstantibus, dicendum, posse hoc casu Advocatum patrocinium talis causæ suscipere, Ita Gutier. *qq. Canon. l. 1. c. 13. n. 24. Less. de J. & J. l. 2. c. 31. n. 53. Sabel. in Summ. V. advocatus num. 5. Haunold. tom. 5. tr. 2. num. 543.* & alii communiter, modò Advocatus tali casu de minori probabilitate Clientem moneat. Ratio est 1. quia Advocati munus est partis, quam tuetur, causam proponere, & quæ pro ea faciunt, allegare. atqui hoc facere potest Advocatus, etiam casu, quo minor appareat probabilitas, quàm pro contraria parte; quia hoc facere Clientis potest omni Jure per seipsum. ergo etiam per Advocatum. 2. sapè, quæ minùs probabilia sunt, res ipsa sunt veriora iis, quæ apparent ut magis probabilia. igitur propterea, quòd una pars habeat causam minùs probabilem, non debet destitui patrocinio, cum contingere possit, ut ejus causa sit justior, & talis incipiat apparere, deductis momentis causæ. 3. publicè interest, probabiles etiam lites suscipi, ut propositis utriusque causæ meritis, meliùs informatus Judex æquiorē sententiam possit.

Argumenta in contrarium vim non habent. *Ad* 1. favendum est ei, qui habet jus potius, non putativum, sed verum: quòd cum ambiguum sit in nostro casu, ideo favere Advocatus poterit, cui voluerit. *Ad* 2. id axioma procedit in Judice, non verò in Advocato, qui solum proponit momenta causæ, ut Judex sciat, cui per sententiam favere debeat. *Ad* 3. Disparitas est, quia Princeps bellum gesturus simul pars est, & Judex; ideoque non quamlibet sententiam, sed probabiliorē tenere debet: at Advocatus solum pars est, vel assistens partis, cui integrum esse debet vel per se, vel alium Jura sua defendere.

17 Quæritur 2. quod sit officium, & obligatio Advocati? Resp. 1. si in Advocatorum Matriculam sit relatus, & Judex ita præcipiat, præstare Clienti, sibi à Judice commendato, patrocinium debet, nec recusare id potest sine justa causa, ut dictum est *num.* 3. & 11. quod adeo verum est, ut litigans, quamdiu idoneum Advocatum non habet, in contumaciam condemnari nequeat, sed dandæ sint ipsi induciæ ad Advocatum quærendum *c. ad hoc 1. ut lit. non confest.*

Si causam aliquam sibi defendendam suscepit, illius merita diligenter rimari, ea, quæ ad defensionem illius sive de Jure, sive de facto conferunt, diligenter conquire, & nihil eorum debet omittere, quæ causæ defendendæ proficua esse possunt *l. rem non novam 14. §. patroni 1. C. de Judic.* aliàs, si quovis modò per culpam suam, vel imperitiā amittat causam in judicio, non solum salarii nihil potest exigere, sed adejus etiam, quod accepit, restitutionem, & refarcitionem omnis damni, quod

Clienti inde ortum est, in conscientia obligatur. Host. *in Summ. hic n. 5.*

3 Quando pro Clientibus comparent in judicio, memores modestiæ, ab injuria, probris, convitiis sibi temperent, sed Legum vi, ac rationum momentis, non contumeliis, & opprobriis adversum se pugnent *l. quisquis 6. §. ante omnia 1. C. h. tit.*

4 In deductione causæ studeant brevitati, superfluas allegationes rescant, præsertim verò vitent frivolas, & frustratorias dilationes, & exceptiones, quibus pro sæculi nostri vitio causæ adeo protrahuntur, ut Clientes priùs ad mendicitatem, quàm causæ finem perductos se videant *l. quisquis cit. & l. properandum 13. §. illo 9. C. de Judic.*

5 Aliud nihil in Judicio proponant, quàm quod justum, & verum perspexerint: hinc in defensione causæ nullam Legem falsam allegabunt, vel perversè interpretabuntur, nec producent falsa instrumenta, aut testes falsos, vel corruptos; aliàs falsi crimini incurrunt *l. rem non novam, & §. patroni cit.*

6 Fidelitatem, & silentium Clienti servant; nam si cum Adversario, aut ejus Advocatis colluserint, vel causam prodiderint, aut aliquid in eorum gratiam omiserint, tanquam prævaricatores, & criminis falsi rei puniri poterunt *l. si quis 38. §. si quis 8. & seq. ff. de pœn.*

7 Causam semel susceptam, Cliente invito, non deserent, nisi reperiant esse injustam, sed ad exitum perducant usque ad sententiam definitivam *l. properandum cit. §. illo 9. ibi eam usque ad terminum implere &c.*

8 Non exigant, vel accipiant immodicum lucrum honorarii, sive metcedis, & salarii nomine, quamvis impendissent diligentiam debitam, & causam ad obtatum finem perduxerint *l. si quis 5. C. h. tit.*

Quæ omnia, ut eo certius, & sincerius præstent, Jure communi *§. patroni cit.* in principio cujusque litis, hodiernis moribus, ut Haunold. *tom. 5. tr. 2. n. 533.* notat, semel saltem, & initio suscepti officii juramento ad hoc sincerè gerendum se debent obstringere.

Quæritur 3. quæ sint commoda, & Privilegia Advocatorum? Resp. hæc duplicis generis sunt, prout observat Stryck. *Dissert. de privil. Advocat. n. 15.* & ex eo P. Schmier *tr. de Judic. c. 2. n. 194. & seqq.* videlicet personalia, & realia.

Personalia sunt 1. Nobilitas, quam Advocatis in Supremis Imperatoris; & Principum Dicasteriis competere P. Schmier *loc. cit.* deducit ex *l. providendum 7. C. h. tit. l. cum advocatio 8. C. de Advoc. divers. Judicior. & l. fin. C. de Decurion. 2. participatio privilegiorum militarium*, illis exceptis, quæ ob ignorantiam militibus concessa sunt *arg. l. advocati 14. C. eod. 3. immunitas à tortura arg. l. miles 8. C. de quest. 4. immunitas à carcere*; nam hujus in locum Advocato delinquenti honestum cubile est assignandum *arg. l. miles cit. 5. libertas à pœnis magis ignominiosis*; qualis est fustigatio, suspendium &c. *arg. l. aut facta 16. §. persona 3. & l. capitalium 28. §. non omnes 2. & ult. ff. de pœnis. 6. Usus vehiculorum in loco, ubi Princeps residet arg. l. un. C. de honorator vehicul.*

Realia sunt 1. immunitas ab oneribus, & muneribus, realibus, & personalibus *arg. l. Medicos 6. C. de Professor. & Medic. 2. exemptio à recipiendis hospitibus, & militibus l. sancimus 6. C. de Advoc. divers. Judicior. & l. petitiones 5. §. nec ediculas 2. C. de Advocat. divers. Judic. 3. prælatio filiorum ex Advocatis descendentium quoad officium Advocati*; nam hi extraneis quoad munus hoc præferuntur *l. petitiones cit. §. & filios 5. 4. beneficium competentis*; nam ultra, quàm possunt, creditoribus satisfacere non tenentur *arg. l. miles 6. in princ. & l. item miles 18. ff. de re judicat. 5. jus petendi salarium: de quo n. 12.*

## TITULUS XXXVIII.

## De Procuratoribus.

Acum priori Titulo de Advocatis, qui patrocinium præbent litigantibus; sequitur de Procuraoribus, qui vicem litigantium supplent, & pro absentibus postulant.



## §. I.

## De Natura, &amp; Verietate Procuratorum.

## S U M M A R I U M.

- 1 Procuratoris definitio, & differentia.
- 2 Variæ Species.
- 3 Differentia Procuratoris Judicialis ab Extrajudiciali.

1 **Q**Uæritur 1. quid sit Procurator? Resp. Procurator sic dictus, quod sit quasi pro alio curator, si strictè nomen hoc accipiatur, definiri potest ex l. procurator 1. ff. h. tit. quod sit, qui aliena negotia mandato Domini administrat; vel ut alii explicatius: Est, qui à domino, rebus suis superesse per seipsum non valente, vel non volente, constituitur, ut ipsius absentis negotia, unum vel plura, aut etiam eorum universitatem, in, aut extrajudicium, vel utrobique expedienda, perficiendaque administret. Ita quoad sensum DD. communiter: estque definitio hæc satis exacta, cum clarissimè Procuratorem distinguat ab iis, qui propriè Procuratores non sunt. 1. enim distinguit ipsum ab Advocato; quia hic pro præsentem postulat, ut dictum est Tit. præc. num. 2. 2. à negotiorum gestore; quia hic aliena negotia gerit sine mandato l. si quis 2. ff. de negot. gest. 3. à Tutore, & Curatore; quia isti non à pupillo, vel minore, sed à Lege, Magistratu, vel defuncto testatore constituuntur. Vvesenbec. ff. h. tit. n. 2. 4. à Nuntio; quia huic nudum solummodo ministerium, non autem administrandi potestas committitur. Vvesenb. l. cit. 5. à Defensore; quia Defensor reum tantummodo, & quidem si propriè sumatur, sine mandato tuetur l. servum 33. §. publicè 2. ff. h. tit.

2 **Q**Uæritur 2. quomplex sit Procurator? Resp. Procuratorum multe sunt species. 1. enim alius est Procurator verus, alius falsus. Verus est, qui legitimum mandatum administrandi habet à domino; Falsus, qui vel nullum mandatum habet à domino, vel non sufficiens, revocatum, aut alio modo extinctum l. licet 24. C. h. tit.

2 Procurator verus alius est Generalis, alius specialis. Generalis est, qui ad omnia negotia, vel lites; Specialis, qui ad certum duntaxat negotium expediendum, vel litem in judicio prosequendam est constitutus. l. procurator 1. §. 1. ff. h. tit.

3 Procurator Generalis est, qui constitutus est simpliciter; alius verò, qui constitutus est cum libera, h. e. plena, & libera potestate agendi, vel gerendi omnia, quæ in causa, vel negotio gerere potest dominus: ille alienare solum ea potest, quæ facillè corrumpuntur, & servari nequeunt; iste etiam alias res mobiles, imò & immobiles vendere, permutare, aut aliis modis, excepta donatione, alienare potest l. procurator 58. & 63. ff. h. tit.

4 Procurator alius est in rem alienam, alius in rem suam constitutus. Prior negotium alienum gerit in utilitatem domini; posterior in commodum, & utilitatem propriam: talis est, cui dominus vendidit, aut quoquo modo cessit jura & actiones suas, ita ut alieno quidem nomine litiget, involumenta tamen litis ad ipsum pertineant l. servum 33. §. fin. l. si quis 34. & l. procuratore 55. ff. h. tit.

5 Procurator alius est Principalis, alius Substitutus. Principalis est, qui ab ipso Domino immediatè deputatur. Substitutus, qui à Procuratore constituitur, & nostra vernacula Nachgesetzer Anwald, nach oder after Anwald vocatur. Lauterbach Disquisit. de Procurat. substit. c. 1. §. 3.

6 Denique Procurator alius est Judicialis, alius Extrajudicialis, Judicialis est, qui litem mandato domini gerendam suscipit; & propterea Procurator ad lites dicitur; Extrajudicialis, qui ad negotia extra judicium tractanda, & explicanda constituitur, & Procurator ad negotia salutatur. De his.

3 **D**ubitari potest, quomodo inter se differant Procurator Judicialis, & Extrajudicialis? Resp. 1. in Procuratore ad negotia, seu Extrajudiciali minor requiritur ætas, quàm in Judiciali, de quo infra n. 9.

2 Procurator Extrajudicialis liberè substituere sibi alium potest; Judicialis non potest, nisi quando per litem contestationem factus est litis dominus, vel à domino substituendi potestatem habet, vel in rem suam est Procurator, ut dicitur num. 36.

3 Procurator ad negotia potest agere etiam in judicio in iis, quæ speciale mandatum non requirunt; at Procurator ad lites datus, alia negotia Domini extra judicium tractare non potest, ut plenius num. 29.

4 Procurator ad lites secundum quosdam tenetur etiam de culpa levissima l. à Procuratore 13. ibi omnem culpam C. mandati. Procurator ad negotia autem regulariter tantum tenetur de dolo, & culpa lata, sicut alii mandatarii, nisi ob negotii qualitatem exacta diligentia requiratur. Laym. l. 3. tr. 4. c. 26. n. 7.

## §. II.

## De iis, qui constituere Procuratorem possunt.

## S U M M A R I U M.

- 4 Quis constituere Procuratorem possit?
- 5 An Prælati in negotiis Ecclesiæ, vel Monasterii?
- 6 An Universitas?
- 7 Quid si aliqui ex Communitate excommunicati sint?
- 8 An compelli aliquis ad constituendum Procuratorem possit?

**Q**Uæritur 1. quinam possint Procuratorem constituere? Resp. Generaliter loquendo omnes constituere Procuratorem possunt, qui non prohibentur; est enim Edictum hoc prohibitorium, ac proinde de re generaliter permessa omnibus, & certis tantum personis prohibita l. mutus 43. §. cum queretur 1. ff. h. tit.

In specie ad Negotia dare Procuratorem possunt, quicumque rerum suarum, vel alienarum liberam administrationem habent, adeoque etiam Tutor de re pupilli, Curator de re minoris, Filius, de bonis suis Castrensibus, imò & servus ad negotia sua pecuniaria l. servum 33. in princ. ff. h. tit.

Ad lites verò Procuratorem dare possunt illi tantum, qui sunt Domini litis, & possunt agere per seipsos; adeoque Procuratorem ad lites dare nequeunt 1. Servus, nisi de statu suo litiget l. servum cit. §. eum verò 1. nam interim pro servo habendus non est. 2. Filiusfamilias, nisi in causis, in quibus ipsemet potest agere l. filius 8. ff. h. tit. 3. Pupillus sine autoritate Tutoris, Minor Curatorem habens sine autoritate Curatoris, nisi in causis spiritualibus, & quæ ab his dependent; nam in his agere in judicio etiam sine Curatoris assensu potest, modò 14. annis major sit. c. fin. de Judic. in 6. 4. Procurator in causa, quam procurat, nisi litem sit contestatus; tum enim sit dominus litis. Mynsing. cent. 1. obs. 43. 5. Tutor, Curator, Syndicus Universitatis, vel Civitatis, qui ante contestationem litis actorem quidem constituere possunt, non tamen Procuratorem; quia antea non sunt domini litis l. neque 11. C. h. tit. 6. Captus ab hostibus, qui similiter actorem constituere potest, non tamen Procuratorem l. ab hostibus 15. ff. ex quib. caus. major. quia quamdiu in potestate hostium est, non est sui Juris, nec rerum suarum dominus. Vall. hic §. 3. n. 4. 7. Excommunicatus, qui solum constituere Procuratorem potest ad defendendum, non verò ad agendum c. fin. h. tit. quia fictione Juris habetur pro mortuo. 8. Bannitus: nam & ipse amissis bonis omnibus, civiliter mortuus reputatur. Vall. l. cit. 9. Religiosus; nam hic, ut Procuratorem constituere, vel substituere sibi possit, licentia sui Superioris indiget. Clem. 3. h. tit. exceptis casibus, quibus per se agere in judicio sine licentia Prælati potest, ut cum Prælatus suum accusat &c. Hæc satis certa. Dubitatur, & ulterius.

**Q**Uæritur 2. an Prælati ad lites super Ecclesiæ, vel Monasterii rebus, & Juribus prosequendas Procuratorem constituere valeat? Ratio dubitandi est, quia ejusmodi rerum non dominus, sed Procurator tantum, & Administrator est can. sine exceptione 52. caus. 12. q. 2. & c. fraternitatem 2. de donat. quod confirmatur à paritate cum Tutor, qui ut num. præc. dictum est, in rem pupilli actorem tantum, non Procuratorem constituere potest. atqui Prælati, & alii rerum Ecclesiasticarum Administratores æquiparantur Tutoribus, ergo &c.

Sed adhuc dicendum, Prælatus ad lites super Ecclesiæ, vel Monasterii rebus prosequendas constituere Procuratorem posse, eique in causis non arduis ad agendum, & respondendum potestatem dare, neque ad hoc habere opus



opus consensu Capituli? proceditque hoc, etiam si litem ipse nondum sit contestatus. Ita Abb. in c. 21. de re script. num. 8. Pithing. hic num. 15. Konig num. 14. Vviestner n. 15. & novissimè P. Schmier tr. de Judic. c. 2. n. 229. Colligitur ex c. cum causam 6. de Juram. calumn. Ratio est, quia qui in iudicio potest agere per se, potest etiam agere per alium l. procurator 1. ff. h. tit. atqui Prælatus, si causa non sit ardua, & magni momenti, sine Capituli, vel Conventus sui consensu in iudicio per se agere, & respondere potest; nam in his causis liberam, & generalem administrationem habet. ergo &c.

Excipiuntur tres casus, quibus ad Procuratorem constituendum opus est consensu Capituli, vel Conventus. 1. si causa sit ardua, & magni momenti, quæ v. g. Ecclesiæ, vel Monasterii libertatem, subjectionem, limites, honorem, vel alienationem bonorum illius immobilium, vel mobilium pretiosorum concernat. Abb. inc. 21. cit. n. 6. 2. si constituendus sit Procurator generalis, & perpetuus, quæ Ecclesiæ, vel Monasterii negotia omnia tam intra, quam extra iudicium gerat; quia hoc inter ardua computari potest. Abb. l. cit. n. 9. 3. si Capitulum, vel Conventus habeat bona omnino, etiam quoad administrationem diversa à bonis Prælati. Abb. numer. 6. cit. in fin.

Ad rationem dubitandi, etsi Prælatus non sit dominus rerum Ecclesiæ, vel Monasterii sui, liberam tamen, & generalem illarum administrationem habet, ira ut agere de iisdem, & conveniri in iudicio per se solus possit, nisi causa sit ardua igitur etiam per Procuratorem juxta paulò antè dicta. Ad Conf. Prælatorum potestas longè amplior, quàm Tutorum est, ut adeo ab his ad illos argumentatio non sit universim legitima.

6 Quæritur 3. utrum Universitas possit constituere Procuratorem? Ratio dubitandi est 1. quia c. quia in causis 7. h. tit. Innocentius III. Universitati Scholarum Parisiensium id auctoritate Apostolica concessit; non fuisset autem opus concedere, si Jure communi jam fuisset permissum. 2. in Jure Civili Procurator ab Universitate constitutus propriè Actor, vel Syndicus appellari solet l. neque 1. §. quibus autem 1. ff. quod cujusque univers. nom. ergo propriè Procurator non est.

Sed his non obstantibus, dicendum, Universitatem constituere Procuratorem etiam ad causas in iudicio agendas, & multo magis ad defendendum posse. Patet ex c. quia in causis cit. juncta Gloss. ibi V. de Jure communi. Ratio est, quia Universitas, tanquam persona ficta, loco domini habetur.

Neque urgent rationes dubitandi oppositæ. Ad 1. non est novum ea, quæ à Jure communi concessa sunt, denuo concedi à Principe majoris confirmationis, & securitatis causa; nam specialis concessio pluris æstimari solet, quàm generalis. Ad 2. esto, id verum sit de Jure Civili, de Jure Canonum tamen etiam datus ab Universitate Procurator dicitur; quia ut in c. cit. not. 1. in fin. advertit Abbas, de Jure Canonico non curamus de diversitate vocabulorum.

7 Quæritur 4. an admitti debeat Procurator constitutus à Communitate, cujus majores, quorum consilio communitas regitur, v. g. Præsidentes, Regentes, Præfati, Consules, Senatores &c. tempore, quo injunctum ei fuit Procuratoris officium, Excommunicationis sententia ligati erant? Resp. esse admittendum. Ita expresse c. fin. h. tit. Ratio est, quia universim loquendo actus gestus ab Universitate collegialiter, seu nomine, & auctoritate Universitatis, non vitiat ex eo, quòd aliqui inter ipsos sint inhabiles, modò aliqui, vel etiam unus duntaxat sit habilis; nam tali casu penes hos, vel hunc Jus Universitatis residet.

Excipiuntur c. fin. cit. tres casus. 1. si Excommunicati in litteris Procuratoris expressi sint; quia tunc mandatum Procuratoris indivisum, & inseparabiliter procedere censetur ab habilibus, & inhabilibus. Gloss. in c. cit. V. expressi. 2. si expressi quidem non sint, constitutio tamen Procuratoris eorum auctoritate facta sit; quia quorum auctoritate quid factum est, proprium ipsum factum censetur juxta l. Deo auctore 1. §. sed neque 6. in fin. C. de vet. Jur. enucl. Gloss. l. cit. 3. si ipsa Communitas, sciens ipsos esse excommunicatos, unà cum illis Procuratorem constituit; tunc enim censentur cum ipsis fecisse actum: unde necesse erit, ut expressè protestentur se nolle admittere excommunicatos. Pirh. hic n. 13.

Quæritur 5. an ad constituendum Procuratorem compelli quis valeat? Certum est, compelli non posse, si litigans ipse in iudicio comparere velit; nam quilibet jus habet causam suam per seipsum agendi.

Quæstio ergo solùm procedit casu, quo litigans ob infirmitatem, vel aliud impedimentum simile comparere per se non potest. Affirmativam videtur probare textus c. cum dilecti 6. de dol. ubi electus, qui insidiis, & intemperie, quo minùs in iudicio ipse compareret, prohibebatur, pro contumace habitus, & in expensas condemnatus est, quòd sufficientem non miserit Responsalem, seu Procuratorem.

Sed distinguendum est, an impedimentum sit perpetuum, vel diu duraturum, an verò temporale duntaxat, & brevi auferendum. Si primum, compelli sic impeditus potest, ut Procuratorem constituat, ne jus alterius partis lædatur, & pereat; secus, si secundum, & causa differri possit. Ita Gloss. in c. cum dilecti cit. V. responsalem in fin. Abb. in c. querelam 2. h. tit. n. 7. Haunold. tom. 5. de J. & J. tr. 2. n. 387. Pirhing hic n. 17. not. 3. Schambog. n. 7. Vviestner n. 19. & apertè traditur c. querelam cit.

Excipitur 1. si impedimentum sit tantùm infirmitas levis; nam hæc non est justa causa non comparendi ad citationem Judicis. Abb. l. cit. n. 1. not. 1. Excipitur 2. si impedimentum quidem sit infirmitas gravis, lis tamen sic impedito solùm intentetur in causa levi, ut per argumentum à sensu contrario colligitur ex c. cit. ibi in gravibus causis. Excipitur 3. si litigans sit persona illustris, & causa agatur pecuniaria; nam in hujusmodi causis talibus personis solùm permittitur per procuratorem agere, & respondere Novell. 71. c. 1. & ex ea sumpta Auth. hoc jus C. h. tit. Excipitur 4. si alia sit observantia, Statutum, & Ordinatio: sicut Haun. l. cit. n. 392. testatur, in Camera Imperiali (quod etiam in aliis Curis observari memorat) ex Ordinationis præscripto Causæ non aliter, quàm per Procuratores agitari possunt.

Neque aliud probat textus in contrarium allegatus; quia imprimis, ut observat Gloss. in c. cit. in casu, absentia justæ causa ab electo, non comparente, non fuit legitimè probata: deinde ibi agebatur de causa electionis, quæ celeritatem exigit, ne diu vacet Ecclesia: unde textus iste est potius confirmatio responsionis datæ, ubi limitatio additur Si causa differri possit.

## §. III.

De iis, qui constitui Procuratores possunt.

## S U M M A R I U M.

- 9 Quinam constitui Procuratores possint?
- 10 An etiam Fœminæ?
- 11 An Filiusfamilias?
- 12 An Infames?
- 13 An Minor 25. annis?
- 14 An absens?
- 15 An plures in eodem negotio?
- 16 Et quis tunc preferendus?
- 17 An compelli aliquis ad munus Procuratorum suscipiendum possit?

Quæritur 1. quinam constitui Procuratores possint? 9 Resp. constitui possunt omnes, qui mandati negotii exequendi capaces sunt, nisi specialiter à Jure prohibeantur. Prohibentur autem aliqui simpliciter, & absolute, ut nequidem ad negotia Procuratores constitui possint: quales sunt infantes, furiosi, amentes, ob animi, & rationis defectum l. dummodo 2. ff. h. tit. minores 17. annis c. qui generaliter 5. §. fin. h. tit. in 6. Milites, nisi agant in rem suam, aut nomine cohortis suæ l. filiusfam. 8. §. Veterani 2. ff. l. militem 7. l. qui stipendia 9. C. h. tit. & l. milites 31. C. de locat. quia publicè interest eos privatorum negotiis à militia non avocari.

Ad lites dari specialiter Procuratores nequeunt, cum ad negotia possint.

1 Mutus, & Surdus l. mutus 43. in princ. ff. h. tit. 2. servus l. servum 33. in princ. ff. eod. 3. Fœmina, certis casibus exceptis l. neque fœmina 54. ff. l. quia absente 4. C. eod. 4. Minores 25. annis, saltem de Jure Canonico c. qui generaliter 5. h. tit. in 6. 5. Potentiores, ne sc. mole majoris po-



ris potentia adversarium opprimant *tot. tit. C. ne lic. potentior. patroc. litig. præst.* 6. Banniti, & rei criminis capitalis, pendente accusatione, & antequam innocentiam suam purgent *l. reum* 6. *C. h. tit.* 7. Redemptor alienæ litis, & qui Procuratoris munus in se recipiunt sub pacto, ut ex litis eventu, & victoria certa pars, sive quota sibi præstetur *arg. l. si quis* 5. *C. de postuland.* 8. Excommunicatus, cui non est persona standi in iudicio *c. intelleximus* 7. *de judic. c. decernimus* 8. *de sent. excomm. in* 6. *c. post cessionem* 8. *de probat.* 9. Religiosus, nisi sit Prælati vel cum licentia sui Prælati in causis istum, vel Monasterium concernentibus *Clem. 3. h. tit.* 10. Clericus in casibus, in quibus ipsi Advocato esse non licet *c. fin. de postul.* Vide dicta *Tit. præc. à num. 7.*

10 Quæritur 2. quibus casibus Procuratoris munere fungi permittatur Fœmina? Resp. quinque maximè. 1. si in rem suam, & proprium lucrum, cessis sibi actionibus, agat *l. quia absente* 4. *C. h. tit.*

2 Si parentes ejus morbus, aut ætas impediat, ne agere per seipsos possint, & alium, per quem agant, non habeant; tunc enim filia pro ipsis agere, causa tamen cognita, permittitur *l. fœminas* 41. *ff. h. tit.*

3 Si agatur ad defensionem libertatis; hanc enim, in defectu aliorum idoneorum, pro marito, fratre, aliove cognato potest suscipere *l. amplius* 3. §. *cum verò* 2. *ff. de liberal. caus.*

4 Si mulier sit tutrix; tunc enim in causa filiorum per seipsam itare in iudicio potest, quia dum Lex ei administrationem bonorum eo casu defert, simul etiam videtur concedere, ut pro eorum defensione Procuratricis, & Advocatricis munere fungi possit *arg. c. ex parte* 67. *de appellat.*

5 Si sit Abbatisa? nam Abbatissæ; pro rebus, & Juribus Monasterii munus hoc obire conceditur *c. cum dilecta* 4. §. *quia verò ibi Eandem Abbatissam procuratricem ipsius* (Monasterii) *duximus statuendam.*

In cæteris casibus Procuracionem rerum alienarum in iudicio suscipere universaliter prohibetur fœminis; quia officium Procuratoris virile est & à pudore fœminæ sexus alienum *l. alienam* 18. *C. h. tit.*

11 Quæritur 3. an Filiusfamilias constitui Procurator possit? Resp. posse, five deinde illud sit ad negotia, five etiam ad lites; five ad agendum, five ad defendendum, etiam patre invito, modò legitimam ætatem habeat, & non sit minor 25. annis *c. non injuste* 14. *h. tit. c. qui generaliter* 5. §. *nedum* 2. *eod. in* 6. cui consonat *l. filius* 8. *ff. eod. tit.* Ratio est, quia filius etiam sine patris auctoritate ex omni contractu obligari potest §. *item inutilis* 6. *Inst. de inutil. stipulat.* & *l. filius* 39. *ff. de O. & A.* ergo etiam Procurator constitui potest ad agendum, & defendendum, etiam sine mandato patris. Gloss. *in c. non injuste* cit. *V. n. sum.*

Excipitur, si ex eo, quòd filiusfam. sit Procurator, aliquid deperiret patri; tunc enim sine consensu hujus Procurator esse non posset.

12 Quæritur 4. utrum admitti ad munus Procuratoris possint Infames? De Jure Canonico satis apertè constat negativa *can. infamis* 1. & *c. infames* 2. *caus.* 3. q. 7. item *can. fin. juncta* Gloss. *V. quia Episcopus caus.* 5. q. 3. Proceditque hoc, five sit infamis infamia Juris, five infamia facti tantum, neque ad lites tantum, sed etiam ad negotia; universum enim textus à procuracionis munere pro personis Ecclesiasticis obeundo infames excludit, prout pluribus notat Abb. *in c. 4. de Juram. calumn.* n. 9.

Dubium est, an etiam ab hoc munere excludantur de Jure Civili? Negant non pauci propter textum §. *fin. Inst. de Except.* & videtur hoc etiam probare ratio; quia procuratoris officium non est dignitas, à qua remouentur infames, sed onus, & quidem vile.

Alii tamen cum P. Konig *hic* n. 21. & P. Schmier. *tr. de Judic. c. 2. n.* 237. non improbabiler putant, in hoc casu nihil diversum à Jure Canonico statui per Jus Civile, ex eo maximè, quia textus §. *fin. cit.* quo infames videntur admitti ad Procuracionis munus, convenienter explicari possunt de casu, quo infamia est dubia, ut colligitur ex verbis textus ibi: *Ne dum de his altercatur, ipsius negotii discipatio proteletur*; altercationi enim locus, & profectionis periculum tantum tunc est, quando excipitur contra Procuratorem ob causam infamiæ, de qua nondum constat notoriè. Confirmat sententiam istam etiam praxis in Superioribus Dicasteriis usitata, in quibus à

Procuratorio munere notoriè infames excluduntur teste Gaill. *l. 1. obs.* 43. n. 8.

Quæritur 5. an etiam Jure Civili requirantur 25. anni, ut Procurator aliquis esse ad lites possit? Negant Perez. *C. h. tit. n. 9.* Zoef. *ff. eod. n.* 11. Ludvel. *in §. justæ* 5. *Inst. quib. ex caus. manum.* Harprecht *Inst. de iis, per quos ager. poss. n.* 123. Haunold. *tom. 5. tr. 2. n.* 398. Vviestner *hic* n. 23. juxta quos minor, si sit 17. annis major, ad procurandum etiam in iudicio admitti potest. Fundantur 1. textu §. *justæ cit.* ubi dicitur, justam esse causam manumittendi servum 17. annis non minorem, *Procuratoris habendi gratia.* 2. juxta *l. hunc titulum* 1. §. *initium* 3. *ff. de postul. minor*, si 17. annis major sit, potest esse Advocatus. ergo etiam Procurator.

Sed etsi sententia hæc sit admodum probabilis, probabilior tamen mihi videtur sententia eorum, qui in hoc passu suadent nullum divortium in Jure Civili faciendum à Jure Canonico: quam etiam defendit Vvesenbec. *h. tit. n. 4.* & plurimi alii, quos citat Harprecht *l. cit.* & P. Schmier *c. 2. cit. n.* 239. Colligitur 1. ex *l. in rebus* 2. & *l. seq. C. qui legit. pers.* ubi minoribus æquè, ac pupillis negatur persona legitima standi in iudicio. 2. *l. exigendi.* 12. *C. h. tit.* ubi asseritur, filium, quòd necdum legitimam ætatem impleverit, depelli à Procuratoris officio non injuste potuisse, nisi defensionem patris absentis suscepisset. 3. ex *l. minor* 51 *ff. eod.* ubi minor prohibetur esse defensor, quia periculum est, ne dum testitur in integrum, iudicium reddatur elusorium; atqui idem periculum est etiam, quando est procurator, saltem casu, quando mandans lapsus est facultatibus, & minori damnum, quod passus est, refarcire non valet. Qui textus omnes cum textibus in contrarium allegatis comparati saltem rem dubii Juris faciunt: unde applicanda erit usitata Regula, quòd in materia communi Jus Civile dubium explicandum sit secundum Jus Canonicum certum, & vicissim; est autem Jus Canonicum certum in casu quæstionis, cum apertò textu minores 25. annis repellat à Procuratoris munere, ut dictum *num. 9.* Et ita etiam Hannold. teste *l. cit. n.* 404. observatur in praxi.

Neque obstant textus allati in contrarium. *Ad* 1. casus ille est specialis, quo minor ad Procuracionem admittitur favore libertatis facilius consequendæ. *Ad* 2. negatur paritas; nam Procurator actione mandati obligatur, & condemnatur, cum contra eum feratur sententia, quod non est in Advocato, ut notat Gloss. *in c. qui generaliter* cit. *V. 17. annum in addit.*

Quæritur 7. an Procurator constitui etiam absens possit? Resp. affirmativè, modò is sui constitutionem consensu suo ratam habeat *l. procurator* 1. §. *fin. ff. h. tit.* Potest autem consentire vel expresse, videlicet per pactum, nuntium, litteras, ratihabitionem; vel tacitè, & facto ipso, ut si Procurator constitutus scienter mandatum recipit, nec contradicit; quia per hoc suam jam sufficienter præstitisse videtur consensum, ut dicitur *Clem. 1. h. tit.* Ex quo sequitur, Procuratorem sic constitutum cogi posse, non secus, ac si consensisset expresse, ad defendendum principalem in causis omnibus, & negotiis, ad quæ se instrumentum procuracionis extendit, ut notat Pirh. *hic* n. 34.

Dub. an si Procurator ab absente constitutus mandatum procuratorium sibi præsentatum recipere noluit, mutata postea voluntate, illud acceptare possit? Resp. posse, modò constituens in eadem voluntate manserit, ut habetur *c. licet* 7. *h. tit. in* 6. Præsumitur autem in antiqua voluntate mansisse constituens, si absens est, & nihil intellexit, vel probabiliter suspicari potuit de consensu Procuratoris, ut rectè advertit Pirh. *hic* *num.* 36. Ratio est, quia voluntas semel posita semper præsumitur, nisi probetur, quòd sit mutata. Excipitur, si in constitutione Procuratoris dominus dicat: *Constituo talem Procuratorem, & si is renuerit acceptare hoc officium, constituo talem*; tunc enim post renutum suum primò constitutus acceptare mandatum non ampliùs poterit, cum hoc ipso sit jus quæsitum secundo. Gloss. *in c. licet* cit. *V. placebit.*

Quæritur 7. an plures simul constitui Procuratores possint? Certa est affirmativa de Jure Canonico, ut patet ex *c. si duo* 6. *h. tit. in* 6.

De Jure civili dubium faciunt 1. *l. decreto* 24. §. *si duobus* 1. *ff. de administ. & peric. tutor.* ubi dicitur *Duo simul agere non possunt.* 2. *l. si quis* 31. §. *unius* 1. *ff. h. tit. ubi*



ubi pluribus unius litis confortibus conceditur facultas dandi plures Procuratores; ergo argumento à sensu contrario uni litiganti id est prohibitum. 3. Ratio; nam si plures constituti sint Procuratores, est major in iis vocandis molestia, longior mora in protelando Iudicio, & plures expensæ.

Sed dicendum, etiam de Jure Civili ab eodem ad idem negotium plures constitui Procuratores posse, eosque vel diversis temporibus, ut innuitur *l. si quis cit. §. fin.* vel simul, & eodem tempore, ut statuitur *l. pluribus 32. ff. h. tit.*

Neque urgent Argumenta opposita. *Ad 1.* lex illa loquitur de Tutoribus, quos etsi duos simul permittat dari, uni tamen sine altero in pupilli favorem potestatem agendi concedit. *Ad 2.* argumentum à sensu contrario non procedit adversus claram dispositionem Jutis. *Ad 3.* plurium Procuratorum constitutio etiam sua habet commoda, cum plures oculi plus utique, quam unus, videant.

16 Quæritur 8. quis præferendus sit aliis, si duo, vel plures Procuratores ad idem negotium dati sint? Resp. multum referre, an simul, & eodem tempore, an verò diversis temporibus sint constituti.

*Si hoc secundum*, per posterioris constitutionem prior Procurator censetur tacite revocatus *l. si quis cit. §. fin.* cons. præferendus est ultimus, nisi prior sit generalis, posterior specialis, vel aliter constituens exprimat, quod per constitutionem posterioris nolit facere revocationem prioris.

*Si primum*, videndum, an plures illi sint constituti simpliciter, an cum clausula *in solidum*. *Si prius*, unus sine altero admitti non debet *c. si duo cit.* potest tamen Juxta eo casu, præferri in causis, quæ celeriolem expeditionem postulant, eligere ex ipsis, quem magis idoneum censuerit, ut causam prosequatur solus *c. si duo cit. §. sane. Si posterius*, is, qui prius causam, seu negotium tractare cepit, excludit cæteros, ut se immiscere non possint *c. si duo cit.* Proceditque hoc, etiamsi actus, quo cæteros præoccupavit, de Jure effectum non sit sortitus: nam per quemvis actum præoccupare alios potest. Pirh. hic n. 42. not. 2.

Excipitur, nisi sic præveniens post litem contestatam prohibearur litem prosequi: tunc enim, nisi alium sibi substituerit, ex cæteris, qui prævenierint, prosequi causam possunt, nec ita impeditus, postquam unus cæterorum agere causam coeperit, reassumere illam deinceps poterit, etiam postquam cessaverit impedimentum; nisi & alter Comprocurator, qui causam loco prioris suscepit, tunc impeditus sit *c. si duo cit.*

17 Quæritur 9. utrum compelli aliquis possit ad suscipiendum Procuratoris officium? Resp. spectato Jure communi, & regulariter loquendo non posse. Constat ex *c. licet 6. h. tit. in 6. l. filiusfam. 8. §. invitus 1. ff. & l. invitus 17. C. eod.* Ratio est, quia munus Procuratoris privatum est, ad quod invitus nemo cogitur. Gloss. in *c. licet cit. V. eod.* Invitus autem dicitur non tantum is, qui contradicit, sed is quoque, qui consensisse non probatur, ut ait Ulpianus *§. invitus cit.*

Addidi *spectato Jure communi*: nam ubi officium Procuratorum est publicum, sicut in Camera Imperiali, etiam inviti ad istud suscipiendum compelli possunt. Gaill. l. 1. obs. 43. in 6.

#### §. I V.

*De Causis, in quibus constitui Procuratores possunt.*

### S U M M A R I U M.

- 18 In quibus causis constitui Procuratores possint?
- 19. 20 An etiam ad contrahendum Matrimonium?
- 21. 22 An in causis criminalibus?
- 23 An in causis famosis?
- 24 An in Popularibus?

18 Quæritur 1. in quibus causis constitui Procuratores possint? Resp. in omnibus causis, & negotiis, in quibus non reperitur prohibitum Procuratorem constitui. Ratio est, quia Edictum hoc prohibitorium est, cons. procedit Regula, concessum intelligi,

quod nominatim prohibitum non invenitur *l. cum prætor 12. ff. de judic.*

Quare Procurator constitui poterit 1. in causis pecuniariis *l. in pecuniariis 26. C. h. tit.* 2. in liberalibus, seu statum concernentibus *l. servum 33. §. eum verò 1. & l. sed & hæ 35. §. patronus 1. ff. eod.* 3. non tantum in temporalibus, sed etiam in spiritualibus *c. non indiscretè 1. h. tit. in 6.* 4. non tantum ad lires præsentis, seu inchoatas, sed etiam ad futuras, & nondum exortas *c. non injustè 14. h. tit. & l. item 3. ff. eod.* 5. non tantum in prima instantia, sed etiam in secunda, sive in causa appellationis *l. cum tem 2. C. eod.*

Quæritur 2. an Matrimonium contrahi per Procuratorem possit? Resp. posse: valebitque hoc Matrimonium, si principales sint Christiani, non tantum in ratione contractus, sed etiam in ratione Sacramenti, ut communis DD. habet, & probat ratio; Christus enim instituendo Sacramentum Matrimonii naturam contractus Matrimonialis non immutavit, sed cum duntaxat, qui secundum Leges humanas validè celebratur, elevavit ad Sacramenti dignitatem. igitur hoc ipso, quo contractus matrimonii per Procuratorem initus secundum Leges humanas validus sit in ratione contractus, etiam valebit in ratione Sacramenti.

Ut verò sic validè ineatur, juxta *c. fin. h. t. in 6.* tria hæc requirentur, 1. ut Procurator habeat speciale mandatum ad illud contrahendum cum persona certa, & determinata; cum enim à matrimonio vitæ totius status pendeat, oportebat, ut ejus contractus committeretur speciali mandato, & cum ordine ad personam, à mandante probam.

2 Ut sic constitutus Procurator nomine constituentis id contrahat per seipsum; non enim potest alium sibi substituere, nisi hoc expressè eidem permittatur in mandato: & ratio est, quia in causis, & negotiis gravibus, & arduis, qualis est contractus Matrimonii, censetur electa fides, & industria personæ.

3 Uteum constituens ante Matrimonium nomine ipsius contractum consensum suum non revocaverit: nam si hunc vel expressè, vel etiam tacite, videlicet aliud matrimonium interea contrahendo, revocasset, Matrimonium postea à Procuratore contractum foret irritum, etsi Procuratori revocatio non innotuisset: quo dispar est ratio Matrimonii, & aliorum contractuum, qui à Procuratore revocato, antequam revocatio ipsi innotuit, validè ineuntur. Ratio disparitatis est, quia in contractibus merè politicis, & qui à Jure humano pendent, defectum consensûs Ecclesia, vel Resp. supplere potest; non verò in Matrimonio, ubi verus, & formalis consensus mutus ipsorum contrahentium Jure Divino, & naturali ad Matrimonii essentiam spectat.

Dubitari potest, an validum sit Matrimonium, quod Procurator nomine Principalis init eo tempore, quo iste aut dormiebat, aut ad alia distractus minimè de contrahendo matrimonio cogitabat, vel etiam insaniam incidit? Difficultas maximè est in casu tertio, in quo propterea negativam defendunt Pont. l. 2. de matrim. c. 15. n. 14. & Catd. de Lug. de Sacram. in gen. D. 8. n. 108. videturque probari istud duplici argumento. 1. quia per amentiam Principalis fit omnino incapax ponendi novum consensum, quod non fit casu, quo dormit, ebrius, vel ad alia distractus est. 2. quia Principali in amentiam lapso, videtur expirare mandatum, non minùs, ac illud expirat ejusdem morte.

Sed retinenda est affirmativa sententia, quam etiam tenent Gutier. de Matr. c. 43. num. 14. Sanch. lib. 2. de Matr. D. 11. n. 12. Perez D. 15. f. 8. n. 3. Bonac. q. 2. p. 2. n. 13. Pal. tr. 28. D. 2. p. 9. n. 2. Vviestn. hic n. 31. & hoc teste communis DD. Ratio est, quia ut mandanti adscribatur actio Procuratoris, nomine ipsius facta, ex parte mandantis plus non requiritur, quam ut tempore illo, quo Procurator nomine ipsius agit, consensus mandantis moraliter perseveret, & neque sit revocatus, neque cessarit per mortem. ita perseverat voluntas matrimonium contrahendi in principali, sive hic dormiat, sive ad alia distractus sit, sive omnino inciderit in amentiam. ergo &c.

Neque urgent Argumenta opposita. *Ad 1.* patet ex dictis; nam Matrimonii per Procuratorem contracti valor non pendet à præsentis dispositione Principalis (aliàs neque dormiens, aut ad alia distractus per Procuratorem



rem contraherent validè, quippè qui æquè parum capaces sunt ponendi novos consensus, quando actio nomine ipsorum à Procuratore ponitur) sed à consensu ipsius præterito, non revocato, & mandato, quod Procuratori dedit. Hic autem datur in casu nostro, ut ponitur. ergo &c. *Ad 2.* negatur paritas; nam mors omnia solvit; ergo etiam consensum ad Matrimonium, cuius contractum impossibilem reddit: non ita impossibilem eundem reddit amentia. ergo &c.

21 Quæritur 3. an Procurator in causis criminalibus admitti de Jure possit? Resp. cum distinctione, an civiliter solum agatur de crimine, an verò criminaliter. *Si civiliter tantum*, & ad pœnam pecuniariam, indistinctè admitti Procurator potest, & debet, ut patet ex *c. tue 5. h. tit. & l. licet 42. §. ad actionem 1. ff. eod.* Ratio est, quia cum tali casu executio non in persona, sed in bonis facienda sit, nihil interest fisci, aut partis læsæ, an reus personaliter, an per Procuratorem compareat. Si verò de crimine agatur *criminaliter*, & ad vindictam publicam, adhibenda est secunda distinctio, an pœna pro crimine imponenda sit capitalis, vel alia relegatione major, an verò relegatio tantum, vel alia corporis afflictiva minor.

*Si hoc secundum*, ex praxi Tribunalium passim recepta admittitur Procurator tam pro reo, quàm pro Actore. Nec fundamentum deest in Jure; nam satis clarè videtur colligi ex *l. queri 1. ff. an per alium cause appellat.* ubi procurator remouetur in causa capitali, & aliis gravioribus usque ad relegationem. igitur à sensu contrario in causis, in quibus imponenda venit relegatio, vel alia mitior, recipi Procurator pro reo poterit.

*Si primum coniungat*, & pœna pro crimine imponenda veniat capitalis, vel alia relegatione major, adhibenda est distinctio, tertia, & pro Reo quidem Procurator est repellendus, pro Actore verò admitti poterit. *Primum* constat ex *c. veniens 15. juncta Gloss. ibid. V. criminali de accus. l. queri cit. & l. accusatore 13. ff. de public. judic.* Ratio est, quia si per Procuratorem in huiusmodi crimine causam agere reus posset, sententia Judicis elusoria reddi posset, si scilicet ad evitandam pœnam reus fugere t, & Procuratorem suum deferret in iudicio, in quem, quia non deliquit, executio fieri non potest.

*Alterum* ostenditur ex eo, quia hodiernis moribus, quibus pœna Talionis, ad quam Jure antiquo inscribere se accusator debebat, ex Judiciis sublata est, cessat ratio actoris Procuratorem non admittendi, cum enim defacto, ubi in probatione defecerit, actor solum condemnatur ad sumptus litis, & multam pecuniariam, executio sententiæ in ipsum latæ fieri in bonis ejusdem poterit, & sic non erit periculum, ne sententia Judicis elusoria fiat, quamvis actor se fuga subducatur.

22 Dub. An si reus sit absens, & quo minùs personaliter in iudicio compareat, impeditur, in causa capitali, vel criminali alia criminaliter intentata defendi per Procuratorem possit? Gloss. *inc. veniens 15. cit. V. criminali*, & alii complures DD. putant, eo casu Procuratorem ex parte rei intervenire quidem posse ad allegandam, & probandam causam absentia, vel opponendas alias exceptiones declinatorias, vel dilatorias contra Judicem, Adversarium, aut Testes, sed ad defendendam illius innocentiam admitti non posse: quod colligunt ex *l. accusatore & l. queri cit.* quibus addunt *l. miles 11. §. ea que 2. ff. ad Leg. Jul. de adulter.* ubi Papinianus, *Ea, quæ, inquit, inter reos adulterii recepta est, absens defendi non potest.*

Probabilior videtur affirmativa, quam etiam defendunt Fachin. *l. 1. contr. c. 24. Sabell. in Summ. V. Procurator. n. 9. in princ. Pirthing hic n. 33. Vviesner n. 38.* Videtur desumi ex *c. in nostra 4. h. tit. l. servum 33. §. publicè 2. ff. eod. l. reos 3. C. de accusation.* ubi Alexander Imp. *Reos, inquit, capitalem criminum absentes, etiam per Procuratorem defendi, Legibus publicorum Judiciorum permittitur.*

Neque obstant Leges in contrarium allegatæ. *Ad 1.* ut Fachin. *l. cit.* textum illius explicat, id intelligi debet de reo præsentem, qui in iudicio adesse debet, non Procuratorem mittere. *Ad 2.* ibi, ut iterum Fachinaus, JCrus nihil aliud vult, nisi quòd causæ publicorum criminum agantur per Procuratores nequeant, siue agant, siue defendant; an verò in specie reus absens per Procuratorem defendi possit, indecisum relinquit. *Ad 3.* crimen adulterii, etiam Lege Codicis factum sit capitale, tale tamen

nondum erat Papiniani tempore, ut Cujacius, & Brissonius apud *cit. Fachin.* advertunt.

Quæritur 4. an Procurator admittatur in causis famosis, 23 siue in quibus condemnato infamia irrogatur? Certum est, Procuratorem admitti, si infamia in consequentiam pœnæ pecuniariæ, aut saltem pecuniæ ex contractu mandati, depositi, pro Socio, tutelæ &c. debitæ infligenda veniat, ut clarè habetur *leg. queri cit.*

Controversia est, si sola infamia per se, & principaliter infligatur? Negativam tenent non pauci, iique præcipui nominis Interpp. & DD. Moventur 1. quia, ut *num. 21. dictum*, Procurator non admittitur in causa capitali, in qua vita in discrimen adducitur; fama autem, & vita pari passu ambulant; & infamia æquiparatur pœnæ capitali *l. iusta 9. ff. de manumiss. vindict.* 2. si in ejusmodi iudicio Procurator defendat reum, facilè fiet iudicium elusorium, cum neque reus absens per Procuratorem condemnatum, neque etiam Procurator infamis fiat *l. pratoris 1. ff. de his, qui not. infam.* 3. rei præsentia in iudicio desideratur, ut veritas ex vultu, & sermone faciliùs eruatur.

Verùm his non obstantibus, probabiliùs dicendum, Procuratorem in iis causis admitti, etiam ex parte rei. Ita Haunold. *tom. 5. de J. & J. tr. 2. n. 418. & seqq.* & novissimè Clarissimus P. Schmier *tr. de Judic. c. 2. n. 273.* Ratio est negativa; quia sc. nullus Jutis textus istud apertè prohibet.

Ad Argumenta contraria patet responsio. *Ad 1.* quòd infamia æquiparetur pœnæ capitali, non satis fundatum in Jure est, sed contrarium clarè satis colligitur ex *l. capitalium 20. ff. de pœnis*, ubi supplicium capitale constituitur in supremo pœnarum gradu, pœna infamiæ verò in infimo, idque meritò; nam honor læsus recuperari potest, vita non potest. *Ad 2.* Reus per Procuratorem agens infamiam evitat solum in illis iudiciis, in quibus illa condemnato per consequentiam irrogatur; incurrit autem, in quibus irrogatur per se, & principaliter, ut notat Haun. *l. cit. n. 419.* *Ad 3.* aliis mediis erui in istiusmodi causis potest veritas: & sit, aliquando hanc regi à reo, non est paritas cum causis capitalibus; quia hæ magis arduæ sunt, & bonum publicum magis exigit, ne impunita maneant huiusmodi crimina.

Quæritur 5. an actiones populares Procuratorem ad 24 mittant? Resp. non admittunt ex parte Actoris, admittunt ex parte Rei. *Pars prima* constat ex *l. licet 42. in princ. ff. h. tit.* & Ratio est, quia actio popularis, hoc ipso, quòd cuilibet de populo competat, non existit in patrimonio actoris ante contestationem litis.

Excipitur, nisi singulare interesse in ea habeat, intuitu cuius præceteris admittendus ad agendum sit; tunc enim *quasi privata actionis dare Procuratorem potest, & alius agens exceptione repellit*, ut dicitur *l. licet cit. & l. non cogendum 45. §. qui ita 1. ff. eod.*

*Pars secunda* decisa extat *l. qui populari 5. ff. de popul. act.* & Ratio est, quia reus privatam causam, h. e. pecuniariam, quæ istis actionibus peti solet, tuetur. Vall. §. 5. n. 5. h. tit.

## §. V.

### De Mandato Procuratorio.

## S U M M A R I U M.

25 Necessitas mandati Procuratorii.

26 Requisita, ut Procurator cum mandato admitti debeat.

27. 28 Potestas generaliter constituti ad que se extendat?

29 Andatus ad Negotia censeatur datus ad lites?

30 An datus ad agendum possit etiam defendere?

31 Vel respondere in causa Reconventionis?

Quæritur 1. an Procuratori necessarium sit mandatum? 25 Resp. Regulariter hoc Procuratori ad agendum necessarium esse, & quidem ita, ut ab eo, qui legitimo mandato caret, siue à Procuratore falso in iudicio gesta, sint irrita ipso Jure *arg. c. in nostra 4. vers. nos verò h. tit.* Ratio est, quia Procurator carens mandato reputatur instar personæ extraneæ, cui, quia cum reo nullum negotium gessit, nulla adversus eum competit actio, qua ipsum in iudicio convenire valeat *arg. l. si*



1. si pupilli 6. §. fin. ff. de negot. gest. igitur ut convenire ex persona Domini reum possit, necesse est, ut habeat ab eo mandatum; & quidem, cum hoc sit aliquid facti, facta autem non præsumantur, plerumque probari istud, & exhiberi debet.

Dixi, ad agendum, seu proactore; nam pro reo absente etiam sine mandato Defensor admittitur, modo legitimam personam standi in iudicio habeat, satisdet pro iudicio solvendo, & etiam de rato cautionem præstet casu, quo reus convenitur actione reali l. Pomponius 40. §. sed & is 2. l. is cuius 64. l. Titius 76. ff. & l. exigendi 12. C. h. tit. Ratio est, quia publicè interest, absentes, etiam ignorantes, per quemcunque defendi, ne ignari pariantur damnum l. servum 33. §. publicè 2. ff. eod. Accedit, quia naturalis simul, & civilis ratio snadet, alterius conditionem, etiam ignorantis, per alterum fieri meliorem posse, ut dicitur l. solvendo 39. ff. de negot. gest.

Addidi regulariter; nam plures sunt casus, in quibus etiam ad agendum Procurator sine mandato admittitur. Et 1. quidem, si dominus præsens, & sciens suo nomine aliquem in iudicio contendere, istud patitur; quia tali dominus mandasse videtur l. qui patitur 18. ff. mandat. 2. si talis sit, qui causas tractare consuevit, & secum habet instrumenta, sive acta ipsius causæ; quia hæc præsumptionem mandati fundant c. coram 34. de offic. deleg. 3. si sint consortes ejusdem litis; nam hi pro se invicem, etiam absque mandato, in iudicio possunt agere l. commune 2. C. de consort. ejusd. lit. 4. si sint personæ conjunctæ, quales sunt parentes, liberi, fratres, affines, liberti l. sed & hæc 35. ff. h. tit. imò omnes, conjuncti usque ad 4. gradum in linea transversali, ut tradit Host. in Summ. h. n. 13. quia, ut notat Abb. in c. 28. §. sunt & alii n. 10. de rescript. dictæ personæ in l. cit. tantum exempli causa enumerantur. 5. si maritus agere velit pro uxore c. constitutus 12. junct. Gloss. l. sue uxoris nomine h. tit. & l. maritus 21. C. eod. Procedit hoc, etiam si agatur tantum de bonis istius Paraphernalibus, estque perinde, sive administrationem illorum maritus habeat, sive illam retinuerit sibi uxor, cum hoc tamen discrimine, ut de posterioribus cavere de rato debeat, quod facere in prioribus non obligatur, cum ex administratione ipsi concessa præsumatur mandatum. 6. Si Episcopus, vel Prælati bona, & Jura Ecclesiæ suæ perdat, vel defendere, aut recuperare negligat; tunc enim Canonici, & Clerici singuli agere super iisdem possunt, etiam sine mandato c. licet 1. de restitut. spoliat. c. cum olim 34. de test. & attest. c. si quis 6. de rebus Eccles. non alien. & Ratio est, quia ipsorum interest, res, & Jura Ecclesiæ suæ salva, & illæ servari. Gloss. in c. cum olim cit. l. per exceptionem. His ergo omnibus agere sine mandato permittitur, nisi aliud constet de voluntate domini, pro quo interveniunt, vel causa sit speciale mandatum exigens. Ratio exceptionis est, quia personæ hæcenus relatæ admittuntur solum ob præsumptionem mandati, quæ in casu exceptionis cessat.

Quæritur 2. quid requiratur, ut Procurator cum mandato admitti debeat ad agendum pro principali? Resp. 1. requiritur, ut mandatum, quod habet, sit sufficiens, non revocatum, vel alio modo extinctum; aliàs tantum erit Procurator falsus, ut dictum est Num. 2.

2. Ut mandatum illud sit conceptum in forma à Jure, & juxta Stylum Curie cujusque requisita: Tale erit, si in eo ponatur nomen constituentis, Procuratoris constituti, actoris, contra quem, Judicis, apud quem agendum; si ponatur in eo qualitas causæ demandatæ, dies, & annus constitutionis &c. Durand. in specul. l. 1. part. 3. tit. de Procurat. §. 3. ratione forme n. 20.

3. Ut mandatum sit sufficienter probatum. Probari autem poterit per instrumenta publica, & privata, per testes, qui de mandato deponant, per præsumptionem ex conjunctione sanguinis &c. Abb. in c. 1. h. tit. nu. 5. Vvef. ff. eod. n. 7. Pirh. n. 23.

4. Ut si sit Procurator rei, satisdet de iudicio solvendo, nisi satisfactionem præstiterit ipse Principalis; nemo enim secundum veterem Regulam alienæ rei sine satisfactione defensor idoneus intelligitur §. si verò reus 5. Inst. de satisfat. & l. qui proprio 46. §. qui alium 2. ff. h. tit. Hodie tamen cautio hæc non requiritur, sed sufficit, si Procurator fidem de mandato faciat, ut cum Tholosano advertit Pirh. h. n. 54. in fin.

5. Ut, si rationabiliter dubitetur, an ad agendum le-

gitimo, & sufficienti mandato instructus sit, Procurator actoris caveat, vel promittat, dominum rem ratam habiturum l. non solum 39. §. qui alienam 1. ff. & l. cautio 1. C. h. tit. Secus, si constet, quod sit instructus mandato sufficienti, vel contrà certum sit, quod vel nullum, vel non legitimum mandatum habeat; nam primo casu etiam sine cautione hac admittendus; in secundo etiam cum cautione de rato est repellendus, nisi ex talibus personis sit, quæ agere sine mandato possunt, Gloss. in c. 1. V. portitoribus h. tit.

Quæritur 3. quid Procurator, generaliter constitutus ad agendum, vi mandati hujus generalis possit? Resp. potest omnia, quæ mandatum hoc vel principaliter, vel accessorie sub proprietate suorum verborum continet, nisi causa talis sit, quæ speciale mandatum exigat. Ita communis.

Porro speciali mandato Procurator indiget 1. ad tractandas causas criminales criminaliter intentatas; quia hæc in nullo mandato generali includuntur. Pirh. h. n. 60. 2. ad jurandum de calumnia Clem. 2. h. tit. 3. ad deferendum adversæ parti Juramentum decisivum c. qui ad agendum 4. in fin. h. tit. in 6. 4. ad transigendum, vel paciscendum c. cit. 5. ad compromittendum in arbitrum Gloss. ibid. V. vel pacisci. 6. ad petendam restitutionem in integrum. Gloss. cit. 7. ad impetrandum Rescriptum. 8. ad tractandam causam, seu negotium matrimoniale. 9. ad donandum, debitum remittendum, fidejuben- dum. 10. ad Beneficiorum, aliorumque Jurium renuntiationem. 11. ad accipiendam possessionem Canonicatus, vel alterius Beneficii. 12. ad collationem, vel præsentationem faciendam ratione Juris conferendi, vel Patronatus. 13. ad petendam absolutionem ab Excommunicatione. 14. ad impetrandam dispensationem, v. g. super defectu natalium &c. Plures alios recenset Gloss. l. cit. Durand. tit. de procur. §. 1. n. 4. & seqq. Franc. in c. 4. cit. §. fin. n. 3. & seqq. Joseph. Ludov. concl. 39. n. 7. ubi tres, & nonaginta omnino hujusmodi casus enumerat.

Quæritur 4. an Procurator expedire articulum aliquem, speciale mandatum exigentem, possit, qui generaliter constitutus est cum clausula Ut possit omnia, licet mandatum speciale exigant? Resp. non posse. Ita statuitur c. qui ad agendum 4. in princ. h. tit. in 6. Ratio est, quia hoc ipso, quod Jura ad quædam speciale mandatum exigant, non sufficit generale sine specifica expressione. Laym. in c. cit. in princ. & in c. fin. n. 13. de Offic. Vicar. in 6.

Excipitur 1. si in mandato unum, vel plura, speciale mandatum exposcentia, exprimantur, & permittantur, tunc enim vi hujus clausulæ Procurator sic constitutus expedire posset etiam alia his similia, aut minora c. qui ad agendum cit. Clem. 2. h. tit.

Excipitur 2. si Procurator sit constitutus cum libera, & plena potestate agendi omnia, quæ ipse dominus potest, si præsens esset; quia mandatum cum libera æquivalere mandato speciali. Franc. l. cit. n. 6.

Excipitur 3. si constitutus in rem suam sit. Gloss. fin. in c. 4. cit.

Quæritur 5. an Procurator generaliter constitutus ad negotia, vi talis mandati etiam censeatur datus ad lites? Ratio dubitandi est, quia vox Negotia in Jure accipitur pro negotiis extrajudicialibus: conf. Procurator datus ad negotia, & Procurator datus ad lites constituunt duas diverfas species; ab una autem ad oppositam speciem non valet illatio.

Sed etsi hoc verum sit, quando vox Negotia accipitur in sensu stricto: seens tamen est, quando sumitur in sensu latiore; eoque adhuc proprio; tum enim genus est ad Negotia Judicialia, & extra Judicialia. Et sic accipi censendum est in casu præsentis juxta Regulam sumptam ex l. de pretio 8. ff. de Public. in rem actio. quod sc. verba generalia generaliter intelligenda sint. Quare dicendum, in tali mandato etiam comprehendi constitutionem ad lites, & judicia. Concordat c. qui generaliter 5. h. tit. in 6. nisi causa sit exigens mandatum speciale.

Ex quo patet ad rationem dubitandi; nam Procurator ad lites, & Procurator ad negotia constituunt distinctas species, si vox Negotia fumatur strictè, & specificè; secus, si latè, & genericè.

Quæritur 6. an Procurator datus ad agendum censeatur debet instructus sufficienti mandato ad respondendum, seu defendendum? Resp. affirmativè, si sit Procurator actoris; negativè, si rei.



*Pars prima* sumitur ex *l. seruum* 33. §. *equum* 4. *l. mutus* 43. §. *pœna* 4. ff. *h. tit.* Ratio est, quia potestas ad defendendum est accessoria potestati concessæ ad agendum; ubi autem principale concessum est, etiam accessoria concessa censetur juxta *Reg. accessorium* 42. in 6.

*Pars secunda* inde ostenditur; quia Procurator rei, ut talis expressè, & principaliter constitui debet ad defendendum: unde si constituatur ad agendum, non potest vi illius mandati in consequentiam ei esse data facultas ad defendendum, cum ea principaliter debeat dari à reo. Pirh. *hic* n. 52. & ibi *citt.*

- 31 Quæritur 7. an Procurator ab actore constitutus ad agendum vi talis mandati etiam respondere debeat, vel possit in causa Reconvensionis? Resp. affirmativè. Sumitur ex §. *equum* *cit.* imò si respondere hoc casu nolit, etiam ab agendo repelli potest, ut habetur §. *pœna* *cit.* & *l. actionem* 5. *C. h. tit.*

Procediturque hoc, etsi constitutus sit ad agendum simpliciter, vel etiam cum addita particula taxativa *tantum*; nam adhuc defendere actorem potest, si non vi mandati, saltem ex eo, quod quilibet defendere alium possit etiam sine mandato, dummodo præstet cautionem de judicato solvendo. Pirh. *hic* n. 58. not. 3.

Neque obstat *l. invitus* 17. *C. h. tit.* ubi generaliter dicitur, quod nemo compellatur defensionem subire absentis, sed sufficiat fidem susceptam implere; nam id intelligi debet de nova conventionione contra actorem mota, non verò de reconvensione, ubi hoc connexionem cum causa conventionis, qui istam suscepit, etiam illam suscepisse censetur arg. *l. ad rem* 56. & *l. ad legatum* 62. ff. *hoc tit.*

## §. VI.

### De Officio, & Potestate Procuratoris.

#### S U M M A R I U M.

32 *Officium Procuratoris gratuitum est.*

33 *In quo consistat?*

34 *Contestando litem fit dominus litis.*

35 *Potest appellare, non tamen tenetur Appellationem prosequi.*

36 *Potest substituere sibi alium, & quando?*

37 *Facienda ab ipso finita lite.*

38 *Quando agendo, vel omittendo noceat domino.*

- 32 Quæritur 1. quale officium Procuratoris esse debeat, gratuitum, an pro mercede? Resp. ex natura sua gratuitum esse debet, ut habetur *l. litem* 15. *C. h. tit.* est enim species quædam mandati; *mandatum* autem, nisi gratuitum sit, nullum est, ut habetur *l. obligatio* 1. ff. *mandati.*

Ex quo sequitur, si pactio, vel conventio de mercede interveniat inter Dominum, & Procuratorem, ejusmodi Procuratorem non esse propriè Procuratorem, sed potiùs locatorem, nec mandati, sed locati nomine contra eum agendum, ut monet Paulus *l. cit. in fin.*

Intelligendum autem hoc est, si ab initio de mercede pactio fiat; nam ex post facto, seu præstato officio, etiam Procurator salarium remunerationis loco petere potest, & accipere; neque ideo natura Contractus mutatur, sed mandatum esse definit *l. remunerandi* 6. in princ. & *l. seq. ff. mandat.*

Quod si initio ex mutua conventionione Procuratori sit constitutum salarium, Mandati quidem actio, ut dictum est, adversus eundem definit, si constitutus tamen, non secus, ac alius verus Procurator admitti debet; quia sufficit, quod mandato domini agat. Pirh. *hic numer.* 5. Schamb. n. 3.

- 33 Quæritur 2. in quo consistat Procuratoris Officium, & potestas? Resp. officium, & potestas Procuratoris maxime ex mandato pendet: cujus fines diligenter observare debet; aliàs domino non præjudicat *l. in causa* 27. ff. *l. si procurator* 10. *C. h. tit.* quia qui *fines mandati* sibi dati excessit, aliud quid facere videtur, quàm ei mandatum est, ut dicitur *l. diligenter* 5. ff. *mandat.* Quare quid in particulari possit Procurator, mandatum consulere debet.

Omnibus Procuratoribus communia sunt sequentia. 1. contestari litem. 2. appellare. 3. substituere sibi alium, si

impeditus est. 4. negotio, aut lite ad finem perducta, rationem eorum, quæ gessit, domino reddere. 5. eidem, quæ consecutus est, restituere.

Quæritur 3. quis sit effectus contestationis litis à Procuratore factæ? Resp. litis contestatione fit dominus litis, ira ut in ipsum totus processus dirigi, & ipsa etiam sententia in eundem, & non in dominum regulariter ferri debeat *l. si procurator* 27. ff. *l. nulla* 23. *C. h. tit.* & *l. non videtur* 1. *C. de sent. & interl.* quamvis executio fieri debeat in bonis domini, nisi Procurator in rem suam datus sit, vel cum mandatum non haberet, ad defensionem se obtulerit, satisfaciendo dominum rem ratam habiturum *l. Plantius* 61. ff. *h. tit.*

Dixi *regulariter*; nam excipitur 1. si dominus præsens fuit in judicio, & litem ipse est contestatus. Gloss. in *l. non videtur* *cit.* V. *non fuit.* 2. in Matrimonialibus, Beneficialibus, & aliis spiritualibus causis. Ant. de Butrio in *c. 24. de elect. n. 45.* Abb. *ibid. n. 10.* 3. in causis criminalibus criminaliter intentatis. Brunnem. in *l. 1. cit. n. 3.* 4. in causis Ecclesiarum, Monasteriorum, aliarumque Communitatum, uti & pupillorum. Bart. in *l. 1. cit. 5.* in aliis causis, si consuetudo, aut specialis constitutio habeat, ut sententia feratur in dominum, etsi is per Procuratorem agat sicut fit in Camera Imperiali, teste Gail. *l. 1. obs. 111. n. 2.*

Quæritur 4. quando Procurator appellare possit? Resp. Procurator, constitutus ad lites appellare potest non tantum, si denegentur ei induciæ, quas petit, ad dominum absentem super re aliqua consulendum *c. dilectus* 11. *h. tit.* sed etiam à sententia contra ipsum lata *c. non injustè* 14. *vers. potuit eod.* Ratio est, quia interpositio appellationis est de connexis primæ instantiæ, fitque coram eodem Judice: unde eam in se suscepisse Procurator creditur arg. *l. ad rem* 56. & *l. ad legatum* 62. ff. *h. tit.*

Dubium est, an appellationem interpositam teneatur prosequi? In quo sententiam affirmativam defendit Haunold. tom. 5. de *J. & J. tr. 2. n. 455.* cum quibusdam aliis. Fundantur 1. textu *l. invitus* 17. *C. h. tit.* ubi dicitur Procuratorem non cogi procuratorem ultra extendere, nisi provocationis causa. ergo ad provocationem cogitur eam extendere. 2. *l. fin. ff. an per alium caus. appell.* ubi de Procuratore dicitur, quod respondere debeat, postquam jam appellaverit. 3. *ratione*, quia Procurator, sententia per appellationem suspensa, manet dominus litis.

Sed retinenda est negativa, pro qua 1. clara est decisio *c. non injustè* *cit. in fin.* 2. pro eadem ita praxis, ex testimonio ipsius partis adversæ, recepta. 3. favet etiam ratio; quia causa appellationis plerumque alio in loco agitur, & est aliud judicium, ut adeo non censetur Procurator se obligasse ad prosequendam litem, finita prima instantia.

Excipitur 1. si generaliter ad lites, seu causas judiciales omnes sit constitutus; nam etiam causa appellationis judicialis est. Excipitur 2. si appellaverit à sententia interlocutoria; quia censetur idem negotium cum causa principali. Excipitur 3. si constitutus sit ad agendum, defendendum, & appellandum; quia tunc suscepisse creditur in se onus prosequendi Appellationem.

Sic limitata responsione, facilis est solutio Argumentorum adversæ sententiæ. Ad 1. sensus genuinus *l. cit.* est, quod Procurator non teneatur officium suum ultra interpositionem provocationis, seu appellationis extendere; ultra istam autem est hujus prosecutio. ergo &c. Ad 2. id intelligi potest in casu triplicis exceptionis datæ. Ad 3. dominium litis penes Procuratorem non manet diutius, quàm duret instantia, quæ finitur per sententiam definitivam causæ?

Quæritur 5. an & quando substituere sibi alium Procurator possit? Resp. Procurator ad negotia datus regulariter substituere sibi alium potest; in Procuratore ad lites distinguendum: nam post contestationem litis, quia factus est dominus litis, potest; non verò ante contestatam litem, nisi datus sit in rem suam, vel à domino substituendi sibi alium potestatem acceperit. Ita habetur *c. non indiscrè* 1. *h. tit. in 6. l. quod quis* 8. *l. neque* 11. & *l. nulla* 23. *C. cod.* Ratio disparitatis inter Procuratorem ad negotia, & Procuratorem ad lites datum est, quia in commissione ad lites videtur electa industria personæ; non autem in commissione ad negotia, regulariter saltem.

Dixi *Regulariter*: sunt enim aliqui casus, quibus neque Procurator ad negotia substituere sibi alium potest. Talis



Talis est 1. si negotium contrahendi matrimonium alicui datum sit *c. fin. h. tit. in 6.* 2. si commissum sit aliud negotium magni momenti, & ubi de gravi præjudicio agitur, ut adeo ex qualitate negotii præsumatur electa esse industria personæ. 3. Si committens negotium voluerit, ut Procurator illud expediret per seipsum. 4. si ipsa verborum, quibus committitur, conceptio indicet, quod committens industriam personæ elegerit. 5. si negotium commissum tale sit, quod aliàs speciale mandatum exigat &c.

Quæritur 6. quid faciendum Procuratori, negotio, aut lite ad finem perducta? Resp. 1. debet Procurator omnium eorum, quæ gessit, rationem reddere; & quæ consecutus est, domino restituere *l. qui proprio 46. §. procurator 4. ff. h. tit.*

2. Si dolo, vel culpa etiam levissima damnum intulit, vel interesse domini non bene curavit, illatum damnum, & interesse propter tacite promissam industriam compensare tenetur *l. Procuratore 11. & l. à Procureto 13. C. mandati.* Gaill. l. 1. obs. 45. n. 4. & 5. Quod si Procurator solvendo non sit, domino concedenda est in integrum restitutio. Gloss. *inc. cum venissent 2. V. restituimus de in integr. restit.* atque DD. passim.

3. Si expensas in mandati, sive negotii sibi commissi executione de bonis propriis fecit, repetere illas à domino potest, etsi de iis restituendis in constitutione nihil sit actum *c. si pro causa 6. & l. qui proprio cit. §. item contra 5. & §. seq. ff. h. tit.* Proceditque hoc, etsi Procurator in causa succubuerit. aut negotium, sine culpa sua, inutiliter gesserit *l. qui mutuam 56. §. fin. ff. & l. etiam 4. C. mandati.* & ratio est, quia, ut *l. sed si 7. ff. testam. quemad. aperiunt. &c.* dicitur, *iniquum est, damnosum cuique esse officium suum.*

4. Si Procurator negotium non gratis gerendum suscepit, salarium, vel honorarium, initio, vel postea promissum, exigere potest *l. salarium 7. ff. & l. adversus 1. C. mandati.*

Duo priore præstanda sunt etiam Procuratori, qui absentis negotium sine mandato suscepit. Quoad tertium, & quartum distinguendum est, an feliciter, & utiliter negotium absentis gesserit, an inutiliter. Si primum, salarium laboris suscepti, & factas expensas actione negotiorum gestorum potest repetere *l. si quis 2. & l. sed an alio 10. ff. de negot. gest.*

Si posterius iterum distinguendum debet, an secundum communem estimationem hominum consultum fuerit in principio, ut absentis negotium ipse gereret, an verò non. Si consultum, & utile fuit, iterum repetere expensas, imò & honorarium potest, etsi negotium præter expectationem operatum exitum non habuerit. Secus, si neque consultum, neque utile illud fuit Domino; tunc enim sibi imputare negotiorum gestor debet, quòd alieni patrimonii administrationi improvidè se immiscuerit. *l. sed an ultro cit. §. is autem 1.*

Quæritur 7. an, & qua ratione Procurator agendo, vel omitendo noceat domino, seu principali? Resp. cum distinctione: Vel enim mandati Procuratorii fines observat Procurator, vel fines ejusdem excedit. Si primum, id, quod vi talis mandati facit, Domino nocet; quia quatenus Procurator non excedit fines mandati, ab ipso gestum à domino gestum habetur. Zoef. *hic n. 8. Konig. nu. 31.*

Si secundum, secunda distinctio est adhibenda, & videndum, an aliquid agat extra id, quod mandato continetur, vel aliquid agat, aut omittit circa actum, vel negotium mandato comprehensum. Si prius, & aliquid agat extra id, quod mandato continetur, e.g. si habens mandatum ad proponendas Exceptiones dilatorias, non has, sed peremptorias proponat, & propterea causa cadat, ejus factum non præjudicat domino *l. si procurator 10. C. h. tit.* Ratio est, quia ad id nullum habet mandatum.

Si posterius, & aliquid agat, vel omittit mandato comprehensum, distinguendum est tertio, & videndum an id, quod omisit Procurator, ex Judicis, vel Legis præcepto Dominus debuisset facere, an verò non dominus, sed Procurator, Si dominus illud debuisset facere, & Procurator illud omisit, e.g. si ad litem prosequendam constitutus in præfixo termino peremptorio non comparuit, si exceptionem domino competentem non opposuit, si labi permisit fatalia ad appellandum concessa &c. id do-

mino nocet, & imputatur; quia is obligatus erat ad faciendum illud per se, vel per alium. & in effectu non fecit. Bartol. *in l. un. §. si procurator n. 1. ff. si quis jus dicent. non obtemp.* Excipitur, si casus fortuitus Procuratori accidit, qui etiam dominum excusasset; tunc enim neque ipsi domino imputari id poterit *arg. l. cum à matribus 8. C. qui petant tutores &c.*

Quod si non dominus, sed Procurator aliquid facere debuit, & non fecit, danda est distinctio quarta, an certum sit negligentiam Procuratoris in delictum cadere, vel non sit certum. Si certum non est, nocet, & præjudicat domino; quia sibi imputare dominus debet, quòd negligentem, & imperitum procuratorem constituerit *l. cum mandatum 23. ff. de minor.* At si certum sit, seu constet quod talis sit negligentia, quæ in delictum cadat, vel pœnam mereatur, & agatur de re magni præjudicii, ut de multæ impositione, ea omisso nihil nocet, vel præjudicat domino; quia non censetur dominus Procuratorem, quamvis generalem, constituendo, voluisse ipsi delictum præcipere: Pirh. *hic n. 79. Schambogen n. 10.* Excipitur, nisi dominus consentiat expressè, vel tacitè.

## §. VII.

Quomodo Officium, & Potestas Procuratoris expiret.

## S U M M A R I U M.

39 Officium Procuratoris expirat primò mutuo consensu.

40. 41 Secundò Revocatione.

42 Tertio exoneratione ipsius Procuratoris.

43 Quarto Mutatione ejusdem.

44 Quintò finita instantia.

45 Sextò Morte constituentis re integra.

46 Septimò morte ipsius Procuratoris.

47. 48 Octavò, si dominus ipse ad causam veniat.

48 Exceptiones, quæ opponi adversus Procuratorem possunt.

Officium & Potestas Procuratoris variis modis ex- 39  
tingui potest. Et 1. quidem expirat mutuo consensu utrinque, sc. domini constituentis, & Procuratoris constituti; nam consensu mutuo etiam constituitur *l. mutari 24. & ibi Gloss. V. vel ipso ff. h. tit.* unumquodque autem eodem modo dissolvitur, quo colligatum est *c. omnis 1. & l. nihil 35. ff. de R. J.* Estque hoc verum, si res sit integra adhuc, sive non ampliùs integra, nisi alterius præjudicium in eo versetur: quod addo propter Procuratorem ad lites datum; nam si hic litem contestatus jam est, accedere insuper consensus Adversarii, vel causæ cognitio debet, cujus ratio est, quia per lites contestationem quasi contrahitur cum Adversario *l. licet 3. §. idem 11. ff. de pecul. à contractu autem, parte altera invita, non licet recedere l. sicut 5. C. de O. & A.*

2. Revocatione: ubi tamen distinguendum, an res 40  
adhuc sit integra, vel non. Si integra adhuc sit, revocare dominus Procuratorem à se datum liberè, & sine causa, etiam invitum potest, ut de Procuratore ad negotia colligitur ex §. rectè 9. *Instit. de mandat. de Procuratore ad lites ex c. quamvis 2. h. tit. in 6. & l. antelitem 16. ff. eod.* Ratio est, quia consilium, quod de re sua iniit, mutare cuiusvis permissum est *arg. l. in re mandata 21. C. mandati.* Excipitur, nisi mutatione tali præjudicaretur alteri, sicut præjudicaretur, si Procurator in rem suam fuisset datus.

At si res integra esse desit (quod in Procuratore ad negotia sit inchoato negotio, in Procuratore ad lites lite contestata) non aliter Procuratorem invitum revocare potest, quàm iusta causa intercedente, eaque, si Procurator ad lites datus sit, à Judice priùs cognita, & probata *c. quamvis cit. & l. post litem 17. ff. h. tit.* Ratio est, quia per contestationem factus est dominus litis; consilium ipsius interest, ne remere removeatur. Porro causa iusta revocandi Procuratorem etiam invitum esse potest adversa valetudo Procuratoris, negotiorum, quibus occupatur, multitudo, superveniens affinitas cum Adversario, morosa causæ tractatio &c. *capit. quamvis citat. & ibi Gloss. V. postea.*

Dubium est, an Procuratoris potestas statim cesseret, 41



revocatione facta? Resp. negativè; sed requiritur, ut intineretur ipsi Procuratori: & si hic sit datus ad negotia, personæ, cum qua tractandum negotium ipsi erat; Adversario autem, vel Judici, si sit datus ad lites *c. ex insinuatione* 3. & seq. *h. tit.* Procuratori intimari debet; quia ipsius interest, ne temere removeatur, ut *num. prac.* dictum est: personæ, cum qua gerendum negotium; quia revocatio in ipsius præjudicium potest cedere: Adversario, vel Judici, ut sciant, cum quo litigandum. Sufficit autem, si intimatio fiat alterutri ex his duobus; quia si Adversario fiat, jam non poterit cum eo litigare, utpote quem scit carere potestate; si Judici, sententiam ferre in ipsum non poterit, cum noverit, quod non amplius habeat personam legitimam.

Effectus intimationis sic factæ est, quod acta ab hujusmodi Procuratore revocato invalida sint, quæ aliàs valerent, si constituens intimationem hanc omisisset. *Ex. cipitur* 1. contractus Matrimonii; nam hoc, si post revocationem, etiam non intimatam, à Procuratore Principalis nomine contractum fuerit, invalidum est ob defectum consensûs ad Matrimonium requisiti *c. fin. V. sanè h. tit. in 6. Excipitur* 2. acceptatio Beneficii Ecclesiastici, quæ similiter invalida est, si fiat à Procuratore post revocationem mandati, etsi iste hanc ignoraverit; tum quia & ipsa est Matrimonium quoddam spirituale inter Beneficiatum, & ejus Ecclesiam; tum verò maximè, quia hujusmodi revocatione Procurator non læditur. *Felin. in c. ex parte* 33. *n. 11. Excipitur* 3. quoties ignorantia revocationis Procuratori præjudicium nullum affert; toties enim, ut Regulæ loco Layman. *in c. ex parte cit. n. 7.* cum aliis DD. tradit, revocatio etiam non intimata tenet, & post eam acta invalida sunt.

3 Finitur Officium, & Potestas Procuratoris *Exoneratione* ipsius Procuratoris renuntiantis mandato: in quo iterum adhibenda distinctio; nam *ante litem contestatam* liberè resignare officium Procuratoris potest. *Excipitur*, nisi dominus pro Procuratore præsentem, & non contradicentem, vel etiam pro absente, sed postea expressè, vel tacitè ratum habente satisdederit, vel fidejussorit de judicato solvendo; tunc enim compelli Procurator potest ad judicium accipiendum, ne decipiatur is, qui satisdedit. *Clem. 1. h. tit. l. si defunctus* 15. & *l. minus* 43. §. qui non cogitur 6. ff. *eod.*

Post litem contestationem renuntiare Procurator officio. Domino invito, nequit; quia officium hoc initio quidem est voluntatis, post litem tamen susceptam fit necessitatis. *Excipitur*, si iusta causa subsit; tunc enim sicut domino Procuratorem revocare, ita Procuratori officio suo se exonerare permittitur, ut patet ex *l. filiusf. 8. §. fin. & duabus seqq. ff. h. tit.* Tales causæ sunt infirmitas corporis, insperata negotia, inimicitia cum Principali, & aliæ, quæ *citt. ll.* afferuntur.

4 Mutatione Procuratoris, seu alio in locum ejus substituto; nam per constitutionem posterioris censetur revocatus prior *l. si quis* 31. §. *fin. ff. h. tit. Excipitur* 1. si in constitutione secundi dominus exprimat, quod per hoc priorem revocare non intendat *arg. c. si quem* 8. *h. tit. in 6. Excipitur* 2. si posterior litem jam contestatus fuisset; tunc enim invitus revocari non potest, ut dictum est *numer. 41. Excipitur* 3. si prior ad certam causam, posterior verò generaliter ad omnia negotia fuisset constitutus; quia per genus non derogatur speciei. *Vallens. hic §. 7. n. 6.*

5 Finita instantia judicii, videlicet lata sententia definitiva; nam etsi appellationem, ne sententia in rem judicatam transeat, interponere debeat Procurator, profectum tamen illam invitus non cogitur, ne ultra negotium, quod suscepit, graveretur, ut dictum est *num. 35.* Ex quo sequitur Procuratorem quidem per contestationem litis effici dominum litis, seu instantiæ, non verò dominum causæ; nam dominus causæ manet principalis constituens Procuratorem, ut ex Bartolo docet Franc. *in c. 2. h. tit. in 6. not. 3.*

6 Morte constituentis: ubi tamen distinguendum; nam re adhuc integra, extinguatur §. *item si* 10. *Inst. l. inter causas* 26. *in princ. ff. l. mandatum* 15. *C. mandati*. At si integra esse desiit, officium, & potestas Procuratoris etiam post mortem constituentis perseverat, ut argumento à sensu contrario ex textibus *citt.* colligitur, & DD. conveniunt. *Excipitur* in *Clem. fin. h. tit.* ille Procurator, qui à Prælati, vel personis Ecclesiasticis deputatur

pro Juribus Ecclesiæ, vel Beneficii sui defendendis, aut prosequendis; nam hujus officium morte constituentis, etiam Civili, expirat, etsi res non amplius sit integra, sed lis contestata, vel negotium cœptum. Ratio est, quia successor in Dignitate, vel Beneficio Ecclesiastico non tenetur factum, vel contractum defuncti sui antecessoris præstare, nisi tamen hoc factum sit simul cum consensu Capituli; sic enim gesta etiam successorem ligant, cons. ita constitutus Procurator Capitulari auctoritate sustinetur, vacante Sede; Successore verò ingresso, auctoritate Juris communis, quod successorem ad ita factis standum obligat.

7 Morte ipsius Procuratoris, non solum re integra, sed etsi desierit jam esse integra *l. tam ex contractibus* 57. *ff. de judic. & l. si quis* 27. §. *morte* 3. *ff. mandati*; nam hoc officium non transit ad hæredes, cum videatur electa esse industria personæ. *Vvesenbec. ff. h. tit. n. 11. Vallens. §. 7. hic n. 5. Pirh. n. 112. Engl. n. 22. Vviestner n. 79.*

8 Si ipse dominus live ante, sive post litem contestatam ad causam suam veniat, non ut assistat Procuratori suo, prout potest per *c. quamvis* 2. *h. tit. in 6.* sed ut eandem causam per se tractet; nam eam per se tractando, censetur Procuratorem tacitè revocare, nisi ex protestatione, aut aliis conjecturis contrarium appareat *c. si quem* 8. *eod. in 6. Vall. l. cit. n. 6.*

Porro ex dictis hæcenus patet, quænam exceptiones opponi adversus Procuratorem possint; reducuntur enim maximè ad quatuor capita. 1. excipi adversus ipsum potest *ex parte constituentis*, quod constitutus sit à non habente potestatem constituendi. 2. *ex parte ipsius Procuratoris constituti*, quod Procurator esse non possit, quia est minor, excommunicatus &c. 3. *ex parte materie*, quod causa, in qua constitutus est, Procuratorem non admittat. 4. denique *ex parte forme*, quod mandatum non habeat, vel non sufficiens.

## TITULUS XXXIX.

### De Syndico.

## SUMMARIUM.

- 1 Syndici Definitio, & differentia.
- 2 Causa constituens, & forma constituendi.
- 3 Subjectum constituendum.
- 4 Potest etiam esse Laicus.
- 5 Et plures, quam unus, in quibuscunque causis ad Universitatem pertinentibus.
- 6 Officium, & Potestas illius.
- 7 Hujus cessandi modi.

**A** Procuratoribus privatorum ad Procuratores Universitatum, & Collegiorum progredimur, qui propriè Syndici appellantur.

Quæritur 1. quid sit Syndicus? Resp. est Procurator, qui alicujus Universitatis communi mandato causas, & lites ejusdem administrat, curat, & persequitur *l. neque* 1. & *tot. tit. ff. quod cujusque Univers. nom.* & tradunt communiter DD.

Differt 1. à Procuratore specificè accepto; quia iste officium privatum gerit, & propterea ad illud suscipiendum cogi non potest; ille officium publicum, quod invitis imponi potest; deinde Procurator constituitur à privato quocunque domino, & in causis privatis, & iis non omnibus, nam criminales, & aliæ quædam excipiuntur; Syndicus autem constituitur ab Universitate, & in causis ejusdem publicis, etiam criminalibus.

2 Ab Actore publico; quia etsi aliquando Actor Universitatis, & hujus Syndicus pro eodem sumantur, prout fit *l. neque cit. §. quibus autem* 1. ibi Actorem, vel Syndicum, si tamen Actoris publici nomen sumatur strictè, ipse est Procurator Universitatis specialis ad unam tantum, alteramve, aut certas aliquas causas constitutus; Syndicus autem est Procurator ejusdem generalis ad omnes, præsentem, & futuras Universitatis causas datus. *Haunold. tom. 5. de J. & J. tr. 2. n. 459.*

3 à Procuratore Fiscali, seu, ut vocant, Fiscali; quia iste causas criminales, multas, & pœnas Universitati debitas persequitur; Syndicus etiam Civiles. *Haunold. l. cit. n. 460.*

3 Ab Administratore Camera; quia iste rei nummarie



maria: à *Curatore Universitatis*, vel *Communitatis*; quia negotiis aliis Extrajudicialibus; Syndicus verò Judicialibus præest. Engl. *hic* n. 2.

5 Denique ab *Oeconomo*; quia hic est dispensator Ecclesiæ, cui res Ecclesiastica gubernandæ committuntur. Gloss. in l. neque cit. V. *Syndicum*.

2 Quæritur 2. quis constituere possit Syndicum? Resp. Hoc proprium Universitati, seu Communitati est; est enim Syndicus Procurator Universitatis. Sumitur autem hic *Universitatis* nomine collectio hominum viventium in Civili, vel Ecclesiastica Societate, Jure, vel consuetudine approbata, ut sunt Civitates, Oppida, Ecclesiæ, Monasteria, Collegia Studiorum, Opificum.

Ut ritè constituatur, 1. ad eum constituendum vocandi sunt omnes, qui jus suffragii habent; quia quod omnes tangit, ab omnibus debet approbari, ut dicitur Reg. 29. in 6.

2 Si aliqui vocati emanent, constituere Syndicum præsentem possunt, modò duæ partes ex tribus de Universitate eorum, qui jus suffragii habent, præsentem sint, & major præsentium pars consentiat l. nulli 3. ff. quod cuiusq. Univerf. nom. &c.

3 Electio Syndici à Communitate e. g. Capitulo facta confirmari debet consensu Superioris, e. g. Abbatis, vel Episcopi, siquidem agatur de Syndico constituendo super bonis, & juribus, quæ communiter ad Universitatem, & ejus Rectorem pertinent: secus, si agatur de Syndico constituendo super bonis, & Juribus, quæ Communitas, vel Capitulum separata possidet; tunc enim constituere Syndicum sine Superioris consensu potest, ut colligitur ex l. neque §. quibus autem cit.

4 Expediendum Instrumentum Syndicatus, quod ut ritè conceptum sit, exprimi ibidem debet, quis Syndicum constituerit, quis constituatur, ad quas causas, & lites, contra quos, denique quo modo, & quare constitutus sit. Durand. in Specul. h. tit. n. 21.

5 Instrumentum hoc muniendum Universitatis Sigillo, ut fides eidem publica fiat; nam ubi Sigillum Universitatis appressum est, præsumitur Instrumentum factum ejusdem consensu, & asserenti contrarium incumbit onus probandi. Abb. in c. un. h. tit. n. 9.

6 Si in aliis negotiis loci consuetudo sit, ut præcipui saltem Universitatis Officiales se subscribant, id faciendum etiam in constitutione Syndici: de Jure communi tamen subscriptio necessaria non est, præsertim singulorum, maxime quando Universitas numerosa est. Vall. hic n. 5.

3 Quæritur 3. quis, & qualis constituendus sit Syndicus? Resp. constitui possunt omnes, & soli illi, qui Procuratores constitui possunt, dummodo non ex aliquo naturali defectu specialiter inhabiles, & inepti sint ad causas Universitatis tractandas, vel Statutum, aut Consuetudo aliquos excludat. Haun. tom. 5. cit. tr. 2. nu. 463.

In specie 1. constitui potest non tantum extraneus aliquis, sed etiam ex ipsa Universitate, si in ea reperiatur idoneus: imò satius est, ut talis potius, quam extraneus eligatur; præsumitur enim majori fide, ac diligentia causas suæ Universitatis acturus. Vallens. hic n. 6. Haun. l. cit. n. 464. Pirh. n. 4.

2 In Syndicum Universitatis deligi potest etiam ejusdem Superior, seu Rector, e. g. Consul, Duumviri; nihil enim repugantiæ cum officio Superioris habet; imò plurimum convenientiæ, cum aliàs administratio rerum, & Jurium Universitatis de Jure eidem competat. Pirh. l. cit.

3 Syndici officio cum licentia sui Prælati fungi etiam Religiosi absolutè possunt, quia Procuratores esse possunt in causis Monasterii sui Tit. præc. n. 9. consultius tamen est, ut extraneum aliquem pro hujusmodi causis, salario ipsi assignato, constituent, ut constituit Gregorius Papa c. un. h. tit. ubi rationem subjungit, quod expediat pro parvo incommodo à strepitu causarum servos Dei esse quietos. Excipitur, si specialis causa fuaderet contrarium: qualis esset, si Monasterium ob inopiam Syndico, vel Procuratori suo salarium dare non posset, aut alius idoneus, & fidelis Procurator inveniri nequeat. Abb. hic n. 4.

4 Quæritur 4. Utrum etiam laicus in causis spiritualibus Syndicus, & Procurator ad agendum, & defendendum in Judicio esse possit? Ratio dubitandi est 1. quia Laicus non potest esse Administrator Ecclesiæ, cui committatur cura rerum tam Spiritualium quam temporalium. 2.

non potest esse Judex in causa spirituali, etiam Delegatus. 3. imò nec Procurator constitui potest ad eligendum Prælatum, etiam nomine illius, qui aliàs vocem in Capitulo habet, & habilis est: quorum omnium ratio est, quia tractare negotia spiritualia nequit. hæc tractaret, si in negotiis etiam spiritualibus constitueretur Syndicus, vel Procurator. ergo &c.

Sed retinenda est affirmativa sententia. Ita Gloss. in c. un. V. generaliter h. tit. Abbas ibid. nu. 3. Vallens. n. 7. Et quidem, quod Procurator esse possit, constat ex c. non indiscretè 1. de Procurat. in 6. ex quo sequitur, quod etiam possit esse Syndicus, ex principio generali posito initio num. præc.

Neque obstant Argumenta opposita. Ad 1. negatur paritas; Syndicus enim, etiam si in spiritualibus causis ad agendum, & defendendum in judicio constitutus sit, propriè munus spirituale non exercet; quod tamen exercet Administrator Ecclesiæ. Ad 2. iterum non est paritas; quia Procurator nudum habet ministerium; Judex delegatus autem Jurisdictionem, cujus, si Ecclesiastica sit, Laicus non est capax. Ad 3. disparitatis ratio est, quia eligere est actus Capitularis, adeoque proprius Clerici.

Dices: Laicus tractare non potest causas spirituales. ergo etiam nudi ministerii capax non est. Resp. D. A. non potest tractare illas suo nomine, quasi jus in eis habeat, & tanquam principalis; potest tamen alieno nomine, sive ministerialiter.

Quæritur 5. an Universitas debeat constituere Syndicum; quot possit constituere; & in quibus causis? Resp. Ad 1. Communitas necessariò debet constituere Syndicum; cum enim per seipsam nec convenire, nec conveniri possit, necessarium omnino est, constitui aliquem, qui ipsam repræsentet, & ejus causas in judicio persequatur, & is est Syndicus. Vall. hic nu. 5. Engl. n. 2. Pirh. num. 1.

Ad 2. potest assumi Syndicus non tantum unus, sed etiam plures: plerumque constitui solent duo, aut tres in magnis Communitatibus; quia rectius plurium fidei, quam unius Resp. committitur: & intelliguntur singuli in solidum dati, etsi id in instrumento non exprimitur; secus, ac in Procuratoribus privatis. Vvesenbec. tit. quod cuiusq. univ.

Ad 3. objectum Syndici sunt causæ Universitatis, præsentem, & futuræ, tam civiles, quam criminales, etsi enim in criminalibus universum Procurator non admittatur per dicta Tit. præc. n. 21. rectè tamen in his causis per Syndicum defenditur, & agit Universitas, quippe quæ alter commode in judicio comparere non potest. Haunold. tr. 2. cit. n. 467. König n. 5. hic Syndico tamen, ut loc. cit. notat Haunold. inde periculum nullum imminet, nisi in quantum est membrum Communitatis.

Quæritur 6. quod sit officium, & potestas Syndici legitime constituti? Resp. Officium est agere, & defendere causas Communitatis, à qua constituta est, etiam si illæ inter ipsam, & Superiorem illius, e. g. Principem agitentur: nec propterea culpari Syndicus debet, quippe quem officii necessitas excusat. Haun. l. cit. n. 468.

Potestas autem, si mandato non restringatur, aut extendatur, eadem ferè est, quæ Procuratoris constituti cum libera, seu plena agendi potestate l. item 6. §. fin. ff. quod cuiusq. univ. nom. Hinc in negotiis Universitatis illius nomine deferre potest, & præstare juramentum, super ejus rebus dubiis, & controversiis transigere, & pleraque alia exercere, quæ speciale mandatum non exigunt. Gail. l. 2. obs. 72. n. 11.

Donare tamen, ac debitum liquidum remittere nequeunt; quia speciem jactationis, & dilapidationis habet, quæ Administratoribus, quantumcunque generale mandatum, etiam cum libera habentibus, non permittitur, quippe qui res Universitatis conservare debent, non perdere. Gail. l. cit. n. 12.

Ut admittatur ad agendum, & defendendum Communitatis nomine, non tenetur cavere de rato, nisi probabiliter de mandato dubitetur; nec cogi potest satisfacere judicatum solvi; quia pro publica utilitate constituitur, sicut tutor, præsertim cum Universitas præsumatur semper esse solvendo. Vall. hic n. 8. Zoef. num. 2. Pirh. n. 7. König. nu. 5.

Quæritur 7. quomodo finiatur officium, & potestas Syndici legitime constituti? Resp. finitur iisdem ferè



inodis, quibus mandatum Procuratorium, duobus duntaxat exceptis; nam 1. non finitur morte constituentium quippe constitutus à Communitate, quæ moraliter semper manere eadem intelligitur *l. sicut 7. §. in decurionibus 2. ff. quod cuiusque universi. &c.* 2. non finitur, finita instantia; cum enim ad causas Universitatis generaliter constitutus sit, etiam appellationes ejus nomine interpositas, instar Procuratoris ad lites generaliter constituti, prosequi debet *arg. c. non injuste 14. de Procurat.*

Dubium est, an solus Abbas revocare possit Syndicum cum consensu Capituli constitutum? Videtur, quod non possit; quia de consensu Capituli constitui debuit, ut dictum est *n. 2.* unumquodque autem eodem modo dissolvitur, quo colligatum est *c. 1. & l. 35. ff. de R. J.* ergo &c.

Sed dicendum, Syndicum consensu Capituli constitutum revocari posse à solo Abbate. *Abb. in c. un. h. tit. n. 6. Engl. hic in fin. Konig n. 7.* Ratio est, quia ipse solus potest agere in causis sui Monasterii *c. edoceri 1. de rescript.* ergo etiam solus revocare Syndicum, & in se assumere actionem.

*Ad rationem dubitandi* negatur patitas; nam in constitutione Syndici agitur de particulari, & proximo præjudicio Capituli, cum in certis casibus Syndicus ei nocere, illudque obligare possit: at in revocatione ejusdem nullum vertitur illius præjudicium, quippe cum Abbas eum revocans Jure suo utatur.

## TITULUS XL.

*De his, quæ vi, metus causa sunt.*

Constitutis Advocatis, Procuratoribus, & Syndicis, de quibus hæctenus, partes litigantes accedunt Judicem, & Actor actionem intentat reo, reus adversus istum se defendit. Quia verò interdum Actio est summo Jure extincta. ut ea intentari possit, hoc, & sequenti Titulo duo remedia proponuntur, quibus illa recuperetur. Primum datur ratione Metus: de quo sit.

### §. I.

*De Natura Vis, & Metus, & eorum Divisionibus.*

## SUMMARIUM.

- 1 *Definitur Vis, & dividitur.*
- 2 *Definitio Metus, & Varietas.*
- 3 *Requisita ad metum gravem.*
4. 5. 6 *Metus Reverentialis solus non est metus gravis.*
- 7 *Effectus Vis, & Metus.*

Quæritur 1. quid, & quotuplex sit *Vis*? *Resp. Vis*, ut eam Paulus Jctus *l. vis autem 2. ff. quod met. caus.* &c. describit, est majoris rei impetus, qui repellere non potest.

Dividitur 1. in Vim absolutam, & conditionalem. *Vis absoluta*, quæ etiam *Præcisâ* dicitur, causat simpliciter involuntarium, & liberum consensum omnino tollit, ut cum inevitabili violentia alicui liber, vel aliquid aliud eripitur, cum jussu flectere genua ante idolum, hæc per violentiam incurantur, &c. *Conditionalis*, quam etiam aliqui *Modificatam* appellant, voluntarium quidem non tollit simpliciter, involuntarium tamen imperfectum, seu conditionatum admiscet, dum adhibendo violentiam externam facit, ut voluntas, quæ propriè cogi non potest, ad aliquid faciendum, vel omittendum consentiat, non consensura, si vis exterior abesset: & hæc reipsa est illatio Metus, de quo *num. seq.*

2 In Vim publicam, & privatam. De *Vi publica* hodie tenetur, qui cum armis vim infert, aut inferre tentat, vel parat: hinc etiam *Vis armata* dicitur. De *Privata*, qui id sine armis facit: quæ propterea simpliciter *Vis*, & *Vis non armata* nuncupatur §. *recuperanda 6. vers. qui autem Inst. de Interdictis*, ubi notatur, armorum appellatione non solum scuta, & gladios, & galeas, sed & fustes, & lapides significari.

3 In vim ablativam, qua mobile aliquid alicui auferitur, *Turbativam*, qua quis turbatur in sua possessione; *Inquietativam*, qua quis inquietatur in usu rei suæ; *Expulsivam*, qua quis ex possessione sua ejicitur. *Compulsivam*, qua quis compellitur ad faciendum aliquid, quod

aliàs non faceret. Adversus primam vim passio succurritur interdicto *vi bonorum raptorum*; adversus secundam, si læsio facta sit in immobilibus, vel his adhærentibus, Interdictum *uti possidetis*; si in mobilibus, Interdictum *Utrobi*; adversus tertiam Interdictum quod *vi, aut clam*; adversus quartam Interdictum *unde vi*; adversus quintam actio, vel exceptio *Quod metus causa*; quæ propriè hujus loci est.

Quæritur 2. quid sit *Metus*, & quotuplex? *Resp. Metus* secundum Ulpianum *l. ait prætor 1. ff. quod Met. caus. &c.* est mentis trepidatio, instantis, vel mox futuri periculi causa. Sive est passio, & motus animi, fugientis aliquid quod malum sibi imminens; ut si quis librum petenti, & si non det, mortem minitanti illum tradat, aut aliquid aliud sic coactus promittat.

Divisio *Metus* præcipuè triplex est. 1. *ratione causa* in eum, qui infertur à causa necessaria sive extrinseca, sive intrinseca, ut si à morbo, periculo naufragii, vel alia causa naturali oritur: & in eum, qui infertur à causali-berateata, si v. g. incutitur ab homine.

2 *Ratione modi*, quo infertur, in eum, qui infertur *justè*, & in eum, qui infertur *injustè*. *Justè* illatus dicitur, quando is, qui illum patitur, eidem causam sua improbitate præbuit, v. g. committendo flagitium, propter quod carceris, torturæ, aut pænæ legitimè inferendæ timore angitur. *Injustè* incussus est, quando innocens, nihil mali promeritus, aliena, mortem mutilationem, vel aliud malum minitantis, improbitate vexatur; aut si quidem causam præbuit, contra jus tamen, & indebitè v. g. à privato, ejusmodi malum minitante, vexatur *arg. c. veniens 15. de spon. al. & l. nec timorem 7. §. proinde 1. ff. quod met. caus.* Dupliciter autem metus injustè inferri potest, primò eo fine, ut promissio, vel alius actus extorqueatur; secundò ob alium quidem finem, quàm ad extorquendum contractum, vel actum, ita tamen, ut is, qui metum patitur, eo inducatur ad ineundum contractum.

3 *Ratione qualitatis* in metum Gravem, & Levem. *Metus Gravis*, qui etiam *Justus*, & *Probabilis* dicitur, est, qui in virum constantem cadit, seu qui talis est, ut eum, qui illum patitur, etsi aliàs fortis, & constans sit, à proposito dimovere valeat. *Metus levis*, quem alii *Vanum*, & *Improbabilem* vocant, est, qui in virum constantem non cadit, seu qui eam vim non habet, ut patientem animo fortem à proposito dimovere valeat.

Porro *Metus gravis* & ipse duplex est, videlicet *Absolute gravis*, & *Respective gravis*. Prior dicitur ille, qui est de tali malo, quod cuilibet viro constanti est formidabile, eumque merito commovere potest: & talis est metus mortis, mutilationis, cruciatus atrocis, servitutis, exilii, carceris diuturni, violenti stupri, gravis infamiae, amissionis status honorifici, amissionis bonorum vel omnium, vel notabilis partis, Excommunicationis injustæ &c. prout constat ex *c. cum non ab homine 10. de Judic. c. cum dilectus 6. h. tit. l. continet 3. l. ego 4. l. nec timorem 8. l. isti 8. l. qui in carcerem 22. ff. & l. si per vim 4. l. fidonationis 7. c. eod. Posterior, seu *Metus respective gravis* est, qui est alicujus mali, quod etsi viro forti non sit formidabile, tamen fœminæ, puero, seni, homini meticulofo merito formidandum videtur.*

Ex quo sequitur, gravitatem metus non tantum defumendam ex gravitate mali secundum se spectari, sed etiam personæ id inferentis, & præsertim patientis; quia utique fœminam, puerum, aut senem leve malum sæpè plus movet, & perturbat, quàm forti animo virum, aut juvenem majus. Quare, quod sæpè respectu viri est metus levis, erit gravis respectu fœminæ, pueri, senis &c. Imò nec comparatione inter fœminas tantum, aut viros tantum idem metus respectu omnium æqualiter gravis est, cum etiam inter fœminas una sit constantior altera, & inter viros unus altero fortior. Hinc regula in hac re certa statui nulla potest, sed arbitrio prudentum, præsertim Judicis, ex circumstantiis, præsertim personarum metum patientium, vel inientantium decidendum erit, quid quovis casu sit metus levis, aut gravis. Sabell. in *Summ. V. metus n. 4.* cum aliis.

Quæritur 3. quænam requirantur, ut *Metus* dicatur 3 *Gravis*, & probabilis, & justus? *Resp. juxta Sabell. l. cit. n. 3. in princ. & alios* quinque requiruntur. 1. ut sit *majoris malitatis*, prout loquitur Ulpianus *l. metum 5. ff. h. tit.* seu ut sit gravis alicujus, & non cujuscunque mali metus. Perinde autem est, an hujusmodi malum immincat ipsi timen-



timenti, an personis sanguine, vel alia valde arcta necessitudine ipsi conjunctis; nam horum mala nostra reputamus. Sabell. *l. cit. n. 4.*

2 Ut metum incutiens faciliè valeat exequi minas, quas intentat, vel saltem prudenter credatur posse exequi; quia ut *l. famosi 7. §. hoc tamen 3. ff. ad Leg. Jul. Majest.* dicitur, *etiam persona spectanda est, an potuerit facere.*

3 Ut præterea, qui metum incutit, sit solitus minas exequi, vel saltem credatur, aut rationabiliter timeatur easdem excutiturum, quia, ut *l. metum 9. C. h. tit.* dicitur, *Metum non jactationibus tantum, vel contestationibus, sed atrocitate facti probari convenit.*

4 Ut timens non possit faciliè occurrere malis, quæ sibi timeret imminere *l. non est 23. in princ. ff. h. tit.* nec enim excusatione dignus est, si illa non vitat.

5 Ut etiam mali, quod timeret, magnam æstimationem habeat; aliàs enim respectu ipsius non est grave malum.

Ex quo sequitur, quòd omnis ille metus, qui his quinque conditionibus instructus non est, non sit gravis metus respectu illum patientis.

4 Queritur 4. an gravis, & in virum constantem cadens sit metus, quem Reverentialem appellant, uti esse censetur filii respectu patris, uxoris respectu mariti, subditi respectu domini &c. Affirmant Gloss. in *can. 8. vers. saltantum caus. 22. q. 4. Imol. in c. causam 16. n. 11. & 12. de Offic. deleg. Bartol. in l. qui in aliena 6. §. fin. ff. de acquir. hered. d. 5. Menoch. de arbitr. cas. 136. n. 8. Moventur 1. textu *l. Jurisjurandum. 1. §. in Summa 6. ff. quar. rer. act. non dat. ubi metui, & nimia reverentia liberti in patronum eadem vis tribuitur ad cogendum. 2. l. si quis 91. ff. de furt. ubi illi, quem in presentia pudor ad resistendum impedit, furtum fieri asseritur, & furti actio datur, non secus, ac ei, qui non potuit prohibere, ac quiescit.* hoc autem non ex alia causa, nisi quòd metus reverentialis fecerit consensum coactum. 3. Reg. Velle 4. ff. de R. J. ubi Ulpianus, Velle, inquit, non creditur, qui obsequitur imperio patris, vel domini; crederetur autem velle, si metus Reverentialis metui gravi non æquivaleret. ergo &c. 4. ratione: nam si reverentia in talem personam non sufficit ad inducendum metum gravem, sed necessarius esset accessus minarum, non esset differentia inter metum ejus, cui debetur reverentia, & cujuscunque extranei; quia gravis mali comminatione, à quocunque facta illa sit, metus gravis inducitur, & illa non facta, non inducitur.*

5 Verum his non obstantibus, dicendum, Metum Reverentialem solum non censi justum, & sufficientem ad irritandos, vel rescindendos actus eo factos, nisi concurrerentibus aliis adminiculis: qualia sunt asperitas vultus, indignatio, exprobratio, mala tractatio, rixæ, aut talium subeundorum probabilis æstimatio, preces importunæ, & repetitæ &c. Ita Gloss. in *c. 1. V. consentit. de despons. impub. Abb. in c. 16. de offic. deleg. num. 4. Sylvest. V. metus num. 2. Gutier. de juram. p. 1. c. 1. n. 15. Sanch. l. 4. de matr. D. 6. num. 7. Sabell. V. metus num. 10. & 13. Zoef. hic num. 18. Valleng. n. 9. Pirhing num. 6. Engl. n. 15. Vviefstner n. 20. & novissimè Magnif. D. Verlohner Collega Colendissimus Semicent. q. 25. n. 6. estque communis DD. Colligitur 1. ex *can. puella 8. caus. 20. q. 1. ubi puella, si imperio parentum coacta, Virginitatis propositum suscepit* seu eandem vovit, censetur metum passa; non autem, si hoc fecit ex sola reverentia in eosdem. 2. ex *c. ex litteris 11. de despons. impuber. ubi textus, quo redduntur irrita Sponsalia, metu reverentiali parentum inita ponderat non solum reverentiam paternam, sed simul minas, ibi nolens, & invita minis parentum impulsæ.* 3. ex *c. quamvis 2. de pact. in 6. ubi dicitur valere renuntiationem filix, quam fecerat in favorem patris, si juramento muniatur, nisi istud vi, aut dolo sit præstitum; & tamen ibi concurrat paternæ reverentia.* ergo ea sola vim, aut metum non inducit. 4. ex *l. fidejussor 26. §. pater 1. ff. de pignor. & hypoth.* ubi filius id, quod mandante patre, cons. reverentia patris, fecit, metu fecisse negatur. 5. ex *ratione*; quia si sola reverentia ad inducendum metum gravem sufficeret, plerique contractus, & actus, à liberis, uxore, vel subditis iniri, invalidi, vel rescissioni obnoxii forent; facili enim probare possent, metu gravi celebratos esse, modò dicerent, se ob reverentiam, pudorem, verecundiam negare, & contradicere non auctos.*

6 Argumenta in contrarium allata non evincunt intentionem Schmalzgrueber Toin. I.

tum. Ad 1. in *l. cit.* vis inducendi metum gravem tribuitur reverentiæ in Patronum, non cuivis, sed nimia, ut ait textus, h. e. superabundanti, & excedenti, quod evenit, quando aliud malum timeretur, ut notat Sanch. *D. 6. cit. n. 16.* Ad 2. ibi dicitur fieri furtum, & tacenti conceditur furti actio; quia textus loquitur de materia tacenti præjudiciosa, & in hac ex taciturnitate regulariter consensus non præsumitur. Ad 3. Regula ibi allata non vult dicere, quòd filius, aut servus coactus faciat, quod imperio patris, aut domini facit; sed tantum quòd his obsequendi studio potius, quam suo impulsu fecerit: & propterea id, quod factum est, potius imperanti, quam exequenti sit imputandum. Ad 4. adhuc est differentia inter metum ejus, cui debetur reverentia, & alterius extranei; nam ut prior fiat gravis, sufficit, si accedat vultus torvitas, verborum asperitas, precum importunitas, & similia, quæ in extranea persona, cui reverentia non debetur, non sufficiunt.

Queritur 5. quis sit effectus Vis absolutæ, & Metus? Resp. plurimum hos inter se differre; nam 1. Vis absoluta tollit simpliciter voluntarium; quia qui illam patitur, non tam agit ipse, quam ab extrinseco agitur: ut qui in loco auribus, oculis apertis per vim detinetur; nam talis absolute cogitur audire, & videre, quæ fiunt. Contra metus voluntarium tantum minuit; quia qui ipsum patitur, absolute consentit, quamvis non consensurus; si metus abesset: sicut fit, cum quis metu pænæ interest Concioni; absolute enim volens interest, & tantum conditionaliter nolens est, per hoc, quòd nollet interesse, nisi majus malum timeret. Pirh. hic n. 2.

2 Ea, quæ vi absoluta, & præcisa fiunt, ex parte illam passi omni culpa secundum omnes vacant; quia peccatum, & culpa consistunt in voluntate, & hujus consensu, qui per vim absolutam tollitur. Ea verò, quæ metu fiunt, etsi minus peccatum sint, sæpè tamen peccatum sunt: ubi distinguendum est inter præcepta: nam si præceptum tale sit, ut transgressio illius sit intrinsecè mala, qualia sunt omnia præcepta Juris naturalis, nullus metus, etiam gravissimus, à peccato excusat; cum quod intrinsecè malum est, in nullis circumstantiis bonum, ac licitum fieri possit. At si præceptum tale sit, cujus objectum, præcendendo à prohibitione Juris positivi, malum non est, qualia sunt pleraque præcepta Ecclesiæ, & humana alia, regulariter metus gravis à peccato excusat; quia Leges ejusmodi positivæ communiter non obligant cum periculo valde gravis mali incurrendi. Excipitur, nisi per accidens misceatur obligatio Juris naturalis, ut fieret, si hæreticus, contemnens potestatem Ecclesiæ, in vilipensionem illius minaretur Catholico mortem, nisi carnes die jejunii secum comederet; tali enim casu iste mortem potius deberet pati, quam obsequi, quòd eo casu comestio carniū non tam præcepto Ecclesiæ adversa esset, sed magis præcepto Legis naturalis, qua jubemur præcepta legitimi Magistratus non contemnere, nec facere aliquid in vilipensionem illorum cedens.

3 Actus, qui vi absoluta fit, semper invalidus est; actus, qui Metu fit, aliquando quidem invalidus est, regulariter tamen validus, ut mox videbimus, quamvis metum passo, si gravis ille sit, æquitate Prætoria Actio, vel Exceptio concedatur: de quo infra num. 25. & seqq.

## §. II.

De Valore, & Firmitate Actuum Metu gestorum.

## S U M M A R I U M.

- 8 Qualis metus actus infirmos reddat?
9. 10. 11. 12. 13. 14 Actus, etiam gravi metu extorci, non sunt Jure ipso invalidi.
15. 16. 17. 18 Quæ sit obligatio actuum metu extortorum in conscientia?
- 19 Recensentur actus, qui causa metus sunt ipso Jure invalidi.
20. 21 An inter istos sit etiam Votum Simplex?
- 22 Quid dicendum, si actui metu extorci adjectum sit Juramentum?



8 **Q**Uæritur 1. qualis metus Actus reddat infirmos ? *Certum est* 1. esse validos, nec rescissioni obnoxios actus, qui metu etiam gravi gesti sunt, si iste proveniat à principio intrinseco, vel extrinseco naturali non libero. Patet in Voris, & Juramentis, quæ ab omnibus pro validis habentur, etsi facta sint timore mortis in gravi infirmitate, vel naufragio. Ratio est, quia causa unica, ob quam actus metu gesti irriterunt, aut rescinduntur, est injuria, quæ metum passo illata est; hanc autem non patitur ille, qui patitur metum sibi illatum à causa non libera. ergo &c.

*Certum est* 2. valere, neque rescindi posse actus, & Contractus, extortos metu gravi, & à causa libera, sed justè incusso: qualis est matrimonium metu acculationis, aut pænæ infligendæ extortum ab eo, qui aliquem justè ad Judicem deferre poruit. Patet apertè ex l. *simulier* 21. in princ. ff. h. tit. ubi ratio datur, quia hunc metum delinquens sibi ipse intulit. Neque obstat l. *nec timorem* 7. in fin. ff. eod. ubi adulter deprehensus in flagitio, si dederit aliquid metu, ne proderetur, juvatur actione *quod metus causa*; intelligi enim hoc, ut textus ipse insinuat, debet de metu, ne proderetur iis, qui ipsum occisuri erant autoritate privata.

*Certum est* 3. non concedi actionem prædictam illi, qui aliquid fecit ex metu levi, etiam injustè incusso l. *metum* 8. ff. h. tit. idque ob quietem publicam, ne frequentia litium Tribunalia obruantur.

*Certum est* 4. in contrarium rescindi posse actus initos metu gravi injustè incusso, ut patet ex toto tit. *præs.* in utroque Jure.

*Certum est* 5. Spectato solo Jure naturali (solo forè Matrimonio, & Professione Religiosa excepta, de quibus alibi) gesta metu etiam gravi, & injustè incusso non esse irrita; si enim irrita essent, talia essent vel ex defectu voluntarii, vel ratione injuriæ: non ex primo capite; quia metus non tollit voluntarium, cum coacta voluntas adhuc sit voluntas: non ex secundo: quia consensus, qui solus jure naturali ad valorem contractus requiritur, consistit etiam cum injuria. Dubium, & magnis studiis agitata Controversia est, qua ulterius.

9 **Q**Uæritur 2. utrum actus, & contractus, qui metu gravi, ad eos extorquendos injustè incusso, gesti sunt, Jure positivo sint validi, & rescindendi tantum, vel etiam invalidi, & omnino irriti? Negativam defendunt Sotus l. 8. de Just. q. 1. a. 7. ad 3. Molin. tr. 2. de J. & J. D. 326. vers. ad secundum, & alii apud Sanch. l. 4. de Matr. D. 8. n. 2. in fin. Nituntur triplicis generis Argumentis.

I. Quia ita videtur statutum Jure: pro quo adducunt varios textus 1. l. *si pater* 1. C. de rescind. Vendit. ubi venditio, per metum facta, irrita dicitur. 2. l. *qui in aliena* 6. §. fin. ff. de acquirend. vel omittend. heredit. ubi qui timore coactus, fallens adiit hereditatem, heredem non fieri dicitur; fieret autem, si adiit hereditatis metu facta valida esset. 3. l. *qui in carcerem* 22. ff. h. tit. ubi Jctus, *Qui in carcerem*, inquit, quem detrusit, ut aliquid ei extorqueret, quidquid ob hanc causam factum est, nullius momenti est.

II. Quia in tali contractu deficit consensus, nec obligatio ex eo oritur: quod ostendunt 1. quia *metus habet in se ignorantiam*, ut dicitur l. *item si* 14. §. in qua actione 3. ff. h. tit. sed ignorantia consensus tollit l. *si per errorem* 15. ff. de Jurisdic. 2. nihil consensui tam contrarium est, quam vis. atque metus, ut dicitur Reg. 116. ff. de R. J. quia, ut c. cum locum 14. de sponsal. Alexander III. ait, *locum non habet consensus, ubi metus, vel coactio intervenit*. 3. dolus dans causam contractui eum reddit irritum ipso Jure; dolus autem, & metus in Jure æquiparantur c. cum contingat 28. de Jurjur. 4. si metum passus non tradidit rem promissam, non obligatur illam tradere. peperisset autem obligationem tradendi, si contractus, seu promissio metu facta fuisset valida. ergo &c.

10 III. Quia per contractum metu extortum non transfertur dominium rei traditæ in accipientem: quod probant 1. quia aliàs metum inferens ex iniquitate sua maximum ferret commodum. 2. quia metum passo datur actio, non tantum in personam, sed etiam in rem l. *metum* 9. §. volenti 4. & §. licet 6. ff. h. tit. ubi etiam additur ratio, quia *res in bonis est ejus, qui vim passus est*. 3. quia metum inferens eundem passo restituere debet rem cum fru-

ctibus interim perceptis, ad quorum restitutionem obligari non posset, si in ipsum per traditionem fuisset translatum dominium; quia res quælibet fructificat suo domino. 4. quia is, cui per metum aliquid solvitur, titulum justum non habet. atqui dominium per traditionem sine justo titulo nunquam transfertur, ut patet in Usurario, qui ex communi sententia non acquirit dominium usurarum, licet traditio facta sit, & consensus voluntarius dantis accesserit. 5. quia dans potest rem, per metum traditam, ante sententiam Judicis propria autoritate occultè surripere, si aliter recuperare non possit, & qui accepit, tenetur ante sententiam Judicis rescissoriam contractus eam restituere, 6. quia aliàs si metum inferens creditores antiquiores, & privilegiatos habeat, hi præferendi essent metum passo in re per metum tradita, tanquam propria illius, qui metum intulit.

Verum his non obstantibus, dicendum, hujusmodi contractus, vel actus, metu gravi extortos, regulariter non esse Jure positivo nullos, vel irritos, sed irritandos, & rescindendos per sententiam Judicis. Ita Gloss. in c. 2. h. tit. V. coactus, Abb. ibid. num. 7. Sylv. V. metus q. 8. Sanch. l. 4. de Matr. D. 8. num. 4. Laym. l. 3. tr. 4. c. 6. num. 2. Haun. tom. 3. de J. & J. tr. 9. n. 113. Vallens. h. n. 5. Zoef. n. 3. Pirh. n. 10. Engl. n. 2. Konig num. 8. Vviesl. num. 32. & alii plurimi ab his cit.

Colligitur ex c. Abbas 2. h. tit. l. ait Prator 1. l. *metum* 9. §. sed quod 3. & §. seq. l. *si mulier* 21. §. *si metu* 5. l. fin. §. *si iusto* 1. & §. seq. ff. l. non interest 5. & l. fin. C. eod. quibus omnibus textibus adversus metum conceditur restitutio per rescissionem contractus, vel actus metu iniri: atqui restitutio, rescissio, & similia remedia Pratoria non competunt adversus actum ipso jure nullum juxta l. in causa 16. §. & generaliter 3. ff. de minorib. ubi Ulpianus, *Generaliter probandum est, inquit, ubi contractus non valet, pro certo Pratorem se non debere interponere*.

Ratio est, quia ad valorem contractus &c. regulariter solum requiritur justus titulus, & voluntarius consensus. atqui horum neutrum in contractu, aliove actu metu gesto desideratur, cum metus neque voluntarium absolute tollat, neque dati, accepti, donati, promissi titulum excludat, ergo &c. Conf. Leges, quæ actum metu gestum infirmant, spectant favorem ejus, qui metu injustè incusso læsus est. atqui magis favorabile huic est, si actus ipso Jure subsistat, quam si omnino sit irritus; sic enim eligere poterit, quod sibi fuerit irritus, & vel petere rescissionem illius, quando repererit eum sibi damnosam, vel metum inferentem adeo standum compellere, quando viderit illum sibi utilem fore. ergo &c.

Argumenta contraria majorem speciem, quam solitudinem habent; nam 1. non officiunt textus allegati. Ad 1. ibi Venditio dicitur irrita non quoad substantiam, sed quoad effectum; quia est irritanda actione *quod metus causa*. Ad 2. adiit illa hereditas fuit invalida, non quia metu facta, sed quia ficta fuit, & animus adeundi defuit, quam fictionem ipse adiens prius clam manifestavit coram testibus, ut notat Gloss. in l. cit. V. fallens. Ad 3. in casu l. cit. fit specialis exceptio, si cateratio fuit injusta, ut ex textus allegati verbis DD. colligunt: quod si dicere tibi videatur difficile, vim argumenti solves, respondendo promissionem ab incarcerato factam nullius momenti esse, non in se, sed quoad effectum, quia rescindi potest, prout responsio ad 1. habet.

Nec plus probant secundi generis Argumenta. Ad 1. 13 ibi solum statuitur, quod nihil referat, an metum passus sciat, quis metum ipsi intulerit, vel non: & datur ratio, quia *metus habet in se ignorantiam, nempe talem, ut Gloss. ibid. V. ignorantiam* explicat, qua etsi sciat, quid agat, nescit tamen, quis metum intulerit, quod talia fieri soleant de nocte, vel clam, vel in multitudine. Ad 2. Metus, ut iterum Glossa Regulam cit. exponit, contrarius est, & opponitur consensui spontaneo, non autem efficit, ne sit liber, & voluntarius, quod solum Jure naturæ ad valorem contractus requiritur. Ad 3. non omnis, sed tantum ille dolus, qui circa substantiam contractus versatur, contractum vitiatur; quia hic solus consensus tollit: huic igitur metus non æquiparatur, sed illi tantum, qui, salvo consensu circa substantiam, errorem inducit quoad circumstantias, & probabili-



habilitate relinquit actum validum, quamvis rescissioni obnoxium faciat: in quo paritas cum metu est. *Ad 4.* Contractus metu initus parit quidem obligationem in metum passio, sed non sitimam; nam ob injuriam, quam passus est, actionem habet adversus inferentem metum, dummodo hic ex natura sua sit rescindibilis.

*14* Argumenta tertiæ Classis pariter solvi possunt; negatur enim, quod non transferatur dominium rei traditæ in accipientem, quamvis illud infirmum sit, & conjunctum cum obligatione restituendi. *Ad 1.* lucrum inferentis metum exiguum est; vel enim res adhuc est integra, & metum passus eundem, quando impletionem contractus petit, exceptione metus potest repellere; vel integra non est amplius, quod jam traditio facta sit, & eo casu gestorū rescissio, & in integrum restitutio peti potest. *Ad 2.* Actio in rem utilis metu passio conceditur, quia fictione Juris res tradita adhuc censetur in bonis illius esse ex Regula generali, quæ traditur *l. nemo 5. ff. de in integr. restit.* ubi Paulus JCTus, *Nemo*, inquit, *videtur exclusus à re*, vel ea privatus, *quem Prætor in integrum rescissitum pollicetur*: cui concordat *Reg. 15. ff. ubi idem Paulus, 1s*, ait, *qui actionem habet ad rem recuperandam, ipsam rem habere videtur*. *Ad 3.* obligatio restituendi fructus non provenit ex defectu domini, sed est effectus restitutionis in integrum, qua resarci debet omne damnum ex delicto proveniens. *Ad 4.* metu datum adhuc accipitur justo titulo, quia accipitur ex vero contractu, quamvis ob injuriam, qua extortus est, rescindi possit, & datum repeti. *Ad 5.* metu passus rem ita datam potest occultè furripere, quia jus, & actionem habet ad rescindendum contractum, & recuperandam rem metu traditam. *Ad 6.* Negatur sequela; quia ut ex *l. ubi autem 4. §. sed & Marcellus 3. ff. de in diem adject.* colligitur, resolutio jure dantis, resolvitur etiam jus accipientis. atqui per restitutionem in integrum metum passi resolvitur totum jus illius, qui metum intulit, perinde, acti jus nullum unquam habuisset. ergo etiam resolvitur, & cessabit jus creditorum illius, quorum jus ad rem per metum traditam, fundabatur in jure debitoris.

*15* Queritur 3. an, & quisque contractus, metu gravi injustè incusso extorti, validi sint in foro conscientie? Resp. in hoc sunt eatenus validi, ut etsi cum, qui metum passus est, non obligent ad standum contractu, obligent tamen eum, qui metum intulit, si metum passus stare eodem velit. Ita communis. Ratio est, quia metum passio datur. Exceptio adversus eum, qui metum intulit, si iste petat impletionem contractus; hanc autem ille non posset opponere, si in conscientia contractum teneretur implere. ergo ipse in conscientia eo contractum non obligatur. Obligatur autem metum inferens; quia revera liberè, & spontè consensit. Hæc satis certa.

*16* An ita inæqualis sit obligatio etiam casu, quo contractus initus est metu levi, dubium est inter DD. Negant Medin. *C. de restit. q. 3. caus. 9.* Pont. *l. 4. de Matr. c. 10. num. 5.* juxta quos etiam metum passus tali casu obligatur stare contractu in foro conscientie. Movenitur 1. quia metus levis est in potestate patientis, & ab eo repellere facile potest. igitur si non repellatur, actus eo gestus obligabit etiam eum, qui metum passus est, cum *vani timoris justa nulla sit excusatio*, ut habetur *Reg. 184. ff. de R. J. 2.* forum internum conformatur externo, quando istud non innititur præsumptioni falsæ. tali autem non innititur forum externum, quando illi, qui metum levem passus est, actionem, & exceptionem denegat; quia hanc eidem denegat, etiam cognito metu levi. 3. metus levis in foro interno non irritat Matrimonium, ad quod major de Jure libertas requiritur, quam ad alios contractus, & actus. ergo neque istos irritabit.

*17* Sed recedendum non est à paritate cum passis metum gravem, & dicendum, casu, quo metus levis promissionem, vel contractum involuntarium mixtè efficit, eum, qui hunc passus est, non obligari stare contractu, vel promissione. Ita Sylvest. *V. metus q. 12.* Covar. in *Reg. peccatum p. 2. §. 3. n. 7.* Molin. *tr. 2. D. 267. n. 5.* Sanchez. *l. 4. de Matr. D. 9. n. 4.* Lessius *l. 2. de Just. c. 17. num. 46.* Layman *l. 3. tr. 4. c. 6. n. 4.* Zoef. *hic n. 6.* Pirh. *n. 22.* & 38. Schambog. *n. 9.* Vviefstner *n. 26.* & plurimi alii ab his cit. qui omnes eum, qui metum passus est, deobligant

Schmalzgrueber Tom. I.

ab observatione contractus, & si steterit, eum, qui metum intulit, ad restitutionem accepti obstringunt. Ratio est, quia etiam is, qui metu levi extorquet contractum, vel actum, illi, à quo extorquet, injuriam infert. igitur pro illa satisfacere eidem debet: non satisfaciet autem, nisi restituendo rem per talem contractum acceptam, & sic reducendo illum, qui passus metum est, ad statum pristinum. ergo tenebitur restituere: si autem ad hoc tenetur, alter, qui metum passus est, vi contractus etiam implere illum in conscientia non tenebitur. ergo &c.

Neque obstant argumenta opposita in contrarium. *Ad 18* 1. esto, talis metus facile potuisset repelli, & propterea forum externum eundem passio non succurrat, succurret tamen Jus naturale, quod quemlibet, qui injuriam alteri intulit, ad ejusdem remotionem obligat. *Ad 2.* ne quidem in foro externo passus metum levem destituitur omni auxilio; potest enim implorato Judicis officio, petere rescissionem contractus, ut notat Gloss. *inc. 6. V. metum h. tit.* cum communi DD. *Ad 3.* quod Matrimonium metu levi extortum utrumque contrahentem obliget, ex eo oritur, quod contrahi nequeat, ita, ut unum duntaxat obliget absolutè, alterius autem arbitrio relinquat, an velit stare contractu; ita autem iniri possunt contractus reliqui, & defacto ineuntur, quando ex causa metus, vel doli una ex parte claudicant.

Queritur 4. quinam actus, & contractus ob metum gravem injustè incussum ex dispositione Juris omnino sint irriti? Resp. tales complures enumerantur.

1 Contractus Matrimonii; quia hunc ad evitanda mala, quæ Matrimonia coacta post sese trahunt, SS. Canones volunt non tantum voluntarium, sed etiam spontaneum esse *c. cum locum 14. & c. seq. de sponsal. & matrim.* Quod multi etiam extendunt ad Sponsalia coacta metu: de quo videbimus *L. 4. tit. 1. à n. 426.*

2 Professio Religiosa *c. per latum 1. h. tit.* & hujus argumento Vota simplicia Scholasticorum, & Coadjutorum in Societate JESU; quia sunt Matrimonium quoddam spirituale, & non minus, quam Matrimonium carnale, inducunt Statum ex se perpetuum. Plura de his *l. 3. tit. 31. à n. 173.*

3 Constitutio Procuratoris ad contrahendum Matrimonium *arg. c. 14. & seq. cit.* Ratio est, quia Principalis per Procuratorem non alio consensu contrahit Matrimonium, quam quo Procuratorem ad illud contrahendum constituit; igitur eandem libertatem exigit hujus constitutio, quam exigit Matrimonii ipsius Contractus.

4 Promissio, & constitutio dotis *l. si mulier 21. §. si dos 3. ff. h. tit.* ubi Paulus JCTus, *Si dos*, inquit, *metu promissa sit, non puto nasci obligationem*; quia est verissimum, nec talem promissionem dotis ullam esse. Vide Sanchez. *l. 4. de Matrim. D. 22. nu. 23.* ubi sententiæ istius plura fundamenta affert.

5 Promissio, & traditio rerum Ecclesiæ *can. si quandoque 1. caus. 15. q. 6. & ibi Gloss. V. per metum.* Ratio est, quia talium rerum alienatio non valet, nisi accedat justa causa, & solemnitates præscriptæ. ergo multo minus valebit, si metu facta sit. Procceditque hoc, etsi sic facta alienatio esset Juramento stabilita de ita traditis non repetendis, ut statuitur *c. pervenit 2. de Jurejur.*

6 Absolutio à Censura, & revocatio sententiæ Censuræ cujusque, incurrendæ etiam sub conditione primùm futura *c. un. h. tit. in 6.* ibi omnino viribus vacuumus. Estque hoc ita verum, ut non solum non liberetur à Censura sic absolutus, sed novam etiam ipso facto incurrat, ut *ibidem* dicitur, & notat Gloss. *V. excommunicationis* cum aliis.

7 Quæ geruntur per injustè detentum in carcere cum ipso detentore *l. qui in carcerem 22. ff. h. tit.* Abb. *inc. 2. n. 19.* hic, contra Bartolum, quem citat, & sequitur Pirh. *n. 36.* putans, ita gesta mero Jure esse valida, sed rescindenda.

8 Collatio Jurisdictionis, & ejus prorogatio *l. consensisse 2. ff. de judic. & notat Gloss. ibid. V. nulla Jurisdictio*, Abb. *l. cit. n. 12.* Contrarium cum aliis tenent Pal. *tr. 2. D. 1. p. 9. n. 6.* de quo *l. 2. tit. infra.*

9 Renuntiatio Beneficii Ecclesiastici: sed hoc jam negavi *supra Tit. 9. n. 4.*

10 Testamentum: de quo *l. 3. tit. 26. n. 11. & seqq.* ex instituto plura, ubi etiam de Testibus Testamentariis, metu compulsis, ut consecrationi ejusdem adfint.



11 Præstatio Autoritatis Tutoriæ l. *quoniam* 1. §. *tutor* 1. & l. *situtor* 17. ff. de *Autor. tutor.* Multi tamen l. 1. cit. explicant de casu, quo Tutor tantum præsens esse cogitur, & non consentit: ubi non ob metum, sed ob defectum consensus nullus est actus.

12 Dario Libertatis l. 9. & l. 13. ff. *qui, & à quibus &c.* & ratio est, quia adversus libertatem nulla est restitutio §. *si is* 5. *Inst. de eo, cui libert. caus. &c.* Plura alibi passim.

Dubium, quod hic examinari debet, est de Voto simpliciter, si hoc metu extortum sit: de quo proinde.

Quæritur 5. an sicut Professio Religiosa, & Vota simplicia, quæ Religiosum constituunt, sunt ipso Jure irrita, si metu gravi emissa sint, ita etiam ipso Jure irrita sint Vota alia, quæ tali metu sunt extorta? Affirmant Gloss. in c. 2. *V. coactus in fin. h. tit.* Abb. *ibid. n. 11.* Sanch. l. 4. *mor. c. 3. n. 12.* Less. l. 2. *de Just. c. 40. num. 14. & seq.* Gonzal. in c. 6. *h. tit. n. 10.* Zoel. *hic n. 7.* Pirh. n. 27. qui addit, id colligi ex traditione perpetua, omnium ferè DD. consensu comprobata. Fundatur 1. textu c. *perlatum* 1. *h. tit.* ubi Voti metu emissi nullitas supponitur, non obscuro indicio, id ipso Jure, & quidem naturali irritum esse. 2. *cum dilectus* 6. *h. tit.* ubi Canonici ad observantiam Voti cum juramento editi compelluntur ex ratione, quod ejus observantia non vergat in dispendium salutis, & ad-vovendum, ac jurandum non sint gravi metu compulsi, igitur argumento ducto à sensu contrario, si metus gravis intervenisset, ad observantiam voti sui non potuissent compelli. 3. *ratione*; quia Deus coacta vota non acceptat; *voluntarium enim militem*, non coactum, *sibi eligit Christus*, ut dicitur *can. non est* 10. *caus. 15. q. 1.* & notat Gloss. in c. 2. *h. tit. V. coactus.* 4. si Deus acceptaret Vota metu extorta, ipsam injuriam videretur approbare. 5. imò, si hujusmodi Votum esset de ingredienda Religione, vovens teneretur ad actum ipso Jure nullum, sc. ad ingressum Religionis, & Professionem Religiosam, quæ nisi spontanea sit, ipso Jure nulla est, ut dictum *num. præc.*

21 Verum his non obstantibus, dicendum, probabilius ejusmodi Vota mero Jure valida esse, licet relaxari metu probato, possint. Ita Sylv. *V. Votum* 2. q. 12. Suar. l. 1. *de Vot. c. 8. an. 4.* Pal. *tr. 15. D. 1. p. 5. n. 13.* Perez de *Matrimon. D. 17. sect. 12. n. 13.* Vviesn. *hic num. 44.* & alii ab his *citt.* Ratio est, quia nullitas, & irritatio actus Jure naturæ validi est odiosa, cum Jus memoratum corrigat; ac proinde non statuenda sine claro Jutis textu, aut urgente ratione. atqui nullus ejusmodi textus, aut ratio datur, quæ nullitatem Voti metu extorti probet. ergo &c.

Argumenta contraria non evincunt intentum. *Ad 1.* in textu c. 1. cit. aperte sermo est de Professione Religiosa: ac proinde Constitutio illius, utpote irritans, quod secundum Jus naturale validum est, ad cætera Vota extendi non debet. *Ad 2.* ibi, ut ex historia c. *cum dilectus* cit. à Gonzalez relata constat, emissa est Professio Religiosa: & esto, emissum sit Votum simplex, ex eo textu plus non sequitur, quàm quod Votum metu gravi extortum relaxari possit, & ideo vovens ad observantiam ejus compelli nequeat. *Ad 3.* etiam metu voventes, licet secundum quid involuntariè, simpliciter tamen, & absolutè loquendo voluntariè vovent, instar ejus, qui votum facit ex metu naufragii. *Ad 4.* Deus acceptando ejusmodi Votum non approbat injuriam merum inferentis, sed hanc punit, & propterea relaxationem ejus à se acceptati permittit. *Ad 5.* etsi Votum hoc ob datam rationem Suar. *numer. 10.* & Pal. *numer. 14. l. cit.* excipiant, idem tamen de hoc, quod de aliis Votis dicendum videtur, & dicendum, quod Votum istud ad Professionem Religiosam non obliget, dum metus urget, sed hoc cessante emittendam.

22 Quæritur 6. an is, qui metu gravi coactus aliquid promissit, vel alicui Juri renuntiavit, e. g. Electioni ad Beneficium, teneatur stare promissione vel contractu, sic metu facto, si id, quod metu sic factum est, proprio Juramento confirmavit? Resp. si sine dispendio salutis æternæ Juramentum ejusmodi servare possit, eo obligatur, ita, ut ipsi nec Actio, nec Exceptio metus competat, antequam Juramentum hoc relaxetur. Sumitur ex c. *ad aures* 3. *h. tit.* & ratio generalis est, quia omne Juramentum, quod sine dispendio salutis æternæ servari potest, etiam servari debet.

Potest autem Relaxatio talis juramenti peti, & concedi à Superiore, & Judice Ordinario, etiam si factum esset in gratiam, & utilitatem alicujus tertii; quia hic ex promissione metu gravi extorta jus, firmiter saltem, non acquisivit. Imò tamen non petatur relaxatio Juramenti, Judex ex officio relaxare illud potest, & eum, qui metum passus est, in pristinum statum restituere, ut rectè Gloss. *fin. in c. h. tit.*

Dubium est, an relaxari à Superiore Papa inferiore possit Juramentum, ad quod aliquis inductus est per metum levem injustè incussum? Videtur respondendum negativè, quod colligi quidam putant ex c. *cum dilectus* 6. *h. tit.* & c. *si vero* 8. *de jurejur.* quibus textibus ponderatur, & attenditur, an metus sit gravis, & cadens in virum constantem, ut concedatur absolutio à Juramento: quod confirmatur ex l. *metum* 5. ff. *h. tit.* ubi non quivis timor, sed *majoris malitatis* pro Metu accipiendus dicitur.

Sed dicendum, etiam Juramentum, quod metu levi extortum est, relaxari à Superiore posse, saltem quando is, cui promissio jurata facta est, metum hunc ipse incussit. Ita Covar. in *Reg. peccatum* p. 2. §. 3. n. 7. Lessius l. 2. *de Just. c. 17. num. 46.* Layman in c. 6. *cit. n. 4.* Pirhing *hic n. 22.* & plures alii ab his *citt.* estque communis DD. Ratio est, quia per relaxationem talis Juramenti nulla fit injuria promissario injusto, quippe qui hujusmodi promissione, etiam jurata, non acquisivit jus efficax, sed restituere in integrum tenetur læsum etiam ante sententiam, ut dictum est *num. 17.* *Conf.* nam etiam, quando adest metus solummodo levis, adest turpitudine ex parte accipientis; talia autem Juramenta, quæ turpitudinem ex parte accipientis continent, relaxari à Superiore possunt, ergo &c.

*Ad Argumentum contrarium* textibus *citt.* inspicitur, an metus sit gravis, an verò levis, ut appareat, an metus causaverit involuntarium; quia tale præsumitur, si metus gravis sit; secus, si levis. *Ad Conf.* ibi sermo est de metu, cui succurritur remedio Prætorio, qui tantum gravis est.

### §. III.

*De Rescissione Actuum Metu gestorum, & hujus Probatione.*

### S U M M A R I U M.

- 24 25. *Adversus metum datur Actio, & Exceptio.*
- 26 *Requisita, ut quis remedio isto gaudeat.*
- 27 28. 29. *Restituendus est metum passus, etsi alio fine incussus fuerit, quàm ad extorquendum Contractum, vel Actum.*
- 30 *Item etsi non is, quocum gestus est actus, sed alius tertius eundem incusserit.*
- 31 *Et sufficit etiam, quod processerit ex materiali injuria.*
- 32 *Et minis sine animo exequendi intentatis.*
- 33 *Probatio metus.*
- 34 *Cui Juramentum ad supplementum probationis deferri debeat?*
- 35 *Quibus testibus magis credendum, an deponentibus de metu illato, an de libertate actus?*

24 Quæritur 1. quomodo succurratur illi, qui metu gravi ad aliquem actum, vel contractum celebrandum impulsus est: Resp. cum distinctione: Vel enim actus metu extortus est ipso Jure nullus, vel primum per sententiam irritandus. *Si primum*, sufficit probari ejus nullitatem; nam hac probata, & per sententiam Judicis declarata, repetitur, ac restituitur, quod ex eo datum est, aut acceptum. *Si secundum*, iterum distinguendum est, an Contractus, v. g. Donatio, aut Venditio metu extorta traditione rei jam sit impleta, an nondum impleta. *Si nondum impleta est*, metum passus eum, qui metum intulit, si contractus impletionem petat, repellere potest Exceptione quod *metus causa*: quod si fiat in iudicio, sufficit probari metum; nam hoc probato, à Judice absolvitur metum passus, ne cogatur contractum implere. Gloss. in c. 2. *V. coactus h. tit.* Ratio est, qui metum passus, si per rei traditionem impletus contractus sit, datur actio, ut mox dicetur. igitur multo magis Exceptio dari



dari eidem debet; nam cui damus actiones. eidem & Exceptionem competere multo magis quis dixerit, ut habeatur *l. in viis* 156. §. cui 1. ff. de R. J. cum majori æquitate nitatur Exceptio, quam actio *l. qui aequitate* 12. ff. de dol. mal. & met. except. quæ causa est, ut sæpe, cui actio denegatur, eidem concedatur Exceptio *c. cum inter* 5. de Except.

At si contractus sit traditione rei perfectus, metum passus conceditur Actio, qua petere à Judice potest, ut rescindatur contractus, & res tradita sibi restituatur cum fructibus, non tantum illis, quos percepit metum inferens, sed etiam quos metum passus percepturus erat, si res metu extorta non fuisset *l. sed & 12. in princ. ff. h. tit.* & ratio est, quia metum passus restitui debet in eum omnino statum, in quo fuisset, si metum passus non esset: quod non fieret, nisi cum perceptis restituerentur etiam fructus percipiendi, ergo &c. Competit actio ista metum passus non tantum contra eum, qui metum intulit, sed etiam contra illum, ad quem metu extorta pervenerunt *l. item 14. §. in hac 3. ff. & l. interest. 5. C. h. tit.* Neque opus est, ut ostendat, quis ipsi metum intulerit, sed sufficit, si probaverit, rem à se metu extortam esse, & ad eum, qui convenitur, devenisse; quia ut *l. item cit. §. in hac 3.* dicitur, metus iustam in se habet ignorantia causam. Instituire autem actionem istam metum passus, quando liberit, potest, cum hoc tamen discrimine, ut si intra annum utilem eandem instituerit, & reus conventus, postquam restituere iustus est, in mora fuerit, accusata contumacia ejusdem, iste sit condemnandus in quadruplum, qui, si post annum primum conveniatur, vel intra annum quidem, sed contumacia, abfuerit, solum condemnari potest in simplum. §. *item actio 27. Inst. de action. l. item sicut. §. hac autem 4. 9. & 10. ff. h. tit.* Sed de his plura Legistæ.

Quæritur 2. quid requiratur, ut metum passus succurratur per Actionem, & Exceptionem *Quod metus causa?* Resp. 1. requiritur, ut eo contractu, vel actu læsus sit, & damnum inde acceperit *l. sed & partus 12. §. fin. ff. h. tit.* Ratio est, quia restitutio in integrum, quæ per hanc actionem petitur, læsionem supponit. Hinc ex causa metus rescindi non potest Baptismus, & Ordo ita susceptus; quia horum collatio nullam continet læsionem, præsertim in sententia illorum, qui sic ordinatum ab obligatione Cælibatus absolvunt. Engl. *hic n. 10. 2.* ut metus, quem passus est, sit iustus, gravis, & probabilis: talis erit, si habeat conditiones *num. 3.* requisitas. 3. ut idem metus sit præsens, & iusta illius causa; non enim sufficit aliqua tantum suspicio futuri, seu inferendi metus, nisi & ipsa sit iusta, atque probabilis; tunc enim & ipsa sufficit *l. novissime 7. §. semper 1. ff. quod fals. tutor. author. ibi si compulsus, aut metu, ne compelleretur &c. 4.* ut si ab extrinseco, & quidem injustè illatus; quia rescissioni causam dat sola injuria. 5. secundum aliquos, ut metus illatus sit eo fine, ut res ejusmodi fiat: quod tamen controversum est; & hinc.

Dubium est 1. an rescissioni obnoxius sit actus, vel contractus, qui gravi metu injustè quidem, sed alio fine, quam ad illum extorquendum incusso, obrentus est? Negant Covar. *de sponsal. p. 2. c. 3. §. 4. n. 25.* Sanchez *l. 4. de matr. D. 12. n. 11.* Lessius *l. 2. de Just. c. 17. nu. 40.* Perez de Marr. *D. 17. f. 9. n. 3.* & hoc teste communissima aliorum. Fundantur 1. quia hujusmodi Contractus, & Actus subsistunt Jure naturali, cum absolute voluntarii, & liberi sint: & positivo Jure non irritantur, sed potius confirmantur, de Jure Canonico saltem *c. sicut nobis 17. de Regular.* ubi aperte pro valida, & firma habetur Professio Religiosa, edita metu mortis, quæ immineere credebatur, vitandæ. 2. quia licet in metus intentione intervenerit injuria, ratione cujus actus metu gesti aliàs rescinduntur, non tamen illa intervenit in ipso contractu, vel actu, quippe quem metum passus, nemine cogente, ipse sibi elegit, tanquam medium se liberandi à malo, vel incommodo, alio fine sibi intentato. 3. quia aliàs invalida, & rescissioni obnoxia etiam esset donatio in casu, quo Titius mortem intentat Cajo, Cajus autem equum, quem desiderat Mævius, huic donat cum onere, ut ipsum liberet à morte sibi intentata per Titium: quæ tamen donatio juxta omnes valida, & firma est, idè præcisè, quia alio fine metus illatus est, quam ad extorquendam donationem.

Sed dicendum, probabilius hujusmodi actus, & con-

tractus esse rescissioni obnoxios. Ita Palatius *in 4. dist. 29. D. un. ad fin. §. nono.* Veracrux *Specul. p. 1. a. 85. §. clarissime.* Lug. *de Jur. & Just. D. 22. n. 175.* quos citat, & sequitur Colendissimus Professor, & Antecessor meus P. Jacobus Vviesner *hic nu. 35.* Probatur 1. quia idem metus, qui Religionis ingressum, & Professionem irritat, etiam alios actus, qui rescindi possunt, ex Edicto Prætoris *l. ait Prætor 1. in princ. ff. h. tit.* rescissioni obnoxios reddit, atqui metus gravis injustè, quamvis non ad extorquendum illum, incussus irritat ingressum Religionis, & ejus Professionem, ut habetur *c. perlatum 1. h. tit.* ergo. &c. 2. per *l. nec timorem 7. §. proinde 1. ff. h. tit.* promissionis rescissione succurritur ei, qui in flagitio deprehensus ex mortis, vel alterius mali non jure, sive injustè inferendi metu aliquid dederit, vel se obligavit, licet metus non sit incussus eo fine, ut extorqueretur ejusmodi promissio, vel obligatio, ergo nihil interest, quo fine incussus fuerit, sed sufficit, si incussus fuerit injustè. 3. Metu gravi injustè, quamvis alio fine, quam ad extorquendum contractum, incusso eum passus gravis injuria illata est; igitur Jure naturali is, qui metum intulit, remove eandem debet, & damnum rescindere; melius autem hoc fieri nequit, quam rescissione ejus, quod metu gestum est, ergo pati hanc debet, & restituere sic acceptum.

Neque obstant Argumenta opposita. Ad 1. patet ex modò dictis, rescissionem sic gestorum concedi textibus utriusque Juris. Quod additur ex *c. sicut cit.* non est ad rem; quia metus, qui ibi illatus fuit, non fuit illatus injustè, cum provenerit ex causa intrinseca, & necessaria, videlicet nimia ægritudine, ut ibidem dicitur. Ad 2. fundamentum, quare permittatur rescissio metu gestorum, est obligatio reparandi injuriam metu incusione illatam, ad quam obligationem perinde est, sive metus illatus fuerit directè ad extorquendum contractum, vel actum, sive alio fine. Ad 3. sententia nostra etiam in casu dato procedit, si defensionem Titio Mævius debuit ex Justitia, & huic Titius equum donavit ex metu iusto, aliàs negandæ sibi defensionis: secus, si tantum debuit ex Caritate; nam hoc casu tantum fuit compensatio defensionis præstitæ, quæ sine injuria denegari poterat.

Dub. 2. an infirmi, & rescissioni obnoxii sint contractus, & actus gesti metu gravi, quem incussit non is, cum quo gesti sunt, sed alius tertius? Ratio dubitandi sumitur à paritate cum contractibus, vel actibus dolo initis, qui ad instantiam dolo circumscripti non rescinduntur, si hujus causa fuit alius tertius, sed decepto duntaxat actio de dolo datur adversus deceptorem *l. & eleganter 7. §. si dolo 9. ff. de dolo.*

Sed adhuc tenenda est affirmativa sententia, sc. etiam hoc casu regulariter rescissioni esse locum. Ita habetur clarè *l. item si 14. §. in hac 3. ff. h. tit.* ubi Ulpianus, *in hac actione*, inquit, *non queritur, utrum is, qui convenitur, an alius metum fecit; sufficit enim hoc docere, metum sibi illatum, vel vim, & ex hac eum, qui convenitur, etsi crimine caret, lucrum tamen sensisse.* Confirmatur ex *c. veniens 15. de sponsal.* ubi metum intulere soli parentes alterius contrahentium, & tamen Matrimonium eo extortum irritum fuit. Dixi regulariter; excipitur enim, nisi alio ex capite justificetur actus, prout justificatur in casu allato *n. prac. Resp. ad object. 3.*

Ad rationem dubitanti negatur paritas; nam qui dolo deceptus contrahit; in rei substantiam, modò istam non afficiat, haud repugnanter consentit; consentit autem repugnans, qui metu gravi injustè illato consensit.

Dub. 3. an rescissioni obnoxius sit contractus, vel alius actus, extortus metu mortis iustè quidem secundum allegata, & probata, re ipsa autem, & materialiter injustè, quia innocenti inferendæ? Negat Veracrux *Spec. p. 1. a. 8. fin. dub. 3. §. clarissime*, quem citat, & sequitur Sanchez, *l. 4. de matrim. D. 13. nu. 8.* ex ratione, quia hujusmodi metu non fit injuria.

Sed verosimilior est affirmativa sententia quam etiam defendit Palao *tr. 2. D. 1. p. 11. n. 3.* Pontius *l. 4. c. 19. n. 8. P. Vviesner hic n. 37.* Ratio est, quia metus iste, licet iustus sit ex parte inferentis illum, est tamen injustus ex parte eundem patientis, & materialis injuria: quod ad rescindendum contractum sufficit; aliàs validum esset matrimonium, quod deprehensus in fornicatione cum filia contrahit, à parte istius metu mortis



tis compulsus, quam iste ex ignorantia inculpabili putabat se jure illi inferre posse: quam sequelam tamen nemo concedet facile.

- 32 Dub. 4. an si quis minetur alteri grave malum, e. g. quod velit ipsum accusare, sine animo tamen id inferendi, id, quod ita fictis minis extorquet ab altero; subsistat? Resp. cum distinctione: Vel enim malum istud potuit inferre jure, an solum injuria.

*Si hoc secundum*, contractus tali metu obtentus rescindi potest; quia, ut rectè advertit. P. Vviest. *hic nu.* 38. metum proximè causat non ipsum malum, sed ejus inferendi apprehensio, quæ in casu dato eadem est, quæ fuisset, si minas intentans revera animum habuisset malum id infligendi.

*Si primum*, volunt aliqui, etiam tunc rescindi contractum posse, non quidem præcisè ratione metus, cum hic injustus non sit; sed ratione doli, qui simulata gravis mali comminatione committitur. Melius tamen cum Palao, & aliis negatur; quia dolus iste sine injuria est, quæ sola fundamentum est rescissionis.

- 33 Quæritur 3. an, & quomodo probari debeat Metus, & Vis illata, ut ita læso succurri possit à Judice per rescissionem contractus, vel actus metu gestii? Resp. non sufficit allegari metum, sed probari etiam ab allegante debet; quia ejus illatio quid facti, & delictum est; factum autem, & præsertim delictum commissum non præsumitur, sed probandum est *l. merito* 51. ff. pro Socio, & *l. in bello* 12. §. facti 2. ff. de captiv. & postlim. revers.

Probari autem potest per testes *c. fin. h. tit.* etiam domesticos, & familiares, si alii haberi nequeant. Sabell. *in Summ. V. metus num.* 2. & 5. Quod si testes nulli haberi possint, probari etiam poterit per indicia, quæ violentam præsumptionem inducant. Abb. *in c. fin. cit. nu.* 2. Si indicia ista plenam probationem non faciant, aut testis habeatur unicus tantum, & res sit modici præjudicii, probatio compleri poterit per Juramentum partis juxta ea, quæ habentur *c. fin. de Jurejur.* Quod ubi factum fuerit, Index actum ejusmodi quasi metu extortum, vel declarabit irritum, vel rescindet P. Vviestner. *hic num.* 60.

- 34 Dub. 1. cui Juramentum deferri debeat ad probationem metus? Resp. debet deferri parti, contra quam querela est, non verò ipsi conquerenti; quia nemo in causa propria testis esse potest, ubi liquidæ probationes petuntur. *Major difficultas est*, quando probato metu, & violentia, dubitatur de quantitate damni per violentiam, & metum illati. Quo casu primo intuitu videtur iterum non actori, sed reo Juramentum deferri debere ex ratione mox allata, quia nemo in causa sua Index, aut testis idoneus est *l. un. C. ne quis in sua causa* & *c. l. nullus* 10. ff. & *C. de testib.* quod fieret, si juramentum deferretur actori; quia secundum hoc liti imponeretur finis. *Conf.* quia absurdum est, cum quis aliam probationem desperavit, tum demum ad Jurisjurandi religionem convolare, ut dicitur *l. si quis* 11. in princ. ff. de rebus credit. convolare ad istam actor posset, si juramento probare quantitatem damni illati posset. ergo &c.

Verum his non obstantibus, dicendum, Juramentum ad probationem quantitatis damni posse deferri Actori de metu, aut violentia conquerenti, prævia tamen taxatione, Judicis. Patet ex *c. fin. h. tit. l. si quando* 9. C. unde vi, & *Auth. post jusjurandum C. de judic.* quod æquissimè constitutum est; quia sic contra facinorosorum hominum improbitatem consulitur tum tranquillitati publicæ, tum indemnitati privatorum, qui aliàs in hujusmodi casibus probationis inopia damnum irreparabile sustinere deberent.

Ad Argumentum in contrarium allatum patet ex dictis; nam ipsa violentiæ notorietas, & probatio, odiumque spoliationis, & spoliati miseratio justissimam causam præbet admissioni ad juramentum, ne delictum maneat impunitum, & innocens probationis inopia damnum in rebus suis pari debeat. *Ad Conf.* præsumptio illa, quæ ex notorietate, & probatione violentiæ oritur, alterius probationis, & adminiculi loco est, igitur sicut ille, qui intentionem, vel exceptionem suam semiplenè probavit, ad juramentum præstandum admittitur, ita etiam admitti debet, qui vim passus est, & hoc probavit, ut jurare super quantitate damni, Judicis taxatione ad æquitatem reducta, possit.

Dub. 2. an si duo testes deponant de metu incusso, alii totidem, vel plures testentur non fuisse illatum, his, vel illis credendum in judicio sit? Primis credendum, etsi mille testarentur non fuisse incussum, docet Innocent. *in c. super hoc* 5. de renuntiati. & alii complures apud Mascard. *Vol.* 3. de probat. concl. 1058. num. 1. Rationem dant, quia deponentes de spontanea voluntate, deponunt de actu interno, & invisibili, qui soli Deo est notus; ii verò, qui deponunt de metu, testificantur de actu externo, & sensibus perceptibili, nempe de minis, dura tractatione &c. atqui potiùs adhibenda fides est testibus, duobus omni exceptione majoribus, qui deponunt de re cognitioni suæ subjecta. quàm aliis, etiam pluribus, qui deponunt de re, à sensibus, & cognitione ipsorum remota. ergo &c.

Difficultas solvi distinctione potest: Vel enim testes, dicentes actum esse liberè factum, simpliciter, & tantum testantur, eum liberè, & spontè factum esse, vel simul testantur, non fuisse illatam vim, aut coactionem eo modo, loco, & tempore, quo testes contrarii affirmant illatam esse. *Si primum*, præferri debebunt ii, qui deponunt de metu, & coactione, certo modo, loco, & tempore facta, ut rectè probat allata ratio. *Si secundum*, credendum est iis, qui deponunt pro libertate actus; quia deponunt de re subjecta sensibus: idque verum est non tantum, si plures, sed etiam si pares sint numero, & dignitate cum oppositis testibus. Ratio est, quia cum cætera paria sunt, potiùs credendum est testibus, quorum depositiones delictum excludunt, cum istud in dubio non præsumatur.

## T I T U L U S X L I .

### De in integrum restitutione.

POST restitutionem adversus gesta per metum, modò disserendum de *in integrum restitutione* in genere; latius enim Beneficium istud patet. Hinc sit.

#### §. I.

#### De Natura hujus Restitutionis, & conditionibus ad eam requisitis.

### S U M M A R I U M .

- 1 *Definitio restitutionis in integrum.*
- 2 *Requisita, ut concedi possit.*
- 3 *A quo debeat læsio esse facta?*
- 4 *Quanta esse debeat?*
- 5 *An etiam concedatur, quando læsio contigit infra dimidium?*
- 6 *An si supra dimidium.*
- 7 *An si alius pretium majus offerat?*

Quæritur 1. quid sit *Restitutio in integrum*? Resp. Est i remedium extraordinarium à Prætoribus introductum, quo læsi in eum statum, in quo ante læsionem fuerunt, iusta, & probabili de causa per officium Judicis reducuntur *l. utilitas* 1. & *duab. seqq. ff. h. tit.* & tradunt communiter DD.

Differt 1. ab *appellatione*; quia hæc fieri duntaxat potest ad superiorem Judicem; illa verò etiam ab eodem Judice, qui sententiam tulit, peti potest.

2 à *Supplicatione*? quia isti locus est tantum casu, quo ob eminentiam personæ judicantis appellatio denegatur; Restitutio verò regulariter fieri potest à Judice quocunque Jurisdictionem, & administrationem habente.

3 à *reductione ad arbitrium boni viri*: quia hæc ante lapsum 30. annorum non expirat? Restitutio contra nostra quadriennium non porrigitur.

4 à *Revissione*; quia ista per publicas Imperii Leges passim conceditur omnibus, qui ob defectum appellationis gravati, priora acta inspicere, & reformari gravamen petunt; at Restitutio pendet potiùs ab arbitrio Judicis, & quia ex singulari æquitate introducta est, pro diversis circumstantiis denegari, vel indulgeri potest.

5 à *Remedio Syndicatus*: quia in hoc non arguitur simplex culpa, sed dolus Judicis, saltem juxta Ordinationem Cameræ Imperialis p. 3. tit. 53. §. ob sich abet: at restitutio peti potest, etiam cum sine dolo, & culpa Judicis



dicis læsus quis est: quæ omnia fusiùs exequitur Magnif. D. Verlohner *Semicent. q. 23. à n. 5.*

Quæritur 2. quid requiratur, ut læsus ex Contractu, vel alio Actu restitui in integrum debeat? Resp. 1. requiritur, ut negotium, ex quo restitutio petitur, sit negotium civile; nam in criminalibus, & delictis Restitutio denegatur *l. criminibus 1. C. si advers. delict.* ubi ratio datur; quia *malorum mores infirmitas animi non excusat.*

2 Ut Contractus ille, vel actus sit validus; nam si invalidus sit ipso Jure, non est locus beneficio restitutionis in integrum, ut habetur *l. in causa 16. princ. & §. & generaliter 3. ff. de minor.* Ratio est, quia remedium restitutionis rescissorium est, conf. valorem supponit. Accedit, quia tali alienatione læsus competit remedium ordinarium, seu via nullitatis. atqui remedium ordinarium habenti non competit extraordinarium, nisi sit pinguis; quia in subsidium, & defectum ordinarii solum conceditur *arg. §. & generaliter cit. ergo &c.*

3 Ut qui restitutionem petit, non solum læsus sit tali contractu, vel actu, sed etiam ut de læsione manifestè constet, vel illa legitimè probetur in judicio per testes, vel alia legitima documenta. Abb. *in c. 1. h. tit. n. 2.* Ratio est, quia si illi, quibus beneficium restitutionis in integrum competit, ita restituerentur, etiam si læsi non essent, vel læsio non sufficienter probata, nemo facilè cum ejusmodi personis vellet contrahere, magno commercii publici, & privato ipsorummet restituendorum damno *l. quod si minor 24. ff. de minor.*

4 Ut læsio hæc non sit tantum modica, sed notabilis; aliàs restitutio in integrum non datur *l. scio 4. ff. h. tit. Abb. l. cit. & communiter DD. alii.* Ratio est, quia hoc remedium Prætorium est, ubi procedit vulgare illud: *De modicis non curat Prætor.* Alia ratio est in iis, quæ conceduntur secundum Jus commune. nam ibi modici etiam damni habetur ratio, ut colligitur ex *l. si proprietarius 22. in princ. vers. Eadem erunt ff. de damn. infect.*

5 Ut læsio ista non quocunque modo contigerit, sed vel culpa aliqua Adversarii saltem præsumpta, vel inconsculta facilitate læsi, vel Procuratoris, aut Administratoris negligentia, aut ignorantia, nam si præcisè casu aliquo fortuito damnum contigerit, ut cum res empta incendio petiit, tunc ipsa æquitate dictante, restitutio non procedit; alioquin cum minore, vel Ecclesia contrahens nunquam esse securus posset, quantamcunque diligentiam adhiberet *l. verum 11. §. item non 4. ff. de minor.*

6 Denique, ut quod validè, & cum notabili læsione actum est, rescindibile sit; quia frustra laboraretur in rescindendo negotio, quod rescissionem non patitur: tale est Matrimonium, susceptio SS. ordinum &c.

Quæritur 3. à quo debeat esse læsus minor, vel Ecclesia, ut ipsi restitutio in integrum competat? Resp. perinde est, sive læsio propria ipsorum negligentia acciderit, sive culpa Tutoris, Administratoris Procuratoris &c. cum *venissent 2. h. tit. & l. tutor 47. in princ. ff. de minor.*

Neque obstat, quod hoc secundo casu Minori, & Ecclesiæ læsæ competat aliud remedium ordinarium, scilicet actio ad interesse, quam instituere potest adversus Tutorem, Prælatum, Procuratorem, cujus ignorantia, vel culpa læsio accidit; conf. non videatur competere restitutio in integrum, quæ cum sit remedium extraordinarium cum ordinario non concutrit. Nam contra pugnat apertus textus *l. etiam 3. C. si tut. vel Curat. intervener.* ubi utrumque remedium eidem conceditur, ut adeo in optione ipsorum sit, quonam ex illis uti voluerint.

Ad axioma illud, quod remedium extraordinarium cum Ordinario non concurrat, jam adjecta est *num præc. clausula nisi extraordinarium sit pinguius, & magis proficuum ordinario;* nam hoc si fiat, omisso ordinario, ad extraordinarium recurri potest. Accedit, quia hoc nostro casu contra diversos, & ad diversa tendunt; conf. æquum non est ob Prætoris favorem destitui favore, qui omnibus à Jure communi indultus est.

Quæritur 4. qualis læsio esse debeat, ut Restitutio in integrum peti possit? Resp. non requiri enormem, modicam tamen non sufficere, sed regulariter requiri, & sufficere, si sit mediocris læsio, seu talis, quæ spectata qualitate Contractus, & contrahentium conditione, prudentis arbitrio gravis, & notabilis est. Ita Abb. *in c. 1. h. tit. n. 8.* Covar. *l. 1. var. c. 3. n. 11.* Menoch. *de*

*arbitr. cas. 74. n. 4.* Vallens. *hic §. 1. n. 4.* Pirhing *n. 4.* Vviestner *n. 6.*

Dixi 1. non requiri læsionem enormem; quia si ex hac tantum restitueretur minor, vel Ecclesia, non satis iisdem cautum esset, cum plerumque sæpius contingat læsio mediocris, quam enormis.

Dixi 2. non sufficere modicam ob rationem *num. 2. requisit. 4.* allatam: quæ confirmatur, quia propositum restitutionis auxilium adinventum est ob utilitatem minorum, & eorum, qui privilegio minorum gaudent. atqui si restituerentur in integrum etiam prætextu læsionis minimæ, remedium hoc non in utilitatem, sed in detrimentum illorum cederet; quia nemo facilè cum iisdem contraheret, utpote quos sciret ob læsionem etiam minimam restituendos.

Dixi 3. regulariter requiri, & sufficere, si læsio sit mediocris &c. quod respectivè accipiendum, non absolute; nam quæ læsio levis est respectu divitis, gravis esse potest respectu pauperis: item si prædium, cujus justum pretium sunt 100. fl. vendatur 980. vel 950. fl. conscribitur læsio modica? magna autem censetur, si prædium valens 100. vendatur nonaginta. Molin. *tr. 2. de J. & J. D. 573. numer. 9.*

Quæritur 5. an casu, quo læsio solum facta est in quantitate pretii, & infra dimidium, læsus minor, vel alius, qui beneficium restitutionis aliàs habet, petere possit rescissionem contractus, vel tantum supplementum pretii? Hoc secundum petere duntaxat posse existimat Abbas *in c. 8. h. tit. n. 10.* Covar. *l. 1. var. c. 3. n. 14.* Molina *tr. 2. D. 573. n. 12.* Lessius *l. 2. de Just. c. 17. n. 63.* Layman *l. 3. tr. 4. c. 11. n. 1.* Pirhing *hic n. 17.* Fundantur 1. textu *l. si res 12. §. si mulier 1. ff. de jur. dot.* ubi in casu, quo mulier in æstimatione servi circumventa est à marito, in hujus arbitrio relinquitur, an justam æstimationem, an servum præstet: & subiicitur idem esse in minore circumventa. igitur etiam huic satisfiet pretii defectu suppleto. 2. ratione, nam restitutio est reparatio factæ læsionis. læsio autem in casu dato tantum facta in pretio est. ergo satisfiet læso, si suppleatur defectus pretii.

Verum his non obstantibus, probabilius est, etiam in hoc casu à læso peti rescissionem contractus posse. Ita Castr. *ad l. non interest. 5. C. quod met. caus. gest. n. 4.* Pinell. *ad l. de contractu 3. C. de rescind. vendit. p. 3. c. 1. n. 11.* Natta *Conf. 548. n. 31.* Fachin. *l. 2. contr. c. 99. §. ceterum.* Palao *tr. 32. D. 1. p. 19. §. 2. n. 9.* P. Vviestner *hic n. 10.* & alii ab his *citr.* Est conforme textibus utriusque Juris, Canonici quidem *c. requisivit 1. h. tit.* ubi possessiones, in damnum Ecclesiæ Laicis sub modico censu concessæ, ad illius Jus, & proprietatem redire jubentur; Civilis autem *l. quod si minor 24. §. restitutio 4. ff. de minor.* & præcipuè *l. patri 27. §. si pecuniam 1. vers. item ex diverso ff. eod.* ubi Gajus, *si minore pretio,* inquit, *quam oportet, vendiderit adolescens, emptor quidem juberi debet prædia cum fructibus restituere &c.* Ratio sumitur ex natura restitutionis in integrum, quæ est in pristinum statum reposicio. at si solum defectus pretii suppleretur, in pristinum statum non reponeretur minor, non enim rem haberet cum fructibus, quam haberet, si non intercessisset venditio.

Neque urgent Argumenta contraria. *Ad 1.* ut Fachin. Pal. Viest. *ll. citr.* notant, in *§. mulier cit.* statuitur tanquam aliquid speciale, quod mulier, quamvis minor, à marito circumventa, contenta esse debeat suppletionem præti: & hoc ad conservationem amoris mutui, qui petit, ut inter eos gesta non rescindantur, quando suppletionem pretii læso conjugii subveniri potest. *Ad 2.* restitutio in integrum non solum reddit, quod abstulit læsio formalis, sed etiam, quod materialis. hæc autem non reparatur, nisi fundus, in cujus alienatione læsio contigit, restituatur. ergo &c.

Quæritur 6. an locus sit restitutioni in integrum casu, quo minor, vel Ecclesia læsa contractu est ultra dimidium justii pretii e. g. si res valens 1000. vendita est pro 480? Negant complures apud Odd. *de restit. in integr. q. 16. n. 111.* ex ratione, quia ira læsis Jura providerunt de remedio ordinario *l. rem. majoris 2. C. de rescindit. vendit.* ut adeo non videatur esse locus restitutioni in integrum,

Sed probabilius etiam sic læso beneficium restitutionis, quæ est remedium extraordinarium.

si eo uti velit, conceditur. Ita Abb. *in c. 3. n. 4. de empt. & vendit.* Covar. *l. 1. var. c. 3. n. 11. vers. terriò.* Pirh.



*hic n. 4.* Vviesner *nu. 11.* & alii ab his *citt.* Ratio est 1. quia Remedium restitutionis est pinguius ordinario concessio per *l. rem majoris cit.* cum per hoc tantum alternativè aut rescisso, aut pretii supplementum peti possit; per viam restitutionis autem determinatè peti possit ipsa contractus rescissio, si ita libererit læso, ut adeo per prius remedium electio sit penes reum, per posterius penes actorem. 2. quia interest læsi, posse pluribus actionibus jus suum prosequi, ut eligere valeat id actionis genus, quod sibi videt utilius fore. atqui potest utilius esse læso restitui in integrum, quam sumptuosè aliquando actione, & lite perere supplementum pretii. ergo &c. 3. quia læsio notabilis, quam *num. 2.* & 4. dixi sufficere ad restitutionem obtinendam, multo facilius probatur, quam ea, quæ iusti pretii excedit dimidium.

7 Quæritur 7. an locus sit in integrum restitutioni casu, quo, postquam res minoris, vel Ecclesiæ e. g. domus vendita, aut prædium locatum est uni, & contractus cum hoc perfectus, alius emptor, vel conductor pretium majus offert? Affirmant quidam ex ratione; quia Ecclesiæ, & minori etiam in lucris subvenitur *c. constitutus 8. h. tit. & l. ait Prator 7. §. quæsitum 8. ff. eod.* ubi ad quæsitum, an si res minoris venerit, & existat, qui plus liceatur, in integrum propter lucrum restituendus sit, Ulpianus respondens, *Quotidie, inquit, Pratores eos restitunt, ut rursum admittatur licitatio.*

Sed adhibenda est distinctio, quæ uruntur Gutier. *l. 1. practic. quæst. Civil. q. 39. n. 2. & seqq. Molin. de J. & J. tr. 2. D. 575. n. 9. Less. l. 2. de Just. c. 17. n. 69.* Vviesner *hic n. 8.* Vel enim ejusmodi locatio, aut venditio celebrata est ex justa causa, adhibitis solemnitatibus à Jure præscriptis, opportuno tempore, debita circumspectione, & iusto pretio, vel non?

Si hoc secundum, locus est restitutioni in integrum ex responso Ulpiani *citt.* modò actus sit validus; nam si invalidus est ipso Jure, tunc aliud remedium superest, videlicet nullitatis, in quo sententia declaratoria duntaxat opus est.

Si primum, minori, & Ecclesiæ adversus venditionem, aut locationem auxilio restitutionis in integrum non subvenitur. Ratio est, quia ut *n. 2.* dixi, in integrum restitutio Prætoriam aequitate introducta est ad supplendam alienam, vel propriam negligentiam, culpam &c. ex qua læsio, vel damnum illatum est. atqui casu, quo res vendita, vel locata est iusto pretio, ex causa necessitatis, vel utilitatis, cum debitis solemnitatibus Juris, negligentia, aut culpa non intercessit. ergo &c.

Ex quo cadit Argumentum contrarium; nam in luctu tantum restitutione in integrum subvenitur Ecclesiæ, aut minori, quando læsio intervenit: hæc autem non intervenit, casu, quo contractus cum debitis solemnitatibus, & pro iusto pretio factus est; quia luctum illud, quod offertur, merè accidentarium est, & propterea læsio dici nequit.

## §. II.

### De Subjæcto Restitutionis in integrum.

#### S U M M A R I U M.

- 8 Quibus competat beneficium restitutionis in integrum.
- 9 Casus, in quibus restituitur etiam major.
10. 11. 12 Inter hos non est ignorantia inculpabilis facti.
- 13 Discrimen inter restitutionem majoris, & minoris.
- 14 Casus, in quibus nec minores restituuntur.
- 15 Minor restituitur adversus renuntiationem Beneficii.
- 16 Quamvis illud jam sit collatum alteri.
- 17 Restituuntur etiam hæredes minoris.
18. 19. 20. 21 Non tamen fidejussores regulariter.
- 22 An restitatur minor contra minorem, Ecclesia contra Ecclesiam?
- 23 An etiam Clerici, quando læsi sunt in bonis patrimonialibus?
- 24 An consortes, & socii litis?

8 Quæritur 1. quibus competat beneficium Restitutionis in integrum? Resp. 1. competit minoribus, seu iis, qui 25. annos ætatis nondum impleverunt *c. constitutus 8. h. tit. & l. hoc edictum 1. & seqq. ff. de minor.* ubi etiam ratio additur, quod fragile sit, & infir-

mum hujusmodi ætatem consilium, & multis captionibus suppositum, multorum insidiis expositum: & hinc merito Prætor adversus hujusmodi captiones auxilium, & opitulationem ipsis promittat.

2 Ecclesiis, quo nomine hic veniunt etiam Monasteria, Hospitalia, & alia loca pia; nam Jure minorum gaudent *c. requisivit 1. c. auditis 3. h. tit. c. Ecclesia 1. &c. si adversus 2. eod. in 6.* ut ita occurratur aut negligentiae, aut prodigalitati, aut improbitati administratorum, qui sæpe sibi magis, & consanguineis suis student, quam Ecclesiarum sibi commissarum bono.

3 Reipublicæ; nam & hæc per Administratores regitur & hinc ne istorum negligentia, aut fraude lædatur, merito uti Jure minorum solet *l. Respublica 4. C. quib. ex caus. major. & l. Rempubl. 3. C. de Jur. Reip.* quod non tantum de Rebuspubl. supremis, quæ superiorem in temporalibus non recognoscunt, sed etiam de inferioribus, quæ per administratores reguntur, ut sunt civitates, oppida, pagi &c. intelligendum cum communi notat Abb. *in c. 1. h. tit. n. 15.*

4 Principi supremo: in quo tamen distinguendum est inter bona Principatus, Coronæ, & Fisci, & inter bona ejusdem particularia, & propria; nam quoad bona prioris generis restitutio in integrum ipsi conceditur, si quoad illa læsus sit; quia reputantur esse bona Reip. secus, quoad bona generis posterioris; nam quoad illa ut privatus censetur. Molin. *tr. 2. de Just. D. 574. numer. 4.*

5 Ex justa causa Majoribus 25. annis, ut videre est *c. ex litteris 5. h. tit. & tot tit. ff. & C. quib. ex caus. major.* His suppositis, ulterius in particulari

Quæritur 2. quibus casibus in integrum restituatur major, si lædatur? Resp. 1. si Reip. causa absit, e. g. quia ad Provinciam gubernandam, Legationem obeundam, negotium publicum gerendum missus est: vel quia miles est, in castris, vel præsidio ubicunque demum, etiam in patria, occupatus *l. hujus edicti 1. ff. ex quib. caus. major.* Ratio est, quia toto eo tempore, quo similibus functionibus occupantur, rebus, & negotiis suis superesse non possunt.

2 Si absit propter justum metum mortis, vel atrocis cruciatus, propter infirmitatem, vel grassantem pestem, propter captivitatem, vel quamcunque aliam violentam detentionem *l. hujus edicti 1. l. metus 3. l. succurritur 9. l. item ei 14. l. si cui 38. ff. ex quib. caus. major.* Ratio est, quia hujusmodi impedimento stante, nec ipsi agere possunt pro rebus suis.

3 Si sit persona, in qua Juris ignorantia supponitur, & toleratur, quales sunt mulieres, rustici; quia cum hi Jura ignorent, & istorum peritos non facile consulere possint, sæpe obnoxii sunt deceptionibus, & cons. auxilio remedii extraordinarii juvati debent. Molin. *D. 574. cit. num. 5.*

4 Denique quandocunque aliquis ex necessitate, & non ex voluntate agere non valet *l. sed etsi 28. in fin. ff. ex quib. caus. major.* & patet ex clausula generali *l. hujus edicti cit. in fin. ibi si qua alia justa causa mihi esse videbitur.*

Dubium est 1. an ex dicta clausula justa causa restituendi maiores 25. annis sit ignorantia saltem invincibilis, & facti, qualis esset, si res ignorantis eam ab alio possideri ab hoc fuisset præscripta? Affirmant Bartol. *in l. Aemilius. 38. ff. de minor. nu. 5.* Oddus *q. 90. à num. 18.* Gales. *de restit. c. 8. n. 199.* & his testibus tenent per quam frequenter DD. ac praxis ipsa Tribunalium. Fundantur 1. quia ex clausula ista permittuntur restitui, qui ex causa justa impediuntur, ne possint agere, & Legibus non prohibentur restitui *l. nec non 20. §. quoad ejus 2. ff. ex quib. caus. major.* atqui facti ignorantia inculpabilis est causa justa, & hac laborans non prohibetur restitui Legibus; imò his clarè satis permittitur, dum illam nolunt alicui damnosam esse *l. error 8. ff. de Jur. & fact. ignor.* ergo &c. 2. præscriptio introducta est in odium res suas negligentium *c. vigilanti 5. de præscript. & l. ut perfectius 2. C. de annal. except.* atqui talis non est, qui justa laborat ignorantia. ergo hæc justa causa restituendi majorem adversus præscriptionem erit. 3. *l. sicut 3. in fin. C. de præscr. 30. vel 40. ann.* Honorius, & Theodosius Impp. statuunt, ut nulli (adversus præscriptionem) movendi ulterius facultas pateat, etiam si se Legis ignorantia excusare tentaverit. ergo per argumentum à sensu contrario ignorantia facti movendi adversus præscriptio-



ptionem facultatem concedit; aliàs ad ignorantiam Legis, seu Juris non restrinxissent.

Sed adhuc Jure verior est negativa sententia, quam etiam tenent Fachin. l. 1. *contr. cap. 69. Berlich. Concl. pract. p. 2. concl. 10. n. 8. & seqq. Hunn. Var. Resol. Jur. Civil. l. 2. tr. 3. q. 16. Harprecht. in §. ult. Inst. de Usucap. n. 14. & seqq. Brunnem. in l. fin. C. de long. temp. præscript. n. 10. Vvesenbec. in ff. ex quib. caus. major. nu. 10. Zoef. ibid. n. 6. Vviesl. hic n. 30. & apud hos plurimi alii. Colligitur ex c. ad aures 6. de præscript. & l. fin. C. de fund. patrimonial. quibus textibus quadragenaria præscriptio omnem prorsus actionem, molestiam, & quamlibet inquietudinem, ac proinde etiam in integrum restitutionem excludit, ut præscribens plenissima munitione sit securus: quod ipsum l. un. C. de usucap. transform. extenditur ad Præscriptionem triennalem mobilium, & se moventium, & decennalem immobilium cum titulo. Ratio est, quia si major adversus præscriptionem restitueretur in integrum ex causa ignorantiae, illa rarò, & vix unquam locum haberet, cum res suas nemo præsumatur jactare, & conf. nec usucapi ab alio velle. Conf. Præscriptionis lex posita est ad conspiciendas lites; istæ autem non sopirentur, sed quotidie exorirentur, si ex causa ignorantiae adversus præscriptionem daretur restitutio; quia unusquisque prætereundum conaretur, adversus se ignorantem fuisse præscriptum. ergo &c.*

Neque obstant Argumenta contraria. Ad 1. restitutionem majorum ex causa ignorantiae sufficienter prohibet dispositio declarans, quod præscriptio noceat etiam ignorantibus, si speciali privilegio non sint muniti. Ne verò facilè ignorantia dominis suis obsit, Jura sufficienter provideunt, dum præsentibus decem, absentibus verò omnino viginti annos indulserunt, quibus res suas, siquas fortè ignorarent, perquirere possent, ut proinde illis, quibus ætas, aut alia causa Jure approbata non patrociniatur, nec necessarium, nec utile fuerit Reip. aliud remedium indulgeri. Ad 2. præscriptionis lex statuta est non tam odio dominorum, res suas negligentium, quam favore Reip. cujus interest curare, ne diu incerta sint rerum dominia, & timor illas amittere perpetuus. Ad 3. Argumentum à sensu contrario locum non habet, ubi aperta Lex contrarium statuit. Quod autem Impp. in loc. cit. solum Legis, siue Juris ignorantiae meminerint, id non eo consilio factum est, quasi ad eam solum restringere Constitutionem suam voluerint, sed quod ipsi duntaxat propter ignorantiam Juris aditi, & consulti fuerint.

Dub. 2. quid discriminis inter sit restitutionem, qua succurritur majoribus, & inter restitutionem, quæ datur minoribus, & aliis, qui Jure minorum gaudent? Resp. quadruplex maximè assignatur discrimen.

1 Minoribus, & ceteris, qui Jure minorum gaudent, ut remedio hoc succurratur, sufficit, si constet, quod læsi sint, vel hoc legitimè sit probatum; at majores ut restitui possint, præter læsionem opus est accedere justam causam v. g. absentiae Reip. causa, infirmitatis &c. ob quam læsio acciderit, & ipsis imputari nequeat juxta clausulam *Siqua alia justa &c.* quam addit Prætor l. hujus 1. ff. ex quib. caus. major.

2 Minor, vel Ecclesiæ, si graviter læsa sit, ex officio Judicis in integrum restitui debet, etsi nemo sit, qui petat; at majoris restitutio ad instantiam potiùs, quam ex officio Judicis datur. Abb. in c. 4. h. tit. n. 11.

3 Majoribus non succurritur per beneficium restitutionis in integrum, quando suppetit remedium appellacionis, vel aliud ordinarium, quo læsioni occurrant; at minoribus, & iis qui jure minorum gaudent, beneficium hoc indulgetur, etiam cum aliud remedium habent. Abb. l. cit. n. 13. Pirh. hic n. 31. not. 3. Vviesl. n. 27.

4 Minor restituitur, quamvis Tutore, vel Curatore interveniente læsus sit l. si jam 1. & l. seq. C. si tutor, vel Curator interv. ita ut in electione minoris sit, an actione tutelæ contra Tutorem experiri, an verò restitutionem in integrum petere contra ledentem velit. at major, si absens procuratorem ad sua negotia, & lites reliquit, non restituitur, sed agere contra procuratorem debet l. fin. ff. h. tit.

Quæritur 3. quibus casibus nec minori beneficium restitutionis competat? Resp. sunt maximè sequentes. 1. si Matrimonium contraxerit; quamvis enim eo casu adversus dotem, & alia accidentalalia Matrimonii, si in his

læsus sit, restitui possit l. un. C. si advers. dot. non tamen adversus ipsum matrimonium, ob indissolubilitatem ejus, quæ cum Juris Divini sit, Jus humanum, quo restitutio in integrum est introducta, eidem derogare non potest.

3 Si Professionem Religiosam emisit validè, etsi ex falsa causa ad eam faciendam inductus. Molin. tr. 2. de Just. D. 573. n. 8. tum quia æquiparatur Matrimonio carnali, tum verò maximè, quia per hoc non inferatur illi verum detrimentum; cum enim Religiosi Status ingressu, & Professione meliùs consulatur animæ, & status in melius commutetur, ejus susceptione nemo censetur ledi, vel decipi.

3 Si veniam ætatis impetraverit; nam quæ postea gessit, rata, firmaque manent, neque adversus ea minor restituitur l. eos, qui 1. C. de his, qui ven. ætat. impetrav. ubi etiam ratio datur, ne hi, qui cum eis contrahunt. Principali autoritate circumscripti esse videantur.

4 Si major factus ratum habuerit, quod cum eo in minorennitate gestum est l. si inter 1. & l. seq. C. si major factus ratum habuerit. Ratio est, quia talis actus à majore gestus censetur.

5 Si minor pubes (idem est de impubere pubertati proximo, & doli capace) contractum à se celebratum Juramento spontè facto confirmavit, ob religionem Juramenti c. cum contingat 28. de Jurejur. c. quamvis 2. de pactis in 6. l. si minor 1. & Auth. Sacramenta puberum C. si advers. vendit.

6 Si postquam contractum, vel alium actum prudenter, & circumspectè gessit, casu fortuito læsus est, quia v. g. domus ab ipso justo pretio, & adhibitis solemnitatibus empta postea casu fortuito conflagravit. l. verum 11. §. item 4. ff. de minor. quia, ut ibi Ulpianus, non eventus damni restitutionem indulget, sed inconsulta facilitas.

7 Si minor simulet, vel dolo asserat se majorem esse, eo animo, ut alium ad contrahendum secum inducat, qui aliàs contracturus non erat l. sis 2. C. si min. se major. quia ut ibi Impp. errantibus, non etiam fallentibus minoribus publica Jura subveniunt.

8 Siquid dolo malo in contractibus, vel extra gessit l. si ex causa 9. §. nunc videndum 2. ff. de minor. & l. in criminibus 1. C. si advers. delict. quia ut ibidem habetur, & num. 2. in princ. allegavi, malorum mores infirmitas animi non excusat.

9 Si huic beneficio juramento renuntiaverit citra dolum Adversarii; quia beneficium istud in favorem minorum est institutum; favori autem pro se principaliter introducto cuilibet renunciare datum est l. si quis 29. C. de pact.

Dubium est, an beneficio restitutionis in integrum 15 privetur etiam Clericus, qui in minore ætate constitutus inconsultè, & cum damno suo renuntiavit Beneficio Ecclesiastico, quod obtrinebat? Affirmant Accurs. in l. 7. ff. ne minor. Card. in c. ex parte 14. de restit. spoliat. & plures alii Veteres Canonistæ, quos sequitur Azor p. 2. l. 7. c. 20. q. 9. in fin. & Pal. tr. 13. D. 6. p. 2. §. 3. n. 13. & videtur hoc etiam probare ratio: Vel enim resignatio talis facta est ex justa causa, vel sine illa. Si primum. minor allegare læsionem non potest, conf. nec restitutionem petere, quæ solum læsis conceditur, ut dictum est num. 2. Si secundum, renunciatio invalida est, & non restitutione, sed nullitatis declaratione indiget. Conf. quia in Beneficialibus, & aliis spiritualibus causis minores habentur pro majoribus c. fin. de judic. in princ. in 6. ergo sicut, qui veniam ætatis impetravit, restitutionis beneficio non juvatur, ita nec minor in causis Beneficialibus.

Sed tenendum, minorem etiam adversus renuntiationem Beneficii improvidè factam restituendum esse in integrum. Ita Covar. l. 1. var. c. 5. n. 3. Flamin. l. 3. de resignat. q. 7. à n. 39. Engl. hic n. 21. Zoef. n. 4. Vviesl. n. 61. & alii apud ipsos. Ratio est, quia restitutio in integrum minoribus læsis à Jure generaliter indulta est, & ab hac Regula resignatio Beneficiorum nusquam est excepta.

Ad Argumentum adversæ sententiæ dico, per resignationem, etiam validè factam, lædi minorem posse, ut si ab alio deceptus pingue Beneficium permutet pro tenui; aut ei, quod obtinuit, renuntiet spe sibi dolosè facta de altero, & meliori obtinendo. Ad Conf. quod minor in Beneficialibus habeatur pro majore, in specialem ipsius favo-



favorem est introductum, ergo non debet in ipsius odium retorqueri, ut propterea beneficio restitutionis in integrum carere debeat.

16. Major difficultas est, an adversus renuntiationem Beneficii restituatur minor eo etiam casu, quo res integra non est amplius, & Beneficium ab ipso dimissum collatum alteri? Negat Gloss. in c. ex parte 14. *P. quamvis minor de restit. spoliat.* Abb. *ibid.* n. 18. Layman. l. 3. tr. 4. c. 11. n. 2. Pal. §. 3. cit. n. 13. & videtur colligi ex l. quod si minor 24. §. *Seavola* 2. vers. si vero ff. de minorib. ubi dicitur non restituendum minorem adversus repudiationem hæreditatis, si res non amplius integra, & hæreditas jam distracta sit. *Rationem dant*, quia si Beneficium jam sit collatum alteri, resolutus est titulus, & extinctum omne jus, quod minor in Beneficio habuit; titulo autem Beneficii resoluta, & omni Jure in illud extincto, idem Beneficium sine Canonica institutione obtineri nequit per Reg. 1. in 6. quod tamen fieret, si adversus renuntiationem suam, re non amplius integra, restitueretur minor. ergo &c.

Sed probabilius etiam hoc casu minor petere in integrum restitutionem, si ejusmodi renuntiatione sit læsus, potest. Ita Gomez in *Cancell. Reg. de annal. possess. q. 15. Covar. l. 1. var. c. 5. n. 3. Molin. tr. 2. de Just. D. 573. n. 16. König tit. 10. de renunt. n. 5. Zoef. hic n. 5. Engl. n. 22. Vviefstner n. 63.* Ratio est, quia minoribus generaliter conceditur hoc Beneficium, quocunque contractu, vel actu graviter læsi sint, etiam si res distracta, & in alium translata sit l. si ex causa 9. in princ. & l. si res pupillaris 49. ff. de minor. nisi casus exceptus sit: non autem excipitur casus, quo Beneficium Ecclesiasticum per resignationis viam dimissum, & in alium translatum est. ergo &c.

Neque contrarium probatur ex l. quod si minor. cit. ibi enim agitur de lucro captando, nempe de acquirenda hæreditate repudiata, ubi renuntiatio minori obest, re non amplius integra. Aliud dicendum in casu, quo agitur de damno vitando, & quando minor vel propria fragilitate, vel dolo alieno captus cessit, aut amisit rem pleno jure à se possessam, prout fit in casu præsentis controverſiæ; tum enim etiam re non amplius integra petere restitutionem potest. *Ad rationem adjectam* dico, hujusmodi renuntiationi ex Juris dispositione inesse conditionem tacitam *nisi minor in integrum restitutione reducatur in statum pristinum*: & sic titulus à renuntiante non fuit absolute dimissus; cons. nova collatione ejusdem opus non erit. Et esto, non collatione opus sit, hanc inducet ipsa in integrum restitutio.

17. Quæritur 4. an solis minoribus, & iis, quibus restitutionis in integrum beneficium competit, an verò etiam eorum hæredibus, successoribus, & fidejussoribus hoc remedio succurratur? Convenit satis inter DD. hoc remedio succurri etiam hæredibus, & successoribus universalibus, ita ut intra totum tempus, quo minor potest, etiam ipsi valeant restitutionem in integrum petere. Ratio est, quia fictione Juris sunt eadem persona cum defuncto. Neque obstat, quòd privilegium personale (quale etiam est privilegium restitutionis) ad hæredes non transeat, sed cum persona extinguatur, ut habetur c. privilegium 7. de R. J. in 6. & l. in omnibus 68. ff. eod. quia regulæ istæ solum procedunt de privilegio, quod præcisè concessum est ratione personæ, non autem de eo, quod huic competit ratione damni in rebus, aut Juribus emergentis, aut lucri cessantis. Patet in privilegio, quod ex SC. Vellejano competit mulieri fidejubenti: quod licet mulicbre, cons. personale sit, tamen ad hæredes transit l. hæredes 20. C. ad SC. Vellejan.

18. Dubium est, utrum hoc privilegium etiam fidejussori minoris proſit? Videtur etiam his prodesse. 1. quia aliàs fidejussor obligaretur, in causam duriores. 2. quia remedium restitutionis, ut *numer. præc.* dictum est, etiam ad hæredes minoris porrigitur. ergo nec fidejussoribus illud negandum est. 3. quia Jus ipsum constituit restitutionem minoris prodesse horum fidejussoribus l. minor 51. princ. ff. de procurat. l. sit tutor 2. §. amplius 1. ff. de administ. tutor. & l. si pupillus 89. ff. de acquir. hered. 4. quia debitore principali liberato, liberantur etiam accessiones, ut dicitur l. in omnibus 43. ff. de solut. tales autem sunt fidejussiones, & pignora juxta eandem Legem. ergo debitore minore per beneficium resti-

tutionis liberato, etiam liberabitur fidejussor ejusdem. 5. quia si fidejussori beneficium restitutionis non prodesset, ipsi liberalitas in minorem exercita fraudi esset, contra l. Divus 28. ff. de R. J.

Verùm his non obstantibus, dicendum, beneficium in restitutionis minori competens ejus fidejussori regulariter non prodesse. Ita Molin. tr. 2. de Justit. D. 573. n. 20. Donell. l. 21. c. ult. litt. F. & seqq. Struvius Synt. Jur. Civil. Exercit. 8. thes. 60. Brunnem. in l. 13. ff. de minor. n. 1. & seqq. Vallenf. hic §. 3. n. 3. Vviefstner n. 15. & novissimè Magnif. D. Verlohner *Semicent. q. 31. n. 4.* & alii apud istos. Habetur clarè l. in causa 13. princ. ff. de minor. l. postquam 1. & l. seq. C. de fidejussor. ubi disertè negatur, restituto minore, eo ipso etiam fidejussorem restitui. Ratio est 1. quia sic sine suo frustraretur Creditor, utpote qui cum in finem fidejussorem petiit, ut sibi prospiceret in eventum restitutionis à minore postulandæ. 2. quia fidejussor habet recursum adversus minorem, ut indemnitas maneat; ideoque cum ordinarium habeat remedium, extraordinarium ipsi concedi non debet. 3. minor restituitur, eo quòd fragile, & infirmum sit ejus judicium; tale non est fidejussoris, si major sit.

Dixi autem Regulariter; nam plures sunt casus, quibus restitutio minoris fidejussori prodest. 1. si etiam ipse minor; hoc enim casu vel Principalis restitutione uti, vel adversus suam fidejussionem, si ea se læsum probet, restitui potest l. minor 48. ff. de minor. Oddus q. 48. n. 19. 2. si dolus Creditoris intervenierit; tunc enim etiam fidejussori succurritur l. si ea 2. C. de fidejuss. 3. si Creditor restituto minore, licet fidejussorem non conveniat, indemnitas servari possit, quòd habeat alium, quem valeat convenire. Brunnem. in l. 13. cit. n. 2. 4. si aliquo modo regressum haberet fidejussor, & minor contra fidejussorem non possit restitui. Oddus q. 48. cit. num. 4. 5. si fidejussor ignoravit, principalem esse minorem l. si Tutius 48. ff. de fidejussor. & mandator. 6. si fidejussor sit minoris hæres secundum dicta num. 17. 7. si minor uti defensor in judicio intervenit, & fidejussorem dedit l. minor 51. princ. ff. de procurat. Plures alios casus recensent alii.

Neque urgent Argumenta contraria. Ad 1. non est novum fidejussorem obligari efficacius, quàm obligetur ipse principalis; id enim contingit, quando fidejussor intercedit pro eo, qui efficaciter obligari nequit, e. g. pro pupillo absque autoritate tutoris contrahente, quo casu iste obligatur tantum naturaliter, cum fidejussor ipſus obligetur etiam civiliter. Ad 2. negatur paritas; quia hæres, ut num. 17. dictum est, censetur eadem persona cum defuncto, & huic in universum jus succedit, ut proinde mirum non sit, etiam jus petendi restitutionem in integrum ad ipsum transire; hæc autem ratio in fidejussore non procedit; licet enim fidejussio sit accessoria, fidejussor tamen pro eadem persona cum debitore principali non habetur. Ad 3. Leges illæ procedunt in specialibus casibus judicialibus, vel etiam in extrajudicialibus tum, quando aliter, quàm fidejussorem conveniendo se Creditor indemnem præstare potest, ut dictum num. præc. Ad 4. hoc speciale est in fidejussione, quòd sublata per restitutionem minoris, pro quo facta est, obligatione, fidejussoria obligatio ipsi accessoria perseveret. Ad 5. fidejubens scienter pro minore præsumitur se obligasse in casum restitutionis futuræ: unde sibi imputat, si restituto minore conveniatur ipse; cautius enim prospicere sibi debuit, nec tam facile spondere.

Quæritur 5. an restituatur etiam minor contra minorem, Ecclesia contra Ecclesiam, quando ex contractu cum iis celebrato læsi sunt? Videtur eo casu non esse locus restitutioni in integrum ob tritam Juris maximam, qua dicitur, quòd privilegiatus contra patiter privilegiatum privilegio suo uti non possit.

Verùm hæc Regula universalis non est, sed distinguui debet, an utriusque privilegiati par sit causa, an dispar. Si dispar, & unus lædens, alter læsus est, unus de lucro captando certat, alter de damno vitando, salvum privilegium, & hujus usus est læso, & certanti de damno vitando adversus lædentem, & certantem de lucro captando. Si verò par sit causa, & uterque privilegiatus de lucro captando certet, vel uterque de damno vitando, possessio spectanda est, & ille, qui



qui possidet, potiori Jure gaudebit per *Reg. in pari* 65. in 6.

Hinc si Ecclesia una hæreditatem lucrosam repudiavit, altera sibi delatam acceptavit, & adiit, prior adversus posteriorem restituere nequit, etsi illa restitutionem petat; quia illa certat de lucro captando, hæc de eodem non amittendo, & in pari causa præferenda, quæ possidet. Similiter si minor minori temerè pecuniam credidit, & hic eandem prodigè absumpsit, eo casu creditor adversus debitorem non restituitur, ut habetur *l. verum* 11. §. *fin. ff. de minor. quia debitoris conditio hoc casu duplici ex capite favorabilior est, videlicet, ut reus est, & ratione consumptionis; nam consumptis hoc casu potior est conditio l. si minor* 34. *princ. ff. cod.* Ex quo sequitur resolutio quæstionis.

Dicendum, etiam hoc casu minorem, vel Ecclesiam læsam debere restituere. Ita Gloss. *fin. in c. 3. h. tit. Abb. ibid. n. 8.* Vallenf. *hic* §. 1. n. 7. Zoef. n. 2. Pirhing *hic* n. 21. nor. 4. & n. 39. Engl. n. 6. Vviestner n. 19. propter claros textus *c. auditis* 3. *h. tit. & l. verum cit. §. fin.* quorum priore id statuitur de Ecclesia, posteriore de minore. Ratio est, quia privilegium restitutionis in integrum minoribus, & Ecclesiis duntaxat concessum est, quando læsi sunt; igitur si lædentes sint, privilegium hoc non possunt prætere, sed status illorum eo casu se habet præcisè per accidens.

Unde ad *Argumentum contrarium* negari suppositum potest, quòd eo casu privilegiatus cum privilegiato concurrat.

Quæritur 6. an sicut Ecclesiis, ita etiam Clericis subveniatur ope restitutionis in integrum quando isti in bonis, & Juribus suis læsi sunt? Certum est restituere debere, quando læsi sunt in bonis, & Juribus beneficii sui; quia hæc non tam ad Clericos, quam ad ipsam Ecclesiam spectant.

Dubium aliquod moveri potest de bonis patrimonialibus, vel quasi patrimonialibus illorum. Videntur enim restituere debere in integrum, etiam quando in istis læsi sunt, ex ratione, quòd hæc bona eodem privilegio gaudeant, quo bona ipsarum Ecclesiarum *c. non minus* 4. *de immunit. & auth. item illa C. de Episcop. & Cleric.*

Sed tenenda est negativa sententia, quam etiam defendit Gloss. in *Clem. un. V. Ecclesia h. tit.* Durand. in *Specul. tit. de restit. in integr. §. qualiter* n. 7. Covar. *l. 1. var. c. 4. n. 3.* & alii communiter. Proceditque hoc etiam de iis bonis, ad quorum titulum Clericus est ordinatus, ut cum aliis observat Odd. *q. 4. n. 52.* Neque est paritas cum bonis Ecclesiarum, nam his beneficium restitutionis conceditur, tum ob favorem Religionis, & Cultus Divini, ad quem bona illa sunt deputata, tum ne administratorum negligentia, & prodigalitate facile lædantur: quarum rationum neutra in bonis Clericorum patrimonialibus militat: non prima; quia in usus etiam profanos liberè converti possunt: non secunda; quia Clerici, & Prælati sæculares diligentiores plerumque sunt in administrandis bonis propriis, quàm Ecclesiæ, ut adeo periculum damnificationis æquale non sit.

Ad rationem dubitandi dicendum cum Covar. *l. cit.* Clericorum bona eodem gaudere privilegio, quo bona Ecclesiæ, ubi hoc expressè concessum est: ita concessa est ipsis immunitas per textus *citt.* non est autem ullum in Jure privilegium, quòd etiam sit ipsis concessum privilegium restitutionis in integrum.

Quæritur 7. An beneficium restitutionis in integrum, quod Ecclesiæ, vel minori competat, etiam prosit Laico, & majori eorum consorti, seu socio litis? Resp. cum distinctione, quam hoc casu adhibent Gomez *tom. 3. var. c. 14. n. 10.* Molin. *tr. 2. de J. & J. D. 573. n. 31.* Brunnem. in *l. un. C. si in commun. caus. n. 1. & 2.* Engl. *hic* n. 14. Vviestner n. 22. Vel enim causa, aut res, circa quam minor, aut Ecclesia læsa restituitur, est dividua, vel individua.

Si dividua est, cujusmodi sunt regulariter obligationes illæ, quæ in dando consistunt (potest enim utique summa v. g. 100. fl. tota, vel pro parte solvi) restitutio minoris non prodest majori; quia Prætor minoribus solum, non majoribus esse consultum voluit, quòd illorum error ob facilitatem eorum sit venia dignus, non verò istorum, cum judicii maturitatem habeant, & conf. læsionem, siquam patiantur, sibi debeant imputare.

Si verò sit individua, ut si major. & minor, Ecclesia,

& Laicus castri alicujus, villæ, aut prædii dominium commune habeant, ita ut vendere illud, vel servitutem in eo constituere neuter possit sine altero, restituito minore, vel Ecclesia adversus ejusmodi venditionem, vel servitutis constitutionem, etiam restitutus censetur major, & laicus, *arg. l. si communem* 10. *princ. ff. quemad. servit. amitt. & l. loci* 4. §. *si fundus* 3. & §. *seq. ff. si servit. vendicet.* Ratio est, quia quando privilegiatus cum non privilegiato concurrat, si res individua est, & ille privilegii sui commodum percipere sine isto non potest, ne privilegium inutiliter ipsi datum sit, ad se etiam non privilegiatum trahit.

## §. III.

## De Objecto Restitutionis in integrum.

## S U M M A R I U M.

- 25 Objectum, seu Materia restitutionis in integrum.
- 26 Quando restituatur minor adversus donationem?
- 27 Quando adversus solutionem sibi factam, aut mutuum datum?
- 28 Quando adversus propriam confessionem?
- 29 An etiam contra sententiam Papæ, vel alterius supremi Principis?
- 30 An contra tres conformes sententias?
- 31 An etiam major adversus sententiam contra se latam petere in integrum restitutionem possit?
- 32 An peti etiam restitutio possit contra sententiam, qua denegata est in integrum restitutio?
- 33 An peti illa possit adversus lapsum quinquennii à Trid. constituti ad reclamandum contra Professionem?

Quæritur 1. quod sit Objectum, seu Materia in integrum restitutionis? Resp. est actus, seu negotium Civile quodcunque, aliquo modo validum, & rescindibile, in quo, & quo læsus est, qui beneficio in integrum restitutionis gaudet. In specie restitutio in integrum datur.

1 Adversus emptionem, venditionem *l. ait Prætor* 7. §. *proinde* 1. *ff. de minor. & l. fin. C. si advers. vendit.* Proceditque hoc etiam facta solutione *l. fin. C. si advers. solution.*

2 Adversus tempora retractus seu si labi permisit tempus, Statuto, vel consuetudine loci indultum, ad possessiones, extraneo, vel magis remoto venditas, oblato eodem pretio, ad se revocandas *c. constitutus* 8. *junct. Gloss. V. consuetudinem h. tit.*

3 Adversus transactionem, & rerum communium divisionem *l. cum in integrum* 1. & *l. seq. C. si advers. transaction.*

4 Adversus rerum permutationem, locationem, conductionem, societatem, mutuum, & quemcunque alium onerosum contractum *arg. ll. citt.*

5 Adversus compromissum in judicem *l. si minor* 34. §. *minores* 1. *ff. de minor.*

6 Adversus donationem, etiam ex causa v. g. remunerationis, constituendæ dotis, ante vel propter nuptias factam *l. fin. C. si advers. donat. l. un. C. si advers. dotem.*

7 Adversus aditionem hæreditatis, si damnosa; vel repudiationem illius; si utilis fuisse appareat, modò res adhuc sit integra, & res hæreditariæ nondum distractæ *l. ait prætor* 7. §. *restitutus* 9. *l. si minor* 24. §. *Scævola* 2. *ff. de minor. & l. fin. C. si minor ab heredit.*

8 Adversus sententiam, quando Tutor pupilli, Curator minoris, Prælati, vel Procurator Ecclesiæ necessariam probationem, vel exceptionem, & defensionem sibi competentem per imprudentiam, vel negligentiam omisit, & propterea contra minorem, vel Ecclesiam pronuntiatum est: quod de Ecclesia constat ex *c. cum venissent* 2. & *c. auditis* 3. *h. tit. de minore l. in causæ* 16. §. *fin. l. minor.* 36. *ff. de minor. l. etiam* 3. *C. si tut. vel Curat. in tervem.*

9 Adversus appellationis fatalia, sive si labi tempus permiserit ad eam interponendam, vel prosequendam à Jure indultum *l. ait Prætor cit. §. item si* 11. *ff. de minor.* quo tamen casu propter præsumptionem pro sententia restitui petens saltem summarie ostendere, & probare debet Jura sua, & allegationes antea non deductas. Gratian.



tian. tom. 3. *discept. forens. c. 439. n. 45.* Brunnem. in l. 7. §. 11. cit. n. 22. P. Vviefst. *hic* 43.

10 Denique adversus ufucapionem *l. un. C. si advers. ufucap.* ubi tamen distinguendum, an Præscriptio sit inchoata contra minorem, an contra majorem, cui minor successit; nam primo casu minor ipso Jure est tutus, illo verò opus habet restitutione in integrum *l. etiam 45. ff. de minor.* Brunnem. in l. un. C. si advers. ufucap. n. 4.

26 Quæritur 2. adversus qualem donationem minori restitutio in integrum concedatur? Resp. 1. debet esse facta cum excessu; nam si fiat cum debito moderamine, observata consuetudine loci, & facultatibus, aliisque qualitatibus tum donantis, tum donatarii, contra eam non est restituendus minor. Zoef. *ff. de minor. n. 5.*

2 Debet esse facta ad causam profanam; nam si Monasterio, Ecclesiæ, Hospitali, pro alimentis pauperum, aut alteri causæ piæ donavit, donatio firma est, etiamsi illius postea minorem poeniteat, ut aliis *citt. advertit P. Vviefst. hic n. 32.* Ratio est, quia ex Edicto Prætoris non rescinduntur actus minoris, ab ipso laudabiliter, pieque gesti. talis est donatio facta ad pias causas. ergo &c.

3 Debet esse facta irrevocabiliter, quales esse solent donationes inter vivos; nam si mortis causa donaverit, superfluum esset beneficium restitutionis in integrum eidem indulgere, cum ejusmodi donatio instar testamenti usque ad supremum spiritum revocari ab eo possit *l. cum hic status 32. §. poenitentiam 3. ff. de donat. inter vir. & uxor. & l. omnium 19. C. de testam.* Excipitur, si ita donasset mortis causa, ut simul eam revocandi libertatem sibi ademisset; nam tali casu degeneraret in donationem inter vivos, ut *l. 3. tit. 24. n. 23.* dicitur.

27 Quæritur 3. an restitutio in integrum concedatur minori, si is ex solutione sibi facta, aut mutuo dato postea notabiliter læsus sit, v. g. quia facilitate, aut culpa sua pecuniam sibi solutam, aut mutuo datam perdidit, vel malè consumpsit? Resp. si tali casu minor non fuit locupletior factus, restitui debet adversus hujusmodi damni eventum, etsi solutio facta sit autoritate Curatoris *l. ait Prætor. 7. §. sed & si ei 2. ff. de minor. l. exemplo 1. C. si advers. solut. l. cum & ipse 1. & l. seq. C. si advers. credit.*

Ratio est, quia ex ipsa solutione minori facta, vel mutuo illi dato, exponitur minor periculo malè, & imprudenter expendendi ejusmodi pecuniam propter facilitatem, & imbecillitatem ætatis; cons. ipsa pecuniæ solutione, & mutui datione censetur læsus; vel saltem initium, & causa læsioni data. atqui adversus læsionem datur minori restitutio, si facilitate minoris contigerit. ergo &c. Excipitur, si solutio facta sit Decreto Judicis; tunc enim debitor manet omnino liber, nec restitutio datur *§. fin. vers. sed hoc Inst. quib. alien. licet, vel non;* quia tunc debitor ex necessitate solvit.

28 Quæritur 4. an minor restituatur adversus propriam confessionem? Resp. cum distinctione: Vel enim legitime interrogatus, & confessus est verum delictum, vel contra aut non legitime est interrogatus, aut si ira interrogatus est, confessus est delictum à se non commissum.

*Si primum*, non restituitur, ut colligitur *ex l. auxilium 37. §. sed & 1. ff. de minorib.* ubi cum dicitur, minorem in delictis non restitui, subiicitur; *Utrique nulla de precatio poenæ est, si minor annis adulterium fateatur.* Ratio est, quia confessione ejusmodi delicti non censetur læsus, cum fecerit, quod Jure communi poterat, & debebat *l. fin. C. h. tit.*

*Si secundum*, debet restitui, etsi crimem, quod factus est, commisisset; quia etiam veri delicti confessio, si indebitè, & contra ordinem Juris facta est, injuriam continet. Vviefst. *hic n. 58.*

*Si tertium*, & minor factus est criminis à se non commissum, iterum est restituendus, esto, legitime de eo interrogatus sit, præcedente sc. semiplena probatione ejusdem; nam eo casu etiam major restituatur adversus confessionem suam, cum innocentiam suam in criminalibus probare in quavis litis parte datum sit omnibus. Vide Molin. *tr. 3. de Just. D. 36. n. 4.*

29 Quæritur 5. utrum minor, & Ecclesia restituatur etiam adversus sententiam à Papa, vel alio Principe Supremo latam? Negant Host. in c. 6. h. tit. V. *impediri.* Covar. *pract. c. 25. n. 7.* Menoch. *adipisc. remed. 4. n. 831.* & quidam alii. Fundantur 1. quia sententia, quam Papa, vel Princeps alius Supremus tulit, ob autoritatem,

quam habet, maximam, iniquitatis suspensionem omnem, ac proinde etiam restitutionem in integrum veniovet. 2. quia contra sententiam Principis, præsertim Papæ, appellare non licet; ergo neque contra eam petere restitutionem in integrum. 3. damnum, quod ex tali sententia minor, vel Ecclesia patitur, reparari potest per supplicationem factam Papæ, vel Principi, qua petatur rescindi sententia.

Sed melius Ecclesiæ, & minori conceditur beneficium restitutionis in integrum adversus talem sententiam, quando hanc petunt prætextu erroris proprii, lapsus ætatis, vel alterius similis causæ. Ita Abb. in c. 6. h. tit. num. 8. Odd. q. 72. num. 62. & 63. Vallenf. *hic* §. 1. numer. 2. Zoef. num. 2. Pirh. num. 24. Vviefst. num. 41. & alii apud istos. Constat de minore *ex l. minor. 18. §. fin. autem ff. de minorib.* de Ecclesia *ex c. tum ex litteris 5. h. tit.* ubi ratio additur, quia etiam sententia Romani Pontificis in melius reformati potest, cum aut subreptio intervenierit, aut ob ætatem, vel temporum gravem necessitatem aliud quidpiam decernendum fuisset.

In quo tamen duo notanda sunt. 1. restitutio in hoc casu peti debet ab ipso Papa, vel Principe Supremo, qui sententiam tulit, non ab alio inferiore, etiam Legato à Latere; quia inferior rescindere sententiam Superioris non potest. Abb. *l. cit. n. 3.* Pirh. *hic numer. 25. not. 2.* 2. debet prævia summata cognitione, error, vel læsio vetosimilis apparere: quod requiritur, ut suspendatur sententia talis executio, donec de erroris, aut læsionis veritate plenè cognoscatur.

Neque obstant Argumenta contraria. *Ad 1.* patet ex paulò antè dictis; nam restitutio in integrum peti potest non tantum prætextu iniquitates, sed etiam erroris, lapsus ætatis, vel alterius causæ. *Ad 2.* disparitas est; quia appellatio solum datur ad Superiorem. Papa autem Superior nemo in terris est. *Ad 3.* Restitutio in integrum est remedium longè pinguius Supplicatione, quippe quæ si sententiæ rescissionem impetrat, meræ gratiæ, & benignitati Principis id debet ascribere, cum contra restitutio in integrum innitatur non soli gratiæ, sed etiam Juri, à qua utraque participat.

Quæritur 6. an restitutioni locus sit adversus tres conformes sententias, in eadem causa, & super eodem articulo latas? Negat cum quibusdam Covar. *n. 7. cit.* affirmat Menochius *de arbitr. cas. 9. n. 3.* cum communi. Utrique sententiæ aliquid tribuendum, & adhibenda distinctio: Vel enim adversus tres sententias conformes restitutio petitur prætextu iniustitiæ, & iniquitatis sententiarum, vel prætextu erroris, & imprudentiæ ætatis.

*Si primum*, sicut adversus triplicem ejusmodi sententiam non datur appellatio, ita nec restitutio ad effectum, ut tertio judicati executio retardetur *c. suscitata 6. h. tit. & Clem. 1. de re judic.* & hoc ob præsumptionem, quæ ex hujusmodi trina sententia pro justitia ejusdem oritur; neque enim verisimile est aliquem in eadem causa, & articulo à tribus Judicibus diversis gravari.

*Si secundum*, in integrum restitutio sic condemnato conceditur, ita ut si in continenti Judicem de Jure suo, & prætenso ætatis lapsu informer summariè, executio suspendatur, donec plena erroris, & ex eo orta læsionis fiat cognitio. Ratio est, quia tres conformes sententiæ inducunt quidem præsumptionem pro Judicibus, quod justè judicaverint; non tamen tollunt præsumptionem erroris, ex juvenili imprudentia in minore orti. Mynsing. *cent. 3. obs. 84. Odd. q. 72. numer. 68. & 74.* Vviefst. *hic num. 42.*

Quæritur 7. an etiam major 25. annis petere possit restitutionem in integrum adversus sententiam contra se latam? Resp. posse petere in eum finem, ut causa denuo cognoscatur, etsi sententia transierit in rem judicatam, modò præter læsionem justa causa illam petendi subsit, eaque probetur *c. ex litteris 4. h. tit.*

Estque hoc medium valde utile, quo defendere se à læsione etiam majores possunt; nam casu, quo dubium est, an aliud ipsis remedium competat, in subsidium petere extraordinarium in integrum restitutionis possunt sub conditione, si ipsis non competat aliud, ut ex casu *c. 4. cit.* patet, & notat Pith. *hic n. 31.*

Porro causa justa restitutionem petendi debet probari plenè, nisi causa, in qua petitur, sit favorabilis; tum enim inrerum conceditur restitutio, etsi causa tantum probata sit semiplenè, ut constat ex *c. cit.* ubi mu-



mulier, etsi fraudem à se allegatam non plenè probaverit, & conf. de Jure communi non debuerit audiri, favore tamen Matrimonii oblinuit beneficium restitutionis in integrum, idque ex benignitate Canonica; quia secundùm Canones ad æquitatem magis, quàm Juris rigorem attendi debet.

Quæritur 8. an Ecclesia, vel minor, cui restitutio in integrum fuit denegata, iterum in alio judicio restitui possit? Resp. distinguendo: Vel enim post denegationem restitutionis novæ emergunt defensiones, vel non emergunt.

*Si primum*, restitui debet; quia quæ de novo emergunt, novo indigent auxilio l. de atate 11. §. ex causa 8. ff. de interrogat. in Jur. faciend. quod confirmatur paritate cum re judicata; nam hujus exceptione non obstante, ex causa nova, in priore judicio non allegata, peti aliquid potest l. cum queritur 12. & duabus seqq. ff. de except. rei judic. ergo etiam in integrum restitutio.

*Si secundum*, non potest restitui præterquam ad instituendam appellationem omisam, prout de Ecclesia statuitur c. fin. h. tit. de minore l. si post. 1. & duab. seqq. C. si sapius in integr. restit. idque ad vitandum processum in infinitum; nam si audiretur secundo, deberet etiam audiri, sive admitti tertio ad restitutionem, & sic deinceps.

Addidi præterquam ad instituendam appellationem omisam; nam si omisit appellare à sententia denegatæ restitutionis, petere potest restitui ad appellandum contra illam c. fin. & l. si post. cit. Ratio est, quia hæc est nova causa diversa ab illa, quæ prius dijudicata erat.

Quæritur 9. an is, qui præterdit Professionem suam esse invalidam, & intra quinquennium non reclamavit, adversus temporis istius lapsum restitui debeat, si alleget justas causas, quare intra hoc tempus reclamare non potuerit? Negat Cævallos qq. pract. q. 500. in fin. Flamyn. de resign. l. 13. q. 5. num. 46. adducens pro se declarationem Cardd. Et videtur hoc posse probari. 1. quia beneficium restitutionis in integrum non datur, nisi læsis. atqui Professionis in Religione approbata emissionem neino censetur lædi, cum eam emittens statum mutet in melius. 2. quia neque adversus matrimonium carnale post cohabitationem diutinam unius, & dimidii anni datur locus restitutioni in integrum. ergo neque adversus Professionem post delationem habitus, & exercitium actuum Professis competentium quinquennio continuatum. 3. quia lapsus quinquennii, sine reclamatione exacti, inducit præsumptionem ratificatæ Professionis, estque hæc præsumptio Juris, & de Jure, contra quam probatio non admittitur; admitteretur autem, si adversus lapsum hujus temporis concederetur in integrum restitutio. ergo &c.

Sed dicendum, restitutionem in integrum adversus quinquennii lapsum competere non solum minoribus ratione fragilitatis suæ ætatis, sed etiam majoribus ex clausula generali ratione ignorantie, vel alterius impedimenti. Ita Navar. Comment. 4. de regular. n. 76. Less. l. 2. de Just. c. 41. n. 65. Sanch. l. 7. de matr. D. 37. n. 22. Barb. de offic. & potest. Episc. alleg. 104. n. 18. & plurimi alii ab his cit. Ratio est, quia beneficium restitutionis in integrum adversus præscriptionem temporis minoribus ratione fragilitatis, majoribus ex clausula generali generaliter indultum est, nec ademptum per Trid. quamvis enim hoc sess. 25. c. 19. de reform. statuat, eum, qui post quinquennium primùm agere contra Professionem à se emissam vult, non ampliùs audiendum, id tamen, ut P. Vviesner hic numer. 49. advertit, intelligi solum debet, si velit instituere actionem Ordinariam, non verò si petat restitutionem in integrum, idque ex principio generali, quòd ubi Jura actionem adimunt, intelligi debeant de actione ordinaria, quæ Jure communi, & stricto competit, non verò de extraordinaria, & specialiter à Jure indulta. Conf. ex praxi; quia hujusmodi restitutio ad effectum reclamandi à Papa, & Congreg. Cardd. Trid. Interpp. vel ejus, quæ negotiis Regularium præest, ad quos recurri debet, cognita prius saltem summarie nullitate deducenda, & justitia impedimenti, concedi solet.

Neque contrarium probant Argumenta opposita. Ad 1. læsio in hoc consistit, quòd ita profitens, vel non satis maturo consilio, vel metu inductus assumpserit statum valde difficilem, & pro prece maturitatem ætatis, Schmalzgrueber Tom. I.

& libertatem maximam exposcentem. Ad 2. adversus Matrimonium post sesquianni lapsum non datur restitutio in integrum Jure antiquo, ex eo præcisè capite, quòd intra tale tempus censeatur purgatus metus: quæ præsumptio, si probetur tanto tempore durasse metus, cessat, & petenti restitutio in integrum datur, ut agere contra Matrimonium possit, & nullitatem ejusdem deducere. Ad 3. distinguendum; nam etsi adversus præsumptionem Juris, & de Jure probatio in Judicio ordinario non admittatur, admittitur tamen in Judicio extraordinario, quo conceditur restitutio in integrum: patet in sententia lata à Papa, quæ etsi vini rei judicatæ habeat, in integrum tamen restitutionem non respuit.

## §. IV.

## De Forma Restitutionis in integrum.

## S U M M A R I U M.

- 34 Pro restitutione implorandus est Judex ejus, contra quem petitur.
- 35 Implorari potest non tantum Supremus, sed etiam inferior.
- 36 In quibusdam casibus etiam Delegatus.
- 37 Ab Ecclesia contra Laicum etiam Ecclesiasticus.
- 38 Nec tantum Judex domicilii, sed etiam contractus, & rei sitæ.
- 39 Tempus, intra quod peti debet est quadriennium.
- 40 Ex causa justa Ecclesia, & Resp. restituitur etiam post quadriennium.
- 41 Quod ad minores extendi non debet.
- 42 Quadriennium hoc ex parte continuum est, & ex parte utile.
- 43 Eo etiam heredes fruuntur.
- 44 Datum est non tantum ad petendam restitutionem, sed etiam faciendam.
- 45 Modus, quo peti, & dari debet.
- 46 Advertenda Judici.
- 47 Effectus restitutionis postulata.
- 48 Effectus obtenta.
- 49 50. 51. 52. 53 An etiam cum re sint restituendi fructus?
- 54 55. An, & quando restitutionem in integrum petere Procurator possit?
- 56 Quomodo facienda restitutio adversus negligentiam Procuratoris, vel Pralati?
- 57 Quomodo adversus ejusdem confessionem?

Forma restitutionis in integrum in tribus consistit. 1. ut petatur à Judice competente. 2. ut petatur intra præscriptum à Jure tempus. 3. ut petatur, & concedatur modo, quem SS. Canones, & Leges volunt.

Quæritur 1. coram quo Judice restitutio in integrum petenda sit? Resp. Ordinariè peti debet à Judice ejus, contra quem petitur, sive minor eam petat, sive major l. quoniam 2. & l. fin. C. ubi, & apud quem cognitio &c. Ratio est, quia petens restitutionem in integrum est velut actor, & actor ex vulgari Regula sequitur forum rei c. cum sit 8. de for. compet.

Dub. 1. quis Judex pro Restitutione impetenda sit adeundus, Supremus, an inferior? Resp. hodiernis moribus, teste Zoef. hic num. 5. in pluribus Provinciis restitutionem in integrum concedit solus Princeps, aut Supremum ejus Consilium; inferioribus verò tantum examina precum, quibus pro ea supplicatur, an veritate niantur, committitur.

De Jure implorari pro ea etiam Judex ordinarius inferior potest, cum discrimen tamen; nam ad eum recurri pro illa potest, si Jurisdictionem cum rerum administratione, vel mixtum saltem imperium habeat: secus, si utraque careat. Colligitur ex c. causa 9. h. tit. l. in causa 16. §. fin. ff. de minor. & l. fin. vers. sancimus C. ubi, & apud quem cognitio &c. Ratio est, quia restitutio in integrum est actus mixti imperii, ut dictum est Tit. 32. num. 7. igitur ordinaria restituendi potestas non comperit, nisi illis, qui mixtum saltem imperium habent vel administrationem cum Jurisdictione contentiosa conjunctam.

Dub. 2. an beneficium restitutionis in integrum im-



plorari etiam coram Iudice Delegato possit? Resp. cum distinctione: Vel enim ille est Delegatus tantum specialis, & ad unam solum, vel alteram causam, vel est Delegatus generalis, & ad universitatem causarum.

*Si primum*, non potest ille in integrum restituere, nisi hoc specialiter ipsi commissum sit, vel causa restitutionis coram ipso moveatur incidenter. Ratio est, quia potestas Iudicis delegati definitur mandato, quod habet à delegante; ergo nisi de in integrum restituendo mandatum habeat, potestas restituendi ipsi non competit. Excepi, si causa restitutionis coram ipso moveatur incidenter: quod sumitur ex *l. quoties 3. C. de Judic.* & inde deducta generali Regula, quia is, qui est Iudex causæ principalis, etiam esse dicitur Iudex causæ incidentis cum illa, licet alias de eo non posset cognoscere principaliter.

*Si secundum*, iterum distinguendum, an simplicem solum Jurisdictionem, seu facultatem iudicandi sibi delegatam habeat, an verò conjunctam cum administratione in aliquo territorio. *Si prius*, de causa restitutionis non potest cognoscere, nisi incidenter de ea lis coram ipso sit mota, ut habetur in textibus *citt.* *Si posterius*, contra sententiam quidem definitivam à se latam restituere nequit (nam hoc nullus Iudex delegatus potest, nisi specialiter ipsi commissum sit, quippe qui post latam à se sententiam censetur functus officio suo) sed contra ludentem, sive deinde in integrum restitutionis causa agatur incidenter, sive principaliter, ut patet ex *l. fin. vers. sed ne quid C. ubi & apud quem &c.* ibi si generaliter dati sint Iudices &c. Ratio est, quia Delegati ad universitatem causarum æquiparantur Iudicibus Ordinariis.

37 Dub. 3. quis Iudex implorandus, quando restitutio in integrum petitur à Clerico, vel Ecclesia contra Laicum? Resp. distinguendo: Vel enim Clericus se læsum conqueritur tantum in bonis patrimonialibus, & sibi propriis, vel in Beneficialibus, aut aliis Ecclesiæ suæ propriis, & conf. læsa est ipsa Ecclesia.

*Si primum*, probabilius à Clerico conveniri Laicus lafor coram Iudice sæculari, & ab isto peti restitutio debet, ob universalem regulam *n. 34.* allegaram, quod actor forum rei sequatur.

*Si secundum*, in arbitrio Ecclesiæ læsa est, an coram Iudice sæculari, vel Ecclesiastico in integrum restitutionis causam intentare velit. Colligitur ex *cap. ad nostram 11. de reb. Eccl. non alien.* ubi, cum Monasterium quoddam enormiter esset læsum ex contractu cum Laico inito, præcipitur restitui in integrum per Iudicem Ecclesiasticum.

Neque dicas, hoc casu Monasterium contra Laicum à Iudice Ecclesiastico restitutum idcirco esse, quod ille in eo casu fuerit Iudex Ordinarius Laici ob competentem ipsi Jurisdictionem temporalem; nam hoc divinare est, cum explicationis istius fundamentum nullum habeatur ex textu.

38 Dub. 4. an Restitutio in integrum petenda sit tantum à Iudice loci, in quo reus domicilium habet, an verò etiam coram Iudice rei sitæ, aut loci, in quo celebratus contractus est? Videtur tantum proponi petitio ista posse coram Iudice domicilii; quia *l. quoniam 2. C. ubi, & apud quem cognit. &c.* hoc expresse habetur.

Sed dicendum, restitutionem peti posse etiam coram Iudice loci, ubi res sita est, quæ auxilio restitutionis repetitur: imò etiam coram Iudice loci, ubi contractus est celebratus, si in eo loco reus adesset. Ita Felin. in *c. fin. de for. compet. n. 24.* Covar. *l. 1. var. c. 4. num. 1. Molin. tr. 2. de Just. D. 573. num. 23.* Pirhing *hic n. 59.* Vviestner *n. 82.* & novissime Magnif. D. Verlohner *Semcent. q. 24. num. 4. & seqq.* Ratio est, quia eadem est natura distractus, quæ contractus *arg. l. Pomponius 13. §. præterea 2. ff. de acquir. possess. & l. ex empto 11. §. is, qui vina 6. ff. de action. empt.* atqui ratione Contractus fortitur qui forum, ita, ut in loco contractus conveniri possit, si ibi existat, etiam si ibi non habeat domicilium. ergo etiam apud eundem conveniri potest super distractu, seu ad rescindendum Contractum per restitutionem in integrum.

Neque obstat *l. quoniam cit.* quia ibi solum dicitur reum conveniendum in loco domicilii, quod plerumque in eo existat, non tamen negatur eum conveniri posse in loco Contractus, si ibidem reperitur.

39 Queritur 2. intra quod tempus peti debeat Restitutio in integrum? Resp. olim ex Edicto Prætoris hoc tempus erat annum, sed anni utilis *l. interdum 19. de minorib.* Postea verò ob difficilem dierum utilium computationem à Justiniano ad quadriennium continuum extensum est *l. fin. C. de tempor. in integr. restitut.*

Computandum autem hoc tempus est diversimodè pro diversitate eorum, qui privilegio in integrum restitutionis gaudent. Nam 1. Minori numerandum est ab anno 25. ætatis completo, quo minor esse desinit, usque ad annum 29. completum, nisi veniam ætatis impetraverit; tunc enim à die, quo venia ætatis obtenta fuit, & intimata, quadriennium numerari eidem debet *l. eos qui 1. C. de his, qui ven. at. & l. ea que 5. C. de temp. in integr. restit.*

2 Ecclesiæ, Civitati, & aliis, qui Jure minorum gaudent, incipit currere à die factæ, & ut aliqui putant, innotescantis læsionis, ut statuitur *c. Ecclesia 1. & seq. h. tit. in 6. Clem. un. eod. & ibi Gloss. V. à tempore.* Excipitur, nisi aut prævaricatio, aut fraus manifesta, aut alia rationabilis causa Iudicem moveat ad quadriennium extendendum. Molin. *tr. 2. D. 574. n. 3.*

3 Majoribus concessum computari debet à die, quo cessat causa absentia, vel alterius impedimenti, propter quod eis conceditur restitutio *l. in his 1. & l. fin. C. de tempor. in integr. restit.* Gloss. in *Clem. un. V. à tempore h. tit.* Excipitur restitutio ex causa metus, & doli; illa enim anno *l. item si 14. §. si quis 1. ff. quod met. caus. &c.* hæc biennio continuo finitur *l. fin. C. de dol. mal.*

40 Dub. 1. quando Ecclesia restitui in integrum possit, etiam lapso quadriennio? Resp. restitutio in integrum Ecclesiæ (idem est de Rep.) conceditur post quadriennium. 1. si quadriennio illo, quo peti debebat restitutio ab Ecclesia, vixit adhuc Prælatus, cujus contractu Ecclesia læsa est. Gloss. in *c. 1. in cas. prop. fin. vers. nota quod h. tit. in 6.* Ratio est, quia toto illo tempore legitime impedita censetur, cum non sit credibile, Prælatum retractaturum illud, quod temere fecit.

2 Si sæpientes, & repentinæ Prælatorum mutationes interea factæ sint. Barbof. in *c. 1. cit. n. 45.* Ratio est, quia præsumuntur non potuisse invigilare perquirendis Ecclesiæ, vel Monasterii juribus, & discutendis Antecessorum suorum gestis, an Ecclesiæ utilia, vel damno-fa sint.

3 Si damnum eminentissimum, & læsio enormissima sit. Abb. in *c. requisivit 1. h. tit. num. 2. in fin.* & sumitur ex *c. ad nostram 11. de reb. Eccl. non alien.* ubi Ecclesiæ ob enorme damnum, quod incurrit ex alienatione, concessa est in integrum restitutio post quadriennium, imò, ut Host. *ibidem* putat, etiam post decennium.

4 Si prævaricatio, seu collusio, & fraus intervenerit, & ita factum, ne restitutio intra quadriennium peteretur *c. Ecclesia 1. h. tit. in 6.* 5. si Ecclesia fuit metu prohibita, ne intra id tempus restitutionem peteret. Abb. in *c. 5. h. tit. n. 10.* 6. si ob aliud justum impedimentum restitutio intra quadriennium non est petita *c. Ecclesia cit. & c. seq. Vide Molin. tr. 2. D. 574. n. 3.*

Circa tempus, quod tali casu in integrum restitutioni petendæ conceditur, variant DD. Aliqui existimant tantum concedi alterum quadriennium. Melius Covar. *l. 1. var. c. 3. n. 12. vers. sed ut rem.* putat ex tali causa Ecclesiæ, & Reip. concedi restitutionem posse usque ad tempus longissimum, videlicet 30. annos *arg. l. sicut in rem 3. C. de præscr. 30. vel 40. ann. junct. Gloss. marg. litt. C. ubi, Officio Iudicis*, inquit, regulariter non præscribitur, nisi spatio 30. annor.

41 Dub. 2. an etiam minores ex causa justa, & rationabili restitui in integrum post quadriennium possint? Resp. negativè, sed hoc speciale est in Ecclesia, & Rep. ut docet Molin. *numer. 3. cit.* Ratio est, quia hoc concessum est Ecclesiis, & Reip. ob favorem publicum, qui semper manet. Accedit, quia Ecclesia, & Resp. semper gubernatur per Administratores: ut proinde illi, tanquam personæ fictæ, citius succurrendum sit, ne administratorum suorum culpa, vel negligentia eidem sit damno contra Reg. 76. in 6.

Aliter se res habet in minore; nam hic, postquam major factus est, adeoque legitimam ætatem obtinuit, se, suæque gubernat ipse, ut adeo majorem favorem jam non mereatur, quàm alii majores natu: proinde post quadriennium per in integrum restitutionem ipsi non



non subvenitur, nisi ex iis tantum causis, ob quas etiam majores nati restituuntur.

42 Dub. 3. an tempus concessum majori (idem est de quadriennio concessio minori, & Ecclesiae) pro petenda restitutione sit continuum, an verò utile? Resp. esse aliquo modo continuum, & aliquo modo utile. Continuum est; quia currit diebus feriatis, & non feriatis, quibus agere licet, & non licet. Utile verò; quia non currit iuste impedito.

Hinc si Adversarii, contra quem petitur restitutio, vi, aut dolo, vel ob aliud justum impedimentum illa peti non potuit, suppletur postea totum illud tempus, quo duravit impedimentum, & ad quadriennium tantum addi debet, quantum temporis ablatum fuerat, ut colligitur ex *l. fin. C. de temp. in integr. restit.* & notat Gloss. *ibid. V. supervacuam in fin. & V. excipitur.*

43 Dub. 4. an tempus hoc, quod minori, & ex justa causa majori competit, transmittatur etiam ad hæredes istorum? Resp. cum distinctione. Vel enim est minor minoris hæres, vel minor majoris, vel major minoris, vel denique major majoris.

Si primum, hæredi conceditur quadriennium computandum ab anno ætatis suæ 25. non attenta, vel computata ætate defuncti *l. ea quæ 5. §. si quando 1. C. de temp. in integr. restit.*

Si secundum, tantum temporis ad petendam restitutionem in integrum post adeptam majorem ætatem conceditur minori, quantum temporis adhuc habuit major defunctus *l. ea quæ cit. §. quod si 2.*

Si tertium, hæredi majori dandum est quadriennium computandum ab adita hæreditate, vel accepta bonorum possessione *l. cit. §. fin.*

Si quartum, statim ut iste hæreditatem adiit, ad restitutionem petendam habebit tantundem temporis, v. g. duos, vel tres menses, quot mortis tempore defuncto superant. Gloss. *fin. in l. cit.* Quod etiam dicendum casu, quo defunctus ante quadriennium, quod major factus ad restitutionem petendam habuit, e. g. anno ætatis 27. aut 28. obiit; dabuntur enim hæredi tres, vel duo anni residui.

44 Dub. 5. an intra quadriennium, quod minoribus, Ecclesiis, Reip. & ex justa causa majoribus concessum est, solum peti restitutio in integrum, an verò illius causa etiam finiri debeat? Resp. hodie in plerisque Tribunalibus tam Ecclesiasticis, quam Sæcularibus, ut notat Barbof. *in Clem. un. h. tit. n. 4.* ferè sufficit implorasse hoc beneficium, de Jure tamen intra hoc tempus causa restitutionis in integrum etiam deberet finiri regulariter loquendo, ac proinde litis contestatione non perpetuatur, ut patet ex *Clem. cit. & l. petenda 6. C. de temp. in integr. restit.* quod adeo verum est, ut quemadmodum in *l. fin. C. eod. numer. 3.* observat Baldus, sententia, super restitutionis causa post tempus istud jam lapsum lata, ipso Jure sit nulla.

Addidi *regulariter*; nam excipi debet 1. si non per eum, qui restitui petit, sed per Judicem, vel Adversarium stetit, quo minùs intra id tempus finiretur restitutionis causa. Gloss. *inc. 1. V. quadriennii spatio h. tit. in 6.* 2. si causa ultra quadriennium differatur cum consensu Adversarii, contra quem minor, aut Ecclesia restitui petit. Gloss. *in l. fin. cit. V. finiendamque litem.* 3. si testes super articulis eam concernentibus vocari debent ex locis remotis, vel aliud necessarium impedimentum occurrat, quo minùs restitutionis causa intra id tempus finiri poterit. Odd. *qu. 19. à numer. 96.* Vviesn. *h. numer. 75.* His ergo casibus sufficet, si intra statutum à Jure tempus beneficium restitutionis, sit imploratum.

45 Queritur 3. qua forma, & modo peti, & fieri restitutio in integrum debeat? Resp. dupliciter restitutio in integrum proponi potest, directè, ac principaliter per modum actionis, & indirectè, seu incidenter per modum exceptionis, ut si minor, conventus ab aliquo ex contractu, in quo ipse minor læsus est, excipiat contra actorem, se esse læsum eo contractu, & petere restitutionem in integrum.

Si directè proponatur, forma illius petendæ, & faciendæ in his consistit. 1. peti debet intra tempus legitimum; aliàs illam petens non auditur; ut dictum n. 39. & seqq. quod etiam notandum, quando proponitur per modum exceptionis. 2. proponi debet implorato Judicis officio.

Schmalzgrueber Tom. I.

cio *l. quod si minor 24. §. fin. ff. de minor.* 3. Judex iste debet esse competens respectu ejus, contra quem petitur restitutio, ut dictum *num. 34.* 4. ab hoc fieri debet, causa legitime cognita, & probata *l. fin. ff. h. tit. l. ait Prætor 7. §. non solum 3. & l. verum 11. §. sciendum 3. ff. de minor.* 5. præsentem Adversario, nisi per contumaciam absit *l. in causa 13. Vers. causa ff. eod.* 6. præmissa citatione, & litis contestatione. Vallens. §. 2. *h. n. 1.* Zoef. *nu. 7.* Pirhing *num. 69.*

Dub. 1. circa quæ cognoscere Judex debeat, antequam in integrum restitutionem decernat? Resp. si major restitutionem petat, principaliter cognoscat de læsione, & justa causa restitutionem petendi, quam utramque, seu fundamentum intentionis suæ, restitutio nem petens probare debet, ut rectè advertit Konig *h. n. 23.*

Si minor ex capite minorennitatis petat, quatuor à Judice cognoscenda sunt. 1. *Minorennitas*, ut colligitur ex *c. constitutus 8. h. tit.* & ratio probat; nam minor ætas non præsumitur, nisi aliud aspectus demonstraret. 2. *Læsio*; nam neque minor restituitur, nisi sit læsus, ut dictum est *num. 2.* 3. *qualitas causæ*, an talis sit, in qua restitutio in integrum locum habeat: de quo *num. 25. & seqq.* 4. Tempus, quo petitur, an sc. quadriennium à tempore, quo major fructus est, non dum sit lapsus.

Primum, & secundum probare minor petens restitutionem debet, quippe cum in his intentionem suam funderet. Quartum probandi onus incumbit Adversario asserenti, tempus illud esse transactum. Tertium sine probatione Judex ipse potest despiciere.

Dub. 2. quis sit effectus Restitutionis postulatæ? Resp. quòd ea pendente omnia in eodem statu manere debeant *l. un. C. in integr. restit. postul.* Hinc neque sententia, contra quam in integrum restitutio petitur, executioni mandari potest, quamdiu restitutionis causa indidicussa manet. Sabell. *in Summ. V. restitutio num. 5.* & apud hunc Rota.

Neque obstat *c. suscitata 6. h. tit.* ubi proposita, & petita restitutione in integrum, Pontifex voluit, ut ante omnia procederetur ad executionem sententiæ; nam hoc intelligi debet, quando præsumptio est, quòd malo animo, & causa impediendi effectum sententiæ petatur restitutio; tunc enim, ut *in c. cit.* innuitur, sententia executioni mandari potest, & debet, ita tamen, ut victor idoneam cautionem præster, quòd universa, quæ occasione sententiæ perceperit, restitutus sit Adversario casu, quo iste in restitutionis judicio prævalebit.

Dub. 3. quis sit effectus Restitutionis obtentæ? Resp. hæc impetrata, omnia reintegrantur, sive ad pristinum statum reducuntur, in quo ante læsionem fuerunt *l. quod si minor 24. §. restitutio 4. ff. de minorib.*

Et hinc utrique parti contrahentium communis esse restitutio debet, & utrique prodesse, tam illi, cui restituitur, quàm ei, contra quem sit restitutio, ita ut iste non habeat damnum, & ille non ferat lucrum. Patet ex *c. requisivit 1. h. tit. l. un. C. de reputationib.* & innuit Etymologia nominis; nam restitutio est in pristinum statum positio *l. cum salutat 1. & l. fin. §. fin. C. de sentent. pass. & restit.* Ratio est, quia Jure naturæ æquum est, neminem cum alterius detrimento, & injuria locupletiores fieri. Reg. 106. *ff. de R. J.*

Quare si minor, vel Ecclesia in contractu v. g. venditionis læsa restituatur, non tantum pretium emptio nis, quòd ipsi pro re vendita solutum est, reddere debet, quatenus in utilitatem læsi v. g. minoris ver sum probatur *l. prediorum 10. C. de pred. minor.* sed insuper expensas, non quidem voluptuarias (hærenim non restituuntur *l. sine 32. §. item respondit 5. ff. de administ. tutor.*) sed necessarias, aut utiles, ab emptore in rem emptam bona fide factas, una cum laboris æstimatione, & melioramentis *cap. requisivit cit. in fin. & l. intra 39. in fin. junct.* Gloss. *V. expensas ff. de minor.* Quod adeo verum est, ut is, contra quem fit restitutio, possit interim retinere rem, donec ei de his omnibus plenè sit satisfactum. Abb. *in c. 1. cit. numer. 3.*

Dub. 4. an minor, vel Ecclesia cum re etiam restituere fructus debeat? Tres sunt sententiæ. Prima affirmat cum Abb. *in c. 1. h. tit. nu. 4.* Berojo *ibid. num. 41. & 42. Covar. l. 1. var. c. 3. numer. 1. & 2.* idque argumento



triplici. 1. ex l. quod si minor 24. §. restitutio 4. & l. patri 27. §. si pecuniam 1. ff. de minorib. ubi emptor, recepto pretio, jubetur reddere fundum, & prædium cum fructibus, 2. quia emptor tali casu, quo fundus restitui debet, Juris fictione æquiparatur bonæ fidei possessori, atqui iste fructus extantes, aut quatenus inde factus est locupletior, restituere debet, vel computare pro expensis in rem factis l. sumptus 48. ff. de rei vindicat. ergo etiam emptor. 3. quia si fructus minori, & Ecclesiæ restitui non deberent, minus haberent post restitutionem, quam habuissent, si non contraxissent; est autem restitutio in pristinum statum positio. ergo &c.

50 Altera sententia censet rem solam sine fructibus restituendam. Ita Bald. in l. fin. C. de sentent. pass. Gaill. de pac. publ. l. 2. c. 19. n. 28. Fachin. l. 1. contr. c. 38. Pal. tr. 32. D. 1. p. 19. §. 4. num. 3. & alii apud ipsum, & suffragari videntur textus utriusque Juris. Canonici quidem c. ad nostram 11. de reb. Eccl. non alien. ubi Pontifex Monasterium, quod per venditionem fundi feudalis viliori pretio factam læsum erat, in integrum restituit, retentis ab emptore fructibus perceptis, quamvis isti plurimum excederent laborem in fundo colendo adhibitum; Civilis autem l. bonæ fidei 48. in princ. ff. de acquir. rer. domin. ubi bonæ fidei possessori tribuuntur fructus ex fundo percepti; talis autem, imò non possessor tantum, sed dominus est emptor in casu nostro, cum emptio, & venditio fuerit valida. ergo &c.

51 Tertia, eaque meo iudicio probabilior cum Molin. tr. 2. de Just. D. 575. num. 6. Less. l. 2. de Just. c. 17. num. 70. & 71. Pirhing hic num. 72. & seqq. Vviesl. num. 90. utitur distinctione: Vel enim res minoris alienata est per contractum gratuitum, vel per onerosum. Si primum, e. g. si prædium alteri donatum, aut luerosa hæreditas repudiata est, restitui cum re etiam fructus debent, deductis tamen expensis, ut rectè probat sententia prima: & confirmatur; nam tali casu Ecclesia, vel minor læsa fuit non solum in re, sed etiam in fructibus. Si secundum, videndum est, an læsio tantum contigerit propter inæqualitatem pretii ad rem venditam, an verò afficiat ipsam rei venditæ substantiam, quod rem illam non expedierit alienari. Si prius, fructus restituendi secundum proportionem pretii diminuti; nam in his læsus est minor, vel Ecclesia restituenda. Si posterius, sufficit, ordinariè saltem, restitui rem sine fructibus; quia in re, & non in fructibus, læsio contigit, cum ex pretio pro re dato fructibus correspondens lucrum perceptum sit, vel percipi potuerit: quod si factum non est, sibi imputet minor.

52 Neque contrarium suadent Argumenta opposita. Ad Argumentum 1. sententiæ affirmatiæ notat Molin. l. cit. non esse novum in Digestis reperiri responsa Juris inter sese pugnantia vel memoriæ lapsu, vel ut eligi posset ex utriusque, quod æquitati, & rationi magis consentaneum foret: deinde rigor illorum textuum, quem præferunt, æquitate suadente temperari potest, si dicatur, restituendos fructus, qui respondent defectui pretii, vel post contractus rescissionem percepti sunt. Ad 2. Emptor, qui rem pupilli, vel Ecclesiæ minoris emit, non est factus locupletior, nisi quoad fructus, qui respondent defectui pretii. ergo istos solos restituere satis erit. Ad 3. patet ex dictis; sufficienter enim in pristinum statum restituitur minor, vel Ecclesia læsa, si fructus illi restituantur, qui post rescissionem contractus percepti sunt, vel qui respondent excessui, aut defectui pretii, vel meritis, quo læsa est.

53 Argumenta secundæ sententiæ non sunt magis efficacia. Ad 1. Barbof. in c. cit. num. 2. respondet, id speciale esse in contractu feudali; nam de hujus natura est, ut fructus ad Vassallum, si servitutem ratione feudi debita exhibeat, & exhibere paratus sit, spectent l. 2. feud. c. 1. in fin. Si verò contendas non esse verisimile, quod in illa facti specie Vassallus multa servitia, amplius feudis redditibus æquivalentia, præstiterit Ecclesiæ, dici potest cum Molin. l. cit. numer. 5. Lug. D. 22. de contract. sect. 12. numer. 326. Pirhing hic num. 70. quod Pontifex eo casu obligationem restituendi fructus, defectui pretii respondentem, condonavit: idque tum ad exonerandam conscientiam emptoris, tum ad faciliorem reddendam restitutionem, quod facere potuit ob justas causas ex vi supremæ administrationis bonorum Ecclesiasticorum, quæ ipsi competit. Ad 2. possessor bonæ fidei facit

quidem fructus suos, sed extantes revocabiliter tantum propter privilegium restitutionis Ecclesiæ, vel minori competens.

Quæritur 4. an, & quando ad petendam restitutionem 54 in integrum contra sententiam admittatur Procurator minoris, vel Ecclesiæ? Resp. distinguendo: Vel enim incidenter solum petit restitutionem in integrum, vel principaliter. Si incidenter, Procurator ad eam petendam sine novo, & speciali mandato admitti potest, ut tradit Gloss. in c. 6. V. postulat h. tit. Engl. hic num. 16. Pirhing numer. 23. not. 2. & ratio est, quia potestas ista censetur commissa unà cum causa principali, cum de connexis sit eadem ratio.

Si principaliter, videndum est, an intra decendium à lata sententia restitutionem contra eandem petat, an post decendium lapsum? Si intra decendium, sicut appellare, ita etiam petere restitutionem in integrum potest sine novo, & speciali mandato; quia, ut Gloss. l. cit. notat, si restitutionis petitio in continenti fiat post sententiam, intelligitur quasi incidenter facta.

Si verò post decendium, tertia distinctio est adhibenda, & persciendum, an sententia hæc fuerit solum interlocutoria, an verò definitiva. Si interlocutoria, probabiliter ad petendam restitutionem in integrum mandato novo non indiget, modò nondum finita sit causa principalis, ut bene advertit Pirh. hic l. cit. quia censetur adhuc habere mandatum ad omnia, quæ spectant ad illam causam. Si verò definitiva fuit ipsius causæ principalis, ad petendam restitutionem in integrum Procurator novo mandato indiget. Pirhing l. cit. & ratio est, quia tunc censetur omnino finita causa, ad quam Procurator habebat mandatum.

Excipitur 1. nisi sit Procurator datus cum libera; nam 55 datio cum libera æquivalere speciali mandato Engl. hic num. 16. Excipitur 2. Pater administrans bona adventitia filii; nam appellare potest à sententia contra filium lata arg. l. si actor 10. C. de appellat. ergo & petere restitutionem in integrum; neque enim magis requiritur speciale mandatum ad petendam restitutionem, quam ad appellandum Molin. tr. 2. D. 573. n. 26. Excipitur 3. Tutor, Curator, Oeconomus, Prælati, & reliqui habentes administrationem alieni patrimonii; quia ex munere proprio id ipsis incumbit, ut adeo mandato novo non indigeant. Molin. l. cit.

Præter hos nullus alius ad postulandam pro alio in integrum restitutionem admitti sine speciali mandato debet, etiam si sit consanguineus, vel affinis, ut habetur l. patri 27. in princ. ff. de minor. in iis enim, quæ speciali mandato indigent, non sufficit allegare præsumptionem mandati. Engl. l. cit. Unde Patris, & aliorum consanguineorum in hoc diversa est ratio: Rationem disparitatis textus l. cit. indicat; quia, ut ibidem Cajus, Patris periculum agitur, qui de peculio tenetur.

Dub. 1. an, & quomodo restituatur minor, vel Ec- 56 clesia, si læsa sit notabiliter contractu, vel actu celebrato, per Procuratorem, Prælatum, vel Administratorem suum? Resp. cum distinctione: Vel enim læsio hæc in contractu, vel actu celebrato contigit sine Procuratoris, Prælati, vel Administratoris culpa, vel culpa ejusdem. Si primum, Ecclesiæ, vel minori conceditur restitutio in integrum, modò læsionem probaverit, neque adversus Procuratorem, aut Prælatum &c. ipsi actio datur, cum non deliquerit.

Si secundum, distinguunt aliqui inter Prælatum, & Administratorem alienorum bonorum ex una parte, & inter Procuratorem ex altera. Et de Prælato, vel Administratore quidem dicunt, in optione læsæ Ecclesiæ esse, an velit convenire Prælatum, vel Administratorem, cujus culpa est læsa, ad reparationem damni per eos illati, an verò petere restitutionem in integrum. De Procuratore putant, hunc prius conveniri debere, si solvendo sit; si verò comperiatur, quod solvendo non sit, tum primum ei permittendum, ut petat restitutionem in integrum.

Alii cum Gloss. in c. 2. V. restituimus h. tit. putant, nullum faciendum discrimen in hoc passu inter Procuratorem, & Prælatum, vel Administratorem alium alieni peculii arg. l. etiam 3. C. si tutor, vel Curat. interven. Sed recte ex hac lege nihil probatur; quia sermo ibi est de Curatore, seu Administratore necessario, non item de voluntario, cujusmodi est Procurator.

Quare



Quare retinendum est prius datum discrimen, quod etiam facit Molin. *D. 573. cit. n. 5.* cum aliis, & clarè innuitur *l. cum mandato 23. ff. de minorib.* rationem dat Gloss. *ibid V. audiri. quia Tutor* (Administrator Prælatus) *gerit ex necessitate, Procurator ex voluntate unde mitius cum tutore agendum.*

Dub. 2. an, & quomodo in integrum restituatur Ecclesia adversus confessionem Prælati, vel Procuratoris sui, qua læsa fuit, e. g. si iste falsus est, quod verum non erat, vel si verum fuit, quod probari plenè non poterat? Resp. etiam hoc casu concedendam ipsi restitutionem in integrum: circa quam sequentia notanda sunt.

1 Restitutio intra quadriennium, computandum à tempore confessionis, seu læsionis, petenda est; nam isto lapso, non auditur: uti tamen eo casu poterit via communi, revocando confessionem, ex qua læsa est, ex causa erroris, quem in facto contigisse prætendit; hoc enim quandocunque poterit, donec negotium sit finitum *c. fin. h. tit. in 6.* modo error allegatus probetur; nam facta non præsumuntur.

2 Per Restitutio intra quadriennium memoratum potest adversus huiusmodi confessionem, sive in causa Civili, sive etiam in criminali facta illa sit: neque obstat, etsi Juramento sit confirmata. Barbof. *in c. fin. cit. n. 3. & 4.* & alii apud ipsum.

3 Non opus est, ut tali casu Ecclesia petens restitutionem probe falsitatem, vel errorem Prælati, aut Procuratoris, ex cuius confessione læsa est, sed sufficit, si probetur læsio; quia hæc est sufficiens causa restituendi Ecclesiam, & si probare errorem facti deberet Ecclesia, nihil ipsa quoad hoc speciale haberet, cum errore probato. quilibet major post latam sententiam restituatur adversus propriam confessionem ex clausula generali *si qua alia iusta causa &c.*

## T I T U L U S XLII.

## De Alienatione Judicii mutandi causa facta.

## S U M M A R I U M.

- 1 Quando censeatur fieri alienatio Judicii mutandi causa?
- 2 Quomodo succurratur per eam læso?
- 3 Cui, & adversus quem tali casu Actio competat?
- 4 In quibus Judiciis locum habeat?
- 5 Quid requiratur, ut illa læso competat?
- 6 Quid Jure Canonico circa huiusmodi alienationem statutum sit?

**R**emedium priori, quod per in integrum restitutionem conceditur, affine est id, quod succurritur iis, qui alienatione, facta iudicii mutandi causa, sunt læsi. Hinc non immerito Titulus iste priori subiungitur.

1 Quæritur 1. quando censeatur fieri Alienatio iudicii mutandi causa? Resp. Iudicii mutandi causa rem alienare dicitur, qui metu litis sibi impendentis rem, de qua litem sibi movendam intelligit, vel suspicatur, dolo malo in alium transfert, ut propter difficultatem hunc conveniendi reddatur durior conditio Adversarii, & molestior fiat prosecutio litis ab isto inchoanda.

Quod fieri variis modis potest. 1. si alienatio fiat in alium potentiorum, cui par esse non possit *l. omnibus 1. ff. h. tit.* 2. si in alterius Provinciæ hominem, in qua experiri molestum *l. omnibus cit.* & *l. quia etiam 3. ff. eod.* 3. si in Clericum ob fori mutationem *c. fin. h. tit.* 4. si in alium, qui vexaturus est Adversarium *l. aut alium 2. ff. eod.*

Intelligitur autem hæc Alienationis nomine omnis actus, per quem sive dominium rei, sive possessio transfertur, quocunque titulo, sive lucrativo, sive oneroso illud fiat *l. item si res 4. §. Sextus 2. ff. h. tit.* Neque opus est, ut expressè, & directè quis eam alienet, aut possessionem in alium extraneum, vel potentiorum transferat; sed sufficit etiam, quando sine alio contractu, vel actu quis ipso facto à possessione rei decedit, si in fraudem, & dolo malo id faciat, eo sine c. ut alius extraneus, vel potentior possessionem ingrediatur, & occupet; nam utroque casu actio ex Edicto de alienatione iudicii mutandi causa competit, ut dicitur *l. item si res cit.* & notat Abb. *in c. 1. h. tit. n. 1. not. 1.*

Schmalzgrueber Tom. I.

Quæritur 2. quomodo succurratur ei, qui per ejusmodi alienationem ab Adversario factam præjudicium passus est? Resp. conceditur ei duplex actio: Jure Digestorum quidem Actio in factum, eaque vel Directa, quando est alienata proprietas; vel Utilis, si possessio tantum. Gloss. *in l. item si cit. V. fecisse.* Institui actio ista debet intra annum utilem adversus eum, qui rem sic alienavit, ad id, quanti nostra interest alium Adversarium non habere *l. omnibus cit.* petique hac actione potest resectio expensarum, si quas propterea læsus fecit, & incommoditatis, si aliquam passus est *l. quia 3. §. ex quibus 4. ff. h. tit.*

Jure Codicis conceditur ita læso Actio in rem: ut adeo in electione Actoris sit, an actione in factum convenire alienantem velit, an verò actione in rem possessorem rei alienatæ, ut dicitur *l. un. C. h. tit.* & notat *ibid.* Gloss. *V. elegeris:* Imò adversus ipsum etiam alienantem, qui rem dolo desit possidere, Actio, quam *Utilem rei Vindicationem* appellant, datur; quia qui rem dolo desit possidere, pro possessore habetur, & in rem actione conveniri potest *l. fin. autem 27. §. sed & is 3. & l. qui petitorio 36. ff. de R. V.*

Quæritur 3. cui, & adversus quem Actio prædicta 3 competat? Resp. competit læso per ejusmodi alienationem, ejusque hæredibus adversus alienantem, & Jure Codicis, prout dictum est, adversus tertium possessorem. Contra quem si primò actum sit, & exactio secuta, liberatur is, qui alienavit; quia cum possessor rem, vel æstimationem præstitit, non interest amplius Actoris: at si alienans præstitit quidem id, quod interest rem non esse alienatam, adhuc potest contra possessorem agere; quia pænæ exactio non perimit rei persecutionem *l. Stichum 95. §. dolo 9. ff. de solut.*

An adversus hæredes alienantis detur, dubitari potest. Et rationem dubitandi facit, quia, ut dictum est, datur hæredibus læsi. Sed revera ex hoc nihil inferitur; quod enim hæredibus læsi detur, patet ex *l. item si 4. §. fin. ff. h. tit.* ubi etiam ratio datur; *quia rei persecutionem continet.* Quòd verò non detur adversus hæredem alienantis, vel alium similem, ut bonorum possessorem, fideicommissarium &c. decisum clarè est *§. fin. cit.* & tribus *ll. seqq.* quarum ultima, nempe *l. quia 7.* assertur hujus Statuti ratio, *quia pertinet quidem ad rei persecutionem, videtur autem ex delicto dari.* Excipitur, quatenus ad hos pervenit; quia non est æquum aliquem cum injuria alterius locupletari.

Quæritur 4. in quibus Judiciis Actio hæc locum habeat? Resp. locum habet in Judiciis tam Realibus, quando alienata, vel cessa est res, quàm Personalibus, quando alienata, vel cessa est Actio ad rem, si per ejusmodi alienationem, vel cessionem conditio debitoris fiat durior. Zoef. *ff. h. tit. n. 9.* Pirh. *h. n. 1.*

Neque per hoc, quòd læsus experiri velit Actione Prætoriam in factum, tollitur Actio in rem ipsi concessa Jure Codicis, aut vicissim, ut cum aliis notat Pirh. *h. n. 6.* & ratio est, quia contra diversos datur, prior contra alienantem, posterior contra possessorem: quin & ad diversa tendunt: nam prior tendit duntaxat ad consequendum interesse, posterior ad consequendam rem ipsam. Poterit igitur instituere utramque simul, qui tali alienatione læsus est, ut consequatur utrumque.

Neque obstat, quòd actio in rem sit Remedium ordinarium, Actio in factum autem remedium extraordinarium, utpote inductum æquitate Prætoriam; quia ut *Tir. præc.* dictum est, huiusmodi remedia, quando specialiter utilia sunt, concurrunt cum Ordinariis.

Quæritur 5. quid requiratur, ut Actiones prædictæ ob alienationem ejusmodi læso competant? Resp. 1. requiritur actus alienationis, quo rei dominium, vel possessio in alterum translata sit *l. item si 4. §. itemque 1. Vers. potest ff. h. tit.*

2 Ut hæc translatio dominii possessionis, vel quasi facta sit inter vivos, non ultima voluntate *l. ex hoc 8. §. sed hæredem 3. ff. eod.* Ratio est, quia cum moriturus res suas aliis, sive ex testamento, sive ab intestato successuris, relinquere necessariò debeat, alienatio, quæ ab illo per ultimam voluntatem fit, ex necessitate, & benigna voluntate potius; quàm animo iudicii mutandi proficisci censetur.

3 Ut facta sit dolo *l. omnibus 1. ff. h. tit.* Ita facta censetur, quando facta est in alium, per quem durior Adversarii



farij conditio facta est secundum dicta *num. 1.* nisi fortior præsumptio præsumptionem doli excludat: quod fieret, si rem, vel actionem tali personæ cederet ex justa causa, vel necessitate; nam in necessaria alienatione dolum inesse dici nequit; nec fraudem committit, qui utitur Jure suo *l. interdum 1. ff. de fund. dotat. & l. nullus 55. ff. de R. J.*

4 Ut facta sit causa, & intentione judicii mutandi §. *itemque cit. Vers. potest.* Et hinc qui ob infirmitatem, ætatem, vel aliam necessitatem, iundo odio, & execratione molestiarum litis, rem, & cum ea litem movendam citra dolum in alium transfert, non est hujusmodi actioni obnoxius. Vall. *hic num. 3. Zoef. ff. eod. num. 3.* qui rationem dat; quia alienans tunc usus est Jure communi, quo cuilibet liberum est rem suam alienare. Imò nec datur actio ista adversus eum, qui dolo quidem possidere desit, sed non judicii mutandi causa; quia utrumque copulativè requiritur. Vallens. *l. cit.*

5 Ut facta sit causa mutandi judicii futuri; nam cepto judicio, si alienatio facta sit, & ea læsus Adversarius, remedio restitutionis Prætorio opus non habet; tum quia rescissorium est, & supponit alienationem valere, cum tamen alienatio rei litigiosæ ordinariè non sit valida, tum verò maximè, quia res affecta vitio litigiosi à quovis possessore, quamvis ignorante, vindicari potest, perinde, acsi nihil fuisset actum. Zoef. *l. cit. n. 6.*

6 Denique ut intersit Actoris alienationem non esse factam quia sortè idcirco expensas aliquas fecit, vel aliam incommoditatem passus est *l. quia etiam 3. §. ex quibus 4. ff. h. rit. secus, non datur Actio.* Ratio est, quia tunc cessat causa actionis, & nullum existit damnum. igitur necesse est etiam cessare actionem.

6 Quæritur 6. quid Jure Canonico statutum sit circa alienationem Judicii mutandi causa? Resp. hoc Jure dispositiones Juris Civilis approbatæ sunt, & duo iisdem addita.

*Primum est*, quòd etsi aliàs Rescripta Justitiæ non extendantur ad personas in iis non comprehensas, si tamen ad elusionem Rescripti Apostolici res, de qua movetur controversia, in extraneum alienata sit, vi illius Rescripti non tantum alienans, sed etiam is, in quem alienatio facta est, coram Judice per Rescriptum Delegato conveniri possit, quantumvis istius in Rescripto nulla facta sit mentio *c. ex quorundam 1. h. tit. modò sciverit*, alienationem hujusmodi mutandi, aut vitandi judicii causa per fraudem factam esse; nam ad eam, qui bona fide possessionem rei acquirit, *c. cit.* constitutio non exrenditur, ut colligitur ex ejusdem verbis ibi *Qui in possessionem se ingesserint*; neque enim ingerere sese dicitur, qui bona fide possessionem acquirit.

*Secundum est*, ne Clerici rem, vel litem alienam dolosè in se transferri curent causa mutandi judicium, & eo animo, ut Actores Laicos ad forum Ecclesiasticum trahant *c. fin. h. rit.* ubi etiam Censuris compellendi dicuntur ad abstinendum ab hujusmodi cessionibus: & merito quidem, tum quia hujusmodi translatione durior efficitur conditio Laicorum, dum à sæculari foro ad Ecclesiasticum pertrahuntur; tum quia Clerici, curantes rem, aut litem ad se transferri, suspicionem fraudis, & avaritiæ præbent. Gloss. *fin. in c. fin. cit.* Hinc ubi patet, translationem hujusmodi nec fraude, nec avaritia Clericorum fieri, etiam ipsi cessionem rerum, & Jurium recipere à Laicis possunt; quia ipsis non absolutè, sed tantum per fraudem judicii mutandi causa alienationes factas recipere prohibetur. Pirh. *hic num. 11.*

## TITULUS XLIII.

### De Arbitris.

Qui in Judicio coram Judice litigare nolunt metu sumptuum, & expensarum, plerumque ad Arbitros litem deferunt, & coram iisdem, minori plerumque impendio, eandem terminant.

## §. I.

### De Natura, & Varietate Arbitrorum.

## SUMMARIUM.

- 1 *Definitio Arbitri.*
- 2 *Differentia Arbitri à Judice.*
- 3 *Arbitri Juris ab Arbitrio Compromissario.*
- 4 *Arbitri Compromissarij ab Arbitratore.*
- 5 *Casus, quibus Arbitri Juris constitui possunt, vel debent.*

Quæritur 1. quid sit *Arbiter*? Resp. Nomen hoc dupliciter sumitur. 1. *latè, & genericè*: & hoc sensu Arbiter dicitur omnis ille, qui ad aliquod negotium æstimandum, & terminandum constitutus est: & hoc sensu Arbitri sunt ipsi etiam Iudices tum Ordinarii, tum Delegati, præsertim dum judicant in Judiciis bonæ fidei, ubi ex arbitrio suo causam terminant Gonzalez *in c. 1. h. tit. n. 9.* 2. *strictè, & specificè*, prout arbiter à Judice propriè dicto contradistignitur: & eo sensu definiti potest, quòd sit Vir bonus, qui sive ex dispositione Juris, sive ex conventione partium constituitur, ut super controversia, quæ inter eas est, judicium, sive animi sui sensum proferat, eamque dirimat. Pirh. *hic n. 1.*

Ex quo sequitur, duplicis generis dari Arbitros, nempe *Arbitros Juris*, qui etiam *Arbitri Necessarii* appellantur, & *Arbitros Compromissarios*, qui alio nomine *Voluntarii* dicuntur. *Priores* sunt, qui ex præscripto Legis, Principis, vel Judicis constituuntur; *Posteriores*, qui solo partium consensu assumuntur. Molin. *tr. 5. de Just. D. 31. n. 1. & 2.* Horum iterum duæ sunt species; nam aliqui illorum appellantur simpliciter Arbitri, alii verò Arbitratores. *Arbitri* dicuntur, in quos ita sive expressè, sive tacitè compromissum est, ut in causa sibi commissa, servato Juris Ordine, ac forma Judicii procedere, ac pronuntiare debeant. *Arbitratores* verò, in quos à partibus ita compromittitur, ut sine Juris ordine, seu forma judicii non observata, causam cognoscant, examinent, ac de illa statuunt, sicut ipsis æquum, & bonum videbitur. Molin. *l. cit. D. 30. n. 3. & seqq.*

Quæritur 2. in quibus Arbiter, præsertim Compromissarius, à Judice differat? Resp. variæ sunt differentiæ. 1. *quoad ipsam constitutionem*; nam Iudex publica Autoritate assumitur; Arbiter Compromissarius solum privata partium: ille invitatus dari potest; hic non nisi volens. *c. cum speciali 61. de appellat. & l. Labeo 3. §. tametsi 1. ff. de recept. qui arbitr.*

2. *Quoad potestatem*; nam arbitria sunt stricti Juris, & in iis observari fines Compromissi debent *l. non distinguemus 32. §. fin. & l. de his rebus 46. ff. eod.* Amplior est potestas Judicis, præsertim Ordinarii; hic enim omnia potest, quæ in causis ad forum ejus spectantibus non sunt expressè excepta.

3. *Quoad processum*; nam Procurator coram Arbitro litigans non tenetur satisdare, & cavere dominum rem ratam habiturum *l. non distinguemus cit. §. arbitri 20.* quia potest solvere pœnam compromissi, & non stare sententiæ: secus si litiget coram Judice *tot. tit. ff. rem ratam haberi & c.* Item Arbiter Compromissarius non potest contumaces punire, vel testes cogere, quia Jurisdictionem non habet: quod tamen potest Iudex *l. consensisse 2. §. fin. ff. de judic.*

4. *Quoad pronuntiationis vim, & efficaciam*; nam ex sententia Judicis oritur actio, & exceptio rei judicatæ *tot. tit. ff. & c. de re judic. & except. rei judic.* neutra datur ex pronuntiatione arbitri, sed pœna tantum petitio *l. si contra 2. C. h. rit.* nisi expressè, vel tacitè sit approbatum *l. cum ante 5. C. eod.* Item sententia Judicis lata in causa furti, injuriæ &c. infamat condemnatum *l. Athletas 4. §. fin. ff. de his, qui notant infam.* Laudum verò, seu pronuntiatio Arbitri non infamat *l. quid ergo 13. §. ex compromisso 5. ff. eod. quia*, ut ibi dicitur, *non per omnia sententia est.*

5. *Quoad firmitatem pronuntiati*; nam Arbiter, si de causa sibi commissa pronuntiando erravit, & sententiam invalidam dixit, errorem corrigere, vel sententiam mutare non potest *l. qualem 19. in fin. & l. seq. ff. h. rit.* at Iudex Ordinarius potest *l. si præses 6. ff. quom. & quand.*



¶ *quand. Jud. & l. si expressim 19. ff. de appellat.*

6 Quoad *appellationem*; nam ab Arbitrio Compromissario, ejusque arbitrio appellari nequit *l. ex sententia 1. C. h. tit.* potest appellari à sententia Judicis *l. appellandi 1. & tot. tit. ff. de appellat.*

7 Quoad *executionem*; nam Judex sententiam validè à se latam exequi potest; non potest Arbitrer; quia Jurisdictione caret *l. cum antea cit. sed executio demandatur Judici Ordinario ipsius Rei. Abb. in c. 9. h. tit. num. 1. not. 1.*

3 Quæritur 3. quomodo Arbitri Juris differant ab Arbitris Compromissariis? Resp. tres potissimum sunt differentiae. 1. Arbitri Juris compelli possunt ad munus hoc suscipiendum; non ita compelli possunt Arbitri Compromissarii, prout ex *c. ex speciali. & l. Labeo cit. probatum est num. præc. in princ.* Si tamen Arbitrer etiam Compromissarius Arbitrium semel suscepit, adimplere illud tenetur, ut habetur *l. Labeo cit. §. tamen si 1. nisi incidens aliquod necessarium impedimentum, vel alia causa justa eundem excuset l. licet 15. & l. seq. ff. de recept. qui arbit.*

2 Arbitri Juris habent Jurisdictionem quasi ordinariam; & propterea instar veri Judicis citare partes, examinare testes, & alia facere possunt, quæ ad causæ definitionem sunt necessaria *arg. c. suspicionis 39. & ibi Gloss. V. ad quos omnia de Offic. deleg.* At verò Arbitri Compromissarii nullam habent Jurisdictionem, sed tantum cognitionem, eamque ob causam sententiam de causa sibi commissa ferre quidem possunt, partes tamen, vel testes ad comparandum, & testificandum compellere nequeunt. Gloss. cit. Ratio differentiae est, quia Arbitri Juris constituuntur à Lege, vel Principe; Arbitri Compromissarii à partibus compromittentibus: hæc Jurisdictionem dare nequeunt, cum illam non habeant; potest Lex, & Princeps, imò præsumitur dare, quando Arbitrium ipsi constituunt.

3 A<sup>o</sup> Juris Arbitris non secus, ac à sententia Judicis appellari potest; quia sunt veri Indices *c. ab Arbitris 11. de Offic. deleg.* non est autem appellationi locus ab Arbitris Compromissariis *l. non distinguemus cit. §. cum quidam 14. & l. ex sententia 1. C. eod.* Ratio est, quia partes ad Arbitros Juris assumendos compulsæ sunt; & hinc æquum est, ut appellationis remedio iisdem succurratur; at Compromissarios sibi spontè elegerunt, ut adeo sibi imputare debeant, si illorum pronuntiatione lædantur.

4 Quæritur 4. quæ sit inter Arbitrum, & Arbitratorem differentia? Resp. complures enumerant Durand. in *Specul. tit. de arbit. §. 1. n. 1.* Abb. in *c. Quintavallis 23. an. 8. Engl. hic n. 5. Vviestner n. 11.* Præcipue sunt sequentes. 1. Arbitrer assumitur super lite, sive ad dirimendam, quæ inter aliquos est, controversiam *l. non distinguemus cit. §. questum 16.* at Arbitrator plerumque tantum ad contrahens perficiendos, damna illata refarcienda, & alia negotia extrajudicialia expedienda. Molin. *tr. 5. D. 30. num. 4.*

2 Arbitrer procedit, servato Juris ordine, ad modum Judicis; & hinc *l. compromissum 1. ff. h. tit.* Arbitria dicuntur ad similitudinem Judiciorum redacta: at Arbitrator, etsi ad litem componendam assumptus sit, quasi amicabile compositor, & inter partes mediator extrajudicialiter solum, atque ex æquo, & bono negotium æstimat, deque eo iudicium suum profert.

3 Arbitratores semper ex libera voluntate partium assumuntur; arbitri verò, ut *nu. 1.* vidimus, aliquando sunt Juris, & necessarii.

4 Ad Arbitratoris munus regulariter admittuntur omnes; non omnes possunt esse Arbitri, ut dicitur *num. 12.*

5 Ut Judex, ita nec Arbitrer aliquis esse in propria causa potest *l. si de re 51. ff. h. tit.* Arbitrator autem quis esse in causa, & factio proprio non prohibetur *l. si libertus 30. ff. de oper. libertor.*

6 Sententiæ Arbitri statim oportet, sive æqua, sive iniqua sit, nisi Arbitrer Juris, & necessarius fuerit; rum enim, ut *n. 2.* dictum est, Appellatio datur: at Arbitratorem, seu pronuntiatum Arbitratoris propter læsionem enormem, quam pars parata est probare, ad arbitrium boni viri reduci potest ad æqualitatem Justitiæ, prout *n. 36.* latius examinabitur.

5 Quæritur 5. Ex quibus causis Arbitri Juris constitui

possint? Resp. possunt constitui ex variis causis, & aliquando etiam debent. Casus, quibus ex Legis præscripto constitui debent, sunt maximè sequentes. 1. in causa suspicionis objectæ Judici *c. suspicionis 39. de offic. deleg. c. si contra 4. & c. ab arbitris 11. eod. in 6.* 2. si diversi Judices super revocatione litterarum Apostolicarum discordent *c. pastoralis 14. de rescript.* 3. si Episcopus cum Clerico sibi subiecto controversiam habeat *can. Clericus 46. caus. 11. q. 1.* 4. si supremi Principes inter se contendunt, & transactione res componi nequeat. Pirhing *n. 2. hic.* 5. si ex ter Statutum in aliquo loco, ut super controversiis, inter personas sanguine conjunctas ortis, compromittatur in Arbitros. Pirh. *l. cit.*

## §. I I.

## De Subiecto, &amp; Objecto Arbitrii.

## S U M M A R I U M.

6 Quinam compromittere in Arbitros possint?

7 Qui non possint?

8 Quomodo compromittere possit Prelatus?

9 Quomodo Vasallus super re feudali?

10 An aliquis cogi possit ad compromittendum?

11 Quinam eligi possint in Arbitros?

12 Qui nequeant eligi?

33 14 An omnes, qui nequeant esse Arbitri, etiam prohibeantur esse Arbitratores?

15 An compromitti possit in proprium Judicem?

16 Causæ, in quibus compromitti potest, vel non potest.

17 Quando coram Arbitris institui Reconventio possit?

18 An cognoscere possint de alia, quam principali causa?

19 An alium sibi substituere?

Quæritur 1. quinam compromittere in Arbitros possint? Resp. Regulariter possunt omnes, qui rerum suarum liberam administrationem habent, ut de iis disponere etiam alienando possint. Abb. in *c. cum tempore 5. h. tit. n. 3.* Zoel. in *ff. tit. eod. nu. 5.* Pirh. *num. 10. hic.* Konig. *n. 5.* Vviestn. *n. 14.* & colligitur ex *c. cum tempore cit.* ubi negatur Prelato exempto facultas compromittendi super privilegio exemptionis, ex ratione, quod huic sine consensu Papæ renunciare nequeat.

Ratio est, quia sicut Transactio, ita & Compromissum est via ad alienationem, igitur sicut is, qui alienare non potest, etiam non potest transigere; ita neque compromittere in Arbitros.

Quod tamen intelligendum erit cum effectu, si scilicet Compromissum actu inducat alienationem; nam si res, circa quam compromittitur, apud compromittentem manet, Compromissum de ea facere non prohibetur etiam is, qui alienare non potest. Abb. *l. cit. num. 4.*

Dub. 1. quinam compromittere in Arbitros nequeant? 7 Resp. qui liberam bonorum administrationem non habent. Sequitur ex dictis *num. præc.*

In Specie compromittere non potest. 1. Pupillus sine autoritate tutoris; quia ab eo poena non potest exigi, nisi fidejussorem dederit, à quo peti illa possit *l. si pupillus 35. ff. h. tit.*

2 Minor Curatorem habens super rebus suis immobilibus, & quæ his æquiparantur, sine autoritate Curatoris, & Judicis decreto. Si Curatorem non habeat, compromittere quidem potest, sed læsus restituitur: quod etiam dicendum, si Curatore auctore compromiserit *l. si minor 34. §. minores 1. ff. de minor.*

3 Furiosus, & prodigus: primus, quia sufficientem discretionem non habet; alter, quia bonis suis ipse est interdictum *l. diem 27. §. coram 5. ff. h. tit.*

4 Fœmina; nam hæc, etsi compromittere possit super re sua, nisi aliunde prohibeatur, non tamen potest pro alio; quia videtur intercedere, & sic juvatur exceptione S. C. Vellejani *l. non distinguemus 32. §. si mulier 2. & ibi Gloss. magn. ff. h. tit.*

5 Servus: quod ita verum est, ut ne quidem liber homo, qui cum eo compromisit, teneatur, ne Compromif-



nissum claudicat *l. non distinguemus cit. §. si servus* 8. quia Compromissa redacta sunt ad similitudinem iudiciorum; cum servo autem Iudicium non subsistit.

6 Filiusfamilias super peculio suo adventitio, vel profectio; secus, si agatur de Castrensi, vel quasi Castrensi; nam hujus dominium, & administrationem à patre independentem habet. *Zoef. ff. h. tit. n. 8.*

7 Tutores, & Curatores super rebus, quas sine solemnitatibus alienare nequeunt; secus, si res sit, quam licite alienant. *Gonz. inc. 5. h. tit. n. 10. Zoef. l. cit. Vviest. hic n. 15.*

8 Procurator in negotio sibi commissio, nisi speciali mandato Compromissum facere sit ipsi concessum *c. per tuas 9. & ibi Abb. n. 2. h. tit.*

9 Religiosus, etiam administrationem habens, sine licentia Prælati, vel alterius Superioris. *Host. in Summ. hic n. 7.*

10 Parochus, vel alius Beneficiatus sine consensu Episcopi in præjudicium Ecclesiæ, vel Beneficii sui *c. per venit 3. & ibi Gloss. fin. h. tit.*

8 Dub. 2. an Prælatus in causa Ecclesiæ suæ compromittere in Arbitrum possit? *Certum est* 1. posse, si agatur de re mobili non pretiosa; nam hujusmodi res libere alienare potest. *Certum est* 2. itidem posse, si agatur de rebus Ecclesiæ immobilibus quidem, aut mobilibus pretiosis, compromissum autem ita fiat, ut non ad alienandas illas, sed retinendas penes Ecclesiam tendat. *Certum est* 3. iterum posse compromittere super rebus immobilibus, aut mobilibus pretiosis, etiam cum alienationis periculo, si accedat iusta causa, & consensus Capituli, aliarque solemnitates.

Dubii difficultas est, an hoc casu requirantur necessario solemnitates istæ ad compromittendum super hujusmodi rebus in Arbitros? Negant Durand. in *Specul. tit. de Arbitr. §. restat. Tiraquell. de Jur. connub. Gloss. 3. num. 109. Redoan. de reb. Eccles. non alien. c. 36. per tot.* quos citat, & sequitur Clarissimus P. Schmier. *tr. de Judiciis c. 8. num. 31. & seqq.* ex ratione, quia Prælati liberam habent potestatem agendi in iudicio super rebus ad Ecclesiam suam pertinentibus, neque ad hoc consensum Capituli debent requirere. atqui compromittere in Arbitros possunt, quicumque personam legitimam habent standi in iudicio. ergo &c. *Conf.* nam si compromittere Prælatus super hujusmodi rebus sine Capituli consensu non posset, ideo non posset, quia alienare illas sine Capituli consensu nequit. sequela admitti non potest; præterquam enim, quod Compromissum nupiam referatur inter modos alienandi, illud ad id duntaxat tendit, ut jus dubium declaretur, & si pateat, jus, super quo controversatur, ad Ecclesiam non pertinere, illud suo domino restituatur.

Sed adhuc dicendum, probabilius, ut Compromissum super hujusmodi rebus à Prælato factum valeat, opus esse, ut solemnitates Juris accedant. Ita Abb. in *c. cum tempore 5. h. tit. n. 3. Gonzalez ibid. num. 12. in fin. Pitching hic n. 11. Vviestner n. 15. & colligitur ex c. cum tempore cit. ubi Compromissum super exemptione factum sine consensu Papæ, & ex c. per venit 3. eod. ubi factum in causa Decimarum in præjudicium Ecclesiæ reprobatur, quod per utrumque inducatur periculum læsionis, in illo Juris competentis Papæ, in isto Juris competentis Ecclesiæ. atqui non minus periculum læsionis inducitur per Compromissum factum super rebus Ecclesiæ immobilibus, aut mobilibus pretiosis, si ex eo Compromisso alienatio inducatur. ergo ut illud subsistat, accedere debent solemnitates ad alienationem rerum Ecclesiasticarum requisitæ. *Conf.* nam ubi prohibetur terminus, etiam prohibetur via ad illum, via autem ad alienationem est ejusmodi Compromissum. ergo &c.*

Ad Argumentum oppositum dico, per illud probari nimum; nam Procurator legitimam personam standi habet in iudicio quoad causam sibi commissam, neque tamen compromittere in Arbitrum potest, nisi sit Procurator in rem suam, vel speciali mandato instructus: atque hoc merito; cum enim, ut *num. 2.* dictum est, à Laudo Arbitrio appellari non possit, sed stari eo debeat, etsi iniquum sit, ut dicitur *num. 32.* merito cautius procedendum, quando compromittitur in arbitros, quam quando actio instituitur in iudicio, in quo appellationi est locus. *Ad Conf.* etsi Compromissum inter modos alienandi non referatur, est tamen via ad aliena-

tionem, ut proinde eodem Jure, quo ad istam, etiam ad illud solemnitates videantur requiri.

Dub. 3. an Vassallus absque consensu domini compromittere possit super re feudali? Affirmant Vult ejus, Sixtinus, Struvius *Synr. Jur. feud. c. 16. th. 8.* Negant Brunnem. in *l. 32. ff. h. tit. numer. 9. Zoef. ff. h. tit. numer. 9. Pith. hic num. 11. Konig. num. 8. Vviestner num. 15.* post Curt. de *Feud. p. 4. q. 8. & 9. Clar. §. feudum q. 38. & alios.* Componi contrarietas ista potest distinguendo, an in hujusmodi causa feudali Judex sit Dominus directus, vel Pares Curie, an Judex Ordinarius.

*Si primum, & secundum,* compromittere in Arbitros Vassallus sine consensu domini directi non potest, ne Judices, ex providentia Juris feudalis constituti, saltem indirecte judicandi munere defraudentur. Neque contrarium probat paritas cum transactione; nam etsi transigere Vassallus super feudo possit *l. 2. feud. tit. 26. §. 5. vers. si Vassallus de beneficio &c.* alia tamen ratio est de Compromisso, ne præjudicent domino directo, & Paribus Curie, ad quos tali casu cognitio causæ solos spectare supponitur.

*Si tertium* fiat, & cognitio causæ pertineat ad Judicem Ordinarium, in arbitrio litigantium est, an recurrere velint ad Judicem Ordinarium, an compromittere in arbitrum, ut clarè habetur *l. 2. feud. tit. 15. tit. 34. in princ. & tit. 46. in princ.* Ratio est, quia eo casu res in controversiam deducta allodialis potius, quam feudalis est nominanda, cum dubium sit, an feudalis sit, & in dubio semper præsumptio detur pro libertate. Vide P. Schmier *l. cit. n. 36. & seqq.*

Dub. 4. an aliquis cogi possit compromittere in Arbitros? Resp. negativè. Ita Gaill. *l. 2. de pac. pub. c. 18. n. 9. Scaccia de Judic. l. 2. c. 2. q. 1. n. 12. Hunnius Encyclop. p. 2. tit. 40. c. 3. n. 1.* & apud hos plures alii: quod ipsum Compromissi nomen satis indicat. Estque hoc ita verum, ut si Judex quempiam indebitè ad compromittendum compulerit, Compromissum sit ipso Jure nullum, ut aliis *citt.* notat Scaccia *l. cit. n. 13.*

Excipitur 1. si sit Princeps supremus, vel Papa; nam isti cogere ad compromittendum possunt. Scacc. *n. 14. & apud hunc alii:* quod tamen intelligendum duntaxat est de iis, quæ liberæ ipsorum administrationi subunt, non verò de privatis aliorum Juribus. 2. si Judex vider se non posse causam per sententiam sine scandalo, vel alio publico incommodo expedire. Scacc. *num. 18. Hunn. n. 4. 3. si partes diligarunt, & res multum est controversa.* Scacc. *n. 20. Gaill. n. 9. cit. Hunn. n. 5. 4. si dissensio sit inter personas insignes, ut per eas turbatio Reip. timenda esset.* Gaill. *n. 9. & 10. Scacc. n. 22. Hunn. n. 6. 5. si imminet suspicio rixæ, & armorum.* Gaill. *num. 11. Scacc. n. 23. Hunn. n. 7. 6. denique in singulis cæteris casibus, in quibus Jus commune, vel Statutarium mandat eligi Arbitros.* Scacc. *n. 26.*

Quæritur 2. quinam possint eligi, vel assumi in Arbitros? Resp. Possunt eligi, & assumi omnes, cujuscunque dignitatis, & æstimationis sint, nisi Jure prohiberi reperiantur: neque refert, sine pater, an filiusfam. ingenuus, an libertinus, integræ famæ, an infamis, privatus, an constitutus in Magistratu, prout constat ex *l. 3. & seqq. ff. h. tit.*

Nec etiam interest, quot assumantur; possunt enim assumi arbitri in una, eademque causa unus, vel plures, pares, vel impares numero *c. per venit 3. & c. innotuit 12. h. tit.* consulti tamen est, si impari numero assumantur, ut si dissentiant, majoritas votorum haberi possit *c. sanè 1. & ibi Gloss. V. unus h. tit. l. item si 17. §. principaliter 6. ff. eod. Sabell. in Summ. V. arbiter n. 5.*

Dub. 1. quinam in specie prohibeantur esse Arbitri Compromissarii? Resp. 1. Servus propter conditionem; adeo, ut nec liber cum eo electus cogatur dicere sententiam *l. Pedius 7. ff. h. tit.*

2 Pupillus, furiosus, surdus & mutus *l. sed si 9. §. sed neque 1. ff. eod.*

3 Minor 20. annis *l. cum Lege 41. ff. eod.* Si major 20. annis, & minor 25. Compromissum acceptet, & pronuntiando arbitrium læsus sit, restituitur in integrum *l. 41. cit.*

4 Excommunicatus vitandus, ne quis cogatur cum animæ suæ periculo cum eo communicare *c. siquem 59. de sent. excomm.* Si tamen partes in hujusmodi excommunicatum compromiserint, & ipse in causa pronuntiave-



tiaverit, Laudum probabilius tenet, ob patitatem cum actore, procuratore, teste excommunicato, quorum acta sunt valida. Suar. *D. 16. de Censur. f. 1. nu. 6. in fin.* Ratio est, quia non est actus Jurisdictionis, ob cuius unius defectum acta à Judice excommunicato invalida sunt.

5 Mulier, quod pudicitiae suae memores eas esse debeat, & propterea muneribus virilibus se immiscere non oporteat *l. fin. C. h. tit.* Excipitur, nisi de Jure, consuetudine, vel privilegio Jurisdictionem obtineat, ut si sit Regina, Ducissa, Marchionissa, Abbatisa &c. tunc enim recte in eam compromittitur *c. dilecti 4. h. tit.* Ratio est, quia cui permixtum est, quod est majus, etiam permittendum est, quod est minus.

6 Religiosus sine Superioris sui consensu. Gloss. in *l. Pedius 7. §. fin. V. nullum sit ff. h. tit.* Ratio est, quia, ut saepe dictum, arbitria ad judiciorum formam redacta sunt. igitur sicut officium Judicis, ita & arbitri suscipere nequit absque Superioris consensu; hoc autem consentiente potest, praesertim si Monasterii utilitas id exposcat. Molin. *tr. 5. D. 39. n. 5.*

7 Laicus in causa spirituali *c. contingit. 8. h. tit.* Excipitur, nisi munitus sit privilegio Apostolico; vel assumatur junctum cum Clerico: hoc enim casu, interveniente auctoritate Superioris, sive Judicis Ecclesiastici, valide, & licite compromitti in ipsum potest, ut patet ex *c. per tuas 9. h. tit.* & ratio est, quia dignius trahit ad se minus dignum, ut sic actus magis valeat, quam pereat.

8 Denique sicut nemo in re sua propria Judex esse potest, ita nec arbiter; hoc ipso enim, quod nemo possit sibi imperare, nec etiam poterit sententiam, & jus sibi dicere *l. si de re 51. & ibi Gloss. V. imperare ff. hoc tit.*

Dub. 2. an omnes ii, qui prohibentur esse arbitri, etiam prohibeantur esse arbitratores? Resp. negativè. Clarum est de foemina; hæc enim ut arbitratix in contractu, & alio actu extrajudiciali, negotium, & controversiam amicabiliter potest componere, ut recte advertit Abb. in *c. dilecti 4. h. tit. num. 2.* Layman *ibid. num. 2.* Molin. *tr. 5. D. 39. num. 4.* Sabell. in *Summ. V. arbiter nu. 4.* & alii passim. Colligitur per sensum contrarium ex *c. dilecti cit.* ubi dicitur, quod foeminae ab omni judiciali examine sint separandæ. ergo secus de cognitione extrajudiciali, qualis sit in arbitramento, & amicabili compositione.

Difficultas est de Laico, an Arbitrator esse possit in causa spirituali? Negat Abb. in *c. contingit 8. h. tit. num. 1.* Fundatur 1. textu hujus *cap.* ubi generaliter prohibetur fieri Compromissum in Laicum de re spirituali, nec distinguitur inter arbitrum, & arbitratorem. 2. *c. discernimus 2. de judic.* ubi Laici à tractatione negotiorum Ecclesiasticorum generaliter remouentur, atqui spirituales causæ vel maximè sunt negotia Ecclesiastica. 3. *ratione;* quia super rebus spiritualibus non potest transigi, ut dictum est *Tit. 36. n. 10.* Arbitramentum autem est quædam transactio. Gloss. in *Novell. 86. c. 3. V. conventum.* ergo &c.

Sed retinenda est affirmativa sententia, quam etiam defendunt Durand. in *Specul. tit. de arbit. §. 3. n. 3.* Fagnan. in *c. 8. cit. nu. 20. & seqq.* Barbof. *ibid. n. 13.* Vviestner *hic n. 25.* & plures apud istos. Colligitur ex *c. cit.* ubi de arbitrio tantum, non de arbitratore est sermo. Ratio est, quia Laici prohibentur tractare negotia spiritualia non quomodocunque (possunt enim in causis spiritualibus esse Procuratores, Afsefores, Consiliarii &c.) sed solum per viam Jurisdictionis, vel cognitionis Judicialis, & autoritativæ definitionis, non ita procedit Arbitrator, cum tantum sit amicabilis compositor, ergo &c.

Neque urgent Argumenta contraria. *Ad 1.* ratio, quia textus *cit.* nititur, sufficienter indicat, quod intelligendus sit tantum de Arbitro; neque enim de decentiam continet, si Laicus, tanquam minister tantum, & mediator, dicat, & arbitretur, quid sibi videatur in causa spirituali: hoc autem, & non plus Arbitrator facit. *Ad 2.* eo textu similiter Laicis tantum prohibetur tractatio Judicialis, & autoritativa definitio causarum spiritualium, ut ex textu, & Rubrica, quæ ei præponitur, satis intelligi potest. *Ad 3.* non prohibetur omnis transactio de rebus spiritualibus, sed præcipue illa, quæ sit aliquo dato, retento, promisso, vel remisso, & pro-

pterea labem Simoniacam continet: quæ omnia in Arbitramento, & amicabili compositione cessant.

Dub. 3. an compromitti possit in proprium Judicem? 15 Videretur non posse ex *l. sed si 9. §. si quis 2. ff. h. tit.* ubi dicitur, Judicem prohiberi Lege Julia arbitrium ejus rei, de qua Judex est, in se recipere, vel jubere in se compromitti. *Conf.* quia ejusmodi Compromissum videtur esse frustraneum, cum ejusmodi Judex jam antea habeat potestatem judicandi de causa.

Sed dicendum, etiam compromitti posse in Judicem, sive Ordinarium, sive Delegatum. De *Ordinario* sumitur ex *c. cum tempore 5.* & clariùs adhuc ex *c. ex parte 10. h. tit.* ubi compromissum est in Archiepiscopos Coloniensem, & Magdeburgensem tanquam Provinciarum suarum Judices Ordinarios; de *Delegato* autem ex *c. cum olim 7. eod.* ubi promissum fuit in Judices delegatos in causa per delegationem ipsi commissa. *Conf.* ex *Recessibus Imperii 1594. §. als auch der Compromiss. haben 65.* ubi in ipsam Imperii Cameram compromitti posse permittitur.

*Ad l. sed si cit.* responderi potest cum Valens. *hic §. 3. n. 5.* eo textu tantum prohiberi, ne Judex se offerat, aut jubeat in se compromitti; quia hoc jubendo partes coheret ad standum suo arbitrio, cum ab Arbitri Compromissarii sententia ferè nequeat appellari. Vel si hoc displicet, dici potest, ibi sermonem esse non de Judice Jurisdictionis, sed de Pedaneo, qui cum non habeat liberam potestatem, sed restrictam ad formulam, arbitrium non potest recipere. Cæterum quod in Consules, Prætores, & alios Magistratus compromitti possit, dubium esse non potest propter *L. Labeo 3. §. fin. & l. seq. ff. h. tit.* ubi solum negatur, quod cogi non possint, non quod arbitri esse nequeant. *Ad Conf.* non est frustraneum ejusmodi compromissum; operatur enim hoc, ut Judex deinde recusari non possit, nec ab ejus sententia appellari.

Quæritur 3. super qua causa, seu re compromitti in 16 Arbitros possit? Resp. hæc Regulæ instar est compromitti posse in Arbitros super qualibet causa, vel re, de qua in Canonibus, vel Legibus non reperitur prohibitum. Molin. *tr. 5. D. 40. in princ.*

Jure autem excipiuntur 1. causæ criminales, si criminaliter intententur *c. causa 9. in fin. de in integr. restit. & l. non distinguemus 32. §. Julianus 6. ff. h. tit.* quia crimina non privato arbitrio remittenda, sed publica auctoritate condignè sunt vindicanda.

2. Causæ Matrimoniales, quando agitur de conjugii valore, vel nullitate *c. causa 9. de in integr. restit.* quia requirunt majorem Judicem, ne contingat matrimonia dissolvi, aut conciliari contra Canones.

3. Causæ Beneficiales, ne sine Canonica institutione aperiatur via ad Beneficia Ecclesiastica contra *Reg. 1. in 6.*

4. Causæ liberales, sive quibus de hominis libertate, ingenuitate, conditione servili quaestio est; nam hæc, & cæteræ status quaestiones, quando principaliter in judicium deducuntur, majores Judices postulant *c. causa cit. & l. non distinguemus cit. §. de liberali. 7.*

5. Causa exemptionis *c. cum tempore 5. h. tit.* ne jus exemptionis per arbitrorum sententiam lædatur ex facto exempti.

6. Causa decisa per sententiam indubitam, & quæ transit in rem judicatam *c. exposita 11. h. tit.* quia sicut transactio, ita & Compromissum fieri debet super re dubia.

7. Causa in integrum restitutionis, nisi incidenter tractetur *c. causa cit. & l. fin. C. ubi, & apud quem in integr.*

8. Causæ, in quibus agitur de rebus spectantibus ad aliquam communitatem, ut ad regnum, civitatem, oppidum &c. ne privatorum pactionibus præjudicium inferatur bono publico. Molin. *D. 40. cit. n. 3.*

9. Causæ omnes, super quibus non potest transigi. Hunnius *Encyclop. p. 2. tit. 40. c. 4. n. 2. & ab hoc cit.*

Dub. 1. an coram Arbitris institui etiam Reconven- 17 tio possit? Videretur posse. 1. quia, ut saepe dictum est, Arbitria in similitudinem judiciorum redacta sunt, coram Judice autem reconvenire actorem licet. ergo etiam coram Arbitro. 2. ratio, quod coram Judice reconvenire reus actorem possit, est quia ut *l. cum Papinianus 14. C. de sent. & interlocut. omn. Judic.* dicitur, *cujus in agendo observat arbitrium, eum habere, & contra se Judicem*



Judice in eodem negotio dedignari non debet. atqui hæc ratio etiam in Arbitrio militat. ergo &c. 3. Arbitr potest cognoscere de iis, quæ connexa sunt cum causa principali. ita connexa est causa reconventionis cum causa conventionis juxta l. cit. 4. l. non distinguemus 32. §. item si 9. ff. h. tit. statuitur, Legatum, postquam actiones suas intentavit, si desideret, ut Arbitr, in quem compromissus sit, sententiam ferat, audiendum, sed non alias, quam si se defendat. hoc autem Actor facit in reconventionis judicio. ergo &c.

Sed distinguendum est cum P. Pirh. hic n. 50. & 51. & aliis inter Arbitrum Juris, & Arbitrum Compromissarium; coram illo enim si electus sit ad totam causam, & non tantum ad certum articulum definiendum, locum Reconventio habet, cum verè sit Judex; non verò coram Arbitro Compromissario, nisi id in Compromisso expressum sit. Ratio differentiae est, quia coram Judice litigare reus invitatus cogitur; Arbitr autem utriusque litigantis voluntate, & consensu eligitur, ut proinde sibi imputare reus debeat, si causam reconventionis in Compromisso non fecit exprimi.

Neque obstant Argumenta opposita. Ad 1. patet ex modo dictis disparitas inter Judicem, & Arbitrum Compromissarium. Ad 2. beneficium reconventionis rei miseratione conceditur, qui ut dictum, invitatus ad Judicium trahitur: & hinc eidem negatur etiam coram Judice Delegato, si hic consensus utriusque litigantis datus est. Ad 3. Arbitr cognoscere potest ea, quæ cum causa principali ab intrinseco connexa sunt, non verò, quæ ab extrinseco tantum, uti est causa reconventionis, quippe quæ connexionem suam ex arbitraria Juris positivi dispositione duntaxat habet. Ad 4. genuinus textus allegati, ut rectè notat P. Schmier tr. de Judic. c. 8. n. 103. sensus est, quod Legatus, petens ferri sententiam, audiendus sit, si paratus se defendere non coram arbitro, sed coram Judice Ordinario.

18 Dub. 2. Utrum Arbitr de sola causa principali possit cognoscere? Resp. posse etiam cognoscere de connexis, si quasi intrinseca sit ipsorum connexio, non verò, si mere extrinseca, ut n. præc. innui.

In specie cognoscere potest 1. de Exceptionibus tam dilatoriis, quam peremptoriis; quia ad defensionem excipientis, & elidendam intentionem actoris ab intrinseco ordinantur. 2. de interesse tam Actoris, quam Rei; quia illud tacite inest ipsi rei l. si servus 11. ff. judicatum solvi. 3. de fructibus; quia constituunt partem rei, eandem augent, & cum illa sic connectuntur, ut si per errorem de re pronuntiatum fuerit, etiam de fructibus pronuntiari debeat l. etsi 35. §. ubi 1. ff. de R. V. 4. de expensis, & sumptibus litis; quia de his in alio auditorio rectè cognosci non potest, nisi & ipsa causa principalis cognitioni denuo subjiciatur. Vide Abb. in c. 6. h. tit. n. 10. & seqq. Gonzal. ibid. n. 4. P. Schmier l. cit. à n. 104.

19 Dub. 3. an Arbitr Compromissarius sibi possit alium substituere? Videtur posse; nam etiam Procurator potest.

Sed tenenda est negativa, nisi hoc in Compromisso expressum sit. Patet ex l. non distinguemus cit. §. quosdam 16. & l. in compromissis 45. ff. eod. ubi dicitur: In compromissis arbitrium persone insertum, personam non egreditur. Ratio est, quia ex speciali fiducia erga hanc personam Compromissum factum censetur.

Ad rationem dubitandi nec Procurator substituere sibi alium potest, quando in ipsius constitutione electa est personæ industria.

### §. III.

#### De Arbitrii Forma, Effectu, & Contrariis.

#### S U M M A R I U M.

20 Forma servanda in Arbitrio.

21 22 23 24 25 Modus, quo compromitti potest in arbitros.

26 Forma, qua procedere in causa sibi commissæ debet Arbitr.

27 Locus, in quo cognoscere, & arbitrium ferre.

28 Tempus.

29 Prasentia requisita.

30 Concordia, vel discordia.

31 32 33 Effectus Arbitrii.

34 Casus, quibus Arbitrium non debet necessariò observari.

35 36 37 An inter hos etiam sit lasso gravis, sed citra dolum?

38 Coram quo Judice sit petenda reductio sententiae Arbitratoris?

39 An à Judice Reductionis etiam appellari possit?

40 41 42 Quibus modis finiatur Officium, & potestas Arbitri?

43 Quibus finiatur Officium Arbitratoris?

44 Quando morte Arbitri non expiret Compromissum?

45 An expiret etiam morte Procuratoris, Tutoris, Curatoris, Prelati &c. compromittentis?

**Q**Uæritur 1. quæ Forma in Arbitrio servanda sit? 2. Resp. ad Formam Arbitrii plura pertinent. 1. modus, quo compromissum fit in Arbitros. 2. forma, qua procedere in causa sibi commissæ debet Arbitr. 3. locus, ubi de illa cognoscere. 4. tempus, quo ferre arbitrium. 5. modus, quo illud ferre. Et hinc

Dub. 1. quomodo compromitti possit in arbitros? Resp. potest compromitti non solum voce, aut nutibus inter præsentibus, sed etiam per Epistolam, vel internuntium inter absentes; per nudum pactum, nulla interveniente stipulatione, vel etiam hac interveniente? absolute, & sine adjectione pœnæ vel appositæ; pœna cum Juramento, vel sine illo; in unum, vel plures Arbitros.

Hinc etiam varia Compromittentium est obligatio, qua tenentur stare arbitrio. Nam 1. si Compromissio facta sit nudo pacto, in foro externo nulla oritur efficax obligatio, vel actio secundum dicta Tit. 35. n. 7. sed compromittentes Laudo Arbitri possunt impune non parere. Excipitur, nisi ex altera parte pactum illud sit traditione impletum, & sic in pactum vestitum transferit; tunc enim ex eo actio dabitur contra illum, qui Compromissum implere non vult, ut vel impleat, vel acceptum restituat, vel interesse solvat, prout is, qui Compromissum implevit, maluerit. Molin. tr. 5. de Just. D. 34. nu. 1.

2 Si intervenierit stipulatio, sed sine pœna, & juramento adjecto, contra non stantem Compromisso actio ad interesse competit c. per tuas 9. h. tit. & l. diem 27. §. fin. ff. eod. non autem inde actio, vel exceptio rei judicata nascitur post sententiam latam ab arbitro l. ex sententia 1. C. h. tit. & l. ex compromisso 2. junct. Gloss. V. exceptionem ff. eod. Excipitur, nisi sententia hæc, aut Laudum Arbitri à partibus compromittentibus homologatum, i. e. receptum, seu approbatum fuerit vel expresse, vel tacite per silentium 10. dierum; tunc enim oritur ex illo exceptio, & actio in factum, tanquam ex re judicata, & Laudum indistinctè observandum, & executioni mandandum est c. per tuas cit. l. ne in arbitris 4. §. si autem 7. & l. cum antea 5. C. h. tit.

3 Si compromissum fit in Arbitros, adjecta pœna transgressori, sed sine Juramento, sufficit, si pœna solvatur; nam hac soluta, à sententia Arbitri liberè recedi potest c. per tuas cit. l. ex sententia 1. junct. Gloss. V. metu & Auth. decernit. C. h. tit. Excipitur 1. nisi sententia Arbitri à compromittente, contra quem lata est, homologata sit; quia tunc censetur eligisse potius stare sententiæ, quam pœnam solvere. Molin. D. 35. n. 11. Debet tamen homologata esse expresse, & non sufficit, si homologata sit tacite per lapsum 10. dierum, ut notat Molin. l. cit. n. 12. & ratio est, quia tacita approbatio tantum aufert potestatem reclamandi contra sententiam, non autem privat libertate eligendi potius solvere pœnam, quam stare arbitrio. Excipitur 2. nisi in Compromisso pœnali adjecta sit clausula, Rato manente Compromisso, & arbitrio super eolato; tunc enim contraveniens & pœnam solvere, & sententiæ arbitri nihilominus parere cogitur Molin. l. cit. nu. 17. & colligitur arg. l. qui fidem 16. ff. & l. cum proponas 17. C. de transact. ubi habetur, quod si transactioni adjecta sit pœna, cum clausula Rato manente pacto, transgressor & ad pœnam compelli possit, & ad transactionem observandam.

4 Si Compromisso præter pœnam transgressori statutam, adjectum sit Juramentum de observando arbitrio dissident inter sese DD. Abb. in c. per tuas 9. h. tit. n. 14. & Molin. D. 35. cit. n. 20. in princ. volunt, eo casu transgressorem compelli posse ad solvendam pœnam, & insuper etiam ad observandum Compromissum; quia dicunt Juramentum appositum Compromisso pœnali habere vim clausulæ Rato nihilominus manente Compromisso. Conf. ex l. si



1. *si quis major* 41. *C. de Transact.* ubi statuitur, ut qui transactionem, vel pactum Juramento firmatum violaverit, præter infamiam, quam incurrit, etiam pœnam statutam solvat.

Sed probabilius est satisfacere, si vel stet Compromisso, vel pœnam solvat, ita ut illam solvendo à Compromisso possit recedere. Ita Innocent. *inc. per tuas* 9. *h. tit. n. 3.* Layman. *l. 4. Theol. tr. 3. c. 9. n. 2. coroll. 2. exempl. 3.* Piching. *hic n. 70.* Ratio est, quia Juramentum in dubio intelligi debet secundum terminos Juris, & secundum naturam actus, cui opponitur *c. quemadmodum* 25. *de Jurejur.* atqui Compromissum suapte natura, & ex Juris dispositione obligationem parit disjunctivè tantum, ut sc. compromittens vel Compromisso stet, vel pœnam solvat, ut dictum est *num. præc.* ergo &c. Excipi debet, nisi alia fuerit intentio compromittentis, quæ tamen in dubio non præsumitur.

Ex quo patet Ad Argumentum oppositum. *Ad Conf.* Lex illa pœnalis est, consequenter ad Compromissum jurarum extendi non debet.

5 Denique, si Compromisso non quidem pœna, sed Juramentum appositum sit, quo partes compromittentes jurarunt se staturos sententia Arbitri, distinguendum est inter Jus Canonicum, & Civile, & in hoc inter Jus novum, & antiquum. Nam Jure Civili novo prohibetur Compromissum confirmari juramento, & tale juramentum perinde habetur, ac si appositum non fuisset, ut habetur *Novell. 82. c. 11.* indeque desumpta *Auth. decernit C. h. tit.* idque ne periculum perjurii foveatur, dum facile, qui per arbitrium læsos se sentiunt, obliiti, ut ait Imperator, *Jurisjurandi, quod juraverunt*, arbitrio stare detrectant. At Jure Civili antiquo ex ejusmodi Compromisso, si Juramento confirmatum fuisset, nascebatur obligatio efficax, & actio ut patet *ex l. ne in Arbitris* 4. *C. h. tit.* Quod etiam dicendum de Jure Canonico ob clarum textum *c. non sine* 2. *h. tit.* ubi partes jubentur compelli ad servandum arbitrium, in quod Juramento compromissum est, modò id aliàs licitum, & æquitate subnixum sit.

Dub. 2. qua forma in causa sibi commissa procedere Arbitrari debeat? Resp. si partes nihil aliud in Compromisso expresserint, forma in Arbitrio servanda est ferè eadem, quæ in judicio; nam, ut sæpe dictum est, Compromissa ad similitudinem Judiciorum redacta sunt. Adeoque citari partes, contestari utrinque litem, jurare de calumnia, & fieri alia debent, quæ ad Processum Judiciale pertinent. Ita omnes.

Addidi autem *Si partes aliud nihil in Compromisso expresserint*; solent namque, & possunt partes compromittentes formam, in Arbitrali processu servandam præscribere. Hinc tota potestas Arbitri Compromissarii ex ipso Compromisso pendet *l. non distinguemus* 32. *§. de officio* 15. & *§. fin. ff. h. tit.* ita ut si ejus excedat terminos, nihil agat; nam *id solum venit in compromissum, de quo actum est ut veniret*, ut ait Ulpianus *l. quid tamen* 21. *§. plenum* 6. *ff. eod.*

Excipienda tamen sunt ea, quæ dependentia, seu necessitatio connexa sunt, sine quibus causa principalis commode expediri non potest; nam de his cognoscere, & judicare arbitrari potest, etsi ea expressa non sint, ut dictum est *suprà n. 18.*

Dub. 3. in quo loco Arbitri cognoscere debeant de causa sibi commissa, & Laudum proferre? Resp. cum distinctione; Velenim locus certus est designatus à Compromittentibus, vel nihil de loco in Compromisso expressum sit. *Si primum*, statuer conventioni, neque ad alium locum ab Arbitris partes citari possunt, & si citentur, comparere non tenentur *l. quid tamen cit. §. si arbitrari* 10. *Si secundum*, causa cognoscenda, & terminanda est in illo loco, in quo Compromissum est factum *§. si arbitrari cit.*

Debet autem locus ille, in quo pronuntiatur Arbitrium, 1. esse honestus, & quidem respectu utriusque compromittentis; aliàs arbitro eas vocanti impune non parent *l. quid tamen cit. §. sed si* 11. ubi etiam ratio additur, quia *absurdum est jussum in alterius persona ratum esse, in alterius non.*

2 Non debet esse Ecclesia; nam in hac latum non valet *arg. c. decet* 2. *de immunit. Eccl. in 6.* ubi id decernitur de Judice; est autem Arbitrari saltem latè loquendo Judex. Aliud est de Arbitramento, seu pronuntiato Arbitratoris; nam hic sine forma Judicii pronuntiat *conf. cau-*

sa in eo cessat, ob quam prohibitum est ferri sententiam à Judice, & Arbitro.

3 Perinde est, in quocunque territorio existant Arbitrari, & Compromittentes; nam etiam ex alieno territorio eos citare Arbitrari potest, cujus ratio est quia citatio, quam decernit Arbitrari, non provenit ex virtute Jurisdictionis, quæ Arbitrari ut talis non pollet; sed ex virtute conventionis, quæ cum Jus proprietatis producat, ubi vis terrarum personam obstringit, ut bene advertit Clariss. P. Schmier *tr. de Judic. c. 8. n. 120.*

Dub. 4. quo tempore Arbitrari debeat arbitrari? Vi- 28 detur nullo tempore esse prohibitum; cum enim Arbitrari, ut statim diximus, non exerceat Jurisdictionem, non apparet, quare Arbitrari arbitrium dicere non possit etiam die feriato.

Sed distinguendum iterum est inter Arbitratorem, & Arbitrum. *Arbitrator* proferre sententiam suam potest etiam die feriato, quamvis, ut Molin. *tr. 5. D. 44. n. 3.* notat, id non satis deceat, si id, nulla justa causa excusante, fiat.

Si de *Arbitro* sermo sit, distinguendum est, quales sint feriae; nam si in honorem Dei institutæ sint, Laudum Arbitri in iis pronuntiatum non solum illicitum, sed etiam ipso Jure nullum est *arg. l. omnes* 3. *C. de feriis*, nisi necessitas urgeat, aut pietas aliud suadeat.

Si Legales sint, ut messium vindemiarum, etsi regulariter non debeat arbitrari in causa procedere, neque ad id cogi possit, ad petitionem tamen partium potest procedere, & arbitrium ferre in hujusmodi feriis; imò à Judice Ordinatio ad id compelli, si rationabilis causa id exigat, qualis esset, si immineret Compromissi finis, neque intra tempus, quod superest, causa terminari possit, nisi in ea procedatur etiam diebus sic feriatis. Molin. *l. cit. n. 2.*

Ad rationem dubitandi dicendum, non tantum actus Jurisdictionales, sed Judiciales quoscunque diebus feriatis prohibitos esse.

Dub. 5. an casu, quo plures assumpti sunt Arbitri; 29 omnes simul præsentibus esse debeant, quando pronuntia- tur arbitrium, Resp. distinguendo inter Jus Canonicum, & Civile; nam *Jure Canonico*, si major Arbitrorum pars adsit, & reliqui vocati, ac requisiti, ut intersint, absque justo impedimento, ex negligentia, vel malitia causæ cognitioni interesse nolint, reliqui præ- sentes causam, super qua compromissum in eos est, examinare, & definire liberè possunt *c. ut questionibus* 2. *h. tit. in 6.*

At Jure Civili omnium præsentia ad valorem Laudum requiritur, ut habetur *l. item si* 17. *§. fin. ff. h. tit.* ubi etiam ratio additur, *quia in plures fuit compromissum, & potuit præsentia ejus* (qui non interfuit) *trahere eos in ejus sententiam.* Excipitur, nisi in eos compromissum sit cum clausula *Ut uno, alterove absente, reliqui nihilominus procedere valeant.* tunc enim Laudum à cæteris pronuntiatum valet *l. non distinguemus* 32. *§. cum in plures* 13. *ff. h. tit.*

Debet autem quodlibet ex his Juribus in suo foro observari, Civile in foro Sæculari, Canonicum in Ecclesiastico per universum Orbem, & in Civili per terras temporali dominio Papæ subjectas; quia Constitutio *c. cit.* est de re merè temporali, in qua Jus Civile, nisi istud peccatum nutriat, Papa corrigere nec vult, nec potest, nisi in terris dominio suo temporali subjectis. Molin. *D. 43. n. 3.* Piching *hic n. 36.* Vviestner *n. 41.*

Dub. 6. quorum sententia standum sit, si plures electi 30 Arbitri dissentiant? Resp. nisi Compromissum sit ita, ut concordare omnes debeant, standum est sententia, in quam major pars illorum convenit, ita ut si tres Compromissarii sint, sufficiat consentire duos, etiam si discordet tertius *c. si ex tribus* 1. *h. tit. in 6.* Concordat Jus Civile *l. item si* 17. *§. fin. l. sicut* 18. & *l. diem* 27. *§. si plures* 3. *ff. eod.* Ratio est, quia quod major pars statuit id perinde censetur, ac si omnibus placuisset *l. quod major* 19. *ff. ad municipal.*

Si plures electi utrinque numero pari dissentiant, Judex Ordinarius compelle eos potest, ac debet, ut tertiam personam certam eligant, vel à partibus coram ipsis litigantibus designatam assumant, cujus autoritate itetur, ac pareatur, prout habetur *l. item si cit. §. principaliter* 6. Ipsi Arbitris in dissensione tertium eligendi licentia non est danda *c. innotuit* 12. *h. tit. & l. item si cit. §. si in duobus* 5. possunt enim & ipsi arbitri dissentire, ut *ibi-*



dem dicitur, aut ab iis electus placere minus partibus. Zoef. ff. h. tit. n. 18.

Si omnes discordent, videndum, an pronuntiatum unius contineatur in pronuntiato alterius, vel non. Si hoc secundum, arbitrium propter dissensum Arbitrorum non valet. Si primum contingat, & unus v. g. condemnatur in 15. alter in 10. tertius in 5. tenebit sententia de summa minori, ut statuitur. *c. si ex tribus cit.* quia, ut ibi Pontifex ait, *in illa (summa) omnes concordantes existunt* Quod intelligendum, ut bene hic notat Engl. n. 2. Konig n. 13. si minor summa adhuc sit intra terminos iusti pretii, & aequitatis, & is, qui maiorem summam pronuntiat, possit rationabiliter presumi non esse invitus contra summam minorem.

31 Quæritur 2. quis sit effectus recepti Arbitrii? Resp. plures occurrunt, quorum aliqui se tenent ex parte Arbitri, alii ex parte Compromittentium, alii ex parte causæ, de qua est compromissum, alii ex parte Iudicis Ordinarii.

Ex parte Arbitri se tenent sequentes. 1. etsi Arbitri munus in se suscipere non cogatur, ut dictum est Num. 2. si tamen illud in se suscepit, in eo perseverare, & causa cognita, sententiam tenetur dicere, & si temere recuset, Judiciali Autoritate compelli potest l. *Labeo* 3. §. *tametsi* 1. ff. h. tit. 2. debet procedere secundum tenorem Compromissi; nam si modum, & terminos in hoc præscriptos excedat, arbitrium irritum efficitur, ut num. 26. monui. Si tamen istud plura contineret capitula, & horum unum ab altero non dependeat, Laudum super his pronuntiatum validum manebit quoad ea, de quibus pronuntiando limites Compromissi non excessit, ne utile per inutile vitietur contra Reg. 37. in 6. 3. debet pronuntiare iuste, & sincere, remotis partium studiis, juxta Leges, Statuta, & Consuetudines loci, in quo pronuntiandum est; nam si iniquè pronuntiet, idque ex dolo, & hoc evidenter constet, Laudum ipsius observari non debet, ut colligitur ex *c. non sine* 2. h. tit. ubi ratio additur, *quoniam non decet --- sustinere, ut quod (Arbitri) perperam arbitrati sunt, debeat incorrectum relinquere*. Proceditque hoc non obstante etiam Juramento, tam de Jure Civili, quam de Jure Canonico; nam etiam Leges Civiles voluit, ut peccata corrigantur. Pirhing hic n. 58. in fin. 4. potest Arbitrator non comparere, & contumaces punire, *pecuniam eum Adversario dari jubendo*, ut dicitur l. *non ex omnibus* 39. princ. ff. h. tit. 5. si semel bene, vel malè pronuntiaverit, pronuntiatum corrigere non amplius potest; quia ubi primum fuerit pronuntiatum, officio suo functus censetur l. *qualem* 19. §. *unde* 2. & l. *seq.* ff. eod.

32 Effectus ex parte Compromittentium est 1. quod Arbitro vocanti teneantur parere; hinc, ut num. præc. dictum est, multam imponere ipsis, si contumaces sint, potest. 2. quod regulariter obligentur stare sententia Arbitri, siue aqua, siue iniqua sit l. *diem* 27. §. *stare* 2. ff. h. tit. quod quemadmodum intelligendum, dicitur infra nu. 34. & seqq. 3. quod ipsis detur ex Laudo arbitri Actio, & exceptio, non quidem iudicati, sed in factum, seu ex Compromisso: de quo dictum num. 21. & seqq.

Ex parte causæ denique Arbitrium sequentes producit effectus. 1. illi imponit finem l. *compromissum* 1. ff. h. tit. ita ut ne appellari quidem ab ipso possit l. *ex sententia* 1. C. h. tit. Ratio est, quia Appellatio introducta est, ut iniquitas, & iniustitia sententiæ corrigatur. atqui sententia Arbitri Compromissarii secundum dicta num. præc. & dicenda num. 36. corrigi, & emendari non potest. ergo &c. Quare textus l. *arbitrio* 9. ff. *qui satisdare cog.* & l. *fin.* ff. *de quib. appell. non lic.* ubi locus esse appellationi dicitur, intelligendi sunt de Arbitris Juris. 2. interrumpit prescriptionem, siquæ fuit cæpta, in re, per Compromissum decidenda l. *cum antea* 5. §. *licet* 1. C. h. tit. 3. acta coram Arbitro in eadem causa, & inter eosdem compromittentes in quolibet Iudicio vim probandi retinent l. *cum antea* cit. §. *fin.*

33 Dub. 1. quæ causæ excusent Arbitros, quo minus Arbitrium dicere teneantur? Resp. plures enumerant Zoef. ff. h. tit. n. 20. & 21. Vviefstner hic n. 37. 1. si litigatores eos infamaverint l. *sed si* 9. §. *Julianus* 4. & l. *licet* 15. ff. h. tit. 2. si sprete eorum autoritate, ad Iudicem, vel alios Arbitros ivent, etsi mox redierint l. *sed si* cit. §. *fin.* & l. *vel alium* 10. ff. eod. propter contumeliam, quæ electis contigit. 3. si litigantium alter efferit bonis l. *item si* 17. in princ. ff. eod. quia his in solum da-

tis: arbitrium inefficax foret. 4. si inimicitia capitales inter ipsos, & litigatores, vel eorum alterum intecesserint l. *licet* cit. 5. si Iudex sit ejus rei, de qua in ipsum est compromissum l. *sed si* cit. §. *si quis* 2. 6. si quis cum servo electus sit arbiter l. *Pedius* 7. §. *unde* 1. ff. h. tit. 7. si superveniat adversa valetudo, urgeat necessaria professio, & moles propriorum negotiorum l. *licet* cit. 8. si novum munus publicum sit susceptum, aut alia incommoditas post arbitrium susceptum incidat, & impediatur ejus impletionem l. *licet* cit. & l. *si qua* 16. ff. h. tit.

Dub. 3. quibus casibus Arbitri sententia, siue Laudum non debeat necessariò observari? Resp. quinque enumerant Vallens, §. 6. n. 3. h. tit. Pirhing hic n. 73. Vviefstner n. 50. 1. quando dictum est, non observata forma expressa in Compromisso; nam ut *c. cum dilectus* 6. h. tit. dicitur, *Arbitri judicare non valent, nisi de his tantum, super quibus in eos fuerit compromissum*. 2. quando adversatur Legibus, aut SS. Canonibus, ut si Compromissarius arbitratus sit, ut pro Beneficio Ecclesiastico detur pecunia; quia est inhonestum *c. non sine* 2. eod. 3. quando dolo arbitrium ab Arbitro pronuntiatum est, quod v. g. pecunia corruptus, vel alio pravo affectu depravatus, Laudum dixerit, l. *non distinguemus* 32. §. *cum quidam* 14. ff. h. tit. & l. *arbitrorum* 3. C. eod. 4. quando ejus iniquitas est notoria; nam in omni notoria iniquitate dolus presumitur. Pirhing. Vviefstner l. *citt.* 5. quando arbitri pronuntiatione pars enormissimè læsa est, ob rationem eandem. Menochius l. 5. *præf.* 3. nu. 70.

Dub. 3. utrum servari Arbitrium debeat, si eo pars graviter quidem, sed non enormissimè, & citra dolum sit læsa? Negat Molin. tr. 5. D. 30. n. 7. & 8. cui consentit Pirh. hic n. 7. Fundantur diversis Juris utriusque textibus; nam 1. l. *in proposita* 78. ff. *pro Socio* dicitur, *arbitrium boni viri sequendum esse, eo magis, quod iudicium pro socio bonæ fidei sit*: quasi dicat, quod æquitas in judicando circa societatem servanda sit, quando aliud de forma contractus non constat; nam in judiciis bonæ fidei æquitas attendi debet. 2. l. *unde* 79. ff. eod. ubi Paulus, *Si Arbitrium ita parvum est, ut manifesta iniquitas ejus appareat, corrigi potest per iudicium bonæ fidei*: ubi videtur colligi, solum arbitrio standum esse, quando non constat de iniquitate. 3. l. *libertus* 30. ff. *de oper. libert.* ubi ea ferè semper, siue regulariter compromittentium mens esse dicitur, ut intendatur se obligare ad standum arbitrio, si æquum sit, non verò, si immodicè, siue iniquè arbiter arbitratus fuerit. 4. *c. non sine* 2. h. tit. ubi Pontifex indistinctè admittit, Arbitrium, quod nequiter, & perperam dictum est, corrigi posse. 5. *c. pervenit* 3. eod. ubi rescinditur Laudum in causa Decimarum tantum ideo, quoniam Ecclesie possit impostum perniciosum existere.

Sed distinguendum est inter Arbitrium, & Arbitratorem. Arbitratoris sententia stare pars læsa non obligatur, sed toties, quoties apparet iniqua esse, ad arbitrium boni viri reduci potest, usque ad annos 30. ut ex communiore sententia aliis *citt.* docet P. Vviefstner hic n. 53. & ratio est, quia partes non censentur velle consentire in Arbitratorem, nisi quia sperant eum rectè arbitratum l. *libertus* cit. igitur si ejus arbitramento immodicè graventur, possunt petere reductionem ad arbitrium boni viri.

De Arbitri sententia distinctio altera adhibenda est, an illa sc. à partibus expressè, vel tacitè per 10. dierum lapsum homologata sit, vel non. Si homologata nondum est, recedi ab illa potest, ut clarè satis colligitur ex l. *cum antea* 5. *vers. fin. antem* C. h. tit. ubi postquam Imperator statuit, ex Compromisso dari actionem, quando pars victa sententiam approbavit expressè, vel tacitè, subdit, approbationem tacitam non adesse, *quando intra decem dies proximos attestatio missa fuerit vel Iudici, vel Adversario ab alterutra parte, per quam manifestum fiat, definitionem non esse amplectentem*.

At si homologata sit tacitè, vel expressè sententia Arbitri Compromissarii, ad aequitatem, etiam prætextu læsionis gravis, arbitrio boni viri reduci non potest, ut passim DD. ob claros Juris textus l. *diem* 27. §. *stare* 2. ff. & l. *cum antea* cit. h. tit. ubi clarè dicitur standum arbitrio, etsi iniquum sit. Ratio est, quia qui compromittit in arbitrum, videtur transigere, quod scilicet velit desistere ab ulteriore prosecutione causæ, & acquiescere sententiæ Arbitri, quam ille dixerit; Jura autem non



on permittunt, ut lis per transactionem semel decisa in-  
auretur, ne quidem pretextu lésionis, nisi illa sit enor-  
missima, ut dictum *Tit. 36. n. 34.* ergo &c. Excipitur,  
si praxis contrarium obtineat. Ita Hunn, *Encyclop. p.*  
*tit. 40. c. 8. n. 5.* & cum eo P. Vviestner *n. 52. hic*  
statut, moderna praxi Compromissarii laudum, si ini-  
quum appareat, & eo pars enormiter læsa sit boni viri,  
e. Ordinarii Judicis arbitrio ad æquitatem, & Justitiam  
duci solere.

Ad Argumenta in contrarium allata textus ibi alle-  
ati ita explicandi sunt, ut Jura Juribus concordentur,  
mod fiet, si textus, qui reductionem ad arbitrium boni  
ri prohibent, intelligantur de sententia Arbitri homo-  
logata; ii verò, qui eam permittunt de sententia Arbi-  
tratoris, vel Arbitri non homologata. Innuit distinctio-  
nem hanc *l. societatem 76. ff. pro socio*, ubi Proculus, *Ar-*  
*bitrorum*, inquit, *genera sunt duo, unum ejusmodi, ut si*  
*e æquum sit, sive iniquum, parere debeamus; quod obser-*  
*atur, cum ex compromisso ad arbitrium itum est: Alter-*  
*um ejusmodi, ut ad boni viri arbitrium redigi debeat, et si*  
*ominatim persona sit comprehensa, cujus arbitrato fiat.*  
Rationem, quare Jura firmiter voluerint esse Arbitrium  
omologatum, quàm Arbitramentum, dat Konig *hic n.*  
*4.* quia Arbitrator, cum non seruet ordinem Juris, fa-  
cilis iniquam sententiam ferre potest, quæ correctione  
indigeat, ut propter periculum istud partes merito præsu-  
mantur sibi arbitrium boni viri reservare. Accedit, quia,  
ut idem notat, Jura magis favent arbitramento, eo quòd  
incommodabiliter, & absque speciali rigore Judiciali fieri so-  
leat.

Dub. 4. coram quo Judice petenda sit reductio senten-  
tiæ Arbitratoris; *Videtur* petenda coram Judice, vel Su-  
periore Arbitratoris: ratio est, quia petitio reductionis  
est species quædam appellationis. hæc autem fieri debet  
ad Superiorem ejus, qui tulit sententiam. ergo &c.

*Sed dicendum*, peti debere coram Judice ordinario,  
non Arbitratoris, sed illo, coram quo aliàs agendum fuisse-  
ret, si Compromissum non fuisset factum. Ita Covar. *l.*  
*2. var. c. 12. n. 1.* Mynsing. *cent. 2. obs. 61.* Gaill. *l. 1. obs.*  
*149. n. 32.* Zoef. *ff. h. tit. num. 42.* & sequitur sententiam  
hanc Camera Imperialis, teste Gaillio. Colligitur ex *c.*  
*exhibita 11. h. tit. & l. quoniam 2. C. ubi & apud quem &c.*  
Ratio est, quia petitio reductionis est quædam provoca-  
tio ad Judicem competentem. talis autem in hoc casu est  
Judex rei, qui erat futurus Judex causæ, si actor voluisset  
in Judicio litigare. ergo &c.

Ad Argumentum oppositum reductio non est propriè ap-  
pellatio, nec ei per omnia æquiparatur: sed in eo præci-  
puè est similis appellationi, quòd sententia Arbitratoris  
per eam retractetur, sicut per appellationem sententia Ju-  
dicis, qui eam tulit, & à quo appellatur; in cæteris ple-  
risque discrepat.

Dub. 5. an à Judice Reductionis appellari possit? Ne-  
gant quidam cum Bartol. *in l. 1. ff. de Legat. 2. num. 18.*  
quos sequitur Engl *hic num. 10.* Ratio esse potest triplex.  
1. quia non est permissum appellare à Judice, quando ut  
vir bonus arbitratus est *l. societatem 76. ff. pro socio*. sed  
reductio fit ad virum bonum, h. e. Judicem ordinarium.  
ergo appellatio ab eo fieri non potest. 2. Judex reductio-  
nis in locum Arbitratoris succedit, adeoque ejus naturam,  
& conditiones imitari debet. sed ab Arbitratore non  
est licitum appellare *l. societatem cit.* 3. si appellari posset  
à Judice reductionis daretur reductionis reductio, & lis  
ex lite oriretur.

Sed retinenda est affirmativa sententia, quam etiam  
defendunt Covar. *l. 2. var. c. 12. n. 3. & seqq.* Gaill. *l. 1.*  
*obs. 149. n. 4. & 5.* Zoef. *ff. h. tit. n. 33.* Pirhing *hic n. 71.*  
& plures ab his *citt.* Ratio est, quia Appellatio sem-  
per est concessa, quando prohibita non invenitur *l. & in*  
*majoribus 20. C. de appellat.* atqui in casu præsentis dubii  
nuscipi invenitur prohibitum appellare, sed potius per  
Argumentum à sensu contratio ob exceptionem Arbitri  
censetur esse permissum, cum exceptio firmet Regulam in  
oppositum. ergo &c.

Neque obstant Argumenta contraria. Ad 1. per hoc,  
quòd Judici Ordinario, tanquam viro bono, commis-  
sum sit arbitrium reductionis, is Judex Ordinarius esse  
non cessat; igitur cum à Judice Ordinario in quibuscun-  
que casibus non prohibitis permissum sit appellare, per-  
missum etiam erit in nostro hoc casu. Ad 2. quamvis  
hoc casu Judex succedat in locum Arbitratoris, non ta-

men jure subrogationis; cognoscit enim de causa redu-  
ctionis, & arbitratoris judicium moderatur non autori-  
tate privata, ut homo privatus, sed publica, ut homo  
publicus. Ad 3. sicut appellari à Judice appellationis po-  
test in causa appellationis, si gravamen intulerit parti,  
ita non implicat, ut fiat reductionis reductio, si per il-  
lam pars litigans læsa sit.

Quæritur 3. quibus modis finiatur Compromissum, & 40  
Arbitrorum potestas. Resp. Solvitur pluribus modis.

Ex parte Arbitrorum 1. solvitur morte arbitratorum,  
etiam unius, si plures electi sint, & res adhuc sit integra  
*c. uno 42. de Offic. Judic. deleg. c. presentata 50. de testib.*  
Ratio est, quia in electione Arbitri censetur esse electa  
personæ fides, scientia, & prudentia; cons. ultra perso-  
nam Compromissum non transit, nisi aliter sit conven-  
tum. 2. deportatione eorum, vel banno Imperiali: item  
Professione Religiosa; nisi ad continuandum hoc munus  
Superior consensum præstet juxta dicta *n. 12.* quia sunt  
mors Civilis, quæ quoad hoc eundem habet effectum,  
cum officio arbitri ita mortui, aut omnino non, aut non  
decenter fungi possint. 3. diuturna absentia, vel alio  
impedimento, ob quod progredi Arbitr in causa non po-  
test, neque illam definire, saltem intra tempus con-  
gruum, juxta partium determinationem, aut rationa-  
bilem voluntatem. Molin. *tr. 5. D. 43. n. 1.* 4. Recusa-  
tione Arbitri, tanquam compromittentium uni merito  
suspecti propter odium capitale, affinitatem, vel aliam  
necessitudinem cum litigantium altero supervenientem  
&c. *l. licet 15. ff. h. tit.*

Ex parte Compromittentium solvitur 1. morte Compro- 41  
mittentium utriusque, vel etiam unius tantum, nisi com-  
promittentes sint Universitas, vel etiam pro hæredibus  
sit compromissum *c. ex parte 10. h. tit. 1.* & notat Pirh. *hic*  
*num. 91. & seqq.* Vviestner *n. 56. & 57.* aliique apud istos.  
2. mutuo compromittentium consensu; sicut enim mutuo  
ipsorum consensu sit Compromissum, ita etiam mutuo  
dissensu illorum solvitur. Molin. *D. 43. cit. n. 3.* 3. Si de  
re, super qua compromissum est, à partibus sit transactum  
*l. non distinguemus 32. §. item 5. ff. h. tit.* quia tunc cessat li-  
tigium, ob quod initum est Compromissum. 4. Si una  
pars litigantium totum jus, quod circa eum controver-  
sam habuit, alteri cessit, ob rationem eandem. 5. Si re-  
cedens à Compromisso pœnam eo statutam solverit, vel  
non solverit quidem, alteri tamen parti accepto lata sit  
pœna *l. Pomponius 13. ff. h. tit. & l. non distinguemus cit. §.*  
*summa rei.* Excipitur, nisi adjecta sit clausula *Ratoma-*  
*nente Compromisso.*

Ex parte Cause denique solvitur 1. pronuntiatione de- 42  
finitiva super tota, vel omnibus causis, super quibus in  
Arbitros est compromissum *l. qualem 19. §. dicere 1. ff. h.*  
*tit.* Ratio est, quia tunc Arbitr censetur functus esse of-  
ficio suo, ita, ut ne exequi quidem sententiam à se latam  
possit, sed executionem illius relinquere Judici Ordinario  
debeat, ut colligitur ex *c. si quis 4. de for. compet.* 2. lapsu  
temporis, pro causa finienda præstituti, nisi partes tem-  
pus præfixum prorogent, vel prorogandi illud in ipso  
Compromisso potestatem Arbitro dederint *l. non distingue-*  
*mus cit. §. 3. 11. & fin.* 3. lapsu triennii à lite coram Ar-  
bitro contestata, si nullum certum tempus causæ expe-  
diendæ præfixum sit Gloss. *in l. 17. V. si multo ff. h. tit.*  
Molin. *D. 43. cit. n. 5.* quamvis nonnulli velint, arbi-  
trium durare etiam ultra triennium, ita, ut Arbitri com-  
pelli possint sententiam etiam post lapsum illius dicere. 4.  
deficiente conditione, sub qua in Arbitros est compromis-  
sum *l. litigatores 11. §. fin. ff. h. tit.* 5. interitu rei, de qua  
arbitrium ferendum erat *l. non distinguemus cit. §. item 5.*

Dub. 1. quomodo finiatur officium, & potestas Arbi- 43  
tratoris? Resp. finitur iisdem ferè modis, quibus officium,  
& potestas Arbitri, ut recte Pirhing *hic n. 96.* &  
ratio est, quia generali appellatione Arbitrorum etiam  
Arbitratores comprehenduntur, ut constat ex *l. Societatem*  
*76. vers. arbitratorum ff. pro socio*, ut proinde Jura, quæ  
faciunt mentionem de Arbitris, etiam ad Arbitratorem  
referrì debeant, nisi ratio diversitatis appareat, vel aliud  
Jure expressum sit: idque ex duplici causa. 1. quia etiam  
ipsi eliguntur ratione amicitiae, & confidentiæ. 2. quia  
non minorem, imò majorem, quàm Arbitri potestatem  
habent, cum jus unius alteri adjudicare, modò absque  
illius gravi præjudicio fiat pro bono concordie possint.

Intelligendum autem hoc est de iis Arbitratoribus, qui  
Jus partibus dicunt; nam ii Arbitratores, qui partes  
amica-



amicabiliter solum componunt, & Jus iisdem non pronuntiant, Arbitrorum nomine non comprehenduntur, ut habetur *l. Pomponius 13. §. recepisse 2. ff. h. tit.* ac proinde in talibus locum non habent, quæ de Arbitris Jura disponunt.

Dub 2. quando morte Arbitri non expiret Arbitrium? Resp. 1. quando in Compromisso expressum est, ut ad hæredes, vel alios successores transeat, aut ita conventum, ut uno defuncto, arbitrari reliqui possint *l. diem 37. §. si heredis 1. l. non distinguemus 32. §. cum in plures 13. ff. h. tit.*

2 Si compromissum sit in aliquod Collegium, vel Universitatem; quia Universitas nunquam moritur, sed est, manetque semper eadem in morali consideratione, licet immutentur ejusdem membra *l. sicut 7. §. fin. ff. quod cujusque univers. nom. & l. proponebatur 76. ff. de Judic.*

3 Si compromissum sit in Prælatum, expresso nomine Dignitatis: ubi tamen distinguendum, utrum compromittentes solum personam præsentis Prælati respexerint, an omnium, in eadem dignitate, & officio consistentium. Si primum, quod plerumque fit, cum plerumque compromitti soleat ratione amicitiae, & confidentiae, morte Prælati, etiam si sub nomine Dignitatis compromissum in eundem fuerit, expirat compromissum in eum factum per *c. fin. §. is autem de offic. deleg.* Si secundum, quod colligi potest ex eo, quod compromittentibus non fuerit notus ille Prælati, aut Dignitas illa penes ipsum non diu remansura &c. post mortem ejus compromissum ad Successorem transit. arg. *c. quoniam 14. de offic. deleg.*

45 Dub. 3. Utrum mors Procuratoris, Tutoris aut Curatoris, vel Prælati solvat Compromissum ab ipsis initum? Resp. *Ad 1.* distinguendo, an sit Procurator datus in rem propriam, an in rem alienam. *Si in rem propriam*, solvitur, quia non tantum pro domino litis, sed etiam rei litigiosæ habetur. *Si in rem alienam*, non solvitur, sed mors domini attendenda est, in cujus persona Procurator Compromissum iniit.

*Ad 2.* Compromissum à Tutore, vel Curatore factum, non horum, sed pupillorum, & minorum morte solvitur, quorum gratia factum est: idque verum est, etiam si mortuis pupillis, aut minoribus adhuc supervivat

Tutor, vel Curator; nam in illorum, non sua persona compromisit.

*Ad 3.* respondendum est cum distinctione; nam si Prælati compromisit super re, aut Jure Ecclesiæ, de quo ipse solus disponere alienando, transigendo, compromittendo potest, Compromissum per mortem ipsius, si Arbitrium, seu Laudum nondum latum est, extinguitur; quia non potest Ecclesiam in perpetuum obligare. At si compromisit super rebus, & Juribus ipse solus facultatem disponendi non habet, videndum, an adhibuerit solemnitates tali casu ad valorem Compromissi requisitas, vel non. Si non adhibuit, Compromissum ad Successorem transmitti non potest, cum sit omnino invalidum. At si adhibuit, post mortem ad Successorem transit; quia censetur factum nomine Ecclesiæ, vel Dignitatis, quæ Prælati mortuo non extinguitur. Vide Abb. *in c. fin. h. tit. n. 12. Molin. tr. 5. D. 43. n. 2. Pirh. hic n. 94. not. 5.*

Dub. 4. quæ remedia competant contra Laudum, seu sententiam injustam arbitri? Resp. tria competere 1. is, contra quem hujusmodi sententia injusta lata est, si conveniatur actione ex stipulatu ad pœnam promissam solvendam, *utipote doli mali exceptione*, & petentem repellere *l. ita demum 31. & l. seq. §. cum quidam 14. ff. h. tit. l. arbitrorum 3. C. eod.*

2 In casu læsionis ultra dimidium justii pretii ita læsus intentare potest remedium *l. rem majoris 2. C. de rescind. vendit.* etiam si Laudum, & Arbitramentum approbasset Marant. *de Ordin. Judic. p. 4. dist. 14. n. 8. Mynsing cent. 1. obs. 33.* ubi dat rationem; quia remedia, quæ competunt adversus transactionem, habent etiam locum contra Laudum approbatum. sed adversus veram transactionem in casu similis læsionis conceditur remedium *l. rem majoris cit. ut rescissio transactionis postulari possit.* ergo &c.

3 Si Laudum contineat iniquitatem notoriam, & manifestam, admittitur etiam ab eo Appellatio, etiam si Compromissum sit juramento confirmatum. Gaill. *l. 1. obs. 150. n. 9.* & apud hunc *cit.* vel saltem reductio Laudi ad arbitrium boni viri, quæ est quædam quasi Appellatio, ut dictum est *suprà num. 34.* & patet ex *l. non distinguemus 32. §. cum quidam abiter 14. ff. h. tit.*

*Finis Libri Primi Decretalium.*



# I N D E X

## R E R U M , E T V E R B O R U M .

Littera P. Proœmium , Numerus major Titulum , minor numerum Tituli indicat.

## A

*Abbas .*

**A**bbates consecrati vocantur ad Concilium Generale . P. 327.  
Electio Abbatis VI. 84.  
Electio Abbatissæ . VI. 89.  
Qui Abbates , & quibus , ac quomodo conferre possint Ordines minores? XI. 31. 32. 33. 34.  
An dare possint dimissorias? 49.  
Abbatis Erymon , diversitas , potestas , Jurisdictio . XXXI. 32. 33. 34.  
Exemptorum in foro interno , & externo , 35. 36.  
Non exemptorum . 37.  
Abbatissarum . 38.  
Quæ Jurisdictio fœminis delegari possit? 39.  
Abbatum præeminentia . XXXIII. 7.

*Abrogatio Legis .*

Quando fiat à lege posteriore . II. 52.  
Qui possint Legi derogare &c. V. *Lex* .  
Quomodo eam abroget consuetudo .

*Actio .*

Realis Actio oritur ex Jure reali . P. 23.  
Personalis ex Jure Personali . P. 24.  
Quæ sint Actiones reales , personales , & mixtæ? P. 26.  
Requisita , ut alicui competat Actio realis . P. 27.  
Omnis Actio oritur ex obligatione aliqua . P. 28.  
Actio Civilis , & Prætoria unde nascatur? P. 179.  
Actiones Legum quænam sic appellatæ? P. 187.  
*Actiones humane .*  
Quæ , & quomodo sint materia Legis? V. *Lex* .  
Quales , & quot actus faciunt consuetudinem? IV. 13. 14.

*Activum Jus .*

Quid sit? P. 19.

*Actus .*

Lex nova præcipit etiam Actus internos . P. 110.  
Quomodo? P. 111.

*Administrator .*

Quis administratorem dare possit Ecclesiæ vacanti? X. 10.  
Quæ ejus potestas? 11.

*Advocatus .*

Ejus definitio , differentia à Procuratore , Varietas . XXX. 1. 2. 3.  
Quis eum constituere possit? 4.  
Qui prohibeantur esse Advocati? 6. 7. 8. 9. 10. 11.  
Advocatus potest pacisci de salario . 12.  
Non verò de Palmario in eventum victoriæ . 13.  
Juramentum tamen additum tali Pactioni valet . 14.  
Quas causas advocati defendere possint? 15. 16.  
Eorum officium , obligatio , Commoda , privilegia . 17. 18.

*Æqualitas .*

Arithmeticam Æqualitatem observat Justitia Commutativa . P. 12.  
Geometricam Distributiva . P. 13.  
Vindicativa commensurat poenam delicto ad æqualitatem Arithmeticam . P. 15.

*Ætas .*

Ætas præficiendorum . V. *Præficiendi* .  
*Alienatio Judicii mutandi causa .*

Quando fiat? XLII. 1.  
Quomodo succurratur per eam læso? 2.  
Cui , & adversus quem tali casu actio competat? 3.  
In quibus Judiciis locum habeat? 4.  
Requisita , ut læso illa competat? 5.  
Statuta Jure Can. circa hanc alienationem . 6.

*Amentes .*

Sunt Juris , & Dominii capaces . P. 20.

*Antinomia .*

An admittenda sit necessariò inter partes Juris Civilis Romani? P. 220.  
Utrum ab ea absolvi possint omnes textus Juris Canonici? P. 280.  
Quænam Regula observanda , quando in Jure Canonico contrarietas Canonum sese offert? 282.

*Apostoli .*

His primam originem Jus Canonicum debet . P. 237.  
Quatuor celebrarunt inter se Catus , seu Concilia . P. ibid.  
Apostolorum Canones à quo conscripti? 238.  
Quis Author Constitutionum Apostolicarum? P. 239.

*Arbiter . Arbitrator .*

Ejus definitio . XLIII. 1.  
Differentia à Judice . 2.  
Et Arbitri Juris ab Arbitro compromissario . 3.  
Arbitri Compromissarii ab Arbitratore . 4.  
Casus , quibus Arbitri Juris constitui possunt , vel debent . 5.  
Qui compromittere in Arbitros possint , & non possint? 6. 7.  
Quomodo id possit Vasallus super re feudali , & Prælatus? 8. 9.  
An quis cogi possit ad compromittendum? 10.  
Qui in Arbitros eligi possint , qui non? 11. 12.  
An compromitti possit in proprium Judicem? 15.  
Causæ , in quibus potest , vel non potest compromitti . 16.  
Quando coram Arbitris institui possit reconvectio? 17.  
An illi cognoscere possint in alia , quàm principali causa? 18.  
An alium sibi substituere? 19.  
Forma servanda in Arbitrio . 20.  
Modus compromittendi in Arbitros . 21. 22. 23. 24. 25.  
Et Forma , qua procedere debet Arbiter . 26.  
Et Locus , in quo cognoscere , & arbitrium ferre debet . 27.  
Tempus . 28.  
Præsentia requisita . 29.  
Concordia , vel discordia . 30.  
Effectus Arbitrii . 31. 32. 33.  
Casus , quibus arbitrium non necessariò observatur . 34.  
An talis sit læsio gravis , sed circa dolum? 35. 36. 37.  
Coram quo Judice petenda reductio sententiæ Arbitratoris? 38.  
An a Judice reductionis appellari possit? 39.  
Quomodo finiatur officium , & potestas arbitri? 40. 41. 42.  
Et Arbitratoris? 43.  
Quando morte Arbitri non expiret Compromissum? 44.  
An expiret morte Procuratoris , Tutoris , Curatoris , Prælati &c. 45.

*Archidiaconus .*

Quid sit? XXIII. 1.  
Ejus officium , & potestas . 2.  
Quid facere possit? 3.  
Quid facere prohibeatur? 4.  
An & qualis sit dignitas Archidiaconatus? 5.  
Ordo , doctrina , ætas in eo requisita . 6.  
Ejus differentia a Vicario Generali . 7.  
*Archipresbyter .*  
Quid sit , & quotuplex? XXIII. 1.  
Officium Archipresbyteri Civitatis . 2.  
Ejus Jurisdictio , & dignitas . 3. 4.  
Officium Decani Ecclesiæ Collegiatæ , & Ruralis . 5. 6.  
Modus istum constituendi . 7.

*Arithmetica æqualitas .**V. Æqualitas .**Anticum Imperiale Judicium .**V. Ordinatio .**Aurea Bulla .**V. Bulla Aurea .**Authentica .*

Quam vim habeant Authentica , insertæ Codici? P. 208.  
Authentica , seu Novellæ . V. *Novella* .

## B

*Bannus Imperialis .*

**H**ujus poenam incurrunt violatores Pacis publicæ . P. 158.

*Bellum .*

An , & quomodo pugnet cum Jure Naturali? P. 80.  
Jus Belli est Jure Gentium introductum . P. 135.  
Secundum istius Juris præcepta bella sunt dirigenda . P. 138.  
Belli natura , divisio . XXXIV. 1.  
Honestas . 2. 3. 4.  
Conditiones requisitæ . 5.  
Quando licitum Principi , vel Statui inferiori? 6.

Causæ



Causæ bellorum justæ. 7.  
An ab eo cessandum, satisfactione competente præstita? 8.  
Quid in eo liceat? 9.  
An insidiæ, & doli? 10.  
An innocentum cædes, & spoliationes? 11.  
An occidere victos prælio, vel captos bello? 12.  
Bellum gerere licet die festo. 16.

*Beneficia.*

Jus Reale in Beneficio Ecclesiastico acquiritur per solam  
Collationem, & acceptationem absque traditione P. 27.  
Rescripta, litteræ ad Beneficia. V. *Rescriptum*.  
De Renuntiatione Beneficiorum. V. *Renuntiatio*.  
Collatio negligens Beneficiorum quomodo supplenda?  
V. *Negligentia*.  
Devolutiones Beneficiorum. *ibid.*  
Ad Beneficia simplicia requiritur annus 14. tus XIV. 6.  
Collatio Beneficii, facta non habenti ætatem Jure commu-  
ni requisitam, ipso Jure nulla est. 11.  
Quis Ordo requiratur ad Beneficia Parochialia, & alia  
Curata? 17.  
Quis in promovendis ad Beneficia simplicia? 19.  
Quid præterea requiratur in promovendis ad Beneficia?  
§. 3. & V. *Præficiendi*.  
In Electione inter promovendos ad Beneficia, quæ obser-  
vanda? V. *Collatio Beneficiorum*.  
De Impedimento Natalium. V. *Illegitimi*.  
De Successione Filii in Beneficio Patris, & vicissim. V.  
*Illegitimi*.  
Collatio Beneficiorum facta Peregrinis. V. *Clerici*.

*Bigamia. Bigamia.*

Tantum Jure Ecclesiastico sunt incapaces Ordinum. P. 103.  
Quid Bigamia, & quotuplex? XX. 1.  
Quid vera? 2.  
An oriatur etiam ex Matrimonio ante Baptismum con-  
tracto? 3.  
An ex fornicatione cum pluribus? 4.  
Quid bigamia interpretativa? quot modis contrahatur?  
5. 6. 7.  
Quid similitudinaria? 8. 9.  
Pænæ bigamorum sine dispensatione ordinatorum, & hos  
ordinantium. 10. 11. 12.  
An cum iis dispensare possit S. Pontifex? 13.  
An Episcopus? 14. 15. 16. 17. 18.  
An Prælati Regulares? 19.

*Blasphemia.*

In nullis circumstantiis potest fieri licita. P. 79.

*Boia Fides.*

Non requiritur ad Consuetudinem Legitimam. IV. 25.

*Bruta.*

Non communicant cum homine in Jure Naturali. P. 42.  
Sed iis solum inest umbra quædam, & analogia istius. P. 46.  
Hujus Author. *ibid.*

*Bulla Aurea.*

Quare sic dicta? P. 157.  
Constituit Jus Publicum. *ibid.*  
Ante Bullam Auream nulli reperiuntur Recessus Impe-  
rii. P. 163.

*Bullarium Romanum.*

An vim Legis, universalem Ecclesiam obligantis ha-  
beat? P. 387.

## C

*Camera Imperialis.*V. *Ordinatio Camera.**Cancellaria.*

An Regulæ Cancellariæ Apostolicæ vim Juris Commu-  
nis habeant? P. 390.

*Canon.*

SS. Canones Jus dicuntur. P. 8.  
Canon denotat Regulam. P. 230.  
Quid sit Jus Canonicum, quotuplex, quæ ejus partes &c.  
V. *Jus Canonicum*.  
Canones cur Sacri dicantur. P. 231.  
Canones Apostolorum a quo conscripti? P. 238.  
Quot diversæ Collectiones Canonum, & à quibus illæ  
conscripserunt? P. 241.  
Quam vim, & auctoritatem habeant Canones Apostoli-  
ci? 257.

*Canonicatus.*

Qui Canonici eligere possint? VI. 9. 10.  
Ad Canonicatus Cathedralis, seclusa consuetudine, re-  
quiratur annus 21. XIV. 5.  
Ad Canonicatus in Ecclesiis Collegiatis 14. tus 8.  
Quis Ordo ad utroque hos Canonicatus requiratur? 18.

*Capitulatio. V. Elestio.**Capitulatio Casarea.*

Pertinet ad Jus publicum. P. 162.

Quid sit, & quando hujusmodi Capitulationes adhiberi  
cœptæ? *ibid.*

*Capitulum.*

An Capitulum Cathedrale Leges ferre possit? V. *Lex*.  
An transferre possit Prælatos? VII. 5.  
An Sede vacante dare possit Dimissiones? XI. 46. 47.  
Et constituere Vicarium Generalem? XXVIII. 16.  
De Vicario Capituli. V. *Vicarius*.

*Captivitas.*

An, & quomodo pugnet cum Jure Naturali abductio victo-  
rum in bello in captivitatem? P. 80.

*Cardinales.*

Vocari debent ad Concilium Generale, licet non sint E-  
piscopi. P. 326.  
Habent in eo Suffragium Decisivum. P. 328.  
Potestas Cardinalium Legatorum in Concilio Generali.  
P. 328.  
Casus, in quibus Collegium Cardinalium convocare po-  
test Concilium Generale? P. 332.  
Cardinalium Congregatio an Leges ferre possit? V. *Lex*.  
An Cardinales postulandi ad Episcopatum? V. 9.  
In Cardinalibus requiritur Ordo juxta gradum eorum.  
XIV. 14.  
Cardinalium origo. XXXI. 12.  
Gradus, & tituli. 13.  
Prærogativæ. 14.  
Potestas, & officium. 15. 16.  
Necessitas in negotiis arduis. 17.  
Auctoritas in Conciliis. 18.

*Caritas.*

An Præceptum Caritatis in Lege Gratiæ sit novum quoad  
substantiam? P. 106.

*Ceremonialia Præcepta.*

Quæ talia dicantur? P. 92.  
In Lege veteri erant Juris positivi Divini. P. 93.  
Sunt sublata in Lege nova. P. 95.  
Etiam Lex nova Ceremonialia Præcepta à Christo tra-  
dita habet. P. 100.  
Quænam Leges Ceremoniales ex his, quorum usus in  
Ecclesia Christi est, pertineant ad Jus positivum Di-  
vinum? P. 107.

*Chrisma.*

Chrismatis confectio non potest committi simplici Sacer-  
doti. XV. 5.

*Civile Jus.*V. *Jus Civile.**Clandestinitas.*

Clandestinum Matrimonium est Jure Positivo invalidum.  
P. 78.

*Clementina.*

Unde dicta? P. 256.  
Quando vulgaræ? *ibid.*  
Quis eas compilarit? 285.  
Habent vim Juris, universam Ecclesiam obligantis. 289.

*Clerici.*

Non obligantur directe Lege civili. II. 37.  
An Clericus extraneus postulandus ad Prælaturam? V. 11.  
Qui Clerici eligere possint? V. *Elestio*.  
Quid de Clericis Peregrinis statuatur in Jure? XXII. 1.  
An Episcopus Clericis suis aliò discessuris literas com-  
mendatitias denegare possit? 2.  
Quomodo probetur Clericatus in testimoniorum defectu? 3.  
An in Beneficiis conferendis peregrinis præferri possint  
indigenæ? 4.  
Quid in collatione Beneficiorum circa Clericos peregrino-  
s observandum? 5.  
Clericorum, & Ecclesiarum præeminentia inter se.  
XXXIII. 10.  
Clerici aliqui aliquando non possunt esse advocati.  
XXXVII. 10.

*Coadjutor.*

Quomodo detur Coadjutor. X. 9.  
Quæ ejus potestas? 11.

*Codex.*

Hermogenianus, Gregorianus, Theodosianus quando con-  
diti? P. 188.  
Quando confectus Codex Justinianæus? P. *ibid.*  
Quid intelligatur nomine Codicis? P. 205.  
Quotuplex sit Codex Justinianæus? P. 206.  
Quando vulgaris? *ibid.*  
Quam vim habeant Leges ab Antonio Augustino, Con-  
tino, Cujacio &c. insertæ Codici? P. 207.  
Item illæ Leges, quæ promanant ex Libris Basilicis? *ibid.*  
Quam vim habeant Authenticæ Codici intermixtæ?  
P. 208.

*Collatio Beneficiorum. V. Negligentia.*

Quid requiratur, ut ea valeat?  
V. *Beneficia. Præficiendi*.

Beneficia Ecclesiastica conferenda dignis XIV. 36.  
Peccat



Peccat graviter conferens indigno, cum posset digno. 37.  
In Beneficiis Patrimonialibus, vel iis, quæ debent conferri alicui de Corpore, non est præferenda persona extranea. 38.

Extra hos Casus dignior præferri debet digno. 39.

Etiam in Episcopatu & Prælatu. 40.

Et Beneficiis cæteris Curatis. 41.

Imò & simplicibus. 42. 43. 44. 45. 46.

An & quomodo conferantur Beneficia peregrinis? V. *Clerici*.

*Collectiones Canonum*.

Decem omnino enumerantur. P. 241.

*Commercia*.

Jus Commericii est Juris Gentium. P. 135.

*Communitas*.

Communitates Ecclesiasticæ an Leges ferre possint? V. *Lex*.

*Commutationes*.

Justitia Commutativa locum habet in Commutationibus. P. 12.

Hæ sunt aut Voluntariæ, aut involuntariæ. ibid.

V. *Justitia Commutativa*.

*Compromissum*. *Compromissarii*. *Compromittentes*.

De his respectu Electionis Ecclesiasticæ. V. *Electio*.

*Concilium*.

Apostoli Jerosolymis quatuor celebrarunt Concilia, seu Cœtus. P. 237.

Etymologia Concilii. P. 309.

Diversæ acceptiones istius. P. 310.

Definitio Concilii Ecclesiastici. ibid.

Quo Jure sint introducta Concilia Ecclesiastica? P. 311.

Ob quas causas convocari possint? P. 314.

Quotuplicis generis dentur Concilia Ecclesiastica? P. 317.

Quid requiratur, ut legitimum, & perfectum sit Concilium Generale? P. 322.

Quinam ad hoc vocandi? P. 324.

Quinam in hoc Votum Decisivum habeant, qui Consultivum tantum? P. 328.

An aliquando Concilium Generale absque Pontificis Romani autoritate convocari possit? P. 332.

Utrum Pontifex Rom. potestatem præsidendi in Conciliis Generalibus sibi jure vendicet? P. 336.

Concilia Generalia approbata hucusque dantur duodecim. P. 341.

Reprobata octo. P. 342.

Partim approbata, partim reprobata sex. P. 343.

Generale nec approbatum, nec reprobatum videtur esse Pisanum prius. P. 344.

Quam vim habeant Decisiones, & Decreta Conciliorum? P. 345.

An ista vim Legis habeant etiam ante confirmationem Summi Pontificis? P. 348.

An Concilium Generale condere valeat Decreta, seu Leges ipsum Papam obligantes? P. 352.

An Confirmatione Pontificia indigeant etiam Concilia Particularia. P. 358.

Conciliorum Generalium ultimum est Tridentinum. P. 359.

Habet auctoritatem parem cum cæteris Oecumenicis, & receptis Conciliis? ibid.

Quis illius Decreta interpretari possit? P. 361.

Concilium an Leges ferre possit? V. *Lex*.

*Conductor*.

Jus, quod habet Conductor in Operarium, est Jus reale. P. 28.

*Confirmatio*.

Confirmatio electi. V. *Electio*.

De Confirmationis Sacramento, an aliquando iteranda? V. *Sacramentum*.

De Unctione, quæ fit in Confirmatione. V. *Unctio*.

*Congregatio*.

Congregatio Cardd. Trident. Interpp. à quo instituta? P. 362.

Quas facultates habeat? P. 365.

An Declarationes istius Congregationis habeant vim, & auctoritatem Juris, sive Legis Ecclesiasticæ? P. 370.

Præter hanc dantur adhuc aliæ Congregationes, & imprimis Congregatio super negotiis Episcoporum, & Regularium. P. 378.

Jurisdictionis, Immunitatis Ecclesiasticæ. P. 379.

Rituum. P. 380.

Indicis Librorum prohibitorum. P. 381.

De propaganda Fide Catholica &c. P. 382.

An Declarationes istarum Congregationum Legis vim habeant? P. 384.

*Consecratio*.

Consecratio Prælati. V. *Electio*.

Consecrationis Episcopalis Effectus. VI. 83.

De Consecratione Episcopi iteranda, vel supplenda.

V. *Sacramenta*.

*Conservatores*.

Judicis Conservatoris definitio. XXIX. 51.

Qualitas in eo requisita. 52.

Ejus officium & potestas. 53.

Quid observandum circa Conservatores Ordinum Mendicantium? 54.

Quid circa Conservatores statutum novo Jure Trid. 55.

*Constitutio*.

Constitutionis Nomenclatio, & acceptio stricta, vel lata. II. 1.

*Constitutiones Apostolicæ*.

Quo Authore conscriptæ? P. 239.

*Consuetudo*.

Consuetudinis definitio & divisio. IV. 1. 2.

A quo induci possit? 3. 4.

Quid ad legitimam consuetudinem requiratur? 5.

Consuetudo etiam contra Legem potest censi rationabilis? 6.

Quando Consuetudo censenda rationabilis? 7.

Quid judicandum in dubio? 8.

Ad Consuetudinem faciendam sufficit decennium. 9.

Etiam contra Legem Ecclesiasticam. 10.

Licet absens sit Legislator. 11.

Debet tamen hoc tempus esse continuum. 12.

Quæ frequentia actuum inducat consuetudinem? 13.

Quales hi actus esse debeant? 14.

Qualis debeat esse consensus Legislatoris? 15.

Consuetudinis præter Jus effectus est obligatio. 16.

Hæc induci etiam potest per actus extrajudiciales. 17.

Consuetudo unius Civitatis, vel Provinciæ non potest obligare aliam. 18.

Potest induci Consuetudo obligans ad pœnam, & non ad culpam. 19.

Alter effectus Consuetudinis est abrogatio Legis præexistens. 20.

Etiam Ecclesiasticæ. 21.

Vel prohibentis contrariam consuetudinem. 23.

Vel infirmantis, aut irritantis certos actus. 24.

Potest manere obligatio ad pœnam, sublata obligatione ad culpam, & contra 22.

Ad talem Consuetudinem non requiritur bona Fides. 25.

Tertius effectus, vis interpretandi Legem. 26.

Quod authenticè facit Consuetudo legitimè præscripta. 27.

In quibus vim interpretandi exerat Consuetudo? 28.

Quartus effectus, Irritatio actus aliàs validi. 29.

Qualis Consuetudo inducere possit Impedimentum irritans Matrimonium? 30.

Quæ vis Consuetudinis immemoralis? 31.

Quid faciat conjuncta famæ obtenti Privilegii? 32.

*Contractus*.

Justitia Commutativa locum habet in Contractibus. P. 12.

Contractus extortus vi absoluta, aut dolo versante circa substantiam rei est Jure Naturali irritus. P. 70.

A Minore sine autoritate Tutoris, vel Curatoris celebratus est Jure positivo invalidus. P. 78.

Ejus definitio, divisio. XXXV. 34. 35. 36. 37. 38.

Modi contrahendi, & irritandi contractus. 40. 42.

Obligatio orta ex iis. 41.

Qui contrahere possint? 39.

De Transactionibus. V. *Transactio*.

*Corporis Vitium*.

Removet ab Ordinatione. XX. 1.

Mutilatio imprimis. 2.

Truncatus voluntariè, etiam parte membri irregularis est. 3.

Similiter, qui indiscreto Zelo se castraverunt, vel se castrari permiserunt. 4.

Etiam vocis conservandæ gratia. 5. 6.

Non verò, qui infcii, vel inviti tale vitium passi sunt. 7.

Licet causam dederint sua culpa. 8.

Debilitati quinam? 9.

Quæ impotentia ab Ordinibus arceat? 10.

Quando morbus? 11.

An simpliciter, an solum ab Ordine, cujus actum exercere non potest? 12.

Qui deformes? 13.

An deformitas &c. removeat etiam ab exercitio Ordinis suscepti, & quomodo? 14.

Quis judicare possit in hoc dubio? 15.

Quis dispensare possit in hoc impedimento? 16.

*Corpus Juris Canonici*.

Tria complectitur Volumina. P. 251.

Primum est Decretum Gratiani. P. ibid.

Secundum Decretales Gregorii IX. P. 254.

Tertius Liber VI. Decretalium, Clementinæ, & Extravagantes. P. 256.

*Custos*.

Officium Custodis. XXVII. 3.



## D

**D**ecanus Ecclesiæ Collegiatæ, & Ruralis. V. *Archipresbyter*.

*Decisiones*.

Rotæ Romanæ quam vim habeant? P. 396.

*Declaratio*.

Quis declarare, seu interpretari Tridentinum possit? P. 361.

An Declarationes, à S. Congregat. Cardd. Interpp. habeant vim Legis? P. 370.

Quam vim habeant Declarationes aliarum Congregationum? P. 278.

*Decretales*.

Decretalium Gregorii IX. Libri sunt quinque, P. 254.

Olim non erant in Corpore Juris. P. 255.

Decretalium Liber VI. etiam ipse in quinque Libros dividitur. P. 356.

Compilatio Decretalium sæpius facta est. P. 272.

Ea, qua nunc utimur, quoad quinque Libros priores jussu Gregorii IX. facta est à S. Raymundo Pennafortio. P. 273.

Ordo materialium in his comprehensarum. ibid.

An omnes textus Voluminis Gregoriani habeant vim Juris Ecclesiastici, totam Ecclesiam obligantis? P. 275.

An admittenda in hoc Volumine sit Antinomia aliqua? P. 280.

Quis compilarit Sextum Decretalium? P. 284.

Decretalium VII. alius compilatus est à Petro Matthæi. P. 287.

Alius jussu Gregorii XIII. inchoatus, est absolutus, & typis impressus sub Clemente VIII. sed postea suppressus. P. 288.

Liber VI. Decretalium habet vim indubitati Juris. P. 289.

Non autem VII. P. 293.

*Decretum Gratiani*.

Quas partes contineat? P. 251.

Quas materias tractet? P. 252.

Cur dicatur Concordantia discordantium Canonum? P. 253.

Author ejus quis fuerit? P. 260.

Quando in lucem prodierit? P. 261.

An approbati Juris vim habeat? P. 262.

Quid judicandum de Paleis, quæ sub hoc nomine in Decreto isto reperiuntur? P. 266.

*Depositi*.

Non est reddendum deponenti, si illo sit abusus. P. 80.

*Devolutio*.

Devolutio Beneficiorum. V. *Negligentia*.

Devolutio Jurisdictionis, ibid.

*Distamen Rationis*.

Jus Naturale non rectè constituitur formaliter in isto Distamine. P. 51.

*Digesta*.

V. *Pandectæ*.

*Dignitas*.

Ad Dignitates non Curatas requiritur annus 25. inchoatus. XIV. 4.

Ad Dignitates in Ecclesiis Collegiatis 22. dus 7.

Quis ordo requiratur ad Dignitatem Episcopali inferiorum? 16.

Requisita alia in promovendis ad Dignitates. V. *Præficiendi*.

In electione inter promovendos ad dignitates an præferendus dignus, & dignior? V. *Collatio Beneficiorum*.

*Diœcesis*.

Quid Diœcesanum Concilium? P. 320.

*Dispensatio*.

Dispensatio in Lege. V. *Lex*.

Interpretatio Dispensationis stricta. III. 30.

Potestatis dispensandi lata. 31.

De dispensatione in impedimento Natalium. V. *Illegitimi*.

Quomodo dispensari possit in Votis, & Juramentis? P. 280.

*Distributiva Justitia*.

V. *Justitia Distributiva*.

*Divinum Jus*. V. *Divinum*. *Dolus*.

Verfians circa substantiam rei facit contractum Jure Naturali irritum. P. 70.

Dolo extorta renuntiatio an valeat? *Renuntiatio*.

*Dominium*.

Quid sit Dominium Perfectum, quid imperfectum? P. 29.

Definitio Domini Perfecti. P. 30.

Imperfecti. P. 31.

Species istius. ibid.

*Dominus*.

An inter Dominum, & Servum detur Justitia strictè dicta? P. 18.

Jus, quod habet Dominus in Servum suum, est Jus reale. P. 28.

*Donatio*.

Donata Ecclesiæ, vel alteri pio loco his acquiruntur, licet res donata nondum sit tradita. P. 27.

Donatio rei jam antea donatæ, simulque traditæ est Jure naturali irrita. P. 70.

## E

*Ecclesia*.

**A**n eligi possit in Ecclesia interdicta? V. *Electio*.

Quis Ecclesiæ Vacanti dare possit Visitatorem, vel Administratorem? X. 10.

Ecclesiarum, & Clericorum præeminentia inter se. XXXIII. 10.

*Ecclesiasticum Jus*.

V. *Jus Canonicum*.

*Edicta Prætorum*.

Quid sint? P. 187.

Quid nomine Edicti Perpetui in Jure veniat? 188.

Edicta 13. Justiniani quam auctoritatem habeant? P. 214.

*Electio*. *Electio*, *Electus*.

Electiois definitio. VI. 1.

Differentia. 2.

Qui habeant jus eligendi Prælatos? 3.

An etiam Laici? 4. 5. 6.

An Clerici extranei? 7.

An omnes Clerici vacantis Ecclesiæ? 8.

Vel ejus Canonici? 9.

An qui possessionem tantum Canonicatus habent? 10.

An Superior Ecclesiæ vacanti providere possit, si nullus ex Canonici vel Religiosis in S. Ordine constitutus sit? 12.

Quid dicendum de Excommunicatis? 13.

Quid de Irregularibus? 14.

In Eligendo ad Episcopatum quid requiratur? 15.

Quinam ineligibleibiles? 16. 17. 18.

Electio indigni invalida. 19.

Ejus pœna. 20.

Ad quem dein devolvatur jus eligendi? 21.

Qui vocandi ad Electionem? 22.

An Electio valeat, si non vocati omnes? 23.

Quod Jus contemptis competat? 24.

Qui absentes vocandi? 25.

Qui sumptus itineris iis dandi? 26.

An sufficiat ad acquirendum Jus eligendi esse initiatum S. Ordine? 11.

An elector absens possit constituere Procuratorem? 27.

Quid observandum Procuratori, & constituti Procuratori? 28.

An in Procuratorem extraneum Capitulum consentire debeat? 29.

In quo loco possit eligi? 30.

An in Ecclesia interdicta? 31.

An in loco occulto? 32.

Quando eligendum? 33.

Intra quod tempus? 34.

Quando hoc currere incipiat? 35.

An abbreviari possit? 36.

Electiois forma triplex. 43.

Actus Scrutini. 44.

Quot & qui Scrutatores requirantur? 45.

Quomodo instituendum Scrutinium? 46.

Quomodo publicandum? 47.

Quomodo facienda collatio Votorum? 48.

Et communis Electio? 49.

An hæc omnia sint substantialia Electionis? 50.

Electio quando fiat per Compromissum? 51.

Consensus compromittentium quis requiratur? 52.

Et qui, ac quot Compromissarii? 53.

Quomodo fieri possit Compromissum? 54.

Quot Vota in eo requirantur? 55.

Quid si compromissum in consilium aliorum? 56.

An Compromissarii constituti ad eligendum, possint postulare? 58.

An eligere aliquem ex seipsis? 59.

An in Compromisso requiratur communis Electio? 60.

An Compromittentes teneantur acceptare Electum à Compromissariis? 61.

Exspiratio Compromissi? 62.

Ad quos jus eligendi devolvatur à Compromissariis? 63.

Pœna Compromissariorum, eligentium indignum? 64.

Electioes debent esse liberæ. 65.

Non gravi metu extortæ. 66.

Pœna injustè gravantium Electores. 67.

Pœna celebrantium Electionem per abusum potestatis secularis? 68.

Quando sic celebretur? 69.

Quomodo Electio intimanda Electo, & ab eo acceptanda? 70.

Quod



Quod Jus Electio acquiratur per Electionem? 71.  
 An electus non confirmatus administrare res, & Jura Ecclesiæ possit? 72.  
 Quando, à quo, quomodo petenda, danda Confirmatio? 73.  
 Effectus Confirmationis. 74.  
 An ea sanet defectum Electionis invalidæ? 75.  
 Consecratio sequitur Confirmationem. 76.  
 Facienda tempore statuto à Jure. 77.  
 A quo? 78.  
 Quot Consecratores requirantur? 79. 80. 81.  
 Qua forma, loco, tempore facienda? 82.  
 Effectus Consecrationis Episcopalis. 83.  
 De Electionibus Regularium specialia. V. *Regularis*.  
 De Electione S. Pontificis. V. *Pontifex Summus*.  
 An Electus, non consecratus, transferri possit? VII. 3.  
*Emphyteusis*.  
 Est species Dominii imperfecti. P. 31.  
*Epiikia*.  
 An istam Jus Naturale admittat? P. 82. &c.  
 Quando per hanc Lex restringi possit? II. 49.  
*Episcopus*. *Archiepiscopus*.  
 Episcopi omnes vocari debent ad Concilium Generale, quamvis non sit necesse ut omnes interfint. P. 325.  
 Habent in eo suffragium Decisivum. P. 328.  
 Non tamen Clerici, qui loco Episcoporum absentium Concilio Generali interfint. P. 330.  
 An abrogare possint Constitutiones à se factas in Synodo Diocesana? II. 55.  
 Quando possint dispensare in Lege Pontificia? 59.  
 An Episcopus postulandus ad alium Episcopatum? V. 8.  
 In eligendo ad Episcopatum quid requiratur? VI. 15.  
 Episcopi Translatio. V. *Translatio*.  
 Pallium Archiepiscopi, &c. V. *Pallium*.  
 Episcopi negligentia quomodo supplenda? V. *Negligentia*.  
 Episcopatus est Ordo. XI. 4.  
 An Episcopus possit delegare collationem Ordinis Majoris ei, qui non est Episcopus? 35.  
 Requisita in Episcopo, ut licet ordinet. 36.  
 Episcopus Originis, Domicilii, Beneficii. 37. 38. 39. 40. 41.  
 Quando Episcopus alienus ordinare possit? 42.  
 Regulariter enim quisque Episcopus ordinat suos subditos. 43.  
 Potest etiam dare Dimissorias. 44.  
 An etiam non consecratus? 45.  
 An ordinare possit Episcopus, qui renunciavit, vel Excommunicatus? V. *Ordo*.  
 Ad Episcopatum requiruntur 30. anni completi. XIV. 2.  
 Episcopus, ante electionem per 6. saltem menses debet fuisse in Sacris. 15.  
 Quid Episcopus possit circa subditos Clericos quoad suscipiendos Ordines? an compellere ad suscipiendos? 20. 21. 22.  
 De Consecratione Episcopi. V. *Consecratio*.  
 An Episcopus suis Clericis aliò discessuris litteras Commendatitias negare possit? XXII. 2.  
 Episcopus constituit Vicarium Generalem. XXVIII. 16.  
 Procedens erga exemptos utitur Jurisdictione Delegata. XXIX. 5. 6. 7. 8.  
 Archiepiscoporum descriptio, potestas. XXXI. 21.  
 Etiam in Suffraganeos sibi subditos, & horum subditos. 22. 23.  
 Locus exercendæ in hos Jurisdictionis. 24.  
 Episcopi etymon, & potestas Ordinis, & Jurisdictionis. 25.  
 Jurisdictionem immediate habet a S. Pontifice. 26.  
 Potestas consistit in Lege Diocesana & Jurisdictionali. 27.  
 Spectantia ad Legem Diocesanam. 28.  
 Et ad Jurisdictionem Episcopi. 29.  
 In quibus casibus Jurisdictionem habeat in exemptos? 30.  
 In quo loco eam exercere possit? 31.  
 Quomodo Episcopo promittenda obedientia? XXXIII. 15.  
*Excommunicatus*.  
 Quando Rescriptum impetrare possit? III. 5.  
 An Excommunicati eligere possint? IV. 13.  
 Excommunicati non possunt esse advocati. XXXVII. 7.  
*Executio*.  
 Executio Rescriptorum. V. *Rescriptum*.  
*Existentia*.  
 Rei existentia requiritur, ut in illa re dicatur alicui competere Jus reale. P. 27.  
*Extravagantes*.  
 Joannis XXII. P. 256.  
 Communes. ibid.  
 Numerus Constitutionum contentus in Extravagantibus Joannis XXII. P. 286.  
 Communes dividuntur in 5. Libros. ibid.  
 Habent vim Juris, universam Ecclesiam obligantis. P. 289. &c.

## F

*Feudum*.

Est species Dominii Imperfecti. P. 31.  
 Libri Feudorum habent vim Juris Consuetudinarii. P. 215.

Exceptis Capitulis Extraordinariis. P. 216.  
 Quid censendum de Speculo Saxonico? P. 217.  
 Quid de Suevico? ibid.  
 Jus Feudale Longobardicum receptum in Imperio. P. 218.  
 Hujus observantia quæ? P. 219.

*Fides Catholica*.

An Præceptum credendi explicitè Mysterium SS. Trinitatis, quod datur in Lege nova, sit novum quoad substantiam? P. 106.

Personæ obligatæ ad faciendam ejus professionem. I. 7.  
 Edi illa potest per Procuratorem. 8.  
 Omittentes eam culpabiliter fructus beneficii, vel Canonatus non faciunt suos. 9.

Hos tenentur restituere ante Sententiam. 10.  
 Non privantur tamen distributionibus quotidianis. 11.

*Filius*. *Filiusfamilias*.

An inter Patrem, & Filium detur Jus, & Justitia strictè dicta? P. 18.

An Ordines suscipere possit sine Patris licentia? XVIII. 5.  
 Non potest pacisci, nisi habeat requisita. XXXV. 10. 11.  
 Non obligatur ex mutuo, exceptis certis casibus, vi S. C. Macedoniani. 12.

Quo defenditur etiam in conscientia. 13.  
 Nisi pecuniam mutuatum adhuc habeat, vel ex ea factus sit locupletior. 14.

An mutuantem excuset tolerabilis ignorantia Juris? 15.  
 An filiusfamilias renunciare possit S. C. Macedoniano? 16.

*Fœdus*.

Fœdera Pacis, & Induciarum sunt Juris Gentium. P. 135.

*Fraus*.

Fraus extorta renunciatio an valeat? V. *Renunciatio*.

## G

*Generales*.

Generales Ordinum Religiosorum vocantur ad Concilium Generale. P. 327.

*Gentium Jus*.

V. *Jus Gentium*.

*Geometrica Aequalitas*.

Hanc observat Justitia Distributiva. P. 13.

*Glossa*.

Quæ sit autoritas Glossæ in interpretatione Juris? P. 304.

*Gratia Sanctificans*.

Habitus Gratiæ Sanctificantis in SS. Litteris, & Trid. dicitur Justitia. P. 9.

## H

*Habitatio*.

Est species Dominii Imperfecti. P. 31.

*Hæreditas*.

In hac Jus reale acquiratur sola aditione, etiamsi nondum sit facta traditio. P. 27.

*Hæresis*.

Ob novam Hæresim, antea non judicatam, convocari solet Concilium Generale. P. 316.

Item ob suspicionem Hæresis, vel infidelitatis in Romano Pontifice. ibid.

Si Papa lapsus sit in Hæresim, Concilium Generale convocari potest à Collegio Cardinalium. P. 332.

*Homicida*.

Tantum Jure Ecclesiastico est incapax Ordinum. P. 103.

*Homo*.

Multipliciter considerari potest; & secundum diversam considerationem subiicitur diversis Legibus. P. 133.

*Humanum Jus*.

V. *Jus Humanum*.

## I

Ignorantia Legis, & Pœnæ an excuset à Culpa, & Pœna? II. 40.

*Illegitimi*.

Omnes illegitimi repelluntur ab Ordinibus. XVII. 1.

Licet hic defectus sit occultus. 2.

Quid sentiendum de Expositis? 3.

Quid de susceptis ex Conjugibus, quorum unus vel uterque ligatur Voto solemniter? 4.



Irregularitas hæc tollitur quatuor modis . 5.  
Præcipue professione Religiosa . 6.  
Cujus effectus manet in ejectis & dimissis . 7.  
Vitium hoc non tollitur solo ingressu in Novitiatum . 8.  
Nec Professio Religiosa quoad Prælaturas & Beneficia Curata 9.

Idem de sœminis quoad Abbatis & Prioratus illarum . 10.  
Quis dispensare cum illegitimis possit ? 11.  
Quid in hoc possit Episcopus ? 12.  
Quid Superiores Regulares cum Regularibus subditis ? 13.  
An dispensatio hæc sit strictæ interpretationis ? 14.  
An & quomodo filii illegitimi Clericorum arceantur à Beneficiis paternis & Ecclesiæ paternæ ? 15. 16.  
An idem procedat apud Regulares ? 17.  
Filii etiam legitimi non possunt succedere Patri in beneficio ; potest pater filio . 18. 19.  
Dispensat in hoc impedimento solus Pontifex . 20.  
An in beneficio avi &c. succedere possit horum nepos , legitime natus ex filio legitimo ? 21.  
Vex illegitimo ? 22.  
An iste in eadem Ecclesiâ cum avo possit habere Beneficium ? 23.

#### Imperator .

Est Author Juris Publici in Imperio . P. 150.  
Imperii Status omnes obligantur Legibus Publicis . P. 164.  
Non tamen Imperator , nisi vi directiva indirecte . P. 165.  
An possit mutare Imperator Leges Publicas ? P. 168.  
An possit mutare ea , quæ in sua Capitulatione , vel aliâ se servaturum promissit ? P. 171.  
Potest Imperator cum Statibus Imperii condere novum Codicem , & priorem abrogare . 220.  
Non potest præsidere Concilio Generali Ecclesiastico . P. 323.  
Neque id convocare auctoritate propria . P. 333.  
Quos obligare possit Legibus suis ? II. 17.

#### Imperium .

Imperium merum & mixtum quid ? XXXII. 6. 7.

#### Inclinatio .

Homini à Natura inest triplex , & primò quidem ad conversationem sui , in quo communicat cum omnibus substantiis . P. 35.  
Secundò ad ea , in quibus communicat cum solis animantibus . P. 36.  
Tertiò ad bonum secundum naturam rationis , quæ inclinatio est propria Homini . P. 37.  
Ex tertia hac inclinatione profluit Jus Naturale propriè acceptum . ibid.  
Et in ea virtualiter consistit . P. 38.

#### Infideles .

Non obligantur Jure Canonico . P. 232.

#### Institutiones .

Quid nomine istarum veniat . P. 201.  
Quando promulgantur ? ibid.  
Habent vim Juris indubitato . P. 202.  
Dividuntur in 4. Libros , & 99. Titulos , P. 203.

#### Interpretatio .

An Jus Naturale admittat interpretationem per Epistoliam ? P. 82. &c.  
Interpretatio Legum quoduplex , & quæ ejus Vis ? V. *Lex*.  
Interpretatio Rescriptorum . V. *Rescriptum*.  
Quomodo Consuetudo interpretetur Legem ? V. *Consuetudo*.

#### Interstitia . V. Ordo .

Pœna Ordinantis & ordinati , interstitiis non servatis . XI. 74.

#### Irregularitas .

Irregulares an eligere possint ? VI. 14.  
Irregularitas impediens ab Ordinibus . V. *Ordo*.

#### Israelita .

Licet spoliarent Ægyptum . P. 77.  
Uni & soli Populo Israelitico Lex Vetus est posita . P. 90.

#### Judex .

De Judice Delegato . V. *Judex Delegatus*.  
De Judice Ordinario . V. *Judex Ordinarius*.  
Judicis definitio , divisio , qualitas . XXXII. 1. 2. 3.  
Judicis Jurisdictio . V. *Jurisdictio*.  
Quando extinguatur mandatum Judici ordinario datum ? 15.  
Oncium Judicis quid & quoduplex ? 16.  
Mercenarium . 17.  
Nobile ; quando hoc exerceatur motu proprio ? 18. 19.  
Quando ad instantiam ? 20.  
An opus contestatione litis ? 21.  
Obligatio Judicis . 22.  
Quando supplere possit omissa à partibus ? 23.  
An rigorem Juris præferre æquitati ? 24.  
An tenere communem sententiam præ alia sibi magis probata ? 25.  
An condemnare innocentem , qui probatus , vel non probatus est nocens ? 26. 27. 28. 29. 30. 31. 32.  
Quis Judex in controversiis Majoritatis ? XXXIII. 11. 12.

An Judex litigantes possit inducere , vel cogere ad Transactionem ? XXXVI. 14.

Quis Judex implorandus pro Restitutione in integrum . V. *Restitutio* &c.

Advertenda Judici in hac Restitutione . XLI. 46.

#### Judex Delegatus .

Ejus definitio , Varietas . XXIX. 1. 2.  
Causa eum constituendi . 3.  
Delegatus ad universitatem causarum quis ? 4.  
Episcopus procedens erga exemptos , utitur Jurisdictione Delegata . 5. 6. 7. 8.  
Delegare alteri potestatem suam potest quivis Judex Ordinarius . 9.  
Et Delegatus à Principe subdelegare . 10.  
At non Delegatus a Judice inferiore Ordinario , nisi in certis casibus . 11.  
Delegari possunt , qui non prohibentur . 12.  
Etiam minores , si superarunt annum decimum octavum . 13.  
Sed non Laici in causis spiritualibus & Ecclesiasticis . 14.  
Qualitates requisitæ in Delegato . 15.  
Potest delegari non subditus . 16.  
Et plures in eadem causa . 17.  
Quæ causæ delegari possint ? 18.  
An quæ sunt Ordinis ? 19.  
Vel Imperii meri aut mixti ? 20.  
An de Jure Canonico ? 21.  
Et respectu subdelegationis . 22.  
Quid de Jurisdictione voluntaria , ratione Dignitatis concessa ? 23.  
Discrimen inter Officium , & Potestatem . 24.  
Delegatus ante Rescriptum sibi præsentatum non procedit . 25.  
Debet probare delegationem sibi factam . 26. 27.  
Observare formam in Rescripto Delegationis præscriptam . 28.  
Admittere necessarias probationes , & rationabiles exceptiones . 29.  
Deserre Appellationi legitimæ . 30.  
Delegati potestas unde metienda , & quid in specie possit ? §. 6.  
Ejus officium , & potestas quot modis cesset ? §. 7.  
De Judicibus Conservatoribus . V. *Conservatores*.  
De Iudice Ordinario . V. *Judex Ordinarius*.

#### Judex Ordinarius .

De Summo Pontifice . V. *Pontifex S.*  
De Cardinalibus . V. *Cardinales*.  
De Patriarchis . V. *Patriarcha*.  
De Primatibus . V. *Primates*.  
De Archiepiscopis . V. *Episcopus*.  
De Episcopis . V. *Episcopus*.  
De Prælatibus inferioribus . V. *Prælati*.  
De Parochis . V. *Parochi*.  
Quando extinguatur mandatum Iudici ordinario datum . XXXII. 15.

#### Judicialia Præcepta .

Quæ talia dicantur ? P. 92.

In Lege Veteri erant Iuris Positivi Divini ? P. 93.

Sunt sublata in Lege nova . P. 95.

Judicialia Præcepta à Christo lata sunt nulla . P. 100.

#### Judicium Imperiale Aulicum .

V. *Ordinatio*.

#### Juris consulti .

Quinam hoc nomine veniant ? P. 7.

#### Jurisdictio .

Quid sit Ius Jurisdictionis ? P. 21.  
Ejus differentia à Iure proprietatis . ibid.  
Actus Jurisdictionis qui ? ibid.  
Quoduplex sit Ius Jurisdictionis ? P. 32.  
Jurisdictio variorum Officiorum . V. *Officium*.  
Vicarius Jurisdictionis & ejus Jurisdictio . V. *Vicarius*.  
Jurisdictio Vicarii Capituli . ibid.  
Jurisdictio Delegata . V. *Judex Delegatus*.  
Jurisdictio Legati . V. *Legatus*.  
Jurisdictio Iudicum Ordinariorum . V. *Judex Ordinarius*.  
Quæ Jurisdictio sœminis delegari possit ? XXXI. 39.  
Jurisdictionis definitio , divisio . XXXII. 4. 5.  
Merum Imperium quid ? 6.  
Imperium mixtum . 7.  
Modi Jurisdictionem Ordinarium acquirendi . 8.  
Datur ab homine , vel Lege , vel Consuetudine . 9. 10. 11.  
Modi , quibus finitur . 12. 13. 14.  
Quando extinguatur mandatum Iudici Ordinario datum ? 15.

#### Jus .

Etymologia Iuris . P. 1.  
Hujus nominis diversa significatio . P. 3. &c.  
Iuris Studiosi , Consulti , Professores qui ? P. 7.  
Divisio Iuris . P. 16.  
Ius pro Iusto acceptum potest sumi latè pro eo , quod sit rationi , & Legi conforme . P. 17.

Et stri-



Et strictè pro eo, quod strictè est debitum. P. 18.  
 Conditiones, quas Justum strictè acceptum requirit. *ibid.*  
 Quid sit Jus Activum, & Passivum? 20.  
 Et Jurisdictionis? P. 21.  
 Requisita, ut acquiratur Jus Proprietatis. P. 21.  
 Quid sit Jus Reale? P. 23.  
 Personale? P. 24.  
 Et Mixtum? P. 26.  
 Requisita, ut dicatur aliquis habere Jus in re, seu Reale. P. 27.  
 Potest aliquando Jus Reale versari circa personam immediate. P. 28.  
 Quotuplex sit Jus Proprietatis Reale? P. 29.  
 Quotuplex sit Jus Jurisdictionis? P. 32.  
 Quotuplex sit Jus pro Lege acceptum? P. 33.  
 Definitio Juris Positivi. P. 86.  
 Differentia hujus à Jure Naturali. P. 87.  
 Ejus Præcepta. P. 88.  
 Divisio in Divinum, & Humanum. P. 89.  
 Definitio Juris Positivi Humani. P. 112.  
 Ejus necessitas. P. 113.  
 Varietas. P. 114.  
 Quid sit Jus Scriptum, & non scriptum. *ibid.*  
 Definitio Juris Gentium. V. *Jus Gentium*.  
 Juris Civilis. V. *Jus Civile*.  
 Juris Publici. V. *Jus Publicum*.  
 Quid sit Jus Civile specificè ita dictum? V. *Jus Civile*.  
 Quid sit Jus Prætorium? V. *Prætorium Jus*.  
 Quid sit Jus Canonicum? V. *Jus Canonicum*.  
 Quæ sit autoritas Glossæ in interpretatione Juris? P. 304.  
 Jus fumitur, pro Constitutione, Lege &c. V. *Lex*.  
 Jus eligendi. V. *Electio*.  
 Jus electi, per Electionem acquisitum. VI. 71.  
 Jus eligendi &c. devolutum. V. *Negligentia*.  
 Jus Vicariorum & Rectoris Principalis. V. *Vicarius*.

#### *Jus Canonicum.*

Etymologia Juris Canonici. P. 230.  
 Diversa illius nomina. P. 231.  
 Definitio. P. 232.  
 Præstantia illius suprà Jus Civile. P. 233.  
 Istud aliquando corrigit. P. 235.  
 Sæpe in subsidium etiam vocat. P. 236.  
 Origo Juris Canonici. P. 237.  
 Collectiones diversæ Canonum quot, & à quibus confcriptæ? P. 241.  
 Partes, quibus constat Corpus Juris Canonici. P. 251.  
 Quam vim &, autoritatem habeant Canones Apostolici? P. 257.  
 Quis fuerit Author Decreti Gratiani? P. 260.  
 Quando istud in lucem prodierit? P. 261.  
 An approbati Juris vim obtineat? P. 262.  
 Quid judicandum de Paleis, quæ sub hoc nomine in Decreto isto reperiuntur? P. 266.  
 Quæ sit autoritas Epistolarum, in collectione Isidori comprehensarum? P. 270.  
 Quis fuerit Compiler Decretalium Gregorii IX. P. 273.  
 An omnes Voluminis Gregoriani textus habeant vim Juris Ecclesiastici, totam Ecclesiam obligantis? P. 275.  
 An textus Juris Canonici omnes ab Antinomia absolvi possint? P. 279.  
 Quæ Regula observanda, quando in Jure Canonico contrarietas Canonum sese offert? P. 382.  
 Quis compilerit Librum VI. Decretalium, Clementinas, & Extravagantes? P. 284.  
 Quid dicendum de Libro VII. Decretalium? P. 287.  
 An vim Juris habeant Liber VI. Decretalium, Clementinæ, & Extravagantes? P. 289.  
 An etiam Liber VII. P. 293.  
 Quam autoritatem habeat Rubrica præfixa Titulis, & Capitulis? P. 296.  
 Quam vim habeant Summaria Capitulorum? P. 302.  
 Quid judicandum de Supercriptionibus quæ ponuntur in Decretalibus? P. 303.  
 Jus Canonicum, & Civile se invicem juvant. P. 400.  
 Cum de Ecclesia, vel personis, aut rebus Ecclesiasticis agitur, in utroque foro observandum est Jus Canonicum? P. 401.  
 Idem observandum est in materia Spirituali. P. 403.  
 Et in iis, quæ conscientiam concernunt. P. 404.  
 Circa materiam profanam observatur in foro Ecclesiastico. P. 405.

Dubiam Legem interpretatur Canon. P. 406.  
 Et Canonem dubium Lex. P. 407.  
 In causis, quæ Processum Judicarium concernunt, Jus Canonicum præfertur etiam quoad forum Civile. P. 408.  
 In criminibus mixti fori Judex Ecclesiasticus irrogat pœnas decretas Jure Canonico, Sæcularis dictatas Jure Civili. P. 409.

Schmalzgrueber Tom. I.

#### *Jus Civile.*

Quid intelligatur nomine Juris Civilis? P. 146.  
 Quotuplex sit Jus Civile? P. 147.  
 Quid sit Jus Civile privatum? P. 174.  
 Differentia istius ab aliis Juribus. *ibid.*  
 Varietas. P. 176.  
 Divisio illius in Jus commune, & particulare. P. 177.  
 Scriptum, & Non scriptum. P. 178.  
 Civile in specie ita dictum, & Prætorium. 179.  
 Unde originem suam deducat Jus Civile? P. 182.  
 Quid circa Jus Naturale faciat? P. 183.  
 Quando Jus Civile Romanum sit conditum? P. 185.  
 Quando Jus Justinianæum recipi in Scholis, & foro cœperit in Italia? P. 189.  
 Quando in Germania? P. 190.  
 Quot partes contineat Jus Commune Romanum? P. 194.  
 An inter partes illius sit admittenda Antinomia aliqua? P. 220.  
 In quo sit inferius Jure Canonico? P. 234.  
 Jus Civile, & Canonicum se invicem juvant. P. 400.  
 Jus Civile locum habet etiam quoad personas, & res Ecclesiasticas, quando merum favorem continet. P. 402.  
 Circa materiam profanam Jus Civile observatur in foro Sæculari. P. 405.  
 Interpretatur sæpius Jus Civile, & aliquando etiam Interpretationem ab eo recipit. P. 406.

#### *Jus Divinum.*

Jus Divinum Positivum quid sit? P. 89.  
 Quid sit Jus Divinum Vetus? P. 90.  
 Ad hanc Legem cæteræ Nationes non obligabantur. *ibid.*  
 Conditor istius fuit solus DEUS. P. 91.  
 Quotuplicis generis præcepta contineantur in Lege Veteri? 92.  
 Quotuplicis generis sit Jus Divinum Positivum Veteris Testamenti? P. 94.  
 An in Veteris Testamenti Libris aliquæ Leges, & præcepta fuerint merè humana? P. 96.  
 Quid sit Jus Divinum novum? P. 99.  
 Varia istius nomina. *ibid.*  
 Quæ sint Præcepta Juris Divini novi? P. 100.  
 An omnia Præcepta, quæ Apostoli nobis tradiderunt, Divina sint? P. 101.  
 An circa Moralia præcepta in Lege nova sit facta immutatio aliqua? P. 104.  
 Quænam Leges Cæremoniales ex his, quarum usus in Ecclesia Christi est, pertineant ad Jus Divinum Positivum. 107.  
 Utrum Lex nova præcipiat tantum actus externos, vel etiam internos? P. 110.  
 Aliquando Jus Canonicum Divinum vacatur. P. 231. ubi nomenclationis istius assertur ratio.  
 Concilia Ecclesiastica originem habent, ex Jure Divino. P. 311.

#### *Jus Ecclesiasticum.*

##### V. *Jus Canonicum.*

#### *Jus Gentium.*

Ad quam Juris speciem illud spectet? P. 116.  
 Quid Gentium appellatione hic intelligatur? 117.  
 Quid intelligatur nomine Juris Gentium? P. 118.  
 Hujus divisio in Jus Gentium primum, & secundarium. *ibid.*  
 Quale Jus dicatur Jus Gentium primum? 119.  
 Quodnam Jus Gentium secundarium? 120.  
 An divisio ista sit sustinenda? 121.  
 An detur Jus Gentium propriè dictum? 122.  
 An istud ex toto sit positivum? 125.  
 Et humanum? 128.  
 Definitio Juris Gentium. 132.  
 Subjectum illius. 133.  
 Varietas. 134.  
 Objecta Juris Gentium propriissimè dicti. 135.  
 Exempla minus propriè dicti. 136.  
 An, & qualem obligationem inducat Jus Gentium? 137.  
 Stringit supremos Principes. 138.  
 Utrum Jus Gentium mutari, abrogari, aut derogari eisdem possit? 139.  
 Quomodo Jus Gentium differat à Jure Naturali? 144.  
 Et à Civili Jure? 145.

#### *Jus Naturale.*

Descriptio Juris Naturalis. P. 34.  
 Triplex statuitur à S. Thoma. P. 35.  
 Quæ sint Juris Naturalis? *ibid.* & 2. num. seqq.  
 In quo consistat Jus Naturale? P. 38.  
 Varia fortitur Nomina. P. 39.  
 Brutis non inest ulla participatio veri Juris. P. 42.  
 Sed in iis solum inest umbra quædam, & analogia Juris Naturalis. P. 46.  
 Jus Naturale non bene definitur ab Ulpiano, quòd sit, id quod Natura animalia docuit. P. 48.



Neque à Vasquezio, qui Jus Naturale constituit in ipsa Natura Rationali . P. 49.  
 Neque ab aliis, qui id ponunt in dictamine rationis ingenuito . P. 50. &c.  
 Sed necessariò admittenda est Lex aliqua, à dictamine rationis distincta . 53.  
 Vera Juris Naturalis definitio . 54.  
 Triplex est Jus Naturale, Præceptivum, Prohibitivum, & Permissivum . ibid.  
 Materiæ, seu præcepta Legis Naturalis . P. 56. &c.  
 An ultra Principia illa generalia, *Declina à malo, & fac bonum &c.* & quæ ex his deducuntur, se extendat Jus Naturale? P. 59.  
 Regulæ, ex quibus colligi possit, quòd aliquid sit Objectum Juris Naturalis . P. 61.  
 Præcepta Juris Naturalis in particulari . P. 65.  
 Dantur actus Jure Naturali irritati . P. 68.  
 Regula discernendi actum Jure Naturali irritatum ab eo, qui eo Jure est solum prohibitus . P. 70.  
 Jus Naturale formaliter, & propriè loquendo, nulla auctoritate, etiam Divina, mutari potest . P. 74.  
 Potest mutari materialiter, impropriè & indirectè . P. 76.  
 Quod tum fit, quando materia illius dependet ab aliqua conditione, quæ mutabilis est, & auferri potest . P. 77.  
 Talis autem conditio adeste censetur, quando materia Juris Naturalis dependet à dominio, & potestate Divina . ibid.  
 Vel à dominio, & potestate hominis . P. 78.  
 Jus Naturale admittit Epiikiam impropriè dictam . P. 82.  
 Non autem propriè dictam . P. 84.

#### *Jus Pontificium.*

#### *V. Jus Canonicum.*

#### *Jus Publicum.*

Diversa hujus Juris acceptio . P. 147.  
 Varietas . P. 148.  
 Differentia à Jure privato . P. 149.  
 Author hujus Juris . P. 150.  
 Origo . P. 151.  
 Instauratores hujus se esse an bene gloriantur Acatolici? P. 152.  
 In quibus rebus consistat Jus publicum? P. 153.  
 Quænam Jura componant Jus publicum Romani Imperii? P. 156.  
 Quinam Legibus publicis obligentur? P. 164.  
 An istis subiectus sit etiam Imperator? P. 165.  
 An Imperator possit mutare Leges publicas? P. 168.  
 An in istis dispensare? P. 170.  
 An possit mutare ea, quæ in sua Capitulatione, vel aliàs se servaturum promissit? P. 171.

#### *Jus Sacrum.*

#### *V. Jus Canonicum.*

#### *Justinianus Imperator.*

Author est Codicis, quo nunc utimur . P. 188.

#### *Justitia.*

Diversa acceptio Justitiæ . P. 9.  
 Justitiæ particularis definitio . P. 10.  
 Quatuor ejus Species . P. 11.  
 Quæ divisio non est univoca . ibid.  
*Justitia Commutativa.*  
 Est species principalis Justitiæ particularis . P. 11.  
 Hujus descriptio . P. 12.  
 Differentia à cæteris speciebus Justitiæ . ibid.  
*Justitia Distributiva.*  
 Est species Justitiæ particularis . P. 11.  
 Ejus descriptio, & differentia . P. 13.  
 Deficit à Justitia particulari propriè, & strictè accepta, & in quibus? ibid.

#### *Justitia Legalis.*

Justitia de illa tantum analogicè dicitur . P. 11.  
 Hujus descriptio, & differentia à cæteris speciebus Justitiæ . P. 14.

#### *Justitia Vindicativa.*

Ejus descriptio, & differentia . P. 15.  
 Attendit proportionem arithmeticam in imponenda pœna . ibid.

#### *L*

#### *Laici.*

**A**N possint eligere Prælatos? VI. 4. 5. 6.  
 Non possunt delegari in causis spiritualibus & Ecclesiasticis . XXIX. 14.

#### *Legatum.*

Hujus dominium Legatario acquiritur statim à morte legantis . P. 27.

#### *Legatus.*

Legatorum personæ Jure Gentium sanctæ sunt . P. 135.  
 Legatus à Latere potest convocare Concilium in sua Provincia . P. 321.

Potestas Cardinalium Legatorum in Conc. Generali . P. 331.  
 Legati definitio, divisio . XXX. 1.  
 Potestas & Jurisdictio communis omnibus Legatis . 2. 3.  
 Specialis Legati à latere . 4. 5.  
 Legati missi, seu Nuntii . 6.  
 Cum potestate Legati à Latere . 7.  
 Legati nati . 8.  
 An credi debeat asserenti, se esse Legatum? 9.  
 Modi, quibus finitur vel suspenditur Officium Legati? 10.  
 An finiatur morte Pontificis Legantis? 11.

#### *Lex.*

Juris nomen aliquando Legem significat . P. 8.  
 Justitia aliquando accipitur pro Lege . P. 9.  
 Item pro observantia Legis . ibid.  
 Quid intelligatur nomine Legis æternæ? P. 39.  
 Quotupliciter accipitur Lex æterna? P. 40.  
 Lex Naturalis . V. *Jus Naturale.*  
 Lex Divina . V. *Jus Divinum.*  
 Legis Mosaicæ conditor fuit solus Deus . P. 91.  
 An in Veteris Testamenti Libris aliquæ Leges fuerint merè humanæ? P. 96.  
 Utrum nova Lex præcipiat tantum actus externos? P. 110.  
 Legis definitio . II. 2.  
 Legis divisio in divinam, Naturalem, & Humanam : Humanæ in Ecclesiasticam, & Civilem . 3.  
 Item in Præceptivam, Pœnalem, Mixtam . 4.  
 In Affirmativam, & Negativam ; Irritantem & tantum prohibentem ; Favorabilem & Odiosam . 5.  
 Legis Actus sunt quatuor, imperare, vetare, permittere, punire . 6.  
 Legis causa finalis est bonum commune . 7.  
 Leges ferendi potestas est in hominibus . 8.  
 Leges Canonicas ferendi potestas principaliter inest S. Pontifici . 9.  
 Conperit dein etiam aliis Prælati, Jurisdictionem Ecclesiasticam obtinentibus . 10.  
 Quæ in hoc sit potestas Concilii . 11.  
 Quæ Congregationis Cardinalium . 12.  
 Quæ Capituli Cathedralis Sede vacante, vel non vacante? 13.  
 Quæ aliarum Communitatum Ecclesiasticarum . 14.  
 Leges Civiles quis condere possit? 15.  
 Non potest eas ferre Pontifex, ita ut obligent illos, qui dominio ipsius temporali non sunt subiecti? 16.  
 Imperator iis solum obligat subditos Imperii . 17.  
 Leges contrarias Juri communi Ecclesiastico non possunt condere Prælati inferiores Pontifice? possunt Magistratus & Principes Imperii contrarias Juri Civili . 18.  
 Legis Materia sunt omnes actiones humanæ, quæ præcipi, prohiberi, puniri, aut permitti possunt . 19.  
 Etiam indifferentes . 20.  
 Non tamen merè internæ . 21.  
 An & quomodo actus præteriti? 22.  
 Princeps Lege sua non potest subditis auferre Jus suum, nisi id exposcat bonum Reip. 23.  
 Quæ sit Legis Forma? 24.  
 Vim Legis habet Legislatoris sententia Declaratoria, non verò Decisiva, nisi id exprimat Legislator . 25.  
 Ad Legem requiritur Promulgatio . 26.  
 Leges Imperiales non obligant, nisi post duos menses à Promulgatione in Provinciis facta . 27.  
 In Lege Canonica quæ requiratur solemnitas publicationis? 28.  
 An necessaria sit acceptatio populi, ut Lex Civilis vel Canonica obliget? 29.  
 Etiam Lex humana obligat in Conscientia . 30.  
 Eaque omnis, si propriè Lex est . 31.  
 Dantur Leges merè Pœnales . 32.  
 Quando Lex obliget cum gravi periculo vitæ, vel alterius gravis jacturæ? 33.  
 Quando Lex fundata in præsumptione falsa? 34.  
 Legibus adstringuntur soli subditi ratione utentes . 35.  
 Princeps directè non obligatur suis Legibus . 36.  
 Nec Clerici civilibus . 37.  
 An & quando Religiosi exempti Episcopalibus? 38.  
 Fieri, ut primùm habent usum rationis, obligantur Legibus, etiam Ecclesiasticis, si materia eorum ætati conveniat . 39.  
 Ignorantia Legis inculpabilis semper excusat à culpa . non tamen Ignorantia pœnæ semper à pœna 40.  
 Peregrinus non tenetur Legibus patriæ suæ, à qua discessit . 41.  
 Nec directè Legibus loci, in quo transit . 42.  
 Idem probabilius est quoad Vagos . 43.  
 Legis Interpretatio alia est Authentica, alia Usualis, alia Doctrinalis; & hæc vel Declarativa, vel Extensiva, vel Restrictiva . 44.  
 Quis Leges Authenticè interpretari possit? 45.  
 Quis Doctrinaliter? 46.



Regula in Doctrinali interpretatione servanda . 47.  
 Lex per se non potest ob similitudinem vel identitatem rationis extendi ad casum Lege non comprehensum . 48.  
 Quando locus Interpretationi Restrictivæ Legum per Episcopiam? 49.  
 Lex cessat primò per cessationem Causæ suæ finalis . 50.  
 Secundò per Abrogationem . 51. Tertiò per Dispensationem . 56.  
 Quando censetur abrogata per Legem posteriorem? 52.  
 Qui possint Legem abrogare, vel ei derogare? 53.  
 An inferior abrogare possit Legem propriam confirmatam à Superiore? 54.  
 An Episcopus vel Archiepiscopus abrogare possit constitutiones à se factas in Synodo Diocesana? 55.  
 An dispensari possit in Lege Naturæ? 56.  
 An & à quo in Jure Divino positivo? 57.  
 A quo in Lege Ecclesiastica? 58.  
 Quando ab Episcopis & Prælati inferioribus in Lege Pontificia? 59.  
 Circa quos dispensatio exerceri debeat? 60.  
 An Superior dispensare possit secum ipso? 61.  
 An ad Dispensationis Valorem & licentiam requiratur causa iusta? 62.  
 Quid respectu Legis facere possit Consuetudo? V. *Consuetudo*.  
*Libellus*.  
 Est species Domini Imperfecti . P. 31.  
*Libellus Repudiij*.  
 Quomodo datus sit à Moyse? P. 91.  
*Libertas*.  
 An, & quomodo homini sit naturalis? P. 80.  
 Est necessaria in Electione . VI. 65. 66. 67. 68.  
*Litteræ Dimissoriae*.  
 Quis eas dare possit? XI. 44. 45. 46. 47. 48. 49.  
 Quid in iis exprimendum? 50.  
 Quomodo concedendæ, & quamdiu durent? 51.  
 Pœna dantis dimissorias extra formam præscriptam . 68.  
*Locus*.  
 Locus, in quo Jus redditur, suumque litigantibus per sententiam adjudicatur, aliquando Jus dicitur . P. 4.

## M

*Magistratus*.

**P**ertinent ad Jus Publicum . P. 155.  
 Quinam veniant isto nomine? ibid.  
*Major, Minor*.  
 Quomodo restituantur in integrum? V. *Restitutio in integrum*.  
*Majoritas*.  
 Quis Majoritatem tribuat? XXXIII. 1. 2. 3. 4. 5.  
 Quæ præeminentia Abbatis? 7.  
 Vicarii Generalis? 8.  
 Protonotariorum Apostolicorum? 9.  
 Ecclesiarum & Clericorum inter se? 10.  
 Quis controversiarum in hac materia Judex? 11. 12.  
 De Obedientia & subjectione . V. *Obedientia*.  
*Marius*.  
 An inter istum, & uxorem detur Jus, & Justitia strictè dicta? P. 18.  
*Matrimonium*.  
 Contractum ab illo, qui laborat Impotentia perpetua, est Jure naturali irritum . P. 70.  
 Item initum inter Consanguineos primi gradus lineæ rectæ . P. 71.  
 Contrà illicitum solum est contractum ab eo, qui ligatus est Voto Castitatis simplici . P. 72.  
 Matrimonium clandestinum est Jure positivo invalidum . P. 78.  
 Matrimonium Patris cum filia, aut filii cum Matre an licitum sit in casu, quo id necessarium est ad propagationem, & conservationem totius humani generis? P. 80.  
 Qualis Consuetudo inducat impedimentum irritans Matrimonii? IV. 30.

*Mendacium*.

In nullis circumstantiis potest fieri licitum . P. 79.  
*Metus gravis*.  
 Debet abesse in Electione . VI. 66.  
 Metu extorta renuntiatio . V. *Renuntiatio*.  
 Quid si quis metu coactus ad Ordines? XI. 24. 25.  
 Metus definitio, Varietas . XL. 2.  
 Requisita ad Metum gravem . 3.  
 Gravis non est solus metus reverentialis . 4. 5. 6.  
 Effectus Metus . 7.  
 Qualis metus actus infirmos reddat? 8.  
 Actus gravi metu extorti, non sunt Jure ipso invalidi . 9.  
 10. 11. 12. 13. 14.  
 Quæ obligatio actuum metu extortorum in conscientia? 15. 16. 17. 18.

Qui Actus causa metus sint Jure ipso invalidi? 19.  
 An etiam Votum simplex? 20. 21.  
 Quid si actui metu extorto additum Juramentum? 22.  
 Adversus metum datur Actio, & exceptio . 24. 25.  
 Requisita, ut gaudeas hoc remedio . 26.  
 Restituendus, licet metus incussus sit alio fine, quàm ad extorquendum contractum, vel actum . 27. 28. 29.  
 Et licet metum incusserit tertius, non is, quocumque actus gestus . 30.  
 Et sufficit, quod processerit ex materiali injuria . 31.  
 Ac minis, intentatis sine animo exequendi . 32.  
 Probatio Metus . 33.  
 Cui deferendum juramentum ad supplementum probationis? 34.  
 An magis credendum testibus de metu illato, vel de libertate actus? 35.

*Minor*.

Quomodo restituatur in integrum? V. *Restitutio in integrum*.  
*Mixtum Jus*.

Quid sit? P. 25.

An dentur, & quænam dicantur actiones Mixtæ? P. 26.  
*Moralia Præcepta*.

Quæ sint? P. 92.

Moralia Præcepta Legis antiquæ sunt Juris Naturalis . P. 93.  
 Obligant etiamnum in Lege nova, quatenus sunt Jus Naturale . P. 95.  
 Utrum Christus in Leges Gratiæ aliquid addiderit quoad Præcepta Moralia ultra id, quod ista habent de Jure Naturali, & habuerunt in Testamento Veteri? P. 104.  
*Motus proprius*.

Quanta ejus vis? III. 11.

*Moyse*.

Fuit tantum Promulgator Legis Mosaicæ . P. 91.  
 Et ideo Lex Divina Veteris Testamenti Mosaica dicitur . P. 98.

*Municipale Jus*.

Quale Jus hoc nomine veniat? P. 177.

## N

*Natio*.

**Q**uid sit Concilium Nationale? P. 318.

*Naturale Jus*.

V. *Jus Naturale*.

*Negligentia*.

Negligentia in collatione beneficiorum commissa à Collatoribus inferioribus corrigitur devolutione potestatis ad Superiorem? X. 1.  
 Ad quem devolvatur Beneficium Electivum? 2.  
 Vel Collativum? 3.  
 An ad Capitulum Sede vacante? 4.  
 An valeat Electio, vel Collatio statim post trimestre vel semestre facta? 5.  
 Quid observandum in casu Juris devoluti? 6.  
 Ad quem devolvatur Jurisdictio, si Episcopus sit negligens in administratione Justitiæ? 7.  
 Vel impediatur exercere officium Pastorale? 8.  
 Quomodo negligentia, vel defectus Prælati suppleatur per dationem Coadjutoris? 9.  
 Quis Visitatorem, vel Administratorem Ecclesiæ vacanti dare possit? 10.  
 Quæ sic dato potestas competat? 11.  
 Quid Juris, si Episcopus Abbatem electum sine causa nolit benedicere? 12.

*Novellæ*.

Novellæ Leonis non habent vim plenam Juris . P. 195.  
 Quid veniat nomine Novellarum? P. 209.  
 Earum versiones quot? P. 210.  
 Quis Author illarum? P. 211.  
 Quando edicæ? ibid.  
 Authentici nomen unde acceperint? P. 212.  
 Cujus autoritatis sint? P. 213.  
 Novellæ derogant Juri Justinianæo priori . P. 221.

*Novitatus*.

Solus in hunc ingressus non tollit vitium Natalium . XVII. 8.  
*Nuncius* . V. *Legatus*.

## O

*Obedientia*.

**I**n quo differat Justitia Legalis ab Obedientia? P. 14.  
 Obedientia debitum . XXXIII. 13.  
 Quibus debeatur, & à quibus? 14.  
 Quomodo promittenda Episcopo? 15.  
 An Major possit minori subijci? 16.  
 Quomodo componenda inter Clericos controversia de Superioritate, & subjectione? 17.  
 Pœnæ non obedientium . 18.



*Obligatio.*

Aliæ sunt Voluntariæ, quæ descendunt ex Contractu, vel quasi contractu; aliæ Involuntariæ, quæ oriuntur ex delicto, vel quasi delicto. P. 12.

*Occiso.*

Occiso innocentis permissione Divina potest fieri licita. P. 77.

*Odium Dei.*

In nullis circumstantiis potest fieri licitum. P. 79.

*Officium.*

Officium Archidiaconi. V. *Archidiaconus*.  
Officium Archipresbyteri. V. *Archipresbyter*.  
Officium Primicerii, Sacristæ, Custodis, XXV. XXVI. XXVII. 1. 2. 3.  
Officium Vicariorum. V. *Vicarius*.  
Officium Judicis Delegati. V. *Judex Delegatus*.  
Officium Judicis Conservatoris. V. *Conservator*.  
Officium Legati. V. *Legatus*.  
Officia Judicum Ordinariorum. V. *Judex Ordinarius*.  
Officium Judicis, Mercenarium, Nobile, V. *Judex*.  
Officium Advocati. V. *Advocatus*.  
Officium Procuratoris. V. *Procurator*.  
Officium Syndici. V. *Syndicus*.  
Officium Arbitri, Arbitratoris. V. *Arbiter*.

*Oratio.*

An Præceptum orandi in Lege Gratiæ quoad substantiam novum sit? P. 106.

*Ordinatio.*

Camæræ, & Judicii Imperialis Aulici pertinet ad Jus Publicum. P. 159.

Finis horum Judiciorum. *ibid.*

Quando editæ hæ Ordinationes? *ibid.*

Ordinatio Criminalis Caroli V. quando edita? 196.

*Ordo.*

An Ordo Sacer sufficiat, & requiratur ad ejus eligendi? VI. 11. 12.

Ordinis definitio. XI. 1.

Diversitas. 2.

Prima Tonsura non est Ordo. 3.

Est autem Episcopatus. 4.

Materia Ordinum. 5.

Et forma. 6.

An necessarius contactus physicus Materiæ? 7.

Tempora Ordinationum. 8.

Observanda in collatione primæ Tonsuræ & Ordinum minorum. 9.

Consuetudine induci non potest, ut conferantur Ordines SS. extra tempora, potest Privilegio. 10.

An Festi nomine in Privilegio intelligatur solum Festum in Choro & Foro celebre? 11.

Interstitia Ordinationum. 12.

Quis in iis possit dispensare? 13.

Qua de causa? 14.

An plures Ordines eidem eadem die conferri possint? 15.

Vel pluribus diebus continuis? 16.

In quo loco Ordines conferendi? 17.

An in Diœcesi aliena? 18.

Vel loco exempto? 19.

Vel interdicto? 20.

Requisita in ordinando ad validam Ordinationem? 21.

Fœmina Jure divino est incapax Ordinum. 22.

Quid dicendum de Hermaphrodito? 23.

Quid de coacto metu? 24. 25.

Requisita in ordinando ad licitam Ordinationem? 26.

Ætas requisita ad singulos Ordines. 27.

Scientia. 28.

Quot modis quis subditus sit ordinanti? 29.

Minister ordinarius, & extraordinarius Sacramenti Ordinis. 30.

Qui Abbates conferre possint minores, & quibus? 31. 32.

An subditis sæcularibus Abbates plenissime exempti? 33.

An valeat Ordinatio facta ab Abbate contra forniciam concessæ potestatis. 34.

An alius, quàm Episcopus ex Delegatione conferre Ordines Majores possit? 35.

Requisita in Episcopo, ut licite ordinet? 36.

Quis sit Episcopus Originis? 37. 38.

Domicilii? 39.

Beneficii? 40.

Quale id Beneficium esse debeat? 41.

Quibus casibus quis ordinari possit ab Episcopo alieno? 42.

Regulariter enim quisque Episcopus ordinat suos subditos. 43.

De litteris Dimissoriis. V. *Litteræ Dimissoriæ*.

Peccatur multipliciter in conferendis & suscipiendis Ordinibus. 59.

Pœna ordinantis & ordinati ante legitimam ætatem. 60. 61.

Qui illam incurrant? an etiam Regulares? 62. 63.

Et an concelebrans cum Episcopo Irregularis fiat in

ipso actu ordinationis? 64.

Pœna ordinantis alienum subditum, & sic ordinanti? 65. 66. 67.

Pœna dantis dimissorias contra formam præscriptam? 68.

Ordinantis sine Titulo, & sic ordinati. 69. 70.

Vel in aliena Diœcesi. 71.

Vel extra Tempora à Jure statuta. 72. 73.

Vel Interstitiis non observatis. 74.

Scrutinium seu examen in Ordine faciendum. V. *Scrutinium*.

An qui renunciavit Episcopatu, adhuc possit conferre Ordines? XIII. 1.

An valeat ordinatio facta ab Episcopo, qui renunciavit loco & dignitati? 3.

Vel ab Episcopo Excommunicato, suspenso, lapso in hæresin? 4.

Quis dispensare possit cum ordinatis ab excommunicato? 5.

Ordo præficiendorum. XIV. §. 2.

Quid Episcopus circa Clericos quoad Ordines possit? 20. 21. 22.

De ordinatione Presbyteri supplenda. V. *Sacramenta*.

De Illegitimis, ut incapacibus Ordinum. V. *Illegitimi*.

De Servorum Incapacitate ad Ordines, & Ordinatione &c. V. *Servus*.

An Filiusfamilias sine Patris licentia ordinari possit? XVIII. 5.

De impedimento Ordinis, quod consistit in Corporis Vicio. V. *Corporis Vitium*.

De Bigamia impedimento Ordinis. V. *Bigami*.

De obligatis ad Ratiocinia, impeditis ab Ordinibus. V. *Ratiocinia*.

Quomodo Clerici peregrini impediuntur ab Ordinibus? V. *Clerici*.

*P**Pactum.*

**P**Acti definitio, differentia, divisio. XXV. 1. 2.

Quomodo vestiuntur pacta nuda? 3.

Obligatio pollicitationis nondum acceptatæ. 4.

Taciturnitas promissarii non est sufficiens signum consensus. 5.

Vis promissionis acceptatæ. 6. 7.

Qui pasci non possint? 8. 9. 10.

An filiusfamilias? V. *Filiusfamilias*.

Quæ facta deduci possint in pactum? 17. 18. 19.

Quæ res? 20. 21. 22. 23.

An & quale pactum de hæreditate viventis reprobetur à Lege? 24.

An pactum affirmativum de succedendo confirmetur addito juramento? 25.

Vel negativum de non succedendo? 26. 27.

Forma pactorum & modi, quibus iniri possunt. 28.

Quando obligatio contrahatur, si purè inita sunt? 29.

Quando, si in diem? 30.

Si sub Conditione, vel modo? 31. 32.

Quæ obligatio ex pacto vel contractu alternativo? 33.

De Contractibus, præcipua pactorum specie. V. *Contractus*.

De Transactionibus, frequentissima pactorum specie. V. *Transactio*.

*Palea.*

Paleæ dicuntur quidam Canones Decreto inserti. P. 266.

Unde sic dictæ? *ibid.* & 2. num. seqq.

An omnes eundem Authorem habeant? P. 269.

Quam auctoritatem habeant? *ibid.*

*Pallium.*

Quid sit. VIII. 1.

Cur sumptum dicatur de Corpore B. Petri? 2.

A quo concedatur? 3.

Et quibus? 4.

Intra quod tempus petendum? 5.

Quod Jus per ejus traditionem consequatur Archiepiscopus? 6.

Quando, & ubi liceat eo uti? 7.

An extra Provinciam? 8.

An in loco exempto? 9.

An transferri possit ad alios? 10.

*Pandecta.*

Unde dictæ? P. 197.

Quibus aliis nominibus veniant? *ibid.*

Unde desumpta? P. 198.

Habent vim plenam Juris. *ibid.*

Earum Compilatores, & tempus Promulgationis. P. 199.

Partes, & Librorum numerus. P. 200.

*Parochus.*

Ejus Jurisdictio, Officium. XXXI. 40. 41.

Potestas in foro Pœnitentia. 42.

Potestas Regularium, ad Sacramenta administranda &c. 43.



*Passivum Jus.*

In quo consistat? P. 29.

*Pater.*

An inter patrem, & filium detur Jus, & Justitia stricte dicta? P. 18.

*Patriarchæ.*

Eorum Descriptio, diversitas, potestas. XXXI. 19.

*Pax, Pacificatio.*

Fœdera Pacis, & Induciarum sunt Juris Gentium. P. 135.

Pax Publica profana pertinet ad Jus Publicum. P. 158.

Quomodo stabilitas, contra quos &c. ibid.

Similiter ad Jus Publicum pertinet Pax Religiosa. P. 160.

Et Pacificationes cæteræ. P. 161.

Præsertim Osnabrugo-Monasteriensis. ibid.

An & quibus casibus Superior cogere subditos possit ad pacem, & transactionem faciendam? XXXIV. 18. 19.

An possit remittere damna subditis illata? 20.

Quis ista compensare debeat? 21.

*Pensionēs.*

Quomodo renuntientur? IX. 11.

Ad Pensiones Ecclesiasticas requiritur annus 14. tus XIV. 9.

*Peregrini.*

Quomodo, & quibus Legibus teneantur? II. 42.

Peregrini Clerici. V. *Clerici.*

*Perjurium.*

In nullis circumstantiis potest fieri licitum. P. 79.

*Personatus.*

Ad Personatus non Curatos requiritur annus 25. inchoatus. XIV. 4.

*Pietas.*

In quo differat Justitia Legalis à Pietate in Patriam? P. 14.

*Plebiscitum.*

Quid sit? P. 187.

*Pœna.*

Pœnæ ignorantia non semper excusat à pœna. II. 30.

Pœnæ malè postulantium. V. 15. 16.

Pœna non eligentium statuto tempore. VI. 37.

Vel indignum. 20. 64.

Vel injustè gravantium Electores. 67.

Vel eligentium per abusum potestatis secularis. 68.

Pœnæ malè ordinantium, & ordinatorum. V. *Ordo.*

Pœnæ bigamorum sine dispensatione ordinatorum, & hos ordinantium. XX. 10. 11. 12.

Pœnæ inobedientium. XXXIII. 18.

*Pollicitatio. V. Pactum. Polygamia.*

Permissione Divina potest fieri licita. P. 77.

*Pontifex Summus.*

Non involat in Jura Principum Sæcularium, ut Hæretici criminantur. P. 152.

Protestatus est per Nuntium suum adversus Pacem Monasteriensem. P. 161.

Est Author Juris Canonici. P. 237.

Nou tenetur semper stare Judicio Concilii generalis. P. 316.

Ad ipsum pertinet convocare Concilium Generale. P. 322.

Ipse etiam huic præest per se, vel per Legatos suos. P. 323.

Utramque potestatem sibi jure vindicat. P. 336.

Decreta Conciliorum Generalium, si confirmata sint à Summo Pont. habent vim Legis Generalis. P. 345.

Non tamen ante illam. P. 348.

Concilium Generale non potest condere Decreta, seu Leges ipsum Papam obligantes. P. 352.

Particularia Concilia non indigent Confirmatione Apostolica. P. 355.

Solus Pontifex autoritative declarare potest Tridentinum quoad Decreta Fidei. P. 361.

An & quas Leges ferre possit? V. *Lex.*

Qui sint Electores ejus? 92.

An possit sibi successorem constituere? VI. 91.

Quæ forma eligendi? 93.

Quot in Electo requirantur suffragia? 94.

An numerus possit compleri per accessum? 95.

Et Cardinales compromittere? 96.

Qualitates requisitæ in Electo. 97.

Quando Electus fiat verus Pontifex? 98.

An ejus Electio possit impugnari? 99.

Quando procedi possit ad novam Electionem? 100.

An Pontifex S. possit renunciare Papatui? IX. 13.

Ad Summum Pontificatum non requiritur certa ætas. XIV. 1.

Et nullus Ordo 13.

Triplex potestas, & persona S. Pontificis. XXXI. 1.

Ut Pontifex, est infallibilis Regula Veritatis. 2.

Etiam sine Concilio. 3.

Est infallibilis quoad Decreta morum. 4. 5. 6.

In Canonizatione Sanctorum. 7.

In approbatione Ordinum Religiosorum. 8.

Potest condere & abrogare Leges Ecclesiasticas. 9.

Mutare Ritus accidentales Sacramentorum. 10.

Reliquæ ejus prærogativæ. 11.

*Postulatio.*

Postulationis acceptio varia. V.

Postulationis in sensu Tituli 5. sumptæ natura, & differentia. 1.

Ejus Varietas. 2.

Effectus. 3.

Finis. 4.

Qui postulari possint? 6. 7.

An Episcopus ad alium Episcopatum? 8.

Quid de Cardinalibus? 9.

Et Prælati Episcopo inferioribus. 10.

An Clericus, vel Monachus extraneus postulandus ad Prælaturam? 11.

Qui postulare possint? 12.

Et à quo? 13.

An Superior postulationem repellere possit? 14.

Pœnæ postulantium laborantem defectu indispensabili. 15.

Vel non habentem legitimam ætatem. 16.

Forma postulationis. 17.

An idem postulari simul & eligi possit? 18.

Quot suffragia habere debeat postulandus? 19. 20.

An postulantia variare possint? 21.

Postulatio in sensu Tituli 37. sumpta, seu Advocatio. V. *Advocatus.*

*Præceptum.*

Quæ sint Præcepta Juris Naturalis? P. 56. &c.

Quotuplicis generis sint Præcepta Juris positivi? P. 88.

Quid sit Præceptum affirmativum, quid negativum? ib.

Quotuplicis generis Præcepta contineantur in Lege Veteri? P. 92.

An in Veteris Testamenti Libris aliqua Præcepta fuerint merè humana? P. 96.

An omnia Præcepta, quæ Apostoli nobis tradiderunt Divina sint? P. 101.

Præceptum de Homicida, & Bigamo non ordinando an sit Divinum? P. 103.

An Christus in Lege Gratiæ aliquid addiderit quoad Præcepta Moralia, ultra id, quod ista aliàs habent de Jure Naturali? P. 104.

*Præficiendi. Promovendi.*

Ætas Præficiendorum. XIV. §. 1.

Episcopus dispensare non potest in ætate requisita Jure communi. 10.

Sine ea collatio Beneficii ipso Jure nulla est. 11.

A quo probari debeat ætas vel ejus defectus? 12.

Ordo præficiendorum. §. 2.

Aliæ qualitates requisitæ in promovendis. 23.

Speciatim Scientia. 24.

An valeat collatio Beneficii facta illiterato? 25.

An requiratur Gradus Doctoratus vel Licentiæ? 26.

Et si requiritur, an valeat collatio beneficii, si ille indiguo collatus fuit? 27.

Morum honestas requisita. 28.

An valeat promotio infamis, vel criminosi? 29.

Quæ Censura reddat collationem invalidam? 30.

Et an Irregularitas? 31.

An præter qualitates Jure communi requisitas requiri possint aliæ? 32.

Præsertim Nobilitas? 33.

An præficiendi digni & digniores? V. *Collatio Beneficiorum.*

De Natalium impedimento. V. *Illegitimi.*

*Prælati. Prælaturæ.*

Qui Prælati Leges condere possint? V. *Lex.*

Quando possint dispensare in Lege Pontificia? ibid.

Prælati Episcopo inferiores an postulandi ad Episcopatum? V. 10.

Electio ad Prælaturas Regularium. V. *Regularis.*

Prælatorum Translatio. V. *Translatio.*

Prælatorum Negligentia quomodo supplenda? V. *Negligentia.*

Ad Prælaturas Episcopali inferiores requiritur annus 25. inchoatus. XIV. 3.

Requisita alia in promovendis ad Prælaturas. §. 3. & V. *Præficiendi.*

De Abbatibus, Abbatissis, eorum officio, & potestate. V. *Abbas.*

An Prælatus in negotiis Ecclesiæ vel Monasterii constituere possit Procuratorem? XXXVIII. 5.

Quomodo Prælatus compromittere possit? XLIII. 8.

*Præscriptio.*

Præscriptione acquiritur Dominium. P. 78.

Neque hoc pugnat cum Jure Naturali. P. 81.

*Prætor. Prætorium Jus.*

Quid sit Jus Prætorium, & quid ad illud pertineat? P. 179.

Adjuvat, restringit, & extendit Jus Civile. P. 180.

Temperat etiam rigorem illius æquitate. P. 181.

Prætorum Edicta, quid sint? P. 187.

*Primates.*

Eorum descriptio, diversitas, potestas. XXXI. 20.

*Primi-*



*Primicerius.*

Quid sit? quod ejus officium? XXV. 1.

*Princeps.*

Etiam Supremi Principes stringuntur Jure Gentium. P. 138.  
Principes Imperii possunt ferre Leges contra Jus commune. II. 18.

An possit Princeps subito auferre Jus suum? V. *Lex*.

Non obligatur directe suis Legibus. II. 36.

Qui Principes Rescriptum dare possint? III. 3.

An Princeps solus consuetudinem Legalem inducere possit? IV. 3.

Quando Principi licitum bellum? XXXIV. 6.

Quid Princeps possit circa pacem? V. *Pax*.

*Privilegium.*

Quid faciat fama Privilegii una cum Consuetudine immemoriali? IV. 32.

*Procurator.*

Ejus definitio, differentia, Species. XXXVIII. 1. 2.

Differentia Procuratoris Judicialis ab Extrajudiciali. 3.

Quis eum constituere possit? 4. 5. 6. 7.

An compelli quis possit ad constituendum Procuratorem? 8.

Qui constitui procuratores possint? 9. 10. 11. 12. 13. 14.

An plures in eodem negotio, & quis tunc præferendus? 15. 16.

An compelli quis possit ad suscipiendum munus Procuratoris? 17.

In quibus causis constitui Procuratores possint? 18.

An ad contrahendum Matrimonium? 19. 20.

An in causis criminalibus, famosis, popularibus? 21. 22. 23. 24.

Necessitas Mandati Procuratoris. 25.

Requisita, ut Procurator cum mandato admitti debeat. 26.

Potestas generaliter constituti. 27.

An datus ad negotia censeatur datus ad lites? 28.

An datus ad agendum possit defendere? 29.

Vel respondere in causa Reconvensionis? 30.

Procuratoris officium est gratuitum. 32.

In quo consistat? 33.

Contestando litem sit dominus litis. 34.

Potest appellare, sed non tenetur appellationem prosequi. 35.

Quando sibi alium substituere possit? 36.

Quæ facere debeat finita lite? 37.

Quando agendo, vel omittendo noceat domino? 38.

Quot modis ejus officium, & potestas expiret? §. 7.

Exceptiones, quæ illi opponi possunt. 48.

De Procuratore Universitatum. V. *Syndicus*.

An Procurator restitutionem in integrum petere possit, & quomodo adversus eundem restitutio facienda? V. *Restitutio*.

De Procuratore Electoris. V. *Electio*.

De Procuratore in Materia Renuntiationis. V. *Renuntiatio*.

*Prodigi.*

Sunt Juris, & Dominii capaces. P. 20.

*Profectio Fidei*. V. *Fides Catholica*.

*Profectio Religiosa.*

Quomodo tollat impedimentum Natalium? V. *Illegitimi*.

*Professores Juris.*

Qui tales dicantur? P. 7.

*Promissio*. V. *Pañum*.*Promulgatio.*

Quæ promulgatio ad Leges sit necessaria? V. *Lex*.

*Proprietas.*

Quid sit Jus Proprietatis? P. 20.

Quid requiratur, ut hoc aquiratur? P. 22.

Quotuplex? P. 23.

Quotuplex sit Jus proprietatis Reale? P. 29.

*Protonotarius Apostolicus.*

Qui ejus præeminentia? XXXIII. 9.

*Provincia.*

Quotuplex sit Concilium Provinciale? P. 319.

*Publicum Jus.*

V. *Jus Publicum*.

*Pueri.*

Fueri quibus Legibus, & quomodo obligentur? II. 39.

*Pupilli.*

Sunt Juris, & Dominii capaces. P. 20.

Habent perfectum Dominium in sua bona, licet de iis, non adhibita autoritate Tutoris, disponere nequeant. P. 30.

## R

*Ratiocinia.*

**O**bligati ad ista impediuntur ab Ordinibus. XIX. 1.

Qui illi? 2.

Quando non repellantur? 3.

An si dent cautionem idoneam de illis? 4.

Quid si debitor impotens ad solvendum? 5.

Quid si debitum ex mutuo, conductione &c. 6.

Quis dispensare possit in hoc impedimento? 7.

*Reale Jus.*

Quid sit? P. 24.

Effectus hujus est Actio realis. ibid.

Requisita, ut dicatur alicui convenire Jus reale. P. 27.

Potest aliquando Jus reale versari circa personam immediate? 28.

*Recessus Imperii.*

Pertinent ad Jus publicum. P. 163.

Quid sint, & quæ eorum origo? ibid.

Habent vim abrogandi Jura se priora. P. 221.

*Rektor Ecclesiæ.*

Jus Rektoris principalis. V. *Vicarius*.

*Regula.*

Cancellariæ Apostolicæ an habeant vim Juris communis? P. 390.

*Regulares. Religiosi. Monachi.*

Religiosi exempti in quibus casibus obligentur Lege Episcopali? II. 38.

Monachus extraneus an postulandus ad Prælaturam? V. 11.

Qui eligere possint ad Prælaturam Regularem Ordinis sui. VI. 84.

Qui eligi? 85.

An statim post professionem? 86.

Quæ forma observanda? 87.

An valori Electionis noceat publicatio Votorum? 88.

Specialia observanda in Electione Abbatissarum. 89.

An, & quomodo Religiosi possint eligi ad Prælaturas extra Ordinem suum? 90.

Profectio Religiosa quomodo tollat irregularitatem illegitimarum &c. V. *Illegitimi*.

An Superiores Regulares quoad hunc defectum possint dispensare cum subditis Regularibus? XVII. 13.

Potestas Regularium ad Sacramen. administranda. XXXI. 43.

Religiosi quando non possint esse Advocati? XXXVII. 7.

*Renuntiatio.*

Ejus Definitio. IX. 1.

Divisio in tacitam. 2.

Et expressam. 3.

Metu extorta valet, sed rescindenda est. 4.

Idem de extorta fraude, vel dolo. 5.

Quæ Beneficia resignari possint? 6.

An Patronata, electiva &c. 7.

An id, ad cuius titulum ordinatus es? 8.

Vel quo privatus ob crimen? 9.

Quid si privandus per sententiam? 10.

Quomodo renuntiari valeant pensiones? 11.

Qui Beneficia resignare possint? 12.

An Pontifex possit renunciare Papatui? 13.

An Clericus minor 25. annis? 14.

An Religionis Novitius? 15.

An infirmus? 16.

Quomodo computandi 20. dies, requisiti ad validam renuntiationem infirmi? 17.

An dies 20. inchoata haberi debeat pro completa? 18.

An ad renuntiandum opus consensu Superioris? 19.

An eo opus ad dimittendum Beneficium quo ipso Jure privatus est? 20.

Coram quo Superiore renuntiandum? 21.

Coram quo facienda renuntiatio simplex? 22.

Vel in favorem? 23.

Vel cum reservatione pensionis, aut fructuum? 24.

Vel Accessus, ingressus, regressus? 25.

Vel ex causa permutationis? 26.

Maximè si sint triangulares, vel quadrangulares? 27.

Quæ causa ad renuntiandum Episcopatu requiratur & sufficiat? 28. 29. 30. 31. 32. 33. 34. 35. 36.

Quæ ad renuntiandum Dignitatibus & beneficiis minoribus? 37.

Forma Renuntiationis legitimæ 38. Ejus publicatio 39.

Fieri potest per Procuratorem. 40. Quomodo 41.

Debet hic observare fines mandati 43.

Contra hoc acta non convalescunt rati habitatione. 44.

Quando ejus potestas cesset revocatione? 45.

Quando morte mandantis? 46.

Effectus Renuntiationis puræ. 47. Et Conditionalis 48.

Quando liceat pœnitere? 49.

An liceat redire ad prius Beneficium? 50.

Quid dicendum de Renuntiatione in fraudem alterius facta? 51.

*Repudii Libellus.*

Quomodo datus sit à Moyse? P. 91.

*Rescriptum.*

Rescripti Definitio. III. 1. Et Divisio 2.

A quo dari possint? 3. A quo impetrari? 4.

Quando ab excommunicato? 5.

Rescriptum Justitiæ impetrari non potest pro alio fine mandato speciali. 6.

Potest



Potest Rescriptum gratiæ. 7.  
 Quæ Rescripti Forma? 8.  
 Quid exprimi debeat in Rescriptis Justitiæ, seu ad lites? 9.  
 Quid in Rescriptis Beneficialibus? 10.  
 Quanta vis Motus proprii? 11.  
 Quævis Clausularum, quæ Rescriptis addi, vel subintel-  
 ligi solent? 12.  
 Vitia Rescriptorum. 13.  
 Præcipuum Ob, & subreptio. 14.  
 Si Rescriptum fraude vel dolo subreptitiè impetratum,  
 vitiatur totum. 15.  
 Si per simplicitatem, vel ignorantiam, vitiatur, sed non  
 semper 16.  
 Si una pars sic vitiata est, salva est pars altera, separabilis  
 à vitiata. 17.  
 An vitiatur Rescripta, si ex duabus causis allegatis una  
 sit falsa? 18.  
 Quando vitiatur per errorem adjectæ qualitatis? 19.  
 Quando Rescriptum præsentandum? 20.  
 Effectus præsentationum legitimo tempore. 21.  
 Tempus attendendum in Rescriptis Justitiæ. 22.  
 Et in litteris Gratiæ ad Beneficia. 23.  
 Rescripta Justitiæ regulariter interpretanda juxta pro-  
 priam significationem Verborum. 24.  
 Et secundum Jus commune. 25.  
 Ac strictè. 26.  
 Ita ut quàm minimè præjudicent. 27.  
 Rescripta ad Beneficia strictè interpretanda. 28.  
 Sequelæ. 29.  
 Dispensationes regulariter strictè interpretandæ. 30.  
 Sed potestas dispensandi latè. 31.  
 Executio Rescriptorum quibus concedi possit, & debeat? 32.  
 An ea commissa personæ transeat ad hujus successorem? 33.  
 Quando ea faciendæ? 34.  
 Quod Rescriptum è pluribus præferendum? 35.  
 Quod valeat è pluribus impetratis ad Beneficia? 36.  
 An Rescripta Gratiæ Executioni dari possint, mortuo  
 Rescribente? 37.  
*Restitutio in integrum.*  
 Quid sit? XLI. 1.  
 Requisita, ut concedi possit. 2.  
 A quo, & quanta læsio debeat esse facta? 3. 4.  
 An infra, vel supra dimidium? 5. 6.  
 Quid si alius majus pretium offerat? 7.  
 Quibus competat hæc restitutio? quando Majori, quando  
 minori? 8. 2. 9. 3.  
 An hæredibus & fidejussoribus minoris? 17. 18. 19. 20. 21.  
 Materia restitutionis in integrum. 9. 3.  
 Quis Judex implorandus pro restitutione? 34. 35. 36. 37. 38.  
 Petenda infra quadriennium. 39.  
 Ecclesia, Resp. Minor restituuntur etiam post quadrien-  
 nium. 40. 41.  
 Quadriennium hoc ex parte continuum est, ex parte utile. 42.  
 Eo etiam hæredes fruuntur. 43.  
 Datum est ad restitutionem petendam, & faciendam. 44.  
 Modus, quo peti & dari debet. 45.  
 Advertenda Judici. 46.  
 Effectus restitutionis postulata. 47.  
 Obtentæ. 48.  
 An fructus cum re restituendi? 49. 50. 51. 52. 53.  
 An eam petere possit Procurator? 54. 55.  
 Quomodo faciendæ adversus negligentiam Procuratoris,  
 vel Prælati? 56.  
 Et ejus confessionem? 57.  
*Rubricæ.*  
 Quando vim Legis habeat? P. 203.  
 Quam authoritatem habeat Rubrica præfixa Titulis, &  
 Capitulis? P. 206.  
 Quam vim habeant Summaria Capitulorum? P. 302.  
 Quid judicandum de superscriptionibus, quæ ponuntur in  
 Decretalibus? P. 303.

## S

*Sacerdotes.*

**P**ertinet ad Jus Publicum. P. 154.  
 Quinam intelligantur hoc nomine? ibid.  
*Sacramentum.*  
 Quæ Sacramenta iterari possint, vel non? XVI. 1.  
 Quid si aliquid omissum in administratione? 2.  
 An Confirmatio iteranda, si unctus est oleo, sed non  
 Chrismate? 3.  
 Quomodo supplenda impositio manuum omisssa in ordi-  
 natione? 4.  
 An iteranda Consecratio Episcopi, uncti Chrismate con-  
 secro ex balsamo artificiali? 5.  
 An tunc supplenda Unctio Chrismatis? 6.

*Sacrificia.*  
 Ejus Officium. XXVI. 2.  
*Scrutinium. Scrutatores.*  
 Scrutinium &c. in Electione. V. *Electio.*  
 Quomodo faciendum Scrutinium primum in Ordine? XII. 1.  
 Quomodo secundum? & de quibus? 2.  
 Quomodo probanda requisita? 3.  
 Scrutinium tertium. 4.  
 Quid agendum Archidiacono, privatim scienti, ordinan-  
 dum laborare defectu occulto? 5.  
*Schisma.*  
 In Ecclesia ortum est causa convocandi Concilium Gene-  
 rale. P. 316.  
 Et ex hac causa illud convocari potest à Collegio Cardi-  
 nalium. P. 332.  
*Scientia.*  
 Scientia Jurium Jus dicitur. P. 7.  
*Scriptum Jus.*  
 Quid sit, & quomodo differat à non scripto? P. 178.  
 Datur Jus Canonicum scriptum, & non scriptum. P. 248.  
*Senatusconsultum.*  
 Quid sit? P. 187.  
*Senatus Consultum Macedonianum. V. Filiusfamilias.*  
*Sententia.*  
 Aliquando Jus dicitur Sententia Judicis. P. 5.  
 Sententia Legislatoris an habeat vim Legis? V. *Lex.*  
*Sepultura.*  
 Jus Sepulturæ est Juris Gentium. P. 135.  
*Servus. Servitus.*  
 Servus inter & Dominum an detur Justitia strictè dicta? P. 18.  
 Jus, quod Dominus habet in Servum, Reale est. P. 28.  
 Servitus est Species Domini imperfecti. P. 31.  
 An, & quomodo pugnet cum Jure Naturali, hominem fie-  
 ri Servum? P. 80.  
 Servitus Jure Gentium est introducta. P. 135.  
 Inter Christianos sublata est Servitus. P. 142.  
 Servorum Definitio. Varietas. XVIII. 1.  
 Et incapacitas ad Ordines. 2.  
 Ea tollitur dupliciter. 3.  
 Quid juris, si defacto servus ordinetur. 4.  
 Vel Religionem in scio Domino ingrediatur? 6.  
 An post susceptos Ordines revocatus à Domino gaudeat  
 privilegio Clericali? 7.  
*Speculum.*  
 Suevicum, & Saxonicum quid sit, & an vim Juris, &  
 ubi habeat? P. 217.  
*Spes.*  
 An Præceptum Spei Theologicæ in Lege Gratiæ sub-  
 stantialiter novum sit? 106.  
*Status Imperii.*  
 Obligantur Legibus Publicis, etiam Ecclesiastici. P. 164.  
 Sine horum consensu Imperator non potest mutare Leges  
 publicas. P. 168.  
 Potest accedente consensu istorum. P. 169.  
 Quid dicendum de casu necessitatis, vel utilitatis, exi-  
 gentis mutationem? P. 171.  
*Suffragia.*  
 Quot suffragia habere debeat Postulandus? V. 19. 20.  
 Suffragiorum collatio. VI. 48.  
 Quot suffragia requirantur in Compromisso? 55.  
*Superficies.*  
 Est species Domini imperfecti. P. 31.  
*Syndicus.*  
 Syndici definitio, differentia. XXXIX. 1. 2.  
 Quis eum constituat, quæ causa constituendi? 3.  
 Quis constitui possit? 4.  
 An etiam Laicus? 5.  
 Et plures, quàm unus, in omnibus causis Universitatis? 6.  
 Ejus officium, & potestas, & quomodo hæc cessent? 7. 8.

## T

*Tabula.*

**L**Ex 12. Tabularum strictissimè Jus Civile dicitur. P. 146.  
 Quando condita illa sit? P. 186.  
*Testamentum.*  
 Quid veniat nomine Testamenti, cum illud dividitur in  
 Vetus, & Novum? P. 90.  
 Quid sit Testamentum Vetus? ibid.  
*Titulus.*  
 Ad Jus Proprietatis acquirendum necessariò requiritur  
 Titulus. P. 22. & 27.  
 Titulus, ad quem ordinandi Clerici, triplex XI. 52.  
 Beneficii. 53. 54.  
 Patrimonii. 55. 56.  
 Ad quem reductus Titulus Pensionis. 57.  
 Titulus Paupertatis, seu Professionis Religiosæ. 58.  
 Pœnæ ordinantis, & ordinati sine Titulo. 69. 70.  
 Tona



*Tonsura.*

Prima Tonsura non est Ordo. XI. 2.

Observanda in ejus collatione. 9.

*Tractatus.*

Tractatus Electionis. V. *Electio.*

*Traditio.*

Sine traditione non acquiritur Jus reale, ubi quidam casus excipiuntur. P. 27.

*Transactio.*

Ejus natura. XXXVI. 1.

Est contractus, innominatus saltem. 2.

Ejus divisio, differentia. 3. 4.

Qui transigere possunt? 5. 6.

De quibus rebus? 7. 8. 9. 10. 11.

Forma, & tempus Transactionis. 12. 13.

An Judex ad eam inducere, vel cogere possit litigantes? 14.

Transactionis effectus. 15.

Extensio. 16.

Causa, ex quibus rescindi potest. 17.

An ex causa læsionis? 18.

*Translatio.*

Translationis Episcopi natura. VII. 1.

An Episcopus consecratus transferri possit? 2.

An Electus, non consecratus? 3.

Cujus autoritate transferri possint Prælati alii? 4.

An à Capitulo sede vacante? 5.

An transferri possit invitus? 6.

An ad dignitatem minorem? 7.

Translationis effectus. 8.

*Treuga.*

Treugæ definitio, divisio, obligatio. XXXIV. 13. 14. 15.

Bellum gerere licet die festo. 16.

Modi, quibus solvitur Treuga? 17.

*Tridentinum Concilium.*

V. *Concilium*, *Congregatio*, *Declaratio*.

*Trinitas.*

An Præceptum credendi explicitè Mysterium SS. Trinitatis, quod datur in Lege nova, sit novum quoad substantiam? P. 106.

Rejiciuntur Errores in hoc Mysterio. I. §. 1.

*Tutor.*

Tutorum voluntas Juris interpretatione est voluntas ipsius Pupilli. P. 20.

## V

*Vagi.*

Quo modo, & quibus legibus teneantur? II. 43.

*Venditio.*

Venditio rei jam antea alicui venditæ, vel donatæ, illique traditæ est Jure naturali irrita. P. 70.

Contrà illicita solum est Venditio secunda, si primo emptori res vendita nondum est tradita. P. 72.

*Vicarius.*

Vicarii Definitio, Divisio. XXVIII. 1.

Constitutio Vicarii perpetui. 2.

Causæ eum constituendi. 3.

Jus, & potestas ejus. 4.

An perseveret præsentè Rectore principali. 5.

Jus Rectoris principalis. 6.

Causæ constituendi Vicarium temporaneum. 7.

Quis eum constituere possit? 8.

Qualis constituendus in Ecclesiis perpetuò unitis? 9.

Jus & potestas Vicarii temporanei. 10.

Vicarius perpetuus potest sibi substituere Vicarium temporaneum, non perpetuum. 11. 12.

Modi, quibus finitur officium Vicarii. 13.

Vicarii Jurisdictionis definitio, varietas. 14.

Discrimen Vicarii Generalis à Foraneo. 15.

Constituitur ab Episcopo, & Sede Vacante à Capitulo. 16.

Ejus qualitates. 17.

Habet Jurisdictionem ordinariam. 18. 19. 20.

Ad quæ hæc extendatur? 21. 22.

Quando tractare possit negotia speciale mandatum postulantia? 23. 24.

Modi, quibus finitur ejus Jurisdictio? 25.

Vicarius Capituli eligi debet intra 8. dies à Capitulo. 26.

Quod tempus Capitulum potest restringere, non prorogare. 27.

Forma eligendi. 29.

Jurisdictio electi. 30.

Non potest revocari à Capitulo. 31.

Quando possit alium sibi substituere? 32.

Quomodo finiatur ejus officium? 33.

Vicarii Generalis præ eminentia. XXXIII. 2.

*Virtus.*

Justitiæ aliquando sumitur pro collectione omnium Virtutum. P. 9.

Item pro cujuslibet Virtutis habitu, vel actu. ibid.

Pro Virtute ad alterum. ibid.

*Vis absoluta.*

Facit Contractum Jure Naturali irritum. P. 70.

*Vis.*

Vis Definitio, & Divisio. XI. 1.

Ejus effectus. 7.

*Visitator.*

Quis Visitatorum dare possit Ecclesiæ Vacanti. X. 10.

*Unctio Sacra.*

Est multiplex, imprimis in Baptismo. XV. 1.

Sed non est de substantia Baptismi. 2.

Secundò fit Unctio in Confirmatione. 3.

In qua admixtio balsami non est de substantia Sacramenti. 4.

Non potest confessio Chrismatis committi simplici Sacerdoti. 5.

Tertiò adhibetur Unctio in Consecratione Sacerdotali, & Episcopali. 6.

Quæ non est de materia substantiali Ordinis. 7. 8. 9.

Quartò apud infirmos. 10.

Notanda circa Extremam Unctionem. 11.

Unctiones non Sacramentales. 12.

*Votum.*

Quatenus Votum significat idem, ac Suffragium. V. *Suffragium*.

*Usucapio.*

Usucapione acquiritur dominium. P. 78.

*Usura.*

Contractus Usurarius est Jure Naturali irritus. P. 71.

*Usus, Ususfructus.*

Sunt species Domini Imperfecti. P. 31.

*Uxor.*

An inter Maritum, & Uxorem detur Jus, & Justitia strictè dicta? P. 18.

*Omnia ad Majorem Dei, Deiparæque Virginis Gloriam, & Honorem.*



J U S  
ECCLESIASTICUM  
UNIVERSUM,

BREVI METHODO AD DISCENTIUM  
Utilitatem explicatum,

SEU LUCUBRATIONES  
CANONICÆ

IN QUINQUE LIBROS DECRETALIUM  
GREGORII IX. PONTIFICIS MAXIMI,

IN QUIBUS PRÆCIPUÆ, QUÆ TUM IN THEORIA,  
tum in Praxi occurrunt, difficultates solvantur, allatis etiam contra  
sentientium fundamentis, & horum solutionibus.

A U T H O R E

R. P. FRANCISCO  
SCHMALZGRUEBER

SOCIETATIS JESU, SAC. THEOLOGICÆ, ET SS. CANONUM DOCTORE,  
horumque antehac in Alma, & Electorali Universitate Ingolstadiana Professore  
Ordinario, & Primario, nunc Episcopalis Universitatis Dilinganæ Cancellario.

TOMUS SECUNDUS.



NEAPOLI, MDCCXXXVIII.

Prostant

V E N E T I I S,

APUD JOSEPHUM BORTOLI.



# COLLEGE

UNIVERSITY

OF THE STATE

OF NEW YORK

THE LIBRARY

OF THE

UNIVERSITY

OF THE STATE

OF NEW YORK

THE LIBRARY

OF THE

UNIVERSITY

OF THE STATE

OF NEW YORK

THE LIBRARY



THE LIBRARY

OF THE

UNIVERSITY

OF THE STATE



3

ELENCHUS TITULORUM

LIBRI II. DECRETALIU.

TITULUS I.

De Judiciis.

§. I.	DE Judiciis Natura, & Varietate.	fol. 5
II.	De Personis constituentibus Judicium.	8
III.	De Materia, & Objecto Judicii.	17
IV.	De Forma, Effectu, & Contrariis Judicio-	22
	rum.	

TITULUS II.

De Foro Competente.

§. I.	De Fori Natura, & Varietate.	24
II.	De Foro Competente ratione Domicilii.	26
III.	De Foro Competente ratione Contractus.	31
IV.	De Foro Competente ratione rei sitæ.	35
V.	De Foro Competente ratione Delicti.	37
VI.	De Foro Competente ratione Personarum Ec-	41
	clesiasticarum.	
VII.	De Foro Privilegiato Laicorum.	50
VIII.	De quibusdam aliis Fori Specialis Generibus.	55

TITULUS III.

De Oblatione Libelli.

§. I.	De Libello, & requisitis ad Libellum Legiti-	62
	um.	
II.	De Rei conventi Citatione.	67

TITULUS IV.

De Mutuis Petitionibus.

		71
--	--	----

TITULUS V.

De Litis Contestatione.

		75
--	--	----

TITULUS VI.

De Lite non contestata, non procedatur ad Testium receptionem, vel ad Sententiam definitivam.

		79
--	--	----

TITULUS VII.

De Juramento Calumniæ.

		81
--	--	----

TITULUS VIII.

De Dilationibus.

		88
--	--	----

TITULUS IX.

De Feriis.

§. I.	De Feriarum Natura, Varietate, Introductione &c.	92
II.	De Actibus, qui in Feriis Sacris præcipiuntur, vel prohibentur.	95

TITULUS X.

De Ordine Cognitionum.

		100
--	--	-----

TITULUS XI.

De Plus Petitionibus.

		103
--	--	-----

TITULUS XII.

De Causa Possessionis, & Proprietatis.

§. I.	De Possessione.	106
II.	De Proprietate.	110
III.	Qua ratione tractanda sit causa Possessionis, & Proprietatis.	112

TITULUS XIII.

De Restitutione Spoliatorum.

§. I.	De Subjecto, seu Persona, cui, & contra quam competit hoc Interdictum.	117
II.	De Modo, quo fieri debet Restitutio Spoliatorum.	121
III.	De Restitutione in Causis Spiritualibus.	126
IV.	Alia quædam dubia de Restitutione Spoliatorum.	129

TITULUS XIV.

De Dolo, & Contumacia.

§. I.	De Dolo.	131
II.	De Contumacia.	136

TITULUS XV.

De eo, qui mittitur in possessionem causa rei servanda.

§. I.	De Missione in Possessionem ex Primo Decreto	140
II.	De Missione in Possessionem ex secundo Decreto.	144

TITULUS XVI.

Ut lite pendente nihil innovetur.

		146
--	--	-----

TITULUS XVII.

De Sequestratione Possessionum & Fructuum.

		150
--	--	-----

TITULUS XVIII.

De Confessis.

§. I.	De Natura Confessionis, hujus Varietate, & requisitis.	155
II.	De Effectibus Confessionis, & ejus Revocatione.	158

TITULUS XIX.

De Probationibus.

§. I.	De Probationis Natura, Varietate, Effectu.	163
II.	De Personis ad probandum obstrictis.	166
III.	De Objecto Probationis.	170

TITULUS XX.

De Testibus, & Attestationibus.

§. I.	De Natura, & Qualitate Testium.	172
II.	De iis, qui secundum quid sunt inhabiles ad testificandum.	176
III.	De Numero, Productione, & Juramento Testium.	183
IV.	De Testium Examine, eorum Depositione, & Attestationum publicatione.	188
V.	De Reprobatione Testium.	195



## TITULUS XXI.

De Testibus cogendis, vel non, 196

## TITULUS XXII.

*De Fide Instrumentorum.*

- §. I. De Instrumentis Publicis. 199  
 II. De Instrumentis privatis Authenticis. 205  
 III. De Instrumentis Privatis, non Authenticis. 208  
 IV. De Instrumentorum productione, Amissione, Renovatione, & Interpretatione. 212  
 V. De impugnatione Instrumentorum. 214

## TITULUS XXIII.

*De Præsumptionibus.*

- §. I. De Natura, Varietate, & Effectibus Præsumptionum. 218  
 II. Regulæ præsumptionum. 222

## TITULUS XXIV.

*De Jurejurando.*

- §. I. De Juramenti Natura, Honestate, & Varietate. 225  
 II. De Juramento Voluntario. 226  
 III. De Jurejurando Judiciali. 229  
 IV. De Jurejurando Necessario. 231  
 V. De Jurejurando in Litem. 234  
 VI. De Juramento Promissorio. 236

## TITULUS XXV.

*De Exceptionibus.*

- §. I. De Natura, Varietate, & Origine Exceptionis. 242  
 II. De Exceptionis Oppositione. 244  
 III. Quædam alia quæsitæ de Exceptionibus. 247

## TITULUS XXVI.

*De Præscriptionibus.*

- §. I. De Natura, Varietate, & Origine Præscriptionis. 250  
 II. Quæ res præscribi possint, vel non possint. 254

- §. III. De Possessione requisita ad præscriptionem. 257  
 IV. De bona-Fide necessaria ad præscribendum. 259  
 V. De Titulo ad legitimam præscriptionem requisito. 264  
 VI. De Tempore requisito ad præscriptionem Rerum Corporalium. 266  
 VII. De Tempore requisito ad præscriptionem Rerum Incorporalium. 269  
 VIII. De Effectibus præscriptionis, & ejusdem impedimentis. 272

## TITULUS XXVII.

*De Sententia, & Re Judicata.*

- §. I. De Conclusionem in Causa. 274  
 II. De Sententia. 277  
 III. De Re Judicata. 284  
 IV. De Effectu Sententiæ, & Rei judicatæ. 287  
 V. De Executione Sententiæ. 289  
 VI. De Pœna Judicis malè judicantis, & Partium temere litigantium. 291

## TITULUS XXVIII.

*De Appellationibus, Recusationibus, & Relationibus.*

- §. I. De Appellationis Natura, & Causæ, ob quas est introducta. 294  
 II. De Personis, quibus Appellatio permittitur, vel non permittitur. 295  
 III. De Actibus, à quibus permissum, vel non permissum est appellare. 297  
 IV. De Judice, à quo, & ad quem appellatur, vel non appellatur. 300  
 V. De Forma, & Modo appellandi. 303  
 VI. De Fatalibus Appellationum. 305  
 VII. De Officio utriusque Judicis, à quo, & ad quem appellatur. 309  
 VIII. De Effectibus Appellationis, & Attentatis post illam. 311  
 IX. De Recusationibus. 314  
 X. De Relationibus. 316

## TITULUS XXIX.

De Clericis Peregrinantibus. 317

## TITULUS XXX.

De Confirmatione utili, &amp; inutili. 318







# J U D I C I U M E C C L E S I A S T I C U M S E U

Decretalium Gregorii IX. Pont. Maximi.

## L I B E R II.

Primum Decretalium Librum Legislator noster in Judiciorum præparatoriis finiit: ab his, tanquam præludiis, nunc descendit ad ipsa Judicia, & horum Ordinem, seu ut communi usû vocatur, Processum Judiciale. In quatuor Partes Liber hic commodè potest dividi. Prima usque ad Titulum VI. Litis initium comprehendit. Secunda usque ad Titulum XVIII. exclusivè ejusdem Ordinationem describit. Tertia eam Probationibus, & Exceptionibus requisitis per decem Titulos continuos instituit. Quarta à Titulo XXVII. finem litis per sententiæ lationem, ejusque executionem exponit. Est hic Liber, teste Abbate in Proemio ejusdem, omnium aliorum Librorum Juris Canonici difficillimus, & maximè utilis; quia methodum totius Processus Judicialis accuratissimè tractat, quam propterea omnes ferè sæculares Curiae in praxi sequuntur.

### P A R S I.

### §. I.

#### *Initium Litis.*

#### *De Judicii Natura, & Varietate.*



**D**isceptaturus in Judicio; antequam in Litem eat, tria spectare debet. 1. quo Judicio velit concedere. 2. coram quo Judice. 3. quo genere Actionis, & quid petere. Hunc ordinem sequitur Legislator noster, & antequam ad contestationem Litis, quæ Litis, ut ibi dicam, principium est, litigaturum ducat, ante omnia

in Titulo I. examinat naturam, & varietatem Judiciorum. In II. diversos modos fortiendi forum, ut sciatur, quis Judex sit adeundus. In III. modum concipiendi Libellum, & in eo proponendi petitionem suam: cui tanquam appendici addit Titulum IV. de mutuis petitionibus.

### T I T U L U S I.

#### *De Judiciis.*

**A**n tequam ad Processus Judiciatii Actus descendamus, prius aliquantulum hærare debemus in vestibulo, & tum Judiciorum naturam, tum personas ea constituentes considerare.

### S U M M A R I U M.

- 1 *Usus Antiquorum in controversiis dirimendis.*
- 2 *Judicii Definitio.*
- 3 *Discrimen inter Litem, Causam, Questionem, & Instantiam.*
- 4 *Origo Judiciorum.*
5. 6 *Divisiones ratione cause efficientis.*
7. 8. 9 *Ratione materiae.*
- 10 *Ratione formæ.*
11. 12 *Ratione finis.*

**A**pud Veteres, ut notat Schambog. hic numer. 3. receptum fuit, ut lites magis armis, quam Juris disceptatione finirentur; invaluerant enim *Diffidationes*, Germanicè *das Faust-unde Kolaen-techt*, *Fehd*, und *Abfagung*, quibus quisque sibi jus dicebat auctoritate propria, & quem capitalem inimicum suum denunciaverat, igne, ferroque usque ad vitam, & sanguinem prosequeretur. Origo abusus istius erat pessimè à Judicibus administrata Justitia: & diu satis aboleri non poterat; imò ad cavenda majora mala tolerabatur, Legibus tantum certis Diffidationi præscriptis, ut videre est in *Bulla Aurea Caroli IV. capit. 17. & Constit. Friderici III. edita Francofurti ad Moenum 1442. §. 1.* Tandem per Constitutionem Pacis



Publicæ potentius remedium est introductum, statutumque, ut nemo privatorum sibi Jus dicat, sed quas quisque habere se putaverit petitiones, actionibus experiatur: quo remedio ab exilio reducta Justitia, & Tribunali suo ad Jus dicendum, & Judicia celebranda ex integro restituta est.

2. Quæritur 1. quid sit *Judicium*? Resp. *Judicii* nomen varias, easque in Jure receptas significationes habet, prout videre est apud Gloss. in *Reg. Jur.* 12. in 6: *V. in Judiciis*, Marant. de *Ordin. Judic.* p. 1. num. 1. & seqq. Pax Jord. l. 13. tit. 1. n. 3. Pirh. hic n. 1. Konig n. 2. Vviesl. n. 1. & novissimè accuratè describit Clarissimus P. Shmii. tr. de *Judic. c. 1. n. 3. & seqq.* Notabiliores sunt. 1. *Judicium* aliquando significat animi discretionem, & rationis usum §. *præterea 1. Instit. quib. non est permiss. sacer. testam.* ibi: *quia nullum eorum animi Judicium est, & l. cum prætor. 12. §. non, autem 2. ibi quia Judicio carent ff. h. tit. 2.* aliquando sumitur pro opinione & credulitate. Ita Tullius de claris Oratoribus, *Intra parietes*, inquit, *aluit eam gloriam, quam nemo quidem meo Judicio est consecutus.* 3. pro ultimæ voluntatis elogio. Sic *c. licet 4. de sepultur. in 6.* dicitur, quòd filius, absque consensu Patris, *nisi peculium castrense, vel quasi castrense habeat, non possit pro anima sua aliquid judicare*: ubi *judicare* idem est, quod in ultima voluntate relinquere, ut explicat Gloss. *ibidem V. judicare*, & *Judicium* pro ultima Voluntate sumitur: Sic *l. habeat 1. C. de SS. Eccl.* Constantius M. Imperiali auctoritate sancivit, ut *non sint cassa Judicia*, seu ultima Voluntas illius, qui Sanctis locis aliquid per eam reliquerit. 4. pro actione in *Judicio* mora. Ita sumitur *c. ex litteris 3. de probat.* ibi *Judicium finium regundorum tale est ita §. Idèoque 1. Inst. de Offic. Judic.* ibi *si noxali Judicio aditus est*: ita *l. communi 1. ff. commun. dividund.* ibi *Communi dividundo Judicium ideo necessarium fuit*; & paulò post *Cessat communi dividundo Judicium, si res communis non sit.* 5. pro ipsa rei examinatione *can. si officia 59. in fin. dist. 59.* ibi *Quod oportet districti semper esse Judicii.* 6. pro condemnatione: ita sumitur *can. timorem 25. in princ. dist. 2. de consecrat.* & in allegato ibidem textu Apostoli *1. Corinth. 11. v. 29.* ubi qui Christi Corpus, & Sanguinem indignè sumunt, dicuntur *Judicium* sibi manducare, & bibere. 7. pro sententia *c. personas 4. & c. consuluit 14. de appellat.* ibi *Judicio tuo*, i. e. sententiæ stare, & parere. 8. pro jurisdictione, & potestate autoritativa *c. decernimus 2. h. tit.* ibi *Praelati --- de negotiis Ecclesiasticis --- Laicorum Judicium nihil disponant*; & *l. consensisse 2. §. fin. ff. h. tit.* ubi Ulpianus, *Hic*, inquit, *datur multa dicenda jus, quibus publicè judicium*, i. e. ut Gloss. *ibid.* explicat, publicum officium, & jurisdictio est. 9. denique, & prout huc pertinet, sumitur *Judicium* pro toto processu, seu discussione causæ, quæ inter duas partes litigantes, Actorem scilicet, & Reum, coram Judice competente agitur. Marant. p. 1: *cit. n. 1. Pax Jordan. n. 3. cit. prop. fin.* Sic accepti *Judicii* definitiones varii varias afferunt; mihi præplacet, qua utuntur Vultei Jurispr. Rom. l. 2. c. 1. Barb. in rubr. h. tit. n. 7. Zoef. hic n. 2. Engl. n. 2. Pirh. num. 1. Schamb. n. 1. Konig n. 2. Vviesl. n. 2. juxta quos *Judicium est legitima controversia, quæ inter actorem, & reum intercedit, per Judicem cognitio, discussio, ac definitio.*

3. Quæritur 2. quid sit *Lis*, *Causa*, *Quæstio*, & *Instantia*? Resp. hæc cum *Judicio* quidam confundunt: sed si *Judicium* in nona, & ultima acceptione sumitur, non satis bene, cum à *Judicio* non voce magis, quàm significatione differant; nam 1. ut ex definitione paulò antè tradita patet, *Judicii* nomine venit controversia, & quæstionis in *Judicio* deductæ tota discussio, quæ sit & durat à citatione usque ad sententiam. 2. *Quæstio* est ipsa res, vel Jus controversum, quod deduci in *Judicium* potest: quod si actum in *Judicio* deducatur, *Causa* vocabitur; ut aded *Causa*, & *Quæstio* in hoc solum differant, quòd *Causa* propriè non dicatur, nisi in *Judicio*, *Quæstio* autem etiam extra illud. 3. *Litis* nomine plerumque venit Actio, qua causa controversa deducitur in *Judicium*, sive in rem, sive in personam sit, ut dicitur *l. litis 36. ff. de V. S. 4. Instancia* denique est exercitium Actionis, quod *Litis* contestatione incipit, & usque ad Sententiam definitivam durat, si feratur; si non feratur, biennii, aut triennii lapsu, & etiam rei ab observatione *Judicii* absolute, de Jure saltem Civili, extinguitur. *l. properandum 13. C. h. r.* Porro *Quæstio*, quæ in *Judicio* disceptatur, vel disceptari potest,

est duplicis generis, *Facti*, & *Juris*. *Facti quæstio* est, cum de facto, de quo fortè nondum liquet, vel si de hoc liqueat, de circumstantiis facti quæritur, e. g. quis fecerit, quomodo, quo loco, quo tempore, quibus circumstantiis &c. *Juris quæstio* est, quando quæritur de facti merito, quod in eo consistit, ut Jus facto rectè applicetur: interrogatur ergo in hoc, an id, quod factum est, Jure factum sit, & quid de hoc facto Leges statuerint, e. g. an rectè Titius occiderit Cajum, & si malè occidit, qua pœna sit afficiendus. Rosbach. in *pract. civil. tit. de Judiciis 1. nu. 43. & seqq. Pirh. hic n. 4. in fin.*

Quæritur 3. quo Jure sint introducta *Judicia*? Resp. originaliter sunt *Juris naturalis*, formaliter, & quoad solemnitates *Juris Civilis*. Pars 1. ostenditur ex necessitate humani generis; nam sæpe evenit, ut duo inter sese contendant, quid *Juris* sit, & quivis eorum contendat Jus trahere in suam partem: opus itaque erat, ut esset. qui ortas hujusmodi super Jure dubio controversias solveret, & cuique jus suum tribueret: hoc autem fieri non poterat ab ipsis partibus; nihil enim rectæ rationi magis repugnat, quam Jus in causa propria sibi dicere: necesse igitur erat, ut autoritate publica constitueretur *Judicium*, in quo dirimerentur hujusmodi *Juris* dubia, & quod æquum, & justum est, partes referrent. Pars 2. patet ex solemnitatibus *Judiciorum*, quas Jure Civili inventas, & Jure Canonico etiam ad Forum Ecclesiasticum translatas constat ex variis textibus *Juris Civilis*, & toto Lib. II. *Decretalium*.

Dubium est, quænam in *Judiciis* sint *Juris naturalis*, quæ positivi humani? Resp. *Juris naturalis* sunt petitio Actoris, citatio rei, probatio causæ, ejusdemque defensio, decisio illius, & sententiæ pronuntiatio; nam hæc ad substantiam *Judicii* pertinent, & talia sunt, ut sine illis causa controversa rectè, & ritè discuti, atque decidi nequeat: cetera, ut *Libelli oblatio*, *litis contestatio*, *Juramentum calumniæ*, *feriæ*, *dilationes*, *fatalia*, *sententiarum formulæ*, & similia sunt *Juris* positivi humani; quia non necessitatem, sed solemnitatem sapiunt.

Ex quo sequitur 1. quod Summus Princeps, ommissis omnibus solemnitatibus, sola facti veritate inspecta, de plano possit causam cognoscere; quia Legibus positivis solutus est. Sequitur 2. eundem posse alicui causam sic delegare, ut eam dirimere de plano, & sine figura *Judicii* possit; quia per alium facere quisque potest, quod potest facere per seipsum. Sequitur 3. solemnitates *Judiciales* per consuetudinem tolli posse; nam quævis Lex positiva humana tolli per eandem potest. Sequitur 4. in nullo *Judicio* etiam Summario, omitti posse ea, quæ suprà dixi substantialia *Judiciorum* esse; nam hæc sunt *Juris naturalis*; contra quod prævalere consuetudo non potest.

Quæritur 4. quotuplicis generis sint *Judicia*? Resp. divisiones ejus pèrmultæ sunt, & species ferè tot, quot Actionum, quæ in *Judicium* deducuntur: & hinc præsens titulus potius in plurali de *Judiciis* inscribitur, quàm in singulari, ut ex Abbate norat Vvagnereck in *Rubr. h. tit. not. 3.* Plerique DD. quatuor faciunt istarum divisionum classes secundum quatuor causarum genera.

Ratione cause Efficientis, seu Personarum *Judicantium* duplex reperitur divisio. 1. in *Ordinarium*, & *Delegatum*. *Ordinarium* dicitur, quod instituitur coram Judice Ordinario: quales inter Ecclesiasticos Judices præter Papam, & ejus Legaros in Provinciis sunt Episcopi, cæterique Praelati Episcopalis Ordinis, & Sede Episcopali vacante Capitulum, Vicarius Generalis Episcopi, vel Capituli Sede vacante, Abbates, & his similes Praelati, qui Jurisdictionem quasi Episcopalem in Clerum, vel etiam populum habent &c. *Delegatum* vocatur, in quo coram Judice Delegato disceptatur. Hoc *c. quoniam 11. de probat.* etiam *Extraordinarium* nuncupatur, ut notat Gloss. *ibid. V. extraordinario.* Vide Marant. de *Ordin. Judic. p. 4. dist. 5. n. 1. & seqq.* Vvagnereck in *Rubr. h. t. not. 3. v. secunda divisio.* Vallens. n. 7. Pirh. nu. 7. Schambog. num. 6. Vviesl. n. 14. De Officio Judicis Ordinarii dictum *l. 1. tit. 31. de Delegati officio ibidem tit. 29.*

2. Dividitur in *Judicium Ecclesiasticum*, & *Saculare*. *Ecclesiasticum* est, quod instituitur à Judice Ecclesiastico qua tali; *Saculare*, quod expeditur à Judice sacrali quâ tali. Ad *Judicium Ecclesiasticum* pertinent 1. omnes causæ spirituales, vel his annexæ, ut si quæstio est de electione Praelati, electi Confirmatione, vel Consecratione; de Clerici ordinatione, vel præsentatione; de Voto, & Professione Religiosa; de Matrimonio, Spon-



sponsalibus, aut Divortiis; de Primitiis, Decimis, oblationibus; de Beneficiis, aut pensionibus Ecclesiasticis, vel jure patronatus &c. 2 Lites etiam civiles, si vel uterque litigans, vel saltem reus conventus sit de foro Ecclesiastico; quia, ut infra tit. 2. n. 7. dicitur, Actor sequitur forum Rei. 3 certa aliqua crimina, videlicet Hæresis, Apostasia, schismatis, simonia, & similia; nam respectu horum etiam Laici foro Ecclesiastico subiiciuntur, ut suis locis dicitur. Cæteræ causæ, in quibus de re non Ecclesiastica, & inter Laicos, vel saltem contra reum Laicum agitur, ad Forum sæculare spectant. Sunt tamen inter causas, de quibus cognoscere iudex sæcularis potest, etiam quædam, quæ dicuntur *mixtæ*; quia coram iudice Ecclesiastico, vel sæculari, prout alter alterum causam tractando prævenit, agitari possunt, quales sunt quæstiones merè facti in rebus spiritualibus, si reus conventus Laicus est. Et hinc duobus recensitis membris dividendis addi tertia potest species, nempe *Judicium mixtum*.  
 1 Ratione *materiæ* sex omnino enumerantur divisiones judiciorum diversæ. 1 in iudicium spirituale, & temporale. *Spirituale* est, in quo causa spiritualis, vel spirituali annexa tractatur; *Temporale*, in quo de re merè temporali, & profana contenditur. Differt spirituale ab Ecclesiastico; & Temporale à sæculari; quia Ecclesiasticum iudicium magis latè patet, quam spirituale, cum exerceri possit etiam circa causas Clericorum civiles; & Temporale magis latè, quam sæculare, cum temporale iudicium conveniat etiam iudici Ecclesiastico quæ tali, si causa sit temporalis, non autem sæculare.

2 In iudicium Universale, Generale, & Speciale. *Universale* est, in quo controversia movetur de aliqua universitate, seu corpore quodam mystico, ex iuribus specificè distinctis conflato: quale est hæreditas, Ecclesia, Territorium &c. *Generale* est, quod ad plura quidem objecta, sed separata, ac nullam universitatem conficiuntur: quale est super administratione generali institutum, e. g. Iudicium tutelæ, negotiorum gestorum, pro socio &c. *Speciale*, quod instituitur circa rem specialem, determinatam, ac singularem, e. g. de equo, vel de certa specie, continente plura individua, v. g. de gregio ovium. Differentia istorum iudiciorum inter alias hæc est, quod exceptio rei iudicatæ in iudicio singulari solum noceat quoad rem singularem petitam; in iudicio generali, vel universali autem, si generaliter actum sit, noceat quoad res omnes, etsi specificè in libello expressæ non fuerint, & postea primum cognoscitur *l. licet 2. C. h. tit. de actione 4. & l. sub prætextu 29. C. de transact. P. Schmier tr. de Jud. c. 1. n. 48.*

3 In iudicium reale, & personale. *Reale* est, in quo disputatur de jure in re v. g. dominio, servitute, pignore, possessione &c. sive in quo intentatur actio realis. *Personale*, in quo instituitur actio in personam, nempe ex contractu, vel quasi contractu, delicto, vel quasi delicto, & similibus, ratione quorum competit actio personalis, qualis est actio empti, depositi, commodati &c. Addunt aliqui tertiam speciem, videlicet *Judicium mixtum*, quod consurgere putant in petitione hæreditatis, actione familiæ heriscundæ, communi dividundo, finium regundorum: utrum bene, ex eo pender, an recensitæ actiones etiam ipsæ mixtæ sint; nam tale consurgit iudicium, qualis est actio, ex qua consurgit. Communius negatur mixtas esse; quia petitio hæreditatis purissimè realis est *l. sed etsi 25. §. perito 18. ff. & l. hæreditatis 7. C. de petit. hæred. cæteræ autem purissimè personales l. finium 1. ff. fin. regund. & arg. l. hæc actio 1. in princ. & §. quæ quidem 1. ff. famil. herisc. l. communi 1. & l. seq. in princ. C. comm. divid. Sed de his ex instituto Legistæ.*

4 In iudicium Petitorium, & Possessorium. *Petitorium* vocatur, in quo litigatur de proprietate rei, i. e. in quo disceptatur super rei v. g. prædii, domus, Beneficii Ecclesiastici, aut juris eligendi, vel Patronatus dominio, vel quasi dominio, vel super jure aliquo in re, aut ad rem competente, puta de jure pignoris, servitutis, hæreditatis &c. petitque actor, se rei controversiæ declarari dominum, vel quasi dominum, aut sibi jus in re, vel ad rem competere, ut si res vindicetur, hæreditas petatur, actio empti, depositi, commodati, vel alia similis realis, aut personalis ad rem actio intentetur. *Possessorium* iudicium est, in quo inter partes contentio est de sola rei, vel juris possessione, aut quasi possessione adipiscenda, retinenda, vel recuperanda, cum scilicet tantum actor petit, vel ut adi-

piscatur possessionem rei quietam, nec in ea turbetur, vel ut recuperet possessionem amissam. Marant. de Ord. jud. p. 4. dist. 1. n. 1. & 2. Hiltrop. process. jud. p. 1. tit. 4. n. 73. & seqq. Layman l. 3. tr. 6. c. 1. n. 3. Vvagnereck in rubr. hic not. 3. vers. tertia divisio. Vallenf. n. 7. Zoef. n. 2. Pirh. n. 6 Schamb. n. 9. Engl. n. 15. König n. 8. Vviefstner n. 6.

5 In iudicium bonæ fidei, & stricti juris. *Judicium bonæ fidei* est, in quo liberam potestatem à Lege sibi concessam Iudex habet, ut æstimare ex æquo, & bono possit, quantum auctori restitui debeat §. in bona 3. Inst. de action. adeoque adjudicare aliquid potest, de quo inter partes haud conventum, & quod in libello non est peritum. *Stricti juris iudicium* est, in quo facultas Judicis est restricta, ita ut ultra id, quod vel nominatim inter partes actum, vel specialiter Legibus de negotio cautum est, sententia sua non possit progredi *l. cum quid 3. ff. de reb. credit. & l. quidquid 99. ff. de V. O.* Porro qualia iudicia sint bonæ fidei, qualia stricti juris, desumendum est ex genere actionis; nam tale est iudicium, qualis est actio, ex qua consurgit iudicium, ut n. 8. dictum est. Enumerantur autem actiones bonæ fidei omnes §. actionum 28. Inst. de action. cæteræ, quæ ibi non sunt positæ, stricti juris censentur.

6 Denique in iudicium simplex, & Duplex. *Simplex* censetur, in quo unus subit vicem actoris, alter vicem Rei, ut in actione mutui, in actione ex empto, in rei vindicatione &c. *Duplex* dicitur, in quo uterque litigantium est actor, & uterque Reus, utrinque à se invicem aliquid petendo, prout contingit in iudiciis diversoriis, familiæ heriscundæ, communi dividundo, & finium regundorum. Ne tamen confusio fiat in iudicio, *l. in tribus 13. ff. h. tit.* salubriter introductum est, ut is pro Actore etiam in iudicio duplici haberetur, qui prior provocavit; si vero uterque simul provocavit, committendum sorti erit, quis Rei, qui actoris eo casu vices sustineat, prout dicitur *l. sed cum ambo 14. ff. eodem.*

Ratione *Formæ* dividitur iudicium in Plenarium, & Summarium. *Plenarium*, quod etiam *Ordinarium*, & *Solemne* dicitur, est, in quo, juris ordine, & solemnitatibus accuratè servatis, de causa cognoscitur, & pronuntiatur: quod fit, si sententiam præcedat citatio, oblatio libelli, contestatio litis, juramentum calumniæ, receptio, & publicatio testium, & aliarum probationum &c. *Summarium*, & ut communiter vocatur, *Extraordinarium* est, in quo, prætermissa subtili observatione solemnis ordinis iudiciarii, simpliciter, & de plano, sine strepitu, & figura iudicii proceditur, & quodammodo, sola rei veritate attendita, pronuntiatur. Porro in quibus causis summarie procedi possit, in quibus non, dicitur infra Tit. 3. Interim tolum noto, discrimen esse faciendum inter ea, quæ ad processum iudiciarium Ordinarium requiruntur; nam aliqua ex illis sunt, quæ ex jure solum humano inventa sunt, alia, quæ necessaria sunt jure Divino, vel naturali, aut gentium: item ex prioribus aliqua celerem litis expeditionem morantur, alia non morantur. Jam ex his, quæ jure Divino, naturali, & gentium requiruntur, nihil omitti in Processu Summarium potest; conf. etiam in hoc requiritur, ut fiat citatio partium, aliquis petitio loco libelli, probatio, defensio: ex iis autem, quæ jure humano inventa sunt, ea solum prætermitti in iudicio Summario possunt, quæ litis celerem expeditionem retardant; cætera & ipsa observari debent, prout est juramentum calumniæ, si petatur, assignatio terminorum ad exhibenda acta, prolatio sententiæ definitivæ in scriptis à iudice sedente, vel stante &c.

Ratione *Finis* denique dividitur iudicium in Civile, & Criminale. *Civile* est, in quo disceptatur de causa Civili, seu in quo principaliter intenditur commodum privatum Actoris: quod contingit, quando Actor prosequitur id, quod suum est; quia illud, quod petit, vel est res propria ipsius, vel ipsi debita, idque vel ex contractu, vel ex delicto, vel quasi. *Criminale* est, in quo de crimine agitur criminaliter, sive ad vindictam publicam, puta ad privationem officii, corporis afflictionem, vel pœnam etiam extraordinariam applicandam fisco. Marant. de Ord. Jud. p. 4. dist. 1. n. 1. & 2. Clar. pract. crim. q. 1. n. 2. Layman l. 3. tr. 6. c. 1. n. 4. Pax Jord. l. 13. tit. 1. n. 8. Barbosa in rubr. h. tit. nu. 3. & duobus seqq. Vvagnereck ibidem not. 3. vers. 6. divisio. Vallenf. n. 4. & 5. Pirh. n. 8. Schamb. n. 4. Vviefstner num. 15. Origine hujus divisionis est, quia aliqua crimina sunt, per quæ læditur publica Justitia tantum; alia verò, per quæ non tantum ista offenditur, sed etiam perso-



na particulari injuria, & damnum inferitur. *Ex primi generis* criminibus, ut sunt hæresis, simonia, blasphemia &c. agi solum potest ad vindictam publicam, & conf. institui debet iudicium criminale. *Ex secundi generis* criminibus agi potest vel ad vindictam publicam, vel ad privatam, vel ad utramque simul. Si ad vindictam publicam, erit iudicium criminale; si ad privatam, civile; si ad utramque simul, mixtum. Ex quo sequitur, hætenus recensitis duabus speciebus addendam tertiam *Judicii mixti*, quo de crimine agitur civiliter simul, & criminaliter.

12 Porro iudicium criminale subdividitur 1 in capitale, & non capitale. *Capitale est*, in quo agitur de crimine capitali; *non capitale*, in quo agitur de crimine non capitali. *Capitale autem crimen* dicitur, ex quo reo irroganda est pœna capitalis: hæc triplicis generis est; nam una amittitur caput naturale per mortem naturalem; altera amittitur caput civile, quod est libertas, ut cum quis damnatur ad metallum; ultima caput eximitur de civitate, cum jus civitatis amittitur, ut fit, cum quis deportatur in Insulam, & aqua, atque igni interdicitur. *Non capitale crimen est*, ex quo reus salvo capite, seu vita, libertate, & civitate retenta, citra bona, existimationemque punitur, aut aliquam corporis coercitionem sustinet, Marant. de Ord. Judic. p. 4. dist. 2. nu. 1. & 4. Valens. hic n. 5. Pirhing n. 11. Vviesner n. 16. & communiter cæteri. Neque obstat, quod alias fama, & vita æquiparentur; quia per hoc, quod æquiparatio aliqua inter hæc bona sit, pœna infamiam irrogans nondum capitis, sed pene capitis pœna efficitur, ut rectè insinuat Tallius *Orat. pro Roscio Commodo*.

Subdividitur 2 in publicum, & privatum. *Publicum est*, in quo agitur de publico crimine, seu tali, quod accusare cuivis è populo est permixtum §. publica 1. *Inst. de public. Jud. & l. quævis* 30. in princ. C. ad Leg. Jul. de adult. *Privatum est*, in quo agitur de crimine privato, seu tali, quod accusandi jus non cuivis de populo, sed iis dumtaxat competit, ad quos ea res, vel injuria pertinet l. civilis 1. & seqq. ff. de privat. delict. Quæ autem delicta publica, aut privata sint, dicitur Lib. 5. tit. 1.

## §. II.

### De personis constitutentibus Iudicium.

## S U M M A R I U M.

- 13 Ad Iudicium principaliter concurrunt *Judex, Actor, & Reus*.
- 14 Minus principaliter ad juvandos litigantes, *Advocati, Procuratores, curatores, Testes*; ad Judicem juvandum *Assessores, Tabelliones, Nuntii &c.*
- 15 Quid sint *Auditores, & Referendarii*?
- 16 An in omni Iudicio necesse sit intervenire *Judicem, Actorem, & Reum*?
- 17 In qua causa quisque judicare possit?
- 18 An *Judex supremus* judicare possit in causa propria?
- 19 An, & quando id possit *Judex inferior*?
- 20 An acta à *Judice* solum existimato valeant?
- 21 An, ut valeant, requiratur titulus coloratus?
- 22 Casus, quibus acta *Judicis* existimati valent.
- 23 Personam standi in iudicio non habent *infantes, furiosi, prodigi &c.*
- 24 *Servus* in causa pecuniaria.
- 25 *Pupillus* sine autoritate tutoris.
- 26 *Minor* sine autoritate curatoris.
- 27 Etiam si in causis spiritualibus.
- 28 *Filiusfam.* sed cum distinctione.
- 29 Et exceptione.
- 30 *Mulieres*, quæ trahi invitæ in iudicium nequeunt.
- 31 Si honestæ sint.
- 32 33 34 35 36 *Excommunicati* *Excommunicatione majori*.
- 37 *Religiosi*.
- 38 Cum exceptione.
- 39 40 41 Quis agere in iudicio debeat super rebus, & juribus Ecclesiæ, vel Monasterii?
- 42 43 An, & qualiter *Capitulo* necessarius sit consensus *Praelati, & vicissim*?
- 44 An partes cogi possint ad litigandum?
- 45 An ad comparandum, & à qualis *Judice*?
- 46 An etiam à *Delegato*?

47 Quando ab inferiore?

48 Quando illa, quæ ad factum pertinent, proponi per *Advocatos* possint?

49 An, qui promissit se litigaturum coram *Judice*, postea resiliere possit?

Quæritur 1 quæ personæ concurrant ad iudicium? 1 Resp. personæ ad iudicium concurrentes sunt duplicis generis; nam aliquæ sunt principales, quæ iudicium constituunt; aliæ minus principales, quæ regulariter quidem, & secundum communem, ac ordinarium processum in iudicio intervenire debent, non tamen ita sunt necessariæ, ut illud sine ipsis institui nequeat. Atque hinc

Dub. 1 quæ personæ constituent iudicium? Resp. iudicium quodcumque tres personæ constituunt, sc. *Judex, Actor, & Reus* c. forus 10. §. in omni de V. S. & l. inter litigantes 62. ff. h. tit. *Judex*, sic appellatus, quod *Jus dicat*, est persona; quæ publica autoritate iudicio præest, & quasi mediatorem agit inter litigantes, rem controversam secundum juris præscriptum decidendo. *Actor*, ab agendo dictus, est is, qui actionem proponit, & prior ad iudicium provocat l. in tribus 13. & l. qui appellat 29. ff. h. tit. Hic in causis criminalibus propriè *Accusator* vocatur l. inter 10. & l. accusatore 13. ff. de publ. jud. l. si accusatoribus 4. C. de accusat. *Reus*, ita appellatus à Re, seu causa, & controversia, quæ ipsi movetur, est, qui ab Actore in Jus vocatus, ejus actionem propulsando, se defendit. Gloss. in c. forus cit. V. reus. Pirhing hic num. 2. Vviesner n. 19. Schambog. n. 10. & seqq. Excipitur iudicium ex l. diffamari 5. C. de ingen. manum. in hoc enim pro Actore habetur in iudicium vocatus diffamans, & diffamatus ad iudicium citans pro reo: unde alii Actorem dicunt eum, quem principaliter causa concernit. Sed non est necesse à communi Actoris, & Rei definitione recedere; nam etiam diffamans in causa diffamationis provocans dici potest.

Dub. 2 quæ personæ in iudicio interveniant minus principaliter? Resp. hæ duplicis maximè classis sunt; nam aliquæ interveniunt ad juvandos litigantes, ut sunt *Advocati, Procuratores, Testes &c.* aliæ ad juvandum iudicem, quod triplici modo fieri potest. 1 *consultando*, ut faciunt *Assessores, & Consiliarii*. 2 *Acta* iudicii conscribendo, ut *Tabelliones*, seu *Notarii*. 3 *exequendo*, quod *Judex imperat*, ut *Apparitores, Executores, Cursores*, sive *Nuntii, & Viatores*, quibus personarum citationes, denuntiationes, incarcerationes, custodia, aliæque hujusmodi executiones expediendæ committuntur. De Advocatis latè actum l. 1. tit. 37. de procuratoribus ibidem tit. 38. de Testibus agitur infra tit. 20.

Circa cæteras personas, minus principaliter in iudicio intervenientes breviter notanda sunt sequentia. 1 de *Assessoribus*: Hi ab *Affidendo* sic dicti sunt, quod cum in finem assumantur, ut iudici assideant, eumque suo consilio in iudicando adjuvent: unde etiam *Consiliarii* vocantur l. consiliatio 5. ff. & l. consiliarios 3. C. de assessor. Officium eorum, & autoritas hodierno jure major est, quam antiquo; nam antiquo jurisdictionem nullam habebant, sed tantum iudici addebantur, ut consilio suo illum juvarent, quod proinde *Judex* sequi necessario non tenebatur l. omnem officium 1. ff. & l. studiorum 1. C. cod. Hodierno autem jure in plerisque Principum Dicasteriis jurisdictionem etiam, & causarum decisionem habent, ut adeo sint veri iudices, ac proinde, ut inter hos assumi quis possit, eadem petantur qualitates, quæ petuntur in iudice. De his vide Præn. & Claris. D. Herman. Anton. de Chlinsperg. de jud. in gener. c. 3. assert. 64.

2 De *Notariis*. Hi varia sortiuntur nomina; dicuntur enim *Notarii à Notis*, seu abbreviato scribendi modo, quibus olim gesta in, vel extra iudicium mira celeritate excipiebant; *Scribe publici*, quia, quæ publicè sunt, publica autoritate conscribunt; *Actuarii*, dum acta dicta, & gesta judicialia notant; *Tabelliones*, quia annotationes suas olim referebant in tabulas; *Protocolliste*, quia moderno tempore *Protocollum*, seu *Librum Actorum* habent, Officium illorum patet ex data nominum, quibus compellantur, explicatione; consistit enim in eo, ut dicta, actaque iudicii diligenter, & bona fide excipiant, & conscribant. Vide P. Schmierer. de jud. c. 2. n. 322. & seqq.

3 De *Nuntiis judicialibus*, seu quod idem est, *Pedellis, Cursoribus, Viatoribus, Apparitoribus &c.* hæc enim omnia in jure idem significant. Officium illorum est, iussa sui



Magistratus, & Judicis implete, litigantes in Jus vocare, processus, actusque Judicarios, exequi &c. Hinc sanctæ ipsorum personæ, & à violentia malignorum hominum, quoad actus, quos ex officio peragunt, debent exemplæ esse. P. Schmier *l.cit. n. 337. & seqq.*

15 Dub. 3. quid sint Auditores, & Referendarii, quorum aliquando in Tribunalibus usus est. *Resp. Auditorum* usus præcipue est in Curia Romana, & apud Legatos Sedis Apostolicæ. Sunt, quibus vel tota causa, vel certus causæ articulus examinandus committitur, eo fine, ut post diligens examen super hoc institutum, rem omnem exponant Judici, ejusque decisioni relinquunt. Habent illi quidem Jurisdictionem in cognoscendo, ita ut partes ad audientiam citare, testes, & probationes admittere possint &c. in decidendo autem, & sententiam Jurisdictionem non habent, nisi hoc ipsis specialiter à principali delegentur. Sylvest. *V. Auditor.* Engl *hic num. 10.*

His quoad officium consimiles videntur esse *Referendarii* à *Referendo* dicti; quia cum in finem constituuntur, ut quia Judex, multitudine causarum obrutus, omnium momenta ex actis sæpe amplissimis colligere unus non potest, ipsi ea discutiant, & postea eorum substantiam rationes, & merita, Judici, & Assessoribus referant, sicque illos ad sententiam ferendam instruant. Usus illorum maximè est in Tribunalibus majoribus Principum, isque utilissimus ad tollendam immortalitatem litium, & querelas protrahere nimis Justitiæ. Vide Matthiam Stephani ad *Novell. 10. n. 2.*

26 Dub. 4. an in omni Judicio necesse sit intervenire Judicem, Actorem, & Reum? Videtur respondendum negativè ob duplicem rationem, & 1. quidem, quia in Judicio criminali, quando agitur de crimine notorio, & per viam inquisitionis specialis ex officio proceditur, nullus est actor, 2. quia aliquando proceditur per viam Inquisitionis generalis ad inveniendum malefactorem, ubi tam Actor, quam Reus deficit.

Sed adhuc dicendum, res istas personas verè, aut fide saltem intervenire in omni Judicio propriè dicto. Marant. *de Ordin. Judic. p. 2. nu. 2. & 3. Vall. hic num. 2.* Schabogen *n. 11.* & ostenditur solutione rationum in contrarium oppositarum.

Ad 1. eo casu vicem accusatoris supplet notorietas criminis, vel præcedens fama, eique succedanea criminis indicia *c. qualiter 24. de accusat. ibi si per clamorem & famam ad aures Superioris pervenerit.* Ad 2. quamdiu generaliter tantum proceditur, & de crimine in certam personam non inquiritur, Judicium verè non datur, ut cum Marant. *loc. cit.* advertit Pirhing *hic n. 2.* Vviesner *n. 20.* vel dici potest cum eodem Pirhing *loc. cit.* adeste quidem etiam hoc casu reum aliquem, non tamen certum, sed qui ex futuro eventu aliquando veniat certificandus.

17 Quæritur 2. in qua causa quisque judicare possit? *Certum est*, ut Judex cognoscere, & Judicare de causa aliqua possit, necesse esse, ut illa sit sui fori. Hinc nec Judex Ecclesiasticus causam præcisè politicam, & civilem, nec Judex sæcularis causam Ecclesiasticam cognoscere, & judicare potest, ut *tit. seq. pluribus ostenditur.* Sed neque de causa qualibet, quæ sui fori est, Judex potest cognoscere; nam tres præcipue reperiuntur exceptiones, 1. nemo potest esse Judex, vel Assessor in causa, in qua Advocatum egit *arg. l. fin. C. de Assessor. Zoel. ff. hoc tit. num. 27.* Brunnem. *in loc. cit. n. 9.* Vviesner *hic n. 71.* Ratio est, quia de improbitate merito suspectum se reddit is, qui judicare, vel judicanti assistere vult in causa, cujus ante defensionem suscepit; neque enim præsumi potest pronuntiaturus, aut sualurus adversus ea, quæ antè tanquam iusta defendit, 2. non admittitur tanquam Judex ordinarius, vel delegatus ad tractationem causæ, cui consimilem habet ipse tanquam Actor, vel Reus *c. causam 18. hoc tit. & ibi Abb. n. 1. Vivian. in rational. ibid. Barbosa n. 1. & seq. Pirhing hic nu. 120.* Vviesner *n. 70.* Ratio est, quia merito præsumitur, Judicem in causa, suæ cognitioni commissam, ita judicaturum, sicut ab aliis judicari veller in consimili sua; & quod tanquam pars litigans æquum, justumque existimat in sua, id æquum, justumque judicaturum in causa aliena, ne sibi contradicar, & alio Jure videatur uti in alium, quam quo jure utitur in seipsum, 3. multo minus regulariter potest aliquis esse Judex in causa propria, seu tali, cujus e-

molumentum, vel damnum ad ipsum suo nomine pertinet; nam in hoc casu multo major est suspicio affectionis erga causam, & inde consurgens periculum infideri judicii. Distinguendum tamen est inter Judicem, qui superiorem non recognoscit, & inter Judicem inferiorem. Et hinc.

Dub. 1. an Princeps, seu Judex supremus, superiorem non recognoscens, uti est Papa, Imperator, vel Rex, in causa propria, sive quæ vertitur inter ipsum & subditos, Judex esse possit? Negativa videtur colligi ex *c. forus 10. de V. S. ubi ad Judicii substantiam requiruntur tres personæ, Judex, Actor, & Reus: casu autem, quo Princeps de causa inter se, & subditum suum controversa cognosceret, præter ipsum & colligantem subditum nemo interveniret. Ergo &c.*

Sed tenenda est affirmativa sententia. Ita Glossa *in c. cum venissent 12. V. judicari hoc tit. Abb. ib. n. 6.* Decius *n. 5.* Layman *n. 2.* Barbosa *n. 6.* Pirhing *nu. 71.* Vviesner *n. 73.* qui tamen *n. 74.* cum aliis *citt.* moner, tali casu consultus, & Juri naturali conformius acturos Principes, & similes Magistratus supremos, si vel arbitris causas, inter se, & subditos suos controversas, decidendas committant, vel Judices ordinarios, aut delegatos constituent, qui Jus inter ipsos, & subditos suos dicant, juxta *l. si adversus 2. C. si advers. fisc. & praxin modernam*, qua lites eorum fiscales cognoscuntur, & terminantur ab iis, qui Camera, seu Filco Principis præsidet.

Ceterum responsio multiplici probati argumento potest, 1. ex *c. cum venissent cit.* ubi cognitio quæstionis, super Sedis Apostolicæ privilegiis orta, denegatur Judicibus summa illa Sede inferioribus, 2. ex *l. & hoc 41. junct. Glossa marg. ff. de her. instu.* ubi Imperator Tiberius in causa propria sententiam dixit, jubens, ut hæreditas servo, qui putabatur esse ingenuus, relicta divideretur inter ipsum Cæsarem, & substitutum servo ipsius, 3. ex *l. un. C. si quis Imper. maledix.* ubi decernitur, ut is, qui animo injuriandi maledixerit Principi, ad ipsum remittatur, ut cognoscat de injuria sibi illata, an maledicens ad pœnam trahi, an verò maledictum dissimulando prætermitti debeat, 4. ex ratione; nam hoc videtur exigere plenitudo potestatis, ob quam cogi non potest, ut alterius Judicio se subiciat, 5. denique quia cum Princeps ejusmodi, vel Magistratus supremus sit Legum Conditor, Custos, vel Vindex, nihil, nisi æquum, justumque pronuntiaturus præsumitur.

Nec obstat *c. forus cit.* & alii textus, qui in contrarium allegari possunt; quia ternarius ille personarum præscriptus est solum Jure positivo humano, quo Princeps supremus, utpotè à se, vel Antecessoribus cedito, non ligatur: cons. non prohibetur per se loquendo in talibus causis Judicis simul, & Actoris, vel Reus personam sustinere.

Dub. 2. an Judex Papa, vel Princeps inferior possit in causa propria judicare, vel jus sibi ipsi dicere? *Resp. regulariter non posse.* Ita Abb. *in c. 12. hoc tit. n. 6.* Decius *ib. n. 6.* Pirhing *n. 74.* Vviesner *n. 75.* & sumitur ex *can. inter querelas 27. junct. Glossa V. propria caus. 23. q. 4. l. qui jurisdictioni 10. ff. de jurisd. & l. un. C. ne quis in sua caus. &c.* Ratio est, quia in propria causa Jus dicens, propter naturalem affectionem ad eam, merito est suspectus, nisi suspicionem hanc purget dignitas, uti purgat in Judice supremo. Proceditque hoc etiam de Arbitro, ita quidem, ut non tantum sententia Judicis, sed etiam arbitrium in propria causa prolatum invalidum sit, ut habetur *l. si de resua 51. ff. de recept. qui arbit. & notat ibid. Glossa V. imperare, Decius in c. 12. hoc tit. in fin. Pirhing num. 77.* Vviesner *loc. cit.*

Dixi autem regulariter; nam plures sunt casus, quibus inferior Judex legitimè procedit in causa, quæ ipsiusmet est, aut esse videri potest. Veluti 1. in iis, quæ sunt Jurisdictionis voluntariæ; nam in his, ut quis publicam simul, & privatam personam sustineat, permittunt Jura, ut pater ex *l. si consul. 3. ff. de adoption. & l. apud filium. 18. ff. de manum. vindict.* ubi statuitur emancipari, & in adoptionem dari aliquem apud seipsum posse. Excipiuntur ii actus, qui specialem causæ cognitionem exposcunt, qualis est confirmatio donationis excedentis 500. solidos P. Vviesner *hic num. 76.*

2 Si factum, e. g. injuria, ipsi Judici illata, sit notoria: ubi tamen quoad irrogationem pœnæ est distinguendum, an injuria illata sit Judici quæ tali, an qui talis est. Si primum, decernere in injuriantem potest vel ordinariam,



riam, si talis legibus, aut consuetudine taxata sit, vel si taxata non sit, arbitrariam, modò illa non ad vindictam privatam, & interesse ipsius iudicis, sed ad publicam sit inferenda, Abb. in c. 12. *hoc tit. n. 8. in fin.* Decius *ibid. n. 6.* Gaill. l. 1. *obs. 39. n. 4.* Pirhing *hic n. 75.* Vviestner *n. 77.* Ratio est, quia cum talis injuria respiciat non tam personam, quam officium & potestatem Judicis, Judex in ea judicans magis alienam causam, quam propriam tractasse censetur. Si secundum, arbitrariam quidem irrogare non potest; quia esset Judex in causa propria; potest tamen eam, quæ Lege, vel consuetudine taxata est. Abb. l. cit. n. 9. Gaill. *obs. 39. cit. n. 1. & 2.* Layman l. 3. *tr. 6. c. 2. n. 13. v. excipitur secundò & in c. 12. cit. n. 3.* Vviestner l. cit. Ratio est, quia cum hujusmodi pœnam in se notoriè delinquenti infligit, reipsa potius executor Juris, quam Judex est; adeoque causa suspicionis cessat.

3 Episcopus, vel alius similis Prælati judicare potest in causa suæ Ecclesiæ; ubi tamen est distinguendum, an causa directè, & principaliter spectet ad ipsam Ecclesiam, & dignitatem Episcopalem, an ad Episcopi ipsius, eique similis Prælati personam. Si primum, potest Episcopus in ea causa esse Judex, ut rectè Glossa in c. Romana l. *V. punire de par. in 6.* Abb. in c. 34. *de appell. n. 8.* Barbosa in c. 12. *hoc tit. n. 6.* Layman *ibid. n. 4.* Pirhing *hic n. 76.* Vviestner *n. 79.* advertunt: notant tamen *citr.* DD. eundem hoc casu recusari posse à partibus, tanquam suspectum, ob presumptionem singularis affectionis erga suam Ecclesiam. Si secundum, non potest esse Judex, ut cum Abb. in c. 12. *cit. n. 9.* ceteri suprà relati. Ratio disparitatis est, quia quando emblementum, vel damnum causæ ad Prælatus pertinet suo nomine, censetur Jus dicere in causa propria in aliena autem, quando Jus dicit in causa, quæ principaliter ad Ecclesiam suam spectat.

4 In causa competentia, sive quando Judex rationabiliter dubitat, an Jurisdictio, quam habet, se extendat ad causam perlatam ad suum Tribunal; nam de hoc cognoscere Judex ipse, qui dubitat, potest, Glossa in l. *siquis 5. V. estimare ff. hoc tit.* Felin. in c. 20. *de rescript. n. 18.* Gaill. l. 1. *obs. 34. n. 1.* Layman l. 3. *tr. 6. c. 2. n. 13. & 14.* Pirhing *hic n. 78.* Vviestner *n. 80.* & apertè constat ex l. *quacumque 2. ff. siquis in jus & c. & l. siquis cit.* ubi dicitur: *Prætoris est estimare, an sua sit Jurisdictio.* Ratio est, quia hujusmodi causa, licet propriè similis sit, revera tamen non est propria, cum ejus commodum, & utilitas ad Judicem non pertineat. Accedit, quia prævia ejusmodi cognitio necessaria est; ut judicandi munere ritè fungi Judex possit. Procedit autem hoc regulariter; nam triplici calu cognoscere de Jurisdictione, in controversiam tracta, an sua sit; nequit, 1. quando objicitur defectus fugillans personam ejusdem, v. g. quòd sit excommunicatus, infamis, Jurisdictionis incapax, 2. quando recusat ut suspectus, nisi exceptio suspicionis sit trivola, 3. si Judex, cujus Jurisdictio dubia est, ex causæ cognitione notabile emolumentum e. g. magnæ quantitatæ sportulas percepturus est. Sed his & aliis pluribus proprius recurrit locus *in. 28.* & alibi.

20 Dub. 3. an acta Judicii, & sententia lata à Judice solum existimato, sive qui Jurisdictione caret, vel ea, quam habet, quacumque ex causa excidit, valida sint? Videtur tenenda sententia negativa ob sequentes rationes, 1. quia ejus acta invalida forent, si error non interveniret. Ergo etiam invalida sunt, errore stante; non enim apparet, unde Judex tali casu acquirat Jurisdictionem: nam hanc illi non dat error; quia absurdum est Jus, quod æquum, bonumque est, ex erroribus nasci; non parres coram eo litigantes; quia privati Jurisdictionem dare non possunt, & si possent, hoc casu ob ignorantiam defectus non censerentur conferre; non denique superior; quia hic in impedimento Jurisdictionem tollente sæpe dispensare non potest, & si posset, ignorans ob defectum consensus non censetur hoc casu dispensare, 2. si valerent ejusmodi acta à Judice tantum existimato, etiam Clericus, qui per affectionem alterius beneficii incompatibilis amiserit Parochiam suam, adhuc validè administraret Sacramenta; contrarium non obscurè deciditur c. *dudum 54. princ. v. in sua quoque de elect.* ubi dicuntur per illum Parochianorum animæ damnabiliter deceptæ, & dispendium passæ, 3. si interveniente errore circa judicem, & ejus Jurisdictionem sententia ab eo lata, aliaque acta valida ad huc forent, vix unquam, imò nunquam ob defectum Jurisdictionis forent invalida; quia nemo sibi aut in foro extèrno, aut

in interno facilè Jus dici petit, nisi ab eo, quem judicabat præditum sufficienti Jurisdictione, 4. si error communis Jurisdictionem tribuit, validæ essent absolutiones collatæ à Clerico non Sacerdote, imò Laico, & fœmina casu, quo per errorem haberentur pro Sacerdotibus. Sequela est contra communem DD. & ipsius Ecclesiæ sensum; Ergo &c.

Sed his non obstantibus, omnino tenendum est, quòd acta, & sententiæ pronuntiatæ à Judice, qui revera Judex non est, si probabili, & publico, seu communi populi errore talis esse existimatur, sint valida. Ita communiter DD. Sumitur r. ex l. *Barbarius 3. ff. de Offic. Prætor.* ubi valida pronuntiantur acta apud Barbarium, assumptum ad Officium Prætoris, quamvis nulliter, quòd servus esset, communi tamen errore existimatus liber; quæ Lex suo modo canonizata videtur *can. infamis 1. § veruntamen can. 3. q. 7.* ubi pronuntiat firmitatem rei judicatæ tenere sententiam, pronuntiatam à servo, qui cum putaretur liber, Jurisdictionem delegatam accepit, 2. *arg. c. ad probandum 24. de sent. & rejud.* ubi Innoc. III. præcipit cassari, seu ut Glossa *ib. V. cassata* explicat, cassam, sive irritam declarari sententiam ex ratione, quòd unus ex delegatis Judicibus, qui eam protulerunt, excommunicationis vinculo esset publicè innodatus; igitur si ejus excommunicatio publicè nota non fuisset, sententia cassa, sive irrita declaranda non fuisset, 3. *ratione*; quia tali casu Resp. vel Ecclesia propter utilitatem publicam supplet defectum Jurisdictionis necessariæ ad valorem actorum, & sententiarum judicialium, atque ipsarum etiam absolutionum Sacramentalium.

Dixi autem *probabili errore*; aliud esset, si gesta essent à Judice existimato percrassum, & supinum, aut ex liquidi & manifesti juris ignorantia provenientem errorem; qualis esset, si is, qui sententiam protulit, in eo loco, ubi protulit, publicè damnatus, vel denunciatus esset de aliquo impedimento, ob quod incapax esset officii Judicis, nam talis error, vel ignorantia scientiæ æquipatur, conf. vitium sententiam dicentis non tollit. Abb. in c. 13. *de rescript. num. 12.* Felin. *ibid. num. 5.* Sanchez *lib. 3. de Matr. D. 22. n. 9.* Schildere *de princ. form. conscient. tr. 2. c. 3. n. 36.* Pirhing *hic n. 84.* Vviestner *n. 83.* Addidi *contra error, & publico*; non enim sufficit unus, vel alterius, aut paucorum error, sed debet esse communis, cui necesse sit subvenire, supplendo defectum Jurisdictionis; ut colligitur ex l. *Barbarius cit.* & notat *ibid.* Glossa *V. reprobari*, ubi ait; *circa factum error communis facit Jus.* Ratio est, quia suppletur ob utilitatem publicam. Erit autem communis error, si impedimentum, quo laborat Judex, saltem in eo loco, ubi judicii acta exercentur, occultum sit, licet publicum sit in alio loco, præsertim ita distante, ut ejus notitia verosimiliter ad locum, in quo impedimentum occultum est, pervenire non possit. Sanchez *n. 9. cit.* Imò ut idem Sanchez *n. seq.* addit, talis error habendus est, etsi in eodem loco, ubi Judex pronuntiat, impedimentum publicum fuerit, si tantum temporis intercesserit, ut jam ab hominum memoria lapsus sit, & communiter nunc ignoretur.

Sic explicatæ responsioni non obstant Argumenta opposita. Ad 1. ejusmodi judici existimato tali casu Jurisdictionem tribuit Ecclesia, vel Resp. favore non tam ipsius erroris, quam publicæ necessitatis, aut utilitatis, cui sic consuli suadet benignitas, & sollicitudo Ecclesiæ in fideles, & Reip. in subditos. Ad 2. responderi Gonzal. in c. *cit. n. 6.* verba illa *cap.* non habere auctoritatem juris, quia sunt verba partis referentis, relativè solùm proposita à Pont. vel si contendas juris vim illis tribuendam, dic cum Abb. *ibid. n. 20.* Sanchez *n. 14.* & aliis defectum Jurisdictionis eo casu fuisse notorium, ac proinde communem populi errorem non intervenisse. Ad 3. patet ex dictis; nam ut defectus Jurisdictionis suppleatur, error privatus non sufficit, sed communis requiritur, qui tamen non ita obviè solet contingere. Ad 4. Ordo Sacerdotalis, & sexus virilis ad valorem Sacramentalis Absolutionis jure Divino requiruntur; non potest autem Ecclesia supplere defectum alicujus, quod jure Divino requiritur.

Dub. 4. an ad hoc, ut gesta ab existimato Judice in utroque foro sint valida, necessarius sit ei titulus coloratus, seu à legitimo superiore, quamvis invalidè, collatus, aut validè quidem collatus, sed postea extinctus? Affirmant Innoc. in c. 44. *de elect.* Ioann. Andr. *ibid. n. 23.* Abb.



n. 11. Navat. *Man. c. 9. n. 11.* Covar. *pract. qq. c. 19. n. 9.* Sanch. *D. 22. cit. n. 45. & 50.* Pirh. *hic n. 84.* & plurimi alii præcipui nominis Interpretes & DD. quibus si verborum cortici velimus inhaerere, appetta favere videtur *can. infamis v. veruntamen*, & *l. Barbarius c. 1.* nam illo sententia servi sustinetur, quod data sit ipsi Jurisdic-  
tio ex delegatione, siue legitimi Superioris commissione; hac verò Barbarii acta non reprobantur, quod Præ-  
turam acceperit à populo Romano, qui etiam servo po-  
tuit decernere hanc potestatem.

Sed si *l. cit.* mentem, & rationem velimus attende-  
re, non improbabilis, imò probabilior, & ut Fulgofus,  
quamvis adversæ partis patronus, in *l. cit.* loquitur, in  
consultando, & judicando tenenda sententia est negati-  
va, quam etiam defendunt Abb. in *Clem. dudum 2. de se-  
pult. n. 25.* Felin. in *c. 1. de fid. instrum. n. 18.* Schildere *c. 3. cit. n. 42.* Dian. *p. 3. tr. 4. resol. 122.* & alibi, Gobat  
*Exper. tr. 7. n. 108.* Vviesl. *hic n. 88.* juxta quos acta Ju-  
dicis existimati, quantumvis is careat titulo colorato, va-  
lent. Ostenditur ex ratione *l. Barbarius cit.* quia hac Lege  
fuerunt approbata Barbarii acta, quia *populus Romanus ei-  
dem* (manumisso) Praturam decernere potuisset, & quia  
*humanus est*, hujusmodi acta sustineri ob favorem publi-  
cum, & ad evitanda plurima mala, atque incommoda,  
quæ gestorum revocatio secum traheret. Atqui ratio hæc  
æquè militat casu, quo abest titulus coloratus. Ergo &c.  
2. non magis sustineri debent acta publica propter autho-  
ritatem ea scribentis, quam sustineri debeat sententia pub-  
lica propter auctoritatem judicantis. Atqui scriptura pro  
publico Instrumento habetur, etsi eam scribens sufficien-  
ti auctoritate instructus non fuerit, ut patet ex *Novell. 44. c. 1. §. fin.* ubi sustinentur Acta plurium sibi substitu-  
torum à Tabellionibus, etsi Tabelliones tantum habue-  
runt potestatem sibi substituendi unum, ac proinde ultra  
num substituti non habeant titulum coloratum. 3. Testa-  
menti valori non officit, etsi in eo adhibitus sit pro teste  
servus, modò illius conditi tempore pro libero communi  
errore sit habitus, neque requiritur titulus coloratus, ut  
colligitur ex *l. testes 1. C. de testam.* cujus verba genetalia  
sunt. Ergo neque requiritur titulus coloratus in Judice.  
4. Jurisdic-  
tio sine titulo colorato acquiri potest ex consue-  
tudinè, & præscriptione. Ergo etiam occasione erroris  
communis per dispositionem Legis.

Ex quo planè corrui fundamentum partis adversæ;  
etsi enim *l. Barbarius*, & *§. veruntamen cit.* fiat mentio  
tituli colorati, non tamen requiritur, ut semper adsit,  
cum sine illo procedat ratio, ob quam *l. cit.* valida  
agnoscuntur acta Judicis existimati.

Dub. 5. In quibus casibus procedat doctrina hæcenus  
tradita? Resp. procedit in pluribus casibus, maximè in  
sex subsequentiis. 1. Valent acta Episcopi, vel alterius  
Prælati, cujus electio propter quodcumque Juris humani  
impedimentum fuit nulla, si ejus nullitas publicè igno-  
retur. P. Vviesl. *hic n. 89.* 2. Valent Absolutiones collatæ  
à Sacerdote, & coram eo celebrata Matrimonia, etsi ve-  
rè Parochus non sit, quia vel intrusus, vel ad anima-  
rum curam ab Episcopo non approbatus, modò pro legiti-  
mo Parocho communiter sit habitus. Gobat, Vviesl.  
*l. c. 3.* Eadem acta, sententiæ, & absolutiones subsistunt,  
quantumvis Episcopus, vel alius Prælatus excommunica-  
tus, suspensus, vel Jurisdic-  
tione, & ipsa Prælatura, &  
Beneficio, vel Officio privatus fuisset, modò communi  
errore existimetur adhuc præditus Jurisdic-  
tione sufficienti. Vviesl. *l. c. 4.* Ea ipsa valebunt, quantumvis impedi-  
mentum unus, vel alter sciverit, modò ii, à quibus gesta sunt,  
pro veris Judicibus communi errore sint habiti; quia Le-  
ges non privatam, sed communem æstimationem atten-  
dunt. Vviesl. *l. c. 5.* Imò valori à se actorum non obest  
malafides ipsius Judicis, Parochi, aut Confessarii, scien-  
tis se carere Jurisdic-  
tione, modò communi errore existi-  
mentur hac præditi; quia Beneficium *l. Barbarius*, & *§. ve-  
runtamen cit.* non est datum in favorem Judicis, sed boni  
publici, quod plurimum pateretur, si stante communi er-  
rore, valori actuum obesser malafides Judicis &c. 6. Denique eadem acta valent, etsi una, vel utraque pars  
sciat, Judicem, coram quo agunt, aut Parochum, coram  
quo contrahunt matrimonium, legitimam potestate  
instructum non esse, modò communiter habeatur pro ve-  
ro Judice, aut vero Parocho, ob eandem rationem. Ex-  
cipitur Absolutio Sacramentalis; hanc enim si quis extra  
mortis articulum peteret à Sacerdote, qui communiter

creditur sufficienti Jurisdic-  
tione instructus, sed quem ip-  
se scit ea instructum non esse, non absolveretur validè,  
non quidem ex defectu Jurisdic-  
tionis in absolvente (quia  
istam ei hoc casu dat Ecclesia defectum supplens ob erro-  
rem communem) sed quia peccaminosa sua petitione,  
& inde orta indispositione, obicem ponit validæ admi-  
nistrationi Sacramenti. Sanch. *l. 3. de matr. D. 22. n. 44.* & apud hunc Navat. Capua, Lopez &c.

Quæritur 3. quis Actor, & Reus esse possit, vel de-  
beat? Resp. de utroque generalis est Regula, agere in ju-  
dicio, & conveniri in eodem posse omnes, & solos il-  
los, qui legitimam personam standi in Judicio habent:  
quales sunt homines liberi, masculi, majorennæ &c.  
Discrimen tamen aliquod faciendum est inter Actorem,  
& Reum; nam multi, qui Actores esse non possunt,  
stare in Judicio ut Rei possunt vel in persona propria,  
vel aliena: de quibus in sequentibus disputabitur. Potro  
in Judicio stare nequeunt

1. *Infantes, furiosi, amentes, surdi, & muti; uti &  
prodigi:* pro quibus tamen agendo, & defendendo Judicium  
fufcipiunt Tutores, vel Curatores *l. gerere 1. §. sufficit 2. in fin. ff. de administ. & peric. tutor. l. his qui 12. §. fin. ff. de tutor. & curat. l. curatores 1. C. de curat. furios.*

2. *Servi propriè dicti* in causa pecuniaria *l. servus 6. C. h. tit.* Ratio est, quia quoad actus Civiles pro mortuis  
habentur *l. quod attinet 32. ff. de R. J. Dixi Servi propriè dicti;* nam improprie dicti servi, ut sunt coloni fundo  
colendo adscripti, & Originarii, vulgò *Leibaigne Bau-  
ten*, licet in aliquibus cum veris servis similitudinem ha-  
beant, quia tamen revera sunt homines liberi, non pro-  
hibentur stare, & agere in judicio. Brunnem. in *l. servus cit. n. 6.* quia in his cessat ratio, cum propria bona habeant,  
circa quæ agere, & conveniri possint. Addidi in causa  
pecuniaria; nam aliis in causis admitti aliquando possunt  
etiam servi propriè dicti. Et 1. quidem in criminalibus;  
nam in his, si atrocitas criminis, quod in Judicium ven-  
nit, ita exposcat, etiam servi quandoque audiuntur *l. vix  
certis 53. ff. h. tit. 2.* in causis liberalibus, & status, ubi  
de hoc ipso, an quis servus sit, disputatur, ut si liber-  
tas servo relicta sit in testamento, & dominus tabulas  
testamentarias supprimat: nam eo casu agere etiam con-  
tra dominum suum potest *l. vix certis cit. 3.* in causis,  
quæ concernunt utilitatem publicam; nam in his agere,  
& defendere licitum est cuicumque, qui Jure naturali non  
est inhabilis.

3. *Pupillus* sine auctoritate Tutoris; nam existius ar-  
bitrio operationes ejusdem Legales pendent *l. si cum ef-  
sent 1. C. qui person. legit. stand. in judic. hab.* Et hinc si  
qua actio in Judicio ex parte pupilli proponenda, vel  
sustinenda sit, Tutor ipse subibit Judicium loco pupilli,  
vel iste saltem auctoritate Tutoris *l. si cum esset cit. &  
l. seq. l. gerere 1. & l. seq. ff. de admin. & peric. tutor. Gaill. l. 2. obs. 108. n. 8. Passerin. in c. fin. h. tit. in 6. n. 34. Pith. hic n. 13. Vviesl. num. 31.* Et hinc si in Judicio pupillus  
compareat, excipere contra eum Adversarius potest, tan-  
quam contra inhabilem, & petere, ut probet se antho-  
ritate Tutoris hoc facere. Excipiuntur 1. causæ crimina-  
les; nam in his ob publicum Reip. bonum, quod crimi-  
na plecti exigit, etiam pueri audiuntur, si aliter delictum  
probari nequeat. Excipitur 2. causa momentaneæ posses-  
sionis, in qua vel agitur de restitutione spoli, vel de pos-  
sessione intermixta, seu summarissimo possessorio: quia  
hujusmodi actiones exerceri per quamcunque personam  
possunt *l. fin. C. qui legit. person. standi &c.* ergo etiam  
per pupillum sine tutore. Donell. enucleat. *l. 17. c. 4. litt. O. & duab. seqq.* Excipitur 3. quæcunque alia causa, si  
Adversarius eum non removeat contra ipsum excipiendo;  
nam si in tali casu, & causa pupillus, vel minor vincat,  
licet sine auctoritate Tutoris contenderit in Judicio, sen-  
tentia sustinetur, ne quod in favorem eorundem est in-  
troducendum, in odium illorum detorqueatur. Donell. *l. cit. litt. N.*

4. *Minor 25. annis* sine auctoritate Curatoris *l. cla-  
rum 4. C. de auth. prestand.* Si Curatorem non habeat,  
ad litem dandus est ipsi Curator etiam invito *§. item in-  
vesti 2. Inst. de Curatoria.* cujus tamen officium lite finita  
cessat *§. fin. Inst. de auth. tutor.* Proceditque hoc in cau-  
sis tam Civilibus, quam criminalibus; quia in neutris  
personam legitimam standi in Judio habet *l. clarum cit. Gaill. l. 2. obs. 108. n. 1.* Estque Curator ad litem pupil-  
lo, & minori ita necessarius, ut sententia contra ipsum  
Cura-



Curatore, vel Tutore destitutum pronuntiata, tanquam contra indefensum lata, sit ipso Jure invalida. *l. acta 45. §. contra 2. & l. contra 54. princ. ff. de re judic.* Pro ipso tamen lata sustinetur *l. non eo minus 14. ff. de procurat.* ubi etiam additur ratio: quia minoribus ætas in damnis subvenire, non rebus prosperè gestis obesse consuevit. Imò etiam contra eundem lata valebit in iis casibus, in quibus agere, & conveniri sine Curatoris autoritate potest. Tales autem sunt 1. maximè, prout illos recenset Franc. *in c. fin. h. tit. in 6. n. 64. & seqq. Passer. ibid. n. 4. & seqq. Pirh. hic n. 14. Vviesl. n. 33. & 34. & alii.* Et quidem 1. si 20. ætatis anno impleto; veniam ætatis impetravi *l. omnes 2. C. de his, qui ven. ætat. & c. 2.* in causa momentaneæ possessionis, ut suprà dictum est de pupillo. 3. si minor querelam porrigat de thoro violato *l. si maritus 16. §. Lex Julia 6. ff. ad Leg. Jul. de adult.* qui casus contingere potest etiam in minore 14. annis, si contingat, quod malitia supplente ætatem contraxerit. Passerin. *n. 64. cit. 4.* in causa alimentorum *l. pupillus 1. C. de aliment. pupill. prest.* quod verum est, ubi periculum est in mora, nec adest tempus dandi Curatorem; nam ubi Curator dari potest, dari debet etiam minori pro alimentis volenti agere, vel respondere. Passerin. *n. 67. 5.* Cum minor de Castrensibus, aut patris testamento litem agir. Innoc. *in c. ex parte de restit. spoliat.* quem citat, & sequitur Passerin. *n. 69. 6.* in præparatoriis ad Judicium; quia Curatoris autoritas ante contestationem litis, à qua Judicium incipit, non requiritur. Passerin. *n. 71. & apud hunc Bald. in l. bonorum 1. C. qui admitt. ad bonor. possess. & c. n. 3. 7.* si minor sine Tutore, vel Curatore contrahens cum aliquo juret se esse majorem, & postea ex tali contractu oriatur controversia, nam hanc sine Curatore prosequi potest, quia in hoc casu persona ejus habetur pro legitima. Passerin. *n. 76. 8.* quoties in causis civilibus minor absque Tutore, vel Curatore juravit, gestis, vel in judicio gerendis non contravenire. Passerin. *n. 77. & hoc teste communis opinio,* quæ ubique de consuetudine servatur; nam Juramentum supplet defectum Curatoris. 9. si causa sit spiritualis, ut matrimonialis, beneficalis, decimialis &c. *c. fin. h. t. in 6. & ratio est,* quod cum Jus Canonicum minores pubertatem adeptos agnoverit habiles ad matrimonia, Beneficia, & alia Jura spiritualia obtinenda, etiam censuit eosdem à Judicio super iisdem, per se, vel per Procuratorem subeundo, non removendos, salvo tamen beneficio restitutionis in integrum, si minor in tali judicio læsus sit. Passerin. *n. 32. 10.* si in Judicium deducatur causa connexa cum spirituali, ut si lis moveatur minori super dote ratione matrimonii à se contracti debita, vel si controversetur super redditibus Beneficialibus, aut Jure Patronatus, quod annexum fortè est Beneficio, quod minor obtinet. Anchatan. *in c. fin. cit. h. t. not. 2. Franc. ibid. nu. 3. Passerin. nu. 16. & seqq.* Ratio est, quia quod Jure est dispositum in causa principali, censetur etiam dispositum in dependentibus ab illa, sive connexis cum eadem, cum hæc veluti accessoria assumant naturam principalis, eamque sequantur. 11. denique in quibuscunque aliis causis, in quibus consuetudo legitime præscripta, aut statutum legitime conditum concedit minori potestatem sine interventu Curatoris litigandi in Judicio; quia quodd requiratur auctoritas Curatoris, solum habetur Jure positivo, cui derogari per consuetudinem, & statutum legitime factum potest. Passerin. *nu. 81.* apud quem videri plures exceptiones possunt.

27. Dub. an sine Curatore in causis spiritualibus stare in Judicio possit etiam minor impubes? Resp. negativè; sed dandus eidem est Curator, qui loco illius litem prosequatur, ut decisum est *c. fin. h. tit. in 6. Proceditque hoc 1.* etiam de eo, qui ex dispensatione Papæ impubes obtinuit Beneficium Ecclesiasticum; non enim propterea super eo, vel ejus Juribus sine Curatore agere, aut respondere in Judicio potest, ut rectè Anchatan. *in c. fin. cit. n. 4. Franc. ibid. n. 2. Passerin. n. 35. Pirh. hic n. 16. Schambog. n. 15.* notant, & colligitur ex *c. fin. cit. §. si verò,* ubi disertè habetur, impuberi, si in Beneficiali, vel alia spirituali causa litigare velit, Curatorem ad litem à Judice Ecclesiastico deputandum. Ratio est, quia dispensatio est strictæ interpretationis. Igitur etsi Papa cum tali dispensaverit in ætate requisita ad Beneficium, non tamen censetur dispensasse circa liberam ejus administrationem, ut per se possit super illo agere in Judicio sine Curatore. Procedit 2. etiam si alium Tutorem legitimum, testamentarium,

vel dativum habeat; nam ejusmodi Tutor se immiscere in causis Ecclesiasticis, & quæ his annexæ sunt, nequit, utpote cui potestas solum data est ad curandas, & defendendas res patrimoniales, ac temporales pupilli sui, quæ proinde ad administrationem negotiorum Ecclesiasticorum extendi non debet. Pirh. *hic n. 16. not. 4. Schamb. n. 16.* Potro hujusmodi Curator ad litem impuberi in causis spiritualibus dari ex *c. fin. cit.* præscripto 1. potest ab Episcopo, & ejus vicario. 2. a Sedis Apostolicæ Delegato, vel ejus Subdelegato, si coram ipso causa sit ventilanda. 3. probabiliter etiam à Delegato Legati à Latere, vel alterius etiam inferioris Ordinarii, si lis ab ipsis sit decidenda *arg. l. fin. §. sed & si quis 1. C. de administ. tutor.* ubi generaliter indistinctè dicitur, quod quilibet Judex, coram quo causa vertitur, possit ei, qui legitimam personam standi in Judicio non habet, dare Curatorem ad litem coram eo agitandam. Et hinc si hujusmodi minor impubes, etsi Clericus, super causa temporali litiget coram Judice Laico, quia v. g. Actor est, qui forum rei sequi debet, si Tutorem universalem non habeat, ad hujusmodi litem ei Curatorem dabit Judex Laicus, coram quo litigat, non Ecclesiasticus, cui aliàs subest, ut *l. cit. n. 41.* notat Passerin. & alii apud ipsum. Neque obstat, quod alias ille, cui datur Curator etiam ad litem, debeat esse de Jurisdictione ejus, qui dat Curatorem; nam ut Passerin. *n. 42. & seqq.* notat, hoc solum verum est, quando datur Curator universalis, non quando particularis ad certam causam, vel litem; hic enim dari potest ab eo Judice, coram quo litigatur.

4. Filiusfamilias: in quo tamen est distinguendum, contra quem agar, contra patrem, an contra extraneum. Cum patre litigare si velit, indiget venia à Prætoribus obtenta *l. generaliter 13. ff. de in jus vocand.* quæ eidem concedi non solet, nisi vel de ipsa patria potestate, vel de patris officio quoad alimenta v. g. præstanda, vel de peculio castrensi, aut quasi, vel de causis spiritualibus controversia moveatur *can. queritur 36. caus. 2. q. 7. c. non est 11. de sponsal. l. lis nulla 4. ff. h. tit. l. nec filium 9. C. de patr. potest.* Expedit tamen, & maximè curandum, prout rectè Brunnem. *in l. lis nulla cit. n. 3.* ut hujusmodi lites inter privatos parietes sopiantur magis, quam ad Judicium deferantur cum aliorum scandalo. Si cum extraneo litigare cogitur filius, regulariter opus est consensu Patris, saltem generali, ut agere, & defendere se in judicio possit, etsi major sit annis 25. Constat ex *c. fin. v. in hujusmodi h. tit. in 6. & l. fin. princ. C. de bon. quæ liberis & c.* ubi statuitur, quod filius in bonis maternis, in quibus pater usumfructum habet, sine illius consensu non possit agere. Necessarius est autem illi consensus patris; non tam ob aliquod istius præjudicium, quàm ob judicii solemnitatem, quæ non patitur filium in judicio sine consensu patris audiri. Durand. *in Specul. tit. de actore §. 1. n. 22. Laym. in c. fin. h. tit. in 6. n. 5. Passer. ibid. n. 108. Pirh. hic n. 18. Vviesl. n. 36.* Dixi autem regulariter, & in causa propria; nam alieno, puta, tutorio, curatorio, procuratorio nomine agere, & respondere filius in Judicio sine patris consensu potest, modò major sit 25. annis, ut constat ex *c. qui generaliter 5. §. nedum 1. & §. fin. de procurat. in 6. Pirh. hic n. 18. Konig n. 33. Vviesl. n. 37.* Deinde non desunt casus, quibus etiam suo nomine sine consensu patris agere, & respondere filius potest. Et horum complures enumerat Gloss. *in c. fin. cit. V. regulariter.* Durand. *in Specul. tit. de actore §. 1. n. 22. & 23. Franc. in c. fin. cit. §. fin. n. 4. & seqq. Laym. ibid. n. 5. Passer. n. 95. & seqq. Pirh. hic n. 18. & 19. Schambog. n. 7. Konig, Vviesl. l. cit.*

Præcipui sunt. 1. si lis sit de bonis Castrensibus, vel quasi Castrensibus filii. *l. miles 4. §. actionem 1. ff. de Castrens. pecul.* quia horum administrationem plenissimam habet, & eorum comparatione instar Patrisfam. censetur *l. verba 1. §. fin. & l. seq. ff. de S. C. Maced. 2.* si Pater longius absit, aut dementia laboret, aut alias periculum in mora versetur *l. si longius 18. §. si filius 1. ff. h. tit. 3.* in præparatoriis Judicii usque ad contestationem litis exclusivè; præparatoria enim ad Judicium non indigent interventu legitimæ personæ, sed sola litis contestatio, à qua Judicium incipit *l. si cum dote 22. §. eo autem tempore 5. ff. solut. matr. l. fin. princ. vers. filius C. de bonis, quæ liberis & c. 4.* in momentanea possessione; nam in hac agere, & conveniri etiam pupillus sine auctoritate Tutoris, & minor sine auctoritate Curatoris potest, ut dictum est supra *n. 25. & 26. 5.* quando agitur de thoro violato *l. si maritus 15. §. E. J. 6. & l. inter liberas 6. §. filius 2. ff. ad Leg.*



*Leg. Jul. de adult. 6.* in his, quæ extraordinario officio Judicis explicantur *l. cum filiusf. 17. ff. de reb. credit. junct.* Gloss. in *l. bonorum 1. C. qui admitti &c.* 7. secundum aliquos in causis bonorum adventitiorum, quorum administratio ad patrem non spectat, & in quibus ususfructus ei non acquiritur. Sed probabilius est contrarium; quia consensus patris requiritur non ob præjudicium patris, sed ad integrandam personam filii. In judicio, qui etiam hoc casu censetur non habere personam integram, cum casus iste exceptus non sit. 8. in causis spiritualibus, & quæ ab his dependent, modò sit pubes *c. fin. §. ult. hoc tit. in 6.* & ratio est, quia ad bona, & res spirituales, ac cum his connexas patria potestas se non extendit. 9. denique in causa personali *l. tam ex contractibus 57. ff. h. tit. l. denique 3. §. sed utrum 4. ff. de minor. l. filiusf. 39. de O. & A.* in qua causa si pronuntietur adversus filium. videndum, an peculium habeat, vel non. Si nullum habet peculium sententia tum demum executioni dabitur, quando factus fuerit Paterf. Si peculium habet, ex illo solvetur, etiam si profectitium illud fuerit; nam pater actione judicati de peculio tenetur *l. licet 3, §. ibidem scribit 11. ff. de pecul. l. patri 27. ff. de minor. Struv. exercit. 9. n. 6.*

**30** *6. Mulieres:* ubi tamen distinguendum est inter causas Civiles, & Criminales; nam in Civilibus invitæ personaliter ad Judicium trahi non permittuntur; si tamen velint, agere, & respondere in eo possunt. In criminalibus non quidem permittuntur agere, vel accusare; si tamen atrocis alicujus criminis reæ sint, invitæ in judicium trahi possunt. Ita *c. mulieres 2. h. t. in 6.* ubi quod contra hanc Constitutionem judicialiter attentatum fuerit, ipso jure irritum dicitur. Dixi 1. *invitas in causis Civilibus personaliter ad Judicium trahi non posse:* proceditque hoc, etiam si reæ sint, ut colligitur ex *c. mulieres cit.* & ratio est, quia non convenit eas vagari, & vitorum cæribus immisceri. Hinc si in aliqua causa lis eisdem intentetur, defensio earum à viris suscipienda, & executio in bonis illarum est facienda. Menoch. *de arbitr. l. 1. q. 88. n. 10. Fatim. pr. crim. l. 1. tit. 4. q. 27. n. 42.* Brunnem. in *auth. hodie C. de custod. reor.* Dixi 2. *si velint, in Judicio agere, & respondere posse.* Colligitur argumentum ducto ex *c. mulieres cit.* à sensu contrario, ubi prohibentur invitæ cogi. Igitur volentes venire possunt; neque enim privilegio pro se principaliter constituto uti quisquam compellitur. Excipiuntur *c. cit. §. femina 1.* Moniales, & aliæ feminae Religiosæ, ne in detrimentum disciplinæ, ansa eisdem detur vagandi extra clausuram. Dixi 3. *non permitti in criminalibus agere, vel accusare:* & hoc propter verecundiam, & fragilitatem sexus. Excipitur, si suam, vel suorum injuriam prosequantur *l. qui accusare 8. ff. de accusat. & l. de crimine 12. C. de his, qui accusare &c.* vel si publica utilitas id exposcat *l. mulierem 13. ff. de accusat.* aut si causa in judicium deducta talis sit, quæ corporalem earum præsentiam exigere videatur. Pirh. *hic n. 21. not. 2.* Dixi 4. *si tamen atrocis alicujus criminis reæ sint, invitæ in Judicium trahi posse.* Unde quando Judicium est criminale, videndum, ex quali crimine conveniatur femina; nam si non valde atrox illud sit, personaliter Judicium, aut carcerem subire non cogitur. *Novell. 134. n. 9.* & inde sumpta *Auth. hodie C. de custod. reor.* At criminis atrocioris rea ad Judicium vocari, & in carcerem detrudi & ipsa potest, modò iste à conversatione vitorum separatus sit, ut consuetudine observari aliis *citt. notat Farin. q. 27. cit. n. 52. vers. limitando.*

**31** Dub. an omnibus mulieribus privilegium hoc competat, quòd invitæ in Judicium trahi nequeant? Resp. hoc intelligendum de mulieribus honestis tantum; nam ad viles, & inhonestè viventes illud non extenditur, ut constar ex Tribunalium praxi, & notat Franc. in *c. mulieres cit. n. 1.* Laym. *ibid. n. 2.* Passerin. *n. 7. Pirh. hic n. 21. not. 2.* Vviefst. *n. 41.* Et hinc licet ad personalem apprehensionem, & custodiam illarum non faciliè, & cum magna circumspeditione deveniendum sit, quando sunt feminae honestæ, & præsertim nobiles, ac illustres, viles tamen, si inhonestè, & luxuriosè vivant, ad Judicium personaliter evocari, & si criminum reæ sint, seorsim tamen à viris detineri non prohibentur. Proceditque hoc non tantum in causis criminalibus, sed etiam in civilibus; nam etiam pro debito civili, saltem si hoc ex delicto descendat, condemnatæ, si solvendo non sint, incarcerationi possunt.

**32** *7. Excommunicatus* Excommunicatione majore *c. intelleximus 7. h. tit. c. à nobis 2. c. exceptionem 12. de except. c. decernimus 8. de sent. excom. in 6.* quibus omnibus textibus

statuitur, eum repelli ab agendo per exceptionem à parte, vel ex officio à Judice posse: idque meritò, ut ex hoc Censura Ecclesiastica magis timeatur, excommunicationis periculum evitetur, & ipse Excommunicatus, dum sic excluditur, rubore suffusus, ad humilitatis gratiam, & reconciliationis effectum faciliùs inclinetur, ut rectè monet Vivian. in *c. intelleximus cit. vers. excommunicatus.* Proceditque hoc etiam, spectato jure communi, de Excommunicato non vitando, seu nondum denunciato; nam etiam hic, ut Laym. in *c. intelleximus cit. nu. 1.* cum aliis notat, vel à parte per exceptionem, vel à Judice ex officio repelli potest, non obstante *Extrav. ad evitanda* à Martino V. in Conc. Constantiens. edita; quia per *cit. Extrav.* nullus excommunicato favor concessus est, sed hoc tantum discrimen introductum est inter excommunicatum vitandum, & non vitandum, quòd ille ab agendo repelli debeat hic verò possit, licet non necessariò debeat. Addidi spectato jure communi; nam Hæretici in Germania, non obstante, quòd excommunicati & ipsi sint, ad agendum tamen sine contradictione passim admittuntur.

Dub. 1. Utrum Censura hac irretitus solùm prohibeatur stare in Judicio ut Actor, an verò etiam ut Reus? Videtur utrumque dicendum; nam 1. ejusmodi Excommunicato prohibita est omnis communicatio cum cæteris fidelibus *c. sicut Apostoli 16. &c. caus. 11. q. 3.* jam autem permittetur aliqua communicatio, si in Judicio stare posset ut Reus. Ergo &c. 2. Si ut Reus in Judicio stare potest, etiam videretur stare posse ut Actor, saltem per Procuratorem; quia per hunc agendo in judicio non magis communicaret cum fidei, quam reus per illum respondendo. 3. Excommunicatio judicis denunciati, & vitandi acta judicialia vitiat. Ergo etiam excommunicatio partis litigantis.

Sed adhibenda est distinctio, an excommunicatus vitandus sit Reus necessarius, an voluntarius. *Si necessarius est,* h. e. per specialem, vel generalem citationem vocatus, non solùm admittitur, sed etiam compelli ad respondendum in judicio potest, in quacunque causa conventus fuerit. Suar. *de Censur. D. 16. §. 4. n. 1.* Gibalin. *p. 4. D. 7. n. 174.* Gonzal. in *c. intelleximus 7. h. tit. nu. 5.* Laym. *ibid. n. 4.* in *fin.* Pirh. *hic n. 38. in fin.* Schambog. *nu. 26.* Vviefst. *nu. 28.* & colligitur ex *c. intelleximus cit.* Ratio est, quia alioquin ex contumacia sua reportaret commodum, si vel ob debitum, vel ob crimen conventus, ad respondendum, & alia, quæ in judicio annexa sunt, præstanda cogi non posset. Si verò sit reus voluntarius, & qui non citatus, sed ultro & voluntariè in judicium venit, pro suo commodò, cum posset non comparere, aut si vocatus quidem est, sed sub conditione si voluerit, aut si commodum ei fuerit comparere, antequam absolvatur ab excommunicatione, ad respondendum in judicio non admittitur. Abb. in *c. intelleximus cit. n. 12.* Suar. *l. cit. n. 12.* Barb. in *c. cit. n. 20.* Pirh. *n. 40. in princ.* & alii suprà allegati. Ratio est, quia in tali casu Actor, & Reus voluntarius æquiparantur. Et confirmatur; quia *c. intelleximus cit.* loquitur de reo compellendo, & qui ex partitione in judicio gravamen, & onus sentit. Ergo reum voluntarium hoc ipso excludit; quia non ob Actoris, sed ob suum commodum in judicio comparer.

Neque obstant Argumenta opposita. *Ad 1.* patet ex dictis; nam ita prohibetur excommunicato communicatio cum fidelibus, ut tamen per hoc, quòd excommunicatus sit, commodum sentire non debeat. *Ad 2.* Excommunicatus per Procuratorem comparere potest ut reus, non verò per seipsum ut actor: unde respectu excommunicati Rei locum habet *Regula 68. in 6.* respectu Actoris excommunicati argumentum inde sumptum à sensu contrario. *Ad 3.* negatur paritas; nam Judicis excommunicati acta non valent, quia per excommunicationem privatur jurisdictione, vel saltem usu ejusdem actuali, vel valido, nihil simile contigit, quando pars litigans excommunicata est; imò actis ab actore non repulso valor aperte adstruitur *c. pia 1. de except. in 6.*

Dub. 2. An aliquando excommunicatus in judicio stare possit ut Actor? Resp. distinguendo, an sit excommunicatus vitandus, vel non vitandus. Si sit Excommunicatus non vitandus, etsi peccet ingerendo se, si tamen neque pars contra eum excipiat, neque Judex illum repellat, agere in judicio potest, neque repelli necessariò debet, ut colligitur ex hæcenus dictis. Si verò sit Excommunicatus vitandus, regulariter, ut iterum in præcedentibus dictum est, ab agendo repelli debet. Dixi regulariter; nam Laym.



*in c. 7. cit. n. 1.* Barbof. *ibid. n. 10.* Pirh. *hic n. 38.* Vvief. *n. 29.* Schamb. *n. 26.* & plures alii apud istos non paucos enumerant casus, ubi quivis Excommunicatus ad agendum admittitur. Et 1. quidem in causa suæ Excommunicationis *arg. c. ipso Jure 1. de rescript. in 6.* si probare intendat excommunicationem contra se latam fuisse ipso Jure nullam: secus, si probare velit eam fuisse injustam; tunc enim prius absolvi deberet, cautione præstita, mandatis Ecclesiæ se pariturum. 2. ubi agitur de periculo ipsius animæ e. g. in causa matrimoniali; nam ad istud evitandum, si non ex Jure sibi competente, saltem ex officio Judicis admitti deberet. 3. quando periculum est in mora, ut si debitor ipsius sit fugitivus; tunc enim non agit omnino liberè, & voluntariè. 4. quando impeditur agere sibi alias permessa, ut si impediatur ire Romam ad impetrandum Rescriptum Apostolicum super appellatione, tunc enim agere contra impediens potest. 5. si quis in Beneficio, ad quod ipse jus aliquod habet, instituendus, vel electus confirmandus in eo sit; quia tunc oppositio excommunicati erit necessaria defensio, à qua nullus excommunicatus repellitur. 6. si agatur de bono publico suæ Ecclesiæ, cujus ipse est membrum, ne indignus ad Prælaturam assumatur. 7. universim admittitur excommunicatus, quando est actor necessarius. Et hinc etiam casu, quo excommunicatus non vitandus agere in Judicio cœpit, neque repulsus est, postea à Reo compelli potest, ut litem cœptam prosequatur juxta *Auth. qui semel C. quom. & quænd. Judex &c.* quia alias excommunicato prodesset excommunicatio quod esse non debet.

35 Dub. 3. an excommunicatus possit Actorem se convenientem reconvenire. *Ratio dubitandi* sumitur à paritate Appellationis, quam interponere, & prosequi non prohibetur, ut dicitur *tit. 15. de Appellat. infra.*

Sed distinguendum est, an reconvenire Actorem suum velit in nova aliqua causa, quæ à causa conventionis est separata, an verò in causa connexa, ut si debitor agat contra creditorem ad restituendum pignus actione pignoratitia directâ, & creditor adversus debitorem vicissim agat actione contraria. *Si in nova aliqua causa,* & cum causa conventionis non connexa, Actorem reus excommunicatus reconvenire non potest. *Gloss. in c. intelleximus 7. V. conveniri h. tit. Gonz. ibid. n. 5.* Laym. *nu. 4.* Pirh. *hic nu. 39. not. 4.* Vvief. *nu. 30.* & novissimè Clarif. P. Schmier *tr. de Judic. c. 2. n. 148.* Colligitur ex *c. cum inter 5. de except.* Ratio est, quia reconventio est reciproca petitio *c. significantibus 2. de mut. petir.* ideoque in nova causa reconveniendo fit Actor voluntarius. *At si causa reconventionis cum causa conventionis connexa sit,* & habeat reus conventus aliquid, quod causam, in qua conventus est, sublevar, non obstante excommunicatione sua, opponere illud actori potest, & sic eundem reconvenire. *DD. cit.* Ratio est, quia ita reconveniendo potius se defendit, quam agit. Est autem excommunicato permessa omnis defensio necessaria. Ergo &c.

Neque responsionem istam convellit, sed potius confirmat ratio dubitandi allata; nam Appellatio ideo permessa est excommunicato, quia est defensio necessaria contra gravamen ipsi illatum. Igitur permessa etiam erit reconventio, in quantum est defensio necessaria; non permessa erit, in quantum est actio voluntaria.

36 Dub. 4. quomodo excommunicatus in Judicio respondere debeat, per seipsum, an per Procuratorem? *Certum est,* quod per Procuratorem à se constitutum respondere possit, ut patet ex *c. intelleximus 7. h. tit.* idque magis de cens est, quam si personaliter compareat in Judicio. Utrum autem compelli possit admittendum Procuratorem loco sui, major est controversia. Negant *Gloss. in c. cit. V. conveniri.* Abb. *ibid. n. 5.* Suar. *de censur. D. 16. f. 4. num. 6.* Affirmant Decius *n. 7.* Imol. *n. 2.* & alii *in cit.* Melius distinguit Laym. *ibid. n. 5.* Pirh. *hic n. 41.* an causa, in qua convenitur, sit ardua, vel non. *Si hoc secundum,* cogi potest, ut per Procuratorem respondeat, modò idoneum habere possit; *si primum,* ad constituendum Procuratorem compelli nequit, sed per seipsum comparere, & respondere in Judicio poterit, præsertim si aut Procuratorem pro qualitate causæ idoneum nullum habeat, aut habere quidem possit, sed salarii ei debitum nequeat solvere. Colligitur ex *c. intelleximus cit.* ubi dicitur *debet per alium respondere;* nam verbum *debet* in propria significatione acceptum importat necessitatem, seu obligationem respondendi per alium; à propria autem significatione verborum non

est recedendum sine urgente necessitate: talis non adest, quando causa non est ardua; & Procurator idoneus facile haberi potest; adest autem, quando causa est ardua, & nullus Procurator idoneus haberi potest, vel si haberi potest, magnis expensis est constituendus. Ergo &c. *Conf.* ex ratione; nam defensio necessaria nemini est auferenda. Hæc auferretur, si respondere per seipsum non posset, quando causa est ardua, & Procuratorem causæ aptum habere non potest; non autem aufertur, etsi compellatur respondere per Procuratorem in causa non ardua, cum pro similibus passim Procuratores idonei reperiantur. Igitur si causa non sit ardua, comparere, & respondere per Procuratorem debet; si verò ardua sit, & Procuratore idoneo careat, respondere possit per seipsum.

8 *Religiosus:* nam hic sine consensu Prælati in Judicio stare nequit, aut in eodem convenire, vel conveniri, suntque ea, quæ à Religioso sine consensu Prælati expresso, vel tacito fiunt, ipso Jure irrita. Durand. *in Specul. tit. de actore n. 48.* Navar. *Comment. 2. de Regular. n. 64.* Sanch. *l. 6. moral. c. 12. nu. 1.* Laym. *l. 4. tr. 5. c. 11. in princ.* Pirh. *hic n. 29.* Konig *n. 34.* Engl *n. 4.* Schambog. *nu. 25.* Vvief. *n. 42.* *Proceditque hoc* 1. sive tanquam Actor ad agendum, sive tanquam reus ad defendendum in Judicio stare velit; nam etiam ad defendendum se in Judicio licentia Superioris indiget. Sanch. *n. 1. cit. Procedit 2.* ut nec per Procuratorem agere, vel defendere se in judicio possit; quia quod quis per se non potest facere, neque per alium potest. *Reg. 68. in 6. Procedit 3.* etsi agatur de contractu, quem Religiosus celebravit ante ingressum in Monasterium; nam etiam hoc casu conveniendum est Monasterium, quamvis libello in personam Religiosi concepto, cum quo antea negotium erat gestum, ita ramen, ut executio in bonis Monasterii fieri nequeat ultra id, quod ex bonis Religiosi sui accepit. Navar. *n. 27.* Sanch. *c. 2. Procedit 4.* etiam si Religiosus injuriatus, vel aliqua re spoliatus esset, prout Sanch. *n. 5.* colligit *arg. l. sed si unus 17. §. ait Prætor 10. ff. de injur.* ubi is, qui in alterius potestate existit, si injuriatus sit, in Judicio auditur tantum casu, quo is, cujus in potestate est, præsens non est, nec Procuratorem relinquit. Igitur si præsens sit, aut Procuratorem reliquit, ille in Judicio injuriam suam non potest prosequi; sed vel licentiam ab eo debet accipere, vel actionem ipsi relinquere. Quorum omnium ratio est, quia Religiosus per Professionem est mundo mortuus, & non amplius sui juris, sed æquiparatur servo, qui in Judicio stare non valet; aut saltem filiof. qui regulariter contendere in judicio sine patris consensu nequit, ut supra *n. 28.* dictum est: unde pro eo agere, & respondere debet Monasterium, in quod bona, jura, & actiones suas omnes transtulit.

Dub. 1. quibus casibus religiosus agere, & respondere per se, vel per Procuratorem in judicio possit? Resp. casus hujusmodi esse complures, quos cum aliis DD. enumerant Durand. *in Specul. tit. de actore n. 48.* & 49. Navar. *Comment. 2. de regular. n. 64.* & 65. Azor. *p. 1. l. 12. c. 11. q. 9.* Sanch. *l. 6. moral. c. 12. n. 14.* & seqq. Pirh. *hic n. 31.* Konig. *n. 35.* Engl. *n. 4.* Vvief. *n. 43.* Sunt autem præcipuè sequentes. 1. si obtineat Beneficium Ecclesiasticum, quod annexam habet administrationem aliquam; nam respectu hujus censetur esse sui juris. Igitur pro juribus ejusdem agere, & respondere non minus poterit, quam alius non regularis, ut regulæ instar tradit Abb. *in c. 16. h. tit. nu. 1.* 2. Si studiorum, & aliorum negotiorum causa à Monasterio procul absit; tali enim casu, si spoli, vel injuriæ illata, aut alterius causæ necessitas exigat, agere in Judicio valet ex licentia Prælati præsumpta: & ratio est, quia concessio aliquo, concessa intelliguntur omnia, sine quibus commodè vivi nequit *arg. l. si longius 18. §. si filius 1. ff. h. tit.* 3. Si agere velit, ut in religione retineatur, vel ab ea expulsus restituatur, vel ne ei alimenta debita, aut expensæ à Monasterio denegentur, vel de jure, quod habet, ferendi suffragium, sedendi in Choro, vel alio sibi quaesito per Professionem, Electionem, Collationem &c. 4. Si proprius Prælatus tanquam dilapidator &c. accusandus sit *c. ex parte 11. de accus.* Monet ramen hic Konig. *n. 35.* ut accusaturus Prælatum suum caveat, ne per ralem accusationem plus sibi oblit, quam prosit, cum plerumque causa Prælati aut melior, aut potentior sit. 5. Si contrà defendendus sit Prælatus proprius incarceratus. 6. Si ruenda causa Monasterii, & Prælatus sit absens, ut commodè ejus licentia haberi nequeat, & periculum sit in mora. 7. In causa delicti proprii; nam ex hoc non



Monasterium, sed Religiosus delinquens conveniendus est. His casibus religioso subeunti iudicium, si peculium à Prælato sibi concessum non habeat, necessarias expensas subministrare Monasterium debet, ne his deficientibus à prosecutione causæ, in qua agere, & respondere eidem Jura concedunt, cessare debeat. Sanch. l. cit. n. 20. & alii apud ipsum.

39 Dub. 2. quis de Jure agere, vel respondere in Judicio possit, vel debeat nomine Ecclesiæ, vel Monasterii? Resp. *Certum est* ad Prælatum hoc pertinere, ut clarè patet ex c. nullam 9. caus. 18. q. 2. & c. edoceri 21. de rescript. An verò id fieri possit sine consensu Capituli, vel Conventus, ambiguum facit Gloss. in c. edoceri cit. V. debeant, & in c. alia 1. V. legaliter de Procuratorib. asserens de bonis utrique, tam Prælato, quam Capitulo communibus non posse Prælatum sine consensu Capituli in Judicio vel convenire, vel conveniri: quod etiam videtur probare ratio; nam qui alienare non potest, is nec potest rem in Judicium deducere l. ait Prator 7. ff. de jur. deliber. ubi Ulpianus §. quid sit 2. ex Labeone, Est enim, inquit, absurdum, ei, cui alienatio interdicitur, permitti actiones exercere. Subsum. atqui Prælatus Monasterii, vel Ecclesiæ suæ res immobiles, & mobiles pretiosas sine consensu Capituli alienare nequit, ut patet ex toto tit. de reb. Eccl. non alien. ergo nec super ejusmodi rebus sine ejusdem consensu litigare. Conf. à pari cum Conventu, vel Capitulo; nam ab hoc in causis, quæ ad ipsum, vel Prælatum simul pertinent, sine consensu, & autoritate Prælati actio, aut defensio Judicialis non potest suscipi, ut decisum est c. causam 9. h. tit. ergo nec Prælatus illud poterit sine consensu Capituli, vel Conventus.

Sed his non obstantibus dicendum, quod Prælatus super ejusmodi bonis, & juribus communibus, nisi sit causa majoris momenti, vel administratio in casu aliquo speciali ad Prælatum, & Capitulum pertineat communiter, etiam sine consensu Capituli, vel Conventus in Judicio agere, & respondere possit. Inol. inc. edoceri cit. n. 3. Abb. ibid. n. 6. Felin. n. 2. & 5. Barbof. n. 2. & 3. Gonzal. n. 2. Pirh. hic n. 24. Engl. n. 5. Konig nu. 27. Schambog. n. 22. Vviesl. n. 45. & novissimè P. Schmier tr. de Judic. c. 2. n. 130. Colligitur ex c. nullam 9. caus. 18. qu. 2. c. causam 9. h. tit. c. edoceri cit. & c. olim 17. de restit. spoliat. Ratio est, quia qui liberam administrationem, à Lege, vel Jure sibi concessam habent, in Judicio agere, & conveniri possunt l. fin. ff. quod cuiusq. univers. nom. & patet in Tutore, qui pro bonis pupilli; in patre, qui pro bonis adventitiis filii; in mari, qui pro bonis dotalibus uxoris in Judicio contendere, & conveniri possunt. Atqui Prælatus habet administrationem rerum communium Ecclesiæ, vel Monasterii liberam, seu independentem à Conventu, seu Capitulo, sibi à SS. Canonibus concessam, & quidem plenius, quam v. g. Tutori; quia tota potestas Monasterii tam circa Cultum Divinum, quam reliquas res Monasterii ad Abbatem, vel Prælatum pertinet, ut dicitur c. nullam cit. & aliis textibus. Ergo potest Prælatus sine consensu Capituli, seu Conventus agere & respondere in Judicio.

Dixi 1. super bonis, & Juribus communibus: aliud est, si agatur de bonis, & Juribus, quæ à Prælaturæ bonis prorsus separata, & Capitulo specialiter attributa etiam quoad administrationem sunt; in his enim agere, & conveniri debet Capitulum, neque opus consensu Prælati habet, nisi debet fir ardua, ut monet Jo. Andr. inc. 9. hoc tit. n. 4. Abb. ibid. n. 5. Laym. n. 4. & probat ratio supra de Prælato allata. Dixi 2. nisi ardui & majoris momenti causa sit: super hujusmodi enim causis nec Prælatus sine Capitulo, nec Capitulum sine Prælato contendere, & respondere in Judicio potest, idque ob communicationem, quam Capitulum cum Prælato, tanquam corpus cum suo Capite, habet. Laym. l. cit. Pirh. n. 27. Konig nu. 37. Scamb. n. 22. Ratio est, quia Prælatus ejusmodi res, & Jura etiam administrare non debet sine consensu, vel saltem consilio Capituli. Dixi 3. nisi administratio in aliquo casu speciali communiter pertineat ad Prælatum, & Capitulum: quod fieret, quando Prælatus unam personam deputat, & Conventus, vel Capitulum aliam, per quas Jura, & bona Collegii vel Monasterii administrantur, & defendantur; nam tali casu iterum Prælatus indigeret consensu capituli, ut super hujusmodi rebus, & Juribus in Judicio agere, & respondere possit. Pirh. hic n. 27. Ratio est, quia, ut supra dictum est, facultas agendi in Judicio sequitur potestatem admini-

nistrandi. Ergo sicut hoc casu potestas administrandi est penes Prælatum, & Capitulum simul, ita penes utrumque indivisum erit potestas standi pro iisdem rebus, & Juribus in Judicio. Hinc pro praxi attendi debet consuetudo Ecclesiarum, quippe quæ potestates hujusmodi augere potest, atque minuere.

Ad rationem dubitandi putant aliqui textum illum duntaxat loqui de hærede, qui adhuc de adeunda hæreditate deliberat; nam hic sicut alienare, ita & in Judicium deducere ex rebus hæreditariis nihil potest, qui ante aditam hæreditatem nec dominium rerum illius habet, nec administrationem. Deinde esto, generalis sit textus, Regula in illo asserta locum non habet in iis, qui alieno nomine in Judicio agunt: patet in Tutore, Procuratore, Patre, qui licet alienare bona pupilli, domini, aut filii adventitia nequeat, contendere tamen pro iisdem in Judicio potest l. res quæ 1. C. de bon. matern. & l. cum non solum 8. C. de bonis, quæ liberis & c. Ad Conf. negatur patris; quia facultas agendi in Judicio, ut paulò antè dictum est, sequitur potestatem administrandi, atqui potestatem administrandi bona communia capituli, & prælati, non capitulum, sed prælatus habet. Ergo mirum non est, quod capitulum agere super iisdem nequeat sine consensu Prælati, possit autem Prælatus sine consensu Capituli.

Dub. 3. an idem jus agendi in Judicio, quod secundum dicta competit Episcopis, & Prælatis, competat etiam 40 Abbatissis, Superioribus regularium cæteris, Parochis, & Rectoribus Hospitalium, vel aliorum locorum piorum respectu Ecclesiarum. Monasteriorum, locorum & c. curæ suæ concreditorum?

Resp. Ad 1. quoad Abbatissas, & reliquas scæminas Monialium Præpositas considerandum est, quid ipsis per Ordinum Inorum Regulas, Constitutiones, & Consuetudines liceat: Jure communi & ipsæ super Monasteriorum suorum rebus, & Juribus per constitutos Procuratores agere, & respondere in Judicio non minus possunt, ac Prælati, Abbates, & alii Monasteriis virorum præpositi; nam his quoad actiones Judiciales æquiparantur. Gloss. in c. continebatur 2. V. eod. de his, quæ à Prælato, & c. Navar. Comment. 3. de regular. n. 4. vers. ampliatur. Tamb. de Jur. Abbatiss. D. 2. q. 13. n. 2. Donat, tom. 4. prax. reg. tr. 8. q. 16. Vviesl. n. 48. & alii communiter.

Ad 2. quantam in hoc potestatem habeant Prælati regulares cæteri, non tam ex communi, quam ex speciali Jure, siue Religionis cujusque Constitutionibus, privilegiis, & receptis consuetudinibus est desumendum. In Societate JESU subordinatorum Superiorum potestas à Supremo, seu Præposito Generali dependet plurimum. Er hinc Suarez. tom. 4. de Relig. l. 10. c. 5. putat, ad cognoscendam uniuscujusque Prælati facultatem utendum potius affirmativa, quam negativa regula, sc. id unumquemque posse, quod ei concessum est; non verò, quod sibi non est prohibitum.

Ad 3. decisio dubii quoad Ecclesias Parochiales etiam ipsa plurimum pender à consuetudine recepta, & concordatis locorum. In Germania passim convituti sunt speciales Præpositi, vulgò Kirchen, Arobst, Kirchen-oder Deiligen-Afleger, qui rerum Ecclesiæ temporalium curam extra Judicium, & defensionem intra Judicium gerant, quod maximè obtinet in Bavaria per Concordata inter Principes Bavarie, & Ordinarios illius inita 1583. a. 1. §. damit aber. De Jure communi distinctio est adhibenda: Vel enim Parochialis Ecclesia proprium Parochum habet, nec alicui Ecclesiæ, vel Monasterio unita est, vel contra unita & incorporata est Ecclesiæ, vel Monasterio alteri. Si prius, jus agendi super rebus, & Juribus Ecclesiæ Parochialis ad Parochum spectat arg. c. edoceri 21. de rescript. quia competit ei etiam de Jure communi administratio: non tamen excluso Episcopo; quia hic, tanquam principalis Diocesis universæ Rector, potestatem cumulativam habet in omnibus Ecclesiis suæ Diocesis, à Jurisdictione sua non exemptis. Si posterius, Vicarius in tali Ecclesia incorporata constitutus agere quidem, & respondere super Juribus Vicariatus qua talis potest, si tamen super rebus, & Juribus ipsius Ecclesiæ incorporatæ incidat controversia, melius super iis agit, & responderet in Judicio Collegium, vel Monasterium, cui est incorporata; quia est in quasi dominio, & proprietate ejusdem.

Dub. 4. quis agere in Judicio debeat super rebus & Juribus Ecclesiæ, an Prælatus superior, an verò inferior ejus Rector, vel Administrator? Resp. cum distinctione: Vel 41 enim



enim administratio rerum, & jurium est penes utrumque, vel est penes inferiorem tantum, ita ut superior administrationi ordinariè se non immisceat. Si primum, inferior in Judicio quidem agere, & respondere super rebus, & Juribus Ecclesiæ sibi conceditæ potest; si tamen Superior ipsemet velit agere, inferiori, tanquam majorem administrandi potestatem habens, est præferendus, prout sumitur ex *Clem. 1. V. liceret de rescriptis*. & notat Innoc. in can. olim 12. n. 1. de rescriptis. spoliatis. Abb. in c. 16. h. tit. num. 15. Pirh. hic n. 34. Si secundum, præferri debet Rector, vel Administrator immediatus, si perpetuus ille sit; secus, si temporalis, & ad nutum Superioris amovibilis. De perpetuo constat; quia hujus eo casu principalius interest: de temporali ostenditur; hunc enim tali casu Superior ab administratione amovere omnino potest; igitur multo magis amovere eundem poterit à particulari potestate agendi in hac, vel illa causa. Vide Abb. l. cit. Imol. ibid. n. 4. Pirh. n. 34. cit.

42 Dub. 5. an casu, quo Capitulum sine consensu Prælati, cum debuisset illum exquirere, in causa propria egit in Judicio, & causam obtinuit, sententia in favorem ejusdem lata ratificari à Prælati per subsequentem consensum possit? Certum est ratificari sic posse casu, quo consensus solum requirebatur, tanquam solemnitas quædam in favorem Ecclesiæ, ne quod in hujus commodum statutum est, in ejus odium detorqueatur. Difficultas est, quando consensus Prælati requiritur ad valorem: & ratio difficultatis est, quia tali casu acta ob defectum potestatis sunt irrita; quod autem initio invalidum est, tractu temporis non convalescit. Ergo &c. Sed dicendum per supervenientem Prælati consensum confirmari actum, aut sententiam prius invalidam, modò pars altera litigans interim consensum suum non revocaverit. Ratio est, quia ejusmodi ratificatio Juris fictione retrahitur, ut perinde sit, ac si ab initio fuisset firma, & valida l. licet 56. & ibi Bartol. ff. h. tit. ubi habetur, quòd ratificatio superveniens confirmet Judicium agitatum cum Procuratore falso, seu mandatum non habente. Ex quo cadit ratio in contrarium.

43 Dub. 6. quando Prælati in causa propria Capituli, vel Capitulum in causa propria Prælati admittatur ad agendum, & respondendum in Judicio? Resp. admitti, si aut Prælati habeat speciale mandatum à Capitulo, vel Capitulum à Prælati: si mandatum ejusmodi crearet, ut admittatur Prælati in causa propria Capituli, aut Capitulum in causa propria Prælati, necesse est, ut caveant de rato; tunc enim admitti possunt, ut rectè advertit Gloss. in c. 1. V. legaliter de Procurat. Imol. in c. edoceri n. 8. de rescriptis. Felin. ibid. n. 5. Pirh. n. 27. Ratio est, quia hoc casu etiam persona conjuncta admittuntur. Non minor autem conjunctio est Prælati cum Capitulo, cum ille instar capitis, istud instar corporis sit. Ergo &c.

44 9. Denique, quamvis in Reum etiam invitum reddatur Judicium, ad agendum tamen in civilibus, & criminalibus invitus nemo compelli potest l. un. C. ut nem. invit. ager. vel accusar. cogat. Ratio est, quia cuilibet liberum est an velit Juri, & Actioni, quam adversus alium habet, cedere, vel insistere. Procedit autem hoc regulariter; nam complures exceptiones enumerat Gloss. in l. un. cit. V. invitus. Brunnem. ibid. Vviesl. hic n. 23. & 24. Præcipuas affero. Excipitur ergo 1. qui jam semel actionem proposuit; hic enim cogi potest, ut cæptam actionem prosecuatur. Auth. qui semel C. quom. & quand. Jud. & c. 2. Qui alterum diffamavit; nam hic ex practica l. diffamari 5. C. de ingenuis, ad Judicium tacitè se obtulit, & propterea ad diffamati instantiam compelli potest ad agendum intra certum terminum, nisi velit silentium sibi imponi. 3. Creditores studiorum discipulorum ab Academiis, imò & aliorum, dum peregre abire cogitant; his enim certum terminum Judex statuere potest, ut intra illum sibi ab his debita præstendant, & debitores conveniant, eo autem lapsi non audiantur. 4. Tutores, & Curatores; nam hi pro pupillis, & minoribus sibi conceditis ratione officii agere compelluntur, nisi tutelæ Judicio damnati velint l. nomina 2. C. de Arb. tut. 5. Procurator l. procuratorem 11. & l. a Procuratore 13. C. mandat. 6. Administrator Civitatis l. non unius 2. §. sicut 7. ff. de administr. rer. ad civit. pertin. 7. Denique Hæres; nam hic necem defuncti vindicare tenetur, nisi hæreditatem sibi ut indigno auferri velit l. heredes 1. C. de his, quibus ut indign.

Dub. 1. Utrum Actor, & Reus cogi possint, ut personaliter compareant in Judicio? Resp. distinguendo inter Judicem supremum, & inferiores supremo. Supremus puta, Princeps, Papa, Imperator, Rex, præcipere potest, ut partes, si Jurisdictioni suæ subint, personaliter veniant, prout colligitur argumento à sensu contrario sumpto ex c. Juris 1. h. tit. in 6. & notat ibid. Gloss. V. speciale, Vivian. ibid. in ration. Laym. n. 1. Vviesl. n. 54. & hoc teste omnes fatentur. Ratio est, quia etsi aliàs Leges facultatem tribuant litigantibus mittendi Procuratorem loco sui, Princeps tamen hac Lege non adstringitur; unde si is velit, tenebitur pars ad imperium ejus personaliter comparere. Aliud dicendum de Judicibus inferioribus Principe, nam etsi iste Reum saltem compellere possit ad personaliter comparendum, quando causa est criminalis, & poena corporis afflictiva, vel alia relegatione major infligenda venit, ut dictum est lib. 1. tit. 38. n. 21. id tamen communiter negatur, quando causa est civilis, vel criminalis quidem, sed talis, in qua criminis qualitas mitiorem admittit poenam. Ita Vivian. in c. Juris cit. V. Judex Franc. ibid. n. 3. Laym. n. 2. Passerin. n. 1. Zoef. hic nu. 15. Pirh. n. 43. Vviesl. n. 55. Ratio est, quia indultum à Jure beneficium nemini est auferendum Reg. 17. in 6. atqui litigantibus à Jure indulgetur alternativè, ut per se, vel per idoneum Procuratorem litigent c. querelam 2. de Procurat. l. cautio 1. & l. fin. C. eod. ergo hoc Juris beneficium à Judice, qui Juris conditore inferior est, auferri non debet: & hinc in omni citatione, quæ ad personalem præsentiam expressè non adstringit, subintelligi alternatio ista debet. Estque hoc ita verum, ut si Judex ejusmodi inferior partes vocet ad personaliter comparendum in Judicio non expressa causa in citatione, citatio non valeat, nec citatus in propria persona teneatur venire. Ancharan. in c. 1. cit. not. 1. Franc. n. 3. Passerin. n. 8. Pirh. num. 45. not. 4. hic.

Dub. 2. an, quæ n. prior. dicta sunt, intelligi debeant tantum de Judice Delegato, an etiam de Ordinario? Ratio dubitandi est, quia c. Juris cit. tantum sermo est de Judice Delegato. Sed hoc non obstat; nam de Delegato solum mentio ibi facta est, quia de ipso magis dubitabatur. Hinc dicendum intelligi debere de utroque, ut notat Vivian. ibid. in Rational. Passerin. n. 4. & alii; ratio enim de utroque probat. Difficultas est de Judice Delegato Papæ: & ratio difficultatis est, quia Judex Delegatus Papæ gerit vires Papæ, & regulariter quoad causam sibi delegatam potest idem facere, quod potest ipse Papa. Sicut ergo ipse Papa, vel alius Princeps supremus compellere, & jubere potest, ut partes, quæ Jurisdictioni suæ subint, personaliter se sistant in Judicio, ita etiam Delegatus Papæ. Sed dicendum, ne quidem Delegatum Papæ regulariter posse cogere partes litigantes, ut per se ipsas compareant. Patet ex c. Juris cit. & notat ibid. Gloss. V. eod. Vivian. l. cit. Passerin. n. 1. & 2. Pirh. n. 44. Ratio est, quia Delegato Papæ non censentur esse concessa omnia, quæ Papa potest, sed solum ea, sine quibus causa ipsi commissa expediri non potest c. praterea 5. de offic. deleg. atqui ut expedire causam sibi commissam possit, regulariter non est opus, ut compareant partes litigantes personaliter, sed sufficit, si compareant per procuratorem. Ergo &c. Ex quo cadit ratio allata in contrarium.

Dub. 3. quando Judex inferior Ordinarius, vel Delegatus compellere partes possit ad personaliter comparendum in Judicio? Resp. plures enumerari casus. Et 1. quidem si causa sit criminalis, & injungenda poena corporis afflictiva, vel alia relegatione major, ut dictum est n. 45. suprâ & l. 1. tit. 38. n. 21. ibi cit. 2. Si præstandum sit Juramentum de calumnia, aut pro veritate dicenda c. Juris cit. nisi tamen Procurator à parte missus ad hoc ipsum speciale mandatum habeat; tunc enim admitti iste, nec principalis compelli potest, ut personaliter se sistat, quia tunc nulla est Juris necessitas. Gloss. ibid. V. Juramento. Vivian. in Rational. 3. Si specialiter examine oporteat qualitatem personæ, maturitatem ætatis, Judicii discretionem arg. l. omnes 2. C. de his, qui ven. etat. impetr. Franc. in c. cit. n. 2. Laym. n. 2. Passerin. n. 24. Pirh. n. 44. Vviesl. n. 56. 4. Si Actoris, vel Rei præsentiam personalem necessitas Juris exigat, quòd statum, & veritatem rei, præsertim ea, quæ in facto consistunt, melius perspecta habeat, & valeat explicare c. Juris cit. c. pastoralis 14. h. tit. Laym. loc. cit. Schambog. hic n. 39. 5. Si indicia contra Reum sint vehementia, & accedente præsentia Rei, inspecto vul.



vultu, ac responsis consideratis, veritas facilius deprehendenda speretur. Ancharan. in cap. juris cit. not. 4. Laym. n. 4. Pirh. Vviesl. loc. cit. 6. In aliis etiam casibus, & causis, si delegatus Papæ sit, & ad hoc speciale mandatum habeat cap. juris cit. & Gloss. ibid. V. speciale. Vivian. in Rational. Fran. n. 3. Passerin. n. 9. Pirh. n. 45. & alii cit. Quod tamen ad Delegatos inferiorum Judicum extendi non debet; quia hi, cum extra quinque relatos casus compellere partes ad comparandum personaliter nequeant, etiam non possunt eam potestatem delegare alteri.

Dub. 4. utrum litigantes ea, quæ ad factum pertinent, in Judicio proponere per Advocatos valeant: Videtur respondendum affirmative. 1. quia qui alterius defensionem suscipit, si in Jure interrogetur, respondere tenetur de omnibus illis causis, ex quibus respondere tenetur dominus, ut dicitur l. non solum 39. princ. ff. de procurat. ergo etiam si interrogetur de questione facti. 2. Idem l. neque 1. §. quibus 1. in fin. ff. quod cujusque universi nom. asseritur de eo, qui alicujus universitatis nomine Judicium subit. 3. Si is, qui in Judicio alterius defensionem suscepit, proponere non posset ea, quæ in facto consistunt, non plenè, ut oporteret, defenderet principalem, cum Jus oriatur ex facto, & sæpe minima facti mutatio totum Jus mutet. 4. Si ea, quæ facti sunt, proponi ab Advocato non possent, inutilis esset assistentia Advocati. 5. Vel saltem notitia facti, quam tamen exactissimam habere debet, si congruum responsum, & commodam Judicis sententiam reportare velit l. ut responsum 15. C. de transact.

Verum his non obstantibus, dicendum, regulariter loquendo ea, quæ ad factum pertinent, non per Advocatos, sed per ipsas personas principales proponi debere. Ita Host. in c. pastoralis 14. V. ut principales hoc tit. Abb. ibid. n. 9. Vivian. in Rational. V. principalis. Laym. num. 1. Barbof. n. 1. Vvagnereck. in Exegesi. Pirh. n. 46. Vviesl. n. 58. & statutum est c. pastoralis cit. l. eam quem 79. ff. hoc tit. l. qui servum 20. §. in Jure 1. ff. de interrog. in jur. faciend. Ratio est, quia facti veritas in Judicio petenda, & exponenda est ab iis, qui rem melius perspectam habent cap. scriptum 40. & ibi Gloss. V. ubi nati de elect. atqui litigantium personæ principales ea, quæ ad se, & factum proprium spectant, præsumuntur melius perspecta habere, quam extranei, & ipse earum advocatus cap. ab excommunicato 41. & ibi Gloss. V. de facto suo de rescript. ergo Judex, ut factum, de quo lis est, ejusque causam, & circumstantias plenè cognititas habeat, deque eo ritè pronuntiet, potius illud ex personis principalibus inquirere debet, quam ex Advocato.

Dixi autem regulariter loquendo; excipi enim quatuor casus præcipuè debent. 1. Si principalis sit homo simplex, qui mentem suam sufficienter explicare nequeat cap. pastoralis cit. 2. Si consuetudo expositionis facti ab Advocatis admittat: & ita passim in Tribunalibus praxis obtinet teste Barbof. loc. cit. num. 5. 3. Si Advocatus ad factum in Judicio proponendum habeat speciale mandatum; quia cap. cit. agitur de Advocato, qui tali mandato instructus non est, ut notat P. Vvieslner hic numer. 60. aliis cit. 4. Si Judex, & pars altera non contradicat, quando Advocatus ea proponit, quæ facti sunt; tunc enim nocebit parti, quasi in præjudicium suum consentienti. Abb. in cap. cit. num. 4. Vivian. in ration. vers. si rament. Vviesl. loc. cit.

Ad Argumenta contraria facilis est responsio. Ad 1. Ibi sermo est de Procuratore ad litem dato, qui ad proponenda ea, quæ facti sunt, admittitur, cum post contestationem litis fiat dominus litis; quod in Advocato non pugnat. Ad 2. in l. §. cit. sermo est de Syndico, qui & ipse per contestationem litis, quam nomine universitatis tractat, dominus litis fit. Ad 3. Advocatus per hoc Clientem defendit, quod ad eum pertineat, ut proponat ea, quæ Juris sunt, & dum principalis proponit ea, quæ facti sunt, caveat, ne iste per cavillosas, obscuras, & æquivocas positiones facilè decipiatur. Ad 4. Patet ex modo dictis, non esse inutilem assistentiam Advocati. Ad 5. Notitiam facti Advocatus habere debet, ut ritè possit proponere ea, quæ Juris sunt, libellum ordinare, interrogationes, & articulos probatorias formare, positiones, & exceptiones facere &c. nam hæc omnia notitiam facti postulant.

Dub. 5. an, qui promissit se litigaturum coram Judice, postea resiliere possit? Videtur posse ob textum l. si conveni-  
ru 18. ff. de jurisd. ubi statuitur, eum, qui promissit  
Schmalzgrueber Tom. II.

litigare coram certo Judice, posse, mutata voluntate, resiliere, si Iudex ille nondum sit aditus.

Sed tenenda est negativa sententia, & dicendum, eum, qui promissit coram Iudice sedente pro Tribunali, se coram eo cum Adversario suo litigaturum, etsi litem nondum sit contestatus, non posse amplius Iudicium recusare, vel exceptionem fori declinatoriam opponere, nisi nova causa superveniat, vel antiqua, quæ latebat, & ignorabatur, detegatur. Colligitur ex cap. de Quodvult deo 1. hoc tit. & notant ibidem Alex. de Nevo nu. 12. Abb. num. 5. Laym. n. 2. Barb. n. 1. Pirh. hic nu. 50. Quod ita verum est, ut si post promissionem ejusmodi factam legitime citatus non compareat, habendus sit pro contumace, & ut talis puniendus, etiam Censura Excommunicationis, vel privationis reddituum Beneficii, ut sumitur ex cap. cit. ipso tamen Beneficio privati non potest, ut monet Abb. in cap. cit. num. 8. Vivian. ibid. vers. Beneficio, Gonzal. n. 9. & seqq. Canis. n. 2. Barb. n. 1. quod multo magis verum est de Episcopatu, nisi per annum in contumacia perstiterit canon. rursus 36. & canon. seq. caus. 11. q. 3. Pirh. n. 50. cit. nos. 3. & ratio est, quia non debet duplici pœna affici.

Dixi post promissionem; nam si litigaturum se coram tali Iudice non promissit, nec litem est contestatus, adhuc potest exceptionem fori declinatoriam opponere utque ad contestationem litis. Et hinc pro cautela monet Barb. loc. cit. n. 4. ut qui vult excludere Adversarium ab opponendo exceptionem declinatoriam Iudicii, faciat, ut is interrogetur à Iudice, an litigare coram se velit; nam si respondeat affirmando, & scivir, sibi competere exceptionem declinatoriam fori, eam opponere deinceps non permittitur, sed eidem renuntiasse censetur.

Neque obstat l. si conveni cit. nam, ut advertit Abb. loc. cit. n. 17. Lex illa solum loquitur de eo, qui consensit in alienum Iudicem; cap. cit. autem de eo, qui consensit in Iudicem proprium; inter quos magna disparitas est; nam qui consensit in Iudicem non suum, ante litem contestatam resiliere potest, tanquam re adhuc integra; qui autem consensit in Iudicem proprium, ab eo non amplius potest recedere, nisi ex nova causa superveniente, & apparente.

### §. III.

#### De Materia, & Objecto Judicii:

#### S U M M A R I U M.

- 50 Judex Ecclesiasticus solus cognoscit de causis Spiritualibus.
- 51 De Jure Patronatus.
- 52 Sepultura, nisi sit questio merè facti.
- 53 De Causis Matrimonialibus.
- 54 Ad quem iudicem pertineat causa Dotis?
- 55 56 Ad quem, cum dubitatur, an causa proposita sit spiritualis, vel temporalis?
- 57 Ubinam cause profane tractanda sint?
- 58 Judex Ecclesiasticus negligentiam iudicis secularis supplere potest.
- 59 Non secularis negligentiam Ecclesiastici.
- 60 Nisi in controversiis super Feudo oris.
- 61 Cause mixti fori tractantur ab eo, qui prævenerit.
- 62 Enumerantur cause, quæ mixti fori sint.
- 63 Utrum Laicus in crimine mixti fori punitus à iudice Ecclesiastico, ob idem crimen puniri etiam possit a iudice seculari?
- 64 An condemnari ab isto, quando à iudice Ecclesiastico est absolutus?
- 65 66 67 68 69 70 71 Qualis sit iudex Causarum Feudalium?
- 72 Coram quo iudice ventilande sint Cause connexæ?
- 73 Quot modis esse causa connexa possint?
- 74 Quis iudex in Causis connexis legitimus sit?
- 75 Casus, in quibus, qui cognovit de una causa, non cognoscit de connexa.

**M**ateria, seu Objectum Iudicii sunt Causæ quælibet tam Ecclesiasticæ, quam temporales; tam Civiles, quàm Criminales; tam petitoria, quam possessoria; tam Feudales, quam Allodiales; tam connexæ, quam disparatæ, modo quæque coram suo Iudice disceptentur; pro diversitate enim causæ alia unius, alia alterius Iurisdictionis censetur propria.

Queritur 1. quis sit Iudex ordinarius causarum Ecclesiasticarum?



sticarum? Resp. causæ Ecclesiasticæ duplicis generis sunt: aliquas enim ex illis DD. appellant mere Ecclesiasticas, seu Spirituales, alias Temporales. *Mere Ecclesiasticæ*, seu *Spirituales* sunt, quæ ex objecto suo sacræ sunt, seu quæ versantur circa rem sacram, & spiritualem. *Non mere Ecclesiasticæ*, seu *Temporales*, quæ habent objectum de se quidem profanum, & temporale, ratione tamen Personæ Ecclesiasticæ, contra quam proponuntur, aliove ex capite ad cognitionem Judicis Sacri pertinent. De posterioribus agitur *Tit. seq. a. n. 63. De prioribus, seu mere Ecclesiasticis* indubitata apud omnes tam Catholicos, quam Heterodoxos sententia est, illas ad cognitionem Judicis Ecclesiastici, & quidem solius, Laicis omnino exclusis, spectare. Constat ex pluribus textibus Juris Canonici, præcipue *c. decernimus 2. & c. seqq. hoc tit. c. tuam 3. de ordin. cognit. c. lator 5. & c. causam 7. qui filii legunt. c. ut inquisitionis 18. §. prohibemus de hæretic. in 6. c. si Judex 12. de sent. excomm. in 6. Ratio est, quia rerum spirituum, eique annexarum cognitio Judicialis, & autoritativa, ac de iis dispositio est actus potestatis spiritualis: atqui hæc potestas à Christo concessa est Petro, & ejus successoribus. *Matth. 16. v. 18. Joan. 21. v. 17.* non vero Principibus, & Judicibus Laicis, quippe quos obsequendi magis necessitas manet, quam autoritas imperandi, quando de rebus spiritualibus agitur *can. bene quidem 1. dist. 96. c. Ecclesia 10. de consuet. & c. fin. de reb. Eccl. non alien. igitur & harum Judicialis cognitio non ad Laicos, sed Petrum, & Petri Successores, ac eos, quos ipsi in partem curæ Pastoralis assumunt, Prælatos Ecclesiasticos spectat. Proceditque hoc non tantum de iis causis, quæ ab intrinseco spirituales sunt, uti sunt, quæ ad Fidem, Sacramenta, & Sacramentalia, absolutionem à Votis, & Juramentis, Sacrificium, & Ritus sacros, Censuras, & alias pœnas mere Ecclesiasticas, aliaque his similia pertinent; sed etiam de iis, quæ intrinsece spirituales non sunt, sed spirituali tantum annexe, quales sunt causæ reddituum Ecclesiasticorum Decimales &c. Ratio est, quia magis dignum trahit ad se minus dignum *arg. c. quod in dubiis 3. de consec. Eccl. vel Altar. & res temporalis definit esse talis, quamprimum spirituali annexa fuerit, prout elucet cit non tantum ex Jure Sacro can. siquis obsecravit 7. caus. 1. q. 3. sed etiam ex Jure profano §. sacra 8. Inst. de rev. divis.***

51 Dub. 1. An Judex Laicus cognoscere possit de Jure Patronatus? Videtur posse; quia hoc Jus non videtur esse spirituale; cum Laicis etiam competat, quibus alias nullum Jus spirituale potest competere.

Sed certa est negativa sententia, sc. Judicem Laicum principaliter, & per se de Jure Patronatus non posse cognoscere, vel pronuntiare. Cõstat ex *c. quanto 3. hoc tit. Ratio est, quia Jus hoc vel secundum se, & ex objecto suo est spirituale, ut plures DD. purant, vel saltem est aliud quid antecedenter annexum spirituali, cum ordinetur ad spirituales Beneficii collationem, vel institutionem præteritari, ut innuitur *c. quanto cit. atqui de connexis, & accessoriis idem debet esse judicium, ac dispositio c. translatio 3. de consuet. & quæ Religiosis adherent, Religiosa sunt l. quæ Religiosis 43. ff. de R. V. ergo cum de Beneficiis Laici non possint esse Judices, neque in causis Juris Patronatus, quod Beneficiis annexum est, esse poterunt. Conf. à pari cum feudo; nam de hoc cognoscere potest dominus feudi, quia illud ab eo provenit tanquam gratia, & beneficium; atqui ejusmodi gratia ab Ecclesia concessa Patrono est etiam Jus Patronatus, & quidem ita, ut in certis casibus, videlicet ob negligentiam Patroni, ipsa defectum suppleat. ergo &c.**

Dixi principaliter, & per se; nam accessorie & secundario Laicus Judex de Jure Patronatus cognoscere, & judicare potest, ut fieret, si Judex sæcularis per sententiam condemner possessorem Castri alicujus, ut illud domino suo reddat una cum omnibus Juribus ei annexis; nam si eidem annexum sit etiam Jus Patronatus ad certum, vel certa Beneficia, etiam hoc cum cæteris vi talis sententiæ tradere possessor debet, ut bene *Abb. in c. 3. cit. n. 9. Decius ibid. n. 6. Laym. V. porro. Pirh. hic n. 53. Schamb. n. 33. & patet à pari; nam licet Jus Patronatus alias secundum se vendi non possit, si tamen vendatur Castrum, cui hujusmodi Jus annexum est, illud cum Castro accessorie ad emptorem transit: item licet Princeps sæcularis Vassallum directe Jure Patronatus private non possit, potest tamen accessorie confiscando Castrum, & bona quibus annexum est Jus Patronatus. Igitur eodem modo,*

licet Judex Laicus per se, & principaliter cognoscere de Jure Patronatus nequeat, poterit tamen accessorie & secundario. Bene tamen *loc. cit.* monent Abbas, Decius, Schambogen, hoc casu de Jure Patronatus mentionem expressam in libello, & sententia non faciendam, ne censeatur de eo velle principaliter judicare.

Neque obstat ratio dubitandi; nam quod dicitur Laicum non esse capacem possidendi Jus spirituale, verum est, seclusa concessione, & gratia speciali Ecclesiæ, ex tali autem concessione, & gratia Laicus Jus Patronatus obtinet, non autem ullus Judex Laicus obtinet jus judicandi, & pronuntiandi de Jure Patronatus vi juris communis, cum nullus in hoc textus de ipso extet. Ergo &c.

Dub. 2. ad quem Judicem spectet cognoscere de questione orta super Jure Sepulturæ? Resp. *Si questio sit mere facti*, v. g. an Titius Cajo promiserit Jus sepulturæ, vel de impensis funeris, etiam Judex sæcularis potest cognoscere, *Abb. in c. 3. hoc tit. n. 11. Alex. ibid. n. 16. Laym. V. simili. Pirh. hic n. 54. Schamb. n. 34.* Ratio est, quia Judici Laico solum prohibetur cognitio Juris spiritualis. Atqui factum, etsi eidem Jus applicetur, Jus tamen spirituale non continet: & hinc, etsi versetur circa rem spiritualem, cognosci tamen potest, quin cognoscatur de Jure aliquo spirituali. Ergo &c.

At si sit questio Juris, ad Judicem Ecclesiasticum cognitio causæ pertinet: quod verum est, sive agatur actione reali, & quærat, an vel cui Jus sepulturæ in aliquo loco Ecclesiæ, vel Cœmeterii competat; sive intentetur actio personalis, ut si quis promiserit alteri, ejusque hæredibus Jus sepulturæ in sepulchro Majorum suorum, & dubitetur, an hæc promissio valeat. *Abb. in c. 3. cit. n. 11.* cum supra allegatis. Ratio est, quia Jus vel spirituale est, vel saltem spirituali annexum, videlicet loco Sacro, Ecclesiæ, aut Cœmeterio, ad quod ordinatur. Atqui *n. præc.* dictum est, ad eundem Judicem spectat judicare de principali, & connexis cum principali. Ergo &c.

Neque obest, quod Laicus possidere possit Jus sepulturæ in loco Sacro; quia proprie Laicus non possidet, vel quasi possidet sepulchrum existens in Ecclesia, vel Cœmeterio, sed solum ex permissione Ecclesiæ Laici tolerantur in quasi possessione Juris sepulturæ.

Dub. 3. ad quem Judicem pertineant Causæ Matrimoniales? Resp. etiam has coram solo Judice Ecclesiastico decidendas. Patet ex *can. multorum 10. caus. 35. q. 6. c. tua 5. de excessib. Pralat. & Trid. sess. 24. can. 12. de Sacram. matrim.* Et hinc in ejusmodi causa Camera Imperialis nec Processus decernit, nec appellationes recipit juxta Ordinem. *Camer. p. 1: tit. 9. in addit. V. wann auch der Rayser, & Memoriale de Anno 1570.* quo Assessores injunctum est, *dass sic sich der Matrimonial-Sachen entschlagen sollen.* *Gail. l. 1. obs. 112. n. 17.* Ratio est, quia ex quo contractus Matrimonialis elevatus est ad dignitatem Sacramenti, inter causas spirituales censetur.

Intelligendum tamen hoc est 1. tantum de Matrimoniis fidelium; nam in causis Matrimonialibus infidelium; Judex competens est solus Judex Sæcularis; quia eorum Matrimonia sunt tantum contractus Civilis: hinc Princeps, in cuius Jurisdictione consistunt, sicut aliis Contractibus subditorum suorum, ita & matrimoniis infidelium sibi subditorum Leges ferre, iisque impedimenta tum dirimentia, tum impediencia potest statuere, ut latius dicitur *l. 4. tit. 1. 2.* Intelligendum est de ipso contractu Matrimonii; nam circa solemnitates Matrimoniorum extrinsecas, ceremonias in conviviis, pompam nuptialem, sumptus, dotem, hæreditates &c. etiam inter Christianos statuere Princeps Laicus potest, ut fuse exponit *Fulv. Pacian. l. 2. de probat. c. 3. an. 56.* Ratio est, quia hæc nihil spirituale continent. 3. Intelligendum est de contractu Matrimonii, quantum ad hujus valorem, fidem, obligationes &c. nam his suppositis, ut ea, quæ Jure Ecclesiastico de hoc statuta sunt, observentur, cogere subditos suos Magistratus etiam sæcularis pœnas infligendo potest; quia juvare uterque Magistratus se invicem debet, ut salva sint utrinque Iura.

Et hinc Judex sæcularis 1. potest Sponsos, de quibus constat, quod valide contraxerint Sponsalia compellere ad contrahendum matrimonium. 2. Potest conjugem, quæ post contractum matrimonium à conjugio suo divertit, cogere, ut ad eundem redeat, nisi opponat exceptionem nullitatis, vel causam legitimam faciendi divorcium. 3. Potest eos, qui matrimonium clau-



clandestine, & per consequens invalidè contraxerunt, si constet contraxisse, punire. 4. Potest adulterum punire non tantum pœna sanguinis, de qua certum est, cum eam Iudex Ecclesiasticus non possit infligere, sed etiam alia arbitraria; quia adulterium est crimen mixti fori: de quibus latè meus in hac Cathedra Antecessor P. Melchior Friderich. p. m. *tr. de for. compet. n. 615. & seqq.*

Dub. 4. ad quem Iudicem pertineat cognoscere de causa dotis, & alimentorum in Iudicium deducta? Abb. *in c. ex tenore 11. hoc tit. n. 6.* & alii nonnulli putant, eam esse mixti fori; quia ad Ecclesiam etiam spectat defensio dotium. Sed distinguendum est, an per se, & principaliter agatur causa Dotis, & alimentorum, an accessoriè, & incidenter tantum.

*Si primum*, ad solum Iudicem Laicum ejus cognitio, & defensio pertinet juxta Bald. Felin. Lup. Jafon. Socin. Præposit. & alios, quos referunt, & sequuntur Sanch. l. 10. *de matr. D. 8. num. 15.* Barbosa *in l. 1. p. 1. ff. solut. matr. à n. 46.* Pirh. *hic n. 70.* Schamb. *ibid. n. 41.* Casus est, quando constante Matrimonio uxor agit ad restituendam sibi Dotem, eo quòd vir ad inopiam vergat; nam hoc, & similibus casibus repetere Dotem à Iudice sæculari debet, quia causa Dotis est merè profana.

*Si secundum*, & quæstio incidat in causa divortii, de quo principaliter agitur, & ibi vir neget se dotem & alimenta uxori debere, utpote adulteræ, ad Iudicem Ecclesiasticum spectabit de hac cognoscere, ut constat ex *c. de prudentia 3. de donat. int. vir. & uxor.* & notat ibid. Gloss. *V. incidens cum DD. suprà cit.* Ratio est, quia principale trahit ad se minus principale; principale autem, videlicet causa divortii, ad Iudicem Ecclesiasticum spectat. Ergo &c.

Dub. 5. ad quem Iudicem pertineat decisio, quando dubitatur, an causa sit Spiritualis, vel Temporalis? Videtur in hoc casu locus esse præventionis, ita ut ab alterutro, nempe à Iudice Ecclesiastico, vel sæculari judicari possit: cui favet *l. si quis 5. ff. hoc tit.* ubi dicitur cujusque Iudicis esse, an sua sit Iurisdictio.

Verum hoc non obstante, dicendum, hoc casu decisionem ad Iudicem Ecclesiasticum pertinere. Ita Covar. *præf. qq. c. 33. nu. 1.* Marta *de Jurisd. p. 4. cens. 1. cas. 145. n. 1.* Oliva *for. Eccl. p. 1. q. 28. n. 21.* & hoc teste receptissima traditio omnium. Sumitur clarè ex *c. si iudex 12. de sent. excomm. in 6. ibi: quia de re Ecclesiastica, & spirituali.* Ratio est, quia Iudex sæcularis judicando de re spirituali excedit limites suæ potestatis, non excedit limites suæ potestatis Iudex Ecclesiasticus judicando de re temporalis; nam hic non est incapax Iurisditionis temporalis, sicut tamen ille est incapax Iurisditionis Spiritualis. Atqui periculum sic excedendi limites potestatis suæ se objiceret Iudex sæcularis, si judicaret, quando dubium est, an causa sit Spiritualis; nam fortè Spiritualis est. Ergo &c.

Ad rationem dubitandi dico, regulam illam non procedere in casu, quo disputatio emergit inter Iudicem Superiorem, & inferiorem; nam Superioris tunc est judicare super re controversa.

Dub. 6. an Laicus Iure Delegato possit de causis Spiritualibus cognoscere? Resp. distinguendo: potest ex delegatione Summi Pont. non vero ex delegatione alterius Prælati Ecclesiastici. Ita Gloss. *in cap. decernimus 2. hoc tit. V. non presumant.* Decius *ibid. n. 5.* Barbosa *n. 8.* Pirh. *hic num. 21.* Schamb. *ibid. n. 33.* Vviesl. *tr. de for. compet. num. 99.* & novissimè P. Schmier *tr. de Judic. cap. 4. n. 22. & duob. seqq.*

*Pars 1.* pater ex plenitudine potestatis, quam universalissimam Papa habet, ut per se, vel per alios cognoscat de omni causa Spiritualis, modo illi, per quos cognoscit, non sint Iure divino inhabiles. Atqui Laicus non est Iure Divino inhabilis ad cognoscenda Spiritualia, si id agat, non proprio, sed alieno nomine. Igitur per illos, tanquam Delegates suos poterit ea Papa cognoscere, & judicare.

*Pars 2.* constat ex eo, quod Iure Episcopus, vel alius Papa inferior nequit id, quod Iure Superiori constitutum est, abrogare; atqui superiori Iure, Pontificio, nempe, constitutum est, ne Laici immisceant se negotiis spiritualibus per *cap. decernimus 2. hoc tit.* & alios textus *num. 50.* allegatos. Ergo &c.

Quæritur 2. ubinam Cause profanæ generatim tractandæ sint? Resp. si agitentur inter Clericos, vel saltem reus sit Clericus, tractandæ sunt à Iudice Ecclesiastico.

Schmalzgrueber Tom. II.

clastico, ut infra *Tit. 2. à num. 79.* dicitur; si vero agitentur inter Laicos, vel saltem reus convensus sit Laicus, solius Iudicis Laici cognitioni, & Iurisditioni subsumunt, ita ut regulariter Iudex Ecclesiasticus, etiam Pontifex, cognitioni illarum se immiscere nequeat, ut Regulæ instar tradunt Innoc. *in cap. licet 10. princ. de for. compet.* & communis DD. Ratio est, quia Prælati Ecclesiastici, & ipse etiam Summus Pontifex in causis fidelium merè temporalibus Iurisditionem per se, & directè non habent, nisi temporali eorum dominio sint subiecti.

Dixi regulariter, & directè; nam variis casibus in causis etiam temporalibus reus Laicus coram Ecclesiastico Iudice conveniri potest. Et 1. quidem si vidua, pupillus, orphanus, aut istis similis persona miserabilis sit vi oppressa, & rerum suarum possessione dejecta; nam istæ spoliatores coram Iudice Ecclesiastico convenire, & agere ad possessionem recuperandam possunt *cap. ex tenore 11. & c. exparte 15. de for. compet.* Ratio est, quia harum personarum defensio ad Ecclesiam spectat, saltem cumulativè *can. licet 1. & san. seq. dist. 87. can. si quis 21. caus. 24. q. 3. c. super 26. in fin. de V. S. 2.* Si Laicus res ad Ecclesiam, Monasterium, aliaque loca Sacra, & Religiosa pertinentes invadat, turbet, occupet *c. cum sit 8. & c. conquestus 16. de for. compet.* & ratio est, quia hujusmodi invasio, & occupatio Sacrilegium reputatur, quod mixti fori est. 3. Si agatur de peccato; nam ut ab eo recedant Laici, denunciari possunt Iudici Ecclesiastico, & ab isto compelli, ut factum est in causa Pacis juratæ, à Principe sæculari violatæ *cap. novit 13. hoc tit.* & fieri potest, cum quis obligationem ex nudo pacto naturaliter contractam implere, aut infra dimidium læso recusat satisfacere *cap. Antigonus 1. & c. qualiter 3. de part. 4.* Si consuetudine receptum sit, ut Iudices Ecclesiastici causas Laicorum etiam Civiles, & profanas cognoscant, & judicent *cap. si Clericus 5. de for. compet.* 5. Si causa sit mixti fori; tum enim, coram quo Iudice Actor voluerit, agere potest. 6. Si Iuramentum contractui adjectum sit *cap. fin. eod. in 6.* 7. Si constet, quod Iudex sæcularis desit officio suo in administranda Iustitia Actori sive Clerico, sive Laico *cap. licet 10. hoc tit.*

Dub. 1. quorum Iudicium sæcularium negligentiam supplere Iudex Ecclesiasticus possit? Aliqui quidem loquuntur generaliter; melius tamen videntur sentire, qui distinguunt inter Magistratus, & Iudices Sæculares, qui superiorem in temporalibus non cognoscunt, & inter eos, qui talem superiorem cognoscunt. De prioribus affirmant, de posterioribus negant, sed volunt horum negligentiam à Superiore, quem recognoscunt in temporalibus, supplendam, & corrigendam esse: qui si & ipse in defectu supplendo, aut inferiore corrigendo negligens sit, tunc primum recurrendum ad Ecclesiam. Ita Innoc. *in c. 10. de for. compet. num. 1.* Abb. *ibid. num. 9.* Suar. *de Censur. D. 20. f. 1. à n. 15.* Oliva *for. Eccl. p. 2. q. 44. nu. 3.* Pirh. *tr. de for. compet. n. 125. not. 2. in fin. Engl. ibid. §. 2. nu. 73.* König *hic num. 51.* & alii ab his cit. Ratio est, quia Ecclesia administrationi Iustitiæ in temporalibus se non intromittit, quando recusus est ad Superiorem, qui inferioris defectum supplere potest, & vult. Casu autem, quo nullus est Superior, ad quem recurratur, ad bonum spirituale pertinet, ut Iustitia administraretur; ac per consequens id fieri potest per potestatem spirituales, quæ superior est, cuique omnia temporalia in ordine ad suum finem servire debent.

Dub. 2. an vicissim Princeps, vel alius Magistratus sæcularis supplere negligentiam Iudicis Ecclesiastici in causarum decisionibus, & Clericorum punitione possit? Affirmant Gloss. *in can. filiis 31. V. Regis caus. 16. q. 7.* Decian. *tom. 1. tract. crim. l. 4. cap. 9. n. 83.* Menoch. *retr. rem. 3. n. 354. & 355.* & alii plures apud Olivam *for. Eccl. p. 2. q. 44. num. 3.* Fundantur 1. textu *can. nos si incompetenter 41. caus. 2. qu. 7.* ubi Leo Pontifex Legatos Imperatoris alloquens, Nos, inquit, si incompetenter aliquid egimus, & subditis iuxta Legis tramitem non conservavimus, vestro, ac missorum vestrorum cuncta volumus emendare iudicio. 2. *Can. filiis cit.* ubi negligentia Archiepiscopi in rerum Ecclesiasticarum administratione commissa dicitur Regis auribus intimanda. 3. *c. si quis 2. de regular.* ubi supponit in causa Ecclesiastica dari recursum ad Principem ob negligentiam Iudicis Ecclesiastici. 4. *Novell. 123. c. 21. relata in can. si quis 45. caus. 11. q. 1.* ubi id ipsum nominatim.



rim cavetur. 5. Praxi Hispaniæ, in qua ad Tribunal regium recurrunt, qui à Iudice Ecclesiastico in Civilibus, & Criminalibus causis gravati sunt; neque, ut videri potest, immetito; quia tali casu secularis Curia non tam agentis, quam Remp. & ipsam Ecclesiam defendentis partes sustinet.

Sed his non obstantibus, renenda est negativa sententia, quam etiam defendunt Gloss. in c. qualiter 17. hoc tit. V. prohibemus. Abb. ibid. n. 7. Gonzal. n. 4. Oliva loc. cit. n. 4. Pirb. hic n. 62. Konig n. 47. Schambog. n. 39. Vviesl. de for. compet. n. 105. & aperte constat ex c. qualiter cit. Ratio est, quia ad supplendam alicujus negligentiam necessaria est cognitio, & Jurisdictio. Hanc autem respectu Iudicis Ecclesiastici non habet Magistratus secularis, utpote inferior Ecclesiastico. Ergo &c. Conf. nam quod Iudex Ecclesiasticus supplere possit negligentiam Iudicis secularis, clato Iuris textu habetur; nihil hujusmodi habetur de Iudice seculari respectu Ecclesiastici. Ergo &c.

Neque contrarium probant Argumenta adversæ sententiæ. Ad 1. respondet Konig loc. cit. Leonem Pont. se submittere Imperiali Iudicio, non coactivo, sed arbitrario ad vitandam fortasse scandalum. Ad 2. dici cum quibusdam potest, rextum illum can. filiis cit. correctum esse per cap. qualiter cit. vel si correctio Iuris displiceat, dic can. cit. recursum ad Regem permitti, non tanquam ad Iudicem, sed tanquam ad Advocatum Ecclesiæ, ac Patronum, ut extrajudicialiter curet, ne per dilapidationem Ecclesia patiatur damnum. Ad 3. nomine Principis ibi non intelligitur Princeps secularis, sed Pontifex, ut ibidem exponit Gloss. in cas. nam etiam Pontifex Princeps Sacerdotum est juxta can. clericos. 1. V. Pontifex dist. 21. Ad 4. autoritas Iustiniani in hac parte nihil evincit, quia agitur de Iure Ecclesiastico, in quo dispositio Iuris Civilis non attenditur. Ad 5. praxis illa Hispaniæ, ut Bannez, Cenedo, Marta adverunt, nititur privilegio Sedis Apostolicæ, aut saltem ejus collati fama; neque vi illius Regiis Jurisdictio in Clericos competit, sed tantum simplex notio, qua præmissa, declarant gravamen illatum reo, & hunc contra ipsum defendunt, ut in c. qualiter cit. notat Gonzal. n. 6.

60 Dub. 3. an in nulla causa negligentia Iudicis Ecclesiastici in administranda Iustitia à Iudice seculari suppleri possit? Resp. posse in controversiis super Feudo ortis; nam si Iudex Ecclesiasticus in his Iustitiam Vassallis non administrat, ejus negligentia à Principe seculari suppleri potest c. ex transmissa 6. & c. seq. de for. compet. Felin. in c. qualiter 17. hoc tit. n. 1. Abb. in c. verum 7. de for. compet. n. 16. Mattæ de Jurisd. p. 4. cas. 147. n. 16. Oliva for. Eccl. p. 2. q. 44. n. 11. Ratio est, quia Iudex secularis respectu causæ Feudalis in casu, quo ipse dominus directus est, & Feudum Laicale, est superior Ecclesiastico. Plura de Iudice Camerarum Feudarum infra n. 65. & seqq.

61 Queritur 3. ubinam tractandæ sint causæ, quæ mixti sunt fori? Resp. tractandæ sunt ab eo Iudice, qui alterum, cum quo cumulativam potestatem cognoscendi de hujusmodi causa habet, causæ cognitionem in se suscipiendo prævenit; quo casu is, qui ita ab altero prævenit, non potest amplius in cognitionem causæ sese ingerere, aut prævenientem ab ea cognoscenda, & dijudicanda impedire arg. l. si quis 7. ff. hoc tit. Ut autem Causa aliqua mixti fori sit, & præventioni inter Iudicem Ecclesiasticum, & Sæcularem locum sit, duo requiruntur. 1. Ut causa illa ex se, & ex natura sua sit temporalis; nam de spirituali, & Ecclesiastica Iudex secularis non potest cognoscere, ut dictum est supra n. 50. & seqq. 2. Ut vi Legis, aut consuetudinis cognitionem ejus suscipere Iudex Ecclesiasticus possit; nam alias causæ temporales Laicorum à Iudice Sæculari examinantur privative ad Iudicem Ecclesiasticum, ut dictum est n. 72.

62 Dub. 1. quænam causæ sint mixti fori? Resp. has late referunt Clar. §. fin. n. 1. & seqq. Fragos. de regim. Reip. Christian. p. 1. l. 2. D. 4. §. 5. & seqq. Farin. prax. crim. l. 1. tit. 1. à n. 127. Laym. l. 4. tr. 9. c. 2. à n. 5. Haun. de Just. tom. 5. tr. 1. à n. 324. & tom. 6. tr. 1. à n. 126. Konig hic n. 57. & 58. Vviesl. de for. compet. n. 140. & alii passim. Suntque 1. causæ de Matrimonio, Decimis, Iure Patronatus, & similibus spiritualibus, aut his annexis rebus, & Iuribus, quando circa ea moventur quæstiones facti; vel quando agitur super hujusmodi rerum possessione retinenda, vel recuperanda contra reum Laicum, neque admi-

icetur quæstio Iuris, sive proprietatis, ut infra Tit. 10. & 12. 2. Causa restitutionis, si ab Ecclesia petatur contra Laicum c. requisivit 1. de integ. restit. c. ad nostram 11. de reb. Eccl. non alien. & dictum est l. 1. tit. 41. n. 37. 3. Causæ miserabilium personarum, si vel vi oppressæ, aut spoliatæ sint, vel Iudex secularis negligens fuerit in administranda Iustitia c. licet 10. c. ex tenore 11. & c. ex parte 15. de for. compet. 4. Causæ Iuramenti, quando agitur ad ejus observantiam, vel perjurii punitionem c. fin. de for. compet. in 6. & c. licet 2. de Jurejur. in 6. 5. Causæ Usurarium, quando quæstio est, an Contractus aliquam iniquitatem contineat, ut declarabitur lib. 5. tit. 19. 6. Causa Adulterii, nisi de eo agatur ad dissolutionem, vel divorcium; hoc enim casu cognoscere de eo solus Iudex Ecclesiasticus potest, cum sit causa mere spiritualis. 7. Causæ criminum polygamix, sodomix, fornicationis, concubinatus, incestus &c. 8. Causæ blasphemix, divinationis, seu magiæ illicitæ, sortilegii, nisi saperent hæresim; tunc enim ad solius Iudicis Ecclesiastici cognitionem spectarent, c. ut inquisitionis 18. V. prohibemus de heretic. in 6. 9. Causæ Sacrilegii, falsationis Litterarum Apostolicarum, assassinatus, Spolii Ecclesiastici, vel invasionis rerum Ecclesiasticarum &c. Horum criminum si resint Laici, non solum à Iudice seculari, ut communiter fit, sed etiam ab Ecclesiastico puniri possunt; & ratio est, quia ejusmodi crimina adversantur non tantum bono politico Reip. sed etiam Fidei, & Religionis, vel saltem fini supernaturali, cujus Ecclesia curam gerit, & fere cum Ecclesiæ damno, ac præjudicio conjuncta sunt.

Dub. 2. utrum Laicus, in criminibus mixti fori puni- 63 nitus à Iudice Ecclesiastico, ob idem crimen possit etiam puniri à Iudice Laico? Negat Host. in c. tua 5. de Procurat. Butrio ibid. n. 18. & Legis communitur secundum Abbat. ibid. n. 7. Fundatur 1. l. licet. 4. §. fin. ff. nau. caupon. & c. ubi dicitur de ejusdem hominis delicto sæpius querendum non esse. 2. c. de his 6. de accusat. ubi asseritur non posse replicari accusationem de criminibus de quibus quis absolutus est. 3. Arg. l. Prator 7. §. si dicatur 1. ff. de injur. per quam DD. asserunt, quod si pro crimine diversæ pœnæ impositæ sunt, & reum Iudex punierit minori ex impositis, non possit ille amplius puniri alia pœna. Igitur si punitus fuit pœna Iuris Canonici in crimine mixti fori à Iudice Ecclesiastico, etiam si minor illa sit, quam pœna Iuris Civilis, non poterit puniri per sæcularem.

Affirmativam è contrario tenent Bald. in l. placer. n. 5. C. de SS. Eccl. Paul. Castr. in l. cunctos populos n. 9. C. de Summ. Trinit. Covar. l. 2. var. c. 10. n. 6. Jul. Clar. §. fin. q. 57. n. 14. & alii apud Olivam for. Eccl. p. 2. q. 25. n. 9. Nituntur 1. c. felix 5. vers. per hoc quoque, de pœnis in 6. ubi post impositionem pœnæ pro gravissimo homicidio Cardinalis, additur, per hoc sæcularibus potestariis non adimi potestatem utendi Legibus contra tales, quas adversus sacrilegos Catholici Principes ediderunt. 2. L. omnibus 3. vers. fin. autem C. de sponsal. ubi disponitur, quod imposita minori pœna à Iudice, qui aliam majorem imponere non potest propter limitationem Jurisdictionis, ad majorem iri Iudicem possit, ut puniat competenter. 3. Ratione, quia qui commisit crimen mixti fori, utramque Remp. Ecclesiasticam, & Sæcularem offendit. Igitur, ut repararetur utriusque læsio, ab utraque tam sæculari, quam Ecclesiastica potestate est coercendus.

Tenenda est via media, & cum Abb. in c. de his 6. de accusat. n. 1. Gomez. tom. 3. var. c. 1. n. 4. Molin. de J. & J. tr. 3. D. 49. n. 3. Oliva loc. cit. n. 12. Pirb. de for. compet. n. 144. Vviesl. ibid. n. 141. adhibenda distinctio: Vel enim reus Laicus à Iudice Ecclesiastico propter ejusmodi crimen punitus est pœna ordinaria secundum Canones & Leges statuta, aut si ordinaria statuta non est, alia extraordinaria delicto proportionata; vel contra solum affectus ab eodem est pœna medicinali, aut alia SS. Canonibus, non tamen Legibus Civilibus definita, ut in atrocioribus delictis, præsertim quæ pœnæ sanguinis obnoxia sunt, fieri solet. Si primum, reus ad pœnam trahi de novo in foro sæculari nequit, ut bene probat negativa sententia, & suadet æquitas, quæ non permittit, ut condigne punitus amplius puniatur. Si secundum, in eum animadverti in foro sæculari adhuc pœna ordinaria per Leges statuta potest, ut probant argumenta affirmativæ sententiæ. Extenditur distinctio etiam ad casum, quo Iudex Laicus in crimine mixti fori reum punit secundum Le-



ges; per hoc enim, licet vindicativam non possit, non tamen prohibetur Judex Ecclesiasticus eidem infligere poenam (spiritualem, & medicinalem. Oliva loc. cit. n. 30. Vviesl. loc. cit.

Dub. 3. an Laicus criminis accusatus, si in foro Ecclesiastico absolutus est, in saeculari condemnari possit? Affirmant Felin. in c. 6. de accusat. n. 13. Covar. l. 2. var. c. 10. n. 6. Clar. §. fin. q. 57. n. 11. Gomez. tom. 3. var. c. 1. n. 40. Laym. l. 4. Theol. tr. 9. c. 2. n. 6. Pith. de for. compet. n. 144. Rationem dant, quia cum potestas Ecclesiastica, & saecularis sint diversae, sententia, quae ab una lata est, apud alteram non parit exceptionem rei judicatae.

Sed tenenda est negativa sententia, & dicendum sic, absolutum regulariter accusati, vel condemnari à Judice Saeculari non posse amplius, saltem quoties crimen non fuit obnoxium poenae sanguinis, & condignè à Judice Ecclesiastico puniri potuit. Ita Gloss. in c. de his 6. de accusat. V. replicari, Bartol. in L. si quis homicidii C. eod. Boss. pract. crim. tit. de sentent. n. 64. Oliv. for. Eccl. p. 2. q. 28. n. 14. Vviesl. de for. compet. n. 142. & patet ex c. de his cit. Ratio est, quia etsi potestates illae diversae sint, se invicem tamen jurare debent: & hinc sententia, quae à Judice Ecclesiastico in crimine mixti fori valide pronuntiata est, observari etiam in foro saeculari debet c. fin. de except. in 6. Proceditque hoc etiam in criminalibus, ut contra Felin. ex communi omnium DD. ut ait, sensu advertit Oliva loc. cit.

Ad argumentum contrarium patet ex ratione allata.

Quæritur 4. qualis sit Judex Causarum Feudalium? Resp. distinguendo: Vel enim lis, & controversia est inter Vasallos, vel inter Vasallum, & extraneum, vel inter Vasallum, & Dominum ejus directum, vel inter hunc, & extraneum, vel denique dubium est, cujus ex duobus litigantibus Feudum sit.

Si primum, & lis agatur inter duos Vasallos, de ea cognoscere Dominus directus debet, prout statuitur l. 2. feud. tit. 55. §. fin. ver/. praterca; quod etiam traditur, vel potius supponitur c. cæterum 5. hoc tit. c. ex transmissa 6. de for. compet. & tradunt Joan. Andr. in c. 5. cit. n. 3. Pirh. hic n. 149. Konig ibid. n. 61. & alii communiter. Ratio est, quia penes dominium directum manet dominium, & proprietates rei feudalis, utilitas autem sola conceditur Vasallo, & quidem ex beneficio, & liberalitate domini directi. Atqui de re propria, & suo beneficio, ac liberalitate penes alterum existente cognoscere, & pronuntiare quisvis potest. Ergo &c. Proceditque hoc 1. etiam si Dominus Feudi alias nullam habeat Jurisdictionem; nam hanc acquirit hoc ipso, quod rem suam in Feudum concedit. Hinc Judex in causa feudali esse etiam homo plebejus potest; quia Jura, & DD. loquuntur generaliter, neque distinguunt inter personas publicas, & privatas, plebejos & nobiles. Innoc. in c. verum 7. de for. compet. n. 1. Marta de Jurisdic. p. 4. cas. 89. n. 3. P. Melch. Friderich. tr. de for. compet. n. 685. Procedit 2. si agatur Judicio petitorio, sive possessorio; cum enim Jura allegata indistincte asserant, de Feudo apud Dominum directum controversiam esse terminandam, causa proprietatis excludi debet, maxime cum idem debeat esse Judex proprietatis, & possessionis c. susceptis 1. de caus. poss. & propriet. §. l. nulli 10. C. hoc tit. Farin. l. 7. contr. c. 100. Konig n. 61. cit. P. Friderich. loc. cit. in fin. Procedit 3. etsi Vasallus sit Clericus, & Dominus directus sit Laicus c. cæterum c. ex transmissa, & c. verum cit. quia etiam coram hoc Vasallus Clericus conveniri potest, & comparere debet, saltem si causa civilis sit. Gonz. in c. cæterum cit. n. 1. & apud hunc alii.

Si secundum contingat, & lis agatur inter Vasallum, & extraneum, quia v. g. extraneus in fundo Feudali servitutem, vel aliud Jus præterdit, aut omnino fundum ad se pertinere contendit, causae cognitio pertinet ad Judicem Ordinarium Rei conventi, non vero ad dominum directum l. 2. Feud. c. 43. Ratio est, quia alias aut Dominus deberet esse Judex, aut Pares Curiae. Atqui Dominus in hac causa judicare non potest; tum quia Jura eidem Jurisdictionem duntaxat dant in Vasallos, non autem inter extraneos; tum etiam, quia si tali casu pronuntiaret, videretur esse Judex in causa propria. Sed neque Pares Curiae hoc casu possunt cognoscere; quia hi negotiis extraneis se immiscere non possunt. Igitur magis expedit, Judicium à Judice Ordinario expediri. P. Schmier tr. de Judic. c. 4. n. 66. & ante hunc Gloss. in c. 5. hoc tit. Schmalzgrueber. Tom. II.

in fin. Abb. ibid. n. 13. Dec. n. 9. Pirh. de for. compet. n. 50.

Si tertium fiat, & lis sit inter Vasallum, & Dominum directum, distinguendum est: Vel enim Vasallus rem, de qua controversia est, dicit esse Allodiam, & liberam, vel fatetur eam Feudalem esse, sed quæstio solum est super Feudi concessionem, devolutionem, retentionem, servitiis, vel tributo ratione illius præstandis. In primo casu controversia decidi debet à judice Ordinario Rei conventi, ne Dominus directus, ejus causae cognitionem sibi vendicans, jus dicat in causa propria. In secundum cognitio causae pertinet ad Pares Curiae, si tales sint, vel si nulli sint Pares Curiae, iterum ad Judicem Ordinarium Rei conventi cognitio ea pertinet l. 2. feud. tit. 55. §. fin. ver/. si vero. Porro Pares Curiae appellantur Convasalli ejusdem Domini directi, degentes in eodem territorio, nam si in diversis territoriis, seu Districtibus habitent, inter se Pares Curiae non sunt, licet sint Vasalli ejusdem Domini. Vvesenb. tr. de feud. c. 17. n. 3. Bocer. de Jurisd. c. 3. n. 56. Mynsing. cent. 4. obs. 89. n. 14. Ratio utriusque resolutionis est, quia ne Dominus in causa propria judicaret, judicium debebat alii tribui; non autem poterat convenientius tribui ulli, quam vel judici Ordinario Rei conventi, vel Paribus Curiae, quippe qui post Dominum consuebantur jutum, & Consuetudinum Feudalium optimam notitiam, & experientiam habere. Ergo &c.

Si quartum, & lis sit inter Dominum directum, & extraneum, quia v. g. iste negat rem esse Feudalem, aut in ea servitutem, aut aliud simile jus sibi vendicat, non Dominus, nec Pares Curiae, sed judex Ordinarius Rei conventi judicat l. 2. feud. tit. 43. Et quidem Dominus directus hoc casu cognoscere non potest de controversia, ne sc. ut jam dictum est, judex sit in causa propria. Pares Curiae non possunt; quia his Lex in extraneos jurisdictionem non tribuit, superest igitur, ut de tali causa cognoscat judex Ordinarius Rei conventi, apud quem iste de aliis negotiis conveniri potest, & respondere conventus debet.

Si quintum denique, & dubium sit, cujus ex duobus litigantibus Feudum sit, Abb. in c. 5. hoc tit. n. 13. Socin. in c. 6. de for. compet. n. 29. Schrader. tr. Feudal. p. 10. §. 2. n. 8. controversia decisionem adstruunt Domino directo ex ratione, quia causa hæc vere Feudalis est, ac proinde non ab alio, quam ab ipso Domino, rectius, & expeditius tractari potest. Contra Decius in c. 5. cit. n. 11. Imol. ibid. n. 6. Curt. Junior. tr. feud. p. 7. n. 5. Fach. l. 7. contr. c. 101. Pirh. de for. compet. n. 149. Vviesl. ibid. n. 108. existimant, eo casu, saltem si neuter litigantium aliud feudum à Domino directo obtineat, cognitionem causae competere judici Ordinario. Colligitur ex l. 2. feud. c. 15. §. illud tamen. Ratio est, quia hoc ipso, quod sic litigantes aliud Feudum à Domino directo non habeant, & Feudum litigiosum ad se pertinere uterque contendat, eorum unius duntaxat Vasallus est, alter autem extraneus; in casu autem, quo Vasallus litigat cum extraneo secundum dicta n. 66. cognitio litis ad judicem Ordinarium pertinet. Ergo &c.

Porro casu, quo cognitio causae Feudalis ad Pares Curiae spectat, vocari quidem, & judicare omnes possunt, ut pro comperto supponit P. Friderich. de for. compet. n. 697. non tamen necesse est vocari omnes, sed possunt ex iis aliqui eligi, qui litem decident, quæ electio communiter à Domino, & à Vasallo cum Domino litigante perficitur. Quod si in electione dissentiant, prius Dominus eligit, postea Vasallus pari numero, quo elegit Dominus l. 2. feud. tit. 16. Si Vasallus circa electionem sit contumax, & vel eligere nolit, vel in electione tergiversetur, Vultejus de feud. l. 2. c. 2. n. 27. Mynsing. cent. 4. obs. 89. n. 10. Konig hic n. 65. judicant electionem solius Domini esse, ita ut ab ipso electi soli sint Judices: quod vice versa idem Konig loc. cit. cum Rittershusio de feud. c. 9. q. 13. existimat dicendum, quando Dominus in eligendo tergiversatur, aut non vult eligere. Sed quia super hoc nihil Jure proditum est, forsitan rectius cum Sonbecio, & aliis dicitur, cognitionem causae tunc pertinere ad omnes Pares Curiae, qui commode haberi possunt; quia ut recte advertit P. Friderich. de for. compet. n. 697. facultas eligendi non cogit ad eligendum & in omnes censetur consentire, qui eligere certos non vult.

An jurati Pares Curiae esse debeant, ut in causa Feudali Judices esse possint, dubium fieri potest: in quo Certum est 1. non esse eligendum pro Pari, dissentiente Domino, aut Vasallo, illum, qui ne quidem si-



delitatem juravit Domino; nam ita clare *l. 2. feud. tit. 16. in fin. Certum est* 2. posse Dominum, & Vassallum litigantes consentire in non juratos; quia possunt aliis, quam Paribus, Jurisdictionem prorogare. *Difficultas* dubii est, an sufficiat Juramentum fidelitatis in Investitura præstitum, vel an Juramentum de novo præstare debeant de recte judicando? Hoc *secundum* requirunt aliqui cum Præposito. *Primum* sufficere existimat Mynsing. *cent. 4. obs. 89. n. 8. & 9. Engl de for. compet. p. 2. §. 4. n. 92.* Konig *hic n. 66.* & plerique alii, quod textus *§. pen. de prohib. feud. alien. per Frideric.* loquatur solum de Paribus sub debito fidelitatis, non autem sub debito recte judicandi juratis. Videtur consulenda locorum consuetudo. In Germania Vassalli fere jurant, se administraturos Justitiam, & recte judicatuuros, ut restatur Zaf. *in Epitom. Feud. & Hartm. Hartmanni l. 2. præf. obs. tit. de feud. obs. 23.* apud Mynsing. *loc. cit.*

72 Quæritur 5. coram quo Judice ventilandæ sint causæ connexæ? Resp. de his Regula generalis est, quod de iis, nisi aliud quid obstat, ab uno eodemque Iudice cognoscendum sit *c. fin. de rescript. c. causa 9. de in integr. restit. c. susceptis 1. de caus. poss. & propr. c. ad hoc 1. de sequest. poss. & fruct. l. cum ex pluribus 2. ff. de quib. reb. ad eund. judic. eat. l. omnes 5. C. arbitr. tutel. l. adite 1. & seq. C. de ordin. judic. l. cum & ipse 1. C. de ordin. cognit. & præcipue l. nulli 10. C. hoc tit.* Ratio est partim, ut parcat sumptibus, qui multiplicarentur, si rei ad diversos Iudices distraherentur; partim quia Iudex, qui de una cognovit, jam est instructus ad expeditiorem tractationem alterius; partim denique, quia sic minus periculum est, ne sequantur sententiæ contrariæ. Plures alias rationes accumulavit Mindan. *l. 3. de continen. causar. c. 2. n. 2. & 3. Gœddæus in c. 1. de sequest. poss. & fruct. n. 31. & alii.* Porro *causa connexa* seu *continentes* dicitur, qui communem habent liquidationis, & discussionis qualitatem, ac rationem, propter quam una sine altera plene ac liquide cognosci, ac definiri nequeat. Iason. *in l. nulli cit. & l. quoties 3. C. hoc tit.* Ummius *D. 4. ad Process. judic. thes. 4. n. 17.* Gœddæus *loc. cit. n. 28.* Vvief. *de for. compet. n. 133.* & novissime P. Friderich *ibid. num. 561.*

73 Dub. 1. quot modis esse causæ connexæ possint? Resp. posse pluribus modis. 1. *Ratione personarum*, quæ in Iudicio conveniuntur, ut si lis sit inter plures cohæredes, plures socios, plures tutores. 2. *Ratione rei*, de qua controversia est, quando circa eandem rem diversæ quæstiones principaliter, aut incidenter in Iudicium deducuntur, ut cum lis est de ejusdem rei possessione, & proprietate, de divortio, & doris, vel donationis propter nuptias amissione &c. 3. *Ratione quæstionis præjudicialis* in Iudicium incidentis, et cum in petitionem hæreditatis, principaliter in Iudicium deductam, incidit quæstio status, e. g. an qui illam petit, filius, an ex matrimonio, vel concubinato procreatus sit. 4. *Ratione reconventionis*, cum reus conventus reconvenit actorem convenientem se. 5. Denique *ratione actionis generalis*, quo modo connectuntur causæ, & res diversæ, quæ sub una, eademque tutelæ, vel negotiorum gestorum, aut hæreditatis petitione continentur. Iam de his omnibus procedit regula *n. præc. data*, quod ille Iudex, qui decernit de una causa ex ita connexis, etiam decernere debeat de altera, vel alis cum priore connexis, juxta textus *citt.* cum discrimine tamen inter antiquiora, & nostra, nostrisque propinquiora tempora; nam olim hæc causarum connexarum tractatio apud eundem Iudicem fuit necessitatis sub pœna officio Iudicis infligenda illi, qui earum continentiam a se diviserit, ut constat ex *l. nulli 10. C. hoc tit.* Hodie autem si Actor hujusmodi divisionem faciat, & causas connexas apud diversos Iudices tractet, reus opponere solum potest exceptionem continentiarum; quam si omiserit, processus coram diverso Iudice agitur tenent. Bald. *in l. nulli cit. n. 3.* Iason. *ibid. n. 6.* Felin. *in c. fin. n. 8. hoc tit.* Mynsing. *cent. 1. obs. 97.* Gaill. *l. 1. obs. 32. n. 13.* Konig *hic n. 74.*

74 Dub. 2. quis Iudex in causis connexis legitimus sit? Non omnino conveniunt DD. Mynsing. *cent. 1. obs. 4. n. 1.* Gaill. *l. 1. obs. 32. n. 3.* Blum. *Process. Camer. tit. 40. n. 8. fin.* Stryck. *in us. mod. Pandect. ad tit. de quib. reb. ad eund. §. 2. & seqq.* putat adeundum illum, qui est superior respectu omnium interessentium habentium. Bartol. *in l. præcipimus §. eandem C. de appellat. Schrader. de feud. p. 10. f. 4. n. 75. & 76.* quos citat, & sequitur Engl *de for. compet. n.*

79. negant faciendum hoc casu discrimen inter Judicem superiorem, & æqualem; putat enim ibi terminari litem debere, ubi vel contra unum ex correis præoccupata est. Alii cum P. Schmier *de Judic. c. 4. n. 73. & 74.* distinguunt, an respectu unius, vel alterius Iudex inferior sit incompetens, an vero competens respectu omnium. *Si primum*, adeundus est Iudex omnium correorum superior per textus *l. omnes 5. C. arbitr. tutel. l. si quæstio 2. C. de ord. judic. l. cum & ipse 1. C. de ordin. cognit. & Ordin. Camer. p. 2. tit. 8. Rec. deputat. 1600. §. bey unferem 22.* ne cateroquin Iudex inferior adimar correis conventis privilegium forum, & Iudici superiori prærogativam judicandi. *Si secundum*, coram eodem Iudice, apud quem causa respectu unius est cœpta, etiam respectu aliorum est continuanda *arg. si inter 1. & l. seq. ff. de quib. reb. ad eund. Judic. & l. nn. C. ubi de hered.*

Dub. 3. an universaliter Iudex, qui cognovit de una 75 causa, etiam cognoscere de altera connexa debeat? Resp. hoc solum procedere regulariter; nam plures fieri exceptiones debent. 1. Si reus conventus contra dividendum causarum continentia non excipiat; tunc enim, ut *n. 73.* dictum est, sic acta in diversis Iudiciis valent. 2. Si Iudex, coram quo agitur una ex connexis, respectu alterius ex illis sit incompetens, e. g. si causa una sit temporalis, altera autem ex connexis spiritalis; nam tunc Iudex Laicus de temporali causa cognoscens, spiritali connexam remittere ad Judicem Ecclesiasticum debet, ut constat ex *c. tuam 3. de ordin. cognit.* quo Titulo plenior hujus rei explicatio traditur. 3. Si unus ex litigantibus sit Laicus, alter Clericus, v. g. si Clericus coram Iudice Laico contra Laicum agat possessorio, ac postea contra ipsum agatur petitorio; nam tunc Iudicium petitorium Laicus Iudex adversus Clericum tractare potest, cum sit incapax Jurisdictionis in Clericum *c. fin. hoc tit.* 4. Si reus in primo Iudicio contumax fuit; nam tunc causa dividi, & Iudex mutari potest, ita quidem, ut contumaci excipere volenti de non dividenda causa negetur exceptio etiam casu, quo is vellet rescire expensas primi Iudicii. Bartol. *in l. quomodo ff. de damn. infect.* Sichard. *in l. nulli C. hoc tit. n. 16.* Ratio est, quia semel Iudicem contempsit, non potest invito actore moram purgare. 5. In executivis, seu cum ad executionem proceditur; nam hoc casu non tantum alia, & alia via eligi potest, e. g. petendo contra debitorem, ut in possessionem pignoris mittat, ac postea, ut is personaliter capiat, donec satisfaciatur; sed etiam postquam ab uno Iudice petii, ut mittat in possessionem pignoris, aut ut hoc distrahere mihi liceat, possum ab alio petere, ut debitor incarceretur. Bartol. *in l. consentaneum C. quomod. & quand. Jud. col. 2.* Sichard. *loc. cit. n. 19. & alii.* Ratio esse potest, quia in iis, quæ paratam habent executionem, non est opus figura, aut strepitu Iudicii. 6. Si Juramentum contractui adjectum fuit; nam hoc casu juxta Iason. & Sichard. *in l. nulli cit. n. 17.* Joan. Andr. *inc. fin. de for. compet. in 6.* & alios, cumulari Judicia, & debitum (ramer si unicum sit, ac propterea continentia causæ detur) peti apud Iudicem secularem, simulque propter Juramentum, utpote quod est spirituale, peti à Iudice Ecclesiastico potest, ut partem cogat ad observantiam Juramenti, vel ut Iudici seculari scribat, ut ipse ad hoc cogat debitorem. Rationem dant, quia Juramentum adjicit forum foro *c. fin. de for. compet. in 6.* habetque paratam executionem, sicut sententia, & instrumentum Depositi *l. jurjurandum 2. ff. de jurejur. de quibus late P. Friderich. de for. comp. à n. 577.*

## §. IV.

De Forma, Effectu, &amp; Contrariis Judiciorum.

## S U M M A R I U M.

76 Judiciorum Forma.

77 Effectus.

78 Causæ, ob quas sit nullum.

79 Modi, quibus finitur.

80 Quando peti possit absolutio ab observatione Iudicii?

81 An etiam hodiernis moribus lapsu biennii, vel triennii finiatur Instantia?

82 An defecto instantia de Jure Canonico sit perpetua?

Quæritur 1. in quo consistat Judiciorum Forma? 76  
Respond. consistit in Processu Judiciario, qui variat;



variat; Stylus tamen, & consuetudo Contrarium potissimum ita habet. 1. Actor accedit iudicem, & oblato Libello, de causa Litis summarie eundem instruit, petitque, ut Processum admittat, & Adversarium citer. 2. Decernitur à iudice citatio, & per publicum juratumque ministrum jubetur reus ad certum diem comparere juris experiendi causa. 3. Reo in iudicio ad diem destinatam comparenti offertur Libellus Actoris, nisi jam prius; ut alicubi sit, cum citatione sit missus, ut deliberare possit, num iudicium velit suscipere, an contra petitioni Actoris cedere. 4. Pro hac deliberatione conceduntur eidem Dilationes deliberatoriæ, & his finitis iterum jubetur se sistere in iudicio. 5. Si reus termino deliberandi lapso, denuo compareat, & contendendum putet, proponit primo loco, si quas habet; exceptiones fori declinatorias, vel iudicii dilatorias; item, si velit, & jure possit, actorem suum reconvenit coram eodem iudice. 6. His expeditis sit Litis contestatio, & exigitur à partibus satisfactio, seu cautio de iudicio sisti, & iudicatum solvi, & si res agatur per Procuratores, de rato. 7. sequitur iuramentum calumniæ, quo præstito, fiunt Positiones, & exigitur duplex iuramentum à parte, quæ ad ipsas respondere debet, iuramentum dandorum quidem, antequam illæ ipsi exhibeantur, respondendorum autem, antequam ad eas respondeat. 8. Quæ controversia manent inter Actorem, & Reum in positionibus ab Actore propositis, ea Litis futuræ materia crunt; in quo ut intentionem suam evincat, Actor producit testes, & alias juridicas probationes; ut vero eandem intentionem Actoris elidat Reus, suas opponit exceptiones. 9. Post deductas utriusque partis allegationes concluditur in causa, & pronuntiatur, sententia, cui si litigantes acquiescant, sequitur executio; si pars una ex illis gravamen se passam existimet, ad iudicem superiorem provocat, & appellat. De quibus omnibus *Libro præsentis* discurretur per ordinem; hic solum noto, formam istam esse Processus Ordinarii duntaxat; nam in Processu summario non omnia hæc requiruntur, ut dictum est supra n. 10.

**37** Quæritur 2. quis sit effectus iudicis? Resp. triplex maxime. 1. & præcipuus est, quod litibus, & controversiis imponat finem, eoque rem deducat, ut quisque consequatur, quod suum est. 2. Quod iudicio cæpto, neuter litigans, Adversario dissentiente, à iudicio possit recedere. *l. sicut 5. C. de O. & A.* nisi velit, ut temerarius litigator, in expensas condemnari §. *ecce 1. Inst. de pen. temer. litig.* 3. Quod acta coram iudice incompetente sint invalida, ita ut neque fidem faciant in alio iudicio producta coram iudice competente, ut ex communi docet Clar. *in præf. crim. §. fin. q. 36. n. 49.* ubi ait, quod si iudex sæcularis remittat Clericum ad iudicem Ecclesiasticum, non teneatur is stare Processui factio contra Clericum coram iudice sæculari; quia sunt acta facta coram iudice incompetente. Consentiunt DD. reliqui, & inter hos Barbof. *in c. 4. hoc tit. n. 1.* Vvagneréck *ibid.* Pith. *hic n. 88.* Schamb. *n. 42.* König *n. 79.* Vviesl. *n. 96.* E contrario acta coram iudice competente tenent, & fidem faciunt etiam in alio iudicio; & etsi diversus sit iudex, modo inter easdem personas, & ad eundem finem producantur. Ita Innoc. *in c. causam 11. de test. & Arrest. n. 3.* Abb. *in c. 4. hoc tit. n. 12.* Decius *ibid. n. 14.* Alex. *de Nevon: 33.* Laym. *n. 3.* Pirh. *hic n. 94.* Schamb. *n. 42.* Vviesl. *n. 98.* sumitur ex *c. causam cit.* ubi Alexander III. rescriptit, ex attestationibus, quæ ab aliis iudicibus receptæ sunt, causam inter easdem personas agitatam debito fine terminandam, luculento argumento, quod attestationes, & alix probationes in iudicio receptæ plenam fidem faciant inter easdem personas, & in eadem causa; alias ex iis solis causa legitime terminari non posset.

Proceditque hoc r. etsi sententia in priore iudicio lata non fuerit; adhuc enim proderunt acta in posteriore iudicio, sicut in eo prodesse sententia, si pronuntiatum fuisset in priore iudicio. Innoc. *loc. cit.* Ex quo sequitur, si quis per testes probavit se dominum esse fundi, quem postea vendidit, illa testimonia valitura, & profutura etiam emptori.

Procedit 2. si iudex in posteriore iudicio sit ejusdem ordinis cum priore, si ve diversi, sæcularis, an Ecclesiasticus. Colligitur ex *c. fin. de except. in 6.* ubi iuncta Rubrica traditur, quod exceptio rei iudicatæ, adeoque sententia lata per iudicem Ecclesiasticum admitti debeat in foro sæculari; & è diverso lata per iudicem sæcularem admitti debeat in foro Ecclesiastico, si causa sit mixti fori, & eadem personæ sint in utroque iudicio. Ratio est, *Schmalzgrueb. Tom. II.*

quia per sententiam, quæ transit in rem iudicatam, jus acquisitum est parti, quod alius iudex non deber lædere. Plura vide infra *Tit. 19. & 20.*

Quæritur 3. ex quibus causis iudicium reddatur nullum? **78** Resp. Marant. de *Ordin. judic. p. 4. dist. 16.* viginti novem omnino causas enumerat. Precipuas seligo. Itaque iudicium evadit nullum 1. ex defectu capacitatis, & competentie iudicis, quod vel jurisdictionis capax non sit; vel etsi capax sit, eam non habeat; aut si habet, illa sit impedita. *c. at si Clerici 4. in princ. hoc tit. c. ad probandum 24. de sent. & re judic. l. si militaris 2. & l. fin. C. si a non competent. & c. 2.* Ex defectu personatum versantium in iudicio, ut si actor, vel reus personam standi in iudicio non habeat, ut dictum est supra à n. 23. vel Procurator, causam alterius agens, mandatum ad hoc ab ipso non habeat, vel habeat, sed non sufficiens, aut revocatum, vel extinctum juxta dicta *l. 1. tit. 38. à n. 25.* 3. Ex defectu actus, si ve solemnitatis substantialis, quod v. g. non præcesserit citatio, iuramentum calumniæ, contestatio litis, causa non fuerit sufficienter instructa &c. per dicenda *Tit. 3. §. 7. & seqq. hic.* 4. Ex defectu Ordinis iudiciarii, quod iste non observatus, sed eversus fuerit: ubi tamen distinguendum; nam quidam ordo pertinet ad substantiam iudicii, alius solum ad iustitiam ejusdem: iudicium nullum redditur ex perversio-  
ne primi, non autem secundi.

Procedit autem hoc in iis iudiciis, in quibus attenduntur subtilitates juris; aliud est in iis, in quibus magis consideratur æquitas, ut in Foro Canonico, & Camera Imperiali; nam in Camera Imperiali, si de causæ meritis constet, nullitates ex defectu solius processus, & solemnitatis provenientes non attenduntur, sed sine aliis ambagibus pronuntiatur, solemnitatis defectum supplente Autoritate Imperiali, ut ita citius finiantur lites. Mynsing. *cent. 5. obs. 93. n. 1.* Gaill. *l. 1. obs. 42. à n. 1.* Vviesl. *hic n. 115.* similiter in Curia Romana post Constitutionem à Paulo V. super Tribunalium reformationem editam ex omnibus iudicii nullitatibus, quæ ex juris subtilitate descendunt, tres duntaxat, ex totidem substantialibus provenientes, attenduntur, sc. si iudex sit incompetens, si Procurator mandatum non habeat, aut non habeat sufficiens, vel revocatum, & si citatio sit omissa. Card. de Luca *Theatr. V. & J. de jud. d. 38. n. 22.* Honor. *ad hanc Rubr. n. 31.* Vviesl. *hic n. 114.*

Quæritur 4. quomodo iudicium finiarur? Resp. finitur duobus modis, videlicet per sententiam definitivam, & aliquando etiam ante illam. Quod per sententiam definitivam finiarur lis, & controversia, clatum est; quia lata illa, iudex fructus est officio suo, ut quoad causam, super qua pronuntiavit, iudex esse definit *l. iudex 65. ff. de re judic.* Proceditque hoc, si ve appellatum sit à sententia, si ve non, cum hoc tamen discrimine, ut si appellatum non sit intra decennium isto lapso, controversia finiarur omnino; nam tunc sententia transit in rem iudicatam, & quod iudicatum est, habetur pro veritate, ita ut aliud non super sit, nisi ut mandetur executioni, ut latius dicetur *Tit. 27. infra.* Si vero appellatio sit interposita, & huic delatum, finiarur solum instantia; nam tunc secunda Instantia incipit: de quo plura infra *Tit. 28.*

Ante sententiam definitivam, & sine illa iudicii instantia finitur tribus modis. 1. *Mutua voluntate partium,* renuntiantium ulteriori processui cum intentione nunquam repetendi litem: quod facere omnino eisdem permisum est, cum utique juri pro se principaliter introducto possint renuntiare. 2. *Abfolutione ab observatione iudicii:* quia liberatus pars absoluta, ut in hac Instantia respondere non teneatur; reservato tamen jure parti alteri, ut novo iudicio cæpto cum Adversario suo possit contendere. 3. *Lapsu temporis;* nam jure Civili ad tollendam immortalitatem litium saluberrimè cautum est, ut si in causa criminali intra biennium, in causa Civili autem intra triennium à contestatione litis numerandum, lis seu iudicium ad finem non perducatur, Instantia pereat, ut statutum est *l. prope- randum 13. princ. & §. censemus 1. C. hoc tit.* Ratio disparitatis est, quia publicæ causæ sunt privatis potiores, aut potius, quia triste est longo tempore in reatu hædere.

Excipiuntur tamen 1. causæ Fiskales, & quæ ad publicas exactiones, vel tributa pertinenr. §. *censemus l. prope- randum cit.* 2. Causæ agitatæ in Consistorio, si ve supremo Tribunali ipsius Principis; nam in hoc nunquam perit Instantia, & sic ultra triennium durat. Maranta de *Ord. judic. part. 5. numer. 15.* 3. Quando ab eodem Principe Instantiæ terminus prorogatur. Maranta



*num. 19.* 4. Quando reus conventus subterfugiis, & cavillationibus suis impedimenta objicit, quo minus intra triennii terminum ferri sententia definitiva possit, modo ab Actore interponatur protestatio. Marant. *num. 30.* 5. Si interea temporis per partes in Compromissum itum fuerit; tunc enim prædictum tempus non videtur labi *arg. Clem. quamdiu de appell. Auth. si tamen C. de tempor. appellat. Zoef. hic n. 12.* Plures exceptiones enumerat Marant. *loc. cit. à n. 15.*

80 Quæritur 5. Quando peti possit absolutio ab observatione Judicii? Resp. hæc peti potest in triplici maxime casu. 1. Si in progressu litis appareat, quod intentio, ac petitio Actoris in Libello ineptè proposita fuerit, sicut factum est *cap. examinata 15. hoc tit.* Addidi in *progressu litis*; nam si in principio litis, & ante contestationem ejusdem vitium Libelli appareat, statim est rejiciendus à Judice, nec ad alia procedi debet, nisi de intentione Actoris, sive causæ petendi sufficienter constet, ut pluribus dicitur infra *Tit. 3. num. 7.*

2 Si post litem contestatam, reo ad præfixum terminum comparente, Actor contumaciter absens causam non prosequatur; tunc enim in potestate Rei est petere, ut absolvatur ab observatione Judicii; vel si receptis testibus, & aliis probationibus, satis de causâ liqueat, procedatur ad Sententiam definitivam, ut plenius dicitur *Tit. 14.*

3 Si ante litis contestationem, Actore non comparente in termino peremptorio, compareat Reus, & contumaciam absentis accuset; tunc enim absolute perimitur non quidem Instantia (nam hæc, quia nondum cepit, perimi nequit) sed citatio, ut Actor perinde, ac si ipsa Instantia propter contumaciam ejus post litis contestationem fuisset perempta, non nisi resectis expensis audiatur.

81 Quæritur 6. an etiam hodiernis moribus lapsu biennii in causâ criminali, & triennii in causâ Civili finiatur Instantia? Resp. hodie modus iste finiendi lites ut plurimum à Foro recessit; nam 1. in Tribunalibus supremis Principum, uti in Imperio est Camera Spirensis, hodie Vvezlariensis, ex consuetudine nunc potius habetur ratio *Auth. sed ut lis C. de temp. appell. quam l. properandum citat.* & actionibus Instantiæ lapsu morituris sæpe longævæ admodum vitæ spiritus insufflatur, ut ex Maranta noravi supra *n. 79.* & consentiunt Mynsing. *cent. 2. obs. 48. & cent. 3. obs. 44. n. 9.* Zanger. *de except. p. 1. cap. 1. circa fin.* Gaill. *l. 1. de pac. publ. c. 9. n. 15.* Brunnem. in *l. properandum cit. n. 11.* König hic *n. 84.* & alii passim.

2 Idipsum in multis etiam Tribunalibus inferioribus receptum est, ut lite etiam intratriennium non finita, Instantia tamen non censeatur perempta esse, quem tamen usum, tanquam abusum, damnat Brunnem. *loc. citat. num. 15.* & optat dispositionem saluberrimam *l. properandum cit.* in usum denuo revocari, ut lites ad exitum citius perducantur.

3 De Jure SS. Canonum non tantum consuetudine, sed Legè scripta Instantia videtur esse perpetua, ut contra Covar. in *c. quamvis p. 2. §. 1. n. 10.* Zoef. hic *nu. 13.* docent Gloss. in *c. venerabilis 20. in cas. not. un. hoc tit.* Abb. *ibid. n. 5. & duob. seqq. Barb. n. 1. & seqq. Zypæus nu. 5. hic Pirh. n. 125.* Vviesl. *nu. 107.* & sumitur ex *c. venerabilis cit. c. tum ex literis 5. de in integr. restit. & c. cum olim 14. princ. vers. Judices de privil.* idque meritò; quia cum in foro Canonico liceat appellare etiam à sententia interlocutoria, & quolibet gravamine, sæpe contingit, ut lis intra triennium terminari nequeat.

82 Quæritur 7. an defacto Instantia de Jure Canonico sit perpetua? Rationem dubitandi facit Trid. *sess. 24. cap. 20. de reform.* ubi statuitur, ut causæ omnes ad Forum Ecclesiasticum quomodolibet pertinentes coram Ordinariis locorum, saltem intra biennium à die motæ litis, terminentur. 2. Quia in *cap. venerabilis cit.* sermo est tantum de casu, quo subterfugiis, & cavillationibus Adversarii factum fuit, ne intra triennium finitetur lis, & ferretur sententia. 3. Quia inter Jus Canonicum, & Civile sine expresso textu non est statuendum discrimen, præsertim si utroque Jure eadem procedat ratio. Atqui nullus extat textus manifestus, quo suadeatur hoc à Jure Civili divorcium, & ratio pugnat eadem, nempe favor abbreviandarum litium. Ergo &c.

Sed verius est adhuc hodie de Jure Canonico Instantiam Judicii perpetuari, etiam post triennium, & quidem indistinctè quoad omnes causas. Ita Host. in *c. venerabilis cit. V. subterfugia.* Abb. *ibid. n. 9.* Barbosa

*n. 2. & 3. Zypæus n. 6. Pirh. n. 126. not. 2.* Excipitur causa Appellationis, cui finiendæ annus, & ex justa causa triennium etiam Jure Canonico præfixum est *cap. cum sit 5. in princ. de appell.*

Neque contrarium probant Argumenta allata. Ad 1. Trid. *loc. cit.* solum permittit, ut partes lapsu biennio, Superiorem adire possint, non autem prohibet iisdem, quin, si velint, litem cœptam prosequi coram eodem Ordinario possint; imo hoc ipsum satis apertè concedit, quia dicit tum liberum fore partibus Superiorem adire: quod manifestum est indicium, probans instantiam lapsu temporis non perire. Ad 2. subterfugia, & cavillationes non fuerunt causæ adæquata, & unica perpetuandi instantiam, sed præcipuè fuit æquitas, quam præ aliis attendit Jus Sacrum, & quia successu temporis compertum usu est peremptione instantiæ, per *l. properandum* prodita, lites potius perpetuari, quam finiri, cum instaurari possint inchoatione novi processus. Ad 3. textus *n. præc. cit.* satis clari sunt: deinde hæc dicta ostendunt, non frustra fieri in hoc passu recessum à Jure Civili.

## TITULUS II.

### De Foro Competente.

Postquam Actor litigaturus cum Adversario apud se conclusit, quo Judicio cum eodem velit contendere, dispicere ulterius debet, cui foro subjectus sit ille, contra quem cupit contendere; nam Actor sequitur forum Rei, idque tam necessario, ut Judicium, celebratum in foro incompetente, ipso Jure nullum sit.

#### §. I.

### De Fori Natura, & Varietate.

## SUMMARIUM.

- 1 Diverse acceptiones Fori.
- 2 Varietas Fori proprie dicti.
- 3 Judex competens quis, & quotupliciter?
- 4 An generali commissione eorum, quæ ad Forum Ecclesiasticum spectant, comprehendatur Jurisdicctio utriusque fori tam interni, quam externi?
- 5 An valida sit sententia lata à Judice incompetente?
- 6 Ex quibus principiis deducatur competentia fori?
- 7 Quod Forum sit adeundum, si Actor habeat forum diversum à Foro Rei?

Quæritur 1. quid sit Forum competens? Resp. Fori nomen multipliciter accipitur. 1. Enim significat locum, rerum venalium expositioni, ac negotiationi destinatum: & hujusmodi Forum vel à metce ibi exposita, ut *Forum vinarium, Forum granarium &c.* vel ab iis, qui ea Fora instituenda curarunt, ut *Forum Flavinium, Forum Julium*, nomen accipit. 2. Districtum, sive Territorium, in quo quisque Judex Jurisdictionem habet *l. pupillus 239. §. territorium 8. ff. de V. S.* quo pacto etiam tota Diocesis dicitur Territorium Episcopi *can. omnes 10. caus. 16. q. 7. 3.* Locum, qui ad exercendas, discutendas, & Judicis sententia definiendas lites est destinatus *cap. forus 10. de V. S.* ubi dicitur; *Forus est exercendarum litium locus, à Fando dictus, sive à Foroneo Rege, qui primus Græcis Legem dedit.* Hic locus alias etiam Judicis Tribunal, Auditorium, & præsertim si Judicis Ecclesiastici, aut Supremi Principis sit, *Consistorium* appellatur. 4. Denique Forum aliquando idem est, quod Jurisdicctio judicium exercentis, seu potestas publicas de causâ in Judicium deducta cognoscendi, ac pronuntiandi. Host. in *Summ. hic §. 2. Abb. in Rubr. eod. in fin.* Et in hoc sensu esse de Foro alicujus Judicis, idem est, ac pertinere ad jurisdictionem illius. Inde etiam *Forenses* dicuntur, qui Tribunalibus, & Judicis occupantur; *Forenses cause*, quæ in judicio disceptantur, *Instrumenta Forensia* scripturæ publicæ, quæ fidem in judicio faciunt. Habent autem Forum tam Magistratus, quàm Subditus; ille quidem activè, dum jurisdictionem exercet; iste passivè, dum jurisdictione in eundem exercetur. Ad hunc locum spectat maxime tertia, & quarta acceptio.

Quæritur 2. quotuplex sit Forum? Resp. hujus variæ sunt 2 divisiones, & subdivisiones. 1. Dividitur in Forum competentens,



petens, & incompetens. *Forum competens* est, in quo Reus conveniri potest, & debet. *Incompetens*, in quo Reus nec conveniri potest, nec debet. Et si enim singuli Judices, Jurisdictione instructi, sua habeant Tribunalia, suumque forum, istud tamen ad certas causas, & personas restrictum habent. Estque hoc verum non tantum in inferioribus Judiciis, sed etiam in supremis, atque adeo in ipso Imperatore, & Summo Pont. sicut enim Imperator in spiritualia immiscere sese non potest, ita nec Pontifex in temporalia; item sicut iste Jurisdictionem duntaxat habet in fideles, qui per Baptismum Ecclesiam ingressi sunt, ita & ille solum in Cives Romanos, seu qui Imperii Romano-Germanici ambitu continentur, cum passim, & merito explodatur illa Batroli, aliorumque communis sententia, quæ olim Imperatori Orbis totius dominium adstruebat.

2 Dividitur in Forum Ecclesiasticum, & sæculare, eo plane sensu, quo supra *Tit. præc. n. 6.* divisum est Judicium, & *Libr. 1. tit. 32. n. 5.* Jurisdictio. *Ecclesiasticum* subdividitur in internum, & exterum. In *Foro Externo*, quod etiam *Forum Fori* appellatur, Reus secundum allegationes, & probationes, à ligantibus deductas absolvitur, & condemnatur; in *Foro interno*, quod etiam *Forum Poli*, *Forum conscientie*, & *animæ* dicitur, Reus absolvitur, & ligatur secundum conscientiam ipsius propriam. Hoc posterius etiam ipsum duplex est, nimirum. *Pœnitentiale* sive *Sacramentale*, quod exercetur in administratione sacramenti Pœnitentiæ; & *non sacramentale*, quod extra illud, ut si committatur alicui potestas dispensandi in Voto, vel absolvendi à Censuris pro foro interno, & non exprimitur eam dispensationem, vel absolutionem faciendam prævia Confessione Sacramentali; nam tunc is, qui potestatem hanc ita sibi commissam habet, dispensare potest, & absolvere pro Foro interno quidem, sed extra Pœnitentiæ Sacramentum. *Rodrig. tom. 1. qq. regul. c. 61. à n. 10. Sanch. de Matr. l. 8. D. 34. n. 20. Suar. de Legib. l. 8. c. 6. n. 13. & 15. Oliv. For. Eccl. p. 1. q. 1. n. 16.* quos citat, & sequitur P. Friderich *de for. compet. n. 7.*

3 Dividitur in Forum Ordinatum, & Extraordinarium. *Ordinatum* est, quod habent Judices in personas, & causas specialiter non exemptas ratione domicilii, delicti, rei sitæ &c. *Extraordinarium*, quod ex accidenti competit, ut sit per prorogationem, continentiam, vel connexionem causarum &c. *Ordinatum* subdividitur in commune, & singulare. *Commune* est, in quo ordinaria Jurisdictio exercetur communis omnibus *Singulare*, in quo exercetur quidem Jurisdictio Ordinaria, sed singularis, & certis causis, vel personis propria, ut sunt causæ sacræ, feudales, fiscales &c. & personæ privilegiatæ, ut Clerici, Nobiles, Studiosi &c.

4 Dividitur in *Contentiosum*, & *Voluntarium*. Illud est, in quo exercetur Jurisdictio Contentiosa; istud, in quo Voluntaria.

3 Quæritur 3. quis sit, & quotupliciter dicatur Judex competens? Resp. *Judex* competens dicitur is, cujus Jurisdictioni subicitur reus, seu coram quo Actio, & Lis proponi, atque institui, & finire potest. *Pirh. hic n. 1. Schamb. ibid. n. 2.*

Alius est *Simplexiter competens*, quem sc. pares litigantes adire possunt, & debent, tanquam Ordinarium Judicem loci, seu territorii, in quo Judicium exercetur: quales sunt Judices Ordinarii constituti à Lege, Principe, vel consuetudine, ut præsent universalis Jurisdictioni alicujus Civitatis, vel Provinciæ, de quibus dictum *Lib. 1. Tit. 31.*

Alius vero est per se Incompetens, qui tamen consensu partium litigantium, dum Jurisdictionem ejusdem prorogant, comperens fieri potest *c. significasti 18. princ. hoc tit. l. si se t. & l. seq. ff. de Judic.* Talis est Judex Ecclesiasticus respectu Laicorum in causis temporalibus; licet enim ille respectu istorum in hujusmodi causis per se incompetens sit, si tamen Laici se Jurisdictioni ejusdem submittant, illam in se prorogant, & sic eum respectu sui competentem faciunt.

Utrique opponitur Judex, qui simpliciter est incompetens: ita ut nec partes Jurisdictionem ejusdem prorogare in se consensu suo possint, Talis est Judex sæcularis respectu Clericorum, & respectu Laicorum in causis merè Spiritualibus & Ecclesiasticis, ut Hæresis, simoniæ, Decimarum &c.

4 Quæritur 4. an generali commissione eorum, quæ ad Forum Ecclesiasticum spectant, comprehendatur Juris-

dictio utriusque fori tam interni, quam externi; Affirmant Anton. *conf. 19. n. 14. & in Rubr. hoc tit. Felin. ibid. in princ. Barbaria n. 6.* Fundantur, quia commisso genere, commissæ intelliguntur omnes species comprehendæ sub genere, perinde ac si omnes fuissent expressæ *l. si chorus 79. ff. de Legat. 3. & l. si duo 5. ff. de administr. tutor.* atqui Jurisdictio Ecclesiastica est genus respectu Jurisdictionis Fori externi, & interni. Ergo &c. *Conf.* nam verba cujusvisque dispositionis comprehendunt omnia, quæ sub illis ex proprietate sua veniunt, ut commune est axioma Juris. Atqui nomine Jurisdictionis proprie accepto comprehenditur Jurisdictio utraque. Ergo &c.

Neque contra Host. Abb. Imol. apud Olivam *for. Eccl. p. 1. q. 1. n. 9.* ex ratione, quia in generali commissione non veniunt ea, quæ in specie quis verisimiliter non fuisset concessurus, ut habet *Reg. 81. in 6.* igitur sicut generali commissione Vicariatus non intelligitur commissæ potestas inquirendi, corrigendi, & puniendi excessus & libera collatio Beneficiorum *c. licet 2. & c. fin. de Offic. Vicar. in 6.* ita nec generali commissione eorum, quæ ad Forum Ecclesiasticum spectant, intelligitur concessa Jurisdictio fori interni.

Tenenda est sententia inter utramque media, quam cum Oliv. *loc. cit. n. 10. & seqq.* defendit P. Vviest. *hic n. 9.* & dicendum considerandam praxin, & alias circumstantias, ex quibus mens concedentis colligi possit: nam si ex his colligi illa possit, Jurisdictio secundum hanc concedentis mentem, quippe quæ concessionis Regula est, vel restringenda, vel amplianda est; si nihil certi colligi ex iis possit, altera distinctio est adhibenda, & videndum, an extensione commissionis ad Forum internum præjudicetur alicui tertio. e. g. Jurisdictioni Ordinariæ, vel non. *Si primum*, commissio ad forum externum restringi debet; quia odiosa est, & *conf. interpretationis strictæ. Si secundum*, probabilius etiam Jurisdictioni fori interni, & Pœnitentialis commissæ censetur; quia talis commissio habet rationem beneficii Principis, quod latam interpretationem habet *c. quia circa 22. de privileg. c. cum dilecti 6. in fin. de donat. l. beneficium 3. ff. de Constit. Princip.*

Quæritur 5. an valida sit sententia lata à Judice incompetente? Resp. cum distinctione: Vel enim lata est à Judice simpliciter incompetente, vel solum à Judice per se incompetente, qui tamen voluntate partium factus sit competens. *Si primum*, sententia ipso Jure nulla est per claros textus *c. at si Clerici 4. de Judic. l. hoc editum 1. §. qui Magistratum 1. vers. hac verba ff. quod quisq. Jur. l. si militaris 2. & l. fin. C. si à non competent. Judic.* Ratio est, quia Jurisdictio est basis, & fundamentum omnis Judicii, ac sententiæ. Igitur ubi hæc deficit, judicium non est, & nec sententia, nec judicatum dici potest. Et hinc ejusmodi sententia, licet ab ea non appelletur, nunquam tamen in rem judicatam transit, sed semper, etiam post tres conformes sententias, exceptio nullitatis contra eandem opponi potest, modo de tali incompetencia, & omnimodæ Jurisdictionis defectu evidenter constet. *Gloss. in Clem. un. V. non obstante de sequest. possess. Gaill. l. 1. obs. 42. n. 8. & seqq. Pirh. hic n. 3. Vviest. n. 12.* Proceditque hoc, quamvis quis jurasset se non oppositurum de nullitate; nam adhuc nullitatem ex defectu Jurisdictionis potest opponere, ut aliis *citt.* notat Barboz. *ir. c. 4. de Judic. n. 3.*

*Si secundum*, & sententia lata est à Judice, cujus Jurisdictio in litigantes prorogari potuit, videndum, an pars litigans, ab eo in Jus vocata, ignoraverit eum esse incompetentem, an vero hoc sciverit, & tamen non opposita exceptione fori declinatoria, comparuerit. *Si prius*, sententia iterum nulla est; quia cum ignorantis nullus sit consensus *l. non idcirco 9. C. de J. & F. J.* is, qui Judicem, quem adiit, nescivit incompetentem esse, ejus Jurisdictionem in se prorogasse non intelligitur; & hinc errore postea cognito, exceptionem incompetentiæ etiam post litem contestatam potest opponere. *Si posterius*, comparendo, & non opposita exceptione, litigando censetur in ipsum consensisse, & sic Jurisdictionem illius in se prorogasse, ut ita qui tuus, & competens ante non fuerat, suus, & competens effectus fuerit.

Quæritur 6. ex quibus principiis deducatur Competentia Fori? Resp. deducitur maxime ex tribus; videlicet 1. ex persona judicis; ejusque Jurisdictione. 2. Ex persona Rei conventi. 3. Ex qualitate causæ in judicium deductæ, vel deducendæ.



Ut ex persona Judicis Forum competens sit, necessarium est, ut jurisdictionem, vel saltem facultatem cognoscendi de causa inter personas litigantes habeat, quod fieri pluribus modis potest. 1. Potestate ordinaria, qualem iudices Ordinarii habent. 2. Potestate Delegata, qualem Delegati. 3. Compromisso partium, quo modo Arbitri Compromissarii accipiunt facultatem cognoscendi de causa, in qua electi sunt Arbitri. 4. Prorogatione earundem, si nempe partes iudicis non sui jurisdictionem in se prorogaverint. 5. Avocatione causæ ad Superiorem; tunc enim iste, excluso inferiore, solus sit competens, & inferioris jurisdictionis circa causam avocata suspenditur.

Reus ex sua parte duplex sortiri Forum potest, Ordinarium, & Extraordinarium. Hoc ratione prorogationis, delegationis, connexionis causarum, reconvencionis. Illud vel Commune ratione domicilii, contractus, delicti, rei sitæ; vel Singulare ratione privilegii certis personis concessi.

Qualitas causæ denique & ipsa Forum diversificat; nam si causa sit Ecclesiastica, ad Forum Ecclesiasticum pertinet; si Temporalis, & inter Laicos agitur, ad Sæculare; si Mixta ad utrumque, ita ut locus præventioni sit.

De primo, & tertio capite dictum satis est Tit. præc. Superest, ut competentia Fori examinetur respectu ipsius Rei.

7 Quæritur 7. quod Forum adeundum sit, si Actor habeat Forum diversum à Foro Rei? Resp. in hoc Regula est, quod forum Rei sequatur Actor, non vero Actoris Reus: Ita habetur cap. si Clericus 5. & c. cum sit 8. de for. compet. l. Juris 2. & l. in criminali 5. Cod. de Jurisd. omn. Judic. l. fin. Cod. ubi in rem actio &c. Estque id verum, si possessorium, si petitorium sit iudicium; & etsi Actor sit Clericus; debet enim contra Laicum adire iudicem Sæcularem, nisi causa sit Spiritualis, aut mixta.

Patitur tamen etiam hæc Regula exceptiones suas, quarum 53. omnino affert Durand. Specul. tit. de compet. Jud. addition. §. 1. Verum istæ non omnes sunt ad propositum, ut consideranti patebit; nam in plerisque casibus à Doctore cit. recensitis, non alienus, sed suus aditur iudex. Hinc unicam pono, quam extra præfatarum numerum §. cit. in princ. idem Durandus statuit, nisi consuetudo se habeat in contrarium; & sic ipso teste Aretii super qualibet causa Clericus trahit Laicum ad iudicem Ecclesiasticum.

## §. II.

### De Foro Competente ratione Domicilii.

#### S U M M A R I U M.

- 8 Domicilii varietas.
- 9 Domicilium verum quod?
- 10 An ad istud comparandum necesse sit; ut illuc quis transfuleris sua bona?
- 11 Vel ut diutius ibi habitaverit?
- 12 Conjectura, ex quibus colligitur constitutio domicilii in certo loco.
- 13 Potest quis in duobus, vel pluribus locis simul habere domicilium.
- 14 Haberi potest quandoque absque habitatione.
- 15 Vis domicilii veri ad constituendum Forum.
- 16 Quasi domicilium, & huius effectus.
- 17 In hoc conveniri aliquis potest etiam super actibus alibi gestis.
- 18 Vagi conveniri possunt ubique, ubi inveniuntur.
- 19 Requisita ad acquirendum quasi domicilium.
- 20 Forum ratione Originis ubi quis sortiatur?
- 21 An etiam ex origine sortuita?
- 22 Vel ex origine materna, aut aliorum ascendentium?
- 23 Quoad Jurisdictionem principalis considerandum est domicilium habitationis, quam originis.
- 24 Domicilium Originis, translatum domicilio habitationis, de jure communis manet.
- 25 Invalidum est Statutum, quo Cives, & Originarii velantur mutare Civitatem.
- 26 Domicilium generale Civibus Romanis Roma est.
- 27 Ibi adhuc hodie conveniri Clerici possunt, si ibidem existant.
- 28 Imò & Laici, si ibidem reperiantur.

29 Roma ibi dicitur esse, ubi est Curia, & Sedes Pontificis.

Primus, & cæteris amplior modus sortiendi Forum est Domicilium; Hoc duplex à Legibus, & Interpretibus proditum invenio, scilicet commune, & privatum. Commune Civibus Romanis Roma est, tanquam communis eorum sedes, & patria. Privatum est vel Naturale, seu Originis, vel Accidentale, & Adscriptum, seu habitationis; & hoc quidem duplex, Voluntarium, quod sua cuique voluntas facit; & Necessarium, quod inviris statuitur, puta Relegatis. Utrumque hoc rursus duplex est, unum, quod quasi domicilium dicitur, ac diuturnam in loco commorationem, non tamen stabilem, ac perpetuam petit; alterum, quod simpliciter domicilium appellatur, ac stabili duntaxat, & perpetua habitatione contrahitur. His notatis

Quæritur 1. ubinam aliquis domicilium verum habere dicatur? Resp. ibi, ubi quis Larem, seu familiam, rerumque, ac fortunarum summam, seu substantiam constituit, sic, ut inde non sit discessurus, si nihil avocet. Impp. Diocletianus, & Maximianus l. cives 7. C. de incolis.

Dubium est 1. quid requiratur ad comparandum Domicilium in aliquo loco? Resp. duo requiruntur, animus, & factum, ut constet ex l. domicilium 20. ff. ad municipalem. ubi Gloss. V. domicilium ait, Facto, subintellige, & animo; nam hæc duo sunt necessaria. Porro animus volentis constituere Domicilium in aliquo loco debet esse, quod vel in eo loco constituere habitationem perpetuam, ac stabilem l. nec interest 26. ff. de captiv. & postlim. revers. quod intellige, nisi quid avocet; sufficit enim perpetuitas proposita, quamvis deinde propositum mutari, & domicilium alio transferri possit. Simile quid contingit in Nuptiis, quæ de jure Civili dicuntur omnis vitæ consortium l. nuptia 1. ff. de rit. nupt. non obstante, quod illo jure post contractas nuptias frequentissima fuerint divortia, quæ vera divortia esse non censebantur, nisi facta fuissent animo constituendi perpetuam dissolutionem l. divortium 3. ff. de divort.

Huic animo accedere debet etiam factum, ut scilicet ipsa habitationem quis in tali loco constituat; nam ad constituendum Domicilium utrumque requiritur copulative, ut rectè advertit Pirhing hic num. 12. Schamb. num. 9. Engl. num. 7. König num. 8. & novissimè P. Friederich. tract. de for. compet. num. 94. & P. Schmier de Judic. cap. 3. num. 19. Ad constituendum, inquam; nam ut Domicilium jam acquisitum retineatur, non opus est, ut qui illud habet, semper ibidem habitet, sed potest quandoque ex causa vel necessaria, vel voluntaria e. g. peregrinationis, officii, vel negotii gerendi causa inde discedere, modo animum redeundi habeat l. cives cit. & ratio est, quia non omne, quod requiritur ad constitutionem actus, protinus etiam requiritur ad ejus conservationem, ut patet in exemplo possessionis, quæ licet sine corpore, & animo quæri nequeat, solo tamen animo rectè retinetur.

Sequitur ex dictis 1. ad Forum Domicilii in aliquo loco comparandum non sufficere, quod quis emerit domum, eamque, aut res alias immobiles ibi possideat l. libertus 17. §. sola 13. ff. ad municipalem. quia deest actualis habitatio. Sequitur 2. similiter non posse dici fixisse sedem, aut domicilium eum, qui res suas ad locum aliquem transfulit, non tamen animo ibi permanendi; quia deest animus. Sequitur 3. è contrario dici posse, quod verum Domicilium in loco constituerit, qui etsi non propriam, conductam tamen, vel precario concessam domum in aliquo loco habet cum animo perpetuò ibi manendi; quia tali casu & animus, & factum adest.

Dub. 2. utrum ad Domicilii comparisonem necessarium sit, ut quis ultra habitationem in loco constitutam, in eo habeat majorem partem rerum suarum, ac fortunarum? Affirmat Petr. Barbol. in l. exigere 65. ff. de judic. n. 62. & videtur hoc ostendi. 1. ex l. Cives 10. C. de incol. ubi in loco habere domicilium dicitur, ubi quis Larem, rerumque, ac fortunarum suarum Dominum constituit. 2. Ex l. Senatores 2. C. ubi Senator. vel clariss. vi cuius Senatores conveniuntur, & respondere tenentur, ubi Larem foverint, aut ubi majorem partem bonorum possident, & assidue versantur.

Sed dicendum, ad Domicilii comparisonem sufficere, si quis in eodem loco habitationem constituerit, animo in eo



in eo perpetuò, & stabiliter permanendi, etiam eodem non transfulerit majorem bonorum suorum partem. Ita Abb. in c. fin. de Paroch. in fin. Bartol. in l. non solum 8. §. morto 6. ff. de nov. oper. nunt. num. 17. Menoch. de arbit. l. 2. cas. 86. n. 18. & seqq. Zanger. de except. p. 2. c. 1. num. 39. Brunnem. in l. cives cit. n. 5. Oliva for. Eccl. p. 3. q. 17. n. 1. Vviesl. hic n. 26. Friderich. n. 95. Schmier num. 22. loc. cit. & ipsemet Petrus Barbosa in l. hares absens 19. §. fin. ff. de judic. n. 78. in hoc sibi contrarius. Ratio est, quia nullo Juris textu, vel ratione probari potest, quod plus requiratur ad constitutionem Domicilii.

Ad 1. textum in contrarium allegatum dici debet, eum intelligendum de casu, quo nec ex voluntatis expressione, nec ex conjectura alia satis constat de animo perpetuo habitandi in loco; tali enim casu ex eo, quod quis res, ac fortunas suas secundum majorem partem in aliquem locum transfulerit, merito præsumitur, quod etiam habeat animum ibidem perpetuo habitandi, licet quando de animo illo constat, id necessarium non sit, & domicilium constitui in loco possit, etsi fortunarum suarum partem majorem, imò omnia alibi habeat. Ad 2. ex textu ad domicilii comparationem ultra assiduitatem habitationis alternativè solum requiritur, ut Larem quis foveat in loco, vel majorem partem bonorum in eo possideat: & hinc malè determinatè utrumque requiritur.

Dub. 3. an ut quis in loco aliquo domicilium constituisse dicatur, requiratur habitatio diuturnior? Resp. si certum sit de animo transferentis Domicilium, quod velit ibidem perpetuo persistere, non requiritur habitatio diuturna, sed quamprimum quis ad locum pervenit animo ibi perpetuo permanendi, incola loci illius, & Domicilium ibidem fixisse censetur l. pupillus 239. §. incola 2. ff. de V. S.

Difficultas est, quantum temporis requiratur, quando dubium est de animo ibi persistendi, ut animus hic præsumi de eo possit? Aliqui requirunt decennium ob textum l. nec ipse 2. Cod. de incol. Sed hoc universaliter verum esse non potest; nam 1. si quis in habitationis locum totam familiam, rerumque, & fortunarum suarum summam transfulerit; si Beneficio Ecclesiastico, personalem residentiam exigenti, deservire cœperit; si aliæ conjecturæ concurrant, quæ animum figendi Domicilium satis declarant, Domicilium contractum etiam ex habitatione temporis brevioris præsumitur. Contrà autem 2. neque ex habitatione, quæ decennio diuturnior fuerit, Domicilium constitutum rectè præsumitur, si habitationis causa temporanea solum fuerit e. g. Studiorum, famularus, negotii, officii, vel Præfecturæ solum temporaneæ. Hinc dicendum, l. nec ipse cit. locum habere duntaxat casu, quo aliæ conjecturæ in contrarium habent; tunc enim ex decennali habitatione animus ibi perpetuo permanendi rectè præsumitur. Ex quo patet, in hac re plurimum tribuendum esse prudentiæ, & arbitrio Judicis, qui proinde, ut rectè ferat judicium, accuratè considerare debet circumstantias loci, personarum, & vel maximè causarum diuturnioris commorationis in loco &c. Et hinc ulterius.

Dub. 4. quæ maximè conjecturæ sint, ex quibus animus constituendi Domicilium colligi, & præsumi possit? Resp. Zanger. de except. p. 2. c. 11. à nu. 5. apud Konig hic n. 13. & seqq. septem enumerat. 1. ex domicilio Originis, quod in dubio non præsumitur mutatum l. assumptio 6. junct. Gloss. vers. mutare, & V. non domicilium in fin. ff. ad municip. 2. Ex matrimonio; ubi enim maritus Domicilium habet, habet & uxor, atque id etiam vidua retinet, quamdiu talis manet l. exigere 65. ff. de judic. & l. filii 22. §. vidua 1. ff. ad municip. 3. Si Clericus alicubi habet Beneficium, residentiam exigens: de quo infra n. 14. 4. Siquis in aliquo loco majorem partem bonorum suorum possideat secundum dicta n. 10. 5. Siquis venditis, quas alibi habebat, rebus suis, in aliam urbem cum familia demigrarit, & in ea habitat l. ejus qui 27. §. si quis 1. ff. ad municip. 6. Siquis in aliqua civitate Jus Civitatis, vulgo bas Burger-Recht impetrarit, & ibidem habitaverit; hæc tamen duo conjunctim necessaria sunt; quia Civis esse aliquis potest etiam sine domicilio arg. l. ejus qui cit. §. Celsus 2. 7. Ex assidua, & frequenti, præsertim decennali habitatione in loco, ut dictum est num. præc.

Dub. 5. an possit aliquis in duobus, vel pluribus locis simul habere domicilium ad eum effectum, ut utrobique subditus censetur, & conveniri possit? Videtur respon-

dendum negativè; quia sola domus Domicilium non facit, sed requiritur habitatio cum animo perseverandi secundum dicta n. 9. qui autem plures ædes habet in diversis Territoriis, vel Parochiis sitas, modo in hac, modo in illa habitando, in neutro Territorio animum stabiliter habitandi habet. Igitur nec Domicilium: vel si hoc animo in uno habitat, & ad alterum solum divertit quandoque causa negotiorum, vel animi divertendi, non in isto, sed tantum in illo Domicilium habet. Ergo &c. Conf. nemo potest simul esse plurium locorum Civis. Ergo nec plurium locorum Incola.

Sed retinenda est affirmativa sententia, quam etiam defendunt Gaill. lib. 2. obs. 35. n. 8. Brunnem. in l. Labeo 5. ff. ad municip. n. 1. Haun. tom. 5. rr. 1. n. 350. Pirh. hic n. 13. Schamb. n. 10. Vviesl. n. 28. Friderich. n. 98. Schmier cap. 2. n. 23. & expressè habetur l. Labeo cit. l. assumptio 6. §. viris 2. & l. ejus qui 27. §. Celsus 2. ff. eod. Ut verò Domicilium ita quis acquirat in duobus, vel pluribus locis, necesse est, ut æquali tempore in iisdem degat; quod tamen intelligendum est non Mathematicè, quasi necesse sit, ut in uno loco non plus uno die, vel hebdomade, quam in alio habitet; sed moraliter, ut in quolibet loco per magnam anni partem, quamvis non æqualem, habitetur, ut rectè observat P. Friderich loc. cit. & apud hunc alii.

Ad rationem dubitandi, etsi talis non habeat animum habitandi in quolibet loco toto anni tempore, habet tamen animum stabiliter ibidem habitandi per magnam anni partem v. g. per æstatem in uno, per hiemem in alio: quod ad stabilem habitationem sufficit; alias in Italia, & aliis calidioribus Regionibus paucæ familiæ nobiles haberent Domicilium verum. Ad Conf. plus est esse Civem, quam Incolam, & subditum; nam Subditi etiam sunt, qui non sunt Cives, & à Germanis die Dinder-und Reysassen, Rey-und Innwohner vocantur. Igitur ex eo, quod aliquis non possit esse plurium locorum Civis, non sequitur, quod non possit esse plurium locorum Incola.

Dub. 6. an Domicilium haberi quandoque possit absque habitatione? Resp. acquiri posse, sed ab iis tantum, qui ratione conditionis, vel status sui alicubi stabiliter manere tenentur. Et ita acquirit Domicilium. 1. Senator in urbe, in cujus Senatum relatus est l. filii 22. §. Senatores 6. ff. ad municip. 2. Miles, in loco, ubi meret, si nihil in patria possideat l. municipis 23. §. miles 1. ff. eodem. 3. Religiosus in loco Monasterii, cui adscriptus est: quod domicilium retinet, quamdiu ad aliud Monasterium voluntate Superiorum non transfertur. Pirh. hic nu. 17. Vviesl. nu. 36. Schamb. nu. 12. & apud hoc cit. 4. Clericus in loco Beneficii, quod obtinet; ubi tamen est distinguendum; nam si Beneficium illud residentiam postulet, conveniri in eodem potest etiam quoad alia, quæ Beneficium ejus non concernunt; secus, si residentiam illud non postulet; quia hoc verum Domicilium non facit. Pirhing hic n. 16. Schamb. Vviesl. loc. cit. 5. Uxor; hæc enim Domicilium, & Forum mariti sortitur, ubicunque ipsa habitat; idque etiam defuncto marito retinet, quamdiu in viduitate permanferit l. fin. C. de incolis l. fin. §. item 3. ff. ad municip. l. Scrum 1. §. domum 2. ff. de agnosc. & alend. liber. l. un. Cod. de mulier. Proceditque hoc quoad omnia, ita ut fiat verè civis ejus urbis, cujus est vir, ut rectè aliis cit. notat P. Friderich. loc. cit. n. 101.

Dub. 7. quæ sit vis veri Domicilii in ordine ad constituendum Forum? Resp. Vis Domicilii habitationis generalis est, ut ratione illius sortiatur quis Forum quoad universam Jurisdictionem, tam contentiosam, quam voluntariam; est enim generalis, & præcipua Jurisdictionis causa, ita ut soli illi, qui Domicilium alicubi habent, & incolæ sunt, propriè, ac simpliciter sint subditi. Hinc cum omnibus aliis Foris concurrat, imò iis potentius est, excepto Foro Feudi, quando Dominus Feudi non est simul Judex Domicilii; & Foro rei sitæ, de quo infra num. 49. & seqq. Ita communis DD.

Proceditque hoc 1. in causa tam Civili, quam Criminali; nam, ut dixi, Forum Domicilii generale est. Proce-  
dit 2. etsi crimen commissum, & contractus celebratus sit alibi c. dilecti 17. de for. compet. item quamvis commissum crimen illud, vel contractus celebratus sit ante domicilium, & forum ibi obtentum l. hares absens 19. §. si quis 1. & §. fin. ff. de judic. Procedit 3. sive Reus conveniendus existat in loco Domicilii sui, sive non; potest enim citari absens, & si contumaciter non compareat, immisio in bona ejusdem fieri cap. causam 3. de del.



*de dol. & contum. l. dies 4. §. prator 5. ff. de damn. infect.* Ratio est, quia per forum Domicilii, ut dictum est, fit quis absolute subditus Judici, seu Magistratui loci, & talis manet, quocunque in loco existat, nisi mutaverit Domicilium.

Excipitur 1. Servus, qui conveniendus est coram Judice sui domini *l. ea qua 1. C. ubi causa status &c. 2.* Libertus, ejusque filii, qui conveniri debent coram Judice domicilii Patroni *l. filii 22. in princ. ff. ad municip. Decian. tr. crim. lib. 4. cap. 8. n. 1. Umm. Proceff. judic. D. 4. thes. 1. n. 6. 3. Uxor, & Vidua, quæ convenienda est in loco domicilii maritalis *l. filii cit. §. Vidua 1. & hoc verum est, ubicunque ipsa habiter. 4. Hæres: ubi tamen est distinguendum, an conveniatur ex persona propria, an ex persona defuncti, contractu ejusdem, vel quasi contractu. Si primum, conveniri debet in Domicilio proprio: Si secundum, videndum, an Judicium jam fuerit susceptum per ipsum defunctum, an vero nondum sit susceptum cum defuncto, saltem per citationem ipsius. Si susceptum nondum per defunctum fuit, conveniri potest etiam in loco Domicilii proprii, vel ubi bona hæreditaria sita sunt; secus, si per defunctum jam sit susceptum Judicium; tunc enim hæres respondere in eo loco, ubi defunctus primum conventus est, debet, etiam si absens, & Jurisdictioni loci illius subiectus non sit *l. is qui Roma 34. ff. de judic. & additur ibi ratio, quia succedit in ejus locum, à quo hæres relictus est.***

- 16 Quæritur 2. ubinam aliquis habere dicatur *quasi Domicilium*? Resp. *Quasi Domicilium* fortitur aliquis in loco illo, in quo animo non perpetuo, sed per annum, vel majorem, vel saltem notabilem anni partem commorandi degit. Tale habent in Academiis Studiosi, in Loco Legationis Legati, in oppidis famuli, & ancillæ, in civitatibus negotiatores, si officinam, aut tabernam ibidem constituerunt, vel conduxerunt, animo per notabilem anni partem ibi commorandi *arg. l. hæres 19. §. proinde 2. ff. de judic. Laym. l. 1. tr. 4. c. 12. n. 1. Pirh. hic n. 18. Engl. n. 8. Vviesl. n. 29. & novissime P. Friderich de for. compet. n. 109. & P. Schmier tr. de judic. c. 3. n. 25.*

Effectus quasi Domicilii est. 1. Quod hoc habentes, quamdiu ibidem existunt, teneatur Legibus, Statutis, & Consuetudinibus illius loci; id enim bonum publicum loci cujuscunque exigit, ne alias Ordo, quies, & partium consonantia tollatur. Ex quo sequitur, eosdem, si in loco quasi domicilii sit dies festus, atq; præceptum jejunii certo die, eo die etiam ipsos obligari ad Festum illud, vel jejunium celebrandum, etiam si hoc in eorum patria, vel ubi verum domicilium habent, non celebratur. Suat. l. 2. de festis c. 14. n. 2. ubi contrariam sententiam negat esse probabilem.

2 Acquirunt Jus Parochiæ, & subditi ei sunt in foro externo, ita ut Sacramenta non solum Pœnitentiæ, sed etiam omnia alia recipere possint ab Episcopo, vel Parocho illius loci, excepto Sacramento Ordinis: neque opus est tali licentia, vel expressa Parochi, vel Episcopi Domicilii, ut contra Navar. in can. placuit 3. de pœnit. dist. 9. notab. 4. n. 85. advertit Gloss. in Clementin. 1. de privil. Abb. in c. omnis 12. n. 23. de pœnit. & remiss. & alii passim; estque hoc verum, etiam si Parochia domicilii facile adiri possit, ut paxis universalis observat, teste Olivap. 3. for. Eccl. q. 17. n. 45.

3 Idem in loco quasi Domicilii probabilius possunt dispensari in Votis, & Juramentis, jungi matrimonio, habere sepulturam, ut contra Olivam loc. cit. n. 46. & alios ab eo relatos docet Sanch. l. 3. de matr. D. 23. n. 12. Less. l. 4. de Just. c. 2. n. 47. del Bene de Immun. Eccl. c. 11. dub. 1. §. 1. n. 13. Laym. l. 5. tr. 9. c. 10. n. 5. & ratio est, quia quamdiu in tali loco morantur, vere sunt Parochiani illius loci, & cons. favoribus, & Juribus Parochianorum loci ejusdem gaudent.

- 17 Dub. 1. an hujusmodi loci incolæ etiam super contractibus, & delictis à se celebratis, vel commissis conveniri possint coram Judice loci, in quo degunt? *Certum est*, conveniri posse ratione contractuum, & delictorum ibi celebratorum, vel commissorum. Ratio parens est, quia actus in quasi domicilio gestis vel sunt liciti, vel illiciti. Si prius, tribuunt forum ratione contractus, vel quasi contractus, si posterius forum delicti operantur.

Difficultas ergo est solum de actibus alibi gestis. Negant Host. in cap. 9. hoc tit. Bartol. in l. 19. §. 2. ff. de judic. n. 7. Salicet. in l. 2. C. ubi de crim. ag. oport. nu. 2. & novissime

P. Friderich tr. de for. compet. num. 115. & videtur hoc etiam probare ratio; quia Legum, & Canonum verba simpliciter prolata in omni materia simpliciter, & non secundum quid accipienda sunt *l. non aliter 69. ff. de V. O.* atqui textus, quibus facultas conveniendi reum de actibus gestis adstruitur, loquuntur de Domicilio simpliciter, ut patet ex *l. hæres 19. §. fin. ff. de judic.* & alibi passim. Ergo ad quasi Domicilium trahi non debent. *Conf.* si etiam quasi Domicilium operaretur hunc effectum, ut conveniti in eo reus ratione actuum alibi gestorum posset, non esset discrimen inter domicilium, & quasi domicilium, nisi in hoc, quod illud esset ex se perpetuum, hoc temporaneum. Illud dici non potest. Ergo &c.

Sed retinenda est affirmativa sententia, quam etiam defendunt Abb. in c. 9. hoc tit. nu. 5. Felin. in c. 29. de rescript. n. 12. Pirh. hic n. 18. Schamb. n. 13. Vviesl. n. 18. Reiffenst. n. 39. Schmier c. 3. n. 52. Sumitur ex *l. Senatores 2. C. ubi Senat. & Clariss. l. quisquis 16. C. si cert. petat. & præcipue l. sciens 3. C. ubi de crim. ag. oport.* qua plagiarius dicitur conveniri posse in loco, ubi degit, h. e. ut Gloss. *V. degit ibid.* addit, *ubi conversatur, ut Scholaris in Scholis, licet domicilium non habeat ante decennium, ut infra de incolis.* Ratio est, quia ut *n. præc.* dictum est, talis subijcitur Jurisdictioni fori interni in loco, ubi quasi domicilium habet; frustra autem plus requiritur, ut subijciatur Jurisdictioni fori externi; quod si autem Jurisdictionem fori externi Judex loci illius in eum habet, cognoscere etiam de actibus ejusdem, ubicunque gestis, potest. Ergo &c. *Conf.* quia per se videtur absurdum esse, ut quis diu moretur in loco, & in eo respondere non teneatur, præsertim cum, ut *num. præc.* dictum est, Legibus, Statutis, & Consuetudinibus loci, in quo degunt, hujusmodi Incolæ & ipsi teneantur. Addit tamen P. Vviesl. hic n. 39. si hujusmodi accidentarius loci Incola verum Domicilium non procul remotum habeat, æquum esse, ut coram istius potius, quam alterius loci Magistratu conveniatur, & Actor ad illum remittatur, præsertim si defensiones, & probationes in veri domicilii loco paratiores essent, & inde peti deberent.

Ad Argumentum contrarium dico, fundamentum extensioni ad quasi domicilium sufficiens præbere textus pro responsione allatos, & rationem ibi adjectam. *Ad Conf.* discrimen inter domicilium verum, & quasi est, quod illud faciat Civem in ordine ad onera, & munera publica, quem effectum non operatur quasi domicilium.

Dub. 2. ubi vagabundi sortiuntur Forum ratione Domicilii? Resp. hi ubique sortiuntur Forum, & domicilium habere censentur, ac dicuntur, ubi inveniuntur, ita ut conveniri ibidem possint etiam ratione contractus alibi iniri, & puniri propter delicta alio in loco commissæ, ac proinde de hujusmodi vagabundo intelligi potest vulgare illud dictum, *Ubi te invenero, ibi te iudicabo*, ut notat Abb. in c. fin. hoc tit. nu. 13. Covar. præf. qq. c. 11. num. 12. Sanch. l. 3. de matr. D. 25. nu. 5. Pirh. hic num. 15. Schamb. n. 11. Konig n. 24. Vviesl. n. 40. & novissime Clarissim. P. Schmier tr. de judic. c. 3. n. 57. Ratio est, quia æquitas, & publici boni ratio suadet, & exigit, ut etiam ipsi habeant iudicem competentem, coram quo super debitis, & delictis respondere teneantur, etiam quando intra Territorium ejus judicis, in quo debitum contraxerunt, vel delictum commiserunt, non amplius existant: Hæc satis certa.

Controversia esse potest, quinam propriè sint vagabundi? Qua in re iterum convenit inter DD. tales esse, qui nullam certam habitationem, & domicilium habent, sed navigant, aut iter faciunt per mundum, neque animum actu habent in certo aliquo loco domicilium constituendi. *Dubium* procedit de eo, qui relicto priori domicilio, iter facit ad locum, in quo Domicilium constituere destinavit: & ratio dubitandi est, quia apud Clar. §. fin. q. 39. n. 8. aliqui requirunt, ut vagus careat non solum domicilio habitationis, sed etiam originis; talis autem non caret domicilio originis. Ergo &c.

Sed retinenda est affirmativa sententia, quam etiam defendunt Gloss. in l. 20. *V. domicilium ff. ad municip.* Clar. n. 8. cit. Henriq. l. 11. c. 3. n. 3. Sanch. l. 3. de matr. D. 25. n. 1. & 3. & apud hunc cit. Habetur satis expressè *l. ejus qui 27. §. Celsus 2. in fin. ff. ad municip.* Ratio est, quia talis, dum in via est, animo & facto discedendo, prius domicilium amisit, posterius autem nondum acquisivit, cum sola animi destinatione sine actualis habitationis facto domicilium non acquiratur, ut *n. 9.* dictum est.

Neque obstat ratio dubitandi; quia id nusquam requiritur



zur in jure, & si requireretur, ex Cive, vel Incola vagus aliquis fieri non posset, nisi destrueretur Civitas, unde originem traxit, quod est contra communem sensum.

Dub. 3. quid requiratur ad hoc, ut aliquis acquirat quasi Domicilium? Resp. de hoc cum proportionem loquendum est, sicut de Domicilio vero; nam & ipsum acquiratur animo, & facto, cum hoc solum discrimine, quod animus persistendi in Domicilio vero debeat esse perpetuus, ad tempus autem anni notabile in Domicilio quasi. Hinc sicut Domicilium verum, ita etiam quasi Domicilium statim acquiratur, ac aliquis ad ejusmodi locum animo tali accedit, absque eo, ut diu ibi moretur.

Quæstio moveri potest, ad quantum tempus hoc manendi propositum se extendere debeat, ut quis acquirat quasi Domicilium, & non hospes, sed habitator, & incola censetur? Sylv. *V. domicilium* n. 2. Sanch. *l. 3. de matr. D. 19. n. 9.* & alii putant opus esse, ut majore anni parte habitare ibidem velit. Conformius Juri videntur sentire, qui dicunt sufficere propositum habitandi per aliquot menses, præcipue si domus, conclave, taberna &c. fuerunt conductæ. Ita Navar. *tr. de jubil. not. 32. n. 42.* Suar. *l. 2. de fest. cap. 14. n. 6.* Laym. *l. 1. tr. 4. c. 14. n. 1.* & novissime P. Friderich. *tr. de for. compet. n. 113. arg. l. heres* 19. §. proinde 2. ff. de judic.

Quæritur 3. quomodo, & ubi sortiatur aliquis forum ratione Originis? Resp. ratione Originis Forum sortiri aliquis multipliciter potest. Nam 1. sortiatur aliquis forum in loco, e.g. civitate, oppido, vico &c. in quo natus est *l. incola* 29. & *l. seq. ff. ad municip. l. cum te* 1. & *l. si ut proponis* 2. & c. *C. de municip. & originar. l. cum neque* 4. & *l. cives* 7. *C. de incol.* 2. Ratione originis paternæ, ubi sc. pater ejusdem fuit natus *l. assumptio* 6. §. filius 1. ff. *ad municip. l. filios* 3. *C. de municip. & origin.* estque hoc ita verum, ut in loco originis paternæ filius conveniri possit etiam in Judicio, sive criminaliter, sive civiliter agatur, dummodo in eo loco inveniat, & existat. Bartol. in *l. assumptio* cit. n. 2. Dominic. in *c. cum nullus* 3. *de temp. ordin. in* 6. Pirh. *hic num.* 10. Schamb. *nu.* 5. Vviest. *n. 20.* 3. Ratione originis avitæ, seu ubi natus est avus ejusdem paternus *l. liberis* 17. §. in adoptiva 9. ff. *ad municip.* modò vivente avo natus, vel saltem conceptus fuerit. Bald. in *l. cui jurisdictio* 2. ff. *de iurisd. n. 4.* Barbosa in *l. heres absens* 19. §. proinde 2. ff. *de judic. nu.* 28. & 31. Mascard. *de probat. concl.* 1147. *ann.* 12. Schamb. *hic n. cit.* König *n. 5.* Neque opus est, ut secundum probabiliorem contra Bartol. in *l. assumptio* cit. §. 1. notat Barbosa *loc. cit. num.* 30. ut nepos sit in potestate avi, prout colligitur ex §. in adoptiva cit. ubi dicitur, quod nepos sequatur originem avi naturalis, tamen si natus sit in familia adoptiva, quo casu certum est non nasci in potestate avi naturalis §. illud 10. *vers. quod si Inst. quib. mod. jus patr. possit. solvit.*

Dub. 1. an etiam sortiatur aliquis forum ratione Originis sortitæ in loco, in quo ex matre transeunte, & ad locum domicilii properante, editus in lucem est? Negant Bartol. in *l. filios* 3. *Cod. de municip. & origin. n. 4.* Abb. in *c. Rudolphus* 35. *de rescript. n. 9.* Felin. *ibid. num.* 13. Boer. *decis.* 13. n. 52. Navar. *Consil.* 41. n. 1. & duob. seqq. Barb. *de Offic. & potest. Episc. alleg.* 4. n. 18. Pirh. *hic n. 10.* König *n. 6.* & alii ab his cit. juxta quos, ut aliquis ratione Originis propriæ sortiatur forum, necessarium est, ut in loco, in quo natus est, tempore nativitatis ejusdem non tantum extiterint parentes tanquam transeuntes, sed etiam habitaverint, & domicilium fixerint; quod sumi videtur ex *l. apud hostes* 9. ff. *de captiv. & postlim. revers. & l. ex duobus* 1. *C. cod. quatum ultima patris originem secuta dicitur filia ex parentibus captivis suscepta, si ambo parentes in civitatem rediissent.* Rationem dant; quia secundum juris censuram non censetur quis in loco, in quo consistit solo corpore, sed in quem deferretur animi destinatione *l. nihil* 26. ff. *cod. & l. hujusm.* 84. §. *legatum* 10. ff. *de legat. 1.*

Affirmant è contrario Alex. in §. to. cit. n. 4. Jalon. *ibid. n. 14.* Paul. Cast. in *l. prætor ait* 4. *princ. ff. de edend. n. 5.* Croton. *l. si is qui* n. 104. & seq. *vers. ultimum notandum, ff. de usurp. & usucap.* & alii, quos refert Mascard. *de probat. concl.* 1147. n. 6. & Oliva *for. Eccl. p. 3. q. 21. num.* 5. Niuntur juris textu, & ratione; Juris textu quidem ob *l. Cives* 7. *Cod. de incol.* qua civis quis origine in suæ nativitatis loco constituitur; ratione autem, quia in acquirenda origine veritas potius, quam patris destinatio

atrenditur *l. assumptio* 6. *princ. ff. ad municip.* alias is, qui ex matre natus est in itinere, quo illa cum patre ejus Roma Viennæ domicilii ibi constituendi animo tendebat, Civis Originarius Viennæ esset, etsi pater domicilium ibi nondum habuerit, neque unquam ibi fuerit, quod utique absurdum est.

Tertia sententia, eaque meo judicio duabus cæteris præferenda, utitur distinctione cum Barbof. in *l. heres absens* 19. §. proinde 2. ff. *de Judic. n. 18.* quem citat, & sequitur P. Vviest. *hic n. 16.* & novissime P. Friderich. *tr. de for. compet. n. 118.* Vel enim, qui in itinere natus est, ita natus est, dum parentes ad domicilium, à quo ad tempus e.g. negotiationis causa exivere, redibant; vel contra natus est, dum parentes ejus, domicilio priore deserto, alibi domicilium constituturi migrabant. Si primum, dici debet, sic natum Originarium fieri non loci, ubi natus est, sed ubi domicilium parentes habent; quia in hoc casu militat textus, & ratio primæ sententiæ. Si secundum, ita natus forum originis propriæ sortitur in loco, in quo editus in lucem est; quod probant textus, & ratio secundæ sententiæ.

Dub. 2. an filius sortiatur forum ex materna origine, vel pronepos, abnepos ex origine proavi, & aliorum suorum ascendentium? Resp. de reliquis ascendentibus negandum est absolute, ne sc. progressus fiat in infinitum, & forum habere dicantur in agro Damasceno, ex quo communis omnium nostrum parens educus est, ac in maxima Orbis parte, quam successive nostri Majores habitaverunt. Gloss. in *l. assumptio* cit. *V. non domicilium.* Bartol. in §. filius 1. *leg. cit. n. 1.* Boer. *decis.* 13. n. 7. & 8. Barbof. in *l. heres absens* 19. §. proinde 3. ff. *de Judic. n. 27.* & 32. Oliv. *for. Eccl. p. 3. q. 21. n. 2.* Pirh. *hic n. 10.* Schamb. *n. 5.* König *n. 5.* Vviest. *n. 24.* & novissime P. Friderich. *tr. de for. compet. n. 117.*

Quoad maternam Originem distinguendum est inter eos, qui certi sunt patris, & inter eos, qui vulgo quæsi, vel spurii sunt. Posteriores, cum patrem, quem demonstrent, non habeant, vel eum, quem habent, honeste nominare non possint; necesse est matris originem, & forum sequi *l. lex natura* 24. ff. *de stat. hom. l. ejus qui* 9. ff. *ad municip.* Priores originem, & forum maternum non sequuntur *l. filios* 3. *C. cod. & l. exemplo* 36. *C. de decurion.*

Excipitur 1. nisi materna civitas hoc privilegium habeat, ut legitime editi sequantur originem matris *l. municipem* 1. §. qui ex duobus 2. ff. *ad municip.* Excipitur 2. si ex captivis parentibus natus, patre in captivitate mortuo, cum matre postliminio reversus est *l. ex duobus* 1. *C. de postlim. revers.* Excipitur 3. si natus sit ex ancilla, & ingenuo; nam tunc matris conditionem sequitur *l. hi qui* 12. *C. de muliegal. l. nati* 29. *C. de decurion. l. ex ingenuo* 4. *C. de agric. & mancip.*

Dub. 3. an Reus in Originis, vel Domicilii foro sit conveniendus? Ratio dubitandi est, quia originis forum naturale, ac proinde quocunque alio firmius est, ita ut retineatur Jus originis, quantumvis domicilium, & habitatio alio transferatur cum animo ibi perpetuo manendi, aut eidem renuntietur *l. assumptio* 6. & *l. incola* 29. ff. *ad municip. l. cum te* 1. & *l. origine* 4. *C. de municip. & origin.*

Sed adhuc dicendum, quoad Jurisdictionem principalis Domicilium Habitationis, quam Originis considerandum esse, ita Gloss. in *c. statutum* 11. §. cum vero *V. unam dietam de rescript. in* 6. Host. in *summ. hic n. 6.* in fin. Bartol. in *l. assumptio* cit. n. 2. Abb. in *c. 1. hoc tit. n. 6.* Pirh. *hic n. 11.* Schamb. *n. 6.* König *n. 7.* Vviest. *n. 30.* & novissime P. Friderich. *tr. de for. compet. n. 120. & seqq.* Colligitur ex *c. fin. de Paroch.* vicus illi Christiani, qui ex variis Palæstinæ urbibus domicilium transtulerunt Aconem, seu Ptolemaidem, hic tantum, & non ibi, unde descenderant, conveniri potuerunt. Et ex *c. fin. hic*, ubi inter modos fortiendi forum omittitur domicilium Originis. Conf. ex praxi, & usu Tribunalium utriusque fori, Ecclesiastici Civilis; nam generaliter receptum est, ut nemo in loco originis sive in criminalibus, sive in civilibus conveniatur, si non concutrat domicilium habitationis, ut cum communi testatur Barbof. in *l. heres* cit. §. proinde 2. ff. *de Judic. n. 35.* Gaill. *l. 1. obs.* 36. n. 6. Oliva *p. 3. for. Eccl. q. 21. n. 27.* Ratio, cur præferri domicilio Originis domicilium Habitationis quoad conventionem debeat, est manifesta; quia per domicilium Habitationis fit quis absolute subjectus Ju-



risdictioni Magistratus loci, in quo domicilium habet, ita ut absens etiam conveniri, & citari ad illud possit, ut dictum est *n. 15.* at per domicilium Originis subiicitur quis solum secundum quid, ita ut conveniri in eo non possit, nisi in loco sit præsens, ut monui *n. 20.*

*Ad Rationem dubitandi*, licet domicilium originis secundum Leges sit firmitus, non tamen est efficacius quoad obligationem comparendi, & respondendi in foro, ut ex ratione modo allata patet.

- 24 Dub. 4. an domicilium Originis, domicilium habitationis alio transferendo, mutari possit? Videtur non posse, quia naturale est; Jura naturalia autem immutabilia sunt. Ergo &c.

Resp. Distinguendo inter Jus scriptum, & consuetudinarium. *Jure scripto* spectato, domicilium Originis, per translationem habitationis in alium locum non amittitur, sed ita transiens manet Civis loci Originis, & retinet hujus jura, præsertim quoad munera, & honores, adeoque etiam quoad onera personalia *l. assumptio 6. princ. ff. ad municip. Gloss. ibid. V. mutare Gaill. l. 1. obs. 36. n. 5. Pirh. hic n. 11.* Rationem dat Glossa, quia ita transiens non potest facere, ut desinat esse, unde est. At *Jure consuetudinario* Jus Civitatis, domicilium Originis, & quæ hoc sequuntur, Jura, & obligationes amitti possunt, ita ut is, qui alio Domicilium suum transulit, non solum non amplius subiectus sit Jurisdictioni Judicis loci originis, sed Civis esse omnino desinat etiam quoad honores, munera, & præstationes. Et hujusmodi consuetudinem generaliter fere in omnibus locis, præsertim vero in Germania nostra vigere testatur Gaill. *loc. cit. n. 7.* imo, ut idem addit *n. 10.* in quibusdam Civitatibus Imperialibus statutum est, ut ob hanc liberationem à præstationibus, seu ob jus migrationis certa pecuniæ summa, seu tributum aliquod vulgo *die Racht-Stent, oder Abzug: Veld* appellamus, à Cive migrante secundum bonorum æstimationem pendatur.

Neque consuetudini huic obest ratio dubitandi; nam Jus Originis immutabile est non eo sensu, quasi Jura patriæ amitti non possent, sed quia nemo discedendo ex illa, vel negando eam, facere potest, ut inde ortus non sit.

- 25 Dub. 5. an valeat Statutum, quo Cives, & Originarii verentur civitatem, & domicilium mutare? Affirmant Bartol. *in l. fin. ff. de Decret. ab ordin. faciend. Roman. singul. 522. & consil. 59. col. 1. Menoch. consil. 1196. & seqq. Ruamelin. Bull. aur. p. 2. dissert. 5. concl. 5. Klock. de contr. trib. c. 7. n. 242. Bodin. de Rep. l. 1. c. 6. Græven. 2. concl. 36. confid. 2. n. 6. & videtur probati ex l. fin. ff. de Decret. ab ordin. fac. l. quod promulgatus 2. C. de offic. Praef. urb. l. origine 4. C. de munic. & origin. l. fin. C. cod. l. privilegio 6. C. de incol. l. un. C. si Carial. relict. civit.*

Verum his non obstantibus, tenenda est negativa sententia, quam etiam defendit Besold. Knipschildt, quos citat, & sequitur P. Friderich *tr. de for. compet. n. 122.* & colligitur ex *l. Titio 71. §. 1. ff. de condit. & demonstr. ubi dicitur, in legatis sub conditione relictis non esse locum cautioni, per quam Jus libertatis infringitur, ut sc. in illa civitate domicilium habeat, vel à monumento non discedat. Atqui libertatem hanc longe magis infringit Statutum, quo domicilium Originis mutare quis prohibetur, quippe quo imponitur necessitas absoluta permanendi in certo loco, cum per legatum sub tali conditione relictum imponatur solum necessitas conditionata, si sc. legatum habere velis. Ergo &c.*

Neque contrarium evincunt Leges *citt. Ad 1.* ibi solum dicitur non posse quemquam expediri extra Collegium, in quo tractanda causa est. *Ad 2.* ibi statuitur, non posse Praefectum Urbis quasdam personas de Provincia avocare in Urbem, nisi tantummodo suos Officiales, & populares aliae Urbis seditioni obnoxios; quia sc. ratione muneris adhuc Urbi obstricti sunt. *Ad 3.* patet ex Responsione ad *Ration. dubit. n. 23.* *Ad 4. loc. citt.* expresse dicitur, eum, qui migraverit, duatum Civitatum Decurionatus onera sustinere, quod fieri non posset, si translatio domicilii non valeret. *Ad 5.* ibi solum dicitur manifestum esse, originis ratione, ac domicilii voluntate ad munia Civilia quemque vocari; non vero quod discedere, & mutare domicilium nequeat. *Ad 6.* ibi tantum prohibetur Curialibus, ne Civitates fugiant, aut deserant rus habitandi causa; quia ratione officii certo Collegio adstricti sunt. Igitur per argumentum à sensu contrario reliquis, qui Civitatis ratione officii speciali nexu adstricti non sunt, migrare licet per generale beneficium *l. nihil 31. ff. ad municip. ubi*

Marcellus Jctus, *Nihil, inquit, est impedimento, quo minus quis, ubi velit, habeat domicilium.* De loco Originis quoad Ordines suscipiendos vide *Libr. 1. tit. 11. de tempor. Ordin. n. 36. & duob. seqq.*

Quæritur 4. qua ratione in Domicilio generali acquiratur Forum? Resp. Domicilium generale, ut *n. 8.* dictum est, Civibus Romanis, & omnibus Imperio Romano subiectis Roma est; nam ut Modestinus *l. Roma 33. ff. ad municip. Roma communis nostra patria est.* Hinc etiam Laici olim in quibuscunque causis Romæ conveniri poterant, licet ibi nec domicilium habuissent, nec contraxissent, nec deliquissent, eo quod in *Orbe Romano qui sunt, ex Constit. Imper. Antonini Cives Romani effecti sunt*, ut dicitur *l. in orbe 17. ff. de stat. homin.* Verum hoc quoad Laicos, & quoad causas profanas hodie non amplius obtinet, cum Roma modo non sit Sedes Imperatoris, nec ejusdem Jurisdictioni subiecta, sed Summi Pontificis, ut cum Catholicis DD. tenet Matth. Stephan. *l. 1. c. 28. de Jurisd. n. 21.* alique Heterodoxi. Dixi quoad Laicos, & quoad causas profanas; nam ulterius

Dub. 1. an recte adhuc hodie conveniri Clerici in Curia Romana possint? Videtur non posse ex *Trid. sess. 24. c. 20. de reform. in princ.* ubi statuitur, ut causæ omnes ad Forum Ecclesiasticum pertinentes, in prima instantia coram Ordinariis locorum tantum cognoscantur, ac terminentur.

Sed hoc non obstante, dicendum posse Clericos adhuc hodie conveniri in Curia Romana, etsi alias specificè ibidem forum non sortiuntur, modo, dum conveniuntur, ibi existant. Ita habetur *c. fin. hoc tit. & docet ibid. Fagn. à n. 21. Gonzal. n. 6. Pirh. hic n. 6. Vviesl. n. 41. & novissime P. Friderich tract. de for. compet. n. 127. & P. Schmier tr. de Judic. c. 3. n. 30.* Ratio est, quia Roma quoad Clericos communis hodieum patria est, communi ipsorum Parte Summo Pont. ibidem existente. *Conf.* quia Curia Romana habet Jurisdictionem concurrentem cum omnibus Dicasteriis Ecclesiasticis, & ipse Pontifex omnium Christi fidelium, in causis saltem Spiritualibus, Ordinarius Judex est *can. cuncta 17. & can. fin. caus. 9. q. 3.* Neque novum hoc est; nam etiam in Curia Imperatoris, vel Regis omnes eorum subditi conveniri possunt. *Barb. in l. 2. §. 3. ff. de Judic. n. 33.* Estque hoc ita verum, ut ita conventus Clericus Exceptionem fori declinatoriam opponere nequeat, quamvis si ex iusta, & necessaria causa ibi ad tempus degat, litem domum ad forum domicilii avocare possit, ubi melius ad respondendum instructus est, ut recte advertit *Gloss. fin. hoc tit. Abb. ibid. n. 46. Pirh. hic n. 7. Vviesl. n. 41.* Ratio differentiae, quare conventus in Curia Romana non possit declinare Forum Papæ, licet possit domum avocare litem, est, quia declinare Forum quis solum potest, quando non est alicujus Jurisdictioni subiectus, avocare litem vero etiam, qui subiectus est Jurisdictioni Judicis, coram quo convenitur, sed illuc non bene paratus, & instructus in causa venit.

*Ad rationem dubitandi* dico, etiam Papam esse Ordinarium cujusunque loci, quippe qui habet potestatem concurrentem cum quovis Ordinario inferiore.

Dub. 2. an etiam Laici in causis Spiritualibus conveniri in Curia Romana possint? Resp. possunt in his æque, ac Clerici, si ibidem reperiantur nec causam domum revocandi habeant. Ita Abb. *in c. fin. hoc tit. n. 45. Covar. pract. qq. c. 5. in princ. Oliva p. 3. for. Eccl. q. 25. n. 28. & novissime Clariss. P. Schmier tr. de Judic. c. 3. n. 31.* alique ab hoc *citt.* Ratio est, quia Summus Pont. in causis Spiritualibus æque Laicos, ac Clericos sibi obstrictos tenet. Ergo sicut in causis Clericorum quibusvis, ita in causis Laicorum Spiritualibus Curia Romana, tanquam ordinarius Summi Pontificis Tribunal, in prima instantia judicare potest.

Dixi autem in hac, & *n. præc.* resolutione, *Si ibidem reperiantur*: quod benignitati Sedis Apostolicæ tribuendum est, quæ licet etiam de absentium causis in prima instantia cognoscere possit, non tamen vulg, & solet, nisi ibidem reperiantur, ne fideles, sive Clerici, sive Laici, nimium graventur, si in locum adeo diffitum, Judicii subeundi causa, conferre se renerentur. Accedit, quia sic magis conservatur Consistoriis inferioribus sua autoritas, & cavetur, ne Pontificia Dicasteria litium multitudine obruantur.

Addidi *Nec causam domum revocandi habeat*: talis est; si, ut *n. præc.* dictum est, in loco domicilii melius instructus esset ad respondendum, qui ita in Curia Romana



mana convenitur. Permittitur autem hæc avocatio solum illi, qui ex justa, & necessaria causa Romæ est: quales sunt, si Episcopus c. g. vel Clericus alius in causa suæ Ecclesiæ veluti Legatus ibidem degat, si causa testimonii dicendi, aut judicandi eo vocatus est, si causa appellandi contra sententiam illuc accessit &c. Gloss. in cap. fin. hoc tit. in fin. Abb. ibid. n. 46. Pirh. n. 7. Vviesl. n. 41. Et hinc si causa sit omnino voluntaria, jus revocandi domum non habet, sicut nec facultas illa conceditur casu, quo periculum est in mora, prout est, quando controversia de electione Prælati, cujus examen ob detrimentum Ecclesiæ diu differendum non est. Abb. loc. cit. n. ult. in fin.

Dub. 3. quid intelligatur hic nomine Romæ? Resp. Roma hic non accipienda est materialiter, & pro determinata urbe, quæ eo nomine appellatur, sed pro illo loco, ubi Pontifex residet, sive Roma is sit, sive alius locus; ubicunque enim is residerit, ibi Sedes, & Curia Pontificis erit, conf. etiam Roma, sicut & olim censebatur Roma ibi esse, ubi Romanus fuerat Imperator. Et hinc sicut *Vejos habitante Camillo*, ut canit Lucanus, *illic Roma fuit*, ita etiam tunc, quando Pontifex residebat Avenione, Roma fuit in Gallis, ac proinde ibidem æquè, ac Romæ nunc, in causis Ecclesiasticis fideles conveniri potuerunt; nam, ut inquit Catellinus Cotta *rer. memor. in V. Imperat.* ubi persona Pontificis cum legitimo Cardinalium cœtu moratur, ibi Roma repræsentatur.

In controversiam trahi potest, an sicut, ubi Curiam suam habet Pontifex, fideles in causis Ecclesiasticis, ita subditi Imperii conveniri possint etiam in prima instantia, ubi Aulam suam, vel Cameram Imperator habet? Viderur enim probari istud ex communi axiomate, *Ubi Imperator, ibi Roma*, & paritate prædicta. Ita quidem nonnulli; sed si ulum hodiernum spectemus, minus convenienter, cum defuncto partim Lege, partim conventionē publica jus primæ instantiæ concessum sit inferioribus Imperii Statibus, nec Aulæ Cæsareæ, vel Cameræ Imperiali in subditos Statuum Jurisdictio immediatè, & extra viam appellationis competat. Vide P. Schmier. *tr. de Judic. c. 3. n. 29.* & Struvium, Miller, Lanterbach, Stryck. apud hunc *citt.*

## §. III.

## De Foro Competente Ratione Contractus.

## S U M M A R I U M.

- 30 Alter modus sortiendi forum est Contractus.
- 31 Hoc sortitur, qui in tali loco contrahit.
- 32 Non obstat privilegium, ut non teneatur respondere; vel solvere, nisi in certo loco.
- 33 Proceditque hoc etiam de Clericis.
- 34 35 Et peregrinis, cum distinctione tamen.
- 36 Procedit, secundo etiam de quasi contractibus.
- 37 Quamvis agatur ad rescissionem Contractus, vel quasi Contractus.
- 38 Super Distractu reus conveniendus est in loco Distractus.
- 39 Super administratione in loco illius gesta.
- 40 Juxta cujus loci Jura, vel consuetudines regulari Contractus debeat?
- 41 Ratione Contractus in loco Contractus regulariter conveniri non potest absens.
- 42 Exceptiones.
- 43 Casus, quibus etiam præsens conveniri ibidem nequit.
- 44 Ubi conveniendus sit reus, si Contractus implemento destinatus sit alius locus?
- 45 46 47 An, & quomodo Juxta ratione Contractus Jurisdictionem suam exercere valeat in eum, qui in loco contraxit, vel in eo se solum promissit?
- 48 Utrum in Contractibus remissio locum habeat?

**A**lter modus sortiendi Forum est Contractus; nam quisque in eo loco, in quo contraxit, etiam sortitur Forum, ut ibidem conveniri possit ratione illius Contractus. Ita apertè cap. fin. hoc tit. cap. Romana 1. §. contrahentes 3. eod. in 6. & l. hæres absens 19. §. proinde 2. ff. de Judic. quod saluberrimè est constitutum ex triplici præcipuè capite, 1. Ne Creditores sumptibus, & difficultatibus graventur in adeundo contra debitorem Judicem domicilii, quod sæpe à loco Contractus est valde distitum. 2. Quia in loco Contractus facilius constare potest cum de ipso Contractu, tum de solemnitatibus

requisitis, quàm ibi, ubi domicilium habet debitor advena. 3. Quia contrahens se obligavit tacitè, vel expresse ad solvendum in loco Contractus, adeoque etiam ad subeundum ibi Judicium, si non solvatur. Konig *hic n. 41.* Interim tamen Actori liberum est, ut vel in loco Contractus, vel in loco Domicilii debitorem conveniat; forum namque acquisitum ex Contractu in loco certo non tollit forum domicilii, sed forum foro accumulatur c. dilecti 17. hoc tit. l. hæres absens cit. §. fin. l. venire 1. & duab. seqq. ff. de bon. ant. judic. possid. Konig n. 42.

Quæritur 1. quinam in loco Contractus sortiantur Forum? Resp. ratione Contractus sortitur forum, qui in tali loco contraxit; neque interest, quis contraxerit, modo de jure potuerit contrahere. Et hinc forum ratione Contractus à se iniri sortitur etiam forensis, & peregrinus, saltem si in loco Contractus moram trahat, vel negotiorum ibi tractare cœpit, vel tabernam, officinam, pergulam, seu tenitorium, aut horreum conduxit ad vendendum, ibique distraxit, vel emit, sicut facere mercatores ad nundinas venientes solent; nam non obstante, quod non sint incolæ, conveniti in loco Contractus possunt l. hæres absens cit. §. proinde 2. Estque perinde, sive per se, sive per instigatorem à se constitutum absens contraxerit; nam ibi conveniri principalis potest, ubi contraxit institor ab ipso ad ira contrahendum constitutus §. fin. Inst. quod cum eo, qui in alien. potest. l. hæres absens cit. §. apud Labeonem 3. junct. Gloss. V. defendere. Layman. in cap. fin. hoc tit. n. 16. Pirh. *hic n. 36.* Vviesl. num. 58.

Dub. 1. an doctrina ista procedat etiam in eo, qui privilegium habet, ut non teneatur respondere, vel solvere, nisi in certo loco, v. g. in loco Domicilii? Resp. affirmative. Colligitur ex c. dilecti 17. h. tit. & c. volentes 1. de privil. in 6. Ratio est, quia contrahendo in loco se submisisse censetur Judici illius loci, & privilegio renuntiasse.

An procedat hoc etiam de iis, qui habent privilegium Corpore Juris communis clausum, difficultas movet potest. Videtur tenenda affirmativa. 1. Quia alias pupillus, vidua, ac miserales personæ, cum habeant privilegium in Corpore Juris communis clausum l. un. C. quand. Imperat. conveniri in loco Contractus non possent. quod tamen est contra mentem omnium, ut ait Barbof. in l. 2. §. legatis ff. de Judic. n. 118. 2. Milites quoque habent privilegium in Corpore Juris communis clausum l. tam colatores 18. princ. C. de re militar. & l. magisteria 6. C. de jurisd. omni. Judic. & tamen in loco Contractus conveniri possunt l. si quis 29. C. de pact. 3. Id probat l. interdum 36. §. Senator 1. ff. de Judic. ubi de Senatore dicitur, quod actionem excipere debeat, si negotiis alienis se intulit in Provincia.

Sed dicendum, eos, qui hujusmodi privilegium in Corpore Juris communis clausum habent, hoc loco pro exceptis habendos. Ita communis DD. teste P. Friderich de for. compet. n. 169.

Neque contrarium probant Argumenta allata. Ad 1. l. un. cit. solum dicitur, quod pupilli, & miserales personæ ad Imperatoris Tribunal trahi nequeant, alios vero ipsi trahere eo possint; non vero absolutum fori privilegium ipsis conceditur. Ad 2. l. 18. cit. sermo non est de omnibus militibus, sed solum de constitutis in Oriente. l. 6. autem Magistris militum datur potestas cognoscendi de causis militum, non tamen cum exclusione aliorum Judicum. Ad 3. l. 36. ff. de Judic. sermo est de Senatore, non vero de personis habentibus privilegium in Corpore Juris communis clausum, ut non nisi coram certo Iudice conveniri possint.

Dub. 2. an hoc procedat etiam de Clericis? Viderur non procedere; nam Clericus sine licentia proprii Episcopi in se prorogare nequit Jurisdictionem alienam, etiam Ecclesiasticis Iudicibus c. significasti 18. hoc tit.

Sed respondendum adhuc est affirmative: modo sit Iudex Ecclesiasticus, coram quo Clericus convenitur ratione Contractus. Colligitur ex c. dilecti 17. hoc tit. & docet ibid. Gloss. V. certo loco, Abb. n. 4. Pirh. *hic n. 46.* & seqq. Konig n. 35. Vviesl. n. 48. quos sequuntur P. Friderich de for. compet. n. 168. & P. Schmier de Judic. c. 3. n. 75.

Neque obstat ratio dubitandi allata in oppositum; nam etsi Clericus sine licentia Episcopi sui expresse in se prorogare Jurisdictionem Iudicis non sui nequeat, potest tamen tacite, sive ipso facto, sc. certo, eoque alieno loco contrahendo, aut eo destinando promissam solutionem; nam eo casu subicitur Jurisdictioni Iudicis alieni. idque non mere volun-



lunrate propria, sed ex dispositione, & assensu iuris, hoc casu prorogationi tacite maiorem vim tribuentis, quam expressæ.

34 Dub. 3. quando peregrini forum sortiantur in loco, ubi contraxerunt? Resp. cum distinctione; Vel enim in loco Contractus moram aliquam trahunt, vel statim iterum recessuri sunt. *Si primum*, patet ex dictis n. 31. quod forum sortiantur ratione Contractus, & est recepta DD. sententia teste P. Vviesl. hic n. 49. Ratio est, quia hoc ipso tacite promississe censetur, se ibi soluturum, vel responsurum, ubi moram longiorem trahit, & officinam, tabernam, pergulam conduxit. *Si secundum*, iterum distinguendum est: Vel enim, qui cum illis contrahunt, sciunt eos brevi discessuros, vel nesciunt. *Si hoc nesciunt*, ratione Contractus convenire eos possunt in loco Contractus, ut colligitur ex l. *heres absens* 19. §. *proinde 2. ff. de J. dic.* & norant Abb. in c. *fin. hoc tit.* n. 33. Franc. in c. 1. §. 2. n. 5. *hoc tit.* in 6. Barbof. in l. *heres absens*, & §. *proinde cit.* n. 96. Oliva p. 3. *for. Eccl.* q. 22. n. 56. Pirh. hic n. 36. Engl. n. 22. Vviesl. n. 58. & ratio est, quia probabilis ignorantia contrahentis cum viatore non debet ipsi obesse, & Viator fuit in culpa, non manifestando conditionem personæ suæ ei, cum quo contraxit. *Si vero sciunt, eos statim discessuros*, ratione solius Contractus in loco celebrati Contractus convenire eosdem non possunt, sed regulariter convenire illos debent in loco domicilii sui, ut recte advertit Gloss. in c. 1. *V. respondere hoc tit.* in 6. Barbof. in §. *proinde cit.* n. 94. Oliva loc. cit. n. 56. cum aliis supra relatis, & statuitur §. *proinde cit.* ubi etiam additur ratio, quia *durissimum foret, quotquot locis quis navigans, vel iter faciens aelatus est, tot locis se defendere*. Addidi regulariter; nam ulterius

35 Dub. 4. quibus casibus Viator, etiam sine mora transiens, ratione Contractus in loco Contractus conveniri possit etiam ab eo, qui scivit illum peregrinum esse, & brevi discessurum? Resp. casus ejusmodi complures sunt, quos enumerant præter alios Pirh. hic n. 36. Engl. n. 22. Vviesl. n. 58. Et 1. quidem si inter contrahentes ita conveniri; quia voluntas contrahentium dat Legem Contractibus. Et talem fuisse contrahentium mentem præsumitur in dubio, nisi aliud appareat ex circumstantiis. Franc. in c. 1. *cit.* §. *nec etiam* n. 4. 2. Si ita loci consuetudo postulet, ut qui in foro, vel taberna pretium pro merce, vel mercem pro pretio obtulit, ei merx, aut pretium statim tradatur; quia consuetudo hujusmodi pro lege est observanda. 3. Si agatur de iis, quæ in ipso Contractu mox implenda sunt, ut si accepto pretio, venditor equum emptori non velit tradere; recte enim per Judicem loci Contractus compelleretur, ne rem alienam auferat. 4. Si is, qui tanquam viator contraxit, ex post facto iterum ad locum Contractus revertatur, moramque ibidem trahat; quia tunc non amplius pugnat ratio, propter quam ejusmodi peregrinus alias forum non sortitur in loco Contractus, quippe qui tali casu à suscepto itinere per conventionem coram Judice loci Contractus non impeditur, ut adeo, ratione exceptionis cessante, vim suam habeat regula universalis, quod contrahentes forum sortiantur in loco Contractus. 5. Denique si peregrinus, qui contraxit, de fuga, vel alia fraude suspectus sit; tunc enim in loco Contractus conveniri, & ad tollendum, vel satisfaciendum cogi potest. Et hinc etiam, si peregrinus in equo tuo transeat, quem tibi repetenti reddere non vult, potes eam cogere ad satisfaciendum, quod se sistere velit in loco domicilii sui, alioquin equus sequestrabitur, ut cum Baldo tradit Felin. in c. *fin. hoc tit.* n. 20.

36 Queritur 2. ratione qualis Contractus forum sortiatur contrahens in loco Contractus? Resp. sortitur forum ratione Contractus non tantum proprie dicti, sed etiam ratione quasi Contractus, & cujuscunque conventionis, ex qua oritur obligatio; nam Contractus nomen hic non sumitur stricte, prout tantum significat conventionem ultro, citroque obligatoriam, sed late, prout etiam tutelam, curatelam, negotiorum gestionem, & quemcunque alium actum, quo obligatio per se, vel per alium contrahitur, comprehendit l. *heres absens* 19. §. *si quis tutelam* 1. ff. *de J. dic.* Gloss. *ibid.* *V. obligetur*. Gloss. in c. *fin. V. seu contractus hoc tit.* Abb. *ibid.* n. 29. Felin. n. 17. Oliva p. 3. *for. Eccl.* q. 22. n. 20. Pirh. hic n. 41. Konig n. 37. Vviesl. n. 42. & novissime P. Friderich *de for. compet.* n. 179. Idque verum est non tantum quoad obligationem principalem ex contractu vel quasi contractu ortam, sed etiam quoad obligationem secundariam, puta quoad damna, & interesse propter moram debitoris suo tempore non solventis; nam ratione ut-

riusque obligationis contrahens conveniri potest in loco Contractus, ut recte Abb. in c. *dilecti* 17. *hoc tit.* n. 6. Felin. in c. *fin. cit.* n. 19. Barbof. in §. *proinde cit.* n. 7. Oliva q. 22. *cit.* n. 5. Vviesl. hic n. 43. P. Friderich loc. cit. & alii apud istos.

Dub. 1. an etiam ad rescissionem, & annullationem Contractus in loco Contractus celebrati conveniri contrahens possit? Tres sunt sententiæ. *Prima* putat ad resolutionem Contractus conveniendum contrahentem, non in loco celebrati Contractus, sed in loco Domicilii. Ita Bald. in l. *quoniam* 3. C. *ubi, & apud quem cognis.* Decius in rubr. *de J. dic.* n. 2. Cald. Peregr. in l. *si curatorem* 3. *V. implorandum* n. 30. C. *de integ. ressit.* Tiraquel. l. 1. *retract.* §. 8. Gloss. 52. n. 2. Gutier. l. 1. q. *can. c.* 34. n. 9. Fundantur textu l. *quoniam cit.* ubi statuitur, rescissionem minoris adversus contractum petendam esse apud Iudicem Domicilii rei conventi.

*Secunda sententia* existimat eundem ad rescissionem Contractus conveniri posse etiam in loco contractus celebrati, si ibi inveniatur. Ita Ant. de Butr. in c. *fin. hoc tit.* n. 12. Felin. *ibid.* n. 24. in *fin.* Curt. Jun. in rubr. C. *de edend.* n. 16. Covar. l. 1. *var. cap.* 4. n. 1. Coler. *de process. execut.* p. 2. c. 1. n. 24. & 44. Gratian. *Discept. for. rom.* 1. c. 4. n. 22. Prænob. D. de Bassis 50. *Decis. Justin. decis.* 4. n. 6. & alii apud Oliv. p. 3. *for. Eccl.* q. 22. n. 8. Sumunt ex l. *in contractibus* 14. §. *fin.* C. *de non n. pecun.* ubi dicitur, exceptionem non numeratæ pecuniæ, quæ contra mutui contractum opponitur, & ex se ejusdem rescissionem rendit, opponi posse in locis, in quibus contractus est factus.

*Tertia sententia*, eaque meo Iudicio retinenda cum Barbof. in l. *heres* 19. §. *proinde 2. ff. de J. dic.* n. 24. & seqq. Oliva loc. cit. n. 9. Vviesl. hic n. 45. & duob. seqq. utitur distinctione: Vel enim Contractus jam est ex utraque parte perfectus, vel ita perfectus non est. Si Contractus ex utraque parte perfectus est, nec vitio aliquo intrinseco laborat, sed rescissio ejus petatur ex qualitate aliqua extrinseca, locus est l. *quoniam cit.* & Contractus rescissio petenda est à Iudice Domicilii rei conventi, non à Iudice loci, ubi celebratus Contractus est, licet ibi inveniatur reus. Ratio est, quia plene perfectio utrinque Contractu, sublata jam est actio ex eo orta *Inst. princ. quib. mod. oblig. solvit.* Ergo etiam sublatus est forum, ratione Contractus ad ejus implementum constitutum à Iure. *Reg. cum principibus* 178. ff. & *reg. accessorium* 42. in 6. At si Contractus aut nondum perfectus est ex utraque parte, aut laboravit vitio quodam intrinseco, e. g. usurariæ iniquitatis, agi ad rescissionem, & nullitatis declarationem contra reum etiam in loco celebrati Contractus, si ibi inveniatur, potest; & hoc, non vero plus probat l. *in contractibus cit.* quia qui opponit exceptionem de non numerata pecunia, aperte asserit Contractum ex una parte non esse impletum. Ratio est, quia hoc casu actio, quæ ex Contractu oritur, nondum sublata est. Igitur nihil obstat, quo minus reus conveniatur in loco Contractus.

Dub. 2. in quo loco conveniri Reus debeat super Distractu, seu super Contractus resolutione non facienda, sed facta? Resp. conveniri debet in loco distractus, seu ibi, ubi resolutus, seu rescissus contractus est. Ita post Cast. Alex. Butr. & alios sentit Tiraquell. in *Leg. connub. gloss.* 5. §. 8. Barbof. in l. *heres absens* 19. §. *proinde 2. ff. de J. dic.* n. 12. Everhard. *Topic. in loc. à contract. ad distract.* n. 3. Ummius *ad Process. J. dic.* D. 4. n. 7. Oliva p. 3. *for. Eccl.* q. 22. n. 7. Konig hic n. 37. Vviesl. n. 44. & novissime P. Friderich *tr. de for. compet.* n. 171. Sumitur ex §. *proinde cit.* ibi, *Si conduxit, ibique distractis, & l. qui loco certo 27. ff. de conduct. indebit.* Ratio est, quia ubi par ratio est, appellatione Contractus venit etiam Distractus arg. l. *La-beo* 19. ff. *de V. S.* & iisdem Regulis, quibus Contractus, etiam Distractus continetur l. *Pomponius* 13. §. *præterea 2. ff. de acquir. vel amitt. possess.* nec immerito; nam etiam Distractus mutuo consensu factus conventionem, & obligationem includit, ubi autem conventio fit, & obligatio contrahitur, ibi conveniri quis potest, ut hæcenus dictum est. Ergo &c.

Dub. 3. ubi quis sortiatur Forum, & conveniri valeat ratione Administrationis? *Certum est*, eum, qui ejusmodi Administrationem gerit, conveniri posse in loco, ubi hæc gesta sunt, si in eo reperitur. Patet ex n. 36. nam Administrator Contractu, vel quasi Contractu adstringitur illi, cujus res administrat.

Dubium procedit de casu, quo absens est is, qui Administratio-



strationem gessit; in quo dubio Barbosa *in l. heres absens* 19. §. *si quis* 1. ff. de judic. a. n. 68. distinguit inter Administrationem publicam, & privatam: Ratione Administrationis publicæ concedit etiam absentem compelli posse ad comparandum in loco Administrationis gestæ, & coram iudice, sub quo officium gessit, respondendum ob claros textus *l. cum qui* 1. & *l. seq. C. ubi de ratiocin. ag. oport.* At ratione Administrationis privatæ negat, ea ductus ratione, quia ut infra *nu. 41.* dictum, & ex *c. Romana* 1. §. *contrahentes h. tit. in 6.* constat, nemo conveniri potest in loco contractus præcisè ratione contractus, si ibi non reperitur.

Sed melius sine discrimine teneatur affirmativa sententia, quam etiam defendunt Abb. *in c. fin. h. tit. n. 37* Joan. Monach. *hic n. 23.* Franc. *in §. contrahentes cit. nu. 9 vers. quarto.* Covar. *pract. qq. c. 10. num. 4. vers. quarto.* Oliva p. 3. *for. Eccl. l. q. 22. n. 32. in fin.* Pirhing *hic num. 40* Vviestner *nu. 59.* juxta quos tam ratione administrationis publicæ, quam ratione privatæ, e. g. tutelæ, reus etiam absens in loco illius gestæ conveniri, & ad hunc remitti potest. Sumitur 1 ex generalitate Rubricæ *cit.* quæ est: *Ubi de ratiocin. tam publicis, quam privatis agi oportet.* 2 Idiplurè indicant verba *l. cum qui cit. ibi: Qui aliena negotia sive ex tutela, sive ex quocunque alio titulo administravit &c.* 3 Idem probat ratio *l. fin. C. eodem* quia in administrationis gestæ loco instructio sufficiens, & nota testimonio, & verissima possunt documenta præstari: quæ ratio procedit tam in administratione publica, quam in privata. Ex quo cadit ratio allata in oppositum.

Dub. 4 juxta cujus loci jura, vel consuetudines regulari contractus debeat, si hæc in loco contractus celebrati sint diversa à loco Domicilii, vel illo, in quo solutio promissa est, & actio instituitur? Resp. distinguendo: Velenim sermo est de litis, & Judicii ordinatione, vel de causæ decisione. Si primum, communis omnium est sententia, observandas consuetudines, & Leges fori, ubi agitur causa, ut notat Abb. *in cap. quod Clericis 9. h. tit. num. 10.* & colligitur ex *l. testium 3. in fin. ff. de testib.* conf. si Civis Augustanus, qui Norimbergæ contraxit, ad implendum contractum conveniatur Augustæ in loco Domicilii sui, processus institutus erit secundum jura, & Stylum Curie Augustanæ. Si secundum, locus contractus inspiciendus est, & quia contractus subjacet Legibus loci, in quo sit, ex istis colligendum, an & quatenus validus, & obligatorius sit, ut iterum monet Abb. *l. cit. n. 11.* & cum eo Pith. *hic num. 43.*

Proceditque hoc non tantum in iis, quæ pertinent ad solemnitatem, & substantiam contractus, ut pronuntiari possit, an validus sit; sed etiam in probatoriis contractus: & hinc si in casu dato Norimbergæ, ubi contractus celebratus ponitur, statutum sit, ut contractus probetur tribus, aut quatuor testibus, totidem testes adhiberi ad eum probandum debent, etiam si Augustæ, ubi lis ventilatur, duo sufficerent; quia id tendit ad decisionem causæ.

Excipitur tamen contractus Dotis, quam mulier repetere debet in Domicilio mariti, ubi is degit, & juxta ejus Domicilii jura; non ubi promissio facta, vel dotale instrumentum conscriptum est *l. exigere 65. ff. de judic.* nisi aliter conventum fuerit *l. heres absens 19. §. proinde 2. ff. eodem* Et hinc si in Domicilio mariti statutum sit, ut soluto matrimonio Conjux superstes dimidiam partem, vel etiam totam dotis, aut donationis propter nuptias lucretur, id vero non obtineat in loco contractus, tunc superstes Conjux eam lucrabitur. Battol. *in l. exigere cit. n. 1. Pith. l. cit.*

Quæritur 3 an universim in loco contractus conveniri contrahens possit? Resp. posse, si ibi inveniatur, nec aliter conventum inter contrahentes, vel per Leges locorum particulares statutum sit. Proceditque hoc 1 etsi contrahens contractum initum alibi confirmaverit; nam adhuc conveniri debet in loco contractus, ut rectè notat Gaill. *l. 2. obs. 1. num. 4.* Pith. *hic nu. 41.* & ratio est, quia confirmatio in forma communis facta nihil innovat. Procedit 2 etsi instrumentum contractus confectum sit alibi arg. *l. exigere 65. ff. de judic. & l. non figura 38. ff. de O. & A.* nisi ut contractus in scriptis fieret, placuisse probetur. tunc enim contractus prius perfectus non censetur, neque aliquid operatur, quam per Notarium Instrumentum expeditum, & partibus absolutum fuerit *princip. vers. in iis Schmalzgrueber Tom. II.*

autem *Instit. de empt. & vendit.* König *hic nu. 36.* Schamb. *num. 20.*

Dixi 1 si ibi inveniatur; nemo enim regulariter in loco contractus conveniri potest, nisi ibi reperitur, ut patet ex *c. Romana* 1. §. *contrahentes 3. h. tit. in 6. l. heres absens 19. princ. ff. de judic.* Dixi 2. nec aliter conventum sit; nam contractus ex conventionem legem accipiunt *reg. Contractus 85. in 6.* Dixi 3. & per Leges locorum particulares statutum sit; nam hæc juri communi detogant. Hinc diversa solvenda sunt dubia.

Dub. 1. quando in loco contractus ratione contractus possit conveniri absens? Resp. à DD. varios enumerari casus. Et 1. quidem, si locus contractus sit simul Domicilii; quia tunc iudex loci procedere contra absentem potest, tanquam contra subditum ratione Domicilii, quod perspicuum est semper ipsi permissum esse. 2. Si ibi se responsum promissit, simulque foro Domicilii expressè renuntiavit. Gloss. *in l. 1. ff. si quis in jus vocat. non jor.* quam celebratissimam esse, & omnes eam secutos ait Covar. *pract. qq. cap. 10. num. 5.* & usu judiciorum servari testatur Gutier. *part. 3. de juram. confirm. cap. 16. num. 4. 3.* Si agatur de reddenda ratione administrationis juxta dicta *num. 38.* 4. Si cum defuncto ratione contractus coram iudice loci contractus lis jam contestata est; nam hujus hæres, si ita velit pars adversa, tenebitur ibidem Processum reassumere, & continuare, tamen si ibi non reperitur *l. si is 34. ff. de judic.* quia per contestationem litis perpetuatur jurisdictio iudicis aditi *l. si is citat. & l. ubi acceptum 30. ff. eodem* nec hæres causa potior, aut melior esse debet, quam defuncti *l. heredes 59. ff. de R. l. 5.* Si Reus conventus sit studiosus, & is, relictis, in loco Academiæ debitis, discessit insalutato hospite, nec cautionem, nec suppellectilem relinquendo, unde Creditoribus satisfiat; nam isti à Rectore Magnifico citari possunt, ubicunque locorum sint, ut rectè advertunt Zaf. *in l. ult. ff. de jurisd. Matthe. Stephan. p. 1. de jurisd. c. 29. n. 33.* Haun. *rom. 5. de just. tr. 1. n. 358.* eo quod, dum immatriculantur, promittant, quod se sistere velint, quando citantur à Creditoribus, vel Rectore.

Dub. 2. quando contrahens etiam præsens in loco contractus conveniri nequeat? Resp. ex dictis *num. 41.* patet, triplicem esse casum, quo conveniri ibidem nequit. 1. Si ita conventum sit inter contrahentes, ne in loco contractus se invicem convenirent super implemento contractus; nam Forum contractus constitutum est in favorem contrahentium, cui proin renuntiare possunt. 2. Si debitor sit Advena, & dum v. g. emit, statim ex loco est recessurus, idque venditor novit, ut dictum est *num. 34.* censetur enim tunc, si pretium non statim expectat, vel petit, fidem emptoris sequi, nec solutionem hic petere *l. heres absens 19. §. proinde 2. ff. de judic.* & ibi Gloss. Battol. Cast. Fulgoi. & alii. 3. Si aliter statutum sit Legibus locorum particularibus. Ita illustr. D. Baro Schmid *ad tit. 19. a. 10.* & Præn. D. de Bassis *Semcent. 1. contr. 29. a. n. 2.* docent, de jure Bavarico nullum subditum Provinciale habere facultatem alium subditum extra locum Domicilii conveniendi; quod colligunt ex allegato jure Bavarico *a. 10. cit.* ubi statuitur, ut nullus subditus Provincialis alterum arresto gravari faciat in publicis nundinis, aut urbibus, & oppidis, ubi neuter eorum civis est, sed ut ad iudicem suum ordinarium remittantur; nam iudex loci contractus jurisdictionem in personam, & res advenæ exercere nequit, nisi per Arrestum, detentionem, manus injectionem, & captionem pignorum; hoc autem de jure Bavarico juxta *art. citat.* fieri non potest. Ergo neque actio cum effectu intentati hoc jure coram iudice loci contractus potest.

Excipitur tamen triplex casus, quo subditus Provincialis extra locum Domicilii sui conveniri potest. 1. Si ibi, ubi intentatur actio, bona possidet, quæ Actori expressè, vel tacitè Hypothecata sunt. Ita statuitur *titul. 11. a. 1. der Land-Recht, & titul. 3. a. 1. des Vard,* Process. consequenter ad *l. fin. C. ubi in rem actio, l. si prædium 16. C. de præd. & al. reb. min. & cap. fin. h. tit.* juxta quos textus actio realis instituitur coram iudice loci, ubi res sita est. 2. Siquis certo loco promissit se soluturum; tunc enim in loco, in quem condixit solutionem, conveniri potest, & per detentionem, ac Arrestum ad solutionem compelli, ut expressè habetur *cit.*



tit. 19. a. 10. 3. Si quapiam Civitas, aut Oppidum detinendi, vel arrestandi facultatem ex antiqua consuetudine habeat *cit. tit. 19. a. 7.* qualis consuetudo vigere dicitur Monachii, & Landshuti. Vide P. Friderich *tr. de for. compet. n. 173. & seqq.*

44 Dub. 3. ubi conveniri reus ratione Contractus possit, si Contractus implemento, seu solutioni de contrahentium consensu mutuo destinatus est alius locus? Resp. cum distinctione: Vel enim solutioni, & implemento Contractus destinatus est locus certus, vel incertus. Si primum, reus sortitur forum non in loco celebrati Contractus, sed ibi, ubi se soluturum promissit, cons. etiam ibi conveniri debet, vel in loco Domicilii pro Actoris arbitrio, prout habetur *l. heres absens 19. §. fin. ff. de Judic. l. aut ibi 3. & ibi Zas. n. 6. ff. de reb. anch. Judic. possid. l. contraxisse 21. ff. de O. & A.* ubi datur ratio; quia *contraxisse unusquisque in eo loco intelligitur, in quo, ut solveret, se obligavit.* Si secundum, attendendus est modus incertitudinis; nam multipliciter promissio hujusmodi incerta fieri potest.

Et 1. quidem, qui promissit se soluturum, vel respondurum, ubicunque ipsi inventus fuerit, solutionem Creditor petere, & convenire debitorem potest, in quocunque loco debitorem invenerit, modo locus ille idoneus fuerit, ut contra Bartol. *in l. 18. ff. de Jurisd. num. 4.* docent Ant. de Butr. *in c. 1. de Judic. n. 13.* Decius *in l. cit. n. 3.* Abb. *in c. cit. n. 22.* Vviesl. *hic nu. 55.* & novissimè P. Friderich *tr. de for. compet. n. 191.* Ratio est, quia Contractus ex intentione contrahentium legem accipiunt juxta *Reg. 85. in 6.* poterat autem promissor se obligare ad solvendum, vel respondendum, ubicunque repertus fuerit. Igitur si ita velit se obligare, obligabitur. Addidi autem, *modo locus idoneus fuerit*; quia aliter non censetur se obligare, quam quomodo non nimis grave est ipsi promissionem exequi: ita autem grave eidem foret, si ab ipso peteretur solutio, aut alia Contractus impletio in loco remotissimo &c.

2. Qui promissit se soluturum, ubicunque Creditor voluerit, conveniri ad Contractus implementum, & solutionem præstandam potest ubivis locorum, ubi à Creditore inventus fuerit ex eadem ratione, modo locus ille idoneus, ac tutus fuerit; nam si idoneus, ac tutus non foret v. g. ob pestem grassantem, in eo respondere non teneretur. Decius *l. cit. n. 23.* Abb. *n. 22. cit. in fin.* Barbof. *in l. 19. §. 1. ff. de Judic. n. 144.* Oliva *p. 3. for. Eccl. q. 22. n. 43.* Vviesl. *n. 55. cit. Friderich l. cit. n. 192.* & alii apud istos.

3. Qui promissit se soluturum, vel responsurum Viennæ, vel Augustæ, apposita clausula generali, *Et ubicunque Creditori placuerit*, conveniri potest non tantum in locis expressis, sc. Viennæ, & Augustæ, sed in aliis quoque non multo remotioribus. quia clausula generalis adjecta casibus in specie expressis interpretationem accipit à specificatis *arg. l. fin. §. fin. ff. de tritic. vin. &c. Jason. in l. si convenerit cit. n. 44.* Abb. *in c. 1. cit. num. 22.* Ripa *ibid. n. 71.* Oliva *n. 44.* Vviesl. *num. 56.* & novissimè P. Friderich *l. cit. nu. 193.* & P. Schmier *tr. de Judic. c. 3. n. 100.*

4. Qui promissit se soluturum Monachii, & Ingolstadtii, ab eo solutio peti in utroque loco potest, non tamen utrobique summa integra, sed media pars in uno loco, media in altero; nam, ut Ictus *in l. arbitraria 2. §. si quis 4. ff. de eo, quod cert. loc. &c.* ait, *si quis stipulatur Ephesi, aut Capuæ, hoc ait, ut Ephesi partem, & Capuæ partem petat*; cum natura copulæ sit æqualiter distribuere copulata *leg. reos 11. §. cum tabulis 1. ff. de duobus reis constituend. Socin. in cap. dilecti hoc tit. numer. 29.* Abb. *l. cit. Ripa n. 69.* Friderich *n. 194.* Schmier *n. 95.*

5. Denique, qui promissit se soluturum, vel responsurum disjunctivè Monachii, vel Ingolstadtii, solutionem facere potest, ubi ipse voluerit; conveniri autem potest, ubi voluerit Actor, & quidem ad integram summam, cum utrobique contraxisse censendus sit *l. contraxisse 21. ff. de C. & A. Socin. l. cit. n. 28.* Zanger. *de except. cap. 1. p. 2. numer. 134.* Brunnem. *in l. arbitraria cit. num. 8. & 9.* Friderich *n. 195.* Schmier *num. 96.* & alii apud istos.

45 Queritur 4. an, & quomodo Judex ratione Contractus Jurisdictionem suam exercere valeat in eum, qui in loco contraxit, vel in eo se soluturum expressè, vel

tacitè promissit? Procedit quæstio de peregrino, seu illo, qui extra locum domicilii sui contraxit; nam si quis contrahat in loco Domicilii, vel ibi ratione Contractus alibi celebrati conveniatur, adversus eundem, tanquam inquilinum, & subditum, agi coram Judice Domicilii potest, ubicunque is fuerit. De peregrinis autem respondendum est cum distinctione: Vel enim reus peregrinus in loco, ubi contraxit, vel promissit se soluturum, reperitur, vel non reperitur.

Si primum, quamdiu in loco reperitur, Jurisdictionem suam Judex exercere potest in ipsam ejus personam, eam per citationem in jus vocando, & vocatam ad comparandum opportunis remediis compellendo *c. dilecti 17. h. tit. & c. Romana 1. §. contrahentes 3. eod. in 6. Abb. in c. fin. h. tit. n. 36.* Franc. *in §. cit. n. 1.* Covar. *l. 1. var. c. 4. num. 1.* Oliva *p. 3. for. Eccl. q. 22. num. 23.* Engl. *hic n. 23.* Konig *n. 38.* Pirh. *n. 38.* Vviesl. *n. 50.* & novissimè P. Friderich *tr. de for. compet. num. 198.* & P. Schmier *tr. de Judic. c. 2. n. 85. & seqq.* Ratio est; quia ratione Contractus sortitur forum, & loci Magistratui sit subditus, saltem, dum in eo existit. Hinc si contumaciter se absenter, & causæ qualitas ita exigat, vel permittat, capi quoque, & incarcerari potest; imò in iis causis, ubi litis contestatione opus non est, si de Jure Actoris liqueat, etiam super negotio principali condemnari capit. *fin. §. ult. ut lit. non contest. l. propterandum 13. §. fin. autem 3. ff. de Judic. Abb. num. 36. cit. Engl. hic num. 24.* Schambog. *num. 20.* & alii supra allegati.

Si secundum, & reus ex territorio, vel Dicecesi, in qua contraxit, excessit, & dum in loco Contractus extitit, à Judice loci Contractus præventus non fuit, distinguendum est denno, an hujusmodi reus in loco Contractus habeat bona aliqua, vel nulla habeat. Si habet ibidem bona aliqua, citari à Judice loci Contractus potest, non quidem ad eum effectum, ut si non compareat, excommunicari, aut in principali negotio procedi possit; quia postquam ex territorio ejus egressus est, desinit esse subditus illius: sed sub comminatione immittendi Actorem in possessionem bonorum, quæ ibi habet, nisi compareat, vel Actori satisfaciatur, aut cautionem idoneam præstet de exhibenda satisfactione. Et hanc immisionem ad petitionem Actoris reipsa facere eidem Judici permissum erit in casu contumaciæ, ut sic tædio affectus reus contumaciam deponat, & compareat ad respondendum, prout sumitur ex *c. fin. §. ult. ut lit. non contest. c. Romana 1. §. contrahentes 3. h. t. in 6.* & notar Franc. *ibid. à n. 1.* Abb. *n. 36. cit. Covar. pract. qq. c. 10. num. 4. in princ.* Zoef. *hic n. 7.* Pirh. *n. 38.* Engl. *n. 24.* Schamb. *n. 20.* Konig *n. 39.* Vviesl. *n. 51.* & novissimè P. Friderich *tr. de for. compet. n. 200.*

Quod si bona in loco Contractus nulla habeat, tertia distinctio est adhibenda, & videndum, an alibi bona aliqua habeat, an verò neque alibi aliqua habeat. Si prius, Judex loci Contractus, vel solutionis promissæ per Litteras Requisitionales, ad Judicem Domicilii datas, citare quidem eundem, & si contumaciter non compareat, ad petitionem Actoris decernere immisionem ejusdem in bona debitoris potest, pro actuali tamen immissione in illa facienda Judicem Domicilii, vel alterius loci, in quo sita sunt bona illa, debet requirere *§. contrahentes cit. in fin.* Abb. *n. 36. cit. Covar. n. 4. cit. in fin.* Zoef. *hic num. 7.* Pirh. *numer. 39.* Schambog. *num. 20.* Konig. *num. 52.* Vviesl. *num. 39.* Si posterius, Judex loci Contractus, vel solutionis promissæ non potest quidpiam decernere vel in personam debitoris, utpote qui non amplius subditus ipsi est, vel quoad bona ejusdem, quia nupiam ulla habet: unde si Jus suum prosequi Actor velit, convenire debitorem super impletionem Contractus debet coram Judice Domicilii, ubi etiam reparationem damnorum, quæ ex mora solutionis consecuta sunt, & expensarum propterea factarum petere, ut se præstet indemnem, potest. Nicol. Rodriq. *in c. dilecti 17. h. tit. n. 14. & duobus seqq.* Pirh. *hic nu. 39. cit. Vviesl. n. 53.*

Queritur 5. utrum in Contractibus remissio locum habeat? Videtur habere ob paritatem cum foro delicti; nam Jure communi spectato, qui in alieno territorio deliquit, & inde fugit, remittendus est ad Judicem delicti, si territorium, ad quod fugit, sub eodem sit Principe, ut infra *n. 36.* dicitur.



Sed hoc non obstante, dicendum, regulariter remissioni non esse locum in contractibus. Patet ex hactenus dictis, & notat Pirh. *hic num. 40.* Schambog. *num. 21.* & alii communiter. Dixi *regulariter*; nam plures sunt exceptiones. 1 Si contrahens in ipso contractu renuntiavit foro domicilii sui. 2 Si juramento præstito promisit se in foro contractus responsurum. 3 Si promissit non tantum solvere, sed etiam, quod ibi se velit sistere. 4 Si agatur de rationibus reddendis ratione administrationis. 5 Si in loco contractus jam cæpta sit causa agi in iudicio. Vide Pirh. *hic num. 40.* & alios ab ipso *citt.*

Ad rationem dubitandi ratio disparitatis inter delicta, & contractus est; quia interest Reip. ut crimina puniantur in loco, ubi patrata sunt, adeoque ut reus in illo præfens sit: quæ ratio cessat in contractibus Civilibus, in quibus si reus condemnatur, bona occupantur.

## §. IV.

## De Foro Competente ratione rei sitæ.

## S U M M A R I U M.

- 49 Tertius modus sortiendi forum est Res sita.
- 50 Conveniri in loco rei sitæ possunt omnes etiam, qui alias non sunt subditi.
- 51 Actione tamen reali tantum, non personali, nisi in rem scripta sit.
- 52 Etiam super re mobili, si ad aliquod tempus ibi sit permansura.
- 53 Quamvis reus conventus sit absens.
- 54 Nec liberatur, nominando Authorem suum, nisi possideat alieno nomine.
- 55 Potest in loco rei sitæ institui etiam iudicium possessionis.
- 56 57 58 Est in arbitrio Actoris convenire reum in foro rei sitæ, vel Domicilii.

**T**ertius modus, seu titulus jure communi sortiendi forum est *Res sita*; nam ratione istius conveniri potest possessor coram iudice Territorii; in quo sita est res, de qua controversia instituitur, prout habetur *cap. sanè 3. & capit. fin. h. tit. l. fin. C. ubi in rem actio &c.* quod saluberrimè constitutum est ex multiplici ratione. 1 Quia in Actione reali potior rei, quam personæ habetur consideratio. 2 Quia in tali loco probatio causæ expeditior, & executio sententiæ faciliior est, ut adeo summa æquitas suadeat rem ibi defendi, ubi existit. 3 Quia non iustè iudicium loci detrectat, cujus jurisdictionem, & protectionem res ibidem sita experitur.

Quæritur 1 quænam personæ conveniri possint coram iudice Rei sitæ? Resp. Regulariter conveniri possunt personæ omnes, etiam si alias tali iudici subiectæ non sint. Ratio est, quia licet ratione rei sitæ in Territorio, ubi sita est, non sortiatur forum; ita ut subditus fiat absolute loquendo, sit tamen subditus secundum quid, seu in ordine ad rem tantum, quippe quam actio realis principaliter respicit *l. denique 19. ff. de jur. fisci. Proceditque hoc 1.* etiam si Reus conventus habeat privilegium, vi cuius coram certo tantum iudice teneatur respondere; nam hoc privilegium non obstante, conveniri potest in loco rei sitæ, nisi per privilegium istud, ejusque tenorem foro huius sit derogatum per textum *cap. volentes 1 in princip. de privil. in 6. ibi, Quantumcunque sit exempti gaudeant libertate, nihilominus tamen ratione rei, de qua contra ipsos agitur, rite possunt coram locorum Ordinariis conveniri.* Consonat *l. hæres absens 19. in princip. ff. de iudiciis. Procedit 2.* etiam de Clericis; nam et si isti alioquin coram suo tantum Episcopo conveniri, nec sine ejus consensu alteri prorogare in se jurisdictionem valeant, conveniri tamen in loco rei sitæ æquè, ac in loco contractus possunt, saltem coram iudice Ecclesiastico loci: utrum enim coram Laico, plenius dicitur infra *n. 79. & seqq.*

Quæritur 2 quæ actione Reus in loco rei sitæ conveniri possit? Resp. actione reali tantum, non vero personali, nisi sit in rem scripta. Patet ex textibus *citt.* & docet Battol. *in fin. C. ubi in rem actio &c.* Abb. *in cap. Schmalzgrueber. Tom. II.*

*fin. h. tit. num. 43.* Layman *de jurisdict. Ordin. concl. 21* Pirh. *hic num. 48.* König *num. 27.* Vviestner *n. 65.* & novissimè Clariss. P. Schmier *tr. de judic. c. 3. n. 59.* Ratio est, quia actio realis rem, non personam sequitur *l. actio num. 25. ff. de O. & A.* igitur nihil obest, quod reus quoad personam suam non sit subiectus tali iudici. Contrarium sit in actione personali; nam hæc non rem, sed personam sequitur *l. fin. §. fin. ff. de contrah. empt.* ac proinde Actor eandem intentaturus, coram eo iudice hanc intentare debet, cui subiecta est persona Rei conventi. Addidi, *nisi in rem scripta sit*: qualis est actio quod metus causa, actio quadrupedaria, actio ad exhibendum &c. hæc namque, cum actionem realem eatenus imitentur, quatenus contra quemcunque possessorem moveri potest, imitatur quoque eandem actionem in hoc, quod ibi moveri valeat, ubi sita est res metu extorta, aut ad noxæ deditionem, vel exhibendum debita, ut DD. *citt.* norant, & ratio est, quia actio in rem scripta non solum personam, sed etiam rem persequitur, ut a se mirum esse non debeat, quod intentari in loco rei sitæ possit.

Quæritur 3 an Reus sortiatur forum etiam ratione rei mobilis, aut se moventis? Resp. distinguendo: Vel enim res in loco, saltem ad aliquod tempus, permanens est, vel non. Si primum, coram loci Magistratu ejus possessor conveniri potest. Abb. *in c. fin. h. tit. n. 43* Barbosa *in l. hæres absens 19. §. proinde 2. art. de for. rei sitæ, num. 4.* Vallens. *hic §. 1. num. 4.* Pirh. *num. 51.* Engl. *num. 17.* König *num. 26.* Schambog. *n. 22.* Vviestner *n. 62* & novissimè P. Friderich *tr. de for. compet. num. 203.* & P. Schmier *tr. de judic. c. 3. num. 60.* estque teste Sichardo *in l. fin. C. ubi in rem actio &c. num. 3.* communi Germaniæ consuetudine recepta sententia. Patet ex generalitate textuum *cap. fin. h. tit. l. fin. C. ubi in rem actio &c.* & *l. quod legatur 38. ff. de judic.* ubi sine discrimine inter res mobiles, & immobiles, in rem actio jubetur adversus possideantem moveri in locis, in quibus res, propter quas contenditur, constitutæ sunt. Ratio est, quia magis convenit, ut forensis ibi respondeat, ubi rem habet, quam ut actor, qui rem suam præsentem videt, maximis sumptibus reum sequi ad forum domicilii sui cogatur.

Si secundum, & res in loco est solummodo transeunter, e. g. si peregrinus cum equo transeat civitatem, quem civis, vel incola ejusdem civitatis dicat ad se pertinere, negante id peregrino, tali casu iste ratione rei sitæ forum non sortiatur, ut cum *citt.* rectè advertit Oliva *for. Eccl. part. 3. quest. 23. num. 3.* Ratio est, quia res non censetur propriè esse in loco, per quem solummodo transit *arg. l. devitor 32. ff. de pignor.* Excipitur duplex casus. Primus est, si res mobilis antecederet à loco per furtum subtracta fuit; hæc enim si ad eundem locum cum fure transeunter perveniat, etiam in loco transitus vindicari ab eo potest, non tam propter titulum rei sitæ, quam ratione delicti *capit. fin. cit. Alter*, si rei possessor de fuga suspectus sit, nec immobilia habeat; nam eoventu, si non idoneè caveat, res in loco transitus rectè sequestratur, donec causa hæc à iudice rei cognoscatur *l. si fidejussor 7. §. fin. ff. quis satisd. cogat.* Abb. *in cap. fin. cit. num. 44.* Barbosa *l. cit. n. 6. & 7.* Oliva *q. 23. cit. n. 4.* Vviestner *n. 64. cum cæteris supra allegatis.*

Quæritur 4 an Reus in loco rei sitæ actione reali conveniri possit etiam, quando in eo non reperitur? Negant Paul. Castr. *in l. fin. C. ubi in rem actio &c. num. 2.* Sichard. *ibidem num. 2.* Zoel. *ff. in rem actio &c. num. 78.* Oliva *q. 23. cit. num. 8.* Barbosa *num. 15. & 16.* & consentire videtur Abb. *in cap. fin. h. tit. num. 44. in fin.* Butrio *ibidem num. 10.* Marian. Socin. *in c. sanè 3. h. tit. num. 12.* Suaderi videtur 1. textu *l. un. C. ubi de hered. ag. oport.* ubi dicitur hereditatem petendam esse, ubi is, qui convenitur, domicilium habet, vel ubi res hæreditariæ sitæ sunt, *si sibi dedit.* Ergo à sensu contrario, si ibi non degat, seu reperitur, petitione hereditatis impetiri non poterit. 2 Quia iniquum videtur esse, reum ex suo domicilio ad rei sitæ locum extrahere cum dispendio rei familiaris. 3 Quia fora contractus, & rei sitæ æquiparantur. Igitur sicut in foro contractus reus conveniri non potest, nisi ibi reperitur, ita neque ratione rei sitæ.

Sed affirmativa communior, & probabilior, nec



non hodierna praxi magis est approbata, cum qua proinde dicendum, iudicem rei sitæ hoc casu quidem adversus absentem, utpote non subjectum jurisdictioni suæ personaliter non posse procedere, posse tamen contra eundem procedere realiter, & si per citationem in jus vocatus non compareat, Actorem immittere in possessionem rei, super qua conventus est. Ita Vultejus in l. 1. C. ubi in rem actio &c. n. 20. Zanger. de Except. p. 2. c. 1. num. 100. Matth. Stephan. l. 1. de jurisdic. cap. 31. num. 6 Haun. tom. 5. de J. & J. tr. 1. num. 266. Engl. hic num. 15 Pirh. num. 48. Konig n. 31. Vviesner n. 71. quos sequuntur P. Friderich tr. de for. compet. nu. 206. & P. Schmier tr. de judic. c. 3. n. 65. & colligitur ex c. fin. §. ult. ut lit. non contest. & l. si quis 2. C. ubi in rem actio &c. Ratio est 1. quia si ratione rei sitæ reus absens conveniri in loco rei sitæ non posset, locus rei sitæ non faceret forum per se, sed solum ex accidenti; hoc autem non admittunt l. fin. & l. quod legatur cit. quæ indefinitè loquuntur. 2. Quando in rem agitur, major habetur ratio rei, quam personæ l. 19. ff. de jur. fisc. hoc autem non fieret in Adversatorum sententia; quia major haberetur ratio personæ, quam rei. 3. In loco rei sitæ multo facilius, & expeditius est negotii pertractatio, quam in loco ab ista remoto.

Neque aliud probant Argumenta opposita. Ad 1 Argumentum à sensu contrario, ut n. 31. cit. rectè advertit Konig, sæpe valde infirmum est, neque concludit contra expressum textum alterius Legis, qualis est c. fin. & l. si quis cit. Ad 2 ex Argumentis nostris eruitur potius iustissimum, & æquissimum esse, etiam absentem in loco rei sitæ conveniri posse. Ad 3 & ex his ipsis eruitur, quoad hoc forum rei sitæ non equiparandum foro contractus.

54 Queritur 5 utrum possessor rei in loco rei sitæ conventus, possit se liberare ab intentata sibi actione nominando Authorem suum? Resp. distinguendo: Vel enim nomine suo rem possidet, v.g. quia eam ab alio emit, vel eam possidet nomine alieno, e.g. quia est inquilinus ædium à se conductarum. Si primum, non liberatur, etiam si nominet Authorem suum, & dicat se equum e.g. quem ut meum ab ipso repero, emisse à Titio; nam propterea non debet agere contra Titium, sed contra possessorem equi mei, & quidem in illo loco, ubi equus est, actionem licebit prosecui. Habet tamen possessor tunc istud beneficium Legis, ut Authorem suum laudare, & ad se defendendum in causa evictionis citare, atque re evicta eundem ad interesse convenire possit lib. in rem 1. C. ubi in rem actio &c. & hoc speciale est, quod venditor teneatur emptorem defendere in eodem iudicio, in quo isti lis mota est, quamvis ipse aliterius fori sit l. venditor 49. princ. ff. de judic.

Si secundum contingat, & possessor rei controversæ possideat alieno nomine, adversus istum quidem institui actio realis potest, at sine obligatione iudicium suscipiendi; nam talis detentor potest nominare Authorem suum, cujus nomine rem tenet; quo facto, lis mota in authorem dirigitur: antequam vero adversus istum ulterius procedatur, concedi debent induciæ, ut ille certiorari, & ad rem suam defendendam vel per se, vel per Procuratorem suum, in eo tamen loco, ubi res sita est, comparere possit. Si vero ille à detentore vocatus non comparuerit, iudex rei sitæ eundem edictis legitimis propositis citare curabit: post quod si adhuc copiam sui non fecerit, præmissa summaria negotii cognitione, immissio actoris in bona ejusdem fiet, prout statuitur l. si quis 2. C. ubi in rem actio &c. Engl. hic num. 16 Konig n. 29. & novissimè R. P. Schmier tr. de judic. c. 3. n. 63. cum Lauterbach Disp. de nominatione, quæ in Vol. 1. Disp. Tubing. est 18. ubi Thes. 8. & 9. idem respondet de creditoribus pignoratitiis, de Superficiariis, de Usufructuariis, de emphyteutis, & Vasallis, si ratione proprietatis conveniantur; secus, si ratione ipsius juris, quod ipsismet competit.

55 Queritur 6 utrum in loco rei sitæ institui possit etiam iudicium possessorium? Videtur non posse ob juris textum, & rationem. 1. l. videamus 1. §. interdicta 3. ff. de Interdict. sive extraord. ast. ubi Interdicta omnia dicuntur personalia esse. 2. l. præses C. eodem ubi Impp. Præses Provincia, inquit, in eum, qui ejus Provincia non est, nec ex interdicto potest cognoscere; adeoque de isto

agi debet non in loco rei sitæ, sed domicilii. 3. Quia Interdictum unde vi, quo possessio violententer ablata repetitur, proximè suboritur ex delicto; conf. non reale, sed personale est.

Sed tenenda est affirmativa sententia, quam etiam defendunt Vult. ad l. un. C. ubi de hered. num. 41. & seqq. Vinn. select. q. 1. c. 18. Fleck. in Biblioth. l. 5. tit. 10 num. 102. quos citat, & sequitur Clariss. P. Schmier l. cit. n. 70. & trib. seqq. ob claros textus l. un. C. ubi de possess. & l. un. C. ubi de hered. Patet de iudiciis adipiscendæ, & retinendæ possessionis; nam hæc cum immediate oriantur ex jure reali, & ipsa realia sunt. Interdictum unde vi, cum, ut rectè in 3. rat. dubit. innuitur, proximè suboritur ex delicto, magis quidem est personale, optimo tamen jure etiam ipsum in loco possessionis moveri permittitur; quia ibi facillimus, & expeditissimus effectus est, dum spoliatus mox in possessionem rei ablata restitui potest. Ratio de omnibus iudiciis possessoriiis generalis est, quia causa possessionis tam arctè confederata est causæ proprietatis, ut utraque coram eodem iudice ventilari debeat c. susceptis 1. de caus. poss. & propr. igitur cum coram iudice rei sitæ ventilari causa proprietatis possit, mirum videri non debet, coram eodem etiam agi de possessione posse.

Neque obstant textus, & ratio allata. Ad 1 Ulpianus ibidem Interdicta, & iudicia possessoria agnoscit realia esse; addit enim, quod in rem videantur concepta, personalia, tamen nuncupat, quo discernat ab edictis Prætorum, quæ sunt Lex Prætoris, & jus generale ad omnes pertinens, cum è contrario Interdicta sint jus privatum, seu ejus litigatoris, qui Interdicto experitur, & quod Prætor solum inter litigantes interdixit. Ad 2 ut eam Legem cum Donell. Brunnem. & aliis explicat P. Schmier l. cit. n. 72. sensus est, quod Præses alienus nequeat cognoscere ex Interdicto, si in ipsius Provincia nec res, de quarum possessione agitur, sita sint, nec turbatio, aut violentia commissa: quod nihil novi, sed regulare est, cum iudex, cujus foro reus ex nullo titulo subjectus est, seu incompetens nec debeat, nec possit jurisdictionem interponere. Ad 3 responsio patet ex ratione allata pro questionis resolutione.

Queritur 7 an Reus ibi, ubi res sita est, super ea conveniri necessario debeat, vel an possit conveniri etiam in loco Domicilii? Non conveniunt DD. Glofs. in cap. sane 3. P. provincia Vincent. de Franchis decis. 177. Trentacinque l. 1. præst. tit. de action. resol. 4. num. 10. Donell. l. 17. Comment. capit. 17. lit. D. Zanger. de except. capit. 1. part. 2. num. 346. Præn. D. de Bafilis in 50. decis. Justinian. decis. 4. num. 10. P. Friderich de for. compet. à num. 216. & alii volunt, coram solo iudice Territorii, seu loci, in quo res sita est, conveniri eundem posse: quibus concordat Patriæ nostræ consuetudo, & Jus; nam Land-Recht tit. 11. n. 1. expressè cavetur, ut actio realis solum in loco rei sitæ instituat, sive de Allodialibus, sive de Feudalibus agatur: quod etiam in specie statuitur de Actione Hypothecaria in Ordin. Process. Edict. tit. 3. a. 1. Colligi videtur 1. ex cap. sane 3. h. tit. ubi decretum est, ut si Episcopi, inter quos causa versatur, sint diversarum Provinciarum, ille Primas det iudices, in cujus Provincia est locus, de quo contenditur. 2. Ex l. fin. C. ubi in rem actio &c. ibi, Sed & in locis, in quibus res, propter quas contenditur, constituta sunt, jubemus in rem actionem adversus possidentem moveri; his enim verbis Impp. actionem in rem in loco, ubi ea constituta est, moveri non simpliciter permittunt, sed jubent, ibique agendi imponunt necessitatem. 3. Ex l. quod legatur 38. ff. de judic. ubi vers. fin. dicitur, Si per in rem actionem petatur, ibi peti debere, ubi res est: quibus verbis iterum non obscurè imponitur necessitas agendi in loco rei sitæ. 4. Ex l. un. C. ubi de possess. ag. oport. ibi: Ubi aut vis facta dicitur, aut momentaria possessio postulanda est, ibi loci iudicem adversus eum, qui possessionem turbavit, convenit judicare. 5. Ex usu antiquo; olim enim fundus non aliter vindicari potuit, quam in loco, ubi repetiebatur, ut colligi potest ex formula, qua Actor solebat dicere: Fundum Sabinum, in agro Tusculano situm, quem hac gleba repræsentem, meum esse ajo. 6. Ex ratione; quia actio realis principaliter respicit in ipsam rem §. omnium 1. Instit. de action. igitur proponi eam convenit coram iudice, cujus Jurisdictioni subjecta res est. 7. Ex naturalis



*congruentia*; sæpe enim in ipso litis exordio res exhibenda, & ejus limites probandi sunt, sique Judicium in Actoris favorem finitum sit per sententiam, & hæc executioni danda, actori tradi debet: quod fieri non posset, nisi lis reo intendatur coram iudice rei sitæ.

57 Verum his non obstantibus, in puncto juris verisimilior est communis sententia, quæ arbitrio Actoris relinquitur, an Reum coram iudice Domicilii, vel Territorii, in quo res contentiosa existit, convenire velit. Ita Gloss. *fin. in l. ult. C. ubi in rem actio* &c. Abb. *inc. fin. h. sit. n. 43.* Butrio *ibidem n. 10.* Barbosa *in c. 3. eodem n. 2.* Gonz. *ibidem n. 9.* Haun. *tom. 5. tr. 1. n. 366.* Pirh. *hic n. 49.* König *n. 33.* Vviestner *n. 67.* & novissimè Clariss. P. Schmier *de judic. c. 3 n. 40. & seqq. & Præn. D. Herm. Anton. de Chlingensperg simili tr. c. 2. assert. 31.* pluresque ab his *cist.* Ratio est 1 quia Domicilii forum ordinatum est, & generale, & cum quovis alio concurrat: idque merito; cum enim bona accessoria sint ad personam, rectè ibi petuntur, ubi persona possidens Domicilium sortitur. 2 Siquis ratione rei sitæ necessario conveniendus esset, ubi res sita est, etiam qui contractum celebravit, aut delictum commisit, necessario conveniri deberet in loco contractus, vel Delicti; quia æquiparantur, & non est major ratio de uno, quàm de altero: hoc modo autem superfluum fieret forum Domicilii, & nunquam serè locus eidem foret. Ergo &c. Duplex tamen est facienda exceptio. 1 Si res Feudalis sit; nam lites super rebus Feudalibus ortas aliquando Rei Ordinarius, aliquando Dominus directus, aliquando Pares Curiae dirimunt, ut dictum est *Tit. 1. à nu. 65.* 2 Si sit iudicium momentaneæ possessionis; nam pro hoc ad eundem est iudex rei sitæ, & hoc ex speciali ratione, quia iudicium illud ob id instituitur, ne partes ad arma deveniant, quod contingere solet in loco, in quo res, de qua contenditur, existit. Gonz. *l. cit.*

58 Argumenta in contrarium non evincunt intentum. Ad 1 ex eo textu tantum sequitur, quod reus communiter, & plerumque conveniri soleat in loco, ubi res sita est, non vero quod debeat ibi conveniri: vel dic cum Abb. *inc. 3. h. tit. n. 5.* Layman *ibidem n. 3. vers. secundum*, Pirh. *hic n. 50.* Vviestner *n. 67.* eo textu Episcopos diversarum Provinciarum ad Primatam, in cujus Provincia res sita erat, remissos fuisse, quia ob incertitudinem possessionis controversia ab hoc melius decidenda videbatur, utpote qui certiores rei notitiam habere poterat: Ad 3 iussio illa non absoluta, sed alternativa est, ita ut sensus sit, reum actione reali conveniri debere vel in loco Domicilii, vel in loco rei sitæ, quod colligitur ex verbis textus ibi, *Sed & in locis, in quibus res constituta sunt*, ubi particula *sed &* in arbitrio actoris videtur ponere, utro loco reum convenire velit. Ad 3 in Legato est aliquid speciale; cum enim hæres rem legatam alibi, quam ubi res est, ex præsumpta Testatoris voluntate Legatario præstare non debeat, neque iste petere potest eam sibi præstari alibi. Ad 4 ob hanc Legem posita est supra secunda exceptio. Ad 5 imprimis formula illa recentiori jure abolita est: deinde poterat ex fundo disito auferri gleba, & per eam fundus in iudicio representari, sique vindicari. Ad 6 argumentum illud quidem probat, reum in loco rei sitæ conveniri posse, non tamen persuadet, quod non etiam in loco Domicilii rectè conveniatur. Ad 7 executioni sententiæ latæ eo casu fieri debet per iudicem rei sitæ: quod novum non est, cum id fiat etiam in causa delicti, ubi si iudex delicti sententiam tulit, & res, quæ in sententiam venit, sit alibi sita, iudex rei sitæ pro executione requiritur.

## §. V.

## De Foro Competente ratione Delicti.

## S U M M A R I U M.

- 59 Quartus titulus sortiendi forum jure communi est delictum.  
60 Persona, qua ratione Delicti sortiuntur forum.  
61 Modus procedendi, quem Iudex Delicti tenere debet.  
62 Non potest delinquentem apprehendere, si in aliud Territorium fugerit.  
63 Sed debet remissionem ejusdem petere.  
Schmalzgrueber Tom. II.

64 Modus, quo peti, & fieri debet remissio.

65 66 67 Regulariter extra domicilium, & delicti commissi loca reus puniri non potest.

68 69 70 Quam in loco reus sortiatur forum ratione delicti in duorum territoriorum confinibus perpetrati?

71 In quo loco sortiatur forum is, qui in uno Territorio existens, mandavit delictum alteri exequendum in alio Territorio?

72 Qua poena afficiendus sit delinquens, quando in loco Domicilii delinquentis, alia poena statuta delicto est, & alia in loco Delicti?

59 Quartus Titulus, & modus sortiendi forum jure communi est Delictum; nam ratione istius delinquens subicitur jurisdictioni illius iudicis, in cujus Territorio deliquit, etiam si alias eidem non sit subiectus. Ita habetur *cap. postulasti 14. & cap. fin. h. tit. c. de illis 1. de raptorib. l. questiones 1. & Auth. quam in Provincia C. ubi de crim. &c.* ubi dicitur, quod hoc Jus sit perpetuum, i. e. generale, ut explicat Gloss. *ibidem V. perpetuum.* Ratio est, quia maxime congruit, ut scelera eo in loco publice puniantur, ubi perpetrata sunt, tum ad exemplum aliorum, ut à crimine abstineant, istorum punitione deterriti; tum ut publica vindicta, & satisfactio fiat illi Reip. quæ læsa, seu injuria affecta est; tum denique, quia in loco delicti ea, quæ ad criminis probationem, uti & condemnationem conducunt, facilius haberi possunt. Vultejus *ad l. 1. cit. num. 15. & 22.* Covar. *præf. qq. c. 11. n. 3.* Donell. *l. 17. c. 16.* Engl *hic n. 25.* Pirh. *n. 26.* König *n. 62.* Vviestner *n. 73.* & novissime P. Schmier *tr. de judic. c. 3. n. 101.*

Neque obstat, quod extra Diœcesim, vel Parochiam suam delinquens in loco delicti Forum poenitentiale non sortiatur, sed à proprio suo Pastore, vel ab iis Regularibus, qui undecunque ad se accedentes audire possunt, sit iudicandus, & absolvendus *c. omnis 12. de poenit. & remiss.* nam alia est ratio fori interni; in interno enim reus ipse simul est suus accusator, & testis, & ad id solum agitur; ut reo Deus per delictum offensus reconcilietur: at in foro externo intenditur satisfactio Reip. malo delinquentis exemplo offensæ, & proceditur ad vindictam publicam, quod fieri non potest, nisi ipsi per testes, & alias probationes legitimas de delicto constet. Atqui probationes istæ ex una parte facilius haberi possunt in loco delicti, ex altera læsæ Reip. satisfactio commodius, si ibi puniatur reus, ubi delictum commisit. Ergo &c. His positis.

Quæritur 1 quanam ratione Delicti, & ratione cujus 60 Delicti sortiatur Forum? Resp. in hoc Regulam generalem esse, quod delinquens quicumque, quaecunque Delictum committat, in loco Delicti sortiatur Forum. Proinde Regula hæc locum habet, *proceditque 1. de quovis delicto, sive leve illud fuerit, sive grave, sive privatum, sive publicum, ordinatum, vel extraordinarium &c. l. questiones 1. C. ubi de crim. & ibi Gloss. V. quæ legibus, & V. extra ordinem.* Vultejus *ibidem numer. 10.* Vvesenbec. *n. 10.*

*Procedit 2* etiam de milite; licet enim iste ordinatiæ coram Magistratu militari conveniendus sit *l. magisteria 6 C. de jurisd. omn. jud. l. viri illustres 10. & l. seq. C. de offic. Magistr. milit.* quod si tamen crimen commissum non sit militare, præsertim atrox, & enorme, ab Ordinario loci puniri poterit *l. fin. ff. de accus. & l. desertorem 3. in princ. ff. de re militar.*

*Procedit 3.* Etiam de Clericis, nam si delinquant extra Diœcesim, puniri possunt ab Episcopo loci, ubi deliquerunt, etiam usque ad privationem beneficii, quod in aliena Diœcesi obtinent, ut statuitur *c. postulasti 14. hoc tit.* quamvis executio fieri debeat ab Episcopo, in cujus Diœcesi beneficium situm est. Abb. *inc. cit. n. 7.* Gonzal. *ib. n. 8. & seqq.* Pirh. *hic n. 22.* Engl *n. 33.* Schamb. *n. 15.* König *n. 48.*

*Procedit 4.* etiam si delinquens sit persona in dignitate constituta; neque enim refert, cujus dignitatis, vel ordinis sit is, qui deliquit; nam & Clarissimi in Provincia, in qua deliquerunt, accusari possunt *l. quicumque 1. C. ubi Senatores &c.* Et hinc si Comes, vel Nobilis, immediate Imperio subiectus, in alicujus Civitatis, vel alterius status Imperialis Territorio delinquit cap, iudicati, & puniri valet à Magistratu illius loci, si iste Jurisdictionem criminalem habeat. P. Friderich *tract. de for. compet. n. 136.* & ab hoc *cist.*



*Procedit* 5 et si persona delinquens sit Episcopus, vel Archiepiscopus; nam si Episcopus in aliena Diœcesi, & Archiepiscopus extra suam Provinciam delinquat, ab Ordinario ejus loci puniri potest; quia extra Territorium suum censetur, ut persona privata *arg. l. preses* 3. *C. de offic. Presid.* Ubi tamen duo sunt advertenda. Unum est, ne Suffraganeus præsumat Archiepiscopum in sua Suffraganei Diœcesi delinquentem punire; quia inferior in superiorem suum Jurisdictionem ordinariam exercere non potest *c. cum inferior* 16. *de major. & obed.* Alterum, ne ejusmodi Judex delicti excedat potestatem sibi concessam; nam jure novo Trid. *sess. 13. c. 8. de reform.* Archiepiscopi, Episcopi, & similes superiores Ecclesiastici in criminalibus, saltem gravioribus, solius Romani Pont. judicio subjacent.

*Procedit* 6 quamvis delinquens privilegiatus, atque exemptus sit; nam & hi ratione delicti, commissi in loco secundum se non exempto, ab Ordinario loci citari, & puniri possunt perinde, ut peregrini, ut habetur *c. volentes* 1. *de privil.* in 6. & notat Abb. in *cap. fin. b. tit. num. 11.* Felin. *ibidem* num. 5. Covar. *pract. qq. c. 11 num. 5.* Matth. Stephan. *l. 1. de Jurisd. c. 30. n. 26.* Oliva *for. Eccl. p. 3. q. 20. n. 3. & seqq.* Vallens. *hic* §. 1. num. 6 *Piub. n. 24.* & novissimè P. Friderich *tract. de for. compet. n. 137.* & P. Schmier *tr. de judic. cap. 3. num. 103.* & alii ab his *citt.* Excipitur, nisi ita exempti, & privilegiati sint, ut etiam casus Delicti in privilegio exprimatur: quale privilegium, ut supra dixi, in causis criminalibus, saltem gravioribus, habent Episcopi, & præter hos Regulares Ordines, quorum tamen privilegiis quoad hoc aliqua ex parte derogatum est per Trid. *sess. 6. cap. 3. de reform. & sess. 25. cap. 14. de Regular.* de quo suo loco dicetur.

*Quæritur* 2 quomodo delicti Judex procedere valeat in reum, in suo Territorio delinquentem? Resp. Distinguendo: Velenim delinquens deprehenditur in loco delicti, seu Territorio Judicis, ubi delictum commissum est, vel inde jam est egressus. Si primum, res satis est expedita; dicendum enim, eo casu delinquentem, etsi alias non foret subditus, à judice Territorii, in quo deliquit, puniri pœna vel corporali, vel pecuniaria posse, prout ratio delicti exiget juxta *c. postulasti* 14. *b. tit. & l. quæstiones* 1. *C. ubi de crimin. ag. oport.* Konig *hic* num. 61.

Si secundum, altera distinctio est adhibenda, & disquirendum, an Reus ante egressum citatione ipsi insinuata jam sit præventus, vel non. Si prius contigerit, denuo citari, & si contumaciter non compareat, processus adversus ipsum inspicui, annorari bona, & in ea fieri immissio, aut Banni, atque excommunicationis sententia ferri potest *c. proposuisti* 19. *b. tit. c. accedens* 2. & *cap. seq. ut lit. non contest. c. veritatis* 8. *de dol. l. cum absenti* 1. *C. de requir. reis*, & docent Abb. in *c. fin. b. tit. n. 6. & 7.* Vallens. *hic* §. t. n. 6. Engl. *nu. 37.* Konig *n. 61. cit.* Ratio est, quia per citationem in Territorio factam ejus judici quoad illam jam est subiectus.

Si fiat posterius, & Reus citatione præventus non est, applicanda distinctio tertia, & videndum, an constet, in quo loco moretur reus, an vero non constet. Si constet, necesse est, ut si delinquentem trahere ad judicium suum velit, Judex delicti litteras Requisitoriales det ad judicem Territorii, ad quod delinquens abiit, huncque per illum citari curet; quia jam non est, amplius sub Jurisdictione ejusdem *l. Divi* 1. §. *presides* 2. *ff. de requir. vel absent. damn.* P. Frider. *de for. compet. n. 143.* Si vero non constet, quo profugerit delinquens, facta summaria informatione de delicto, citari per Edictum, in Territorio delicti promulgandum, aut Curia, vel Ecclesiarum valvis, aut portis Civitatis affigendum, potest §. *presides* *citt.* & *Novell.* 134. *c. 5.*

Quo facto, si citatus contumaciter non compareat, Judex quidem in ejus personam procedere, & sententiam alicujus pœnæ corporalis inflictivam ferre non potest *Clement. pastoralis* 2. *de sent. & re judic.* quia, ut dixi, per egressum ex Territorio jam desit esse subditus illius Judicis quoad personam: si tamen in loco delicti bona aliqua habeat, annotari illa, & casu, quo reus aliter satisfactionem præstare renuit, immisso in illa decerni, ac fieri potest; vel si non habeat bona aliqua in loco delicti, habeat autem alibi, requiri super hoc Judex loci, ut immisionem Actoris in hujusmodi rei absentis bona

faciat. Abb. in *cap. fin. hoc tit. num. 6. & seqq.* Imol. *ibid. num. 7.* Layman *de Jurisd. Ord. conclus. 18.* Oliva *for. Eccl. part. 3. quæst. 20. num. 28. & seqq.* Vallens. *hic* §. 1. num. 6. Pirhing *num. 23.* Engl. *num. 27.* Schambogen *num. 15.* Konig *num. 31.* Vviestner *num. 75.* & novissimè P. Friderich *de for. compet. num. 144.* & P. Schmier *de Judic. c. 3. n. 114.* Sumitur ex *c. Romana* 1. §. *contrabentes* *hoc tit. in 6.* Ratio est, quia ita fugiens ratione delicti obligatus manet ad satisfaciendum pro injuria, & damno, ut mirum proinde non sit, quod bona illius occupari possint ad satisfactionem ex ipsis præstandam iis, qui eo delicto læsi sunt.

*Quæritur* 3. an Judex delinquentem in suo territorio, si hic in aliud territorium fugerit, persequi, & in eo deprehensum apprehendere valeat? Rationem dubitandi facit *Constitutio Imperialis* edita Augustæ 1559. §. *und haben* 22. vi cujus grassatores, latrones &c. in alieno etiam Territorio persequi, & ubi apprehensi fuerint, Juri sistere quilibet Magistratus, in Territorio suo offensus, potest; quod confirmatur ex doctrina Baldi, qui in *l. 1. C. ubi quis in Curiali &c.* Regulæ instat tradit, Religiosos fugitivos à Prælato Regulari, & hujos mandato ab aliis ubicunque capi, & ad Monasterium reduci posse.

Sed respondendum est negativè propter textus *c. fin. de Const. in 6. & l. ult. ff. de Jurisd.* ubi pro Regula ponitur, quod extra territorium jus dicenti impunè non pareatur. Ratio est, quia hujusmodi persecutio, & apprehensio Rei est actus Jurisdictionis necessariæ, & cum strepitu Judiciali exercetur; tales autem Jurisdictionis actus in alieno Territorio non permittuntur, quod iis violetur Jurisdictio aliena, & Territorii domino inferatur injuria, ut rectè aliis *citt.* notat Gaill. *lib. 1. de pac. publ. cap. 16. num. 27.* Et hinc, ut idem *loc. citat.* advertit, si ejusmodi reus in alieno Territorio sine licentia Domini Territorii capiatur, captusante omnia relaxari debet; quia potestate tantum privata captus censeri debet, cum Judex extra Territorium suum potestatem non habeat, ut dicitur *l. fin. C. de Offic. Præf. Urb.*

Neque obstat *Constitutio Imperialis* *citt.* imò eo ipso, quod ea Constitutione grassatorum, latronum, & similibus Reip. perturbatorum persecutio specialiter permittitur sit, Juris Regula in contrarium stans potius confirmatur *arg. l. quæstio* 12. §. *idem* 43. *ff. de instrum. vel instrum. legat.* nam exceptio unius firmat Regulam in casibus non exceptis. *Ad Conf.* negatur paritas; quia à Prælati apprehensio Apostatarum, & fugitivorum suorum fit non per modum Jurisdictionis, sed dominii, seu vindicationis, aut necessariæ defensionis, eo ferè modo, quo maritus vindicare sibi potest fugitivam suam uxorem, Dominus servum, quilibet rem à fure sibi ablata, quocunque illa devenerint.

*Quæritur* 4. an Judex loci delicti petere possit remissionem delinquentis à Judice Territorii, in quod delinquens transiit? Resp. affirmativè; an verò iste remittere eundem ad Judicem delicti teneatur, major est dubitatio; quæ tamen tolli distinctione potest. Vel enim Territorium illud, in quod Reus delinquens fugit, est sub eodem supremo Principe, v.g. Imperatore, vel Rege, sub quo est Territorium, in quod deliquit, vel diversis Principibus supremis Territoria illa subjacent: Si hoc secundum, Reus ad Judicem Territorii, in quod delictum commisit, non remittitur, neque ad id Judex loci, in quo moratur Reus, cogi potest, nisi rogatus à Judice delicti ultro annuat, potest tamen Judex delicti apud Judicem Territorii, in cujus Territorio Reus degit, instare, ut eum arrestando compellat ad satisfactionem præstandam parti læsæ pro damno, & injuria ipsi illata. Covar. *pract. qq. c. 11. nu. 10.* Clar. §. *fin. q. 38. n. 21.* Barbosa in *l. heres absens* 19. §. *proinde* 2. *art. de for. delict. n. 132. ff. de Judic.* Oliva *for. Eccles. p. 3. q. 20. num. 58.* Pirhing *hic* n. 29. & alii ab his *citt.* Ratio est, quia tunc Judex unus alteri obedire non tenetur, ac per consequens nec remittere. Si primum, & utrumque Territorium sit sub eodem supremo Principe, Jure Romano Judex Territorii, in quod Reus confugit, si requisitus sit à Judice delicti, vel domicilii, capere, & remittere eundem debet, ut constat ex *l. si cui* 7. §. *fin. ff. de accusat. l. capitalium* 28. §. *famosos* 15. *ff. de panis. l. solent* 7. *ff. de custod. & exhibit. reor. Novell.* 134. *c. 5. & ibi Glossa V. comprehendere*, atque DD. Ratio



Ratio est, quia tunc unus juvare alterum debet, ut criminibus tollatur impunitas, & licentia delinquendi refrenetur.

Dixi *Jure Romano*; hodie enim hæc remittendi necessitas in plerisque Provinciis sublata est, ita ut quilibet Magistratus delinquentem, intra Territorium suum deprehensum, ob crimen, etiam alibi commissum, punire, & plectere pœna condigna possit, & quando ad petitionem judicis loci, in quo delictum commissum est, eum remitti (quod aliquando contingit pro exemplo in atrocioribus criminibus) id sit sub litteris *Reversalibus*, quod remissio hæc non sit præjudicatura jurisdictioni remittentis, & Judex requirens in simili idem facturus sit. Gaill. l. 1. de pac. publ. c. 16. n. 30. & seqq. Matth. Steph. l. 1. de jurisd. c. 30. an. 13. Besold. Thes. pract. V. *Leistung der Maleficanten*, Catpov. pract. crim. pars. 3. qu. 110 n. 53. Knipschildt l. 2. de jur. Civit. Imper. c. 5. num. 46 Valleng. hic §. 1. n. 6. Engl. n. 28. Pith. hic num. 31. König n. 65. Schamb. n. 18. Vviestner n. 77. & novissimè P. Friderich de for. comp. n. 146. & P. Schmier de jud. c. 3. n. 117 aliique ab his cit.

Addidi, *si requisitus sit à Judice Delicti, vel Domicilii*; nam si ab hoc ejusmodi remissio non sit petita, judex, in cujus Territorio versatur Reus sitivus, potest quidem illum remittere, si velit, non tamen tenetur, ut rectè aliis cit. notat Covar. l. cit. num. 5. *vers. quarto erit advertendum*. Excipitur, nisi Judex Territorii, in quo Reus versatur, sit inferioris potestatis, & delictum mereatur pœnam, quam ipse non potest infligere; tunc enim remittere Reum debet ad superiorem, etiam non requisitus, ut patet ex l. si quis 1. & l. defensores 7. C. de defensor. civit. Quod verum est etiam in iis Provinciis, ubi necessitas remittendi per consuetudinem est abrogata, ne delicta maneant impunita. P. Friderich n. 147.

Quæritur 5 quomodo delinquentis remissio petenda, aut facienda sit? Resp. Ubi viger consuetudo remittendi reos ad Judicem delicti ad hujus petitionem, ut petitio illius urgeat, sequentes conditiones passim DD. exigunt. 1. Ut res adhuc integra, & processus à judice loci, in quo delinquens degit, contra eundem nondum sit inchoatus; quia ubi iudicium ceptum est, ibi & perfici debet l. ubi acceptum 30. ff. de jud. Abb. incap. fin. h. tit. n. 16. Covar. pract. qq. c. 11. n. 6. *vers. his quidem* Farin. prax. crim. l. 1. q. 7. n. 23. Oliva for. Eccl. pars. 3. q. 20. n. 53.

2 Ut delictum sit grave, & adversus delinquentem criminaliter procedatur; quia reorum ad locum delicti remissio fit eo solum fine, ut delinquens in illo, in quo peccavit, loco ad terrorem aliorum, tollendumque scandalum, & offensionem publicam suppliciiis legitimis subiciatur, quæ ratio cessat in delictis levioribus, & gravioribus quoque, si ex iis civiliter solum, non ad ipsius Reip. sed privatorum dumtaxat iis læsorum satisfactionem agatur. Ita l. cit. Abb. n. 15. Covar. n. 7. *vers. octavo*. Farin. n. 36. & 37. Oliva n. 39. Excipitur, ubi consuetudo est, ut remissio fiat etiam in levioribus, uti est in Bavaria nostra. Erchelerc Landts Freyheit p. 2. art. 18.

3 Ut judex loci, in quo delictum commissum est, ad judicem loci, in quo delinquens versatur, pro ejus apprehensione, & remissione facienda dirigat Litteras publicas, quas *Precatorias*, & *requisitorias* vocant. Novell. 134. c. 5. & locis cit. Abb. n. 16. Covar. n. 5. *vers. quarto*. Farin. n. 38. Oliva n. 28. alias enim, ut dictum est, remittere non tenetur.

4 Ut Judex loci delicti, priusquam delinquentis remissionem petat, summariam cognitionem, & informationem de delicto per testes, aliasque probationes recipiat; debet enim de delicto personæ, cujus remissionem petit, constare, neea sine justa causa per capturam afficiatur injuria, & contrahat infamiam facti. Gloss. in Clem. Pastoralis 2. V. de more in fin. de sent. & re judic. Clar. §. fin. q. 38. n. 19. Covar. l. cit. n. 8. Barbosa in §. proinde cit. art. de for. delict. n. 7. ff. de judic. Oliva q. 20 cit. num. 20.

5 Informatio hæc litteris Requisitionis acclusa transmitti debet ad judicem, pro remissione requirendum. Covar. n. 8. cit. Barbosa n. 75. Oliva n. 21. ubi tamen advertit, hoc non ubique observari, sed alicubi sufficere, si delictum personæ, cujus remissio petitur, in Requisitionis Litteris exprimitur.

Schmalzgrueber Tom. II,

6 Si delinquens, cujus remissio petitur, coram judice loci, à quo illa petitur, alleget privilegium, vi cujus coram judice loci delicti respondere non teneatur, judex requisitus, antequam eum remittat, cognoscere debet de qualitate privilegii, saltem si ipse fuerit judex delinquentis ex eodem privilegio; quia iudicis regulariter est cognoscere, an sua sit jurisdictio l. si quis 5. ff. de judic. & c. cum persona 7. de priv. in 6. Abb. in c. ex parte 33. de rescript. n. 3. Marra de jurisdict. p. 2. c. 4. n. 7. Oliva q. 20. cit. n. 22.

7 Denique si delinquens nullo privilegio quoad forum delicti munitus sit, à judice loci, in quo is degit, aut invenitur, legitimè requisitus, injungendum ei est, ut copiam sui exhibeat judici delicti, vel si res etiam possulet, ad requisitionem apprehendi, & vinculis adstrictus ad judicem delicti remitti debet; neque declinari remissio potest, etiam si judex requisitus ad jus reddendum se offerat l. si cui 7. §. idem 4. & l. fin. ff. de accusat. l. capitalium 28. §. sacrosos 15. ff. de pœnis, & Novell. 134. c. 4. & 5. idque tum quod in loco delicti certiores probationes haberi possint; tum verò ne civitas, vel Resp. quæ per delictum injuriam, vel damnum passa est, adstringatur ad litigandum alibi cum majoribus sumptibus. Videantur præter cit. Engl. hic n. 28. Pirh. num. 30. & 31 König n. 65. Vviestner n. 81. & seqq.

Quæritur 6 an delinquentem, extra domicilii, & delicti locum egressum, punire valeat Magistratus loci, in quo is reperitur? Affirmant Bartol. in l. si dominum 48 ff. de furt. num. 2. Decius Consil. 93. Donell. l. 17. comment. cap. 16. Vultejus in l. questiones 1. C. ubi de crim. ag. oportet. n. 11. Vvesenbec. n. 2. ibidem Bruonem. num. 20 & in l. præses 3. ff. de offic. præsid. à n. 2. & inclinare videntur P. Friderich. de for. compet. n. 149. & 150. & P. Schmier tr. de j. d. c. 3. num. 123. quod etiam communi Tribunalium usu receptum cum aliis testatur Marian. Socin. inc. 1. de reprob. n. 15. in fin. adeo ut ex hac sententia centum millia hominum suspensio necata asserere non refotmider. Fundantur 1. l. præses cit. ubi ex Pauli JCI sententia dicitur, Præsidis esse malis hominibus provinciam purgare, nec distinguere, unde sint. 2. l. questiones cit. ubi Severus, & Antoninus Imp. Questiones, inquit, eorum criminum, quæ Legibus, aut extra ordinem coercentur, ubi commissæ, vel inchoatæ sunt, vel ubi reperiuntur, qui rei esse perhibentur criminis, perfici debere satis notum est. 3. Quid delinquit, non solum civitatem, vel Provinciam, in qua delinquit, sed gentes planè omnes, totumque humanum genus offendisse videtur. Ergo omnes omnino judices, qui delinquentem necdum punitum in territorio suo offendunt, modo aliunde incompetentes non sint, punire eundem possunt. 4. Sic magis evitantur delicta, quo minus à pœna securos se esse sciunt delinquentes, quocunque locorum sese converterint. 5. Fur, cum re furtiva delatus in alienum territorium, continuando possessionem iniquam rei furtivæ, delinquit etiam in loco, ad quem delatus est, ut proin nihil obstat, quin etiam agi ibidem contra eum, pœnaque decerni possit.

Sed etsi sententia hæc ob Argumenta allata admodum probabilis sit, præscindendo tamen à contraria consuetudine, probabilior, & juri Canonico saltem conformior videtur esse sententia negativa; proinde dicendum, regulariter reum extra domicilii, & delicti commissi loca non fortiri forum, neque puniri posse. Ita Clar. prax. crim. §. fin. q. 38. num. 16. Decian. tr. crim. l. 4. cap. 13 num. 5. Covar. pract. qq. c. 11. n. 9. Gomez de delict. c. 1 n. 87. Farin. prax. crim. l. 1. q. 7. n. 7. Fachin. l. 9. contr. c. 19. Pirh. hic n. 27. & 29. in fin. Vviestner n. 88. & alii ab his cit. Ratio est; quia de Jure Canonico regulariter forum quis solum sortitur in loco Domicilii, contractus, vel solutionis promissæ, rei sitæ, & delicti; fori autem deprehensionis, aut inventionis eo jure nulla fit mentio, ut patet ex c. fin. h. tit. & c. volentes 1. de priv. in 6. Conf. à pari: nam ratione contractus quis conveniri extra Domicilium suum dumtaxat potest in loco contractus, & ratione rei solum in loco, ubi sita est res. Ergo etiam ratione delicti solum ibi, ubi commissum delictum est.

Dixi autem *regulariter*; nam 1. excipitur, si delinquens sit vagus; vagi enim sicut ubi sortiuntur forum, ita ubique puniri possunt etiam propter delicta commissæ alibi. Gloss. in l. questiones 1. V. reperiuntur C. ubi de crim.



de crim. ag. oportet. Covar. prax. qq. cap. 11. n. 7. Farinac. prax. crim. q. 7. cit. n. 13. Barbosa in l. heres absens 19. §. proinde 2. artic. de for. delict. n. 11. ff. de Jud. Oliva part. 3. for. Eccl. q. 20. n. 57. Pirh. hic n. 27. Vviestner n. 89. Excipitur 2. si delinquens bannitus, seu proscriptus sit, ita ut ex proscriptionis sententia, quocunque loco reperitur, offendi, & occidi permittatur. Clar. §. Domicilium n. 52 & seqq. Layman l. 3. rr. 3. part. 3. cap. 2. num. 2. & 3 & alii ab his citat. Excipitur 3. si scodus ejusmodi inter se habeant Magistratus, aut Provincie sibi vicine, ut ratione delicti puniri delinquens possit, ubicunque repertus fuerit. Farin. loc. citat. numer. 7. & plures alii apud ipsum. Excipitur 4. si delinquens deliquit in loco, ubi invenitur, & hoc suo delicto implevit numerum delictorum ex statuto illius loci requisitorum ad certam pœnam infligendam; tunc enim illa infligi potest in loco delicti ultimi, licet priora delicta commiserit alibi: de quo vide Clarum §. furtum num. 10. Excipitur 5. quando fur rem subtractam alienavit; quia pretium non succedit loco rei, Pirh. n. 27. cit. in fin. & apud hunc Decius decis. 104.

67 Sic limitatæ responsioni non obstant Argumenta opposita. Ad 1 vi l. præses citat. extraneos solum Præses punire potest, siquid manu commiserint, videlicet in ejus provincia, & his purgare eundem jubetur sine distinctione, unde sunt. Ad 2 verba illa, ubi reperiuntur, intelligi debent de loco domicilii, vel de vagis, qui, ut dixi, ubivis puniri possunt. Ad 3 per delictum injuria propriè, & proximè infertur illi tantum Reip. à cujus subdito, vel in cujus Territorio illud committitur. Ad 4 satis caveatur impunitas scelerum, si delicto commisso, in puniendo illo Judex moram non trahat, ne fugere delinquens possit, vel si fugerit, remissionem ejusdem petat à Judice, in cujus Territorium se recepit. Ad 5 retentio rei furtivæ est continuatio solum furti antè facti, non novum furtum: & hinc sicut novam actionem furti non parit, ita nec jus in furem tribuit judici, in cujus Territorio continuatur, ad puniendum furem.

68 Quæritur 7 quo in loco Reus sortiatur forum ratione Delicti v. g. homicidii in duorum Territoriorum confinibus perpetrati? Resp. hac in re tres maximè casus distinguendi sunt. 1. Quando aliquis in uno Territorio sauciatus inde abit, & in utriusque Territorii confinio decedit. 2. Quando stans in Territorio uno e. g. Ingolstadtensi explosit sclopum, & globo illius occidit alium consistentem in Territorio Neoburgico. 3. Quando invenitur cadaver in confinibus duorum Territoriorum jacens, & dubium est, in utro ex duobus lethale vulnus acceperit. Ad 1 indubitata est resolutio, eum, qui vulnus infixit, ratione homicidii sortiri forum in illo Territorio, quo lethale vulnus infixit. Layman de Jurisd. Ord. concl. 11 Pirh. hic num. 28. fin. Schamb. num. 17. Vviestner num. 90 Ratio est, quia homicidium in eo loco commissum esse censetur, in quo ejus efficax, ac necessaria causa posita, & in subjectum derivata est arg. l. ait lex 21. §. annus 2. ff. ad Leg. Aquil.

69 Ad 2 non est eadem omnium DD. responsio; nam 1. Cynus in l. 1. C. ubi de crim. ag. oport. putat patrato rem cædis sortiri forum in loco Delicti inchoati, seu ubi sclopum explosit, argumento ducto à tempore ad locum; nam si quis lethaliter sauciatus postea decedat, initium inspicitur l. huic scriptura 15. princ. & l. ita vulneratus 51. ff. ad Leg. Aquil. igitur etiam inspicere locus debet, ex quo facta est explosio, & causa neci data. 2. Alii contra cum Bartol. in l. libellorum 3. ff. de accusat. Felin. in c. fin. h. tit. n. 14. Zanger. de except. p. 2. cap. 1. num. 233 volunt reum tali casu sortiri forum in Territorio delicti consummati, idque tum quia in delictis potius qualitas patientis, quam agentis attenditur; tum verò quia delictum ibi commissum censetur, ubi perficitur, & formam accipit arg. l. Julianus 9. §. sed si 3. ff. ad exhibend. 3. Alii, & probabilius cum Abb. in c. fin. cit. nu. 25. Ant. de Burr. ibidem n. 5. Clar. §. fin. q. 38. n. 9. Farin. prax. crim. l. 1. q. 7. n. 46. Bunnem, in l. 1. C. ubi de crim. ag. oport. nu. 16 Oliva for. Eccl. p. 3. q. 20. n. 87. Pirh. hic n. 28. Engl n. 32. König n. 58. Schamb. n. 17. Vviest. n. 93. docent tali casu reum sortiri forum in utroque Territorio, & atque idcirco inter utriusque Territorii Magistratus, & Judices locum præventioni esse. Colligitur apertè ex l. 1. cit. ubi Imperatores diserte asserunt, quæstiones criminum perfici, ubi

commissa, vel inchoata sunt. Ratio est, tum quia etiam conatus criminis in crimen incidit; tum quia tali delicto injuria fit utrique Territorio, ut proinde ab utriusque Territorii Judice delicti reus trahi ad ejusdem vindictam possit.

Ad 3 diversissima sunt DD. sententia. Prima sententia vulgari tali casu ratione delicti sortiri forum in illo Territorio, in quo jacet occisi caput, tanquam pars corporis principalior l. cum in diversis 44. princ. ff. de relig. & sumpt. funer. Sed minus bene; quia quæstionis solutio non à præstantia partis, sed ex conjecturis, quibus homicidium in hoc, vel illo loco commissum colligitur, peti debet. Secunda putat ibi sortiri forum, ubi situm est occisi cor, quod tanquam fons vitæ, omnium humani corporis membrorum primum animatur, & vivit, omniumque ultimum exanimatur, & moritur. Sed hæc eandem cum priore difficultatem patitur. Tertia Jurisdictionem ei judici tribuit, in cujus Territorio pars corporis ima, seu pedes jacent, cum pedes eundem locum retineant, quem antea occupabant, vel saltem ei proximum. Sed præterquam, quod cadaver sæpe trahatur ab homicida ad alium locum, quam ubi delictum commissum, contra est, quia rarissimè contingit, ut occisus sine ulla commotione, ac provolutione protinus exanimis fiat. Quarta existimat, eo casu jurisdictionem in delinquentem dandum illi judici, in cujus Territorio homicida steterit; ubi vero steterit, coniiciendum esse ex vulneris loco, & casu, an sc. anteriori corporis parti inflicto sit, an posteriori. Sed iisdem difficultatibus subjacet, quibus tertia. Quinta denique, eaque probabilior, & communior docet interfectum tali casu sortiri forum utriusque Territorii ratione delicti, ita ut inter utriusque judices locus sit præventioni. Ita Abb. in c. fin. h. tit. nu. 26. Clar. §. fin. q. 38. nu. 11 Farin. prax. crim. l. 1. q. 7. n. 51. Oliva p. 3. for. Eccl. q. 20 n. 89. Pirh. hic n. 28. Engl n. 32. König n. 60. Vviest. n. 91 & novissimè P. Schmier de Judic. c. 3. nu. 110. arg. l. arbor 19. ff. de comm. divid. ubi arbor, quæ in vicini utriusque fundo enata est, dicitur pertinere ad utriusque dominum, Ratio est, quia in dubio semper media via est incedendum. Extenditur hoc etiam ad casum, quando occisus in flumine publico, utrumque Territorium terminante, reperitur, Treutler. & Bachov. vol. 1. D. 19. th. 4. König l. cit. & hoc teste alii communiter.

Quæritur 8 in quo loco sortiatur forum is, qui in uno Territorio existens mandavit delictum v. g. homicidium alteri exequendum in alio Territorio? Farin. cum quibusdam aliis à se cit. prax. crim. l. 1. q. 7. n. 48. vers. & in hoc adverse putat ab utriusque Territorii judice puniri posse ex ratione, quia homicidium tali casu in uno loco per mandatum inchoatum, in altero per executionem mandati consummatum est. Igitur secundum doctrinam n. 69. traditam inter judicem utriusque Territorii locus præventioni est. Sed dicendum, regulariter hujusmodi mandantem sortiri forum non in loco mandati dati, sed in loco executionis, e. g. cædis ex ea secuta. Ita Bartol. in l. sicut proponitur ff. de fidejussor. Abb. in c. fin. h. tit. n. 27 Butrio ibidem n. 5. Felin. nu. 15. Clar. §. fin. q. 38. num. 6 Fachin. l. 9. contr. c. 25. Oliva for. Eccl. p. 3. q. 20. num. 83 Pirh. hic n. 28. Vviestner n. 93. & novissimè P. Friderich de for. comp. n. 140. & P. Schmier rr. de jud. c. 3. n. 105. Ratio est, quia regulariter non punitur quis v. g. pœna homicidii ordinaria propter solum mandatum, nisi effectus secutus fuerit, & delictum consummatum. Ergo si hoc alibi consummatum sit, non locus mandati, sed delicti consummati inspicendus erit. Conf. à paritate cum foro contractus; nam ratione istius forum non sortitur mandans in loco mandati, sed in loco celebrati Contractus, vel promissæ solutionis, & hoc ideo, quia quod quis fecit per alium, per seipsum videtur facere juxta Reg. 72. in 6 atque hæc ratio pugnat etiam in mandante delictum. Igitur etiam ratione istius sortietur mandans forum in loco commissi delicti, & perpetrati e. g. homicidii à mandatario. Idem dicendum de eo, qui tractavit de delicto, & alibi perpetravit, vel perpetrari fecit: item de illo, qui ratum habuit delictum alibi suo nomine perpetratum; quia ut P. Friderich. & P. Schmier l. cit. advertunt, ratihabitio æquiparatur mandato.

Excipitur, si agatur de pœna extraordinaria, vel de ordinaria quidem, sed imponenda propter quædam atrocissima delicta, in quibus delinquens propter solum affectum, mandatum, vel conatum, etiam effectus non sit secq.



secutus, pena ordinaria puniri potest, vel solet, quæ sunt crimen Assassini *arg. c. pro humani 1. de homicid. in 6.* vel læsæ Majestatis *l. quisquis 5. C. ad Leg. Jul. Majest.* nam in hujusmodi criminibus tam mandans, quam mandatarius, si in loco mandati dati illud acceperit, forum sortiuntur, & puniri possunt in utroque loco, i. e. tam mandati dati, quam executionis factæ, ita ut inter utriusque Territorii judices præventioni sit locus, ut cum Farin. *loc. cit.* libenter concedunt Pirhing *hic num. 28. vers. ceterum,* & Vviesner *ibid. n. 94.*

Ad Argumentum contrarium negatur paritas; nam explosio sclopi, & vulneratio unus est actus; mandatum autem, & ejus executio non unus, sed duo sunt actus.

72 Quæritur 9. qua pœna afficiendus sit delinquens, quando vel per statutum, vel per Tribunalium usum specialem delicto ab eo commisso alia pœna constituta est in loco Domicilii delinquentis, & alia in loco, & foro delicti? Resp. cum distinctione: Velenim factum jure communi prohibitum est, vel jure solum particulari, & statutorio.

Si primum, delinquenti illa infligenda est pœna, quæ in delicti loco statuta, & usu recepta est, ut re-  
tendè Bartol. *in lib. 2. C. de Summ. Trinit. n. 20.* Bald. *ibid. num. 22.* Clar. § *fin. quest. 85. num. 3.* Layman *de Jurisd. Ord. concl. 16.* Pirhing *hic num. 34.* Vviesner *num. 95.* Procediturque hoc, etiam si delinquens ignoret pœnam statuto decretam, nisi illa sit valde gravis, & extraordinaria. Ratio est, quia voluntariè delinquendo per quandam consequentiam fit reus pœnæ justæ taxatæ à Legibus, quibus ipse subicitur. Atqui delinquens ratione delicti subicitur Legibus Territorii, in quo deliquit; quia ratione delicti fit subditus. Ergo &c.

Si secundum, & factum delinquentis prohibitum sit non jure communi, sed speciali tantum, altera distinctio est adhibenda, & videndum, an in utroque, videlicet Domicilii, & Delicti loco prohibitum sit, vel solum in loco delicti. Si prius, procedit responsio paulò antea data; quia eadem est ratio. Si posterius, utendum est tertia distinctione, & considerandum, an Leges illæ, vel statuta specialiter spectent ad utilitatem, & tranquillitatem alicujus Communitatis, ac communicationem pacificam peregrinorum cum incolis, vel non.

Si hoc alterum, peregrinus contra hujusmodi statutum committens, aut actum in eo præceptum omit-  
tens, ratione commissionis, vel omissionis, secluso scandalo, non est obnoxius punitioni; quia ut *lib. 1. Tit. 2. num. 42.* dictum est, peregrinus non obligatur Legibus particularibus loci, in quo ad breve tempus moratur: cons. nec pœnis per Leges hujusmodi statutis subjacet, cum pœna sit noxæ vindicta *l. aliud 131 princ. ff. V. S. Si autem prius contingat,* & Leges hujusmodi, vel statuta specialiter spectent utilitatem, & tranquillitatem publicam &c. quales sunt, quæ prohibent, ut nemo frumentum afferat, arma per plateas noctu portet &c. quarta distinctio est applicanda, an contraveniens probabilem statuti ignorantiam habeat, an verò sciat quidem actum Legibus prohibitum esse ob datas causas, pœnam autem delinquenti statutam ignoret.

Si omnimodam statuti ignorantiam habeat, excusatur etiam à pœna. Clar. *loc. cit. num. 3.* Pirhing *num. 34. cit.* Vviesner *num. 97.* Si scientiam prohibitionis habeat, ignoret autem pœnam delinquenti statutam, transgrediendo Legem per quandam consequentiam etiam pœnæ reatum incurrit; quia hujusmodi Legibus obligantur etiam peregrini: unde cum causam non habeat, quæ delinquentem à transgressione excuset, etiam fiet reus pœnæ, utpote quæ culpam regulariter committitur. Neque obstat, quòd Censuræ non incurran-  
tur ab ignorante secundum communem doctrinam; quia illæ feruntur in contumacem, & contemptorem Legis; quod utrumque abest casu, quo adest probabili ignorantia Censuræ in delinquentem latæ.

## §. VI.

## De Foro Competente ratione Personarum Ecclesiasticarum.

## S U M M A R I U M.

- 73 Clerici exempti sunt à Jurisdictione seculari, & quidem jure optimo.
- 74 Assignatur singulis Judex proprius.
- 75 Coram quali Episcopo conveniendi sunt Clerici inferiores?
- 76 An coram solo?
- 77 In quo loco Jurisdictionem suam exercere possit Episcopus?
- 78 Et alii Prelati inferiores in Clericos sibi subiectos?
- 79 Clerici generaliter privilegio fori gaudent in omnibus causis, in quibus non est exceptio.
- 80 Exceptiones.
- 81 82 Extenditur privilegium hoc etiam ad actiones reales.
- 83 An delegari Laico possint causa, quæ inter Clericos versantur?
- 84 Specificantur persona, quæ privilegio isto gaudent.
- 85 Requisita, ut illo gaudeant Clerici in Minoribus constituti.
- 86 Et conjugati.
- 87 An eo gaudeant etiam Coloni, familiares, liberi, & uxores illorum legitime?
- 88 Coram quo Judice conveniri debeat Clericus de crimine commisso ante Clericatum assumptum?
- 89 Item de eo, quod commisit ut Clericus, qui deinde rediit ad statum Laicalem?
- 90 Quinam Clerici non gaudeant privilegio fori?
- 91 Quibus casibus Judex Laicus capere possit Clericum, ut eum sistat suo Judici?
- 92 An Judex Laicus punire valeat Clericum delinquentem in officio seculari?
- 93 An propter falsum testimonium in Judicio seculari depositum?
- 94 An propter crimen læsæ Majestatis?
- 95 An ratione pauperies?
- 96 97 98 99 100 Quo Jure persona Ecclesiastica exempta sit à Jurisdictione seculari?
- 101 102 103 An Clerici renuntiare possint privilegio fori Ecclesiastici?
- 104 105 Pœna renuntiantium.

HActenus actum est de quatuor modis generalibus sortiendi forum; sequitur nunc de modis specialibus; inter quos cum emineat privilegium Clericale, quo Clerici tam quoad res suas, quam quoad personas à foro seculari exempti sunt, idcirco jure primum sibi locum inter modos speciales forum sortiendi vindicat.

Quæritur 1. an privilegium hoc fori revera compe-  
rat, & rectè datum sit Clericis? Mirum in modum  
dum adversus illud insurgunt Heterodoxi Scriptores, ex quibus aliqui cum Vvissembach. *ad Pandect. lib. 2. D. 6. n. 38.* Petrum Vermilium, postea Mariyren dictum, secuto, ajunt eisdem etiamnum potestati Principum secularium esse subiectos; alii cum privilegium hoc exemptionis iis concessum esse per jura Cæsarea negare nequeant, in hoc facto Christianos Imperatores, qui immunitatem hanc Legibus suis stabilivere, criminantur, & tanquam violari juris Divini reos agere non verentur. Argumenta pro hoc suo errore sequentia afferunt, 1. Ex S. Paulo, qui *Rom. 13. v. 1.* *Omnis anima, inquit, sublimioribus potestatibus subdita sit; & tit. 3. v. 1. Admone,* ait, illos Principibus, & Potestatibus subditos esse. Ergo, inferunt, Clerici Sæcularibus judiciis sunt subiecti, 2. Ex *can. nos si incompetenter 41. caus. 2. quest. 7.* ubi Pontifex Imperatori scribens, *Nos, inquit, si incompetenter aliquid egimus & in subditis justæ Legis transgressi non conservavimus, vestro, ac missorum vestrorum cuncta volumus emendare judicio,* 3. Ex facto S. Pauli, qui coram Judææ Præsidente respondit, & ad Cæsarem appellavit; sicque illos pro Magistratibus suis agnovit, 4. Ex præjudicio per  
Hen-



Henicum IV. Imperatorem indulto, qui abrogato Benedicto X. Nicolaum II. substituit.

Sed contra indubitabilis apud omnes Catholicos veritas est, quæ decet Clericorum personas à Jurisdictione seculari exemptas esse, & quidem Jure optimo; id enim 1. constat ex compluribus textibus juris Canonici, quos videre est apud Olivam *for. Eccl. part. 1. quest. 9. num. 1.* 2. Ex constitutionibus Juris Civilis, præsertim *Auth. statuimus C. de Episcop. & Cleric. & Auth. cassa C. de SS. Eccl.* ubi privilegium hoc à Constantino concessum, ab Imp. Theodosio, & Valentiniano confirmatum, & ab Ecclesia acceptatum, novis Sanctionibus stabilitur, 3. Ex Decretis S. Synodi Trid. quæ *sess. 25. cap. 20. de reform.* Principes Christianos hortatur, ut Apostolicas Sanctiones, in favorem personarum Ecclesiasticarum editas, tanquam Dei præcepta venerentur. Ex quo sequitur, non solum Judicem Laicum graviter peccare, si contra hoc Clericorum privilegium aliquid attentet, sed acta omnia, quippe deficiente Jurisdictione esse omnino irrita.

Neque veritatem istam convellunt oppositam ab hæreticis. *Ad 1.* ex his retribus bene probatur, quod quisque subesse debeat legitimo superiori suo, non autem probatur, quod Clericorum superiores sint Principes Laici. *Ad 2.* ibi nihil aliud dicit Pontifex, quam se ita considerare innocentie suæ, & conscientie recte factorum, ut nullius hominis judicium reformidet, seque paratum esse emendare, quidquid à se peccatum esse quisquam ostenderit; quod ipsum sæpe alii Principes, & Magistratus erga subditos suos prostentur, quin in ipsis aliquam Jurisdictionem agnoscant supra se. *Ad 3.* S. Paulus ad præsidem illum vi adductus est; Cæsarem verò appellavit, quia ad Petrum Christi Vicarium remitti frustra ab Ethnicis, & Judæis postulasset. *Ad 4.* ut rectè advertit P. Friderich *de for. compet. num. 223.* si ea, quæ injuria, & violentia acta sunt, in exemplum adducuntur, adduci præter alia complura etiam factum Neronis, utrique Apostolorum Principi Claves cum vita extorquentis, potest, & generosa consequentia inde inferri, quod Reges, & Pontifices sint subditi Partidarum, à quibus corona, & vita privantur.

74 Dub. 1. In quo Ecclesiæ foro singuli Clerici conveniendi sint? Resp. pro diversitate graduum diversos sortiuntur Judices. Et Clerici quidem inferiores, si exempti non sint, conveniri debent coram Episcopo proprio *can. pervenit 39. can. si quis 45. & canon. seq. caus. 11. quest. 1. cap. cum Episcopus 7. de Offic. Ord. in 6. & cap. si quis 1. hoc tit.* Proceditque hoc, siue causa, in qua convenitur, sit Civilis, siue sit Criminalis *canon. inoluta 42. junct. Glossa V. Pontifice, & canon. placuit 43. caus. & quest. citat. 2.* Episcopi conveniri debent coram Archiepiscopo, seu Metropolitano suo, cujus sunt suffraganei *caro quorundam 1. dist. 34.* ubi tamen faciendum est discrimen inter causas; nam criminales majores, & aliæ magis arduæ; eorum causæ ex Decreto Trid. *sess. 24. cap. 5. de reform.* deferendæ sunt ad Summum Pont. minores verò criminales, & secundum aliquos etiam Civiles ab Archiepiscopo decidi duntaxat in Concilio Provinciali possunt, prout dictum est *lib. 1. tit. 31. num. 22.* ubi plura de potestate Archiepiscopi in Episcopos sibi subiectos 3. Archiepiscopi conveniri debent coram suo Primatate, vel Patriarcha *cap. antiqua 33. de privileg.* cum eodem causarum discrimine, ut supra dictum de Episcopis, 4. Patriarcha, vel Primas denique conveniri debet coram Summo Pont. vel ejus Legato in Provinciam missis, 5. Ipse autem Pontifex, cum sit omnium fidelium Caput, Judicem alium non agnoscit, nisi solum Deum, idque non humanum solum, sed etiam Divino Jure, prout passim Catholici DD. tradunt, & præter alios textus clarissimè ostenditur ex *Conc. Roman. sub Sylvest. I. celebrati can. 20. ibi: Nemo judicabit primam Sedem, quoniam omnes Sedes à prima Sede justitiam desiderant temperari, neque ab Augusto, neque ab omni Clero, neque à populo Judex judicabitur.* Excipiuntur nonnulli casus, quibus accusari, & judicari in Concilio Generali potest, quos recenset P. Friderich *de for. compet. edit. auct. num. 327.*

75 Dub. 2. quis hic veniat nomine Episcopi proprii,

ut conveniri coram eo Clericus possit? Resp. Clericus coram non uno Episcopo conveniri potest, sed ut Laicus, ita & ipse plures potest habere Judices eorum quibus lis intentari contra eundem valeat. Talis autem est 1. Episcopus, in cujus Diocesi Clericus domicilium habet, animo ibidem stabilitet permanendi; forum enim Domicilii est generale, & universalius omnibus aliis, cum quibus concurrat *cap. dilecti 17. & ibi Glossa V. ubi Domicilium hoc tit.* 2. Episcopus Originis propriæ, seu paternæ; nam etiam coram hoc potest conveniri Clericus, licet alibi domicilium habeat, si tamen ibi reperitur, & existat *arg. leg. incola 29. ff. ad municipal. Abb. in cap. 1. hoc tit. num. 6. Pirhing num. 72. hic.* 3. Episcopus, in cujus Diocesi beneficium Ecclesiasticum habet, quod residentiam personalem postulat; nam coram hoc conveniri potest etiam de alibi gestis, quia domicilium ibi contrahit *cap. postulasti 14. hoc titul.* 4. Episcopus, in cujus Diocesi habet beneficium Ecclesiasticum quodeunque, etiam residentiam personalem non exigens, si tamen in illo resideat; nam si in illo non resideat, sed in alia Diocesi, in causis quidem ad beneficium illud spectantibus, conveniri coram eo debet, non tamen quoad alia; quia quoad hæc illi non est subiectus. Abb. Pirhing *loc. cit. 5.* Denique Episcopus, in cujus Diocesi Clericus celebravit contractum, commisit delictum, res controversa, & in litem deducta sita est &c. *c. fin. hic. Pirhing loc. cit. Schambogen n. 24.*

Dub. 3. an solus Episcopus sit Judex Ordinarius Clericorum? Resp. negativè; nam præter Episcopum Diocesanum etiam alij Prælati Episcopo inferiores reperiuntur, qui vel ex lege, vel consuetudine vim Legis habente, vel ex electione Collegii Ecclesiastici Regularis, aut Sæcularis Jurisdictionem Ordinariam tam in foro interno, quam in externo habent, eamque in Clericos siue Sæculares, siue Regulares sibi subiectos exercent; prout sumitur ex *c. cum ab Ecclesiis 3. de Offic. deleg. & tradit ibidem Glossa V. Ecclesiastica sententia, Innoc. V. Prælati. Inol. num. 6. Pirhing num. 76. Schambogen num. 24.* Unde nomen Episcopi proprii, quod adhibetur in textu *c. si quis 1. hoc tit.* debet accipi latè pro quocunque Jurisdictionem quasi Episcopalem habente, etiam inferiore Prælati. Tales sunt 1. Archidiaconi respectu sui Archidiaconatus, de quibus *lib. 1. tit. 23.* 2. Ex Germaniæ consuetudine Decani Ecclesiarum Cathedralium respectu Canonorum, & Clericorum Capitulo deservientium, quorum correctioni Episcopi se non immiscunt, nisi Decani sint negligentes, & officio suo desint. Pirhing *nu. 74.* 3. Prælati regulares respectu subditorum suorum Regularium; de quibus *lib. 1. tit. 31. n. 32. & seqq. 4.* Ex privilegio, vel consuetudine in quibusdam Ecclesiis Capitulum Cathedrali, & alii quidam; qui tamen hoc suum Jus probare debent; nam cæteroquin Episcopus intentionem fundatam super Jurisdictione Ordinaria in totam Diocesim habet, ut causas Clericorum non exemptorum in Diocesi sua degentium, exclusis aliis quibuscunque Prælati inferioribus, & ipso etiam Capitulo Cathedrali, possit in prima instantia judicare.

77 Dub. 4. In quo loco possit Episcopus exercere Jurisdictionem suam? Resp. licet ordinariè Tribunal, seu Consistorium suum habeat in civitate sua Episcopali, reipsa tamen Jurisdictionem suam exercere potest in quolibet Diocesis suæ loco *cap. cum Episcopus 7. de offic. ordinar. in 6.* Extra Diocesim Jurisdictionem contentiosam exercere non potest. *Clem. un. hoc tit. & ibi Glossa V. Jurisdictionem.* Ratio est, quia Episcopus, extra Diocesim, vel Territorium suum est instar privati, cum Jurisdictio adhæreat loco, seu territorio; & hinc nata est regula generalis, quod *extra territorium suum jus dicenti impune non pareatur.* Excipi debet, nisi Episcopus ex Diocesi sua expulsus sit; tamen in vicina Jus dicere Diocesani suis potest, prout habetur *Clem. cit.* cujus tamen constitutionis favore ut gaudeant Prælati Ecclesiæ expulsi, sequentia sunt necessaria, ut rectè Pirhing *hic num. 80.* cum aliis notat. 1. Ut, qui ita expulsus est, sit Episcopus; nam gratia, & privilegium hac constitutione concessum in Prælati Episcopo inferioribus non habet locum, 2. Ut sit saltem confirmatus, licet non opus sit, ut etiam sit consecratus, 3. Ut non possit securè Jus dicere in loco



loco exempto suæ Diœcesis : nam si hoc potest , debet ; quia *Clem. cit.* privilegium tantum conceditur expulso , si Jus dicere in sua Diœcesi non possit . At qui locus exemptus , quamvis non sit de Diœcesi , in Diœcesi tamen ejusdem est , 4. ut uterque litigantium , vel saltem reus conventus sit illi Episcopo expulso subditus ; quia non est ipsi concessa facultas cognoscendi in aliena Diœcesi , nisi inter subditos , 5. Ut petat prius licentiam ab Episcopo Diœcesano loci , in quo Jurisdictionem exercere intendit ; nam si hac non petita , in aliena Diœcesi judicialiter cognosceret , processus foret nullus ; *petita* , inquam ; non enim requiritur , ut ea etiam sit obtenta , prout patet ex *Clement. citat.*

8 Dub. 5. Ubi Prælati inferiores Episcopo exercere Jurisdictionem in subditos suos possint ? Resp. distinguendo , an habeant territorium proprium ex speciali Jure privilegii , vel consuetudinis , vel nullum habeant . Si *primum* , solum intra fines illius territorii judicialiter cognoscere , & procedere possunt , non extra illud ; quia violant territorium Episcopi , vel alterius , qui ibi territorium habet , nisi ex ejus consensu , seu licentia ibi Judicium exercerent . Abb. *in cap. cum contingat* 13. *hoc tit. num. 33.* Pirhing *hic num. 78. not. 3.* Si *secundum* , etsi convenientius sit , si Jurisdictionem contentiosam sibi competentem exercent intra terminos suæ Ecclesiæ , vel præposituræ tantum , secundum se tamen exercere illam possunt in quovis Diœcesis loco ; nam hoc ipso , quod ipsis concedatur Jurisdictio in Diœcesi Episcopi , & territorium certum non assignetur , sed tantum subditi , in quos Jurisdictionem concessam exercent , exercere illam in istos in quovis loco Diœcesis possunt . Abb. Pirhing *loc. cit.* quos sequitur Schambogen. *n. 26.*

79 Queritur 2. in quibus causis privilegio fori gaudent Clerici ? Resp. generatim loquendo privilegio isto gaudent Clerici in omnibus causis , in quibus non est exceptio , ita ut nullus Judex Sæcularis possit per se judicare , vel condemnare Clericos , seu personas Ecclesiasticas , nisi super hoc legitimam à Pont. aut Episcopo licentiam , & commissionem habeat , vel causæ genus exceptum sit . Patet ex *cap. nullus 2. hoc tit.* ubi excommunicationis pœna infligitur contrarium attentantibus ; idque merito ; nam Judex Laicus , arrogans sibi potestatem in Clericos , eosque ad Tribunal suum trahens , judicans , & condemnans , irrogat injuriam Ecclesiæ , & sacrilegium facit , pœna utique non minore vindicandum . Estque hoc ita verum , ut neque consuetudo ulla , etiam immemorialis , potestatem istam concedere eidem possit : quia ejusmodi consuetudo est contra libertatem Ecclesiasticam , & irrationabilis , atque invalida , cui SS. Canones semper resistunt , ita ut nunquam possit præscribi . Pirhing *hic num. 85.* Engl *num. 49.* & colligitur ex *cap. Clerici 8. junct. Glossa V. consuetudine de judic. Proceditque hoc* 1. si causa sit criminalis , siue tantum civilis ; nam in utraque causa Clericus privilegio fori gaudet : in criminali quidem *cap. at si Clerici 4. cap. Clerici 8. cap. cum non ab homine 10. de Judic. cap. nullus 2. cap. si diligenti 12. hoc tit. & cap. un. de Cleric. conjug. in 6.* in Civili autem *can. nullus 2. can. nullus 6. can. innotita 42 & can. placuit 43. caus. 11. quest. 1.* quibus consonant constitutiones Imperiales *Anth. statuimus &c. C. de Episc. & Cler. Procedit 2.* etsi agatur in Judicio possessorio tantum , nam quamvis ageretur de possessione facti tantum adhuc tamen Clericus coram Judice Laico conveniri nequit , si non propter qualitatem causæ , saltem propter qualitatem personæ Rei , qui convenitur . Pirhing *hic num. 90.* nam Judex Laicus ratione personæ incompetens est respectu Clerici . *Procedit 3.* etsi liquida probationes dentur adversus Clericum ; nam adhuc sententiam ferre adversus eundem Judex Sæcularis nequit ; imò neque potest sententiam à Judice Ecclesiastico adversus ipsum latam exequi , nisi de istius mandato ; quia tam prolato sententiæ , quam hujus executio est actus Judicialis , ad quem exercendum opus est Jurisdictione in eum , in quem sententia lata est . Dixi autem , *in quibus non est exceptio* ; non enim procedit hoc universalissimè in omnibus casibus ; & hinc .

80 Dub. 1. In quibus casibus etiam Clerici coram Judice Sæculari conveniri possint ? Resp. plures esse hu-

jusmodi casus . Talis est 1. Si causa sit Feudalis ; nam ratione Feudi persona alioquin non subdita obligationem personalem contrahere potest , ut dictum est supra *num. 65.* & latius explicabitur *lib. 3. tit. 20. 2.* Si bona immobilia à principio Ecclesiis , vel Clericis donata sint cum reservatione Jurisdictionis , siue cum pacto , vel conditione , ut sub eodem foro mancant , sub quo prius existebant : talis enim conditio , quippe justa , servanda est . Molin. *tract. 5. de J. & J. D. 6. nu. 6.* Layman *lib. 1. tract. 4. cap. 13. num. 3. & lib. 4. tract. 9. cap. 5. num. 3.* Haun. *tom. 5. de J. & J. tract. 1. num. 236.* Pirhing *hic num. 91.* Schambogen *num. 33.* Vuestner *num. 115.* & alii ab his *cit.* Neque dici potest , quod Ecclesia , vel Clericus sub tali conditione acceptans donationem renuntiet privilegio suo ; quia renuntiatio propriè dicta est sui , & jam quæsti Juris dimissio : quod hoc casu non fit , cum res ita donata Ecclesiastico foro nunquam subiecta fuerit , 3. Si agatur contra Laicum ad evincendum ab ipso rem , quam emit à Clerico ; tum enim Clericus venditor , si laudatus ab Emptore fuerit , ei assistere , & comparere debet etiam coram Judice Laico . Covar. *pract. 99. cap. 8. num. 3.* Gaill. *lib. 1. obs. 37. num. 7.* Zoel. *hic num. 18.* Engl *num. 45.* Schambogen *nu. 33.* Ratio est , quia tali casu principaliter agitur , & sententia fertur contra Laicum emptorem , contra Clericum venditorem autem solum indirectè , quatenus periculum litis in ipsum transfertur , quod tam parum quoad personam eidem derogat , quam parum derogat Actori Clerico , quando præter intentionem sententiam adversam reportat , 4. Si Clericus ratione officii alieno nomine conveniatur tanquam Tutor , Curator , vel Procurator alicujus Laici ; tunc enim sortitur forum coram Judice Sæculari , sicut forum coram Judice Ecclesiastico sortitur Laicus ratione administrationis rerum temporalium pertinentium ad Ecclesiam . Marant. *de Ordin. Judic. part. 4. dist. 11. num. 65.* Gaill. *num. 7. cit. Pirhing num. 91. hic Schambogen loc. cit.* Ratio est , quia eo casu non attenditur persona Clerici , sed eorum , quorum nomine convenitur , 5. Si Clericus Laicum conveniat coram Judice Laico ; tunc enim poterit Laicus eundem Clericum vicissim coram eodem Judice in causa civili reconvenire , ut dicetur infra *Titul. 4. num. 6. & duob. seqq. 6.* Si Clericus sit hæres Laici , & lis cum defuncto jam fuit cepta ; quia Judicium , ubi acceptum semel , ibi & finem accipere debet *l. ubi acceptum 30. ff. de Judic.*

Dub. 2. an Clerici , aliæque personæ , & loca Ecclesiastica in foro Sæculari conveniri de Jure valeant actione reali , non tantum super feudilibus , Regalibus , aliisque cum reservatione donatis bonis , sed etiam super bonis , & rebus cæteris , quæ in dominio suo habent ? Affirmant Godofred. *in l. de his 3. C. de Episc. & Cler. num. 2.* Bartol. *in l. incola 29. ff. ad municipal. num. 5.* Mynsing. *cent. 1. obs. 22. num. 2. & 4. & cent. 4. obs. 95.* Gaill. *lib. 1. obs. 37. nu. 4.* & communiter Legistæ cæteri . Fundantur 1. quia constitutiones Ecclesiasticæ , & Imperiales , quibus continetur Clericorum , & aliarum personarum Ecclesiasticarum à foro Sæculari exemptio , disertè loquuntur de non judicandis , & distingendis in ista illo tum personis . Atqui actio realis non personam illo tum , sed rem ejusdem e. gr. prædium spectat . Ergo &c. 2. In actione reali Clericus non tam reus est , quam defensor ; hic autem privilegio fori non Juvatur , quò minus sequatur conditionem personæ , aut rei , cujus defensionem suscipit *l. venditor 49. ff. Jud.* Ergo &c. 3. Quisque sortitur forum in loco , ubi res sita est , de qua controversia in Judicium deducenda est *cap. fin. hoc tit. & l. fin. C. ubi in rem actio exerc.* Ergo si res sita sit intra territorium Judicis Sæcularis , ratione illius Clericus , & Ecclesia sortietur forum Sæculare .

Sed his non obstantibus , verius est Clericum , Ecclesiam &c. de Jure etiam actione reali in foro Sæculari conveniri non posse . Ita Abb. *in cap. 10. de cons. num. 22. & in c. 5. hoc tit. num. 3.* Stephan. Gratian. *Discep. forens. cap. 16. à num. 21.* Covar. *pract. 99. cap. 31. num. 5. vers. secundo in fin.* Marant. *de Ordin. Judic. part. 4. dist. 11. num. 2.* Farinc. *prax. crim. lib. 1. cap. 8. num. 21.* Menoch. *remed. 3. retin. possess. num. 326.* Marta *de Jurisd. part. 4. cas. 125. à num. 2.* Barbosa.



bol. *Jur. Eccles. lib. 1. cap. 39. § 2. num. 107.* Zoel. *hic num. 24.* Pirhing *num. 86.* Engl *num. 40.* Scambogen *n. 29.* Konig *num. 30.* Vviessner *num. 117.* & novissimè P. Friderich. *tract. de for. compet. edit. recent. num. 300.* & seqq. & P. Schmier *tract. de Judic. cap. 3. à num. 179.* Consentunt cæteri alicujus nominis TT. & Canonistæ, & pugnant pro hac sententia clari Juris utriusque textus, præsertim *can. Clericum 2. can. nullus 8. can. inolita 42. can. placuit 43. caus. 11. quest. 1. c. si diligenti 12 hoc tit. Auth. sed hodie, & Auth. statuimus C. de Episc. & Cler.* quibus, aliisque textibus absolute traditur, Clericos ad forum sæculare trahi non posse, nec distinguatur inter actionem realem, & personalem. Ratio est, quia res, & bona, tanquam personæ accessoria, sequuntur conditionem personæ, cujus illa sunt, juxta illud: *Quæ Religiosis adherunt, religiosa fiunt*, ut dicitur *l. quæ Religiosis ff. de R. V.* igitur sicut Clerici secundum personam à foro sæculari exempti sunt, ita etiam secundum sua bona. *Conf. 1. à pari*; nam res, & bona assumentis militiam sæcularem &c. transeunt ad illius forum *l. fin. C. de agent. in reb. & l. magisterie 6. C. de Jurisd. omn. Judic.* Ergo etiam res, & bona assumentis Clericatum, qui militia quædam spiritualis est, & conf. nobilior sæculari. *Conf. 2. causa Feudalis c. ex transmissa 6. & c. seq. hoc tit.* nominatim excepta est, ut in ea Clericus rectè conveniatur coram Judice feudali laico. Ergo in aliis Regula stat in contrarium, cum exceptio firmiter regulam in casibus non exceptis. *Conf. 3.* Si Clerici actione reali in foro sæculari conveniri possunt de Jure, in casu *c. fin. de Judic.* Laicus, qui ab Abbate, & Conventu, super quasi possessione Juris eligendi Rectorem Politicum, sive Officiale sæcularem conventus, succubuit in foro sæculari, potuisset istos in petitorio convenire in eodem foro, utpote super re merè temporali, ne causarum contententia dividatur. Atqui *c. cit.* statuitur contrarium. Ergo &c. Dixi autem in responsione, *de jure*: contrarium enim in multis locis obtinet consuetudo, quamvis nonnulli existiment invalidam illam esse, quod examinare non est istius loci.

Argumenta contraria faciliem solutionem habent. *Ad 1.* Judex, qui de causa, & actione reali judicialiter cognoscit, Jurisdictionem suam exercere necessario debet in possessorem rei; quia citare eum debet, ut sit in Judicio. Igitur cum persona Clerici conveniri non possit coram Judice sæculari, nec contra ipsum institui coram eodem actio realis poterit. *Ad 2.* conventus actione reali verè reus est; & esset, si tantum defensor, etiam in Clericum, ut defensor duntaxat est, Jurisdictionem suam Judex sæcularis directè exercere non potest, cum privilegio suo eximatur ab omni jurisdictione sæculari. *Ad 3.* ex eo tantum sequitur, quod Clericus conveniri debeat coram Judice Ecclesiastico loci, ubi res sita est. Exemplum est in foro contractus, quod etiam Clericus sortitur in loco contractus; nemo tamen ex hoc infert, quod conveniri possit coram Judice sæculari loci contractus.

83 Dub. 3. An non delegari saltem Laico causæ civiles, & criminales, quæ inter Clericos versantur, possint? *Certum est*, quod hoc possit Papa ex plenitudine potestatis Papalis, ut docet Glossa *in can. 1. V. præter dist. 96.* Abb. *in cap. 10. de const. num. 5.* Felin. *ibid. num. 6.* Covar. *præst. qq. can. 31. num. 4.* Layman *in cap. 2. de jud. num. 4.* Zoel. *hic n. 16.* Engl *num. 49.* Pirhing *de jud. num. 60.* Schambogen *ibid. n. 36.*

Difficulus est, an hæc potestas cognoscendi de causis civilibus, & criminalibus Clericorum delegari, & committi Laico possit etiam ab Episcopo, vel alio Prælato Ecclesiastico? *Ratio dubitandi est*, quia Clericus non potest consentire in Laicum judicem etiam cum licentia, & consensu Episcopi *c. significasti 18. hoc tit.* ergo neque ex commissione Episcopi potest Laicus esse Judex Clerici.

Sed distinguendum est, & dicendum, causas civiles delegari Laico etiam ab Episcopo, vel alio Prælato Ecclesiastico posse, non verò criminales, ut de iis cognoscat, & judicet. *Partem primam* defendunt Abb. *in cap. 2. de judic. num. 4.* Decius *ibid. num. 5.* Felin. *num. 1.* Layman *num. 3.* Barbosa *num. 7.* Zoel. *hic num. 15.* Pirhing *in de Judic. num. 56.* Schambogen *ibid. num. 35.* Ratio est, quia Judex Delegatus quasi proprium nihil

habet, sed utitur autoritate, & jurisdictione delegantis *l. quacunque 1. §. qui mandatam 1. ff. de offic. ejus, cui mandat. est jurisd.* & sic jurisdictione, quam exercet Laicus in Clericos, vel Ecclesias ex delegatione Prælati Ecclesiastici, censenda est potius Ecclesiastica, quam Sæcularis. *Excipitur*, si delegatio fieret Laico ad universitatem causarum civilium; hæc enim ipsi delegari non potest, ut ex communi docent Felin. Layman Barbosa Zoel. *loc. cit.* & ratio est; quia jurisdictione delegata ad universitatem causarum æquiparatur Ordinariæ, & quasi Ordinaria censetur, ut alibi dictum est. Atqui Ordinariam jurisdictionem in Clericos Episcopus saltem, aut alius Papa inferior committere nequit Laico; quia Clericis tollere privilegium à jure communi concessum nequit. Ergo &c.

*Partem secundam* propugnant Abb. *in c. cit. num. 4.* & 7. Alex. *ibid. num. 23.* Layman *num. 4.* Clar. *§ fin. qu. 41. num. 5.* Pirhing *de judic. num. 60.* Schambog *num. 36.* Proceditque hoc, ut etiam Clerico, & Laico simul delegari hujusmodi potestas nequeat. Ratio est, quia id cederet in injuriam, & contemptum Ordinis Clericalis, si judices Sæculares, qui statu inferiores sunt, Clericos ob eorum crimina judicarent, ac punirent; contemptus autem iste, & injuria non minor esset, etsi Judex Sæcularis cognosceret de Clericorum criminibus, & sententiam ferret socio Clerico. Ergo &c. Addidi, *ut de iis cognoscat, & judicet*; nam alia officia, quæ jurisdictionem nullam sibi annexam habent, potest Laicus exercere ex mandato judicis Ecclesiastici. Sic enim 1. potest Laicus esse consiliarius & Assessor Principis Ecclesiastici, etiam in causis Ecclesiasticis, & Spiritualibus. 2. Potest esse Notarius Episcopi in eisdem Spiritualibus, 3. Potest ex mandato judicis Ecclesiastici in iisdem Spiritualibus sententiam ab eo conceptam legere, ut praxis confirmat, 4. Potest ex simili mandato tanquam executor Clericum capere, torquere &c. Decius *in cap. 2. cit. num. 18.* Pirhing *cit. de Judic. num. 61.* Schambogen *ibid. n. 36. cit.* Ratio est, quia hæc omnia faciendo Laicus judici Ecclesiastico nudum ministerium exhibet, quod Laicis non est prohibitum *cap. non indiscretè 1. de procurat. in 6.*

Ad rationem dubitandi negatur paritas; nam in casu *Ant.* prorogaretur jurisdictione Ordinaria in Laicum, & sic Laicus judicaret Clericum jure proprio, quod fieri non potest, etiam cum consensu Episcopi *cap. significasti citat.* Ar in casu *Conf.* delegatus Laicus utitur jure, & vice delegantis, & sic jurisdictione ejus Ecclesiastica censetur. Igitur nisi aliunde repugnet, committi illa ab Episcopo, vel alio Prælato poterit. Non repugnat autem eam committi in causa civili, repugnat in criminali ob specialem indecentiam. Ergo ad illam committi Laico potestas judicandi potest, non ad istam.

Quæritur 3. Quinam in specie gaudeant privilegio 84 fori Ecclesiastici? Resp. hoc privilegio gaudent, 1. Clerici, etiam in minoribus solum constituti, imò prima tonsura duntaxat initiati, modo habeant qualitates requisitas à Trid. *sess. 23. cap. 6. de reform.* & referendas infra *num. seq.* nam etiam ipsi ex vi propriæ significationis hujus vocis Clericorum appellatione veniunt, ut colligitur ex *cap. nullus 2. hoc tit.* 2. Regulares utriusque sexus *can. de persona 38. caus. 11. quest. 1. cap. Clericis 3. de immunit. Eccl. in 6. Auth. statuimus C. de Episc. & Cleric. Novell. 123. cap. 21.* Neque obest, etsi Ordine aliquo Ecclesiastico insigniti non sint; quia nihilominus personæ Ecclesiasticæ sunt, utpote obsequio Divino specialiter mancipatæ *canon. duo sunt 7. caus. 12. quest. 1. & can. si quis suadente 29. caus. 17 quest. 3.* imò hoc privilegio gaudent etiam Novitii, ut constans est Canonistarum, & Legistarum doctrina, ut videre est apud Sanchez *lib. 6. moral. cap. 10 num. 10.* quia & ipsi personæ Ecclesiasticæ reputantur, 3. Religiosi Ordinum Militarium, Oblati, qui se, suaque in totum Religioni tradiderunt, FF. Tertiarii S. Francisci, & S. Dominici, si in communi vivant. Bartol. *de Offic. & potest. Episc. alleg. 12. num. 39. 41 & 45.* 4. Eremitæ, qui in approbata aliqua Religione rria substantialia ejusdem Vota emisissent, vel in congregatione aliqua in commune, & juxta modum ab Episcopo approbatum vivunt, aut saltem Episcopo;



li autoritate ad Ecclesiæ, vel Oratorii servitium deputati sunt, & habitum Eremiticum gestant. Sanchez *lib. 6. mor. cap. 16. num. 10.* Fagnan. *in c. 2. hoc tit. num. 55. & seqq.* Barbosa *l. cit. num. 43.* Pirhing *nu. 97.* Schambogen *num. 28.* Vviestner *num. 162.* 5. Denique Rectores Hospitalium, Episcopali autoritate erectorum, si degant intra domos eorum. Barbosa *cit. num. 37.* Pirhing Vviestner *loc. cit.* nam & ipsi Hospitalarii, qui sub obedientia illorum vivunt, fruuntur hoc privilegio juxta Trid. *loc. cit.*

85 Dub. 1. quid requiratur, ut Clericus in minoribus constitutus, vel prima tonsura initiatus gaudeat privilegio Clericali? Resp. hic distinguendum inter jus antiquum, & novum Tridentini; nam jure antiquo privilegio hoc gaudebant omnes Clerici tam in civilibus, quam in criminalibus, ut patet ex *c. nullus 2. hoc tit.* ubi præcipitur universaliter, ne ullus Judicum secularium Presbyterum, Diaconum, aut Clericum ullum --- per se distringere, aut condemnare præsumat. Hodie vero ex Decreto Trid. *sess. 23. cap. 6. de reform.* ut Clericus, extra Ordines Sacros, seu Majores constitutus, privilegio fori gaudeat, necesse est, ut vel Beneficium Ecclesiasticum habeat, aut habitum cum tonsura deferat & simul alicui Ecclesiæ ex mandato Episcopi inserviat, vel in Seminario Clericorum, aut in aliqua Schola, vel Universitate de licentia Episcopi, quasi in via ad majores Ordines suscipiendos, versetur, ut loquitur Trid. *loc. citat.*

Dixi, Beneficium habeat, aut habitum deferat &c. nam si Clericus talis Beneficium habet, etiam si nec habitum deferat, nec reliqua Tridentini requisita habeat, adhuc ramen privilegio fori gaudet; quia laudata Synodus dictas qualitates solum alternativè exigat. Sumitur autem hic nomen Beneficii latè; ac proinde ad hunc effectum sufficit, si ejusmodi Clericus minor habeat capellaniam etiam collativam, Præbendam, vel Pensionem, modò in Titulum collata illa sint, & annexum spirituale obsequium habeant. Bernardus Diaz. *in pract. canon. cap. 65. num. 10. & seqq.* Barbosa *de Offic. Episc. alleg. 12. num. 8. & seqq.* Pirhing *hic n. 93.* & alii ab his *cit.* Neque opus est, ut talis Beneficii possessionem adeptus sit; nam in Beneficialibus principaliter attenditur Titulus, non possessio, & in materia hac favorabili, immunitatem Ecclesiæ concernente, extensio fieri debet. Covar. *lib. 3. var. cap. 16. princ.* Paris. *lib. 7. de resign. benef. quest. 1. num. 46. & 47.* & ita resolutum fuisse à S. Congreg. Card. 16. Julii 1587. testatur Galle-mart. *in c. 6. Trid. cit. n. 5. v. Clericum prima tonsura.*

86 Dub. 2. an privilegio fori gaudeant etiam Clerici conjugati? Resp. affirmativè, si cum unica, eaque virgine matrimonialiter copulati sint; alicujus præterea Ecclesiæ servitio, vel ministerio ab Episcopo deputati, eidem Ecclesiæ inserviant, vel ministrent; & insuper Clericali habitu, & tonsura utantur, ut statuit Trid. *cap. 6. cit.*

Controversia est, an hujusmodi Clerici conjugati privilegio fori gaudeant solum in criminalibus, an etiam in civilibus? Utrumque affirmant Anchoran. *in c. un. de Cler. conjugat. in 6. not. 4.* Franc. *ibid. § & cum num. 4.* Marra *de Jurisd. part. 4. cas. 153.* Engl. *tit. de Cleric. conjugat. num. 7.* & novissimè P. Schmier *tract. de Judic. cap. 3. num. 128.* & colligi videtur ex *c. un. cit.* ubi dicitur, Clericum talem trahi non posse criminaliter, aut civiliter ad Judicium seculare.

Sed verius hujusmodi Clerici privilegio fori solummodo gaudent in criminalibus, non verò in civilibus. Ita teste P. Friderich *tr. de for. compet. edit. recent. nu. 246.* sententia communissima, & declaravit S. Congr. Card. Trid. *Interpp.* apud Delbene *de Immunit. Eccl. c. 4. dub. 11. num. 12.* Clarè hoc indicant *c. un. cit.* verba ibi: pro commissis ab eo excessibus, vel delictis; & in fine ibi, in ceteris autem eos gaudere volumus privilegio Clericali.

Neque obstant verba ejusdem *cap.* allegata ab Adversariis; intelligi enim debent juxta verba immediatè præcedentia, ut sensus sit, quòd talis Clericus non possit conveniri coram Judice seculari de crimine, si-ve criminaliter, si-ve civiliter de eo agatur; unde si causa sit merè civilis, Judicem habebit Laicum, qui tamen solum in bonis procedere adversus eundem potest, non verò adversus personam eum incarcerando,

vel alta corporali pœna plectendo; quia sic jam ageret contra privilegium Canonis, quod certò habet etiam Clericus conjugatus, ut patet ex *c. un. cit.* & confirmatur compluribus Declarationibus Cardd.

Dub. 3. An privilegio fori gaudeant etiam Laici 87 Ecclesiæ, vel Clericorum coloni, ministri, & familiares, liberi, & uxores legitimæ? Resp. Ad t. negativè; sed hi regulariter conveniri debent coram Judice seculari. Glossa *in can. indicatum, V. inter eos, dist. 89* Abb. *in c. hoc tit. n. 6.* Pirhing *hic num. 96. in fin.* Excipitur tamen triplex casus, 1. Si Ecclesiæ ex privilegio Imperatoris habeat in ipsos Jurisdictionem, 2. Quando hujusmodi coloni generalem administrationem habent ab Ecclesiâ, 3. Quando conveniuntur super re, quam tenent ab Ecclesiâ.

Ad 2. affirmativam defendit Marra *de jurisd. p. 4. cas. 111. n. 6.* Engl. *n. 44. hic,* & videtur hoc etiam colligi ex *c. fin. v. petit, de Offic. Archidiacon.* ubi supponitur, familiares Episcopi esse sub istius Jurisdictione. Verum quia hoc speciale quid est de familia Episcopi, quòd privilegio fori Ecclesiastici gaudeat, ad ceteros Clericos, & horum familiares immeritò trahitur. Hinc tenenda est negativa sententia, quam post Abb. Felin. Archidiacon. defendunt Clar. *§ fin. q. 35. num. 18.* Suarez *l. 4. defens. fid. c. 28. n. 10.* & novissimè P. Friderich *de for. compet. n. 258.* Ratio est tum, quia hoc nullo Jure cavetur; tum quia nec Clerici in minoribus constituti privilegio isto gaudent, nisi vel Beneficium, vel alia à Trid. requisita habeant. Neque obstat *cap. nullus 2. hoc tit. ibi, aut minores Ecclesiæ,* quæ verba ne frustra sint addita, videntur intelligenda de Laicis Ecclesiæ servientibus; nam Clerici minores jam antè comprehenduntur satis nomine generali Clericorum. Dicendum enim cum Suarez *loc. cit. n. 11.* per minores ibi intelligi personas Ecclesiasticas nullum Ordinem, aut tonsuram habentes, ut sunt multi Religiosi. Quando autem *can. Ecclesiarum 69. caus. 12. q. 2.* dicitur Ecclesiarum, & Clericorum servos ab Angariis eximi, id intelligendum est de servis propriè dictis, qui cum inter bonaeorum computentur, mirum non est, quòd sicut bona illorum cætera, ita & ipsi ab ejusmodi oneribus exempti sint.

Ad 3. Pro affirmativa sententia Argumentum nonnulli sumunt ex *l. cum quadam 19. ff. de jurisd. l. femina 8. ff. de Senator. l. fin. § fin. ff. ad municip. l. omnis 2. § fin. C. de Episc. & Cler. l. fin. C. de incolis,* in quibus dicitur, quòd uxor sequatur Jurisdictionem, & forum mariti; non debet autem ex eo, quòd maritus sit Clericus, legitima uxor esse deterioris conditionis, quàm uxor Laici. Ergo &c. Sed tenenda est negativa sententia, quam etiam defendunt Sanchez *l. 7. de marr. D. 47. à n. 3.* Palao *tract. 12. D. un. p. 2. n. 10. v. decimo,* Barbosa *jur. Eccl. l. 1. cap. 39 § 2. num. 62.* Pirhing *hic nu. 95.* Ratio est, quia privilegium fori est privilegium personale, concessum Clericis, & personis Ecclesiasticis, quales non sunt uxores Clericorum conjugatorum; adeoque ad ipsas non extenditur. Multo minus privilegium istud extendi debet ad Clericorum concubinas; quia non debent ex suo delicto referre commodum. Fagnan. *in capit. 2. hoc tit. n. 29. & seqq.* Pirhing *hic num. 96.* Excipitur, si reæ agantur de concubinato ipso commisso cum Clerico; cum enim tali casu institui processus contra ipsas nequeat, nisi etiam tangatur persona Clerici, ideo secundum multos tali casu institui processus debet coram Judice Ecclesiastico etiam adversus concubinam Clerici.

Dub. 4. An Clericus minor, vel Religionis Novitius 88 propter delictum v. g. homicidium, furtum, adulterium &c. in statu Laicali commissum, post Ecclesiasticum statum assumptum, judicari, & puniri debet à Judice seculari, an ab Ecclesiastico? Magnus hic confictus opinionum est. Negant absolutè aliqui; alii absolutè concedunt; alii cum Farin. *l. 1. prax. crim. q. 8. n. 104. & seqq.* distinguunt, & cum prioribus negant puniri posse à Judice seculari, si statum Ecclesiasticum assumpsit sine fraude; affirmant cum posterioribus, si statum illum assumpsit in fraudem, sed in pecunia solum, & bonis.

Ego cum Colendissimo Antecessore meo P. Melchiorre Friderich *tr. de for. compet. edit. 2. n. 249.* & ab ipso *cit.* aliam adhibeo distinctionem, qua puto sententias præ-



prædictas utcumque conciliari: Vel enim contra delictum reum ante susceptum Clericatum, à Judice sæculari ceptum jam est Judicium per citationem, aut litris contestationem, vel nondum est ceptum. Si primum, respondere debet coram Judice sæculari, ut rectè Menoch. de arbitr. cent. 2. cas. 131. n. 8. Pignatell. tom. 2. consult. 66. n. 21. quia ibi perfici debet Judicium, ubi ceptum est c. proposuisti 19. hoc tit. Puniri tamen ab eo pœna corporis afflictiva nequit; quia per suspensionem Clericatus persona ejusdem exempta est à potestate sæculari. Si secundum, conveniri debet coram Judice Ecclesiastico, prout non semel declaratum esse à Congr. Immunit. testatur Pignatell. consult. cit. n. 26.

Neque obstat, quod intentio assumptis hunc statum fuerit se subtrahere Jurisdictioni sæculari; per hoc enim nemini infert injuriam, neque committit fraudem, sed utitur Jure suo, sicut ille suo Jure utitur, qui post patratum delictum confugit ad Asylum; & ratio est, quia in potestate ipsius est se subtrahere; proinde privilegio carere non debet, quod secum affert status assumptus.

89 Dub. 5. an vice versa, si Clericus minor, vel Religionis Novitius commisit delictum in Clericatu, vel Monasterio, & illo patrato redeat ad statum Laicalem, judicati, & puniri debeat à Judice Sæculari? Affirmativa videtur sequi ex resolutione Dub. præc. si enim is, qui post crimen in statu Laicali commissum factus est Clericus, vel ingressus est Monasterium, puniri à Sæculari nequit, quia est Clericus à Jurisdictione Sæculari exemptus, à contrario ille, qui post crimen commissum in statu Clericali factus est Laicus, à Judice Sæculari puniri poterit; quia jam est Laicus subiectus potestati Laicæ.

Sed retinenda est negativa sententia, & dicendum, talem Clericum, etiam post desertum Clericatum, quoad delicta in hoc commissæ, sortiri forum Ecclesiasticum, & à solo Judice Ecclesiastico puniri posse. Ita Clar. § fin. q. 36 n. 11. Covar. præf. qq. c. 31. n. 8. Stephan. Gratian. di/crpt. forens. tom. 2. cap. 226. n. 1. Farin. prax. crim. l. 1. q. 8. n. 66. Marta de Jurisd. p. 4. cas. 121. n. 4. Barbosa Jar. Eccl. l. 1. c. 39. § 2. n. 98. Delbene de Immunit. Eccl. c. 4. dub. 30. n. 4. Pirhing hic n. 104. Vviesner n. 165. & novissimè P. Friderich de for. compet. edit. 2. n. 250. & P. Schmied de Jud. c. 3. n. 137. & duob. seqq. sicque teste Delbene loc. cit. declaravit S. Congr. Immunit. 9. Sept. 1631. Ratio est: quia ad gaudendum privilegio attenditur status temporis, quod delictum patratum, non vero tempus, quo sententia fertur l. quoties 1. princ. ff. de penis. At quando delictum commissum fuit, erat imune à Jurisdictione Laica. Ergo huic etiam post mutatum statum non subijcitur, cum nullo Jure cautum sit, quod amissioni privilegii per dimissionem status retorqueatur ad tempus præteritum.

Ad rationem dubitandi negatur patitas; nam Laicus transeundo ad Clericatum non tantum mutat forum, sed etiam statum, ita ut omnino eximatur à Jurisdictione sæculari; & hinc ne Judex sæcularis de ejus crimine, ante Clericatum commissio, possit cognoscere, obstat conditio status, cum absolute dedecet, ut positus in statu Clericali judicetur à sæculari. At non dedecet Clericum, qui factus est Laicus, judicari à Judice Ecclesiastico de crimine commissio in statu clericali; proinde hunc deferens, etsi statum mutet, non tamen forum, sed forum solum accumulat, ita ut Ecclesiasticum retineat quoad delicta in statu Clericali commissæ, & Laicale acquirit quoad causas, & crimina ab ipso committenda in futurum.

90 Quaritur 4. quinam Clerici non gaudeant privilegio fori? Resp. distinguendum inter Clericos constitutos in minoribus duntaxat ordinibus, & inter constitutos in Majoribus. Constituti in minoribus privilegio fori privantur omnes, qui conditiones à Trid. requisitas, & supra n. 85. relatas non habent. In majoribus constituti illud admittunt, 1. Si propter delictum aliquod, vel incorrigibilitatem gradu suo dejectus, & curiæ sæculari traditus sit; talis enim post ejusmodi degradationem judicari, & puniri à Judice sæculari potest, ac si Clericus non fuisset c. at si Clerici 4. & c. cum non ab homine 10. de Judic. c. ad abolendam 9. de hæretic. c. novimus 27. de V. S. c. degradatio 2. de penis in 6. 2. Si habitum, & tonsuram clericalem nunquam deferat, & ab Episcopo ter,

vel in Synodo generali sub expressa pœna amissionis privilegii clericali semel monitus, eum deferre nolit, sequere incorrigibilem ostendat c. in audientia 25. & c. contrahit 45. de sent. excomm. 3. Si reus sit Assassinii c. per humani 1. de homicid. in 6. ubi Bonifacius VIII. Quicumque, inquit, tam Clericus, quam Laicus, qui hujusmodi immunitate per Assassinum aliquem interfici fecerit, sit à toto Christiano populo diffidatus: quo textu etsi privilegio hoc videatur facto ipso privatus, non tamen antea privatio hæc inducetur, quam subsecuta fuerit sententia declaratoria criminis ob constitutionem Clem. VIII. editam 18. Dec. 1595. qua Declaratio Ecclesiæ prævia diferte exposcitur, 4. Si dimisso habitu clericali, se immisceat enormitatibus, sive multa enormia crimina committat, & post trinam Episcopi monitionem non resipuerit. Covar. præf. qq. c. 32. n. 2. v. tertio his, Clar. § fin. q. 36 an. 19. Farin. l. 1. prax. crim. q. 8. n. 53. Marta de Jurisd. p. 4. cas. 135. n. 2. Fachin. l. 9. contr. c. 28. Barbosa l. 1. Jur. Eccl. c. 39. § 2. n. 71. & seqq. 5. Aliis etiam casibus, qui recensentur c. un. de Vir. & honest. Cleric. in 6. Clem. 1. eod. aliisque textibus.

Dub. 1. an aliquando Judex sæcularis Clericum delinquentem capere, & incarcerare possit, ut eum sistat Prælato Ecclesiastico? Ratio dubitandi est, quia delinquentis apprehensio, & incarceratio sunt actus Jurisdictionis; hæc autem Laicis in Clericos non est permessa, ut hætenus dictum est. Ergo &c. Verum argumentum istud tantum probat, regulariter hoc fieri non posse, aut propria Judicis sæcularis potestate; neque enim desunt casus, quibus hoc ei per accidens, & quasi ex commissione Ecclesiæ, istiusque permissione, saltem rationabiliter præsumpta, licet.

Et 1. quidem, quando Clericus sibi, vel proximo vult grave malum inferre, vel aliud delictum committere, quod absque coercionem, & caprura impediri nequeat. Abb. in c. ut fama 35. de sent. excomm. n. 6. Farin. prax. crim. l. 1. q. 8. n. 120. Menoch. de arbitr. c. 180. n. 20. Ratio est, quia quilibet non tantum se, suæque defendere contra injurias, & damna potest, sed etiam proximum; quod à fortiori procedit de Magistratibus, quibus cura incolumitatis, & pacis civium ex officio incumbit. Proceditque hoc non tantum, quando certum est delictum esse committendum, aut damnum inferendum, sed etiam quando solum præsumitur, & merito timetur, ut si Clericus noctu in platea hora insolita inveniatur cum armis, præcipue sine habitu clericali, ut aliis cit. notat Oliva p. 2. for. Eccl. q. 22. n. 9.

2 Quando deprehenditur in flagranti delicto. Abb. in c. 2. de sent. excomm. n. 6. Felin. ibid. n. 2. Clar. § fin. c. 28. n. 6. Farin. q. 8. cit. n. 122. Oliva loc. cit. n. 10. P. Friderich de for. compet. edit. 2. n. 222. quod teste Oliva loc. cit. confirmat praxis totius Orbis, si tamen criminis talis reus suspectus de fuga sit; nam si periculum non sit in mora, non potest Magistratus sæcularis ejusmodi Clericum delinquentem capere, quippe quod ipsi solum permittum est in defectum Ecclesiastici.

3 Quando clerici crimen est notorium, non tamen aliter, quam ut in casu immediate antecedente dixi, si de fuga suspectus sit; quo casu si ad capturam clerici à Magistratu sæculari procedatur, ultra 20. horas detineri non debet, imò, quamprimum potest, Ecclesiasticæ curiæ remittendus. Felin. in c. 10. de Judic. n. 20. Farin. q. 8. cit. n. 118. Pal. tr. 12. D. un. p. 6. n. 14. Vviesner hic n. 186.

4 Si clericus sit debitor, & similiter de fuga suspectus sit, nec velit præstare cautionem de solvendo, quod salva sustentatione potest; cum enim in hoc casu cogi à suo Judice ad solvendum possit, non apparet, cur non queat detineri vel à Judice sæculari, vel ab ipso creditore, si cum ipso fugiente spes solutionis obtinendæ abitura esset, cum mens Ecclesiæ non videatur esse, ut clericus cum damno creditoris suatur privilegio clericali, & delictum impunè ferat cum re aliis debita se subducendo. Felin. in c. 10. de Judic. n. 1. v. utrum autem. Covar. l. 2. var. c. 1. n. 9. Farin. l. cit. n. 119. Gutier. præf. qq. l. 1. q. 82. n. 2. Pirhing hic n. 105. Vviesner n. 186.

5 Si clericus gravi injuria affectus Laicum, ob quam ille à Magistratu suo Ecclesiastico incarcerandus, atque ad satisfactionem compellendus erit; nam etiam hoc casu, si statim adiri Judex Ecclesiasticus nequeat



queat, & periculum sit, ne fuga sese subducatur, Clericus capi, & incarcerari etiam à Judice Sæculari potest, dum Judici Ecclesiastico sisti possit, cum publicè interfuit, ne crimina maneant impunita. Molin. tr. 3. de Just. D. 56. num. 2. Laym. l. 4. tr. 9. cap. 4. nu. 8. Pith. hic num. 105. cit.

6. Quando Clericus portat arma, per Leges Principis, vel Magistratus Sæcularis deferri prohibita; tunc enim iis spoliati potest per Judicem Laicum, & capi, ut tradatur Judici Ecclesiastico puniendus. Clar. §. fin. q. 36. n. 26. Fatim. l. cit. n. 96. Pith. l. cit. 7. Quando Clericus potest impunè offendi, & verberari. Fatim. n. 113. & alii *supra* cit. 8. Denique quando id Judex Laicus facit ex mandato Ecclesiastici. Farin. n. 121.

92 Dub. 2. an Judex Sæcularis punire valeat Clericum delinquentem in officio Sæculari? Videtur tenenda affirmativa sententia. 1. Quia ita observat praxis, & consuetudo. 2. Quia personæ Ecclesiasticæ hic non considerantur quæ tales, sed ut Officiales, & Ministri Sæculares. 3. Quia sub hac tacita conditione evehuntur ad munia sæcularia, ut Principibus quoad correctionem, & punitionem subint; & ita suscipiendo illa munia censentur privilegio suo tacitè renuntiassent.

Sed hoc non obstante, dicendum, Clericum recipientem Officium Sæculare à Principe Laico, & in hoc delinquentem, ab eodem puniri non posse. Ita Clar. §. fin. q. 36. n. 25. Cochier tom. 2. de Jurisd. in exempt. p. 3. q. 41. à n. 1. Haun. tom. 5. de J. & J. tr. 1. n. 247. Pignatell. tom. 2. consult. 27. n. 5. P. Vviest. hic num. 170. P. Schmier tr. de Judic. c. 3. n. 195. & seqq. alique plures ab his cit. Ratio est, quia fori Ecclesiastici privilegium Clericis, præsertim in Criminalibus, concessum est indistinctè, ut pro ullo delicto in eos procedi, & personaliter, vel pecunialiter condemnari à Curia Sæculari nequeant, ut patet ex c. at si Clerici 4. c. cum non ab homine 10. & c. de Judic. igitur etsi Princeps, vel Magistratus Sæcularis ejusmodi Clericum officio privare, imò si debitor appareat, de debitorum, & damnorum quantitate informare se possit, ut tamen ad solutionem, & damnorum reparationem condemnatur, & opportunis remediis compellatur, Judex Ecclesiasticus adiri debet.

Argumenta in contrarium allata non urgent. Ad 1. Consuetudo illa, utpote Immunitati Clericorum inimica, à plerisque damnatur. Ad 2. Si ita præscindi posset, non facile inveniretur casus, in quo non posset procedi adversus Clericum à Judice Sæculari, cum plerumque adversus ipsum instituatur actio sub respectu, & qualitate Civili e.g. fidejussoris, depositarii, civis &c. Ad 3. renuntiatio tacita non majorem vim habet, quam ipsi Jus tribuat; Jus autem, etsi prohibeat Clericis receptionem Sæcularis officii c. Sacerdotibus 2. c. sed nec 4. c. Clericis 5. & c. ne Cleric. vel Monach. recipientem tamen non privat privilegio fori, neque illum Jurisdictioni Principis, vel Magistratus Sæcularis subijcit. Ergo &c.

93 Dub. 3. an Clericus, qui deliquit dicendo falsum testimonium in Judicio Sæculari, judicari, & puniri à Judice Sæculari possit? Affirmant Cynus, & Bald. in l. nullum 14. C. de testib. Federic. Senens. conf. 93. & Guiliel. de Benedict. p. 1. repet. in c. Rainutius n. 434. V. & uxorem: sed dissimiliter: nam primi duo id concedunt absolute, posteriores affirmant de multa pecuniaria, de pœna corporali negant. Fundantur 1. quia Laicus in Judicio Ecclesiastico falsum deponens ab eodem Judice puniri potest, ut notant Covar. præf. qq. c. 18. nu. 8. & Guazzin. defenf. reor. 1. c. 11. num. 34. ergo & Clericus puniri potest à Judice Laico, apud quem falsum deposuit. 2. Quia l. nullum cit. Zeno Imp. statuit; non licere cuiquam testi allegare fori præscriptionem, quo minus à Judice puniatur, coram quo deposuit falsum. 3. Quia concessio, & commissio aliquo, concessa, & commissæ intelliguntur omnia, quæ sunt necessaria ad illud expediendum c. præterea 5. de offic. Delegat. atqui ad causæ principalis decisionem necessarium est cognoscere, an Clericus, qui in causa deposuit, falsò fuerit testificatus, cum absque hoc non sciatur, an ejus testimonio fides habenda sit. Ergo &c.

Sed retinenda est negativa Sententia, quam etiam defendunt Abb. inc. verum 7. h. tit. n. 20. Felin. ibid. n. 5. Clar. §. fin. q. 38. n. 14. Gutier. præf. qq. l. 1. q. 24. n. 1. Menoch. de arbit. l. 1. q. 91. nu. 18. Fachin. contr. l. 9.

c. 27. Farin. prax. crim. l. 1. q. 8. n. 26. Marta de Jurisd. p. 4. c. 128. n. 9. Pignatell. tom. 2. consult. 48. n. 4. Engl. hic n. 46. Vviest. num. 169. & novissimè P. Friderich de for. compet. edit. 2. nu. 319. & P. Schmier de Judic. c. 3. n. 203. Ratio est, quia Sæcularis Judex respectu personæ Clericalis, quomodocunque delinquentis, non solum incompetens, sed omnino incapax est Jurisdictionis c. at si Clerici 4. c. cum non ab homine 10. & c. de Judic. atqui quando Judex respectu personæ non solum incompetens, sed etiam incapax Jurisdictionis est, contra illum non potest procedere judicialiter, ut explorata Juris Regula habet. Ergo &c.

Neque obstant Argumenta contraria. Ad 1. negatur paritas; nam Judex Ecclesiasticus respectu Laici non est omnino incompetens, sed fit competens respectu ejusdem, si in Judicio illius delinquat arg. l. nullum cit. Ad 2. Lex illa intelligi debet de aliis habentibus præscriptionem fori, non verò de Clericis, de quorum privilegiis statuere Jus Civile nihil potest. Ad 3. argumentum id bene probat, quòd Judex Laicus cognoscere de testimonio à Clerico deposito debeat, in finem, ut sciat, quanta ei sit adhibenda fides, non verò in finem, ut puniat crimen falsi.

Dub. 4. an fori Ecclesiastici privilegio defendatur Clericus reus criminis læsæ Majestatis, v. g. conspirationi, ac rebellionis subditorum in suum Principem temere se immiscendo? Videtur non posse, imò negandum suppositum Dubii, quod Clericus conspirando in patriam, & domicilii sui Principem, rebellionis, aut criminis læsæ Majestatis reus esse possit; nam crimen hoc in Principem offensum committitur à solis subditis. Clem. 2. vers. rursus de sent. & rejudic. Clericus autem, tanquam persona à Jurisdictione Sæculari exempta, non est subditus Sæcularis Principis per DD. quos citat Barbosa l. 1. Jur. Eccl. c. 39. §. 2. n. 96. & Oliva for. Eccl. p. 2. q. 17. n. 26. Ergo &c. Sed hæc ratio non probat intentum; nam unusquisque tale crimen committit, quale est id, ad quod committendum est alteri cooperatus, eumve induxit, prout cum S. Thom. 2. 2. q. 43. a. 3. communiter DD. notant. Igitur licet hujusmodi Clericus per hoc, quòd ipse in patriam, vel domicilii sui Principem conspiravit, perduellionis, aut læsæ Majestatis reus propriè non fiat, reus tamen illius sit, subditis in Principem suum conspirantibus se immiscendo, & eos ad conspirationem, aut rebellionem concitando.

Quare ad propositum dubium dico, ejusmodi Clericum fori privilegio non quidem defendi ita, ut si inter perduelles reperiatur in pugna, occidi, aut capi nequeat, si tamen vel in bello, vel alias captus sit, adversus eundem à sæculari potestate ad pœnam criminis procedi non posse, nisi antea degradatus sit, vel Superior Ecclesiasticus satisfactionem præstare requisitus nolit. Ita Vincent. de Franchis decis. 691. Marta de Jurisd. p. 4. ca. 133. n. 27. Farin. prax. crim. l. 1. q. 8. n. 28. & seqq. Oliva for. Eccl. part. 2. quest. 17. num. 35. Barbosa l. 1. Jur. Eccl. cap. 29. §. 2. num. 96. Vviestner hic num. 167. & alii ab his cit.

Dixi 1. hujusmodi Clericos, si inter perduelles reperiuntur in pugna, occidi, & capi à Sæculari potestate posse: imò expectari non debet, donec conspiratio, & rebellio erumpat, effectumque aliquem habeat, sed præveniri potest, & perduellibus se immiscens Clericus capi à Magistratu Sæculari, vel etiam occidi, si aliter damnum vel privatum, vel publicum averti nequeat, ut bene P. Friderich de for. compet. edit. 2. num. 316. & rationem dat, quia hæc procedendi ratio est potiùs defensio naturali Jure etiam privatis permessa, quam puniatio, & vindicta.

Dixi 2. si captus sit, adversus eum à Sæculari potestate ad pœnam criminis procedi non posse, nisi antea degradatus sit; quia aperti Juris Regula est, Clericum pro quocunque crimine, etiam atrocissimo, judicari, & puniri non posse à Curia sæculari, nisi actualiter sit degradatus c. at si Cler. 4. c. cum non ab homine 10. de Jud. c. nullus 2. c. si diligenti 12. h. tit. c. novimus 27. de V. S. Neque obstat generalitas l. quisquis 5. C. ad Leg. Jul. Maj. nam Lex ista, utpote merè Civilis, ad Clericos non porrigitur.

Dixi 3. vel Superior Ecclesiasticus satisfactionem præstare requisitus nolit; nam quamdiu obtineri Justitia contra Clericos hujusmodi ab Ecclesiastica potestate potest, Jus sibi ipsis dicere non possunt Laici. Secus, si Ju-



si Iustitia negaretur. Oliva q. 17. cit. n. 121. ubi notat, hoc casu contra Regulam c. si Judex de sent. excomm. in 6. tales clericos à Magistratu seculari detineri captivos posse, donec appareat, utrum procedat Ecclesiasticus, eo quod tunc Princeps non Jurisdictione, sed proreductiva potestate procedat, nec conveniat Principi coram Judice Ecclesiastico litigare.

95 Dub. 5. an personæ, & loca Ecclesiastica conveniri coram Judice seculari, & condemnati ab illo ad poenam, & refarcitionem possint ratione pauperiei, seu damni ab animalibus illorum illati? Videtur respondendum affirmativè; quia actio quadrupedaria in rem scripta est, nec contra personas Ecclesiasticas quæ tales, sed qua possessores animalium exercetur.

Sed tenenda est negativa sententia, quam etiam defendunt Squillan. c. 7. n. 94. Diana p. 1. tr. 1. ref. 72. Barbosa Jar. Eccl. l. 1. c. 39. § 2. n. 122. Ranbeck panopl. Eccl. D. 2. c. 2. contr. 3. n. 1. Haun. de J. & J. tom. 5. tract. 1. n. 244. Vviestner hic num. 171. & novissimè P. Shmier de judic. c. 3. num. 156. Ratio est, quia ista præcisio, qua clericus dicitur conveniri qua possessor, non facit, quod minus ille subijciatur Jurisdictioni seculari; alias etiam qua debitor conveniri coram Laico posset; cum ergo in actione quadrupedaria vetum Judicium exerceatur in clericum quæ reum, consequens est, illud coram Judice Ecclesiastico movendum esse.

Neque obstat, quod causa hæc sit merè temporalis; nam si talis sit ex natura sua, ratione personæ tamen, quæ ex ea convenienda, & condemnanda est, Ecclesiastica est, & Ecclesiastico Judicio definienda, ut constat ex c. si diligenti 12. hic, & novissimè ex declaratione Card. Trid. Interpp. ubi statuitur, causas damnorum datorum per Ecclesiasticos, seu per eorum animalia &c. spectare ad curiam Episcopalem privativè, ut notat Barbosa loc. cit. num. 123. Ad rationem dubitandi patet ex dictis.

96 Quæritur 5 quo Jure clerici, & aliæ personæ Ecclesiasticæ sint exemptæ à Jurisdictione, & potestate seculari? Resp. Distinguendo inter causas spirituales, & temporales. Quoad causas Spirituales, seu quæ Fidem, Sacramenta, Divinum cultum, animarumque salutem, & finem supernaturalem spectant, certum est apud catholicos omnes, non tantum clericos, sed etiam Laicos à Jurisdictione, & potestate seculari Jure Divino exemptos esse: & ratio patet, quia hujusmodi causarum cognitio Judicialis requirit potestatem spirituales, à Christo institutam, & D. Petro, ac successoribus ejus concessam. Major difficultas est quoad causas Temporales: ubi catholici DD. in duas extremitates oppositas sententias abeunt.

Prima dicit, etiam in his clericis, & alias personis Ecclesiasticis à Jurisdictione, & potestate seculari Jure naturali, vel saltem Divino positivo exemptas esse. Ita Glosa in c. si Imperator 11. v. & discuti dist. 96. Abb. in c. 12. de Constit. n. 6. Felin. ibid. num. 6. Clar. § si. q. 36. n. 2. Azor p. 1. l. 5. c. 12. q. 1. Matta de jurisd. p. 2. cap. 6. num. 1. Layman lib. 4. Theol. mor. tr. 7. cap. 8. n. 1. & seqq. Fagn. in c. 19. cit. n. 10 & in c. cum non ab homine 10. de judic. n. 66. Barbosa Jar. Eccl. l. 1. c. 39 § 4. n. 5. Englib. c. 38. & non pauci alii, præsertim TT. & Canonistæ. Fundantur 1. paritate cum Sacerdotibus, & Levitis Veteris Legis; nam hi, ut colligi potest ex variis textibus, præsertim Gen. 47. v. 22. Levit. ult. v. 28 & Num. 18. v. 8. & 9. Jure Divino exempti erant à Jurisdictione seculari aliarum Tribuum, & à Lege solvendi tributa. Igitur etiam Sacerdotes, & Ministri novæ Legis, tantoque magis, quanto excellentia, & dignitate Veteris Legis Sacerdotes, & Ministros magis antecellunt, 2. Diversis juris Canonici textibus, præsertim can. futuram 15. caus. 12. q. 1. ubi sapientissimus Imperator Constantinus, Vos, inquit, à nemine judicari potestis, quia solius Dei judicio reservamini: & c. quanquam 4. de censib. in 6. ubi Ecclesia, Ecclesiasticæque personæ, ac res ipsarum non solum jure humano quin immo & Divino à secularium personarum exactioribus dicuntur immunes esse: quibus consonat Trid. Synodus, quæ sess. 25. c. 20. de reform. ait, Ecclesia, & personarum Ecclesiasticarum immunitatem Dei ordinatione, & Canonis sanctionibus constitutam, 3. Facto Christi, qui Matth. 17. v. 25. & 26. tributum solvit pro se, & Petio scandali vitandi causa, cum aliis non tene-

retur, cum enim interpellatus à Petro de solvendo tributo, dixisset ipsi, Reges terræ à quibus accipiunt tributum, à filiis, an ab alienis? & respondisset Petrus. Ab alienis, Christus intulit, Ergo liberi sunt filii: ubi sub filiorum nomine juxta SS. Hieron. & August. omnes Sacerdotes, & clerici comprehenduntur. Igitur omnes isti à seculari potestate Jure saltem Divino exempti sunt, 4. Ratione, non minus Deo consecrati, ejusque servitio dicati sunt clerici, & aliæ personæ Ecclesiasticæ, quàm vestes, & vasa Sacra, Tempia, atque Altaria. Atqui hæc eo ipso, quod Deo dicata sint, à foro seculari eximuntur ipso Jure Divino. Igitur etiam clerici, & aliæ personæ Ecclesiasticæ, 5. clerici ex ipsius clericatus à Deo facta institutione sunt Patres, & Magistri omnium fidelium, ut dicitur can. quis dubitet 9. dist. 96. atqui, ut ibidem habetur, miserabilis insanæ esse cognoscitur, si filius patrem, discipulus magistrum sibi conetur subjugare, & illum suæ potestati subijcere, quo credit non solum in terra, sed etiam in cælis se ligari posse & solvi, 6. Nulla potestas, sive Jurisdictio potest propria virtute ferri extra genus, sive limites objecti sui. Ita autem ferretur potestas secularis, si eidem subjecti essent clerici, & personæ Ecclesiasticæ, quippe quæ Sacræ Personæ sunt; potestatis autem secularis objectum sint res, & personæ tantum profanæ, 7. Si clerici, & aliæ personæ Ecclesiasticæ solum Jure humano à potestate Laicali exemptæ essent, possent Principes sæculares ex toto, vel ex parte Immunitatem Ecclesiasticam abrogare sive per revocationem, sive per præscriptionem, quod plerique DD. negant.

Alter sententia vult è contrario, quod clericorum, 97 & personarum Ecclesiasticarum à foro seculari exemptio in novo Testamento solum Jure humano sit introducta. Ita Covar. pract. qq. cap. 31. num. 2. Valasc. tom. 1. consult. 100. num. 8. Cevallos pract. quest. 550. Boerius decis. 31. num. 4. Farin. prax. crim. quest. 8. num. 2. Pers. limita 1. Molin. tract. 2. de J. & J. D. 31. num. 11. Oliva for. Eccl. num. 1. quest. 10. a num. 9. Zoel. hic num. 31. Schambogen ibid. nu. 34 & aliam TT. quam Jurisconsulti complures magni nominis, quos sequitur Præn. & Clar. D. Herman. Anton. de Chlingensperg de judic. in gener. c. 2. assert. 41. & seqq. Fundamenta illorum sunt 1. Quia in SS. Paginis novi Testamenti non exerat ullus textus, quo ejusmodi exemptio immediatè sit constituta; imò quod illa clericis, spectato præcisè Jure Divino, & naturali, in temporalibus non competat, ex variis textibus non obscurè videretur colligi, utcum Paulus dicit; Omnis anima sublimioribus potestatibus subdita sit. Rom. 13. v. 1. cum Petrus ait; Subditi estote Regi quasi excellenti 1. Petri 2. v. 13. cum Christus ad Pilatum dixit; Non haberes potestatem adversum me ullam, nisi tibi datam esset desuper Jo. 19. v. 11. cum Paulus ad Cæsarem appellavit Act. 25. v. 10. &c. 2 Quia privilegiū hoc primis Ecclesie temporibus non habuerunt clerici, sed postea primum illud ipsis concessum fuit, & quidem non totum simul, sed successivè; nam Justinianus Imp. illud ipsis concessit tantum in causis civilibus, & quando super crimine Ecclesiastico conveniebantur; quando vetò conveniebantur super crimine civili, sortiebantur & ipsi forum seculare. Novell. 83. princ. & c. 1. 3. Quia exemptio clericorum à foro seculari non semper fuit eadem, sed variationem passa tam quoad causas, quàm quoad ipsas personas, ut patet ex multis textibus, & novissimè ex Trid. sess. 23. c. 6. de reform. ubi illa non parum restricta est. Atqui ea, quæ juris naturalis, vel Divini sunt, non ita mutari, vel restringi potestate humana possunt. Ergo &c. 4 clerici cum Laicis possunt inite contractus, ut emptiones, locationes &c. Ergo etiam Laici coram Magistratibus civilibus convenire eosdem possunt, ut pacta servant; nam in loco contractus quivis sortitur forum, etiam si Judex illius loci aliàs sit incompetens, 5 clerici etiam hodie subijciuntur Judici Laico in causa Reconventionis, & Feudalibus, imò aliquando etiam in criminalibus cap. cum non ab homine 10 de judic. & cap. novimus 27 de V. S. etgon nulla est repugnantia, quin etiam subijciantur iisdem in aliis temporalibus, 6 clerici non minus sunt pars Reipub. ac Laici: Ergo non minus, ac isti, à Reipublica capite puniri possunt, si Rempubliam turbant,



benr. 7. Christiana Religio non liberat Fideles ab ullo vinculo Civili v. g. à debito pecuniario, conjugio, servitute &c. Ergo nec liberat à Jurisdictione Sæcularium Magistratum.

Tenenda videtur Sententia inter utramque priorem media, & ad Quæstionem n. 95. propositam respondendum cum distinctione, quam adhibent Less. l. 2. de J. & J. cap. 33. num. 28. & seqq. Pal. tr. 12. D. un. p. 1. n. 4. Gonzal. in cap. 8. de Judic. n. 11. Delbene de Immunit. tom. 1. c. 1. dub. 2. f. 1. n. 26. P. Vviesl. hic num. 175. & alii ab his cit. Dicunt DD. isti, Exemptionem hanc Clericorum à foro Sæculari immediatè quidem esse Juris humani, originaliter tamen, & initiativè esse Juris Divini: quod innui videtur etiam à Trid. sess. 23. c. 6. de reform. ubi Immunitas hæc dicitur constituta DEI Ordinatione, & Canonicis Sanctionibus: Canonicis Sanctionibus quidem, quibus partim introducta, partim acceptata sunt privilegia ab Imperatoribus Statui Clericali concessa, ut patet Juris utriusque textibus tum cit. tum passim obviis. DEI ordinatione autem; quia exemptio hæc originem, & initium suum ex Jure Divino trahit: idque ex triplici capite. 1. Quia facta est ad imitationem Legis antiquæ, qua Sacerdotes, & Levitæ à potestate reliquarum Tribuum exempti, Aaroni, & Successoribus ejus tantum subiciebantur. 2. Quia ex speciali quodam instinctu, & quodammodo præcepto DEI profecta est; cum enim recta Ecclesiæ gubernatio exigere videatur, ut Clerici, tanquam Patres, & Magistri reliquorum Fidelium, ab istorum potestate, & Jurisdictione eximerentur, per hoc ipsum, quod Christus commiserit Pontifici gubernationem Ecclesiæ suæ, etiam commississe ipsi potestatem censetur privilegium hoc communicandi Clericis. 3. Quia etsi Jure naturæ non necessariò competat Clericis, tamen eidem maximè consentaneum est Clericos, tanquam res Deo dicatas, non eodem modo tractari, sicut tractantur Laici. Habet autem Pontifex ex Jure Divino Potestatem gubernandi Ecclesiæ, & faciendi in illa, quod maximè consentaneum est Juri Divino, & naturali. Ergo &c. Neque plus probant Argumenta utriusque Sententiæ.

Ad 1. Argumentum prima Sententia solum sequitur, quod æquum fuerit, etiam Sacerdotes novæ Legis eximi à potestate Laicali; non verò quod præcepto Divino exempti sint; nam Lex, quæ Veteris Testamenti Sacerdotes, & Levitæ eximebat, ceremonialis fuit, & conf. abrogata per Legem novam. Ad 2. ibi dicitur exemptionem istam esse Juris Divini, vel quia à Veteri Lege ducit originem, vel quia Jus Divinum, & naturale dictabat, Clericos esse eximendos. Ad 3. ex illo Christi facto sequitur ad summum, ibi S. Petrum, & Successores à Christo exemptos fuisse à potestate Laicali, non verò ceteros Clericos, cum de solo Petro, non de Apostolis cæteris sermo ibidem fiat. Neque obstat, quod etiam Apostoli, & Clerici dicantur Filii Dei; nam Filii Dei adoptivi sunt Fideles omnes, etiam Laici, nec ramen exemptionis privilegium ex eo possunt prætere. Ad 4. 5. & 6. iis Argumentis solum probatur, quod, ut paulò antea dictum, Jus Divinum, & naturale dictet ralem exemptionem esse faciendam; non verò, quod illam defacto statuerit. Ad 7. negatur sequela; nam postquam exemptio hæc semel legitimè introducta est, nec revocari per Statuta Principum Sæcularium amplius potest, nec etiam per consuetudinem abrogari; non revocari; quia per ejusmodi privilegium Clerici cessarunt esse subditi Principum Sæcularium; nemo autem privilegiis suis privari, nisi subditus, potest: non abrogari per consuetudinem; quia non apparet, quomodo consuetudo contraria privilegio, quod Dei ordinatione, & speciali instinctu, ac quodammodo præcepto est introductum, rationabilis esse possit. Accedit, quia ad consuetudinem legitimè præscriptam necessarius est consensus saltem tacitus Legislatoris. Atqui talis consensus Legislatoris præsumi non potest; hic enim est Pontifex, qui dum quotannis in Cæna Domini adversus violentes Immunitatem Ecclesiasticam Excommunicationem, & alias pœnas promulgat, sufficienter ostendit, se consuetudinem istam, qua Ecclesiæ, & Ecclesiasticarum personarum Immunitas læditur, non approbare.

Neque efficaciora sunt Argumenta secunda Sententiæ: Schmalzgrueber Tom. II.

Ad 1. pro nostra responsione serviunt textus, & rationes allatæ pro prima sententia, quæ saltem hoc probant, quod Immunitas ista initiativè sit Juris Divini, & naturalis. S. Petrus l. cit. locutus est de Laicis, quod ad Clericos extendi non debet. Pilatus adversus Christum potestatem habuit non Juris, sed facti, qualem etiam Tyranni habent. Cætera vide supranum. 33. Ad 2. istud Argumentum confirmat nostram Sententiam. Ad 3. privilegium fori Clericis competens; quia immediatè est Juris humani, ideo variari potest; quia verò simul initiativè est Juris Divini & naturalis, tolli omnino non potest, etiam à Pont. quippe qui potestatem à Christo accepit ad ædificationem duntaxat, non verò ad destructionem Ecclesiæ, quod fieret, si tolleretur Pontifex, quod Divino & naturali instinctu, ac quasi præcepto est introductum. Ad 4. satis est, quod Clerici coram suo Magistratu Ecclesiastico conveniri possint, ut pacta servant, & ab eodem puniri. Ad 5. etsi repugnantia non sit Clericos potestati Sæculari in quibusdam casibus subijci, est tamen repugnantia, ut subijciantur eidem universim ob indecentiam summam; neque enim decens est subijci personas Sacras profanis, patres filiis, Pastores ovibus. Ad 6. Clerici quidem sunt pars Reip. & ejusdem Cives, exempti tamen ob sublimitatem Status à Laica potestate. Ad 7. etsi Lex Christiana non eximat omni vinculo, Clerici tamen ob Status dignitatem omnino debuerunt esse exempti, ita ut exemptio quidem processerit à voluntate humana, convenientia verò ejusdem à Divina.

Quæritur 6. an Clerici renunciare possint privilegio fori Ecclesiastici? Ratio dubitandi est 1. quia privilegium hoc videtur esse favor non tam publicus, quàm privatus singulorum Clericorum, in quorum utilitatem immediatè redundat. 2. Sic renunciari posse privilegio, quod ratione Clericatus, & Sacerdotii competit; expressè supponit l. si quis 51. C. de Episc. & Cleric. & l. si quis 29. C. de Pæst. 3. can. inoluta 42. can. Clericum 47. & can. seq. caus. 11. quæst. 1. prohibentur Clerici ad forum sæculare pertrahi, pulsari, quæ verba invitos denotant. Igitur volentes conveniri ibidem possunt. 4. Idem clarius habetur can. pulsatus 3. caus. 3. q. 6. ubi permittitur Clerico, ut pulsatus, seu vocatus ad Judicem non suum, si voluerit, taceat. 5. can. mandastis 10. caus. 2. q. 5. Sixtus III. coram Concilio, autoritate Valentiniæ Imp. congregato, suspectus de crimine se purgavit. 6. c. dilecti 17. h. tit. habetur, quod privilegium fori non proficit iis, qui se certo loco respondere, vel solvere promiserunt.

Sed his non obstantibus, dicendum, Clericos nec invitos, nec volentes renunciare posse privilegio fori Ecclesiastici, & consentire in Judicem Laicum, ut coram ipso conveniantur. Ita Pirh. hic num. 176. Zoel. nu. 20. Schamb. num. 40. Engl. num. 39 cum communi DD. & constat ex c. si diligenti 12. h. tit. Ratio est, quia privilegium hoc exemptionis non personale, sed toti Statui Clericali publice indultum, adeoque favor, & Jus publicum est, cui per privatorum pacta derogari non potest. Proceditque hoc 1. non tantum in causis Spiritualibus, & Ecclesiasticis, ubi exemptio est Juris Divini, sed etiam in temporalibus, & profanis; nam neque de his conveniri Clerici coram Judice Laico possunt, ut dictum est num. 79. Procedit 2. sive expressè, sive tacitè renunciaverit Clericus e. g. quia patitur se conveniri, & condemnari à Judice sæculari, & non contradicit. Gloss. in c. si diligenti cit. V. manifestè in fin. Abb. ibid. num. 25. Pirh. l. cit. Ratio est, quia regulariter plus non operatur consensus expressus, quàm tacitus. Procedit 3. etsi per pactum Juramento confirmatum in Judicem Laicum consenserit Clericus. Gloss. fin. in c. citat. Zoel. n. 21. Pirh. n. 177. Schamb. Engl. l. cit. quia Juramentum tale cedit in præjudicium Status Clericalis; cons. non est obligatorium.

Neque urgent Argumenta allata. Ad 1. constat ex probatione responsionis, hoc privilegio concedi favorem publicum. Ad 2. Juris Civilis dispositio, cum de Ecclesiis, & Clericis agitur, attendi non debet, ubi contrarium SS. Canones disponunt. Ad 3. quamvis ab initio privilegium fori Clericis hoc pacto concessum sit, ne ad sæcularia Judicia trahantur, sive venire compellantur, postea tamen constitutum est, ut ne volentes quidem coram Judice Sæculari se purgare, li-



rigare, vel respondere possunt, ut patet ex cap. si diligenti cit. Ad 4. can. pulsatus cit. intelligi debet non de Iudice Sæculari, sed Ecclesiastico alieno; nam coram hoc, accedente consensu Episcopi, respondere Clericus potest. Gloss. ibib. V. si voluerit, & V. teneat. Ad 5. Sixtus III. se purgavit in eo Concilio, non ex obligatione, sed ultro, ac sponte, per hoc non dat Successoribus suis formam, & exemplum se ita purgandi, ut expressè in can. cit. additur. Ad 6. ibi sermo est de privilegio non communi toti Ordini Clericali, sed speciali, Clericis in certo loco concessio, ne sc. possint conveniri citra mare: cui derogari propria renuntiatione potest, cum non concernat aliquid cedens in detrimentum Status Clericalis.

104 Quæritur 7. quæ sint pænæ Clericorum renuntiantium Privilegio fori Ecclesiastici? Resp. hæc pænæ expressæ sunt can. nullus 6. can. inoluta 42. can. placuit 43. caus. 11. q. 1. & capit. si diligenti 12. h. tit. quarum aliæ in Actorem, aliæ in Reum latæ sunt. Si Clericus Actor alium Clericum trahat ad Iudicium Sæculare, perdit causam, si ea Civilis sit, & à communione efficitur extraneus, vel alienus, h. e. excommunicatur, donec satisfecerit Reo; & Ecclesiæ pro injuria, quam utrique irrogavit. Clericus verò Reus, si coram Iudice Sæculari conventus, voluntariè se purget, vel respondeat coram eodem, si causa Civilis sit, perdit, quod evicit, sive obrinuit, vel si retinere hoc velit, amittit locum suum, seu debet deponi. Si verò causa criminalis sit, locum suum amittit, & deponi debet ab officio, & Beneficio, sive deinde sententia pro eo lata sit, sive contra eum.

105 Porro, ut cum aliis notat Pirh. hic numer. 180, circa has pœnas tria sunt advertenda. 1. Pœna hæc amissionis neque ab Actore, neque à Reo incurritur ipso Jure, sed per sententiam Iudicis; quia verbum *Perdant* non est tam præsentis temporis, quàm futuri; per verba autem futuri temporis imponitur pœna non ipso Jure, sed per sententiam. 2. Actor Clericus non incurrit hanc pœnam amissionis per solam citationem Rei Clerici: imò ad eam evitandam sufficit, si in quacunque litis parte ab incepta causa desistat. 3. Prædictam pœnam amissionis causæ etiam non incurrit Laicus trahens Clericum ad Iudicium Sæculare *Auth. statumimus C. de Episc. & Cleric.* ubi etiam habetur; quòd Iudex potestate judicandi privandus sit.

## VII.

### De Fora Privilegiato Laicorum.

## S U M M A R I U M.

- 106 Quenam persona dicantur miserales?
- 107 Quale privilegium habeant ratione fori?
- 108 Quando uti nequeant hoc privilegio?
- 109 Privilegium ratione fori competens militi.
- 110 Non competit preventivo ab alio Iudice, antequam miles fieret.
- 111 Privilegium Studioforum.
- 112 Quinam illo gaudeant?
- 113 Requisita, ut gaudeant?
- 114 An eo gaudeant etiam Cessatores?
- 115 An extra patriam suam studentes, vel docentes?
- 116 Utrum etiam in Criminalibus?
- 117 An studiosus ad locum delicti remitti debeat?
- 118 An ita remitti debeat preventus ab alio Iudice, antequam Scholaris fieret?
- 119 An Magistratui Academico competat Jurisdictio in Clericos Studiosos?
- 120 Quando Privilegium Fori Academici amittatur?
- 121 Forum speciale Principum, & Ordinum Imperii, seu Austregarum.
- 122 Cause, quæ in foro Austregarum decidi possunt.
123. 124. 125. Quomodo singulis Imperii Seatibus forum hoc competat?

**P** Ræter Clericos etiam Laici quidam Forum privilegiatum habent, suntque quatuor præcipuè illorum genera. 1. Personæ miserales. 2. Milites. 3. Studiosi. 4. Principes, & Ordines Sac. Roman. Imperii.

Quæritur 1. de foro miserabilium personarum. Et 1. quidam dubitatur, quinam hic veniant nomine personarum miserabilium? Resp. 1. sunt pupilli l. un. C. quand. Imp. int. pupill. & viduus &c. Proceditque hoc, nisi Tutorem, & Defensorem habeant, ut contra Paul. de Castro in tit. cit. 1. esse P. Friderich de for. compet. edit. 2. numer. 380. communis aliorum habet, & ratio est, quia Imperator l. cit. generaliter loquitur, ac proinde etiam illos privilegium suo donat, qui habent Tutores. Accedit, quòd si privilegium istius Legis restringeretur solum ad pupillos defensore carentes, vix unquam locus eidem foret, cum pupillus sine defensore in Iudicio stare nequeat.

2. Viduæ l. un. citat. Estque hoc verum, etiamsi non sint pauperes, ut contra Roland. à Valle Vol. 2. conf. 20. num. 12. docet Gaill. l. 1. obs. 1. numer. 40. Sperell. for. Eccl. Decis. 156. numer. 33. & ipse Roland. volum. 1. conf. 76. num. 45. quos sequitur P. Friderich l. cit. numer. 381. & P. Schmier de Judic. capit. 3. numer. 269. quod etiam dicendum de pupillis. Ratio est, quia Imperator, dum privilegium istud concedit, inter pauperes, & opulentos non distinguit, nec rationem sumpsit à paupertate, sed ex eo, quòd miseratione digni sint; ista autem digni sunt pupilli, & viduæ etiam opulentæ, illi ob ætatis, hæ ob sexus imbecillitatem, ob quam premi, etiam dum opulentæ sunt, solent, ergo &c.

4. Fæmina maritum quidem habens, sed inutilem, seu à quo defendi nequeat, quia ver. gr. captivus, exul, ad tritremes damnatus est, Gaill. l. citat. numer. 44. Pignatell. tom. 5. consult. 2. numer. 55. P. Friderich numer. 383. P. Schmier numer. 267. arg. cap. inter corporalia 2. §. sed neque de Translat. Episc. l. vir mulieri 64. ff. de donat. int. vir. & mulier. quia æqualem commiserationem meretur vidua, sive maritum omnino non habeat, sive habeat, sed talem, à quo auxilium sperare nequeat.

4. Virgo, si patrem non habeat, à quo defendi possit, ut contra Felin. Covar. Gaill. & alios probabiliter docet Azo in Summ. ad tit. C. quand. Imper. cit. Sperell. decis. 158. num. 3. & plures alii ab hoc cit. fatenturque Covar. præf. qq. c. 7. num. 2. sententiam istam communem esse inter DD. Ratio est, quia ut Javolenus l. malum 242. §. viduam 3. ff. de V. S. ait, *Viduam non solum eam, quæ olim nupta fuisse, sed eam quoque mulierem, quæ virum non habuisset, appellari, ait Labeo; quia Vidua sic dicta, quasi vecors, vesanus, qui sine corde, & sanitate esset; similiter Viduam dictam esse sine ducate.*

5. Senes decrepiti, item qui diuturno morbo exhausti, & enervati, & generaliter omnes, qui naturali commiseratione ob fortunæ injuriam digni sunt l. un. C. quand. Imp. Quinam autem in specie pro talibus habendi sint, Iudicis arbitrio relinquendum est, ut ex receptissima DD. sententia notat Menoch. de arbit. cas. 55. n. 1. & Mascard. concl. 1066. n. 1. & seqq.

Dub. 2. quale Privilegium ratione fori habeant personæ miserales? Resp. triplex maximè privilegium ipsis competit, quorum duo priora ipsis concessa sunt Jure Civili l. un. C. quand. Imper. tertium Ecclesiastico per capit. novit. 13. de Judic. & capit. licet ex suscepto 10. capit. ex parte 15. h. tit. Sunt autem sequentia. 1. extra Provincias, in quibus sunt, ad Comitatum, h. e. ad Curiam, Consistorium, vel ad Examen Imperatoris vocari nequeunt, nec ibi conveniri invite.

2. Si alios convenient, immediatè Cæsarem adire, & adversarios suos coram eo in prima statim instantia convenire possunt. Proceditque hoc, sive oppressionem sui in alio Tribunali metuant, sive non, ut patet ex particula præsertim, qua Imperator in l. un. citat. utitur; nam particulis maxime, & præcipuè æquivalet, conf. implicativa est; & casus alios contrarios non excludit, sed involvit; ut aliis cit. notat P. Friderich de for. compet. edit. 2. numer. 378. & P. Schmier de Judic. capit. 3. numer. 271.

3. Si personæ istæ vi oppressæ, & spoliata possessione sua sunt, spoliatorem Laicum coram Iudice Ecclesiastico, omittis etiam Iudicibus aliis Ordinariis, sub quorum Jurisdictione sunt, convenire immediatè possunt: idque verum est non tantum, quando Iudex Sæcularis in Justitia iisdem administranda est negligens; nam hoc casu provocare ad Iudicem Ecclesiasticum possunt etiam personæ non miserales. capit. licet ex suscepto cit. sed



*cit.* sed etiam quando Judex Laicus administrare ipsis Justitiam vellet, ut pater ex *c. ex parte cit.* & communi omnium sensu receptum fatetur Covar. *pract.* qq. c. 6. n. 1. v. imò & in hoc, licet ipse contrarium ibidem teneat. Ratio est, quia causæ viduarum, & aliarum miserabilium personarum, quæ per injuriam, vel vim oppressæ sunt, earumque defensio ad Ecclesiam spectat saltem cumulatim. Unde corrui Argumentum Covartuvix, quod sumit ex *c. novis cit.* ubi Pontifex profiretur se nolle turbare Jurisdictionem Laicorum; non enim turbat illam, dum patrocinium hujusmodi personarum suscipit, quod à Deo sibi, & Ecclesiæ commendatum habet.

Dub. 3. quibus casibus personæ miserabiles privilegio hoc Juris uti nequeant? Resp. 1. Hoc privilegio uti non possunt Viduæ viventes impudicæ. Covar. *pract.* qq. c. 7. n. 1. Sperell. *decis.* 158. num. 26. P. Friderich *de for. compet. edit.* 2. n. 384. & ratio est, quia non censendum Imperatorem voluisse hujusmodi Viduis favere contra monitum Apostoli 1. *Timoth.* 5. v. 3. *Viduas honora, quæ verè viduæ sunt*, ubi v. 6. explicans, quæ verè vidua sit, addit, *Quæ in delictis est, vivens mortua est.*

2. Meretrices Stephan. Gratian. *Discept. for.* c. 962. n. 20. Sperell. *loc. cit.* num. 25. P. Friderich num. 384. *cit.* & alii apud istos; etsi enim miserabilissimæ sint, uti omnes facinorosi, non tamen sunt miserabiles personæ fortunæ injuria, ut requirit Imperator *l. un. C. quand. Imper.*

3. Qui sua culpa, v. g. luxu, gula, ludo, aut ob crimen in paupertatem, malumve aliud se præcipitarunt, ut contra Covar. *pract.* qq. c. 6. nu. 2. v. *sed si quis* docet Andr. de Isern. in *Const. Neapol.* l. 1. tit. 37. num. 9. Matth. de Afflict. in *l. un. cit.* n. 28. Rebuff. *ad Leges Regias tom.* 1. tit. *de sent. provis. glossa ult.* quos citat, & sequitur P. Friderich *loc. cit.* nu. 386. ex ratione paulò antè allata de meretricibus; quod confirmatur à patrum Clericorum privilegio, quod datum ipsis est *cap. Odoardus 3. de solut.* quo privantur, qui ludo, vel aliàs luxuriosè vivendo bona sua prodegerunt.

4. Qui privilegio huic renuntiaverunt; quod tamen Glossa in *l. un. cit. v. excedere*, Gaill. *l. 1. obs.* 1. n. 40. Sperell. *decis.* 166. nu. 48. & apud hunc communis sententia negat ex ratione, quia videtur concessum non ratione singularum personarum miserabilium, sed statui apertum, & miserationis intuitu; quæ tamen ratio non multum probat; quia personæ miserabiles non magis videntur statum constituere, quam studiosi, qui tamen, ut infra dicetur, renunciare privilegio fori specialis possunt.

5. Denique miserabiles personæ non possunt uti suo privilegio contra aliam personam miserabilem, eam trahendo in prima instantia ad Curiam Imperatoris. Stephan. Gratian. *Discept. for.* c. 122. n. 21. Covar. *pract.* qq. c. 7. n. 5. Vincent. de Franchis *decis.* 188. ubi dicit, sententiam istam esse verissimam ex Regula communi, quia privilegiatus adversus habentem par privilegium privilegio suo uti non potest, quando utrumque est speciale, & ex eadem causa concurret: imò si hoc casu usus esset privilegii, etiam reus conventus uti eodem posset, & opponere exceptionem privilegii, quod etiam ipse habet, ne ad Curiam Imperatoris, vel Regis in prima instantia invitatus trahatur.

Quæritur 2. quod privilegium ratione fori militibus competat? Resp. his per *l. magisteria 6. C. de Jurisd. omn. Judic. l. si quis 29. C. de pact. l. si quis 7. ff. de Judic.* hoc conceditur privilegium, ut si in numerum militum, præstito Juramento, rite inscripti sint, coram alio Judice, quàm militari, civiliter, aut criminaliter conveniri nequeant. Ita omnes.

Dixi 1. *Si in numerum militum, præstito Juramento. rite inscripti sint*: nam, ut Ulpianus *l. ex eo 42. ff. de testam. milit.* rectè observat, qui nondum in numeris sunt, licet etiam lecti tirones sint, & publicis expensis uter faciant, nondum milites sunt; debent enim in numeros referri.

Dixi 2. *Nequeunt coram alio Judice, quàm militari conveniri*: est autem Judex militaris Magister militum, seu, ut *l. magisteria cit.* loquitur Imperator, *Magister et potestas*. Hanc potestatem hodie exercet Dux Militum, vel Colonellus, ut loquitur, vel per se, vel per Auditorem suum, & quidem in causis gravioribus, & capitalibus, convocato Senatu militari.

Schmalzgrueber Tom. II.

Dixi 3. *civiliter*: quam potestatem in causis civilibus cognoscendi Magistro militum concessit *l. magisteria cit.* cum antea, ut Voltejus in *l. cit. n. 8. & seqq.* ostendit, eam potestatem Judex militaris non habuerit. Sed & hodie tres casus excipiuntur, quibus fori militaris privilegio non gaudent milites, 1. Si conveniantur ex causa functionum publicarum, seu tributorum *l. un. C. in quib. caus. milit. & l. fin. C. ubi quis de Curial. vel cohortal. & c.* 2. Si per Provincias sociantur, i. e. mercaturæ causa societatem Imperatoris consensu contraxerint *l. fin. cit.* 3. Si prædia conduxerint vel à fisco, vel aliis. DD. in *loc. cit.*

Dixi 4. *aut criminaliter*: ubi distinguendum, de quali crimine conveniatur miles; nam si crimen sit militare, contra solas Leges militares admissum, solus Magister militum est Judex competens, ut fatentur omnes. At si crimen sit commune, h. e. contra prohibitionem Juris communis commissum, Glossa in *l. Magisteria cit. v. etiam civilium*, & hanc secuti DD. communiter distinguunt, & si enorme sit, potestatem de eo cognoscendi, & puniendi illud Reктору Provinciæ tribuunt, Magistro militum autem, si enorme non sit. Verum hoc discrimen sublatum est hodierna consuetudine, juxtaquam teste Boerio *de Custod. Clav. n. 29.* de omni militum suorum crimine cognoscunt illorum Magistri.

Dubit. Quid sit tenendum de eo, qui postquam præventus jam fuit ab aliquo Judice, miles efficitur, & forum mutat? *Rationem dubitandi* facit *l. qui cum uno 4. § reus 5. ff. de re milit. ubi reus capitalis criminis, si miles voluntarius factus est, capite puniendus dicitur, nec remittendus est, ubi postulat est.*

Sed dicendum, hoc casu privilegium militare non prodesse reo; militi facto, postquam jam præventus est ab alio Judice. Ita Oldrad. Alberic. Fulgos. quos citat, & sequitur Barbosa in *l. si quis posteaquam 7. ff. de judic. n. 66.* & P. Friderich *de for. compet. edit.* 2. n. 398. & apertè constat ex *l. si quis posteaquam cit.* ubi statuitur, quod *si quis posteaquam in jus vocatus est, miles, vel aliter fori esse ceperit*, ibi nihilominus respondere teneatur, ubi in Jus vocatus est, nec præscriptionem fori opponere possit. *Conf: ex l. ubi acceptum 30. ff. eod.* ubi pro Regula ponitur, quod, *ubi acceptum semel est judicium, ibi & finem accipere debeat.*

Neque obstat *l. quicum uno* allegata in contrarium; loquitur enim de milite voluntario, de quo hac Legge specialiter constitutum est, ut à suo Duce puniretur, etsi alibi ob crimen grave accusatus, & citatus fuisset ante susceptam militiam; cujus constitutionis ratio fuit, quia ita suscipiendo militiam, graviter deliquit in *l. un. C. de reis postulat.* qua postulatius criminis, antequam ostendat suam innocentiam, vetatur ad honorem militiæ aspirare; quod crimen cum commiserit in ipsa susceptione militiæ, meritò à Duce suo pro hoc ponitur, ita ut antequam condignam pro hoc pœnam receperit, ad Judicem alterum, qui ipsum citando prævenit, non sit remittendus.

Quæritur 3. quomodo ratione fori privilegiati sint studiosi? Resp. his Fridericus I. Barbarossa constitutione in comitiis apud Roncalias, seu in Campis ad Padum haud procul Placentia in Italia 1158. mense Novembris lata indulgit, ut si litem eis quispiam super aliquo negotio movere voluerit, eos coram Domino, vel Magistro suo (i. e. Rectore universitatis, ut communiter DD. explicant) vel coram ipsius Civitatis Episcopo de eo conveniat, ita ut optio iisdem competat, an coram hoc, vel illo conveniri malint: quam tamen optionem consuetudine Academicarum sublatam ait Besold. *de jur. Academ.* c. 6. n. 2. Quidquid sit, hoc certum, scholarem, si semel unum ex his duobus elegerit, non posse amplius variare; tum quia per electionem semel factam jus acquiritur adversario, quod ei auferri nequit arg. *l. hujusmodi 84. § Stichum 9. ff. de Legat. 1.* tum quod optione data regulariter non licet nisi semel optare, ut malitiis hominum occurratur, quibus indulgetur, si identidem variari posset. Insertum constitutionis istius fragmentum est *tit. C. ne filius pro patre & c.* & habetur *Auth. habita ibidem*. Rationem Imperator, qua motus fuit ad privilegium hoc concedendum, his verbis expressit; *Quis eorum non misereatur, qui amore scientiæ exules facti de divitiis pauperes semetipsos exinaniant, vitam suam multis periculis exponunt, & à vilissimis saepe hominibus*



quod ) graviter ferendum est ) corporales injurias sine causa perferunt :

112 Dub. 1. quoniam privilegio fori specialis per-Auth. cit. indulti gaudeant? Resp. 1. studiosi, qui universitate publica sunt immatriculati, ac litteris ibidem dant operam, ut patet ex textu cit. 2. Professores illorum, idque multo magis; quia, ut Auth. cit. dicitur, *eorum scientia totus illuminatur mundus, & ad obediendum Deo, & hominibus ejus ministris vita subditorum informatur*, 3. Utrorumque uxores; quia generale est, quod uxor sequatur forum mariti, non solum domicilii, sed etiam illud, quod marito competitratione dignitatis, officii, artis, aut privilegii personalis, prout constat ex l. fin. C. de incolis, ubi Imp. Mulieres, inquit, *honore maritorum erigimus, genere nobilitamus, & forum ex eorum persona statuimus*, 4. Relictæ eorum Viduæ; quia commune est Viduis, ut gaudeant foro mariti defuncti l. fin. cit. v. fin. autem l. filii 22. § Vidua 1. ff. ad municipal. l. quoties 3. C. de privil. Scholar. Novell. 22. c. 36. Idque verum est pro toto viduitatis tempore, etiam si vir ejus, si supervixisset, transacto studiorum tempore, fuisset amissurus forum Academicum; quia, ut bene notat P. Friderich de for. compet. edit. 2. numer. 373. tempus mortis inspicitur, 5. Eorum filii, & nepotes, si in ipsorum potestate existant; gaudent enim privilegio patris, ne iste à studiis avocetur, si pro filiis coram alio Tribunali respondere cogeretur. Barbosa in l. quia tale 14. ff. solut. matr. à n. 23. Mendo de Jur. Acad. l. 3. q. 5. nu. 33. qui tamen notat privilegium istud mortuis parentibus cessare, eo quod dicta ratio cesset, 6. Famuli studiosorum, & professorum, si Matriculæ Academicæ sint inscripti, in loco Academicæ iisdem inserviant, & sint ipsorum domestici. Mendo loc. cit. n. 34 & 35. & alii plures apud ipsum ex ratione, quia privilegium domino concessum circa forum communicatur famulis, 7. Notarii, Pedelli, Nuntii, Ostiarii Academicæ. Mendo n. 34. cit. & eo teste communior DD. ratio est, quia isti sunt Officiales Academicæ, & in Corpus Academicum cooptati, 8. Addunt aliqui cum Mendo n. 34. cit. Typographos, Bibliopolas, Bibliopagos, Magistros Linguarum, & exercitiorum, ut vocant, seu Artis gladiatoriæ, saltandi, equitandi, quod tamen alii negant: unde, ut rectè monet P. Friderich loc. cit. n. 375. spectanda hic sunt singularum Academia- rum privilegia à Principe Territoriali concessa, Recusus, & conventiones cum civitate initæ, & consuetudines: quæ si desint, probabilius ad istiusmodi personas privilegium fori Academicæ non extenditur, quia pro ipsis non pugnat ratio, quam allegat. Auth.

113 Dub. 2. quid requiratur, ut studiosi privilegio fori Academicæ gaudeant? Resp. 1. requiritur, ut sit reus; nam quando Scholaris Actor est, forum Rei sequitur, nisi super hoc aliqua Academia speciali privilegio munita sit, vel studiosus Actor quidem sit, sed ita, ut Rei tamen partes sustineat, prout sit, quando ab alieno Judice contra eum proceditur, aut injuria aliqua est affectus: his enim casibus ad Magistratum Academicum, ut Judicem Ordinarium, potest trahere undecunque Reum, ut notat Escobar tr. de Pontif. & Reg. juris. in Stud. Gener. c. 41. à n. 4. quem citat, & sequitur Mendo de juris. Acad. l. 3. q. 2. n. 10.

2. Ut sit in Album, seu Matriculam Universitatis relatus, ut arg. l. ex eo 42. ff. de testam. milit. & l. suggestionem 1. C. de Advocat. divers. judicium tradit Franc. proem. lib. 6. Decret. nu. 12. Domic. ibid. n. 23. Donell. in Auth. cit. n. 6. Zoef. ibid. pag. 207. q. 1. Brunnem. n. 2. contra Horatium Lucium de privil. Scholar. c. fin. num. 20. Excipitur, nisi Inscriptio hæc per errorem, vel oblivionem (quod facillè fieri potest) omissa sit; nam tali casu, si ira degens in Academia nihilominus ab eadem pro Scholari agnoscat, & ipse quoad cætera pro tali se gerat, non apparet, quomodo tunc iste defectus obesse eidem possit, tam quoad hoc, aliaque privilegia, quam quoad Jus petendi examen, & gradum litterarum, ut notat P. Friderich de for. compet. edit. 2. n. 358.

3. Ut ad litterarum studia incumbat in studio, ut vocant, Generali, & Academia approbat. Bald. proem. ff. § & hæc tria n. 10. princ. Lectur. Petr. Gregor. l. 18. de Repr. c. 1. à n. 3. Barbosa de offic. Episc. alleg. 56. à num. 21 quos citat, & sequitur P. Friderich loc. cit. n. 359. Ex

quo sequitur, cum, qui privato Marte, & instructione litteras discit, privilegio fori Academicæ non gaudere, ut contra Ummium Proceff. judic. D. 4. th. 12. nu. 63. bene ostendit Mendo l. cit. q. 8. n. 62. & meritò, quia sic non obrineretur finis ab Imp. & Principibus in Universitate erectione intentus, qui erat, ut concursu ex variis Provinciis ad hujusmodi Litterarum Emporia facto, per publicas, ac solemnes litterarias exercitationes, examina, graduum collationem animarentur Juvenes ad excolendum doctrinam animum. Debet tamen universitatis nomen hic non strictè sumi, sed latius, prout etiam Gymnasia & Lycea complectitur; nam et si ista veræ universitates, & Academicæ non sint, ii tamen, qui in his litteris dant operam, privilegio fori gaudent, quia Auth. habita cit. ubi generalis est, atque adeo ad omnes scholares pertinet. Pacius in Aut. cit. c. 9. nu. 4. Matth. Stephan. l. 3. de juris. d. p. 2. c. 10. n. 9. P. Friderich n. 359. cit.

114 Dub. 3. an privilegio fori Academicæ gaudeant etiam studiosi cessatores, ut vocamus, seu ii, qui otio tempus terunt, vel à bonarum artium, aut scientiæ comparandæ studio aliena sectantur? Negant non pauci cum Mendo l. 3. jur. Acad. q. 8. n. 63. & seqq. ducti textu Auth. habita cit. ubi expresse sermo est de iis, qui causa studiorum peregrinantur, & quorum scientia illuminatur mundus; quæ verba cum non congruant cessatoribus, sequitur ad illos privilegium specialis fori, & cæteras scholarium prærogativas non pertinere arg. Regulæ c. cum cessante 60. de appellat.

Sed vetior videtur affirmativa sententia, quam etiam tenent Bartol. in l. ex eo 42. ff. de test. milit. n. 8. Franc. in proem. cit. n. 12. Tiraquell. de cessat. caus. p. 1. n. 214. Gilken in Auth. habita cit. n. 13. P. Vviesner hic n. 191. & habet hoc praxis hodierna, provide inducta ad multa incommoda præcavenda, quæ hujusmodi cessatores fori Academicæ privilegio non anrè spoliantur, quam per sententiam ab Academia dimittantur. Ratio est 1. quia nusquam disertè in Jure cautum est, quod privilegium fori Academicæ à cessatoribus, otiosis scholaribus ipso Jure amittatur. Igitur retinebant illud, donec ob ignaviam eo priventur, & exclusi Academia, sortiantur forum Judicis Ordinarii loci, 2. Quia neque clerici, neque milites, neque Advocati extra casus à Jure expressos privilegiis, tori Ordini suo concessis, excidunt, antequam gradu suo dejecti, aut solui Sacramento dimittantur, ut de Clericis constat c. cum non ab homine 10. de jud. de Militibus. fin. ff. de remilit. de Advocatis l. fin. C. de Advocat. divers. judic. Ergo idem dicendum de scholaribus, 3. Quia per se absurdum videtur, quod hujusmodi cessatores peccando possint se subtrahere jurisdictioni sui Rectoris, & quæ onerare illorum personam debebant, cetera ratione prærogativam iisdem afferant, nisi velimus hujusmodi desidium hominum ludibrio, & injuriis auctoritatem Academicæ Magistratus exponere.

Ad rationem adversa sententiæ dico, illa quidem probari, quod ad ita desides, & otiosos non pertineant testimonia scientiæ, & diligentæ, gradus litterarii, & Munera publica; non tamen ostendi, quod ipso Jure & studiorum neglectu privilegio fori Academicæ, & aliis scholarium prærogativis excidant, quamvis privari iisdem possunt.

115 Dub. 4. an tantum illi hoc fori privilegio gaudeant, qui extra patriam docent, aut discunt? Ita quidem Bald. in Auth. habitacit. nu. 3. Salicet. n. 2. ibid. Richard. n. 9. Pacius c. 4. n. 8. ducti verbis Auth. cit. ibi: *Qui studiorum causa peregrinantur, & qui amore scientiæ exulant*, quæ verba loci Originariis, & Civibus non conveniunt, quippe qui peregrinis, & exulibus maximè opponuntur. Accedit, quia hoc privilegium est contra Jus commune, adeoque extensionem ad personas non expressas non admittit.

Sed vetior est negativa sententia, quam defendunt Angel. in Auth. cit. n. 6. Hummius ibid. cap. 1. q. 5. Gilken num. 21. Zoef. pag. 207. Ummius Proceff. judic. D. 4. th. 12. nu. 64. Matth. Stephan. de Academ. cap. 5. num. 34. Carpzov. lib. 2. respons. Jur. Saxon. respons. 32. n. 20. Limnæus de Jur. publ. lib. 8. c. 9. num. 50. P. Vviesner hic num. 192. P. Friderich edit. 2. n. 361. P. Schmier cap. 3. nu. 234. facitque pro ea consuetudo optima Juris interpret, & ratio ipsa; quia ad privilegium fori specialis, & alias præ-



prærogativas scholaribus concedendas moverunt Imperatorem duæ rationes per se sufficientes, una, quod studiorum causa scholares patriam deserant; altera, & principalis, quod eorum scientia illuminetur mundus, & vita subditorum informetur; quando autem aliquid statuitur ex duabus causis, quarum singulæ per se sufficiunt, ejus statuti dispositio locum habet, dummodo earum altera, & principalis subsistat *arg. l. fin. § fin. V. & licet ff. de J. & F. J.*

Ex quo cadit ratio dubitandi allata in contrarium. *Ad Conf.* negatur extendi privilegium ad casum non expressum, cum etiam pro inquilinis non minus, quam peregrinis ratio principalis ab Imperatore assignata militet; conf. ab isto potius facta extensio censeatur debeat, quam ab *Auth. cit.* Interpretibus.

**16** Dub. 4. an Jurisdictio per *Auth. cit.* data se extendat etiam ad causas studiorum criminales? Non ad istas sed ad civiles tantum extendi contendunt cum Bald. Angel. Paul. de Castro Cujac. in *Auth. cit. circa fin.* Sichard. n. 20. Pacius n. 13. Lucas de Penna in l. 2. C. de priv. scholar. Jason in l. 3. ff. de constit. pecun. n. 52. Donell. l. 17. c. 20. Petrus Heigius p. 2. q. 11. n. 7. Vultejus ad l. 10. C. ubi caus. fisc. n. 3. existimans Rectorem Academicæ in Criminalibus Jurisdictionem non habere, præterquam ex speciali privilegio eam acquisiverit: & videtur hoc etiam probari 1. Quia nunquam in generali concessione Jurisdictionis Imperium merum comprehenditur l. quæcunque 1. ff. de offic. ejus, cui mandat. est Jurisd. 2. Quia Academia Bononiensis, ut Horatius Lucius, & Parisiensis, ut Bodinus testantur, forum privilegiatum non habent in Criminalibus, 3. Quia ita habet multarum aliarum Academicarum usus, & sensus.

Verior, Jure communi spectato, videtur esse affirmativa sententia, quam etiam propugnant Glossæ in *Auth. cit. V. si litem.* Battol. n. 4. in fin. Horat. Lucius tr. de priv. vil. 65. & 69. Clar. § fin. q. 35. n. 23. Escobar de Pontif. & Reg. Jurisd. c. 40. n. 2. Scipio Gentilis l. 3. de Jurisd. c. 17. Limnaus tr. 8. Jur. publ. Rom. c. 9. n. 32. Mendo de Jur. Acad. l. 1. q. 20. à n. 454. & l. 3. q. 2. n. 8. P. Vviesner hic n. 194. P. Friderich edit. 2. n. 364. & 365. P. Schmier de Judic. c. 3. n. 242. & alii plures, qui tam frequenti calculo in eam concedunt, ut aliter pronuntiantes Horatius Lucius priv. 69. cit. in fin. non dubitarit Hæreticos appellare, quasi compertæ veritati repugnarent. Colligitur ex *Auth. cit.* ibi, *Nec ob alterius cujuscunque Provincia delictum, siue debitum (quod aliquando ex perversa consuetudine factum audivimus) aliquod damnum eis inferat;* Et: *Si litem eis quispiam super aliquo negotio movere voluerit;* nam litis, & negotii nomine non infrequenter etiam causæ criminales veniunt l. properandum 13. princ. C. de judic. l. fin. C. ut intra cert. temp. crimin. l. qui crimen 36. C. de his, qui accus. l. in criminali 5. C. de Jurisd. omn. Jud. Ratio est 1. Quia per verba *Auth. cit.* Magistratui Academico concessa est Jurisdictio Ordinaria, ut ex textu patet: Quoties autem Princeps Jurisdictionem ordinariam indistinctè concedit, merum Imperium, conf. etiam Jurisdictionem in causas criminales concessisse censeatur; quia talis concessio est privilegium Principis, quod plenissimè interpretandum est, præsertim illud, quo ordini hominum Reip. utilium, ut præsentī casu, prospicere voluit, ne extraneorum Judicium injuria à scientiæ comparandæ studio avertantur, 2. Cui denegatur Jurisdictio in minoribus, & civilibus negotiis, multo magis in gravioribus, præsertim criminalibus causis denegata esse censeatur l. relegatorum 7. § fin. ff. de interd. & relegat. & l. fin. C. de agentib. in reb. atqui secundum omnes cit. *Auth.* Imperator studiosos litterarum subtraxit Jurisdictioni Judicis ordinarii loci in causis civilibus. Igitur multo magis eos subtraxisse censebitur in criminalibus, 3. Hunc esse sensum *Auth. cit.* ostendit tum praxis Universitatum Europæ præcipuarum, quæ Jurisdictionem suam etiam ad causas criminales extendunt; tum Tribunalium extraneorum, à quibus Scholares comprehensi ad Academicum Magistratum remittuntur.

Neque urgent Argumenta opposita. *Ad 1.* ibi sermo solum est de mandata, seu delegata Jurisdictione, non de ordinaria, qualis, ut antè dictum, est Jurisdictio Magistratus Academici. *Ad 2.* nec Pontifex Bononiensis, nec Rex Galliarum Parisiensis Universitatis supremi domini illa Imperatoria constitutione obligantur; *Schmalzgrueber* Tom. II.

& hinc mirum non est, si ea non attenta, suis Academicis eam Jurisdictionem non concessere. *Ad 3.* quod aliæ quædam universitates hac Jurisdictione careant, id fortasse factum est, quia Jurisdictio jure competens in foundationis limine, vel postea autoritate, & ordinibus Principum restricta fuit; potest enim Princeps Juri communi derogare per sua statuta, ut confesso est apud omnes. Cætera, quæ ab aliis obijciuntur, vim non habent; quia plerumque in clericis, & militibus. specialis fori privilegio munitis, solvi debent.

Dub. 6. an si studiosus alibi delinquat, & loco studiorum reperitur, ad locum delicti remittendus sit? Resp. negativè ex unanimi DD. sententia; nam teste P. Friderich de for. comper. edit. 2. n. 367. vix est, qui contrarium asserat.

Major difficultas est, an studiosus ex loco delicti remittendus sit ad forum Academicum? Dissentiunt enim DD. nam 1. Balb. Accurs. Vultejus, & alii apud Ummium process. Judic. d. 4. n. 66. existimant omne privilegium tolli per delictum, adeoque facinorosum scholarem ibi conveniendum esse, ubi deliquit.

2. Konig hic n. 52. vult attendendum ad privilegia cujuslibet Academicæ, & ad eorum, qui illas fundarunt, & privilegiis ditarent, mentem; quia hi Jurisdictionem universitatibus, à Jure communi concessam, aliquando restringunt, vel ampliant.

3. Et communius DD. ut Engl hic n. 29. Friderich n. 367. Schimiet de Jud. c. 3. n. 143. observant, docent, nisi aliud alicubi receptum sit, delinquentem studiosum ad locum Academicæ, si petatur, vel sipe petat, remittendum esse; videtur enim hoc clarè decilum *Auth. habita cit.* ubi Imperator, *Decernimus*, inquit, *ut nullus de cætero tam audax inveniatur, qui aliquam scholaribus injuriam inferre præsumat, nec ob alterius cujuscunque Provincia delictum, siue debitum -- aliquando damnum eis inferat*, ubi notanda maximè sunt verba, *Ob alterius cujuscunque Provincia delictum*, quibus significatur, in quocunque loco deliquerit, non tamen ibi, sed coram Magistratu Academico conveniendum esse. Conf. exemplo militum, qui alibi delinquentes ad suum Judicem remittuntur l. de milit. 9. ff. de custod. & exhib. reor. nisi sint delictores militiæ l. desertorem 3. princ. ff. de re milit.

Neque obstat, quod jus petendi remissionem studiosi alibi delinquentis quibusdam Academicis in specie sit concessum; nam per ejusmodi concessionem non tam privilegium novum indultum, quam id, quod Jure communi concessum est, declaratum censeatur debet.

Dub. 7. an ita remitti ad instantiam rei, vel Senatus Academici debeat etiam is, qui à Judice loci delicti commissi, vel celebrati contractus per citationem præventus, & postea primum factus scholaris est? Affirmant Bologn. in *Auth. habita cit.* n. 220. Rebuff. de priv. Scholar. priv. 153. Horat. Lucius simili tr. priv. 66. quos citat, & sequitur Barb. in l. si quis posteaquam 7. ff. de judic. n. 113. ex ratione, quia privilegium fori specialis *Auth. cit.* Scholaribus ob bonum publicum, ad cujus conservationem, & promotionem bonarum artium studia per se tendunt, indultum est.

Sed respondendum est negativè, ut rectè Oliva for. Eccl. p. 3. q. 33. n. 45. & P. Vviesner hic n. 199. notant, & dicendum tali casu Judicem adversus ita præventum posse Judicium inchoatum prolequi etiam, postquam in scholarium numerum, & matriculam relatus est. Ratio est, quia, ut in frà n. 142. dicam, præventionis effectus non impeditur per superveniens privilegium, etiam motu proprio concessum à Principe, nisi id exprimat. Conf. à pari cum Clerico, qui si ante Clericatum per citationem præventus fuit à Judice sæculari, coram illo respondere usque ad causæ definitionem debet.

Ad Argumentum Adversariotum patet retorsio in Clericis, quibus privilegium fori specialis non minus intuitu boni publici concessum est, ut colligitur ex c. si diligenti 12. hoc tit. & tamen, ut modò dictum est, præventionis effectum non impedit, quod huic in ejus concessione derogatum non sit. Igitur cum æquè parum per *Auth. cit.* derogatum sit præventionis effectui, hic pariter, superveniente privilegio fori Academici, non impeditur.

Dub. 8. An Academico Magistratui competat Jurisdictio in Clericos litterarum studiosos, Affirmant **119**



Gilken in *Auth. habita cit. n. 22. Escobar de Pont. & Reg. Jurisd. c. 33. n. 12. Mendo Jur. Academ. l. 1. q. 21. n. 468.* allegantes pro hoc *cit. Auth.* Sed perperam, nisi ostendant eam constitutionem canonizatam esse; cum enim illa Imperialis duntaxat sit, per illam privilegium fori Ecclesiastici Scholaribus Clericis tolli non potuit.

Quare utendum est distinctione, an Magistratus Academicus omnino constet ex secularibus, an verò, ut Catholicæ Universitates consueverunt, sit Corpus mixtum ex Clericis, & secularibus. Si primum, Magistratui Academico seculari Jurisdictioni nulla in Clericis scholares competit ob privilegium Clericale, quod eisdem ab omni Magistratu purè seculari eximit. Si secundum, Magistratus Academicus aliquando Jurisdictionem in Clericos scholares exercet; sed hoc contra Jus commune; nam Jure communi subjacent Episcopo loci Ordinario, qui eodem Jure fundatam Jurisdictionem in Clericos omnes suæ Diocesis habet, nisi speciali Jure ab hac exempti sint. Hinc ut in eosdem Magistratus Academicus, etiam qui mixtum Corpus ex Clericis & Laicis constituit, Jurisdictionem exercere possit, necesse est, ut eam vel privilegio Apostolico, vel concessione Episcopi in limine foundationis, vel præscriptione Canonica, vel transactione, aut sententia Judicis, quæ in rem judicatam transiit, aut arbitrorum pronuntiatione sit consecutus; nam his solum modis Clerici alterius, quàm sui Ordinarii, Jurisdictioni subduntur.

Difficultas est, an Jurisdictionem hanc in Corpore mixto extra Senatum Academicum in Clericos exercere possit solus Rector, si iste sit secularis? Negat Abb. in c. si diligenti 12. hoc cit. n. 27. & seqq. quem citat, & sequitur Colendis. Antecessor meus P. Melchior Friderich p. m. de for. comp. edit. 2. n. 371. quod agnovisse etiam videtur Serenis. Elector Bavarie in Decreto, quod emanavit 1642. 26. Martii, ubi sanxit, ut casu, quo sub Rectoratu alicujus Professoris conjugati casus contingeret, quem ex defectu, & incapacitate Jurisdictionis hujusmodi Rector non posset decidere, causam alicui Professori Clerico (dummodo iste Rectorabilis sit) committeret decidendam. Et videtur hoc ipsum probare ratio; quia generaliter Laico in Clericum Jurisdictioni nulla competit, nisi data illa eidem sit à Summo Pont. hanc autem datam in casu præsentis esse non constat. Verum de his alibi forsitan.

120 Dub. 9. quandonam amittatur privilegium fori Academici? Resp. r. amittitur discessu ab Academia animo non redeundi; si de hoc animo non sufficienter constet, privilegium fori Academici à scholaribus non amittitur, nisi ab Academia abfuerint quinquennio; quia intra hoc tempus censetur adhuc retineri animus revertendi, præsertim si examen ultimum nondum subierunt, aut Gradum litterarium susceperunt. Bald. Gomez. Bartol. Salicer. Perez, & alii, quos allegat P. Friderich de for. comp. edit. 2. n. 370. 2. Si scholaris committat crimen, in quod per statuta Academica lata est poena privationis fori Academici. P. Friderich loc. cit. n. 377. 3. Si à Vidua, vel pupillo conveniatur, ut volunt Bald. in *Auth. cit. n. 61. & 62. Oldendorp. de Jur. singular. Unimius D. 4. th. 12. n. 66. & communiter DD. 4. Si non habeat requisita num. 113. 5. Si conveniatur de rebus, quas extra locum, in quo est Academia, alia, quàm studiorum contemplatione, e. g. propriarum rerum componendarum causa, tractat. Vultejus ad l. un. C. in quib. reb. militant. Ummius n. 66. citat. in fin. quod tamen alii negant.*

Facilius privilegium fori Academici amittunt ii, qui non sunt scholares; nam Vidua Academici præter causas allegatas illud amittit etiam per secundas nuptas contractas cum alio, qui non est Academicus; Filii illorum, quando exeunt ex patria potestate, Officiales Academiae, quando officium suum dimittunt; quia privilegium hoc non ratione personæ, sed officii duntaxat gaudet.

121 Quæritur 4. quodnam sit forum competens Principum, & Ordinum S. R. Imperii? Resp. distinguendo triplicem illorum Classem, in quas distribui possunt ii, qui Romano Imperio sunt immediatè subjecti. Horum prima est Principum, & Principali dignitate illustrium, Ebut - Fersten, Fersten, und Ferstenmaße. Secunda Prælatorum, Comitum, Baronum, Nobilium: Tertia

Civitatum Imperialium. Respectu istorum omnium forum competens, in quo conveniri possunt, est Camera Imperii, & Judicium Imperiale Aulicum; quia tamen ab his Judiciis appellari non potest, ne immediatè subjecti Imperio, quibus secunda, & quandoque tertia instantia permittitur, antequam ad cameram Imperii, vel Judicium Imperiale Aulicum deveniatur, idcirco Imperatoris, & Procerum Imperii consensu unanimi est constitutum Ord. Cam. p. 2. tit. 2. & 3. ut Cives immediati Imperii primæ instantiæ loco, sive ab immediatis, sive à subditis, & mediatis conveniantur, fortianrur forum coram Judicibus Austregarum, sic dictatum à Germanico Austragen: Vitriarius Inst. Jur. publ. l. 4. rr. 5. n. 1. Pfeffinger ibid. lit. a. quos citat, & sequitur P. Schmier de Judic. c. 3. n. 252.

An Judices hi Austregarii Jurisdictionem ordinariam habeant, vel delegatam, magna apud DD. est altercatio. Ordinariam iisdem tribuunt Bocerus de jurisd. c. 7. num. 26. Ummius th. 8. n. 41. Subhard. rr. de Austr. c. 6. num. 172. Blum. process. Cam. tit. 27. num. 12. Delegatam nominant Vultejus ad l. 1. C. de Jurisd. omn. Judic. n. 86. Mindan l. 1. de process. c. 19. n. 4. Mynsing. cent. 2. obs. 52. Gaill. l. 1. obs. 1. n. 52. obs. 33. n. 3. & alii, quos citat, & sequitur P. Friderich de for. comp. edit. 2. n. 339. Contra Vitriarius loc. cit. n. 14. quem citat, & sequitur P. Schmier num. 259. iisdem ram Ordinariam, quàm delegatam Jurisdictionem negat, sed arbitros duntaxat illos esse pronuntiat, non tamen qualescunque, sed Legales, seu à Lege publica constitutos. Verum his non vacat ulterius immorari. Hinc

Dub. 1. quænam causæ Austregarum Judicio decidi possint? Resp. decidi hoc possunt causæ solum temporales, eaque merè Civiles, & quæ ex speciali ordinatione non speciales Judices habent. Adeoque decidi in hoc nequeunt.

1. Causæ Matrimoniales, ut contra Mindanum, Vultejum, Ziegler, & quosdam alios Hereticos Catholici omnes docent, & probat manifesta ratio, cum spirituales sint. Excipitur, si moveatur quæstio de mero facto; quia hoc nihil spiritualitatis habet.

2. Causæ Feudales; quia de his, si controversia sit super Ducatu, Principatu, Comitatu, cognitionem sibi reservavit Imperator Ord. Camer. p. 2. tit. 7. si de aliis Feudis inferioribus, ex Jure Feudali proprios habent Judices, ut dictum est tit. 1. n. 65. & seqq. Excipitur casus, quo Vassallus dominium non vult agnoscere, & Vassallum ejusdem negat; nam eo casu Austregis locum unà cum Camera Imperiali facit Mindan. loc. citat. cap. 19. memb. 9. vel ut insinuat P. Friderich loc. citat. Austregarum Judices cognoscere etiam soli possunt.

3. Causæ criminales, ut contra Mindan. loc. cit. c. 9. princ. & Ummium D. 4. cit. th. 10. n. 51. docet Vult. in l. 1. C. ubi Senator. n. 48. Subhard. rr. de Austr. c. 5. nu. 18. & seqq. & alii plures, quos citat, & sequitur P. Schmier n. 260. Ratio est, quia causarum istarum cognitionem ne Camera quidem recipit, debentque illæ in unica instantia citra appellationem absolvi per Recess. Imp. Anno 1530. § item 95. ut adeo ratio Austregarum in iis cesser. Neque obstat, quod Ordinatio Camerae p. 2. tit. 2. & tit. 4. princ. V. Spruch, und Forderung generaliter, & indefinitè Austregis Jurisdictionem tribuat; quia voces istæ convenientius ad causas Civiles, quibus aliquid pro altero petitur, coarctantur; alias si in tota latitudine deberent accipi, etiam causæ Feudales contra unanimem DD. sensum iisdem comprehendi deberent.

Dub. 2. an Austregarum forum omnibus Imperii Ordinibus concessum sit? Resp. negativè: nam privilegio hoc non gaudent Civitates Imperii, sed à quocunque conveniantur, in Camera Imperiali, vel judicio Aulico convertendæ sunt, ut contra Fichard. lib. 2. consult. 129. quæst. 3. & Gilbus. Arbor. judic. cap. 2. part. 1. § 8. num. 3. & 6. docent Gaill. lib. 1. observ. 2. num. 20. Mindan. cap. 19. cit. mem. 10. Ummius dist. 5. citat. th. 9. num. 48. Subhard. tract. cit. cap. 3. à num. 3. & alii plures, quos citat, & sequitur P. Friderich de for. compet. edit. 2. nu. 348. & P. Schmier de judic. cap. 3. num. 253. dicens esse unanimem ferè Publicistarum. Sumitur ex Ordin. Camer. part. 3. tit. 27 ubi decernitur, omnes in Camera conveniendos esse,



esse, qui nec alio, nec Austregarum foro potiuntur, atqui Austregarum forum Civitatibus Imperii nusquam communicatum invenitur; igitur cum aliud iudicium non habeant, in prima quoque instantia in iudicio Camerae, vel Imperiali Aulico conveniri debebunt.

Excipitur, nisi Austregarum privilegium vel longissimi temporis praescriptione, vel speciali gratia Imperatoria obtinuerunt, prout obtinuisse dicuntur Argentina, Duncelspila, Eslinga, Fridburgum, Gelnhusum, Hala Suevorum, Memminga, Mulhusium Thuringorum, Norimberga, Ratisbona, Reuthlinga, Schveinfurtum &c. de quibus Matth. Vvehner lib. 6. Symphor. cap. 7. Ummius num. 48. cit. Brum. process. Cam. tit. 26. n. 53.

Dub. 3. quomodo Austregarum iudicium instituentum sit, quando convenitur persona prima Classis ex recensitis num. 129. Respond. hic distinguendum est, an conveniantur à persona ejusdem secum Ordinis, vel diversi.

Si primum contingat, Actor mittit reo libellum Actionis, qua experiri cogitat, ipsumque simul requirit, ut se iudicio Austregario submittat. Reus requisitus intra quatuor hebdomadas, à facta requisitione, seu Liris denuntiatione computandas, nominare tenetur quatuor Principes Regentes, sive qui sunt cum imperio, partim Ecclesiastico, partim saeculares, ex diversa tamen Domo, & Familia: è quibus Actor eligit unum pro iudice, reumque super hoc certiore reddit. Quo facto iudex sic electus intra quatuordecim dies ab utraque litigantium parte pro munere iudicandi suscipiendo imploratur, ut habetur ord. Cam. part. 2. tit. 2.

Si secundum fiat, juxta Ordin. part. 2. cit. tit. 4. varia experiundi remedia Actori competunt, 1. petere potest, ut Princeps, vel Elector conventus coram novem suis Consiliariis, juramento solutis, & non suspectis, è quibus quinque Equestres Ordinis, reliqui juris periti sint, jus sibi dici patiatur, 2. potest Actor, si mavult, ex iisdem novem Consiliariis septem, aut quinque eligere, qui dicto modo causam tractent, 3. potest Princeps conventus nominare tres alios Principes non suspectos, è quibus Actor, quem volet, eligat, ut juxta dictam Ordinationem procedat, 4. si mavult, potest Actor unum Commissarium (qui saltem Praelatus, aut Comes sit) ab ipso Caesare impetrare, ut coram ipso causa ventiletur, & expediat, 5. si ita placuerit, Actor designare potest novem viros bonos, & totidem ex Consiliariis suis Princeps conventus, ita ut Actor ex his Rei Consiliariis tres, & Reus duos ex propositis ab Actore seligat, quorum iudicio stare velint, 6. possunt ad eundem finem eligi duo viri boni ab Actore, & duo Consilarii à Reo cum jure adjungendi sibi quintum, si in unum convenire nequeant, vel si etiam in hoc optando discordes sint, cum obligatione acceptandi designatum à Caesare, 7. poterit Actor ex Principis conventi-consiliariis quinque seligere, qui, sic, ut de novem dictum est, procedendi, & pronuntiandi facultatem habebunt, ita tamen, ut Reus, priusquam illi quinque seligantur, unum, aut duos suorum Consiliariorum; quorum opera pro sui juris defensione utatur, excipiendo sibi reservare valeat, 8. denique potest Reus conventus nominare novem ex suis Consiliariis (quorum quinque Equestres sint Ordinis) qui priori remisso, novo juramento obstringantur de iuste secundum utriusque partis producta iudicando, ita ut utraque pars quatuor, & si testes sunt examinati, post rotuli publicationem duo insuper, nec amplius producta singulis quaternis hebdomadis exhibeat, & concludat, & si quid novi in ultimo scripto à Reo in praedictum Actoris objicitur, non attendatur. Videatur ordinatio Camerae cit.

Hic solum noto, parum interesse, an hoc secundo casu Actor sit Imperio subiectus immediatè, an mediatè, an sit proprius, an alienus subditus; nam juxta Ordin. cit. § fin. eadem via in his tenenda est, nisi Princeps conventus aliud obtinuerit privilegio. Quod si Actor nullo modo subiectus Imperio sit, adversus reum Principem non tenetur experiri iudicio Austregarum, utpote quod solum constitutum est pro subditis Imperii, quorum in Ordin. tantum fit mentio; unde poterit

eum immediatè convenire in Camera Imperiali, ut Mindanus, Stephanus volunt, vel ut rectius sentiunt Vultejus, & Gilhusius, quos citat, & sequitur P. Friderich numer. 344. coram Imperatore, qui de jure communi est iudex Principum Imperii Ordinarius.

Dub. 4. quomodo Austregarum iudicium instituentum sit, quando convenitur persona secundi ordinis ex relatis num. 121. Resp. in his dispiciendum est; an conveniantur à personis primi Ordinis, an à personis tertii.

Si primum fiat, per Ordin. Cam. part. 2. tit. 3. duo proponuntur modi; unus est, ut accusatus tres Electores, aut Principes nominet, è quibus Actor sibi unum assumat in iudicem; alter, ut Elector, vel Princeps Actor ab Imperatore impetret sui status Commissarium, minimè suspectum, nec à rei domicilio ultra 12. miliaria habitantem. Potest autem ex duobus eligere actor modum, quem velit,

Si secundum contingat, iterum duplex modus id faciendi Ordin. Cam. part. 2. cit. tit. 5. est proditus, potestque Actor alterutrum eligere, & vel pro Commissario, ut modò dictum est, Imperatori supplicare, vel ex Electoribus, & Principibus, ultra 12. miliaria à se non remotis, à Reo nominandis, unum accipere.

Si tertium eveniat, & persona secundi Ordinis conveniatur à persona Ordinis tertii, vel omnino extranea, immediatè conveniuntur in Camera Imperiali. Mindan. lib. 1. de process. cap. 18. memb. 3. Matth. Stephan. lib. 1. de Jurisd. part. 1. capit. 3. num. 36. Subhard. cap. 4. citat. à num. 12. & 42. Quod etiam verum est, quando conveniuntur ab aliis Civitatibus, vel Personis, non immediatè subiectis Imperio, ut cum aliis notant Mynsing. cent. 1. observ. 89. Gaill. lib. 1. obs. 1. num. 17. & 46. Zanger. part. 2. de except. capit. 1. num. 356. testaturque Mynsing. loc. citat. ita crebrioribus sententiis iudicatum fuisse in Camera.

Neque refert; quòd personae primi Ordinis, si à persona inferioris Ordinis mediatè Imperio subiecta conveniantur, coram Austregarum Iudicibus conveniri debeant; nam hanc differentiam statuere statibus, & Ordinibus Imperii visum est, fortè propter praeminentiam, & excellentiam Principalis Dignitatis, ut num. 17. cit. notat Gaillius. Verum de his satis; qui plura volet, Legistas, & Publicistas consulat.

## §. VIII.

### De quibusdam aliis Fori Specialis Generibus.

#### S U M M A R I U M.

- 126 Alia quedam genera specialis fori.
- 127 Forum Jactationis, seu Diffamationis.
- 128 Iudex in hoc foro.
- 129 Causa, in quibus competit.
- 130 An locus ei sit etiam, quando Clericus est diffamans, vel diffamatus?
- 131 An in hoc foro indicatur praeventia per citationem diffamantis?
- 132 Quae sit praxis istius remedi.
- 133 Forum l. si contendat 28. ff. de fidejussor.
- 134 Quomodo illud competat?
- 135 An etiam ante lapsum terminum, vel conditionem impletam?
- 136 Forum Praeventionis.
- 137 Requisita, ut indicatur.
- 138 An post citationem Actor variare valeat.
- 139 An citatione unius Correi inducatur Praeventio etiam respectu ceterorum?
- 140 Coram quo Iudice conveniri debeat Laicus, quando est Socius Clerici in crimine?
- 141 Vel quando ipse, & iste sunt duo Correi debendi?
- 142 An mutato foro, forum praeventionis cesset?
- 143 Forum Prorogationis.
- 144 Requisita ad istud forum.
- 145 Casus, in quibus ei est locus.
- 146 Persona, quae prorogare Jurisdictionem Iudicis non possunt.



147 *An istud possint Clerici respectu judicis Laici?*

148 *An respectu judicis Ecclesiastici non sint?*

149 150 *An Clerici, & Religiosi exempti subiacere se jurisdictioni Ordinariorum possint?*

126 **P**RAETER forum privilegiatum, de quo in precedentiibus duobus §§. sunt adhuc aliae fori specialis species, quibus aliquis Judici, qui alias suus non est, subditur. Sunt autem species istae potissimum septem, ratione delegationis, reconventionis, continentiae causarum, iactationis, seu diffamationis, praeventionis, prorogationis, & ex *l. si contendat* 28. ff. de fidejussor. De foro delegationis sufficienter actum lib. 1. tit. 29 ubi de Officio, & potestate Judicis Delegati. De Foro Reconventionis agitur infra Titul. 4. De Foro Continentiae Causarum videri possunt dicta supra Titul. 1. à num. 72. & dicenda infra Tit. 10. de Ordin. cognit. & Tit. 13. de caus. poss. & propr. Hinc quatuor duntaxat posteriores modi examinandi hoc loco restant: Quem in finem.

127 **Q**UÆRITUR 1. de foro Iactationis, seu Diffamationis. Hoc inductum est *l. diffamari* 5. C. de ingenuis manumissis, cujus beneficio is, qui in possessione ingenuitatis constitutus est, si à quopiam inquietetur, aut diffametur, quod ingenuus non sit, apud Judicem conquiri, & petere ab eo potest, ut diffamanti assignet certum terminum, intra quem probeat veritatem suae diffamationis, vel traductionis; & si in probatione defecerit, perpetuum eidem imponatur silentium. Finis specialis istius constitutionis, & beneficii concessi est, ut bonorum virorum fama defendatur, & reprimatur malignorum temeritas, qui improvida iactatione detrahunt proborum statui, horumque existimationem publicam laedunt.

128 **D**ub. 1. quis sit Judex competens in causa Iactationis, seu Diffamationis? Videtur id pertinere ad Judicem diffamantis; quia Actor sequitur forum Rei. Actor autem in casu isto diffamatus est, diffamans reus. Ergo &c. *Conf. l. diffamari cit.* diffamans cogendus est, ut iactationis, seu diffamationis suae veritatem probeat. Cogi autem nemo potest, nisi à suo Judice: Ergo &c.

Sed his non obstantibus, dicendum, tali casu cognitionem causae pertinere ad Judicem proprium personae diffamatae. Mynsing. cent. 6. obs. 90. n. 3. Gaill. l. 1. obs. 9. n. 3. Engl. hic num. 57. & hoc teste alii plerique. Colligitur ex *l. diffamari cit.* Ratio est, quia in ea causa agitur de personae Statu, seu qualitate; hujus autem cognitio proprio illius Judici competit *l. ea quae* 1. & *l. si ex possessione* 4. C. ubi caus. stat. ag. oport. Ergo &c. Proceditque hoc, etsi diffamans sit extra territorium talis Judicis; nam hoc generale est in omni casu, quando Actor, & Reus non subsunt eidem Judici, quod Judicium agitandum sit coram iudice proprio ipsius Rei. Est autem in casu nostro Reus diffamatus, actor diffamans, ut prater Mynsing. Gaill. Engl. cit. notant Bald. in *l. diffamari cit. in fin.* Covar. l. 1. var. cap. 18 num. 4. Besold. de Process. cap. 2. th. 5. Blum. process. camer. tit. 36. num. 12. P. Schmier de Judic. c. 3. n. 285 & ostendit clara ratio; nam ille ex duobus litigantibus Actor dicitur, qui prius movit litem c. forus 10. V. accusator de R. S. hoc autem facit diffamans; quia diffamando diffamatum accusare, sive ad illius Judicem tacite provocare censetur; ut adeo meritò peti ab eo possit, ut causam ipsa diffamatione coeptam, coram proprio diffamati Judice prosequatur.

Ex quo patet ad rationem dubitandi. *A Conf.* hoc ipso, quia diffamans locum Actoris obtinet, Jurisdictionem Judicis, qui diffamato proprius est, in sese prorogat. Neque obstat, quòd aliquando necesse sit citare diffamantem; citatio autem non subditi extra territorium citantis ordinariè vires non habet: nam hoc iterum novum non est, sed solvi debet in omni casu, in quo post actionem coeptam citandus est Actor: sicut ergo hic, ita & in nostro casu, ut efficax sit citatio, proprius diffamantis Judex à Judice diffamati pro executione citationis requirendus erit, ut ei comparationem, ac cetera, quae ad processum *l. diffamari cit.* pertinent, injungat.

129 **D**ub. 2. in quibus casibus locum habeat remedium *l. diffamari citata*? Videtur habere locum in sola status

diffamatione; quia dicta Lex de hac sola loquitur, & exorbitans est à Jure communi, quo non permittitur, ut quispiam trahatur ad Judicem non suum *l. fin. de ff. de Jurisd.* vel compellatur invitatus ad agendum *l. un. C. ut nem. in d. ager.* atqui Leges, quae à Jure communi exorbitant, ad alios casus, & causas extendi non debent *Reg. quae à Jure* 28. in 6.

Sed dicendum, remedio huic locum esse in omni causatum genere. Ita Anton. Gabriel *l. 2. comm. concl. tit. de action. concl. 6. n. 2.* Gomez. var. resol. l. 3. c. 1. n. 18. Gaill. l. 1. obs. 9. n. 2. Perez in C. de ingen. manumiss. num. 10. Petrus Heigius p. 2. q. 8. num. 1. & 2. Besold. de process. c. 2. th. 5. Engl. hic num. 56. Ratio est, quia acquirissimum est, ut honestorum, & proborum virorum non solum status, sed etiam fama, atque existimatio contra malignorum obreptiones conservetur intacta, eorumque Jura, & pacificae rerum possessiones intactae maneant. Adeoque locus huic remedio erit non tantum, cum quis diffamatur de statu, conditione, & natalibus, sed etiam cum ut adulter, fur, aut cujuscunque alterius criminis reus proscinditur.

Ad rationem dubitandi non censetur eo casu diffaman compelli ad agendum, & trahi ad Judicem non suum, sed tantum compellitur, ut causam diffamationis, quam diffamando coram Judice diffamati coepit, prosequatur, quod generale est, & procedit in quocunque Actore, qui semel ad Judicium provocavit.

Dub. 3. an remedio isti locus sit etiam contra Clericum diffamatorem Laici, aut vicissim contra Laicum diffamatorem Clerici? Satis clarum est, locum eidem esse, si Laicus sit diffamator Clerici; quia etsi eo casu ad petitionem Clerici Laicus comparere, & iactationis suae causam probare debeat coram iudice Ecclesiastico, per hoc tamen nullum ejus privilegium laeditur.

Major difficultas est, quando Clericus est diffamator Laici. Videtur enim ex una parte eo casu locum remedio huic negare privilegium Clericale, per quod Clericus exceptione fori declinatoria adversus Laicum, ipsum in Jus vocantem, defenditur *c. nullus* 2. & cap. si diligenti 12. hoc tit. l. fin. ff. de Jurisd. Ex altera autem parte eidem remedio dandus videtur locus; quia Actor debet sequi forum Rei. Atqui, ut num. 128. dictum est, diffamans in hoc judicio est Actor. Ergo &c.

Utrique rationi est dandum aliquid: ob posteriorem dicendum, hoc casu Clericum diffamatorem adstringi, ut coram diffamati iudice proprio, adeoque Laico causam iactationis probeat; ob primam monendus iudex Laici diffamati saecularis, ne contra privilegium Clericale sua autoritate diffamatorem cogat ad comparandum in suo judicio; sed potius adeat iudicem Ecclesiasticum Clerici diffamatoris proprium, ut iste eundem ad comparandum in foro Laici diffamati compellat.

Dub. 4. an si iudex, quem diffamatus pro satisfactione adiit, diffamatorem citaverit, ea citatione inducatur praeventio, ita, ut etiam si diffamatus plures haberet iudices, coram quibus conveniri posset, diffamans tamen non, quem iis ipse praefert, adire possit, sed coram eo, cujus officium diffamatus implotavit, comparere, & intentionem suam probare teneatur? Afirmat Engl. n. 60. hoc tit. quem citat, & sequitur P. Schmier de Judic. c. 3. nu. 294. ex ratione, quia diffamans libertatem agendi perdidit; conf. etiam libertatem eligendi iudicem.

Videtur retinenda negativa sententia, quam cum aliis defendit Covar. l. 1. var. c. 18. nu. 6. & dicendum, hoc casu liberum esse diffamatori, an coram illo, ad quem diffamatus provocavit, an coram alio iudice diffamati proprio probationem iactationis velit suscipere; conf. si velit diffamans, potest perere, ut diffamationis causa ad alium diffamati iudicem à se eligendum remittatur. Ratio est, quia, ut dixi, in hoc judicio diffamator est Actor, vel Accusator, diffamatus autem Reus; est autem in potestate Actoris, non Rei adire iudicem ex pluribus Reo competentibus, quem ipse mavult; ergo &c.

Neq; obstat ratio dubitandi; ex eo enim, quòd diffamans

diffa-



diffamando necessitatem sibi imposuerit, si hoc petat diffamatus, probandi diffamationis causam, non tamen hoc ipso censi debet, quod sibi abstulerit libertatem eligendi inter iudices, si plures sint, qui respectu Rei sint competentes. Ex quo sequitur, quod diffamans multo minus teneatur in foro diffamationis respondere super causa principali, in quam incidit causa diffamationis; nam si hæc, multo magis illa remitti ad iudicem, quem Actor cupierit, debet, ne causarum contententia dividatur.

32 Dub. 5. quæ sit praxis remedii per *l. diffamari cit.* inducitur? Resp. praxis sequens est: Ponamus Cajum iactasse, quod Titius sibi debeat 100. Titius vero nesciat se debitorem, & propterea satisfactionem pro injuria quærat: Hoc casu, si iste uti velit remedio *loc. citat.* 1. adit iudicem proprium, eique conqueritur, & simul probat summarie, quod Cajus iactaverit sibi à Titio deberi 100, quos ipse inficietur, vel nesciat se debere. 2. diffamatio ita probata, petit diffamatus implorando officium iudicis, ut Cajo præfigat certum terminum, intra quem Jus suum deducat, & debitum, si ve prætensionem iactatam probet sub pœna perpetui silentii, si defecerit, imponendi. 3. sequitur ipsa citatio Caij, & præfixio termini, quo probet diffamationis causam, intra quem terminum siperemptorie citatus non compareat, iterum citatur; & tum si in contumacia perseveret, ad petitionem Titii perpetuum ipsi super diffamatione, & debito iactanter asserto silentium imponitur. 4. Si verò in termino citationis compareat Cajus, videndum, an diffamationem à se factam fuisse fateatur, vel neget. Si neget, ejus assertæ probatio incumbit Titio, qui si in probatione defecerit, ab ejus impetitione absolvitur Cajus, & Titius condemnatur in expensas. Si verò fateatur, ipsi tanquam Actori injungitur, ut probet vera esse, quæ ita iactavit de Cajo: quod si probare non possit, perpetuum silentium ipsi indicitur, & simul prohibetur super prætenso debito impostum Titio inferre molestiam. 5. Quod si autem per obliuiscit malitiam Cajus petexerit Titio molestus esse, pro injuriæ gravitate coerceri debet *arg. l. un. ff. si quis ius dicent. non obtemp.* Atque hæc est praxis hodie in judiciis receptissima, & Imperialis Cameræ Ordinatione *Tu. 25* approbata.

33 Quæritur 2. de foro *l. si contendat 28. de fidejussor.* Hoc remedium valde affine est illi, quod competit ex *l. diffamari citat.* Conceptum quidem est specialiter de Fidejussore, cui beneficium *divisionis* competit, ex ejus tamen æquitate generali etiam ad alios casus extenditur, ut rectè Abbas *inc. 4. h. tit. num. 2. Cov. l. 1. var. cap. 18. num. 3. Pillegrin. de Offic. Vicar. part. 2. sect. 3. subsect. 3. intersect. 3. n. 20.* quos citat, & sequitur P. Vviesl. *hic n. 131.* & P. Schmier *de judic. c. 3. nu. 299.* Vi ergo istius remedii is, qui in quacunque causa ab alio sibi litem movendam timet, proprium suum iudicem adire potest, & implorando officium nobile ab eo petere, ut adversarius citetur, ac ipso præsen- te declaretur, se illius debitorem non esse, vel exceptionem sibi adversus eundem competere: ac propterea illi super ea causa perpetuum imponatur silentium.

34 Dixi 1. *Is, qui sibi litem movendam timet*: in quo differt remedium istud à remedio *l. diffamari cit.* quod istud præviat diffamationem, illud solum molestiæ, & vexationis metum, aut periculum præsupponat. Atque in hoc speciale Legis istius consistit beneficium, quod Reo per illam concessum est; nam vi illius cogere actorem potest ad agendum, & litem tempestivè movendam, qui aliàs expectare debuisset, donec Actor inciperet agere.

Dixi 2. *In quacunque causa*, id exigente, prout dixi, æquitate generali. Et hinc si tutor bona sui quondam pupilli restituit, & redditis rationibus residua solvit, beneficio istius remedii petere potest, ut declaretur, quod exceptionem solutionis contra pupillum habeat. Item ille, qui rem, aut jus mediante præscriptione acquisivit, & metuit, ne circa illud à veteri domino actio moveatur, non expectato, ut conveniatur, remedio hoc uti potest, & in judicio proponere exceptionem præscriptionis.

Dixi 3. *Adire proprium suum Iudicem*: in quo alterum remedii istius beneficium, quod cum remedio *l. diffamari cit.* commune habet, consistit, quod is, qui uti

eodem vult, non iudicem ejus, à quo sibi litem movendam timet, adire debeat, sed possit adire proprium; cuius ratio est, quia remedium hoc per modum defensionis proponitur, ibique, qui illo utitur, magis Rei, quam actoris personam sustinet.

Dixi 4. *Ut Adversarius citetur --- & perpetuum ei imponatur silentium*: si scilicet citatus contumaciter non comparuerit; nam si compareat, & probationibus suis exceptionem contra se oppositam non possit infringere, iudex quidem ad instantiam Rei declarabit jus eidem competere, integrum tamen Actori adhuc erit etiam jus suum deducere in iudicium.

Dubium est, an Reus exceptionem, quam habet, 135 vel habere se putat, opponere possit casu, quo actor ideo intermittit agere, quod actio in certum diem, vel conditionem restricta sit, & dies nondum advenerit, aut conditio extiterit? Resp. negativè. Ita Carpzov. *iurisp. for. p. 1. const. 7. defin. 30. Hartman. Pistor. lib. 4. q. 15. n. 4. Lauterbach ad l. si contendat cit. c. 3. th. 19. & seq.* quos citat, & sequitur P. Schmier *de judic. c. 3. n. 304.* & merito; cum enim actor hoc casu jus agendi non habeat, neque Reus jusexcipiendi ante diem, vel conditionem impletam habeat, nisi plus petitionis replicatione repelli velit.

Quæritur 3. De foro *Præventionis*. Hoc citatione in- 136 ducitur, & quidem duplici ex causa, una, quando Reus actu coram pluribus iudicibus conveniri potest, altera, quando actu quidem non uterque iudex respectu Rei est competens, unus tamen, dum adhuc competens fuit, causam agitare cœpit; nam utroque casu ille iudex, qui causam in suo foro agendam assumpsit, prosequi illam potest, & ceteros iudices, quos ita prævenit, à cognitione illius causæ excludere. Ratio est, quia ut *lib. ubi 30. ff. de judic.* dicitur, ubi acceptum est iudicium, ibi etiam finem debet accipere. Sufficit autem una citatio, neque requiritur trina, aut una peremptoria; quia per unam solam citationem jam prævenitur, & perpetuatur jurisdictio. Gloss. in *cap. proposuisti 19. P. citatus h. tit.* cum autem præventa est jurisdictio, negotium non amplius est integrum. Pirh. *hic num. 12.*

Proceditque hoc, etsi citatio solum verbalis fuerit; nam adhuc præferti in cognitione causæ debet, qui prior citavit, etsi postea alius citasset realiter, seu per capturam, ut teste P. Friderich *de for. compet. edit. 2. num. 780* tradit communior, & probabilior sententia, & probat ratio; quia, ut concedit Farin. *prax. crim. l. 1. tit. 1. q. 7 num. 53. vers. sublimita 3.* & alii, qui cum ipso contrarium tenent, tali casu, Reus à iudice, qui eundem cepit, remitti debet ad eum, qui prior ipsum verbaliter tantum citavit, si reus id petat: non autem apparet, quomodo dari possit obligatio remittendi, si citatio realis posterior prævalet priori verbali; neque enim Reus remissionem postulans præjudicare potest juri, si quod capiens acquisivit ex captura.

Dub. 1. quid requiratur, ut inducatur Præventio? Resp. 137 1. Requiritur, ut facta sit saltem citatio Rei; non enim sufficit sola Inquisitio, vel Accusatio. Farin. *quest. 7. cit. num. 57.*

2 Ut citatio ab eo iudice, qui vult jure Præventionis uti, sit prius facta; nam quando uterque simul citat, aut dubium est, quis prior citaverit, distinguendum est, an utraque citatio fuerit verbalis solummodo, aut una realis, altera verbalis. Si hoc secundum, ille prævenit, qui citat realiter; quia citatio realis per se potentior est verbali. Si primum, & apud neutrum se stitit Reus, prævenisse censetur ille, qui majorem habet jurisdictionem, & potestatem *arg. c. si à Sede 31. de præb. in 6.* Dixi, si apud neutrum se stitit; nam si coram alterutro jam comparuit, is, coram quo comparuit, in possessione est. Quod si par sit utriusque jurisdictio, statim juramento Rei, quis illum prævenit, vel debent inter se concordare: quod maximè verum est, si nec reus scit, à quo prius citatus fuerit.

3 Ut si causa sit civilis, citatio facta sit ad instantiam, sive petitionem partis, ut patet ex *c. proposuisti 19. h. tit.* ibi: *ad petitionem cujusdam Adversarii tui*, & notat ibidem Gloss. *P. citatus*, Abb. *n. 3. Bartol. in l. dies 4. §. hoc autem 8. ff. de damn. infect.* Secus est in causis criminalibus; in his enim ipsa iustitia, vel ejus promotor, aut Officiarius iudicis loco partis habetur. Marta *de jurisd. p. 2. c. 3.*



c. 3. n. 6. *Oliva for. Eccl. p. 3. q. 33. nu. 5. vers. quæ sententia*, Vviesl. hic n. 144.

4 Ut citatio facta sit à iudice competente, sive ex ejus commissione c. cit. ibi: *à se legitime citatus*; nam si citer, cui non est iudex, vel non est iudex competens, eidem impunè non pareatur cap. fin. de Constit. in 6. & l. fin. ff. de iurisd. Abb. l. cit. num. 4. Pirh. hic n. 53. Vviesl. l. citat.

5 Ut citatio sit valida c. cit. ibi, *legitime citatus*; quia quod nullum est, nullum producit effectum. Ergo neque citatio præventionem, si invalida sit. Excipitur, nisi ex illa secuta sit comparitio Rei, & in iudicio perseverantia; tunc enim censetur inducta præventio, non tamen vi citationis, quæ nulla manet, sed vi comparitionis, & perseverantiæ citati in iudicio. Bartol. in l. 1. §. 1. ff. de feriis, Marta l. cit. num. 9. Vviesl. nu. 144. citat. fin.

6 Denique, ut citatio sit intimata parti; nam antequam sic intimeretur, non dicitur quis propriè citatus, sed potius mandatum de citando datum: unde neque lis pendere dicitur, antequam pars cum effectu citata fuerit. Barbof. in l. si quis posteaquam ff. de iudic. nu. 32. Marta l. cit. n. 14. Oliva n. 3. Vviesl. hic n. 145. & alii apud istos. Neque obstat, quod sola citationis commissione perpetuetur iurisdicção: nam ad hujus perpetuationem sufficit ejus per delegationem concessæ usus: ut vero inducatur præventio, opus est, ut iudex, qui vult uti iure præventionis, circa personam præventam exercuerit actum, qui afficiat ipsam personam, quod non fit per citationem, nisi postquam illa est intimata reo.

138 Dub. 2 an post citationem reo intimatam actor variare, & illum coram alio iudice competente convenire valeat? Resp. cum distinctione: Vel enim reus citatus comparuit, vel contumaciter se absentavit. Si hoc secundum, coram alio iudice competente conveniri, & ad respondendum coram illo compelli ab actore potest, neque auditur, si petat remitti ad iudicem, cujus citatio nem contempsit. Abb. in cap. 19. h. tit. num. 12. Barbosa in l. si quis posteaquam cit. num. 182. & seqq. Oliva qu. 33. citat. num. 47. & alii apud istos. Excipitur, nisi purgare voluerit contumaciam, & damna, atque expensasolvere, ac præterea cautionem de in iure sibi præstare. Oliva n. 48. & alii ab hoc cit.

Si primum, & reus citatus comparuit, locus est Regulæ l. ubi acceptum 30. ff. de iudic. Unde si ad iudicium vocetur ab alio iudice, opponere huic exceptionem Præventionis potest; & fuisse, non obstante illa exceptione, in causa procedat, appellare. Imò ipse iudex, qui sic prævenit citatione Reum, casu, quo post citationem huic intimatam ab actore aditur alius iudex, potest iurisdictionem suam defendere, & alteri iudici inhibere, ne in causa procedat; hoc enim generale est, & concessum cuivis iudici, ut tueri iurisdictionem suam possit adversus illum iudicem, sive inferior ille sit, sive æqualis, l. un. princ. ff. si quis ius dicent. non obtemp.

Sed quid si utraque pars post citationem factam recedat à iudice implorato velit, num eo casu iudex iste cogere illas possit, ut coram ipso prosequantur litem? Resp. Cum Oliva num. 53. distinguendo: Vel enim agitur civiliter, vel criminaliter. Si civiliter, & ad privatum interesse, partes non videntur cogi posse; quia iudex ordinariè officium suum mercenarium impartiri non debet, nisi parte petente l. dies 4. §. hoc autem 8. ff. de damn. infest. Si vero agatur criminaliter, & iudex procedat ex officio suo nobili, iudex primus à secundo, ad quem provocatum est, etiam invitis patribus petere potest remissionem Rei; & si hanc iste deneger, contra eundem agere Interdicto retinendæ, ut à iurisdictionis perturbatione desistat.

139 Dub. 3. an quando plures sunt correi ejusdem delicti, citatio unius præventionem inducat etiam respectu cæterorum? Resp. cum distinctione: Vel enim iudex, qui citationem unius fecit, etiam respectu cæterorum est competens, ut iudex Sæcularis respectu plurium Laicorum delinquentium, vel solum est competens respectu illius, quem citavit, non vero respectu alterius non citati, ut si iudex sit Laicus, & correat citatus sit Clericus.

Si primum, probabilius est induci præventionem etiam respectu non citatorum, ne continentia causarum dividatur. Decian. tr. crim. l. 4. c. 22. n. 4. Haun. tom. 6. de

J. & J. tr. 1. n. 117. Vviesl. hic n. 151. Si secundum, citatione Laici delinquentis respectu Clerici criminis socii præventio non inducitur ob privilegium Clericale, quo sine discrimine, an solus, vel cum Socio Laico deliquerit, Clericus eximitur à foro sæculari.

Neque obstat, quod criminis causa principalis potius præsumatur Laicus, quam Clericus; accessorium autem sequatur principale juxta Reg. 42. in 6. Nam contra est, quia Regula ista locum non habet in casu, quo persona, quæ accedit, est diversi ordinis, & specialiter privilegiata, prout in casu nostro respectu fori Sæcularis est Clericus. Certè si Regula hæc locum etiam in hujusmodi personis haberet, Clericus delinquens cum Laico ferè semper subiceretur foro Sæculari, hoc ipso, quia, ut dictum est, criminis causa principalis potius præsumitur esse Laicus, quam Clericus. Sed hinc oritur.

Dubium 4. coram quo iudice ergo Laicus Clerici in crimine e.g. homicidio perpetrato socius conveniri debeat, & puniri? Puniendum à iudice Ecclesiastico existimant Felin. in c. 1. de præscript. num. 6. Menoch. l. 1. de arbitr. cap. 371. num. 13. Marta de iurisd. p. 4. cas. 119. n. 1 & 5. Marant. de Ord. iudic. part. 4. dist. 11. num. 22. Spirell. decis. 19. num. 4. & seq. atque alii apud istos. Fundantur 1. Declaratione Cardd. edita Dec. 1591. ubi S. Congregatio commissario Tusculanæ civitatis præscripsit, ut tam Clericos, quam Laicos inquisitos de violentia illata cuidam mulieri remittat ad iudicem Ecclesiasticum. 2. Clericus, & Laicus socii ejusdem criminis habent causas connexas, imò unam, eandemque causam. Atqui causarum connexarum continentia non debet dividi, & quando unum est crimen, reus magis dignus trahit ad se coram minus dignum. Ergo &c. 3. Non potest iudex Laicus de crimine Laici sibi subiecti ritè cognoscere, nisi cognoscat etiam de facto Clerici, qui socius est ejus in crimine. Atqui hoc non est honorificum Ordini Clericali; honorificentius autem, si tali casu etiam Laicus trahatur ad forum Ecclesiasticum; sic enim pudor Clerici coram Laico non revelatur. Ergo &c.

Sed his non obstantibus, dicendum, ejusmodi Laicum, etsi homicidii, vel alterius criminis, quod Ecclesiastici, & mixti fori non sit; socium habeat Clericum, plectendum esse à iudice Sæculari. Ita Covar. præf. 99. cap. 34. num. 1. Gomez tom. 3. var. cap. 10. num. 6. Gutier. libr. 1. præf. q. 6. num. 7. Farin. prax. crim. q. 8. num. 151. Fachin. contr. l. 9. cap. 31. Gaill. l. 1. obs. 37. num. 2. Haun. tom. 5. de l. & l. tr. 1. n. 29. Pirh. hic n. 89. Vviesl. nu. 154. & alii plures ab his cit. estque hoc in praxi receptum. Ratio est, quia delinquentis loci privilegio socius regulariter non gaudet; alias qui cum uxore furripit res mariti, etiam ipse rerum amotarum actione conveniri deberet, cum tamen furti actione teneatur, ut pater ex l. si quis 52. princ. ff. de furt.

Ad Argumenta Adversariorum Responsio non est admodum difficilis. Ad 1. fortè ita rescriptum est à S. Cong. ob speciales facti circumstantias, vel quod delicti sufficiens probatio aliter haberi nequeat. Ad 2. quod causæ connexæ sint cognoscendæ ab eodem iudice, locum non habet, quando Rei, qui in hujusmodi causa conveniuntur, diversi sunt ordinis, & unus illorum speciali munitus privilegio: In nostro casu connexa est causa, imò eadem, sed physicè tantum, & spectata præcisè persona defuncti: nam moraliter pro personarum ad id concurrentium numero multiplex est. Ad 3. eo casu non est periculum, ne fiat aliquid in opprobrium Ordinis Clericalis; cum enim crimen Clerici illo casu ponatur publicè notum, non prohibebitur id iudex Ecclesiasticus vulgare, si id necesse sit, ut de crimine Laici iudex Laicus plenè informetur.

Dub. 5. an coram eodem, & coram quo iudice conveniendi sint Clericus, & Laicus, quando simul sunt Rei debendi? Resp. cum distinctione: nam si causa dividua sit, uterque coram suo, videlicet Clericus coram Ecclesiastico, Laicus coram Sæculari iudice conveniendus est juxta illud Capycii dec. 173. quando causa dividua est, retinemus Laicos, & remittimus Clericos, aliosque privilegiatos. Si vero causa sit individua, uterque conveniri debet coram iudice Ecclesiastico. Marta de iurisd. p. 4. cas. 118. num. 1. Engl. hic num. 47. Vviesl. n. 137. & apud hos Riminald. Senens. Stephan. Aufser. Surd. alii que DD. satis communiter. Proceditque hoc etiam in aliis



aliis causis, quibus convenitur Clericus simul & Laicus, si separationem ad cognitionem judicalem non admittant, ut præter *citt.* notat Stephan. Grat. *Discept. forens. c. 64. n. 19.*

Ratio est, quia continentia causarum non est dividenda *c. suscepti. de caus. poss. & propr. & l. nulli 10. C. de jud.* igitur uterque coram eodem Judice conveniri debet: non potest autem Clericus trahi ad judicem Sæcularem ob privilegium fori, quo gaudet. Ergo potius Laicus trahetur cum Clerico ad forum Ecclesiasticum. *Conf.* convenientius est, ut magis dignus ad se trahat minus dignum *c. quod in dubiis 3. de consecr. Eccl. & l. que Religiosis 43. ff. de R. V.* arqui Clericus Laico dignior est. Igitur casu, quo utriusque causa coram eodem iudice ob inseparabilitatem est agitanda, potius Clericus secum trahet Laicum, quam Laicus Clericum.

*Nec obstat*, quod iudex Ecclesiasticus alias in causa merè temporali non sit Iudex competens Laici; nam competens sit ratione personæ adjunctæ, & propter communionem, ac societatem individuum cum privilegiato, cum utique æquius sit, ut non privilegiatus fruatur jure privilegiati, quam ut suo privilegio iste privetur.

Dub. 6. an si reus, postquam ab uno Judice præventus jam fuit, fori mutet, v.g. hinc transferendo domicilium, aut militiam assumendo, vel aliud forum privilegiatum acquirendo, nihilominus litem proseguere teneatur coram Judice præveniente? Videtur respondendum negativè; quia forum mutare est mutare Judicem, & ejus Jurisdictione eximi, alique subiici. *Conf.* ex *l. qui auzem 12. princip. ff. de caution.* ubi Paulus, *Qui autem, inquit, novoprivilegio utitur, non videtur in eadem causa sisti*: ex quibus Criv. verbis colligitur, privilegium, quod præventioni, imò etiam litis pendentix supervenit, reo prodesse, ut Judicium declinare queat.

Sed adhuc dicendum, hujusmodi mutatione fori, aut assumptione status privilegiati regulariter non subduci reum à Jurisdictione judicis, qui eundem ante factam mutationem prævenit. Ita communis, & colligitur ex *l. cum quadam 19. ff. de jurisdict.* ubi puella nubens, & *l. si quis 7. ff. de judic.* ubi vir militiæ adscriptus, non obstante, quod illa maritale, hic privilegiatum forum sortiri cœperit, coram iudice, à quo præventi per citationem fuerunt, litigare usque ad sententiam definitivam tenentur.

Dixi autem *regulariter*; nam plures exceptiones Regula ista patitur. Et 1. quidem, si Reus Laicus, postquam præventus est à iudice Sæculari, factus sit Clericus, & inceperit uti privilegio clericali; nam hic etiam respondere debeat coram iudice Laico, à quo præventus est, in causa civili, & in causa criminali etiam condemnari possit ad pœnam pecuniariam, vel confiscationem bonorum, si crimen hanc pœnam exigit, non tamen puniri amplius potest pœna corporis afflictiva; quia, ut *n. 88.* dictum est, secundum personam, quam solam hujusmodi pœna contingit, à jurisdictione sæculari omnino exemptus est.

2 Si reus sit studiosus; nam hujus causa, etiamsi ante aditam Academiam citatione præventus in ista fuerit, non obstante tamen præventionem, ad istam est remittenda, ut post Bald. & alios volunt Bolognin. in *Aurh. habita C. nefilius pro patre &c. num. 220.* Horat. Lucius de privil. Scholar. privil. 66. Rebuff. simili tr. privil. 153. Barbosa in *l. si quis posteaquam 7. ff. de judic. numer. 113.* Sed ut *num. 118.* dixi, melius negatur exceptio hæc.

3 Siquis motu proprio Principis impetrarit, & assumpserit novum statum, vi cujus jurisdictione prioris judicis sit exemptus; nam iste, ut Bartol. in *l. idem Ulpianus §. 1. ff. de excus. tutor.* & in *l. 1. ff. de pœnis nam. 3.* pluresque alii volunt, coram priore iudice respondere non amplius tenetur, etiam in causa, in qua est ab eodem præventus. Sed limitanda est hæc exceptio cum Oliva *for. Eccl. part. 3. quæst. 33. num. 34.* & aliis ibi *citt.* ad casum, quo ita expressum est in privilegio; nam si concedens de hoc mentionem non faciat, privilegium, etiam motu proprio concessum, litis pendentix, aut præventioni non nocet, cum Princeps dans privilegium non censetur per illud præjudicare velle tertio in jure suo, nisi id exprimat *arg. l. prætor ait 2. §. si quis à Principe 16. ff. ne quid in loc. publ. &c.*

*Ad rationem dubitandi id verum est de causis imposse-*

rum tractandis, non vero de causis jam cœptis tractari; ad harum enim cognitionem iudex prior jam acquisivit jus proximum, quo hujusmodi mutatione regulariter non spoliatur. *Ad Conf.* ut cum Donello, & aliis textum istum explicat Gonzal. in *cap. 19. b. tit. num. 9.* Lex illa loquitur de casu, quo Princeps specialiter expressit, ut prodesset privilegium etiam quoad causam jam cœptam.

Quæritur 4. De foro *Prorogationis*. Hæc ultimus modus est sortiendi forum. Describi potest, quod sit extensio jurisdictionis ad personas, causam, tempus, vel locum, in quas, quando, & ubi alias non competit, consensu earundem personarum facta, prout colligitur ex *cap. P. & G. 40. de Offic. & potestat. judic. Delegat. l. si sei. & libr. seq. princip. ff. de judic. l. si convenerit 18. si. de jurisdict. & l. non quidem 1. C. de jurisdict. omn. judic.*

Dicitur 1. *Extensio*; nam ut per consensum partium in ipsas, quoad tempus, locum, vel causam alicui jurisdictionis prorogetur, necesse est, ut is antecedenter, & aliunde jam jurisdictionem habeat *c. significasti 18. b. tit. & l. si se cit.* Ratio est, quia alias partes non tam veteris jurisdictionem prorogarent, quam novam conferrent, cum tamen consensus privatorum non possit facere iudicem eum, qui nulli præest iudicio, sive nullam jurisdictionem habet *l. privatorum 3. C. de jurisdict. omn. judic.*

Dixi 2. *Consensu earundem personarum facta*; nam ut prorogetur jurisdictionis iudicis alias non competentis, necesse est, ut partes in ejusmodi iudicem consentiant liberè, & scienter, non per errorem, quo v.g. se jurisdictioni illius subjectos esse existiment; vel gravi metu, aut potentia iudicis coactæ *l. consensisse 2. ff. de judic.* & hinc nullius momenti est processus, & sententia lata à iudice, in quem partes consenserunt errore, vel metu. Oliv. p. 3 *for. Eccl. q. 14. n. 18. & seqq.*

Dixi 3. *Quoad personam, causam, tempus, vel locum*; nam quatuor omnino modis fieri prorogatio potest. 1. *De una persona ad aliam personam*: quod fit, quando subditi alieni muruo consensu se subiiciunt jurisdictioni alicujus non sui iudicis, ut de causa inter ipsos controversa cognoscat *l. si se, l. consensisse, & l. si convenerit citt.* 2. *De re ad rem, seu de causa ad causam*: quod fit, quando iudici habenti limitatam jurisdictionem, ut non possit cognoscere de summa excedente 100. aureos, partes litigantes se mutuo consensu submitunt super summa majore, ut etiam de illa cognoscat *l. de qua re 74. §. Judex 1. ff. de jud. Marant. de Ord. jud. p. 4. dist. 12. n. 3. Pirh. hic n. 102. Vviesl. n. 204. 3. De tempore ad tempus*, ut quando certum tempus, intra quod causa terminanda fuit, iudicis, & partium consensu protrahitur, ut hic de ea etiam post temporis illius lapsum cognoscere, & pronuntiare possit *c. de causis 4. de offic. deleg. & l. consensisse cit. §. si & judex.* 2. Marant. Pirh. Vviesl. *l. citt.* 4. *De loco ad locum*, ut si causa inter partes controversa de uno loco transferatur ad alium: potestque transferri vel ad locum ejusdem Territorii, & jurisdictionis, vel alterius diversi: si transferatur ad locum ejusdem Territorii, sufficit partium consensus; si vero ad locum diversi Territorii requireretur consensus iudicis illius loci. Hiltrop. *process. jud. p. 1. tit. 4. n. 38. & n. 41.* Marant. Pirh. Vviesl. *l. citt.*

Dub. 1. Quænam requirantur ad Prorogationem jurisdictionis? Resp. requiruntur præcipue sequentia. 1. Ut Iudex, in quem partes litigantes consentiunt, jam antecedenter aliquam jurisdictionem habeat, ut dictum est *numer. preced.* nam partes jurisdictionem dare non possunt.

2 Ut jurisdictionis, quæ per Prorogationem extenditur, sit similis, sive ejusdem speciei, & ad causæ cognitionem sufficiens, e.g. si causa sit spiritualis, iudex, cujus jurisdictionis prorogatur, habeat jurisdictionem spirituales; si criminalis, iudex non tantum procedere possit in causis civilibus, sed etiam in criminalibus. Abb. in *c. 12. b. tit. n. 14. Clar. §. fin. q. 42. n. 2.* Marant. *de Ord. jud. p. 4. dist. 12. n. 18.* Oliva p. 3. *for. Eccl. q. 14. n. 70.* Pirh. *hic n. 183.* Vviesl. n. 205. alias non esset prorogatio, sed nova collatio jurisdictionis, quæ, ut paulo antea dictum est, à privatis fieri non potest.

3 Ut partes in hujusmodi iudicem liberè, & scienter, sine errore, & metu consentiant, ut dictum est *numer. preced.* Sufficit autem consensus tacitus, qui explicatur ipso facto,



Et, dum partes coram ejusmodi iudice litem contestantur, vel opponunt exceptionem dilatoriam; nam per talem exceptionem videntur provocare ad iudicem, ut super ea pronuntiet, & sic in ipsum consentire. Bartol. in l. si convenerit cit. n. 2.

4 Ut si causa inter partes controversa transferatur ad locum diversi Territorii, consensum addat Iudex illius loci, ex quo transfertur, ut dictum est num. præc. Dicitur ad locum diversi Territorii: nam si jurisdictio extra Territorium iudicis, qui alias de causa debuisset cognoscere, non extendatur, ejusdem consensu opus non est; quia privilegium hoc subditis à jure indultum est, ideoque à iudice Ordinario auferri, vel impediri non potest.

5 Denique, ut si Prorogatio fiat de persona ad personam, de causa ad causam, iudex, cujus jurisdictio prorogatur, habeat jurisditionem Ordinariam, vel saltem sit delegatus ad Universitatem causarum, qui Ordinarius æquiparatur; nam Delegati ad certam causam jurisdictio, etiam partium consensu prorogari, seu extendi de persona ad personam, vel de causa ad causam non expressam nequit cap. cum P. & G. 40. de Offic. Deleg. Gloss. ibid. V. prorogatio, Abb. n. 5. Pirh. n. 184. Vviesl. n. 205. c. 1. Addidi de persona ad personam, vel de causa ad causam; nam de tempore ad tempus, de loco ad locum, & de minori quantitate ad maiorem partium consensu etiam ad certam causam Delegati jurisdictio prorogari potest, saltem quando restrictio illa jurisditionis in Delegato principaliter facta est in favorem partium litigantium; nam hæc favori principaliter pro se introducto renuntiare possunt.

145 Dub. 2. In quibus casibus locus prorogationi non sit? Non desunt apud Brunnem. in l. si convenerit cit. num. 3. qui volunt usum Prorogationis hodie à Tribunalibus omnino sublatus, eo quod hodiernis moribus iudices Ordinarii huiusmodi causas, via prorogationis delatas ad alienum iudicem, ad sua Tribunalia advocare possint, & soleant. Sed melius cum eodem Brunnemano, & aliis docet Manz. Derisf. Palat. quest. 93. num. 20. Vviesl. n. 206. quod etiamnum eadem sit locus, quia licet, ut dictum est, iudices Ordinarii causas subditorum suorum ad se advocare possint, non tamen necessario debent.

Exciipiuntur tamen aliqui Casus, in quibus Prorogatio jurisditionis locum non habet. Talis est 1. Si causa sit Feudalis controversa inter duos Vassallos; nam in hac, quando Dominus directus iudex competens est, prorogatio jurisditionis in aliam, illo non consentiente, non valet. Oliva for. Eccl. p. 2. q. 14. n. 115. & hoc teste receptissima sententia, nemine, quem invenerit, contradicente: idque merito tum ob reverentiam Domino debitam à Vassallis, tum ob præjudicium, si causa ipsi specialiter competens ab alio iudice tractaretur.

2 Si causa sit reservata ipsi Principi in signum supremæ jurisditionis, & potestatis Regalis; nam huiusmodi causa in alium, etiam aequali potestate, & prærogativa prædictum: per viam prorogationis transferri nequit ob reverentiam Principi debitam, quæ huiusmodi Prorogatione lædi videtur, ut communissima DD. habet per textum c. per venerabilem 13. 2. s. in super qui fil. legit. junct. §. fin. in Auth. quib. mod. natural. efficiunt. sui collat. 7.

3 Si Princeps causam ad se advocaverit, nisi hic consenserit; nam advocando illam reservavit sibi. Marant. de Ordin. judic. part. 4. dist. 12. num. 26. Oliva q. 14. cit. num. 101. Vviesl. hic numer. 208. & novissimè P. Frider. de for. compet. edit. 2. num. 458. ubi plura de avocatione per duos seqq. n.

4 In causis Appellationis; cum enim istius natura sit, ut gradatim, & ab inferiore ad istius superiorem fiat, necessario requiritur, iudicem in hac alium adire non posse, nisi qui sit Superior ejus, à quo appellatur. Felin. in cap. P. & G. 40. de offic. deleg. num. 7. Marant. de Ordin. judic. l. cit. num. 22. Oliva num. 99. Pirh. num. 188. Vviesl. num. 209. & novissimè P. Frider. de for. compet. edit. cit. num. 455.

5 In causis Criminalibus; in his enim prorogari jurisdictio quidem potest in præjudicium Actoris, & Rei, non tamen in præjudicium Reip. & ipsius iudicis: unde iste, si alias criminis punitio ipsi competat, denuo cognoscere, & sententiam ferre potest de huiusmodi crimine, si hoc ad Tribunal ipsius per accusationis, vel de-

nuntiationis viam delatum sit, ne via aperiatur fraudibus, & Reus Jurisdictionem amici sibi iudicis prorogando cum Reip. præjudicio poenam sibi debitam evadat. Bald. in l. siquis ex consensu num. 6. C. de Episc. audient. Marant. p. 4 cit. dist. 6. n. 60. Oliva l. cit. n. 62. Pirh. hic num. 188. cit. Vviesl. num. 210.

6 In causis Spiritualibus; nam in his neque Laici se possunt subicere Jurisdictioni iudicis Ecclesiastici alieni, sine consensu proprii: proceditque hoc non tantum in causis Sacramentalibus, i. e. quoad Sacramenta, ut omnes concedunt; sed etiam in non Sacramentalibus, quales sunt causæ decimarum, juris Patronatus &c. ut contra Abb. in c. significasti 18. h. tit. n. 15. & alios rectè Host. in Summ. h. tit. num. 14. vers. & nunquid Laicos, Ant. de Butt. in cap. 18. citat. num. 10. Oliva n. 83. Pirh. l. citat. Vviesl. n. 211. testaturque Oliva l. cit. ita observari in praxi. Colligitur ex cap. nullus 3. de Paroch. & alien. Paroch. ibi: Nullus Episcopus alterius Parochianum judicare presumat; nam qui eum ordinare non potuit, nec judicare potest: ubi paritas instituitur inter collationem Ordinum, & inter causarum cognitionem. Atqui certum est ex dictis Libr. 1. tit. 11. num. 36. & seqq. non posse Episcopum alienos subditos ordinare absque consensu proprii ipsorum Episcopi. Etgo eosdem nec poterit judicare.

Dub. 3. Quam prorogare jurisditionem iudicis non sui possint? Resp. possunt omnes, qui habent personam standi in iudicio, & specialiter à jure non prohibentur. In specie 1. Prorogare jurisditionem nequeunt furiosi, & servi: illi, quia iudicio carent; isti, quia civiliter nulli sunt l. in negotiis 5. ff. de R. J. l. servus 6. & l. seq. C. de iudic.

2 Pupilli sine Tutore, Minores, & Prodigii absque curatore l. in negotiis cit. l. clarum 4. C. de auctorit. præstand. l. si cum esse: 1. & l. seq. C. qui legit. person. stand. &c. quod procedere Vultejus in l. 1. C. de Jurisd. omn. judic. & Bocet. de jurisdict. cap. 7. num. 5. volunt etiam casu, quo apparet, huiusmodi prorogatione, absque auctoritate curatoris, vel Tutoris facta, conditionem pupilli, vel minoris esse redditam meliorem, quamvis contrarium teneat Bald. in l. 1. cit. & Felin. in c. 40. de Offic. Deleg. num. 10.

3 Procuratores: in quibus tamen opus est distinctione. Nam si generale duntaxat mandatum habent, prorogationem non possunt facere; possunt autem, si habent mandatum ad hoc speciale, vel generale quidem, sed cum libera potestate, & administratione, vel si dum ejusmodi prorogationem faciunt, id Principalis sciens non contradicat, cum posset; nam scientia, & patientia hoc casu æquiparatur speciali mandato: quæ omnia colliguntur passim ex juris utriusque textibus, præsertim ex cap. qui ad agendum 4. & cap. seq. de Procur. in 6. l. creditor 60. §. fin. ff. mandat. l. illud 25. §. fatalis 1. ff. eod.

4 Studiosi; nam hi si non de jure, quod multi contendunt, saltem de consuetudine forum Academicum declinare, & jurisditioni alterius iudicis submittere sese nequeunt, ut observant Coler. decif. 296. Matth. Steph. l. 1. de jurisd. cap. 22. num. 36. Hilliger. ad Donell. l. 17 cap. 20. lit. K. Vultejus ad l. 1. C. de jurisd. omn. judic. n. 128. & n. 168. quos citat, & sequitur P. Friderich de for. comp. n. 417.

5 Clerici, & Religiosi: sed de his cum specialis sit difficultas, hinculterius.

Dub. 4. an Clerici in se prorogare valeant jurisditionem iudicis secularis in causis merè profanis, & temporalibus? Posse id saltem cum consensu Episcopi videtur colligi ex can. Clericum 3. & can. Clericum nullus 17. caus. 11. q. 1. ubi Clerici ad talem iudicem trahi, & apud eum pulsati prohibentur, Episcopo non permittente. Igitur à sensu contrario ipso permittente id fieri potest. Conf. quia Laico committi, & delegari ab Episcopo possunt causæ merè civiles, & pecuniariæ, quæ inter, vel contra clericos, & Ecclesias moventur, ut dictum est n. 83 ergo etiam de ejus consensu huius jurisdictio ab illis in se prorogari.

Sed dicendum, Clericos ne quidem in causis profanis, & temporalibus, etiam permittente Episcopo, prorogare in se posse jurisditionem iudicis, seque ei submittere. Gloss. fin. in cap. significasti 18. h. tit. Abb. ibidem nu. 25. Marta de jurisd. p. 2. c. 6. num. 40. & seqq. Barbosa



in l. 1. art. 3. num. 173. ff. de judic. Oliva for. Eccl. part. 3. q. 14. n. 84. Pirh. hic n. 194. Vviesl. n. 213. Rationem dat Gloss. cit. quia sicut Clericus non potest renuntiare privilegio fori, concessio in favorem totius Ordinis Clericalis, ita nec Episcopus potest consentire, ut Clericus eidem renuntiet.

Ad Argumentum contrarium dico, cit. textibus, ut Glossa cit. explicat, subintelligendum maxime apud Judicem Sacularem: & esto, textus istos sic explicandos non esse, apertus habetur textus c. si diligenti 12. hoc tit. ubi declaratur, nec cum Episcopi consensu Jurisdictionem Judicis secularis in Clericum prorogari posse; unde necesse est, argumentum à sensu contrario sumptum corruere, quippe quod ex Regula generali vim nullam habet, ubi contrarium reperitur expressum in Jure. Ad Conf. nego paritatem: disparitas præter alias est, quia delegatus, cum nihil habeat proprium, nomine, & autoritate Episcopi delegantis iudicat; at Judex partium consensu prorogatus iudicat nomine proprio, quod facere Laicus respectu Clerici nequit, cum ad hoc requiratur, ut habeat Jurisdictionem Ecclesiasticam, qua caret, & cui omnino dissimilis est Jurisdictio, quam ipse habet.

Dub. 5. an Clericus in se prorogare saltem valeat Jurisdictionem alieni Judicis Ecclesiastici? Ratio dubitandi sumitur à paritate Laicorum, qui in Judicem non suum consentire possunt, consensu sui Judicis secularis non requisito. Conf. Clerici id possunt tacite, seu ipso facto, quando in aliena Diocesi delinquant, aut ibi se soluturos promittunt, ut dixi n. 33. & n. 60. tum enim coram Ordinario loci delicti, vel contractus conveniri, puniri possunt. Ergo etiam idem possunt expresse; nam taciti, & expressi est eadem vis.

Sed contra militat aperta juris decisio cap. significasti 18 hoc tit. ubi Clerici expresse prohibentur consentire in Judicem non suum, nisi Episcopi Diocesani voluntas accedat. Proceditque hoc, etsi Judex, cujus jurisdictionem in se prorogaret Clericus, esset ejusdem Metropolitanus, ut colligitur ex c. Romana 1. princ. eod. in 6. ubi habetur, quod Archiepiscopus, vel Officialis ejusdem de causis subditorum suffraganei sui cognoscere nequeat sine licentia ipsius suffraganei. Ratio sic statuendi fuit, ut viter confusio Regiminis Ecclesiastici, quæ tali modo facile induci posset. Sufficit autem consensus iacitus Episcopi, ut si scivit, Clericum subditum suum litigare coram alieno Judice Ecclesiastico, & non contradixit.

Ad rationem dubitandi negatur paritas; nam Laicis à Jure concessa est potestas prorogandi in se Jurisdictionem alieni Judicis, Clericis verò per cap. significasti cit. aperte negata; hinc dicendum, quod isti ratione ordinis, Beneficii, vel Officii sui Ecclesiastici multo magis subiecti sint Prælato suo, quam Laici Magistratui suo seculari. Ad Conf. iterum negatur paritas; nam in casibus ibi allegatis Clerici non tam ex sua voluntate, & consensu, quam ex dispositione Juris subji-ciuntur alterius Diocesis Ordinario.

Dub. 6. an Clerici, & præsertim Religiosi exempti, & Papæ immediate subiecti, per viam Prorogationis se sub-jicere Jurisdictioni ordinariorum possint? Satis convenit inter DD. hoc eos non posse sine consensu Papæ, à quo exempti sunt, in iis, quæ pertinent ad jurisdictionem contentiosam, ut rectè Abb. in c. significasti cit. n. 12. Barbosa in l. 1. art. 4. n. 43. ff. de Judic. Olivap. 3. for. Eccl. q. 14. n. 90. Pirhing hic n. 196. Vviesl. n. 217. An idem dicendum in iis, quæ pertinent etiam ad jurisdictionem voluntariam, cujusmodi est absolutio à peccatis, & censuris, dispensatio in votis, Juramentis, Irregularitatibus, Legibus, Recitatione Breviarii, Jejuniiis &c. dissident inter se DD.

Negant Abb. in c. significasti cit. nu. 11. Rodriq. tom. 1. Regul. q. 36. a. 5. Suarez l. 6. de Vot. c. 11. n. 7. Moventur Quia per privilegium exemptionis jus acquiritur ipsi Sedi Apostolicæ c. cum venissent 2. de integ. restit. ubi exemptionis privilegium non tam ipsorum exemptorum, quam dictæ Sedis jus esse dicitur. Atqui Juri Sedis Apostolicæ renuntiare, eive derogare non possunt Exempti per non minus clarum textum cap. cum tempore 5. de arbit. ibi; Cum etsi spontè volueris, de jure nequiveris sine licentia Romani Pontificis renuntiare privilegiis, & indulgentiis libertatis. Ergo &c. 2. Summus

Pontifex est Diocesanus exemptorum. Atqui, ut n. prædictum est, nullus Clericus, vel persona Ecclesiastica potest sine licentia sui Diocesani, seu proprii judicis in alium judicem etiam Ecclesiasticum consentire. Ergo &c. 3 Episcopus in exemptos nullam habet jurisdictionem, nisi in casibus jure expressis. Atqui nusquam jure expressum est, per viam Prorogationis ipsi jurisdictionem in exemptos acquiri posse. Ergo &c. 4 Archiepiscopus habet majorem jurisdictionem in subditos suffraganei sui, quam Episcopus in Clericos exemptos; quia ille est Ordinarius judex totius Provinciæ, & in certis casibus habet jurisdictionem Ordinariam in subditos suffraganei sui: & tamen in istum, tanquam in suum judicem, sine licentia sui Ordinarii Clericus consentire non potest. Igitur multo minus sine licentia Papæ in Episcopum loci consentire potest Clericus, & Religiosus exemptus.

Sed esto, oballatas rationes sententia hæc de rigore 150 juris sit verior, æquitate tamen spectata, præferenda videtur sententia affirmans, quam etiam tenent Sylv. P. absolutio 5. n. 2. Sanch. l. 4. mor. c. 39. n. 32. Layman in c. significasti cit. n. 3. Pirh. hic n. 197. Vviesl. n. 218. qui proinde docent, Regulares exemptos posse pro absolutionibus, & dispensationibus obtinendis, saltem cum eas concedere nequit Prælatus proprius, de istius licentia se subicere Diocesis Ordinario. Ratio est, quia exemptionis privilegium per se, & directè in favorem Religiosorum Ordinum concessum est. Igitur ne in eorum dispendium illud redundet contra Regulam quod ob gratiam 61. in 6. eo privilegio Regulares exempti non debent fieri deteriores non exemptis. Fierent autem deteriores, si in casu, quo hujusmodi absolutiones, & dispensationes non potest concedere Prælatus proprius, Regularibus exemptis facultas pro hujusmodi absolutione, & dispensatione cum istius licentia ad Diocesis Ordinarium recurrendi adempta foret. Ergo &c.

Excipitur tamen 1. Si Papa, vel ejus Legatus, jurisdictionem in exemptos habens, facile adiri possit; tunc enim, ut bene advertit P. Vviesl. l. cit. & Argumenta in contrarium allata probant, omnino ad Papam, vel ejus Legatum recurri debet. Excipitur 2 Si potestatem absol-vendi, vel dispensandi, qua Superior immediatus caret, haberet Provincialis, vel alius Superior Ordinis mediarus; tunc enim Religiosus hujusmodi absolutione, vel dispensatione indigens ad istum remitti deberet, ut hic vel per seipsum eundem absolvat, aut cum eo dispen-set, vel hanc facultatem committat alteri, ut rectè Sanch. l. cit. n. 38. Pirh. hic n. 199. Ratio est, quia quando remedium haberi potest in ipso Ordine, non censetur velle Religio, ut illud extra ipsam quæratur.

Dixi autem, de licentia Prælati Regularis: Sufficit autem tacita, & aliquando præsumpta, ut si Prælatus sit impeditus, vel obiit, vel longè abest, nec alius adest vices ejusdem gerens. Sanch. l. cit. n. 35. Pirh. num. 198. Quod si prælatus Ordinis consensum adeundi Episcopum neget, videndum, an illum neget rationabiliter, vel non rationabiliter. Si rationabiliter, & justè; adire Religiosus subditus Episcopum pro dispensatione, vel absolutione impetranda tali casu non potest. Si irrationabiliter, & injustè, in casu, in quo ille absolvere, vel dispensare nequit, adire exemptus, etiam consensu prælati sui non impetrato, pro absolutione, vel dispensatione potest Episcopum cum exceptionibus tamen suprapositis. Molin. tr. 3. de just. D. 61. n. 5. Sanch. l. cit. n. 36. Pirh. hic n. 198. cit. Ratio est, quia tunc per Episcopum non est censendus Pontifex velle, ut Religiosus cum detrimento animæ suæ egrediatur Monasterium, & pro absolutione accedat ad Sedem Apostolicam, sed existimandus est consentire, ut absolutionem, vel dispensationem impetretur Episcopo.

Ad Argumenta in contrarium opposita dico, iis solum probari, quod Religiosi, & alii Clerici exempti Episcopo Diocesano subicere sese nequeant, ut ab eo absolvantur, vel dispensationem impetrent, nisi accedat consensus Papæ saltem tacitus, & benignè præsumptus; talem autem in casu responsionis non deesse merito probat allata ratio pro eadem. Accedit, quia Episcopus loci respectu exemptorum non est propriè Episcopus alienus, sed proprius; quia secluso exemptionis privilegio illorum Ordinarius est. Igitur se huic subiciendo Regulares, & Clerici propriè se non subiciunt Episcopo alieno.



## TITULUS III.

## De Oblatione Libelli.

Supposita Jurisdictione, & comperentia judicis, actor eidem Libellum exhibet, cui petitionem suam inferat, ut iudex, & Reus de qualitate causæ informantur: oblato Libello, citatio Rei sequitur. Unde duplici §§. Titulus hic concluditur: primus ager de Libello, & hujus requisitis; secundus de citatione.

## §. I.

## De Libello, &amp; requisitis ad Libellum Legitimum.

## SUMMARIUM.

- 1 Libelli definitio, divisio, & partes.
- 2 Quid observandum in narratione facti?
- 3 Circa medium concludendi?
- 4 Et ipsam conclusionem?
- 5 Proprietates, & vicia Libelli.
- 6 Quid agendum, si libellus sit ineptus?
- 7 Si alternativus?
- 8 Vel obscurus?
- 9 An plures actiones in eodem Libello simul proponi possint?
- 10 Quid agendum judici, & Reo post oblato Libellum?
- 11 In quibus causis offerri Libellus debeat?
- 12 Quando omitti?
- 13 An mutari?
- 14 Cujus sumptibus sit edendus?

1 **Q**Uæritur I. Quid, & quod simplex sit Libellus? Resp. Libellus hic nihil aliud est, quam brevis scriptura, claram actoris petitionem, & causam illius continens. Ita quoad sensum omnes, nominatim Barbosa in cap. 2 h. tit. num. 4. Gonzal. ibidem num. 5. Haun. tom. 5. de l. & l. tr. 3. num. 137. Vallens. hic num. 1. Engl. ibidem num. 1. Konig num. 3. Duplex illius à DD. est approbata divisio. 1. In Simplicem, seu Summarium, & in Articulatum, seu Positionalem. Ille est, qui summariis, & continua quadam orationis serie actoris intentionem per texit. Iste, in quo merita causæ per articulos proponuntur. Ex novissimo Recessu Imperii de anno 1654. §. disem nachst, rejecto articulo, solus summarius est approbatus. 2. In civilem, & criminalem. Civilis, qui etiam Conventionalis dicitur, est, qui pro objecto habet causam civilem; Criminalis, qui etiam Querimonialis appellatur, qui pro objecto habet causam criminalem. Libellus communiter tribus partibus constituitur, Narratione facti, Medio concludendi, & ipsa conclusionem.

2 **D**ub. I. Quomodo construenda sit Narratio facti? Resp. ita construendam, ut I. Exprimatur in eo nomen judicis, coram quo agenda causa est, ut sciatur, an sit competens, vel non. Non ramen necesse est, ut judicis nomen proprium ponatur, sed sufficit, & solet hodie plerumque compelli ab officio, ac jurisdictione; nam ex his subinde notior esse potest, quam ex nomine.

2 Inferendum Libello est nomen proprium actoris, ut iudex sciat, quis agat, & Reus, à quo conveniatur: quod maximè verum est, quando quis agit nomine alieno, e. g. prælatus nomine Ecclesiæ, Syndicus nomine Universitatis: tunc enim etiam nomine Principalis, sub cuius nomine agit, tenetur actor in Libello exprimere; alias eo omisso Reus ignoraret adversarium suum.

3 Designandum est nomen Rei, ut intelligat, se, non alium actione impetiri. Si contra plures instituat actionem ex communi obligatione, videndum, an singuli in specie, vel universè conveniantur. Si primum, exprimi debent nomina omnium, & singulorum arg. l. scio 3. §. certè 2. ff. de appell. & probat ratio allata. Si secundum, sufficit nominare præfectum Universitatis, imò & Syndicum; quia ut hic actiones nomine Universitatis potest instituire, ita etiam potest illas excipere l. neque societas 1. §. qui-

bus 1. ff. quod cuiusq. univers. nom. l. fin. §. defensores 13. ff. de numer. & honor.

4 Subnectenda ipsa Narratio, ubi recensetur factum cum necessariis circumstantiis, & in civili quidem libello exhibendum, quid, quale, & quantum debeat, vel petatur. Ubi tamen distinguendum inter iudicium speciale, & Universale; in Speciali enim res petenda in specie est, simulque exprimendum, an res tota petatur, an ejus pars, & quota: item si de quantitate agatur, numerus, mensura, & pondus: in Universali autem iudicio necesse non est, res singulas in petitione exprimere, sed sufficit, si exprimantur, & liquidentur tempore executionis.

5 In criminali libello præter dicta apponi debet delicti locus, annus, mensis, adeo, ut his omisiss Libellus ipso jure sit nullus, etiam parte non opponente l. libellorum 3. ff. de accusat. & DD. communiter. Dies commissi criminis turius omittitur ob difficultatem probandi. Excipe, nisi accusatus petat sibi diem, & horam nominari; tunc enim verius est, accusatorem ad hoc cogi posse, ne alioquin reo tollatur defensio, quæ facilis ipsi est, si demonstret, se eodie, vel hora, qua crimen commissum dicitur, non fuisse in loco, vel cum aliis conversatum fuisse. Maranta tamen de Ord. judic. p. 6. memb. 3. de libell. oblat. num. 14. & alii negativam sustinent, & hanc Mynsing. cent. 2. obf. 40. testatur in Camera Imperiali quandoque practicatam.

Dixi in criminali libello; nam in civili ordinariè non requiritur designatio temporis, & loci. Excipe Libellum injuriarum: nam in hoc, ut rectè monet Gaill. l. 1. obf. 64. n. 1. communis, & in Camera Imperiali approbata conclusio est, annum, & mensem, imò & locum illatæ injuriæ apponi debere: & hoc verum est, non solum cum criminaliter, sed etiam cum civiliter injuriarum agitur; nam licet regulariter non sit necesse, ut dictum est, in civilibus actionibus locum, & tempus in Libello apponere, in iis ramen actionibus, quæ infamiam juris, & facti irrogant, ut est actio injuriarum, solemnitas l. libellorum cit. est observanda. Ratio est, quia hujusmodi famosæ actiones graves esse dicuntur, & criminalibus comparantur, eo, quod de honore, & existimatione hominis agatur, cujus non minor, quam vitæ habenda est ratio l. iusta 9. ff. de manum. vindict. l. isti quidem 8. §. quod locum 2. ff. quod met. caus. gest. & ibi Gloss. V. infamie, Alex. cons. 133. num. 9. vol. 6. incipit circa executionem, ubi dicit, periculum infamiae æquiparari periculo mortis. Addo tamen cum Gaill. l. cit. nu. 7. si in libello injuriarum tempus omisissum sit, & civiliter instruat actio, parte non opponente, adhuc procedere; quia incertitudo non vitiat Libellum, nisi opponatur, per textum c. cum dilectus 2. de ord. cognit. & l. fin. C. de annal. except.

6 Denique juxta aliquos edi nomen actionis in Libello debet, ex diversis juris utriusque textibus. 1. cap. ex literis 1. de mut. petit. ubi Alexander III. mandat, ut actione proposita, & responsione facta --- negotium terminetur. 2. l. qua quisque 1. princip. ff. de edend. ubi Ulpianus, Qua quisque, inquit, actione agere volet, eam edere debet. 3. l. edita 3. C. eodem ubi Impp. Editæ, ajunt, actio speciem futura litis demonstrat. 4. l. non videtur 33. ff. de judic. ubi Modestianus, Non videtur, ait, in iudicem consensisse, qui edidit sibi genus apud eundem iudicem desiderat actionis. 5. l. fin. C. de interdict. ubi Arcadius, & Honorius Impp. decernunt, ut si quis quodlibet Interdictum efflagitet, --- inter ipsa cognitionum auspicia, actionem exprimere, ac suas allegationes jubeatur proponere. 6. Quia respiciendo ad veterem Romanorum styllum, solebant dari iudices Pedanei cum certa formula actionum.

Sed melius negatur, opus esse in libello nomen actionis exprimi. Ita receptissima apud DD. & in praxi sententia. Clatus est textus juris Canonici cap. dilecti 6. de judic. ubi Alexander III. Provideatis, inquit, attentius, ne ita subtiliter, sicut à multis fieri solet, cujusmodi actio insentietur, inquiratis, sed simpliciter, & pure factum ipsum, & rei veritatem, secundam formam Canonum, & SS. Patrum instituta, investigare curetis. Favent etiam Leges civiles; nam l. tutor 69. ff. de fidejuss. & mandator. ubi Tryphonus apertè, Non titulus actionis, inquit, sed debiti causa respicienda est. 2. l. si filius familias 3. C. ad S. C. Maced. ubi Impp. similiter originem potius obligationis, quam



titulum actionis dicunt considerandum esse. 3. l. certum est 6. ff. de reb. credit. ubi supponitur, ad rei certitudinem nihil interesse, an suo nomine, aut ea demonstratione, qua nominis vice fungitur, designetur.

Neque obstant textus, & ratio in oppositum. Ad 1. aliud est actionem proponere, aliud specificum nomen actionis exprimere: non hoc, sed illud necessarium est; quia illo facto, hoc omisso, scire reus potest, quid ab ipso petatur. Ad 2. edere actionem juxta l. cit. nihil est aliud, quam causam agendi ita clarè ob oculos ponere, ut sciat reus, (verba sunt Ulpiani) utrum cedere, an contendere ultra debeat; & si contendendum putat, veniat instructus ad agendum, cognita actione, qua conveniatur. Hoc autem fieri potest, etiamsi nomen actionis non exprimatur. Ergo &c. Ad 3. speciem litis satis demonstrat libellus, si in eodem describatur factum, ut qualis actio competat, innotescat. Ad 4. sensus l. cit. est, non censeferi Judicis incompetenti Jurisdictionem ex parte rei conventi tacite propagatam, etiamsi petierit ab actore, ut actionem, quam contra se intendit, edat, ac manifestet, nisi litem apud eundem Judicem sit contestatus. Ad 5. patet ex dictis, quid sit exprimere actionem, & in quantum ipsa sit exprimenda. Ad 6. imprimis formulæ istæ hodierno Jure sublatae sunt; deinde non tam actorem, quam Prætozem concernebant.

Dub. 2. quid observandum circa medium concludendi? Medium concludendi est causa petendi, seu jus, ex quo agitur: quod ideo in Libello exprimi debet, ut Reus secum consultare possit, utrum ex causa allegata aliquid Actori debeat, & an cedere, vel litigare expediat. Est autem medium concludendi, se causa petendi in omni actione duplex, proxima sc. & remota. Variatur pro varietate Actionis; nam in actione personali causa petendi proxima est obligatio, remota contractus, vel quasi contractus, delictum, vel quali delictum, ex quo obligatio illa nota est; in actione reali causa petendi proxima est dominium, vel quasi dominium, aut aliud jus in re, remota verò est ille titulus, vel modus, per quem dominium, vel simile Jus in re translatum est. Hoc notato, ad dubium propositum.

Resp. in actione personali sufficit exprimere causam remotam, e. g. peto a Titio centum, quos mihi debet ex contractu mutui; nam hoc ipso exprimitur, & probatur causa proxima, nempe obligatio; in Actione Reali autem regulariter juxta communem sufficit allegare causam proximam, e. g. peto mihi domum restitui, quæ mea est Jure domini; quia hinc Reus sufficienter fit certior, an cedere, vel contendere, in lite sibi intentata velit, cum duo non possint ejusdem rei dominium habere in solidum. Gloss. in c. significantibus 2. v. eod. h. tit. & in l. qua quisque 1. v. ut proinde ff. de eod. Gaill. l. 1. obs. 61. n. 4. & seqq. Laym. in c. significantibus cit. n. 4. Valleng. hic n. 6. Engl. n. 3. Vviesl. n. 13. & alii communiter.

Dixi regulariter; non desunt enim casus, quibus exprimi in libello causa remota, etiam, quando actio realis intentatur, debet; & talis est 1. Si liber homo vindicatur, ut ex l. 1. §. 1. ff. de R. V. desumunt Innoc. in c. conquerente 16. de Offic. Ordin. & Abb. in c. significantibus cit. nu. 13. 2. Quando Actione Hypothecaria in rem agitur; cum enim eadem res v. g. fundus Tusculanus, alicui ex pluribus causis Hypothecæ nomine possit obligata esse, & harum aliquæ jure prælationis gaudeant, Judicis, & Rei interest scire, ex qua causa ita obligetur; ac proinde opus erit exprimere causam remotam. Pirh. hic n. 13. Vviesl. n. 14.

Addidi, sufficit allegare causam proximam; non enim prohibetur Actor causam proximam cum remota Libello inferere: imò aliquando id consultum, & utile est; nam si solam causam proximam, e. g. dominium exprimat, omnes causas remotas comprehendisse, & omne jus suum deduxisse censetur, & sic succumbens ex nulla amplius causa poterit domum, aut fundum petere; quia semper agenti exceptio rei judicatae obstat: hæc autem non obstat, si præter causam proximam etiam allegarit remotam, & domum, vel fundum petierit, dicendo suum esse jure domini, quod acquisierit titulo emptionis; tunc enim si ex defectu probationis allegati tituli causa cadat, eundem fundum, aut domum petere adhuc poteris ex alia causa, & titulo, modò ignoranter, & sine dolo priorem titulum allegarit, per l. si mater 11. §. siquis 2. ff. de except. rei judicæ.

E contrario aliquando utile, & consultum est allegare solum causam petendi proximam; nam si hoc fecerit, etsi fortè ante litem contestatam dominus rei petita non fuerit, sed factus fuerit demum post contestationem litis, vigore causæ proximæ, & generalis, quam libello inseruit, obtinebit, cum tamen si causam remotam & specialem, quam non probaret, allegasset, licet alia superveniret, lite contestata succumberet capit. Abbate 3. vers. ceterum de sent. & re judic. in 6. Zoef. ff. de R. V. n. 31. Konig n. 37.

Unde sequitur, probè dispiciendum Actori, quam causam in libello exprimere expediat; equidem si certus sit de remota, eam consulto junget cum proxima; at si de illa dubitet, consultius tantum proximam allegabit.

Dub. 3. quid sit Conclusio Libelli, & quando hæc adhibenda? Resp. Conclusio est petitio Actoris, qua Judici, & Reo suggerit, quid, quantum, & quale ille Actori adjudicare, hic verò præstare teneatur. Hæc Libelli pars vel maxime consideratur, utpote de qua verificatur illa Juris, & Jurisperitorum maxima, quod sententia debeat esse conformis Libello. Adhiberi solet in Libello Civili, seu Conventionali tantum; nam in Criminali, sive Querimoniali Lex ipsa concludit, & certam delictis pœnam determinat, ut adeo sufficiat narrare Speciem facti, qua posita sciet Judex ipse, quam pœnam Leges delicto statuerint. Excipe, si pœna applicanda sit Actori injuriam passo; tunc enim ea in Libello peti debet, nisi talis sit, quæ ipso Jure sit incurta, ita, ut solum opus sit sententia declaratoria criminis. Idem dicendum, si per consuetudinem Regionis pœna, seu multa partim fisco applicetur, partim parti læsæ; tunc enim peti debet, & quidem absolute, ut decernatur pœna pecuniaria, & exacta dividatur inter Actorem, & fiscum, ut notat Angel. §. pœnalis vers. unum tantum. Inst. de action. Dixi, Nisi ipso Jure incurta sit; nam si ipso Jure incurtatur, & tantum opus sit declaratione Judicis, non est necesse pœnam in Libello petere ex ratione suprâ allegata.

Conclusioni in Libello Civili plerumque adjici solet Clausula, ut vocant, Salutaris, quæ his, vel similibus verbis concipitur: Super his omnibus peto mihi jus, & justitiam administrari omni meliore modo, & forma, qua de Jure, Statuto, vel consuetudine fieri potest. Hujus est effectus, quod per illam Actor censeatur omne Jus suum in Judicium deduxisse, etsi de omnibus, & singulis non fecerit mentionem expressam. Unde si Actor simpliciter petierit sibi rem restitui, nihil dicendo de fructibus, & expensis, Clausulam verò hujusmodi Salutarem addiderit, tenebitur Judex Reum conventum etiam ad eorum restitutionem condemnare, quod secundum multos obligatus non fuisset facere, Clausula Salutatis adjecta non fuisset. Et hinc Clausulas istas Doctores Herbæ Betonicæ assimilant, quod sicut illa morbos omnes, ita istæ omnia vitia Libelli sanant. Gaill. l. 1. obs. 61. n. 11. & 12.

Solet à nonnullis etiam hæc Clausula apponi Salvo Jure addendi, minuendi, corrigendi &c. Verum ea ultra Jus commune nihil operari videtur; Vel enim lis nondum contestata est, & tunc, ut infrâ dicam, mutationi, & correctioni locus est, etiam non adjecta hac clausula: vel contestatio litis facta est, & eo casu, etsi adjecta sit hujusmodi clausula, mutationi locus non amplius est, licet admittatur correctio, ut itidem dicam infrâ, & probat ratio; quia alias solemnitas Judiciorum potius arbitrio patrum, quam publica auctoritate constaret.

Quæritur 2. qualis esse Libellus debeat? Resp. 1. debet inscriptis offerri cap. ignarus 1. h. tit. ibi: Libellum conscribentes porrexerunt. consonat Auth. offeratur, & ibi Gloss. v. ad Judicium C. de lit. contest. Ratio est, quia sic melius instruitur Judex ad sententiam ferendam conformem libello, & Reus ad deliberandum, an cedere, vel contendere actione contra se instituta debeat. 2. Debet esse brevis; quia necessaria tantum, aut utilia contineri debet, quæ si probata fuerint, faciant ad intentionem Actoris contra Adversarium: hinc rejici, & rescindi superflua debent l. fin. §. in refutatoriis 1. C. de appellat. 3. Debet esse clarus, & perspicuus; nam obscurus, in quo non apparet, quid petatur, rejici potest l. Prator 7. §. quod autem 4. ff. de injur. 4. Debet esse ordinatus, ut partes numer. 1. assignatas ordine suo positas



positas habeat, ac primò quidem narrationem facti, deinde medium petendi, ac denique ipsam petitionem, quæ tanquam Libelli conclusio ex medio petendi consequatur:

*Vitia Libelli* quinque potissimum assignantur. 1. *Contradictio*; nam sibi contrarius fraudem facere præsumitur, nec audiendus est *capitul. sollicitudinem* 54. in *fin. de appellat.* 2. *Obscuritas*; hæc enim in Jure reprobatur, ne per eam alii capiantur *can. erit autem* 2. *dist. 4. & Novell. 107. c. 1. princ. 3. Incertitudo*; cum enim Judex, quantum ei quidem possibile est, debeat certam ferre sententiam, Libellum esse certum oportet, cum huic sententia conformanda sit. 4. *Generalitas*; nam Libellus generalis accusatorius ipso Jure nullus est *l. libellorum* 3. *ff. de accusat.* aliud dicendum de Libello Civili, qui, parte non excipiente, recipitur. *Konig hic num. 57. 5. Alternativa locutio*; hæc quippe incertitudinem, & obscuritatem parit.

6 Dub. 1. quid agendum Judici, si Libellus sit omnino ineptus? *Libellus omnino ineptus* dicitur, ex quo jus agendi non concluditur, & qui nec ex interpretatione adjuvari possit. Si talis offeratur Judici, pronuntiare ex eo sententiam nequit, & si super ipso pronuntiet, lata sententia est ipso Jure nulla. Præterea teneretur Judex Actorem condemnare ad expensas Reo solvendas, reservato tamen eidem Jure agendi ex alia causa. Insuper potest Reum eo casu absolvere ab observatione Judicii, non tamen necessariò debet; quia potest Actori injungere, ut alium concludentem Libellum offerat, & ita praxin habere affirmat *Gaill. l. 1. obs. 67. n. 5.*

Dixi, si Libellus sit omnino ineptus; advertunt enim DD. 1. posse, ac debere verba Libelli æquivoca in eum sensum accipi, ut potiùs Libellus subsistat, quàm corruat, etiam si sensus esset improprius. Sic *Hiltrop. parte 2. tit. 9. numer. 44.* advertit, si in Libello Actor se alicujus fundi dominum asserat, & de usufructu tantum probet, interpretandum de ipsius usufructus dominio: imò, ut idem *Hiltrop. l. citat. & Abb. in cap. dilecti 6. de Judic. numer. 2.* innotent, potest Judex eo casu supplere ex officio circa conclusionem, & vitia Libelli, & hoc maximè, si de Justitia causæ constet; nam hoc casu ineptitudo Libelli non attenditur.

2. Ex eodem fundamento, & *Reg. 37. in 6.* quòd *utile per inutile vitari non debeat*, rectè concludunt DD. si libellus ex una parte sit aptus, ineptus ex altera, prout facile contingere potest, quando plures actiones cumulantur, sustinendum Libellum in parte, qua est aptus, & super ea sententiam fundandam. Idem dicendum monet *Hiltrop. l. cit. n. 38.* si ineptè narretur factum, bene tamen concludatur; tunc enim ait attendendam non narrationem facti, sed conclusionem: & rationem dat; quia omnia, quæ sunt in Libello posita, intelligenda sunt secundum ejus conclusionem, in qua præcipua vis Libelli consistit.

3. Ineptitudo Libelli non officit, neque processum impedit, si fortè offeratur in Judicio Summario; quia libellus non est substantia Processus Summarii. *Gaill. l. 1. obs. 66. n. 15. Pax Jordan. l. 14. tit. 3. n. 23.* Similiter non officit, si causa agatur coram Summo Principe; quia hic potest judicare in Processu nullo ratione ineptitudinis Libelli, & rejectis ambagibus veritatem sequi, adeoque æquitatem non scriptam præferre rigori scripto. *Gaill. l. cit. n. 16.*

7 Dub. 2. an & quando sustineatur Libellus Alternativus? Resp. regulariter non admitti alternativum Libellum, ut colligitur ex *l. præter 7. §. quod autem 1. ff. de inur.* & ratio est, quia parit incertitudinem petitionis, & per consequens non recipit sententiam certam, cum tamen sententia certa esse debeat. Plures tamen sunt casus, in quibus Libellus alternativus admittitur.

1. In Actione Hypothecaria, ut si dicat Actor: *Peto illum condemnari ad traditionem rei obligate, vel ad solvendum debitum*; nam in actione Hypothecaria possessor potest retinere rem, & litis æstimationem offerre Creditori *l. si fundus 16. ff. de pignor. l. si creditor 2. ff. quib. mod. pign. vel Hypoth.* *Barb. in cap. 2. h. tit. numer. 10.*

2. In materia Emptionis, quando agitur ex *l. rem majoris 2. C. de rescind. vendit.* ubi Venditor concludere debet, ut emptor aut suppleat, quod deest justo pretio; aut rem emptam restituat *c. cum dilecti 3. de empt. & ven-*

*dit. Haun. tom. 5. de J. & J. tr. 3. n. 150. Barb. l. cit. n. 9. Vallens. hic n. 4.*

3. Quando petitur restitutio adversus contractum, testamentum, vel sententiam; tunc enim Actor petere disjunctivè potest, ut Judex aut contractum, testamentum &c. nullum esse pronuntiet, vel si validus sit, adversus eum restituatur in integrum. *Gaill. l. 1. obs. 62. nu. 7. Haun. l. cit. n. 152. Vall. n. 4. cit.*

4. Quando incertitudo provenit ex facto alieno, præsertim Adversarii *l. hoc interdictum 1. §. quia autem 4. ff. quod legatorum*; hinc teste Gaillio *l. cit. nu. 4.* valet hujusmodi Libellus, si Actor dicat, *Peto rem jure domini, vel quasi domini; vel Peto me declarari dominum, vel quasi dominum.*

5. Quando res, quæ deberetur, post moram debitoris deterior facta est; nam tunc petere possumus aut rem debitam, aut ejus æstimationem, ut docent DD. *in l. si ex legati 23. de V. O.*

6. Quando petitur restitui res, si extet, aut æstimatio illius, si sit consumpta. Debet autem esse incertum, an extet; nam si certum sit extare rem, peti debet ipsa res, non æstimatio rei, quippe quæ tantum in subsidium debetur *l. fin. C. de fideicommiss. libert. Abb. in cap. gravis 11. de restit. spoliat. n. 22. Gaill. l. 1. obs. 62. n. 6. & 7. Vallens. l. cit. numer. 4. Excipe, si præstari quidem res possit, sed non sine magna difficultate; tunc enim alternativa fieri potest petitio. Vide *Gaill. l. cit. Vviesn. hic n. 2. & alios.**

Dub. 3. quid agendum, si Libellus sit obscurus? Resp. hic non statim à Judice rejiciendus est, sed permittenda Actori declaratio. Declaratio autem hæc fieri potest, & debet per solum libellantem, non etiam per hæredem illius, vel Procuratorem, nisi is ad hoc speciale mandatum habuerit, sicut nec Dominus Libellum Procuratoris sui declarare potest. *Vallens. h. tit. num. 3.* Si reus conventus non opposuerit de obscuritate, & incertitudine Libelli ante litem contestatam, si ad eum responderit, & litem acceptarit, postea audiri non debet, sed Judex, non obstante Libelli incertitudine, pronuntiare pro Actore potest, si de jure Actoris constiterit. *Hiltrop. Process. Judic. p. 2. tit. 9. num. 26. & seqq.* sibi enim impurare reus debet, si non intellexit, de qua controversia lis sit mota: unde vel præsumitur intellexisse, quid Adversarius peteret, vel negligentia sua sibi spatium deliberandi ultro ademit. Proceditque hoc, si Libellus obscurus sit ratione æquivocationis, siue ratione generalitatis.

Porro Libellus generalis locum in Judicio habet adhuc pluribus aliis casibus: & 1. quidem in petitione fructuum, damnorum, expensarum, & interesse; quia hæc ordinariè non sunt numerata, neque explorata, antequam super ipsis cognoscatur. 2. In tutelæ, vel negotiorum gestorum 1. actione. 3. In hæreditatis petitione. Advertit tamen *Gaill. l. 1. obs. 68. n. 2.* eruditi, & exercitati Advocati esse Clientem suum instruere, eique consulere, ut eodem libello, vel aliis articulis specificè complectatur, & designet res hæreditarias, quid nim: & quantum in defuncti hæreditate sit, vel tempore mortis fuerit, easque una cum causa principali simultaneò quodam processu in termino probatorio probet. Ratio est, quia hac ratione Judex certam sententiam proferre potest condemnando reum conventum, ut res hæreditarias jam antè in Libello designatas, & liquidatas una cum fructibus perceptis, vel qui percipi potuerunt, restituat: & sic erit facilius executio; alias si generalis sit Libellus, etiam sententia generalis erit, & sic in executione non sine magna molestia Actoris, ac temporis, & sumptuum jactura nova liquidatione, & probatione opus erit, si rerum hæreditariarum controversia moveatur.

Dub. 4. an Actor in Libello suo possit plures simul 9 actiones cumulare? Resp. affirmative: & hoc verum est, siue ex diversis causis ad diversa contra eundem, vel diversum agat, siue etiam ex eadem causa, & ad idem contra diversos, modò nihil obstat cumulationi *l. si idem 11. ff. de Jurisd. Gaill. l. 1. observ. 63. per totam. Carpz. Defin. for. p. 1. const. 2. defin. 4. & 5. Vallens. hic n. 7. Konig n. 17.* Permittitur hoc in favorem dirimendarum litium, & facilius producendarum ad exitum; frustra enim sit pluribus Judiciis, quod uno absolvi potest. Dixi, *Modo nil obstat cumulationi*; nam aliqua



iquæ actiones sunt, quæ cumulari non possunt. In  
ecce

*Excipiuntur* 1. Actiones contrariæ; quia posito uno  
contrariorum, necessarium est tolli alterum *l. hac ver-*  
*a 124. ff. de V. S.* Unde simultaneè cumulari non pos-  
sunt querela inofficiosi testamenti, & actio ad supplemen-  
tum, petitio hæreditatis ex testamento, & ab intestato,  
rei vindicatio, & actio Publiciana, Interdictum retinendæ  
possessionis, & Judicium petitorium.

*Excipiuntur* 2. Actiones, quarum una, vel altera est  
rejudicialis; quia sententia absolutoria lata in Actione  
rejudiciali parit exceptionem rei judicatæ in altera. Hinc  
cumulari non possunt querela status cum Judi-  
cio noxali, actio de partu agnoscendo cum causa ali-  
enorum, rei vindicatio cum actione confessoria,  
et communi dividundo, hæreditatis petitio cum Ju-  
dicio familiæ heriscundæ.

*Excipiuntur* 3. Actiones, quæ ex una, eademque  
causa descendunt, & ad eundem finem tendunt; quia  
una in Judicium adducta, altera consumitur *arg. l. quod in*  
*recede 9. §. eligere 1. ff. de tributor. act. l. plura 5. ff. de O. & A.*  
sic etsi domino rei furtivæ competat rei vindicatio, &  
condictio furtiva, non tamen potest utraque simul age-  
re, sed unius electio alteram tollit. Ratio est, quia  
bona fides non paritur, idem ex eadem causa bis exigi  
*l. bona fides 47. ff. de R. I.* neque eo sine plures ex  
eiusdem causa prodirent actiones, ut omnibus uti liceat,  
sed ut laxior agendi sit facultas, ut habetur *l. cum filius 76.*  
*§. variis 8. ff. de legat. 2.*

*Excipiuntur* 4. Actiones, quæ sic se habent, ut una  
proposita, & condemnatione secuta, factaque executione,  
contingat liberatio ab alia: sic actio mista tollit rei perse-  
cutoriam, si cum ea concutatur; ne idem bis exigatur.  
E contrario actione criminali principaliter proposita, in-  
cidentally cumulari potest actio Civilis e. g. ad restitutio-  
nem rei ablata, refusionem expensarum &c. quia non ad  
idem rendunt.

Quando Actor plures Actiones in eodem Libello cumu-  
lar, à reo respondendum est singillatim ad eas actiones, &  
à Iudice totidem secundum cuiusque actionis naturam sin-  
gillatim sunt proferendæ sententiæ in eodem iudicio; quia  
tot sunt Libelli, quot Actiones, & facta. Imò, ut rectè  
monet Vallenf. *hic num. 7.* potest Iudex casu, quo post  
conclusionem in causa quoad aliquod factum in actis al-  
legatum desiderat adhuc aliquam probationem, rescissa  
ex officio conclusione, ulteriorem probationem quoad  
illud factum injungere, ac nihilominus quoad reliquas  
actiones, in quibus nihil desiderat, definitivè pronuntia-  
re. *Neque obstat*, quod sententia sit individua *l. in hoc ju-*  
*dictio ff. famil. herisc.* quia id verum est, quando Libellus  
unum solummodo factum continet, secus, quando plu-  
ra, & separabilia.

Queritur 3. quid agendum Iudici, & Reo post Libel-  
lum oblatum? Resp. cum finis oblationis Libelli sit, ut  
Iudici, & Reo naturam litis aperiat, actoris intentio-  
nem ostendat, & totum processum vi sua dirigat, an-  
te omnia ipse Iudex, Libello recognito, studeat litis sta-  
tum ritè cognoscere: deinde ipsius Libelli inspicendi, &  
describendi copiam reo faciet, quod adeo necessarium est,  
ut si Iudex Reo petenti deneget Libelli copiam, à tali  
denegatione rectè appelletur *cap. significantibus 49. de*  
*appellat.* Expedit autem magnopere ad expediendas cau-  
sas, si Actor libellum in duplo exhibeat Iudici, quo-  
rum alterum exemplar Iudex reo tradat, alterum si-  
bi reservet, & ad acta deponat juxta usitatum Stylum  
Cameræ Imperialis, ubi omnia producta in duplo sunt  
exhibenda.

Inspecto Libello, reus deliberare potest, utrum cedere,  
an contendere ulterius debeat, & si contendendum putet,  
veniat etiam ipse ad defendendum instructus, & respon-  
deat. Non tamen statim cogendus est respondere, sed in-  
ducia dandæ, quæ quidem de Jure communi 20. dierum  
spatium continent *Auth. offeratur C. de lit. contest.* sed ex  
communi observatione dilatio hæc frequenter à Iudice co-  
arctatur: nunquam tamen ita coarctanda est, ut non sit  
æquum pro gravitate causæ.

Si responderit Reus, sententiam Iudex pronuntiare  
debet Libello conformem; alioquin hæc non subsistit *l. ut*  
*fundus 18. ff. comm. divid. & l. non distinguemus 32. §. de*  
*officio 15. ff. de recept. qui arbit.* Erit autem sententia Li-  
bello conformis, si in tribus cum ipso conveniat, nempe

1. quoad rem petitam; unde si quis petat equum, per sen-  
tentiam non debet ipsi adjudicari bos. 2. quoad causam, ex  
qua res est petita; hinc si Actor petat 100. ex causa depositi,  
reus non est condemnandus ex causa mutui. 3. Quoad ipsam  
Actionem institutam, qua Libellus Actoris constat *arg. l. 12.*  
*& seqq. l. 27. ff. de re judic.*

Cæterum oblationis Libelli plures Effectus enumeran-  
tur; nam 1. secundum ejus petitionem, ac formam feren-  
da est sententia, ut paulo antè dictum est. 2. Obligat  
perigentem ad prosequendam causam usque ad finem, post-  
quam reo per Iudicem est porrectus *Auth. qui semel Cod.*  
*quom. & quand. Index &c.* intellige, si Rei conventi in-  
terfit, ut lis cœpta perficiatur, quia v. g. multas fecit  
expensas in litem; tunc enim cogere Actorem potest ad  
litem prosequendam. Secus, si nihil interfit Rei, & res  
adhuc sit integra; tunc enim Actor Libellum recupere-  
rare, & à lite recedere, Reo etiam invito potest, ne  
ipse penitendinis humanitas amputeatur, ut dicitur *can.*  
*ei, qui appellat. 41. §. si quis caus. 2. quæst. 6. & l. si quis 28.*  
*Cod. de Appell.* 3. Si Libellus sit oblatum Principi, & ab  
eo impetratum rescriptum, Actiones Prætorias annales  
perpetuat, easque tam activè, quam passivè facit in hæ-  
redes transire *l. debitorum 1. & l. seq. C. quænd. libell. Prin-*  
*cipatus &c.* quia ut *l. dubium cur.* innunt Imp. talis obla-  
tio, subsecuta rescriptione, pro litis contestatione re-  
putatur. 4. Libelli oblatio, secuta rei citatione, inter-  
rumpit Præscriptionem in omnibus, quæ ille sub gene-  
ralitate sua comprehendit *l. sicut in rem 3. Cod. de præ-*  
*script. 30. vel 40. ann. & l. fin. C. de annal. except.* 5. Ea-  
dem, secuta citatione, à die hujus Reo insinuatæ, facit  
rem litigiosam, ut ea vendi, donari, vel alio contractu  
alienari neque in extraneam, neque in conjunctam per-  
sonam amplius possit *Clem. fin. ut lit. pend.* ubi de hoc  
plenius. 6. Libellus probat contra libellantem quoad  
ea, quæ in Libello asserta sunt *arg. l. generaliter 13. C.*  
*de non num. pecun.* Vide Host. in *Summ. hic n. 13.* Durand.  
in *Specul. tit. de libell. concepti. §. 8.* Pax Jordan. *l. 14. tit. 3.*  
*num. 46. & seqq.*

Dub. 1. in quibus causis offerri Libellus debeat? Resp. 1.  
offerri debere, cum Judicium est plenarium, & ordi-  
narium; & ibi oblatio Libelli est de substantia, ita  
quidem, ut abique ea Judicium non subsistat, neque  
etiam à partibus remitti possit *cap. ignarus 1. & ibi Gloss.*  
*V. Libellum hoc tit. Bart. in Auth. offeratur C. de lit. contest.*  
*Hiltrop. Process. Judic. p. 2. tit. 9. num. 1. Laym. in cap. 1.*  
*cit. n. 3. Konig hic num. 7. Sannig n. 2.* Ratio est, quia  
solemnitates actuum, quæ ob publicam utilitatem intro-  
ductæ sunt, partium conventionem tolli, aut remitti non  
possunt, uti docent DD. in *l. cum & Judices 2. §. sed quia*  
*veremur 4. C. de juram. propt. calumn.* Excipe, si partes  
in Judicem tanquam Arbitratorem compromittant; tunc  
enim ipsi modum procedendi, non exactis solemnitatibus,  
præscribere non prohibentur, perinde, ac cum in alium  
quemvis compromittunt, ut docet Bartol. *loc. cit.* & alii  
DD. communiter.

Dixi, cum plenarium est Judicium; nam in Summatio  
Judicio, & brevioribus, ac levioribus causis etiam de Jure  
communi non est necesse Libellum scripto tradi, sed  
sufficit Actoris petitionem coram Iudice nudis verbis pro-  
poni, eamque actis continuo inseri, ut re postea exigente,  
ejus copia haberi possit. *Clem. sape 2. vers. verum de V. S.*  
*Auth. nisi breves C. de sent. ex brevicul. recit.*

Porro duplicem ob causam Judicia summatoria institui  
solent, vel quia causa in Judicio proposita celerem expe-  
ditionem desiderat, vel quia modica est. *Ad primum genus*  
pertinent 1. Causæ Beneficiales, Matrimoniales, Deci-  
males; & quæcunque Ecclesiasticæ. 2. Causæ Usura-  
rum, & hoc in odium Usurarii. 3. Exceptiones,  
& causæ incidentes. 4. Lites mercatorum, quæ ob  
frequentiam, & alias causas citò expediuntur. 5.  
Causæ tributorum, alimentorum, dotis. 6. Causæ nau-  
fragorum, pauperum, & miserabilium personarum. 7.  
Causæ mercedum. 8. Si agatur de tutore dando, filio ado-  
pando, aut emancipando.

Ad genus secundum spectant 1. Causæ Civiles, quibus  
de debito non magno, spectata personarum qualitate,  
agitur, aut inter personas viles, & Juris imperitas, vi-  
delicet rusticos in pago, ut colligitur ex *Auth. nisi breves*  
*cit.* & notat Abb. in *c. 1. hoc tit. n. 17.* 2. In delictis levibus,  
& non multum infamantibus, præsertim inter Religio-  
sos, adolescentes, & similes personas *l. levius 6. ff. de ac-*  
*cusat.*



*casat.* 3. Si agatur Judicio possessorio solum preparatorie, ad petitorium subsequens, ideoque de paryo, & facile reparabili damno.

Si Summarius instituitur processus ob causæ levitatem, ordinarie non requiritur plena probatio, sed sufficit semiplena per unum testem, aut juramentum, talis sc. ut iufficiat ad informandum Judicium pro causæ decisione; at si instituitur Processus Summarius propter celetatatem expeditionis, & causa sit alicujus momenti, seu præjudicii non facile reparabilis, plena plerumque probatione opusest, & cons. dilatione dandæ, quæ ad hanc adornandam arbitrio Judicis requiruntur.

12 Dub. 2. quando Libellus omitti possit? Resp. omitti potest in variis causis. Et 1. quidem, ut modo dictum est, in causis Summariis, præsertim quando Summarius Judicium instituitur, quia causa est modica. 2. In notoriis; quia in iis nec ordo Juris servandus, nec accusatoris clamor expectandus est *can. manifesta* 15. & *duob. seqq. caus.* 2. q. 1. c. *ad nostram* 21. de *Jurejur. c. evidentia* 9. de *accusat.* 3. In causis Appellationum, quando in prima instantia Libellus oblatus est, & ex iisdem actis proceditur. Scaccia de *appellat.* q. 11. a. 4. n. 35. ubi ait ita servari in Curia Romana. 4. In causis coram Principe, seu Imp. vel Papa agitandis; nam horum præsentia omnem solemnitatem supplet *arg. l. omnium* 19. C. de *testam.* Gloss. in c. *fin.* V. *illustrium de sent. & re judic.* in 6. 5. Quando Judex, vel Magistratus, motu proprio, & ex officio procedit Gregor. Obrecht de *formand. & concit. libell.* c. 6. n. 7. quem citat. & sequitur Konig *hic n.* 9. 6. Cum duo eandem rem possidere contendunt, & neuter vult Libellum offerre, ne fateatur penes alterum possessionem esse; tunc enim officio Judicis res à probationibus inchoanda est *cum dilectus* 2. de *ordin. cognit.* P. Konig *n.* 10. P. Schmier *tr. de Process. Judic.* c. 1. n. 40. 7. Quando lis movetur de causa, per sententiam, vel transactionem jam decisa; in hac enim, si alterutra pars aliquid de novo fieri, vel immutari petierit, non offertur Libellus, sed officium Judicis simpliciter imploratur *l. terminato* 3. C. de *fruct. & lit. expens.* & *l. si quis* 11. in *fin.* C. de *Reb. creditor.* ubi additur ratio, *ne repetita lite, finis negotii alterius cause fiat exordium.* 8. Si statuto cautum, vel consuetudine receptum sit, ut omnia in Judicio oretenus petantur, & proponantur; Statutum enim, & consuetudo in his etiam, quæ sunt circa Judicia, valet, & derogat Juri scripto *l. de quibus* 32. & *l. seq. ff. de Legib.* Plures alias causas, in quibus Libellum offerre non est necesse, vide apud Durand. in *specul. tit. de Libell. concept.* §. *nunc dicendum* 9. per totum.

13 Dub. 3. an Libellus semel editus mutari, vel emendari, & quousque possit? Mutari Libellus dicitur, cum aliquid in eo mutatur, quod pertinet ad ejus substantiam, ut si Actor in Libello actionis realis dixit, se dominum esse rei petite, postea vero videns se difficulter dominium probare posse, mutans Libellum dicat, sibi dominium, vel quasi competere, ubi mutatur actio, vel causa petendi. Emendari vero dicitur, quando vitium aliquod, vel obcuritas tollitur, vel aliquid additur, aut detrahitur, salva manente ipsius Libelli substantia. ita ut nec res petita, nec causa petendi mutetur. His notatis

Satis convenit inter DD. Libellum oblatum Judici emendari posse usque ad sententiam, refusis, tamen expensis, reo per ineptum Libellum causatis. Potestque hæc emendatio fieri. 1. Declarando, siquid in Libello obscure dictum est; qui enim declarat, nihil de novo dicit *arg. l. hæredes* 21. §. *siquid* 1. ff. *qui testam. fac. posses.* 2. Corrigendo, si quid in nomine rei petite, aut in loco, vel tempore obligationis contractæ erratum est, ita tamen, ut idem jus, eademque actionis qualitas maneat. 3. Petendo, si Actor omisit in Libello petere accessoria, ut fructus, expensas &c. 4. Diminuendo, ut si Actor petiit 100. quantum sibi non debetur, potest post litem contestationem corrigendo Libellum petere 50. sibi debitos. 5. Addendo, ut si petiit minus justo, & postea advertit sibi deberi plus, potest in eodem Judicio, & eadem instantia etiam post litem contestationem petere plus. 6. Rescendendo superflua e. g. in Judicio universalis, ut *n.* 8. dictum est, quo detitur hæredibus, non est necesse specificari res hæreditarias; unde si facta sit talis specificatio, quæ forte non adequet hæreditatem, potest ejusmodi specifi-

catio rescari. 7. Adjiciendo ea, quæ post litem contestatam emerferunt; & non poterant prævideri. 8. Corrigendo, in quibus peccatum est contra Stylum Confistoriorum.

De mutatione Libelli satis convenit inter DD. eam ante contestationem litem Actori permissam esse, ita tamen, ut eo casu reo concedantur novæ induciæ ad deliberandum, & instruendum se pro lite futura, & si ob talem variationem majores facere expensas debuit, ei hæc compensentur, ut monet Gloss. in *l.* 3. C. de *edend.* Bald. *ibid.* n. 3. Laym. in c. 2. *hoc tit. n.* 8. Pirh. *hic n.* 18. Konig *hic n.* 59. Excipe, nisi persona Libellum murans talis sit, cui sit ignoscendum, si eundem non recte composuit, ut est minor, rusticus, mulier &c. *Ratio responsionis* est, quia ante litem contestatam nondum est ceptum iudicium.

An etiam post contestatam jam litem mutare Libellum liceat, controversum est inter DD. Affirmativam defendunt Bachov. D. 1. de *actio. th.* 44. Stryck. *us. modern. Pandect. tit. de edend.* §. 10. Fleck. *lib.* 5. tit. 28. *nu. ult.* Brunnem. *Process. c.* 5. *n. ult.* Gletle ad *tit. de actio. n.* 16. apud Clariss. P. Schmier de *Process. Judic.* c. 1. n. 116. idque videtur colligi ex pluribus Iuris textibus. 1. §. *si quis aliud* 35. *Iust. de actio.* ubi Iustinianus, *si quis aliud pro alio intenderit, nihil eum periclitari placet, sed NB. in eodem iudicio, cognita veritate, errorem suum corrigere et permittitur &c.* atqui iudicium utique durat post litem contestatam, imo tunc primum incipit. Ergo tunc unum pro alio petere, sicque Libellum mutare conceditur. 2. *l. in delictis* 4. §. *fin. ff. de noxal. act.* ubi actori, qui ex facto servi damnificatus, Dominum, quasi is damni illati conscius esset, convenit, licentia datur, *donec prius iudicium agatur, si eum de scientia domini arguenda pœniteat, ad noxalem causam transcundi.* Sed hoc modo post litem contestatam mutatur Libellus, & nova actio intentatur. Ergo &c. 3. Rei vindicatio est actio substantialiter distincta ab interditiis, seu actionibus possessoriis; & tamen permissum est actori post litem contestatam usque ad conclusionem in causa, relicta rei vindicatione, quam antea petiverat, remedia possessoria juxta textus c. *pastoralis* 5. de *caus. poss. & prop.* ergo litem contestatam actionem substantialiter diversam licet instituire, & cons. Libellum mutare.

Sed dicendum, si lis contestata jam sit, mutari Libellum amplius non posse, nisi Actor velit novo libello uti, & nova instantia, recedendo à priori, cum refusione expensarum juxta *cap. examinata* 15. de *Judic.* institutum hoc est in pœnam temeritatis, quod Actor ab initio non satis pensavit, qua actione Acturus esset. Ei hoc verum est, etiamsi utraque pars in mutationem consentiat. Ita Hiltrop. p. 3. tit. 9. de *mutat. libell.* Pax Jordan. *l.* 14. tit. 3. n. 11. & 12. Barbof. in c. 2. *hoc tit. n.* 11. Layman. *ibid.* n. 8. Vall. n. 13. Konig n. 59. Sannig. c. 2. n. 10. & novissime P. Schmier *loc. cit. an.* 121. alique apud istum. *Ratio est*, quia per litem contestationem obligatur quis instantiæ, ut ab ea recedere, & pœnitere non amplius valeat *l. 15 qui se obrulit* 25. & *ibi* Gloss. V. *qui discessit* ff. de *R. V. l. sed et si* 52. *princ. ff. de Judic. & l. nemo* 4. C. de *Jurisdict. omn. Indic.*

Neque contrarium probant Argumenta contraria. Ad 1. textui ibi allegato oppono *l. non potest* 23. ff. de *Judic.* ubi Paulus, *Non potest*, inquit, *videri in iudicio venisse, quod post iudicium susceptum* (i. e. Interprete Gothofredo *ibid. litt. l.* post litem contestatam) *accidisset; ideoque aliam interpellationem* (seu ut idem Gothofred. *litt. l.* gloisatur, nova Libello, novaque petitione) *opus est.* Quare, ne concedere debeamus Imperatori *si quis cit.* contra Iuris principia aliquid statuisse, dicendum, in §. *cit.* iudicii nomen non stricte, prout illud à litem contestatione incipit, sed late, quod inchoatur per citationem, capiendum else, ut sensus sit, Libellum mutari posse usque ad contestationem litem. Ad 2. in casu ibi proposito Libellus non immutatur; nam ut P. Schmier *loc. cit. n.* 129. advertit, Actio noxalis non est nova substantialiter actio, sed tantum nova qualitas, actioni veteri, quæ ceteroquin ex facto servi qua tali competeret, superaddita, ac contra dominum servi, qui conveniri nequit, extensa; cons. nova substantialiter actio non movetur, quando prius dominus scientiæ de facto servi infirmulatus est, postea non probata scientia, ad noxæ deditionem agitur. Ad 3. à petitorio ad possessorium, & vicissim post



post litis contestationem transire licet ob connexionem, quàm Rei vindictio cum remediis possessorii habet: hinc quia ex dispositione Juris in eodem Judicio, & ab eodem Judice tractari debent, non tam mutare, quàm declarare, & dilatare Libellum censendus est, qui ejusmodi transitum à petitorio ad possessorium, & vicissim facit.

- 14 Dub. 4. cujus sumptibus Libellus edendus sit? Variar DD. Sichard. in *Auth. offeratur* num. 11. ait edendum sumptibus Rei. Marant. de *Ord. Judic.* p. 6. tit. de *libell. oblat.* n. 2. sumptibus Actoris. Alex. in l. 1. pr. n. 8. ff. de *edend.* sumptibus utriusque, Placer sententia P. Konig hic num. 6. quam etiam ex parte amplectitur P. Schmier *Process. Judic.* cap. 1. num. 100. & apud hunc Stryck. de *libell. cap. 9. num. 13.* Ummius *Process. D. 5. th. 12. nu. 56.* qui distinguendum putant; Vel enim reus ab actore antecederet ad satisfactionem interpellatus fuit, vel non.

*Siprimum*, altera distinctio est adhibenda, & videndum, an reus statim obtulerit satisfactionem, an Libelli oblationem expectarit. *Si prius*, Actor sibi imputare debet, quod temere ad litem procedendo, inutiles expensas fecerit. *Siposterius*, distinguendum est tertio, & videndum, an reus justam litigandi causam habeat, an vero temere litiget. *Si justè litigat*, non tantum sumptus in Libellum factos restituere non cogitur, sed etiam quascunque pecunias, ob temerariam litem sibi motam erogatas, ab actore recipit. *Sivero injustè*, non solum ad Libelli, sed ad omnium expensarum, litis susceptæ causa expositarum, restitutionem, sicut quilibet improbus litigator, adstringitur.

*Quodsi secundum contingat*, & reus ab Actore antecederet ad satisfactionem interpellatus non fuit, iterum distinguendum, an iste statim, ac lis ipsi denunciata est, liti cesserit, vel Judicium voluerit suscipere. *Si prius*, ad refusionem expensarum, in Libelli confectio nem factarum, non teneretur, sed ferre easdem Actor debet, utpote qui, antequam ad Judicem provocaret, explorare debuisset, an sine lite obtinere satisfactionem à reo posset. *Siposterius*, iterum videndum, an lis à reo suscepta sit justè, vel injustè, & secundum justitiam, vel injustitiam causæ vel liberabitur à solvendis expensis, vel ad easdem obligabitur juxta paulo antea dicta.

## 5. I I.

### De Rei Conventi Citatione.

## S U M M A R I U M.

- 15 Necessitas Citationis.
- 16 Definitio, & multiplicitas.
- 17 Observanda in Citatione reali.
- 18 In Edictali.
- 19 In peremptoria.
- 20 Requisita ad legitimam Citationem.
- 21 An necesse sit addere diem, & horam, qua comparandum est in Judicio?
- 22 Quomodo se gerere debeat, qui citatur ad locum non tutum?
- 23 Quid faciendum, si citandus moretur extra Territorium citantis?
- 24 An cum citatione Libellus Actoris transmittendus Reo?
- 25 Quomodo citatio sit executioni danda?
- 26 An semper sit opus citatione?
- 27 A quo fieri Citatio debeat?
- 28 Quis citari possit?
- 29 Effectus Citationis.
- 30 Quomodo convalescat non rite facta?

- 15 SI Judex Libellum sibi oblatum idoneum, & causam in eo expressam justam esse viderit, progredi debet ad Citationem Rei conventi: quæ ira necessaria est quoad absentem, ut nullatenus omitti per se loquendo possit, & si omittatur, omnis alius Actus Judicialis ipso Jure irritus, & nullus est *can. caveant* 2. & *can. omnia* 4. *caus. 3. q. 9. c. Ecclesia* 10. de *Constit. & Clem. Pastoralis* 2. de *sent. & re Judic.* & ibi DD. Advertitque Konig hic num. 67. ne quidem Summum Pont. aut Imperatorem plenitudine potestatis eam posse omittere, & dare sententiam, partibus non citatis. Ratio est; quia cum ad do-  
Schmalzgrueber Tom. II.

tenfionem spectet, Jutis est naturalis, & in iis, quæ sunt Jutis naturalis, etiam Summi Principes jure privatorum censentur.

Dixi 1. *per se loquendo*; nam ut *infra* n. 26. dicam, plures casus excipiendi sunt, quibus citatio non requiritur, & præcipue. 1. Si delictum Rei usque adeo notorium foret, ut idem ne quidem ad extenuandam culpam, aut pœnam exceptio, vel defensio superesset; nam tali casu condemnari absens, & non citatus posset, prout constat ex *can. manifesta* 15. & *can. fin. caus. 2. quest. 1. can. statim* 31. *caus. 11. qu. 1. c. cum olim* 12. de *sent. & re judic. c. cum sit* 5. *vers. fin. de appell. Rota Roman. in Recent. p. 1. dec. 591. num. 6. p. 2. dec. 733. num. 9. Mynsing. Cent. 6. obs. 6. num. 6. & 7. Konig hic nu. 86. Vviesl. nu. 34. Schmier Process. Judic. cap. 1. num. 45.* Ratio est, quia citatio Rei decernitur, & committitur, ut venire possit ad se defendendum; quando autem ejus crimen, aut non jus notorium omnino est, defensio eidem non competit. Ergo &c. Aliud esset, si crimen, vel non jus incertum, aut certum quidem, ita tamen, ut culpa, vel pœna culpæ statuta per accusationem diminui posset; nam eo casu Reus citari, & defensio eidem concedi deberet per *can. Deus Omnipotens* 20. *caus. 2. quest. 1. & c. qualiter, & quando* 24. de *accusat.* 2. Si Reus aliunde cognosceret contra se intentandam litem, & non citatus compareret coram Judice, ac respondendo Judicium susciperet; nam tali casu non apparet, cur ob non factam citationem actus Judiciales Jure naturæ essent invalidi; nam simile quid contingit in Reconventionem, ubi Actor fit Reus, & tamen non citatur, quia præfens est. P. Vviesl. hic n. 33. cum communi.

Dixi 2. *quoad absentem*; quia non ita liquidum est, casu, quo Reus in Judicio fortuito, aut alias jam præfens est, Citationem requiri. Variant enim in hoc DD. Bartol. in l. 1. ff. de *in jus vocand.* Ummius D. 5. ad *Process. n. 41. & 69.* affirmant, eo casu reum nihilominus citari, & in jus vocari debere, & probare hoc etiam videtur ratio; quia citatio non tantum eo fine ponitur, ut qui absens est, in Judicio compareat, sed etiam, ut paratus, & præmeditatus accedat, quod fieri nequit, si ita ex abrupto respondere cogatur. Dissentiant Jason in l. 1. num. 9. & 12. ff. de *in jus vocand.* Maranta de *Ord. Judic. p. 6. tit. de citat. num. 12. Gaill. l. 1. obs. 58. num. 5. & alii*, & probari hoc posset arg. l. *etiam si patre* 29. §. *final. ff. de minoribus.* Totam controversiam hanc puto expediri posse ope distinctionis, qua utuntur Zaf. in l. 1. ff. de *in jus vocand.* Catpov. *Defin. for. p. 1. constit. 2. defin. 27.* Haun. *tom. 5. de l. & l. 17. 3. cap. 1. nu. 9.* Vvesenbec. l. 2. tit. 4. num. 13. qui allegat communem praxim. Ajunt isti DD. eo casu Reum, nisi citetur solemniter, ad respondendum non teneri; si tamen ad respondendum se statim paratum offerret Judici, valitum Processum absque citatione. *Primam distinctionis partem*, & non plus probat ratio allata pro affirmativa sententia. *Pars altera* videtur certa; quia volenti non fit injuria. Quod Reus statim respondere noller, terminus ipsi, & tempus sufficiens ad parandam defensionem concedendum foret: aliàs etiam coram fieret citatio, nulla foret. His circa necessitatem citationis expeditis.

Quæritur 1. quid, & quotuplex sit Citatio? Resp. 16 Citatio est actus legitimus, quo quis mandato Judicis vocatur in Judicium Juris experiendi causa. Ita Pirh. tit. de *for. comp. n. 212.* Vallenf. hic n. 2. Engl. n. 9. Konig n. 60. Vviesl. n. 31. & sumitur ex l. in *ius* 1. ff. de *in jus vocand.* ubi Paulus, *In jus vocare*, inquit, est *Juris experiendi causa vocare.*

Dividitur triplici maxime modo. 1. Enim alia est Citatio Juris, alia *Humini*. Prior est, quando Jus, vel Lex statuit certum terminum, intra quem debet quis Judicio se sistere. *posterior*, cum quis Judicis mandato in jus vocatur. *Clem. 2. de pœnis.* Utraque dividitur in *Generalem*, & *Specialem*. Per *illam* vocatur in jus, quicunque sua interesse putaverit; per *Specialem* vero certa persona.

2 Alia est Verbalis, alia Realis. *Verbalis* dicitur, quando Judex Apparitorem, Nuntium, vel Pedellum ad reum mittit, eique oretenus, vel in scriptis significari facit, ut ad certum diem appareat in Judicio. *Realis* est, qua personæ propter delictum, æs alienum, aut aliam justam causam apprehenduntur, & arrestantur. Verbalis Citatio iterum duplex est, *privata* nim, & *publica*,



*Privata* est, quando quis privatim ad faciem, vel si ipsius copia haberi nequeat, ad domum citatur. *Publica* est, quæ publice per Proclamam, seu vocem Præconis, vel per tubam, aut campanam, vel per Edictum in publicis locis affixum fieri solet. Si per Edictum fiat, *Edictalis* dicitur.

3 Denique alia Citatio est Simplex, alia Peremptoria. *Simplex* est, quæ absque præcisa comparitionis comminatione, & ulterioris termini denegatione concipitur, qualis est, si Judex simpliciter alicui mander, ut tali, vel tali die in Iudicio compareat. *Peremptoria* est, quæ ita concipitur, ut præcisam comparendi necessitatem imponat, omni ulteriori termino, seu citatio denegata; & talis est illa, quæ vel tribus distinctis Simplicibus citationibus fit, vel in qua tres distincti termini ad certa temporis intervalla sunt assignati, vel in qua unicuique terminus, tantundem temporis, quantum alias tres Simplicibus, continens, præfixus est, addita voce *Peremptorie*, aut clausula alia æquivalente *Peremptoria* nomen accepit; quia Simpliciter citationes ita perimit, & citati tergiversationem ita excludit, ut in jus vocatum, si præfixita die non comparuerit, contumacem constituat, etiam si nulla alia citatio simplex præcesserit *l. tertium 70. & l. nonnunquam 72. ff. de Judic.*

47 Dub. 1. quid observandum in *Citatione Reali*? Resp. circa istam hæc maxime notanda sunt. 1. Fieri solum potest à Iudice Ordinario, non vero à Delegato, qui solum in quibusdam casibus de Jure Canonico potest citare personaliter *c. Juris 1. de Judic. in 6.*

2 Hæc citatio ut plurimum adhibetur in Causis Criminalibus, & quidem in his non indistincte, sed præmissa cognitione causæ, in qua Judex considerare debet, an crimen tam atrox sit, quod ita procedi possit, an Personæ dignitas non obstat citationi reali, an non reus sufficientes habeat difficultates ad pœnam pecuniariam sibi taxatam solvendam, num prudens sit timor, ne reus metu pœnæ sese subducatur &c. Engl *hic n. 14.* & alii ex magis recepta sententia,

3 In Civilibus Citatio hæc locum habet rarissime. Fieri autem potest 1. Si Reus in comparendo sit nimis contumax, & verbaliter citatus sui præsentiam detrectet facere. 2. Si post acceptum Judicium litem improbe, & sine causa deferat. 3. Si agatur in causa debiti, & ipse debitor de fuga suspectus sit; nam debitor ejusmodi per ipsum Creditorem, etiam sine mandato Judicis, apprehendi, & Judici tradi potest *l. ait Prætor 10. §. si debitorem 16. ff. qua in fraud. creditor.*

Ut tamen hoc casu ad apprehensionem personæ debitoris procedi possit, tria requiruntur. 1. Ut bona immobilia non habeat; nam si bona ejusmodi habet, ex his Creditor per sententiam Judicis satisfactionem sibi quærere potest, & conf. apprehensione reali ipsius personæ opus non est. 2. Ut sit potens solvere; nam si eo tempore, quo contractum est debitum, impotens fuit ad solvendum, nec speserat futuræ solutionis, sibi imputare creditor debet, quod cum minus idoneo contraxerit. 3. Ut debitum sit liquidum; nam si incertum sit debitum, ipse debitor in possessione est, donec creditor hoc ei probet.

18 Dub. 2. quid tenendum in *Edictali Citatione*? Resp. 1. ut realis, ita & Edictalis permittitur solis Iudicibus Ordinariis, & Delegatis Principum; reliqui vero Delegati, & Pedanei debent citare per nuntium. Pax Jordan. *l. 14. tit. 1. n. 23.* qui *n. 26.* addit in Curia Romana Citationem per Edictum convenire soli Papæ.

2 Locum habet Edictalis Citatio solum, quando citari quis alias non potest, ut si locus, ubi citandus moratur, non sit rurus, si extra Territorium Judicis citantis, si remotus, aut varius; vel si ipse citandus sit vagus, aut impediatur, quo minus ad ipsum citatio verbalis, aut per litteras venire possit; item si contradictor sit incertus; & citentur omnes in genere, quorum interest; si incerti sint creditores defuncti, & volens adire hæreditatem suspectam cupiat facere Inventarium; si agatur de causa diffamationis. Menoch. *remed. 8. recap. possess. n. 113. & seqq.* Carpzov. *defin. for. p. 1. Const. 2. defin. 29. n. 1. & seq.* Vviefst. *hic n. 37. & tribus seqq.*

3 Antequam decernatur, fieri debet summaria inquisitio, ex qua constet de fuga, vel latitatione citandi, vel de non tuto accessu ad ipsum. Bartol. in *Extrav. ad Regimen. V. Edictum. Conf. 460. n. 26.* Socin. *de citat. c. 23. n. 5.* Pax Jordan. *loc. cit. n. 27.*

4 Legi debet per Nuntium; & post lectionem affigi in locis consuetis, sc. in valvis Ecclesiæ, vel alias, ubi de consuetudine affigi debent ejusmodi Citationes Edictales. Pax Jordan. *n. 26.*

5 Affixa relinquenda est certo temporis spatio, quod cum non sit determinatum à Jure, relinquitur arbitrio Judicis, qui æstimabit, an hæc publica citatio verisimiliter in citati notitiam venerit. Marant. *tit. de citat. n. 96.* Menoch. *de arbitr. cent. 5. c. 563. n. 3.* Pax Jordan. *loc. cit. n. 30.*

5 Ut facilius divulgetur, & in notitiam veniat ejusmodi Citatio, non in uno tantum, sed ad minus in duobus, aut tribus locis Edictum affigendum erit, Erit etiam in omnem eventum, si forsan citatus negaret se publicè citatum esse, admodum conducibile, si nuntius in relatione executionis suæ faciendæ Judici testetur se affixisse Edictum, & affixum reliquisse per aliquod tempus. Marant. Pax Jordan. *loc. cit.*

Dub. 3. quid norandum in *Citatione peremptoria*? Resp. 19 circa hanc maxime observandum tempus, & numerus citationum. Quoad numerum citationum de Jure Civili peremptoriè reus citatur tribus vicibus per intervallum dierum ad minus 10, *l. ad peremptorium 68. & duab. seqq. ff. de Judic.* Sed hodie de consuetudine in omnibus Iudiciis obtinuit, ut unica citatio sufficiat, modò sit Peremptoria, & tantundem temporis contineat, quantum tres illæ *l. nonnunquam 72. ff. de Judic. l. consentaneum 8. C. quom. & quand. Judex & c. Carpz. p. 2. Const. 2. defin. 22. n. 1. & 2. Gaill. l. 1. obf. 53. n. 22.*

Ut ergo unica talis citatio Peremptoriæ Citationis Jura obtineat, duo requiruntur. 1. Ut adjiciatur expressè, partes citati peremptoriè *l. consentaneum citat.* vel apponatur comminatio, si citati non comparuerint, Judicem nihilominus ad cognitionem processurum, & pronuntiatum, quod Jus, & Justitia postula-verint. Carpz. *loc. cit. num. 3. & 4.* 2. Ut contineat legitimum tempus, seu tantum, quantum requiritur ad tres simplices successivas. Adeoque antiquitus concedi debebant 30. dies; nam totidem concedebantur per tres simplices citationes, utpote quarum qualibet concedebantur decem, ut supra dictum est. Hodie in Camera per *Recess. Imper. de Anno 1654. §. vunde hteraus. 36.* conceduntur ad minimum 60. dies. Potest tamen Judex tempus illud pro qualitate personæ, temporis, loci, & aliis similibus circumstantiis, vel extendere, vel restringere. Si restringere illud velit, oportet, ut habeat justam causam, & ita restrictum contineat justum spatium, intra quod reus accedere Iudicem, & deliberare pro responsione ad sibi objecta possit; alias citatio erit nulla. Pax Jordan. *loc. cit. n. 62.*

Computandum autem tempus præfixum est à die factæ, & insinuatæ citationis: & hinc si unica dies ex tempore per Leges, aut consuetudinem præfixo defuerit, reus non comparens usque ad legitima impedimenta condemnari non poterit. Carpz. *defin. 23. num. 1. & seqq.* qui addit, ejusmodi reum non comparentem condemnari tamen posse ad expensas; quia ut *defin. 24.* probat, non omnis contumaciæ expertus est, cum in Iudicio comparere, & exceptionem termini angustii viva voce opponere, ac dilationem petere debuisset.

Quæritur 2. quid requiratur, ut Citatio sit legitima? 20

Resp. 1. requiritur, ut fiat ad instantiam partis; nam in causis, quæ utilitatem privatorum spectant, Iudex citra partis instantiam citationem non potest decernere, vel etiam si decernat, ei tamen impunè non paretur. Marant. *p. 6. tit. de citat. n. 115.* Vallens. *de for. compet. §. 3. num. 5.* Ratio est, quia regulariter Iudex non debet alicui impetiri officium suum ad utilitatem privatam, nisi prius id petatur *l. ad peremptorium 68. ff. de Judic.* ibi: *Ut primo quis petat.* Dixi autem, in causis, quæ utilitatem privatorum spectant. Aliud dicendum, quando causa concernit utilitatem publicam, aut Iudex procedit ex officio, ut in causis criminalibus, præsertim capitalibus, in quibus quia hodie raro per viam accusationis, sed plerumque per viam Inquisitionis, ac ex officio proceditur, & præterea publicè interest, ne delicta maneant impunita, hinc in foro Civili passim facinorosi tam verbaliter, quam etiam realiter citantur, & capitaliter plectuntur, nemine penitus postulante.

2 Requiritur, ut fiat mandato Iudicis competentis, siue Ordinarii, siue Delegati; alias citatio non arctat citatum



citatum l. fin. C. de exhibend. & transmitt. reus, Mytting. cent. 6. obs. 10. n. 3. Gaill. l. 1. obs. 48. n. 12. Pax Jordan. l. 14. tit. 1. n. 46. Pith. hic n. 223. Konig n. 88. Excipe, nisi in flagranti crimine deprehendatur reus; nam eo casu sine speciali mandato Iudicis apprehendi potest, cum Lex ipsa tunc videatur licentiam dare, imo mandare, ut talis statim apprehendatur. Dixi, Iudicis competentis; nam si Iudex notorie incompetens sit, non tenetur Reus comparere; si dubium tamen sit, an sit competens, comparere debet, & incompetentiam allegare: in qua causa ipse Iudex potest cognoscere. Gaill. loc. cit. n. 11. Et universum advenit Haun. tom. 5. cit. tr. 3. n. 16. tutius esse semper comparere cum protestatione, quod non intendat prorogationem Jurisdictionis, nec aliter in Jurisdictionem citantis consentiat, quam quantum de Jure tenetur; sic enim contumax declarari non poterit.

3 Si Citatio in scriptis fiat, continere debet nomen, & cognomen Iudicis, à quo reus in Ius vocatur, ut constet non solum, an incompetentiæ, vel iustæ suspicionis exceptio ei opponi possit; sed etiam, an sit Ordinarius, vel solummodo Delegatus: nam huic patendum non est, nisi Delegationis copia, citationis inserta, doceat de commissione. c. præterea 2. de dilation. & c. cum in Jure 31. de offic. deleg. Vviesl. hic n. 45.

4 Continere debet nomen, & cognomen ejus, ad cujus instantiam citatur; tum ut cognoscat Adversarium suum, & eo melius defensionem suam possit instruere; tum ut intelligat, an ipsa citatio facta sit ad instantiam, & petitionem Adversarii sui; nam citra hanc in causis privatis, ut supra dixi, non valet Citatio. Gaill. l. 1. obs. 50. n. 1. & seqq. Vall. cit. de for. compet. §. 3. n. 4. & seqq. Carpzov. p. 1. conf. 2. defin. 21. n. 3. & 4. Sannig. hic c. 3. n. 6. Konig n. 89. Vviesl. loc. cit.

5 Designari in Citatorio debet nomen citati, tum ut cognoscat citatus, utrum citatio ipsum concernat, & ne Actor variate amplius possit; tum quia contra non nominatur executio fieri nequit, & cons. neque contra illum ut contumacem procedi. Gaill. l. 1. obs. 49. n. 1. & 2. Ummius Process. D. 5. n. 51. Konig hic n. 90. Quod si Universitas, vel Communitas citanda sit, videndum, an Sydicum habeat, vel non. Si habet, is citatur; si non habet, illius Capita citare sufficit, puta Decanum, & Capitulum hujus Ecclesiæ, Abbatem, & Priorem hujus Monasterii, Consules, & Senatores hujus Civitatis & Gaill. loc. cit. n. 6.

6 Inferenda Citationi etiam causa citationis, etiam in Criminalibus, præsertim dum ex in loco remoto quis citatur, eo fine, ut instruat de lite sibi intentata, & deliberare possit, an liti cedere, vel Iudicio velit conrendere. Gaill. obs. 51. n. 1. Vallenf. de for. compet. §. 3. n. 8. Pax Jordan. loc. cit. n. 44. & 75. Carpz. defin. 21. n. 5. Haun. tr. 3. cit. n. 17. Sannig. c. 3. n. 6. Putat autem plerique ex istis, & assentitur Farinaceus, sufficere generales terminos, si Iudex e. g. in Edicto dicat, Compareas responsurus super quadam causa criminali; quod etsi fortasse verum sit, consultius tamen est specialius causam citationis exprimi, præsertim si ad instantiam partis fiat.

7 Indicandus locus Iudicii, ut citatus sciat, ubi comparendum. Procedit hoc maxime respectu Iudicis Delegati; nam si Iudex Ordinarius locum non apponat, censetur citasse ad locum consuetum. Debet autem locus iste esse intra territorium citantis; item debet esse tutus, & commodus; nam citatus ad locum non tutum, vel incommodum non tenetur comparere c. ex parte 47. de appellat. Clem. pastoralis 2. de sent. & re judic. l. si locus 59. ff. de Iudic. Gaill. l. 1. obs. 52. n. 1. & seqq. Vall. loc. cit. n. 9. Haun. n. 17. cit. Konig n. 93.

8 Continere debet competentem terminum, intra quem comparitio sit possibilis; alias inutilis remanet, & non afficit citatum Card. de Luca de Iudic. disc. 9. n. 7. cum præcedentibus DD. Et verum hoc est secundum cit. Eminentissimum, quamvis Iudex non nisi elapso termino competente ad Iudiciales actus procedat.

9 Denique omnis citatio fieri debet juxta consuetum Curiae Stylum; alioquin citatus non tenetur comparere, cons. contumax non efficitur. Pax Jordan. l. 14. tit. 1. n. 44.

Dub. 1. an necesse sit addere certam diem, & horam, qua necesse sit citato comparere ante Iudicem? Schmalzgrueber Tom. II.

Resp. de Hora designanda communis sententia negat hoc esse opus, sed citatus comparere debet hora causarum solita, & tali, qua possit actus expediri ante tenebras. Mirant. de Ordin. Iudic. p. 6. tit. de citat. n. 66. Gaill. l. 1. obs. 53. n. 4. Vallenf. cit. de for. compet. §. 3. n. 10. Quod si tamen hora certa apponatur, observanda est; alias si alia hora actus fieret, non valeret, ut cum aliis Marant. loc. cit. notat.

De die certo, qui iustus, & opportunus sit, designando conveniunt DD. in affirmativam; quod ideo institutum est, tum ut reus sciat, quando sibi sit comparandum; tum ut cognoscat, an dies, qua comparere ipsum vult Iudex, Iuridica sit? nam diebus feriatis, veluti die festo, aut vindemiarum, vel messis nemo ad Iudicium venire compellendus est, ut infra Tit. 9. dicitur. Excipitur, si citatio fiat causa alimentorum, carceratorum, pupillorum, miserabilium pertonarum, aut in aliis causis, quæ moram non patiuntur: nam hæc diebus feriatis expediri possunt; quia ubi periculum est in mora, à regula Iuris communis recte receditur. Exprimenda tamen in citatione hæc sunt; alias citatus habet intentionem fundatam non compatendi die feriata.

Dub. 2. quomodo se getere debeat, qui à Iudice citatur ad locum non tutum? Resp. distinguendo; Vel enim locus tutus non est ob pestem, aut alium morbum contagiosum, vel ob inimicitias, bella &c.

Si primum, & pestis in eo loco, vel alius morbus contagiosus notorie grassetur, non cogitur comparere, imo nec tenetur excusatorem mittere. Neque urget hic Regula, quod notorium impedimentum saltem sit allegandum; fallit enim hæc regula in nostro casu, quia citatio est ipso Iure nulla, eo quod graver ad comparandum in loco, qui non minus est periculosus pro excusanda, quam proponenda comparatione; nam utrinque comparandum est vel à citato, vel à nuntio. Pax Jordan. l. 14. tit. 1. n. 78.

Si secundum, & locus non tutus sit ob inimicitias, bella &c. opus esset illas, quantumvis notorias, allegare, & petere sibi cautionem de non offendendo, vel assignari sibi alium locum tutum. Pax Jordan. loc. cit. n. 79. Debet autem Iudex acceptare exceptionem loci non tuti, etiam post contestationem litis; alias citatus, tanquam gravamen passus, appellare poterit. Gaill. l. 1. obs. 52. n. 3. Procedit hoc non solum quoad partem citatam, sed etiam quoad ejus Advocatum, vel Procuratorem, aliasque personas, quarum interesse potest, ut locus Iudicii tutus sit; item quoad Testes examinandos.

Dub. 3. quid faciendum, si citandus moretur extra Territorium citantis? Resp. Citationem extra Territorium citantis tripliciter fieri posse. 1. Per nuntium à citante missum, qui citando litem futuram insinuet; hæc citatio valet, cum non sit actus Jurisdictionis in Territorio alieno, sed mera executio, & operatur huic effectum, ut Iudex rei sitæ, si sic ab eo citatus sit contumax, & non compareat, possit ad inmissionem bonorum procedere ob fundatam Jurisdictionem ratione rei sitæ c. Romana 1. V. contrahentes de for. comp. in 6. 2. Per Iudicem rei sitæ, ita ut is per Litteras Subsidiarias requiratur Iudicem loci, in quo citandus degit, iisque petat, ut ipse vel nuntio missio facultatem tribuat citationem exequendi, vel ipsemet per suos ministros hanc exequatur; hæc monitio istum effectum habet, ut Actor in contumaciam moniti non comparentis possit in possessionem rei petite secundum naturam actionis intendere mitti. 3. Per Edictum affixum in locis finitimis.

Quo modo ex tribus citatio fieri debeat, A.A. disputat. Haun. tom. 5. de l. & l. tr. 3. c. 1. n. 24. vult primo modo faciendam citationem. Konig hic n. 74. putat tutius tali casu adhiberi modum secundum. Ego existimo in considerationem adducendas circumstantias, ab hoc, vel illo modo uti expediat. Tertio modo de lure communicato fieri non debet, nisi quando quis alio modo citari non potest.

Si Iudex loci, in quo reus citandus degit, per litteras subsidiarias requisitus, renuat citationem insinuare reo in Territorio suo degenti, confugiendum ad Ministratum Superiorem, qui adigere talem potest, ut requisitioni deferat; nam una Jurisdictio per aliam adjuvanda, & sicut manus manum fricat, ita unus Magistratus alterius armis indiget. Carp. p. 1. Conf. 2. defin. 28. n. 4. & seq. Quod si Magistratus requisitus sit ipse supremus,



non recognoscens superiorem; vel adiri superior nequeat, fieri Citatio Edictalis potest, quod Edictum hoc ipso, quod publice affixum sit, præsumitur ad citari notitiam pervenire, atque adeo eundem stringere *arg. c. adhuc 1. de postul. Pralat.*

- 24 Dub. 4. an Judex una cum citatione debeat transmittere Libellum actoris, vel sufficiat tantum ipsam causam litis in genere citationi inferere? Plerique solius causæ expressionem sufficere censent. Baltol. in *Auth. offeratur C. de lit. contest. n. 3.* Socin. *tr. de citat. art. 20. n. 10.* Gaill. *l. 1. obs. 51. n. 1. & 2.* & alii apud istum, qui etiam testatur hoc Ordinationi Cameræ consentaneum esse.

Sed ut bene advertit Engl *hic n. 10.* Stylus cujuscunque Curiae attendendus est, qui nisi contrarium dicitur, provide omnino, & circumspicte faciet Judex, si una cum citatione Libellum transmittat; nam hæc transmissio erit litis acceleratio, nec tali casu amplius concedi debebunt reo induciæ deliberatoriæ, sed comparens statim tenebitur respondere per textum *c. præterea 2. de dilation.* Deinde inducetur hoc modo litis pendentia, cujus hic effectus est, ut interea nihil innovari possit. Laym. in *c. præterea cit. n. 1.* Gaill. *loc. cit. n. 4.* Carpz. *desin. 21. n. 5. & 6.* König *hic n. 92.* Curabit tamen Judex, ut Originale, vel saltem Copiam Libelli penes se retineat ad cavendas fraudes, & ne possit in illo aliquid à reo mutari.

- 25 Quæritur 2. quomodo executioni sit danda Citatio? Resp. 1. ordinarie, & ex Stylo Cameræ citatio fit per destinatos, & juratos nuntios, viatores, seu ministros publicos; in Curia Romana per Notarium, seu Actuarium. Potest etiam fieri per Judicem ipsum, si forte litigantes offendat: per ipsum Actorem Citatio quidem fieri potest, sed Reus non tenetur eidem credere.

2. Facienda est in loco subjecto Jurisdictioni Judicis citantis; quia est actus Jurisdictioni contentiosæ, quæ in alieno Territorio exerceri non potest. *Excipiuntur latrones, prædones, aut similes Pacis publicæ perturbatores, quorum persecutio in Imperio extra Territorium persecutis continuari potest juxta Const. Imp. 1559. Augusta promulgatam §. und wiewohl.* Item Religiosi fugitivi, & Apostatæ ob personalem illorum obligationem *arg. l. si quis 1. C. ubi quis de Curial.*

3. Insinuatio Citationis fieri potest quovis tempore, modo de die fiat; nam nox in hujusmodi actibus merito suspecta habetur, prout textus est, & communiter docent DD. in *c. consulit 24. de offic. deleg.*

4. Si fieri potest, facienda est executio citationis in faciem, & præsentem. Hinc Nuntius Reum citatum diligenter inquireret, ut ei coram in faciem citationem insinuet: cui etiam, si talis sit, qui ad hujusmodi actus communiter adhiberi solet, reus debet credere; secus, si specialiter sit ad hoc missus, aut destinatus à Judice delegato: nam huic ut teneatur parere reus, necesse est, ut ipsi exhibeantur litteræ citationis, & commissionis; quia, ut infra dicam, Judex Delegatus tenetur citationi inferre tenorem commissionis, ut reus cognoscat Jurisdictionem citantis.

5. Si reum inquisitum nuntius non repererit, potest in subsidium, vel Procuratori illius, si quem reliquerit, vel ad domum domesticis, adultiori tamen, non infanti, vel si nemo adsit, vicinis denuntiationem exponere, relicto ibidem commissionis suæ exemplo, ut ad reum citatio perveniat *c. causam 3. de dol. vel si neque hoc fieri possit, aut expediat, potest citatio affigi ad domum, in qua citandus habitare consuevit arg. l. aut qui aliter §. §. & si forte 2. ff. quod vi aut clam.* Haun. *com. 5. de J. & J. tr. 3. n. 23.* Pirh. *tit. de for. compet. n. 234.* König *hic n. 76.* & apud hunc alij. Hæc tamen citatio ad domum fieri non debet, nisi quando aliter fieri non potest, *l. aut qui aliter cit. ubi dicitur ad domum fieri denuntiationem, si nullus sit, cui denuntiatur. Neque obstat textus Clem. un. hoc tit. ubi disjunctive dicitur, posse quem citari personaliter, vel ad domum; nam iis verbis non denotatur electio, sed ordo citationis, ut bene notat Pirh. *l. cit. n. 224.**

6. Si citandus plures habeat ædes, executio fiet ad eas, in quibus majore parte anni egit *arg. Clem. causam 3. de elect. ibi in domo, quam ipse appellatus communiter habitare consuevit.* Si æquali tempore moratus fuerit in omnibus, ibi citandus erit, ubi citationi tempore degit. Si vero nec domum habeat certam, nec sciri possit, ubi sit, citandus est in oppido, vel pago, ubi solitus est conversari, vel per Edictum, vel per Præconem. Si eo pervenire non possit nuntius, eo quod à Custodibus urbis ingressu arceatur,

sufficit in portis civitatis citationem affigi. Semper autem expediet, quomodocunque fiat citatio, ut eam nuntius exequatur, vel affigat adhibitis duobus, vel tribus testibus, ut casu, quo negaretur, eam probare possit.

7. Executione facta, incumbit eidem nuntio facere relationem, quæ in acta referri debet, ut appareat de legitime facta executione. Et hæc relatio pars substantialis est, nec sine ea aut citatio, aut sententia, aut totus processus in contumaciam factus valet. Gaill. *l. 1. obs. 54. n. 7.* Haun. *tr. 3. cit. n. 69.* König *hic n. 96.* Porro relationi executoris creditur propter fidem ejus delectam, & Juramenti Religionem, qua Judici adstrictus est. Gaill. *l. cit. n. 4.* Excipe, nisi citatus sit persona spectabilis, & fide digna, ac Juramento asseret, nunquam sibi citationem factam esse; tunc enim illi magis, quam nuntio credendum foret.

Dub. 1. an semper opus sit citatione? Resp. per se loquendo requiri: excipi tamen casus diversi possunt, in quibus non est opus citatione. 1. Si delinquens in flagranti crimine deprehendatur; nam tunc Lex ipsa concedit licentiam. Gaill. *obs. 54. cit. n. 2.* 2. Quando Judex procedit ex officio, quoad ea, quæ facere ex officio potest. Pax Jordan. *l. 14. tit. 1. n. 138.* 3. Quando reus citandus præfens jam est in loco Judicii secundum dicta *n. 15.* 4. Si crimen sit notorium, ita sc. ut nulla possit tergiversatione celari, aut defendi juxta *ibid. dicta. 5.* Cum periculum est in mora, & in continenti alicui est subveniendum. Haun. *tr. 3. cit. n. 21.* 6. In causa hæresis, ubi contra inquisitum potentem testes recipi possunt, etiam parte non citata *c. fin. de hæ. et. in 6.* Pax Jordan. *loc. cit. n. 139.* 7. Quando citatus, etiam si præfens esset, actum impedire non possit; nam quod fieri potest me invito, multo magis fieri potest me inscio. Pax Jord. *n. 140.* 8. Quando ipse Judex præfens per seipsum, vel per alios monet partes, ut compareant certo tempore; quia cum Judex ipse sit persona publica, monitio ejus vim citationi habet. Pax Jordan. *n. 124.* 9. Denique ubi causæ cognitio non requiritur *l. nec quicquam 9. §. ubi i. ff. de offic. Procons.* Alii casus videri possunt apud Marant. *p. 6. tit. de citat. à num. 5.* Vvesenbec. *ff. de injus vocand. n. 13.* Pirh. *tit. de for. compet. nu. 227.*

Dub. 2. à quo debeat fieri Citatio? Resp. fieri potest à Iudice Ordinario, & Delegato; à Delegato tamen, ut *supra n. 17. & 18.* monui, solum verbaliter. Præterea circa Delegatum Iudicem etiam hoc advertendum, quod ut citatus ab eo eidem credere debeat, & cons. respondere, ac sententiæ ipsius sese subijcere, necesse sit, ut Delegationis suæ legitimam demonstrationem faciat. Ratio est, quia Delegatio, utpote res facti, non præsumitur, & cons. probari debet, puta per exhibitionem mandati, vel Authentici ipsius Copiæ. Excipe, nisi Delegatio ab ipso Iure generaliter facta sit, quemadmodum sæpius, præsertim in Trid. Episcopi, tanquam Delegati Sedis Apostolicæ, jubentur procedere contra privilegiatos, & alias à Jurisdictione ipsorum exemptos.

Quæres; an citatus teneatur comparere coram citante, si hic mandatum, quo delegatur ipsi potestas, primum postea, ubi citatus paruerit, demonstrare velit? Variæ sunt sententiæ. Gloss. in *c. si Episcopus 8. V. convocari caus. 3. q. 2. arg. c. cum in Jure 31. de offic. deleg.* vult citationem non valere, neque arctare citatum ad comparandum, nisi citato simul transmittatur transcriptum Delegationis. Alii cum Felin. in *c. cum in Jure cit.* putant ad obligationem comparandi sufficere simplicis copiæ transmissionem, vel etiam solam allegationem Delegationis in citatorio; licet enim copia ejusmodi simplex non sit Authentica, & cons. plenam fidem non faciat, facit tamen citato probabilem dubitationem delegationis factæ, quo casu obligari citatum ad comparandum habetur *l. si quis 5. ff. de Iudiciis.*

Placet Sententia P. König, qui *n. 71. hic* putat distinguendum; Vel enim agitur de gravissimo, vel de gravi, vel de levi solum præjudicio citati. Si primum, nulla est obligatio comparandi, antequam de mandato plene, & legitime constet; quia tale præjudicium non ita facile iterum resciri potest per regressum contra citantem. Si secundum, putat sufficere transmissionem Copiæ, non autem simplicem asseritionem, & inentionem Delegationis factæ; quia etsi Copia ejusmodi non sit omnino Authentica, facit tamen præsumptionem Delegationis sufficientem pro his circumstantiis, & læsio facilius per regressum contra citantem recuperari potest, si ex post facto appareat citationem fuisse illegitimam. *S. Ter-*



rium, asserit satis esse, si delegatus dicat se delegatum; quia exinde nascitur probabile dubium Jurisdictionis, quod, si præjudicium non sit grave, citatum obligare ad comparandum potest.

Dub. 3. quis citari possit? Resp. citari posse omnem, & solum illum, qui Jurisdictioni citantis subiectus est; nam citatio est actus Jurisdictionis, quæ tantum tendit in subditos. Neque obstat *l. si quis 5. ff. de Judic.* ubi dicitur eum, qui ex aliena Jurisdictione ad Prætorum vocatur, debere venire, eo quod ejus, i. e. Prætoris, aut Judicis, sit aestimare, an sua sit Jurisdictio; nam dispositio istius Legis solum procedit, cum dubia est expositio: hinc si evicens, & notorium sit citantem non habere Jurisdictionem in citatum, ut si Clericus citetur à Laico, comparere nequitam obligatur, sed potest privilegium exemptionis, & incompetentiam Judicis allegare.

Citandus autem principaliter est reus; & præter hunc omnes illi, quorum interest, seu quorum causa agitur arg. *l. nam ita 39. ff. de adoptione. & l. de unoquoque 47. ff. de re judic.* Nec tantum ipse principalis, sed post contestationem litis etiam Procurator utpote qui per contestationem litis fit dominus litis, ita ut non cum ipso negotii domino, sed cum Procuratore lis agi intelligatur. Ab hac universali regula excipiebantur olim duo ordines hominum, qui citari, & in Jus vocari non poterant: quorum primus eorum est, qui citari omnino verabantur; alter eorum, qui citari quidem, & in Jus vocari poterant, sed non nisi permissu, & venia Prætoris.

In primo Ordine constituiebantur 1. Magistratus Majores, Consules, Præfecti, Prætores, Proconsules *l. in Jus 2. ff. de in Jus vocand.* 2. Is, qui cælibem vitam exuens, uxorem ducit, qui alio vocatus causam agit, qui funus ducit familiæ, qui Sacris operatur &c. *l. in Jus 2. & l. seq. 3.* Is, qui domi suæ quiete vixit; nam hunc, Juris experiundi causa, domo extrahere nefas erat; quia, ut *l. plerique 18. ff. eod.* Cajus inquit, domus sanctissimum cuique refugium, atque receptaculum est.

In secunda Oraine comprehendebantur 1. Paterfamilias; nam hunc filius, in Jus vocare non poterat, nisi ratione peculii Castrensis *l. his nulla 4. ff. de Judic.* 2. Parentes: quo nomine hoc loco veniunt etiam avi, & proavi &c. *l. quicumque 4. ff. de in Jus vocand.* 3. Patroni utriusque sexus, item parentes, & liberi patronorum *l. quicumque cit. 4. Generaliter*, ut *l. generaliter 13. ff. eod.* habetur, omnes ea persona, quibus reverentia præstanda est.

Addidi, excipiebantur olim; nam nostra ætate 1. Ex concordia DD. sententia vocari in Jus possunt etiam Magistratus, idque durante suo officio, ut ex Ummio, Struvio, Lauterbach, & Bunnemannno notat R. P. Schmier *tr. de process. Judic. c. 2. n. 62.* & rationem dat, quia ex una parte Magistratum non dedecet ad Judicem Superiorem vocari, ex altera vero, ne ob litem sibi intentatam à functionibus officii sui impediatur, idem Superior arbitrari potest, an, & quamdiu actio sit differenda. 2. Idem dicendum de commorantibus domi suæ; hodie enim insinuatio citationis fieri solet, & debet in ædibus citati secundum dicta *n. 25.* Imo ne antiquo quidem Jure citatio domi faciendi prohibebatur, si fiebat autoritate Judicis *l. sed & si is 21. ff. de in Jus vocand.* Quod verum est etiam de citatione reali, quoties hæc licita est de Jure, vel consuetudine; nam *Juris executio*, ut Ulpianus *l. injuriarum 13. §. is qui 1. ff. de injur.* inquit, non habet injuriam. 3. Similiter in Jus vocari hodie possunt personæ primi ordinis, modo contra eas actus in supplicatione pro impetranda citatione nexum reverentiæ exprimat; hoc ipso enim, quod Judex supplicationi deferat, & citationem decernat, ipso facto licentiam experiundi dedisse censetur. P. Schmier *loc. cit. n. 53. & seqq.* Solum ergo sub dispositione Juris antiqui remanent personæ primi Ordinis secundo loco positæ, quod ratio Juris antiqui, ob quam vetantur vocari in Jus, etiamnum duret. apud P. Schmier *n. 69.* & hunc Umm. *Process. D. 5. th. 6. n. 28. & seqq.*

Quæritur 4. quis sit effectus Citationis? Resp. si legitime facta sit, complures effectus habet, quos præter alios recensent Vvesenbec. *ff. de in Jus vocand. n. 12. & seqq.* Pax Jordan. *l. 4. tit. 1. a n. 163.* Haun. *tom. 5. tr. 3. n. 56. & seqq.* König *hic n. 98.* Vviesl. *n. 51.* & novissime P. Schmier *c. 2. cit. nu. 76. & seqq. 1.* Adstrin-  
Schmalzgrueber Tom. II.

git citatum ad comparandum, nisi iusta exceptione se iueatur; alias redditur contumaciæ reus *c. ex literis 2. de dol. & contum. & l. ex quacunque 2. ff. si quis in Jus vocatus non jervit. 2.* Inducit litis pendentiæ ad eum finem, ut lite pendente innovari nil possit. *Clem. 2. junct. Gloss. V. ad hoc ut lit. pendens.* 3. Facit rem, quæ ab Actore controversatur actione reali, litigiosam, ita, ut, dum lis pendet, alienari per emptionem, aliumve contractum (quibusdam exceptis) nequeat. *Clem. 2. cit. & Auth. litigiosa C. de litigios.* 4. Constituit citatum legitimum contradicteorem, adeo, ut quamvis ex aliqua causa repelli posset, citans tamen sibi præjudicet, & pellere dein illum non possit amplius. Pax Jordan. *loc. cit. n. 179.* Haun. *n. 65.* 5. Perpetuat Judicis Delegati Jurisdictionem, ita, ut morte delegantis non expiret; quia citatione emissâ, res non amplius est integra *c. gratum 20. de offic. deleg.* 6. Tollit potestatem actori eligendi inter plures Judices, si sorte super eadem causa potuissent diversi Judices judicare, prout possunt in causis mixti fori; quia operatur Præventionem *c. proposuisti 19. de for. compar. & l. si quis 5. ff. de Judic.* 7. Prorogat Jurisdictionem Judicis, adeo, ut, nisi quis, postquam citatus est, esse cæperit alieni fori in ea causa Jus revocandi domum non habeat, sed comparere coram Judice, qui eum citavit, debeat *l. si quis postquam 7. ff. eod. l. cum quadam 19. ff. de Jurisd.* 8. Interrumpit præscriptionem saltem odiosam, i. e. quæ tantum ob negligentiam domini inducitur, *sc. 30. vel 40. annorum.* Berlich. *p. 2. concl. 9. n. 23.*

Dubiratur, an hos effectus etiam pariat Citatio invalida? Resp. negative, nisi ex post facto convalideatur. Patet ex *Clem. causam 3. de Elect.* ibi: *In iustitia vero aliter facta omni careat Juris effectu.* Ratio est, quia, quod nullum est, nullum producit effectum: idemque reputatur plane non fieri, & fieri illegitime *c. fin. de restit. spoliat. & l. quoties 6. ff. qui sari d. cog.*

Dixi autem, nisi ex post convalideatur; convalidari autem citatio non rite facta ex post facto tripliciter potest. 1. Per comparitionem illius, qui citatus est. Gaill. *l. 1. obs. 58. n. 1. & 2.* Pax Jordan. *l. 14. tit. 1. n. 177.* Haun. *tom. 5. tr. 3. n. 66.* P. Vviesl. *hic n. 52.* P. Schmier *Process. Judic. c. 2. n. 101.* & hoc teste praxis Camera, & Rota Romana. Intellige, si ex alio capite, quam ex defectu Jurisdictionis sit invalida; nam Jurisdictionis defectus per præsentiam, aut comparitionem Rei non sanatur, cum Jurisdictionem tribuere nequeat. 2. Convalidatur, quando quis Procuratorem constituendo gerit se pro citato, vel alio modo declarat, quod pro citato haberi velit. Pax Jordan. *n. 178.* Haun. *loc. cit.* Ratio est, quia citationis nullitas introducta est in favorem Rei. Ergo si hoc suo favore Reus uti non velit, valebit citatio; quia volenti non fit injuria. 3. Et principaliter sanatur nullitas Citationis ex Principis Rescripto; de quo videatur Pax Jordan. *n. 179.*

## TITULUS IV.

## De Mutuis Petitionibus.

## SUMMARIUM.

- 1 Quid sint Mutua Petitiones?
- 2 An durante conventionis Judicio Reus Actorem convenire possit coram alio Judice?
- 3 An Actor possit declinare Judicem eundem in causa Reconventionis?
- 4 Coram quo Iudice Reconventio locum habeat?
- 5 Quis reconvenire possit? & quem?
- 6 7 8 An etiam Clericus reconveniri possit coram Iudice Laico?
- 9 In quibus causis locum habeat Reconventio?
- 10 In quibus non?
- 11 An etiam in Criminalibus?
- 12 Effectus Reconventionis.
- 13 Tempus, quo proponenda est.

Solet interdum Reus, cum Actoris Libellum viderit, vicissim aliquid ab Actore petere, eumque, porrecto vicissim Libello, reconvenire, proponendo actionem contra ipsum Actorem. Hæc Reconventio Germanicè *die Vvider-oder Vegenklag*, in Iure



Canonico *Mutua Petitio* dicitur, eo quod Reus mutuo reagat in Actorem, & sic oriantur duæ mutue, seu reciproce petitiones.

1. Quæritur 1. quid sint *Mutue Petitiones*? Resp. sunt conventio ex parte Actoris, & Reconventio ex parte Rei. Dum suum libellum Actor Iudici offert, Reum convenire dicitur; dum Reus, viso Actoris Libello, suum vicissim tradit, dicitur Actorem reconvenire. Unde definiri *Reconventio* potest, quod sit *Actus*, quo reus post oblatum, & visum Actoris libellum vicissim aliquid ab eopetite corameodem Iudice, ac in eodem Iudicio, etiamsi alias Iudex ille non esset Actoris competens. Colligitur ex c. ex litteris 1. & c. seqq. hoc tit. l. cum Papinianus 14. juncta Auth. & consequenter C. de sent. & interloc. omn. Judic. & tradunt reipsa Ummius *Process. Iudic. D. 10. thes. 1.* Nicol. Rodriq. *Prax. Tribun. ad Rubr. hoc tit. n. 1.* Haun. tom. 5. tr. 3. n. 338. Gonzal. in c. ex litteris cit. n. 6. Vvagnereck ibid. Vallens. hic §. 1. n. 2. Pirh. n. 1. König n. 1. Sannig c. 1. n. 2.

Est omni iure recepta Reconventio, præterquam Saxonico, teste Carpzov. p. 1. *Const. 7. defin. 7.* & Bavarico, teste Hann. *loc. cit. n. 359.* in utroque tamen & ipsa admittitur in causis connexis, ut iidem testantur. Ut rite intenteretur, & peragatur, duo debent concurrere. Unum est, ut coram eodem Iudice, quem Actor forum Rei sequenselegit, instruarur; alias simplex Conventio porius, quam Reconventio erit c. dispendia 3. vers. reus quoque ibi; apud eosdem Iudices: de Rescriptis in 6. l. qui non cogitur 22. ff. de Iudic. ibi; eundem Iudicem. l. cum Papinianus cit. ibi; coram eodem. Alterum est, ut mutua petitio, ac Reconventio proponatur durante eodem Iudicio; alias effectus sibi proprios non operabitur, ut infra dicam n. 13.

2. Dub. 1. an in mutuis petitionibus, seu reciprocis conventionibus durante Iudicio conventionis Reus possit convenire Actorem coram alio Iudice? Resp. non posse nisi finita lite. Ita uterque Barb. Petr. in l. qui prior 29. n. 10. & seqq. ff. de Iudic. August. in c. ex litteris 1. hoc tit. n. 1. Nicol. Rodriq. in Rubr. hoc tit. n. 2. Brunnem. in Auth. & consequenter cit. n. 1. Vallens. hic §. 1. n. 2. Pirh. n. 1. Sannig c. 1. n. 2. Patet ex definitione Reconventionis allata. Ratio hujus est, ne coram diversis Iudicibus eodem tempore agatur c. fin. hic & c. dispendia cit. Item ne in Rei calumniosa potestate sit actorem ad alium Iudicem trahere, & sic ejus actionem elidere, eumque à petitionis suæ prosecutione distrahere l. si idem 11. §. sed & si 1. ff. de Iurisd. Auth. & consequenter cit.

Excipiendi sunt duo casus. Primus, si causa, in qua reus reconvenire actorem vult, talis sit, de qua Iudex, apud quem ipsi ab actore lis intentatur, ullo unquam tempore possit cognoscere, ut sit causa spiritalis, quæ est supra Iurisdictionem Iudicis Laici; si causa sit feudalis &c. quo casu non actor, sed natura, & genus causæ recusat, & designatur talem Iudicem. Secundus, si Iudex Reo suspectus sit; tunc enim potest causas suspicionis intra 20. dies, à transmissione Libelli computandos, proponere, & his probatis, coram alio subrogato utramque litem ventilare. Vvesenbec. *Conf. 50. n. 19.* & seq. Brunnem. in Auth. cit. n. 1.

3. Dub. 2. an Actor possit declinare Iudicem eundem à reo imploratum cum Libello Reconventionis, & se tueri exceptione fori incompetentis, quo minus cogatur respondere coram eodem Iudice? Resp. nisi ratio, & natura causæ id perat, non posse. Laym. in c. 1. hoc tit. n. 1. Vall. hic §. 1. n. 3. Carpz. *defin. 7. cit. n. 1.* Pirh. hic n. 22. qui addit, actorem postquam reconventus est à reo, etiam non posse desistere à lite reo inrentata, ipso inviro, quamvis lis nondum contestata sit; quia per legitimam Reconventionem fuit à reo præventus, & cons. ab hoc acquisitum jus est, ut cogere actorem possit, ut sibi respondeat, & patiarur utramque causam simul tractari.

Responsio paret ex l. cum Papinianus cit. & l. qui non cogitur 22. ff. de Iudic. ubi Ulpianus, Qui non cogitur, inquit, in aliquo loco agere, si ipse ibi agat, cogetur excipere actiones, & ad eundem Iudicem mitti. Ratio est, quia æquitas dicitur, ut quod quisque Iuris in alium statuit, eodem ipse utatur l. hoc dictum 1. & tot. tit. ff. quod. quisq. Iur. Item non debet actori licere, quod reo non permittitur l. non debet 41. ff. de R. I. igitur omnino

consentaneum est, ut actor, qui sibi sponte eligit talem Iudicem contra Adversarium, vicissim etiam patiarur, ut Adversarius contra ipsum petere, & eligere possit eundem Iudicem. Unde si Actor nolit respondere libello Rei in causa Reconventionis coram eodem Iudice, etiam reus non tenebitur respondere actori in causa Conventionis.

Quæritur 2. coram quo Iudice Reconventio locum habeat; an coram Ordinario tantum, an etiam coram Delegato? Viderur quoad hunc posteriorem renendam esse negativam. 1. Quia prorogatio Iurisdictionis de re ad rem coram Iudice Delegato fieri non potest ut dictum est Tit. 2. n. 144. sic autem prorogaretur, si de causa Reconventionis, super qua ab Ordinario constitutus non est, cognoscere posset. Ergo &c. 2. coram Arbitris compromissariis tantum causa compromisso expressa disceptari potest, neque coram ipsis Reconventioni locus est, ut dictum est Lib. 1. tit. 43. n. 17. ergo neque coram Delegato. 3. Si virtute prioris Delegationis posset Delegatus Actorem compellere, ut coram se respondeat de causa reconventionis, non esset necessaria nova delegatio, & novum rescriptum. Hoc autem necessarium est, ut Delegatus de mutua petitione cognoscat per c. dispendia 3. vers. reus de rescript. in 6. & l. Lucius 38. ff. mandat. ubi Marcellus respondit, Iudicem datum posse in causis reconventionis cognoscere, quia datus est super mutuis petitionibus; ergo si non ita datus esset, de reconventionis non potest cognoscere. 4. Si affirmativa vera esset, æqualiter procederet in Iudicio criminali, sed in hoc non procedit. Ergo &c.

Sed hoc non obstante, cum communi dico, reconventioni non tantum coram Ordinario, sed etiam coram Delegato locum esse. Patet ex c. ex litteris 1. hoc tit. & docet Marant. p. 4. dist. 6. n. 13. Barbos. in c. cit. n. 5. Laym. ibid. n. 1. Gonz. n. 4. Pirh. hic n. 3. Vviesl. n. 3. & novissime P. Friderich tr. de for. compet. edit. 2. n. 596. Ratio est, quia Iura inter Ordinarium, & Delegatum Iudicem non distinguunt. Intelligi autem hoc debet, si delegatus sit ad Instantiam Actoris; secus, si ad instantiam utriusque, ut aliis cit. notat P. Vviesl. loc. cit. quia tunc Reus sibi imputare debet, quod causam Reconventionis non curaverit in Rescripto exprimi.

Neque obstant rationes dubitandi allatae. Ad 1. dico, id vetum duntaxat esse in prorogatione Iurisdictionis voluntaria, non autem in necessaria, & quæ sit auctoritate, ac necessitate Legum, prout sit in casu Reconventionis. Ad 2. negatur paritas; nam potestas Arbitri unice pendet ex voluntate compromittentium, potestas Delegati etiam ex dispositione Iuris, quod c. ex litteris 1. hoc tit. eidem Iurisdictionem in causa reconventionis aperte concedit. Ad 3. Bonifacius in c. dispendia cit. non imponit necessitatem reo impetrandi novum rescriptum, sed solum affirmat, ut, si maluerit, illud petat; quo innuit, si noluerit petere, posse virtute prioris delegationis actorem reconvenire. Et sic intelligendum hunc textum colligitur ex verbis, durante eodem iudicio, ubi indistincte loquitur de Iudice Ordinario, & Delegato. Ad 4. specialis est ratio in causa criminali; de quo, quia est altioris indaginis, dicitur infra. Interim

Dub. 1. quis reconvenire possit? & quem? Duo membra hoc dubium habet. Ad 1. reconvenire potest omnis ille quem actor in Iudicio convenit, modo facultatem agendi habeat. Ita omnes. Addidi, *Modo facultatem agendi habeat*; nam qui agere vetatur, etiam reconvenire non potest, cum omnis Reconventio sit actio aliqua. Hinc recte inferunt DD. eos, qui excommunicati, proscripti, vel banniti sunt, non audiri debere, cum reconvenire suos actores volunt; quia etiam prohibentur agere. Et quidem de Bannito, seu proscripso ex toto Imperio, dubium esse non potest; hic enim non amplius pro Cive, sed hoste Imperii habetur, & sic omnibus Imperii Juribus excidit. Siquis proscripso ab inferiore aliquo Principe tantum è Ducatu, Principatu, vel Civitate est, Jura municipalia quidem, & propria illius territorii perdit, ea ramen, quæ sunt Juris communis, retinet; & ideo licet in loco, è quo proscripso est, conventus ab alio reconvenire illum non possit, id tamen potest alibi contra quemvis arg. l. cum qui 3. ff. de interd. & relegat.



Ad 2. dico, reconventionem institui posse regulariter adversus quemlibet Actorem; *cujus enim in agendo observat arbitrium, eum habere contra se Judicem in eodem negotio* (i. e. in eadem lite, vel instantia) non dedignetur, ut dicitur *l. Papinianus cit.* Excipe, si Actor sit Procurator agens alterius nomine; hic enim de proprio debito reconveniri non potest: & ratio est; quia reconventio non habet locum, nisi contra agentem suo nomine: quod etiam extendi debet ad tutorem, & curatorem, quando agunt nomine pupilli, vel minoris. Carpz. *defn.* 6.

Dub. 2. an etiam Clericus reconveniri possit coram Iudice Laico? *Certum est* 1. non posse ipsum coram hoc reconveniri in causa rei spiritualis, aut huic annexæ; quia ab hujus cognitione natura causæ Judicem sæcularem repellit, ut dictum est *num. 2.* *Certum est* 2. reconveniri eundem coram isto non posse in causa criminali, sive criminaliter, sive civiliter agatur de crimine; quia Judicium criminale est in personam, de qua, si Clericus sit, ob exemptionem solus Iudex Ecclesiasticus potest cognoscere, ut dictum est *Tit. 2. num. 79. & seqq.* *Certum est* 3. adversus Clericum, in causa merè Civili conventum, locum esse reconventioni, quando ista solum per modum Exceptionis proponitur; quia Reconventio sic proposita potius habet rationem defensionis necessariæ, quam actionis.

Controversia magnis partium studiis agitata est, an Actor Clericus coram Iudice Laico reconveniri possit à Reo Laico reconventionem non per modum exceptionis, sed actionis proposita? Affirmativam defendit Gloss. in *cap. 1. hoc tit. V. super suis questionibus.* Felin. in *cap. 4. de judic. num. 8. & seqq.* Bart. in *Auth. & consequenter citat. num. 19.* Bald. *ibidem num. 18.* Nicol. Rodt. in *Rubr. hoc tit. quest. 4. num. 2.* Petr. Barb. in *l. qui prior 29. num. 82. ff. de judic. Augustin. Barbosa in cap. 1. hoc tit. num. 4.* Vvagnereck *ibid.* Olivafor. *Eccles. p. 3. q. 32. num. 9.* Brunnem. in *l. Papinianus cit. num. 3.* Carpz. *part. 1. conf. 7. defn. 6.* Pax Jordan. *l. 14. tit. 4. num. 42.* Vallenf. *hoc tit. §. 1. num. 3.* Haun. *tom. 5. de l. & l. tract. 1. num. 253.* ubi restatur sententiam hanc auctoritate, & usu prævalere. Fundamenta hujus sententiæ sunt 1. quia in utroque Jure, maxime Civili *l. cum Papinianus, & Auth. cit.* generaliter statutum legitur, Actorem coram eodem Iudice posse reconveniri à reo. Cum igitur ab hac generali dispositione Juris nusquam excipiantur Clerici, dicendum id etiam in istis procedere. 2. Allegant textum specialem *Novell. 123. cap. 25.* ibi: *Neque alioquin conventionem sustineant, nisi mandatum habeant à suis Episcopis, aut aliquos conveniant; tunc enim solis illis, qui ad eis conveniuntur, datus licentiam, siquam obligationem habent contra Ecclesiam, aut contra Episcopos eorum, proponere;* ubi expressè Laicis datur potestas reconveniendi Clericos. 3. *A pari;* nam si Clericus agat remere contra Laicum, potest à Iudice Sæculari condemnari in expensas, eo quod hæc condemnatio veniat accessorie ad sententiam. Ergo cum etiam reconventio veniat accessorie ad conventionem, Clericus quoque in causa reconventionis à Iudice Laico judicari poterit; nam cujus est cognoscere de principali, est etiam cognoscere de accessorio per *cap. quanto 3. de judic. 4. Ex naturali æquitate;* quia cum Clerico liceat Laicum coram Iudice Ecclesiastico reconvenire, æquum est, ut Laico etiam liceat Clericum reconvenire coram Iudice Laico; nam in Iudiciis inter litigantes servanda est æqualitas *l. non tantum 20. ff. de re judic. l. fin. Cod. de fruct. & lit. expens.* nec ratio personarum haberi debet. *Reg. 12. in 6. 5.* Denique eadem æquitas postulat, ut actor cogatur ibi excipere actiones, ubi aliàs judicium pari non cogeretur *l. qui non cogitur 22. ff. de judic.* licet igitur agendo nemo conditionem suam reddat deteriore *Reg. 87. ff. tamen supposito,* quod agere voluerit, non debet actor abhorreere tribunal Rei, ut sit æqua inter Actorem, & reum comparatio, & lites abbreviatur.

Negativam sententiam defendunt Abb. *inc. 4. de judic. num. 24.* Marian. Socin. in *cap. 1. hoc tit. art. 5. num. 24. & 25.* Laym. *ibid. num. 5.* Ranbeck *Panop. Immun. D. 2. cap. 4. num. 6.* Pirh. *n. 9. hic,* König *num. 9. & novissimè Præn. D. de Basis Semicent. Canonico-Legal. Contr. 12. num. 8.* Antecessor meus P. Melch. Friderich *tr. de for. compet. edit. 2. num. 607.* aliique plures magni nominis

DD. Movenitur 1. ubi prohibetur genus, prohibetur omnis species contenta sub genere *l. semper 147. ff. de R. I.* atqui Iura simpliciter, & absolutè prohibent, ne Clericus in ulla causa etiam Civili conveniatur coram Iudice Laico *can. 5. 6. 8. & 14. caus. 11. quest. 1. cap. 4. 8. & 10. de judic. cap. 2. & 7. de for. compet. cap. un. de Cleric. conjug. in 6.* ergo prohibent etiam, ne reconveniat; nam Reconventio est species quædam conventionis. 2. Ratio, ob quam admittitur Reconventio coram Iudice conventionis de alieno subdito, est, quia per eam tollitur ejus incompetencia. Atqui incompetencia Iudicis Laici respectu Clerici per reconventionem tolli non potest; nam huic auferri nequit privilegium fori, nisi à Pontifice. Cum igitur de mente Pontificis in hoc negotio non satis constet ex Legibus, dicendum, quod Clericus actor per reconventionem non subjiciatur Iudici Laico. 3. In Clerico cessat ratio reconventionis expressa *l. cum Papinianus cit.* dedignari enim Iudicem, & ejus arbitrium sequi est actus meræ facultatis, & voluntatis. Hac aurem destituitur Clericus quoad privilegium fori; quia, ut maxime velit, non potest in alium, quam Ecclesiasticum Iudicem consentire *cap. si diligenti 12. de for. comp. ergo &c.*

Ego ponderata utraque sententia, judico, affirmativam sententiam ex Iure Civili, & æquitate naturali difficulter probari. Nam ad 1. *ejusdem Argumentum* generale illud effatum de reconveniendo actore coram eodem Iudice verum est de eo solum, qui absolutè, & simpliciter tali Iudici se subicere non prohibetur; plus enim pullo Iure probatur; non Canonico; quia dum in hoc reconventio approbatur, solum sermo est de foro Ecclesiastico, seu de partibus coram Iudice Ecclesiastico litigantibus; non Iure civili; quia hoc solum disponit circa subditos Laicos, qui sicut indifferenter Laico Magistratui subiecti sunt in genere, ita in genere optimè statui potest, etiam in casu Reconventionis hujus Iurisdictionem non posse effugere; quod tamen malè ad clericos applicatur, cum hi Magistratus Laici Iurisdictioni nullo modo subiecti sint. Ad 2. textus ille non est curandus; quia Laici nullam potestatem habent statuendi aliquid quoad clericos *cap. Ecclesia 10. de Constit. Ad 3.* condemnatio partis victæ ad expensas est causæ principali necessario connexa, ac de natura causæ in tali Iudicio ventilanda. Ad 4. & 5. Laicis æquari non debent clerici, quos excelsitas Status ultra Laicos omnino extollit.

Dico igitur, spectato Iure communi, veriore esse & negativam sententiam. *Spectato jure communi,* inquam; nam si consuetudinem, & praxim tribunalium consideremus, retinenda est affirmativa, quippe quæ passim habet, ut clerici reconveniantur coram Iudice Laico, quam consuetudinem cum Superiores Ecclesiastici, & ipse Pontifex ignorare non possit, sed eandem scienter toleret, approbare censetur. Triplex tamen addenda est limitatio. 1. Ut causa reconventionis non sit spiritualis, vel criminalis secundum dicta *num. 6. in princ.* 2. Ut reus fraude, & dolo non procuraverit se conveniri coram Iudice Laico, eo fine, ut sic ipse haberet occasionem coram eodem ipsum reconveniendi, ne agere debeat coram Ecclesiastico; nam fraus, & dolus nemini prodesse debent. 3. Ut casu, quo Iudex Laicus ex causa reconventionis adversus clericum sententiam tulerit, executionem ejus relinquat Iudici Ecclesiastico; nam exequi illam ipse non potest ob defectum Iurisdictionis, quam ille in clericum, præciat occasione reconventionis, nullam habet. *Neque obstat,* quod ex communi regula, ad quem cognitio causæ pertinet, ad eum etiam pertinere debeat executio; hoc enim solummodo verum est, quando executioni Ecclesiastica Libertas non obstat.

Neque contrarium probant Argumenta negativæ sententiæ. Ad 1. reconventio est quidem species conventionis, sed excepta, si non de Iure, saltem de consuetudine à Pontifice approbata. Ad 2. quamvis privilegium fori clerico agenti coram Iudice Laico quoad effectum reconventionis non auferatur Lege expressa, auferitur tamen voluntate tacita Pontificis, scientis consuetudinem Tribunalium admittentium reconventionem, nec tamen contradicentis, cum posset. Ad 3. eo casu clericus non prorogat Iurisdictionem Iudicis Laici in se, sed Pontifex hanc consue-



conuetudinem tolerans, & sic consentiens tacite.

9 Quæritur 3. in quibus causis locum habeat Mutua petitio, seu Reconventio? Resp. habere locum in omnibus, quæ specialiter in Jure non sunt exceptæ, & in quibus Iudices per modum conventionis possunt cognoscere. Ita Vallens. *hic* §. 2. num. 2. Carpz. p. 1. *const.* 7. *defn.* 1. num. 4. Haun. *tom.* 5. *tract.* 3. num. 355. Pirh. *hic* num. 14. König num. 13. Vviesner num. 19. & novissimè P. Friderich *tr. de for. comp. edit.* 2. n. 602. & P. Schmier *tr. de judic. c. 4. num.* 76. Consentiant communiter DD. cæteri.

Extenditur 1. etiam ad causas Summarias: & quidem, si utraque sit Summaria, clarum est, & constat ex *Clem.* 2. §. *verum de V. S.* Si una sit Summaria, altera plenaria, distinguendum est; nam si Summaria dilationem pariat, pari passu cum Plenaria ambulare potest, & expeditio illius differri, dum expediri possit etiam Plenaria. Si vero Summaria causa celerem expeditionem poscat, Plenaria longiores dilationes exigat, procedit quidem Reconventio quoad prorogandum Iudicem, ut patet ex *Clem.* 2. *cir.* quæ loquitur indistinctè; non tamen procedit quoad alterum effectum, ut simul, & una sententia ambæ causæ terminentur, nisi parte volente. Vall. num. 2. *cir.* Pirh. num. 14. *hic* Sannig *cap.* 2. num. 1.

Extenditur 2. etiam si causa reconventionis sit diversi generis à causa conventionis, modò Iudex sit capax Iurisdictionis, quam causa reconventionis exigit, ut contra Antonium Fabrum, & alios quosdam cum communi notat Haunoldus, Sannig, Vviesner, Friderich *loc. cit.* Atque hinc illi, qui agit actione empti, proponi potest actio mutui, commodati &c. *l. Preses* 1. §. *fin. ff. de var. & extraord. cognit.* Ratio est, quia iura, quibus Reconventio est introducta, generaliter, & sine restrictione ad ejusdem generis causas loquuntur.

Extenditur 3. contra eundem Antonium Fabrum cum communi cæterorum tam ad actionem realem, quam ad personalem, ita, ut si conveniat reali, reconvenire possim personali, ac vicissim, ob rationem allatam. Neque obstat his extensionibus *l. cum Papinianus citat.* ubi dicitur *in eodem negotio*; nam *negoti* nomine hic non intelligitur causa, ut malè Anron. Faber, sed instantia, seu Iudicii exercitium; & hoc indicat ratio *loc. cit.* nempe quod actor non debeat designari Iudicem in eodem negotio, i. e. instantia, cum, apud quem ipsemet instat contra reum. Dixi autem in responsione, *Quæ specialiter in Jure non sunt exceptæ*. Et hinc

10 Dub. 1. In quibus causis non admittatur Reconventio? Resp. plures causas exceptas enumerant Marant. p. 4. *dist.* 6. à num. 24. Nicol. Rodriq. *in Rubr. hoc tit.* Haun. *tom.* 5. *tract.* 3. à num. 361. Vall. §. 2. *hic* num. 3. & *trih. seqq.* Pirh. num. 16. Sannig *cap.* 2. num. 4. & *seqq.* König à num. 14. Vviesner à num. 22. & novissimè P. Friderich *de for. comp. edit.* 2. num. 603. & P. Schmier *tr. de Judic. cap.* 4. à num. 78. Præcipuus enumeratio. Itaque locum non habet reconventio.

1. In Causis executivis, seu habentibus paratam executionem, ut sit in debitis confessionatis; quia hujusmodi causæ executivæ sunt certæ, & liquidæ. Sed contra liquidas non datur reconventio, cum in illis cesseret ratio, & finis. Excipe, nisi reconventionis causa sit æque executiva, & intra terminum primæ executionis liquidari possit; tunc enim admitti reconventionem posse docuerunt Didacus Perez, & Azavedo, quos citat, & sequitur Gonz. *in c. 1. hoc tit. n. 6.* alioquin solum accipit effectum prorogationis.

2. In Causa Depositæ; quia cum propter exuberantiam bonæ fidei tam privilegiata sit, ut nullam protus exceptionem, deductionem, retentionem, vel compensationem admittat *cap. bona fides 2. de deposit. l. si quis* 11. *prin. Cod. cod. l. fin. §. ita tamen fin. Cod. de compensat. & §. in bona 30. Inst. de action. æquum est*, ut neque reconventionem, quæ simul procedat, admittat: quæ simul procedat, inquam. nam si in hac causa reconventio proponatur, operabitur saltem effectum prorogationis, ut istius causa ab eodem Iudice dicatur, & definiri possit. P. Vviesner *hic* n. 25.

3. In causa appellationis; quia, ut bene Haun. n. 366. Iudex appellationis unicè ad hoc eligitur, ut iudicet

super sententia Iudicis in prima instantia, & eam vel approbet, vel reformet. Neque obest, quòd Iudex appellationis succedat in locum Iudicis à quo, & appellatio reducat causam ad eum statum, in quo fuit tempore litis contestatæ; nam hæc principia solum procedunt quoad ea, quæ in prima instantia fuerunt deducta; cum igitur reconventio non fuerit mota coram Iudice à quo, etiam moveri non poterit coram Iudice ad quem, sed reus sibi ipsi imputare debet, quod in prima instantia actorem non reconvenit.

4. In causa Spolii; nam spoliatus agens Iudicio possessorio reconvenit à reo non potest, sed ante omnia restituendus est, & deinde cogendus, ut adversario suo respondeat, ut latius diceretur *infra Tit. 13.* Proceditque hoc probabilius etiam casu, quo remedio *redintegranda* agitur contra tertium, qui non spoliavit, sed rem ablatam detinet, si mala fide detineat; quia instat spoliatoris est. P. Friderich *tract. de for. comp. edit.* 2. n. 603. Excipitur, si reconventio fiat super spolio indivisa re; tunc enim procedere reconventio, quia hoc casu privilegiatus ratione spolii non uteretur privilegio suo contra pariter privilegiatum.

5. In causis Feudalibus, si agitentur coram Paribus Curia feudalis, vel domino directo Feudi; nam coram his Actor conveniens Vassallum reum reconvenire super causa allodiali non potest, nisi aliunde Iurisdictionem Ordinariam, vel Delegatam habeant; & ratio est, quia non habent Iurisdictionem, nisi quæ ex Lege Feudorum ipsis competit; *conf. extra causam Feudalem non possunt cognoscere.*

6. Non permittitur Actori reconvento reconvenire iterum reum; ne nimia Petitionum coacervatio Iudicem plus æquo graver, sibi quæ mutuo actor, & reus officiant. Sibi igitur actor imputare debet, quod actiones illas, quas sibi competere scivit, & ab initio statim compecti paruit, non intentavit.

7. Denique excipitur omnis causa, de qua ex natura causæ, vel Principis voluntate Iudex conventionis, etiam assentientibus partibus, cognoscere nequit; qualis est causa spiritalis respectu Iudicis Laici; causæ reservatæ Principi, vel alii majori Iudici respectu illius, respectu cuius sunt reservatæ; causæ Allodiales respectu Patrum Curia feudalis &c. Ratio est, quia tali casu non persona Actoris, sed qualitas causæ eundem Iudicem designatur.

Dub. 2. an reconventio locum habeat in causis Criminalibus? Resp. distinguendo inter quatuor casus, de quibus dubium istud potest procedere; *Vel enim* 1. Civiliter conventus vult criminaliter accusare. *Vel* 2. accusatus criminaliter vult accusatorem civiliter convenire. *Vel* 3. accusatus civiliter vult etiam civiliter accusare. *Vel* 4. criminaliter accusatus vult accusatorem suum etiam criminaliter reaccusare.

Si primum, locus est reaccusationi, ut ex communi RR. docens Gonzal. *in cap. 1. hoc tit. num.* 12. Haun. *tom.* 5. *tract.* 3. num. 370. Pirh. num. 15. Vviesner num. 22. & sumitur ex *l. fin. Cod. de ordin. judic.* Ratio est, quia causa criminalis est privilegiata, ut ea pendente super qualibet Civili supersedeatur; & hinc si hoc fiat, super causa Civili ante mota ab actore sententia ferri non poterit, usquedum pronuntiatum super criminali opposita à Reo fuerit.

Si secundum, reconventio non admittitur *l. confesse* 2. §. *item si 4. vers. sed & si agant. ff. de judic.* quia causa criminalis, tanquam magis principalis, facit filere Civilem *l. fin. citat & adulterum 33. C. ad Leg. Jul. de adul.* Hinc illa pendente Civilis intentari non potest.

Si tertium, locum habet reconventio. Marant. p. 4. *dist.* 6. num. 68. Nicol. Rodriq. *in Rubr. hoc tit. quest.* 8. num. 14. Sannig *cap.* 2. num. 3. Haun. *loc. cit. num.* 367. & hoc teste omnes. Ratio est; quia Reus proprium suum interesse persequitur, & reaccusatio magis adhæret naturæ reconventionis Civilis.

Si quartum, non potest accusatus reaccusare accusatorem suum *can. neganda 2. & seqq. caus. 3. quest.* 11. *l. neganda 19. Cod. de his, qui accusare &c. l. si quis reus 5. ff. de publ. judic.* ubi eleganter Ulpianus ait, *Constitutionibus observari, ut non relatione criminis, sed innocentia reus purgetur.* Excipe 1. quando accusatus persequitur suam, vel suorum injuriam; tunc enim reaccusa-



cusationem Leges concedunt cuivis, & cont. etiam adversus accusatorem suum *l. neganda cit. 2.* Non excluditur recriminatio, quæ Reum revelat, & crimen, quo premittitur; exiit *l. qui cum 14. §. si libertas 6. ff. de bonis libert. 3.* Potest accusate de majori crimine; quia majus trahit ad se minus; & interest Reip: majus delictum citius punire. Barb. in *l. qui prior num. 69. ff. de judic. & apud hunc Angel. Salicet. 4.* De quocunque crimine potest accusatus reaccusare, si crimina sint connexa. Ita praxis omnium ferè Tribunalium. 5. Denique de quovis crimine reaccusatio fieri potest coram Judice, qui sit competens respectu utriusque.

2. Quæritur 4. quis effectus sit mutue petitionis, seu reconventionis? Resp. Effectus ex ea oritur duplex. *Primus est* Prorogatio Jurisdictionis; quia per reconventionem actor reconventus ita subicitur Judici, coram quo causam agit, ut in causa reconventionis eundem, licet alias sibi incompetentem, recusare non possit. Barb. in *l. 29. ff. de Judic. num. 82.* Carpz. p. 1. *const. 7. def. 1. num. 7.* Brunnem. in *l. cum Papinianus cit. num. 5.* Gonzal. in *cap. 1. hoc tit. num. 7.* Konig *num. 26.* & constat ex *loc. cit. ibi:* Nulla ei opponenda exceptio, quod non competens Judex agens esse cognoscatur. Neque obstat *l. si se 1. & l. seq. ff. de Judic.* ubi ad prorogationem requiritur consensus partium; nam hoc principium, ut ex verbis *l. si fecit. ibi: si se subiciant*, constat, procedit solum in prorogatione ab homine facta; hæc autem prorogatio, de qua in casu nostro, inducitur vi Legis, & effectum habet etiam contra invitos *arg. l. inter 83. §. si Stichum 1. ff. de V. O.*

*Secundus effectus est* processus simultaneus; quia causa reconventionis simul cum causa Conventionis tractanda est. Modus autem hic observandus. 1. Cum actor libellum conventionis, & reus libellum reconventionis obtulerit, prius respondere debet reus libello actoris, & deinde actor Libello rei reconvenientis. 2. Sequitur contestatio litis, & post hæc actus Judiciales, qui de utraque causa vicissim, & si fieri potest, eadem die expediri debent *cap. intelleximus 1. & cap. seq. vers. cum ea de Ordin. cognit. junct. Clem. 2. vers. nos usum de V. S. 3.* Si de utraque simul liqueat, utramque Judex terminabit una sententia *cap. 1. hic.* Si alterutra altiore indaginem exigit, altera, de qua jam liquet, suspendi debet, utque dum etiam de altera liqueat, ut sic demum una sententia, saltem prolatione (nam realiter duæ sunt) utraque terminari possit. *Excipe*, si periculum sit in mora, vel reus privilegio suo renuntiet; est enim datum in favorem Rei. Quodsi tamen Judex, proposita causa reconventionis, super conventionem sola sententiam profert, ipso Jure valebit juxta communem, sed tum appellationi locus erit. 4. Sententia sic concipietur, ut in ea primo scribatur caput Conventionis, deinde caput Reconventionis, & unum post aliud legatur, & proferatur, ita ut semper prærogativa detur Actori, Valleng. *hic §. 3. num. 3.* Carpz. p. 1. *const. 7. def. 1. n. 5.* Pirh. *hic n. 19.* Sannig *c. 3. n. 3.*

3. Dubitatur, quo tempore proponenda sit Reconventio, ut effectus hos operetur? Resp. ut utrumque effectum operetur Reconventio simultanei processus, & prorogationis, necesse est eam proponi ipso litis exordio *cap. ex litteris 1. hoc tit. Clem. 2. vers. verum de V. S. & Auth. & consequenter C. de sent. & interloc. aut saltem statim post litis contestationem*, antequam litigantes ad alios actus Judiciales progrediantur, uti docent Gonzal. in *cap. 1. cit. num. 7.* Barbosa in *l. qui prior 29. ff. de Judic. num. 22.* & ab hoc relati; nam ea, quæ in continenti sunt, inesse creduntur *l. juris gentium 7. §. quinimo 50. ff. de pact. l. lecta 40. vers. dicebam ff. de reb. credit.* Si post litem contestatam moveatur reconventio, solum effectum prorogationis habet *arg. c. dispendia 3. vers. reus de rescript. in 6.* non etiam processus simultanei; ne causæ conventionis decisio cum damno actoris sufflaminetur, Marant. p. 4. *dist. 6. num. 5.* Brunnem. in *l. cum Papinianus cit. num. 9.* Barbosa *loc. citat. num. 26.* Zoef. *hoc tit. num. 10.* Konig *n. 28.* & alii communiter.

Potest autem Reconventio ad effectum prorogationis solum impetrandum proponi toto tempore, quod durat idem Judicium, usque ad sententiam definitivam. Gloss. in *cap. 1. hoc tit. V. in continenti*, Abb. *ibid. n. 12. & 13.* Barbosa *num. 6.* Gonzal. *num. 7.* Laym. *num. 17.* Carpz. *const. 1. def. 2.* Brunnem. *loc. cit. num. 11.* Pax Jor-

dan. *hic num. 5.* Pirh. *num. 17.* Haun. *tract. 3. cit. n. 339.* Colligitur ex *cap. dispendia cit. vers. reus*, ubi generaliter dicitur, reum posse convenire actorem durante eodem Judicio; durat autem idem Judicium usque ad sententiam definitivam. *Conf. ex ratione*; quia reus in reconventionem est actor. Gloss. in *cap. dispendia cit. V. ex periri.* Sed in potestate actoris est uti Jure suo agendi, quando vult. Ergo idem erit in causa Reconventionis. Unde cum *cap. ex litteris 1. hoc tit. & Auth. & consequenter citat.* dicitur, statim, & in continenti reconventionem movendam, id intelligendum est, si reus reconveniens velit litem reconventionis terminari simul cum lite conventionis.

## T I T U L U S V.

## De Litis Contestatione:

## S U M M A R I U M.

- 1 Contestatio Litis est principium Judicii.
- 2 Ejus definitio.
- 3 Divisio.
- 4 Pertinet ad substantiam Judicii.
- 5 Differentia ejus à Positionibus, & Articulis, horumque responsionibus.
- 6 Quomodo inducatur?
- 7 Per quas Exceptiones impediatur, aut retardetur?
- 8 Qui sint ejusdem effectus?

Q Uando Reus legitimè citatus, Actoris intentione percepta, existimat actionem inique contra se moram, vadimonium subire, actori contradicere, & prætentam actionem à se amoliri decernit, quod per *Litis Contestationem* contingit. Hæc Fundamentum, & Principium Judicii dicitur; nam ab hac propriè Judicium incipit *cap. super questionum 27. & ibi Gloss. V. litis exordium, de Offic. Delegat.* Neque obstat textus *§. fin. Inst. de pæn. temp. litig.* ubi Imperator, *Omnium*, inquit, *instituendarum Actionum principium ab ea parte Edicti proficiscitur, quando Prætor edicis de in jus vocando*; nam ut bene Pirh. *hic in princ.* monet, citatio hoc textu dicitur principium instituendarum actionum, non verò etiam Judicii constituendi propriè loquendo; & Ratio est, quia priusquam Judicium constituatur, edi libellus, & reus citari debet; & ideo *l. edita 3. Cod. de edend.* dicitur, quod *edita actio non ipsam litem constituat, sed futura litis speciem demonstrat*; Judicium enim propriè per litis contestationem suscipitur. Nominis origo fuisse dicitur, quod Actor, & Reus olim coram Iudice testes adduxerint, & ordinato solemniter Iudicio, dixerint, *Testes estoce.* Hodie retinetur quidem vocabulum, sed testes non requiruntur; quia *Lis* contestari nunc dicitur per solam petitionem Actoris in Jure propositam, & responsionem Rei animo litigandi. His suppositis.

Quæritur 1. quid sit *Litis Contestatio*? Resp. *Est fundamentum Judicii per petitionem Actoris in Jure propositam, & congruam Rei responsionem sicutam animo litigandi.* Ita quoad rem omnes, & colligitur ex *cap. unie. hoc tit.* ubi dicitur, quod *non per pessiones, sed per petitionem in Jure propositam, & responsionem sicutam litis contestatio fiat.*

Dixi 1. per petitionem Actoris, & responsionem Rei; quod ordinariè fit, dum actor vel ad interrogationem Iudicis, vel per seipsum reperit narrata, & petita Libelli sui; reus vero se absolvi petit ab instituta actione. Bartol. in *l. un. Cod. hoc tit. num. 3.* Gaill. *l. 1. obs. 73. n. 2. & 3.* Pirh. *hic num. 2.* Perinde autem est, hanc petitionem, & responsionem proponi per ipsam Actorem, & Reum, vel per eorumdem Tutores, Curatores, Procuratores, Syndicos &c. *l. rem novam 14. §. patroni 1. Cod. de Judic.* Quin etiam per responsionem Advocati fit litis contestatio *cap. cum causam 62. de appellat. Abb. in cap. un. cit. num. 14.* Durand. in *Specul. l. 2. p. 2. tit. de lit. contest. §. 3.* Valleng. *hic num. 11.* Pirh. *num. 7.* Konig *num. 7.* Sannig. *cap. 2. num. 1.* Neque refert, an responsio Rei proponatur per negationem, qua is neget narrata esse vera, an per confessionem, modo ea fiat animo litigandi, ita ut appareat eum non velle cedere liti, sed velle subire judicium; nam Iura, & Canones simpliciter dicunt, per petitionem



petitionem in Iure propositam, & responsionem securam fieri contestationem litis, non distinguendo, utrum fiat negando, vel confitendo. Pirh. n. 5.

Dixi 2. in Iure propositam; nam Contestatio Litis debet fieri in Iure, seu Iudicio, & extra hoc fieri non potest arg. l. voluit 4. ff. de interrog. in iur. faciend. alioquin quotiescunque rusticus aliquis extra iudicium ab alio peteret equum v.g. & alter negaret, fieret litis contestatio, & sic Iudicium constitueretur abique Iudice; quod omnino absurdum est. An responsio Rei, & conf. contestatio litis fieri debeat præsentem per se, vel per Procuratorem suum actore, litigant inter sese DD. & affirmativa desumi videtur ex *Auth. qui semel Cod. quomod. & quand. i. d.* ubi quod actor, potrecto libello, recesserit, in causa, quasi lite non contestata, proceditur. *Conf.* quia Litis contestatio ex suo nomine videtur simul, & eodem tempore, & utraque parte præsentem fieri debere. Sed contrarium cum communi tenent Abb. hic n. 7. Fagn. n. 37. Vall. §. 1. num. 7. Gonz. num. 8. Vvagnereck ibid. Pirh. hic num. 3. Haun. loc. cit. n. 409. Konig num. 8. Vviesner num. 10. & hoc teste receptum est praxi plurium Tribunalium, præsertim Ecclesiasticorum, juxta quam sufficit, responsionem Rei ad petitionem actoris sequi ex intervallo, etiam absente actore. Colligitur ex *cap. un. hoc tit.* ubi ad litis contestationem tantum requiritur actoris petitio, & rei responsio. Et confirmatur ex *cap. dudum 22. de elect. & c. cum causam 62. de appellat.* ubi ad litem contestandam sufficit Advocati responsio, si per reum non revocetur. Ergo non consideratur utriusque partis præsentia. Ratio est, quia libello per actorem in Iudicio semel oblato, ejus petitio durat usque ad responsionem Rei arg. l. cum qui 22. ff. de probat. scripturaque semper loquitur l. cum pretium 9. ff. de liberal. caus. & ideo reus postea respondendo videtur uno tempore cum actore concurrere l. consensu 2. §. unde 2. ff. de O. & A. Ex quo corrui argumentum pro *Conf.* allatum. Ad *Auth.* allegatam dico merito tunc procedi, quasi lite non contestata; quia ob recessum actoris à petitione, & Iudicio non datur concursus animorum requisitus ad contestationem litis.

Dixi 3. animo litigandi; nam hic requiritur ad contestandam litem: & hinc et si proponatur narratio facti, & Adversarius factum neget, non statim hoc ipso fit contestatio litis: & ratio est; quia qui narrat, vel ponit aliquid promissum, dictum, factum &c. per hoc non ostendit statim se litigare velle. Fagn. num. 44. & jegg, Vallenf. §. 1. num. 7. Pirh. num. 4. Konig n. 12. Sannig cap. 1. num. 4. Non tamen est necesse, ut actor in sua narratione, vel petitione, aut reus in sua responsione expressè dicat, se petere, vel respondere animo contestandi litem, vel contendendi; quia in dubio semper præsumitur actor narrare, vel petere, & reus respondere eo animo, etiam si id verbis non exprimat, ut cum alius notat P. Vviesner hic num. 9. Excipitur ergo tantum, quando reus expressè protestatur, se non animo contestandi litem, sed potius Iudicis informandi causa respondere ad petitionem Actoris; nam eo casu contestatio litis non inducitur per hujusmodi responsionem cum tali protestatione datam. Abb. in *cap. un. cit. num. 10.* Mynsing. cent. 3. obs. 74. num. 6. Pax Jord. hic num. 5. Valent. num. 9. Haun. num. 405. Pirh. num. 6. Konig num. 14. Neque obstat, quod protestatio actus contraria nihil operetur; hoc enim, ut bene observat Mynsing. cent. 3. obs. 74. num. 11. solum verum est, quando protestatio ordinatur ad tollendum factum, non autem, quando ordinatur ad tollendam mentem facti; & ratio disparitatis est, quia facta infecta fieri non possunt; possunt autem declarari alia mente facta, quam fortassis interpretaretur Iudex, vel Adversarius. Hoc secundum fit in casu nostro; nam responsio Rei multiphcem finem recipit, cum fieri possit animo contestandi litem, vel solum causa aliter informandi Iudicem. Unde cum reus sic protestatur, idem est, ac si diceret, se per suam responsionem nolle se obligare ad subeundum Iudicium: quod nihil contradictorii continet.

3. Queritur 2. quæplex sit Litis Contestatio? Resp. multifariam dividi, maximè autem tripliciter. 1. Enim dividitur in Solemnem, & Simplicem. Solemnis, quæ etiam *Formulis* dicitur, est, quæ fit verbis con-

ceptis, vel præscriptis juxta Stylum Curie: Non solemnis, quæ etiam *Simplex* appellatur, vocatur illa, quæ sine certa verborum præscriptione fit, & fieri potest quovis modo, facto, vel actu signante petitionem Actoris, & contradictionem Rei animo litem contestandi.

2. In Affirmativam, & Negativam. *Affirmativa* est, quando reus fatetur petitionem Actoris; *Negativa*, quando eam diffidet. Prior subdividitur in Simplicem, seu Absolutam, & in qualificatam, seu conditionatam. *Simplex* est, quando reus simpliciter, & absolutè fatetur inentionem Actoris, nullam subjiciendo Exceptionem peremptoriam, sed offerendo se ad solutionem. *Qualificata*, quando reus fatetur quidem delictum, vel petrum ab actore propositum, sed opponit exceptionem exclusivam intentionis actoris, ut si fateatis, te mutuas accepisse pecunias à Tizio actore, sed solvisse jam, aut tranlegisse cum illo. Quoad istam exceptionem reus fingitur partibus actoris, & conf. eam probare debet l. in exceptionibus 19. ff. de probat. Negativa contestatio etiam duplex est, *Explicua*, quando simpliciter absque ulla conditione, qualitate, vel limitatione negatur intentio actoris; & *Implicua*, quando negatur cum quadam reduplicatione v. g. *Nego narrata, ut narratur, vera esse, & petita, ut petuntur, fieri debere*; his enim verbis reus simpliciter dicit aliqua vera esse, & aliqua falsa; & hinc reus ita contestans litem, nec de simplici negatione coargui potest, nec de simplici confessione, sicque evitat simul pœnam statutam negantibus l. fin. ff. de R. V. & *Auth. item possessor. C. qui possit. in pign.* & simul etiam haberi non potest pro confessio, sicque nec pro condemnato l. un. C. de confessis.

3. In Generalem, & Specialem. *Generalis* est, cum reus generaliter dicit, *Nego narrata vera esse, & petita debere fieri*, ita, ut non constet, an neget omnia & singula, an vero neget tantum collectivè omnia vera esse, omniave debere. *Specialis* est, quando ad singula narrata, & petita responderet negativè.

Sed hæ divisiones non multum utilitatis habent, & pluribus displicent; nam 1. quæ dicitur Contestatio non solemnis, non est propriè Litis contestatio, sed acceptio Iudicii; omnes enim admittunt, in quibusdam casibus, de quibus num. seq. non requiri contestationem Litis; ab omnibus autem in quibuscunque causis requiritur aliquid, quod contestationi litis æquivaleret. 2. Quæ dicitur Litis contestatio affirmativa simplex, vera litis contestatio nullo modo esse potest, cum sic confessus animum litigandi non habeat. Unde in tali casu Iudex non feret sententiam, sed tantum præceptum reo injunget, ut intra certum tempus satisfaciatur l. si d. bitori 21. ff. de judic. Rosbach. *Prax. Civil. tit. 49. num. 8.* Konig hic num. 13. cum aliis. 3. Quæ vocatur Affirmativa qualificata, secundum quod affirmativa est, non est litis contestatio, sed responsio ad Propositionem; secundum quod verò Litis contestatio est, nempe secundum oppositionem, negativa est. Patet igitur, Litis contestationem semper fieri debere per aliquam contradictionem.

Queritur 3. an Litis contestatio requiratur ad substantiam Iudicii? Resp. affirmativè, & quidem adeo, ut ea prætermissa, regulariter loquendo, totus Processus sit irritus, & conf. etiam sententia. Sumitur ex *cap. un. hoc tit. & l. un. juncta Auth. offeratur C. cod.* & receptum est passim apud DD. Ratio est, quia litis contestatio est basis, fundamentum, & ut DD. loquuntur, quasi Lapis Angularis Iudicii, quo deficiente nihil superædificari potest. Et hoc ita verum est, ut neque mutuo contentu partes illi renuntiare possint, aut Iudicis autoritate illa remitti, ut rectè observant Mynsing. *Cunt. 3. obs. 74. num. 1. & 2.* Gaill. l. 1. obs. 75. num. 1. & 2. Hiltrop. p. 3. tit. 1. num. 6. Carpz. p. 1. const. 10. defin. 8. num. 8. & reliqui tum Canonistæ, tum Legistæ. Ratio est, quia quæ ad solemnitates Iudiciorum pertinent, sunt Iuris publici. cui pactis privatorum derogari non potest l. ius publicum 38. ff. de pact. Potestque Iudex ad litem sic contestandam partes compellere opportunis, & competentibus Iuris remediis, ut Marant. p. 6. memb. 10. num. 9. Hiltrop. loc. cit. num. 7. Carpzov. defin. 12. Haun. tract. 3. cit. num. 435. Konig hic num. 9. Vviesner hic num. 14. alique restantur. Excepi-



recipitur, si pars litem contestati renuat ex iusta causa, e. g. quod de propositis Exceptionibus fori declinatoriis, & aliis dilatoriis prius sit cognoscendum *c. per 20. de sent. & re iudic.*

Dixi regulariter loquendo; nam in aliquibus casibus Iudicium subsistit etiam sine contestatione litis. Et videm 1. in *Judiciis summariis*. Marant. membr. 10. c. n. 2. Mynsing. cent. 1. obs. 1. n. 2. & cent. 3. obs. 1. n. 1. 3. & 4. Gaill. l. 1. obs. 75. n. 1. Batbolf. hic 26. Gonz. n. 10. Vvagnereck. not. 4. Carp. def. 8. 13. Haun. n. 430. & 431. & sumitur ex *Clem. 2. de l. 3.* Ratio est, quia in his Iudiciis omnes solemnitates Iuris positivi, quibus accensetur sollemnis contestatio Litis, mitti possunt, & illæ duntaxat observandæ sunt, quæ iure naturæ desiderantur. Causis summariis accenseri debent omnes illæ causæ, in quibus de Stylo Curiae summarie proceditur; nam Stylus Curiae pro Lege habetur *c. ex litteris 11. de Constit. & c. licet 2. de præb. l. 6.* Et sic sub prætextu Styli Iudiciorum multi Processus hodie salvari possunt, qui alias notoriæ nullitati obijacerent ob defectum contestationis litis.

2 In causis Appellationis, modo in prima instantia lis contestata fuerit, & in secunda à patrium altera non ligatur. Ita habetur *c. per tuas 58. de appellat. & l. 1. §. illud 4. C. de tempor. appell. & docet ibid. Gloss. exordium*, Hiltrop. n. 13. Haill. obs. 76. n. 1. Mynsing. cit. Barb. n. 6. Haun. n. 427. Pirh. n. 10. Vviesl. 113. estque ita decisum in *Rota decis. 1. de lit. contest. in l. 1. n. 1.* Ratio est, quia licet causa appellationis sit diversa instantia, tamen eadem causa est; unde effectus contestationis litis durabit etiam post sententiam, in prima instantia latam, in causa appellationis, nec per eam extinguitur, aut suspenditur. Procedit autem istud de re communi; nam hodie in Camera Imperiali aliter observatur, & in omnibus causis per Appellationem ad eam devolutis requiritur litis contestatio. *Ordin. Cam. 3. tit. 32. §. 4.*

3 In causis notoriis, quia in his ordo Iuris non est servandus *c. ad nostram 21. de iurejur. & in notoriis c. est ordo iuris nullum servare ordinem*. Sichard. l. 1. n. 3. ff. de iurament. propt. calum. dand. Et hinc causa nullitatis sit notoria, i. e. si ex actis appareat causam esse nullam, non exigitur Litis contestatio. Gaill. obs. 77. n. 1. Hiltrop. n. 16. Barb. n. 6. Pirh. 10. Haun. n. 429.

4 In causa coram Papa, vel Principe proposita in consistorio Principis. Mynsing. cent. 4. obs. 62. Gaill. l. 75. n. 8. & 11. Hiltrop. loc. cit. n. 12. & alii DD. communiter; & ratio est, quia autoritas Principis effectum Iuris positivi supplet.

5 In quibusdam causis spiritualibus; & universim in omnibus casibus, quibus non requiritur Libellus; cum tamen Libellus sit origo litis, remisso Libello, remittitur etiam litis contestatio.

Illud tamen hic observandum bene monent Hiltrop.

11. Pirh. n. 10. König n. 10. Vviesl. n. 13. & alii, in omnibus his casibus, in quibus omittitur litis contestatio, primum actum Iudiciale, qui alias immediate fieri solet, post litis contestationem, habere vim contestationis litis, videlicet eo ipso, quod Iudex incipit cognoscere de meritis causæ, & ad processum Iudicii partium consensu progreditur.

Quæritur 4. quid sint Positiones, & Articuli, & quomodo à Libello, & Litis contestatione differant? Resp. Positiones, dicuntur breves quædam enarrationes, seu assertiones alicujus facti ad causam controversam pertinentis, super quo petitur ab Adversario responderi, idque ideo, ut ponens, sive actor ab onere probandi per confessionem Adversarii relevetur. Gloss. *c. 1. V. statum de confessis in 6. Durand. in specul. 2. p. 2. tit. de posit. §. 1. & 2. Fagn. hic n. 52. & seqq. Pirh. n. 11. Sannig c. 3. n. 1. Vviesl. n. 7.* Ex his Positionibus Articuli appellantur eæ Positiones, quas Reus negat, & conf. Actor probare debet; cæteræ simpliciter nomen Positionum retinent. Marant. p. 6. tit. de posit. 1. 6. & 7. Gaill. l. 1. obs. 79. n. 3. Pirh. n. 13. hic.

Differt ab his Litis contestatio, & à Libello; quia illam continent petitionem, sicut Libellus, & Litis contestatio; & præterea, quia Positiones regulariter fiunt post contestationem Litis. Addidi Regulariter; nam etiam causam incidentem, v. g. Exceptiones Dilatorias,

quæ probari debent, statim etiam ante contestationem Litis fieri debent, ut appareat ex responsione Adversarii, an, & quatenus sit probanda Exceptio. Hinc pro Regula traditur, quotiescunque probationes sunt necessariae, tunc Positiones tum ante, tum post litis contestationem fieri possunt ad relevandam Probationem. Gloss. in c. cit. Durand. loc. cit. §. 4. princ. Gaill. obs. 79. n. 4. & 5. Pirh. n. 15.

Conveniunt autem cum Libello Positiones. 1. Quia ut Libellus, ita & ipsæ continent narrationem factorum. Factorum, inquam; nam quæ sunt Juris, per se sunt nota, & licet sit dubium Ius, non tamen in potestate respondentis est illud interpretari. Excipe, nisi Positio, seu Articulus fiat super Iure municipali, seu singulari, vel per consuetudinem introducto; hoc enim, cum in facto consistat, probabiliter ignorari potest juxta *c. licet 1. de Constit. in 6.* Unde etiam Positio de hoc fieri potest. 2. Positiones, & Responsiones, ut Libellus, in Iudiciis Ordinariis debent offerri Iudici in scripto, ut videat, an pertinentes sint, vel impertinentis; nam si tales sint, Iudex sive ex officio, sive ad petitionem Adversarii rejicere illas, ut Libellum ineptum, debet, nisi velit litem suam facere. Gloss. in c. 1. cit. Gaill. obs. 81. n. 3. Fagn. hic n. 81. Pirh. n. 12. & 15. Sannig. c. 3. n. 3. & 4. Tam Positiones ab Actore, quam Responsiones à Reo exhiberi Iudici debent medio quodam Iuramento: & quidem Iuramentum Actoris Dandorum appellatur; Iuramentum Rei Respondendorum. Actor jurat, se non animo calumniandi, sed juris sui ruendi causa tales Positiones exhibere; Reus pariter jurat, se simili animo, & intentione respondere *c. præsertim 2. & ibi Gloss. in notat. de testib. in 6. Gaill. obs. 79. n. 10. & obs. 82. n. 1. Carpz. p. 1. conf. 10. def. 4. n. 4. Fagnan. n. 86. Pirh. hic n. 15. Sannig c. 3. n. 4.* Reus non respondens, vel non rite respondens ad Positiones incurrit contumaciam, cujus hæc pœna est, ut quoad illas ad quas non responderet, vel non rite responderet, habeatur pro confesso, perinde ac si in Iudicio confessus fuisset. Gloss. in c. 1. de confess. in 6. Gaill. obs. 80. n. 1. & 2. Pirh. hic n. 17. Intellige, si post comparitionem, & litis contestationem sit contumax in respondendo; nam ut bene advertit Gaill. n. 2. cit. contra non comparentem positiones, & articuli non habentur pro confessatis, sed ad probandum admittuntur; & hoc ideo: quia cum Iudicium cum eo, qui nunquam comparuit, nondum sit inchoatum (inchoatum enim per contestationem litis, ut diximus) non possunt etiam Articuli in contumaciam pro confessatis haberi. *Ordin. Cam. p. 3. tit. 15. §. 7. & tit. 43. §. 4. apud Gaill. loc. cit.*

Quæritur 5. quomodo inducatur Litis Contestatio? 6 Resp. induci potest variis modis. 1. Non tantum per negationem, sed etiam per affirmationem, ut n. 2. & 3. dictum est. Per negationem quidem, quando reus simpliciter negat narrata, & petita per actorem; per affirmationem vero, quando narrationem confessus ponit exceptionem e. g. quod debitum jam solverit, cum actore transegerit &c. 2. Per verbum etiam dubitativum e. g. ignoro ita esse; & hoc modo Procuratores, & hæredes, qui in facto alieno ignorantiam jure possunt pretendere, litem contestari valent; nam qui dubitative responderet, videretur velle, ut probationes afferantur, quæ non nisi post contestationem litis recipiuntur *arg. l. si quidem 9. junct. Gloss. V. dubitas C. de except. Marant. memb. 10. n. 7. Hiltrop. p. 3. tit. 1. n. 11. 3.* Per delationem Iuramenti factam actori à reo; hæc enim dilatio videtur esse tacita confessio contentorum in Libello, quasi reus fateatur contenta in Libello vera esse, si actor juret; & hinc per iuramentum ab Actore præstitum perpetuatur actio, & interruptitur præscriptio, sicut interrupti dicemus infra per Litis contestationem. Hæc satis sunt explorata.

Dubium est, an per Exceptionem oppositam inducatur Contestatio Litis? Supponendum ex iis, quæ dicuntur infra Titulo 25. Exceptiones alias esse Peremptorias, quæ ipsam causam, & actionem perimunt, & tollunt; alias Dilatorias, quæ solum tendunt ad differendum Iudicium, & causæ cognitionem. Rursum ex his posterioribus alias concernere personam Iudicis, quibus contenditur esse incompetens, suspectus &c. quæ propterea Declinatoriæ fori dicuntur; alias spectare personam



sonam Actoris litigantis, quod personam standi in Judicio non habeat, quia v. g. est excommunicatus &c. & hæc Declinatorie Actoris appellantur; alias merita causæ respicere, qualis est exceptio pacti temporalis, divisionis, excussionis &c. His notatis, ad dubium propositum

Resp. Per nullam ex his exceptionibus regulariter induci contestationem Litis, Non 1. per *Exceptionem Peremptoriam*, ut clare decisum habetur c. si oblato 2. hoc tit. in 6. & docet Hiltrop. loc. cit. Vallens. hic §. 1. n. 10. Pax Jordan. n. 13. Pirh. n. 19. Ratio est, quia Litis contestatio fit per responsionem Rei ad petitionem Actoris: qui autem excipit peremptorie contra petitionem actoris, non respondet eidem; quia nec confitetur per hoc, neque negat, quod ab Actore petitur, Conf. per Litis contestationem ordinatur, & constituitur Judicium; per Exceptionem Peremptoriam autem destruitur, ac perimitur. Igitur per eam Litis contestatio induci non potest. Non 2. per *Exceptiones Declinatorias*, prout sumitur ex l. eleganter 23. §. si quis 3. ff. de condit. indeb. l. ita demum 13. C. de Procurat. l. fin. C. de except. & docet Bartol. in l. un. C. hoc tit. n. 6. Abb. in c. un. eodem n. 18. Hiltrop. tit. 1. cit. n. 14. Pirh. hic n. 18. & ratio est, quia tales exceptiones opponuntur ad declinandum Judicium, non ad litigandum; conf. deficit animus litigandi.

Non 3. per *ceteras Dilatorias, quæ causam concernunt*; partim quia exceptiones dilatoriae sunt opponendæ prius, quam lis contestetur; partim quia non iudicii suscipiendi, sed differendi causa proponuntur.

Dixi autem Regulariter; nam si contra Exceptionem à Reo propositam Actor replicet, & exceptioni contradicat, ex eo tempore, saltem quoad Exceptionem propositam, Litis contestatio suboritur censetur; quia Litis contestatio inducitur per unius affirmationem, & alterius contradictionem; quod fit in casu præsentis; nam Reus excipiendo fit actor, & actor replicando fit reus, prior directe affirmat, posterior contradicit. Ergo &c.

Similiter Contestatio Litis fit casu, quo Reus respondendo ad libellum actoris diceret: *Nego, aut non credo narrata, prout narrata sunt, vera esse, vel perita, prout petuntur, fieri debere; & licet vera essent, exceptionem tamen possem opponere, quia petitor v. g. debitum mihi donavit, aut mecum transiit &c.* Gloss. in c. fin. V. facta hoc tit. in 6. Abb. in c. un. cit. n. 18. Pirh. hic n. 20. Ratio est, quia talis responsio, licet exceptionem aliquam contineat, continet tamen etiam contradictionem animo litigandi, dum reus dicit se non obligari, vel non debere, quod peritur.

7. Queritur 6. quando Litis contestatio impediatur, vel retardetur? Resp. impeditur t. Si reus expresse protestetur, se alio, quam litigandi animo respondere, ut dictum est n. 2. vers. Dixi 3.

2 Impeditur, vel retardatur per oppositam exceptionem fori declinatoriam, vel aliam dilatoriam, v. g. quia reus exciperet, Judicem, aut iudicii locum incompetentem, actorem excommunicatum, Procuratorem sufficienti mandato instructum non esse &c. nam ex natura sua ad impediendum Processum Judicium tendunt, atque ideo ante litis contestationem opponi debent; alioquin non admittuntur, exceptis casibus infra ponendis Tit. 25. Sumitur ex c. inter 20. de sent. & re judic. c. Pastoralis 4. de except. l. si quis 12. & l. fin. C. eod. Ratio est, tum quia pars non opponens huiusmodi exceptionem ante litis contestationem, censetur illi tacite renunciare; tum quia Lex, aut Iudex iuste hoc modo punit eum, qui debito tempore non excipit.

3 Circa Exceptiones Peremptorias distinguendum est; vel enim per easdem opponitur, nullam unquam actionem ortam fuisse; vel per illas excipitur, actionem, quæ aliquando orta fuit, per factam solutionem, transactionem, Jusjurandum, sententiam, & hujus transitum in rem judicatam jam competere desiisse; vel denique per illas excipiens tendit perimere, & elidere actionem, quæ orta est, & competit. Si primum, huiusmodi exceptionibus, ante litis contestationem oppositis, Litis contestatio impeditur, ut recte Bartol. in l. nam postquam 9. ff. de Jurejur. num. 7. & suader ratio; quia nullam habens actionem alterum in Judicio convenire non potest l. si pupilli 6. §. fin. vers. certe, ff. de

negot. gest. Si secundum, similiter impeditur Litis contestatio, ut clare habetur cap. exceptionis 1. hoc tit. in 6 ibi: *Nisi de re judicata, transacta, seu finita excipiat litigator.* Ratio est, quia solutionis exhibitione, transactione, Jurejurando, sententiæ definitivæ in rem judicatam transitu finiuntur, & extinguuntur actiones, & obligationes, ut exploratum est apud omnes DD. atque actio, & obligatio semel extincta non amplius reviviscit. l. qui res 98. §. aream 8. vers. nec admissum ff. de solutionib. Si tertium, huiusmodi exceptio litis contestationem non impedit, ut clare habetur c. exceptionis cit. & ratio est, quia exceptiones istæ præsupponunt contestationem litis, cum ante hanc lis, & actio orta esse dic non possit. Igitur impedire eandem non possunt.

Queritur 7. Qui sint Effectus Contestationis Litis? Resp. Varios habere effectus, si valida sit; nam si invalida est, nihil operatur, neque aliquem effectum habet. Auth. offeratur C. hoc tit. Hiltrop. tit. 1. de effect. lit. contest. n. 47. qui 31. enumerat, aliadhuc plures. Ex his aliqui sunt communes cum oblatione Libelli & citatione, ut quod inducatur litis pendentia, quod causet vitium litigiosi in actione Reali, quod perpetuet Jurisdictionem Judicis Delegati &c.

Speciales litis contestatæ effectus sunt. 1. Per Contestationem litis incipit Judicium, quod ante eam proprie, & simpliciter loquendo inchoatum dici nequit ut dictum est n. 1. hoc tit. & ratio est, quia ante litem contestatam non dicitur quis agere, vel petere sed tantum agere vel petere velle l. amplius 15. ff. rem rat. habet. 2. A tempore litis contestatæ incipit currere Instantia l. properandum 13. C. de Judicis. 3. Actio personalis per contestationem Litis fit litigiosa l. 2. & ibi Bart. Cod. de litigios. in quo efficacior est, quam citatio, quæ tantum facit rem litigiosam, quæ contrahitur ab Actore Actione reali. 4. Lite non contestata, sententia definitiva ferri non potest, ut dicitur ad tit. 6. seq. 5. Lite contestata Iudex amplius recusari non potest, nisi supervenerit nova suspicionis causa; quia in eum partes consensisse præsumuntur l. seu & si suscepit 52. ff. de Judic. l. nemo 4. C. de Jurisd. omn. Judic. l. fin. C. de except. 6. Litis contestatio præcludit viam opponendi exceptiones dilatorias, nisi de his antea fuerit interjecta Protestatio, aut Iudicio accepto ex nova causa emerferint, vel novissime innotuerint c. viter 20. de sent. & re judic. l. si quis 12. & l. fin. cit. de except. l. nemo cit. l. exceptionem 19. C. de probat. l. ita demum 13. C. de procurat. & ratio est, quia his exceptionibus per acceptum Iudicium renunciatum censetur. 7. Litis contestatio interrumpit præscriptionem longi temporis, sc. 10. vel 20. annorum, quam reus inchoavit l. mora 26. C. de R. V. in quo iterum fortior est ejus vis, quam citationis, quæ tantum interrumpit præscriptionem longissimi temporis. 8. Per contestationem litis temporalis actio perpetuatur usque ad 40. annos, à tempore contestatæ litis computandos l. fin. C. de præscript. 30. vel 40. ann. l. super 1. §. ad hæc 1. in fin. C. de annal. except. 9. Lite contestata Actiones pœnales, quæ ex delictis, vel quasi delictis descendunt, ad hæredes, & in hæredes in solidum transeunt §. non autem in fin. Inst. de perpet. & tempor. action. quantumvis alias ex Jurisdispositione non nisi, quantum ad istos pervenit, competere l. un. in fin. C. ex delict. defunct. 10. Per litis contestationem quasi contrahitur inter litigantes, ut neuter, adversario suo inuito, possit discedere, nisi tanquam temerarius litigator ad damna, & expensas Adversario suo refarciendas condemnari velit §. 1. Inst. de pen. rem. litig. 11. Post litem contestatam possessor bonæ fidei constituitur in male fide quoad fructuum perceptionem, ita ut illos à die contestatæ litis non amplius lucretur, sed conservare illos, & actori, si is litem obtineat, restituere teneatur l. videamus 38. §. si actionem 7. ff. de usur. l. certum 22. C. de R. V. 12. Lite contestata non amplius currit præscriptio, sed interrumpitur, etsi nullum alias requisitum desit, & tempus legitimum adhuc ante sententiam latam absolvatur; & ratio est, quia non amplius possessor habet ignorantiam rei alienæ l. litigator 2. C. de fruct. & lit. expens. 13. Missus in possessionem in reali actione post litem contestatam fit verus possessor Menoch. retin. poss. remed. 3. n. 217. 14. Non admittitur post eam mutatio Libelli, ut dictum est Tit. 3. n. 13. Vide.



Videantur de his effectibus Durand. *Specul. p. 2. tit. de lit. contest. §. ult.* Marant. *p. 6. memb. 10. num. 15.* Hiltrop. *Process. Judic. tit. 1. de effect. lit. contest.* Pax Jordan. *l. 14. tit. 5. a num. 32.* Gonzal. *in cap. un. hoc tit. nu. 10.* Vallens. *hic §. 2. Pirh. num. 27.* König *a num. 18.* Sannig. *cap. 4. Vviesl. a num. 19. & novissimè P. Schmier tr. de Process. Judic. cap. 5. num. 54. & seqq.*

## P A R S II.

### Ordinatio Judicii Ecclesiastici.

**P**ost Litē à partibus contestatam sequuntur cæteri Actus Judiciales: qui ne confusè suscipiantur, cætus in iis Ordo tenendus est. Triplex maximè sequenribus Titulis indicatur. 1. *Actuum Judicialium inter se*, ut scilicet primus actus sit contestatio litis, hanc sequatur Juramentum Calumniæ, tum probationes, & exceptiones prouocantur à partibus, post has concludatur in causa, & feratur sententia: pro quo Titulo VI. præscribitur generalis Regula, *ut lite non contestata, non procedatur ad Testium receptionem, vel sententiam definitivam.* 2. *Temporibus*, ut necessariae litigantibus concedantur Dilationes, & præcipuè, ne Judicia, & actus Judiciales exercentur tempore feriato, de quo latè Titulo VIII. & IX. 3. *Ipsum Cognitum*, quæ quo ordine tractandæ sint, & quomodo subueniatur spoliato adversus spoliatores, decepto adversus dolum, comparenti adversus contumaciam Adversarii per sequestum, & missionem in possessionem bonorum ejusdem definitur à Titulo X. ad XVII. inclusivè.

## T I T U L U S VI.

*Ut Lite non contestata, non procedatur ad Testium receptionem, vel ad Sententiam Definitivam.*

### S U M M A R I U M,

1 Sensus Rubricæ, & vis.

2 Exceptiones.

3 Ex parte Judicis.

4 5 Ex parte actoris.

6 7 8 Ex parte Rei.

9 10 11 Ex parte Cause.

12 Quid requiratur, ut testes produci, & recipi ante litis contestationem possint?

**H**ic Titulus est quasi appendix prioris. In ejus Rubrica proponitur universalis regula, qua statuitur, ne ante contestationem litis in Iudicio Ordinario super causa principali regulariter recipiantur testes, aut sententia definitiva feratur: habentque verba ista vim Legis; quia ex recepta Jurisperitorum Regula, cum Rubrica sensum perfectum reddit, jus facit, & in causarum decisione allegari pro Lege potest, maximè si incipiat per Conjunctionem *Ut*, vel *Ne*, ut latius docent Olwald. ad Donell. *l. 26. comm. c. 2. litt. A.* Gothofred. *in l. 1. ff. de reb. credit. litt. F.* Gonzal. *in c. fin. hoc tit. n. 1.* Canis. *hic n. 1.* Kenig *n. 1.* Vviesl. *n. 1.* Ratio hujus Regulæ est, quia testes in Iudicio tantum, & super re in Iudicio deducta recipi, & audiri debent, ut ex eorum dictis Iudex informetur ad ferendam sententiam. Sed ante Contestationem Litis nondum censetur in Iudicium deducta lis; quia ut *Tit. præc. num. 1.* dixi, Litis contestatio est exordium Litis, perque eam Iudicium incipit. Ergo ante illam nequeunt testes recipi, & multo minus sententia definitiva ferri, *Conf.* ut testes recipi, & sententia ferri possit, debet aliquid esse, quod Actor petat. Atqui ante Contestationem litis nihil adhuc Actor petit, sed tantum petere vult. Ergo nihil est, super quo testes recipiantur, aut feratur sententia.

**D**ixi autem 1. *in Iudicio ordinario*; aliud est in Iudiciis summariis; cum enim in his simpliciter, & de plano procedatur, & neque Libelli oblatio, neque litis contestatio sit necessaria secundum dicta *Tit. 3. num. 12. & Tit. 5. num. 3.* *conf.* in iisdem, eadem non contestata, testes, & aliæ probationes recipi poterunt. P. Vviesl. *hic num. 3.* Dixi 2. *sententiam definitivam*; nam ad sententiam interlocutoriam rectè proceditur, etiam lite non

contestata; hæc enim non de causa principali, sed super quæstionibus incidentibus, vel emergentibus inter principium, & finem causæ fertur, ut cum probari debet, quod citatio ad reum pervenerit, quod contrumax sit, quod subjectus Iurisdictioni citantis &c. atque hinc de istis, lite etiam non contestata, recipi testes non solum possunt, sed etiam debent *cap. exhibita 19. de judic. Gloss. in cap. fin. V. procedendum hoc tit. Abb. ad Rubr. Tit. eod. num. 3.* Vivian. *ibid. in ration. Vallens. num. 8.* Honorius *n. 6.* Zoel. *n. 2.* Pirh. *n. 1.* Schamb. *n. 1.* Vviesl. *n. 3.* & alii communiter. Dixi 3. *Regulariter*; quia pluribus casibus, etiam in Iudiciis Ordinariis, lite non contestata, testes etiam super negotio principali recipiuntur. Suntque exceptiones istæ quadruplicis maxime generis; quia omnes respiciunt vel Iudicem, vel Actorem, vel Reum, vel Causam.

1 *Iudex* recipere testes, lite non contestata, potest casu, quo procedit ex officio ad inquisitionem generalem defectuum *cap. fin. §. sunt & alii hoc tit. & ibi Abb. num. 4.* Laym. *num. 1.* Pax Jordan. *hic num. 11.* Vallens. *num. 5.* Zoel. *num. 5.* Pirh. *num. 22.* Engl. *n. 2.* König *nu. 2.* Sannig *cap. 2. n. 1.* Vviesl. *n. 5.* Schambog. *n. 5.* Ratio est, ne delicta maneant impunita. Dixi, *ad inquisitionem generalem*; nam quando facit inquisitionem specialem, præcedente infamia, aliisve indiciis, adversus reum, lite non contestata, procedere, & testes recipere solum potest, si ille legitimè citatus contumaciter absit; secus, si sine contumacia. Abb. Laym. König Schamb. *loc. cit.* Addidi *ex officio*; secus enim est, cum Iudex ad inquisitionem procedit adversus aliquem ad instantiam partis; & ratio disparitatis est, quia dum ex officio procedit Iudex, cum Actor non detur, contestatio Litis fieri non potest; Potest autem fieri, cum ad instantiam partis proceditur. Sed & cum ex officio contra absentem proceditur, peracto examine, citandus est inquisitus, atque inter alia interrogandus, an velit habere Examen pro riè, & rectè factò, an vero intendat eosdem testes iterato examinari; quo casu assignatur terminus ad danda interrogatoria. Ita Pax Jordan. *loc. citat.* qui addit, ut plurimum inquisitos examen approbare, salvo jure excipiendi contra personas, & contra dicta; & tunc decernitur ei copia processus, ut possit se defendere.

2 *Actor* receptionem testium; lite non contestata, obtinere potest, cum timetur, ne inter litis contestandæ moras pereat copia probationis, eò, quod probabile sit periculum, ne testes ob senium infirmitatem &c. citius moriantur. Ita Barbof. *in c. fin. hoc tit. n. 1.* Gonzal. *ibid. n. 5.* Pax Jordan. *hic n. 6.* Vallens. *n. 8.* Zoel. *n. 3.* Engl. *n. 3.* König *n. 3.* Iudicium autem, qui senes, & valerudinarii sint ad hunc effectum, remittitur ad arbitrium Iudicis, qui id arbitratum ex iudicio, & consilio medicorum, ut cum *curs. notat Farin. prax. crim. l. 3. tit. 8. q. 76. n. 83.* *Extenditur hoc 1.* etiam ad profecturos ad bellum, navigaturos trans mare, diu absuturos; ubi quando, & quæ dicatur diuturna absentia, permittitur iterum arbitrio discreti Iudicis. Innoc. *hic n. 2. V. absentia.* Abb. *n. 21.* Vallens. *n. 6.* König *n. 3.* *Extenditur 2.* si periculum sit, ne testes interim, dum litis contestatio fieri possit, obliviscantur rei gestæ. Abb. *n. 6. in fin.* Vallens. *n. 6. cit.* Honor. *n. 9.* Zoel. *n. 3.* Pirh. *n. 17.* Vviesl. *n. 18.* & hoc propter æquiritiam, & identitatem rationis, ne cum hominum memoria sit labilis, probationis copia amittatur, & pereat. *Extenditur 3.* universim ad omnem casum, in quo si non reciperentur testes, veritas occultaretur, & subtraheretur probationis copia. Farin. *q. 76. cit. n. 10.* & plurimi apud ipsum; ut proin periculum mortis, & absentia diuturna in *c. fin. cit.* tantum exempli causa videatur allata cum in his omnibus ratio ibi allegata urgeat. Procedit autem hoc in casibus prædictis, siue pars conventa, vel convenienda absit ex malitia, siue absque malitia, ut habetur *can. fin. cit.* & docet *ibid.* Vivian. *in rational.* & alii.

In quo genere causæ dicta procedant, dubium moveri potest, Sed dubium hoc solvitur ab ipso textu ibi, *cum civiliter est agendum.* Dicendum igitur, receptioni testium, lite non contestata, locum duntaxat esse in causa Civili, vel criminali civiliter intentata, non vero in criminali criminaliter intentata, nam eo casu parte absente, & ante contestationem litis testes contra reum nullo modo possunt recipi, etiam si de eorum morte, vel diuturna absentia timeatur, ut tradit Gloss.



in c. fin. cit. V. civiliter. Abb. ibid. n. 5. Vivian. cod. c. in ration. Pax Jordan. hic n. 8. Vall. n. 6. Pirh. n. 18. Engl. n. 5. Konig n. 4. Sannig c. 2. n. 2. Et merito, quia in executionibus pœnarum non est adhibendus favor accusatori arg. l. auxilium 37. ff. de minor. & agitur de gravissimo præjudicio Rei, quem nocentem absolvi satius est, quam innocentem condemnari l. absentem 5. ff. de pœnt. Possunt tamen etiam in Criminalibus causis testes recipi pro informatione Curie ad instruendum Judicem, etsi lis contestata nondum sit, ut bene notat Pax Jordan. num. 9. qui n. 10. addit, in causa Hæresis ante litis contestationem posse examinari testes, quia etiam post mortem eo casu ferri sententia potest; & hoc in odium iustius criminis.

- 6 3 Reus se defendens potest producere ante litem contestatam quoscunque testes, sine ætatis discrimine, & facere, ut examinentur ad perpetuam, ut vocant, memoriam, & futuram sui defensionem. Vivian. in c. fin. §. sunt & alii hoc tit. Nicol. Rodriq. ad Rubr. cod. q. 1. n. 5. Honorius n. 2. Zoef. n. 5. Engl. n. 6. Konig nu. 25. Et in hoc reus melioris est conditionis, quam actor; actor enim, ut num. 4. dictum est, tantum eos testes potest producere, quorum præmatura mors, aut diuturna absentia timetur, non vero alios; reus vero quoscunque, non modo senes, aut valetudinarios, sed omnes, quorum depositio ad defensionem illius confert. Nec immerito; nam in actori potestate est, quando vult, agere; in Rei autem potestate non est positum, quando vult, conveniri. Accedit, quia posset Actor de industria expectare, donec testes, quorum depositione defendere innocentiam suam reus posset, moriantur, vel rei gestæ obliviscantur; unde, ne per dolum actoris præcindatur reo occasio se defendendi, æquissimum fuit, ut permitteretur reus testes adducere pro sui defensione quoscunque, & quodocunque voluerit, Valentque Attestationes sic receptæ in perpetuum, ita, ut quandoque illi demum lis moveatur, uti reus iisdem posset; in quo iterum est melioris conditionis, quam actor; Attestationes enim Actoris, si intra annum, cessante impedimento, actionem non instituatur, vel saltem receptionem testium reo denunciaret, expirant, & ultra nil amplius valent, ut infra dicam, & deciditur c. fin. cit. junct. l. pure 5. §. fin. ff. de dol. mal. & mer. except.
- 7 Extenditur hoc 1. non tantum ad causam, quo lis alicui actu movetur, sed etiam, quando quis timet, ne sibi in posterum moveatur super aliquo; nam etiam hoc casu poterit is petere à Judice, ut testes, qui negotio interfuerunt, publicentur, i. e. eorum dicta redigantur in publicam formam ad æternam rei memoriam c. fin. cit. §. sunt & alii junct. Gloss. ibid. V. publicatio imminet. Farin. præf. crim. l. 3. tit. 8. q. 76. n. 64. Nicol. Rodriq. loc. cit. n. 6. Engl. hic n. 6. Extenditur 2. non tantum, quando lis movetur, vel movenda timetur super causa proprietatis; sed etiam super causa possessionis; nam etiam ille, qui in possessione rei alicujus est, & timet, ne morientibus testibus informatis aliquis sibi litem moveat, & ex defectu probationis obtineat, receptionem testium ante litem contestatam petere potest à Judice; æquum enim est, ne jus possessoris pereat, ut probant DD. per c. significavit 41. & docent per ceteris Innoc. ibi in princ. Host. Joan. Andr. cum aliis. Extenditur 3. etiam ad causas criminales; nam etiam in his reus pro sui defensione potest facere testes examinari ad perpetuam; & hoc favore innocentie, ut notat Vallens. hic vers. dixi in criminalibus hoc tit. Nicol. Rodriq. loc. cit. n. 8. Farin. q. 76. tit. n. 123. Gaill. l. 1. obs. 92. n. 15. & apud hos alii.

- 8 Excipitur 1. quando reus exceptionem opponit per modum actionis; tunc enim jure actoris censetur, & testes nequit producere. Gloss. in c. 41. de testib. V. testes. Farin. loc. cit. n. 75. Nicol. Rodriq. n. 10. Vallens. n. 6. Konig n. 5. ubi id exemplificat in exceptione de non numerata pecunia; quia in potestate Rei est hanc opponere. Excipitur 2. quando actor præfens est, & offert se paratum agere, ac litem movere; tunc enim differtur receptio testium pro parte Rei post litem contestatam, nisi essent senes, valetudinarii, aut diu absuturi. Joan. Andr. in c. 41. cit. n. 10. in fin. Farin. n. 74. Nicol. Rodriq. n. 9. Vviesl. n. 25.

- 9 4 Ob favorem causæ ad receptionem testium, & si de causa liqueat, etiam ad sententiam definitivam,

lite non contestata, procedi potest duobus præcipue casibus. 1. In causa Matrimonii carnalis; ubi tamen est distinguendum inter casum, quo agitur de crimine adulterii ad separationem thori, vel restitutionem dotis; & inter casum, quo movetur quæstio, an matrimonium subsistat ob allegatum impedimentum dirimens. Si de primo agatur, contra reum, etiam contumaciter absentem, testes recipi, & sententia ferri ante litis contestationem non potest, prout sumitur ex c. ad hoc 1. hoc tit. & docent Vivian. ibid. in Ration. Barb. n. 1. Pax Jordan. n. 20. Pirh. n. 3. Sannig c. 1. n. 2. Si de secundo agatur, & reus legitime citatus contumaciter non compareat, non tantum testes recipi, sed etiam probata causa, sententia definitiva proferri potest, prout decisum est c. fin. cit. §. porro, & docent ibidem Vivian. in Ration. Barb. n. 14. Zoef. n. 6. Vall. n. 4. Pax Jordan. n. 20. Pirh. n. 19. Engl. n. 2. Konig n. 7. Vviesl. n. 8. Ratio disparitatis est, quia cum de valore matrimonii agitur, versamur in materia favorabili, ut scilicet conjuges sibi cohabitent, si matrimonium validum sit; vel separantur, & declarentur non conjuges, si est invalidum, ne permaneant in peccato; at cum causa adulterii agitur ad separationem thori, supposito valore matrimonii, versamur in materia odiosa; quia agitur de gravi præjudicio non tantum conjugis accusati, sed etiam ipsius matrimonii, cujus individua societas dissolvi petitur; & hinc rigidus, & ordinarius processus Iudici servandus est, nec ante procedi debet ad receptionem testium, & definitivam sententiam, quam lis fuerit contestata.

Alter casus est Matrimonii spiritualis: ubi pariter distinctio est adhibenda; vel enim agitur de Prælato post legitimam institutionem ob crimen à se perpetratum ab Ecclesia, & Prælatura removendo, vel impugnatur ipsa electio, institutio &c. propter nullitatem proveniente ex defectu formæ, vel personæ, tanquam ea Prælatura indigna. Si primum, non statim condemnandus, aut testes contra eum recipiendi, sunt, sed primo contumaciter post legitimam citationem non comparens excommunicandus, & si insuper habito anathemate intra annum non compareat, tum demum contra eum ad privationis, vel depositionis sententiam procedendum est can. rursus 3. can. quicunque 37. &c. caus. 11. q. 3. c. veritatis 8. de dol. Abb. in c. fin. §. porro hoc tit. n. 4. Laym. ibid. n. 7. Vviesl. n. 12. Si secundum, & Prælati contumaciter absens ad terminum petemptorium non compareat testes, lite non contestata, sunt admittendi, & nihilominus, si de causa liqueat, ad definitivam sententiam est procedendum per textum §. porro cit. & ratione ibi allatam, ne propter longam moram in spiritualibus, & temporalibus pariat Ecclesia lesionem. Quæ ratio cum etiam in inferioribus beneficiis, saltem animatum curam annexam habentibus, procedat, idcirco Innoc. in §. porro cit. V. alicujus, Abb. loc. cit. Vviesl. n. 13. cum aliis norant, eodem modo cum inferioribus Beneficiatis, saltem curatis, procedi debere.

Dixi in utroque casu, si contumax sit; nam si contumacia absit, adversus reum absentem testes recipi, & sententia ferri nequit, sed si quidem reus conventus in Prælatum electus sit, sex mensibus expectandus est. potest tamen hoc tempus spectari circumstantiis, extendi, vel restringi à Superiore. Si vero agatur de valore matrimonii, tandiu alter conjugum absens expectari debet, donec de ipsius obitu verisimiliter præsumi possit §. porro cit. & ibi Gloss. V. præsumatur. Vivian. ibid. in Ration. Barb. n. 14. Pirh. n. 21. Addidi verisimiliter, nam in hoc casu non requiritur omnimoda civitudo mortis, sicut requiritur ad hoc, ut conjux vivens post matrimonium semel valide contractum transire ad vota secunda possit; & ratio est, quia non agitur de tam gravi præjudicio, sed solum de hoc, ut testes recipiantur, etiam lite non contestata, & secundum allegata, & probata procedatur ad sententiam definitivam de valore, vel nullitate matrimonii; ad quod parum confert, an conjux alter vivat, vel decesserit; si enim vivat, si decesserit, si matrimonium cum eo initum nullum fuerit, liber ab eo est alter conjux, & ad aliud matrimonium transire potest. Abb. in §. porro cit. n. 12. Laym. l. 5. Theol. tr. 10. p. 3. c. 3. n. 2. in fin. Schamb. hic n. 4. Vviesl. n. 10. His suppositis, ulterius

Quæri potest, quid requiratur, ut testes produci, & recipi ante litis contestationem possint? Resp. distin-



distinguendo inter Remm, & Actorem; nam ut Reus testes producere, & productos Judex admittere ante litem contestationem possit, plus non requiritur, quam quod lis ipsi vel intenteretur actu, vel metus sit, ne aliquando sit intentanda juxta dicta n. 6. & 7. Plura requiruntur, ut producti, lite non contestata, possint ab Actore, & producti, receptique vim suam habeant. Et 1. quidem requiritur, ut sublit causa rationabilis: qualis est, si timeatur de morte testium, si diu sint abfuturi, vel alia ex assignatis n. 4.

2. Plerumque requiritur, ut pars adversa, contra quam testes producuntur, sive reus citetur; quia debet interesse receptioni testium, & jramento ab eis præstito. Abb. *inc. fin. princ. h. tit. nu. 3.* & n. 21. Vivian. *ibid. in ration. Layman. nu. 3.* Honorius *num. 10.* Pirh. *n. 15.* Konig *n. 3.* Schamb. *n. 8.* Vviesl. *n. 21.* & colligitur *exc. in nomine 2. de testib.* Intellige autem, si reus commodè citari possit: unde si sit periculum de morte, vel absentia testium, citatio non requiritur. Farin. *q. 76. cit. n. 164.* Item citatio omitti potest, si Adversarius ob potentiam, vel seviriā conveniri nequeat, nec ei receptio testium denuntiari: quo casu tamen Judex vices partis absentis diligenter supplere debet, ut omnis fraus evitetur. Abb. *l. cit. n. 20.* Felin. *ibid. n. 7.* Laym. *num. 3.* Barbof. *n. 10.* Vallens. *n. 6.* Pirh. *n. 15.* Sannig. *c. 2. num. 4.*

3. Quodsi reus citari non potest, requiritur, ut actor intra annum à tempore, quo poterit conveniri, numerandum reum conveniat, vel saltem receptionem testium, & horum depositiones ipsi denuntiet, & transmittat: si hoc facere Actor omiserit, receptio testium, & eorum attestations sunt invalidæ; quia præsumuntur recepti, & examinati in fraudem, ut reus processu temporis commoditatem adversus testes excipiendi amittat, prout habetur *c. fin. cit. princ. V. sed si actor.* Estque hæc præsumptio Juris, & de Jure; ac proinde in contrarium probatio directæ non admittitur. *Directa*, inquam, sive respectu fraudis; nam indirecta non repellitur, ut si actor, ad cujus instantiam testes recepti sunt, probare vellet, quod in potestate sua non fuerit intra annum reum convenire, eique testius receptionem denuntiare. Abb. *inc. cit. princ. nu. 12.* Menoch. *l. 2. præsumpt. 54. n. 3.* Farin. *q. 76. cit. n. 170.* Vviesl. *hic num. 21.* Hinc dixi, annum numerandum à die, quo reus poterit conveniri; nam annus iste ab initio utilis est, quamvis in progressu continuus, ita, ut currat etiam diebus feriatis. Gloss. *in cap. cit. V. infra annum.* Vvagaereck *ibid. eod. Verb. Barb. n. 1.* Pax Jordan. *n. 16.* Pirh. *n. 16.*

4. Testibus sic receptis, & examinatis, non statim procedere Judex ad sententiam definitivam potest, sed aservantur eorum depositiones, donec reus conveniri possit, & tum primum publicantur cum aliorum testium depositionibus, qui post litem contestatam recepti sunt: tamdiu ergo quoad effectum testes ante contestationem litem recepti habentur pro non receptis, usque dum fiat litem contestatio. Vivian. *inc. cit. Laym. ibid. num. 2.* Pirh. *n. 3.* Schambog. *n. 7.* Excipe, quando testes recipiuntur non ex necessitate Juris, sed solum ad cautelam, & securitatis gratia, ut cum factum alias est notorium; etenim in facto notorio, & Legibus jam prohibito procedi ad condemnationem potest etiam in absentia partis, ut rectè advertunt Laym. Pirh. *l. cit.* Idem dicendum, si directè non agatur contra certam personam, quamvis indirectè etiam aliorum interfit; hoc enim casu procedi ad sententiam definitivam posse habetur *Auth. si omnes C. si. min. ab hered. se abstin.* Utrum verò casu, quo ob periculum in mora ante contestationem litem testes recepti sunt, post litem contestatam examen eorum iterari debeat, si tempore litem motæ sani sint, vegeti, & præsentis, non omnino conveniunt DD. Pax Jord. *nu. 7.* repetendum negat; repetendum putat Zoef. *hic nu. 4.* Barb. *inc. cit. n. 5.* & communior DD.

## TITULUS VII.

## De Juramento Calumnie.

## SUMMARIUM.

1. Quid sit Calumniari?
  2. Quid Juramentum Calumnie, & quotuplex?
- Schmalzgrueber Tom. II.

3. Hujus finis, objectum, effectus.
4. Necessitas.
5. An per rescriptum Principis, Renuntiationem partium aut consuetudinem necessitas ejusdem tolli possit?
6. Quis jurare de calumnia debeat?
7. An omnis Actor, & Reus?
8. An etiam Clerici?
9. Et Episcopi?
10. Quis, quando Actor, vel Reus est Universitas?
11. An etiam Procurator particularis admitti ad Juramentum hoc possit?
12. In quibus causis præstari debeat?
13. Quando?
14. Quomodo?
15. Pœna recusantium.
16. Anistam incurrat Principalis, quando jurare detrebat Procurator?
17. An jurans de Calumnia liberetur à solvendis expensis?

**T**itulus hic de Juramento Calumnie inscribitur; quia post litem utrinque contestatam imponitur Juramentum, quod, quia per illud litigantes jurant, se litem non suscepisse animo calumniandi, Calumnia Juramentum Latine, Germanicè *der Gyd sur gefahde* dicitur. Porto vox Calumniari aliter sumitur in Criminalibus, aliter in Civilibus: in Criminalibus aliud nihil est, quam *falsa crimina intentare*, ut dicitur *l. accusatorum 1. §. calumniari 1. ff. ad S. C. Turpill.* In Civilibus verò est per meras frustrationes negotium differre, vel per fraudem alios litibus vexare. unde Calumniatores appellati sunt, qui per fraudem, & frustrationem alios vexant litibus, ut habetur *l. si calvitur 233. ff. de V. S.* Ad hanc Calumniam præcavendam Juramentum calumnie introductum est, & hoc deponitur ab Actore & Reo: Actor jurat non calumniandi animo se litem movere, sed existimando se bonam habere causam; reus verò jurat, quod putet se bona instantia uti ad reluctandum, i. e. resistere actori, existimando se jus habere *l. cum & Judices 2. princ. C. de juram. propt. calum.*

Quæritur 1. quid, & quotuplex sit Juramentum calumnie? Resp. Est Juramentum, quo partes litigantes jurant, quod in Judicio tam agendo, quam excipiendo, & defendendo absque fraude, & calumnia versari, omniaque bona fide peragere velint; vel ut alii brevius Est Juramentum à litigantibus super causam bona fide susceptam, & deinceps proseguenda præstandum. Ita quoad rem omnes. Dividitur ab aliquibus in generale, & speciale. Generale dicunt illud, quod super tota causa præstatur; Speciale, quod in qualibet parte Judicii deponitur super certo actu, exigente Adversario: & hoc iterum duplex est, Juramentum Veritatis, & Juramentum Malitiæ. Sed prout hæc duo Juramenta continent, Juramentum calumnie latè accipitur; nam simpliciter prolata vox ista significat Juramentum Calumnie generale, quod plurimum à reliquis duobus diffidet.

A Juramento Veritatis quidem 1. quia Juramentum Calumnie, ut n. seq. dicam, plura capitula continet; Juramentum Veritatis hoc solum habet, quod jurans velit veritatem dicere. 2. Juramentum calumnie est Juramentum credulitatis, quo quis jurat se credere, quod bonam habeat causam; Juramentum veritatis verò est de scientia, & de veritate, quam Jurans scit; dicenda. 3. In Juramento Calumnie non conceditur dilatio; quia statim potest litigaturus dicere *credo*, vel *non credo*: at in Juramento veritatis dilatio concedi debet; quia hæc necessaria esse potest ad veritatem investigandam. 4. Juramentum Calumnie olim præstabatur solum in Causis Civilibus, & pecuniariis; juramentum Veritatis etiam in causis Criminalibus, item in spiritualibus, & quæ his annexæ sunt.

A Juramento malitiæ Juramentum Calumnie propriè, & strictè acceptum differt 1. Quia Juramentum malitiæ præstatur ante, vel post litem contestationem; Juramentum Calumnie solum post illam. 2. Juramentum Calumnie regulariter præstatur tantum semel in eadem causa; Juramentum Malitiæ toties, quoties est præsumptio contra partem litigantem, quod aliquid malitiosè dicat, aut faciat in causa. 3. Juramentum calumnie antiquo Jure (nam quid novo Jure de eo sit, dicam infra num. 12.) locum solummodo habet, ut paulò antea dictum



dictum est, in causis profanis, & civilibus; Juramentum malitiæ etiam in Ecclesiasticis, & Spiritualibus. 4. Juramentum calumniæ concernit totum negotium, seu litem; Juramentum malitiæ tantummodo partem negotii, seu litem suspectam.

3. Quæritur 2. quis sit Finis, Objectum, & Effectus Juramenti Calumniæ? Resp. *Finis* est quadruplex. 1. & præcipue, ut eliciatur veritas *c. ex litteris 32. de Jurejur.* 2. Ut timore juramenti contentiosæ litigantis instantia compescatur, ut ait Imperator *l. in omnibus 1. C. h. tit.* 3. Ut metu perjurii non efficiatur litigator immemor suæ salutis *l. cum & Judices 2. C. eod.* 4. Ut sit dirimendarum controvertiarum remedium, & litium compendium. Er summatim, ut calumniosæ lites omittantur, partes probationibus exonerentur, veritas causæ manifestetur.

*Objectum* illius quinque capitulis comprehenditur. 1. Enim tam Actor, quam Reus jurare debet, quod credant se justam habere causam, & fovere *l. cum & Judices cit. in princ.* 2. Quod in judicio interrogatus veritatem respondebit de omnibus, nempe, ut bene notat Haun. *tom. 5. de J. & J. tr. 3. nu. 454.* de quibus interrogabitur juridicè *Novell. 49. c. 3. & Novell. 124. c. 1. 3.* Quod non utetur falsa probatione, nec ab Adversario suo exiget ullam probationem superfluum, & quam non existimaverit pro veritate necessariam. *Auth. in isto C. h. tit.* 4. Quod nil penitus patrocini causa Judicibus, vel aliis personis pro causa dederit, aut promiserit, aut daturus sit per se, vel per alios, præterquam Advocatis salaria, cæterisque personis, quibus à Jure dari permittitur. *Author. principales C. eod. & Novell. 124. cit. 5.* Quod calumniosam dilationem non peter, animo scilicet causam protrahendi, seu differendi Judicii causa *l. in omnibus C. eod.* Quæ omnia Glossa *inc. 1. V. calumnia h. tit.* his versibus comprehendit.

*Illud juretur, quod lis sibi iusta videtur,*

*Et si quæretur, verum non inficietur.*

*Nil promittetur; nec falsa probatio detur;*

*Ut lis tardetur, dilatio nulla petetur.*

Addunt aliqui 6. quod temere non sit appellaturus, ut in multis Germaniæ Curiis usu receptum testis est Mynsing. *cent. 3. obs. 56.*

*Effectus* denique Juramenti calumniæ est, ut si præstitum sit, jurantem ab omni calumniæ suspitione, sive à tacita, seu præsumpta calumnia excuset: à tacita, inquam, & præsumpta; nam ab evidenti, & expressa calumnia non excusat, sed hanc committens in causæ processu, non obstante Juramento calumniæ, quod præstitit, finita causa, tanquam calumniator, criminaliter accusari, & puniri potest. Marant. *de ord. Judic. p. 6. de Juram. cal. n. 13.* Zoef. *hic n. 8.* Pirh. *n. 35.* König *nu. 25.* Contrà qui illud, postquam ab eo petatum est, præstare renuit, temere, & calumniandi animo judicium subire præsumitur; & propterea litigantes Principales, id recusantes, damno litis coercentur, ut Actor quidem, quasi improbus litigator, cadat ab instituta actione; Reus verò in causis Civilibus, & profanis pro confesso habeatur, ut infra latius *n. 14.*

4. Quæritur 3. an Juramentum Calumniæ necessario præstari debeat? Resp. Si ab alterutra parte litigantium petatum fuerit, necessario præstari debet, ita ut eo casu omissum vitiet totum processum, & sententiam latam reddat nullam, licet etiam cum Juramento fuerit responsum Positionibus. Ita Gratian. *Discept. forens. c. 208. n. 15.* Menoch. *de arbitr. l. 1. q. 20. per totam*, Ridolphin. *prax. p. 1. c. 8. nu. 96. & seqq.* Passerin. *inc. 1. h. tit. in 6. n. 18.* Sabell. §. *Juramentum n. 19.* & hoc teste decisum in Rota *p. 2. divers. decis. 281. nu. 4.* & colligitur ex *l. cum & Judices 2. §. sed quia veremur 4. C. h. tit.* Potestque ad hoc præstandum Judex partem id recusantem cogere: neque parti coactæ à tali Decreto, quo ei mandatur præstatio hujus Juramenti, permissum est appellare; quia appellatio solum datur à gravamine. Atqui non gravat Judex, dum præcipit fieri, quod Lex jubet. Passerin. *inc. 1. cit. n. 11.* Excipitur, nisi causa justa allegetur à parte recusante jurare; nam hoc casu, si Judex cogat, insuper habita recusatione, gravamen infert recusanti, & cons. huic appellatio permissa erit. Passerin. *l. citat.*

Addidi, *vitiari processum, & sententiam ex omissione Juramenti calumnie*: quod intellige, non omnino, sed solum, in quantum est ad favorem ejus, qui jurare re-

cusavit. Passerin. *l. cit. n. 22.* Imò aliquando nec huic recusatio Juramenti nocet, & hoc præcipue in quadruplici casu. 1. Quando sententia justa est; hæc enim ob recusationem Juramenti calumniæ non annullatur. Sabell. *summ. §. Juramentum n. 19.* 2. Quando ex actis constat de bono jure illius, pro quo lata est sententia; nam quando ex actis constat de bono jure, talis nullitas non attenditur. Passerin. *l. cit. n. 18.* Sabell. *n. 19. cit.* & apud hunc Marechott. *var. resol. l. 1. c. 47. 4.* Quando pars negat præstare Juramentum calumniæ petatum modo, aut tempore indebito, e. g. ante contestationem litis; quia ante contestationem litis non possunt partes cogi ad jurandum super tota causa. Burzio *inc. 1. h. tit. n. 19.* Abb. *ibid. n. 4. not. 3.* Passerin. *l. cit. n. 22.* 4. Quando non repetitur protestatio ad singulos actus Judiciales post petitionem Juramenti calumniæ secutos; censetur enim pars, quæ prius Juramentum calumniæ præstari petiit, ab hac sua petitione recessisse. Passerin. *n. 18.*

Disputant hic aliqui, quo Jure, Divino, an humano inducta sit necessitas Juramenti calumniæ? Et Divino quidem, eoque juxta aliquos naturali inductam esse contendit Puteus *decis. 398. nu. 3.* Menoch. *de arbitr. l. 1. q. 20. n. 2.* & plures alii, quos refert Scaccia *l. 2. c. 1. q. 15. n. 123.* Et probant hoc 1. ex textu Exod. 22. ubi casu, quo res apud aliquem deposita furto sublata est, depositurus jubetur jurare, quod non extenderit manum suam in rem proximi sui ad perpetrandam fraudem, 2. Quia de jure naturali est, ut nullus calumniatur proximum, & contra justitiam nihil petat, aut repellat in judicio. 3. Quia Juramentum hoc institutum fuit ad communem utilitatem, & saltem originem ducit à Lege naturali. Sed revera argumentis istis non evincunt intentum. Ad 1. Præterquam quod Lex illa Judicialis fuerit, & cons. per Christum abolita, ibi sermo est de Juramento decisorio dando ab eo, qui rem alterius in custodiam habuit. Ad 2. Aliud est neminem calumniari, aliud jurare, quod calumniari non velit: primum de Jure naturali esse, nemo dubitat; alterum negatur esse de jure naturali. Ad 3. Originem ducere à Lege naturali commune est omni Legi positivæ justæ; nam positivæ leges non sunt, nisi conclusiones autoritate Legislatoris à Jure naturali deductæ. Quare melius cum Abb. *inc. 5. h. tit. n. 10.* Gaill. *l. 1. obs. 85. n. 8.* Passerin. *inc. 1. h. tit. in 6. num. 3.* & aliis apud istum dicitur, necessitatem istam solum introductam Jure positivo humano.

Quæritur 4. An per Rescriptum Principis, Renuntiationem partium, aut consuetudinem induci possit, ut partes de calumnia vitanda non jurent? Tria membra Quæstio præsens continet. Ad 1. dico, per Rescriptum Principis tolli Juramentum calumniæ posse. Ita Abb. *inc. 5. h. tit. n. 10.* Gaill. *l. 1. obs. 85. n. 8.* Pir. *hic n. 7.* Sannig *c. 1. n. 6.* Ratio est; quia, ut *n. præc.* dixi, inductum est Jure positivo humano, cui Princeps derogare potest. Dixi per Rescriptum Principis; nam Princeps solum hoc potest, non inferior Principe, etsi is sit Legatus Principis.

Ad 2. distinguendum est inter Renuntiationem tacitam, & expressam. Tacite Juramentum istud remitti posse, neque eo casu, quo illud omittitur, quando id partes non exigunt à se invicem, Processum propterea vitari, satis convenit inter DD. & expressè docent Vivian. *inc. 1. h. tit. in 6.* Marant. *p. 6. tit. de Juram. calumn. n. 2.* Gaill. *l. 1. obs. 85. n. 2.* Pax Jordan. *tit. 7. n. 26.* Henr. Canis. *summ. h. tit. §. 5.* Laym. *inc. 1. eod. in 6. n. 3.* Passerin. *ibid. n. 6. & 18.* estque hoc teste decisum in Rota *decis. 4. alias 664. de Juram. calumn.* Pater clarè ex cap. *sive calumnia 1. §. propter h. tit. in 6.* ibi: *Propter omissum quoque tacite in tota causa calumnie Juramentum Judicialis processus, alias factus legitime, non est nullus, nec etiam annullandus.* Cujus ratio esse creditur; quia finis, ob quem introductum est Juramentum Calumniæ, obtineri censetur, si modò partes in continuo sint metu, ne Juramentum, tacite hætenus dissimulatum, exigatur.

Major difficultas est, an remitti possit per pactum expressum? Et ratio dubitandi est. 1. Quia introductum videtur in favorem partium, quæ proinde juri suo renuntiare poterunt *c. si de terra 6. de privil.* 2. Quia Juramentum hoc non est de substantia Judicii, cum, ut paulò antea dictum est, tacite remitti possit, & sic omissum Processum non vitiet. 3. Quia taciti, & expressi est eadem vis. Igitur eo ipso, quod tacite remitti possit, remitti etiam expresse poterit.



Sed respondendum negativè. Ita præter *citas*. cum communissima docent Ridolphin *prax.* p. 1. c. 8. nu. 98 Brunneman. in *Auth. in isto C. h. tit. num.* 23. Gonz. in c. fin. eodem num. 5. Haun. tom. 5. de I. & J. tract. 3. n. 457 Zoef. hic num. 8. Engl. num. 3. Konig n. 24. Schambog. n. 5 Sannig cap. 1. num. 5. Vviefst. num. 18. & novissimè Clariss. P. Schmier de *Process. Judic. cap. 6. num. 8. & 9.* & constat ex l. cum & Judices 2. §. sed quia 4. C. h. tit. Ratio est, quia juramentum hoc, ut n. 3. dictum est, est introductum, ut fraudes evitentur in judiciis, & ne veritas occultetur; conf. ob bonum publicum, sed quod inductum est intuitu boni publici, pactis privatorum tolli, & remitti nequit. Ergo &c.

Neque contrarium probant rationes dubitandi allatæ, Ad 1 Ea cadit ex modo dictis. Ad 2 Esto, quod, cum juramentum hoc non exigitur, non sit de substantia iudicii, ad hanc tamen pertinet præstatio exacti, ejusque omisso processum vitiat, ut patet ex n. *prax.* Ad 3 Disparitas est, quia expressa renuntiatio invitat partem ad delinquendum, concedendo ei facultatem ad liberius calumniandum; at non ita renuntiatio tacita, quippe cum sic remissum tacite exigat a parte, & imponi a iudice ex officio possit in quacunque litis parte usque ad sententiam, ut infra n. 13. dicam. Unde juramenti istius remissio accenserebatur illis casibus, quibus plus operatur tacitum, quam expressum.

Ad 3 affirmativam defendunt Gonzal. in c. fin. h. tit. n. 5. Brunnem. in *process. c. 15. n. 6.* Fleck. in *Biblioth. l. 5 tit. 44. nu. 21.* Konig hic n. 7. & novissimè P. Schmier l. cit. n. 13. & duobus seqq. Rationem dant, quia juramentum hoc, ut n. *prax.* dictum est, est introductum jure merè positivo humano; quæ autem hoc jure introducta sunt, ut statuto Principis, ita consuetudine contraria tolli possunt. Conf. ex praxi Tribunalium Galliar, & quorundam Belgii, à quorum usu juramentum hoc recessisse testis est Corvinus *Enarrat. C. h. tit. in fin.*

Sed retinenda est negativa sententia, quam etiam tuentur Abb. in c. ceterum 5. h. tit. n. 3. & 9. Henric. Canis. *Summ. h. tit. §. 5.* Gaill. l. 1. obf. 85. n. 3. Pax Jordan. tit. 7 n. 29. Perez. in C. h. tit. num. 11. Layman in c. ceterum cit. n. 2. Barbosa ibidem n. 5. Passerin. in c. 1. eodem in 6. num. 19 Pirhing hic n. 7. Schamb. n. 7. Sannig c. 1. n. 5. Vviefst. n. 19 Reiffenstuel n. 50. Sumitur ex c. ceterum cit. Neque obstat, quod textu isto de solis Clericis sit sermo; quia eo expressa ratio generalis, ne veritas occultetur, etiam Laicos comprehendit, cum etiam his ad occultandam veritatem, fraudesque, & calumnias fruendas via non sit aperienda.

Exceptio tamen triplex hic facienda est. 1 Si ob hominum alicujus loci probitatem, & fidelitatem videatur sufficere simplex non calumniandi promissio, aut juramentum de dicenda veritate, præsertim in causis non arduis. Grarian. *Discept. for. tom. 5. capit. 909. num. 13.* Sabell. *Summ. §. Juramentum n. 19.* Layman l. cit. Vviefst. n. 20. tunc enim cessat ratio, ob quam inductum est hoc juramentum. 2 Si è contrario tanta sit hominum perveritas, ut occasione perjurii præberet præceptum istud; tunc enim per consuetudinem, maximè præmemorialem, Lex de juramento calumniæ abrogari potest, & hoc merito; quia lex non debet dare occasionem perjurii; sed potius prohibere juramentum, quando perjurii subest periculum. Gaill. l. 1. obf. 85. nu. 4. & 5. Layman l. cit. Pirhing nu. 7. Vviefst. num. 20. 3 Per consuetudinem induci potest, ut non juretur de calumnia, si patres non exigant; adeò ut neque iudex ordinariè hoc juramentum deferret, & exigere teneatur, *Idem, qui supra,* & colligitur *argum. capit. si de calumnia 1. §. propter 1. h. tit. in 6.*

Neque obstat ratio adversæ partis; quia ut consuetudo præjudicare Legi, eamque auferre possit, debet esse rationabilis. Non autem apparet, quomodo consuetudo, tollens juramentum calumniæ, extra casus antè exceptos, rationabilis esse possit, cum occasionem præbeat occultandi veritatem, calumniis viam aperiat, & causam det prolongandis litibus. Neque paritas est cum statuto, & Lege Principis; cum enim ab hujus voluntate unice Lex dependeat, idcirco tollere is Legem à se, vel prædecessoribus laram potest pro lubitu: tantam autem vim tollendi Legem consuetudo non habet, sed certis requisitis esse instructa debet, ut adversus Legem prævaleat. Ad Conf. Usus ille Galliar, & Belgii vim suam

Schmalzgrueber Tom. II.

habet vel à statuto expresso Principis, vel si à consuetudine, à tali, quæ sit inducta auctoritate publica ejus, qui juri communi derogare potest; quo modo si inducta, & approbata sit, cum Passerin. in c. 1. h. tit. in 6. num. 19 libenter concedo, per eam tolli posse necessitatem jurandi de calumnia.

Quæritur 5 quisnam præstare debeat juramentum calumniæ? Resp. Regulariter loquendo juramentum istud præstare debent ipsæ personæ litigantes, sc. Actor, & Reus, modo personam standi in iudicio habeant: & actor quidem prius, quam Reus; quia ad litem provocavit. Ita habetur l. cum & Judices 2. in princ. C. h. tit. & docent Gloss. ibidem V. & Actor, Host. in *summ. h. tit. nu. 2.* Vivian. in c. 5. eodem tit. Layman ibidem n. 1. Gonz. in c. fin. eodem n. 6. Vvesenbec. C. h. tit. n. 6. Brunn. in l. 2. cit. n. 1 Zoef. hic n. 3. Pirhing n. 8. Honorius nu. 5. Sannig c. 2. n. 1 Konig n. 8. Vviefst. n. 8.

Extenditur 1 etiam ad casum, quo actor, & Reus non per se, & personaliter, sed per procuratores causam agunt l. cum & Judices cit. §. fin. autem 3. nisi procurator mandatum habeat ad jurandum de calumnia. Hiltrop. p. 2. tit. 2 §. qui jurent. nu. 1. Imò jure civili litigans principalis ne delegare quidem procuratorem ad jurandum pro se de calumnia poterat, ut patet ex §. fin. autem cit. ibi: non ante licentiam habeat Actor litem exercendam suo procuratori mandare, nisi prius, actis intervenientibus, in provincia, in qua degit, Sacramentum calumnia subeat. Dixi de jure Civili; nam de jure Canonico, cujus usus quoad hoc passim viget etiam in foro civili, procurator ad jurandum de calumnia admittitur, si speciali mandato instructus sit, prout dicitur n. 11.

Extenditur 2 etiam ad hæreses principalium personarum, sc. Actoris, & Rei, si in hos instantia transit; c. in appellationis 2. §. procuratores h. tit. in 6. *Auth. principales junct.* Gloss. ibidem V. migraverit C. h. tit. Vvesenbec. l. cit. Brunnem. in *Auth. in isto nu. 8. C. h. tit.* Pax Jordan. tit. 7. n. 32. Haun. tom. 5. tr. 3. n. 475. Zoef. hic n. 3. Honor. n. 5. Pirhing n. 9. Sannig c. 2. n. 3. Vviefst. n. 8. Neque obstat quod defunctus jam præstiterit hoc juramentum; quia obligatio juramenti est personalis, nec de persona ad personam transit. Accedit; quia potuit defunctus fuisse in bona fide, hæres autem, vel successor in mala. Igitur æquitas postulat, ut etiam ipse freno juramenti à calumnia inferenda coerceatur. Non obstat 2 quod alias hæres eadem in jure persona censeatur esse cum defuncto; nam quamvis hoc verum sit quoad aliquos effectus, non tamen quoad juramentum, quod debet esse propria voluntate positum. Non obstat 3 quod si moriatur iudex, actor, & reo superflite, coram novo iudice repeti à litigantibus hoc juramentum non debeat; quia non est restrictum, & limitatum ad hanc numero personam iudicis, sed ad causam, & personas litigantium; conf. etsi mutetur iudex, modo eadem sit causa, & litigantes, tota vis juramenti manet, sicque nulla est ratio illud repetendi.

Quæritur 6 an omnis actor, & Reus jurare de calumnia debeat? Resp. regulariter loquendo debent omnes. Proceditque hoc etiam de eo, qui voto se abstinxit ad nunquam jurandum, ut contra quosdam melius sentiunt Pax Jordan. l. 14. tit. 7. n. 41. Haun. tr. 3. nu. 479. Vviefst. hic num. 17. & ratio est, quia alias Leges, imponentes juramentum calumniæ propter utilitatem publicam, à privatis facillè eluderentur. Neque opus est hoc casu dispensatione Episcopi, ut voluit Jordanus l. cit. quia ejus voti obligatio se non extendit ad juramentum calumniæ, aut quatenus se ad istud extendit, non est de meliore bono, cum juramentum hoc, exigente justitia, præstare sit melius, quam non jurare.

Dixi Regulariter; nam varias exceptiones hic faciunt Doctores. Et 1 quidem excipiuntur Principes; quia eorum dignitas excludit suspicionem calumniæ. Gonzal. in cap. fin. h. tit. num. 6. Haun. l. citat. num. 466. Konig hic num. 12. Vviefst. num. 16. 2 Procurator fisci, non quidem de jure communi; in hoc enim ipsi juramentum istud nuppiam remissum reperitur: sed de consuetudine, de qua testatur Gaill. l. 1. obf. 90. num. 9. Vallenf. hic §. 1. num. 1. Schambog. numer. 13. & merito; quia & personæ qualitas, & officii necessitas præsumptionem calumniæ in Procuratore Fisci Imperialis excludit. 3 Dominus feudi cum Vasallo litigans, & Vasallus Dominum conveniens l. 2. feud. tit. 23 §. 1. Schambog. Vviefst. l. cit.



Ratio est, quia utrimque summum honorem debent. Excipitur casus, quo injuriam passus Vassallus à Domino feudi est; nam eo casu juramentum calumniæ præstari debere docet Borcholt, & ita usu receptum est.

Dubium est, an juramentum istud præstare etiam debeant parentes, & patroni, si in causis permixtis litigent in judicio cum liberis, & libertis? *Rationem dubitandi* facit 1. *Novell. 4. cap. fin.* ubi juramentum calumniæ omni personæ litiganti præstandum discretè asseritur. 2. *lib. quoties 14. ff. de jurejur.* ubi Paulus affirmat, juramentum in rem *nec parenti, nec patrono remitti.* 3. *l. iusjurandum 34. ff. eodem* ubi Ulpianus, *Hoc iusjurandum, inquit, de calumnia neque patrono, neque parentibus remittitur.* 4. Ratio; quia tali casu parentes, & patroni exigere juramentum istud possunt à liberis, & libertis. Igitur cum correlativa sint, in quibus dispositum de uno etiam ad alterum protrahendum est, etiam liberi, & liberti exigere illud à parentibus, & patronis poterunt.

Sed merito negatur hæc obligatio in parentibus, & patronis obclaros textus *l. licet 7. §. nec deferentes 3. & §. seq. ff. de obseq. parent. & patron. præstand. l. si patronus 16. ff. de jurejur. l. de die 8. §. jubetur 5. ff. qui satisd. cog. l. qui bona 13. §. sed si 14. ff. de damn. infect.* Consentium DD. nominatim Gloss. in *l. 2. V. movisti C. h. tit. Gonzal. in c. fin. eodem n. 6. Brunnem. in l. si patronus cit. n. 2. Zoef. ff. de jurejur. num. 32. Haun. tr. 3. nu. 463. Pirh. hic n. 24. König n. 12. Vviesner num. 14. & novissimè P. Schmier de Process. c. 6. n. 39. & seqq.* Rationem sanctiori huic dedit reverentia his personis debita; nam sanctior, & honestior liberis debet esse persona Patris, & libertis persona patroni, quam ut suspicari debeant, quidquam illos calumniandi animo attentatos.

Neque contrarium evincunt textus, & ratio allata pro ratione dubitandi. *Ad 1* textus ille, ut cum anterioribus juribus concilietur, intelligendus est de personis tantum illis, quibus reverentia non debetur juxta *l. sed & posteriores 28. ff. de Legib.* Obrecht de juram. calum. cap. 5. Vviesner n. 14. *hic.* *Ad 2* Inter juramentum in rem, & juramentum calumniæ latum intercedit discriminem; quia juramentum in rem deferens parenti, vel patrono, eos causæ judices facit, conf. non minus ipsis, quam sibi credit; at juramentum calumniæ exigens ab adversario calumniam se metuere profitetur, quod reverentiæ parenti, & patrono debita adversatur. *Ad 3* in aliis codicibus pro *neque* legitur *Aequè* ita: *Aequè patrono, & parentibus remittitur*; quam lectionem cum aliis amplectitur Bald. in *l. 2. C. h. tit.* Cujas *l. 9. obs. c. 37.* Nicol. Rodr. *c. 3. h. tit. q. 2. nu. 14.* Zoef. Brunnem. Vviesner *l. cit.* Sed etiam retenta vulgari lectione, varia ad hunc textum esse responsio potest. Verisimilior videtur, quam affert Gonzal. *l. cit.* ubi putat regulariter hoc juramentum remitti patrono, & parentibus, nisi ipsi juramentum liberis, vel libertis secum litigantibus deferant; tunc enim existant nec ipsos à juramento calumniæ præstando excusari: quod videtur colligi ex ipso textu; nam post verba *Qui iusjurandum desert, prior de calumnia debet jurare, si hoc exigatur, deinde sic ei jurabitur*, statim subjungitur, *Hoc iusjurandum de calumnia* (subintellige, si deferant juramentum decisorium, & ab illis exigatur juramentum calumniæ) *neque patrono, neque parentibus remittitur.* *Ad 4* Principium illud de correlativis sæpe fallit, & exempla sunt obvia; licet enim si lius opus habeat venia ad conveniendum patrem, non tamen pater venia opus habet ad conveniendum filium &c. In nostro casu parentes, & patroni liberantur ab obligatione præstandi juramentum calumniæ, non vero liberi, & liberti ob reverentiam, quam hi illis debent, & sic ob rationem, quæ in liberis, & libertis pro liberatione ipsorum non militat.

8 Quæritur 7 utrum etiam Clerici juramentum calumniæ præstare debeant? Resp. cum distinctione: Velenim coram iudice suo, seu proprio Ecclesiastico litigant, vel coram alieno. *Si hoc secundum*, de calumnia jurare non possunt sine speciali licentia sui Ordinarii, vel prælati. Gloss. fin. in cap. *inherentes* t. h. tit. Abb. *ibidem* n. 20. Vivian. in *Ration. vers. non debet.* Layman n. 10. Barbosa n. 4. Vvesenbec. *C. eodem n. 6.* Honor. *hic n. 5.* Pirhing n. 11. Engl. n. 4. Sannig c. 2. num. 5. Vviesner nu. 12. & alii ab his *cit.* Colligitur ex c. *inherentes* cit. ubi generaliter dicitur, quod Clericus, inconsulto prælato suo, minimè

jurare audeat; quia, ut ait Gloss. *cit. non potest in iudicem non suum consentire.* Accedit, quia sic major est reverentia juramento, & Clericus non facile pejerat. Responsio multo magis vera est, quando Clerici litigant coram iudice Laico, ut habetur *can. nullus 22. juncta Gloss. V. Laico caus. 22. q. 5.* & notat Layman *l. cit. n. 9.* cum cæteris allegatis. Ratio est, quia juramentum judiciale est coactivum, & necessarium, quod à iudice imponitur partibus litigantibus. Non est autem decens, ut iudex Laicus talem potestatem exerceat in Clericos sine licentia Episcopi, vel prælati Ecclesiastici. Ergo &c.

*Si vero primum contingat*, & coram iudice proprio litiget Clericus, iterum distinctione opus est; Velenim agitur in iudicio de causa Ecclesiæ, vel de causa propria ipsius Clerici. *Si de causa Ecclesiæ*, non tenetur ipse Clericus e. g. Abbas, vel prælatus jurare de calumnia personaliter, sed sufficit, si syndicus, vel procurator, generaliter constitutus ad causas Ecclesiæ, juramentum calumniæ præstet *cap. Imperatorum 4. & cap. fin. h. tit.* Si vero agatur de causa propria ipsius Clerici, potest, & debet jurare sive per se, sive per procuratorem à se specialiter constitutum cum speciali mandato jurandi in animam constituentis *c. fin. cit.* imò eo casu magis decens est, ut Clericus per se ipsum, & non per alium hoc juramentum præstet: & ratio est, quia in causa propria censetur melius informatus esse.

Hæc responsio est satis certa: quatuor tamen circa hanc advertenda sunt. 1. Id, quod hic dictum est de Clericis, procedere etiam in Religiosis; quia etiam ipsi Clericorum nomine comprehenduntur, cum materia est favorabilis. Sumitur ex c. *inherentes* citat. ubi Henricus Imp. & post eum Honorius II. constitutionem Marciani, quod Clerici non debeant in iudicio compelli ad jurandum, interpretatur etiam de Religiosis utrinque sexus.

*Advert. 2* responsionem solum procedere de juramento in iudicio; nam, si contractus ineant cum Laicis, possunt jurare Clerici etiam sine autoritate, & consensu Episcopi, ut *l. citat.* notant Vivian. Layman Pirhing Ratio est, quia hoc juramentum est voluntarium, & nullo jure prohibetur Clerico. Et hinc regulam universalem hanc ponit Vvagnereck in *c. cit. not. 4.* quod iusta causa exigente, possit Clericus sine licentia superioris jurare, ubicunque illud à Lege expressè non prohibetur: & ratio est, quia in his, quæ sunt è genere permixtorum, omnia intelliguntur permixta, nisi sint expressè prohibita *c. inter corporalia 2. de translat. Episc.* sed actus jurandi ex iusta causa Lege naturæ indistinctè permixtus est omnibus *c. etsi Christus 26. de jurejur.* imò quandoque jure positivo præcipitur, ut *num. 4.* dictum est. Igitur nisi speciali Lege prohibeatur Clericis, possunt jurare, imò quandoque debent, quando illud Lex jubet, & huic per consuetudinem non est derogatum quoad clericos.

*Advert. 3* si Clerici absque licentia Ordinarii, Religiosi absque licentia sui prælati in iudicio jurent coram iudice non suo, sive Ecclesiastico, sive seculari, non ideo vitari processum, aut iudicium irritum fieri. Gloss. fin. cit. Abb. n. 17. Layman n. 9. Barbosa n. 8. Pirhing n. 11 & ratio est, quia plura sunt prohibita, quæ tamen si fiant, invalidum non faciunt actum.

*Advert. 4* responsionem procedere de jure Ordinarii; nam ut bene advertit Layman n. 10. in plerisque Ecclesiis usu sublatum est, ut requiratur licentia superioris ad jurandum, cum iudex est Ecclesiasticus, etsi ille non sit proprius: atque hinc, ubi viget hæc consuetudo, observari potest.

Quæritur 8 quid sentiendum de Episcopo, cum in iudicio litem habet? Resp. si per seipsum litigare velit in iudicio, & hoc gravitas causæ petat, etiam ipse personaliter juramentum calumniæ debet edere, prout statuitur *c. fin. h. tit.* & notat *ibidem* Gloss. *V. per seipsum.* Vivian. *V. Episcopus.* Layman n. 1. Barbosa n. 1. Honor. n. 5. Pirhing n. 13. Sannig c. 2. n. 4. Neque ad hoc amplius opus est speciali licentia Papæ, ut Barbosa *l. cit. n. 7.* advertit. Ratio responsionis est; quia hoc juramentum est accessorium ad litis prosecutionem, cum sine illo casu, quo petitum à parte est, lis expediri nequeat. Neque obstat *cap. inherentes* 1. h. tit. ubi dicitur, quod Episcopus non debeat jurare, sed aliis officium jurandi delegare; nam



nam excipi debet, nisi per seipsum litigare velit, ut ita iura iuribus concordentur.

Dixi autem, si per seipsum litigare velit; magis enim decens, & conveniens est, ut per Syndicum agat in iudicio, & per eum juret, prout l. cit. advertunt Laym. Pirhing Sannig. & sumitur ex *can. fin. caus. 5. quæst. 3* ubi idem statuitur de Sacerdotibus, & decernitur, ut & ipsi per Advocatum, vel procuratorem agant, & jurent. Simile privilegium Jure civili l. quicumque 25. juncta *Author. hoc jus C. de procurat.* concessum est personis Illustribus. Ratio est; quia Judex sedere in iudicio debet, actor vero, & Reus stare; non decet autem, ut personæ Illustres stent, & multo minus Episcopi. Igitur magis decet, ut per alium in iudicio agant. Excipiuntur Causæ criminales; nam ibi per se comparere in iudicio, & personaliter agere, ac respondere Episcopi, & Sacerdotes debent, ut innuitur *can. fin. cit.* & norant Layman Pirhing cum aliis suprà: & idem est de Personis Illustribus.

Addidi, si gravitas causæ petat; nam si causæ sint ordinariæ, & leves, nec Episcopi, nec Presbyteri tenentur præstare juramentum propriè dictum, sed sufficit, si faciant promissionem per sanctam consecrationem, vulgò *bey ihren geistlichen Ehren, und Verden.* Layman in c. 1. h. tit. n. 8. Gonzal. in c. fin. eodem n. 11. Pirhing hic n. 14. Et ratio est, quia Sacerdotes levi ex causa jurate non debent; & licet hæc formula non contineat juramentum, non minus tamen promissio; sub hac formula facta, à talibus personis excellentibus observari debet, quam alii observant juramenta.

Quæritur 9 quis jurate debeat, quando actor, vel Reus est Universitas; vel Ecclesiastica, ut Abbas, & conventus Regularis, vel secularis, ut civitas, aut alia communitas? Resp. cum distinctione: Vel enim talis communitas Syndicum, Oeconomum, aut procuratorem generaliter ad negotia constitutum habet, vel non habet. Si talem non habet, tum si sit Ecclesiastica, v. g. Monasterium ipse prælatus, aut (si causa sit ardua, & præjudicialis, quam prælatus solus sine conventu agere, & defendere nequeat) cum prælato major, seu principalior pars conventus: vel si communitas sit secularis, ii, per quos regitur Universitas, vel major pars illorum e. g. Consul, & Senatores per se, vel procuratorem specialem in proprias animas conventus, vel communitatis jurare debent. Vivian. in cap. 4. h. tit. Layman ibidem num. 2. Barbosa num. 4.

Si vero (quod omnino decens est, & aliquando etiam ab Episcopo in casu, quo prælatus id facere negligit, fieri potest) communitas illa Syndicum, Oeconomum, aut procuratorem generaliter ad causas Universitatis administrandas constitutum, cumque idoneum, & qui causæ notitiam sufficientem possideat, habet, non Universitas, aut prælatus, vel superior, sed ipse syndicus, & quidem in animam suam jurare debet: neque opus est, ut de hoc speciale mandatum à superiore, vel communitate habeat. Sumitur ex *cap. in pertractandis 3. & cap. seq. h. tit.* & norant Vivian. in c. 4. 6. & 7. eodem Valleng. hic §. 2. n. 3. Zoef. n. 3. Pirhing nu. 15. König n. 11. Sannig c. 2. num. 9. cum communi. Idem dicendum de Tutoribus, curatoribus, & aliis similibus personis, quæ alienatum rerum universalem administrationem habent, sive à Lege, sive à iudice sibi concessam; nam etiam hi jurare de calumnia in animam suam debent, etiam si speciale mandatum de hoc non acceperint: & horum juramentum sufficit, etsi eo casu non juret persona principalis, ut colligitur ex *Author. principales fin. & l. cum & iudices 2. §. quod observari 2. C. h. tit.* & ex communi docent Abb. in c. 3. h. tit. n. 4. Layman ibidem n. 1. Barbosa n. 4. Gonz. n. 6. Vvesenb. C. hic n. 6. Vall. §. 2. n. 3. Zoef. n. 3. Pirhing n. 16. König n. 11. Schamb. n. 8. Vviefst. n. 9. Ratio est, quia hi, qui legitimam, & generalem administrationem habent, justitiam causæ melius scite præsumuntur, quam ii, quorum res, & negotia administrant. Igitur par est, ut illi de calumnia jurent, cum hoc juramentum ad credulitatem de justitia causæ directum sit, ut insinuat *§. quod observari cit.*

Excipitur 1. si minor personam standi in iudicio habeat, ut in causis spiritualibus: item filius. in causis castrensis; nam hi vel ipsimet per se, vel per procuratorem in animam suam jurare debent, ut ex Bartolo notat Layman l. citat. num. 2. Excipitur 2 si syndicus, Schmalzgrueber. Tom. II,

Curator, vel alius administrator causæ statum non satis cognitum habeat; tunc enim ad litis contestationem, & multo magis ad juramentum calumniæ admitti non debet, priusquam in causa satis instructus sit *cap. in pertractandis cit. Abb. ibidem num. 2. Layman num. 3. Pirhing num. 17. Excipitur 3* si persona principalis causam melius nosse censeatur, quam Syndicus, vel Administrator; tunc enim distinguendum est, an merita causæ melius noverit, an solum ea, quæ facti sunt. Si primum, principalis jurabit de calumnia, modo state per se in iudicio possit. Ita Layman n. 4. Pirhing n. 17. cit. Si secundum, iterum distinguendum est, an persona principalis sit persona perfecta, an vero solum imperfecta, & imbecillis discretionis, ut minor, prodigus &c. Si prius, nihil prohibet etiam ab ipso juramentum calumniæ exigi. Si posterius, admitti potest ad juramentum de veritate dicenda super positionibus, & interrogationibus iudicis. Bartol. in §. quod observari cit. n. 9. Abb. in c. 6. h. tit. n. 11. Layman n. 4. cit.

Quæritur 10 an etiam procurator particularis admitti debeat ad præstandum juramentum calumniæ? Resp. affirmative, siquidem speciale mandatum habeat. Ita habetur c. fin. h. tit. in 6. & docent Vivian. ibidem Henr. Canis. Sum. h. tit. §. 3. Layman in c. 2. eodem in 6. num. 2. Gaill. l. 1. obs. 83. n. 1. & 2. Pirhing hic n. 20. König n. 11. Sannig cap. 2. num. 7. Et quidem, nisi procurator ejusmodi ab Universitate sit constitutus, vel ex officio iudicis parti datus, edere debet duplex juramentum calumniæ, unum in animam domini ex ejus mandato, alterum in animam propriam, & nomine suo, ut cum cit. advertit Franc. in cap. 2. h. tit. 1. 6. num. 2. & 5. Marant. p. 6 de juram. calumn. num. 8. Vvesenb. C. h. tit. num. 8. fin. Valleng. hic §. 2. num. 2. Haun. tom. 5. tr. 3. nu. 474. Vvagnereck in c. 1. h. tit. not. 2. & alii passim. Estque hoc verum, etsi partes principales de calumnia jam juraverint, ut statuitur c. in appellationis 2. §. procuratores h. tit. in 6. & tradunt Vvesenb. l. cit. n. 6. Valleng. n. 2. cit. Vviefst. hic n. 10. Et ratio est, quia etiam procurator calumniati potest; imò, ut notat Ummius, ipsi plerumque melius calumniari notunt, quam principales: unde ne causas injustas defendendas suscipiant, etiam ipsi coerceri religione juramenti debent.

Dixi 1 nisi ab Universitate sit constitutus; nam si ab Universitate sit constitutus, sufficit, si juret de calumnia in animam suam, sc. jurantis licet non juret in animam constituentis? Layman in cap. fin. h. tit. in 6. n. 1. Pirhing hic n. 21. Dixi 2 vel ex officio iudicis parti datus; nam si ex officio iudicis parti datus est, licet jurare adhuc debeat quod ea, quæ ad officium procuratoris spectant, ad juramentum tamen calumniæ præstandum in animam propriam quoad merita, & justitiam causæ compelli non potest *arg. Reg. 24. de R. J. in 6. ibi: Quod quis mandato facit iudicis, dolo facere non videtur, cum parere necesse habeat*: cons. non videtur calumniati, qui mandato iudicis alterius causam in sese suscipit. Gaill. l. 1. obs. 88 num. 4. Haun. num. 474. Pirhing hic num. 21. & novissimè Clariss. P. Schmier de Process. judic. cap. 6. num. 28. Dixi 3 si speciale mandatum habeat; nam sine speciali mandato procurator non potest jurare in animam constituentis, ut bene notat Vivian. in cap. fin. h. tit. Marant. num. 8 cit. Gaill. obs. 83. num. 2. Passerin. in cap. 3. h. tit. in 6 num. 2. Haun. tr. 3. num. 471. Honor. hic num. 5. Pirhing num. 20. Schamb. num. 11. Vviefst. numer. 10. & ratio est, quia sine speciali mandato procurator incertus erit, an dominus id verum esse sciat, vel sub juramento interrogatus id verum esse assereret: adeoque periculo perjurii se exponeret. Addidi, in animam constituentis jurare non posse; nam ut jurare possit in animam suam, speciali mandato opus non habet. Ita Franc. in c. 2. h. tit. in 6. num. 5 fin. Haun. n. 460. Pirhing n. 22. Vviefst. n. 11.

Quod dictum hic est de procuratoribus, extendi, spectato jure communi, debet etiam ad patronos causarum, & advocatos; nam & isti jurare de calumnia debent ex dispositione juris *l. cum & iudices 2. in princ. C. h. tit. l. rem novam 14. §. patroni I. C. de jud.* & ratio pugnat eadem; quia melius norunt calumniati, quam partes litigantes. Notat tamen hic Abb. in cap. 1. num. 5. & ex eo Pirhing numer. 23. istud hodie de consuetudine non observari, sed hujus loco in pluribus Curis obtinere, ut advocati, cum ad munus postulandi, seu advocandi admittuntur, præstent juramentum generale, & ad omnes cau-



fas: & idem observatur etiam in iudiciis, qui non coguntur hodie jurare in singulas causas, sed sufficit eos jurare in principio officii sui. Vvesenbec. *C. h. tit. numer. 6.*

- 12 Quæritur it in quibus causis præstandum sit juramentum calumniæ? Resp. præstandum est in causis omnibus, quæ in iudicium adducuntur, per textum expressum *l. in omnibus 1. C. h. tit.* Ratio est, quia in omnibus omnino causis concurrunt rationes istæ, propter quas juramentum calumniæ fuit intentum.

*Proceditque hoc 1.* etiam in causis criminalibus, ut habet Gloss. in *cap. 1. V. criminal. h. tit. Abb. ibidem numer. 12* Pax Jordan. *numer. 21.* Haun. *numer. 467.* Pirhing *n. 25.* König *numer. 14.* Et quidem de causis criminalibus civiliter intentatis certum est ob paritatem rationis. De causis criminalibus criminaliter intentatis, Ummius *Process. D. 12. th. 10. numer. 44.* Gonz. in *cap. fin. h. tit. numer. 12.* Vviesl. *hic numer. 22.* concedunt ob rextum generalem *l. in omnibus 1. princip. C. h. tit.* & textum specialem *cap. inherentes 1. vers. nos itaque eodem* juncta ratione, quia in criminalibus, quanto majori præjudicio, & periculo agitur, tanto cautius agendum, majorique studio calumniis occurrendum. Contrà de iisdem, maximè si capitales sint, negant Vvesenbec. *C. h. tit. numer. 8.* Brunnem. in *l. 2. eodem princ. Zoel. hic n. 5.* Rationem dant; quia si in criminalibus præstari deberet juramentum calumniæ, præstari hoc deberet, vel ab accusatore, vel à reo: non ab accusatore; quia hunc à calumniando sufficienter absterret subscriptio ad poenam talionis, conf. supervacue juramentum calumniæ ab eo exigitur: non à reo, quia huic valde periculosa juramenti hujus delatio futura est, cum ille, licet nocentissimus, tamen, ut vitam redimat, ceritò perjuraturus sit; ei autem, qui de perjurio suspectus est, Jusjurandum deferendum non est. Accedit, quia in causis capitalibus aliquid dare, & sanguinem suum redimere licet. Igitur in his cogi reus ad calumniæ juramentum non potest. Denique juramentum calumniæ est de credulitate, sive existimatione; in criminalibus autem non de credulitate, sed de veritate, sive quod omnia, quæ in libello accusationis contenta sunt, vera sint, jurare oportet. Ego cum aliis, quos etiam sequitur Clariss. P. Schmier de *Process. judic. c. 6. n. 25.* iudico mediam tenendam viam, & dicendum in his causis Accusatorem generaliter ad jurandum de calumnia compelli posse; reum vero excusari ab illo juramento solum in causis capitalibus, in cæteris vero non capitalibus etiam ipsum ad id deponendum cogi posse. Probat hoc rationes allatæ, & textus, præsertim *c. inherentes*, ubi Clerici à tali Jusjurando (quando sc. litigant in causa propria) præstando non eximuntur in quacunque causa sive civili, sive criminali. Ergo supponitur à non exemptis id præstandum esse etiam in causa criminali, nisi ubi periculum est perjurii, quod ex parte Rei solum est in causis capitalibus, non vero cæteris.

*Procedit 2* etiam in causis spiritualibus; nam etsi in his olim non præstatur juramentum calumniæ, ut patet ex *c. litteras 2. h. tit.* sed tantum juramentum de veritate dicenda juxta *c. dudum 54. §. partibus* ibi: *præstato quoque juramento de veritate dicenda, de elect.* Hodie tamen cum animadversum fuisset, etiam in his causis calumniæ frequenter litigantibus irrogari, statutum est, ut etiam in illis tam de veritate dicenda, quam de calumnia juramentum præstaretur, ut habetur *c. si de calumnia 1. §. fin. h. tit. in 6.* per quod proinde *c. litteras citat.* dispositio revocatur, & corrigitur.

*Procedit 3* in causa Appellationis, prout decretum est *cap. in appellationis 2. princ. h. tit. in 6.* Estque hoc verum, etsi in prima instantia de calumnia juratum fuerit, ut ibidem habetur, & ratio probat, quia etiam in secunda instantia, seu causa appellationis calumniari aliquis potest. Neque obstat, quod alias juramentum hoc tantum semel præstandum sit in eadem causa, nec sæpius iterandum *Auth. in isto C. h. tit.* quia, ut explicat Gloss. in *l. 2. V. movisse C. h. tit.* Franc. in *c. 2. eodem in 6. n. 1.* Passerin. *ibidem n. 1.* Schamb. *n. 15.* hic Vviesl. *n. 3.* id intelligendum est tantum de eadem instantia; nam cum in secunda instantia alius sit iudex, & Tribunal aliud, novæque probationes, & defensiones in ea proponi debeant, etiam occasio calumniandi nova offertur, ut proinde ad eam tollendam juramenti de non calumniando præstatio nova meritissimo exigatur.

*Procedit 4* in causis Summariis, ut rectè advertunt Vallenf. *hic §. 3. n. 1.* Honorius *n. 2.* König *n. 15.* & alii plures. Neque obstat, quod in his causis remittantur aliæ solemnitates, jure humano dumtaxat requisitæ; quia juramentum calumniæ non tam pro solemnitate, quam pro integritate, & sinceritate judicii excogitatum est; æquè autem causæ summariæ, ac plenariè tractandæ integritatem, & sinceritatem judicii desiderant: ut proinde utrobique de calumnia jurari debeat.

*Procedit 5* in causis cæteris, sive parvis, sive magnis, sive ordinariis, sive delegatis, & compromissariis, quæ coram Arbitris tractantur; nam in his omnibus opus juramento calumniæ est *l. cum & judices 2. §. sed quia 4. C. h. tit.* Duo solum excipiuntur causarum genera. 1 Causæ inquisitionum, & quando imploratur officium judicis; tunc enim non juratur de calumnia. Hiltrop. *Process. jud. p. 2. tit. 2. §. in quib. caus.* 2 Causæ notoriæ, & ubi non est opus probatione; nam ubi probatione opus non est, etiam juramento calumniæ non est locus. Brunnem. *C. h. tit. à n. 9.*

Quæritur 12 quando proponendum sit juramentum calumniæ? Resp. juramentum calumniæ (idem dic de juramento veritatis) per se loquendo præstandum est in principio litis, videlicet statim post litis contestationem, antequam positiones ab actore offerantur. Ita habetur *cap. cum causam 6. h. tit. Auth. hoc Sacramentum, & l. cum & judices 2. princip. C. h. tit.* ibi: *post narrationem & responsionem*, i. e. litem contestatam, ut explicat Gloss. marg. *ibidem lit. A.* Ratio est, quia juramentum ad totam litem, seu causam pertinet; causa vero propriè, non nisi post litis contestationem in iudicium deducta censetur.

Dixi autem 1 *per se loquendo*; interdum enim juramentum calumniæ exigi etiam ante litis contestationem potest, videlicet casu, quo reus exceptionem dilatoriam opponit; tunc enim ab eo peti potest, ut juret, quod non causa subterfugendi judicii excipiat, sed putans se justam causam habere. Marant. *p. 6. tit. de juram. n. 5.* Gaill. *l. 1. obs. 85. n. 1.* Brunnem. in *Auth. hoc Sacramentum C. h. tit.* Layman in *c. 1. eodem n. 3.* Vallenf. *hic §. 3. n. 2.* Hoc tamen juramentum, ut bene notat Passerin. in *c. 1. h. tit. in 6. n. 8.* ante contestationem litis datum ad particularia emergentia, & non ad totam litem, potius rationem juramenti malitiæ habet.

Dixi 2 *Statim* quod non ita intelligendum est, quasi juramentum hoc fieri in continenti debeat; sed sufficit fieri parum post contestationem litis, ut tradit Barbosa in *c. 6. h. tit. n. 3.* & ratio est, quia in tempore fieri dicitur, quod sit parum post tempus *l. lecta 40. ff. si cert. petat.* Neque propterea, quod non statim præstetur juramentum istud, Processus judicii vitiosus erit; nam in qualibet litis parte præstari potest, ut decernitur *c. si de calumnia 1. princ. h. tit. in 6.* donec in causa conclusum sit: imò etiam post conclusionem in causa, si ita necesse videatur, & antea præstitum illud non sit, exigere id iudex ex officio potest, usque dum feratur sententia, uti docent Joann. Andr. in *cap. 1. citat. numer. 2.* Franc. *ibidem numer. 1.* Passerin. *numer. 16.* Gaill. *obs. 84. numer. 6.* Pirhing *hic numer. 28.* Neque obstat, quod post conclusionem in causa non admittatur probatio; quia juramentum calumniæ locum habere debet, ubicunque locum habet aliqua calumniæ suspicio; hæc autem locum habet etiam post conclusionem in causa, quando factum per probationes non est ita notorium, ut tergiversatione aliqua celari nequeat.

Dixi 3 *idem dicendum de juramento veritatis*: imò plus; nam juramentum calumniæ post conclusionem in causa pars à parte juxta communem non amplius potest exigere; potest vero exigere juramentum de veritate dicenda, si antea omisum sit. Major adhuc est amplitudo juramenti malitiæ; hoc enim in omnibus causis tam ante, quam post contestatam litem, sive præstitum sit juramentum de veritate, aut calumnia, sive non, exigere iudex potest à partibus, nec semel tantum, sed quoties suspicio est, quod actor, vel reus malitiosè agat, aliquid proponat, vel excipiat, aut dilationem petat *c. litteras 13. vers. propterea de i. lit. spoliar. & cap. in appellationis 2. §. in omnibus h. tit. in 6.* Ratio est, quia cautio specialis magis timetur, quam generalis. Est autem juramentum de malitia species contenta sub generali juramento de calumnia.



14 Quæritur 13. quo modo præstari juramentum calumniæ debeat? Resp. 1. hoc juramentum deferretur auctore prætoris, seu iudice *l. de pupillo 5. §. qui opus* 14. & *ibi Gloss. V. Prætor ff. de nov. oper. nunt. 2* Coram eodem iudice *l. cum & iudices 2. in princip. & Author. principales C. h. tit.* vel si qui litigantium ad iudicem venire nequeunt, coram officialibus ab eodem iudice deputatis, *Author. principales citat.* 3. Præsentem adversario, vel ejus procuratore *Auth. & l. cum & iudices citat. §. fin. autem absuerit 3.* juncta Gloss. *V. absente.* 4. Publicè, nisi aliud exigat personarum qualitas, aut sexus verecundia: hinc excipitur mulier honestæ vitæ, quæ privatim, absente adversario, coram Officialibus jurare potest ob verecundiam sexus *Auth. citat. §. mulier 3. 5* Tactis SS. Scripturis, seu Evangeliiis *l. cum & iudices cit. princ.*

Excipiuntur 1. Episcopi, qui vel omnino non jurant, quando sc. sunt causæ ordinariæ, & leves, ut dictum est *num. 9.* vel si juramentum calumniæ propriè dictum præstant, non tactis, sed propositis tantum Evangeliiis, & manu pectori adnota illud præstant; prout constat ex *cap. fin. h. titul. & docet ibidem Abb. num. 3.* Layman *nu. 2.* Barbosa *n. 3.* Gonz. *n. 8.* Pax Jordan. *n. 43.* Vallens. *§. 2. n. 1.* Pirh. *n. 14.* Vviesl. *n. 24.* Et hoc propter reverentiam Dignitatis Episcopalis. Imò ut Barbosa *l. citat.* & Gonz. *n. 11.* ajunt, hic jurandi modus non tantum Episcopis proprius, sed ex observantia indubitata omnibus Ecclesiasticis personis, sive sint Cardinales, sive Episcopi, sive aliæ in sacris constitutæ, communis est. Proceditque hoc de juramento in iudicio, & quando causa non est ardua, & gravior; nam extra iudicium, quando personæ ejusmodi jurant, & fidei professionem faciunt, indubitata consuetudinis est, ut etiam Episcopi illud faciant tactis Evangeliiis. Similiter tactis Evangeliiis jurare debent, quando causa, de qua litigant, est magis ardua, & gravior, uti est abjuratio Schismatis *can. quoties 9. cans. 1. q. 7.* Abb. *in c. fin. cit. n. 6.* Gonz. *ibid. num. 11.* Pirh. *hic n. 14.* Sannig. *c. 2. n. 6.*

Excipiuntur 2. Judæi; nam hi, quando cum Christianis litigant, non super Evangeliiis (quia cum his non credant, faciliè pejerant) sed super tacto, vel proposito Decalogo, aut Lege Moysis jurare debent. Jordan. *n. 46* Vviesl. *num. 25.* qui tamen monent, eos, si quando per Christum aut tactis Evangeliiis jurarent, ad juramenti observantiam compellendos.

Excipiuntur 3. ex recepta consuetudine quivis alii litigantes; nam hodie, ut advertit Vvesenbec. *C. h. tit. n. 8.* sufficit apud acta jurari.

15 Quæritur 14. quæ sit pœna nolentis jurare de calumnia? Resp. regulariter loquendo, si detrectans jurare de calumnia, sit actor, instituta actione cadit; si vero reus, pro confesso habetur, prout deciditur *cap. fin. §. pœna h. tit. & l. cum & iudices 2. §. quod si actor 6. & seq. C. eodem.*

Dixi 1. regulariter loquendo; dantur enim casus, in quibus pœna ista vel omnino non incurritur, vel limitatè solum. Et talis est. 1. Si causa sit criminalis; nam in his requiruntur probationes luce meridiana clariores, ut reus condemnatur: cons. non sufficit, quod recusaverit jurare de calumnia: imò si causa sit capitalis, ut *num. 12.* dictum est, juramentum istud ne quidem deferri eidem potest. Vall. *hic §. 4. n. 3.* Brunnem. *in Auth. in isto C. h. tit. num. 3.* Haun. *tom. 5. tr. 3. num. 469.* 2. Si causa sit spiritualis, & beneficiæ, ut cum agitur de Decimis, de jure patronatus, vel aliquo Beneficio; tunc enim reus detrectans juramentum calumniæ pro confesso quidem habetur in præjudicium suum, non autem in commodum actoris, ne per hoc detur vitiosus in Beneficium ingressus *cap. beneficiat. de R. J. in 6.* 3. Si recusetur in puncto solum incidente, vel emergente; tum enim nec actor meretur cadentiam in tota causa, nec reus habetur per omnia pro confesso, sed tantum in illo puncto incidente, vel emergente. P. Schmier *de Process. judic. cap. 6. n. 51.* 4. Si tam actor, quam reus jurare recusarent; tunc enim locum pœna ista habere non posset, quia unius damnatio alteri victoriam daret, & propterea tunc iudex in alio punire eos non posset, quam non procedendo ad ulteriora in lre. Passerin. *in cap. 1. h. tit. in 6. num. 12* 5. Quando nolens jurare jam perfectè probasset; quia ut *num. 12. in fine* dictum, ubi probatione opus non est, etiam juramento calumniæ non est locus. Honorius *hic numer. 7.*

Schmalzgrueber Tom. II.

Dixi 2. causa cadit, & pro confesso habetur: ad quam pœnam incurrendam opus est sententia iudicis, per quam actore recusante reus absolvatur ab intentata sibi actione; vel si reus jurare nolit, tanquam confessus actori condemnatur juxta Libelli petitionem. Ita Vivian. *in cap. fin. h. tit.* Layman *ibidem num. 3.* Barbosa *num. 5.* Gaill. *l. 1. obs. 86. num. 1.* Brunnem. *in Auth. in isto cit. num. 4.* Vallens. *hic §. 4. num. 1.* Zoef. *num. 8.* Pirh. *num. 31.* Konig *n. 27.* & communissima cæterorum. Colligitur ex textibus utriusque juris, civilis *Auth. principales cit. §. fin.* ubi dicitur: *si quis autem litigantium prædictum Jurisjurandum præstare noluerit, per sententiam iudicis actor casum actionis, reus condemnationem sustineat*: quod repetitur *l. cum & iudices citat. §. quod si actor 6. & seqq.* Canonici autem *cap. fin. §. pœna h. tit.* ubi dispositio istius pœnæ concipitur per verba Imperativi modi, *Cadat à causa, habeatur pro confesso*: quibus loquendi formulis pœna non imponitur ipso jure, sed imponenda decernitur, ut notar Vivian. *l. cit. in fin.* & ita in Camera observatur teste Gaill. *l. cit.* Atque hinc Sequitur 1. quod si reus vel actor, qui prius recusavit subire juramentum calumniæ, se postea offerat ad illud præstandum, purgare moram, & contumaciam, pœnamque istam evitare possit, modo juramentum hoc præstet ante sententiam illativam istius pœnæ. Abb. *in cap. fin. cit. num. 19.* Layman *ibidem num. 3.* Gaill. *l. 1. obs. 86. n. 2.* Brunnem. *in Auth. in isto C. h. tit. num. 5.* Passer. *in cap. 1. eodem in 6. numer. 12.* Vallens. *hic §. 4. numer. 3.* Honor. *ibidem num. 7.* Konig *num. 28.* Schambog. *num. 17* Vviesl. *n. 27.* & ratio est, quia in pœnis Legalibus mora purgari potest ante sententiam. Sequitur 2. si ante sententiam declaratoriam hujus pœnæ moriatur actor, vel reus, qui juramentum calumniæ recusavit, hæredes eorum prosequi causam posse, modo ipsi hoc juramentum præstent; quia pœna legalis ob contumaciam defuncti decreta, ad hæredes non transit *l. ejus, qui delatorem 29. princ. ff. de jur. fisc. l. un. §. fin. ff. si quis jus diceret &c.* Gaill. *l. 1. obs. 86. num. 6. & 7.* Boccr. *class. 5. D. 8. th. 26.* Blum. *Process. Camer. tit. 72. n. 14.* Layman *in c. fin. h. tit. n. 5.* Vallens. *hic §. 4. num. 2.* Honor. *num. 7.* Konig *num. 28.* Schamb. *n. 17.* Vviesl. *nu. 27.*

An pœna hæc, quam incurrit recusans præstare juramentum calumniæ, etiam incuratur ab eo, qui recusavit juramentum malitiæ, dubitari potest: & rationem dubitandi facit paritas rationis. Sed respondendum est negativè; nam pœnæ sunt restringendæ, neque extendendæ ob paritatem rationis juxta *Reg. 49. in 6.* nuspian autem in jure pœna recusantium jurare de calumnia extenditur ad recusantes jurare de malitia; etsi enim *cap. in appellationis 2. §. fin. h. tit. in 6.* mentio fiat de hoc juramento, nulla tamen ibidem pœna exprimitur. Atque hinc aliqui putant infingendam arbitrariam juxta illud: Quoties pœna certa à Lege non est expressa, & determinata, tunc officio iudicis arbitrariam, seu extraordinariam imponendam, ut habetur *l. de his 1. §. expilatores 1. ff. de effractor. & docet ibidem Bartol.* Alii putant respectu illius articuli, super quo pars petit jurari de malitia, reum recusantem haberi pro confesso: & addunt, non recipiendos articulos actoris, & exceptiones Rei, aut attendendos à iudice, etsi relevantes sint, si de malitia jurare iussi reculent jurare: & hanc sententiam in Camera observari testatur Gill. *l. 1. obs. 87. num. 2.*

16 Quæritur 15. an contumacia Procuratoris, vel alterius administratoris, si is jurare de calumnia detrectet, noccat domino, & pœnæ juris supra dictæ locum adversus eundem faciat? Affirmat Vallens. *hic §. 4. numer. 4.* & in puncto juris verius esse iudicat Konig *ibidem num. 30.* idque ex multiplici argumento. 1. *cap. Imperatorum 4. h. tit.* in quo perspicuè decernitur, juramentum calumniæ per se, vel per Procuratorem esse præstandum, *ni à causa sua quis decidere velit.* 2. *cap. fin. de confess.* in quo specialiter de Procuratore disponitur, ipsum pro confesso haberi, si respondere iussus non respondeat. 3. Procurator Lege jubetur jurare in animam suam, uti dictum est *numer. 10.* & ita eadem Lex videtur velle, ut si non juret, in pœnam iudicatur; alioquin juramentum calumniæ nullum produceret effectum, & Lex non rebus, sed verbis posita esset contra id, quod habetur *l. 28. C. de usur.* 4. Confessio expressa tutoris, vel administratoris nocet pupillo, ut docet Bartol. *in l. 2 §. 2. C. h. tit. num. 6.* sed taciti, & expressi est eadem vis.



Ergo eidem nocet etiam confessio tacita, seu jure præsumpta, qualis est recusatio juramenti. 5. Si recusatio juramenti non noceret domino, nullus litigaret cum Procuratore; quia Principalis per ejus gesta non obligaretur in præjudicium suum, sed tantum in favorem: quod videtur iniquum esse; semper enim deterioris conditionis esset, qui cum ejusmodi Procuratore litigaret in persona propria. 6. Domino prodest Procuratoris solertia. Igitur nocere eidem debet etiam illius culpa, & contumacia.

Sed his non obstantibus, dicendum, contumaciam Procuratoris non nocere Domino, ac proinde pupillus, & quicumque alius, cujus causa agitur, non propterea causa cadit, vel pro confesso haberi debet. Durand. in specul. tit. de juram. calumn. vers. 5. num. 4. Abb. inc. fin. hic num. 21. Layman ibidem num. 4. Gaill. l. 1. obs. 89. num. 4. & 5. Rosbach. prax. Civil. tit. 50. num. 15. Engl. hic num. 2. Pirh. num. 34. Schamb. num. 19. Vviesl. n. 30. & novissimè Clariss. P. Schmier de Process. judic. c. 6. n. 66. Sumitur ex l. un. §. 2. ff. si quis jus dicenti non obtemper. ibi: si procurator tuus, vel tutor, vel curator jus dicenti non obtemperavit, ipse punitur, non dominus, vel pupillus. Ratio est, quia factum Procuratoris, quod merè personale est, non nocet domino; culpa enim suum debet tenere authorem. Atqui recusatio juramenti calumniæ, à procuratore præstandi, est factum merè personale, & Procuratorem dumtaxat, non principalem respicit, postquam is præstationem illius procuratori mandavit. Ergo &c. Conf. quia supradicta pœna supponit, & requirit delictum. Hoc autem in procuratore est, non verò in Domino; quia hic non censetur mandasse delictum. Ergo &c. Sufficiet ergo, si procuratori nolenti jurare de calumnia audientia denegetur argum. l. rem non novam 14. & l. sancimus 15. C. de judic. Inò idem procurator ob contumaciam suam pœna aliqua pecuniaria multari poterit, ut in Camera observatum testatur Gaill. l. curat.

Argumenta contraria non difficilem resolutionem habent. Ad 1. ibi sermo est, quando tam prælatus, quam conventus recusant præstare juramentum in judicio, vel constituere Syndicum aptum ad jurandum, cum de jure deberent: nam ob talem contumaciam, seu culpabilem omissionem, aut cunctationem, sicut ob alia delicta totius Corporis, seu collegii merito punitur ipsa Ecclesia, eoque sibi nocet, ut l. citat. advertit Abb. & ratio est, quia prælatus cum conventu, seu capitulo ipsam Ecclesiam, vel Monasterium repræsentant. Ad 2. textus cap. citat. ad præsentem controversiam, ut optimè notat P. Schmier de Process. judic. cap. 6. num. 68. applicari non potest; quia supponit evidenter juramentum calumniæ jam esse præstitum, & tantum loquitur de casu, quo procurator recusat respondere ad articulos positionales, quæ culpa procuratoris realis est, ipsamque litem respicit, & Dominum onerat. Ad 3. Lex imponens pœnam ob recusatum juramentum calumniæ effectum habere debet, qui æquitati congruat; non est autem æquum, ut contumacia procuratoris noceat Domino in rebus magni præjudicii, qualis est lite cadere, aut pro confesso haberi, nisi contumacia hæc ex mandato principalis proveniat. Ad 4. cum dicitur, quod taciti, & expressi sit eadem vis, id intelligendum est, quando consensus tacitus oritur ex natura rei, seu actus, non vero, quando juris fictione, seu præsumptione in pœnam delicti est introductus: unde hoc casu locum potius habebit Reg. 76. in 6. qua dicitur, quod delictum personæ non debeat in detrimentum Ecclesiæ redundare. Ad 5. dico sufficienter caveti indemnitati alterius partis, si procurator, recusans præstare juramentum calumniæ, non audiat in ea causa. Ad 6. Principalis procuratorem dat, non ad delinquendum, sed litem suo nomine movendam, & prosequendam: unde mirum non est, quod solertia hujus principali prodest, non autem obicit culpa.

17. Quæritur 16. utrum jurans de calumnia à solvendis expensis liberetur? Affirmant Accursius, Bartolus, & alii ex ratione, quia causa solvendi expensas fundatur in temeritate litigantis. Hæc autem non præsumitur, ubi præsumptio calumniæ cessat; ista cessat, quando juramentum de calumnia præstitum est. Ergo &c.

Sed teneunda est sententia negativa, quam etiam defendunt Abb. in cap. 5. de dol. & contum. num. 21. Covar.

pract. quæst. capit. 27. num. 1. vers. secundo: Ummius de Process. D. 12. n. ult. Oldendrop. class. 6. art. 12. Schamb. instit. de pœn. tem. litig. §. 1. quæres 9. quos citant, & sequuntur P. Konig hic numer. 26. & P. Schmier de process. judic. cap. 6. n. 72. totusque mundus, si fides est Saliceto apud Covar. l. cit. Ratio est 1. quia generalis est regula, temerarium litigatorem in expensas victori condemnandum esse; potest autem temerarius litigator esse, etiam qui juravit de calumnia, cum aliud sit temeritatis, aliud calumniæ insimulari. 2. Si juramentum calumniæ liberaret à solvendis expensis, victus victori nunquam condemnati in expensas de jure civili posset; quia hoc jure juramentum hoc ne quidem tacite remitti potest, conf. semper, & in omni causa præstatur. 3. Qui temerè litigasse convincitur, vel id dolo fecit, vel ignorantia. Si dolo, juramentum præstitum à pœna eundem non liberat, sed hanc potius auget ob perjurium temeritati adjectum: si ignorantia, ista, cum juris, aut facti proprii sit, non excusationem, sed coercionem meretur, tantoque magis, quāto plures molestias, & sumptus ex parte victoris frustaneè causavit. Ergo &c.

Ex quo sequitur ad argumentum contrarium; quia expensæ non solvuntur ob calumniam tantum, sed ob temeritatem litigandi, quæ adesse potest, etsi absit calumnia.

## T I T U L U S VIII.

### De Dilationibus.

## S U M M A R I U M.

- 1 Definitio Dilationum, earumque varietas.
- 2 3 4 5 6 Natura, & proprietates Dilationis Citationis.
- 7 8 9 Dilatio Deliberatoria quid, quanta, & an peremptoria?
- 10 Dilationes Recusatoriae, seu Declinatoriae.
- 11 Dilationes Probatoriae.
- 12 Forma illas dandi, & concedendi.
- 13 Spatium illarum.
- 14 In causis Civilibus sunt Peremptoriae.
- 15 In criminalibus dantur reo tres, actori duæ.
- 16 17 Aliquando plures etiam in Civilibus.
- 18 An prorogari possint?
- 19 Dilationes Allegatoriae.
- 20 Definitoria.
- 21 Executoria.
- 22 23 24 Effectus Dilationum.
- 25 26 27 Computatio.

**L**ite contestata, & juramento calumniæ utrinque præstito, solent litigantes petere inducias, & Dilationes, actor quidem ad probandam intentionem suam, Reus vero ad respondendum petitioni actoris, & exceptionem, siquam habet, probandam. Hinc merito Titulus iste de Dilationibus hoc loco subjungitur, quamvis aliquæ Dilationes etiam ante contestationem litis, & juramentum de calumnia petantur, & concedantur. Est autem Dilatio, de qua hic agitur, assignatio certæ diei, vel termini, intra quem actus judicialis peragendus est, iusto temporis intervallo facta. Ita quoad rem omnes. Dilationum aliæ sunt Legales, quæ à Lege (vel etiam Statuto, consuetudine, aut stylo Curiae) conceduntur: sic conceduntur per Leges decem dies ad appellandum à sententia lata, ne abeat in rem judicatam capit. quod ad Consultationem 15. de sentent. & re judic. Aliæ sunt Conventionales, quæ ex partium conventionione, seu consensu dantur, ut si creditoris, & debitoris consensu pro solutione debiti statuatur annus, quo elapso solutio præstari debeat. Aliæ denique sunt Judiciales, quæ à iudice in judicio dantur: possunt fieri in qualibet judicii parte, & hinc pro numero harum partium subdividuntur in tria genera, aliquæ enim dantur in prima parte judicii à citatione ad litis contestationem: aliæ in secunda à litis contestatione ad sententiam definitivam: aliæ in tertia à sententia definitiva ad executionem.

Quæritur 1. quæ Dilationes dentur ante contestationem Litis? Resp. sunt illæ, quæ dantur ratione justæ impedimenti, ob quod comparere quis non potest, vel non debet



debet, vel non hoc modo, aut tempore, quo petitur. Iterum sunt multiplicis generis; nam aliæ sunt Citationes; aliæ Deliberationes, quædam Recusationes.

Dub. 1. quid sint citationes dilationes? Resp. Citationes Dilationes, quæ etiam expectatoria appellantur, sunt illæ, quæ Reo absenti, & citato dantur ad comparandum, & respondendum Libello Actoris. Suapte natura, si simplices duntaxat sint, non sunt Peremptoria; quia reus non nisi ad tertiam, quæ proinde peremptoria erit, comparere tenetur l. ad peremptorium 68. & duabus seqq. ff. de Judic. Dixi, si simplices duntaxat sint; potest enim Judex, præsertim circumstantiis sic exigentibus, unam pro tribus, decernere: & hæc Peremptoria erit; sed ut dignoscatur à simplici, in concessione Dilationis intimari debet. Addidi, tertiam ex simplicibus Peremptoriam fore; quod verum est; etiam si non apponatur adverbium Peremptoriæ, aut aliud æquivalens l. tres denuntiationes 9. C. quom. & quand. Judex &c. Ex quo sequitur, hac transacta, non amplius teneri expectare Judicem, nisi velit absenti gratiam facere, & unum adhuc eidem edictum mittere c. consilium 24. de offic. deleg. c. cum olim 7. v. volentes de dol. & contumac. l. & post edictum 73. ff. de Judic. Glossa in c. cum olim cit. V. misericorditer, & V. ut convincantur, Honorius hic n. 2.

3 Quando reus tribus simplicibus citationibus in Jus vocatur, inter singula citationum edicta intervallum temporis antiquo Jure non minus, quàm decem dierum, recentior. Auth. qui semel C. quomod. & quand. Judic. triginta dierum intervallum intercedere debet. Quando autem unica citatione peremptoria in Jus vocatur, dilatio citatoria, Reo ad comparandum data, continebit tantum temporis intervallum, quantum tres simplices, ac proinde antiquo jure triginta, recentiori nonaginta dierum spatium, ut dictum est suprâ Tit. 3. num. 19.

Procedit autem hoc regulariter: ex causa enim, si ita quæstionis in Judicium deductæ, & personarum qualitates, locique, & aliæ circumstantiæ id exposcant, Judex tempus istud contrahere, vel ampliare potest. Quomocunque autem contrahat, tale adhuc esse debet, ut non tantum sufficiat ad comparandum in tali loco, ad quem citatur, sed etiam, ut interea deliberare super causa, & Advocatus, aliosque peritos consultare possit; alioquin alia dilatio deliberatoria concedi deberet, & si negaretur à Judice, appellationi locus foret, ut statuitur c. dilecti 1. h. tit. & docet ibid. Vivian. in Ration. Barbosa n. 1. Vvesembec. C. eod. n. 6. Vallenf. hic § 1. n. 6. & 7. Pirhing n. 4. König n. 10.

4 Extenditur hoc 1. etiam ad casum, quo nimis longa decerneretur dilatio; quia sicut pars litigans gravari potest ob nimis brevem dilationem, ita gravari potest ob nimis longam; magis iusta appellandi causa est, cum dilatio omnino denegatur. Lanfianc. prax. Judic. c. 2. n. 13. & 14. quem citat, & sequitur Pirhing hic n. 6.

Extenditur 2. si terminus quidem sit iustus, interim tamen, dum tempus currebat, is, cui dilatio hæc data est, à Judice citatus fuit, & occupatus in causa publica, ita ut pro causa privata se satis instruere interea non potuerit; tunc enim nova dilatio concedi eidem debet, ut statuitur c. fin. hoc tit. & docet Vivian. ib. in ration. Barbosa n. 1. Pirhing n. 7. & ratio est; quia officium suum nemini debet esse damnosum l. si servus 61. § quod verò 5. ff. de furt. nec debet quis damnum consequi, unde præmium meretur c. perveni 1. de fidejussor.

5 Estque hoc verum, etsi citatus jam præsens sit in loco Judicii; nihilominus enim jus habet causam revocandi domum, & novam dilationem petendi; quia propter impedimentum publicæ utilitatis talis citatus non potuit habere tempus ad consulendum eos, quorum consilium arduas causæ requirebat; & ideo præsentia, quam in loco Judicii ob aliam causam citatus exhibuit, non computatur ad causam privatam, sicque præsens pro absente habendus est, nec tempore eidem curret, ne damno sit opera exhibita bono publico.

Ex quo sequitur, quando dicitur, quòd hodiernis moribus dilationes tum citationes, tum aliæ sunt arbitrariæ, id non ita intelligendum esse, quasi tempora illarum dependere à libero, & nullis Legibus circumscripto arbitrio, vel voluntate Judicis; sed sensus est, quòd Judex, expensis circumstantiis causæ, personarum,

loci, temporis &c. ita terminos iisdem determinare, & arbitrari debeat, ut nec per earum brevitate litigantibus probationis, & instructionis tempus denegetur; nec per illarum prolixitatem, prolongationem, multiplicationem lites protrahantur cum litigantium, & boni publici, privarique præjudicio. Ita Van Espen Jur. Eccl. p. 3. tit. 7. c. 4. n. 34. Quod maximè observandum in causis Ecclesiasticis, in quibus Sacra Synodus Trid. sess. 25. c. 10 in fin. de reform. monet tam Ordinarios, quam alios quoscunque Judices, ut terminandis causis, quanta fieri poterit brevitate, studeant; ac litigatorum artibus, seu in liti contestatione, seu alia parte Judicii differenda, modis omnibus aut termini præfixione, aut competenti alia ratione occurrant.

6 Causa dilationem citationem legali longiorem statuiendi sufficiens est, si causa in Judicium deducta sit valde ardua, & intricata, vel personæ in eodem intervenientes sint senio, infirmitate, absentia, aut aliter impeditæ, quo minùs Legali termino lapsa, in Jure comparere sine magno incommodo possint. Brevior legali terminus statui potest, 1. In causis vilium personarum, uti & in causis exiguis, & modicæ quantitatis. Auth. nisi breves C. de sent. ex breviscul. recit. 2. In causis alimentorum, cum periculum est, ne si legalis dilatio tota Reo concedatur, pro illis agens fame conficiatur. Bartol. in l. qui pro tribunali 2. ff. de re judic. n. 5. 3. Cum res litigiosa tempore est peritura arg. l. un. ff. de gland. legend. 4. Cum legalis dilatio majores est causaturæ expensas, quàm allatura commodi, quod v. gr. animal, si lis protrahatur, comedendo plus, quam ipsum valeat, sit absumpturum arg. l. mediterraneæ 9. C. de annon. & trib. 5. Cum alias causa non patitur moram. Vviefner hic n. 8. & apud eum cit.

Dub. 2. quæ sint dilationes deliberatoria? Resp. sunt illæ, quæ reo post oblatum libellum dantur, ut deliberare possit, an litigare velit. Abb. in c. 1. hoc tit. nu. 15. Henr. Canis. hic n. 3. Vall. § 1. n. 8. Vvagn. in Rubr. eod. not. 3. Engl. nu. 3. Pirhing. num. 9. König num. 3. Sannig cap. 3. num. 2.

Dixi Reo, nam Actori non datur dilatio deliberatoria. Glossa in c. 2. hoc tit. V. plenè Abb. ib. n. 13. Honor. hic n. 3. Vviefner n. 9. cum aliis supra cit. Ratio est, quia cum actor provocet ad litigandum, instructus venire potest & debet l. qui in alterius 42. ff. de R. J. Dilatio autem dari non debet ad id, de quo instructus quis esse debet capit. litteræ 3. hoc tit. Imò etiam reo quandoque denegandæ sunt ejusmodi induciæ, & dilationes deliberatoriæ: quod tum sit, quando per Litteras citationes plenè instrui, & secum deliberare potuit, an cedere liti velit, an verò contendere c. præterea 2. hoc tit. & docet ib. Vivian. in Ration. Barb. n. 1. Hiltrop. p. 2. tit. 35. n. 68. Vall. hic § 1. n. 8. Zoel. n. 2. Honor. n. 3. Pirhing n. 10. Vviefner n. 3. cum aliis supra. Ratio est, quia hoc casu nulla causa subest, ob quam reo ulterius dilationes deliberatoriæ concedi debeant, unde cum superfluas dilationes detestentur jura Novell. 112. c. 3. & frustra fiat per plura, quod potest fieri per pauciora, & æquè bene l. ampliore 39. C. de appellat. non est, cur ulterius dilationes dentur, non alio commodò, quam ut per eas retardetur Judicium. Excipitur casus, quo terminus ita est brevis, ut quidem comparere, sed non deliberare potuerit; tunc enim cessaret ratio, propter quam ei denegetur, & per consequens deberet habere inducias ad deliberandum.

7 Terminus istarum induciarum jure communi extenditur ad 20. dies à die porrecti libelli ab actore, ut statuitur Auth. offeratur C. de lit. contestat. Novell. 53. c. 3. § 1. An tempus hoc coarctari, vel prolongari à Judice possit, DD. disputant. Negat Glossa in Auth. offeratur cit. V. viginti, Barbosa in c. præterea 2. hoc tit. n. 9. & alii apud istum ex ratione, quòd sicut decennium ad appellandum, sic & ad deliberandum, & Judicem recusandum viginti dierum terminus jure legali, sive concessus à Jure. Arqui concessus jure tempus coarctationi, & prorogationi Judicis non est obnoxium. Ergo &c. Sed melius affirmant alii cum Bartol. Auth. cit. n. 9. Menoch. de arbitr. l. 2. cas. 52. à n. 6. Hiltrop. p. 2. tit. 35. n. 6. Vviefner hic n. 10. si in favorem rei hoc fiat, & urgente causa. Ad Argumentum contrarium distinguendum est inter terminos, qui à Jure simpliciter, & sine ullo ministerio Judicis conceduntur, prout concessum est decennium ad interponendam appellationem, & in-



& inter eos, qui Judicis ministerio conceduntur, pro-  
ut conceditur terminus deliberatoriæ, & recusatoriæ  
dilationis. De prioribus negandum, quod à Judice  
coartari, vel prorogari possint; affirmandum de po-  
sterioribus, si cognita causa sic expedire videatur.

9 Suapte natura dilationis istæ sunt Peremptoriæ; &  
hinc per se non nisi unica dari debet. Si tamen legiti-  
ma causa adsit, dari altera potest. Casus autem illi-  
usmodi plures sunt. 1. Si legitimum impedimentum  
intervenit, ob quod reus non potuit in prima dila-  
tione deliberare, & sufficienter institui. Marant. p. 6.  
*tit. de dilat. n. 5.* Hiltrop. *loc. cit. n. 67.* Pirhing *hic num. 11.*  
2. Si libellus sit ita generalis, obscurus, seu ambigu-  
us, ut reus causæ statum inde non satis colligere po-  
tuerit; nam prior dilatio inutilis Reo fuit, & pro-  
pterea quasi nulla: unde eidem jus manet post libelli  
declarationem petendi novam dilationem. Pirhing n.  
13. & apud hunc Host. Abb. 3. Si in libello Actor mu-  
ret aliquid, quod pertinet ad ejus substantiam; non  
tamen, si quod mutatur, solum est circumstantia, aut  
superflue additur c. *littera 3. hoc tit.* Vivian. in c. 2. eod. Ma-  
rant. *tit. cit. n. 9.* Pirhing *loc. cit.* 4. Quando in judicio  
emergit nova exceptio, vel novum incidens, aut no-  
va cumulatæ actio. Marant. n. 10. & 11. Et ob hanc  
causam etiam Actori danda est dilatio deliberatoria,  
quando reus excipit, & ipse replicat; quia super illa  
exceptione non poterat venite instructus. Abb. in c. 2.  
*cit. n. 13.* Vall. §. 1. n. 9. Pirhing n. 9. Vviesner n. 9. 5. Quan-  
do judex daret secundam dilationem, præsentem utra-  
que parte, & non contradicente; quia tunc censetur  
data de voluntate ambarum partium. Marant. n. 12.  
Et hinc, ut bene idem Maranta monet, quando pars  
una vult impedire, ne altera dilatio detur parti adver-  
sæ, debet altera pars contra dilationem dandam, vel  
datam protestari, qua protestatione hoc efficit, ut di-  
latio data ipso jure non valeat, & cons. nec proba-  
tiones infra eam receptæ. Unde cautela est pro judi-  
ce, ut in acta referti curet, dilationem datam parti-  
bus præsenibus, & non contradicentibus.

10 Dub. 3. quid sint *dilationes recusatoriæ*, seu *declina-*  
*toriæ*? Resp. dicuntur illæ, quæ ad omnes exceptiones  
dilatatorias, seu declinatorias opponendas dantur, prius  
quam litis contestatio fiat c. *pastoralis 4. de except.* Pir-  
hing *hic n. 14.* Sannig c. 2. n. 3. Vviesner n. 3.

Causæ, in quibus dilationes hæ conceduntur, sunt plu-  
res, sicut plures sunt causæ excipiendi. Speciatim dilatio  
declinatoria dari potest, 1. Quando reus vult judicem  
velut suspectum recusare l. *aperissimi 16. C. de Judic.* 2.  
Quando vult impugnare rescriptum, vi cuius ad judi-  
cem incompetentem citatus est l. *si quando 2. C. hoc tit.*  
3. Quando vult repellere Actorem, vel Procuratorem  
tanquam excommunicatum, aut alias non habentem  
personam legitimam standi in judicio c. *exceptionem 12*  
*de except.* 4. Quando vult Auctorem suum laudare, i.  
e. ipsi litem denunciare ad eum effectum, ut possit  
contra illum recursum de evictione l. *si quis 2. C. ubi in*  
*rem actio &c. l. emptor 8. C. de evictioib.*

Tempus his dilationibus dandum statuitur idem,  
quod exceptionibus, de quibus infra tit. 25.

11 Queritur 2. quæ Dilationes dentur post contestatio-  
nem litis, & juramentum calumniæ præstitum? Resp.  
Post litis contestationem, & juramentum calumniæ præ-  
stitum dantur Dilationes probatoriæ, Allegatoriæ, De-  
finitoriæ, & executoriæ. Primæ duæ dantur ante sen-  
tentiam, tertia post conclusionem in causa ad senten-  
tiam audiendam, quarta ad differendam executionem  
sententiæ.

Dub. 1. quid sint *Probatoriæ Dilationes*? Resp. sunt,  
quæ dantur utrique parti litiganti ad probandam inten-  
tionem suam, Actori quidem ad positiones, & articu-  
los probatoriales formandos, reo ad respondendum istis,  
sive excipiendum, ambos ad testes, vel instrumenta  
querenda, aut præparanda. Sumitur ex cap. *dilecti 1.*  
*h. tit.* & l. *quoniam 1. & l. seq. C. eodem* & docet Hiltrop.  
p. 2. tit. 35. num. 70. & 74. Vallens. *hic §. 1. num. 10.* Pirh.  
n. 16. König n. 5.

12 Conceduntur plerumque ad instantiam partis litigantis  
l. *quoniam cit. ibi postulatam*: quamvis etiam à Judice ex  
officio, nemine petente concedi possint, si is ita expedi-  
re judicaverit; debet enim judex ad exequendum offi-  
cium suum adhibere ea, quæ expedire videbuntur ad

sententiam ritè ferendam. Igitur si ad hoc necessarium  
videatur Dilationes dari, potest, & debet eas ex officio,  
etiam non interpellatus, dare. 2. Judex illam concedens  
sedere debet pro Tribunali, & præmittere cognitionem  
causæ l. *quoniam cit. & l. à procedente 4. C. eod.* Et quidem,  
ut primam Dilationem probatoriam concedat, sufficit  
cognitio causæ levis, & modica; ut secundam, & ulte-  
riores der, requiritur exacta, & insuper impedimentum,  
quod petens dilationem prætendit, probari debet esse  
legitimum per testes, vel saltem per juramentum, si  
probari aliter non possit facile, ut cum Lanfranco ad-  
vertit Pirhing *hic num. 18.* alias Dilationes istæ erunt ipso  
jure nullæ, & cons. etiam processus exinde consequens.  
3. petendæ, & concedendæ sunt, utraque parte litigante  
præsentem. In Rota tamen Romana, adversa parte non  
præsentem, imò non citata, concedi possunt, vigore con-  
stitutionis Innocentianæ teste Cassadaro *decif. 7. de ap-*  
*pellat. in fin.* apud Jordan. *tit. 8. nu. 31. & 35.* Imò etiam  
extra Romanam Dilatio probatoria, concessa uni parti,  
absente altera, de jure valet, si concessa sit sub condi-  
tione futuræ ratificationis, & ratificatio postea sequatur,  
ut contra aliquos probabilius notant Durand. *Specul. tit.*  
*de dilation. §. 2. n. 2.* Haun. *tom. 5. tr. 3. n. 210.* Jord. *l. cit.*  
*n. 40.* Vvies. *hic n. 11.* Ratio est, quia adversæ partis præ-  
sentia à jure exigitur in favorem ipsius, ne dilationis con-  
cessione præjudicium pariat. Atqui si concessio allige-  
tur ratificationi, nihil eidem infertur præjudicii; potest  
enim, si concessio videatur præjudiciosa, contradicere,  
& sic eandem nullam reddere, vel si profuturam animad-  
vertat, illam prohibitu suæ voluntatis approbare.

Spatium istarum Dilationum Lex ita moderata est, ut 13  
quando ex eadem provincia, ubi lis agitur, probatio-  
nes, sive Instrumenta poscuntur, non amplius, quam  
tres menses indulgeantur; si ex aliena, continenti ta-  
men, non ultra sex; si ex ultramarina, non ultra no-  
vem l. *quoniam 1. & l. fin. C. h. tit. Novell. 69. capit. 2.*  
Haun. *l. cit. num. 204.* König. *num. 5.* Vvies. *nu. 11.* Hodie  
tamen tempus pro his dilationibus assignandum commit-  
titur arbitrio judicis, ut notat Marant. p. 6. *tit. de dilat.*  
*n. 15.* Gaill. *l. 1. obs. 91. num. 13.* modo servetur æqualitas  
inter actorem, & Reum, ut quantus tempus datur actori,  
tantum etiam Reo detur, si petat, cum hujus partes  
sint favorabiles Reg. *non licet 32. in 6.* Accedit, quia  
etiam alias in judiciis servanda est æqualitas c. *cum aterni*  
*1. de sent. & rejudic. in 6. cap. novis. 13. de judic.* judicium  
enim claudicare non debet c. *cum inter 5. & ibi Gloss. V.*  
*claudicare de Exception.*

In causis pecuniariis, & civilibus regulariter Dilatio- 14  
nes probatoriæ sunt peremptoriæ, ita, ut per se loquen-  
do non nisi semel, seu unica Dilatio ad probandum da-  
ri debeat l. *quoniam 1. in fin. C. h. tit. l. oratione 7. & l.*  
*fin. ff. eodem.* Neque opus est, ut addatur verbum *Pe-*  
*remptoriæ*: nam hoc jam ex juris dispositione subintel-  
ligitur, ut notat Marant. *l. citat. num. 2.* Hiltrop. *tit. 35*  
*num. 76.* Brunnem. in l. *quoniam cit.* Vallens. *hic §. 1. n. 11*  
Sannig c. 3. n. 1. Unde elapso hujus Dilationis termino,  
nullam aliam dare, sed procedere judex debet, adeo,  
ut nec purgatio moræ admittatur, ut rectè advertit Barb.  
in c. *fin. h. tit. n. 4.* quia mora non purgatur, ubi lapsus est  
terminus Legis. Surdus *conf. 8. n. 9.* & cum quid facien-  
dum est in termino, factum post terminum non relevat.  
Flamin. Catharin. *dec. 85. n. 5.*

Dixi autem, in *Causis Civilibus*; nam in criminalibus 15  
reo dari possunt tres Dilationes, accusatori duæ, & ex  
quacunque causa, nullo etiam impedimento allegato,  
dummodo non sit præsumptio, quod malitiosè petantur  
l. *fin. cit. & ibi Gloss. marg. litt. B.* Marant. *nu. 2. cit.* Gaill.  
*obs. 91. n. 15.* Vvesenb. *C. h. tit. n. 12.* Rosbach. *prax. Civil.*  
*tit. 37. n. 8.* Gonz. in c. *fin. cit. n. 4.* Vallens. §. 1. *hic n. 13.*  
Honor. n. 8. Pirhing n. 17. Schambog. n. 6. König *num. 13.*  
Vvies. n. 12. Ratio est, quia in his causis veritur majus  
præjudicium: hinc duæ dantur accusatori ob difficulta-  
tem probationum, quæ debent esse luce meridiana cla-  
riores l. *fin. C. de probat.* reo vero superadditur tertia ob  
favorem defensionis; nam si unquam, in criminalibus  
maximè favorabilior est Rei causa, quod is non ita in-  
structus esse potuerit, sicut actor. Neque obstat, quod  
textus l. *fin. cit.* solum loquatur de causis capitalibus:  
nam consuetudine extenditur ad omnes causas crimina-  
les, etiam illas, in quibus non imponitur pœna sangui-  
nis. Gloss. marg. *ibidem litt. G.* Marant. Pirhing *l. citat.*  
Excij



Excipiunt aliqui causam adulterii ob *l. in crimine ff. ad Leg. Jul. de adult.* ubi deciditur, in hoc crimine nullam esse dandam dilationem, nisi ut personæ exhibeantur, aut Judex, ex qualitate negotii motus, hoc, cognita causa, permiserit. Verum si bene excutiat lex ista, à *l. fin. cit.* non discordat; in utraque enim Paulus dicit, dilationem dari causa cognita, ut bene advertit Gonzal. *in c. fin. hic n. 4. in fin.* Extenditur potestas hæc Judicis, ut dilationem reo: ad probandam innocentiam suam petenti, concedere possit etiam post conclusionem in causa usque ad sententiam, modò præsumi possit, quòd non malitiosè petatur. Matant. *n. 3. & alii suprà cit.*

6 Addidi, *regulariter in causis civilibus non dari nisi unam dilationem probatoriam*; quia ex justa causa Judex concedere potest secundam, & tertiam, imò de Jure communi saltem, etiam quartam, si priores non sufficiant, hanc tamen, non nisi observata solemnitate legali, videlicet, ut eam petens post allegatam, & probatam legitimam petendi causam Juramentum edat, quod non malitiosè, & dolosè talem dilationem petat *c. in causis 15. & ibi Glossa V. productionem de restit. Auth. at qui semel C. de probat. Novell. 90. cap. 4. Hiltrop. n. 75. Gaill. nu. 4. Marant. nu. 6. Honor. hic nu. 7.* Quinta tamen dilatio jure nunquam concedi potest juxta *Auth. at qui semel cit.* & hoc ideo, ne causa plus æquo extahatur. Et hinc mortuo principali, post præstitum juramentum super obtinenda quarta dilatione, ejus hæredi in camera non quinta, sed nova dilatio datur, si examinem intra tempus quartæ dilationis vivo adhuc principali absolutum non fuit: idque etiam sine novo Juramento; quia successor nullam moram, aut malitiam extrahendi processum imputari potest. Ita DD. *in l. oratione cit.* Imò jure camerali novissimo etiam quarta dilatio abrogata est, & res duntaxat conceduntur, ita, ut quæ olim observantur in secunda, & tertia, hodie in sola secunda, & quæ in quarta, hodie in tertia observanda sint per *Recess. 1654. § den Punctum probationum 50. in fin. Blum. Process. camer. tit. 73. n. 59.*

7 Porro causæ, ob quas nova dilatio concedi possit, complures à DD. enumerantur. Præcipuæ sunt. 1. Si justum subit impedimentum, vel altera pars impedita sit facto Adversarii, aut etiam Judicis, ut probationes antea inire non potuerit. Gaill. *l. 1. obs. 91. n. 4. Rolbach. prax. civil. tit. 37. n. 5. Vvesenbec. ff. hoc tit. n. 12. Pirhing hic n. 17. Engl. n. 4. Konig n. 12. Schamb. n. 5.* 2. Si lapsa prima dilatione, novæ supervenerint probationes, vel exceptiones, aut aliud incidens; quia quæ de novo emergunt, indigent novo auxilio *l. de atate 11. § ex causa 8. ff. de interrog. in jur. faciend. Mynsin. cent. 1. obs. 71. Hiltrop. tit. 35. cit. n. 72. & seqq. Marant. p. 6. tit. de dilat. n. 6. & 11. Gaill. loc. cit. n. 12. cum aliis supra allegatis.* 3. Si pars adversa in concessione novæ dilationis consentiat expressè, vel tacitè, quod fieret, si probationes, quæ intra certum tempus fieri debuissent, admixtæ sunt post tempus, Adversario non opponente. Successor novam dilationem sine alia causa impetrat, solum ex eo, quòd antecessoris jura, & causæ firmamenta præsumatur ignorare *Reg. qui in alterius 42. ff. Gaill. obs. 91. n. 17. & 18. Honor. hic n. 7.*

8 An prorogari dilationes Probatoriæ possint, in controversiam trahi potest; quæ tamen decidi distinctione potest, dicendo, primam, secundam, & tertiam non posse, posse quartam. *Ratio primæ partis* est, quia dilatio prima, cum peremptoria sit, prorogari non potest, nisi quando de justo impedimento constat; stante autem justo impedimento, superest secunda, tertia, imò & quarta dilatio. Igitur prorogatione opus non est, sed dilatio nova peti debet; neque enim ad extraordinarium prorogationis medium deveniri debet, quando superest ordinarium, ut rectè Gaill. *obs. 91. cit. n. 2. monet. Ratio secundæ partis*; quia post quartam Lege prohibitum est admitti quintam dilationem. Igitur cum contingere possit, ut post quartam dilationem legitimum impedimentum intercedat, ut nulli adhuc testes produci, & probationes potuerint recipi, opus erit, ut sic impedito succurratur per aliud remedium, quod erit prorogatio: quæ tamen fieri debebit cum eadem solemnitate, qua ipsa dilatio, quæ prorogatur, data est, & non nisi ex legitima causa, nec adeo facilè, ne in effectu permittatur quinta, & sic fraus fiat Legi, quæ non verbis, sed rebus posita esse debet. Gaill. *loc. cit. n. 16. & 17.*

9 Dub. 2. quid sint dilationes Allegatoriæ, Definito-

riæ, Executoriæ? *Resp. Allegatoriæ* sunt, quæ dantur ad allegandum; nam Judex, auditis probationibus, & exceptionibus partium, antequam procedat ad sententiam definitivam, partes interrogare debet, an quid amplius allegare, vel proponere velint; & si pars aliqua affirmet, se plura adhuc habere, quæ proponat, dantur ei induciæ, seu dilationes ad allegandum, possuntque dari tres successivè, quarum singulæ triginta dies, seu mensem contineant *Auth. habemus C. de jud.*

*Definitoriæ* sunt, quæ dantur ad causam definiendam: 20 potestque dari secunda, & tertia, nisi prima sit peremptoria, quod significatur per terminum *Peremptoriæ*, vel alios æquivalentes, ut si dicatur, si quis tali die non comparuerit ad audiendam sententiam definitivam, etiam in ejus absentia processurum Judicem ad ferendam illam *arg. c. consuluit 24. de Offic. Deleg. l. in peremptorio 71. ff. de judic. Pirhing hic n. 21. Sannig c. 3. num. 6. Vviesner num. 15.* Tempus iisdem Judex assignet pro arbitrio.

*Executoriæ* dantur reo per sententiam condemnato 21 ad satisfaciendum, & solutionem præstandam. Vall. § 1. *hic n. 14. Engl. n. 5. Konig n. 6. cum cæteris.* Locum non habent in criminalibus; nam in his executio non differtur, nisi in certis casibus, veluti si Princeps jubet aliquem solito acius puniti, cum ad mortem damnata est mulier prægnans, cum damnatur servus ratiociniis obligatus, cum relegando est insula assignanda &c. In civilibus, quando conceduntur, regulariter quatuor mensium spatium complectuntur *c. querenti 26. de Offic. deleg. c. quod ad 15. de sent. & re jud. Hiltrop. tit. 35. n. 25. Honor. hic n. 9. Vviesner n. 16.* Dixi, quando conceduntur; nam in realibus executio de jure sit sine dilatione, nisi possessor, sive reus neget, se, quod per sententiam jubetur, restituere statim posse; hoc enim si dolo non faciat, & de re, vel ejus æstimatione restituenda per fidejussores caveat, dilatio ei aliqua à Judice est concedenda *§ et si in rem 2. Inst. de Offic. judic. l. qui restituere 68. ff. de Rei vind. Honor. nu. 10. Scambog. n. 9. Vviesner n. 16. cit.* Addidi *regulariter*; quia etiam in actionibus personalibus quadrimestre, ad executionem concessum, si res exigat, à judice extendi, vel abbreviari potest *c. querenti, & c. quod ad cit. l. debitoribus 31. ff. de re judic. Honor. n. 9.*

Quæritur 3. quis sit effectus dilationum? *Resp. est* 22 triplex maximè. *Primus* est, quòd dilatio uni concessa etiam profit alteri parti litiganti: quod verum est, etsi concessa fuisset minori Jure speciali per restitutionem in integrum. Hiltrop. *p. 2. tit. 35. nu. 89. Marant. tit. de dilat. n. 18. Barbosa in c. fin. hoc tit. in 6.* Proceditque, ut nec renuntiare quidem reus datæ semel dilationi possit, etiam re integra, ut rectè Bald. *in l. petenda 6. C. de temp. in integr. restit.* & ratio est, quia in ipsa datione dilationis ad petitionem Rei Actori quæsitum jus est, ut etiam ipse uti dilatione prædicta possit, quo Jure proin invitatus spoliari non debet. Dixi autem concessa; nam etsi dilatione, quando reo semel concessa est, uti etiam Actor possit, in concedendis tamen dilationibus Actor, & reus non ambulat pari passu; quia partes rei tum favorabiles sunt per textum, & exemplum *l. petenda cit.* ubi Actor petenti in integrum restitutionem circa finem quadriennii dilatio denegatur; quia sibi imputare debet, quòd tamdiu expectaverit; reo autem pro sua defensione dilatio conceditur; quia in ipsius potestate non stetit, quando conveniretur.

*Secundus effectus* est, ut excuset à pœna, & mora, 23 eaque durante, officium Judicis conquiescat, adeo, ut si quid innovatum fuerit, sit ipso Jure nullum, neque validari per partium consensum possit *l. si pars 3. C. hoc tit. Brunnem. ibid. n. 1. Vvesenbec. ff. eod. num. 14. Hiltrop. loc. cit. num. 85. Vallens. hic § 4. num. 1. Zoef. num. 5. Honor. num. 18. Pirhing num. 23. Scambogen num. 12. Konig num. 18. Sannig cap. 4. nu. 4. Vviesner nu. 20.* & hoc verum est, ut Barbosa *in cap. 2. hoc tit. n. 7.* notat, non tantum in civilibus, sed etiam in criminalibus. Intelligi autem hoc debet solum de articulo, seu capitulo, super quo lata dilatio est; super alio enim Judex procedere non prohibetur, ut cum suprà *cit.* bene moner Hiltrop. *loc. cit. & n. 88.* & habetur per textum *l. generaliter 12. § his de presentibus 4. v. nullo C. de reb. credit. & injur.* Imò etiam circa ipsam causam, de



de qua data dilatio est, procedere Judex potest in tribus maximè casibus, 1. Si hoc cedat in favorem illius, cui data fuit Dilatio. Vvagnereck in *Rubr. hoc tit. not. 5.* 2. Si causa, ob quam indulta dilatio est, vel impedimentum cessavit; tunc enim cessante causa cessat effectus *arg. l. à filia 28. § alumno 1. ff. ad S. C. Trebell.* 3. Si Judex Dilationem ejusmodi revocavit; ea enim revocata, nullum amplius impedimentum est, quod manus eidem liget. Glossa in *l. si ve pars cit.*

24 Tercius effectus est, quòd, dum lapsus fuerit terminus, seu dies in dilatione præfixus, regulariter vim habeat sententiæ interlocutoriæ, & perimar actum, qui in assignato dilationis termino fieri debuit, ita, ut pars postea comparens super eadem re, nisi ex magna causa, audiri amplius non debeat, sed Judex statim procedere ad ulteriora possit; neque opus est, ut prius pronuntiet, dilationem esse finitam; satis enim hoc ipso facto, & in actu exercito declaratur teste Bartol. in *l. à procedente 4. n. 4. C. hoc tit.*

25 Dub. 1. an in dilatione computari etiam debeat dies, à quo dilatio incipit? Bisariam scinduntur DD. nam aliqui affirmant ex ratione; quia tempus de momento ad momentum computari debet *l. denique 3. § minore 3. ff. de minor. l. siquidem 1. § biduum 5. ff. quand. sit appell.* proceditque hoc in dilatione Legis. Igitur multo magis procedere hoc debet in dilatione hominis; initium enim agitur cum Lege, quàm cum homine *arg. l. 23. in princ. & ibi Glossa ff. de recept. qui arbit. sunt autem dilationes strictissimè interpretandæ l. quoniam 1. C. hoc tit.* igitur si dilatio Legis currere incipit primo die, multo magis dilatio hominis. Alii verò negant dilationis diem computandum, sed intelligi volunt solum de die proximo *arg. c. frequens 1. de restit. spoliat. in 6. cap. pia 1. de except. in 6. l. cum qui 4. in princ. ff. de V. O. & hanc sententiam Jason in l. 1. n. 20. ff. siquis cautionibus dicit esse communem, testaturque. Mynsing. cent. 5. obs. 15. n. 4. esse receptam in Camera. Qui volet hanc sententiam tenere, ad rationem Adversariorum allatam debet dicere, tempus computari de momento in momentum, postquam currere incepit. Ego judico cum Clariss. P. König hic n. 20. inspicendam intentionem, & verba Judicis concedentis dilationem.*

26 Dub. 2. an in terminum dilationis etiam veniant dies feriati, quin interea occurrunt? Resp. affirmativè. Ita Haun. tom. 5. tr. 3. n. 208. Vallens. hic § 2. n. 4. Honor. n. 18. Sannig. c. 4. n. 3. Schamb. n. 7. Vviesner n. 19. & constat ex *l. si ve pars 3. C. hoc tit.* Excipe, nisi feriæ absorberent totam dilationem, vel majorem illius partem; tunc enim tempus feriatum non computari æquitas postularet. Maranr. tit. de dilat. n. 18. ubi cum Bald. in *l. si quando C. 19. de test. q. 4.* & aliis docet, in Sabbato Palmarum datam 15. dierum dilationem post Octavam Paschæ inchoari, quod præcedentes dies omnes feriati sint.

Si feriæ repentinae supervenerint, beneficium restitutionis gravato competit, ut iis subductis, alii totidem dies subrogentur *l. sed & si 26. § si feriæ 7. ff. ex quib. caus. major.* eo quòd similes feriæ ex neutra parte prævideri potuerint. Quin ex justa causa etiam Ordinariæ hodie eximi possunt à Judice, maximè si valde multæ incidant.

27 Dub. 3. cui cedat dies postremus, qui pro termino est assignatus? Resp. cedit in commodum petentis dilationem. Ita Mynsing. cent. 5. obs. 15. Franc. in cap. 1. n. 5. de restit. spoliat. in 6. Zoef. hic num. 5. Honor. num. 15. Schambog. n. 7. Vviesner nu. 19. estque teste Mynsing. loc. cit. usu Cameræ Imperialis recepta sententia. Colligitur ex *l. successorium 1. § quod dicimus 9. ff. de successor. edit. l. pater 30. § sexaginta 1. ff. ad Leg. Jul. de adulter.* & deducitur ex *§ omnis stipulatio 2. Inst. de V. O.* ubi dicitur, quod si solutio in certum diem fuit promissa, totus adhuc ille dies arbitrio solventis tribui debeat: cujus ratio est, quia in simili casu dies adjicitur differendæ executionis causa: neque omisum dici potest, quod dandum, vel faciendum est certo tempore, nisi totum illud tempus præterierit. Unde ultimo adhuc momento, ut monet Zoef. loc. cit. rectè adhuc compareret, qui dilationem habuit; nam dilatio data est in commodum perentis dilationem; quæ autem in commodum alicujus data sunt, non

debent restringi in ejus odium. Excipitur, si dies ultimus dilationis, & pro termino assignatus sit feriarum; hic enim eo ipso, quod iudicis non sit, dilatione non involvitur, sed tantum significat, quosque duret dilatio.

## TITULUS IX.

## De Feriis.

ETiam feriæ dilationis quædam sunt, vel potius causæ dilationum; nam iis durantibus, in jus vocari nemo, nec Actus Judiciales exerceri possunt; hinc appositissimè Titulo de dilationibus subjungitur Titulus de Feriis.

## §. I.

## De Feriarum Natura, Varietate, Introductione &amp;c.

## SUMMARIUM.

- 1 Feriarum diversa nomina.
- 2 Definitio.
- 3 4 Diversitas.
- 5 An feriæ messium, & vindemiarum concedi omnibus debeant?
- 6 7 Dies feriati qui, & an omnes Judiciales?
- 8 Profanas instituit Princeps secularis.
- 9 10 11 12 Sacras solus Magistratus Ecclesiasticus.
- 13 Universales solus Papa.
- 14 Episcopus pro sua Diocesi.
- 15 An induci possint per consuetudinem?
- 16 17 18 19 Quando incipiant?
- 20 21 An renuntiari iisdem possit?

Quæritur 1. quid sint Feriæ? Resp. Feriarum nomen à feriendis hostiis desumptum est, eò quòd iis diebus immolabantur Diis Victimæ juxta Festum lib. 6. Varia sortiuntur nomina; nam t. appellantur Dies feriati; ita Ulpianus *l. eadem 2. ff. h. tit. 2.* Nonnunquam dicuntur Dies festi: ita Imp. *l. si quando C. de statuis & imag.* ad quorum distinctionem dies reliqui appellantur communes, 3. Vocantur Dies devotionum, quod pleræque eo fine sint institutæ, ut iis populus Curationi, & aliis operibus piis vacaret *can. placita 2. caus. 15. q. 4.* Denique non rarò vocantur Dies nefasti, eò quòd nefas sit illis diebus in Jure, & Judicio quidquam proponere: ad quorum distinctionem cæteri dies vocabantur Dies fasti, quòd fari illis diebus Judici liceat tria verba, Do, Dico, Addico, ut eleganter expressit Ovidius;

*Ille Nefastus erit, per quem tria verba silentur;  
Fastus erit, per quem Lege licebit agi.*

In Ecclesia omnes dies hebdomadæ, præter Dominicam, dicuntur Feriæ, & hoc ideo, quia Clericis omnes dies esse Feriæ debent, ut habetur *c. cum creatura 11. de celebr. Missar.* ibi pro festo, vel feria, ubi Honorius secernit diem festum à feriato, & Feriam accipit pro die communi hebdomadæ, Festum pro die Divinis Officiis dedicato. Prout hoc Titulus accipitur Feria, comprehendit dies omnes, quibus Judicia celebrari non possunt, & cons. etiam Dies Festos. Definiri autem Feriæ sic acceptæ possunt, quòd sint dies, seu tempora, quibus Jus non dicitur, i. e. à negotiis forensibus, & actibus Judicialibus cessatur, seu vacatur. Ita quoad rem omnes, & colligitur ex *l. pridie 2. & l. seq. ff. hoc tit. item l. omnes 7. C. eod.* Effectus igitur feriarum est, ut actus Judiciales suspendat; & hinc, ut Vvesenbec. ff. hic n. 2. Vallens. n. 2. Vvagnereck in *Rubr. eod. not. 1.* bene monent, Feriæ olim Jussum appellabantur, quòd Jus, sive Judicium tunc staret, nec progresseretur.

Quæritur 2. quotuplicis generis sint Feriæ? Resp. 3 principaliter dividi solent in solemnes, seu ordinarias & in extraordinarias, seu repentinas. Solemnes sunt, quæ à Legibus, vel SS. Canonibus definitæ sunt, ita ut singulis annis recurrant, & æqualiter semper ferventur; hinc etiam Stata, & Anniversaria nuncupantur. Ita Fagnan. in *c. fin. hoc tit. nu. 35. & seqq. Vvagn. in Rubr. not. 2.* Pirhing hic n. 1. Schamb. n. 3. Vviesner num. 2.

Ex-



*Extraordinarie*, seu *Repentine* dicuntur, quæ nulla certa, & stabili Lege, sed pro re nata, & occurrentibus circumstantiis extra consuetum ordinem, & morem, vel ob bonum publicum recens obtentum, v.g. ob Principis adventum, inaugurationem, nuptias, nam illi prolem, victoriam reportatam ab hoste &c. vel ob causam aliam repentinam, puta, luem publicam grassantem, seditionem, hostilitatem &c. inducuntur. Hiltrop. p. 2. tit. 36. n. 8. Vvelembec. ff. hoc tit. n. 3. Fagnan. loc. cit. n. 8. & alii suprà cit.

Ordinarie Feriæ subdividuntur in Ferias Sacras, & Profanas. *Sacræ* dicuntur, quæ ad Dei cultum, & SS. honorem sunt institutæ, ut sunt dies Festi, & Dominici c. fin. hoc tit. & l. omnes C. eod. Rosbach. prax. civil. tit. 38. n. 3. Schamb. Vviefst. alii loc. cit. Profanæ sunt, quæ hominum gratia, ad eorum scilicet, utilitatem sunt institutæ; & tales sunt, 1. *Feria nundinarum*, quæ ob publicum mercatum exercendum conceduntur l. un. C. de Nundinis, 2. *Feria messium*, & *vindemiarum*, quarum mentio fit l. nequis. l. folet 3. & l. seq. ff. hoc tit. Has vulgus *Æstivas* appellat; quia æstivis fervoribus mitigandis instituuntur. Gellius l. 9. noctium c. 15. & *Rusticas*; quia ut Ulpianus l. ne quis cit. monet, circa rem rusticam tunc occupantur homines, 3. Huc reduci etiam possunt *Feria nuptiarum*, quibus diebus abstineri debet à nuptiis publicè, & solemniter celebrandis. Ex his tribus Feriarum generibus sub definitione n. prae. data continentur solæ feriæ messium, & vindemiarum; nam in feriis nundinarum, & nuptiarum, nisi aut cum sacris, aut cum rusticis coincident, actus Judiciales non prohibentur.

Dubitari potest de feriis messium, & vindemiarum; an concedi debeant omnibus, etiam iis, qui per se colligendis fructibus, & uvis non dant operam; item an concedere eas oporteat etiam ibi, ubi frumentum, aut vinum non crescit? Resp. concedendas omnibus; quia licet ipsi huic labori non dent operam, faciunt tamen illud per colonos, & operas, ut bene Pirhing loc. cit. In iis locis, ubi vinum, aut frumentum non crescit, concedendum tempus est, ut aliunde illud advehi possit. Dicunt aliqui, loco Feriarum promesse colligenda in iis locis concedi Ferias posse pro colligendis castaneis.

Quæritur 3. quoniam sint Dies Feriati, in quibus Judicia celebrari non possint? Resp. sunt Dies Festi, quos Ecclesia festivos celebrat, & præter hos septem illi dies, qui antecedunt Festum resurrectionis Domini, & septem, qui subsequuntur; qui omnes enumerantur c. fin. hoc tit.

Difficulus est, an præter Dies Festos ibi relatos etiam alii Festi dies, qui hodie sunt sub præcepto, sint Judiciales, h. e. immunes à Judiciis? *Rationem dubitandi* facit Bulla Urbani VIII. incipit *universa*, edita Idib. Sept. 1642. ubi postquam Pontifex ultra dies in c. fin. cit. relatos alios addidit, & eos festivè celebrandos præcepit, subiunxit hanc clausulam; *Non intendimus tamen per hanc nostram constitutionem dies feriatos circa judicialia in aliquo immutare, quos ad hunc effectum relinquimus in iis terminis, & statu, in quibus erant ante ejus promulgationem*. Atqui si Pontifex hac sua constitutione nil immutare voluit, dies Festi, quos ibi agendos præcepit, manent in ordine ad Judicialia in antiquo suo statu, in quo prius erant; prius autem celebrari in iis Judicia poterant. Ergo & nunc.

Sed hoc non obstante, respondendum est, indiscriminatim omnes dies Festos Ecclesiæ Judiciales esse. Est certa omnium sententia. Rationem optimam dat Fagnan. loc. cit. n. 25. quia repugnat, ut dies Festus sit sanctificandus ex præcepto Ecclesiæ, & in illo exerceri possint strepitus Judiciales, cum ratio formalis sanctificationis Festi consistat in vacando rebus Divinis, & cessatione operum, inter quæ opera etiam recensentur actus Judiciales, utpote plurimum impediens applicationem hominum ad Divina.

Ad *Rationem dubitandi* dico, textum Bullæ responsioni huic non esse contrarium, nam ut Haun. rom. 5. tract. 3. n. 221. illum explicat, id solum intelligendum est de diebus feriatis non festis; adduntur enim in ea Bulla inter dies feriatos septem dies ante Festum resurrectionis, & septem dies post illam, seu tempus

illud, quod labitur à Dominica Palmarum ad Dominicam in Albis, & qui, ut initio hujus num. dixi, jam antè per cap. fin. cit. inter Feriatos recensebantur; & circa hos ait Pontifex, quod in ordine ad Judicialia nihil velit innovare. Unde non obstante hoc decreto, Privilegium Feriæ his diebus illæsum manet; atque hinc sequitur, omnes quidem dies festos de præcepto feriatos esse, sed non vicissim omnes feriatos quoad Judicialia esse dies festos ex præcepto Ecclesiæ.

Quæritur 4. quis possit inducere Ferias? Resp. discernimen esse faciendum inter Ferias sacras, & profanas. De profanis certum est, eas institui posse à Principe, vel alio Magistratu superiorem non recognoscente, qui proinde etiam præcipere subditis suis potest, ut eo die ferientur à laboribus, & operibus civilibus, vel actibus forensibus, imò & pœnam addere transgressoribus. Ratio pater, quia Feriæ istæ tendunt ad finem merè politicum; unde sicut alia negotia mere Politica, ita & ipsæ Principis, vel Magistratus sæcularis potestati subjacent. Debet autem instituens hujusmodi ferias esse Princeps supremus, vel Magistratus superiorem in temporalibus non recognoscens, ut expressè habetur l. à nullo 4. C. hoc tit. & ratio est, quia Feriæ ejusmodi conceduntur instar Legis, quam condere ad Principem supremum pertinet. Unde quando l. præfides 3. ff. hoc tit. & l. si in aliquam 7. princ. ff. de offic. Procons. dicitur, ad Præsides, & Proconsules spectare, ut secundum mores, & consuetudinem ferias dent, & statuant, illud in eo sensu exaudiri debet, quod Præsides, Proconsules, & similes Magistratus inferiores Ferias Messium, & vindemiarum, antehac ab Imperatoribus quoad substantiam jam ordinatas, quoad tempus, & modum determinare debeant; cum enim ob diversitatem aeris, solique temperiem alibi citius, alibi serius maturecant uvæ, & segetes, uniforme tempus pro universo Imperio ab Imp. non potuit statui, sed designatio hæc singularium Provinciarum Rectoribus relinqui debuit, prout cum Claris. D. Voller rectè monet R. P. Schmier de Judic. c. 5. nu. 22 ubi cum eodem ab hac communi Regula excipit Principes, & status Imperii Romano-Germanici, quos assumant, una cum Jure Territoriali ab Imperatore, & Imperio accepisse etiam potestatem Ferias profanas suis subditis præfigendi.

De Feriis sacris inter Catholicos, & A catholicos 9 magna contentio est. Contendunt isti, & præcipuè Struv. Synagm. jurispr. Exercit. 5. th. 36. Miller. ad Pandect. hoc tit. Stryck. Us. moder. Pandect. ibid. § 3. & seq. ius constituendi Ferias sacras ad Majestatem, & (in Imperio) ad jurisdictionem Territorialem spectare, allegantes partim Instrumenta Pacis Religiosæ, & Osnabrug. art. 5. § 30 & 48. Jus Sacrorum Superioritati Territoriali connectentia; partim exempla Legis Veteris, in quibus Regio edicto dies sacri sunt constituti 1. Reg. 8. v. 65. 1. Reg. 12. v. 32. 2. Paralip. 7. v. 8. Esdræ 8. v. 1. Ex Catholicis potestatem istam Magistratui Ecclesiastico, & sæculari communem faciunt Antonin. p. 2. tit. 9. c. 7. § 1. Sylvest. V. Dominica n. 2. Saà V. festum n. 1. Sayr. Clav. Reg. l. 7. c. 3. n. 17. v. quinta propositio.

Movetur 1. quia l. ut in die 2. l. omnes 7. & l. fin. C. hoc tit. varii dies quot hebdomadis, vel annis recurrentes, ob honorem Dei, ac proinde ut feriæ sacræ ab Imp. observari jubentur; & Constantino Imp. ut ex Eusebio, & Sozomeno observat Baronius ad annum Christi 321. Lege sancitum est, ut ob memoriam Passionis Dominicæ dies Veneris omnes à Judiciis, & aliis negotiis vacarent, Deumque precibus colerent, 2. Quia abstinere ab operibus servilibus, & negotiis forensibus non est aliquid ex se spirituale; ac proinde subditis præcipi à potestate sæculari potest, 3. Quia ejusmodi Magistratus edere potest votum publicum de die alicujus Sancti, e. g. S. Sebastiani Mart. festivè celebrandi. Ergo etiam condere potest Legem ad id obligantem, 4. Quia à Principe, & aliis Magistratibus sæcularibus staturo, vel lege decerni possunt pœnæ violatoribus feriarum, etiam sacrarum, ut declaratum est à Pio V. Const. incipit, Cum primum § 7. edita 6. Cal. April. 1566.

Sed verius potestatem ferias sacras indicendi, nisi Pontificis Summi, aut Episcopi consensus accedat, communi cæterorum Catholicorum consensu negant Abb.



Abb. in c. 2. *hoc tit. n. 2. Armill. V. feria n. 2. Tabien. ibid. n. 1. Azor. p. 2. l. 1. c. 26. q. 5. Suarez tom. 1. de Relig. l. 2. c. 12. n. 13. Sanchez Conf. l. 5. c. 2. n. 7. Fagund. lib. 1. de præc. Eccl. c. 5. Pal. tr. 9. D. un. p. 2. num. 8. & 9. Barbosa de Offic. Episc. alleg. 105. n. 38. Fagnan. in c. fin. *hoc tit. n. 33. Pignatell. tom. 1. consult. 8. nu. 1. Vvex Ariadn. q. 3. tab. 3. num. 4. Pitching hic nu. 11. Schambogen num. 7. Vviesner n. 6. & declaravit Innocentius X. Constitut. incipit, Cum nuper edita 6. Oct. 1657. ubi irritum statuit Edictum Senatus, & Gubernatoris Mediolanensis, festum S. Dominici festivè celebrari præcipientis. Ratio est, quia potestas instituendi ferias sacras in honorem Dei, & Sanctorum est proptiè spiritualis; spectat enim ad Religionem, & cultum Divinum. Igitur ad Pastores Ecclesiæ pertinet, nec Laicis competit, quos in spiritualibus necessitas manet obsequendi, non auctoritas imperandi, ut dicitur cap. Ecclesia S. Maria 10. de Const. & cap. fin. de reb. Eccl. alienand. Conf. 1. idem est de tempore, quod de loco leg. vinum 22. ff. de reb. credit. sed consecratio, & dedicatio loci ad cultum Divinum spectat solum ad Præsules Ecclesiæ, non ad sæculi potestates *can. nemo 9. de consec. dist. 1. & 5 res sacra 8. junct. Glossa V. Pontifex ibid. de ver. div. us.* ergo & consecratio temporis. Atqui indictio festivitatum in honorem Dei nihilest aliud, quam quædam consecratio, per quam dies aliqui efficiuntur sancti, & Divinis obsequiis dedicantur *can. placita 2. caus. 15. q. 4. ergo &c. Conf. 2. Princeps Laicus non potest dies festos in honorem Dei institutos tollere, & subditos suos absolvere ab eorum observatione, ut omnes fatentur. Ergo nec potest novos dies festos in honorem Dei introducere, & subditos obligare ad istos fervandos; quia par est jus ligandi, atque solvendi can. verbum 51. de panit. dist. 1.***

11 *Proceditque hoc*, ut in hujusmodi Fetiis à se constitutis Princeps sæcularis non tantum non possit subditos suos obligare ad audiendam Missam (hoc enim apertè transcendit potestatem sæcularem) sed neque ad cessationem ab operibus servilibus, & actibus Judicialibus intendendo finem Religionis, ut contra Sayr. l. cit. & Molfes. Summ. Theol. p. 1. tract. 11. c. 27. n. 39. cum Suar. Pal. & aliis supra relatis notat Haun. tom. 5. tr. 3. n. 233. & constat ex Bulla Innocentiana cit. Imò ne quidem Legem pœnalem de hujusmodi festis observandis potest statuere, subditos suos obligando non quidem ad culpam, sed ad pœnam duntaxat, si statuta ejusmodi Festa non servaverint; nam ejusmodi statutum nullum est ex defectu potestatis, ntpote in materia spirituali. Sed ubi ex potestatis defectu statutum nullum est, etiam adjectio pœnæ non valet. Ergo &c. Addidi *interdendo finem Religionis*; nam si intendat finem tantum politicum, sicut ejusmodi Ferias ob causam rectè potest instituere, ita etiam eas violentibus pœnam dicere: & tunc nisi Lex merè pœnalis sit, transgressor peccabit, non quidem contra Religionem, sed contra obedientiam, & observantiam Principi debitam, ut rectè notant Fagn. l. cit. n. 75. Pirh. n. 13.

12 *Neque obstant Argumenta contraria*. Ad 1. per l. cit. non introducuntur novæ feriæ in honorem Dei, sed jam ab Ecclesia indictæ præcipiuntur observari: quod non effugit potestatem Catholicorum Principum Lex Constantiniana ab Ecclesia nunquam recepta, imò nulla fuit ob defectum potestatis per tradiam à Joan. Andr. inc. 4. de immun. Eccl. n. 14. Ant. de Butrio ibid. n. 10. Fagnan. in c. 10. de constit. nu. 17. Ad 2. licet abstinentia à laboribus, & opere servili ex se aliquid spirituale non sit, spirituale tamen efficitur, quando ex fine Legis ordinatur ad cultum Divinum, venerationem Beatorum Cœlitum &c. unde huc referti per Legem, præterquam ab Ecclesiastica potestate, non potest. Ad 3. ejusmodi Votum personale est, & vi promissionis ipsum duntaxat Magistratum voventem, ejusque promissioni libere consentientes ligat; posteros autem, à quibus acceptum non est, nisi auctoritas Ecclesiastici Prælati accedat, obligare non potest. Suarez loc. cit. nu. 4. Ad 4. id conforme est obligationi Magistratus sæcularis, cujus officium est in adjutorium Ecclesiæ Sacrarum Constitutionum præcepta tueri, & Decretis Sacr. Synod. Trident. quæ sess. 25. cap. 20. de reform. ad hoc Principes sæculares gravissimis verbis hortatur.

Dubitatur, ad quem Magistratum Ecclesiasticum 13 pertineat instituere Ferias Sacras? Resp. universales, quæ totam Ecclesiam obligent, instituere potest solus Pontifex. Suarez capit. 12. *clat. num. 2. Palao part. 2. cit. num. 1. Fagnan. in c. fin. hoc tit. nu. 17. Schambog. hic n. 5. Vviesner n. 4. Ratio est, quia solus Pontifex Jurisdictionem spirituales habet in universa Ecclesia, & populo Christiano. Particulares ferias, & quæ unam tantum Diocesium ligant, præcipere, & indicare potest Episcopus illius proprius *can. pronuncian- dum 1. dist. 3. de consec. c. fin. hoc tit. & ibi Abb. nu. 4. & 5. Fagnan. n. 27. & 28. Barbosa n. 23. Gonzalez n. 18. Pitching n. 10. Engl n. 6. Konig n. 6. Schamb. n. 5. Vviesner n. 4. Ratio est, quia in Diocesi sua id potest Episcopus, quod Pontifex Romanus in universa Ecclesia, exceptis iis, quæ sibi Pontifex reservavit c. ad honorem 4. de auth. & vs. pall. c. novit 13. de judic. atqui potestas indicendi festa non est reservata soli Pontifici, sed potiùs Episcopis expressè permissa c. fin. cit. ibi; Quas singuli Episcopi in suis Diocesisbus cum Clero, & populo duxerint solemniter venerandas. Ergo potest Episcopus in sua Diocesi ferias factas, & dies festos instituere.**

Duo tamen circa hanc potestatem Episcopi sunt ad- 14 vettenda. Primum est, ut Sanctus, de quo Episcopus festum instituit, sit canonizatus; ipse enim neminem canonizare potest, sed solus Papa c. *audivimus 1. de rel. q. & venerat. Sanctior. Abb. loc. cit. Pirhing nu. 10. & alii supra.* Potest tamen, ut Barbosa n. 24. hic cum iisdem advertit, Episcopus factate dies festos in honorem, & venerationem etiam eorum, qui Beatificati sunt tantum; nam & hi SS. nomine in ordine ad istum effectum veniunt. Secundum est, ut ejusmodi institutio fiat ab Episcopo cum Clero, & populo, ut constat ex c. fin. cit. & notat ibid. Abb. n. 5. Azor c. 26. cit. q. 2. Suarez l. 2. cit. c. 11. n. 7. Dixi, *cum Clero, & populo*; aliter autem præsens institutioni debet esse Clerus, & aliter populus; cum Cleri consilio, & consensu institui ab Episcopo festum debet; populi consensus autem ad hoc non requiritur, sed præsens duntaxat institutioni esse debet in eum finem, ut possit Episcopo proponere causas v. g. multipliciorem festorum, & alias, ob quas festum non debeat institui. Suarez l. 2. de Legib. c. 11. vers. in presenti. Filliuc. tract. 27. c. 6. à n. 83. Barbosa in c. fin. cit. n. 24. Imò hodie receptum est, ut dies festi minimè vocato populo, sola Episcopi auctoritate cum Clericorum consensu, aut consilio, in Synodo præsertim, instituuntur, & populo indicantur, ut loc. cit. monent Azor q. 2. Suarez n. 9. Palao num. 6. Unde defecto satis erit, si Episcopus volens festum instituere, ea observet, quæ Sacra Rituum Congregatio declarat, & decernit, laudante, & approbante Urbano VIII. & quæ præfixa sunt novis Breviatis post ejusdem Urbani VIII. Bullam.

An per consuetudinem induci obligatio possit diem 1 aliquem festum celebrandi, quæstio moveri potest; ad quam respondendum est, per solam consuetudinem Laicorum non posse, nisi includat consensum ejus, qui expressè potest diem festum instituere. Azor. c. 26. cit. q. 6. Suarez n. 5. Pirhing n. 12. Schambog. n. 8. Ratio est, quia institutio festi habet rationem Legis; vim Legis autem consuetudo non habet, nisi includat consensum saltem tacitum ejus, qui potest expressè Legem ejusmodi ferre.

Quæritur 5 quando incipiant feriæ? Resp. iterum cum distinctione inter ferias Sacras, & Profanas, inter Ordinarias, & extraordinarias. Nam 1. Feria Sacra, seu Festa dies ex c. omnes 1. h. tit. incipit à vespere, & durat usque ad vespem, non tantum quoad celebrationem divinorum Officiorum? ut vult Glossa ibid. V. omnes dies Dominicos, sed etiam quoad vacationem ab operibus servilibus, aliisque prohibitis, ut tradit Suarez de dieb. festi lib. 2. cap. 31. num. 6. In Europa tamen, ut cum eodem Suarez, & communi DD. advertit Gonzalez in cap. cit. num. 3. universalis consuetudo, & usus Ecclesiæ jam obtinuit, ut dies festi quoad vacationem ab operibus prohibitis feriantur à media nocte usque ad alterius noctis medium, quæ est integer dies naturalis 24. horarum. Estque hic mos magis rationabilis, ut sic totius Dies Dominicus, vel festus Religiosè observetur. Aliud tamen etiam consuetudine induci potest, quæ proin, cum Legum interpret sit optima, observan- da



da ubique est, ut habetur *c. quoniam 2. h. tit.* & docet ibidem Barbof. *n. 1.*

17 2. Feriæ Messium *l. ut in die 2. C. h. tit.* conceduntur à die 8. Calend. Julii usque ad Calendas Augusti; Vindemiarum autem à die 10. Calend. Sept. usque ad Idus Octobris. Verùm cum in diversis Regionibus ut *num. 8.* monui, citius, aut serius, pro diversitate Climatis, maturentur fruges, non unum his feriis ubique gentium designari tempus potest: hinc videnda cujuslibet loci consuetudo. Feriæ Repentinæ tempus non habent, sed indicere eas Princeps potest, & durationem iis præfigere pro suo arbitrio; nam sicut ex illius arbitrio pendet earum institutio, ita & duratio.

3. Feriæ Nuptiarum antiquo Jure *can. non oportet 10. caus. 33. q. 4.* amplius habebant tempus, quàm novo; nam antiquitus Nuptiæ solennes prohibebantur à Dominica prima Adventus usque ad Epiphaniam, & à Septuagesima usque ad Octavam Paschæ inclusivè, & tribus hebdomadis ante festivitatem S. Joannis Baptistæ, intellige, non immediatè; sed mediatè, videlicet à Dominica Rogationum usque ad Festum SS. Trinitatis exclusivè, ut textum istum interpretatur Fagnan. *in c. 4. h. tit. n. 1.* De Jure novo tamen Trid. *sess. 24. c. 10. de reform. matr.* nuptiæ solemniter, & publicè celebrari solum prohibentur ab Adventu Domini usque ad diem Epiphaniæ, & à feria 4. Cinerum usque ad Octavam Paschæ inclusivè. Ratio, quòd his temporibus prohibebantur nuptiæ, erat, quòd per ea tempora parare se fideles debeant, & soleant ad celebranda Nativitatis, & Redemptionis humanæ Mysteria; solemnitates autem nuptiarum, cum plerumquæ fiant cum strepitu, plurimum devotionem distrahant.

Dixi autem publicè, & solemniter; nam his temporibus matrimonium sine solemnitate potest contrahi etiam in facie Ecclesiæ, i. e. coram Parocho, & testibus, ut *in c. 4. cit.* docent Abb. *n. 2.* & 4. Barbof. *n. 2.* Fagnan. *n. 2.* & hoc teste decisum à S. Congr. Card. Trid. Interpp. Patet ex *c. cit.* ibi: *Licet sit ea Romane Ecclesiæ consuetudo, ut quocunque tempore matrimonium contrahatur, consensu legitimo interveniente de presenti.* Solum igitur hic prohibentur solemnitates. Tales autem sunt 1. Benedictio nuptiarum *can. aliter 1. caus. 30. q. 5. 2.* Convivia nuptialia *can. ne uxorem 11. ibi: Nec convivia facere caus. 33. q. 4. 3.* Traductio sponsæ in domum viri *can. uxorem cit.* ibi: *Nec uxorem ducere, i. e. ad domum, & solemniter;* privata enim, & non sollemnis traductio non est prohibita, ut contra Fagnan. *l. cit. num. 10.* advertit cum communiori Pirh. *hic n. 4. 4.* Copula carnalis, seu consummatio Matrimonii, ut docent communiter Canonistæ, & respondit S. Congregatio Concilii apud Fagnan. *hic n. 11.* etsi contrarium teneat Navar. *Man. c. 22. n. 71. Sanch. l. 7. de Matr. D. 7. numer. 23.* & alii. Unde in praxi utraque sententia erit probabilis.

Quæritur 6. an, & quibus feriis renunciare partes possint? Resp. iterum distinguendo inter ferias. Nam 1. *Feriis sacris* renunciare partes non possunt, ut constat ex *cap. fin. h. tit.* ibi: *consentientibus etiam partibus.* Ratio est, quia solemnitates sacræ sunt in honorem DEI, & boni publici intuitu constitutæ, cui consensus privatorum non debet posse præjudicare. 2. Idem dicendum de *Feriis repentinis, & extraordinariis*, quæ ob publicam causam, aut favorem principaliter instituuntur. Durand. *in specul. tit. de feriis §. ult.* Fagn. *in c. fin. cit. n. 8.* Laym. *l. 4. tract. 6. c. 2. num. 7.* Schamb. *hic num. 26.* & c. Ratio est, quia & istæ feriæ, postquam semel sunt constitutæ, publici Juris sunt; cons. nec ipsæ pactis privatorum tolli possunt. 3. Possunt partes renunciare *Feriis Rusticis*, videlicet Messium, & vindemiarum, & consentire, ut Judicium instituat in his feriis *cap. fin. cit. in fin.* & colligitur ex ratione opposita; nam feræ istæ principaliter constitutæ sunt in favorem litigantium, ut tunc possint incumbere ad colligendas fruges, & ut *vas l. ne quis 1. ff. h. tit.* atqui favori pro se principaliter introducto quilibet renunciare potest *cap. ad Apostolicam 16. de Regular.* igitur etsi durantibus his feriis in Jus venire nemo compelli possit *l. nequis citat.* si tamen partes velint, renunciare huic privilegio feriarum possunt.

Porro circa hanc feriarum renuntiationem tria ulterius sunt advertenda. 1. Renuntiatio hæc fieri potest vel in Judicio, vel extra illud, *c. gr. in instrumento Contra-*

ctus: item fieri potest expressè, vel tacitè, recipiendo videlicet terminum assignatum à Judice, qui est dies feriatus. Pirh. *hic n. 25. 2.* Sententiam, & acta Judicialia his feriis celebrata tenere, si comparere partes ultro, & spontè voluerint; quia non ampliùs obstat tempus feriarum: contra invalida esse contra non comparentem, qui earundem privilegio non renunciavit; quia eodem defendere se contra Judicem, & Adversarium potest. 3. Etsi partes renuntient pro se his feriis rusticis, non ramen Judicem reneri his diebus Jus iisdem dicere, extra casum urgentis necessitatis. Gloss. *fin. in l. 7. C. h. tit.* Sabell. *Summ. §. feria n. 1.* Pirh. *num. 25. cit.* Idem dicendum de testibus; nam nec isti cogi possunt ad veniendum, & testimonium ferendum in his feriis, ut cum iisdem advertit Abb. *in c. fin. cit. n. 12.* Ratio est; quia feræ istæ non solum in favorem litigantium, sed etiam Judicis, & testimonii institutæ sunt. Igitur partes pro se renuntiando his feriis non possunt hac sua renuntiatione aliis præjudicare; res enim inter alios acta aliis non præjudicat *arg. l. id quod nostrum 11. ff. de R. J.*

## §. II.

De Actibus, qui in Feriis Sacris præcipiuntur, vel prohibentur.

## S U M M A R I U M.

- 22 *Præcepto observandi Ferias sacras prohibentur, 1. Opera servilia.*
- 23 *Secundò Mercatus.*
- 24 *Tertio Juramentum, etiam Extrajudiciale.*
- 25 *Quarto Placitum.*
- 26 *Quinto Cause Criminales.*
- 27 28 29 *An eodem præcepto etiam prohibeatur Oblatio Libelli?*
- 30 31 32 33 *Citatio?*
- 34 35 36 *Et hujus insinuatio?*
- 37 38 *An citatio fieri possit in die non feriato ad feriaturum?*
- 39 *Quid si dies à Judice fixa sit dies feriatus?*
- 40 *Cujus loci feria attendenda sint, quando in his actio- ris, Rei, & Judicis Domicilia discrepant?*
- 41 42 43 *An testes examinari possint die festo?*
- 44 *An sententia ferri?*
- 45 *Præsertim Excommunicationis?*
- 46 *An executio ejusdem fieri?*
- 47 *Reus incarcerationi, torqueri?*
- 48 49 50 *Appellatio interponi?*
- 51 52 53 *Causæ excusantes.*

P Ræceptum observandi Ferias sacras, legitimè indi- 22  
ctas, & inductas partim affirmativum, partim neg-  
gativum est. Priori Christi fideles omnes Missam inte-  
gram cum attentione audire tenentur, nisi eisdem excu-  
set impotentia aut physica, aut moralis: de quo vide  
plura apud TT. *Posteriori* prohibentur 1. Opera servilia  
*c. licet 3. h. tit.* ibi: *in his ab omni opere servili cessandum.*  
Excipitur, si causa necessitatis tale opus suscipiatur; nam  
impedimentum, maximè si notorium sit, excusat. Si ta-  
men non pro una tantum, vel altera vice, sed ordina-  
riè, & frequenter talis causa occurreret, tutius, decens,  
atque consuetum est, ut dispensatio petatur à Superio-  
re, ut docet Laym. *l. 4. Theol. tr. 5. c. 4. nu. 2. in fin.* &  
colligitur ex *c. licet cit.* ubi etsi notoria fuerit causa excu-  
sans, tamen petita est dispensatio à Pontifice. Porro  
*Operum servilium* nomine intelligunt DD. quæ ferè com-  
moditati corporis, & in utilitatem ejusdem proximè, &  
immediatè cedunt, & quia ignobiliora sunt, per servos  
regulariter exercentur, ut sunt arare, fabricare, arte-  
facta conficere &c. *Liberalia* contrà, seu *non servilia*,  
quæ diebus festis non prohibentur, dicuntur maximè il-  
la, quæ proximè, & immediatè referuntur ad instruend-  
dam mentem propriam, vel alienam, ut est legere, lo-  
qui, docere, scribere &c. Prioribus plerique DD. accen-  
sent etiam Venationem, ac proinde dicunt, etiam ip-  
sam die festo prohibitam esse; addunt tamen, quoad  
illam huic legi defacto per consuetudinem derogatum  
esse, saltem si sine multis operis, & labore fiat. Suar.  
*c. 28. a nu. 3.* Fagund. *c. 11. num. 16.* Pirh. *hic num. 16.*  
Idem existimant de piscatione in flumine moderata,  
& sine



& sine magno labore ministrantium in illa. *In flumine*, inquam; nam de piscatione in mari, ut advertit Pal. p. 5. n. 9. non est consuetudo, ac proinde, nisi specialis necessitas urgeat, die festo illicita est.

23 2. Mercatus *c. omnes* 1. *h. tit.* Nomine *Mercatus* autem hic veniunt contractus emptionum, venditionum, locationum, conductionum, & similia, præsertim, si publica solemnitate hæc fiant: item publicæ, & solennes nundinæ, quæ certis temporibus bis, vel semel in anno negotiationis causa in certis locis instituuntur, sicut & illæ, quæ singulis hebdomadis certo quodam die fiunt. Suar. l. 2. c. 29. n. 2. Azor. p. 2. l. 1. c. 27. q. 10. Van. Espen. J. E. U. p. 2. tit. 17. c. 4. nu. 11. Pirh. hic n. 18. Schamb. num. 4. Vviest. num. 15. Ubi tamen tria hæc advertenda sunt. 1. Non prohiberi in diebus festis distractiones rerum minoris momenti, aut quæ ad victum quotidianum maximè necessariæ sunt. Laym. l. 4. rr. 6. c. 2. n. 6. dist. 8. 2. Etsi mercatus, contractus, emptio, aut venditio die festo fiat contra prohibitionem Juris, per hoc tamen non fieri invalidum; quia Lex prohibens mercatum illum non irritat. Pirh. n. 21. 3. Magna ex parte huic præcepto per consuetudinem contrariam, consentientibus, & conniventibus Præsidibus Ecclesiæ, derogatum esse; videmus enim passim, & sine scrupulo die festo conducì operarios, celebrari venditiones, & locationes privatas &c. tum in favorem emptoris, qui alio die adesse non potest, tum in gratiam vendentis, qui alio die non posset vendere ob defectum ementium. Præcipuè verò mos hic invaluit in nundinis die festo habendis: neque deficit iusta causa talis permissionis, major sc. commoditas populi, præsertim rusticorum, & pauperum, qui non possunt diebus profectis operas suas deferere. Ita cum cæteris Laym. dist. 8. cit. ubi tamen monet, hanc consuetudinem, quantum fieri potest, moderandam, saltem ut negotiationes, seu nundinationes non fiant ante rem Divinam.

24 3. Juramentum *cap. omnes cit. ibi: Nec Sacramenta*: Proceditque hoc non tantum de Juramento Judiciali; nam hoc sufficienter jam continetur sub nomine *Placiti*, de quo *Num. seq.* sed etiam de Extrajudiciali, nisi excuset necessitas. Suar. c. 30. n. 17. Pal. p. 7. n. 3. Gonzal. in c. cit. n. 12. Barbof. *ibid.* n. 8. Vallenf. *hic* n. 12. Pirh. n. 20. Vviest. n. 16. & colligitur ex *c. omnes cit. ibi: nisi propace*, ubi Juramentum Pacis excipitur, quod Judiciale non est. Igitur reliqua Juramenta, etsi Judicialia non sint, nisi pariter & ipsa excepta sint, in Feriis sacris prohibentur; nam exceptio firmat regulam in casibus non exceptis. Accedit, quia verba *c. cit.* generalia sunt, nec aliam ponunt exceptionem, nisi duplicem hanc, *propace*, sc. *vel alia necessitate*. Igitur in qualibet alia causa, quæcumque illa sit, sive spiritualis, sive temporalis, prohibetur Juramentum fieri in die Festo. Hoc tamen non ita intelligi velim, quasi nullum omnino Juramentum in die festo sit licitum, sed tantum de illis, quibus pacta, & conventiones inter aliquos publicè, & solemniter firmantur. Atque hinc pro Regula servire potest, illa Juramenta in die festo prohibita esse, quæ adduntur contractibus, & negotiis prohibitis eo tempore: unde si aliquis contractus, vel negotium in die festo exerceatur licitè, ut est e. g. Inauguratio Doctorum, etiam Juramentum addi poterit, si quod ibi peti, vel edi soleat; nam accessorium sequitur suum principale.

25 4. Placitum *c. omnes cit.* Venit autem hoc nomine, ut cum aliis Vall. *hic* n. 12. notat, tota causa Judicialis, & forensis tractatio: ut proinprohiberi in die festo *Placitum* sit idem, quod prohiberi Strepitum Judiciale. Suntque Acta Judicii sic facta invalida; quia Lex prohibens illa die festo irritat, ita, ut etiam consentientibus partibus, nec processus habitus, nec sententia teneat, ut dicitur *capit. fin. h. tit. & l. ut in die 2. in fin. C. eod.* Proceditque hoc etiam in Arbitro, si sit verus Arbiter; nam nec coram isto institui Judicium die festo potest, ut expressè habetur *l. omnes 7. in fin. C. h. t.* Ratio est, quia verus Arbiter, sive deinde sit à Judice petitus, sive à partibus spontè electus, procedere debet ad instar Judicis, servato ordine Judiciario. Dixi, *si sit verus Arbiter*; nam si Arbitrator sit, qui non est Judex, sed gerit se tantum ut amicus compositor conciliando pacem inter partes, omni die dicere arbitrium potest; fœdera enim, & similia pacta non sunt prohibita die festo. Similiter die festo non prohibentur actus Extrajudiciales: unde

licitè potest Advocatus informare Judicem die festo. Et ratio est, quia, ut supra dictum est, *c. fin. cit.* solum prohibetur strepitus Judicialis, sive ne formetur Processus, & feratur sententia die festo.

5. Et multo magis die festo prohibentur Causæ criminales, sive deinde agatur ad pœnam mortis, sive ad aliam corporalem, aut etiam pecuniariam *cap. omnes cit. ibi. Neque aliquis ad mortem, vel ad pœnam judicetur*: quod etsi procedat de omnibus actibus Judicialibus, maximè tamen procedit de pœna sanguinis. Atque hic sequitur, sententiam, quæ super hujusmodi causis die feriato pronuntiatur à Judice, non tantum illicitam, sed etiam irritam esse, ut clarè habet *c. fin. cit. in fin.* Excipitur, nisi hoc fiat ex causis infrà referendis num. 51. Hæc satis certa; sequentia magis controversa. Igitur

Quæritur 1. an Libellus die festo offerri Judici possit? *Ratio dubitandi est* 1. Quia die festo conquiscescere debent omnia acta Judicii, ut patet ex textibus *citt.* atqui inter ista *c. quoniam* 11. *de probat.* numerantur etiam *Petitiones*, quæ utique per Libellum fiunt. Ergo &c. 2. Libellus *c. un. de lit. contest.* dicitur *Petitio in Jure proposita*. Atqui Jus die feriato non redditur. 3. *l. omnes 7. & l. fin. princ. & §. Dominicum* 1. *C. h. tit.* prohibetur omnis exactio publicorum, & privatorum debitorum, & statuitur, ut *nulla quemquam urgeat admonitio*. Hoc autem fit per oblationem Libelli, quo actor à Reo suum exigit, & urget debitum. 4. Die feriato idem Libellus à Judice non potest offerri parti, ut communis DD. habet. Ergo nec ab Actore Judici. 5. Judicium latè acceptum jam incipit ab oblatione Libelli. Ergo cum die feriato prohibeantur omnia Acta Judicialia, etiam ipsa erit prohibita.

Sed dicendum, probabilius Libellum die festo posse offerri Judici. Ita contra Abb. in *c. fin. de Judic. n. 17.* & nonnullos alios sentit Gloss. *fin. ibid.* Durand. *specul. tit. de feriis §. 2. nu. 2.* Bartol. in *l. miles* 11. *vers. sexaginta ff. ad leg. Jul. de adult.* Tusch. *7. feria. Concl. 100. n. 10.* Pal. *rr. 9. D. un. p. 7. n. 9.* Fagund. *de præc. Eccl. l. 1. c. 13. n. 21.* Pirh. *hic* n. 27. Schambog. n. 29. Vviest. n. 24. Ratio est, quia oblatio hæc non promanat à Judice, nec autoritate ejusdem fit, sed sola voluntate actoris: unde quia Judicis autoritas non imbibit, actus verè Judicialis non est; conf. die festo permissus, cum nusquam reperitur prohibitus. Conf. ex communi sententia, quam etiam tenent Azor. l. 1. s. 27. q. 11. Fill. *tr. 27. c. 10. n. 183.* Barbof. in *c. 1. h. tit. n. 6.* die festo licet advocatum consulere, cum procuratore de lite privatim agere, apud Judicem totam causam referre, ut ea cognita, sententiam postea commodius ferat; imò etiam Inquisitio, quam Judex ex officio facit, antequam reum suspectum citet, capiat, & incarceret, die festo fieri non prohibetur: quorum omnium ratio est, quia sunt tantum præparatoria Judicii, & licet talis Inquisitio sit actus Jurisdictionis, non tamen Judicialis, qui nullus ante citationem datur. Atqui inter præparatoria Judicii etiam est Libelli oblatio facta Judici. Ergo &c.

Neque obstant Argumenta contraria. *Ad* 1. die festo conquiscescere solum illa Judicii acta debent, quæ imbibunt autoritatem Judicis, & verè talia sunt, non tantum præparatoria ad illud. *Ad* 2. Libellus *c. cit.* dicitur *petitio in Jure proposita*, quia proponitur, & offertur Judici. *Ad* 3. *ll. cit.* illas tantum exactiones, & admonitiones prohibent, quæ fiunt in Judicio, *Petitio*, quæ per Libelli oblationem fit, fit ante Judicium, utpote quod, ut dictum est, solum à citatione incipit. *Ad* 4. disparitas est, quia oblatio Libelli à Judice facta parti præsupponit, aut saltem comitatur citationem, à cujus commissione inchoatur Judicium latius acceptum; contra oblatio ejusdem ab Actore facta Judici citationem antecedit: unde illa actus Judicialis erit, non ista. *Ad* 5. si Judicii nomen accipiat tam amplè, ut includat etiam Judicii præparatoria, includet oblationem Libelli: non tamen propterea hæc prohibebitur fieri die festo; quia, ut supra dictum, eo tempore solum prohibentur actus, qui imbibunt autoritatem Judicis.

Quæritur 2. an Citatio fieri possit die festo? *Certum est*, fieri posse in causis, quæ diebus festis expediri de Jure possunt. In aliis controversant DD. Aliqui cum Pal. *rr. 9. D. un. p. 3. n. 1.* irritam pronuntiant absolutè, si facta sit die feriato, ad quemcumque diem fiat. Alii melius distinguunt inter tres actus, videlicet 1. Mandatum, seu commissionem Judicis de reo ad Judicium vocando. 2. Hu-



ius mandati executionem, five citationis insinuationem reo factam. 3. Istius vi factam processus inchoationem. *Postremam* irritam esse omnes facile concedunt, quod Iudicis cognitionem, & Iudicalem strepitum involvat, sitque actus Iudicialis clare prohibitus *cap. fin. hoc tit. & l. fin. Cod. eod.* verbis sit ille dies à cognitionibus alienus &c. De cæteris duobus actibus procedit quaestio; & hinc

Dub. 1. an die feriato decerni à Iudice possit mandatum de reo citando? Omnes facile concedunt eam commissionem, seu mandatum hoc die fieri non posse à Iudice sedente pro Tribunali; quia est verus actus Iudicialis, & speciem sententiæ interlocutoriae præferr. *Difficultas* est, cum decernitur mandatum hoc à Iudice, pro Tribunali non sedente? Quo in dubio affirmativam tenent Joan. Andr. *in c. fin. hoc tit. n. 3.* Bellamer. *ibid. n. 10.* Fagn. *n. 49. & seqq.* Hiltrop. *p. 2. tit. 36. n. 13.* Gaill. *l. 1. obs. 53. n. 3.* Vall. *hic n. 13.* König *n. 11.* Reiffenstuel *n. 51.* & plures alii apud istos. *Fundantur*; quia mandatum istud, si à Iudice pro Tribunali sedente, & Iudicialiter procedente non emanet, Iudicalem causæ cognitionem non requirit, adeoque non est actus Iudicialis, sed extrajudicialis, nec per se actus contentiosus, sed voluntariæ potius Jurisdictionis. *Conf.* non minus prohibetur Iudex in loco inhabili exercere Jurisdictionem suam, ac prohibetur eam exercere inhabili. Sed in loco inhabili, & extra territorium existens, non obstante, quod ipse ibi exercere Jurisdictionem suam non possit, potest tamen ibi existens illam committere, & delegare alteri exercendam in Territorio suo. Igitur à pari, non obstante, quod Jurisdictionem suam die feriato exercere nequeat; poterit tamen eam committere, & delegare alteri exercendam in die non feriato, & hoc quidem ad totam causam. Si vero ad totam causam; igitur etiam ad actum citationis; nam quod Iuris est de toto, est etiam de parte. *que de tota 56. ff. de R. V.*

Sed his non obstantibus, spectato Iure, & ratione, videtur verior negativa, quam etiam tenent Abb. *in c. fin. hoc tit. n. 20.* Marant. *p. 6. tit. de citat. n. 119.* Suar. *tom. 1. de relig. l. 2. c. 30. n. 4.* Gonz. *in c. fin. cit. n. 7.* Brunnem. *in l. ult. C. hoc tit.* Zoel. *hic n. 13.* Pirh. *n. 28.* & novissime Clariss. P. Schmier *de Iudic. c. 5. n. 38.* estque communior antiquorum. Colligitur ex *l. fin. cit. ibi: sit ille dies à cognitionibus alienus*; non esset autem alienus à cognitionibus, si decerni mandatum de citando posset à Iudice, nam ad decernendum mandatum istud opus est causæ cognitione, non quidem inter partes, sed apud se, & intra se, ut statuere terminum Iudex possit, quo comparere citatus debeat. *Neque obest*, quod decretum hoc, seu mandatum non fiat à Iudice sedente pro Tribunali; nam etsi actus Iudicialis sit ille, qui fit à Iudice sedente pro Tribunali, tamen alii etiam actus Iudiciales esse possunt, qui non fiunt à Iudice pro Tribunali sedente; patet ex doctrina Fagnani, qui etsi in controversia ista Adversarius, *num. 56.* tamen fatetur citationem realem actum Iudicalem esse, etsi non fiat à Iudice sedente pro Tribunali. *Proceditque* hoc, etsi tale mandatum die festo fieret ad diem non feriatum; nam adhuc talis citatio foret invalida, ut DD. *citt.* monent; & ratio est; quia citatio die feriato prohibetur non tantum ratione effectus, sed etiam ratione sui. *Ex quo solvitur*, quod obijci posset, sc. quando effectus est licitus, etiam licitam esse appositionem causæ; quia hæc videtur referri ad tempus, quo imperatur effectus. Respondetur enim, quod principium istud procedat tantum, quando aliquid prohibetur solum ratione effectus, qui certo tempore illicitus est: Addidi autem, *spectato Iure, & ratione*; nam ut Haun. *tom. 5. tr. 3. n. 228.* cum aliis notat, contrarium obtinet de consuetudine, quæ proin, ubi viget, est observanda.

*Argumentum Adversariorum* non urget; nam, dixi, mandatum citationis requirit aliquam causæ cognitionem, quæ etsi pro Tribunali non fiat à Iudice, aut inter partes, verè tamen adhuc Iudicialis est. *Ad Conf.* aliud est delegare alicui potestatem citandi, aliud actu citare; delegari potestas citandi etiam die feriato potest; quia actus Jurisdictionis contentiosæ non est; citare vero die festo Iudex non potest. Consistit autem citatio maxime in Decreto Iudicis de citando à quo

Schmalagrueber Tom. II.

omnem vim suam executio citationis habet, quæ proin executio secundum multos DD. non est actus Iudicialis. Ergo cum citatio actus Iudicialis sit, etiam mandatum de citando talis erit, & conf. non extra territorium proprium, nec die feriato fieri potest.

Dub. 2. an Executio citationis fieri possit in die feriato? 34  
Triplex hic sententia DD. est. *Prima* cum Abb. *in cap. fin. hoc tit. num. 20.* Suar. *cap. 30. cit. num. 5.* Pal. *tr. 9. D. un. p. 7. num. 1.* Fagn. *in cap. cit. num. 53.* Zoel. *hic num. 14.* Reiffenstuel *num. 54.* Clariss. P. Schmier *de Iudic. cap. 5. n. 40.* & aliis apud istos negat, executionem hanc fieri die feriato posse, & pro hac sua sententia adducunt Decisionem Rotæ 365. *n. 7. p. 3.* Colligi videtur ex *l. fin. C. hoc tit. ibi: Praconis horrida vos filescat*; nam vox ista præconis aliud nihil denotat, quam insinuationem, vel denuntiationem citationis factam per nuntium Iudicalem. *Rationem* dant, quia ejusmodi Citationis executio non minus turbat citatum, & à devotione abstrahit, ac alii actus Iudiciales. Igitur non minus, ac cæteri, censeri debet prohibita in die festo.

*Alteram*, & affirmativam defendunt Hiltrop. *p. 2. tit. 36. n. 14.* Gaill. *l. 1. obs. 53. num. 7.* Vallens. *hic num. 13.* Pirh. *num. 29.* Engl. *n. 4.* Schambog. *n. 29.* König *n. 12.* & apud hos Ioan. Andr. Bellamera, & alii; ex quibus testatur Gaillius, sententiæ huic favere Decisionem Rotæ, & addit Bellamera, ita suo tempore communiter servatum fuisse in Curia Romana ubi Auditores Palatii citant per Cursores in quibuscunque Festivitatibus, quantumcunque magnis, videlicet ad dies non feriatos; Adjungit idem Bellamera, idem servare etiam extra Curiam Romanam communiter Apparitores omnium aliarum Curiarum. Nec deest ratio; quia hujusmodi Executio non videtur esse actus Iudicialis, cum non fiat à Iudice, sed à Nuntio, vel per litteras, nec ullam causæ cognitionem requirat, sed nudum factum, seu ministerium contineat. *Conf.* quia executio citationis fieri potest in Ecclesia, ut patet ex *c. cum parati 19. de appellat.* non posset autem in Ecclesia fieri, si esset actus proprie Iudicialis. Ergo &c.

*Tertia* cum P. Vvief. *hic n. 27.* & aliis distinguit inter 36  
eam citationem, quæ fit per manus injectionem, vel publicam proclamationem, & inter eam, quæ insinuat per nuntium, vel per litteras; & prioris quidem executionem ob verba *l. fin. cit.* si die feriato fiat, invalidam esse non difficulter concedunt; posterioris autem validam esse aurumant ob rationes secundæ sententiæ. Hanc sententiam, præscindendo à contraria consuetudine, veram esse existimo. *Præscindendo*, inquam, à contraria consuetudine; in praxi enim iudicio sequendum consilium P. Haunoldi, qui *tom. 5. de I. & I. tr. 3. n. 228.* vult controversiam istam denique pendere à consuetudine locorum, & Tribunalium. Neque contrarium evincunt Argumenta primæ Sententiæ. Ad verba *l. fin. citat.* patet ex modo dictis; dici enim potest ea loqui de Citatione, quæ fit per publicam Proclamationem; nam secreto insinuata citatio non est ita horrida. *Argumentum ex ratione sumptum* nimium probat: probat enim, quod non valeret citatio, si etiam vespere pridie diei feriatæ fieret. nam adhuc inquietudo pro potiori parte refunderetur in diem feriatum. Solum ergo prohibiti esse censendi sunt ii actus, ex quibus non quomodocunque inquietudo sequitur, sed qui ex natura sua avocant à cultu Divino secum impossibili in ea perfectione, quam intendit Ecclesia, & quæ proinde Iudici, tanquam causæ principali, imputaretur. Talis aurem in casu nostro non videtur esse executio citationis per nuntium, aut per litteras; ramparum enim imputari Iudici turbatio inde orta potest, quam parum imputari eidem potest, si reus citatione facta ex animi perturbatione se suspenderet; quia utrumque solum per accidens sequitur.

Dub. 3. an citatio fieri possit in die non feriato ad 37  
diem feriatum? Tres sunt ad dubium istud sententiæ. *Prima* indistincte asserit validam esse hujusmodi citationem. Tribuitur Innocentio *in c. fin. hoc tit.* & aliis quibusdam, juxta quos licet sic citatus non debeat comparere in die feriato, tenebitur tamen vi talis citationis comparere in die sequenti. *Rationem* dant, quia tunc mandatum Iudicis duo præcepta continet, unum, ut citatus compareat, alterum, ut die feriato compareat. Cum igitur utile per inutile vitari non debeat, citatus compa-



rere debeat saltem die sequenti. *Secunda* priori è diametro opposita docet absque distinctione, talem Citationem non valere. Ita Marant. *tit. de citat. n. 120.* Fagnan. *in c. fin. hoc tit. n. 38.* & alii; habetque hæc sententia teste Haun. *tom. 5. rr. 3. n. 225.* tantam probabilitatem, ut si citatus non compareat, non debeat condemnari tanquam contumax. Utitur Fagnanus pro hac sua sententia argumento prorsus; putat enim præceptum hoc Judicis indivisibile esse, quod proinde non potest valere pro parte, & pro parte non valere. *Tertia* cum Abb. *in cap. fin. cit. num. 21.* Azor. *p. 2. l. 1. cap. 27. quest. 16.* Suar. *tom. 1. de res. l. 2. cap. 30. num. 3.* Pal. *D. un. p. 3. n. 2. & 3.* Gaill. *l. 1. obf. 52. n. 2.* Perez. *C. hoc tit. n. 9.* Haun. *rr. 3. cit. n. 224.* Zoef. *h. c. n. 15. & 16.* Pirh. *n. 30.* König *n. 13.* Schamb. *n. 30.* Vviesl. *n. 28.* distinguit inter diverſos tres casus. Nam

38 1. Citatio fieri potest ad diem festum expresse, ut Judex dicat, e. g. *Die Dominica hora 8. matutina compareat reus in Judicio;* & tunc certum est mandatum tale illicitum, nullum, & injustum esse. Ratio est, quia ex Jure habetur, ut ex hæcenus dictis constat, quod diebus feriatis omnis strepitus Judicialis debeat conquiescere, & facere omnis apparitio; igitur illicite, nulliter, & injuste mandatur ejusmodi apparitio. Et hoc ita verum est, ut neque die altero comparere teneatur citatus sine nova citatione; nam actus, qui ipso Jure nullus est, nullum operatur effectum. 2. Fieri Citatio potest sine expressione diei festi ad certum diem mensis, vel hebdomadæ, ut e. g. citatus compareat ad diem 15. Maji, in quem hoc anno 1712. incidit Festum Pentecostes; quo casu valet citatio, & citatus die proximo non feriato in Judicio se debet sistere. Ratio est, quia eo casu Judex censetur tantum velle, ut citatus usque ad terminum, seu finem illius diei adsit, ut altero die mane respondere in Judicio possit *arg. cap. cum dilecti 6. de dol. & consum.* Vel dici potest, quod quando Judex in citatione diem feriatum non expressit specificè, ex intentione Judicis subintelligatur clausula, ut si dies designatus sit feriatum, citatus compareat die proximo non feriato. Et hinc monent DD. cautulam esse pro Judice, ut clausula prædicta expresse addatur in Citationis; & ratio est, quia cum tempus citationis currere primum incipiat à die intimatæ citationis, Judex scire non potest, quo tempore sit intimanda, tum ob locorum distantiam, tum ob nuntiorum in exequendo tarditatem. 3. Citatio fieri potest, ut in ea assignetur terminus intra quem apparere oporteat cum, qui est citatus e. g. intra 20. dies; & eo casu si ultima dies sit festum, aut dies Dominica, adhuc valida est citatio, & citatus de rigore Juris, ut Pal. *loc. cit.* notat, comparere debet ante diem signatam aliqua ex diebus intermediis; hoc ipsum enim, quod Judex eo casu non signaverit diem, signum est, quod diem illum, qui festus est, & quo tempus citationis clauditur, voluerit habere pro termino finitæ dilationis. Putant tamen Suar. & Fagund. eo casu satisfacturum citatum, si comparitionem differat in diem sequentem, & pro hoc allegant usum, & Stylum Judicum; qui, si alicubi est, observari poterit.

39 Dub. 4. quo die comparere debeat, qui citatus est in diem non feriatum, sed impedimentum intervenit, ne comparere tempore statuto possit? Resp. nunc urgere citationem pro die sequenti non impedito; & ratio est, quia per impedimentum subsequens citatio non omnino tollitur, sed suspenditur. Et hinc magna est disparitas inter citationem, quæ expressum Juri errori continet, uti continet, quæ expresse sit ad diem feriatum, & inter citationem, in qua ob subsequens impedimentum non prævisum non potest comparere citatus; nam prima sententia absolutum habet, secunda conditionatum, nempe *Si non est impeditus*; unde si impedimentum non prævisum occurrat, per hoc firmatur alterum membrum disjunctionis subintellectum, scilicet, *Si sis impeditus, venias dies proximo non impedito.*

40 Dub. 5. cujus loci ferie attendendæ sint, quando in iis actoris, Rei, & Judicis domicilia discrepant? Resp. attendendæ sunt ferie loci, ubi fit actus, de cujus valore agitur; nam ubi fit actus, illius loci regulas sequitur. *Atque hinc sequitur* 1. si in eo loco, ubi fit intimatio citationis, sit festum, & consuetudo loci habeat, ut festo die intimatio citationis fieri non possit, actum intimatio-

nis die illo factum fore invalidum. Pal. *rr. 9. D. un. par. 7. num. 4.* & apud hunc Bonac. *D. 5. de 3. præc. Decal. q. un. par. 2. n. 20.* Sequitur 2. si dies, quo Judex decernit, & nuntio committit intimationem citationis, non sit feriatum in loco Judicis, valituram commissionem istam, etsi dies ille sit feriatum in loco citati; contra non valituram, si fiat die feriato in loco Judicis, etsi in loco Rei dies ille non ferietur. Sequitur 3. idem dicendum de cæteris actibus Judicialibus; nam in his non consuetudo loci, ubi alias patres habitant, sed fori, seu loci, in quo exercentur, spectari debet; alias fieri posset, ut actor, vel Reus duplices haberent ferias, videlicet loci Judicis, & Regionis suæ, & sic nimia fieret Judiciorum dilatio.

Quæritur 3. an testes examinari possint in die festo? Sub 4. examinatione testium duæ actiones includunt. *Prima* est interpositio Juramenti; de qua nemini potest dubium esse nec licitam, nec validam esse, si fiat die festo, ut ex *c. omnes 1. h. tit. n. 24.* retuli; prohibetur enim omne Iuramentum, præsertim Judiciale.

Secunda actio est testium depositio; hanc, si Iuramentum testibus remissum, aut die præcedente non feriato ab ipsis præstitum sit, licite, & valide die festo recipi, existimant Durand. *Specul. tit. de feriis §. 2. n. 6.* Azor. *p. 2. l. 1. c. 27. q. 14.* Marant. *p. 6. tit. actorum editio n. 40.* Gonzal. *in c. fin. hoc tit. n. 27.* König *h. c. n. 14.* Consentit ex parte Abb. *in c. 1. hoc tit. n. 9.* ubi tamen si existimet, depositionem testium illicite fieri die festo, quia à Divinis abstrahit, putant, tamen, si fiat, valide fieri. *Fundantur* 1. quia examinatio, & depositio testium, ut à Iuramento distinguitur, non videtur esse actus Judicialis; quia per quemlibet à Iudice deputatum, etiam in loco privato fieri potest. 2. Etiam si Judicialis esset; tamen facta die festo fictione Juris retrahitur ad diem non feriatum præcedentem, in quo eis dilatum est Iuramentum; est enim depositio accessoria Iuramento.

Sed dicendum, spectato Jure communi, probabilius depositionem testium die feriato admitti non posse, Ita Ant. de Butrio *in cap. 1. hoc tit.* Vivian. *ibid. in Ration.* Suar. *lib. 2. de fest. cap. 30. n. 16.* Fagund. *l. 1. de præc. Eccl. cap. 13. num. 16.* Bonac. *de 3. præc. Decal. D. 5. q. un. p. 2. n. 21.* Pal. *rr. 9. D. un. p. 7. n. 6.* Van. Elpen. *J. E. U. p. 2. tit. 7. c. 4. n. 8.* Vall. *h. c. num. 14.* Zoef. *n. 13.* Pirh. *n. 23.* Sannig. *c. 2. n. 5.* Schambog. *n. 32.* Vviesl. *n. 31.* & novissime Rev. P. Schmier *rr. de Iudic. c. 5. n. 46. & seqq.* Excipitur, nisi periculum sit in mors, e. g. quia valetudinarii sunt, aut senes, vel quia diu abstulit &c. tunc enim die festo examinari possunt etiam exacto Iuramento, ut bene notat Durand. *loc. cit.* Ratio responsionis est 1. Quia per hanc depositionem testium firmatur Processus, & continuatur. At *in c. fin. hoc tit.* Pontifex vult litem omnino quiescere, & processum habitum non tenere. Igitur talis depositio erit omnino illicita, nulla, & invalida. 2. Non examinantur testes, nisi renovent Iuramentum ante factum, & sub illius obligatione. Igitur idem est, ac si illud de præsentis præstarent. 3. Testes in die festo cogi non possunt ad respondendum, & testimonium dicendum, ut colligitur ex *l. fin. C. hoc tit. ibi;* *Nulla quemquam urgeat admonitio,* & fatetur Abbas ipsemet *loc. cit.* Ergo eo casu non interrogantur Iuridice à Iudice, sive Iudex tali die jus interrogandi non habet; alias si Iuridice interrogarentur, actus Judicialis esset, quod Adversarii negant.

Neque obstant Argumenta pro Adversariorum sententia supra allata. *Ad 1.* enim negari non potest, quod depositio testium sit actus Judicialis; nam etsi causæ cognitionem non requirat, & propterea non sit stricte dictus actus Judicialis, est tamen actus Judicialis late loquendo; quia fundatur in Iurisdictione Judicis, cum non nisi à Iudiciaria potestate procedere debeat, & præterea plurimum inservit ad Iudicium Processum, & sententiam. Neque obstat, quod depositio testium audiri possit per quemlibet deputatum à Iudice; nam etiam Iuramentum eorum sic potest excipi, qui tamen maner actus Judicialis; sufficit igitur, quod nomine Iudicis, & autoritate ab illo accepta recipiatur. *Ad 2.* retrahit illa examinis, & depositionis testium videtur omnino ficta sine sufficienti fundamento, nec in Jure fundata; quia potius per illum actum confirmatur, & ut supra dixi, quasi repetitur Iuramentum testium prius præstitum, & hinc ejusmodi fictio admittenda non est, præsertim cum multum deroger ob-



servationi Festi. Quod additur ex Abbate; ejusmodi depositionem illicitam quidem esse, non tamen invalidam, sine fundamento dicitur; nam si illicita est, illicita est ideo, quia est actus Judicialis, & pertinet ad Judicii strepitum. Sed hoc modo etiam invalida est; nam Lex Canonica, ut ex *cap. fin. hoc tit.* patet, omnem actum Judicalem, quem prohibet, etiam facit irritum, & nullum.

4 Quæritur 4. an sententia in die feriato à Judice ferri possit? Resp. si sententia requirit cognitionem causæ, & Judicalem strepitum, die feriato fieri non potest; estque hoc verum non solum de sententia in causa criminalli, sed etiam in civili, nec tantum in causa temporalis, sed etiam in spirituali; nam textus *cap. fin. hoc tit.* universaliter loquitur. Secus dicendum de sententia, quæ sit sine Judiciali strepitu, & causæ cognitionem præviā requirit nullam; hæc enim per dicti *cap. fin.* textum nec prohibetur, nec irritatur. Eadem est ratio de actibus Jurisdictionis voluntariæ omnibus, quales sunt emancipare, & manumittere, dispensare, absolvere, indulgentias, & privilegia concedere, contractus approbare, instrumenta conficere, & consignare, adoptare, pupillo tutorem designare, veniam ætatis dare, Magistratum creare, & alia similia, quæ enumerantur *l. eadem 2. ff. hoc tit.* nam isti, & similes actus omnes, qui de plano sine causæ cognitione, saltem Judiciali, exercentur, licite, & valide fieri die festo possunt, ut cum communi docent Hiltrop. *p. 2. tit. 36. n. 12.* Vvesenbec. *ff. hoc tit. n. 5.* Brunnem. *in l. 2. Cod. eod. n. 1. & seqq.* Haun. *tom. 5. tr. 3. n. 214.* Ratio est, quia ea, quæ sunt voluntariæ Jurisdictionis, ad strepitum Judicalem, seu Judicium contentiosum non pertinent; ideoque *in c. fin. cit.* non prohibentur. Addidi autem, qui de plano, & sine causæ cognitione, saltem Judiciali, exercentur; nam alii actus mixti, qui solemnem causæ cognitionem desiderant, qualis est bonorum possessio Decretalis, arrogatio impuberum, unio prolium &c. tantum Juridico die expediri possunt, ut bene notat König *hic n. 10.* & colligitur ex *l. fin. Cod. hoc tit. ibi*; sit ille dies à cognitionibus alienus. Ratio est, quia tales actus mixti assumunt naturam actuum Jurisdictionis contentiosæ ob intervenientem causæ cognitionem.

5 Difficultas moveri potest circa sententiam Excommunicationis, suspensionis, interdicti, an hæc ferri possit in die festo? Negat ferri posse An. de Butr. *in cap. fin. cit.* motus textu *l. fin. Cod. eod.* ubi mandatur, ut omnis vox Judicis sileat; non silet autem, cum fertur sententia supradictarum Censurarum. Ergo &c. Sed reiinenda est affirmativa sententia, quam etiam cum communi defendunt Suar. *l. 2. de fest. cap. 30. num. 9.* Azor *p. 2. l. 1. c. 23. q. 13.* Laym. *l. 4. tr. 6. c. 1. n. 8.* Pal. *tr. 9. D. un. r. 7. n. 11.* Pirh. *hic n. 33.* Schambog. *n. 22.* Vviest. *num. 37.* Ratio est, quia Censuram ferre adversus contumacem non tam est procedere, & judicare, quam veluti Legem ferre, aut præceptum imponere, præsertim cum Excommunicatio sit pœna medicinalis, & ad bonum animæ ordinetur. Ad sextam in contrarium allegatum dico, dum ibi mandatur, ut omnis vox Judicis sileat, intelligendum de voce, quæ propriè est Judicis judicanis, & strepitum Judicalem exposular.

6 Quæritur 5. an executio sententiæ Judicialis fieri possit in die festo? Affirmat Abb. *in c. fin. hoc tit. n. 13. & cap. fin. de Judic. n. 22.* cui consentiunt alii apud Tusch. *V. feria concl. 100. n. 6.* Rationem dant, quia non est actus Judicialis, siquidem prolata sententia, Judex jam functus est suo officio, & quæ postea sequuntur, non tam ad Judicem, quam ad ejus Ministros pertinent.

Sed melius Felin. *in c. fin. de Judic. n. 13.* Suar. *l. 2. c. 30. num. 11.* Fagund. *l. 1. cap. 13. n. 23.* Pal. *tr. 9. D. un. p. 7. n. 12.* Van Espen. *J. E. U. p. 2. tit. 17. c. 4. n. 7.* Vvagner. *in cap. fin. cit. not. 2.* Pirh. *hic n. 33.* Schamb. *n. 32.* Vviest. *num. 37.* pronuntiant ejusmodi executionem die festo factam non solum illicitam, sed etiam invalidam esse, ac propterea, si fieri id potest, revocandam. Sumitur ex *l. fin. Cod. hoc tit. ibi*; Ut à cunctis executionibus excusetur. Ratio est, quia etsi executio non sit actus propriè Judicialis, pertinet tamen ad complementum Processus Judicialis, & sine magno strepitu expediri non potest, præsertim si sit in causa criminali, ubi plerumque major populi distractio, & perturbatio oriri solet, quam ex ullo alio actu.

Schmalzgrueber Tom. II.

Ex eadem ratione, qua executio, prohibetur etiam, ne 47 capiatur, vel incarceration reus in die festo, ut ex communi docet Farin. *prax. crim. l. 1. q. 27. nu. 106.* Zoef. *hic n. 20.* Pith. *n. 33.* & colligitur ex *l. fin. Cod. hoc tit.* Estque perinde, si sit debitum Civile, siue Crimen, ob quod incarcerationem decrevit Iudex. Excipitur solum, si periculum sit in mora e. g. quia timetur, ne reus se fuga subducatur. Multo minus extra casus infra excipiendos licet die festo maleficos tormentis subicere; prout patet ex *cap. omnes 1. hoc tit.* ubi habetur, ne die festo aliquis ad mortem, vel ad pœnam judicetur; unde si commodè possit, in alium diem differri tortura debet. Neque obstat *l. Provinciarum 10. C. hoc tit.* ubi Imperatores, Provinciarum Præsides, inquirunt, moneantur, ut in questionibus latronum --- nec venerabilem Paschæ diem existiment excipiendum, ne differatur sceleratorum predictio consiliorum, quæ per latronum tormenta quærenda est; nam ut verba ultima clatè indicant, Lex ista solum procedit, cum periculum est in mora; & etsi sensum absolutum haberet, ramen in re hac, quæ observationem dierum festorum in Dei honorem institutorum spectat, magis ex Iure Canonico, quam Civili controversia est decidenda.

Quæritur 6. an Appellatio interponi possit in die festo? 48 Hanc extra casum necessitatis, quo videlicet Ius appellandi propter elapsum decennium evanesceret, invalide interponi existimat Zoef. *hic num. 18.* & novissimè R. P. Schmier *de Judic. c. 5. n. 56. & seqq.* Suarez *cap. 30. citat. num. 13.* & Reginald. *l. 19. prax. n. 45. vers. quinta questio*, de licentia illius dubitant, & propterea in praxi ejus dilationem in diem non feriatum suadent. Ratio dubitandi est multiplex. 1. Quia nullo Iure habetur, quod licita, & valida sit Appellatio Judicialis in die festo. Igitur absque fundamento admittitur. 2. Ad appellandum Iura concedunt 10. dies, inter quos moraliter loquendo plures profecti sunt; igitur non videtur esse necessitas interponendi Appellationem in die festo. 3. Cum proponitur Appellatio, Iudex cognoscere debet, an iusta sit, atque legitima. Atqui causæ cognitio ad strepitum Judicalem pertinet. 4. Appellatio Judicialis est pars processus, sed Processus habitus die festo non tenet. Ergo nec Appellatio. 5. Interpositio Appellationis fit coram Iudice, facit initium novæ controversiæ, Iudicio, & instantiæ, suspendit Iurisdictionem in Iudice. à quo; & firmat illam in Iudice ad quem. Igitur ad strepitum Judicalem pertinet. 6. Prosequi appellationem in die festo illicitum est ex *l. quoniam 1. Cod. hoc tit.* ergo à fortiori illam statuere.

Sed non obstantibus his fundamentis, dico probabilius 49 appellationem fieri licitè in die festo. Ita Gloss. *in cap. fin. vers. quibus utique hoc tit.* Abb. *ibid. num. 13.* Fagnan. *num. 21.* Vvagnereck *not. 3.* Brunnem. *in l. 1. C. hoc tit. in fin.* Hiltrop. *p. 2. tit. 36. n. 15.* Gaill. *l. 1. obs. 53. n. 11.* Pal. *tr. 9. D. un. p. 7. n. 14.* Haun. *tom. 5. tr. 3. n. 214.* Sabell. *summ. §. feria n. 3.* Vall. *hic n. 15.* Pirh. *nu. 34.* König *n. 15.* Sannig *c. 2. n. 5.* & Palao teste communis DD. Ratio est, quia Appellatio non est actus Judicialis; neque enim est exercitium Jurisdictionis, cum non à Iudice, sed à parte, & sine strepitu fiat, perque eam à Iudicio recedatur. Deinde etsi Judicialis esset, tamen videtur esse permisa, eo quod pertineat ad defensionem propriam, quæ cuivis Iure naturali, & quovis tempore est permisa.

Rationes in contrarium allatæ non multum urgent. 50 Ad 1. etsi Iure scripto non habeatur, quod die festo sit licita Appellatio, habetur tamen ejus licentia ex consuetudine, & communi DD. sententia, quæ Legem scriptam interpretatur. Ad 2. sæpe aliunde potest esse moralis necessitas interponendi Appellationem in die festo e. g. quia, qui appellare debet, absens est, aut quia pauper, aut quia aliunde cogitur ad appellandum die festo. Ad 3. cognitio, quæ requiritur ad concedendam Appellationem, ut ipsa Appellatio, honestati potest ob defensionem jure naturæ concessam; & etsi ipsa esset prohibita, provocatio tamen propterea non prohibetur. Ad 4. ex hoc, quod prohibeatur, & annulletur Processus Judicialis, non sequitur, quod prohibeatur, & annulletur omnis illius pars, sed tantum, quod illa, quæ auctoritatem Iudicis imbibit; hæc autem non imbibit Appellatio. Ergo &c. Ad 5. N. Consequent, Ratio est, quia sit sine strepitu Appellatio,



& est a defensione propria: Ad 6. prosecutio Appellationis non potest fieri sine strepitu Judiciali, neque adeo necessaria est, ut Appellatio.

- 51 Quæritur 7. quæ sit causa excusans, ut in diebus feriatis actus Judiciales exerceri possint? Resp. *cap. fin. hoc tit.* duo excipiuntur casus, necessitatis nempe, & pietatis; quibus casibus si causæ die feriato tractentur, siue deinde Civiles illæ sint, siue Criminales, siue spirituales, siue temporales, licet, & validè tractari possunt. *Proceditque* hoc non tantum in feriis profanis, sed etiam in Sacris, quamvis ut in feriis sacris agitari causæ Judiciales possint, major, & gravior requiratur causa, quam in profanis, & in profanis, quæ ob publicam causam principaliter institutæ sunt, major, quam in feriis rusticis. In particulari

- 52 *Ex causa necessitatis* die feriato Judicia tractari possunt. 1. Si res, vel actio tempore sit peritura *c. fin. vers. verum de Judic. l. ne quis 1. & duabus seqq. ff. h. tit. Laym. l. 4. tract. 6. cap. 2. num. 7. Sabell. §. feria num. 2. Schamb. n. 18. hic Vviesl. n. 19.* 2. Quando debitor suspectus est de fuga, dilapidatione, vel deterioratione rei, super qua est conveniendus. Sequitur ex præcedente, & cum *citt.* docet Vviesl. *suprà*. 3. Si partes litigantes, ut plerumque pauperes, & rustici homines, aliis diebus sine notabili incommodo comparere, aut in Iudicium vocari nequeant. Navar. *Man. cap. 13. num. 13. Suar. cap. 30. num. 18. Sabell. n. 3. cum aliis suprà*. 4. Si contra latrones sit procedendum, & periculum sit in mora *l. Provinciarum 10. C. homic. ubi ratio additur: Ne sceleratorum differatur prodictio consiliorum*. 5. Si delinquentem propter atrocitatem criminis ad exemplum, & terrorem aliorum in magno populi assuentis concursu plecti publicè interesset. Suar. *num. 19. Fagnan. in cap. fin. citat. n. 13. &c.* juxta quos ita alicubi contra latrones, & contra Hæreticos proceditur in Italia. 6. Cum periculum est damni publici, aut privati, spiritualis, aut corporalis; tunc enim ad amoliendum hoc damnum permittitur Iudicium institui die festo. Pirh. & alii *suprà*; & ratio est, quia huiusmodi damnum imponit necessitatem moralem; necessitas autem Legem non habet *c. consilium 2. in fin. de observ. jejun.*

- 53 *Ex causa pietatis, & misericordie* festis diebus expediri possunt 1. causæ alimentorum, carceratorum, pupillorum, viduarum, pauperum, & miserabilium personarum; quia in operibus misericordie dierum distinctio non est habenda. Gloss. *in cap. fin. cit. V. pietas*. 2. Quando alioquin, si differretur causæ cognitio, pia causa pateretur incommodum; quia summa est ratio, quæ pro religione facit *l. sunt persone 43. fin. ff. de Relig. & sampt. furer*. 3. Cum hoc exigat pietas, & observantia erga Patriam. Suar. *n. 20. Pirh. loc. cit.* 4. Si causa sit matrimonialis, & periculum incontinentiæ, nisi diebus feriatis iudicaretur de valore Matrimonii, & impedimentis illius. Haun. *tom. 5. tr. 3. n. 218.* 5. Quolibet die feriato expediri possunt, quæ pertinent ad pacem, & concordiam *can. decrevit 17. caus. 22. q. 5. ibi: Nisi de concordia, & pacificatione*; Unde eodem tempore etiam transactiones, & pacta fieri possunt.

## TITULUS X.

### De Ordine Cognitionum.

## SUMMARIUM.

- 1 Ratio Rubricæ datur.
- 2 Prius cognoscendum de causa, à qua pendet altera.
- 3 Et præjudicialis.
- 4 Item major præ minori.
- 5 Exceptio Peremptoria, & Dilatoriæ præ causa principali.
- 6 Et hæc quidem terminanda per sententiam.
- 7 Ad illam sententia opus non est.
- 8 9 10 11 Quid si causa principalis & incidens ad Forum diversum spectant?
- 12 13 14 An Iudex Laicus incidenter cognoscere possit de questione facti in causa spirituali?
- 15 16 17 18 Quid Juris, si reus conventus contra actorem opponat actionem, vel exceptionem Spolii?

1 POST litem contestatam, & Juramentum Calumniæ præstitum, datasque, & lapsas Dilationes, quæ

Reo ad responsionem parandam concessæ sunt, ulterius proceditur; & quidem si Reus, lapsis Dilationibus, non compareat, nec respondeat, ob hujus contumaciam Actor mittitur in possessionem bonorum Rei; si vero compareat, & respondeat, utrinque ad probationes pergitur. Quia vero, antequam Reus petitioni Actoris respondeat, ipse vicissim nonnunquam solet aliquam questionem proponere vel per modum actionis, vel quod frequentius est, per modum exceptionis, hinc sæpe contingit, ut duæ, aut plures etiam questiones in eodem Iudicio decidendæ offerantur Iudici. Unde præsentī Titulo dispiciendum, quo ordine de his causis cognitio institui, & sententia ferri debeat, ne præposterus ordo confusionem pariat, & hæc Iudicium, ne rite fieri possit, impediat. Est igitur *Ordo Cognitionum*, seu *Judiciorum* nihil aliud, quam Ordo servandus à Iudice in examine plurium questionum, quæ in eodem Iudicio concurrunt inter easdem personas. Ut rite hic observetur, ponuntur sequentes Regulæ.

*Regula I.* & universalis est, quotiescunque de duabus 2 causis, in eodem Iudicio propositis, una pendet ex alia, primò cognosci, & pronunciari debet super causa, à qua dependet altera; & hoc verum est, siue ab eodem, siue à diversis, siue agendo, siue excipiendo proponatur. Sumitur ex *l. si quis 5. §. si vel parens 8. ff. de agnosc. & alend. liber. l. fundum 16. & duabus seqq. ff. de except. & docent Brunnem. C. homic. num. 1. Vall. nu. 1. hic. Fermosin. in Rubr. ibid. n. 39. Engl. n. 1. Vviesl. n. 2.* & communiter cæteri. Proceditque hoc, siue questio illi ad alteram sit præparatoria, ut est causa possessionis ad causam proprietatis; ostendit enim, quis commodis possessionis gaudeat, & cui onus proprietatem probandi incumbat; siue actionem actoris impediat, ut est exceptio Excommunicationis à Reo objecta actori; facit enim eundem ad agendum inhabilem, si rite probetur Exceptio; siue denique reum ab uno Iudicio ad aliud transferat, ut cum Reus petraclus ad Iudicem sæcularem excipit se esse Clericum; facit enim, ut de eo cognoscere Iudex Laicus nequeat. Unde si hoc contingat, & in idem Iudicium tales actiones incidunt, prius discutienda est causa possessionis, ut constet, cui onus probandi proprietatem incumbat; prius Exceptio Excommunicationis actori opposita, ut constet, num agere in Iudicio possit; prius questio Clericatus, ut pateat, an Iudex sæcularis respectu Rei sit competens.

*Regula II.* Si questio præjudicialis incidat in aliqua 3 causa, de illa prius est cognoscendum, & interim supersedendum in causa principali, donec illa fuerit terminata. Gloss. *in c. tuam 3. hoc tit. V. dependentem*, Vivian. *ibid. in Rational. Fermos. q. 2. n. 2. & seqq. Fagn. n. 12. Gonzal. n. 13. Henr. Canis. n. 2. Jordan. n. 41. Vall. n. 2. Zoef. n. 3. Pirh. n. 18. Sannig. e. 2. n. 3.* Dicitur autem, ut bene Farin. *prax. crim. q. 100. num. 78. & seqq.* notat, una causa præjudicare alteri, à qua hæc altera ita dependet, ut si feratur sententia in una, pariat exceptionem rei iudicatæ in altera, & jus actoris tollat, vel illum ab agendo repellat. *Ratio Regulæ* est; quia sententia lata super causa præjudiciali ostendit, quid in principali pronuntiari debeat; unde ordo naturæ petit, ut quæ viam ster- nit ad aliam, expediatur prius. *Proceditque* hoc, etsi altera sit prius mota, & major; & verum est, siue incidat Civilis, quæ sit præjudicialis Civili, ut si petenti hæreditatem objiciatur, quod non sit legitimus *cap. latr 5. qui filii legit.* Siue incidat Civilis, quæ præjudicet Causæ Criminali *can. fin. ca. 13. q. 11.* Siue incidat questio Criminalis, quæ sit præjudicialis Civili, ut si petens hæreditatem ex Testamento, accusetur, quod testatorem compulerit, ut eum hæredem instituerit, ut *l. civili 1. ff. si quis aliq. test. prohib.* Siue denum incidat questio criminalis, quæ præjudicet criminali, ut si servus dominum suum de capitali crimine accusaverit &c. His enim casibus cognoscendum est prius de questione incidente, & hujus fieri decisio debet, ut hic Gloss. & AA. *citt.*

*Regula III.* Causa major in cognitione minori præferenda est, nisi ista præjudicialis sit, juxta rextum, & rationem *l. per minorem 54. ff. de Judic.* ubi Paulus, *Per minorem*, inquit, causam majori cognitioni præjudicium fieri non oportet; major enim questio minorem causam ad se trahit. Sic 1. causa spiritualis præcedit temporalem



arg. c. quod in dubiis 3. de consecr. Eccl. vel. Altar. quia dignior, quam ista est. 2. Causa Criminali præcedit causam Civilem l. fin. C. de ordin. Judic. quia Criminaliter regulariter majoris est periculi, & præjudicii. 3. Causa proprietatis procedit causam servitutis; & hinc si fundum Cornelianum petas, & simul eidem fundo servitutem itineris per alterius vicini fundum asseras, discuti prius de proprietate fundi, quam de servitute debebit; quia servitutem fundo non potest asserere, qui dominus fundi non est l. fundum 16. ff. de exception. l. de servitutibus 2. §. hæc autem 1. ff. si servit. vind. 4. Possessorium potius est petitorio, ut dicitur infra Tit. 12. Neque obstat, etiam si agatur de crimine l. prius 1. C. de appellat. Ratio est, quia plus periculi in possessione est; possessor enim legitimus, dum interim agitur de crimine, in sui detrimentum careret re, cujus possessionem præterdit, & periculum esset, ne ad manus venirent patres possessionis obtinendæ causa propter ejusdem commoda. 5. Denique si ambæ causæ sint ejusdem rationis, ambæ principales, ambæ civiles, ambæ quoad se æquales, præferenda, quæ primo proposita est; quia hæc eo ipso sit Jure prior l. qui prior 29. & ibi Gloss. ff. de Judic.

**Regula IV.** Si opponatur Exceptio Peremptoria, vel Dilatoria, prius discutienda est Exceptio, quam causa Principalis, cum discrimine tamen; quia si dilatoria sit, non solum prius cognosci, sed etiam decidi, & definiti debet, antequam ad causam principalem tractandam procedatur; at quando est Peremptoria, non est necesse, ut causa exceptionis discussa, super eadem feratur sententia. Regula hæc tria continet membra. *Primum*, quod de Exceptione Peremptoria prius sit discutiendum, colligitur ex c. intelleximus 1. h. tit. ubi, cum mulier quædam aliquem tanquam maritum suum sibi dari peteret, & ille timens, ne per testium depositiones convinceretur, exceptionem consanguinitatis opposuisset, Clemens III. statuit, prius de Exceptione cognoscendum, quam procedatur ad definitivam sententiam; est autem Exceptio consanguinitatis respectu petitionis dictæ mulieris Exceptio peremptoria; quia si probetur, ipso Jure mulieris hujus actionem, seu petitionem excludit. Ergo &c. *Ratio est*, quia ex Peremptoria Exceptione apparebit, quomodo sit formanda sententia; optime igitur cognitio illius præmittitur; imo si secus faceret Judex, & probationes causæ principalis reciperet, non discussa causa Exceptionis, frustra hoc faceret; quia probationes super causa principali hoc ipso cadunt, quando reus Exceptionem suam probavit. Multo minus pronuntiari super causa principali potest, causa exceptionis non discussa: sic enim pronuntiando manifesto periculo erroris sese committeret Judex; fieri enim posset, ut discussa dein Exceptione, appareret recte excepisse reum, & sic Judex cogeretur revocare sententiam à se datam: quod cum juxta l. sub specie 4. C. de re Judicat. grave sit, justius, & commodius videtur prius discuti Exceptionem Peremptoriam, quam illa admissa, & probata, hanc revocari; melius enim est in tempore occurrere, quam post vulneratam causam remedium querere l. fin. C. in quib. caus. in integr. restit. necess. non est. Neque obstat c. causam 16. de offic. deleg. c. accedens 4. vers. mandamus Ut lit. non contest. c. ex conquestione 10. & c. litteras 13. de restit. spoliat. quibus textibus, non obstante exceptione, proceditur in causa principali; nam ut cum communi advertit Vviesl. hic n. 9. in casibus istorum textuum intentatum fuit possessorium recuperandæ, sive redintegrandi matrimonii, cujus jam consummati possessione alter conjugum spoliatus fuerat; unde eo ad conjugis sui restitutionem agente, iste, exceptione Consanguinitatis non obstante, restitui eidem debebat vi Regulæ, quod spoliatus ante omnia restituendus sit. At in casu c. 1. cit. non possessorium, sed petitorium intentatum fuit; quia mulier non tanquam spoliata ad mariti exceptionem agebat, sed eum, à quo nec cognita, neque in domum traducta fuit, propter contractum cum ipso Matrimonium vindicando sibi adjudicari petebat, ut ex verbis peteret quendam in virum desumunt Abb. ibid. n. 3. alique Interpretes.

*Alterum*, quod si opponatur Exceptio Dilatoria, non solum prius cognosci, sed etiam decidi, & definiti debeat, antequam ad causam principalem tractandam procedatur, cum communi docent Bartol. in l. 1.

Schmalzgrueber Tom. II.

C. de Ordin. Judic. n. 7. Abb. inc. 1. cit. n. 11. Laym. ibid. n. 5. Gonz. n. 15. Fagn. n. 16. & 23. Vall. hic n. 3. Pirh. n. 3. Eng! n. 3. & statuitur l. à procedente 4. C. de d. lat. l. quoniam 26. C. ad leg. Jul. de adul. Tales sunt Exceptio latæ sententiæ, Juramenti, Transactionis, per quam opponitur litem ab actore intentatam jam finitam esse, ideoque ulterius super ea procedi non posse; item quod Judex, vel actor sit Excommunicatus. *Ratio hujus membri responsionis est*; quia si Judex vellet procedere etiam super causa principali, in tali processu involverentur contraria; nam vi Exceptionis non est procedendum, Judex vero procedendo faceret oppositum. Igitur prius est pronuntiandum super Exceptione expresse, vel tacite, & ipso facto exercendo actum contrarium, quod sufficit, ut notat Fermosin. in cap. 1. citat. q. 1. numer. 17.

*Tertium* denique, quod discussa causa exceptionis 7 Peremptoriæ, non sit necesse, ut super eadem feratur sententia, magis est controversum; videtur enim contrarium inferri à paritate cum Exceptione litis per sententiam, Juramentum, Transactionem finitæ &c. super qua, ut n. præc. dictum est, prius est pronuntiandum. *Conf. ex l. de quare* 74. ff. de Judic. ubi decernitur, ut de qua re cognoverit Judex, de ea etiam cogatur pronuntiare. Sed standum est assertioni data, quam etiam defendunt Abb. in c. 1. hoc tit. n. 11. Fagn. ibid. à n. 68. Brunnem. C. hoc tit. n. 11. & seqq. Honor. hic n. 10. Schamb. n. 3. Vviesl. n. 11. & statuitur l. adite 1. C. de Ordin. Judic. ibi; *Quoniam non de ea* (incidenter Status, & præjudiciali quæstione) *sed de hereditate* (principaliter in Judicium deducta) *pronuntiat*. Ratio est, quia pronuntiatio super causa principali jam in se includit pronuntiationem tacitam super incidenti Peremptoria Exceptione c. suborta 21. vers. nim. de sent. & re judic. ut adeo pronuntiatio super causa exceptionis, posita sententia super causa principali, esset frustranea. *Excipitur* Casus, quo quæstio incidens coram uno, & quæstio principalis coram alio Judice ventilatur; tunc enim prius ab illo pronuntiandum est de quæstione incidente, quam alter pronuntiet de causâ principali c. per tuam 3. hoc tit. c. lator 5. quis fil. legit. & cum communi notant P. Vviesl. hic n. 13. P. Schmier de Judic. c. 6. n. 23. alii. *Ad Argumentum contrarium* nego paritatem; nam Exceptio Peremptoria concernit ipsum factum, sive causam principaliter in Judicium deductam, Exceptio Dilatoria autem proponitur ad impediendum processum; unde mirum non est hanc decidendam, ut processus super principali institui possit. *Ad Conf.* id solum procedit, quando naturæ, seu qualitas exceptionis in Judicium deductæ sententiæ pronuntiationem postulat, non vero, si tacite, & virtualiter includitur in sententia ferenda super causa principali.

**Regula V.** Si in causam principalem incidat quæstio, 8 de qua Judex causæ principalis principaliter non potest cognoscere, videndum est, an solum non possit de ea principaliter cognoscere, quia est incompetens respectu causæ incidentis, an quia est incapax Jurisdictionis in illo genere causæ. *Si primum*, Judex causæ principalis, non obstante incompetencia, cognoscere de causa incidente potest l. quoties 3. C. de Judic. l. adite 1. C. de ord. Judic. ubi Judex hereditatis cognoscit incidenter de causa status, licet de illa principaliter non possit cognoscere: & habetur pro generali regula apud DD. Ratio est, quia causa incidens connexa est cum principali; causæ connexæ autem, si aliud nihil obstat, ab uno, eodemque Judice tractandæ sunt juxta dicta superius Tit. 1. n. 72. *Si secundum*, Judex causæ principalis supersedere interea debet in cognitione de causa principali, donec quæstio incidens definiatur ab eo Judice, ad quem de Jure pertinet. *Ratio disparitatis* cum hoc, & præcedenti membro est; quia Incompetencia tantum Jurisdictionem restringit Judici ad certum genus causarum, nec impedimentum ponit in persona; Incapacitas vero Jurisdictionem ipsi omnino denegat, & in persona ejusdem impedimentum ponit; ut proinde mirum non sit, quod incidentia Jurisdictionem Incompetentis extendat, non vero Incapacis. Ex quo

*Sequitur* 1. Si quæstio incidat proprie pertinens ad Forum Ecclesiasticum, ex cujus decisione quæstio principalis pendet, Judicem sæcularem non debere prius cognoscere



de causa principali, aut illam definire; quam questio illa incidens à Iudice Ecclesiastico decisa fuerit. Sumitur ex *c. lator* 5. *c. causam* 7. *qui filii legit.* & præcipue ex *c. tuam* 3. *hoc tit.* ubi Regina Cypri petebat hereditatem Campaniæ, tanquam proxima Consanguinea mortui Comitis, & cum ipsi objectus fuit defectus natalium, Pontifex Honorius III. rescripsit ad Philippum Regem Galliarum, ut si forte dicta Regina pro successione in memorato Comitatu coram ipso questionem proponeret, eandem ipse non audiret, nec cognosceret, donec questio natalium, ex qua causa successionis penderet, à se fuerit terminata. Causa decisionis est, quia questio natalium in hoc casu est questio Spiritualis, & ad Forum Ecclesiasticum pertinens; pender enim à legitimitate Matrimonii; quia objectum huic Regine fuit quod illegitime fuerit prognata, eo quod matrimonium parentum ejus ob impedimentum dirimens invalidum fuerit. Ex hoc ergo *cap.* & decisione Pontificis argumentum ducitur ad omnes alias causas spirituales, & quæ proprie ad forum Ecclesiasticum spectant, & universim dicitur, quod Iudex secularis, si in causa principali, de qua cognoscit causa ejusmodi spiritualis incidat, cognoscere de illa non possit, sed expectare decisionem Iudicis Ecclesiastici debeat, & deinde causam principalem protequi. Quod cognoscere de illa non possit, clarum est; quia Iudex Laicus respectu causæ proprie spiritualis non solum incompetens est, sed etiam incapax vel Jure Divino, ut quidam volunt, vel Ecclesiastico saltem, ut alii, sed fundato in ratione perpetua, ut proinde incapacitatem hanc incidentia non possit tollere. Quod vero expectare debeat, ex priori consequitur; nam exceptio hæc peremptoria est. Igitur prius cognosci de illa debet, quam de causa principali, cujus est peremptoria; cum autem ipse cognoscere de illa nequeat, iuperest, ut expectet, dum à Iudice proprio, i. e. Ecclesiastico sit definitiva. Et hoc verum est, etsi pars excipiens non appellaverit; nam ipso Jure pendentia causæ spiritualis incidens suspendit Jurisdictionem Iudicis secularis super causa principali. Fagnanus *in c. 3. cit. n. 19.* Unde calus iste specialis est, in quo aliter, quam per appellationem, suspenditur Jurisdictio.

10 *Sequitur* 2. Si in causam, quæ coram Iudice seculari principaliter agitur, incidat causa per accidens tantum spiritualis; posse Iudicem secularem cognoscere etiam de causa incidente. Abb. *in c. tuam cit. n. 9.* Fagn. *ibid. n. 33. & 34.* Laym. *n. 3.* Pirh. *n. 17.* Sunt enim duplicis generis causæ spirituales; aliæ per se, & ex objecto suo ut matrimonii, electionis, & consimiles, vel spirituali annexæ, ut Jus Patronatus &c. aliæ contra suam naturam, & ex objecto suo sunt profanæ, & per accidens solum ratione partis litigantis, vel personarum possidentium Ecclesiasticæ sunt, & ad forum Ecclesiasticum spectant. De prioribus procedit *Corollarium primum*, de posterioribus *secundum*; quia respectu priorum Iudex secularis incapax, respectu posteriorum tantum incompetens est. Et hinc si Clericus agat contra Laicum coram Iudice seculari, & incidat questio de solvendis ab actore expensis, Iudex secularis etiam cognoscere poterit de expensis solvendis; item si reus à Clerico conventus excipiat, quod actor ius sit filius, & cons. conveniri ab ipso de Jure non possit, de exceptione cognosceret etiam Iudex Laicus, apud quem causa principalis est instituta &c. quorum omnium ratio est, quia causæ istæ ex objecto, & natura sua profanæ sunt.

11 *Sequitur* 3. Si causam, quæ principaliter agitur coram Iudice Ecclesiastico, incidat causa temporalis alias examinanda coram Iudice Laico, de hac ratione incidentiæ posse cognoscere Iudicem Ecclesiasticum. *Ratio est*, quia Iudex Ecclesiasticus Jurisdictionis secularis non est incapax, sed tantum incompetens, quæ incompetencia per incidentiam tollitur.

*Sequitur* 4. Si in Iudicium de hæreditate incidat causa status, & adversus petentem hæreditatem Adversarius excipiat, & dicat, eum non esse liberum, aut legitimum, Iudicem hæreditatis incidenter posse cognoscere etiam de causa status, licet de illa non possit cognoscere principaliter ob rationem jam datam. Et idem de similibus casibus.

12 Dubium est, an si questio incidens ad Iudicium Ecclesiasticum quidem pertineat, sed facti duntaxat sit, huiusmodi questionis, & facti cognitio competere Iudici Se-

culari possit? Negant Bald. *in l. quoties* 3. *C. de Judic. n. 3.* Ioan. Andr. *in c. 3. hoc tit. n. 7.* Abb. *ibid. n. 10.* Fagn. *an. 41.* Fachin. *l. 1. contr. c. 44.* Barbof. *de Offic. Episc. alleg. 54. n. 31.* & alii apud istos. Movetur 1. *c. tuam* 3. *hoc tit.* ubi natalium questio foro Ecclesiastico adstruitur indistincte. 2. *c. per tuas* 12. *qui fil. legit.* ubi questio de inito matrimonio, quæ facti est, Iudicio Ecclesiastico definita est. 3. *c. si Juxta* 12. *de sent. excom. in 6.* ubi statuitur controversiam, de Rei apprehensi Clericali motam, remittendam esse ad Curiam Ecclesiasticam. 4. *c. ut inquisitionis* 18. *vers. prohibemus de Hæret. in 6.* ubi potestas secularis de Hæreseos crimine quoquo modo, ac proinde etiam, cum de facto queritur, cognoscere prohibetur. 5. *Ratione*; quia questio facti ita connexa est cum questione Iuris, ut ab ista separari nequeat, cum ex facto Ius oriarur. Igitur cum causæ connexæ deferendæ sint ad eum Iudicem, qui de utraque potest cognoscere, questio facti deferri debet ad Iudicem Ecclesiasticum, qui solus cognoscere de Iuris questione potest.

Sed dicendum, si questio talis sit mere facti, & reus 13 conventus sit Laicus, est fori mixti, cons. cognoscere de ea etiam Iudex secularis potest. Ita Felin. *in c. 8. de for. competente n. 1.* Menoch. *remed. recuper. 15. n. 338.* Steph. Gratian. *Dis. for. c. 238. n. 12.* Farin. *prax. crim. q. 8. n. 25.* Sanch. *l. 8. de matr. D. 54. n. 4.* Zypæus *de Jurisd. Eccl. & Civil. l. 1. c. 39. n. 3.* Sperell. *Decis. 8. n. 55.* Delben. *de Immunit. c. 5. dub. 14. §. 4. n. 16.* Oliva *for. Eccl. p. 1. q. 8. n. 15.* Vviest. *hic n. 17.* & plures alii apud istos. Colligitur ex *c. licet* 2. *de Iurejur. in 6.* ubi Iudici seculari permittitur cognoscere, an Iuramentum actui adjectum sit, licet de illius valore ob spiritualitatem ipsius non possit cognoscere. *Ratio est*, quia Iudex cognoscens de re spirituali, aur spirituali annexa, quatenus in mero facto consistit, abstrahit ab omni spiritualitate; ac proin nulla est ratio, cur Iudex secularis excludatur à facti talis cognitione.

Neque obstant Argumenta opposita. *Ad* 1. ibi fuit 14 rata questio de valore matrimonii, cons. non mere facti. *Ad* 2. ibi refertur, quod factum fuit, non autem dicitur, quod ita necessarii debuerit fieri. *Ad* 3. & 4. ideo de Clericatu, & Hæresi, etiam quando facti questio de iis est, prohibetur cognoscere Iudex secularis; quia questionem Iuris fere semper admixtam habent. *Ad* 5. etsi ex facti qualitate pronuntiatio de Iure alicui competente pendeat, non tamen per hoc questio facti inseparabilis sit à questione Iuris, quasi illa sine ista decidi nequeat.

15 *Regula VI.* In causa Spolii, si reus contra actorem spoliante spoliacionem opponat per modum Exceptionis; & causa talis sit, in qua admittitur Exceptio Spolii, prius audiendus est reus super Exceptione Spolii, & ea probata, non cogitur respondere actoti, nisi prius restitatur. Ita Vivian. *in c. cum dilectus* 2. *hoc tit. n. 1.* Fermosin. *ibid. q. 2. n. 4.* Laym. *n. 1. & 2.* Gonzal. *n. 19.* Barbof. *n. 1.* Henr. Canis. *n. 2.* Vallens. *n. 5.* Honor. *n. 3.* Pirh. *n. 6.* Sannig. *c. 2. n. 4.* Vviest. *n. 22.* & ita statutum est *c. cum dilectus cit.* Ratio est, quia Exceptio Spolii dilatoria est; est autem Ordo Iudiciarius, ut Dilatoriæ Exceptiones proponantur ante litis contestationem, ut *Tit. 25.* dicitur infra. Igitur antequam reus teneatur actori respondere super petitis in Libello, erit ipse reus super spoliacione audiendus. Proceditque hoc, etiam si actor re alia spoliatum se quæreretur ab ipso reo; quia quando Actor, & Reus hærent in eadem causa, vel delicto, favorabilior est Reus, quam Actor *l. favorabiliores* 125. *ff. de R. J.*

16 Dixi 1. si spoliacionem opponat per modum Exceptionis, nam si per modum Actionis, & Reconventionis illam opponat, cum eo casu dux sint causæ principales, nempe Conventio; & Reconventio, utraque causa simul tractati, & terminari debent, ut supra dictum est *Tit. 4. de mut. petit. & loc. cit.* docent Fermosin. *n. 7.* Gonzal. *n. 13.* Barbof. *n. 4.* aliique ex relatis. *Disparitas est cum casu regulæ*, quia si per modum Actionis opponat Exceptionem spolii reus, ex reo fit actor, & sic causa ipsius non amplius est favorabilior, ut prius cognosci debeat.

17 Dixi 2. non cogitur respondere, nisi prius restituatur; ubi nota discrimen alterum inter spoliacionem pro-



positam per modum actionis, & inter eandem propositam per modum exceptionis; Si primo modo proposita sit, Iudex, probata spoliatione, condemnare actorem ad restituendum debet; si secundo, solum repellere ab agendo, donec restituat. Ita Vivian. in c. cum dilectus cit. Fermos. *ibid.* q. 1. n. 7. Laym. n. 2. Honor. n. 2. Schamb. n. 6. Vviesl. n. 24. & 25. & sumitur clare ex c. cit. *vers. verum*. Ratio est, quia Iudex officium suum partibus imperriri, & pronuntiare debet secundum modum factæ ab iis propositionis c. *qualiter* 24. de accusat. c. *licet*. 31. de Simon. ibi; Ut iuxta formam Judicii sententia dicatur. Atqui reus opponens exceptionem spolii contra actorem, & intentionem actoris solum petit repellere actorem, non consequi rem, hic enim finis est exceptionis, quæ solum est actionis exclusio. Igitur si exceptionem suam probaverit reus, id solum debet consequi, ut actor repellatur ab agendo, donec restituerit; restituere autem tunc solum cogetur sub conditione, si actionem suam prosequi velit. Aliud dicendum, si reus spoliationem proposuit per modum actionis; tunc enim absolute restituendus est, licet non probaverit se dominum rei esse, at suo loco dicitur; non tamen repellit agentem; quia finis actionis est consequi, non repellere. Abb. in c. cit. n. 7. Laym. n. 2. Vall. n. 6.

Dixi 3. si causa talis sit, in qua admittatur exceptio spolii; nam si exceptio spolii non admittitur, nihil operabitur opposita. unde pergendum erit in cognitione causæ principalis. Plures autem ejusmodi casus, in quibus exceptio spolii non admittitur, recensent Abb. Laym. Pirh. alique DD. 1. Si periculum sit in mora, quod causa dilationem non patiatur, ut si agitur de reficiendo parietedomus, quæ ruinam minatur. 2. si officium Judicis imploratur, nulla instituta actione contra Adversarium, ut si petitur, ut electus confirmetur; nam cum exceptio spolii solum competat reo ad excludendam actionem, consequenter, ubi nulla est actio, locum etiam non habet exceptio. 3. Si causa, sive factum sit notorium; nam exceptio spoliationis, ut dictum est, dilatoria est, & objicitur ad impediendum processum Judicii; in notoriis autem non est necesse, ut observetur processus Judicarius, sed potest statim ad condemnationem, & executionem procedi *can. de manifesta* 17. *caus.* 2. q. 1. nisi etiam spoliatio sit notoria; tunc enim spoliatus non potest compelli ad satisfaciendum, nisi prius restituatur. 4. In causa matrimoniali, & aliis spiritualibus, vel quasi contra agentem non admittitur exceptio spoliationis rerum privatarum c. *frequens* 1. §. *fin. de restit. spoliat.* in 6. 5. Casum addit Abb. quando spoliatus convenitur ex obligatione, vel promissione Juramento firmata. Sed hoc solum procedit, quando ex circumstantiis appareat Juramentum voluisse renunciare beneficio exceptionis; nam si simpliciter solum promisit solvere, & postea spoliatus fuit à creditore, & conveniatur super debito, non tenebitur solvere, nisi prius discutiatur quæstio spoliationis, & restitutio fiat. Et hoc verum est, etiam si promissionem debitor Juramento firmaverit; nam Juramentum intelligi debet secundum naturam, & conditionem actus, cui adjungitur, nec imponit promissioni novam obligationem, sed priorem auget solum, seu intendit.

## TITULUS XI.

## De Plus Petitionibus.

## SUMMARIUM.

- 1 Definitio Plus Petitionis.
- 2 3 4 5 Modi quatuor.
- 6 7 8 9 Explicantur.
- 10 An sibi noceat, qui petit minus debito?
- 11 Pœna plus petentium Jure Civili.
- 12 Jure Canonico.
- 13 Quomodo duplicatio temporis intelligi debeat?
- 14 Quomodo puniatur plus negans?
- 15 Modi evitandi pœnam plus petentium.
- 16 Causa petendi ante tempus, & in diverso loco.
- 17 Quid operetur penitentia post litem contestatam?

Inter incidentes Quæstiones, & Exceptiones, quæ Actori ante, vel post litem contestationem obijci Schmalzgrueber Tom. II.

possunt, etiam est, quod ille plus petat, quam sibi debeatur. Hinc Titulo de Ordine Cognitionum Titulus de Plus Petitionibus subiungitur. Definiri autem Plus Petitio potest, quod sit inordinata petitio Actoris, aliquid ultra debitum à Reo apud Judicem exigentis.

Quæritur 1. quor. modis plus petetur? Resp. quatuor 2 modi plus petendi enumerantur c. *un. hoc tit.* & §. *siquis agens* 33. *vers. plus autem Inst. de Action.* videtur plus causa, plus re, plus loco, & plus tempore.

Causa plus petere dicitur, quando quis certum quid in specie, vel individuo à debitore petit, quod is in genere solum, vel alternative, seu disjunctive promisit. e. g. si equum promisit, & creditor petit Bucephalum, vel si Bucephalum promisit dare, aut pecuniam, alter determinate petat pecuniam §. *siquis agens cit. vers. hinc autem*, & ibi Harprecht n. 18. Schneidevv. n. 6. Manz. n. 31. Ratio est, quia in debitis ex contractu indeterminatis, & alternativis electio est debitoris *vers. hinc autem cit. l. plerumque 10. ff. de Jur. dot. l. si in emptione 31. §. si emptio 6. ff. de contrah. empt. l. arbitraria 2. §. Scævola 3. ff. de eo, quod certo loco &c.*

Re, seu quantitate plus petitur, si cum debeantur 3 quinque autem, alter petit decem, aut cum ad eum res spectet solum quoad partem, alter illam petat rotam, vel quoad majorem illius partem §. *cit. V. re.* Vivian. in c. *un. hoc tit.* Sichard. C. in Rubr. *eod. n. 5.* Harprecht n. 17. Schneidevv. n. 1. Manz. n. 20. Vviesl. n. 2. Konig n. 5. ubi addit, majorem partem hic intelligendam esse non tam respectu rei, cujus est pars quam respectu debiti; ideoque si alicui sexta rei alicujus pars debeatur, ille vero quartam petat, jam plus petere dicitur, cum quarta pars sit major sexta, licet minor sit ratione rei totius. Porro Re plus petens à petente plus causa differt in isto; quia is, qui plus re petit, agit ad id, quod in obligationem non est deductum; in alternativis autem debitis ambo quidem sunt in obligatione, sed ita, ut quemadmodum supra dictum est, in electione debitoris sit, quam rem dare velit. Schneidevv. *loc. cit. n. 7.*

Loco plus petitur, cum quis alibi convenitur, quam 4 ubi conventum erat, ut debitum solveretur, v.g. stipulatus quis est sibi dari Augustæ, ille vero sine justa causa, purè, & non faciendo mentionem loci, in quo sibi dari stipulatus est, illud dari sibi petit Francofurti §. *cit. V. loco*, & *loc. cit.* Vivian. Sichard. n. 3. Harprecht n. 20. Schneid. n. 4. Manz. n. 20. Vviesl. n. 4. Ratio, cur plus petere hic dicatur, insinuat *vers. cit.* quia aufert debitori utilitatem, quam forte haberet, si in loco convento petetur solutio.

Tempore plus petitur, cum ante diem, vel ante conditionem pactioni, sed promissioni adjectam petitur, quod promissum est, ut si quis promisit 100. tibi solvendo ad proximas Calendas Septembris, & tu illos petas tibi solvi hodie; vel si quis promisit tibi 50. aureos, si Imperator Turcam vicerit, & tu petas illos ante eventum conditionis; nam uterque, & is, qui ante diem, & is, qui ante conditionis eventum petit, præmature, adeoque plus tempore petit §. *cit. vers. tempore*, & *loc. cit.* Sichard. n. 3. Harprecht n. 18. Schneidevv. n. 2. Manz. n. 15. Vviesl. n. 3. Ratio est, quia dies solutionis pars obligationis est, non tecus, ac summa ipsa l. *qua quisque* 1. §. *editiones 2. ff. de edend.* & hinc, ut Imperator *vers. cit.* loquitur, quæ ratione, qui tardius solvit, quamolvere deberet, minusolvere intelligitur, eadem ratione, qui præmature petit, plus petere videtur.

Addunt aliqui quantum plus petitionis modum, nempe Qualitate, seu Æstimatione, quando quis petit rem ejusdem speciei meliorem. Sed hæc plus petitio comprehenditur sub ea, quæ sit plus causa, ut recte advertit Pirh. *hic n. 9.*

Quæritur 2. quousque prohibitum sit, extante debito indeterminato, vel disjunctivo, certum petere? Resp. prohibitionem hanc extendi ad omnem casum, in quo electio est penes debitorem. Et hoc est verum, etsi ex duobus disjunctive debitis id, quod vilius, & minus est, petatur; nihilominus enim plus petere dicitur; quia sæpe accidit, ut promissori sit facilius illudolvere, quod majoris est pretii, ut dicitur §. *cit. vers. quin etiam*, & docet ibidem Manz. n. 37. & seqq. Gonzal. in c. *un. hoc tit. n. 13.* Vall. *hic n. 1.* Jordan. n. 6. Pirh. n. 2. Konig. n. 7. cum communi.

Excipitur 1. nisi verba executionis dirigantur ad creditorem



ditorem, ita, ut ex iisdem verbis appareat, quod huic sit data optio, ut si quis dicat: *Do tibi facultatem hunc, vel illum equum accipiendi, unum, vel duo plaustra lignorum in silva cedendi &c.* nam huiusmodi disjunctio censetur adjecta in favorem promissarii. Molin. *rr. 2. de l. & l. D. 270. num. 5.* Laym. *in c. un. hoc tit. n. 3.* Pirh. *hic n. 2.*

*Excipitur 2.* si ante impletam promissionem unum eorum, quæ disjunctivè alter promissit è duobus petierit; tunc enim, si in mora, vel culpa fuit promissor, tenetur dare alterum e.g. ex equis promissis supersitem; si verò in mora, vel culpa non fuit, vel ad equum supersitem, vel ad æstimationem ejusdem tenebitur *l. Suchum 95. §. quod si 1. ff. de solution. l. cum res 47. §. sed & si Strichus 3. ff. de Legat. 1. l. arbitraria 2. §. Scavola 3. ff. de eo, quod cert. loc. & ibi Gloss. V. solum junct. Gloss. marg. Molin. loc. citat. num. 4. Layman num. 4. Pirh. num. 2.* Intellige, nisi creditor permissu, & consensu debitoris elegerit unum ex disjunctivè promissis e.g. equis; nam si tunc moriatur equus, quem creditor elegit, & debitor non sit in culpa, ad nihil tenetur, nec ad equum, nec ad pretium, ut *loc. cit.* monet Laym. *num. 3.* Molin. Pirh. Ratio est, quia quando res casu perit, ejus damno perit, cui in specie debetur.

*7* Quæritur 3. an etiam si plus dicatur re petere, qui petit fundum cum fructibus, domum cum pensionibus &c. si hi fructus, pensiones &c. non debeantur? Resp. negativè. Schneidev. *in §. cit. V. plus autem n. 1.* Harprecht *num. 17.* Scyamb. *hic num. 3.* Ratio est, quia in plus petitione attenditur solum principale debitum, non etiam id, quod accessorie petitur. *Conf. à parit;* is, qui agit actione Hypothecaria, totam Hypothecam persequitur, & ita plus regulariter, quam sibi debetur: quod tamen facit citra pœnam; quia causa actionis id permittit. Ergo idem dicendum etiam in calu proposito. *Neque obstat,* quòd videatur esse paritas rationis cum plus petente re; quia pœnæ non sunt extendendæ *l. interpretatione 42. ff. de pœnis.*

*8* Quæritur 4. quomodo dici possit plus petere, qui ante tempus petit? *Ratio dubitandi* est, quia si petat, quod sibi promissum, & debitum est, nec amplius exigit, non apparet, unde plus exigit. *Conf. à paritate;* nam qui ante tempus dat, non plus dat, & qui ante tempus solvit, non plus solvit. Ergo nec, qui ante tempus petit, plus petit. *Sed dicendum,* eatenus cum plus petere, quatenus debitorem privati commoditate ulterius differendi solutionem, quæ dilatio, & differendi facultas cum pieno æstimabilis sit, idcirco sic petens merito plus petentium accenietur numero. Hin cadit *Ratio dubitandi* allata in contrarium. *Ad Conf.* Conditionem indebiti non habet, qui ante tempus solvit, quia emolumentis ex re diutius servata ultro se abdicavit: qui autem petit ante tempus, cogere vult debitorem, ut emolumentis illis se abdicet.

*9* Quæritur 5. quomodo plus petere dici possit, qui ante eventum conditionis petit, quod sibi sub conditione promissum est? Videtur non plus debito petere. 1. Quia qui plus petit, malè petit, non verò nihil agit *l. verum 4. ff. de compensat. sed qui ante conditionem petit, non malè petit, sed nihil agit l. pecuniam 36. ff. de reb. credit. & l. un. §. fin. ff. quando dies usus fruct.* ergo non potest dici plus petere. 2. Ei, cui sub conditione aliquid promissum est, & ante eventum conditionis nihil debetur; quia ante eventum ejus nondum orta est obligatio *l. cedere diem 213. ff. de V. S.* ergo non potest dici petere plus debito, cum petat prorsus indebitum, & sic petitio illius sit omnino nulla. 3. Qui petit 20. ex stipulatione, si stipulatio facta non sit, non punitur pœna plus petentium; quia nihil illi debetur. Ergo etiam ante eventum conditionis petens hac pœna puniti non potest. *Sed dicendum* etiam hunc plus debito petere; quia petit absolute, quod sibi debitum fuit solummodo conditionate. Schneidev. *in §. cit. vers. plus autem n. 3.* Harprecht *ibid. n. 19.* Neque contrarium probant rationes allatæ. *Ad 1.* ibi innuitur discrimen inter utramque petitionem; nam ex eo, quod in diem debetur, actio statim nascitur *§. omnis 2. Instit. de V. O.* sed non statim institui potest: unde qui ante tempus petit, non male agit, sed male petit. Quod verò sub conditione promittitur, non statim debetur, sed spes est debitum iri; & hinc qui ante eventum conditionis petit, non malè petit, sed malè agit, cum ipsi nondum

competat in rem actio? *Ad 2.* hoc ipso, quod ante eventum conditionis petens, quod sibi sub conditione promissum erat, in debitum petat, plus delinquit, quam is, qui ante diem petit; unde cum petens ante diem puniatur pœna plus petentium, rationi consentaneum est, ut etiam puniatur alter; sufficit enim, quod de facto plus petierit. *Ad 3.* is, cui nihil promissum est, si petat quidpiam, à pœna plus petentium immunis est, non quasi rectè fecerit, sed idcirco, quod nihil Juris ex contractu, ex quo petit, habeat, quod amittere potuit. At vero is, cui sub conditione facta est promissio, jus aliquod etiam ante conditionis eventum habet; quod jus in eo positum est, quod promissor invitatus etiam sibi obligetur, si conditio extiterit; hoc jus itaque ille ante eventum conditionis agendo amittit.

Quæritur 6. an sibi noceat, & præjudicet creditor, si per errorem minus petat, quam ipsi debetur? Videri posset, quod sic; nam assertio Libellantis nocet Libellanti, & proficit reo *arg. l. cum precum 9. Cod. de liberal. caus.* adeo, ut si quis in Libello aliquid ponat, quod contra se faciat, stetur assertioni contra Libellantem in favorem Rei Schneidev. *in §. si minus 34. Instit. de action. n. 3.* ergo hoc ipso, qui minus petit, videtur reliquum remittere. *Conf.* quia sibi aliquis imputare debet, quare non melius consideraverit; actor enim rem debet diligenter explorare, & certus esse de Jure suo, & tunc demum ad agendum procedere. *Reg. 42. ff.* Sed respondendum est negative. Ita Barbof. *in c. un. hoc tit. n. 15.* Vvesenbec. *C. cod. n. 6.* Schneidev. *in §. si minus cit. n. 2.* Harprecht *ibid. n. 1.* Manz. *n. 4.* Haun. *tom. 5. de J. & J. tr. 3. n. 274.* König *hic n. 2.* Patet ex *l. Zenonis 2. §. qui autem 1. C. hoc tit.* & præcipue ea *§. si minus cit. ibi; si minus in intentione sua complexus fuerit Actor, quam ad eum pertineat --- sine periculo agit; in reliquum enim nihilominus Judex adversarium in eodem Judicio ei condemnat,* intellige, ad instantiam Actoris advertentis se minus petisse. Et sufficit ad hoc, ut Judex illi, quod debitum est ei adjudicet, si tacite illud, & implicite petat, vel in Libello addendo clausulam salutarem, vel in probationibus, dum qui minus expressit, tales revera probationes exhibet, quibus majus debitum probetur, quam quod expresserat. Ratio est, quia est error facti, qui excusationem præstare debet, cum is prudentissimus etiam & optimos quoque possit fallere, ut dicitur *§. 33. cit.* Ob eandem rationem non præjudicat sibi Actor, si per similiter inculpabilem errorem aliud pro alio petat; quod etiam deciditur *§. si quis aliud 35. Instit. de action.* ubi permittitur ei errorem suum corrigere, cognita veritate in eodem Judicio. Imò si quis non malitiosè, sed justo errore ductus plus petit, non ei nocebit error ob datam rationem, & colligitur etiam ex *l. omnis 1. vers. tunc vero C. h. tit.* ubi requiritur, ut plus petens manifestè convictus sit per avaritiam deliquisse. Ad rationem dubitandi, & hujus confirmationem dico, assertionem libellantis nocere libellanti, nisi error invenisset; nam hic, si probabilis sit, excusat à damno, & culpa.

Quæritur 7. quæ sit pœna plus petentium? Resp. olim pœna plus petentium fuit, ut causa caderent, litæque una cum toto debito perderent; nec facile restituebantur in integrum, nisi vel ratione ætatis, vel justis erroris excusationem haberent *§. si quis agens 32. Instit. de action. & ibi Harprecht num. 26.* Vviesl. *hic num. 6.* Verum hic rigor Jure novo sublatus est, excepto unico casu expresso *l. fin. C. hoc tit.* videlicet si quis super majore, quam ipsi debebatur, quantitate per dolum malum cautionem obligatoriam exgiat, & ita non revocans, quod actum est, nec transigens litem sit contestatus; hic enim, ut *loc. cit.* præcipitur, toto debito carere debet; quia, ut ibidem dicitur, *odiosa contrahentium calliditates sunt amputandæ,* & geminans delictum pœnæ mitigationem non meretur. Harprecht *nu. 28.* Vviesl. *nu. 7.* In cæteris casibus plus petens per Jus novum Civile causa non cadit, sed si quid amplius tempore petat, ut statuit Zenon Imp. & approbavit Justinianus, in pœnam amittit sumptus litis, & insuper inducias debitori duplicare jubetur *l. Zenonis 2. C. hoc tit.* qui vero plus causa, re, vel loco petit, præter damnum, quod sua petitione reo, seu debitori intulit, & refarcire tenetur, insuper pendere debet triplum ejus, quod ob majorem quantitatem libellis conventionis comprehensam viatoribus, i. e. executoribus sportularum, seu mercedis, & salarii nomine præstan-



præstandum fuit §. triplici 24. & §. si quis agens cit. vers. sed hæc quidem Inst. de action.

Quæritur 8. an hæc tripli pœna locum etiam habeat de Jure Canonico? Affirmat Gloss. in c. un. hoc tit. V. amplius. Sed verius eam c. cit. sublatam docent Abb. ibid. n. 9. Gonzal. n. 14. Gilcken C. eod. n. 8. Vall. hic n. 5. Pirh. n. 8. Schamb. n. 7. Konig n. 10. Sannig. c. 2. n. 2. Vviest. n. 12. Ratio est, quia hæc pœna in c. cit. non exprimitur. Accedit, quia in §. triplici cit. agitur de expensis factis nomine sportularum, per quas intelligitur pecunia, quæ impenditur in Judicem, nuntios, & executores Judicii; in foro autem Ecclesiastico hæc sportulæ non præstantur c. cum ab omni 16. de Vir. & honest. Cleric. Unde hoc Jure pœna plus petentium solum erit quæ c. un. cit. comprehenditur, nempe qui re plus perunt, aut causa, Adversariis condemnantur in expensas; qui loco plus petunt debitori obligantur ad interesse, quia utilitas eidem adimitur, quam haberet, si statuto loco solvisset; ei vero, à quo tempore plus peritum est, induciæ duplicantur, neque is litem suscipere cogitur nisi ei solvantur expensæ; quod etiam in foro sæculari ex consuetudine Curiarum defacto observari monent loc. cit. Abb. n. 9. Manz. n. 48. Vviest. n. 13. Imo in foro isto ne quidem induciæ duplicari Reo convento, sed hunc solum ab observatione Judicii absolvi, & actorem tempore plus petentem, reservato lute agendi debito tempore, in expensas illius instantiæ condemnari loc. cit. advertit Gilcken, & Magnif. D. Christoph. de Chlingensperg Inst. de action. q. 98.

Quæritur 9. quomodo duplicatio temporis intelligi debeat in eo, qui plus tempore petit? Bartol. in l. justas C. de Jur. fisc. Abb. inc. un. hoc tit. n. 14. Gonzal. ibid. n. 14. Harprecht in §. 33. Instit. de action. n. 26. Manz. ibid. n. 44. & seqq. Zoef. C. hoc tit. q. un. Schamb. hic n. 10. & alii cit. apud Fermosin. hoc tit. q. 2. n. 1. judicant contra petentem plus tempore induciæ duplicandas non in omni, sed tantum in reliquo temporis, quatenus sc. ab actore præventum est; adeoque volunt hi AA. ut si v. g. conventum est, ut debitor intra annum solvat, creditor autem petit post decem menses, & ita duobus mensibus ante statutum terminum, tantum duplicentur duo menses, & addantur alii duo; quod probant arg. l. aut diminum 8. §. quisquis 8. ff. de pœnis, ubi dicitur, quod duplicatio pœnæ damni ad interallum tantum fieri debeat ad tempus, quod superest, cum fugit ab opere, ne sc. puniatur reus, ultra quam deliquit. Communis tamen sententia, eaque verior habet, integras induciæ duplicari debere; adeoque in casu dato non solum quatuor menses, sed annus integer reo indulgeri debet à Judice ad solvendum creditori. Ita Joan. Andr. hic Zas. ibid. n. 2. Bellamer. n. 5. Imol. n. 4. Laym. n. 5. Zanger. de exception. p. 2. c. 11. n. 11. Schneidevv. in §. 33. cit. vers. sed hæc quidem n. 3. Pirh. hoc tit. n. 9. Engl. n. 3. Sannig c. 2. n. 3. & alii. Colligi videtur clare ex §. temporales 10. vers. hodie autem de Except. ubi dicitur, quod induciæ quas ipse actor sponte indulerit, vel quas natura actionis continent, si contempserit, in duplum habeantur, quia talem injuriam passi sunt. Neque obstat textus §. quisquis cit. quia is loquitur de pœna corporali, quæ semper est minuenda l. quid ergo 13. §. pœna 7. ff. de his, qui notant. infam. l. interpretatione 42. ff. de exception. hic autem sermo est de pœna temporali in debitoris favorem statuta ad reprimendam plus petentium importunitatem; unde cum Rei causa semper sit favorabilior in Judicio, à corporali pœna ad istam argumentatio non procedit.

Quæritur 10. an reus plus negans puniatur pœnis, quibus actor plus petens? Resp. cum distinctione; vel enim actor non petit plus, quam ipsi debetur aut petit plus. Si actor non plus, sed justam quantitatem sibi debitam petit, & hanc reus negat, in expensis venit puniendus, sicut actor plus petens; quia negans verum debitum est in mora, & conf. ad expensas merito condemnatur pro compensatione damni injuste dati. Si actor plus petit, quam sibi debetur, iterum distinguendum est; Aut enim reus plus negans excedit tantum, quantum actor plus petens, aut non excedit. Si reus negando tantum excedit, quantum actor petendo, compensationi locus erit, & hæc delicta compensatione tollentur; conf. casu, quo actor petit 20. à reo, qui tantum debet 10. & reus respondet se nihil debere, uterque pro rata in expensis erit condemnandus. At si reus negando non ex-

cedit tantum, quantum actor petendo, reus plus negans non est puniendus. Neque valet argumentum à paritate; nam Constitutio, quæ plus petentibus pœnam statuit, hoc ipso, quia pœnalis est, ob paritatem rationis ab actore ad reum extendi non debet. Vide Manz. in §. 33. Inst. de action. n. 62. & alios ibidem.

Quæritur 11. quomodo pœna plus petentium evitari possit? Resp. plures sunt causæ excusantes. Et 1. quidem si actor plus petens sit minor 25. annis; huic enim, sicut in aliis causis, in quibus læsus est, ita etiam in hac succurritur per restitutionem in integrum §. si quis agens 33. cit. nisi tamen ex dolo plus petierit l. in criminibus 1. & l. seq. C. si advers. delict. Schneidevv. in §. cit. n. 3. Harprecht n. 5. Manz. n. 4. 2. Si non per dolum, sed per probabilem ignorantiam actor etiam majorennis plus petit l. pen. C. ad Leg. Falcid. Schneidevv. n. 8. Harpr. n. 11. Manz. n. 8. & tribus seqq. Unde, ut bene notat Fermosin. hic q. 3. n. 4. ad incurrendam pœnam plus petentium opus est, ut actor plus debito per dolum petierit, qui etiam exprobanibus liquere debet. 3. Si in Libello adjecta sit clausula, Salvo jure superflui, vel alia similis. Fermosin. loc. cit. n. 3. Schneid. n. 1. Manz. n. 65. Vviest. n. 14. intellige, nisi accedat dolus; tunc enim clausula hæc prodesse non potest, cum fraus neminem tutari debeat. 4. Si facti pœnitens à plus petitione antelitis contestationem recedat, ut colligitur ex l. fin. C. hoc tit. & c. un. eod. ubi dicitur, quod puniatur importunitas plus petentium, si super petitione sua duxerint in Judicio persistendum. Suffragatur etiam ratio, quia talis vere non petit, sed petere voluit arg. l. amplius 15. ff. rem ratam haberi. 5. Si reus induciarum duplicationem non petat, & plus petitionis exceptionem non opponat. Mynsing. in §. si quis cit. vers. & si quidem n. 4. Manz. ibid. n. 52. Vviest. n. 16. quia Juris beneficia non prosunt, nisi petantur. 6. Si justa sit causa, ut ante tempus, vel alio loco petatur, quod alias debetur. Sed de hoc ulterius.

Quæritur 12. quænam sit justa causa petendi ante tempus, vel alio loco? Resp. justa causa ante tempus petendi dicitur esse, si debitor de fuga suspectus sit; tunc enim peti potest, ut cautio interponatur; si pater bona dissiper; tunc enim filii petere possunt, sibi assignetur legitima, etiam vivente patre, si matris vergat ad inopiam; tunc enim dos repeti potest, etiam constante Matrimonio; si possessor Majoratum ad alium transferre velit; tunc enim, qui jus habet succedendi in Majoratu, petere potest, ut declaretur morte possidentis eundem ad se pertinere, hoc etiamnum vivo. Similiter petere debitum de futuro potest creditor, si eidem adjunctum sit debitum de præsentis, ut cum Legatum annuum quis habet, nam hic uno Libello petere potest, ut singulis annis ei solvatur, nec cogatur singulis annis agere. In alio loco, quam conventum sit, solutio peti potest, si debitor in loco constituto nunquam reperitur, aut non facile conveniri potest; nam si hoc non posset, facile creditor frustraretur intentione sua, quippe cum debitor vel data opera, vel ob causam necessitatis nunquam pervenire posset ad locum destinatum solutioni; satisigitur erit eo casu, si debitori creditor satisfaciat de interesse eo, quod cogitur alibi solvere. Abb. inc. un. hoc tit. n. 4. Vivian. ibid. in Ration. Pith. hic n. 5. Imo si locus ille alius, in quo creditor petit sibi debitum solvi, sit domicilium debitoris, sine ulla alia causa peti solutio ibi potest, ut Laym. inc. cit. n. 4. notar, facta tamen mentione loci, in quem solutio destinata fuerat, ita, ut si inter sit debitoris alibi potius solvi, habeatur ratio utilitatis, seu interesse. Addo, nec mentione hac loci opus esse, si constet, quod locus ille, in quo solutio petitur, sit æque idoneus, vel magis debitori, quam locus constitutus; tunc enim ratio cessat.

Quæritur 13. utrum à pœna plus petentium excusetur actor post litem contestatam primò pœnitens? Negant Joan. Andr. Host. Imol. & alii, quos citat, & sequitur Fermosin. hic q. 3. n. 12. propter textum l. fin. C. hoc tit. & rationem, quia talis temere litem movisse jam videtur; ac proinde litis sumptus Adversario reddere tenebitur l. eum, quem 79. ff. de Judic. Sed melius ab actore etiam post litem contestatam hanc plus petitionis pœnam evitari affirmat Abb. inc. un. hoc tit. n. 6. Vvagnereck ibid. in Exegef. Vall. hic n. 6. Pirh. n. 10. & teste Fermosin. prurimi alii. Ratio est, quia in pœnis



pœnis Legalibus pœnitentiæ locus est usque ad sententiam, ut colligitur ex *l. qui cum majore* 14. §. *accusasse* 8. & *l. in servitutem* 16. §. *petiisse* 3. ff. *de bonis libertor.* quarum textibus accusantis, & in servitutem petentis pœnam Legalem non contrahunt, qui in accusatione, vel petitione illa usque ad sententiam non perseverant. *Conf.* quia textus dicit generatim plus petentes puniri, si in petitione persistant in judicio. Judicium autem durat usque ad sententiam. Ergo usque ad illam pœnitentiæ locus est. *Neque obstat* textus allatus in contrarium; quia ut cum aliis in *loc. cit. n. 5.* notat Sichardus, rextu illo pœnitentiæ locus post litem contestatam negatur duntaxat illi, qui plus petiit dolose, & super ea petitione cautionem exegit, sicque duplex commisit delictum. *Ad rationem* negatur, quod temere litem moverit, qui iusto errore ductus fuit ad eam movendam.

## TITULUS XII.

### De Causa Possessionis, & Proprietatis.

Inter reliquas causas, quæ sæpe in Judicio tractandæ occurrunt, est Causa Possessionis, & Proprietatis: quæ proinde, quo modo, & ordine in Judicio proponi debeant, præsentī Titulo discutietur. Antequam verò hoc faciam, necessariò aliqua præmittenda de ipsa Possessione, & Proprietate.

#### §. I.

#### De Possessione.

### SUMMARIUM.

- 1 *Definitio Possessionis.*
- 2 *Divisio in Possessionem Juris.*
- 3 *Et facti.*
- 4 *Hujus varietas:*
- 5 *Acquiritur Apprehensione vera.*
- 6 *Circa hanc notanda.*
- 7 8 9 *Apprehensione ficta.*
- 10 *Et dispositione Legis.*
- 11 *Modus acquirendi possessionem rerum incorporatarum.*
- 12 *Numerus Actuum ad hoc requisitus.*
- 13 14 *Amittitur Possessio aliquando volente Possessore.*
- 15 16 *Aliquando nolente, vel ignorante illo.*
- 17 *Modus amittendi possessionem Juris, & aliarum rerum incorporalium.*
- 18 19 20 21 *Commoda, & Privilegia Possessionis.*

**Q**Uæritur 1. quid sit *Possessio*? Resp. *Possessionis* nomen, Grammaticali derivatione à verbis *posse*, & *jacere* ortum, varias significationes habet; nam, ut alias omitam 1. interdum nomen hoc tribuitur ipsis rebus possessis, ut constat ex *l. cum miles* 11. ff. *de alien. judic. mut. caus.* & *l. questio* 115. ff. *de V. S.* 2. Aliquando Proprietatem significat, ut monet Paulus *l. interdum* 78. ff. *cod.* 3. Non rarò pro Ulucaptione sumitur, prout fecit Ulpianus *l. an Prætor* 23. §. *is autem* 1. ff. *ex quib. caus. major.* 4. & prout ad præsentem maximi tractationem pertinet, accipitur pro actu, sive jure possidendi, à quo denominatur Possessor, & res possessa. Actus possidendi dici solet *Possessio facti*; Jus vero possidendi appellari consuevit *Possessio Juris*, ut notat Less. *lib. 2. de Just. cap. 3. num. 39.* Aliiter definiri Possessio Juris, aliter possessio facti debet. Hinc

**Dub. 1.** quid sit *Possessio Juris*? Resp. est Jus insistenti rei, tanquam suæ, non prohibitiæ possideri. Ita Battol. *in l. 1. ff. de acquir. vel amitt. possess.* Covar. *in reg. Possessorp. 2. num. 3. prin.* Less. *loc. cit. nu. 41.* Dicitur 1. *Jus*: quo distinguitur à possessione facti, quæ revera non est ipsum Jus, sed si quidem iusta fuerit, parit Jus. Dicitur 2. *insistenti rei*: quo distinguitur à dominio, seu proprietate; nam vi solius possessionis non competit possessori jus disponendi de re, sicut vi domini competit, sed tantum, ut possessor possit rem per Juris remedia sibi tueri, aut etiam vim vi repellere, aut pacifice, donec à vero domino evincatur, retinere; nam hoc est rei insistere. Dicitur 3. *tanquam suæ*: hinc sequitur, quod Tutor bonorum pupilli, Administrator, & Servus re-

rum sui domini possessor non sit; quia non suo, sed alterius nomine rem illam detinent. Dicitur 4. *non prohibitiæ possideri*: nam contra expressa Jura non datur Possessio Juris: hinc rerum Sacrarum Laicus, & communium, ac publicarum homo privatus possessor non fit ex Legum dispositione.

**Dub. 2.** quid sit *Possessio facti*? Resp. hæc communiter 3 definiri solet, quod sit detentio rei corporalis, corporis, animi, & Juris adminiculo. Ita Host. *in Summ. hoc tit. num. 1.* Covar. *loc. cit. num. 2.* Azor *p. 3. l. 1. cap. 31. quest. 2.* Molin. *tr. 2. de Just. D. 12. num. 3.* Less. *loc. cit. n. 40.* Fermosin. *hoc tit. q. 2. n. 2.* Pax Jordan. *l. 14. tit. 11. n. 2.* Vallens. *n. 4.* Pirh. *n. 2.* Sannig. *c. 1. n. 6.* & alii communiter. Dixi 1. *Detentio, seu apprehensio rei*; nam dum primo apprehenditur res corporis, animi, & Juris adminiculo, acquiritur Possessio; dum apprehensa detinetur, illa continuatur. Dixi 2. *rei corporalis*; quod etiam in prior definitione subintelligi debet; nam incorporalia, ut sunt servitutes, jus eligendi, decimandi &c. propriè non possideri, sed quasi possideri dicuntur *c. cum Ecclesia* 3. junct. Gloss. *V. quasi possessionem h. tit. l. possideri* 3. *prin. ff. de acquir. vel amitt. possess.* & ibi Gloss. *V. corporalia*. Hæc tamen Juris inter possessionem, & quasi possessionem distinguendis accuratio sæpe non observatur, & rebus incorporalibus possessio passim attribuitur, ut bene advertunt Covar. *loc. cit. num. 2.* Haun. *tom. 1. tract. 3. n. 203.* Vviesl. *hic n. 4.* Dixi 3. *corporis*; quia apprehensio, quæ constituat possessionem, debet esse corporalis sive verè, sive saltem per fictionem Juris; de quo infra *num. 5.* Neque obstat, quod possessio, quæ dicitur *Civilissima*, sive vera, aut ficta corporis detentione, & ulla animi affectione ab uno in alium transferatur, sicut fit in Gallia, Hispania, Italia, & alibi, ubi Majoratum, aliorumque bonorum defuncti possessio in proximum agnatum etiam ignorantem transit, quantumvis illa fortassis ab alio jam occupata, imò eidem à defuncto ante obitum fuissent tradita. Non, inquam, istud obstat; tum quia supra posita definitione solum explicatur possessio, de qua Leges Romanæ agunt; tum quia in illis Regnis defectum animi, & ipsius etiam apprehensionis corporalis in subdito supplet Resp. eidem hujusmodi possessionem concedens. Dixi 4. *animi*; quia ad detentionem corporalem, ut constituat possessionem, requiritur etiam, ut fiat cum intentione, quæ quis vult rem retinere ut suam, & haberi, vel saltem apparere dominus, esto ipsemet, eo quod sciat injustam esse suam detentionem, se verum dominum esse non judicet. Ratio autem, quare intentio hæc requiratur, est; quia alias possideretur à nobis, quidquid calcaremus pedibus, vel contrectaremus manibus. Dixi 5. *Juris adminiculo*; quo innuitur, non quasi omnis possessio facti iusta sit, aut positivè approbetur à Jure; nam hoc fallum est, cum fur rem furtivam verè possideat, & tamen injustè, & contra Leges; sed iis terminis significatur solum, quod Jus non debeat resistere possessioni tollendo possidendi, seu possessionem capiendi capacitatem, sicut tollit circa bona facta Laico, circa bona communia privato, ut *n. 2. in fine* dictum est; qui proinde bonorum istorum capere possessionem nequeunt.

**Dub. 3.** quotuplex sit Possessio facti? Resp. multifariam posse dividi; nam 1. dividitur in Justam, & Injustam. *Justa* est, quæ iusto, & legitimo titulo innuitur; *Injusta*, quæ tali titulo destituitur. 2. In Possessionem bonæ, & malæ fidei *Bonæ fidei possessio* est iustæ, & Legibus confirmatæ; *malæ fidei* vero est injustæ, ac Legibus reprobatæ possessionis scientia. Confundunt aliqui apud Donell. *l. 5. comment. cap. 7.* hanc secundam divisionem cum priorè, sed male; potest enim bonæ fidei possessio esse revera injusta, si sc. nitatur titulo solum existimato, & malæ fidei esse revera iusta, si quis putans esse alienam rem suam possideat. Vviesl. *hic n. 11. 3.* In Propriam, & Impropriam, seu quasi possessionem. *Propria* est rerum corporalium, ut *num. præc.* dictum est; *impropria*, seu *Quasi possessio* est rerum incorporalium, puta Beneficii, Juris eligendi, venandi, servitutum &c. Hæc Germanice dicitur *Rebenbesitzung*, ac eosdem in Jure effectus habet, quod Possessio Propria.

*Quarta*, & celeberrima possessionis divisio est in Naturalem, Civilem, & Mixtam. *Naturalis* est, cum quis



quis rem quidem possidet corporis, & animi adminiculo, alius tamen præterea ejusdem rei possessionem civilem retinet. *Civilis*, ut à Naturali separata est, cum quis rem aliquando naturaliter possedit, non quidem actu corporis vel per se, vel per alium, sed animi tamen adminiculo possidere pergit. *Mixta* est, quando quis corporis, & animi adminiculo rem ita actualiter possidet, ut nullus alius ejusdem rei possessionem Civilem retineat. Hæc est perfectissima possessio: ex duabus cæteris Civilis prævalet Naturali. Unde ille tantum, qui Civiliter possidet, absolute Possessor dicitur; alter vero Possessor cum addito *Naturalis*, seu *naturaliter*, ut bene advertit Molin. *tr. 2. de Just. D. 12. num. 9.*

Quæritur 2. quomodo acquiratur Possessio? Resp. distinguendum inter Possessionem rerum corporearum, & incorporearum. Possessio rerum corporearum acquiritur tribus modis, Apprehensione vera, Apprehensione ficta, & Dispositione Legis.

Dub. 1. quid sit *Apprehensio vera*, & quomodo per eam acquiratur Possessio? Resp. *Apprehensio vera* est, quæ vel fit manibus eas rei injiciendo, cujus possessores esse volumus, aut pedibus, insistendo scilicet fundo, quem vel nostrum habere contendimus. Si res mobilis sit, accipitur manibus; si immobilis, intratur pedibus.

Quatuor maximè casibus Apprehensio vera est necessaria ad acquirendam Possessionem. 1. Si res sint, quæ domino carent, ut sunt feræ; item gemmæ, & margaritæ in maris littore, thesauri, Insulæ in mari natæ, res pro derelicto habitæ §. 12. 22. 39. & 47. *Inst. de rer. divis. l. possessio 1. §. dominumque 1. ff. de acquir. vel amitt. possess.* 2. Si sint bona defuncti; quia hæc domino carent, à quo tradantur. Igitur ut eorum acquiratur possessio, opus est, ut apprehendantur à possidere volente *l. cum heredes 23. in princ. ff. eod.* 3. Si quis clam, aut vi vult aliquid possidere v. g. depositarius depositum; nam hic, ut fiat possessor, rem apprehendere, & loco movere debet *l. possideri 3. §. si rem 18. ff. eod.* ubi etiam datur ratio; quia scilicet *furtum sine contractatione fieri non potest.* 4. Si alius rem possidens nolit tibi possessionem reddere. *Less. l. 2. de Just. c. 3. n. 47.* Excipitur, nisi apprehensionem veram auctoritas Magistratus suppleat; hac enim Possessor fieri aliquis sine reali apprehensione potest, etiam in casibus, in quibus alias apprehensione reali opus est: satisque erit, si res possidenda ei, cui traditur, reminus ostendatur; imò si visu fieri non potest, sufficiet tradi solo verbo, ut colligitur ex *c. contingit 9. de dol. & contum. l. quamvis 13. ff. de bon. auth. Jud. possid.* & notat Molin. *tr. 2. de Just. D. 13. num. 6.* cum aliis.

Præterea circa Apprehensionem veram tria adhuc sunt advertenda. 1. Capere mediante illa aliquis Possessionem potest vel per se, vel per alium, puta filium, servum, procuratorem, fructuarium, & similes &c. *l. possessio 1. §. adipiscimur 1. & seqq. ff. de acquir. vel amitt.* de quo præter alios videatur Azor *p. 3. cap. 33. per totum.* 2. Ut apprehensione vera capiatur possessio, opus non est, ut singulæ partes domus, vel fundi apprehendantur, sed satis est ingredi aliquam illius partem animo possidendi totam domum, vel fundum; tunc enim jam acquiratur possessio totius domus, aut fundi *l. possideri 3. §. & adipiscimur 1. ff. eod.* Molin. *tr. 2. D. 13. num. 1.* imò & mobilium, quæ reperiuntur in domo, si animus possidendi se ad illa extendat, ut cum *citat.* Molin. *num. 2.* rectè advertunt Schneidevv. *in §. possidere 5. Inst. de Interd. num. 103. & seqq. Sabell. in Summ. §. possessio n. 12.* Pith. *hic n. 6.* Konig *n. 29.* Vviest. *n. 23.* Idem dicendum de possessione Beneficii, Dignitatis, Regni &c. nam horum sufficienter possessor constituitur, qui accipit possessionem Sedis, Coronæ Regiæ &c. Necesse tamen est, ut illa plura constituent unum morale totum: nam si unum morale totum non constituent, sed sint e. g. plures ædes, plura bona &c. necesse est intrare singula quoad aliquam illorum partem, ut cum aliis *citat.* idem Molin. *n. 2. cit.* habet. 3. Si res aliqua, cujus possessio comparanda est, capi consuevit non per partem sui, sed per id, quo continetur, ut vinum contentum in vase, sufficit eam capi per id, per quod capi alias consuevit: neque necessarium erit eam manibus contrahari immediate. Molin. *loc. cit. n. 3.*

Dub. 2. quid sit Apprehensio ficta, & quomodo per eam acquiratur Possessio? Resp. *Apprehensio ficta* est, quando nec manibus, nec pedibus res possidenda apprehendi-

tur, intervenit tamen aliquis alius, qui ex fictione, seu dispositione Juris apprehensioni veræ æquivaleret, & illius vim obtinet. Locum habet, quando res traditur à Possessore antiquo, vel ejus loco autoritate publica. Variis modis fieri potest, quos enumerant Azor *p. 3. c. 32. per totum*, Molin. *tr. 2. de Just. D. 13. à num. 8.* Less. *l. 2. c. 3. nu. 47. & 48.* Pal. *tr. 31. D. un. p. 24. §. 2. à n. 5.* Schneidevv. *in §. possidere 5. Inst. de Interd. à nu. 110.* & alii passim.

Et 1. quidem per *Traditionem clavium* præsentem re factam, modo non custodiæ causa tantum tradantur; nam si quis mihi vendiderit frumentum, quod in horreo est, & simul horrei claves tradiderit, protinus in me frumenti possessio cum dominio erit translata, si tamen traditio clavium apud horreum fiat §. *item si quis 45. Inst. de rer. divis. l. clavibus 74. ff. de contrah. empt. l. quæ ratione 9. §. item si 6. ff. de acquir. rer. domin.*

2. Per *Visum*, si antiquus possessor eminus, vel cominus ostendat oculis meis fundum, & dicat se vacuum illius possessionem tradere, ego vero significem me traditionem hanc acceptare *l. quod meo 18. §. si venditorem 2. ff. de acquir. vel amitt. poss.* oculi enim sunt veluti longæ quædam manus, quibus res visus quasi contrahamus.

3. Per *Appositionem brevis manus*, si nempe quis rem suam tibi prius commodatam, locatam, aut apud te deposita postea tibi vendat, aut donet *l. quæ ratione cit. §. interdum 5. & l. possideri 3. §. sed si 20. ff. de acquir. vel amitt. poss.* nam facta domini translatione, rem prius nomine alieno detentam, incipis possidere tuo nomine, & idem est, ac si illam ex causa commodati, locati, depositi restituissem domino, & eandem denuo ab ipso ex causa emptionis, vel donationis recepisses §. *interdum 44. Inst. de rer. divis. l. si rem 62. princ. ff. de evict.*

4. Per *Traditionem scripturæ*, seu *instrumenti*, quo prius possessoris Jus continetur; censetur enim scriptura talis rem ipsam continere, ita ut cum ea etiam ipsa tradita videatur *l. emptionem 1. C. de donation.* Quod verum habet tam in rebus mobilibus, quam in immobilibus, cum Lex adducta loquatur generaliter. Neque eo casu, ut in traditione clavium, præsentia requiritur; quia de hac in *l. cit.* nulla fit mentio, & aliàs traditio scripturæ nihil omnino operaretur, cum, ut paulo antea dixi, solus aspectus acquirendæ possessioni sufficiat.

5. Per *substitutionem antiqui possessoris*, si is, qui tibi rem donavit, aut vendidit, in ea sibi retineat Usumfructum, aut constituat se Conductorem, Depositarium ejusdem, vel alio modo possidere eam velit tuo nomine; tunc enim, si tu hoc ratihabeas, sine alia traditione acquiris possessionem ædium, vel prædii tibi donati, aut venditi *l. quod meo 18. princ. ff. de acquir. vel amitt. poss.* ubi ratio datur; nam possidet, cujus nomine possidetur.

6. Per *appositionem custodiae*, si novus possessor, consentiente antiquo, apponat custodiam rei *l. quarundam 51. ff. eod.* Et parum refert, an res illa præsens, vel absens, mobilis sit, vel immobilis. Proceditque hoc, etsi custos nesciat, ad quem effectum appositus sit, ut bene notat Pal. *l. cit. n. 11.* Custodis namque apprehensio, & possessio censetur factum ipsius mittentis.

7. Per *signationem rei venditæ*, ut si quis emat duo pecora ex grege aliquo, & venditore consentiente accipiat, & signet tanquam sua *l. quod si neque 14. in fin. ff. de peric. & commod. rei vendit.* Neque obstat, signationem non esse causam concludentem, quod res signata tua sit, cum signum istud apponi potuerit ab alio; nam possibilis alterius deceptionem impedit signationem à te esse factam, qua mediante rem emptam tuam esse faceris. Pal. *n. 12.*

8. Per *clausulam constituti*; nam si præcedente donatione, venditione, aliove titulo habili ad transferendum dominium, donator, venditor &c. constituat se possidere nomine donatarii, emptoris &c. & hic consentiat &c. eo ipso illi possessio quæritur; quia tali constitutione quasi procurator illius efficitur *l. quod meo 18. l. qui bona fide 19. l. interdum 21. §. fin. ff. de acquir. vel amitt. poss.*

9. Per *Investituram*: hac enim per annui, ensis, picei, vel alterius hujusmodi signi traditionem post Prælaturæ, vel alterius Ecclesiasticæ, aut etiam Sæcularis Dignitatis titulum, sive jus in re, & proprietatem jam obtentam, si in Ecclesiæ, Palatii, Domus &c. præsentia fiat, non Dignitatis duntaxat, sed bonorum quoque temporalium, juriumque annexorum possessionem acquiri  
arg. l.



arg. l. quod meo cit. §. si venditorem 2. & l. clavibus 74. ff. de contrah. empr. volunt Laym. l. 3. rr. 1. c. 7. n. 2. Schneid. loc. cit. n. 122. Pith. hic n. 6. Vviesl. n. 26.

- 10 Dub. 3. quomodo acquiratur rei Possessio dispositione Legis? Hac sola, si apprehensio rei vera, aut ficta non accedat, comparari possessionem posse, negarunt Bald. in l. 1. C. commun. de Legat. princ. n. 1. & inc. 1. de dol. n. 1. Arelin. in l. 1. ff. de acquir. poss. Segura in repetit. l. quemadmodum col. 5. eod. tit. & plures alii, quod possessionis acquisitio ex natura rei exigat detentionem, sive ut Juri loquuntur, detentionem, & corporalem occupationem l. qui univ. versas 30. §. quod per colonum 5. ff. de acquir. vel amitt. poss.

Sed verior est sententia aliorum, qui cum Pal. rr. 31. D. un. p. 24. §. 2. n. 16. Schneid. in §. possidere 5. Instit. de Interd. n. 89. Sabell. §. possessio n. 1. Vviesl. hic num. 29. & aliis apud istos docent Legis dispositione quæri possessionem absque ullo actu apprehensionis vero, vel ficto posse. Colligitur aperte ex c. cum Ecclesia 3. hoc tit. & cap. contingit 9. de dol. Ratio est, quia possessio, illiusque effectus Jure solum positivo inductus est arg. l. p. regre 44. ff. de acquir. poss. & l. nemo 10. Cod. eod. atque ea, quæ sunt Juris positivi humani, eodem, vel alio Jure, aut etiam consuetudine tolli, & variari possunt arg. §. sed naturalia 11. Instit. de J. N. G. & Cod. & l. de quibus 32. fin. ff. de Legib. ergo &c. Conf. 1. exemplo manifestum ex cap. contingit. cit. ubi casu, quo missio in possessione bonorum rei consumaciter absentis à Judice primò decreta est, & actor ob potentiam, aut fraudes Adversarii actualem illorum detentionem non potest acquirere, elapso anno idem actor verus possessor quoad Juris effectus efficitur: quod Gloss. ibi V. actor & l. quamvis 13. V. perinde habetur ff. de bon. auth. Jud. possid. existimat cit. l. etiam constitutum de Jure Civili. Conf. 2. ex praxi recepta apud Gallos, & Belgas, apud quos Majoratus possessio, quæ apud defunctum fuit, sine ulla hæredis apprehensione in filium, vel proximum agnatum continuatur, ut jam notavi supran. 3.

- 11 Dub. 4. quomodo acquiratur Possessio, vel quasi possessio rerum incorporearum, seu Jurium? Pro hujus quæstionis resolutione distinguendum est inter Jura, quæ non inhaerent rei corporali, uti est jus eligendi; & ea, quæ corpori inhaerent, ut Servitutes. Jurium nulli rei corporali inhaerentium possessio acquiritur per ejusmodi Jurium usum, accedente scientia, & patientia illius, ad quem pertinere concedere, vel resistere actui; si tamen usus, sive actus, quo ejusmodi Jure quis utitur, quasi ex Jure sibi competente, & non præcise ex gratia, & benevolentia alterius exerceatur. Molin. rr. 2. de Just. D. 14. n. 1. & 3. Haun. tom. 1. tr. 3. n. 221. Vviesl. hic n. 30. & alii passim.

- 12 Secundi generis Jurium, & Servitutum possessio comparatur duplici modo. 1. Per introductionem, vel immisionem in fundum, qui servitute debet, animo tradendi per eum, vel ejus voluntate, qui servitutem constituit l. omnium 3. v. aare ff. de usufr. Haun. rr. 3. cit. n. 222. Vviesl. hic num. 30. 2. Per exercitium, sive usum servitutis tanquam sibi debita: ubi tamen distinguendum est inter Servitutem affirmativam, & negativam; nam ut acquiratur possessio servitutis affirmativæ, e. g. viæ, itineris, actus &c. sufficit exerceri hos actus cum scientia, & patientia ejus, cujus interest, utrum illum permittere, vel prohibere: Ut verò acquiratur possessio servitutis negativæ, e. g. altius non tollendi, opus est, ut qui illum vult acquirere, altius tollere volenti, quasi jure suo contradicat, eumque prohibeat, & huic contradictioni, vel prohibitioni alter acquiescat. Gloss. in c. Abbate 25. V. Alciaten sem de V. S. Molin. rr. 2, D. 14. n. 2. & 3. Haun. nu. 222. cit. Vviesl. num. 32.

De numero actuum, quos requirantur ad acquirendam possessionem, dissentiunt DD. Covar. in Reg. Possessor p. 2. princ. num. 6. Menoch. de Arbitr. cas. 160. num. 2. & alii ab his citr. unico actu simpliciter contenti sunt. Rectius distinguitur inter Servitutes affirmativas, & negativas. Servitus negativa, qualis est altius non tollendi, ut n. præc. dixi, acquiritur per unicum actum, puta per unicam prohibitionem cum patientia Adversarii. Schneid. in §. possidere 5. Instit. de Interdict. num. 126. Si agatur de acquirenda possessione Servitutis affirmativæ, altera distinctio est adhibenda, & considerandum, quales sint actus, quibus hujusmodi Jus, vel Servitus

exercetur; nam si tales sunt, qui vix unquam alicui conceduntur ex gratia v. g. ut extraneus, & qui non est de Collegio, habeat vocem activam inter Capitulares, tunc unus actus sufficit ad acquirendam quasi possessionem Juris eligendi, prout sumitur ex cap. cum de beneficio 5. de præbend. in 6. l. ait Prætor 1. §. quæsitum 21. ff. de aqu. quotid. & docent Imol. in cap. cum Ecclesia 3. h. tit. num. 7. Abb. ibid. num. 23. Schneid. loc. citat. num. 127. Pith. hic n. 10. König n. 41. Sannig cap. 2. n. 4. Si vero sunt actus, qui ex amicitia, & gratia alteri concedi solent, sed raro, & non frequenter, ut ire in fundum altetius, pomum decerpere, aucupium exercere &c. & tunc non sufficit unus actus, sed plures requiruntur arg. l. Prætor ait 1. §. hoc Interdicto 1. ff. de itin. actuque privat. ut adeò verisimiliter constet, utentem non ratione amicitia, sed jure suo illos actus exercuisse. Si denique sunt actus, qui etiam frequenter ex gratia, & benevolentia alicui concedi solent, tunc etiam plures actus sæpius frequentati non sufficiunt ad acquirendam quasi possessionem Juris: & hinc etsi millies aliquis ad meniam alterius vocatus fuerit, per hoc tamen non præsumitur ipsi quæsitæ possessio. Opus igitur erit, ut considerentur circumstantiæ, & ex his, ipsaque qualitate actus colligi debebit, quo animo aliquis ad ejusmodi actum, vel actus admissus fuerit, ex gratia, an ex debito.

Quæritur 3. quibus modis amittatur Possessio? Resp. 13 hanc amitti posse vel volente, vel invito Possessore. Et hinc

Dub. 1. quando amittatur possessio volente Possessore? Certum est 1. eam amitti, quando res possessa relinquitur animo simul, & corpore, ut exploratum est apud omnes. Certum est 2. non amitti solo corpore possessionem Civilem; quia ad hanc conservandam, seu retinendam plerumque sufficit solo animo possidere l. possideri 3. §. sed & si 7. ff. de acquir. vel amitt. possess.

Difficultas est, an Possessio amitti possit solo animo? Et videtur tenenda sententia negativa ob rextum l. quemadmodum 8. ff. eod. ubi Paulus, Quemadmodum, inquit, nulla possessio acquiri, nisi animo, & corpore potest, ita nulla amittitur, nisi in qua utrumque in contrarium actum est. Sed retinenda est affirmativa ob claros textus l. possideri cit. §. in amittenda 6. & l. si quis vi 17. §. differentia 1. ff. eod. Et hinc si quis manens in fundo, quo alteri vendidit, velit ipsum non amplius suo, sed emptoris nomine possidere, non amplius retinet possessionem fundi. Azor p. 3. l. 1. cap. 34. quæst. 2. Molin. rr. 2. D. 15. num. 1. Pal. rr. 31. D. un. p. 24. §. 6. num. 2. & ratio est, quia facilius amittitur possessio, quam acquiritur. Ad Argumentum in contrarium dico, textum illum intelligendum, quando incipitur à corpore, seu quando corpore quis exit è fundo: tunc enim non amittit possessionem, nisi destinat etiam habere animum possidendi: secus autem, quando incipitur ab animo; tunc enim sufficit, ut solo animo destinat possidere, etiam si corpore adhuc rei insistat, ut notat Gloss. in §. amittenda citat. V. solo animo; hic enim præcipue in hoc puncto spectandus est.

Est autem perinde in ordine ad amittendam Possessionem, sive illi, cui rem possidendam tradis, quæri possessio possit, sive non; nam etiam si tradas, cui possessio quæri non potest, si absolutè eandem tradas, possessionem amittis; quia possessionis amissio non pendet ex eo, quod alteri quærat, sed ex eo, quod tu velis eandem perdere l. possessio 1. §. si vir uxori 4. & l. quod meo 18. §. si furioso 1. ff. de acquir. vel amitt. possess. Secus est de dominio; hoc enim si velis alteri conferre, & intentum non obtrineas, quia illius est incapax, non amittis, tamen si rem ipsam mediante titulo tradas l. nec utilem 20. ff. ex quib. caus. major. l. cum quis 38. §. si debitorum 1. ff. de solution. Et ratio est, quia non alio animo censetur sic tradens dominio rei tradita velle se abdicare, quam ut illud in alterum, cui tradidit, transferat: hinc retinebit, si iste dominii acquirendi sit incapax. Quod si tamen etiam possessionem relinquens non alia conditione illam velit relinquere, quam ut illam in eum, cui tradidit, transferat, etiam ipse retinebit possessionem casu, quo ejusdem traditio effectum non sortitur; quia tunc est actus conditionatus, qui vim non habet, nisi conditione impleta.

Dub. 2. quomodo amittatur Possessio rerum mobilium,



lium, nolente, aut ignorante antiquo possessore? Resp. Mobilium possessio variis modis amittitur, quos enumerat Azor p. 3. l. 1. c. 34. prin. Molin. tract. 2. D. 15. n. 7. Less. l. 2. c. 3. n. 50. & alij passim. Et 1. quidem per furtum, & rapinam alterius l. rem 15. & l. si rem mobilem 47. ff. de acquir. vel amittend. possess. ubi statuitur, tali casu possessionem amitti à domino, vel antiquo possessore, & eam acquiri à prædone, aut fute. 2. Per fraudem Depositarij, si hic rem apud se depositam, ut suam apprehendat, & loco moveat l. possideri 3. §. si rem 18. ff. eod. 3. Per amissionem rei c. g. gemmarum, annuli &c. ut non sciatur, ubi sit l. si id quod 25. princ. ff. eod. Neque obest, quod nullus alius eam possideat; nam eo casu bona amissa fiunt incerta. Aliud dicendum si iis rebus, quæ adhuc sunt in nostra custodia, e.g. intra domum nostram, sed non occurrunt; nam hæc amissæ censeri non debent, & cons. neque amittitur earum possessio l. possideri cit. §. Nervæ 13. 4. Per fugam rerum animatarum; ubi tamen distinctio est facienda; nam possessio hominis, ut servi, aut ancillæ non amittitur per illorum fugam, donec ab alio occupentur, vel nisi diu se gerant pro liberis l. possessio 1. §. per servum 14. l. possideri cit. §. si servus 10. l. Pomponius 13. princ. ff. eod. Si brutum sit animal, quod fugit, distingui debet inter animalia domestica, & non domestica. Animalium non domesticorum, ut piscium, avium, & ferarum silvestrium caprarum possessio amittitur, postquam custodiam hominum effugientes ad suam rediere naturalem libertatem, esto, in agro prioris domini commorentur; at animalium domesticorum, vel cicuratorum possessio tunc primum amittitur, quando consuetudinem eundi, & redeundi amiserunt §. Nervæ cit. & seqq.

Dub. 2. quomodo amittatur Possessio bonorum immobilium, nolente domino, vel antiquo possessore? Resp. etiam hæc variis modis amitti potest, ut videre est apud Azor p. 3. l. 1. c. 34. Less. l. 2. c. 3. n. 51. Molin. tr. 2. D. 15. n. 3. & seqq. Pal. tr. 31. D. un. p. 24. §. 5. n. 5. & alios passim. Et 1. si possessor sit longo tempore absens, nec per alium rei insit, vel protestetur se nolle amittere possessionem l. clam possidere 5. §. qui ad nuditas 1. ff. de acquir. vel amitt. poss. 2. Si per vim à possessione dejectus sit; sed tunc solum amittit possessionem naturalem, quamdiu animum recuperandi retinet l. rem 15. ff. eod. 3. Si rem sciat ab alio occupatam, & negligat illam vindicare sibi arg. l. quamvis 46. ff. eod. 4. Si reversus statim quidem repetat suam possessionem, sed ab occupante repellatur, nec audeat ei resistere l. clam possidere cit. fin. l. sed id 15. §. fin. ff. eod. 5. Si timens repulsam non audeat repetere, aut invadere possessionem l. possideri cit. §. si quis nuntiet 8. l. & si nolit. 7. ff. eod. 6. Si res à flumine, vel ob hoste ita sit occupata, ut non sit probabilis ejus recuperatio l. possideri cit. §. Labeo 17. 7. Si nesciat rem esse suam, aut si aliunde præsumatur animus possidendi delisse. Videantur. DD. cit.

Dub. 3. quomodo amittatur Possessio Jurium, & rerum incorporalium? Resp. etiam istarum possessionem nolentes, & volentes amittimus. Fit autem hoc 1. si vel per negligentiam, vel per absentiam non utamur jure nostro. 2. Si alius invitum excludat ad eadem Jura spectante. 3. Si impedimenta objiciat, quo minus Jure nostro uti possimus, turbando in antiquis Juribus, solutionem pensionem negando etiam interpellatus fuerit; & plura alia, de quibus exactius QT. & Canonistæ.

Quæritur 4. quæ sint commoda, & privilegia Possessionis? Resp. plura enumerant Molin. tr. 2. de Just. D. 16. Less. l. 2. c. 3. n. 25. Laym. l. 3. tr. 1. c. 7. n. 5. Pith. hic n. 5. Konign. 54. & seqq. Vviesl. n. 14. & seqq. passimque alii.

Et 1. quidem Possessio bonæ fidei parit præscriptionem, vi cuius & res & fructus ex re percepti (quamvis revera res aliena fuisset) post elapsum tempus à Jure præscriptum fiunt absolute possessoris, ut infra Tit. 26. dicetur.

Si bonæ fidei possessori, antequam rem præscribat, incidat dubium, num res sua sit, nec ne, & post diligentem inquisitionem deprehendere veritatem non potuit, interim rem retinere, eaque frui potest, donec ipsi constet ad alium pertinere; nam in pari causa

possessor potior haberi habet, ut habet Reg. 128. ff. & 95. in 6.

3 Qui bona fide rem possidet, interim habet jus administrationis, & si annexum rei possessæ sit Jus eligendi, præsentandi, instituendi, valet electio, præsentatio, institutio, & in vigore suo manet, etsi postea constet proprietatem Juris non ad ipsum, sed ad alium spectare c. consultationibus 19. de Jur. Patronat. c. querelam 24. de Elect. junct. Gloss. ibid. V. super Jure. Ratio est, quia hujusmodi actus sunt quasi fructus talium jurium; fructus autem bonæ fidei possessor facit suos l. bonæ 48. ff. de acquir. rer. dom.

4 Si bonæ fidei possessor rem, aut fructus illius alienet, vel absumat, putans se jus habere, postea vero appareat, rei dominium ad alium pertinuisse, non plus tenetur restituere, quam quo factus est ditior inde & locupletior. l. item veniant 20. §. prætor hæc 6. junct. Gloss. V. facti essent ff. de heredit. petit. Intellige autem de iis fructibus, quos percepit ante contestationem litis; nam fructus, quos post contestationem litis percepit, universos, sive extantes, sive consumptos restituere debet; & ratio est; quia ex quo res in Judicium deducta est, scientiam malæ fidei possessionis accipit §. & si in rem 2. Instit. de offic. Jud. l. sed & si 25. §. ante 7. ff. de heredit. petit. l. litigator 2. C. de fruct. & lit. expens.

5 Possessor bonæ fidei potest vim vi repellere, & possessionem suam armis tueri, illamque perditam, modo in continenti fiat, repetere c. olim 12. de restit. spoliat. l. quod est 3. §. cum igitur 6. ff. de vi & vi armat. l. recte 9. C. unde vi. Dixi in continenti; nam si ex intervallo alienæ possessionis naturalis simul, & civilis sive justæ, sive injustæ rem invadat, invalore, si res ipsius antea fuit, illam perdit. Si vero non erat, præter rem etiam dare æstimationem rei debet §. ita tamen 1. Instit. de vi bonor. raptor. & l. si quis in tantam 7. C. unde vi. Sed hæc Lex non amplius videtur esse in usu, ut Covar. l. 3. var. c. 16. n. 7. Less. l. 2. c. 3. n. 42. Molin. tr. 2. D. 16. n. 10. Fieri autem in continenti dicitur, quando hoc fit, quamprimum spectatis circumstantiis commode fieri potest.

6 Possessio bonæ fidei in Judicio parit præsumptionem dominij; unde, qui possidet, non tenetur probare rem suam esse, sed onus probandi rejicit in Adversarium l. circa eum 14. ff. & l. possessiones 2. C. de probat. Quod si Adversarius non probet rem ad se pertinere, vel non satis probet, ut res dubia maneat, Judex pro possessore contra petitorum judicare debet. Excipe, nisi aliunde vehemens conjectura, & præsumptio existat iniquam possessionem esse; nam hoc casu necessitas probandi incumbet possessori arg. l. vis ejus 15. junct. Gloss. V. aufugisse C. eod.

7 Qui tempore litis contestatæ invenitur esse in possessione, à Judice defendi, & conservari in ea debet l. aut. Prætor 1. ff. uti possidetis, & l. si quis 1. C. de servitut. nisi vi, clam, aut precario possideat. Et hoc ita verum est, ut licet æqualis sit actoris, & rei probatio, possessoris tamen testes præferantur, nisi actor fooveat causam favorabilem v. g. causam liberalem; in ea enim si utriusque testes fuerint æquales, sententia ferenda est pro libertate.

8 Eadem possessio longissimo tempore 30. vel saltem 21 40. annorum continuata, si possidenti Jus non resistat, fundat præsumptionem tituli l. omnes 4. C. de præscript. 30. vel 40. annor. & c. Episcopum 1. de præscript. in 6. Continuata autem tempore immemoriali inducit præsumptionem ejusdem, quæ sit Juris, & de Jure, habetque vim privilegij ex certa scientia à Principe concessi, ita ut melior illa titulus de mundo allegari non possit; ut ex c. Episcopum cit. fin. c. super quibusdam 26. vers. præterea de V. S. multis DD. relatis notat Barbof. in c. super cit. n. 4.

9 Possessor immobilium liberatur ab onere satisfaciendi de Judicio sisti, idque ideo, quia hic cessat suspicio fugæ, ut notant DD. in l. sciendam 15. ff. qui satisfaciend. cogant. Possessorem vero hic accipe, qui suo Jure, & irrevocabiliter jure directi, nulloque dominij possidet; non vero creditorem, aut usufructuarium l. sciendum cit. §. creditor 2. Tantum quoque possidere debet, quantum requiritur pro quantitate, & æstimatione rei petite Gloss. in §. sed hodie 2. Instit. de satisfaciend.



10 Princeps non censetur dare privilegium, aut beneficium cum præjudicio alterius in possessione existentis, nisi id exprimat *cap. dudum 31. de privileg.* quia universim Princeps non facile confert unigatiam cum alterius præjudicio. Plura alia commoda legunt passim apud DD.

## §. I I.

## De Proprietate.

## S U M M A R I U M.

- 22 *Definitio Proprietatis.*
- 23 *Et Domini.*
- 24 *Differentia à Possessione.*
- 25 26 *Varietas.*
- 27 usque ad 38. *Modi acquirendi Dominium.*
- 39 *Hujus effectus.*

22 **Q**Uæritur 1. quid sit proprietas, & quot modis accipitur? Resp. Proprietatis nomen etiam ipsum diversas significationes habet; nam 1. hoc nomine aliquando venit quodcumque Jus extra possessionem, super quo Judicio Petitorio contendere potest. Et in hoc sensu includit etiam Jus, quod ad rem vocatur, quale ad Prælatum electus, ad Beneficium Ecclesiasticum præsentatus, ad rem sibi venditam, sed necdum traditam emptor habet; quia ad nos pertinere, & quodammodo proprium videtur, in quo solummodo Jus ad rem, sive quorum nomine actionem habemus, ut ex *l. bonorum 9. in fin. ff. de V. S.* notat Vvisenbach. ad *l. verbum 81. ff. eod.* 2. Aliquando strictius significat solum Jus in re, sed quaecumque extra possessionem; cons. in hac significatione proprietatis nomine etiam venit Ususfructus, Usus, habitatio, & aliæ servitutes; nam etiam hujusmodi Jurium proprietas, & latius saltem acceptum dominium datur, & qui pro ipsius agit, ea sibi tanquam Proprietario adjudicari in Judicio postulat. Marant. de *Ordin. Judic. p. 4. dist. 7. n. 1.* Valleng. hic §. 1. n. 2. Vviest. n. 47. 3. Denique, & strictissime, ac frequentissime sumitur pro Dominio; & aliquando quidem pro Pleno, prout fit *l. si procurator 13. princ. ff. de acquir. rer. domin.* & alibi non infrequenter; aliquando autem pro solo dominio directo, & ab utili distincto, prout fit *l. si extraneo 46. pr. ff. de usufr. & l. fin. ff. de superfic.* Hinc ulterius

23 **Q**Uæritur 2. quid sit Dominium? Resp. *Dominium late acceptum* communissime definitur, quod sit *Facultas disponendi de aliqua re, tanquam sibi subiecta.* Duplex est, unum Jurisdictionis, alterum Proprietatis. *Jurisdictionis Dominium* definitur, quod sit *Jus gubernandi, judicandi, puniendi, protegendis subditos, ab eisque emolumenta exigendi;* de hoc præsentis Titulo nullus est sermo. *Dominium proprietatis*, quod huc pertinet, est *Jus reale disponendi de re aliqua tanquam sua, nisi lege prohibeatur.* Ita Less. *l. 2. de Just. c. 3. n. 10.* Laym. *l. 3. tr. 1. c. 5. n. 2.* Pal. *tr. 31. D. un. p. 5. n. 3.* Fermos. *inc. 1. hortic. q. 2. n. 9.* König *hic n. 72.* Sannig *c. 4. n. 2.* Dixi 1. *Jus reale:* quod distinguitur à Jure personali, quod non est dominium. 2. *Disponendi de re aliqua tanquam sua;* nam qui dominus rei est, potest illam destruere, vendere, alienare, & uti illa, prout placuerit, nisi lex prohibeat. Addunt aliqui de *corporali;* quia rerum incorporearum, ut sunt ipsa jura, officia, servitutes, actiones personales &c. communiter Juristæ dicunt dari tantum *Quasi dominia;* sed aliis has particulas sine detrimento omittunt, ut ita comprehendant etiam dominia, & proprietatem ipsius Juribus. 3. *Nisi Lege prohibeatur:* licet enim dominium per se, ut diximus, det proprietario facultatem disponendi de re sua, aliquando tamen Leges dispositionem hanc prohibent, & actum 2. separant ab actu 1. domini, sicut fit in iis, qui pupilli sunt, vel minores: item in fideicommissis, Majoratibus, & aliis Dominiis vincularis.

24 **Q**Uæritur 3. quomodo differat Proprietas à Possessione? Resp. tantum esse discrimen inter utramque, ut nihil commune dicatur habere Proprietas cum Possessione *l. naturaliter 12. §. nihil 1. ff. de acquir. vel amitt. possess.* Nam 1. sæpe accidit, ut unus rem pos-

sideat, alter vero habeat illius proprietatem, seu dominium *l. exitus 35. ff. eod.* 2. Solo animo interdum acquiritur proprietas *l. cum heredes 23. ff. eod.* non autem amittitur *l. siquis vi 17. §. differentia 1. ff. eod.* Possessio autem solo animo acquiritur nunquam *l. possideri 3. princ. ff. eod.* è contrario solo animo amittitur *l. possideri cit. §. in amittenda 6.* 3. Possessio ex pluribus causis haberi potest; dominium non nisi ex una *l. possideri cit. §. ex plurimis 4.* 4. Dominium non acquiritur sine titulo *l. nunquam 31. ff. de acquir. rer. domin.* possessio titulum non desiderat, *l. clam. possidere 6. §. qui ad nundinas 1. ff. de acquir. vel amitt. possess.* 5. Ex judicio proprietatis res contrahit vitium litigiosum *l. cum creditor 1. juncta Auth. litigiosa C. de litigios.* non item si lis moveatur de possessione; nam possessori non incumbit agere, nec possessione cedit, nisi alter probaverit se esse dominum, ut *supra n. 20.* dictum est. Imo si possessio immemorialis sit, supplet omnes præsumptos defectus vitiositatis, & nullitatis, & est probatio probata tituli, nec de eo inquisitionem patitur, cum præsumptionem Juris, & de Jure fundet, ut *n. 21.* addidi.

**Q**Uæritur 4. quod duplex sit Proprietas, & Dominium? 25 Resp. esse varias illius divisiones 1. Dividitur in Naturale, & Civile. *Naturale*, quod alii *Per anticipationem* vocant, est, quando quis, spectato Jure naturali, est dominus: & tale dicitur habere mulier in dote *l. in rebus 30. C. de Jur. dot.* Civile est, quando quis per Legem acquirit dominium, prout in eadem dote dicitur acquirere maritus: nam hic solus stante matrimonio exercet effectus domini, dominio mulieris interim quiescente *Inst. princ. quibus alienare licet, vel non, l. quomodo 75. ff. de Jur. dot. l. doce 9. C. de R. V.* 2. Dividitur in Dominium verum, & fictum. *Dominium verum* est, quod quis vere & citra Juris fictionem habet. *Fictum* est, quando Jus aliquem fingit esse dominum, cum tamen non sit, quia vel Usucapionem cœptam nondum complevit, vel per Usucapionem ab alio jam completam jam desit esse dominus. Ex hoc dominio nascitur Actio Publiciana, & Reversoria §. namque 4. & §. seq. *Inst. de action.*

3. Dividitur in Dominium Perfectum, & Imperfectum. *Dominium Perfectum*, quod etiam *Plenum* dicitur, est Jus perfecte disponendi de re, ita sc. ut de ea re disponendi Jus nemo alius habeat. *Imperfectum*, seu *non plenum* est Jus disponendi de re restrictum, ita, ut etiam alius, vel alii Jus disponendi de illa habeant. Et hoc aliud est Directum, aliud Indirectum, seu utile. *Directum* habet is, penes quem sola, seu nuda manet proprietas: & tale habet dominus in re sua, quam alteri dedit in feudum, vel Emphyteusim. *Utile* habet is, qui habet Jus utendi fruendi, separatim quidem à proprietate, at stabile, & universale cum Jure vindicandi rem ipsam, & tale Jus habet Vasallus, Emphyteuta, Superficiarius.

4. Dividitur in Dominium Revocabile, & Irrevocabile. *Revocabile* est, quod non est perpetuum, sed revocari potest, quale habet maritus in re dotali, hæres in re sub conditione legata, bonæ fidei possessor in fructibus extantibus &c. *Irrevocabile* est, quod ex intentione perpetuo durat, quale fere habet quilibet dominus.

5. Dividitur in Universale, & Singulare. *Universale* competit cuivis hæredi circa universitatem Jurium, fundatque Petitionem hæreditatis *ff. & C. de hæred. petur.* *Singulare* competit circa res singulas, fundatque duplicem actionem, videlicet Rei vindicationem, si pro objecto habeat rem corporalem *ff. & C. de R. I. V.* & actionem Confessoriam, si pro objecto habeat rem incorpoream *ff. & Cod. si usufr. petat. & si servit. vindicet.*

**Q**Uæritur 5. quot modis acquiratur Dominium? Resp. modos acquirendi Dominium esse duplicis generis; nam alii introducti sunt Jure gentium, alii Jure Civili. *Juri Civili* originem suam debent Præscriptio, Donatio Mortis causa, Legatum, Fideicommissum, & Successio tam Civilis, quam Prætoria, tam ex Testamento, quam ab intestato; de quibus alibi. *De Jure gentium* modi acquirendi dominium sunt 19. Ex his

1. *Est Venatio.* Hæc, prout est genus ad Piscationem Aucupium, & Venationem in specie, est occupatio fere existentis in naturali sua libertate. Per hanc, quod



quod capitur, fit occupantis: Proceditque hoc per se loquendo, etiam si alius illam jam vulnerarit, ut diserte habetur §. illud *quæsitum* 13. *Inst. de rer. divis.* & l. *naturalem* 5. §. illud 1. ff. de acquir. rer. domin. ubi ratio additur; quia multa accidere possunt, ut vulnerans non capiat. Excipe, nisi ita vulnerata sit fera, ut illam percussor insequens certo sit capturus: tunc enim vulneranti acquiritur; quia fera tam acri vulnere, seu instrumento, censetur jam apprehensa, & in potestate vulnerantis esse. Idem dicendum videtur de ea, quæ in laqueum, rete, aut viscum à me positum incidit: nam si ita interita est, ut eluctari, aut explicare se nequeat, sufficienter intelligor apprehendisse illam, adempta ei libertate naturali per meum instrumentum.

2 *Inventio*. Definitur, quod sit occupatio rerum inanimatarum, quæ nullius sunt. Estque vel rerum, quæ nullius unquam fuerunt, ut sunt gemmæ, margaritæ, & alia, quæ in littore maris inveniuntur; vel rerum, quæ aliquando quidem fuerunt sub alicujus dominio, sed esse desierunt, ut sunt bona derelicta, & vacantia. *Derelicta* censentur, quæ sive expressa, sive tacita, aut rationabiliter præsumpta domini voluntate ita sunt abdicata, ut tamen in nullum alium translationem sit dominium; *Vacantia* autem dicuntur, quæ relicta sunt à domino defuncto, non habente heredem, vel ex testamento, vel ab intestato. Hæc omnia jure naturæ, & gentium sunt primo occupantis. *Jure naturæ*, & *gentium*, inquam; nam *Jure Civili* Bona vacantia fisco cedunt l. *varia* 1. §. *Divus Pius* 20. ff. de *Jur. fisc.* l. *vacantia* 4. C. de *bon. vacant.* & si fuerunt peregrini, sive decedentes in Hospitali, per Episcopum loci, in quo decessit, in pauperes eroganda, vel aliis piis causis applicanda sunt. *Auth. omnes Cod. commun. de success.* nisi Hospitali per privilegium competat jus succedendi. P. *Vicist. hic num.* 61. Quoad Thesaurorum inventos distinguendum est inter diversa Jura; nam *Jure gentium* cedunt inventori; & ratio est, quia ex quo non extat memoria depositionis pecuniæ, thesaurum constituentis, incipit nullius esse. *Jure communi* per constitutionem Leonis Imp. l. *un. Cod. de thesaur.* interest, ubi nam inventus sit: nam si in fundo proprio, & mediis licitis, totus est inventoris, etiam si fundum primum emerit sciens in eo latere thesaurum; si vero magicis artibus inventus sit, totus fisco vindicatur, Ar si in fundo alieno, videndum, an inventus sit casu, an studio & data opera, non data licentia à domino fundi; nam primo casu, dividitur inter inventorem, & dominum loci: secundo, totus ad dominum fundi spectat saltem post sententiam Judicis. *Jure particulari* denique in multis Provinciis & Regnis Reges, & Principes sibi thesauros sive integros, sive ex parte asserunt, ubicunque inventi fuerunt; unde particularès quorumcunque locorum consuetudines, & Leges in hoc puncto sunt attendendæ.

3 *Captivitas*, seu *Occupatio bellica*. Definitur, quod sit modus acquirendi dominium rerum, & personarum in bello justo captarum §. *item ea* 17. *Inst. de rer. divis.* Distingui autem hic debet inter res mobiles, & immobiles. *Res immobiles* bello occupatæ acquiruntur Reip. aut Principi, cujus auspiciis, & autoritate bellum geritur, ut sunt urbes, oppida, præsidia &c. l. *Divus* 31. ff. de *Jur. fisc.* l. *si captivus* 20. ff. de *captiv.* & *postlim. revers.* *Res mobiles*, nisi pretiosiores sint, statim fiunt capientium, §. *item ea* cit. & l. *naturalem* 5. §. *fin.* ff. de acquir. rer. domin. modo cas in conflictu vel in continenti occupent; nam quæ reperiuntur, postquam devicti jam, & expulsi sunt hostes sive mobilia bona, sunt sive immobilia, cedunt juri & potestati victoris, bellum gerentis. Excipiuntur Ecclesiæ, Monasteria, & bona Ecclesiastica, quæ reddi debent iis, à quibus ante invasionem hostilem, possidebantur, ut passim SS. Canones & maxime *Trid. sess. 14. c. 10. de reform.*

4 *Alluvio*. Hæc §. *præerea* 20. *Inst. de rer. divis.* dicitur esse *incrementum* latens, quando nempe quasi insensibiliter motu fluminis uni fundo aliquid accedit. Censetur autem incrementum hujusmodi sequi naturam fundi, cui accedit; & hinc si fundus sit usufructuarius, etiam incrementum usufructuarius erit; si tributarius, & incrementum credatur duraturum; etiam tributum pro rata augeri potest l. *item* 9. §. *huius* 4. ff. de *usufr.*

5 *Accretio*, sive *Coalitio*; Est modus acquirendi, quo notabilis pars prædii alieni, vi fluminis prælio nostro adjecta, eique affixa nobis acquiritur §. *quodsi vis* 21. *Inst. de rer. divis.* l. *adeo* 7. §. *quodsi* 2. ff. de acquir. rer. domin. Proceditque hoc non tantum de fundo, sed etiam de plantis & arboribus, quas fundus, qui coaluit nostro prædio, secum traxit; quia sunt accessorium terræ cōf. cum ea acquiruntur nobis. Intellige autem quoad dominium; nam Jurisdictio, cum adhæreat fundo materialiter spectato, manet eadem, nec transfertur per accretionem.

6 *Insula productio*; de qua distinguendum est; nam Insula enata in mari, fit occupantis; enata in flumine, siquidem mediam partem fluminis tenet, ex æquo inter eos, qui ab utraque parte fluminis prope ripam prædia habent, pro modo latitudinis cujusque fundi dividi debet. Si vero alteri parti propinquior fuerit, quasi ducta per medium fluminis linea res decidenda est; & siquidem extra imaginariam hanc lineam omnino fuerit, tota acquiritur propinquiori; si verò adhuc sit intra illam, pro rata, qua cuique vicino ad ripam prædia possidenti proximè accedit, inter eosdem dividenda §. *insula* 22. *Inst. de rer. divis.* l. *inter eos* 29. & l. *si Epistolam* 65. ff. de acquir. rer. dom.

7 *Alvei mutatio*. Fit, quando flumen alveum deserit, & novum occupat; quo casu alveus de novo occupatus sit publicus, aut illius, cujus erat flumen; prior autem alveus accrescit illis, qui prope ripam prædia possident, & hoc pro rata latitudinis cujusque prædii ad ripam additi §. *quodsi* 23. *Inst. de rer. divis.*

8 *Specificatio*. Est formatio novæ moraliter speciei ex materia vel simpliciter aliena, vel partim propria, partim aliena §. *quum ex aliena* 25. *Inst. de rer. divis.* l. *adeo* 7. §. *cum quis* 7. ff. de acquir. rer. dom. In hac circa acquisitionem domini est distinguendum; nam si species ex tali materia facta destrui, & ad pristinam, ac rudem materiam reduci possit, ut cum ex alieno armento sit scyphus, quod fabrefactum est, fit illius, cujus est materia, qui tamen, si bona fide introducta sit forma, tenebitur ad præstandam æstimationem formæ sibi utilis. Ar si species utiliter in materiam pristinam resolvi nequeat, sed forma sublata, usum perderet, considerandum, an bona fide hoc factum sit, an vero mala. Si bona, species pertinet ad illum, qui formam induxit, ita tamen, ut obligetur ad compensandam alteri materiam; si mala fide, species tota absque præstatione æstimationis formæ à domino materiæ vindicari potest.

9 *Accessio*. Hæc etiam *Intextura*, *Adjunctio*, *Susfutura*, & *Sutura* vocatur. Fit, cum per nostram industriam, & laborem res aliena nostræ suam speciem retinenti accedit, ut si alienam purpuram intexas tuæ vesti, geminam alienam inseras tuo annulo; quo casu purpura, & gemma tuæ sunt, manet tamen obligatio præstandi æstimationem purpuræ, & §. *si tamen* 26. *Inst. de rer. divis.* & l. *in rem actio* 23. ff. de *R. V.*

10 *Scriptura*; per hanc acquiritur dominium characterum ei, in cujus materia scribuntur §. *litteræ* 33. *Inst. de rer. divis.* Neque obest, etsi auræ essent litteræ; adhuc enim chartæ, seu membranæ cederent. Quod intelligendum est de Jure communi; hodie enim, ut observant DD. per consuetudinem potius charta scripturæ, quam scriptura chartæ cedit, maxime si opus aliquod egregium scriptum, aut æneis litteris impressum foret.

11 *Pictura*; per hanc acquiritur dominium tabulæ; qui enim in aliena tabula pingit, & tabulæ, & picturæ dominus fit §. *si quis* 34. *Inst. de rer. divis.* l. *quaratione* 9. §. *sed non* 2. ff. de acquir. rer. dom. Excipe, nisi tabula sit pretiosior pictura l. *in rem* 23. §. *sed et id* 2. ff. de *R. V.* Quodsi pictura non tabulæ, sed rei immobili vel muro sit superinducta, pictura subjecto cedit; quia ejus veluti gratia adjecta est, ut ornatior fieret.

12 *Confusio*. Fit, quando duorum materiæ liquidæ, aut liquefactæ, sive ejusdem, sive diversi generis, ita miscentur, ut ab invicem arte humana, & via ordinaria separari nequeant, ut si vinum miscetur vino &c. Et tunc quidem, si hæc confusio fiat portione non admodum inæquali, sive casu, sive ex communi consensu, confusus liquor sit communis utrique domino §. *si duorum* 27. *Inst.*



*Inst. de rer. divis. l. adeo 7. §. voluntas 8. ff. de acquir. de rer. domin.* Si vero ab uno sine consensu alterius, & cum intentione acquirendi dominium, videndum, an bona, vel mala fide confusio facta sit; nam si mala fide, tota massa cedit læso sine obligatione refundendi quidquam miscenti, ut *arg. l. 53. ff. de R. J.* concludit Konig *hic num. 102.* Si bona fide facta sit, & maiorem partem de proprio liquore, pertinebit ad illum, à quo facta est confusio; si in quantitate valde modica, spectabit ad dominum liquoris exsuperantis; si in æquali portione, communio oriatur, & communi dividendo expetiri valent recessuri à communione *l. Marcellus §. Pomponius 2. l. idem Pomponius 5. §. idem scribit 1. ff. de R. V.*

34 13 *Permixtio.* Fit, quando corpora solida, & quæ etiam post mixturam à se invicem discreta manent, suamque singula speciem retinent, inter se miscentur, ut si frumento milceatur frumentum &c. *§. quod si frumentum 28. Inst. de rer. divis.* Et quidem si permixtio facta est voluntate dominorum, acervus ille fit communis; si casu, aut voluntate unius ex dominis facta est, quilibet dominium suæ partis retinet; cons. datur cuilibet actio in rem pro modo seu quantitate frumenti, quod quisque in eo acervo habet *§. quod si, & l. idem Pomponius cit.* Peculiare quid statutum est de pecuniis; nam qui alienam pecuniam suæ ita miscet, ut indiscernibiles sint, siue bona, siue mala fide id fecerit, fit dominus totius summiæ, cum obligatione tamen personali refundendi alteri pretium æquivalens *l. si alieni 78. ff. de solution.*

35 14 *Ædificatio.* De hac Jura statuunt omne id solo cedere, quod solo inædificatur *§. cum in suo 29. Inst. de rer. divis.* Et hinc si quis ex aliena materia in solo proprio ædificium erexit, ipsi ædificium jure soli acquiritur, ita tamen, ut dominus materiæ pro hac satisfactionem petere, vel si satisfactum non sit, ædificio diruto illam sibi vindicare possit *§. cum in suo cit.* E diverso si quis ex sua materia in alieno solo ædificaverit, illius sit domus, cujus est solum; & quidem si sciverat solum esse alienum, in foro externo pro ædificio petere nihil potest; si vero ædificavit ignorans solum esse alienum, contra dominum soli, detrahentem solvere æstimationem materiæ, & alias expensas factas, habet exceptionem doli mali; quia cum detrimento possessoris bonæ fidei nemo debet locupletari *§. ex diverso 30. Inst. eod. l. adeo 7. ex diverso 12. ff. de acquir. rer. dom.*

36 15 *Plantatio.* Vi istius plantæ dominium cedit domino soli *§. si Titius 31. Inst. de rer. divis. l. adeo cit. §. fin.* Hinc si plantas plantam alienam in tuo solo, tua erit; si tuam in alieno, illius erit, cujus est solum; si tuam partim in tuo, partim in alieno, communis erit utrique domino; ad hunc tamen effectum requiritur, ut in utroque solo consistat; nam si arbor in unius fundo tantum sit posita, etsi in alterius fundum radices misertit, illius tota est, in cujus fundo illius origo, & plantatio est *l. si plures 6. ff. arbor. furti. casar.* Neque aliud colligitur ex *§. si Titius, & l. adeo cit.* dum ibidem dicitur, arborem Titii effici, si in ejus fundum radices egerit; nam ut Tholosan. *l. 20. Synagm. c. 9.* explicat, id intelligendum est, si simul etiam ipse caudex dimidiatus fiet in fundo Titii.

16 *Satio.* Hæc Plantationem imitatur, & dominium seminis sati confert illi, cujus est solum *§. qua ratione 32. Inst. de rer. divis. l. qua ratione 9. princ. ff. de acquir. rer. domin.*

37 17 *Fœtura animalium.* Per hanc nobis acquiritur id, quod ex animalibus dominio nostro subjectis nascitur *§. item ea 19. Inst. de rer. divis. l. item qua et ff. de acquir. rer. domin.* Proceditque hoc, licet animal nostrum ex alieno conceperit *l. idem Pomponius 5. §. idem scribit 2. ff. de R. V.* & ratio est, quia res fructificat domino suo, & sicut partus ancillæ, ita etiam fœtus animalis ventrem sequitur.

18 *Perceptio fructuum;* nam hi ex re aliena bona fide possessa possessori acquiritur *§. si quis à non domino 35. Inst. de rer. divis.* quod ita statutum est tum propter rei curam, vel culturam; tum propter bonam fidem, quæ facit, ut possessor pene dominus reputetur *l. bona 48. princ. ff. de acquir. rer. domin.* saltem post peremptionem juxta *Reg. 136. ff. ubi Paulus, Bona fides,* inquit, *tantundem possidenti præstat, quantum veritas, quotiens lex impedimento non est.*

19 *Translatio, vel potius rei tradite apprehensio;* Hæc 38 ut dominium transferat, requiritur 1. ut subsit titulus, & iusta causa, quæ sit habilis ad transferendum dominium, e.g. donationis, emptionis &c. *l. nunquam nuda 31. ff. de acquir. rer. domin.* 2. Ut fiat à domino habente liberam administrationem rerum suarum *l. traditio 20. ff. eodem.* Hinc traditio facta à pupillo non transfert dominium. 3. Ut intercedat utriusque tam accipientis, quàm dantis voluntas, atque consensus in rem, quæ traditur, *l. in omnibus 55. ff. de O. & A.* 4. Ut res tradita sit vacua ab alterius possessione. 5. Ut traditio facta sit sine conditione tacita, vel expressa; omnis enim conditio suspendit obligationem usque ad eventum.

Quæritur 6. qui sint effectus Proprietatis, seu Domini? Resp. *Primus est,* quod dominus re sua liberè uti, imò etiam abuti possit; nam rei suæ quisque moderator, & arbiter est *l. in re mandata 21. Cod. Mandati.* 2. Quod invito auferri nequeat, sed si gravis momenti sit, dominus rei defendere hanc etiam cum occisione injulsi invaloris possit. 3. Quod dominus in rebus suis præferatur creditoribus omnibus. 4. Quod si in Possessorio utraque pars litigans pares probationes afferat, ea pars vincat, quæ dominium, & proprietatem probat; nam possessio titulata magis justificatur per viam rationis *cap. licet causam 9. & ibi Abb. de Probat.* 5. Quod domino, si possessione rei suæ amiserit, competat in rem actio, seu Judicium Petitorium, quo vindicare illam ab injusto possessore potest *l. in rem 23. ff. de R. V. l. actionum 25. ff. de O. & A.*

### §. III.

*Qua ratione tractanda sit causa Possessionis, & Proprietatis?*

#### S U M M A R I U M.

- 40 *Quæ sit Causa Possessionis, & Proprietatis?*
- 41 42 43 *Remedia agentis in Petitorio.*
- 44 45 *Remedia possessoria adipiscenda.*
- 46 47 *Retinenda.*
- 48 *Et recuperanda possessionis.*
- 49 50 51 52 53 *Coram quo Jdice institui debeat Judicium possessorium de rebus spiritualibus?*
- 54 55 56 57 58 *Causa possessionis, & proprietatis apud eundem Judicem tractari debet.*
- 59 *Monitum de hoc Jctorum.*
- 60 61 62 *Possunt hæc duo Judicia cumulari.*
- 63 64 65 *Etiã quando influuntur Judicia retinenda.*
- 66 67 68 *Modus procedendi, quando hæc duo Judicia cumulantur.*
- 69 *An casu, quo quis egit ab initio Judio petitorio, possit, eo suspensio, intentare possessorium?*
- 70 *An casu, quo lata est sententia in Petitorio contra actorem, admitti is possit ad Possessorium?*

Quæritur 1. quæ dicatur Causa Possessionis, & 40 Proprietatis? Resp. *Causa Possessionis* vocatur, in qua principaliter agitur de possessione, vel quasi possessione, siue adipiscenda, siue retinenda, siue recuperanda. *Causa Proprietatis* verò, in qua principaliter agitur de rei controversiæ proprietate, seu dominio, vel alio jure extra possessionem, vel quasi possessionem. Ex his causis etiam denominatur Judicium, *Possessorium* quidem, in quo disceptatur de causa possessionis; *Petitorium* verò, in quo de causa proprietatis. Utro autem Judio causa agatur, ex conclusione libelli potissimum colligi potest; nam si actor concludat Adversarium suum sibi condemnari ad restitutionem rei, agit Judio possessorio; si vero se dominum rei controversiæ pronuntiari petat, agit Judio Petitorio.

Quæritur 2. quale remedium habeat agens Judio Petitorio? Resp. huic Jus actionem concedit, eamque diversam pro diversitate causæ, de qua in Judio est controversia; nam si petatur res corporea, cujus dominium verum datur, competit Rei vindicatio; si res incorporea, cujus quasi dominium datur, ut sunt Ususfructus, servitutes, Jurisdictio, Dignitates, Beneficia, & Pensiones Ecclesiasticæ, Jus pascendi, venandi, decimandi &c.



Jure communi proditæ sunt variæ actiones reales Rei vindicationi similes, præsertim actio confessoria, & negatoria; si verò de Jure ad rem solum agatur, competunt actiones personales, sive ut etiam vocantur, Conditiones.

2. *Rei vindicatio* datur adversus possessorem rei corporalis, & ea actor petit, se ejus dominum declarari, & illam officio Judicis sibi à possessore restitui. Vvesenbec. ff. de R. V. num. 2. Perez. C. ibid. n. 2. Vviesl. hic n. 103. & alii communiter. *Actio Confessoria* datur adversus eum, à quo quis ab hujusmodi Juris usu impeditur, & hac contendit actor sibi Jus tale adversus impediendum competere. Vvesenbec. ff. si servit. vindicet. n. 1. Manz. in §. aequè 2. Inst. de action. confess. nu. 19. & 23. Vviesl. hic num. 104. *Actio negatoria* competit rei e. gr. prædii domino adversus eum, qui præterdit, & utitur aliqua servitute in prædio illo; quod tamen dominus dicit esse liberum, & præteritæ servituti obnoxium esse negat §. aequè cit. & ibi DD.

3. Ut *Rei vindicatione* in Judicio Actor obtineat, probati debet, eas res, quas petit, esse suas, easque à reo, contra quem agit, possideri, vel saltem dolo desisse ab ipso possideri. Ut obtineat *Actio Confessoria*, ostendere debet, hujusmodi Jus sibi competere, & in ejus libero usu se ab Adversario suo turbari. Ut *Actio negatoria*, non opus est, ut aliquid probet, sed onus probandi incumbit Adversario, qui, nisi ostendat servitutem in prædio constitutam, & eam sibi deberi, prædium ab illa pronuntiabitur liberum; quia unaquæque res esse libera à Jure præsumitur, donec eam servituti esse obnoxium probetur. Ut denique *Actio personali* Adversarium sibi obnoxium Actor convincat obligatione aliqua in Judicio petitorio, probare debet non solum obligationem, tanquam actionis suæ causam proximam, sed causam quoque ejus remotam, sive titulum specificum, ex quo ea præstandi obligatio orta est, e. gr. venditionem equi, conductionem ejus operarum, aut alium contractum, vel quasi contractum &c. Vviesl. hic numer. 106.

4. Quæritur 3. quotuplex sit Judicium, seu Remedium Possessorium? Resp. est triplex, sc. adipiscendæ, retinendæ, & recuperandæ possessionis §. sequens 2. Inst. de Interdict. Totidem enim modi sunt, quibus moveri quæstio de possessione potest, videlicet 1. ut consequatur Actor possessionem, quam unquam habuit. 2. Ut retineat, quam habet, & in qua turbatur. 3. Ut recuperet, quam amisit. Judicia hæc, seu remedia vocantur *Interdicta*, h. e. remedia, seu actiones à Prætoribus introductæ, per quas aliquid fieri jubet, aut vetat super possessione, vel quasi.

*Interdictum adipiscendæ Possessionis* triplex est, Interdictum *Quorum bonorum*, *Quorum Legatorum*, & *Salvianum*. Primum competit hæredi post aditam hereditatem ad capiendam possessionem rerum hereditariarum, adversus eum, qui aliquid ex iis vel pro hærede, vel pro possessore possidet, aut dolo, vel culpa desit possidere §. adipiscendæ 3. Inst. de Interdict. l. ait prætor 1. ff. quor. bonor. l. si ex edicto 2. C. eod. Pro hærede possidere dicitur, qui putat se esse hæredem, & tamen non est; pro possessore, qui possidet ut prædo sine omni titulo. Petit hoc interdictum Actor à Judice sibi restitui seu dari hereditatem debere. Alterum competit hæredi, vel bonorum possessori contra Legatarium ad restituendum legatum, quod ille propria autoritate occupavit l. hoc interdictum 1. §. & continet 2. ff. quod legator. Conceditur ad detrahendam Falcidiam ex Legato, & probabiliter ob alias justas causas. Marant. de Ordin. Judic. p. 4. dist. 7. n. 10. Gonz. inc. 6. h. tit. nu. 8. Laym. inc. 2. eod. nu. 1. Hæres tamen, ubi restitutionem Legati obtinuerit, ad petitionem Legatarii præstat idoneam cautionem de ea re, detracto suo interesse. iterum reddenda l. hoc interdictum cit. §. quod ait 16. & seq. l. si quis 1. §. non exigit 1. ff. ut in possess. legat. l. universa 4. C. de precib. Imp. offerend. Tertium à Salvio Juliano Edicti auctore dictum competit domino, seu locatori fundi adversus colonum, seu conductorem, ut rerum, quæ à colono in prædium conductum illatæ, & pro mercede conductionis expresse pignori obligatæ sunt, possessionem consequatur §. adipiscendæ cit. fin. l. eo jure 4. princ. ff. in quib. caus. pign. vel hypoth. racit. contrah. & datur etiam adversus tertium possessorem l. si colonus 1. ff. de Salvian. Interdict. Abb. inc. 3. h. tit. n. 14. Marant. l. cit. n. 12. Gonzal. n. 9.

Schmalzgrueber Tom. II.

Hæc remedia Prætoria sunt, præter illa pro adipiscenda possessione Jure Civili adhuc alia competunt eaque potissimum tria. Primum ex l. fin. C. de edict. Div. Hadrian. tollend. datur Hæredi, qui testamentum prima fronte nec cancellatum, nec abolutum, nec ulla ex parte vitiarum Judici competenti exhibet, ut rerum hereditariarum possessionem illicd, & absque mora ex sola testamenti inspectione consequatur. Alterum habetur l. creditores 3. C. de pignorib. ubi creditoribus vi pacti conventi facultas tribuitur ingrediendi possessionem rerum ad debitorem pertinentium, quod tamen ut rite fiat, necesse est, ut creditor ante ingressum debitum liquider. vel si jam ingressus est, liquidationis articulos Judici offerat, nisi malit, quod est tutissimum, ante ingressum fundi Judicis auctoritatem adhibere, ut optimè advertit Magnif. D. Christoph. de Chlingensperg Inst. de Interdict. q. 18. & apud hunc Giphani. in l. creditores citat. Tertium est Imploratio Officii Judicis facta ab hærede, ut auctoritate ejus, & auxilio vacantem rerum hereditariarum possessionem nanciscatur absque incommodo, quod timere potest, si eam propria autoritate velit apprehendere arg. l. qui restituere 68. ff. de R. V. & l. si quis 3. ff. ne vis fiat ei, qui in possess. Menoch. adipisc. remed. 6. num. 6. Haun. tr. 3. num. 348. Vviesl. hic num. 93. Neque beneficium hoc solum competit in rebus hereditariis, sed etiam in causis beneficialibus; nam & is, qui prævia electione, præsentatione, vel nominatione, & subsecuta confirmatione, collatione, vel institutione, consecutus est Beneficii Ecclesiastici titulum, & proprietatem, ut etiam actuale, vel, ut ajunt, corporalem illius possessionem nanciscatur, potest recurrere ad Archidiaconum, aut alium, qui de Jure, vel consuetudine facultatem mittendi in possessionem habet. Marant. p. 4. dist. 7. n. 13. Menoch. l. cit. n. 34. Vviesl. hic n. 94. Schambog n. 8.

*Interdictum retinendæ possessionis* duplex est, videlicet, 46. *Ut possidetis*, & *Utrubi*. Primum datur pro rebus immobilibus, alterum pro mobilibus §. retinendæ 4. Inst. de Interdict. Gloss. in capit. pastoralis 5. V. quod de recuperanda hoc titul. Abb. ibid. numer. 16. Competit hoc Interdictum Possessori, qui in sua possessione turbatur injustè, & extrajudicialiter, adversus turbantem in possessione, ut turbare desinat, teneaturque ad interesseurbationis factæ præstandum. Utroque vincit, qui tempore litis contestatæ possessionem habet sine vitio, i. e. nec vi, nec clam, nec precario ab adversario suo §. retinendæ cit. l. si duo 3. ff. ut possidetis. Quod si uterque litigatorum se possidere contendat, videndum, an diverso respectu, an eodem possideant. Si diverso, e. g. unus contendat sibi competere possessionem civilem, alter naturalem, unus usum rei, alter usumfructum, unus simplicem Jurisdictionem, alter imperium mixtum, vel inerum, Judex utrique adjudicare suam possessionem, & utrumque diversis respectibus condemnare debet, e. g. fructuarium, ne proprietarium turber in possessione suæ proprietatis, & proprietarium, ne turber fructuarium. Magnific. Dom. Christoph. de Chlingensperg. l. citat. quæst. 22.

Si verò eodem respectu uterque contendat se possidere e. g. Jus piscandi in flumine, venandi in silva &c. ponuntur rectè sequentes regulæ. 1. Si unus eorum in probatione defecerit, possessio adjudicanda est vincenti in probatione juxta vulgarem Regulam, quod actore non probante reus absolvi debeat l. qui accusare 4. C. de edend. 2. Si uterque probavit se justè, & nec vi, nec clam, aut precario possidere, illi adjudicanda possessio est, qui probavit possessionem antiquiorem; nam eo casu possessio recentior præsumitur vitiosa, quod duo eandem rem, & eodem modo possidere nequeant capit. licet 9. vers. ex præmissis de probat. 3. Si neuter probavit possessionem antiquiorem, sed uterque parem in tempore, præferendus est, qui probat possessionem munitam titulo: & hic est casus specialis, in quo possessor, ut vincat in judicio, titulum probare debet. 4. Si in titulo etiam fuerit paritas, is obtinebit, qui produxerit testes numero plures, opinionem integros, & depositione probabiles capit. licet citat. vers. quanquam, & vers. ex præmissis. 5. Si utrinque omnia supponantur esse æqualia (quod quidem in praxi rarè accidit) optimè Judex fecerit, si pronuntiet secundum formam Interdicti, *Ut possidetis, ita possideatis*, min. ut uterque possi-



possideat communiter, & pro indiviso *arg. c. licet citat. V. cum ergo*. Ita enim fiet, ut tantum quis obtineat, quantum probavit. 6. Si verò partes hac sententia non contentæ litigare pergant, possessionem eo casu sequestrabit Judex usquedum vel perpetuam transactionem inter se ineant, vel Petitorium instituant, ut sic appareat, ad quem pertineat Jus proprietatis, & hujus possessio.

48 *Remedia recuperanda possessionis* diversa omnino viginti enumerat Pax Jordan. tit. 12. n. 2. & seqq. de quibus aliqua afferentur *Tit. seq.* reliqua apud *citat.* Jordanum videri possunt. Hic duo solum enumerō: unum ex his datur pro recuperanda possessione rerum immobilium, à qua per vim aliquis est dejectus, contra eum, qui spoliavit, vel spoliare fecit: & dicitur *Interdictum unde vi §. recuperanda* 6. *Inst. de Interdict. l. prator ait 1. ff. de vi & vi armat. l. recte 1. C. unde vi*. Alterum datur pro recuperandis rebus mobilibus vi ablatis, & Actio *vi bonorum raptorum* appellatur; intellige autem, si principaliter agatur de mobilibus vi ablati; nam si accessorie tantum, Interdictum *unde vi* extenditur etiam ad mobilia, quæ erant in loco, unde quis expulsus est *l. prator ait cit. princ. & §. si fundus 32. ibid. l. si quando 9. C. unde vi*. Pax Jordan. *l. cit. n. 3*. Porro Interdictum *unde vi* dupliciter datur: *directum*, si quis de possessione rerum corporalium; *utile*, si quis de quasi possessione rerum incorporalium dejectus est; nam etiam pro Juribus incorporalibus; & annuis præstationibus competit. Bald. *consil. 425. nu. 3*. Marant. *p. 4. dist. 7. nu. 30*. Menoch. *recup. remed. 1. n. 45*. Intentari debet intra annum utilem; nam eo elapso non competit, nisi ad id, quod pervenerit ad dejectorem *l. vi pulsos 2. & ibi DD. C. unde vi*. Excipe, si opponatur exceptio; nam exceptione remedium istud fit perpetuum. Marant. *l. cit. num. 32*. Menoch. *n. 454*. Jordan. *n. 6*.

49 Queritur 4. coram quo Judice institui debeat Judicium Possessorium de rebus spiritualibus, vel quasi spiritualibus, an coram Judice Ecclesiastico, vel coram seculari? Soli Judici Ecclesiastico tali casu cognitionem competere volunt Gutier. *l. 1. q. Canon. c. 34. a n. 24*. Azor. *p. 1. l. 5. c. 14. n. 1*. Garc. de Benef. *p. 1. c. 2. a nu. 50*. Marta de Jurisd. *p. 4. cent. 1. cas. 38. n. 11*. Moneta *tr. de Decim. c. 8. q. 1. n. 11*. Gratian. *discept. for. c. 238. n. 8*. Spectell. *Decis. 8. per totam*, Barbos. *Jur. Eccl. l. 1. c. 39. §. 2. n. 173. & 177*. Ranbeck *Panopl. Immun. D. 2. c. 5. a numer. 9* & multi alii apud istos: Fundatur 1. diversis Juris Canonici textibus, maxime *c. discernimus 2. de Judic.* ubi causa possessionis super re spirituali foro Ecclesiastico attribuitur: Item *Clem. fin. de Judic.* ubi dicitur præstationem Decimarum urgeri posse propositis Censuris Ecclesiasticis, quas ferre nequit potestas secularis. 2. Solus Judex Ecclesiasticus cognoscere hoc casu potest de proprietate. Ergo etiam de possessione; nam causarum continentia dividenda non est; & dignius trahit ad se id, quod minus dignum est. 3. Possessio rei spiritualis etiam ipsa spiritualis est; nam si justa est, involvit jus eam detinendi: quod non minus spirituale est, quam ipsa proprietatis rei spiritualis. 4. In Possessorio rei spiritualis exhibendus est titulus, sive causa possidendi, cujus causæ, sive tituli cognitio cum competat soli Judici Ecclesiastico, ad eundem etiam pertinebit discussio causæ possessoriae. 5. Saltem dubium est, an causæ rerum spiritualium, hisque annexarum in possessione fori Ecclesiastici propriè sint. Igitur locus erit regulæ, quod in dubio, an Jurisdictio ad illud, vel seculare forum pertineat, illud tanquam dignius semper sit præferendum.

50 Altera sententia cum Guid. Papa, *decis. 1. num. 149*. Boer. *decis. 69. num. 23*. & aliis magno numero relatis apud Barbos. *l. cit. nu. 161*. vult hujusmodi causas etiam in Foro seculari agitari posse, & videtur illud suaderi 1. ex *can. petimus 19. caus. 11. q. 1*. ubi Concilium Carthaginense III. non obscure indicat, adeundum esse Rectorem Provinciæ in causis Possessionis rei Ecclesiasticæ, quam aliquis invaserat. 2. Ex *c. causam 7. qui fil. legit. ibi nos attendentes*, quod ad Regem pertinet, non ad Ecclesiam, de talibus possessionibus judicare. 3. *cap. final. de Judic.* ubi Judex secularis de possessione inter quendam Abbatem, & Monachos ex una, & communitatem cujusdam Castri ex altera parte cognoscit; nec tamen improbat Pontifex, sed potius confirmat. 4.

Quia sic Barbosa teste *l. cit.* habet praxis præcipuorum Europæ tribunalium. 5. Quia causa possessoria rei spiritualis non est spiritualis, hoc ipso, quod talis non sit rei spiritualis possessio, cum per actus merè temporales acquiratur, turbetur, & auferatur.

Melius proceditur via media, quam tenent Covarr. 51 *Pract. qq. cap. 35. num. 1*. Laym. *l. 4. tr. 9. c. 2. n. 11*. Pirh. *hic n. 18*. Sannig *c. 3. num. 5*. Schamb. *num. 9. & 10*. Vviesl. *num. 119*. qui difficultatem ope distinctionis dirimunt: Vel enim admixta est aliqua quæstio Juris, vel solum est quæstio facti. Si primum, ad Judicem Ecclesiasticum tantum pertinet, etiam si reus conventus sit Laicus; quia causa involvens quæstionem Juris spiritualis, & Justificationem tituli etiam ipsa spiritualis est, eo ipso, quod titulus, & jus detinendi sit spirituale. Si secundum, altera distinctio est facienda, & quidem si litigantes, vel saltem reus conventus sit persona Ecclesiastica, causæ possessoriae cognitio iterum ad Judicem Ecclesiasticum solum spectat, ut exploratum est apud omnes melioris notæ DD. Si verò reus conventus sit Laicus, erit causa mixti fori. Sumitur ex argumento quintò secundæ sententiæ; nam quæstio de possessione rei spiritualis, si merè facti sit, nihil spirituale continet; de facto autem à spiritualitate abstracto non apparet, cur cognoscere Judex secularis nequeat. Potest autem de eodem cognoscere in hoc casu etiam Judex Ecclesiasticus; quia spolians, & turbans Ecclesiam in quasi possessione v. g. Juris Decimandi reus est sacrilegii, ut cum communi docent Abb. in *c. litteras 2. de Juram. calumn. num. 8*. sacrilegii autem crimen est mixti fori, ac proinde Ecclesiastici Judicis cognitioni subiectum est.

Neque aliud probant Argumenta primæ sententiæ. 52 *Ad 1.* textibus primo, & ultimo loco allegatis possessorii ne verbo quidem sit mentio; sed priori quidem cavetur, ne Laici Ecclesiastica negotia tractare præsumant, quale tamen, ut *num. pract.* ostensum est, non est causa Possessoria, si Juris quæstionem admixtam non habeat; posteriori autem dicuntur decimarum debitores per Censuras ad earum solutionem compellendi, non tamen excluduntur alia remedia, quibus illarum debitores Laici à seculari Judice compellantur. In secundo textu allegato agitur quidem etiam de possessorio; sed causa, quæ ibi instituta est, instituta fuit contra Clericos, quos tam in Judicio petitorio, quam possessorio coram Judice Ecclesiastico conveniendos esse dictum est *num. pract.* *Ad 2.* quando causa una ex connexis ad unum forum spectat, altera ad alterum, causarum continentia potest dividi, ut patet in casu, quo Clericus in Possessorio de re temporali agit contra Laicum in foro seculari; nam si Laicus vicissim adversus eundem intenet Petitorium, ob exemptionem personæ causa illa proprietatis agitari debet in foro Ecclesiastico. *Ad 3.* id verum est, quando admixta est quæstio Juris; secus, quando solum est quæstio facti. *Ad 4.* imprimis Abb. in *cap. in litteris 5. de restit. spoliat. n. 12*. negat semper necessarium esse, ut in hujusmodi possessorio exhibeatur titulus, & probetur: deinde est, exhiberi, & probari debeat titulus saltem coloratus, hoc non obstat Judici seculari; etsi enim iste cognoscere nequeat de veritate, & viribus tituli, de ipsius tamen coloratione, cum in facto consistat, cognoscere non prohibetur in multorum sententia, quam etiam defendunt Menoch. *tim. remed. 3. num. 336*. Farin. *prax. crim. q. 8. numer. 23*. Vviesl. *hic num. 129*. *Ad 5.* Juris dubii optima interpretes consuetudo est. Atqui consuetudo, & praxis celebriorum tories Europæ, & Germaniæ etiam nostræ Curiarum Judicibus secularibus ejusmodi causarum cognitionem permittit. Ergo &c.

Non efficaciora sunt Argumenta secundæ sententiæ. 53 *Ad 1. ex can. petimus cit.* tantum sequitur, quod persona Ecclesiastica possit subsidium, & opem Judicis secularis implorare pro recuperatione, & defensione rei suæ. *Ad 1. capit. 7. cit.* loquitur de rebus temporalibus, & possessionibus Laicorum. *Ad 3. illo cap.* agebatur causa inter personam Ecclesiasticam, & Sæcularem, & Ecclesiastica trahebat Sæcularem ad Judicium; ideoque ejus forum sequebatur. *Ad 4.* qualis sit tribunalium Europæ praxis, patet ex *n. pract. ad 5. Ad 5.* causa possessoria non est spiritualis, quando quæstionem Juris admixtam non habet.

Queritur 5. an Causa Proprietatis, & Possessionis 54 apud



apud eundem Judicem tractari debeat? Videtur tenenda negativa ob c. fin. de Judic. ubi potestati Florentinæ super proprietate Juris, controversia inter Monasterium, & communitatem sæcularem, cognitio Judicialis denegata est, quantumvis super ejusdem Juris possessione, vel quasi inter eadem controversia jam pronuntiavit. Conf. quia *proprietas nihil commune habet cum possessione*, ut l. naturaliter 12. §. nihil 1. ff. de acquir. vel amitt. posses. loquitur Ulpianus.

Sed respondendum nihilominus affirmativè. Ita statuitur c. susceptis 1. h. tit. & docent ibidem Gloss. V. sub uno, Vivian. in ratione. Barbof. n. 1. Gonzal. n. 8. & seqq. Laym. num. 1. & in c. 5. eod. n. 2. Vallenf. hic §. 5. nu. 6. Zoef. n. 5. Pirh. n. 20. Sannig n. 5. n. 1. Schambog. n. 11. Vviest. c. 109. Ratio desumitur ex l. nulli 10. C. de Judic. ubi decernitur, ne quis causa continentiam dividat, sive causas, quæ connexionem aliquam inter se habent, apud diversos Judices ventilet. Atqui causa proprietatis, & possessionis connexæ sunt inter se: connectuntur enim tum ratione subjecti; quia versantur circa eandem rem: tum ratione facilioris cognitionis, & decisionis; quia qui de possessione cognoscit, facilius cognoscere, & definire potest de causa proprietatis. Ergo ab uno, & eodem Judice rectè cognoscuntur.

Et hoc verum est; non solum, quando possessorem simul agitur cum petitorio, & eo pendente, sed etiam quando finita causa possessionis, instituitur causa proprietatis; adhuc enim idem Judex, qui de possessione cognovit, etiam super proprietate est adeundus, ut ex ratione allata probat Barbof. l. cit. num. 4. & confirmat; quia Judex, qui de possessione cognovit, magis instructus est, ut decidere possit negotium proprietatis. 2. Extenditur etiam ad Judicem delegatum, cui simpliciter, & in genere, vel in specie causa proprietatis est delegata; nam hic, nisi expressè delegatio ipsi facta sit super sola causa proprietatis, etiam de causa possessionis potest cognoscere, ut docet Gloss. inc. pastoralis 5. V. requisitus h. tit. Abb. ibid. n. 10. Vviest. hic nu. 111. & clarè patet ex cap. ad hoc 1. vers. Cælestinus de sequestr. possess. ubi de utraque possessionis, & proprietatis causa cognitio delegata adstruitur ex ratione, quod causa absolute, & indistinctè commissa fuerit, & ejus contentia dividi non debeat. 3. Idem vice versa dicendum est, cum delegatio impetrata est in possessorio; nam si pars vicit in possessorio, apud eundem Judicem delegatum pars altera litem intentare potest in petitorio, ostendendo se rei dominum esse, ut colligitur ex cap. ad hoc cit. Unde regula, qua dicitur, quod Judex delegatus, postquam sententiam dixit, officio suo censeatur functus, ut aliud agere non possit, nisi curare, ut executioni detur sententia juxta c. in litteris 9. de offic. Jud. deleg. intelligi debet, si Judex super tota causa pronuntiavit, non autem, si super parte tantum, ut rectè advertit Abb. in c. cit. numer. 11. Pirhing hic numer. 21. Vviestner num. 114. Neque hic fit extensio rescripti delegationis contra jus; hoc enim cum definit causas connexas tractandas coram eodem Judice, hoc ipso statuit causam possessionis à causa proprietatis non dividendam.

Notanda tamen hic est triplex Exceptio. 1. Si litigantes sint fori diversi; nam si actor sit Clericus v. g. & causam obtinuit in Judicio possessorio coram Judice sæculari Rei, eo finito, coram eodem Judice non tenetur respondere super proprietate, ut colligitur ex cap. fin. de Judic. & ratio est, quia Judex sæcularis incompetens est, ut in causa conventionis pronuntiare possit adversus Clericum. 2. Si causa possessionis, & proprietatis tales sint, ut de utraque non possit Judex cognoscere. Exemplum habes in re spirituali; nam licet Judex Laicus in causa possessoria, cum est questio merè facti, cognoscere possit, ut numer. 51. dixi, non tamen ideo ad eundem spectat definire causam petitoriam, seu proprietatis, cum ibi agatur de Jure. 3. Si Judex specialiter sit delegatus pro causa proprietatis tantum, vel tantum super causa possessionis; tunc enim de altera cognoscere nequit, nisi incidenter per viam teconventionis, si status causæ reconventionem admittat. Extra hos casus, & exceptiones universalis est regula, Judicium proprietatis, & possessionis ab eodem Judice fieri debere.

Neque obstat c. fin. cit. pro parte contraria, quia in casu illius capit. actor & reus erant ordinis diversi, & Schmalzgrueber Tom. II.

unus sæculare, alter Ecclesiasticum solum sortiebatur. Ad Conf. concedo, quod causa proprietatis, & possessionis nihil habeant secum commune quoad essentiam, acquisitionem, amissionem; quia separari possunt, ita ut uni competat dominium, possessio alteri: nego autem, quod nihil habeant commune in ordine ad actus Judiciales; sub ea enim ratione sunt maximè connexæ, cum sæpe causa possessionis in Judicio obtineri nequeat, nisi exhibeatur à possessore jus aliquod, seu titulus proprietatis: & hinc fit, ut dividi non debeant, nec apud diversos Judices tractari.

Quæritur 6. quomodo proponi, & tractari debeat causa possessionis, & proprietatis? Resp. salubre Ictorum monitum est, ut Actor causam proprietatis non intenet, quamdiu remedio aliquo possessorio potest agere; & ratio clara est, quia dominium, & proprietas probantur difficillimè; neque enim ex eo, quod quis ostendat se possidere prædium titulo emptionis, statim sequitur, quod dominium illius habeat, cum venditor potuerit non fuisse dominus illius prædii, qui proinde dominium illius transferre non potuit, quo ipse caruit. Et hinc in casu, quo aliquis possessionem amisit, & veretur contra novum possessorem Petitorium instituere, utile remedium Jure Prætorio introductum est, quo uti in tali casu Actor possessione dejectus potest, Actio videlicet Publiciana, in qua non est necesse probare dominium, sed sufficit, si actor probet se rem acquisivisse bona fide, sibi que traditam esse ex justo titulo, prout habetur Tit. ff. de Publician. in rem action. & explicant interpretes ad §. 3. & 4. Instit. de Actionib. Hæc satis certa. Dubia hic duo sunt explicanda.

Primum, an causa possessionis, & proprietatis in eodem Judicio simul proponi, & cumulari possit? Negant aliqui apud Bartol. in l. naturaliter 12. §. nihil commune 1. ff. de acquir. poss. n. 14. & videtur probari hoc 1. ex l. incerti 2. C. de Interdict. l. ordinarii 13. C. de R. V. & l. si de vi 37. ff. de Judic. secundum quos textus orta lite super possessione, & proprietate, prius possessionis questio decidenda, deinde probationes domini, seu proprietatis recipiendæ sunt ab eo, qui in possessorio victus est. 2. §. retinenda 4. Inst. de Interdict. ubi negatur posse institui petitoria actio, nisi ante exploratum fuerit, utrius eorum possessio fuerit. 3. l. nemo 43. §. quoties 1. ff. de R. J. ubi Ulpianus, Quoties, inquit, concurrunt plures actiones ejusdem rei nomine, una quis expediri debet. 4. Ratione; quia sententia in uno lata inutilem reddit alteram.

Sed tenenda est sententia affirmativa, quam etiam defendunt Bartol. l. cit. Henr. Canif. hic n. 1. Ferros. in cap. 6. h. tit. quest. 1. numer. 1. & seqq. Gonzal. ibid. numer. 2. & seqq. Laym. in cap. 2. eod. numer. 2. Barbof. ibid. num. 1. Vvagnereck in cap. 5. not. 2. Honor. hic numer. 35. Zoef. num. 6. Vallenf. §. 6. num. 2. Engl. nu. 9. Sannig capit. 5. num. 2. Vviestner num. 139. & constat ex pluribus Juris utriusque textibus: Canonici quidem cap. ad ultimum 2. cap. cum super 4. & duobus seq. h. tit. Civili autem l. cum fundum 18. §. fin. ff. de vi & vi armat. secundum quàm Judicio. quod de proprietate est, pendente, agi potest Interdicto unde vi, quod est possessionum recuperandæ. Item l. hoc interdictum 1. §. quia autem 4. ff. quod legatorum ibi: Bellissimè Arrianus scribit, Hereditatis petitionem (quæ proprietatis est) Instituenendam, & hoc interdictum (Unde vi, quæ possessionis causa est) reddendum. Ratio est, quia hoc modo minuuntur lites, & ex duabus fit una. Potestque cumulatio hæc fieri duplici modo, & primò quidem, si actor in eodem libello & possessionem, & proprietatem sibi dari, & restitui petit; & tunc cumulati potest Judicium petitorium cum possessorio, saltem ex Interdicto adipiscendæ, & recuperandæ possessionis. Deinde etiam separatim, ita ut actore petente possessionem, reus incipiat, & dicat sibi competere proprietatem; & tunc cum Judicio petitorio cumulare potest etiam Judicium retinendæ possessionis.

Ad argumenta contraria facilis est responsio. Ad 1. ex illis textibus aliud nihil inferitur, quàm quod causa possessionis prius discutienda sit casu, quo neuter litigantium in se vult onus probandi suscipere, ut constet, cui illud incumbat. Ad 2. de eodem casu loquitur §. retinenda. Ad 3. id intelligendum de diversis actionibus,



nibus, quarum utraque ad eundem finem tendit: quod non fit in casu nostro; nam Judicium petitorium, & possessorium ad diversa tendunt, cons. unum intentans, non hoc ipso renuntiassse censetur alteri. *Ad 4.* Antecedens absolutè negatur: utilitas hæc est; quia qui in utroque obtinuit, tam possessionis, quam proprietatis commoda consequitur, cum è contrario is, qui in solo possessorio obtinuit, solius possessionis, & qui in solo petitorio, solius proprietatis consequatur emolumenta.

*Alterum dubium* est, an Judicium petitorium cumulari possit etiam cum Judicio possessorio retinendæ? Negat Schneidev. *§. retinendæ 4. Inst. de Interd. num. 11.* & plures alii, quos refert Menoch. *retin. remed. 3. nu. 512.* & colligunt hoc ex *cap. pastoralis 5. h. tit.* ubi Innocentius III. postquam rescipit Petitorium cum possessorio adipiscendæ, & recuperandæ cumulari posse, addidit *Aliis possessoris Judiciis in suo robore duraturis*, non obscure innuens aliud obtinere in Possessorio retinendæ. *Conf.* quia actor instituendo petitorium, hoc ipso fateatur possidere Adversarium; cons. non potest petere, ut defendatur in possessione.

- 64 Sed dicendum etiam hæc Judicia cumulari aliquando posse. Ita Barbof. *in l. si de vi 37. ff. de Judic. a nu. 384.* Fachin. *l. 8. contr. cap. 6.* Zoef. *hic num. 6.* Vviesl. *num. 134.* & alii supra. & Sumitur ex *c. quod super 4. & c. seq. h. tit.* ubi petitorii & possessorii cumulatio conceditur sine exceptione; & ulla distinctione inter Interdicta: & *l. naturaliter 12. ff. de acquir. vel amitt. poss.* ubi Interdictum *Uti possidetis*, sive retinendæ possessionis disertè conceditur ei, qui *cœpit rem vindicare*. Casus autem complures sunt. 1. Quando aliquis agit Judicio petitorio, & nescit se in possessione esse; vel quia putat Adversarium possidere, cum non possideat, vel quia per filium, aut servum possidet; tum enim, postquam id intellexerit, cumulare potest, & instituere Interdictum retinendæ possessionis simul cum Judicio petitorio, & ratio est, quia hic, dum egit Judicio petitorio, censeri non debet hoc ipso renuntiassse Judicio possessorio, cum ignoraverit se possidere. 2. Si is, qui inueniat Judicium petitorium, amisit possessionem naturalem, & retinet solum civilem; tunc enim cum petitorio nihil impedit cumulari Judicium, seu Interdictum retinendæ possessionis ad retinendam possessionem Civilem, quam adhuc habet: & ratio est, quia nulla est hic contrarietas, neque actor per hoc, quod petitorium intenter, censeri potest renuntiassse possessioni suæ civili, ratione cujus hoc Interdictum eidem competit. 3. Si causa agatur de rebus incorporalibus e. g. Juribus, servitutibus; in his enim licet aliquis in possessione sit, si tamen ab altero molestetur, potest una cum interdicto retinendæ possessionis cumulare, & simul instituere Judicium petitorium, videlicet actionem in rem Confessoriam, per quam petat declarati à Judice, quod Adversario jus nullum competat, atque ideò desistere debeat, prout colligitur ex *c. cum super 4. h. tit.* & *§. aequè 2. Inst. de action. 4.* Si agatur adversus detentorem tantum; nam adversus istum, qui agit Petitorio, petere potest, ut etiam detinere desistat.

- 65 Neque contrarium probatur ex *cap. Pastoralis citat.* dicendum enim, Pontificem ibi non meminisse possessorii retinendæ; quia de eo non fuerat consultus. Neque refert, quod addiderit verba *Aliis possessoris in suo robore duraturis, quæ vindicationem sui natura præcedunt*; nam ut exponunt Zoef. *ff. de Interdict. num. 10.* & P. Vvieslner *hic num. 135.* intelligi possunt de casu, quo unus, idemque non suscipit probationem utriusque tam proprietatis, quam possessionis. *Ad Conf.* negatur, quod ex hoc, quod quis agat petitorio, statim sequatur eum implicite fateri, quod alter, adversus quem agit, possessor sit; potest enim esse tantum detentor.

- 66 Quæritur 7. quomodo procedi debeat, quando causa possessionis, & proprietatis cumulantur in eodem Judicio? Resp. eo casu prius cognoscendum est de causa possessionis, quam de causa proprietatis: utraque autem causa terminari debet eadem sententia, ita tamen, ut iterum prius pronuntietur de causa possessionis, quam de causa proprietatis, in executione prævaleat causa proprietatis. Ita Vivian. *in c. 2. h. tit.* Laym. *ibid. num. 7.* Barbof. *n. 2. & in c. 6. n. 1.* Gonzal. *in idem c. 6. nu. 2.* Henr. Canis. *n. 1.* Honor. *hic n. 36.* Zoef. *n. 7.* Sannig.

*c. 5. nu. 3.* Vviesl. *nu. 136.* & duobus seqq. & novissimè Clariss. P. Schmier *tr. de Judic. c. 6. an. 29.* Responsio plura habet membra.

Dixi 1. prius cognoscendum de causa possessionis, quam de causa proprietatis. Sumitur ex *cap. ad ultimum 2. h. tit.* Ratio est, quia Judicium petitorium procedere non potest, nisi prius constet de possessione. Et hinc casu, quo uterque litigantium contendit possessionem, imò etiam proprietatem ad se spectare, prius saltem summarie tractari debet, & decidi Possessorium, quam Petitorium, ut appareat, quis sit possessor, & quis sit petitor, seu in Petitorio Judicio actor; nam qui causa cecidit in Possessorio, fit actor in Petitorio, & si in hoc obtinere velit, debet probare dominium *l. exitus 35. ff. de acquir. vel amitt. poss. l. ordinarii 13.* juncta Glossa. *V. eod. C. de R. V. l. incerti 3. C. de Interdict.*

Dixi 2. utramque causam debere terminari una sententia, uno sc. tempore, & in eodem scripto, licet revera sint duæ, sicut etiam sunt duæ causæ, etsi connexæ. Excipe, nisi Judex videret expedire, ut causa proprietatis nondum omnino discussa, prius sententia feratur super possessorio; tunc enim prius pronuntiare de isto poterit, cum officium ejus sit causam expedire optimo, quo potest, modo.

Dixi 3. prius pronuntiandum super possessione. Constat ex *c. cum dilectus 6. h. tit.* & probat ratio allata pro primo membro; quia ordinariè prius discuti debet causa possessionis, quam proprietatis, adeoque talis ordo etiam servandus est in proferenda sententia.

Dixi 4. in executione prævalere causam proprietatis. 68 Ita statuitur *c. cum dilectus cit.* & ratio est, quia proprietas tanquam dignior trahit ad se Possessionem: imò eandem in alio quocunque possessore, qui rem contra domini voluntatem detinet, omnino absorbet. Et si actor succumbat in Petitorio, non obstante, quod obtinuerit in Possessorio, adversus ipsum pronuntiatur, ita ut neque possessio, quam probavit, adjudicanda eidem sit; frustra enim eidem restitueretur, quod statim teneretur reddere. Habebit tamen is, qui sic obtinuit in Possessorio, ex victoria hac sua istud commodum, quod ab expensis in litem solvendis, & à fructibus medio tempore perceptis restituendis liberetur, si tamen fuit possessor bonæ fidei.

Quæritur 8. an casu, quo quis egit ab initio Judicio petitorio, possit eo suspenso, intentare Interdictum adipiscendæ, vel recuperandæ possessionis? *Videtur non posse.* 1. Quia post litem contestatam non potest immutari libellus *l. edita 3. C. de edend.* 2. Quia qui semel actionem proposuit --- necesse habet usque ad finem litem exercere, ut dicitur *Auth. qui semel C. quom. & quand. Judex.* igitur Judicium petitorium non potest suspendere, quando id semel cœpit, sed prosequi illud debet, & finire, antequam ad aliud possit procedere.

Sed respondendum est distinguendo: Vel enim jam conclusum in causa est, & allegationibus ac probationibus renuntiatum, vel nondum conclusum est in causa, & renuntiatum probationibus. *Si hoc secundum*, actor admitti debet ad agendum in Possessorio, & si quidem spoliationem probaverit, restitui in possessionem debet, etiamsi dominium non probaverit, ut statuitur *c. pastoralis 5. h. t.* idque in odium spoliatoris, & favorem spoliati. *Si primum*, non est admittendus ad Judicium possessorium; qui in petitorio prius egerat, ut habetur *cap. pastoralis citat.* quod statuendi ratio fuit, ne lites ex litibus oriantur, & via aperiatur fraudibus, quod faciliè fieret; quia quilibet videns se deficere in petitorio intenter possessorium. Accedit; quia proprietas adeo prævalet possessioni, ut qui obtinet in proprietate, etiam obtinere debeat in possessione quippe quæ, ut *num. præc. dixi*, proprietatem sequitur. *Excipitur*, nisi Judici ex iusta causa expedire videbitur, ut etiam post conclusionem in causa, permittat intentari Interdictum adipiscendæ, vel recuperandæ: talis esset, si ex perspicuis indicis appareat iniquitas spoliationis, & quod spoliatus spoliato subtraxerit facultatem probandi dominium, quia v. g. testes occidit, vel instrumenta, quæ probari posset dominium, combussit. Ratio est, quia Judex semper debet habere æquitatem præ oculis *l. quod si 4. ff. de eo, quod cert. loc.* & ubi jus non est proditum, debet procedere ea pensata *c. fin. de transact.*

Neque obstant rationes allatæ. *Ad 1.* post litem contestat-



restitam immutari libellus nequit in iis, quæ per Leges non conceduntur; conceditur autem, ut vidimus, patti, ut post tentatum petitorium transire possit ad possessorium, & hoc ob connexionem harum duarum causarum. *Ad 2. Auth. cit.* solum prohibetur suspendi petitorium tergiversandi causa. Atqui in casu nostro non suspenditur tergiversandi causa, sed ex causa iusta, ne scilicet actor deficiens in probatione domini omnino cadat causa, sed probans possessionem saltem obtineat in possessorio.

Quæritur 9. an casu, quo lata est sententia in Petitorio contra actorem, admitti is possit ad possessorium? Affirmat Glossa in *cap. Pastoralis cit. l. causa non decisa*. Sed melius distinguitur: Vel enim sententia contra actorem lata est in Petitorio ideo solum, quia proprietatem probare non potuit; vel etiam ita, ut etiam proprietatem per sententiam sit adjudicata reo. Si primum, transire potest à petitorio ad possessorium, & vicissim; quia, ut rectè Glossa cit. diversa Judicia sunt, & separabilia; neque tunc objici ei poterit defectus notorius proprietatis repellens à Judicio possessorio, cum non sequatur nullum jus ei competere, qui proprietatem probare non potuit. Si secundum, actor post sententiam contra eum latam non potest intentare Judicium possessorium; quia tunc obstat eidem exceptio rei judicæ super proprietate.

Porro quod de causa possessoria, & petitoria hætenus in genere dictum est, etiam intelligi debet in causa beneficii: neque solum in prima, sed in secunda quoque instantia, & causa per appellationem ad Sedem Apostolicam devoluta *Clem. un. hoc tit. & l. i. Barbosa num. 2. Honor. hic num. 39. & 40. Vviesner num. 140.*

## T I T U L U S XIII.

## De Restitutione Spoliatorum.

Hæc præcipua species possessorii est specialiter hic examinanda: quia multa à cæteris possessoriis Judiciis diversa habet: Datur contra gravissimum, & frequentissimum facinus spoliationis. Definiri potest, quod sit remedium recuperandæ possessionis, quo agitur, ut ante omnia pristina possessio rei spoliatæ cum omni causa restituatur. Et duplex est, ut *Tir. preced. num. 48.* annoravi, videlicet Interdictum *Unde vi*, quod spoliato competit, si res ablata sit bonum immobile, & Actio *vi bonorum raptorum*, si res ablata sit bonum immobile.

## §. I.

De Subiecto, seu Persona, cui, & contra quam competit hoc Interdictum.

## S U M M A R I U M.

- 1 Quibus competat Interdictum Unde vi?
- 2 3 4 5 An etiam Prædoni spoliato?
- 6 An Colono Conductori, Fructuario, Emphyteuta &c.
- 7 An illi etiam, qui spoliatus est solum plena libertate possidendi?
- 8 An ei, cui homo liber, & Laico, cui res sacræ per vim eripitur?
- 9 10 Contra quem Interdictum hoc competit?
- 11 12 An adversus dominum, quando servi aut famuli aliquem spoliaverunt?
- 13 14 An liberis contra parentes, libertis contra Patronos, Vasallo contra dominum directum?
- 15 16 17 An contra Judicem injustè spoliantem?
- 18 19 An contra hæredes, aut successores spoliatoris?
- 20 21 An contra eum, qui rem per vim ereptam alteri, mala fide accepit?
- 22 23 An contra tertium bonæ fidei possessorem?
- 24 25 Quosque intentari possit hoc Interdictum?

Quæritur 1. quibus competat Interdictum Unde vi, seu recuperandæ Possessionis? Resp. non concedi, nisi illi, qui vi dejectus, aut spoliatus fuit possessor. *Schmalzgrueber Tom. II.*

sessione rei immobilis. Extenditur tamen etiam ad hujus hæredes, & cæteros successores *l. Prætor ait 1. § hoc interdictum 44. ff. de vi, & vi armat.* Ratio est, quia interdictum hoc ex maleficio, seu delicto descendit; cujusmodi actiones hæredibus non denegantur *§ non autem 1. vers. sed hæredibus Inst. de perpet. & tempor. action.* & merito; quia hæres succedit in omne Jus defuncti *l. hæres 37. ff. de acquir. vel omitt. hæredit.* ideoque quo jure spoliatur, si supervixisset, eodem ejusdem hæres agere potest.

Ut rectè intentetur hoc interdictum, præ aliis tria sunt annotanda, 1. Spoliatus debuit fuisse verus possessor rei spoliatæ; & hinc non competit depositatio, Commodatio, aut nudo detentori, seu illi, qui alii tantum, non sibi possidet. Ratio est, quia cum privatio supponat habitum, necesse est in possessione fuisse, qui spoliatum se quærit.

2 Non refert, an spoliatus possederit rem naturaliter, sive civiliter, justè, sive injustè; nam etiam injustè possidenti spoliato adversus spoliatorem suum succurritur hoc interdicto; & ratio est, quia id require videtur quies publica, ne privata auctoritate liceat alium, etiam injustè deicientem me possessione mea, de possessione rursus deicere, & respoliare, nisi in continenti dejectio fiat, & per modum defensionis, ut *infra n. 4. & 75.* dicam.

3 Dejectus non debet rem possidere amplius per alium; nam si ejecto domino, servi & famuli permittantur manere in fundo, non datur hoc interdictum; & ratio est, quia dominus per alios adhuc possessionem retinet. Idem dicendum, si omnes è collegio, vel Monasterio ejiciantur præter unicum; nam in illo, & per illum possessio retinebitur; sicut enim Jura universitatis in unico conservari possunt, ita & possessio eorundem *l. sicut 7. ff. quod cujusque univ. nomen.* Qui per alium possedit, si ejectus sit, etsi ignoret dejectionem, illius tamen absentis nomine is, qui possedit ejusdem nomine, etsi alias personam standi in Judicio non habeat, intentare spoliatori Judicium possessionis *unde vi*, potest, ut specialiter statutum est *l. Judices 1. C. si per vim, vel alio modo.*

Dub. 1. an etiam prædoni spoliato sit facienda restitutio? *Rationem dubitandi* facit *1. l. bona fides 31. ff. depositi*, ubi Tryphonius in fine, *Non est*, inquit, *ex bona fide rem suam dominum prædoni restituere compelli*; quod Juris principium multò fortius procedit attentato Jure Canonico, cujus scopus est animarum salus, & semper vitare peccatum *cap. fin. de consuet. cap. fin. de præscript. cap. Mattheus 23. de Simon. cap. fin. de constitut. in 6. 2. leg. Prætor ait 1. § qui à me 30. ff. de vi, & vi armat.* ubi Ulpianus. *Qui à me*, inquit, *vi possidebat, si ab alio deiciatur, habet interdictum.* Igitur per argumentum à sensu contrario hoc interdictum non habet is, qui deicitur non ab alio, quàm à me, qui antea ab ipso dejectus possessione sum, *3. cap. cum dilectus 6. de caus. posses.* ubi dicitur, quod causa proprietatis prævaleat. Ergo quando constat de dominio, non est habenda possessionis cura, *4. cap. fin. hoc tit. in 6.* ubi Canonici; qui occupaverant decimas in aliena Parochia, à Patocho his spoliati, non restituuntur, nisi evidenter docuerint, quod earum possessionem legitime assecuti fuerint, 5. Interdictum in nostro casu inutiliter concederetur prædoni, quia posset exceptione doli submoveri; quia *dolo facit, qui petit, quod redditurus est*, ut ait Paulus *l. dolo 8. ff. de dol. mal. & met. except.* 6. Periculosè etiam prædoni fieret restitutio; quia restituendo ei præberetur occasio retentionis rei alienæ, & conf. peccati.

Verùm his non obstantibus, dicendum etiam prædonem spoliatum restituendum. Ita Fachin. *Contr. l. 8. c. 10. vers. mihi.* Barbosa in *l. si de vi 37. ff. de judic. num. 47. & 124.* Harprecht in *§ recuperanda 6. Inst. de interdict. num. 10.* Schneidev. *ibid. num. 23.* Manz *num. 6.* Haun. *tom. 1. tr. 3. num. 371.* Vviesner *hic n. 24.* & alii passim. Patet apertè ex *c. in litteris 5. hoc tit.* ubi Alex. III. *Prædo etiam*, inquit, *est secundum rigorem Juri restituendus.* Consonat Jus Civile pluribus textibus, præsertim *§ recuperanda citat. & leg. siquis in tantam 7. C. unde vi.* Proceeditque hoc 1. non tantum casu, quo hujusmodi prædo spoliatus est à non domino, sed etiam, quando spoliatus est ab illo, quem ipse deiecit, H 3



jecit, ut constat ex textibus *citt.* & ratio est, quia nemo sibi jus dicere, & rem sibi propria autoritate vindicare debet, si Judicis copiam habere possit, idque ob pacem, & quietem publicam. *Procedit* 2. spectato rigore Juris, etiam de prædone notorio; quia textus *citt.* generaliter, & sine ullo discrimine prædonem jubent restitui ante omnia. Addidi *spectato rigore juris*; nam æquitate naturali spectata, prædo seu spoliator notorius contra dominum, possessionem ab eo vi recuperantem, restituendus non videtur, ut notat Menoch. *recup. rem.* 1. n. 128. Barbofa *in c. 5. cit. n. 4. Zoef. ff. de vi, & vi armat. n. 19. Vviesner hic n. 25.* Ratio est, quia in pari causa spoliationis à duobus factæ præferendus videtur rei dominus, cui Jure gentium, quo bella introducta sunt, rem suam ab injusto spoliatore recuperandi facultas concessa est *l. ex hoc jure 5. ff. de J. & J.* & præterea naturali etiam Legi consonum est deteriorē esse conditionem ejus, qui naturale Jus, domini possessionem vi occupando, prius violavit.

4 Facienda tamen ab hac communi assertionē est triplex exceptio, 1. Si in continenti deiciatur prædo à domino; nam hoc si fecerit, prædo restituendus non est contra dominum respoliantem, ut notat Glossa *in l. 3. § 9. V. in continenti ff. de vi armat. Brunnem. ibid. num. 6. Harprecht in § retinenda 6. Inst. de Interd. n. 9. Manz. ibid. num. 7. Vviesner hic n. 22.* Ratio est, quia qui possessionem vi occupat vi in ipso congressu recuperat, in pristinam causam reverti potius, quam vi possidere intelligendus est, ut loquitur Julianus *l. qui possessionem 17. ff. de vi, & vi armat. 2.* Si talis sit prædo, cujus vitæ nemo parcere debet *l. liberam t. C. quand. lic. unicuiq. fin. judic. se vindic.* ut sunt publici latrones, incendiarii, populatores agrorum &c. 3. Quando possessor dejectus est per violentiam non formalem, sed fictam; nam qui ficta tantum violentia spoliatus est, non ante omnia restituendus est, sed admittuntur in ea exceptiones, quæ in continenti probari possunt, & quæ respiciunt defectum tituli in proprietate. Exemplum habes in materia beneficii; nam si à Capella, vel Ecclesia proprii beneficii per vim expulsus es, aut si obsistat spoliatus, ne ad eam possit accedere, passus es violentiam veram formalem, & tum illico facienda est restitutio, non auditis exceptionibus; at si possessionem beneficii tui alius nesciente te occupavit, passus es violentiam fictam; & tum non aliter fiet restitutio, quam si cognoscatur summariè de titulo saltem colorato.

5 Explicata sic conclusione, facile dissolvi possunt Argumenta allata in contrarium. *Ad 1.* textus ille expressè agit de casu, quo dominus rem suam sine violentia consequitur à prædone, eam per errorem apud ipsum deponente; nosse autem casus est, quando eam consequitur per vim, & modo illicito. *Ad 2.* Sensus legis illius est, quod qui ab alio spoliatur, semper uti possit hoc Interdicto, non autem, qui à spoliato spoliatur; quia prius videndum est, an in continenti id fecerit. *Ad 3.* textus ille loquitur de casu, quo possessorum cumulator cum petitorio; tunc enim quando liquet de proprietate, possessorum partis adversæ absorbetur, ut dictum est *Titul. præced. num. 68. Ad 4.* id ideo factum est, quia jus assistebat respolianti contra spoliatos. *Ad 5.* Regula illa non habet locum in Interdicto recuperandæ possessionis, in quo reus seu spoliator audiri non debet ante restitutionem, nisi super quæstione possessionis *cap. fin. de ordin. cognis.* licet fortè locum habeat in aliis Judiciis possessorii, in quibus cessant rationes, ob quas statutum est, ut ante restitutionem non admittatur quæstio proprietatis. *Ad 6.* hæc continuatio Judicis autoritate impediri potest: & minus perniciosa Reip. est, quam rerum suarum ab aliis detentatum, cum Judicis officium paratum est, violentæ occupationes, quarum permissione delictis, & malitiis hominum via aperiretur *l. non est 176. ff. de R. J.*

6 Dub. 2. utrum Colonus, Conductor, Usufructuario, Emphyteutæ, Vassallo, & similibus competat Interdictum *unde vi*? Resp. distinguendo: Vel enim Colonus, & conductor est ad breve solum tempus, vel ad longum, videlicet decennium, aut plures annos. Si primum, & ejusmodi colonus, vel conductor deiciatur fundo, aut damno ab altero vi occupata, extraordinario officio Judicis implorato, restituitur; Interdi-

ctum autem unde vi non ipsi, sed domino competit *leg. Prætor ait 1. § denique 10. ff. de vi, & vi arm.* Et hoc verum est, etiam si dominus ignoret colonum, vel conductorem dejectos esse *lec. citat. § quod servus 22.* Ratio est, quia ipsi rem tantum detinere, non autem propriè possidere dicuntur, cum is possideat, cujus nomine possidetur *cap. cum venisset 9. fin. hoc tit. c. si diligenti 17. de præscript. leg. quod n. eo 18. princ. ff. de acquir. vel amitt. possess.*

Si secundum, & colonus seu conductor sit ad longum tempus (idem dic de Emphyteuta, Vassallo, Usufructuario) intentare hi, si spoliati fuerint, Interdictum *unde vi* possunt. Habetur de usufructuario expressè *l. quod est 3. § unde vi 13. ff. de vi, & vi arm.* & universum de omnibus supradictis docent Menoch. *recup. rem.* 1. d. n. 68. Harprecht *§ recuperanda 6. Inst. de Interdict. n. 4. Schneidev. ibid. n. 20. Perez C. unde vinum. 5. Vallens. hic § 1. n. 3. Zoef. n. 6. Pirhing n. 3. Konig n. 6. Sannig cap. 2. num. 3.* Ratio est, quia hi sunt in quasi possessione Juris, ac dominii utilis, seu usufructus, quod verè, & quasi civiliter, suoque nomine possident *l. sciendum 15 § possessor. 1. ff. qui satisdant. cog. Conf.* nam alioquin ejusmodi jus utile per prescriptionem acquirere isti non possent, cum sine possessione civili usucapio perfici nequeat *Reg. sine possessione 3. in 6. & l. sine 25. ff. de Usurp. & Usucap.* Et hinc locatio ad longum tempus, constitutio Emphyteusis, concessio feudi alienationes quædam censentur dominii utilis *c. nullis 5. de reb. Eccl. non alien.*

Dub. 3. an Interdictum *unde vi*, seu recuperandæ possessionis competat non solum illi, qui possessione absolute spoliatus est, sed etiam, qui licet possessione non sit spoliatus, spoliatus tamen plena libertate possidendi? Resp. affirmativè; nam etiam ad hanc restitui debet, prout colligitur ex *c. fin. hoc tit. & docet ibidem Imol. n. 1. Vivian. in Ration. Barbofa n. 1. Pirhing n. 6. hic.* Et hoc verum est etiam casu, quo is, qui dejectus est possessione libera, non habuit possessionem ipsius fundi, sed tantum ex eo ab aliis possessio percepit census, & præstationes annuas, ut patet ex *c. fin. cit.* adhuc enim restitui in plenam libertatem possessionis dejectus debet, & poni in eo statu, ut liberè, sicut prius ante spoliationem poterat, etiam deinceps percipere census eisdem possit. Et ratio est, quia restitutio est prioris status reintegratio *l. cum salutaris t. C. de sentent. pass.* igitur injustè spoliatus restitui debet ad omnem modum, causam, & locum; hæc enim omnia pertinent ad statum pristinum. *Conf.* nam qui causam dat damni, damnum dedisse videtur. Igitur ut restituatur rite spoliatus ab occupante, non solum hic debet spoliato reddere, quod ipse detinet, sed etiam illud, quod ipsius causa spoliatus impeditur habere.

Dub. 4. an si alicui liber homo, vel Laico res sacræ v. g. beneficium, aut Decimæ Ecclesiasticæ, quas defacto detinet, per vim eripiantur, locus sit interdicto *unde vi*, seu recuperandæ possessionis? Resp. negativè. Ita Glossa *in c. ex parte 14. v. commodo hoc tit. Abb. ibid. n. 27. Menoch. præud. de recup. posses. n. 3. Pirhing hic n. 2.* Ratio est, quia spolatus minime censeri debet, qui non potuit possidere. Atqui res sacræ, & spirituales possideri non possunt à Laico sine legitimo titulo concessionis *c. causam 7. de præscr. nec liber homo ab ullo alio, etiam si quis eum vinxerit l. cum heredes 23. §. fin. ff. de acquir. vel amitt. posses.* Excipe, nisi jus in talenti alicuique hominem, & obligatio personalis ex præcedente aliquo titulo acquiratur, ut quia iusto bello captus est, vel emptus ab aliquo, aut quia matrimonii vinculo, vel Ordinis Religiosi professione voluntariè est adstrictus. Si non adsit similis aliquis titulus, reus conventus adversus spoliatum agentem interdicto *unde vi* objicere potest exceptionem, qua concludat spoliatum possidere nec potuisse, nec posse, ut ex communis tradit Menoch. *recup. rem.* 15. n. 433. & seqq. Pith. hic n. 8. cum aliis.

Quæritur 2. contra quem competat interdictum *unde vi*, seu recuperandæ possessionis? Resp. competere adversus eum, qui alium possessione sua deiecit per vim, vel clam. Ita quoad deicientem per vim omnes; quoad deicientem clam ingrediendo possessionem alterius, nullam adhibita, negat Menoch. *recup. rem.* 1. n. 141. *verf. contrarium ergo.* Sed communis, & teste Harprecht



precht §. recuperanda Instit. de Interd. n. 15. recepta apud DD. sententia interdictum istud, saltem casu, quo exceptiones in continenti probandæ à spoliante non offeruntur, ut n. 4. monui, concedit etiam adversus occupantem clam. Fundamentum habet in l. fin. C. unde vi, ubi Imperator Justinianus expressè sancivit, eum qui absentis possessionem sine Judiciali sententia, nulla vi adhibita, ingressus est, pro prædone, & violento possessore non secus habendum esse, ac si vi, vel armis adhibitis, dominum præsentem expulisset: & quod plus est, loc. cit. non obscurè addit Imperator, iisdem remediis eum esse compellendum ad restituendam possessionem, quibus compellitur, qui vi alienam possessionem cepit; & occupavit. Ratio de utroque est; quia si deiciens possessione alterum jus possidendi in re spoliata aliquod habuit, illud petere à Judice debebat, & non ex se, ac propria autoritate alteri vim inferre, l. si quis in tantum 7. C. unde vi.

10 *Extenditur hoc* r. etiam ad eum, qui postquam spoliavit, rem spoliatam tamen non amplius possidet; nam etsi eam deserit possidere, & quidem, si ita sit, sine dolo, & culpa, restituere tamen tenebitur æstimationem rei, & quanti interest spoliati vim illatam non esse, ut omnino indemnus servetur; & ratio est; quia culpa præcessit saltem, qua alterum dejecit vi, & spoliavit. *Extenditur* 2. ad illum, qui etsi ipse non spoliaverit, spoliari tamen, & deijci mandavit, modò factum fuerit subsecutum l. Prator ait 1. §. deiecit 12. ff. de vi, & vi arm. nam spolians, & jubens spoliare ejusdem delicti rei sunt. *Extenditur* 3. etiam ad eum, qui dejectionem, aut spoliationem tuo nomine factam ratam habuit, ut constat ex l. Prator ait cit. §. sed & si 14. quia rati habitationem retrahit, & mandato comparari non est dubium reg. 10. in 6. Præter hos contra nullum alium interdictum unde vi competit, ut deciditur c. cum ad sedem 15. hoc tit. & docent Vivian. ib. in Ration. Barbosa n. 8. Zoel. n. 4. Vallenf. §. t. num. 3. König num. 7.

11 Dub. 1. an interdictum unde vi detur adversus dominum, cum servi aut famuli aliquem spoliaverint, seu possessionem dejecerint? Resp. certum est competere, si hoc factum sit jussu, & imperio domini. At si sine hujus mandato, & eo ignorante, aut invito, dicendum adversus eundem non dari hoc interdictum, nisi quid adeundem pervenerint l. Prator ait 2. §. ait Prator 11. & §. quod igitur 15. ff. de vi, & vi arm. Nomine familiæ autem non tantum iis, qui propriè servi sunt, sed etiam liberi homines, quorum opera & ministerio utimur intelligendi sunt, ut notat Glos. in §. quod igitur cit. V. servorum. Ratio responsionis est, quia ex generali regula tradita apud Abb. in c. 1. n. 7. hoc tit. dominus non tenetur ex delicto famuli, aut officialis sui.

12 *Excipe*, nisi sit delinquant in eo officio, cui à domino est præpositus; tum enim distinguendum est: Vel enim dominus adscivit sibi famulum, quem scivit esse malum, aut suspectum, ne malus, & negligens sit; vel adscivit illum, quia rationabiliter putavit se famulum bonum, ac diligentem officio præposuisse. Si primum, dominus eo casu tenebitur ex quasi maleficio; quia aliquatenus culpa reus est, si opera malorum hominum utatur, ut habetur §. fin. Instit. de obligat. que ex quas. delict. Si secundum, non tantum in foro conscientie, sed etiam in foro externo ad restitutionem damni per famulum illati non obligatur, si probaverit se innocentem, & extra culpam esse. Neque obstat; quòd in casu delicti commissi à famulo, vel servo, præsumptio sit contra dominum; nam præsumptio ista non est Juris, & de Jure, conf. contra eam probatio in contrarium admitti debet.

13 Dub. 2. an interdictum unde vi competat liberis contra parentes, & libertis adversus Patronos? Resp. negativè. Ita decernitur l. Prator ait citat. §. Interdictum hoc 43. & additur ibidem ratio; quia Interdictum hoc atrocitatem facinoris in se habet; nam infamiam aliquam facti apud viros honestos parit. *Excipe*, si armata usus fuerit patronus adversus liberum, parens adversus filium; tum enim Interdictum hoc competit etiam liberis, & libertis, ut habetur §. citat. Sed extra hunc casum non Interdictum, sed ejus loco actio in factum datur, per quam filius à parente, libertus à Patrono, quæ sibi crepta sunt, vel

damna illata, repetere potest, ut cavetur §. eodem.

Quod de liberis, & libertis dictum est; etiam in 14 vasallo obtinet; nam huic Interdictum unde vi non datur adversus dominum directum, ut docet Menochius recuper. rem. 1. num. 94. & 95. Et hoc verum est, etsi Dominus Vasallum, prætermisso ordine, & contra jus spoliet, licet tunc conqueri de eo Vasallus possit, ut ad restituendam possessionem cogatur dominus, salva tamen ejus reverentia, ut habetur lib. 2. Feud. tit. 22. Vers. si vero Vasallus, ubi Glossa marg. ait, salva reverentia in jus vocare aliud non esse, quam actionem famosam honestis verbis temperare.

Dub. 3. an Interdictum unde vi intentari possit etiam contra Judicem injustè spoliantem? Resp. cum distinctione; Vel enim Judex extrajudicialiter, & prætermisso Juris ordine, & absque causæ cognitione aliquem dejecit possessione rei suæ, e. g. beneficii, vel hoc fecit in Judicio, & per latam sententiam.

Si primum, sic spoliatus restituendus est, perinde; ac si spoliatus fuisset à privato, & postea de jure, seu proprietate spoliati cognoscendum. Ita habetur capit. conquerente 7. hoc tit. & docent ibidem Abb. num. 6. Imol. num. 5. Fagnan. num. 1. Gonzalez num. 7. Barbosa num. 1. Consentiant Menoch. recuper. rem. 8. num. 8. & 9. Gaill. lib. 2. obs. 76. num. 2. & 3. Perez in C. unde vi num. 18. Brunnet. in lib. 6. eod. num. 6. Schambogen hic nu. 3. Ratio est, quia Judex sic officii sui fines excedendo, & procedendo defacto absque cognitione causæ in præjudicium alterius censetur veluti persona privata, adeo, ut ei impune non pareatur, sed licitè resisti possit leg. prohibitum 5. & ibi Glossa marg. litt. B. C. de Jur. fisci. Neque obstat, quòd alias præsumatur pro Judice; nam hoc verum est tantum, quando is judicialiter procedit, non autem quando prætermisso Juris ordine, ne inde injuriarum nascatur occasio, unde Jura nascuntur cap. qualiter 17. de accusat. Excipe, si causa sit notoria; quia in notoriis ordo Juris non requiritur cap. ad nostram 21. de Jurejur. Menoch. loc. cit. num. 12. Item excipitur, nisi Judex extrajudicialiter, & absque Juris ordine procedat ex officio; tum enim pro Judice privante aliquem possessione sua est præsumptio, ut tradit Abb. loc. cit. num. 15. Imol. num. 5. Layman num. 2. & conf. non competit contra eum Interdictum recuperandæ possessionis.

Si secundum, & Judex in Judicio per sententiam latam aliquem spoliavit, seu privavit possessione sua, videndum, an sit competens respectu rei, & causæ, vel non. Si competens non est, perinde est; ac si extrajudicialiter, & ut privatus spoliasset, ac proinde contra illum agi potest Interdicto unde vi juxta cap. cum causa 22. de Offic. Judic. deleg. Glossa in Clem. un. V. non obstante de sequestr. possess. Gaill. loc. cit. num. 12. Pax Jordan. lib. 14. tit. 12. num. 131. Pirhing hic num. 14. König num. 3. Vviesner nu. 17. Ratio est, quia non potest dici judicatum ab eo, qui non habet Jurisdictionem; & paria sunt, sententiam non esse latam, & esse latam à Judice incompetente; Hinc nullitas, proveniens ex incompetencia cæteris omnibus habetur major.

Si vero competens est, tertia distinctio est adhibenda, & considerandum, an vitium in sententia sit substantiale, an accidentale tantum. Si prius, executio sententiæ censetur spoliatio, & conf. contra talem Judicem competit Interdictum unde vi, prout colligitur ex cap. sententia 1. & c. cum inter 13. fin. de sent. & re judic. l. illud 1. §. item cum contra 2. ff. qua sent. fin. appell. Abb. in cap. 7. citat. num. 8. Menoch. rem. 8. cit. à nu. 19. Vviesner hic n. 20. Si posterius, sententia ope appellationis, aut supplicationis rescindi potest; Interdictum autem unde vi taliter læso non competit, nisi casu, quo post interpositam appellationem, & inhibitionem emanatam, Judex, qui sententiam ejusmodi tulit, pergeret eandem exequi. Vivian. in cap. 7. cit. in Ration. Layman ibid. num. 3. Gonzalez num. 7. Pirhing n. 14. ubi addit, pro Judice judicialiter procedente, aut sententiam latam exequente, si competens sit, & Jurisdictione præditus, semper esse præsumendum, quòd justè processerit, donec probetur contrarium arg. c. dilectus 26. de rescript. & Glossa recepta in can. presentium 3. caus. 7. quest. 1. in fin. conf. qui agere vult contra eum, tanquam spoliatorem, probationes afferre debet, & ostendere



dere sibi injuriam illatam esse; alioquin restituendus non est.

- 18 Dub. 4. utrum Interdictum *unde vi* detur spoliato etiam contra hæredes, aut successores (spoliatoris)? Resp. negativè. Sumitur ex § *non autem* 1. *Inst. de perpet. & temporal. action.* & docent Gonzalez *inc.* 18. *hoc tit. n. 3.* Vallens. § 2. num. 1. König *hic n. 7.* Sannig *c. 2. n. 3.* Ratio datur § *non autem cit.* quia *certissima juris Regula est, ex maleficiis penales actiones in heredem rei non competere.* Excipitur, si quid ad hæredem pervenit; tunc enim licet non competat spoliato Interdictum *unde vi*, competit tamen ejus loco actio in factum *l. in heredem* 26 & c. ff. *de dol. mal. l. quod divinus* 16. § *hac actio* 2. ff. *quod met. caus.* ubi additur ratio; quia *licet pæna ad heredem non transeat, atramen quod turpiter, vel scelere quaesitum est, ad compendium hæredis non debet pertinere.* Et hoc verum est, si commodum ex re percepit, licet postea non extet amplius, aut in hæreditate repariatur. Harpr. § *recuperanda* 6. *Inst. de Interd. n. 21.* Petz *C. unde vi n. 4.* Brunnem. *in l. 2. C. eod. n. 3. & 4.*

- 19 Extenditur etiam ad hæredem hæredis; nam etiam ipse actione ista in factum tenetur, etsi nihil ad ipsum pervenerit; *sufficit enim semel pervenisse ad proximum heredem*, ut dicitur *l. videamus* 17. ff. *quod met. caus.* Excipitur, nisi casu petiisset res apud hæredem; tunc enim non tenebitur, eo quod sit casus fortuitus, & ipse nulla ex parte sit in culpa.

Quod de hærede dictum est, pugnat etiam in successore spoliatoris singulari, e. g. eo, qui à spoliatore emit, aut dono accepit: nam contra hunc multo minus potest agi interdicto *unde vi*: & ratio est, quia Interdictum hoc merè personale est *cap. sape* 18. juncta Glossa *V. non subvenitur hoc tit. l. cum à te* 7. ff. *de vi, & vi arm.* Excipe, nisi fortè spoliator non sit solvendo; tunc enim adversus emptorem, donatarium, vel alium particularem successorem spoliatoris, seu tertium possessorum, qui rem à spoliatore accepit, Interdicto *unde vi* agi potest ad rei restitutionem, ut iradit Glossa *in l. cum à te cit. V. non possum.*

- 20 Dub. 5. utrum Interdictum recuperandæ possessionis spoliato competat etiam adversus eum, qui rem, per vim injustam ab alio ereptam alteri, scienter, & mala fide accepit? Resp. negativè; sed ejus loco competit spoliato ad recuperandam possessionem condictio ex *c. sape* 18. *hoc tit.* Est autem condictio hæc actio personalis in rem scripta adversus quemcumque rei per vim ereptæ possessorem injustum, seu spoliationis conscium, sive deinde is rem immediatè, à spoliatore acceperit, sive mediatè, mediante alio possessore etiam bonæ fidei, modò sciens rem esse ab initio vi ereptam acceperit, seu mala fide possessionem acquisiverit.

Introducitur fuit hoc remedium de Jure Canonico; nam de Jure Civili antecederet in casu isto non datur remedium possessorium. Ratio fuit; quia durum admodum esset adversus hujusmodi possessorem non competere aliam actionem, quàm rei vindicationem, in qua actor probare debet dominium, quod sæpe probatu difficile est. Equum igitur erat, ut alio remedio possessorio actori succurreretur, & tale remedium est condictio ex *cap. sape citat.* qua conceditur actio possessoria etiam contra ejusmodi tertium possessorem.

- 21 Imò necessarium etiam erat per Jus Canonicum hoc modo temperari rigorem Juris Civilis ad tollendum peccatum injustitiæ; cum enim possessor hic tertius spoliatori qua si succedat in vitium, nec multum interfit inter injuste detinere, & invadere rem alienam, sequitur illum continud peccare, quamdiu sciens rem alienam detinet. Et hinc, ut bene Abb. *inc. sape cit. n. 4.* Layman *ibid. n. 3.* Vviesl. *hic num. 13.* advertunt, remedium istud etiam in Jure Civili locum habet; quia cum Jus Canonicum decernit aliquid ad amovendum peccatum, etiam inter Laicos in foro seculari observari debet.

Extenditur autem 1. etiam ad eum, qui quidem initio bona fide rem ab alio ereptam possidere cepit, superveniente tamen scientia, quod aliena sit, & vi erepta, pergit eandem retinere: & ratio est; quia non minus subest periculum animæ, seu peccati in eo, qui rem alienam scienter & injustè detinet, quàm cum ab initio novit vi ablatam. Extenditur 2. etiam

ad fructus ex re perceptos, & percipiendos, & omne id, quod erat in fundo tempore, quo successit in re, licet ad ipsum non pervenerit.

Ut tamen spoliatus obtineat hoc remedio, necesse est, ut probet se possedisse, & spoliatum fuisse, & possessorem conscium esse spoliationis factæ.

Dub. 6. an Jure Canonico competat interdictum recuperandæ contra tertium bonæ fidei possessorem? Glossa *in c. sape cit. V. non subvenitur*, Innoc. *ibid. nu. 2.* Abb. *in c. cum ad sedem* 15. *hoc tit. n. 26.* Marant. *de Ordin. judic. p. 4. dist. 7. n. 58.* Steph. Gratian. *Discept. forens. cap. 311. n. 1.* Gaill. *l. 2. obs. 75. nu. 10.* Vvagnereck *in c. r. hoc tit. & multi alii Juris Utriusque Interpp. & DD.* ajunt contra quemlibet possessorem, etiam bonæ fidei, ei, per metum, dolum, captivitatem, aut quamcumque violentiam amisit rei suæ possessionem, competere condictionem ex *can. redintegranda caus. 3. q. 1.* quod remedium aliqui limitant ad personas Ecclesiasticas tantum; alii contra extendunt ad omnes spoliatos etiam Laicos, & hoc ob generalitatem verborum istius Canonis, in quo dicitur quilibet spoliatus restituendus, frustra temporis, & alia quacunque conditione objecta. Nec improbabilius hæc dicuntur tum ob auctoritatem DD. remedium hoc concedentium, tum quia simile quiddam æquitate Prætoria decretum est de iis rebus, quæ injusto metu extortæ sunt, ut à quolibet possessore repeti possint *l. item* 14. § *aliquando* 5. ff. *quod met. caus.*

Verum alii cum Bartol. *in l. rem qua* 15. ff. *de acquir. poss. n. 2.* Menoch. *recup. rem. 15. n. 89.* Fachin. *Contr. l. 2. c. 12.* Jordan. *l. 14. tit. 12. nu. 39.* Layman *inc. sape* 18. *hoc tit. n. 7.* Hunn. *in Treturl. D. 25. q. 67.* Haun. *tom. 1. rr. 3. n. 394.* Zoef. *hic n. 5.* Vvieslner *n. 15.* putant ex *can. redintegranda citat.* hoc possessionis recuperandæ remedium non posse colligi, cum nihil aliud ibi dicatur, nisi quod omni Jure notum est, videlicet Episcopos injustè spoliatis ante omnia integrè restituendos esse. Accedit, quia si spoliatis adeo generale remedium contra quoslibet possessores competeret per *can. redintegranda cit.* non opus fuisset, Concilium sub Innoc. ita laborare, ut contra Juris civilis rigorem spoliatis subveniretur nova constitutione; quid enim opus fuit Jure novo per *c. sape cit.* spoliatis dare remedium possessorium contra malæ fidei possessorem, qui à spoliatore rem spoliatam scienter accedit, cum per antiquum jus *can. redintegranda cit.* fuerit concessum adversus quemcumque?

Quare cum *cit.* quos etiam sequitur Præn. & Mag. D. Christoph. de Clingensperg, universitatis nostræ professor Clarissimus *tit. de Interdict. qu. 27. ad 2.* spectato Jure, tenenda est sententia negativa. Spectato jure, inquam; nam in praxi standum est Tribunalium consuetudine, qua in multis Provinciis spoliati adversus quemcumque, etiam bonæ fidei possessorem, restituntur, modò suam antiquiorem, & istorum recentiorum possessionem probant. Mynsing. *cent. 3. obs. 85 num. 5. & 6.* Gaill. *lib. 2. obs. 75. num. 11. fin.* Vvieslner *hic num. 6.*

Quæritur 3, quousque interdictum *unde vi* intentari possit? Resp. intentari non posse, nisi intra annum: hic tamen annus non debet esse continuus, sed utilis, seu talis, in quo non computatur tempus, quo spoliatus non potuit agere, ut deciditur *l. prator ait* 1. *princ. & § annus* 39. ff. *de vi, & vi arm. & l. vi pulsos* 2. *C. unde vi.* Er hinc si impedimentum occurrat, computari non debet tempus, quod durat id impedimentum: estque perinde, sive impedimentum illud se teneat ex parte ipsius actoris, quod v. g. spoliatum se ignoret; sive ex parte Judicis, quod iustitiam non administret, sive ex parte rei, seu spoliatoris, quod Judicium quacunque ratione impediatur. Menoch. *recup. rem. 1. n. 450.*

Excipe 1. de eo, quod ad spoliatorem pervenit; nam de hoc datur interdictum etiam post annum, ut habetur *leg. Prætor ait citat. princ.* Excipe 2. si spoliatio propriè opponatur per modum exceptionis; nam hæc anni lapsu non tollitur, sed durat perpetuè. Glossa *in lib. 2. V. annus C. unde vi.* Menoch. *loc. citat. num. 454.* temporalia enim ad agendum perpetua sunt ad excipiendum *l. purè* 5. *fin. de except. dol.* Excipe 3. quoad actionem illam penalem, seu condictionem, quæ datur ex *l. siquis* 7. *C. unde vi*, ut videlicet spo-



spoliator rem, si sua sit, perdat; si aliena, præter restitutionem etiam in æstimationem ejus condemnari debeat; hæcenim non nisi per lapsum 30. annorum excluditur, ut tradit Gloss. marg. in l. 1. cit. lit. A. ff. de vi, & vi arm. Notat tamen hic Layman, & ex eo Pirh. nu. 17 hodie conditionem istam vix in usu esse.

25 Alia remedia possessoria contra possessorem malæ fidei nullo unquam tempore per præscriptionem tolli possunt; quia ut Reg. jur. 2. in 6. habet, *Possessor mala fidei ullo tempore non præscribitur*. Idem dicendum de iis remediis possessoriiis, quæ dantur contra detentorem, qui possessionis est incapax, ut cum Laicus possidet Beneficium Ecclesiasticum; nam hæc semper durant, quia qui incapax est possidendi, etiam incapax est præscribendi, ut tradunt DD. in capit. causam 7. de præscript.

## §. II.

De Modo, quo fieri debet Restitutio Spoliatorum.

## S U M M A R I U M.

26 Regula generalis est, spoliatum ante omnia restituendum?

27 28 29 30 Et si spoliator dominium in continenti probare vellet.

31 32 33 34 Casus excepti ab ista Regula.

35 36 37 Probanda agenti ad restitutionem rei spoliatae.

38 Restitutio spoliati debet esse plena, etiam fructuum.

39 40 Fructuum definitio, & Varietas.

41 Quos Fructus teneatur restituere spoliator?

42 An fructus perceptos, vel percipiendos etiam ex re inhonesta?

43 An illos etiam, quos industria sua percipere potuisset spoliatus?

44 Vel etiam spoliator?

45 An provenientes ex melioratione?

46 In quo foro?

47 Quas expensas possit deducere?

48 49 Quales fructus teneatur restituere possessor bonæ fidei?

50 51 52 An etiam consumptos æquivalenter extantes?

53 Quid si bonæ fidei superveniat mala vera?

54 Aut ficta?

55 Vel contra male succedat bona?

56 An possit deducere expensas, & quas?

26 **Q**Uæritur I quis modus sit observandus, cum a spoliato petitur restitutio in causa spoliæ? Resp. hic Regula generalis est spoliatum ante omnia restituendum, si de spoliatione facta verè constet, aut ea legitime sit probata *can. Episcopis 1. & can. seq. caus. 3. qu. 1. cap. fin. de ord. cognit. c. in litteris 5. & c. seq. h. tit. l. Prætor ait 1. §. qui vi 31. ff. de vi, & vi arm.* Locus huic Regulæ maximè est casu, quo quis rei possessione dejectus est lite super ea pendente; quia eo tempore facta spoliatio, cum per illam Jus iudex, & pars simul offendantur, ut dicitur *cap. cordi 1. de appell. in 6.* gravius, & magis odiosa est ea, quæ extra iudicium fit. Menoch. *recup. rem. 17. numer. 28.* Est autem perinde, sive actor, sive reus spoliatum se conqueratur; nam etiam actor spoliatus restitui debet, antequam reus super aliis, quam actori oppositæ spoliationis, exceptionibus audiat *cap. conquerente 7. h. tit. l. capit. fin. citat. l. iudices 1. vers. sed C. si per vim. & c.* unde in hoc possessionis recuperandæ iudicio spoliati etiam actoris illam postulantis causa favorabilior est, quam rei spoliantis contra Regul. 125. ff.

27 Dub. I an audiri spoliator in iudicio debeat, si is defectum proprietatis in spoliato obiciat, & dominium rei spoliatae sibi competere velit probare in continenti? *Rationem dubitandi faciunt complures textus. 1 capit. cum liberum 6. de sepultur.* ubi Abbas spoliatus cadavere proprii possessoriani non restituitur statim, sed potius in iudicio possessorio exceptiones admittuntur, & probantur. 2 *cap. si consisterit 12. de accusat.* ubi Sacerdoti conquerenti se Ecclesia fuisse spoliatum, & propterea petenti restitutionem fuit opposita, & admissa exceptio, quod is Ecclesiam illam non in titulum, sed in com-

mendam obtinuerit, eaque justè privatus sit, quia in taberna pernoctaverat, & sequenti die, nulla dormitione præmissa, celebraverat. 3 *cap. fin. h. tit. in 6.* ubi Bonifacius VIII. contra Canonicos S. Nicolai, qui asseriebant se spoliatos esse jure percipiendi Decimas in certa Parochia, decernit non aliter eos esse restituendos, quam si consisterit eos legitime, & cum iusto titulo possessionem acquisivisse.

Sed his non obstantibus dicendum est, non audien- 28 dum in iudicio spoliatorem, etsi velit dominium, & proprietatem in continenti probare, sed ante omnia cogendum, ut restituat spoliato. Ita Vivian. in *cap. licet 1. h. tit.* Barbosa *ibidem n. 1.* Canis. *n. 1.* Consentium Menoch. *recup. rem. 1. n. 11. & 12.* Pax Jordan. *l. 14. tit. 12. n. 123.* Passerin. in *c. 2. h. tit. in 6. n. 6.* Vallens. *hic §. 4. n. 1.* Zoel. *n. 1. & 2.* Pirhing *nu. 18.* Engl *num. 1.* König *num. 15.* Vviestner *n. 21.* & constat ex *c. licet cit.* ubi vi ablatae possessionis restitutio, si petatur, facienda dicitur *ante omnem contentionem*, ac proinde ante ejusmodi exceptionis objectæ discussionem: & ex *c. in litteris 5. eodem in fine*, ubi secundum rigorem juris dicitur restituendus etiam prædo. Ei merito quidem; natura quippe dictat, ut spoliator patiatur legem, quam ipse tulit: & cum ipse spoliaverit juris ordine non observato, etiam jure suo non discussio, cogatur restituere spoliatum *arg. l. 1. ff. quod quisq. iur. & c.*

Proceduque hoc 1. non tantum in corporalibus, sed 29 etiam in incorporalibus, ut contra Hunn. in *Trentl. vol. 3. D. 23. q. 55.* docet Perez in *C. unde vi n. 3.* Schneidevv. in *§. recuperanda 6. Inst. de iurdict. nu. 29.* Haun. *tom. 1. tr. 3. num. 361.* Vviestner *hic num. 29.* Procedit 2. etiam in mobilibus, quæ fuerunt in fundo occupato, aut ædibus, unde quis dejectus est; quia accessorie veniunt cum fundo. Perez *num. 3. citat.* Schneidevv. *nom. 31.* Haun. *num. 362.* Vviestner *nu. 34.* Pro aliis mobilibus vi ablati Interdum Unde vi non competit, sed actio vi bonorum raptorum, aut furti, vel ad exhibendum, prout liquet ex *l. Prætor ait 1. §. illud 6. & §. seq. ff. de vi, & vi arm.* Hinc pro iis etiam ante omnia restitutio non conceditur, ut rectius notant Tusch. *pract. V. spoliatio. conclus. 391. num. 2.* Gonz. in *c. conquerente 7. h. tit. n. 6.* Vviest. *num. 34.* Procedit 3 etiam si actor agat super aliare *cap. cum dilectus 2. de ord. cognit.* Passerin. in *cap. 1. h. tit. in 6. num. 5.* Imò conceditur reo, etiam si actor agat super alio spolio diverso *cap. fin. vers. quatenus eod.* Excipe, nisi agat de spolio magis privilegiato; quia tunc non repellitur per exceptionem alterius spoli, ut *l. citat.* notat Passerinus, & ratio est, quia favor rei, qui hic consideratur, solum urget, ubi cætera sunt paria per Reg. cum sunt partium 11. in 6.

Neque contrarium evincunt textus allegati in opposi- 30 tum. Ad 1 respondet Gonzal. in *c. 7. h. tit. num. 11.* ita decretum esse, ne corporis humani facile admittatur vexatio: quæ fieret, si statim, ut restitueretur spoliato cadaver, exhumaretur; posset enim contingere, ut idem spoliatus succumberet dein in petitorio: quo casu iterum necesse foret exhumari cadaver, & tradi victori. Ad 2 respondet RR. ideo in eo casu exceptionem criminis impedire restitutionem, quia presbyter spoliatus debuisset replicare, & petere se restitui, non obstante criminis exceptione: quod cum non fecerit, ratiè censetur concessisse, ut de crimine cognosceretur ante factam sibi restitutionem. Ad 3 rectè ibi Pontifex exegit in spoliato titulum ad justificandam quasi possessionem, ad quam petebat restitui, quia defectus tituli in spoliato eo casu fundabat intentionem Adversarii, seu Parochi spoliantis.

Dub. 2 quibus casibus exceptio dominii, seu proprietatis fieri possit à spoliante, antequam restituatur spoliatus? 31 Resp. Socinus *reg. 466.* duodecim casus refert, Corserus *ad reg. int. reg. divers. fol. 574.* omnino quinquaginta. Ego potiores refero, quos passim DD. recensent, præsertim Menoch. *recup. rem. 1. à num. 161.* Pax Jordan. *l. 14. tit. 12. à num. 158.* Layman in *c. 1. h. tit. à num. 1.* Pirhing *à n. 25.* Engl *num. 5.* König *n. 13.* & seqq. Vviest. *à num. 37.*

Et si spoliatus consentiat, ut de exceptione dominii, seu proprietatis ante restitutionem factam cognoscatur, & spoliator ad jus proprietatis sibi competens probandum admittatur *cap. licet 1. h. tit. & ratio est*, quia privilegio, in favorem suum unice concessio; quif- que



que renunciare potest; est autem beneficium restitutionis privilegium in favorem spoliati unice concessum spoliato. Ergo &c. Sufficit autem consensus tacitus, ut si actor spoliatus spoliatorem volentem probare dominium, non repellat; nam is, qui in iudicio præsens est, & tacer, dicitur consentire in sui præiudicium. Layman *n. 1. cit. Barb. n. 2*. Neque tali casu omittentis restitutionem petere negligentiam supplere, & spoliatum ex officio restituere iudex debet, nisi periculum animæ, aliaque causa iusta id exigat; quia extra banc spoliatus ante omnia restituendus tantum est, quando istud petierit; ut aliis *citr. notat P. Vviesl. hic n. 38*.

- 2 Quando notoriè constat, quod jus nullum competat spoliato, & simul in ea competat spoliatori; tunc enim frustra restitueretur spoliatus, utpote qui statim deberet reddere. Censetur autem notoriè constare de non iure spoliati, quando ex actis iudicii, vel ex confessione iudiciali ipsius spoliati, aut ex instrumento publico, restitutum depositione, sententia absolutoria, in iudicio petitorio in favorem spoliatoris lata, de dominio & iure ipsius constat, ut aliis *citr. requirit P. Vvieslner hic num. 42. & meritò*; nam si absolutus sit spoliator tantum ex eo capite, quod spoliatus in dominio sibi competentis probatione defecerit, cum ex ejusmodi sententia inferri nequeat spoliatorem esse dominum, Interdictum *Unde vi* manebit integrum spoliato.

3 Quando vertitur periculum animæ, si restituatur spoliatus, ut si marito repetenti uxorem, quæ se propria auctoritate ab eo separavit, obicitur impedimentum dirimens; tunc enim, cum ibi agatur de peccato vitando, denegatur eidem restitutio quoad thorum, & prius cognosci debet de impedimento dirimente, ut statuitur *capit. litteras 13. hic*, & dicitur infra *numer. 62*.

- 4 Si facta restitutione, timeatur damnum irreparabile, vel publicum scandalum, aut perturbatio in populo, ut si agatur de restitutione uxoris marito sævienti, si possessio sit Tyranno ablata, si reus à carcere, & ministrorum manibus ad Sacrum Asylum fugerit &c. nam antequam istis restitutio fiat, prius audiendæ, & examinandæ sunt exceptiones sic spoliantium, ne in periculum conjiciatur aut vita, aut quies Reip.

5 Si quis rem suam, aut sibi notoriè, & indubitato debitam, quod eam per viam juris, aut ob potentiam Adversarii, aut ob defectum iudicis recuperare non potuit, propria auctoritate occupavit; quia, licet sibi jus dicere alias nemo possit, potest ramen, si iudicis copiam non habeat, cujus auctoritate, quod suum est, recipere possit. Neque eo casu pervertitur ordo, cum is observari non debeat. Pax Jordan. *num. 158. Pirhing numer. 29*.

6 Si juris præsumptio contra spoliatum pro spoliatore militet, ut si quis petat sibi restitui decimas, quas possedit in aliena Parochia; tunc enim restitutio fieri non debet, antequam probetur titulus, ut dictum est *nu. 30* & ratio est, quia præsumuntur jure communi ad Ecclesiam pertinere, ex cujus fundis sumuntur *c. dudum 31. de decim. c. cum olim 18. de præscript.*

- 7 Si lite pendente, & stante quæstione spoliæ alius quidam tertius pro suo interesse interveniat, atque in re spoliata dominium, vel aliud jus prætendat; talis enim ante restitutionem est audiendus, eo quod respectu ipsius celsus odium spoliationis, & cons. etiam illa dispositio juris, quod spoliatus ante omnia restituendus sit, per *c. cum super 17. de sent. & re jud. & l. sape 63. ff. de re judic.* Quod aliqui cum Menoch. *recup. rem. 1. nu. 373*, extendunt etiam ad casum, quo jus tertii ita conjunctum est cum jure spoliatoris, ut ab eo separari minimè possit; hoc enim casu volunt privilegio tertii etiam spoliatorem gaudere ratione connexitatis, ratione cujus sæpe conceditur, quod soli non concederetur.

8 Quando reus conventus, seu spoliator concludit spoliatum possidere nec potuisse, nec posse. Sic Laicus jure decimandi à Beneficiario Ecclesiastico, penes quem de jure illud esse debet, spoliatus, non restituitur, priusquam docuerit, quod titulo possederit: & ratio est, quia hujusmodi jura spiritualia Laici regulariter possidere non possunt *capit. causam 7. de præscript.* Procedit hoc maxime in materia Beneficiali: nam cum non concedatur vitiosus ingressus in Beneficium, illi, qui spoliatum se isto conqueritur, obstat exceptio cujusvisque im-

pedimenti Canonici redditus invalidum Beneficii possessionem.

Plures alios casus, & exceptiones afferunt Pax Jordan. & Vvagnereck *l. citat.* qui apud ipsos videri possunt.

Dub. 3 quæ probanda sint spoliato agenti ad restitutionem rei spoliatæ? Resp. regulariter duo debet probare, sc. se possedisse, & possessione sua injustè, aut indebitè dejectum, vel saltem, ne liberè possideret, prohibitum fuisse, & quidem ab Adversario, vel alio de ipsius mandato, aut cum rati habitatione ipsius *c. cum ad Jedem 15. h. tit. c. Pisani 19. eodem & l. Prator ait 1. §. de jectis 12. & §. sed & si 14. ff. de vi, & vi arm. & ibi DD. Excipitur, nisi agat remedio possessorio introducto per *capit. sape 18. h. titul.* isto enim agens spoliatus restituitur, si probet se possedisse, spoliatumque fuisse; & modernum rei possessorem spoliationis antecedentis, sive rem vitio violentiæ affectam esse conscium. Barbosa *in c. sape cit. n. 2. Vall. hic §. 4. n. 4. Vvieslner n. 8*.*

Dixi autem 1 quod probare debeat se possedisse: quod intellige de possessione, quæ sit propriè dicta possessio, & non nuda solum detentio, qualem habent depositarii, Commodarii &c. Requiritur autem possessionis probatio; quia alioquin spoliari non potuisset, cum spoliatio supponat rem possideri ab eo, qui illa spoliatur. Et hinc si reus conventus, seu spoliator probet possedisse eo tempore, quo actor asserit se spoliatum esse, absolvi is debet, cum intentionem actoris eluserit: neque audiendus est spoliatus in Interdicto *Unde vi*, etsi demonstrare velit se habere jus proprietatis, nisi probet etiam possessionem; quia fieri potuit, ut haberet jus proprietatis in re, ejus ramen possessionem nunquam fuerit nactus, & sic non potuerit spoliari.

Dixi 2 quod debeat etiam probare se dejectum fuisse possessione sua; nam Interdictum *Unde vi* supponit spoliationem.

Dixi 3 regulariter; nam si spoliator fuit ingressus possessionem de ordine, & mandato iudicis, is, qui agere vult Interdicto *Unde vi*, præter duo prædicta etiam probare debet, iudicem non rectè processisse, ut bene advertit Pax Jordan. *libr. 14. titul. 12. numer. 208*. Et ratio est, quia iudex censetur spoliator, vel saltem particeps spoliæ.

Quæripotest, quomodo probari possessio debeat? Resp. sufficere, si spoliatus probet se olim in possessione fuisse, ante illud tempus, quo spoliatum se ait; quia qui olim possedit, præsumitur possessionem continuasse usque ad tempus spoliationis subsecutæ, & tunc adhuc possessionem habuisse, donec contrarium ostendatur. Excipe, si sit in rebus mobilibus factum spoliū; nam harum possessio de facili perditur. Unde Regula, quod olim possidens hodie etiam possidere præsumatur, in his non procedit; sed necesse est, ut paulo ante saltem se possedisse ostendar spoliator: quod etiam sufficit; quia intra modicum intervallum non præsumitur intervenisse mutatio *l. si ve 16. junct. Gloss. mag. l. ut. F. C. de probat.* In aliquibus casibus, ut probetur possessio, etiam probandus est titulus, eo quod sine titulo in iis casibus possessio legitima nulla detur, uti fit in iurisdictionibus, in Decimis petitis à Laico, in Matrimonio carnali, in causis Beneficialibus, & spiritualibus, in possessionis, quæ mixtam habent causam proprietatis &c. in his proin, ut rite probetur possessio, etiam titulus probari debet, ut bene notat Jordan. *l. cit.*

Quæritur 2 quid restituere debeat spoliator, seu invasor rei alienæ? Resp. facienda est restitutio non qualiscunque, sed plena, ut non solum res principalis, sed etiam accessoria restituantur cum omnibus fructibus, qui à spoliationis factæ die percepti sunt, vel percipi à spoliato potuerunt: atque insuper refarciantur expensæ, ac pro injuria satisfactio exhibeatur, proquit constat ex *cap. gravis 11. h. titul. l. Prator ait 1. §. qui vi 31. ff. de vi, & vi arm. l. si de possessione C. unde vi*. Idque usque ad ultimum quadrantem, ita, ut si etiam nummus spoliato ablatus deficeret, respondere spoliatori non teneatur, aut iste excipiens non audiatur, ut vult Bald. *in cap. conquerente 7. h. titul. num. 1*. Ratio est, quia æquitas, & ratio naturalis postulat, ut aliena vis, & injuria nemini damnosa sit; esset autem damnosa spoliato, si cum re, cujus possessione vi injustè illata dejectus est, sibi restituta, non etiam restituerentur fructus; aut ex istis



istis ii. tantum restituerentur, quos spoliator percepit, non vero ii, quos spoliatus, seclusa spoliatione, percipere potuisset; quia damnum reputatur non solum id, quod de patrimonio decessit, sed id quoque, cuius patrimonio adijciendi adempta facultas est *l. si commissi* 13. princ. ff. *rem ratam haberi*, & *l. un. vers. fin. C. de sent. pro eo, quod interest* &c.

39 Dub. 1 quid nomine *Fructus* veniat, & quotuplicis illi sint generis? Resp. *Fructus* dicuntur, qui deductis necessariis expensis supersunt. *Expensarum* autem nomine venit, quod expenditur in fructibus querendis, colligendis, & conservandis *l. si a domino* 36. §. fin. ff. *de heredit. petut. l. fructus* 7. princ. ff. *solut. Matrim.* Ex communi RR. *Fructus* alii sunt *merè naturales*, quos natura producit, nullo, aut vix ullo concurrente labore, vel industria hominum, ut sunt fructus arborum, herbæ, germina, fœtus animalium &c. Alii sunt *Merè Industriales*, quos gignit sola industria, uti est lucrum ex pecunia in centum data, ex vino, mercibus per negotiationem acquisitum. Alii sunt *Mixti*, ad quos producendos æquè, vel magis industria, quam natura confert, ut sunt segetes, & alii fructus, qui ferendo gignuntur; hi simpliciter *Industriales* vocantur. Ad istos reducuntur *Fructus Civiles*, qui non proveniunt naturaliter ex re ipsa, sed propter rem, h. e. propter usum rei jure civili percipiuntur, ut sunt pensiones prædiorum, domum, usuræ, vecturæ navium, mercedes jumentorum, operæ servorum &c.

40 Præterea *Fructus* alii dicuntur *Percipiendi*: & tales sunt, qui vel è solo nondum separati, sed pendentes, & rei, ex qua proveniunt, adhærentes sunt; vel qui omnino non extant, sed percipi potuissent, nisi aut negligentia cultoris, aut infortunium obstitisset. Alii jam *Percipiti*, sive jam collecti, aut reconditi in horreis, vel cellariis, aut saltem hominis industria (non per se, aut vi tempestatis) à solo, sive re, ex qua nascuntur, separati, Et hi rursus sunt duplicis generis, videlicet extantes, & nondum consumpti; & jam consumpti, sive conversi in usum, & non amplius extantes. Possuntque hi ita consumpti esse, ut neque formaliter neque virtualiter amplius extent, vel ita solum, ut non quidem extent formaliter, extent tamen virtualiter, quatenus sc. qui illos percepit, & consumpsit, comparat suis, & sic perceptione illorum factus est ditior. Vide Abb. *in c. gravis* 11. h. tit. à num. 3. Sanch. l. 2. mor. cap. 23. à nu. 48 Haun. tom. 1. de J. & J. tract. 3. à num. 261. Vviesner hic à num. 48.

41 Dub. 2 quos fructus teneatur restituere Spoliator? Resp. debet restituere fructus omnes, sive extantes, sive consumptos, sive perceptos, sive percipiendos, & quos percipere potuisset spoliatus, si possessione sua non fuisset depulsus. Ita Berojus *in cap. gravis* 11. h. tit. num. 34. Menoch. *recup. remed.* 15. à num. 590. Harprecht §. *recup. randa* 6. *Instit. de Interdict.* num. 37. Perez *C. unde vin.* 22. Brunnem. *in l. 4. eodem num.* 2. & 3. Pal. *tr.* 31. D. un. p. 10. num. 1. Haun. *tract.* 3. cit. num. 184. Vviesner hic num. 53. Deciditur clarè *cap. gravis* citat. ibi: *Non tantum fructus à novo, & violento possessore perceptos, sed quos (si eis possidere fuisset licitum) possessores veteres percipissent.* Consonat jus civile *l. Prator ait* 1. §. qui vi 31. & §. quod autem 33. ff. *de vi & vi arm. l. fructus* 33. princ. *l. si navis* 62. §. generaliter 1. ff. *l. domum* 5. & *l. certum* 22. C. de R. V. Et computandi quidem fructus hoc casu sunt ex eodie, quo quis dejectus est: quia in re differt Interdictum hoc ab aliis, in quibus fructus demum à die redditu Interdicti computantur. Harprecht, & Perez *l. citat.*

Neque huic resolutioni obstat *l. si fundum* 17. C. de R. V. ubi Imp. Dioclet. & Maximian. *Fructus*, inquit, quos cum mala fide percepisse fuerit probatum, aditus Præses Provincia restituere jubebit. Ex quo per argumentum à sensu contrario videtur inferri, fructus, qui percipi potuissent, non autem percepti sunt, non restituendos. Nam contra est; quia argumento à sensu contrario locus non est, ubi in adversum expressa juris stat constitutio.

42 Dub. 3 an spoliato restituendi sint etiam fructus, quorum perceptio est inhonesta, v. g. quia percipiuntur ex locatione domus factæ meretricibus, & lenonibus? Resp. distinguendo inter fructus ex tali causa perceptos, & percipiendos priores restituendi sunt à mala fidei posses-

sores, non autem posteriores. Bald. *in l. fructus* 34. ff. *de R. V. num.* 1. Butr. *in cap. gravis* 11. h. tit. numer. 12 Menoch. *rem.* 15. citat. num. 605. Brunnem. *in l. 4. C. unde vinum* 3. Vviesner hic num. 55. Pars 1. clarè constat ex *l. ancillarum* 27. §. fin. ff. *de hered. petit.* & ratio est, quia ejusmodi fructus percepti proveniunt ex re mala fide possessa, cuius fructus debentur domino. Accedit, quia non decet, ut spoliator ex delicto, sive alienæ rei occupatione; & injusta possessione ullum reporter commodum. Pars altera colligitur ex *l. fructus* 34. ff. *de R. V.* ibi: *sed & fructus, qui percipi honestè poterunt*: unde per argumentum à sensu contrario inferitur, inhonestè percipiendos minimè restituendos esse. Ratio est, quia spoliatus, aut alius rei dominus, sicut inhonestæ perceptionis fructus procurare ipse non potest, ita nec potest ab alio exigere procuracionem perceptionis eorum.

Dub. 4 an spoliato restituendi à spoliatore sint etiam fructus, quos ipse, si rei possessionem non amisisset, ex ea percipere industria sua potuisset? Certum est, eos restituendos, quos potuisset percipere communi sua industria. De iis, quos potuisset percipere industria singulari, controversia est. Negat Decius *in l. generaliter* 78. ff. *de R. J. num.* 5. quod attendi nunquam soleat singulare interesse actoris. Sed dicendum etiam hos restituendos spoliatori, si hic probavit, se tales fructus potuisse percipere. Ita Butrio *in cap. 11. h. tit. num.* 13. Bartol. *in l. domum* 5. C. de R. V. num. 5. Sanch. l. 2. moral. cap. 23. num. 114. Vviesner hic num. 56. & constat ex *c. & l. citat.* quæ loquuntur generaliter, non excipiendos ullos fructus. Ratio est, quia spoliator ad rei conservationem, & perceptionem fructuum eam diligentiam adhibere tenetur, quam diligentissimus Paterfamilias solet, cum ad rei, & fructuum æstimationem obligetur etiam casu, quo illa nulla sua culpa interiit, nullique fructus ex ea percepti sunt.

Dub. 5 an cum re spoliato etiam restituendi sint fructus, quos percipere etiam spoliator potuisset? Rationem dubitandi faciunt *l. si fundum* 17. C. de rei vind. ibi: *Quos cum mala fide percepisse fuerit probatum; & l. si domum* 5. C. eodem ibi: *Quos percepit, ac percipere ipse potuit*: quibus textibus clarè satis attenditur facultas, seu potentia percipiendi fructus se tenens ex parte spoliatoris, vel alterius malæ fidei possessoris. Sed cum Sanch. numer. 114. citat. distinguendum est inter fructus, quos communi industria potuisset percipere, & inter eos, quos potuisset percipere singulari industria. De primis certum est eos restituendos; quia illos etiam spoliatus percepturus fuisset. De secundis negandum, & dicendum, quoad illos non spoliatoris, sed spoliati, aut domini potentiam attendendam. Colligitur satis clarè ex *capit. gravis* 11. h. tit. *l. Prator ait* 1. §. qui vi 31. ff. *de vi, & vi arm. l. si navis* 62. §. generaliter 1. ff. *de R. V. libr. si de possessione* 4. C. unde vi, quibus textibus, non spoliatoris, & malæ fidei possessoris, sed spoliati, & domini, cuius res mala fide possidetur, potentia, seu facultas fructus percipiendi attenditur. Ratio est, quia juris Utriusque conditores spoliato quoad restitutionem fructuum tantum favent, in quantum is læsus est, non est autem læsus quoad fructus, quos spoliator speciali sua industria potuisset percipere, non autem spoliatus. Ergo &c. Ad textus in contrarium allatos dicendum, illos tantum loqui de fructibus perceptis, & percipiendis communi industria.

Dub. 6 an spoliator, aut alius malæ fidei possessor teneatur restituere fructus provenientes ex melioratione rei vi occupatæ, aut aliter iniquè possessæ? Satis convenit inter DD. non esse restituendos fructus percipiendos, sive quos potuisset percipere, quod colligitur ex *l. ceterum* 31. ff. *de R. V.* & ratio est, quia si eos etiam fructus, quos ex hujusmodi sua melioratione percipere potuit, restituere tenetur, sua industria ei damnosa foret contra regulam *l. fin. C. de alluvion.* Difficultas est de fructibus perceptis; de quibus pariter negativa videtur colligi *arg. l. ceterum* cit. & ex ratione, quia hujusmodi fructus, hoc ipso, quia illos ex melioratione à se facta percipit, non ex re aliena, sed propria spoliator censetur percipere. Sed dicendum eundem obligari etiam ad restituendos fructus perceptos ex melioratione à re sine ejus detrimento non separabili, ut sunt sterco ratio



agrorum, plantatio, postquam plantæ egerunt radices &c. Ita Covar. l. 1. var. capit. 8. num. 4. Menoch. recap. rem. 15. num. 610. Molin. tr. 2. de just. D. 725. num. 12. Barbosa in l. divorcio 8. §. fin. ff. solut. matr. nu. 52. Vviesl. hic num. 60. Ratio est, quia melioratio rei alienæ, quæ ab ista sine detrimento nequit separari, cedit rei domino; ac proinde huic fructificat, conf. eidem fructus restitui debet. Ex quo contruit allata in contrarium ratio. Ad l. ceterum citat. dico illam loqui de fructibus percipiendis, ut patet ex textu, & notat Glos. ibidem ff. potuerant.

46 Dub. 7 in quo foro spoliator, aut alius malæ fidei possessor teneatur restituere fructus, quos dominus percipere potuisset? Resp. distinguendo inter illos, quos dominus verisimiliter percepturus erat, & inter illos, quos percipere potuisset, non autem percepturus fuisset: priores restituere tenetur in foro utroque, posteriores solum in foro externo. Medin. de restit. q. 6. ad 2. Sanch. lib. 2. mor. cap. 23. num. 118. Pal. tract. 31. D. un. part. 24. §. 10. num. 6. Haun. tract. 3. cit. n. 286. Vviesl. hic num. 61. & 62. Ratio differentię inter forum utrumque est; quia in foro animæ obligatio restituendi oritur ex iustitia commutativa, cui satisficit; quando damnificatus habet omne id, quod habiturus fuisset ex re sua, si hæc eidem non fuisset ablata. At obligatio in foro externo oritur ex iustitia Legali, quæ in odium spoliationis præter reparationem damni jure naturæ debitam etiam injungit præstandum aliud quid in pœnam delicti. Ergo &c. Ex quo sequitur, quod hujusmodi spoliator, aut malæ fidei possessor ante sententiam hujusmodi pœnam præstare non teneatur. Simili modo ante sententiam non tenetur restituere fructus perceptos ex rei alienæ melioratione: imò istius æstimationem detrahere potest; quia dominus rei adhuc consequitur, quantum habiturus erat, si rei suæ possessionem non amisisset.

47 Dub. 8 quas expensas deducere possit spoliator, aut alius malæ fidei possessor, quando rem vi, vel injuria occupatam, vel detentam restituit? Resp. hic distinguendum inter expensas, & videndum, an necessariæ illæ sint, an utiles, an voluptariæ, seu merè voluntariæ. Primæ certò deduci possunt l. domum §. C. de R. V. ibi: nisi necessarios sumptus fecerit. Ratio est, quia alias locupletaretur dominus cum jactura aliena, cum tales expensas facere ipse debuisset, si res ab alio possessa non fuisset. Contra certo non possunt deduci Postrema expensæ, seu merè voluptariæ, ac voluntariæ, quæ solius voluptatis, seu recreationis, vel ornatus causa sunt, & proventus, seu fructus non augent, ut sunt viridaria, aquæ salientes, incrustatio, picturæ &c. Ratio est, quia sibi imputare spoliator debet, quod sumptus hujusmodi in re aliena fecerit. De secundis distinguendum est, an hujusmodi expensæ sint separabiles à re principali, an non. Si hoc secundum, in foro externo deductio earum non permittitur l. domum cit. ubi solum permittitur repetitio ejus, quod necessariò expendendum erat. Si primum, deductio earum etiam in foro externo probabilius non prohibetur ex l. utiles 39. fin. ff. de hered. petit. & l. Julianus 37 ff. de R. V. ibi: Hoc tamen ei concedendum est, ut sine dispendio domini aræ tollatur ædificium, quod posuit. Ratio est, quia quod domino non nocet, ædificanti autem prodest, facile est indulgendum.

48 Neque obstat textus §. ex diverso 30. Institut. de rer. divis. ubi Imperator in alieno solo domum ex sua materia ædificanti nequidem istius dirutæ materiam concedit, quod ea ædificatione materia alienata, & domino donata intelligatur, si in alieno solo ædificium strui non ignoravit. Dicendum enim hoc solum procedere, quando domus ædificatur in alieno fundo ab ædificante non occupato, & possessio; nam de eo, qui in fundo alieno, sibi acquirendi animo occupato, malaque fide possessio domum extruxit, donandi animus præsumi non potest.

49 Quæritur 3 quales fructus teneatur restituere possessor bonæ fidei? Resp. distinguendo secundum divisionem fructuum num. 39. & 40. factam: Vel enim fructus illi sunt industriales merè, vel naturales, aut mixti: Si merè industriales, retinere illos potest, etiam retentio possessionis; quia non sunt fructus rei in se, sed prout subsunt industriæ hominum, adeoque ei, cujus industria proveniunt, acquiruntur de jure naturali; & quia lex

nulla ei restitutionem illorum imperat, restituere non tenebitur. Molin. tract. 2. D. 719. num. 4. Barbosa in cap. gravis 11. h. tit. num. 9. Pirhi. hic num. 36. Sannig c. 5. n. 4. & alii communissimè. Si naturales, & mixti, videndum, an adhuc pendentes sint, an verò jam percepti. Si pendentes, cum re etiam à bonæ fidei possessore restitui debent domino; quia sunt pars fundi, cui adhærent l. fructus 44. ff. de R. V. Si percepti jam, & à solo separati, tertia distinctio est adhibenda, & videndum, an adhuc extant, an verò consumpti sint.

Si adhuc extant, & ipsi restitui debent l. certum 22. C. de R. V. Vivian. in cap. gravis 11. h. tit. Fagnan. ibid. n. 51. & alii omnes; nam quævis res domino suo fructificat. Neque obstat, quod bonæ fidei possessor fructus omnes, etiam extantes, suos fecerit; quia illos solum suos fecit revocabiliter, ut habetur l. certum citat. ibi: bonæ fidei vero extantes; & l. bonæ 48. princip. ff. de acquir. rer. dom. ibi: suos interim facit, quia quod ad fructus attinet, loco domini pene est. Si verò consumpti jam sunt, quærendum, an ita consumpti sint, ut nequidem æquivalenter amplius extant, an vero ita, ut extant æquivalenter, quatenus inde possessor bonæ fidei factus est ditior. Si prius, omnes facile concedunt, eo casu à restitutione fructuum consumptorum eundem liberari: & ratio est, quia quod operatur industria, & cultura in fructibus industrialibus, hoc operatur consumptio in naturalibus, & quod meum effectum non erat, post consumptionem meum efficitur.

Major difficultas est, & conf. Dubium 1. an bonæ fidei possessor teneatur restituere fructus consumptos, æquivalenter extantes, in quantum inde factus est ditior? Affirmant Abb. in cap. gravis 11. h. tit. num. 6. Bartol. in l. & ex diverso 35. ff. de R. V. num. 7. Covar. l. 1. var. cap. 3. num. 6. concl. 1. Molin. tr. 2. D. 569. n. 4. D. 718. num. 1. vers. quod attinet, & D. 719. num. 4. Lels. libr. 2. de just. cap. 14. num. 9. Sanch. l. 2. mor. cap. 23. num. 77. Layman l. 3. Theol. mor. tr. 2. c. 3. num. 7. & plures alii apud istos, videturque istud probari. 1. Ex l. si & me 32. fin. ff. de reb. credit. ubi decidit JCtus, æquum & bonum esse, pecuniam meam, quæ à te pervenit, eam mihi à te reddi. Ergo similiter æquum, & justum est, ut fructus alteri debitos reddas. 2. Pingens in aliena tabula bonæ fidei obligatus est reddere æstimationem domino tabulæ, quod tabulæ factus sit dominus, ac proinde ditior ex re aliena §. signis in aliena tabula 34. Institut. de rer. divis. igitur etiam fructus consumptos bonæ fidei possessor debet restituere, non obstante illorum dominio, si inde factus est ditior. 3. In judiciis universalibus, e. g. petitione hæreditatis restituendi à bonæ fidei possessore sunt fructus, per quos factus est locupletior, ut habetur l. sed & si 25. §. consuluit 11. l. illud quoque 40. §. prædo 1. ff. l. scum 1. §. usuras 1. C. de petit. hered. ergo idem dicendum est in judicio singulari, quale est, quod provenit ex re aliqua particulari donata, emptæ, commodatæ &c. juxta §. etsi in rem. 2. vers. etsi Institut. de Offic. Judic. ubi Imperator fatetur in hæreditatis, & rerum singularum petitione circa fructus eadem intervenire. 4. Nemo cum alterius jactum locupletari debet Reg. 48. in 6. quod tamen fietet, si bonæ fidei possessor non teneretur restituere fructus consumptos æquivalenter extantes. 5. Fructus isti, etsi non extant in se, extant tamen æquivalenter in lucro possessoris; ac proinde aliorum fructuum perceptorum, & extantium instar ipsi quoque venire debent in restitutionem.

Sed dicendum, etsi in petitione hæreditatis obtineat, ut bonæ fidei possessor hæreditatis à se possessæ fructus consumptos, quantum inde factus est locupletior, restituere teneatur, probabilius tamen bonæ fidei possessores cæteros rei evictæ fructus consumptos restituere non teneri, quantumvis consumptione eorum facti sint locupletiores. Ita Glos. in c. 11. h. tit. V. fructus, Ant. de Butrio ibidem num. 12. Imol. nu. 4. Berojus nu. 29. Garc. de expens. cap. 23. nu. 4. Pinell. in l. 2. C. de rescind. vend. p. 2. cap. 4. num. 74. Ant. Faber. l. 4. consuet. cap. 17. prope finem, Fachin. l. 1. contr. cap. 58. vers. & hac sententia, Donell. comment. l. 4. c. 24. & 25. Pall. tr. 31. D. un. p. 24. §. 7. n. 12. Haun. tom. 1. tr. 3. num. 281. Vviesl. hic n. 74. & seqq. & plures alii tum TT. tum JCTi, præsertim moderni. Clari sunt juris textus l. certum 22. C. de R. V. ubi tantum jubentur restitui fructus extantes l. sed & loci 4. §. post litem 2. ff. fin. regund. ubi negatur restituendos fructus con-



consumptos. *l. quæsitum 40. ff. de acquir. rer. dom.* ubi dicitur, quòd bonæ fidei possessor fructus consumptos faciat suos. Et denique §. *si quis à non domino 35. Inst. de rer. divis.* ubi statuitur, ad fructuum consumptorum restitutionem adversus bonæ fidei possessorem agi, & hunc condemnari non posse. Accedit Jus Provinciale Bavaricum *Landrecht tit. 9. art. 10.* & optima Legum interpretres, Tribunalium praxis, qua fructus consumpti, nulla locupletationis habita ratione, bonæ fidei possessoribus adjudicantur. Neque hoc immeritò; nam Legislatores Civiles ad hoc statuendum induxit causa iustissima, sc. evitatio, & exclusio litium, & conscientia anxietatum, quæ ex incertitudine, & difficultate probandi lucrum, quod ex fructuum consumptione præceptum est, sæpe nascerentur. Neque ita statuendo terminos potestatis suæ legislator excessit; si enim ob bonum publicum vitandarum litium potuit statuere Legem Præscriptionis, qua rei præscriptæ dominium adjudicatur præscriptenti, ob similem causam potuit dominium lucri ex consumptione fructuum enati adscribere bonæ fidei possessori.

Neque obstant argumenta contraria. *Ad 1. textus cit.* loquitur de pecunia, ejus dominium in possidentem translatum non est; cons. non est paritas cum fructibus, quorum dominium à bonæ fidei possessore perceptione acquiritur. *Ad 2.* quoad fructus consumptos est specialis in Jure deobligatio, ne restitui teneantur; talis de obligario non est in pictura tabulæ alienæ. *Ad 3.* quod fructus hæreditatis consumpti à bonæ fidei possessore restitui debeant, habetur ex *ll. cit.* nihil simile habetur de fructibus cæterarum rerum, imò contrarium: Et meritò, quia cum hæreditatis possessor possideat pro hærede, quidquid ipsi tanquam hæredi accessit hæreditati, ita ut eadem actione; qua hæreditas, etiam fructus in ista comprehensi cum eo; quo possessor ditior est factus, petantur. Alia ratio est de fructibus rerum singularium; nam hi, cum istarum pars non sint, eadem actione, qua res petitur, peti non possunt. Neque obest §. *et si in rem cit.* fatetur quidem ibi Imperator, utraque petitione hæreditatis, & rerum singularium agi pro fructibus, sed non dicit, quòd eodem modo, & eadem extensione; nam petitionem fructuum rerum singularium minus, quàm petitionem fructuum hæreditatis extendunt Leges. *Ad 4.* esto, naturali Jure spectato, lucrum, cum alieno detrimento perceptum, obnoxium restitutioni sit, aliud tamen tenet de Jure positivo, cuius Legibus, ut supra dictum, lucrum, proveniens ex consumptione rei alienæ, bona fidei possessæ, possessori relinquitur. *Ad 5.* verba Legum, quæ bonæ fidei possessorem absolvent à restitutione fructuum consumptorum, intelligi ita debent, ut non sit inutilis illa deobligatio per hujusmodi Leges facta. Foret autem inutilis, si Leges illæ intelligi solum deberent de fructibus consumptis casu, quo tali consumptione possessor ditior factus non est; nam ab his restituendis Jure naturali deobligatur.

Dub. 2., an, & quos fructus restituat possessor, ejus bonæ fidei succedit mala, verè, ac propriè ralis, seu quæ oritur ex superveniente cognitione rei alienæ, quam prius æstimavit esse suam? Non restituendos ab isto fructus, donec res evicta, & possessor ad eos restituendos condemnatus fuerit, voluere Bald. in *l. qui scit 25. §. fin. ff. de usufr. & fruct.* Imol. in *c. 11. h. tit. n. 7.* Anchoran. *ibid. n. 11.* Berojus *nu. 36. & 37.* Durand. in *specul. tit. de fructib. & intereff. §. scias 1. n. 3.* & videtur colligi ex *l. qui scit. cit. §. fin.* ubi Julianus Ictus ad quæstionem, an emptor, qui post semenitum jactam in terram ante mensem cognovit fundum esse alienum, fructus perceptione suos faciat, respondet, *Bonæ fidei emptor quoad fructus percipiendos intelligi debet, quamdiu evictus fundus non fuerit.*

Sed dicendum, ab eo momento, quo possessor rei alienæ scientiam habet, eum, tanquam malæ fidei possessorem, fructus ejusdem nullo modo, etiam revocabiliter, suos facere, sed obligari ad illos restituendos. Ita Covar. *l. 1. var. c. 3. num. 7.* Menoch. *recup. rem. 15. nu. 592. & 613.* Sayr. *Clav. Reg. l. 10. tr. 2. c. 2. nu. 2.* Molin. *tr. 2. de Just. D. 569. n. 4. & D. 725. n. 1. & 2.* Rebell. *de Just. p. 1. l. 2. q. 5. n. 9.* Sanch. *l. 2. & Mor. c. 23. n. 152.* Pal. *tr. 31. D. un. p. 24. §. 8. nu. 2.* Fachin. *Contr. l. 1. c. 59. vers. Legibus itaque, Brunnem.*

in *l. qui scit. cit. n. 4.* Vviest. *hic n. 85.* & alii plures ab his *citt.* Apertus est textus *canon. si virgo 5. caus. 34. q. 2. l. qui bona 23. §. tamdiu 1. & l. bona 48. §. in contrarium 1. ff. de acquir. rer. domin.* Ratio est, quia quoad mores, & conscientiam perinde est injustè retinere, aur consummere, & injustè accipere.

Neque obstat *l. qui scit. cit.* nam ut Garc. *de expens. c. 23. an. 16.* Fachin. Sanch. & alii *citt.* explicant, accipienda illa solum est de superveniente cognitione rei alienæ solummodo ficta, quæ per litis contestationem, vel denuntiationem inducitur. Sed quia de hac specialis est difficultas, hinc

Dub. 3. an, & quatenus à bonæ fidei possessore restituendi sint fructus post litis contestationem percepti. Respond. hos restituendi nullam esse obligationem, nisi quando res evincitur; quia litis denuntiatio, & ipsa etiam contestatio bonam fidem non impedit, nisi quoad fructuum restitutionem dependentem ab exitu litis, rei quæ evictione faciendam *l. qui scit. cit. §. fin.*

Difficultas est casu, quo res evincitur: quo casu Garc. *l. cit. n. 13. & 14. & latius nu. 45. & 46.* Sanch. *c. 23. cit. n. 193.* Pal. *tr. 31. D. un. p. 8. nu. 4.* respondent distinguendo, an in actoris libello talia allegata sint argumenta, quæ verisimile reddant, rem, super qua lis contestata, est alienam esse; an contra hujusmodi argumenta non allegentur, aut saltem non appareant, quosque res evicta est. *Si primum*, dicunt contestatione litis induci malam fidem propriè talem, & propterea possessorem obligari ad restituendos fructus post contestationem litis perceptos, & consumptos. *Si secundum*, bonæ fidei possessorem à fructuum restitutione absolvent, idque defumuntur ex *l. si fundum 17. C. de R. V.* qua cum fundo evicto restitui jubentur fructus, quos eum (possessorem) mala fide percepisse fuerit probatum. Atqui tamdiu ille in bona fide censendus est, esse, quamdiu ex argumentis ab Adversario adductis verisimile non est, rem esse alienam. Ergo &c.

Sed melius, spectato Jure, dicitur, fructus omnes à contestatione litis perceptos, & percipiendos indiscriminatim à quovis possessore restituendos. Ita Abb. in *c. 11. h. tit. n. 15.* Butrio *ibid. nu. 10.* Berojus *nu. 17.* Menoch. *recup. rem. 15. n. 596.* Haun. *tr. 3. cit. num. 290.* Vviest. *hic n. 77.* & satis liquet ex *l. certum 22. C. de R. V. & l. sed & si 25. §. si ante 7. ff. de hered. petit.* ubi ratio redditur, quòd post litem contestatam omnes incipiant mala fidei possessores esse; quin imò post controversiam motam, sive litis denuntiationem, quod Juris fictione, vel interpretatione *scire incipiant, rem ad se non pertinentem se possidere.* Ratio est, quia possessor super re conventus, licet revera malæ fidei non sit, à litis tamen contestatæ die, & momento abstinere debet à consumptione fructuum, & eos diligenter custodire usque quo, controversiæ motæ exitum cernat; & si quos ex illis lite pendente consumplerit, suo periculo illud fecit. Ex quo cadit argumentum sumptum ex *l. si fundum cit.* dicendum enim ejusmodi possessorem esse in bona fide etiam post contestationem litis, quoad consumptionem fructuum in mala.

Dub. 5. quid dicendum de possessore, ejus malæ fidei supervenit bona? Resp. distinguendo, an superveniat in una, eademque physicè persona, an in persona tantum eadem fictione Juris, sicut & hæres cum defuncto.

*Si primum*, & c. g. Titius fundum, quem prius alienum esse existimarat, & mala fide possiderat, nunc possideat bona fide, & justa ratione persuasus credat esse suum, quoad fidem bonam, malamve singula momenta spectanda sunt juxta *l. qui bona 23. §. tamdiu 1. ff. de acquir. rer. dom.* cons. tenebitur restituere fructus, durante mala fide perceptos, ut alii malæ fidei possessores, perceptos deinde bona fide, ut alii possessores bonæ fidei. Abb. in *cap. 11. h. tit. num. 10.* Imol. *ibid. num. 8.* Berojus *n. 40.* Bellamer. *n. 18. fin.* Menoch. *recup. rem. 15. nu. 617.* Sanch. *c. 23. cit. num. 156.* Vviest. *hic numer. 86.* Ratio est, quia idem est judicium de toto quoad totum, & de parte quoad partem juxta *l. qua de tota 76. ff. de R. V.*

*Si secundum*, bona fides superveniens hæredi non proficit, neque iste fructus rei ab antecessore mala fidei possessore lucrari potest. Abb. *n. 10. cit.* Berojus *n. 38.* Menoch. *remed. cit. n. 618.* Sanch. *n. 154.* Vviest. *l. cit. & constat ex l. litigator 2. C. de fruct. & lit. expens. & l. cum hæres*



*hæres* 1. *ff. de divers. & temporal. præscript.* ubi etiam datur ratio; quia *hæres in omne jus defuncti succedit*, ut proinde non attendatur bona fides, quam ipse in persona sua habet, sed defuncti duntaxat mala. Aliud juxta *citt. DD.* dicendum de successore singulari; cum enim iste personam defuncti, vel antecessoris non repræsentet, sufficit, si ipse sit in bona fide, & lucrabitur fructus rei ab illo ad se translata, etsi fuerit in mala fide.

56 Dub. 5. quas expensas deducere valeat spoliatoris bonæ fidei successor singularis, aut alius hujusmodi bonæ fidei possessor? Resp. distinguendo: Vel enim expensæ illæ sunt necessariæ, vel utiles, aut tantum voluptariæ. Si primum, deducere illas bonæ fidei possessor potest absque controversia; quia illas deducere etiam potest possessor malæ fidei, ut dictum est n. 47.

Si secundum, videndum est, an illæ à re sine ejus detrimento, ac dispendio domini sint separabiles, an verò non. Si prius, cum deducere illas possit malæ fidei possessor juxta dicta n. 47. *citt.* multo magis deducere easdem poterit possessor bonæ fidei. Si posterius, juxta l. *in fundo* 38. *ff. de R. V.* deductioni locus est in quadruplici casu. 1. Si dominus eas factas approbavit. 2. Si ipse easdem erat facturus. 3. Si propter factas in eam expensas plus pretii consecutus est. 4. Si dives sit, & habeat, unde expensas illas absque rei suæ alienatione refundat.

Si tertium, imprimis tolli possunt, quæ sine detrimento ipsius rei tolli possunt, ut dicitur l. *utiles* 39. *ff. de hæred. petit.* Si tolli sic nequeant, deductio hujusmodi expensarum licita erit possessori bonæ fidei in duplici casu. 1. Si eas ipse dominus facturus erat. 2. Si rem actione hujusmodi expensarum carius est venditurus. Vviesl. *hic num.* 81. & ratio est, ne cum jactura aliena dominus locupletetur contra *Reg. Jure natura* 206. *ff. & Reg. locupletari* 48. *in 6.* Addit *Lug. de J. & J. D.* 18. *num.* 63. Haun. *tract.* 3. *cit. n.* 302. Vviesl. *n.* 83. etiam extra hos casus in foro animæ bonæ fidei possessorem deducere partem voluptuariarum expensarum posse juxta spem lucri, quod ex illis dominus verisimiliter consecutus est; quia dominus quoad spem illam revera aliquam utilitatem consequitur, & locupletior evadit.

Porro in casibus, in quo deductio expensarum bonæ fidei possessori permisa est, & dominus solvere illas non velit, poterit ille rem detinere in pignus, donec ex fructibus illius satisfactum eidem sit. *Pal. tr.* 31. *D. unic. p.* 24. §. 9. *num.* 8. Dixi, *si non velit*; nam si ob pauperatatem non possit sine rei evictæ, aut aliarum rerum necessariorum alienatione, possessor ipsam servare nequit pro hujusmodi expensis, sed vel illas à re tollere, si ita utiliter potest, vel sine rei detrimento tollere eas non possit, expectare tandiu debet, donec ei ex fructibus rei evictæ satisfieri possit. Haun. *num.* 295. Vviesl. *hic num.* 80.

### §. III.

#### De Restitutione in Causis Spiritualibus.

#### S. U M M A R I U M.

57 Quando, & quomodo restitutio spoliati facienda sit in causis Matrimonialibus?

58 An restituendus sit conjux expulsus, si ab expellente revocatus redire nolit.

59 60 61 Aut fugiens, si rediens non recipiatur?

62 63 64 Quid si causam discessus pretendat impedimentum dirimens?

65 Aut commissum ab altero conjuge adulterium?

66 Vel Votum continentia mutuo consensu editum?

67 Quomodo restitutio sit facienda in causis Beneficialibus?

68 69 An spoliatus restitui debeat ante exhibitionem tituli?

70 71 An ille, qui renuntiavit Beneficio, quo spoliatus est?

72 73 74 Quid dicendum in aliis causis spiritualibus?

57 **O** Urritur 1. quando, & quomodo restitutio spoliati facienda sit in Causis Matrimonialibus? Spolium in causa Matrimoniali contingit non tantum per alium tertium, qui vi auferat conjugem à conjuge, sed etiam fieri

potest ab ipsis conjugibus inter se, & hoc tripliciter maxime. 1. Quando conjux propria autoritate recedit à conjuge; nam sic recedendo privat illum jure suo, quod habet ad obsequia conjugalia ab altero sibi exhibenda. 2. Quando uxor propria autoritate discessit à marito, sed facti pœnitens ad illum redire vult; nam si ita revertentem maritus non recipiat, spoliasset illam censetur, quod nulla temeritas, aut culpa conjugis, excepto adulterio, per se directè, & perpetuo deroget Juri matrimoniali. 3. Quando uxor expulsa quidem est à marito, sed ab hoc postea revocatur, revocata autem redire, non vult, ob eandem rationem. His præmissis.

Dub. 1. an restituendus sit conjux expulsus, si ab expellente revocatus nolit ad hunc redire, aut fugiens temere, si facti pœnitens redeat, & non recipiatur ab altero conjuge? Videtur non esse restituendus; quia cum possessionem sic fugiendo, aut expellendo liberè ipse dimiserit, à non recipiente, vel non redeunte spoliatus dici non potest. Sed melius affirmativam defendunt *Gloss. in cap. litteras* 13. *V. divertit h. tit.* Joan. And. *ibid. numer.* 19. Abb. *n.* 9. & *in c. ex conquestione* 10. *nu.* 1. *h. tit.* & alii communiter, quos sequitur P. Vviesl. *hic nu.* 92. *arg. l. clam* 6. *fin. ff. de acquir. vel amitt. possess.* Ratio data est *num. præc.* Neque obstat ratio dubitandi allata; etsi enim alias expellens animo amittendi possessionem hanc amittat, aliud tamen sit in matrimonio, cujus possessio specialiter privilegiata est, ut vel non amittatur, vel recuperetur amissa eo ipso, quod expulsus reperatur, vel fugiens redeat. & ratio est, quia cum sit accessoria matrimonio, etiam istius naturam sapit. Est autem ea matrimonii natura, ut solo consensu non dissolvatur. Ergo &c.

Dub. 2. quid faciendum, si conjux conjugem, vir mulierem, quæ ab ipso propria autoritate discessit, tanquam spoliatus restitui petat? Resp. distinguendum, an intercesserint sola sponsalia, an matrimonium ratum, an etiam consummatum. Si primum, restitui non debet mulier viro, tametsi in domum istius jam sit traducta. Sumitur ex *c. ex parte* 14. *h. tit.* & ratio, quia ubi non præcessit possessio, non potest habere locum spoliatio, quæ supponit possessionem rei, qua quis spoliatur. Atqui per sponsalia nondum acquiritur possessio sponsæ, sed tantum Juris ad complendum contractum sponsalium, cujus propterea adimpletionem petere ille potest, & renebitur sponsa eum implere, si nullam justam exceptionem allegare possit. Ergo &c.

Si secundum, *Gloss. in cap. ex transmissa* 8. *V. & ab eo h. tit.* Innoc. *ibid. n.* 4. Host. *n.* 11. Anchoran. à *num.* 1. negant restituendam. *Movenitur*, quod *c. ex transmissa cit.* & *c. ex conquestione* 10. *eod.* mulieris restitutio concedatur; ex ratione, quod non solum desponsata, sed etiam cognita fuerit; & *c. causam* 14. *de probat.* mulieris necdum cognita restitutio negetur viro, à quo recessit, sed ea in Ministerio collocari jubeatur. *Rationem reddunt*; quia ante matrimonii consummationem recessus à viro & Religionis approbata ingressus permittitur *c. verum* 2. & *c. ex publico* 7. *de convers. conjug.*

Sentiendum tamen cum Abb. *inc. ex parte cit. n.* 25. Imol. *ibid. n.* 11. Carerio l. 1. *de sponsal. c.* 3. Gutier. *de matrim. c.* 122. *n.* 10. Sanch. l. 7. *de Matrim. D.* 112. *n.* 8. Schambog. *num.* 12. Vviesl. *num.* 87. & dicendum eo casu mulierem recedentem à viro propria autoritate restituendam quoad cohabitationem, & alia obsequia conjugalia; quia ad illa jus habet alter conjux per matrimonium contractum per verba de presenti: non autem quoad thorum, sed quoad hoc exceptionem proponi posse de matrimonii nullitate. Sumitur ex *c. ex parte cit.* ubi mulieris in domum mariti traductio restitutio negatur ex ea ratione, quod propter defectum sponsalium, & legitimi consensus obligatorium vinculum inter eos non sit contractum. Ergo per argumentum à sensu contrario casu, quo hujusmodi vinculum præcessit, restituenda saltem erit quoad cohabitationem, & obsequia, in quorum quasi possessione per contractum Matrimonii maritus illius est constitutus.

Ad textus *c. ex transmissa*, & *c. ex conquestione cit.* dico illos loqui solum de restitutione plena etiam quoad thorum, quæ idoneo non est facienda, quod ante carnale commercium quoad illum nondum sint in possessione conjuges, & sic unus ab altero discedente spoliatus dici nequeat *Ad cap. causam* 14. dico ibi agi de casu speciali, quo



quo mulier nondum cognita excipiebat se professam esse Religionem; hanc enim vir ejus post recessum animo Religionem profitendi factum quoad cohabitationem, & obsequia conjugalia desir possidere, cum liberum sit cuivis conjugii ante matrimonii consummationem liberè religionem ingredi.

Si tertium, & matrimonium consummatum sit, mox plena restitutio conjugis se separantis fieri debet etiam quoad thorum, potestque ad hoc cogi ita se separans à Judice Ecclesiastico per Censuras, nisi justam causam, quod à viro recesserit, proponere possit, ut facilè consentiunt omnes. Ratio est, quia per matrimonium consummatum acquiritur plena possessio conjugis, & conf. spoliatum plenè restitui debet.

Adidi, nisi justam causam proponere possit. Talis erit 1. si discedens prætetat inter se, & conjugem, à quo discessit, intercedere impedimentum dirimens, de quo statim num. 63.

Si opponat exceptionem sævitæ; nam hoc casu non antè marito facienda est restitutio, quàm is de malo aliquo, uxori non inferendo, per pignora, aut fidejussionem, vel juramentum cautionem præstiterit; si verò uxor adhuc diffidat viro ob capitale ejusdem odium, quo in se fertur, apud parentes, cognatos, aut in alio tuto loco collocari poterit, dum causa videatur, ut bene notat Barb. in c. transmissa 8. h. tit. n. 1. & 5. Visa, & discussa causa, si tutè mulier cohabitare marito nequeat, ad sententiam divortii est procedendum, ut colligitur ex c. litteras cit.

3. Si uxor à marito divertit propter aliud grave corporis, vel animæ periculum, v.g. quod vir ipsam inducat ad Idololatriam, Hæresin, Veneficium, sui prostitutionem, vel aliud flagitium, quod alia via averti facilè non possit; hoc enim casu maritus possessorium recuperandæ intentans non audietur, antequam hujusmodi periculum cesserit arg. cap. ex transmissa cit. & ratio est, quia sic divertendo uxor illud duntaxat fecit, quod ipsi necessarium erat ad evitandum peccatum; cessante autem illo periculo, omnino erit restituendus; quia perpetui divortii causa ferè nulla est præter fornicationem, ut dicitur l. 5. tit. 19.

Dub. 3. quid agendum, quando conjux restitui petit conjugem, quæ se propria autoritate separavit, & separationis suæ causam prætetat impedimentum dirimens? Resp. multum interesse, an spoliatum agat Judicio Petitorio, an Possessorio. Si Petitorio, de impedimento ejusmodi prius cognoscendum, antequam restitutio fiat, est extra controversiam; & ratio est; quia restitutio non datur non petenti. Pax Jordan. l. 14. tit. 12. non 144. Si possessorio, videndum, an matrimonium sit ratum solummodo, an verò etiam consummatum.

Si ratum solummodo, distinguendum, an impedimentum, quod à discedente opponitur, sit notorium, an occultum. Si notorium est, audiri excipiens de impedimento debet, & statim pronuntiari ad dissolutionem vinculi; quia in causis dubiis non opus est ordine Judiciario. Si verò occultum sit, iterum distinguendum, an dubium duntaxat sit impedimentum prætesum, an verò certum. Si dubium sit, possessio valoris est penes matrimonium, & hinc cum in dubio nemo privari debeat possessione Juris sui restitui debet conjux conjugii, ut num. 60. dixi, quoad cohabitationem, & alia obsequia conjugalia; ad usum verò matrimonii, etsi is, casu quo bona fide contractum est matrimonium, nec veritas post diligentem inquisitionem deprehendi possit, licitus sit, unus tamen alterum non potest cogere, præsertim vir feminam, quamdiu lis pendet super valore matrimonii; exponeretur enim valde gravi periculo, si postea contra matrimonii valorem pronuntiari contingeret, & ipsa corrupta sit, ut neque aliud honestum matrimonium facile inire, neque inter Sacras Virgines in Monasterio velari possit. Sanch. l. 2. de Matrim. D. 41. n. 30. Si verò certum sit impedimentum, denuo distinctio est adhibenda, & videndum, an recedens habeat paratas probationes, vel non. Si paratas habeat; & in continenti offerat probationes, audienda est pars recedens, & si probaverit impedimentum, absolvenda ab obligatione Matrimonii. At si paratas probationes non habeat, restitui debet, donec probetur, sed tantum quoad cohabitationem, & alia obsequia conjugalia, non verò quoad thorum, quamdiu lis de impedimento dirimente pendet; quia,

ut dixi, ante consummationem matrimonii non datur; perfecta possessio conjugis: unde ad perfectam restitutionem opuserit agere in Petitorio.

Similes ferè distinctiones adhibendæ sunt, quando conjux à conjugē discedit, consummato jam Matrimonio, & pro discessus causa allegatur impedimentum dirimens; nam. 1. videndum, an impedimentum illud notorium sit, vel occultum. Si notorium est, non obstante, quod consummatum sit, dissolvendum est Matrimonium quoad vinculum, Si occultum est, distinguendum est secundò, & videndum, an allegans impedimentum paratas in continenti probationes offerat, an verò dilationem quærat. Si prius, restituenda quidem uxor est viro quoad cohabitationem, non verò quoad thorum, seu eo casu probationes impedimenti dirimentis prius recipi debent, cum sine periculo peccati carnaliter conjungi nequeant c. litteras 13. h. tit. Abb. ibid. n. 6. Vivian. in ration. vers. si contra, Schamb. numer. 14. & 16. Vviesl. nu. 93. Si posterius, restitutio facienda est etiam quoad thorum; quia hoc casu præsumptio stat contra conjugem, quæ sine judicio Ecclesiæ à viro discessit cap. litteras cit. Vivian. ibid. vers. si verò. Postquam tamen est restituta, multum interest, an conjux allegans impedimentum certa sit de impedimento, an verò tantum ex conjecturis quibusdam, vel propter quorundam assertionem credat subesse impedimentum. Si certa de impedimento est, ipsius conscientia incumbet abstinere interea à consortio thori, donec in impedimento dispenseur, si illud sit dispensabile; quia cum viri talis conjux revera non sit, carnale cum eo commercium rationem fornicationis, nullo casu permittæ, habet. Schamb. n. 16. cit. Proceditque hoc, non obstante præcepto Ecclesiæ ad hujusmodi cohabitationem per Censuram Excommunicationis compellentis: nam ut decisum est capit. litteras 13. vers. porro cum h. tit. & c. inquisitioni 44. de sent. excomm. eo casu, ut ibidem dicitur, debet potius Excommunicationis sententiam humiliter sustinere, quàm per carnale commercium peccatum operari mortale; quod ad non suam accessus fornicarius pro nullo vitæ, aut famæ periculo evitando, etiam accedente quacunque auctoritate, & imperio humano sit licitus. Schamb. hic n. 14. Vviesl. n. 96.

Quod si verò non sit certa de impedimento, sed ex conjecturis solum illud credat subesse, videndum est, an ex levibus solum conjecturis id credat, vel utrum ex probabilibus, & gravibus. Si ex levibus, poterit totum illud dubium ex consilio Ordinarii, vel Confessarii deponere, & licitè reddere, ac petere debitum conjugale. Si ex probabilibus, & gravibus, potest quidem reddere debitum, ne maritum in bona fide, & possessione existentem jure suo privet; sed non potest exigere, quia in dubio practico agere non licet, & in eo tutior pars est eligenda c. inquisitioni citat. Quod verum est saltem, antequam debito modo in veritatem impedimenti latentis indagaverit, nam si adhibita ad veritatem indagandam omni diligentia, dubium probabile perseveret, & impedimentum, quod timeretur, sit Juris humani, debitum non reddi duntaxat, sed etiam peti ab ejusmodi uxore posse, non pauci existimant cum Sot. l. 4. de Just. q. 5. art. ult. Coninck D. 34. dub. 10. n. 104. Pal. tr. 28. D. 3. p. 5. §. 9. numer. 4. quia dum alicui non constat de impedimento Jure humano inducto, liberum se reputare potest ob possessionem libertatis innatæ. Dixi, si impedimentum sit Juris humani; nam si Juris Divini sit, distinctio est adhibenda, an cum dubio talis impedimenti contraxerit, an verò tempore contractus adfuerit bona fides, & dubium contractui supervenerit. Si primum, petere ipsi debitum non permittitur; quia mala fides impedit petitionem, & pro impedimento stat possessio. Si secundum, potest etiam petere; quia ratione contractus bona fide celebrati jus, & possessionem acquisivit in corpus alterius conjugis; potest autem rem bona fide possidens, si, an sua sit, superveniens dubium omni diligentia adhibita nequeat vincere, non solum continuare possessionem, sed etiam illa uti. Ergo &c.

Dub. 4. si mulier, quæ propria auctoritate à viro recessit, ipsi petenti restitutionem, obijciat commissum ab eo adulterium, an tum restitui debeat? Resp. distinguendo: Vel enim notorium illud est, vel non est notorium. Si primum, non est restituenda, nisi adulterium commisisset etiam uxor c. significasti q. de divort. c. ex litteris



teris 5. eod. c. intelleximus 6. de adulter. Ratio est, quia petenti restitutionem obstat defectus notorius proprietatis, vel defectus notoriè excludens ab executione proprietatis. Tali autem defectu laborat, cui obicitur adulterium notorium; quia hoc, etsi non separet matrimonium quoad vinculum, privat tamen ab executione illius, dum adultero tollit jus, & potestatem petendi debitum.

*Si secundum*, statim plenè debet restitui, etiam quoad thorum, priusquam probationes de adulterio audiantur, etiamsi illæ offerantur in continenti à conjuge obiciente, ut ex probabiliore sententia docet Covart. de sponsal. p. 2. c. 7. §. 5. à num. 9. Menoch. recap. rem. 1. n. 114. Sanch. l. 10. de matr. D. 12. n. 22. Pax Jordan. l. 14. tit. 12. n. 145. Engl. hic n. 10. Pirh. n. 72. Vviesl. n. 105. Ratio est, quia quoddam allegato impedimento dirimente, non fiat plena restitutio conjugis spoliati quoad thorum, sed prius de exceptione illa cognoscendum sit, id specialiter statutum est c. litteras 13. h. tit. propter periculum peccandi, quod incurreret conjux sciens impedimentum, & reddens debitum. At in casu objecti adulterii periculum istud abest. Ergo &c.

Neque obstat l. dolo 8. ff. de dol. mal. & met. except. quoddam dolo agere videatur, qui petit, quod mox redditurus est; quia Regula hæc solum procedit de agentibus Interdicto adipiscendæ, non verò recuperandæ. & de spolio, ut bene notat P. Vviesl. hic n. 105.

66 Dub. 5. an marito restitui debeat uxor, quæ ab eodem propria auctoritate divertit, & eidem ipsam repente obicit Votum perpetuæ continentie multo consensu editum, & sic factam renuntiationem Juris exigendi debitum conjugale, atque ad hoc probandum in continenti se offert? Vivian. inc. dudum 20. de convers. conjug. Barb. ibid. n. 1. & alii putant eo casu mulierem, si à viro divertens religionem ingressa sit, non restituendam: quod putant decisum c. dudum citat. & rationem dant, quia agitur de periculo peccati, seu Violationis Voti, cui exponeretur, si restitueretur viro.

Sed melius adhibetur distinctio; nam ad communem thorum restitui nequit statim, quod probat allata ratio: potest autem, & debet restitui ad cohabitationem, & obsequia conjugalia; quia per emissionem Voti multo consensu factam se Jure hæc exigendi neuter conjux privavit, nec propterea, quoddam Votum hujusmodi fecerit, sine consensu alterius conjugis Religionem licitè potest ingredi. P. Vviesl. hic num. 102. & 103. & apud hunc Innoc. Turrecr. Sanch.

67 Queritur 2. quomodo restitutio sit facienda in causis Beneficialibus? Certum est 1. non restituendum spoliatum, si eidem objectus sit defectus notorius proprietatis, e. gr. quoddam illud obtinuerit ab eo, qui non habet potestatem instituendi: vel quoddam sit Laicus, & possessionis incapax: quoddam hæreticus, ac propterea Beneficii proprietate, & possessione privatus &c. Abb. in c. 5. h. tit. n. 28. Covar. pract. quæst. c. 23. n. 4. Menoch. recap. rem. 15. à n. 433. Flam. de refug. l. 13. q. 5. à num. 123. Vviesl. hic n. 118. Ratio est, quia restitutione apertè inducitur vitiosus ingressus in Beneficium contra Reg. 1. in 6.

Certum est 2. non esse restituendum, si adversus spoliatum sit magna præsumptio, quoddam sine titulo, aut cum titulo vitioso Ecclesiasticum Beneficium obtinuerit, ut ob allatam rationem cum communi docent Berojus in c. 5. h. tit. nu. 87. Selva de benef. p. 2. q. 5. Menoch. l. cit. 466. Barbof. in c. 5. cit. n. 5. Pirh. hic n. 41. Schambog. n. 17. Vviesl. n. 111. Unde hic, antequam restituatur titulum restitutionis suæ exhibere, & justificare debet.

68 Dub. 1. est, an restitui debeat spoliatus ante exhibitionem tituli, si adversus illum non sit ejusmodi præsumptio vitiosi ingressus in Beneficium? Negant non pauci, & magni nominis DD. & confirmari videtur ex praxi, seu Stylo Curie Romanæ, ubi ab ejusmodi spoliatis exigitur exhibitio tituli, quo possessio Beneficii vel justificetur, vel coloretur. Accedit, quia Beneficium non potest obtineri licitè sine Canonica institutione, ut habet Reg. Beneficium 1. de R. J. in 6. ergo si quis possideat Beneficium sine illa, illud injustè occupasse censetur: conf. ut justè se possidere ostendat, docere debet de titulo, & Canonica institutione.

Sed his non obstantibus, dicendum, spectato Jure communi, & ratione, spoliatum eo casu statim resti-

tuendum, etsi institutionis suæ titulum non justificat, vel colorat. Ita cum communi Abb. inc. 5. h. tit. num. 13. Laym. ibid. n. 2. Barb. n. 1. Pirh. n. 21. Schambog. n. 8. Vviesl. n. 113. & colligitur apertè ex c. 5. cit. ubi indistinctè dicitur prius agendum de violenta ejectione, quàm de Canonica institutione, nihilque additur de justificando titulo possessionis. Ratio est, quia Clericus potest habere possessionem Beneficii sine titulo quandoque justam, quandoque injustam. Ergo cum Clericus sit capax Beneficii, & non debeat carere omni beneficio in dubio præsumendum est illum justè possidere Beneficium, quod obrinet, adeoque non est necessarium probare titulum possessionis. Conf. quia, ut numer. 3. supra dixi, etiam prædo restitutus est, qui nullum justum titulum possidendi habet. Igitur multo magis is, de cujus possessione constat, licet non constet de titulo.

Excipitur, si Beneficium reservatum Papæ; nam hoc 69 spoliatus, ut restitui possit, debet justificare titulum, ut pluribus cit. notat Menoch. n. 444. Ratio est, quia reservatio non titulum tantum, sed ipsam quoque possessionem inficit, ut in eum, qui ab alio, quàm Papa collatum accepit, nec proprietas, nec possessio, sed nuda solum detentio transferatur, propter Decretum irritans annexum, ut colligitur ex capit. si eo tempore 45. de elect. in 6.

Ad rationem dubitandi Neg. Conf. quamvis enim Beneficium sine institutione Canonica obtineri nequeat quoad proprietatem, potest tamen absque illa obtineri ejusdem possessio, & si hæc per triennium pacificè continuetur, acquiri tandem ejus proprietatem via præscriptionis, ut probabiliter docet Less. l. 2. de Just. c. 6. nu. 35. Sanch. l. 7. mor. nu. 88. & seqq. Pirh. hic nu. 41. & alii apud hos cit.

Dub. 2. an restituendus sit spoliatus, qui renuntiavit 70 Beneficio, quo spoliatus est? Resp. distinguendum, an renuntiatio facta sit ante vel post spoliationem. Si ante spoliationem, renuntiavit liberè, & conf. perdit dominium, & possessionem: ac propterea agere possessorio non amplius poterit, modo de voluntate renuntiantis, & valore renuntiationis clarè constet; nam si controverteretur, vel litigaretur de nullitate actus, renuntians interim ad suam possessionem restituendus esset, quamdiu lis pendet super valore renuntiationis, ut teste Jordano l. 14. tit. 12. n. 187. decidit Rota decis. 423. n. 1. & 2. p. 1. noviss.

Si vero post spoliationem primum renuntiatio facta est, restitui prius spoliatus debet, & deinde primum testes super voluntaria renuntiatione examinari, ut clarè constat ex c. sollicitè 2. h. tit. ubi additur ratio; quia non est verisimile, quoddam spontè juri suo renuntiaverit, qui renuntiavit spoliatus. Proceditque hoc 1. etiamsi renuntiatio facta sit cum juramento, ut colligitur ex c. cit. ibi de Juramento: & ratio est, quia tale juramentum censetur vi, metu, & dolo præstitum, vel extortum, cum sequatur naturam actus, super quo interponitur l. fin. C. de non numer. pecun. Procedit. 2. etiamsi resignatio post spoliationem facta sit non in favorem ejus, à quo spoliatus est, sed alicujus tertii, ut bene monet Pirh. n. 52. & ratio est, quia licet resignans cesserit jus domini, seu proprietatis, non ramen actionem spoli, quæ post resignationem, etiam spontaneam, adhuc spoliato competit, & juxta stylum Rotæ nunquam censetur cessa, nisi id exprimat.

Hæc tamen assertio non ita est universalis, ut non 71 aliquis simul Exceptiones admittat; nam plures dantur casus, quibus renuntiatio post spoliationem facta impedit restitutionem, ut videre est apud Abb. in c. accepta 3. h. tit. n. 9. & seqq. Menoch. recap. rem. 1. à n. 372. Pax Jordan. tit. 12. cit. n. 191. Barbof. inc. 2. h. tit. n. 4. & seqq. Pirh. hic à n. 50. Vviesl. a nu. 125. Et 1. quidem, si renuntiatio Beneficii fiat coram Judice competente; quia legitima autoritas Judicis omnem metus, & violentiæ suspicionem tollit. 2. Si certò constet spoliatum spontè, absque vi, & metu renuntiasse Beneficio; quia tunc præsumptio non liberæ renuntiationis cessat. 3. Siquis, antequam spoliaretur, constituit Procuratorem ad renuntiandum Beneficium; quia renuntiatio ab hoc facta retrahitur ad tempus mandati, & conf. præsumitur voluntariè facta. 4. Siquis post longum tempus à spoliatione facta Beneficium resignat, nihil conquerendo despoliatione; quia cum nemo præsuma-



tur velle jactare rem suam, utique conqueritur, si fuisset metu inductus ad resignandum. 5. Si spoliatus post spoliationem paciscatur cum spoliatore, se non acturum Judicio Possessorio Unde vi contra illum, ut restituatur; quia tale pactum, si rem familiarem duntaxat, non publicam causam spectet, honestum est, conf. obligatorium. 6. Et multo magis si hujusmodi renuntiatio, aut promissio sit firmata Juramento spontè edito de non turbando, vel molestando spoliatore; quia regulariter loquendo nemo tenetur prosequi jus suum.

Quæritur 3. quid dicendum in aliis causis Spiritualibus, videlicet Jure decimandi, eligendi &c. an ibi requiratur titulus, an verò titulo non ostenso, restitui spoliatus debeat? *Rationem dubitandi facit c. cum Ecclesia 3. de caus. possess. & prop.* ubi decernitur, ut Clerici Ecclesiæ Conventualis, seu Collegiæ, spoliati à Canonicis Cathedralis Ecclesiæ Jure eligendi Episcopum, restituantur in possessionem, etiam si nullum allegaverint, & probaverint titulum, & eisdem resistat Jus commune. *Confirm. arg. c. licet 28. de prob. in 6.* ubi habens duas Ecclesias Parochiales, si priore per Episcopum spoliatur, statim restitui debet, etiam si non ostendat titulum, aut dispensationem, vi cujus plures Ecclesias Parochiales simul retinere possit, & licet Jus commune resistat spoliato, & assistat Episcopo spolianti, ad quem de Jure pertinet collatio Ecclesiarum vacantium.

Sed respondendum, in his causis, si Jus commune resistat spoliato, & assistat spoliatori, non esse restituendum spoliatum, nisi prius ostenderit titulum, vel saltem præsumptionem tituli. Sumitur ex *cap. fin. h. tit. in 6.* ubi additur ratio; quia eas (intellige, Decimas) occupasse injustè verisimiliter præsumuntur, cum proveniant ex prædiis intra alienam Parochiam constitutis, sitque manifestum, nisi aliud ostendatur, eas de Jure communi ad eandem Ecclesiam pertinere: quæ ratio, cum generalis sit, afficit etiam agentes super spolio aliarum rerum, & Jurium spiritualium, inò etiam non spiritualium.

Dixi autem, si Jus commune resistat spoliato, & assistat spoliatori. Aliud dicendum, si spoliatus super re spoliata fundatam in jure communi intentionem habeat, uti habet Parochus super Jure decimandi quoad fundos suæ Parochiæ; hic enim ante omnem aliam contentionem, & cognitionem restitui debet. *P. Vviesl. hie n. 132.* Addidi, vel saltem præsumptionem tituli: talis erit, si spoliatus longo tempore in pacifica hujusmodi Juris possessione fuerit, ut colligitur ex *c. fin. cit.* ubi à Canonicis Ecclesiæ S. Nicolai, qui à Parocho Decimis spoliati erant, tituli probatio solum ideo petita est, quòd asseruerint illas à se possessas aliquamdiu, hoc est, aliquantulo, non longissimo, aut etiam longo multorum, sed paucorum duntaxat annorum brevi tempore, & propter hujusmodi brevis temporis possessionem illas injustè occupatas verisimiliter præsumatur. Atqui præsumptio ista injustæ occupationis jam tollitur, vel saltem infirmatur per probationem possessionis longo tempore continuatæ. Ergo tali casu spoliatus à Parocho etiam contra hunc restituendus est ante omnia.

Exciipiuntur Laici spoliati decimis à se possessis; nam hi, ut restitui ante omnia debeant, justificare perceptionem illarum debent, exhibito titulo, vel istius præsumptionem inducente tanto tempore, cujus initium hominum memoriam excedit, ut norant Abb. *in c. 5. h. tit. n. 24.* & alii DD. communiter: & ratio est, quia Laicis non tantum resistit Jus commune, sed incapaces etiam Jure decimandi reddidit.

Ad rationem dubitandi dico, in eo casu Clericos Conventualis Ecclesiæ fuisse in longa, & diturna possessione Juris eligendi; nam ut habetur *c. cit.* ad res electiones Episcoporum admissi fuerunt, non contradicentibus Canonicis Cathedralis Ecclesiæ. *Ad Conf. in textu c. licet cit.* solum dicitur, quòd possessor duarum Ecclesiarum, vel Beneficiorum incompatibilium non sit spoliandus, nisi vocetur, & audiat, ex ratione, quia forsan ipsi potest jus retinendi competere: ex quo non sequitur eum restituendum, si spoliatus sit.

## §. IV.

Alia quedam dubia de Restitutione Spoliatorum.

## S U M M A R I U M.

75 An semper experiendum Jus sit, cum quis passus est spoliū?

76 77 78 Quando reus conventus opponere possit exceptionem spoliationis.

79 80 An contra agentem in causa Ecclesiastica possit opponi Exceptio spoliationis rei privata, & vicissim?

81 An spoliato agenti Interdicto Unde vi opponi possit Exceptio criminis?

82 An restitutio impediatur reconventionem, exceptionem compensationis, appellationem?

Quæritur 1. an semper experiendum Jus sit, cum quis passus est Spoliū? Resp. negativè, sed potest aliquando violentus, aut injustus invasor, vel detentor à domino, vel possessore legitimo propria autoritate expelli licitè, ut omnes faciliè concedunt. Ut verò hoc licitè fiat, duo requiruntur. 1. *Ut fiat in continenti*, h. e. priusquam ad alios actus extraneos, seu ad rem non pertinentes progressum sit: nam ex intervallo non licet repellere spoliatorem; quia tunc expulsio hæc non esset defensio, sed vindicta, quæ non est permissa singulis, sed Judici tantum. 2. *Ut modus justæ defensionis non excedatur*; requiritur enim, ut observetur moderamen inculpatæ tutelæ: & hinc, si inferatur major vis, quam necessaria sit ad defensionem, illa non legitima defensio, sed potius vindicta, & injuria erit.

His duobus requisitis si instructa sit expulsio, vel spoliatio, adversus illam Interdictum possessorium nullum competit sic spoliato. *Ratio est*, quia ut quis agere Interdicto possessorio possit, non sufficit probare se fuisse dejectum, sed dejectus insuper probare debet se possedisse, ut dictum est *nu. 35.* atqui casu, quo in continenti rem suam à spoliatore recuperat dominus censetur habuisse rei illius possessionem *l. clam 6. ff. de acquir. vel amitt. possess.* Ergo &c.

Excipitur, si spoliatus habuisset recursum ad Judicem, & institisset pro recuperatione autoritate publica; tunc enim, nisi reservaverit sibi facultatem privatam recuperandi propria autoritate, censetur illam perdere propter litis pendentiam, qua stante nihil innovari debet. *Pax Jordan. l. 14. tit. 12. num. 47.* conf. si tum spoliatio fiat, spoliato Interdictum Unde vi competit, nisi spoliatio sit notoria.

Quæritur 2. quando reus conventus opponere possit exceptionem spoliationis? Resp. distinguendo, an conventus sit civiliter, an criminaliter. *Si conventus sit civiliter*, multum interest, an spoliatio facta sit ab ipso actore, an à tertio distincto. *Si ab actore*, exceptio admitti debet, & si hoc petat reus, restitui. *Si à tertio distincto*, non obstante exceptione facta à reo, Judex procedere in causa principali, & definire eandem debet *c. frequens 1. h. tit. in 6.* Et hoc verum est, etiam si res spoliata ad agentem pervenerit, adeoque is scienter, & mala fide rem possideat; quia exceptio spoliationis non competit, nisi ei, qui potest agere Interdicto Unde vi, atqui contra injustum Possessorem, qui non spoliavit, nec spoliari mandavit, non potest agi Interdicto Unde vi, sed ex *c. sapè 18. h. tit.* ut dictum est *n. 20. supra.* Ergo &c. Neque obstat, etsi reus tota sua substantia spoliatus esset, ut aperire colligitur ex *c. frequens cit.* ubi distinguitur inter causas Civiles, & Criminales, & in his solum permittitur opponi exceptio spoliationis, si reus spoliatus sit omnibus bonis, vel majore eorum parte à tertio.

Si verò conventus sit criminaliter, videndum, an crimen, de quo accusatur reus, sit notorium, vel non. *Si notorium sit*, opponere Exceptionem istam reus convenus nequit, ut rectè advertit *Pax Jord. l. 13. tit. 12. nu. 214.* & ratio est, quia exceptio hæc conceditur reo ad se defendendum. Atqui in crimine notorio nulla defensio reo competit. Ergo &c. *Si non sit notorium*, opponere exceptionem spoliationis potest, à quocunque illa sit facta, & tunc si spoliatus sit bonis omnibus, aut majore eorum parte, conceditur ei ad probandam spoliationem



tionem dilatio quindecim dierum, intra quos si probaverit se spoliatum esse, ita inermis, & nudus Adversario respondere non cogitur: si non probaverit intra illud tempus spoliationem, actori in expensas à Judice taxandas condemnabitur, imò & aliter, si Judici videbitur. Ita habetur *c. frequens cit.* ubi ratio redditur, quia nec *nudi contendere, nec inermes inimicis opponere nos debemus*. talis enim non habet sufficientes sumptus Judiciales, nec invenit homines ita favorabiles: adeoque nec spoliatori, nec alii teneretur respondere super eo, quod ipsi objicitur, nisi prius fuerit restitutus. Neque in hoc est paritas cum actione Civili; nam conventus criminaliter indiget majore auxilio, quam conventus civiliter.

78 Dixi autem, si spoliatus sit omnibus bonis, vel saltem majore illorum parte; nam ita aperte requirit *c. frequens cit.* Unde si recepisset bona sua, vel saltem majorem illorum partem, cessaret spoliationis exceptio. Ratio est, quia exceptio spoliationis solum permittitur ob inopiam rei conventi, eo quod inanis sit actio, quam inopia debitoris excludit, ut habetur *l. namis 6. ff. de dol. mal.* quæ causa cessat, quando spoliatus recepit bona sua, vel majorem eorum partem. Addidi sic spoliato concedi dilationem quindecim dierum: qui terminus ipsi præfigitur, ne accusationem spoliatus possit eludere; quod facile fieret; si non præfigeretur excipienti terminus: & hinc post elapsum hoc tempus (dummodo per ipsum non steterit, quo minus restitueretur) non obstante exceptione spoliationis, accusari poterit, & non sit solvendo, commutatio fiet in penam corporalem juxta tritum illud, *Qui non habet in are, luat in cure*.

79 Queritur 3. an contra agentem in causa Ecclesiastica possit opponi exceptio spoliationis rei privatæ; & contra an agenti in causa rei privatæ opponi possit Exceptio spoliationis rei Ecclesiasticæ? Resp. negativè. Ita habetur *c. frequens 1. §. fin. h. tit. in 6.* & docet Vivian. *ibid. in Ration.* Passerin. n. 40. Pax Jordan. tit. 12. cit. n. 40. Engl. hic n. 13. König n. 18. Vviesl. nu. 31. & 32. Nomine autem Rei Ecclesiasticæ intelligitur hic imprimis, quæ propriè spiritualis est, ut Matrimonium Jus decimandi, administratio Sacramentorum &c. & præter hæc etiam res illæ, quæ temporales quidem sunt secundum se, sed ad Ecclesiam, Monasterium, vel alium pium locum spectant; non autem illæ, quæ ad Laicos, sed etiam ad Clericos nomine privato pertinent.

Rationem hujus decisionis dat Gloss. *in c. cit. V. opponatur*; quia agens nomine Ecclesiæ, non agit nomine suo proprio, & vicissim agens nomine privato, non agit nomine Ecclesiæ: unde sicut procurator, agens nomine alieno, de Jure suo non excipit, sed tantum de Jure domini, ita nec agens de jure Ecclesiæ excipit de re privata, aut vicissim. Conf. nam res Ecclesiasticæ censentur esse publici Juris *arg. l. Juri 1. §. hujus 2. ff. de J. & J. & l. fin. C. de SS. Eccl.* atqui de eo, quod est publici Juris privati, aut vicissim; exceptio enim vim habet cujusdam compensationis; publici autem cum privato non fit compensatio *l. in ea 3. C. de compensat.* Ergo &c.

Neque obstat, quòd *cap. cum dilectus 2. de Ord. cognit.* contra Abbatem, qui Nobiles super quibusdam rebus Ecclesiasticis conveniebat, admissa sit exceptio spoliationis Castri ab eo factæ; nam ut Gonz. *in c. cit. nu. 25.* Passerin. *in c. 1. h. tit. in 6. n. 42.* Vviesl. hic n. 32. advertunt, castrum, cujus possessione Nobiles vi erant dejecti, fuit feudale, & dominium quidem ejus directum ad Monasterium, utile verò ad Nobiles eo spoliatos pertinebat: conf. exceptio hæc fuit rei Ecclesiasticæ.

Duo tamen hic casus excipiendi sunt. 1. Si cui res vi Ecclesiæ nomine eripiantur, & creptæ ad ipsam Ecclesiam perveniant; tunc enim ipsa Ecclesia tenebitur Interdicto *Unde vi*, ut rectè monet Gonzal. n. 25. cit. 2. Si res temporalis proportionem aliquam habeat cum re spirituali; tunc enim opponi exceptio spoliationis potest, ut si v. g. Parochus decimas exigat à Parochianis, possunt isti excipere, quòd ipse sit negligens in celebratione Divinorum, aut nolit ipsis administrare debita Sacramenta; & idcirco merito eidem denegari decimas, quippe quæ dantur Parocho propter celebrationem Divinorum, & administrationem Sacramentorum. Passer. *l. cit. n. 45.*

80 Queritur 4. an spoliato agenti Interdicto *Unde vi* opponi possit Exceptio criminis? Respond. per se loquen-

do non posse, sed hac non obstante restitui debet spoliatus, & prius cognoscendum de spolio, quàm de crimine. Ita statuitur *c. item cum quis 6. h. tit.* & docent *ibid.* Vivian. *in Ration.* Barb. n. 1. Zoef. hic n. 2. Pirh. num. 76. Schamb. n. 27. Vviesl. n. 29. Rationem indicat *c. cit. textus*; quia qui nos spoliat bonis nostris, eaque tollit, vel occupat, præsumitur inimicus noster, ideoque non permittitur spoliator, tanquam inimicus, spoliatum criminaliter accusare, antequam sit restitutus. Procedit hoc, si ve objiciatur spoliato tale crimen ab ipso spoliatore, si ve ab alio tertio non spoliante; nam etiam contra hunc excipere spoliatus potest, ut prius restituarur. Menoch. *recup. rem. 1. n. 326.*

Dixi autem per se loquendo; nam plures sunt exceptiones ab hac universali doctrina, ex quibus tres maxime referunt Menoch. *recup. remed. 1. à n. 330.* Pax Jordan. *l. 14. tit. 12. n. 134.* Laym. *inc. 6. h. tit. n. 2.* Barbof. *ibid. n. 2.* Pirh. hic n. 77. Schamb. n. 27. Vviesl. n. 30. & alii passim. Nam 1. Excipitur, si Exceptio fiat de crimine, quod actorem reddat inhabilem ad agendum, quale est, quod habet Excommunicationem annexam; tunc enim potest Actor intentare Judicium Possessorium *Unde vi*, donec fuerit absolutus.

Excipitur 2. si objiciatur spoliato tale crimen, quod eum reddat incapacem possessionis, ut est, si spoliato, agenti Interdicto recuperandæ possessionis Beneficii objiciatur, quòd non sit Clericus; tunc enim, antequam restituatur, cognosci debet de Clericatu, cum Clericatus sit fundamentum pro eo, ut aliquis possidere Beneficium possit. Idem dicendum, si spoliato objiciatur crimen Hæresis, vel læsæ Majestatis, ob quæ crimina ipso Jure amittitur proprietas, & possessio, adeoque spoliatus non debet restitui.

Excipitur 3. si spoliato objiciatur crimen, quod etsi non inhabilem omnino reddat ad possidendum, privatamen proprietate, & titulo; tunc enim, si ipso facto, eoque notorio privationem inducit, ut est Simonia in ingressu ad Beneficium, opponi eidem potest exceptio criminis, nec restitui spoliatus debet, cum eidem obstat defectus notorius proprietatis. Dixi, si ipso facto; nam si ob tale crimen privari beneficio mereatur solum per sententiam Judicis, per talis criminis exceptionem non suspenditur, aut impeditur restitutio spoliati. Potest tamen eo casu Juxdæ, antequam restituatur, ob illud crimen, si hoc notorium sit, eum privare Beneficio per sententiam, ut *l. cit.* advertit Laym. nu. 3. & patet ex ratione; quia frustra ei restitueretur Beneficium, quod statim ipsi iterum adimendum esset.

Queritur 5. an restitutio impediatur reconventionem super alicujus rei proprietate, exceptione compensationis objectæ à spoliatore, vel appellatione? Resp. Ad 1. negativè. Patet ex *c. fin. de ord. cognit.* Ratio est, quia adversus spoliatorem proposita restitutionis petitio privilegiata est, ut ante omnia facienda sit restitutio, & antequam hæc facta sit, spoliator super Jure suo non audietur, ut dictum est n. 23. supra.

Ad 2. iterum respondetur negativè. Patet ex *l. fin. §. fin. C. de compensat.* Ratio est, quia compensatio est quædam mutua petitio, si ve reconventio, quæ quando Interdicto recuperandæ agitur, nisi de spolio etiam ipsa sit, non admittitur, ut dictum est paulò antè.

Ad 3. spectando Jus Civile *l. un. C. si de momentan. possess.* iterum respondendum est negativè saltem quoad effectum suspensivum. Quid Jure Canonico circa hunc effectum statuendum sit, dicetur Tit. 28. de appellat.

## TITULUS XIV.

### De Dolo, & Contumacia.

Conjungitur Titulus hic præcedenti; quia sæpè contingit, ut spoliatus restitutionem rei ob dolum, & contumaciam Adversarii non possit consequi: quare ut Jus succurrat fatigatis dolo, & contumacia, opportuna hæc remedia contra utrumque suggerit. Sit ergo



## S. I.

## De Dolo.

## S U M M A R I U M.

- 1 Definitio Doli boni.
- 2 Doli mali.
- 3 4 Divisio in Verum, & Præsumptum.
- 5 Utriusque in Incidentem, & Præcedentem.
- 6 Hujus in eum, qui versatur circa substantiam actus, & eum, qui circa illius circumstantiam.
- 7 8 Explicatio istorum.
- 9 Divisio contractuum in bonæ fidei, & stricti Juris.
- 10 11 Quando Dolus Contractum vitiet?
- 13 14 15 16 17 An vitiet Contractus bonæ fidei?
- 18 19 Remedia adversus dolum sunt Actio, & Exceptio.
- 20 Qualis sit Actio de Dolo?
- 21 22 Cui detur, & adversus quem?
- 23 Quando?
- 24 Intra quod tempus?
- 25 26 Cui competat Exceptio Doli, & in quibus rebus?
- 27 28 Contra quem?
- 29 Intra quod tempus?
- 30 31 Probari debet, maximè ex Conjecturis.
- 32 33 34 35 Conjectura, ex quibus arguitur dolus.
- 36 37 Indicia, quibus excluditur dolus.

**Q**Uæritur 1. quid sit Dolus, & quotuplex? Resp. Doli nomen apud Icos est significationis ambiguum; sumi enim potest in bonam, & malam partem: & hinc duplex est, Dolus bonus, & malus. Dolus bonus dicitur solertia, qua quis machinatur aliquid adversus hostes, & latrones, præsertim publicos, ut fraudes, vel injurias eorum excludat l. hoc edicto 1. §. non fuit 3. ff. de dol. mal. Hic prohibitus non est, sed adhiberi potest. 1. Adversus hostem Reip. juxta l. cit. 2. Adversus aggressorem can. dominus 2. caus. 23. quæst. 2. 3. Ad tuendum jus suum l. atqui 19. §. cum me 3. ff. de negot. gest. 4. 4. Contra calumniatorem veritatis. Mynsing. cent. 3. obs. 6. aut fallere volentem. Bald. conf. 127. fin. vol. 3. 3. Et præcipuè in bello justo, ubi procedit illud vulgatum.

Dolus, an virtus, quis in hoste requiratur?

Et de hoc fortasse dolo intelligendus est Pomponius, quando l. in causa 16. §. idem 4. ff. de minorib. ait, in pretio emptionis, & venditionis naturaliter licere contrahentibus se circumvenire; nam ut Perez in C. de dol. num. 1. cum aliis notat, nihil aliud vult, quam quoddam cuilibet solertia sua, sine malitia tamen, in contractibus conditionem suam liceat meliorem facere.

**2** Dolus malus, ut eum ex Labeone describit Ulpianus l. cit. §. Dolum malum 2. est omnis calliditas, fallacia, vel machinatio ad circumveniendum, fallendum, vel decipiendum alterum adhibita. Differt dolus malus ab ignorantia & errore; quia error, & ignorantia naturaliter contingunt, dolus verò ex alterius malitia provenit: à Culpa autem distinguitur; quia hæc apertè, & sine animo fallendi committitur, dolus verò intentione decipiendi: ad quod triplici maximè via tendit, ut in descriptione innuitur, videlicet calliditate, fallacia, & machinatione. Calliditas committitur tacendo, vel dissimulando; Fallacia decipiendo mendaciis; Machinatio per occultas insidias, ut fusè prosequitur Host. in Summ. h. tit. §. quid sit dolus? Titulus hic solum agit de dolo malo, & quidem de eo duntaxat, qui conjunctus est contumaciæ. Doctores tamen communiter hic tractant de Dolo malo generaliter. Et hinc ulterius

**3** Dub. 1. quotuplex sit Dolus malus? Resp. est duplex, Verus, & præsumptus. Verus juxta Menoch. l. 5. præsumpt. 3. n. 7. est, quem Jus ipsum statuit, quod verum, & manifestum censetur id, quod ex Legis, vel Canonis præsumptione habetur, licet etiam ipsum ex conjecturis, & indiciis colligatur. Præsumptus verò, quem prudens Judex desumit ex indiciis, & conjecturis, quæ in Jure non leguntur expressæ. Aliam utriusque Doli explanationem cum Abb. Bartol. Corras. dat Molin. tr. 2. de J. & J. D. 293. n. 4. ubi Dolum verum committi ait, quando fallaciam, & machinationem ad decipiendum alterum scienter, & de industria adhibitam constat ex confessione propria, vel ex aliis manifestis, & indubitatis indi-

Schmalzgrueber Tom. II.

ciis l. Dolum 6. C. de dol. Quando verò ejusmodi machinationis, & fallaciæ indicia urgentia quidem sed non, ita manifesta apparent, dicitur esse Dolum præsumptum.

Hæc Doli in Verum, & Præsumptum partitio est probè notanda ob diversos, eosque notabiles utriusque effectus. Nam 1. Dolus verus in futurum remitti non potest; potest Præsumptus l. finis 27. §. illud 3. ff. de pact. l. illud 5. ff. de pact. dotal. P. Vviesl. hic nu. 22. 2. Minor restitui valet adversus dolum præsumptum, non autem verum l. si ex causa 9. §. nunc videndum 2. ff. de minorib. Odd. de ressit. in integ. p. 2. q. 2. n. 12. Vviesl. l. cit. 3. Justa causa non excusat à dolo vero, excusat à præsumpto l. si is qui 2. C. si minor se majorem &c. Menoch. recap. rem. 5. à n. 49. 4. Ad Rei condemnationem sufficit dolus verus, non sufficit autem præsumptus, nisi præsumptus sit ex indiciis vehementissimè urgentibus, & delicto proximis. Vide Menoch. præsumpt. citat. à numer. 10.

Dub. 2. quotupliciter possit Dolus committi in Contractu? Resp. dupliciter; nam aliquando Contractum præcedit, & causam ei dat; aliquando solum incidit. Contractui causam dare tunc dicitur, quando aliquis à Dolum committente dolo consilio, & persuasionibus inducitur ad ineundum contractum, quem aliàs, si dolus abfuisset, non iniisset: ut si quis emat equum, quia falsò ei dictum fuit esse morigerum, quem non emisisset, si scivisset, ut nunc scit, esse calcitrosus, impatientem, & oris contumacis; ita si vinum quis emat, quia venditor mentitus ei est esse plurium annorum, vel esse ex aliquo certo loco, quod tamen non emisisset, si scivisset non esse tot annorum, vel esse ex alio aliquo loco. Contra tunc Dolus in contractu dicitur incidere, quando dolum passus adhuc illum fuisset initurus, etsi deceptus in eo non fuisset: ut si fuit tantum circumventus in pretio rei, quam emisisset minore pretio.

Prior, seu dans causam Contractui aliquando versatur circa substantiam rei; aliquando solum circa qualitatem, & accidentia ejus extrinseca. Ad substantiam actus dicuntur pertinere illa prædicata, per quæ in genere moris is constituitur; cætera, quæ supponunt actum in genere motis jam constitutum, dicuntur pertinere ad ejusdem circumstantiam. Difficultas est, quænam prædicata talia sint, ut actum constituent; & quæ talia, ut constitutum supponant.

Nascitur difficultas ista ex triplici maximè capite. 1. Quia sæpe prædicatum aliquod solum ad circumstantiam actus, seu contractus pertinet, & tamen tale est, ut ignorantia illius hic & nunc dederit causam contractui. Exemplum habes in Matrimonio; nam contrahat Titius cum Bertha, putans esse divitem, sæcundam &c. etsi pauper sit, ac sterilis &c. defectus divitiarum, sæcunditatis &c. non faciet contractum Matrimonii irritum, etsi Titius non contraxisset cum illa, si scivisset esse pauperem, sterilem &c. & ratio est; quia volitio, & nolitio, quæ reipsa non existit, sed solum exitura fuisset, si hæc vel illa conditio fuisset posita, non ponit, nec tollit obligationem, sed posuisset, vel sustulisset, si conditio extitisset.

2. Difficultatem facit, quia aliquando contingit, ut idem prædicatum in uno genere contractus pertineat ad substantiam actus, in alio non: Sic esse filiam Imperatoris in contractu Matrimonii pertinet ad substantiam, in contractu venditionis non pertinet; neque enim venditor curat, etiam si emens non sit ille, quem ipse putat.

3. Difficilem decisionem reddit; quia potest contingere, ut una eademque actio habeat duo, vel plura prædicata, quorum uni contrahens ita alligat intentionem suam, ut nisi illud subsistat, non velit valere contractum, non alliget alteri, etsi potuisset sic alligare. Potest autem alligatio hujusmodi, vel restrictio intentionis fieri vel largissimè, ita, ut nullo errore interveniente, contrahens velit irritum esse contractum; vel ærissimè, ita, ut quocunque errore interveniente, nolit valere contractum. Neutro autem modo expediret celebrari contractus ob incommoda inde secutura; nam si homines communiter contraherent intentione largissima, aperiretur via infinitis fraudibus, vel qui has evitare vellent, opus haberent consultatione longissima cum ingenti suo, & aliorum incommodo: è contrario si homines contraherent intentione restrictissima, omnes ferè contractus essent dubii; imò vix ullus reperiretur validus, cum plerum-



que desiderarent aliqua circumstantia, cui fuisset alligata intentio.

8 Ego ob has rationes judico 1. non posse universaliter desumi aliquid esse de substantia contractus ex eo, quod dederit causam contractui: patet ex dictis n. 6. 2. Dico, omne illud prædicatum esse de substantia contractus, vel actus, ad quod intentio contrahentis vel agentis est ita restricta, ut aliter noli esse obligatus contractui; nam sine hoc non datur requisitus consensus. 3. Cum dubium est, an intentio restricta sit à contrahente ad hujusmodi aliquod prædicatum, præsumi debet restrictam intentionem, si communiter ab aliis ad hujusmodi prædicatum intentio restringi soleat; secus, si non ita ex communi usu, consuetudine, vel Lege positiva restringatur intentio. Unde, ut bene advertit Haun. tom. 3. tr. 8. n. 80. à Lege, consuetudine, & voluntate contrahentium pender, ut error dicatur fuisse circa substantiam potius, quam circa circumstantiam.

9 Dub. 3. circa quatuor generis contractus contingere Dolus possit? Resp. contingere potest tam circa contractus bonæ fidei, quam stricti Juris, *Bonæ fidei contractus* sunt Emptio, Venditio, Locatio, Conductio, Permutatio, Commodatum, Depositum, Pignus, Mandatum, Societas &c. sic nuncupati; quia in iis Judex ad rigorem conventionis adstrictus non est, sed ex æquo, & bono pro una parte contra alteram alteri præstari oporteat, æstimandi, decernendique facultatem habet, licet in conventionem non sit expressum, dummodo id exprimi æquitas postulasset, vel permisisset §. *in bonæ* 30. *Inst. de action. & l. quia tandem* 7. ff. de negot. gest. Contra *stricti Juris* sunt promissio liberalis, stipulatio, donatio, mutuum, feudum, emphyteusis, sic dicti, quod in iis Judex non ita liberam æstimandi facultatem habeat, sed pronuntiare debeat secundum rigorem, & verba conventionis, & reum condemnare in id, quod expressè conventum est, non in plus, vel in aliud arg. l. *quia tantundem citat. l. si ita* 116. §. *Chrysogonus* 2. vers. *superest* ff. de V. O. Molin. tr. 3. de J. & J. D. 259. n. 2. Harprecht in §. *actionum* 28. *Inst. de action. n. 15. & 16.* Manz. in §. *in bonæ cit. n. 1.* Haun. tom. 3. tr. 8. num. 54. Vviestner.

In utriusque intervenire dolus potest duobus modis: uno, ut dolus fiat ab aliquo ex ipsis contrahentibus; altero, ut fiat per tertium aliquem, ut per Proxenetam. neutro contrahentium participante in illo. His præmissis.

10 Quæritur 2. quando error, vel Dolus vitiet actum, aut contractum, quando non vitiet, sed solum det actionem, vel exceptionem ad rescindendum contractum Dolo initum? *Certum est* 1. quando Dolus versatur circa substantiam rei, ut si quis emat vitrum pro gemma, aut chalcum pro auro, Contractum esse ipso Jure irritum. Ita omnes, & ratio est manifesta; quia hujusmodi dolus ex parte circumventi inducit errorem circa substantiam rei emptæ, circa quam versans error consensus tollit, qui essentialiter requiritur ad omnem contractum l. *si per errorem* 15. ff. de Jurisd. l. *non idcirco* 9. C. de J. & F. J.

11 *Certum est* 2. si dolus sit solum incidens, & non det causam contractui, non reddit contractum invalidum, etiam Jure positivo. Ita Sylv. V. *culpan*. 9. Molin. tr. 2. de Just. D. 135. n. 10. Less. l. 2. c. 17. n. 28. Laym. l. 3. tr. 4. c. 5. n. 2. Pal. tr. 14. D. 2. p. 5. n. 25. Haun. tom. 3. tr. 8. n. 68. Perez in C. h. tit. n. 5. Zoef. ff. eod. n. 12. Pirh. hic n. 2. Konig n. 12. Sannig c. 2. n. 5. Vviestner n. 7. & alii passim. Patet de contractibus bonæ fidei ex l. *si quis* 9. princ. ff. de dolo, & l. *Julianus* 13. §. *si venditor* 4. & §. *seq. ff. de action. empt.* secundum quos textus, si quis dolo hujusmodi contractum incidente circumventus sit, actionem habet ex ipso contractu. Atqui contractus, ex quo propria actio circumventio descendit, non potest esse invalidus. Ergo &c. Ratio universalis est, quia dolus iste consensus non tollit quoad substantiam contractus, cum intentionem contrahentis non afficiat, utpote quid dolo etiam absente contraxisset. Igitur Jure naturali valet; cons. etiam Jure positivo, cum isto non sit irritatus.

12 *Certum est* 3. nullo dolo, circa contractus circumstantiam, & qualitatem accidentalem commissio, etiam si hic antecedens sit, & causam contractui det, irritari contractum de Jure naturali. Ita l. *citt.* Less. n. 28. Pal. n.

8. Haun. n. 83. Vviest. n. 8. Ratio est, quia hujusmodi dolus, & per eum inductus error, cum eidem intentio contrahentis non adstringatur, non tollit voluntarium consensum; nam hunc si tolleret, pro irritis habendi essent contractus plurimi, & matrimonia innumera, quippe in quibus sæpe hujusmodi dolus, aut error contingit, dum sponsa dolo fingit se nobilem, divitem, virginem, sicque sponsum inducit ad secum contrahendum, qui non contraheret, si sciret, ut postea scit, eam esse ignobilem, pauperem &c. sequela pugnat adversus communem sententiam plerorumque alicujus nominis, aut notæ DD. quos magno numero recenset Sanch. l. 7. de matr. D. 18. n. 18.

*Certum est* 4. Jure etiam positivo non esse irritos contractus matrimonii carnalis, & spiritualis initi per professionem Religiosam, etsi dolo, vel errore, circa aliquid accidentale commissio, sint celebrati, v. gr. quia sponsa mentitur se nobilem, vel opulentam; aut Novitius occultum corporis vitium, vel morbum dolo regit; nam hoc ipso, quod ad hujusmodi qualitatem, & circumstantiam contrahentium intentio non restringatur, dolosa hujusmodi jactantia, vel occultatio consensus non tollit, ut de matrimonio carnali l. *citt.* ostendit Sanchez; de Professione Religiosa tradetur suo loco.

*Certum satis est* 5. eodem Jure positivo etiam non esse irritos Contractus cæteros, saltem qui stricti Juris sunt, quantumvis ejusmodi dolus, vel error præcesserit, & causam eisdem dederit. Sumitur ex §. *verbi gratia* 1. *Inst. de exception. & l. dolo* 5. C. de inutil. stipulat. ubi ex stipulatione dolo obtenta disertè dicitur obligationem, & actionem nasci. Atqui obligatio ad agendum efficax ex actu nullo nasci non potest. Ergo actus, & contractus, saltem stricti Juris, & dolo, qui circumstantiam ejus tantum attingit, obtentus irritus ipso Jure esse non potest.

*Certum denique est* 6. nullo Jure irritum esse Contractum etiam bonæ fidei dolo obtentum, si is circa substantiam actus non versetur, & ab alio, quam contrahente, commissus sit, quamvis ille Contractui causam dederit. Ita l. *citt.* Less. n. 33. Molin. n. 7. Laym. n. 3. Pal. nu. 22. Haun. n. 83. & 95. Pirh. n. 5. Konig n. 17. Sannig c. 2. n. 4. Vviest. n. 16. & colligitur ex l. & *elegant* 7. ff. h. tit. Ratio est, quia adest substantialis consensus, & contrahens nullam injuriam decepto intulit. Ergo nihil est, quod contractum vitiet.

Dubium ergo duntaxat est; quando Contractus est 13 bonæ fidei, & dolus à contrahentium altero commissus est, deditque causam contractui, substantiam tamen illius non afficit? Quo casu ipso Jure irritum contractum esse admodum probabiliter existimant Bartol. in l. & *elegant* cit. princ. n. 9. Abb. in c. cum dilecti 3. de empr. & venn. 6. Sylv. V. *culpan*. 9. Covarr. Reg. possessor p. 2. §. 6. num. 6. Molin. tr. 2. D. 352. num. 2. & 3. Gaill. l. 2. obs. 2. num. 6. Harprecht in §. *actionum* 28. *Inst. de action. n. 20.* Perez in C. de dol. num. 5. & RR. Legistæ communiter. Fundantur 1. l. & *elegant* cit. princ. ff. de dolo, ubi dicitur, nulla esset venditio, si quis in hoc ipso, ut venderet, circumscriptus est. 2. l. ea vero 3. in fin. ff. pro socio, ubi Paulus, societas, inquit, si dolo malo, aut fraudandi causa coita sit, ipso Jure nullius momenti est: & addit rationem; quia fides bona contraria est fraudi, & dolo. 3. Idem l. in causa 16. §. item 1. ff. de minorib. confirmat ex Labeone Ulpianus, dum ait, si minor circumscriptus societatem cojerit, vel etiam donationis causa, nullam esse societatem, nec inter majores quidem. 4. Quia æquitas naturalis non patitur, ut aliquis per injuriam jus, & actionem consequatur arg. c. propositum 1. de eo, qui dux in matrim. ibi: Neque dignum est, ut --- lucrum de dolo suo portet. Ergo dolo nulla actio, neque jus nullum ex contractu, cui dolus causam dedit, acquiritur. 5. Contractus est ultro circoque, ita ut si ex una parte non detur obligatio ex contractu, etiam non confurgat ex parte alterius. Atqui ex parte decepti non datur obligatio; quia, ut infra dicam, ex parte ejus datur exceptio. Ergo neque ex parte decipientis dabitur.

Verum his non obstantibus, in Theoria admodum 14 probabile, & in praxi verius est, eos contractus, & actus, quando insolubiles non sunt, rescissioni quidem obnoxios, at ipso Jure non omnino, saltem ex parte decipientis, irritos esse. Ita Gloss. in §. *verbi gratia* 1. V. *efficax* *Inst. de except.* Ignens in Reg. Contractus 85. in 6. n. 150. Less. l. 2. de Just. c. 17. n. 31. Laym. l. 3. tr. 4.



c. 5. num. 6. Pal. 17. 14. D. 2. p. 5. num. 19. Haun. 17. 8. cit. n. 86. Pirhing *hic* n. 6. König n. 5. Sannig c. 2. n. 4. & 5. Vviefstner n. 12. & duobus seqq. Sumi videtur. 1. Ex l. si dolo §. C. de rescind. vendit. ubi dolo obtema venditio rescindi jubetur, non obscuro argumento valoris, cum quod nullum est, rescindi nequeat. 2. Ex l. rem alienam 28. ff. de contrah. empr. ubi dicitur, quod emptio, & venditio rei alienæ reneat, & tamen hoc casu emptor dolo, vel errore inductus emit; existimans rem empram esse propriam venditoris. 3. Ex l. qui vas 48. §. fin. ff. de furt. ubi deciditur furem fieri dominum pretii pro re furtiva vendita: adeoque venditio tenet, licet fur per dolum, sciens rem esse furtivam, vendiderit.

Opponunt quidem Adversarii, inefficax ex *ll. cit.* argumentum duci; nam l. si dolo intelligi potest de rescissione defacto tantum, & sola traditionis reraactione. 2. l. rem alienam exaudiri potest de hujusmodi re ab ignorante bona fide vendita. 3. l. qui vas §. fin. de venditionis valore, aut nullitate nihil, sed tantum rei furtivæ pretium furtivum non esse asseritur. Sed quidquid sit de sensu istorum textuum, cum tamen etiam in oppositum adducti, ut mox videbimus, pariantur interpretationem commodam, Jus positivum dubium explicari debet secundum Jus naturale certum. Hinc proposita assertio sequenti argumento corroboratur: Ex cetera Juris regula, quandocunque Jus positivum potest concordari cum Jure naturæ, debet cum illo concordari. Sed de Jure naturæ, ut n. 11. dictum est, dolo accidentaliter dans causam contractui, sive bonæ fidei, sive stricti juris ille sit, non reddit eundem irritum. Ergo nec Jure positivo dicendum est esse omnino irritum.

Ex quo sequitur, ex hujusmodi contractibus oriri obligationem, & quidem non tantum ex parte decipientis, sed etiam ex parte decepti: cum discrimine tamen, nam decipientis ira obligatur, ut stare contractui debeat etiam ante sententiam judicis, modo deceptus velit, ut cum Molin. l. cit. num. 4. communis DD. habet: & ratio est, quia hic consensus absolutum dedit. Hinc si ex capite doli à se adhibiti agere vellet ad nullitatem contractus, audiri non debet; tum quia allegat propriam turpitudinem; tum quia contra Leges delinquens beneficio Legum indignus est l. auxilium 37. fin. ff. de minor. Deceptus vero, etsi & ipse obligetur. Quia etsi non in dolum, in contractum tamen, & negotium, quod egit, consensit; beneficium tamen à Jure positivo habet, ut vel actione, vel exceptione doli ab implendo contractum liberare se possit, prout infra num. 18. explicatius dicitur.

Neque urgent argumenta allata in contrarium. Ad 1. ibi annullatur venditio, quia fuit facta à minore sine judicis autoritate, adeoque nulla fuit ipso Jure. Ad 2. sepe in Jure aliqui actus dicuntur nulli, & irriti, non quod defacto, & ipso Jure sint irriti, sed firmi non sint, eo quod ad arbitrium unius ex contrahentibus irritari possint, ut ex communi docet Gloss. in l. si pater 1. V. irrita est C. de rescind. vendit. Ad 3. eadem est responsio, quæ ad primum. Neque obstat, quod addatur nec inter majores quidem: nam intelligi potest, si minor contrahat cum majore, vel major fiat; nam tempore non convalescit, nisi cognitio dolo major contractum ratificet. Ad 4. quod deceptor competat Jus, & actio ex contractu dolo, ex mutuo, & absoluto utriusque contrahentis consensu habet, non ex dolo, vel injuria; nam ex hac potius contrahit obligationem, ut patiatur rescindi contractum per oppositam exceptionem, aut actionem de dolo à decepto institutam: imò etsi deceptus nec excipiat, neque agat contra deceptorem, in conscientia tamen obligabitur deceptor ad restitutionem, & plenam reparationem damni per dolum dati, idque ante sententiam judicis, cum damnum hoc alteri sua culpa dederit. Ad 5. Argumentum hoc solvi debet in contractu per metum extorto, qui secundum communem validus est ipso Jure, licet metum passus rescissionem illius possit petere, non metum inferens.

Quæritur 3. quale remedium detur Dolum passo in contractu à se inito? Resp. si dolo versetur circa substantiam actus, opus est sola declaratione nullitatis. Si circa circumstantiam, distinguendum est, an dolo fiat per tertium aliquem, an per unum ex contrahentibus. Si primum, contractus absolute est validus, sive gratuitus ille sit, sive onerosus, neque per oppositam exceptionem

nem, vel actionem doli rescindi potest, etsi dolo causam eidem dederit, prout colligitur ex l. & eleganter 7. ff. de dol. mal. & ratio est, quia tali causa neurer contrahens censetur sibi reservare Jus recedendi à contractui, si à tertio sine culpa, & dolo secum contrahentis deceptus fuit; aliàs etiam is, qui per errorem seipsum deceptus, posset dicere se animo illo contraxisse, ut tali casu recedere à contractu posset: & sic plurimi contractus vacillarent, cum ramen contrahentium securitas sit valde operabilis commercio humano. Interim tamen decepto competit actio de dolo contra tertium deceptorem: imò ut Less. Pal. Pirh. Haun. docent, casu, quo contractus ejusmodi nondum est impletus, nec executioni mandatus, posset ita deceptus per dolum tertii, eo cognito, resilire à contractu, nec renobitur, saltem in conscientia, eum implere, seu perficere ob animi contrarii præsumptionem, quod generatim non præsumantur contrahentes obligare vel ad implendum contractum, si graviter decepti sint, sive deinde id factum fuerit ab altero contrahente, sive ab aliquo tertio.

Si secundum, decepto de Jure prætorio contra decipientem datur exceptio, vel actio de dolo: Exceptio quidem, si res adhuc sit integra, & contractus nondum impletus; Actio autem, quando non amplius integra est, sed contractus per traditionem completus. Discimen tamen iterum faciendum est inter casum, quo dolo est tantum incidens, & inter casum, quo dolo est præcedens, & causam dedit contractui. Nam primo casu actio decepto contra decipientem competit, non ad rescissionem contractus, sed ad solvendum, quantum decepti interest dolum esse adhibuit l. Julianus 13. princ. & §. item 1. ff. de action. empr. & vendit. imò decipiens, si dolo suo fecit, ut receptus e.g. rem emeret majore pretio, quam merebatur, in conscientia etiam ante sententiam judicis damnum istud compensare tenetur. In casu secundo actio de dolo datur etiam ad rescindendum contractum. De hac igitur

Dub. 1. qualis actio sit actio de dolo? Resp. 2. est Prætorie & personalis; quia ex delicto, videlicet, dolo nascitur. 2. Merè rei persecutoria ex parte actoris; quia nullam poenam continet, sed ad simplicem dumtaxat datur, videlicet, ut res dolo obtema, & æstimator rei, si res ipsa non possit, & damnum, ac interesse restituatur. 3. Arbitraria, in qua restitutio fieri arbitrio judicis jubetur: & tunc si reus restituat, absolvitur; sin minus, condemnatur in omne id (salvo moderamine) quod actor sua interesse in litem juraverit. 4. Subsidiaria; quia si alia speciali actione deceptus potest consequi rem, vel interesse, non est adhibenda, cum sit famosa, & reo ob dolum condemnato perpetuè ignominie notam inurat l. hoc edito 1. §. ait Prætor 4. ff. & l. de dolo 2. junct. Gloss. V. alia C. de dol. mal.

Dub. 2. cui detur actio de dolo, & adversus quem? 21 Resp. dari dolum passo, & ejus hæredibus adversus decipientem, seu dolum, nisi specialiter excipiat. Ita omnes: Dixi 1. & ejus hæredibus; quia, ut n. præc. dictum est, est actio rei persecutoria ex parte actoris, & conf. etiam ad hæredes transit.

Dixi 2. adversus decipientem, seu dolum; nam adversus hæredes istius, & ceteros successores earum solum datur, quatenus ad eos ratione doli commissi pervenit, aut quo minus perveniret, dolo eorum factum est, & tunc est perpetuo l. si plures 17. in fin. l. in hæredem 26. & l. seq. ff. de dol. mal. Neque obstat, quod alias actiones personales ad hæredem transeant ob fictionem juris, qua ipse una eademque persona cum defuncto censetur; nam hoc intelligendum est de actionibus non descendentibus ex delicto, non de iis, quæ ex delicto descendunt: ex hoc enim, si alienum id sit, & ab alio commissum, iniquum est quemquam ultra id, quod ad eum pervenit, obligari; quod enim ultra est, poena est; poenales autem actiones ad hæredes non transeunt l. civilis 1. ff. de privat. delict. l. un. C. ex delict. defunct. in quant. hæred. &c. Vvesenbec. ff. de dol. num. 9. Pirhing *hic* numer. 17. Estque casu, quo contra hæredes doli defuncti doli actio datur, longè diversa obligatio istorum, quam illo, quo à pluribus dolo factum est aliquid: nam inter hæredes in dolo non participantes obligatio dividitur; ex dolo autem proprio, qui dolum fecerant, tenentur omnes in solidum, ita ut conveniri possint singuli, sic tamen, ut si unus solverit, ceteri liberentur, ut



rectè advertunt Perez *in C. de dol. mal. num. 20.* Pax Jordan. *l. 14. tit. 13. num. 32.* Sabell. §. *dolus num. 15.* & ratio est, quia bona fides non patitur læpiusidem exigi Reg. 57. ff. de R. J.

- 22 Dixi 3 nisi specialiter excipiat. Excipiuntur autem 1. personæ, quibus ex pietate, officio, aut reverentia obligamur. Sic actio doli non datur liberis adversus parentes, libertis adversus patronos, cum sit famosa, neque deceat, ut liberi parentum, liberti patronorum famiam apud bonos fugillent. Similiter etiam non datur humili adversus eum, qui dignitate excellit; nec plebeio adversus consularem receptæ autoritatis; nec luxurioso, aut prodigo adversus vitæ emendatoris hominem *l. non debet 11. ff. de dol. mal.* Vvesenbec. *ibidem n. 6.* Perez *in C. eodem num. 10.* Pax Jordan. *l. cit. n. 33.* Pirthing *nr. 18.* Ratio est, quia talium hominum famæ parcendum est: & hinc adversus illos loco actionis de dolo institui debet actio in factum, temperatis verbis, & ommissa doli mentione. Sabell. §. *dolus num. 15.* Excipitur 2. is, qui dolum, vel fraudem excludit astutia, & solertia; nec enim videbitur dolo fecisse, cum fraudem excluserit, ut dicitur *l. cum pater 77. §. Titio 31. ff. de Legat. 2.* Excipitur 3 qui & ipse dolum commisit adversus eum, adversus quem agere de dolo cupit; nam dolus cum dolo compensatur.

- 23 Dub. 3 quando concedatur actio de dolo? Resp. 1. non datur, nisi causa cognita *l. hoc edito 1. §. verba 1. l. si quis 9. §. fin. ff. de dol. mal.* Ratio est, quia cum famosa & gravis sit actio, non passi ac temere indulgeri debuit. 2 Non datur, quando summa est modica, i. e. usque ad duos aureos *l. si quis cap. 1. fin. & l. seq. quia pœna debet commensurari delicto; nulla autem est comparatio duorum aureorum cum infamia, quam actio de dolo infert damnato.* Vvesenbec. *ff. de dol. mal. num. 6.* Perez *C. eodem num. 9.* Brunnem. *in l. 5. ibidem nr. 5.* Gaill. *l. 2. obs. 103. num. 3.* Haun. *tom. 3. tract. 8. num. 100.* Pirthing *h c num. 18.* 3 Non datur adversus eum, qui per meram dissimulationem absque alio facto induxit alium ad contractum, unde læsus est. Pater ex definitione Doli mali *num. 2.* data; nam Dolus non ex dissimulatione probatur, sed ex machinis, tendiculis, susceptionibus, affirmationibus falsis, laudationibus adulatoriis, insidiis, iisdemque perspicuis *l. dolum 6. C. de dolo malo.* Excipe, nisi ex iustitia reneatur monere; tunc enim positivè censetur cooperati ad deceptionem alterius, & sic tenebitur de dolo.

- 24 Dub. 4 intra quod tempus competat Actio doli? Resp. olim utili tantum anno dabatur, quemadmodum reliquæ actiones Prætorie: hodie autem datur per continuum biennium contra dolosum; contra hæredem vero ipsius 30. annis de eo, quod ad ipsum pervenit. Dixi 1. dari actionem doli per continuum biennium contra dolosum. Ita deciditur *l. fin. C. de dol. mal.* ubi etiam habetur, biennium hoc numerandum à die commissi doli, ita ut ab eo die fieri actio de dolo possit, post biennium verò, etiam intra biennium cæpta, extinguatur. Perindeque est, sive absens fuerit, sive præsens, qui conqueritur se dolum fuisse passum, ut ibidem dicitur; & ratio est, quia cum infamiam inferat condemnato, gravis est, & odiosa. Dixi 2 contra hæredem doli actionem de dolo solum finiri 30. annis, prout constat ex *l. itaque 28. fin. ff. de dol. mal.* Quod extenditur similiter ad ipsum dolosum, quantum ad commodum ex dolo perceptum, ut possit saltem actione in factum conveniri, ut habet Gloss. *in l. itaque cit. V. perpetuo in fin.* Pax Jordan. *titul. 13. citat. num. 17.* Perez *C. de dol. mal. num. 13.* Brunnem. *in l. fin. C. eodem num. 10.* Sabell. §. *1. dolus num. 16.*

- 25 Quæritur 4 De exceptione Doli. Et dubitatur 1. cui competat exceptio Doli, & in quibus rebus? Resp. Competit læso per dolum, huiusque hæredibus, & successoribus, imò etiam fideiussoribus, in omnibus iis causis, in quibus dolus committi potest. Ita passim DD. Dixi 1 læso per dolum; nam æquitas naturalis non patitur, ut fraus sua, & dolus auctori proficiat; hinc et si deceptus summo iure, seu de rigore juris obligatus esset ad solvendum, & præstandum id, quod ab eo petitur, liberare se tamen ab obligatione hac per exceptionem potest. Dixi 2 huiusque hæredibus, & successoribus & C. Pater ex *l. exceptiones 7. §. rei autem 1. ff. de except. præscript. & præjud. & docet Zoef. ff. de dol. mal. except. n. 9.* Pirh.

*hic n. 11.* Ratio innuitur *l. scit.* quia sc. exceptio hæc est rei coherens; igitur ad quem restransit, ad eum etiam ipsa transit. Dixi 3 in omnibus illis causis, in quibus dolus committi potest. Adeoque

Exceptio doli datur 1 in Contractibus, & promissionibus, si quis alterum dolosè induxit ad contrahendum, vel promittendum. 2 In Testamentis, si in his fraus aliqua, vel dolus committatur aut supprimendo, aut cancellando, aut delendo, quæ in iis sunt scripta. 3. In Legibus; nam in his multiplex fraus, vel dolus committi potest, ut si quis salvis Legis verbis sententiam ejus circumvenit *l. contra 29. ff. de Legib.* si quis faciat, quod Lex fieri noluit, fieri autem vetuit *l. fraus enim 30. ff. eod.* si quis Leges corruppat, mutiler, aut falsò al-leget, vel interpretetur. Hiltrop. *in process. judic. p. 2. tit. 19. n. 5. & duob. seqq.* Imò exceptio doli tam latè patet, ut cum omni alia exceptione peremptoria concurrat; quicumque enim petit, quod scit exceptione elidiposse, aut scit non debere solvi, aut si solum sit, illi, qui solvit, restituendum, is dolum committit *l. dolo 8. ff. de dol. mal. except. & ibi Glossa V. redditur res.* Ubi autem dolus est, ibi etiam exceptio doli locum habet. Hiltrop. *loc. cit. n. 15. & 17.* Pirthing *hic n. 10.* Neque necesse est, ut initio statim intervenit dolus, sed sufficit, si post ignorantiam facti inculpabilem certioratus postea perseveret in lite improbata, ut bene notat Pax Jordan. *l. 14. tit. 13. n. 15.* Item non requiritur, ut dolus semper commissus sit, antequam instituatur actio; nam sæpè, qui cprima fide & jure incipiunt actionem, in ejusdem prosecutione possunt dolum committere. Unde Interpretes dicunt exceptionem doli latissimè patere, & in Jure dicitur *Generalis*; quia universum, quoties Actio infringi potest æquitate defensionis, toties huic exceptioni locus est *l. qui æquitate 12. ff. de dol. mal. & met. except.*

Dub. 2. contra quem detur eadem exceptio doli mali? Resp. dari adversus omnes, qui contra æquitatem naturalem aliquid exigunt, nisi aut officium, aut conjunctio eos immunes à doli suspitione faciat. Adeoque exceptio hæc datur, 1. etiam contra pupillum, minorem, furiosum, prodigum, si fortè pecuniam sine tutoris, vel curatoris autoritate mutuo acceptam iteratò exigant, & ex illa facti sint locupletiores *l. apud Celsum 4. §. si quis pupillo 4. & l. si debitor 16. ff. de dol. mal. except. & docet Zoef. ibid. n. 9.* Pirthing *hic n. 12.* Sannig *c. 2. n. 2.* Ratio est, quia etsi ab initio dolo caruerint, non tamen sunt extra dolum, si postea malitiosè petunt fieri locupletiores ex re alterius. *Extenditur* 2. etiam ad Successores in re ex causa lucrativa, ut donationis, legati; nam his rectè objicitur exceptio, cum pretium pro re non dederint. Pax Jord. *tit. 13. n. 14.* Pirthing *n. 13.* Aliud dicendum, si successerint ex causa onerosa, veluti emptionis, vel permutationis *l. apud Celsum cit. §. de auctor. 27. & §. auctoris 31.* Ratio est, quia cum exceptio hæc oriatur ex delicto personæ, successor dolo carenti obesse non potest; nam pœna suos debet tenere tenere auctores *l. sancimus 15. C. de penis.* Puniretur autem empor, si ob dolum venditoris pretium datum amitteret. *Extenditur* 3. ad Procuratorem; nam si hic in rem suam datus est, obest ipsi dolus suus, ita ut contra ipsum excipi possit *l. apud cit. §. quæsitum 18.* Si non sit datus in rem suam, distinguendum est, an dolus commissus sit in ipso negotio, vel administratio omnium bonorum sit ei commissa, vel non. Si in ipso negotio dolum commiserit, vel administrationem omnium bonorum à domino sibi commissam habeat, de omni dolo Procuratoris excipiendum est contra dominum, ut deciditur §. *quæsitum cit.* at secus, dolus procuratoris domino non nocebit. *Extenditur* 4. ut exceptio doli opponi possit etiam adversus patrem, si filius, & adversus dominum, si servus dolum in peculio sibi commissio fecerint *l. apud cit. §. in hac exceptione 17.* Ratio est, quia quidquid filius, vel servus peculium habens facit in peculio, id censetur voluntate patris, vel domini facere, ut notat Gloss. *marg. in §. cit.* Sed hoc solum procedit in re peculiari; nam si extra peculiarem causam, tum de eo dumtaxat excipi potest, quia admissus sit in ipso negotio, quod geritur, non etiam, si postea dolus aliquis intervenisset, ut expressè habetur §. *in hac cit.* ubi etiam additur; quia non est æquum, servi dolum amplius domino nocere, quam in quo opera ejus est usus.



28 Addidi autem, *Nisi aut officium, aut conjunctio immunes à doli suspitione faciat*; nam contra eas personas, quibus ex pietate, officio, aut reverentia obligamur, si cut actio, ita exceptio doli non datur; quales sunt parentes, patroni, in dignitate constituti &c. de quibus vide *l. apud cit. §. adversus 16. l. non debet 11. ff. de dol. mal.* & *suprà num. 22.* Quæri hic potest, an reverentia parentibus debita prohibeat exceptionem doli opponi etiam contra heredem patris à filio? Resp. cum distinctione: ob dolum, quem ipse hæres commisit in agendo, dum scit, aut scire potuit filium aliqua exceptione tutum esse, eidem filius opponere doli exceptionem potest; quia in hoc non repræsentat personam patris: at præcisè ob dolum à patre commissum non potest exceptionem istam opponere *argum. l. apud citat. §. adversus ibi: Libertum, autem de dolo Patroni, etsi ab hærede ejus conveniatur, minimè exceptionem objecturum*; & ratio additur: quia *convenit tam vivo, quam mortuo Patrono à liberto honorem exhiberi*; quæ ratio multo magis pugnat in parentibus. Neque obstat textus *l. hæredibus 13. ff. de dol. mal.* ubi hæreditas harum personarum conceditur actio doli, & *concl. à fortiori exceptio, & l. si præteritus 15. ff. de bonor. possess. contr. tabul.* ubi filius opposuit hæredi patris exceptionem doli; nam Leges istæ solum intelligendæ sunt de dolo, quem fecit hæres patris, non ipse pater; Interim tamen, ne ex fraude aliena, vel dolo damnum aliquis patiat, sicut contra patrem, ita contra heredem patris filius dolum passus opponere exceptionem in factum potest, quæsamam non fugillet.

29 Dub. 3 intra quod tempus competat exceptio Doli? Resp. esse perpetuam, & competere semper *§. perpetua 9. Instit. de except. l. pure 5. §. fin. ff. de dol. mal. & met. except.* ubi etiam ratio discriminis inter actionem doli, & ejus exceptionem datur; quia *actor in sua potestate habet, quando utatur jure suo; is autem, cum quo agitur non habet potestatem, quando conveniatur. Conf. ex vulgari axiomate, nam quæ temporanea sunt ad agendum, perpetua sunt ad excipiendum.* Ista perpetuitas autem, ut notat Pax Jordan. *l. 14. tit. 13. num. 16.* concluditur spatio 30. annorum, ubi jus excipiendi per præscriptionem tollitur.

30 Queritur 5 de Probatione Doli. Et 1. quidem dubitatur, an & quomodo Dolus probari debeat? Resp. necessario probandum esse; nam regulariter dolus, aut fraus non præsumuntur, ut explorari juris est Regula. Ratio obvia est, quia quilibet natura sua bonus præsumitur, ac proinde dolo proximum non circumvenisse; cum enim dolus consistat in fallacia, & machinatione, ad alterum decipiendum tendente, in delictum, & crimen vergit. Delictum autem, & crimen non præsumitur, sed ab allegante probari debet. Ergo &c. Hinc omnis alia præsumptio potius est capienda, & verba etiam aliquando improprianda, ut dolus, & fraus excludatur, si hæc aliunde probari non possint. Sabell. *§. doli num. 3.*

31 Difficillimæ autem probationis sunt; quia cum in animo lateant, cujus intentiones, & cognitiones soli Deo cordium scrutatori cognitæ sunt, deficiente confessione ejus, qui doli arguitur, probatio desumenda serè erit ex conjecturis, indicii, ac præsumptionibus *cap. fin. de renunt. in 6. l. dolum 7. D. de dolo.* Sed graves illas esse oportet, ut dolum, & fraudem probent, & simul necesse est easdem probari plenè, & concludenter. Debentque conjecturæ istæ tanto graviore esse, quanto major est præsumptio innocentie illius, qui doli arguitur: qualis datur. 1 Si is, qui doli arguitur, sit valde probus, & honestus. 2 Si dolus dicatur commissus adversus hominem benevolam, vel sanguine, aut alia necessitudine conjunctum. 3 Si dolum committenti damnum, & incommodum aut nullum, vel exiguum lucrum, vel emolumentum affert, nullaquæ doli causa apparer. Cravetta *Conf. 8. n. 4. & 19. Conf. 319. nu. 6. & 13.* Menoch. *l. 5. præsumpt. 3. a n. 17.* & alii apud istos.

32 Dub. 2 quibus conjecturis argui dolus possit? Complures hujusmodi conjecturas enumerant Fatin. *prax. crim. q. 89. a n. 74.* Mascard. *de prob. vol. 2. concl. 532. à nu. 15.* & *concl. 816. per totam*, Menoch. *l. 5. præf. 3. per totam*, Jord. *l. 14. tit. 13. à n. 70.* Sperell. *decif. 150. n. 41. & seqq.* Sabell. *§. doli n. 3. 4. 10.* Vviesl. *hic à n. 24.* & alii passim. Potissimas recensebo. Igitur

• Schmalzgrueber Tom. II.

1 Præsumptio Doli oritur ex *qualitate personarum*, tum illius, quæ actum, vel contractum celebrat, tum earum, cum quibus, & per quas celebrat, ut si actum, vel contractum celebrans alias sit solitus dolum committere; si actus fiat cum personis suspectis, & prohibitis; si supponatur persona tertia ad contrahendum vel agendum; & suppositio hæc fiat in actu prohibito, vel in præjudicium tertii.

2 Ex *qualitate facti*, ut habetur *l. quo lucidius 1. §. sed an 2. ff. de dol. mal. & met. except.* ubi tamen distinguendum, quo jure talis actus prohibitus, & illicitus sit; nam si jure naturali, & ex natura sua sit malus, uti est furtum, homicidium &c. ex ejusmodi facto resultat semper doli præsumptio *l. si non convitii 5. C. de injur. l. frater 1. C. ad Leg. Corn. de Sicar.* At si jure positivo tantum prohibitus sit, videndum, an sic prohibitus in damnum tertii cedat, aut cedere possit, vel non. Si hoc secundum, non præsumitur dolus; præsumitur autem, si primum: hinc de dolo tenetur, si quis sine causa alienat bona pupilli, cujus tutelam habet, si contrahat sine debitis solemnitatibus, vel contra prohibitionem statuti, si cum minore sine consensu tutoris, vel curatoris &c.

3 Ex *modo tempore, & circumstantiis*, quibus fit actus, 33 ut si quis locupletari scienter quærat cum jactura, & damno alieno, occupando res alienas præsertim vi, aut consumendo illas, vel in suam utilitatem vertendo *l. si quis 17. §. Proculus 4. ff. de Instit. action.* Item si quis scienter non facit, quod ex officio tenetur facere *l. doli 44. & l. si procuratorem 8. §. dolo 9. ff. mandat.* si clam sive in loco occulto, vel tempore nocturno facit, quod palam, & interdiu fieri solet, aut debet *argum. cap. cum inhibitis 3. de cland. despons. c. ut nostrum 1. ut Eccl. benef. fin. dimin. confer. l. fin. ff. de rit. nupt.* si via non recta, sed inconsueta per anfractus, & diverticula ad negotium tractandum accedat *l. si fiscales 7. C. de navicular. & ibi DD.* Excipe 1. nisi hoc fiat ad excludendum adversarii dolum, seu fraudem *arg. l. cum Pater 77. §. Titio 31. ff. de Legat. 2. Excipe 2* nisi habeat causam rationabilem rectam viam declinandi, aut celebrandi actum clam, vel de nocte potius, quam palam, & plena die; tunc enim præsumptio doli cessat, cum in claris conjecturæ locum non habeant.

4 Ex *aliis actibus adjunctis*, ut si actum celebrans jungat mendacium, ex quo commodum aliquod mendax consecutus est *l. quod si 8. & l. seq. §. si autem 1. ff. de dol. mal.* si taceat, vel dissimulet ea, quæ si fuissent expressa, actus in favorem agentis non fuisset celebratus *l. stellionatus 3. ff. de crimin. stellionat.* si loquatur obscure, vel obscurum insidiosè dissimulet, aut sub verbis generalibus, vel quodam quasi involucre clam aliquid includat *l. ea, quæ 43. fin. ff. de contrah. empr.* si contra pacta expressa veniat, vel una manu concedat promissa, altera querat eripere *l. si procuratorem 8. §. dolo 9. ff. mandat.* si non edat totum instrumentum, quod debet edere, sed vel solum præfationem omitta parte ejus substantiali, vel istam, omitta præfatione *l. ubi exigitur 8. princip. ff. de edend.* Ratio est, quia sæpe priora posterioribus dant intellectum, & à posterioribus præcedentia declarantur.

5 Ex *nimia, & insolita diligentia, vel cautela*, prout colligitur ex *l. si quis sub conditione 7. ff. de condit. instit.* Neque obstat regula, quod *abundans cautela non nocet*; quia hoc verum est, quando adhibetur palam, & non est insolita; secus, si clam, & non sit solita: de quo vide Menoch. *conf. 230. n. 50. & seqq.*

6 Ex *læsione enormi*, sive ultra justæ æstimationis dimidium *l. si superstitie 5. §. sanè C. de dolo.* Imò si enormissima sit, qualis esset, si quis ad cedendum fideicommissi valde amplo pro exigua quantitate fuisset inductus, dolus verus, seu manifestus, ac notorius commissus intelligeretur, quod quando læsio cum excessu tam immodico facta apparet, omnis bona præsumptio cesset, ut aliis *cit. advertit P. Vvieslner hic n. 7.*

7 Ex *verisimili*: Ex hoc capite præsumitur dolus, si quis emat, aut mutuam det ei, quem scit pecuniam male consumpturum, perditurum lusu, donaturum scortis, absumpturum in popinis &c. *l. si verò 12. §. si adolescens 11. ff. mandat. & l. si quis 8. ff. pro emptore.* Item si actus gestus est contra personam agenti odiosam, & non benevolam. Bald. *in libr. data opera 11. C. de*



his, qui accusar. vel si aliquid sit sprete prohibicione, denuntiatione, seu protestatione sibi facta, ne faceret l. *ait Prætor* 10. §. *si quis* 3. ff. *quæ in fraud. l. si fundum* 17 C. *de R. V.* Et extenditur hoc etiam ad eum, qui scit futuram denuntiationem, vel prohibitionem, quamvis nondum sibi intimatam.

36 Dub. 3 quibus indiciis excludatur Dolus? Resp. excludi indiciis propè contrariis, quibus Dolus præsumitur. Horum plura enumerat Farin. *prax. crim.* q. 89. *an.* 44. Menoch. l. 5. *præf.* 3. *an.* 17. Mascard. *vol.* 2. *de prob. concl.* 532. *an.* 2. Pax Jordan. l. 14. *tit.* 13. *an.* 117. Sabell. §. *dolus nu.* 5. & 9. Ego decem duntaxat affero. Igitur præsumptio Doli excluditur.

1 *Ex qualitate personarum*, ut quia est vir bonæ fidei, & famæ; quia subditus contra Principem agit, quem alias, nisi iustam causam haberet, reverentia abstergeret; quia qui agit, vel contrahit, est rusticus, imperitus, minor, sæmina &c.

2 *Ex defectu causæ*, ubi enim excogitari non potest causa patrandi dolum, non præsumitur quis dolosè egisse. Neque obest, etsi concurrat lucrum, & commodum, si illud sit modicum; parum enim pro nihilo reputatur.

3 *Ex juris permissione*: cum id, quod fit, à jure permittitur; nam qui jure suoutitur, nemini facit dolum, injuriam, vel fraudem.

4 *Ex actu palam gesto*; sicut enim ex actu clam celebrato capitur conjectura suspitionis doli, ita etiam è contrario.

5 *Ex ignorantia*, siue deinde illa sit facti, siue juris, modo non naturalis, gentium, aut Divini, vel alterius positivi notorii, & indubitabilis; quia ignorans non præsumitur esse in dolo, neque ab ignorante dolus committitur *Reg.* 99. ff. *de R. J.*

6 *Ex actu in personam benevolam gesto*; sicut enim ex persona inimica desumitur præsumptio in contrarium, ut *num.* 35. dictum est, ita è diverso, præsertim si persona conjuncta sit.

37 7 *Ex obedientia Superioris*, sicut ex inobedientia eidem præstita capitur conjectura doli.

8 *Ex necessitate officii*; sicut enim omittenda ea, quæ pertinent ad suum officium, præsumitur dolosè facere, sic contra consequens ea, quæ incumbunt ipsi ex officio suo, liberatur à suspitione doli.

9 Si is, qui conqueritur de dolo, sciens, & volens illud permiserit; volenti enim, & consentienti non fit injuria, fraus, & dolus.

10 Denique præsumptionem Doli generaliter excludit quæcunque causa, non solum levis, sed etiam injusta, & turpis, si principalis eam alleget, & probet se ea motum esse, ut crederet se non delinquere. Videantur DD. *citt.*

## §. II.

### De Contumacia.

## S U M M A R I U M.

38 39 *Definitio, & Divisio Contumacie.*

40 *Modi, quibus quis Contumax constituitur:*

41 *Citatio ad hoc requisita.*

42 43 *Causæ excusantes à Contumacia.*

44 45 46 47 48 *Modus procedendi adversus Actorem contumacem.*

49 50 51 52 53 *Adversus reum, si iste sit contumax.*

54 *Pœna contumacie.*

55 *Advertenda circa has pœnas.*

56 *Quomodo, & quando Reo contumaci negetur Appellatio?*

57 *Quando adversus Prælatum criminofum in contumaciam procedi possit?*

38 **Q**Uæritur 1. quid sit Contumacia? Resp. Contumacia à *Contemnendo* dicta, quod judicem videatur contemnere, qui vocatus non obtemperat, dupliciter potest accipi. 1 *Genericè*: & tunc designat quæcunque inobedientiam in, vel extra judicium commissam. 2 *Specificè*: & in ea acceptione denotat solam inobedientiam in non comparendo admissam: quæ acceptio hujus præ-

cipue loci est. Definitur sic accepta, quod sit inobedientia, à legitime vocato erga judicem in iis, quæ ad judicem pertinent, commissæ. Ita quoad sensum omnes, & colligitur ex c. *causam* 3. c. *cum dilecti* 6. h. *tit. l. contumacia* 53. ff. *de re judic.*

Dividitur communiter in Veram, & Fictam. Vera est, cum quis peremptoriè ac personaliter citatus est, vel si personaliter citari non potuit, citatus ad domum, aut valvas publicas, affixo programmate, etsi ad notitiam ejusdem hujusmodi citatio venerit, non tamen comparet, nec impedimentum excusat. Ficta Contumacia, seu *Præsumpta* est, cum quis personaliter, & in faciem citatus non est, quia inventus non fuit, sed per edictum affixum ad ejus domum, aut valvas Ecclesiæ, ita ut dubium sit, an citatio ad notitiam ejus pervenerit, vel non: quo casu, si non compareat, nec sufficientem procuratorem in termino constituto mittat, præsumitur contumax, & contrahit contumaciam fictam.

Alii accuratius dividunt in quatuor membra, in Notoriam, Veram, Præsumptam, & Interpretativam, seu Fictam. Notoriam dicunt, quando quis in faciem citatus responderet impudenter, & nulla excusationis causa allegata, *Non venio. Veram*, quando quis legitime citatus, & citationis ignarus dicit quidem se venturum, vel omnino tacet, sed non venit. *Præsumptam*, quando quidem non constat citationem legitime factam citato innotuisse, præsumitur tamen, donec contrarium probeatur. *Fictam*, seu *Interpretativam*, quando quis dolo impedit, ne citatio fieri, aut sibi innotescere possit, & tunc jura fingunt fuisse citatum, & ad eum notitiam pervenisse.

Hæc secunda divisio, ut dixi, accuratior prima est, prima tamen communis, & facile etiam defendi potest; nam notoria contumacia ad veram reducitur, Præsumpta ad Fictam. Multum autem interest, an quis sit verè, vel præsumptivè contumax; nam verè contumax non auditur amplius, aut restituitur contra ea, quæ interim acta sunt, ipso contumaciter absente; auditur autem, & contra sententiam etiam restituitur præsumptivè contumax, si venerit, suamque absentiam excusaverit c. *cum Bertholdus* 18. *de sent. & re judic.*

Dub. 1 quibus modis quis constituatur Contumax? 40 Resp. Contumacia committitur 1. quando reus tribus edictis, aut una vice trium peremptoriè citatus, & nulla iusta causa impeditus non comparet l. *contumacia* 53. §. *contumax* 5. ff. *de re judic.* 2. Quando reus malitiosè absentat, aut procurat per se, vel per alium, ne citatio ad ipsum pervenire possit; nam qui dolo facit, ut aliquid non habeat, quod eum habere oportet, pro eo habetur, ac si acceperit l. *ad ea* 157. §. *semper* 1. ff. *de R. J.* 3. Quando comparuit quidem, sed postea sine licentia judicis recedit, non confecto negotio, nec revertitur; aequaliter enim deliquisse censetur sic recedens, ac is, qui judici omnino se non præsentavit *argum. can. certum* 43. *caus.* 11. *quest.* 3. 4. Quando actor veniens ad judicium actionem, seu libellum non edit, aut edita actione, & lite contestata, eandem non prosequitur; nam primo casu reus abolvitur à citatione, secundo ab observatione judicii. 5. Quando reus non responderet Libello actoris, aut positionibus, seu articulis illius, vel si obicure respondeat, non categoricè, vel ad quosdam articulos respondeat, ad quosdam non, ob quam contumaciam Articuli, & positiones actoris habentur pro confessatis; quia jus ex hac tergiversatione præsumitur tacitam quandam confessionem. 6. Quando litigantes non parent mandato judicis, jubentis v.g. ut præstetur juramentum calumniæ, ut exhibeantur instrumenta, rationes, & alia ad causam deservientia. 7. Denique quando parere reculant executioni sententiæ. Quæ omnia Gloss. in cap. h. *titul. V. contumaciter* his versibus comprehendit.

*Non veniens, non restituens, citiusque recedens:*

*Nil dicens, pignusque tenens, jurareque nolens:*

*Obscureque loquens: isti sunt jure rebelles.*

Ex quo patet contumaciam versari posse circa omnes partes judicii, in quibus Actor, vel Reus non obtemperat judici.

Dub. 2 quod duplex requiratur citatio, ut quis constitutur contumax, & obnoxius pœnis contumaciæ? *Rationem dubitandi* faciunt diversi juris textus; nam unam simplicem sufficere, videtur innui per c. *cessante* 2. *de quom.*



quom. & quand. Jud. ubi etiam cessante causa peremptoria editi adversus eos: qui admoniti Iudicio adesse noluerunt, dicitur sententiam à Iudice posse proferri. Accedit; quia trina vice citatus & ad tertium demum comparens, expensas in priores citationes factas, Adversario tenetur refundere, non alia certè ex causa, nisi quia ad duas præcedentes citationes contumaciæ reum se fecit. Contra trinam, seu peremptoriam non obscurè exigit *c. fin. § in aliis v. si vero post. Ut lit. non contest. l. contumacia 53. § contumax. ff. de re judic. l. consensaneum 8. C. quom. & quand. Judex &c. Novell. 112. princ. & § 1. Imò præter trinam, & peremptoriam adhuc unam & distinctam requirere videntur *l. consensaneum cit. l. editum 55. l. tertium 70. l. & post editum 73. ff. de judic.**

Sed dicendum, ad unam, vel alteram simplicem citationem non comparentem, saltem reum, etsi propter inobedientiam puniri possit, non tamen per hoc contumaciæ reum effici, ita, ut in eundem, tanquam verè contumacem procedi possit, sed regulariter saltem requiritur trina citatio vel formaliter, vel æquivalenter, seu petemptoria, eaque sufficit. Eruitur ex textibus *citt. pro secunda sententia, & notat cum aliis P. Vviesner hic num. 38. P. Schmier de Process. judic. cap. 3. n. 9. Dixi: saltem reum; aliud de Actore statuitur cap. actor 1. hoc tit. in 6. & advertunt de eo Passerin. ibid. n. 5. & 6. P. Vviesner hic n. 44. & alii; hic enim, si post oblatum libellum, eoque propositam actionem, cessante legitimo impedimento, non compareat in termino quocunque, ad quem fecit citari reum, contumax constituitur, & ad ulteriorem citationem non admittitur, nisi de comparando imposterum in Iudicio præstiterit cautionem idoneam.*

Neque contrarium evincitur ex *l. cessante cit. nam ut hunc rextum explicat Gothofred. ibid. lit. K. Imperator eo loco sub nomine edicti peremptorii voluit aut quartum edictum excludere, aut saltem insinuare, quod non sit necessarium, ut edictum peremptorium proponatur in hisce formalibus terminis Peremptorie citamus &c. sed sufficiat, si decernatur virtualiter cum sufficienti publicatione, & intervallo. Quod additur de expensis, rectè est constitutum, sed obligatio illas solvendi non tam ex contumacia, quam ex eo oritur, quod non comparando per culpam suam expensarum hujusmodi causa extiterit. Textus pro tertia sententia allegati exponi possunt, quod nonnunquam, si Iudici ita visum fuerit, edicto tertio possit adjungi quartum, prout habetur *l. nonnunquam 72. ff. de judic.**

Dub. 3. quæ causæ excuset à Contumacia? Resp. 1. Excusat adversa valetudo *l. contumacia 53. § pœnam 2. ff. de re judic. 2. Majoris causæ occupatio, l. & citat. 3. Absentia Reipub. causa l. contra papillum 54. princ. ff. cod. 4. Ætas pupillaris, vel minoræ *l. ead. 5. Citatio ad Tribunal superius loc. cit. § is, qui 1. 6. Puerperium, vel graviditas mulieris l. non exigimus 2. § si non 4. ff. si quis caution. in judic. sist. 7. Tempestas, aut vis fluminis loc. cit. § quod diximus 7. & § seq. 8. Prohibitio, vel retentio proprii Magistratus loc. cit. § fin. 9. Rusticitas *l. ex quacunque 2. § si quis 1. ff. si quis in jus vocat. Excipit tamen Brunnen. Proc. Civil. cap. 4. num. 7. si talis rusticus aliàs sagax sit, 10. Incompetentia notoria Judicis citantis; 11. Tempus feriatum, ad quod sit citatio, 12. Locus non tutus, ad quem sit, 13. Bellorum motus, captivitas, carentia Advocati, 14. Universim à contumacia excusat quævis causa, quæ excusat, ne citatus comparere debeat.***

Ethoc adeoverum est, ut si contra ejusmodi, quem iusta emanandi causa defendit, Iudex sententiam pronuntiet, si quidem illi de ejusmodi impedimento constet, sententia sit ipso Jure nulla; sin verò impedimentum hoc ignoraverit Iudex, per in integrum restitutionem ad appellandum rescindatur, vel alias causa in pristinum statum reponatur *l. fin. ff. de in integr. restit. l. ea que 7. C. quom. & quand. jud. l. quia absente 4. C. de procurat. l. si propter officium 1. C. quib. ex caus. major. An verò hujusmodi impedimentum, quod obicitur ad excusandam absentiam, revera absit, cognoscere, & decernere ad Iudicem pertinet, cujus universum est arbitrari, num allegata à partibus in Iudicio veritati fabnixa sint *leg. illicitas 6. § veritas 1. ff. de Offic. Praef.**

Quæritur 2. quomodo procedendum sit adversus 43 contumacem? Resp. in genere hic notandum, quod Iudex de Jure nunquam contra contumacem ex officio possit procedere ad aliquem actum, nisi ad instantiam, & petitionem partis adversæ, *l. ad peremptorium 68. ff. de Judic. l. properandum 13 § & si quidem 2. C. eod. Auth. qui semel C. quom. & quand. Jud. Novell. 112. c. 3. princ. & § 1. Bartol. in Auth. cit. n. 2. Marant. tit. de contumac. n. 1. Gaill. lib. 1. obf. 55. num. 6. Pirhing hic num. 21. Konig ib. nu. 27 & novissimè P. Schmier tract. de proc. Judic. cap. 3. n. 31. Ratio est, quia regulariter Iudex officium suum non impetitur, nisi imploratus *leg. dies cautioni 4. § hoc autem 8. ff. de damn. infect. Aliter autem discurrendum est de Actore, & aliter de Reo. Hinc.**

Dub. 1. quomodo procedendum sit contra Actorem 44 contumacem? Resp. modum hunc sumi ex *cap. causam 3. hoc tit. & cap. actor 1. eodem in 6. His capp. deciditur 1. ut si actor post oblatum Libellum non compareat, citetur à Iudice personaliter per litteras, vel per nuntium, si reperiiri possit, aut sciatur, ubi existat.*

2 Si Actor non compareat in primo, & secundo termino, reo comparenti condemnatur in expensas, sub quibus non solum sumptus litis, sed etiam viaticum intelligitur *c. actor cit. & l. eum quem 79. princ. ff. de Judic. Insuper etsi in tertio termino sese stiterit, non est audiendus, si iterum petat citari reum, nisi prius caveat, quod in termino statuto parebit; quia contra ipsum præsumptio est, eo quod semel malus, semper præsumatur malus in eodem genere mali, ut habet *Reg. 8. de R. J. in 6. Excipe, nisi probaverit legitimum impedimentum, vel etiam reus in termino, ad quem citatus est, non comparuerit; tunc enim una contumacia compensatur cum alia, & cons. actor non comparens reo itidem non comparenti in expensas condemnari non debet.**

3 Quodsi actor neque in termino peremptorio, neque post illum compareat, & nesciatur, ubi sit, tunc Procurator ejus, si quem reliquit, citari debet, modo talis sit causa, quæ per Procuratorem agi possit; qui si compareat, cum eo litem suam prosequatur reus. Si neque is in Iudicium veniat, aut actor nullum Procuratorem reliquit, vel saltem non constar, an reliquerit, adhuc tribus vicibus per 30. dierum intervalla citandus est.

4 Si etiam tunc venire contempserit, de Jure civili indulgetur annus, ut causam prosequatur: & quidem si intra hunc compareat, priusquam audiatur, expensas à Reo factas solvere debet, & de sistendo in Iudicio idoneè cavere, datis pignoribus, & fidejussoribus, nisi probet legitimum impedimentum, ut paulò antea dixi. Si post annum compareat, non est audiendus actor, etsi refundere expensas velit. Ratio est, quia alias frustra eidem concederetur spatium anni, si etiam post illum redire posset. Neque obstat *c. actor cit. per quod insinuat, actorem contumacem ex post facto comparentem audiendum esse, si prius expensas reo solverit, & idoneè caverit de parendo in posterum; nam textus ille aperte loquitur tantum de casu, quo Actor in primo termino non comparuit, non autem de eo, quo tribus edictis vocatus, etiam post anni dilationem sibi datam emanit.*

5 Igitur eo usque in contumacia persistente Actore, Iudex ad petitionem Rei præsentis, etsi lis contestata nondum sit, procedere ad recipiendos testes, & audiendas allegationes, & probationes partis præsentis poterit: & siquidem reus probaverit, quod actor nullum jus habeat in re, quam petit, sententia definitiva secundum allegata, & probata ferenda est pro reo: quod ideo statutum est, ne alias actor posset injustè vexare reum, si in ipsius potestate & arbitrio foret impedire, ne procederetur adversum se. Ne tamen hoc casu Iudex ultra debitum Actori noceat, ipse partes istius ex officio supplere debet, inquirendo veritatem, citando, vel examinando testes pro causa, & in favorem absentis vocando in subsidium consanguineos, & amicos ejusdem. Ita Jura citata, & alia passim. Aliqua tamen adhuc melius explicanda sunt.

Dixi 1. post oblatum Libellum: tunc enim potest reus 46 actorem cogere ad prosequendam litem, ut patet ex *cap. causam 3. hoc tit. & Auth. qui semel C. quom. & quand.*



quand. Jud. Neque obstat, quod nemo invitus agere compellatur, ut habetur  *toto tit. C. ut nem. invit. agere &c.* nam hoc intelligendum est de re adhuc integra, & antequam Actor Libellum in Judicio dederit, & citatio ad reum pervenerit.

Dixi 2. si actor non comparuerit, videlicet in termino citatorio. Perinde autem est, si terminus ille sit peremptorius; si non; nam textus  *cap. actor 1. hoc tit. in 6.* indistinctè loquitur; adeoque de quolibet termino intelligendus est, ut notat Glossa  *ibidem V. ad terminum*; cum hoc ramen discrimine, ut si una tantum citatio simplex facta sit, solum actor ob contumaciam condemnatur ad expensas, non verò procedi possit ad sententiam, nisi continuaverit contumaciam, sicut dictum est.

Dixi 3. etsi litis contestata nondum sit: nam si contestata jam sit lis, actor contumax citati quidem tribus edictis debet, sed annus post elapsum terminum peremptorium non debet eidem concedi. Unde si isto lapsu adhuc absit Actor, procedi in causa principali potest usque ad sententiam. Neque necessarium erit expectare lapsum instantiæ usque ad ultimum semestrem, prout requirere videtur  *l. properandum 13. & si 2. C. de Jud.* quia quoad hoc Lex ista per  *Novell. 112 cap. 2. in princ.* correctæ est, ut lite contestata, mox liceat ad edicta citatoria, & discepcionem causæ principalis transire.

47 Dixi 4. ad petitionem Rei præsentis; nam, ut  *num. 43.* monui, ad contumaciam nunquam proceditur, nisi ad instantiam Adversarii. Estque hoc adeo verum, ut si absentis contumaciam à præsentem non accusatam constet, sententiam contra absentem litem pro nulla habeat Barbosa  *in l. ad peremptorium 68. ff. de Judic. r. 42.* Excipitur, nisi enormis inobedientia, & contemptus requiratur, ut coerceatur; tunc enim huic coercionis locus est, nemine prorsus postulante, vel absentis contumaciam inculante, ita ut non desint, qui poenam contumaciæ ad ultimum usque supplicium posse extendi purent  *arg. l. relegati 4. & l. capitalium 28. § in exilibus 13. ff. de penis.* Quæ sententia licet durior videatur, quam ut in praxi sit recipienda, id tamen constat arbitrio Judicis relinqui, qua ratione contumaciam punire velit.

Dixi 5. procedere potest ad recipiendos testes &c. in quo gravius puniatur contumacia actoris, quam rei; & meritò quidem, 1. Quia major est contumacia actoris, quam rei; hic enim, quando fugit Judicium, facit, quod proprium reorum est; unde etiam rei fugientes appellati sunt  *l. properandum 13. § & si 2. & § seq. C. de Judic.* Actor verò in termino non comparens partes actoris non implet; deberet enim agere, & Judicium captum ad finem perducere, 2. Quia suga rei non semper arguit eum nocentem esse; nam ob difficultatem probandi innocentiam sæpe etiam innocentes fugiunt; at verò Actor in Judicio non comparens præsumptionem contra se habet; præsumitur enim non comparere, vel quia diffusus de Jure suo cognoscit se bonam causam non habere, vel quia videt reum habere paratas suas defensiones, quæ ut pereant, ideoque se abientat. 3. Quia alias favorabiliores rei, quam actores sunt, cum Jura proniora sint ad absolvendum, quam ad condemnandum.

48 Dixi 6. siquidem reus probaverit: nam si testibus, aliisque probationibus receptis Judex nondum satis cognoscat, an actor justam, vel injustam causam habeat, absolveretur quidem reus ab observatione Judicii, & imperatione Actoris, non tamen absolurè ei adjudicanda causa est, vel dominium rei controversæ: unde eo casu, si actor redeat, & expensas prius reo solvat, actionem ex integro instituere poterit, ut notat Layman  *in c. causam 3. hoc tit.* Neque obstat, quod alias actore non probante, reus sit absolvendus, etiam si hic nihil præstiterit  *cap. fin. vers. sane de jurjur. & l. qui accusare 4. C. de edend.* nam hoc tantum locum habet, quando uterque est præsens, tam actor, quam reus, & si actor, daris ei dilationibus probatoriis in probatione deficiat. Abb.  *in cap. prout 4. hoc tit. num. 23.* Vivian.  *in c. causam 3. eod.* P. Schmier  *de process. jud. c. 3. n. 43.*

Dixi 7. de Jure Civili Actori per triplex edictum citato, & non comparenti concedi annum; nam de Jure

Canonico, & Consuetudinario annale hoc interval- lum non observatur, ut rectè advertunt Abb.  *in capit. causam cit. num. 15. fin.* Pirhing  *hic nu. 25.* Reiffenstuel  *ibid. num. 86.* P. Schmier  *loc. cit. num. 39. arg. c. causam cit.* ubi de intervallo hoc nihil exprimitur, &  *c. dilecti 1. de dilat.* ubi insinuat, Dilationes Judiciales in foro Ecclesiastico non esse cum rigore tenendas; unde in foro isto, lapso termino tertiæ citationis, statim procedi in causa etiam ad sententiam definitivam poterit.

Deb. 2. quomodo procedendum sit contra reum contumacem? Resp. si reus personaliter, aut per edictum citatus ad terminum peremptorium non compareat, multum interest, spectato præcipue Jure Canonico, an contumacia præcedat contestationem litis, an sequatur. Si præcedat, regulariter Actor immitti ad petitionem suam debet impossessionem bonorum Rei custodiæ causa, ad sententiam definitivam autem Judex eo casu procedere nequit. Si sequatur, videndum, an liqueat de causa, vel non. Si liqueat de causa, sententia definitiva ferri debet; si non liqueat, regulariter immititur actor in possessionem veram, ita ut gaudeat deinceps commodis possessoriiis, reservata tamen reo absentis quæstione proprietatis. Ita statuitur  *c. prout 4. hoc tit. & docent Vivian. ibid. in Ration. Layman nu. 2. Pax Jordan. l. 14. tit. 13. n. 188. 199. & seqq. Haun. tom. 5. tr. 3. n. 103. Pirhing hic n. 29. Schambogen n. 6. König num. 29 Sannig c. 3. n. 8. Vviesner n. 49.*

Dixi 1. Personaliter, aut per edictum citatus; si scilicet inventi reus citandus nequeat: tunc enim sufficit, si edictum citationis affigatur in publicis valvis Ecclesiæ, vel curiæ, vel ad domum illius, ubi solitus est, vel teneretur habitare  *c. fin. hoc tit. & notat Vivian. ibid.* Ratio est; quia etiam sic præsumitur citationem venire posse ad rei notitiam.

Dixi 2. spectato præcipue Jure Canonico; nam etsi omnes conveniant, in personali actione missum in possessionem ex primo Decreto non effici verum possessorem, sed custodem tantum, quoad immisionem tamen in actione reali ex eodem Decreto dissensio est inter Legistas, & Canonistas. Secundum Legistas, & Jura civilia, si in actione reali actor mittatur in possessionem rei ex primo Decreto, statim efficitur verus possessor, ut probari videtur  *ex l. si quis 9. § sed & 3. C. de præscript. 30. vel 40. ann.* sed revocabiliter; quia reus comparens intra annum eam recuperat. At secundum Canonistas, & Jus Canonicum actor missus in possessionem ex primo decreto propriè dicitur immissus custodiæ causa. Vid.  *tit. seq. n. 18. & seqq.*

Dixi 3. si contumacia præcedat contestationem litis, 50 actorem mittendum in possessionem bonorum Rei custodiæ causa, non tamen procedendum ad sententiam definitivam. Et quidem quòd ad sententiam definitivam procedi nequeat, patet ex dictis  *supra tit. 6. per totum.* Quòd verò Actor ad petitionem suam in possessionem bonorum rei custodiæ causa immiti debeat, statuitur  *tum tit. cit. tum præsentem, & subsequente.* Ubi tamen distinguendum inter eum, qui intra annum compareret in Judicio, & inter eum, qui ne quidem post annum compareret; nam si intra annum comparuerit reus in Judicio, recuperabit possessionem, & admittetur ad defensionem, refusus tamen expensis, & data cautione juratoria saltem de parendo Juri  *cap. adhuc 1. hoc tit. & ibi Glossa V. non periclitatur;* quod tamen Juramentum non impedit, quin possit ex causa justa appellare; nam intelligi Juramentum hoc debet, quatenus de Jure obligatur obtemperare, adeoque ad justam appellationem se non extendit. At si post annum non comparuerit, actor efficitur verus possessor, idque ne contumax sit melioris conditionis, quam obediens. Proceditque hoc etiam casu, quo jussus mitti in possessionem bonorum custodiæ causa ab Adversario per vim, vel per dolum impeditur, quo minus consequatur possessionem sibi ita adjudicatam; quia fictione Juris perinde habetur, ac si realiter immisus in possessionem fuisset  *c. adhuc cit. & l. quamvis 13. ff. de bon. auth. Judic. possid. junct. Glossa ibid. V. perinde habetur.*

Dixi 4. Si contumacia sequatur contestationem litis, 51 & liqueat de causa, ferendam sententiam definitivam, videlicet aut pro Actore, si hic intentionem suam probaverit, aut pro reo; quia absentia Rei contumacis Dei præsentia suppletur  *l. properandum 13. § fin autem 6. C.*



6. *C. de Judic. & l. & post edictum* 73. ff. *cod. ubi dicitur bonam causam absentis triumphare debere*; ob solam enim contumaciam reus, actore non probante, causa cadere non debet, ut multis *ctte. docet Gaill. lib. 1. obs. 60. num. 7.* Condemnabitur tamen, ut idem Gaill. *num. 9.* advertit, reus victor ad expensas, idque in pœnam contumaciæ, *leg. properandam citat. § & siquidem, Auth. qui semel C. quomod. & quand. judic. &c.* Præterea circa sententiam ferendam in contumacem duo sunt advertenda. *Primum est*, quod procedat solum, cum reus non comparet post lapsum terminum citationis peremptoriæ; nam si semel tantum citatus simplici quadam citatione non veniat, etsi propter inobedientiam puniri, & condemnari ad expensas solvendas possit, ulterius tamen ad immissionem in bona ejusdem, vel sententiam ferendam procedi non potest, nisi forte ob notoriam contumaciam, quando nuntio citanti dicit se non venturum, de quo paulò postea *num. 55.*

*Alterum est*, quod sententia, quæ hoc casu in materia beneficii lata est, non transeat in rem judicatam quoad superiorem; hic enim etiam post illam de partium Juribus potest inquirere, & cognoscere, prout sumitur ex *cap. cum olim 7. hoc tit.* Rationem dat *Vivian. ibid. in ration.* quia superioris auctoritas non debet per aliquam actionem subditorum impediri, ne ei legem imponere videantur *cap. veniens 8. de transact.* & quoniam ad superiorem pertinet invigilare, ut à suis subditis peccata evitentur *cap. perniciosam 1. de offic. Ord. & Beneficium Ecclesiasticum sine Canonica institutione licite obtineri non potest Reg. 1. in 6.* Estque hoc maxime verum, quando sententia lata est contra absentem, licet contumaciter, indefensum tamen; nam tunc majus periculum vetitur, ne pars vincens absque canonica institutione obtineat beneficium. At ubi majus periculum est, cautius est agendum *c. ubi 3. de elect. in 6.*

52 *Dixi 5. si non liqueat, mittendum actorem in possessionem veram bonorum Rei.* Severius igitur proceditur cum reo, qui post litem contestatam contumax est, quam qui ante contestationem litis; nam illius major est contumacia, quam hujus. Non autem procedi tunc regulariter potest ad sententiam definitivam: & ratio est, quia Judex non potest ferre sententiam ex re, quam non cognovit sufficienter. *Et confirmatur*; nam si ferri sententia eo casu posset, ferretur vel in actorem præsentem, quod nondum probaverit intentionem suam, vel in reum absentem, quod contumaciter non comparet; non in actorem; quia cum nondum fuerint eidem assignatæ omnes Juridicæ dilationes ad probandum, non potest dici, quod ipse defecerit in probationibus: non in reum; quia ob solam contumaciam, ut *num. preced. dixi*, causa non debet cadere. Sufficiet ergo, ut actor eo casu mittatur in possessionem bonorum rei; non custodiæ causa, ut fit, cum ante contestationem litis est contumax, sed in possessionem veram, ut sic major culpa majori plectatur pœna. Semper tamen reservatur reo quæstio proprietatis.

53 *Dixi 6. Regulariter faciendam hanc missionem in bona rei;* nam plures sunt casus, in quibus missio hæc in bona fieri vel non debet, vel non potest. Talis est 1. si reus bona non habeat, in quæ mitti actor possit; tunc enim Actor petere potest, ut reus contumax citetur realiter, arrestetur, vel excommunicetur *cap. ad hæc 1. ut lit. non contest.* Quoad excommunicationem tamen hodie servanda est constitutio *Trid. sess. 25. cap. 3. de reform.* ut scilicet tum demum ad eam deveniatur, si aliis remediis locus esse nequeat, cum experientia doceat, si temere incuriatur, magis contemni, quam formidari. Opus igitur erit, ut in hoc magna discretionem procedat Judex, 2. Si consideratis circumstantiis Judex melius esse judicet actorem non mitti in possessionem rei petitiæ, sed eam sequestrari *cap. ex litteris 2. hoc tit.* Ratio est, quia in Judicis facultate est mirius, vel durius adversus contumacem procedere, secundum quod videri propter circumstantias tunc existentes magis expedire. Sequestrum tamen hoc solum durabit, quamdiu duraverit contumacia, qua deposita cessare debebit, prout colligitur ex *c. cit. ubi sequestatio Ecclesiarum facta est, ut Canonici tædio affecti*

stare in Judicio, & respondere cogentur; quæ ratio cessat, si reus velit purgare contumaciam, & in Judicio respondere, 3. Si actor immissionem in bona rei non petierit; nam, ut *n. 43. dixi*, adversus contumacem Judex ex officio non procedit regulariter ad actum aliquem, nisi ad instantiam actoris. Et hoc verum est etiam post contestatam litem; nam ibi si reus sit contumax, datur electio actori, an aliquo ex recensitis remediis uri velit, vel potius causæ suæ confidens in ipso negotio principali procedere, testes, & instrumenta producere, & sententiam definitivam petere. Imò etiam variare, in hac sua petitione Actor potest, ita ut si semel elegerit in causa principali procedere, mutare mentem possit, & immissionem in bona, vel citationem realem petere, ut notat Gaill. *l. 1. obs. 60. nu. 4.* ubi ait esse sententiam in Camera Imperiali receptam. Proceditque hoc non tantum, quando res ingressa est, sed etiam si jam in negotio processum sit. Ratio est, quia remedia hæc actori alternativè dantur. Et confirmatur ex *l. 12. ubi n. 69. dixi*, Actorem, qui semel intentavit Petitorium, hoc omisso, posse instituire possessorem. Igitur multo magis, omiſsa quæstione principali, poterit petere immissionem in bona, aut citationem realem, aut excommunicationem. Habet hoc maxime locum, quando ob absentiam rei, & quod ejus responsiones desiderantur, de causa principali satis liquere non potest.

Quæritur 3. quibus modis puniri, & coerceri contumacia rei possit? Resp. viginti quatuor omnino diversas pœnas contumaciæ rei non comparentis enumerat *Marant. de ord. judic. p. 6. tit. de contum. à n. 9.* aliquas referam; cæteræ apud ipsum videri possunt. Igitur 1. contumax ob inobedientiam potest multari arbitraria quidem pœna, nunquam tamen usque ad amissionem causæ, vel confiscationem omnium bonorum, nisi delictum sit extraordinariè grave *l. ex quacunque 2. § si quis 1. ff. si quis in jus vocatus nonjerit &c. 2.* Patitur immissionem actoris in bona sua ex primo decreto custodiæ primum causa; & si perseveret in contumacia, ex secundo decreto in possessionem veram, ut *n. 49. 50. & 52. dixi*, & dicetur explicatius *tit. seq. 3.* Non auditur, nisi reſectis expensis *c. cum dilecti 6. hoc tit. vel si non sit solvendo, aliter ex arbitrio Judicis satisfecerit c. finem lusus 5. cod. 4.* Potest capi, & incarcerari, vel alio modo ad judicium invitatus trahi *l. consentaneum 8. C. quom. & quand. Judex &c. 5.* Potest excommunicari *c. ruc 3. ut lit. non contest. 6.* Potest procedi adversus ipsum ad capienda pignora *l. temporibus 1. § quid ergo 3. ff. de inspic. end. ventr. & custod. part. 7.* Aliquando punitur sequestratione, ut patet ex *num. preced. & toto tit. 17. infra 8.* Perdit beneficium appellandi *leg. ex consensu 23. § fin. ff. de Habetur pro ibi Gloſa Bartol. cæterique Interpretes, 9. appellat. & præſente in suum præjudicium Auth. qua in Provincia § eo autem Cod. ubi de crim. ag. oport. 10.* Habetur pro confesso, secundum quod ei magis est præjudicium *l. de etate 11. § qui tacuit 4. ff. de interog. in jur. faciend.*

Dub. 1. quæ circa has pœnas sint advertenda? Resp. 55  
1. non debet, nec potest regulariter Judex procedere contra contumacem, nisi ad instantiam partis in Judicio comparentis; quia pœnæ istæ potissimum cedunt ad privatum istius commodum, non debet autem Judex ad privatum commodum interponere officium suum, nisi requiratur à partibus, 2. Antequam multa, excommunicatio, vel alia pœna feratur in contumacem, citari debet ad excusandum se; quia impeditus venire in termino non est contumax. *Palserin. inc. 1. hoc tit. in 6. n. 8.* 3. Licet contumax non tantum reum, sed etiam judicem, & Remp. offendat, nihilominus, ubi nequit comparet, & sic quantum ad interese partium contumacia unius compensatur contumacia alterius, postquam jam partis non interest, nec Reip. debetur multa *Palserin. loc. cit. n. 16.* 4. Pœna contumaciæ ad hæredem vel successorem, etiam singularem, non transit, quia ex delicto debetur, cujus obligationes sunt personales: hinc ob defuncti contumaciam hæredi, & ob venditoris, vel donatoris emptori, vel donatario audientia in judicio deneganda non est. *Sabell. summ. § contumacia n. 14.* & alii apud ipsum, 5. Etsi nec minor contumax audiat in judicio, nisi reſectis expensis, tamen si has reſecerit, ut aures judicis illi pateant, & cau-



sa cognita appareat læsus, illas repetit. Sabell. loc. cit. num. 5. quod nonnulli extendunt etiam ad mulierem, & rusticum.

56 Dub. 5. quomodo, & quando reo contumaci negetur Appellatio? Resp. differentiam esse faciendam inter verè, & fictè, seu præsumptivè solum contumacem. Qui fictè solum, & præsumptivè est contumax, si contra eum (uti potest) sententia feratur in contumaciam, intra decendum à die notæ sententiæ latæ appellare potest, vel in integrum restitutionem petere c. cum Bertoldus 18. & ibi Abb. n. 18. de sent. & re judic. verè autem contumax, licet secundum aliquos restitui in integrum (si legitimum impedimentum ex post facto debito modo probaverit) possit, appellare tamen non permittitur l. ejus 1. C. quor. appell. non recip. Gaill. lib. 1. obs. 132. n. 6. Befold. de process. Judic. c. 5. in fin. Imò nec supplicare potest Principi pro revisione causæ. Sabell. § contumacia n. 9. Contrarium tamen observatur de stylo Rotæ, in qua ad appellandum admittitur etiam verus contumax, ut Sabell. loc. cit. notat, & p. 2. Decis. 396. noviss. à se allegata confirmat.

57 Dub. 3. quando adversus Prælatum criminofum in contumaciam procedi possit? Resp. triplicem viam esse, qua adversus talem procedi potest, 1. Per modum accusationis: & tunc opus est, ut prius oblatus sit ab actore Libellus, & lis utrimque sit contestata; aliàs, etsi contumax reus sit, ad sententiam ferendam procedi nequit, 2. Extraordinariè per viam Inquisitionis, ex mero, & puro officio judicis, præcedente publica infamia citati; ex eo casu nec Libellus offerri, nec litis contestatio fieri debet, sed statim, si citatus contumax sit, receptis testibus sententia condemnatoria ferri debet, 3. Per viam denuntiationis, ita ut ad sit denuntiator aliquis, seu promotor Judicialis inquisitionis faciendæ, qui suo, vel aliorum nomine petat inquiri in Prælaturam ad ejus depositionem, seu amotionem ab administratione in spiritalibus, & temporalibus, ne ulterius Ecclesiæ obstat; quo casu si ille post legitimam citationem non compareat, sed contumaciter se absintet, contra eundem, etiam lite non contestata, receptis prius testibus, & habitis sufficientibus probationibus, ne ob contumaciam contingat delictorum impunitas, definitiva sententia condemnatoria ferri potest, ut cum aliis notat Layman, in caput. 8. hoc tit. num. 3.

## TITULUS XV.

De eo, qui mittitur in possessionem causa rei servandæ.

Dixi tit. præc. à nu. 49. Actorem, quando reus sine justa causa contumaciter abest, mitti in possessionem bonorum rei. Hæc non minima contumaciæ pœna est, cum nihil ferè hominibus majorem dolorem incuriat, quam si bona à majoribus per manus accepta ab extraneis videant occupari. Ideo statuta à jure est, ut Actoris intentio non frustraretur, & reus tædio talis missionis affectus, accedat responsurus; hinc etiam Tædialis dicitur. Duplex est ejusmodi Missio, ea videlicet, quæ fit ex primo Decreto, & ea, quæ ex secundo. De utraque hoc Titulo agitur, licet in Rubrica Tituli tantum fiat mentio de prima; ut proinde in præsentī tractatione Nigrum sit generalius rubro, prout etiam aliàs sæpe contingit.

### §. I.

De Missione in Possessionem ex primo Decreto.

## SUMMARIUM.

- 1 Missio ex primo Decreto quid?
- 2 3 Rectè decernitur.
- 4 5 Fit à Judice habente mixtum Imperium;
- 6 Contra reum absentem.
- 7 Adminicula huic concessa à Jure.
- 8 9 10 Modus mittendi in possessionem.
- 11 Discrimen missionis in actione personali ab ea, quæ fit in reali.
- 12 Locum habet in omni actione, nisi illam aut actionis, aut rei natura excludat.

13 14 15 Exceptiones.

16 17 Requisita ad missionem ex primo Decreto.

18 19 20 Ita missus non sit verus possessor.

21 Triplex exceptio.

22 23 Effectus missionis ex primo Decreto.

24 Locus ei est aliquando etiam casu, quo lite non contestata deveniri ad sententiam definitivam potest.

Quæritur 1. quid intelligatur per primum Decretum? Resp. intelligitur sententia interlocutoria Judicis, qua ob contumaciam rei Actor in bona illius custodiæ causa mittitur, ut illa pignoris vice teneat, donec reus veniat responsurus. Sumitur ex cap. constitutus 1. hoc tit. & notant Gonzalez in c. 3. ut lit. non contest. num. 12. Pax Jordan. l. 14. tit. 13. n. 219. Barbosa in c. 1. cit. num. 2. Engl. hic n. 1. Pirhing num. 1. Schambog. n. 3. Sannig c. 1. n. 2. & novissimè P. Schimier process. judic. cap. 3. num. 50. Usus ejusdem est in judiciis Statuum Imperii, ubi jus commune viget: in Summis ejusdem Tribunalibus tam primum, quam secundum Decretum in totum abolita esse cum Klockio, Rodingherio & aliis ex Recessu Imperii de Anno 1654. § vult de hietauf nu. 36. deducit Miller ad Stuv. Exercit. 44. th. 41. lit. A.

Quæritur 2. an rectè fiat missio in possessionem bonorum ex Decreto? Ratio dubitandi est multiplex; nam 1. Decretum hoc causæ cognitionem desiderat, ut dicam infra num. 16. sed quæ causæ cognitionem desiderat, absente, & inaudita parte expediri non possunt cap. susceptis 1. de caus. possess. & propr. igitur adversus absentem non potest decerni missio in possessionem, 2. Litis contestatio est fundamentum Judicii, & propterea sine ea non potest proferri sententia, ut supra tit. 5. à n. 1. dixi. Igitur nec missio decerni in contumacem, 3. Contumax in non comparendo aliis Juris remediis cogitur Judicium suscipere, ut tit. præc. n. 54. dictum est. Igitur non debet pati missionem in possessionem, 4. Qui Judicis mandato non paret, possessionem bonorum amittit, & ea transfertur in Adversarium manu militari l. qui restituere 68. ff. de R. V. igitur non tantum missione in possessionem custodiæ causa plectitur, 5. Hæc missio in possessionem fit ex edicto l. Fulcimus 6. § plane 10. ff. quib. ex caus. igitur non rectè asserimus eam fieri ex Decreto.

Sed his non obstantibus, dicendum, contumacem in comparendo rectè puniri, & ad litem contestandam compelli per immissionem Actoris in possessionem bonorum ejusdem ex Decreto. Ita omnes. Ratio est, quia cum nihil pejus Reip. evenire possit, quam lites differi propter innumera mala, quæ ex illis contingunt, non est ferendus reus, qui contumaciter litem procrastinat, & Judicium subire non vult.

Nec contrarium suadent rationes dubitandi allatæ. 3 Ad 1. Reus, si post citationem peremptoriam non compareat in judicio, habetur pro confesso; igitur merito condemnatur ad immissionem Actoris in possessionem bonorum suorum. Ad 2. lite non contestata per se quidem ad sententiam definitivam procedi non potest, procedi tamen potest ad interpositionem hujus Decreti; quia hoc necessarium erat, ut compellatur reus ad contestandam litem, & ea contestata perveniri queat ad sententiam definitivam. Ad 3. remedium istud ultra cæteras pœnas Jure statutas inventum est in gratiam Actoris, cujus juri per reliquas pœnas non ita cautum est; unde in hujus, & Judicis electione est, utro velint remedio uti. Ad 4. textus l. qui restituere cit. procedit in reo jam condemnato, qui post definitivam sententiam in executione Judicio non paruit, quo casu manu militari possessio in actorem transfertur. Ad 5. non opponuntur hæc duo, videlicet missionem edicto polliceri, & Decreto decerni; nam quod prætor edicto pollicetur, hoc decerni Decreto.

Quæritur 3. à quo fiat hæc Missio in bona Rei? 4 Resp. fit à Judice per sententiam interlocutoriam c. constitutus 1. hoc tit. & l. cum legatorum 12. ff. quib. ex caus. in possess. eatur; nam privata autoritate non licet bona absentis possidere.

Dubium est, quibus Judicibus competat potestas decernendi hanc missionem? & an illis competat ratione Imperii, an potius Jurisdictionis? Brissonius lib. 1. select. c. 3. putat in possessionem mittere esse Jurisdic-



rionis, non Imperii: quod probat ex *l. dies cautioni 4. §. duas 3. ff. de damn. infect.* & *l. ea que 26. §. magistratibus 1. ff. ad municipal.* quibus Legibus Magistratus municipales, qui Imperium juxta *l. ea que cit. princ.* non obtinebant, permittuntur minores in possessionem mittere.

5 Sed dicendum, hanc potestatem ad mixtum Imperium pertinere: unde Judex pedaneus hanc immissionem non potest decernere. Ita Gonzal. *in c. 3. ut lit. non contest. num. 12.* Haun. *tom. 5. de J. & J. tr. 3. n. 111.* Schambog *hic num. 3.* Konig *num. 4.* & apud istos Scipio Gentilis *l. 1. de Jurisd. c. 3.* Duaren. *simil. tr. 3. c. 7.* Merill. *l. 1. c. 3. & 4.* Statuitur expressè *l. jubere 4. ff. de Jurisd. dict.* ubi Ulpianus, *Jubere*, inquit, *caveri pratoria stipulatione, & in possessionem mittere, imperii magis est, quam Jurisdictionis.*

Neque obstant Leges *suprà cit.* à Brissonio; nam iis Legibus Magistratus Municipales mittere in possessionem possunt non jure proprio, sed vice Præsidis ex mandata sibi Jurisdictione.

6 Quæritur 4. in quem decerni missio hæc in possessionem ex primo Decreto possit? Resp. in reum contumacem absentem. An decerni etiam possit in eum, qui ante citationem se absentat, nullo relicto Procuratore, vel defensore? *Rationem dubitandi facit c. fin. h. tit.* ubi habetur, si post citationis edictum reus discesserit, Procuratore, vel defensore non relicto, tunc inducendum actorem in possessionem bonorum custodiæ causa. Igitur argumento à sensu contrario ante citationis edictum actor non debet inmitti.

Verùm hæc opinio satis refellitur *arg. l. ait Prætor 23. §. deinde 4. ff. ex quib. caus. major.* & *l. ignorare 4. C. de restitut. milit.* ubi dicitur, quod actor in possessionem bonorum eorum, qui Reip. causa absunt, sine fraude, seu dolo malo, & absentes non defenduntur, ex primo Decreto mittendus sit, & solum caveretur, ut differatur venditio bonorum illorum in tempus, quo Reipub. causa abesse desierint. Igitur multo magis missio in possessionem ex primo Decreto decerni potest in eum, quem similis causa absentem non protegit. Ita cum communi docent Abb. *in c. fin. cit. n. 6.* Laym. *ibid. num. 4.* Pirh. *hic num. 10.*

Neque obstat *c. fin. cit.* nam ibi Pontifex respondet ad speciem facti propositam; ex verbis autem narrativis alicujus Canonis, vel Legis non potest sumi argumentum à contrario sensu ad exclusionem oppositi.

7 Duo tamen sic absenti adminicula conceduntur à Jure. Primum est, quod si aliquis vel consanguineus, vel amicus absentis in Judicium veniat defensurus reum absentem, præstita cautione de rato, admitti debeat, ut missio in bona evitetur: hinc pro praxi advertit Abb. *in c. 3. de dol. & cont. n. 14.* consultum esse, ut in Edicto ad valvas addatur, si quis consanguineorum, vel amicorum absentem defendere velit, compareat ad diem definitivam. Alterum est, quod si reus, nullo Procuratore relicto, neque alio comparente, qui causam ipsius tueri velit, ex iusta causa absens sit, Curator bonis ejus à Judice constitui solet, qui pro absente in Judicio respondeat *l. ab hostibus 15. junct. Gloss. ibid. ff. ex quib. caus. major.* Bartol. *in l. si finita 15. §. Julianus 16. ff. de damn. infect. n. 38.* Abb. *in c. fin. h. tit. n. 10.* Laym. *ibid. n. 4.*

8 Quæritur 5. quomodo Actor sit mittendus in possessionem bonorum Rei contumacis? Resp. hæc immissio aliter fieri debet in actione reali, aliter in personali. Si enim reus *reali actione* conventus per contumaciam absit, actor, prævia summaria cognitione, & Juramento calumniæ, mittitur in possessionem ipsius rei petitiæ, si ve ejus, super qualis est mota *c. tua 3. & c. fin. §. in aliis Ut lit. non contest. l. Fulcinius 7. §. Celsus 17. ff. quib. ex caus. in possession. eat.* quia actio realis in rem petitam dirigitur, ejusque possessionem avocare contendit ratione dominii, quod in actore præsupponitur. Vivian. *in cap. tua cit.* Barb. *ibid. n. 1.* Gonz. *nu. 6.* Laym. *nu. 3.* Vall. *hic n. 3.* Pirh. *n. 7.* Engl. *n. 1.* Schamb. *c. 3.* At si *actione personali* conveniatur reus, & contumax sit, potest Judex adversus illum vel actorem mittere in possessionem bonorum Rei pro modo debiti, vel infligere ei Censuram Ecclesiasticam: quæ pœna est ordinaria contra contumacem, qui aliter ad parendum induci nequit *c. fin. cit.* & ibi Vivian. *in Ration.* Barb. *nu. 24.* Vvagner. *in c. tua cit.*

9 Dixi autem disjunctivè *vel*: quo innuitur, esse in

optione Judicis procedere eo casu, vel ad immissionem bonorum, vel ad Excommunicationem: & ratio est, quia eo casu actor nullum jus habet in re petita; & hinc Judex nullam ei infert injuriam, si illum in possessionem rei petitiæ non mittat, sed aliis utatur Juris remediis. Abb. *in c. cit. n. 3.* Imol. *ibid. nu. 3.* Pirh. *hic nu. 9.* Eadem particula *Vel* significat initio infligendam non utramque pœnam simul, sed alterutram, quæ magis timeri debeat; potest tamen deinde, si hoc meruerit protervitiis contumacis, procedi ad utramque: ad neutram autem, præferim verò ad missionem in bona alterius procedi debet, nisi prius Judex summarie perscrutatus sit causam; aliàs si temerè ejusmodi missionem decerneret, contra eum restitui deberet reus *arg. l. si finita 15. §. si forte 22. ff. de damn. infect.*

Addidi *pro modo debiti*: quo differt missio decreta ex actione personali ab ea, quæ decernitur ex actione reali; nam qui litigat adversus reum contumacem actione reali, mittitur in possessionem bonorum rei omnium, super quæ litem eidem movit; at qui litigat solum actione personali, nisi certa res debeat, mittendus est in possessionem, certo ordine observato: & primò quidem in possessionem mobilium tantum, si talia reus habeat; si talia reus non habeat, aut quæ habet, pro quantitate debiti non sufficiant, mittendus est in possessionem etiam immobilium: & demum his non existentibus, vel non sufficientibus, in Jura, & actiones. Ita statuitur *c. fin. §. in aliis v. si autem Ut lit. non contest.* & notar Gloss. *ibid. V. vel immobilium*, Abb. *n. 34.* Laym. *not. 1.* Schamb. *hic nu. 3.* Vviesl. *nu. 5.* novissimè R. P. Schmier *Process. Judic. c. 3. nu. 53.* Ratio est, quia hic modus ordinariè observatur etiam in executione sententiæ, quæ transit in rem Judicatam *l. à Divo Pio 15. §. in venditione 2. ff. de Re judicat. & l. presenti 6. §. sed si 4. C. de his, qui ad Eccl. confug.* cujus speciem quandam refert immissio in bonorum, seu rerum possessionem. *Conf.* quia in hac immissione attendi debet, ut ea dentur, quæ minus debitori nocent, modò satisfiat actori, tali autem sunt potius mobilia, quàm immobilia, & immobilia, quàm jura. Ergo &c. *Excepi* autem, *nisi res certa debeat*, tum enim æquitas omnino suaderet, ut actor in istius potius, quàm aliorum Rei bonorum possessionem mittatur. P. Vviesl. *l. cit.*

Differt igitur Missio, quæ fit in Actione personali, ab ea, quæ decernitur in actione reali. 1. Quod in illa observandus sit certus Ordo, non in ista: quod inde provenit; quia actio realis supponit aliquod jus determinatum in ipsa re petita; actio personalis autem ad rem incertam nullum jus determinatum supponit. 2. Quod in prima immissio semper fiat pro modo debiti, quod præterdit actor; in secunda in ipsam rem petitam. Ratio est; quia absurdum videtur, quemquam in plus mitti, plusque ei adjudicari, quàm ipse petat. Petit autem actor in actione personali, ut sibi satisfiat solum pro quantitate debiti. Ergo &c. 3. Quod, cum intentatur actio personalis, vel missio in possessionem bonorum Rei, vel Censura Ecclesiastica disjunctivè ferri possit; cum verò intentatur actio realis, primò decerni debeat missio in possessionem rei petitiæ, & si missio hæc fieri nequeat, tum primùm per Censuram Ecclesiasticam reus ad comparendum sit compellendus. Hoc tamen Missio omnis ex primo Decreto commune habet, quod ex quacunque actione sit facta, si reus intra annum comparnerit, recuperet res suas, & possessionem illarum, modò caveat de sistendo in Judicio, & expensas refundat actori *§. in aliis cit. c. constitutis 1. & c. seq. hoc tit.*

Quæritur 6. in quibus actionibus locum habeat Missio in possessionem ex primo Decreto? Resp. missioni in res, & bona Rei contumaciter à Judicio absentis locus est in omnibus actionibus realibus & personalibus, nisi eam actionis, vel rei, super qua reus in Judicio conventus est, natura excludat. Bartol. *in l. si finita 15. §. Julianus 16. ff. de damn. infect. numer. 41.* Bald. *in auth. si omnes C. si min. ab hered. se abstin. numer. 10.* Laym. *in c. 1. h. tit. n. 1.* Olivafor. *Eccl. p. 3. q. 26. n. 18.* Pirh. *hic n. 6.* Vviesl. *n. 20.* Estque perinde, si ve in litem veniant bona solum mobilia, si ve immobilia, corporalia, vel incorporalia: nec excluduntur bona & Jura etiam spiritualia, ut si agatur de proprietate Ecclesiæ, vel Jure patronatus &c. Proceditque etiam de bonis non allodialibus,



libus, ut sunt feudum, Emphyteusis, usus fructus &c. prout bene advertit Haun. tom. 5. tr. 3. n. 114. & apud hunc Durandus. Ratio est, quia per hoc nihil præjudicatur domino directo, & proprietatis, & obtinetur finis immisionis, ut scilicet fatigatus debitor desinat esse contumax: manet ramen, ut antea Usufructuarius, Vassallus, Emphyteuta &c.

- 13 Dixi, *Nisi eam actionis, vel rei, super qua reus in judicio conventus est, natura excludat*; quia sunt aliquæ causæ, in quibus talis missio fieri non potest. Et 1. quidem in causis criminalibus; nam si graviores illæ sint, adnotantur bona contumacis, & sic missio solum fit indirecte; si verò leviores, non opus est contestatione litis, saltem de Jure Canonico, & sic etiam missio decerni non potest ob contumaciam in lite contestanda. Oliva q. 26. cit. n. 16.

2. In causis etiam Civilibus, quoties Actor nihil petit, sed ab aliquo tantum vult se excusare, vel liberare, sicut contingit, quando minor adversus aditam hæreditatem restitui petit, & creditores legitime citati intra tres menses non comparent; Hoc enim casu non mittitur in possessionem hæreditatis, quam fugit, sed ab ea solum cupit, & lite non contestata, permittitur absolvere. Bartol. in §. Julianus cit. nu. 41. Bald. in auth. omnes cit. n. 10. Oliva q. 26. cit. n. 7. Vviesl. hic nu. 21. Ratio est, quia in hujusmodi causis missionem natura actionis excludit.

3. In causa matrimoniali, ne illicitæ copulæ cum non sua occasio detur: in qua proinde reus contumax, ut compareat, per Censuras Ecclesiasticas compellendus est c. tue 3. Ut lit. non contest. & si in contumacia perseveret, procedendum ad sententiam definitivam cap. fin. §. porro vers. si autem de carnali tit. eod. Oliva l. cit. n. 8. Vviesl. hic n. 22. & tit. ut lit. non contest. à n. 7. P. Schmier Process. Jud. c. 3. n. 87.

- 14 4. In causis Beneficialibus, saltem casu, quo instituitur peritorium super proprietate Beneficii, Dignitatis, Personatus Ecclesiastici contra possessorem ejusdem; nam eo casu rei contumacia potius Censuris flectenda est, & si illæ non proficiant, lite non contestata, præmissa tamen diligenti causæ examine, ad sententiam definitivam procedendum, prout statutum est à Bonifacio VIII. c. un. h. tit. in 6. ubi etiam insinuat ratio; quia cum ad Beneficium Ecclesiasticum institutio Canonica desideraretur, possessione translata in actorem ex primo Decreto, contingere posset, ut reo intra annum non comparente, actor efficeretur verus possessor, & per consequens daretur vitiosus ingressus in Beneficium. Sequela ostenditur; quia licet post annum non comparente reo, de contumacia illius constet, non tamen constat de jure, ac titulo actoris. Atqui, qui jus & titulum possessionis Beneficii non potest ostendere, in Beneficium vitiosè ingressus esse convincitur. Ergo &c. Neque obstat decisione huic, quod cap. constitutis 1. h. tit. & c. dilectus 2. de sequest. poss. & fruct. missio in possessionem ex primo Decreto facta sit etiam in causis, in quibus de Ecclesia agebatur; quia ut Gonzal. in c. 3. ut lit. non contest. numer. 11. Passerin. inc. un. h. tit. in 6. n. 13. P. Vviesl. hic n. 24. cum communi notant, in casu cit. textuum de Ecclesia agebatur, non quatenus Beneficium, sed quatenus proprietates quædam erat à spiritualis officii titulo separata, in cujus possessionem immissio, quia cum periculo vitiosi ingressus in Beneficium non est conjuncta, fieri, decerni potest.

- 15 Dixi autem, *saltem casu, quo instituitur peritorium*; nam quando instituitur possessorem ad obtinendam possessionem Beneficii jam obtenti, major est controversia; nam Gloss. in cap. unic. citat. V. obtinendis, Anchoran. ibid. & alii affirmant tum missioni locum esse, quod Constitutio cap. citat. sit exorbitans à Jure communi, secundum quod ordinariè ob contumaciam Rei actor in possessionem mittitur. Igitur strictæ interpretationis est, & quia de Beneficiis obtinendis duntaxat loquitur, ad obtenta trahi non debet. Contrà Franc. in c. cit. n. 4. cum aliis negat, quod periculum vitiosi ingressus, in cap. citat. allegatum, non leve oriatur etiam ex immisione in possessionem beneficii jam obtenti, si non discutatur titulus, ex quo illud actori competat. Sed melius cum aliis distinguit Laym. in c. un. cit. nu. 3. an agatur Judicio possessorio recuperandæ, an verò adipiscendæ. Si primum, restituendus est actor, nisi notorius

proprietatis defectus obstat can. redintegranda 3. q. 1. cap. litteris 5. & c. conquereute 7. de restit. spoliat. Si secundum, missio in possessionem fieri non potest, sed negotium examinari prius debet à Judice, & tum, si causa exegerit, sententia definitiva ferri, qua actor mittatur in veram Beneficii possessionem. Neque obstat, quod c. cit. loquatur de Beneficiis obtinendis; nam etiam ille, qui Beneficium quoad Jus quasi proprietatis obtinuit, agere debet pro eo obtinendo quoad possessionem, si hanc alius habeat.

Quæritur 7. quid requiratur, ut actor mitti in possessionem possit? Resp. 1. requiritur, ut reus sit absens ex contumacia: talis præsumitur, si personaliter citatus ad loca remota se conferat, nullo relicto legitimo Procuratore ad lites cap. fin. h. tit. & ibi Vivian. in ration. Bartol. n. 1. Jordan. l. 14. tit. 13. n. 201. Pirh. hic n. 9. Schamb. n. 3. Konig nu. 8. 2. Ut actor rei contumaciam incuset, & petat se mitti in possessionem. Abb. in c. fin. cit. n. 4. Laym. ibid. n. 3. Haun. tom. 5. tr. 3. num. 110. Pith. n. 10. Konig. n. 9. & colligitur ex c. cit. ibi Jure petere potest: & ratio est, quia Judex non impetratur officium non petentibus. 3. Ut reus citetur ad actum immisionis, & quidem peremptoriè, saltem per publicum Edictum, si personaliter citari nequeat. Abb. in c. cit. n. 11. cum reliquis supra. 3. Ut post ejusmodi citationem reus nec ipse, nec alius loco ipsius compareat in Judicio; nam si loco ipsius compareat consanguineus aliquis, vel amicus, eum defensurus, & de rato caveat, missio impeditur secundum dicta n. 76. 5. Ut Actor prius Juramentum de calumnia præstet: quod proinde Judex ab eo debet exigere. Vviesl. hic numer. 3. 6. Ut Judex, antequam missionem decernat, præmittat sufficientem causæ cognitionem. Sufficit autem Summaria, prout colligitur ex Auth. & qui jurat C. de bon. auth. Judic. poss. & clarè habetur c. fin. §. in aliis Ut lit. non contest. ibi: *Negotium summariè examinans &c.*

Examinabitur autem 1. de Contumacia Rei, an scilicet citatio sit ipsi legitime insinuata, & tamen ad præfixum terminum peremptorium nec per se, nec per procuratorem comparuerit. Bartol. in l. si finita 15. §. Julianus 16. ff. de damn. infect. n. 18. 2. De jure actoris, si actio realis, vel de debito ipsius Rei, si personalis actio sit intentata. P. Vviesl. hic num. 3. 3. An habeat reus bona, in quæ fiat immissio, & qualia; nam his deficientibus per alia Juris media Reus compelli debet ad satisfaciendum actori. 4. An Actor legitime probarit Jus suum, vel debitum Rei: debet autem probari saltem semiplenè, ut notat Gloss. in §. in aliis cit. V. summariè. 5. Denique, an debitum sic probatum sit purum, vel conditionale; nam, ut Paulus Ictus l. si quis creditorem 14. ff. quib. ex caus. in possess. eat, ait, *creditor conditionalis in possessionem non mittitur*. Videatur Abb. in §. in aliis cit. nu. 31. Bullæos D. de Contum. th. 14. Oliva for. Eccl. p. 3. q. 26. à n. 30. P. Vviesl. hic nu. 3. P. Schmier Process. Jud. c. 3. n. 81. & duob. seqq.

Quæritur 8. utrum missus in possessionem ex primo Decreto verè possideat, vel solum decineat? Conveniunt omnes non fieri verum possessorem, quando missus est actor in possessionem in actione personali, ut habetur l. possideri 3. §. fin. ff. de acquir. vel amit. poss. & aliis Juribus. Hinc dominus, seu reus inde non ejicitur, sed actor simul cum reo rem tenet, & cum illo in fundo ac bonis commorari potest. Excipe, nisi Judex ex officio illum recedere jubeat, ne rixæ fiant, si ambo possideant arg. l. si cujus 13. §. sed si inter duos 3. ff. de usu-fruct.

Controversia igitur solum est de Uione reali. In qua Az. Gofred. Sper cul. & alii, etsi concedant non incommutabiliter possideri (quia reo, si intra annum venerit, possessio restituitur) volunt tamen per hanc missionem ex primo Decreto in actione reali obtineri veram possessionem. Consentient Bartol. Marant. Menoch. apud Gonzal. in c. 3. ut lit. non contest. n. 15. qui volunt id verum esse de Jure Civili, quamvis agnoscant de Jure Canonico tenere contrarium.

Fundantur 1. quia l. si quis 8. §. Sed si quis 3. C. de præscript. 30. vel 40. ann. ita in possessionem missus nuncupatur Possessor, & l. consentaneum 8. C. quom. & quando. Judex &c. dicitur in eum possessio transferri. 2. Si reus, in cujus bonorum possessionem actor ex primo Decreto immisus est, intra annum compareat, & cautionem offe-



offerat, recuperat possessionem, ut statuitur §. *in aliis cit.* & c. *pastoralis* 11. *fin. de offic. Jud. Ord.* igitur prius illam amiserat; conseq. ea penes actorem fuit. 3. Actor virtute missionis in possessionem, Jus pignoris Prætorii habet, sicut creditor in pignore conventionali. Sed creditor habet veram possessionem rei pignoratæ. Ergo etiam actor. 4. Actortatione missionis in possessionem consequitur commoda realis possessionis *l. Fulcinius* 7. ff. *quib. ex caus. in poss. eat.* & *l. pen. ff. ut in poss. legator.* & ipse actor tenetur rei vindicatione, actione ad exhibendum, habet interdictum, ut passim Jura. Igitur quia obtinet veram possessionem.

Sed his non obstantibus, dicendum, nec in actione reali actorem, immisum in possessionem ex primo Decreto, regulariter fieri verum possessorem, sed tantum custodem, sicut in actione personali. Ita Gloss. in §. *in aliis cit. V. possessionem.* Butrio *ibidem* n. 20. Abb. n. 20. Gonz. n. 15. Pax Jordan. *tit. 13. n. 211.* Oliva *for. Eccl. p. 3. q. 26. n. 46. & seqq.* Passerin. *in c. un. h. tit. in 6. nu. 3.* Zoef. *hic* n. 1. & ceteri Canonistæ plerique cum non paucis Legistis. Clarum hoc est de Jure Canonico propter Rubricam præsentis Tituli, & ei subiectos textus, quibus sic misso in possessionem adstruitur duntaxat rerum conservatio, & custodia: & confirmatur ex c. *conscriptis* 1. *hoc titul.* & §. *in aliis cit.* ubi actor ita in possessionem missus, verus possessor constitui dicitur primum post annum. Ergo intra annum verus possessor non erit. Concordat etiam Jus Civile *l. si duo* 3. §. *creditores* 8. ff. *uti possidetis*, *l. is cui* 5. *princ. ff. ut in poss. legator.* & *l. possideri* 3. §. *fin. ff. de acquir. vel amitt. poss.* ubi dicitur non possessionem, sed custodiam rerum & observationem concedi.

10 Fundamentum est. 1. quia talis creditor, missus in possessionem ex primo Decreto, nec fructus lucratur, nec ex fructibus vescitur *l. Fulcinius* 7. *princ. ff. quib. ex caus. in poss. eat.* & *l. creditore* 14. ff. *de reb. ant. Jud. possidend.* 2. Quia talis creditor antiquum possessorem nec deicit, nec turbat in possessione *l. is cui cit.* & *l. si finita* 15. §. *si quis* 20. ff. *de damn. infect.* atqui si ex primo Decreto actor verus possessor fieret; primus possessor deberet dejici; quia duo in solidum eandem rem possidere non possunt. 3. Quia si verum possessionem consequeretur actor, necessarium esset, ut opinione domini possideret, non autem possidet opinione domini, ut clarum est, quamdiu lis pender. 4. Quia reus contumax, si intra annum compareat, recuperat statim bona absque nova possessionis traditione. Esset autem nova traditione opus, si amisisset possessionem, Ergo &c.

Neque contrarium probant argumenta allata in contrarium. *Ad 1.* Vox *possessio*, & *possessor* in legibus *cic.* ad vitandam Juris Canonici à Civili discordiam, imò ad effugiendam antilogiam ipsius Juris Civilis ob claros textus, qui in adversum militant, debet accipi largè, & ita, ut in actorem transferatur sola detentio. *Ad 2.* sicut juxta modò dicta transfertur sola detentio, ita sola a reo, deposita contumacia, recuperatur. *Ad 3.* negatur paritas: nam creditor habet animum possidendi pignus conventionale; quia hoc aliàs eidem esset inutile: at ejusmodi affectum possidendi bona, in quæ immisus est, actor habere non potest, cum ut probavimus, Judex in eum non possessionem, sed nudam custodiam transferat. *Ad 4.* negatur, quod nisi in casu gravissimæ contumaciæ commodis possessionis fruatur actor ex primo Decreto: Ut quis teneatur rei vindicatione, & actione ad exhibendum, non desideratur vera possessio, sed sufficit ejus detentio. Dixi autem suprâ *Regulariter*. Et hinc ulterius.

11 Queritur 9. quando Actor, in possessionem missus ex primo Decreto, intra annum consequatur veram possessionem, & commoda possessionis? Resp. tres maxime Exceptiones cum aliis à se relatis enumerat Oliva *for. Eccl. p. 3. q. 26. n. 52. & seqq.* 1. Si ut *n. præc.* dictum est, ob nimiam contumaciam rei, quia v. g. cum in Jus vocaretur, discedit, præsertim si cum contempnu, negavit se compariturum; Judex immisionem in rem petitam primò decernens exprimat in pœnam nimix contumaciæ actorem in veram possessionem mitti, ut etiam fructus percipere valeat; tali enim casu actorem, vi immisionis ex primo Decreto factæ, verum possessorem evadere ex *l. Fulcinius* 7. §. *fin. ff. quib. ex caus. cum cit.*

Oliva docent Abb. *inc. convingit* 9. *de dol. n. 10.* Bald. *in l. consentaneam* 8. *C. quom. & quand. Jud. n. 35.* Passeria. *inc. un. h. tit. in 6. n. 3.*

2. Quando lite jam contestata, processum fuit in causa, & actor intentionem suam probavit semiplenè tantum; tunc enim quia ob defectum plenæ probationis Judex sententiam definitivam terre super causa non potest, ob præsumptionem, quam partim ob contumaciam Rei, partim ob suam probationem, Actor pro se habet, mittetur in possessionem veram rei petitz, solaque proprietatis questio contumaci reservatur *cap. prout nobis* 4. *in fin. de dol. & contum. l. consentaneam cit.* Abb. *in cap. 4. cit. n. 23. vers. secundum remedium*, Ummius *D. 6. ib. 3. n. 11.* P. Vvies. *tit. de dol. & contum. na. 49.* estque receptum à Legistis & Canonistis teste Menoch. *res. remed. 3. n. 217.*

3. Si Statuto caveatur, ut missus ex primo Decreto percipiat fructus; nam ut cum aliis *cic.* notat Oliva *l. cit. n. 64.* hujusmodi statutum valet; si enim contumacem Judex multare aliis pœnis potest, cur non poterit in pœnam contumaciæ eidem auferre fructus, & applicare Actori? Porro quod de Statuto hic dicitur, procedit etiam de consuetudine, sicuti ex ea legitimè præscripta habetur, ut ita missus possideat, & fructus acquirat, Oliva *l. cit.*

Queritur 10. quis sit Effectus primi Decreti? Resp. 22 distinguendum, an actio sit realis, an personalis. Si personalis, multiplex ipsius effectus est; nam 1. per illud missus habet, & custodiam, & defensionem rerum, in quarum possessionem mittitur: quod dicitur *Judiciale*, seu *Prætorio pignus* 2. Si turbetur in possessione, in quam missus est, intentare potest, non quidem Interdictum, *Ut possidetis* (quia secundum dictam 18. non verè possidet) sed *Ne vis fiat* secundum *l. ait Prætor* 1. *princ. & tot. tit. ff. ne vis fiat ei, qui in poss. 3.* Si debitor latitet, nec satisfaciatur, potest creditor sine libello petere à Judice facultatem bona vendendi. 4. Curare debet, ut fructus colligantur, & custodire, vel si tempore perirent, potest eosdem vendere, & pretium, quasi esset depositum suum, servare; nam alere se inde non potest, cum custos duntaxat sit, qui fructus ex re sibi in custodiam data restituere debet. 5. Si debitor suandum, in cujus possessionem actor immisus est, negligat colere, ipse actor, seu creditor immisus colere eundem potest, aut eum locare alteri; hoc enim officium custodis est. 6. si quos fructus ex re, in cujus possessionem missus est, ipse consumpsit, computare in sortem debet; quia in ordine ad fructus non plus Juris in re illa habet, quam habeat Creditor pignoratitius, qui fructus pignoris debet computare in sortem. 7. Missus primò potior est aliis postea venientibus, qui nullam habent Hypothecam, & qui simili jussu Principis murruntur, nec sunt ejusdem tituli; si enim essent ejusdem tituli, omnes concurrerent eodem Jure. Ita habetur *l. Fulcinius* 7. *princ. ff. quid. ex caus. l. in venditionem* 8. §. *si quis* 1. & *l. seq. §. quod ait 2. & duob. seqq. ff. & C. de res. de bon. ant. judic. possid.*

In actione reali missio ex primo Decreto duos præcipue effectus producit: quorum unus est, quod pendente lite tribuat Custodiam rei petitz, donec de dominio cognoscatur; alter, quod ita missus acquirat actionem ex delicto, ne vis fiat ei *l. ait Prætor citat. §. hoc interdictum* 1. Reliqui effectus primi Decreti, qui in actione personali conveniunt huic missioni, in actione reali vel omnino non competunt, vel non competunt principaliter ratione missionis. Sic enim 1. in actione reali non conceditur Pignus Prætorium; quia in ea actione Actor sibi dominium, & proprietatem vendicat; in re sua autem non potest quis obligationem habere *l. neque pignus* 45. ff. *de R. J.* nisi fortè per accidens. 2. Et si licet missus sit potior aliis, non tamen, quia missus est auctoritate Judicis, sed quia dominus rei est; res enim sua eo inscio non potuit obligari ab alio *l. si sine voluntate* 5. *C. ad S. C. Velleian.* 3. Etiam res possessa in actione reali in solutum non datur; quia quod meum est, amplius meum fieri non potest *cap. inter dilectus* 6. *de fid. instrum.* 4. Denique et si missus in possessionem actione reali vendere fructus possit, non tamen hoc vi missionis per Judicem factæ, sed titulo domini potest.

Queritur 11. an missio in possessionem per primum 24 Decretum etiam fieri possit, quando ad sententiam de-



finalitiam perveniri lite non contestata potest? *Videatur*, eo casu cessare debere hanc missionem. Ratio est, quia missio ista est remedium extraordinarium, quod cessare debet, si superat ordinarium.

*Sed rectius distinguit* Laym. *inc. un. h. tit. in 6. nu. 4.* dicens in causis Beneficialibus, Matrimonialibus, & iis, ubi mora periculosa est, omittendam missionem ex primo Decreto, & procedendum ad causæ expeditionem, si reus contumax sit: In aliis autem causis, ut Decimarum Usuræ &c. missionem adversus absentem faciendam esse. *Ratio est*, quia quod ad missionem, vel aliam compulsionem prius procedi debeat, quam ad sententiam, causa non tantum est, quia sententia ferri non debet, lite non contestata, sed quia dedecet eam ferri adversus absentem ob periculum, ne jus possessionis turberetur. Igitur id, quod ad sententiam definitivam, lite non contestata, contra absentem aliquando procedi possit, non impedit, ut non etiam decerni missio in possessionem per primum Decretum possit.

*Ad rationem oppositam* responderetur, Regulam illam tunc solum habere locum, si ordinarium & extraordinarium remedium tendant ad eundem finem & effectum: missio autem, & sententia definitiva ad diversa tendunt, illa ad puniendam contumaciam, hæc ad causæ merita cognoscenda: imò missio (sicut etiam Excommunicatio, & Carcer) cum sit quædam pœna, & compulsiō, tanquam medium servire potest ad rectius ferendam sententiam, si deposita contumacia, se reus sistat, & juri pareat.

## §. II.

### De Missione in Possessione ex Secundo Decreto.

#### S U M M A R I U M.

25 26 27 *Effectus secundi Decreti.*

28 29 *Requisita, ut missio ex illo decerni possit.*

30 *Modus decernendi.*

31 32 33 *Non est necessarium in actione reali, est in personali ad acquirendam veram possessionem.*

34 *Tempus intermedium regulariter est annus.*

35 *Quomodo computetur?*

36 37 38 *Causæ excusantes intra annum non comparentem.*

39 *Quid Juris, si missus ex primo, vel secundo Decreto propter potentiam, vel dolum rei non possit bona, in quæ missus est, realiter apprehendere, & detinere?*

40 *Quid, si super aliqua re immobili conventus dicat, se non esse dominum ejus?*

**P**ost missionem in possessionem ex primo Decreto, si reus ultra annum contumax esse perseveret, & obstinato animo in Judicio non compareat, augetur pœna, & cognita causa pervenitur ad *Missionem ex secundo decreto*: quod nihil aliud est, quam secunda interlocutio Judicis, qua Judex missum in possessionem ex primo Decreto verum possessorem constituit. R. Patr. Schmier *Process. Judic. c. 3. n. 61.*

25 *Quæritur 1. quis sit effectus secundi Decreti? Resp.*

1. acquiritur vera possessio, & possessionis commoda: unde sic missus rei, in cujus possessionem missus est, fructus facit suos. Abb. *in c. 1. h. tit. n. 9.* Oliva *for. Eccl. p. 3. q. 36. n. 84. & 87.* Schamb. *hic n. 7.* Vviesl. *n. 14.* & colligitur ex *l. Fulcinius 7. §. fin. ff. quib. ex caus. in possess. eat.* Ratio est, quia fructus ad possessorem pertinent. 2. Si ita missus habeat bonam fidem, rem ita possessam longo tempore præscribit. Oliva *n. 85.* Vviesl. *l. cit. 3.* Si ejus rei possessione vi deiciatur, Interdicto *Unde vi* ante omnia restituitur. Oliva *nu. 89. 4.* Post factam missionem ex secundo Decreto reus fit actor, & actor super hujusmodi re conventus, debiti probandi onere revelatus, indebiti probandi onus in Adversarium rejicit. Oliva *num. 90. 5.* Quod si creditor potius solvi quantitatem debitam, quam bona possidere malit, Prætor ipsa bona in publica subhastatione vendere jubet *l. Fulcinius cit. §. Prætor 1. ibi: Ejus bona possideri, vendique jubebo*: vel si emptor non inveniatur, bona ipsi creditori jure domini in solum adjudicantur, dummodo debitum sufficienter liquidaverit, ut habetur *l. ve-*

*tustissimam 3. §. fin. autem 3. C. de jur. dom. impetrand. & colligitur ex toto Tit. ff. de damn. infect.* Quod intellige, si res illa debitoris fuit; nam si solum fuit possessor, & non dominus, actor ab eo tempore, quo missus in possessionem est per secundum Decretum, consequitur occasionem ulucapiendi. Durand. *Specul. l. 2. p. 1. tit. de secund. Decret. §. 6. n. 1. cum aliis.*

Difficultas duplex est, una quomodo missus in possessionem per secundum Decretum possit præscribere? *Ratio difficultatis* est, quia nonnunquam, ut in casu damni infecti, quo quis in vicini nolentis de damno futuro cavere, ædes ruinosas immittitur, scientiam rei alienæ, atque ad alium quoad proprietatem spectantis, habet; nonnunquam autem, sicut in casu, quo actio realis instituitur, saltem dubium est, an proprietas, & dominium spectet ad alium. Atqui tam scientia, quam dubium de re aliena impedire præscriptionem videntur per *c. fin. de præscript.* Ergo &c. Sed ut cum communi bene advertit R. P. Schmier *Process. Judic. c. 3. num. 73. & 74.* hæc scientia, & dubium præscriptionem non impedit; quia non omnis scientia, vel dubium rei alienæ malam fidem inducit, sed tantum illa, quæ conjunctam sibi vitiosam possessionem habet, qualis non est in casu præsentis, quando actor autoritate Judicis in possessionem mittitur.

*Alteræ*, an ita missus in possessionem rei petitiæ acquirat verum dominium beneficio missionis? Affirmant aliqui cum Bullæo *D. de contumac. th. 18. ob l. si finita 15. §. Julianus 16. ff. de damn. infect.* ubi dicitur, quod ita missus secundo Decreto a Prætor dominus constituitur. Sed dicendum, antequam tempus pro re illa præscribenda requisitum transierit, Actorem secundo Decreto possessorem duntaxat constitui. Ita Ummius *Process. Judic. D. 6. th. 6. nu. 31.* Miller. *ad Struv. Exercitat. 44. th. 40. lit. A.* quos citat, & sequitur R. P. Schmier *l. cit. n. 68.* Videtur luculenter colligi ex textibus utriusque Juris: *Civilis* quidem; quia hoc Jure passim receptum est immissionem in possessionem autoritate Prætoris decretam fuisse *arg. l. si finita cit. princ. & §. seqq.* Prætor autem non poterat facere dominium, sed possessorem tantum *arg. §. quos autem 2. Instit. de bonor. possession. Canonici* autem; quia hoc Jure actor tantum possessor fieri declaratur, quæstione proprietatis reo reservata, ut habetur *capit. fin. §. in aliis ut lit. non contest.* atqui si actor statim fieret dominus, quæstio proprietatis non reservata, sed adempta reo foret; gratias enim rei proprietatem sibi arrogat, cujus dominium jam alteri constitutum est. Ergo &c. *Ad l. si finita cit.* dupliciter responderi potest. 1. Sic missum fieri dominum æquivalenter, & virtualiter, in ordine ad fructus, & commoda domini; quia sit verus possessor, qui, ut *l. bonæ 48. princ. ff. de acquir. rer. domin.* Paulus I Crus loquitur, *quod ad fructus attinet, loco domini pene est.* 2. Dici potest fieri dominum non consuminativè, sed inchoativè, quatenus ab eo tempore, quo in possessionem missus est, præscribere incipit juxta dicta *num. 25. & 26.*

*Quæritur 2. quid requiratur ad hoc, ut missio in possessionem legitimè decerni possit? Resp.* 1. requiritur sufficiens potestas in Judice: potest autem missionem ex secundo Decreto decernere, qui potest illam decernere ex primo, prout colligitur ex *l. jus 1. & l. jubere 4. juncta Gloss. V. eod. ff. de Jurisd.* & notant Ummius *Process. Judic. D. 6. n. 27.* Gonzal. *inc. 3. ut lit. non contest. nu. 29.* Pirh. *n. 19. hic.* Konig *n. 15. cum communi.*

2. Præcedere debet nova accusatio contumaciæ, & petitio missionis per secundum Decretum: in qua ut Actor obtineat, necesse erit, ut pro intentione sua afferat plenam probationem formaliter vel æquivalenter, nempe quando deficientibus probationibus, actor paratus est deferre Juramentum; debet enim eo casu Judex hoc significare reo, qui si contumax esse pergat, meritò pro confesso habebitur, & sic obtinebitur probatio æquivalens plenæ probationi. Pax Jordan. *tit. 13. numer. 203. cum communi.*

3. Necessaria est nova citatio, & nova contumacia rei citationi huic non parentis; nam si post istam compareat, & refusus expensis, de Judicio sibi idoneam cautionem præstet, impeditur immissio ex secundo Decreto, prout Oliva *for. Eccl. p. 3. q. 26. n. 68.* notat, & colligitur ex *l. Prætor 1. §. potestatem 1. & l. Fulcinius 7. §. la-*



latitare 8. & seqq. ff. quib. ex caus. in poss. eat. ubi dicitur, quod rei absentis bona possideantur, & vendantur, si is fraudulenter, sive malitiose latitet. Ex quo sequitur, si non ita latitet, licet absens non defendatur, in bona ejus Actorem mitti non posse ex secundo Decreto. Excipitur causa damni infecti, si e. g. ex ædibus damnum timeatur; tunc enim, etsi dominus absens non fraudulenter, & malitiose latitet, mittendus actor est in possessionem ex secundo Decreto, ita tamen, ut, si reus postea compareat, & ostendat se juxta ex causa abfuisse, restituenda sit ei possessio.

4. Præmittenda est summaria causæ cognitio, per quam Judici constet 1. De prim. Decreti executione, & lapso ab eo integro anno. 2. De nova citatione facta in persona Rei, vel de latitatione ejusdem cum citatione ad domum. 3. De ipso debito; quod, ut num. præced. dictum est, actor per testes, instrumenta, vel alia argumenta probare debet plenè, vel formaliter, si potest, vel æquivalenter, propter majus præjudicium, quod reo absenti hæc immissio affert, cum per hanc veræ rei possessio, & istius commoda à Reo in actorem transferantur. Videatur Oliva loc. cit. à n. 68.

Ex quo sequitur, quis modus servandus sit in missione facienda per secundum Decretum; nam elapso post primum Decretum anno, ubi necesse est interponi secundum Decretum ad acquirendam possessionem veram, actor accedit Judicem, & allegata contumacia Adversarii, petit sibi bona detenta adjudicari in solum; quo facto Judex Adversarium iterum citat; si compareat, monebitur à Judice, ut ea, quæ de Jure exiguntur v. g. cautionem de Judicio sibi præstet; si se ad hoc offerat, auditur, & recuperat possessionem cum fructibus perceptis, modo expensas refundat Adversario juxta taxationem factam à Judice, celsabitque ita secundum Decretum. At si recuset parere juri, vel post trinam, aut unam peremptoriam citationem non compareat, postquam Judex de causa, & Jure actoris sufficienter cognoverit, decernet missionem ex secundo Decreto; tunc enim contumax pro præsentem habetur. Colligitur ex c. fin. §. in aliis ut lit. non contest. c. constitutis 1. hoc tit. l. cum proponas 9. & Auth. & qui jurat C. de bon. auth. Judic. possid. & docent Schneidev. in §. 1. Inst. de Interdict. n. 14. Haun. tom. 5. de J. & J. tr. 3. n. 121. Pirh. hic n. 18. König ibid. n. 18.

Quæritur 3. an necessarium sit secundum Decretum, ut mittatur actor in possessionem veram rei, quam prius possidebat custodiæ causa per primum Decretum? Certum est in praxi solere interponi secundum Decretum, prout notat P. Vviestner hic num. 12. An etiam de Jure necessarium sit, controversia moveri potest. Affirmant Vvutmsfer. pract. for. l. 1. tit. 7. pag. 38. Gonzal. in cap. 3. ut lit. non contest. num. 32. König hic num. 17. & novissime P. Schmier Process. Judic. c. 3. num. 62. Probari videtur ex Juris utriusque textibus: Civilis quidem l. si finita 15. §. Julianus 16. & §. si quis 20. ff. de damn. infecti, ubi secundum Decretum indistincte requiritur. Canonici autem §. in aliis citat. ibi: Dominum possessionis Judex tribus edictis legitimis evocabit, & tunc ipso in eadem voluntate manente, negotium summarium examinans, in possessionem ipsarum rerum actorem mittere non tardabit, omni allegatione absenti super principali questione reservata: quem textum de secundo tantum Decreto intelligunt Cuiacius in Rubr. hic, & Gonzal. loc. citat. num. 12. Conf. ex cap. constitutis 1. hoc tit. ubi in Judicio possessorio cujusdam Ecclesiæ secundum Decretum post annum interponitur eo fine, ut amodo, hoc est, à tempore Decreti, possessio transferatur.

Sed distinguendum est inter actiones personales, & reales; in personalibus indubitato requiritur secundum Decretum, in realibus non requiritur, sed lapso tempore unius anni ab ea die, qua actor per primum Decretum missus est in possessionem rei custodiæ causa, si perseveret contumax non comparere, ex vi primi Decreti mittitur in possessionem veram. Habetur c. contingit 9. in fin. de dol. & contum. cap. Pastoralis 11. fin. de Offic. Ordin. & §. in aliis cit. vers. quod si cautionem, ubi dicitur, quod si reus cautionem offerre neglexerit intra annum, actor post annum verus constituatur possessor, nulla mentione secundi Decreti facta. Consentunt Abb. in §. in aliis cit. n. 16. Host. in Summ. de dol. & contum. num. 13. Durand. Specul. l. 2. p. 2. tit. de secundæ Schmalzgrueber Tom. II.

Decret. §. videndum 4. nu. 20. Vivian. in cap. 1. hic vers. missus, ubi ait ad cautelam secundum Decretum quandoque impetrari, sed non esse necesse, Oliva for. Eccl. p. 3. quest. 26. num. 57. Haun. tom. 5. tract. 3. num. 124. Vallenf. hic num. 2. Zoef. num. 2. Engl. num. 2. Schamb. n. 5. Vviest. n. 11. Reiffenstuel n. 31. Ratio est, quia qui agit actione rei vindicativa, vel alia reali, dicit se dominum rei esse, vel saltem jus in re in illa habere, idque propter contumaciam Rei præsumitur verum esse: is autem, qui agit actione personali, tantum allegat debitum, nullum autem præten dit jus circa possessionem rei. Igitur ut actor, agens actione personali, acquirat veram possessionem rei alienæ, requiritur aliud quoddam Decretum, quo hæc possessio ei adjudicetur, non autem opus est alio Decreto apud eum, qui agit actione reali; nam primum Decretum actor ita factus est possessor, ut casu, quo reus per annum maneat in contumacia, evadat incommutabiliter possessor rei petitiæ, habeatque non solum naturalem, sed etiam civilem possessionem cum jure lucrandi fructus; quod in eo, qui agit actione personali, non fit.

Atque hinc fit 1. quod actor agens actione reali, si obtenta possessione illius rei, cujus dominium prætendebat contra contumacem, fortè sibi metuat fore, ut, si quis in futurum sibi de proprietate litem moveat, à Judice possit petere, ut certum terminum statuatur, intra quem contumax reus, vel quicumque alius, qui putat dominium sibi competere, litem intenter, quo termino elapso non amplius sit audiendus l. fin. Cod. de Jur. dom. impetrand. Fit 2. quod si post annum à primo Decreto lapsum Adversarius resistat actori, & impedire velit, ne possessionem capiat, saltem cum assistentia Judicis actor possit de possessione sua de jure Adversarium; quia jam non Adversarius, sed actor est verus possessor rei. Fit 3. quod super possessionis causa non amplius audiat reus, sed tantum super causa proprietatis; nam de hac eidem reservatur quæstio, ut adeò ex reo actor fiat, & evadat conditionis deterioris.

Neque contrarium efficaciter probatur ex allegatis pro sententia adversa textibus; nam in §. Julianus sermo ianiorum est de actione personali; in §. in aliis autem de primo Decreto, sed quod in casu ibi relato vim habet transfrendi veram possessionem.

Quæritur 4. intra quod tempus decernenda sit missio in possessionem per secundum Decretum? Resp. regulariter expectandus est annus inter unum, & alterum Decretum. Ita Host. tit. de dol. & contum. n. 14. Abb. in §. in aliis citat. num. 41. Marant. p. 6. tit. de contumac. num. 12. Oliva p. 3. quest. 26. num. 81. & patet ex rextibus utriusque Juris: Civilis quidem l. si quis 8. §. sed & si 3. Cod. de præscript. 30. vel 40. annorum, in qua annalis spatii mentionem Imperator facit, ibi; Licebit ei -- intra annum se offerenti, cautionemque suscipiende litis danti eandem rem recipere. Canonici autem c. pastoralis 11. §. præterea de Offic. Ordin. cap. fin. §. in aliis ut lit. non contest. c. contingit 9. de dol. & contum. c. constitutis 1. & c. seq. hoc tit. quibus textibus decernitur veram possessionem in actorem post annum transferri.

Dixi autem regulariter; nam aliquando, si causa juxta id postulaverit, citius interponi potest, ut cum cit. docet Menoch. de arbitr. cas. 6. ult. Pax Jordan. tit. 13. n. 103. Zoef. hic n. 2. Pirh. n. 18. & ratio est, quia regulariter non tenetur Judex tempus à Jure statutum ad momentum observare, sed potest id pro causæ qualitate, & quantitate, personarum obedientia, vel contumacia nonnunquam arctare, nonnunquam prorogare arg. l. qui pro tribunali 2. ff. de re judic.

Dubitatur, à quo tempore computetur annus pro secundo Decreto definitus? Resp. si inter diem primi Decreti, & secutiæ missionis intermediet tempus aliquod ex culpa Rei, annum computari à die primi Decreti; secus, si reus in culpa non sit. Abb. loc. cit. n. 47. Reiffenstuel hic à n. 20. P. Schmier c. 3. cir. n. 78. & duob. seqq. Pars prima responsionis eruitur ex c. contingit cit. ubi declaratur, casu quo propter Rei potentiam, sive dolum actor intra annum rem custodiendam nancisci non potest, vel acquisitam amittit, actorem verum constitui elapso anno possessorem; numerabitur itaque juxta hunc textum annus eo casu à die Missionis decretæ; & additur ibidem ratio, ne reus de malitia sua re-



portet commodum. Pars secunda sumitur ex §. in alius citat. ubi currere supponitur annus à tempore, quo actor missus est in possessionem rei petitæ, cons. à die executionis primi Decreti; & meritò; nam constitutio hujus cap. pœnalis est, ut verba indicant ibi *Tadio affectus veniat responsurus*. Igitur locum non habet, ubi culpa non intercedit, sed excusabitur reus eo casu objecto legitimi impedimenti.

36 Quæritur 5. quæ causæ excusent reum, si intra annum non comparuit, nec cautionem præstitit? Resp. 1. excusatur reus, si prohibitus fuit interveniente legitimo impedimento. Ubi duo notanda sunt; *primum* est, ut impedimentum tale sit, quod non potuerit amoveri commodè; nam si amoveri, vel differri potuit, ut nuptiæ, vel alterius negotii tractatio, nomen impedimenti non meretur. *Alterum*, ut impedimentum hoc probeatur per testes ad minimum duos, vel per documenta idonea, e. g. morbus per litteras Medici, aut saltem per Juramentum Rei, si aliæ probationes haberi nequeunt, & Judici, consideratis circumstantiis, & qualitate personæ, sic visum fuerit. Haun. tom. 5. tract. 3. num. 122.

37 2 Excusatur reus, si per ipsum non stetit, ut cautionem præstaret, ut si missionem in possessionem passus obtulit cautionem Judicibus, & hi illam non recipiant; tunc enim non currit ei annus; sed etiam post annum cautio recipi, & possessio ipsi restitui debet. Ita statuitur c. cum sicut 2. & c. seq. hoc tit. & docet Gloss. in cap. 1. hoc tit. V. parati, Vivian. ibid. in ration. vers. licet, Laym. eod. c. n. 1. Barbof. in c. 2. cit. n. 1. Pax Jordan. n. 22. Zoef. n. 1. Pirh. num. 2. & 3. Ratio est, quia si per me non stetit, quo minus faciam, quod debeo, non est mihi imputandum Reg. 41. in 6. & quando non stat per eum, ad quem pertinet, quo minus conditio impleatur, perinde haberi debet, ac si impleta fuisset l. Jure Civili 24. ff. de condit. & demonstr.

38 3 Excusatur reus, si ipse appellet contra processum Judicis, & appellatio sit rationalis; tunc enim possessio, præstita cautione, restitui debet; & idem est in quocunque alio casu, in quo constat reum conventum contumacem non fuisse, prout recte advertit Gloss. in cap. cum venissent 3. hoc tit. V. eod. Vivian. ibid. in ration. Barbof. in c. 2. cit. num. 1. Pirh. hic n. 8. & ratio est, quia missio in possessionem ex primo Decreto fit in odium contumacis. Igitur ubi contumacia abfens fuerit, pœna hæc tolli debet; nam ubi culpa non est, etiam pœna locum non habet. Excipitur, nisi liquidato credito per sententiam definitivam immisus fuisset; nam hoc casu debitor, etsi sine contumacia abfens fuerit, ad recuperationem bonorum non admittitur, nisi prius solverit integrum debitum liquidatum, ut rectè notat Pax Jordan. num. 206. & apud hunc Bartol. Alex. Peregr. & alii plurimi.

39 Quæritur 6. quid Juris, si actor, ex primo, & secundo Decreto in rei petitæ, vel aliorum Adversarii bonorum possessionem missus, ob hujus potentiam, vel dolum, ea realiter nequeat apprehendere, detinere, & possidere? Resp. eo casu illum fitione utriusque Juris perinde haberi, ac si rem, vel bona, in quæ missus est, realiter detineret; ac proinde, elapso anno ab interpositione primi decreti, vel per secundum Decretum, vel si actio sit realis, sine illo sit verus possessor; & si etiam tunc obfistat Adversarius, & ab actuali apprehensione Actorem arceat, etiam sine hac incipit rem illam præscribere, aliaque commoda possessionis consequitur, prout patet ex cap. contingit 9. de dolo, & contum. & l. quomodo 13. juncta Gloss. ibidem V. perinde de ff. de reb. aucth. Judic. possid. quod statuendi causa justissima fuit, ne reus ex malitia sua commodum referat, & prodesse videatur inobedientia justum imperium, & auctoritatem contemnens, obesse contra obedientiam eadem reverenter observantis.

40 Quæritur 7. quid Juris, si super aliqua re actione personali conventus dicat, se dominum illius non esse, quod eam non suo, sed alieno nomine possideat? Resp. eo casu multum interesse, an conventus jus in illa re aliquod habeat, an verò sit præcisè detentor rei. Si hoc secundum, nominare dominum, aut verum ejus possessorem debet, & statuetur ei terminus, intra quem faciet dominum comparere; qui si intra tempus datum non comparuerit, Judex illum citabit;

quo adhuc non veniente, Judex mittet actorem in possessionem veram, præmissa tamen summaria cognitione negotii, & Juramento calumniæ ab actore præstato §. in alius cit. & l. si quis 2. Cod. ubi in rem actio & c. Si primum, videndum, an ita conventus conveniatur super ipsa re, an super jure, quod ipse in illa habet, v. g. quia est Usufructuarius, Emphyteuta, Vassallus. Si super re ipsa, iterum nominabit dominum, vel si nominare illum noluerit, itaque suo nomine contestatur litem, pro eo habebitur, ac si liti se obtulisset, sententia autem contra eum lata ipsi tantum, non etiam domino, aut vero possessori nocebit per Rubr. & text. C. res inter alios acta & c. Si super jure, quod habet in illa re, domino non nominato, suo nomine respondere ipse tenebitur, & si contumaciter renuat, missionem patietur; quia per hoc domino proprietatis non præjudicatur, & obtinetur finis immisionis, ut reus ea fatigatus recedat à contumacia. Videatur Abb. in §. in alius cit. num. 23. Vivian. ibid. in ration. Barbof. num. 24. Haun. tract. 3. num. 175, Vvief. hic n. 18. & 19.

## TITULUS XVI.

Uti lite pendente nihil innovetur.

## SUMMARIUM.

- 1 Litis pendentia inducitur Citatione.
- 2 Etiam in Actionibus personalibus.
- 3 4 5 Requisita, ut eam inducat Citatio.
- 6 Effectus Litis pendentia.
- 7 Facit, ut res litigiosa alienari nequeat.
- 8 Res litigiosa quid?
- 9 Exceptiones.
- 10 Pœna alienantium.
- 11 Lite pendente non potest immutari possessio.
- 12 13 Nec separari conjux à conjuge.
- 14 15 16 Aut institui nova electio.
- 17 18 Vel impetrari rescritum, aut privilegium in præjudicium colligantis.
- 19 20 21 22 Modi, quibus Litis pendentia tollitur.

DICTUM est Tit. præced. posse ob contumaciam Rei absentis actorem mitti in possessionem bonorum illius, de quibus ille huic litem movet. Ne hoc in exemplum quis trahat, & existimet, regulariter pendente lite aliquid innovari posse, statuitur præsentem Titulo, ne lite pendente aliquid innovetur.

Quæritur 1. quomodo inducatur Litis pendentia? Resp. distinguendo inter Jus antiquius, & recentius. Antiquiori Jure tum Canonico, tum Civili Litis pendere censebatur à litis contestatione, prout satis clare colligitur ex cap. parte 30. fin. de V. S. & l. amplius 15. ff. rem ratam haberi l. litigiosam 1. ff. de litigios. & notat Perez in Cod. eod. num. 2. cum aliis. Ar Jure recentiori Clem. 2. hoc tit. & Auth. litigiosa C. eod. litis pendentia inducitur ab eo tempore, quo libellus, clare in eo expressa actoris intentione, oblatum est Judici competenti, & ab isto ejus insinuatio reo facta per citationem, vel saltem per istum stetit, quo minus ad se citatio perveniret. Vivian. in Clem. cit. vers. lis dicitur, Pax Jordan. l. 14. tit. 14. n. 3. Haun. tom. 5. tract. 3. num. 62. & tract. 4. n. 713. Perez loc. cit. n. 3. Schambog. hic n. 2. Vvief. n. 2.

An in actionibus tam realibus, quam personalibus hoc procedat, dubium moveri potest. Perez num. 3. cit. putat procedere tantum in realibus, in personalibus vero requiri contestationem litis ad effectum rei litigiosæ, ex ratione, quod Auth. litigiosa cit. tantum meminerit actionum realium, ut proinde quoad personales Jura priora perdurare intelligantur. Alii tamen docent, etiam de his procedere dispositionem Juris Recentioris; & clarum hoc videtur esse de Jure Canonico; nam Clem. citat. indistinctè loquitur. Est tamen inter actionem realem, & personalem hoc faciendum discrimen, quod in actione reali res fiat litigiosa, in personali non res, circa quam instituta est actio, sed instantia, in eum finem, ut is, qui primus eandem movit, non possit illam alteri cedere, nisi simul in eum transferat omnia Jura, quæ habet contra Adversarium suum, cui movit litem.



3 Quæritur 2. quid requiratur, ut Litis pendentiam inducere possit Citatio? Resp. 1. requiritur, ut Citatio fuerit valida; nam quæ invalida est, quia v. g. facta est ad diem feriatum, vel à Judice incompetente, Litis pendentiam non inducit. *Clem. 2. h. c. tit.* Excipitur, si Judex citans incompetens quidem sit, talis tamen, ut citatus reneatur se illi sistere, & allegare privilegium suum; nam hujus incompetencia non impedit, quin citatio ab eo facta litis pendentiam inducat, ut bene notat Jordan. *tit. 14. cit. n. 3.* Minus litis pendentiam impedit, quod contra illum exceptio fieri possit, quia v. g. suspectus est, aut Jurisdictionem delegatam impetravit per rescriptum aliquod subreptitium; nam in his casibus ante exceptionem oppositam censetur competens. Vivian. *in Clem. cit. in fin.* Pax Jordan. *n. 3. cit. Pirh. hic n. 2.*

4 2 Requiritur, ut ad citatum pervenerit citatio; neque etiam ad litis pendentiam inducendam sufficit sola citationis emanatio, prout illa sufficit, ut Judicis delegati Jurisdictio prorogetur *c. gratum 20. de offi. delegat.* quia prorogationis, & litis pendentiæ diversa est ratio; de hac enim expresse à Jure statutum est ut lis pendere non dicatur, nisi citatio ad citatum perveniat, vel per eum stetit, quo minus pervenerit. *Clem. 2. cit.* Rationem dat Vivianus; quia ubi ex aliquo actu debet insurgere effectus, requiritur, ut actus ille ex suis partibus sit perfectus. Ad citationem autem tanquam ultimam ejus pars pertinet intimatio, qua nuntius teo decretam citationem denuntiat. Ergo &c. Excipitur, si per reum stetit, quo minus citatio ad eum venerit; tunc enim idem est, ac si ad eum pervenisset, ut expresse *Clem. cit.* Ratio est, quia per quem stat, ne citatio ad ipsum perveniat, habetur pro citato. Gloss. magna *in Clem. cit. not. ult.* alioquin ex sua malitia commodum reportaretur, cum tamen dolus, & fraus nemini debeant patrocinari *c. Sedes Apostolica 15. de rescript.* & non debet esse melioris conditionis contumax, quam obediens *c. contumigit 9. de dol. & contum.*

5 3 Requiritur, ut ex tenore citationis plene cognoscere citatus potuerit, quia de re futura sit controversia. *Clem. cit.* Ratio est, quia non est conveniens, ut ad sciendum, super quibus citetur, vagetur, reus in incerto sine culpa, & divinare teneatur. Accedit, quia alias plurimæ ab actore possent committi fraudes, dicendo se citasse illum pro una re, & sic facere illam litigiosam, cum tamen citaret illum pro alia. Denique citatus debet posse deliberare, quid facere velit, an litem suscipere, vel ei cedere; quod fieri non potest, nisi in citatione sufficienter instruat de causa. Hinc Gloss. *fin. in Clem. cit.* monet, consultum esse, ut actor curet libelli copiam citationi inseri. Excipiuntur causæ, quæ agitantur in Curia Romana; in hac enim ad inducendam litis pendentiam, & revocanda etiam postea attentata sufficit, quod citatio facta sit per Nuntium, seu Cursorem, & ad partem citatam legiime pervenerit, ut resolvit Rota Romana *Decis. 9. alias 279. in novis*, & advertit Pirh. *hic n. 2.*

6 Quæritur 3. quis sit effectus Litis pendentiæ? Resp. si Citatio habeat omnia, quæ à n. 3. recensita sunt, requisita, facit, ut ab eo tempore, quo lis pendere incepit, circa rem, de qua agitur, vel ejus possessionem, aut etiam circa jus, quod eo tempore viguit, nihil sit innovandum, quo liti pendentiæ qualitas, & status causæ in actoris, vel rei præjudicium aliquo modo immutetur, sed omnia relinquenda in eo statu, in quo fuerunt tempore liti contestatæ, usque dum causa definitive terminetur; si contra quid factum, illud revocandum, & lis peragenda, ac si nihil factum esset. Ita Host. *in Summ. hoc tit. n. 1.* Gonzal. *in c. 2. hoc tit. n. 5.* Barbof. *in c. 1. eod. n. 1.* Henr. Canis. *n. 2.* Pirh. *n. 3.* Zoel. *n. 2.* Schamb. *n. 4.* Vviesl. *n. 4.* & constat clare ex præsentis Rubrica, quæ cum orationem perfectam contineat, Ius inducit, ut notavi ad *Tit. 6. n. 1. supra.* Nec levi hoc etiam nititur ratio ne; nam Juris utriusque principium est, ex alieno facto alterius conditionem detererem fieri non posse, ut innuitur *c. Ecclesia 3. hoc tit.* & habetur *l. omnibus 1. ff. de alienat. Judic. mut. caus. & l. non debet 74. ff. de R. J.* hoc autem fieret, si lite pendente, inverso ordine, aliquid innovaretur, vel citra ipsam rem, de qua agitur, vel circa ejus possessionem, vel circa Ius, quod eo tempore

vigebat. Igitur ne in aliquo causa Rei fiat deterior, pendente lite in statu antiquo permanere omnia debent, neque aliquid innovari, per quod liti pendenti qualitas innovetur. Excipe nisi, liti pendentiæ inducenda fuisset per dolum, & fraudem ex parte adversa; tunc enim lite taliter pendente non impediretur executio.

Hinc optime statutum utroque Iure est, ut res, aut actio litigiosa, pendente lite, non alienetur, vel in alium transferatur, & si alienetur, retrahatur, aut si retrahi nequeat, alia ejusdem valoris in illius locum subrogetur, quæ proinde, cum subrogatum assumatur, & conditiones rei, cui subrogatur, etiam ipsa alienari nequeat, donec lis sit decisa, prout habetur *can. fin. caus. 11. q. 1. c. Ecclesia 3. & 4. hoc tit. l. fin. ff. & l. lite 2. c. de litigios. & Novell. 112. c. 1.* Ratio est, quia talis alienatio immutaret statum rei, eaque conditio Adversarii posset fieri durior. Accedit; quia in Judiciis quasi contrahitur. *l. licet 3. §. idem 11. ff. de peculio*; & res in Iudicium deducta ita præstari debent, ut erat liti contestatæ *l. cum fundus 31. ff. de reb. credit.* sed non posset ita præstari, si alienatio sustineretur. Ergo &c. *Proceditque hoc*, ut res litigiosa etiam non possit locari, saltem ad longum tempus, prout sumitur ex *c. Ecclesia 4. hoc tit.* & ratio est, quia locatio facta non ad modicum, sed longum tempus nomine alienationis comprehenditur. *Clem. 1. in fin. junct. Gloss. V. ad tempus modicum de reb. Eccl. non alien.* Extenditur, ut procedat etiam in Beneficiis; nam lite pendente super Beneficio, ejus renuntiatio nulla est, ut notat Gonz. *in c. 4. cit. n. 11.* & alii apud eundem citati. Neque obstat, quod eisi res alienetur, adhuc persona supersit, quæ in Iudicio condemnari potest, & sic actor sibi querere satisfactionem; quia non parum actoris interest rem ipsam consequi, erga quam affectionem habere poterat, deinde accidere potest, ut reus non sit solvendo; unde securius actor erit rem litigiosam eodem in statu persistere, ne novum Iudicium cum magno suo damno contra tertium possessorem inchoare eidem necesse sit.

Porto Res litigiosa, seu vitio litigii affecta tum dicitur, quando super ejus dominio, vel quasi, utili, vel directo lis inter petitem, & possessorem versatur *auth. litigiosa C. de litigios.* Hinc quando lis pendet super sola possessione rei, vel quasi, non ipsa res, sed sola possessio litigiosa evadit; conseq. non res, sed tantum possessio, lite tali pendente, in alium transferri prohibetur. Idem est, quando circa illam intentatur actio personalis, aut etiam Hypothecaria, Serviana, vel quasi. Gloss. *in Auth. litigiosa cit. V. dominio Menoch. l. 2. præsumpt. 97. à n. 7. Farin. Fragment. crim. p. 2. V. litigiosa à n. 276.* Sichard. *C. de litigios. n. 1. & seqq. Brunnem. in Auth. litigiosa cit. n. 2. Passerin. in c. 1. hoc tit. in 6. n. 13. Vviesl. hic n. 15. & 16.*

Plures tamen sunt casus, quibus res litigiosa alienari, & in alio transferri potest. Et 1. quidem ex causa dotis vel donationis propter nuptias *l. fin. §. fin. autem 1. in fin. C. de litigios.* quia hæc propter affectionem nuptiarum videtur esse causa necessaria, quod fortasse non suppetant res aliæ, quæ eo nomine dari possint, & sic cesset præsumptio divexandi Adversarii. Sichard. *in l. fin. cit. n. 11.* Brunnem. *ibid. n. 6.* Perez *C. eod. n. 7.* Vviesl. *hic n. 19. 2.* Causa transactionis, aut divisionis rerum hæreditariarum *§. fin. autem cit.* nisi omnia ejusmodi bona litigiosa essent inter hæredes, eorumque Adversarium; hoc enim casu in illius præjudicium dividi inter non possent. Cephall. *Conf. 64. n. 28.* Farin. *loc. cit. n. 266.* Sichard. *n. 22.* Brunnem. *num. 6. cit. Vviesl. n. 20. 3.* Per ultimam voluntatem, seu viam institutionis, aut etiam legati *§. fin. autem cit. & Novell. 112. cap. 1. §. & hoc autem.* Casu tamen, quo res litigiosa legatur, hæres litem cum defuncto cœptam periculo, & commodo legatarii prosequetur, ita ut iste, si hæres vicerit, legatum, si vincatur, nihil consequatur, atque sic nihil, quam eventus, & exitus litis relictus videatur *§. hoc autem cit. Auth. nunc hæres C. de litigios.* Sichard. *in l. 4. Cod. eod. n. 23.* Brunnem. *in Auth. cit. Perez eod. tit. num. 8.* Vviesl. *num. 21. 4.* Cum consensu colligantis, vel gratia Principis, imo aliquando ex justa causa, puta, quod res aliquoquin esset peritura, permissione Judicis. Farin. *loc. cit. num. 270.* Vviesl. *n. 22. 5.* Si alienatio fiat ab aliquo tertio,



cui ea cum colligante est adjudicata; cum enim respectu tertii vitiosus litigiosus affectus non sit, alienatio ab ipso facta erit valida. Menoch. *presumpt.* 97. *cit.* n. 45. Perez *loc. cit.* n. 4. Vviesl. *n.* 22. *cit.* 6. Si ab ipso colligante alienetur, & obligetur in eum casum, quo litigiosa esse desinet. Sichard. *in l.* 4. *cit.* n. 20. Brunnem. *ibid.* n. 6. Vviesl. *n.* 23. 7. Si pendente lite, Adversarium injuste, & calumniose agere, ipsi autem alienanti jus competere evidenter constet, Menoch. *n.* 48. Brunnem. *n.* 6. *cit.* 8. Si alienatio fiat pro solutione funeris, pro solutione debiti, pro cibariis familiae, vel pro alia causa necessaria; quia necessitas est extra, vel supra legem. Vivian. *in c.* 3. & *hoc tit.* Haun. *tom.* 5. *tr.* 4. *n.* 718. Pirh. *hic n.* 14. Konig *n.* 5.

10 Quoad penam alienantis rem litigiosam; distinguendum est, an is, qui empione, vel alio modo ab alienante sibi illam comparavit, sciverit rem esse litigiosam, vel ignoraverit. Si hoc sciverit, contractus, vel alienatio non tener, lis tamen procedet, sicut prius, & emptor perdet pretium, venditor vero de suo dabit tantundem, & utraque quantitas applicabitur fisco, Si ignoraverit, pretium à venditore recuperabit, atque insuper tertiam partem aestimationis rei ab eodem recipiet ob dolum, & sui deceptionem, duæ autem partes reliquæ cedent fisco, prout habetur *l. fin. C. de litigios.* Gloss. *in c.* 3. *V. litigiosi hoc tit.* Et sic venditor, qui litem ignorare non potuit, solus in duplum plectitur; quia improbe fecit, dum non manifestavit, emptori, quod res litigiosa esset. Sichard. *l. fin. cit.* n. 7. Perez *Cod. eod.* n. 6. Pirh. *hic n.* 14. Et eodem modo punitur donator, & donatarius sciens, vel ignorans rem esse litigiosam, ut patet ex *l. fin. cit.* In dubio præsumitur emptor, & donatarius ignorasse vitium litigiosum. Sichard. *n.* 8. quia semper præsumendum est id, quod est levius, ne in delictum incidatur *l. merito § 1, ff. pro socio.*

11 Quæritur 4. utrum lite pendente possit immutari possessio, eaque transferri in alium? Videtur posse ob varios Juris textus. Er 1. quidem *c. dilectus* 2. & *c. fin. de sequestr. poss.* & *fruct.* privatur possessor lite pendente commodo possessionis per sequestrationem rei, & fructuum apud tertium facta, & hoc non solum, quando periculum est dilapidationis, sed etiam, ut in *Clem. un. eod.* habetur, si eos possessor non dissipet. 2. *can. accusatum* 14. *caus.* 2. *q.* 5. *c. accusatum* 4. & *c. seq. de Simon.* accusatus de Simonia, etiam pendente lite, removetur à celebratione Missarum 3. *c. cum persona* 7. *vers. fin. de priv. in 6.* is, qui allegat privilegium contra jus commune, etiam præscriptione munitum, lite pendente in illius privilegii possessione non defenditur: Igitur lite pendente privari possessione sua pristinus possessor potest.

Sed certa est negativa sententia, juxta quam possessio lite pendente immutari non debet, sed potest possessor, etiam dum lis pendens est, uti possessione sua, ut prius, nec commodis ejusdem privari debet. Ita Vivian. *in Clem.* 2. *hoc tit. in ration.* Barbof. *in c.* 4. *eod.* n. 1. Fermosin. *ibid.* n. 2. Pirh. *hic n.* 3. Engl *n.* 2. Ratio est, quia qui utitur possessione sua, ut prius, nihil dicitur innovare, sed potius Jure vetere uti.

Neque obstant Argumenta contraria. Ad 1. textus *Clem. cit.* solum loquitur de casu, quo sententia in causa Beneficiali apud Curiam Romanam lata est adversus eum, qui nondum triennalem possessionem impleverat; nam eo casu ex speciali causa Jure novissimo admittitur sequestratio, ut compelleretur malitia litigantium, prout patet ex textu. Ad 2. Jura ibi *cit.* ut explicat Fermosin. *in cap.* 1. *hoc tit. q.* 1. *n.* 8. procedunt, quando non solum accusatio de Simonia intervenit, sed etiam præcessit publica infamia: non est autem novum, ut ob atrocitatem criminis, de quo aliquis diffamatus est, admittantur plura contra Juris regulas, & rigorem. Ad 3. ibi adversus præscribentem obstabat vehemens malitiæ præsumptio, cui favere, & patrocinari videbatur Jus commune; unde in eo casu non sufficit præscriptionem allegare, cum odiosa sit, sed eam plene probare necesse est.

12 Quæritur 5. utrum conjux, pendente lite, qua agitur de divortio ob adulterium, vel impedimentum dirimens, separari à conjuge altero Iudicis autoritate possit? Videtur posse ob textus sequentes. 1. *re-*

*nor.* 10. *de sent. & re judic.* ubi pendente lite, separantur conjuges, & privantur commodo possessionis, siquidem sub pœna Excommunicationis interdicitur eis consortium carnale. 2. *c. litteras* 13. *de restit. spoliat.* ubi lire mota super matrimonio, & opposita consanguinitatis exceptione, denegatur restitutio quoad commixtionem conjugalem. 3. *c. sum locum* 14. *de sponsal.* ubi cum accusaretur Matrimonium, & nullum diceretur propter metum, jubetur, ut lite pendente uxor deponatur apud honestas marronas.

Sed dicendum, quando agitur de divortio ob adulterium, vel impedimentum dirimens, pendente lite, non debere conjugem à conjuge altero separari autoritate Iudicis, vel privari commodo possessionis Juris conjugalis, sive carnali commercio, donec de crimine adulterii, vel Impedimento legitime probatum sit, & lis decidatur. Ita statuitur *c. laudabilem* 2. *hoc cit.* & notat *ibidem* Abb. *n.* 1. & *seqq.* Vivian. *in ration.* Fermosin. *q.* 1. *n.* 2. Gonzal. *n.* 3. & *seqq.* Barbof. *num.* 1. Vvagner. *not.* 1. Henr. Canif. *n.* 2. Laym. *n.* 1. Vall. *n.* 2. Zoef. *n.* 2. Pith. *n.* 9. & 10. Engl *n.* 2. Schamb. *n.* 4. Vviesl. *n.* 8. & alii apud istos. Ratio est, quia ex quo litis pendencia reperit conjuges ejusmodi in quietâ possessione conjugali, præsumptio est pro Matrimonio, & quod conjux licite eo utatur *c. ex transmissa* 8. *de restit. spoliat.* Unde cum eo casu, quo notorie nondum constaret de defectu proprietatis, unusquisque pendente lite sit conservandus in sua possessione *c. in litteris* 5. *eod.* sequitur, quod conjux lite pendente super matrimonio, commodo possessionis suæ privari non debeat. Et hoc verum est etiam post probatam accusationem, & conclusionem factam in causa; quia adhuc per appellationem totum factum suspendi potest; appellatione autem pendente, & tempore, intra quod fieri debet, nihil est innovandum *c. non solum* 7. *de appellat. in 6.*

Diligenter tamen hic est notandum dispositionem *c.* 13 *laudabilem cit.* solum procedere quoad Iudicem, non vero etiam quoad partes, teipsos conjuges. Hinc est Iudex, pendente lite, quod adulterum, vel impedimentum nondum sit notorium separationem non possit facere, ipse tamen conjux, qui de impedimento dirimente est certus, non potest exigere, & reddere debitum conjugale, ne peccatum incurrat, sed potius sustinere excommunicationem debet juxta *c. litteras* 13. *de restit. spoliat.* Similiter conjux, conscius adulterii facti ab altero conjuge non tenetur expectare litis exitum, sed ante istius finem abstinere potest à redditione debiti conjugalis; imo si velit agere ad separationem thori, debet sic abstinere, ut recte advertit Fermosin. *q.* 1. *cit.* n. 5. ratio est, quia si à Iudice minime coactus redderet, esset condonatio adulterii, ac jus petendi divortii extingueretur.

Textus in contrarium allati non obstant assertioni.

Ad 1. Assertio procedit de casu, quo Matrimonium primo contractum est Ecclesia approbante, de quo postea agitur, vel ad dissolutionem vinculi ob impedimentum, vel ad separationem thori ob adulterium; in casu autem *c. tenor. cit.* contractum fuit Matrimonium contra prohibitionem Ecclesiæ, quia eo casu sponsus, pendente lite super valore matrimonii primi contraxit secundum; est autem inter hos duos casus maxima disparitas; nam in casu assertionis conjuges habent possessionem veram, in altero vitiosam: unde ratio est, cur in priore casu conjuges defendantur in sua possessione, non autem defendantur contrahentes in posteriore. Ad 2. restitutio *in c. litteras cit.* solum denegatur, quia alter conjugum paratus erat in continenti consanguinitatem probare; & quoniam periculum erat incestus, ad hoc periculum evitandum recte constitutum est, ut lite pendente sequestraretur mansionis cubiculum, & cohabitatio suspenderetur. Ad 3. in eo casu nondum erat consummatum matrimonium: nostra autem assertio procedit solum, cum per matrimonii consummationem jam est acquisita plena ejusdem possessio.

Quæritur 6. an casu, quo duo in discordia electi ad idem beneficium, vel Prælaturam, super electione inter se litigant, & pendente lite unus moritur, vel renunniat electioni, lite super jus superstitis nondum decisa, procedi possit ad aliam electionem? Resp. non posse; erique hæc electio, si attentata fuerit, ipso Jure irrita, ut habetur *cap. di-*



*cap. dispendiis* 1. *hoc tit. in 6.* & docent Vivian. *ibidem in rational.* Passerin. *num. 1.* Fermos. *ad Rubr. hoc tit. num. 4.* Vallenf. *num. 2.* *fin.* Pirb. *num. 17.* Schambogen *num. 8.* Vviest. *num. 10.* Ratio est, quia per hoc, quod unus collitigantium fuerit mortuus, non cessat Beneficium illud, vel Prælatura litigiosa esse; nam dubium adhuc manet, an Jus ad Beneficium illud superstes habeat, quo jure ne hic priveretur, electio nova iuterea suspendi debet.

*Proceditque hoc* 1. & multo magis, si uterque litigans superstes sit; tum enim uterque læderetur per electionem tertii. *Excipe*, nisi, qui sic in discordia electi sunt, litigent in fraudem super electione sua, ut aliam novam electionem impediant, præsertim si notoriè constet neutri eorum jus competere; cum enim notoria in jus deduci non debeant *c. quoniam* 10. *de fil. presbyr.* non potest dici tunc litem pendere in ordine ad novam electionem impediendam.

*Procedit* 2. etsi deinde constet, quod superstiti in Beneficio Jus nullum ex electione circa se celebrata competat; nam non obstante superveniente ista notitia, electio tertii lite pendente facta manet invalida; quia initio fuit invalida, & quod ab initio vitiosum est, non potest tractu temporis convalescere, ut ait Paulus, *Reg. 29. ff. de R. J.* Neque obstat, quod *cap. ex parte* 10. *de arbitr.* hujusmodi nova electio invalida solum pronuntietur, si superstiti prius electo jus competat; unde per argumentum à sensu contrario videtur colligi, celebratam casu, quo superstiti nullum Jus competit ex electione sua, fore validam. Dicendum enim huic argumento post Constitutionem Bonifacii VIII. *cap. dispendiis citat.* locum non esse amplius; quia per hanc irritata est omnis nova electio celebrata lite pendente, idque propter publicum Ecclesiæ bonum ne multiplicatio electionum proroget litem, indeque orta diuturna vacatio in Ecclesiæ, ejusque rerum dispendium cedat.

*Procedit* 3. etiam si lis sit de Beneficio obtento. Casus est iste: Titius Cajo possessori Beneficii litem movit, Cajus per actionem confessionariam petit, se quasi dominum Beneficii declarari, moritur pendente hac lite Casus, vel lite cedit; non potest hoc casu ad Beneficium litigiosum præsentari, vel eligi tertius. Ita statuitur *cap. fin. hoc tit. in 6.* & ratio sic statuendi fuit, ne Ecclesiæ ob subrogatos; seu novos possessores beneficiorum damnum, & dispendium patiantur, & superstiti, litiganti creetur præjudicium, quod utique fieret, si per novam electionem, vel collationem superinduceretur novus possessor; facilius enim litigans superstes obtinebit vacuum possessionem Beneficii, quam si novus possessor in locum prioris sit substitutus.

*Procedit* 4. etiam in casu, quo Beneficium non via electionis, sed præsentationis, institutionis, vel liberæ collationis obtentum fuit; quia hæc in Jure in plerisque æquiparantur electioni, & ratio pugnat omnino eadem. An autem hoc casu patronus Laicus variare, & à se prius præsentato post obitum, vel renuntiationem collitigantis superaddere alium nova præsentatione possit, litigant DD. Affirmant Joan. Andr. *in cap. 1. hoc tit. in 6.* & Lambertin. *lib. 2. de Jur. patronat. part. 1. quest. 6. art. 12.* ex ratione, quia patrono Laico variandi jus indistinctè competit *per cap. quod autem* 5. *cum autem* 24. & *cap. de Jur. patronat.* & huic Juri *per cap. 1. & cap. fin. hoc tit. in 6.* derogatum non est, cum priori sermo sit de electione, & collatione, posteriori agatur de præsentatione facta casu, quo collitigantium alter institutus, & in possessione jam fuit. Tenenda est via media, & dicendum, posse quidem hoc casu à Patrono Laico præsentato à se superaddi collitigantem præsentatum ab alio Compatrono; non autem posse tertium distinctum. Ita Roch. de Curte *de Jure patron. V. honorificum quest. 23. num. 53.* Covar. *pract. qq. c. 36. num. 7. vers. tertio* Garz. *de benefic. part. 5. cap. 9. n. 217.* & 219. Passerin. *in cap. 1. hoc tit. in 6. num. 7.* Vviest. *his num. 12. & 13.* Ratio secundi est, quia per ejusmodi variationem, & subrogationem tertii multiplicarentur lites, & prorogarentur cum dispendio Ecclesiæ, & præsentari à compatrono cujus conditio, novo adversario subrogato, fieret multo deterior. Ratio Primi; quia per superadditionem præsentari à compatrono nemini sit præjudicium, non ipsi præsentato, cujus Jus hac va-

riatione potius confirmatur; non etiam Ecclesiæ, quia sic lis non protrahitur, sed potius abbreviatur; ut adeo cesset ratio omnimoda prohibitionis; conf. debeat cessare ipsa prohibitio.

Quæritur 7. an lite pendente, in præjudicium alterius collitigantis possit impetrari Rescriptum, vel Privilegium? Resp. non posse, sed impetrata, non facta mentione litis pendentis pro subreptitiis, & irritis habenda sunt, ita, ut secundum illa decidi lis nequeat. Sumitur ex *c. à memoria* 1. & *c. fin. hoc tit.* Habetur etiam *cap. causam* 19. juncta Gloss. magn. *ibid. in notat. de testib. & attest. & c. dudum* 31. junct. Gloss. magn. *ibid. in notat. de privil.* Ratio est, quia in dubio non censetur Princeps velle alterius juri præjudicare, vel statum litis mutare. Igitur ex tali Rescripto, vel privilegio procedi non potest, sed de litis pendencia certior fieri Princeps debet, & secunda ejus jussio expectanda. Conf. à pari; nam neque Lex de novo emanans extenditur ad causam litis jam mortuæ, seu pendentis, sed ea decidi, debet secundum antiqua Jura *Novell. 113. cap. 1.* quod Lex futuris det formam negotiis, non præteritis *c. fin. de consir.* ergo multo magis privilegium, quippe odiosum, & exorbitans à Juris communis dispositione restringi debet, & ita accipi, ut non derogat causæ litis pendentis.

*Proceditque hoc*, etsi non ad petitionem; sed motu proprio Princeps dedisset hujusmodi privilegium; nam licet motus proprius tollat suspensionem obreptionis; non tamen extendit privilegium ultra voluntatem concedentis probabiliter præsumptam; præsumitur autem Princeps concedens privilegium concedere illud nolle in alterius præjudicium, nisi hoc specialiter exprimat. Item verisimile est, non concessurum fuisse, si scivisset litis pendentiam, ut optimè notant, communiter hic DD. Ergo &c.

Intelligi autem assertio debet de privilegiis, & rescriptis ambiosis ad gratiam concessis, quibus rei judicandæ præferitur, aut jus partis mutatur, non vero de illis, quibus ad litem finiendam Judices invitantur; nam hæc recte conceduntur, & admittuntur, etiam lite pendente, cum nullum partibus præjudicium afferant, ut recte monet Gonzal. *in c. fin. hoc tit. n. 9.*

Quæritur 8. quomodo tollatur litis pendencia? Varios modos afferunt DD. præsertim Lancellot. *de attentat. lit. pend. p. 2. cap. 4.* Pax Jordan. *l. 14. à n. 19.* Haun. *tom. 5. tr. 4. n. 362. & 720.* Pirb. *hic n. 2.* Konign. *n. 7.* Nam

1. Litis pendencia cessat *per sententiam definitivam*, si non tantum lata, sed etiam lapsu decennii à die latæ sententiæ in rem judicatam transierit, & executioni fuerit mandata *arg. c. cum inter* 13. *vers. quavis de sent. & re judic.* Dixi *per sententiam definitivam*; nam per sententiam interlocutoriam tantum lis cessat super eo articulo, super quo lata est, non autem respectu causæ principalis. *Excipe*, nisi talis hæc sententia interlocutoria fuerit, ut per eam Juxdex pronuntiaverit se esse incompetentem; tunc enim lis non amplius dicetur pendere.

2. *Per cessionem, vel renuntiationem expressam ipsius actionis, vel causæ.* Ut tamen litis pendencia per eam tollatur, quatuor requiruntur. 1. Ut in cessione facta sit litis mentio; nam si in ea non est facta litis mentio, cessio erit nulla, & propterea litem non extinguet. Pax Jordan. *num. 24.* 2. Ut cessio hæc sit acceptata à reo; potest enim reus illam respuere, & velle proferri sententiam; unde utriusque litigantis consensu fieri debet; alioquin lis non extinguetur. Iordan. *loc. cit.* & apud hunc Rota 7. *Jun. 1567.* 3. Si conditionate sit facti opus est, ut conditio sit impleta; nam ante impletionem conditionis nihil ponit in esse juxta regulam conditionalium. 4. Si facta sit à Procuratore, fieri debet ex speciali mandato principalis; quia est quædam quasi donatio, confessio, & declaratio animi posita in voluntate domini. Si his conditionibus, & requisitis instructa sit cessio, & fiat ab eo, qui potest cedere, finitur litis pendencia, adeo, ut si Iudex post ejusmodi cessionem sententiam proferat, hæc ipso Jure sit nulla, ut ex Lancelloto notat Iordan. *n. 23.* Proceditque hoc non solum in causis profanis, sed etiam in Beneficialibus; talis enim cessio in Beneficialibus, quamvis non inducat cessionem Juris, habet tamen vim pacti de non petendo.



21 *Per cessionem, vel renuntiationem etiam tacitam, & implicitam*; qualis est, si litigator acceptat Beneficium incompatible cum Beneficio litigioso, si Procuratores, quos in Curia habet, domum revocat, vel si quoscunque alios actus litis pendentiae contrarios exercet, ex quibus apparere possit de mente, & intentione dimittendae litis. Per hoc tamen solum, quod Adversarius dicat se nolle ulterius prosequi litem, aut per similia verba, praesertim prolata extra Iudicium, non censetur finita lis, ut bene monet Jordan. *loc. citat. numer. 20*. Eandem vim, quam cessio, etiam habet transactio, qua partes inter se invicem componunt litem vel coram arbitro, vel coram Iudice.

4 *Per mortem utriusque litigantis*; mors enim omnia solvit. *Novell. 22. cap. 22. in princ.* Proceditque hoc etiam in morte Civili; item si unus moriatur, & alter cedat, vel renuntiet liti, ut Pax Jordan. *loc. cit. numer. 25. notat.* Dixi per mortem utriusque; nam si unus solum ex litigantibus moriatur, & alter superstes velit prosequi litem, & sententiam expectare poterit.

22 5 *Per lapsum temporis*; de quo vide Tit. 1. supra numer. 79. & seqq.

6 Secundum aliquos per *Desertionem*. Censetur autem lis *deserta*, si per decennium Adversarius litem non sit prosecutus, & ex actis constet de non jure.

7 *Negligentia litigantium*, veluti si impetrans Beneficium post annum non servet secundam partem Regulae de annuali possessore; tunc enim lis dicitur extincta, adeo, ut Ordinarius possit de Beneficio providere, ut cum Rota in pluribus causis firmat Lancellor. *loc. citat. numer. 340.*

8 Voluntate, sive autoritate Papae, vel alterius Principis, si causam ad se avocent, & litem extinguant.

9 Denique Litis pendentia cessat omnibus iis modis, quibus lis aut omnino finitur, aut notorie nulla est.

## TITULUS XVII.

### De Sequestratione Possessionum, & Fructuum.

#### SUMMARIUM.

- 1 Sequestrationis definitio.
- 2 Differentia à Deposito.
- 3 Divisio in Voluntariam, & Necessariam.
- 4 5 Prior generaliter permissa est, non posterior.
- 6 Sequester quid?
- 7 Potest esse etiam Iudex.
- 8 Nemo potest ad id compelli.
- 9 Deponere tamen Officium Sequestri nemo potest ex suo arbitrio.
- 10 11 12 13 Res, quae sequestrari possunt.
- 14 15 16 17 Requisita, ut sequestrari Beneficium possit.
- 18 19 20 21 22 23 Causae, quibus licita est Sequestratio.
- 24 25 26 Requisita ad legitimam Sequestrationem.
- 27 28 29 Effectus.
- 30 31 32 Sequester potest etiam praesentare, eligere, conferre Beneficium, si huiusmodi Jura sibi annexa habeat res sequestrata.
- 33 34 Modi, quibus Sequestrum tollitur.
- 35 Potest Sequestrum passus ex re Sequestrata accipere alienationem, & sumptus litis, si aliunde non habeat.
- 36 Arrestatio quid?
- 37 Differentia à Sequestratione.

IN Titulo priore pro Regula universali positum est, pendente lite, nihil innovari debere: in presenti Titulo universalitas ista restringitur, & lite pendente ex certis causis, certisque circumstantiis permittitur Sequestratio possessionum, & fructuum.

1 Quæritur 1. quid sit Sequestratio? Resp. Sequestratio, sive Sequestrum (nam ex usu DD. teste Harprecht in §. praeterea 3. Inst. quib. mod. re contrah. oblig. hæc duo nomina idem sonant) Germanicè *Dinder-legung*, seu *Afsand-baltung*, est rei controversae, vel fructuum ejus consensu partium, vel autoritate Judicis apud tertium facta depositio. Sive Est rei litigiosae, & in Iudicium deducta a possessore separatio, & in manus tertii secu-

ritatis causa legitime facta depositio. Sumitur ex l. licet 17. princ. ff. depositi, & tradunt quoad sensum DD. communiter, praecipue Host. Summ. hoc tit. n. 1. Fermosin. in Rubr. eod. princ. numer. 4. Barbosa ad eand. rubr. numer. 7. Pax Jordan. l. 14. tit. 15. nu. 1. Perez C. de prohib. sequest. pecun. n. 2. Harprecht in §. praeterea 3. Inst. publ. mod. re contrah. oblig. numer. 59. Gibalin. de rer. human. negot. l. 5. cap. 2. art. 6. numer. 2. Henric. Canis. hic numer. 1. Pirh. n. 1. Vviesl. n. 2. Generis loco ponitur *Depositio*; est enim quaedam Depositii species, & latius patet nomen Depositii, quam Sequestri; cætera particulæ differentiam tum à Deposito, tum ab aliis explicant.

A Depositio sex potissimum modis differt. 1. Quia 2 Sequestratio non fit, nisi de re litigiosa; hinc in definitione additum est *Rei controversa*; at contractus Depositii fieri potest etiam de re liquida, & non litigiosa l. licet princ. citat. 2. Apud Depositarium etiam unus potest deponere, apud Sequestrum non nisi plures l. licet cit. & l. proprie 6. ff. eod. Ratio est, quia Sequestrum, ut dixi, est rei controversae; atqui solum inter plures valet controversia esse. Ergo &c. 3. Sequestratio censetur à litigantibus facta in solidum; Depositum vero cum sit à pluribus, intelligitur pro parte, quam quisque in re habuit l. licet citat. & l. depositum 1. §. sed si duo 44. ff. eod. 4. Qui deponit simpliciter rem, non solum proprietatem, sed etiam possessionem depositi retinet; quia in deposito res custodienda traditur l. depositum citat. princ. quando vero apud Sequestrem fit depositio, aliquando contingit, ut per Sequestrum auferatur possessio, & constituatur penes tertium, donec lis sit decisa, tunc sc. quando lis est de possessione, quis possideat, vel quis possidere debeat; tunc enim per Depositionem rei apud Sequestrem id agitur, ut apud neutrum litigantem possessio integer sit, ut habetur l. licet citat. in fin. & notat Gloss. fin. ibidem. 5. Res deposita repeti ad libitum potest §. praeterea 3. Inst. quib. mod. re contrah. oblig. Sequestrata autem non nisi controversia decisa l. ei, apud 5. §. si velis 2. ff. depositi: imo hac decisa, cedit victori. Host. numer. 2. hoc tit. 6. Denique ex Deposito datur Actio Depositii; ex Sequestro Sequestraria adversus Sequestrem, quæ etiam in heredem istius transit l. si in Asia 12. §. cum sequestre 2. ff. depositi. Videantur Fermosin. in Rubr. hoc tit. princ. numer. 5. Gonzal. in cap. 3. tit. eod. numer. 4. Haun. tom. 4. tract. 10. nu. 792. Gibalin. rer. hum. negot. lib. 5. cap. 2. art. 6. numer. 2. Vallens. hic numer. 2. Pirh. n. 2. Konig n. 2. Vviesl. n. 7.

Quæritur 2. quod duplex sit Sequestratio? Resp. est duplex, sc. Voluntaria, & necessaria. *Voluntaria*, quæ etiam *Conventionalis* dicitur, est, quæ fit consensu utriusque partis litigantis, si nim. litigantes ultro conveniant de re litigiosa sequestranda. *Necessaria*, seu *In voluntaria*, & *Judicialis* est, quæ fit autoritate, sive mandato Judicis, invita vel utraque, vel saltem alterutra parte litigante. Estque divisio hæc teste Harprecht in §. praeterea 3. Inst. quib. mod. re contrah. obligat. n. 65. omnium ferè Interpretum calculis recepta. Fieri autem Sequestratio necessaria potest, vel moi proprio Judicis, & ex officio, vel ad instantiam unius partis litigantis, altera contradicente, ut si actor petat sequestrari rem litigiosam, reo contradicente.

*Voluntaria* generaliter permissa est, ut uno ore affirmant Doctores; & evincit clara ratio; quia cum rerum suarum quilibet moderator, & arbiter sit l. in re mandata 21. Cod. mandati, contrahere de re sua, & renuntiare Juribus suis potest pro libitu. Habet autem Sequestratio voluntaria rationem contractus. Ergo &c. *Necessaria* ordinariè, & regulariter est prohibita, ut bene notant, & docent Abb. in cap. 2. hoc tit. n. 16. Host. in Summ. eod. n. 4. Sichard. ad l. un. C. de prohib. sequest. pecun. n. 1. & 2. Gilcken. Cod. eod. numer. 2. Harprecht in §. praeterea cit. n. 74. Gibalin. art. 6. cit. n. 3. Sabell. Summ. §. sequestrum n. 5. Haun. tom. 4. tract. 10. n. 796. Zoef. hic n. 1. Pirh. n. 7. Schamb. n. 3. Vviesl. n. 23. & plurimi alii ab his cit. Sumitur ex l. un. C. de prohib. sequest. pecun. ubi licet pecuniæ tantum mentio fiat, nomine tamen pecuniæ ibi res etiam cætera, quæ in patrimonio nostro sunt, & ad pecuniam reduci possunt, intelliguntur, ut bene advertunt Franc. Curtius tract. de sequest. not. 1. Sichard. n. 2. cit. Gibalin. art. 6. cit. n. 3.

Ratio prohibendi Sequestrationem necessariam fuit 5  
iustiss-



justissima, & multiplex 1. Quia possessor durante, non est privandus commodo suæ possessionis, ejusque usu, etiam per modum custodiæ, donec de jure suo actor docuerit, & contra possessorem sit lata sententia; nam hic præsumptionem pro se habet, & in re dubia melior est conditio possidentis. Atqui sequestratio est quædam possessionis turbatio, quod vel ex eo liquet, quia durante sequestro rei sequestratæ fructus possessor non percipit, sed ii penes Sequestrem manent. Ergo &c. 2. Non oportet Judicium ab executione inchoare *l. nimis 1. & ibi DD. Cod. de execut. rei judic.* atqui sequestratio est quædam executionis species, ut negari non potest. Ergo &c. 3. Sequestratio continet innovationem, & est instar spoliationis, cum sit, uti dictum est *num. 1.* rei litigiosæ à possessore separatio. Cum igitur, pendente lite, nisi causa urgeat, nihil sit innovandum secundum dicta *Tit. præc.* præsertim ubi præsumptionem pro se possessor habet, hinc fit ad sequestrationem requiri causam, & solum tum decerni posse à Judice.

6 Quæritur 3. quid sit *Sequester*? Resp. hoc ex definitione Sequestrationis *n. 1.* data colligitur. Est igitur Sequester *tertia quædam persona, apud quem plures, nempe actor, & reus, eandem rem, de qua controversia est, sive mutuo consensu, sive præcepto Judicis custodiendam & lite finita victori restituendam deponunt.* Ita Fermosin. in *Rubr. hoc tit. princ. n. 14.* Gonzal. *inc. 3. cod. n. 4.* Haun. *tom. 4. tr. 10. n. 789.* Zoel. *hic n. 2.* Vviesl. *n. 2.* & habetur *l. sequester 110. ff. de V. S.* ubi etiam origo hujus nomenclaturæ datur, & dicitur Sequestrem ab eo dictum, quod ejus fidem partes contententes & Judex sequantur; vel ut textum illum explicat Harprecht in *§. præterea cit. n. 59.* quod ipse sequatur eos, quide re contendunt, paratus eam restituere parti alterutri, cui ex lege depositi eam reddi oportet.

7 Potest autem Sequester esse quicumque, qui fidelem rei Sequestratæ custodiam, & diligentem curam habiturus existimatur. Nec definitus est numerus; possunt enim esse unus, vel plures, modo non sit unus ex litigantibus, vel talis, qui ob singularem erga unum ex collitigantibus affectionem parti alteri suspectus sit. Tholoian. *Synt. l. 23. c. 2. n. 12. & 13.* An Judex possit esse Sequester in causa, in qua judicaturus est, controvertunt Doctores. Tholosan. *n. 13. cit.* cum Tirarello negat, quod id non congruat honestati, nec satis conveniens sit, ut is, cui datur electio, se ipsam eligat; datur autem Electio Judici Sequestrem Judicalem eligere. Ergo &c. Sed retinenda est affirmativa sententia, quam cum communi defendunt Jaton. in *l. fidejussor. 7. §. fin. ff. qui satisfac. cogant.* Currius Junior in *l. un. C. de prohib. sequestr. q. 4.* König *hic n. 5.* Vviesl. *n. 4.* & colligitur est *l. litigatores 11. §. quod ait 2. ff. de recept. qui arbit. ibi; Si res apud Arbitrium deposita sunt: & l. si fidejussor. cit. §. fin. ibi; Apud officium deponi debet, si hoc Judici fuerit.*

8 Major controversia est, an aliquis cogi possit esse Sequester, & ut invitus Sequestrum accipiat? Affirmativam sententiam in Gallia observari testis est Tiracuell. *de retract. convent. §. 2. gloss. 7. numer. 4. in fin.* & videtur etiam probari ratione; nam Sequester est Officialis publicus. Gloss. in *§. fin. cit. V. officium.* Sed officialis publicus est necessarius, cogi potest ad acceptandum officium *l. siquis 9. & 101. tit. ff. de mun. & honor.* Sed adhuc verior est negativa, quam etiam amplectuntur Bald. *l. 4. conf. 480.* Jaton. in *§. fin. cit.* Bartol. in *l. lictibus §. fin. Cod. de agric. & censit.* Sabell. *Summ. §. Sequestrum n. 8.* Vviesl. *hic n. 5.* Colligitur ex *l. si hominem 7. princ. ff. depositi.* Ratio est, quia, Sequester obligatur ex contractu, vel quasi contractu *l. siquis 9. §. si oleum 3. ff. de dol. mal. invitus autem nemo tenetur contrahere, vel quasi l. nec emere 16. C. de Jur. delib. Ad Rationem in contrarium allatam dico, id verum esse, quando justa causa petit aliquem Sequestrum suscipere tunc enim ad id suscipiendum cogi eundem posse cum Baldo recte advertit König *hic num. 6.**

9 Sed et si initio voluntaria plerumque sit Sequestri receptio, postquam tamen aliquis Sequestrum recepit, postea illud recusare amplius propria autoritate nequit, sed tantum autoritate Judicis, & ex causa justa, prout sumitur ex *l. sicut 5. C. de O. & A.* docent Schmalzgraber Tom. II.

Bartol. in *l. et apud cit. ff. depositi*, Jaton. in *§. fin. cit. n. 3.* Sabell. *n. 8. cit.* & tum non ei, qui præsens est, restituenda res est, sed Judicis arbitratu apud Ædem aliquam Sacram deponi debet, ut statuitur *l. et apud cit. §. fin.* Magna autem causa, ut norat Sichard. *ad l. un. C. de prohib. sequestr. pecun. elset*, si cum aliqua partium contententium sequester haberet inimicitias, aut facta sequestratione, affinitate aliqua jungeretur parti, nam causæ istæ sufficient, ut Sequester mutari possit, igitur sufficere etiam debent, ut Sequester officium deponat.

Quæritur 4. quænam res sequestrari possint? Resp. sequestrari possunt res, quæcunque sub controversiam & custodiam cadunt, mobiles, & immobiles, corporales, & incorporales, spirituales, & profanæ. Ita Tholoian. *Synt. l. 23. c. 3. n. 15.* Ridolphin. *prax. p. 1. cap. 14. num. 130. & 131.* Fermosin. in *Rubr. hoc. tit. princ. num. 16.* Gonzal. *inc. 3. tit. cod. n. 8.* Vallens. *hic n. 6.* Pirh. *n. 4.* König *n. 8.* Vviesl. *n. 3.* & habetur ex Iuris utriusque textibus; Canonici quidem *c. examinata 15. de Judic. cap. ex litteris 2. de dol. & cont. cap. ex transmissa 8. & cap. litteris 13. §. fin. de reslit. spoliat. cap. dilectus 2. & Clem. un. hoc tit.* Civilis autem *l. si fidejussor 7. §. fin. ff. qui satisfac. cogant. l. Imperatores 21. §. fin. ff. de appellat. & relation. l. ab executione 5. C. quor. appellat. non recipiunt.* Neque opus est, ut intercesserit contentio Judicialis ad ponendum Sequestrum; nam ad substantiam sequestri simpliciter hoc non exigitur; & ratio est, quia cum præter Judicalem detur etiam Sequestratio Conventionalis, altercantes super aliqua re privato consensu convenire inter se possunt ad faciendum Sequestrum, & postea in Iudicio litigare, ut declarat Abb. in *c. examinata cit. n. 13.*

Et extenditur hoc 1. etiam ad personam liberam; II nam hæc quoque, si causa justa subsit, sequestrari potest. Exempla passim habentur in Jure. Sic enim 1. puella, si matrimonium promissit alicui, sed huic postea argenti ad matrimonium objicit exceptionem metus, à Iudice sequestrati debet, & donec de causa principali cognitum fuerit, penes honestam faminam custodiri, ut habetur *c. cum locum 14. & ibi Gloss. V. timere de sponsal. 2.* Similis casus ponitur *c. causam 14. de probat.* ubi puella, quæ petebatur à quodam juvene in matrimonium, & opposebat se Religionem professam esse, lite pendente, ponitur in Monasterio, quod intravit. 3. Similiter *c. ex transmissa, & c. litteras cit.* sequestratur mulier, si timeat de sævitia viri, & hic sufficientem cautionem dare non possit &c.

Extendunt 2. aliqui cum Angelo apud Covar. *l. 2. 12 var. c. 1. n. 10.* ad cadaver debitoris defuncti, quod in debito Guarentigiato, i. e. quod ex forma statuti executionem paratam habet, affirmant ut pignus pro debito sequestrari posse, ita ut non sepeliatur, donec aut caveatur, aut æs alienum per hæredem integre solvatur. Sed contrarium omnium consensu tenetur teste Covar. *loc. cit.* ubi adversam sententiam dicit inhumanam, à Christiana Charitate alienam, & ne barbaras etiam moribus convenientem. Consentiunt Felin. in *c. sicut 9. de Judicis*, Guil. Benedict. in *c. Raynautius V. mortuo itaque n. 56. de testam.* Sabell. *Summ. §. Sequestrum n. 16.* & alii apud Covar. Ratio est, quia naturalis ratio non patitur defunctorum cadaveribus sepulturam negati, nisi id fiat ob aliquam causam, quæ Reip. commodum spectet. Accedit autoritas à Divino, Humanoque Jure: Divino quidem id constat *Eccl. 7. ibi: Mortuo non prohibeas gratiam, i. e. gratis sepulturam exhibe;* humano autem, Canonico quidem *can. qui Divina 28. caus. 13. q. 2.* Civili autem *Novell. 60. c. 1. & l. cum sit iustum 6. C. de sepulcr. violat.*

Extenditur 3. ad causam Beneficiales; nam etiam in his Sequestratio decerni potest, prout statuitur *Clem. un. hoc tit. & docent Vivian. ibid. in ration.* Fermosin. in *Rubr. hoc tit. q. 1. n. 7.* Gonzal. in *c. 3. cod. n. 11.* Pax Jordan. *tit. 15. n. 7.* Vallens. *hic n. 6.* Pirh. *n. 16.* König *n. 10.* Sannig *c. 3. n. 5.* Causa additur in *Clem. cit.* ut compescantur malitiæ litigantium, ne sc. Ecclesiastici Beneficii possessores, de Jure suo parum confidentes, malitiosis cavillationibus lites Beneficiales prolongent, & interim fructus Beneficiorum percipiant cum animatum suatum periculo, & Ecclesiærum damno.

Plura autem requiruntur, ut ex vi *Clem. cit. seque-* 14  
K 4 stratio



stratio Beneficii fieri possit; nam 1. *neceffe est, ut contra possessorem Beneficii sit lata, & promulgata sententia definitiva pro petitore*; nam si non definitiva, sed interlocutoria tantum, vel definitiva quidem, sed tantum contra petitem, vel unum ex petitoribus, non contra Beneficii possessorem lata fuisset, sequestrationi locus non erit. Gloss. in Clem. cit. V. contra possessorem, & V. definitiva, Ridolphin. prax. p. 1, c. 14. n. 144. & seqq.

15 2 *Ut lata sit in Curia Romana*; nam in hac cum multa deliberatione, & maturitate causæ terminantur. Excipitur, si in eadem Curia latæ essent duæ sententiæ, prima pro possessore contra petitem, secunda pro petitore contra possessorem; nam eo casu sequestratio non amplius fieri posset. Abb. in Clem. cit. num. 1. Barbosa num. 6. Pirh. numer. 17. Ratio est, quia eo casu duæ præsumptiones concurrunt, una pro petitore ex secunda sententia, altera pro possessore ex prima. Igitur eo casu melior debet esse conditio possidentis juxta Reg. 65. in 6. Addidi in eadem Curia; nam si extra Curiam ab alio Judice sententia prima lata sit pro possessore, deinde advocata causa ad Curiam Romanam, secunda feratur pro petitore contra possessorem, adhuc procedi ad sequestrationem Beneficii potest, quod præsumptio, quæ habetur ex sententia lata in Curia, vincat præsumptionem, quæ accipitur ex sententia lata ab alio Judice.

16 3 *Ut lata sit super ipso Beneficio, & apud Sedem Apostolicam*; nam si feratur sententia definitiva super alia controversia inter petitem Beneficii, & possessorem, non erit locus huic Constitutioni, nec Beneficii sequestratio fieri poterit, ut notat Gloss. in Clem. cit. V. super Beneficio. Idem dicendum, si quidem lata sit super Beneficio contra possessorem pro petitore, sed à Judice Ordinario, & non apud Sedem Apostolicam. Gloss. cit. V. duntaxat. Ratio est, quia absurdum fuisset per singulas sententias Ordinariorum, & Delegatorum possessores Beneficiorum posse per Sequestrationem eorum privari possessione sua.

4 *Ut is, cui per Sequestrationem adimitur Beneficium controversum, per triennium pacifice illud nondum possiderit*; nam si illud pacifice possedit, jam per triennium, etiam si pro actore ob sententiam latam in Curia adlit præsumptio, tamen etiam pro possessore adest præsumptio contraria ex taciturnitate actoris, quod is tanto tempore tacuerit. Cum igitur in dubio melior sit conditio possidentis, per præsumptionem stantem pro possessore elidetur præsumptio, quæ favet actori. Barb. hic num. 15.

17 5 *Ut sequestratio eo casu fiat per Ordinarium loci, & non per Judicem litis*; nam etsi alias regulariter ea fiat per Judicem litis, in hoc casu tamen specialis sit dispositio: cujus ratio fuit, quia Ordinarius melius habet notas personas suæ Jurisdictionis, per quas interim poterit Ecclesiæ cura haberi, quam habeat ipse Judex, tum quod vicinus semper existat, tum quod ei commissa sit specialiter cura animarum suæ Diocesis. Proceditque hoc, etiam si institutio ad eum non pertineat. Gloss. hic V. loci Ordinarium.

6 Denique, *ut constitutus ab hoc Sequester sit persona idonea*; nam plenam Beneficii sequestrati curam, & administrationem habere debet, non secus, ac legitimus Pastor, & Rector illius Beneficii, ut habetur Clem. cit.

18 Quæritur 5. quibus casibus fieri Sequestratio possit? Viginti octo ejusmodi casus enumerat Jacobus Sahagum in Repetit. cap. 2. hoc tit. Sexdecim affert Abb. in cap. 2. cit. n. 7. Quindecim Hostiens. summ. hoc tit. Alii pauciores. Potiores referam. Igitur

1 Sequestratio fieri potest, si actor fructus rei, in cujus possessionem ex primo Decreto missus est, pro arbitrio suo distrahat, & dissipet cap. dilectas 2. & ibi Gloss. V. distrahant hoc tit. Ratio est, quia sic missus in possessionem intra annum fructus suos non facit, sed conservare illos debet, & custodire, non distrahere. Igitur si contraxeget, vel rationabilis timor dilapidationis sit (tantum enim operatur timor alicujus periculi, quantum ipsum periculum) merito Sequestratio contra eum decernitur: potest tamen eo casu deducere expensas necessarias, quas fecit in colligendis fructibus; hoc enim nullo in casu prohibitum est.

2 Si timor sit, ne res interea dilapidetur, aut pereat, 19 lite pendente; tunc enim si possessor non præstet cautionem idoneam de rei, vel fructuum restitutione, sequestrari res controversa potest. Abb. in cap. 2. citat. n. 16. Laym. ibid. num. 2. Gonzal. in cap. 3. eod. nu. 7. Ratio est, ne Judicium reddatur frustratorium; nam inanis est actio, quam inopia debitoris excludit l. nam 11 6. ff. de dolo malo. Et melius est ante tempus occurrere, quam post vulneratam causam remedium quaerere l. fin. Cod. in quib. caus. in integr. restit. necess. non est.

3 Si reus, postquam condemnatus est per sententiam definitivam ad cedendam actori petitam rei possessionem, appellavit à sententia contra se lata, & interim pendente appellatione fructus dissipet; tunc enim pendente lite appellationis, sequestrari fructus possunt, donec lis appellationis finita sit cap. ab eo 3. hoc tit. & l. Imperatores 21. §. fin. ff. de appellat. & relation. Ratio est, quia eo casu plus est aggravata conditio rei possessoris propter præsumptionem sententiæ contra ipsum latæ, quam esset in prima instantia, ubi nulla sententia lata fuit. Igitur etsi à possessore fructus, quos dissipat, sequestrari non debeant ante latam sententiam, sequestrari tamen poterunt post illam.

4 Si periculum sit, ne dum utraque pars contendit 29 se possidere, ad arma veniatur, & vi possessionem occupare velit arg. l. si cujus 13. §. sed si 3. ff. de Usufr. ubi ex sententia Juliani dicitur, quod Judex non debeat pati ad arma, & rixam procedere, quos Jurisdictione, seu potestate sua potest componere: & ita in Camera receptum esse testis est Mynsing. cent. 2. obs. 11. fin. Procedit autem hoc solum, quando jus incertum est; nam si possessio unius sit certa, Superior aliis remediis turbantem debet compescere.

5 Si periculum sit in mora, ut si debitor sit forensis, brevi migraturus in aliam Jurisdictionem, & non satisfaciatur creditoribus, si sit hospes ad cauponam diversens, & sine solutione velit discedere, si aliunde ex persona litigantis sit periculum, ne cum res fugiat &c. nam tali casu sequestratio, vel etiam arrestatio est competens medium, ut creditor serveretur indemnis.

6 Si aliquis sit obligatus ad aliquid præstandum, & illud non præstet, ut si is, cui fideicommissum relictum est, fideicommissario non velit cavere de tradendo fideicommisso. Habetque hoc etiam locus in Beneficialibus; nam si e.g. Canonicus, vel alius Beneficiarius non resideat, nec veniat ad Ecclesiam, prout deberet, sequestrari fructus Beneficii possunt, donec decisa sit causa, ut colligitur arg. c. pervenit 28. de appellat.

7 Si Jura partium sint obscura, incerta, & inæqualia, ut si dubitatur de suppositione partus, si census Emphyteuticus à duobus dominis exigatur &c. Proceditque hoc etiam in materia Beneficiali casu, quo duo contendunt de Beneficio, ita, ut neuter possideat; nam tunc lite pendente fructus Beneficii sequestrari possunt, usque dum lis decidatur arg. l. si qua 5. ff. famil. hercis. ubi dicitur propter discordiam consortium, v.g. cohæredum eligendum amicum, sive sequestrum, apud quem res hæreditariæ deponantur. Ratio est, ne alioquin una pars cum alterius præjudicio in Beneficium se intrudat, & illius possessionem accipiat.

8 Si reus est contumax, & missioni ex primo Decreto 22 in possessionem bonorum illius locus non est propter periculum peccati, scandali, intrusionis; sic enim lite super matrimonium pendente, sequestratur uxor profuga, quando ei à sævitia viri aliter satis caveri non potest, ut dictum est num. 11. Similiter sequestratur Beneficium unà cum fructibus, quando reus conventus super proprietate Beneficii contumax est, & actor jus suum nondum ostendit; quia hoc non ostento, iste in possessionem ejus mitti non potest, ne detur vitiosus in hoc ingressus: unde necessarium erat media sequestratione contumacem ad Juri parendum compelli.

9 Si maritus vergat ad inopiam, vel periculum sit, ne dotem dilapidet; tunc enim sequestrari hæc potest l. si cum dorem 22. §. fin. autem 8. fin. verò ff. solut. matr. c. per vestras 7. de donat. int. vir. & uxor.

10 Si præsumptio sit contra possessorem, quod litiget causa differendi Iudicii, ut interim capiat fructus;



ctus ; tunc enim , ne malitia sua ipsi proſit , ſequeſtrari res , & fructus poſſunt .

Plures alii caſus aſſeruntur ab aliis , ut ſi Judicis ſamilie aliquid furto ſubtractum ſit , in cauſa ſimulati contractus , in caſu communium inſtrumentorum , in debitis ſiſcalibus , & in debitore de cauſa criminali , in deſcriptione mobilium , & immobilium &c. Sed hæc , quia ad Forum Civile potius ſpectant , diffuſius explicare omitto , Regulam univerſalem aliqui iſtam ſtatuunt , toties Judicem ad Sequeſtrationem procedere poſſe , quoties illi ex cauſa juſta bene viſum fuerit eandem apponere . Videatur Abb. in c. 3. *hoc tit. à n. 8.* Ridolphin. *prax. p. 1. cap. 14. à num. 144.* Sichard. *ad l. un. C. de prohib. ſequeſt. pecun. à num. 3.* Gilcken. *ibid. à n. 3.* Perez. *eod. tit. n. 3.* Harprecht in §. *præterea 3.* Inſt. quib. *mod. re contrah. oblig. à n. 107.* Gibalin. *de rer. hum. negot. l. 5. c. 2. art. 6. à num. 4.* Haun. *tom. 4. tr. 10. à n. 800.* Pirh. *hic à n. 8.* König *n. 15.* Vvieſt. *n. 26. & ſeqq.*

Quæritur 6. quid requiratur , ut ad alicujus rei , vel juris ſequeſtrationem poſſit procedi ? Reſp. ad *Voluntariam ſequeſtrationem* aliud nihil requiritur , quam ut partes mutuo conſenſu rem controverſam apud tertium deponant , ea lege , ut interim illam cuſtodiat , ac ſinita lite victori reddat .

Plura requiruntur , ut decerni à Judice poſſit *Sequeſtratio Neceſſaria , & Judicialis*. Nam 1. opus eſt ut ad Sequeſtrationem videndam citeris is , in cujus præjudicium illam tendit , noſſiſſimi enim Juris eſt , quod in omnibus actibus , qui cum cauſæ cognitione fieri ſolent , ciranda ſit pars , cujus intereſt *l. de unoquoque 47. princ. ff. de re judic.* Ridolphin. *prax. part. 1. cap. 14. num. 186.* Harprecht in §. *præterea cit. num. 129.* Sabell. *Summ. §. Sequeſtrum n. 7.* Schamb. *hic n. 4.* Vvieſt. *n. 13.* Excipe , niſi periculum ſit in mora , ut ſi debitor , qui alias ſolvendo non eſt itineri ſe accingat , & de fuga ſiſpectus ; tunc enim Jdex poteſt , debitore illo fugitivo notis citato , nec audito , ad ſequeſtrationem procedere , ut bene cum *citt.* notat König *hic n. 13.*

2 Uris , qui ſequeſtrationem fieri poſtulat , faciat Judici fidem de credito , ſeu Jure ſuo ; neque enim ſufficit , ſi hic ſimpliciter dicat rem ita ſe habere , ſed oportet , ut id , quod proponitur , etiam rationibus probe . Opus tamen non eſt doceri debitum per Inſtrumentum publicum , ſed minor probatio ſufficit ; nam etiam minor ſufficit ad capturam perſonæ , etſi in hac agatur de majori præjudicio , quam in ſequeſtratione . Abb. in *cap. 2. cit. numer. 28.* Ridolphin. *cap. 14. numer. 186.* Harprecht *num. 133. & duob. ſeqq.* Vvieſt. *num. 15.* *hic cum aliis ſupra.*

3 Ut petens ſequeſtrationem notum faciat Judici , & oſtendat , periculum aliquod ſubefſe , vel ne res conſumatur , vel ne debitor efficiatur non ſolvendo , aut hujusmodi aliam probabilem , juſtamque cauſam ſubefſe . Vultejus *l. 2. Iuriſpr. Rom. c. 30. §. 6. in fin.* Mynſing. *cent. 2. obſ. 11. n. 4.* Sabell. §. *ſequeſtrum cit. n. 2.* Harprecht *n. 136.* Ratio eſt , quia cum Sequeſtratio regulariter ſit prohibita , cauſa juſta , ob quam licita fieri poteſt , non præſumitur , ſed probari debet .

4 Ut Jdex , citatis , & auditis partibus , cognitionem cauſæ adhibear , & accurate , ſeduloque diſpiciat , an jus actoris ſaltem ſummarie ſit probatum , an deſenſiones rei ſint relevantes , an cauſa ob quam ſequeſtratio poſtulat ; ſit juſta , & legibus approbata ; quod adeo verum eſt , ut ſequeſtratio , cauſæ cognitione non præeunte , decreta cenſeatur nulla , Harpr. *n. 137. & apud hunc alii.*

5 Ut pars , quæ ſequeſtrationem petit , Iuramentum calumniæ deponat , eoque teſtetur , ſe non animo calumniandi , & Adverſarium vexandi , ſed rei conſervandæ , & quod ſuum , ac debitum eſt , obtinendi , idque ex juſta , & legibus approbata cauſa ſequeſtrationem petere . Excipitur , niſi cauſa hujusmodi ſit manifeſta , vel Adverſarius Iuramentum iſtud non exigat , Vincent. Caroc. *tr. de ſequeſt. part. 3. q. 4.* Sabell. *num. 1. cit.* Harprecht *n. 138.* Vvieſt. *n. 14.*

Quæritur 7. quis ſit Effectus Sequeſtrationis ? Reſp. ſunt præcipue tres . 1. Per Sequeſtrationem nonnunquam poſſeſſio rei ſequeſtratae transfertur in Sequeſtrum ; *nonnunquam* , dixi , tum ſc. quando expreſſe id agitur , ut ſequeſtretur , ſeu deponatur ipſa poſſeſſio ; nam extra hunc caſum poſſeſſio in Sequeſtrum non tranſit ,

Gonzal. in c. 3. *hoc tit. n. 5.* Laym. in c. 2. *eod. n. 3.* Harprecht in §. *cit. n. 147. & ſeqq.* alique ab his *citt.* Clarus eſt textus *l. intereſſe 39. ff. de acquir. vel amitt. poſſeſſ.* ubi Julianus docet , per Sequeſtrationem non tranſferri poſſeſſionem , niſi aperte hoc inter litigatores fuerit approbatum , ſive actum , conventum , & expreſſum . Ratio eſt , quia Sequeſtrum eſt ſpecies quædam Depoſiti , ut diſtum eſt *n. 1.* Depoſitarius autem non poſſidet , ſed tantum habet cuſtodiam *l. licet 17. ff. de poſit. & l. videamus 38. §. ſi poſſeſſionem 10. ff. de uſur. & fructib.* Conſ. mitius agitur cum eo , cujus res ob contumaciam ſequeſtratur , quam ſi ob eam miſſio in poſſeſſionem ex primo Decreto fiat *c. ex litteris 2. de dol. & contum.* ibi *Mitius agere volentes , poſſeſſionem ſequeſtrari ſeciſtis* . At qui per miſſionem in poſſeſſionem ex primo Decreto miſſus poſſeſſor non conſtituitur , ut dictum eſt ſupra *Tit. 15. n. 18. & ſeqq.* Ergo &c.

2 Inducit obligationem , aliam quidem in Sequeſtro , 28 & aliam in victore . Sequeſter obligatur rem ſequeſtratam diligenter cuſtodire , ne quid damni , vel incommodi capiat ex dolo , vel culpa lata ejusdem ; item debet colligere fructus , ex hiſceos , qui perituri alioquin eſſent , diſtrahere , pretium inde collectum , ſi commode poſſit , pro uſuris credere , reddere rationes , ac tandem ſinita lite rem ſequeſtratam cum fructibus victori reſtituere . Victor autem obligatur indemnem præſtare Sequeſtrem ; ac proinde ab hoc Sequeſter reperepere poteſt omnia damna , ex re ſequeſtrata accepta , & ſumptus , omneque id , quod in eam neceſſario , vel utiliter impedit *c. ex litteris 2. de dol. & contum. Clem. un. h. tit. l. ei apud 5. §. fin. & l. ſi in Aſia 12. §. cum ſequeſtre 2. & §. ſeq. ff. de poſit.* Ridolphin. *p. 1. c. 14. n. 135.* Harpr. §. *cit. n. 143. & 144.* Vvieſt. *hic n. 16.*

3 Ex Sequeſtro oritur Actio Depoſiti Sequeſtraria , 29 directa , & contraria . Directa victori competit , ejusque hæredibus contra Sequeſtrem , ut ſinita lite , vel relaxatione Sequeſtri impetrata , rationes reddat , & rem cum omni cauſa , h. e. cum omnibus commodis , fructibus , utilitatibus , & acceſſionibus , quas ex re ſequeſtrata tempore litis percepit , reſtituat *l. depoſitum 1. §. & ideo 24. ff. de poſit.* Contraria datur Sequeſtro , & ejus hæredi , ut compenſentur eidem ſumptus , & damna , quæ paſſus eſt ratione Sequeſtri , ne officium ſuum ipſi damnum ſit *l. ei apud cit. princ.* darurque non tantum contra victorem , ſed etiam contra hæredes iſtius ; cum enim iſti victori bona conſequantur , æquum omnino eſt , ut ſolvant ſumptus , & alia , quæ Sequeſtri ratione præſtiti officii debentur *arg. l. nam hoc natura 14. ff. de condiſt. indebit. & l. jure natura 206. ff. de Reg. Jur.*

Quæritur 8. an ſequeſter Caſtri , quod Jus Patrimonii , 30 vel Prælaturæ , aut Dignitatis , quæ jus eligendi , vel conferendi Beneficium Eccleſiaſticum ſibi annexum habet , poſſit lite , & ſequeſtratione pendente , eligere , vel præſentare Clericos ad Beneficium vacans ? Tres ſunt ſententiæ . Prima cum Selva *de Benef. p. 2. c. 9. & Tholoſan. ſimil. tr. c. 38. n. 18.* concedit hanc poteſtatem Sequeſtro voluntario , negat neceſſario , quod illi , non etiam iſti competat poſſeſſio rei ſequeſtrate *l. intereſſe 39. ff. de acquir. vel amitt. poſſ. l. un. C. de prohib. ſequeſt. pecun.*

Secunda cum Abb. in c. *examinata 15. de Judic. n. 15.* poteſtatem iſtam negat utrique . 1. Quia neuter rem ſequeſtratam vere poſſidet , ſed tantum habet cuſtodiam . 2. Quia non apparet , quo nomine præſentationem hujusmodi faceret ; non enim facere eam poteſt nomine proprio ; quia nomine proprio illam non adminiſtrat ; nec nomine alieno ; nam ſi hoc , eam faceret nomine victoris , cujus nomine tamen non poteſt facere , cum lite pendente adhuc incertus ſit . 3. Quia præſentatio , & collatio eſt fructus Juris præſentandi , & conſerendi . Atqui fructus rei ſequeſtrate Sequeſter tenetur ſervare victori *c. ad hoc 1. & Clem. un. hoc tit. 4.* Quia Sequeſter comparatur creditori detinendi pignus . Atqui creditori in re oppignorata , quæ Ius præſentandi , conferendi &c. annexum habet , juriuſtorum exercitium non competit *c. cum Bertholdus 18. de ſent. & re judic. ergo &c.*

Tertia , & præ cæteris communiori DD. calculo approbata ſententia cum Gonzal. *ad reg. 8. Cancell. Gloſſ. 23. n. 17.* Garc. *de Benef. p. 5. c. 6. a n. 1.* Vallens. *l. 1. de Benef. tit. 12. n. 3.* Harprecht in §. *præterea cit. n. 160. & ſeqq.*



§ 1044. Vviesl. *hic num.* 19. & aliis apud istos utrique Sequestro tam voluntario, quam necessario potestatem conferendi, eligendi, præsentandi hoc casu concedit, modo iste non alio ex capite horum Iurium incapax sit. Ratio est; quia ad Sequestrum spectat administratio rei sequestratæ quoad temporalia, & spiritualia non secus, ac si esset proprius talis Ecclesiæ Pastor, & Rector. *Clem. un. hoc tit.* Atqui ad huiusmodi administrationem spectat executio Iurium tali Ecclesiæ, vel alteri rei Sequestratæ annexorum. Ergo &c. *Conf.* nam ita exigere videbatur utilitas Ecclesiarum, ne dilata præsentatione, electione, vel collatione, huiusmodi Beneficia nimis diu vacarent. Addo tamen cum P. Vviesl. *ner hic num.* 20. valde conveniens esse, ut Sequester Castri, vel Prælati super præsentatione, vel collatione faciendam colligantium voluntatem exquirat, & ad Beneficium præsentet eum, in quem uterque consentit, aut si dissentiant, eum, qui ex duobus per eos nominatis dignior apparet, nisi tertii alicujus præsentationem suadeat ratio specialis.

32 Rationes in contrarium allatæ non multum probant. *Ad 1.* Sequestro administratio, ac proinde etiam præsentatio, collatio &c. non competit ratione possessionis, sed ratione Sequestrationis. *Ad 2.* ista facit Sequester nomine alieno Iudicis, vel Superioris, à quo non tantum curam, & custodiam rei sequestratæ, sed etiam exercitium Iurium ipsi annexorum accepit. *Ad 3.* Victori eos duntaxat fructus servare Sequester debet, qui servari possunt, & ditiores illum efficiunt: tales autem non sunt præsentatio, collatio, electio ad Beneficium &c. præterquam enim, quod nullum temporale lucrum præstanti, vel conferenti afferant, præsentationis & collationis accelerationem bonum Ecclesiarum, & animarum exigit, quæ ex diuturna vacatione facile detrimentum acciperent. *Ad 4.* Sequester creditori comparatur, quando eadem est utriusque ratio; in nostro casu est dispar: nam rei oppignoratæ est certus dominus, vel possessor, Sequestratæ incertus, ut adeo causa fuerit Sequestro concedendi exercitium Iurium, quæ rei sequestratæ adhærent, non creditori habenti rem aliquam pignori à debitore.

33 Quæritur 9. quomodo tollatur Sequestrum? Resp. tolli variis modis potest. 1. Lite finita, tunc enim; ut n. 28. dictum est, victori restituenda est res Sequestrata. Lis autem finita tum dicitur, quando sententia, à Iudice prolata, transiit in rem iudicatam: & hinc interposita appellacione, sequestratio adhuc durat. Harpr. in §. præterea *cit.* n. 172. & 173.

34 2 Si is, cuius res in Sequestrum data est, sufficientem cautionem de rebus servandis præstiterit; nam illa præstita, tollitur sequestrum etiam ante finitam litem l. fin. *Cod. de ordin. cog.* Sufficiens autem cautio erit, si fidejussoria, vel pignoratitia sit: imo si persona iurans non sit suspecta, sed honesta, & idoneas facultates habeat, vel jam prius de iudicatum solvendo satis dederit, sufficit tamen cautio juratoria tantum. Barbof. in c. 1. *hoc tit. n.* 4. Pax Jordan. l. 14. tit. 15. n. 34. Vallens. *hic n.* 8. Sabell. §. *sequestrum n.* 15. Tria autem juxta Glof. in l. fidejussor §. fin. ff. *quis satis dat. cog.* potissimum sunt, quæ suspectum reddunt, paupertas, mali mores, & facta præcedentia.

3 Si Sequester velit deponere officium: quod tamen fieri non potest, nisi ex iustissima causa, & si Sequestrum sit Judiciale, interveniente autoritate Iudicis, ut habetur l. et apud §. fin. ff. *deposit.* Et tum res litigiosa rariò parti, ut *ibidem* notatur, sed potius apud eadem sacram, vel officium publicum, aut privatum aliquem tertium deponi denuo debet.

4 Conditione existente, sub qua Sequestratio fuit concessa arg. l. proprie 6. ff. *deposit.* ibi; *certa conditione, & l. si quis affirmavit 9. §. Labeo 3. ff. de dol. mal.* ibi; *nondum impleta conditione.* Idem dicendum, die veniente, in quem res litigiosa Sequestri est tradita arg. §. hoc amplius 4. *Inst. quib. mod. tollit. oblig.* Harprecht n. 177.

5 Morte Sequestris; nam cum personæ industria, & fides hic electa sit, ad hæredes officium istud non transit arg. §. item si adhuc 10. *Inst. de mandat.* Harprecht num. 178.

6 Denique si loco missionis in possessionem Seque-

stratio decreta sit in contumacem, & hinc contumacia posita, compareat, ne sibi in Iudicio sufficienter caveat, præsterque expensas, quas Adversarius facere debuit. *cap. ad hos 1. hoc tit.* Ratio est, quia subrogatum assumit naturam, & condiciones ejus rei, cui subrogatur arg. *cap. Ecclesia 3. ut lit. pendenti.* Ergo sicut missio in possessionem bonorum ex primo Decreto revocatur, si conrumax cautionem obtulerit de sistendo in Iudicio, & expensas præstiterit, ita etiam revocari debet Sequestratio ei subrogata.

Quæritur 10. an si sequestratio pecuniæ, fructuum, vel alterius rei à Iudice fuerit iustè, & ritè facta, pars autem Sequestrationem patiens aliunde non habeat, unde se sustentare, & litis expensas possit solvere, ei lite pendente sumptus ad litem, & necessaria alimenta ex re litigiosa sequestrata suppeditari debeant? Videtur, quod non; quia nemo Adversarium suum in se armare tenetur l. ipse 1. *Cod. de edend. & l. nimis grave 7. Cod. de resub.* Sed retinenda est affirmativa sententia, quam frequentiore & veriore testatur Harprecht in §. præterea *citato num.* 141. Neque dici potest, quod ita litigans Adversarium suum in se armet; quia dubius & anceps adhuc est litis eventus, & præterquam, quod pars sequestrationem passa pendente lite præsumptionem ex possessione pro se non exiguam habeat, non minus ipsa, quam Adversarius finita lite rei dominus pronuntiari potest, si scilicet melius, quam Adversarius lus suam probaverit.

Hæc de Sequestratione dicta sufficient. Sequestrationi affinis est Arrestatio, quæ nihil aliud est, quam *persona, vel alicujus rei detentio securitatis gratia facta ad hoc, ne rebus necdum cum creditore compositis, moveatur loco.* Gaill. de Arrest. *Imper. cap.* 1. Konig *hic numer.* 21. & alii passim. Fieri potest autoritate privata, & publica. Privata autoritas fit vel ex conventionem partium, vel ex propria solum creditoris voluntate. Illa regulariter permittitur; hæc autem regulariter prohibetur, cum nemo sibi in propria causa jus dicere debeat, aut exequi. Excipe, nisi manifestum periculum sit in modo, & debitor v. g. fugitivus; tunc enim licet eundem etiam privata autoritate apprehendere, quod tunc fit iusta defensio. Autoritate publica fieri dicitur Arrestatio, quando fit per loci Magistratum ad instantiam partis, vel ex officio. Ut legitime fiat, debet iusta subesse causa, & Iudex insuper disquirere debet, an necessaria illa sit, vel saltem utilis.

Differt teste Harprecht in §. præterea *citato num.* 62. à Sequestratione tripliciter. Nam 1. Arrestum est impedimentum, sive interdictum, ne res, aut persona loco, vel statu suo moveatur; Sequestratio vero est depositio rei controversæ, ut supra dictum num. 1. 2. Sequestrum est depositi species, atque ita contractus; Arrestum neque depositum est, neque contractus, sed manuum quædam injectio. Nos Germani dicimus in *Verbott legen, anhalten, attestiren, aufhalten.* 3. Sequestrum fit causa custodiæ, & tantum in re litigiosa; Arrestum non fit causa custodiæ, nec in re litigiosa solummodo, sed tam in personam, quam in rem quamlibet etiam non litigiosam, exercetur.

Relaxatur Arrestatio ex pluribus capitibus. 1. Si Arrestatus satisfaciatur Creditori, & extinguat causam Arrestationis; nam cessante causa, cessat effectus. Haun. *tom.* 5. de J. & J. *tractat.* 2. num. 370. 2. Si cedat bonis suis; nam Cessio id operatur, quod præstet debitorem immunem à carcere & Arrestatione personæ propter debita. Haun. *tom.* 1. *tract.* 2. num. 436. & hinc in electione debitoris est, ut pro debitis suis aut subeat carcerem, aut si istum declinare velit, cedat bonis. 3. Si cautionem idoneam præstet de stando Iuri in loco Arresti, & iudicato solvendo; quo casu si ulterius detineatur Arrestatus, & non recipiatur cautio, Iudex hoc ipso faciet litem suam, & actor renebitur injuriarum. Haun. *tom.* 5. *tract.* 2. *citato num.* 371. & constat à pari; nam etiam per huiusmodi cautionem tollitur sequestratio, & missio in possessionem bonorum. Debet autem Cautio ista fieri per pignora, vel fidejussores; nam regulariter juratoria non sufficit, nisi fortè persona esset in aliquo



quo Nobilitatis, aut Dignitatis gradu constituta, à qua perjurium timendum non esset & cui ignominiosum foret, ejus Juramento fidem non haberi. 4. Si Arrestatio absque requisitis substantialibus, & sufficiente causa e. g. quia debitum nondum probatum est, decreta fuit à Judice; nam tunc absque cautione in totum relaxari Arrestum debet. Berlich. p. 1. concl. 74. n. 163. Coler. de process. execut. part. 1. cap. 2. num. 83. & seqq. Carpzov. Defin. for. p. 1. const. 29. d. fin. 39. num. 1. & seqq. & merito; nam sicuti Judex facilis fuit in concedendo Arrestum, ita etiam facilis esse debet in revocando, & relaxando. 5. Si causa, ob quam Creditor fecit arrestari debitorem, est vera ex parte, sed non ex toto: ubi distinguendum est, an plus allegetur ex eadem causa, e. g. dicendo, quod arrestatus debeat 1000. cum tantum debeat 500. an ex causis diversis v. g. quod debeat 100. ex mutuo, quod verum est, & 100. ex empto, quod falsum est. Si primum, Arrestum est relaxandum, & Creditor condemnandus in expensas, ut patet ex cap. an. de plus petit. Si secundum, Arrestum quidem relaxandum non est, rescindendæ tamen expensæ, si ex causa plus petitionis majores factæ sunt, Haun. tr. 2. cit. n. 375.

## P A R S III.

## Probationes, &amp; Exceptiones in Lite.

**I**N præcedenti Parte Legislator noster Ordinationem Actuum Judicialium tum inter se, tum secundum tempus à Judice Ecclesiastico observandum ostendit; ubi multa de variis quæstionibus, quæ in Judicium incidere, & antequam ad Causam principalem processus fiat, decidi nonnullæ solent, & debent. His expeditis, ad ipsam causam principalem, tractandam progredi Judex debet: quod fit audiendo Positiones Actoris, in quibus ille intentionem suam fundat; & Exceptiones Rei, quibus iste illius intentionem conatur elidere. Utræque ferè probari debent. Unde qui fieri hoc debeat. Tertia hæc Pars Libri, quem præ manibus habemus, Decretalium Secundi à Titul. XVIII. usque ad Titul. XXVI. dilucidius ostendet.

## T I T U L U S XVIII.

## De Confessis.

**A**Liquando ab onere probandi reus Actorem relevat, quod tum contingit, quando aliquam, vel aliquas ex Positionibus sibi ab Actore propositis fatetur; cum enim optima probatio sit proprii oris confessio, quoad illa, quoad quæ reum fatentem habet, probatione Actor non indiget. Ut autem sciamus, quæ vis sit Confessionis in Judicio, fit

## §. I.

## De Natura Confessionis, hujus Varietate, &amp; requisitis.

## S U M M A R I U M.

- 1 2 *Definitio Confessionis, & ejus Varietas.*
- 3 4 *Quando reus Judici interroganti debeat respondere de crimine?*
- 5 6 *Quando iste illum interrogare de Sociis criminis?*
- 7 8 9 *Requisita, ut nominans Socios adversus hos fidem faciat.*
- 10 11 12 13 14 15 *Requisita universim ad Confessionem Judicialem.*
- 16 17 18 19 *An Confessio Judicialis requirat sententiam definitivam ferendam in consentem.*

**Q**Uæritur 1. quid, & quotuplex sit Confessio? Resp. Confessio prout hic accipitur, est ejus, quod ab Adversario intenditur, in Judicio, vel extra illud facta asseveratio. Ita quoad rem DD. communiter, maxime Hiltrop. Process. Judic. p. 3. tit. 17. §. quæ requirantur & c. n. 1. Gonzal. in c. 1. hoc tit. n. 4. Haun. tom. 5. de J.

& J. tr. 3. n. 507. Pirb. hic n. 1. Schambog. n. 1. Konig n. 1. Vviesl. num. 1. Quatuor autem maximè modis dividi Confessio solet.

1 In Discretam, & Indiscretam. *Discreta* est, quæ fit cum expressione causæ, ex qua orta est obligatio; *Indiscreta*, quæ genericè tantum, & absque mentione causæ obligantis. In exemplo, si Titius fateatur Cajo se eidem debere 100. fl. ex contractu mutui, est discreta Confessio; si mentionem causæ non faciat, ex qua debet hanc summam, est Confessio indiscreta.

2 In Simplicem, & Qualificatam. *Simplex Confessio* est, quando quis Adversarii intentionem confitetur simpliciter, & sine adjecta qualitate restringente, ut si Titius fateatur se occidisse Cajum, propter quod accusatur: hac confessione fundatur Actoris intentio, *Qualificata* est, quando fatetur quidem Actoris intentionem, sed adjecta conditione, vel qualitate aliqua, per quam confessio restringatur, ut si idem Titius fateatur quidem se occidisse Cajum, sed addat id se fecisse, non nisi causa justæ defensionis.

3 In Expressam, & Tacitam. *Expressa*, quæ etiam *Vera* confessio nuncupatur, est, quæ fit verbis, scriptura, vel aliis signis declarandæ voluntati accommodis. *Tacita*, quæ & *quasi Confessio* appellatur, est, quæ ex certo aliquo facto elicitur, vel à Lege intervenisse fingitur: quod variis modis potest contingere. Et 1. si quis de delicto cum actore transigat, numerando ei pecuniam, vel aliud quid præstando, ut ab accusatione abstineat; cum enim suum pactare nemo consueverit, is, qui ita transigit cum accusatore, delictum confiteri censetur, & perinde, ac si condemnatus fuisset, infamia notatur l. *Athletas* 4. §. fin. & l. seq. ff. de his, qui notant infam. 2. Siquis sit contumax, & in Judicio non respondeat, vel non rectè cap. fin. hoc tit. in 6. & l. contumacia 53. §. contumax 1. ff. de re judic. ubi tamen excipitur, qui ex causa non respondet; nam ut textus ibid. §. fin. ait, *Contumaces non videntur, nisi qui, cum obedire deberent, non obsequuntur.* 3. Qui fugit, & Judicio post litem contestatam se subducit l. consiliarios 3. Cod. de Assessor. & c. nullus 4. de præsumpt. ubi Bonifacius Papa, *Nullus dubitat*, inquit, *quod ita Judicium nocens subterfugit, quemadmodum ut absolvatur, qui est innocens, queris; confitetur enim de omnibus, quisquis se subterfugere Judicium dilationibus putat.* 4. Qui renuntiat liti; talis enim ostendit se non habere jus, aut saltem credere se non habere arg. l. si adversarius 3. Cod. de fid. instrum. 5. Qui producit Instrumentum, vel Rescriptum: nam hic confiteri censetur ibi contenta; alias ad probationem eidem non deserviret, utpote dubiæ fidei. 6. Qui ad Positiones ab Adversario allegatas à Judice respondere jussus tacet, aut obscure respondet cap. fin. citat. nam hic quoad eas Positiones pro confesso habetur. Neque refert, utrum omnino respondere detrectet, an vero obscure respondeat; nam ut bene Barbosa in cap. citat. advertit, sic respondere est, quasi nihil respondisset. Plures alios modos vide apud alios Doctores.

4 Denique, & principaliter dividitur Confessio in Judicialem, & Extrajudicialem. *Judicialis* est, quæ fit in Jure, seu Judicio. *Extrajudicialis*, quæ extra illud, Præcipuè de his agetur; unde

QUæritur 2. an reus in Judicio interrogatus de crimine respondere teneatur? Resp. cum distinctione: Vel enim constat, quod Iudex non interroget legitimè, vel constat, quod interroget legitimè, vel dubium est, an interroget legitime, necne?

Si primum est, e. g. quia Judex interrogat reum de crimine, de quo nondum est diffamatus, nec aliis indiciis ad semiplenam probationem gravatus, non tenetur respondere, neque ex taciturnitate haberi potest pro confesso; quia eo casu Iudex egreditur limites suæ potestatis, & conf. interrogat tanquam privatus.

Si tertium, iterum non tenetur confiteri; quia in dubio melior est conditio possidentis: & licet alias præsumatur Superioris mandatum esse justum, non tamen in hoc speciali casu, ubi est conjunctum cum damno gravissimo.

Si Secundum, aliqui cum Innocent. in c. dudum 22. de elect. existimant teneri etiam hoc casu reum interroganti Iudici respondere, saltem si agatur in causa capitali de damno



damno vitæ; quia, ut ajunt, præceptum humanum, quale est Judicis, non solet obligare cum tanto damno; quod confirmari potest argumento à minori ad majus; nemo enim de Jure cogi potest, ut veritatem dicat contra consanguineum suum. Ergo multo minus, ut veritatem dicat contra seipsum. Hæc sententia, cum satis probabilis sit, Confessariis servire potest, quando reus persuaderi non potest, ut crimen nitro confiteatur. Cæterum contrariam judico probabilior, quam etiam tenent S. Thomas, Cajetanus, & alii communiter. Ratio est, quia Reip. interest, ne crimina maneant impunita; & correlativa sunt Judicem interrogare legitime, & reum ad interrogationem respondere debere; alias exigua Judicis autoritas foret.

4 Procedit responsio etiam quoad Positiones negativas, quæ aliter probari nequeunt, nisi per confessionem Adversarii; licet enim ejusmodi Positiones ex rigore Juris Civilis admittendæ non sint, cum ex stricto Jure illud tantummodo poni possit, quod potest probari potest tamen quandoque Judex suadente sic æquitare, si ita expedire videbitur, admittere, ut Positio hujusmodi negativa formetur ab Adversario e. g. *Ponoverum, quod Titius privilegium nullum habeat &c.* & tunc reus tenebitur respondere affirmative, vel negative; si affirmative, illud privilegium debet ostendere; quia tunc reus quasi excipit contra Positionem Actoris. Igitur tenebitur hanc suam exceptionem probare; si negative, alia probatione opus non est, sed censetur reus confessus carentiam privilegii, & ulterius proceditur in Positionibus. Ita habetur c. *statuimus* l. *hœrit. in* 6. & tradit *ibid.* Gloss. *V. Judicis Vivian. in ratione*, Barbof. n. r. Schamb. *hic* n. 6. & alii communiter.

5 Quæritur 3. an & quando Judex reum de se confessum interrogare possit de sociis criminis? Resp. regulariter, & ordinarie interrogare de sociis eum non potest, & si ita interrogatus de iis aliquid affirmat, confessio illa eisdem non nocet. Ita Clar. §. *fin. q. 21. n. 3. vers. dictum Socii*, Sabell. §. *confessio* n. 53. Vivian. in c. *cum Monasterium* l. *hoc tit. vers. ad solum dictum*, Laym. *ibid.* n. 1. Gonzal. n. 2. Barbof. n. 1. Vallef. *hic* n. 8. Zoef. n. 1. Engl. n. 21. Pirh. n. 23. & hoc teste communis omnium sententia: Patet ex Juris utriusque textibus; Canonici quidem *can. fin. caus. 15. q. 3. c. veniens* 10. de *testib. c. cum Monasterium* cit. Civili autem l. *peti posse* 16. ff. de *question. & l. fin. C. de accusatione*. Ratio est, rum quia confessus de se crimen in Judicio eo ipso sit infamis, & conf. à testimonio dicendo repellitur; rum vero maxime, quia ad id proni sunt mali homines, ut optent habere socios delictorum, & pœnarum, & hoc vel ob odium, & inimicitias erga personam à se nominatam, quam volunt involvere eodem tecum supplicio, vel ob spem, quam concipiunt impetraturos se veniam, si alios tuos complices nominaverint.

6 Dixi autem regulariter, & ordinarie; nam plures sunt casus, quibus interrogari criminosus de Sociis in Judicio potest. Et 1. quidem in criminibus, quæ in perturbationem, concussionem, & perniciem Reip. specialiter cedunt, ut crimen læsæ Majestatis, Hæresis, Veneficii, Latrocinii, Sacrilegii, Falsæ monetæ, Assassinii. 2. In criminibus occultis, & difficilis probationis, in quibus plerumque de veritate aliter constare non potest, nisi per socios criminis; quia in his ob difficultatem probationis admittuntur etiam testes inhabiles, & leviora sufficiunt indicia. 3. In iis, quæ sine socio non committuntur, cujusmodi sunt Sodomia, Stuprum, Adulterium, conspiratio in Principem &c. quia etiam hæc fere occulta, & difficilis probationis sunt. 4. In illis, quæ non sunt inere præterita, sed futuro tempore committenda cum damno Reip. vel etiam privata personæ, ut si aliqui conjurarunt ad prodendam patriam, vel hominem occidendum. 5. In aliis quibuscunque criminibus, si socii aliunde jam sint diffamati, sintque aliæ contra eos probationes, & indicia. 6. Ubi consuetudo in quibusdam criminibus interrogandi potestatem indulget Judici. Sed Farin. *prax. crim. questio* 43. *num.* 123. huic Juris observantiam præfert; & merito; quia ut l. *licet* 12. ff. de *Offic. Præsid.* dicitur, non tam, quid Romæ factum, sed quid fieri debeat, spectandum, & observandum est. Videantur Clar. *vers. dictum socii* cit. Menoch. de *arbitr. casu* 474. à *num.* 18. Farin. *questio* 43. *cit.*

à n. 56. Mascard. de *Probation. concl.* 1318. Laym. *loc. cit. num.* 2. & *seqq.* Pirh. *num.* 24. & *seqq.* P. Vviesl. *numer.* 22. P. Reiffenstuel *numer.* 96. & *seqq.* P. Schmier *Process. Judic. cap.* 8. à *numer.* 52. cum aliis supra cit.

Quæritur 4. quæ requirantur, ut in relatis casibus Judex reum, de se confessum, Juridice interrogare possit de Sociis criminis, & reus sic confessus, & nominans socios fidem faciat adversum illos? Resp. 1. requiritur, ut Judex non interroget in specie, vel individuo de certa persona e. g. an Titius sit particeps criminis; sed in genere solum, an reus habuerit Socios Laym. in c. 1. *loc. cit.* n. 8. Pirh. *hic* n. 27. Viesl. n. 25. & alii apud istos. Ratio est, quia si in specie de aliquo interrogaret, id esset potius suggerere, quam inquirere. Excipitur, nisi jam aliunde de ejusmodi delicto suspecta esset persona aliqua; tunc enim posset Judex adversus illam instituire inquisitionem specialem, igitur poterit de ea etiam inquirere ex ipso reo. Vel nisi reus in Judicio jam confessus fuisset se cum sociis deliquisse; tunc enim, si nomina eorum reus non expressit, potest Judex ulterius petere, ut eos nominet; alias denuntiatio eorum in Judicio esset frustranea, & imperfecta.

2 Ut, qui socios criminis revelavit, hoc ipsum postea confirmet in tortura l. *ob carnem* 21. §. *si ea* 2. ff. de *testib.* Laym. *loc. cit.* n. 11. Pirh. n. 28. Ratio est, quia reus ob confessionem delicti à se factam est infamis; infami autem non creditur sine tortura. Opus tamen erit, ut ejusmodi confessionem de sociis in tortura factam altera die in loco Judicii coram Notario, & testibus sponte, & sine tormentorum metu ratificet, prout ratificandam principalis delicti confessionem dicitur *infra* n. 11.

3 Ut Reus denuntiationem socii Juramento confirmet. Patet ex ff. & C. de *testib.* & docet Laym. n. 9. Pirh. n. 29. Vviesl. n. 26. Ratio est, quia si in Civilibus testi non creditur, nisi jurato, multo magis hoc procedit in criminalibus, cum in his exigantur clariora indicia, & probationes. Neque obstat, quod reo etiam non jurato credatur; hoc enim verum est solummodo, quatenus de se confitetur, non vero, quando deponit contra alium; tunc enim procedit universalis regula, quod ei, qui in Judicio deponit, vel asserit aliquid in præjudicium tertii, fides habenda non sit, nisi jurato. Excipe, nisi de praxi Curie in aliquo locode-nuntiario sociorum à reo facta recipiatur etiam sine Juramento; tunc enim praxis illa servari potest, modo non tanta depositioni sine Juramento factæ adhibeatur fides, quanta adhiberetur, si confirmata Juramento foret.

4 Ut denuntians non habuerit inimicitias contra denuntiatum. Laym. n. 13. Pirh. n. 30. Vviesl. n. 24. idque sumitur ex recepta doctrina, quod inimicus capitalis etiam in criminibus exceptis non admittatur ad testificandum. Ergo neque ad accusandum, vel denuntiandum; & hoc ob periculum, ne vindictæ causa denuntiet.

5 Ut denuntians in suis denuntiationibus contra socios criminis sit constans, & perseveret. Laym. n. 12. Pirh. n. 30. Vviesl. n. 24. Hinc qui post præstitum Juramentum veritatis interrogatus de sociis criminis negavit se habuisse socios, postea vero in, vel extra torturam eosdem nominat, fidem non meretur; sicut enim prius se mentitum fatetur, ita etiam nunc mentiri potest.

6 Ut reus de se confessus, præter illum criminis defectum, non sit aliunde inhabilis ad testificandum. Laym. n. 14. Pirh. n. 31. Vviesl. n. 24. Ratio est, quia quod infamia ex crimine confesso non obstat reo, quin denuntiare socios possit, est exceptio exorbitans à Jure communi; hujusmodi exceptiones autem non extendi, sed strictè interpretari debent l. *quod vero* 14. ff. de *Legib. & Reg.* 28. in 6.

7 Ut denuntiatio hujusmodi à reo facta suffulta sit aliis conjecturis, & indiciis criminis, ob quæ verisimilis fiat Laym. n. 15. Pirh. n. 31. Quare si reus tanquam sociam criminis denuntiet personam honestam, bonæ famæ, minimeque suspectam, denuntiatio ejus ipsi non oberit, nisi cum denuntiatione concurrant indicia, & præsumptiones, quæ famam, & estimationem bonam,



bonam, de persona denunciata antea habitam, notabiliter superent. Poteſt tamen eo caſu, ſi ex confeſſione Rei in denuntiatio redundavit infamia aliqua, eidem denunciatio injungi à Judice, ut ſe cum tribus aliis ejusdem ordinis purget. Barboſ. in cap. 1. hoc tit. num. 1. cum aliis: de quo infra Libr. V. Tit. de purgat. Canon.

Quæritur 5. quid univerſim requiratur, ut Confeſſio Judicialis effectum habeat, & præjudicet conſtienti? Reſp. plura paſſim apud DD. inveniuntur requiſita, quæ memoriæ juvandar gratia in verſiculos ſequentes collecta ſunt.

*Major, ſpontè, ſciens, contraſe, eſt juſ ubi, & hoſtis, Certum, liſque, ſavor, juſ, nec natura repugnet.*

Igitur 1. requiritur, ut Confeſſio ſit profecta à *ma-jore 24. annis*. Ubi plurimum refert, an minor ſit infans, an infante major, ſed adhuc impubes, an jam pubertatem adeptus. Si infans, etiam Tutoris autoritate accedente, confeſſio ab eo facta habetur pro nulla; quia negotium, de quo interrogatur, non intelligit, & idcirco in Judicio vocari non poteſt. *ſed quod 10. Inſt. de inutil. ſtipulat. l. quicunque 4. ff. de in juſ vocand. Si infante major, & ſeptennium jam egreſſus, ſed nondum adeptus pubertatem ſit*, confeſſio ab eo facta ſine tutoris autoritate non valet; quia ſine hac pupillus ſe obligare non poteſt: facta autem cum autoritate Tutoris ipſo Jure quidem ſubſiſtit, ſed laſo ſuccurritur per beneficium reſtitutionis in integrum *l. certum 6. §. in pupillo 5. ff. hoc tit. Si vero jam ſit pubertatem adeptus, videndum, an habeat, vel non habeat Curatorem. Si habet*, confeſſio ejus non aliter ipſi præjudicat, quam ſi Curator intervenerit; tunc enim planè æquiparatur pupillo *l. ſi Curatorem 3. Cod. de in integr. reſtit. minor. 25. ann. Si non habet Curatorem*, confeſſio illi præjudicat, ſi facta ſit extra Judicium, ſed laſus in integrum reſtituitur *§. in pupillo citat. at ſi in Judicio facta ſit, regulariter nulla eſt*; quia minor per ſe loquendo perſonam ſtandi in Judicio non habet *l. in rebus 2. Cod. qui legit. perſon. ſtand. in judic. &c. Excipitur*, quando agitur de momentanea poſſeſſione, vel rebus ſpiritalibus, & quæ his annexa ſunt; cum enim in hujusmodi cauſis ſtare in Judicio minor poſſit juxta dicta *Tit. 1. n. 26. etiam ſuper iis facta ab eo confeſſio obtinebit*, reſervato tamen beneficio reſtitutionis in integrum, ut cum Abb. Lanfranc. &c. bene advertit P. Vvieuſt. hic n. 3.

2 Ut fiat *ſpontè, & libere*, non vi, & metu extorta ſit *can. ſi quandoque 1. cauſ. 15. quaſt. 6. ubi etiam dicitur*; quod confeſſio, quæ ex neceſſitate ſit, fidem non faciat. Et idem dicendum de eo, qui ſpe impunitatis ſibi à Judice promiſſæ, vel alia fraude inductus delictum confeſſetur. Ratio eſt, quia hiſ caſibus deſicit præſumptio, in qua vis propriæ confeſſionis fundatur, cum ſæpe ob vim, metum, aut etiam dolum quis teſtimonium contra ſeipſum perhibeat. Extenditur ad confeſſionem factam à reo in tormentis; nam ut iſta aliquid prober adverſus reum ſic conſtitem, tria debent concurrere. 1. Ut conſtet de corpore delicti, i. e. quod revera illud delictum, de quo aliquis arguitur, factum ſit; unde ſi reus fateatur in tormentis, quod alibi homicidium, vel furtum fecerit, in eo loco inquiri debet, an aliquando tale homicidium, aut furtum ab aliquo factum ſit. 2. Ut contra torquendum gravia habeantur indicia. 3. Ut tortus, ſeu metu in conſpectu tormentorum confeſſus perſiſtat in confeſſione. Dicitur autem in confeſſione perſiſtere, qui, quod antea in torturâ faſſus eſt, altera die ad bancum juſtis, ut vocant, ſeu locum publici Tribunalis ductus, & extra tormentorum conſpectum poſitus confeſſionem repetat *l. ſiquis 2. Cod. de cuſtod. reor.* Hæc niſi concurrant, confeſſio etiam in tormentis facta non præjudicat conſtienti *l. 1. §. 17. 23. & 27. ff. de quaſtion. & l. qui in carcerem 22. ff. quod met. cauſ. Abb. in c. fin. n. 11. & 12. hoc tit. Vveſenbec. ff. eod. n. 3. Marant. de Ordin. Judic. n. 6. membr. 10. aſt. 14. n. 15. Engl hic n. 17. Pirh. n. 5. Konig n. 9. Vvieuſt. n. 4.*

3 Ut *ſciens* confeſſeatur, h. e. ut confeſſio procedat ex certa ſcientia, & non ex errore. Ubi tamen diſtingui debet, utrum ſit error Juſtis, an facti: item an ulpabiliter commiſſus, vel inculpabiliter, & ſi culpabiliter, an ex culpa lata, an verò ex levi, vel leviffima.

Si error craſſus ſit Juſtis clari, aut facti proprii recentis, regulariter confeſſio nocet conſtienti, nec eam revocare licet; quia non præſumuntur hæc ignorari. At ſi inculpabilis ſit error, præcipue facti, confeſſio uſque ad ſententiam revocari poteſt, dummodo ejuſmodi error facti ante latam ſententiam oſtendi, & probari poſſit. Hiltrop. *Proceſſ. Judic. p. 3. tit. 17. §. quærentur &c. num. 20. Vveſenbec. ff. hoc tit. n. 3. Vivian. in cap. 3. eod. Vallenſ. hic num. 9. Zoel. num. 4. Pith. num. 7. Engl num. 16. Konig num. 7. Sannig cap. 2. n. 2. Vvieuſt. num. 5. & conſtat ex cap. fin. hoc tit. l. non fatetur 2. ff. eod. l. error 8. & l. ſeq. de J. & F. J. l. quamvis 1. & l. error 7. C. eod.* Idem dicendum, ſi facta ſit confeſſio, non ex propoſito, ſed calore iracundiæ, & univerſim de quacunque confeſſione fallæ; nam ejuſmodi confeſſio non valet, nec præjudicium conſtienti aſſert. Marant. *de Ord. J. d. p. 6. tit. de confeſſion. n. 10. Hiltrop. n. 23. Vveſenbec. num. 7. Pirh. num. 9.*

4 Ut confeſſeatur *contra ſeipſum*; nam confeſſio uniſ criminofus in Judicio adverſus alios ſocios criminis facta, ſive ſponte facta illa ſit, ſive ad interrogationem Judicis, non admittitur, nec probat adverſus illos, niſi laborent infamia de hoc, vel ſimili crimine, aut adſint indicia aliqua, vel aliud genus probationis; imo regulariter & ordinarie prohibitum eſt utroque Jure, ne reus in Judicio interrogetur de ſociis criminis, prout dictum eſt ſuprà n. 5.

5 Ut confeſſio fiat, *ubi Juſ eſt*, i. e. coram Judice competente ſedente pro Tribunali. Dixi 1. *coram Judice*. Hinc confeſſio Judicialis non eſt, quæ ſit coram Arbitratore; eſt autem Judicialis, quæ ſit coram vero Arbitro, ſive deinde arbitrer Juſ ille ſit, ſive compromiſſarius. Marant. *tit. de confeſſ. cir. n. 31. Maſchard. de prob. concl. 348. num. 14. & 15. Haun. com. 5. tract. 3. num. 508. Pirh. hic num. 2. Vvieuſt. num. 8. & ratio eſt*, quia arbitrator non cognoviſit ut Judex, ita autem cognoviſcit verus arbitrer; & hinc *l. compromiſſum 1. ff. de recept. qui arb. dicitur*, quod arbitria ad ſimilitudinem Judiciorum redigantur, Similiter Confeſſio Judicialis non eſt, quæ ſit coram Notario extra Judicium, etiam præſente altera parte, ſi Judex non adſit Marant. *num. 30. Hiltrop. a num. 4. Barboſa in cap. fin. hoc tit. num. 8. Pith. hic num. 2. & ratio eſt*, quia Notarius non habet poteſtatem recipiendi tales actus Iudiciales ſine mandato, & commiſſione Judicis. Quod ſi tamen coram Notario cauſæ apud Protocollum confeſſio facta ſit, Judicialis etiam dici, ut Hiltrop. *num. 5. obſervat*, ex recepta conſuetudine poterit, additque rationem; quia plerumque actus legitimi, qui in Judicio coram Iudice expediuntur, etiam coram Notario hodie expediri poſſunt, & eandem vim habent. Dixi 2. *coram Iudice competente*; nam ſicut ſententia irrita eſt, quæ fertur à Iudice incompetente, ita & confeſſio coram eodem facta *cap. at ſi Clerici 4. princ. de Judic. Hiltrop. §. citat. num. 10. Vveſenbec. ff. hoc tit. num. 5. Perez. Cod. eod. num. 6. Engl num. 14. Konig num. 17. Vvieuſt. num. 8.* Habebit igitur hujusmodi confeſſio, coram Iudice incompetente facta, vim tantum extrajudicialis confeſſionis, quæ non plene probat. Dixi 3. *coram Iudice ſedente pro Tribunali*; quia ea communiter Iudicialis dicitur, quæ ſit in Jure *l. un. Cod. hoc tit.* juſ vero dicitur ibi eſſe, ubi judicandi gratia Iudex ſedet *l. juſ 11. ff. de l. & l. Excipitur*, ſi cauſa non requirar plenam cognitionem; nam in Summario Iudicio valet confeſſio extra Tribunal facta; imò uſu receptum eſt teſte Hiltrop. *num. 4. cit.* quod Iudex non ſolum in præparatoriis, ſed etiam in deciſoriis poſſit extra Iudicium, & domi ſuæ partium reſponſiones recipere, licet ſententiam ferre non poſſit, niſi in loco Iudicii.

6 Ut confeſſio fiat *preſente adverſario*; hic enim 14 *Hiſſis* nomine in verſibus num. 10. allatis intelligitur. Sufficit autem, ſi adſit confeſſioni hujus Procurator, habens ad hoc ſpeciale mandatum, ut habetur *l. certum 6. §. ſiquis 3. ff. hoc tit.* ubi ratio indicatur, quod *non ſoleat quis abſenti condemnari*. Procedit autem hoc ſolum de Jure Civili; nam de æquitate Canonica parte abſente facta confeſſio valet, & plenam fidem meretur. Abb. *in cap. fin. hoc tit. num. 16. Honor. hic nu. 10. Engl n. 12. Konig num. 20. Vvieuſt. num. 9.* Ratio eſt, quia in confeſſione de Jure Canonico conſideratur deliberatio & veritas, quarum neutram præſentia Adverſarii anget, vel abſentia



absentia ejusdem minuit. Imo etiam de Iure Civili confessio absente Adversario facta valet, & plenam fidem meretur in duplici casu. *Unus* est, quando ejusmodi confessio, parte absente facta, à Judice, vel etiam alio nomine absentis in iudicio acceptatur, & postea ab absentis ratificatur. Perez Cod. hoc tit. num. 7. Zoel. ff. eod. num. 4. Vviesl. hic num. 9. Schambogen num. 2. *Alter*, si relata sit in Protocollo, vel aliam scripturam, quæ postea Adversario communicetur; cum enim Scriptura semper loquatur, non tantum Judici, sed etiam parti adversariæ confessus esse censetur, ac proinde confessio hæc plenam faciet fidem, ut advertit Abb. in c. fin. cit. num. 15.

7 Ut sit de *Re certa* quoad substantiam, & quantitatem l. certum 6. pr. ff. hoc tit. Gloff. ibidem V. certum, Hiltrop. loc. cit. num. 11. Perez Cod. hoc tit. num. 8. Vviesl. ff. eod. num. 4. Brunnem. in l. certum cit. n. 1. Zoel. hic n. 3. Sannig c. 2. n. 2. Vviesl. n. 6. Ratio est, quia confessio parit sententiam. Ergo sicut hæc certa debet esse, ita & confessio. Confessio incerta igitur consentienti non præjudicat: interim tamen, si ita suadet ratio, & de substantia ex confessione liqueat, confessus urgeri potest, ut certum consteatur l. certum cit. §. si quis 2. & DD. cit.

15 8 Ut fiat in *Judicio*; hoc enim *Litis* nomine significatur. In hoc distinguitur Judicialis Confessio ab Extrajudiciali.

9 Ut non sit facta *in favorem consentientis*; nam in favorem consentientis facta regulariter loquendo non habet vim probationis l. rationes 6. Cod. de probat. quia sicut nemo Judex, ita nec testis potest esse in propria causa ob fidem suspectam.

10 Ut sit de re, quæ neque *rerum natura*, neque *Juri* adversatur: qualis esset confessio, qua quis fateretur Titium esse suum filium, qui tamen majoris est ætatis, quam sit ipsemet, vel si quis confiteatur se occidisse hominem, qui adhuc vivit l. confessionibus 13. ff. de interrog. in Jur. fac. l. inde 23. §. fin. ff. ad Leg. Aquil. quia confessio debet esse verisimilis. Inde fit, quod, ubi crimen relinquit vestigium, nunquam procedatur ad executionem, utcumque reus confessus illud, vel de eo etiam convictus sit, nisi, ut *supra* n. 11. monui, prius de corpore delicti constet: & hinc quando aliquis fateretur de homicidio, prius inquiritur de cadavere, vel si furtum quis confiteatur, indagatur, an revera tale furtum in tali loco, sicut asseritur, commissum sit &c.

Addunt aliqui 11. cum Vviesl. ff. hoc tit. num. 5. & Perez Cod. eod. num. 8. ut fiat cum *expressione causæ*, quod alias facta non videatur ex certa scientia, sed potius ex abrupto. At verius expressio causæ non exigitur. Abb. in cap. fin. cit. num. 14. quia facta Judice præsentate, deliberato animo, & non nisi de re certo cognita facta præsumitur.

16 Quæritur 6. an Confessio Judicialis requirat sententiam definitivam Judicis, quæ ferri debeat contra confessum in iudicio? Celeberrima hæc quæstio est apud DD. nec tamen hodie ita discussa adhuc, ut quænam opinio verior sit; talis liqueat.

*Prima sententia* negat requiri sententiam: quod probat variis Juris Civilis textibus; nam 1. passim Leges dicunt confessum in iure haberi pro condemnato l. confessus 1. ff. hoc tit. l. un. Cod. eod. l. sicut 4. C. de repud. vel alijm. hered. 2. l. post rem judicatam 56. ff. de re judic. confessio æquiparatur rei judicate; & l. certum 6. §. fin. ff. hoc tit. dicitur, quod quadrimestre tempus, quod datur judicatis, statim currat à confessione. 3. l. præde 25. in fin. ff. ad Leg. Aquil. dicitur, quod nullæ sint partes iudicandi in consentientes.

*Alter sententia*, & longè plurius affirmat definitivam opus esse, & probat hoc. 1. Ex l. Julianus 3. ff. hoc tit. ubi dicitur confessum condemnandum esse, quia pro iudicato habetur. 2. Ex l. de qua re 74. ff. de Judic. ubi habetur, quod Judex, qui cognovit de causa, debeat quoque super illa pronuntiare. 3. Ex l. fin. Cod. de execut. rei judic. ubi confessi, & convicti per probationes æquiparantur, & statuitur, in utroque, si condemnati fuerint, executionem debere fieri. 4. Ex c. cum super 2. hoc tit. ubi qui se Simoniacum in iudicio confessus est, jubetur per sententiam definitivam ab omni Beneficio, & Officio deponi.

17 *Tertia*, & probabilior utitur distinctione inter cau-

sas Criminales, & Civiles. *Quoad causas Criminales* facile omnes tertie istius sententiæ Doctores conveniunt, quod contra confessum requiratur sententia definitiva, sive præcedat confessio contestationem litis, sive sequatur: quod satis patet ex c. cum super cit. & l. si confessus 5. ff. de custod. & exhib. reor. Ratio est 1. quia in criminalibus, nisi alia criminis indicia adsint, confessus pro condemnato non habetur, tum ob maximum periculum vitæ, tum ob incertitudinem pænæ irrogandæ. 2. Quia Rei aliquando non tam facinorum conscientia, quam mortis cupidine, cædioque vitæ, aut carceris, metuque tormentorum contra se consentunt. 3. Quia ad pœnam, exceptis Censuris, & Irregularitatibus, & pœna in incestuosum conjugem lata, ante sententiam non datur obligatio arg. cap. cum secundum 19. de Heret. in 6. Ita Perez C. hoc tit. n. 3. Brunnem. ibid. n. 7. Zoel. ff. eod. n. 10. Honor. hic n. 35. Schamb. n. 10. Vviesl. n. 12.

*Quoad Causas Civiles* non conveniunt DD. nam aliqui cum Marant. cit. de confess. num. 26. indistinctè negant in his causis sententiam opus esse, ex ratione, quia in illis non vertitur tantum præjudicium, quantum in criminalibus; ut proinde in his confessus haberi pro iudicato possit juxta loc. cit. pro negativa sententia, & tempus, quod ei datum est jure, ad executionem solum, sive solutionem assignatum esse sit judicandum, prout innuit l. si debitori 21. ff. de judic. Sed probabilius loquuntur, qui distinguunt inter confessionem factam ante contestationem litis. Si facta sit ante contestationem litis, sufficere præceptum Judicis de solvendo juxta leg. si debitori citat. & leg. un. Cod. hoc tit. Si verò post contestationem, dicendum, quod adversus eum, qui post litem contestatam primum confessus est, requiratur sententia condemnatoria. Ita Abb. in cap. fin. hoc tit. num. 18. Perez Cod. eod. num. 2. Brunnem. ibid. num. 6. P. Vviesl. hic num. 13. propter expressos textus c. præterea 10. de transact. ibi: Ex confessione contra eos sententia procedere debeat, l. Julianus 3. & l. qui Stichum 5. ff. hic, quibus confessum condemnandum diserte asseritur: Idem persuadet ratio; quia Judicium semel ceptum sententia terminandum est, & Judex, de qua causa cognovit, super eadem pronuntiare debet l. de quare 74. cit.

Neque contrarium probant Argumenta præcedentium duarum Opinionum. *Secunda* argumenta nostræ serviunt; neque enim ante contestationem litis iudicium datur. Ad 1. argumentum primæ sententiæ dico, confessum pro iudicato, & condemnato propriè non haberi, ut cum aliis notat Abb. num. 18. citat. & indicat l. confessus citat. ubi additur *Quodammodo*, quod improprietatem denotat. Conf. ex ratione; quia nemo seipsum aut judicare, aut condemnare potest. Ad 2. id intelligendum sub data distinctione inter confessionem, quæ facta est ante, & post contestationem litis. Ad 3. cum dicitur, quod in consentientes nullæ sint partes Judicis, subintelligendum est, *Nisi in condemnando*, i. e. nisi ut consentientem condemnet; quia confessione hac legitime facta, Judex ulteriori inquisitione, & cognitione opus non habet. Perez numer. 2. citat.

## §. II.

### De Effectibus Confessionis, & ejus Revocatione.

## S U M M A R I U M.

- |    |    |    |    |    |  |
|----|----|----|----|----|--|
| 20 | 21 | 22 | 23 | 24 | Effectus Confessionis Judicialis.                    |
| 25 | 26 | 27 | 28 |    | Effectus Extrajudicialis Confessionis.               |
| 29 | 30 | 31 | 32 |    | Confessionis Sacramentalis.                          |
| 33 | 34 |    |    |    | Qualificatæ.   |
| 35 | 36 | 37 | 38 |    | Factæ in testamento, vel in articulo mortis.         |
| 39 | 40 | 41 |    |    | Deposita contra Socios criminis.                     |
| 42 |    |    |    |    | Facta à Procuratore.                                 |
| 43 |    |    |    |    | Antecessore, & Prælate Ecclesiæ.                     |
| 44 | 45 |    |    |    | Tacite nolentis respondere ad Positiones Adversarii. |
| 46 | 47 |    |    |    | Consentientis crimen in iudicio incidenter.          |



48 49 50 51 Quando possit revocari confessio in Iudicio facta?

**Q**uæritur 1. qui sint Effectus Confessionis Judicialis? Resp. varii afferuntur, ut videre est apud Marant. de Ord. Jud. p. 6. tit. de confess. a. n. 21. Hiltrop. p. 3. tit. 17. §. de effect. Judic. confess. Pith. hic num. 19. König a. n. 24. Vviesl. n. 11.

Er 1. quidem est plenissima probatio, ita ut superet, & infringat omnes alias probationes factas per testes, & instrumenta in favorem confitentis contrarium cap. diligenti 7. de præscript. cap. dilecti 2. de Capell. Monach. l. confessus 1. ff. & l. un. Cod. hoc tit. Rota Rom. in Nov. p. 3. decis. 758. n. 2. & decis. 191. n. 12. p. 4. tom. 1. decis. 157. fin. Er propterea non est mirum, quod per eam ab onere probanti relevetur actor, cum nulla sit probatio melior, quam proprii oris confessio; ut proinde utilissime admittatur in Iudicio, cum per eam veritas contrarietatis sine longioribus ambagibus eruatur. Excipitur; nisi quod aliquid constiterit, tale sit, ut simul cedat in præjudicium Reip. ut si dominus Iudici contra aliquem inquirenti de furto dicet, se non fuisse invitum; cum enim Reip. intersit crimina non manere impunita, assertioni ejusmodi non creditur in Iudicio, nisi is, qui abstulit, fuerit amicus, vel res ablata exigui preii, aut alia inducia pro eo concurrant, Hoc tamen in eo casu operatur hujusmodi Confessio, ut si contra reum agatur ex meris præsumptionibus, ipsa maximam præsumptionem pro eodem faciat, ita, ut in tali casu reus non possit torqueri, licet alias adessent sufficientia indicia ad torturam, ut post Bartol. Alex. & alios docet König hic n. 10. & ratio est, quia præsumptio contra reum per contrariam præsumptionem ex confessione partis læsæ eliditur.

2 Inducit notorium per cap. vestra 7. de cohabit. Clem. & mulier. Hinc viam appellationi præcludit c. pervenis 13. & cap. seq. de appell. l. observare 2. C. quor. appell. non recip. Estque hoc verum, etsi confessus quis sit sponte, ac voce propria, licet convictus non sit; neque refert, an causa, de qua agitur, sit civilis, an criminalis, ut notant Abb. in c. cum speciali 61. §. porro n. 5. de Appellat. Covar. pract. qq. c. 23. n. 5. concl. 2. Hiltrop. §. cit. n. 12. Pith. hic n. 19. Schamb. n. 9. Excipitur casus, quo reus confessionem in Iudicio factam ex causa revocavit, tunc enim nihil obstat appellationi.

3 Tollit præsumptionem Juris, & de Jure, ita ut etiam si aliæ probationes contra hujusmodi præsumptionem non admittantur, admittatur tamen contra illam probatio in contrarium per confessionem partis. Marant. p. 6. tit. de confess. n. 22. Mascard. concl. 334. n. 3. Hiltrop. loc. cit. n. 6. Pith. hic n. 19. Schamb. n. 8. König n. 26. Vviesl. n. 11. & ratio est, quia propria confessio fortissimam pro se præsumptionem veritatis habet; cum enim nemo præsumatur veritatem fateri contra seipsum, nisi coactus, si fateatur, id, quod fateretur, merito haberi pro vero debet.

4 Locum invenit etiam post conclusionem in causa Mynsing. cent. 1. observat. 34. fin. Marant. num. 23. Hiltrop. num. 7. König num. 27. cum aliis supra allegatis. Ratio est, quia licet renunciatum sit probationibus, non intelligitur tamen renunciatum etiam confessionibus per textum c. Joannes 10. de fid. Instrum. Extendit istud Hiltrop. loc. cit. & ait procedere etiam post latam sententiam; semper enim debet veritati locus esse.

5 Sanat omnes defectus processus, adeo, ut, etsi Processus ob Juris ordinem non servatum, vel alium quemcunque defectum nullus sit, & propterea sententia ex eo ferri non possit, confessio tamen, modo coram competente Judice, & cum aliis supra requisitis fiat, valida sit, & sententia ferri ex ea possit. Mascard. concl. 344. cit. num. 4. Hiltrop. num. 9. Marant. num. 24. König num. 19. cum reliquis supra; & ratio est, quia ad valorem confessionis processus non requiritur.

6 Per Confessionem res judicata retractatur. Hiltrop. n. 13. & apud hunc cit. Et hoc iterum peculiare habet Confessio præ aliis probationibus; per has enim retractari sententia, quæ in rem judicatam transiit, non potest; at si pars victrix ultro confiteatur sententiam esse injustam, Juxta illam non exequetur.

7 Equiparatur rei judicatæ; quod intelligendum juxta dicta è n. 17. sc. ut requiratur sententia in causis criminalibus, & etiam Civilibus, quando confessio facta est post contestationem litis.

Quæritur 2. quem Effectum operetur Confessio Extrajudicialis? Resp. hujus, quod non ita deliberata esse præsumatur, vis minor, quam Confessionis Judicialis, nec semper eadem est, sed pro ipsius, & causarum, quas concernit, ac circumstantiarum, in quibus fit, varietate varia. Communiter distinguunt DD. inter eam, quæ fit in Causis Civilibus, & eam, quæ fit in causis Criminalibus.

*Si Causa sit Civilis*, & pro hac Confessio Extrajudicialis producatur in Iudicio, distinguendum, an ejusmodi Confessio tendat ad liberandum debitorem, quia sc. confitemur nobis satisfactum esse pro debito, & liberamus ab isto Adversarium, an vero tendat ad obligandum confitentem.

*Si primum*, e. g. quando dico; *Confiteor te mihi non teneri*, Confessio talis operatur, & probat plene effectum liberationis, modo sit ab Adversario acceptata, ut colligitur ex l. tale pactum 40. ff. de pact. & docet Hiltrop. p. 3. tit. 17. §. de extrajud. confess. n. 2. Ratio est, quia confessio liberatoris facta ab eo, qui remittere potest debitum, continet vim pacti, & inducit liberationem debiti.

*Si secundum*, interdum plene, interdum semiplene, interdum nihil omnino probat. *Plene probat*, si sit discreta, h. e. adjecta causa specialiter expressa, ut *Confiteor me debere* 100. Titio ex causa accepti mutui, sique insuper aut in scriptis, aut viva quidem voce, sed præsentem tamen Adversario facta, ac per duos testes integræ fidei probata fuerit, ut habetur c. si cautio 14. de fid. Instrum. l. generaliter 13. C. de non num. pecun. Excipe, nisi ex circumstantiis appareat contrarium, ut si aliquid in calore iracundiæ dictum est, vel si evidentissimis rationibus in scriptis ostendatur contrarium &c.

*Semiplene probat*, si discreta quidem sit, sed siar absente Adversario, vel si præsentem quidem Adversario fiat, sed discreta non sit, & causam non exprimat. Quod tamen intelligendum est regulariter; nam aliquando ad plenam probationem sufficit Confessio extrajudicialis etiam absente Adversario facta, uti est 1. si confessio ejusmodi sit recepta in scriptis, vel instrumento l. generaliter cit. 3. Si fuerit jurata; nam ratione Juramenti apppositi censetur deliberatè facta, & ex certa scientia. 3. Si fuerit repetita post intervallum; quia repetitio supponit deliberationem. 4. Si facta fuerit pro causa pia ob hujus favorem. Pith. hic n. 37. & 38. alii-que apud ipsum.

*Nihil omnino probat*, si sit indiscreta, & siar absente Adversario. Excipiuntur quatuor supra relati casus, in quibus Confessio etiam indiscreta aliquando plene, aliquando semiplene probat, prout sc. major, vel minor deliberatio in confitente præsumi potest. Videantur Mascard. concl. 345. & 347. Marant. tit. de confess. n. 2. & seqq. Hiltrop. §. cit. n. 2. Vvesenbec. ff. hoc tit. num. 10. Perez Q. ibid. n. 17. & 18. Barb. in c. 3. cod. n. 3. & 10. Sabell. §. confessio num. 3. Haun. tom. 5. tr. 3. num. 56. Vallenf. hic num. 6. & 7. Pith. n. 36. König n. 29. Sannig c. 3. n. 2. Schambog. n. 17. Vviesl. num. 34. & 35.

Ratio hujus adeo diversæ efficacis est, quia quando fit sine expressione causæ, & absente Adversario, præsumitur processisse ex præcipitancia, & indeliberatione; si cum expressione causæ, vel absente Adversario, aut vicissim, aliquali deliberatione facta præsumitur, adeo ut actori pro se habenti talem Confessionem deferri Juramentum suppletorium possit; at si cum expressione causæ, & præsentem Adversario, vel in scripto facta sit, de deliberatione non potest esse dubium. Et hinc revocari non potest, nisi error probetur: ratio est, quia tolerari non debet, ut qui præsentem Adversario semel tam deliberatè, licet extra judicium, aliquid est confessus, postea in Iudicio neget, vel alias probationes postulet.

In causis criminalibus distinguendum est, an Confessio sit contra ipsum confitentem an vero contra alium reum. *Si contra ipsum confitentem* facta sit non quidem vim probationis plenæ, & ad confelli condemnationis-



tionem sufficientis habet; aliquando tamen indicium facit sufficiens ad torturam, prout sumitur ex *c. olim* 25. *de rescript.* & notat Marant. *tit. de confess. n. 3.* Hiltrop. §. 68. *numer. 3.* Satell. §. *confessio numer. 4.* Vvesenbec. *ff. hoc tit. n. 10.* Honor. *hic n. 10.* Pirh. *n. 40.* Konig *n. 31.* Vviesl. *n. 32.* Opus tamen est, ut talis confessio non calore iracundiæ, aut alias temere effusa, sed verisimilis, & postea in Iudicio legitime probata sit.

Quodsi autem Confessio facta sit contra alium tertium, ne quidem iudicium facit ad torturam sufficiens, imo aliquando vix sufficit ad Purgationem Canonicam inducendam, sed solum inducit præsumptionem aliquam, quæ ad torturam, si sola adsit, non sufficit, ut *loc. cit.* advertunt Hiltrop. Vvesenbec. Pirh.

29 Quæritur 3. qualem effectum habeat Confessio Sacramentalis, si in Iudicio producatur? Resp. nullum omnino; quia sit Deo, non homini; & conf. extra commercium humanum est. Ita TT. & Canonistæ Orthodoxi omnes. Procciditque hoc non tantum de Sacerdote, apud quem deposita illa est, sed etiam de iis, qui cum propius Saero Tribunali adsistent, peccata confitentis, ab hoc clariori voce Confessario enarrata, aufecultrant; quia hi non minus, ac Confessarius, ad silentium obligantur, & universalis est regula, scientiam, quæ ex confessione quomodocunque obtineatur, non esse applicabilem ad ullum usum humanum.

30 Dubium est, an processus Inquisitionis, in Reum apprehensum formatus, adjuvari possit per schedam, in qua apprehensus vitæ suæ totius peccata deteripserit, si hæc in Iudicio producatur? Ratio dubitandi est 1. quia, ut Navar. *can. Sacerdos 2. de Pœnit. dist. 6. n. 3.* Henr. *Summ. l. 6. c. 20. n. 2.* Coninck *de Sacram. Pœnit. D. 9. dub. 3. fin.* & alii magni nominis DD. volunt, ejusmodi scheda secretum solummodo naturale inducit, sicut secretum naturale contrahit, qui peccata alterius, dum ad confessionem se præparat, ex ore ejus alta voce eadem recolentis audiat. 2. Quia hujusmodi scheda non est Confessio Sacramentalis, sed præparatam duntaxat illius materiam continet, ut adeo in illa ratio secreti cesset, quo ipsa confessio arcana servari debet. 3. Quia scheda hujusmodi alio fine, quam Confessionis Sacramentalis peragendæ, conscribi potuit, e. g. ad impediendum, triciis implicandum, & calumniis obnoxium reddendum Processum; quo fine conscriptam suppressere, & flagitia ibi descripta celare non aliter obligatur inventor, quam quivis alius, cui illa ex ipsiusmet Rei, vel complicitum relatione innotuerunt.

31 Sed dicendum, ejusmodi scriptam peccatorum relationem non posse ulli usui esse in Iudicio adversus scribentem, sed ab actis Iudicialibus omnino reiiciendam. Ita Riccius *decis. 172. p. 1.* Pax Jordan. *l. 14. tit. 16. n. 120.* Sabell. §. *confessio n. 7.* P. Vviesl. *hic n. 41.* P. Reistenstuel *ibid. n. 136.* & novissime Clariss. P. Schmier *Process. Judic. c. 8. n. 188.* & omnes illi, qui cum Rodriq. *Summ. tom. 1. c. 15. n. 4.* Tolct. *l. 2. de restit. c. 4. n. 461.* Malder. *tr. de Sigill. conf. c. 13.* Fagund. *de 2. præc. Eccl. l. 6. c. 5. n. 16.* Dian. *p. 3. tr. 5. resol. 102.* Stoz. *Trib. pœn. l. 2. q. 5. n. 215.* docent talis schedæ inventorem ad celanda peccata ibi descripta obligari sub Sigillo Sacramentali.

Ratio est 1. quia ex omnium sententia hujusmodi scheda inventa inducit Sigillum vel Sacramentale, vel saltem naturale tam actum, ut quemadmodum Laym. *l. 5. tr. 6. c. 14. n. 19.* ex Navarri, & testatorum illius mente loquitur, in casu solum maximæ necessitatis, v. g. ad Remp. vel vitam innocentis, ejus saluti aliter non posset consuli, liberandum illud revelare sit, licitum, & tum præcise eatenus, quatenus id præcise necessarium est ad impediendum majus malum; unde dicunt, nec Iudicem, nec Prælatum ex sola tali notitia ad inquisitionem, vel punitionem posse procedere, & si processus sit institutus, eum rescindendum, & pro infecto habendum. 2. In praxi temper in materia Secreti ex confessione hausti tenendum est, quod magis consulitur reverentiæ Sacramenti, illudque minus odiosum redditur. Atqui negando ejusmodi schedæ usum in Iudicio magis consulitur reverentiæ Sacramenti, prout est in Iudicio, illudque minus odiosum redditur, quam si peritæ inde haustæ usus esset in Iudicio; homines

enim cum usum interpretari possent pro violatione Sigilli. Ergo &c. 3. Non minus hujusmodi scheda refertur ex fine suo ad Sacramentum Pœnitentiæ, quam ad illud referatur scriptura, quam Superiori subditus offert, & in ea petit facultatem absolvendi à reservatis. Atqui hæc ex mente Card. de Lug. *de Pœnit. D. 23. n. 49.* legentem sub Sigillo Confessionis obligat. Ergo sub eodem obligabit etiam hujusmodi scheda, in qua eo fine peccata confitentis exarata sunt, ut illa melius exponantur Sacerdoti ad obtinendam ab eo absolutionem Sacramentalem.

Neque urgent Argumenta opposita. *Ad 1.* cum valde multi gravissimi DD. velint, quod notitia ex tali scheda accepta cadat sub Sigillum Sacramentale, saltem periculum est, ne hoc revera violeretur: quod majus malum est, quam illud sit, quod aliquando aliquis revera nocens pœnam jure debitam non consequatur. Deinde esto, Sigillum tantum naturale inducat, tale tamen inducit, ut illius usus vel nullus, ut vult Rodriq. *loc. cit.* vel in casu solum rarissimo sit, ut cum Laym. *loc. cit.* contendunt alii. *Ad 2.* negatur, quod talis scheda remoram solum materiam Confessionis contineat; sed est quædam peccatorum manifestatio unice relata ad sui accusationem, & absolutionem Sacramentalem: unde tanquam inchoata quædam confessio eodem Sigillo esse munita debet, quo ipsa Confessio perfecta, ut sic Sacramentum Confessionis minus odiosum reddatur. *Ad 3.* etsi alio fine conscribi scheda hujusmodi possit, intuitu tamen Confessionis conscripta esse, quando de contrario non constat, pro certo haberi debet, cum ex millenis vix una, imo nec una quidem alio fine conscribatur.

Quæritur 4. an Confessio qualificata noceat confitentis, ita, ut ab Adversario, vel Iudice acceptari possit quoad substantiam, reiici quoad qualitatem? Resp. distinguendo; vel enim qualitati annexæ confessioni obstat aliqua præsumptio Juris, vel non. Si prius, confessio quoad substantiam admitti potest, quoad qualitatem reiici, ut si reus confiteatur se occidisse, sed ad defensionem propriam, vel si dicat se contumeliosa verba sparsisse in aliquem, sed non animo injuriandi; nam huic, si qualitatem annexam non probet, non creditur, sed statim confessione deposita quoad substantiam, rejecta qualitate, eo quod contra hanc militet præsumptio Juris, quæ est, ut quilibet occidens, vel dicens verba contumeliosa censetur habere animum offendendi *l. frater 1. C. ad Leg. Cornel. de Sicar. & l. si non convici 5. C. de injur.* quare, ut elidatur hæc præsumptio, probatione est opus; alias ita confessio damnabitur à Iudice, non tamen ad pœnam ordinariam e. g. capitis pro homicidio sic confessio, sed aliam mitiorem. Abb. *in cap. 15. de præscript. num. 32.* Menoch. *de arbit. cas. 93. n. 38.* Hiltrop. *p. 3. tit. 17. §. de effect. confess. Judic. n. 23.* Haun. *tom. 5. tr. 3. n. 514.* Konig *n. 32.* Reistenstuel *n. 126.* & alii ab his *cit.* Ratio est, quia ad supplicium capitis requiruntur manifestissimæ probationes, qualis non est confessio pro parte acceptata, & pro parte rejecta.

Si posterius fiat, & contra ejusmodi qualitatem confessioni annexam nulla sit præsumptio Juris, plurimum refert, an qualitas talis sit à negotio principali penitus separata, ac cum novo facto conjuncta, vel non. Si hoc secundum, ut si reus confiteatur se promississe sub conditione, vel se recepisse 100. quæ sibi debeantur ex causa murui, eo casu confessio debet acceptari tota, vel tota repudiari; quia qualitas, & conditio non separabilis à negotio principali censetur esse pars ejus. Si primum, ut si reus dicat. *Verum est, quod mutuos dedisti mihi 100. sed pactuses de non petendo;* in eocalu confessio acceptari potest quoad debitum de mutuo, reiici quoad pactum de non petendo, donec probetur; quia secundum priorem partem potest vera esse, falsa secundum posteriorem. Abb. *in c. bonæ 4. de postul. Prælat. n. 29.* Bartol. *in l. Aurelius 28. §. idem quæsit ff. de liber. legat.* Marant. *tit. de Confess. n. 27.* Boerius *decis. 243. n. 3.* Perez *C. hoc tit. r. 15.* Sabell. *Summ. §. confession. 61.* Honor. *hic n. 30.* Pirh. *num. 14.* Konig *num. 32. in fin.* Reistenstuel *num. 114.* & novissime Clariss. P. Schmier *Proc. Jud. c. 8. n. 101.*

Quæritur 5. quid operetur confessio facta in testamento vel alia ultima voluntate? Respond. cum distin-



distinctione: Vel enim testamentum tale est revocatum, vel non est revocatum. Si primum, revocato testamento, censetur etiam confessio revocata, nisi acceptata fuerit à parte præsente, vel Notario pro ea stipulante; nam tunc transit in contractum, nec potest revocari. Sabell. §. confessio n. 18. & apud hunc cit. Si secundum, altera distinctio est adhibenda, & videndum, an hujusmodi Confessio tendat in præjudicium tertii, an verò in nullius cedat præjudicium, præterquam confessi. Si prius, adversus istum etiam à testatore in extremis constituto facta non probat arg. l. verba 6. C. de testament. l. si quis 3. §. si quis moriens 1. ff. de S. C. Silanian. & Novell. 48. capit. 1. §. 1. Neque obstat, quòd eo tempore nemo credatur temerè aliquid effutire; nam universaliter nulli creditur in præjudicium tertii. Haun. tom. 5. tract. 3. numer. 517. Zoef. ff. hic num. 22. Pirh. num. 39. Konig num. 32. Et hinc etsi pater in testamento confessus sit filium commississe ingratitude, & propterea se eum exheredasse, non tamen eo casu credendum est assertioni patris, sed hæres tenetur probare causam allegatam pro exheredatione; quia præsumptio est pro filio. Item etsi mater in vitæ exitu dicat filium ex adulterio susceptum esse, hac tamen confessione non obstante, tenetur pater filium illam tanquam suum agnoscere, & alere, nec idèd à successione, aut aliis Juribus, quo cæteri filii gaudent, excludi potest.

36 Si posterius contingat, satis convenit inter DD. ejusmodi Confessionem, si in testamento, vel à constituto in articulo mortis coram duobus testibus legitimis facta, & horum attestationibus probata sit, in præjudicium confessi plenè probare in Judicio casu, quo illa ad liberationem tendit. Zoef. ff. h. tit. num. 18. Perez. C. cod. n. 20. Vviest. hic n. 36. & hoc teste recepta hodie DD. sententia.

Dubium est, an etiam plenè adversus confessum, & ejus hæredes probet Confessio testatoris, si illa obligationem spectet, e.g. si dicat se debere Cajo 1000. fl. Ratio dubitandi est, quia confessioni in articulo mortis constituti in ipsis duntaxat, non etiam tertii præjudicium creditur l. fin. C. de convent. fisco. debitor. præjudicaret autem non continenti solum, sed etiam hæredibus, si hoc casu fides eidem adhiberetur in Judicio. Ergo &c.

37 Sed distinguendum est, an hujusmodi confessio simplex duntaxat sit, an verò adminiculata. Si primum, debitum quidem contra hæredes probandi vim nullam habet, in vim tamen Legati, si persona, cui testator obligatum se confitetur, talis sit, ut testamento aliquid ei relinquere non sit Jure prohibitum, confessio talis valet, ita ut si defunctus circa debitum errasse non comprobetur, 1000. illi floreni peti tanquam legatum, aut fideicommissum possint l. Aurelius 28. §. fin. ff. de liberat. legat. Sabell. §. confessio num. 18. Perez C. h. tit. num. 21. Honor. hic num. 11. Schambog num. 20. Konig numer. 3. Vviest. numer. 38. Addidi, Si persona talis sit, ut defunctus relinquere ipsi aliquid testamento possit; secus enim, debiti causa non apparente, ad solvendum hæredes non obligat talis confessio, quod in fraudem Legis videatur facta esse l. cum quis 37. §. Titia 6. ff. de Legat. 3. Gibalini. rer. hum. negot. l. 6. cap. 3. artic. 8. num. 21. Zoef. l. cit. num. 23. Perez num. 23. Vviestner numer. 38.

38 Si secundum; plenam vim probandi, & hæredibus præjudicandi habet idque in triplici casu. 1. Si causa debiti certa expressa sit, & probari non possit, quòd istius expressio sit errore facta l. Lucius 93. §. Sempronius 1. ff. de legat. 3. P. Vviestner numer. 37. 2. Si Juramento sit confirmata, vel saltem testator se jurasse affirmavit; quia tunc videtur velle eam valere omni meliore modo, & reliquum remittere l. cum quis citat. §. Codicillis 5. l. cum pater 77. §. filius 23. ff. de legat. 2. Sabell. num. 19. Perez num. 22. Honor. numer. 11. Vviestner l. cit. 3. Si defunctus quædam injustè possessa, vel malè e. gr. fœnerando parta confiteatur, & in exonerationem conscientie sue restitui jubeat; nam hujusmodi confessio, etiam non jurata, probat, ita, ut ex illa, quæ injustè detenta, & malè comparata dicuntur, tanquam aliena restitui debeant. Marant. tit. de confess. num. 16. Perez num. 24. Schambog num. 20. cum aliis suprâ.

Schmalzgrueber Tom. II.

Ad rationem dubitandi dicendum regulam ibi allatam solum intelligendam de confessione simplici, quæ causam debiti expressam non habet, vel ex juramento, aut aliundè adminiculum nullum accipit.

Quæritur 6. quando Judex ex denuntiatione Sociorum criminis à reo facta procedere possit ex officio ad specialiter inquirendum, citandum, capiendum, vel etiam torquendum personas denunciatas? Respond. aliter discurrendum, quando crimen est exceptum: & aliter, quando non exceptum. Si exceptum est, videndum, an hujusmodi depositio sit adminiculata alio indicio verisimili criminis; nam tunc inquisitio specialis contra sic denuntiatum institui potest à Judice, & assumi aliæ probationes. At si aliis adminiculis suffulta non fuerit, denuntiatio hujusmodi etiam in crimine excepto non sufficit, ut bene advertit Menoch. de arbitr. cas. 474. numer. 25. Mascard. conclus. 1318. numer. 11. Pirhing hic numer. 33. & alii ab his cit. Ratio est; quia Jus naturale, & gentium dicat, non esse credendum denuntianti in alterius præjudicium, nisi verisimile indicium, vel præsumptionem criminis afferat, aliàs quilibet, & pro arbitrio suo possit alterius famam lædere, & personam ejus in discrimen adducere.

Si vero exceptum non sit ejusmodi crimen, cujus reos denuntiavit socios criminis socius, iterum distinguendum, an reus spontè sua denuntiationem fecerit, an verò ad interrogationem Judicis. Sic hoc secundum, nullo alio indicio concurrente, adversus personam sic denuntiatam ad specialem inquisitionem Judex non potest procedere, ut ex communi docent Menoch. de arbitr. cas. 474. num. 24. Mascard. num. 11. cit. Laym. in cap. 1. h. tit. num. 17. Pirhing hic num. 32. Vviestn. n. 27. Ratio est, quia spectato Jure communi, Judex in hujusmodi criminibus non exceptis, nisi indicium aliquod adsit criminis, interrogare non potest de sociis criminis, ut dictum est num. 5. suprâ. Igitur etiam confessio Rei respondentis illegitima erit, & contra prohibitionem Juris: ac proinde ad specialiter inquirendum non potest sufficere.

Si verò primum contingat, & reus spontè, & non interrogatus denuntiet Socium in Judicio, ejusmodi denuntiatio, modò in iis circumstantiis fiat, ut aliquale indicium præbere possit, ad inquisitionem specialem de denunciato faciendam sufficit, & aliquando, si ita gravia sint indicia, etiam ad capturam, imò etiam ad subjiciendum illum torturæ, ut bene norant Farin. prax. crim. q. 37. n. 3. Laym. in c. 1. h. tit. nu. 19. Pirh. hic n. 35. Vviestn. num. 28. Ratio est, quia tunc denuntiatio socii non recipitur ut depositio testis, sed tanquam denuntiatoris, vel accusatoris, qui tantum viam aperit ad inquirendum: talis autem potest esse quilibet homo vilis, & infamis, vel aliàs non idoneus ad testificandum. Dixi autem, si aliquale indicium præbere possit. Tale indicium imprimis est publica infamia personæ denunciatae: ob solas autem denuntiationes reorum, etiam plurium, nisi in indiciis sufficientibus fundentur, inquisitio contra personam alias honestam non potest institui. Addidi, Si indicia ita sint gravia. Debent autem esse talia, ut meritò Judex, & quivis alius prudens moveri possit ad judicandum, quòd crimen ejusmodi sit commissum à denunciato. Et tunc primum procedi poterit ad torturam, vel capturam. Ubi noto, majora requiri indicia ad capturam, quàm ad inquisitionem instituendam adversus denuntiatum; item majora ad torturam, quàm ad capturam; ad condemnandam verò personam denuntiatam non sufficere ulla indicia, nisi probationem faciant certam, & indubitam: & ratio est, quia quanto majus est præjudicium Rei, tanto major, & perfectior debet esse probatio.

Quæritur 7. Quando Confessio Procuratoris noceat domino, antecessoris Successori, Prælati ejusdem Ecclesiæ? Respond. Ad 1. distinguendo, num Procurator ex officii necessitate confiteatur, fortè quòd à legitima potestate fuerit interrogatus; an verò citra necessitatem officii spontè quid afferat. Si hoc secundum, confessio illius domino non præjudicat l. certum 6. §. sed an 4. ff. h. tit. & meritò, ne alteri per alterum iniqua conditio inferatur l. non debet 74. ff. de R. J. & in potestate Procuratoris sit rem domini donare, aut perdere.



dere. *Si primum*, ulterius dispiciendum, quale mandatum habeat; nam si generale solum mandatum habet, iterum principali non nocet ejus confessio §. *sed an cit. l. si sine 9. §. Celsus 4. ff. de interrog. in Jur. faciend.* Si verò speciale, aut generale quidem, sed cum libera, ac proinde æquivalens speciali, quale olim habebant Oeconomi Ecclesiarum, seu Procuratores generales, sua confessione præjudicat domino *cap. fin. h. tit. capit. dilectus 2. fin. de Capell. Monach. cap. suborta 2. de sent. & re judic. l. qui servum 20. princ. ff. de interrog. in Jur. fac. ibi: Idem est in eo, qui mandato hæredis hæredem se esse respondit &c. Bartol. in §. sed an cit. num. 2. Perez C. h. tit. n. 13. Zoef. ff. eod. num. 7. Gonzalez in capit. fin. cit. num. 12. Honor. hic numer. 41. König numer. 8. Vviefst. n. 17. Reiffenstuel numer. 9. & novissimè R. P. Schmier l. cit. n. 37. & seqq.*

- 43 *Ad 2.* distinguendum est inter successorem universalem, & singularem. Successor universalis revocare confessionem antecessoris potest tamdiu, quamdiu defunctus si mortuus non fuisset, revocare illam potuisset; quia succedit in omnia jura defuncti. Ergo etiam in jus revocandi confessionem ab antecessore factam. Successori singulari confessio antecessoris nocet, ita ut eam revocare non possit; quia ad hunc non transeunt actiones personales, ut post alios docet Pax Jordan. l. 14. tit. 16. n. 147. Hann, tom. 5. tr. 3. n. 522.

*Ad 3.* eadem distinctio est adhibenda, quæ de Procuratore; nam Confessio Prælati non præjudicat Ecclesiæ, vel Monasterio, si extra Judicium, & omnino voluntarie nullaque officii, vel Judicii necessitate facta sit *arg. cap. requisivit 1. de in integ. restit.* Secus, si in Judicio, & ex necessitate sit facta, ita tamen, ut casu, quo Prælati confessione Ecclesia læsa est, ei succurratur beneficio restitutionis in integrum, vel si via revocationis uti velit, errorem, si quis intervenisset, quodocunque voluerit, ante conclusionem in causa revocare possit *c. fin. de integ. rest. in 6. Abb. in cap. fin. h. tit. n. 4. Engl hic n. 19. Vviefst. n. 18.*

- 44 *Quæritur 8.* an litigans pro confesso habeatur, quando Positionibus Adversarii sui respondere recusat? Resp. distinguendo inter causas criminales, & civiles. In causis criminalibus ex communi DD. sensu non habetur pro confesso; qui in illis ob maximum præjudicium, quod afferunt, omnino liquidæ, & luce meridiana clariores probationes exiguntur *l. absentem 5. ff. de penis, & l. fin. C. de probat. Gaill. l. 1. de Pac. publ. c. 15. num. 1. 2. & 5. Barbof. in c. fin. h. tit. in 6. n. 9. Pirh. n. 12. Schamb. n. 3.*

In civilibus, si post litem contestatam, & Jutamentum dandorum Adversarii sui Positionibus respondere jussus litigans absque rationabili causa recuset respondere, habetur pro confesso quoad ea, quæ in Positionibus, sive articulis continentur, prout statuit Bonifacius VIII. *c. fin. h. tit. in 6.* tum ob contumaciam, tum quia taciturnitas in loco, & tempore, quo interrogatus respondere tenetur, Juris præsumptione, & interpretatione pro consensu habetur *reg. qui tacet 43. in 6. Barbof. in cap. fin. cit. num. 1. Passerin. ibid. nu. 2. Honor. nu. 23. Schamb. n. 3.*

- 45 *Dixi absque causa rationabili;* nam si causam rationabilem habeat, pro confesso non habetur *cap. final. cit.* Talis est 1. si articulis contenta essent superflua, & causam, de qua agitur, nullo modo concernerent. 2. Si Positio sit incerta, dubia, & obscura; nam sicut responsio, ita & positio clara, & certa esse debet. 3. Si esset calumniosa, impossibilis, vel capriosa, h. e. respondentem inducens ad perplexitatem. 4. Si attingeret crimen Rei omnino occultum; tale enim, etsi ad rem faceret, prodere, seque ipsum infamare non obligatur, sed potest denegare responsionem. 5. Si esset non de facto proprio ipsius rei, sed de Jure tantum; nam quæstiones Juris Judici relinquuntur. Gloss. in cap. cum causa 47. V. de causis de test. & attest. Passerin. in c. fin. h. tit. in 6. à num. 28. Schamb. hic num. 3. Engl nu. 7. & seqq. Vviefst. numer. 16.

In cæteris casibus, ubi recusans respondere pro confesso habetur, opus est sententia Judicis declaratoria, per quam pronuntiet reum sine legitima causa non respondisse, vel contumacem esse. Gloss. fin. in cap. fin. citat. Franc. ibid. num. 19. Barb. in ult. Pirh. nu. 12. Admittitur autem adversus præsumptionem hanc probatio; quia

est præsumptio Juris tantum, & non de Jure: & hinc si postea reus se purgaverit Judici, & taciturnitatem excusaverit, adversus eam absolvi debet; quia præsumptio cedit veritati.

46 *Quæritur 9.* qua pœna affici possit ille, qui crimen in Judicio confessus est incidenter? Ratio dubitandi est, quia ex una parte videtur infligenda ordinaria ex capit. cum super 2. h. tit. ubi Innocentius III. Canonicum Bethlehemitanum, crimen Simonie incidenter confessum, coercuit depositione ab omni Beneficio, & Officio Ecclesiastico, quæ est pœna Simonie ordinaria: ex altera verò parte videtur non Ordinariæ, sed arbitrariæ duntaxat hoc casu locum esse ex c. denique 1. de except. ubi Cælestinus III. statuit, eos, qui de criminibus, ad solam exceptionem objectis, convicti fuerint, vel confessi, pœna ordinaria mulctari non debere, cum accusatio in ipsos secundum Juris ordinem non procedat.

Satisfieri parti utrique potest, si adhibeatur distinctio, qua utuntur Gloss. in c. cum super 2. h. tit. V. confessus, Abb. ibid. n. 6. Laym. n. 1. Barb. nu. 4. Gonz. num. 4. König numer. 16. Vviefst. numer. 29. & novissimè R. P. Schmier Process. Judic. c. 8. n. 91. juxta quos ob solam confessionem incidentem ad pœnam ordinariam procedi non potest; quia ad hanc non proceditur sine legitimo accusatore, qui planè deficit casu, quo crimen solummodo incidenter, & cum de eo non ageretur, in Judicium venit: posse autem, si Judex, instituto novo Processu, in criminosum ex officio inquirat; nam hoc casu, si ad pœnam Ordinariam procedatur, non ex vi solius confessionis ad eam proceditur, sed ob indicia, & probationes, quæ per inquisitionem detecta sunt, & cum confessione propria in Judicio incidenter facta conficiunt probationem plenam, & sufficientem ad irrogandam hanc pœnam.

47 *Neque obstat 1.* quòd cap. quàm sit 9. de excess. Prælat. Clericus propter publicam confessionem delicti carnalis ordinaria pœna suspensionis ab Officio, & Beneficio punitus fuerit sine nova accusatione, vel inquisitione; quia ita punitus fuit non tam ob delictum illud, quàm ob publicam jactantiam, & gloriationem de illo crimine, sufficienter probatam, in Judicio, super hoc contra eundem Clericum instituto, prout sumitur ex verbis, Si tibi constiterit.

*Non obstat 2. c. inquisitionis 21. de accusat.* ubi habetur, quòd, quando proceditur per viam inquisitionis, possit infligi à Judice pœna arbitraria; quia per hoc non prohibetur infligi ordinaria.

48 *Quæritur 10.* an confessio facta in Judicio à parte litigante revocari possit? Resp. distinguendo: vel enim in continenti pars litigans suam confessionem revocat, vel solum ex intervallo. Si primum, revocatio confessionis admittitur, tamen si nullus error probatus fuerit, maxime si confessio illa à parte adversa nondum est acceptata. Colligitur *arg. c. præterea 7. de testib. cogend.* ubi habetur, quòd testis errorem suum corrigere in continenti possit: in quem locum Abb. nu. 4. ait idem dicendum de parte in continenti revocante confessionem suam. In continenti autem revocata dicitur, si revocata sit ante recessum à Judice, prout advertit Gloss. in c. præterea cit. V. in continenti, & colligitur ex eo, quia in aliis quoque materiis in continenti reputatur fecti, quòd sit, antequam partes ad alia negotia discesserint.

49 *Si secundum*, videndum, an quis revocare velit errorem commissum à Procuratore, Administratore, Oeconomo, Syndico, an verò revocare velit confessionem propriam. Si prius, sufficit ad revocandam illius confessionem probare, quòd res non ita se habeat; quia Procurator, vel Administrator de facto alieno confessus est, & error in facto alieno probabilis est, ut proinde tunc locum habeat Regula 47. in 6. qua dicitur, quòd præsumatur ignorantia, ubi scientia non probatur. Gloss. in l. 2. V. qui errat ff. h. tit. Perez C. eod. num. 14. Honor. hic numer. 14. & communiter DD. cæteri. Excipe, nisi error sit in tali facto, de quo ex officio renebatur inquirere, illudque nosse; tunc enim non sufficit probare rem aliter se habere, quia præsumptio stat contra ipsum *arg. capit. innotuit 20. & ibi Gloss. V. ignorantiam de elect.* Abb. in capit. fin. h. tit. numer. 23. Pirh. hic num. 8.

50 *Si posterius*, ante litem contestatam sufficit probare rem aliter se habere; post contestationem litis autem neces-



necesse erit probare errorem, vel saltem pars confessionem suam revocatura circumstantias afferre debet, ex quibus errorem suum probabilem reddat, quales sunt, si ostendar se alterius dolo, suasionem, aut metu ad confitendum inductum fuisse, si demonstrat longius tempus inter factum & confessionem intercessisse, si negotium sit intricatum, & perplexum &c. nam hoc si fiat, admittitur revocatio confessionis in Iudicio factæ etiam ex intervallo, & post contestationem litis, modò fiat ante sententiam, ut habetur *cap. fin. hoc tit. & l. error 7. Cod. de J. & F. J.* & confirmatur; quia etiam testis corrigere errorem ex intervallo potest: Proceditque hoc, etiamsi confessio iurata fuerit; non enim, quia errar, aut fallitur, perjurus est, Abb. in *c. fin. cit. n. 23.* Layman *ibid. num. 1.* Hiltrop. *tit. 17. § quand. confess. revocar.* Vvesenbec. *ff. hoc tit. num. 7.* Zoef. *eod. num. 5.* Henr. Canif. *hic num. 3.* Haun. *tract. 3. citat. num. 512.* Pirhing *num. 21.* Sannig *cap. 2. num. 11.* Vviestner *num. 5.*

- 51 Excipitur 1. si quis spontè, & sciens falsum confiteatur; nam qui spontè confitetur se debitorem, vel contrà sibi nihil deberi, non revocat confessionem, sed donate censetur, 2. Si non in facto sit error; sed in Jure ipso; cujus ratio redditur *l. in omni 2. ff. de J. & F. J.* quòd Jus finitum, & certum sit, ita ut citra culpam ignorari non possit, 3. Si in proprio facto erraret confessus; nam hic error æquiparatur errori Juris, 4. Si error facti procederet ex culpa lata versutiae; nam hæc dolo proxima est, & propterea erroneam confessionem revocari prohibet. Quæ, & plura latius prosequitur Hiltrop. *loc. cit. à num. 2. qui num. 8.* notat, ea, quæ dicta sunt de confessione erronea, non tantum procedere in reo negante, vel confitente aliquid aliter, quàm res se habeat, sed etiam in actoris, qui si in libello suo non ex veritate narraret, vel deduceret, posset id ipsum impune revocare ante litem contestatam, post contestationem litis autem non aliter, quàm si errorem duceret.

## T I T U L U S XIX.

## De Probationibus.

Inter positiones Actoris reus aliquas confitetur; alias negat: quas confitetur, probare non debet Actor, sed rei confessione à probatione earum relevatur: quas negat, probare oportet; nam ut benè Zoef. *hic num. 1.* inanis est actio, nisi indubitata probationis fide liqueat vera esse, quæ adducuntur. Potest autem illas probare vel per testes, vel per instrumenta, vel ex præsumptionibus, aut Juramento suppletorio probationis: ad quas probationum species antequam descendatur, non inconvenienter Titulus de probationibus in genere hic præmittitur. Sic igitur.

## §. I.

## De Probationis Natura, Varietate, Effectu.

## S U M M A R I U M.

- 1 2 3 Definitio probationis, & hujus explicatio.
- 4 5 6 Forma.
- 7 8 9 Varietas.
- 10 11 12 13 Species probationis plena, & ejus effectus.
- 14 15 Species, & effectus Semiplena probationis.
- 16 17 Quando duo Semiplena faciant unam plenam?
- 18 19 20 21 Inspectionis ocularis modus, & vis.
- 22 Quid sit Fama?
- 23 Modus istam probandi.
- 24 Effectus in criminalibus causis.
- 25 In Civilibus.

- 1 Q Uæritur 1. quid sit probatio? Resp. Probatio, prout huc pertinet, communiter definiti solet, quod sit rei dubia, seu controversa per legitima argumenta facta ostensio. Ita Accurs. ad Rubr. Cod. hoc tit. Host. in Summ. *hic num. 1.* Mascard. de probat. Proæm. quest. 2. num. 8. Pirhing *num. 1. hic.* Schambogen *num. 1.* & plures alii. Faciunt aliqui difficultatem, quòd Schmalzgrueber Tom. II.

non conveniat probationi per testes, & instrumenta; quia hæc propriè argumenta non sunt: Verum hæc difficultas facillè solvitur, si dicatur Vocem Argumentum hic sumi latè pro quocunque medio utili ad probandum. Vel si extendere hoc modo vocem Argumentum non libeat, dic cum aliis; Probatio est Actus Judicialis, quo per instrumenta, aut testes, aut idonea argumenta Judici de re, aut facto dubio, & controverso fit fides. Dicit hæc definitio quoad sententiam idem, quod prior, sed clarior aliquando est, eamque defendunt Vvesenbec. *ff. hoc tit. n. 2.* Struv. *Synagm. ibid. n. 2.* Pirhing *l. cit.* Konig *n. 2.* Vviestner *n. 2.* cum aliis.

Dicitur 1. Actus Judicialis; quia probationes sunt 2 post litem contestatam, à qua propriè Judicium incipit, ut *tit. 5. n. 1.* supra dictum est; quod intelligendum est ordinariè; nam aliquando Attestationes recipiuntur ante litem institutam, vel contestatam, de quo *tit. 6. à n. 2.* differvi latius.

Dicitur 2. Judici; nam huic, non parti facienda probatio est; parti enim nunquam satis probaretur, etiamsi quis ipsum Solem pro ostendenda veritate in manibus gereret *l. quingenta 12. in fin. & ibi Glossa V. Judi ff. hoc tit.* Similiter nec probatio fieri debet Notario; quia hujus non est qualitatem probationis examinare, nisi hoc eidem delegetur à Judice. Sed quamvis hoc verum sit, in præsentia tamen utriusque fieri debet: Adversarii quidem, ut respondere objectis possit: Notarii autem, ut in acta eandem referat *cap. ex litteris 3. hoc tit.*

Dicitur 3. per argumenta idonea, scilicet talia, quæ ad causam propositam faciant, & necessariò concludant, seu inferant id, quod probationem intenditur; nam finis probationis est, ut Judici fidem faciat *leg. quingenta cit.* & ut is intelligere possit, qualem sententiam ferre debeat: quorum neutrum fieret, si probationes concludentes non forent.

Dicitur 4. de re, aut facto; nam ea, quæ Juris sunt, 3 quia jam antecedenter Judici censentur nota, idcirco probatione non indigent. Excipitur, nisi sint Juris specialis, aut consuetudinarii; hæc enim, quia peritissimos latere possunt, ab allegante probanda sunt. P. Vviestner *hic n. 2. fin.*

Dicitur 5. dubio, & controverso; quia manifesta, & evidentià probatione non indigent *can. manifesta 15 caus. 2. q. 1. & c. evidentià 9. de accusat.* Excipe, si tantum sint manifesta parti ea alleganti: hæc enim probari debent, ut usus quotidianus habet, quo factorum præpriorum, si ea in Iudicio allegentur, ab allegante probatio petitur, cum tamen nihil magis manifestum sit alleganti, quàm factum proprium. Inò quandoque etiam non sufficit, si id manifestum sit etiam Judici, quando eidem privatim innouit. Sichard. in Rubr. Cod. hoc tit. *num. 10.* Perez *eod. n. 2.* Haun. *tom. 5. tr. 4. n. 8.* Vviestner *hic num. 3.* Ratio est, quia Judex, cum judicat, gerit personam publicam, & secundum scientiam publicam, quæ per allegata & probata obtinetur, ferre debet sententiam.

Quæritur 2. quæ sit forma probationis? Resp. Forma probationis consistit in legitima rei controversæ ostensione, & probatione: Ut autem talis sit, plura requiruntur, 1. Debet esse clara, perspicua, & certa, quæ Judicem de assertionem, atque intentionem litigantium plenè instruat *c. in præsentia 8. hoc tit.* Vivian. *ibid. in ration.* Barbosa *num. 18.* Vallenf. *hic § 5. num. 1.* Pirhing *num. 70.* Konig *num. 28.* Ratio est, quia animus Judicis ad sententiam ferendam movere debet.

Fieri debet secundum formam Libelli. Host. Summ. hoc tit. *num. 5. vers. & qualiter.* Vvesenbec. *ff. eod. num. 8.* Pirhing *num. 70. hic.* Ratio est, quia secundum formam Libelli pronuntiari debet. Et hinc impertinentes articuli merito rejiciuntur, ne inanes sumptus litigatores faciant.

3 Non debet fieri in transcurso, sed citata ad ejus receptionem adversa parte arg. *l. nam ita 39. ff. de adption. l. de unoquoque 47. ff. de re judic. Auth. sed & si quis Cod. de testib.* Vvesenbec. *loc. cit.* Konig *n. 25.*

4 Institui debet post litem contestatam *tot. tit. ut lit. non contest.* Vallenf. *hic § 4. num. 1.* Zoef. *num. 7.* Pirhing *num. 71.* Konig *num. 26.* Excipitur, nisi valetudo, senium, aut instans longa abentia testium suadeat depositiones testium ante litem contestatam



recipi, ut dictum est *tit. 6. §. num. 4.* Item si probanda sint exceptiones dilatoriae: nam hæc, uti regulariter ante litem contestationem proponuntur, ita etiam regulariter statim probari debent.

5 Fieri debet intra terminum à Judice assignatum. Vvesembec. *n. 8. cit. Valleng. §. 4. nu. 2. Konig num. 27.* Intereft tamen plurimum, an terminus simpliciter ad probandum, an ad probatum habendum assignatus sit. *Priori casu* sufficit testes productos jurasse infra terminum dilationis; licet non fuerint examinati, & poterunt examinari post terminum; *posteriori casu* intra terminum testes produci, & examinari debent, nec possunt postea, eo quod lapsus termini sic dati vim conclusionis in causa habeat. Haun. *tom. 5. tract. 4. num. 53.*

6 Post publicata Testimonia, & conclusionem in causa non est admittenda alia probatio super iisdem articulis, sed sententia ferenda est secundum priorum testimonium depositiones. Sumitur ex *c. juravit 6. hoc tit. & Auth. at qui semel C. eod.* Ratio est, quia per conclusionem in causa censentur partes renuntiasse probationibus.

7 In probando servandus est ordo: primò enim intentionem suam probat actor, tum reus in sua exceptione auditur *l. exceptionem 19. C. hoc tit.*

8 Denique acta Judicii, & sententia lata in causa scripto debet excipi à Notario, vel aliis duobus viris idoneis, qui Notarii locum subeant; aliàs fides non haberetur processui, & iudicii actis *c. quoniam 11. hoc tit.* Proceditque hoc non tantum in Iudicio plenario, sed etiam summario; neque refert, an causa agatur coram Iudice ordinatio, an coram delegato: imò & quando agitur coram arbitris compromissariis, constitutio hæc locum habet; quia arbitria ad formam Iudiciorum redacta sunt *l. compromissum 1. ff. de recept. qui arbit. Excipiuntur causæ exiguæ, & leviores, quæ necessario scribendæ non sunt, sed in illis creditur simplici assertioni, seu relationi Iudicis sine scriptura Auth. nisi breves C. de sent. ex brev. recit.*

7 Quæritur 3. quotuplex sit probatio? Resp. tres potissimum divisiones assignari, 1. Dividitur secundum Aristotelem in Topicis in Artificialem, & Inartificialem. *Artificialis* est, quæ arte & industria probantis conficitur per argumenta, ex ipsis rei visceribus, ac locis intrinsicis petita; unde & *Instrum* vocant. Huc præcipue præsumptiones spectant. *Inartificialis* est, quæ non ex visceribus rei, aut locis intrinsicis, sed extrinsecus assumitur à testibus, instrumentis, confessione, juramento &c. Hiltrop. *p. 3. tit. 8. §. de specieb. prob. n. 1. Vvesembec. ff. hoc tit. n. 4. Haun. tom. 5. tr. 4. num. 10. Valleng. hic §. 2. n. 1. Zoef. n. 2. Pirhing n. 2. Vviestner n. 4.*

2 In *Judicialem*, quæ in Iudicio post contestationem litis; & in *extrajudicialem*, quæ extra litem, & ante litis contestationem fit. Ita *loc. cit.* Haun. *n. 12. Valleng. n. 5. Pirhing n. 4. Vviestner n. 5.*

3 Et principaliter in Plenam, & semiplenam.

8 Tertiam hanc divisionem cum Duareno, Donello, Paciano, Giphano, ut commentitiam explodit Vviesembach. *ff. hic D. 43. n. 3.* & probari hoc videtur 1. ex *l. jurisjurandi 9. §. simili 1. C. de test.* ubi Imperator, nunc, inquit, manifeste sancimus, ut unius omnino testis (cujus depositio secundum nos *num. 14.* infra probationem semiplenam efficit) *responsio non audiat, etiamsi præclara Curia honore fulgeat.* Ergo probatio semiplena in Iudicio vim nullam ad probandum habet; cons. revera non est probatio, 2. *leg. siquidem 9. C. de except.* Imperatores rescribunt, reum defensione non indigere, quando actor in probanda intentione sua deficit. Atqui iste in intentione sua deficere censendus tamdiu est, quamdiu illam non plenè probavit; tamdiu enim sine effectu est omnis ejus probatio. Ergo &c. 3. *leg. fin. C. de R. V. & leg. negantes 9. Cod. de O. & A.* constitutum est, casu, quo actor intentionem suam non implevit, reum, etsi ex parte sua nihil præstiterit, absolvendum esse. Non censetur autem intentionem suam implevisse, nisi plenam probationem fecerit. Ergo &c.

9 Sed recedendum non est ab unanimi cæterorum Doctorum sensu, qui omnes probationis divisionem in plenam, & semiplenam agnoscunt, & faciunt. Videantur Gaill. *lib. 1. obs. 108. n. 6. Mynsing. cent. 1. obs. 68*

Hiltrop. *cit. §. de specieb. probat. num. 2. Mascard. de probat. præm. qu. 4. num. 15. Pax Jordan. tit. 17. num. 12. Vvesembec. ff. hoc tit. num. 4. Sichard. ad Rubr. C. eod. n. 4. & 5. Perez ibid. num. 4. &c.* Et hinc Primum argumentum pro retinenda hac divisione est maximus DD. in hoc consensus, 2. Quia ex Divino, humanoque jure duo testes omni exceptione majores faciunt plenam fidem. Ergo unus illorum semiplenam; nam quod juris est in toto quoad totum, id est etiam in parte quoad partem; cons. datur semiplena probatio, 3. Quia si nulla dateretur semiplena probatio, nunquam locus esset Juramento suppletorio probationis; nam plenè probandi deferri non potest, ut dicitur *infra num. 12.* & nihil probanti non proficit, ut explicabitur *tit. 24.*

Neque obstant Argumenta contraria. *Ad 1.* textus ille intelligendus est, vel de teste singulari singularitate obstativa, vel de casu, quo unius testis depositio aliis adminiculis non adjuvatur; nam tali non creditur ad ferendam sententiam; interim tamen sufficit ad deferendum juramentum suppletorium, quo præstito, fiet Iudici plena fides. *Ad 2.* Semiplena probatio, ut modo dixi, effectum probationis plenæ potest acquirere per juramentum suppletorium, vel alia adminicula. *Ad 3.* si ista non accedant, reus est absolvendus; secus est condemnandus, saltem in causa civili.

Quæritur 4. quid sit plena probatio, quæ ejus species, & quis effectus? Resp. Plena probatio illa dicitur, quæ plenam fidem facit Iudici de re in Iudicium deducta, & ita eundem in causa instruit, ut nullo alio ulterius requisito, sententiam ferre, & controversiam definire possit. Ita *suprà cit.* cum aliis.

Quatuor præcipue sunt ejusdem species, 1. Testimonium, seu depositio duorum testimonium omni exceptione majorem super uno, eodemque articulo, 2. Instrumentum publicum, vel alia Scriptura Authentica huic quoad probandi vim æquiparata, 3. Præsumptio Juris, & de Jure, & quandoque etiam aliæ, 4. Juramentum, quod à parte litigante sibi delatum pars adversa præstat. Addunt aliqui duas alias, Confessionem ipsius rei, & Evidentiam facti, quæ ex notorietate ejusdem, vel inspectione oculari acquiritur. Verum hæc probationes revera non sunt; sed confessio potius est relevatio probationis, ut dictum est *tit. præ.* facti evidentia autem magis est facti demonstratio.

Effectus Plenæ probationis triplex est maximè, 1. II Quod juxta illam sit ferenda sententia. Hinc condemnare Judex reum debet, si Actor intentionem suam plenè probaverit; absolvere autem, si Actor nihil, aut reus contrà plenè probaverit *l. si scriptum 11. & l. seq. C. hoc tit. l. qui accusare 4. C. de edend. l. si inferiorem 2. C. de R. V. & l. domum 5. C. eod.* alioquin Judex litem faciet suam, & in id, quod litigatoris interest, condemnabitur. Hiltrop. *tit. 8. cit. §. de probation. num. 6. Vvesembec. ff. hoc tit. num. 10. Valleng. hic §. 5. num. 3. Zoef. num. 10. Pirhing num. 73. Konig num. 73. Sannig c. 3. n. 3.* Quod si uterque, actor & reus, plenè probaverit, is vincit, qui pro se habet præsumptionem *cap. ex litteris 3. vers. quodsi ambarum hoc tit.* alioquin in pari causa, & probationum æquilibrio ejus absolvitur *cap. ex litteris cit. c. inter dilectos 6. in fin. de fid. instrum. & l. Arrianus 47. ff. de O. & A.* nam hujus in Jure melior est conditio.

2 Quod Actor, qui plenè probavit intentionem suam, non teneatur Juramento eam confirmare, sed oblatum à Judice recusare possit, ut statuitur *cap. sicut consuetudo hoc tit.* & ratio est, quia cum juramentum sit species quædam probationis, adhibetur tantum, quando causa nondum est probata sufficienter *l. maximus 1. ff. de jurejur.* imò in nostro casu licet deferri, & præstari non potest; quia jus naturale, & Divinum est exigere Juramentum, ubi illud non est necessarium. Hinc quando *l. manifesta 38. ff. de jurejur.* dicitur, quod manifesta turpitudinis, & confessionis sit nolle jurare in Iudicio, id intelligendum est de casu, quo actor non plenè adhuc probavit intentionem suam; nam plena probatione facta, rectè illud recusat, cum iniquum sit aliquem superfluis probationibus onerare. *Proceditque hoc*, etsi immemoriali consuetudine invaluisse, ut præter probationem plenam exigeretur Juramentum ab Actore; nam consuetudo hæc potius corruptela foret, cum nulla prorsus consuetudo contra Legem



gem naturalem, & Divinam prævalere possit. *Neque dicas*, etiam in Testamento ultra plenam probationem, quæ obtineri posset per duos testes, requiri pleniorum per testes septem: negatur enim paritas inter Juramentum & testes; nam ut illud præstari licitè possit, requiritur necessitas: è contrario ut plures producantur testes, quàm alias Jure naturæ aut gentium sit necessarium, sufficit utilitas; habetur autem in productione plurium testium hæc utilitas, ut per plures clariùs veritas innotescat.

- 13 3. Quòd is, contra quem plenè probatum est, non amplius admittatur ad Purgationem Canonica *c. ad nostram* 12. *b. tit.* Ratio est, quia Purgationem Canonica tantum conceditur suspecto, & non convicto; sit enim per Juramentum, quod cum offerri non soleat, ubi periculum est perjurii, convicto offerri non decet, quem pronum est ad liberandum se pejorare. Interim tamen sic convictus admitti potest ad purgationem, & probationem propositionis negativæ indirectam, quæ non fit per Juramentum, sed per testes deponentes non de credulitate solum, sicut compurgatores, sed de veritate, si nimirum reus contra testes actoris, seu accusatoris, deponentes ipsum commisisse crimen, ex adverso alios producat testes, qui deponant, & indirectè probent crimen non esse commissum à reo: talis enim purgatio, & probatio contra priorem est licita, & admitti debet juxta *c. ex tenore* 35. *de testib. Neque obstat*, etsi fortè testes adducti ab actore, vel accusatore videantur esse magis idonei; nam adhuc testes, qui pro innocentia Rei deponunt, iis præferuntur, ut notat Abb. in *c. ad nostram cit. n. 3. in fin.*

- 14 Quæritur 5. quid sit *Probatio Semiplena*, quæ ejus Species, & effectus? Resp. *Semiplena probatio*, quæ etiam *Imperfecta* dicitur, est, qua aliqua, non tamen plena fides Judici sit, nec sufficit, ut ex illa moveri possit ad ferendam sententiam pro hac, vel illa parte. Ita *l. cit.* Hiltrop. *n. 3.* Mascard. *q. 4. n. 17.* Vallens. *n. 4. Engl. n. 9.* cum aliis suprà relatis.

Species illius sunt. 1. Depositio unius testis, vel plurium singularium aut duorum etiam concordantium, sed non legitimorum, sed omni exceptione majorum. 2. Instrumentum, seu Scriptura privata. 3. Comparatio litterarum, quando de scripto dubitatur. 4. Juramentum, quod *Suppletorium* nuncupatur. 5. Præsumptio verisimilis, sive probabilis. 6. Fama.

Ex his aliquæ faciunt Probationem præcisè *Semiplenam*, ut dictum unius testis omni exceptione majoris; aliæ *Plusquam Semiplenam*, ita ut cum quodam adminiculo, vel indicio conjunctæ plenam faciant, ut depositio personæ valdè excellentis; nam si accedat testimonium alterius testis non omnino integræ fidei, ex superabundanti illius habilitate istius defectus suppletur, aliæ denique *Minus, quam semiplenam*, ut Præsumptio levior, quæ indicium duntaxat faciat, nec sufficit ad deferendum Juramentum suppletorium probationis. Hinc etiam Probatio non plena pro horum graduum diversitate diversos operatur Effectus.

- 15 Effectus Probationis, quæ præcisè est *Semiplena*, plures enumerantur. 1. Dat locum Juramento suppletorio *c. sicut consuetudo* 2. *hoc tit. c. fin.* Resp. *sanè de Jurejur. l. in bonæ* 3. *C. de reb. credit.* 2. Liberat aliquando ab ulteriori onere probandi, & illud in Adversarium rejicit *arg. l. verius* 21. *ff. & l. si ve possideris* 16. *C. b. tit.* 3. Conjuncta alteri semiplenæ conficit plenam probationem: quod latius examinabitur *n. seq.* 4. In uno, vel altero casu sufficit ad ferendam sententiam, ut si agatur de matrimonio conficit plenam probationem; nam impedimento semiplenè probato, Judex per sententiam interdicere Matrimonium potest *c. praterea* 12. *desponsal. c. super eo* 2. *de Consang.* Alii videri apud alios possunt.

*Minus, quam Semiplena.* 1. Facit adminiculum, & aliis juncta aliquando plenam, aliquando semiplenam, nonnunquam plus quam semiplenam probationem efficit *argumen. l. propretatis* 4. *C. hoc tit. 2.* Quando reliquæ probationes à partibus allatæ æquales sunt, facit, ut pars illa obrineat, pro qua stat ulterior Probatio minus, quàm Semiplena. Menoch. *l. 1. de præsumpt. q. 87. num. 5.* Berlich. *concl. 36. num. 125.* 3. Ex multorum sententia præbet occasionem Juramento Judiciali. 4. Eum, contra quem affertur, suspectum

Schmalzgrueber, Tom. II.

reddit, ut adversus eundem inquiri possit. Menoch. *l. cit. num. 6. 5.* Facit, ut eidem Juramentum purgationis injungi possit *c. quotiens* 5. & *c. ex tuarum* 8. *de purg. can. 6.* Interdum sufficit ad apprehensionem ita suspecti.

*Probatio plus quam Semiplena* denique id speciale habet, quod aliquando in causis Civilibus sit idonea ad ferendam sententiam, etiam si adminiculum nullum accedat: in aliis autem casibus, si adminiculo quocumque minùs vehementi suffulciatur, redintegretur, & fiat plena probatio, ut post Alexandrum, Paulum de Castro, Pacianum &c. adstruit Miller. *ad Struv. Exercit. 28. th. 5.* quem citat, & sequitur R. P. Schmier *de Process. Judic. c. 7. n. 155.*

Quæritur 6. an, & quando duæ semiplenæ probationes faciant unam plenam? *Ratio dubitandi* est; quia duo imperfecta non faciunt unum perfectum. Igitur nec duæ semiplenæ probationes facient unam plenam probationem.

Sed hoc non obstante, dicendum omnino facere posse plenam probationem, si conjungantur, & ad unum, eundemque finem tendant, sive deinde sint ejusdem, sive diversi generis; ut unus testis cum Juramento, præsumptiones non adeo urgentes cum fama publica &c. Ita Gloss. in *c. cum causam* 13. *V. adminicula hoc tit.* Gloss. in *c. veniens* 10. *V. illorum de testib.* Bartol. in *l. admonendi* 32. *ff. de jurejur. num. 48.* Mynsing. *cent. 2. obser. 100. num. 3.* Menoch. *l. 1. pref. 41. à num. 1.* Hiltrop. *§. de specieb. probat. num. 6.* Berlich. *concl. 36. cit. à num. 147.* Sichard. in *Rubr. C. hoc tit. num. 64.* Perez. *cod. num. 5.* Haun. *tr. 4. cit. n. 11.* Honor. *hic num. 32.* Pith. *num. 3.* Schamb. *num. 1.* Vviest. *num. 8.* & colligitur ex *c. cum causam cit. c. praterea* 27. *de test. c. fin. de success. ab intestat.* quibus retribus testes, fama, & quæcunque alia adminicula ad plenam probationem recipiuntur. Ratio est, quia quæ non probant singula, collecta juvant.

Excipiunt communiter Doctores, 1. *Causas criminales*, in quibus, etsi duæ semiplenæ probationes sufficiant ad effectum torquendi, inquirendi, suspendendi, non tamen sufficiunt, ut procedi ad condemnandum possit, nisi tales sint, quæ conjunctæ pariam moralem de crimine, de quo in reum inquitur certitudinem; quia ut *leg. fin. Cod. de probation.* habetur, in iis causis requiruntur probationes luce meridiana clariores, 2. *Causæ matrimoniales*; nam quia ibi vertitur periculum animæ, plena probatio requiritur, 3. *Causæ Civiles arduæ*, si tales sint, ut quoad pondus, & gravitatem criminalibus æquiparentur; & hoc ob grave præjudicium. Menoch. *loc. citat. n. 10. & 11.*

Ad rationem dubitandi dico duo imperfecta non facere unum perfectum, quando tendunt ad diversa; secus, si tendant ad unum, eundemque finem, sicut duæ semiplenæ probationes ad hoc tendunt, ut Judici fidem faciant, qui informari in causa debet non ex uno solum probandi genere, sed ex pluribus & diversis *l. testium* 3. *§. ejusdem* 2. *ff. de test. Bartol. loc. cit. n. 49.* Pirhing *hic num. 3.*

Quæritur 7. quid sit *Inspectio ocularis*, & quomodo sit peragenda? Resp. *Inspectio Ocularis*, Germanicè, *Augenschein, Augenscheinliche Bestchtigung, Bemessung*, &c: est probatio saltem latius accepta, qua Judici de re dubia, vel facto controverso per ipsam rei, in, vel extra Judicii locum oculis subjectæ, intuitionem fides conciliatur.

Ad eam recurritur sæpius, & aliquando etiam necessariò recurri debet in causa homicidii, aut vulnerationis, in novi operis nuntiatione, in causa damni infecti, in controversia de limitibus Parochiarum, Oppidi, Territorii, in objectione impotentia dirimentis matrimonium &c. Videatur Engl. *hic n. 11.* Vviestner *n. 24.* Schmier *Proc. Judic. c. 13. n. 35. & seqq.* aliique ab hoc *citt.*

Ut ad causæ definitionem proficiat, peragenda est 1. à Judice competente per se, vel per aliam personam, quæ ipsius vices gerat, adhibito Judicii Notario, qui, si res patiat, universa, quæ aguntur in ipsa inspectione, fideliter conscribat. Brunnem. *Process. c. 22. n. 10.* Stryck *tr. de jur. sens. D. 1. c. 2. n. 14.* P. Vviestner *loc. cit. n. 25.* P. Schmier *n. 48.*



2 Præcedere debet aliqua causæ cognitio, num expedit, rem, de qua agitur, oculis usurpari, num proficuum sit hos, vel illos artis peritos, an alios ad id vocare *l. si irruptione* 8. § *ad officium* 1. ff. *fin. regund.* ibi; *Si ita res exigit.* Stryck *loc. cit. num. 2. & 4.* P. Schmier *num. 42.*

3 Citari ad eam debent partes, quibus etiam prius auditis, plerumque decernitur. *Excipitur*, nisi fortè Judex ex officio clam ad suam tantum informationem suscipere illam velit. Gaill. *lib. 1. obs. 26. num. 10.* Brunn. *cap. 22. cit. num. 6.* Stryck *num. 11.* P. Engl *hic nu. 12.* P. Vviestner *num. 26.* P. Schmier *num. 44. & 45.* Ratio est, quia de Jure ad actum vocandi sunt omnes, quorum interest *l. de unoquoque* 47. pr. ff. *de re judic.* interest autem partium, inter quas controversia vertitur, oculari inspectioni præsentem esse, cum per eam controversia sit decidenda. Ergo &c.

20 4 Ad illam ducendi sunt testes ab alterutro litigantium producti; quia in re præsentem se melius explicare, & Judicem informare possunt. Engl *loc. cit.*

5 Adhibendæ plerumque sunt aliæ personæ rei, de qua agitur, specialiter peritæ, ut Medici, & Chirurgi ad explorandam gravitatem vulneris, obstetrices, & aliæ Matronæ honestæ, cum dubitatur de impotentia mulieris, Architecti, cum de novi operis nuntiatione, aut damno infecto ex ruinosis vicini ædibus, Agrimensores, cum de finibus & limitibus controversis agitur. Engl Vviestner Schmier *loc. cit.*

6 His de eo, quod verum esse cognoverint, sincere edicendo deferendum est Juramentum, nisi hoc generaliter præstitissent in susceptione officii, ad ejus, quam profitentur, artis, ut loquimur, jurati essent Magistri. Ita supra *cit.*

7 Pro ea faciendum est tempus, quod alias statutum est faciendis probationibus; imò largius; potest enim admitti etiam post publicata attestata, & ipsam conclusionem in causa, imò etiam post rem judicatam. Berlich. *concl. 47. à n. 27.* Ratio est, quia ocularis inspectio, cum habeatur ab experientia sensum, habetur pro veritate; veritati autem semper locus esse in Judicio debet.

21 Si cum his requisitis peracta sit, probationum omnium validissima est *arg. l. si irruptione* 8. *fin. ff. fin. regund. & l. pediculus* 32. § *Nervatus* 5. ff. *de aur. & arg. legat.* Gaill. *lib. 1. obs. 26. num. 9.* Berlich. *concl. cit. à num. 14.* Vviestner *hic num. 27.* adeò, ut locum habeat etiam casu, quo lege, vel statuto aliæ probationes non admittuntur, nec sententia respectu illius in rem judicatam transeat, sed per aliam sententiam rescindi possit, & debeat. Mascard. *de probat. proam. q. 8. n. 16.* Quod verum est, si per ocularem inspectionem obtineatur facti evidentia; non enim semper obtineatur, quod sæpè fallatur oculus, & ejus, quæ investigatur, veritatis indicia certa desiderantur. Vviestner *num. 28.* apud quem vide plura, quando in causis matrimonialibus sit adhibenda.

22 Quæritur 8. quid sit *Fama*, & quæ illius vis ad probandum? Resp. *Fama* alia hominis, alia inter homines dicitur. *Fama hominis* est ipsius existimatio, seu dignitatis illa status, Legibus, ac moribus comprobatus, qui ex delicto nostro auctoritate Legum aut minuitur, aut consumitur, ut loquitur Callistratus *l. cognitionum* 5. § *existimatio* 1. ff. *de extraord. cognit.* *Fama inter homines* est populi, sive alicujus Provinciæ, vel loci hominum commune, constans, & publicum judicium, & assertio de re aliqua. Huic affinis est rumor, qui definiri potest, quod sit de re aliqua opinio, & sermo non communis, sed particularis, sive paucorum; quo à *Fama* distinguitur.

Ut *Fama* in Judicio fidem faciat, non allegari, sed probari debet. Probari autem potest 1. per privilegia, & instrumenta antiqua, intellige, si plura in eandem rem conveniant; nam unicum non sufficit, nisi sit privilegium Papæ, vel alterius Summi Principis, aut instrumentum tale super ipsa fama confectum esset. Mascard. *concl. 752. à n. 1. 2.* Per Scripturas authenticas, & litteras virorum probatorum; quæ & ipsæ non unæ esse debent, sed plures, & diversorum. Mascard. *loc. cit. n. 2. 3.* Per testes, saltem duos; nam hi communiori DD. calculo sufficiunt. Mascard. *concl. 749. n. 1.*

23 Ut verò per istos *Fama* rite probetur, requisita va-

ria ponunt Mascard. *concl. 750. cit. per totam*, Stryck. *de jur. sens. dissert. 3. c. 4.* Haun. *rom. 5. tr. 4. à n. 333.* Engl *hic à n. 14.* Vviestner *ib. n. 34.* & novissimè R. P. Schmier *proceff. judic. c. 13. à n. 10.* 1. Enim debent deponere de auditu, quod audiverint à potioribus de communitate, rem ita se habere *arg. c. qualiter* 24. *de accusat. c. praterea* 27. *de testib.* 2. Debent assertionem suam confirmare Juramento; quia sicut in aliis casibus testi non jurato non creditur, ita nec in famæ probatione, nisi fortè 10. vel plures unanimiter de fama deponent; tunc enim numerus supplet, quod in duobus periculosum videbatur, 3. Debent reddere rationem suæ scientiæ, seu nominate personas aliquas, à quibus fama ducat originem. *Excipitur*, nisi res essent minoris momenti, & præjudicii, vel facta antiqua, quæ hominis memoriam & ætatem excedunt; quia in talibus admittuntur probationes minus accuratæ, 4. Debent saltem in consulo, & superficialiter scire, & si interrogentur à Judice, dicere posse, quid sit fama. Dixi, *in consulo*, & *superficialiter*; non enim est necesse, ut explicant eam per verba Juris, sed sufficit, si expriment per verba facti e. gr. si testificentur de fama possessionis, non est opus, ut dicere possint, quid sit possessio, quomodo hæc, & fama, de qua testificantur, Juridicè describatur, sed sufficit, si dicant, se audivisse communiter talem tenere rem, & fructus ex illa colligere. Mascard. *n. 35.* 5. Denique testificationes de ea deponentium debent esse concordantes, ita, ut se mutuo adjuvent; item debent esse benè morati, & bonæ famæ, non mulierculæ, & homines viles, de quorum fide & depositionibus dubium merito fieri possit, Mascard. *n. 37.*

*Effectus famæ* pro diversitate causæ diversus est. In 24 *Criminalibus*, quamvis legitimè probata, in ordine tamen ad pœnam infligendam probationis nec plenæ, nec semiplenæ vim habet; quia ad hunc effectum requiruntur probationes liquidæ, & luce clariores *l. fin. C. de probat.* Imò si aliis indiciis, & adminiculis non adjuvetur, aut valde vehemens sit, nec ad torturam personæ ea gravatæ sufficit. Mascard. *concl. 755. num. 6.* Catpov. *pract. crim. part. 3. quest. 120. num. 27.* Stryck *de jur. sens. Diss. 3. cap. 4. num. 30.* P. Engl *hic n. 18.* P. Vviestner *num. 36.* & hoc teste communiter DD. Non tamen omni effectui in causis his destituta est; nam, 1. Procedi potest ex ea ad inquisitionem specialem in personam diffamatam *c. qualiter* 17. *c. cum oporteat* 19. & *c. qualiter* 24. *de accusat.* 2. Aliquando dat locum incarcerationi, quando persona de fuga suspecta, nec adeo propter antè actam vitam honesta est, 3. Indici sic diffamato purgatio Canonica potest *can. Presbyter* 5. *caus. 2. q. 4.*

In civilibus plerumque obtinet vim semiplenæ probationis, conf. accedente alia probatione semiplena, plena efficitur, ut colligitur ex *c. praterea* 27. *de testib. & l. testium* 3. § *ejusdem* 2. ff. *eccl.* Mascard. *concl. 754. num. 11.* Haun. *tr. 4. citat. num. 354.* Stryck *cap. 4. citat. num. 22.* Engl *num. 18.* Vviestner *n. 38.* Dixi plerumque; nam aliquando plenam efficit fidem, aliquando Semiplena minorem. *Plenam* facit, quando factum est occultum, & difficilis probationis; quando agitur de vitando peccato v. g. ut impediatur matrimonium propter impedimentum consanguinitatis, vel aliud dirimens inter personas contrahentes intercedens; quando res est modici præjudicii &c. de quibus vide Mascard. *concl. cit. à n. 7.* *Semiplenam minorem* vim habet in causis, quæ valde ardûæ, & magni sunt præjudicii; imò quando fama à malevolis, maledicis, aut levibus hominibus orta est, vel propagata; quando testes de ea deponentes non sunt omni exceptione majores; quando vis ejus argumentis, & præsumptionibus in contrarium militantibus infirmatur &c. P. Vviestner *n. 40.*

## §. II.

De personis ad probandum obstrictis.

## S U M M A R I U M.

- 26 27 Cui incumbat onus probandi?  
28 29 30 31 32 Quando reo, & non actori?  
33 34 35 36 37 38 Quando neganti?  
39 40 Cui in judiciis Duplicibus?



- 41 42 An reus edere Actori debeat Instrumenta sua?  
 43 44 45 46 Exceptiones.  
 47 Responsiones ad Argumenta.  
 48 Utrum valeat pactum, quo inducitur necessitas utendi  
 certo probationum genere?  
 49 An si illud iuramento sit confirmatum?  
 50 Quid agendum cum actis prioris Iudicii, si causa ad  
 alium Iudicem devolvatur?  
 51 Quomodo probari possint, si illa sint perditæ?

26 **Q**uæritur 1. cui incumbat onus probandi? Resp. generaliter is probare debet, qui dicit, seu affirmat rem dubiam in Iudicio in alterius præjudicium nec habet pro se præsumptionem Juris. Conveniunt in hoc omnes DD. & expressè statutum est *Lei incumbit 2. ff. & l. ut creditor 1. C. de probat.* sine dubio idè, quia si aliquid petere, & non probare sufficeret, nihil esset tam injustum, quod non peti; nulla innocentia tanta, quæ non optimi posset. Hinc quia Actor plerumque affirmat, reus negat, regulariter onus probandi incumbit Actori, non verò reo neganti *l. verius 21. ff. hoc tit. l. frustra 8. l. actor 23. C. eod.* Quod ad id verum est; ut actore non probante reus absolvi debeat, etsi nihil præstiterit, i. e. nullam defensionem, vel probationem pro se attulerit, ut decernitur *c. fin. §. finè de Jurejur. c. un. Ut Eccl. benef. fin. dim. confer. l. qui accusare 4. fin. C. de edict.*

27 *Extenditur hoc* 1. ad omnes causas, non tantum civiles, sed etiam criminales, nec ad profanas solum, sed etiam ad spirituales, & beneficiales; nam in his omnibus procedit assertio. *Extenditur* 2. etiam ad casum, quo Iudex ex officio inquirit; tum enim ipse probare debet contenta, & asserta in inquisitione, quia succedit loco actoris, seu accusatoris. *Pacian. l. 1. de prob. c. 7. n. 2. Extenditur* 3. etiam si constet, quod reus nullum jus in causa, vel re habeat, ut quia res aliena est, quam possidet: nam nisi actor, qui dicit, se esse dominum, vel quasi dominum illius rei, hanc suam intentionem probaverit; in eo Iudicio molestari reus non debet; quia in tali casu non quid Juris reo, sed quid actori competat, æstimandum est, ut rectè advertit *Pacian. loc. cit. n. 55.* Dixi autem regulariter onus probandi incumbere Actori; nam plures sunt casus, in quibus illud incumbit reo. Et hinc.

28 **Q**uæritur 2. quando onus probandi incumbat non Actori, sed reo? Resp. his præcipuè casibus illud ex communi DD. sententia reo incumbere, 1. Si opponat exceptionem affirmativam, h. e. si excipiendo aliquid asserat, e. g. si petitus solutionem à creditore dicat, se jam solvisse; tunc enim suscipit in se onus Actoris quoad oppositas à se exceptiones *l. in exceptionibus 19. ff. hoc tit. & ibi Glossa V. velut intentionem.* Ratio est, quia agere is videtur, qui exceptione utitur, & reus exceptione fit actor *l. agere 1. ff. de except. præscript. & præjud.* Dixi autem, Si exceptio sit affirmativa; nam si reus excipiendo neget, ut sit in Exceptione non numeratæ pecuniæ, ea proposita, non reus, sed actor probare debet numerationem pecuniæ factam esse *l. si ex cautione 3. C. de non numerat. pecun.*

29 2 Si præsumptio Juris fiet pro Actore: tunc enim non Actori affirmanti, sed reo neganti incumbit probatio. Ratio est, quia universim hæc vis, & potestas Præsumptionis est, ut ab onere probandi relever, & illud in Adversarium, contra quem præsumitur, transferat *cap. un. Ut Eccl. benef. fin. dimin. confer. l. fin. pr. ff. quod met. caus. l. generaliter 24. §. sed etsi 8. in fin. ff. de fideicom. libert.* Imò si præsumptio hæc sit Juris, & de Jure, ille, adversus quem stat talis præsumptio, pro convicto habetur, cum contra hujusmodi præsumptionem nulla admittatur probatio, ut infra dicitur *tit. 23. de præsumpt.* Proceditque hoc, etiam si pars adversa sit in possessione: ubi tamen distinguendum est, an possessor hujusmodi sit capax possessionis, vel non; nam si hoc secundum, uti est Laicus respectu Juris eligendi, decimandi &c. giustificare possessionem suam adversus actorem, pro quo præsumptio Juris militat, debet, nisi possessio ejus immemorialis sit, & conf. præsumptionem privilegii à Principe concessi habeat. Si primum, à probandi onere eundem liberabit possessio longi, vel longissimi temporis; quia cum ejusmodi possessio sit idonea ad patiendam præscriptionem,

etiam idonea erit ad infringendam præsumptionem, quæ possidenti obstat.

3 Si Actor sit persona privilegiata, e. g. pupillus, 30 minor, mulier, vel fortè vir quidem perfectæ ætatis, sed miles, rusticus, & rerum forensium expertus; nam si talis persona indebitum solutum queratur, is, qui accepit pecunias, probare debet se benè eas accepisse, & debitas sibi fuisse solutas; alias si non probaverit, redhibere tenebitur *l. cum de indebito 25. §. fin. autem 1. ff. hoc tit.* Eodem modo, si major à minore emat bona immobilia, & postea minor, volens recedere ab emptione, prætendat non intervenisse Decretum Iudicis, is non tenebitur probare defectum hujus solemnitatis, sed emptor docere debet, quòd intervenit *leg. quæcumque 13. §. fin. ff. de Publician. in rem action. Neque obstat*, quòd alias præsumantur omnia solemniter acta, nisi contrarium ostendatur *l. sciendum 30. ff. de V. O.* nam hoc in minore, & pupillo non procedit ob horum favorem.

4 Si reus negans Juris sui fiducia onus probandi ultro subeat *l. circa cum 14. v. si quis autem juncta Glossa V. juris ff. hoc tit.* & ratio est, quia Juri suo potest renuntiare. Circa lationem sententiæ tamen hoc casu distinguendum est, an reus hujusmodi post susceptum in se onus probandi legitime probet intentionem suam, an verò nec ipse suam, nec actor suam sufficienter probaverit. Si primum, pro ipso positivè est ferenda sententia. Si secundum, absolvetur reus tantum à Iudicio illo, causam tamen non amittet, nisi ita in se onus probandi susceperit, ut simul ad amissionem causæ se obligarit, casu quo non probaverit.

5 Si Iudex ex justa causa onus probandi in reum transferat, ut si deferat reo juramentum in Iudicio, debet enim tunc reus parere, & onus illud suscipere, ac præstitum loco probationis habebitur *l. manifesta 38. ff. de Jurejur.* Vide Glossa in *c. un. V. Actore non probante ut Eccl. benef. fin. dimin. conf.* Durand. *Specul. tit. de prob. §. 1. à num. 10.* Hiltrop. *part. 3. tit. 8 §. cui incumb.* Sichard. *in lib. 23. C. hoc tit. à num. 3.* Jordan. *lib. 14. tit. 17. Haun. tom. 5. tract. 4. à num. 24.* Valleng. *hic §. 3.* Pirhing *à num. 5.* Vviestner *an. 10.* & alios ab his cit.

**Q**uæritur 3. an & quando negans teneatur probare? 33 Resp. distinguendum inter propositiones negativas; nam triplicis generis esse possunt, una facti, alia Juris, alia qualitatis. *Negativa facti* dicitur, quæ negat aliquid factum fuisse, ut *non occidi Titium, non contraxi cum Sempronio &c.* *Negativa Juris*, quando negatur aliquid de Jure fieri posse, vel de Jure factum fuisse, ut si quis neget Titium posse esse Procuratorem, vel posse contrahere matrimonium; vel si quis neget testamentum, electionem, emancipationem &c. else jure factam. *Negativa qualitatis* denique, quando negatur aliqua qualitas in subjecto; quæ duplicis generis esse potest; nam aliquæ infunt homini communiter, & naturaliter, verb. grat. aliquem esse compositum mentis, legitimum, sobrium, pacificum, probum, potentem ad coitum &c. aliæ solum infunt accidentaliter, & non communiter, verb. grat. aliquem esse Nobilem, Doctorem Theologiæ, vel Juris &c. His suppositis.

*Certum est* 1. Si propositio sit *negativa qualitatis*, 34 quæ communiter, & naturaliter inest omnibus, eam probari debere à negante illam qualitatem. Glossa in *cap. bonæ 23. V. per rerum naturam de elect.* Pacian. *de probat. lib. 1. capit. 36. num. 29.* Hiltrop. *§. cui incumb. citat. num. 23. & seqq.* Pirhing *hic num. 13.* Engl *num. 6.* Sannig *capit. 2. num. 8.* Schambogen *num. 7.* Vviestner *nu. 18.* Ratio est, quia qualitas, quæ communiter, & naturaliter inest, homini adesse à Jure temper præsumitur. At si negetur qualitas, quæ solum accidentaliter, & non communiter inest; distinguendum est, an agatur de aliquo promovendo, vel admittendo ad Dignitatem, beneficium &c. in quo qualitas illa requiritur; an verò de eo, qui promotus, vel admixtus est, ob carentiam ipsius removendo. Si primum, non negativa, sed affirmativa propositio probanda est ab allegante; & si non probetur, non præsumitur adesse *arg. l. Magistros 7. Cod. de Profess. & l. un. C. de Profess. ult. Constantin.* Si secundum, onus probandi defectum talis qualitatis neganti incumbit, cum Adversarius ejus per possessionem muneris, quod talem quæ-



litarem requirit, constitutur etiam in quasi possessione ipsius qualitaris. Pacian. l. cit. n. 23.

- 35 *Certum est* 2. si propositio sit *negativa juris*, & id, quod negatur, sit de genere permissorum, ut sit in exemplis supra allatis, eam propositionem probandam à negante l. *ab ea parte* 5. ff. *hoc tit.* Hiltrop. n. 19. & seqq. Zoel. hic n. 6. Pirhing nu. 12. Engl n. 6. quia omnia præsumuntur de Jure licita esse, nisi prohibita esse probentur. Ar, quando negantur ea, quæ sunt de genere prohibitorum, e. gr. cum negatur hominem aliquem jure occidi potuisse, non negans suam negativam, sed affirmans affirmativam probare debet, ut rectè advertit Pirhing *loc. cit.* nam in materia communiter prohibita observari debet Regula: *Quod concessum non reperitur, eo ipso prohibitum censei debet.*
- 36 Contraversia solum est de *propositione negativa facti*: sed etiam hæc ope distinctionis decidi potest; nam triplex hujusmodi propositio num species est, videlicet 1. *Propositio negativa pura, simplex, & indefinitiva*, quæ non habet determinationem loci, temporis, vel alterius circumstantiæ, e. g. cum reus dicit: *Non contraxi, non mutuavi, non sum citatus &c.* 2. Est *Negativa facti determinata*, quæ limitata est certo loco, tempore, & aliis circumstantiis, ut si testis, vel actor dicat, Titium contraxisse matrimonium cum Bertha tali loco; tempore &c. 3. Denique *propositio negativa prægnans*; quia scilicet virtualiter, & implicite continet in se propositionem affirmativam, ut si quis dicat se non spontè renuntiase beneficio; nam hic implicite asserit sibi vim illatam in renuntiatione Beneficii.
- 37 Ex his *ultima* à negante probari potest, & debet c. *super hoc* 5. de *renunt. cap. fin. verso nos causam de success. ab intest. l. si filius* 8. ff. *hoc tit.* Pacian. de *prob. lib. 1. cap. 36. num. 20. & seqq.* Honor. hic num. 11. Pirhing nu. 11. Schambog. nu. 7. König num. 24. Vviestner num. 19. Ratio est, quia asserenti incumbit probatio, sed qui utitur propositione negativa prægnante, asserit aliquid. Ergo &c. *Secunda*, seu *negativa determinata* à negante probari indirectè potest, si scilicet probet se eodem tempore in alio loco, cum aliis personis fuisse &c. sed probari ab ipso non necessario debet *cap. ex tenore* 35. de *testib. leg. optimam* 14. *vers. etsi inter Cod. de contrah. stipul.* Pacian. *cap. 37. num. 24. & seqq.* Hiltrop. § *cui incumb.* num. 7. & 34. Pax Jordan. *tit. 17. num. 34* Henriq. Canif. in *cap. 11. hoc tit. num. 2.* Layman *ibid. nu. 1.* Zoel. *num. 6.* Pirhing *num. 10.* Engl *num. 6.* Sannig *cap. 2. num. 8.* cum aliis *suprà* Excipe, nisi super ejusmodi propositione negativa eam allegans sunder intentionem suam; tunc enim illam probare debet, cum regula generalis sit, quemlibet obligari ad probandum id, quod est causa, & fundamentum intentionis suæ.
- 38 *Prima*, seu *Negativa pura* non potest probari *leg. actor* 23. C. *hoc tit. & cap. bona* 23. de *elect.* Hiltrop. *num. 35.* Vvelembec. ff. *hoc tit. num. 6.* Pacian. *cap. 36. num. 6.* Pax Jordan. *num. 34.* Vallens. § 3. *num. 3.* Pirhing *num. 2.* König. *num. 22.* Schambogen *num. 6.* Vviestner *num. 21.* cum aliis relatis. Ratio est, quia negationis, urpote non entis, nullæ sunt causæ, nullæ differentiæ, nullæ proprietates, à quibus sicut definitiones, ita & probationes desumendæ sunt, cum probatio nihil aliud sit, quam vera alicujus facti definitio, & demonstratio. Conf. quia non appater, quo genere probari possit: non *per testes*; quia testis deponens super asseritione merè negativa non coarctata loco, & tempore sit suspectus de falso, ut notat Gaill. *lib. 1. obs. 64. num. 4.* Non *per instrumenta*; quia Instrumenta erigi solent super affirmatione, non negatione, si illa sit merè indefinita: *Non per Juramentum*; quia hoc non defertur reo, nisi in defectum, & supplementum probationis. *Non per præsumptionem*; quia ista in propositione merè negativa locum non habet, nisi quatenus onus probandi rejicit in Adversarium, quod non est probare, sed relevari à probatione. Potest quidem fides de ea fieri per confessionem; sed hæc, ut sæpe dictum est, iterum non est probatio ejus, quod prius negatum erat, cum Adversarium relevet ab onere probandi, quod pars adversa confitetur.
- 39 Quæritur 4. quis probare debeat in Judiciis duplicibus, qualia sunt familiæ herciscundæ, de communi dividundo, finium regundorum &c. Resp. in his pro-

bate debet uterque litigantium; & ea pars tandem vincet, quæ melius probaverit: quod si æquè probet pars utraque, absolvendus est possessor. Ita Vivian. in *cap. ex litteris* 3. *hoc tit.* Layman *ibid. num. 2.* Gonzalez *num. 8. & seqq.* Barbosa *num. 1. & 13.* Vvagnereck in *Exegef. Pax Jordan. num. 31.* Perez in *C. hoc tit. nu. 20.* Brunnem: in *lib. 8. cod. num. 5.* Vallens. hic § 3. *num. 5.* Zoel. *num. 5.* Honor. *num. 8.* Pirhing *nu. 14. & seqq.* Engl *nu. 4.* Schambogen *num. 8.* Vviestner *num. 11.*

Dixi 1. in his Judiciis utrique litigantium onus probandi incumbere. Ita statuitur *cap. ex litteris cit. l. in tribus* 13. & *leg. seq. ff. de Judic. l. Judicium* 10. ff. *fin. regund. l. inter* 44. § *quisfamilia* 4. ff. *famil. hercisc.* Ratio indicatur *cit. textibus*; quia in his uterque litigantium est simul actor, & reus. Hinc etiam *Actiones mixtæ, & Judicia duplicia* appellantur l. *actionis* 37. § *mixta* 1. ff. de *O. & A.* Intelligendum tamen hoc solum est quoad onus probandi, & alios effectus Judicii; nam quoad ista solum in his Judiciis uterque pro actore, & reo habetur: quo non obstante, ut lis facilius, & commodius ordinetur, & sciatur, pro quo sit pronuntianda sententia casu, quo uterque vel æque, vel nihil probaverit, salubriter introductum est, ut etiam in his Judiciis unus actoris, alter rei vicem sustineat; & actoris quidem vicem sustinebit is, qui primus provocavit in Judicium l. *in tribus cit. junct. Glossa V. videri actorem.* Si non appareat, quis primò provocaverit, forte dirimendum est, quis principalis actor dici debeat l. *sed cum ambo* 14. ff. de *judic.*

Dixi 2. in casu aequalis probationis absolvendum possesorem; quod clarè constat ex *cap. ex litteris cit. v. quodsi*, ubi ratio redditur, quod promptiora sint iura ad absolvendum, quam ad condemnandum. Conf. nam ubi actor nihil probavit, pro reo ferenda sententia est l. *qui accusare* 4. *fin. C. de edend.* sed reus plerumque possessor est; quia minorem habet causam provocandi, Ergo rectè dicitur pronuntiandum esse pro possessore. Excipitur *vers. quodsi cit.* si agatur de liberali causa; in hac enim, si utriusque partis probationes æquales sint, pro libertate sententia proferri debet etiam contra reum, & possesorem. Extendit exceptionem hanc Glossa in *cap. cit. V. in liberali* etiam ad alias causas favorabiles, cujusmodi est matrimonium, dos, testamentum; nam testes, qui pro iis deponunt, præferuntur aliis testibus, etiam si forè hi secundi priores excederent ob aliquam qualitatē, veluti quia Clerici sunt, illi Laici, ut notat Barbosa in *capit. 3. citat. num. 8.*

Quæritur 5. an in defectu probationum pars parti contra se instrumenta, & rationes edere, seu exhibere teneatur? Videtur standum pro affirmativa, ita ut non tantum actor reo, sed etiam reus actori ostendere, & exhibere instrumenta, ac rationes debeat, prout opus est ad probandam intentionem alterutrius. Ratio est 1. quia non debet probationibus præcludi via, & earum facultas coangustari l. *quoniam* 21. in *fin. C. de heretic. l. nec quid* 7. *vers. de his ff. de incend. ruin. &c.* sed nullo modo vetitas clarius constare potest, quam per instrumenta *lib. 1. C. de edend.* igitur actor reo, & reus actori ea tenetur edere, 2. Aequalitas servari debet inter actorem & reum. Sed omnium sententia actor reo edere debet instrumenta sua. Ergo etiam reus actori, 3. Reus cogitur respondere positionibus actoris, ut in *prac. num. 44.* dictum est; item cogitur scribere, ut per litterarum comparationem possit actor probare Chirographum confectum manu propria Rei conveniri. *Novell. 73. cap. 1.* igitur etiam tenebitur edere instrumenta.

Sed his non obstantibus, vera est communis doctrina, quæ distinguit inter actorem, & reum, & de actore quidem concedit, quod edere reo instrumenta sua debeat, negat autem, quod ea debeat edere reus actori. Ita Abb. in *cap. ex epistola* 1. *hoc tit. num. 14.* Henr. Canif. *ibid. num. 1. & 2.* Fagnan. *num. 1.* Layman *num. 1. & 2.* Gonzal. *num. 7. & seqq.* Barbosa *num. 1. & 13.* Vvagnereck *not. 1.* Vallens. § 3. *nu. 6.* Zoel. *num. 9.* Pirhing *num. 22.* Schambog. *num. 13.* König *num. 17.* & constat ex Juris utriusque textibus: Canonici quidem *cap. ex epistola cit.* Civilis autem l. *in speciali* 73. ff. de *R. V. leg. nimis grave* 7. C. de *test. l. cogi* 11. C. de *petit. hered. leg. qui accusare* 4. & *leg. fin. C. de edend.* Ratio est 1. quia reus invi-



invitus trahitur ad iudicium, & ibi comparere non ad lādendum alium, sed ad tuendum se; actor vero in potestate sua positum habet adversarium convenire. Igitur mirum non est, quod majori favore jus prosequatur reum, quam actorem, & eundem absolvat, si contra ipsum actor nihil probaverit, non autem in plus condemnet, quam iste ex instrumentis, quæ secum affert, ostenderit. 2 Quia actor hoc ipso, quod in potestate ejusdem sit adversarium convenire, ad iudicium instructus, & paratus debet accedere. Igitur probationes suas secum afferre debet, & non debet illas è domo adversarii petere, vel causam suam super alienis documentis fundare. E contrario exquisitissimo jure reus, à quo aliquid petitur, sibi rationes adversarii, quibus se instruat, promi desiderat; debet enim ad has respondere. Igitur easdem sibi notas habere debet, quod non esset, si eidem non exhiberentur. 3 Quia nec juris, nec æquitatis permittit ratio, ut quis contra se, & proprium commodum instruat Adversarium; nam ut pulchre *capit. ex Epistola citat.* Gregorius loquitur, *nulli dicendum est, Ea, quæ contra te sunt, apud te-metipsum debes documenta requirere, atque hac pro te in medium proferre*, ut emendatius *ibidem* legit Gonzalez.

43 *Excipiuntur* tamen ab hac universali doctrina complures casus, quibus etiam reus actori edere instrumenta debet. Et 1 quidem si instrumenta non sint propria unius, sed communia utrique parti *cap. G. Perpetuus 12. de fid. instrum.* Ratio est; quia tunc edit illud non ut suum proprium, sed ut instrumentum ipsius etiam actoris. Proceditque hoc, si instrumentum sit commune ratione proprietatis, & ipsius chartæ, quo modo instrumenta defuncti sunt communia omnibus hæredibus; si ratione actus contenti, quo modo instrumentum emptionis venditionis est commune emptori, & venditori, quorum rogatu à Notario est confectum; si denique ratione officii publici, quo modo communes sunt rationes argentariorum, libri censuales, acta judicialia, & alia ad publicam utilitatem scripta *l. si quæ 5. ff. famil. hercisc. l. argentarius 10. ff. l. is apud 2. & l. procurator 7. C. de edend. & passim DD.*

2 Si actor intentionem suam jam habet fundatam, e. g. si jam probavit, quod fundus reo sit venditus, sed nesciat, quomodo, & quibus conditionibus ea venditio facta sit, & quousque se extendat; tunc enim cogitur reus edere instrumenta sua ad adjuvandam intentionem actoris jam fundatam, & probatam, cum non petat ad principaliter impugnandum; adeoque cesset ratio, ob quam prohibentur instrumenta à reo peti *l. Titius 48. & l. creditor 52. prim. ff. de action. empt. & vendit.*

44 3 Si reus ipse utitur instrumentis suis, illaque producit in iudicio *l. quia 1. §. edenda 3. ff. de edend.* Ratio est, quia quando alicujus intentio fundatur in aliquo instrumento, vel privilegio, tunc adversarius petere potest, ut illud edatur sibi, non ut instruat ad probationem pro se præstandam, sed ut deliberate possit, an agere velit.

4 Si actor demonstrat se suas rationes, & instrumenta amisisse citra suam causam, videlicet incendio, ruina, naufragio &c. tunc enim æquitas, & commiseratio suadet eidem succurri à iudice cogente reum, ut sua in subsidium instrumenta edat *arg. l. si quis 6. §. prohibet 9. ff. de edend.*

5 Potest actor petere à reo, ut exhibeat, quæ necessaria sunt ad probandam suam replicationem; nam Replicatio est quædam exceptio actoris contra exceptionem rei. Sicut igitur actor reo edere instrumenta sua debet ad fundandam exceptionem illius, ita pariter æquum est, ut reus actori edat instrumenta sua, quæ necessaria sunt ad fundandam replicationem illius. Abb. in c. 1. cit. num. 15.

6 Usurarii, si negent usuras se exercere, aut exercuisse, compelli possunt etiam per Censuras Ecclesiasticas, ut edant libros suos, seu instrumenta rationum suarum ad probandam intentionem actoris. *Clem. un. §. ceterum de usur.* Extenditur communiter ad similes personas, quæ frequenter fraudes committunt in contractibus, quales sunt Judæi, Publicani, Nummularii, cautiones &c. & hoc in odium fraudis, quæ auctori suo prodesse non debet.

7 Reus cogitur edere instrumenta fisco contra se agentem, idque ex speciali privilegio, quo gaudet fiscus, ut possit de domo Rei sumere probationes ad firmendam ex illis intentionem suam *l. ex quibusdam 2. §. Divus Adrianus 1. & seq. ff. de jur. fisco.* Id autem solum procedit in causa civili, non vero in criminali, saltem capitali; quia cum tunc agatur de præjudicio Rei multo graviore, quam in iudicio civili esse possit, is edere fisco instrumenta non cogitur: & ratio est, quia nimis durum foret agentem criminaliter ad poenam capitalem exigere probationes de domo Rei.

8 Privilegium hoc multi cum Abb. in cap. 1. cit. n. 19 Decio *ibidem* num. 15. Felin. num. 11. extendunt etiam ad Ecclesias, & Hospitalia, aliaque loca pia, quibus proin concedunt, ut petere instrumenta à reo possint ad intentionem suam fundandam. *Rationem* dant, quia fiscus, & Ecclesia æquipantur, saltem in materia favorabili: ideoque fisco concessa privilegia etiam ad Ecclesiam extenduntur ob paritatem rationis, cum utrobique versetur publica utilitas, & jura pari favore Ecclesiam, & fiscum prosequantur.

9 Denique sunt nonnulli, qui idem privilegium trahunt etiam ad causas matrimoniales, vel alias, in quibus vertitur favor pietatis, ut sunt causæ alimentorum, dotis, legati ad pias causas, & generaliter ad omnes causas favorabiles, in quibus proin actori à reo convento edi debere instrumenta volunt, saltem quando non adest copia, seu facultas probandi. Abb. num. 19. Decius num. 16. Felin. n. 10. & 11. Vvagn. not. 2. *vers. limitatur* 3. Pirhing num. 26. qui tamen notat, hoc in praxi non videri ubique receptum esse. Quidquid sit de ista praxi, hoc verum est, posse ob favorem causæ piæ iudicem imperare, ut edantur instrumenta à reo, quando res aliter probari non potest, ut rectè advertit Layman in c. 1. b. tu. n. 9. in fin.

Videri de his exceptionibus possunt Abb. in capit. citat. à num. 7. Decius à numer. 13. Felin. à numer. 9. Vivian. in ration. *ibidem* Canis. à num. 4. Layman à num. 3. Vvagnereck not. 2. Vall. hic §. 3. num. 6. Zoef. num. 9. Pirhing à num. 23. Schamb. num. 13. König n. 17. Sannig c. 4. num. 2.

Sic limitatæ responsioni non obstant Argumenta opposita in contrarium. Ad 1 etsi verum sit, quod probationum facultas non sit coangustanda, & propterea plura specialia in jure permittantur, id tamen verum est solum, si legitimis mediis probatio fiat, & modis à jure statutis. Sed non est modus à jure approbatus è domo adversarii probationes petere, nisi in casibus suprà exceptis; jus enim neminem compellit ad veritatem dicendam, nisi sit iustus, ut haberetur *cap. intimavit 28. de testib.* vel nisi alias æquum videatur iudici, ut reum interroget *l. ubicunque 21. ff. de interrog. in jur. faciend.* quod hodie fit per positiones Actoris in libello propositas. Ad 2 Principium illud, quod æqualitas sit servanda inter actorem, & reum, ut benè Henr. Canis. l. cit. num. 11. advertit, procedit tantum quoad probationem, ut sicut actor intentionem, ita reus exceptionem suam probare debeat; non autem quoad editionem instrumentorum, unde probatio elicitur. Ad 3 disparitas est, quia respectu confessionis, qua reus ad positiones respondet, non potuit actor venire paratus, cum illa non sit in potestate sua; potuit autem venire paratus respectu instrumenti, cum potuerit sibi ab initio præcavere: & ideo ipse sibi imputare debet, si instrumenta idonea ad probationem causæ sibi non comparavit; nam vigilantibus, non dormientibus jura subveniunt *c. vigilantibus 5. de præscript.*

Quæritur 6 utrum valeat pactum, quo inducitur necessitas utendi certo probationum genere? Fieri hujusmodi pacta nonnunquam solent à Sponsis, antequam matrimonium contrahant, dum inter pacta nuptialia cætera etiam istud ponunt, ut in annullorum, torquium, & aliorum cimæliorum repetitione soluto matrimonio non alia adhibeatur probatio, quam per instrumenta v. g. inventarium. Et quidem si pactum hoc ita sit initum, ut superstes illa dumtaxat restituere teneatur, quæ in Inventario descripta sunt, P. Vviestner hic n. 22. valere judicat, & merito; nam quæ inventario descripta non sunt, superstiti relicta censentur per donationem morte confirmatam.

Si verò ita sit initum, ut ex solo Inventario, & non aliud-



aliunde probatio sumi possit, quæ res, soluto matrimonio, restitui debeant, quæ non, Pactum hujusmodi invalidum est, ut cum Ant. de Butrio notat Fagn. in c. sicut 2. h. tit. num. 9. Ratio est, quia bonis moribus adversatur, & difficiliorem probationem efficit, dum paciscens intendit alias legitimas probationes excludere, fortè quia sperat probationem per instrumenta facillè everti, vel impediri posse.

- 49 Dubium est, an juramentum tali pacto additum obligatorium sit? Derand. *Specul. de Probat. §. videndum 3. n. 6.* quem sequitur Haun. tom. 5. tr. 4. n. 74. putat illicitum quidem illud esse, sed de re licita, conf. instar ejus, quod de Usuris solvendis fœneratori præstatur, obligatorium arg. c. debitores 6. de jurejur. Rationem dat Haunoldus; quia tale juramentum sine peccato, & retri præjudicio observari valet, consequenter locum habet Regula c. cum contingat 28. de jurejur. & c. quamvis 2. de pact. in 6.

Sed dicendum tale juramentum non minus, ac ipsum pactum viribus carere. Ita Fagnan. in capit. sicut nu. 16. & seqq. ubi pro se allegat Fulgos. Alex. Imol. Seraphin. Ratio est, quia cum etiam ipsum ad occultationem veritatis tendat, à bonis moribus alienum non minus est, quam pactum, cui adicitur: & hinc sicut pactum tale non tenet, ita nec juramentum obligat. Accedit, quia juramentum, quod fit contra jus publicum, obligatorium esse non potest. Tale esset in casu nostro, quo adstringerentur partes ad certum probationis genus e. g. per Instrumentum, exclusa probatione per testes, cujus usus per Jus publicum tanquam necessarius laudatur, & recipitur lib. testimonium 1. ff. de testib.

Hinc, quæ in contrarium afferuntur, hoc ipso corruunt, & sequitur, non obstante hujusmodi pacto, & juramento, quod ei additum est, alias probationes ad veritatem probandam adhiberi posse, si probationes pacto expressæ deficiant.

- 50 Quæritur 7. Si causa ad alium judicem devolvatur, quid agendum cum actis Processus, & judicii prioris? Resp. tunc remitti ad judicem, ad quem causa devoluta est, debent, & eidem exhiberi, ut habetur capit. causam 11. de testib. & sumitur ex cap. bonæ 15. h. tit. Ex quo sequitur acta in priore judicio valere etiam in posteriore, & in hoc ex actis prioris judicii procedendum esse, ut notant Vivian. in cap. bonæ citat. Layman ibidem num. 2. Barbola numer. 1. Vvagnereck in Exegef. ejusd. cap. Ratio est, quia idem judicium, & tribunal esse censentur. Hinc repeti non debent acta prioris judicii; quia sufficienter fidem faciunt etiam in judicio posteriore inter easdem partes litigantes: quod tamen intellige de actis instructoriis causæ tantum, & de decisoriiis litis; nam ordinaria litis, uti est citatio, libelli oblatio, juramentum calumniæ, litis contestatio, datus terminus dilationum &c. si in alio Tribunali causa sit agitanda, repeti debent, quod non ad fidem faciendam, sed ad ordinem judicii pertineant, qui in quocunque Tribunali servandus est. Plura de hoc Titul. seq.

- 51 Dubitatur, quomodo Acta judicii, si perita sint, probari possint? Resp. probari posse per duos testes, qui deponant se illa antea inspexisse, & legisse: imò sufficit quandoque confessio partium. Hinc si partes litigantes propria voce confiteantur litis contestationem esse factam, licet in actis illud non reperiat, standum erit confessione illarum, ita, ut repetere illam non sit necesse, ut notat Abb. in capit. fin. h. tit. numer. 2. Pirhing hic num. 69. & ratio est, quia etsi alias confessio partium in his, quæ non dependent ab eorum arbitrio, fidem non mereatur, fidem tamen mereatur, si aliunde sit præsumptio, uti est in casu nostro, cum enim litis contestatio sit de substantia processus, merito præsumitur esse facta l. sciendum 30. ff. de V. O. Abb. numer. 2. citat. Felin. ibidem num. 2. Pirhing l. cit.

## §. III.

## De Objecto Probationis:

## S U M M A R I U M.

- 52 Quid sit probandum?  
53 54 55 Quomodo probandi sint Limites locorum?  
56 57 58 59 60 Quomodo Filiatio?  
61 62 63 Quomodo Aetas?  
64 65 66 Virginitas?

Quæritur 1. quid sit probandum? Resp. in genere loquendo probatio versatur circa factum controversum, ad causæ decisionem pertinens, & quod directè probari possit, sive deinde criminale illud fuerit, sive civile. Hiltrop. p. 3. tit. 8. §. cui incumb. n. 46. Vvesenb. ff. h. tit. n. 7. Pirhing hic n. 31. Konig n. 18. Sannig cap. 4. nu. 4. Dixi 1. circa factum: quia, quæ sunt juris, cum certa illa, & nota judici præsumantur, non probantur in judiciis, sed allegantur ad inferendum aliquid aliud, quod in facto, aut faciendo consistit, prout notavi supra n. 3. Excipiuntur ea, quæ sunt juris municipalis, vel consuetudinarii; quia hæc æquiparantur quæstionibus facti: Item quæ sunt juris communis quidem, sed dubii, quod Leges aliquo modo videantur esse contrariæ: tunc enim sensus Legis ex communi DD. opinione probari potest, & debet. Dixi 2. controversum; nam facta notoria probatione non indigent: de quo vide n. 3. cit. Dixi 3. ad causæ decisionem pertinens; nam impertinentium probatio, utpote inutilis, non est recipienda, nedum decernenda. Hiltrop. l. cit. n. 53. cum reliquis supra. Dixi 4. & quod directè probari possit, saltem per conjecturas, vel juramentum, cujusmodi sunt, quæ suapte natura occultæ, & clam remotis arbitris fieri solent; nam ea, quæ nullam omnino probationem suscipiunt, ut sunt propositiones merè negativæ, non coarctatæ certo loco, & tempore, nec debent, nec possunt probari. Vvesenb. Pirh. l. cit. Dixi 5. sive criminale fuerit, sive civile, cum hoc tamen discrimine, quod in civilibus causis sufficiant probationes minores, in criminalibus autem requirantur plenissimæ, ob gravitatem præjudicii, quod secum trahunt l. fin. C. h. tit.

Quæritur 2. quomodo probandi sint Confines, seu Limites Diocesium, Parochiarum, & aliorum locorum? Resp. modus refertur capit. cum causam 13. h. tit. & tradunt ibi DD. 1. enim probari possunt per Libros, & scripturas antiquas cap. cum causam citat. & l. Titius 48. ff. de action. empt. Quænam scripturæ antiquæ dici debeant, controvertunt DD. aliqui putant sufficere 40. annos; aliqui requirunt tempus excedens hominum memoriam: optimè illud relinquitur arbitrio judicis, qui pro tempore, & rerum circumstantiis, quod æquum est, statuet.

2 Per Monumenta vetera l. in finalibus 11. ff. fin. regund. Talia sunt historiæ antiquæ, & Chronica, si tamen illis à majoribus nostris fides sit adhibita; lapides terminales, cippi, & tabulæ æreæ, quibus fines, & formæ agrorum inscriptæ leguntur; arma sculptis affixa, vel depicta in monumentis, domibus, & capellis; item Inscriptiones, seu Epitaphia antiqua &c. nam his, nisi fraus probetur, plena adhibetur fides, cum locum Instrumenti publici habeant, ut cum aliis docet Gonzal. in c. 13. cit. n. 5.

3 Per testes c. cum causam cit. Ex istis in hac materia finium maximè idonei sunt ii, qui in vicinis, & circumjacentibus locis habitant arg. l. ait Prætor 1. §. flumen 1. ff. de flumin. item rustici, qui plerumque terminos ad-eunt, & loca ipsa vident l. si chorus 79. §. his verbis 1. ff. de fideicom. 3. Neque interest, etsi testes isti sint domesticæ, ut fuscè probat Mascard. concl. 395. à n. 9. & ex eo docet Gonzal. in c. 13. cit. n. 6. sufficiunt etiam testes de auditu, modo expresse testentur se id audivisse à suis Majoribus, & eorum aliquot nomen Abb. in cap. 13. cit. n. 1. not. 2. Ratio est, quia cum probatio per testes deponentes de visu in factis antiquis, quæ vitam hominum excedunt, sit impossibilis, major probatio, quam per auditum requiri non potest.

4 Per famam publicam. Imol. in c. 13. citat. num. 5. Felin. ibidem num. 9. Neque obstat 1. quod regulariter sola fama



fama per se sine aliis adminiculis non probet; nam hoc non procedit in factis antiquis, ubi admittuntur leviores probationes. *Non obstat* 2. quod *inc. cit.* ultra famam requirantur quæcunque adminicula ad probandam in rebus antiquis; quia ut rectè textum hunc explicat Barb. *l. cit.* particula *Et* accipi debet non copulativè, sed disjunctivè, sicut subinde accipitur juxta subjectam materiam, de qua agitur.

5 Denique per Præsumptiones conjecturas, & indicia, si plures jungantur simul, & ob diuturnitatem temporis res alio modo difficulter probari possit: imò etiam duæ ejusmodi præsumptiones, vel conjecturæ hoc casu faciunt plenam fidem; quia quæ non prosunt singula, juncta juvant. *Gloss. fir. in c. 1. cit.*

Videatur de hoc Abb. *in cap. 13. citat. num. 1.* Vivian. *ibidem in Ration.* Henr. Canis. *num. 1.* Layman *à num. 1.* Gonzal. *à num. 4.* Barbosa *à num. 3.* Hiltrop. *p. 3. tit. 8. §. de specieb. probat. n. 4.* Perez *in C. b. tit. num. 11.* Pirhing *à num. 52.*

6 Quæritur 3. quomodo probanda sit Filiatio? Resp. Filiationis probationem esse duplicem, aliam videlicet veram, & aliam præsumptam. Verà, & certa tantum datur ex parte matris *l. quia semper 5. ff. de in jus vocand.* ex parte patris filiatio probari potest præsumptivè tantum. Ratio est, quia mater semper est certa, pater autem non item. Hinc adhiberi in subsidium debent conjecturæ, & præsumptiones. Iste autem ex variis indiciis, & causis nascuntur: de quibus passim DD. præsertim Abb. *in c. per tuas 10. h. tit. à num. 1.* Felin. *ibidem à n. 1.* Vivian. *in ration.* Menoch. *de arbit. cas. 89.* Mascard. *de probat. concl. 788. & seqq.* Layman *in c. 10. cit. à num. 2.* Gonzal. *à n. 1.* Henr. Canis. *num. 1. & seqq.* Barbosa *num. 1. & seqq.* Pirhing *n. 44. & seqq.* Schambog. *n. 12.* Vviestner *n. 60. & seqq.* & novissimè R. P. Schmier *Proc. judic. c. 7. num. 138. & seqq.*

7 Et 1. quidem si quis natus sit ex uxore in domo mariti cum ea cohabitantis, & potentis generare; tunc enim filius ipsius esse præsumitur *l. filium 6. ff. de his, qui sui, vel alien. jar. l. si vicini 9. C. de Nuptiis.* Estque præsumptio ista juris, & de jure ita, ut adversus eam non admittatur probatio: & *Extenditur* 1. ut procedat, etiam si constet matrem eodem tempore cum alio viro consuetudinem habuisse, adeoque adulterium commississe; nam etiam eo casu filius talis præsumitur genitus ex legitimo marito potius, quam ex adultero: idque tum ob factorem matrimonii, tum quia universim in dubio benignior, & favorabilior præsumptio, & interpretatio est facienda *cap. c. 2. de R. J. Gonzal. in cap. 10. cit. num. 3.* Layman *ibidem num. 2.* Barbosa *num. 3.* Vviestner *num. 60.* Neque obstat, etsi filius ita natus præferat similitudinem non mariti, sed adulteri; adhuc enim mariti esse creditur, quod similitudo ista non attendatur, & ex aliis causis oriri possit. *Extenditur* 2. etsi uxor habitaret extra domum mariti; nam si hic quandoque ad illam solebat accedere, præsumi debet pro legitima navitate, cum fieri potuerit, ut is genitus fuerit ex marito. Pirhing *n. 46.* Schambog. *n. 12.* Vviestner *num. 63.* & apud hunc Palæot. *de Noth. & spur. c. 24. nu. 1.* Menoch. *l. cit. n. 25.* *Extenditur* 3. etsi mater dicat, se filium talem ex adulterio concepisse; quia adhuc standum est juri præsumenti ipsum esse legitimum, donec probeatur contrarium: quod non fit per assertionem matris; tum quia est testis singularis; tum quia deponit de propria turpitudine, & propterea ei credendum non est. *Extenditur* 4. etiam ad natum ex concubina; nam qui domi eam habuit, præsumitur esse pater filii ex ea nati. Layman *in caput. 10. citat. numer. 4.* Barbosa *ibidem numer. 2.* Ratio est, quia hoc favorabilius, & melius est filio, quam ut dicatur vulgo conceptus, atque incerto patre.

8 2 Siquis ab aliquo filius appellatus, ut filius habitus, educatus, & tractatus fuit *c. per tuas 10. h. tit.* tunc enim constituitur in quasi possessione filiationis, ut verè filius præsumatur, & censerì debeat, donec contrarium probeatur. Ratio est, quia, ut *l. generaliter 13. C. de non num. pec.* Imperator loquitur, *Nimis indignum est, ut quod sua quisque voce dilucide protestatus est, id in eundem ipsum casum infirmari, testimonioque proprio resistere possit.* Dixi autem, siquis ab aliquo filius appellatus, ut filius habitus &c. sola enim nominatio filii non probat aliquem esse filium, ut colligitur ex *cap. per tuas cit.* ubi ultra nominationem Innocentius alia adminicula expendit:

& ratio est, quia nominatio non concludit aliquem esse filium, sed multoties incidenter, & in alium finem plerumque potius blandiendi, quàm veritatis inducendæ gratia fieri solet. Hinc, ut ex nominatione probeatur filiatio, alia adminicula debent concurrere; qualia sunt, si aliquis nominetur filius eo modo, atque in eo actu, ut non nisi filio conveniat ea nuncupatio, uti est emancipatio, exhereditatio &c. siquis in Judicio confessus sit esse filium suum, vel extra illud data opera præsentem nominavit filium suum; si filium suum nominavit in instrumento publico, vel in privato diem nativitatis ejusdem filii annotavit; si educavit, aluit, & tractavit ut filium &c. In his enim casibus nominatio magnam præsumptionem facit, & parit probationem saltem semiplenam, ita ut onus probandi rejiciatur in Adversarium, & sic compellatur, & tractatus constitutur in quasi possessione filiationis, qua non privabitur, etsi postea pars altera etiam jurata, neget esse filium suum, ut patet ex *c. per tuas cit.* Ratio est, quia jus acquisitum in filio sine ejus facto ab eo auferri non potest *l. id quod nostrum 1. ff. de R. J.* alioquin parentes faciliè possent ad suum placitum, & pro libitu filios proprios à sua cura, & successione repellere, negando eos esse filios suos addito Juramento proprio, quod durissimum foret. *Excipitur* 1. nisi pater probabiliter probeat, quòd errore deceptus eum pro filio suo habuerit; tunc enim, detecto errore, ac veritate cessat præsumptio filiationis *arg. c. transmissa 3. qui fil. leg. P. Vviestner hic n. 66.* *Excipitur* 2. si filius, postquam ab eo, qui ipsum aliquor annis filium nominavit, & ut talem tractavit, tanquam extraneus ejectus fuit, hujusmodi repudiationi acquievit, & in alterius domum se conruit, eique tanquam patri adhæret; nam eo casu non tam efficientis, quàm suo facto possessionem filiationis perdidit, cum censeatur juri suo renuntiasse. Felin. *in c. per tuas cit. n. 14.* Palæot. *de Noth. & spur. c. 25. n. 7.* Menoch. *de arbit. cas. 89. n. 75.* Vviestner *hic n. 66. cit.*

3 Ex communi fama, & opinione, præsertim domesticorum, consanguineorum, ac vicinorum, testantium, quòd talis communiter sit nominatus habitus, & tractatus ut filius. Et quidem si hujusmodi fama aliis adminiculis, puta filii nominatione, unius testimonio &c. corroborata sit, certum est per eam plenè filiationem probari; quia fama ita corroboratavim probandi plenè habet etiam in aliis causis civilibus. An verò etiam plenè probeat filiationem, si adminicula ista non accedant, controversitur inter DD. Affirmant Ant. de Butrio *in cap. transmissa citat.* Palæot. *cap. 23. num. 2.* Menoch. *casu citat. num. 86.* & alii apud istum. Moventur 1. verbis *cap. per tuas citat. ibi: Filius ejus nominatus communiter fuit*, ubi vox communiter videtur vindicare famam communem: Cum igitur Pontifex in eo textu deciderit Patris contrarium deponentis Juramento illo casu standum non esse, dicendum erit, per hujusmodi famam plenè probari filiationem, 2. *cap. transmissa citat.* ubi vicinæ fama in filiationis probatione ab Alexandro III. rejecta est propter contrariam viri, & mulieris negationem. Igitur per argumentum à sensu contrario, negatione illa seclusa, filiatio per famam legitimè fuisset probata, 3. *l. si mater 6. ne de stat. defunct.* ubi famæ, seu communi opinionis adstruitur vis aliquem constituendi in quasi possessione ingenuitatis. Igitur constituere etiam poterit in quasi possessione filiationis: Sed dicendum, famam ejusmodi, si aliis adminiculis suffulta non sit, non habere majorem vim probandi, quàm semiplenam. Abb. *in c. transmissa cit. n. 10.* Felin. *in c. per tuas cit. n. 15.* Decius *ibid. num. 8.* Gonzalez *num. 14.* Vviestner *hic num. 69.* Ratio est, quia fama de Jure rei fidem solummodo confirmat *leg. testium 3. §. ejusdem 2. ff. de testib.* igitur sola fidem plenam non facit. Accedit, quia vis plenè probandi filiationem nullo Jure famæ concessa est. Vide dicta *suprà num. 22. & tribus seqq.* Neque contrarium probant Argumenta adversæ sententiæ. Ad 1. verba illa *Filius communiter nominatus fuit*, non ad vicinam, sed ad concubenarios, virum, & mulierem, refertri debent, ita, ut sensus sit, eum, de cujus filiatione agebatur, communiter, h. e. ab ambobus ita nominatum, & pro tali habitum fuisse. Ad 2. si fama sola vim habet probandi plenè, in causa *c. cit.* debuisset prævalere inficiationi viri & mulieris, factæ in causa liberorum: quod iam



men noluit *loc. cit.* Pontifex. *Ad 3.* in casu *l. si mater cit.* quasi possessionem ingenuitatis non induxit fama sola, sed conjuncta cum quinquennii præscriptione, de qua *rot. titulo illo* agitur.

- 60 4 Ex Civitatis, vel oppidi actis, si in his, quinam prolium in lucem editarum parentes sint, ab Officiali publico adnotetur; ex libris Parochialibus, in quibus scribuntur, atque notantur nomina, parentes, patrini baptizatorum; ex annotationibus ipsorum parentum, in quibus isti scripserunt diem nativitatibus suarum prolium; ex aliis instrumentis antiquis, quamvis verba enuntiativa duntaxat concepta sint &c. Barbosa *in c. 10. cit. n. 4.* Gonzal. *ibid. n. 14. in fin.* Pirhing *nu. 48. circa fin.* Vviesner *n. 70.*

Quocunque ex his modis probata sit filiatio, eam vim probatio ista habet, ut is, qui probatus sic est esse filius alicujus, contrahere nequeat matrimonium cum consanguineis sic probati patris, ut patet *ex c. 10. cit. in fin.* & habet Glossa *fin. ibid.* Henr. Canis. *n. 4.* Layman *n. 1.* Pirhing *n. 44.* idque ob morale periculum incestus.

- 61 Quæritur 4. an, à quo, & quomodo probanda sit Ætas? Resp. distinguendum inter tres præcipuè casus. *Primus est*, quo ætas certa ab agente allegatur ad fundandam intentionem suam, ut si petens admitti ad professionem Religiosam, dicat se jam complevisse annum ætatis decimum sextum; si suscepturus Sacerdotium asserat, se annum vigesimum quintum jam attigisse; si implorans beneficium restitutionis in integrum, asserat se adhuc minorem esse &c. *Secundus*, quo ætas allegatur ad impediendam promotionem, seu admissionem alterius ad officium, beneficium, Ordinem &c. e.g. si Titio, quem procuratorem suum in judicio constituit Cajus, pars adversa opponat, quòd 25. annis minor sit; si Mævio, in Episcopum eligendo unus ex capitularibus opponat, eum non implevisse annum ætatis trigessimum &c. *Tertius*, quo ætas allegatur ad impugnandum actum jam perfectum, ut si ad impugnandam collationem beneficii curati Adversarius dicat, eum, cui collatio illius facta est, annum 25. ætatis nondum inchoasse, vel ad impugnandam electionem Episcopi jam factam præterdat electum habere defectum ætatis Jure requisitæ &c.

- 62 In quolibet horum casuum ætas, vel defectus ætatis requisitæ probari debet ab eo, qui intentionem suam fundat in ætate, vel defectu ætatis asserto, prout patet *ex cap. in præsentia 8. hoc titul.* sed cum discrimine; nam *in primo casu* debet probare ætatem requisitam is, qui intentionem suam in ea fundat; & ratio est, quia etsi ista aliàs sit qualitas naturalis, cum ramen in continuo progressu sit, & cursu temporis semper varietur, ideò jus eandem non præsumit. *In secundo casu* non à promovendo, vel admittendo ætas, sed ab Adversario defectus ætatis probandus est ob generalem regulam, quòd excipiens probare debeat exceptionem suam. Atqui is, qui ad impediendam promotionem, electionem &c. allegat defectum requisitæ ætatis, hac pro exceptione utitur, & in ea se fundat. Ergo &c. *Neque obstat*, quòd exceptio hæc, qua opponens dicit, promovendum non esse constitutum in ætate requisita, videatur esse negativa, & cons. probari non debeat; est enim negativa prægnans, quia implicite affirmat hunc, qui aspirat ad officium, esse in ætate minori, cons. probari potest, & debet. *Excipitur*, quando ex promotione alicujus, qui ætatis requisitæ defectum habet, sequeretur dispendium animarum propter actus nullitatem; nam tunc ad istud avertendum teneretur promovendus ætatis defectum aperire. *In tertio casu* ætatem, vel defectum ætatis probare debet ille, qui actum jam perfectum impugnat; quia præsumptio Juris est actum antecedentem rite, & rectè celebratum esse. Accedit, quia principium generale est, quod quisque probare debeat id, in quo fundat intentionem suam:

- 63 Probari autem Ætas potest, 1. Testimonio ipsorummet Parentum, propinquorum, domesticorum, quibus ea, quæ domi contingere, notoria sunt, quam extraneis, 2. Per librum Parochi, in quo inscribi solent infantes baptizati, 3. Per depositionem obstetricum, quæ interfuisse patrui, vel patrinorum, qui susceperunt infantem ex baptismo &c. 4. Per alia indicia, & conjecturas sumptas ex habitu corporis &c. Mascard. *con-*

*clus. 668. & seqq.* Menoch. *l. 2. præsumpt. 51.* Antonell. *cr. de temp. Legal. l. 2. c. 13. per tot.*

Quæritur 5. quid judicandum casu, quo mulier tam juramento proprio, quam testimonio plurium mulierum; ex aspectu corporis testificantium eam esse virginem, se virginem dicit; vir autem per Juramentum asseverat eam se cognovisse? Casus hic ponitur *c. proposuisti 4. hoc tit. Videtur* judicandum pro viro; quia *can. si quis 3. caus. 33. q. 4. & c. continebatur 6. de despons. impud.* dicitur, si vir dixerit, quòd uxorem suam cognoverit, idque Juramentum firmaverit, & mulier id negaverit (etiam cum juramento) pro viri standum juramento esse, quòd vir sit caput mulieris, & hinc magis ipsi credendum sit, quam mulieri. Accedit, quia fallaces sunt inspectiones omnes, ut propterea virginitatis Judicium difficile, ac impossibile judicetur. Neque confirmat hoc Juramentum mulieris; quia mulier, dum novas nuptias appetit, facile pejerat *l. ambiguitates 2. C. de indist. viduit.*

Sed his non obstantibus, decidendum pro uxore. Ita factum *c. proposuisti cit.* & docent Vivian. *ibid. in rational.* Henr. Canis. *n. 1. & 2.* Layman *n. 2.* Barbosa *n. 1.* Vvagne-reck *in Exeges.* Pirhing *hic n. 39.* Sannig *c. 4. nu. 5.* Ratio est, quia in concursu probationum sibi contrarium semper plenior prævalet *c. licet 9. hoc tit. c. in nostra 32. de testib. l. ob carmen 21. § fin. ff. eod.* sed in casu *c. proposuisti citat.* probatio mulieris plenior fuit, cum præter juramentum à se depositum assertionem suam firmavit testimonio septem matronarum, quarum judicio, cum peritæ in arte fuerint, plurimum deferendum fuit. Ergo &c. Sed neque requiritur tantus numerus testium matronarum; nam sufficit, si pro virginitate deponant duæ, vel tres mulieres, modo fuerint honestæ, & artis peritæ, ac testimonium juratæ dicant, ut tradit Glossa *in can. nec aliqua 4. l. obstetricum caus. 27. q. 1.* Henr. Canis. *in c. proposuisti cit. n. 7. & 9.* Barbosa *ibid. n. 7.* cum aliis:

Neque obstat ratio dubitandi allata; nam ea Jura intelligenda sunt, quando contra viri Juramentum proponitur depositio jurata uxoris tantum, non verò, quando huic suffragantur etiam alia testimonia; tunc enim plenior, ut dixi, est uxoris probatio, & cons. præferenda Juramento mariti. *Ad Conf.* etsi fallax sit inspectio obstetricum, ramen juncta tam harum, quam ipsius mulieris Juramento parit fidem plenior, quam Juramentum solius mariti, affirmantis se mulierem cognovisse; unde illi potius, quam huic deferendum est, ita tamen, ut admittatur probatio in contrarium, quod fieri potest per inspectionem ab aliis mulieribus æquè peritis faciendam.

## TITULUS XX.

### De Testibus, & Attestationibus.

Post tractationem de probationibus in genere descendendum ad harum species. Inter istas prima, & utilitatissima occurrit, quæ desumitur ex Testimonio, & depositione Testium, cumque viva istorum voce fiat, præ aliis excellentiorem, & efficacior, probandi modum continet. Hinc ante alias probationum species hic de Testibus, & Attestationibus agitur.

#### §. I.

### De Natura, & Qualitate Testium.

#### SUMMARIUM.

- 1 *Definitio, & Varietas Testium.*
- 2 *Admittuntur Testes omnes, qui Jure non prohibentur.*
- 3 4 *Jure naturali prohibentur furiosi, infantes &c.*
- 5 6 *Jure positivo remouentur primo impuberes.*
- 7 8 *Secundo cæci, surdi, & muti cum limitatione.*
- 9 10 11 *Tertio Servi propriè dicti.*
- 12 13 *Quarto corrupti pecunia pro dicendo Testimonio.*
- 14 *Qui etiam datorum non acquirunt dominium.*
- 15 *Nisi pro expensis itineris &c. data sint.*
- 16 *Sexto infames.*
- 17 *Cum exceptione.*
- 18 19 *Septimo criminosi.*
- 20 *Casus excepti.*



- 21 22 23 Octavo Accusati, & in carceribus crumengrave, & infamiam irrogans.  
 24 25 Nono perjury.  
 26 Decimo excommunicati.  
 27 Testimonium tamen ipsorum valet.  
 28 Undecimo Persona viles.

**Q**uæritur 1. quidnam sint *Testes*, & quid eorum *Attestationes*? Resp. sunt *Persona*, quæ de re, aut factu aliquo dubio, & controverso legitime evocata testimonium dicunt; vel generalius: quæ ad fidem alicujus rei faciendam adhibentur. *Attestationes* vero sunt ipsorum *testium depositiones*, seu *asseruationes super facto aliquo*. Testium alii sunt *Judiciales*, qui in iudicio; alii *Instrumentarii*, qui in instrumento; alii *Testamentarii*, qui in Testamento adhibentur. In hoc Titulo potissimum agitur de Testibus judicialibus. De his c. placuit 1. h. tit. decernitur, ut sint idonei, fideles, & jejuni.

Dicitur 1. *Idonei*, i.e. qui non prohibentur testificari. Et hi non unius sunt generis; nam aliqui ex his dicuntur omni exceptione majores, qui videlicet nulla legitima exceptione à Testimonio deponendo repelli possint; aliis minorem fidem merentur, quia tamen eorum defectus alii adminiculis suppleri potest, in certis casibus etiam ipsi permittuntur testificari.

Dicitur 2. *Fideles*: quæ voce quidam Interpretes putant excludi Infideles, Judæos, Hæreticos &c. sed melius apud Gonzal. in c. placuit cit. num. 2. & alios idem sonat, quod *Fide digni*. Consonat huic Interpretationi expositio Gratiani, qui ubi in Decretalibus l. cit. habetur *Fideles*, ipse can. placuit 2. caus. 4. q. 3. in suo Decreto posuit *Fideliores*.

Dicitur 3. *Jejuni*: hoc autem solum est de honestate, & decencia ob reverentiam juramenti, sine quo Testimonium non deponitur; non autem de necessitate, vel præcepto, ut notat Gloss. fin. in capit. placuit cit. Decius ibidem nu. 7. & 8. Vivian. in Ration. vers. nullus, Henr. Canis. num. 11. Layman num. 6. Gonzal. num. 3. Vvagne-reck vers. nisi jejunos, Pirhing hic num. 3. Quod si olim præceptum fuit, ut testes non nisi jejuni testimonium dicerent, id vel in particularibus tantum locis, ubi talis consuetudo vigeat, obligavit, vel per desuetudinem jam abrogatum est, ut bene advertit Barbosa in c. placuit cit. num. 4.

**2** Porro non prohibiti testificari censentur omnes, de quibus contrarium non probatur; quia Edictum de testibus prohibitorium est. Abb. inc. 1. cit. n. 1. Lanfranc. de Testib. n. 55. Farin. prax. crim. q. 53. num. 1. & alii apud istos: contra ad testificandum habiles generaliter denotantur omnes, qui specialiter non prohibentur. Neque opus est, ut quis idoneum esse prober, sed si in testem producat, admitti debet, donec probetur, quod careat aliqua qualitate, quæ vel jure naturali, vel positivo in Teste requiritur.

Jure naturali, ut quis testis esse possit, plus non requiritur, quam ut is sit capax rationis. Ea, quæ jure positivo in Testibus requiruntur, Gloss. in capit. in nomine 2. V. vilissimi h. tit. comprehendit his verbis:

*Conditio, sexus, ætas, discretio, fama,  
 Et fortuna, fides, intestibus ista requirunt.*

Ex horum requisitorum defectu Testimonium ferre prohibentur aliqui *absolutè*, alii solum *secundum quid*. Qui *secundum quid* prohibentur, multiplicis generis sunt; nam aliqui ex iis prohibentur testimonium ferre pro certis personis, alii contra certas personas, nonnulli in certis causis. Hinc multiplex oritur dubium; nam ante omnia

**3** Quæritur 2. quoniam jure naturali arceantur à munere testificandi? Resp. hoc jure à testificandi munere arceantur *Furiosi*; quia mente i.e. ratione carent §. item furiosi Instit. quib. non est perm. testam. fac. l. in negotiis §. ff. de R. J. Excipitur, si lucida intervalla habeant; talis enim de iis, quæ vidit, vel audivit &c. tempore lucidi intervalli, testificari tempore lucidi intervalli potest arg. l. furiosum 9. C. qui testam. facer. poss.

Dixi, *Testificari tempore lucidi intervalli potest*, non enim sufficit, quod viderit ea ante furorē, sed etiam, & multo magis requiritur, ut tempore, quo testificatur, sit capax rationis. Et ratio est, quia spectatur tempus depositionis, quo tempore, cum iudicio careant furiosi,

quidquid dicunt, prorsus ignorant. Mascard. de probat. vol. 2. concl. 829. n. 7. Farin. prax. crim. q. 61. n. 1. & seqq. Pirhing hic n. 5. Vviesl. n. 3.

Sed neque satis est, si ad se furiosus redierit; nam licet sui sit compos factus, adhuc tamen deponere non potest de iis, quæ tempore furoris contigerunt, sed requiritur, ut utroque tempore fuerit sui compos, ut bene advertit Farin. l. cit. n. 14. Haun, tom. 5. de J. & J. tr. 4. n. 264. Pirhing l. cit. cum aliis. Neque obstat, quod, ut infra dicam, pubes factus testificari possit de eo, quod vidit in pupillari ætate; nam hic non caret usu rationis, & habet integerrimos sensus, memoriam vivacissimam; non ita qui furore, aut amentia agitur, quippe cum hujus generis homines habeant phantasiam adeo corruptam, ut putent se coram intueri, quæ nusquam sunt in rerum natura. Itaque ad iudicem spectabit, ut ex qualitate, & effectibus furoris arbitretur, quantum fidei possit adhiberi hujusmodi testi: si omnibus consideratis, dubium sit, teste Farin. l. cit. n. 15. præsumere potest datum tempore sanæ mentis.

Quod de furioso dictum, extenditur ad mente captos, infantes, ebrios, & alios usu rationis destitutos, ob rationis paritatem. Dixi *Ebrios*, intellige, penitus ebrios; nam quamvis Judex curare debeat, ut testes sint sobrii, nec semiebrii, hi tamen absolutè à testimonio dicendo non repelluntur; quia jure naturali, ut numer. preced. dictum est, plus non requiritur, quam ut is sit capax rationis.

Quæritur 3. quoniam simpliciter prohibeantur testes esse in iudicio? Resp. horum esse quatuor genera ex quatuor diversis capitibus.

Et 1. quidem est *Defectus Ætatis*: ob quem generaliter, & absolutè in quibuscunque causis tam civilibus, quam criminalibus ad testimonium dicendum inhables sunt impuberes, prout habetur can. si testes 3. §. Lege Julia caus. 4. qu. 3. l. testium 3. §. Lege Julia 5. ff. h. tit. l. inveni 19. in fin. ff. eod. & notat ibidem Gloss. V. sed nec pupillis. Hiltrop. process. Jud. p. 3. tit. 9. c. 2. n. 3. Vvesenbec. ff. h. tit. n. 3. Henr. Canis. inc. 2. tit. eodem n. 14. Vvagn. ibidem V. vilissimi, Vallenf. §. 2. n. 1. Zoel. nu. 7. Pirhing n. 4. & 5. Engl. n. 13. König n. 3. Vviesl. nu. 3. Ratio est, quia impubes non videtur illius esse maturitatis, ut sufficienter iudicet de gravitate perjurii, & ob animi levitatem faciliè corrumperetur.

Excipitur tamen 1. crimen læsæ Majestatis, in quo ad testificandum admittuntur etiam minores 14. annis; quia ibi nemo eximitur l. nemo 4. fin. C. ad L. Jul. Majest. Accedit, quia in eo crimine minor 14. annis etiam torqueri potest l. de minore 10. §. sed omnes 1. ff. de quest. sed minus est testificari. Igitur etiam admittetur illius testimonium.

Excipitur 2. si consuetudo sic habeat: sic passim invaluit, ut impuberes in causis criminalibus examinentur, & nihil frequentius est, quam homicidia, & hujusmodi delicta per pueros detegi. Ubi tamen adverto, depositionem impuberis, nisi aliis adminiculis, & præsumptionibus adjuvetur, non facere semiplenam probationem, sed tantum indicium ad indagandam veritatem, & ex dicto impuberis tantum neminem torqueri posse, ut bene notat Gloss. V. sed nec pupillis cit. Farin. prax. crim. q. 58. n. 44. & seqq. Pirhing hic num. 4. & alii communiter.

Excipitur 3. si impuberes facti sint puberes; tum enim admitti ad testificandum possunt de iis, quæ viderunt in pupillari ætate, modo ea, super quibus recipitur eorum testimonium, sint ejus naturæ, ut cadant sub sensum, & intellectum impuberis, & facti sint tempore, quo jam erat pubertati proximus. Farin. q. 58. cit. n. 58. Hiltrop. c. 2. cit. num. 238 Henr. Canis. inc. 2. h. tit. nu. 15. Vallenf. §. 2. num. 2. Pirhing num. 4. cit. Ratio est, quia non prohibentur. Ergo admittuntur. Intelligi autem istud debet solum in iis rebus, in quibus testes puberes requiruntur à jure solum ad probationem actus; nam si requirantur ad solemnitatem, & substantiam, sicut in Testamento solemnī, impuberum testimonium, etsi deinde facti sint puberes, non recipitur, ut bene monet König hic n. 4. & constat ex §. testes 6. Instit. de testam. ord.

2. *Vitium Corporis*: Ob hoc à Testimonio ferendo regulariter arceantur cæci, surdi, & muti. Farin. prax. crim. q. 61. oppos. 10. & 11. Hiltrop. tit. 9. c. 2. n. 3. Vvesenb. ff. h. tit.



*h. tit. n. 3.* Haun. *tom. 5. de J. & J. tr. 4. n. 267. & 268.* *hic n. 6. & 7.* Konig *n. 5.* Sannigc. *2. n. 4.* Ratio de *Ca-* cis est, quia solus auditus in testibus regulariter non sufficit, sed præsentia, & visus requiritur *can. testes 15. caus. 3. q. 9. c. cum causam 37. h. tit. l. testium 18. C. eodem* sed qui non vident, præsentes non dicuntur *l. coram Titio 209. ff. de V. S. l. quaquam 1. in fin. & ibi Bartol. ff. de auther. & consens. tutor. ergo, qui non vident, testes esse non possunt. De Surdis, & mutis ratio est, tum quia animi sui sensa satis exprimere non possunt, tum quia testes viva voce deponere, ejusque dicta à iudice audiri per se debent.*

8 Dixi autem regulariter; nam 1. certum est, quod cæci testari possint de iis, quæ viderunt, antequam oculis caperentur. Mascard. *de probat. concl. 278. nu. 9.* Farin. *q. 61. cit. n. 32.* Vall. *hic §. 2. n. 5.* Haun. *n. 267. cit.* Pirh. *n. 6.* Ratio est, quia plerumque cæci melius meminerunt præteritarum rerum, quam qui identidem visum circa alia occupant, & prioribus speciebus memorativis innumeras alias superinducunt. 2. Pariter cæcus testificari potest de iis, quæ audiit tempore cæcitaris; sed ibi Iudex diligenter exploret, an non deceptus sit cæcus testimonium deponens, cum non sit difficile vocem alienam imitari. Mascard. *nu. 15. & 16.* Farin. *n. 27. & seqq. 3.* In furdo, & muto distinguendum est: Vel enim aliquis est surdus, & mutus simul, vel tantum surdus, aut tantum mutus. *Sit tantum surdus*, testimonium dicere de illis potest, quæ visu percepit, modo ex scriptura cognoscit, quid Iudex interroget. *Sit mutus tantum*, testis esse de visu, & auditu potest, modo sciat scribere, aut aliis certis, & indubitatis signis, seu nuntius cogitationes suas explicare *arg. l. servo 65. §. si pupulo 3. ff. ad S. C. Trebell. ibi: interrogati nuntii possint significare.* Farin. *n. 46.* Haun. *n. 268.* & alii *supra cit.* Idem dicendum de furdo, & muto simul. Neque obstat, quod alias in scriptis, nec per nuntios, sed viva voce testes deponere debeant; nam hoc solum probat hostes non interrogandos, quando veritas aliter haberi potest.

9 3 Defectus Status: Ob hunc à Testimonio dicendo prohibentur Servi propriè dicti, quamdiu servi sunt, & ut tales habentur, si aliæ probationes suppetant. Henr. Canis. *in c. 2. h. tit. n. 8. & in summ. eodem §. 3.* Vallenf. *hic §. 2. nu. 4.* Vvagnerreck *inc. 2. cu. V. vltissimi*, Zoef. *n. 7.* Pirhing *n. 8.* Haun. *n. 269.* Engl *n. 10.* Konig *num. 6.* Vvieslner *n. 4.* & constat ex *c. servus 10. de V. S. l. servi 7. ff. & l. quoniam liberi 11. C. h. tit.* Ratio est, quia Servi de jure civili continentur mortui, ac proinde ab omnibus officiis, & honoribus remouentur *l. quod attinet 32. & l. servitutum 200. ff. de R. J.* Hinc testimonium Servi ipso jure nullum est, potestque parte etiam non opponente, Iudicis officio repelli, ut rectè monet Farin. *q. 55. n. 166.* Accedit, quia, ut *c. foris cit.* dicitur *scire servus metu dominantis testimonium supprimit veritatis*, ut adeo non sine ratione Jus testimonium servi reiciat.

10 Dixi 1. Servi propriè dicti; nam Coloni Originarii, & Adscriptitii, de quibus mentio fit *c. multorum 2. de Jureis, & l. defimus 13. C. de agricol. & censit.* Item proprii homines, vulgo dicuntur *Leibeigne*, etsi cum Servis quandam similitudinem gerere videantur, reipsa tamen servi non sunt, sed liberi homines, ideoque à legitimis actibus, & cons. etiam à testimonio ferendo non repelluntur Gloss. *in c. 2. cit. V. sint liberi*, Layman *l. 5. Theol. mor. tr. 10. p. 4. c. 2. num. 5.* Pirhing *hic n. 8.* Multo minus constitutio excludens Servos extendenda est ad Religiosos; nam etsi alias isti in multis æquiparentur servis, in hoc tamen non æquiparantur: poterunt igitur cum licentia, & consensu sui superioris testimonium dicere, ut clarè habetur *c. veritatis 8. de dol. & contum. c. quis 39. c. cum nuper 51. h. tit. & notat. Abb. in cap. 12. eodem num. 4.* Mascard. *concl. 260. num. 13.* Farin. *qu. 61 n. 124.* Pirhing *hic n. 9.* Engl *n. 11.* Konig *n. 6.* Vvieslner *n. 4.* Ratio est, quia, ut *supra 2. dixi*, testimonium dicere est juris prohibitorii, & omnibus, qui rationis sunt compotes, jure naturali concessum, quibus non est specialiter jure prohibitum. Nullus autem textus est in jure, in quo id Religiosis reperiatur prohibitum. Ergo &c. Neque obstat, quod Religiosi à negotiis forensibus expressè removeantur *cap. ex parte 2. de postuland.* nam in hoc textu ferè solum est sermo, ne agant Procuratores, & Advocatos, nisi id exposcat Monasterii utilitas, & superiores permittant.

Dixi 2. quamdiu servi sunt, & habentur ut tales; nam 11 servus liber factus deponere potest non tantum super iis, quæ vidit, vel audit, postquam liber factus est, sed etiam super iis, quæ vidit in servitute, ut *supra dixi* de impubere *num. 6.* Ratio est, quia non prohibetur amplius, remota servitute. Similiter valet testimonium servi, si communiter habeatur pro libero. Farin. *quæst. 55 num. 169.*

Dixi 3 Si aliæ probationes suppetant; nam in defectu aliarum probationum etiam servi admittuntur ad testificandum: sed eo casu servi depositio vocatur à jure non Testimonium, sed Responsum in contemptum conditionis servilis, ut indicatur *l. servi 7. ff. h. tit.* Similiter admittuntur servi ad Testimonium dicendum in criminibus exceptis; nam in his, ut *infra* dicam, admittuntur testes aliàs inhabiles ad testificandum. Farin. *qu. 55. cit. num. 173.*

4 Fides, aut Vita reprobata. Sed hi; qui est isto capite à Testimonio dicendo arcentur, multiplicis iterum generis sunt. Hinc ulterius.

Quæritur 4 quinam ob fidem, aut vitam reprobata 12 repellantur à Testimonio dicendo in judicio? Resp. 1. ex hoc capite prohibentur testificari, qui pecunia corrupti, vel conducti sunt pro dicendo Testimonio. Mynsing. *cent. 6. obs. 77.* Farin. *q. 67. n. 236. & seqq.* Vvieslner. *ff. h. tit. nu. 3.* Vivian. *in c. placuit 1. vers. previo hic*, Henr. Canis. *ibidem n. 3.* Gonzal. *n. 4.* Barbosa *n. 1.* Zoef. *nu. 43.* Pirh. *n. 10.* Konig *n. 8.* & constat ex *c. placuit cit. l. testium 3. §. Lege Julia 5. ff. eod.* Ratio est, quia per corruptionem violatur integritas, & veritas, quæ in judicio necessaria est, siquidem testis, qui pretium accepit pro Testimonio dicendo, non tam liberè testificatur, nec præsumitur dicere veritatem, eo quod munera excæcanti prudentes, & subvertunt verba iustorum, ne veritatem intelligant. *Deut. 16. v. 19.* Accedit, quod hujusmodi Testes, qui pretium pro dicendo Testimonio sive vero, sive falso recipiunt, perjuri fiant, cum ante juraverint, quod nec pretio, nec timore, nec odio, aut pro aliquo commodo Testimonium dicant, ut habetur in forma juramenti Testis, & notat Gloss. *in capit. 17. V. juramenti h. titul.*

Et hoc adeo verum est, ut si quis probatus fuerit pro 13 Testimonio dicendo pecuniam accepisse, Testimonium ejusdem non valeat, sed vel à parte adversa, vel officio judicis reici possit, tanquam valde suspectum de falsitate: imò ejusmodi conducti testes, tanquam valde suspecti, super falsi crimine torqueri possunt, quamvis non constet de falsa depositione. Ubi ramen norandum discrimen est inter testem deponentem falsum, & Testem pecunia corruptum; nam testis deponens falsum tenetur Lege Cornelia de falsis, testis autem pecunia corruptus, nisi convincatur de falsa depositione, ea Lege, & pœna per illam sancita non afficitur; quia hac solum punitur, qui mendacium dixit, & veritatem in judicio occultavit, ut habetur *c. falsidicus 1. de crim. fals.* & aliis *cit.* advertit Layman *in c. 1. h. tit. n. 2.* Hinc si persistat in tortura, & nihil fateatur, non ordinaria pœna falsi, sed arbitraria à iudice puniri debet, quod contra jus pro ferendo Testimonio pecuniam accepit:

An autem istam accipiens acquirat ejus dominium, 14 dubium moveri potest. Et videtur universaliter tenenda affirmativa; nam etiam Advocatus potest accipere pecuniam, seu pretium ab illo, cujus causam defendit. Sed distinguendum est, an pecuniam accepit pro vero, an pro falso Testimonio. Si hoc secundum, quamvis ita paciscendo, & falsum dicendo gravissimè peccet, pecuniæ tamen pro falso Testimonio acceptæ sit dominus, eo modo, quo quivis alius datorum ob turpem causam. Si primum, eam danti restituere debet; quia ad Testimonium verum dicendum quilibet civis ex justitia, & ipso gentium jure obstrictus est, si magistratus legitimè interroget, & Testimonium proferre jubeat. Atqui, quod ex justitia debitum est, non potest pretio vendi. Ergo &c. Neque obstat Ratio dubitandi allata in contrarium; nam advocati patrocinium continet hominis ministerium, quod est pretio æstimabile, cum sit actus scientiæ acquiræ, quem non tenetur omnibus ex justitia impendere: at Testem in testificando verum dicere necessarium est, & ad hoc ex justitia obligatur.

Intelligendum autem hoc est de casu, quo aliquid testis



his accipit pro Testimonio dicendo; secus enim, si accipiat aliquid pro expensis factis in itinere, item pro lucro, quod ipsi cessat, dum à labore, & operis suis impeditur interea: nam hæc Jure petuntur, & præstari debent, & quidem sumptus itineris statim, ut testes habeant, quo iter ingressi alantur, quod indicatur *l. quoniam* 11. *C. h. tit.* & apertius declaratur *l. eos qui* 6. §. *si quis* 2. *de Appell. & consult.* ubi dicitur testibus vocatis sumptus præstari itineris faciendi causa. Et fundatur exceptio hæc in Jure naturali; nam officium suum nemini debet esse damnosum, & propriis stipendiis nemo militare tenetur. Accedit, quia Jura solum irritum, & nullum declarant Testimonium, quod deponitur ab eo, qui ad hoc ferendum conductus est pretio. Atqui is, qui sumptus necessarios pro itinere accepit, per hoc non accipit pretium pro testimonio, sed refarcitionem damni, quod in gratiam alterius patitur. Ergo &c. Ob eandem rationem in foro conscientie tutus est, neque tenetur restituere, cui is, in cujus gratia testimonium fertur, donandi animo aliquid dedit. In foro externo tamen turpis censetur, & poenæ obnoxius; quia præsumptio contra ipsum militat, nisi ostendat dationem, & promissionem sibi factam esse, postquam jam deposuit testimonium: tunc enim, cum nullum subit periculum, non punitur, neque censetur corruptus. Menoch. *de arbitr. cas.* 310. n. 11. Farin. q. 67. n. 277.

2. *Infames.* Proceditque hoc tam de infamibus infamia Juris, quam de infamibus infamia facti: inter quos tamen triplex intercedit discrimen. 1. Infames infamia Juris de utroque Jure repelluntur à Testimonio dicendo *can. nulli* 11. *caus.* 3. q. 4. *cap. licet* 47. & *c. testimonium* 54. *hoc tit. l. testium* 3. §. *Lege Julia* 5. ff. *cod.* Infames autem infamia facti de Jure Canonico quidem absolute *can. statuimus* 9. *caus.* 3. q. 5. & *can. infames* 17. *caus.* 6. q. 1. de Jure Civili autem solum in causis criminalibus, & civilibus arduis. Felin. *in cap. testimonium cit. num.* 12. Farin. q. 56. n. 107. & 115. Pirh. *hic num.* 18. 2. Infamis infamia facti tantum, si emendatus sit, admittitur ad testificandum saltem in causa Civili, infamis infamia Juris etiam emendatus per poenitentiam, quamdiu hæc infamia non tollitur per dispensationem Principis, cujus autoritate irrogata est, inhabilis manet. Ratio est, quia ut bene notat Pirh. *num.* 22. infamia Juris habet rationem poenæ sententialis, quæ à Magistratu legitimo in perpetuum illata est. Ergo tolli non potest, nisi ab eodem Magistratu, cum ejusdem sit litigare, & solvere, poenam imponere, & relaxare: è contrario infamia facti oritur ex solo crimine, aut vira criminosa. Ergo ea deposita, vel emendata, etiam ipsa cessare debet. 3. Testimonium depositum ab infami infamia Juris ipso Jure nullum est; infames infamia facti tantum à Judice ex officio, vel parte adversa per exceptionem repellantur, necesse est; aliàs testimonium illorum valebit, quamvis non faciant fidem plenam, quod non sint testes omni exceptione majores. Et hinc sequitur, quod testes infames infamia Juris etiam in consortio cum aliis testibus fide dignis nihil probent; testis autem infamis infamia facti licet seorsim fidem ne quidem semiplenam faciat, in causis tamen, quæ non requirunt meros testes integros, unà cum alio teste omni exceptione majore possit facere plenam fidem, ut bene notat Haun. *tom.* 5. *tr.* 4. n. 256.

7. *Excipiuntur*, tamen complures Casus, in quibus etiam infamia Juris infames admittuntur ad testificandum. Et hoc 1. fit in criminibus enormibus, & exceptis, ut læsæ majestatis, hæresis, Simonie &c. Farin. q. 56. *cit.* n. 70. Gonzal. *inc.* 54. *h. tit. nu.* 10. Haun. *l. cit.* n. 254. Pirh. *hic nu.* 17. 2. Si veritas aliter haberi, vel per alios testes cognosci nequeat; tunc enim testimonium illorum recipitur, sed non sine tortura, nisi depellant contra valde diffamatum. Farin. *n.* 50. & *seqq.* Haun. *n.* 253. cum reliquis *supra*. 3. Si infamia sit occulta; quia ad hoc, ut repellatur, non solum requiritur, ut si infamis, sed etiam ut pro tali tempore depositionis sit habitus, & reputatus. Farin. *n.* 86. 4. Si restitutus sit samæ à Papa, vel Principe, *arg. l. testium citat. §. lege Julia*, ibi: *Qui eorum in integrum restitutus non erit.* Igitur à contrario sensu restitutus ad testimonium admitti debet. Gloss. *ibid.* *V. eorum*, Farin. *nu.* 79. & *seqq.* Gonz. *l. cit.* n. 16. Pirh. *n.* 17. *cit.* In his casibus quantum fidei depositionibus illorum haberi debeat, arbitrium penes

Judicem est. Plurimumque, cum actu infames admittuntur, testimonia ipsorum non sunt integræ fidei, nec omni exceptione majora: estque hoc verum etiam accedente tortura; quia hæc infamiam non purgat quoad effectum plenæ probationis, sed tantum quoad indicium. Farin. *n.* 77. *fin.*

3. *Criminosus*, cui grave crimen ab adversa parte obijcitur, & probatur in Judicio. Proceditque hoc de Jure Canonico tam in causa Civili; quam in criminali, etsi antea de eo nec convictus, nec confessus, vel condemnatus sit, atque tamdiu, quamdiu in crimine perseverat. Ita Gloss. *in c. super eo* 13. *V. confessi h. tit.* Abb. *ibid.* n. 3. Felin. *n.* 3. Gonz. *in c. testimonium* 54. *cod. num.* 6. Farin. q. 56. *cit.* n. 128. Haun. *tr.* 4. *cit. num.* 246. Pirh. *hic n.* 19. & patet ex *can. statuimus* 9. *caus.* 3. q. 5. *cap. super eo* 12. & *c. testimonium* 54. *citt.* Ratio est, quia non est credendum contra alios illis, qui criminibus implicantur, ut dicitur *can. neganda* 1. *caus.* 3. q. 11. Neque obstat, quod ejusmodi criminosus, etsi persistat in crimine, modò tale non sit, ut infamiam Juris irroget, repelli nequeat à munere judicandi, vel eligendi; nam Judici, & electori jus judicandi, & eligendi; plenè est acquisitum, quo privari non debent, nisi causa plenè cognita, per depositionem, aut privationem Judicis, vel Superioris. Deinde majus periculum est in teste, quam in Judice; nam à Judice appellari potest, non verò à teste, & hinc potius testis ob crimen, quam Judex repellitur. Denique elector prosequitur jus suum, & exequendo officium hoc nulli præjudicat; plurimum autem præjudicatur per testem parti, contra quam testificatur.

Dixi autem 1. cui grave crimen obijcitur, i. e. accusatione, & damnatione dignissimum, qualia sunt homicidium, adulterium, incestus, furtum, sacrilegium; & alia, quæ recensentur *can. statuimus cit.* non igitur sufficit quodvis crimen. Dixi 2. quamdiu in crimine perseverat; nam si emendatus sit, & crimen Juris infamiam annexam non habeat, admitti debet in causa civili, & criminali saltem civiliter intentata *c. testimonium cit.* Porro emendatio, cum sit mutatio vitæ, non præsumitur, sed probari debet, si videlicet ostendatur non exiguo, sed triennali saltem tempore laudabilem vitam egisse, ut rectè advertunt Farin. q. 56. *cit.* n. 140. Laym. *inc. super eo cit.* n. 2. Gonzal. *in c. testimonium cit.* n. 9. Pirh. *hic n.* 22. Dixi 3. de Jure Canonico; nam de Jure Cæsareo criminosus non repellitur à ferendo testimonio in causa civili, nisi ratione criminis contaxerit infamiam, vel quia hæc illi ipso Jure annexa est, vel quia ob crimen in Judicio est condemnatus *l. testium* 3. §. *Lege Julia* 5. ff. *h. tit.* Hinc si causa agatur Ecclesiastica, vel Civilis quidem, sed in terris pleno Jure subjectis Ecclesiæ, observabitur Jus Canonicum, & universim testis criminosus non emendatus repellitur à testificando; in Causa civili autem, si de hac agatur in terris Imperii, juxta Jura Cæsarea admittetur testis criminosus non ipso Jure, vel per sententiam infamis factus.

Sunt autem plures casus, in quibus criminosus, etiam non emendatus, ad testificandum admittitur. Et 1. quidem, si pars citata ad videndum testes, sciensque illorum crimina nihil opponat; nam tunc in earum personas tacite consentire, easque approbare censetur. Pirh. *hic n.* 25. Potest tamen eo casu Judex, & debet ex officio ejusmodi testem repellere, ut notat Felin. *in c. testimonium cit.* n. 3. 2. In Causis Summariis; nam in his, quia levem solum aliquam, nec exactè semiplenam probationem requirunt, testium repulsio partibus non conceditur, ut ex communi docet Farinac. *prax. crim. quest.* 62. n. 196. Menoch. *de arbitr. q.* 32. *nu.* 11. Laym. *inc.* 13. *cit. nu.* 4. Pirh. *nu.* 25. 3. Si vocetur ad probandam innocentiam Rei; nam ad hanc ostendendam admittendi sunt testes aliàs inhabiles, qui absolute non repelluntur, sed solum ob defectum fidei repelli possunt. Mascard. *de probat. concl.* 1366. n. 16. Farin. q. 56. n. 137. Laym. *l. cit.* n. 5. Pirh. *n.* 25. 4. Si alii testes haberi nequeant; tunc enim omnes hujusmodi criminosi admittuntur ad testimonium, ita tamen, ut non plenam, sed qualemqualem solum probationem faciant. Farin. *l. cit.* n. 161. Hinc Judicis officium erit inspicere, quanta fides in his casibus hujusmodi testibus sit habenda.

4. *Accusatus* de crimine gravi, & infamiam irrogante (idem dic de incarcerato propter ejusmodi crimen) nam hic,



hic, dum pender accusatio, de Jure Canonico non debet admitti ad testificandum in alia causa criminali, præterquam in criminibus exceptis, ut constat ex *c. non debet* 56. *h. t.* & docet *ibidem* Vivian. in *Ration.* Barbof. *n. 1.* & 2. Mascard. *concl.* 27. *n. 1.* & *segg.* Fatin. *q. 56. n. 167.* Pirh. *hic nu. 27.* Ratio est, quia, dum accusatio pender, & innocentia ostensa non est, censetur gravata existimatio accusati de crimine, ideoque in causis criminalibus, in quibus testes debent esse sine omni exceptione, & nota infamiae, testimonium ejus non admittitur.

22 *Extenditur hoc* 1. etiam ad eum, contra quem fit inquisitio in tali crimine ex officio Judicis. Pirh. *nu. 28.* Ratio est, quia inquisitionem præcedere debet infamia criminis. Infames autem in causa criminali testes idonei esse non possunt, ut ostensum est *n. 16.* *Extenditur* 2. si quis denunciatus fuerit de tali crimine; quia per denuntiationem dubia redditur integritas, & gravatur existimatio denunciati. Abb. *inc. 56. h. t. num. 6.* *Extenditur* 3. ad condemnatum de crimine, appellanti à sententia; nam pendente appellatione, non admittitur ad testificandum in causa criminali. Pirh. *nu. 27. in fin.* Ratio est, quia licet, dum pender appellatio, status ejusdem maneat integer, & propterea admitti ad testificandum debeat in causa Civili, tamen ob accusationem, & sententiam primæ instantiæ gravatur aliquo modo ejusdem existimatio, ut repelli possit in causa criminali.

23 Dixi autem 1. *in causa criminali*; nam in causa civili accusatus de crimine, non tamen incarceratus, admittitur, ita tamen, ut non sit testis omni exceptione major: & hinc in iis causis Civilibus, in quibus requiruntur testes integerrimi, testimonium ipsorum non recipitur. *Excipitur* autem incarceratus, ut nec in Civili causa admittatur in testem, ob suspicionem, quod hujusmodi homines falsum deponere credantur, ut se liberent à reatu, mutuo præstita depositione ab illis, pro quibus testimonium dicunt. Dixi 2. *de Jure Canonico*; nam in foro Civili accusatus potest esse idoneus testis non minus, quam si fuisset non accusatus, ut notat Haun. *tom. 5. tr. 4. n. 250.* Ratio est, quia Jura requirunt condemnationem, quæ transivit in rem judicatam. Dixi 3. *præterquam in criminibus exceptis*: nam in his admittuntur; quia in illis ob atrocitatem criminis multa permittuntur, quæ aliàs denegantur. Neque obstat *cap. per tuas* 32. *de Simon.* ubi etiam in crimine Simoniae, quod unum est inter excepta, distinguitur, an testis sit bonæ famæ, an malæ, & conf. innuitur, si malæ sit, etiam ibi non admittendum; nam id procedit, quando constat de crimine contra testes, hic verò sermo est, quando testis tantum est accusatus de crimine.

24 5. *Perjuri*; nam hi, licet emendati sint, & de perjurio poenitentiam egerint, & à testificando in omni causa repelluntur. Ita habetur *c. testimonium* 54. *h. t.* & docet *ibidem* Vivian. in *Ration.* Hiltrop. *p. 3. tit. 8. c. 2. n. 5.* Henr. Canif. *in c. 2. h. tit. n. 21.* Laym. *in c. 7. eod. n. 8.* & *inc. 54. cit. n. 8.* Gonzal. *ibid. n. 4.* Barbof. *n. 2.* & 4. Haun. *tr. 4. cit. n. 260.* Pirh. *hic n. 62.* Konig. *n. 10.* Sannig *c. 2. n. 11.* Vviefst. *nu. 9.* Et hoc adeò verum est, ut perjurii defectus in causa criminali ne quidem per toruram purgetur; nam ne torti quidem depositione sua indicium faciant. Farin. *q. 56. n. 183.* *Extenditur*, ut neque in criminibus exceptis, ubi alias testes inhabiles admittuntur, aliquid depositio perjuri probet. Farin. *l. cit. n. 195.* *Excipitur* crimen Hæresis, in quo ob fidei favorem perjurus potest esse testis, deponendo tam contra se, quam contra complices, quod prius celaverat, modò ex manifestis indicibus pateat, quod perjurus non ex animi levitate, aut odio, sed ex Zelo Justitiæ deponat, ut dictum suum corrigat. Farin. *n. 203. & 204.*

25 Ratio autem Assertionis est; quia qui semel pejeravit, semper suspectus est juxta *Reg. 8. in 6. ibi*: *semel malus semper presumitur esse malus*; & juxta id, quod dicitur *can. non potest* 24. *caus. 2. q. 7.* ubi Concilii Toletani PP. *Non potest*, inquit, *erga homines esse fidelis. qui DEO exuterit infidus*. Intelligi autem hic dicta debent, ut procedat de perjuro propriè, non autem de illo, qui juravit temere, aut illicitè, ut benè Fagnan. *in c. 18. h. t. n. 5.* nam violans Juramentum hujusmodi non fit perjurus.

26 6. *Excommunicati* Excommunicatione inajori; nam isti in omnibus causis, iis exceptis, in quibus admittuntur Infames, à testimonio dicendo remonentur. Hiltrop.

*p. 3. tit. 9. c. 2. n. 5.* Vvesenbec. *ff. h. tit. nu. 3.* Barb. *in c. veniens* 38. *h. tit. n. 9.* Zoef. *hic n. 16.* Haun. *tr. 4. cit. n. 257.* Pirh. *n. 31.* Konig. *n. 11.* Sannig *c. 2. n. 12.* Vviefst. *n. 8.* & constat ex *c. veniens cit. & c. decernimus* 8. *de sent. excomm. in 6.* Ratio est, tum quia Excommunicati non habent licentiam communicandi cum aliis; tum quia inter infames reputantur *can. illi qui* 3. & *canon. infames* 17. *caus. 6. q. 1.*

Discrimen tamen est faciendum inter Excommunicatum toleratum, & non toleratum. *Non toleratus* à testimonio dicendo repellitur à Judice, etiam non opponente parte; toleratum repellere à testificando quidem Judex potest, si Excommunicatio sit nota publicè, non tamen debet illum repellere, nisi pars ejusmodi testi exceptionem Excommunicationis opponat. *Ratio est*; quia pars non excipiens censetur renuntiare Juri suo, & hoc potest, cum potestas repellendi Excommunicatum non vitandum inducta sit in favorem partis, contra quam adducitur testimonium Excommunicati tolerati. Quando Excommunicatio non est notoria, ut vim habeat exceptio adversæ partis ex hoc capite facta contra testem, excipiens eam intra octo dies apertissimis documentis ostendat, necesse est: quam si ostenderit, testis repellitur: si adhuc dubitetur de Excommunicatione, prius ad cautelam absolvi debet, quàm permittatur testimonium proferre in Judicio; sed benè notat Gloss. *fin. hic* requiri aliquam causam necessitatis; qualis esset, si alii testes idonei nulli adfint.

An testimonium Excommunicati non tolerati, quod defacto, nemine repellente, deposuit in Judicio, validum sit, quidam dubitant: & ratio dubitandi est; quia, ut ex *can. infames cit. dixi*, infamibus accensentur, quorum testimonia ex dictis *n. 16.* invalida sunt. Sed retinenda est affirmativa sententia, quam etiam defendunt Ugolin. *de Censur. tab. 2. cap. 17. §. 1.* Suar. *de Censur. D. 16. §. 6. num. 5.* Pal. *tr. 26. D. 2. p. 14. numer. 18.* P. Vviefst. *hic n. 8.* P. Schmier *Proc. Judic. c. 9. n. 17.* & alii apud istos. Colligitur ex *c. excommunicamus* 13. *§. credentes de Hæretic.* ubi dum specialiter Hæretici redduntur inhabiles ad ferendum testimonium, tacitè insinuat aliorum Excommunicatorum testimonia valere. Ratio est, quia Excommunicatio tantum privat muneribus, & jurebus spiritualibus, inter quæ testimonii dicendi facultas non numeratur. *Ad rationem dubitandi* dico Excommunicatos non simpliciter accenseri infamibus, sed tantum aliquo modo ad illos reduci: quod ad invalidandum ipsorum testimonium non sufficit: alias à testimonio dicendo excludi deberent omnes omnino peccatores, cum & ipsi *can. illi qui cit.* inter infames numerentur.

7. Denique *Persona valde pauperes, & viles*. Henr. 28 Canif. *inc. 2. h. tit. n. 19.* Barbof. *ibid. à n. 2.* Vvagn. *V. vilissimi*, Haun. *tr. 4. cit. n. 262.* Pirh. *hic n. 32.* Engl. *n. 17.* Konig. *n. 7.* Vviefst. *nu. 10.* & habetur *can. imprimis* 7. *vers. sed & de personis accus. 2. q. 1. l. testium* 3. *princ. ff. h. tit.* Ratio est, quia de his potest esse suspicio, quod pecunia facillè corrumpantur. Unde si vitæ honestæ, & famæ bonæ sint, admittuntur; quia hæc suspicionem corruptionis tollit, & in omni casu honestas personæ etiam pauperis attendenda est. Clat. *§. fin. q. 24. n. 11.* Fatin. *q. 55. cit. n. 82. in fin.* Vviefst. *l. cit.* Alia ratio est de personis vilibus, quæ ex officio vili etiam inter infames reputantur, quales sunt lictores, carnifices &c. nam horum testimonium contra ingenuos non recipitur. Quænam autem personæ viles dicenda sint, ut à testimonio ferendo repellantur, in hoc, ut benè Haun. *l. cit.* notat, locorum consuetudo est observanda; nam alicubi lictores habentur pro vilibus, alibi ad testimonium admittuntur.

## §. II.

*De iis, qui secundum quid sunt inhabiles ad testificandum.*

## S U M M A R I U M.

29 *Non possunt testes esse Parentes pro Liberis, & Liberi pro Parentibus.*

30 *Cum exceptione.*

31 32 *Fratres, Consanguinei, & Affines: ubi, quando admittendi.*



- 33 34 *Conjuges pro se invicem; ubi plures exceptiones.*  
 35 36 *Domestici: cum exceptione.*  
 37 38 *Subditi, & Vasalli quando in causa Principis, vel domini directi.*  
 39 40 41 42 *Quando Socius criminis contra complices?*  
 43 44 45 *Quando Inimicus contra Inimicum?*  
 46 47 48 *Judei, Infideles, Heretici contra Christianos, & Orthodoxos?*  
 49 50 *Laici contra Clericum?*  
 51 *Parentes contra liberos, Liberi contra Patronos &c.*  
 52 *Casus, quibus minus habiles testificari possunt.*  
 53 *Quantum in his faciant fidem?*  
 54 *Præterea testis esse non potest Minor 20. annis in causa criminali.*  
 55 *Clericus, & Religiosus in causa sanguinis.*  
 56 *Fœmina de Jure Canonico in causa criminali criminaliter intentata.*  
 57 *Admittitur Jure Civili.*  
 58 *Et Jure Canonico in causa Civili cum exceptione.*  
 59 60 61 *Quando in causa Universitatis testis esse possit, qui membrum est illius communis?*  
 62 *& seqq. Quinam ex capite, quod testificarentur in causa propria, testes esse nequeant?*

**E**X Testibus, qui secundum quid inhabiles sunt ad testificandum, aliqui non possunt Testes esse pro certis personis, alii contra certas personas, quidam in certis causis. Er hinc

- 29 *Quæritur 1. qui Testes esse non possint pro certis personis? Resp. quinque potissimum sunt horum genera.*  
 1. Enim non admittuntur ad testimonium dicendum *parentes pro liberis, & liberi pro parentibus.* Vivian. in cap. super eo 22. hoc tit. Barbosa ibid. num. 10. Layman num. 3. Henr. Canis. in cap. 3. eod. num. 22. Farin. prax. crim. quest. 54. a num. 145. Hiltrop. p. 3. tit. 9. c. 2. n. 11. Valleng. hic §. 2. n. 12. Zoel. n. 3. Haun. de l. & l. tom. 5. tr. 4. n. 206. Pirh. n. 33. Engl. n. 24. Konig. n. 13. Sannig c. 2. n. 13. & habetur can. si testes 2. §. parentes caus. 4. q. 2. l. testis 9. ff. & l. parentes 6. junct. Gloss. V. adversus Cod. hoc tit. Ratio est, quia hos reciprocos amor suspectos reddit: ob quam causam assertio

*Extenditur 1. ad omnes ascendentes tam masculos, quam fœminas in linea paterna, vel materna, ut colligitur ex l. appellatione 51. ff. de V. S. 2. Ad filium etiam emancipatum; quia licet in hoc cesset patria potestas, non tamen cessat paterna in filium, & filialis in patrem affectio, ob quam uterque repellitur à testimonio dicendo in favorem alterius. 3. Ad filios naturales, spurios, incestuosos ob eandem causam affectionis. 4. Ad vitricum respectu privigni, ad adoptantem respectu adoptati, & vicissim. 5. Ad parentes nutritios per valde longum tempus: de quo, & affectione inde consequente arbitrabitur Juxta, uti etiam de affectione patris Spiritualis, aut Compatriis.*

- 30 *Excipiuntur tamen complures casus, in quibus Parentes testes esse possunt in causa filii. Tales, præter eos, in quibus generaliter testes minus habiles admittuntur, de quo infra num. 52. sunt. 1. Quando agitur de filiorum ætate, aut statu l. etiam matris 16. ff. de probat. quia hujus rei notitiam habent optimam. Excipe, nisi filio exinde commodum aliquod acquiratur cum alterius præjudicio; tunc enim testimonium parentum tantum præsumptionem aliquam facit, seu indicium, nisi aliis adminiculis adjuvetur. Mascard. de probat. concl. 669. num. 12. & seqq. Farin. q. 54. cit. n. 178. Haun. n. 207. Pirh. num. 34. & alii communiter. 2. In causa matrimoniali suorum filiorum, ut cum quæritur de consanguinitate desponsatorum cap. super eo 22. hoc tit. & c. videtur 3. qui matrim. accus. &c. Excipe, nisi filia in virum sibi petat se majorem; nam eo casu testimonium parentum videtur esse suspectum, quod credantur non testificari ad veritatem facti deponendam, sed propter incrementum, & honorem, quem ex hujusmodi matrimonio optant filia. Idem dicendum casu, quo filia, quæ contendit de matrimonio, cognita fuit ab eo, quem sibi maritum petit; cum enim tunc de injuria familiæ illata agatur, matris, & conjunctorum testimonium merito suspectum redditur. 3. In causa Professionis Religiosæ, quando ambigitur, an filius ingressus sit animo profitendi; tunc enim patris testimonium auditur ad dissolvendum Matrimonium spirituale can. præsens 4. caus. 20. Schmalzgrueber Tom. II.*

q. 3. Gloss. ibid. V. patrem. Farin. loc. cit. n. 185. Pirh. n. 34. 4. In causa, quam filius agit procuratorio nomine; nam in hac admittitur pater tanquam testis, modo ipsi, aut filio per eam nihil directè acquiratur; non tamen hoc casu est testis omni exceptione major ob affectionem, qua præsumitur optare, ut filius in ea vincat. Gloss. in l. qui testamento 20. §. quæ autem V. diximus ff. qui testam. fac. poss. Layman in cap. 22. hoc tit. n. 5. Pirh. num. 34. cit. 3. In causa filiorum litigantium inter se, eo quod par sit affectio parentum erga liberos. Laym. loc. cit. Barbosa. ibid. num. 15. Haun. n. 207. Pirh. loc. cit. Konig num. 13. 6. Denique in quacunque alia causa, si ex ea nullum commodum acquiratur filiis, & vicissim; quia cessat ratio suspicionis. Farinac. numer. 183.

2 *Fratres, & cæteri consanguinei, atque etiam affines, usque ad quartum gradum exclusive, cum pro se mutuo deponunt in causis criminalibus, & civilibus valde arduis.* Farin. prax. quest. 54. nu. 1. & seqq. Haun. tom. 5. tr. 4. n. 213. Laym. in c. 22. hoc tit. num. 3. Valleng. hic §. 2. nu. 8. Pirh. num. 39. Engl. n. 25. Konig n. 15. Sannig cap. 2. num. 15. Vviest. n. 12. & habetur can. consanguinei 1. & can. accusatores 12. caus. 3. q. 5. can. absens 18. ead. caus. q. 9. l. Lege Julia 4. & l. seq. ff. hoc tit. Idem dicendum de amicis, & familiaribus, qui amicitia, vel familiaritate aliqua arctiore inter sese junguntur can. accusatores cit. ubi etiam ratio indicatur; quia propinquitatis, & familiaritatis, ac dominationis affectio veritatem impedire solet.

*Excipiuntur iterum complures casus, quibus consanguineus pro consanguineo, affinis pro affine, amicus pro amico in testem admittitur. Et 1. quidem, quando inter consanguineos, & affines non est magna affectio; quia ea cessante, cessat ratio prohibitionis. Farin. num. 62. 2. Si is, qui in testem producit, sit æque conjunctus, aut familiaris utrique parti; nam par conjunctio, & familiaritas parem affectionem indicat, sicque omnem suspicionem remover. Mascard. concl. 68. n. 7. Farin. n. 45. & duob. seqq. 3. Si natura causæ admittat testimonium domesticum, ut in causa consanguinitatis; quia hanc consanguinei, & affines præsumuntur melius scire. Haun. num. 211. 4. In causis civilibus parvi momenti, & modici præjudicii. Menoch. de arbitr. cas. 104. n. 1. 5. Si testis consanguineo adjungatur alius tantæ æstimationis, vel alia accedant adminicula, quæ defectum suppleant; quale est, si in uno articulo deposuit adversus consanguineum, in altero pro ipso; tunc enim minuitur affectionis suspicio. Haun. loc. cit. 6. Si ipse consanguineus, vel affinis in testem adductus sit illibatae famæ & probatae vitæ, ac fidei, ita, ut præsumi non possit, quod propter affectum sanguinis committere velit perjurium. Laym. in cap. 22. cit. num. 8. 7. Denique consanguinei, & affines possunt esse testes instrumentarii instrumentis, & testamentis. Farin. n. 40. & 44. His accedunt cæteri casus, in quibus generatim admittuntur testes minus habiles. Videatur Farin. q. 54. cit. an. 16. Haun. tr. 4. cit. an. 210. Pirh. hic num. 40. Konig n. 15. Vviest. num. 17.*

3 *Conjuges pro se invicem. Ita Gloss. in can. si testes 3. vers. item re liberto V. imperari caus. 4. q. 1. Gloss. in l. etiam 3. V. eod. Cod. hoc tit. Hiltrop. p. 8. tit. 9. c. 2. num. 11. Farin. quest. 54. num. 210. & seqq. Vvesenbec. ff. hoc tit. num. 3. Haun. tr. 4. cit. n. 314. Vall. hic §. 2. num. 11. Pirh. num. 37. Konig num. 14. Vviest. num. 11. & habetur can. si testes vers. cit. & l. Lege Julia 4. ff. hoc tit. Ratio est 1. quia inter conjuges præsumitur magna affectio, cum sint duo in carne una. 2. Quia si maritus esset testis in causa uxoris, aliquo modo esset testis in causa propria, saltem frequentissimè in Civilibus, cum maritus administret bona uxoris, & damnum hujus in illum redundet. 3. Quia conjuges vel maximè sunt domestici. Atqui, ut num. 35. dicam, testimonium domesticum universim rejicitur. Ergo &c. Extenditur assertio etiam ad sponsum, & sponsam; imò ad amantem, & concubinam, ut bene notat Pirh. loc. cit. quia sc. non vinculum Matrimonii, sed affectio testimonium conjugum suspectum reddit; & propterea eadem de his secundis est ratio.*

*Excipiuntur 1. causæ illæ, in quibus ipsi probabiliter sciunt melius veritatem, quam alii. Farin. num. 227. 2. Quando agitur ad vindictam publicam, & fisci utilitatem*



litatem pro vulnere, percussione, morte illata conjugum. Farin. n. 229. 3. In causa matrimonii, si ambo dicant se contraxisse Matrimonium; tunc enim eorum assertioni creditur. Secus est, si ambo dicant Matrimonium à se contractum esset invalidum; tunc enim allegantibus impedimentum dirimens non est credendum, cum non sit in eorum potestate dissolvere vinculum matrimonii. 4. In omnibus aliis causis, & casibus, in quibus testes inhabiles non repelluntur.

35 4. *Domestici*. Farin. prax. q. 55. n. 1. & seq. Mascard. de probat. concl. 534. n. m. 1. & seqq. Haun. tr. 4. cit. n. 218. Vvelenbec. ff. hoc tit. n. 3. Vivian. in c. in litteris 24. eod. Laym. ibid. n. 3. Barbof. n. 1. Vallens. hic §. 2. n. 8. Zoef. n. 2. Pirh. n. 42. Engl. n. 28. Konig. n. 16. Vviesl. n. 18. & patet ex can. super prudentia 1. caus. 14. q. 2. l. testes 24. ff. & l. etiam 3. C. hoc tit. Intelligi autem nomine *Domesticorum* hic debent ii, quibus ratione patrie, dominicæ, aut gubernativæ potestatis privatæ imperari potest, ut sunt filii. servi etiam mercenarii famuli &c. nam coloni, Emphyteutæ, inquilini, si tales non sint, quibus imperari possit ratione dominativæ potestatis privatæ, admittuntur, licet plenam fidem non semper faciant: Est autem assertio hæc adeo vera, ut domesticorum testimonium, extra casus n. seq. excipiendos, non tantum integram fidem non faciat, sed nullam omnino, & propterea nullo modo audiri, vel examinari debeant l. testes cit. Ratio est, quia eos testes adhibere oportet, qui fidem Religioni Judiciariæ debitam possint præponere omni gratiæ, & potentatui. Tales autem non sunt domestici; nam ob effectum non sunt liberi testes, & periculum est, ne pejerent ob favorem sui Patris.

36 *Excipitur* 1. Si huiusmodi domesticus tempore, quo in testem producitur, desuit esse domesticus; quia tunc cessat affectus, qui præsumitur impedire domesticum, quo minus veritatem dicat. Gonzal. in cap. 24. hoc tit. n. 7. Pirh. hic n. 44. Intellige, si non dimittatur in fraudem; nam, fraus sua nemini prodesse debet. 2. Si non vivant expensis domini, nec ab eo salarium accipiant, & sint alioquin personæ honestæ. Reverendiss. Dominus Vicentius Petra Comment. tom. 2. fol. 409. n. 28. & apud ipsum cit. 3. Si res talis sit, quæ domi gesta est, quam hæc melius scire præsumuntur, quam extranei. Barbof. in cap. 38. hoc tit. n. 11. 4. Si plures domestici, quam duo idem uniformiter deponant, & aliunde non appareat causa suspicandi aliquam subornationem. Haun. n. 220. 5. Si domesticus testis deponat pro domino, seu patrefam. contra alium domesticum; quia non est verisimile, quod magis pro uno, quam pro altero verum dicat. Mascard. num. 24. 6. Si utilitas negotii ad dominum non spectet, sed eo procurante ad alium extraneum Gonz. num. 7. cit. 7. Si testes huiusmodi domestici sint tam probatæ vitæ, ut in testimonium admitti debeant; & hinc Petra cit. num. 8. cum Gratian. Discept. c. 374. n. 3. iudicat admittendos familiares nobilium; quia regulariter præsumuntur personæ honestæ. 8. Domestici possunt esse testes Instrumentarii, & testamentarii, qui sunt rogati, adcoque approbati: & hinc in causa concernente Instrumentum domesticus, deponens testimonium, erit testis omni exceptione major ob tacitam approbationem Adversarii. Haun. n. 221. In cæteris casibus, quantum fidei depositionibus illorum Iudex præbere debeat, ex circumstantiis arbitrabitur; plerumque autem propter affectionem, quam erga dominum, vel alios domesticos gerere præsumuntur, non censentur testes integri, & omni exceptione majores, ut notat Farin. n. 46. quem vide de hoc fuisse differentem à n. 29.

37 5. *Subditi, & Vasalli* in causa Principis, vel domini sui directi, vel alterius cujus Jurisdictioni subsum, ubi tamen est distinguendum. Vel enim dominus talis est, ut subditi, & Vasalli, si adversus illum testificentur, merito timere deberent, ne dominus inde ad vindictam, & ipsam vexationem inducatur, vel nihil simile timendum habent. Si primum, & de hoc Iudici constet, non potest subditi, aut Vasalli testimonium admittere tanquam omni suspitione liberum, cum non sit liberum à metu. Si secundum, admittere pro domino testificantem debet, ut recte notant Haun. tr. 4. cit. n. 222. & 224. Pirh. n. 48. Engl. n. 29. Vviesl. n. 20. Konig. n. 17. & habet eodem teste communis hodie, & in praxi

receptissima sententia. Ratio est 1. quia nullo Jure prohibentur testificari pro domino; imo Vasallus in LL. Feudor. expresse sapius supponitur posse testis, & quidem omni exceptione major. 2. Quia rerum, & jurium Principum suorum, & ab his gestorum actuum notitiam præ aliis majorem habent, ut proinde sicut domestici de rebus domini, & secreto gestis, ita & ipsi de rebus, & causis sui Principis deponentes aliis sint præferendi. 3. Quia alias probationum facultas coarctaretur; plerumque enim tales domini alios testes habere nequeunt; unde si testes ex subditis sui non possent producere, iniquissimæ conditiones forent.

Duæ tamen conditiones ad hoc requiruntur, sc. ut non agatur de proprio interesse ipsius Subditi, aut Vasalli; & ut præcesserit Juramenti relaxatio; quibus addi tertium potest in primo jam aliquo modo inclusum, ut subditus, vel Vasallus nihil sibi timendum habeat à domino, si contra ipsum testificetur; de quibus arbitrari Iudex debebit, uti etiam, an admitti in testes possint in causa Principis ii, qui ab eodem habent Officia, & salaria, vel gratuita stipendia.

Quæritur 2. quinam testes esse prohibeantur contra certas personas? Resp. 1. non testificatur Socius criminis adversus Socium, nullique de se confesso adversus alium in eodem crimine credendum est. Hiltrop. p. 3. tit. 9. c. 2. n. 5. Henr. Canis. in c. 2. hoc tit. n. 24. Vivian. in c. veniens 10. eod. Gonz. ibid. n. 3. Vvagn. not. 1. Barbof. n. 1. Zoef. hic n. 10. Pirh. n. 49. Konig. n. 17. Vviesl. n. 21. & constat ex c. verens cit. l. quoniam 11. Cod. eod. l. ult. in fin. Cod. de accusat. Ratio est, quia confessus, vel convictus de crimine in Judicio fit infamis; infamis autem testis esse non potest juxta dicta n. 16. Accedit, quia si tali criminoso crederetur contra alios, sæpe falso assereret sibi esse socios aliquos potentes, quorum favore speraret se evasurum, vel ex odio nominare alios, quibus esset infensus, ut simul cum ipso punirentur. Patetque ab experientia, quod huiusmodi delinquentes in tormentis de se confessi, & de aliis interrogati persæpe mentiantur. Hinc secundum Juris utriusque statuta super aliorum conscientiis etiam interrogati non debent, ut dictum est Tit. 18. n. 5.

*Excipitur Crimen Simonia*; nam in hoc, cum sit unum ex majoribus in detestationem illius admittuntur testes non ulquequaque idonei c. tanta 7. de Simon. c. mediatores 1. hoc tit. in 6. conf. etiam Socius criminis; quod intellige, si particeps fuerit tamen criminis, non vero etiam muneris; nam si exprecio per Simoniacum contractum dato aliquid percepisset, ad testificandum in causa Socii non admittitur, etiam si civiliter solum agatur c. mediatores cit. & ratio est, quia propter participationem emolumentum censetur valde suspectus ad testificandum super actu, qui ipso adjuvante, vel mediante gestus est, & propterea ei non creditur. Extenditur hoc etiam ad illum, qui licet de pretio. Per Simoniacum contractum dato, nihil acceperit, acceperit tamen salarium, vel aliud emolumentum temporale; imo quando etiam promissionem solummodo, de eo dando acceptavit, ut notat Franc. in c. mediatores cit. n. 3.

Quod de crimine Simonia dictum est, dicendum etiam de aliis criminibus exceptis; item de iis, quæ sine socio committi non possunt, ut proditio contra Remp. Sodomia &c. nam in his, ut Tit. 18. n. 6. dixi, examinari criminosus potest de Sociis; sed ejus testimonium tunc aliam vim non habebit, nec faciet majorem fidem, quam testimonium alterius hominis vilis, infamis, & suspecti, ut Pirh. n. 50. advertit; unde, ut Iudex ex ejus testificatione possit procedere ad inquisitionem specialem, capturam &c. necesse est accedere alia adminicula, ut dictum est Tit. 18. cit. n. 39. Quod multo magis verum est, si crimen non sit exceptum ibid. n. 40.

Existimar quidem Clarus, si duo vel tres criminis Socii quantum prodant, istum, etsi pro convicto propterea haberi nequeat, torqueri tamen debere, & posse. Verum universaliter dici hic nihil potest; unde Iudex ex personarum, & circumstantiarum qualitate metietur, quanta fides hoc, vel illo casu sociis criminis sit adhibenda; Maxime vero Iudicem oportet caute procedere in crimine Veneficii; quia huiusmodi mulierculæ, de Veneficio convictæ, sæpe contra innocentes deponunt; unde si is, contra quem depositio facta est, sit vir, aut matrona honesta, etsi plures eo scelere infectum



etiam asserant, nisi alia cedant indicia, nihil iis credendum est.

3. 2. *Inimicus* adversus suum inimicum. *Mynsing. cent. 3. obs. 27.* Menoch. *de arbitr. q. 28. à n. 1.* Farin. *prax. q. 53. à n. 3.* Hiltop. *p. 3. tit. 9. c. 2. n. 13.* Vallenf. *hic §. 2. n. 18.* Zoef. *n. 14.* Haun. *n. 196.* Pirh. *n. 53.* König *n. 22.* Sannig. *cap. 2. n. 18.* Vviest. *n. 22.* & constat ex *c. meminimus 13. & cap. cum oporteat 19. de accusat. l. testium 3. princ. ff. & l. si quis 17. C. hoc tit. Novell. 95. c. 7.* Ratio est, quia ob malevolentiam erga inimicos suos falsa præsumuntur dicere inimici testes, & cons. periculum esset, ne per falsas probationes condemnentur innocentes. Hinc ne quidem in criminibus exceptis, & aliis casibus, quibus alias minus habiles testificari possunt, admitti debent, cum sit idem etiam in his periculum. Intelligi autem hoc debet solum de inimicitia gravi, & capitali: quales censentur 1. inter eos, inter quos lis mota fuit super crimine, dummodo aliqua labes infamiae ex ea lite aspergatur, ut in actione injuriarum. 2. Si de omnibus bonis, vel maxima eorum parte, aut de statu inter eos controversia sit; quia ejusmodi causae criminalibus æquiparantur. 3. Si ortum habeat ex spoliatione famæ, aut fortunatum, ex detentione in vinculis etiam juxta præcedente, ex comminatione mortis, vel alterius gravis damni &c.

4. *Extenditur Assertio* 1. etsi is ipse, qui contra testem inimicum excipit, dederit causam inimicitiae. Haun. *n. 199.* nam par est periculum iniquæ testificationis. *Excepe*, nisi causam inimicitiae malitiose dederit, ut contra eum produci non posset; nam fraus sua nemini prodesse debet, neque ex malitia commodum reportari. Accedit, quia hoc ipso satis constaret restem vera dicturum, quod alter voluerit malitiosè procurare causam excipiendi, utique non facturus, nisi testimonii veritatem timeret. *Extenditur* 2. etsi inimicus ante productionem, & examen fuisset reconciliatus; solet enim plerumque manere aliquis in animo rancor, & aversio. Unde considerandus est maximè modus reconciliationis, an facta sit ex præcepto Superioris, an motu proprio; nam si ex præcepto Superioris, experientia docet, reconciliationem sæpe non adeo sinceram esse: si motu proprio, præsertim ex motivo Religionis, & Pietatis, nisi contrarium constet, credi debet sincera. Si dubium sit, utile erit, quod suadet Covar. *pract. qq. c. 18. num. 3.* receptionem, & examen testium differti, donec constet, quod pristina amicitia coalescit. *Extenditur* 3. ut testi inimico ne quidem in articulo mortis credendum sit. Haun. *num. 202.* quod intellige, nisi testaretur se in animo nullam gerere inimicitiam, & hoc in Sacramentorum sumptione, aliisque signis sufficienter probaret. *Neque obstat*, quod in articulo hoc nemo sit immemor suæ salutis; nam hoc ipso, quod reconciliationis signum non ostendat, sufficienter demonstrat se salutis immemorem. *Extenditur* 4. juxta nonnullos ad consanguineos, & valde amicos inimicorum. Haun. *num. 197.* quia & ipsi præsumuntur inimici, cum plerumque induant affectiones eorum, quibus amici, vel consanguinei sunt. *Extenditur* 5. ut ne quidem Constitutione Principis sanciri possit, ut inimici capitales recipiantur in testes. Haun. *num. 201.* quia est contra naturam, ut ab inimicis sperari veritas possit.

5. Sunt tamen aliqui casus, in quibus testimonium inimicorum recipitur. Et 1. quidem, si tantum levis sit inimicitia; nam ob istam testis in causis saltem Civilibus, licet fides ejus aliquo modo diminuat, non tamen absolute repellitur. Clar. *§. fin. quest. 24. num. 5.* Mascard. *de probat. concl. 258. num. 56.* Farin. *q. 35. cit. n. 52.* Pirh. *hic n. 54.* 2. Si fuerit quidem inimicus capitalis, sed ab aliquo tempore, & ita reconciliatus sit, ut odium & animus nocendi in eo præsumi possit extinctus. Gomez *tom. 3. var. c. 12. n. 14.* Farin. *n. 58. & seqq.* Vviest. *hic n. 23.* 3. Si sit ex æquo inimicus utriusque partis. Gomez *n. 14. citat.* Farin. *n. 66.* Pirh. *n. 55.* sicut enim ob parem affectionem amicus utriusque partis, ita ob par odium inimicus suspicionem purgat. 4. Si inimicus deponat in favorem sui inimici; quia tunc cessat præsumptio, quod mentiat. 5. Si deponat adversus producentem; tunc enim contra eundem probat, quia qui producit aliquem testem contra alium, etiam censetur personam illius approbare contra seipsum.

Qui exceptionem inimicitiae opponit, debet etiam

— Schmalzgrueber Tom. II.

probare; quia est facti. Non autem opus est, ut probet illam evidentibus argumentis, sed satis est, si hæc sint probabilia, quale est, si probet subesse causam inimicitiae; quia causa plerumque conjungitur cum effectu, adeoque probata causa, redditur etiam probabilis existentia effectus, præsertim accedentibus aliquibus signis, e. g. si debita reverentia, aut amica salutatio denegetur.

3. *Judæi, Pagani, Hæretici*, ubi hi non sunt tolerati, 46 contra Christianos, & Orthodoxos. Abb. *in c. Judæi 21. hoc tit. n. 3.* Felin. *ibid. princ.* Gonz. *n. 2.* Barbof. *n. 2.* Farin. *prax. q. 56. num. 205.* Vallenf. *hic §. 2. num. 17.* Zoef. *n. 11.* Pirh. *n. 61.* Engl. *n. 20.* König *n. 24.* Sannig *cap. 2. num. 19.* Vviest. *num. 23.* & constat ex *can. non potest 24. & seq. caus. 2. q. 7. can. ipsa pietas 24. princ. caus. 23. q. 4. c. Judæi cit. V. præsumant l. quoniam 21. C. de Hæretic.* Ratio est, quia sunt suspecti de falsitate; nam cum Deo sint infideles, non præsumuntur fore fideles hominibus; neque iis fides habenda est, qui veritatis à se fidem abjecerunt, ut dicitur *can. potest cit.* Dixi, *Judæi contra Christianos*; nam Christianus contra Judæum in testem admittitur. Vivian. *in cap. Judæi cit.* cum cæteris: quia Judæi Christianis subjacere debent, à quibus pro solahumanitate foveantur. *Neque dicas*, quod in Judiciis sit paritas servanda, ac proinde sicut Judæus contra Christianum, ita & Christianus contra Judæum testimonium dicere prohibendus sit; nam æqualitas ista, quæ requiritur in Judiciis, respicit personas actoris, & rei, ut regulariter non liceat uni, quod non licet alteri: non autem respicit personas testium; alias sequeretur, quod qui non recipit contra se testificantem criminiosum, & excommunicatum, nec ipse recipi contra istum in testem possit, etiam si alias sit integerrimus: quod est absurdum.

Procedit autem Assertio. 1. etiam non obstantibus privilegiis, si quæ hac in re Judæi acceperint à Regibus & Principibus, ut rectè advertit Vivian. *in clem. cum Judæi 1. hoc tit.* Ratio est, quia Principes non possunt privilegiare contra Jus naturale, aut Canonicum, maximè in iis, quæ sunt in opprobrium Fidei Christianæ. *Procedit* 2. etiam si Christianus tacite, vel expresse consentiat; nam hæc prohibitio maxime introducta est in favorem Christianæ Fidei. Favori autem publico privatus renunciare non potest. Farin. *q. 56. cit. n. 225.* *Procedit* 3. etiam de Judæo, vel alio Infidele converso recen- 47 ter ad fidem Christianam, ut colligitur ex *can. constituit 31. junct. Gloss. V. qui ex Judæis caus. 17. quest. 4.* quia adhuc suspecti sunt, & multa probatione egent etiam post Baptismum.

Sunt tamen etiam hic aliqui casus, in quibus ad te- 48 stimonium ferendum contra Christianos, & Orthodoxos admittuntur Infideles, Judæi, & Hæretici. Et 1. quidem in criminibus exceptis *cap. in fidei 5. de Hæret. in 6.* quamvis eo casu infidelis, & hæreticus non sit testis omni exceptione major. 2. In defectum aliorum testium, si cum veritas alios testes haberi nequit. 3. In Instrumentis, contractibus, & testamentis. 4. Admittuntur Hæretici in foro Civili pro testibus in iis terris, ubi Catholicis permixti vivunt, & tolerantur; nam ibi æquiparantur Catholicis. 5. Secundum quosdam Judæus, vel alius Infidelis testis esse potest pro Christiano contra alium Christianum; quia in tali casu ratio odii respectu utriusque litigantis æqualiter militat. Contrarium tamen videtur colligi ex *can. si hæreticus 26. caus. 2. quest. 7. & l. quoniam cit.* & ratio est, quia plerumque sunt homines viles, perfidi, pecuniis avidissime inhiantes, & cons. tales, qui facillimo negotio corrumpi possunt. Hinc rarissime in testes admitti debent: quando autem admittuntur ad testimonium dicendum, non creditur ipsis, nisi prius Juramentum secundum suam Religionem præstiterint, ut habet *Ordinatio Camerae 1538.* ubi forma, & modus jurandi Judæis præscribitur.

4. *Laicus* contra Clericum in causa criminali criminaliter intentata. Abb. *in cap. de cetero 14. hoc tit. num. 1.* Felin. *ibid. n. 1.* Vivian. *in cap. cetero* Laym. *nov. 1. Gonzal. n. 3.* Barbof. *n. 1.* Vvagn. *not. 1.* Farin. *prax. q. 61. num. 98.* Vall. *§. 2. n. 24.* Zoef. *n. 15.* Pirh. *n. 56.* Engl. *n. 33.* König *n. 23.* Vviest. *n. 25.* & constat ex *cap. de cetero cit.* Ratio deducitur tum ex reverentia, quam Laici debent Clericis, qui Dei legatione funguntur in terris per *can. quis ambulet 9. & can. seq. dist. 96.* tum etiam, quod Laici



sint diversæ conversationis, Ordinis inferioris, & non raro à Clericis alienoris affectionis *can. Laici 14. caus. 2. q. 7. Extenditur* assertio etiam ad Religiosos; quia in favorabilibus nomine Clericorum etiam ipsi comprehenduntur.

*Neque obstat 1.* quod Laicus accusare Clericum possit casu, quo ille suam, vel suorum injuriam ulciscitur; nam accusatione modicum sit præjudicium, majus per testium depositionem, cum ex dicto accusatoris nemo condemnatur, sicut tamen condemnatur ad depositionem testium. *Non obstat 2.* textus *c. quoniam 3. hoc tit.* ubi in causa criminali adversus Clericum admittitur testimonium fœminæ; nam textus procedit casu, quo propter defectum testium non potest delictum probari, nisi per mulieres, cum quibus commissum est. *Non obstat 3. cap. fin. de purgat. canon.* ubi adversus Clericum in causa criminali admittitur testimonium populi; nam eo textu agebatur de delicto notorio.

50 Dixi autem *criminaliter intentata*; nam in causis Civilibus, & si civiliter agatur de crimine, Laicus testificari adversus Clericum potest *cap. tam litteris 33. hoc tit.* Imò etiam in causa criminaliter intentata in certis casibus. Et quidem 1. in criminibus exceptis. *Gloss. in cap. de catero cit. l. summ.* 2. In delictis scandalosis, & notoriis *cap. fin. cit.* 3. In subsidium, quando Clerici haberi non possunt, qui facti notitiam habeant, ut si Clericus in solitaria villa habitans delinquat, idque ne crimina maneant impunita. 4. Si agatur de crimine per modum denuntiationis, aut inquisitionis ad depositionem, aut privationem Beneficii, ut colligitur ex *cap. ex parte 7. hic.* 5. Si ipse Laici intersit, ut quando Patronus, vel Parochianus est; nam horum interest habere bonum Rectorem. 6. Si Clericus jam sit traditus Curie seculari; quia tunc amisit privilegium Clericale.

Porro si in his casibus admittatur testimonium Laici contra Clericum bonæ famæ, non erit testis integer, & omni exceptione major, nisi cum eo simul testificetur, & examinetur Clericus bonæ famæ; tunc enim per hunc supplebitur defectus, & inhabilitas Laici, & amborum testimonia facient plenam fidem. *Laym. in c. de catero cit. n. 3.*

51 5 Denique testificari adversus se invicem prohibet *specialis conjunctio*, aut *sanguinis*, aut *officii*, aut *negotii*. Et ex hoc capite 1. prohibentur Parentes adversus liberos, & liberi adversus parentes *can. si testes 3. vers. parentes caus. 4. quest. 3. l. parentes 6. Cod. hoc tit.* quia inter ipsos intercedit nimia necessitudo; & liberi reverentiam debent parentibus, ob quam periculosum est eorum testimonium. 2. Frater contra fratrem, socer contra generum, uxor contra maritum, vitricus contra privignum, & è contra, ob eandem rationem. Pro conjugibus militat etiam specialis ratio, ne videlicet concordia conjugalis lædatur, & inde plurima mala in matrimonio consequantur. 3. Liberti contra Patronum *can. Episcopus 58. caus. 12. quest. 2. can. si testes cit. §. Liberti, l. testium 3. §. Lege Julia 5. ff. hoc tit. l. libertorum 12. Cod. eodem.* Quod extendunt DD. à paritate rationis etiam ad Vassallum contra Dominum ordinarium, nisi ipsimet domini præfati consentiant, aut alia sit causa justa. 4. Patroni causatum, seu Advocati contra suos Clientes *can. testium cit. §. patroni cap. in super 6. hoc tit. & l. fin. C. eod.* quia Clientes Patrono suo omnia litis secreta communicat. Igitur indignum videtur, ut Patronus in eadem causa contra datam prius fidem adversus Clientem suum testificetur. 5. Tutores, vel Curatores contra pupillam, vel minorem, si controversia dependeat ex iis rebus; quarum notitiam Tutor, qua Tutor accepit *l. fin. curat.* quia in favorem pupilli introductum est, ut res eorum per Tutores diligentius inspiciantur: quod in odium illorum detorqueretur, si hac scientia ad testificandum contra ipsum pupillum uti possent. 6. Administratores, Syndici, & Actores respectu negotiorum, quæ tractarunt, ob eandem rationem.

52 Interim tamen & hi, & alii testes minus idonei, modo non sint absolute inhabiles, ad testimonium dicendum contra eos, contra quos alias regulariter non possent, admittuntur in pluribus casibus. 1. In criminibus exceptis; nam in his etiam pater ad testificandum contra filium, & filius adversus patrem à Judice cogi quandoque potest. *Laym. in c. 22. hoc tit. n. 3. 2. Si*

producantur ad defensionem, & probationem innocentie, nisi inhabilitas resultaret ratione infamie; testes enim probantes innocentiam debent esse bonæ famæ, ut probent integrè. *Farin. prax. q. 62. num. 90. & seqq. 3.* Si ad impediendum peccatum probanda est v. g. consanguinitas, affinitas, vel aliud simile impedimentum, inter personas matrimonio conjungendas intercedens *cap. superes 22. hoc tit. Farin. num. 99. 4.* Si tantum procedatur summarie, & exactæ probationes non requirantur, ut cum duobus de ejusdem rei possessione contendentibus, ne ad arma, & manus veniatur, proceditur ad sequestrationem; & generaliter in omnibus Judiciis, in quibus leves & apparentes probationes sufficiunt. *Farin. n. 193. 5.* Si testis inhabilis à partibus rogatus deponat testimonium; quia rogatio partium est approbatio, & sic attestations invalidæ partium consensu robur accipiunt. *Mynsing. cent. 4. obs. 3. Hiltrop. p. 3. tit. 9. cap. 2. n. 18.* Idem dicendum, si litigans ad productionem testium legitime citatus, contra ipsos non excipiat, cum posset, nec Jux ex officio eosdem repellat. *Farin. num. 175.* Poterit tamen hoc casu opponi contradicendum talis testis, licet opponi nequeat contra personam; quia licet personam sciverint patres, ignorabant tamen, quid testes essent dicturi. 6. Si veritas aliter omnino, vel non ita bene cognosci potest *arg. cap. veniens 38. fin. hic, l. Divus 6. pr. ibi: sed si aliter veritas ff. de question. Farin. num. 50.* Debet tamen hoc casus, qui minus idoneos testes adducit, probare, quod alios habere nequiverit; quia Adversarius intentionem suam à Jure communi fundatam habet, nempe testes inhabiles à testificando arcendos esse, quamdiu acceptio non ostenditur. *Mynsing. cent. 5. obs. 13. Hiltrop. n. 1.* Intellige, si reus, contra quem ejusmodi testes producuntur, sit alias bonæ conditionis, & famæ; secus, si conjecturæ, & vehementia indicia contra eundem militarent.

Quantum vero in his, & similibus casibus istorum 53 depositionibus tribuendum sit, Jux ex circumstantiis personarum, & causæ arbitrari debebit. Contra eum, à quo producuntur, in eadem, imò etiam in diversis tam criminalibus, quam civilibus causis singulæ semiplene, ac proinde duæ plene probant *can. si testes 3. §. siquis proprii fin. caus. 4. q. 7. & l. siquis 17. Cod. hoc tit. Bald. ibid. in summ.* regulæ instar tradens, personam ab aliquo firmatam in actu uno, firmatam censi in omni causa, ut ab eo nequeat reprobari. *Farin. q. 62. cit. n. 211.* At contra eum, contra quem producuntur, non sunt fidei integræ, neque semiplenam singulæ, aut plenam duæ conjunctæ, sed aliqualem dumtaxat probationem & præsumptionem, seu indicium faciunt. *Farin. n. 73. & seqq.* Potest tamen fidei defectum in hujusmodi personis, ut in causis non valde arduis ad condemnationem, & in criminalibus saltem ad torturam sufficiat, supplere non tantum magna fides, & excellens habilitas testis omni exceptione majoris, sed etiam minus idoneorum numerus, puta, si de eodem actu unus integræ, & valde excellentis fidei, & duo minus habiles; vel hujusmodi quatuor, aut plures testes deponant; uti etiam si dicta talis testis, qui minus est habilis, adjuvantur per alias præsumptiones verisimiles, & adminicula. *Farin. à n. 328. Vviesl. hic n. 43.*

Queritur 3. quinam in certis causis, & in quibus 54 testimonium prohibeantur dicere? Resp. hujus generis iterum complures sunt sortes.

Et 1. quidem *Minor 20. annis* in causa criminali, ut expresse habetur *l. in testimonium 20. ff. hoc tit. & docent Farin. prax. q. 58. num. 16. Hiltrop. pars. 3. tit. 9. c. 2. n. 3. Vvesenbec. ff. hoc tit. n. 3. Henr. Canis. in c. 2. eod. n. 14. Vag. ibid. vers. vilissimi, Vallens. hic §. 2. num. 26. Zoel. n. 7. Pith. n. 75. Engl. n. 34.* Idque nonnulli putant extendendum etiam ad causas Civiles valde arduas, quæ propter gravitatem in multis æquiparantur causis criminalibus. Excipiuntur casus *n. 52. relati*, in quibus admittuntur alii testes minus habiles; nam in his admittitur etiam minor; iis tamen casibus non sunt testes omni exceptione majores, ita, ut testimonium duorum plenam probationem, aut unius ex ipsis indicium ad torturam faciat, sed tantum præsumptionem, & aliquale indicium ad inquirendum adversus eum, contra quem latum est testimonium ejusmodi ab uno tantum minore. *Farin. q. 58. cit. n. 34. & 44. Pich. hic n. 75.*

2. Clerici, & Religiosi in causa sanguinis. Sumitur ex 55 *can.*



*can. testimonium 9. caus. 11. q. 1. & observant Farin. prax. q. 61. n. 57. Vivian. in c. 14. hoc tit. Pirh. hic n. 59. Sannig c. 2. n. 29. & omnes ceteri, Statutum hoc est ob periculum irregularitatis; & procedit, etsi protestaretur Clericus, sed testificari circa intentione pœnæ sanguinis; est enim protestatio contraria facto, ut bene advertit Pirh. loc. cit.*

Dixi autem in causa sanguinis; nam 1. in causis civilibus, & criminalibus civiliter intentatis, vel quando non agitur de pœna sanguinis, non prohibetur Clericus ferre testimonium, in subsidium aliarum probationum, ne veritas occultetur, vel malus pro bono reputetur, ut habetur *can. quanquam 2. caus. 14. q. 2.* modo id fiat de licentia Ordinarii, quamvis sine hac deposita testificatio valeat, cum licentia Episcopi non ad valorem, sed tantum ad licentiam requiratur. 2. Potest Clericus produci testis Adversus Laicum coram Iudice Ecclesiastico, & in crimine Ecclesiastico. Felin. *in c. 14. cit. n. 1. Farin. q. 61. cit. n. 70. Pirh. n. 60. 3. Potest testificari etiam in causa sanguinis pro reo ad ejus defensionem, & innocentiam ostendendam. Felin. n. 3. Farin. n. 74. Pirh. loc. cit. 4. Potest adhiberi testis in conficiendis testamentis, instrumentis, & quibuscunque contractibus Laicorum. Farin. n. 64. & hoc verum est etiam sine licentia Superioris, seu Episcopi, saltem ex generali consuetudine. Pirh. loc. cit. Neque obstat *can. fin. caus. 14. q. 2.* ubi caveatur, ne ipsi in secularibus negotiis pro testimonio, aut conficiendis instrumentis rogentur; quia id solum procedit de honestate, & consilio, non vero de præcepto, & necessitate, vel si præceptum fuit, per consuetudinem contrariam abrogatum est. Felin. *in c. 12. hoc tit. n. 3. in fin. Farin. n. 64. cit. Pirh. n. 60.**

3. *Fœmina*; nam hæc de Jure Canonico, & in foro Ecclesiastico regulatiter testis esse in causa criminali criminaliter intentata nequit. Ita habetur *can. mulierem 17. junct. Gloss. V. nec testis caus. 33. q. 5. cap. forus 10. junct. Gloss. V. non fœmina de V. S. & docent Abb. in c. forus cit. n. 2. Felin. ibid. n. 1. Mascard. concl. 763. n. 1. Farin. prax. q. 59. n. 1. Henr. Canif. Summ. hoc tit. innotat litt. A. Laym. in c. 3. eod. n. 6. Barb. n. 1. & seqq. Vvagn. V. si mulieres, Pirh. n. 69. Vviesl. n. 27. & alii communiter. Ratio est, quia mulier suapte natura est inconstans, & mutabilis, atque hinc minus idonea reputata à SS. Canonibus ad ferendum testimonium in causis criminalibus, in quibus, quia de gravissimo præjudicio agitur, desiderantur probationes perfectissimæ.*

Dixi 1. regulariter; nam in nonnullis casibus non minus, quam ceteri inhabiles ad testificandum admittuntur etiam ipsæ in causa criminali, uti est 1. in criminibus exceptis: ubi fœmina pro teste admittitur etiam de Jure Canonico. 2. Si virorum testimonium haberi nequeat; nam ob defectum testium idoneorum admitti possunt testes alioquin inhabiles, ut dictum est n. 52. 3. Si Juxta ex officio procedat ad inquisitionem de crimine. 4. Ad defensionem Rei, & innocentiam ejus ostendendam. 5. Si civiliter agatur de crimine.

Dixi 2. de Jure Canonico, & in foro Ecclesiastico. Nam de Jure Civili, & in foro Cæsareo fœmina potest esse testis etiam in causa criminali criminaliter intentata, ut notant DD. *supra cit.* & constat ex *l. qui testamento 20. §. mulier 6. ff. qui testam. fac. poss.* ubi testimonium eorum generaliter admittitur, solo testamento excepto *l. testum 3. §. Lege Julia 5. ff. hoc tit.* ubi illa solum fœmina, quæ palam quæstum corpore suo fecit, remouetur à testimonio dicendo; ac proin ceteræ fœminæ honestæ admittuntur: *l. ex eo 18. ff. eod.* ubi in Judicio adulterii à testimonio dicendo repellitur damnata ejusdem criminis, reliquæ vero expresse recipiuntur. Neque dicas ex *l. 18. cit.* probati nimium; cum enim Lex ista inserta reperiatur Corpori Jutis Canonici *can. ex eo 2. caus. 15. q. 3. & conf.* canonizata videatur, probaret etiam de Jure Canonico admittendas esse fœminas ad testimonium ferendum in causa criminali; nam ut bene advertit Gloss. *ibid. V. Testimonium*, non aliter incorporata est Decreto Gratiani, quam ut mulier testificari possit in causis Civilibus, non autem in criminalibus secundum Canones *supra cit.* & intellectum eorum ex mente Interpretum. Neque obstat, quod inconstantia, & mutabilitas fœminarum, quam pro ratione repositionis assignavi n. præc. videatur probare, neque in

Schmalzgrueber Tom. II.

foro civili admittendam pro teste in causa criminali; quia hoc tantum probat, quod etiam de Jure civili repelli potuerit ob rationem istam, non verò, quod actu repellatur hoc jure. Accedit, quia inconstantiæ vitium, quod fœminis plerumque, & secundum naturam inest, corrigere potest prudentia, qua mulier sæpe præter naturam pollet: quod si fiat, nihil est, quod ipsam in foro civili arceat. In ceteris ex inconstantia earum hoc solum conficitur, quod Juxta admittens mulierem ad testimonium in causa criminali uti majore circumspeditione debeat, & diligentius illam examinare, num forte non variet. Porro discrimen istud inter Jus Canonicum, & civile non est inutile; nam ex eo intelligitur, quod casu, quo lis est in foro civili in terris Imperii, observandum sit Jus civile, & fœmina etiam in causis criminalibus ad testimonium dicendum admittenda; repellenda verò in istis, quando agitur in foro Ecclesiastico, vel contra reum in terris pleno Jure subjectis Ecclesiæ, cum ibi Jus Canonicum observandum sit.

Dixi 3. in causa criminali criminaliter intentata; nam in civilibus, & criminalibus civiliter intentatis mulier à testimonio dicendo non repellitur: & hoc verum est tam Jure Canonico, quam civili. Ita Glossa *in can. si testes 3. §. Hermaphroditus caus. 4. q. 3. Glossa in c. forus cit. V. fœmina* & patet de Jure Civili quidem ex *l. cit. nu. præc.* de Canonico autem ex *can. ex eo cit. junct. Glossa V. testimonium, & can. videtur 2. caus. 35. q. 6.* ubi dicitur, quod in causa matrimoniali, quæ inter civiles gravissima est, quando accusatur matrimonium ob propinquitatem, adhiberi debeant testes utriusque conjuncti. Neque obstat *can. mulierem, & c. forus cit.* quibus absolute dicitur, quod mulier testis esse non possit; nam horum textuum generalitas reducenda est ad causas civiles, ut sic minus recedatur à jure Civili, & textus *cit.* cum aliis Canonibus componantur. Sunt tamen aliqui casus, & causæ civiles, in quibus neutro jure fœmina pro teste admittitur. Et quidem 1. in causa feudali. 2. *feud. tit. 32. in fin.* nisi sit fœmina Illustris, & habeat feudum sub se. Pirhing *hic n. 67. 2.* In Instrumentis publicis contractuum. Farin. *prax. qu. 59. n. 47. & 48. Layman in c. 3. hoc tit. n. 4. Pirhing loc. cit.* nisi constet e.g. ex Notarii relatione à contrahentibus vocatam, & rogatam esse; nam testes instrumentarii alias non idonei, modo non omnino sunt inhabiles ad actus publicos, per ejusmodi rogationem partium idonei fiunt, eo quod illæ favori huic suo renuntiare possint, 3. In testamento solemnni § *testes autem 6. Inst. de testam. ordin.* Proceditque hoc, etsi partes consentiant; quia solemnitates testamentorum ob publicum favorem sunt introductæ, ut colligitur ex *l. nemo 55. ff. de legat. 1.* ubi dicitur, quod testator *cavere non possit, ne Leges in testamento suo locum habeant.* Excipitur, quando in tali testamento adhibetur clausula codicillaris; tunc enim valebit ut codicillus; in codicillo enim & aliis ultimis voluntatibus minus solemnibus fœmina secundum communem adhiberi ut testis potest. Denique in ceteris casibus, ubi mulier pro teste admittitur, semper minus probat, quam masculus. & hinc si ex una parte sint duo masculi, ex alia due fœminæ, masculorum testimonium prævalebit. Abb. *in c. forus cit. nu. 3. Layman in c. 3. hoc tit. n. 5. Vvagnereck in c. 2. eod. not. 3.* quod maximè verum est, quando causa, quæ agitur, est ardua, & magni momenti; quia tunc, etiam admittatur, ob mutabilitatem tamen, & inconstantiam censeri non debet esse testis omni exceptione major. Layman *loc. cit. n. 1. Farin. q. 59. cit. n. 37. & 38.*

4. In causis universitatis ii, qui sunt de corpore universitatis: ubi tamen utendum distinctione insinuat cap. *in super 6. hoc tit.* & videndum, an causa universitatis solius communitatis commodum universale spectet, uti sunt theatra, prætoria, stadia &c. vel cum agitur de legato civitati relicto pro ædificiis extruendis, vel Ecclesiæ pro ejus reparatione &c. an verò spectet etiam commodum particulare singulorum, & conf. cum alicujus, vel aliquorum utilitate conjuncta sit, ut quando agitur de prædio spectante ad communitatem, unde singuli de collegio vivunt, si de pascuis, aut silvis cædendi, in quibus singuli oppidani jus pascendi, aut ligna cædendi habent &c.

Si hoc secundum, tunc ii, qui de communitate sunt, non



non sunt testes idonei in ea causa; qui testificarentur in causa quodammodo eorum propria, cum in effectu agatur de proprio eorum commodo. *Felin. in cap. insuper cit. num. 6. Gonzal. ibid. num. 7. Farin. prax. q. 60. num. 496. Pirh. hic n. 102.* Limitant responsum hanc *Gonzal. loc. citat. n. 6. P. Konig hic num. 38. P. Schmier Process. Judic. c. 9. n. 31. & 32.* si communitas sit profana; nam si Ecclesiastica sit, sive Clericalis, sive Regularis, possunt probabilius Clerici, & Religiosi in causa communitatis attestari, tamen, quod ex redditibus, & proventibus Ecclesiæ, vel Monasterii sustententur, commodum ex illa causa directe sentiant. Quod saltem verum est casu, quo testes extranei plane deficiunt, & is, qui testimonium dicturus est, vicem Procuratoris, Advocati in causa Ecclesiæ, vel Monasterii sui non sustinet. Ratio est tum, quia Ecclesiæ, vel Monasterii iura nemo melius perspicere habet, quam ipsi Clerici & Religiosi; tum quia ob statum suum non præsumuntur ita facile se contaminaturi perjurio. Quibus accedit *Authoritas Juris c. insuper cit. c. cum nuntius 12. hoc tit. & c. etsi Christus 26. in fin. de jurejur.* in quibus aperte, & generaliter declaratur, quod Clerici, & Religiosi in causa suæ Ecclesiæ, & Monasterii possint testimonium ferre, iis tantum exceptis, qui in tali casu tanquam Procuratores ad agendum, vel respondendum designantur.

60 Si primum, & causa civilis sit non valde ardua, produci possunt, & fidem faciunt testes producti ex ipso corpore Universitatis. *Abb. in c. insuper cit. n. 2. Felin. ibid. num. 1. Barbof. num. 2. & seqq. Laym. n. 1. & seqq. Gonzal. a. n. 4. Farin. prax. q. 60. n. 450. & seqq. Hiltrop. p. 3. tit. 9. c. 2. n. 10. Vvesenbec. ff. hoc tit. n. 3. Zoef. hic n. 4. Pirh. a. n. 99. Engl n. 37. Konig n. 32. & novissime Ill. mus D. Vincent. Petratom. 2. comment. fol. 407. numer. 25.* Patet aperte ex textibus *cit. n. prae.* Ratio est, tum quia, ut dictum est, ea, quæ Universitatis sunt, melius, quam alii, imo fere soli sciunt; tum quia nullo Jure prohibentur: nam si prohiberentur, prohiberentur, quia viderentur testificari in causa propria. Non autem in causa propria testificantur; nam aliud jus est Universitatis, & aliud jus singulorum: imo contraria sibi sunt, ut colligitur ex *l. sicut 7. § 1. ff. quod cujusq. univers. nom. ibi; Siquid Universitati debetur, singuli non debetur, nec quod debet Universitas, singuli debent.*

*Extenditur hoc* 1. etiam ad Prælaturum, ut is testis esse possit in causa suæ Ecclesiæ, vel Monasterii, ut colligitur ex *c. insuper cit.* nisi aut per se, aut per Procuratorem à se constitutum agat eandem causam; tunc enim censetur testificari in causa propria. Si tamen Procurator, qui causam Universitatis agit, sit constitutus à Prælato, & Conventu simul, nihil impedit Prælaturum in ea causa testificari; quia adhuc Procurator censetur agere causam non Prælati, sed communitatis. *Extenditur* 2. ad membra cujusvis alterius communitatis, vel Universitatis, nisi valde parva illa sit, & paucis admodum membris constans; tunc enim, qui à communitate in testem producit, censetur domesticus, & familiaris, qui ut *n. 35. dixi,* prohibetur testimonium dicere pro domo sua. *Extenditur* 3. etsi aliquod modicum commodum ex illa causa redundet in singulos; nam si testes sint talis integritatis, ut excludant à se suspicionem pejerandi pro exigua illa utilitate, admittendi sunt. *Card. de Luca de Judic. Disc. 32. n. 46. Cæsar de Grassis de testib. decis. 81. n. 8. Petratom. 2. cit. fol. 410. n. 32.* Hoc autem interesse quale, & quantum esse debeat, relinqui debet arbitrio Iudicis, ut idem *Petrat. l. cit. notat.*

61 Dixi autem 1. in causis Civilibus; nam in causa Criminali membrum Universitatis non potest adduci pro Universitate, ut notat *Abb. in c. insuper cit. n. 3. Felin. ibid. n. 4. Farin. q. 60. cit. n. 508. Pirh. n. 103.* Ratio est, quia cum ejusmodi causa sit valde ardua, & maximi præjudicii, exactissimæ probationes ordinariè requiruntur. Tales autem non sunt plerumque, quæ à membris Universitatis habentur, ut paulo post dicitur. Dixi 2. si non sit valde ardua; nam si causa Civilis valde ardua sit, testes ex eodem Collegio adducti repellendi sunt; quia æquiparatur causæ criminali. *Felin. loc. cit. n. 5. fin. Farin. n. 521. Gonzal. in c. insuper cit. n. 7. Pirh. hic n. 103. Card. de Luca de Judic. disc. 32. n. 46. Petratom. 2. cit. n. 409. n. 31. vers. imo multoties.* Talis causa valde ardua esset, si ageretur

de præeminentiis, Jurisdictionibus, & aliis rebus honorificis ipsius Universitatis, & signanter in causis confinium inter unam, & alteram Universitatem. Ratio est, quia in his majorem affectionem, & (ut verbis *Card. de Luca loc. cit. utar*) rabiem habent, quam in propriis, & peculiaribus causis; Hoc autem intelligendum est, quando lis est Universitati contra extraneum; nam si Universitas e. g. Capitulum ageret contra Prælaturum, vel Canonicum ex suo gremio, etiam in causa criminali, vel civili valde ardua potest in testem produci alius Canonicus. *Felin. n. 4. Vvagnereck ibid. not. 3. Dixi 3. fidem faciunt:* intellige, non omnimodam; nam ejusmodi testes, ex corpore Universitatis producti, in causa ejusdem non sunt testes omni exceptione majores, quia negari non potest, quin aliqua affectio inest ei, qui pro jure patriæ, aut Universitatis, cujus pars est, testificari debet. *Farin. n. 536. Vvagn. loc. cit. not. 2. Vviesl. hic n. 34.* Hinc si ex adversa parte duo testes de contrario deponant, his major fides habebitur. *Excipe,* nisi agatur de gestis per ipsam Universitatem, vel Collegium, puta de electione, tractatu, vel consensu Capitulari in alienationem; hæc enim melius nosse censentur ii, qui sunt de Collegio, ideoque testes magis idonei reputantur. *Laym. in c. insuper cit. n. 5. Gonzal. ibid. n. 9. Farin. n. 539. Petratom. loc. cit. n. 31.* Cæterum quanta fides in quovis casu ejusmodi testibus de corpore Universitatis productis, adhiberi debeat, statui regula universalis non potest, sed arbitrio Iudicis relinquendum est, qui consideratis personis, & negotiis, affectu, & interesse proprio, aliisque circumstantiis, quod æquum fuerit, statuerit.

5 Denique nemo est Testis idoneus in causa propria. 62 *Vivian. in cap. insuper 6. hoc tit. Hiltrop. p. 3. tit. 9. c. 2. n. 7. Vvesenbec. ff. hic num. 3. Hent. Canif. in c. 1. eod. num. 24. Vallenf. §. 2. num. 6. Zoef. n. 4. Pirh. n. 79. Engl n. 39. Konig n. 31. & novissime R. P. Schmier Process. Judic. c. 9. n. 28. & habetur l. nullus 10. ff. & l. omnibus 10. C. hoc tit.* Ratio est, quia testis debet carere omni suspitione falsitatis. Hac non caret testis in causa propria; nam quilibet præsumitur magis affectus esse erga suam causam, quam erga alienam. Dicitur autem in causa propria testificari ille, ad quem emolumentum, vel damnum ex causa pertinet, ita, ut si testificetur, percipiat commodum, si id non faciat, patiarur damnum. *P. Vviesl. hic num. 30.* cum communi. Ex hoc capite repellitur.

1 Qui consimili morbo laborare à partes adversa convictus est, seu qui habet causam consimilem ei, ad quam testis producit *c. personas 20. hoc tit.* Ratio est; quia non aliter testimonium dicturus præsumitur, quam in favorem partis, cum qua similem causam, seu litem habet, ne videlicet præjudicet causæ. Hinc etiam repellitur Iudex à judicando, si similem cum partibus causam habeat, ut colligitur ex *c. causam quæ 9. de Judic. & advertit Vivian. in c. personas cit.*

2 Heres in illo Testamento, in quo ipse constituitur hæres §. sed neque 10. *Inst. de testam. ordin. l. qui testamento 20. princ. ff. qui testam. fac. poss.* Ratio indicatur §. cit. quia hoc totum negotium, quod agitur testamenti ordinandi causa, creditur inter testatorem, & heredem agi; nemo autem potest esse testis in negotio, quod cum alio gerit, & quod suum, non alienum esse cognoscitur. Dixi Heres, nam Legatarius (idem dic de fideicommissario particulari) non prohibetur esse testis in testamento, in quo ipsi legatum relictum est *l. qui testamento cit. & §. legatariis 11. Inst. tit. cit.* ubi etiam ratio additur; *quia non juris successores sunt,* h. e. non jure directo, & universali titulo succedunt, sicut Hæredes, sed tantum rerum sibi legatarum successores sunt. *Neque obstat,* quod Legatarius ex testamento reportet commodum; nam hoc speciali favore Legatariis concessum est; & hoc ideo, quia cæteris testibus invitis negotium geri potest, testamentarii autem sunt, & debent esse voluntarii, & rogati; nemo autem facile adduceretur ad ferendum testimonium, si ex testamento nihil consequi posset.

3 Iudex in causa, quam judicat, vel judicavit *can. nullus 1. & can. seq. caus. 4. q. 4. c. forus 10. vers. in omni de P. S. c. dilecto 40. hoc tit.* & hoc tum ob præsumptam affectionem; tum quia Iudex actor, reus, & testis in Iudicio debent esse distinctæ personæ. Hinc si testimonium Judi-



Judicis delegati sit necessarium parti, debet is removeri à judicando, & alius subrogari, si ita pars, quæ testimonio illius indiget, petat, ut bene advertit Abb. in cap. dilectio cit. num. 3. not. 3. Vivian. ibid. in ration. Pirh. hic num. 88. Ratio est, quia probationum copia est favendum; facilius autem reperiuntur 100. Judices, quam unus testis. Gloss. in cap. 35. vers. cum sint de Offic. deleg. quare ne jus partis ex defectu probationum pereat, per alterius Judicis substitutionem eidem succurri debet. *Proceditque hoc* 1. ut ne quidem in secunda instantia admittatur testis, qui Judex fuit in prima; quia præsumitur affectus erga causam, quam judicavit, velleque tueri suam sententiam. *Procedit* 2. de arbitro; quia arbitria ad Judiciorum formam redacta sunt, & quia non minorem arbitri affectionem ad causam habere censetur, quam Judex. *Procedit* 3. etiam de Assessoribus ob similem affectionem.

4 *Aktor* in causa, quam ipsemet agit, *can. nullus* 1. & *can. seq. caus. 4. quæst. 4. cap. forus* 10. vers. in omni de V. S. quia causa illa est propria actoris, qui ob affectionem erga illam merito suspectus est. Ideo dicendum de denunciatore, si denuntiet judicialiter, & in causa gravi, & multum præjudiciali. Abb. in cap. 4. hoc tit. num. 4. Laym. ibid. n. 2. Farin. q. 62. cit. num. 75. *Proceditque hoc*, si privata sit denuntiatio, si publica; nam si privata est, proprium interesse spectat; si publica, ad poenam, & vindictam. de eo, qui desertur, sumendam fere, ut accusatio, tendit, & hinc ut accusator, ita & ipse testis esse non potest. Dixi autem, si denuntiet judicialiter; nam si Evangelice, aut etiam Canonice alterum denuntiet, admittitur, tanquam non specialiter affectus ad causam, utpote quæ non ipsius, sed denunciari, cujus utilitatem specialiter intendit, est propria cap. in omni 4. & ibi Barbosa num. 5. hoc tit. Addidi in causa gravi; nam in criminibus levibus, si denunciator non alio ex capite suspectus sit, adhiberi potest ut testis, ita, ut cum uno, vel pluribus aliis testibus probet delictum, & exinde sententia condemnatoria ferri potest. Abb. in cap. 4. hoc tit. n. 4. Laym. ibid. n. 3. Pirh. n. 86. Quod maxime verum est, si denunciator sit Officialis ad observanda, & denuncianda crimina deputatus; nam huic major habetur fides. Hinc si cum Juramento testificetur vera esse, quæ denuntiat, & reddat causam scientiæ, v. g. quia oculis vidit, etiam in gravioribus fidem facit, poteritque super ejus dicto formari inquisitio, quæ ex denuntiatione denunciatoris privati, nisi alia accedant indicia, formati non potest.

5 *Procurator*, vel *Advocatus* in causa, quam procurat cap. dilectio 4. hoc tit. cap. fin. eod. in 6. l. ult. ff. dict. tit. *Proceditque hoc* 1. et si paratus sit deponere, vel deposuerit munus Procuratoris, vel Advocati; quia nihilominus censetur affectus esse ad causam, quam semel agendam, vel defendendam suscepit. *Procedit* 2. ut neque testis esse possit in secunda instantia cap. fin. cit. quia licet causa appellationis secundum quid sit diversa à principali, simpliciter tamen est eadem. *Procedit* 3. etiam de Tutore, & Curatore in causa sui pupilli, vel minoris; item de Administratore, & Syndico; nam & ipsi commodum aliquod, vel honorem saltem, aut gratiam inde consequi possunt.

6 *Mediator* in negotio, in quo fuit mediator cap. mediatores 1. hoc tit. in 6. quia affectus censetur ad negotium illud perficiendum, confirmandum, & approbandum. *Excipitur* 1. si ambo litigantes contentiant. 2. Si de veritate aliter constare nequeat. 3. Si mediator adhibeatur non ad probandum validitatem contractus, sed ad hunc infirmandum; quia tunc cessat suspicio affectionis.

7 *Fidejussor* in causa, in qua fidejussit, contra creditorem debitoris, pro quo fidejussit arg. l. à sententia 5. princ. ff. de appellat. & l. ideo 3. ff. de compensat. *Proceditque hoc*, et si debitor solvendo sit. Ratio est, quia de illius commodum agi videtur; nam fidejussoris interest, quod agitur in causa debitoris.

8 *Venditor* pro emptore, donator pro donatario, cedens pro cessionario; quia tenentur de evictione l. ex empto 11. ff. de action. empt.

9 *Socius* siue omnium bonorum, siue partis tantum, communis tamen, pro Socio; quia ad sui utilitatem deponeret, cum commodum, & detrimentum sit commune, & utriusque eadem sit defensionis causa.

Schmalzgrueber Tom. II.

10 Denique omnes illi, qui ex testimonio ferendo commodum, aut si non testificentur, damnum reportare possunt, nisi illud sit modicum; nam tale si sit, pejeraturi ob illud non præsumuntur.

### §. III.

De Numero, Productione, & Juramento Testium.

### S U M M A R I U M.

- 68 Ordinariè sufficiunt duo testes.
- 69 Regulariter unus non sufficit.
- 70 Exceptiones.
- 71 Debent esse omni exceptione majores.
- 72 73 Modus, quo testes produci debent.
- 74 Materia.
- 75 76 An super Secreto?
- 77 Quam fidem faciat testis non citatus?
- 78 Regulariter non admittuntur, nisi tres productiones.
- 79 80 81 Exceptiones.
- 82 Recipi debent lre contestata, & parte adversa citata.
- 83 Qua non necessario est citatio peremptoria.
- 84 Quid faciendum, si non compareat?
- 85 Sumptus dare debet ipse producens.
- 86 87 Quomodo à Testibus debeat præstari Juramentum?
- 88 89 An ob omnibus?
- 90 91 An possit remitti?

Quæritur 1. quot requirantur Testes ad probandum? 68  
Resp. ordinariè ad probationem rei gestæ requiruntur, & sufficiunt duo testes idonei, & omni exceptione majores. Constat ex Deut. 17. vers. 6. & 19. vers. 16. Matth. 18. vers. 17. ubi dicitur, quod in ore duorum, vel trium testium stet omne verbum. Consonat utrumque Jus: Canonicum quidem can. si testes 3. §. ubi numerus caus. 4. quæst. 3. cap. in omni 4. & cap. licet 23. hoc tit. Civile autem l. ubi numerus 12. ff. & l. jurisjurandi 9. Cod. eodem. Ratio est, quia difficile est duos ita corrumpere, ut non ex aliquo signo appareat falsitas.

Dixi 1. Ordinariè sufficere: sunt enim casus, in quibus SS. Canones, & Jura Cæsarea ad quandam solemnitatem requirunt majorem numerum. Et 1. quidem in Testamento solemnī, ubi septem, & in Codicillo, ac aliis voluntatibus ultimis, ubi quinque desiderantur. 2. Cum quis debitum in scriptis relatum sine scriptis probare vult se exsolvisse; quia tunc adhiberi debent quinque testes idonei l. testium 18. Cod. hoc tit. 3. In causa matrimonii propter impotentiam dissolvendi; quia ad hanc probandam necesse est, ut tam vir, quam mulier cum septem propinquis, aut vicinis jurent, quod invicem cohabitando matrimonium consummare nequiverint cap. laudabilem 5. & cap. littera 7. de frig. & malef. 4. In Purgatione Canonica, in qua requiruntur plures, quam duo, quod ibidem testes compurgatores jurent de credulitate tantum can. si legitimi 13. can. omnibus 19. caus. 2. quæst. 5. cap. cum P. 10. de accus. cap. inter sollicitudines 10. & c. cum in juventute 12. de purg. cau. 5. Olim contra Præfulem, seu Cardinalem Episcopum testes 72. contra Presbyterum Cardinalem 44. contra Cardinalem Diaconum 27. contra Subdiaconum, Acolythum, Exorcistam, Lectorem, & Ostiarium septem requirebantur, ut condemnari possent can. Præsul 2. & can. seq. caus. & quæst. cit. quod tamen hodie teste Pirh. hic num. 108. & Konig num. 69. non amplius observatur, præterquam quod etiam nunc perfectiores, & pleniores probationes requirantur adversus Clericos, quam seculares, præsertim ubi agitur de illorum fama, ut recte observat Konig loc. cit. Plures alios casus referunt Durand. specul. de teste §. 11. à n. 1. Everhard. de testib. p. 6. c. 3. n. 5. Farin. prax. q. 63. à n. 239.

Dixi 2. ordinariè requiri duos testes; nam regulariter unus testimonium non sufficit, nec facit plenam fidem, ut inde ferri sententia possit, prout sumitur ex Deut. 19. vers. 15. & deciditur cap. veniens 10. cap. licet 23. & cap. cum à nobis 28. hoc tit. item l. jurisjurandi 9. Cod. eod. Ratio est, quia plerumque periculum subest, ne unus homo non satis sincere deponat, vel non satis vere, cum facile aut per errorem decipi, aut ex



malitia & sua, & aliorum corrumpi possit. Hinc Jura præclusura viam fraudibus absolutè statuerunt uni testi non esse credendum; & propterea regula apud Jctos est; *Dictum unius dictum nullius. Et extenditur hoc* 1. ad testem quemlibet, etsi omni exceptione major, & præcellentis sit dignitatis; nam etsi talis depositione sua semiplenam probationem faciat, non tamen plenam, nisi aliis adminiculis adjuvetur. *Extenditur* 2. etiam si non agatur de illius commodo, vel incommodo. *Pirh. num. 111. Extenditur* 3. ut neque statuto, vel consuetudine, aut constitutione Principis, vel ipsius Papæ generaliter induci possit, ut in quibuscunque controversiis ad alteram partem convincendam sufficiat unius testimonium; quia videtur repugnare Juri Divino, & aperiret occasionem liberam calumniandi, pejerandi, & innoxios opprimendi, *Barbos. in cap. in omni* 4. *hoc tit. num. 3. Vvagnereck in cap. 10. eod. V. nec unius testimonium, Pirh. num. 110.* Neque obstat *cap. in omni cit.* ubi videtur dici, quod principalis persona, quæ aliquid affirmat, si habeat unum testem, plenè probet; nam hoc intelligendum est procedere in causa denuntiationis, quæ sit ad correctionem alicujus delinquentis, ubi ipsius denuntiantis nullum interesse, vel commodum versatur.

70 Sunt tamen casus non pauci in quibus unicus, & singularis testis admittitur, eique creditur. Et 1. quidem in causis, quæ in nullius præjudicium, sed in alicujus, vel aliquorum favorem cedunt, ut cum queritur, an Ecclesia aliqua sit consecrata, an moribundus petierit confessarium, an defunctus fuerit baptizatus, Catholicus &c. an quis legitimam ætatem habeat ad suscipiendos SS. Ordines, an sit Clericus, Doctor &c. *Fagn. in cap. 33. hoc tit. num. 5. Laym. ibidem num. 3. Barbosa in cap. 4. cit. num. 6.* Idem dic, cum leviores sunt causæ, & Summarie, in quibus non agitur de magno præjudicio tertii. 2. in causa matrimoniali, quando agitur de impediendo matrimonio ob impedimentum dirimens; nam si sola mater sponsi, vel sponsæ asserat intercedere consanguinitatem inter illos, conjungi non debent, ut habetur *c. super eo 22. hoc tit. & notant ibid. Vivian. in Ration. V. & ad dictum, Laym. num. 3. Barbos. n. 9. Vvagn. not. 1.* Ratio est, quia per depositionem unius testis res dubia redditur; in tali autem dubio tutius est abstinere à matrimonio, quam ut illud sorte nulliret contrahatur, & cognito impedimento separati debeat. 3. pro foro conscientie, & ad effectum evitandi peccatum, modo fama, & contraria testimonia non adsint. Hinc si quis asserat certo loco privilegium esse per Quadagesimam comedendi lacticia, potest hoc audiens, si fide dignus sit ille, qui dixit, frui privilegio illo. *Konig num. 62. 4. si agitur de rei defensione, & probanda ejusdem innocentia, modo in contrarium non stent alii testes; alias istis crederetur, si idonei forent, quia, ut Stephanus Papa V. can. admonere 8. caus. 33. quest. 2. relatus inquit, nec Evangelium, nec ulla Divina. humanaque Lex unius testimonio etiam idoneo quempiam condemnat, aut justificat. 5. si utraque pars litigantium consentiat, ut in certo aliquo negotio unius certæ personæ testimonio habeatur fides. Mynsing. cet. 5. obs. 26. qui hoc ipsum ait observatum in Camera. 6. si testator in testamento cavit, ut in rebus hereditatem spectantibus unius declaratione stetur l. Theopompus 18. ff. de dot. prælegat. 7. si alicujus peregrinæ linguæ peritus scripturam illa exaratam interpretetur, & alii interpretes haberi nequeant l. stipulatio 1. §. fin. ff. de V. O. 8. si Officialis, aut Minister publicus testetur de actu à se gesto, ut si Notarius de instrumento à se confecto, apparitor de citatione insignuata *cap. cum parati 19. & ibi Gloss. V. sans nuntius de appellat. 9. si artifex peritus in sua arte ferat judicium, & censuram circa objectum suæ artis, & plures periti in eodem loco facile haberi nequeant; hinc creditur Chirurgo testificanti, an vulnus fuerit lethale, vel non. Barbosa in cap. 4. hoc tit. num. 30. 10. si summus Pontifex, Imperator vel alius Princeps, superiorem non recognoscens, de re, aut facto aliquo perhibeat testimonium. Haun. tom. 5. de J. & J. tr. 4. n. 284. Videantur Durand. Specul. tit. de teste §. 11. à n. 7. Farin. prax. quest. 62. à num. 18. Barbosa in c. 4. cit. n. 4. & seqq. Pirh. n. 110. & seqq. Engl n. 58. Konig à n. 60. Vviesl. num. 70. & 71.**

*Dixi 3. quod debeant esse idonei, & omni exceptione majores, h. e. tales, quibus nec ratione personæ, nec ratione dicti quidquam ad minuendam fidem opponi possit; nam si aliquid ex alterutro capite opponiisdem possit, quod fidem minuat, etiam minuet probationem, nisi accessu aliorum testium, vel adminiculorum defectus suppleatur. Porro quid ratione personæ opponi eisdem possit, §§. præced. declaratum est. Ratione dicti opponi eisdem potest, quod sufficientem dicti causam non reddant, præsertim ubi hoc ab ipsis exigit Judex; item quod sint singulares, sibi contrarii, vacillantes, vel de auditu tantum, ubi requiruntur testes de visu, aut deponentes de credulitate, ubi opus est, ut deponant de scientia &c. de quibus §. sequent. à n. 134.*

Quæritur 2. quomodo productio testium fieri debeat? 72 Resp. fieri solet in istum modum. Postquam Reus ad Positionem Actoris negativè respondit (idem est, si actor negativè responderit ad exceptionem Rei) & sic litis contestatio facta est, datur à Judice utrique parti Dilatio Probatoria, ut eo tempore conquirere sibi instrumenta, & testes possit, actor ad probandam intentionem suam, reus ad probandas exceptiones à se contra actorem, & ejus intentionem factas.

Elapso Dilationis tempore, ut tum in Curia Romana, tum in aliis bene constitutis Tribunalibus, & Districtibus Germaniæ, maximè in Camera Imperiali observatur, probaturus per Testes, sive actor sit, sive reus, Judici scripturam offert, qua capita intentionis suæ complectitur, super quibus testes examinari velit. Hæc scriptura in Jure nomine *Articulorum* venit; Articuli autem isti hodiernis moribus sunt ipsæ Positiones ab Adversario negatæ. Formantur hoc modo: *Intendo probare, quod fundum talem emerim tali die, tali loco, tali pretio a Titio possessore fundi, quod ostendam his instrumentis, his testibus, quos etiam in scriptura nominat.* Adhibetur scriptura, cujus observantiæ hæc est utilitas, quod inde securior reddatur producens testes, & sperare certius possit eosdem melius de rebus ad causam pertinentibus examinandos; juvatur etiam hac scriptura Adversarius ad tormanda melius interrogatoria, & præmuniendum se adversus producentem. Si in scriptura ista producens testes plures articulos exhibuit, de quibus tamen omnibus testes omnes non habent notitiam, consuetudinis est, ut hoc ipsum indicetur à producente, & in eadem scriptura significet, qui testes hujus, qui alterius articuli notitiam habeant, ne Judex superfluo labore in examinandis testibus super omnes articulos fatigetur, & Processus prolongetur sine fructu.

Sic concepram scripturam, & Articulos ubi Judex ab 73 actore accepit, eos reo communicat in eum finem, ut si aliquas exceptiones habeat sive contra Personas testium, sive contra ipsos Articulos, opponere illas possit, vel si non habeat exceptionem, quam opponat, ut formare saltem interrogatoria sua possit, quibus exploret, an testis mereatur fidem, habeatque sufficientem negotii principalis notitiam; estque consuetudine introductum, ut is, contra quem testes producuntur, petat terminum, eumque brevem, quo deliberare de exceptionibus opponendis, & concipere interrogatoria illa possit.

Lapso termino exceptiones, & interrogatoria in scripto offeruntur Judici, qui exceptiones quidem iterum actori communicat, non vero interrogatoria, & hoc ideo, ne testes subornare, & circa illa instruere valer. Unde iis receptis, exceptionum quidem examen, si non absolutè testem à testificando repellant, plerumque rejicit ad finem causæ, de interrogatoriis autem nullo indicio actori facto, testes ab accusatore, vel actore nominatos citabit, & coget coram se certo die comparere, si in illos Jurisdictionem habeat; vel si Jurisdictionem in illos non habeat, quia v. g. habitant extra territorium Judicis, vel alias à Jurisdictione illius, exempti sunt, per Litteras, quas vocant *Mutui compassus*, requirit Judicem, cui testes subjecti sunt, ut ipse testes vel cogat venire ad locum Judicii (quod in criminalibus de Jure communi est necessarium) vel ut ipse testes super Articulis, & Interrogatoriis rite examinet, & depositiones illorum clausas, & sigillo suo munitas sibi transmittat. Quod maximè servatur in Clericis, qui



qui nec à Judice Laico citari possunt, nec ad illum ab Episcopo suo dimitti, sed ab hoc, vel ipsius Commissario examinari debent *can. quaquam 2. caus. 14. q. 2.* Ita communis Curiarum, & Tribunalium Stylus.

74 Dub. 1. quæ sit materia, & objectum, super quo testes produci possunt? Resp. est factum ipsum causarum Civilium, vel criminalium, & Articuli actoris, seu Interrogatoria Rei; nam super his testes à Judice examinari debent, & deponere testimonium, ut patet ex modo dictis.

Difficultas est, an testificari quis possit de iis, quæ novit sub secreto; quæ solvi debet ope distinctionis inter Secretum Sacramentale, & naturale.

De his, quæ aliquis novit sub *Secreto Sacramentali*, nemo in ullo unquam eventu, aut quavis utilitatis specie sine expressa pœnitentis licentia testificari potest, aut ullo modo id revelare; ut omnium Catholicorum est certa, & indubitata sententia; imo eo casu Confessarius etiam Juridice interrogatus poterit dicere se nihil scire; quia non dicitur scire ut homo, sed ut Deus, & ejus Minister.

75 Si *secretum* sit *Naturale*, videndum est, an illud specialiter alicui commissum, vel an nudum id sit, & non commissum, e. g. quia vidisti aliquem delinquentem, & ex post facto juratus promissisti te non revelaturum. Si hoc posterius, non obstante promissione jurata, teneris Judici legitime de hoc interroganti crimen id revelare, ut deciditur *c. intimavis 18. & c. constitutis 45. hoc tit.* Ratio est, quia promissio tua, etiam jurata, præjudicare non potest juri, quod Judex habebat jam ante promissionem tuam interrogandi te de ea re. Si prius sit, & secretum commissum tibi sit, tunc que promiseris celerationem illius expresse, vel tacite, non potes id patefacere, aut testificari de illo, etsi Judex sub juramento interroget, & delinquens labore infamia circa id crimen, quod is tibi commisit secreto. Colligitur ex illo *Prov. 11. Qui ambulat fraudulenter, revelat arcana; qui autem fidelis est, celat amici commissum.* Ratio est, quia servare secretum commissum est Juris naturalis, cui præjudicare nequit Præceptum Judicis. Idem dicendum, si quis notitiam secreti accepit per injuriam, v. g. litteras aperiendo, vel hominem vi cogendo ad aperiendum secretum; non minus enim ex delicto, quam ex pacto nascitur Justitiæ obligatio ad damnum non extendendum, sed potius refarciendum.

76 Excipitur, si ex occultatione secreti grave damnum Reip. & bono communi, vel etiam privata exsurgeret; quia v. g. delictum in futurum pendet, ut proditio, conjuratio in Remp. machinatio necis adversus innocentem &c. tunc enim, etsi juratus promiseris non de regere, teneris tamen detegere, & si Judex legitime interroget, de eo testificari: & ratio est, quia eo casu promissio, & juramentum non obligant, cum sint contra bonos mores, & in præjudicium Reip. aut tertii innocentis. Similiter manifestandum videtur Judici Secretum commissum, si qui commissum id sibi habet, ejusdem aliunde accepit notitiam; quia pactum de eo celando solum videtur se extendere ad notitiam, quæ ex eo secreto obtenta fuit. igitur si aliunde ejusdem rei notitiam haurias, non potes amplius id occultare legitime interroganti Judici.

77 Dub. 2. an fide dignus sit testis, qui non citatus à Judice in Iudicium venit, ac testimonium perhibet? Resp. cum distinctione: Vel enim testis ejusmodi precibus actoris inductus in Iudicium venit, & testimonium pro eo perhibet, vel irrequisitus à partibus ex solo veritatis, & Justitiæ Zelo. Si primum, à testificando repelli nequit. Si secundum, pro suspecto habetur, & testimonium illius non est omni exceptione majus. Ita Bartol. in l. post legatum 5. §. his vero 10. ff. de his, quæ ut indig. aufer. Mynsing. cent. 4. obs. 3. Hiltrop. p. 3. tit. 9. c. 6. n. 146. Haun. tom. 5. de J. & J. tr. 4. n. 82. Vvesenbec. ff. hoc tit. n. 2. Vvagn. in c. 1. eod. not. 1. Pirh. n. 128. Engl. n. 1.

Ratio primi membri est, quia non ultro se ingerit ad ferendum testimonium, qui alterius precibus ad hoc inducitur. Ratio secundi; quia ejusmodi testis, qui irrequisitus ad testificandum accedit, ostendit singulari affectu se illum prosequi, pro quo contendit deponere, & cons. ob affectionem ad causam, & personam merito

contra ipsum excipitur. Accedit, quia non præsumitur litigans tam obliviosus esse, ut nesciat, quinam rei, de qua agitur, notitiam habeant. igitur hoc ipsum, quod actor eundem non nominaverit, & pro teste produxerit in Iudicium, suspectum eundem reddit.

Excipitur, si præsumptio falsitatis elidatur per præsumptiones contrarias, desumptas ex personæ testantis qualitate, & circumstantiis reliquis. Hinc multis in casibus testis irrequisitus pro idoneo admitti debet, præsertim ubi agitur de defendenda alterius innocentia, aut peccato vitando.

Dub. 3. quoties testes produci possint? Resp. regulariter non nisi tres testium productiones fieri, & admitti possunt. Vivian. in c. in causis 15. hoc tit. Henr. Canis. ibid. n. 2. Laym. n. 4. Gonzal. n. 3. Barb. n. 1. Hiltrop. p. 3. tit. 9. c. 6. n. 30. Haun. tom. 5. tr. 4. n. 84. Vallens. hic §. 3. n. 18. Engl. n. 47. Pirh. n. 172. König n. 37. & constat ex c. in causis cit. c. significaverunt 39. c. ultra tertiam 55. hoc tit. & Novell. 90. c. 4. Ratio est, quia ex iterata sæpius productione restium oritur præsumptio, quod producens testes perscrutatus sit illorum dicta, & depositiones, & cum forte viderit, quod intentum non probent, idcirco vel novos, vel etiam priores, sed reproductos subornaverit, & instruxerit, quid deponere debeant, quod plurimorum incommodorum origo foret. Accedit ratio publicæ utilitatis, ut sc. effrenata testium multitudo eviretur, nec sub probationis prætextu lites diutius protrahantur cum magno tum Iudicis, tum litigantium incommodo, & sumptu. Hinc etiam l. testimonium 1. §. quaquam 2. ff. hoc tit. monet Arcadius Iudicem, ut numerum testium moderetur, nec plures, quam necessarii sunt, evocari patiatur: quod tamen ita faciet, ut (quod difficulter fiet) parti non innotescat, testes pro se jam sufficienter deposuisse; nam testium depositiones non debent innotescere partibus ante earum publicationem.

Dixi autem 1. tres testium productiones admitti regulariter; idque verum est, siue producantur super novis, siue super antiquis articulis, modo testificata priorum testium non didicerit illos producens *cap. constitutis 46. hoc tit.* & hoc, ut habeatur copia necessariorum probationum. Gonzal. in c. 15. hoc tit. n. 5. Excipitur si partes ulteriori probationi renuntiaverint; nam hoc si factum fuerit, alia productio non admittitur, nisi in duplici casu. Unus est, si fuerit appellatum; nam in causa appellationis, cum per eam rescindantur acta primæ instantiæ; non obstante renuntiatione facta in prima instantia, adhuc possunt produci testes. Alter est, quo adducere aliquis vult novos testes, quos prius ignoravit; nam si probaverit tunc ignorasse, quando ulterioribus productionibus renuntiavit, non prohibetur illos producere, ut bene notat Haun. tom. 5. tract. 4. num. 86. Ratio est, quia renuntiatio non præsumitur extendi ad ea, quæ quis ignorat. Conf. à paritate cum conclusione in causa, quæ, licet tacitam renuntiationem ulterioris productionis Instrumentorum contineat, tamen non impedit produci instrumenta de novo reperta, ergo nec renuntiatio testium, si nondum sit trina facta, aut terminus elapsus, impedit produci testes de novo, & insperato repertos.

Dixi 2. regulariter non admitti, nisi tres productiones testium; nam quarta in tribus casibus permitti potest. 1. si litigans uterque in ulteriorem productionem consentiat; quia cum juri pro se principaliter introducto renuntiare quilibet possit, cum partium consensu, quarta, imo etiam quinta testium productio fieri potest. Potestque renuntiatio hæc esse vel expressa, vel tacita, qualiter renuntiasse censetur, qui vivens quartam productionem testium fieri ab Adversario sine solemnitate Legali, non contradicit. 2. si accedat solemnitas Legalis, quæ in hoc consistit, ut pars eam petens juret, quod attestations testium nec lux, nec adversæ partis, nec per se, nec per alios supprefferit, aut occultaverit, quod depositiones testium non exploraverit, & quod quartam hanc productionem non petat malitiose, ut habetur *cap. in causis, cap. significaverunt, & cap. ultra tertiam cit.* & præter n. 78. relatos docent Vvesenb. ff. hoc tit. n. 5. Vvagn. in c. ultra tertiam cit. Zoel. hic n. 22. Sannig c. 3. n. 10. Ratio est, quia Iurisjurandi religio omnem finistram suspicionem abolet. Et hoc adeo verum est, ut casu, quo quar-



quarta productio testium cum dicta solemnitate Legali à parte petita, & à Iudice denegata fuerit, licitum sit ab ea sententia interlocutoria intra decennium appellare; nam *indultum a Jure beneficium non est alicui auferendum*, ut habetur *Reg. 17. in 6.* conceditur autem parti litiganti à Jure quarta productio testium, ut est ostensum. ergo &c. 3. si alius suspicioni, aut præsumptioni subornationis locus esse non possit, seu quia testes alii, & alii continuo producti sunt, ita, ut eorum depositiones non potuerint explorari, vel cognosci à producente; seu quia testium productorum examen nondum est institutum; nam his casibus quarta productio testium etiam sine Juramenti solemnitate admitti potest, ut recte notat Abb. *in c. 15. hoc tit. n. 1. Felin. ibid. n. 2. Pirh. hic n. 176.* Ratio est, quia cessat periculum subornationis, quæ fuit causa adæquata Constitutionis prohibentis quartam productionem testium sine solemnitate Legali; cessante autem causa adæquata, ipsa etiam Constitutio cessare debet.

§1 Addidi *Quarta permitti*; quinta enim testium productio ne quidem cum solemnitate Legali danda est, ut notat Vivian. & alii supra relati; quia in hac multo magis urget ratio prius assignata, quam contra quartam productionem. *Neque obstat*, quod instrumenta in Iudicio quocunque tempore edi, & proponi possint, instrumenta autem & testes quoad probationem æquiparentur *l. in exercendis 15. C. de fid. instrum.* nam disposita est, quia in editione instrumentorum non est timor subornationis; unde etiam post publicatas attestaciones fieri potest. Duo tamen etiam hic excipiuntur casus. 1. si causa sit criminalis; nam in hac ad docendam innocentiam Rei etiam post attestaciones factas, & publicationem illarum alios testes licet producere *l. in criminibus 1. §. si quis 27. ff. de question. 2.* cum Iudex inquisitionem facit ex officio; nam in hac Iudex ultra quartam productionem, quancunque voluerit, potest testes producere. Ratio est, quia in Iudice subornatio testium timeri non potest, & ipse propter negotia, quibus implicatur, non potest simul, & semel testes vocare, & interrogare.

§2 Dub. 4. quomodo recipi testes debeant? Resp. 1. non est procedendum ad receptionem testium, nisi lite contestata, ut dictum est supra *Tit. 6. n. 1.* Ratio est, qui cum productio testium probationis quædam sit species, & probatio sit demonstratio rei, quæ ex Adversarii negatione sit dubia, sequitur necessario expectandam contestationem litis; nam ante hanc intentio actoris non negatur à reo convento. *Excipitur*, si iusta sit causa; nam hæc si adsit, non solum reus, sed etiam actor ante litis contestationem producere testes potest, ut dictum est *cit. Tit. à n. 2.*

2 Ad receptionem illorum citari pars adversa debet, ut statuitur *c. in nomine 2. hoc tit. & l. si quando 19. Cod. eod.* Ratio est, quia generaliter loquendo, quando agitur de alicujus interesse, semper is ad Iudicium vocandus est *l. de unoquoque 47. princ. ff. de re judic.* Quod ita verum est, ut etiam casu, quo citationes contra non citatum recipiuntur, tam ipsæ attestaciones, quam ea quæ dependenter ab ipsis sunt in Iudicio, sint ipso Jure nulla, ut evidenter patet ex *c. in nomine cit.* ibi *Nullus momenti Excipitur* 1. si periculum sit in mora; quia debitor de fuga suspectus est, vel testes in remotas partes discessuri, aut diu abfuturi, vel si senes aut ægtoti sint, nec pars adversa intetea citari, vel interesse possit. 2. si partes consentiant; quia liti suo renunciare possunt. 3. si agatur de crimine Hæresis; nam in hoc partis citationem supplet præsentia honestarum personarum, coram quibus ratificantur *cap. fin. de Heret. in 6.* 4. si agatur de peccato vitando, uti factum est *cap. praterea 12. de sponsal.* ubi ad depositionem unius testis lecreto, & occulto deponentis, sine citatione alterius partis, impeditur Matrimonium contrahendum. 5. denique in omnibus illis casibus, in quibus litis contestatio necessaria non est, receptio testium fieri potest, parte non citata.

§3 3 Hæc citatio non est necessario peremptoria, seu talis, qua Iudex comminetur parti citatæ se progressurum in negotio, si pars citata non compareat post intimatam citationem; sed sufficit una, & simplex, ut contra Decium, Baldum, & alios docet Henr. Canis.

*in c. 2. cit. n. 5.* & hoc teste verior sententia habet. *Ratio est*, quia peremptoria citatio tantum requiritur ad ingressum litis, & ad audiendam sententiam, in aliis autem actibus Iudicialibus sufficit una, & simplex citatio, nisi in capitalibus criminibus. Neque obstat *c. consuluit 24. princ. de offic. deleg.* quia ibi narratur factum, quod sc. Iudex peremptoriè citavit partem ad recipiendos testes: narratio autem facti non inducit dispositionem Iuris: Vel certe Verbum *peremptorie* referendum est ad sententiam, cui immediate in textu subiicitur, & in qua fateor requiri peremptoriam, aut, si mavis, trinam citationem; de quo late Abb. *in c. consuluit cit. à n. 1.*

4 Citatæ partes admitti debent, ut videant testes recipi, & jurate, non vero, ut audiant eorundem testimonia. Vivian. *in c. in nomine 2. hoc tit. & ibid.* Interpp. passim. Ratio est, quia Iudex testes examinare debet secreto *c. inquisitionis 2. de accus. c. venerabili 52. hoc tit. & l. nullum 14. Cod. hoc tit.* Neque obstat textus *cap. in nomine cit.* ibi; *Venire, & audire testes*; nam ut *loc. cit.* advertit Vivianus, verbum *audire* intelligi debet, ut pars audiat Iuramentum testium, non vero horum depositiones.

5 Si pars citata non compareat, distinguendum est, 84 an ob legitimum impedimentum non compareat solum ex contumacia, & culpa sua. *Si posterius*, in pœnam contumaciæ, & culpæ, etiam ablente parte, modo lis sit contestata, testes recipiuntur, & examnantur. *Si prius*, iterum distinguendum; Vel enim de impedimento hoc constat Iudici, & tamen recipit testes, vel impedimentum hoc ignoravit. *Si primum*, receptio, & acta omnia sunt ipso Jure nulla, ut cum aliis notat Abb. *in c. nomine cit. n. 11.* Gonzal. *ibid. n. 8.* Pirh. *n. 183. hic.* Ratio est, quia, qui ex iusta, & necessaria causa venire non potuit, non reputatur contumax, & cons. attestaciones contra ipsum receptæ non valant. *Si secundum*, receptio testium, & acta Iudicialia reliqua valent quidem, sed parte petente rescindi debent, saltem per restitutionem in integrum, si legitimum impedimentum probet *c. cum Bertholdus 18. de re judic.* Laym. *in c. 2. cit. n. 2. Pirh. loc. cit.*

Dub. 5. cujus sumptibus testium productio fieri debeat? 85 Resp. sumptibus producentis, sive deinde actor sit, sive Reus. Ita Gaill. *l. 1. obj. 99. numer. 1. Haun. tom. 5. de J. & J. tr. 4. n. 90.* Vvesenbec. *ff. hoc tit. n. 5.* Pirh. *hic n. 188. fin.* Engl. *n. 8.* Konig. *n. 38.* & habetur *c. statutum 11. §. pro ferendo de rescript. in 6. l. quoniam 11. & l. constitutio 16. C. hoc tit.* Ratio est, quia regulariter is sumptus præstare debet, cujus gratia actus celebratur.

Et hinc 1. si testes petegre, & extra domum evocentur, produens iis in accessu & recessu juxta qualitatem, & dignitatem personarum congruum suppetabit viaticum; neque in hoc ratio habebitur sumptuum, quos alias domi secissent, ut colligitur ex textibus *cit.*

2 Præter viaticum, si testis sit opifex, aut mercenarius, qui intetea, diurnas operas, quibus se, liberos, & uxorem alit, intermittere, & cons. etiam quotidiana mercede carere debeat, talis quoque intermissio æstimanda, & compensanda est; quia licet testimonium testi non debeat esse lucro, non tamen debet ipsi esse nocumento, contra regulam, quod officium suum nemini debeat esse damnosum.

3 Hos tamen sumptus victus victori refundere cogitur, nisi compensatio expensarum utrinque facta sit, eo quod victus etiam ipse iustam litigandi causam habuerit. Gaill. *loc. cit.* & habetur *cap. finem luitibus 5. de dol. & contum. & l. proferendum 13. §. sive autem 6. C. de Judic.*

Quæritur 3. quomodo procedatur ad Iuramentum testium? 86 Ante omnia, postquam producti testes, partes citatæ, & præsentis fuerint, Iudex ut monet Hiltrop. *proceff. Judic. p. 3. tit. 9. cap. 4. numer. 5.* & præscribit *Ordin. Cur. Monast. p. 2. tit. 16.* solemniter, & cum quadam gravitate, ac severitate, capite aperto instruit testem de dicenda veritate, ne illam favore, vel odio celet, & revocabit in memoriam gravitatem, ac pœnas Perjurii; tum ad Iuramentum ipsum proceditur. Porro Iuramentum hoc fieri debet.

1 Ante omnem actum testimonii *cap. fraternitatis 17. hoc tit.*



*hoc tit. l. jurisjurandi 9. Cod. eod.* Ratio est, quia ante depositionem jurare jussus ob Juramenti Religionem non præsuntur testis falsum dicere, sed postea jussus jurare forte ob vetecundiam, & metum infamiae contrarium ei, quod prius deposuerat, dicere non audebit.

2 In præsentia utriusque partis, si modo pars vocata contumaciter non abfuerit. Patet ex *c. in nomine 2. hoc tit. & dictis n. 82. & 83.*

3 Coram Judice causæ, vel Instantiæ, aut hujus Commissario; nam Examen testium delegare Judex alii potest, ut *infran. 99.* dicitur, idem autem Juramentum recipit, qui examinat. Excipiuntur Clerici; nam hi in causis Laicorum non coram Judice Laico, sed coram suo Episcopo, vel Prælato jurant, vel cui is commiserit *can. quanquam 2. caus. 14. q. 2.*

4 In loco Judicii. Excipiuntur tamen personæ valetudinariæ, senes, vel debilitate confectæ, quæ domi suæ jurant, & deponunt coram Commissario *c. si qui 8. hoc tit.*

87 5 Tactis Evangeliiis; alias de Jure communi non probat *can. hortamur 20. caus. 3. q. 9.* Potest tamen per consuetudinem induci, ut aliter juretur, nim. tangendo Reliquias, Crucifixum, Altare &c. ut notat Abb. in *cap. tuis 39. num. 7. hoc tit.* Felin. *ibid. n. 5.* Pirh. *n. 18. hic* Episcopi, Sacerdotes, & aliæ personæ in Sacris constitutæ tum secundum Jus commune, tum de generali consuetudine jurant propositis solum Evangeliiis, & tacto pectore; imo, ut Hiltrop. *p. 3. tit. 9. c. 4. n. 7.* notat, hodie de consuetudine etiam Laici, non tactis Evangeliiis, sed viri quidem duobus digitis, indice, & medio manus dextra in cælum erectis, mulieres vero dextra manu in mamilla sinistri lateris posita, Juramenta sua deponunt, antequam deponunt testimonium.

6 Jurare debent, quod nec odio, nec amicitia, aut favore, vel aliquo alio commodo habito, aut habendo induciti sint ad testificandum, sed moti amore solius veritatis; quod veritatem, sicut secundum conscientiam suam noverint, ad Articulos, & Interrogatoria sibi proponenda fideliter sint dicturi; & denique quod depositiones suas ante legitimam earum publicationem neutri parti velint manifestare *c. quoties 5. hoc tit.*

7 Denique hoc Juramentum repetendum est, si idem testis in eadem causa, & instantia sæpius examinetur super diversis, & novis articulis, ut constat ex *c. Fraternitatis 17. hoc tit. in fin.* Secus est, si testis repetatur solum ad declarandum testimonium suum; tunc enim novo Juramento opus non est, quia, qui declarat, nihil novi dat.

88 Dub. 1. an omnes teneantur præstare hoc Juramentum? Resp. de Jure communi tenentur omnes, nec testi non jurato in præjudicium tertii habetur fides, etsi Clericus, Religiosus, vel quacunque dignitate clarus sit. Ita habetur utroque Jure, Civili quidem *l. jurisjurandi 9. l. testium 18. Cod. hoc tit.* Canonico autem *cap. fraternitatis 17. in fin. cap. de testibus 29. cap. tuis 39. cap. nuper 51. & aliis pluribus textibus.* Ratio est, ut sic timore, & reverentia Juramenti magis incitentur testes ad dicendam veritatem.

*Et extenditur hoc 1.* ut neque in causis Summariis sine Juramento fides habeatur testibus. Mynsing. *cent. 3. obs. 80.* Farin. *prax. q. 74. n. 61.* Pirh. *hic n. 123.*

89 *Extenditur 2.* ut ne semiplenam quidem faciant fidem, etiam si duo integerrimi sine Juramento deponerent. Konig *num. 41. hic.* Interim tamen ejusmodi depositio testium non juratorum faciat præsumptionem, quæ præsumptio hoc operatur, ut si ex utraque parte par sit probatio, prævalere debeat ea, quæ pro se insuper habet plures testes non juratos, vel saltem unum. Menoch. *de arbitr. l. 1. q. 26. n. 5.* Farin. *q. 74. cit. num. 110.* Pirh. *num. 123.*

*Extenditur 3.* ut neque per statutum, neque per consuetudinem generaliter, & indistinctè decerni, & induci possit, ut recipiatur testes sine Juramento, iisque non juratis habeatur fides; quia ut notat Felin. in *cap. tuis 39. hoc tit. num. 2.* videtur contra Jus naturale, quod statutum simpliciter disponat, ut credatur testi non jurato. Dixi autem *generaliter & indistinctè*; non enim repugnat per consuetudinem, vel etiam per statutum concedi certis personis, iis nempe, quæ integritate vitæ, ac morum conspicuæ sunt, ut sine Juramento deponant; quia in istis cessat periculum fraudis, subor-

nationis, aut perjurii. Et ita hodie, ut Mynsing. *cent. 1. obs. 17.* Gaill. *l. 1. obs. 101. n. 4.* Rosbach. *prax. Civil. tit. 57. n. 13.* Pirh. *hic n. 122.* Engl. *n. 43.* Konig *n. 41.* testantur, in Bohemia, Austria, Bavaria, & aliis locis Personæ Nobiles, & Illustres ex singulari privilegio, & longa observantia non solent præstare Juramentum corporale, sed tantum sub fide sua testificantur, quod apud hujusmodi personas ex receptissima Germaniæ consuetudine, quoad effectum idem est, ac si jurassent.

Dub. 2. an Juramentum hoc partium consensu remitti possit: *Ratio dubitandi* desumitur à paritate cum Juramento calumniæ, quod expresso partium consensu remitti nequit, ut dictum est *supra Tit. 7. n. 5.*

Sed tenenda est affirmativa sententia, ut colligitur ex *cap. tuis 39. in hoc tit. & docet ibidem Gloss. V. remittatur*, Abb. *num. 2.* Laym. *n. 1.* Gonz. *n. 2.* Barbosa *n. 3.* Mynsing. *cent. 3. obs. 80. num. 6.* Gaill. *l. 1. obs. 101. n. 2.* Mascard. *de prob. proæm. q. 5. n. 103.* Farin. *prax. q. 74. n. 83.* Vallens. *hic §. 4. n. 9.* Zoef. *n. 20.* Pirh. *num. 124.* Engl. *nu. 42.* Konig *nu. 43.* Ratio est, quia ad partium jus, & interesse spectat, ut non juratis testibus non credatur. Igitur possunt huic favori, & juri renuntiare. Debet autem hic consensus esse expressus; neque tacitus sufficit, si nimirum partes non contradicant, quando testes sine Juramento deponunt, uti notat Farin. *n. 84.* Deinde opus est, ut utraque pars consentiat, cum utriusque interest, & ex falsa depositione testis utrique præjudicium generari possit: hinc locum habet *Reg. 29. in 6.* ubi: *Quod omnes tangit, ab omnibus approbandum* dicitur.

Præter consensum partium Vvagnereck in *cap. tuis 91. cit.* requirit, ut hæc remissio fiat consensu, & autoritate Judicis: communis tamen sententia cum Farin. *q. 74. cit. n. 91.* negat consensum Judicis necessarium esse, cum nec textus *c. cit.* mentionem de illo faciat. Excipitur, nisi agatur de præjudicio publico, vel de periculo animæ, vel de tali negotio, ubi partes non possunt quidquam remittere; tunc enim consensu partium solo remitti testibus Juramentum nequit, sed opus præterea est autoritate Judicis: & hoc procedit 1. in causa criminali; nam publici interest, ut delicta puniantur. 2. In causa Civili valde ardua; quia criminali æquiparatur. 3. In causa Matrimoniali, cum agitur de valore matrimonii; quia vertitur periculum animæ, & reverentia Sacramenti. 4. Quando agitur de Beneficio Ecclesiastico, aliave spirituali non dependente à mera voluntate partium.

Neque obstat in contrarium allata ratio dubitandi, quia Juramentum calumniæ concernit commodum Iudicis, & utilitatem Reip. cujus interest, ne per calumniam fatigentur Iudices, & lites in infinitum excrecant. At Juramentum testium regulariter solius remittentis privatam utilitatem spectat. Igitur nihil impedit illud remitti expresso consensu partium.

Dub. 3. an non sufficiat si testes ex post facto jurent, 92 quod ad omnia interrogata veritatem dixerint? Duo sunt sententiæ. Prima cum Baldo in *l. jurisjurandi 9. C. hoc tit. & Ummio Proc. Judic. D. 16. n. 60.* resolvit negativè. Danr Rationem; quia ex post facto nemo facile fatebitur se falsum dixisse, sed ad evitandam infamiam potius falso testimonio falsum Juramentum subjunget. Secunda cum Henr. Canif. in *c. 17. hoc tit. num. 8.* Laym. in *c. 39. eod. n. 5.* Gaill. *l. 1. obs. 101. n. 9.* stat pro parte affirmante, modo incontinenti juratum fuerit post testimonium. Fundantur; quia juxta vulgarem regulam, quæ in continentis sunt, inesse consentem alicui *arg. l. juris gentium 7. §. quin imo 5. ff. de pact. & l. pen. C. de Inst. & substit.*

Ego hanc secundam sententiam tum solum veram existimo, quando testis productus præscit sibi ex post facto jurandum; tunc enim non minus deterrebitur à falsitate dicenda per Juramentum, quod prævidet sibi imponendum, quam per Juramentum jam præstitum. At si sine Juramento examinari se ratus, deposuit, puto non sufficere, si postea jurare jubeatur; quia posito, quod spe hac, sc. Juramentum sibi non impositum iri, falsum deposuerit, dictum suum postea retractare ex verecundia, & pænæ metu non audebit, & sic facile pejerabit magno tum partis, contra quam deponitur, tum etiam Reip. in qua hoc modo foverentur mendacia, detrimento.



## §. I V.

*De Testium Examine, eorum Depositione, & Attestationum Publicatione.*

## S U M M A R I U M.

- 93 *Examen testium institui debet à Judice, in loco Judicii.*  
 94 95 96 *Modus hujus Examinis.*  
 97 98 *Objectum, de quo institui debet.*  
 99 *Delegari potest alteri in causis Civilibus.*  
 100 *Non tamen regulariter in criminalibus.*  
 101 102 *Requisita ad legitimam depositionem testium.*  
 103 104 *Quando dicti sui causam debeant reddere?*  
 105 106 *Quantum probent testes Singulares?*  
 107 *Contrarii inter se invicem?*  
 108 109 110 *Aut sibi ipsis?*  
 111 *Quantum probent testes de auditu?*  
 112 *In quibus causis, & casibus?*  
 113 *Quando consanguinitatem ad dirimendum Matrimonium?*  
 114 115 *Qualem fidem mereantur testes de crudelitate?*  
 116 117 *Modus servandus in Publicatione testium.*  
 118 119 120 121 *Quando Attestationes receptæ in uno Judicio faciant fidem in alio?*  
 122 123 *An post publicationem Attestationum recipi testes priores, aut novi possint super articulis novis.*  
 124 125 *An super antiquis, vel directè contrariis?*  
 126 *Exceptiones.*  
 127 *Solutiones objectionum.*  
 128 129 130 *An, & quam Exceptiones contra testes opponi possint post publicatas Attestationes?*  
 131 *Publicatio Attestationum non est de substantia Processus.*

**A** Receptione Testium ad horum Examen pergimus. Interest inter illam, & istud hoc discriminis, quod testes recipi tunc dicantur, quando admittuntur ad Juramentum præstandum; examinari vero, quando discutuntur eorum personæ, & dicta. Igitur de hoc Examine.

- 93 *Quæritur. 1. à quo, quo in loco, & quando sit instituendum? Resp. 1. ordinariè examinandi sunt testes ab ipso Judice, ut constat ex Novell. 60. cap. 2. & tradit Gloss. ibid. V. testibus, Farin. prax. q. 77. num. 175. Pirh. num. 188. Ratio est, ut Judicis autoritate terreamur, & eo magis cogantur testimonium dicere. Excipitur, nisi testes alienæ Jurisdictioni subiecti sint, vel quo minus compareant in Judicio, privilegium habeant, vel ipse Judex, negotiorum urgente multitudine, prohibeatur id facere.*

2 *Examinandi regulariter sunt in loco Judicii, nisi qualitas personarum aliud exigat, nempe ut domi suæ examinentur, cujusmodi esse possunt personæ egregiæ, honestæ matronæ, vel aliæ gravidæ; item infirmi, aut alio modo impediti, ut locum Judicii accedere nequeant. Hæc enim personæ, & his similes, citatis ad locum partibus, Juramentum in sua domo præstabit vel Judici, vel illi, quem Judex ad id exigendum, & ad testes examinandos miserit l. ad personas 15. ff. de Jurejur. & accuratius c. Ecclesia 2. de Judic. in 6.*

3 *Tempus pro Examine designatum est post præstitum à testibus Juramentum, nam ante examinari non possunt; quia ut num. 88. dictum est, testi non jurato non creditur. Non autem necesse est, ut Examen post Juramentum subsequatur statim, sed mora aliqua intercedere potest; quia Juramentum ad tempus Examinis, quancumque sit, retrahitur.*

- 94 *Dub. 1. quomodo sit instituendum Examen testium? Resp. sic expediri. 1. Recepto Juramento testium, acceptisque à parte adversa interrogatoriis, super quibus testes ab altera parte productos examinari cupit, Judex partes litigantes dimittit, ipse verò interrogatoria sibi potrecta examinat, & siquæ repeterit superflua, aut criminosa, ad quæ testis sine læsione famæ respondere non possit, rejicit; cum enim nemo turpitudinem suam allegare teneatur l. transactione 30. C. de transact. neque testis respondere tenebitur: sitamen respondeat, nocet sibi, producenti, & testificationi. Hiltrop. Proc. Judic. tit. 9. c. 4. a. n. 8.*

2 *Dimissis partibus, Judex testes examinandos seorsim unum post alterum ad se vocat; debet enim secreto non plures simul, sed sigillatim & seorsim ab aliis examinari, prout constat ex cap. venerabili 52. hoc tit. & docet ibid. Abb. n. 1. Felin. n. 3. Gaill. l. 1. obs. 96. nu. 9. Farin. prax. q. 80. n. 93. & 94. Haun. de l. & l. tom. 5. tr. 4. num. 159. Pirh. hic num. 192. Vvict. num. 82. Ratio est, quia alias, si examinarentur plures simul, periculum esset, ne unus instrueret alterum, vel dictum alterius sequeretur: & ita non posset facile deprehendi, verumne, an falsum concorditer deposuissent. Et hoc adeo verum est, ut depositiones testium, nisi sigillatim, & seorsim examinati fuerint, non valeant. Gloss. in cap. 37. V. procures hoc tit. & Canonistæ communiter.*

3 *Si qui ex testibus productis essent producenti aliquo Iurisjurandi vinculo obstricti, uti sunt subditi, Judex, antequam ad Examen eorum procedat, hoc vinculum eis pro illa vice relaxat, ut liberi sint ad testificandum pro utraque parte; tum revocato in memoriam Iuramento, quod testis de veritate dicenda præstitit, ad Examen ipsum progreditur, in quo tam super articulis juxta Directorium Actoris, quam super Interrogatoriis Adversarii sedulo quemvis examinat. Quod si pars adversa neglexerit interrogatoria ponere, ipse Judex, vel Examinator supplebit, & Interrogatoria testi faciet, quæ ad causam conducere videbuntur.*

4 *Inter examinandum à Tabellione, sive Notario dicta uniuscujusque testis ad singulos articulos, & interrogationes distinctè, & quantum fieri potest, ipsa verba formalia annotantur juxta cap. cum causam 37. & cap. venerabili 52. hoc tit. ut si postea testes examinati negare vellent se deposuisse talia, possent convinci ex scriptura Notarii, in quam testium depositiones sunt relatæ.*

5 *Si testis finierit suas depositiones, istæ denuo, præsertim si petat deponens, ex Protocollo eidem præleguntur à Notario, partim ut videat, an rectè intellectus sit, partim etiam, ut possit se corrigere, si forte super aliquo articulo, aut interrogatorio præcipitanti, aut minus consideratè responderit; nam si post intervallum dicta sua corrigere, & propterea de novo recipi, & examinari vellent, non audirentur, nisi Index ad causæ cognitionem necessarium, vel opportunum hoc fore judicaverit; quo tamen casu si admittantur, minor fides eis habetur, quam si initio statim dixissent, vel in continenti addidissent. Abb. in c. per tuas 48. hoc tit. nu. 1. Felin. ibid. n. 1. Pirh. n. 200. hic.*

6 *Denique imponitur testi silentium, ne cuiquam suam depositionem revelaret, Hiltrop. p. 3. tit. 9. c. 4. n. 23. Rosbach. prax. Civil. tit. 58. n. 23. & seqq. Pirh. n. 200. cit. Engl. n. 46. Konig n. 44. Imo in quibusdam locis id ipsum in forma Iuramenti continetur ad evitandum periculum, ne testes inter se colludant, & pariformiter omnes deponant. Ob eandem rationem etiam Notarius causæ, qui dicta testium annotavit, & excepit, eadem in silentio apud se retinere debet, donec publicentur.*

*Dub. 2. de quibus rebus examinandi sint testes? Resp. 1. examinandi sunt non solum super negotio; seu causa principali, sed etiam de ratione, seu causa scientiæ; adeoque simplici dicto testis non statuitur, nisi etiam reddat rationem sui dicti; de quo vide num. 102. & duos seqq.*

2 *Exquirere Index debet ex testibus rei circumstantias, locum, tempus, visum, auditum &c. ubi sc. res facta sit, an viderit, vel audiverit; si dicat se vidisse, interrogabit, qui præsentis fuerit, quo in loco, quo die, qua parte diei, vel noctis &c. ut ita ex his advertere possit, utrum cum alio teste, vel testibus, qui similiter examinati sunt, conveniat; nam si inter se non conveniunt, dicuntur Singulares, hoc est, habentur singuli loco unius testis, qui non probant; de quo plura n. 105. & 106.*

3 *Debet etiam institui Examen super personæ testium c. cum causam 37. hoc tit. præsertim si persona ignota sit; nam hæc interrogari potest, quo nomine vocetur, cujus sit ætatis, vel conditionis, an sit habilis ad testificandum, an dives, vel pauper, an conjunctus producenti, an inimicus parti adversæ, an non subornatus, & instructus, an in causa controversa interesse aliquod habeat, an non convenerit cum aliis testibus, qui dicere*



cere velint, utri parti opter victoriam &c. *l. testium 3. princ. ff. hoc tit. l. ubicunque 21. ff. de interrog. in iur. fac. Gaill. l. 1. obf. 95. n. 8.*

98 4 Examinandi etiam sunt de fama, & relatione aliorum, ipsorumque testium credulitate, vel certitudine, num credant, vel etiam certi sint rem gestam esse *c. cum causam cit. Abb. ibid. n. 2. Farin. prax. q. 73. n. 31. Pirh. n. 196.*

5 Denique interrogandi sunt de cæteris circumstantiis; intellige, quatenus hoc opus est ad investigandam veritatem; nec enim hæc omnia cumulari debent, aut possunt à Iudice in qualibet causa, siquidem multa sunt, quæ non audita, sed visu percipiuntur, & è contra quæ auditu, non visu. Abstinentium etiam est non solum ab incongruis, & ad causam non pertinentibus, sed etiam à nimium exquisitis interrogationibus. Hinc considerari debet cum personæ, tum causæ qualitas, & ex his metiendum, quæ interrogatoria proponenda.

Si Iudex, vel Commissarius dolo, vel culpa testes super Interrogatoriis à parte datis non examinavit, non ideo invalidum est Examen, sed ad partis postulationem super interrogationibus omissis repeti debent etiam post publicationem attestationum *c. per suas 48. hoc tit. Gaill. l. 1. obf. 95. n. 7. Pirh. hic n. 199.*

99 Dub. 3. an Iudex committere Examen testium possit alteri? Resp. posse in causis Civilibus, præsertim si testes remote absentes sint, ut difficulter accedere ad Iudicem possint; vel si valetudinarii sint, senes aut debilitate confecti, ut coram Iudice comparere non possint; si denique sint personæ privilegiatæ, quales sunt personæ egregiæ, i. e. Clerici, Illustres, & in dignitate constitutæ, milites, seu equestriis ordinis, & alii omnes, de quibus *infra Tit. seq. num. 9.* dicitur, quod cogi non possint ad testificandum extra domum suam; nam hos si Iudex ipsemet domi eorum Examinare nolit, vel non deceat, examen illorum delegare alteri idoneæ personæ potest. *Clem. un. de offic. Iud. deleg. & ibi Gloss. in casu, Vivian. in c. si qui 8. hoc tit. & communiter DD.* Imo non solum testis absentis, & impediti, sed etiam in loco Iudicii præsentis, nec impediti, Examen potest alteri delegari, ut notat Haun. *tom. 5. tr. 4. n. 131.* Ratio est quia examinatio testium est quid facti, quod potest committi, & fieri extra Iudicium.

Fieri autem hoc potest dupliciter. 1. Ut actus Iurisdictionis committatur alteri, qui Adversarium citet ad videndum jurare testes, exceptiones audiat, & examinet, iuramentum à testibus exigit, interrogatoria à parte accipiat, testium multitudine tefrænet, inobedientes, vel aliter peccantes puniat &c. 2. Ut solum ministerium, seu nuda executio committatur, videlicet si post receptos, & approbatos testes, ac Iuramentum ab his depositum jubeatur aliquis examen super interrogatoriis jam formatis, ipsique traditis instituere; & hic magis *Nuntius*, seu *Executor Ministerialis* dicitur. Quocunque autem ex his duobus modis alicui delegeretur Examen, debet ille, cui Examen sic delegatum est, diligenter in acta referre ad Iudicem dirigenda, quæ observavit, & deprehendit, non solum circa ipsas testium depositiones, sed etiam circa modum deponendi, e. g. si cum vacillatione, cum trepidatione, cum vultu pallore, & immutatione &c. deposuere, ut colligitur ex *cap. constitutus 3. in fin. de fidejuss.*

100 Dixi autem in responsione *In causis Civilibus*; nam in causis criminalibus per se loquendo ipsemet Iudex recipe testes, & examinare debet in sua præsentia, ut cum res exegerit, tormentis subiciantur, ut constat ex *Auth. apud eloquentissimum C. de fid. instrum. & notat Gloss. in c. 37. cit. in casu. Abb. ibid. n. 22. Felin. n. 21. Gaill. l. 1. obf. 96. n. 10. Pirh. hic n. 188.*

*Excipe*, si Iudex non possit ob multitudinem negotiorum, vel aliud justum impedimentum, v. g. absentiam, infirmitatis &c. Item si aliqd necessitas exigit, aut quævis alia causa justa; tunc enim ne crimina maneant impunita, etiam in criminali causa examinarium absentium alteri committi potest. *Gaill. Pirh. loc. cit.*

101 Quæritur 2. quomodo fieri debeat Depositio testium? Resp. ut legitime fiat, quinque omnino requiruntur. 1. Ut viva voce ad examinantis interrogationem,

& non in scriptis deponant; alioquin non probant *can. relatum 3. caus. 5. q. 2. can. testes 15. caus. 3. q. 9.* & in hoc sensu, ut bene advertit R. P. Schmier *Process. Iud. c. 9. n. 74.* Innocentius III. *c. tua nos 8. de cohabit. Cleric. & mul. & Callistratus l. testium 3. §. idem 3. ff. hoc tit. testibus* credendum dicunt, sc. vocaliter deponentibus, non *testimoniis*, i. e. scripturæ. Ratio est, quia ex voce, modo, & gestu deponentis magis deprehendi veritas potest. *Excipiuntur* 1. Nobiles, & Illustres personæ, quarum attestaciones admittuntur scriptæ, & obsignatæ. 2. Muti, qui si scribere sciant, testimonium suum in scriptis dant. 3. Si consuetudo loci admittat testimonium in scriptis traditum; de quibus, & pluribus aliis vide *Farin. prax. q. 80. an. 27.*

2 Ut depositio sit conformis Articulo. Hinc testis 102 plus dicere non debet, quam interrogetur; alioquin de iis, de quibus interrogatus non est, finem non facit, sed reputantur tanquam non deposita, & reus tanquam articulo non probato absolvi debet *arg. c. de testibus 29. hoc tit. & docet Nicol. Everhard. consil. 19. n. 3. Engl. n. 52. hic König n. 46.*

3 Ut sit clara, & perspicua, non incerta, vel dubia. Hinc si obscure respondeat testis, vel dubitative v. g. opinor, arbitror, ni fallor, res ita se habet, si benememini &c. rejicitur, & fidem non facit. *Farin. q. 68. n. 62. Pirh. hic n. 234. König n. 47. Excipitur*, si negotium in se obscurum sit aut difficilis probationis, vel si consuetudo sit probanda; tunc enim depositio testis obscura, & dubia admittitur, cum alia difficulter haberi possit.

4 Ut testis deponens det causam sufficientem sui dicti *c. cum causam 37. hoc tit. ibi: prudenter inquirens de causis.* Ratio est, quia testis deponere debet de eo, quod scit; scire autem rem non intelligitur, qui suæ de ea scientiæ causam reddere nequit, cum scite sit rem per causas cognoscere. Hinc si aut nullam reddat, aut aliquam quidem reddat, sed non bonam, & sufficientem, etsi dicat se scire, vel certum esse, non tamen sic asserendo probat, imo ne quidem præsumptionem, & indicium facit, ut colligitur ex *l. sola 4. Cod. hoc tit.* quia ratio in teste dat esse illius testimonio, & illud salvat, vel destruit.

5 Denique requiritur, ut depositio sit constans, & non vacillans, nec varia, & sibi contraria. *Covar. l. 2. var. cap. 13. n. 8. Henr. Canis. Summ. hoc tit. §. 6. König n. 54.*

Dub 1. quando testis sufficientem dicti sui causam 103 reddidisse censeatur? Resp. si asserat, se visu, auditu, vel alio sensu percepisse, si quidem sensu corporeo sit perceptibile id, de quo interrogatur; vel si non ita sit perceptibile, ut v. g. est dominum fundi, testificari debet, se præsentem fuisse donationi, vel contractui, ex quo alter dominium sibi arrogat, vel legisse instrumentum donationis, aut contractus &c. Distinguendum autem est, an causam dicti sui interrogetur à Iudice, an non. Si interrogetur, juxta omnes dicere eam debet. Si non interrogetur, non semper debet, præsertim si articulus, seu factum, de quo deponit, sensu corporeo possit recipi; cum enim tunc præsumatur, quod non fuisset absolute affirmaturus, nisi causam sufficientem haberet, & certo sciret, testimonio ipsius creditur, etsi causam scientiæ suæ non addiderit.

Plures tamen sunt casus, in quibus testis rationem 104 sui dicti reddere etiam non interrogatus debet. Er 1. quidem in causa criminali; quia agitur de maximo præjudicio rei. 2. In causa civili valde ardua, ut cum agitur de majore parte matrimonii; quia criminali æquiparatur. 3. Quando lis est super dominio, Iurisdictione, proprietate, & similibus, quæ sensu corporeo non possunt percipi; quia in his casibus magis contra testem præsumitur, quod scire non possit, nec sufficientem, sed putativam solum dicti sui rationem habeat, quod illa, quæ sub sensu non cadunt, plerumque difficulter sciuntur, & tamen facile asseantur ob solam vehementem suspicionem. 4. Quando quæritur de consuetudine; tunc enim dicere debet se vidisse sic practicatam; alias præsumptio erit pro ipsa Lege contraria consuetudini. 5. Quando deponit super publica voce & fama; tunc enim etiam non



non interrogatus debet nominare eos, qui dixerunt, & à quibus audiit. 6. Quando deponit super negativa &c. Videantur Marant. *de Ord. Judic. p. 6. tit. de test. producti. à num. 17.* Hiltrop. *Process. Jud. part. 3. tit. 9. cap. 6. num. 127. & 128.* Farin. *prax. q. 70. à num. 1.* Barbof. *in c. cum causam 37. n. 6.* Vall. *hoc tit. §. 3. n. 14.* Zoef. *hic n. 21.* Pirh. *n. 195.* Konig *n. 49.*

- 105 Dub. 2. quantum probent testes *Singulares*? Ratio dubitandi sumitur ex *c. cum dilectus 32. junct. Gloss. V. probatio de elect.* ubi videtur supponi vim probandi hujusmodi testimonium attestationibus generaliter inesse nullam; ait enim ibidem Pontifex, *eorum probationem esse insufficientem, eo quod singuli essent in suis testimoniis singulares.*

Sed distinguendum est inter tres testimonium singularium species; quidam enim tales sunt Singularitate obstativa, seu adversativa, alii cumulariva, alii diversificativa. *Adversativa singularitate singulares* sunt, qui de uno actu non iterabili, vel saltem non iterato varia, & quoad circumstantias e. g. temporis, & loci inter se pugnantia deponunt, quales erant duo illi senes Susanæ accusatores, quorum unus adulterii crimen ab eo commissum dicebat *sub primo*: alter *sub schino*. *Dan. 13. Cumulariva, seu adminiculata singularitate singulares* sunt, qui de actibus quidem diversis, sed ad eundem finem tendentibus, seque mutuo adjuvantibus deponunt, ut si unus testis actus alicujus auditum asserat, alter visum; si unus asseveret Sempronium citasse partes, alter dicat eundem tulisse sententiam, tertius ipsum istam executioni mandasse; si unus fundi possessionem Titio asserat, quod viderit illum ab eo coli, alter, quod conspexerit eum collegisse ex ipso messem &c. *Diversificative singulares* sunt, qui deponunt de factis sibi invicem non contrariis; sed diversis, & nihil se invicem juvantibus, sicut factum est in casu *c. cum tu 16. hoc tit.* ubi duo deposuerunt de Excommunicationis sententia, unus quidem dicebat, latam illam fuisse ante, alter post appellationem; idem accidit, cum unus testificatur de Caii, aliter de Sempronii cæde à Titio facta; unus de mutuo dato Augustæ, alter de dato Francofurti &c.

- 106 Ex his *Primi generis* testes nec semiplene probant ob contrarietatem, & repugnantiam, quæ redolet falsitatem *c. licet causam 9. vers. quanquam de probat.* Et hoc verum est, etsi mille essent ejusmodi testes singulares; quia mille tantum probarent, quantum unus, imo minus, quam unus; unus enim, si solus esset, & impedimento non laboraret, probaret saltem semiplene, cum aliis junctus ob dictorum repugnantiam suspectus redditur. Berojus *in c. licet cit. n. 38.* Farin. *prax. q. 64. n. 41.* P. Vviesl. *hic n. 74.* P. Schmier *Proc. Judic. c. 9. n. 106.* Testes *secundi generis* diversam vim habent in Criminalibus; & in Civilibus; in prioribus plerumque ad pœnam ordinariam infligendam non sufficiunt, sed vel tantum ad torquendum, vel etiam ad Purgationem Canonicam solum indicendam; in *posterioribus* vero aliquando probant semiplene, ita ut locus fiat Juramento suppletorio; aliquando etiam plene *arg. l. qui sententiam 16. C. de pœnis ibi: Confessione testium in unum concordante, conspiranteque rei finem.* Abb. *in c. praterea 27. hoc tit. n. 1.* Laym. *inc. 47. eod. n. 6.* Barbof. *in c. 4. ibid. n. 35.* Farin. *q. 64. cit. n. 160.* Neque obstat, quod in circumstantiis temporis, loci, & aliis discordes sint; concordantes enim sunt respectu ejusdem finis e. g. homicidii, Jurisdictionis, possessionis, vel quasi &c. de quorum probatione agitur; hinc etiam testes singulares absolute dici non debent. Denique Testes *terti generis*, etsi magnam præsumptionem, & plussquam semiplenam probationem faciant, ita ut sufficiant ad reum quæstionibus subjiendum, vel saltem inquisitionem de eo faciendam, plene tamen non probant, prout patet ex *c. bonæ 23. c. cum dilectus 32. de elect. & c. licet cit.* Ratio est, quia testis ita singularis de eadem re, vel actu est unicus testis. Sed unicus testis de re deponens fidem plenam non facit, ut *n. 69. dictum est.* Ergo &c.

- 107 Dub. 3. quam vim probandi habeant testes sibi ipsis contrarii? Resp. cum distinctione; Vel enim contrarietas est in diversis testibus, ita, ut unus, vel duo negent, alii affirmant eundem articulum, aut unus, idemque testis contraria dicat. Si *primum*, plurimum refert, an producti sint à diversis, an ab eodem. Si à diver-

sis producti sint, sc. ab actore alii, & alii à reo, & hi illis æquali numero contradicant, cæteris paribus fides potius habenda est deponentibus pro reo; quia istius causa est favorabilior *c. ex literis 3. de probat.* præterquam in causis specialiter favorabilibus, uti sunt matrimonii, dotis, libertatis, Ecclesiæ, pauperum &c. nam si ejusmodi causam soveat actor, contra reum etiam, cum par est numerus testimonium, pronuntiandum est *c. fin. de sent. & re jud. l. inter pares 38. ff. de re jud.* Gloss. *fin. cap. in nostra 32. hoc tit.* Abb. *ibid. n. 4.* Farin. *prax. quæst. 65. n. 162.* Vviesl. *hic n. 93.* Si vero producti sint ab eodem e. g. actore, & conciliari non possint, ut non contradicant, Judex ad numerum, & dignitatem testimonium, item ad probabilitatem dictorum attendet, iisque fidem dabit, qui rationabilius, & verisimilius deponunt, cæteros quorum testimonium reprobaverit, perjuriæ pœna mulctabit, qui proin etiam quandam saltem facti infamiam incurrent *c. in nostra cit.* Gloss. *in c. cum tu 16. V. benigne vers. sed hoc dictum hoc tit.* Excipitur causa criminalis; nam ibi, ut sæpe dictum, requiruntur probationes clarissime; non potest autem negari, quod si tres deponant de crimine, duo omni exceptione majores pro reo, priorum testimonium debilitetur.

Si *secundum* contingat, & unus, idemque testis contraria dicat, videndum, an testis ejusmodi dictum suum revocet in continenti, antequam recedat à Judice, aut saltem antequam locutus sit parti; an ex intervallo primum, & post recessum à Judice. Si *prius*, fides posteriori testis depositioni est adhibenda *c. praterea 7. de cogend. testib.* Abb. *ibid. n. 12.* Felin. *n. 10.* Laym. *inc. 44. hoc tit. n. 5.* Hiltrop. *c. 6. cit. n. 38.* Pirh. *hic n. 159.* Vviesl. *n. 94.* Ratio est, quia prius dictum testis ita se corrigentis præsumitur ex errore processisse, & quia ea, quæ in continenti fiunt, actui inesse censentur. Si *posterius*, attendi debet, an utrumque testis dictum Judiciale sit, an unum Judiciale, alterum Extrajudiciale; nam si *hoc secundum*, adhibenda fides est dicto testis Judiciali, sive deinde primum sit Judiciale, alterum Extrajudiciale, sive vicissim. Mynsing. *cent. 6. obs. 14.* Laym. *inc. 44. hoc tit. n. 4.* Barbof. *inc. 9. eod. n. 1.* Vviesl. *ibid. not. 1.* Zoef. *hic n. 42.* Pirh. *n. 161.* Engl. *n. 56.* Vviesl. *n. 99.* & apud hunc alii. Ratio est, quia Judiciale ob religionem Juramenti à teste præstiri, & præsentis Judicis auctoritatem præsumitur esse prolatum magis deliberatè, proinde tanquam qualificata assertio merito præfertur simplici assertioni contrariæ.

Si vero utrumque testis dictum factum sit in Judicio, iterum distingui debet, an cum revocat prius dictum, causam probabilem erroris asserat, vel non. Si *asserat*, & homo sit alias fidei non suspectæ, creditur secundæ ejus depositioni; quia tunc deceptus, & rei oblitus censi debet in prima sua depositione. Menoch. *de arbitr. cas. 107. n. 7.* Farin. *prax. q. 66. n. 245.* Vviesl. *hic n. 96. cas. 2.* At si *causam erroris sui idoneam nullam asserat*, regulariter credetur primæ testis depositioni *arg. c. per tuas 10. de probat. & c. sicut 9. hoc tit.* & docet ibi Felin. *n. 4.* Covar. *l. 2. var. c. 13. n. 2.* Mynsing. *cent. 2. obs. 86.* Menoch. *loc. cit. n. 10.* Ratio est, quia ejusmodi testis præsumitur subornatus à parte, & conf. primum dictum præsumitur verius; alias in potestate testis esset annullare dictum suum, & tollere jam quæsitum parti. Notat tamen Mynsing. *loc. cit.* primam depositionem debilitari per secundam, & sic ejusmodi testem non amplius esse omni exceptione majorem, ut ob ejus depositionem Juramentum suppletorium parti deferri possit. Procedere assertio videtur etiam, quando testis in diversis instantiis Judicii contraria deponit; tunc enim ordinariè credendum est primæ depositioni, & sic in Camera Imperiali observari testis est Mynsing. *loc. cit.*

Dixi *regulariter & ordinariè*; nam plures exceptiones affert Farin. *q. 66. à n. 142.* ubi non primæ, sed secundæ testis depositioni creditur, ex quibus præcipuè sunt . 1. Si prior depositio extra torturam facta sit, posterior in tortura; nam tortura fidem depositionis auget. 2. Si posterius dictum testis sit adminiculatum conjecturis aliis, & præsumptionibus, adeoque magis verisimile, quam primum. 3. Si primum testis dictum non sit Juramento firmatum, si autem secundum. 4. Si primum Iudicium invalidum fuit; quia prima depositio in Iudicio invalido facta habetur pro non facta, nisi



nisi aliunde constet, vetum esse primum testimonium. Hin pater plurimum hic situm esse in arbitrio Judicis, qui consideratis omnibus circumstantiis, conjecturis, & indiciis judicabit, quantum cuique depositioni tribuendum sit fidei.

Dub. 4. an & quando admittatur, & fidem faciat testis de auditu? Resp. cum distinctione: Vel enim deponit de auditu proprio, vel ex alieno. Si ex proprio, & res talis sit, quæ auditu percipi possit, fidem non minorem meretur, quam alius, qui de re visu percepta deponit, ut colligitur ex *cap. ex litteris 2. de consuet.* ibi: *sub testimonio videntium & audientium*. Exemplum habes, si quis testetur injuriam verbalem interrogatam ab uno alteri, propositionem hereticam prolatam &c. Si de auditu alieno, & propterea aliquid adstruat, quia ita esse ab aliis fide dignis audivit, regulariter nihil probat, sed summum facit præsumptionem contra partem adversam. Farin. *prax. q. 69. à n. 1.* Mynsing. *cent. 6. obs. 58.* Marant. *de Ord. Jud. p. 6. tit. de test. product. num. 18.* Hiltrop. *p. 3. tit. 9. cap. 6. num. 142.* Haun. *tom. 5. tr. 4. num. 291.* Barbosa *in cap. 33. hoc tit. num. 2. & seqq.* Pirh. *hic n. 132.* Engl. *n. 54.* König. *n. 52.* Vviesl. *n. 88.* Ratio est, quia testis de sua, non aliena scientia debet deponere. At is, qui dicit, se audivisse ab aliis, non ait se nosse; neque enim ex tali auditu paritur ei notitia, sed credulitas tantum, ut videlicet credat verum esse, quod audivit. Igitur ad probationem non sufficit, sed summum ad præsumptionem, quæ in causis Civilibus indicium facit, probabiliter autem, nisi alia argumenta accedant, non tale, ut propterea onus probandi statim in Adversarium possit rejici, ut ex Fachinæo notat König *hic num. 53.*

Dixi autem regulariter nihil probat; nam in certis casibus probat etiam testis de auditu: & tales sunt 1. si testimonium sit adminiculatum ex aliis indiciis, & conjecturis. 2. In iis, quæ sunt difficilius probationis. 3. In causa, in qua modica scientia fidem facit, prout est causa denuntiationis. 4. In iis, quæ facta sunt tempore pestis; quia de iis testes de visu & auditu proprio non facile reperiuntur. 5. Ad defensionem Rei; nam hanc etiam probant testes de credulitate. 6. In factis antiquis, ætatem, & memoriam hominum, qui defacto vivunt, excedentibus; quia in his magna credulitas, & opinio pro veritate habetur *l. si arbiter 28. ff. de probat. & l. in summa 2. §. idem Labeo 7. ff. de aqu. plu. arcend.* 7. Casu, quo consanguinitas ad effectum Matrimonii jam contracti dirimendi probari debet; nam eo casu sufficiunt duo, vel tres testes consanguinei, si haberi possint, vel si haberi nequeant, alii extranei, qui jurent se ita accepisse à majoribus, & credere verum esse: de quibus, & pluribus aliis Farin. *q. 69. cit. à n. 32.*

Ut vero ad probandam consanguinitatem in casu septimo relato admitti testes de auditu possint, plures requiruntur conditiones. Et 1. quidem, ut hujusmodi testes sint omni exceptione majores. 2. Ut testium istorum saltem duo sint, iique dicant se à duobus saltem audivisse; nam etsi unus se audivisse à 100. vel à contra 100. testes dicant se audivisse ab uno alio, fidem non facient; quia utrobique uni testi in effectu credendum foret. 3. Ut authores illorum, à quibus audiverunt, non sint infames, aut suspecti, sed fide digni, & omni exceptione majores; nam absurdum foret, si ea testimonia admitterentur, quorum repellerentur authores. 4. Ut tales testes non confuse tantum deponant, in quoto gradu conjuges conjuncti sint, sed distinctè singulos gradus designent vel nominando, vel credibiliter describendo singulas personas mediantes. 5. Ut testificentur se vidisse saltem duas personas ex illis gradibus, & Genealogia pro consanguineis se habere, & agnoscere. 6. Ut Juramento proprio asserant, quod omnia ita à Majoribus acceperint, & credant. Quæ omnia, si adsint, consanguinitas satis probata censetur, & separatio permittitur. Ita statuitur *c. quoties 5. & c. licet 47. hoc tit.* & docet Vivian. *in c. 47. citat.* Layman *ibid. n. 3. & in c. 5. cit. n. 1.* Barbosa *in c. 33. eod. n. 9.* Pirh. *hic n. 138.* Engl. *n. 54.* König. *n. 52.*

Dub. 5. qualem fidem mereatur testis, qui tantum de credulitate deponit, neque scire se dicit, sed credere articulum, super quo interrogatur? Resp. attendendum esse ad causam credulitatis; nam si talem causam

credulitatis suæ asserat, quæ etiam sufficeret ad scientiam, ut si dicat, *Credo assertorem esse in possessione agriligtiosi, quia vidi à multis annis arantem & metentem*, æque fidem faciet, ac si profiteretur se scire; quia non tam ad verba, quam ad rem ipsam attendendum est, & sæpe etiam, quod scimus, nos credere decimus. Bald. *in l. servus 108. §. qui quinque 10. ff. de Legat. 1.* Barbosa *in cap. 5. hoc tit. n. 19.* Pirh. *hic num. 135.* Engl. *n. 53.* König. *num. 51.* Similiter valet testimonium de credulitate, ubi credulitas est proxima sensui, per quem percipitur veritas, seu quod idem est, si talem causam credulitatis reddat, ex qua resultat violenta præsumptio pro veritate Articuli, ut si testis dicat: Titium occidisse Sempronium, quod viderit eum stricto gladio itruentem in cubiculum Sempronii, & mox cruento mucrone redentem. Et hoc maxime verum est casu, quo alie probationes ordinariæ haberi nequeunt, quam præsumptiones, & conjecturæ, qualis est, cum probare aliquis debet natales suos, vel adulterium alterius, & similia delicta, vel facta, quæ testes non admittunt, ut bene notat Haun. *tom. 5. tr. 4. num. 297.* Pirh. *hic num. 135.*

Quod si credulitas à sensu remota sit, ut si diceret testis, *Credo adulterium commissum, quia vidi solum cum sola confabulantem; credo Cajum occidisse Sempronium, quia illum vidi armis cinctum &c.* talis depositio non meretur fidem; quia causa est insufficiens. Excipe, nisi ejusmodi testimonium de credulitate esset adminiculatum, seu conjunctum cum aliis conjecturis, vel præsumptionibus, aut probationibus. Talia autem adminicula haberi possunt 1. ex persona deponentis de credulitate, ut si Medicus, Chirurgus, oblectrix &c. deponat super iis, quæ suæ artis peritia percipiuntur; nam illis habetur fides, etsi deponant de sola credulitate. Felin. *in cap. 5. hoc tit. num. 11.* Farin. *prax. q. 68. num. 95.* Vviesl. *hic num. 86.* quia cuilibet pretio in sua arte credendum est. 2. Ex persona ejus pro quo deponitur, vel contra quem; nam testis deponens de credulitate contra producentem plene probandi vim habet. Farin. *loc. cit. num. 75.* 3. Ex causa, in qua deponitur; nam quando agitur de probanda innocentia Rei, e. g. quando testis deponit se quidem vidisse Titium à Cajo occidi, sed firmiter credere, quod non dolo se, sed ad necessariam sui defensionem occiderit, hujusmodi testi creditur; quia hoc pendet ab interna animi affectione, de qua non nisi morali probabilitate conjici potest: debet tamen hujusmodi testis exprimere causam suæ credulitatis. Farin. *à num. 77.* Et universim testimonium de credulitate admittitur in iis casibus, ubicunque admittitur testimonium de auditu, ut notat Abb. *in c. 5. hoc tit. n. 7.*

Quæritur 3. quomodo fieri debeat Publicatio Attestationum? Resp. Ad eam hoc modo proceditur. 1. Postquam Examen singulorum testimonium absolutum est, citantur partes ad videndum testimonia publicari. Felin. *in cap. 2. hoc tit. num. 6.* Laym. *ibid. num. 1.* Farin. *prax. q. 72. num. 28.* Engl. *hic n. 47.* König. *num. 55.* Estque citatio hæc adeo necessaria, ut à Judice omitti nequeat, & hoc ideo, quia in publicatione testium versatur præjudicium alterius partis;

2 Si patres citatæ compareant (per contumaciam non comparens pro præsentem habetur *arg. cap. in nomine 2. hoc tit.*) antequam dicta testimonia publicentur, patres interrogati debent, num consentite in publicationem velint, vel contra habeant justas differendi causas. Laym. *in cap. 31. hoc tit. num. 1.* Vallenf. *§. 3. num. 18. hic.*

3 Si ulteriori probationi renuntient, Rotulus Examinis, seu dicta, & attestations testium, recitatis etiam horum nominibus, præleguntur, & publicantur. Excipitur causa Hæresis, ubi nomina seu accusantium, seu denuntiantium, seu testificantium publicare non debent, ut notat Laym. *in c. 5. h. tit. n. 8.* & constat ex *Conss. Pii IV.* incipit *Cum sicut.*

4 Hac publicatione facta petunt partes Copiam earundem attestacionum, ut depositiones examinare queant. Neque hoc illis à Judice negari potest; Originalis autem scriptura manet vel apud Judicem, vel (quod magis habet consuetudo, & Juri conformius est) apud Notarium tanquam scriptorem.

5 Obtena Attestacionum copia, Judex paribus 117. præsi-



præfigit tertium competentem, intra quem super attestationibus disputent, & reus præferriam deliberet, num aliquam sui excusationem allegare queat, ut habetur in *Ordinat. Camer. p. 3. c. 18.* & docet Laym. in *c. 15. n. 7.* Haun. *107. §. 11. 4. n. 186.*

6 Si lapsio termino, nullam reus defensionem, vel excusationem alleget, sed fateatur crimen ultro, & sine tormentis, sententia condemnatoria statim adversus eundem ferri potest. Laym. *loc. cit.*

7 Si vero Exceptiones aliquas pro sui defensione velit opponere, auditur, non quidem excipiens contra personas testium, nam contra istas debuisset exceptionem opponere ante publicationem Attestationum, cum in hunc finem citentur partes ad videndum jurare testes: sed tantum, cum excipit adversus dicta testium. Eodem tempore etiam examinantur Exceptiones, quæ prius fuerunt oppositæ contra personas testium; nam harum exceptionum disquisitio plerumque in hunc locum rejicitur.

8 Auditis exceptionibus adversus personas, & dicta testium, etiam auditur is, qui produxit testes; defendendo per replicas personas, vel dicta testium: in qua disputatione is, qui testes produxit ostendere conatur, quod ex eorum depositionibus probata sint actionis sue capita, singulis capitibus applicando testium depositiones, & siquæ videantur repugnare, in concordiam redigendo.

9 Contrario is, contra quem producti sunt testes, nritur declarare, quod per testes nihil contra se sit concludenter probatum, signando similiter capita, quæ probanda erant, & demonstrando, quod testes super iis examinati non reddant idoneam causam, quod sibi sint contrarii, quod singulares &c. de quibus Exceptionibus, & modo excipiendi, ac reprobandi testes sermo erit §. seq.

118 Dub. 1. utrum Attestationes in uno Judicio receptæ, & publicatæ fidem faciant etiam in alio Judicio? *Ratio dubitandi* sumitur t. ex *c. inter 6. vers. nec attestaciones prope fin. de fid. instrum.* ubi expresse deciditur, attestaciones in uno Judicio receptas in alio fidem non facere. 2. *c. presentata 50. hoc tit. in fin.* dicitur, ita demum testimonia in alio Judicio fidem facere, si jam decesserint testes recepti; illis autem superstitibus in optione Adversarii esse, contra quem producti sunt, an eorum depositionibus credere, vel eos denuo examinari malit. 3. attestaciones productæ in Judicio inter Acta Judicialia enumerantur *cap. quoniam 11. de probat.* quæ perempta instantia, pereunt *l. cum lite 2. ff. Judicat. solvi.* 4. sicut attestatio habet vim, & effectum probationis, ita etiam Iuramentum, sed coullat Iuramentum præstitum in uno Judicio non habere vim, seu effectum in alio; ergo &c. 5. non majorem effectum habet attestatio, quam sententia in ipsa fundata. constat autem sententiam, in uno Judicio prolatam, non ita in alio ius facere, ut necessario observari debeat; ergo &c.

Sed utendum est distinctione, an coram Iudice incompetente recepti sint, & ab eo, vel ejus autoritate examinati, an coram competente. Si primum; non faciunt fidem, ut ex communi docet Clar. §. *fin. q. 36. n. 49.* Barthol. in *c. 4. de Jurac. n. 1.* Vvagn. Pirh. *ibid. de Judic. n. 88.* Schamb. *ibid. n. 42.* Vviesl. *n. 96.* & ratio clara est, quia actus ab incompetente Iudice celebratus ex defectu Jurisdictionis est ipso iure nullus. Estque hoc ita verum, ut etiam confessio, coram ejusmodi Iudice incompetente facta, vim tantum confessionis extrajudicialis habeat, ad condemnandum vero, & puniendum reum apud legitimum Iudicem nequaquam sufficiat, ut patet ex percelebri rescripto Alexandri III. quod refertur *c. at si Clerici 4. de Judic.*

119 Si secundum, altera distinctio est adhibenda, & videndum, an in altero hoc Judicio lis agatur inter personas extraneas, & à prioribus omnino diversas, respectu quarum receptæ sunt; an vero inter easdem vel his succedentes, Si prius, respectu illarum fidem plenam non faciunt, ex vulgata Regula, quod inter alios acta aliis non præjudicent *cap. inter 6. vers. porro de fid. instrum.* Dixi fidem plenam; negari enim non potest ejusmodi Acta probatoria inter diversas etiam personas aliqualem fidem, vel præsumptionem facere, sicut & sententia ipsarum personarum, etiam diversarum sint ab his, inter

quos lata est, præjudicium aliquale affert. Abb. in *c. causam 11. hoc tit. n. 4.* Felin. *ibid. n. 18. & 19.* Pirh. *hic n. 206.* Vviesl. *de Judic. n. 100.*

Si posterius, utendum distinctione tertia, & attendendum, an receptæ sint solum ab Arbitro, & ab hoc publicatæ, an à Iudice. Si ab Arbitro tantum, fidem faciunt, si testes illi jam mortui sint; si vero vivant, in optione Adversarii, contra quem producti sunt, est, utrum depositiones illorum velit admittere, vel denuo productionem eorum petere: tunc enim iterum recipi attestaciones illorum debent. Abb. in *c. 50. hoc tit. n. 7.* Pirh. *n. 209.* Ratio prime partis est; quia licet acta coram Arbitro, utpote non habente Jurisdictionem, non sint proprie Judicialia, æquitas tamen suadet, ut, si mortui sint testes, eorum depositiones, receptæ, & publicatæ ab arbitro, fidem faciant etiam in Judicio ordinario, ne copia probationum pereat. Ratio secunde partis; quia si adhuc testes ab arbitro recepti vivant, denuo possunt recipi, & cons. non est tantum periculum, ne copia probationum pereat, sicut est, quando sunt mortui; hinc Jus noluit partem, contra quam producuntur, cogere ad habendam fidem ejusmodi Attestationibus, sed liberum ei reliquit, an stare iisdem velit, necne.

Si vero receptæ, & publicatæ sint à Iudice, in eadem causa, & inter easdem personas, eisque succedentes fidem faciunt etiam coram alio Iudice. Ita Innoc. in *cap. causam 11. hoc tit. num. 3.* Gonzal. *ibid. n. 3.* Vivian. in *c. veniens 10. eod. in Ration. Marant. de Ord. Judic. part. 5. num. 55.* Mascard. *de probat. concl. 33. à n. 1.* Gaill. *l. 1. obs. 103. num. 1.* Pirh. *hic n. 203.* Schamb. *de Judic. n. 42.* Vviesl. *ibid. n. 98.* & patet ex *c. causam cit. & fin. C. eod.* Ratio est, quia in unoquoque Judicio attenditur veritas, quæ semper, & ubique est una. Hinc nisi litigantes citati opposuerint contra attestaciones in priori Judicio, præsumitur eos nihil objicere posse, & illis attestacionibus acquiescisse.

Dixi autem 1. inter easdem personas, eisque succedentes; nam attestaciones receptæ inter easdem personas valent, & probant non tantum pro ipsis personis litigantibus, sed etiam pro earum hæredibus, & successoribus, quando ad idem agitur; & universim profunt omnibus, quibus res judicata prodesse potest *arg. l. is apud 2. C. de edend.*

Dixi 2. in eadem causa; nam si diversa agatur causa, & ad finem diversum, etiam inter easdem personas in alio Judicio, licet præsumptionem, fidem tamen non faciunt. Et sic t. in Judicio Ordinario fidem plenam non faciunt regulariter attestaciones receptæ in Judicio summario, nisi receptæ sint prævalitis contestatione, & Juris solemnitatibus accurate servatis. Gaill. *obs. 103. cit. n. 3.* 2. in Judicio criminali receptæ in Civili Judicio, nisi sint omnino liquidæ, & indubitatæ, ob majus præjudicium, de quo agitur in Judicio criminali, ob quod requiruntur probationes luce meridiana clariores *l. fin. C. de probat.* 3. In possessorio ordinario receptæ in momentaneæ possessionis Judicio; quia in hoc posteriore processu est summarius, & in eo attestaciones ad diversum effectum recipiuntur, & non publicantur. Vviesl. *de Judic. num. 103.* 4. In Judicio Ecclesiastico ad pœnam Canonicam decernendam in reum receptæ coram Iudice sæculari ad effectum infligendi pœnam legalem, & vice versa. Pirh. *de Judic. num. 96.* Schamb. *ibid. num. 43.* Konig *nu. 79.* Vviesl. *num. 166.* qui tamen recte monent, Iudicem posteriorem hoc casu petere à priori posse communicationem ejusmodi actorum; & si probationes erroris suspicionem careant, eisque crimen sufficienter probatum appareat, illis se conformare, ac secundum eas sententiam proferre posse.

Dixi 3. si publicatæ sint à Iudice; nam si publicatæ nondum fuerunt in priori Judicio, non probant coram alio Iudice, qui non habet notam quæritatem testium, etiam inter easdem personas. Felin. in *cap. 22. de sent. & rejud. nu. 4.* & in *cap. causam cit. num. 13.* Gonz. *ibidem n. 6.* Gaill. *l. 1. obs. 103. num. 2.* Pirh. *hic n. 203.* & apud hunc alii. Ratio est, quia ante publicationem attestacionibus nondum tribuitur fides publica, nec veritas rei adhuc detegitur. Procedit autem hoc regulariter; nam plures sunt casus, in quibus attestaciones etiam non publicatæ fidem faciunt coram alio Iudice. Et 1. quidem, si Iudex



si Judex posterior subrogatus priori sit, & eidem succedat; nam hic ferre sententiam debet, & judicare ex Actis, & Attestationibus receptis à priore Judice, etsi publicatæ illæ non sint: & ratio est, quia successor idem veluti Judex censetur cum priore, sicut etiam eadem causa, & idem est Judicium *l. proponebatur 76. ff. de Judic.* Idem ex eadem ratione dicendum est de Judice appellationis, aut revisionis. Abb. *in c. causam cit. nu. 2. Felin. ibid. n. 16. Pirh. hic n. 204.* 2. si pars consentiat, de cujus præjudicio agitur; nam de hujus consensu Judex posterior publicare attestaciones à priore receptas potest, & tunc merentur fidem. Felin. *n. 14. Gonz. ibid. n. 6. Pirh. n. 205.* 3. si testes sint mortui, vel aliàs multum distent, ut iteratò produci nequeant. Felin. *n. 15. Gonzal. Pirhing l. cit. 4.* si testes sint senes, valetudinarij, vel alij recepti antelitem contestatam, & ad perpetuam rei memoriam. Felin. *num. 17. Gonzal. Pirh. l. cit.*

Neque obstant argumenta opposita. *Ad 1.* in eo textu sermo est, cum causa alia, vel inter alios agitur, quo casu non aliter producenti prodest in nova causa probatio, quæ in veteri profuit, quàm si eandem iterum producat in nova. *Ad 2. in cap. presentata cit.* sermo est de testibus, qui recepti sunt coram Arbitris, de quibus dictum est *num. 119.* *Ad 3.* patet ex *Tit. præc.* perempta instantia solùm perire Acta Ordinatoria Judicii, non autem Instructoria. *Ad 4.* etiam Juramentum inter easdem personas, & in eadem causa vim habet in alio Judicio: unde negativa solùm intelligenda est casu, quo nova causa, vel novus articulus proponitur in Judicio, super quo testis Juramentum nondum deposuit. *Ad 5.* sententia, si in rem judicatam transiit, inter easdem personas, & in eadem causa jus facit; igitur multò magis fidem, quia pro veritate habetur.

**122** Dub. 2. utrum post publicatas Attestationes liceat producere testes vel eosdem, vel novos super articulis iisdem vel novis? Circa hoc dubium adverto, Articulos alios dici antiquos, alios novos, alios non omnino novos, sed ab antiquis dependentes. *Articuli antiqui* dicuntur, qui jam antè propositi fuerunt in libello. *Articuli omnino novi*, qui non sunt propositi, & sunt omnino impertinentes ad causam. *Articuli non omnino novi*, sed dependentes ab antiquis, qui propositi, & probati adjuvant causam, seu intentionem agentis. Præterea alij Articuli sunt directè contrarii, alij indirectè. *Priores* dicuntur, qui directè adversantur depositioni testium, quos altera pars produxit, ut si Actor inter Positiones expressè posuit, & per testes probavit se mutuum dedisse certo loco, & tempore; reus autem probare velit contrarium, nempe se eo tempore non fuisse in eo loco. *Posteriores sunt*, qui indirectè solùm adversantur Articulo priori, ut si actor deponat se mutuum dedisse Titio sine expressione temporis, & loci, testes verò ab eo postea producti deponant de certo loco, & tempore.

**123** Jam quòd post publicatas Attestationes non admittantur testes super articulis omnino novis, exploratum est; nam hi rejiciuntur in omni causa, etiam ante publicationem testium: & ratio est, quia non debet quis admitti ad probandum, quod probatum non valeret *c. cum contingat 36. de offic. deleg. l. ad probationem 21. C. de probat.* E contrario admitti debent Articuli non omnino novi, si post publicationem tales emergant, & pars velit super his novos testes producere. Casus est, cum quis vult reprobare dicta, & depositiones testium contra se adductorum; tunc enim ad probandum, quòd falsum deposuerint, potest alios testes producere, qui probeant testium contra se adductorum mendacium: imò ejusmodi testes admitti possunt etiam post sententiam, ut testatur Mynsing. *cent. 4. obs. 60. num. 10.* & probat à paritate cum instrumentis, quæ noviter reperta post sententiam afferri possunt; instrumenta autem & testes in exercendis litibus æquiparantur, & quæ favorabilia sunt, possunt extendi ex similitudine Casus. Ratio à priori est, quia in his cessat subornationis suspicio, ut bene notat Vivian. *in capit. causam 19. h. tit.* Similiter recipi post attestationem publicationem possunt testes super articulis solùm indirectè contrariis, ut sumitur ex *cap. ex tenore 35. eod.* Utrouque tamen casu, siue admittantur super articulis novis, qui ab antiquis dependent, siue super articulis indirectè contrariis, ne-

Schmalzgrueber Tom. II.

cesse est, ut iterum Juramentum præstent de dicenda veritate, ut statuitur *cap. fraternitatis 17. h. tit.* aliàs enim non admitterentur; quia testi non jurato non creditur.

Quæstio igitur solùm procedit de antiquis, vel directè contrariis articulis. Videntur etiam hi recipiendi. Nam 1. *l. fin. C. h. tit.* productio novorum, & antiquorum testium super iisdem articulis diserte permittitur. 2. idem conceditur *l. eos qui 6. §. siquid 1. C. de Appell. & l. per hanc 4. C. de tempor. appellat.* 3. concordat Jus Canonicum *c. constitutis 46. & c. presentata 50. h. 1.* ubi diserte asseritur publicatis Attestationibus testes posse recipi. 4. testes toties recipiendi sunt, quoties per illos veritas obtineri potest *l. unius 18. §. cogniturum 9. ff. de questio.* sed publicatis attestationibus, ex nova testium productione sortè veritas obtineri potest. ergo &c. 5. si testis productio denegeretur post publicatas attestaciones, sæpe continget, ut innocens damnetur, qui potuisset se novorum testium productione defendere.

Verùm his non obstantibus, dicendum, post publicationem Attestationum non posse regulariter alios, vel eosdem testes produci super iisdem, vel directè contrariis articulis. Ita Abb. *in cap. fraternitatis 17. h. tit. n. 1. Gonzal. ibid. n. 1. & seq. Laym. num. 1. Barbof. num. 1. Vivian. in capit. intimavit 18. eod. Fagn. ibid. numer. 8. Vvagn. in c. 48. dist. tit. Consentiant Marant. de Ord. Judic. p. 6. tit. de test. product. num. 22. Hiltrop. p. 3. tit. 9. c. 6. n. 60. Gail. l. 1. obs. 105. n. 2. Farin. prax. q. 75. an. 68. Haun. tom. 5. tr. 4. n. 166. Vall. hic §. 3. nu. 5. & 21. Zoef. num. 23. Pirh. num. 115. & seqq. Engl. n. 48. Konig n. 58. Vviesl. n. 115. & seqq. & sumitur ex *c. fraternitatis cit. cap. cum venisset 25. & Clem. 2. eod.* Ratio est, tum quia partes ulteriori productioni per admissam publicationem renuntiassent censentur; tum propter periculum, ne aliqui testes subornentur, si partes ex publicatione intelligant, priores non deposuisse secundum expectationem suam. Proceditque responsio tam in prima, quàm in secunda instantia, nec de Jure Canonico tantum, quod patet ex *Clem. 2. citat.* sed ut teste Haun. *numer. 172.* habet communior & verior sententia, etiam de Jure Civili, quod colligitur ex *Novell. 90. capit. 4.* ubi Imperator non restringit ad primam instantiam, sed absque limitatione terminis universalibus loquitur. Accedit, quod ratio, ob quam id statutum est in prima instantia, etiam pugnet pro secunda, nempe periculum subornationis. ergo cum ratio sit anima Legis, & ubi eadem ratio est, idem statuendum Jus sit, rectè insertur Pontificem non novum Jus quoad causam Appellationis condidisse, sed potiùs Jus Cæsareum interpretatum esse, & huic interpretationi standum.*

Dixi autem regulariter; nam plures sunt casus, in quibus post publicatas attestaciones iisdem, vel alij testes super iisdem, vel directè contrariis articulis denuo produci, & recipi possunt. Et 1. quidem si testes non sint recepti legitime, ut si facta esset receptio testium à Judice incompetente, vel ante contestationem litis, aut si examinati non essent sufficienter super omnes articulos, super quibus eos interrogari initio fuit pettum *cap. per duas 48. & c. cum clamor 53. h. t.* Ratio est, quia paria sunt non fieri, & non rite, aut legitime fieri; & aliàs dolus, aut negligentia Judicis parti litiganti obesse posset. 2. si agatur diverso modo, & ob alium finem. Exemplum est, cum receptæ, & publicatæ sunt attestaciones in Judicio summario; nam hac publicatione non impeditur pars litigans, quin super iisdem articulis vel eosdem, vel alios testes producat in Judicio ordinario *capit. veniens 38. hoc titul.* Ratio est, quia in Judicio summario sufficienti probationes leviores, majores exiguntur in plenario, adeoque in hoc priores non faciunt sufficientem fidem. 3. si Judex ex officio pro meliore sua informatione repetere testium depositiones velit; nam generaliter, ubi æquitas Judicem moverit, is ante sententiam definitivam interrogare potest, donec veritatem rei exploratam habeat *can. judicantem 21. caus. 30. q. 5. 4.* si pars adversa consentiat expressè, vel tacite non opponendo; nam constituto, productionem testium post publicatas attestaciones prohibens, facta est in favorem partium, cui proinde ista renuntiare possunt Farin. *prax. q. 75. numer. 179.* 5. si non utroque pars in publicationem consenserit; quia publicatio sic facta

N. non



non est rite facta, & conf. nulla. 6. si priores attestatio-  
nes sint perditæ; quia paria sunt non esse, & non appa-  
rere. 7. si testes obscurè, & ambigüè prius deposuerunt;  
quia indecens est, ut in re dubia certa detur sententia. 8.  
si ob reprobationem Adversarii necesse sit priorum tes-  
tium depositionem novis testibus confirmare. 9. si mi-  
nori, aut iis, qui privilegio minorum gaudent, vel et-  
iam majori ex causa iusta concedatur in integrum resti-  
tutio. 10. in causa Matrimoniali, quando agitur de im-  
pedimento dirimente Matrimonium *cap. series 26. &c.*  
*cum in tua 44. h. t.* & hoc ideo, quia vertitur periculum  
animæ, si personæ cum impedimento dirimente Matri-  
monium contraherent, vel in contracto persisterent. 11.  
in causis criminalibus; nam in his etiam, postquam  
jam fuit conclusum in causa, alii testes produci, & re-  
cipi possunt, præsertim ex parte Rei ad ostendendam il-  
lius innocentiam, quam reus semper ostendere potest,  
& defensiones suas proponere *l. unius 18. §. cogniturum*  
*ff. de quæstion.* 12. in aliis omnibus causis, quæ non tran-  
seunt in rem judicatam. Quæ & plura alia vide latius  
apud Farin. q. 75. cit. a. n. 98.

127 Sic limitatæ responsioni non obstant argumenta con-  
traria. *Ad 1.* in *l. cit.* sermo est de receptis Attestatio-  
nibus coram Arbitro: de quo *nu. 119.* *Ad 2.* ut Gloss.  
*inc. fraternitatis 17. V. novis h. tit.* cum aliis *ll. citat.*  
explicat, ibi sermo est de Articulis non iisdem, sed no-  
vis, & ad causam pertinentibus: de quibus *numer. 123.*  
*Ad 3. cap. constitutus citat.* publicatio testium legitimè  
facta non est, utpote inaudita parte, quæ contra Jus  
per vim prohibita fuit, ne intentionem suam probaret,  
ut constat ex ipso textu: *cap. presentata* autem loquitur  
de testibus publicatis non coram Iudice, sed coram Ar-  
bitris. *Ad 4.* concedo, testes toties recipiendos, quo-  
ties per illos de veritate legitimè constare potest; non  
autem legitimè constat, quando tempore, & modo à  
Legibus definito non constat. *Ad 5.* periculum, ne in-  
nocens damnetur ob non admissos testes post Attestatio-  
num publicationem, est rarissimum; nam communiter,  
& per se loquendo litigantes initio statim adhibent tes-  
tes, quos maximè sibi profuturos iudicant, estque il-  
lis integrum adhibere illos in numero non exoticè pro-  
fuso. ergo non nisi rarissimè potest contingere, ut su-  
persint novi testes in favorem producentis deposituri.  
E contrario si productio novorum testium post didici-  
tas Attestationes, seu quod in effectu idem est, post  
earum publicationem permitteretur, frequentissimè op-  
primeretur veritas, & daretur amplissima occasio sub-  
ornandi testes ad opponendum contra prius receptos:  
quod malum, cum universalius sit, magis vitandum est,  
quàm periculum, quod in rarissimo casu in periculum  
adducereur innocentia.

128 Dub. 3. an, & quænam Exceptiones contra testes  
opponi post Attestationum publicationem possint? Re-  
spond. distinguendo inter tria Exceptionum genera, quæ  
contra testes, ut *n. 132.* dicam, opponi possunt, vide-  
licet contra personas testium, contra Examen illorum,  
& contra ipsorum dicta. De Exceptionibus contra Exa-  
men, & contra dicta testium nulla est difficultas; nam  
contra dicta testium, cum hæc solum post publicationem  
Attestationum innotescant, solum opponi, & excipi  
post easdem publicatas potest. De Exceptionibus contra  
Examen eorundem constat ex capitibus, ex quibus hæc  
opponuntur, quod partim post, partim ante publicatas  
Attestationes opponi possint.

Quæstio igitur solum restat de Exceptionibus contra  
personas testium. Videntur etiam istæ opponi post Atte-  
stationes publicatas posse. 1. quia oppositio contra tes-  
tes non Dilatoria, sed Peremptoria Exceptio est, sed  
Peremptoria Exceptiones quocunque tempore ante sen-  
tentiam opponi solent *cap. intelleximus 1. de Ordin. co-  
gnit. l. peremptorias 2. C. sentent. rescind. non poss.* igitur  
etiam publicatis Attestationibus licet contra testes op-  
ponere. 2. juxta *cap. denique 1. de Except.* crimina tes-  
tibus opponi possunt ante sententiam, ergo etiam Atte-  
stationibus publicatis. 3. *l. querela 12. C. ad Leg.*  
*Corn. de fals. & cap. venerabilem 14. de Except.* statui-  
tur Exceptionem criminis contra testes, quia corrupti  
dixerunt, posse à litigatore proponi non solum duran-  
te prima instantia, sed etiam intra spatium 20. anno-  
rum post latam definitivam sententiam.

129 Verùm his non obstantibus dicendum, post publica-

tionem factam regulariter, & de Jure non amplius pos-  
se excipi contra personas testium. Constat *ex capit. præ-  
sentium 31. hoc titul.* & notat *ibid.* Vivian. in *Ration.*  
*princ. Gonzal. nu. 1. & seqq. Barbof. n. 1. seqq. Hiltrop.*  
*p. 3. tit. 9. c. 6. n. 20. Haun. tom. 5. tr. 4. n. 191. Pirh.*  
*hic n. 240. Engl n. 51. Konig n. 57. Vviest. nu. 108.* &  
apud hos alii. *Ratio est,* quia timetur, ne is, contra  
quem testis deposuit, hoc ipso irritatus malitiosè singar  
causam suspicionis. Accedit, quia qui testem semel ad-  
misit ad Examen, & insuper ejus depositionem publicari  
petiit, videtur eundem approbasse; conf. amplius ipsum  
reprobare non potest.

Dixi autem Regulariter; nam, ut *ex cap. cit.* colligi-  
tur, tres casus sunt, quibus Exceptiones adversus per-  
sonam testis admittuntur etiam post publicatas attesta-  
tiones. Er 1. quidem, si ante examen, vel publicatio-  
nem Attestationum reus protestatus est, aut sibi refer-  
vavit exceptiones contra testes, ut hodie plerumque fit;  
nam protestatio hæc suspicionem malitiæ tollit, & jus  
reo ad excipiendum conservat. 2. si reo primum post  
publicationem innotescat causa suspicionis, ut quod pec-  
unia corruptus, infamis, aut consanguineus sit &c.  
nam hoc si probet, causa suspicionis cessat. 3. si reus  
post publicationem, præmisso Juramento malitiæ, pos-  
sit aliquam causam rationabilem allegare, quare prius  
contra personas non exceperit; nam Juramentum elidit  
præsumptionem contrariam. Imò si testes fuerint ab-  
solutè inhabiles ad testificandum, cujusmodi est Excom-  
municatus vitandus, servus, furiosus, infamis infamia  
Juris etiam absque Juramento opponere Exceptionem li-  
cet post publicatas Juris depositiones, ut notant Felin.  
*inc. presentium cit. n. 4. Laym. ibid. n. 2. Haun. n. 191.*  
*Pirh. num. 242.*

Neque obstat *l. testes 1. C. de testam.* ubi dicitur, si 130  
servus, qui alioquin inhabilis est, testis adhibeatur in  
condendo testamento, cum conditio servilis publicè  
ignoretur, testimonium illius in hac causa infirmari non  
posse; nam disparitas est, quia in hoc casu testis requi-  
ritur ad solemnitatem, & substantiam actus: & hinc, si  
ejus defectus publicè ignoretur in loco, ubi actus cele-  
bratur, Jus supplet defectum, si remissibilis sit per Legis-  
latorem *l. Barbarius 3. ff. de Offic. Prætor.* at in nostro casu  
testis requiritur ad probationem, quæ non censetur sup-  
pleri per hoc, quod testis inhabilitas publicè ignoretur.

Ad Argumenta in contrarium opposita facilis est res-  
ponsio. *Ad 1.* Oppositiones istæ, quibus excipitur con-  
tra testes, propriè non sunt Exceptiones causæ principa-  
lis, sed potius depositionum testium: hinc nihil impe-  
dit, quo minùs proponantur tempore citationis ad testes  
audiendos factæ, vel postea, modò proponantur ante  
publicationem testium. *Ad 2.* textus noster, & funda-  
ta in illo assertio procedit in objectione criminum, vel  
aliorum defectuum contra testes; textus autem *capit. 1.*  
*citat.* pro ratione dubitandi procedit in eorundem crimi-  
num probatione, quæ duo utique longè diversa sunt:  
nam is, qui vult obijcere contra personas testium, hoc  
facere debet ante publicationem Attestationum; proba-  
tio verò hujusmodi exceptionum, modò congruo tem-  
pore propositæ sint, satis est, si fiat ante sententiam.  
*Ad 3.* magna est disparitas inter Exceptiones, quæ op-  
ponuntur contra dicta testium, qualis est in casu *l. que-  
rela citat.* & inter eas, quæ opponuntur contra earum  
personas: priores, ut est falsitas, opponi possunt et-  
iam post sententiam intra 20. annos, non autem se-  
cundæ.

Ex his patet triplicem esse Effectum Publicationis tes- 131  
tium. *Primus,* quod Attestationes in causa aliqua  
coram uno Iudice legitimè receptæ, & publicatæ, in ea-  
dem causa, & inter easdem personas, eisque succeden-  
tes, aut ab eis Jus habentes, coram alio etiam Iudice  
fidem faciant, prout dictum est à *nu. 118.* 2. quod post  
publicatas Attestationes nec priores, nec novi testes su-  
per iisdem, vel directè contrariis articulis regulariter  
produci, & recipi possint, ut ostensum à *n. 122.* 3. quod  
post eandem publicationem exceptiones contra testium  
personas non admittantur, ut ostensum à *n. 128.*

Disputant hic aliqui, an Publicatio Attestationum sit  
de substantia Processus. Asserere videtur Accursius in *l.*  
*prolatam 4. C. de sent. & inter loc.* apud Gaill. *l. 1. obf.*  
*105. num. 1.* Sed melius retinetur negativa cum eodem  
Gaill. *l. cit.* Haun. *to. 5. tr. 4. n. 165.* & hinc, si ea non  
petat.



petatur, & propterea omittatur à iudice, vel petatur quidem, sed ab eo negetur, nec appelletur à denegatione, sententia omnino subsistet. Abb. *in c. cum J. & A.* 22. *de sent. & re judic. num.* 20. Clar. §. *fin. quest.* 61. pr. Menoch. *de arbitr. l. 1. quest.* 33. à n. 1. Ratio est, quia iudici attestations, aliaque acta iudicii, & allegata partium jura, ex quibus sententia ferri debet, semper sunt publicata.

Dixi, *nec appelletur*; nam etsi omissio illius sententiam, & acta non vitiet, si tamen parti publicationem petenti Iudex eam facere recuset, licebit à gravamine hoc appellare; quia licet ad substantiam ejus non pertineat, est tamen de præcepto, ut notant Gaill. & Haun. *l. cit.* Addidi *parti petenti*; nunquam enim publicatio ista fieri debet ad petitionem tertii intervenientis in iudicio, etiamsi ejus aliquo modo intersit, nisi adversarius, ad cujus petitionem attestations receptæ sunt, in publicationem illarum consensiat. Vivian. *incap.* 30. *h. tit.* Ratio est, quia hoc cederet in præjudicium ipsius partibus, quæ amplius producere Testes super illis articulis non possent.

## §. V.

## De Reprobatione Testium.

## S U M M A R I U M.

- 132 *Quæ Exceptiones opponi possint contra personas Testium?*  
 133 *Contra examen illorum?*  
 134 *Contra dicta?*  
 135 *Cumulari possunt exceptiones istæ.*  
 136 *An exceptio opposita contra testes impediatur receptionem illorum?*  
 137 *Exceptiones.*  
 138 *Quousque liceat reprobare testes?*  
 139 *Modus servandus in illorum reprobatione.*  
 140 *An possit quis reprobare testes a se productos?*

132 **R**eprobatio Testium fit excipiendo. Hinc Quæritur 1. quotuplicis generis exceptiones fieri contra Testes possint? Resp. adversus illos, ut *supra* num. 128. innui, triplici ex capite posse excipi, videlicet contra personas Testium, contra examen illorum, & contra ipsorum dicta.

*Contra Personas testium* excipitur opponendo non esse idoneas ex his capitibus, quæ à num. 2. enarrata sunt: hinc nihil de iis hic attinet dicere. Solum noto, quando pars adversa nihil contra personam Testis opponit, statim illius depositioni, etiamsi fortè contra illam excipi potuisset, ut bene notat Haun. *tom.* 5. *tract.* 4. num. 191. censetur enim favori pro se introducto renuntiare. *Excipe* 1. si vitium illud non utilitatem partis privatam, sed publicum Jus concernat; nam ea, quæ sunt juris publici, privatorum pactis remitti nequeunt. 2. Si vitium invincibiliter ignoretur; nam in casu talis ignorantie etiam contra vitium, quod privatam solummodo partis utilitatem concernit, excipi potest. 3. Si post productionem nova causa supervenerit, ob quam reddatur inhabilis, quæ ante non suberat.

133 **C**ontra *Examen testium* excipi potest pluribus modis, quos notat Hiltrop. *Process. Judic. part.* 3. *titul.* 9. *capit.* 6. à num. 3. Et 1. quidem, quod à iudice incompetenti sunt examinati, e. g. Clericus à iudice seculari sine permissu superioris. 2. Quod Testes producti, & recepti sint ante contestationem litis; intellige, si sine iusta causa hoc factum sit. 3. Quod recepti sint adversa parte non citata. 4. Quod non juraverint de dicenda veritate. 5. Quod admissi sint ad testificandum post trianam productionem sine solemnitate Legali. 6. Quod recepti post didicita restificata. 7. Post elapsas dilationes ad probandum concessas. 8. Post renuntiationem probationum factam à partibus. 9. Post conclusionem in causa. 10. Quod non secretò, sed omnes simul Testimonium dixerint. Hæc enim omnia, ut ex dictis à numer. 93. constat, solemnitati examinis obstant.

134 **C**ontra *dicta testium* varia rursus opponi possunt, ut ostendit idem Hiltrop. *l. cit.* à num. 123. 1. Quod Testis deponens non reddiderit rationem sui dicti idoneam. Schmalzgrueber *Tom.* II.

2. Quod vacillet, & variet. 3. Quod dubitative, vel obscure, & confuse Testimonium dixerit. 4. Quod dicta illius, vel illorum inter se sint contraria, vel diversa. 5. Quod deponant sub eadem verborum forma: quia præmeditatum sermonem asferre videntur. 6. Quod depositio illorum sit negativa, non coarctata ad locum, & tempus, licet facile sit coarctabilis; nam Testis ita deponens suspectus est de falsitate. 7. Quod contrarietur confessioni partis eum producentis. 8. Quod non habeat scientiam rei, sed deponat tantum de credulitate, vel de auditu alieno, eosque authores habeat, quibus, si ipsi deponerent, non crederetur. 9. Quod deponat, & dicat inverisimilia, i. e. talia, quæ vel ita se habere, vel Testis scire moraliter vix potest, v. g. si homicidium in tenebris factum sit, & Testis dicat, quod ex visu homicidam optimè noverit. 10. Quod Testis sit nimis verborosus, & deponat extra Articulum; nam nimia verborositas facit Testem suspectum de subornatione, vel magna affectione erga producentem. 11. Quod sit Testis singularis. 12. Quod se referat ad depositionem invalidam. 13. Quod in uno articulo deposuerit falsum. 14. Quod deposuerit in scriptis &c.

Porro in casu, ubi ratione expressæ, vel tacitæ admissionis excipi contra Testium personas nequit, adhuc tamen excipi potest contra eorundem dicta, & examen. Imo possunt aliquando simul, & semel exceptiones fieri ex omnibus his tribus capitibus. Consultius tamen est, ut prius dicta impugnentur, quam personæ: unde Everhardus Advocatos monet, ut tum demum ad reprobationem personarum pergant, quando viderint Testimonia illorum aliter infringi non posse. *Excipitur*, si persona Testis notoriè sit inhabilis; tunc enim si Iudex ex officio eum non repelleret, ad lites abbreviandas quandoque expeditius foret reprobare statim ejusmodi Testis personam.

Quæritur 2. an, & quando exceptio opposita contra Testes impediatur eorum receptionem? Resp. ordinariè non impedire eorum receptionem, & examinationem; sed quæstio illa de inhabilitate Testis opposita in finem litis reservari potest, ut sumitur ex *Auth. si testis C. h. titul.* & docet *ibidem* Bartol. num. 3. Gloss. *in capit. 7. V. infames titul. eodem* Abb. *ibidem* num. 8. Felin. num. 12. Mascard. *de probat. concl.* 695. à n. 1. Farin. *prax.* q. 62. à num. 350. Pitling *hic* num. 247. Ratio est, quia fortasse in progressu litis patebit, quod Iudex etiam sine eorum Testium, de quorum inhabilitate opponitur, depositionibus ex aliis probationibus sententiam ferre possit, adeoque frustra disputaretur de habilitate illorum Testium.

Procedit autem hoc regulariter; nam plures limitationes istius doctrinæ afferunt Menoch. *de arbitr. cas.* 239. à num. 7. Mascard. *l. cit.* à num. 3. Farin. à num. 357. Pirh. nu. 248. & duob. seqq. Et 1. quidem, si testi obiciatur crimen, vel defectus, qui aut notoriusest, aut talis saltem, ut in continenti probari possit *cap. ex parte 7. h. tit.* 2. si contra Testes, quibus opponitur exceptio, sit præsumptio juris, ut si Testi contra te producti opponas ipsum esse servum, adeoque inhabilem ad Testificandum, Testis autem fateatur hoc, sed dicat se manumissum esse à domino; cum enim manumissio potius non facta præsumatur à jure, in continenti probari debet à Teste, & eousque differetur ejus receptio. *Author. si testis citat.* 3. si opponatur contra Testem, quod sit capitalis inimicus illius, adversus quem producitur; quia hic audiri non debet, antequam de inimicitia judicetur *Auth. citat.* §. *si vero.* 4. si obiciatur Testi, quod sit excommunicatus vitandus ob periculum communionis *capit. pia 2. de except. in 6.* 5. si Testis sint infirmi, senes, diu absuturi &c. ut periculum sit, ne si differatur illorum examen, examinari postea non amplius possint.

Extra hos casus, ut communiter DD. notant, plerumque est in Arbitrio Judicis, an Exceptiones contra Testes oppositas reservare velit in finem litis, vel non.

Quæritur 3. quousque licitum sit reprobare Testes? Resp. licet reprobare Testes probatorios, & horum reprobatorios, sed reprobatorios reprobatoriorum reprobare, sive alios contra hos Testes producere non amplius est concessum. Ita statuitur *c. licet dilectus 49. h. tit.* & notat Gloss. *ibidem* V. quos, Abb. numer. 1. Layman numer. 1.



Barbola *num.* 1. Valleng. *hic* §. 3. *num.* 17. Zoef. *num.* 18. Pith. *num.* 251. Vviesl. *numer.* 103. Siftitur autem in reprobatione reprobatoriorum, nec permittitur, ut reprobatorii reprobatoriorum reprobentur per alios Testes, ne sc. detur processus in infinitum, sed sit aliquis litium finis.

Neque obstat *Reg.* 32. in 6. quæ præcipit, ut in iudicio inter actorem, & reum seruetur æqualitas; nam adhuc servatur æqualitas: Vel enim solus actor producit Testes probatorios super causa principali, vel etiam Reus. Si secundum, sicut Reus potest reprobare Testes Actoris probatorios, & reprobatorios, ita etiam Actor rei. Si primum, ipse Reus in causa fuit, quod Testes probatorios super causa principali non produxerit, quos si produxisset, potuissent hi reprobari ab Actore per alios Testes, illi autem denuo reprobari a reo. Unde utrique tam Actori, quam reo vel Actui, vel potentia licet reprobare probatorios adversarii, & simul reprobatorios Testium à se productorum; nulli autem reprobare licet reprobatorios reprobatoriorum.

Dixi autem per alios testes; nam reprobatio Testium secundo reprobatoriorum fieri ulterius potest per Instrumenta, ut notant Haun. *tom.* 5. *tr.* 4. *n.* 193. Pith. *hic* *n.* 253. & alii. Neque obstat *c. licet cit.* quia ibi prohibetur solum tertia reprobatio per Testes; instrumenta autem in materia odiosa, qualis hæc est, non veniunt propriè nomine Testium, aut vicissim Testes nomine Instrumentorum.

137 Queritur 4. quis sit modus servandus in reprobatione Testium? Resp. hic in duobus consistit, ut colligitur ex *c. presentium* 2. *vers. testes h. tit. in 6.* & docet *ibidem* Vivian. in *Ration.* Pith. *n.* 254. cum aliis. Primum præstari debet universim à quocunque, qui reprobare contendit Testes sive probatorios, sive reprobatorios reprobatoriorum. Alterum fieri solum debet à reprobato reprobatorio.

Illud est, ut crimina, alique defectus contra Testes objecti, item nomina Testium, tum eorum, quos reprobare, tum illorum, per quos reprobare Testes intendit, specificè exprimantur à reprobato Testes. Ratio est, quia alias posset variare, & committere fraudem ad protrahendum negotium in infinitum. Debet igitur positionem facere in hunc modum: *Intendo probare talem testem adulterum esse, quia talem uxorem talis viri publicè habuit pro concubina, & hoc probare volo per testes A. B. C. & sic de singulis.*

Posterior, quod solum concernit eum, qui reprobare intendit Testes reprobatorios probatoriorum à se productorum, est, ut præstet Juramentum, quod ad reprobationem hanc non procedat malitiosè. Ratio autem, quare Juramentum exigatur in secunda reprobatione Testium reprobatoriorum, non autem in prima probatoriorum est, quia contra eum, qui reprobatorios vult denuo reprobare, est major præsumptio, quod id agat ex malitia, quam contra eum, qui tantum vult reprobare probatorios; de priore enim periculum est, ne quasi provocatus se velit ulcisci ob reprobatam fidem testium probatoriorum à se productorum.

Verum hæc res porissima ex parte ex Judicis pendet arbitrio; nam & in prima reprobatione, si ita expedire videbitur, juramentum potest exigere à reprobato Testes. Excepit, nisi sit Judex Delegatus v. g. à Papa, ut contingit in casu *c. presentium cit.* is enim debet servare mandatum delegantis.

140 Queritur 5. an possit quis reprobare Testes à se productos? Resp. non posse eos reprobare, sive excipiendo repellere, tanquam inhabiles. Ita habetur *l. si quis* 17. *C. h. titul.* & docet Gloss. *ibidem* V. excipere, Layman in *capit.* 31. *h. titul. numer.* 4. Haun. *tom.* 5. *tract.* 4. *numer.* 319. Pithing *hic numer.* 258. Proceditque hoc, sive sit in eodem, sive in diverso Iudicio. Ratio est, quia producendo Testes videtur approbasse eorum personas, licet inhabiles, & quos approbavit pro se, etiam debet admittere contra se juxta *reg.* 21. in 6. quod semel placuit, amplius displicere non potest; & aliam communem apud Jurisperitos: Qui approbavit personam ad certum Actum, vel Officium, non potest deinde eandem reprobare, tanquam inhabilem ad idem officium, vel consimile.

Dux tamen faciendæ exceptiones sunt. 1. Si causa reprobandi de novo emergat, aut si prius extitit,

fuit incognita, ut si inimicitia capitales inter producentem, & Testem supervenerint. 2. Si producat vi deat, quod Testes à se producti contradicant sibi ipsis, vel unus, aut plures aliis à se productis, aut quod deponant pro Adversario, contra quem producti sunt. Ratio est, quia producat non censetur approbare, quæ Testes dicturi sunt, cum ea necdum scire potuerit.

Neque obstat, quod producat Instrumentum reprobare illud non amplius possit, nam hic potuisset, & debuisset prævidere, an illud faciat pro se, vel contra se, antequam illud produceret. At vero is, qui Testes producit, prævidere non potest, quid dicturi sint in iudicio; quia sæpe variant, & postquam per levitatem prius steterunt pro producente, juramenti dein Religione accedente, partes adversarii amplectuntur; quia perjurium horrent.

## TITULUS XXI.

*De Testibus cogendis, vel non.*

### SUMMARIUM.

- 1 Testes compelli possunt ad testificandum.
- 2 Servato tamen ordine inter pœnas.
- 3 Excipiuntur parentes contra liberos, & vicissim.
- 4 Consanguinei, & affines.
- 5 Conjuges &c.
- 6 Doctrinæ tradita limitatio.
- 7 Discrimen inter privilegiatos, & non privilegiatos.
- 8 In loco Judicii non tenentur deponere senes, infirmi, pauperes.
- 9 Longè distantes, Milites, persone egregiæ.
- 10 Doctores.
- 11 Clerici, & Religiosi ad testificandum compelli nequeunt à Saculari.
- 12 Possunt ab Ecclesiastico, & suo Iudice.
- 13 Causæ, in quibus compelli testis ad testificandum potest.
- 14 Exceptiones.
- 15 16 17 18 Quando testis compelli possit ad testificandum in causa criminali?
- 19 20 An in hac testificans contra reum Irregularis fiat?

Sæpe contingit, ut aut metu, aut odio, vel amore, aut alia quacunque ex causa Testes à parte rogati, vel à Iudice citati venire renuant, aut si veniant, testificari recusent. Hinc quid eo casu faciendum sit Iudici, discutitur præsentis Titulo.

Queritur 1. an Testes compelli possint à Iudice ad ferendum Testimonium? Resp. posse ad id compelli, si rogati, & vocati ferre Testimonium renuant, nec causam, quæ ipsos excuset, afferant. Ita statutum utroque Jure; Canonico quidem per Rubricam, & textus *h. tit.* Civili autem *l. si constitutio* 10. *l. si quando* 19. & *Auth. seq. C. de testib.* Ratio est, quia publicè utile est ex veritatis occultatione nemini interverti Jus suum, quod tamen fieret, si Testes à ferendo Testimonio se possent subtrahere.

Coguntur autem Testes, quando idonei sunt, Jure civili, vel indicta multa pecuniaria *l. un. ff. si quis jus dicent. non obtemp.* vel captis pignoribus ad exemplum Tutorum, & Curatorum satisfacere nolentium; aliquando etiam per confiscationem bonorum, & bannum. Gaill. *l. 1. obs.* 100. *numer.* 10. & *seqq.* Jure Canonico, antequam Judex Ecclesiasticus ad coactionem testium, recusantium testificari, descendat, monendi sunt antea, & si moniti, amore, aut favore unius partis, vel odio, aut timore alterius se subtrahere velint, tum primum cogendi sunt, ut constat ex *c. super eo* 3. *h. tit.* & notat Abb. *ibidem* *n.* 3. Pith. *n.* 6. *hic*, Vviesl. *n.* 3. Præsumitur autem Testis ob aliquam pravam affectionem regere veritatem velle, eo ipso, quod rogatus, & monitus testificari renuat, & justam causam, qua se excuset, nullam alleget, ut bene advertit Pith. *num.* 4. Hinc casu, quo Testimonium Testis necessarium est, eo quod veritas aliter, quam per ipsius Testimonium haberi nequeat, si post monitionem non pareat, statim compelli ad testificandum potest.



2 Compelluntur autem per censuras Ecclesiasticas *capit. causam 1. & c. pervenit 5. h. tit.* ubi noto, si Testis citatus sit Clericus, conveniens esse, ut non statim pœnam excommunicationis vel depositionis Judex interroget, sed primo quidem procedat adversus contumacem per censuram suspensionis, & interdicti, postea verò, si testis persistat in contumacia, ad excommunicationem, ac denique ad pœnam depositionis, ut patet ex *c. cum super 2. h. tit.* & notat ibidem Gloss. *V. depositionis*, Imola *ibid. n. 4.* Felin. *princ. Pich. n. 8. hic Vviest. num. 3.* Excipitur, nisi Judex nimium distet à Testibus citatis; tum enim in citatorio statim, ubi præcepit, ut certo die, & loco compareant, in reluctantes sub conditione ferre Ecclesiasticam censuram potest, ut notat Vvagn. *in c. causam cit. not. 2.*

Quæritur 2. quæ personæ ad Testimonium ferendum cogi possint? Resp. omnes, quos non vel Jus, vel consuetudo legitimè præscripta, vel justa, & legitima causa excipit.

3 Excipiuntur autem complures, qui inviti ad Testimonium dicendum cogi non possunt. Et 1. quidem *Parentes contra liberos*, & vicissim *liberi contra parentes*, *can. si testes 3. §. parentes caus. 4. q. 3. l. parentes 6. C. de testib.* Ratio est, quia hæ personæ in jure pro una, eademque habentur, & ex parte parentis quidem obstat pietas erga liberos, in liberis autem reverentia erga parentes debita. *Extenditur* hoc etiam ad ascendentes, & descendentes in linea paterna, vel materna; nam & isti nomine Parentum, & Liberos veniunt, ut notat Gloss. *in l. cit. V. adversus*, Hiltrop. *p. 3. tit. 9. c. 3. n. 3.* Vvesenbec. *ff. de test. n. 3.* Gonzal. *in c. 11. h. tit. num. 6.* Zoef. *hic n. 4.* Pirh. *n. 23.* Excipitur in atrocissimis criminibus, ut Veneficii, Hæresis, læsæ Majestatis &c. tum enim, si alii testes haberi nequeant, admittuntur, & coguntur ad testificandum, ut advertit Farin. *prax. q. 54. à num. 161.*

4 2 *Agnati, & Cognati*, item *Affines*. *can. si testes cit. §. item Lege Julia l. Lege Julia 4. ff. de testib.* Ratio est, quia grave nimis est, ut quis contra suum sanguinem cogatur Testimonium dicere. *Notanda* tamen hic est differentia inter consanguineos, & affines; nam aliqui ita arctè conjuncti sibi sunt affinitate, ut sibi ad invicem instar parentum, & liberos sint, ut focer, & focrus, gener, & nurus, virricus, & privignus &c. alii non ita. *Priores* ne quidem volentes admittuntur ad dicendum adversus se Testimonium; *posteriores*, uti & alii consanguinei collaterales, licet ordinariè non possint cogi ad testificandum contra se in causa civili, vel criminali, volentes tamen admittuntur, saltem in causis civilibus. Competit autem hoc privilegium non compellendi testes consanguineos tantum consanguineis propinquis usque ad quartum gradum exclusivè, non autem remotioribus, ut cum aliis notat Farin. *q. 54. cit. n. 19. & 23.*

5 3 *Uxor contra maritum*, & vicissim, Colligitur à fortiori ex *l. Lege Julia cit.* ubi referuntur plures personæ, quæ sunt respectivè tantum privilegiatæ. Imò constitutio istius Legis extenditur ad sponsum respectu parentis sponsæ, ut explicatur *l. in Legibus 5. ff. de testib.* Item ad Libertos, & Patronos, *l. Lege Julia citat. ibi item ne liberto.* Excipitur tamen, si veritas aliunde haberi non possit; tunc enim hi, imò & consanguinei, atque affines cogi possunt ad testificandum, ut notat Abb. *in cap. 1. h. tit. num. 4.* Layman *in cap. 12. de test. num. 6.* Vallens. *hic num. 6.* Engl. *num. 6.* quia privilegium, seu favor juris hoc casu cessare debet, ne veritas occultetur.

6 Et universim in his, & aliis privilegiatis consideranda est publica utilitas, vel detrimentum; nam publica utilitate sic exigente, personæ etiam privilegiatæ adigi possunt ad Testimonium perhibendum, ita, ut ne Clerici quidem excipiantur, ut sumitur ex *can. quanquam 2. caus. 14. quæst. 2.* & docet Abb. *in cap. 1. citat. num. 4.* Hiltrop. *c. 3. cit. num. 6.* Gaill. *l. 1. obs. 100. n. 15.* Haun. *tom. 5. tr. 4. num. 144.* Vallens. *hic num. 7.* Sed tunc de jure Canonico necesse est probari, quod Testimonium hujusmodi privilegiatæ personæ necessarium sit, vel quod malitiosè se subtrahat; nam præsumitur se subtrahere non malitiosè, sed ob privilegium, quod ipsum habere constet.

7 Unde privilegiati à non privilegiatis in hoc differunt, *Schmalzgrueber Tom. II.*

quod hi, si Testimonium ferre nolint, debeant ostendere se causam justam excusandi habere; alias coguntur, cum adversus ipsos sit præsumptio, quod ex prava affectione renuant. At privilegiati causam aliam excusantem asserre non debent, nisi privilegium, sed ipsis probari debet, quod Testimonium eorum sit necessarium, & aliter veritas haberi nequeat. *Excipe*, si privilegiati Testes adhiberi se passi fuerint in aliquo contractu, vel Testamento; nam si postea supereo contractu, vel Testamento lis judiciaria oriatur, non poterunt amplius munus ferendi Testimonium in judicio declinare super illo contractu, vel Testamento; & Ratio est, quia ex quo liberè acceptant munus Testis, videntur renuntiasse excusationi, seu privilegio huic Gloss. *in l. inviti 8. V. non licet circ. fin. ff. de testib.*

Quæritur 3. an omnes, qui compelli possunt ad Testimonium ferendum, cogi possint, ut Testimonium ferant coram Judice in loco Judicii? Resp. negativè; nam plures sunt, qui cogi possunt simpliciter ad testificandum, non tamen compelli possunt, ut testificentur coram Judice causæ, vel in loco Judicii.

Tales sunt 1. *privilegiati ob senium*, si sic sint majores 70. annis; nam hi vocati ad testificandum non coguntur personaliter accedere ad judicem, etiam si veritas aliter sciri nequeat, nisi per ipsos, sed ipse Judex personaliter accedere ad eos debet pro Testimoniis recipiendis, vel si eum istud non deceat ob dignitatem personæ, tum demum mittere debet Notarium, vel alios idoneos. Idem dicendum *de infirmis*, & aliter *impeditis c. siqui 8. de testib. l. inviti 8. ff. eod.*

2 *Paupertate depressi*; nam hos verecundia exire prohibet *cap. siquicitat.* Extendit hoc Henr. Canis. *in c. cit. n. 2.* etiam ad mulieres ob sexus verecundiam *c. mulieres 2. de Judic. in 6.*

3 *Longè distantes*, tametsi sint intra Territorium Judicis, sub quo causa agitur. Si sint extra Territorium constituti, judex causæ scribere potest judici loci, in quo Testes degunt, & petere, ut suo nomine, ac vice recipiat depositiones Testium, sibi que obsignatas transmittat *capit. constitutus 3. de fide iuss. & Novell. 90. cap. 5.*

4 *Miles*, qui in expeditione sunt, ii, qui cum Magistratu Reip. causa absunt, & generaliter illi omnes, qui quomodocunque, vel qualitercunque sive ratione officii, sive aliunde ad judicem venire impediuntur, quales fortè sunt ii, qui propter Religionem se loco movere nequeunt, qui manicis, & compedibus vinciti sunt, qui in publico sine dedecore comparere non possunt.

5 *Persona egregia*, prout constat ex *l. ad personas 15. ff. de Jurejur. & l. constitutio 16. C. de testib.* Proceditque hoc, sive sint Ecclesiasticæ, ut Cardinales, Episcopi, Abbates &c. sive sæculares, nimirum Principes, Electores, Duces, Comites, Barones, & Nobiles, maximè si sint Imperio immediatè subjecti, aut in aliquo Officio dignitatem annexam habente constituti. Isti depositiones suas scriptis consignant, & clausas postea ad locum judicii mittunt.

6 Idem de *Doctoribus* sentiendum *l. Medicos 6. C. de Professor. Gloss. in l. ad personas citat. V. ad personas*, ubi id extendit ad eorum familiam, & liberos: quod tamen consuetudine non servari refert Farin. *prax. q. 77. numer. 217.* Extendit tamen hoc potest ad *Licentiatos*, ut qui in materia favorabili habentur pro Doctoribus, ut aliis *citat.* notat Konig *hic num. 7.* Excipiuntur causæ criminales; nam in his judex ipse Testem audire debet propter rei gravitatem *Auth. apud eloquentissimum C. de fid. instrum.* Et hinc magis decet, ut tam isti, quàm aliæ personæ egregiæ, nisi eminens sit valde illarum dignitas, ad judicem se conferant, quam judex ad ipsas. Abb. *in cap. siqui citat. princ. Felin. ibidem num. 1. cum aliis.*

Præterea circa personas egregias adhuc notandum est, quod etsi absolutè, & generaliter renuntiare huic privilegio nequeant, ita, ut illud amittant, cum non personæ, sed dignitati concessum sit, possint tamen non tanquam ex obligatione, sed ex libera voluntate, semel, aut iterum, vel etiam sæpius se sistere judici personaliter ad examen, ut notat Farin. *q. 77. cit. n. 241.* & ex hoc Pirh. *titul. preced. num. 191.* & ratio est, quia sic comparere ejusmodi personis in jure non reperitur



prohibitum. Videantur Marant. *de Ord. Judic. part. 6. tit. de test. product. num. 6.* Gaill. *l. 1. obs. 102. numer. 4.* Hiltrop. *cap. 3. cit. num. 3.* Vvesenbec. *ff. de testib. nn. 3.* Haun. *tom. 5. tr. 4. num. 144.* Henr. Canis. *in cap. 8. de testib. num. 2.* Layman *ibidem n. 1.* Barbosa *num. 1.* & seqq. Vvagn. *in c. 1. h. tit. V. compellas, Pirh. hic nu. 20.* Engl. *n. 7.* König *n. 6.*

- 11 Quæritur 4. an ad testificandum compelli possint etiam Clerici, & Religiosi? Resp. cum distinctione; nam a *Judice Laico* ad testificandum adigi in quacunque causa sive civili, sive criminali nequeunt, prout sumitur ex *can. statutum 38. caus. 2. quest. 6.* & docet Layman *in cap. 12. de testib. num. 2.* Haun. *tom. 5. tract. 4. num. 147.* Pirhing *hic num. 24.* König *num. 8.* Vviesl. *num. 8.* & apud hos alii. Ratio est, quia cogere Testimonium dicere est actus Jurisdictionis, quæ deficit in Laico respectu Clericorum. Accedit, quia testes jurati esse debent. Clericus autem coram *Judice Laico*, absque Episcopi sui licentia, jurare non debet *can. nullus 22. caus. 22. quest. 5.* & *ibi Gloss. V. Laico.* Si tamen necessitas posset, quia aliàs tam idonei testes haberi nequeunt, etiam Clerici ad testificandum compelli possunt *canon. quancum 2.* & *ibi Gloss. V. occultetur caus. 14. quest. 2.* Gaill. *l. 1. obs. 100. num. 15.* & 16. Farin. *prax. quest. 78. num. 77.* Pirh. *hic num. 24.* König *num. 9.* Et tali casu, vel ipsemet Episcopus rogatus à *seculari* *Judice* examinabit Clericum, ejusque depositiones ad *secularem* *Judicem* mitter, vel si ita videbitur, ad eundem mittet ipsummet Clericum, ut coram eo, sicut Clerici solent, juramentum, ac Testimonium edat. Quod si tamen Clericus, vel Religiosus absque licentia sui superioris à *Judice* *seculari*, parte nihil opponente, ad Testimonium cogatur, vel admittatur, valet hujusmodi Testimonium, ut communiter tradunt DD. quia nullo jure Testimonium hujusmodi irritum dicitur: hinc volentes admitti possunt.

- 12 A *Judice Ecclesiastico*, & suo ad testificandum cogi etiam Clerici, & Religiosi possunt, ut constat ex *capit. cum super 2. h. tit.* ubi istius, ad Testimonium perhibendum in *Jus* vocantis, præcepto non obedientibus intentantur pœnæ Suspensionis, excommunicationis, & Depositionis *Excipitur*, nisi agatur causa Ecclesiæ, cujus sunt Beneficiarii, & membra; nam cum hæc instar matris iisdem sit, non facile cogendi sunt, ut contra eam deponant etiam coram *Ordinario* suo, nisi in defectum aliarum probationum *arg. l. lege Julia 4. ff. de testib. Abb. in cap. 12. ibidem nu. 2.* Layman *in idem cap. num. 5.* Pirh. *hic num. 25.* König *num. 8.* Excipe, nisi ipsimet velint; tunc enim admittendi sunt. Neque obstat, quod Clericus censeatur filius esse respectu suæ Ecclesiæ; filii autem contra parentes, & vicissim nec volentes admittuntur; nam statutum, quod prohibet filios testificari contra parentes, non debet extendi ad filios spirituales: & ratio est, quia edictum de Testibus prohibitorium est ejus, quod jure concessum est, & hinc strictam interpretationem habet, nec extendendum ultra casum expressum.

- 13 Quæritur 5. in quibus causis Testes cogi possint ad deponendum Testimonium? Resp. in causis tum Ecclesiasticis, tum *secularibus*, in civilibus, & criminalibus, saltem civiliter intentatis. Ita communiter DD. omnes. Proceditque hoc, etiam si quis jurasset se non dicturum contra alium Testimonium, ut habetur *cap. pervenit 4. h. tit.* & *cap. intimavit 18. cap. constitutus 45. de testib.* Ratio est, quia Lex Charitatis obligat ad Testimonium ferendum proximo, imò etiam Lex justitiæ, si superior ita jubeat, dum modo ille *Jus* habeat examinandi Testes, seu juridicè, & legitime interroget, ut docet S. Thom. 2. 2. *quest. 70. art. 1. in Corp.* cum igitur Testimonium denegari non possit absque peccato, & quidem ex genere suo mortali, sequitur, quod juramentum de non ferendo Testimonio, seu celanda veritate non sit obligatorium, nec servandum, utpote quod contra bonos mores, & in præjudicium tertii, ac detrimentum Reip. tendit. Neque opus est, ut sic jurans, antequam Testimonium ferat, absolvanr à juramento, cum illud non teneat. Consultum tamen erit eo casu, ut *Judex* prius declaret, tale juramentum non valere, vel etiam jurantem ad cautelam à juramento absolvat, ne videatur perjurum ad Testimonium dicendum admittere.

Plures tamen sunt casus, in quibus cogi Testis etiam non privilegiatus nequit ad dicendum Testimonium. Et quidem 1. si crimen sit occultum, de quo ex iudiciis nulla publica suspicio est, nec præcessit infamia, quamvis fortè duobus, vel tribus cognitum sit, nisi crimen illud perniciosum sit; quia *Judex* eo casu non interrogat juridicè. Farin. *prax. quest. 78. num. 121. 2.* Si illud in secreto sit ipsi commissum, nisi vel aliunde cognitum, vel in futurum perniciosum sit, ut dictum est *Tit. prac. n. 75. 3.* Si interrogatus sciat factum Titii, de quo interrogatur, nullum continere peccatum, v. g. quia trajecit hominem putans esse feram, vel quia justæ defensionis causa occidit &c. nam interrogatio *Judicis* supponit commissam culpam: unde interrogatus rectè negare potest factum Titii sibi notum esse. Less. *l. 2. de Just. c. 30. num. 50. 4.* Si Testis, vel suis grave damnum immincat ex Testimonio; nemo enim hujusmodi officia teneretur præstare cum gravi suo, vel suorum damno, nisi crimen sit publico noxium, quod alio modo impediri non potest. 5. Si quis deposuit ad probandam exceptionem dilatoriam; nam hic non potest admitti, & multo minus cogi ad testificandum super causa principali *cap. de 29. Rubr. preced.* Ratio est, quia Testis iste juravit tantum se dicturum veritatem super tali exceptione, non autem se dicturum veritatem super causa principali: ergo non potest super illa deponere; quia Testis deponens sine juramento nihil probat: imò non potest jurare, quod velit deponere super causa principali; quia hoc ipso, quod probare velit super exceptione dilatoria, vult impedire processum super causa principali. Videantur Less. *cap. 30. à num. 45.* Layman *l. 3. tr. 6. cap. 4. num. 8.* Pirh. *hic num. 12.* Engl. *tit. de testib. num. 5.* & ab his cit.

Quæritur 6. an Testis cogi possint ad dicendum Testimonium etiam in causis criminalibus criminaliter intentatis? Negant Innoc. *in c. 1. h. tit. num. 2.* Abb. *ibid. n. 5. in fin.* Imol. *n. 2.* Vivian. *vers. in causa civilis in fin.* & *in c. 10. vers. sed in criminali*, Barbosa *ibidem num. 2.* Layman *in c. 3. n. 6.* Vvagn. *in c. 11. not. 1.* Farin. *prax. q. 78. n. 15.* Pirh. *n. 11.* Sannig *cap. 2. n. 1.* & alii apud istos. Suffragari videtur *l. c. super eo 3. h. tit.* ubi generaliter dicuntur Testes monendi, non vero cogendi ad Testimonium ferendum. 2. *c. dilectorum 10. eodem* ubi dicuntur cogendi Testes, præterquam super criminibus. 3. Ratio; quia in causa criminali, quando agitur de condemnatione alicujus, etsi veritas occultetur, nulli ex hoc damnum speciale nascitur, vel si periculum accusatori imminet, curandum non est, quod ipse in hoc periculum se sponde conjecerit. 4. Quia hujusmodi Testimonio occasio præbetur odio, & inimicitiae inter accusatum, & Testes: imò inhumanum, & à Christianæ lenitatis ratione alienum videtur esse ad pœnam alterius, præsertim mortis, aut mutilationis membrorum testificando cooperari.

Affirmativam defendunt Host. *in Summ. h. tit. num. 2.* 16 Clar. *§. fin. quest. 24. num. 21.* Guazzin. *Reor. defens. 14. cap. 11. num. 1.* Gonzal. *in c. fin. h. tit. n. 8.* Zoel. *hic n. 2.* & ff. *eodem num. 9.* Vallenf. *n. 3.* König *num. 10.* Vviesl. *nu. 4.* allegantque praxim curiarum, præsertim Romanæ. Nituntur variis juriis Canonici textibus *c. pervenit 4. h. tit.* ubi in crimine Simonie, & adulterii; *c. super his 8. & c. cum contra 9. eodem* ubi in crimine falsi; *cap. fin. ibidem* ubi in crimine conspirationis in Episcopum testes ad Testimonium dicendum compulsi sunt. Rationem dant, quia Reip. interest, ne crimina maneant impunita; cui accedunt aliæ communes cum causa civili, ne veritas occultetur *can. fin. caus. 14. q. 2.* ne per defectum Testium pereat Justitia *c. fin. cit.* ne malus, ut bonus æstimetur *c. cit.*

Utrique sententiæ dandum aliquid, & distinctio faciendi inter *Jus* Canonicum, & civile; nam de jure civili certum est indifferenter testem non privilegiatum cogi ad testificandum posse, sive in causa civili, sive in criminali *l. constitutio 16. C. de testib.* De jure Canonico autem dico cogi testes ad deponendum in causa criminali solum posse in sequentibus casibus. 1. Si veritas aliter cognosci non possit; alias crimina relinquerentur impunita. 2. Si testis malitiosè se subtrahat à ferendo Testimonio, aut pars adversa malitiosè impediatur productionem testium; quia nemo Instrumenta (quorum appellatione etiam testes continentur) subtrahere adversario



satio debet. 3. Si de crimine agatur per modum inquisitionis, ne indignus v. g. ad Prælaturam promoveatur; quia tunc iudex procedit ex officio, & non nisi præcedente infamia criminis; & conf. legitimè interrogat.

4. Si agatur de crimine non directè ad pœnam, sed per modum exceptionis ad repellendum actorem, vel Testem à iudicio, aut Testimonio, quia adversus criminofum est præsumptio falsitatis, conf. eo admissio, periculum esset, ne per falsos Testes innocens oppressus damnetur. 5. Si in causa criminali Testis producatur à reo ad innocentiam suam probandam; quia eo casu tenetur testificari etiam non requisitus. 6. In criminibus exceptis, & in futurum perniciosis, ut læsæ Majestatis, hæresis, Simonix, conjurationis &c. quia nequeunt sine periculo dissimulari, & reticeri. 7. Denique universum in omni eo casu, quo veritas sine gravi peccato celari non potest.

18 In his ergo casibus concedo compelli Testem posse ad testificandum in causa criminali; in cæteris nego. Et hanc puto mentem fuisse Authorum negativæ sententiæ. Neque plus probant argumenta sententiæ affirmantis; nam textus *cir.* loquuntur potissimum de criminibus in futurum perniciosis, vel intelligendi sunt, ubi veritas aliter cognosci nequit. *Ad rationem adjunctam* dico, non interesse Reip. ut omnia crimina propalentur, sed tantum illa, quæ in futurum sunt noxia, & nisi punirentur, ob impunitatem audacia hominum perditorum cresceret.

19 Queritur 7. an testis, si in causa sanguinis contra reum coactus testificetur, istius morte secuta, irregularitatem contrahat? *Certum est* 1. Clericum irregularem fieri, si Testis sit in causa sanguinis contra reum; quia hic cogi ad deponendum in ea causa non potest, cum illud sit eidem prohibitum à jure *per can. his à quibus* 30. *caus.* 23. q. 8. ubi Clericis iudicium sanguinis prohibetur, cui iudicio multum cooperatur testis.

*Certum est* 2. irregularem fieri Laicum voluntariè testificantem in causa criminali, si ex testificatione ejus sequatur mors, vel mutilatio; quia morti vel mutilationi cooperatur. Neque illi prodest protestatio; quia hoc protestationis beneficium solum conceditur propriam causam defendenti *c. Prælati* 2. *de homicid. in* 6. quod in teste procedere non potest, quippe qui non in propria, sed in aliena causa testatur.

20 Procedit igitur quæstio tantum de Laico aspirante ad Clericatum, & ad testificandum in causa sanguinis per jubum iudicis coacto. In qua affirmativa, sc. Irregularitatem ab eodem incurri, videtur colligi ex eo, quod neque tabellionem, aliosque iustitiæ ministros, & ipsum iudicem ab Irregularitate excuset necessitas, & obligatio officii sui, qua concurrunt ad Rei condemnationem, & supplicium. Igitur neque excusabit Testem necessitas ex iudicis præcepto orta.

Sed non minus probabiliter teneri potest sententia negativa, cum non destituatur auctoritate, & ratione: *authoritate* quidem, quia illam defendunt Coninck *D.* 18. *dub.* 10. n. 96. Bonac. *de Censur. D.* 7. q. 4. p. 3. n. 8. Pal. *rr.* 29. *D.* 6. p. 14. §. 3. n. 3. Gonzal. *in c. fin. n.* 10. Vioest. *hic n.* 11. Sumitur *ex c. tua nos* 19. §. *ad ultimum de homic.* ubi Innocentius III. declaravit ab Ordinibus suscipiendis non impediti scholarem, qui requirenti iudici subministravit signa, comprobantia delictum latronis, etsi is postea ex his indiciis condemnatus, mutilationem sit passus. *Ratio est*, quia si irregularitatem incurreret, eam incurreret ex defectu Christianæ lenitatis. Atque defectum istius dici nequit habuisse illi, qui non libetè, & spontè, sed judicialis coactionis necessitate compulsus Testimonium dixit. Ergo &c. *Conf.* quia non est credibile Irregularitatem ab Ecclesia impositam actui testificationis, non ex officio voluntariè suscepto, sed legitimi superioris iusto præcepto urgente, debito ex Obedientia, & jure naturali.

*Ad argumentum contrarium* nego paritatem; quia necessitas, quam habet Tabellio, Iudex, & Ministri iustitiæ, fundatur in propria illorum voluntate, qua ejusmodi munus in se receperunt: tale quid nihil reperitur in Teste coacto ad testificandum.

## TITULUS XXII.

## De Fide Instrumentorum.

**A**lterâ species Probationis sunt *Instrumenta*. Porro *Instrumenti* nomen ab *instruendo* dicitur; quia instruit causam: dupliciter autem accipitur. 1. *Late*, & *generaliter* pro omni eo, quo causa in iudicium deducta instrui, ostendi, vel probari potest: quo sensu nomen Instrumentorum etiam comprehenduntur Testes, imò quævis alia probatio, per quam causa, & notitia iudicis instruitur, ut innuitur *l. instrumentorum* 1. ff. *de fid. instrum.* & docet ibidem Vvesenbec. num. 1. 2. Magis *strictè*, & *proprie* sumitur pro qualibet scriptura, quæ fidem rei, quam confirmat, iudici facit, & causam instruit, sive contineat privilegium, sive contractum, sive dispositionem ultimam, sive aliquid aliud; nam super quavis materia fieri Instrumentum potest. Et hæc est propria hujus loci acceptio Instrumenti. Definitur, quod sit *scriptura ad probationem alicujus rei facta*. Vvesenbec. ff. *h. tit. num.* 1. *cir.* Pax Jordan. *l.* 14. *titul.* 20. num. 2. Vvagnerec. *in Rubr. hic not.* 1. Konig num. 3. Sannig *capit.* 1. num. 2. & quoad rem consentiunt DD. reliqui. Dividitur in Instrumentum Publicum, & Privatum; hoc verò in authenticum, & non authenticum; de quibus cum amplior fieri sermo debeat, idcirco sit.

## §. I.

## De Instrumentis Publicis.

## SUMMARIUM.

- 2 *Definitio, & divisio Instrumenti Publici.*
- 3 4 5 *Requisita ex parte Notarii, ut legitimum sit.*
- 6 7 *In quo negotio possit confici?*
- 8 9 *Quam vim habeat extra territorium constituentis?*
- 10 *Vel confectum à Notario existimato?*
- 11 *An si Notarius falsum Instrumentum fecit, valeant aliapostea rite confecta?*
- 12 13 14 *Requisita ad Instrumentum ex parte formæ.*
- 15 16 17 *Quæ ex his pertineant ad substantiam Instrumenti?*
- 18 19 *Quomodo factum, seu negotium in ea describi debeat?*
- 20 *Quis rogare Notarium pro Instrumento conficiendo?*
- 21 *An semper requiratur, ut Notarius interfuerit actui, de quo conficit Instrumentum?*
- 22 23 *Quantum probent Instrumenta Publica?*
- 24 25 26 27 *Quid Protocolum?*
- 28 & *seqq.* *Quid Copia Publicorum Instrumentorum?*

**I**nstrumentum Publicum communiter definitur esse illud, quod publica auctoritate factum, atque firmatum est. Hoc iterum duplex est. Primum appellatur *Protocolum*, quæ est *Summaria* quædam, & *succincta*, seu *brevis actus gesti annotatio memorie causa facta*, ex quo postea *Instrumentum in solemnem formam redigitur*: unde etiam *Imbreviatura* dicitur. Alterum vocatur *Transcriptum*, estque *Instrumentum Authenticum Originale*, quod ex *Protocollo* sumitur, & *debita forma, seu cum requisitis solemnitatibus conficitur*, in quo res gesta non summarie, sed plenè exponitur. Ex hoc sæpe transcribitur ob varias causas infra indicandas *Exemplum*, quod vulgo *Copia* dicitur, & nihil aliud est, quam *Originalis Transscriptio*. Porro Instrumenti Publici nomine, cum simpliciter dicitur, potissimum venit ipsum Originale: de hoc

Queritur 1. à quo confici debeat Instrumentum publicum? Resp. confici debet manu Tabellionis, seu Notarii publici; nam huic Instrumentorum confectio ex officio incumbit, cum sit persona publica ad hoc à Republica constituta.

Dub. 1. quid requiratur ex persona Notarii, ut Instrumentum ab eo confectum pro legitimo haberi debeat? Resp. 1. Requiritur, ut sit persona idonea. Ut talis sit, requiritur 1. ut sit Laicus; nam Clerici, saltem



in SS. Ordinibus constituti, non possunt exercere officium Tabellionatus *capit. sicut 8. ne Cleric. vel Monach. &c.* 2. Ut sit legitimo Matrimonio natus. Sylvest. *V. Tabellio num. 2.* 3. Ut sit liber, non servus: si tamen publicè existimeretur liber, etsi non sit, valet Instrumentum ab eo confectum, donec de veritate constiterit *arg. L. Barbarius 3. ff. de Offic. Prator.*

4 2 Ut sit legitimè, i. e. ab aliquo habente potestatem creatus, & constitutus, Potestatem creandi Notarios regulariter, & de jure habet solus supremus Princeps, videlicet Pontifex, Imperator, & ii, qui in temporalibus superiorem non recognoscunt, ut notant Abb. *in cap. cum P. 15. h. tit. num. 7.* Sylv. *l. cit. num. 1.* Pirhing *hic n. 8.* Et ratio est, quia solus Princeps supremus potest quiddam à jure communi gentium exorbitans veluti dispensando constituere, vel introducere. Atqui est aliquid à jure communi gentium valde exorbitans, ut unius hominis scripturæ sine alio admiculo plena adhibeatur fides, sicut fit, si Instrumentum sit ritè confectum; nam hujusmodi fides nulli alteri scripturæ datur in alterius præjudicium. Dixi autem *regulariter*, & *de jure*; nam de privilegio, vel consuetudine potestas hæc creandi Notarios publicos competere etiam aliis potest: & sic de facto ex privilegio speciali potestatem istam habent Comites Palatini; de consuetudine vero inferiores Principes, Episcopi, Comites, Barones, Civitates Imperiales, sed hi tantum intra Territorium suum. Vvesenbec. *ff. h. tit. num. 3.* Layman *in c. 15. eodem num. 6.* Engl *num. 3. hic*, Pirhing *num. 8. citat.* Sannig *cap. 2. num. 6.* Neque obest ratio paulò antea assignata; nam consuetudo hæc supponit consensum populi, & Universitatis, quæ cum possit concedere jurisdictionem ordinariam, multo magis concedere potest officium istud.

5 3 Ut sit juris peritus, etsi non sit necessarium, ut sit Doctor: vel saltem scire debet ea, quæ ad officium suum pertinent; alias tenebitur de damno ob imperitiam suam illato. Præcipuè verò notitiam habere debet illius negotii, de quo instrumentum conficit, & istam quidem habere debet per se, non per alios; neque enim aliud scribere debet, quàm quod ipse vidit, vel audiit. *Novell. 44. cap. 1. & ibi Gloss. V. ipse per se*, Hiltrop. *p. 3. de process. judic. tit. 10. §. quom. confisc. Instr. num. 12.* Vvesenb. *ff. h. tit. n. 5.* Valleng. *§. 1. n. 2.* Engl *n. 7.* König *n. 20.*

4 Ut nullo labore impedito, quod ipsum prohibeat ab executione officii sui: Tale impedimentum foret, si esset excommunicatus vitandus; nam hic ab actionibus publicis repellitur: hinc Instrumentum à tali confectum nullum est. Confectum ab excommunicato tolerato validum quidem est, infirmari tamen potest per exceptionem excommunicationis oppositam.

5 Ut sit rogatus à partibus ad conficiendum instrumentum. *Novell. 44. cit. cap. 1.* Bald. *in Rubr. C. h. rit. Abb. in c. 1. eodem num. 4.* Hiltrop. *l. cit. num. 11.* Vvesenbec. *ff. eodem num. 3.* Valleng. *§. 1. hic n. 2.* & 4. Engl *num. 7.* König *num. 21.* Vviest. *num. 10.* & alii apud istos, Ratio est, quia si itrequiritur Instrumentum conficiat, suspectum se facit, quasi seipsum ingereret spontaneo motu, & affectu. Hinc Stylus Notariorum est, ut in principio, vel subscriptione Instrumenti exprimant se fuisse rogatos: notat tamen *hic* Innocentius, in dubio præsumi rogatum.

Dub. 2. in quo negotio conficere Notarius Instrumenta possit? Resp. in omni negotio, quod ab homine, vel inter homines gestum est, & quod licitum est, atque à voluntate humana dependens.

Dixi 1. *in omni negotio*, puta, judiciali, & extrajudiciali. Ad Judiciale referuntur citationes, dilationes, exceptiones, petitiones, responsiones, interrogationes, confessiones, testium depositiones, Instrumentorum productiones, interlocutiones, renuntiationes, conclusiones, sententiæ, appellationes, & siquæ alia hujus generis *capit. quoniam 11. de probat.* Ad Extrajudiciales spectant emptiones, venditiones, locationes, conductiones, permutationes, mutuum, pignorationes, transactiones, emphyteutes, feuda, constitutio servitutis, matrimonia, artharum dationes, dotes, donationes, solutiones, acceptationes, & omnes alii actus, qui inter vivos celebrantur *l. contractus 17. C. h. tit.* Item ultimæ voluntates, ut Testamentum, Codicillus, do-

natio mortis causa, & cætera, quæ his æquiparantur  *toto Titul. C. de testam.* Super his igitur omnibus Instrumenta confici possunt; sed cum restrictione ad personam Notarii; nam ut bene advertit Haun. *tom. 5. tract. 4. numer. 367.* non omnes Notarii habent æquæ amplam potestatem, sed aliquorum officium est conficere tantum Instrumenta super actis judiciariis, alii principaliter deputantur ad erigenda Instrumenta super contractibus: alii item creati sunt ad conficienda Instrumenta in temporalibus; alii ad conficienda in spiritualibus causis. Hinc constitutus pro uno genere non potest se de jure ingerere ad conficienda Instrumenta in alio genere; quia excederet limites potestatis suæ. Addidi *de jure*; nam de consuetudine, ut Abb. *in cap. sicut ne Clerici vel Monachi &c. num. 12.* & Layman *in cap. cum P. 15. h. tit. num. 9.* advertunt, Notarius à Papa constitutus conficere Instrumenta potest in temporalibus, & constitutus ab Imperatore in spiritualibus causis.

Dixi 2. *quod ab homine, vel inter homines gestum est*; 6 necesse enim est rem, de qua scriptura conficitur, existere, vel existisse; quia quod non est, probari non potest, cum *non entis nulla sint qualitates* juxta regulam vulgatam, & textum *l. neque 13. C. de nupt. ibi: Neque si nuptiis instrumenta facta ad probationem Matrimonii sunt idonea, diversim veritate continente.*

Dixi 3. *quod licitum est*, h. e. non prohibitum jure communi, statuto, & moribus. Colligitur ex *l. jubemus 14. §. his tabellionibus 3. C. de SS. Eccl.* ubi Notarius super illicitis contractibus conficiens Instrumentum punitur exilio; id ipsum expresse statuitur *Constitutione Maximiliani I. edita 1512.* Ratio est, quia ea, quæ pietatem, vel honestatem ledant, atque contra bonos mores sunt, neque facere nos posse credendum est, ut bene Papinianus *libr. filius 15. ff. de condit. institut.* multo minus igitur instrumenta fieri de iis possunt. Excluduntur itaque, ut Instrumenta super iis fieri non possint, & facta non teneant, imprimis injuriosi, & famosi libelli, contractus usutarii, venditio liberorum, alienationes bonorum Ecclesiasticorum sine debita solemnitate factæ, illicitæ pactiones, & conspirationes &c.

Dixi 4. *Et à voluntate humana dependens*, h. e. à libera dispositione eorum, qui Instrumentum petunt, & nullam requirit causæ cognitionem. Engl *hic numer. 8.* Unde non valebit, si Notarius ad meam petitionem attesteretur, quod res mihi commodata sine mea culpa perierit: quia hoc indiget cognitione causæ; cognitionem causæ vero interponere non ad Notarium, sed ad judicem pertinet.

Dub. 3. utrum Notarius in uno loco creatus possit 8 ubique terrarum Instrumenta conficere pro quibuslibet sive subditis Jurisdictioni constituentis, sive non subditis?

*Certum est 1.* Instrumentum Notarii in uno loco confectum, ubi Publicum, & authenticum est, protali habendum etiam alibi, quemadmodum contractus, in uno loco secundum Leges, & consuetudines particulares illius loci celebratus, ubique legitimus reputatur. Ratio est, quia fidem & auctoritatem publicam jam accepit Instrumentum in loco, ubi confectum est; vis autem probandi, & fides semel obtenta Instrumento non tollitur per loci mutationem. Ergo &c.

*Certum est 2.* quod Notarius intra Territorium ejus, cujus auctoritate constitutus est, possit Instrumentum Publicum conficere etiam pro extraneis, & peregrinis, si ab his rogetur. Abb. *in capit. 15. h. titul. numer. 9.* Felin. *ibidem numer. 16.* Pirhing *hic numer. 10.* Quia confectio Instrumenti non est actus Jurisdictionis, sed muneris, quod cuivis impendi potest. Estque hoc verum ita, ut Instrumentum sit confectum etiam alibi fidem faciat, ut colligitur ex ratione paulò antè data.

Difficultas solum est in eo, an Notarius extra Terri- 9 torium constituentis conficere Instrumentum possint? Resp. posse, ut valeat intra Territorium constituentis, non constituentis, non posse, saltem de jure, ut valeat extra Territorium constituentis, & pro non subditis constituentis. Et hoc verum est etiam de Notariis creatis à Papa, Imperatore, Rege &c. nam nec isti de jure communi loquendo conficere Instrumenta possunt



extra terras Ecclesiæ subjectas, vel extra Imperium, vel Regnum, ut rectè docent Abb. num. 9. cit. Felin. num. 17. Pirhing num. 10. Ratio primi membri est, quia confectio Instrumenti est actus voluntarius; igitur, nisi specialiter prohibeatur, etiam extra territorium constituentis pro his, pro quibus à constituyente fuit ei potestas concessa, valet. Ratio secundi; quia Notarius extra territorium constituentis pro illo territorio, in quo existit, & pro subditis illius censetur esse persona privata arg. l. Praeses 3. ff. de offic. Praesid. officium autem Notarii publicum est. Ergo &c. Accedit, quia officium publicum à Principe datum non se extendit ultra mentem Principis, qui illud dedit. Atqui non videtur esse, aut posse esse mens Principis constituentis Notarium, ut illum velit exercere officium suum etiam extra territorium constituentis, Ergo &c.

Dixi saltem de Jure; nam ex recepta consuetudine Notarii à Papa constituti conficere Instrumenta possunt in terris Imperii, & vicissim constituti ab Imp. in terris Ecclesiæ, ut notant Layman in cap. 15. hoc tit. num. 9. Engl hic num. 5. Vviesner num. 5. & alii apud istos. Circa alios Notarios à Principibus inferioribus constitutos communiter negatur potestas ista etiam de consuetudine fuisse obtenta; & fundamentum est, quia potestas istorum Principum magis restricta est secundum terras, & Jurisdictionem. Sed ubique in hac re, & questione attendenda est consuetudo, quæ optima interpretes Legum est.

10 Dub. 4. an Instrumentum confectum à Notario tantum existimato, qui revera non est, sit validum, & fidem faciat? Resp. distinguendo: Vel enim titulum coloratum habet, eo, quod constitutus sit ab habente potestatem creandi Notarios, vel titulum officii sui coloratum nullum habet, sed ipse se ingessit.

Si primum, etsi ob impedimentum occultum, e. g. quod sit servus, illegitimo matrimonio natus &c. inhabilis fuerit ad hoc officium, Instrumenta tamen ab eo confecta valent, & fidem faciunt, etiam postquam apparuit defectus, idque ob errorem communem, qui Jus tacit arg. l. Barbarius 3. ff. de Offic. Prætor.

Si secundum, vel bona fide obtinet quasi possessionem Tabellionatus, vel mala fide. Si mala fide, Instrumenta ab eo confecta invalida sunt; quia tunc, cum fraus sua nemini prodesse debeat, præsumi non potest Principem, aut Remp. in eum consentire, & sic supplere defectum. Neque proderit eidem error communis populi, habentis illum pro vero Notario, aut Tabellione; quia cum error iste non habeat, in quo fundetur, non potuit eum Notarium facere. Si bona fide possessionem Tabellionatus habet, & exercet, sciente, & patiente superiore, qui potestatem creandi Notarios habet, acta ab eo valebunt arg. c. consultationibus 19. de Jur. Patron. nam scientia, & patientia Superioris habentis potestatem concedendi acquiritur quasi possessio hujusmodi Jurium incorporalium arg. l. si quas actiones 1. C. de servit. & aqu. Jason in l. Barbarius cit. n. 25. Pirhing hic n. 13.

11 Dub. 5. an si Notarius fecit Instrumentum falsum, valeant alia Instrumenta post ipsum postea rite confecta? Resp. etsi præsumptionem falsi habeant, si tamen legitimis probationibus elidatur præsumptio hæc, nihil impedit, quin valida sint. Neque obstat, quod criminis falsi à Notario commissi Jura statuunt pro pena amissionem officii; nam Jura vel non statuunt penam istam tanquam facto ipso incurrendam, vel si facto ipso incurritur, effectum non habent ante sententiam criminis declaratoriam; unde donec per sententiam fuerit privatus officio, vel prohibitus eo uti, acta ab eo valida erunt. Et idem dicendum, si amisit officium ex alia justa causa, ut quia fecit Instrumentum super alienatione rei Sacræ, vel pro hæretico.

12 Quæritur 2. quid requiratur ex parte formæ ad confectioem Instrumenti Publici? Resp. plures, & variae sunt solemnitates, quæ requiruntur in conficiendis instrumentis publicis, quas enumerant Durand. in Specul. tit. de edit. instrum. § 1. Abb. in cap. 1. hoc tit. num. 3. Henr. Castil. ibid. num. 9. & 10. Layman nu. 1. & seqq. Gonzalez num. 10. Hiltrop. proc. Jud. part. 3. tit. 10. § qualiter confic. Instrum. num. 3. & seqq. Pax Jordan. lib. 14. tit. 20. num.

320. & seqq. Vallens. hic § 1. num. 2. Zoef. num. 3. Pirhing num. 6. & 7. Engl num. 13. & 14. Konig num. 30. Vviesner num. 6. & seqq. & novissimè Clariss. P. Schmier Process. judic. c. 10. a num. 25.

1 Instrumentum scribendum est in charta munda, ne alioquin suspectum reddatur, cum Notarii Instrumenta scribere non soleant, nisi in charta munda. Non autem est necesse, ut scribatur in membrana, seu pergamena, cum Jura de hoc nihil exprimant, imò contrarium fieri posse supponant, ut colligitur ex c. cum dilecta 4. de confirm. util. & inutil.

2 Ut Instrumentum plena, & absque adminiculo probet omittendæ sunt litterarum contractiones, abbreviationes, termini valde ambigui, & obscuritatem inducentes: Unde non est consultum (esto, substantiam non vitiet) uti Zifferis, quæ facile radi, vel adjectione, aut detractioe variari possunt, sed integris vocabulis est numerus exprimendus, prout etiam consuetudo observat.

3 In Proloquio præmittenda Invocatio Divini Nominis, his, vel similitus verbis In nomine Domini, Amen; aut In nomine SS. & Individuæ Trinitatis &c. ut habetur Constit. Imper. de anno 1512. von Ordnung der offnen Notarien § und nachdem 3.

4 Exprimitur tempus gestii negotii, videlicet à nato Christo, vel incarnato currens; Indictio Romana, hic Romer Zinsf-Zahl, quæ solet in Calendariis passim præfigi, mensis item, & istius dies, qui vel per numeri, vel per Festi immobilis expressionem designabitur.

5 Additur nomen, & annus Pontificis, Imperatoris, Regis, vel Principis regnantis, in cujus territorio conficitur.

6 Adjungitur locus celebrati negotii; isque non generalis tantum, sed specialis quoque, nempe in qua Civitate, vel pago, in qua platea, & domo negotium gestum, & Instrumentum confectum sit; imò à Notariis magis providis, & cautis ipsa quoque domus patet verb. grat. atrium, vel conclave, in quo negotium gestum est, notari consuevit. Durand. loc. cit. § 2. num. 9. Haun. tract. 4. cit. num. 373. Pirhing hic num. 7. Vviesner num. 9.

7 Factum, seu negotium sincere, fideliter, & integre describi in Instrumento debet, e. gr. in Instrumento pro debito contracto enarrari debet, quis debeat, cui debeat, quid debeat, & ex qua causa debeat.

8 Inferenda Instrumento sunt nomina testium, in quorum præsentia actus celebratus est. Non tamen necessarium est, nisi in casibus à Jure expressis, ut testes sua manu subscribant, sed sufficit, si per Notarium nomina eorum exprimantur.

9 Notarius etiam subscribere debet suum nomen, cognomen, addendo, qua autoritate sit Notarius, an Pontificia, vel Cæsarea, cum attestatione Instrumenti à se compositi, vel exemplati, & quidem rogatu partium, si ita necesse sit.

10 Subscriptioni nominis adjungit sigillum proprium & præter hoc etiam signum Notariatus, puta certam aliquam Imaginem, vel figuram sculptam, aut calamo depictam; quod ideo fit, ut facilius comparatio fieri, & Notarii manus agnosci valeat.

15 Dub. 1. an hæc omnia pertineant ad formam substantialem Instrumenti publici? Resp. plurimum in hoc valere consuetudinem. Sic etsi Invocatio Divini Nominis secundum communem ad substantiam Instrumenti non requiratur, defacto tamen consuetudine receptum est, ut pro substantiali solemnitate requiratur, & omisso ejusdem vitiet Instrumentum. Haun. rom. 5. tract. 4. num. 369. Idem cit. Author sentit de apponendo anno Nativitatis Domini, de nomine, & anno Pontificis, vel Imperatoris, de signando loco contractus non solum generali, sed etiam speciali, & sic de cæteris multis. Ubi tamen consuetudo non habet, non omnia hæc sunt de substantia Instrumenti publici sed tantum ad melius esse, ut si quando contingeret falsum Instrumentum confici, fraus, & dolus tantò facilius deteggi possit; probare enim is, cujus interest, tum poterit, se nunquam tali die, & loco coram Notario comparuisse, vel absolute nullum Instrumentum in tali die, vel loco fuisse confectum.



16 In specie de forma substantiali Instrumenti non est, 1. Sigillum Notarii; nam etiam fracto illo, vel sublato, instrumentum manu publica factum fidem facit. Idem dicendum de signo Notariatus apponendo. Consuetudine tamen invaluit passim, ut Instrumentum illo signo carens habeatur suspectum de falsitate. Haun. n. 389. cit. Vviesner hic n. 15.

2 Non requiritur, ut manu propria Notarii scriptum sit, sed scribi potest per alium etiam privatum, modò manu Notarii subscribatur, ut innuitur *cap. inter dilectos 6. § instrumentum quoque hoc tit.* Ratio est, quia industria Notarii non eligitur in scribendo, sed ut det fidem gestis, quod satis præstat se subscribendo. Imò valet Instrumentum teste Haun. num. 376. quod compositum est ab uno contrahentium, & à Notario solum subscriptum, & in publicam formam redactum; quia subscribendo accomodat auctoritatem suam, ut perinde sit, ac si ipse composuisset. Consultius tamen est, si ipse componat; & sic ordinarie fieri debet. Si non composuit certè diligenter perpendere debet omnia, & siquæ emendanda sunt, emendare. Cæterum subscriptio Notarii adeo necessaria est, ut ne morbo quidem impeditus id delegare alteri possit: & ratio est, quia hoc munus est merè personale, & respiciens personæ industriam. Hinc si ob infirmitatem forte non posset subscribere, & perficere Instrumentum alius illud facere solum potest auctoritate Judicis, & consentientibus partibus.

37 3 An ad substantialem Instrumenti formam requiratur, ut scriptura à Notario confecta legatur coram partibus, & testibus, cum Haun. tom. 5. tract. 4. num. 380. Vvagnereck in Rubr. hoc tit. not. 4. Pirhing hic n. 7. & aliis distinguendum est inter contractus, qui fiunt in scriptis, ita, ut in iis scriptura ad substantiam actus requiratur, vel de Jure, vel de conventionem partium; & inter contractus, qui in scripta redigantur solum ad probationem faciendam. De primis responderetur affirmativè; quia partes debent consentire in omnia substantialia, & testes debent posse deponere, quod omnia substantialia intervenerint. Atqui non possunt in scripturam partes convenire, nec testes deponere scripturam esse conformem intentioni contrahentium, nisi illam audiverint legi. Ergo &c. In secundis non est necessarium legi Instrumentum confectum coram partibus, & testibus; tunc enim creditur Instrumento ob auctoritatem Notarii, qui duobus testibus æquivalere.

18 Dub. 2. quomodo factum, seu negotium in Instrumento à Notario describi debeat? Resp. describendum sincerè, & fideliter, & integre. Ut hoc fiat, addi debent circumstantiæ, & causæ; neque enim creditur Instrumento, si in illo asseratur aliquid factum, nisi illa etiam observata dicantur, sine quibus rectè fieri non potuit, ut rectè observant Engl hic num. 26. cum aliis. Conf. quia ne testi creditur, nisi circumstantias, & causas idoneas sui dicti afferat; à teste autem ad Instrumenta valet argumentum l. in exercendis 15. Cod. hoc tit. Hinc si nude ponatur Titium mihi vendidisse domum suam, non facta mentione pretii, tale instrumentum non probat, nec propterea Titius, vel ejus hæredes condemnandi sunt ad domum mihi tradendam, nisi probem me pretium rite persolvissè. Eadem ratione non probat Instrumentum Transactionis, nisi exprimat, quid hinc inde datum, vel promissum, aut retentum sit.

19 Excipe 1. si pars adversus ejusmodi Instrumentum imperfectum non excipiat; nam Instrumentum ob imperfectam narrationem non corrumpit ipso Jure, sed parte excipiente; & hinc nisi pars contra tale Instrumentum excipiat, videtur approbare, & agnoscere ea, quæ ibi scripta sunt; & ratio est, quia præsumptio est pro Instrumento, quod videlicet omnia rite celebrata, & acta sint, ut aliis cit. docet Gaill. lib. 2. obs. 71. nu. 6.

Excipe 2. si contrarium consuetudo in certis causis obtinuit. Ita teste Mynsing. cent. 4. obs. 74. ex generali Germaniæ consuetudine fidem facit Instrumentum, si generaliter saltem in eo mentio fiat, quod pretium justum sit solum, et si quantitas non exprimitur. Imò ipsi contrahentes quandoque certis de causis nolunt, ut alii resciant, pro quanto pretio inter se convenerint.

Excipe 3. si Instrumentum sit antiquum; quia ob antiquitatem temporis, & difficultatem probationis præsumuntur omnia solemniter acta, ut iterum Gaill. loc. cit. num. 7. docet. Quantum verò temporis requiratur, ut instrumentum aliquod dicatur antiquum, variant DD. aliqui enim 100. annos requirunt; juxta alios 30. sufficiunt; rectissimè dicunt, qui id reliquunt arbitrio Judicis.

Dub. 3. quis rogare Notarium possit, aut debeat pro perficiendo Instrumento? Resp. cum distinctione; Vel enim actus dependet à voluntate duorum, vel unius tantum, vel omnino non dependet à voluntate humana:

Si primum, ut in contractibus, debet Notarius rogari ab utroque; alias id, quod contra alterius voluntatem in Instrumento scribitur, contra illum fidem non facit.

Si secundum, ut in confectioe Testamenti, aditione hereditatis, hujus repudiatione, sufficit, quod is solus roget Notarium, à cujus voluntate actus dependet; quia fortè alter non consentiret, adeoque in ejus voluntate non debet esse impedire Instrumenti confectioem.

Si tertium, ut cum conficiendum est instrumentum super morte, aut nativitate hominis, vel animalis, Notarius etiam rogatus conficere Instrumentum non debet, nisi interveniente auctoritate Judicis; alioquin tale Instrumentum solum invenitur fidem contra rogantem, non autem quoad alios Juris effectus: & ratio est, quia in hujusmodi causis Instrumentum non potest confici, nisi prius discussa causa, & cognita necessitate. Hoc autem non ad Notarium, sed ad Judicem spectat. Ergo &c. Videatur Everhard. de fid. instrum. c. 2. à n. 91. Haun. tom. 5. tract. 4. nu. 383. & seqq. Vviesner hic n. 11.

Dub. 4. utrum semper requiratur, quod Notarius per se sciat, & interfuerit actui, de quo conficitur instrumentum? Resp. affirmativè Ita Novell. 44. cap. 1. & ibi Gortofred. litt. A. Engl hic num. 7. Konig nu. 20. nam aliud scribere non debet, nisi quod ipse vidit, vel audit, ut dixi supra num. 5. Hinc etsi unus ex contrahentibus, vel tertius pro suo interesse, vel hæres, aut legatarius ex post facto vellet curare Instrumentum confici super contractu, aut testamento jam prius facto, & Notario per testes, vel alias probationes sufficienter collaret verum esse, quod dicitur, non valet tamen instrumentum desuper confectum; quia, ut dictum, per se scire, & actui interfuisse debet, de quo testatur.

Dixi autem, Si una tantum pars; nam si utraque persona principalis suum contractum, vel ipse testator suum testamentum, coram Notario quasi de novo repeteret, utique perinde haberi deberet, ac si Notarius tunc temporis interfuisset, quando contractus initus, aut testamentum primitus factum est, ut bene advertit Engl loc. cit.

Quæritur 3. quantum probent, & quam fidem faciant instrumenta publica? Resp. si instrumentum publicum sit confectum à Notario in forma debita, se solo, & sine alio adminiculo facit plenam fidem de eo, quod dispositivè continet, non solum pro proferente, sed etiam contra, & hoc tamdiu, donec probetur contrarium. Ita Abb. in cap. scripta 2. hoc tit. princ. not. 2. Durand. Specul. tit. de instrum. edit. § 8. num. 1. Hiltrop. part. 3. tit. 10. § quam fid. fac. instrum. num. 1. & 14. Velembec. ff. hoc tit. num. 6. Valleng. hic § 2. n. 1. Zoef. num. 2. & 4. Pirhing hic num. 15. Konig num. 36. Vviesner num. 20. & colligitur ex cap. scripturam 1. & c. scripta 2. hoc tit. l. in exercendis 15. C. cod. l. cum precibus 12. C. de probat.

Ratio est, quia ex tali instrumento duplex oritur præsumptio; una ex qualitate personæ ipsius Notarii, quod is publica auctoritate constitutus, ejusque fides specialiter approbata, insuper Juramento, quod initio officii sui præstare debet, obligatus sit ad rem, uti gesta est, in instrumento fideliter redigendam. Altera ex solemnitatibus, cum quibus confectum est instrumentum, quæque omnem fraudis suspicionem remouent. Cum igitur dolus, & quodlibet aliud delictum nunquam præsumatur ob has duas præsumptiones sit, ut fides plena habeatur ejusmodi instrumento, donec con-



trarium probetur, & præsumptio veritatis elidatur. Hinc Instrumentum ejusmodi probatio probata dicitur, nec minus facit fidem, quam duo testes per textum *l. in exercendis cit.* ubi fides Instrumentorum, & depositio testium quoad vim probandi æquiparantur. Everhard. *de fid. instrum. cap. 3. num. 10.* Haun. *tom. 5. de J. & J. tract. 4. num. 393.* Vviestner *hic num. 22.* & novissime R. P. Schmier *process. jud. c. 10. n. 64.*

Neque obstat textus *Novell. 73. cap. 3.* ubi Imperator, *Nos quidem*, inquit, *existimavimus ea, quæ viva dicuntur voce, & cum Jurejorando, hac digniora fide, quam scripturam ipsam secundum se subsistere.* Nam imprimis textus iste non de publico, sed de privato tantum Instrumento loquitur. Si verò de publico eundem loqui contendas, dicendum, ibi sermonem esse de casu, quo Instrumentum ob dissimilitudinem characterum, vel aliam causam tanquam suspectum impugnatur; nam eo casu, si testes, qui se subscripserant, jurato asseverent, rem aliter, ac scripta est, gestam esse, major illis; quam Instrumento fides habetur, cum facile in scribendo alienam manum quis imitari possit, perjurium autem non tam facile contingere soleat.

Porro ad hunc effectum probandi plenè non est opus, ut protocolium, ex quo Instrumentum transumptum est, edatur *arg. l. 2. C. de testam.* vel ut testes in Instrumento descripti, & Tabellio, qui Instrumentum confecit, producantur, & deponant super Instrumenti veritate; nam etiam mortuis Tabellione, & testibus eidem statur, ut colligitur ex *c. scripta cit. & notat ibid.* Abb. *prin. not. 2.* Bald. *in Rubr. C. hoc tit. num. 12.* Konig *hic num. 36.*

Dixi *De eo, quod dispositive continet*; nam quoad ea, quæ in Instrumento solum enuntiative, sive narrative & incidenter ponuntur; Instrumentum fidem plenam non facit, nisi in antiquis, ut ex communi aliorum sensu advertunt Bartol. *in Auth. si quis C. de edend. num. 18.* Fachin. *contr. l. 11. c. 36.* Vvelsenbec. *ff. hoc tit. n. 6.* Vallens. *hic § 2. n. 2.* Vviestner *n. 21.*

Addidi, *donec probetur contrarium*; potest enim etiam in Ministris publicis fraus, vel error intervenire, qui si ostendatur sufficientibus argumentis, fides Instrumenti cessabit.

Dub. 1. quam vim probandi habeat Protocolium, ex quo solemne, & publicum Instrumentum extractum, atque confectum est. Videtur non habere vim probandi plenam, quamdiu Instrumentum publicum ex eo non est extractum, 1. ex *c. cum P. 15. hoc tit.* ubi casu, quo Notarius ante Instrumenti perfectionem mortuus est, ejus scriptura habetur pro imperfecta, & destituta probandi vi, & decernitur, quod illam rum demum obtineat, cum ordinarii Judicis autoritate ab alio Notario ad petitionem eorum, ad quos pertinet, in publicam formam redacta, perfecta que fuerit, 2. ex *l. contractus 17. C. hoc tit.* ubi venditiones, permutationes, donationes, artiarum dationes, transactiones, & negotia alia non aliter vires habere asseruntur, quam si Instrumenta fuerint conscripta, & completa, 3. Ex *ratione*; quia Protocolium principium duntaxat, sive inchoatio quædam est Instrumenti; ac proinde, atqueam compleatur, ea, quam publicum Instrumentum obtinet, vi probandi caret *argum. leg. cum Silianum 11. Cod. de his, quib. ut indign.* ubi: *in fin.* Imperator, *Nihil*, inquit, *actum creditur, dum aliquid addendum superest.*

Sed dicendum habere eandem vim, quam ipsum originale, seu solemne Instrumentum. Ita Abb. *in cap. 15. hoc tit. num. 3.* Imol. *ibid. num. 3.* Felin. *num. 1.* Layman *n. 3.* Masciardi. *de Probat. concl. 712. num. 9.* Everhard. *de fid. Instrum. cap. 3. num. 33.* Hiltrop. *tit. 10. § quam fid. fac. Instrum. num. 12.* Haun. *tom. 5. tract. 4. num. 397.* Vallens. *§ 2. num. 1.* Zoef. *num. 5.* Pirhing *num. 16.* Engl *num. 16.* Konig *num. 8.* Vviestner *num. 29.* & novissime Clariss. P. Schmier *Process. Judic. c. 10. n. 70.* Colligitur ex *cap. quoniam 11. de probat.* ubi Notariis injungitur, ut sua Originalia, seu Protocolla penes se retineant, ut si super ibidem scriptis eveniat quæstio, per hoc possit veritas declarari; sicque supponitur, quod Protocolli vis plerumque probandi constet. Ratio est, quia Protocolium est velut Matrix, & Originale, ex quo extrahitur, seu, conficitur Instrumentum, & ad illud recurrendum

est, si de instrumento dubium incidat; ut promissa de eo procedat tritum illud, *propter quod unumquodque tale, illud magis tale*, & quia Instrumento inde desumpto plena fides tribuitur, multo magis eadem fides adstruenda sit Protocollo. Accedit, quia Protocolium legitime confectum plerumque Instrumenti publici solemnitates habet, propter quas vis plenæ probationis tribuitur Instrumento publico.

*Proceditque Assertio ista* 1. etiam si nondum inde extractum sit Instrumentum; & cons. Protocolium probat sine Instrumento; nam vim probandi Protocolium habet non ab Instrumento, sed Instrumentum potius à Protocollo. Ita DD. *cit. Procedit 2.* et si Notarius Protocolium, antequam illud in Instrumentum publicum redigat, partibus non ostenderit, vel legerit; quia licet consilium sit illud facere, quia tamen textus non extat, qui hoc præcipiat, non est necessarium in iis actibus, in quibus scriptura ad probationem solummodo faciendam pertinet. Abb. *in cap. 15. cit. num. 4.* Vvagnereck *ibid. § 5. in notis redacta*, Pirhing *hic num. 17.* *Procedit 3.* etiam si Protocollo adverteretur Instrumento; nam potius standum est Protocollo, quam Instrumento, cum hoc ex illo extractum sit, & cum de fide Instrumenti dubium incidit, ad Protocolium recurri debeat, Haun. *tract. 4. cit. num. 433.* Zoef. *hic num. 6.* Pirhing *num. 17. cit. Procedit 4.* etiam si Notarius, qui illud scripsit, mortuus sit, antequam conficeret Instrumentum publicum; nam si alius Notarius Instrumentum dein ex isto perficiat, hoc plenam vim probandi habet, non habiturum, si hac Protocollo ceterer, Barbosa *in cap. 15. cit. num. 6. & 7.* Haun. *num. 398.* Pirhing *num. 18.*

Neque contrarium probant Argumenta allata. *Ad 1.* autoritas Judicis in casu *c. cum P. cit.* requiritur, non, quod Protocolium per se rei gestæ fidem non faciat, sed ut Notarius Protocollo, quod ipse non scripsit, uti ad confederationem Instrumenti possit; vel ut pars, cujus interest, ad confederationem ejusdem citetur. Vviestner *num. 30. hic.* *Ad 2.* ibi sermo expresse est de Contractibus, quos in scriptis fieri contrahentibus initio placuit; tales enim ex contrahentium intentione, etiam in Protocollo descripti, utras vires antè non habent, quam Instrumentum super iisdem confectum fuerit. Alia ratio est contractuum, qui interceptis celebrari non sunt; hos enim Protocolli tenor non minus, quam Instrumentum ex Protocollo extractum probat. Everhard. *cap. 3. cit. num. 34.* *Ad 3.* licet Protocolium non sit perfectum in ratione Instrumenti publici, perfectum tamen est in ratione Protocolli.

Dub. 2. quam vim habeant ad fidem faciendam Exemplaria, seu copiarum publicorum instrumentorum? Videntur & ipsa indiscriminatim facere plenam fidem ob complures Juris, præsertim Civilis, textus. Nam 1. olim adhibebatur fides Exemplo desumpto ex rationibus Argentatiorum, & nummulariorum *l. si quis § 6. Prætor ait 8. ff. de edend. 2.* Testamenti exemplo adhibetur plena fides, ut habetur *l. unum testamentum 24. ff. qui testam. facer. poss. & l. si in duobus to. ff. quemad. test. 3.* Ob inventarium, in quo debita chirographaria scripta sunt, pupilli debitores non minus ex eis, quam ex ipsis chirographis conveniuntur *l. chirographis 57. princ. ff. de administr. tutor. 4.* Is, cui actorum eduntur exempla, cavere debet, & promittere, se illis contra fiscum, vel Remp. non usutum *l. in fraudem 45. § neque §. ff. de Jur. fisc. 5. Novell. 127. c. 2.* statuit Imperator, *ut si principalia Instrumenta pereant (quod facile est) per monumenta matronis ejus probatio maneat.* 6. Accedit autoritas Juris Canonici *c. constitutus 2. de fidejuss. c. cum olim 13. de privil. c. cum dilecta 4. c. venerabilis 8. & c. fin. de confirm. util. & inut.* ubi Instrumento exemplato non minor adhibetur fides, quam Originali.

Sed distinguendum est; Vel enim hujusmodi exempla privata solum autoritate, manuque ex originali transumpta sunt, vel è Notario publico.

*Si primum*, sine originali regulariter fidem non faciunt. Ita cum communi Covar. *præf. qq. c. 21. nu. 2.* Vivian. *in c. si scripturam 1. hoc tit.* Layman *ibid. num. 1.* Barbosa *num. 1.* Gonzalez *nu. 1.* Vvagnereck *V. ad exemplaria*, Hiltrop. *p. 3. tit. 10. § quam fid. fac. Instrum. n. 6.* Haun. *tom. 5. tract. 4. n. 412.* Vallens. *hic § 2. n. 1.* Zoef. *n. 4.* Sannig *cap. 2. num. 12.* Vviestner *num. 24.* & apertè



constat ex *cap. si scripturam cit.* ubi Gregorius Pontif. *Si scripturam*, inquit, *Authenticam non videmus, ad Exemplaria nihil facere possumus.* Consonat Jus Civile *l. quicumque ff. cod. l. cum precibus 18. C. de probat. Auth. si quis C. de edend.* Ratio est, quia si exemplo fides adhiberetur absque Originali, facilè daretur occasio falsitatis, & deceptionis; possent enim in ipso Originali existere Cancellationes, rasuræ, vel alia vitia, quæ ipsum Originale irritum facerent: quæ vitia cum inspectione solius exempli cognosci nequeant, idcirco, ut exemplum fidem facere possit, meritò petitur, ut ostendatur Originale, sicque comparari cum ipso exemplar possit. *Conf.* nam Tabellio tantum reputatur pro teste publico, igitur nisi hujusmodi exemplum manu Tabellionis fiat, fides ei non adhibetur.

30 *Si secundum*, altera distinctio est adhibenda, & videndum, an exemplatio facta sit ab eodem Notario, qui fecit Originale, an à diverso. *Si ab eodem Notario*, facilè consentiunt DD. fidem facere hujusmodi exemplum, etsi factum sit sine autoritate Judicis; quia hæc tantum requiritur, quando novum exemplar extrahitur; hoc autem propriè novum non est, sed virtualiter Originale est, cum nihil eidem desit. *At si à diverso Notario* facta sit exemplatio, tertio distinguendum est, considerandum, an facta sit cum solemnitatibus à Jure requisitis, an sine illis.

31 *Si cum ejusmodi solemnitatibus*, eandem vim probandi habet, quam ipsum Originale. Ita Abb. *in c. fin. hoc tit. num. 5.* Felin. *ibid. num. 1. & seqq.* Everhard. *de fid. Instrum. cap. 4. num. 35.* Hiltrop. *part. 3. tit. 10. § quam fid. fac. Instrum. num. 19. & 20.* Pax Jordan. *lib. 14. tit. 20. nu. 287.* Haun. *com. 5. tract. 4. num. 417.* Vvesenbec. *ff. hoc tit. num. 6.* Vallens. *§ 2. n. 1. hic Pirhing num. 21.* Vviesner *n. 28.* & alii ab his *citt.* Constat ex *c. fin. cit.* Requiritur autem 1. ut interveniat autoritas Judicis; nam sine hujus autoritate ab alio Notario, quam qui Originale confecit, transumptum exemplum, licet conjecturam aliquam, seu suspensionem, fidem tamen plenam non facit, eò, quòd timeatur falsitas, ut is, cui exemplatio instrumenti demandatur, sit persona publica, seu Notarius *c. fin. hoc tit.* vel si talis haberi non possit, transcriptio fiat per aliam personam honestam, apposito sigillo Authentico, ut cum Glossa *in c. fin. cit. V. publicam personam* notat Hiltrop. *n. 20. cit. 3.* Ut id fiat ad rogationem partium ob justam causam; qualis esset, si instrumentum vetustum sit, ut timeatur, ne vitietur, vel consumatur; si ex Archivo, seu loco, ubi asservatur, auferri, & in locum remotum sine periculo amissionis mitti non possit; si specialis sit utilitas, ut plura de eodem contractu, testamento &c. exempla extent, ne uno amisso, partibus copia probationis pereat &c. 4. Ut ad talem exemplationem citentur ii, quorum interest; nam exemplum etiam solemniter descriptum non præjudicat, nisi iis, qui ad talem translationem vocati sunt, & his, qui jura eorum obtinent, non autem aliis, tametsi præsumptionem inducat pro proferente contra non vocatum, imò interdum etiam probationem semiplenam. Quod si tamen aut periculum sit in mora, aut alicubi sit consuetudo, ut absque ulla citatione exemplatio fiat, fidem suam obtinebit exemplum, etsi non tantam, quantum obtinet factum citatis partibus. Pax Jordan. *n. 289.* & alii *suprà*, 5. Ut instrumentum, quod exemplatur, revera sit publicum, & nulla ex parte vitiosum, quod videre incumbit Judici, cujus autoritate fit exemplatio *c. fin. cit.* quia exemplum, quantumvis solemniter confectum, probandi vim aliam nullam habet, quam ipsum Originale, ex quo desumptum est. Everhard. *c. 4. cit. num. 21.* 6. Ut exemplum concordet cum Originali; nam si inter exemplum, & originale sit aliqua repugnantia, Originali stabitur. Barbosa *in c. 1. hoc tit. n. 4.*

32 *Si sine solemnitatibus n. præc. relatis* fiat exemplatio, etsi Notarius sive unam, sive plures ejusmodi Copias conficiat, & attestetur, se fideliter descripsisse, nullumque in Originali defectum deprehendisse, regulariter quoad negotium, super quo erectum est Originale, plena fides hujusmodi Copiis in Judicio non est habenda sine aliis adminiculis, ut præter *citt.* tradit Sichard. *in Rubr. C. hoc tit. n. 6.* Zas. *l. 2. conf. 1. n. 96.* Engl *hic nu. 50.* Konig *num. 55.* & alii apud ipsos. Ratio est, quia No-

tarius, qui negotio non fuit præsens, authenticè nequit de ipso testari, ut dictum est *n. 21. supra*.

Dixi autem 1. *regulariter*; nam in quibusdam casibus etiam his requisitis destitutum exemplum vim probandi habet, etiamsi ab alio Notario confectum sit. Et 1. quidem, si inter Acta reperitur, modò per Notarium actorum collatum fuerit. Mynsing. *cent. 6. obs. 75 n. 1.* Konig *nu. 54.* 2. Si in Archivo sit positum, aut ab Archivo extractum cum Originali concordans. *Novell. 49. c. 2. l. gesta 6. C. de re judic.* Gonzalez *in c. 1. hoc tit. n. 12.* Haun. *tr. 4. cit. n. 422.* 3. Si constet, quod ab antiquo jam tempore ejusmodi instrumentum exemplatum fuerit, quo casu antiquitas temporis magnam fidem inducit, etsi non constet in ejus descriptione observata fuisse, quæ ad solemnitatem exempli desiderari *nu. præc. retuli.* Mynsing. *loc. cit. n. 2.* Gonzal. Haun. *loc. cit.* 4. Si exemplatio facta sit cum partium voluntate, & utraque exemplum, suo consensu factum, approbet tanquam Originali concordans; tunc enim habet vim confessionis, & pacti, quod plenè probat inter partes. Debet autem consensus iste esse expressus: unde, ut bene notat Haun. *n. 415.* non sufficit, quòd pars adversa nihil opponat in Judicio. Rationem dat, quia non solum parti, sed etiam Judici facienda est fides. Ergo si Judex adverteret, exemplum non esse authenticum, posset etiam parte non opponente, illud rejicere, & ex officio supplere defectum partis non oppositis. Neque semper verum est, quod ex non oppositione partis inducatur confessio partis; quia forte ex simplicitate, aut Juris ignorantia, vel alia de causa non opponit, 5. Si consuetudine introductum sit, ut Copiis, à solo Notario vidimatis, habeatur fides; nam consuetudine istud introduci potest *per c. cum dilectus 9. hoc tit.* cum enim consuetudine possit acquiri Jurisdictio, cur non etiam potestas Instrumenta inspiciendi? approbandi, & inde Copias authenticas formandi Engl *hic n. 51.*

Dixi 2. *quoad negotium, super quo erectum est Originale*: nam quoad cætera, quibus ipse præsens fuit, & coram inspexit, vel audist, plena habetur fides, ut quod exemplar transumptum concordet Originali, quod illud inspexit, quod partes ipsum rogaverint &c. non tamen quoad ipsum negotium, quia forte Originale, ex quo transumptum est, vitiosum est. Neque sufficit, quod asserat, Originale authenticum fuisse, publicum sigillum habuisse, subscriptiones testium, & reliquas solemnitates non defuisse; de hoc enim judicare, non Officium Notarii, sed Judicis est *cap. cum P. 15. & cap. fin. hoc tit.*

Dixi 3. *fidem plenam hujusmodi copiis non habendam*; negari enim non potest, quin faciant magnam præsumptionem; hinc iisdem tamdiu creditur, donec Adversarius excipiat, & ipsa Originalia exhiberi petat.

Dixi 4. *sine aliis adminiculis*; nam si alia adminicula concurrant, & Originale amissum sit, talibus Copiis plena fides tribuitur à Farinac. *lib. 2. Civil. Decis. 368.*

Neque contra sic explicatam responsionem pugnant 35 Argumenta *num. 28.* relata. *Ad 1.* Argentariorum libri, & cons. etiam inde transumpta tantum probant contra ipsos, quo modo infra dicam probare etiam scripturas privatas, non autem pro ipsis, ut Gonzal. *in cap. 1. hoc tit. num. 13.* notat, *Ad 2. lib. 24. cit.* procedit in Scripturis Testamenti solemniter ab eodem Tabellione confectis, quo casu eadem est utrisque fides. Similiter *lib. 10. cit.* intelligi debet, non de exemplo exemplato, sed de Instrumento Authentico Originali. *Ad 3.* Inventarium illud plenè probat, quia olim coram Judice, & Notario, nunc usu communi coram Notario tantum conficiuntur. *Ad 4.* Exempla in eo textu fidem faciunt, quia in ejus species dicebantur edita à fisco; & ita per similem productionem censentur vera esse, quæcumque in illis continentur. *Ad 5. & 6.* textus illi intelligi debent de Instrumentis exemplatis autoritate publica.



## §. II.

## De Instrumentis Privatis Authenticis.

## S U M M A R I U M.

- 36 *Definitio, & Varietas Instrumenti privati Authentici.*  
 37 38 *Quam vim probandi habeant Acta Judicialia?*  
 39 40 *Scriptura deprompta ex Archivopublico?*  
 41 *Vel privato?*  
 42 43 *Munita Sigillo publico, & Authentico?*  
 44 45 46 *Habentes appositum Sigillum persona privata?*  
 47 48 *Libri Officialium Publicorum?*  
 49 50 *Matricula, & Libri Censuales?*  
 51 52 *Libri Ecclesiarum, Monasteriorum &c.*  
 53 *Scriptura privata subscripta à tribus testibus?*  
 54 *An consuetudo facere possit Instrumentum Authenticum?*

Publicis instrumentis ad privata transimus, ita dicta, quod vel non à persona publica, vel sine debitis solemnitatibus confecta sint. Ex his aliqua *Authentica* appellantur, quæ quia plenam & ipsa fidem faciunt, dicuntur etiam *effectu publica*. Describi *Instrumentum*, seu *Scriptura privata Authentica* potest, quod sit *Scriptura privata quidem, testium tamen subscriptione, aut Sigillo, eoque recognito, & approbato, aut alio legitimo modo munita*.

Plures illorum sunt species; nam pro talibus habentur 1. Acta publica, & Judicialia, 2. Scripturæ ex Archivopublico depromptæ, 3. Scripturæ à privatis quidem confectæ, sed publico, vel authentico aliquo Sigillo Principis, Episcopi, Civitatis, Universitatis, vel alterius communitatis jus sigilli habentis munitæ; 4. Scripturæ privati manu confectæ, sed trium, & aliquando duorum testium adhuc viventium, & suam manum recognoscentium subscriptione corroboratæ, 5. Matriculæ & Libri Censuales, vulgò *Cammer - Steur - und Zahl - Decher*, in quibus descripta est æstimatio bonorum, seu patrimonii cuiusvis subditi eo fine, ut à Superiore cum debita proportionem possint imponi, Exactiones, Contributiones, Steuræ, seu Collectæ, 6. Libri Officialium publicorum; Parochiales baptizatorum, nuptorum, defunctorum; Libri Collegiorum, Opificum, dic *Zunft - Decher*, 7 Denique omnes illæ scripturæ, quæ, secundum morem, & consuetudinem Regionis confectæ, vim Authenticarum obtinuerunt apud omnes à longo usu, & tempore. De singulis quæritur, quantam vim probandi habeant. Hinc

Quæritur 1. quid probent *Acta Publica, & Judicialia*? Acta hoc loco dicuntur illa, quæ sunt coram Iudice, aut alio habente notionem, seu Jurisdictionem aliquam. Dividuntur in Judicialia, & non Judicialia. *Judicialia* appellantur, quod fiant in Iudicio, & ex his aliqua dicuntur *Præparatoria*, alia *Discussoria*, alia *Decisoria*. *Non Judicialia* vocantur illa, quæ sunt coram Iudice exercente Jurisdictionem voluntariam, ut sunt emancipationes, donationes, inuentiones, minorum alienationes requirentes Decretum Iudicis &c. Hæc plerumque referuntur in scriptis & vocari solent *Monumenta*; ad priora verò requiritur scriptura de substantia.

De utrisque dicendum, quòd si debito modo confecta sint, nec aliunde defectum habeant, faciant plenam fidem; adeoque quando dubitatur, an lis fuerit contestata, an libellus oblatas, an testes examinati, an pars citata ad ferendam sententiam, an facta legitime emancipatio, donatio, alienatio &c. si in Actis reperiantur scripta, hoc ipso probantur gesta esse, prout gesta esse in actis reperiantur. Ita ex communi DD. sensu Hiltrop. *part. 3. tit. 10. § quam fid. fac. instrum. num. 12.* Haun. *tom. 5. tract. 4. num. 455.* Vallens. *hic § 2. num. 1.* Zoef. *n. 5.* Pirhing *num. 16.* Engl *n. 16.* König *n. 8.* Vviesner *nu. 32.* & aperte deciditur *l. fin. Cod. de re judic. ibi: Gesta, quæ sunt translata in publica monumenta, habere volumus per-*

*petua firmitatem; neque enim morte cognitoris perire debet fides publica.*

Proceditque hoc 1. teste Haun. *loc. citat.* non solum inter personas, inter quas actum est, sed etiam respectu aliarum personarum, 2. non tantum, quando subsecuta est sententia definitiva, sed etiam cum precepta est instantia, quia vel tempus pro agendo constitutum transit, vel quia ob contumaciam actoris reus fuit ab observatione Iudicii, 3. nec tantum coram Iudice, sed etiam coram subrogato in locum prioris Iudicis *argum. capit. quoniam 11. de testib.* nam successor censetur idem moraliter esse cum priore, sicut est Iudicium, 4. nec in eadem solum instantia, sed etiam in alia, ut si pars appellet, aut si per viam revisionis causa tractetur iterum.

Dixi autem si debito modo confecta sint; nam ut his Actis publicis & Judicialiis plena habeatur fides, necesse est, ut autoritate Iudicis, in hujus, & partium præsentia, à Notario, vel ejus loco à duobus aliis viris idoneis ejusmodi acta fideliter conficiantur, & ita, ut ex hujusmodi scriptura, quæ acta sunt, plenè intelligi possit.

Addidi probare gesta, ut gesta esse in hujusmodi actis reperiantur; nam in Actis Probatoriis duo sunt distinguenda, unum, quod probationes hujusmodi factæ, instrumenta producta, testes audiri sint, & hoc plene probatur ex actis: alterum, quod ejusmodi acta probatoria intendunt probare; & de hoc dicendum, quod fidem non faciant, nisi inter easdem personas, & in ordine ad eundem finem, prout dictum est *tit. 20. a num. 128.*

Eandem probandi vim habent omnes Scripturæ, etiam privatæ, quarum publicatio, interveniente Magistratus autoritate, facta est, ut cum Testamenta, vel Codicilli, aut aliæ tabulæ auctore Iudice aperiuntur *leg. publicati 2. Cod. de testam. leg. fin. Cod. de re judic. leg. ne in arbitris 4. § si igitur 1. Cod. de recept. arbit. & docent Hiltrop. loc. cit. Vvesembec. ff. hoc tit. num. 2.* König *hic num. 41.* Sannig *cap. 2. num. 5.* cum communi DD.

Quæritur 2. quid probent Scripturæ ex Archivodepromptæ? Resp. distinguendum, ex quo Archivodepromptæ sint; nam dupliciter Archivum sumi potest, aliquando propriè, & in sensu Juris communis, aliquando impropiè. Impropiè dicuntur Archiva, quæ non sunt erecta autoritate publica, seu alicujus Magistratus habentis potestatem ferendi Leges publicas. Hujusmodi Archiva rectius dicuntur *Chartophylacia*, & talia sunt, quæ in Religiosis Conventibus, in Civitatibus municipalibus, aliisque Communitatibus minoribus, item à Comitibus, aliisque Nobilibus eriguntur, ubi reponuntur Scripturæ tam Authenticæ, quam non Authenticæ, nec semper in eum finem, ut possint produci in Iudicio ad aliquid probandum, sed plerumque solum pro instructione Superiorum, & Procuratorum, sæpe solum ob reverentiam personæ scribentis, verb. grat. Epistolæ alicujus Principis ad ejusmodi Communitatem datæ. *Archivum publicum* est locus publicè autoritate Superioris, vel Magistratus habentis potestatem condendi Leges erectus in eum finem, ut in eo Tabulæ, & instrumenta publica, ac Monumenta rerum gestarum asserventur. Hoc in jute *Grammatophylacium* vocari solet. Jus publici Archivi juxta commune tantum competit Prælati Ecclesiasticis majoribus, videlicet Episcopis, & horum Superioribus; item Principibus & Statibus sæculatibus illis, qui in territoriis suis exercent Jura Imperii, & Regalium. Reponi in eo non solent, nisi ex Scripturæ, quas Magistratus vult esse, & haberi pro Authenticis. Præscitur illi *Archivarius*, seu Officialis publicus, quem antiqui *Commentariensis*, nos *Cancellarius* appellamus. Sub hujus custodia esse Archivum debet, qui etiam, si ex eo producat Scriptura aliqua, ut hæc fidem plenam, & publicam mereatur, attestari debet, quod scriptura illa in Archivum inter alia instrumenta Authentica reposita, & fideliter asservata fuerit. Quod si tamen ejusmodi Scriptura ex Archivopublico immediatè exhiberetur illi, contra quem producit, ita, ut dubitare non posset fuisse receptam in Archivum, etiam sine hujusmodi Archivarii attestatione probaret, ut notat Haun. *tract. 4. citat. num. 494.* & supponit Carpzov. *part. 1. con-*



constit. 17. defin. 38. Colligitur etiam ex *Novell.* 49. c. 2. ubi plus non requiritur, quam quod scriptura re-  
perta sit in Archivo. His positis.

40 Satis convenit inter DD. quod plenam, & perfectam fidem faciant scripturæ productæ ex Archivo publico; ita enim cum cæteris docet Hiltrop. *part. 3. tit. 10. § Vocabulum instrum. num. 13. & tit. 14. num. 1. & seqq.* Everhard. *de fid. instrum. cap. 7. num. 35.* Pax Jordan. *lib. 14. tit. 20. num. 11.* Haun. *tom. 5. tract. 4. num. 362 & 493. ac seqq.* Vvesenbec. *ff. hoc tit. num. 2.* Barbosa *in cap. 2. eod. num. 12.* Vallent. *hic § 1. num. 3.* Pithing *nu. 33.* Engl *num. 20.* König *num. 10.* Vviesner *num. 37.* & aperte dicitur *Auth. ad hæc C. hoc tit.* quæ delumpta est ex *Novell.* 49. cap. 2. Ratio est, quia licet talis scriptura secundum se publica non sit, prout est illa, quæ per publicum Notarium consecrata est, vim tamen publici instrumenti habet tum ratione loci, quod in Archivo recondita fuerit; tum ratione personæ, quod per publicum, & juratum Officialem, seu Ministrum sint registrata; cui ex officio incumbit, ut non nisi scripta, seu litteræ, quæ fidem merentur, inter Scripturas Archivi reponat. Precedit assertio, ut hujusmodi instrumenta, & Scripturæ probent non tantum pro subditis & inter subditos, sed inter quoscunque, etiam non subditos. Ratio desumitur à paritate cum aliis Instrumentis publicis; neque enim assignabilis est ulla disparitas, cur Notarius instrumento publico ob auctoritatem illius, à quo constituitur, & creatus est Notarius tribuere vim probandi universalem possit, & non etiam locus publicus ab eadem auctoritate erectus in eum finem, ut scripturæ ibi asservatæ sint, & evadant Authenticæ: igitur sicut per instrumentum publicum probatur factum esse illud, quod in instrumento narratur factum esse, & hoc probat apud omnes, esto, non noceat illis, inter quos non est res gesta, ita etiam de scriptura in Archivo publico asservata dicendum est.

41 In Scripturis productis ex Archivis Monasteriorum, Civitatum, & personarum Illustrium, quibus nec Cancellarius præpositus est, nec Jura Regalium iustriantur, distinguendum est inter quatuor casus, 1. si subditus contra alium subditum producat ejusmodi scripturas, 2. si subditus contra dominum, 3. si Dominus, Monasterium, Collegium, aut Communitas contra subditum, 4. si eadem Communitas contra extraneum & non subditum. *In primo, & secundo casu* hujusmodi scripturis creditur, ut tradunt Jalon *in leg. ammonendi 31. ff. de iur. jur. num. 137.* Engl *hic num. 21.* König *num. 43.* *In tertio casu* fidem faciunt in factis antiquis, & memoriam hominum excedentibus. Bald. *lib. 7. Cod. de probat. num. 3.* Vvesenbec. *ff. hoc tit. num. 6.* Engl, König *loc. cit.* quia in antiquis universim propter difficultatem probationis leviores probationes sufficiunt. Idem dic, si tales Scripturæ sint, quæ communiter pro Authenticis habentur, & ad quas in dubiis recurritur ab ipsis subditis; tunc enim consuetudo auctoritatem Scripturæ dat. *In quarto casu* hujusmodi Libris, & Scripturis non creditur, ut iterum docet Bald. *loc. cit. num. 1.* & ratio est, quia respectu extranei Civitas, vel Reip. censetur jure privatorum, & cons. ejusmodi Scripturæ, tanquam merè privatae, non probant; intellige, plenè, & tanquam Scripturæ Authenticæ; negari enim non potest, quin præsumptionem aliquam faciant, præsertim si juventur aliis adminiculis. Imò juxta Zypæum *lib. 2. consult. un. de fid. instrum.* hujusmodi Libri, & scripturæ, ex Chartophylaciis Monasteriorum, vel Ecclesiarum jus Archivi non habentium prolata, non minores veluti fidem, quam facerent illi, qui tales Libros, vel instrumenta scripserunt; hinc sicut Clerico pro sua Ecclesia, Religioso pro suo Monasterio testimonium dicenti creditur, simili fide crederetur etiam ejusdem Scripturæ. Ego hoc admissem, si alia concurrant adminicula, quæ Scripturæ tali auctoritatem concilient; nam certum est minorem esse auctoritatem Scripturæ nudæ, & non adminiculatæ, quam testis, cui maxime fidem facit Juramentum, quod deponere debet, antequam deponat testimonium.

42 Quæritur 3. quam fidem faciant scripturæ munitæ Sigillo? Resp. distinguendo, an munitæ sint Sigillo publico, & authentico, an tantum habeant appositum sigillum unius privatæ personæ?

Si munitæ sint sigillo publico, & Authentico, & cætera per consuetudinem, vel alias requisita habeant, indistinctè faciunt plenam fidem quoad illum finem, in quem sigillum est appressum, non tantum pro tertio, sed etiam contra illum, non tamen pro sigillante, nisi sit Princeps supremus. Sumitur ex *c. scripta 2. hoc tit.* & tradit *ibid.* Glossa *fin.* Hiltrop. *p. 3. tit. 10. § vocabul. instr. & c. num. 11. & tit. 12. num. 1. & seqq.* Vvesenbec. *ff. hoc tit. numer. 2.* Everhard. *eod. c. 12. num. 25.* Pax Jordan. *lib. 14. tit. 20. num. 5.* Haun. *tom. 5. tract. 4. num. 577.* Gonzalez *in cap. 2. cit. num. 6.* Barbosa *ibid. num. 15.* Vallent. *hic § 1. num. 3.* Pithing *num. 36.* Engl *nu. 17.* König *num. 37.* Vviesner *num. 44.* & patet ex privilegiis, concessionibus, & contractibus Principum, & Magnatum, quæ si eorum sigillum appositum sit, plenam fidem etiam contra ipsos faciunt. Porro quænam sigilla in proposito pro Authenticis habenda sint, ad consuetudinem locorum attendendum est. Engl *loc. cit.* docet illa sigilla communiter dici Authentica, quæ à personis in dignitate constitutis, & Magistratum habentibus apprimuntur.

Dixi autem *Si cætera per consuetudinem, vel alias requisita habeant.* Requiritur autem 1. ut hujusmodi Scriptura etiam tempore productionis sigillum habeat, nec sufficit, si in scriptura diceretur sigillum esse appressum, aut si in ipsa charta appressio appareret, ut patet ex *c. scripta citat.* Ratio clara est, quia si sufficeret, infinitis fraudibus pateret via; facile enim scripturæ privatæ posset aliquis sigillum apprimere, & hoc iterum remove, relicto vestigio. Simile fraudum periculum foret, si scriptura attestans appressum fuisse sigillum facere fidem posset, sigillo non existente. Unde disparitas est cum instrumento publico; nam quia Sigillum non est de hujus substantia, ideo illud etiam Sigillo remoto probat, 2. ordinariè non sufficit nudum Sigillum, sed apponens debet vel se subscribere, vel in litteris exprimere, quod ipse apposuerit, & addere, ex qua cautela apposuerit. Innoc. *in cap. 2. cit. num. 2.* Engl *hic num. 18.* König *num. 7.* Ratio est, quia sigillum sine subscriptione videtur esse tellis mutus, aut sui dicti, rationem non reddens, qui ad probandum plene non est idoneus. Accedit, quia si soli sigillo fides plena habeatur, facile dolus committi poterit. Denique variis de causis sigillum apponi potest; igitur vel subscriptione, vel in ipso contextu Scripturæ apponens sigillum testari debet se apposuisse in confirmationem scripturæ, nisi tamen hoc aliunde constet, uti constare potest ex consuetudine communi, quod non in alium finem plerumque soleamus sigillum apponere, nisi ut inde firmam habeamus scripturam; quare Barbosa *in cap. 2. cit. num. 15.* monet, subscriptionem non esse necessariam, nisi cum dubium est, an sigillum sit supposititiè additum, 3. si negotium, de quo testatur scriptura, ad officium sigillantis non pertinet, requiruntur testes saltem duo; sufficit autem probabiliter, si inscripti sint, quamvis tutius, Jurique conformius sit, si se subscripserint. Secus res sese habet, quando negotium, de quo testatur scriptura, pertinet ad officium sigillantis; tunc enim scriptura sic sigillata, nisi aliud obtineat consuetudo, fidem facit, etiam si nulli subscripti sint testes, ut colligitur ex *capit. scripta 2. hoc tit.* ubi generaliter scripturæ sigillo Authentico munitæ tribuit vim probandi, neque sit mentio testium.

Si vero hujusmodi Scriptura solum habeat appositum Sigillum unius privatæ personæ, multum interest, an Sigillum fuerit recognitum ab apponente, h. e. an is, contra quem probatio instituitur, fateatur suum esse sigillum, atque à se appositum; an verò neget suum esse sigillum, vel à se appositum. *Si hoc secundum*, in primo quidem casu onus probandi, ut rectè Haun. *tract. 4. citat. numer. 588.* incumbet asserenti, non neganti, nisi hic spontè velit exhibere Sigillum proprium, ut ex eo appareat discrimen; in secundo autem casu onus probandi transfertur in negantem à se appositum esse, quia in dubio præsumitur sigillum voluntate domini appositum, nisi probetur contrarium. *Si primum*, & is, contra quem Scriptura producit, recognoscat sigillum, ac fateatur suum esse, atque à se, vel voluntate sua appositum, ejusmodi scriptura, seu Litteræ plenè probant in præ-



in præjudicium apponentis sigillum, non autem contra alium tertium, multo minus iisdem creditur in favorem sigillantis. Ita Gloss. in l. si procuratorem v. intelligendum ff. de Procurat. Menoch. de arbitr. c. 113. num. 8. & 9. Mascard. de probat. concl. 1309. nu. 1. & seqq. Haun. rr. 4. cit. n. 586. Pirh. hic n. 37. & seqq.

Dixi 1. plenè probant in præjudicium apponentis Sigillum: & hoc sensu Sigillum, & Scriptura ejusmodi est Authentica. Proceditque hoc etiam sine alia subscriptione vel propria, vel testium; quia sicut subscriptio, ita & Sigillum adhibetur ad fidem faciendam scripto, nempe quòd emanaverit ab illo, quem Sigillum, vel Subscriptio ostendit. Et verum est hoc etiam casu, quo Procuratorio nomine ab alio appositum sit Sigillum; nam eo casu Principalis censetur istud per se ipsum fecisse. Excipe, nisi Procurator abusus esset Sigillo sibi commisso; nam ejusmodi litteræ Sigillo alterius munitæ procuratorio nomine tantum valent, quantum acta Procuratoris; sicut ergo acta à Procuratore non tenent, si hic abusus sit Procuratoris officio contra mentem Principalis, ita nec committens Sigillum tenebitur litteris, & obligationibus, quas alter abusu Sigillo sibi commisso contra mentem committentis subsignavit: debet tamen eo casu probari subsignationem factam contra commissionem, & expressam voluntatem committentis Sigillum; nam alias præsumitur voluntate committentis facta esse subsignatio. Idem dicendum de Chartis vacuis, quas *Biancas* appellant, Sigillo munitis; nam si is, cujus est Sigillum, neget se mandasse illud, quòd ibi reperitur scriptum, & si constet, quòd Chartas tantum vacuas commiserit, tradens ejusmodi chartam non obligatur ad id, quòd non mandavit, & is, qui tali scribe credidit, sibi imputare debet, quòd sit deceptus. Excipiendum tamen in utroque casu est, nisi tradens hujusmodi chartam, vel sigillum sciverit illum, cui tradit, abuti illo, vel abusurum; tunc enim teneretur de culpa lata.

Dixi 2. non autem contra alium tertium. Ratio est, quia sigillum non potest majorem fidem facere, nec plus probare, quàm testimonium, ad quòd probandum adhibetur, atqui ad plenam fidem faciendam adversus tertium unius privati viri testimonium non est sufficiens, ergo nec unius privati Sigillum. Addidi unius privati viri; nam si duorum virotum probata vitæ, & integræ famæ Sigilla apposita litteris, & recognita, seu approbata fuerint, facient illa plenam fidem, etiam cum agitur de alterius præjudicio.

Dixi 3. Multo minus in favorem Sigillantis; nam testi in propria causa non creditur, ut dixi Tit. 20. de test. & attest. n. 62.

Quæritur 4. quid probent Libri Officialium publicorum? Resp. si scriptus sit talis Liber ab Officiali publicè ad hoc deputato, & de iis, quæ ad Officium illius pertinent, plenè probat factum ibi relatum, non minus, quàm Instrumentum confectum à Notario, etiam contra tertium, & in favorem scribe, nec tantum inter subditos illius loci, pro quo talis Officialis est constitutus, sed etiam respectu existentis extra locum illius Officialis. Colligitur ex l. argentarius 10. ff. de edend. & docet Hiltrop. p. 3. tit. 10. §. Vocab. Instrum. n. 21. & tit. 13. n. 1. Haun. tom. 5. tr. 4. n. 447. Pax Jordan. l. 14. tit. 20. n. 48. Vvagn. in Rubr. h. tit. not. 5. Konig n. 46. Vviesl. n. 43.

Tales autem Libri sunt 1. Libri Parochiales baptismorum, nuptiorum, defunctorum. Imò, ut notat Jordan. n. 49. sola attestatio Parochi de Matrimonio contracto, vel de alio actu à se gesto ratione sui Officii plenè probat, quando aliis fulcitur adminiculis. 2. hujusmodi Libri sunt eorum, qui ad Gabellas, vel Collectas recipiendas autoritate publica deputantur: hinc si Officialis hujusmodi in tali Libro scripserit, quòd Titius Gabellam solverit pro contractu emptionis celebrato cum Mævio, ex tali Scriptura, utroque tamen præsentate facta, probabitur non tantum solutio ipsius Gabellæ, sed etiam quòd inter illos contractus hujusmodi celebratus fuerit. Neque obstat, quòd tantum ad Gabellam recipiendam, non verò etiam ad Contractus celebratos scribendos deputatus sit; nam cum deputatus sit ad Gabellas recipiendas pro contractibus, censetur per consequentiam necessariam deputatus ad audiendam confessionem contrahentium de ipso contractu, utpote fundamento

Gabellæ alioquin non solvendæ. 3. huc pertinent, teste Jordano l. cit. numer. 72. Libri Massariorum alicujus Villæ, seu Castri, aut Communitatis; Libri fiscalium, & Thesaurariorum; Libri Tutorum, Curatorum, Executorum, Procuratorum, & similium in summis parvis, si habeant adjectam causam debiti, seu crediti, tempus, diem &c.

Dixi autem 1. etiam contra tertium: intellige, qui ejus personam approbavit, & cum quo res gesta est; nam contra eum, qui personam ejus non approbavit, & cum quo res gesta non est, scriptura Officialis non probat ex ratione; quia res inter alios gesta aliis nocere non potest.

Dixi 2. & in favorem scribe, nam si scriptus sit ejusmodi Liber de iis, quæ ad officium scribe pertinent, ut in Responsione posui, & quòd ibi scriptum est, habeat verisimilitudinem, & aliàs difficulter probari possit, saltem cum Juramento scribe creditur adversus eos, qui ipsum tali Officio destinarunt; nam his concurrentibus creditur Libro rationum Insistoris, vel Administratores privati etiam in favorem scribe. Et in hoc est disparitas cum Notario, qui solum deputatus est ad negotia aliena scribenda, Officialis publicus autem etiam ad ea, quæ ipsum concernunt, quatenus sub generali ratione Officii continentur.

Dixi 3. non inter subditos tantum, sed etiam extraneos: rationem dat Haun. nu. 499. quia nullo Jure probatur restringi vim probandi horum Librorum debere tantum ad subditos, cum possit hujusmodi Officialibus tribui tam ampla auctoritas, ut eorum scripta probent etiam contra non subditos: & hæc, nisi contrarium probetur, censetur collata omnibus publicis Officialibus, qua talibus, ut l. cit. advertit Haun. Fatendum tamen est, quòd sicut aliorum Instrumentorum, ita & Librorum hujusmodi, qui ab Officiali publico scripti sunt, fides fieri possit suspecta, præsertim si contineret aliquid inverisimile: unde admittitur contra illos probatio in contrarium.

Quæritur 5. quid probent Matticulae, & Libri Censuales, quibus descripta continentur æstimatio bonorum quorumvis subditorum, ut à Superiore cum debita proportionem imponi possint Censui & Exactiones? Respond. distinguendo inter Libros Censuales, qui conscripti sunt autoritate privata tantum, & inter eos, qui conscripti sunt autoritate Principis, vel Magistratus ab Officiali publico. Priores, quales sunt Libri Censuales privatorum, quibus servituta subditorum, vel quæcunque alia à quibuscunque, in unum volumen studiosè, ac tersè conscribuntur, non plus probant, quàm alia Instrumenta privata, de quibus §. seqq.

Posteriores probant 1. quòd res ibi descriptæ tantum valeant, & non minori pretio, quàm sub quanto ibi descriptæ sunt, nisi subditus luculenter probet nunc minus valere: Non minori pretio, inquam; quia ex hujusmodi Libris non concluditur pretium ibi descriptum esse justum: hinc dominus ejusdem non prohibetur illam majoris vendere, ut notat Haun. tom. 5. tr. 4. n. 488. & hoc teste communis DD. Ratio est, quia in hac æstimatione non justum pretium, sed proventuum utilitas attenditur & hoc fit non exactissimè, sed civiliter modo subditis accommodato, ut constat ex l. forma 4. §. illam 1. ff. de censib.

2. Probant, res descriptas publicis oneribus subjectas esse, adeo, ut nec privilegio Immunitatis ampliùs tueri se possit ille, qui voluntariè passus est, res suas ibi describi, si tamen privilegio suo renuntiare potuit, qualiter non possunt Clerici. Ita Hiltrop. p. 3. tit. 10. §. vocabul. Instrum. num. 13. & tit. 16. n. 1. Pax Jordan. l. 14. tit. 20. numer. 11. Haun. tom. 5. tract. 4. numer. 483. Konig hic numer. 11. & colligitur ex l. census 10. ff. de Probat. Ratio est, quia hoc permittendo, nec intra certum terminum contradicendo, aut appellando (quem aliqui dicunt esse 10. dies) censetur consensisse. Hinc è contrario inferunt DD. quòd si sciente Superiore, vel ejus Officialibus ad describendum constitutis, alicujus bona non invenirentur in Libro Censuali descripta, talis inciperet possidere immunitatem ab oneribus communibus, & intra 40. annos præscriberet.

3. Probant in favorem tertii, quòd is, qui bonum aliquod tanquam suum fecit inscribi tanquam censuale,



le, eo tempore fuerit in possessione illius boni: unde inscriptio, tanquam confessio propria inserviet Adversario ad probandum, quod bonum illud, quod ita Libro Censuali inscriptum est, ejus fuerit, qui fecit illud ita inscribi. Haun. n. 486. Addidi *in favorem tertii*; nam in præjudicium ejus, qui non intervenit, nec consensit in talis boni descriptionem, nihil probat, ut colligitur ex *l. solemnibus* 25. *C. de R. V. I. censualis* 7. *C. de donat.* & notat Everhard. *de fid. instr. c. 8. nu. 9.* Haun. n. 485. Konig. n. 45. & c. Ratio est, quia res inter alios acta aliis nocere non potest.

- 51 Quæritur 6. quid probent Libri Ecclesiarum, vel Monasteriorum, aut Collegiorum, & similium Communitatum, aut etiam Illustrium personarum, in quibus Jura, Privilegia, Obligationes &c. illarum descripta sunt? Resp. si Jus Archivi publici, & propriè dicti habeant, & ex his hujusmodi Libri deprompti sint, fidem faciunt plenam secundum dicta n. 40.

Si hujusmodi Jure non gaudeant, distinguendum, an producantur contra Ecclesiam, Monasterium &c. quod scribi illos curavit, an pro Ecclesia, Monasterio &c. *Contra Ecclesiam, Monasterium &c.* vim plenæ probationis habent. Felin. *in c. 13. de præscript. n. 16.* Craveta *de Antiq. temp. p. 1. §. quid in libro num. 6.* Everhard. *de fid. Instrum. c. 7. n. 7.* Haun. *to. 5. tr. 4. n. 504. & seqq.* Vviesl. *hic n. 40.* habentur enim pro confessione propria. Proceditque hoc non tantum de probatione directâ, sed etiam de indirectâ, & consecutivè: & ita si in Libro Censuali alicujus Monasterii, vel Ecclesiæ prædium aliquod non reperitur inscriptum, consecutivè probatur illud non esse censuale, incumbetque Ecclesiæ, ut probeat inscriptionem talis prædii ex ignorantia, vel inadvertentia esse omissam.

- 52 At pro Ecclesiâ, vel Monasterio regulariter non probant plenè, ut cum Felin. & Haun. *l. cit.* docent Bald. & Salicet. *in l. exemplo* 7. *C. de Probat.* Everhard. *nu. 80.* Vviesl. *n. 41.* quia hujusmodi Libri & Scripturæ reipsa sunt Scripturæ privaræ, quæ, ut n. 56. dicam, pro scribente non probant. Dixi *regulariter*; nam si aliunde talis Liber authenticus factus esset, quia v. gr. manu Notarii scriptus est, vel in Archivo publico asservatus, plenè probaret etiam ipse, sed non quâ Liber Ecclesiæ, vel Monasterii, sed quâ Scriptura publica. Addidi *non probare plenè*; quia præsumptionem saltem faciunt, etsi non tantam, quæ æquivalet plenæ probationi. *Ratio est*; quia communiter non solent hujusmodi Administratores fraudulenter agere, sed potius bona fide procedere; ut proin pro tali merito aliquantulum præsumatur. Jura, quæ contrarium asserere videntur, loquuntur solum de plena firmitate, & probatione. Potest tamen etiam hujusmodi Liber adjuvari adminiculis, ut semiplenè, vel etiam plenè probeat, præsertim in rebus modici præjudicii, aut in antiquis, ac memoriam hominum excedentibus, ubi ob probationis difficultatem leviora recipi Argumenta solent.

- 53 Quæritur 7. quantum probent Scripturæ, quæ inter privatos quidem super Contractibus, vel alia quacunque ex causa factæ, à partibus tamen, & tribus testibus integre fidei subscriptæ sunt? Resp. in his multum interesse, an testes sint adhuc superstites, an verò jam decesserint, vel ita in remotis degant, ut de veritate rei interrogari nequeant. *Si hoc secundum*, manent Scripturæ privaræ, & cons. non majorem vim probandi, quàm aliæ Scripturæ privaræ habent; quia Scripturæ tanquam testi mortuo, & non jurato in præjudicium tertii fides non adhibetur. *Si primum*, & testes illi recognoscant suam manum, quasi publicæ habentur, & cons. plenam fidem faciunt, prout notant Abb. *in c. scripta* 2. *h. tit. n. 5.* Hiltrop. *p. 3. tit. 10. §. vocab. instrum. n. 15.* Pax Jordan. *l. 14. tit. 20. n. 6.* Vvesenbec. *ff. h. tit. num. 2.* Gonzal. *in c. 2. eod. n.* Engl. *hic n. 22.* Vviesl. *num. 17.* & habetur *l. scripturas* 11. *C. qui prior. in pign.* Et hoc ita verum est, ut is, qui per scripturam trium testium subscriptione munitam Hypothecam sibi constituit, præferatur illi; qui tantum in simplici Chirographo illud fecit, quamvis hic prior tempore, ille posterior sit: cujus rei ratio est; quia is, qui in simplici tantum Chirographo absque testibus Hypothecam sibi constituit, potuit facilè per fraudem, seu collusionem prioritatem temporis adscribere. Quia tamen præsumptio hæc non est Juris, & de Jure, sed Juris tantum, idcirco locus

erit probationi in contrarium, & priorem Hypothecam in simplici Chirographo constituens manutenebitur in sua prioritate, si probare valeat se nihil dolo malo egisse.

Quæritur 8. utrum consuetudo facere Instrumentum aliquod Authenticum possit, quod aliàs tale non esset? Respond. affirmativè, & quidem ita, ut plenam fidem faciat etiam in præjudicium alterius tertii, dummodo nulla sit præsumptio, vel suspicio fraudis in contrarium. Colligitur ex *capit. cum dilectus* 9. *in fin. hoc titul.* & tradit *ibidem* Host. *V. præsertim*. Ratio est, quia sicut consuetudo potest tribuere facultatem creandi Notarios, ita etiam potest dare facultatem authenticandi Instrumenta. Et sic 1. Authentica censeri debent, quæ longis temporibus à singulis tanquam publica; & authentica servata sunt. 2. Authentica dici debet omnis Scriptura, quæ confecta est secundum morem, & consuetudinem Regionis. 3. In Germania ex consuetudine fidem faciunt literæ de contractu restantes, vulgò *Spalt-Zettl*, quæ per medium circumflexæ, & incisæ, dimidiatis partibus inter utrumque contrahentem distribuuntur; nam si conjunctæ literas rectas, & ordinatas reddant, rectè probant contractum initum.

### §. III.

#### De Instrumentis privatis non Authenticis.

#### S U M M A R I U M.

- 55 Quid sit Apocha, Antepocha, Syngrapha &c.  
56 57 58 Quid hujusmodi Scripturæ probent pro scribente?  
59 60 61 Quid contra scribentem, si causam debiti expressam habeat?  
62 63 64 65 Quid, si causa debiti in illa non exprimitur -  
66 Quantum hujusmodi Scripturæ probent pro, vel contra tertium?  
67 68 69 70 Quantum fidem faciant Libri Mercatorum?  
71 72 73 Registra, Annotationes, & Rationes à privato Patrefamil. de acceptis suis, & expensis conscriptæ?  
74 Liber Rationum à Sociis conscriptus inter Socios?  
75 Conscribitur ab eo, qui ex officio alterius bona administrat?  
76 Quid probent Litteræ Cambii?  
77 78 Quid Litteræ Missivæ contra scribentem?  
79 80 Vel pro illo?

**H**orum diversæ sunt Species, quæ tamen ad tria potissimum capita reduci possunt, suntque vel cautiones parti à parte datæ, vel Rationes, & Registra privatorum, vel Epistolæ, & Litteræ Missivæ. Hinc

Quæritur 1. quid probent Cautiones parti à parte datæ? Antequam respondeam, noto, cautiones hujusmodi esse multiplicis generis. 1. *Apocha*: Est cautio scripta solutionis factæ, & ejus probandæ causa data debitori à creditore. Vocari etiam solet *Securitas*, *Quitantia*, aut *Quietantia*. 2. *Antepocha*: Est cautio scripta, quæ à debitore solvente Censum, Pensionem, vel redditum annuus datur Creditori, ut hic inde probare possit talem pecuniam sibi pro censu, pensione, vel redditu annuo solutam fuisse, sicque impediatur præscriptio, quam aliàs fortasse debitor, aut ejus hæres posset obviare. Vocari etiam solent *Litteræ Reversales*. 3. *Syngrapha*: Est Scheda scripta, vel subscripta manu propria contrahentium in ipsius Contractus, seu conventionis fidem. 4. *Chirographum*: Est scriptura privata alicujus manu subscripta, tradita alicui ad alicujus rei gestæ fidem, soletque dari pro quocunque negotio ad probationem debiti v. g. pecuniæ mutuo acceptæ, conventionis factæ &c. De his ergo omnibus.

Dub. 1. an, & quid probent hæc Scripturæ Privaræ pro scribente? Resp. Instrumenta privata ab ipso scribente producta, nisi testium subscriptione, Sigillo, vel alio adminiculo munitæ sint, pro scribente ordinariè nihil probant. Ita cum communi DD. Mascard. *de probat. con-*



concl. 111. n. 1. Pax Jordan. l. 12. tit. 20. n. 16. Haun. tom. 5. tr. 4. n. 523. Laym. inc. 2. hoc tit. n. 2. Henr. Canif. ibid. n. 2. Vallenf. hic §. 2. num. 4. Zoef. num. 8. Pith. n. 24. Engl. n. 30. Konig n. 49. Vvief. n. 49. & novissime R. P. Schmier Proceff. Judic. c. 10. n. 90. Habetur expresse l. Instrumenta 5. l. ratione 6. & l. exemplo 7. C. de probat. Ratio est, quia scriptura est quædam scribentis assertio, & testimonium. Nemo autem est testis idoneus in propria causa l. nullus 10. ff. & l. omnibus 10. C. de testib. Accedit, quia si ejusmodi scriptura pro scribente probandi vim haberet, quilibet, cuius rei veller, probationem sibi parere, & scribendo alium debitorem sibi constituere posset, quod exemplo perniciosum, atque iniquum, foret, ut dicitur l. exemplo cit. Extenditur assertio, ut talis Scriptura etiam non prober pro hærede scribentis; nam hic eadem in Jure persona censetur cum scribente.

Dixi autem 1. *Nihil probant*; h. e. nec plenam, nec semiplenam probationem faciunt. Hoc tamen non obstante, inducat præsumptionem, seu conjecturam aliquam, cum non sit verisimile, quempiam falsam fecisse Scripturam propter timorem pœnæ falsi.

Dixi 2. *nisi testium subscriptione, sigillo, vel alio adminiculo sint munita*; nam si ita munitæ sint, aliquando semiplenam, aliquando etiam plenam probationem faciunt, prout minora, vel majora sunt adminicula. Præcipuum adminiculum sumitur à subscriptione testium; nam si hi recognoscant suam manum, Scriptura privata quasi publicè confecta censetur, modo testes inscripti supersites sint, ut n. 53. dictum est; mors enim eorum Instrumenti vigorem petimit c. scripta 2. hoc tit. Vivian. ibid. in Ration. Laym. n. 1. Gonz. n. 2. Barbof. n. 1. Et per hoc differt hujusmodi scriptura privata ab Instrumento publico, quod fidem facit, & plene probat, licet testes inscripti mortui sint, vel etiam Notarius c. cura. P. 15. hoc tit. & ratio est, quia hoc ex Jure publicam auctoritatem, & vim probandi habet; illa eatenus solum, quatenus à testibus substat.

Dixi 3. *ordinarie nihil probare pro scribente*; nam plures sunt casus, in quibus scripturæ ejusmodi etiam sine subscriptione, vel inscriptione testium pro scribente probant. Et 1. quidem, si de consensu utriusque partis scriptæ, vel subscriptæ sint ea intentione, ut plenam fidem inter se faciant, prout inter se convenire partes possunt. Pax Jordan. l. 14. tit. 20. n. 32. Konig hic n. 49. cum cæteris. Ratio est, quia quod Scripturæ privatæ non probent, partium favore introductum est, cui proin renuntiare possunt. 2. Si scripturam ejusmodi pro se producat scribentis, vel successoris ejusdem Adversarius; nam cum eodem Jure, quod quis in alterum statuit, etiam ipse uti debeat, producat hujusmodi Scripturam etiam contra se illam agnoscere cogitur Auth. adhuc C. hoc tit. saltem quoad articulum connexum, non autem quoad separatos, præsertim, si qui Scripturam produxit, protestatus est, quod eam tantum quoad articulos pro se facientes acceptarit. Everhard. fid. Instrument. cap. 9. numer. 176. 3. Si Instrumentum tali longo tempore inter partes observatum, & in Iudicio pro tali agnitum, & productum sit. 4. Si agatur de re parvi præjudicii, & de modica summa. 5. Si Juramento sit confirmatum. 6. Si à patte receptum, & recognitum; quia tunc habet vim confessionis, & cum ejusmodi Scriptura procedit executive. Barbof. inc. 2. hoc tit. n. 4. 7. Si accedant alia adminicula v. g. quod is, qui scripsit, sit vir bonæ opinionis, & famæ, & solitus semper scribere veritatem; vel quod sit Legalis, aut summa præditus integritate; quod Scriptura non contineat aliquid inconveniens, & incredibile &c. 8. Si in probationem illius adducantur testes etiam non inscripti, vel subscripti, qui deponant non tantum de scriptura, quod videlicet scripta, vel subscripta sit ab eo, qui dicitur eam scripsisse, sed etiam de tenore ejusdem, siue contentis in ea, sc. quod ita res revera se habeat, sicut in Scriptura dicitur: quo casu ad plenam probationem sufficienter duo testes integri; nam hi sufficerent etiam sine Scriptura.

Dub. 2. quam fidem Scriptura hujusmodi faciat contra scribentem? Resp. hic distinguendum, an hujusmodi Scriptura causam debiti expressam habeat vel non.

Schmalzgrueber Tom. II.

Si debiti causam expressam habeat, & à scribente sit recognita, etsi testium subscriptione, sigillo, aut alio adminiculo munita non sit, adversus scribentem regulariter loquendo vim plenam probandi habet. Patet ex cap. si cautio 14. hoc tit. leg. cum de indebito 25. §. fin. ff. de probat. leg. ne in arbitris 4. §. si igitur 1. Cod. de recept. arb. leg. generaliter 13. & leg. seq. Codic. de non numer. pecun. estque regulæ instar receptum apud DD. qui hujusmodi Scripturæ quoad effectum istum vim publici Instrumenti tribuunt, quod illa sit propria, & deliberata scribentis confessio, contra quam probatio non facile admittitur. Neque obstat, quod Confessio extrajudicialis, absente Adversario facta, vix semiplena, & si nulla exprimat causa, vix aliquid prober juxta dicta Tir. 13. n. 26. & 27. nam major vis est Confessionis, & Assertionis scriptæ, quam oretenus tantum prolata; partim quia Scriptura temper, ac proinde etiam in præsentia Adversarii, si exhibeatur, loqui censetur: partim quod majori deliberatione, & cautela soleamus rem scribere, quam loqui. Abb. in c. 2. hoc tit. n. 10. Imo, ut Engl. hic n. 26. notat, in quibusdam locis, & nominatim in Austria receptum est, ut Chirographa privata, in quibus aliquis confitetur se accepisse murum, ita efficaciter probent contra scribentem, ut statim paratam habeant executionem, i. e. debitori, seu scribenti per Iudicem injungatur solutio, nec audiat ante solutionem factam, quamvis velit alias exceptiones contra creditorem proponere.

Dixi autem, *Si à scribente recognita fuerint*, nam 60 si is neget se scripsisse, scriptura talis nihil contra eundem probat, usque dum producens illam aliis adminiculis ostendat eam ab ipso scriptam: quod fieri triplici modo potest. 1. Per testes, qui ex voluntate partium subscripserunt, si recognoscant subscriptiones suas testificantes Syngrapham, vel Epistolam à partibus scriptam, vel subscriptam fuisse. 2. Per testes alios non subscriptos, qui deponant se vidisse illam scribi, & interfuisse illius confessioni: non tamen sufficit, si testentur, se notam habere manum scribentis, nisi alia concurrant adminicula; facile enim adulterari potest. 3. Si Scriptura ejus, qui Instrumentum scripsit, vel se ei subscripsit, cum ejusdem authoris confessis, vel approbatis, seu Authenticis Scripturis comparetur: in quem finem, si aliæ Scripturæ non habeantur, cogi etiam potest author Instrumenti, ut in Iudicio coram Iudice scribar. Jam si scriptura Instrumenti producta cum hujusmodi scriptura similitudinem habeat, semiplenam probationem facit, aliquando etiam plenam si clarissimè constet de similitudine litterarum. Oporteret autem hac in re Iudicem esse valde cautum; nam periculosa valde probatio est comparatio litterarum, cum multi alterius manum dexterrime imitari solent. Hinc ad prudentiam Iudicis pertinebit judicare ex circumstantiis; quantum fidei tribui eidem debeat, & an alia, & quæ adminicula præterea assumi debeant.

Addidi *regulariter loquendo probare plene adversus scribentem*. Excipitur enim in causa mutui, & in causa dotis; nam in causa mutui Chirographum, quo mutuatarius fatetur mutuam pecuniam sibi datam, & in causa dotis Apocha, qua maritus asserit se dotem accepisse, nihil probat contra scribentem, sed si mutuatarius opponat Exceptionem non numeratæ pecuniæ, & maritus Exceptionem de non numerata dote causa, & hoc intra biennium à die dati Chirographi, vel Apochæ, omne onus probandi numerationem pecuniæ, vel dotis factam esse transferunt in Adversarium, uti constat ex tot. tit. Cod. de non numer. pecun. & tot. tit. de dot. caut. non numer. Ratio est, quia Sponsus sæpe ob affectionem erga Sponsam adducitur, ut confiteatur se dotem accepisse, antequam illam acceperit: item nonnunquam contingit, ut creditores Apocham, seu Quitantiam tradant debitori, antequam hic solutionem debiti fecerit. Unde si numerans pecuniam, vel dotem securus esse velit, ne adversus ipsum opponi possit Exceptio non numeratæ pecuniæ, vel dotis, & sic adigatur ad bis numerandam, consultum est, ut cum numeratione faciat, id faciat coram testibus, per quos, si moveatur ipsi lis denumeratione facta, illam probare valeat, Addi potest tertius casus, quando



quando Exceptionem non numeratæ pecuniæ opponit creditor debitori; nam etiam iste, si ante solutionem debiti scripsit Apocham de recepto debito, & hanc debitori tradidit, potest de non numerata pecunia exceptionem facere. Hinc ex una parte creditor est melioris conditionis, quam debitor; ex alia vero deterioris: melioris est, quia debitor exceptionem non numeratæ pecuniæ solum potest opponere in causa mutui, & in causa dotis; creditor vero in causa debiti unde contracti. Deterioris vero conditionis est, quam debitor, quia debitori pro exceptione opponenda datur biennium, creditori vero solum triginta dies, ut statuitur *l. in contractibus 14. princ. & §. super ceteris 2. Cod. de non num. pecun.* Ratio diversitatis est, quia creditorem non urget tanta necessitas scribendi Apocham ante solutionem receptam, cum apud Judicem possit debitorem invitum cogere ad solvendum, quanta tamen urget debitorem, qui mutuante cogere non potest, ut ante Chirographum datum pecuniam numeret.

62 Major difficultas est quoad alterum distinctionis *n. 59.* allatæ membrum, an sc. *Scriptura privata adversus scribentem probet, si causam debiti nullam expressam habeat.* Ratio dubitandi est 1. quia non minus fatetur, qui sine causa fatetur se debere, quam qui cum causa. Sed erga illum, qui causa expressa fatetur se debere, competit actio. Ergo &c. 2. Qui se debere fatetur, causam supponit, siquidem Jure Civili sine causa deberi non potest, & in quolibet actu præsumuntur intercessisse substantialia omnia. 3. Creditor fatendo debitorem sibi non teneri non tenetur causam liberationis exprimere *l. tale pactum 40. princ. ff. de pact.* ergo etsi debitor non exprimat causam debendi, efficaciter obligatur. 4. Scriptura privata in dubio interpretari debet contra scribentem. Ergo quoties scriptura privata causam expressam non habet, contra scribentem interpretatio fieri debet, ut sibi imputet, quod causam non expresse. 5. Pactio nuda de Jure Canonico obligationem habet *c. Antigonius 1. & c. qualiter 3. de pact.* sed pactio nuda nihil aliud est, quam pactio non habens causam. Ergo etiam cautio nuda de Jure Canonico actionem parit.

63 Verum his non obstantibus dicendum, Scripturam privatam, si causam debiti expressam non habeat, scribenti, etiam recognoscenti illam, sed ex causa legitime neganti id, quod in ea continetur, regulariter non præjudicare, nisi is, qui in tali scriptura se fundat, causam debiti alia ratione probare possit. Ita Gloss. in *c. si cautio 41. V. si causam hoc tit.* Felin. *ibid.* num. 1. Henr. Canis. num. 1. Barbof. num. 1. & 2. Laym. num. 1. Gonz. num. 3. Consentunt Everhard. de *fid. Instr.* cap. 9. num. 14. Haun. tom. 5. *tr. 4. n. 515.* Vallens. *hic §. 2. num. 6.* Pirh. *n. 26.* Engl. *n. 26.* Konig. *n. 47.* Vviesl. *n. 53.* & sumitur ex *c. si cautio tit. & l. cum de indebito 25. §. fin. ff. de probat.* Rationem dant plerique, quia scriptura sine expressione causæ censetur facta per errorem, ac proinde in ea præsumitur deesse consensus, qui fundamentum est obligationis ex promissione ortæ. Verum quia in dubio, cum non apparet, nec probatur, error non præsumitur, præsertim in facto proprio, aliam, & Juris principiis magis consonam rationem dat Donell. in *l. generaliter 13. C. de non num. pecun. n. 5.* quia omne debitum, seu obligatio aliquid dandi, vel faciendi, & hanc respiciens jus petendi, atque actio non nisi ex causa, seu titulo aliquo oritur *§. fin. Inst. de obligat.* igitur quando causa Chirographo expressa non est, & aliunde probari non potest, Chirographum pro inutili à Jure habetur.

64 Dixi autem regulariter; nam plures sunt casus, in quibus scriptura privata à scribente recognita, etiam causa non expressa, plene probat adversus scribentem. Hujusmodi sunt 1. si promissio per scripturam facta sit Ecclesiæ, vel alio pro loco; quia videtur se obligasse favore causæ piæ, & Religionis, quæ cum per se sufficiens causa sit, alterius causæ expressione opus non habet *c. fin. de success. ab intest. Abb. in c. 14. cit. n. 2.* 2. Si dives promittat pauperi, vel bene merito; quia tunc præsumitur donatum ad sublevandam paupertatem, & remunerationem meritorum. Pirh. num. 28. 3. Si creditor in Apocha scribat liberationem debitoris; quia Jura proniora sunt ad liberandum, quam ad obligandum. Barbof. in cap. 14. *cit. numer. 2. 4.* Siquis

conferatur rem suam non esse; quia censetur eam habere pro derelicto, & res sit alterius, sc. accipientis. Felin. in *c. cit. n. 8. 5.* Si confessio debiti fiat in ultima voluntate, nam hæc etsi debitum non probet, vim tamen legati habet, si hoc verba admittant *l. Lucius 88. §. quisquis 10. ff. de legat. 2. 6.* Si sit geminata, seu repetita; quia ex repetitione causa subesse præsumitur. Felin. num. 14. 7. Si conditio promissioni sit addita; nam conditio succedit loco causæ. Felin. num. 16. 8. Si Iuramentum accedat cautioni; quia Iuramentum semper servandum est, ubi sine dispendio salutis eternæ potest. Excipe, nisi Iuramentum solum additum fuerit in confirmationem cautionis; tunc enim sicut cautio, non expressa causa, ita nec Iuramentum illi adjectum efficax est, Gonzal. in *c. cit. n. 9.*

Sic limitatam responsionem non admodum urgent Argumenta opposita. Ad 1. ex ratione pro responsione data constat, confessionem sine causa factam esse inutilem, & ideo è Jure reputari nullam. Igitur actionem non potest parere. Ad 2. ex eadem ratione constat, quod ut cautio dicatur valida, requiratur specifica expressio causæ; nam actor debet posse dicere, ex qua causa debeatur. Igitur non sufficit causam præsumi. Ad 3. negatur paritas; nam ut num. præc. dictum est proniora sunt Jura ad liberandum, quam ad obligandum. Ad 4. Interpretatio Scripturæ privæ faciendæ est secundum Jura; dictum est autem, cautionem non expressa causa secundum Jura pro invalida haberi. Igitur jam non erit locus interpretandi illam contra scribentem. Ad 5. etiam Pacta nuda, ut *Libr. 1. Tit. 35. n. 7.* dictum est, actionem non pariunt; & esto, quod illam pariant, disparitas est; quia in nostro casu agitur de obligatione non producenda, sed probanda, quæ secundum Jura ex tali scriptura, si causam obligationis expressam non habeat, non probatur.

Dub. 3. quantum Scriptura privata, publico Sigillo, aut alio adminiculo non munita, probet pro alio tertio, vel contra alium tertium? Resp. nisi hic defunctum repræsentet, ut est hæres scribentis, probandi vim regulariter talis scriptura nec contra, nec pro illo habet, nisi ab illo tertio esset mandata, vel subscripta, & hoc probaretur *c. scripta 2. hoc tit. l. instrumenta 5. C. de probat.* Everhard. cap. 9. *n. 177.* Haun. *tr. 4. cit. n. 524.* Vviesl. *hic n. 59.* Ratio est, quia ejusmodi Scriptura aliud non est, quam testimonium unius hominis non jurati, & extra Iudicium deponentis, cui non creditur, ut dictum est *tit. 20. n. 69.*

Dixi t. nisi hic defunctum repræsentet; nam contra heredem scribentis talis scriptura probandi vim habet; quia iste eadem persona censetur cum defuncto. Vviesl. *hic n. 69.*

Dixi 2. contra alium regulariter non probare; nam plures excipi casus debent, quibus ejusmodi Scriptura etiam contra tertium probat. Et 1. quidem, si, quod ea stare velint, inter producentem, & tertium, contra quem producitur, ita convenit, 2. Si producat ad probandum factum antiquum, pro quo aliæ probationes non dantur. 3. si ejus, contra quem producitur, mandato esse conscriptam constet. 4. si ejusdem sigillo, aut subscriptione munita sit. 5. si, qui Scripturam confecit, in Iudicio cum Iuramento deponat verum esse, quod ibi scriptum est, tunc enim probat semiplene, sed tantum vi testimonii, non autem vi scripturæ, quia hæc sine aliis adminiculis ne semiplenam quidem probationem facit, & hoc ideo, quia si faceret, facillimum foret in præjudicium tertii semiplenam probationem facere.

Quæritur 2. quantum probent Libri privati? Tales sunt 1. Libri Mercatorum, in quibus res ad sua commercia pertinentes conscribunt, datum, & acceptum, conventiones, & solutiones annotant. 2. Libri Censuales dominorum. *Erb-oder Zins-Register*, quibus annotantur privatorum Censui, & quæcunque servitia sibi vel aliis debita. 3. Registra, seu Inventaria privata, in quibus v. g. Tutor describit res sui pupilli, Socius merces nomine Societatis emptas; item huc spectant Rationes, Registra, Annotationes à privato patrefam. de acceptis suis, & expensis conscriptæ; & alia hujusmodi.

Dub. 1.



Dub. 1. quantam fidem faciant Libri Mercatorum? Resp. contra scribentem fidem faciunt, ut aliæ privaræ Scripturæ; pro scribente, spectato Iuris rigore, non probant, etiam semiplene, nisi alia concurrant, adminicula; de æquitate tamen, item de consuetudine semiplenam probationem faciunt; imo in foro Mercatorum etiam plenam.

Dixi 1. *fidem facere contra scribentem*; est enim propria confessio, quæ optima est probatio, imo fortior, quam sit ex Instrumento publico; nam Notarius utique facilius corrumpi potest, quam ut aliquis fateatur contra seipsum, se scripsisse in suum præjudicium, quod non scripsit. igitur modo Mercator recognoscat rationes suas, & fateatur à se, vel suo nomine scriptas, illæ contra eundem probant, nisi probet errorem.

68 Dixi 2. *non probare pro scribente, spectato rigore Juris*. Ita Bartol. in l. admonendi 31. ff. de Jurejur. n. 24. & 25. Abb. in c. 2. hoc tit. n. 9. Pax Jordan. tit. 20. n. 57. Zoef. hic n. 10. Engl. n. 33. Konig n. 52. Vviesl. n. 46. & colligitur ex l. rationes 6. & l. exemplo 7. C. de probat. in quibus universim declaratur non esse idoneam probationem, quam aliquis ex suis Rationibus, & annotationibus pro se adducit. Ratio est, quia sunt Scripturæ privaræ: cons. per se nullam auctoritatem habent, sed tota vis, & efficacia eorum consistit in confessione, & assertionem scribentis. sicut ergo vivæ voci Mercatoris non crederetur, nec semiplena quidem fides haberetur in præjudicium reitii, ita nec Scripturæ illius credi debet. Neque obstat textus l. quedam 9. nummularius 2. ff. de edend. Ubi videtur dici quod rationes Nummulariorum, & Argentatorum pro ipsis sufficienter probent; nam Nummularii olim publica auctoritate constituebantur, ut pecunias hominum ad depositum, Usuras, & permutationem recipebant, insuper in susceptione officii sui Iuramentum præstabant, adeoque Notariorum fere potestatem obtinebant; quæ omnia in Mercatoribus deficiunt. igitur mirum non est, quod olim plus Nummulariis, & Argentariis, quam nunc Mercatoribus, & eorum Rationibus tribuatur.

69 Dixi 3. *de æquitate, item de consuetudine semiplenam probationem facere*. Ita Bartol. in l. admonendi cit. n. 26. & seqq. Abb. in cap. 2. hoc tit. num. 9. & 10. Gaill. lib. 2. obs. 20. num. 2. Hiltrop. part. 3. tit. 15. num. 7. Pax Jordan. tit. 20. cit. num. 109. & seqq. Haun. tom. 5. tr. 4. num. 508. Zoef. hic num. 10. Pirh. n. 34. Engl. n. 34. Konig num. 52. Vviesl. num. 47. & novissime R. P. Schmier process. Judic. cap. 10. num. 95. aliisque ab hoc cit. Nec immerito; nam æquitas rigoris Iuris præfertur l. placuit 8. C. de Judic. & consuetudo optima Legum interpret est l. si de interpretatione 37. ff. de Legib. Debet tamen, ut vim probandi hujusmodi Libri Mercatorum habeant, præterea hæc concurrere. 1. ut Mercator Rationes suas producat sit alias integræ opinionis, & famæ. 2. ut Rationes propria manu scripserit, vel subscripserit. 3. ut diligenter eas scripserit, addita videlicet cautela debiti, tempore, quo contractum est, die &c. 4. ut in hujusmodi Libris non tantum, quid sibi debeatur, sed etiam, quid ipse debeat, scripserit. 5. ut producat hujusmodi Libros, & Rationes ad probandum debitum ex causa ad materiam commerciorum spectantem; nam si scriberet in Libris suis domum Titii ad se pertinere, fides ei non foret adhibenda. His conditionibus instructæ Mercatorum Rationes faciunt saltem semiplenam fidem pro scribente, & hoc ex consuetudine, & æquitate; cum enim ipsi quibuscumque mercium suarum emptoribus sine Chirographo fidem habere soleant, æquum est ex adverso plus fidei etiam libris illorum tribui.

70 Dixi 4. *in foro Mercatorum facere probationem etiam plenam*, nam in foro Mercatorum non judicatur secundum apices Iuris, sed ex æquo, & bono, & semiplenæ probationes pro sufficientibus recipiuntur, ut docent Gaill. l. 2. obs. 20. num. 4. Everhard. de fid. instrum. cap. 7. num. 102. Hiltrop. part. 3. tit. 15. num. 12. Zaf. conf. 15. numer. 53. vol. 1. Haun. tom. 5. tr. 4. numer. 510. Pirh. hic n. 34. Vviesl. n. 48. Neque obstat, quod tantam fidem non faciant rationes, & scripturæ aliæ privaræ; nam Liber Mercatorum videtur fide majori dignus, quam alia quævis privata scriptura, ex communi persuasionem hominum, & longa experientia, quod Mercatores non so-

leant fraudulenter exigere debitum. Quam præsumptionem tamen ut Libri illorum habeant, juxta Everhard. loc. cit. quatuor hæc requiruntur. 1. ut sint secundum arbitrium peritorum Mercatorum regulati. 2. ut eos scribentes sint bonæ conditionis, & famæ. 3. ut adversarius nihil contra ejusmodi Libros probet. 4. ut ipse Mercator scripturam suam Iuramento confirmet.

Dub. 2. quantam fidem faciant Registra, Annotationes, & Rationes à privato Patref. de acceptis suis, & expensis conscriptæ? Resp. plene probant contra scribentem, sed non pro illo, nisi aliis adminiculis juvantur. Ita Abb. in c. 2. hoc tit. n. 9. Invol. ibid. n. 16. Felin. num. 21. Hiltrop. p. 3. tit. 15. n. 6. Pax Jordan. l. 14. tit. 20. num. 51. Haun. tom. 5. tr. 4. n. 556. & seqq. Pirh. hic num. 34. Konig num. 53. & statuitur l. rationes 6. & l. seq. C. de probat. & merito, ne fraudibus, & fallaciis præbeatur occasio; facile enim homines in his privatis annotationibus alios sibi obligatos scriberent, si viderent se scripturis istis facere probationem posse.

Proceditque hoc, ut nec fiscus, nec alius quilibet, conf. nec Nobilis, nec Illustris persona ex suis privatis subnotationibus probationem debiti possit desumere, ut expresse statuitur l. exemplo 7. C. de probat. est enim testificatio proptia, cui credi non debet, nisi sit adminiculata. Extenditur etiam ad Rationes defuncti; nam nec istæ per se solas plene pro scribente, vel hujus hærede probant, ut valide ex iis debitum possit exigi, ut patet ex l. rationes cit. & notat Hiltrop. loc. cit. n. 7. quia tamen addit eas propter præsumptionem defuncti, probare semiplene: hinc docet, si per unum testem debitum, quod in Rationibus reperitur, probari possit, aut si hæres Iuramento affirmare paratus sit Rationes veras esse, eo casu probaturas ejusmodi rationes defuncti etiam plene; conjunguntur enim duæ probationes semiplenæ Hiltropio consentit Haun. tr. 4. cit. n. 570.

Dixi autem 1. *ejusmodi Rationes nihil probare pro scribente, si aliis adminiculis non juvantur* nam si alia adminicula accedant, ut quævis alia Scriptura, ita etiam hæc pro scribente probat. Tale adminiculum est, si Articuli aliqui sint connexi, ita ut unus veniat ad determinationem alterius; runc enim si Adversarius approbavit unum Articulum pro se, censetur etiam approbare alterum contra se Haun. num. 559. Neque obstat, quod nemo possit testificari pro se; nam scribens, dum ei creditur in Articulis connexis, non testificatur pro se propriè, sed tantum testificatur contra se limitate, seu cum restrictione e. g. si dicat se emisse, & statim solvisse pretium: quo casu si scribenti creditur de emptione propter Scripturam suam, propter eam credendum eidem erit de solutione pretii, quia æquum non est, ut Scriptura accipiat pro alia emptione, quam de qua scribens confessus est.

Dixi 2. *plene probare contra scribentem*; est enim vera confessio scribentis, qui præsumitur nihil in suum præjudicium vel errore, vel fraude scripsisse, vel indeliberate, sed potius considerate, & ex conscientia. Idem est, si scriptus sit Liber ab alio, per quem dominus Libri solitus est procurare annotationem in tali Libro; nam contra dominum probat nisi hic contrarium manifeste ostendat. Aliud dicendum de scheda separata à Codice; nam hæc ex communi DD. teste Haun. n. 557. probat solum semiplenè instar Confessionis extrajudicialis non repetitæ. Rationem dant, quia non censetur scripta cum plena deliberatione, seu animo ita attento, & præmeditato, ut ab omni errore censeatur fuisse immunis: proinde ut hujusmodi scheda plenè probet, aliis adminiculis opus est.

Dub. 3. quid probet Liber Rationum à Sociis, vel uno Sociorum à cæteris ad hoc approbato scriptus? Resp. si debito modo, h. e. juxta formam inter ipsos receptam, & probatam conscriptus sit, & verisimilia contineat, inter Socios plenè probat, etiam pro scribente, saltem accedente Iuramento. Ita Jafon. in l. admonendi 31. ff. de Jurejur. num. 125. Haun. tom. 5. tract. 4. num. 572. Engl. hic num. 30. Konig num. 51. Sannig cap. 3. num. 5. Vviesl. num. 65. & sic non tam Jure decilum, quam usu practico receptum est, eo quod moraliter loquendo pro singulis, & ram variis punctis aliæ probationes haberi nequeant. Accedit, quia ad recognoscendum, & rarum habendum ralem Librum Socii se tacitè videntur obligasse; alioquin nemo illorum faciliè



in se reciperet onus conficiendi, & conscribendi huiusmodi Librum, si, quæ scriberet, præcisè contra scribentem, non autem pro illo servire possent.

75 Idem dicendum videtur de Libro Rationum, quem conscripsit is, qui ex officio alicujus bona administrat; nam huiusmodi Liber, ut Everhard. *de fid. Instrum.* c. 11. num. 27. Haun. *tract.* 4. cit. num. 567. Vviesl. *hic* nu. 65. & alii apud istos advertunt, plene probat pro scribente respectu illius, à quo constitutus est, si tamen frequentia observata sint, 1. ut scripta sint verisimilia, & convenientia tali officio, ut si Tutor scribat, quantum expenderit pro pupilli vestibus, libris &c. 2. ut scribens non sit aliunde suspectus, sed honestus, & bonæ famæ. 3. ut Juramento à se scripta confirmet. 4. ut ea, quæ probantur per librum Rationum, talia sint, quæ non soleant scribi cum adhibitione testium, ut sunt quotidiana debita, & expensæ. 5. ut Liber conscriptus contineat acceptum, & expensum, & utriusque causas, ac circumstantias. 6. ut in eo non commisceantur alia negotia, ad tale officium non spectantia.

76 Queritur 3. quid, & quantum probent Litteræ, seu Epistolæ? Resp. Harum multæ sunt species. Nam 1. sunt Litteræ Formatæ, Dimissoriæ, Commendatitiæ. 2. Litteræ Cambii. 3. Litteræ missivæ. Quantum *primis* tribuendum sit, constat ex *Libr.* 1. *Tit.* 22. *Litteræ Cambii*, si materia hoc patiat, & loquantur dispositivè, non tantum probationem, sed etiam obligationem inducunt. Pax Jordan. *lib.* 14. *tit.* 20. n. 142. licet enim per Epistolam obligatio non contrahatur, sed inducta tantum probetur; si tamen subiecta materia patiat, obligationem inducere certum est. Imo, ut teste Jordan. *loc. cit.* num. 142. resolvit Rota Romana, Litteræ Cambii acceptatæ habent vim Instrumenti, sententiæ, & rei judicatæ. Proceditque hoc, ut ejusmodi Litteræ fidem faciant, & probationem etiam contra tertium. In *Litteris Missivis* privatarum personarum duplex vis distinguenda est, pro scribente, & contra scribentem.

77 Contra scribentem, si ab hoc sint recognitæ, plene probant. Ita Menoch. *de arbitr. casu* 94. nu. 9. Everhard. *de fid. Instrum.* cap. 10. num. 2. Pax Jordan. *lib.* 14. *tit.* 20. num. 166. Haun. *tom.* 5. *tract.* 4. num. 536. Barbosa *in c.* 2. *hoc tit.* num. 8. Pirh. *hic* num. 35. König n. 50. Sannig *cap.* 3. num. 6. & Jordano teste cæteri omnes. *Ratio est*, quia per recognitionem Scriptura evadit confessio illius, quod scriptum est; confessio autem est apta probatio contra confesum. *Neque obstat*, etsi Confessio ista solum extrajudicialis sit; nam etiam hæc, si facta sit præsentem partem, & causa expressa, vim plenè probandi adversus confesum habet, ut dictum est *Tit.* 18. num. 25. atqui talis Epistola, ex quo ad partem destinatur, ut cum ea loquatur, in præsentia partis fieri censetur, ut bene notat Everhard. *loc. cit.* ergo &c.

78 Proceditque hoc 1. etsi scribens Epistolam jam sit mortuus; nam probat adhuc contra hæredem ejusdem, modo hic fateatur eam esse à defuncto descriptam. Haun. num. 543. Procedit 2. etsi scripta sit sine testibus, die, & anno, ut notat Menoch. n. 11. & colligitur ex *l. cum tabernam* 34. §. *idem* *quæsit* 1. ff. *de pign. & hypoth.* Procedit 3. etsi nec locus appositus esset; præsumitur enim scripsisse in loco domicili, si aliud non expressit. Accedit, quia omissio loci non minuit vim confessionis, & recognitionis. Menoch. num. 12. Procedit 4. etsi neque nomen scribentis subscriptum sit, si constet, quod ex oblivione omissum sit; nam si non constet de hoc, præsumitur Epistola non fuisse absoluta, sed imperfecta relicta, omissio sc. quod de Strylo communi solet apponi, tanquam complementum Epistolæ. Si nomen subscriptum sit sine cognomine, dubium solvere debet consuetudo scribentis; nam si consuevit ita scribere, ut sit, cum filius scribit patri, pater filio, Epistola etiam sine cognomine probat; secus censeari debet imperfecta, & nisi ex aliis circumstantiis constet, per oblivionem omissum esse cognomen, non probat. Procedit 5. etiamsi talis Epistola se referat ad Librum Rationum, in quo tamen nihil de huiusmodi obligatione reperitur, si ramen summa certa expressa sit, e.g. si scriptum sit, *Debeo tibi* 100. *proat in Libro Rationum habetur*. Haun. n. 540. quia talis relatio ad Librum Rationum videtur ex ignorantia adjecta, & non

animo adstringendi, & alligandi confessionem, sed potius animo illam roborandi, & confirmandi. Aliud foret, si summa debiti in Epistola non fuisset determinatè expressa, sed scriptum esset, *Fateor me tibi debere, quod in Libro Rationum signatum est*; tunc enim confessio illa est tacitè conditionata, sc. *si quid ibi scriptum sit*; igitur si nihil ibi scriptum sit, non probat debitum.

Pro scribente tum probat Epistola Missiva, quando ab eo, ad quem scripta est, acceptata est. *Casus est*; Si Titius per Epistolam Cajum moneat de debito, is vero Epistolam accipiat, & postquam legit, non statim contradicat, cum posset; potest ex post facto Titius ex hac sua Epistola probare debitum contra Cajum; quia qui simpliciter acceptat Epistolam, nec contradicit, aut remittit scribenti, censetur fateri, & approbare omnia, quæ in illa continentur. Jason. *in l. admonendi* citat. num. 142. Everhard. *de fid. Instrum.* cap. 10. n. 44. Haun. *tom.* 5. *tract.* 4. num. 550. Engl *hic* num. 31. König n. 60. Addit Everhard. *loc. cit.* num. 45. cum Haunoldo utilem cautelam pro scribente Epistolam; ajunt enim, cum periculum sit, ne Epistolam recipiens eam supprimat, propterea consultum esse, ut prius scribens Epistolam illam coram testibus legat, deinde faciat per eosdem testes exhiberi alteri, ad quem destinatur; nam si successu temporis hic vellet Epistolam sibi traditam supprimere, convinci per testes posset. Quando autem ab accipiente Epistolam, & non contradicente præsumatur consensus, universaliter dici non potest. Haun. n. 53. hanc tradit regulam, id videlicet præsumi, quod in similibus communiter, & attento consueto modo agendi hominum in talibus circumstantiis fieri solet.

Dixi autem *Si ab eo, ad quem scripta est, acceptata sit*; 83 nam si acceptata non sit, sed remissa, contra eum, ad quem scripta est; nihil probat: & ratio est, quia totam vim probandi habet ex confessione debiti, vel obligationis, quæ ex acceptatione, & non contradictione præsumitur; hæc confessio præsumi ante acceptationem non potest. Id multo magis verum est, si Litteræ nondum sint præsentatæ. Imò si non præsentata sit Epistola ei, cui mittitur, neque contra scribentem probat; quia antecedenter ad acceptationem, & consensum ejus, cui scribitur, mittentem non obligat. Intellige, in contractibus, qui requirunt consensum alterius, ut dicantur completi; nam si Epistola solum factum aliquod referat, aut obligationem non contrahendam, sed jam contractam, sufficit recognitio Epistolæ, ad quam citari pars, seu scribens debet à Judice: si non compareat citata, scriptura habetur pro recognita, si tamen hoc expressum fuit in citatione: quod etiam de aliis Instrumentis privatis dicendum est.

#### §. IV.

*De Instrumentorum Productione, Amissione, Renovatione, & Interpretatione.*

#### S U M M A R I U M.

- 81 Quando Instrumenta produci debeant?
- 82 Cui edi?
- 83 Cujus sumptibus?
- 84 85 86 Antecum Instrumentum, vel tantum pars?
- 87 88 Requisita, ut productum probet in judicio.
- 89 90 Quid si actor suadet intentionem suam in Instrumento, quod dicit se amisisse?
- 91 92 Quid Juris universim, si amissum sit Instrumentum?
- 93 Quando Instrumenta innovari possunt?
- 94 Quomodo interpretari debeant?

Queritur 1. quando Instrumenta produci debeant? 81 Resp. post litem contestatam, usque ad conclusionem in causa; post conclusionem in causa partes ad producenda Instrumenta regulariter non admittuntur. Sumitur ex *cap. cum dilectus* 9. *hoc tit.* & docet Bald. *in l. ampliore* 39. *Cod. de appell.* num. 5. Marant. *de Ord. Judic.* p. 6. *tit. de Instrum. product.* nu. 26. Hiltrop. p. 3. *tit.* 10. §. *de Instrum. product.* num. 1. Vvesenbec. ff. *hoc tit.* num. 5. Pax Jordan. *lib.* 14. *tit.* 20. num. 348. Vivian. *in cap.* 9. *cit. in Ration.* Barbosa *ibid.* num. 1. Gonzal. nu. 4. Vallenf. *hic* §. 3. num. 1. Pirh. n. 40. Engl num. 35. König n. 33. Sannig *cap.* 4. n. 1. Vviesl. n. 70.



Dixi 1. *post litem contestatam*; nam ante contestationem liris regulariter, & ordinariè produci non possunt; quod ita verum est, ut si quis ante litem contestatam instrumenta produceret, illa postea non probarent, nisi reproductantur lite contestata. Ratio est, quia ante contestationem liris nulla est lis, aut probatio.

Dixi 2. *usque ad conclusionem in causa*, nisi tamen certus terminus, seu tempus, intra quod Instrumenta omnia producenda sint, fuerit constitutum: quod ex justa causa à Judice fieri posse censet Durand. *specul. tit. de Instrum. edit. §. 5. n. 1.* Proceditque hoc, etiamsi publicatio testium jam facta sit. Hinc disparitas est inter probationem ex Instrumentis, & probationem externalibus; publicatis enim attestacionibus non possunt produci novi testes, ut *Tit. 20. à num. 122.* ostensum est, possunt tamen post eam produci Instrumenta; quia in his cessat periculum subornationis, quod subest in productione testium. *Extenditur*, ut si ita necessarium sit ad probationem Instrumenti producti, non obstante facta aliorum testium publicatione, Notarius, & Testes, pro Instrumento deponentes, adhuc produci, & examinari possint; nam accessorium sequitur principale; igitur cum liceat Instrumentum post publicationem testium producere, licebit etiam probare.

Dixi 3. *post conclusionem in causa regulariter partes non admittendas ad producenda Instrumenta*; nam conclusio in causa est terminus exclusivus omnium probationum, cum facta conclusione, jam liquere dicatur de causa. *Gloss. in cap. significaverunt 36. V. liquere de testib. Durand. loc. cit. princ. Vviesl. hic num. 72.* Addidi autem *regulariter*; nam plures sunt Casus, quibus post conclusionem in causa Instrumenta produci possunt: quos *Tit. 27. infra* commodius referam.

82 Quæritur 2. an pars parti edere Instrumenta sua teneatur, item quoties, & cujus sumptibus? Resp. *ad 1.* patet ex *Tit. 19. à num. 41.* ubi dixi, etsi actor teneatur edere Instrumenta sua reo, non tamen reum actori, nisi in casibus ibi exceptis. Inter hos primum posui, si Instrumenta non sint propria reo, sed communia utrique parti: quo casu litigans potest à Judice petere, ut is Adversarium ad istud cogat, qui si officium suum non faciat, & non curet ea edi, licet ab eo appellatur, & appellacionis hujus ea vis est, ut quidquid post eam attentatum fuerit, non valeat, prout statuitur *cap. G. perpetuus 12. hoc tit. & notant ibid. Vivian. in Ration. Barbosa num. 1. Hiltrop. p. 3. tit. 11. §. de edit. actor. n. 3. Pirh. hic n. 45.* Ratio est, quia tunc Judex denegando parti petenti sibi edi Instrumenta communia, eam gravat, ideoque ab hoc gravamine licet eidem appellare, cum ipsius inter sit habere Instrumenta communia, per quæ probare possit, suam intentionem principalem. Idem dicendum est de Protocollo; nam hoc ad petitionem partis exhibendum est ab eo, qui illud habet. Neque creditur Notario, si dicat se amisisse, etiam juranti, nisi hoc probet, aut aliæ præsumptiones concurrant.

83 Ad 2. productio hæc Instrumentorum tantum semel peti potest, nisi iterum producendi causa justa fuerit *l. si quis 6. §. fin. ff. de edend.* quo casu Juramentum præstare debet is, qui illud petit iterum exhiberi, quod existimet se falsum posse redarguere, quod probatum est *l. cum quidam 21. Cod. hoc tit.*

Ad 3. productio Instrumenti fieri debet sumptibus producentis *l. Prator ait 4. §. fin. ff. de edend. Fagnan. in cap. 12. cit. num. 13. Pirh. hic num. 43. Haun. tr. 4. cit. num. 602.* Hinc si Actor alleget Instrumenta existentia in loco distante, vel in aliquo Archivio, unde non facilè permittuntur extrahi, aut transumptum fieri, eo casu sumptibus actoris, fundantis intentionem suam in his Instrumentis, destinari à Judice possunt personæ idoneæ, quæ videant Originale, & de ejus substantia fideliter, & tanquam jurati testes referant Judici, nisi pars adversa ipsamet malit accedere illum locum, & recognoscere, seu videre, an revera extant hujusmodi Instrumenta, qualia extare contra ipsum actor contendit.

84 Quæritur 3. an totum Instrumentum edi, vel tantum in ea parte edi debeat, citra quam lis versatur? Ratio dubitandi ex una parte sumitur ex *cap. contingit 5. hoc tit. & l. argentarius 10. §. edi 2. ff. de edend.* ubi cavetur non esse integrè parti edendum, sed solum in Capitulo, de quo quæstio est, ne pars adversa ex alijs for-

te nova litigia suscitet. Ex altera vero parte Bonifacius VIII. *cap. cum persona 7. de privil. in 6.* statuit, ut ii, qui privilegio Apostolicæ Sedis à locorum Ordinariis exemptos se asserunt, requisiti teneantur privilegia hujusmodi ostendere ipsis Ordinariis, & ad legendum integraliter exhibere.

Difficultate istius rextus oppressi Innoc. Felin. Butrio *ad cap. 5. cit.* putarunt istius Constitutionem per posteriorem Bonifacii decisionem correctam esse. Sed quia correctio Jurium, quantum fieri potest, vitari debet, hinc melius difficultas hæc solvitur via distinctionis, videlicet dicendo, Instrumentum, Privilegium, Indulgentiam &c. quam pars allegat, totum tradendum Judici, ut id coram eo, & parte adversa legatur; si tamen plura habeat capitula, sufficere, si parti edatur solum illud Capitulum, de quo est quæstio. Ita *Atb. in cap. 5. cit. not. 1. Bartol. in l. argentarius cit. §. edit, Gaill. l. 1. obs. 106. n. 10. Hiltrop. p. 3. tit. 11. §. de form. edit. instrum. num. 2. & seqq. Pax Jordan. l. 14. tit. 20. n. 367. Vallens. hic §. 4. num. 2. Pirh. num. 47. & seqq. Vviesl. hic n. 74.*

Dixi 1. *Judici tradendum totum Instrumentum &c.* & quidem in originali, si Judex sic petat; ad quod etiam officio Judicis Instrumentum producens cogi potest; & hoc probat *cap. persona cit.* Ratio est, quia Judicis est cognoscere, an Instrumentum sit authenticum, vel legitimum, & an revera articulus, ut pars allegat, in eo contineatur: quod difficulter cognoscet, nisi toto Instrumenti tenore inspecto, & intellecto.

Dixi 2. *Sufficere, si parti edatur Capitulum, de quo est quæstio*; & hoc probat *cap. contingit cit.* Ratio est, quia non debet dari ansa, seu occasio litibus, quam facile arripere pars adversa posset, si Instrumentum parti ederetur totum. Accedit, quia si Instrumentum totum ederetur parti, & quidem in Originali, sicut editur Judici, facile contingere posset, ut illud interiret, vel amitteretur. *Extenditur*, hoc etiam ad Testamentum; nam nec istud integrè edendum est Legatario, sed ejus tantum partis, quæ ad eum pertinet, & Legatum continet, copia ipsi tradenda est, cum plus habere non debeat: Barbosa *in cap. 5. cit. n. 2.* Debet tamen Copia dari parti ex illo Capitulo Instrumenti, de quo est quæstio; quia universaliter tam actor, quam reus edere Instrumenta debet, quibus usus est in Judicio *l. qua quisque 1. §. edere 1. ff. de edend.*

Dixi 3. *totum Instrumentum coram Judice, & parte adversa recitandum*; quod ideo fit, ut, quemadmodum dixi, totus Instrumenti tenor percipiatur. Neque in recitatione tantum periculum est, ut suscitentur novæ lites, sicut si totum Instrumentum communicaretur parti, vel ejus totius Copia; nam ex sola prælectione non tam plena hauritur notitia, quanta si Instrumentum ipsum, vel ejus totius Copia traderetur parti, cujus contenta pluribus diebus, & noctibus volvere possent Advocati, & inde ansam litigandi assumere.

Dixi 4. *Si plura habeat Capitula*, intellige, quæ non sint connexa; nam si quod connexum sit cum eo, de quo est quæstio, etiam illud edi debet. Hinc si ex Lectione privilegii, vel Instrumenti appareat Capitula esse connexa, ita ut unum sine alio non possit bene intelligi, Judex præcipere potest, ut totum Privilegium, vel Instrumentum edatur, sive ejus Copia tradatur non tantum Judici, sed etiam parti adversæ, ut recte monet Laym. *mc. 5. cit. n. 4. in fin.* tunc enim totum Instrumentum ad discussionem controversiæ venit.

Quæritur 4. quid ultra productionem Instrumenti, vel Scripturæ propriæ contra aliquem requiratur, ut contra eundem probet? Resp. æquum est, ut is, cujus Scriptura, aut Sigillum producitur ad aliquid probandum, habeat facultatem inspiciendi, & recognoscendi, an sua sit Scriptura, vel Sigillum.

Ut legitima sit recognitio, debet 1. Fieri coram Judice, nisi recogniturus haberet causas relevantes, ut recognitio hæc domi suæ fiat, quales sunt Matronæ honestæ, valetudinarii, Personæ egregiæ, quæ non solent in Judiciis in persona propria comparere, ut dictum est *Tit. prac. n. 8. & duob. seqq.*

2. Recognoscens debet esse præditus usu rationis; unde recognitio ab ebrio facta eidem nec nocet, nec prodest, nisi eam confirmet deinde ebrius.

3. Debet esse, qui scripsit, vel qui Sigillum suum



appressit, aut si ab alio appressum est is, cujus nomine appressum est; nam hujus causa agitur. Si tamen hic vel non posset, vel per contumaciam non vellet comparere ad recognoscendum, possunt ad hoc admitti personæ conjunctæ, si tamen aliis adminiculis adjuventur, prout in Camera observatum testatur Rulandus: item subditi loco domini, si tamen Iuramento fidelitatis, & subjectionis prius soluti sint, prout in Camera pronuntiatum testatur Haun. tom. 5. rr. 4. n. 598. Et denique Procurator pro suo principali, si tamen ad hoc speciale mandatum habeat. Si Procurator neget esse manum Domini sui, vel ejus Sigillum, debet exigi ab ipso Domino recognitio, qui si neget etiam ipse, alterius partis est probare, ut dictum est *supra* n. 60.

Porro hac recognitione solum opus est in Instrumentis privatis; nam in Publicis sufficit, si Judex ea agnovit, et si pars adversa reclamet, nisi consuetudo contrarium habeat, sicut in terris Saxoniae habere testatur Berlichius.

89 Quæritur 5. num audiendus sit Actor, qui fundat intentionem suam super Instrumento, quod quidem dicit se amisisse, adducit tamen testes, qui attestantur super Instrumenti tenore? Resp. distinguendum esse inter testes: Vel enim testes, qui ab Actore hoc producantur, tales sunt, ut non tantum deponant super Instrumenti tenore, sed etiam de ipso facto, & contractu coram se gesto, vel tantum asserunt se tenorem Instrumenti legisse, eumque talem esse, qualem actor affirmat.

Si primum, non est dubium hos testes perinde probare, ac si Instrumentum ipsum exhiberetur; quia duobus testibus omni exceptione majoribus, qui de sensu proprio attestantur, peræque creditur, ac Instrumento Idque multo magis verum est, si una cum testibus Notarius ipse, qui Instrumentum confecit, de eodem deponat; nam probatio Instrumenti non in charta, & membrana consistit, sed in fide Notarii, & testium.

90 Si secundum, necesse est 1. ut probetur amissio, saltem per Juramentum amittentis, si aliæ probationes deficiant. 2. Ut amittens usus Instrumento amisso producat duos saltem testes omni exceptione majores, qui deponant super tenore Instrumenti, & simul attestentur illud sine vitio, aut suspitione falsitatis fuisse; quæ si concurrant, satis probatus censeri debet esse tenor Instrumenti amissi, ut cum aliis advertit Mascard. *de probat. concl.* 909. conf. etiam intentio actoris, fundantis se in tali Instrumento, satis probata censetur.

Bene autem notat Engl *hic* n. 53. probationem hanc non fore tantam, ac si productam fuisset ipsum Instrumentum; nam aliud est dicere *Ita fuit Instrumentum*, & aliud, *Ita contingit, ut scriptum est*. Accedit, quia de integritate Instrumenti judicate ad solum Judicem pertinet; & hinc Exempla transumpta etiam à Notario, si transumptio sine autoritate Judicis facta sit, secundum dicta n. 32. non plene probant. Hoc ramen negari non potest, quod ejusmodi probatio faciat vehementem præsumptionem, quæ vim saltem semiplenæ probationis habeat, sic locum det Juramento suppletorio.

91 Quæritur 6. quid universim Juris sit, quando missum est Instrumentum? Resp. triplici modo amissio Instrumenti potest contingere, sc. casu fortuito, facto proprio, & facto Adversarii.

Si casu fortuito amissum sit Instrumentum, amissio non præjudicat creditori, quin adhuc petere debitum, illudque aliis legitimis modis probare possit *l. debitorum* 1. C. *hoc tit.* quia Instrumentum tantum est loco probationis, quæ suppleri potest. *Excipe*, nisi Instrumentum, seu Scriptura sit de essentia contractus, vel quia ita conventum est inter partes, ut contractus in scriptis celebretur, vel quia Lex hoc exigit, ut in contractu Emphyteutico; item in Testamento solemnī, in scriptis condito; tunc enim non creditur Actoris nudæ assertioni dicentis Instrumentum se amisisse, sed ut n. *præc.* dictum est, per testes, vel alia Argumenta idonee probare debet casum fortuitum, & Instrumenti tenorem.

Si facto proprio amissum est Instrumentum, ut quia Creditor debitori chirographum reddidit, aut quia statim spe futuræ solutionis illud laceravit, id ipsum creditor probare debet; quia tum pro debitore stat liberationis præsumptio, quamdiu contrarium non probatur, ut habetur *l. Labeo* 2. §. & *ideo* 1. ff. *de pass.* & *l. si chirographum* 24. ff. *de probat.*

Si denique amissio Instrumenti contigit facto Adversarii, v. g. quia illud laceravit, corripuit, aut subtraxit, sufficit, si usus Instrumento per solum Juramentum probet contenta, & valorem Instrumenti; quo facto perinde procedetur, ac si plene probatum esset debitum per Instrumentum, ut statuitur *l. fide possessione* 20. C. *de probat.* Ratio est, quia pars lacerans, aut subtrahens Instrumentum, parti alteri copiam probationis subtrahit: unde cum dolus suus nemini prodesse debeat, imo in casu præsumptionem faciat Instrumentum parti subtrahenti non favere, in pœnam doli merito decretum est, ut debitum pro probato habeatur non aliter, ac si exhibitum fuisset Instrumentum ipsum. *Excipitur*, si agatur causa Ecclesiæ, ut constat ex c. *accepimus* 4. *hoc tit.* nam hæc admittenda est, si alio modo e. g. per testes ostendere velit falsitatem Instrumenti per Procuratorem, Prælatum, vel officialem suum subtrahit; quia delictum personæ non debet nocere Ecclesiæ juxta Reg. 76. in 6. maxime si committendo fiat, & extrajudiciale sit.

Universim, ne amisso Instrumento, pereat, vel saltem minuat vis probationis, consilium est interdum confici plura Originalia Instrumenta, ut sic uno amisso, habeatur alterum. Siquis unicum tantum Originale habeat, quod transferri securum non sit, suadetur, ut illud vidimari, seu transcribi curet, adhibito Notario publico, & aliis cautelis, quas n. 31. retuli: nam ut ibidem dixi, tali Transcripto, seu *Vidimus*, ut vulgo appellare solent, amisso Originali, par fides habetur, ut ipsi Originali, si exhiberetur.

Quæritur 7: quando Instrumentum innovari possit? 93 Resp. si periculum sit, ne corrumpatur, cum vetustate consumptum sit. Ita de Instrumentis Privilegiarum decrevit Innocentius III. c. *cum dilecta* 4. *de confirm. util.* ex ratione, ne veritas occultetur, & probandi copia fortuitis casibus subtrahatur: quæ ratio cum militet in quibuscunque aliis Instrumentis, etiam Constitutio dicta merito ad hæc extenditur. Neque opus est, ut lis antea sit contestata, aut renovatio fiat præsentē parte; quia, ut n. 31. dictum est, quando periculum est in mora, Exemplum transumptum etiam sine partis citatione fidem obtinet; nam etiam eo casu recipi depositiones testium ante litis contestationem, & partis citationem possunt, ut habetur c. *fin.* §. *sunt & alii.* Ut lit. non contest. igitur cum Instrumenta communiter pari passu cum testium depositione ambulent, idem dicendum de renovatione Instrumentorum, casu, quo in mora periculum est, ne alias Instrumentum pereat. Accedit, quod res ista sit modici, & facile reparabilis præjudicii, ut adeo litis contestatione opus non sit.

Quæritur 8. quomodo interpretari debeant Instrumenta? 94 Resp. esse strictæ interpretationis; nam stricti sunt Juris. Hinc extendi non debent extra illa, quæ in iis continentur, sed præcise sistendum in terminis, & propria horum significatione: imo etsi Notarius quid posuisset in Instrumento, si tamen propria autoritate, & non rogatus illud in Instrumento posuit, aut si illi Article non interfuit, quoad illum vim probandi Instrumentum non habet; nam quoad ea, de quibus rogatus non est, aut quibus ipse non interfuit, fidem publicam nullam habet. Multo minus extendi Instrumentum debet per interpretationem iniquam in præjudicium tertii; quia ut n. 31. de Exemplo dixi, Instrumentum non præjudicat, nisi illis, inter quos factum est, non vero aliis. *Excipe*, si successores actoris, vel rei sit; nam ad successores etiam singulares, extenduntur Instrumenta, ita, ut pro his, & contra illos æque fidem faciant, atque contra actorem, cujus jure utuntur. Vvesenbec. ff. *hoc tit.* n. 7.

## §. V.

### De Impugnatione Instrumentorum.

## S U M M A R I U M.

- 95 Modi, quibus Instrumenta impugnantur.  
 96 97 Quomodo impugnentur ratione Contrarietatis?  
 98 99 100 Ratione Sigilli?  
 101 102 103 Rasure, Lature, Cancellationis?  
 104 105 Quomodo Instrumentum impugnetur, per testes inscriptos?  
 106 107 108 Quomodo per extraneos?



109 110 111 112 Quibus aliis modis probetur falsitas Instrumenti?

113 114 An ex parte falsum in totum corruat?

115 An, & quando fidei Instrumenti officiat Simulatio?

95 **Q**Uæritur 1. quot modis Instrumenta impugnentur? Resp. impugnari possunt ex tot capitibus, quot possunt esse diversi eorum defectus; patet autem ex præcedentibus, ex pluribus capitibus contra eadem posse excipi. Et 1. quidem *ratione cause efficientis*, quod factum sit ab eo, qui non fuit Notarius, vel etiam esse non potuit, ut quia servus, infamis, illegitime natus, indoctus, excommunicatus &c. 3. *Ratione cause materialis*, quod factum sit super negotio, de quo non potuit confici Instrumentum, v. g. quia res illicita est, vel non inter homines gesta, aut à voluntate humana non dependens. 3. *Ratione cause formalis*, quod non habeat illas solemnitates, quas n. 12. per ordinem enarravi. 4. *Ratione productionis, & publicationis*, quod non sit debite productum, & publicatum, non ostensum in Originali, sed tantum in Copia, vel Exemplo; nam juxta *c. si scripturam* 1. h. tit. & l. quicumque 2. ff. eod. Instrumenta Originalia, non vero Copia, aut Exemplum in Judicio producenda sunt. 5. *Ratione ipsius Instrumenti* contra Instrumentum excipi potest, quod sit falsum, aut suspectum de falsitate,

Porro falsitas probari potest 1. ex *contrarietate*, si vel idem Instrumentum repugnantia complectatur, vel contra unum producat aliud priori repugnans. 2. Ex *Sigillo*, quod non sit debite sigillatum: aut Sigillum sit adulterinum, vel furtivum. 3. Ex *rasura, cancellatione*, si videlicet in eo aliquid rasum, cancellatum, deletum, vel etiam ad scriptum sit. 4. Ex *depositione testium* deponentium contra Instrumentum productum. 5. Ex *aliis conjecturis*, ex charta videlicet, papyro, atramento, characteribus &c.

96 **Q**Uæritur 2. quomodo impugnetur Instrumentum ratione contrarietatis? Resp. distinguendo; Vel enim unum, idemque Instrumentum repugnantia complectitur, vel contra unum producit aliud repugnans priori. Si *primum*, & repugnantia conciliari non possint, rejici Instrumentum debet, cum contraria simul vera esse non possint. Si *secundum*, antequam aliquod ex iis rejiciatur, videndum, an illa conciliari aliqua ratione inter se possint. Si *possint conciliari*, utrumque vim habet, & retinendum est. Si *nequeant conciliari*, distinguendum, an ab uno utrumque, an vero unum ab Actore, alterum à reo productum sit. Si *hoc posterius*, stabitur digniori, aut verisimiliori, rejecto altero, e. g. si unum sit publicum, alterum privatum, si unum confectum à Notario melioris notæ, alterum à Notario minori estimationis, ut ex l. *optimam* 14. C. de contrah. vel. committ. stipul. desumit Gloss. in c. 13. V. *contrarias* hoc tit. Si vero neutrum prærogativam aliquam habeat, neutri credendum, sed reus, nisi causa actoris sit specialiter favorabilis, tanquam intentione Actoris non probata, ab observatione Judicii absolvendus est. arg. c. ex litteris 3. de probat. Abb. in c. 13. cit. n. 3. Vivian. ibid. in ration. Laym. n. 3. Gonzal. n. 5. & c. Si prius fiat, & ab uno, eodemque producantur Instrumenta contraria, majus est dubium.

97 *Ratio dubitandi est*; quia testes, & Instrumenta æquali Jure censentur in Judicio. Sed si in testibus contrarietas detur, etsi ab eodem fiat horum testium productio, standum est verisimiliora depositionibus, ut dictum est Tit. 20. n. 107. ergo idem dicendum de Instrumentis. Conf. nam reus in Judicio uti potest pluribus Exceptionibus etiam contrariis juxta Reg. Nullus 20. in 6. potest enim dicere: *Mutuum pecuniam non accepi, & simul nec eam debeo, quia jam solvi.* igitur similiter reus ad sui defensionem objicere potest Instrumenta, quanvis contraria.

Sed his non obstantibus, videtur certa negativa sententia, videlicet eo casu neutri Instrumento habendam fidem. Ita clare habetur c. *imputari* 13. hoc tit. & l. *scriptura* 14. C. eod. Ratio datur c. *imputari* cit. sibi enim imputare debet, qui contrarias inter se scripturas in Judicio prolat, cum in ipsis fuerit potestate, quam voluerit, non proferre. Accedit, quia producens Instrumentum censetur confiteri omnia in eis contenta esse vera. Igitur qui contraria Instrumenta allegat, tacite constitetur utraque: & conf. nihil probat, cum in confessione sua sibi ipsi repugnet. Estque perinde, si Instrumenta illa directe sibi

ipsis contrariantur, siue indirecte; item siue utrumque sit publicum, siue unum publicum, alterum privatum; debuisset enim producens illam rem prius pendere melius; hinc merito negligentia, & inadvertentia suæ pœnas fert, cum Jura vigilantibus subveniant, non negligentibus.

*Ad rationem dubitandi* nego paritatem; nam producens testes ordinarie ignorat futuras eorum depositiones; hinc eidem imputari nequit, si illi deponant contraria; quia producendo solum personas, non dicta illorum approbat. At producens Instrumentum scire, vel scire potest ex ejus lectione illius tenorem; hinc si illud legere prius negligat, sibi imputet damnum, ex productione ejusdem emergens. *Ad Conf.* aliud est Probatio, aliud Exceptio; Exceptio reo servit, modo una ex contrariis disjunctive probetur; probationes contrariae se invicem elidunt, & conf. vim probandi tollunt.

98 **Q**Uæritur 3. quid opponi adversus Sigillum possit, ut ex eo probetur falsitas Instrumenti? Resp. contra Sigillum varia opponi posse, ut patet ex c. *inter dilectos* 6. hoc tit. 1. Quod sit ignotum. 2. Quod enormiter fractum, seu sculptura, & imago illius delata, ita ut ex residua parte non possit clare colligi, cujus sit. 3. Quod characteres, seu litteræ in circumferentia Sigilli positæ non sint legibiles, neque expriment nomen ejus, cum Sigillum adscribitur. 4. Quod figura, seu sculptura dignitati sigillantis non congruat, v. g. quod non Episcopum, sed Imperatorem referat, cum deberet referre Episcopum. 5. Quod charra Sigilli interior sit vetusta, sed ipsum Sigillum per agglutinatam novam ceram sit chartæ connexum. 6. Quod ipsum Sigillum sit alienum, vel adulterinum, aut furto substractum &c. *Ratio est*, quia his omnibus suspectum redditur sigillum. Bene tamen advertit Abb. in cap. 6. citat. numer. 4. arbitrio prudentis Judicis relinquendum esse, ut ipse judicet, an singuli hi defectus, vel quinam ex illis sufficiant ad fidem denegandam Instrumento Sigillato, ita, ut onus probandi Sigillum esse verum, adeoque & Instrumentum, imponatur Adversario; non enim eodem modo de omnibus, & in omnibus causis discurrendum est.

Si Sigillum sit ignotum, bene quidem fides eidem denegabitur, si Litteræ eo munitæ producantur contra terrium, ut sumitur ex c. *quod super* 7. hoc tit. & habet Gloss. ibid. V. *ignota*. At si in favorem tantum citra alterius præjudicium producantur, etiam Sigilla in cognita facient fidem, ut recte docet Card. Tusch. *pract. concl. litt. S. concl.* 249. n. 13. & sic Clericus peregrinus satis probabit suos Ordines, si suas Formatas exhibeat, licet Sigillum illis appressum parum agnoscat, modo non aliunde suspicio doli sit.

Pariter, si Sigillum sit fractum, vel amissum, distinguendum debet inter Instrumenta publica, & privata; nam privata quidem Scriptura, si Sigillum, quo Authentica redditur, sit enormiter fractum, aut litteræ illius delatæ, ut non sint legibiles, vim fidem faciendi amittit, non tamen Instrumentum Publicum; & ratio disparitatis est, quia Instrumentum privatum vim probandi à Sigillo maxime habet, publicum vero ex fide Notarii, & solemnitatibus, ad quas Sigillum de necessitate non pertinet, sed solum ad cautelam apponitur, ut patet ex n. 16. supra.

Iterum non statim rejiciendæ sunt Litteræ, quas Sigillans alieno munivit Sigillo; nam poterat contingere ut proprium Sigillum penes se non habuerit; quo casu tamen, ut integra stet fides Scripturæ, necesse est, vel saltem expedire, ut hoc ipsum Sigillans exprimat in Scriptura sua, quod sc. alieno Sigillo usus fuerit, ut ex Abb. & Mascardo optime advertit Pirh. hic n. 39.

Denique si excipiens dicat adulterinum, aut furtivum esse Sigillum, ipsi incumbet, ut exceptionem hanc probet: quod fieri potest per testes, vel alia argumenta, hocque non directe tantum, sed etiam indirecte, ut factum est in casu c. *tertio loco* 5. de probat. ubi Procurator Monasterii contra Instrumentum, sub nomine, & Sigillo Conventus productum, excepit, & testibus de corpore Conventus assumptis, probavit non esse cum consensu Conventus confectum, & conf. tam Instrumentum, quam Sigillum Conventus ei appositum esse supposititium.

Ur minus in dubium revocati Sigillum possit, & Instrumentum eo munitum, cautela est, ut Litteris ejusmodi non tantum apponatur Sigillum, sed etiam à Sigillante sub-



scribatur: imò valde consultum est, si res sit majoris momenti, ut vel publicus Notarius, vel duo testes adhibeantur, qui testentur de Sigillatione, & subscriptione, adeoque de contrahentis consensu, ut monet Bartol. in l. *procuratorem* ff. de *procurat.* n. 3. & ex hoc Pirh. loc. cit.

101 Quæritur 4. quænam rasura, litura, aut cancellatio suspectum de falsitate Instrumentum faciat? Resp. considerandum, quo loco Scripturæ facta sit, an sc. in parte substantiali, an in loco non substantiali. Judicium de hoc, an aliqua pars sit substantialis, vel non, quamvis relinquendum sit Judici, qui ex subjecta materia, & circumstantiis judicium de isto ferat, plerique tamen DD. in hoc conveniunt, illam partem censendam esse *substantialem*, ex qua maxime rei veritas deprehendi potest: cuiusmodi judicatur Indictio, tempus Datæ, sive annus, mensis, dies, nomen Judicis, Actoris, Rei, nomen loci, in quo factum est Instrumentum &c. *Locus non substantialis & non suspectus* dicitur ille, sine quo intelligitur, & subsistit res, quæ in Instrumento principaliter intenditur, ut si facta sit rasura non in questione Juris, sed tantum in narratione facti, sive in iis, quæ ad factum pertinent; nec enim secundum narrationem, sed secundum rei veritatem debet procedi; vel si facta sit in accessorio rei, vel in nomine possessionum in Privilegiis confirmatoriis &c. His notatis

102 Certum est, regulariter vitari, atque suspectum de falsitate reddi Instrumentum, si rasura, litura, cancellatio, correctio facta sit in loco substantiali, & suspecto c. *inter 6. vers. Instrumentum hoc tit. c. cum venerabilis 7. de Relig. dom.* Vivian. in cap. 3. hoc tit. in *Ration.* Laym. ib. n. 1. Gonzal. n. 5. Barbof. num. 1. Vvagn. not. 1. Pirh. n. 60. Konig n. 59. Vviesl. num. 98. Dixi *regulariter*; nam plures sunt casus, in quibus, non obstante rasura, vel inductione, aut cancellatione facta in parte substantiali, adhuc tamen integra fides Instrumento vel quoad totum, vel quoad partem manet. Et 1. quidem, si ipse Notarius manu sua rasuram fecerit, vel quidpiam superscripserit; nam sicut in totius Instrumenti confectioe ipsi fides haberi debet, ita etiam in loco rasuræ, aut factæ correctionis; erit tamen, ut bene monet Pirh. n. 62. eo casu consultum, ut ipse Notarius, siquid correxerit, vel raserit in aliquo loco substantiali, ad finem Instrumenti mentionem de eo faciat, cum non sit infrequens aliquos alienam manum scitissimè imitari. 2. si ex antecedentibus, & consequentibus satis appareat, ita legendum esse, sicut rasura, aut verbum superscriptum indicat. Abb. in 3. cit. num. 4. Laym. ibid. n. 2. 3. si ex alia Scriptura Authentica possit intelligi sic legendum in Instrumento, ut rasum, vel correctum est. Laym. num. 5. 4. Siquid rasum, vel inductionem sit in loco Testamenti, quo libertas concessa est; tunc enim, nisi contrarium constet de voluntate testatoris, non obstante rasure, vel inductione, vim habet Testamentum, & hoc favore libertatis l. *proximè 3. §. fin. ff. de his, quæ in testam. delent.* & notant Felin. in c. 3. cit. n. 16. Gonz. n. 8. Laym. n. 6. Pirh. num. 62. qui hoc extendunt etiam ad cæteras dispositiones favorabiles, 5. si Instrumentum contineat plura capitula non connexa, propter rasuram substantialem, factam in uno capitulo, non vitantur alia capitula, si hæc falsi suspicionem careant; nam utile per inutile non vitiatur, si non sint connexa, ut habet Reg. 39. in 6. & notant Felin. loc. cit. n. 15. Laym. n. 3. Gonzal. num. 7. 6. si Instrumentum penes Adversarium fuerit, & cum exhibetur, aliquid in eo rasum appareat, rasura ei, contra quem Instrumentum producitur, non præjudicat; præsumitur enim vitiatum, & rasum ab eo, penes quem fuit, & conf. fraus illius obesse innocentem non debet, sed in iis, in quibus verus sensus intelligi potest, eidem Instrumentum, non obstante rasure, vel obductione proderit.

103 Difficultas major est, quando rasura, cancellatio &c. facta est in loco non substantiali. Etiam in hac fide Instrumento tollere, videtur suadere 1. l. *fin. Cod. de Edict. Hadrian. toll.* ibi *Neque ex quacunque sua forme parte vitiatum.* 2. cap. *fin. hoc tit.* ibi *Nulla sui parte vitata.* 3. cap. *ad audientiam 11. de rescriptis.* ubi Rescriptum Apostolicum unius Solæcismi, seu constructionis vitio pro subreptio habetur.

Sed verius per rasuram, cancellationem &c. in parte non substantiali factam, Instrumentum non vitari docet Gloss. in c. *cum olim 14. V. rasuras de privil.* Abb. in cap. *ex litteris 3. hoc tit. num. 2.* cum reliquis *supra* relatis.

Pater clare ex cap. *ex litteris citat.* ubi statuitur perfoliam rasuram, in facti narratione factam, Rescriptum non vitari, nec reddi suspectum. Item ex c. *ex parte 11. eod.* ubi unius litteræ, syllabæ, & aliquando etiam vocis integræ omissione non vitatur Rescriptum; igitur nec rasura, vel cancellatio in loco non substantiali, & non suspecto.

Neque obstant textus allegati in contrarium. Ad 1. & 2. textus illos de parte Instrumenti substantiali procedere, non malè explicat Gonzal. in c. 3. cit. n. 6. Ad 3. negatur paritas; nam quia Rescripta Apostolica, antequam emanant, per tot manus eunt, ut impossibile moraliter sit Solæcismum non ab aliquo deprehensum esse, hinc merito dubium esse potest, an emanarit à Sede Apostolica illud, in quo ejusmodi Solæcismus continetur; nihil tale præsumitur in Instrumento habente rasuram, vel cancellationem, imò hoc ipso, quod in parte substantiali sit facta, præsumitur ab eo facta, qui Instrumentum primus conscripsit.

Quæritur 5. an, & quomodo Instrumentum impugnari possit per testes? *Ratio dubitandi* est, quia ut una probatio vincat alteram, oportet, ut ea validior sit, & fortior; nam si æquales sint, nulla prævalet arg. l. *nam Magistratus 4. ff. de recept. qui arbit.* sed testes, & Instrumenta pariter vim probandi obtinent l. *in exercendis cit. ergo* Instrumentum per testes reprobari non potest. Conf. ex cap. *ad audientiam 13. de præscriptis.* ubi probatio per Instrumentum præfertur probationi, quæ sit per testes.

Sed his non obstantibus vera est affirmativa sententia, nempe Instrumentum per testes impugnari, & reprobari posse. Distingui tamen debet inter testes, an sint adscripti Instrumento, an verò extranei, qui confectioe Instrumenti non intervenere.

Si testes adscripti deponant contra Instrumentum, & vel negent se interfuisse illius confectioe, vel asserant aliter scriptum esse, quam actum fuerit, considerandum, quot testes adscripti sint Instrumento; nam si præcisè adscripti sint tot, quot ad solemnitatem, vel probationem Instrumenti de Jure sunt necessarij, etsi unus ex illis contra Instrumentum deponat, fides Instrumenti penitus evacuatur; quia tunc Instrumentum laborat defectu substantiali. Excipitur, nisi reliqui testes Instrumentarii (aut etiam extranei) deponerent, & probarent, non se duntaxat, sed etiam hunc, vel hos interfuisse actui, qui interfuisse se negant; tunc enim convincerentur mendacii, & plenè confirmaretur Instrumenti fides. Ant. de Butrio in c. 10. hoc tit. n. 48. Felin. ibid. n. 48. Everhard. de fid. Instrum. cap. 5. num. 102. Vviesl. hic n. 92.

Si plures adscripti sint, quam necessarium fuerit, & testes, quot necessarij sunt, deponant pro Instrumento, cæteri contra illud, standum est depositione testium deponentium pro Instrumento, quod ipsi, præsertim accedente persona Notarii, aut Sigillo Authentico, contrarium asserentibus sint numero, & autoritate potiores. Unde eo casu testes, qui contra Instrumentum deponunt, ut intentionem suam promoveant, non tantum debent negare se interfuisse confectioe Instrumenti, sed insuper negationem suam probare, e. g. quod illo die, quo Instrumentum confectum dicitur, abfuerint; quod si fiat per idonea argumenta, etiam unus testis adscriptus, contrarium Instrumento deponens, & probans, evertet vim Instrumenti; & ratio est; quia cum in parte falsum sit, ex toto suspectum redditur. Hiltrop. p. 3. tit. 10. §. *de reprob. Instrum.* num. 56. Henr. Canif. in c. *cum Joannes 10. hoc tit. num. 11.* Barbofa ibid. n. 9. Vvagn. not. 3. Zoef. n. 16. hic, Pirh. nu. 71. Engl. n. 57. Konig n. 59.

Dixi *et vel negent, se interfuisse Instrumenti confectioe, vel asserant aliter scriptum esse, quam actum fuerit*; nam si testes adscripti dicant se quidem interfuisse, non tamen recordari, quid inter partes actum sit, sustinebitur Instrumentum, ut notant l. *cit.* Zoef. Vvagn. Pirh. Engl; & ratio est, quia testes dubitantes nihil probant; neque sequitur, *Non recordantur, ergo non est actum.*

Major difficultas est, quando testes extranei adversus Instrumentum deponunt; nam etsi clarum sit ex cap. *cum Joannes cit.* quod etiam per istos reprobari Instrumentum possit, in numero tamen testium, ad hujusmodi probationem requisito, plurimum DD. inter se dissident. Nam 1. Gloss. in c. *cit. V. quodlibet* requirit quatuor, vel quinque testes, qui sint plures, & meliores scriptis in Instrumento;



mento : rationem dat , quia fides Notarii æquivaleret duobus testibus *c. quoniam* 11. *de probat.* & Instrumentum itidem valet , quantum duo testes ; debent autem ad reprobandum Instrumentum esse testes vel plures , vel saltem æquales numero , sed meliores . Huc pertinent illi , qui universim dicunt Instrumenti reprobationem fieri debere per plures testes quam in illo contineantur : unde Testamentum per hos AA. non reprobaretur , nisi per octo testes , Codicillus non nisi per sex , quod est parum probabile , 2. alii cum Accursio dicunt ad infirmandum Instrumentum privatum sufficere duos testes , ad publicum requiri saltem tres . 3. Abb. *in c. 10. cit. n. 13.* Felin. *ibid. n. 35.* Pirh. *hic n. 72.* volunt cuicumque Instrumento derogari posse per duos testes omni exceptione majores , nisi ipsum instrumentum per testes inscriptos , vel alia viva voce juvetur : ratio illorum est , quod Instrumentum non habeat fidem , nisi ab officio , & autoritate Notarii , cui merito testimonium duorum , aut trium viva voce deponentium , & omni exceptione majorum præfertur . Gonz. 4. *in c. cit. n. 15.* Laym. *ibid. n. 6.* Vvagn. *not. 2. fin.* docent esse Judicis arbitrio relinquendum , ut dispiciat , an testes duos , vel tres ita sint idonei , ac sufficientes , ut eorum probatio adversus Instrumentum possit haberi liquida .

107 Hinc cum P. Engl *hic n. 58.* P. König *n. 59.* P. Vviest. *n. 93.* & aliis apud istos judico distinguendum , an testes inscripti Instrumento adhuc vivant , & examinari possint , vel an jam obierint , aut examinari nequeant . Si vivant adhuc , & examinari constanter deponant pro Instrumento , nulla ratio est habenda testimoniorum contrarium deponentium , nisi inscriptis testibus aut numero , & dignitate , aut probabilitate dictorum superiores sint ; ut dictum est Tit. 20. *n. 107.* Si autem testes inscripti jam obiere , aut ita distant , ut examinari nequeant , existimo per duos testes juratos , & omni exceptione majores Instrumenti fidem sufficienter infringi . Sumitur ex l. *optimam* 14. *C. de contrab. stipulat. ubi vers. et si* Instrumentum per testes undique idoneos , & omni exceptione majores reprobari permittitur neque fit mentio numeri . Ratio est , quia ex una parte probatio per duos testes omni exceptione majores ipso naturæ Jure plenissimam probationem , ex altera autem Instrumentum publicum plenam fidem accepit tantum Jure positivo ob maximam præsumptionem , quæ præsumitur Notarium ob officium publicum , & præstitum Juramentum testes absentes , vel aliud falsum non inscripturum . igitur cum præsumptio cedere veritati debeat , æquissimum omnino est , ut probatio per duos testes omni exceptione majores , quæ omni Jure firmissima est , præferatur probationi per Instrumentum , quæ solum indulgentia Juris accepit plenæ probationis rationem , cum spectata natura rei , solum mereatur semiplenam .

108 Ad rationem dubitandi *n. 104.* allatam patet ex ratione modo data , majorem esse vim vivæ vocis , quam mortuæ . Hinc , quando l. *in exercendis* 15. *C. hoc tit.* & alibi in Jure eadem vim probandi tribuitur Instrumentis , quæ testibus , hoc solum intelligendum est , quamdiu vis probandi , quam ex præsumptione Juris Instrumentum habet , per contrarios testes non eliditur . Ad Conf. textus ille solum procedit , quando per testes non probatur sufficienter falsitas Instrumenti ; nam Instrumentum , quamdiu falsum esse non convincitur , semper præfertur testibus volentibus probare contrarium , cum illud ex persona Notarii , & solemnitatibus acceperit fidem publicam .

109 Queritur 6. quibus aliis modis probetur falsitas Instrumenti ? Resp. plura esse capita , ex quibus falsum , vel saltem suspectum probatur , Instrumentum , ut præter alios videre est apud Hiltrop. *p. 3. tit. 10. §. de reprob. Instr. à n. 15.*

Et 1. quidem si Instrumentum non continet verisimilia : ut enim testi deponenti non verisimilia non creditur , ita nec Instrumento ; quia testes , & Instrumenta quoad probationem censentur paria .

2 Si charta antiqua sit , scriptura autem quoad figuram , & modum scribendi videatur recentior . Hoc tamen per se solum non sufficit , nisi adsint alia adminicula , & conjecturæ ; nam contractus novus scribi potest etiam in vetustissima charta .

3 Si apparet Instrumentum alia manuscriptum , alia subscriptum , cum tamen Notarius attestetur eadem manu scripta omnia .

4 Si diverſo atramento aliqua in eo scripta sint , & aliæ insuper conjecturæ concurrant ; nam sola diversitas atramenti non sufficit . Barboſ. *in cap. 6. hoc tit. numer. 5.*

5 Si etratum sit in Instrumento , nisi error sit levis duntaxat , qualis est , omisso unius litteræ , vel syllabæ , aut etiam vocis ; hic enim Instrumentum non vitiatur , quando de mente conficiantis adhuc sufficienter constat *c. ex parte* 11. *hoc tit.* & ibi Abb. *n. 2.* Felin. *n. 1.* Laym. *n. 1.* Gonz. *n. 2.* Barb. *n. 1.*

6 Si in eo reperiatu aliquid additum aliena manu sine attestatione Notarii ; nam sine hujus mandato ( de quo etiam mentionem facere in subscriptione debet ) nullus potest aliquid addere , aut scribere in Instrumento .

7 Si aliquid correctum sit in Instrumento ab alio , quam Notario ; nam errorem Rescripti Apostolici sine licentia Officialium , qui in Curia Romana ad hoc deputati sunt , non licet corrigere ; alioquin qui hoc præsumeret , omni commodum Instrumenti , & Rescripti carebit , quod ea , quæ à publica potestate procedunt , attingere privatus non debeat . Abb. *inc. ex litteris* 3. *hoc tit. n. 3.* Laym. *n. 8.* Vvagn. *not. 2.* qui tamen existimat prohibitionem istam non esse in tanto rigore receptam ; hinc credit litteras manifeste vitiosas in casu aliquo ( si error impetranti videatur præjudicare ) bona fide corrigi posse in Germania , etsi moneat præstare nisi inde damnum immineat , tales errores sine rasura relinqui , cum quivis prudens illos ultro advertat .

8 Si ipse Notarius correctionem fecerit ; ubi tamen distinguendum , an fecerit istam in continenti , an ex intervallo ; nam in continenti facere correctionem potest , cum quoad hoc æquiparetur testi . At ex intervallo si faciat , id quod sic correctum est , non faciet fidem publicam , nisi errorem suum vel ex Protocollo , vel ex alio Instrumento sufficienter doceat , vel ipse error notorius sit , quo casu , si error non sit mere Grammaticalis , necesse est ad correctionem ex intervallo faciendam intervenire auctoritatem Judicis , & consensum partium , quarum interest ; quia conficiendo Instrumentum quoad hoc Notarius jam censetur functus officio suo .

9 Si in registratione Instrumenti Notarius non servavit solitum suum Stylum , quem is , & alii Notarii communiter observare solent ; cum enim non facile aliquis à solito Stylo deflectere soleat , novitas hæc falsitatis præsumptionem gignit ,

10 Si in Protocollo de antiquo annotata , registrata sint de recenti ; quia non est credibile , quod cum memoria hominum labilis sit , totum Instrumenti tenorem in memoria Notarius habuerit .

11 Si in Instrumento , Protocollo , aut Litteris folia aliqua incisa , aut addita , & de novo confuta sint . Proceditque hoc , etiam si à Notario factum sit ; nihil enim potest Notarius in Instrumento , vel Protocollo mutare , variare , aut incidere sine auctoritate Judicis .

12 Si aliqua pars Instrumenti reperiatu consumpta in loco suspecto ; nam consumptio æquiparatur abrasioni , licet ex ea non oriatur tanta suspicio , quanta ex abrasione , ut notat Barboſ. *loc. cit. n. 13.*

13 Si producatu Instrumentum à tali persona , quæ alibi consuevit homines decipere falsis Instrumentis ; nam semel malus semper præsumitur malus in eodem genere mali .

Ut vero ex his , & similibus modis probetur falsitas Instrumenti necesse est , ut ipsum Instrumentum , & quidem Originale , exhibeatur Judici vel in Judicio , vel in loco , ubi asservatur , si tutum non sit alio illud transferri ; nam alias defectus Instrumenti cognosci non vere possunt ; item necesse est , ut præfixo à Iudice termino peremptorio ad videndum Instrumentum citetur is , qui illud falsitatis arguit , intra quem si non venerit vel per se , vel per alium , sententiam Iudex feret pro Instrumento , & impugnatori indicetur silentium .

Queritur 7. an , si Instrumentum in parte aliqua falsitatem continere probetur , totum corruat ? Affirmant aliqui , negant alii ; melius distinguitur cum Everhard. *de fid. Instrum. c. 5. a n. 159.* Haun. *tom. 5. tr. 4. à n. 448.* Vviest. *hic n. 96.* juxta quos , si Instrumentum habeat plura capitula non connexa , sed disparata , tunc falsum in uno , non præsumitur falsum in cæteris capitulis separatis ab illo falso , saltem si falsitas non contigit malicia ,



litia, & dolo Notarii; nam utile per inutile vitari non debet, quando unum separari potest ab altero. At si falsitas reperitur, in articulo connexo cum aliis, eo-que tali, ut attingat substantialia Instrumenti, totum suspectum redditur *arg. can. puro 17. caus. 3. quest. 9.* ubi rota Instrumenti fides ob patris mendacium declaratur irrita.

Dixi *Saltem si falsitas non contingit malitia, & dolo Notarii*; nam si dolo, & malitia Notarii falsitas contingit in capitulo disparato quidem, sed substantiali Instrumenti, an ibi censetur falsum totum Instrumentum, majus dubium est. *Et ratio dubitandi est*, quia fides Instrumenti dependet à fide Notarii, quæ si vacillet, videtur inficere totum Instrumentum, cum fides, & probitas Notarii sit quid individuum.

114 Sed contrarium non improbabiler docet Fachin. l. 9. *contr. J. cap. 79.* videlicet Instrumentum solum vitari in ea parte, in qua falsitas deprehenditur, nisi talis illa sit, quæ per se totam fidem Instrumento adimat, ut si scriptum sit actum esse in uno loco, cum in alio actum fuerit; tunc enim totum falsum apparet; extra simile casum videtur Instrumentis manere præsumptio veritatis quoad capitula cætera non connexa, de quibus falsitas non probatur; neque enim ex eo, quod unum probetur falsum, etiam sequitur cætera falsa esse, in quibus falsitas non apparet, alioquin omnia, quæ prius gessit Notarius, præsumenda essent falsa.

Ex quo patet ad *Rationem dubitandi*; nam fieri potest, ut Notarius in uno capitulo committat falsitatem, in altero se probe, & fideliter gerat. Unde etsi ob præsumptionem fraudis Instrumenta, quæ deinceps conficiet, non valeant, quia ob hanc ipsam præsumptionem ex dispositione Juris non potest amplius fungi officio Notarius, non tamen locum habet præsumptio hæc in præteritum quoad Instrumenta jam facta, ne iisdem habeatur fides, in quibus nulla est fraudis suspicio.

115 Quæritur 8. an, & quando fidei Instrumenti officiat simulatio? Resp. *Simulatum Instrumentum* est, quando aliud inter partes actum est, aliud verò in Instrumento scriptum. Differt à falso; quia falsum committitur de voluntate unius contrahentis, simulatum vero utriusque consensu. Triplici modo fieri *Simulatio* potest. 1. *de re ad rem*, ut si fundus dicatur venditus, cum domus sit vendita. 2. *de contractu ad contractum*, ut cum debitor obligat fundum creditori, & in Instrumento dicitur, quod vendiderit. 3. *de persona ad personam*, cum ager dicitur venditus Titio, cum venditus sit Sempronio. Ultima hæc species simulationis non facit actum invalidum, sed jus, & obligatio acquiritur veræ, non simulate, & fidei personæ. Si duobus modis prioribus contingat simulatio, rejicitur Instrumentum. Utrumque constat ex l. *acta 2. & l. seq. C. plus valere quod agitur &c.* Rationem indicat Rubrica *cit. tit.* quia nempe magis attendi debet, quod ræcite inter partes actum, quam quod simulate conceptum, ut scriptum est.

## T I T U L U S XXIII.

### De Præsumptionibus.

Testibus, & Instrumentis sæpe accedunt, aliquando succedunt Præsumptiones; quarum tanta vis est, ut aliquando, deficientibus aliis Probationibus, ad ferendam sententiam solæ sufficiant; ubi vero aliæ afferuntur, in Præsumptione pleræque fundentur, cum non alio ex capite Testes, Instrumenta, Juramenta fidei concilient, quam quia præsumitur ea, quæ per Testes, Instrumenta, vel Juramenta probantur, à veritate non abhorreere.

#### §. I.

De Natura, Varietate, & Effectibus Præsumptionum.

### S U M M A R I U M.

- 1 *Definitio Præsumptionis in genere.*
- 2 *Indicium, hujus diversitas, & differentia à Præsumptione.*
- 3 *Fictio Juris, & quomodo à Præsumptione differat.*
- 4 *Præsumptio hominis quid?*

5 *Ejus divisio.*

6 *Vis ad probandum.*

7 *Definitio Præsumptionis Juris, & divisio in Præsumptionem Juris tantum, ac Juris, & de Jure.*

8 *Differentia inter utramque.*

9 *Utriusque exempla.*

10 *Effectus Præsumptionis, quæ Juris tantum est.*

11 *Effectus Præsumptionis Juris, & de Jure.*

12 13 14 *Quando adversus istam, admittatur Probatio?*

15 *& seqq. An ex nudis Præsumptionibus in causa criminali sententia ferri, & reus condemnari possit?*

Quæritur 1. quid sit *Præsumptio*? Resp. *Præsumptio* ita dicitur à *Præ*, & *Sumptio*, quasi *Antesumptio*; quia ante legitimas Probationes aliquid sumit pro vero. Ummius ad *Process. Indic. D. 15. n. 27.* Gonz. in *cap. 2. hoc tit. num. 11.* Haun. *tom. 5. tract. 4. num. 622.* Definietur, quod sit *Conjectura*, seu *Judicium ex aliquo signo, vel indicio verisimili orta, & probationis loco allegata, aut à Indice assumpta ad adstruendam rei dubiæ fidem.* Ita Vvesenbec. *ff. hoc tit. n. 14.* Henr. Canis. in *Rubr. eod. nu. 1.* Vvagn. *ibid. not. 2.* Vallens. *hic §. 1. num. 1.* Zoel. *n. 1.* Pirh. *n. 1.* Konig *n. 3.* Sannig *cap. 1. n. 2.* & cæteri communiter, saltem quoad substantiam.

Dicitur 1. *Conjectura*: quod ponitur loco genetis; nam *Præsumptio* importat assensum probabilem, & magis determinatum, ex indiciis verisimilibus sumptum: *Conjectura* autem includit etiam suspicionem, quæ est opinio levis, seu tenuis assensus cum magna titubatione de re dubia, ex levibus duntaxat indiciis procedens. Menoch. de *presumpt. l. 1. quest. 7. n. 42.*

Dicitur 2. *ex aliquo signo, vel indicio verisimili orta*; debet enim præcedere signum aliquod, ut inde præsumptio fieri possit, & quidem verisimile; alias in Suspicionem, vel *Judicium temerarium* degenerabit.

Dicitur 3. *ad probandum assumpta*; nam etsi strictè dicta probatio ipsa non sit, ut volunt aliqui, loco probationis tamen assumitur, & si requisita omnia habeat, probatio est in effectu.

Quæritur 2. Quid sit *Indicium*, & quomodo à Præsumptione differat? Resp. *Indicium est notabile signum aliqujus delicti, vel alterius rei, de qua dubitatur, ad veritatem cognoscendam interveniens.* Maicard. de *probat. vol. 1. q. 15. n. 2.* Farin. *prax. crim. q. 36. num. 27.* Haun. *tr. 4. cit. n. 623.* Pith. *hic n. 2.*

Triplex est Indiciorum divisio; nam 1. aliud est *Semiplenum*, seu *dubitativum*; aliud *Plenum*, seu *indubitatum*. *Primum* est, quod aptum est gignere opinionem, vel suspicionem aliquam, sed cum formidine, seu virtuali dubio junctam. *Alterum* est, quod ad plenum assensum movere animum aptum est. 2. *Indicium* aliud est *Proximum*, aliud *Remotum*. *Proximum* dicitur, quod magis verisimile est, sive aptum ad rem ostendendam. *Remotum*, quod minus idoneum est ad rem demonstrandam, quia fallere frequenter potest. 3. *Indicia* alia sunt *Levia*, quæ suspicionem duntaxat gignunt; alia *Gravia*, quæ opinionem non levem, non tamen omnino certam, sed conjunctam cum aliquali formidine oppositi cteant; alia *Gravissima*, seu *indubitata*, quæ pariunt assensum moraliter certum, & excludentem omnem formidinem.

Differt itaque Præsumptio ab indicio, quod *Indicium* sit ipsum signum unum, vel plura, ex quibus tanquam ex causa, oritur Præsumptio.

Quæritur 3. quid sit *Fictio Juris*, & quomodo distinguatur à Præsumptione? Resp. *Fictio Juris est indubitata falsitatis assumptio in casu possibili, & ex juxta causa ad inducendum aliquem effectum Juris, aequitati naturali non repugnantem.* Exempli illius passim sunt in utroque Jure; sic enim Jus fingit esse natum; qui adhuc existit in utero, quando agitur de illius commodum; fingit patrem & filium esse unam personam, cum sint duæ; Canonicum, qui in studiis est, esse præsentem, cum sit absens; Religiosum quoad potestatem exercendi certos actus civiles esse mortuum, cum vere vivat &c.

Multam quidem *Fictio Juris* cum Præsumptione affinitatem habet, differt tamen ab ea multipliciter. Nam 1. *fictio* fingit vera esse, quæ vera non sunt, ideoque nunquam convenit cum veritate; Præsumptio autem



autem versatur circa rem dubiam , quæ sc. esse , vel non esse potest , & sæpe convenit cum veritate . 2. Fictioni non obest veritas contraria cognita ; Præsumptio vero tollitur , si de contraria veritate constet . 3. Fictio Juris nunquam infirmari potest per probationem contrarii , cum ultro concedatur contrarium esse verum ; at vero Præsumptio , si non sit Juris , & de Jure , per contrariam probationem infirmari potest ; imò illam quandoque admittit præsumptio Juris , & de Jure , ut *infra à num. 12.* dicam . 4. Præsumptio assensum continet plerumque verum ; Fictio verò assensum non habet , cum in sola apprehensione hæreat . 5. in eadem causa possunt esse Præsumptiones contrariæ , quo casu , ut *n. 38.* dicitur , potentior Præsumptio præfertur à Judice ; at Fictio non datur Fictioni contraria ; quia id , quod Fictioni contrarium est , est Veritas ; veritas autem non fingitur . 6. Fictio ab homine nunquam induci potest , sed tantum à Jure , & hinc Legis dispositio esse dicitur ; at præsumptio etiam ab homine , nempe à Judice induci potest .

Quæritur 4. quid , & quotuplex sit , & quam vim habeat *Præsumptio hominis* ? Resp. *Præsumptio hominis* est *conjectura* , nullo Jure expressa , aut firmata , sed quam concipit homo , ex facti qualitate , & circumstantiis aliquid conjiciendo , & assumendo pro vero , donec aliud demonstretur , ac doceatur . Ita Laym. in cap. 8. hoc tit. num. 5. Gonzal. in cap. 2. eod. n. 13. Pax Jordan. l. 14. r. 21. nu. 6. Haun. tom. 5. tr. 4. n. 628. Valleng. hic §. 2. n. 1. Zoef. n. 2. Sannig c. 1. n. 4. Dicitur *præsumptio hominis* , non quasi ne generaliter quidem ullo nitatur Jure , aut approbetur , sed quia præter expressas in Jure , à Judice vel alio homine assumitur , ut locum in Judicio habeat , ut bene advertit Vvagn. in Rubr. hic not. 3.

5 Triplex autem est Præsumptio hominis , prout triplicis etiam generis Indicia esse *n. 2.* in tertia divisione dixi , videlicet Violenta , seu Vehemens , Probabilis , seu Discreta , Levis , seu temeraria . *Levis* , seu *Temeraria* Sulpicio potius , quam Præsumptio est , quæ ex levibus , vanisque causis , seu indiciis oritur . Talis est , si quis de Titio e. g. suspicetur cum esse adulterum , quia paulo liberius interdum versatur cum alterius uxore , etsi non in loco suspecto . *Probabilis* , seu *Discreta* est , quæ sumitur ex indiciis verisimilibus , & cum eo , quod præsumitur , valde frequenter conjunctis . Talis est , quia judicatur non esse pudica illa , quæ sæpe cum juvenibus sola , præsertim si in loco obscuro hoc fiat , conversatur sine arbitris . *Violenta* , & *Vehemens* est , quæ ex multis , vel uno valde efficaci , & veritati proximo indicio formatur , & vehementer movet , cogitque ad credulitatem , ita , ut mortaliter non relinquat dubium . Talis est præsumptio fornicationis ex actibus propinquis , si sc. solus cum sola , nudus cum nuda , in eodem lecto sint deprehensi ; adulterii , si mulier undecimo mense post mortem mariti peperit ; cædis factæ , si Titius stricto gladio usque in ædes suas insequatur Sempronium , de quibus certò constabat , quod nemo moretur intus , & paulò post cum cruentato gladio erumpat ex iisdem ædibus totus pallidus , & conrurbatus ; nam si postea Sempronius in suo sanguine natans , & pluitibus vulneribus confossus , reperitur mortuus prudenter credi alius cædis author esse non potest , nisi Titius .

6 Ex his tribus Præsumptionum generibus , *Prima* , nempe *Levis* nihil omnino probat , sed reprobat utroque Jure . Textus in Jure Canonico sunt *can. oves 9. caus. 6. q. 1.* ubi in fine , *Omnis suspicio* , inquit Pontifex , *est potius repellenda , quam approbanda , & recipienda* ; item *cap. ex suarum 8. de purg. canon. c. significan- tibus 2. de purg. vulg. c. inquisitioni 44. de sent. Excomm.* ubi hujusmodi Præsumptiones , tanquam indicia omnino fallacia , vanæ suspensiones , & superstitiosæ tentationes Dei omnino reprobantur : & merito ; quia vix ullam , imò fere nullam cum re præsumpta connexionem habent . *Secunda* , seu *Probabilis* vim habet semiplenè probandi , ut desumitur ex *c. inquisitioni cit.* ubi ex tali præsumptione mulier à debito petendo ( etsi id reddere teneatur ) abstinere jubetur ; & *cap. tertio 13. hoc tit.* ubi probabili præsumptione accedens Juramentum ( uti & fama publica , vel unus legitimus testis ) facit plenam probationem . Unde illi , qui gravatus est hujusmodi præsumptione , indicitur Purgatio Canonica *cap. si quis 4. de*

*purgat. Canon. Tertia* , videlicet *Violenta* , & *Vehemens* plenè probat , ut si contrarium non probetur , in Civilibus causis ad sententiam ferendam procedi possit , prout DD. communiter desumunt ex *cap. afferre 2. hoc tit.* ubi refertur judicium Salomonis , ex violenta hujusmodi præsumptione de vera infantis matre pronuntiantis , ut 3. Reg. 3. narratur .

Quæritur 5. quid , & quotuplex sit *Præsumptio Juris* ? 7 Resp. *Præsumptio Juris* est , quæ Legibus est expressa , i. e. quando suppositis certis circumstantiis Lex , vel Canon aliquid conjicit . Duplex & ipsa est , videlicet Præsumptio Juris tantum , & Præsumptio Juris , & de Jure . *Præsumptio Juris tantum* est , quando Jus in dubio aliquid præsumit , & tandiu pro vero habet , donec vel contraria probatione , vel fortiori præsumptione elidatur . *Præsumptio Juris , & de Jure* , cum Lex , vel Canon ita aliquid præsumit , ut super tali præsumptione Jus firmum statuatur , eamque præsumptionem ita pro vero haberi vult , ut regulariter probationem in contrarium non admittat .

Non tamen est necesse , ut Lex expresse dicat non admittendam , sed sufficit , si pronuntiet Præsumptionem esse violentam , vel vehementem : imò aliqui videntur in effectu asserere , quod sufficiat , si Lex , vel Statutum dicat Præsumptionem plenè probare , etsi non addat *Nisi probetur contrarium* . Certe nisi hoc dicamus , ut recte advertit Haun. de l. & l. tom. 5. tract. 4. num. 632. pauca exempla in Jure reperiemus hujus Præsumptionis Juris , & de Jure . Consentit Abb. in cap. 8. hoc tit. num. 2. ubi ait ad hanc Præsumptionem plus non requiri , quam ut Jus super ea statuatur , & sese fundet . Hinc consideranda erit subiecta materia , de qua Lex loquitur , & attendenda communis DD. interpretatio : neque enim in Jure certa vocabula sunt introducta , quibus illa significetur induci .

Utraque Præsumptio Juris dicitur ; quia à Jure est 8 introducta : posterior cum addito *Et de Jure* ; quia super tali præsumptione Lex induxit , & sanxit firmum Jus , & habet eam pro veritate . Hinc patet discrimen inter utramque Præsumptionem ; nam 1. super Præsumptione Juris , & de Jure Lex firmum Jus sanxit ; non super Præsumptione Juris tantum . Et hinc 2. Præsumptio Juris admittit probationem in contrarium ; Præsumptio Juris , & de Jure regulariter probationem in contrarium respuit . Ac 3. hoc ipso , quia Præsumptionem Juris , & de Jure Lex habet pro veritate , non est necesse , ut pars eam alleget ; nam Judex sequi eam non interpellatus tenetur , cum veritati patrocinari debeat ; at Præsumptio Juris tantum allegari debet , saltem quando oritur ex facto proprio , vel circa illud versatur . Rationem dat Gonzal. in cap. 2. hoc tit. num. 16. quia quando præsumptio oritur ex facto partis , si eam non allegavit , præsumitur non esse vera , & Præsumptio hæc ita tollit Præsumptionem Juris . Et hinc quamvis Judex alias teneatur supplere ea , quæ sunt facti , nisi factum ipsum allegetur , ut quæ desunt Advocatis partium , si tamen pars non alleget Præsumptionem Juris pro se stantem , supplere non debet . Possunt autem Præsumptiones quovis tempore in Judicio allegari , etiam post conclusionem in causa , ut notat Vall. hic §. 6. num. 6. Vvagn. in Rubr. not. 6.

Exempla utriusque passim reperiuntur tum *hoc tit.* 9 tum alibi passim ; pauca hic afferro . Præsumptionis Juris tantum exempla sunt . 1. quando præsumitur baptizatus , qui inter Christianos natus , & educatus est *cap. fin. de Presbyt. non bapt. in 6.* 2. quando præsumitur legitimus , qui natus est ex uxore , cum qua maritus cohabitavit *l. filium 6. ff. de his , qui sui , vel alien. Jur.* 3. quando præsumitur usu rationis præditus , qui septimum ætatis annum implevit , vel excessit *cap. un. pr. de despons. impub. in 6.* 4. quando præsumitur habere potentiam generandi , si puella duodecimum , masculus decimum quartum ætatis annum implevit *cap. continebatur 6. & cap. attestaciones 10. de despons. impub.* 5. quando præsumitur pro debito satisfactum ex Chirographo cancellato , vel de- leto &c.

Exempla Præsumptionis Juris & de Jure ponuntur 1. *cap. per suas 6. de condit. appes.* ubi cognoscens libi



sibi desponsatam sub conditione præsumitur conditionem remississe, & absolute in Matrimonium consensisse. 2. *c. ad id 21. de sponsal.* ubi per annum cum dimidio cohabitans viro, cui coacta nupserat, præsumitur in illud libere consensisse, & adhærere ipsi tenetur, nec admittitur postea ad probandam violentiam, perinde acsi ab initio libere consensisset. 3. *c. 13, qui fidem 30. de sponsal.* ubi sponsus cognoscens sponsam de futuro præsumitur id fecisse animo conjugali, & conf. hoc ipso contracta sponsalia de præsent. Simile textus habentur alibi passim.

- 10 Queritur 6. quis sit Effectus præsumptionis Iuris? Resp. alius est effectus Præsumptionis Iuris tantum, alius Præsumptionis Iuris, & de Iure. *Præsumptio Iuris tantum* cum, pro quo stat, liberat probandi necessitate, eamque transfert in Adversarium, qui nisi contrarium probet, intentio alterius habetur pro veritate *arg. cap. 2. & cap. 4. de probat.* & sententia secundum ipsam profertur saltem in Civilibus *cap. ad decimas 2. de restit. spoliat. in 6.* Quia tamen minus efficax ipsa est probatio, quam sit Præsumptio Iuris, & de Iure, admittit probationem in contrarium, eique si rite sit præstita, tanquam veritati cedit; & ratio est, quia fides à probatione plena proveniens magis certa est, quam quæ oritur ex præsumptione Iuris, quæ non simul est de Iure. Vallenf. *hic §. 4. n. 5.*

- 11 *Præsumptio Iuris, & de Iure* plures effectus habet. Nam 1. & principaliter ita habetur pro veritate, ut regulariter probationi contrariæ locus non sit; hinc etiam *necessaria* appellatur. *Hiltrop. p. 3. tit. 24. n. 14. Gonzal. in c. 2. hoc tit. n. 12. Vallenf. hic §. 4. n. 6.* Ratio est, quia hæc Præsumptio ex certis indiciis, & indubitatis signis procedit. 2. impedit Appellationem. *Menoch. de Præsumpt. l. 1. quasi. 76. n. 1. & seqq. Zoef. hic numer. 9. Pirh. numer. 12.* Ratio est, tum quia is, contra quem stat ista Præsumptio, habetur pro convicto, & confesso; convictus autem, & confessus appellare non potest *l. observare 2. Cod. quor. appellat. non recip.* tum quia Præsumptio ista ita, ut dictum est, pro veritate habetur, ut probationem in contrarium non admittat, sed ubi probatio non admittitur, frustra appellatur. ergo &c. 3. etiam non admittit Iuramentum ejus, contra quem stat. *Menoch. quasi. 77. numer. 1. Zoef. numer. 8. Pirh. loc. cit.* Ratio est, quia Iuramentum non defertur à Iudice, nisi ubi causa est dubia; causa vero, pro qua stat Præsumptio Iuris, & de Iure, non est dubia, sed pro certa habetur. 4. ex Præsumptione Iuris, & de Iure ferri potest sententia. In hoc effectu convenit cum Præsumptione Iuris tantum, sed multo magis hoc convenit Præsumptioni Iuris, & de Iure; quia hæc sola censetur absolute esse plena probatio, & pro absoluta veritate habetur; Præsumptio vero Iuris tantum pro veritate habetur solum tamdiu, quamdiu per contrariam probationem non eliditur.

- 12 Dixi autem regulariter contra Præsumptionem Iuris, & de Iure probationem non admitti; nam plures sunt Exceptiones. Et quidem, 1. contra eam admittitur *Probatio indirecta*. *Menoch. q. 65. n. 1. & seqq. Vallenf. hic §. 1. n. 4. & §. 4. n. 9. Pirh. v. 10. Vviesl. n. 35.* Ratio est, quia hujusmodi probatio non tendit immediate ad probationem ejus, cujus contrarium Ius præsumit; sed solummodo ostendit non dari præsumptionem, sive non adesse qualitates, & circumstantias ad illam requisitas à Lege. Sic est contra eam, quæ post Matrimonium metu contractum diu cohabitavit marito, sit Præsumptio Iuris, & de Iure, quod metum remisit, si tamen probet idoneis argumentis, quod violente, & coacte tamdiu cohabitaverit marito; purgati metus Præsumptio tollitur.

2 *Allegatio Notorii*. *Menoch. q. 67. à n. 1. Everhard. Legal. arg. loc. 11. n. 20. Vall. hic §. 4. n. 10. Zoef. n. 7. Pirh. n. 11. Vviesl. n. 36.* Ratio est, quia Probatio, quæ fit per evidentiam facti, nunquam censetur exclusa; cum enim constet certo & evidenter de veritate, cessat dubium, circa quod versatur Præsumptio. Ubi tamen distinguendum inter *Notorium permanens*, & inter *Notorium facti transeuntis*; primum, etsi probatione non indigeat, debet tamen allegari; alterum non solum allegari, sed etiam probari per testes debet, ut recte alijs *citt. monet Pirh. loc. cit.*

3 *Confessio Judicialis* facta ab eo, pro quo, & in 13 cujus favorem stat Præsumptio. Sic Præsumptio Iuris & de Iure est adversus Tutorem pro Pupillo, quod res in Inventario à Tutore descriptæ vere fuerint in bonis defuncti; quodsi tamen Pupillus major factus fateatur res illas per errorem fuisse descriptas in Inventario, præsumptioni prævalebit confessio; Item est Præsumptio Iuris, & de Iure pro sententia, quæ transit in rem judicatam; si tamen is, in cujus favorem sententia illa lata est, fateatur rem aliter se habere, cessat Præsumptio. *Menoch. q. 61. à n. 1. Haun. tom. 5. tr. 4. n. 638. Vvagn. in Rubr. hoc tit. not. 5. Vviesl. ff. cod. n. 16. Vall. §. 1. n. 4. Zoef. n. 6. Vviesl. n. 37.* Ratio est, quia licet Præsumptio Iuris, & de Iure à Lege habeatur pro veritate, non tamen est ipsa veritas. igitur si per Confessionem, quæ est optima veritatis probatio, detegatur veritas, Præsumptio vim habere non potest.

4 *Confessio extrajudicialis*, ut vult Bald. in *l. in contrahibus 14. princ. C. de non num. pec. num. 7. Menoch. q. 61. cit. n. 16. Haun. tr. 4. cit. num. 640.* quamvis enim tam certa non sit, quam sit Confessio Iudicialis, tamen etiam ipsa sæpe vim plene probandi habet. igitur saltem in iis casibus admittetur contra Præsumptionem Iuris, & de Iure, quando vim plene probandi habet, & quando serio facta est, ac deliberate, talisque per idoneos testes in Iudicio legitime probatur. Urget pro hac eadem ratio, quam dedi pro Confessione Iudiciali. Contrarium tenent Alciat. *de Præsumpt. prel. p. 2. num. 5. Mascard. de probat. proæm. q. 10. n. 52. Zoef. ff. de Probat. & præf. n. 17. Vviesl. hic n. 38.*

5 *Probatio per testes*. De numero testium non conveniunt DD. nam aliqui requiruntur quinque *arg. l. generaliter 13. C. de non num. pecun.* aliis sufficiunt duo, vel tres Legales, seu omni exceptione majores; Tertia sententia ope distinctionis duas præcedentes, inter se dissidentes conciliat; transmittit enim duos, vel tres testes non sufficere ad probandum directe contra Præsumptionem Iuris, & de Iure, vult autem sufficere, si contrarium per eos probetur solum indirecte. *Menoch. q. 95. numer. 11. Haun. tract. 4. cit. numer. 643.*

6 *Probatio per Instrumentum Publicum*. *Mascard. q. 10. cit. n. 72.* quia Instrumentum Publicum rem facit liquidam, & evidentem, habetque pro se Præsumptionem veritatis.

7 Denique Præsumptio Iuris, & de Iure cessat, si contra ipsam admissa sit probatio, parte non opponente *Menoch. q. 68. n. 1. & 2. Haun. n. 647. Pirh. numer. 11. Vviesl. numer. 42.* Ratio est, quia Adversarius, qui non opposuit, videtur tacite consentire, adeoque renunciare Iuri suo. Intellige, si tamen renunciare eidem potuit; aliud enim est in his, quæ non pendunt à voluntate partium, ut in causis criminalibus.

Queritur 7. an ex nudis Præsumptionibus in causa criminali sententia ferri, & reus condemnari possit? Dixi *n. 10. de Præsumptione Iuris, & n. 6. de Præsumptione Violenta* hominis ex ea procedi posse ad Sententiam definitivam in Causis Civilibus; nam ita DD. communiter cum Abb. *in c. 2. hoc tit. n. 5.* ubi tamen moner consultum esse, ut eo casu Iudex Præsumptionem illam in Actis scribe jubeat, ut si forte appelletur, sententia ex actis justificari possit. Contraversia igitur tantum superest in causis criminalibus, in qua tres omnino sunt DD. sententiæ. Inter has Prima conrendit reum, ob Præsumptionem etiam Violentam damnari non posse, sed absolvendum. Ita Ant. Gomez *var. l. 3. c. 12. n. 25. Mynsing. cent. 6. obs. 97. n. 6. Fachin. l. 1. contr. 29. Vivian. in c. 14. hoc tit. in ration. Pirh. hic n. 49. Engl. n. 4.* Probat sententiam hanc ex variis Iuris textibus. 1. *can. nos 1. caus. 2. q. 1.* ubi S. Augustinus, *Nos in quenquam, inquit, sententiam ferre non possumus, nisi aut convictum, aut sponte confessum.* 2. *c. litteras 14. hoc tit. ibi;* Propter solam suspicionem, quamvis vehementem, nolumus illam tam gravi crimine (nempe Hæresis) condemnare. 3. *l. absente 5. pr. ff. de penis ibi;* Sed nec suspicionibus debere aliquem damnari *Divus Trajanus Affiduo Severo rescripsit, satisque esse impunitum relinqui facinus necens, quam innocentem damnari.* 4. *l. qui*



1. qui sententiam 16. C. de pœnis, ubi aperte habetur ad pœnalem sententiam non aliter perveniri posse, nisi reus fuerit confessus; vel probationibus clarissimis convictus. 5. l. fin. C. de Probat. ubi ad sententiam ferendam in criminalibus requiruntur probationes indubitatae, & luce meridiana clariores. 6. exemplo Salomonis, qui ut refertur c. asserre 2. hoc tit. ob Præsumptionem ex matris pietate ortam infantem quidem iussit restitui matri, meretrici tamen cum hac litiganti ratione impudentiæ, & temeritatis pœnam non inflixit, 7. ratione; quia in Civilibus causis regulariter favorabiliores sunt partes Rei quam Actoris, & promiores debemus esse ad absolvendum, quam condemnandum l. Arrianus 47. ff. de O. & A. igitur multo magis obtinebit in criminalibus, cum plus utique sit alicui vitam, & sanguinem, quam pecunias, & modica temporalia eripere.

6. Secunda sententia priori directe opposita vult ex Indiciis, & Præsumptionibus violentis; & quæ moralem certitudinem inducunt, condemnari aliquem posse etiam ad pœnam ordinariam, licet de cætero neque convictus, neque confessus sit. Ita Ant. Matth. de crim. probat. Tit. 15. c. 6. cum aliis. Fundant se AA. isti 1. textu c. litteris 12. hoc tit. ubi ex actibus adulterio propinquis judicatur adulter manifestus. 2. l. fin. C. de probat. ubi ad condemnationem in causis criminalibus statuitur sufficere etiam indicia. 3. l. observare 2. C. quor. appell. non recte. ubi habetur argumentis, h. e. Præsumptionibus convicti appellationi non deferendum, 4. l. si quis 34. C. ad Leg. Jul. de adul. ubi qui adulterii accusari, obtentu consanguinitatis suspicionem criminis objecti se liberarunt, si deinde nuptias cum ea, cum qua adulterium commisisse, accusabantur, inierunt, ex Præsumptione ista condemnantur tanquam convicti. 5. cap. sicut 1. hoc tit. & ibi DD. eum, qui alterum occidit, vel convitium illi dixit, condemnant ad pœnam ordinariam ex sola hac Præsumptione, quod factum id sit ex maligno occidendi, vel convitiandi animo. 6. ratione; nam delicta evidenter probata possunt utique puniri pœna ordinaria. ergo cum Præsumptiones vim probationis habeant, poterit quoque secundum illas, si evidentes sint, ordinaria pœna infligi, præsertim in delictis occultis, ut in Simonia, incestu adulterio, quæ sunt difficillimæ probationis, ne alias semper maneant impunita, & redantur improbabilia.

7. Tertia sententia inter utramque priorem media est; Docet hæc reum quidem in criminalibus ex violentis Præsumptionibus puniri posse, non tamen pœna ordinaria, sed mitiori ad arbitrium Iudicis. Ita Tiracuell. de pœn. temperand. cas. 27. n. 2. Menoch. de præsumpt. q. 58. n. 18. & 19. Vagn. in c. 14. hoc tit. not. 3. Nituntur etiam ipsi autoritate Juris; Canonici quidem c. 14. cit. & c. 10. de purg. Canon. ubi de Hæresi graviter suspecto, non tamen convicto extraordinaria pœna iungitur; Civili autem l. vimpasam 39. §. mulierem 4. ff. ad Leg. Jul. de adul. ubi mulier ex societate latronum suspecta erat de adulterio; quia tamen convinci non poterat, pœna extraordinaria exilii punita est.

8. In hoc Interpp. & DD. dissidio, Juriumque varietate videtur res optime expediri ope distinctionis. Et hinc ad quæstionem n. 15. propositam respondeo 1. ob levem Præsumptionem, seu modicam suspicionem neminem damnari posse sive ad pœnam Ordinariam, sive ad Extraordinariam. Patet ex n. 6. ubi huic Præsumptioni negata est omnis probandi vis. Et hoc multo magis urget in criminalibus; quia cum salus, aut existimatio hominis in discrimen adducitur non temere levibus, & vanis rumoribus fides est adhibenda, cum iisdem sæpe etiam falsa jactentur.

Resp. 2. Ex Præsumptione Juris, & de Jure condemnari aliquem posse etiam ad pœnam Ordinariam. Ita Henr. Canis. in c. 14. hoc tit. n. 3. Barbof. ibid. n. 4. & in cap. 2. cit. numer. 7. cum aliis. Ratio est quia in his Lex præsumit, & super illis statuit firmum Ius. Igitur Lex, quod sic præsumit, approbat tanquam veritatem indubitatam; Iudex autem sequi sententia sua veritatem debet. Igitur nisi aliquo ex modis à num. 12. relatis elidatur Præsumptio, secundum illam debet ferri sententia.

Resp. 3. Si Indicia, & præsumptiones vehementes contra reum urgeant, ex iis posse in foro Canonico quidem indici teo Purgationem Canonice; in Civili autem procedi posse ad torturam, ut sic aut confessione propria se reum faciat, aut tormentis prædictas Præsumptiones purget; ad condemnationem tamen ex iisdem Indiciis, etsi urgentia sint, nisi moraliter certa sint, in causa criminali procedi non posse. Ita cum Abb. in c. 9. hoc tit. n. 2. docent communiter DD. Et quidem, quod indici reo possit Purgatio Canonica, patet ex c. fin. §. sane de Jurejur. & c. si quis 4. de Purgat. Canon. Quod ad Torturam sufficiant, clari habentur textus l. milites 8. §. oportet 1. C. & l. unius 18. §. reus 1. ff. de quæstion. Neque dissentiunt AA. primæ sententiæ. Quod reus immunis à tortura sit, nisi aliæ fortiores probationes accedant, potius ex defectu probationum absolvi, quam condemnari debet, ne forte condemnetur innocens. Quod denique ad sententiam condemnatoriam ex his Indiciis procedi nequeat, colligitur ex l. fin. C. de probat. ubi ad sententiam ferendam in causa criminali requiruntur probationes indubitatae, & luce clariores. Ratio est, quia ut statuatur certa pœna, necesse est, ut certum sit delictum; alioquin inter pœnam & delictum non esset æqualitas. Atqui ex hujusmodi Præsumptione non oritur talis certitudo. Ergo &c.

Resp. 4. Si Præsumptiones, sint vehementissime, sive 20 deinde illæ sint Iuris, sive hominis, & ortæ ex actibus delicto proximis, & huic ordinarie semper connexis adeoque moraliter certis, & indubitatis, ex iis in causis criminalibus ad pœnam etiam ordinariam infligendam procedi potest à Iudice, præsertim in criminibus occultis, & quæ sunt difficilis probationis. Ita Abb. in c. 14. hoc tit. n. 5. Farin. prax. q. 86. n. 55. & seqq. Menoch. l. 5. præsumpt. 41. n. 1. & seqq. Laym. l. 3. Theol. tr. 6. c. 2. n. 6. Pax Jordan. l. 14. tit. 21. n. 165. Gonzal. in c. 14. hoc tit. n. 7. Card. Sfondrat. de Leg. in præsumpt. fund. p. 1. §. 6. n. 3. König hic n. 23. P. Vviest. n. 24. & seqq. & novissime Clariss. P. Schmier Process. Judic. cap. 12. n. 41. & seqq. Videtur de Jure Civili sententia indubitata, ut patet ex textibus n. 16. pro secunda sententia allegatis. Neque dissentiunt SS. Canones c. quia 10. hoc tit. quo contra valde magnam præsumptionem Iuris dicuntur non facile admittendi testes; c. litteras 12. eod. ubi ex talibus Præsumptionibus mulier tanquam adultera condemnata est, neque divortium tantum permittum marito, sed illi, etiam hoc mortuo, alterius conjugii spes adempta; c. de hoc 11. de Simon. ubi deficiens in Purgatione Canonica punitur pœna ordinaria; similia habentur c. porrecta 6. de confirm. ut. & inut. c. cum contumacia 7. de heret. in 6. & c. pro humani 1. §. sacri de Homicid. in 6. Ratio est, quia hujusmodi Præsumptiones non minus, quam testes, constituunt plenam criminis probationem, cum moralem ejusdem certitudinem pariant; quæ debet sufficere, cum non majorem pariant depositiones duorum, vel trium testium. Accedit, quia alias adulteria, incestus, & alia hujusmodi crimina occulta vix unquam puniri pœna ordinaria possent, si hujusmodi probationes non sufficerent ad condemnandum, cum aliter probari non possint; adeoque frustra, & inutiliter statuta ipsis esset ordinaria pœna.

Neque obstant Argumenta primæ sententiæ num. 15. 21 allata. Ad 1. reus, qui hujusmodi Præsumptionibus vehementissimis gravatus est, pro convicto haberi debet, quippe cum prudenter negare non possit, id scelus à se commissum esse, pro cuius commissione stat certitudo moralis. Ad 2. in cap. 14. citat. Pontifex agit de Præsumptione, non violenta, & vehementissima, sed de vehementi tantum, seu tali, quæ nata est ex indiciis multum quidem, sed non valde urgentibus, aut ex actibus valde quidem frequenter, sed non semper, & ordinarie connexis cum delicto, prout patet ex textu ibi; Ob solam suspicionem, quamvis vehementem. Ad 3. l. absentem cit. non affirmatur neminem ex Præsumptione esse damnandum, si præsumptio sit violenta, indubitata, & talis, quæ non possit deficere; sed tantum dicitur ex suspicionibus sententiam proferri non posse, cum suspicio nihil aliud sit, quam conjectura sumpta ex indiciis levibus. Ad 4. petet ex hæcenus dictis per Præsumptiones vehementissimas obtineri probationem perfectam, & manifestam, cum obtineatur moralis



ralis certitudo. *Ad 5. dum l. fin. Cod. de probat.* requiruntur probationes indubitatae, & luce meridiana clariores, id intelligi debet quantum ad subjectam materiam; nam ut *numer. precedent. in fine* dixi, aliqua crimina talia sunt, quæ aliter, quam ex præsumptionibus violentis probari nequeunt. *Ad 6.* Indicia, quibus Præsumptio, & in hac fundata Salomonis sententia nitebatur, vel non fuerunt vehementissime urgentia, vel si fuerunt talia, ideo Salomon ita convictæ pœnam nullam infixit, quia fuit solum conventa civiliter, & ad vivi infantis restitutionem. *Ad 7.* ita faveri oportet reo, ut criminis non maneant impunita, sed ut *num. precedent.* dixi, nisi Præsumptiones violentæ sufficerent ad condemnandum, crimina occulta plerumque manerent impunita, aut saltem rarissimè puniri pœna ordinaria possent.

23 Argumenta *tertia sententia* confirmant responsionem nostram; nam textibus *ibi cit.* pœna ordinaria non est imposita, quia de delicto non constabat, nisi ex suspitione: quia tamen huic suspitioni causa data est per aliud delictum, idcirco hoc, non ipsa Hæresis, aut adulterium punitum est pœna extraordinaria.

Debet autem hic Judex, quando ex Præsumptionibus etiam violentis ad puniendum crimen procedit, cautè dispicere ipsas circumstantias, & præsertim gravitatem criminis; nam quanto crimen est gravius, tanto ad condemnandum requiruntur fortiores, & vehementiores Præsumptiones, ut notant Abb. *in cap. 14. hoc tit. num. 3.* Laym. *in c. 2. eod. n. 3.* Pirh. *hic n. 49.* & ratio est, quia cautius agendum est, ubi periculum majus vertitur *c. ubi periculum 3. princ. de elect. in 6.*

## §. II.

## Regula Præsumptionum.

## S U M M A R I U M.

23 24 Præsumptiones violentæ non oriuntur, nisi ex violentis, & vehementissimis conjecturis.

25 26 27 Non violentæ ducuntur ex communiter contingentibus.

28 29 30 Qualis res est, si talis manere possit, præsumitur adhuc talis esse, & talis mensura, nisi probetur mutatio.

31 32 Qualitas, quæ naturaliter inest homini, semper adesse præsumitur.

33 34 35 Facta, de quibus dubium est, quo animo facta sint, in meliorem partem interpretari debemus.

36 37 Quilibet præsumitur bonus, nisi probetur malus.

38 39 40 Fortior Præsumptio prævalet debiliori.

41 42 Quid præsumatur de crimine commisso, si quis fugiat?

23 Regula I. Præsumptiones violentæ non oriuntur, nisi ex violentis, & vehementibus conjecturis. Ita.

1. In dubio, an aliquis ex hoc patre, vel ex illa matre sit genitus, rectè sumitur conjectura ex affectu dilectionis, cum natura sit, ut parens prolem suam diligat, nullusque affectus extraneus paternum vincat *l. cum furiosus 7. princ. Cod. de Curat. furios.* E contratio pater, vel mater non esse præsumitur, si filium non diligat, aut odio habeat *cap. asserre 2. hoc tit.* ubi Salomon litem inter duas mulieres de filio contententes diremit ex affectu matris malentis carere filio, quam videre divisum.

2 Adversus eum, qui factus est se recepisse pecuniam, & intra biennium non objecit exceptionem non numeratæ pecuniæ, est Præsumptio Juris, & de Jure, quod eam receperit, ita, ut elapso biennio, non admittatur exceptio, aut probatio, ut patet ex *toto Tit. Cod. de non num. pecun.*

24 3 Olim cognoscens sponsam suam de futuro præsumebatur id fecisse affectu conjugali, & sic non permittatur amplius ab ea recedere, tanquam Matrimonio contracto, & consummato *cap. is qui facit 20. de sponsal.* ubi deciditur Sponsalia de futuro per carnalem copulam sublecutam transire in Sponsalia de præsentia. Sed hæc præsumptio sublata est nunc per *Trid. sess. 24. c. 1. de reform.* ubi irritantur Matrimonia clandestina, seu non contracta coram Parocho, & testibus.

4 Si testes deponant se vidisse aliquem solum cum sola, nudum cum nuda, in eodem lecto jacentem, præsertim in loco secreto, & abdito, rectè probatur adulterium ad ferendam sententiam non tantum divortii, sed etiam pœnæ ordinariæ; quia indicia hæc sunt nimis violenta, & si illa non sufficerent, vix imponi unquam posset pœna ordinaria adulterii, cum hoc aliis majoribus probationibus vix unquam probari possit *cap. litteris 12. hoc tit.*

5 Universum, quando actus non potest directè probari per visum, vel alium sensum immediatum, & proprium, tunc sufficit, si testes deponant super actibus propinquis, dummodo attestant, se ita credere; adeoque tali casu sufficit testimonium de credulitate, cum de scientia haberi non possit. Patet ex *cap. litteris citat. juncta Gloss. ibid. V. credebant*, & confirmatur ex *c. tertio 13. & ibi Gloss. V. dicta sunt tit. eod.* Dixi autem, Si testes deponant super actibus propinquis; nam ex solis osculis, & amplexibus, nisi concurrant alia adminicula, suspicio adulterii violenta non inducitur; quia sunt actus tantum remoti, qui sæpe cum adulterio, & fornicatione non conjunguntur.

Regula II. Præsumptiones non violentæ ducuntur ex communiter contingentibus. Et sic

1 Quia delicta communiter junguntur dolo, in dubio 25 semper præsumitur dolus; seu damnum, quod injustè datum est alteri, semper præsumitur dolo malo illatum, & animo nocendi *c. sicut 1. hoc tit.*

2 Inter personas valde propinquas non debet præsumi incestus; quia *naturale sœdus*, h. e. naturalis conjunctio sanguinis inter tales personas nihil permittit *sævi criminis suspicari*, ut dicitur *cap. cum in juventute 15. hoc tit. & cap. à nobis 9. de cohabit. Cler. & mulier.*

3 Siquis ex duobus sibi propositis, & objectis unum tantum negat, alterum tacite confiteri, seu affirmare censetur; & è contrario, si unum confiteatur, alterum tacitè censetur negare *cap. nonne 9. hoc tit.* Excipitur, si una res cohareat alteri, & accessoriè veniat; nam in his, ut rectè advertit Henr. Canis. *in cap. nonne cit. n. 2.* unam negans, aliam affirmare non censetur, e. g. si creditor repetat debitum suum una cum eo, quod interest, & reus neget debitum, non idcirco censetur confessus id, quod interest.

4 Vicinus præsumitur scire, quæ in vicinia facta sunt *cap. quosdam 7. hoc tit.* Et hinc si testis productus, & interrogatus in Judicio dicat: Scio, quia vicinus sum, rectè concludit; similiter rectè probat, si testis productus negat se scire, & in probationem sui dicti allegat, quod sit vicinus. Intelligi autem hoc debet de factis, quæ sunt communiter nota in eo loco, ut monet Pirh. *hic num. 38.* nam si non sunt publicè nota in illo loco, non præsumuntur vicini illa scire, & conf. alleganti ignorantiam credendum est, nisi allegans talis sit, qui ex officio tenebatur factum indagare; & ratio est, quia secundum *Reg. 47. in 6.* regulariter præsumitur ignorantia facti alieni, ubi scientia non probatur.

5 Factum in loco remoto notum præsumitur etiam notum in loco vicino *cap. quanto 8. hoc tit.* Ratio est, quia notitia alicujus facti melius, & facilius haberi potest in loco vicino, & propinquiore, quippe ex quo fama primum ad loca remota propagatur. Admittitur tamen contra hanc Juris præsumptionem probatio in contrarium, si sc. is, qui negat se scire, probabili argumento ostendat rei illius ignorantiam.

6 Qui dilationes in Judicio querit, aut illud declinat, 27 præsumitur nocens; è contrario innocens præsumitur, qui se offert Judicio *cap. nullus 4. hoc tit.* Ratio est, quia qui se offert Judicio, censetur confidere Justitiæ suæ causæ, sicut eidem censetur dissidere, qui Judicium subterfugit, aut dilationes querit.

7 Qui Beneficium pingue cum tenui, vel honorificum cum minus honorifico permutat, præsumitur fraudulenter, & per Simoniæ permutationem istam fecisse *cap. quia verisimile 10. hoc tit.* Ratio est, quia non est verisimile, quod quis Beneficium majus cum minore, pingue cum tenui gratis, & alio simili non recepto permutaturus sit, cum de nemine præsumendum sit, quod res suas, sive bona jactare velit. Potest tamen suspicio hæc purgari indicibus contrariis, ut fieret, si Beneficium pingue sit valde laboriosum, tenue vero quietum, & permut-



permutans homo senex, nec par laboribus &c. Hæ omnes Præsumptiones sunt Juris Præsumptiones; quia à Jure sunt approbatæ, ut constat ex textibus cit.

28 Regula III. *Qualis res est, si talis manere possit, præsumitur adhuc talis esse, & talis mansura, nisi probetur mutatio.* Sic

1 Præsumitur quisque liber, nisi probetur servus, cum à natura quilibet liber sit. Proceditque hoc non tantum in personis, sed etiam in rebus, & fundis; cum enim ab origine sua quodlibet prædium liberum sit, tale censei, & pro Allodiali haberi debet, donec probetur contrarium *l. si in adibus 9. & l. seq. C. de servit.*

2 Filius ex legitimo matrimonio natus præsumitur esse in patria potestate, nisi prober emancipationem, & liberationem ab ejus potestate *leg. si filius 8. ff. de probat.*

3 Ubi olim fuerunt termini confinium, etiam hodie esse præsumuntur, nisi probentur mutati *l. in finalibus 11. ff. fin. regund.*

4 Quæ semel ordinavit testator, præsumitur non mutasse *l. cum qui 22. ff. de probat.* & quibus Legatis, aut Fideicommissis oneravit hæredem institutum, iisdem præsumitur onerate voluisse etiam substitutum *l. licet 74. ff. de Legat. 1.*

29 5 Qui olim possedit, etiamnum, atque ex eodem titulo possidere præsumitur *arg. cap. olim 17. de restit. spoliat.*

6 Qui status rei fuit præterito tempore, præsumitur mansurus etiam pro futuro *cap. scribam 9. hoc tit.* Excepi in his, quæ temporis cursu necessario, aut verisimiliter immutantur: sic enim qui olim fuit puer, non præsumitur semper mansurus puer, cum id naturæ repugnet: nec qui in pueritia nescivit litteras, præsumitur etiam futuris temporibus semper imperitus, cum verisimile sit hominem successu temporis posse discere, quæ antea ignorabat.

7 Ex bona conversatione in adolescentia præsumitur puer etiam bonus futurus in virili ætate, & senectute *cap. ex studiis 3. hoc tit.* & concordat Proverb. *cap. 22. vers. 6.* ubi Sapiens, *Adolescens*, inquit, *juxta viam suam, etiam cum senuerit, non recedet ab ea.* Fallit tamen nonnunquam hæc Præsumptio, & loco illius verificatur tritus ille Versus:

*Angelicus Juvens senibus Satharizat in annis.*

30 8 Qui in Juventute fuit continens non præsumitur in senectute incontinens, maximè si sit litteratus *c. cum in juvenute 15. hoc tit.* quia Concupiscentia cum cæteris vitiis in senectute præsumitur diminui teste Seneca; *Cum cætera vitia cum homine senescant, sola avaritia juvenescit.*

9 Qui diu negligens fuit tempore præterito, præsumitur etiam tempore futuro futurus negligens *c. scribam cit.* Et universim, qui semel deprehensus est malus in aliquo genere mali, præsumitur etiam postea in eodem futurus malus. *Reg. 8. in 6.* & vice versa semel bonus semper præsumitur bonus, nisi malus probetur, vel de contrariis constet, ut tradit Dynus in *Reg. 8. citat.* & ratio est, quia mutatio est aliquid facti, & ideo non præsumitur, sed probari debet.

31 Regula IV. *Qualitas, quæ naturaliter inest homini, semper adesse præsumitur.* Sic

1 In Senibus præsumitur prudentia *l. semper 5. ff. de Jur. immunit.* in Minoribus inconsulta facilitas, & ignorantia *l. si quis 3. ff. ad S. C. Macedon.* in fœminis loquacitas, imbecillitas, & timiditas *l. & primo 2. ff. ad S. C. Vellejan.*

2 Parentes præsumuntur amare liberos, & vicissim *arg. l. si pupillorum 7. §. si pater 2. ff. de reb. eor. qui sub tutel. &c.* quia amor illis innatus est; item potens generare præsumitur quilibet, qui debitam ætatem habet, nisi probetur impotens; & quia vita hominis hodie 100. annorum terminis circumscribitur, nemo ultra illos extensus vitam præsumitur. Menoch. *lib. 6. præsumpt. 49. num. 1.*

3 Si duo simul pereant naufragio, incendio, vel alio casu repentino, præsumitur infans periisse ante matrem, uxor ante maritum, senex ante juvenem, infirmior ante fortioiorem *l. cum pubere 22. & l. si mulier 23. ff. de reb. dub.* Excipitur, si concurrant circumstantiæ motus præcedentis in aliquo, vel adsit

aliud adminiculum præsumptionem Legis cessare faciens, ut ex Paulo Zacchia optime advertit Illustrissimus Petra *Comment. tom. 1. fol. 506. n. 80.* ubi addit morbum hunc talem esse debere, qui vires adeo extenuet, ut imbecillitati alterius æquiparetur; alias vim & efficaciam Præsumptionis Legalis non tollet.

4 Quilibet creditur idoneus ad Officium, Beneficium, 32 vel actum aliquem exercendum, nisi probetur contrarium *cap. fin. hoc tit.* Hujus Præsumptionis beneficio liberatur ab onere probandi idoneitatem, qui Beneficium impetrat, & onus probandi contrarium incumbit neganti ipsum tales qualitates habere. Præsumptio hæc tamen non impedit, quin is, qui promovere aliquem ad Beneficium, vel Officium cupit, inquirere debeat de idoneitate promovendi. Imò Præsumptio pro idoneitate, & habilitate tum solum fit, quando post inquisitionem factam vitium, vel defectus non apparet.

Dixi autem in Regula *Qualitas, quæ naturaliter inest homini*; nam qualitates extrinsecæ, & accidentales, quæ à natura non insunt, non præsumuntur, sed probari debent; & tales sunt, quod aliquis studuerit in Academia, quod sit doctus, quod Gradum in Litteris habeat, quod dives sit &c. *Excepi*, nisi sit aliquid connexum cum eo, quod patet; sic si Clericus afferat Litteras Formatas, ex quibus constat eum esse Sacerdotem ordinatum, Præsumptio fieri potest, quod etiam Minores Ordines legitime acceperit.

Regula V. *Facta, de quibus dubium est, quo animo 33 facta sint, in meliorem partem interpretari debemus cap. efflore 2. de R. 1.* Et hinc nascitur alia Regula, quod nunquam capiatur præsumptio delicti. Intellige, in iis actibus, qui sunt indifferentes ex se, ut licite, vel illicitè fiant; nam si actus malus sit, ut *num. 25.* dictum est, semper in eodolus præsumitur.

Ex ista Regula 1. in possidente præsumitur bona fides, nisi Jus commune possessioni ejusdem resistat, aut alius adsit possessor antiquior, vel aliis argumentis mala fides possessoris probetur *arg. l. non ex eo 30. Cod. de evictio.*

2 Quando dubitatur, an aliquid sit sponte, an ex meru factum, præsumitur sponte factum, ne in altero præsumatur delictum *arg. l. cum se 2. Cod. de his, quæ vi &c.*

3 Quando Princeps aliquid agit, de quo est dubium, an id fecerit ex justa causa, ad valorem actus requisita, præsumptio stat pro Principe, saltem in iis, quæ sunt Juris humani. *Clem. unic. de Probat.* & respectu subditorum; nam his non debet Princeps causam probare.

4 Quando dubitatur, an rite processum sit in Judici- 34 cio, præsumitur pro Justitia Processus, & pro Judice quod officio suo sit rite functus *can. absit 14. caus. 11. quest. 3. & l. fin. ibi; quod non arbitramur Cod. de Offic. Civil. Judic.*

5 Generaliter præsumitur pro quovis Officiali quoad ea, quæ spectant ad Officium ejus, quod rectè administraverit; unde si aliquid neglectum sit, præsumitur potius alterius, quam Officialis culpa id accidisse. Limitatur tamen, nisi aliquid accidat contra naturam injuncti Officii, v. g. si incarceratus evadat; nam præsumitur negligentia custodis factum.

6 Pro Electo præsumitur, quod sit sufficiens, & dignus officio, ad quod eligitur *can. 14. cit.* pro Doctore, quod habeat scientiam requisitam, etiam antequam specimen edat *arg. l. un. C. de Professor. qui in urbe &c.* & universim pro peritis in arte, quod non fallant, quando consulunt super re ad artem ipsorum pertinente *arg. l. semel 6. C. de remilitar.*

7 Qui facit in suo, quod sibi aliquo modo prodest, etsi alteri tertio noceat, præsumitur tamen facere animo sibi commodandi, non alteri nocendi, 35 ut si quis in fundo suo extruat molendinum, per quod alterum molendinum patitur diminutionem aquæ, & lucri.

8 Ex duobus digladiatoribus, si unus occubuit, præsumitur fuisse aggressor, nisi constaret duellum fuisse utriusque consensu initum; & hoc favore viventis, qui etiam præsumitur servasse moderamen inculpatæ tutelæ, nisi probetur contrarium.

9 Servus delinquens præsumitur deliquisse absque consen-



consensu Domini, & ideo dominus non tenetur in solidum, sed solummodo servum dare noxæ *l. si servus 2. ff. de noxal. action.*

10 Huc pertinent omnes causæ favorabiles, quales sunt causæ Matrimoniales, ubi pro Matrimonio; Liberalis, ubi pro libertate; dotis, ubi pro dote; venditi, ubi pro emptore; stipulationis, ubi pro promissore præsumitur per ea, quæ notat Sichard. *in lib. 9. Cod. de Nuptiis.*

- 36 Regula VI. *Quilibet præsumitur bonus, nisi probetur malus.* Sumitur ex *cap. fin. hoc tit. Neque obstat* status naturæ corruptæ, in quo versamur, quique proclives ad malum facit; nam pronitas hæc ad malum vinci potest per bonam educationem, & liberum exercitium virtutum, ac vitiorum extirpationem; neque enim vitia nobis à natura insunt, sed virtutes, saltem secundum aptitudinem, etsi non secundum perfectionem, ut *Ethic. 2.* dicitur, & notat Pith. *hic n. 42.* Habet tamen hæc regula plures Exceptiones, ut videre est apud Jordan. *lib. 14. tit. 21. à num. 154.* Vvagnereck *in cap. fin. cit. Pith. n. 42. cit. & alios.*

*Excipitur enim 1.* si talis Præsumptio vergat in præjudicium tertii; tunc enim non facit unicuique credendum est. Hinc Judex, etsi alias sit vir optimus, si tamen amicus, aut familiaris admodum sit parti adversæ, recusari potest ex suspitione, ne faveat magis illi parti, cui amicus ita, & familiaris est.

- 37 *Excipitur 2.* si Præsumptio bonitatis esset in præjudicium ejus, pro quo præsumitur. Casus est *l. qui jurasse 26. §. si pater 1. ff. de jurejur.* ubi si pater juravit nihil esse in peculio filii, filius nihilominus convenitur ex contractu suo, & de peculio postea acquisito; nam si præsumeretur non pejerasse pater, fundata esset intentio Adversarii, quod illud peculium esset auctum post interpositum Juramentum,

*Excipitur 3.* si agatur de utilitate, seu salute animæ; nam in foro conscientiæ, ubi dubium est, melius est præsumere delictum, quam non delictum; Sic in dubio, an quis irregularis sit, præsumere debet se esse irregularem, & abstinere ab Altaris ministerio; sic si quis in Testamento confessus est se fuisse Usurarium, agi contra heredem in eo institutum potest, ut restituat omnia, quæ testator acquisivit toto vitæ suæ tempore; quia præsumitur omnia per Usuram acquisivisse, nisi ostendatur contrarium.

*Excipitur 4.* Si præcesserint conjecturæ, & circumstantiæ, quæ præsumptioni bonitatis præponderant, & dolum præsumi faciant.

- 38 Regula VII. *Concurrentibus pluribus Præsumptionibus, quæ inter se pugnant, fortiores prævalent debilibus* per textus *cap. transmissæ 3. qui fil. legit. & l. Drenus 7. junct. Gloss. V. existimari ff. de integ. restitu.* Proceditque hoc etiam in concursu, quo conjunguntur Præsumptio hominis, & Præsumptio Juris; nam si Præsumptio hominis validior, & verisimilior est, contra Juris etiam Præsumptionem prævalet *arg. l. Lucius 93. §. quasitum 3. ff. de Legat. 3. Ratio est,* quia cum Jus partium in foro externo delumatur ex allegatis, & probatis, quanto fortior, & potentior est Præsumptio, quæ allegatur, tanto certius est Jus, quod ex illa desumitur.

Porro ad cognoscendum, quænam Præsumptio sit fortior altera, Autores communiter afferunt sequentes Regulas. 1. ceteris paribus potentior est Præsumptio, quæ stat pro valore actus *l. quoties 12. ff. de reb. credit.* Et hinc Papa Beneficium conferens ei, quem scit avariis, aut natalium defectu laborare, censetur dispensate in eo defectu. Menoch. *lib. 6. præsumpt. 4. num. 4. Procedit autem hoc in causis favorabilibus, & quando ad validandum actum non est opus nimis magna verborum improprietas; secus in ediosis, & ubi benigniorem sensum proprietatis verborum respuit.*

- 39 2 Præsumptio pro parte benigniori prævalet Præsumptioni contrariæ *arg. l. semper 56. ff. de R. l.* Hinc si aliquis ex duplici titulo sit debitor, & debitum solvat non expresso titulo solutionis, præsumitur ex illo solvisse, qui ipsi solventi plus commodi affert.

3 Præsumptio excludens peccatum vincit Præsumptionem, quæ illud supponit: Sic proles, de cujus parentibus non constat, potius censetur ex Matrimonio, quam ex fornicatione nata.

4 Præsumptio, per quam magis consulitur animæ,

fortior est contraria Præsumptione: Sic etsi quilibet præsumatur potius bonus, quam malus, tamen qui semel est excommunicatus, in dubio adhuc præsumitur excommunicatus, donec constet esse absolutum: neque sufficit, si ex quibusdam circumstantiis videatur esse, absolutus; quia id animæ tutius est.

5 Præsumptio fundata in illis, quæ sunt de substantia actus, præferri debet illi, quæ fundatur in defectu solemnitatis. V. g. aliquis scripsit in Testamento minus solemniter heredem, si quæretur, an talis debeat præsumi voluisse conficere Testamentum, dicendum est potius voluisse, quam noluisse ob omisam solemnitatem.

6 Præsumptio fundata in naturali impotentia prævalet Præsumptioni fundatæ in humanis conjecturis. E. g. aliquis alteri minatus est mortem, & hic deinde Occisus est; sed quia qui minas fecit, probare potest se tunc temporis tam procul abfuisse, ut non potuerit moraliter fieri tam cito præsens, præsumitur non occidisse, saltem propriis manibus.

7 Præsumptio specialior prævalet magis generali; Ita etiam si generaliter Præsumptio sit, si cui damnum datum est, illud esse à vicino datum, si tamen constet, quod hic sit vir bonus, & integritate famæ, ex hac præsumitur eum esse innocentem à damno dato.

8 Præsumptio, quod quis voluerit operari secundum Jus commune, prævalet Præsumptioni, quod voluerit operari secundum Jus speciale.

9 Denique Præsumptio negativa potentior est, quam affirmativa; nascens ex quasi possessione, quam illa, quod quælibet res præsumatur libera; quæ stat pro reo magis, quam quæ stat pro actore; quæ absurdum & inæqualitatem excludit magis, quam quæ illud includit &c. Vide Haun. *tom. 5. tract. 4. à n. 634.*

Dubitatur, quid præsumi debeat, aut possit de crimine commisso, si fugiat? Resp. distinguendum inter tria fugæ tempora. 1. an aliquis fugiat ante inquisitionem, vel accusationem institutam? 2. an fugiat post institutam inquisitionem, vel accusationem adversus ipsum? 3. an fugiat effracto carcere?

*Si primum,* etsi fuga ejusmodi probationem etiam semiplenam non faciat, facit tamen indicium, seu Præsumptionem, ac suspicionem non levem commissi criminis, ut cum communi docet Mynsing. *cent. 6. obs. 98. num. 1.* Mascard. *de Prob. concl. 8. 9. num. 1. 10. & 15.* Farin. *prax. crim. 9. 48. num. 1. & 27.* Gonzal. *in cap. 4. hoc tit. num. 3.* Laym. *ibid. num. 2.* Pith. *hic num. 31.* Vviesl. *num. 16.* Ratio est, quia talis fuga censetur profecta ex conscientia criminis; plerumque enim rei, & icteris conscii fuga salutem quærere solent. *Excipe,* nisi tamen alia causa discedendi probabilis appareat; tunc enim in dubio, quod benignius est, præferri debet, & fuga, ac sine discessio non in malam, sed in bonam partem accipi, ut notat Mascard. *loc. cit. n. 11. & 12.* Laym. *Pith. loc. cit.*

*Si secundum,* præsumitur fugisse, non ex conscientia criminis, sed ob probabilem timorem instituti Processus, qui per se pericula, molestias, & vexationes tales causare solet, quas etiam innocentes non omnes subire volunt; affert tamen hujusmodi fuga aliquale criminis indicium, & suspicionem, ita, ut si accedant alia adminicula, efficere probationem semiplenam, & sufficere ad Rei torturam possit, ut colligitur ex *cap. nullus 4. hoc tit. & notat Menoch. lib. 1. de Præsumpt. quæst. 89. num. 40. & 41.* Mascard. *loc. cit. num. 17.* Farin. *num. 27. & 34.*

*Si tertium,* vultum refert, an justè eo carcere detentus fuerit, an injustè. *Si injustè,* fuga fugienti non nocet, modo de injustitia detentionis constet. *Si justè,* talis fugiens, si post fugam à Judice capiatur, postea gravior torqueri solet; quia tamen alia valde probabilis causa fugiendi allegari potest, videlicet ad liberandum se molestiis carceris, & periculis imminuentibus, fuga ejusmodi non facit plenam probationem criminis, sed tantum præsumptionem gravem, ac veluti confessionem ejusdem, ob quam graviter puniri potest. Laym. *loc. cit. & l. 1. Theol. Moral. tr. 4. c. 15. n. 10. in fin.* Gonzal. *in cap. 4. num. 2.* Pith. *hic num. 35.*



## TITULUS XXIV.

## De Jurejurando.

**S**æpe contingit, ut non quidem jus sed probatio in Judicio litigantem destituat: quare, ne ex probationum defectu, quod suum est, assequi aliquis prohibeatur, salubriter institutum est, ut Juramentum vel à parte, vel à Judice deferatur alteri litiganti, sicque decidatur lis, quæ aliter decidi nequit. Finis igitur Juramenti in Judicio delati est rei controversæ confirmatio, & litis decisio. Hinc Apostolus *Hebr. 5. v. 16. omnis controversiæ finis*, inquit, *ad confirmationem est Juramentum*. Et Cajus JC. l. maximum 1. ff. h. tit. Maximum, ait, *remedium, expediendarum litium in usum venit Jurisjurandi Religio*. Quare sit

## §. I.

## De Juramenti Nature, Honestate, &amp; Varietate.

## S U M M A R I U M.

- 1 Juramenti definitio.
- 2 Fieri propriè potest per solum Deum verum.
- 3 Ejus formula.
- 4 Est licitum.
- 5 Si habeat tres comites, Veritatem, Judicium, & Justitiam.
- 6 7 Subiectum Juramenti, seu quis jurare possit?
- 8 Objectum ejusdem.
- 9 Divisio.

**Q**uæritur 1. quid sit Jusjurandum? Resp. Jusjurandum à Jure nomen accepit, quod insit Juris sit observandum. Alio nomine appellatur *Sacramentum*, ut sit c. omnes 1. defer. & auth. *Sacramenta* puberum C. si advers. vendit. Alii tamen, ut Gonzal. in c. etsi Christus 26. num. 7. advertit, cum Alciato inter Juramentum, & Sacramentum discrimen statuunt, quod illud denotet quodcumque dictum, vel assertum juratum; hoc verò specialiter significet asseverationem Religiosam, super re Sacra, Libro Evangeliorum, Altari, vel Reliquiis SS. præstitam.

Definitur, quod sit *Invocatio Divini Nominis in testimonium*, vel ut alii loquuntur, *ad fidem faciendam dicto, aut promissionem firmandam*. Ita communiter TT. & JCr.

**2** Dixi 3. *Divini Nominis*; nam jurare propriè ille dicitur, qui cum aliquid affirmat, vel negat, aut promittit, ut sibi fides habeatur, Deum in veritatis, aut promissionis testem adducit. Ex quo sequitur 1. non esse Juramentum, quod sit per creaturas per se spectatas; nam ita consideratæ defectibiles, & erroribus, ac inconstantia subjectæ sunt. Unde ut valeat in vim juramenti, fieri per illas debet, quatenus in iisdem Creator illarum resplendet: & eò tendit c. *etsi Christus citat*. dum juramenta per creaturas præstita observari præcipit. Sequitur 2. non esse juramentum, quod Ethnici præstant per falsos Deos; quia hi infallibilem dictis fidem non possunt tribuere. Neque obstat canon. movet 16. caus. 22. quæst. 2. ubi per falsos Deos præstiti juramenti violatio pro perjurio habetur; nam tale sit ex errore ita jurantium conscientia, qua in istis Divinitatem apprehendunt. Sequitur 3. propriè loquendo juramentum fieri posse per solum verum Deum; cum enim causa ejus adhibendi unica sit, ut is, cui id præstatur, testimonio, & autoritate ejus, qui invocatur, securus reddatur, de veritate assertionis, & sinceritate promissionis, ita securum verò reddere possit solus Deus, utpote qui solus est prima veritas, fallere, & falli nescit, consequens est per ipsum solum præstari juramentum posse.

**3** Dixi 2. *Invocatio*: quo differt principaliter à Voto; nam Voti essentia in sola promissione DEO facta consistit, Juramenti autem in Invocatione ejusdem. Quod fieri potest non solum explicite, sed etiam implicite. Et ita jurant 1. qui assertioni suæ addunt verbum *Juro*; quia idem significat, quod *Deum in testem voco*, aut *volo dictum meum confirmare invocatione testimonii Divini*. 2. qui aliquid affirmant vel negant, aut promittunt.

Schmalzgrueber Tom. II.

*bey ihrem Ayd*; quia hæc verba seriò prolata ex recepta Germaniæ nostræ consuetudine idem significant, quod *Juro*. 3. *Per Sancta Evangelia*, per *S. Crucem* per *fidem Christianam*, per *SS. Sacramenta*; quia sensus, est, tam vera esse, quæ dicuntur, quam vera est doctrina Evangelica, Redemptio humani generis, institutio SS. Sacramentorum &c. 4. *Testes invococælum, & terram*; quia jurantes invocare in testem censentur illorum Conditorum. 5. *Per animam meam*, *vivus non abeam*, *fulmine peream*, *Diabolus me rapiat* &c. quia his verborum formulis invocari creditur Deus, qui animam perdere in gehennam, & vitam auferre potest. Plures aliæ Juramentorum formulæ videri possunt apud Covarruv. in capit. *quævis de pact. in 6. part. 1. §. 1. à numer. 16. Suar. de Juram. l. 1. capit. 5. à numer. 3. Laym. l. 4. tract. 3. capit. 2. Pirh. hic à numer. 6. Vviesl. numer. 6.*

Dixi 3. *ad fidem faciendam dicto, aut promissionem firmandam*: quo innuitur finis Juramenti, qui duplex est, videlicet vel ad confirmandam assertionem, si Assertorium sit; vel ad promissionem roborandam, si Promissorium.

Quæritur 2. an licitum sit Jurare? Veterum quorundam Hæreticorum error à Vvaldensibus, & Anabaptistis resuscitatus, voluit, Juramenta intrinsecè mala esse, aut saltem Christianis interdicta: quod evincere contendunt ex duplici Scripturæ textu. 1. *Matth. 5. vers. 34. ubi Christus, Ego autem, inquit, dico vobis, nolite jurare omnino, sit sermo vester est, est, non, non.* 2. *Jacob. 5. vers. 12. ubi Apostolum, Nolite, ait, jurare quodcumque Juramentum.*

Sed certa apud Orthodoxos doctrina est, Juramentum non solum intrinsecè malum non esse, sed etiam si rite præstetur, honestum, & laudabile: quod ostenditur 1. S. Scripturæ testimoniis, *Dominum Deum tuum timebis, illi soli servies, & per nomen ejus jurabis*. Deut. 6. v. 13. *Laudabuntur omnes, qui jurant in eo*. Ps. 62. vers. 12. 2. exemplo Patriarcharum veterum, & ipsius Dei, teste Vate Regio, *Juravit Dominus, & non poenitebit eum*. Ps. 109. v. 4. 3. usu Gentium omnium, & cunctorum Tribunalium tam sacrorum, quam profanorum praxi. 4. ratione, quia rite præstitum ad Religionem pertinet, cum per illud profiteamur, nos infallibilem Dei veritatem, & summam autoritatem cognoscere, colere, & vereri.

Addidi *sirite præstetur*; nam, ut hoc fiat, tres habere Comites debet, Veritatem, Judicium, & Iustitiam juxta illud, *Jurabis; vivit Dominus, in Iustitia, in Iudicio, in Veritate*. Jerem. 4. v. 2. *In veritate jurat*, qui Deum non assumit in testem falsi, sed de re pronuntiat, quod scit, & sicut scit. *In Iudicio*, qui non temere, & inconsideratè, sed cum prævia deliberatione non solum veritatis, sed etiam causæ jurat; quia causa solum necessitatis, aut valde magnæ utilitatis adhiberi potest. *In Iustitia*, qui, si Promissorium Juramentum sit, eo promittit, quod justum, honestum, & licitum est; si Assertorium, eo asserit, quod asseri sine cuiusquam injuria potest.

Neque aliud probant Scripturæ textus in contrarium allegati; nam ut eisdem cum S. August. S. Bern. & aliis PP. explicat Innocentius c. *etsi Christus cit.* ibidem non prohibentur juramenta rite præstita, sed ea duntaxat, quæ sunt temere, sine necessitate, & utilitate, tum propter irreverentiam, quæ sic jurando infertur Majestati Divinæ, tum propter periculum perjuriarum, cui consuetudo, & assiduus usus jurandi exponitur. Præterea verba Christi ad veracitatem nos cohortantur, qua ille ita clarescere suos sequaces voluit, ut etiam sine juramento ipsis credatur, & aliis iidem credant.

Quæritur 3. quis possit jurare? Resp. Juramenti usus, spectato naturali Iure, hominibus usu rationis præditis omnibus permissus est sine discrimine: Positivo tamen jure facultas non parum restringitur, & alii quidem ad jurandum in Iudicio compelli nequeunt, alii ne admittuntur quidem. Et

Tales sunt 1. Impuberes *can. parvuli 14. can. seq. caus. 22. q. 5.* vix enim Juramenti arduitatem, & reverentiam Numini debitam intelligere, & apprehendere sufficienter noscuntur.

2. Perjuri *can. parvuli citat.* quod intelligendum de juramentis, quibus aliquid probantur contra tertium,



ut Purgationis, Suppletorium, à testibus fieri solitum; nam ea quæ oneris sunt, ut calumniæ, malitiæ, & quæ Feudorum Dominis à Vassallis præstantur, etiam ab ipsis præstari debent. Suar. l. 3. cap. 20. numer. 20. Procedit autem hoc, etsi de perjurio nec convicti, nec condemnati in Judicio sint, modò illud notorietate facti sit evidens; & ratio est; quia, qui semel pejeravit, iterum pejeraturum periculum, & Præsumptio est arg. Reg. semel 8. de R. J. in 6.

7 3. Non jejunii can. placuit 2. caus. 4. q. 3. can. honestum 16. caus. 22. q. 5. c. placuit 1. de testib. Hæc tamen Constitutio vel nunquam recepta fuit in vim præcepti, vel de jejunio latius accepto intelligi debet, quatenus excludit ebrietatem, & crapulam. Barbof. in c. 1. cit. n. 3. Gonzal. ibid. n. 3. Vviesl. n. 15.

4. Clerici, præsertim Sacerdotes; nam hi ex levi causa jurare specialiter prohibentur canon. si quis Presbyter 4. caus. 2. q. 5. quòd illorum Ordinem, & dignitatem non deceat dubitari facili de veritate eorum, quæ dicunt. Si necessitas, vel magna utilitas ita exigat, licitè jurant coram Judice suo; coram Laico voluntarium quidem ad robotandam promissionem, & contractum possunt edere, coactivum tamen, saltem sine Papæ, vel Episcopi licentia, præstare nequeunt canon. nullus 22. junct. Gloss. V. Laico caus. 22. q. 5. Ex quo solvitur.

Dubium, an Clerici tempore pestis delata Juramenta, se non fuisse in loco lue infecto, vel de infectione suspecto, præstare possint; dicendum enim, quòd præstare illa possint, si exigantur sub conditione tantum ingressus; contra eadem præstare nequeant, si petantur per modum coactionis, quasi à superiore. Communiter tamen non Juramentum, sed confirmatio tantum gravior per fidem Sacerdotalem (bey ihten geistlichen Verden) requiri in hujusmodi occasione solet.

8 Queritur 4. quodnam sit Objectum Juramenti? Respond. est duplicis generis pro varietate ipsius Juramenti; nam si Juramentum sit Assertorium, Objectum illius est factum, aut non factum præteritum, aut præsens. Ut licitè præstetur, requiritur facti talis notitia, & quidem, si proprium illud sit, opus est, ut iurans moralem quandam certitudinem de illo habeat; si alienum, oportet, ut habeat de illo saltem credulitatem, seu conjecturam probabilem. Laym. l. 4. tr. 3. c. 4. n. 4.

Objectum Juramenti Promissorii est factum, vel non factum futurum, possibile, & honestum: futurum quidem debet esse; quia, quod jam factum est, frustra, ut fiat, promittitur: Possibile; quia Juramentum Promissorium obligationem debet inducere, qualis tamen ad impossibile dari non potest: Honestum denique; quia Juramentum vinculum iniquitatis esse non potest c. quanto 18. h. tit. Imò si etiam rem indifferentem promiseris, e. g. quòd non velis lavare manus, fenestras claudere, incedere vestibus rubris, sed nigris, per se loquendo obligatio per tale Juramentum non inducitur, cum neque Deo acceptum, neque hominibus placitum, aut gratum sit. P. Konig. hic n. 13.

9 Queritur 5. quodnam sit Juramentum? Resp. celeberrima illius divisio est in Assertorium, & Promissorium. Assertorium est, quo asseritur veritas rei præsentis, vel præteritæ; Promissorium, quo promittitur aliquid in futurum. Juramenti Assertorii frequens in causarum decisionibus usus est. Duplex ejusdem generis ab Interpretibus in Rubricam ff. h. tit. considerari solet, quorum primum vocatur Litis Decisorium, alterum Juramentum in Litem. De hoc dicitur infra §. 5. Juramentum Litis Decisorium definiri potest, quòd sit Juramentum litis finiendæ causa à parte litigante præstitum. Subdividitur in Voluntarium, Judiciale, & Necessarium. Non est exacta hæc divisio; nam etiam Judiciale voluntarium est, & Necessarium Judiciale. Hinc accuratius potuisset dividi in Judiciale, & Extrajudiciale, & Judiciale primum subdividi in Voluntarium, & Necessarium. Verùm divisio prior à communi DD. approbatione sustinetur: quam etiam ego in tractatione hac sequar. Quare sit.

## §. II.

## De Juramento Voluntario.

## S M M A R I U M.

- 10 Quid sit Juramentum Voluntarium?
- 11 Quis deferre illud possit?
- 12 13 Quis non deferre?
- 14 15 Quibus deferri possit?
- 16 In quibus causis?
- 17 An etiam in Causa criminali?
- 18 Quid requiratur, ut legitime præstetur?
- 19 Quamdiu revocari à deferente possit?
- 20 21 Qui sint ejusdem effectus?
- 22 An vim habeat etiam contra tertium?
- 23 An rescindi possit, postmodum detecto perjurio?

Queritur 1. quid sit Juramentum Voluntarium, & unde nomen acceperit? Resp. Voluntarium inde dicitur, quia ex libera partium voluntate deferitur, & ex libera earundem voluntate suscipitur; potest enim is, cui deferitur hoc Juramentum, non tantum referre illud, sed omnino etiam recusare, & si malit, ad viam Juris recurrere: si tamen præstetur, controversiam finit; quia, ut l. Jusjurandum 2. ff. h. t. dicitur, speciem Transactionis continet. Hinc ab aliis Conventionale appellatur; alii verò Extrajudiciale vocant, quòd extra Judicium deferatur, & præstetur.

Finis hujus Juramenti est litem finire, & controversias dirimere absque Judiciali strepitu: servit maximè iis, qui probationibus aliis destituuntur, & metu expensarum ad finem controversiæ spontè properant.

Definiri potest, quòd sit Juramentum, quod ex conventionione pars parti extra Judicium deferat sub ea conditione, quòd velit ab ulteriori processu abstinere, & Juramento stare, si pars, cui delatum est, illud præstiterit. Ita quoad rem omnes, & colligitur ex l. Jusjurandum 17. princ. & l. in duobus 28. ff. h. tit.

Queritur 2. quis deferre Juramentum Voluntarium possit? Resp. deferre potest omnis ille, qui potest pacisci, & liberè de re controversa disponere; quia hoc Juramentum ex conventionione deferitur l. Jusjurandum 17. cit. princ. & l. qui jurasse 26. §. Jurisjurandi 2. ff. h. tit.

In specie deferre illud potest 1. Dominus habens rerum suarum administrationem, etque perinde, siue is Actor sit, siue Reus; nam & Reus juramentum rectè deferat actori l. in duobus citat. §. fin. l. eum qui 30. ff. eod. & cum Zoef. hic nu. 31. Konig nu. 45. docent communiter DD.

2. Prælatus in rebus suæ Ecclesiæ, Tutor in rebus sui pupilli, Curator in rebus sui Clientis l. Jusjurandum 17. cit. Haun. tom. 5. de J. & J. tr. 4. num. 929. Zoef. Konig l. cit. Ratio est, quia rerum istarum liberam administrationem habent à Jure sibi concessam.

3. Servus, & filiusfam. in rebus concernentibus peculium suum, si liberam illius administrationem habeant l. servus 20. & duabus seqq. ff. h. tit. Zoef. n. 32. Haun. n. 932. Konig l. cit.

4. Procurator, si habeat speciale mandatum, vel generale quidem, cum libera tamen, i. e. cum administratione omnium bonorum, aut si in rem suam Procurator sit l. 17. cit. §. fin. l. Jusjurandum 34. §. defensor 1. ff. h. t. Secus dicendum, si habeat solum generale mandatum ad litem l. alias 18. & seq. ff. eod. Zoef. n. 31. Haun. nu. 930. Konig l. cit. Ratio est, quia mandatum est stricti Juris; Procurator autem simpliciter, & ad litem datus tantum præsumitur datus ad petendum, & non ad deferendum, Jusjurandum, sicut nec ad transigendum.

Queritur 3. quibus potestas non sit deferendi hoc Juramentum? Resp. hoc patet ex n. præc. videlicet nemo potest Juramentum istud deferre alteri in re aliena, neque in sua, si liberam illius administrationem non habet. In specie illud deferre non potest 1. Pupillus sine autoritate Tutoris l. 17. cit. §. pupillus 1. & l. jurisjurandi 32. ff. eod. 2. Prodigus, furiosus, mente captus, & his similes, quibus rerum suarum administratio denegata est l. tutor 35. §. prodigus 1. ff. h. tit. 3. Filii in re Patris, Servus in re domini sui: item in re peculiari, si non habeant administrationem liberam l. servus 20. & duabus seqq. ff. h. tit.

De Mi-



De *Minore* controversia est, non quidem, quando is Curatorem non habeat; tunc enim certum est, quod juramentum deferre possit; quia liberam rerum suarum administrationem habet, & celebrare alios actus legitimos potest; sed de eo tantum, qui habet Curatorem. Quo casu satis communis sententia est eorum qui cum Ant. Perez, & aliis RR. affirmant, etiam hunc absque Curatoris autoritate Juramentum istud deferre posse, ita, ut nisi intra tempus Jure statutum restitutionem in integrum petat, Juramentum teneat. Videtur deduci ex *l. nam posteaquam* 9. §. si minor 4. ff. hoc tit. Rationem dant, quia cui solvi potest, ille etiam deferre Juramentum potest, ut colligitur ex leg. 17. cit. §. 2. ubi dicitur ideo à Tutore, vel Curatore deferri Juramentum posse, quia etiam solvi eidem potest; atqui minori solvi potest: ergo &c.

- 13 Probabilior videtur negativa, quam sequitur Zas. in l. 11. §. 4. n. 13. Zoel. hic n. 32. Haun. tract. 4. cit. nu. 926 Ratio est, quia delatio Juramenti est quædam pactio tendens ad alienationem, seu amissionem Juris, cui præjudicari potest per Juramentum delatum; atqui Minor sine autoritate Curatoris, si talem habeat, non potest ita contrahere, ut si contrahat, non habeat opus restitutione in integrum *l. si Curatorem* 3. C. de in integr. restit. minor. ergo &c.

Neque obstat *l. nam posteaquam* cit. quia, ut bene advertit Haun. n. 927. ibi non dicitur, quod minor in casu illius Legis detulerit juramentum sine Tutoris autoritate, quem habuit, sed potius colligitur oppositum, sc. quod aut Curatorem non habuerit, aut si habuit, ejus autoritas intervenerit; quia contractus supponitur validus futurus fuisse, si laus non fuisset. Ad Rationem additam l. 17. cit. adduntur etiam alia, quæ simul sumpta sufficiunt, ut dicatur Curator in rebus pupilli Juramentum deferre posse, & inter hæc præcipue est, quia alienare potest; igitur etsi solvi minori possit, non tamen exinde probatur, quod etiam Juramentum deferre possit. Deinde non ita simpliciter solvi potest minori, sicut Curatori, ut videre est apud Interpretes in *l. ait Prator* ff. de minor. nam si minor perdat pecunias sibi solutas, non interveniente autoritate Curatoris, restituitur in integrum actione contra debitorem instituta; & hinc non ita tutum est solvere minori, ac solvere Curatori.

- 14 Quæritur 4. quibus deferri Juramentum voluntarium possit? Resp. deferri potest omnibus, qui ex conventionne sibi, vel aliis actionem, aut exceptionem quærere possunt, neque in hoc discrimen est aut sexus, aut ætatis, aut conditionis *l. qui jurasse* 26. princ. ff. hoc tit. In specie illud deferri potest 1. Pupillo leg. qui jurasse princ. cit. cui non obest *l. iurjurandum* 34. §. pupillo 2. ff. hoc tit. ubi Ulpianus, Pupillo, inquit, non desertur *Jusjurandum*; quia eo textu Jurisconsultus solum loquitur de juramento judiciali, ut §§. subsequentes indicant, 2. minori arg. *l. jurass. princ. cit.* 3. Servo in causa domini *l. si servus* 23. & *l. sed & si* 25. h. tit. 4. Filiof. in causa patris, & vicissim leg. qui jurasse citat. §. si pater 1. & leg. multo magis 24. ff. eod. 5. Tutori in re pupilli, Curatori in re minoris arg. *ll. cur. 6. Procuratori in re principalis l. nam posteaquam* 9. §. *Jusjurandum* 6. ff. eod.

Cuicumque autem deferatur juramentum voluntarium, in arbitrio suo positum habet, an velit illud præstare, vel referre, vel omnino recusare; nam idcirco voluntarium dicitur, ut n. 10. *suprà* monui. Ratio est, quia, ut *l. iurjurandum* 2. ff. hoc tit. dicitur, iuramentum istud est quædam pacti, & transactionis species; transactio autem, sicut & quælibet pactio voluntariam causam habet: Imò, si is, cui delatum est juramentum istud, illud referat deferenti, neque deferens præstare id cogitur, sed liberè illud recusare potest, cum ex utraque parte planè liberum, & voluntarium sit.

- 15 Neque obstat *l. iurjurandum* 17. cit. in princ. ubi Paulus Jurisconsultus, *Jusjurandum*, inquit, quod ex conventionne extra Judicium desertur, referri non potest; nam textus hic ita intelligendus est, ut referri hoc juramentum nequeat cum effectu, ut deferens illud sibi relatum præstare debeat; alioquin potest referri, & perinde erit, ac si referens ab initio detulisset. Unde uterque liberimus erit, ut juret, vel non.

Duo tamen casus excipiendi sunt, quibus præstari

ab eo debet, cui delatum est. Primus est, si inter partes ita convenierit; quia ex tali conventionne factum est necessarium. Secundus, si semel susceptum sit; nam semel susceptum à suscipiente recusari non potest amplius, nisi pro confesso haberi velit. Vvesenbec. ff. hoc tit. n. 8. Valleng. §. 5. n. 1. Haun. r. 4. cit. n. 965. Konig n. 49. & ratio est, quia licet susceptio hujus juramenti initio sit liberæ voluntatis, suscepti tamen præstatio evadit necessitatis arg. *l. sicut* 5. C. de O. & A.

Quæritur 5. in quibus causis deferri juramentum voluntarium possit? Resp. in omni re controversa; neque enim regulariter loquendo est ullum privatæ controversiæ genus, super quo illud deferri, aut præstari non possit *l. ait Prator* 3. §. in quacunque 1. ff. hoc tit. De triplici causa specialis est difficultas, de causa matrimoniali, de professione Religiosa, & in causis criminalibus.

Ad 1. difficultas solvitur distinguendo, videlicet juramentum deferri potest, quando agitur de matrimonio primum contrahendo, seu sponsalibus arg. c. præterea 2. & c. requisivit 17. de sponsal. at quando agitur de matrimonio, jam contracto, deferri quidem juramentum potest pro matrimonio, ut semel initum servetur; non autem contra matrimonium, ut semel contractum dissolvatur arg. c. fin. de Transact. Bartol. in l. ait Prator cit. Gutier. de Matrim. c. 38. n. 1. Gaill. l. 2. obs. 94. n. 13. Haun. tom. 5. r. 4. n. 946. Konig hic n. 51. & novissimè Clariss. P. Schmier Proceff. Judic. c. 11. n. 58. Ratio est, quia etsi in arbitrio partium sit matrimonium, propter dissensum invalidum, posito novo consensu revalidare, non tamen est in potestate illarum illud, si aliquando validè sit contractum, dissolvere, cum vinculum inducat indissolubile.

Ad 2. eadem est responsio, quæ confirmatur à pari cum matrimonio carnali; nam ab hoc validum est argumentum ad matrimonium spirituale, quod contrahitur per professionem Religiosam, cum à pari procedant ambo *can. sicut vir* 11. caus. 7. q. 1. & c. inter corporalia 2. de translat. Episc.

Ad 3. convenit inter DD. teste Haun. loc. cit. num. 17. 943. quod in causa criminali juramentum tum voluntarium, tum judiciale Actor possit deferre reo: quo casu prodest reo, sed tantum quoad personam Accusatoris, ut eum denuo accusare non possit; quoad alias personas extraneas, & quoad judicem de crimine inquirentem juramentum non prodest juranti.

Dissensio est, an reus illud deferre Actori possit? Negant Salicet. in l. admonendi 31. r. 3. & seqq. ff. hoc tit. P. Konig hic n. 52. P. Schmier loc. cit. n. 97. & alii apud istos, saltem quando agitur ad pœnam corporis afflictivam, ex duplici ratione, 1. quia reus non est dominus suorum membrorum *l. lib. 13. princ. ff. ad Leg. Aquil.* igitur delatione juramenti exponere se nequit probabili periculo mortis, vel mutilationis, 2. in causis criminalibus requiruntur probationes luce meridiana clariores *l. fin. C. de probat.* talis autem non habetur per juramentum Actoris; ergo &c.

Sed probabilius tenetur sententia affirmativa, quæ cum Zasio in *l. ait Prator* cit. à n. 13. Haun. num. 945. & aliis concedit absque discrimine in causa criminali Juramentum tam voluntarium, quàm judiciale à reo deferri actori posse. Ratio est, quia jura indistinctè loquuntur, neq; adest aliqua causa distinguendi; neq; enim rationes pro sententia adversa allatæ tam efficaces sunt.

Ad 1. potest quis utique in periculum capitis sui fateri crimen, quod commisit, neque per hoc ipse diffinitio de capite suo, sed definitionem causæ relinquit Judici; quare non igitur etiam poterit reus cum simili periculo Juramentum deferre accusatori? Ad 2. Confessio propria est probatio omnium efficacissima, ut majori luce non indigeat; sed accusatore ad delationem rei jurante, ipse reus fateri censetur crimen; nam ut *l. quoniam* 5. ff. de his, qui notant infam. dicitur, intelligitur confiteri crimen, qui paciscitur. atqui deferre juramentum est pacisci; nam idem est, ac si diceret: Volo reus esse, si juraveris; ergo &c.

Quæritur 6. quid requiratur, ut legitimè præstetur voluntarium Juramentum? Resp. 1. præstari debet, alio deferente: nam Juramentum ultro neque, quod nullo deferente quis præstat, nullum operatur effectum, nec in Judicio defenditur *l. ait Prator* 3. princ. ff. hoc tit. ubi ratio additur, quia sibi juravit? & alioquin facillimus



qui, que ad iurandum decurrens, nemine sibi deferente iurandum, oneribus actionum se liberabit, 2. deferri debet hoc Iuramentum extra Iudicium; nam per hoc præcipue distinguitur à Judiciali, quod pars parti in Iudicio defert, 3. is, cui delatum est, præstare id debet inta tempus, ad quod delator restrinxit; nam postea præstitum nihil iuranti prodest, neque qui detulit admittere illud debet *l. non erit 5. § fin. ff. hoc tit. 4.* præstari debet sub eo modo, sub quo delatum est; nam aliter præstitum ratum non habetur *l. ait Prator cit. § fin. & l. qui per salutem 33. ff. eod. 5.* non debet esse revocatum à deferente; nam præstitum, postquam revocatum est, non prodest, cum perinde sit, acsi delatum non fuisset *l. si quis 11. C. de reb. credit.*

19. Quæritur 7. quamdiu Iuramentum voluntarium revocari à deferente possit? Resp. revocari potest, usque dum is, cui delatum est, illud præstiterit, ut colligitur ex *l. si quis cit. & tradit ibid. Glossa Haun. tract. 4. cit. num. 960. König hic num. 57.* Proceditque hoc, etsi susceptum sit ab eo, cui delatum est, & sic completa quasi conventio aliqua inter delationem, & qui delatum suscepit: non enim aliter facta est ista quasi conventio, nisi sub conditione, si deferens nolit Iuramentum delatum à se revocare: hinc, nisi expresse renuntiet juri revocationis, semper illud sibi reservare censetur.

Neque dicas: Quod semel placuit, amplius displicere non potest; nam regula hæc locum duntaxat habet in casu, quo Lex illud non permittit, non vero in casibus, ubi illud concedit Lex, ut sit in nostro, & pluribus aliis. Aliquos tantum pro exemplo refero; sic enim 1. mandatum contractum evanescit, si revocatum fuerit, quando res adhuc est integra *§ rectè 9. Inst. de mandat. 2* in societate nemo invitus permanere cogitur *§ manet 4. Inst. de Societat. 3.* universum in contractibus innominatis sine consensu alterius licet recedere, dummodo res sit integra, & ex parte alterutrius contractus non sit impletus *l. si pecuniam 5. ff. de condict. caus. dat. caus. non secut.* quidni igitur hoc dici poterit de Iuramenti revocatione?

Sed nec iniqua est huiusmodi revocatio, cum sic magis præcludatur via peccandi, dum is, qui propter Instrumenta fortè noviter reperta Iuramentum revocat, alteri facultatem adimit pro libidine sua pejerandi.

20. Quæritur 8. quis sit effectus Iuramenti voluntarii? Resp. est duplex, alius proximus, alius Remotus. Proximus est decisio rei, vel causæ, inter partes controversæ: is enim, qui deferente Adversario iuravit rem suam esse, aut se debitorem non esse, victor evadit, nec minus acquirit Juris, quam si cum adversario transigisset, aut sententiam Judicalem pro se obtinisset *l. iurandum 2. ff. hoc tit.*

Remotus est *Actio infactum*, & *Exceptio Juratoria*. Si actor iuravit, reo deferente, vel postquam ad delationem Iuramenti paratum se ostendit, remissum ei est Iuramentum, actori, & ejus hæredibus datur *Actio infactum* contra reum, qui detulit, ejusque hæredes, & petitur hac actione, ut præstetur, quod deberi actori ab Adversario iuratum est *l. nam posteaquam 9. § iureiurando 1. & § fin. l. sed si 11. § item si 2. l. si duo 13. § si quis 3. & duob. seqq. ff. hoc tit.* Si reus iuravit deferente actore, vel postquam paratum se ostendit, remissum ei est iuramentum reo, ejusque successoribus tum universalibus, tum singularibus, sicut & fideiussoribus competit *Exceptio Juratoria* contra illum, qui Iuramentum hoc detulit, ejusque successores; intendit hac exceptione reus elidere actionem, contra se intentandam obijciendo iuramentum voluntarium à se præstitum ad delationem Actoris, & cum iuraverit nihil se debere, petit absolvi à debito *l. ait Prator 7. l. etiam 8. l. nam posteaquam 9. § iureiurando 1. l. in duobus 28. quod reus 1. ff. hoc tit.*

21. Res. in exemplo patebit clarius e.g. Ego dico, quod Patens meus defunctus Titio dederit mutuos 1000. fl. & quia scio Titium nondum restituisse, solutionem ab ipso repeto: negat Titius absolute se aliquid debere vel mutuum se accepisse: ego, cum Chirographum non habeam, neque testes, eo, quod ii, qui interfuerunt, fortasse mortui sint, non possum probare sufficienter debitum, quod tamen scio reipsa contractum.

Hoc casu, si Titio mihi Iuramentum deferente, illud præstem, ex hoc Iuramento conceditur mihi actio, qua mutuum coram Iudice repetere possim à Titio; si vero in contrarium Titius, me deferente, iuravit absolute mutuum se non accepisse, exceptio Iuratoria datur Titio, qua se adversum me obijciendo Iuramentum voluntarium à se præstitum defendat, & elidat actionem à me adversus se intentandam: nam hoc præstito Iuramento, non amplius quæretur de debito, sed tantum de Iuramento, an scilicet præstitum sit sub ea lege, conditione, sub qua delatum est; quæstio enim, num debeat, remissa est, cum sufficienter probata sit Iuramento *l. non erit 5. § dato 2. ff. hoc tit.*

Dixi Si Titius absolute neget se aliquid debere, vel mutuum se accepisse; nam si mutuum se accepisse fateatur, sed dicat se iam solvisse non debeo incaute deferre eidem Iuramentum, cum solutionis factæ probatio non mihi incumbat, sed Titio.

Quæritur 9. an Iuramentum voluntarium, intet partes præstitum, vim habeat etiam adversus tertium qui Iuramentum nec detulit, nec in deferentis locum successit? Resp. adversus hunc Iuramentum nihil prodesse iuranti *leg. ait Prator 3. § fin. leg. nam posteaquam 9. § fin. leg. quia 10. ff. hoc tit.* ubi etiam ratio redditur, quia non debet aliis nocere, quod inter alios actum esset.

Majoris dubii quæstio est, an ex Iuramento, quod extraneo alicui delatum est in causa tangente tertium atque ab eo præstitum, huic tertio acquiratur actio? Negat Ant. Faber 1. *conject. 4.* & alibi, eo quod regula universalis sit, quod nobis per extraneum actio non acquiratur.

Affirmativa tamen, teste Frisio, est in foro recepta, & Juri quoque valde consentanea *l. fin. § sed & si 2. ff. hoc tit. ibi sed & si actore deferente, defensor absentis, vel presentis iuravit, eum, quem defendit dare non oportere, exceptio iurisjurandi, cuius nomine iuratum fuerit, dari debet.* Neque obstat, quod hoc textu fermo sit de defensore, qui est Judicialis negotiorum gestor; nam si ex hujus Iuramento exceptio quæritur tertio, nempe defenso, quidni hoc etiam fiet per Iuramentum præstitum à negotiorum gestore extrajudiciali, qualis esset in casu nostro ille extraneus Iuramentum præstans in causa tertii.

Ad argumentum contrarium respondet Haun. *tract. 4. cit. num. 939.* actionem in proposito non acquiri directe, & immediate, sed indirectè & per consequentiam, quatenus nempe deferens Iuramentum cedit Jure suo, & vult non habere Jus, si extraneus iuret eum non habere jus; extincto ergo jure, non videtur exceptio neganda illi, in cujus favorem extraneus iuravit.

Quæritur 10. an Iuramentum voluntarium, detecto postmodum perjurio, possit retractari, & rescindi? Affirmat Ant. Faber *decad. 19. de Error. pragmat. error. 5.* Sed etsi sententia hæc sit multo æquior, tamen de rigore Juris præferenda videtur, quam Vvesenbec. *ff. hoc tit. nam. 8. Eckoldt ibid. § 14. Zoef. hic nu. 42. Haun. tract. 4. cit. num. 966. König nu. 61.* & his testibus communissime DD. tenent, scilicet Iuramentum voluntarium, præstitum etiam cum perjurio, non posse potius retractari, & rescindi, sed regulariter loquendo Judici Ordinario judicandum esse, secundum quod iuratum est. Constat ex *l. causa 1. Cod. de reb. credit. ibi, Causa iureiurando ex consensu utriusque partis -- decisa, nec perjurii prætextu retractari potest, nisi specialiter hoc Lege excipiat;* colligitur etiam ex *l. non erit 5. § dato 2. ff. hoc tit.* Rationem dat Haun. *loc. cit.* quia conventio hoc actum est, ut si alter audeat jurare, sit delatori acquiescendum Iuramento; ergo si non excipit causam, quo detegeretur perjurium, tota conditio sufficienter impletur per præstitum Iuramentum; & ille, qui iurat, non alio sensu, vel lege recipit delationem Iuramenti, quam quia vult imposterum securus esse à molestia litis.

Dixi 1. regulariter; nam 1. excipitur, quando ita conventum est, ut contra Iuramentum, ab una parte præstitum, admittatur pars altera ad iurandum contrarium; tunc enim censetur retractatum prius iuramentum per posterius, quodcumque horum perjurium fuerit, 2. in causa legari, vel Fideicommissi ex testamento præstandi; tunc



tunc enim detecto perjurio, retractatur juramentum *l. fin. C. de reb. credit.* ubi jurans sibi legatum aliquid esse, si postea ex tabulis appareat nihil legatum esse, ex juramento suo lucrum non habere deciditur, sed quod accepit, repetitur, 3. si suprema potestas in penam perjurii vellet ejusmodi Juramentum rescindere, & pejerantem condemnare, quod utique potest, cum ipsius sit crimina non relinquere impunita.

## §. III.

## De Jurejurando Judiciali.

## S U M M A R I U M.

24 Quid sit juramentum Judiciale:

25 Quis illud deferre possit?

26 27 28 29 An reo Actor, qui nihil probavit?

30 Cui deferri possit?

31 Exceptiones.

32 33 In quibus causis possit deferri?

34 Quid requiratur, ut legitime deferatur?

35 36 Effectus delati, & prestati?

37 38 39 Semel delatum, & acceptatum à deferente revocari non potest.

24 **Q**uæritur 1. quid sit juramentum Judiciale, & quomodo à Voluntario differat? Resp. juramentum judiciale est, quod approbante iudice, pars parti in iudicio deservit ea lege, ut si jurare ausit, absque ulteriori processu victoriam obtineat. Ita quoad rem omnes. Judiciale dicitur tum à loco, in quo deservitur, tum à iudice, qui delatum approbat, & eum, cui delatum est, vel solvere, vel jurare cogit *l. iusjurandum 34. §. ait Prætor 6. ff. hoc tit.*

Differt à juramento voluntario supra descripto, 1. quia juramentum voluntarium deservit pars parti extra Judicium; Judiciale in ipso iudicio, 2. par, cui delatum est juramentum voluntarium, non cogitur illud subire; sed recusare id potest, si malit per viam Juris procedere, & in iudicio litigare; at cui delatum est juramentum Judiciale, illud subire cogitur, aut similiter, referre id deferenti debet, ut n. 30. dicam, 3. juramentum voluntarium ex sola utriusque partis libera voluntate pendet; in Judiciali autoritas iudicis intervenire debet, qui, si iustum illud esse perpexerit, aliquando illud etiam jubere potest.

25 **Q**uæritur 2. quis deferre juramentum Judiciale possit? Resp. deferre illud potest fere omnis ille, qui voluntarium Juramentum deferre potest; nec Actor duntaxat reo, sed etiam Actor reus, ut colligitur ex leg. generaliter 12. princ. Vers. omne igitur Cod. de reb. credit.

Controversia inter DD. est, an Actor, si nihil omnino probaverit, deferre reo Juramentum Judiciale possit cum effectu, ut hic teneatur delatum præstare, vel referre, aut solvere? Affirmant Jalon in *l. manifeste 38. ff. hoc tit. n. 3.* Fachin lib. 1. contr. cap. 19. Vvesenbeck ff. hic n. 9. Zoel. ibid. n. 35. Gilcken in *l. in bona 3. C. de reb. credit. num. 7.* Vinn. lib. 1. select. quasi. cap. 42. Engl hic num. 16. Probant 1. ex *l. manifeste cit.* ubi generaliter sine distinctione dicitur, manifeste turpitudinis, & confessionis esse nolle nec jurare, nec iusjurandum referre, 2. ex *l. tutor 35. princ. ff. eod.* ubi dicitur tutorem pupilli, omnibus probationibus aliis deficientibus, iusjurandum deferentem audiendum esse, 3. ex *l. generaliter 12. C. de reb. credit.* ubi habetur juramentum reo non tantum circa finem causæ, sed etiam in principio litis, adeoque antequam aliquid probatum sit, deferri posse. 4. a pari; nam actor ante omnem probationem libellum, & articulos positionales porrigere potest iudici, & reus ipso interrogante ad illos, antequam quidquam probatum sit, respondere cogitur. Igitur non est ratio, cur non etiam ante omnem probationem deferre eidem Juramentum possit, 5. In hoc casu is, cui Juramentum deservitur, constituitur Iudex, & testis in propria causa; igitur non est, quod conqueri possit, sibi delatum Juramentum esse, antequam à delatore aliquid probatum esset; quia potius per hoc accipit beneficium.

26 Negativam defendunt Bartol. in *l. 3. C. de reb. credit.* Ripa in lib. 31. ff. hoc tit. Abb. in o. fin. §. sane num. 1. eod. Schmalzgrueber Tom. II.

Menoch. lib. 1. de præsumpt. q. 81. num. 2. Mascard. vol. 2. de probat. concl. 958. num. 7. & alii plures. Moventur 1. quod actor non probante, reus sit absolvendus, etsi nihil præstiterit, i. e. nihil probaverit, non Juraverit *c. fin. cit. §. sane & l. qui accusare 4. C. de edend. 2.* Actore plenè probante suam intentionem, reus ita condemnatur, ut illum ad iurandum provocare non possit *c. sicut 2. de probat.* ergo eodem actore nihil probante absolvi debet reus, neque cogi ad iurandum poterit; nam actor, & reus non debent ad imparia iudicari *l. fin. C. de fruct. & lit. expens. 3.* Non sunt petendæ probationes ex domo rei *l. qui accusare cit. & l. nimis grave 7. C. de testib. & actor, qui ad iudicium accedit, debet propriis probationibus reum convincere, quale non est Juramentum delatum reo: quod egregiè confirmat Justinianus Imp. dum *l. si quis 11. princ. ff. de reb. credit. satis absurdum est, inquit, --- cum aliam probationem convolverit, tunc denuo ad religionem (Juramenti) convolare.**

Conciliari utraque sententia media distinctione potest, qua utuntur Haun. tom. 5. de J. & J. tr. 4. an. 987. Vviesner hic n. 26. & novissimè Clariss. P. Schmier process. judic. c. 11. n. 132. & seqq. Vel enim actor probationibus destitutus est, ita, ut neque præsumptionem pro se aliquam habeat, vel etsi probationem proprie dictam, i. e. ex testimoniis, vel instrumentis desumptam nullam adducat, præsumptione tamen aliqua non levi iuvatur. Si primum, deferri reo Juramentum ab actore nequit, sed absolvi debet à iudice; si secundum, compelli ad iurandum, vel Juramentum referendum potest. Utrumque satis efficaciter videtur probari ex *c. fin. §. sane cit. ibi: Sanè si Actor omnino in probatione defecerit, reus debet (etsi nihil præstiterit) obtinere; præsumptione vero faciente pro illo, reo deferri potest, ad ostendendam suam innocentiam juramentum, nisi iudex (inspectis personarum, & causa circumstantiis) illud actori videat deferendum.* Ecce! quando non adest saltem præsumptio, ne iudici quidem permittitur deferre Juramentum reo, sed iubetur pro reo pronuntiare; ergo pariter sine eiusmodi præsumptione non potest Juramentum ab Actore delatum parti approbare autoritate sua. Ratio est, quia Juramentum nec à parte deferri potest, nec à iudice approbari, quando deest necessarius iuramenti comes, iudicium, sive rationabilis causa iurandi. Hic autem deest, quando actor nec probationem aliquam fecit, nec præsumptione iuvatur. Certè si tali casu liceret Juramentum deferre reo, nemo satis defenderetur adversus iniustas hominum improborum impetitiones; quia utcumque probationibus destituti forent, juramentum deferre possent, & sic ad iurandum compellere eos, quos nequitia sua vellent esse oppressos.

Neque dicas 1. causam rationabilem iurandi esse ipsam probandi necessitatem, & veritatis manifestationem; nam ubi Actor ad iudicium temere provocavit, nulla se probandi necessitate tueri potest; ita autem provocasse non absque ratione præsumitur, qui nec probationem aliquam, nec præsumptionem pro se potest adducere. Non dicas 2. hoc modo sæpe ius suum non obtenturos, qui vel maximè illud habent, cum non raro contingat, ut pecuniæ dentur mutuae, nec Apocha petita, nec testibus ad actum adhibitis; proin si mutuarius neget sibi mutui nomine datum aliquid, nisi juramentum deservit mutuans ei possit, jure suo innocens cadet. Respondeo enim, hoc casu sibi imputare mutuantem debere, quod cautelae Iuris in mutuo dando non adhibuerit. Accedit, quia si Juramentum deferre Actor reo posset, etsi pro se præsumptionem nullam haberet, sæpissime contingeret, ut qui nec iure, nec probatione munitus est, fingeret se mutuas dedisse pecunias. Non dicas 3. reum delatione iuramenti non gravari, quippe qui Juramentum sibi delatum vel præstare potest, si velit, vel referre; dico enim sufficienter gravari, quod absque causa jurare, & iurando onus probandi debeat in se suscipere; & etsi referre Juramentum possit, hoc tamen tutum non semper est; quia is, qui litem temere eidem intentate non reformat, etiam non horrebit petere.

Argumenta primæ sententiæ potius confirmant nostram. Ad 1. *l. manifeste citat.* intelligenda est de eorantem, qui recusat prædare Juramentum sibi delatum casu, quo adversus ipsam probationem, vel præ-



sumptio militat; nam hac seclufa nolle jurare, vel juramentum referre [nec turpitudinis, nec confessionis est, cum istud faciens utatur jure suo. *Ad 2. l. tutor cit.* dicitur audiendus tutor pupilli, omnibus aliis probationibus deficientibus, quia pro eo, quod ex officio publico negotia pupilli curet, præsumptio non modica fiat, præsertim cum causa pupilli sit favorabilis. *Ad 3.* licet probatio in exordio litis cesset, adesse tamen potest præsumptio, quæ ad deferendum juramentum judiciale sufficiat. *Ad 4.* negatur paritas; nam respondendo ad articulos positionales causa in judicio controversa non deciditur, sicut tamen vim litem finienda habet juramentum in judicio delatum parti. *Ad 5.* patet responsio ex *n. præc. v. non dicas 3.*

30 Quæritur 3. cui deferri possit juramentum judiciale? Resp. ferè omni, qui potest deferre, quique vel est dominus rei controversæ, vel loco domini. Is autem, cui delatum est, jurare cogitur, nisi justam causam recusandi alleget, ac probet, cur jurare non debeat, vel nisi juramentum sibi delatum deferenti alteri parti, seu Adversario suo referre velit *c. fin. hoc tit. & l. generaliter 12. junct. Glossa V. vel referatur C. de reb. credit.* Neque obstat, quod juramentum etiam judiciale voluntarium simpliciter sit, & pars in parrem potestatem non habeat cogendi, ut deferendo juramentum jurare debeat; nam approbatione judicis quodammodo necessarium sit, ut alternative aut jurare cogatur is, cui delatum est, vel deferenti juramentum illud referre. Si referat, is, cui relatum est, necessario præstare id debet, nisi causa justa eundem excuset *l. iusjurandum 34. § datur 7. ff. hoc tit.* ubi ratio indicatur, quia scilicet non debet displicere conditio iurisjurandi ei, qui detulit illud prior. Hinc iterum discrimen est inter juramentum voluntarium, & judiciale; nam voluntarium absque omni causa recusari potest, & si referatur, is, cui refertur, non obligatur jurare; judiciale autem non ita liberum est, ut vidimus. Quod si is, cui delatum est hoc juramentum, nec juret, nec referat, sed simpliciter recuset juramentum, idque sine justa causa, si reus sit, condemnatur tanquam convictus ad satisfaciendum petitioni actoris; si Actor, repellitur à limine judicii *l. iusjurandum cit. §. fin.*

31 Dixi *sine justa causa*; nam plures sunt exceptiones, ob quas reus delatum sibi juramentum judiciale simpliciter recusare potest, ut videre est apud Hent. Canis. in *c. fin. hoc tit. n. 3.* Layman *ib. n. 3.* Gonzalez *n. 2.* Haun. *tr. 4. cit. à n. 980.* Vallens. *hic § 5. n. 4.* Pirhing *n. 88.* Engl *à n. 22.* König *n. 68.* Sannig *c. 5. n. 2.* Et 1. quidem, si is, qui defert hoc juramentum, nolit jurare de calumnia ad petitionem actoris *l. iusjurandum 34. §. qui iusjurandum 4. ff. hoc tit.* ubi statuitur, tum tandem præstandum juramentum delatum, cum deferens juramentum de calumnia à se petitiu præstiterit, 2. Si deferenti vel ob fori incompetentiam, vel alia ex causa actio non competat *l. tutor 35. §. fin. ff. cod.* Idem dic, si aliunde qui defert juramentum, deferendi potestatem non habet *l. tutor cit. § prodigus 1. 3.* Si qui semel detulit, & revocavit, denuo illud deferat *leg. si quis 11. Cod. de reb. credit.* quia absurdum est redire ad hoc, cui renuntiandum putavit, 4. Si deferatur super facto alieno ignoto ei, qui juramentum deferatur, ut quandoque sunt hæredes, tutores, curatores, procuratores &c. esset enim nimis grave ignorantes -- *sub alieni compendii emolumento, etiam perjurium anceps sapere*, ut dicitur *l. videamus 4. princ. ff. de in lit. jurand.* 5. Si is, cui deferatur, jam ante intentionem suam plene probaverit testibus, aut aliis legitimis probationibus, vel ita probare eandem velit *c. sicut 2. de probat.* ubi dicitur ad juramentum tunc solum recurrendum esse, cum alia probationes legitimæ defecerint, 6. Denique si Judici, consideratis circumstantiis, visum fuerit liberare à juramento eum, cui delatum est; nam ut bene advertit Engl *hic n. 28.* res hæc plurimum ab arbitrio Judicis pender: & hinc si viderit illum, qui recusat juramentum, & paratus est alias probationes exhibere, esse virum honestæ famæ, bonæ conscientiæ, & fidei probatæ, poterit eum liberare à juramento: at si ex conjecturis, & circumstantiis appareat juramentum recusari solummodo protrahendæ litis causa, & alias probationes exhiberi tantum ad palliandam falsitatem; poterit urgere Judex, ut juramentum deponat is, cui delatum est.

Quæritur 4. in quibus causis deferri juramentum Judiciale possit? Resp. in omni causa, quæ in Judicio proponi potest, prout colligitur ex *leg. ait Prator 3. § quacunque 1. & seqq. ff. hoc tit.* & docet Ummius *process. judic. D. 14. n. 36.* Pirhing *n. 39.* König *n. 69.* & alii. In iisdem causis regulariter delatum etiam referri potest; nam hoc juramento huic est proprium.

*Excipitur tamen 1.* in facto alieno; tunc enim si actor factum illud plene probare non potest, & propterea in supplementum necessariæ probationis Juramentum parti colliganti deferat, non potest ista Juramentum sibi delatum referre, nec recusare, sed præstare illud debet, & si præstare renuat, cogi à Judice ad illud poterit, vel pro confesso habetur, prout sumitur ex *l. Marcellus 11. § jurare 2. & seqq. ff. de æst. rer. amor. & docet Abb. in c. fin. hoc tit. n. 11.* Pirhing *hic n. 88.* Ratio est, quia tunc actor licet recusat juramentum sibi à reo relatum præstare ob periculum perjurii, si juraret de facto alieno, quod ponitur ipsi non satis notum, hoc ipso, quod probare illud plene non possit. Casus hujusmodi esse potest, quo actor reperit e. g. in arca paterna instrumentum debiti, quod plenam probationem non facit; nam eo casu si is debitori juramentum deferat, cum is melius supponatur scire, quid debeat, quam actor, qui debitum controversum non credidit, Juramentum sibi ab actore delatum referre non permittitur.

*Excipitur 2.* in actione famosa, seu infamantem v. grat. furti clandestini; nam eo casu, si actor Juramentum reo deferat, non potest iste licite illud referre, ut habetur *cap. fin. citat.* & notat *ibidem* Abb. *num. 12.* Pirhing *num. 88. citat.* Ratio est, quia in ejusmodi causis reus plerumque melius scit veritatem, quam Actor, siue Accusator, cum reo tanquam de facto proprio certo constet, actor tanquam de facto alieno sæpe non habeat certam scientiam; quo fit, ut bona conscientia relatum sibi Juramentum præstare nequeat, ne, ut in exceptione *præc. dixi*, se periculo perjurii exponat. Procedit autem hoc solum, quando furtum est tale, de quo actor scientiam habere nequeat; nam si furtum non clandestinum, sed apertum sit, factum e. gr. præsentis actore, ita, ut etiam ipse scientiam de furto habeat, eo casu etiam in actione famosa reus actori Juramentum referre potest, ut docent Abb. Pirhing *loc. citat.*

Sed neque universaliter, & sine discrimine in actionibus famosis deferre semper Juramentum licet, sed distinguendum est, an criminaliter agatur de crimine famoso, an solum civiliter. Si criminaliter de crimine famoso agitur, in iis causis Actor reo deferre Juramentum potest, in quibus licitum est transigere; quia Juramentum vim transactionis habet, saltem ita, ut præstito juramento, Actor repelli debeat, quamvis alius possea de eodem crimine accusare, vel Judex procedere ex officio possit, Si civiliter de crimine famoso agitur, iterum distinguendum, an agat actor ad proprium interesse, an ad interesse plurium, vel totius communitatis, quæ dicitur *Actio popularis*. Si primum, actor reo in actione famosa deferre Juramentum potest: si secundum, non potest *l. 1. & seqq. ff. de popular. Action. Abb. in c. fin. cit. n. 13.* Pirhing *hic n. 93.*

Quæritur 5. quid requiratur, ut legitimè deferatur Juramentum Judiciale? Resp. 1. requiritur, ut deferens habeat potestatem illud deferendi, 2. Ut deferatur coram competente Judice, qui ordinarie est Judex causæ, super qua Juramentum deferatur, vel ejus Commissarius, 3. Ut Judex auctoritate sua delatum approbet, 4. Ut delatio fiat adversa patte, vel ejus Procuratore præsentem, nisi post legitimam citationem contumaciter non compareat, 5. Ut fiat de tali re, & in tali causa, in qua deferri possit, 6. Ut actor juramentum deferens juvetur saltem aliquibus præsumptionibus non levibus, & arbitrio Judicis æstimandis; quæ omnia patent ex hæcenus dictis.

Quæritur 6. quis sit effectus juramenti Judicialis? Resp. alius est, quando delatum est, alius, quando præstitum. Delati effectus est, quod debeat præstari, vel referri secundum dicta *n. 30.* nisi is, cui delatum est, pro confesso haberi velit. Præstiti effectus complures sunt; nam 1. ex juramento isto datur Actio, & Exceptio, ut omnes agnoscunt, juratoria secundum aliquos



Secundum alios judicari; utra verò re ipsa competat, parum interest hujus loci, 2. Ejus præstatio cedit pro probatione *l. non erit* 5. § *dato 2. l. nam posteaquam* 9. § *jurjurando* 1. *l. sed si* 11. § *fin. ff. hoc tit.* 3. Eandem sequitur sententia condemnatoria, vel absolutoria Judicis *l. jusjurandum* 34. § *fin. ff. eod.* tantæ firmitatis, ut appellari ab illa nequeat *l. generaliter* 12. § *si ve autem* 3. *C. de Reb. credit.* 4. causa jurejurando sic decisa non retractatur per instrumenta postea de novo reperta, nisi specialiter hoc excipiatur lege *l. causa* 1. *C. eod.* vel nisi consensu ipsorum litigantium occasione instrumentorum de novo repertorum efficiatur, ut alia feratur sententia, per quam prior, quæ in rem judicatam transit, rescindatur *l. latam* 1. *C. quæd. provocat. non est neceff.* Ratio est, quia juramentum Judiciale non minus, ac voluntarium speciem transactionis habet, quæ regulariter per instrumenta de novo reperta non rescinditur *l. sub prætextu* 19. *C. de transact.*

36 Extendunt hoc communiter DD. etiam ad casum, quo is, cui delatum est juramentum Judiciale, perjurium fecit; nam etiam hoc detecto, putant retractari sententiam ex illo latam non posse, nisi sub hac Legge delatum sit, vel per probationes in contineri paratas, quæ altiore indagine, vel longiore dilationem non requirunt, is, contra quem juratum est, juramenti falsitatem demonstrare paratus sit. Quod equidem de juris rigore verum est, ut ex *l. causa* 1. *C. de reb. credit.* clare satis colligitur, & procedit etiam in praxi, si dubium duntaxat perjurium sit. Cæterum æquitate spectata, ubi certum perjurium est, videtur retractari sententiam ex eo à Judice latam posse, cum dolum manifestum contineat, ex quo etiam rescindi transactio potest. Eodem modo intellige etiam ea, quæ *supra* n. 23. de juramento voluntario sunt dicta.

37 Quæritur 6. an juramentum Judiciale, semel delatum, & acceptatum, à deferente revocari possit? Affirmant Ummius de *process. D. 14. th. 4. n. 28.* & *th. 11. n. 65.* Serferus *tract. de juram. l. 4. c. 6. n. 26.* Haun. *tom. 5. de J. & J. tr. 4. n. 960.* Zoel. *ff. hoc tit. n. 37.* Fundantur 1. textu *l. si quis* 11. *C. de reb. credit.* ibi: *Siquis jusjurandum intulerit, postea (supote sibi allegationibus abundantibus) hoc revocaverit; & paulo post: Siquis autem Sacramentum intulerit; & hoc revocare maluerit, licere quidem ei hoc facere &c.* 2. Quia iniquum est, ut aliquis, altero invito, constituatur in causa propria simul arbiter, & testis: quod fieret, si revocari juramentum delatum, & acceptatum non posset, 3. Quia Sacrilegio proximum est perjurii aperire januam; aperiretur autem, si revocationi hoc casu locus non foret, 4. Quia in cæteris conventionibus, præsertim Judicium respicientibus, licet penitere *l. si convenerit* 18. *ff. de Jurisd.*

38 Sed retinenda est negativa sententia, quam etiam defendunt Mascard. de *probat. vol. 2. concl. 959. n. 11.* & 12 Schneidevv. in *§ item si* 11. *inst. de action. n. 79 & seq.* Barbosa in *l. si quis cit. n. 3.* Gilken *ibid. n. 1.* Brunnem. *n. 6.* & *seqq.* Catpov. *Jurisp. for. p. 1. conf. 12. def. 4.* Berlich. *conclus. pract. p. 1. concl. 32. n. 3.* & novissime R. P. Schmier *process. Judic. c. 11. n. 161.* aliique ab hoc *citt.* Ostenditur 1. ex communi regula, quod ea, quæ semel deliberatè placuerunt, nequeant ulterius displicere *Reg. nemo* 75. *ff. & Reg. semel.* 21. ac *Reg. mutare* 33. de *R. J. in 6.* præcipuè in Judiciis, ubi, quæ semel maturo consilio peracta sunt, fiunt regulariter immutabilia, ne cum publico detrimento vel lites nimium protelentur, vel Judicia reddantur elusoria, 2. Quia in mutuis conventionibus, invita altera parte, non licet recedere *l. sicut* *C. de O. & A.* atqui juramenti Judicialis decedere, ut dictum est n. 35. *fin.* 3. Quia per dilationem juramenti quæritur acceptanti jus illud referendi, vel præstandi, quod jus eidem invito auferri non debet *l. id quod* 11. *ff. de R. J.* ne quod tantum maximum expediendarum litium remedium à jure inventum est, fomentum fiat earum dilatandarum, & vexandorum hominum.

39 Neque urgent Argumenta opposita. *Ad 1. l. si quis cit.* intelligenda est, ubi iusta causa revocandi adfuerit, qualis esse censetur, si deferens probationes in contineri paratas habeat; quod supponere in *loc. cit.* videtur Imperator ibi, *supote Allegationibus sibi abundantibus.* *Ad 2.* id sibi imputare deferens juramentum debet, quod illud sponte detulerit, cum juxta regulam Schmalzgrueber Tom. II.

*l. sicut cit.* quæ ab initio sunt voluntatis, postmodum fiant necessitatis. *Ad 3.* perjurio præcluditur sufficienter janua, quod deferenti Juramentum, si paratas, & abundantes probationes habeat, illud revocare permissum sit. *Ad 4.* textus *l. si convenerit cit.* potius confirmat nostram sententiam; quia ibi solum permittuntur adire alium Judicem, qui jurisdictionem alieni in se prorogare voluerunt extra judicium; cæterum si prorogatio facta sit in ipso judicio, penitendi potestas eisdem aperte negatur per *l. consensisse* 2. *princ.* & *l. ubi acceptum* 3. *ff. de Judic.*

## §. IV.

## De Jurejurando Necessario.

## S U M M A R I U M.

- 40 Quid sit juramentum Necessarium?
- 41 A quo deferri possit?
- 42 An etiam à Judice, parte non petente?
- 43 Cui deferri possit?
- 44 45 46 Regule in hoc observandæ:
- 47 Causæ, in quibus deferri potest: ubi excipiuntur criminales.
- 48 Quamvis agatur ad panam pecuniariam:
- 49 Famosæ.
- 50 Civiles arduæ.
- 51 Matrimoniales.
- 52 Aliæ, quæ liquidas probationes exigunt:
- 53 Requisita, ut legitime deferatur hoc Juramentum:
- 54 Quædam notanda.
- 55 Effectus hujus Juramenti delati.
- 56 57 Præstiti.

Quæritur 1. quid sit Juramentum Necessarium? Resp. 40 Juramentum Necessarium est, quod Judex, causa cognita, ob inopiam probationis plenæ uni ex litigantibus deferat. Ita quoad rem omnes.

Necessarium dicitur; tum quia necessario deferretur à judice, qui, ne litem faciat suam, omittere illud non potest, si ita petatur à parte; tum quia delatum præstatum necessario, neque referri potest, aut recusari si ne iusta causa urgente, nisi succumbere, & causa cadere velit ille, cui deferretur.

Differt à voluntario, & judiciali prius explicatis; quia non ex voluntate partium, ut ista duo, sed à judice vel ad instantiam partis, vel ex officio deferretur ad indagandam veritatem.

Finis ejusdem est vel firmare intentionem jurantis aliàs non satis probatam, vel purgare conscientiam suspecti. Hinc duplex ejusdem est Species Suppletorium, & Purgatorium. Suppletorium est, quod judex deferat parti, quæ semiplene probavit, ut ejus adminiculo probatio compleatur, Purgatorium verò, quod judex imponit ei, qui suspicionibus oneratus est, ad inde se purgandum, & ostendendam innocentiam suam.

Quæritur 2. à quo deferri possit hoc juramentum? 41 Resp. deferri potest à judice tam Ordinario, quam delegato; nam *l. maximum* 1. *l. admonendi* 31. *ff. hoc tit.* & *l. in bonâ* 3. *l. generaliter* 12. *princ. C. de reb. credit.* loquuntur generaliter. Idem dicendum videtur de Arbitro nam arbitria ad formam judicii redacta sint *l. compromissum* 1. *ff. de recept. qui arbitr.* Barbosa in *cap. 32. hoc tit. num. 1.* Zoel. *hic n. 31.* Konig. *n. 77.*

Porro deferri juramentum hoc judex potest non solum ad instantiam partis, sed etiam ex officio, parte non petente, si ita expedire, & æquum esse judex putaverit, ut cum probabiliori defendit Abb. in *c. fin. § sanè num. 15. hoc tit.* Barbosa in *c. 32. eod. num. 3.* Gaill. *l. 1. obs. 108. n. 4.* Maschard. *concl. 958. n. 47.* Haun. *tom. 5. de J. & J. tract. 4. num. 1014.* Pirhing *hic n. 58.* Konig. *n. 78.* Ratio est, quia judex cuncta rimari, & pro veritate eruenda modis omnibus laborare debet *can. judicantem* 11. *caus. 30. quæst. 5. leg. Judices* 9. *Cod. de Judic.* & quodcumque æquitas postulat, interrogare litigantes in judicio potest *l. ubicunque* 21. *ff. de interrog. in Jur. faciend.* ergo etiam juramentum parti deferre potest, ut veritate cognita, iustè judicet. Neque obstat, quod alias Judex impertiri officium suum non



debeat, nisi petenti juxta *leg. des cautioni* 4. § *hoc autem* 8. ff. *de dam. infect.* id enim intelligendum duntaxat est, quod Judex in causa Civili vocare reum in Judicium nequeat, nisi ejus officium ab actore imploratum fuerit; nam postquam semel Judicium coeptum est, multa facere potest, quæ actor non petit.

An verò etiam teneatur Judex deferre hoc Juramentum, parte non petente, controversitur inter DD. affirmantibus quibusdam, aliis negantibus. *Qui affirmant*, deducunt istud ex *leg. in bona* 3. *Cod. de reb. credit.* ubi Judici imponitur necessitas quædam recurrendi ad juramentum, quando alioquin non facile potest causam dicere. *Qui negant*, illud colligunt ex *cap. fin.* §. *sane hoc tit.* ubi dicitur, quod Judex illud possit deferre, non autem, quod deferre debeat. Utrique sententiæ aliquid tribui potest, si cum Haun. *tract. 4. cit. num.* 1019. dicatur, non quidem tantam necessitatem esse, ut si non delato Juramento, procederet ad absolutionem Rei, propterea sententia esset invalida, esse tamen necessitatem quandam moralem, ita, ut hoc omisso, Judex non censetur exactissime fecisse officium suum, sed aliquo modo reprehensibilis esse. Primam responsionis partem, si aliquid probat, probat textus *cap. fin. citat.* Alteram *l. in bona cit.* ubi verbum oportet saltem moralem quandam necessitatem indicat; & confirmatur ex § *sane citat.* ubi expresse verba diriguntur ad Judicem, ejusque prudentiæ committitur, an actori, vel reo velit deferre Juramentum. Igitur cum ex communi doctrina, quando verba Legis ad Judicem diriguntur, censenda sint requirere illius officium, non solum poterit, sed etiam debeat (non tamen alia, quam morali necessitate) deferre hoc juramentum, etiam non petitis.

43 Quæritur 3. cui deferri possit juramentum necessarium? Variæ sunt sententiæ. *Prima* tribuitur Azori, Accursio, & Baldo, vultque hoc Juramentum deferendum reo; *Secunda* adscribitur Bartolo, Jafoni, Seraphino, & quibusdam aliis, juxta quos debet deferri actori. *Tertia*, & communis cum Vallens. § 5. *hoc tit. num.* 11. Zoel. *num.* 39. Pirhing *num.* 89. König *n.* 80. Sannig *cap. 5. num.* 6. putat id Judicis arbitrio relinquendum, ut, cui putat esse æquius ad veritatem obtinendam, illud deferat; & videtur hoc colligi ex *c. fin.* § *sane cit. in fin.* modò ille, cui defertur, persona Legalis, ac talis sit, quæ mereatur fidem; qui enim sunt inhabiles ad testificandum in causa aliena, à fortiori inhabiles erunt ad testificandum per Juramentum in causa propria, cum erga rem propriam impensiori, quam erga alienam, affectu ducamur. Ummius *loc. cit. th.* 14. *n.* 19. & passim DD.

Porro, ut facilius in hoc negotio Judex ferre possit Judicium, juvari potest sequentibus Regulis, 1. Si Actor in probatione omnino defecit, seu nihil probavit, reus, etsi nihil præstiterit, obtinere, sive absolvi debet, etiam sine juramento. Ita Glossa *in lib. 3. Cod. de reb. credit. in notat.* & colligitur aperte ex *cap. un. ut Eccl. Benef. fin. dim. confer. & cap. fin. hic*, juxta quos textus, actore non probante, reus, etsi nihil præstiterit, est absolvendus. Ratio est, quia actor accedens ad Judicium propriis, & non è domo Rei petitis probationibus hunc debet convincere; ideoque absurdum est, cum aliam probationem desperaverit, tum demum ad Religionem Juramenti convolare. Neque obstat *l. tutor* 35. ff. *hoc tit.* ubi, deficientibus aliis probationibus, permittitur juramentum; nam ut *num.* 27. explicavi, ad deferendum reo juramentum requiritur saltem, ut pro actore stet præsumptio.

44 2 Si actor præsumptionem pro se habet, reo Juramentum deferri potest ad sui purgationem; probabilius autem actori eo casu juramentum suppletorium judex deferre nequit, ut post Bartol. *in l. 3. C. de reb. credit.* advertit Abb. *in c. fin.* § *sane cit. num.* 8. tum quia rei favorabiles potius, quam actores habentur *l. favorabiles* 125. ff. *de R. J.* tum verò maxime, quia cum juramentum tantum semiplene probet, & actor non semiplenam probationem, & præsumptionem tantum pro se attulerit, plena probatio per juramentum non efficeretur.

3 Si Actor semiplenè probavit intentionem suam, reus verò nihil probavit, & pro defensione sua aliud nihil præstiterit, quam quod negat intentionem Actoris,

Actori potius deferendum est juramentum, quam reo. Menoch. *de arbit. cas.* 190 *n.* 20. Facin. *l. 1. contr. cap.* 18. Ummius *D.* 14. *th.* 16. *n.* 87. Vinnius *select. quæst. l. 1. c.* 44. Engl *hic n.* 37. Vviesner *n.* 34. & novissimè P. Schmier *process. Judic. cap.* 11. *n.* 177. & duob. *seqq.* Colligitur ex § *sane cit.* ubi dicitur, quod Judex inspectis circumstantiis causarum, & personarum, actori juramentum suppletorium deferre possit. Nulla autem est major circumstantia, quæ movere Judicem possit ad deferendum juramentum Actori, quam cum is intentionem suam semiplenè probavit, reo contra nihil probante; tunc enim merito opinari potest, quod actor veritatem dicat, reus autem mentiatur.

4 Si semiplena probatio allata est ab utroque, juramentum deferendum est reo, ut patet ex § *sane cit.* & *l. admonendi* 31. ff. *hoc tit.* nisi actoris probatio propter dignitatem, vel integritatem personæ &c. dignior foret; tunc enim Juramentum huic deferendum esse existimat Facin. *cap.* 18. *cit. in fin.* Menoch. *nu.* 19. Rosbach. *prax. Civil. tit.* 67. *n.* 6. P. Vviesner *num.* 35. P. Schmier *num.* 18c, quod sic major esset probabilitas obtinendæ veritatis.

5 Si actor plene probavit, reus contrarium probavit 45 semiplene, sententia fertur pro actore, & juramentum reo non deferitur, necesse deferri potest. Abb. *in cap. fin.* § *sane cit. num.* 10. Durand. *specul. tit. de juram. delat. nu.* 10. P. Vviesner *num.* 35. *cit.* P. Schmier *num.* 183. Ratio est, quia plena probatio Actoris infringi non potest per contrariam rei semiplenam, cum in Judicio is obtineat qui plenius probavit. Excipitur, si probationes utriusque non sint contrariæ, sed composibiles, ut fieret, si Actor probasset plene mutuum à se datum Cajo, Cajo semiplene probasset solutionem mutui à se factam; tunc enim obstante plena probatione Actoris, Juramentum à Judice deferendum est reo, nisi etiam contra hanc exceptionem actor plenam probationem asserat. Ratio est, quia juramentum suppletorium deferendum est illi, qui semiplene probavit id, cujus oppositum Adversarius nullo modo probavit. Atqui hoc modo res se habet in casu controversiæ; nam licet Actor plene probaverit se mutuum dedisse; nullo tamen modo probavit semiplene non fuisse factam solutionem; unde reus se habet hic ut actor; Actori autem semiplene probanti defertur juramentum suppletorium, quando Adversarius contrarium non probavit, ut prius dictum est. Ergo &c.

6 Si tam Actor, quam reus plene probarunt intentionem, tunc iterum considerandum est, an probationes sint contrariæ, vel composibiles. Si composibiles sint, ut in casu *num. prac.* probatio exceptionis enervat intentionem Actoris, & cons. non est opus juramento suppletorio, sed sine hoc ferenda est pro reo sententia. Si contrariæ sint, e. g. quod Actor mutuum à se datum Cajo plene probet per duos testes, Cajo per alios duos testes plenè probet mutuum se ab Actore non accepisse, iterum judex attendet ad qualitatem personarum, & alias circumstantias, & illi deferret Juramentum, in quo major est probabilitas obtinendæ veritatis. Si omnia sint paria, posset quidem Judex reum absolvere, si tamen Juramentum deferendum putet, potius reo deferret, cujus melior, & favorabilior est conditio.

Quæritur 4. in quibus causis deferri juramentum necessarium possit à Judice? Resp. Juramentum necessarium in supplementum probationis regulariter à Judice deferri potest in quavis causa, quæ specialiter jure non excipitur, ut patet ex *leg. ait Prator* 3. §. *in quacunque* 1. ff. *hoc tit.* & *leg. in bona* 3. *Cod. de reb. credit.* Ratio est, quia Juramentum suppletorium est de genere permissorum, ac proinde deferri potest in omnibus causis non exceptis.

Excipiuntur autem 1. *Causæ criminales criminaliter intentatæ*; nam in his licet reo ad sui purgationem juramentum à Judice deferri possit *c. fin.* § *sane hoc tit.* non tamen potest actori deferri juramentum suppletorium ad complendam probationem, si tantum semiplenè probavit. Ita Menoch. *de Arbitr. cas.* 464. *n.* 2. Pacian. *de Probat. lib.* 1. *cap.* 39. *nu.* 11. Facin. *lib.* 1. *contr. cap.* 15. Haun. *tom.* 5. *de J. & J. tr.* 4. *n.* 1038. Vvesembec. ff. *hoc tit.* *n.* 10. Vvagn. *in c. fin. cit.* Vall. *hic* § 6. *n.* 2. Pirh. *nu.* 95. Engl *n.* 35. König *n.* 84. Vviesner *n.* 36. Ratio est, quia in cri-



in criminalibus causis criminaliter intentatis requiruntur probationes plenissimæ, & quæ sint luce meridiana clariores *l. fin. C. de probat.* & necesse est reum esse vel confessum, vel convictum, ut condemnari possit *l. qui sententiam 16. C. de pœnis*, talis autem probatio, quæ habet solum ex juramento actoris supplementum suum, non potest dici luce meridiana clarior. Ergo non juramentum, sed tortura potius est adhibenda, ut semiplena actoris probatio confirmetur confessione Rei. Si vero iste nec in tortura fateatur crimen, vel talis persona sit, quæ ob dignitatem suam torqueri non debeat, potius debet absolvi, cum hoc fiat sine præjudicio tertii, & melius sit decem nocentes absolvi, quam unum innocentem condemnari.

48 Proceditque hoc, etiam si ex crimine non agatur ad pœnam corporalem, sed ad pecuniariam applicandam fisco, ut contra Clar. §. *fin. q. 63. n. 3. Berlich. concl. pract. p. 1. concl. 54. num. 7. & seqq. Carpz. p. 1. concl. 23. def. 11. n. 4.* & alios probabilius docent Menoc. *de arbit. cas. 464. num. 3.* Haun. *tr. 4. cit. num. 1039.* & probari videtur ex *can. sciant. 2. caus. 2. q. 8. & l. fin. C. de probat.* ubi in causis criminalibus sine distinctione requiruntur probationes evidentes. Ratio est, quia causæ criminales, etiam leves, dicuntur quavis causa civili graviore. Atqui in causa civili ardua, ut mox diceretur, non potest deferri hoc Juramentum. Ergo &c. Aliud est, si de crimine ad pœnam pecuniariam agatur solum civiliter; nam tunc si actor intentionem suam probavit semiplenè, & actio non sit famosa, ex communi DD. opinione juramentum suppletorium deferri potest. Et ita intelligendus est textus *l. ait Prætor 3. §. quacunque 1. ff. h. titul. ibi: Pœnali actione*, & *cap. fin. eod. ibi: famosa actione*: quod colligitur ex verbo *Actione* utroque in loco usurpato; ubi enim criminaliter agitur, dicitur potius accusatio, quam actio *l. de fide 16. C. ad Leg. Cornel. de fals.*

49 Excipiuntur 2. *causæ omnes famosæ*, in quibus condemnatus sit infamis, e. g. causa furti, injuriarum, usurarum; quia infamia per se loquendo est malum civile gravissimum, & prudenter multis jactura bonorum, imò & morte gravius *l. iusta 9. princ. ff. de manumiss. vindict. Vivian. inc. fin. h. tit. Laym. ib. d. n. 3. & 4. Barbosa n. 1. Haun. tr. 4. cit. n. 1046.* & hoc Teste communis, & vera sententia. Potest tamen eo casu Judex reo deferre juramentum Purgationis, ut expresse habetur *l. furti 6. §. sed etsi 4. ff. de his, qui not. infam. & l. Lex Cornelia 5. §. hac lege 8. ff. de injur. & famos. libell. ibi: Hac Lex permittitur &c.* Ex quo confirmatur 1. exceptio; nam si in hujusmodi causis famosis jura vellent juramentum suppletorium deferri posse actori, profecto iniquum esset, juramentum purgationis deferri reo. *Conf. 2. ex c. fin. §. sane cit.* ubi in actione famosa non permittitur reus referre juramentum sibi delatum. Ergo supponitur etiam non permitti, ut actori deferatur; nam si illi deferri posset, à fortiori permetteretur referri.

50 Excipiuntur 3. *causæ Civiles*, etiam non famosæ, sed valde arduæ, & magnæ, quæ causis criminalibus æquiparantur. Mynsing. *cent. 1. obs. 18. num. 4. Gaill. l. 2. obs. 94. num. 8. Mascard. de probat. concl. 958. num. 30. Laym. l. 4. Theol. mor. tract. 3. cap. 5. num. 3. dist. 2. Barbosa in capit. 2. de prob. num. 48. Vallens. hic §. 6. num. 2. Pirh. num. 96. Engl. num. 35. Kopig. num. 82. Vviest. num. 38.* Ratio est, quia hoc casu ob suspicionem perjurii juramentum non faceret semiplenam probationem, sed tantum indicium, & præsumptionem. Hinc si actor in hujusmodi causa plusquam semiplenè probavit, ita, ut valde parum de plena probatione desit, etiam in his causis juramentum suppletorium reo deferri potest. Idem dicendum, si is, contra quem agitur, de mendacio, vel perjurio antea convictus fuit; nam hic, si alia adminicula concurrant adversus ipsum, pari debet, ut contra eum in alia causa, etsi magna, juretur in supplementum probationis. Quenam autem sint causæ arduæ, & magnæ, judicis arbitrio deferri solet. Menoch. *de arbit. cas. 190. n. 18.*

51 Excipiuntur 4. *Causæ Matrimoniales*; quia etiam ipsæ graves, & arduæ esse censentur, cum agatur quasi de statu hominis, & per illud quodammodo servitus constituitur. Gloss. *c. Mulieri 34. P. absolutio h. tit. Mascard. concl. 958. cit. n. 43. Barbosa in c. 34. cit. n. 4. Haun. tr. 4. cit. n. 1044. Vall. §. 6. cit. n. 4. Pirh. hic n. 97. Vviest. n. 39.*

Ubi tamen distinguendum est, an agatur de matrimonio dissolvendo, an de eodem contrahendo, vel contracto sustinendo. Si primum, satis convenit inter DD. Juramentum suppletorium probationis à judice illo casu deferri non posse, cum non conveniat tam grave negotium religioni conjugis impedimentum asserentis committere; unde opus eocalu erit, ut plenæ afferantur probationes de impedimento. Si secundum, & is, qui post semiplenam probationem deferri sibi juramentum petit, sit probitate, & integritate conspicuus, & inferiorem, vel certè non superiorem in Matrimonium petat, ad instantiam ipsius supplementum probationis deferri potest à judice, prout colligitur ex *cap. mulieri cit. ibi: præstito Juramento*. Idem quoad hoc dicendum de *Matrimonio Spirituali*, sive *Professione Religiosa*, ut notat Pirh. *l. cit.* nam validum est argumentum à Matrimonio carnali ad spirituale, & à pari procedunt.

Excipiuntur 5. omnes illæ causæ, in quibus Lex, vel statutum requirit legitimas manifestas, liquidas, indubitatas, plenas, & evidentes probationes. Haun. *n. 1050.* Ratio est, quia intentio statuti est requirere tales probationes, quales in criminalibus requiruntur per *l. fin. C. de probat.* hoc ipso enim, quod velit fieri probationes plenas, excludere censetur supplementum probationis, quæ est quædam probationis relevatio. Admittunt tamen etiam in his causis aliqui juramentum suppletorium deferri posse actori, si plusquam semiplenè probaverit intentionem suam, & insuper alia indicia, & præsumptiones probationem ejusdem adjuvent; quod Haun. *num. 1051.* concedit in iis casibus solum, in quibus hoc sufficere concedunt jura, & Doctores; in aliis negat.

Quæritur 5. quid requiratur, ut juramentum hoc dicatur legitimè delatum parti? Quid requiratur, ut juramentum purgatorium legitimè delatum sit, diceretur *Libr. 5. Tit. 43. depurgat. Canon.* Ut juramentum Suppletorium legitimè deferatur, plura sunt requisita, quæ enumerant Marant. *de Ordin. Judic. part. 6. titul. de juram. num. 4. & seqq. Mynsing. cent. 1. num. 1. & seqq. Pax Jordan. libr. 24. titul. 22. num. 146. & seqq. Haun. tom. 5. tract. 4. à num. 995. Vvagn. in cap. fin. h. tit. Pirh. hic num. 91. König num. 85.* Sunt autem sequentia 1. ut à Judice deferatur, & quidem prævia cognitione causæ *l. in bonæ 3. C. de reb. credit.* Constituit autem ista cognitio causæ potissimum in eo, ut Judex bene consideret, & attendat circumstantias tum causæ, in qua deferretur, tum personæ, cui deferretur, an utrobique adsint omnia, quæ ad deferendum hoc juramentum requiruntur à jure. 2. Ut deferatur altera parte præsentem, vel citata ad videndum deferri; alioquin non valeret, ut cum aliis notat Gaill. *l. 1. obs. 108. num. 8.* ubi tamen addit, hoc non observari in Camera, sed sufficere citationem ad totam causam. 3. Ut deferatur ei, qui veram scientiam rei habet per sensum corporeum; quia sic jurans æquiparatur Testi, qui si deponat tantum de credulitate, & non de visu, vel alio sensu corporeo, regulariter nihil probat, ut dictum est *Tit. 20. num. 115. 4.* Ut is, cui deferretur, sit persona honesta, & bonæ vitæ; nam personæ vili, & suspectæ de perjurio non deferretur, quippe quæ nec in aliena causa, licet illi minus afficiatur, pro Teste admittitur. *Tit. 20. cit. n. 28. 5.* Ut causa non sit ardua, seu gravis, & magni momenti; nam in causis arduis, & criminalibus non deferretur juramentum suppletorium actori, ut dictum est *n. 47. & seqq. 6.* Ut sit semiplenè probatum, & quidem concludenter, atque ita, ut dicta semiplena probatio non sit elisa in aliquo per contrarias probationes; nam alias non faceret plenam probationem, cum ipsum Juramentum per se tantum faciat semiplenam. 7. Ut deferatur, vel saltem petatur deferri ante conclusionem in causa; nam post conclusionem in causa non amplius deferri potest ad instantiam partis: cum illa probationibus, & conf. juri petendi juramentum suppletorium renuntiarit.

Circa hoc ultimum requisitum sequentia adverti debent. 1. Deferri hoc juramentum posse, etiam post publicatas Attestationes: imò tunc omnium optimè deferretur; quia tunc solum potest constare parti, quantum in causa probatum sit, ut consulere sibi juramentum petendo possit. 2. Sufficere, si ante conclusionem in causa petitum sit, licet post conclusionem in causa deferatur à judice, vel præstetur à parte. 3. Regulariter hoc



hoc juramentum deferri posse usque ad conclusionem in causa, nisi certus terminus probatorius assignatus esset: ubi distinguendum, an terminus probatorius assignatus sit simpliciter v. g. dicendo, *Probationes fiant intra tres septimanas*, an sub terminis universalibus, & extensionem significantibus, nempe per omne genus probationis. Si primum, sic constituendo terminum videtur Judex respexisse ad probationes propriè tales, & cons. licebit, etiam elapso termino probatorio, petere juramentum. Si secundum, præsumitur ejus intentio voluisse coarctare terminum etiam ad Juramenti petitionem Haun. tom. 5. tract. 4. citat. num. 1027. Contrarium tamen defendit Ummius th. 17. num. 92. 4. Post conclusionem in causa partem non amplius posse petere delationem juramenti; quia cum post attestationem publicationem pars scire possit, utrum intentionem suam plenè probaverit, hoc ipso, quod juramentum non petierit, sed in causa concluderit, censetur falsa fuisse jus partis adversæ: unde si illud deferri velit post conclusionem in causa, non allegata causa probabili ignorantia, vel alterius impedimenti, præsumptio est contra ipsum, quod sciens causam non satis bonam habeat, cum auxilium adeo facile tempore à jure constituto adhibere neglexerit. 5. Judicem ex officio tam ante, quam post conclusionem in causa juramentum istud deferre posse, ut cum aliis advertit Gaill. l. 1. obs. 108. num. 4. & 5. Ratio est, quia Judex cuncta rimari, & pro habenda veritate omnibus modis laborare debet. Deinde judici in causa nunquam concluditur l. ubicunque 21. ff. de interrog. in jur. faciend. ergo si ita necessarium esse judicet ad ferendam justam sententiam, poterit juramentum istud deferre Judex.

55 Quæritur 6. quis sit effectus juramenti necessarii? Resp. juramenti Purgatorii effectus est purgatio suspicionis, de quo iterum ex instituto. lib. 5. tit. 34. de Purg. Can. Juramentum suppletorium quoad effectum dupliciter spectari potest, sc. ut delatum, & præstitum.

*Delatum* operatur absolutam necessitatem illud præstandi; neque enim referri illud adversario, vel recusari potest, nisi ex justa causa, ut habetur in cap. fin. h. tit. l. generaliter 12. §. sed juramento 1. & §. seq. C. de reb. credit. & docent Marant. p. 6. tit. de juram. n. 2. Vvesenbec. ff. h. tit. n. 7. & 10. Vivian. in c. fin. cit. Layman ibid. n. 1. Gonz. n. 2. Barbosa n. 1. Vallens. §. 5. hic n. 10. Zoel. n. 34. König n. 80. Qui sine justa causa recusat juramentum istud sibi delatum à Judice, causa cadit, & contra illum pronuntiat Judex, cum tali casu causa id recusandi unica esse præsumatur merus perjurii. Gonz. nu. 2. cit. Sed neque Judex, postquam hoc juramentum aliquando detulit, remittere illud potest, sicut partes à se delatum possunt, ut colligitur ex l. in bona 3. C. de reb. credit. ubi expressè dicitur, quod causa cognita, rem Jurejurando decidi oporteat. Excipitur, si post delatum juramentum Judex adveniat, personam, cui delatum est, talem esse, cui deferri prohibeatur; tunc enim potest illud revocare arg. l. quod iussit 14. ff. de rejudic. Ratio est, quia lapsus est inculpabili ignorantia, quæ cum fuerit causa delationis, sequitur delationem fuisse involuntariam. Porro eadem causæ, quas supra n. 31. dixi esse justas, ut recusari possit juramentum judiciale, sufficiunt etiam, ut recusari juramentum necessarium possit: in quo ne insufficientes, & frivolæ afferantur, permittitur Judici, ut ipse examinet justitiam causæ, & si quam non satis justam invenerit, illam rejiciat, ita tamen, ut pars litigans, si in hoc injustè gravari se putet, appellare possit, ut colligitur ex §. sed juramento cit. junct. Gloss. V. auxilium.

56 Præstiti effectus est, quod probationem imperfectam integret, & perficiat, cons. faciat, ut sententia ferri debeat pro eo, qui juravit. Vallens. hic §. 7. n. 2. Haun. tract. 4. cit. num. 1031. König n. 89. Sannig cap. 6. n. 1. cum aliis. Ab hac tamen sententia non raturum iura decennium, ut in aliis sententiis, appellare est licitum, sed potest illa quocunque tempore ob Instrumenta noviter reperta retractari, & rescindi, etiam ab eodem Judice, ut habetur l. admonendi 31. ff. hoc tit. Ratio est, quia juramentum necessarium Judex ex inopia probationum detulit. Ergo copia probationum emergens illud infirmat. Accedit, quia in hoc juramento non intercedit consensus litigantium, cum Judex uni id deferat invito altero. Igitur æquum est hunc audiri, si per

Instrumenta noviter reperta probare possit adversarium jurasse falsum. Proinde cum l. sub specie 4. C. de re jud. & l. Imperatores 35. ff. cod. dicitur sententiam, quæ transiit in rem judicatum, instrumentis novis repertis non retractari, id intelligendum est, quando ordinaria cognitione, & probatione definita est lis, non verò quando inopia probationum ex Religione, & fide ipsius partis decisa est, ut bene advertit Vvesenb. ff. h. tit. n. 11. Estque perinde, si actor inveniat nova Instrumenta ad probandam intentionem suam, si reus ad ostendendam liberationem, & solutionem factam. Ratio est, quia reus est favorabilior actore, cons. quod actori permittitur, reo minimè denegari debet.

Idem aliqui dicendum volunt, cum novis Testibus 57 sententiæ per juramentum decise falsitas ostendi potest; nam etiam tunc rescindenda docent, eo, quod etiam Testes Instrumentorum appellatione contineantur l. Instrumentorum 1. ff. de fid. Instrum. Sed alii de hoc dubitant, & ostendunt, majorem esse rationem, quod sententiæ juramento late rescissio magis tribuatur Instrumentis noviter repertis, quam Testibus noviter productis; nam 1. in Testibus est periculum subornationis; quod non est in Instrumentis. 2. Frequentius accidit Instrumenta latentia de novo reperiri, quam inveniri novos Testes, qui intra terminum probatorium haberi non potuissent. 3. Universim in Testibus facilius fraus committitur, quam in productione Instrumentorum.

Quidquid de hoc sit, certum est ob Instrumenta noviter reperta rescindi sententiam juramento late posse. Neque obstat, quod id non fiat in juramento voluntario, & judiciali; nam disparitas est, quia juramentum necessarium deferretur à Judice, juramentum voluntarium autem, & judiciale à parte cum consensu alterius partis, adeoque rationem conventionis habet: quod autem semel conventionem mutua sopitum, transactumque est, non debet iterum sub specie Instrumentorum postea reperiuntur retractari, præsertim accedente juramenti Religionem.

## §. V.

### De Jurejurando in litem.

## S U M M A R I U M.

- 58 Quid, & quotuplex sit juramentum in litem?
- 59 Quis deferre possit?
- 60 Cui possit deferri?
- 61 Cui non?
- 62 An etiam heredi?
- 63 64 Contra quem deferri possit?
- 65 66 In quibus causis?
- 67 Quis modus illud præstandi?
- 68 An cogi quis ad illud præstandum possit?
- 69 Effectus hujus juramenti.
- 70 Finis.

Quæritur 1. quid sit *juramentum in litem*? Hæc est 58 altera, ut n. 9. dixi species juramenti Afferorii. *In litem juramentum* dicitur, quia principaliter in litem, aut potius in ipsam litis, i. e. rei in judicium deductæ æstimationem concipitur: unde etiam *Litis æstimatio*, seu *juramentum litis æstimatorium* dicitur. Definitur, quod sit *juramentum quo lis, seu res, de qua in judicio agitur, æstimatur* l. 1. & seqq. ff. de in lit. jurand. Vvesenb. ff. ibidem num. 2. Pax Jordan. libr. 14. tit. 22. num. 362. Haun. tract. 4. num. 1075. Vvagn. in Rubr. fin. hic, König num. 92.

Triplex dividitur, videlicet in juramentum Veræ æstimationis, juramentum affectionis, & juramentum super interesse singulari, seu extra rem. *juramentum veræ æstimationis*, seu *Veritatis*, ut alii vocant, est, quod deferretur ad cognoscendam quantitatem, seu verum valorem rei per alterius vim, aut dolum amissæ capit. fin. de iis, quæ vi metusque causa &c. l. in actionibus 5. §. sed in his 34. ff. de in lit. jur. *juramentum affectionis* illud dicitur, quod deferretur super æstimatione rei valde charæ ob dolum alterius amissæ, vel destructæ, non secundum valorem communem, & taxationem, sed secundum privatam affectionem, & utilitatem consideratæ l. vi.



*l. videamus* 4. §. *jurare* 2. ff. *eodem* *Juramentum super interesse singulari*, seu *extra rem* præstatur v. g. super dano, quod propter pecuniam e. g. alibi depositam, debito tempore non restitutam, deponens est passus, quia propterea vinum, frumentum &c. postea majori pretio debuit emere *l. nummis* 3. ff. *cod.*

Omnia hæc in judicio locum habent: neque obstat, quod in jure affectionis ratio non habeatur, sed tantum pretii, quod ex communi judicio, non singulorum utilitate desumendum est, ut habetur *l. 33. ff. ad leg. Aquil. l. 63. ff. ad Leg. Falcid. & l. 6. §. 2. ff. de operis servorum*; nam hæc jura loquuntur, seclusa pœna contumaciæ in restituendo, ob quam potest Judex, jure sic permittente, hac pœna afficere reum, ut debeat affectioni actoris, per juramentum taxandæ, satisfacere *l. rem. 1. & l. tutor* 8. ff. *de in lit. jur.* Huic ut juramentum affectionis deferri possit, opus est, quod is, cui deferretur, condemnatus sit de dolo, quo moram trahat in restituendo.

59 Quæritur 2. quis deferre juramentum hoc possit? Resp. cum distinctione; nam *Juramentum Veritatis* (idem dici debet de *Juramento super interesse singulari*) deferri potest non solum à Judice, sed etiam à reo, præsentem tamen Judice; *Juramentum Affectionis* autem à solo judice: si alius detulerit, vel eo non delato, juratum sit, nullum erit juramentum *l. videamus* 4. §. *deferre* 1. ff. *de in lit. jur.* Marant. p. 6. tit. *de juram. n. 16.* Haun. tom. 5. tr. 4. n. 1084. Konig hic n. 95. Ratio est, quia, ut num. præc. insinuatum est, juramentum affectionis deferretur in pœnam doli, & contumaciæ; solus autem Judex potestatem puniendi habet. Similis ratio non pugnat in juramento veritatis; nam eo juramento non coercetur dolus, & contumacia Rei, sicut per juramentum affectionis fit, & cons. rationem pœnæ non habet. Igitur etiam à Reo deferri poterit, cum ratio nulla sit restringendi.

Dubium est, an Judex necessatio deferre juramentum hoc debeat? Affirmat Ant. Faber, in hoc secutus Bartolum. Vera sententia distinguit: nam quando res dolo, & contumacia non restituta non amplius extat apud reum, tunc equidem ad officium Judicis spectat hoc juramentum deferre, & hoc modo contumaciam plectere. At si post contumaciam res adhuc extat, tunc est in arbitrio Judicis, an auferre rem à reo velit militari manu, an contra juramentum deferre actori *l. videamus* 4. §. *jurare* 2. & *l. in actionibus* 5. §. *sed judex* 1. ff. *de in lit. jur.*

60 Quæritur 3. cui deferri juramentum in litem possit? Resp. 1. potest deferri *Actori*, qui dominus litis est, & litem suo nomine contestatus est *l. vulgo* 7. ff. *de in lit. jurand.* Extenditur etiam ad agentem actione Publicana; nam licet eo casu non prætendat absolutè dominium, tamen pro domino, seu instar domini habetur, & consideratur, adeo, ut si in libello diceret se esse dominum, non reiiceretur; quia vocabulum *Dominus* intelligeretur acceptum in sensu latiore. Haun. tom. 5. tract. 4. nu. 1087. 2. *Tutori* in causa Pupilli, *Curatori* in causa Minoris Clientis sui, dummodo non ad suam, sed ad domini utilitatem Jurisjurandi estimationem referant, ut colligitur ex *l. videamus* 4. princ. ff. *de in lit. jurand.* & ratio est, quia licet domini litis non sint, in jure tamen loco domini habentur *l. tutor* 27. ff. *de administr. tutor & l. qui fundum* 7. §. *si tutor* 3. ff. *pro emptor.* Quia tamen rei, de qua agitur, utpote alienæ, justam ignorantiam habere possunt, cogendi non sunt, ut in litem hoc casu jurent, ne *sub alieni compendii emolumento perjurium anceps subeant*, ut dicitur *l. videamus* princ. cit. 3. *Hereditibus defuncti*, ita tamen, ut non de defuncti, sed sua jurent affectione: sufficit autem illos ab aliis sibi comparare notitiam, & de credulitate jurare, ut notat Eckolt in *l. 7. ff. de in lit. jur. §. 4.* & ex eo advertit Konig n. 100.

61 E contrario in litem jurare non potest 1. *Mater* pro filio; quia non est domina litis *l. videamus* princ. cit. 2. *Pupillus* etiam in causa propria princ. cit. & ratio est, quia etsi sit litis dominus, sicut & aliarum rerum quarumlibet, in judicio tamen sine Tutore non potest consistere *l. si cum esset* 1. C. *qui legit. person. stand. in judic.* sed Tutore auctore agit, & convenitur *l. in rebus* 2. C. *eodem* sicque non tam ipse litem contestari videtur, quam Tutor. Aliud dicendum de minore; nam iste,

etsi requirat in lite assistentiam Curatoris, in litem tamen jurare potest *l. videamus* princ. citat. in fin. quia litem nihilominus suo nomine contestari videtur. Haun. num. 1091. 3. *Procurator*; quia licet per litis contestationem evadat dominus litis, i. e. instantiæ, non tamen suo, seu principalis nomine eandem est contestatus. Pax Jordan. titul. 22. num. 367. Haun. num. 1086. Konig num. 97. Hodie tamen etiam Procuratorem, si is speciale mandatum habeat, juramentum hoc in mandantis animam præstare posse cum Rosbachio notat Haun. num. 1088.

Dubium est, an juramentum in litem delatum actori, qui acceptavit quidem illud, sed antequam præstaret, mortuus est, deferri postea hæredi ejusdem possit? Resp. distinguendo: aut enim constat sufficienter, eum, cui delata est Jurisjurandi conditio, paratum fuisse ad jurandum, quia v. g. seipsum obtulit, vel procuratori à se constituto speciale ad hoc mandatum dedit; aut contra non satis constat defunctum paratum fuisse ad sic jurandum. *Si primum*, testatur Mynsing. cent. 1. obs. 13. in Camera decisum esse, non solum hæredibus juramentum deferri posse, sed perinde esse, acsi defunctus jurasset ipse, eo quod mors tali casu loco juramenti sit, cum quilibet ibi præsumatur esse memor salutis suæ, nec velle mori in tam peccaminosa voluntate alterum injuriæ, & cum injuria lædendi. *Si secundum*, videndum, an hæredes sufficientem rei notitiam habeant, vel non; nam si istam habeant, non est causa, cur ipsis deferri juramentum illud non possit.

Quæritur 4. contra quem reum deferri possit juramentum in litem? De *juramento Veritatis* nulla est difficultas; nam deferri potest contra quemcunque reum, cujus causa agitur. De *juramento Affectionis* major est difficultas. Certum est ex dictis numer. 58. fin. posse deferri contra illum, qui rem restituere condemnatus ob dolum vel non restituit, vel non exhibet, vel dolo fecit, quo minus restituere possit.

Dubium triplex oritur. 1. utrum deferri possit contra hæredem defuncti, si iste fuit contumax? 2. an contra tertium possessorem? 3. an contra eum, qui quidem formalem dolum non commisit, sed tamen latam culpam, qua factum est, ut rem amplius restituere nequeat?

Ad 1. Vellis est contestata cum defuncto, vel nondum est contestata. *Si primum*, etsi hæres dolum non commiserit, juramentum contra ipsum deferri potest; tunc enim est prosecutio actionis jam cœptæ cum defuncto. *Si secundum*, & hæres in dolo non sit, deferri contra eundem non potest; cum enim deferatur solum propter dolum, dulus defuncti ante actionem cœptam obesse hæredi non potest.

Ad 2. dicendum non posse deferri contra tertium, si ipse in dolo non sit, quo minus rem exhibeat. Haun. n. 1095. Ratio est, quia cum careat culpa doli, & contumaciæ, non est puniendus, atqui puniretur, si contra eum deferretur juramentum affectionis, ergo &c. *Procedit* hoc, etiam si ille tertius possessor dolo fecisset, ut res aliena ipsi traderetur; nam si deinde absque dolo rem illam perdidit, vel destruxit, jurari contra eum non potest; quia, ut Haun. n. 1097. advertit, dulus à principio commissus, non consideratur in delatione juramenti, sed qui committitur cum contumacia in non restituendo.

Ad 3. Teste Haun. nu. 1092. communis, & vera est sententia affirmativa contra Accursium. Constat arg. *l. is qui* 2. C. *de in lit. jur.* Ratio est, quia lata culpa dolo æquiparatur. Neque obstat *l. videamus* 4. §. *fin. & l. in actionibus* 5. §. *sed in his* 3. ff. *cod.* ubi dicitur *ob dolum solum in litem jurari, non etiam ob culpam*. Nam ex consuetudo modo loquendi in jure, quando vox *culpa* sine addito ponitur, de culpa levi intelligitur: & ita ex allatis textibus rectè probatur ob culpam levem deferri juramentum veritatis posse, quando Judex non potest aliunde veritatem cognoscere.

Ex hac responsione solvi potest dubium, quod quarto loco aliqui hic faciunt, an sc. ob dolum præsumptum possit hoc juramentum affectionis deferri; nam ob latam culpam, ut modo dictum, deferri potest, sed lata culpa est dulus præsumptus, ergo &c.

Quæritur 5. in quibus causis deferri juramentum in litem possit? Resp. distinguendo inter juramentum veritatis, & affectionis.



*Juramentum Veritatis* deferri potest in omnibus omnino actionibus, undecunque illæ oriantur, tam in actionibus stricti juris, quam bonæ fidei, tam quæ ex contractu, quam quæ ex delicto competunt *l. in actionibus 5. ff. de in lit. jurand.* Haun. tom. 5. tit. 4. nu. 1123. König num. 106. Tria tamen requiruntur, ut in his judiciis juramentum deferri possit. 1. Ut culpa debitoris saltem levi factum sit, quo minus res possit restitui, aut tradi, quæ de jure tradenda esset. 2. Ut aliunde constare nequeat, quanti res tradenda æstimanda sit, adeoque veritas indagari debeat per juramentum. 3. Ut æstimatio per juramentum veritatis referatur non ad rem obligationis contractæ, sed solutionis faciendæ, nisi mora sive extra judicium, sive in judicio contracta fuerit; tunc enim à tempore moræ factæ computatio fieri debet *tot. tit. C. de usur. rei judic.* & ratio est, quia æquum est, ut actor à tempore moræ totum id consequatur, quo unquam plurimi fuit, usque dum ipsi satisfiat à reo *l. cum fundus 31. princip. ff. de reb. credit.* Hæc si convenient, rectè deferitur non tantum à iudice, sed etiam à reo, ut num. 59. dictum est; quod confirmatur, quia hic agitur de interesse actoris, & ne iste à reo plus petat, quam quantum valet res, quam hic sua culpa nequit restituere, & quantum interest. Cur ergo non liceat reo deferendo juramentum actori istum constituere quasi Judicem in causa, sicut potest in juramento judiciali?

66 Minus ampla potestas est in deferendo juramento *Affectio*nis: præterquam enim, quod, ut num. 58. & 59. dixi; deferri possit à solo Iudice, & tantum, ubi intercessit aliquis dolus, etiam non in omnibus passim causis deferri potest, ut patet ex *l. in actionibus 5. ff. de in lit. jur.* ubi triplex solum genus actionis refertur, in quibus juramentum affectionis deferri potest. 1. *Actio in rem*; nam in his, qualescunque sint, semper in litem eam affectione jurari potest *l. in actionibus cit. l. sed & si 25. §. hac verba 10. ff. de hered. petit. l. qui restituere 68. ff. de R. V. l. sed & si 7. §. in Publiciana 8. ff. de Public. in rem action. l. harum actionum 7. fin. ff. si servit. vindic. l. si fundus 16. §. in vindicatione 3. ff. de pignor.* 2. *Actio ad exhibendum*: quod extenditur etiam ad alias arbitrarias actiones, ex quibus arbitrato Judicis aliquid restituitur, uti est actio de dolo, actio quod metus causa, actio rerum amotarum, Interdictum, quod vi, aut clam &c. 3. *Actiones bonæ fidei*; nam in actionibus stricti juris non deferitur arg. *l. in actionibus cit. §. fin. & l. alia 6. ff. de in lit. jur.* Sed neque in omnibus actionibus bonæ fidei jurari potest, sed in directis tantum; non item in contrariis, ut diserte habetur *l. et apud quem 5. princ. ff. de posit. ubi ratio datur*; quia in iis non agitur de fide rupta, seu dolo non restituentis rem contra fidem datam, sed solum de indemnitatem ejus, qui depositum suscepit. & quid in istud impendit, vel occasione ejusdem damnum passus est.

67 Quæritur 6. quis sit modus præstandi hoc juramentum? Resp. hic traditur *l. si quando 9. C. unde vi*: Nimirum actor in specie coram Iudice designat res sibi ablatas, vel dolo perditas, earumque pretium, & interesse exprimit: in juramento quidem *Affectio*nis pro arbitrio, & affectione sua; nam quisque optimè scit, quantum rebus suis afficiatur: in juramento *Veritatis* autem, quanti res est, & quanti revera actoris interest rem in judicium deductam facto adversarii non extare, vel extinctam esse. Si expressionem Iudex crediderit esse nimiam, ad verisimilem summam eandem reducet: quod maximè procedit in juramento *Veritatis*; nam ibi æstimatio fieri debet secundum pretium rei. Facta hac moderatione, si agatur de juramento *Veritatis*, actor jurare debet, quod non minus perdiderit; ultra taxationem vero jurare non licebit, sed si iniquè factam à Iudice puer, superest ipsi remedium appellationis, quod conceditur in omni gravamine, quo pars à iudice inferiore læditur.

In juramento *Affectio*nis plus conceditur, cum id introductum sit in pœnam doli, & contumaciæ: quod si tamen pateret æstimationem ultra verum pretium nimium exorbitare, etiam tunc Iudex moderari inordinatum affectum, & reum condemnare ad summam minorem potest; fierique hoc potest, etiam postquam jam est juratum: quo differt juramentum affectionis à juramento veritatis; istud enim præcedere debet taxatio

Judicis, ne, si juramentum sequatur, jurans fortè incuriat perjurium. Rosbach *prax. Civil. tituli. 68. num. 13. & aueb. seqq.* Engl *hic numer. 38. König numer. 107. & 108.*

Dubium est, an is, cui defertur hoc juramentum, cogi invitatus ad illud præstandum possit? Videtur hoc colligi ex *l. fin. ff. de in lit. jur.* ubi dicitur, *de perjurio ejus, qui ex necessitate juris in litem juravit, quæ facile non solere.* Igitur juramentum in litem est ex necessitate. Verum tenenda est sententia negativa, prout clarè satis decisum est *l. quod si possessor 71. ff. de R. V.* ubi dicitur morem gerendum actori, si jurare non velit, sed adversarium sibi condemnari malit, quanti res sit. *Ad rationem dubitandi* dico juramentum in litem esse de necessitate juris, quod Jus illud ob dolum rei, non restituentis, vel non adhibentis rem, actori necessario deferat, non verò quasi actor delatum sibi invitatus suscipere debeat: nam in hoc liber est, & potest utrumque eligere, videlicet aut jurare, aut contentus esse, si condemnnetur reus, quanti res sit.

Quæritur 7. quis sit effectus juramenti in litem? Resp. 69 alius est effectus juramenti veritatis, alius juramenti affectionis.

*Juramenti Veritatis* effectus est, ut hoc præstito reus condemnandus sit ad solvendum pretium: neque de perjurio actoris hic facile quæri solet, ut habetur *l. fin. ff. de in lit. jur.* & ratio est, quia juramentum hoc conforme est taxationi factæ à Iudice, in quo dolus non præsumitur. Quod si tamen reus ostendere possit revera rem minus valuisse, audiri debet, & si ostenderit, summam juratam minuere Iudex debet, ut notat Ecklot *ff. de in lit. jur. §. 7.* Haun. tom. 5. tract. 4. numer. 1128. König *hic num. 111.*

*Juramenti Affectio*nis duplex effectus est: in uno convenit cum juramento veritatis, in altero discrepat. *Primus* est, quod postquam hoc juramentum præstitum est, reus condemnari debeat in summam juratam, nisi gravis causa suadeat vel minoris eundem condemnari, vel etiam prorsus absolvi *l. videamus 4. §. item 3. & l. in actionibus 5. §. item 2. ff. de in lit. jur.* *Alter* effectus est, quod præstito hoc juramento, dominium rei hoc modo æstimatæ transferatur in reum, & quidem statim, si res est propria actoris, & à reo possessa; si reus eam non possederit, tunc in illum transfertur dominium, quando ex voluntate actoris possessionem rei fuerit nactus *l. ejus rei 46. & l. seq. ff. de R. V.* ubi etiam ratio additur, quia *transgisse cum eo, & decidisse videtur actor eo pretio, quod ipse constituit.*

Dixi autem in hoc secundo effectui discrepare juramentum affectionis à juramento veritatis; nam in hoc plerumque res restitui non potest, quia noo amplius extat: quod si tamen extaret, post sententiam reus acquireret eodem modo dominium, quo modo in juramento affectionis, ob rationis paritatem.

Quæritur 8. quis sit finis juramenti in litem? Resp. 70 *Juramenti Affectio*nis finis est, ut puiatur dolus, & contumacia Rei rem non restituentis, vel non exhibentis *l. rem 1. & l. tutor 8. ff. de in lit. jur.* Hinc si dolus non interveniat, etsi ex culpa adversarii restitui nequeat, non deferitur hoc juramentum, sed tantum æstimatur interesse verum, ut nu. 58. dixi, & constat ex *l. siue nostrum 2. ff. eod.*

*Juramenti Veritatis* finis est, ut hac ratione possit constare de vero valore rei: hinc si aliunde de vero valore rei appareat, juramento huic locus non est *l. in actionibus 5. §. fin. in fin. ff. eod.*

## §. VI.

### De Juramento Promissorio.

## S U M M A R I U M.

71 72 73 74 Effectus Juramenti Promissorii est obligatio: ubi pro hac ponuntur tres Regulae.

75 76 77 78 Ex parte jurantis est personalis.

79 80 Ex parte ejus, cui præstatur, realis.

81 82 Potest præstari per Procuratorem.

83 Firmari contractum per juramentum quid?

84 In contractu alias firmo, & valido juramentum addit obligationem Religionis.



- 85 86 87 88 89 *An Juramentum habeat vim confirmandi contractus jure positivo invalidos?*  
 90 91 92 *An omnis contractus jure positivo irritus, appposito Juramento, confirmetur?*  
 93 94 95 *Quos effectus habeat juramentum confirmatorium contractus jure invalidi?*  
 96 97 *Quis relaxare Juramentum Promissorium possit?*  
 98 99 *Quoniam Episcopus relaxare debeat Juramentum Promissorium factum homini?*  
 100 101 102 103 104 *An etiam Judex, seu Magistratus Secularis?*  
 105 *An, & qualis requiratur causa, ut Juramentum relaxari, vel in eo dispensari possit?*

71 **Q**Uæritur 1. qualis sit obligatio juramenti promissorii? Resp. de hac juramenti promissorii obligatione proditæ sunt, & à DD. receptæ præcipuè res Regulæ.

Prima est: *Omne Juramentum observandum est, quod non vergit in dispendium salutis æternæ, & in alterius præjudicium non redeundat.* Sumitur ex cap. cum contingat 28. hoc tit. capit. licet 2. eodem in 6. & capit. quamvis de pact. in 6. Ex hac regula colligitur obligatorium esse juramentum, quo mutuatarius usurario jurat se soluturum usuras cap. debitores 6. hoc tit. quo filia, accepta dote, jurat se illa contentam fore, & ad bona paterna non regressuram cap. quamvis cit. quo mulier in alienationem rei dotalis consentiens jurat se illam non revocaturam c. cum contingat, & cap. licet cit. Proceditque hoc 1. etsi tale juramentum ob defectum v. g. justæ causæ necessitatis, aut utilitatis illicitum sit; sufficit enim, quod sine peccato impleri possit, & tunc eo ipso sequetur obligatio implendi, ne Nomen Domini in vanum assumptum sit. Procedit 2. licet per injuriam, vel metum gravem extortum sit; quamvis enim tale juramentum facile relaxari possit, antequam tamen relaxetur, juramentum obligat ob rationem prædictam. Procedit 3. etsi errore, vel dolo sit præstitum, si iste solummodo versetur circa qualitatem, aut circumstantiam rei accidentalem; secus, si contingat ipsam rei promissæ substantiam, ut si juratus promittas scyphum, quem stanneum putabas, cum sit argenteus; nam talis error, & dolo consensus tollit. Plura vide apud P. Vviesl. hic à num. 59.

72 Secunda Regula est: *Non est obligatorium juramentum, quod contra bonos mores est præstitum.* Est regula 58. in 6. Porro contra bonos mores censetur esse 1. si contineat rursiprudinem ex parte objecti; quia jure naturali, Divino, aut etiam Canonico prohibitum est: quale est juramentum de furto sciendo, de non sanctificando die festo, de Beneficio permutando, vel resignando sine licentia Ordinarii &c. 2. si cedat in præjudicium boni publici, vel etiam privati; quia his fieret injuria, ad injuriam autem obligatio dari non potest: & hinc invalidum est juramentum quodcumque, quo promittitur aliquid, à Lege justa quacunque, etiam civili prohibitum; hoc ipso enim, quod adversetur Legi, adversatur publicæ ordinationi, & Juri, cui privatorum pactionibus nequius derogari c. si diligenti 12. de for. comp. & l. Jus publicum 38. ff. de pact. 3. si invitet ad libere delinquendum, promittendo e. g. impunitatem crimini; nam bonum commune Reip. exigit delicta non manere impunita c. ut fama 35. de sent. excomm. l. ita vulneratus 51. §. fin. vers. quod si quis ff. ad Leg. Aquil.

73 Tertia, & prioris affinis regula est: *Juramentum non est vinculum iniquitatis*, ut dicitur cap. quanto 18. hoc tit. Ex hac præter ea, quibus promittitur res Jure prohibita, iuria etiam sunt juramenta: quibus filius jurat se parentibus debitum honorem, ac reverentiam, aut necessaria vitæ subsidia in necessitate constitutis non exhibiturum cap. cum quidam 12. §. illi vero h. tit. aut quo Religiosus hoc jurat, se in Professionis suæ Monasterio non permanturum cap. sicut 13. eod. aut quo Prælati jurat se res Ecclesiæ suæ injustè ablatas non repetiturum c. pervenis 2. eodem aut quo Vassallus hosti Principis, à quo Feudum obtinet, jurat obedientiam, & fidelitatem capit. ea te 22. eodem.

74 Quando Juramentum est impeditivum majoris boni, distinctio est adhibenda: Vel enim promittitur aliquid ad honorem, & cultum Dei, vel in favorem, & gratiam homini. Si primum, non obligat; quia est species

Voti, quod esse debet de meliore bono: ideoque non obstante voto, etiam jurato, de incundo Matrimonio, licita est Vita Religiosa, Clericalis, aut cælebs. Si secundum, etsi impeditivum sit majoris boni, obligat; quia generaliter omne Juramentum præstitum homini servandum est, quod non vergit in dispendium salutis æternæ, & alteri non præjudicat c. quamvis, cap. licet, cap. cum contingat cit. Excipiuntur sponsalia jurata; nam in his Juramentum non impedit, quo minus jurans ingredi Religionem possit: & ratio est, quia iisdem inest racita conditio, *Nisi ingrediar, & profitear Religionem*, per textum cap. verum 2. & cap. ex publico 7. de convers. conjugat.

Dub. 1. qualis sit obligatio Juramenti Promissorii ex parte jurantis? Ratio dubitandi est, quia si Testator Juramento promiserit certam pecuniam erogandam in pauperes, vel alias pias causas, etiam hæredes illius obligantur ad eam sic erogandam. Igitur obligatio Juramenti videtur transire à Testatore ad hæredes, & consequenter esse obligatio realis.

Verum hoc non obstante, dicendum, Juramentum Promissorium homini præstitum secundum propriam obligationem ex virtute Religionis semper personalem esse ex parte jurantis, neque hæredem illius, vel successorum obligari ex vi Juramenti ad præstandum id, quod promissum fuit à Testatore, vel antecessore. Ita Sancti Thom. 2. 2. q. 98. art. 2. ad 4. Abb. in cap. veritatis 14. hoc tit. num. 3. Suar. l. 2. de juram. cap. 31. nu. 12. Sanch. l. 3. moral. cap. 13. num. 1. Gutier. de juram. part. 3. cap. 12. num. 7. Bonac. tom. 2. D. 4. p. 15. num. 1. Pal. D. 2. p. 11. num. 1. Pax Jordan. l. 14. tit. 22. num. 197. Haun. tom. 5. tr. 4. n. 859. Zoesl. hic num. 75. Pirhing nu. 145. & alii communiter. Ratio est, quia Juramentum est vinculum personale, solumque jurantem afficit; sicut enim homo jurat, nisi sua voluntate, ita neque obligatur Juramento alterius, nisi in illud consentiat, & consentiendo suum faciat.

Proceditque hoc 1. etsi quis juraverit pro se, & successoribus suis; nam hi ex vi juramenti non obligantur, ut rectè Abb. & alii supra cit. notant. Ratio est, quia obligatio juramenti, quæ oritur ex virtute Religionis, non nisi propria voluntate suscipi potest, cum sit actio personalis. Et hinc licet ratione juramenti juramento non stans conveniri alias possit coram iudice Ecclesiastico, hæres tamen, vel ejus successor ad illum trahi non potest, si Laicus ille sit. Procedit 2. in juramentis à communitate factis; nam etsi major pars alicujus communitatis e. g. Capituli, vel civitatis juramento se obligarit ad aliquid præstandum, si quidam de Collegiis contradicant, vel non consentiant, hi ex vi juramenti non obligantur, neque propterea perjuri fiunt, etsi juramentum non servent. Dixi autem utrobique *Ex vi Juramenti*; nam etsi prædictos non afficiat obligatio propria juramenti, quæ cum jurante transit, ex vi tamen Pacti, vel contractus ex justitia obligari possunt, & solent, si promissio jurata circa rem non illicitam, sed capacem obligationis versetur: ratio est, quia pactum, vel contractus ad hæredes, & successores transit, etiam non facta mentione illorum l. veteris 13. de contrah. stipul.

Ex hoc capite obligari potest 1. pars minor Communitatis, ut servet Vota, juramenta, & pacta, in quæ consensit major ejusdem pars: imò etiam ad jurandum cogi potest. Suar. l. citat. num. 9. Layman l. 4. tract. 3. cap. 10. numer. 2. Pirhing hic numer. 146. Ratio est, quia minor pars ex mutua quadam conventionione in re, quæ utilis est Reip. tenetur se conformare majori, & hujus suffragia, aut conventionem sequi. 2. similiter Rex, Episcopus, Canonicus &c. etsi cum ad officium suum admittitur, & juramentum ab eo non exigitur, non obligetur ad servanda juramenta ab antecessoribus edita ex vi Religionis, obligari tamen ad ea interdum potest ex vi pacti, statuti, vel consuetudinis. Suar. num. 13. Sanch. n. 3. Layman l. cit. & alii supra. 3. ob eandem rationem, licet juramentum, à Testatore factum, ad hæredes non transeat quoad perjurium, transit tamen ad illos, in quantum attinet ad pactum, vel contractum, & ejus observantiam, quam defunctus firmavit juramento, & hæredes eo contractu obligari voluit. Layman in c. 14. h. tit. n. 1. Barbosa ibidem num. 7. Zoesl. hic num. 75. Ratio est, quia hæres succedit in omne jus defuncti acti-



vè, & passivè *l. ex contractibus 49. ff. de O. & A.* Debet tamen ejusmodi promissio esse valida, & talis, quæ alteri, in cujus gratiam juratum est, jus contulerit; nam alias per se spectata non renebit heredem. Hinc si juramentum per injuriam extortum est ab aliquo, v.g. si quis juravit se pecunias daturum latroni, hæres defuncti non tenetur implere hoc juramentum, etsi defunctus illud in vita non impleverit: & ratio est, quia defunctus non tenebatur ad solvendum ex vi pacti, sed ex sola Religione Jurisjurandi, cujus obligatio, ut dictum, ad hæredes non transit.

78 Neque hic repetas ex ratione dubitandi *nu. 75. allata*, quod heres debeat exequi Juramentum erogandi in pauperes certam pecuniam, licet per illud juramentum nulli pauperi, sed soli Deo Jus acquisitum sit; nam ex utriusque juris dispositione non aliter permittitur adire hæreditatem, nisi cum onere implendi, & exequendi juramenta, & vota realia defuncti, ut patet ex *c. licet 6. de Pot. c. si hæres 6. de testam. c. ex parte 13. de Censib. & clarius l. si quis 2. ff. de pollic. at verò nullus in utroque jure textus est, quo statuatur obligationem juramenti per injustitiam extorti ad hæredes jurantis transire, ita ut nisi sub hac conditione eis hæreditas non deferatur, ergo id non est asserendum; quia obligatio juramenti strictè est interpretanda.*

79 Dub. 2. qualis sit obligatio juramenti Promissorii respectu ejus, cui præstatur? Resp. sub eo respectu obligationem juramenti promissorii esse realem, adeoque ad hæredes, vel successores ejus, cui juratum est, transire. Casus esse potest: Titius juravit se 100. aureos daturum Caio; si hic moriatur ante solutionem, obligatur Titius eam pecuniam solvere hæredibus Caii ex vi Juramenti Caii præstiti. *Suar. l. 2. de juram. cap. 31. nu. 14. Sanch. l. 3. mor. cap. 13. n. 6. Layman l. 4. tr. 3. cap. 10. num. 5. Pal. D. 2. de juram. p. 11. n. 3. Haun. tom. 5. tr. 3. nu. 861. Gonzal. in cap. Veritatis 14. hoc tit. num. 4. Zoel. hic num. 75. Pithing n. 149. & sumitur ex c. Veritatis cit. Concordat l. si pactum 9. ff. de probat. ubi habetur, quod pactum cum aliquo factum intelligatur etiam factum pro hærede illius, licet expressa mentio hæredis non fiat; & ratio ibi additur: Quia plerumque tam heredibus nostris, quam nobismetipsis cavemus. Conf. nam promissio, & quicumque contractus, nisi aliter constet de contrahentium intentione, ad hæredes illius transit, cum quo contractum est, sed Juramentum suscipit naturam, & conditionem promissionis, vel contractus, cui adicitur, ergo & Juramentum ita transibit, & conf. hæredes idem jus obtinebunt, quod ipse obtinuit per Juramentum, cui juratum est.*

80 Ex quo sequitur 1. eum, qui juravit alicui in Dignitate, vel Officio constituto fidelitatem, & obedientiam, expresso Dignitatis, & Officii, quod gerit, nomine, obligari vi illius Juramenti ad fidelitatem, & obedientiam exhibendam omnibus successoribus, in ea Dignitate, vel Officio constitutis, etsi illud in forma Juramenti non sit expressum. Ratio est, quia Dignitas, & Officium cum persona non extinguitur, sed ad successores transit *arg. c. si gratis 5. de rescript. in 6.* Igitur & Juramentum, quod intuitu Dignitatis, & Officii præstitum est, cum eodem ad successores transit.

Sequitur 2. resolutionem procedere etiam casu, quo Juramentum fidelitatis à Vassallo præstitum fuit, non sub nomine appellativo Dignitatis, sed expresso nomine proprio gerentis Dignitatem, vel Officium; quia Juramentum circa rem, quæ pertinet ad Dignitatem, censetur non tam personam, quam Dignitatem respicere.

Sequitur 3. si is, cui ratione Dignitatis, vel Officii præstitum est Juramentum, illud resignet, vel ab eo removeatur, non obligari jurantem, amplius ad præstandam ipsi obedientiam, aut fidelitatem, sed obligationem istam transire ad successorem *arg. c. ad venerabilem 31. in fin. de elect.* Et hinc

Sequitur 4. non esse necessarium, ut, cum alicui juratum est ratione Dignitatis, juramentum renovetur apud successorem ejusdem in Dignitate. Præcipitur tamen in eodem etiam casu, quo obligatio juramenti ad Successorem transit, renovatio juramenti, non, quod ea, sit necessaria, sed ob majorem solemnitatem, & securitatem: idque obtinet in casibus jure expressis, ut notat *Pal. l. 1. cit. Barbosa in c. 14. cit. n. 4.*

Sequitur 5. quare aliquis juramenti religionem non possit obligare hæredes, & successores suos, possit autem obligare se successoribus: nam in secundo casu agitur tantum de obligatione propria jurantis quam sibi facere potest, prout vult; at in primo casu obligatio juramenti extenderetur ad non jurantes, quod fieri non potest, cum obligatio illa sit personalis, ut dictum est.

Dub. 3. an juramentum per Procuratorem præstari possit? Resp. posse, modo Procurator speciale mandatum ad istud habeat, & jura non resistant. Colligitur ex *can. tibi domino 33. dist. 63. can. optatum 4. dist. 100. c. nullam 3. de juram. calum. in 6. & docent. Marant. f. 6. tit. de juram. num. 45. Azorp. l. 1. l. 13. cap. 7. q. 13. Suar. l. 2. de juram. cap. 31. num. 3. & 4. Sanch. l. 3. moral. cap. 17. & 18. Pal. D. 2. part. 12. num. 1. Pax Jordan. l. 14. tit. 22. n. 49. Haun. tom. 5. tr. 4. nu. 863. Ratio est, quia quod quis facere potest per se ipsum, etiam potest facere per alium *Reg. 68. in 6.**

Neque obstat, quod juramentum ex parte jurantis sit personale, ut dictum est *n. 75.* nam etiam Matrimonii contractus est actio personalis, & tamen fieri per Procuratorem potest *c. fin. de procur. in 6. Item non obstat*, quod procurator loquatur in prima Persona dicendo: *ego juro*; id enim dicit, quatenus repræsentat personam alterius, nempe Principalis, qui principaliter censetur jurare. Et hinc si procurator falsum juret, non solum ipse, sed etiam principalis, cujus mandato, & in cujus animam procurator jurat, perjurus erit, cum hoc tamen discrimine, ut non procurator, sed solus principalis pœnas perjurii incurrat, nisi ipse etiam procurator in animam suam juraverit.

Dixi autem, *Si habeat speciale mandatum*; nam si procurator ex solo mandato generali juramentum præstat, dominus ex vi juramenti à procuratore sic præstiti non obligatur, cum defuerit in eo consensus in juramentum: at ratione contractus, si hic aliunde, secluso juramento, validus sit: tenebitur ob generalem facultatem ad contrahendum. *Pal. l. citat. n. 3. Jord. n. 49. cit. & alii apud ipsos. Addidi, Nisi jurare resistant*; nam si actus talis sit, ut per alium geri nequeat, interposita persona, jurare non erit licitum. Tale est juramentum, quod præstandum est à Testibus in Judicio: item de quo à jure cavetur, ut propria manu tactis Evangeliiis, aliisque solemnitatibus præstetur: & universim omnia illa, de quibus jura exigunt, ut in propria persona fiant.

Queritur 2. an, & quatenus juramentum firmet contractus, vel actus, quibus accedit? Celebris hæc controversia est apud DD. quam antequam resolvam.

Notandum 1. tunc dici per juramentum firmari contractum, quando ex promissione, alioquin infirma, per hoc, quod juramentum illi addatur, nascitur non solum obligatio Religionis erga Deum, quæ nascitur ex omni juramento valido, sed etiam iustitiæ respectu hominis, videlicet promissarii, ita, ut huic acquiratur jus adversus promittentem, quo hic non tantum ex virtute Religionis, sed etiam iustitiæ, aut fidelitatis reneatur stare contractui, etiamsi juramenti, quod contractui adjectum erat, relaxatio impetretur. Quando autem ex promissione jurata nulla nascitur obligatio respectu hominis, cui sit promissio, sed tantum respectu Dei, tunc juramentum non firmat contractum, sed vocatur *Per se stans*, seu inductivum obligationis; quia solum eam inducit obligationem, quam secum trahit, neque ulterius progreditur ad firmandam promissionem, sed ita invalidam illam relinquit, ac si non esset appositum juramentum. Exemplum est in promittente sub juramento Usuras; neque enim ex tali promissione jurata Usurarius jus ullum acquirit, ut sibi Usuræ solvantur.

Not. 2. si juramentum accedat contractui alias firmo, & valido, juramentum hoc operari, ut ultra obligationem iustitiæ, quam contractus sibi annexam habet, inducat etiam obligationem Religionis, adeo ut si fortè contrahens non abstergeretur turpitudine Injustitiæ, saltem absterreatur gravitate, & pœnis perjurii à violatione contractus; ipsa autem obligatio iustitiæ eo casu per juramentum adjectum non crescit, cum tunc tantum sit accessorium contractui.

Not. 3. si contractus sit jure naturæ irritus, eundem per juramentum non confirmari, ut omnes faciliè DD. consentiunt: & ratio est, quia juramentum non potest sup-  
plere



plere defectum substantialem, ob quem contractus Jure naturæ nullus est, ut per se patet. Idem dic de Contractu, qui Jure naturæ est irritabilis: & hinc qui dolo, metu injusto, aut usuraria pravitare extortus est, etsi Juramentum illi addatur, ex vi contractus firmitatem non habet, sed tantum servandus est ex obligatione Religionis Juramenti, quamvis hoc à Judice relaxari possit.

Punctum itaque controversiæ solum procedit de Contractibus Jure positivo nullis, non quidem Divino (nam Lex humana, ex qua sola Juramentum vim contractus confirmandi habere dicam, circa ea, quæ, Juris Divini sunt, nihil potest disponere) sed humano. Hinc est

85 Dubium 1. an Juramentum habeat vim confirmandi contractus Jure positivo nullos, vel invalidos? Negativam defendunt Jafon in *Auth. Sacramenta puerum C. si advers. vendit. n. 37.* Anton. Merenda *Contr. l. 1. c. 1. Pont. l. 12. de Matr. c. 7. num. 42. & 47.* Perez *C. de reb. credit. num. 8.* Franck. *l. 2. ref. 6. num. 9. & seqq.* Glettle *p. 2. Pand. cap. 3. numer. 15. & seqq.* Vviesl. *hic num. 78.* & hoc teste ex modernis non pauci, iique primi nominis DD. Rationem dant, quia non apparet, unde Juramentum vim istam habeat, non enim 1. hanc vim habet ex *Jure naturali*, & ex *natura sua*; quia ex natura sua plus non exigit, quam ut jurans efficiat, quod Juramento interposito promisit, ne Dei nomen, & testimonium assumptum sit in vanum: quæ est obligatio religionis, & optimè impleri potest, etiamsi contractus invalidus maneat, ut patet ex Juramento, quod usurarum promissioni adjectum est. Non 2. ex *Jure Civili*; quia nusquam invenitur, quod vis ista per Jus Civile tribuatur Juramento: imò contrarium non leviter colligitur ex *l. non dubium 5. in fin. C. de Legib.* ubi Imperator non solum prohibet apponere Juramentum contractibus Lege reprobatis, sed illud irritat, & annullat. Idem dici videtur *l. Juris gentium 7. §. & generaliter 16. ff. de pact.* ubi Ulpianus, nec *Jusjurandum*, ait (addito pacto, quod *Jure communi remotum est*) *servandum esse*. Et confirmatur ex *l. si quis 112. §. fin. ff. de fideicommiss.* 1. ubi *Jusjurandum, contra vim Legum, & auctoritatem Juris in testamento scriptum, nullius esse momenti* dicitur. Non 3. ex *Jure Canonico*; quia dici potest, quod textus, qui citantur in contrarium loquantur de Contractibus validis, vel si de invalidis in aliquibus sermo est, intelligi debent de obligatione Religionis. Accedit, quia Pontifex non potuit contractus invalidos validos reddere per appositum Juramentum, eum materia illorum contractuum, ut Juramentum præcedit, non subdatur Pontifici: necessarium autem erat subdi, ut posito Juramento firmaretur Contractus; quia aliàs Juramentum caderet super Contractum nullum, & reprobatum: conf. non esset Juramentum honestum, ac proinde nec obligatorium, nec confirmatorium. Volunt itaque isti AA. quod Juramentum non addat aliam obligationem, quam Religionis, ita, ut hac relaxata, obligatio rem juratam præstandi cesset. Hæc sententia est valde probabilis. Communissima tamen sententia adhæret parti affirmativæ, cum qua ad dubium propositum.

36 Respondeo, & dico, Juramento ultra vim obligandi ad servandam veritatem rei juratæ inesse quandam vim confirmandi Contractum, cui adijcitur, sic, ut ex invalido fiat validus, aut ex revocabili irrevocabilis. Ita Gloss. in *c. 2. de pact. V. servari in 6.* Imol. in *c. cum contingat 28. h. t. n. 13. & 16.* Abb. *ibid. n. 8.* Covar. in *c. quamvis de pact. p. 2. §. 1. n. 17.* Marant. *p. 6. tit. de Juram. n. 26.* Gutier de *Juram. p. 1. c. 40. n. 3.* Fachin. *contr. l. 3. capit. 11.* Azor *p. 1. c. 40. n. 3.* Laym. *l. 4. Theol. tr. 3. c. 8. num. 1.* Sanch. *l. 3. mor. c. 12. num. 5. & 11.* Pax Jordan. *l. 14. tit. 22. n. 333.* Haun. de *J. & J. tom. 5. tr. 8. num. 134.* Henr. Canif. in *c. 28. h. tit. n. 5.* Gonz. *ibid. num. 11.* Pirh. *hic n. 132.* Konig *n. 35.* Sannig *c. 6. n. 7.* & apud hos innumerati alii.

Prob. 1. satis apertè ex variis Juris Canonici textibus, videlicet 1. ex *c. cum contingat 28. cit.* ubi mulier jubetur stare Juramento super alienatione rerum dotialium, quamvis consensus in hanc alienationem aliàs Jure Civili sit irritus. 2. ex *c. licet 2. h. tit. in 6.* ubi Pontifex decernit Judices sæculares, qui mulieres hujusmodi contra præfatas alienationes, audiunt, per locorum Ordinarios

Censura Ecclesiastica compellendos ad servandum Jus Canonicum de hoc introductum. 3. ex *c. quamvis 2. de pact. in 6.* ubi deciditur, pactum, quo filia renuntiat hæreditati paternæ, quamvis Jure Civili improbetur, si tamen Juramentum accedat, servandum. *Neque dici potest*, quod in his textibus loquatur Pontifex solum de obligatione Religionis, quæ propria est Juramento; nam *c. quamvis cit.* dilertè ait, *Pactum Juramento, nec vi, nec dolo præstito, firmatum fuisse.* Accedit, quia hoc eodem *cap. & c. cum contingat cit.* Pontifex statuit Juramentum illud esse servandum, si modò spontè, & non dolo sit præstitum: quæ conditio frustra adderetur, si Juramentum contractui additum aliam obligationem, quam Religionis, nullam induceret; nam etsi vis, aut dolo interveniat in Juramento, hanc Religionis obligationem inducit, & ob hoc servandum est, quoties sine dispendio salutis servari potest, igitur necesse est, ut Pontifex in *cit.* textibus loquatur de obligatione ex alio capite introducta, quæ alia esse non potest, nisi Justitiæ ex pacto per Juramentum firmato.

Probatur 2. ex Jure Civili; nam idem suadet textus 87 *Auth. Sacramenta puerum C. si advers. vendit.* ibi: *Sacramenta puerum spontè facta super contractibus rerum suarum non retractandis inviolabiliter custodiantur. Neque dicas, hanc Auth. accipiendam, ita ut non contradicat l. non dubium cit.* ubi, ut *num. 85.* dixi, statuitur Contractus à Lege irritatos manere irritos, quamvis Juramentum accedat; nam hæc Lex vel correctæ est per *cit. Auth.* ut vult Perez *C. de Legib. n. 12.* vel ut Brunnem. *ad cit. Auth. n. 6.* Pirh. *hic n. 137.* Konig *nu. 35.* explicant, textus *cit. l.* loquitur tantum de illis contractibus, qui Jure reprobati sunt, eò, quod contineant turpitudinem ex parte accipientis, vel cedant in præjudicium tertii, quos contractus neque nos per Juramentum confirmari dicemus infra *numer. 91.* Alii cum P. Vvieslner ad *Auth. citat.* respondent, ibi sermonem duntaxat esse de Contractibus validis, quia ponitur sub Titulo, *Si adversus venditionem* (intellige) agatur ad rescissionem illius, rescissio autem supponit valorem actus. Sed neque hæc responsio vim Argumenti enervat; nam duplicem DD. rescissionem actus agnoscunt, unam Juris, quæ fit annullando actum antea validum, alteram facti, quæ fit actum declarando invalidum: prior valorem actus supponit; non posterior: de utraque *Auth. cit.* loquitur; & hinc Gloss. *ibid. V. contractibus*, addit: *Et si contractus Jure non valeant.*

Probatur 3. etiam ratione. Quia si Contractus Jura- 88 mento non confirmatur, relaxari posset hoc Juramentum, & casu, quo non relaxaretur, etsi jurans teneretur eam obligationem exsolvere, ad hæredes tamen jurantis obligatio contractus sic jurati non transiret, quippe quæ eo casu solum esset ex virtute Religionis, conf. merè personalis, quæ cum persona emoritur. contrarium tenet receptissima DD. sententia. ergo &c. Conf. si contractus invalidus Jure non confirmatur, cogendus necessariò est is, cui Juramentum præstatur, ut Juramentum remittat; quia est præstitum Contractu nullo, & invalido, conf. tali, ex quo nullum Jus acquiritur. at nec Leges, nec Canones talem insinuant remissionem obligationis: imò *cap. licet citat. in 6.* ut supra monui, Pontifex vult cogi Judices, ut Jus Canonicum in hoc observent.

Dicunt quidem Adversarii obligationem explendi hujusmodi Juramenti ad jurantis hæredes transire ex quasi contractu cum defuncto, quo ad eundem hæreditatem ex utriusque Juris dispositione præsumuntur in se suscipere obligationem exequendi Vota, & Juramenta realia defuncti. Sed hæc responsio non videtur sufficere, quia obligatio solvendi Usuras; quas soluturum se cum Juramento promisit defunctus, ad hæredes non transiit; transire autem ad hæredes deberet juxta datam responsionem, quia hoc Juramentum non minus reale est. igitur alia ratio assignari debet: alia autem non facile assignabitur, nisi quod Juramentum additum promissioni solvendi Usuras Usurario nullum tribuat Jus Usuratio, tribuat autem in Contractibus Jure positivo humano invalidis; si autem Jusbribuit, manifestum est per Juramentum confirmari actus tali Jure invalidos. Ergo &c.

Ex his patet ad Argumentum sententiæ oppositæ; di- 89 co enim vim confirmandi Contractus invalidos datam Jura-



Juramento per Jus positivum, quod in honorem Juramenti roborat promissionem, quæ alioquin nullum haberet robur. Ita Bald. in *Auth. cit. nu. 4.* Sanch. c. 12. cit. n. 3. Suar. tom. 2. de *Relig. l. 2. de Juram. c. 28. n. 3.* Pal. D. 2. de *Juram. p. 9. n. 2.* Hinc confirmatio Contractus invalidi, cui appositum est Juramentum, potius est effectus Juris: dicitur tamen ex Juramento confirmatio hærentiam ejusdem hanc promissioni firmitatem concedit: quæ proinde cum sit distincta ab obligatione Religionis per Juramentum aliàs introductæ, Juramento etiam relaxato, manet, atque ad hæredes transir. *Excipitur*, nisi Lex positiva irritet non tantum contractum, sed etiam Juramentum ei adjectum; nam hoc si fiat, perinde est, ac si Juramentum non esset adjectum, cum tanquam irritum nullam vim obligandi habeat.

90 Dub. 2. an omnis Contractus, Jure positivo irritus, appposito Juramento confirmetur? Resp. negativè; nam 1. *excipiuntur* Pacta, siue Contractus, qui à Jure positivo, vel Lege Civili prohibentur, & irritantur principaliter ob utilitatem publicam, seu bonum commune. Abb. in c. 28. h. tit. n. 5. Sanch. l. 3. Mor. c. 12. nu. 43. Pal. D. 2. de *Juram. p. 9. §. 3. n. 2.* Vallens. hic §. 9. nu. 1. & ratio est, rum quia pactis privatorum etiam juratis Juri communi, seu publico derogari non potest l. *Juris gentium* 7. §. & generaliter 16. ff. de pact. tum quia tunc Lex Civilis obligat in conscientia, & conf. Juramentum de actu ita prohibito est de re mala, atque ita obligatorium esse non potest.

*Excipitur* 2. quando Juramentum directè, & principaliter vergit in damnum tertii c. cum contingat 28. h. tit. cap. quamvis 2. de pact. in 6. Zoef. hic n. 61. Sannig c. 6. n. 10. & reliqui suprà. Ratio est, quia etiam hoc Juramentum est de re mala, & illicita. Igitur non obligat; & conf. vim confirmandi contractum non habet. Dixi directè & principaliter; nam si indirectè solum, & secundariò in præjudicium tertii cedat, v. gr. quia alioquin alius habuisset spem successionis, si res alienata non fuisset, præjudicium hoc non obest valori Juramenti, & conf. illud vim confirmandi contractum habet; quia per hoc non fit illicitum.

91 *Excipitur* 3. si pactum, vel contractus turpitudinem contineat ex parte creditoris, in cujus favorem juratur, quale est Juramentum solvendi usuras, promissio jurata extorta metu, vel dolo; nam etsi Juramentum adjectum obliget, non tamen confirmat contractum, vel pactionem c. debitores 6. capit. cum contingat 28. h. tit. capit. licet 2. eod. in 6. & capit. quamvis 2. de pact. in 6. Ratio est, quia in his casibus Juramentum tantum obligat in reverentiam Divini Nominis adducti in testem ad faciendam fidem, ipsi verò, cui juratum est, nullum acquiritur jus, vel actio: hinc etiam solum repeti potest. Debet autem turpitudinis ista esse de Jure naturali, vel Divino: nam si sit de Jure humano tantum, Juramentum confirmat contractum, & purgat vitium nullitatis introductæ per Jus Civile.

*Excipitur* 4. quotiescunque Juramentum absque peccato jurantis servari non potest; nam in omnibus iis casibus vim confirmandi contractus non obtinet. Paret ex dictis, quia nullum est, & nullum Juramentum nullam habet vim, vel obligationem.

92 Quare, ut Juramentum confirmetur contractus, vel pactum, requiritur 1. ut Juramentum ipsum sit validum. 2. ut pactio, vel contractus neque ex parte jurantis, neque ex parte illius, cui juratur, contineat turpitudinem, quæ Jure naturali, vel Divino rem, in tale pactum, vel contractum deductam, acceptare eundem veteret. 3. ut nec Juramentum, nec pactio, cui adjectum Juramentum, principaliter, & directè cedat in præjudicium boni publici, aut damnum tertii.

Neque obstat, etsi hujusmodi Pactum, vel Contractus Jure positivo humano sit irritatus, si principaliter, & directè solum irritatus sit ob utilitatem privatam jurantis; quia Juri in favorem suum immediatè, & principaliter concessio renunciare quilibet potest. Talia sunt 1. alienatio fundi dotalis, & donationis propter nuptias c. cum contingat, & c. licet cit. 2. pactum factum à filia in commodum, & bonum patris, ut dote contenta in bonis paternis non amplius succedat c. quamvis citat. 3. contractus minoris celebratus super re immobili, vel

mobili, quæ servando servari potest *Auth. Sacramenta puberum citat.* 4. donatio omnium bonorum præsentium, & futurorum. 5. donatio excedens 500. solidos, facta absque insinuatione Judicis. 6. promissio testamenti non revocandi, aut instituendi certum hæredem, quæ præbet occasionem captandæ mortis alienæ. 7. Fidejussio mulieris, quæ jurata renuntiavit S. C. Vellejani privilegio &c.

Neque refert, etsi prohibitio hujusmodi pactorum secundariò, indirectè, & consequenter ad publicam utilitatem ultimatè referatur; nam hoc omnibus Legibus, & privilegiis commune est, neque tamen propterea aliquis prohibetur cedere privilegio pro se unice introducto.

Dub. 3. quos effectus habeat Juramentum confirmatorium Contractus Jure invalidi? Resp. plures habet, quos non habet Juramentum, quo Contractus, cui apponitur, non confirmatur.

Nam 1. Juramentum non confirmatorium contractus validum solum inducit obligationem ex Virtute Religionis, ut pater ex Juramento solvendi usuras; at Juramentum Contractus confirmatorium præter obligationem ex Virtute Religionis erga Deum, etiam inducit obligationem Justitiæ, aut fidelitatis erga hominem, ita, ut promissio, vel contractus hujusmodi per accessionem Juramenti quasi reviviscat, purgato vitio nullitatis, ut ostensum est à n. 86.

2. Juramento Contractus non confirmatorio valido satisfacta momentanea solutione, ita, ut statim possit jurans solum repetere. at in Juramento contractus, vel promissionis confirmatorio, quod solum est, non amplius licet repetere, sed irrevocabiliter servandum est. Suar. l. 2. de *Juram. c. 25. n. 10.* Sanch. l. 3. mor. c. 12. n. 61. Pal. D. 2. de *Juram. p. 9. n. 5.* Vallens. §. 8. nu. 6. hic. Ratio est, quia illius, quod ex pacto per Juramentum confirmato solum est, dominium transfertur in accipientem; illius autem, quod solum est ex pacto, per Juramentum non confirmato, dominium in accipientem non transfertur: hinc quia sine justo titulo penes recipientem est, repeti potest.

3. Quando Juramentum confirmat promissionem, vel contractum alias Jure invalidum, parit actionem in Judicio; hanc non parit, cum actui, vel contractui additur Juramentum non confirmans contractum. Less. l. 2. de *Just. cap. 17. num. 51.* Sanch. l. cit. num. 66. Palao n. 3. Ratio ex dictis pater; quia scilicet ex Juramento Contractus confirmatorio obligatio inducitur non tantum erga Deum ex Virtute Religionis, sed etiam Justitiæ erga hominem, cui proin ex hujusmodi promissione, vel contractu jus acquiritur; jus autem actionem parit.

4. Quando Juramentum confirmat contractum, ordinariè relaxatio ejusdem obtineri non potest à Prælati inferioribus Pontifice: aliud est de Juramento non confirmatorio contractus; nam in hoc peti, & concedi etiam ab inferiore relaxatio potest, & postea sine peccato non servari Juramentum. Suar. n. 12. Sanch. nu. 63. & seqq. Pal. nu. 4. Vall. nu. 7. Ratio est, quia, ut dictum, per Juramentum confirmatorium acquiritur jus tertio, nullum acquiritur jus per Juramentum non confirmatorium: & conf. hoc sine injuria relaxari potest, non illud, cum relaxatio in hujus præjudicium cedat.

5. Si relaxetur Juramentum confirmatorium contractus per alium, quam creditorem, aufertur quidem obligatio propria Juramenti, videlicet Religionis, obligatio tamen Justitiæ, aut fidelitatis ex contractu sic firmato manet, donec vel remittatur à creditore, vel contractus rescindatur à Judice. Suar. num. 4. & 5. Sanch. num. 59. Vall. num. 3. Ratio est, quia contractus valor aliquando introductus per Juramentum, in conservari non amplius dependet à Juramento, cum hoc solum fuerit conditio, qua posita, Lex contractui invalido valorem restituit.

6. Denique licet Juramentum non confirmatorium non transeat ad hæredes ejus, cui præstitum est, obligatio tamen introducta per Juramentum contractus confirmatorium ad hæredes transir propter vim pacti. Suar. num. 9. Sanch. n. 67. Pal. n. 6. Ratio est, quia jus inducit; jura autem, & actiones defuncti ad Successores transeunt.

Quæritur 3. quis relaxare Juramentum Promissorium 96 pos-



possit? Resp. *Si factum sit Deo*, ille relaxare potest, qui potest dispensare in Votis. *Si homini præstitum sit*, distinguendum est, an ex parte recipientis Juramentum sibi factum sit turpitudine, eò, quòd v. gr. per dolum, vim, metum sit injustè extortum; an contra turpitudinem ex parte recipientis nullam contineat.

*Si primum*, & hoc constat, ab Episcopo, vel alio Prælato, qui Jurisdictionem quasi Episcopalem habet, relaxari potest, prout colligitur ex c. Abbas 2. de his, quæ vi, metusve causa, c. si verò 8. h. tit. & c. licet 2. eod. in 6. Ratio est, quia per tale Juramentum, ut hætenus ostensum est, nullum Jus acquiritur ei, cui præstatur, nec contractum confirmat, sed Juramentum unice servandum est ob reverentiam Divini Nominis: & hinc Prælatus, vices Dei gerens, ejus nomine relaxare illud potest.

97 *Si secundum*, nemo relaxare illud potest, invito eo, cui præstitum est, præter Summum Pont. idque non nisi ex gravissima causa, & ob bonum commune. Snar. l. 2. de Juram. cap. 41. n. 2. Sanch. l. 3. mor. c. 21. nu. 2. Laym. inc. 8. cit. nu. 2. Haun. tom. 5. tr. 4. nu. 898. Pirh. hic num. 154. Ratio est, quia cum per tale Juramentum sit Jusquæsitum alteri, non potest illud ei auferri, nisi per Supremum Principem, summa in Spiritualibus potestate præditum, cum Juramentum sit vinculum Spirituale. Potest tamen etiam Episcopus interdum relaxare Juramentum alteri præstitum, v. gr. non accusandi, non denuntiandi, si bonum Diocesis hoc postulet. Sylv. V. Juramentum 5. q. 3. Snar. l. 2. de Juram. cap. 41. nu. 5. Laym. l. 4. tr. 3. cap. 11. nu. 5. & indicat S. Thom. 2. 2. q. 89. art. 9. ad 3. ubi dicit, quòd id maximè pertinere videatur ad potestatem Papæ. ergo aliquando etiam ab Episcopo id fieri potest juxta rei, & personarum qualitatem.

Si dubium sit, an Juramentum contineat turpitudinem ex parte recipientis, vel non, in tali dubio præsumptio est de valore Juramenti, atque jus ejus, cui juratum est, exinde fundatum manet, donec de eo dolus, aut vis injusta demonstretur.

98 Dub. 1. quoniam Episcopus relaxare debeat Juramentum promissorium factum homini, num ipsius jurantis, an verò ejus cui juratum est: Resp. cum distinctione: Vel enim relaxatio Juramenti petitur in foro conscientie tantum, seu extra Judicium: vel in foro externo: & tunc vel petitur relaxatio tantum in ordine ad effectum agendi, seu petendi in Judicio rescissionem Juramenti dolo, vel metu extorti; vel petitur in ordine ad tollendam omnino obligationem dandi, aut solvendi, quod promissum est.

*Si primum*, videlicet si Juramenti relaxatio solum petitur in foro conscientie, Episcopus jurantis id relaxare debet; quia is solus in eo foro habet Jurisdictionem in illum. Snar. l. 2. de Juram. c. 41. n. 10. Sanch. l. 3. mor. c. 21. n. 35. Laym. inc. 8. h. tit. nu. 6. Gonzal. in c. 1. eod. n. 14. Pirh. hic n. 156.

*Si secundum*, & jurans petit relaxationem in ordine ad effectum agendi, vel petendi rescissionem Juramenti, iterum ad Episcoporum jurantis relaxatio sic facienda spectat, quia agitur de vinculo conscientie; ratione cujus impeditur jurans ab agendo; hoc autem vinculum dissolvere ex justa causa pertinet ad Prælatum proprium, & ordinarium. Neque necesse est, ut eo casu citetur pars, cui juratum est; quia non agitur de magno illius præjudicio, cum non obstante relaxatione sic facta, adhuc jus suum in judicio possit prosequi. Sanch. nu. 28. c. 36. & qui suprà.

99 *Si tertium sit*, & relaxatio petatur in ordine ad tollendam omnino obligationem dandi, vel solvendi, quod promissum est, ordinariè relaxatio, Juramenti fieri debet per Episcopum ejus, cui juratum est. Sanch. n. 36. & cit. suprà. Ratio est, quia cum tunc citatione partium opus sit, & cognitione causæ ob grave præjudicium, quod versatur in hujusmodi relaxatione, ille Judex rescindere Juramentum debet, qui est Ordinarius Rei; nam actor forum Rei sequi debet. atqui si à Judice petitur, ut promissio, vel contractus, præmissa Juramenti relaxatione, rescindatur, reus est is, cui juratum est. igitur is, qui Rei est Ordinarius, Juramentum eo casu relaxare regulariter debet.

Dixi Ordinariè, & Regulariter; nam triplex Exceptio fieri debet. 1. si is, cui juratum est, spontè se subjiciat

Schmalzgrueber Tom. II.

Episcopo jurantis, quia nim. ipsemet agit ad implendam promissionem, seu contractum juratum coram Episcopo jurantis; nam eo casu Episcopus jurantis, præmissa cognitione causæ, si invenerit Juramentum esse dolo, vel metu injustè incusso extortum, potest ab eo absolvere suum subditum, cum tunc jurans sit reus. Sanch. Layman Pirh. l. cit. 2. si causa relaxandi, videlicet dolus, aut vis injusta, notoria sit; tunc enim relaxatio Juramenti fieri potest sine citatione partis, & conf. etiam ab Episcopo jurantis, proderitque relaxatio hæc juranti ad hoc, ut si postea conveniatur de observatione Juramenti, per Exceptionem doli, aut metus se possit defendere, ut notat Alex. in c. debitores 6. h. tit. 3. si contractus, juramento injusto extorto confirmatus, sit celebratus extra Diocesim jurantis, & cui juratum est; tunc enim Episcopus loci, ubi celebratus contractus est, de contractu celebrato cognoscere, & si constet, juramentum injustè extortum fuisse, illud relaxare debet. Sanchez Pirhing. loc. citat. Ratio est, quia contrahentes sortiuntur forum in loco contractus capit. final. de for. competent.

Dub. 2. an non tantum Prælatus Ecclesiasticus, sed etiam Judex, seu Magistratus secularis relaxare possit Juramentum homini præstitum? Ratio dubitandi est, quia Juramenti obligatio est Spiritualis. igitur Sæcularis, & Civilis potestas de ea non potest disponere, Conf. Civilis potestas impedire non potest Ecclesiasticam Jurisdictionem, at si vires Juramenti impedire posset, Jurisdictionem Ecclesiasticam impediret, cum medio Juramento jurans efficiatur Jurisdictionis Ecclesiasticæ. Ob has rationes plures DD. censent potestatem Civilem prohibere tantum posse Juramentum apponi, nunquam tamen impedire: imò neque impedire posse vires illius, si contractibus aliis licitis apponatur, licet contractus, quibus Juramentum apponitur, Jus positivum irritos, & nullos fecerit. Movetur, quia ex eo, quòd Juramentum afficiat contractus Jure positivo invalidos, non efficitur, quòd etiam Juramentum invalidum sit, ut patet in Juramento solvendi usuras, illasque non repetendi, ubi validum est Juramentum, promissio tamen invalida. Ego ad dubium propositum.

Resp. 1. non excedit potestatem Judicis secularis indirectè relaxare vinculum Juramenti inter Laicos sibi subditos, si res Juramento promissa pertineat ad forum sæculare, & bonum publicum istud exigit. Molin. tr. 2. de Just. D. 149. num. 12. Sanch. l. 3. c. 22. num. 15. Pax Jordan. l. 14. tit. 22. num. 165. Haun. tom. 5. tract. 4. num. 905. Laym. inc. 28. h. t. num. 7. Gonzal. in c. 1. eod. num. 12. Zoef. hic num. 80. Pirh. num. 159. Ratio est, quia si exigit bonum publicum relaxari Juramentum, is, cui juratum est, debet illud remittere juranti, ergo si neget remittere, Judex etiam secularis nomine, & loco illius, etiam renitentis, remittere poterit. Ratio Conf. est, quia generaliter, quando subditus tenetur præstare consensum ad actionem aliquam, & renuit, Judex, seu Magistratus supplere consensum illius potest, eoque invito præstare, quod hic, & nunc bonum publicum exigit, ut patet in multis aliis casibus, & exemplis.

Resp. 2. Potest probabiliter Magistratus, sæcularis, saltem Princeps, qui Superiorem non recognoscit, si bonum publicum ita postulet, pactum aliquod, quod bonis moribus Civilibus, & fini Politico Reip. adversari videretur, adeo infirmare, & irritum reddere, ut neque accessione Juramenti confirmetur. Sanch. l. 3. mor. cap. 12. num. 50. Pirh. hic num. 139. Ratio est, quia quòd Juramentum confirmare possit contractus, Jure positivo irritos, vel irritandos, non ex propria virtute habet, sed ex Jure positivo humano talem vim confirmandi eidem tribuente. ergo si Jus, aut Lex positiva, vel consuetudo vim Legis obtinens, nolit contractum Juramento confirmari, Juramentum non confirmabit illum contractum. Conf. nam quævis potestas publica debet esse sufficienter instructa ad prohibendum ea, quæ fini suo, & bono communi obesse possunt: inter hæc possent esse pacta, vel contractus aliqui, & horum obligationes. igitur potestas dari debet ejusmodi contractus infirmandi, & quidem ita, ut nullo modo, ne quidem per appositum Juramentum, confirmari possint; alias eluderetur publica potestas, si subditi, quod una via per pactum, aut contractum consequi non possunt, alia via, nimirum per Juramentum consequerentur.

Q

Resp.



103 Resp. 3. Potest idem Princeps Sæcularis supremus, si publicum bonum ita exigat, infirmationem contractus facere, ita, ut non tantum non oriatur obligatio Justitiæ, quæ oriretur ex Juramento, si confirmaret contractum, sed etiam, ut neque nascatur inde obligatio Religionis. Sanch. l. 3. c. 22. n. 10. Less. l. 2. de Just. c. 42. n. 55. & 56. Bonac. tom. 2. D. 4. q. 1. p. 17. n. 1. Pal. D. 2. de Juram. p. 13. n. 2. Pirh. hic n. 159. Ratio est, quia potest suum subditum reddere inhabilem ad acceptandam promissionem, hac, vel illa forma præstitam, sed absque acceptatione promissorum Juramentum obligationem non inducit. ergo &c.

Resp. 4. Potest Magistratus, vel Princeps sæcularis ob bonum publicum prohibere executionem obligationis per Juramentum inductæ: quo facto cessabit hoc ipso obligatio ista, cum Juramentum esse vinculum iniquitatis nequeat.

Resp. 5. Potest Imperator Principem, vel Statutum Imperii subjicere Banno, cujus effectus inter ceteros est relaxatio Juramenti fidelitatis, quo Principi, vel statui illi ipsorum subditi ante Banni declarationem fuerunt obstricti.

104 Ad Rationem dubitandi num. 100. allatam dico; per eam plus non probari, quam quod Judex Sæcularis non possit relaxare Juramentum directè: quod non est contra assertam doctrinam, in qua, prout ex quintuplici data Responsione patet, relaxatio solum fit indirectè, subtrahendo sc. fundamentum Juramento, quo subtrahito etiam obligatio ipsius cadit. Ex quo sequitur ad Conf. nam ut relaxare Juramentum, ita etiam impedire indirectè sic relaxando extensionem Ecclesiasticæ Jurisdictionis Princeps, vel Magistratus Sæcularis potest. Neque hoc limites potestatis Sæcularis excedit, sed vel maximè ei conveniens est, quippe cum hoc modo obviatur fraudibus, quæ ob recursum ad Ecclesiasticam Jurisdictionem in his contractibus intervenire solent.

105 Dub. 3. an & qualis requiratur causa, ut Juramentum relaxari, vel dispensari in eo possit? Resp. si homini factum sit, ab hoc, cui factum est, relaxari, vel condonari potest, pro libitu, etiam sine causa. Ut ab alio solvatur, & relaxetur Juramentum, certum est requiri causam, etiam dum Pontifex dispensat; quia ejus vinculum obligat Jure Divino, & conf. consentiente Deo solvendum est. deficiente autem causa, Deus non consentit. ergo &c.

Porro causas relaxandi Juramentum recenset Rodriq. in Summ. part. 1. cap. 27. num. 5. Azor part. 1. l. 11. cap. 9. quest. 7. Gonzal. in cap. 1. h. tit. num. 15. & alii. 1. Si turpitudine detur in Juramento ratione materiæ, vel rei promissæ cap. ex administratione 1. h. tit. 2. Si dolo, aut metu extortum sit cap. verum 15. & cap. si verò 8. h. t. 3. Si gravius, aut majus bonum faciendum occurrat. capit. pervenit 3. eod. 4. Si temere, & inconsideratè juratum sit cap. tuos 24. 5. Si dubitetur, an Jusjurandum locum habeat, necne. 6. ut aliorum offensio tollatur. 7. Ut peccati periculum, & occasio præcidatur &c.

## TITULUS XXV.

### De Exceptionibus.

**H**Actenus considerata sunt arma Actoris, quibus ille munitus reum aggreditur, & intentionem tuam probat: nunc examinandum, quæ sint defensiones Rei; nam cum in Judicio æqualitas observanda sit inter Actorem, & Reum, æquum est, ut sua etiam reo concedantur arma, quibus se contra Actorem defendat, & hujus Probationes elidat. Hæc arma Exceptiones sunt, de quibus hoc Titulo. Nomen Exceptionis derivatur à Verbo *Excipere*; nam qui Exceptionem opponit, quasi aliquid capit, vel tollit ex actione proposita. Germanicè dicitur *ein Aufzæg, Schutz, oder Gegennuehr, Einredt*. Sit igitur

### §. I.

#### De Natura, Varietate, & Origine Exceptionis.

### S U M M A R I U M.

- 1 *Definitio Exceptionis.*
- 2 3 *Varietas.*
- 4 *Quid sint Exceptiones Peremptoriae?*
- 5 *Quid Dilatoria?*
- 6 *Quare illæ dicantur Perpetuæ, hæ Temporales?*
- 7 8 *Quo Jure Exceptio competat?*
- 9 *Quid sit replicatio?*
- 10 *Quæ Replicationes rejiciende?*

**Q**Uæritur 1. quid sit *Exceptio*? Respond. nomen Exceptionis dupliciter sumi; aliquando enim sumitur *latè* pro omni defensione, quæ reo competit, etiam si nulla Adversario debeat Actio, vel si debebatur, jam fuerit sublata, ut si ex empto agat, qui emptionem non celebravit, si rem reperat, quam alter præscripsit &c. Hæc à quibusdam dicitur *Exceptio facti*, seu *intentionis*, per quam excluditur intentio Actoris.

Aliquando Exceptionis nomen accipitur *strictè* pro defensione, quæ reo competit, & qua excluditur Actio, vel potius effectus Actionis Adversario de Jure aliàs competentis, & hoc propter æquitatem naturalis, quia ob aliquam causam iniquum foret reum eo nomine condemnari, ut si Cajus, metu adactus à Titio, vendidit ei suum agrum; nam si Titius postea agat ex empto ad traditionem rei, quæ actio emptori aliàs de Jure competit, potest Cajus excipere, quod metu adactus vendiderit, & à Judice petere rescissionem contractus. Hæc Exceptio à quibusdam appellatur *Exceptio Juris*, &c.

Definiri potest, quod sit *actionis exclusio*, qua reus actionem contra se institutam vel retardat, vel penitus elidit. Colligitur ex l. exceptio 2. ff. h. tit. & concordant quoad sensum DD. Differt ab *Actione*, quia Actio Actoris datur, ut id, quod sibi debetur, in Judicio persequatur; Exceptio aurem Reo, ut se contra Actorem defendat, & quod hic sibi deberi vult, ostendit non deberi, vel non ita deberi. Neque obstat l. agere 11. ff. h. t. ubi dicitur, quod Reus *Exceptione* fiat *Actor*; non enim fit Actor verè, vel ita, ut propterea dici possit Actionem institueri contra Adversarium suum, sed tantum quoad onus probandi Exceptionem, ubi partes Actoris sustinet, & probare Exceptionem à se objectam debet.

QUæritur 2. quoruplex sit Exceptio? Resp. quinque omnino divisiones asserri. 1. enim dividitur in Propriè dictam, & Impropiè dictam: de quibus n. præc.

2. In Nominatam, & Innominatam. *Nominata* est, cui nomen aliquod à Jure inditum est, qualis est Exceptio solutionis, Jurisjurandi, rei judicatæ &c. *Innominata* vocatur, quæ certo nomine in Jure non designatur, eamque ob causam *Exceptio in factum* indigitatur. Gonzal. inc. 4. h. t. n. 7.

3. In Civiles, & Prætorias. *Civiles* sunt, quæ à Jure Civili sunt introductæ. Tales sunt Exceptiones S. C. Macedoniani, Vellejani, non numeratæ pecuniæ, Juramenti, rei judicatæ &c. *Prætorie* appellantur, quæ à Prætore ob naturalem æquitatem concessæ sunt, ut doli mali, & metus exceptio; item Pacti conventi de non petendo, & aliæ, quarum celebriores enumerat Imperator §. quarum 8. Inst. h. tit.

4. In Reales, & Personales, quibus aliqui addunt tertiam speciem, nempe Mixtas Exceptiones. *Reales* sunt, quæ rei, seu causæ adhærent: unde non solum principali debitori, sed etiam hæredi ejusdem, & fidejussori profunt. Tales sunt Exceptio doli, metus, restitutionis in integrum, rei judicatæ &c. *Personales* dicuntur, quæ non causæ, sed personæ intuitu dantur, cum qua proinde etiam extingui solent. Talis est Exceptio competentis, quæ datur reo, quando socius omnium bonorum agit adversus socium, libertus adversus patronum, filius adversus patrem, uxores adversus maritum pro repetenda dote; tunc enim Rei conventi Exceptionem competentis habent, i. e. ut in id tantum condemnentur, quod honestè facere possunt, ne ipsi egeant: quæ

Exce-



exceptio, cum intuitu tantum harum personarum detur, aliis, nim. earum fidejussoribus vel successoribus, non competit *l. exceptiones 7. princ. ff. hoc tit. Mixta* tandem appellantur, quæ certo personarum generi dantur, non tamen intuitu solius personæ, sed etiam ratione materiæ: hinc etiam Fidejussoribus eorum competunt, quibus dantur. Harum quatuor sunt, nim. 1. exceptio S. C. Vellejani, per quam succurritur mulieribus, si per suam intercessionem, aut fidejussionem lædantur. 2. exceptio S. C. Macedoniani, quæ datur Filiosam. sine consensu Patris mutuam accipienti. 3. exceptio Operarum, quæ datur liberto, ut non teneatur operas in manumissione à patrono impositas præstare, quippe quæ onerandæ libertatis causa impositæ sunt. 4. exceptio restitutionis in integrum, quæ competit minori 25. annis.

5 Denique celeberrima divisio exceptionis est in Dilatorias, & Peremptorias. De his

4 Quæritur 3. quid sint Dilatorias, & Peremptoriæ exceptiones? Resp. *Peremptoria* vocantur, quæ jus actoris perimunt, & semper agentibus obstant §. *perpetua 9. Instit. hoc tit. l. exceptiones 3. princip. ff. eod.* Hæ triplicis generis sunt; nam 1. earum quædam ostendunt actionem nunquam fuisse otiam, ut si quis excipiat, non donatum, non contractum, non legatum &c. fuisse, quod alter donatum, legatum &c. dicit. 2. aliæ contendunt actionem, quæ competeat, fuisse extinctam, ut rei judicatæ, transactionis, Jurisjurandi, compromissi, solutionis, pacti de non petendo, præscriptionis, & similes exceptiones, quæ *Litis finita* dicuntur. 3. Aliæ opponunt, Actionem, seu jus agendi quidem competere adversario, sed illud elidi, ac perimi posse, ac proinde esse inefficax, cujusmodi sunt exceptiones doli, metus, erroris &c.

5 *Exceptiones Dilatoria* dicuntur illæ, quæ actionem non omnino perimunt, vel tollunt, sed tantum differunt ad tempus §. *temporales 10. Instit. hoc tit.* Etiam istæ diversi sunt generis; nam 1. aliquæ respiciunt personam Judicis, quod suspectus, juris imperitus, incompetens sit; quod ob alium defectum corporis, animi, vel naturalium, judicis officio fungi nequeat; quod reus ab alio Judice jam sit præventus &c. 2. aliæ respiciunt personam actoris, vel Procuratoris ejusdem, & opponuntur ad repellendum illum ab agendo, ut si excipiat, quod pupillus sine Tutore compareat in judicio ad agendum, minor sine Curatore, filius sine consensu patris, Procurator sine mandato &c. 3. aliæ respiciunt personam Rei conventi: hæ opponuntur actori, querendo coram Judice, quod ab actore sit spoliatus, ac propterea per hanc exceptionem reus petit restitui prius in integrum, antequam cogatur respondere. 4. aliquæ respiciunt locum, & tempus Judicii, quod videlicet locus non sit tutus, aut honestus, quod tempus sit feriatum, terminus nimis angustus, & brevis, quod dies solutioni præfixus nondum advenerit &c. 5. denique aliquæ respiciunt ipsam causam, ut est exceptio Libelli inepti, vel obscuri, litis pendentis, plus petitionis, ne causæ continentia dividitur, quod solutionis dies nondum advenerit &c.

6 Imperator §. *appellantur 8. & §. seq. Instit. hoc tit.* Exceptiones Dilatorias Temporales, Peremptorias vero Perpetuas appellat: quid non est accipiendum de tempore, quasi tamdiu duret jus excipiendi; nam potest aliqua esse peremptoria, quæ tamen non nisi certo tempore datur, uti est exceptio non numeratæ pecuniæ, quæ tantum durat biennio; & è contrario potest esse exceptio aliqua Dilatoria, quæ tamen durat perpetuo, & nullo tempore præscribitur, aut expirat. Sed Dilatoriæ quidem Temporales dicuntur; quia actionem, ut dixi, non omnino perimunt, sed ad tempus tantummodo differunt: Peremptoriæ autem perpetuæ appellantur; quia in perpetuum actionem perimunt.

7 Quæritur 4. quo jure exceptio competat? Resp. varias esse sententias; nam 1. Abb. in Rubr. *hoc tit. n. 3.* Vvesenbec. ff. *eod. n. 8.* Harpr. princ. *Instit. dist. tit. n. 12.* originem exceptionis referunt ad Jus naturale; quia exceptio defensionis est, quæ jure naturæ competit.

2 Corasius l. *Met. cell. cap. 16. num. 10.* Faber *jurispr. tit. 2. princip. 5. ult. 5.* Hunnius vol. 2. D. 26. *quæst. 3. §. verum* contendunt eas esse civili jure introductas, & hoc duplici persuasi argumento. 1. quia exceptio est ex-

Schmalzgrueber Tom. II.

clusio actionis, ut *num. 1.* dictum est, sed actiones inventæ sunt à jure civili, igitur etiam exceptiones. 2. quia exceptio tolli Lege, aut Rescripto Principis potest *cap. ex parte 13. de offit. del. 3. l. si quis 3. §. si 3. ff. quod quisque juris &c. l. exemplo 36. C. de Decur.* tolli autem exceptio non posset, si juris naturalis esset §. *sed naturalia 11. Institut. de J. N. G. & C. & l. eas obligationes 8. ff. de cap. minut.*

3 Host. & alii in hanc Rubr. mediam eligunt viam, & dicunt, exceptiones quoad originem, & substantiam esse juris naturalis; quod ad formam verò, & solemnitatem esse juris civilis. Hæc sententia facillè refellitur; nam substantia exceptionis non differt à forma ejusdem, cum aliter reus defendere se exceptione nequeat, quam si eam juxta formam judicialem opponat adversario, igitur quoad utramque aut à jure naturali, aut à positivo indivisum descendet.

4 Alii cum Aretino aliter distinguunt, & si quidem 8 facultas excipiendi descendat à jure civili, ut in exceptione Præscriptionis, aut rei judicatæ, volunt exceptionem tribuendam juri civili; si vero materia illius proveniat à jure gentium, veluti exceptio pacti conventi, vel similes legitimæ defensionis, tribuendam juri gentium. Neque ista satisfacit; quia actio, & exceptio in jure aequaliter se habent, sed etsi contractus, qui est actionis materia, sit juris gentium, actiones tamen semper dicuntur esse juris civilis, igitur etsi exceptionis materia aliquando sit juris gentium, ipsa tamen exceptio esse potest adhuc juris civilis.

5 Gonzal. in cap. 5. *hoc tit. num. 6.* P. König *hic nu. 8.* P. Schmier *Proc. judic. c. 14. n. 18. & seqq.* alia distinctione utuntur; nam si exceptio sit introducta ad justam, & necessariam defensionem, concedunt jure naturali illam competere, sive deinde illa à jure naturali causam ducat, sive à jure civili; nam utroque casu exceptio verè defensio est, nec quidquam refert ad rationem veræ defensionis, an per modum à natura introductos, an per modos à jure civili inventos fiat. At si defensioni non deservit, vel ad eam non sit necessaria, ut est exceptio Competentiæ, S. C. Macedoniani, Vellejani &c. volunt exceptionem solius juris positivi esse: & hac concedunt Lege civili, aut Principis Rescripto tolli posse, cum eo casu nulla defensio naturalis, sed solum positivi juris tollatur. Hinc sententiæ non illibenter ad stipulor, cum omnium maximè difficultates cæterarum evitet, vel complanet.

Quæritur 5. quid sit Replicatio? Resp. hæc exceptio 9 ni contraria est, sicut exceptio contraria est actioni; sæpe enim contingit, ut exceptio, quæ prima facie justa videbatur, tamen iniquè noseat: hinc ut sua etiam actori adversus hujusmodi exceptionem detur defensio, eidem conceditur Replicatio, ita dicta, quia per eam replicatur, & resolvitur jus exceptionis, prout dicitur, in princ. *Instit. de replat.* Nihil autem Replicatio aliud est, quam exceptionis elisio, qua actor reum adversus se excipientem repellit. Colligitur ex princ. cit. l. *exceptio 2. §. replicationes 1. ff. & l. non exceptionibus 10. C. de except.*

Si Replicatio justa, aut efficax esse non videatur, ad eam elidendam à reo opponitur Duplicatio: quæ etiam ipsa per Triplicationem ab actore, & hæc per Quadruplicationem à reo oppugnari potest §. *rursus 1. & duob. seqq. Instit. de Replicat.* Sicque porro multiplicantur defensionum nomina, quamdiu vel actor, vel Reus habet, quod obiciat ad se salvandum. Vvesenbec. ff. *hoc tit. n. 3.*

Ne vero sic obiciendo in infinitum procedatur, sic 10 que repetitis ultro, citroque hujusmodi allegationibus, negotium potius implicetur, quam explicetur, hinc judicis partes erunt hac in re modum allegationibus ponere *Auth. jubemus C. de judic. In Ord. Cam. part. 3. tit. 26. §. 2. & tit. 29. §. ult.* cautum est, ut in exceptionibus Dilatoriis ultra Duplicam, & in peremptoriis ultra Triplicam non procedatur. In praxi tamen etiam Quadruplica admitti solet, nisi Judex circumstantiis facti permorus, vel partes conventionem inter se facta contrarium statuissent.

Præ cæteris autem, tanquam inutilis reijci, & repelli debet Replicatio, si talis sit, ut tamen si probata sit, non tamen excludat exceptionem; nam sicuti ad omnem exceptionem (intellige peremptoriam) requiritur, ut per eam excludatur actio, sive intentio, aut jus



agentis, ita ad omnem replicationem requiritur, ut per eam excludatur exceptio. Ratio utriusque sumitur ex Principio generali, quod deducitur ex *l. ad probationem* 21. *C. de Probat.* videlicet neminem admittendum ad probandum, quod probatum non relevat. Atqui Replicatio, nisi elidat exceptionem, & exceptio, nisi elidat actionem, non relevat replicantem, vel excipientem. Igitur sicut exceptio non exclusiva actionis repelli debet, ita & Replicatio non exclusiva exceptionis.

## §. I I.

## De Exceptionis Oppositione.

## S U M M A R I U M.

- 11 Cui, & à quo opponi exceptio possit?
- 12 13 An audiri debeat etiam excommunicatus excipiens?
- 14 15 An etiam possit appellare?
- 17 18 19 An reus Excommunicatus Actorem Excommunicatum Exceptione Excommunicationis repellere?
- 20 21 22 Quando opponi debeant Exceptiones Dilatorias?
- 23 24 Quando Peremptoria?
- 25 26 An Iudex possit statuere terminum ad Dilatorias opponendas?
- 27 An etiam Exceptionibus Peremptoriis?
- 28 Quomodo Exceptionibus opponi debeant?
- 29 Qua forma, & ordine?
- 30 An plures simul?
- 31 An etiam contraria?
- 32 33 Quomodo probari debeant?

11 **Q**Uæritur 1. cui, & à quo opponi exceptio possit? Resp. exceptio opponitur Actori, & ejus heredibus *argum. l. quod ipsis 143. ff. de R. J.* Opponere eam possunt omnes, qui agendi potestatem habent; nam cui damus actionem, eidem multo magis exceptionem competere quis dixerit, ut rectè Ulpianus *l. inuitus 156. §. cui damus 1. ff. de R. J.*

An etiam exceptio competat illi, qui agere nequit, dubitare quis posset, ex ratione, quia, ut dicitur *l. in exceptionibus 19. princip. ff. de Probat.* reus excipiendo fit actor. Sed hoc non obest, ut cum Vvesenbec. *C. hoc tit. num. 5. & 6.* Zoef. *n. 4.* Pirhing *num. 4. & seqq.* König *num. 10.* Sannig *c. 1. num. 2.* docet communis DD. quia exceptio ad defensionem pertinet, quæ omnibus licet. Ad Rationem dubitandi exceptionem opponens, ut *n. 1. dictum est*, non fit verè actor, cum nihil petat sibi dari, aut fieri, sed tantum intendit actionem elidere per exceptionem oppositam: cum vero hoc efficere nequeat, nisi probet exceptionem, probandi onus autem regulariter actori incumbat, hinc non immerito dicitur etiam ipse actoris partibus fungi.

12 Dub. 1. an etiam excommunicatus excipiens in iudicio audiri debeat? Ratio dubitandi est; quia excommunicatus non potest agere in iudicio, ergo nec excipere; nam Reus excipiendo fit actor. 2. Ratio, propter quam excommunicatus repellitur à iudicio, est propter periculum participationis cum illo, sed hæc ratio æquè militat, siue excommunicatus adsit in iudicio, ut reus, siue ut actor. 3. si reo concederetur exceptio, etiam concedi eidem deberet Reconventio; nam etiam hæc est defensio.

Sed affirmativa sententia satis clarè constat ex *c. cum inter 5. hoc tit.* ubi ratio additur, quia nimirum æquitas postulat, ne impugnante actore, reo copia defensionis negetur. Habet autem huiusmodi exceptio rationem necessariæ defensionis. ergo &c.

3 Rationes dubitandi allatæ faciliem habent solutionem. Ad 1. negatur paritas inter actorem, & Reum; nam actor voluntariè provocat ad iudicium, cum nemo agere compellatur; Reus vero necessitate compellitur ad sistendum se iudicio, quia *Judicium etiam in invitum redditur*, ut Paulus *l. inter stipulantem 83. §. si Stichum 1. ff. de V. O.* loquitur. Igitur etsi actor esse excommunicatus nequeat, cum tamen reus est, permittenda ipsi est omnis defensio, quæ alias reo competit; alias contingeret sæpenumero, ut condemnaretur absolvendus. Ad 2.

ratio, quare actor excommunicatus repellatur à iudicio, non tantum est, ne cum ipso communicetur, sed vel maximè, ut inde afficiatur rubore, & ab excommunicatione resipiscat, hæc autem ratio non pugnat in reo; quia si repelleretur à iudicio, non ruborem pateretur, sed potius commodum ferret. Deinde periculum communionis nullum est, cum reus in iudicio auditur, & excipit; quia tunc à culpa, & conf. etiam à Censura excusat necessitas, & ratio communis boni, quod sequitur, si reus excommunicatus cogatur comparere in iudicio. Ad 3. Reconventio non est verè, ac propriè defensio, sed potius actio, & impugnatio; est enim nova, & secunda conventio: ideoque cui prohibita est conventio, etiam prohibita est Reconventio, Vivian. in *c. 5. cit.* Layman *ibid. n. 6.* Gonzal. *n. 6.*

Dub. 2. utrum excommunicatus si contra iustitiam 14 condemnatur, appellare etiam possit? Resp. potest appellare, ut habetur *c. cum inter 5. hoc tit.* Ratio est, quia omnis defensio in iudicio excommunicatis est reservata, est autem Appellatio quædam defensio, cum principaliter instituta sit ad removendum gravamen à iudice illatum, aut verisimiliter inferendum. Ergo &c. Conf. quia nisi excommunicatus per sententiam condemnatus facultatem haberet appellandi, posset, per transitum sententiæ in rem iudicatam ei grave præjudicium generari, cum fortè sit innocens in causa, propter quam litigat.

Extenditur responsio 1. ut non solum appellare possit, sed etiam appellationem prosequi, uti sumitur ex *capit. significaverunt 11. hoc tit.* Ratio est, quia parum, vel nihil prodesset appellati, nisi illam posset appellans prosequi. Estque hoc verum non tantum casu, quo excommunicatus appellans in prima instantia fuit reus, sed etiam, quando actor, quia, cum appellatio, ut dictum, sit quædam defensio, excommunicatus appellans in secunda instantia quodammodo reus fit. igitur non obest, quod in prima instantia fuerit actor.

Extenditur 2. ut excommunicatus appellans etiam Rescriptum impetrare possit, & beneficio illius iudices, qui de causa appellationis cognoscant, ut deciditur *cap. dilecta 10. hoc tit.* Ratio est, quia si quidpiam alicui concessum sit, censetur etiam concessa ea, sine quibus illud inefficax foret, vel commodè expediri non posset *c. præterea 5. de offic. deleg.* parum autem, vel nihil prodesset excommunicato facultas appellandi, vel appellationem prosequendi, nisi pro causa appellationis posset impetrare iudices. Igitur hoc ipso, quod excommunicato concessum sit appellare, & appellationem prosequi, etiam concessum censi debet, quod super ea possit impetrare Rescriptum ad iudices Delegatos. Neque requiritur, ut in Rescripto fiat mentio de excommunicatione; nam reticentia veritatis tum solum Rescriptum vitiat, quando tale aliquid recitetur, quod si scivisset Princeps, Rescriptum non dedisset, atqui Rescriptum tale adhuc fuisset datum, etiam si in eo fuisset expressa excommunicatio.

Extenditur 3. ut hoc procedat, non solum, si appellans excommunicatus sit ex aliis causis, sed etiam si excommunicatus fuerit propter causam, à qua appellavit, prout cum aliis notat Pirhing *hic num. 14.* & sumitur ex *c. ipso jure 1. de rescript. in 6.* ubi generaliter, & indistinctè permittitur excommunicato impetrare Rescriptum in causa excommunicationis, vel appellationis. Neque obstat *cap. per tuas 40. vers. verum in aliis de sent. excomm. & capit. cum contingat 36. vers. verum de offic. deleg.* ubi probatur excommunicatum appellantem non esse prius audiendum super prosecutione appellationis, quam ab excommunicatione fuerit absolutus; nam id intelligendum est casu, quo aliquis ab ipsa excommunicationis sententia appellat: tunc enim prius absolvi debet, neque antea ad litigandum de injustitia appellationis admitti, ne videatur censuram Ecclesiasticam contemnere.

Dub. 3. an si uterque litigans excommunicatus sit 17 excommunicatione majori, & reus actori opponat exceptionem excommunicationis, eundem actor replicatione excommunicationis possit repellere? Resp. non posse. Ita Gaill. *l. 1. observ. 71. nu. 5.* Vvesenbec. *C. hoc tit. num. 6.* Pax Jordan. *l. 14. tit. 23. n. 15.* Layman in *c. 2. nobis 2. hoc tit. n. 1.* Gonzal. *ibid. num. 6.* Ratio est, quia in hoc casu non habet locum compensatio excommunicationis



tionis unius cum excommunicatione alterius ob defectum paritatis; nam favorabiliores sunt Rei, quam actores, ideoque reo facilius conceditur defensio, seu exceptio, quam actori impugnatio, seu actio. Multo minus actor excommunicatus, cui reus opposuit excommunicationem majorem, repellere eundem potest per exceptionem excommunicationis minoris, ut deciditur *cap. a nobis citat.* & docet *ibidem* Vivian. in *ration.* cum aliis. Ratio est, quia per excommunicationem majorem repellitur excommunicatus à communione Fidelium, & conf. etiam à communicatione forensi; at per Minorem solum arcetur à participatione, seu perceptione Sacramentorum.

- 18 Sed quid, si reus excommunicationem minorem incurtisset per communicationem cum actore excommunicato. *Videtur tunc repelli posse* ab actore exceptionem Rei; nam qui communicavit cum actore excommunicato, approbavit saltem tacite, & ipso facto personam illius, sed quem semel quis approbavit, non potest deinde eundem reprobare, ergo &c. *Sed adhuc dicendum*, nisi communicaverit cum actore excommunicato in crimine, adhuc reum posse opponere exceptionem excommunicationis, neque ipsum ab actore ob communicationem tecum habitam ab exceptione repelli posse. Vivian. in *c. 2. cit.* Gonzal. *ibidem* n. 5. Barbosa n. 1. nam adhuc urget ratio allegata. *Neque obstat* ratio dubitandi allegata in contrarium; nam Regula ibi posita locum habet tantum in iis rebus, in quibus consentiendo videtur aliquis renuntiare juri suo: hoc autem in proposito non contingit; nam vel actor est excommunicatus toleratus, vel non toleratus. *Si non toleratus sit*, tenetur eum vitare, neque potest renuntiare juri suo: *si toleratus est*, jure novo Concilii Constantiensis libera facultas conceditur Fidelibus communicandi cum illo, vel eundem vitandi, prout voluerint, quod cum in favorem Fidelium sit institutum, late interpretandum est, nec statim excommunicatione cum illo præsumenda approbatio personæ ejusdem pro omni casu.

- 19 Quod de Reo excommunicato dictum est, dicendum est etiam, si alias infamis, vel criminosus sit; nam adhuc potest actori opponere exceptionem infamiae, vel criminis, non obstante suo crimine, vel infamia: & ratio est; quia universim plus requiritur, ut quis in judicio possit agere, quam ut excipere ipsi liceat; excipere enim licet omni reo non autem omni illi, qui reus esse in judicio potest, etiam licet esse actorem.

Queritur 2. quando singulae exceptiones proponi debeant? Resp. aliter discutendum de exceptionibus Dilatoriis, & aliter de peremptoriis. Hinc

- 20 Dub. 1. quando opponi debeant exceptiones Dilatoriæ? Resp. pleræque regulariter opponendæ sunt ante contestationem litis: Ita Marant. *de Ordin. Judic. p. 6. memb. 9. num. 7.* Hiltrop. *process. jud. part. 2. tit. 12. n. 26.* Vvesenb. *ff. hoc tit. num. 7.* Vivian. in *c. 4. eod.* Barbosa *ibid. num. 3.* Gonzal. *num. 9.* & in *c. 12. ibidem* n. 10. Layman in *cit. c. 12. n. 1.* Vallenf. *hic* n. 1. & 11. Zoef. n. 5. Pirhing *num. 18.* Engl n. 2. Konig n. 14. Vviesl. n. 12. & sumitur ex *c. inter Monasterium 20. de sent. & re judic. & l. fin. C. hoc tit.* Ratio est, quia hujusmodi exceptiones pleræque impediunt litis ingressum, & respiciunt ea, quæ judicium constituunt, videlicet personas, locum, tempus, contra quæ in principio non excipiunt, in ea consentire censetur, & excipiendi juri renuntiare. Conf. quando reus in judicio Ordinario litem contestatur, judicium suscipitur, & acceptat; cum deinde excipit adversus personas, locum, tempus, judicium recusat. Igitur qui post litis contestationem exceptionem dilatoriam opponit, pugnantia loquitur, sed pugnantia loquens non est audiendus, ergo &c. *Procedit* hoc maxime de iis exceptionibus, quæ respiciunt personam judicis, quia sc. Judex dicitur suspectus, vel incompetens &c. nam hæc ante omnem actum judiciale opponi debent, ne alias reus in judicem suspectum consentire, vel incompetens jurisdictionem prorogare videantur, ut notat Vallenf. *hic* num. 7. Engl n. 2. Konig *num. 15.* cum aliis.

- 21 Dixi 1. Regulariter; nam quinque casus à DD. excipiuntur, in quibus exceptiones Dilatoriæ opponi post litis contestationem possunt, & primi quidem tres auctoritate *cap. pastoralis 4. hoc tit.* duo reliqui, sic suadente æquitate. Primo quidem, si reus prius protestatus

sit, quod salvas sibi velit esse alias exceptiones: Hæc tamen nominatim, & in specie exprimendæ sunt, & quidem in scriptis, nec sufficit in genere dicere *Salvis aliis exceptionibus*; quia alias non satis provisum esset abbreviandis litibus, 2. Si primum post litem contestatam exceptio de novo exorta fuerit vel ex facto Adversarii, ut exceptio spoli, vel respectu Judicis, qualis est exceptio recusationis, vel aliunde; quia quæ de novo emergunt, novo indigent auxilio *l. de arate 11. § ex causa 8. ff. de Interrog. in jnr. fac.* 3. si exceptio quidem competeat ante contestationem litis, sed post eam primum innotuit, quod competeret; hanc enim reus adhuc potest opponere, si juramento testetur, quod malitiosè non excipiat, videlicet litis protrahendæ gratia, sed quod postea primum notitiam ejus acceperit. Ratio est, quia impossibile nulla est obligatio; erat autem impossibile exceptionem opponere; antequam illa innotesceret. 4. Si ignorata quidem non fuit exceptio ante contestationem litis, sed tum probati non poterat, cum tamen postea probandi facultas fuerit acquisita; quia paria sunt non competere exceptionem, & eam probari non posse *arg. c. ut circa 4. de elect. in 6. ibi. Supervenit probandi facultas.* 5. Si exceptio, antea omissa, statim, in continenti post litem contestatam, aut lapsum terminum opponatur; quia quæ in continenti fiunt, inesse censetur *leg. lecta 4. Vers. dicebam ff. de reb. credit.*

Dixi 2. Pleræque; quia post litis contestationem opponi possunt, 1. Exceptiones dilatoriæ, quæ Processum retro nullum reddunt; qualis est exceptio falsi Procuratoris, quod vel mandatum non habeat, vel si habeat, insufficiens sit *l. licet 24. C. de procur.* Exceptio falsi tutoris *arg. rubr. & textus ff. quod falso tutor.* Exceptio incompetentis Judicis, si talis ille sit, in quem pars litigans consentire non possit; uti est sæcularis respectu Clerici. Vall. *hic* n. 11 Zoef. n. 5. Pirhing n. 28. Proceditque hoc; ut hujusmodi exceptio opponi possit etiam post sententiam; nam cum sit exceptio nullitatis, omni tempore opponi potest, 2. Exceptiones, quæ gravamen successivum habent, uti est exceptio loci non tui, vel suspecti, termini angusti, feriarum &c. nam hæc quodcumque opponi possunt. Hiltrop. *tit. 12. cit. n. 68. & 87.* Eckolt. *ff. hoc tit. § 12.* Gonzal. in *c. 4. eod. n. 10.* Konig n. 20. 3. Exceptio excommunicationis majoris; nam hæc in quacunque parte Judicii dilatoriè opponi potest *c. exceptionem 12. hoc tit. & c. pia 1. princ. eod. in 6.* ubi duplex assignatur ratio, scilicet ne reus cum periculo animæ suæ communicare cogatur cum excommunicato, & ut magis censura Ecclesiastica timeatur. Proceditque hoc, etsi malitiosè distulerit reus exceptionem excommunicationis facere, ubi tamen, ut recte Vivian. in *cap. 12. cit.* notat, condemnari in expensas debet; quia per malitiosam dilationem exceptionis actorem laboribus, & sumptibus indebite fatigavit, 4. opponi lite contestata imò in ipsa executione potest exceptio competentis; etsi secundum veriore doctrinam dilatoriarum numero accenseatur *l. ex diversa 17. § fin. ff. solut. matr.* Hiltrop. *loc. citat. num. 88.* 5. post contestationem litis excipi potest de ineptitudine Libelli, Marant. *memb. 9. citat. num. 5.* Hiltrop. *num. 66.* Ratio est, quia Libellus est fundamentum Judicii; sed ubi non est fundamentum positum, omnia ruunt, quæ super struxeris. 6. sunt & aliæ exceptiones dilatoriæ, ipsam causam respicientes, quæ poterunt post litem contestatam objici, & probari, cum non videatur reus in ullo sibi præjudicare ante litem non proponendo, cum ea, quæ causam concernunt, non nisi constituto Judicio, sint proponenda, & tractanda.

Dub. 2. quando opponi debeant exceptiones peremptoriæ? Resp. regulariter post contestationem litis opponuntur, nonnullæ tamen opponi possunt etiam, antequam lis contestata sit, & aliquæ etiam post sententiam.

Dixi 1. Regulariter post contestationem litis opponendas exceptiones Peremptorias. Ita communiter DD. & constat ex *l. siquidem 9. C. hoc tit. & l. peremptorias 2. C. sent. rescind. non poss.* Et tales sunt præcipuè, quæ jus, & actionem ostendunt, & actori competentem elidi, & perimi posse ostendunt. Ratio est; quia hujusmodi exceptiones proprie sunt exclusio actionis, excludi autem, & perimi actio non potest, antequam proposita sit in Judicio, quod constituitur per litis contestationem.



Dixi 2. *Nonnullas opponi posse, antequam lis contestata sit.* Tales sunt. 1. Exceptiones improprie dictæ, videlicet solutionis factæ, præscriptionis &c. Konig *num.* 23. Vviefstner *num.* 27. quia frustra litem contestaretur reus, si actor actionem de jure nullam habet. 2. Exceptiones, quarum veritas notoria est, ita, ut actorem calumniari evidenter constet: imò per has, si opponantur, impeditur contestatio litis, ut notat Perez *C. hoc tit. num.* 11. Ratio est, ne reus laboribus, & expensis frustra fatigetur. 3. Exceptiones peremptoriæ, quæ ex speciali privilegio litis ingressum impediunt, uti sunt exceptio rei judicatæ, transactionis, Jurisjurandi, quæ *Litis finita* dicuntur *cap. exceptionis 1. de lit. contest. in 6.* Hiltrop. *num.* 94. Vallens. *n.* 13. Zoef. *n.* 6. Ratio est, quia lis semel aliquo horum modorum finita amplius inchoari non debet.

24. Dixi 3. *aliquas opponi posse etiam post sententiam.* Tales sunt 1. exceptio nullitatis sententiæ ex quacunque causa. Matant. *de Ordin. jud. p. 4. dist. 16. n. 7.* Vivian. *in c. 6. hoc tit.* Pax Jordan. *l. 14. tit. 23. n. 27.* Ratio est, quia de nullitate sententiæ semper cognoscere Judex potest, & de novo sententiam ferre, cum ferendo nullam, nondum functus officio suo sit. 2. exceptiones, quæ sententiam rescindunt, ut exceptio restitutionis in integrum *l. minor 36. ff. de minor.* 3. exceptiones, quæ sententiam quidem non impugnant, ut priores, executionem tamen impediunt, vel moderantur, ut sunt exceptio SC. Macedoniani, Vellejani, non numeratæ pecuniæ, & id genus aliæ. Hiltrop. *l. cit. num.* 96. Pax Jordan. *num.* 27. Vallens. *num.* 13. Zoef. *numer.* 6. Ratio est, quia hoc ipso, quod similes exceptiones tantum respiciant executionem, licet ante sententiam non opponantur, non tamen idcirco præsumi potest, quod illis renuntiatum sit.

Addidi autem, *Aliquas ita opponi post sententiam posse*; Regulariter enim opponi exceptiones Peremptoriæ possunt, & debent à tempore contestatæ litis usque ad sententiam: post illam non rectè opponuntur, sed ad Appellationis beneficium est convolvandum, vel si condemnatus sit minor, postulanda restitutio in integrum ad proponendam exceptionem, ut habetur *l. peremptorias cit. C. sent. rescind. non poss.* Quod multo magis verum est, cum sententia jam transiit in rem judicatam; tunc enim appellatio quidem conceditur.

25. Dub. 3. an, & qualiter Judex certum tempus statuere possit, intra quod exceptiones Dilatorias proponi debeant? Ratio dubitandi est, quia *indultum à jure beneficium non est alicui auferendum juxta reg. 17. in 6.* sed ad opponendas in judicio exceptiones Dilatorias concessum à jure est tempus à litis exordio usque ad contestationem ejusdem *l. fin. C. hoc tit. l. exceptionem 19. C. de probat. lib. ita 13. C. de procurat.* ergo Judex non potest auferre privilegium hoc, tempus istud coarctando.

Sed hoc non obstante, dicendum adhuc, quod Judex possit, & aliquando etiam debeat his exceptionibus opponendis statuere aliquem terminum, & ita quidem, ut si post lapsum hujusmodi termini opponere exceptionem aliquam reus voluerit, regulariter non amplius audiat. Ita Vivian. *in c. Pastoralis 4. hoc tit.* Layman *ibidem n. 1.* Gonzal. *num.* 1. Barbosa *num.* 1. Pax Jordan. *tit. 23. cit. num.* 5. Haun. *tr. 3. n. 323.* Pirhing *num.* 26. Vviefstner *num.* 12. & statuitur *cap. Pastoralis cit.* Ratio decisionis est, quia lites sunt amputandæ, & intra competentem terminum expediendæ *c. finem 5. de dol. & contum. l. propterandum 13. princip. C. de judic.* Proceditque hoc, etsi lis nondum sit contestata; nam terminus ab homine constitutus succedit in locum terminis statuti à jure *argum. cap. personas 4. & cap. seqq. de appell.* igitur si Judex statuatur pro allegandis exceptionibus terminum, ipse hic terminus habebit vim contestatæ litis. Potest autem Judex terminum ad opponendas exceptiones Dilatorias reo præfigere non tantum ad petitionem actoris, in cujus favorem principaliter assignatur talis terminus, sed etiam ex officio suo; quia boni Judicis est lites dirimere, & malis hominibus obviare.

26. Addidi tamen, regulariter post lapsum termini statuti à Judice volentem excipere non audiendum; nam plures sunt casus, quibus, non obstante termino peremptorio à Judice assignato, exceptio Dilatoria opponi potest omni tempore, & in quavis litis parte. Et talis est 1. exceptio procuratoria *c. in nostra 4. de Procurat. & l. licet*

24. *C. eod.* 2. exceptio reculationis Judicis, si de novo emergat, vel innotescat, aut talis sit Judex, in quem reus consentire non potest *cap. insinante 25. de Offic. Judic. deleg.* 3. exceptio excommunicationis *Clem. un. hoc tit.* Proceditque hoc, etiam si Judex nominatum, & specificè terminum dederit ad proponendam exceptionem excommunicationis; quia non potuit hoc beneficium juris auferri reo à judice: item procedit, etsi reus jurasset se non oppositurum exceptionem excommunicationis contra actorem; quia non potuit renuntiare huic suo juri. Huc etiam pertinent omnes ii casus, quibus *num.* 21. & 22. dixi, opponi exceptiones Dilatorias post contestationem litis à reo posse; nam iisdem casibus etiam opponi possunt post terminum statutum à Judice.

*Ad rationem dubitandi* allatam dico, judicem statuendo terminum opponendis exceptionibus non restringere tempus à jure præscriptum (nullum enim certum à jure præscriptum est) sed tantum explicare facultatem reo concessam ad opponendas exceptiones Dilatorias durare ad tempus à se statutum, & eo lapso litem contestatam esse, ut proin postea secundum juris Principia exceptiones Dilatorias opponi nequeant.

Dub. 4. an etiam peremptoriis exceptionibus Judex certum terminum assignare possit, ita, ut eo lapso, tales exceptiones non amplius audiantur? Negat Gloss. *in c. 4. hoc tit. V. dilatoria*; nam exceptiones peremptoriæ opponi possunt etiam post contestatam litem, donec in causa conclusum sit, adeoque quodcumque ante sententiam, ut dictum est *n. 23.* atqui, ut habet *reg. 17. cit.* indultum à jure beneficium non est auferendum. Accedit, quia hic de gravi præjudicio agitur, si ab exceptionibus peremptoriis, seu ad causæ meritum pertinentibus, quispiam excludatur. Hæ rationes ostendant, quod Judex non tam facile, & non nisi præmissa causæ cognitione, peremptoriis exceptionibus terminum possit statuere, non autem probant potestatem hanc eidem omnino denegari.

Hinc rectius cum Dyno *in Reg. cit. num.* 13. Layman *in c. 4. hoc tit. n. 2.* Pirhing *hic num.* 31. distinguitur: vel enim Judex terminum exceptionibus peremptoriis præfixit cum causæ cognitione, vel sine illa. Si primum, non potest reus post tempus à judice præfixum exceptiones peremptorias proponere *arg. l. qui pro tribunali 2. ff. de re judic. Si secundum*, etiam post illud tempus elapsum proponere exceptiones peremptorias potest; quia cum agatur de præjudicio gravi, si quis excludatur à peremptoriis exceptionibus proponendis, ut rectè additum est in ratione dubitandi, hinc fit, ut reus hoc suo jure sine justa causa à judice privari nequeat.

Multo magis exceptiones hæ peremptoriæ proponi possunt, non obstante termino à jure præfixo, si postea primum ortæ, vel cognitæ sint, aut si facultas illas opponendi, vel probandi primum data sit post lapsum terminum: idque propter gravius periculum, & præjudicium, si parti denegentur. Abb. *in cap. 4. in tit. numer. 8. & 9.*

Quæritur 3. quomodo exceptiones opponi debeant, ut vim habeant perimendi, vel differendi actionem, aut intentionem actoris? imprimis certum est, quod omnis exceptio, sive Dilatoria, sive peremptoria illa sit, etiam, quæ ex actis notoria est, allegari, opponique debeat; si enim à parte non opponitur, Judex exceptionem ex actis notoriam attendere, & sic supplere non potest, sed non obstante exceptione non opposita, reum condemnabit. Ita Bartol. *in l. 1. ff. hoc tit. n. 10. & in l. si unus §. paltus, ne peteret ff. de palt. num.* 18. Hiltrop. *p. 2. tit. 12. n. 2.* Ratio est, quia tacens in judicio consentire videtur, & qui in eodem non opponit jus sibi competens, illud censetur remittere.

*Excipitur 1.* Exceptio excommunicationis; nam si hanc reus non opponat contra actorem excommunicationem non toleratam, ipse Judex eundem repellit ex officio, ut rectè notat Vivian. *in cap. 12. h. tit.* quia Judex curare debet, ut peccata evitentur *c. novit 13. de jud.* & disquirere debet, an actor sit habilis, vel inhabilis, ne judicium suum frustratorium fiat *can. querendam 18. caus. 2. q. 7. & l. quos prohibet 7. ff. de postuland.*

*Excipiuntur 2.* omnes illæ exceptiones, quæ ipso jure elidunt actionem, quando reus ipso jure ruitus est, ut sunt exceptiones solutionis, novationis, delegationis, præ-



præscriptionis; has enim, & similes, si ex actis notoria sint, etiam si à parte non opponantur, Judex in judicando attendere debet, ut notat Hiltrop. *l. cit.*

- 29 Dub. 1. qua forma, & ordine proponi exceptiones debeant? Resp. hodie proponi possunt quibuscunque verbis, scripto; vel absque scripto viva voce, modò ad actare digantur. Hiltrop. *titul. 12. cit. num. 26.* Excipitur, nisi exceptio proponatur per modum actionis, ut in exceptione non numeratæ pecuniæ, quo casu rectius proponitur in scriptis. *Forma* eas opponendi consistit in hoc, ut expressè, & determinatè oppositio illarum fiat, atque ita, ut jus, & causa excipiendi inde constare possit *argum. libr. itaque 48. ff. de procurat. Hiltrop. loc. citat. num. 27.*

Inter exceptiones Dilatorias, quando plures competunt, Pax Jordan. *tit. 23. n. 21.* hunc dicir servandum ordinem. 1. proponenda est exceptio, quæ impugnatur Jurisdictionem, ut puta: *Tu non es meus Judex; quia ego sum Clericus*; 2. illa, quæ respicit personam Judicis, ut quia suspectus, infamis, servus est, licet quoad suspicionem tutius sit illam ante omnia proponi. 3. excipiendum contra Rescriptum; quia per obreptionem, subreptionem &c. extortum. 4. contra personam actoris, vel Procuratoris. 5. quæ ratione ipsius rei, causæ, loci, vel libelli competunt, & sic de reliquis.

- 30 Dub. 2. an plures simul exceptiones à reo opponi possint? Videtur non posse; nam reus exceptione fit actor *l. in exceptionibus 19. princip. ff. de probat. & l. agere 1. ff. hoc tit.* atqui actor non potest simul plures actiones proponere, sed unam de pluribus debet eligere *l. nemo 43. §. quoties 1. ff. de R. J.* ergo nec reus potest simul opponere plures exceptiones.

Sed respondendum est affirmativè: verumque hoc est, non tantum, ut una opponi possit post alteram, sed etiam, ut allegati possint plures simul. Hiltrop. *p. 2. tit. 12. num. 14.* Petez *C. hoc tit. num. 28.* Vvesenbec. *ff. eod. num. 10.* Haun. *tom. 5. tr. 3. num. 322.* Zoef. *hic n. 8.* Pirh. *n. 48.* Konig *n. 25.* Vviesl. *n. 28.* & sumitur ex *cap. nullus 20. de R. J. in 6. l. 1. qui 5. & l. nemo 8. ff. hoc tit.* Ratio est, quia exceptiones aliud non sunt, nisi defensiones; pluribus autem defensionibus uti quis non prohibetur, ut habent Jura *citt.* Potest igitur post exceptionem Jurisjurandi recutri ad exceptionem rei judicatæ, post allegationem privilegii subsidium peti ab exceptione præscriptionis, & qui excipiendo de homicidio à se negato succubuit, dein opponere, quod ad defensionem sui cum moderamine inculpatæ tutelæ hoc fecerit. Vel si malit, potest omnes has, & quascunque sibi competere exceptiones putaverit, simul, & una scriptura conjunctas opponere. Et ita Teste Hiltrop. *num. 84.* faciendum est juxta *Ordin. Camer. part. 2. tit. 4. §. hette dann, & titul. 5. §. solche*, ubi statuitur, ut omnes Dilatoriarum simul uno scripto allegentur, adeo, ut si qua omisa fuerit, & litigans eam vellet opponere, non audiatur: & hoc ideo, ne per ejusmodi controversias, & disputationes, quæ merita causæ non concernunt, lites nimium protrahantur. Porro plurium aut simul, aut successivè propositarum exceptionum hæc est utilitas, ut si in unius exceptionis probatione reus defecerit, transire possit ad probationem alterius exceptionis.

*Ad rationem dubitandi* nego paritatem inter actotem, & Reum; nam ut ex *suprà* *citt.* Juribus constat, plus permittitur Reo, quam actori, eique plus permittendi ratio fuit, quia actor spontè, & paratus ad iudicium venit, & hic, qua potissimum actione uti velit, deliberare potuit, atque statuere; Reus vero in iudicium invitatus trahitur, & impetratus, ut proinde misera, & in casum prona forer ejus conditio, si non nisi una defensione uti possit.

- 31 Dub. 3. an contrariis etiam exceptionibus simul, & semel uti liceat? *Ratio dubitandi* esse potest; quia qui contraria, seu quæ simul vera esse non possunt, in iudicio proponit, audiendus non est, sed tanquam fallax, & mendax repelli debet, & condemnari *argum. l. si quadrupes 1. §. interdum 15. ff. si quadrup. pauper.* Ergo neque is, qui exceptiones contrarias, seu quæ simul consistere nequeunt, in iudicio proponit, audiri debet:

Tenenda tamen est affirmativa sententia, modo huiusmodi exceptiones contrariæ alternativè proponantur.

Schmalzgrueber Tom. II.

Exemplum sit: Titius petit à Cajo solutionem mutui, quod ait se dedisse Cajo, Cajo vero excipit dicendo se mutuum non accepisse, vel si numerata est pecunia, à se illam jam solutam. Item Parochianus à suo Parocho interpellatur de solvendis Decimis; ille autem excipit opponendo se habere privilegium, vel si ostendatur, quod privilegium nullum habeat, præscripsisse se libertatem à debito solvendi Decimas: in utroque casu contrariæ allegantur exceptiones, in primo quidem exceptio non numeratæ pecuniæ cum exceptione solutionis præstite, in secundo autem exceptio privilegii cum exceptione præscriptionis: quod rectè fit, ut probat rationis identitas, & docent DD. *n. præc. citt.*

Neque obstat, allata *Ratio dubitandi*; nam dum reus conventus oppositas exceptiones assert, non assertit idcirco utramque veram esse; nam, qui excipit, non propterea fatetur, ut ait Gloss. *in c. 1. V. assenti de test. in 6.* sed tantum affirmat se defensurum se utrolibet, ut si succumbat uno, obtinere possit in altero.

- Dub. 4. an, quomodo, & quando probati debeant exceptiones à reo oppositæ? Resp. quod probari à reo exceptiones debeant, clarum est ex *l. in exceptionibus 19. princip. ff. de probat. & l. agere 1. junct. l. seq. ff. hoc tit.* Debent autem exceptio probari plenè, & perfectè in sua specie, & forma; alias effectum suum non consequetur, neque elidet, vel differet actionem, seu intentionem actoris.

Dilatorias exceptiones probari debent regulariter loquendo ante contestationem litis, sicut etiam ante illam opponi debent. Hinc ad iudicis officium pertinet, ut probationes super his recipiat, & tum demum ad examen principalis negotii accedat, quando per sententiam interlocutoriam super dictis exceptionibus pronuntiavit *c. exhibita 19. & ibi DD. de Judic.* Quod ita verum est, ut si Judex contra fecerit, rectè appelletur, & in irritum revocetur, quidquid post appellationem in causa attentatum fuerit; ordo enim juris exigit, ut de harum exceptionum veritate constet, & pronuntietur, antequam Judex ad ulteriora procedat.

Neque obstat *l. in exceptionibus cit. ibi: Exceptionem Dilatoriam opponi quidem initio, probari vero, postquam Actor monstraverit, quod asseverat, oportet*; nam dicendum textum hunc esse mendosum, & pro Dilatorias legendum *Peremptoria*, ut proinde non differat à *l. præscriptionem 8. C. hoc tit.* Ratio est, quia si non est necesse exceptionem Dilatoriam probari ante contestationem litis, ineptissimè dicerentur Dilatorias; neque enim differrent iudicium, sed solum sententiam. Vel si quis refugiat hanc juris correctionem, dicere cum aliis potest ibi sermonem esse de exceptionibus Dilatoriis, quæ sunt intentionis, & facti, nempe quæ ad merita causæ pertinent: unde etiam post contestationem litis admittunt. Aliter differendum de exceptionibus Dilatoriis, quæ concernunt personas in iudicio intervenientes, veluti si opponatur contra iudicem, quod non habeat Jurisdictionem; contra actorem, quod non habeat, personam in iudicio; contra Procuratorem, quod non sit instructus mandato, vel saltem non sufficienti &c. istas enim initio litis ante ejusdem contestationem probandas regulariter ratio allata probat: *Regulariter*, inquam; nam casibus, quibus post contestationem litis licet opponere exceptiones Dilatorias, iisdem etiam licet oppositas probare. Vide, quæ de hoc textu P. Vviesl. *hic num. 13.* & alii ab hoc *citt.*

### §. III.

*Quædam alia quæstia de exceptionibus:*

### S U M M A R I U M.

- 34 *Quis sit Finis, & effectus exceptionis?*  
 35 36 37 *An excipiens intentionem Adversarii censetur fateri?*  
 38 39 *An exceptiones competentes reo prosint etiam hereditibus, & fidejussoribus ejus?*  
 40 41 42 43 *Utrum admitti debeat, qui cum ipse habeat plura Beneficia, excipit contra alium de pluralitate Beneficiorum?*  
 44 45 46 *An exceptiones Dilatoriarum in prima Instantia omissa, opponi valeant in secunda?*



47 48 49 *Quid requiratur, ut opponi possit Exceptio rei judicata?*

50 51 *Quomodo fit Exceptio Excommunicationis facienda a reo?*

52 53 *An testis, si Exceptio criminis contra illum probata sit, puniri de illo possit?*

34 **Q**Uæritur 1. quis sit *Finis*, & *Effectus* Exceptionis? Resp. *Finem* indicat Imperator *princ. Instit. hoc tit.* ubi, *Comparata*, inquit, *sunt Exceptiones defendendorum eorum gratia, cum quibus agitur; sæpe enim accidit, ut licet ipsa persecutio qua actor experitur, iusta sit, (in suo genere) tamen iniqua sit adversus eum, cum quo agitur propter circumstantias facti, quod in actionem specialiter deducitur.*

*Effectus* Exceptionis 1. est, quod reus excipiendi fiat Actor: quod tamen, ut *numer. 1. dixi*, solum est intelligendum quoad onus probandi exceptionem, non vero quoad alia. 2. si probata exceptio fuerit, excludit id, quod in intentionem, condemnationemve deductum est *l. exceptio 2. princip. ff. hoc tit.* 3. si Dilatoria sit, absolvitur reus ab observatione iudicii; si peremptoria, definitivè ab instituta actione. 4. quod peculiare est exceptioni peremptoriæ, ex huiusmodi sententia, in favorem rei lata, oritur exceptio rei judicatæ, quæ semper removet actorem, etiam impofterum agere volentem.

Quod si reus in probatione exceptionis defecerit, non id circo actor obtinebit, sed probare intentionem suam debet, ut obtineat. Ratio est, quia non ex Rei exceptionibus, sed ex actoris probationibus ferri debet sententia in causa principali.

*Dices*: non est melior probatio, quam confessio propria: ponamus igitur Cajum, conventum à Titio ex mutuo, excipiendi dicere se jam solvisse: hoc casu mutuum confessus videtur Caju; igitur nisi solutionem à se factam probaverit, causam ex propria confessione debet perdere. Resolutio hujus Replicæ pendet ex resolutione dubii, de quo

35 **Q**Uæritur 2. An reus excipiens contra intentionem adversarii cam censetur fateri? *Ratio dubitandi est*, quia, qui unum confitetur, censetur confiteri id, quod ex eo necessario sequitur, atqui ex solutionis exceptione in casu posito necessario sequitur fuisse contractum debitum: ergo &c. *Conf.* triplici textu juris. 1. *c. præterea 10. de transact.* ubi per exceptionem initæ transactionis super Jurisdictione certæ Capellæ, per quam se Monachi liberatos esse afferebant à subjectione, intentio Episcopi actoris Monachos fundata est, & exceptio illa accepta pro confessione, quod antecedenter subiecti fuerint. 2. *c. venerabilem 34. vers. fuit, quoque de elect.* ubi qui allegavit se jam absolutum esse à censura, censetur fateri se fuisse excommunicatum. 3. *cum olim 19. de censib.* ubi, qui Instrumentum aliquod producit in suum favorem, nequit id amplius impugnare.

36 Sed his non obstantibus, respondendum est negativè. Ita Hiltrop. *p. 2. tit. 12. n. 24.* Pax Jordan. *l. 14. tit. 23. num. 105.* Vvesenbec. *ff. hoc tit. n. 11.* Vivian. *inc. 6. eod.* Henr. Canis. *ibidem n. 2.* Layman *n. 6.* Barbosa *num. 1. & 2.* Vvagn. *in Exeges. ibid.* Pirhing *n. 45.* Vviesl. *n. 32.* & pater per claros textus *c. exceptionem 63. de R. J. in 6. cap. cum venerabilis 6. hoc tit. & l. non utique 9. ff. eod.* Ratio est, quia exceptio non alia mente obijcitur, quam ut elidat intentionem actoris; igitur non potest eandem intentionem actoris fundare tanquam confessio propria; sic enim operaretur simul duos effectus contrarios, quod fieri nequit. *Conf.* 1. Actus agentium non operantur ultra intentionem illorum *l. non omnis 19. ff. de reb. credit.* igitur cum intentio rei excipientis sit actionem elidere, non potest habere vim confessionis, & eandem actionem firmare. *Conf.* 2. Reus, hoc ipso, quod actor non probante, etsi ipse nihil præstiterit, absolvendus sit, exceptionem opponens, id facere, & ad oppositam probandam se obligare censetur solum ea conditione, si actor intentionem suam antecedenter probaverit. igitur posito, quod iste eam non prober, neque reus exceptionem probare tenebitur, & defectus probationis ei-dem non obest.

Quod dictum est de exceptione Rei, intelligendum similiter de Replicatione actoris, ut tradit Gloss. *fin. in Reg. exceptionem citat.* Replicationis enim eadem, quæ

exceptionis natura est *l. non exceptionibus 10. C. hoc tit.* unde sicut exceptio ex parte Rei conventi non inducit confessionem, ita nec Replicatio ex parte actoris: & sic dicendum de Triplicatione, Quadruplicatione &c.

*Ad Rationem dubitandi* non sequitur: *Solvi; ergo debui*; nam per errorem solvi etiam indebitum potest. Aliud foret, si reus expressè fateretur debitum, & dicat annectendo exceptionem, *Fateor debitum, sed solvi*, vel *tu pactus es mihi de eo non solvendo*: nam hoc casu, si reus non probet exceptionem, habebitur pro confesso, & condemnabitur: & ratio est; quia confessio est separata ab exceptione. Igitur actor rejecta exceptione, quam reus probare non potuit, rectè se fundat in pura, & absoluta ejus confessione. *Ad Conf.* textus ibi allegati non obstant. *Ad 1.* ibi sermo est de confessione rei, ex qua intentio adversarii plenè probatur; talis autem non est omnis exceptio, quæ si prudenter, & cautè proponere eam reus velit, opponitur solum sub conditione v. g. *Nego me mutuum à te accepisse, & posito, quod acceperim, tibi illud iam solvi, vel tu mecum pactus es de debito non petendo.* *Ad 2.* is, de quo *c. venerabilem cit.* sermo est, petiit absolvi ab excommunicatione: unde metito præsumebatur prius fuisse ligatus eo vinculo. Hinc dispartita est inter eum, qui petiit absolvi ab excommunicatione, & inter eum, qui opposuit exceptionem absolutionis ab illa: prior pro confesso habetur, quia absolutio non solet peti, nisi ab eo, qui illam incurrit; non posterior, quia sæpe ad cautelam absolvuntur ab excommunicatione, etiam qui illam non incurrerunt. *Ad 3.* producens Instrumentum reprobare illud non potest, quia illud antecedenter jam approbavit, intentionem suam in eo fundando: non ita fundavit intentionem suam excipiens in agnitione debiti, sed exceptionem solutionis in eum finem objecit, ut si fortè probaretur debitum, id ex allegata exceptione ostenderetur peremptum.

**Q**Uæritur 3. an exceptiones reo competentes etiam prosint ejus hæredibus, & fidejussoribus? Dabiam *Quæstionis* istius resolutionem faciunt duo textus Juris in speciem contrarii: unus *l. defensiones 11. C. hoc tit.* ubi Diocletianus, & Maximianus Impp. absolutè, & illimitatè inquirunt, *Defensiones, sive Exceptiones ad intercessores extendi, quibus reus principalis, integro manente statu, munitus est*; alter *§. fin. Instit. de Replicat.* ubi cum particula limitante *plerumque accommodari -- fidejussoribus* dicuntur.

Concordari jura hæc possunt distinguendo inter exceptiones merè personales, & inter Reales, seu quæ Reorum, sive debitorum principalium personis ratione læsionis, in re factæ, competunt.

*Posteriores*, uti sunt Rei judicatæ, factæ solutionis, pacti conventi de non petendo, Jurisjurandi, Metus, SC. Vellejani, Macedoniani &c. etiam Fidejussoribus accommodantur; quia huiusmodi exceptiones videntur minuire, & quasi auferre ipsum debitum principale, sine quo fidejussio, tanquam accessoria, stare non potest *l. fidejussor 16. pr. ff. de fidejuss. & l. cum principalis 178. ff. de R. J.*

*Priores*, ut sunt, quæ patri, patrono, marito, donatori, socio, ultra, quam facere possunt, conventis, competunt, fidejussoribus, & ipsis etiam hæredibus non prodesse communis sententia est Teste P. Vviesl. *hic numer. 39.* Ratio est, quia exceptiones istæ specialiter concessæ sunt intuitu pietatis, reverentiæ, indigentia: & hinc ne privilegium merè personale personam ejus, cui concessum est, egrediatur, extra personam eorum, quos concernunt, ad hæredes, & fidejussores extendi illud non debet.

*Neque inferat*, hoc modo aut exceptiones huiusmodi personales debitori Principali inutiles fore, aut Fidejussorem versaturum in damno, si loco Principalis debitoris conventus, totum debitum pro eo solvit: Vel enim Principalis debitor eo casu solvendo est, vel non est solvendo: *si primum*, Fidejussor ab ipso petere pro ipso solutum poterit, & hic debet solvere, sicque exceptio hæc erit Principali inutilis; *si secundum*, jacturam soluti patietur, & sic in damno versabitur. Resp. enim utrumque evitari, si Fidejussor conventus super debito Rei, personali exceptione muniti, petat, ut transferatur iudicium in Principalem, vel huic desuntiet, ut veniens ex persona



sona propria suscepto Judicio exceptionem opponar, & ostendat sua interesse, Fideiussorem non condemnari. Vide Zoel. ff. hic num. 23. Perez C. cod. nua. 25. Vviesner num. 40.

40 Quæritur 3. Utrum admitti debeat, qui cum ipse habeat plura beneficia, excipit contra alium de pluralitate beneficiorum? Ratio dubitandi est 1. quia in pari delicto potius favendum est reo excipienti, quam Actori replicanti l. apud Celsum 4. §. Marcellus 13. ff. de dol. mal. & met. except. & l. cum par 154. ff. de R. J. & hinc reus excommunicatus excipere potest adversus Actorem excommunicatum, & auditur, non obstante replicatione Actoris de alia, vel simili excommunicatione, ut dictum est n. 17. ergo pariter audiendus reus est excipiens de pluralitate beneficiorum, non obstante Replicatione de simili pluralitate, 2. quando interest Ecclesiæ, auditur in Judicio, qui alias ab eo repellitur c. si quis 6. & ibi Glossa V. prospexerint de reb. Eccl. non alien. sed valde interest Ecclesiæ, ne quis in ea plura obtineat beneficia can. singula 1. dist. 89. ergo &c. 3. in causis beneficialibus, parte non opponente, potest Judex, imò debet inquirere de criminibus, & impedimentis partium c. cum notis 19. de elect. & c. cum super 4. de caus. poss. & propr. unde in similibus causis reus, actore non probante, non absolvitur, ut contingit in aliis Judiciis temporalibus c. olim 25. de rescript. igitur & in præsentī casu, etsi exceptio pluralitatis opposita non fuisset, Judex super ea inquirere poterit.

41 Controversia hæc dirimi ope distinctionis potest: Vel enim ille excipit nomine proprio, vel nomine Ecclesiæ suæ, & in ejus utilitatem. Si primum, non potest excipere contra alium de pluralitate beneficiorum, si ipsemet plura habeat, prout statuitur c. cum Ecclesiastica 3. hoc tit. & docent Vivian. ibid. in Ration. Layman not. un. Gonzal. n. 2. Barbosa n. 1. Zoel. n. 4. Pirhing n. 32. Sannig c. 3. n. 1. Ratio est, quia non debet quis in aliis reprobare, quod in seipso approbat, & tollerari, neque alii obijcere impedimentum, vel defectum, qui simili defectu laborat ipse. Glossa magn. ib. in cas. & quod quisque Jutis in alium statuit, eo & ipse uti debet c. cum omnes 6. de constit. Proceditque hoc, ut teste advertit Layman in c. 3. cit. non tantum, cum quis obtinet plura beneficia incompatibilia, sed etiam cum obtinet plura compatibilia; nam textus universaliter loquitur, & si tantum de incompatibilibus ibi locus fuisset Pontifex, non permisisset illos Canonicos, de quibus hic textus loquitur, permanere in possessione hujusmodi beneficiorum sine dispensatione.

42 Si secundum, & excipiens de pluralitate beneficiorum opponat impedimentum istud nomine Ecclesiæ, & in ejus utilitatem, quia per pluralitatem ejusmodi beneficiorum in diversis Ecclesiis impeditur continua residentia in una, & conf. Ecclesiastica Officia in illa rite peragi nequeunt, excipiens, non obstante proprio vitio, præsertim si alii non adessent, qui se pro defensione Ecclesiæ vellent, aut possent opponere, super ejusmodi exceptione audiri debet, ut contra Abb. in c. 3. cit. n. 9. docent Imol. ibid. n. 3. & 4. Layman loc. cit. Barbosa in c. 8. hoc tit. n. 1. Pirhing hic n. 33. Ratio est, quia delictum personæ, ut reg. 76. in 6. dicitur, non debet nocere Ecclesiæ; & ad avertendum istius damnum quilibet admitti ad agendum, & excipiendum potest. Idem dici debet, si pro defensione Ecclesiæ fiat exceptio excommunicationis, perjurii &c. nam si excipiens per replicationem excommunicationis, vel perjurii repellit, prout sumitur ex c. dilecti 8. hoc tit. & docent Vivian. ibid. in ration. Gonzal. n. 3. Pirhing n. 34. & hoc multo magis; quia isti in defensionem proprii Juris excipientes audiri debent: quanto igitur magis in favorem Ecclesiæ, ne eligatur, vel præficiatur indignus.

43 Dixi autem Si alii non adessent; nam si alii adessent non excommunicati, non criminosi, vel simili vitio laborantes, qui se opponere vellent pro defensione Ecclesiæ, utique hi præferendi forent, ut monet Pirhing n. 35. cum aliis. Addit Layman in c. 8. cit. fin. si excommunicati tunc absolvi possint, absolutionem iis conferendam, priusquam admittantur; sin autem absolutionem obtinere petere, vel accipere renuant, ideoque in crimine perseverent, probabiliter mox repellī posse, cum non bono zelo Ecclesiæ suæ defendendæ procedere videantur.

Ad rationes dubitandi facilis est responsio. Ad 1. D. 44. M. potius favendum est reo, quam actori, si reus repellī debeat ob inhabilitatem personæ. Conc. si ob naturam Judicii, ut hic sit. Neg. ostendi enim, non esse æquum, ut reus improbet in alio, quod in seipso non improbat. Ad 2. patet ex dictis, nomine Ecclesiæ exceptionem formari posse etiam ab eo, qui simili laborat vitio, de quo excipit. Neque obstat Reg. 84. in 6. cum quid una via prohibetur alicui, ad id alia via non debet admitti; quod videtur fieri in casu, quo is, qui prohibetur excipere suo nomine, admittitur ad excipiendum nomine Ecclesiæ; nam regula illa intelligi debet, nisi ratio aliqua suadeat oppositum, ut admittatur alia via, quod una prohibetur. Ad 3. ex eo, quod Judex possit inquirere, non sequitur, quod reus possit opponere; nam Judex optimo quoque modo debet prospicere Ecclesiæ.

Quæritur 5. an exceptiones, in prima instantia omittæ, opponi valeant in secunda? Affirmativam suadere videtur l. per hanc Divinam 4. C. de temp. appell. ex qua regulæ instat tradi solet, in secunda instantia allegati, & deduci posse omnia, quæ allegata, & deducta non sunt in prima. Conf. ex ratione: quia causa Appellationis sortitur naturam causæ principalis l. querit. fin. ff. an per al. caus. appell. atqui in causa principali omnes exceptiones dilatorię opponi ante litem contestatam possunt secundum dicta n. 20. ergo &c.

Sed retinenda est negativa sententia, & dicendum 45 regulariter in secunda instantia hujusmodi exceptiones opponi non posse ob clarum textum l. ita demum 13. C. de procurat. ubi exceptio inhabilitatis ad munus Procuratoris, in prima instantia omittæ, in secunda objecta militi, admittæ non fuit. Ratio est, quia qui exceptionem dilatoriam contra personam Judicis, Actoris, Procuratoris neglexit opponere, easdem approbasse, & juri ulterius contra eas opponendi renuntiasse censetur, ut bene P. Vviesner hic n. 23. Excipi debent exceptiones, quæ non inhabilitatem personæ, sed defectum, aut insufficientiam mandati in Procuratorem concernunt; hæc enim semper opponi possunt l. licet 24. C. de Procurat. Idem dicendum de casibus n. 21. & 22. relatis.

Ad l. per hanc Divinam in contrarium allegatam dico, 46 eam exaudiendam de iis solum exceptionibus, quas allegandi tempus in prima instantia lapsum non est; non vero de dilatoriis, quas opponendi tempus ordinariū est ante contestationem litis, ut dictum est n. 20. Hinc cadit etiam Confirmatio sumpta ex ratione; cum enim litis contestatio in secunda instantia de Jure necessaria non sit, sed ad illam extendatur, quæ facta est in prima, hoc ipso, quod tempus opponendi exceptiones dilatorias transierit pro prima, etiam transiit pro secunda instantia. Vide supradict. 5. n. 4. v. 2. in causis Appellationis.

Quæritur 6. quid requiratur, ut opponi possit exceptio rei judicatæ? Resp. ut utiliter opponi possit, tria debent concurrere, 1. ut eadem res petatur, 2. ut eadem petendi causa, seu eadem quæstio subsistat, 3. ut eadem conditio personarum concurret. Vivian. in c. Adversario 13. hoc tit. Gonzal. ibid. n. 7.

Si unum ex his deficiat, exceptio rei judicatæ utiliter opponi non potest, sed reus iterum conveniri poterit. Hinc qui tantum ideo, quia rem non amplius possidet, absolutus fuit in Judicio Adversarii petitione, si is post laram sententiam incipiat iterum possidere, non obstante illa sententia, iterum pulsari à Domino rei potest, ut statuitur c. Adversario cit. & docet ibid. Vivian. in Ration. Layman n. 4. Gonzal. n. 5. Barbosa n. 1. Pirhing n. 36. & seqq. Ratio est, quia cessavit causa, ob quam sententia absolutoria lata est; lata enim est quia cessavit rem possidere: at ponitur iterum possidere.

Quodsi autem exceptio rei judicatæ tribus illis requisitis instructa sit, opponi poterit non tantum coram eo Judice à quo lata sententia est, sed etiam, si causa fuerit mixti fori, & sententia lata sit à Judice Ecclesiastico, opponi potest coram Judice seculari, & vicissim, ab eoque admitti debet, ut deciditur c. fin. hoc tit. in 6. & docent ibid. Vivian. in Ration. Layman n. 1. Barbosa n. 1. Vvagnereck not. 1. Pirhing n. 39 & seqq. Et univrsam sententia, lata à Judice competente, inter easdem personas, & in eadem causa admitti etiam de-



debet ab alio Iudice competente, quamvis diverſi ut fori, & Jurisdictionis. Ancharan. in c. fin. cit. Franc. ib. n. 2. Pirhing n. 40. hic. Ratio eſt, quia per ſententiam Iudicis jus acquiſitum eſt parti, pro qua ſententia lata eſt, quod jus alius Iudex lãdere, vel auferre parti non poteſt. Conf. quia niſi unus Iudex ſervaret legitimam ſententiam alicuius, derogaretur Jurisdictioni illius, eaque in contempnum deveniret, ut innuitur c. fin. cit.

49 Procedit hoc maxime caſu, quo exceptio rei judicatur à Iudice ſeculari proponitur coram Iudice Eccleſiaſtico, & viciffim; nam etſi fora iſtorum, & Jurisdictiones diverſæ ſint, ſe invicem tamen adjuvare debent & mutuo Jura ſua defendere. Quodſi Iudex ſecularis admittere exceptionem rei judicatæ in foro Eccleſiaſtico nolit, eum ad hoc Iudex Eccleſiaſticus cogere per cenſuras Eccleſiaſticas, admonitione præmiſſa, poteſt. Si verò Iudex Eccleſiaſticus admittere exceptionem rei judicatæ in foro ſeculari non velit, non à Iudice ſeculari, cum hic ſit inferior Iudice Eccleſiaſtico, ſed per ſuos ſuperiores cogi debet, ut illam admittat c. fin. cit. Excipitur, niſi ſententia lata à Iudice ſeculari juncta ſit cum periculo animæ; tunc enim Iudex Eccleſiaſticus non debet admittere exceptionem rei judicatæ per Iudicem ſecularem; Et hinc antequam Iudex Eccleſiaſticus exequatur ſententiam Iudicis ſecularis, prius cognoscere debet, an periculum animæ ex ea nullum ſequatur.

50 Quæritur 7. quomodo ſit exceptio excommunicationis faciendæ à reo? Reſp. duobus modis opponi poteſt, peremptoriè, & dilatoriè. Prioris exemplum eſt quando opponitur ad effectum annullandi electionem, vel collationem beneficii factam excommunicato; poſterioris, quando opponitur actori, quod in Iudicio ſtare non poſſit, quia majori excommunicatione ligatus eſt:

Porro circa modum exceptionem hanc opponendi, & effectum illius præter ſuprà dicta à n. 12. ſequentia notanda ſunt, 1. qui opponere eam vult, debet ipſius excommunicationis ſpeciem; & nomen excommunicatoris exprimere; eamque intra octo dies probare; alias Iudex procedet in cauſa, & excipientem in expenſas condemnabit, ut habetur c. pia 1. verſ. ſiquis igitur hoc tit. in 6. quod ita ſtatutum eſt, ut fraudibus iterum obviatur, & vitarentur dilationes.

51 2 Etſi prima vice exceptionem ſuam non probaverit, ſi tamen velit, poteſt ſecundò eandem opponere, quam ſi prober adverſus actorem, hic excludetur ab agendo c. cit. verſ. ſi vero. Ratio eſt, quia eſſe poteſt, ut poſt octo dies illos nova probationis copia reo præſentetur; quo caſu tamen, quæ prius acta ſunt, valebunt; quia factum legitime retractari non debet, licet caſus poſtea eveniat, a quo non potuit inchoari, ut dicitur Reg. 73. in 6.

3 Ultra duas vices hæc exceptio opponi non poteſt, præterquam ſi excommunicatio nova emerſerit, vel de antiqua probatio prompta, & evidens ſupervenerit c. cit. v. proviſo. Ratio eſt, quia qui toties objicit exceptionem criminis, neque eandem ſufficienter probat, præſumitur malitioſus calumniator, & litis indebitus prolongator c. licet 3. de teſt. & l. fin. ff. de dilatione.

4 Si poſt rem judicatam exceptio excommunicationis opponatur, etſi ſententia prius lata manet valida ex Reg. 73. cit. illius tamen executio impeditur c. citat. verſ. ſed ſi poſt. Ratio eſt, quia executio ſententiæ eſt ſpecies quædam actionis, quæ oritur ex iudicato; igitur cum excommunicatus prohibetur Actiones intentare, exceptio excommunicationis impedit, ne Iudex exequi poſſit à ſe latam in favorem Actoris excommunicati.

52 Quæritur 8. an Teſtis, ſi exceptio criminis contra illum probata ſit, puniri de illo crimine in Iudicio poſſit? Reſp. diſtinguendo: Vel enim crimen illud, de quo excipitur contra teſtem, tangit negotium principale, vel non tangit. Ex hoc ſecundum, non poteſt de eo crimine puniri teſtis ſi eo præciſe, quod contra ipſum ſit probata exceptio criminis, ut bene Vivian. in c. 1. hoc tit. v. ſed de crimine, Layman ibid. n. 3. Barbosa n. 1. & ſeqq. Ratio eſt, quia quando adverſus teſtem crimen objicitur per modum exceptionis, regulariter non agitur ad hoc, ut ipſe de illo puniatur, ſed ut ei non credatur: igitur ſufficit illum repellere à teſtimo-

nio dicendo. Conf. quia cum Iudex procedit ad petitionem Actoris, non poteſt condemnare ultra id, quod actor petiit in Libello. Actor autem non petit puniri teſtem, ſed tantum arceri à teſtimonio; quia non illum, ſed Adverſarium accuſat: ergo.

Si primum, major eſt controverſia, Barbosa loc. cit. n. 4. vult ejuſmodi teſtem neque extraordinaria pena puniendum, etſi crimen, de quo confeſſus eſt, vel convictus, cauſam principaliter contingat. Rationem dat, quia ſine Iudicio inſtituto nulla poteſt infligi pena; ſed quando per meram exceptionem crimen aliquod teſtificantium opponitur in illo Iudicio, in quo de cauſa teſtimonium dixit, quantumcunque crimen illud probetur etiam per confeſſionem illius, cui objicitur, dum aliud non proponitur, nullum Iudicium contra eum inſtitutum dicitur; ergo &c.

Sed contrarium videtur colligi arg. l. ex lege 2. § ſi publico 5. & §. ſeq. ff. ad Leg. Jul. de adult. ubi dicitur, ſi mulier viro de adulterio ipſam accuſanti objiciat crimen lenocinii, licet mulier de hoc non excuſetur à pena Legis, maritum tamen ob lenocinium puniri poſſe. Eadem autem videtur ratio eſſe de reſte, quæ de accuſatore.

Neque obſtat ratio oppoſita in contrarium; nam cum de connexis ſit eadem ratio, etiam idem debet eſſe Iudicium; igitur reſtis ejuſmodi non debet recedere à Iudicio impunitus; quod maxime verum eſt, ſi crimen cauſæ connexum ſpontè confeſſetur.

## T I T U L U S XXVI.

### De Præſcriptionibus.

Præſcriptionis nomen in Jure duplici ſumitur, 1. Latè & generaliter, prout idem eſt, ac exceptio, de qua tit. præc. & patet ex ff. & C. de except. & præſcript. 2. Strictè, & ſpecialiter pro exceptione peremptoria, per quam bonæ fidei poſſeſſor poſt legitimi temporis decurſum contra dominum, ſi hic rem ſuam priſtinam repetat, aut priſtino ſuo jure uti velit, excipit, & poſſeſſionem, certo tempore à Legibus definito continuatam, opponendo repellit. Et in hoc ſenſu ad tit. præſentem ſpectat. Si igitur.

### §. I.

#### De Natura, Varietate, & Origine Præſcriptionis.

### S U M M A R I U M.

- 1 Definitio Præſcriptionis.
- 2 Discrimen ab uſucapione.
- 3 Varietas.
- 4 Quo Jure ſit introducta?
- 5 Effectus ejuſdem eſt acquiſitio domini.
- 6 7 Non tantum utilis, ſed etiam directi.
- 8 9 Lex Præſcriptionis eſt juſta.
- 10 11 12 Et prodeſt etiam in conſcientia.
- 13 14 15 16 Ita, ut reſtituere rem præſcriptam præſcribens non teneatur.
- 17 Quis poſſit præſcribere?
- 18 Quis non poſſit?
- 19 Contra quos præſcribi non poſſit?
- 20 Exceptiones.
- 21 22 Renunciari Præſcriptioni poteſt.
- 23 Requiſita ad legitimam præſcriptionem.

Quæritur 1. quid ſit Præſcriptio, & quomodo ab uſucapione differat? Reſp. eſt adjectio, ſive acquiſitio aominii, vel quaſi, aut alieni Juris ſive realis, ſive perſonalis peremptio per continuationem poſſeſſionis, tempore, & modo à Legibus, vel SS. Canonibus definito. Ita paſſim DD. aſſumentes definitionem uſucapionis à Modestino l. uſucapio 3. ff. de uſucap. & uſurpat. traditam, eamque præſcriptioni accommodantes; qui etiam paſſim hæc voces inter ſe confundunt. Qui diſcrimen inter præſcriptionem, & uſucapionem moribus hodiernis concedunt aliquod, non aliud agnoſcunt, quam quale eſt generis à ſpecie, quod uſucapio proprie tantum reſ corporales, Præſcriptio autem præter hæc etiam incorporales afficiat. Ex quo naſcitur diſcrimen alterum, quod uſucapio



usucapio sine possessione, ut Etymon nominis ipsummet demonstrat, non procedat; ita procedat autem non raro prescriptio, si scilicet tendat ad res incorporales, quarum non datur vera, sed tantum quasi possessio.

2 Si tamen magis propria, & primaria istorum nominum significatio attendatur, usucapio à prescriptione distinguitur, sicut causa ab effectu; quia *usucapio* est ipsa dominii per continuationem possessionis legitimam acquisitio; *Prescriptio* verò est exceptio, quæ priori domino rem suam reposcenti opponitur, & ideo opponenti competit, quia ex pristina possessione dominium illius acquisivit. Bene autem notandus est modus loquendi diversus, cum aliquid prescriptione acquiritur, & cum per eam jus alterius extinguitur; nam cum jus alterius extinctum esse significare volumus, solemus loqui in dativo, scilicet *prescriptum est obligationi, Juri, vel Actioni*; si autem de acquisitione sermo sit, utimur Nominativo, vel Accusativo verb. grat. *Prescripta est servitus, vel Prescripti rem, Jurisdictionem &c.*

3 Quæritur 2. quoruplex sit prescriptio? Resp. alia est Ordinaria, seu longi temporis, alia extraordinaria, seu longissimi temporis, alia denique Immemoralis. *Prescriptio Ordinaria* est, quæ completur tempore ordinario 10. aut 20. annorum. *Extraordinaria*, quæ perficitur tempore extraordinario, videlicet 30. aut 40. annorum. *Immemoralis* denique illa dicitur, quando possessio tamdiu duravit, ut initium ejus hominum memoriam excedat.

Quantum temporis ad hanc ultimam requiratur, determinatè dici non potest; certum enim est, non semper sufficere tempus annorum 100. quia possent esse aliqui ultra 100. annos, & contrarii meminisse; item certum est, non univèrsim requiri 100. annos; quia constat impositiones, quas Nobiles à subditis suis accipiunt, longè minoris esse temporis, quæ tamen dicuntur esse temporis immemoralis. In genere igitur, ut aliqua prescriptio dici immemoralis possit, requiritur tale tempus, ut dici possit initium illius hominum memoriam excedere. Ubi iterum notandum est non obesse, quin adhuc dici immemoralis prescriptio possit, etsi constet possessionem aliquam non fuisse ante longissima quædam tempora, ut 200. 600. aut 1000. annorum: sed adhuc manebit immemoralis possessio, modò initium illius memoriam senum, qui modò sunt, etiam ex auditu, & traditione antecessorum suorum excedat: pro exemplo Molin. *rr. 2. de J. & J. D. 76. n. 3.* adducit Majoratus in Hispania, quos omnes, aut fere omnes constat cœpisse post tempora Principis pelagii, qui Hispanias à Saracenis primus cepit vindicare, & tamen prescriptio illorum immemoralis dicitur.

4 Quæritur 3. quo Jure, & quam ob causam prescriptio sit introducta? Resp. introducta est primum Jure Civili, dein approbata per Jus Canonicum. Primum patet *princ. inf. de usucap.* & indicatur etiam *leg. traditionibus 20. C. de pact. l. omnes 4. C. de prescript. 30. vel 40. ann.* Alterum constat ex toto hoc *Titulo*, & subjectis huic textibus. Causæ, & motiva introducendi prescriptionem potissima fuerunt, 1. Ne passim longo tempore dominia rerum confusa, & incerta essent *l. bono 1. ff. de usurp. & usucap.* 2. Ut lites facilius terminarentur *l. inf. ff. pro suo*: quæ penè immortales fierent, si post quanticunque temporis possessionem à possessoribus bonæ fidei rem suam domini possent repetere, 3. Ne possessores continuo timore rem amittendi tenerentur *l. cum notissimi 7. C. de prescript. 30. vel 40. annorum*; unde fieret, ut fundos possessos nemo auderet colere, vel si coleret aliquis, negligenter eosdem coleret timens, ne non sibi, sed aliis laboraret, 4. Ut hac ratione excitetur hominum desidia, & ipsa ad sua Jura prosequenda, & curandas res suas efficeretur cautiores, dum vident negligentiam puniri ademptione dominii *c. vigilantibus 5. hoc tit. & l. ut perfectius 2. C. de annal. Except.* Patet igitur ex omnibus his causis prescriptionem inductam ob bonum publicum, nec enim leviter ad hoc intervit, si quis sciat, quid suo sit sub dominio, si, quod sub dominio suo habet, diligenter custodiat, si lites non nimium multiplicentur, & quæ ortæ sunt, non immortales sint &c.

5 Quæritur 4. quis sit effectus prescriptionis? Resp.

hoc desumendum ex objecto ejusdem, & distinguendum, an prescriptio fiat ita, ut prescribatur obligationi, Juri, vel actioni, an verò ita, ut prescribatur ipsa res, Jus, servitus &c. *Si primum*, beneficio prescriptionis acquiritur prescribenti libertas ab obligatione, servitute &c. *Si secundum*, acquiritur eidem dominium vel quasi hæc extra dubium sunt.

Disceptatur inter DD. quale dominium consequatur prescribens, an utile solum, an verò etiam directum? Et quamvis facillè concedant omnes prescriptione acquiri plenum dominium rerum mobilium, in immobilibus tamen distinguunt inter dominium directum, & utile, & primum quidem prescriptione acquiri negant, concedunt de posteriore. Ita Glossa in *l. traditionibus C. de pact. & Auth. nisi tricennali C. de bon. matern.* Bartol. *ibid.* Bald. *de prescript. 2. part. 3. partis princ. qu. 2.* Abb. in *Rub. hoc tit. num. 4.* Felin. *ibid. num. 3.* & alii plures, quos refert Cævallos *Opin. comm. contr. commun. quest. 252.* & Covar. *reg. possessor part. 3. princ. de R. J. in 6.* Moventur 1. textu *l. si duo 13. § Julianus 1. ff. de Jurjur.* ubi Ulpianus, *Julianus*, inquit, ait cum, qui juravit fundum suum esse, post longi temporis Prescriptionem etiam utilem actionem habere debere, 2. Quia res mobiles facilius, ac firmitus acquiritur *l. possideri 3. §. Nerva filius 13. ff. de acquir. vel amitt. poss.* 3. Quia prescriptio est actionis exceptio. Igitur supponit illum contra quem sit exceptio, habere jus agendi, quod exceptio vult elidere: Sed hoc jus nequit esse utile; hoc enim omnium confessione possessori competit. Ergo est Jus directum, & cons. Jus directum ad possessorrem non transit.

Sed verior est sententia, quæ affirmat utrumque jus 6 acquiri à prescribente, utile, & directum. Ita Decius in *l. traditionibus cit. C. de pact.* Covar. *loc. cit. à num. 2.* Fachin. *lib. 1. contr. cap. 70. in fin.* Molin. *tratt. 2. D. 61. circa fin.* Lels. *lib. 2. de Just. cap. 6. num. 51.* Palao *tratt. 31. D. un. part. 22. § 2. num. 6.* Hann. *tom. 1. rr. 5. num. 168.* & seqq. Vvagnerec. in *rub. hoc tit. not. 3.* Pirhing *hic num. 6.* & alii plures apud Cævallos *loc. cit.* ubi addit ab hac opinione non recedendum in judicando, & consulendo, *Ratio est*: quia Lex humana ex justa causa potest transferre dominium, non tantum utile, sed etiam directum; prout facile concedunt DD. & hoc fecisse in presenti casu satis clare colligitur 1. ex pluribus Juris utriusque textibus, præsertim *can. Clerici 11. caus. 16. q. 3. l. usucapio 3. ff. de usurp. & usucap. l. acquiruntur 10. § non solum 2. ff. de acquir. rer. dom.* ubi dicitur prescriptione acquiri dominium, neque distinguitur inter dominium utile, & directum, inter quæ utique Leges istæ fecissent discrimen, si voluissent in prescribentem transferri tantum dominium utile, 2. Quia in dubio potentior significatio est assumenda, & ea, quæ magis est proptia arg. *c. si quem 59. de sent. excomm. l. quæritur 10. ff. de stat. hom. l. demum 57. ff. de contr. empt.* atqui appellatione dominii potius dominium directum, utpote præcipuum, venit, quam utile *l. agri 1. § qui in perpetuum 1. ff. si ager vectigal. vel Emphyteuticar. petat.* ergo &c. 3. Quia alias finis intentus non obtineretur; neque enim lites ita sopitæ essent, ut non facillè resuscitari possent.

Argumenta in contrarium allata nullius sunt ponderis. *Ad 1.* constat clare ex textu sermonem ibi esse non de rei vindicatione, quæ convenit ratione prescriptionis, sed de actione, quæ convenit ratione præstiti Juramenti, quæ est actio in factum. Accedit, quia in Jure non est infrequens actionem utilem nominari, non prout opponitur directæ, sed prout idem est, ac efficax actio; & ita sumitur *l. si cui 1. § ult. in fin. ff. de aqu. put. arcend. & l. si quis diuturno 10. princ. ff. si servit. vindic.* *Ad 2.* etsi ratio illa Legislatorem potuisset inducere ad distinguendum in hoc dominium directum ab utili, non tamen movit, sed contentus fuit discrimine temporis, quo prescriptio mobilium completur, quod brevius est, quam immobilium. *Ad 3.* exceptio prescriptionis est exceptio solum facti, non Juris; neque enim antiquus dominus verum jus agendi habet, cum exceptione succumbat, sed si agat, solum quoad apparentiam videtur actionem habere.

Quæritur 5. an justa sit Lex Civilis per presumptionem dominium transferens à domino rei ad non dominum ejusdem? Videtur non esse justa: nam 1. vi-



detur pugnare cum Jura gentium; dominium enim singulorum descendit à Jure gentium *l. ex hoc Jure 5. ff. de J. & J.* at Jus Civile non potest tollere Jus gentium §. *sed naturalia 11. Inst. de J. N. G. & C.* ergo &c. 2. Alienum est à Jure naturali aliquem privari re sua absque ejusdem culpa. Hoc fit per præscriptionem; ergo &c. 3. Ipse Imperator injustitiam ejus agnovit, dum præscriptionem appellat *impium præsidium, & improbam temporis allegationem*, ut habetur *Novell. 9. princ. Vers. habeat*, 4. *Id., quod nostrum est sine facto nostro ad alium transferri non potest*, ut habet *Reg. 11. ff. de R. J.* ita fieret, si præscriptio transferre posset dominium; domino ignorante, aut alia ex causa impedito, ne rem suam persequi possit, 5. *Locupletari non debet aliquis cum alterius injuria, vel jactura*, ut dicitur *Reg. 48. in 6.* & concordat *Reg. 206.* hoc fit, si usucapiens dominium alienæ rei acquirat; ergo &c. 6. Tempus non est modus introducendæ, vel tollendæ obligationis *l. obligationum 44. §. circa diem 1. ff. de O. & A.* præscriptio autem omnem vim habet ex cursu temporis; ergo &c.

Sed his non obstantibus, justissimè latam esse Legem Civilem de præscriptionibus constat ex rationibus allatis *num. 4.*

- 9 Ad Rationes oppositas non est difficilis solutio. Ad 1. Jus gentium, quod dicat nemini auferendam rem suam, etiam dicat, ut pareamus Reip. adeoque etiam Legi, quæ præscriptionem induxit ob bonum publicum. Ad 2. alienum est à Jure naturali aliquem absque sua culpa privari re sua si privatio pœnalis sit, conceditur; si Legalis sit ob bonum publicum introducta, negatur. Ad 3. putant aliqui Constitutionem istam esse supposititiam; sed non est huc necessario deveniendum; quia Imp. loquitur de illis temporibus, quibus aliquem currebat præscriptio etiam cum mala fide. Ad 4. Regula illa locum non habet in iis, quæ vi, ac potestate Legis fiunt. Accedit, quia ex præsumptione Juris consensisse censetur in talem translationem, qui tanto tempore negligit rem suam persequi, ut colligitur ex *l. alienationis 28. ff. de V. S.* Neque refert, quod præscriptio subinde compleatur ignorante pristino domino; nam eo casu consentum, & scientiam domini supplet Reip. ob bonum publicum dominium in possessorem transferens. Ad 5. Principium illud intelligendum est de locupletatione injusta, non de ea, quæ Legis autoritate, & ex justa, ac publica causa fit; nam ob publicam causam Lex, cum sit domina rerum, potest uni dominium auferre, & illud transferre in alterum: unde de injuria prior dominus non potest conqueri, sed sibi imputare debet, quod intra statutum tempus rem suam inquirere, & à possessore recuperare neglexit. Ad 6. Præscriptio non habet vim transferendi dominium ex solo cursu temporis, sed ex possessione continuata per tempus Lege definitum cum justo titulo, & bona fide.

- 10 Quæritur 6. an Lex præscriptionis etiam profit in foro conscientiæ? Negant Joan. Andr. in *reg. possessor 2. in 6.* Alciat. in *l. quinque pedum princ. Cod. fin. regund.* Rotell. *Sunt m. V. præscriptio*, & alii apud Glossa in *cap. vigilanti 5. V. noverit. hoc tit. & Covar. in reg. possessor cit. part. 3. §. 2. num. 1.* quibus ex parte contentiunt Adrian. in *4. de rest. quæ de præscript. §. mihi autem Medin. Cod. de restit. quasi. 16. & 18.* juxta quos ad valorem præscriptionis requiritur negligentia domini in repetenda re sua à bonæ fidei possessore. Fundantur 1. *c. vigilantibus*, ubi indicatur præscriptionem introductam esse in pœnam negligentiam, & desidia prioris domini. Ergo saltem, si prior dominus negligentiam, & desidia nullam commisit, per præscriptionem re sua non privabitur, 2. cum ignorantia nemo censetur suum jactare *l. cum de debito 25. ff. de Probat.* in id ignorantia acquiparatur impedito *l. male agitur 2. C. de præscript. 30. vel 40. ann.* sed contra impeditum agere non currit præscriptio *l. super 1. §. fin. C. de annal. except.* 3. Lex fundata in præsumptione, si falsa hæc sit, in foro conscientiæ locum non habet. Talis est Lex præscriptionis; quia fundatur in negligentia prioris domini, qua iste persæpe caret, utpote ignorans rem suam esse, vel eam ab alio possideri.

- 11 Sed dicendum præscriptionis beneficium etiam prodesse pro foro conscientiæ. Ita contra *citt.* & paucos alios

antiquiores communiter TT. & Jurisconsulti omnes, nominatim Glossa *V. noverit. cit.* Sylv. *V. Præscriptio 1. q. 3. Molin. de J. & J. tr. 2. D. 61. n. 6. & seqq. Less. l. 2. de Just. c. 6. à n. 50. Layman l. 3. Theol. tr. 1. c. 8. n. 3. Palao tr. 31. D. un. p. 22. §. 2. n. 3. Vallens. hic §. 4. n. 8. Zoel. ibid. n. 10. Pirhing n. 6. Konig n. 4. Vviefstner n. 5. & 6.* Ratio est, quia Resp. ob dominium altum, quod ipsi in bona subditorum omnium confessione competit, potest, quando id bonum commune exigit, dominium illorum auferre pristinis dominis, atque illud transferre in alios. Atqui rationes *numer. 4.* allegatæ probant esse de bono communi Reip. per præscriptionem auferri dominium pristino domino, & illud transferri in possessorem: ergo potest ita transferre; sed si translatum est dominium in possessorem, iste eo ipso tutus est in conscientia; ergo &c.

Ad fundamenta adversæ sententiæ facilis est responsio. Ad 1. etsi præscriptio introducta sit ad vitandam minorum segnitiam, non tamen hæc est unica, & præcipua causa, sed ne lites multiplicentur, ne dominia maneant incerta &c. igitur etsi nulla intervenit negligentia in pristino domino, modò stent reliquæ rationes, beneficium præscriptionis non celsat. Deinde, etsi negligentia pristinorum dominorum esset unica, & principalis causa introducendæ præscriptionis; quia tamen Lex præscriptionis universalis est, & in finem universalem tendit, adhuc manet, etsi in casu aliquo particulari celsat ejusdem ratio. Ad 2. jam dixi *n. 9.* in ignorante consentum ad alienationem per præscriptionem faciendam suppleri à Rep. quæ ob bonum publicum dominium in præscribentem transfert. Neque refert, quod in particulari aliquo casu præscriptio ad salutem Reip. non esset necessaria; sufficit enim ad tale jus præscribendi inducendum, quod universim ad cavendas Reip. perturbaciones, litesque noxias, & accucundam subditorum industriam sit necessarium; inde enim jam descendit obligatio ad quosvis etiam casus particulares, uti fieri solet etiam in aliis Legibus. Ad 3. Lex præscriptionis fundatur in bono publico, ob quod inducta est; & hinc etiam non extante negligentia prioris domini, si cætera requisita adsint, dominium in præscribentem transfert.

Quæritur 7. an is, qui præscripsit rem aliquam, casu, quo post completam præscriptionem cognoverit rem alienam fuisse, teneatur ad illam restituendam? Videtur teneri 1. quia Jus naturale dicat, rem domino vero esse reddendam, 2. Præscriptio fundatur in bona fide, qua possidens rem alienam suam esse credit; ergo saltem, si deinde constet rem esse alienam, cessabit præscriptio; quia tum celsat bona fides, quæ fundamentum est præscriptionis, 3. Is, cui res adjudicata est per sententiam Judicis subnixam falsæ præsumptione, teneatur ad restitutionem. Ergo etiam præscribens, si deinde constet rem ipsius non fuisse, 4. Etsi lex infra dimidium læsis actionem denegat, tamen in foro conscientiæ manet obligatio restitutionis. Igitur pariter manebit obligatio restituendi rem præscriptam, etsi Jus contra præscribentem rei vindicationem denegat.

Sed standum pro negativa. Sequitur *cx n. 5.* quia beneficium præscriptionis præscribens dominium rei præscriptæ accepit. Proceditque hoc non solum, quando prior dominus in custodienda re sua, aut vindicanda negligentiam aliquam commisit, sed etiam, quando nulla ex parte ejusdem in re sua inquirenda, aut vindicanda negligentia intervenit, ut *AA. n. 11. allegati docent cum Haun. tom. 1. de J. & J. tr. 5. n. 164. & seqq.* Quod etiam triplex persuadet ratio; nam 1. si Leges inducentes præscriptionem præcisè voluissent punire negligentiam dominorum, & sic ex talis negligentiam præsumptione procederent, essent Leges perniciosæ potius, quam utiles Reip. præterquam enim, quod sciri sæpe non possit, an revera Adversarius commiserit negligentiam, præberetur per eas ansa innumeris occultis compensationibus, quorum primum illaquearet conscientias infinitis scrupulis, alterum apertam præberet januam fraudibus, dum quisque fingeret rem suam fuisse, & sic occulte eam sibi vindicaret, cum apertè illam non possit, 2. Quia sic esset Lex tantum pœnalis: quod tamen satis apertè falsum est; nam Lege pœnali, communiter saltem, non amittitur dominium ante sententiam. Atqui præscriptio simul, ac peracta est,



est, dominium adimit, & in novum possesorem omnino transfert; ergo &c. 3. Quia negligentia ista in re sua servanda non est, nisi venialis, quæ non meretur ablatione rerum puniri.

- 15 Ex quo ulterius sequitur, pristinum dominium non posse rem sic præscriptam à præscribente repetere, etsi posset legitime demonstrare se prius fuisse ejusdem dominum; nam dum alter eandem præscripsit, ipse amisit ejusdem dominium. Imò si is, qui Præscriptionem complevit, per errorem, & facti, vel etiam Juris ignorantiam rem ita præscriptam restituit, ratus adhuc alienam esse, teneatur alter, cui restitutio facta est, eandem reddere, & præscribens eandem, tanquam indebitè datam, potest repetere, atque ut suam vindicare; neque enim per solutionem ex errore factam dominium rei acquisitum præscribenti amittitur. Addidi *per errorem & Juris ignorantiam*; nam si restituit is, qui dominium usucapione in se translatum scivit, & nulla vi, vel dolo ad restituendum inductus fuit, certum est eundem non posse rem restitutam revocare, ut bene advertit P. Vviesner *hic n. 11.* & ratio est, quia ita restituens rem donasse, aut præscriptionis Jure cessisse videtur.

- 16 Neque obstant Argumenta adversæ sententiæ. *Ad 1.* postquam res est legitime præscripta, non amplius est aliena, ut ex dictis patet, sed dominium ex dispositione Juris translatum est in possessorem. Igitur deinde non amplius retinetur alienam, sed ut suam. *Ad 2.* scientia superveniens præscriptioni jam completæ malam fidem non facit; quia non est scientia rei alienæ sed propriæ, quæ fuit aliena. *Ad 3.* imprimis Juxta per sententiam suam non intendit transferre dominium, sed solum declarare, cujus ex litigantibus res sit; unde si sententia fundetur in falsa præsumptione, ipsa quoque non tenet, nec est servanda in conscientia: at verò Lex, vel Princeps per præscriptionem intendit transferre dominium rei in præscribentem, ut sæpe dictum est: deinde, ut iterum ex dictis patet, Præscriptio non nititur præsumptione negligentie prioris domini, sed exigentia boni communis. *Ad 4.* negatur paritas; nam quando infra dimidium læso Lex actionem negat, solum negativè se habet, non assistendo eidem in Judicio; in præscriptione autem positivè approbat, dominium adjicit, & possessorem securum reddit.

- 17 Quæritur 8. quis possit præscribere, Resp. in genere præscribere possunt illi omnes, qui possunt rem alienam proprio nomine possidere, & dominium acquirere. Ita Azor *p. 3. l. 1. c. 19. q. 1. Palao tr. 31. D. un. p. 22 § 3. n. 1.* Pax Jordan. *l. 14. tit. 24. n. 136.* Eckolt *de usurp. & usucap. § 8.* Vallens. *hic § 7. n. 1.* Pirhing *n. 9.* König *n. 5.* Adeoque.

Præscribere potest 1. non solum Paterfam. sed etiam Filiusfam. quoad bona Castrensia, quasi Castrensia, & Advenitia *l. sequitur 4. § usucapere 1. ff. de usurp. & usucap. & ibi Glossa V. & maxime.* Azor. *q. 1. cit. cum cæteris supra.* 2. Pupillus, Tutore authore, imò etiam sine illius auctoritate, modò animum usucapiendi habeat *l. sequitur cit. § pupillus 2. & ibi Glossa V. animum possidendi;* nam ut Martianus *l. pupillus 11. ff. de acquir. rer. domin. ait, Pupillus, quantum ad acquirendum, non indiget Tutoris auctoritate.* 3. Infans; sed hic Tutoris auctoritate indiget, cum sine hoc possidere nequeat. Hinc disparitas est inter infantem, & pupillum; nam pupillus, si sit doli capax, animum usucapiendi habere potest, & fit ad præscribendum tutoris auctoritate non indiget; infans autem, cum usu rationis careat, animum usucapiendi habere nequit, & idcirco, ut *l. quamvis 32. § infans 2. ff. de acquir. vel amitt. possess. dicitur, iudicium infantis suppleri debet auctoritate Tutoris.* 4. Furiosus: in quo tamen distinctione est opus: nam illud tantum usucapit, quod ante furem possidere cepit *l. sequitur cit. § furiosus 3. & ibi Glossa V. usucapit.* Ratio est, quia non definit possidere, & præsumitur manere in priori voluntate, nisi constet ante furem retractasse. At inchoare præscriptionem non potest furiosus; quia cum usu rationis, & libertate arbitrii careat, animum acquirendi habere non potest. Idem dicendum de amente quovis, & carente usu rationis: hic tamen, Curatore authore, siquem habet, potest præscribere.

Contrà præscribere nequeunt 1. furiosi, & amentes 18 in casu modò exposito, 2. Servi; quia nec possidere suo nomine possunt *l. sequitur cit. § servus 4. & l. qui in servitute 118. ff. de R. J. sine possessione autem non currit præscriptio, ut infra dicam,* 3. Clerici non possunt præscribere bona suorum beneficiorum *can. Clerici 11. caus. 16. q. 3. 4. Precario rem possidens, usufructuarius, creditor rem sibi pignori datam, & omnes alii, qui non suo, sed alieno nomine possident, ulucapere, seu præscribere nequeunt.* Glossa in *Can. Clerici cit. V. in jus proprium.* Azor *q. 5. l'ax Jordan. n. 137. cit. 5.* Denique universim loquendo, qui non est capax acquirendi domini, vel possessionis, ulucapere non potest, cum ulucapio sit species alienationis *l. alienationis 28. ff. de V. S. in omni autem alienatione justa tam ex parte alienantis, quàm acquirentis requiritur capacitas acquirendi.* Tholof. *Synt. Jur. univ. l. 40. c. 3. n. 2.* Pax Jord. *n. 136.*

Quæritur 9. contra quos præscribi non possit? Resp. contra omnes illas personas præscribi nequit, quæ non. 19 possunt stare in Judicio, vel agere, vel jura sua tueri, vel administrare bona sua. Palao *tr. 31. D. un. p. 22. § 3. n. 3.* Pax Jordan. *lib. 14. tit. 24. nu. 236.* Ratio est, quia contra hos in attentante præscriptionem vel non est bona fides, vel non adest titulus sufficiens, vel obstant aliæ causæ impediennes præscriptionem.

In specie præscribi non potest contra Pupillum ratione minoris ætatis contra filiumfamilias dum adhuc est in patria potestate, ratione subjectionis, contra captivum ratione captivitatis, contra Prodigum, quia bonorum suorum administrationem ei ademit Resp. & universim adversus omnes illas personas, quibus jurium suorum alienatio interdicta est: ratio est, quia alienationis quædam species præscriptio est, ut *n. præc. in fin. dixi.* Igitur non est rationi consonum, ut qui alienare non potest, contra eum præscribi possit, ne quod una via prohibetur, altera admittatur.

Triplex tamen casus excipiendus est ab ista doctrina, Si præsumptio malæ fidei purgetur per bonam fidem accipientis; nam tunc etiam contra prædictos præscribi potest, non quidem tempore ordinario, sed extraordinario 30. vel 40. annorum, ut dicitur *l. fin. C. communia de Legatis.* 2. Si possessor ejusmodi bona habeat ab aliquo tertio, qui bona fide concessit eadem possessori præsentî; tunc enim iste præscribit illa posset tempore ordinario, ut notat Palao *n. 3. cit. 3.* Si præscriptio prius est inchoata, antequam bona præscribenda hujusmodi prohibitione affecta essent. Palao *loc. cit.*

Quæritur 10. an præscriptioni renunciari possit v. g. pacto, ne res præscribatur? Negat Bartol. in *l. nemo 55. ff. de Legat. 1. Greg. Lopez l. 1. tit. 29. p. 3.* ex ratione, quia præscriptio inducta est propter bonum publicum, ne dominia rerum incerta sint. Sed Juri publico detrogare nemo potest *leg. jus publicum 38. ff. de pact. ergo &c. Conf. ex leg. de die 14. ff. de pact. dotal. ubi non permittitur pactum, quo dos mulieris deterior fiat, tamen causa dotis utilitatem privatam, & communem simul respiciat, ne scilicet mulieres indotatæ sint l. dotium 1. ff. solut. matr. igitur nec circa præscriptionem pacisci licuum erit, ut aliqua res præscribi nequeat; nam & præscriptio, ut dictum est, ob bonum publicum introducta est.*

Sed contrarium meritò docuit Dynus in *l. nemo cit. Ripa ibid. n. 105.* Gutier. in *ejus repetit. n. 470.* Palao *tr. 31. D. un. p. 22. § 1. n. 6.* & probabile admittit Pirhing *hic n. 8.* Rationem dant, quia præscriptio primario, & principaliter inducta est in commodum, & favorem privatorum, & secundario solum ob bonum publicum. At quæ primario inducta sunt in bonum privatorum, renunciari possunt. Ergo &c.

Controversia aliqua in hac ratione moveri potest, 22 an verum sit, quod præscriptio solum secundario inducta sit ob bonum publicum, quod aliquibus cum Pirhing videtur difficile asserere. Sed quidquid de hoc sit, certum videtur, quòd in præscriptione utilitas privata separati possit à publica; nam posito pacto, ne res aliqua præscribatur, dominium illius non manet incertum, sed reservatum est primo possessori, & penes eundem manet. Hinc

Ad Argumentum oppositum dico, per ipsum pactum de non præscribendo utilitatem privatam à publica separari; quia eo pacto posito, finis cessat, ob quem præ-



precipue inducta præscriptio est, ne scilicet incerta sint rerum dominia. *Ad Conf.* negatur paritas; nam in dote utilitas privata à publica separari non potest.

- 23 Queritur 1. quæ requirantur ad legitimam præscriptionem? Resp. quinque maxime requisita DD. enumerant, 1. Ut res ipsa sit præscribilis, 2. Bona fides, 3. Iustus titulus, 4. Possessio legitima, 5. Tempus lege definitum. Quæ omnia his versibus continentur.

*Sit res apta, fides bona, sis titulus quoque iustus,  
Possideas iuste, completo tempore Legis.*

De singulis agendum in particulari; & hinc sit.

## §. II.

*Quæ res præscribi possint, vel non possint?*

## S U M M A R I U M.

- 24 Præscribi possunt res omnes, nisi jure prohibeantur?
- 25 Excipiuntur Res Sacrae.
- 26 Religiosa, & Sancta.
- 27 Publicis usibus deputata, & Liber homo.
- 28 Res communes, & ea, quæ sunt mera facultatis.
- 29 Beneficia Ecclesiastica, & jura spiritualia quoad Laicos.
- 30 Jure positivo prohibentur præscribi Limites Parochiarum, & Episcopatum.
- 31 Jura Majestatis.
- 32 Ea, quæ ad Supremam Principis potestatem pertinent.
- 33 Res Pupillorum.
- 34 Tempore ordinario præscribi nequeunt Res Ecclesiasticæ, saltem immobiles.
- 35 Bona Principis cum distinctione.
- 36 Feuda.
- 37 Res furtiva, aut vi possessa.
- 38 Res Minorum, & Civitatum.
- 39 40 41 Res alienari prohibita cum distinctione.

24 DE his Regulæ instar est, præscribi, & usucapi posse omnes res corporales, sive mobiles illæ sint, sive immobiles, nisi Lege aliqua, vel speciali ratione prohibeantur usucapi, vel præscribi. *Sylv. V. Præscriptio* 2. q. 1. *Hofst. Summ. hec tit. de usucap. n. 4.* *Tholos. l. 40. c. 2. n. 1.* *Pirhing hic n. 11.* Res incorporeales, ut Jura, Servitutes, Actiones; sicut propriè possideri non possunt, ita nec præscribi, vel usucapi. sed tantum quasi, sicut tantum datur eorum quasi possessio. Quia ramen utilitatis causa introductum est, ut res incorporeales quasi possideantur, hinc fit, ut etiam quasi usucapiantur, sive longo tempore, & usu acquiritur. *Hofst. loc. cit.* Dixi autem, *Nisi Lege aliqua, vel speciali ratione prohibeantur usucapi*; sunt enim, quæ præscribi non possunt, duplicis generis: & aliqua quidem præscribi nequeunt natura sua, alia Legis dispositione; & horum quidem aliqua tempore præscribi non possunt, alia præscribi solum prohibentur tempore ordinario.

25 Queritur 1. quæ res natura præscribi nequeant? Resp. generaliter natura sua præscriptionem refugiunt, quæ non sunt in hominum commercio, seu bonis privatorum; si enim nemo earum dominus esse potest, quomodo præscribere illas poterit, cum præscriptio sit adjectio dominii *leg. usucapio* 3. ff. *de usurp. & usucap.* In partu uari præscribi non possunt.

1. Res sacra, quæ ritè, & solemniter Deo sunt consecratae, & Sacris usibus applicatæ, uti sunt calices, vestes, & Ornamenta Sacra, Altaria, Tempia, Sacella, Cæmeteria, Monasteria, & alia loca Sacra, & Religiosa §. *se aliquando* 1. *Inst. de usucap. & l. usucapionem* 9. ff. *cod.* Ratio est, quia non est præscriptio sine possessione; atqui res, & loca Sacra non possumus possidere *l. qui universas* 30. §. *possessionem* 1. ff. *de acquir. & amitt. poss.* Quodsi tamen res Sacra profanaretur, præscriptionem admitteret *l. cum loca* 36. & ibi *Glosa ff. de Rel. & sumpt. funer.*

26 2 Res Religiosæ; quales sunt Sepulchra, sive loca, in quæ corpus, & ossa hominis illata sunt, ut ibi perpetuò maneant §. *religiosum*. *Inst. de rer. divis. & l. usucapionem* cit. Hodie tamen non est opus speciali exceptione; cum enim nunc non amplius, ut olim, locus, ubi corpus humanum conditur, cujuscvis voluntas

te Religiosus fiat, sed Episcopi autoritate Cæmeteria consecrentur, idcirco sub nomine rei Sacræ jam continentur. Bene etiam notat *Konig hic n. 8.* licet ipsam Cæmeterium præscribi non possit jus tamen Sepulchri præscriptione acquiri posse; quia etiam possideri à privatis potest *l. vel quod* 6. ff. *de Rel. & sumpt. funer. & statuitur expresse l. monumentorum* 6. *C. cod.*

3 Res Sanctæ: quales sunt, quæ speciali sanctione ab injuria, & violatione hominum sunt defensæ, ac munite §. *sancta quoque* 10. *Inst. de rer. divis. l. sanctum* 8. ff. *cod. l. usucapionem* 9. ff. *de usurp. & usucap.* Inter res sanctas connumerantur muri, & fortæ Civitatum, quas violare capitale est §. *sancta cit.* Item Imperium Romano-Germanicum, quod ideo in vernacula dicimus *das Deilige Remische Rech. Konig n. 9.*

4 Res publicis usibus deputata, ut sunt forum, via publica, fons, pons, theatra, stadia, scholæ, curiæ, porticus &c. *l. usucapionem* cit. & *l. præscriptio* 6. *C. de oper. public.* Idque verum est, etiam si iis populus uti defuerit *l. viam* 2. ff. *de viapublic. & itin.* quia satis est, quòd eis uti possit, & ad eum finem fuerint assignatæ.

5 Liber homo, qui nullo tempore præscribi potest, ut fiat Servus, licet possessor illum bona fide emerit putans esse servum §. *sed aliquando* 1. *Inst. de usucap. l. usucapionem* cit. & *l. fin. C. de long temp. præscript.* Contra Servus contra dominum præscribere libertatem potest, si per 20. annos bona fide etiam sine titulo se gesserit pro libero *l. fin. citat. & ibi Glosa V. bona fide; & V. per* 20. idque favore libertatis statutum est. Addit *Pirhing hic num. 12.* juxta alios sufficere decennium inter præsentis, ne deterior sit conditio libertatis, quam aliarum rerum, & quia saltem in aliis Legibus conceditur brevius tempus ad præscribendum presentibus, quam absentibus.

6 Hereditas, vel alia Res communis: hanc enim 28 antequam inter heredes, vel socios divisa fuerit, unus eorum præscribere nequit contra reliquos cohæredes, vel socios, etiam si longissimo tempore eam possederit, quin eis reddere debeat portiones suas *l. si communem* 10. ff. *quemad. servit. amitt.* Ratio est, quia non suo tantum, sed omnium cohæredum, vel sociorum nomine censetur rem communem possidere.

7 Res mera facultatis, h. e. quæ citra obligationem, aut conventionem cujuscunque libero arbitrio relinquuntur *arg. l. viam publicam* 2. & ibi *Glosa ff. de via publ. & itin.* Ratio est, quia quæ hujusmodi sunt, cum sint meri facti, nihil Juris ponunt, cui præscribi possit; antequam autem fiant, in rerum natura non sunt. Accedit, quia non decet, ut beneficium vertatur in debitum. Proceditque hoc, sive per actum aliquem positivum aliquid tale factum sit, sive per omissionem actus, quem alias ponere quis potuisset. Primi exemplum est, si consuevit aliquis in molendino alterius molere, cum potuisset in altero; secundi, si altius quis domum suam non ædificavit, cum jus habuerit altius ædificandi: Nam prius, etsi 100. annis frumentum suum tulisset in aliquod molendinum, per hoc tamen non contrahit obligationem, ut non alibi molat; alter, etsi altius domum non erexerit, non tamen per hoc amittere potestatem altius ædificandi, nisi aliquando ædificare volentem vicinus prohibuerit, & is de hac ædificatione cessarit; tunc enim amisit hoc jus, ut bene *Engl hic n. 9.*

8 Beneficia Ecclesiastica, si titulum præscribens non 29 habeat; quia sola Canonica institutione, & autoritate Superiorum obtinentur *c. beneficium* 1. *de R. J. in 6. cap. ex frequentibus* 3. *de instit. cap. contrigit.* 9. *de dol. & contum.* Neque obstat *cap. cura* 11. *de jur. patr.* ubi prohibetur, ne quis ex donatione Laicorum Ecclesias aliquas sibi vindicare, vel retinere præsumat sine auctoritate, & consensu Episcopi, nisi legitima fuerit præscriptione munitus, & cons. supponitur Ecclesiam, seu beneficium per præscriptionem acquiri posse; nam dicendum ibi sermonem esse de Ecclesiis, non in beneficium, vel Titulum, sed in proprietatem concessis, uti textum illum explicant *Abb. & Barbosa ibidem*, ac post hos *Konig num. 11.* Colligitur etiam ex eo, quia *c. cit.* scriptum est non tantum ad Clericos, sed etiam ad Monachos, & Monasteria, quæ beneficia in Titulum habere non possunt. Deinde in textu dicitur, *ne ex donatione Laicorum* quispiam Ecclesias vindicare præsu-



præsumat, atqui donatio facta loco Religioso intelligitur non in Beneficium, sed proprietatem facta *c. consultationibus 4. de donation.* Addidi, si Titulum præscribens non habeat; nam si Titulum coloratum saltem possessor habeat, & per triennium pacificè Beneficium tale possederit, possessio hæc ei proderit, si non ad proprietatem Beneficii, quod multi contendunt, saltem ad exceptionem, sitamen adsit bona fides; nam aliàs nec in foro interno tutus est, nec in externo tolerandus.

9. A Laicis præscribi non possunt *Jura Ecclesiastica*, & *Spiritualia*, e. g. jus eligendi, aut conferendi Beneficia Ecclesiastica, Jus cognoscendi, & judicandi causas Ecclesiasticas, & Clericorum &c. quia à Laicis possideri nequeunt *c. causam 7. h. tit.* Hinc etsi mille anni transierint, Laici ejusmodi Jura non præscribent. Jura, dixi; nam bona Ecclesiastica, quæ Sacra non sunt, præscribi à Laicis possunt, sed indigent longiori tempore.

30 Quæritur 2. quæ res Jure positivo simpliciter præscribi nequeant? Resp. 1. simpliciter præscribi vetantur *Limites Parochiarum*, & *Episcopatum*, ac quæ hujusmodi limitibus coherent, modò sufficienter constet illos fines fuisse præfixos *can. quicumque 4. & duobus seqq. caus. 16. quest. 3. cap. super eo 4. de Parochiis*, & *cap. quia 9. h. tit.* Ratio est, ne termini Provinciarum &c. confundantur. Extenditur hoc etiam ad limites Ducatum, & Comitatum, ut vult Hostiensis apud Molin. *tr. 2. D. 79. num. 7.* Dixi *Limites Parochiarum &c.* nam limites prædiorum, seu agrorum Ecclesiasticorum 40. annis præscribi possunt, ut aliæ res Ecclesiasticæ immobiles *canon. volumus 2. junct. Gloss. V. fines caus. citat. quest. 4. & capit. quia citat.* Imò ipsa etiam terra, ubi limes Parochiæ, vel Diocesis positus est, quoad proprietatem præscribi potest, ut rectè notat Engl *hic n. 8.* modò adhuc limes maneat in sua ratione limitandi, & nihilominus fines Episcopatus, vel Parochiæ designet. Similiter non prohibetur Præscriptio Jurium Episcopatum circa certas Ecclesias in aliena Diocesi, item Præscriptio Decimarum in aliena Parochia, si fiat salvis de cetero limitibus. Addidi in Responsione, *Modo sufficienter constet illos fines fuisse præfixos*; nam si dubii forent limites, melior judicaretur possidentis conditio.

31 2. *Jura Majestatis*, seu quæ Principi, Imperatori, Regi debentur, & competunt in recognitionem Supremi Principatus, & universalis dominii, ac subjectionis eidem debitæ *l. comperit 6. C. de præscript. 30. vel 40. ann.* Ratio est, tum quia Princeps illa ne expressa quidem conventionione diminueret potest; tum quia eorum Jurium reliqui extra Supremum Principem incapaces sunt. Hinc nulla temporis Præscriptione acquirere quis potest immunitatem Vestigialium, & Tributorum, quæ Principi penduntur in recognitionem Supremæ Majestatis, & subjectionis; & quamvis quantocumque tempore petita non fuerint à Principe, Jus tamen per hoc Princeps ad ea petenda non amittit. Dixi, *Quæ penduntur in signum Supremæ Jurisdictionis, & dominii*; ea enim, quæ reservantur Principi solum in signum specialis Dignitatis, & Privilegii, ut sunt potestas legitimandi, restituendi famæ, creandi Notarios, cudendi monetam, indicendi Tributa pro expensis alicujus belli, vel simili aliqua necessitate publica, per inferiorem acquiri possunt Præscriptione 40. annorum cum titulo, sine titulo tempore immemoriali *l. si publicanus 4. §. in omnibus 2. ff. de Publican.* Abb. in *cap. ad audientiam 13. h. tit. num. 18.* Less. *l. 2. cap. 6. num. 41.* Pirh. *hic num. 20.* Konig. *n. 19.* cum aliis.

32 3. *Quæ ad Supremam Principis potestatem spectant*; nam contra hæc à nullo subdito, qui se subditum fateatur, præscribi potest, ita, ut Legibus Principis non obligetur, vel ut ab eo non coerceatur, quando ratio, & Justitia ita exigunt, aut ut ab inferioribus Judicibus non appellatur ad Supremum Judicem. Covar. in *Reg. possessor p. 2. §. 3. n. 7.* Molin. *tr. 2. D. 74. n. 3.* Pirh. Konig *l. cit.* Dixi, *Qui se subditum fateatur*; nam, etsi per Præscriptionem fieri non possit, ut subditus manens subditus exemptus sit ab iis, quæ Principi ratione supremæ potestatis competunt, v. g. ab ejus imperio, Tribunali, Judicio &c. potest tamen mediante præscriptione ex subdito fieri non subditus, & eximi ab ejus potestate, prout multi Principes, qui olim erant subditi Romano Imperatori, præscribendo libertatem exempti sunt. Nemo tamen per præscriptionem, imò etiam per

concessionem ipsius Pontificis eximi potest à potestate, quæ ipsi tanquam Summo Christi in terris Vicario adversus omnes Fideles competit; nam ad intrinsecam Papalis potestatis à Christo profectæ perfectionem spectat, ut sit omnium fidelium Supremus Ordinarius Pastor. Ita *l. cit.* Abb. *num. 19.* Molin. *num. 1.* Pithing. *num. 20.*

4. *Res pupillorum*: ubi nonnulli discrimen faciunt inter res eorum mobiles, & immobiles; & in prioribus præscriptionem concedunt, in posterioribus autem negant. Sed melius hac distinctione rejecta, negatur omnis Præscriptio, etiam longissimi temporis in re pupillari, ita, ut tempus pupillaris ætatis ad tempus præscriptionis computetur. Ita Cujac. *in l. 4. §. si pupilli 11. ff. de Usucap.* ubi seipsum corrigens, generaliter, & indistinctè asserit, res, quæ aut Civili, aut gentium Jure pupilli factæ sunt, quamdiu is in tutela fuit, usucapi non posse. Consentunt Pal. *tr. 31. D. un. p. 22. §. 15. num. 1.* Pax Jordan. *l. 14. tit. 24. num. 174.* Arnold. Rath *tr. de Usuc. & præscript. c. 4. n. 10.* Haun. *tom. 1. tr. 5. num. 365.* Pith. *hic n. 36.* Konig *n. 21.* & sumitur ex *l. sicut rem 3. v. quæ ergo C. de Præscript. 30. vel 40. ann. & Auth. nisi triennale C. de bon. matern.* Et hoc verum est, ut bene notat Haun. etiam si contra defunctum Præscriptio jam inceperat; nam durante pupillari ætate non currit Præscriptio. Excipitur, si tempus Præscriptionis completeretur, pupillo adhuc in utero existente; nam tunc adversus defunctum, non adversus pupillum compleri censeretur; nec enim Jura volunt ob incertitudinem posthumi nascituri Præscriptionem impedire. Datur tamen eo casu posthumo nato beneficium restitutionis in integrum *l. etiam 45. ff. de minor. l. unic. C. si advers. Usucap.*

Præter relata sunt plura adhuc alia, quæ Lege positiva præscribi vetantur; de his tamen melius in §§. seqq.

Quæritur 3. quænam res præscribi prohibeantur tempore ordinario? Resp. 1. *Res Ecclesiarum*, saltem immobiles; nam contra eas, ut *infra §. 6.* dicam, Præscriptio locum non habet, nisi longissimi temporis, contra Ecclesiam Romanam quidem 100. annorum, contra alias inferiores 40. Aliquibus tamen Ecclesiis, & locis Sacris ex speciali Privilegio, ut §. 6. *cit.* dicam, amplius conceditur tempus; ut Ordini, ac Monasteriis S. Benedicti, Congregationi S. Salvatoris &c.

2. *Bona Principis*: ubi tamen distinguendum est inter ea, quæ ad eum spectant tanquam privatum, & non qua Princeps est, quia ex suo patrimonio, vel aliunde titulo privato illa habet; & inter ea, quæ ad ipsum pertinent, qua Princeps est. *Primigenis bona*, quæ *Bona Dominica*, seu *Patrimonialia Principis* appellantur, eo tempore præscribuntur adversus Principem, quo præscribentur adversus quemcumque privatum, ut cum Covar. & aliis ab hoc *cit.* rectius docet Molin. *tract. 2. D. 74. num. 5.* quamvis aliqui refragentur. Ratio est, quia non constat de privilegio, quod Regi quoad similia bona conveniat. In *indigenis bonis* iterum distinguendum est inter *Patrimonialia*, quæ ad Regni Coronam, vel Principatum spectant, & inter ea, quæ dicuntur *Fiscalia*. Priora non præscribuntur adversus Regni Coronam minori spatio, quam 100. annorum. Covar. *reg. possessor p. 2. §. 2. num. 8. & 9.* Valasc. *de Jur. Emphyt. q. 17. nu. 12.* Molin. *l. cit. num. 4.* & pater *arg. l. un. C. de SS. Eccl.* ubi privilegium centenariæ præscriptionis conceditur Civitatibus. igitur multo magis Coronæ, vel Principatui. Quoad *Posteriora*, tertia distinctio est adhibenda; nam si jam incorporata sint fisco, præscribi solum possunt 40. annorum tempore §. *res fisci 10.* & ibi Gloss. *Inst. de Usucap. Si nondum incorporata fisco*, multum interest, qualia sint illa bona, & quam ob causam Fiscus ea sibi vendicat, vel vindicare possit. *Si ad Fiscum pertineant, quia ob crimen* e. g. ob vestigial non solum, ob hæresin, ob crimen læsæ Majestatis &c. *sunt eadem commissa*, distinguendum est inter Fiscum Sæcularem, & Ecclesiasticum. *Si sermo sit de Fisco Sæculari*, quinquennio omnis actio Fisci extinguitur. *Si de Ecclesiastico*, adversus Ecclesiam Romanam non præscribitur, nisi 100. annis, adversus aliam inferiorem annis 40. nisi habeat speciale privilegium. *Si vero hujusmodi bona nondum incorporata Fisco ad eum spectant alia ex ratione*, quia v. g. morte alicujus sine legitimis hæredibus sunt vacantia, videndum, an denunciata sint



sint Fisco, vel non. *Sinondum denunciata sunt*, præscribuntur tempore ordinario *l. quamvis* 18. ff. de Usurp. & Usucap. ubi dicuntur talia bona *dintina possessione capi*; diutina autem 10. aut 20. annos, videlicet tempus ordinarium denotat. *Si autem denunciata jam Fisco sunt*, post quadriennium continuum actio super illis bonis à Fisco non amplius inchoari potest, ut habetur *l. notum est* 1. C. de quadrien. præscrip. Videatur Molin. tr. 2. de J. & J. D. 73. per totam.

36 3. *Feuda*: ubi quinque distinguendi sunt Casus. Et 1. quidem, ut res Allodialis in Feudalem transeat, sufficit, si possessor ejusdem illam tanquam Feudalem 30. annis possederit, & domino istius Vasalli instar servitii exhibuerit, nisi illa ad Ecclesiam spectet; tunc enim adversus Romanam 100. adversus aliam privilegio non munitam 40. anni requirentur. Zaf. tr. de Feud. p. 6. num. 30. Vultei. l. 1. cap. 9. num. 13. Schrad. p. 5. cap. 4. num. 6. Rosenthal cap. 6. concl. 77. num. 2. quos citat, & sequitur P. Vviesl. hic num. 142. & patet ex Lib. 2. Feud. tit. 26. §. *si quis per* 30. 2. eadem longissimi temporis præscriptione feudum ab uno Vasallo transferri potest ad alium, & à vero ad putativum; nam si hic per 30. annos bona fide Jure Vasalli possedit Feudum, & Domino ejusdem obsequia consueta præstiterit, Vasallus prior amittit dominium utile, & Feudi dominus hunc novum, tanquam Vasallum suum, agnoscere etiam invitatus cogitur. Abb. inc. 13. h. tit. n. 14. Clar. §. feudum q. 45. n. 3. Schrad. p. 5. cit. c. 5. num. 9. Rosenthal. c. 9. concl. 97. n. 8. Pirh. hic n. 109. Vviesl. n. 142. 3. Similiter 30. anni sufficiunt, & extinguetur Feudum, si extraneus tanto tempore rem Feudalem, tanquam Allodiale bona fide possederit. Glossa in tit. 40. feud. l. 2. v. *præterea cit. V. præscriptione*. Alex. de Nevo in c. 13. h. tit. nu. 52. & 57. Gaill. l. 2. obs. 160. num. 1. & seqq. Rosenth. concl. cit. num. 19. & apud hunc communiter Feudistæ. Sumitur ex §. *si quis per* 30. cit. Neque obstant textus Lib. 2. Feud. tit. 40. v. *præterea*, & tit. 55. in princ. ubi dicitur nullius temporis Præscriptio obstare domino; quia ut *l. cit.* cum aliis advertit Gaillius, id intelligendum duntaxat est de Ordinaria 10. annorum inter præsentis, & 20. inter absentes, non verò de Extraordinaria 30. vel 40. annorum. 4. non minùs 30. anni sufficiunt ad consolidandum dominium utile cum directo, & Feudi extinctionem, si dominus directus bona fide, quia v. g. creditur familiam, cui ratione Feudi aliàs debebatur dominium utile, omnino extinctam esse, tanto tempore rem Feudalem tanquam Allodiale, & liberam pacificè possedit arg. §. *si quis citat*. Bald. ibidem num. 11. Zaf. p. 6. cit. nu. 53. Rosenrh. conclus. 83. nu. 2. Vviesl. hic num. 144. 5. Ut verò contra Vasallus dominium directum præscribat adversus dominum, necesse est, ut domino possessionem interverterit, eique pro servitiis ipsum iaterpellanti, illa negarii, prædium, quod possidet, liberum asserendo; aliàs enim nullo tempore illud præscribet ob possessionis defectum, cum non sibi, sed domino illud possideat. Vult. c. 9. cit. nu. 18. Schrad. p. 6. c. 6. nu. 62. Rosenth. c. 6. concl. 82. n. 1. & 15.

37 4. *Res furtiva, aut vi possessa*: hæc enim tempore ordinario nec à fure, seu invasore, nec à tertio quodam præscribi possunt, usque dum vitium purgatum fuerit §. *furtiva* 2. & §. seq. Inst. de Usucapiend. l. qui fundum 7. §. qui sciens 5. ff. pro emptor. l. sciens 7. C. de Usucap. pro empt. Vivian. in cap. 2. h. tit. Gonz. ibid. n. 6. Vall. §. 8. nu. 5. Pirh. n. 13. Engl. num. 11. Sannig. c. 6. nu. 3. Vviesl. numer. 139. Estque hoc verum, ut bene advertit Haun. tom. 1. tr. 5. n. 367. nisi per mille manus res illa ambulasset; semper enim dominus illam vindicare posset, nullo restitutionis, præterquam expensis in sustentationem v. g. animalis factis. Ratio indicatur *l. vitia* 11. C. de acquir. vel retin. poss. quia sc. dispositione Juris res furtivæ, & vi possessæ vitio reali laborant; cum quo proinde ad quoscunque successores deveniunt. Huc revocantur, quæ contra Legem repetundarum Judici data sunt; nam hæc perinde, ac furtiva, non nisi purgato vitio. Præscriptionem admittunt *l. quod contra* 8. ff. ad Leg. Jul. repetund. Addidi, *Nisi purgatum sit vitium furti, aut violentiæ*: quod fieri impliciter potest. 1. per lapsum 30. vel 40. annorum; nam si tanto tempore hujusmodi res possessa fuerint à tertio bonæ fidei possessore, puta ab emptore, vel hærede furtis, ignorante rei vitium,

præscribi etiam res furtivæ possunt *l. sicut* 3. & *l. omnes* 4. C. de Præscript. 30. vel 40. ann. 2. si fur esset hæres illius, cui furtus est *l. cum vir* 42. ff. de Usurp. & Usucap. ibi: *Idem Juris est, cum is, qui rem furtivam vendidit, postea dominus hæres existit*. 3. Si res ad suum dominum reversa fuerit post furtum, & denuo bona fide ab alio possideatur, sive deinde reversa fuerit formaliter, sive æquivalenter, v. g. per receptam litis æstimationem, aut quancunque aliam satisfactionem *l. quamvis* 84. ff. de furt.

5. *Res minorum*, contra quas solum currit Præscriptio 30. annorum *l. sicut* 3. C. de præscript. 30. vel 40. annor. *l. non est* 3. C. quib. non obicit. long. temp. Præscript. Pal. tr. 31. D. un. p. 22. §. 15. nu. 1. Less. l. 2. c. 6. num. 24. Vagn. inc. 3. h. tit. V. *possesse sunt*, not. 2. Engl. nu. 10. Konig nu. 22. Sed hoc, ut Haun. tom. 1. tr. 5. nu. 366. notat, intelligi solum debet de Præscriptione propriè dicta; nam impropriè, ut annales &c. æquè procedunt adversus minorem, salva restitutione in integrum.

6. *Res, quæ Civitatibus* (idem dicendum de Pagis & oppidis) donatæ, legatæ, venditæ, sed nondum traditæ sunt; nam adversus istas non præscribitur minori tempore, quam centum annorum *l. ut inter* 23. C. de SS. Eccl. Neque privilegium hoc revocatum, vel ad brevius tempus redactum est per *Auth. quas actiones* *l. citat*. sub junctam; quia hæc solum de Ecclesiis, non de Civitatibus tractat. Covar. in reg. possessor p. 2. §. 2. n. 15. Molin. tr. 2. D. 74. n. 4. Laym. l. 3. tr. 1. c. 8. n. 13.

7. *Res alienari prohibita*: ubi distinguendum est, an 39 omnino prohibeantur alienari, ut sunt prædium dotale, res Majoratus, aut Primogenituræ vinculo alligatæ, aut sub Fideicommissio relicta; an verò solum sine prohibita alienari sine certis solemnitatibus, uti sunt res Ecclesiarum, Pupillorum, Minorum &c. De his posterius satis constat ex hæcenus dictis. In prioribus distinguendum est, an per Præscriptionem id agatur, ut hujusmodi Majoratus, Primogenituræ, Fideicommissa &c. inducantur, an verò, ut tollantur. *Si primum*, Molin. tr. 2. D. 75. num. 9. v. *advertit*. puit sufficere tempus ordinarium cum titulo, tricennium sine titulo; sed veriùs Pal. tract. 31. D. un. p. 22. §. 15. num. 6. requirit 40. annos cum titulo, immemorale sine illo.

*Si secundum*, gravissima est controversia, an hujusmodi res absolute alienari prohibita præscribi possint, saltem tempore longissimo 30. aut 40. annorum? Affirmant Card. de Lug. de J. & J. D. 7. Sect. 8. num. 147. Haun. tom. 1. tr. 5. num. 363. Konig hic num. 23. *Ratio nem dant*; quia ista Præscriptio habet vim Tituli, & affert præsumptionem facultatis à Principe datæ ad alienandum.

Verum longè probabilius est, non posse hujusmodi 40 bona præscribi etiam longissimo tempore in præjudicium successorum, nisi agere iidem valeant. Ita Covar. Reg. possessor p. 3. §. 3. num. 6. concl. 3. Fachin. l. 7. contr. c. 12. Pal. tr. 31. D. un. p. 22. §. 15. num. 3. Pirhing hic n. 37. & alii ab his *citt.* Ratio est 1. quia prohibitio alienationis in his bonis non solum est inducenda à Lege, sed etiam ab ipso primo institutore, qui dum Majoratum, Primogenituram, Fideicommissum constituit, & personas, ad quas devenire debet, modumque, quo ad ipsas deventurum sit, designavit, tacite prohibuit, & exclusit quamlibet aliam alienationem. ergo etiam Præscriptionem: non Ordinariam tantum; nam hanc excludit *l. ult. C. communia de Legat. & l. ult. §. fin. autem C. de præscript. 39. vel 40. ann.* ergo, ut aliquid operetur prohibitio à primo Institutore addita, dicendum ea excludi etiam Extraordinariam. 2. impedito agere non currit Præscriptio; quia tunc primum incipit currere, quando actio nata est, sed successores in Majoratu, Primogenitura &c. nequierunt Præscriptionem impedire, vivente possessore, contra quem Præscriptio facta est; quia illis nondum Majoratus cessit. ergo contra eos, quando agere non possunt, non currit Præscriptio. 3. Præscriptione amplius aliquid acquiri nequit, quàm quod vero titulo concedi poterat, cum Præscriptio loco tituli subrogeret, ut tradit Bald. in l. nullus C. de R. P. at nec possessor, nec alius poterat Primogenituram, Majoratum &c. alienare, naturam illorum destruendo; neque enim dominium illorum conceditur absolute, sed pro ejus vita, ita, ut in ea institutio.



instituzione tot videantur adesse concessiones, quot fuerint personæ successuræ; quia omnes à primo institutore, non ex ultimo possessore rem possidendam accipiunt.

- 41 Dixi autem, *Etiam longissimo tempore*, videlicet 30. vel 40. annorum; nam Præscriptione, quæ hominum excedit memoriam, præscribi possunt; quia cum hæc vim tituli habeat, & præsumptionem inducat, quod omnia adsint, quæ ad dictam alienationem fuerunt necessaria, mirum non est, quod valeat omnibus præjudicare. Molin. tr. 2. D. 79. n. 9. vers. *conveniunt*, & alii passim. Addidi, *In præjudicium Successorum*, nisi agere iidem valeant; nam adversus eos, qui agere possunt, optime currere Præscriptio potest, cum potissima ratio sit impotentia agendi.

Ad rationem pro adversa parte allegatam dico Præscriptionem longissimi temporis tum solum præsumptio Titulo pro se habere, quando adversus præscribentem non militat præsumptio contraria, sicut fit in rebus alienari prohibitis.

## §. III.

## De Possessione requisita ad Præscriptionem.

## S U M M A R I U M.

- 42 Ad Præscriptionem requiritur possessio.  
43 Corollaria.  
44 Civilis sufficit sine naturali, non tamen vicissim.  
45 46 Corollaria.  
47 48 Continuatio, & probatio possessionis quatenus necessaria?  
49 Præscribi non potest Matrimonium.  
50 Professio Religiosa, & Exercitium Ordinis Sacri.  
51 Jus Decimandi à Laicis, Obedientia a subditis.  
52 Potest Prælati inferior contra Episcopum præscribere Jurisdictionem, & alia Jura Episcopalia?  
53 Quæ illa sint, recensentur, & apponitur duplex limitatio.  
54 Respondetur ad opposita.

- 42 **C**ertum est, ad Præscriptionem faciendam requiri Possessionem; nam sine possessione Præscriptio non procedit, ut habetur Reg. 3. de R. J. in 6. & supponitur c. Sanctorum 3. c. causam 7. c. si diligenti. 17. hoc tit. & l. sine possessione 25. ff. eod. Hinc qui incapaces sunt possidendi rem aliquam, prout sunt Laici respectu Juris eligendi, conferendi Beneficia &c. etiam incapaces sunt præscribendi, ut facile omnes concedunt,

Quæritur 1. qualis esse debeat hæc Possessio, ut legitima sit, & ad Præsumptionem sufficiat? Resp. debet esse Civilis, h. e. detentio rei cum opinione domini. Ita Abb. in c. 7. hoc tit. n. 6. Covar. Reg. possessor p. 2. princ. n. 7. Azor. p. 3. l. 1. c. 17. q. 2. Molin. tr. 2. de Just. D. 61. n. 1. Less. l. 2. c. 6. n. 5. Laym. l. 3. tr. 1. c. 8. num. 5. Pal. tr. 31. D. un. p. 22. §. 4. n. 2. Pax Jordan. l. 14. tit. 24. num. 107. & seq. Haun. tom. 1. tr. 5. n. 256. & cæteri passim. Ratio est, quia Præscriptio est modus acquirendi dominium, quod non acquiritur sine animo, & voluntate acquirentis l. in omnibus 55. ff. de O. & A. igitur necesse est talem intelligi possessionem, qua Animo, & voluntate domini res detinetur. Non tamen est necesse, ut reali apprehensione acquiratur res præscribenda, sed sufficit, si fictione Juris aliquo actu, qui apprehensioni æquivaleret, comparatur. Item juxta vulgarem modum accipiendi Præscriptionem non est opus, ut sit proprie dicta possessio, quæ tantum est corporalium rerum; nam etiam Jura, & res aliæ incorporeæ præscribi possunt, quarum tantum est quasi possessio. Quæcunque autem sit possessio siue vera, siue quasi, necesse est, ut præscribens sibi, & suo nomine possideat, non alteri, vel alterius nomine c. si diligenti 17. hoc tit. Hinc

- 43 Sequitur 1. ut aliquis sciat, quid temporis diuturnitate præscriperit, inquirendum esse de eo, quid eo tempore possederit, nam tantum præcise aliquis præscribit, quantum possidet arg. c. cum olim 18. hoc tit. & passim DD. Sequitur 2. cum, qui non suo, sed alterius nomine est in possessione Juris, aut rei, non posse præscribere sibi, sed iis, quorum nomine possidet. Molin.

Schmalzgrueber Tom. II.

loc. cit. n. 5. Pal. nu. 3. & sumitur ex c. si diligenti cit. ubi etiam ratio redditur; quia *is possidere dicitur, cujus nomine possidetur*: conf. Tutor, Curator, Filiusf. Servus præscribit pupillus, minoribus, patentibus dominis &c. Sequitur 3. etiam non sufficere possessionem fundatam in actibus meræ facultatis; quia per hujusmodi actus exercitos, vel omisos, hoc ipso, quod omnino libere exerceantur, vel omittantur, non possidetur jus exigendi eorundem exercitium, vel omissionem. Vide supra dicta n. 28.

Quæritur 2. an possessio Civilis ad Præscriptionem 44 sufficiat sine Naturali? Videtur non sufficere; nam Possessio naturalis, utpote corporea, evidens, & notabilis multo favorabilior est, quam Civilis, quæ plerumque est occulta, & machinationibus plena, vel saltem exposita. igitur saltem sine Naturali Civilis non sufficit. Conf. quia si Civilis sufficeret ad Præscriptionem, & impediret, ne Naturalem possessionem habens præscribere posset, Lex Præscriptionis elusoria foret; semper enim Replicatione Civilis possessionis in animo retentæ eludi posset.

Sed his non obstantibus, dicendum Civilem Possessionem sine Naturali sufficere, Naturalem sine Civilis non sufficere. Ita certa sententia contra Ferdin. Vasq. l. 2. controuv. Jur. c. 57. n. 6. Pars 1. ex eo constat, quia si Civilis possessio sine naturali sufficeret, nemo facile unquam præscriberet; quia nemo facile possessionem naturalem continuat toto tempore Legibus definito. Pars 2. quia si naturalis possessio sufficeret sine Civilis, possent duo simul rem eandem præscribere, sc. si unus per tempus Lege definitum continuaret possessionem Naturalem, alter Civilem. Sequela admitti nequit; quia non datur dominium duorum in solidum. ergo &c. Ex quo

Sequitur 1. alienæ possessionis in favorem inchoare Præ- 45 scriptionem non posse, quamdiu aliter v. g. absens civiliter possidet, ut notavit Abb. in c. 5. hoc tit. n. 4. Laym. l. 3. tract. 1. cap. 8. num. 5. Pal. tr. 31. D. un. part. 22. §. 4. n. 3. cum aliis.

Sequitur 2. si quis domino absente, vel ignorante, occupet rem aliquam immobilem illius, eamque alicui tertio vendat, & tradat, non posse istum, quamvis bona fide illam retineat, ipsam ex Empto præscribere, quia naturaliter solum possidet, Civili possessione remanente penes dominum absentem, & ignorantem, donec reversus non admittatur ad possessionem naturalem, vel ab ea recuperanda ob metum, vel aliam causam deficiat. Molin. tr. 2. D. 62. n. 2. Pirh. hic n. 40.

Sequitur 3. casu, quo Titius existens in possessione domus alienæ, bona fide emptæ à non domino, alio profectus domum relinquit vacuum, sed animo retinendi possessionem, alius vero diutius absente Titio, domum illam ingreditur, & possidere incipit, Titium tamen, non obstante hac alterius clandestina possessione; & sua absentia, præscriptionem complere posse; quia domum prædictam adhuc civiliter possidet; nisi longo nimis tempore, e. g. decennio abfuerit, & oblivionem quasi rei sine induxerit, tunc enim amitteret possessionem l. fursum 37. §. fundi 1. ff. de Usurp. & Usucap.

Sequitur 4. Conductorem, Colonum, Depositarium, 46 Commodatarium, aliosque similes non posse præscribere res, quas legitime derinent; quia Civilis earum possessio est penes Proprietarium: imo ipsi neque naturaliter possident suo nomine, sed nomine domini, qui per illos possidet etiam naturaliter. Emphyteuta vero, & Usufructuarius, licet civiliter non possideant proprietatem fundi, ideoque illam præscribere nequeant, possunt tamen contra proprietarium præscribere dominium utile, aut jus fruendi; quia hoc civiliter, & suo nomine possident. Molin. cit. n. 4.

Sequitur 5. non posse eandem rem à duobus præscribi in solidum; quia duo in solidum civiliter eam possidere nequunt l. possideri 3. §. è contrario 5. ff. de acquir. vel amit. posses. Non tamen repugnat eandem rem à diversis præscribi secundum diversas partes, aut secundum diversa Jura, ita, ut unus præscribat dominium, alter usumfructum; unus dominium directum, alter utile; unus unam partem, alter aliam partem; item in eodem loco duo possunt præscribere Jurisdictionem concurrentem, si uterque actus possessoris sufficiat-



sufficientes sine prohibitione alterius exercuerit; nec tamen eo casu Jus utriusque, aut possessio erit in solidum, sed in actu, seu exercitio Jurisdictionis semper melior erit conditio possidentis *c. proposuisti* 19. *de for. compet. Abb. in c. 15. hoc tit. n. 14. Konig n. 16. hic.*

*Ad rationem in contrarium allatam*, si Possessio naturalis fundamentum esse Præscriptionis deberet, multo pluribus fraudibus daretur occasio; quia etiam fures, & inuadentes iniusti, ut possiderent naturaliter, ita etiam præscribere possent. *Ad Conf.* multo sæpius eluderetur Præscriptio, si præter Civilem etiam requireretur possessio naturalis; quia ut *n. 44.* dictum est, rarissime tanto tempore continuatur utraque.

- 47 Quæritur 3. quomodo continuari, & probari Possessio debeat? Resp. ut inducatur Præscriptio, possessio debet esse continua, non interrupta: de quo *infra* §. 8. Interim noto, continuatam possessionem censi non tantum, si apud unum permaneat, sed etiam, si in alium transferatur, siue deinde illud fiat titulo universalis, quo modo rem possideri cœptam à testatore usufructuarius potest hæres illius; siue singulari, ut cum res, aliqua per donationem, aut venditionem à donante, vel venditore transferatur in donatarium, & emptorem.

Quoad probationem possessionis sequentia notari debent. 1. præscribens non obligatur ad probandam continuationem possessionis; quia id esset quodammodo impossibile: sed sufficit, quod probet initium, medium, & finem; nam ex his reliqua tempora præsumuntur. *Pax Jordan. l. 14. tit. 25. n. 129.*

- 48 2 Si probet antiquitus se possedisse, præsumitur adhuc de præsentis possidere, modo ita se possidere alleget possessor. *Pal. tract. 31. Disp. unic. part. 22. §. 4. num. 7.* & apud hunc Abb. Covar. *Ratio est*, quia à possessione habita cadere possessor nequit, nisi animum possidendi mutaverit: quod non præsumitur, sed magis contrarium.

3 Ex eo, quod quis probet antiquitus se possedisse, & de præsentis possidere, præsumitur intermedio tempore possessionem continuasse. Covar. *Reg. possessor p. 2. §. 1. n. 1.* & apud istum *citt.* Quod intellige casu, quo possessio Civilis per decennium probanda est; nam si ultra decennium probanda sit, & naturalis possessio sit amissa, oportet initium cujusque decennii probare; & ratio est, quia animus continuandæ possessionis rei non retentæ non præsumitur progredi ultra decennium, ut cum Covar. notat *Pal. loc. cit.*

- 49 Quæritur 4. quænam Jura & obligationes ex defectu legitimæ possessionis præscribi non possint? Resp. pro regula generali esse à nemine præscribi rem, aut jus aliquod posse, cujus possidendi est incapax, nam qui capax non est possidendi, etiam capax non est præscribendi. Et tale est.

1 *Matrimonium carnale*; hoc enim nulla temporis Præscriptione coalescere potest, si nulliter sit contractum, vel disjungi, si contractum sit valide; quia cum solo consensu, eoque ab Ecclesia approbato ineatur, quancunque temporis diuturnitas ex non conjugibus efficere non potest conjuges; aut è contra ex conjugibus non conjuges; quia semel contractum legitime fit insolubile; ut adeo & possessio libertatis in iis, qui cum veri sint conjuges, pro talibus tamen sese non gerunt; & obligationis Matrimonialis in illis, qui cum verum Matrimonium inter eos non consistat, ut conjuges tamen cohabitantes, sit illegitima. Ex quo sequitur, post quancunque temporis cohabitationem separandos putatios conjuges, si vitium detegatur; veros autem conjuges ad cohabitandum compellendos, si prætextu nullitatis unus ab altero invito discesserit.

- 50 2 *Matrimonium spirituale*, seu *Profectio Religiosa*; nam hæc per viam Præscriptionis nec induci, nec valide emissa dissolvi potest; quia solo consensu profitentis emittitur, sola Pontificis dispensatione dissolvitur, hinc absque consensu profitentis de novo posito, saltem tacito, quancunque tempore in Religione vixerit, invalide emissa Profectio non convalescit; sicut è contrario emissa valide, quancunque tempore Profectus in sæculo extra obedientiam vixerit, nullo modo dissolvitur; Ratio est, quia absque consensu Profecti Religio Profecti sui, & absque dispensatione Pontificia Profectus libertatis ab Obedientia regulari possessionem legitimam nullam habet, quæ ad Præscriptionem sufficiat, & vel Religioni jus aliquod in Profectum, vel Pro-

fesso libertatem à contracta per Professionem obligatione tribuat.

3 *Exercitium Ordinis Sacri*; ubi distinguendum inter Actus Ordinis, an certum Ordinem Jure Divino, an solum humano Ecclesiastico exigant; nam si Divino, prout Ordo Sacerdotalis exigitur ad absolutionem Sacramentalem is, qui tali Ordine caret, simpliciter; si verò humano Ecclesiastico, absque privilegio Apostolico est incapax exercitii talis Ordinis; ut proinde ex defectu possessionis legitimæ nullius temporis Præscriptione jus ad actus hujusmodi exercendos tribui possit tallem Ordinem non habenti.

4 *Jus Decimandi, & alia Spiritualia*, quæ possidere Laici absque Apostolico Privilegio nequeunt, respectu eorundem Laicorum; nam etsi præscribere isti Decimis possint, nequeunt tamen præscribere ipsas Decimas; & ratio est, quia dum Decimis præscribunt, præscribunt Libertatem ab iis solvendis, cujus Laici capaces sunt; dum vero præscribere volunt Decimas, præscriberent Jus Decimandi, cujus, cum spirituale sit, possidendi absque privilegio Apostolico sunt incapaces. Idem dicendum de Jure eligendi ad Prælaturas Ecclesiasticas, conferendi Beneficia &c. de quibus in propriis suis locis.

5 *Exemptio ab Obedientia*, quam Principi, Episcopo, vel alii suo legitimo Superiori debent subditi; nam hanc præscribere isti non possunt ullo tempore, quamdiu se subditos fatentur, & pro talibus sese gerunt, prout habetur *cap. cum non liceat* 12. *hoc tit.* & docent *ibidem* Vivian. in *Ration. Gonzal. num. 3. Laym. n. 3. Pirh. num. 21. Vyest. num. 137.* Ratio est, quia dum aliquis se gerit pro subdito, non est in possessione immunitatis, & exemptionis. Dixi, *quamdiu subditos se fatentur, & pro talibus sese gerunt*; nam Exemptio ab Obedientia præscribi potest mediate, & consecutive, si sc. per Præscriptionem tollatur subiectio; quod fieri potest non quidem respectu Summi Pont. (nam huic fideles omnes Jure Divino subiecti sunt) sed proprii Episcopi, vel alterius Prælati Ecclesiastici, si subditi istius via Præscriptionis transferantur in potestatem, & Jurisdictionem alterius, vel omnino eximantur ab inferiore, & subjiçiantur soli Papæ.

Quæritur 5. an Prælati inferior contra Episcopum præscribere Jurisdictionem, & alia Jura Episcopalia possint? Videtur non posse; quia si præscribi posset, præscribi ab eo etiam posset collatio Beneficiorum, siue Institutio, per quam cura animarum traditur; atqui ista per inferiorem contra Episcopum præscribi non valet *cap. ex frequentibus* 3. *de Instit. cap. cum satis* 4. *de Offic. Archidiacon. ergo &c. Conf.* nam si Jurisdictio, & alia Jura Episcopalia posset præscribi contra Episcopum, sequeretur, quod Episcopus tali Jurisdictione non amplius uti posset; potest autem uti, ut patet ex *c. per hoc* 17. *de Heret. in 6.* & sumitur *arg. l. studentibus* 1. *C. de Offic. Præf. urb. & l. fin. C. de Jurisd. omni. Judic.*

Sed his non obstantibus, dicendum posse Prælatus inferiorem, v. g. Abbatem, Archidiaconum &c. per Præscriptionem acquirere Jurisdictionem, & alia Jura Episcopalia in certis Ecclesiis, si per 40. annos in eorum possessione fuit. Ita deciditur *c. auditis* 15. & *cap. cum olim* 18. *hoc tit.* & docet Vivian. in *c. 15. cit.* Barbof. *ibid. n. 1. Gonz. n. 8. Fagn. in c. 18. cit. n. 10. Laym. ibid. num. 2. Vvagn. in cap. 3. hoc tit. V. posse sunt* not. 2. Pirh. *hic num. 28. Sannig cap. 7. num. 4. Ratio est*, quia omnia Præscriptione acquiri possunt, quæ longo tempore acquiri specialiter non prohibentur *l. usufructum* 9. *ff. de Usurp. & Usucap. l. sicut* 3. & *l. omnes* 4. *C. de præscript. 30. vel 40. ann.* sed Jurisdictio, & Jura Episcopalia, de quibus in præsentis, non prohibentur acquiri præscriptione. ergo &c. *Conf.* omnia Jura, quæ Prælatus inferior potest possidere, etiam potest præscribere *c. olim cit.* atqui Prælatus inferior est capax possidendi ea, quæ sunt Jurisdictionis Episcopalis, ut passim habet usum, ergo &c.

Porro Jura ejusmodi, quæ à Prælati inferioribus præscribi possunt, *c. cum olim cit. §. qui a prædictis Abb. &c.* octo præcipue enumerantur. 1. jus instituendi, & destituendi Clericos in Ecclesiis, & Capellis sibi subiectis. 2. jus ordinandi Clericos, quod intellige de iis Ordinibus, quæ non requiruntur Ordinem Episcopalem, ut conferri ab aliquo possint. 3. Baptismus, ut inferior Epi-



Episcopo Jus habeat in Ecclesia sua tenendi Fontem Baptistinalem. 4. Jus pœnitentiæ imponendi pro levioribus culpis. 5. Jus sepulturæ, seu recipiendi aliquem ad sepulturam liberè. 6. Decimarum perceptio, sc. quartæ Decimarum, quæ de Iure ad Episcopum spectat. 7. Jus celebrandi Divina in Ecclesiis Episcopo subiectis. 8. potestas excommunicandi, interdicens, absolvendi, Clericos, & Ecclesias Sæculares sibi subiectas.

Duo autem circa Iurium istorum præscriptionem notanda sunt. *Primum est*, quod ad ejusmodi præscriptionem requirantur 40. anni, & quidem cum titulo colorato; quia Ius commune resistit: sine titulo autem tempus immemorabile. *Alterum est*, quod exercens Iurisdictionem in certis articulis etiam cum intentione acquirendi universalem possessionem Iurisdictionis in omnibus articulis conjunctis, non præscribat, nisi in iis articulis, in quibus Iurisdictionem exercuit, si alius, videlicet Ordinarius, sit in possessione illorum Iurium, vel articulorum; quia non plus præscribit quis, quam possideat, neque extenditur Præscriptio de jure ad jus, vel de casu ad casum similem, cum sit stricti Iuris, prout sumitur ex c. auditis 15. hoc tit. & notar Gloss. ibid. V. interruptionem, Abb. in cap. 18. cit. num. 6. Pirh. hic num. 31.

Sic explicatæ, & limitatæ Responsioni nostræ non obest ratio dubitandi desumpta præcipuè ex cap. ex frequentibus citat. nam, ut Gonzal. in cap. 15. citat. docet, in eo textu solum reprobatur consuetudo, vel præscriptio, per quam Clerici recipiebant Beneficia ab his, qui potestatem ea conferendi non habebant, & sine autoritate alicujus legitimi Superioris, ad quem ea spectabant: unde Pontifex in eo textu petit consensum Episcopi, vel Officialium. Per quod tamen non vult excludere alios, qui privilegio, vel præscriptione legitima instituendi potestatem habuerint: imo eos tacitè admittit, dum non simpliciter agit de Episcopis, & eorum Officialibus, sed adjecit, *Qui de jure possunt*; constat autem, quod illi, qui contra Episcopum legitima præscriptione se tuerentur, possint prædictam institutionem dare; ergo prædictis verbis eos comprehendit Pontifex.

*Ad Conf.* distinguendum est; nam si prælatus inferior Iurisdictionem Episcopalem præscripsit contra Episcopum privativè, verum est, quod Episcopus in loco, ubi ita præscriptum est, uri Iurisdictione sua non possit; nihil autem ipsum impedit ab usu Iurisdictionis, si præscripsit inferior cumulative cum Episcopo. Porro *privativè* præscripsit Prælatus inferior, si per tempus Lege definitum solus exercuit Iurisdictionem, & alia Iura Episcopalia: *cumulative*, si exercuit juxta Episcopum, nisi ex titulo, vel aliunde appareat, quod voluerit Iurisdictionem præscribere privative. Neque dicas, hoc modo interrumpi præscriptionem, si interea Episcopus usus Iurisdictione sua fuit; nam tantum interrumpitur privativè, non cumulative: & ratio est, quia præscriptioni Iurisdictionis cumulative non adversatur usus Episcopi; sed solum exclusio, qua volens præscribere excluderetur ab actu, ut notar Gonzal. loc. cit. n. 9. in fin. Unde magnum est discrimen inter præscriptionem cumulative, & privative factam; nam ut interrumpatur præscriptio privative faciendæ, sufficit unicus actus exercitus ab Episcopo ad interrumpendam præscriptionem Prælati, etiam si non prohibeat præscribentem ab usu Iurisdictioni, ut rectè advertit Pirh. hic num. 29. ubi datur rationem, quia cum Episcopus per unicum actum Iurisdictionis Ius, & possessionem retinuerit, cons. etiam impediri, quo minus Prælatus inferior privative præscriberet.

## §. IV.

De Bona Fide necessaria ad præscribendum;

## S U M M A R I U M.

- 55 Quid sit Bona Fides, & quæplex?  
56 57 An necessaria ad præscribendum?  
58 59 60 An semper, & in omni Præscriptione?  
61 62 Etiam Actionum, & Obligationum?  
63 64 65 An Præscriptionem impediat Fides dubia?  
66 67 68 69 An Ignorantia Juris, aut facti.  
70 An bona fides Authoris profit Successori?  
Schmalzgrueber Tom. II.

- 71 An mala Singulari:  
72 73 Universalis immediato?  
74 75 Vel mediato?  
76 77 An antecessorum Civitatis, Collegii &c. Successoribus?  
78 Aut Prælati Monasterii vel Ecclesiæ?  
79 Fides mala respectu unius rei, vel personæ res respectu alterius rei, aut personæ?  
80 An, & quomodo probari bona fides à præscribente debeat?

**B**ona fides nihil aliud est, quam Judicium, quo quis prudenter statuit, rem, quam possidet, suam esse, vel saltem non alienam esse. Huic opponitur Mala fides; hac possidere quis dicitur, qui scit, vel credit, rem, quam possidet alienam esse, vel non esse suam. Potest autem Bona fides dupliciter accipi, Theologice, & Civiliter: *Priori acceptione* nomen Fidei pro Conscientiæ Iudicio sumitur, quo modo etiam illam accepit Apostolus, *Quod non est ex fide, peccatum est*. Rom. 14. i. e. qui non ex conscientia agit, peccat. Proin *Bona Fide Theologica* rem ut suam possidere nihil aliud est, quam sine peccato possidere. *Civiliter* bona fide rem possidet, cum possessio ex Lege non habet vitium, quo impediatur Præscriptio. Prior sine posteriore ad præscribendum non sufficit; & pater ratio; præscriptio enim Legibus Civilibus, approbante Iure Canonico, ut num. 4. dictum est, publici boni causa est introducta; igitur ubi Lex Usucapionem, seu præscriptionem inhibet, Bona Fides (intellige, Theologica) usucapienti nihil prodest, ut ait Pomponius l. ubi Lex 24. princ. ff. de usucap. Hoc etiam sensu dicitur l. sed etsi 25. §. Si ante 7. ff. de hered. petur. post litis contestationem omnes malæ fidei possessores esse, intellige Civili consideratione, propterea, quod Leges ab eo tempore procedere Usucapionem prohibeant.

Quæritur 1. An necessaria ad præscribendum sit Bona fides? Videretur non esse necessaria; nam 1. adversus Legem Civilem, & Canonicam præscribi potest: quod fieri non posset, si ad omnem præscriptionem requireretur Bona fides; vel enim is, qui præscribit, scit illam Legem esse latam, adeoque obligare, & tunc peccat, si contra illam agat, & eam non observet, sicque non erit in bona fide; vel ignorat Legem illam, & tunc iterum non potest præscribere ob errorem Iuris, qui, ut infra dicam, præscriptionem impedit. 2. Consuetudo contra Ius positivum introduci potest etiam cum peccato, iterando sc. actus contrarios Legi igitur similiter præscriptio etiam cum mala fide introduci potest, dum completa, & perfecta sit. 3. Jus Civile, quo introductam fatemur præscriptionem, admittit factam sine bona fide; nam in præscriptione longi temporis Bonam fidem solum requirit ad inchoandam præscriptionem, ut habetur §. diutina 12. Inst. de Usucap. l. un. C. de Usucap. transform. in præscriptionem autem longissimi temporis 30. vel 40. annorum idem Jus bonam fidem ne initio quidem requirit l. si quis 8. §. quod si quis 1. C. de Præscript. 30. vel 40. ann.

Verum his non obstantibus, est indubitata sententia, Bonam fidem necessario requiri ad omnem præscriptionem, & quidem non initio tantum, sed etiam in prosecutione usque ad complementum ejusdem, ita, ut quocunque tempore mala fides supervenerit currente præscriptione, præscriptio cesserit currere. Ita TT. & JCTi communiter omnes, & evincunt aperti textus cap. vigilantia 5. hoc tit. cap. fin. eod. & Reg. possessor 2. in 6. ibi: *Possessor mala fidei ullo tempore non præscribit*. Ratio est, quia qui sciens rem alienam detinet, contra conscientiam agit, & peccat juxta rextum Apostoli num. 55. allegatum, *Quod non est ex fide, peccatum est*; igitur valere non potest Præscriptio, quæ fit sine bona fide; alioquin Lex Præscriptionem inducens esset nutritiva peccati.

Neque obstant rationes allatæ in contrarium. Ad 1. eo Argumento solum probatur, quod primi, qui contra Legem rite promulgatam, & receptam agunt, præscriptionem adversus illam ex defectu bonæ fidei inchoare non possint; at vero successores eorum, si viderint legem illam ab antecessoribus non fuisse observatam, credere possunt eos justam causam, & titulum habuisse ita agendi, & sic tutare eos bona ipsorum



rem fide, contra Legem tempore requisito præscribere poterunt. *Ad 2.* lata est disparitas inter consuetudinem, & præscriptionem; nam præscriptio principaliter dicitur acquisitionem, & per illam autoritate Legis directæ, & principaliter præscribenti commodum sequitur, qui si malam fidem habere posset, commodum sentiret ex proprio peccato, quod fieri non debet, nec sic invitentur homines ad peccandum. Simile quid nihil contingit in consuetudine; quia hæc non acquisitio, sed Lex est non scripta, introducta ad ius inter subditos constituendum. Neque obstat, quod per eam inducatur liberatio ab observatione Legis, & sic ex illa etiam peccantibus emolumentum nascatur; nam emolumentum hoc secundarium est, & non tam peccantibus, quam toti populo quaeritur. *Ad 3.* Leges illæ Civiles admittentes Præscriptionem cum mala fide, per Ius Canonicum merito abrogatæ sunt, cujus Constitutio, cum agatur de periculo animæ, etiam in foro Civili est observanda.

58 Quaeritur 2. an in omni Præscriptione necessaria sit Bona fides? Non est necessariam ad omnem Præscriptionem etiam de Iure Canonico, videntur probare 1. textus *cap. fin. §. in aliis ut lit. non contestat.* ubi missus in possessionem causa rei servandæ tandem rem ipsam præscribit; sed hic bonam fidem habere non potest; quia scit rem alienam esse. 2. *cap. cura 11. de Jur. Patron.* Clericus, cui Laicus Ecclesiam vacantem consulit, jubetur privari Beneficio, nisi legitime fuerit Præscriptione munus. igitur supponitur, quod Præscriptio in eo casu fieri poterit, sed eo casu aberat bona fides; quia Clericus ille scire debebat Laico nullum competere ius in rebus Ecclesiasticis, & cons. illud ab eo in Clericum transferri non potuisse. 3. *can. placuit 15. §. potest caus. 16. q. 3.* habentur hæc verba: *Bona vera fides non ad tractum medii temporis, sed ad initium possessionis refertur; sufficit enim in initio cuiusque bona fide possidere cepisse, etiamsi medio tempore scientiam rei alienæ habuerit.* ergo saltem non pro toto tempore, quo currit Præscriptio, Bona fides est necessaria.

59 Sed certa est sententia, Bonam fidem necessariam esse in omni Præscriptione. Patet ex textibus, & ratione *n. 57.* allegata. Et confirmatur; quia finis Iuris Canonici est vitare peccata, & saluti animarum consulere *c. ut animarum 2. de constit. in 6. c. solita 6. de major. & obed.* atqui temper est iniustitia retinere rem alienam, quam quis scit alienam esse. ergo &c.

Procedit responsio, ut ne quidem tempus 100. annorum, aut immemorabile putget malam fidem, ut colligitur ex *Reg. possessor cit.* ubi dicitur, *Possessorem mala fidei ullò tempore non præscribere: & c. vigilanti 5. hoc tit.* asseritur Nulla antiqua dierum possessio aliquem mala fidei possessorem juvare; item *c. fin. cod. Innocentius III.* statuit, in nulla temporis parte debere adesse rei conscientiam alienæ; qui textus cum contineant universalem negativam, rectè ex iis colligitur, ne quidem immemoriali tempore cum mala fide præscribi posse. Accedit ratio, quia præscriptio cum mala fide per Ius Canonicum sublata est, quia qui detinet rem alienam sciens alienam esse, peccat; atqui tanto gravius quis peccat, quanto diutius rem alienam detinet. igitur per quamcunque longissimam detentionem, si mala fides perseveret, vitium non purgatur.

60 Neque in hoc Leges Civiles, quæ, ut *n. 57.* dixi præscriptionem cum mala fide permittunt, curari debent; nam ea, quæ Iure naturali prohibita sunt, nulla Iuris Civilis Constitutione permitti, aut honestari possunt. est autem contra Ius naturale non reddere rem alienam. ergo Ius Civile non potuit, superveniente mala fide, Utucapionem permittere; alias Lex esset nutritiva peccati. Potest quidem Lex humana aliquando ad vitanda maiora mala permittere peccata, & ea non plectere, sicut defacto alicubi tolerantur Lupanaria &c. at auctoritatem peccatis præstare, & præmiis propositis ea fovere ob nullam boni publici causam potest. fieri autem istud, si compleri posset præscriptio cum mala fide. ergo &c.

Argumenta in contrarium opposita non urgent. *Ad 1.* non obest, quod missus in possessionem Decreto Iudicis sciat rem alienam esse; quia talis scientia non est iniustæ possessionis. igitur fidem malam non facit. *Ad 2.* ut *n. 29.* dixi *c. cit.* sermo est de Ecclesiis non

in Beneficium, & Titulum, sed in proprietatem concessis; quo modo præscribi possunt, cum bona tamen fide, si sc. Laicus eam donans existimaretur ius habere in illa tanquam Patronus ejusdem. *Ad 3.* textus ille est Gratiani, qui juxta Leges Civiles locutus est, & ideo non curandus.

Quæritur 3. an bona fides requiratur etiam in Præscriptione Actionum, & obligationum? Negant Host. in *Summ. hoc §. quæ res præscrib. poss. col. 1.* Bartol. in *l. sequitur §. si viam ff. de Usucap. &* nonnulli alii. Ducuntur 1. quia textus Iuris Canonici, bonam fidem in Præscriptione exigentes, loquuntur tantum de præscriptione rerum, non de præscriptione actionum *c. fin. hoc tit. & Reg. possessor. 2. in 6. 2. c. placuit 1. hoc tit.* Episcopus Jurisdictionem in locum, à se ad unitatem Fidei conversum, præscribit triennio, quantumvis sciat, eum alterius Jurisdictioni subjectum esse, 3. libertas à servitute rustica à domino fundi servientis præscribitur, quantumvis hic sciat eam deberi, ut colligitur ex *l. sicut 13. C. de servitut. ibi Ut omnes servitutes ( rusticæ ) non utendo amittantur.* 4. simili modo Actioni ad pœnam adversus delinquentem, & pœnæ ipsi à delincente, & ejus hæredibus præscribi potest, etiamsi sciant eam actionem adversum, se competere, & eam pœnam pro illa culpa esse debitam *l. neque 2. C. de Veltig. & commiss. 5.* venditor, rei venditæ vitium sciens, ac proinde mala fide, Actoris redhibitoria sex mensium, & Actioni Quanti minori unius anni, imo in Bavaria utrique Actioni 14. dierum spatio præscribit, ut dein emptor, ad redhibitionem, & contractus rescissionem, vel restitutionem ejus, quanto minoris rem emisit, non amplius audiat *l. sciendum 18. §. fin. l. redhibere 21. ff. de Edil. edict. & Lanbrecht Tit. 6. art. 4.*

Sed retinenda est affirmativa sententia, quam etiam 62 defendunt Covar. *Reg. possessor part. 2. §. 11. numer. 3. & seqq. Fachin. lib. 1. contr. cap. 63. Molin. tract. 2. D. 66. à num. 1. Less. lib. 2. cap. 6. dab. 6. Laym. lib. 3. Theol. tract. 1. cap. 8. numer. 12. Pal. tract. 31. D. un. part. 22. §. 6. numer. 3. Haun. tom. 1. tract. 5. numer. 191. Vviest. hic numer. 32. &* hoc rectè communiter TT. & JCT. Ratio est insinuada; quia sc. nulla præscriptio cum mala fide, quæ peccatum sit, concedenda est *ex cap. fin. hoc tit.*

Er hinc cadit Argumentum 1. sententiæ oppositæ; nam esto, de Actionibus, & Obligationibus textus *cit.* nihil meminerint, in his tamen ratio, ob quam Ius Civile à Canonico correctum est, æque procedit, ac in rebus, cum in his omnibus peccatum sit, si cum mala conscientia possideantur. igitur cum agatur de peccato vitando, ob rationis paritatem *cit.* textuum Constitutio extendenda est. *Ad 2.* possessio Episcopi in casu *c. placuit cit.* non est mala fidei, cum non sit conjuncta cum peccato, quippe cui auctoritatem ipsum Ius præstat. *Ad 3.* Dominus prædii servientis non constituitur in mala fide per hoc, quod sciverit à prædio suo servitutem deberi alteri; quia non debetur, nisi petat is, qui ius habet ejusmodi servitutis. *Ad 4.* qui scit à se deberi pœnam, simul scit eam à se non deberi, nisi quando exigitur; unde non offerendo illam ultro, in mala fide practica non constituitur. Aliud est in iis debitis, quæ solvere aliquis non in modum pœnæ, sed in compensationem damni, aut alia quacunque ratione obligatur; nam hæc ab eo, qui scit se debere, vel culpabiliter ignorat, non præscribuntur, etsi creditor non petat solutionem eorum; quia licet hic taceat terminus tamen elapsus, pro quo conveniunt est de solutione præstanda, ipsaque dies interpellat, vel si indefinite contractum sit, semper manet obligatio illud solvendi, quamdiu prudenter præsumi nequit id remissum à creditore. *Ad 5.* duæ illæ, & siquæ aliæ similes actiones, ad eas temporis angustias redactæ, minuendarum litium, & publici boni intuitu à Jure potius extinguuntur, quam lapsu temporis præscribuntur; neque etiam extinguuntur aliter, quam pro foro externo; in foro interno enim remanet obligatio conscientie ad omnis damni dolo dati refusionem. Simili modo statui posset etiam in aliis debitis, ut casu, quo creditor infra 10. e. g. annos debitum personale non exigit, debitor, manente obligatione solvendi illud in conscientia, ab actione tamen, contra se instituenda, securus



rus fiat; serviret enim hujusmodi Statutum ad excitandam diligentiam, & vigilantiam creditorum, litesque intricatas vitandas.

- 63 Quæritur 4. an Fides dubia obicem Præscriptioni ponat? Videtur ponere; nam 1. bona fides in eo consistit, ut quis rem, quam possidet, suam esse credat; qui autem dubius est, etsi non credat esse alienam, non ramen credit esse suam. 2. qui recipit, vel retinet rem, de qua dubitat, an aliena sit, exponit se periculo retinendi rem alienam; ergo peccat, & conf. bonam fidem non habet. 3. conjux, qui dubitare incipit, an matrimonium à se celebratum sit validum, non potest petere debitum; ergo quia conscientiam dubiam habens constituitur in mala fide. 4. si dubitetur, an minor septennio habuerit consensum requisitum ad sponsalia, quæ fecit, sustinentur sponsalia, & impedimentum publicæ honestatis ex eis nascitur *c. juvenis 3. de spons.* ergo quia dubius scienti æquiparatur. 5. dubius in re Fidei Divinæ eodem modo censetur hæreticus, acsi contra eam aliquid pertinaciter asseruisset; ergo etiam dubius, an retineat rem alienam, perinde haberi debet, acsi re ipsa retinetet rem alienam.

- 64 Sed respondendum est distinguendo, an dubium superveniat Præscriptioni jam inchoatæ, an vero adsit initio cæptæ Præscriptionis.

Si hoc secundum, Præscriptionem impedit. Conveniunt in hoc facile DD. omnes, & colligitur ex *l. bonæ fidei 48. ff. de acquir. rer. domin. & l. un. vers. hoc tantummodo Cod. de Usucap. transform.* Ratio est, quia ut aliquis rem, quam ante non habuit, licite sibi vendicare incipiat, necesse est, ut determinatè judicet eam vel nullius esse, vel legitimo titulo ad se pertinere; nam si dubitat, inique facit eam sibi usurpando, cum non sit melior sua, quam alterius conditio.

Si primum, nonnulli cum Sor. lib. 4. de Just. q. 5. art. 4. censent impediri Præscriptionem. Sed communis DD. negat, nisi dubium sit practicum. Ita nominatim Gloss. fin. in cap. fin. hoc tit. Abb. ibid. num. 39. Covar. Reg. possessor p. 2. §. 7. num. 3. Fachin. l. 1. contr. cap. 65. Molin. tr. 3. D. 63. num. 9. Laym. l. 3. tr. 1. c. 8. num. 10. Less. l. 2. c. 6. n. 11. Pal. tr. 31. D. un. p. 22. §. 7. n. 1. Haun. tom. 1. tr. 5. n. 179. Pirh. hic num. 56. Vviesl. n. 39. id desumens ex can. si Virgo 5. caus. 34. quæst. 1. ibi, *Tamdiu quisque bonæ fidei possessor rectissime dicitur, quamdiu se possidere ignorat alienum.* Huc etiam faciunt omnia Jura, quæ statuunt dubitantem haberi pro ignorante *l. fin. Cod. de condit. indebit. l. si incertus 1. ff. de legat. 3. l. in totum 76. ff. de R. J.* Ratio est, quia tunc procedit Regula, *In dubio melior est conditio possidentis*, quæ est 65. in 6. Debet tamen, qui sic cum dubio post inchoatam Præscriptionem rem quandam possidet, moralem diligentiam adhibere, ut sciat, an res sit aliena: qua adhibita, si de domino rei nihil comperiat, in conscientia tutus est.

- 65 Addidi, *Nisi sit practicum*; nam dubium practicum interruptit Præscriptionem etiam inchoatam, ut cum communi docet Azor p. 3. l. 1. c. 18. q. 2. Less. c. 6. cit. n. 13. Pal. §. 7. n. 3. Pirh. hic num. 58. & alii supra. Ratio est, quia tale dubium pugnat cum bona fide, ut habetur *l. si fur. 32. §. si quis 1. ff. de Usurp. & Usucap.* Et certe ita dubitans, an licite possit rem retinere, si nibilominus retinet, hoc ipso peccat, tum quia se exponit periculo peccandi, tum quia quod non est ex fide, h. e. quod non sit cum determinato judicio conscientia esse licitum, peccatum est.

Neque aliud probant rationes allatæ in contrarium. Ad 1. non tantum is bonam fidem habet, qui positivè credit rem esse suam, sed etiam cum post adhibitam sufficientem diligentiam nescit esse alienam, ut colligitur ex cap. fin. hoc tit. Ad 2. id verum est de eo, qui incipit possessionem rei cum dubio, non vero de eo, qui possessionem bona fide cæptam, dubio superveniente, continuat, nisi omittat moralem diligentiam in inquirendo. Ad 3. ut paritas sit, debet utrinque poni dubium practicum, quo casu Præscriptionem non procedere, supra dictum est. Ad 4. eadem est responsio. Ad 5. Fides Divina debet esse firmissima, adeoque excludere quaecunque dubium? in Præscriptione autem sufficit Fides simplex, quod res aliena non sit, cui non officit speculativum dubium, nisi quando cum tali dubio inchoatur Præscriptio.

Schmalzgruber Tom. II.

Dices: cum tali dubio non licet inchoare præscriptionem; ergo nec continuare. Resp. N. Conf. nam quod continuari cum tali dubio Præscriptio possit, est beneficium possessionis bona fide cæptæ circa ejusmodi rem, quod dici non potest, quando dubium initio Præscriptionis adest.

Quæritur 5. an, qui ex ignorantia rem ut suam usurpat, habeat bonam fidem requisitam ad Præscriptionem? Certum est 1. non habere bonam fidem, adeoque præscribere non posse, qui rem alienam possidet, ex ignorantia vincibili, & affectata putans esse suam. Molin. trakt. 2. de Just. D. 64. n. 2. Pal. tr. 31. D. un. p. 22. §. 8. num. 1. Pirh. hic num. 59. Ratio est, quia Præscriptio cum tali ignorantia non potest fieri sine peccato mortali; talis enim credulitas æquivaleret scientiæ rei alienæ; adeoque Præscriptio ex illa orta non minus reprobata est Jure Canonico, quam ea, quæ sit ex conscientia rei alienæ.

Certum est 2. quod ignorantia invincibilis facti non excludat bonam fidem ad præscribendam necessariam. Less. l. 2. de Just. c. 6. num. 16. & 18. Haun. tom. 1. trakt. 5. num. 195. Pirh. hic num. 60. Ratio est; quia ignorantia inculpabilis facti, sicut excusat à culpa, ita neque impedit bonam fidem, vel Præscriptionem, cum non sit à Jure reprobata: talem habet, qui rem accepit à fure nesciens esse furem; vel à Præloato rem Ecclesiæ, credens Capitulum consensisse. Imo ejusmodi error facti cuilibet Præscriptioni annectitur, cum præscribens credat rem possessam sibi competere, quæ tamen revera eidem non competit.

Certum est 3. Præscriptionem non impediri per ignorantiam Juris non liquidi, sed dubii, & controversi. Molin. D. 64. cit. n. 13. Laym. l. 3. tr. 1. cap. 8. n. 12. Haun. tom. 1. tr. 3. num. 206. cum cæteris supra. Ratio est, quia Jus controversum, & circa quod sunt diversæ probabiles sententiæ DD. relinquit utramque partem probabilem, ut adeo in praxi, quam quis velit, amplexari possit bonam fidem, & conscientiam. Accedit, quia de ratione Juris, seu Legis est esse manifestam can. erit 2. dist. 4. ibi, *Manifesta quoque.* Igitur Ius dubium, & incertum, propriè non est Ius, ac proinde ignorantia illius Ignorantia Juris dici non potest.

Tota igitur Controversia in id tandem cadit, an 67 ignorantia invincibilis Juris clari, & indubitati constituat malam fidem, & impediat Præscriptionem? Videtur non impedire Præscriptionem. 1. quia Ius Canonicum *c. vigilant 5. hoc tit.* solum eam malam fidem excludit à præscriptione, quæ peccatum constituit, at ignorantia Juris invincibilis nullum inducit peccatum; ergo &c. 2. cap. pervenit 4. de empt. & vendit. donatarius contra repetentem domum, ex donatione invalida, adeoque cum Ignorantia Juris acquisitam, se defendit Præscriptione. 3. Ignorantia ista eo ipso, quod sit invincibilis, est inculcata, & conf. apta bonam fidem inducere, quæ ad præscribendum sufficiat arg. l. sed & si 25. §. quod si 6. ff. de heredit. petit.

Sed verius est Iuris manifesti ignorantia Præscriptionem Ordinariam impediri, nisi persona volens præscribere talis sit, in qua ejusmodi ignorantia toleretur. Ita Abb. in c. 12. hoc tit. n. 8. Covar. Reg. possessor p. 2. §. 9. n. 8. Azor. p. 3. l. 1. c. 18. q. 5. Fachin. l. 8. contr. cap. 28. Molin. D. 64. cit. num. 4. Laym. cap. 8. cit. n. 11. Less. cap. 6. n. 14. Pax Jordan. lib. 14. tit. 24. num. 143. Haun. tom. 1. tr. 5. num. 198. Vallent. hic §. 3. num. 2. Zoef. num. 16. Pirh. n. 61. Engl. n. 15. Konig n. 36. Vviesl. n. 46. Ratio est, quia Præscriptio est modus acquirendi dominium Iure humano inventus, & introductus. Ergo locum non habet, ubi eandem prohibet Ius humanum. Sed stante ignorantia Juris clari eandem prohibet *l. nunquam 31. ff. de Usurp. & Usucap. l. Juris 4. & l. seq. ff. de J. & F. J. l. pro emptore 2. §. si à pupillo 15. ff. pro emptor. l. quemadmodum 7. C. de agric. & censit.*

Proceditque responsio, ut ejusmodi errans, utcumque in physicè bona fide sit, nequidem in conscientia uti Iure Præscriptionis possit; quia Leges hic non fundantur in præsumptione veræ malæ fidei, sed errantem in ficta mala fide constituunt, & nolunt, ut error Iuris ad lucrum, & commodum Præscriptionis prodesse valeat.

Dixi autem 1. *Errorrem Juris manifesti impedire Præ-* 68  
*scriptionem*, intellige, rei, quæ cum ejusmodi ignorantia



possidetur; nam talis ignorantia, seu error inculpatus sufficit ad præscribendos fructus ex tali re bona fide perceptos, atque consumptos. Ita *loc. cit.* Laym. Vall. Pirh. num. 63. Ratio est, quia error circa fructus videtur esse error facti; existimat enim possessor se illos percipere ex re sua. Ignorantia autem facti, ut dictum est num. 66. ad Præscriptionem prodest.

Dixi 2. *Præscriptionem ordinariam*; nam tricenariæ, & quadragenariæ Præscriptioni ignorantia Juris manifesti invincibilis non obest, ut notant Covar. *Reg. posses.* p. 2. §. 7. *concl.* 2. Less. c. 6. *cit. n.* 17. Haun. nu. 203. Pirh. n. 62. König n. 37. Vviesl. n. 47. Ratio est, quia in hac Jus Civile non exigit bonam fidem, vel titulum. Igitur Jure Civili tricenaria Præscriptio valet etiam cum errore Juris. Si Jure Civili valet, valebit etiam Jure Canonico; nam Jus Civile in negotio Præscriptionis, ut bene advertit Less. *loc. cit.* tantum correctum est quoad malam fidem, quæ est cum peccato.

69 Dixi 3. *Nisi persona talis sit, in qua ejusmodi ignorantia toleratur*; nam si ignorantia hæc detur in milite, minore 25. annis, mulieribus, rusticis &c. non habentibus copiam peritorum, quos consulant, non impedit præscriptionem; nam in his ignorantia Juris toleratur, neque inducit præsumptam malam fidem. Less. *cap. 6. cit. num.* 17. Pal. §. 2. n. 4. Haun. n. 197. Pirh. num. 62. Vviesl. num. 44.

Neque obstant Argumenta allata in contrarium. Ad 1. etsi *cap. vigilanti cit.* excludatur sola illa mala fides, quæ cum peccato consistit, non tamen inde inferatur, eam fidem, quæ ex ignorantia Juris procedit, admissam esse, sed id relinquatur decisioni aliarum Legum; constat autem ex Legibus, quas in Probatione responsionis num. 67. allegavi, ignorantiam Juris manifesti obesse Præscriptioni. Igitur cum Præscriptio vim suam omnem à Jure habeat, sequitur cum ignorantia ista Juris nullam posse constitui Præscriptionem. Ad 2. in textu *cap. pervenit citat.* sermo est de Præscriptione 30. vel 40. annorum, in qua admisimus non obesse ignorantiam Juris. Ad 3. ex dictis patet bonam fidem Theologicè, i. e. bonam scientiam ad usucapiendum requiri, non tamen sufficere, si adsit mala fides civiliter, i. e. quæ vitium aliquod ex Lege habeat, Præscriptionem prohibente: quale vitium etiam habet possessio cum ignorantia Juris manifesti.

70 Queritur 6. an, & quomodo mala fides auctoris noceat, & bona prodest Successori ad præscribendum? Pro resolutione adverto, Successorem alium dici Universalem, alium Singularem. *Universalis* est, qui titulo universalis, atque in universum Jus defuncti succedit, uti est, qui succedit titulo hæreditatis, etiam si præter ipsum adhuc sint alii cohæredes. *Successor Singularis*, seu *Particularis* est, qui ex titulo singulari v. g. emptionis, donationis, legati &c. rem ab alio consequitur. Rursum Successor, & hæres alius est *Immediatus*, qui nempe ipsi defuncto immediatè succedit; alius *Mediatus*, qui hæredis defuncti hæres est. His notatis

Resp. 1. Bona fides auctoris prodest successoribus tam singulari, quam universali, ita, ut nisi mala fides supervenerit, in re aliqua succedens bonæ fidei possessori possit etiam computare tempus antecessoris sui, & accessione illius temporis, quo antecessor rem bona fide possedit, complete Præscriptionem. Molin. *tr. 2. D. 65. n. 3.* Laym. *lib. 3. tract. 1. cap. 8. num.* 17. Haun. *tom. 1. tr. 5. num.* 218. Pirh. *hic num.* 65. König *num.* 40. Vviesl. *n. 48.* & perspicuè traditur §. *inter 13. Inst. de Usucap. l. id tempus 14. ff. eod. & l. Pomponius 13. §. cum quis 1. ff. de acquir. vel amitt. posses.* Ratio est, quia auctor tradit rem successoribus cum omni Jure, quod ipse habuit; est autem pars Juris cœpisse Præscriptionem, ergo &c. Hinc si Petrus e. g. fundum alienum bona fide vendit Paulo, quem quinque annis possedit, poterit Paulus, bona fide eundem emens, complete Præscriptionem, si rursus aliis quinque annis inter præsentēs eundem bona fide possideat §. *inter cit.* Imò si defunctus possidebat bona fide, sed sine titulo, ideoque indigebat longiore tempore ad præscribendum, ejus hæres, si non sit suus, sed extraneus, poterit breviorē tempore præscribere; quia incipit bona fide possidere; & cum titulo hæreditatis, ut bene Pirh. *hic num.* 74. Dixi, *Si sit extraneus*; nam si hæres suus sit, nisi velit renuntiare titulo Suietatis, non potest breviorē tempore præscribere, sed tempus

antecessoris sui continuare debet usque ad tempus requisitum ad complendam Præscriptionem sine titulo: & ratio est, quia hæres suus censetur fictione Juris continuare dominium defuncti tanquam unus, & idem cum defuncto, ideoque cum etiam ante aditam hæreditatem acquirat dominium illius rei, non censetur habere novum titulum ad acquirendum dominium rerum hæreditariorum, & cons. ad præscribendum. Addidi, *Nisi velit renuntiare titulo Suietatis*; nam hoc potest, ita, ut succedat non tanquam suus, sed titulo agnationis, vel cognationis, aut successionis Jure Prætorio, ut filius emancipatus, secundum quod non spectatur suitas, vel patria potestas: & tunc jam habebit titulum ad præscribendum suo nomine.

Resp. 2. mala fides auctoris non nocet Successori singulari, quo minus possit rem præscribere, inchoando à propria possessione bonæ fidei §. *diutina 12. Inst. de usucap. l. an vitium 5. ff. de divers. temporal. præscript.* Covar. *Reg. possessor p. 2. §. 9. num.* 8. Azor. *part. 3. lib. 1. cap. 18. quæst.* 7. Fachin. *lib. 1. contr. cap. 66.* Molin. *tr. 2. D. 65. n. 1.* Less. *l. 2. c. 6. num.* 44. Laym. *l. 3. tr. 1. cap. 8. n. 18.* Pal. *tr. 3. D. un. p. 22. §. 9. num.* 1. & cæteri passim. Ratio est, quia successor particularis non repræsentat auctorem, & cons. licet auctor communicet illi omne jus, quod ipse circa rem illam habuit, quam successor particulari concedit, non tamen hoc ipso communicat ei vitia personalia. Igitur mala fides Auctoris non poterit successoribus particularibus obesse ad præscriptionem. Excipitur 1. si succedat in re, quæ vitio reali affecta censetur, v. g. quia furtiva, aut violenter occupata; nam ista usucapi non potest saltem tempore ordinario, ad quoscunque pervenerit, nisi purgetur vitium, ut dictum est *supra num.* 37. Excipitur 2. si res sit immobilis, & possideatur, vel alienetur ignorante illo, ad quem pertinet; hæc enim licet alias infra 10. aut 20. annos præscribi posset, ab eo tamen, qui ita accepit à polseessore malæ fidei, præscribi non potest, nisi tricenno, ut habetur *Auth. mala fidei Cod. de præscript. long. temp.*

Resp. 3. Probabilius Successor universalis, & immediatus, quamvis sit bonæ fidei, rem tamen ab auctore mala fide polseelsam, sibi que hæreditate relictam, non potest de Jure communi præscribere præscriptione ordinaria §. *diutina 12. Inst. de Usucap. l. cum hæres 11. ff. de divers. temporal. Usucap. l. fin. Cod. communia de Usucap. Abb. in cap. 17. hoc tit. num.* 29. Covar. *Reg. possessor p. 2. §. 9. num.* 1. Fachin. *l. 1. contr. cap. 66. & l. 8. c. 27.* Azor. *p. 3. lib. 1. cap. 18. quæst.* 7. Molin. *tr. 2. D. 65. n. 4.* Laym. *l. 3. tr. 1. c. 8. n. 18.* Less. *l. 2. cap. 6. nu.* 42. Pal. *p. 31. D. un. p. 22. §. 9. num.* 1. Pax Jordan. *lib. 14. tit. 24. num.* 36. Haun. *tom. 1. tr. 5. nu.* 208. Ratio est, quia cum ejusmodi Successor, seu Hæres cum defuncto malæ fidei polseessore censetur una moraliter persona per Juris fictionem, cons. utriusque etiam possessio una erit. Igitur cum possessio auctoris ob malam fidem physicam nulla fuerit, etiam Successoris ob malam fidem fictam nulla erit, sine possessione autem non currit Præscriptio; ergo &c. Hinc recte Imp. *l. vitia 11. Cod. de acquir. vel retin. posses. Vitia possessionum*, inquit, à majoribus contracta perdurant, & successorem auctoris sui culpa comitatur. Estque hoc adeo verum, ut ejusmodi hæres etiam à se inchoando possessionem Usucapionem complere non possit; quia dicta Jura loquuntur universaliter, & urget eadem ratio; nam licet accessione defuncti non utatur, tamen non cessat repræsentare personam defuncti, & ejus vitia.

Excipitur tamen 1. si hæres præter titulum hæreditatis habeat alium titulum, ex quo præscribat v. g. donationis, emptionis &c. ut si defunctus, rem, quam prius pignori alicui dedit, postea alteri vendidit, & hæres eam emat, vel redimat; tunc enim mala fides defuncti non impedit, quo minus hæres rem illam possit præscribere; quia non titulo hæreditatis, sed redemptionis eam possidet *l. an vitium 5. ex post facto 1. ff. de divers. temporal. præscript.* Molin. *loc. cit. n. 5.* Zoel. *hic n. 14.* Pirh. *n. 69.* Excipitur 2. si sit Successor in Dignitate, vel alio Beneficio Ecclesiastico; nam huic mala fides antecessoris non nocet. Covar. §. 9. *cit. n. 7.* Zoel. *n. 14. cit.* Pirh. *n. 71.* Vviesl. *n. 53.* Ratio est, quia hic ab antecessore titulum, seu causam non habet, sed à collatore, nec possidet Dignitatem, vel Beneficium tanquam hæres antecessoris.



recedoris, sed novum Jus ex nova collatione consequitur. Igitur vitiis antecessoris non impediatur, quin præscribere rem à se bona, ab antecessore mala fide, posselsam possit, modo non utatur accessione temporis, quo antecessor illam mala fide possedit. *Excipitur* 3. nisi aliud obineat per Statuta particularia, & Jura municipalia; nam hoc, ut initio *præs. num.* indicavi, tantum procedit de Jure communi; de Jure nostro Bavario mala fides antecessorietiam Successori universali non officit, modo iste non utatur accessione temporis, quo rem præscribendam possidebat defunctus. *Landrecht Tit. 9. art. 7.*

*Excipiunt aliqui* 4. Si Præscriptio sit tricenaria, vel quadragenaria. Sed ergo distinguo, & nego posse præscribere titulo pro hærede, posse ex titulo præsumpto. *Ratio primi* est, quia quantocunque tempore possideat, semper vitium possessionis manet, & cons. semper impeditur Præscriptio. *Ratio 2.* quia tunc novus ille titulus purgat vitium possessionis; unde ex illo præscribere hæres poterit, nisi aliunde resistat Lex.

74 *Resp.* 4. Mala fides authoris non obest hæredi mediato, seu hæredis immediati, modo tum hic, tum ille bonam fidem habuerint; nam hic præscribere rem sic à se posselsam potest, saltem numerando tempus à sua possessione. *Covar. Reg. possessor p. 2. §. 9. n. 6. Molin. D. 65. cit. n. 7. Less. l. 2. c. 6. n. 43. Pal. p. 22. cit. §. 9. n. 4. Haun. tom. 1. tr. 5. n. 209. Pirh. hic n. 70. Vviesl. n. 61.* Ratio est, quia primus hæres tantum habuit fidem malam fictione Juris, ut ponitur, quatenus sc. representat personam defuncti, qui mala fide rem possidebat. Igitur mala fides authoris ad hunc mediatum hæredem non transiit; alioquin duplex daretur fictio, quam Jura reprobanr in una, eademque causa. *Neque obstat*, quod mala fides vera defuncti pariat in hærede fidem fictione Juris malam, non enim sequitur, quod hæc fides ficta mala hæredis immediati debeat aliam fidem malam fictam parere; causam dat *Less. loc. cit.* quia fides mala ficta est veluti umbra malæ fidei; umbra autem umbram non facit, sed verum corpus. *Neque etiam obstat*, quod obligatio restituendi, & satisfaciendi ex delicto, siue mala fide defuncti orta transeat etiam ad hæredem mediatum, non obstante bona illius fide; hoc enim verum duntaxat est, si ante Præscriptionem completam cognoverit rem esse alienam; secus, si bona fide rem illam per tempus à lege præscriptum possederit; sic enim præcedens virium omnino purgatum, & authoris defuncti conscientia, quantum potest, exonerata jam esse censetur, quippe quæ tamdiu solum obligabat illum ad restituendum, quamdiu aliena esset, qualis esse in casu præsentis desit.

75 *Excipiunt communiter DD.* si Hæres ille mediatum sit hæres suus; hic enim usucapere non potest titulo Hæredis; quia, ut notat *Less. loc. cit.* hæres sui censetur continuare titulum defuncti: unde cum iste non habuerit titulum, utpote hæres mali authoris; nec hæres ejusdem habet. Extraordinaria tamen Præscriptione, videlicet 30. vel 40. annorum præscribere etiam iste potest, nisi Jus adversetur, ita tamen, ut non liceat uti accessione temporis sui antecessoris, nisi etiam iste præscribere potuerit.

Quod de Hærede mediato dictum est, multo magis verum est de eo, qui ab hærede immediato, bona fide rem suam esse existimante, pariter bona fide per emptionem, donationem &c. accepit; nam in hunc modum minus fictio Juris continuari potest, cum neque personam hæredis immediati, neque authoris representet.

76 *Quæritur* 7. an mala fides Antecessorum Provinciæ, Civitatis, Collegii, aut alterius Universitatis nociva sit successoribus, ut res, vel Jura à se posselsa nequeant præscribere, etsi habeant fidem bonam? Negant *Innoc. in c. cura 11. de Jur. Patron. Vasq. l. 2. contr. cap. 71. num. 5. Bald. de præscript. p. 2. pr. p. 3. q. 17. n. 3. Gilcken simil. tr. p. 2. memb. 2. c. 6. n. 22.* quos citat, & sequitur *P. Vviesl. hic n. 56.* Rationem dant, quia mala fides est quid facti *l. bona 48. §. item 1. ff. de acquir. rer. dom.* & cadere in ignorantem nequit præsertim justa causa, qualem habere censetur, qui in alterius locum succedit juxta *Reg. qui in alterius 42. ff. Putatque Gilcken loc. cit. n. 24.* ad successorum præscriptionem sufficere, si major pars antecessorum, qui mala fide rem alienam possi-

debant, decesserint, & iidem totidem alii bona fidei civis subrogati fuerint; quia ex Juris utriusque regula ad omnes refertur, quod publice sit per majorem partem *c. cum in cunctis 1. de his, quæ fiunt à major. part. & l. quod major. 19. ff. ad municipal.* ut proinde fides bona succedentium potius, quam superstitum pauciorum mala attendi debeat.

Sed retinenda videtur affirmativa sententia, & dicen- 77 dum, si Antecessores in aliqua Universitate rem aliquam mala fide possederunt, Successores eorum, etsi bonæ fidei, rem illam neuriquam posse præscribere. Ita *Fachin. l. 8. contr. cap. 25. Rath. tr. de Usucap. cap. 2. n. 58. Haun. tom. 1. tr. 5. num. 219. Pirh. hic num. 73.* restaturque *cit. D. Rath.* ita responsum sæpius à Facultate Juridica Ingolstadtensi, & approbatum à tribus aliis Marburgensi, Coloniensi, & Moguntina. Ratio est, quia etsi defunctis civibus novi successerint, civitas tamen (idem de quavis Universitate) semper est eadem, nec mutat possessionem, vel titulum. Igitur cum initio vitiosa possessio fuerit, talis manebit, & cum ea communitas in mala fide. Ex quo sequitur, si Monasterium ante 200. vel 300. v. g. annos prædium vendidit alicui civitati, sine debita solemnitate, v. g. absque consensu Episcopi, cui Monasterium subiectum est, etiam post tantum tempus, si Monasterium errorem Juris in civitate emente probaverit, repeti prædium illud posse, ut bene advertit *Pirh. loc. cit.*

Ad Argumentum contrarium dico id procedere in iis, qui persona ab antecessore diversa censetur; non vero in communitatibus, quæ nunquam moriuntur; Hinc *Bald. in l. imperium 3. ff. de Jurisd.* in præscriptione Universitatis requirit, ut initio major pars illius bonam fidem habuerit, indeque inserr, si hæc ab initio non adfuerit, Jurisdictionem v. g. in Castrum aliquod à Populo nunquam præscribi, quod cum idem semper sit numero populus, mala fides semper videatur continuari.

78 *Quæritur* 8. an mala fides Prælati noceat Ecclesiæ in negotio Præscriptionis? *Resp.* In hac questione sequentes poni regulas. 1. Si notorie constet rem alienam ab Ecclesia, vel Monasterio possideri, non potest Prælatatus eam retinere, sed restituere debet; quia ad boni Administratoris officium pertinet, ut aliena non retineat cum alterius injuria *arg. can. generalis 12. in fin. dist. 54. Abb. in c. fin. hoc tit. n. 41. Pirh. n. 77.*

2. Si non sit notorium, quod sit aliena, & solus Prælatatus sciat alienam esse, videndum, an probare possit alienam esse, vel non. *Si primum*, monere de hoc Capitulum deberet; secus, *si secundum arg. can. si tantum 2. caus. 6. q. 2.* nec tenebitur eo casu rem ejusmodi restituere; quia frustra restitueret; posset enim Capitulum restitutam repetere, cum non teneatur credere Prælato asserenti rem alienam esse, nisi Prælatatus hanc suam asseritionem probet. *Abb. loc. cit. n. 42. Pirh. n. 77. cit.* Unde tali casu ex parte Capituli dabitur locus Præscriptioni, non tamen sine discrimine; nam eo casu

3. Videndum, an res, de cujus Præscriptione agitur, communiter possideatur à Prælato, & Capitulo, vel non. *Si primum*, probabilius locus non est præscriptioni; quia requiritur, ut etiam Prælatatus sit bonæ fidei. *Laym. in c. fin. hoc tit. n. 7. Pirh. n. 78.* & ratio est, quia Lex præscriptionis est odiosa, & ideo restringenda, ita, ut propter malam fidem unius partis destruat bona fides alterius. *Secundum*, pars habens bonam fidem præscribet, quod ipsa possidet; non præscribet, si habeat malam, neque proderit malam fidem habenti bona fides alterius, aut vicissim.

79 *Quæritur* 9. an mala fides respectu unius impediat Præscriptionem respectu alterius? Quæstio formari potest vel de re, quæ præscribitur, vel de persona, contra quam præscribitur.

*Quoad primum* certum est, quod mala fides respectu unius rei, aut Juris non impediat Præscriptionem alterius rei, vel Juris distincti bona fide posselli; quia bona fides solum requiritur respectu illius rei, vel Juris, quod præscribitur. *Molin. tr. 2. D. 63. n. 13. & 14. Pal. tr. 31. D. un. p. 22. §. 10. n. 2. Haun. tom. 1. tr. 5. n. 181. & alii passim.* Ex quo sequitur 1. si quis habeat malam fidem circa unam partem fundi, quem possidet, bonam autem circa alteram, cum mala hac fide non impeditur, quin legitimo tempore præscribere possit partem fundi bona fide posselsam. *Sequitur* 2. si quis sciat rem quid-



dem alienam esse, sed inculpabiliter ignoret alteri in ea competere Usumfructum, Hypothecam, aut simile aliquod Jus, eum præscribere posse quoad hæc jura, quæ bona fide ignorat, etsi præscribere non possit rem ipsam, quam scit alienam esse. *Sequitur* 3. si quis dubitat, an is, à quo rem emit, vere fuerit dominus ejusdem, putet autem bona fide alio titulo, v. g. hæreditariæ successionis rem illam ad se pertinere, hoc titulo eam rem ab ipso præscribi posse.

Quoad alterum respondendum est negative, prout aperte colligitur ex *l. aut qui* 5. §. *si quis* 5. ff. *quod vi aut clam*, & docet Molin. *D.* 63. *cu. num.* 12. Casus esse potest. E.g. Titius possideat fundum, quem putat esse Caji, est autem Sempronius, quod inculpabiliter nescit: in hoc casu dico nec contra Sempronium eum posse præscribere. *Ratio est*, quia tali casu revera & simpliciter subest mala fides, & peccaminosa conscientia, quæcum Præscriptio saltem Jure Canonum non potest procedere.

80 Quæritur 10. an probati à præscribente debeat bona fides possessionis? Resp. ordinarie probati à præscribente non debet, sed à Jure præsumitur? quia in ignorantia consistit, qua quis putat rem esse suam, quæ revera est aliena; in Jure autem ignorantia præsumitur, ubi scientia non probatur *l. versus* 21. ff. *de probat.* & Reg. *presumitur* 47. *in* 6. Quare qui malam fidem possessori opponit, ipse probare hanc debet; nam tamdiu se possessor bonæ fidei præsumptione tueri potest, quamdiu mala ab Adversario non probatur. Idque verum est, etiam si absque titulo possideat, nisi tamen contra jus commune possessionem alicujus rei acquisiverit, vel possessionis suæ nuper acquisitæ rationem nullam asserre possit, aut si postquam denuntiatio eidem facta est rem esse alterius, ipse veritatem neglexerit inquirere.

Detegitur autem, & probatur mala fides ex conjecturis, quarum complures afferunt Menoch. *de arbitr. cas.* 225. *per totum*, Mascard. *de Prob. Vol.* 3. *concl.* 1004. *per totum*, Pax Jordan. *lib.* 14. *tit.* 24. *num.* 49. P. Vviesl. *hic num.* 64. & duob. *segg.* Potissimæ sunt 1. si possessor sine titulo rem possideat, & possessio sit recens. 2. si emit rem, postquam denuntiatus ei fuit, non esse vendentis. 3. Si emit, non servatis Iuris solemnitatibus, statutis pro emptionis Contractu. 4. Si præscribens ipse coram aliis dixit, se scire rem illam esse alterius. 5. Si fama existat in vicinia, quod alterius fuerit, quam venditoris. 6. Si hoc testium depositione probetur. 7. Si præscribens primum post adeptam possessionem curavit titulum possessionis consequi. 8. Si occupet rem alienam ablente domino. 9. Si contraxit cum insolitis causis; nam in hoc dolus præsumitur. 10. Si emit à prodigo, lutore, filiof. &c. 11. Si emit à Procuratore vendente rem nomine principalis, & Procuratorium tempore contractus non curavit sibi ostendi; nam si postea deprehendatur mandatum fuisse invalidum, vel nullum, emens præsumitur in mala fide. 12. Si penes ipsum possessorem rei existant Instrumenta, Litteræ, & Libri eam rem alienam esse perspicue petibentes; quia quilibet scire, & intelligere præsumitur tenorem instrumentorum, & scripturarum, quæ in Scriniis, & Archivio suo habet, eorum præsentiam, quæ Iura sua concernunt, aut pertinent ad officium, & administrationem. 13. Si alienam esse scire potuit ex Jure communi, vel municipali. Ex his, aliisque indicis poterit Index suum formare arbitrium in conjectanda præscribentium bona, vel mala fide.

#### §. V.

De Titulo ad Legitimum Præscriptionem requisito.

### S U M M A R I U M.

81 82 83 Tituli Definitio, & multiplicitas.

84 85 Ejus necessitas.

86 87 Divisio in Verum, Putativum, Coloratum, & Præsumptum.

88 89 90 Quando sufficiat Præsumptus?

91 Quid requiratur ad præscribendas Servitutes.

92 Quid requiratur, ut usucapere aliquis possit Titula pro Emptore, pro Herede, pro Derelicto?

93 Pro donato, pro suo, pro Solutio?

94 95 96 Utrum Heredes sui usucapere possint Titulo pro Herede?

Quæritur 1. quid hic veniat nomine Tituli? Resp. 81 Tituli nomine hoc loco aliud non venit, quam causa ex se habilis ad transferendum dominium, ut sunt donatio, emptio, permutatio, fideicommissum, legatum, occupatio rei pro derelicto habitæ, aditio hæreditatis &c. quibus si tradens fuit dominus, & alienandæ rei potestatem habuit, ipsum dominium; si minus, saltem usucapiendi conditionem transfert. Hinc tot sunt Tituli usucapiendi, & præscribendi rem alienam, quot sunt causæ ex se habiles ad transferendum dominium. Præcipui sunt octo sequentes, pro soluto, pro emptore, pro hærede, pro donato, pro derelicto, pro legato, pro dote, pro suo, de quibus agitur ff. *lib.* 41. *tit.* 4. & *segg.* & *Cod. libr.* 7. *tit.* 26. & *segg.* De his longiorem tractationem Civilistis relinquimus; ego solum brevem terminorum explicationem subijcio.

Itaque 1. *pro soluto* usucapit, qui rem indebitam 82 quasi debitam ab eo, qui solvit, bona fide accepit *l. non solum* 33. §. *si mihi* 3. ff. *de Usurp.* & *Usucap.* 2. *pro emptore*, qui revera emit rem alienam bona fide ab eo, quem putabat esse dominum rei, cum non sit, vel qui à domino quidem emit, sed qui alienate non potuit, cum emens inculpabiliter existimaverit eum alienandi potestatem habere. 3. *pro hærede*, qui cum hæres sit institutus, inter res hæreditarias possidet rem alienam, quam si defunctus non possedit mala fide, hæres legitimo tempore potest præscribere titulo pro hærede. 4. *pro donato*, qui possidet rem sibi donatam ab eo, qui non erat dominus, sed eum dominum rei esse bona fide credebatur *l. pro donato* 1. ff. *pro donat.* 5. *pro derelicto*, qui rem ab alio, quam domino suo possessam, & ab eo habitam pro derelicto, ut talem apprehendit, & possidet *leg. id quod* 4. ff. *pro derelict.* 6. *pro legato*, qui accepit tanquam legatum, quod legatum non est, vel quod legatum est, ab eo tamen, qui legare non poterat *leg. legatorum* 1. & *segg.* ff. *pro legat.* 7. *pro Dote*, qui rem alienam bona fide pro dote accipit *l. Titius* 1. ff. *pro dot.* 8. *pro suo*, qui falso, sed iusto, & probabili errore ex aliqua iusta causa, quæ consuevit acquiri dominium e.g. occupationis, alluvionis, fructus rei emptæ &c. rem alienam possidet *l. pro suo* 1. & *segg.* ff. *pro suo*.

Præter hos titulos sunt adhuc alii, qui ex senten- 83 tia in Iudicio lata, transactione, permutatione, societate exsurgunt; nam *pro Judicato* res judicata usucapitur spatio decem annorum. *Pro transacto* usucapitur res, quæ relinquenti actionem, & à lite recedenti Transactionis causa traditur ab eo, qui cum non sit dominus rei, putat tamen se dominum ejusdem esse *l. ex causa* 8. *Cod. de Usucap. pro emptor. vel transact.* *Pro permutato*, cui danti rem suam alteri animo permutandi, ab hoc redditur res aliena, cujus dominium dans non habuit, sed bona fide putabatur habuisse. *Pro Socio*, denique, cui soluta societate pars rei alienæ obtigit, quæ bona fide putabatur esse communis sociorum.

Quæritur 2. Utrum ad præscriptionem requiratur 84 Titulus? Resp. affirmative. Constat aperte ex *cap. si diligenti* 17. *hoc tit.* *l. Celsus* 27. ff. *de usurp.* & *Usucap.* *l. diutina* 4. & *l. seq. Cod. de præscript. long. temp.* *l. fin. Cod. de Usucap. pro hered.* *l. si nulla* 6. *Cod. de acquir. & retin. possess.* *l. nullo* 14. *Cod. de R. V.* Ratio est, quia Titulus est causa, & fundamentum justæ possessionis, & sine eo non potest possessionem capiens habere bonam fidem, cum credere nequeat se habere jus possidendi, nisi credat se habere titulum, ex quo jus hoc oriatur. Hinc recte *l. improba* 6. *C. de acquir. & retin. possess.* improba dicitur esse omnis possessio, quæ est sine legitimo titulo.

Neque sufficit quicunque Titulus: sed requiritur talis, qui ex se sit habilis ad transferendum dominium, licet per accidens non transferat ob intervenientem probabilem ignorantiam, ac justum errorem. Unde Conductor, Commodatarius, Depositarius, Colonus, inquilinus rem conductam, commodatam, depositam &c. non possunt præscribere; quia non sunt iusti tituli, i. e. habiles, & sufficientes ad transferendum dominium.

Et hoc adeo verum est, ut si etiam in Præscriptione cen- 85 tenaria,



tenaria, & immemoriali constet præscribentem cum Titulo vitioso, & inhabili ad transferendum dominium possidere, eo ipso nulla sit Præscriptio, quippe quæ non potest sine bona fide consistere; nequit autem bona fides præsumi, quando constat de Titulo vitioso.

Neque obstat, quod magna sit Præsumptio pro eo, qui tempore immemoriali possidet; nam præsumptio veritati cedere debet. igitur enervatur præsumptio bonæ fidei, quando constat de vitiositate Tituli. Fachin. l. 8. contr. cap. 33. Mascard. de Probat. vol. 4. concl. 1378. n. 63. & seqq. Pal. tract. 31. D. un. part. 22. §. 5. num. 11. Pith. hic num. 88.

- 86 Quæritur 3. qualis debeat esse Titulus, ut sufficiat ad præscribendum? Antequam respondeam, noto, quadruplicem communiter assignari Titulum, videlicet Verum, Putativum, Coloratum, & Præscriptum. *Verus est*, cui non subest ullus error, ut si res donata sit ab eo, qui dominus illius fuit, & potestatem alienandi habuit; tunc enim donatarius rem donatam possidet Titulo vero donationis. *Putativus*, seu *Existimatus*, quando probabiliter creditur intervenisse titulus, qui tamen à parte rei non intervenit, ut cum hæres alicui tradit rem aliquam tanquam ei legatam ex testamento, quæ tamen revera legata non est. *Coloratus*, qui etiam *Apparens* vocatur, qui apparet esse verus, sed tamen ob vitium occultum verus non est, ut si quis rem dono, aut emptione accipit à non domino, quem tamen credebatur invincibiliter esse dominum, aut cum à domino quidem accipit, sed qui potestatem donandi, vel vendendi non habuit. *Præsumptus* denique, quando ob temporis diuturnitatem Jus præsumit intervenisse Titulum, cum forte non intervenit, nec à possessore in specie allegari possit, qualis superior; talis est, si iudicetur hunc fundum esse Pauli, utpote quem is longo tempore possedit, etsi revera fuerit Petri. His notatis.

- 87 Resp. 1. Titulus *Verus* non est necessarius ad Præscriptionem; quia hic sine Præscriptione sufficit ad transferendum dominium.

Resp. 2. Titulus *Coloratus* ad præscribendum sufficit, non tamen requiritur necessario. *Quod sufficit*, patet ex ratione data ad Resp. 1. nam si Titulus verus non requiritur, ergo sufficiet saltem Coloratus, *Quod vero non requiratur*, inde constat; quia, ut mox dicitur, etiam Existimatus sufficit. Er hinc.

Resp. 3. Titulus *Existimatus*, seu *Putativus* ad præscribendum sufficit, si rationabiliter existimatus sit. Ita communis apud Ictos sententia, teste Haun. tom. 1. rr. 5. n. 224. Sumitur ex l. *cares* 5. & l. *seq. ff. pro legat. l. non solum* 33. §. 1. quod vulgo l. *ff. de Usurp. & Usucap.* & clarissime l. *si existimans*, 48. ff. *ead.* ubi Paulus, *Si existimans*, inquit, *debere tibi tradam, ita deum Usucapto sequitur, si & reputes debitum esse: aliud, si putem me ex causa venditi tenere, & ideo tradam; hic enim, nisi actio præcedat, pro emptore Usucapto locum non habet.* Unde cum exceptio firmet regulam in casibus non exceptis, præter Titulum pro emptore quilibet alius sufficiet etsi tantum sint existimati. Neque obstant l. *Celsus* 27. ff. *ead.* & l. *nullo* 24. C. de R. V. ubi dicitur requiri existentia Tituli ad Præscriptionem; nam ex Leges intelligendæ sunt ita, ut contentæ sint existentia Tituli in re existentia, & intentionali.

Addidi autem, si rationabiliter existimatus sit; nam irrationabiliter putatus Usucapionem non ponit §. *error* 11. Inst. de Usucap. l. *Celsus* cit. l. *pro donato* 1. princ. ff. *pro donat. l. si possideam* 2. & l. *seq. ff. pro Legat.* Gonzal. in c. 17. hoc tit. n. 11. Haun. rr. 5. cit. n. 233. Konig hic n. 33. Ratio est, quia opinio nihil ponit in re, & veritas prævalet opinioni, præsertim, ubi (ut in proposito contingit) vertitur error facti proprii, qui in Jure non toleratur.

- 88 Quæritur 4. utrum aliquando sufficiat ad Præscriptionem Titulus *Præsumptus*? Resp. cum distinctione; In præscriptione ordinaria longi temporis, videlicet 10. aut 20. annorum, uti etiam in triennali Usucapione Titulus non præsumitur, sed requiritur, ut allegetur, & probetur titulus coloratus, vel existimatus, ut constat ex l. *Celsus*, & l. *nullo* cit. & colligitur ex princ. Inst. in fin. de Usucap. & l. *diutina* 4. C. de præscript. long. temp. Idque procedit non solum Jure Civili, sed etiam Canonico can. *placuit* 15. *vers. præscriptionum caus.* 16. q. 3.

nam quoad Titulum nullum est inter Jus utrumque discrimen. *Excipiuntur* Servitutes reales continuæ; nam hæ, ut infra n. 91. dicam, præscribuntur sine titulo.

In Præscriptione longissimi temporis, & multo magis in centenaria, & immemoriali ordinarie Titulus non requiritur, sed sufficit bona fides, qua præscribens credit se Titulum habere, cum forte non habeat *vers. præscriptionum* cit. l. *sicut* 3. & l. *omnes* 4. C. de præscript. 30. vel. 40. ann. quia antiquitas possessionis, & lapsus tot annorum ex dispositione Juris habetur pro Titulo, & ex tam longo tempore præsumitur iusta causa possidendi. Covar. Reg. possessor. p. 2. §. 5. concl. 2. Laym. l. 3. rr. 1. c. 8. n. 12. Less. l. 2. de Just. & 6. n. 23. Pal. rr. 31. D. un. p. 22. §. 5. n. 4. & alii passim.

Dixi Ordinarie; excipitur enim, nisi aliunde contra præscribentem stet præsumptio malæ fidei; quæ iusti tituli præsumptionem elidat; aut nisi Jus resistat, & possessionem rei præscribendæ positive prohibeat; Nam his casibus etiam in præscriptione longissimi temporis necesse est allegare, & probare Titulum, vel saltem possessionem immemorialem, ut cum aliis notat Covar. l. *cit.* concl. 5. Ratio est, quia tum cessat Titulus præsumptus, cum Juris communis error vel ignorantia, ut num. 67. dictum est, non profit in Usucapionibus. igitur nisi adsit alius Titulus, qui der iustam causam possidendi, & sic præsumptionem malæ fidei, ex resistantia Juris, vel aliunde ortam, tollat, Præscriptio non procedet.

Dubium est, qualis resistantia Juris communis obstat Præscriptioni quadragenariæ, Titulo non munitæ? *Certum est* 1. non exigi, ut ita Jus resistat volenti usucapere, ut simul eundem reddat incapacem possessionis, prout resistit Laico in puncto Juris decimandi; nam ita si resistat, etiam tempore immemoriali præscribi non potest ob vitium possessionis.

*Certum est* 2. non sufficere resistantiam Juris quancunque; nam præscribenti servitutem in fundo alieno etiam resistit Jus commune, quo omnia prædia libera esse præsumuntur; & tamen ad earum præscriptionem titulus non est necessarius, ut paulo post dicitur.

*Certum est* 3. sufficere, si ita resistat Jus possessori, ut simul etiam assistat petitori, seu illi, contra quem præscribitur; sicut fit, quando Clericus extraneus vult præscribere Decimas in aliena Parochia; nam in hoc casu Ius commune assistit Patocho contra quemcunque extraneum possessorem.

An vero hoc requiratur, an contra sufficiat, si Ius possessori quidem resistat, sed tamen petitori non assistat, controversia est inter DD. aliqui cum Abb. in c. 17. hoc tit. n. 35. affirmant posterius, moti rextu c. *Episcopum* 1. hoc tit. in 6. ubi in præscribente, quando est ei Ius commune contrarium, titulus, vel possessio temporis immemoralis requiritur generaliter, neque sit mentio Juris assistentis petitori.

Sed melius negant Glof. in c. 1. cit. V. *titulum*, Laym. *ibid.* num. 2. Pith. n. 88. Vviesl. hic n. 80. & alii ab hoc cit. Ratio est, quia si Ius commune non assistat petitori, tunc nec possessori resistit quoad hunc petitem, & cons. bonæ fidei præsumptio erit pro possessore contra hunc petitem, eo quod in pari causa melior sit conditio possidentis. Ex quo sequitur casu, quo lis est inter duos Parochos de Decimis, non in ipsorum, sed in tertia alterius Parochia sitis, & ex his unus petat Decimas ab altero in Iudicio, alter opponat se præscripsisse possidendo illas per 40. annos, hic alter necesse non habeat, ut alleget, & probet titulum; sed possessio tanti temporis ipsi erit pro titulo.

Quæritur 5. an & qualis Titulus requiratur ad præscribendam Servitutem? Resp. 1. in præscriptione Servitutem realium, si continuæ sint, h. e. habentes actum continuum, ut aquæ ductus, suggerundii &c. regulariter Titulus non requiritur l. *si quis* 10. ff. *si servit. vindic.* l. *apparet* 5. §. *si quis* 3. ff. *de itin. act.que privat.* Haun. tom. 1. tract. 5. num. 385. & seqq. Ratio est, quia scientia, & patientia domini est loco Tituli, Legibus ita constituentibus, & patientiam domini contentum interpretantibus; cons. si sciat, & patiatur dominus, & præscribens sit in bona fide, tempore ordinario præscripta erit Servitus. *Excipiunt* DD. communiter Ususfructum; nam hic ob damni gravitatem, & contemptum rei emolumentum à realibus Servitutibus separatur, ut sine Titulo



Titulo tempore ordinario præscribi nequeat: unde cum nusquam eximatur à regula generali, quæ ad præscriptionem requirit Titulum, sicut eximuntur Servitutes reales, Titulus ad Præscriptionem ejusdem necessarius erit.

Resp. 2. Servitutes reales discontinuæ sine titulo non acquiruntur, nisi tempore immemoriali, adeoque titulo opus est, ut ordinatio tempore acquirantur *l. si cui 1. §. fin. & l. seq. §. idem Labeo 8. ff. de acq. plur. ar. cend. l. hoc Jure 3. §. ductus aque 4. ff. de aqu. quot. & astiv. Covar. l. 1. var. c. 17. num. 11. Haun. tom. 1. tract. 5. n. 226. & hoc teste Verè Interpretes omnes, ac praxis hodierna summorum Tribunalium.*

Resp. 3. existente Titulo, quem quis à putativo prædij domino obtinuit bona fide, omnes Servitutes indistinctè ordinario tempore præscribuntur *l. fin. C. de præscript. long. temp. in fin.*

92 Quæritur 6. quid requiratur, ut usucapere aliquis possit Titulo pro soluto, pro emptore, & aliis *supra* assignatis? Resp. in omnibus requiritur possessio bonæ fidei, & ut hi ipsi Tituli non sint vitiosi. Præter hoc quidam ex illis specialia requisita habent; nam

1 Ut pro Emptore quis usucapiat, regulariter necesse est, ut re ipsa intercesserit actio emptionis, neque sufficit, ut existimet se emisse; quia esset error in facto proprio, qui in Jure non toleratur. Excipitur, si alius e. g. servus, vel procurator, cui dominus rem emendam mandavit, eandem tradat domino, dicens se eam emisse, cum tamen furto illam sustulerit; nam eo casu sufficit Titulus existimatus ad usucapiendum pro emptore, ut habetur *l. fin. §. sed id 1. ff. pro suo*, ubi etiam additur ratio; quia in alieni facti ignorantia tolerabilis error est.

2 Ut Titulo pro Hærede possim usucapere, requiritur, ut is, cui me dico hæredem esse, revera mortuus fuerit. Hinc etsi crediderim Titium mortuum fuisse, cum tamen adhuc viveret, & ideo capere bona ipsius possidere tanquam hæres ejusdem, si inter illa bona res quædam aliena fuit, quam defunctus bona fide possedit, non possum illam usucapere titulo pro Hærede; quia cum Titius adhuc vivat, revera hæres ejusdem esse non possum.

3 Ut pro derelicto usucapiam rem alterius; non debet esse pro derelicto habita ab ipso domino ejusdem; tunc enim, si occupem rem illam, absque præscriptione eandem facio meam: sed debet esse pro derelicto habita ab alio possessore tertio, qui non sit ejusdem dominus, ut n. 82. insinuaui.

93 4 Ut pro Donato rem præscribam, requiritur, ut donatio Jure teneat; quia si pater filio donaverit, cum invalida sit donatio, non deserviret filio ad usucapiendum sub hoc prætextu.

5 Titulus Pro suo, ut bene monet Haun. tom. 5. tr. 5. num. 238. non consideratur, ut est quidam generalis titulus transcendens alios titulos speciales, in quibus aliquo modo imbibitur; nam etiam qui pro emptore: pro donato, pro derelicto possidet, dicitur hoc sensu possidere pro suo, sed hoc loco habet rationem Tituli specialis, quando nempe res aliena à nobis bona fide possidetur ex aliqua causa, quæ ad alios nominatos titulos speciales non pertinet, & tamen apta est ex se conferre dominium, qualis est, si ferendam alterius curem pro silvestri ceperit, pecuniam securitatis causa defossam, tanquam thesaurum apprehenderit &c.

6 Quod dictum est de Titulo pro suo, etiam verum est in Titulo Pro soluto, nempe quod aliquando generalis sit, & transcendat varia genera solutionum factarum, sive ex causa judicati, sive ex empto, sive ex donato &c. aliquando vero sit specialis, quod sit in casu, quo putas te mihi ex legato, vel alio quocunque titulo equum debere, & mihi in solum tradis equum alienum, non significans mihi specialem titulum, sed tantum dicens, te debitorem esse hujus equi; nam hac possessione in me translatam, possum equum præscribere, & usucapere titulo pro soluto; quia de nulla alia causa possidendi mihi constat.

94 Quæritur 7. Utrum hæreses sui, qui parentibus hæreses existunt, usucapere possint titulo pro Hærede, ut alii extranei; Negant Vvesenbecius, Donellus, Hunnius, nisi his fundamentis. 1. Hæres suus non fit de novo dominus, seu Juris fictione jam antè fuit domi-

nus, cum sit fictione Juris eadem persona cum defuncto; atqui ad Præscriptionem requiritur titulus aptus ad transferendum dominium in eum, qui prius fuit dominus; ergo &c. 2. *l. nihil 2. Cod. de Usucap. pro hæred.* expresse dicitur, *Nihil pro hærede posse usucapi, suis heredibus existentibus.* 3. Hæres suus tantum improprie, & abusive dicitur Hæres, cum in eo non detur successio, sed continuatio domini *l. in suis 11. ff. de liber. & posthum.* 4. *l. qui legatorum 3. §. fin. ff. pro hæred.* Julianus negat filium rem à patre donatam pro hærede usucapere posse. 5. similia habentur *§. sui 2. Inst. de hered. qualitat.*

Sed nihilominus dicendum est, etiam Hæreses suos 95 posse res alienas in hæreditate repertas usucapere. Ita Gonz. in cap. 17. hoc tit. n. 9. D. Arnold Rath tract. de Usucap. cap. 3. num. 22. Haun. tom. 1. tract. 5. num. 244. Magnif. D. Christoph. de Chlingensperg Inst. de Usucap. quest. 16. & colligitur satis aperte ex *l. si ancillam 4. §. si pater 1. ff. pro suo*, ubi ex divisione à patre inter filios facta, post ejus mortem eæ res dicuntur pro suo usucapi, quæ alienæ in bonis patris inveniuntur; si enim id potest patris divisio in vita illius facta, & tamen quoad effectum ad rempus mortis suspensa, quidni & idem poterit voluntas patris testamento comprehensa, aut ab intestato ex autoritate Legis intellecta? Conf. 1. quia licet inter patrem, & filium fictione Juris non detur successio, sed potius continuatio domini, datur tamen & fortius jus hæreditatis: unde *Sui Hæredes* dicuntur filii. Conf. 2. si nova acquisitio hæreditatis præstat titulum extraneis hæredibus ad usucapiendas res in hæreditate repertas, nova administrationis, & pleni domini acquisitio sufficiens erit ad præstandum eundem titulum. Conf. 3. Usucapio hæredis versatur circa res alienas in hæreditate repertas, in quibus nulla potest dari in suis continuatio domini, cum nec in patre dominium fuerit; igitur nihil impedit Usucapionem hujusmodi rerum in suis hæredibus.

Nec contrarium probant rationes, & textus in contrarium allegati. Ad 1. fictio Juris, qua hæres suus 96 censetur una persona cum defuncto, non est introducta in præjudicium suorum hæredum, sed in favorem præcisè: conf. fictio illa non impedit, quo minus rei veritas in præsentii prævaleat; est autem rei veritas, quod hæres suus antè non fuerit dominus; ergo &c. Accedit, quia, ut bene advertit Perez, licet hæres fictione Juris fuerit dominus rerum paternarum, non tamen eas possedit, sed primum incipit illas possidere, quando eas apprehendit, & hoc sufficit ad præscribendum res alienas, quarum nunquam fuit dominus, cum nec defunctus fuerit. Ad 2. Lex illa non dicit, quod sui hæreses non habeant jus usucapiendi pro hærede, sed quod non possint alii extranei quidquam ex illa hæreditate pro hærede usucapere, quamdiu sui hæreses existunt, cum horum potior cautela sit, utpote quibus ipso Jure quæsitæ hæreditas est. Ad 3. textus ille non dicit, quod non sint hæreses, sed quod quodammodo non videantur hæreses esse propter jus ad bona hæreditaria, etiam si hæreses non influerentur; unde potius quidam abusus verborum est, quando hæreses sui dicuntur fuisse domini, quam quando Hæredes vocantur. Ad 4. in loc. cit. additur filium rem à patre donatam pro hærede usucapere non posse *pro parte hæredum*: quod omnino verum est. Ad 5. in textu cit. Inst. de Usucap. potius contrarium dicitur; nam ita ibi loquitur Imperator; *Sed sui quidem hæredes ideo appellantur, quia domestici hæredes sunt, & vivo quoque patre NB. quodammodo domini (non simpliciter domini) existimantur.*

## §. VI.

De Tempore requisito ad Præscriptionem Rerum Corporalium.

## S U M M A R I U M.

97 98 Aliqua advertenda.

99 100 Quo tempore præscribantur res mobiles, & immobiles privatorum?

101 102 Quo tempore præscribantur Res immobiles Ecclesiarum, Monasteriorum &c.

103 104 105 106 Quando Præscriptio centenaria contra Eccle-



*Ecclesiam Romanam , & Quadragenaria contra inferiorem locum habeat ?*

107 108 109 *An procedat etiam in mobilibus earum bonis ?*

110 *An centenaria Præscriptionis , qua Romana , gaudeant etiam Ecclesie inferiores exemptæ ?*

97 **Q**uæritur 1. an & quale tempus requiratur ad præscribendum ? Resp. hoc varium est pro varietate tum bonorum , quæ præscribuntur , tum personarum , contra quas præscribitur . Hinc pro faciliori dicendorum intellectu .

*Advert. 1.* Res , quæ præscribuntur , alias dici *Mobilis* , quæ loco moveri possunt , ut animalia , pecuniæ , vestes , instrumenta &c. alias vero *Immobiles* , quæ moveri non possunt , ut prædia , domus , & similia . Rerum suarum naturam sequuntur actiones , & Jura ad illas , tanquam accessorium ad principale ; & ideo actiones , quæ competunt ratione debitorum pro rebus mobilibus , sicut & ipsa debita , bonis mobilibus accensentur ; è contra Censui annui , ususfructus , aliæque servitutes annumerantur bonis immobilibus , sicut & ipsi fundi , vel domus , quibus adherent . Sumitur ex *Clem. 1. vers. cumque annui de V. S.* & notant Molin. *tr. 2. D. 68. num. 1.* Haun. *tom. 1. de J. & J. tr. 5. num. 262.* Pith. *hic num. 89.*

*Advert. 2.* aliquando præscribi contra præsentem , aliquando contra absentes . *Præsentem* olim dicebantur , qui sub eodem Præside Provinciæ domicilia habeant *l. fin. Cod. de long. temp. præscript. Absentes* , qui sub diversis . Hodie *Præsentem* dicimus , qui in eodem Territorio , vel si hoc nimis amplum est , sub eodem Præfecto , vel Judice domicilium habent , cujusmodi plerumque erunt , qui habitant in eadem civitate ; & hinc *Absentes* dicentur , qui in diversis Territoriis e.g. Civitatibus , diversos Judices , Gubernatores , Consules &c. habentibus habitant . Haun. *tom. 1. tract. 5. num. 263.* Pith. *num. 89. cit.* Engl. *num. 29.* Konig *num. 43.* Advertendum hoc ideo est , quia ordinarie minus tempus requiritur ad præscribendum contra præsentem , quam contra absentes ; cujus ratio est , quia præsentem possunt facilius res suas apud alium existentes agnoscere , difficilius absentes , hinc durum esset absentes æque citò rebus suis privari , ac præsentem .

98 *Advert. 3.* tempus Præscriptionis aliud dici breve , aliud longum , aliud longissimum ; aliud denique immemoriale . *Breve* dicitur , quod est infra , vel supra triennium , minus tamen decennio ; *Longum* sunt anni 10. inter præsentem , 20. inter absentes : *Longissimum* sunt anni 30. vel 40. *Immemoriale* , cujus initii memoria non existit . Computari autem tempus Præscriptionis debet non de momento ad momentum , sed de die in diem , uti sumitur ex *l. in usucapionibus 6. & l. seq. ff. de usurp. & usucap.* Adeoque non est necesse completum esse totum diem ultimum Usucapioni , vel præscriptioni , præfixum à Jure , sed sufficit , quod ad eum perventum sit ; nam etsi cæptus tantum sit , non completus , nihilominus completum censetur usucapiendi tempus .

Neque obstat *l. in omnibus 6. ff. de O. & A.* ubi dicitur : *In omnibus temporalibus actionibus , nisi novissimus dies totus compleatur , non finit obligationem ;* nam textus istius Legis folum intelligendus est de actionibus personalibus , ubi dies postremus totus adhuc utilis Actori est , adeoque , ut contra Actorem præscriptum sit , necesse est totum effluxisse diem . Aliter se res habet in Præscriptione , quæ excludit actionem realem , nempe rei vindicandæ causam datam ; nam in hac dies alia sui parte cæptus pro completo habetur ; & ratio est , quia in hac Præscriptione volunt Leges , ut cesset actio , si alter tanto tempore possederit ; hoc autem verum est , si possessio ad ultimum diem saltem inchoatum pervenerit , etiam si finitus non sit .

99 **Q**uæritur 2. quanto tempore præscribantur Res privatorum ? Resp. 1. Res mobiles privatorum , quantumvis pretiosæ , cum Titulo præscribuntur triennio . *princ. Inst. de Usucap. & l. un. C. de Usucap. transform.* Neque obstat , quod rebus immobilibus , ut statim dicam , amplius taxetur tempus ; licet enim res mobiles celari possint , & ideo jus prosequendi illas difficilius reddi domino , plerumque tamen in earum amissione minus præjudicii creatur domino , quam in amissione im-

mobiliū . Adde , quia res mobiles , si bona fide possidentur , non ita occultari solent ; jam enim fraudulenta occultatio bonam fidem everteret , inio rem furtivam efficeret , & sic nunquam usucapi posset tempore ordinario , ut dictum est *n. 37.*

Resp. 2. res privatorum immobiles , si illi privilegiati non sint , ut sunt Pupilli , Minores &c. secundum dicta *n. 93. & 38.* cum Titulo , & bona fide præscribi possunt inter præsentem quidem annis 10. inter absentes vero annis 20. *princ. & l. un. cit. l. diutina 4. & l. fin. C. de præscript. long. temp.* Quod si aliquis partim præsens , partim absens sit , semper tempus absentiae duplicari debet , ita , ut si v. g. præsentia fuerit 8. annorum , & absentia duorum , ad complendam Præscriptionem præter illos octo annos adhuc quatuor requirantur *l. cum in longi 11. & Auth. quod si quis C. de præscript. long. temp.*

Resp. 3. sine Titulo cum bona fide res tam mobiles , quam immobiles privatorum , tam inter præsentem , quam inter absentes præscribuntur 30. annis , ut cum communi tradunt Vivian. *inc. 3. hoc tit. Azor. p. 3. l. 1. c. 22. q. 6. & 8. Molin. tr. 2. D. 68. n. 4. Laym. l. 3. Theol. tr. 1. c. 8. n. 13. Pal. tr. 31. D. un. p. 22. §. 11. n. 1. Vall. hic §. 6. n. 2. Zoef. n. 3. Engl. n. 29. Pith. n. 90. Konig n. 44. Vviefst. n. 82. & 85.* Et quidem de rebus immobilibus clare statuit *l. sicut 3. & l. omnes 4. C. de præscript. 30. vel. 40. ann.* ex quibus Legibus ducitur argumentum etiam ad res mobiles privatorum ; cum enim de his nihil statutum sit aliud , casu quo Titulus deficit , dicendum est pari passu procedere eo casu cum immobilibus .

**Q**uæritur 3. quanto tempore præscribantur res Ecclesiarum , & Monasteriorum ? Resp. 1. Res Ecclesiæ Romanæ , saltem immobiles , & ad hærentia istis Jura non præscribuntur , nisi lapso tempore 100. annorum . Ita statuitur *c. ad audientiam 13. c. cum vobis 14. c. si diligenti 17. h. tit. c. fin. eod. in 6. & Auth. quas actiones fin. C. de SS. Eccl. Excipitur casus unicus cap. fin. cit. ubi statuitur , etiam contra Ecclesiam Romanam Præscriptioni quadragenariæ locum esse , si bona Hæreticorum , qui dum viverent , Catholici putabantur , à Catholicis eorum filiiis , vel nepotibus , aut extraneis quibuscunque 40. annorum spatio bona fide possessa sint . Dixi autem , *Res saltem immobiles* ; nam de mobilibus *infran. 108.* aliud quid statuetur . Addidi , *Et ad hærentia istis Jura* ; particularia sc. nam quoad universalem Iurisdictionem in omnes fideles , & quoad plenitudinem potestatis Papalis per Præscriptionem derogari non potest , sicut nec per Privilegium , ut dictum est *n. 32.**

Resp. 2. contra Ordinem ; & Monasteria S. Benedicti ex privilegio Eugenii IV. item contra Congregationem S. Salvatoris ex privilegio Julii II. non præscribitur nisi 60. contra Monasteria Ordinis Cisterciensis S. Bernardi non nisi annis 100. quod ultimum Ordinibus Mendicantibus à Leone X. & Pio IV. concessum est ratione subjectionis immediatæ , qua Sedi Apostolicæ subiecti , & in protectionem ejusdem recepti sunt . Videatur Rodriq. *tom. 1. q. 36. art. 3. Molin. tr. 2. D. 72. à n. 1. Laym. l. 3. tr. 1. c. 8. num. 13. Less. l. 2. c. 6. n. 15. Pal. tr. 31. D. un. p. 22. §. 12. n. 4. Haun. tom. 1. tr. 5. n. 300. Donat. Prax. Regul. part. 1. tr. 12. q. 10. n. 6. & 11.*

Resp. 3. Ecclesiæ aliæ , Romana inferiores , & non specialiter privilegiatæ , res suas immobiles non amittunt , nisi Præscriptione quadragenaria . Sumitur ex *c. de quarta 4. hoc tit. c. ad aures 6. eod. & patet ex tor. Tit. C. ne rei Dominic. & templor. vindicat. tempor. præscript. submoveat.* Estque hoc Iuris recentioris ; nam per antiquos Canones ad præscribenda bona immobilia , & Jura Ecclesiastica non nisi 30. anni requirebantur , ut patet ex *can. 1. 2. 4. & 8. caus. 16. q. 3. de Iure Civili adversus Ecclesiam , & alia pia Loca non currebat , nisi Præscriptio centenaria l. fin. C. de SS. Eccl. Utrumque hodia correctum est , Iure Canonico quidem *c. de quarta , & c. ad aures cit.* cum aliis passim . Civili autem per *Auth. quas actiones C. de SS. Eccl.* quæ sumpta est ex *Novell. 131. c. 6.* Adeoque si Laicus rem Ecclesiæ ut propriam spatio 40. annorum bona fide possederit , eam sibi acquirit : quod usque adeo obtinet , ut procedat , etiam si agatur de fundo dotali ipsius Ecclesiæ , ut monet Henr. Canis. *in c. 4. hoc tit. n. 8.**



Extenditur quadragenaria hæc Præscriptio etiam ad Monasteria, Hospitalia, & alia loca Religiosa, item ad Legata, & Donationes ad causas pias, ut constat ex *Auth. quas Actiones cit. & docet Gloss. in c. de quarta cit. V. quadragenaria. Abbo. ibid. n. 7. Covar. Regul. possessor. p. 2. §. 2. n. 2. Molin. tr. 2. D. 72. n. 3. Haun. tr. 5. cit. n. 199.* Et verum est, etiam si pauperibus aliquid tantum in genere, & indeterminate legatum sit, ut recte advertit Pirh. *hic n. 95. Neque obstat*, quod eo casu pauperes, cum incerti sint, agere non possint; agere autem non valentibus non curat Præscriptio arg. *l. super annali. 1. §. ne autem 2. C. de annal. except.* nam licet pauperes agere non possint ad Legata, Episcopus tamen petere illa potest, qui curam pauperum debet gerere.

203 Quæritur 4. quandonam locum habeat quadragenaria Præscriptio contra Ecclesiam Romanam inferiorem, & centenaria contra Romanam? Resp. ut legitime fiat, hæc notanda sunt. 1. quadragenaria hæc Præscriptio procedit tantum, cum præscribens habet Titulum; nam sine Titulo tempus immemorabile requiritur, præsertim, si Jus commune resistat, ut sit, quando Parochus extraneus possidet Decimas alienæ Parochiæ: hic ergo, nisi præter tempus 40. annorum, & bonam fidem asserat pro se Titulum aliquem coloratum, Decimas illas sibi non acquirit, nisi possessione temporis immemoralis, ut deciditur *c. Episcopum 1. hoc tit. in 6. & notat. Pirh. hic n. 95.*

2 Quadragenaria Præscriptio requiritur non tantum, cum privatus quis, sed etiam cum Ecclesia contra Ecclesiam aliam uti vult præscriptione, uti habetur *cap. ad aures 6. & c. illud 8. hoc tit. Neque obstat*, quod ex communi regula privilegiatus non utatur privilegio suo contra pariter privilegiatum; negatur enim, quod Ecclesia præscribens privilegiata sit contra Ecclesiam, contra quam præscribitur, ut ipsa minore tempore, quam privatus, contra Ecclesiam possit præscribere; quod patet ex sine privilegii huius; nam in hoc respicitur favor ejusdem, ne damnum ferat. igitur non assinit præscribenti, ut lucrum referat, sed censetur in hoc Jure privatorum, & opus habebit quadragenaria Præscriptio contra Ecclesiam non privilegiatas, contra privilegiatas autem sexagenaria, vel centenaria, juxta istatum privilegia. Dixi, *Contra Ecclesiam*; nam contra privatum non secus, ac alii privati, Ecclesia cum Titulo præscribere potest decennio vel vicennio, sine Titulo 30. annis. Hinc alio Jure ipsa utitur contra Laicum, & alio contra se? cum non obstat regula communis; *Quod quisque Juris in alium statuit, ut ipse eodem Jure utatur*; nam hoc solum intelligendum est, quando non habetur speciale indultum, sicut habent Ecclesiæ per Jura *cit. n. 101. & seqq.*

104 3 Procedit quadragenaria Præscriptio in iis tantum rebus, quæ sunt Ecclesiæ quoad verum, & proprietatum dominium, pro quibus competit vindictio. Secus, si sint illius tantum ratione quasi domini; pro quibus Actio Publiciana conceditur; in his enim sufficit tempus ordinatum, ut notat Barbof. *in c. 8. cit. n. 9. idem dicendum*, si res, de cujus Præscriptione agitur, non sit ipsius Ecclesiæ propria, sed Clericorum ejusdem; nam horum bona privata, ac patrimonialia, ut Laicorum bona tempore ordinario præscribi possunt Abb. *in c. sanctorum 3. hoc tit. num. 6. Molin. tr. 3. D. 72. num. 4. Pirh. hic num. 95. & novissime Illustrissimus D. Petra Comment. tom. 2. fol. 420. n. 30. & ratio est*, quia non Clericis, sed Ecclesiis, & locis privilegium istud concessum est. Quod si res aliqua, vel Jus ad Laicum simul, & Ecclesiam spectet, distinguendum est, num res, vel jus illud divisibile sit, vel non. Si primum, breviori tempore perficietur Præscriptio adversus privatum, quam adversus Ecclesiam arg. *l. un. C. si in communi. Si secundum*, privatus propter communionem cum Ecclesia gaudebit eodem 40. annorum tempore arg. *l. si communem 10. ff. quemad. servit. amitt. Abb. in c. 4. hoc tit. n. 19. Laym. in c. 8. eod. n. 2. Pirh. hic n. 96.* Adeoque casu, quo Ecclesiæ, & Civis privata jus competit in alieno prædio pascendi pecora; agendi curtus &c. & eo Jure 20. annis non utatur Civis, lapsa hoc decennio per viam Præscriptionis excludi potest. Ecclesia vero non nisi post annos 40. suo Jure privabitur propter omissionem; nam Jus privatum à Jure Ecclesiæ dividi potest,

4 Præscriptione hujusmodi, ut quadragenaria requiratur, vel centenaria, debet directe, & principaliter præjudicari Ecclesiæ in bonis, & Juribus ejusdem. Hinc contra Usufructuarium fundi, quoad proprietatem ad Ecclesiam pertinentis, præscribi potest tempore ordinario, quia cum Usufructuarius vendere, vel donare, etiam invito domino directo, possit Ususfructum ex tali fundo sibi comperentem, per ejusmodi Præscriptionem non præjudicatur Ecclesiæ in dominio ejus directo, quod ipsi illasum maner. Quoad Vasallum, & emphyteutam, qui in bonis Ecclesiæ Feudum, vel Emphyteusin constitutam habet, distinguendum est, nam sciente Ecclesia, contra ipsum dominium utile præscribi potest 30. annorum tempore, sicut contra alium quemvis privatum; nesciente autem Ecclesia præscribi adversus Vasallum vel Emphyteutam Romanæ Ecclesiæ non potest, nisi annis 100. adversus alterius inferioris non privilegiatæ annis 40. Ratio disparitatis est; quia in secundo casu præscribitur contra Jus ipsius Ecclesiæ, quæ cogitur vi præscriptionis recipere novum Vasallum, vel Emphyteutam sibi forte minus utilem, quam antiquus fuerit: nihil simile pugnat in primo casu; nam hoc ipso, quod sciens à præscribente recipiat per 30. annos obsequia, & alia Jura domini directi, nulla ei irrogatur injuria, si deinde præscribenti adjudicetur Feudum, vel Emphyteusis, & tollatur possessori pristino. Abb. *in c. 13. hoc tit. n. 13. & 14. Pal. tr. 31. D. un. p. 22. §. 12. n. 2. Barbof. in c. 8. n. 8. Pirh. n. 100.*

5 Quod si, postquam quis per quinquennium e. g. rem immobilem privati cum Titulo cœpit præscribere, ea res devenierit ad Ecclesiam inferiorem Romanam, satis erit deinceps possidere illam cum bona fide per annos 20. ut adversus eam Ecclesiam Præscriptio finiatur; si vero ad Ecclesiam Romanam pertinere incipiat, 50. deinceps annorum possessione complebitur. Abb. *in c. 4. hoc tit. n. 20. Sylvest. V. præscriptio 1. n. 6. dist. 6. Azor. p. 3. l. 1. c. 22. q. 9. Molin. tr. 2. D. 72. n. 5. Pax Jordan. l. 14. tit. 24. n. 339. Pirh. hic n. 96.* Ratio est, quia pro tempore præterito utitur Ecclesia Jure privati, à quo rem præscribendam ipsa accepit; pro tempore vero sequente utitur Jure, ac privilegio suo; hinc cum dimidium temporis requisiti ad præscribendum contra privatum abientem sint quinque anni, satis erit, si ad præscribendum contra Ecclesiam, quæ Laico in re præscribenda successit, addatur dimidium temporis requisiti ad præscribendum contra Ecclesiam sc. 20. anni, quando præscriptio sit adversus Ecclesiam Romanam inferiorem, 50. si contra Romanam.

Quæritur 5. an privilegio hoc ampliori quadragenaria, vel centenaria Præscriptionis Ecclesiæ gaudeant etiam in bonis earum mobilibus? Affirmant Host. *c. 1. de in integr. restit. Azor. part. 3. l. 1. c. 22. q. 2. Consentunt ex parte Abb. in c. 4. de confirm. util. & inut. n. 12. Sylvest. V. præscriptio 1. n. 7. dist. 3. qui etiam de Ecclesiis inferioribus negent, id tamen affirmant de Romana Ecclesia, quorum sententiam valde probabilem dicit Less. l. 2. c. 6. n. 22. & Haun. tom. 1. tr. 5. n. 271. Fundantur 1. quia hæc sententia favorem Ecclesiæ continet; igitur negativæ est præferenda. 2. quia *c. illud 8. hoc tit.* Pontifex statuit adversus Ecclesias minorem Præscriptionem, quam 40. annorum non currere, non distinguendo inter res mobiles, & immobiles; ubi autem lura non distinguunt, neque nos debemus distinguere. 3. contra Fiscum non procedit Usucapio Ordinaria, ut dictum est *n. 35.* ergo nec contra Ecclesiam quippe quæ non minori privilegio gaudet. 4. *c. cum vobis 14. hoc tit.* generatim absque distinctione mobilium, & immobilium dicitur; *Contra Ecclesiam Rom. non nisi 100. annorum præscriptio locum sibi vendicat*, ubi Gloss. *V. centum*, *Hæc præscriptio*, inquit, *obstinet in rebus, & possessionibus*, distinguens res à possessionibus, tanquam mobilia ab immobilibus, ergo saltem Romana Ecclesia in mobilibus præscriptione centenaria gaudet. 5. concordat *Auth. quas Actiones C. de SS. Eccl.* ubi, cum Imperator statuisset Usucapionem triennii, & quadriennii præscriptionem in suo robore durare, etiam respectu Ecclesiarum, & piorum locorum, subdit, *Sola Rom. Ecclesia gaudente 100. annorum spatio, vel privilegio.**

Nihilominus communior sententia est, quoad mobilia, nisi forte sint res præiosæ, Ecclesias, etiam Romanam, nihil peculiare habere; absolvetur igitur contra illas Præscri-



scriptio cum Titulo triennio, sine Titulo tricennio. Ita Molin. *tr. 2. D. 68. num. 3.* Sanch. *l. 2. cap. 23. num. 96.* Laym. *l. 3. Theol. tr. 1. cap. 8. num. 13.* Pal. *tr. 31. D. un. p. 32. §. 11. n. 5.* Pax Jordan. *l. 14. tit. 24. n. 271.* Pirh. *hic n. 90.* Konig *num. 15.* Vviefst. *num. 83.* & novissimè Illustrissimus Petra *comment. tom. 2. fol. 425. num. 67.* excipiens res mobiles pretiosas, quia immobilibus æquiparantur, *Ratio responsionis* est, quia Jure Civili ita generaliter statutum est, & Jure Canonico nuspiam invenitur facta mutatio, ut adeo procedat Regula *c. intelleximus 1. de nov. oper. nunt.* videlicet, ubi SS. Canones nihil decernunt, respicienda esse Statuta Juris Civilis.

109 Neque obstant rationes oppositæ in contrarium. *Ad 1.* favor Ecclesiæ concedendus est, qui fundamentum in Jure habet; in nostro autem casu, ut statim dicitur, nullum fundamentum Jura præbent. *Ad 2.* etsi Canones *cap. illud citat.* & alibi passim indistinctè requirant 40. annos ad præscribendum contra Ecclesiam, id tamen movere non debet, quia intelligendum est de rebus immobilibus juxta tenorem Juris Civilis. *Ad 3.* de Fisco, quod adversus ipsum non procedat præscriptio Ordinaria, Jura sic statuunt, ut *num. 35.* ostensum est; at quod etiam respectu mobilium Ecclesiæ competat Quadragenaria præscriptio, in Jure nullum est sufficiens fundamentum. *Ad 4.* textus ille *cap. cum vobis citat.* intelligendus est de vera Præscriptione rerum immobilium, non vero mobilium: ratio explicationis est, quia, ut Pal. & Pirh. *loc. cit.* notant, nomen *Præscriptionis* ibi ponitur, quod in Jure, & propriè solum convenit præscriptioni immobilium, cum mobilium potius dicatur Usucapio. Certe si etiam mobilium Usucapio contra Rom. Ecclesiam compleretur 100. annis, adversus eandem vix unquam posset esse mobilium Usucapio, quippe cum raro, vel nunquam res mobiles spatio centum annorum perdurent. *Ad 5.* verba illa *Auth. quas actiones citat.* censeri debent quasi per parentheses interjecta, ita ut exceptio Romanæ Ecclesiæ referatur non ad ista, sed ad priora, per quæ Ecclesiis, & aliis Religiosis locis conceditur præscriptio quadragenaria, & *conf. cit. Auth.* sensus sit, quod ubi 40. annis præscribitur contra Ecclesiam Romanam inferiorem, Romanæ concedatur tempus 100. annorum, excepta utrobique Usucapione triennii, & quadriennii præscriptione, quam *Auth. cit.* vult manere in suo robore. Fundamentum istius explicationis ex eo sumitur, quia verba illa *Sola Romana cit. Auth.* desumpta ex parte sunt ex *Novell. 9. Justiniani*, ubi solum in præscriptione longissimi temporis, quale est spatium 30. annorum, Imperator concedit Ecclesiis 100. annos, quod tempus moderatur hæc *Auth.* & soli Romanæ Ecclesiæ 100. annos relinquit, in iis videlicet rebus, in quibus præscriptionem contra alias Ecclesias reducit ad 40. hæc autem res sunt tantum immobilis. Igitur etiam Ecclesia Romana solum in immobilibus gaudebit privilegio præscriptionis 100. annorum.

110 Quæritur 6. utrum privilegio centenariæ præscriptionis, quo gaudet Ecclesia Romana, gaudeant etiam Ecclesiæ inferiores exemptæ, si non sint specialiter exemptæ? Affirmat Archidiaz. *in cap. fin. hoc tit. in 6.* Negant Bald. *in Auth. quas actiones cit.* & Guid. Pap. *decis. 36.* Tenenda est sententia media, quam etiam defundunt Abb. *in cap. 13. hoc tit. num. 12.* Felin. *ibid. num. 17.* Cochier *de Jurisd. Ord. in Exempt. p. 3. q. 12. à num. 4.* Vviefst. *hic n. 90. & 91.* & distinguendum, an agatur de tollendo ipso Jure exemptionis, an de aliis rebus, & Juribus Ecclesiarum exemptarum.

Si hoc posterius, contra eas perinde, ac contra non exemptas 40. annis præscriptio sibiatur; si prius, necessitaria erit præscriptio 100. annorum. Ratio disparitatis est, quia in hoc casu sit præjudicium tantum Ecclesiæ Exemptæ, in illo Ecclesiæ etiam Romanæ, cujus interest multos habere Exemptos, & sibi immediatè subjectos. *Clem. Passoratis 2. de sentent. & re judic.*

Quo tempore Res Coronæ, Fisci, Minorum, Civitatum, Feuda &c. præscribantur, dictum est *supra à num. 35.*

## §. VII.

## De Tempore requisito ad Præscriptionem Rerum Incorporalium.

## S U M M A R I U M.

- 111 112 *Definitio Servitutis, & varietas.*
- 113 *Tempus, quo comparatur Servitus mixta, & realis affirmativa.*
- 114 *Et negativa.*
- 115 *Tempus, quo eadem extinguuntur.*
- 116 117 *Quanto tempore extinguantur Actiones reales, & personales ex contractu, vel quasi?*
- 118 119 *Exceptiones.*
- 120 *Quanto tempore tollantur Actiones criminales, & obligationes ex delicto?*
- 221 *Exceptiones.*
- 122 *Notanda circa Præscriptionem earum.*
- 123 124 125 *Quanto tempore præscribatur Censibus, & Obligationibus annuis?*

Quæritur 1. quanto tempore acquirantur, vel amittantur Servitutes? Antequam respondeam, breviter notanda quidditas, & varietas Servitutis. Est ergo *Servitus in genere*, prout hic accipitur, jus, quod quis habet in re aliena, ut ipsi, ejusque usus, & commodis directè, vel indirectè inserviat. Dividitur immediatè in Personalem, Realem, & Mixtam. *Personalis* est, quæ ab aliena persona, v. g. ab alieno mancipio debetur alteri personæ, ut si quis alieni mancipii ulum habeat. *Realis* est, quæ à re (intelligitur autem præcipuè per Rem prædium) immediatè debetur alteri rei, & prædio: unde etiam hoc alterum *Prædium dominans*, prius verò *Serviens* appellatur. *Mixta* est, quæ à re aliena immediatè, debetur personæ alteri, quàm domino directò; nam hic in re sua servitutem habere non potest.

Servitus Realis tripliciter subdividitur; nam 1. alia est *Affirmativa*, vi cujus dominus Prædii dominantis potest aliquid in prædio alieno facere, quin possit jure à domino prædii servientis impediri: quales servitutes sunt iter, actus, via per alienum prædium; alia est *Negativa*, vi cujus dominus prædii servientis tenetur aliquid in suo prædio omittere, ut est Servitus altius non tollendi, ne luminibus officiat.

2 Alia est Continua, alia quasi continua, alia Discontinua. *Servitutes continue* sunt, quæ semel constitutæ semper durant absque alio facto, vel adjumento, veluti immissio signi. *Quasi continua* illa appellatur, quæ post sui constitutionem, quantivis non semper producat suum effectum, semper tamen est apta producere, ut stillicidium, quod non indiget hominum opera pro continuatione, dum pluit, sed cadit per seipsum. *Discontinua* dicitur, quæ quolibet actu factum hominis requirit, ut iter, actus, via, & reliqua, quæ debentur à re rei: in quibus animus hominis non retinet continuam quasi possessionem, sed per singulas vices intervenit nova animi applicatio ad operandum.

3 Denique alia Servitutes sunt *Urbanæ*, quæ Prædio Urbano, aliæ *Rusticæ*, quæ Rustico Prædio debentur. Porro *Urbanum Prædium* illud dicitur, quod principaliter constructum est ad habitandum, aut etiam recreationis gratia; *Rusticum*, quod principaliter constructum est ad alios fines, & usus rusticos, uti sunt horrea, & stabula pro servandis frugibus, & pecoribus. His præmissis ad Quæstionem propositam

Resp. 1. Ius *Servitutis mere personalis* nullo tempore usucapi potest, ita, ut liber homo fiat servus, prout dictum est *supra num. 27.*

Resp. 2. Servitus *mixta*, uti est Ususfructus, Usus, & habitatio, comparatur cum bona fide, & titulo 10. annis inter præsentis, 20. inter absentes; sine titulo 30. vel 40. *l. fin. C. de Præscript. long. temp.* Azor p. 3. l. 1. c. 22. q. 10. Molin. *tr. 2. de just. D. 70. n. 4.* Less. *l. 2. c. 6. n. 27.* Laym. *l. 3. tr. 1. c. 9. n. 4.* Haua. *tom. 1. tr. 5. n. 315.* Vviefst. *hic n. 118.* cum aliis.

Resp. 3. Servitus *Realis affirmativa*, siye sit continua, vel quasi continua, ut signi immittendi, oneris ferendi, aquæ ductus, suggrundii, stillicidii &c. siye discontinua, ut cun-



ut eundi per totum prædium, agendi jumentum, du-  
cendi curum &c. cum titulo, & bona fide præscribi-  
tur 10. annis, præfente eo, contra quem agitur, vi-  
ginti vero eo absente. *Gomez var. tom. 2. c. 15. §. n. 26.*  
*Molin. D. 70. cit. n. 5. Vviesl. n. 119. hic.* Quando  
præscribens Titulum præscribendi non habet, discrimen  
inter has Servitutes est faciendum; nam *Continua*,  
vel *Quasi continua* etiam sine titulo completur decennio  
inter præfentes, vicennio inter absentes; quia tituli  
loco est scientia, & patientia domini, qua permittit  
aliquem tali Jure in præjudicium suum uti *l. si quas 1.*  
*§. l. seq. C. de Servitut. Azor loc. cit. Less. n. 28. Laym. n.*  
*4. §. c. Excipitur*, nisi ex circumstantiis appareat, quod  
alter ex mera gratia, aut liberalitate ita patiatur fieri,  
nam, ut sæpe dictum est, per actus meræ facultatis  
nunquam inducitur possessio Juris, & cons. neque Præ-  
scriptio. In *Servitute Discontinua*, si titulus non in-  
terveniat, requiritur possessio temporis immemoralis  
cum bona fide, ut colligitur ex *l. servitutes 14. ff. de*  
*servit. & notat Covar. l. 1. var. c. 17. n. 11. Laym.*  
*loc. cit. n. 5. cum reliquis supra.* Ratio disparitatis  
inter utramque Servitutem est, quia in Servitute Con-  
tinua, cum ejusdem usus sit continuus, vel quasi con-  
tinuus, facile ille adverti potest; non ita facile adver-  
ti à domino potest, quando Servitus est discontinua,  
cum ejusdem usus sit valde interruptus; ut proinde  
longiori tempore egeat is, contra quem constituitur  
Servitus discontinua, minori ille, contra quem constitui-  
tur Continua, vel quasi continua.

114 Resp. 4. Servitutes *Reales negative* eodem tempore  
præscribuntur, quo affirmativæ; solum hoc peculiare  
est, quod possessio Servitutis affirmativæ incipiat à die  
quo quis illarum aliqua v. g. per actualem tigni im-  
missionem; commutationem per fundum, aquæ ductio-  
nem &c. uti cæpit; contra negativæ possessio inchoetur  
ab eo primùm die quo servitutem præscribere volens  
positive prohibet, vel impedit alterum, ne altius tol-  
lat, fenestram aperiatur, vel aliud quidpiam molitur;  
nam si id molitur, prohibitioni acquiescat, ab eo tem-  
pore is qui prohibuit, constituitur in possessione Servi-  
tutis negativæ, & præscribere illam incipit. *Azor c.*  
*22. cit. q. 20. Molin. D. 70. n. 6. Less. n. 29. Laym. n. 6.*  
*Pirh. n. 120. Vviesl. n. 120.*

115 Resp. 5. Simili tempore, quo acquiruntur Servitutes  
reales, etiam extinguuntur per non usum, videlicet  
10. annis inter præfentes, 20. inter absentes *l. sicut*  
*13. C. de Servitut.* Ubi tamen duo sunt advertenda.  
*Primum* est, quod discrimen sit faciendum inter Ser-  
vitutes Urbanas, & Rusticas; nam *Rustica* extingui-  
untur per non usum, etsi dominus prædii servientis nihil  
faciat, quo incipiat usucapere suam libertatem *l. hac au-*  
*tem 6. ff. de Servit. urb. præb. Urbana* autem ut amir-  
rantur, necesse est, ut possessor loci debentis Servitutem  
aliquid bona fide faciat, quo incipiat usucapere suam  
libertatem e. g. ut in loco, quo tignus in domum al-  
terius immitti poterat, obstruat foramen paratum  
pro immittendo tigno. *Alium* est, quod si jus ser-  
vitutis tibi constitutum non habeat usum quotidianum,  
sed aquam e. g. ex alieno fundo ducere possis æstate  
tantum, vel quot mensibus, requiratur tempus dupli-  
catum, videlicet 20. anni inter præfentes, ut tali Jure  
per non usum ejus via Præscriptionis spoliatur *l. si sic 7.*  
*ff. quædam servit. amitt. l. fin. C. de Servit.* *Azor loc. cit.*  
*q. 11. Laym. n. 7. Pirh. n. 122. Vviesl. n. 121.* Hoc tamen  
non debet extendi ultra Servitutes mere reales, neque  
si tempus duplicatum excederet spatium 40. annorum,  
ut monet Covar. *l. 1. var. c. 17. n. 10.* Addidi, *inter*  
*præfentes*; nam an ad præscribendum inter absentes  
spatium 20. annorum duplicandum sit etiam ad spa-  
tium 40. annorum, non constat; quia de hoc nihil  
statuerunt Leges; probabilius tamen videtur negativa  
sententia; quia in textibus *supra cit.* solum de Præ-  
scriptione inter præfentes sermo est, ac proinde decisio  
*l. hac autem cit.* quoad absentes incorrecta manet. *Gloss.*  
*in l. fin. V. de fidei C. de servit. Pal. tr. 31. D. un. p. 22. §. 13.*  
*v. 9. Pirh. hic n. 122.*

Hæc autem omnia, quæ hic de tempore præscriben-  
di servitutes dicta sunt, intelligi debent casu, quo Præ-  
scriptio contra privatum sit; nam Ecclesiæ, & loca Reli-  
giola, sicut in Præscriptione immobilium, ita & Servitu-  
tum, tempore Quadragenario gaudent, Romana veto

centenario, cujus ratio est, quia Servitutes, & Jura, cum  
perpetua sunt, immobilibus accensentur.

Quæritur 2. quanto tempore præscribantur Actio-  
nes, & Obligationes? Antequam respondeam, adver-  
to multum referre, an quis præscribat obligationem, &  
jus aliquid exigendi ab alio, vel an præscribat jus im-  
munitatis ab actione, aut exactione alterius. *Primum*  
præscribitur, quando obligatio e. g. census, pensio &c.  
statuto tempore exacta fuit ab alio, & ab hoc sine  
contradictione reddita. Ut *secundum* prescriptione ac-  
quiri possit, non sufficit non fuisse exactam obligatio-  
nem, sed opus est, ut is, qui immunitatem ab exa-  
ctione alterius præscribere vult, se neget alteri obligat-  
um esse, vel reipsa, aut facto ita se gerat, ac si obli-  
gatus non sit; nam si agnoscat se obligatum esse, vel  
communiter habeatur pro obligato, nihil eundem juvabit  
exactionem non factam esse; quia locum habebit Re-  
gula, quod in actibus meræ facultatis non procedat  
præscriptio, ut dictum est *n. 27. vers. 7.* Hinc sequi-  
tur, quod Vassallus, aut Subditus nunquam præscribat  
contra dominum jus servitiorum, v. g. Angariatum, nisi  
interpellatus negaverit se obligatum esse, aut facto  
ipso pro non obligato se gerat, vel publice habeatur pro  
tali; & ratio est, quia cum in arbitrio, seu mera vo-  
luntate Principis sit, utrum servitia illa exigere vel non,  
non ideo præcise, quia temporis diuturnitate non exi-  
guntur, alter constituitur in possessione immunitatis.  
*Excipe*, nisi is, cui jus exigendi ejusmodi servitia com-  
petit, censi merito possit, quod renuntiaverit juri suo;  
præsumi autem hoc potest variis casibus, & præcipue  
dum, quando ab aliis sit, à quibusdam non sit exa-  
ctio; tum enim præsumptio esse solet pro exemptione, ut  
bene advertit Laym. *l. 3. Theol. tr. 1. c. 8. n. 8.* His præ-  
notatis.

Distinguendum est inter Actiones reales, & perso-  
nales. *Actionibus realibus* cum titulo præscribitur annis  
10. inter præfentes 20. inter absentes *l. unic. Cod. de*  
*Usucap. transform. & prin. Inst. de Usucap. In actionibus*  
*& obligationibus personalibus* distinguendum est inter  
Actiones, & obligationes personales ex contractu, vel  
quasi contractu ortis, & inter eas, quæ oriuntur ex de-  
licto. *Actionibus personalibus, & obligationibus Civilibus*  
*ex contractu vel quasi*, v. g. mutui, commodati, tutelæ  
provenientibus adversus creditores præscribitur regulariter  
30. annis, ut habetur *l. sicut 3. Cod. de præscript. 30. vel*  
*40. ann. & l. super 1. §. ad hac 1. Cod. de annal. except.*  
ex quibus Legibus constat, per illas correctum fuisse Jus  
Diggestorum antiquius, quo Jure Actiones Personales ex  
contractibus, fuitis & similibus ortæ perpetuæ erant,  
nec ullo actoris silentio amittebantur, atque ideo non  
poterat contra illas opponi præscriptio, ut refertur  
*prin. Inst. de perpet. & temporal. action. & constat ex va-*  
*riis Legibus.*

*Excipitur 1.* Actio Hypothecaria; ubi distinguendum  
est, an res Hypothecata possideatur ab ipso debitore,  
aut hæredibus ejus, qui eam Hypothecæ subjecit; an  
à creditore secundo, cui res postea fuit oppignorata;  
an ab aliquo tertio, qui nec debitor, nec alteru-  
trius eorundem hæres est. *Si primum*, contra credi-  
torem à debitore, vel ejus hæredibus non præscribitur,  
nisi, 40. annis, currentibus à die, quo debitum erat  
solvendum *l. cum notissimi 6. C. de præscript. 30. vel*  
*40. ann. Si secundam*, creditor secundus adversus de-  
bitorem adhuc viventem præscribet iterum non nisi 40.  
annis; hoc autem mortuo, annis 30. at si velit com-  
putare tempus, quo vixit debitor, rursus requiren-  
tur anni 40. ut habetur *loc. cit. §. sed cum 2. Less. lib. 2.*  
*cap. 6. num. 37. Zoef. hic num. 4. Pirh. num. 123. Konig*  
*n. 46. Si tertium*, si quidem iste in bona fide sit, eo,  
quod res Hypothecata eidem sit donata, vendita &c. igno-  
ranti, quod Hypothecata sit, præscribitur ab ipso tempore  
ordinario, h. e. triennio, si sit res mobilis, decennio in-  
ter præfentes, & vicennio inter absentes, si immobilis,  
& titulum præscribens habeat, sine titulo autem 30. anno-  
rum spatium *loc. cit. §. quamobrem 2.*

*Excipiuntur 2.* Legata, & Fideicommissa; quæ adver-  
sus Legatarium, & Fideicommissarium non ordinario 10.  
aut 20. sed extraordinario 30. annorum tempore præscri-  
buntur *l. si duobus 3. §. sin autem 3. vers. sin autem ava-*  
*ritia C. commun. de Legat. Covar. p. 3. cap. 3. num. 6. Less.*  
*n. 39. Vviesl. n. 124.*



Excipitur 3. Actio Redhibitotia ad recuperandum pretium, quando error dedit causam contractui; hæc enim contra emptorem præscribitur sex mensibus, computandis à die, quo emptor rescivit vitium. Similiter Actio in quanti minoris: quæ est ad recuperandam partem pretii, quam noluisse dare emptor, si vitium ei perspectum fuisset, excluditur annali Præscriptione *l. Labeo 1. & seqq. ff. de Edilit. Edict.* Ubi tamen notandum, hoc solum procedere in foro externo ordine ad actionem intentandam venditori; nam in foro conscientie non liberatur venditor à compensando damno, nisi bona fide egerit, cum qua si egit, usucapere pretium potest triennio.

9 Excipiuntur 4. actiones competentes Ecclesiæ; hæc enim Justinianus *Auth. quas actiones C. de SS. Eccles.* constituit, ut non aliter tolerentur, quam quadragenaria præscriptione, si sit Ecclesiæ inferior Romana; si autem Romana, spatio 100. annorum. Extenditur ad actiones pertinentes ad Hospitalia, & alia loca Sacra, ad annuos redditus, aliasque præstationes, Ecclesiis, & locis pijs competentes &c. ut notat Gonzal. *in cap. 4. hoc tit. num. 5.* Et procedit hoc etiam casu, quo Ecclesiæ succedit privato, contra quem cæpta fuit præscriptio, ut supra notavi *n. 106.*

Excipiuntur 5. querela inofficiosi testamenti; nam hæc quinquennio consumitur *l. si quis 34. ff. inoffic. testam.* 6. Actio, quam Resp. habet adversus quæstorem, & administratorem, postquam computus sunt subscripti, seu expuncti; nam hæc ab ipsis quæstoribus, & administratoribus excluditur annis 20. ab eorum hæredibus annis 10. *l. in omnibus 13. §. Reip. 1. ff. de divers. tempor. action.* 7. Adscripticia, seu originaria conditio, cujus æterna juberetur autoritas esse, ita, ut præscriptio tricennalis eidem opponi nequeat *l. præscriptionem 5. Cod. de præscript. 30. vel 40. annorum l. si quis 55. Cod. de Decurion. leg. cum satis 23. Cod. de agricol. & censu.*

9 Actiones criminales, & obligationes ex delicto ordinariè 20. annorum spatio per Præscriptionem tolluntur *l. querelam 12. Cod. ad Leg. Corn. de Falsi.* Proceditque hoc non tantum quoad accusationem, sed etiam quoad inquisitionem, ita, ut lapso tempore per Jus statuto, delinquens non solum non accusari, sed ne Judex quidem contra illum inquirere regulariter possit, ut norant Clar. *§. fin. q. 51. n. 2.* Farin. *prax. crim. q. 10. n. 3.* Haun. *tom. 1. tr. 5. n. 321.* Vviesl. *hic n. 128.* & alii ab his *citt.* Neque obest, etsi delictum notorium, imo & confessatum sit, ut tradit idem Farin. Adduntque alii hoc procedere etiam in confessione tacita, quæ fit per contumaciam, modo constet, quod delictum jam sit præscriptum. Estque adeo verum, ut adversus hanc præscriptionem nec minoribus; nec etiam Fisco detur restitutio in integrum. Farin. *q. 18. n. 1.* Haun. *nu. 322.* Tempus hujus exceptionis incipit currere à die commissi criminis: neque opus est notitiam illius perceptam fuisse vel ab actore, vel à Judice; quia præscriptiones plerumque etiam ignorantibus currunt.

11 Dixi ordinariè; nam 1. excipitur Actio injuriarum, quæ finitur tempore annali *l. si non convitii 5. Cod. de injur.* Idem dicendum regulariter de omnibus Actionibus Prætoriiis pœnalibus *princ. Inst. de perpet. & tempor. action. l. in honorariis 35. ff. de O. & A. Gonz. in cap. 4. hoc tit. n. 5.* Less. *l. 2. cap. 6. n. 36.* Konig *hic n. 46.* Neque, ut pœnæ præscribantur, requiritur bona fides, aut ignorantia pœnæ tali delicto decretæ; quia pœna non debetur in foro conscientie ante sententiam. Zoef. *hic n. 18.* cum cæteris. 2. Actio doli, quæ durat biennio *l. fin. Cod. de dol. mal. except.* 3. Crimen peculatus; item actio, vel accusatio adulterii, stupri, incestus, lenocinii, quæ, uti & cætera crimina obnoxia pœnæ Legis Julæ de adultæriis extinguuntur quinquennio, uti de peculatu statutum est *l. peculatus 7. ff. ad Leg. Jul. peculat. de cæteris l. mariti 29. §. hoc quinquennium 6. ff. ad Leg. Jul. de adult.* Intellige, quoad pœnas Legales, non autem quoad spirituales; unde etiam transacto quinquennio, à conjuge innocente contra adulterum peti divortium potest. 4. Alia quædam crimina, quæ ob enormitatem nullo unquam tempore præscribuntur; tale est crimen parricidii *l. fin. ff. ad Leg. Pomp. de Parricid.* Stuprum per vim illatum mari, vel fœminæ *l. mariti citat. §. fin. Apostasie l. si quis 2. & l. Apostatarum 4. Cod. de Apo-*

*stat. Suppositi partus l. qui falsam 19. §. accusatio 1. ff. ad Leg. Corn. de falsi.* Hæresis, Assassinii, falsæ monetæ, Simonie, Abortus, concussione, læsæ Majestatis. Farin. *q. 10. cit. n. 29.* qui hoc extendit ad omnia crimina excepta, & enarratis similia.

122 Circa hanc tamen Actionum criminalium præscriptionem duo sunt notanda. Primum est, quod in adulterio, & cæteris carnalibus, aliisque delictis, tractum successivum habentibus, aut iteratis, præscriptio currere non incipiat, nisi à die commissi ultimi delicti. Gloss. *in l. mariti cit. V. commissi in fin.* Clar. *§. fin. q. 51. n. 3.* Farin. *q. 10. cit. n. 16.* Guazzin. *defens. error. 2. cap. 2. num. 35.* Vviesl. *hic num. 130.* Alterum, quod, cum plura, præsertim inter se connexionem habentia, delicta conjuncta sunt, magis attendatur, quod præscriptioni minus obnoxium est; & magis perpetuum trahat ad se id, quod minus perpetuum est. Decian. *tr. crim. l. 3. cap. 37. num. 22.* Guazzin. *c. 2. cit. n. 77.* Vviesl. *loc. cit.*

Quæritur 3. an, & quo tempore præscribatur Censi-123 tus, & Obligationibus annuis? Mynsing. *cent. 3. obs. 13.* Layman *lib. 3. Theol. tract. 1. cap. 8. num. 9.* Pax Jordan. *lib. 14. tit. 24. num. 421.* distinguunt inter Pensiones futuras, & inter eas, quæ lapsæ jam sunt, & non solutæ. Ut *Futuris* dicatur præscriptum, & sic in universum acquisita libertas à solvendis pensionibus, ajunt requiri, & sufficere, ut per 30. si privato, vel 40. annos, si Ecclesiæ solvi debent, Colonus vel Emphyteuta bona fide, accedente præsertim communi persuasione, pro immuni se gesserit; quia ab eo tempore, quo pro immuni se gessit, constitutus est in possessione immunitatis, & cons. in statu eandem usucapiendi, ita, ut si tempus Jure requisitum decurrerit, futuræ pensiones ab eo amplius peti nequeant. *Futura*, inquam; nam *Præteritis* non hoc ipso præscriptum volunt, sed contendunt, ut etiam his præscriptum dici possit, tot requiri præscriptiones, quot sunt pensiones lapsæ, & non solutæ. Rationem dant, quia cum singulis annis solvenda sit pensio, ex non solutione ejusdem tot nascuntur actiones, quot non solutæ sunt pensiones; quæ actiones ut cessent, necesse est eas tolli, per singulas præscriptiones; cons. lapsis 30. vel 40. annis Colonus, vel Emphyteuta solum liberabitur à pensione, quæ illo tempore præstanda fuit, cæterarum verò, quæ postea lapsæ sunt; obligatio manet, usque dum simile tempus etiam pro ipsis fluxerit. Innuere hoc etiam videtur Imp. Justinianus, dum *l. cum notissimi 7. §. in his 6. Cod. de præscript. 30. vel 40. ann.* *Que dationem*, inquit, *per singulos annos, vel menses, aut aliquod singulare tempus continent, tempora --- præscriptionem, non ab exordio talis obligationis, sed ab initio cujusque anni, vel mensis, vel alterius singularis temporis computari manifestum est.*

124 Sed dicendum, hujusmodi annuis debitis, & obligationibus contra privatum 30. contra Ecclesias, & Monasteria 40. annorum cessatione præscribi, sine ulla intercessu, & præstationes præteritas, & futuras differentia. Ita Durand. *Specul. tit. de Emphyteutis §. 1. n. 52.* Menhaca *l. 2. Contr. Illustr. c. 55.* & alii plures, quos sequuntur ex Universitate Nostra Clarissimi Doctores, Nicolaus Everhardus Senior *Consil. 187. infine*, Arnold. Rath. *de Usucap. c. 4. n. 8.* Haun. *tom. 1. tr. 5. num. 358.* Magnif. D. Christoph. de Chlingensperg *Inst. de Usucap. q. 24.* & novissime meus in hac Cathedra Antecessor, & Professor P. Jacob. Vviesl. *p. m. hic n. 126. & 127.* Sumitur 1. ex *l. sicut 3. & l. omnes 4. C. de præscript. 30. vel 40. ann.* ubi generali dispositione statuitur, tanto tempore extinguimur actionem. 2. ex *l. eos 26. C. de Usur.* ubi deciditur Usuratum singulis annis præstandatum debitum 30. annorum lapsu ita extingui, ut sicut sortem ita etiam Usuras tam præteritas, quam futuras exigendi actio, & solvendi obligatio omnino cesset, 3. ex *c. de quarta 4. hoc tit.* ubi Clericus adversus Episcopum, petentem sibi decimationes, & oblationes annuatim debitas, quadragenaria Præscriptione se tuetur, & sine ullo discrimine inter præteritas, futuras liberatur. 4. ex *c. ad aures 6. eod.* ubi asseritur, quadragenaria cessatione à solutione Decimarum omnem prorsus actionem (adeoque tam præteritas, quam futuras præstationes respicientem) excludi 5. *ex ratione*; quia quibus modis quodque acquiritur, iidem etiam amittitur *§. fin. Inst. quib. mod. toll. obligat. & l. ni-*



*l. nbi. tam naturale ff. de R. J.* Jus autem annuæ præstationis 30. annorum spatio acquiritur, ut communis DD. habet; ergo &c.

- 125 Neque obstat, quod præstationes, & anni, quibus illæ debentur, multi, distinctique sint; quia cum singule non debeantur, nisi dependentes à jure eas petendi, & obligatione easdem exhibendi, sicut hoc unum, idemque est, ita mirum esse non debet, quod una, eademque præscriptione tollatur. Putant quidem Adversarii, præscribentem quoad præteritas singulas non esse in possessione eodem tempore, quod in possessione immunitatis à solutione earum esse nequeat, antequam lapsa sint, ut proinde sicut singulis annis labuntur, ita singularum immunitas singulis annis incipiat possideri. Nam dicendum, sufficienter possideri libertatem quoad præstationes singulas, quod incipiat possideri libertas à Jure eas exigendi, & obligatione illas præstandi: hoc autem fit, quando præscribens bona fide desit easdem solvere; ergo &c. Ad §. *in his citat.* dico, ibi Imperatorem recte statuisse præscriptionis tempus non numerandum ab initio obligationis constitutæ, & observatæ à debitore (quia absurdum omnino foret, creditorem, qui aliquot annis juxta conventionis tenorem pensiones percepit, elapsis 30. annis ab initio constitutionis pensionis computandis excludi) sed ab initio cessationis, non quasi totidem sint præscriptiones, quot anni, sed una præscriptio, quæ ab eo anno, quo solutio facta non est, initium ducat. Vide plura apud laudatum Arnold. Rath *loc. cit.*

Addunt hic aliqui, quo tempore præscribantur alia Jura eligendi, præsentandi, visitandi &c. Sed hæc melius suis quæque locis servantur.

#### §. VIII.

*De Effectibus Præscriptionis, & ejusdem Impedimentis.*

#### S U M M A R I U M.

- 126 *Effectus Præscriptionis generalis.*  
 127 *Effectus specialis, & Prærogativa, Præscriptionis immemorialis.*  
 128 *Quando dicatur Præscriptio non procedere?*  
 129 *Nota da.*  
 130 *Quando dicatur dormire?*  
 131 132 133 *Impedimenta, quæ dormire eandem faciunt.*  
 134 *Quando dicatur interrumpi?*  
 135 *Discrimen inter Naturalem, & Civilem ejus interruptionem?*  
 136 *Citatione interruptitur Præscriptio 30. annorum.*  
 137 *Litis contestatione Præscriptio longi temporis.*  
 138 139 140 *Non tamen triennialis.*  
 141 *Sed per solam sententiam.*  
 142 143 *Quibus concedatur restitutio in integrum adversus Præscriptionem?*

- 126 **Q**Uæritur 1. quis sit Effectus Præscriptionis? Resp. alius est communis omni Præscriptioni, alius proprius Præscriptioni immemoriali. *Communis, & generalis* Præscriptionis effectus est, quod vel jus alienum perimat, vel dominium præscribentem transferat, eumque ab onere restituendi liberet, etiam in foro conscientiæ, esto, postea reiciat obligationem suam, vel rem fuisse alterius, prout dictum est *numer. 5.*

- 127 Effectus, & prærogativa Præscriptionis immemorialis sunt quinque præcipue. 1. Facit, ut quod alias impræscribibile est, præscribi possit, modo præscribens sit capax illud possidendi. Sic ea, quæ Jure gentium omnibus communia sunt, quæque propterea regulariter præscribi nequeunt, spatio temporis immemorialis acquiruntur, & præscribuntur, ut recte advertit König *hic num. 50.* 2. hæc Præscriptio non censetur comprehensa Statuto, aut Lege, quamvis terminis generalibus prohibente fieri præscriptionem; quia specialem favorem continet, ut adeo opus sit speciali derogatione, quæ tamen fieri non solet, si capacitas sit in præscribente, & res sit præscribibilis. Laym. *lib. 3. Theol. tr. 1. c. 8. n. 15.* 3. in subjecto capace possessionis habet vim privilegii à Principe concessi *cap. super quibusdam 26. §. præ-*

*rea, & ibi Glofs. V. non extat de V. S. König n. 51.* Hinc quod acquisibile est per privilegium, etiam acquisibile dicitur per hanc præscriptionem. 4. non tenetur allegans Præscriptionem immemorialem allegare Titulum: si tamen allegetur, et si probari non possit nihil plerumque obest; nam ex adjuncta possessione diuturna præsumptionem, & corroboracionem accipit. Laym. *loc. cit.* 5. Præscriptio hæc nullum definitum annorum numerum exigit, sed sufficit, si initium illius non extet memoria: quod probari debet per testes testificantes, quod semper ita viderint, & audierint sic fuisse, & nunquam contrarium: item quod communis sit, & fuerit semper opinio, & fama de hoc facto, & quod nec initium, nec contrarii extet memoria. Laym. *loc. cit.* cum aliis.

Porro ne effectum à Jure intentum sortiatur præscriptio faciunt Impedimenta, quæ triplicis maxime generis sunt; nam aliqua faciunt, ne incipiat, seu currat Præscriptio; alia, ut cœpta dormiat, vel omnino interrumpatur; quædam, ut completa rescindatur.

Quæritur 2. quando dicatur *non procedere*, vel *non currere* Præscriptio? Resp. non procedere Præscriptio tum dicitur, quando ob defectum alicujus conditionis requisitæ aut non incipit, aut non potest incipere. Covar. *Reg. possessor part. 2. §. 12. num. 1.* Molin. *tr. 2. de Just. D. 78. num. 1. & 2.* Lels. *lib. 2. cap. 6. num. 49.* Pirh. *hic num. 130.* König *num. 43.* Hoc autem fit potissimum ob quatuor causas, 1. si desit possessio civilis. 2. si Titulus, ubi requiritur. 3. si bona fides. 4. si res alienari non possit, Lege resistente, ut dictum est de fundo dotali, de bonis adventitiis filiis. de Legato, Fideicommisso, Majoratu.

Ubi notandum, ex his rebus aliquas esse, in quibus licet non possit incipere Præscriptio, potest tamen continuari jam cœpta. Exemplum est in bonis adventitiis filiis, quorum alienatio facta à patre non valet, nec præbet utilitatem ufucapiendi contra filium, donec is patriam potestatem egrediatur; si tamen Præscriptio talium bonorum jam antea incepisset, antequam pervenirent ad filium, continuari contra eundem jam cœpta potest. Idem est de fundo dotali, si contra eundem, antequam dotalis fieret, incepit Præscriptio *l. si fundum 16. ff. de fund. dotal.* Molin. *D. 78. cit. n. 4.* Lels. *n. 48.* Pirh. *hic num. 130.* Ratio est, quia minus requiritur ad continuandam, quam inchoandam Præscriptionem, sicut minus requiritur ad conservationem rei, quam ad ejusdem generationem.

Quæritur 3. quando dicatur dormire Præscriptio? Resp. quando legitime inchoata ob impedimentum superveniens suspenditur, & quiescit, ita tamen, ut remoto impedimento, denuo procedat, posuitque tempus subsequens continuari cum præcedente, deducto solum tempore intermedio inutili. Debet autem impedimentum hoc, ut ob id dici possit dormire præscriptio, esse impedimentum notorium, generale, & tale, ut impeditus viam non habeat illud removendi; nam si notorium non sit, præscriptio pergit currere, sed contra præscriptionem pristino domino datur restitutio in integrum, si impedimentum, quo agere impediatur, probaverit. Similiter restitutio in integrum conceditur illi, qui spectato Jure communi, agere posset, sed ob causam extrinsecam e.g. necessariæ absentiæ Reip. causa ab agendo impeditur. At si impeditus ipsemet pro libitu remove impedimentum possit, ne quidem beneficio restitutionis gaudet; quia negligentia ejus favorem habere non debet, & qui per se tollere impedimentum valet, impeditus non censetur esse, saltem quoad Juris effectum *l. sed & si 26. §. ait Prætor 4. ff. ex quib. caus. major.*

Communiter impedimenta, quæ dormire faciunt præscriptionem, tria hæc assignantur. 1. tempore hostilitatis, & tricientis belli *can. prima 13. caus. 16. q. 2. cap. transmissa 10. hoc tit.* Ratio est, quia tunc ob hostium incursum Jus non dicitur, cum homine alio diffugiant. Idem par ratione dicendum est, si tempore gravis pestis Jus non dicatur, ut cum communi advertunt Molin. *tract. 2. D. 78. n. 9.* Pal. *tr. 31. D. un. p. 22. §. 16. num. 1.* Haun. *tom. 1. tr. 5. n. 351.* nam quamvis id Jure expressum non habeatur, quia tamen non omnes casus Legibus comprehendi possunt, ideo cum unus pro



pro facti ratione, ac specie decisus fuit, ea decisio ad alios similes casus ob rationis identitatem extendi debet *l. non possunt 12. ff. de LL.*

- 132 2. Quando Ecclesia caret Rectore; tunc enim Præscriptio non currit contra Ecclesiam *c. de quarta 4. hoc t. c. novit. 1. & cap. fin. ne Sed. vac. Proceditque hoc 1. et si non desint alii Prælati Superiores, & mediati; sufficit enim, quodd proprium, & immediatum Pastorem non habeat, qualis est Episcopus respectu Ecclesiæ Cathedralis, Abbas respectu Abbatialis; nam huic specialiter incumbit agere pro rebus, & Juribus suæ Ecclesiæ. Barbof. inc. 1. h. t. n. 4. Procedit 2. etsi proprium Rectorem habeat, sed talem, cujus facto Ecclesia læsa est, quodd res ejusdem malè, alienaverit; nam toto tempore, quo ipse vivit, Præscriptio adversus Ecclesiam suspenditur, cum malè acta non credatur retrahaturus *can. si Sacerdotes 10. caus. 16. q. 3. Procedit 3. si is, quem habet, agere non potest, quia excommunicatus, suspensus, capivus, vel quovis alio modo impeditus est ab agendo. Molin. D. 78. cit. n. 7. Haun. n. 350. Pirh. n. 131. Excipe, nisi culpabiliter differat petere absolutionem ab Excommunicatione; tunc enim videtur procedere Præscriptio, cum, ut paulò antea dixi, impeditus censi debet, qui tollere impedimentum potest, & alioquin Excommunicatus ex propria iniquitate commodum referret.**

- 133 3. Dornit Præscriptio etiam adversus pupillum, durante pupillari ejus ætate; adversus filium quoad bona adventitia, durante patria potestate; adversus uxorem quoad fundum, & bona dotalia, vivente marito &c. ut de pupillis statuitur *l. sicut 3. C. de præscript. 30. vel 40. ann. de filiis Auth. nisi tricennale C. de bon. matern. & universim probat ratio; quia non valenti agere tempus non currit l. super 1. C. de annal. except. Neque obstat, quodd bona adventitia filii administrat pater, dotalia uxoris maritus, hisque incumbat pro illis agere, & sic cum defensore non careant, videatur contra ipsa currere debere præscriptio, sicut currit contra minorem puberem, & Ecclesiam, etsi Curator, vel Administrator eorum negligat pro Clientis, vel Ecclesiæ bonis agere. Nam dispatitas est; quia pater bona adventitia filii, & maritus fundum dotalem, non ut legitimus Administrator filiis, & uxori datus, sed proprio Jure Ususfructus penes se retinet, & cons. quæ agit, adscribi filio, vel uxori non possunt, sicut contra adscribuntur acta ab Administratore illi, pro quo administrat.*

- 134 Quæritur 4. quando dicatur *interrumpi* Præscriptio: Resp. *Interrumpi* tunc dicitur, quando inchoata ita cessat, ut si cessante impedimento iterum reviviscat, non continuetur cum tempore priore, sed de novo debeat inchoari, & percurrere totum tempus ad præscribendum requisitum, cum totum tempus præcedens per interruptionem sit extinctum, prout sumitur ex *c. illud 8. h. tit.* Interruptio autem hæc dupliciter fieri potest, naturaliter, & civiliter. *Naturaliter* interruptitur Præscriptio, si post eam ritè inchoatam aliqua ex conditionibus requisitis deficiat, fortè quodd mala fides superveniat, Titulus resolvatur, possessio amittatur. *Civiliter* interruptitur, quando Jus possidendi per aliquem actum Juridicum in dubium revocatur, quod fit per citationem, litis contestationem, & maximè per sententiam.

- 135 Discrimen inter hos duos Præscriptionem interruptendi modos est notabile, idque ex duplici præcipuè capite. *Primum* est, si præscriptio interrupta sit naturaliter, cessante impedimento, reviviscit non secus, ac si nulla interruptio contigisset, ut adeo tempore ordinario, à cessatione impedimenti numerando, compleri possit; at si interruptio sit civiliter per contestationem litis, exigit 40. annos à puncto interruptionis, ut possit perfici. Proceditque hoc non tantum in actionibus personalibus, sed realibus, tamen si aliàs hæ actiones brevissimo spatio temporis præscribendæ esset *l. fin. C. de præscript. 30. vel 40. ann. Molin. D. 78. cit. n. 22. Pal. tr. 31. D. un. p. 22. §. 16. nu. 8. Pirh. hic nu. 135. Alterum* est, si Præscriptio interrupta sit naturaliter, interrupta censi debet quoad omnes; quia deficiente possessione, deficit unum ex principalibus requisitis ad Præscriptionem: At si civiliter solum interruptatur per contestationem litis, vel citationem, solum interrupta censetur respectu illius, cum quo lis est cæpta, *Schmalzgrueber Tom. II.*

non respectu tertii, cum quo nulla est actio, cui proinde ista interruptio nec prodest, nec nocet: ac proinde; si Titius mihi rem aliquam bona fide possidentem litem moveat de re illa, putans eam esse suam, cum sit Sempronius, præscriptio mihi solum interruptitur respectu Titii, non verò respectu Sempronii, & ideo licet præscriptionem, durante lite, non possim complere respectu Titii, possum tamen illam complere respectu Sempronii, ita, ut verè, etiam pendente lite mea cum Titio, Sempronius amittat dominium, nec interruptione à Titio facta deinceps tueri se possit *l. res inter 2. C. quib. res judicat. non noc. Gonzal. inc. 8. h. t. n. 7. Haun. tr. 5. cit. n. 335. Imò nec contra eum, cum quo contestata lis est, absolute Præscriptio interruptitur, sed solum sub conditione, si possessor in lite luccubuerit, ut rectè Molin. D. 78. cit. n. 14. Less. c. 6. n. 49. Pal. §. 16. n. 4. Haun. n. 340. Pirh. n. 134. Hinc si possessor postea absolvatur, Præscriptio eodem modo censenda est perrexisse, ac si per litem contestatam nunquam fuisset interrupta: & ratio est, quia effectus interruptionis pendet à sententia Judicis deinceps pronuntianda, tanquam à conditione, & hoc ideo, ne cuius facili sit litem etiam calumniandi animo movendo Præscriptionem interruptere.*

Quæritur 5. qualis Præscriptio per hujusmodi actus Judiciales civiliter interruptatur? Resp. 1. Citatio, ut *Tit. 3. n. 29. in fin.* dictum est, interruptit Præscriptionem 30. annorum, non verò longi temporis. *Excipitur* Præscriptio, quæ fit à debitore confcio, quodd v. g. servitutem, vel aliquid aliud debeat alteri, contra quem præscribit ex eo solum, quia non exigit debitum; nam hæc Præscriptio, etiam dum longi est temporis, per solam Citationem interruptitur: & ratio est, quia per talem citationem virtualiter exigitur debitum, prout habetur *l. cum notissimi 7. princ. & §. imò & illud 5. C. de præscr. 30. vel 40. ann. Molin. tr. 2. D. 78. nu. 15. Pal. p. 22. §. 16. n. 5. Haun. tr. 5. n. 339. Pirh. hic n. 134. Vviesl. n. 158. Imò hæc Præscriptio interruptitur etiam per traditionem pignoris, vel per exhibitionem novæ exactionis, quæ à debitore creditori fiat §. *imò cit. & notant Molin. Pal. Pirh. l. cit.* quia est nova debiti confessio, & obligatio.*

2. Litis contestatio interruptit Præscriptionem etiam longi temporis, videlicet 10. vel 20. annorum, ut dictum est, *Tit. 5. n. 8.* Ad quem effectum requirunt aliqui, ut Actor litem contestetur animo illam prosequendi, & non tantum animo interruptendi Præscriptionem; alii verò negant. Rectius distinguitur cum Molin. D. 78. cit. n. 14. Pal. §. 16. n. 4. Haun. n. 346. Pirh. n. 134. cit. nam si ex circumstantiis constat, aut vehemens est præsumptio juxta arbitrium Judicis, litem dolo motam ab actore esse, & contestatam animo solum interruptendi Præscriptionem, eamque prolongandi, cum fraus sua nemini prodesse debeat, neutiquam censetur interrupta, vel prolongata, ut colligitur ex *l. fin. C. de præscr. 30. vel 40. ann.* at si doli præsumptio nulla adsit adversus cedentem lite post contestationem illius, interrupta censetur, ita, ut actio ad 40. annos perpetuetur *l. fin. cit. ibi. Eam tamen in 40. annorum &c.*

Dubium est, an litis contestatio interruptat etiam Præscriptionem triennem? Affirmativa videtur evinci 1. ex *l. ut perfectius 2. C. de annal. except.* ubi dicitur triennem præscriptionem interrupti etiam per denuntiationem factam Præfidi, si possessor præscribens propter absentiam, potentiam, vel infantiam conveniri non potest, ergo multo magis interruptetur per contestationem litis. 2. ex *l. nemo 10. C. de acquir. & retin. possess.* ubi generaliter, & indistinctè decernitur legitimam possessionem cessare, ubi litis contestatio intervenit. 3. ex *l. sed & si 25. §. si ante 7. ff. de heredit. petiti.* ubi dicitur post litem contestatam omnes incipere malæ fidei possessores esse; ubi autem bona fides desinit, præscriptio interruptitur, ergo &c.

Hæc sententia est valde probabilis, & ut Konig hic n. 56. existimat, communior inter DD. Negativa tamen non est minus probabilis, eamque tenet Abb. inc. 8. h. t. n. 11. Covar. Reg. possessor p. 2. §. 12. n. 4. concl. 1. Molin. D. 78. n. 12. Pirh. hic n. 134. Vviesl. n. 156. & alii ab his cit. Colligitur ex *l. pro emptore 2. §. fin. ff. pro emptor. l. si post acceptum 18. ff. de R. P. l. Julianus 9. §. proinde 6. ff. ad exhibendum.* Ratio, & disparitas inter Præscriptionem triennem, & ceteras est; quia Præ-



scriptio triennis potissimum inducta est in favorem præscriptoris, Præscriptio autem longissimi temporis maximè contra negligentiam, & in odium debitum non exigentis, inter quas medio quasi modo se habet Præscriptio longi temporis, dum partim inducta est in favorem præscriptoris, partim in odium negligentis debitum petere: hinc convenit, ut Præscriptio longissimi temporis interruptatur sola citatione, longi temporis litis contestatione, triennis solum per sententiam. Quare qui triennium lite pendente complet, verè complet præscriptionem, & facit rem, quam triennio possedit, suam, sed revocabiliter; nam si post lapsum triennium adversus possessorem sententia lata sit, res possessa restitui debet ei, pro quo judicatum est, non habita ratione usucapionis.

140 Ad textus oppositos congruè responderi potest. Ad 1. dici potest, eo textu tantum significari per ejusmodi denuntiationem infirmari Præscriptionem, ita, ut per sententiam condemnatoriam subsecutam adversus possessorem non ampliùs teneat. Ad 2. id intelligendum est, non quasi post litis contestationem possessor re ipsa amitteret possessionem; si enim hoc esset, tunc neque contra tertium curreret Præscriptio, nec secuta sententia absolutoria, tempus litis motæ computaretur, ut fieri dictum est n. 134. sed ita, ut fingatur non possidere; quia quoad Juris effectum perinde est, ac si non possideret, saltem secuta sententia condemnatoria. Ad 3. id pariter intelligendum est de mala fide, non Theologicè tali, sed quæ talis est fictione Juris ad hoc introducta, ut quasi in suspensio sit Præscriptio, & pendeat ex eventu ferendæ sententiæ.

141 3. Per sententiam, ut n. 138. dictum est, interruptitur etiam Præscriptio triennis. Ubi tamen duo sunt advertenda. Primum est, quod hæc sententia debeat esse Judicialis. Hinc non interruptitur Præscriptio legitimè inchoata adversus Romanam Ecclesiam per sententiam Excommunicationis singulis annis feria V. in Cæna Domini promulgari solitam in occupantes, & detinentes bona ad eam Ecclesiam spectantia; quia Judicialis non est, & solum fertur in malæ, non bonæ fidei possessores. Covar. Reg. possessor p. 2. §. 12. n. 5. Molin. D. 78. n. 18. Pal. §. 16. nu. 5. Haun. n. 343. Pirh. nu. 135. Vvict. n. 160. Alterum est, quod sententia, etiam judicialiter lata, si tantum facta sit quoad certos articulos, non extendatur ad alios etiam similes, in quibus possessio non est interrupta: unde quoad hos adhuc perget præscriptio, sicut pergit possessio, & bona fides; nam mala fides respectu unius partis, aut Juris non tollit bonam fidem respectu alterius, ut dixi supra n. 79.

142 Quæritur 6. quando rescindi Præscriptio jam completa possit? Resp. posse occasione lationis, quam præscriptione passi sunt ij, qui beneficio restitutionis in integrum gaudent, Conceditur autem hæc secundum dicta Libr. 1. tit. 41. à n. 1. 1. minoribus quadriennio integro à die, quo majores facti sunt, i. e. ab anno 25. completo ad annum 29. completum l. un. C. si advers. Usucap. l. fin. C. de tempor. in integr. restit. l. fin. C. in quib. caus. restit. in integr. necess. non est.

2. Ecclesiis, & aliis Piiis locis integro quadriennio numerando à die, quo re intellecta integrum fuit restitutionem petere c. Ecclesia 1. & c. seq. de integ. restit. in 6. junct. l. fin. citat. Ratio est, quia Ecclesiæ sunt instar Minoris, & pupilli, cum sicut hi, ita etiam ipsæ per alios debeant agere.

143 3. Civitatibus, Oppidis, pagis &c. in rebus saltem mobilibus; nam si per Usucapionem triennalem adversus ipsam præscriptum est petere adversus lesionem restitutionem in integrum possunt; quia & ipsæ privilegio Minorum gaudent, cum non secus, ac Minor, aliorum opera, & ministerio gubernentur.

4. Majores ex causa, quæ Judici iusta videbitur l. hujus edicti 1. §. fin. ff. ex quib. caus. major. l. Prætor ait 1. §. si quis propter 9. ff. de itiner. act. priv. l. fin. C. de tempor. in integr. restit. Idque locum habet etiam in Præscriptione longissima, ut notat Bartol. in l. Prætor ait cit. Pal. tr. 31. D. un. p. 22. §. 17. n. 3. quia cit. Legibus restitutio in integrum Majoribus conceditur absolute ex iusta, & probabili causa. Vide plura lib. 1. tit. 41. à n. 8.

## P A R S I V.

## Finis Litis.

**F**inis Liti imponitur per sententiam, si ab ea non appelletur, sed permittatur transire in rem judicaram. Hinc examinatis tum Ordinatoriis, tum Instructoriis Judiciorum, superest dicendum 1. De sententia, & re judicata. 2. De Appellationibus. 3. De Profectione ad Sedem Apostolicam, quæ vim, & effectum Appellationis habet. 4. De Confirmatione sententiæ, à qua appellatum est, & occasione hujus de Confirmationibus aliorum actuum tum Judicialium tum Extrajudicialium.

## T I T U L U S XXVII.

## De Sententia, &amp; re Judicata.

**P**ostquam partes hinc inde per probationes, exceptiones, replicationes &c. allegarunt merita causæ, sequitur Conclusio in eadem, & hac sententia. Quare sit

## §. I.

## De Conclusionem in Causa.

## S U M M A R I U M.

- 1 Definitio conclusionis in causa, & divisio in Expresam, & Tacitam.
- 2 Puram, & Eventualem; Generalem, & Specialem.
- 3 4 5 Non est de Substantia Processus Judicialis.
- 6 In causa concludunt partes, quod fieri etiam per Procuratorem potest.
- 7 Modus concludendi in causa.
- 8 Fieri potest ore, vel scripto.
- 9 Finis Conclusionis in causa.
- 10 Effectus Conclusionis Eventualis.
- 11 Pura.
- 12 13 Causæ, in quibus post Conclusionem edi Instrumenta, & Probationes produci possunt.
- 14 15 16 Casus alii, in quibus hoc licitum est.

**Q**uæritur 1. quid, & quotuplex sit Conclusio in Causa? Respond. Conclusio in causa est ultimus actus præcedens sententiam, & ad Acta perti-nens. Definire solet, quod sit probationum, & disputationum ulteriorum renunciatio. Marant. de Ordin. Judic. tit. de Conclus. in caus. n. 1. Gaill. l. 1. obs. 107. nu. 3. Mynsing. cent. 3. obs. 17. nu. 6. Hiltrop. de Process. Judic. p. 3. tit. 29. n. 2. Haun. tom. 5. de J. & J. tr. 4. n. 1143. Cum hac Definitione coincidit, quam alii afferunt, & Conclusionem in causa dicunt submissionem controversiæ ad decisionem.

Concludere in Causa igitur nihil aliud est, quam ulterioribus probationibus, & allegationibus renunciare, & controversiam agitam submittere decisioni Judicis. Quod cum dupliciter fieri possit, tacitè, & expressè, hinc duplex etiam dicitur esse Causæ Conclusio, una Expressa, quando simpliciter expressis, & disertis verbis renunciatur omnibus probationibus, & exceptionibus Juris, & facti; altera Tacita, quando non ita expressis verbis renunciatur, sed partes, nulla interposita protestatione de non ampliùs deducendo Jure suo, simpliciter referunt causam ad sententiam, vulgò, Bitten den Richter stracks das Urtheil zu sprechen. Hiltrop. l. cit. n. 9. Englich n. 1. König n. 2.

Cum verò renunciatio hæc à partibus aliquando fiat non purè, sed cum reservatione, vel conditione aliqua, hinc ulteriùs Conclusio in causa dividitur in Puram, & Eventualem. Pura est, quæ simpliciter, & absolute causam concludit. Eventualis, quæ fit cum conditione, & protestatione, & reservatione, ut si etiam pars adversa concludat, si ea nihil novi ampliùs attigerit, si nihil facti de novo emerferit &c. Hoc modo concludendi semper uti deberet ille, qui prior concludit; cum enim



enim nesciat, an non Adversarius adhuc aliquid producturus sit, quod refutationem, aut responsionem possulet, nunquam deberet sibi ipsi os ocludere penitus, & allegationibus omnibus, vel responsionibus simpliciter renuntiare. Hiltrop. *loc. cit.* n. 13. & seqq. Engl. n. 1. *cit.* König n. 3.

Potest autem concludi vel in tota causa, vel tantum super aliquo articulo, aut questione incidente e. g. in reprobatione testis, vel instrumenti &c. Si primo modo fiat conclusio, dicitur *Conclusio in causa Generalis*; si secundo modo, *Specialis*. Prior viam ad sententiam definitivam præparat, posterior ad interlocutoriam. Rosbach. *Process. tit.* 70. n. 7.

3. Queritur 2. an Conclusio in causa sit de substantia Processus Judicialis? Affirmant Glossa in *Clem. sape* 2. *V. conclusione de V. S. Felin. in c. 9. de fid. Instrum. n. 33.* Bald. in *Margarit. V. renuntiatio, & conclusio*. Menoch. *de arbit. lib. 1. quest. 35. num. 8. & seq.* Gilcken in *Auth. jubemus C. de Judic. num. 5.* Brunnem. in *lib. 9. Cod. eod. num. 6.* König hic *num. 9.* qui hoc deducit 1. ex cap. quoniam 11. de probat. ubi ad evitandum periculum, ne falsitas veritati præjudicet, præcipitur Judici, ut tam in ordinario Judicio, quam in extraordinario semper adhibeat aut publicum (si potest habere) personam; aut duos viros idoneos, qui fideliter universa Judicii acta conscribant, videlicet citationes, dilationes - conclusiones &c. igitur eadem erit necessitas conclusionis in causa, quæ citationis; hæc autem pertinet ad substantiam Processus, 2. Ex cap. cum dilectus 9. de fid. Instrum. ubi statuitur Instrumenta produci posse etiam post publicationem Attestationum usque ad sententiam definitivam, antequam sit in causa conclusum: cons. Pontifex videtur requirere conclusionem in causa. 3. Ex ratione; quia facultas probandi, & defensio nemini est neganda. Igitur dum renuntiaverit ipsemet ulterioribus probationibus, & defensionibus, sicque in causa condeserit, semper jus habet asserendi pro se probationes, & defensiones.

4. Verum contraria sententia videtur verior, quam etiam tenent Abb. in cap. 9. de fid. Instrum. num. 1. Marant. de ordin. Judic. part. 6. tit. de concl. in caus. n. 9. Mynsing. cent. 3. obs. 17. num. 1. & seqq. Gaill. lib. 1. obs. 107. n. 1. & 2. qui ajunt conclusionem in causa magis esse de consuetudine, quam de substantia judicii, & hic sine vitiatione Processus in Processu iam Summario, quam ordinario omitti eandem posse. De Processu Summario clara sunt verba Clem. cit. ibi, Sententiam definitivam - proferat, etiam (si ei videbitur) conclusio non facta: & consentiunt etiam plerique ex Adversariis. Quoad Processum Ordinarium favere adversariæ sententiæ videntur verba ejusdem Clem. in fine. Si tamen in præmissis solemnis ordo judiciorum in toto, vel in parte, non contradicentibus partibus, observetur (intellige, in Processu Summario) non erit propter hoc Processus irritus, nec etiam irritandas. Inter ea autem, quæ in solemniori Judicio ordinario peraguntur, etiam est conclusio in causa. Ergo &c. Verum hæc verba non probant, conclusionem in causa esse de substantia processus ordinarii, sed ad summum, quod adhibenda sit, ubi consuetudo sic habet: Et talem consuetudinem testantur Hiltrop. p. 3. tit. 29. n. 32. Mynsing. loc. cit. n. 5. Gaill. n. 2. esse in Camera, ubi nulla sententia publicatur, ne quidem interlocutoria, nisi in causa legitime conclusum sit.

5. Minus efficacia sunt reliqua Argumenta supra adducta. Ad 1. id solum probat, conclusionem in causa referri in Acta debere, quando adhibetur in Judicio: patet ex ipso textu; nam idem dicitur de Judicio extraordinario, seu Summario, & tamen certum est, fatentibus Adversariis, ibi Conclusionem in causa non esse opus. Ad 2. eadem est Responsio, videlicet Instrumenta produci posse usque ad sententiam, sed non post conclusionem in causa, si hæc adhibeatur. Ad 3. si Judex potest Allegationibus, & Probationibus statuere terminum, ut eo lapso, hoc ipso censetur conclusum in causa, quare non etiam procedere ad sententiam sine Conclusionem in causa, si liquidam eam esse viderit? Certè eo casu nihil defensionis aufertur pauperibus, sed tantum suspectæ moræ, & dilationes tolluntur.

6. Queritur 3. quis concludere in causa possit, & quomodo id fieri debeat? Resp. concludere in causa possit

sunt partes litigantes. Haun. tom. 5. de J. & J. tract. 4. num. 1157. Engl. hic num. 2. König num. 4. Potestque id facere etiam Procurator nomine sui Principalis, modo ad id specialiter mandatum habeat, ut habet Ordin. Camer. part. 3. tit. 23. § es solle auch, & notat Haun. loc. cit. König num. 8. Ratio est, quia Conclusio est species renuntiationis, quæ per alium sine speciali mandato fieri nequit. Uter autem prior concludat, Actor, vel Reus, parum refert, modo hoc observetur, ut sicut prima scriptura fuit Actoris, ita ultima permittatur Reo, ne aliquo modo iste deterioris conditionis sit, & una scriptura habeat minus.

Modus concludendi in causa sequens est, quem refert Haun. num. 1145. & alii. Finitis allegationibus, & responsionibus, seu (ut alii loquuntur) Recessibus, Judex querit ex partibus, an aliquid ulterius habeant, quod ad causam, & hujus decisionem putent facturum. Quodsi nihil habeant partes, exigere ab illis debet, ut allegationibus renuntient, & sic concludatur in causa. At si utraque velit adhuc proponere pro se aliquid, audientur, & his auditis, renuntiatione ulteriorum probationum facta, concludatur in causa. Si verò una quidem renuntiaverit, altera autem dicat se adhuc aliquid habere, Judex modis omnibus eam partem, quæ utitur dilacione, compellet, ut intra 30. dies, quod habet, proponat: quod si non fecerit, tunc ad ejus malitiam superandam alter mensis eidem indulgetur à Judice; si verò adhuc distulerit, tertii mensis dilatio eidem præbetur: sed hoc lapso, si allegationes suas non proposuerit, causæ cognitor non amplius expectabit: sed causam ipso facto pro conclusa habebit, atque ad sententiam ferendam procedet, prout sumitur ex Auth. jubemus Codic. de Judic.

Ceterum conclusio in causa potest fieri ore, vel scrip- 8  
to; neque enim ad hanc requiritur solemnitas alia, quàm ut sufficienter constet de mente volentis concludere, & ulterioribus probationibus renuntiare. Hinc nulla vel in jure communi, vel in Ordin. Camer. præscripta est certa formula. Vulgaris est, ut partes in ultima iurascriptura adjungant, quod hisce in causa concludere, & se ad sententiam submittere velint. Quod etiam statim ad Acta est referendum; neque enim præsumitur esse conclusum in causa, nisi ex actis probetur e. quoniam 11. de Prob. Rosbach *prax. Civil. tit.* 70. n. 2. König n. 10. cum aliis.

Queritur 4. quis sit finis, & effectus conclusionis in 9  
causa? Resp. Finis conclusionis in causa est, ut veniat ad finem Processus Judicialis, & tollantur moratoriarum ambages, quibus alias lites redderentur immortales, nisi probationibus, & exceptionibus non necessariis præcluderetur via.

Effectus ejusdem alius est, si eventualiter sit conclusum in causa, alius, si purè, & simpliciter. In Eventuali conclusione causa spectandum est, sub qua conditione, aut reservatione facta sit. Quando Actor conclusit sub conditione, Si etiam reus concludere velit, suspenditur effectus ejusdem usque ad eventum conclusionis etiam à Reo factæ, & hinc si reus adhuc aliquid proponat, non impeditur etiam Actor respondere objectis. Quodsi concludens adjecit Clausulam cum oblatione Si quid factu, qua videlicet se offerat ad ulteriorem probationem allegatorum à se, Clausula hæc id operatur, ut si Judex postea deprehendat causam plenior egere probatione, èd facilius rescindat Conclusionem factam, & sic concludenti ulteriorem probationem injungat. Si denique pars Conclusionem in causa fecerit cum clausula, Salva præstatione Scripturarum, per additionem Clausulæ hujus id lucratur, ut Instrumenta producere possit, etiam postquam sic in causa conclusum sit; quia quoad illa conclusum non est. Ubi tamen Judex diligenter cavebit fraudes, & si fraudulentè agi, quæque solum Dilationes adverterit, ejusmodi clausulas non admittet. Hæc de eventuali conclusione.

Effectus conclusionis puræ in causa est, quod post eam 11  
regulariter nulla amplius admittatur probatio, vel exceptio cap. cum dilectus 9. de fid. Instrum. cap. pastoralis 5. de caus. poss. & propr. Covar. *Præf. q. 1. 20. n. 8.* Marant. de Ordin. Judic. part. 6. tit. de Concl. in caus. n. 1. Menoch. l. 1. de arbit. q. 35. n. 1. & 9. Gaill. l. 1. obs. 107



num. 4. Mynſing. cent. 6. obf. 56. num. 2. Hiltrop. p. 3. tit. 29. n. 3. Brunnem. in l. 13. C. de appellat. nu. 3. & in Auth. jubenus C. de judic. n. 2. Haun. tom. 5. de J. & J. tr. 4. n. 1147. Konig hic nu. 12. Vviefner nu. 4. Ratio eſt, quia Concluſio in cauſa eſt terminus exclusivus omnium probationum, propterea quod facta concluſione, dicatur omnino liquere de cauſa. Gloſſa in c. ſignificaverunt 36. V. liquere de teſtib. Dixi autem regulariter; nam in ſpecialibus quibuſdam cauſis, & caſibus regula hæc de Inſtrumentis, & probationibus non recipiendis poſt concluſionem in cauſa fallit. Atque hinc ulterius.

- 12 Quæritur 5. In quibus cauſis Inſtrumenta edi, & probationes produci poſt concluſionem in cauſa poſſint? Reſp. 1. in cauſis minorum, & eorum, qui fruuntur privilegio minorum, ut ſunt Eccleſiæ, & loca Religioſa; nam hi poſt concluſionem in cauſa edere Inſtrumenta poſſunt, petita reſtitutione in integrum c. auditus 2. de in integr. reſtit. Marant. de Ord. Judic. part. 6. tit. de concl. in cauſ. num. 3. Menoch. lib. 1. de arbit. q. 35. n. 19. Mynſing. cent. 3. obf. 17. n. 8. & cent. 6. obf. 56. nu. 12. Brunnem. Proceſſ. Civil. cap. 26. n. 9. Konig hic nu. 56. Vviefner num. 10. & noviffimè Clariff. P. Schmier proceſſ. judic. c. 15. n. 23.

2 In cauſis criminalibus; nam in his, eſſi concluſum in cauſa ſit, admittuntur Inſtrumenta, Teſtes, & aliæ probationes à reo oblatæ, donec fuerit prolata ſententia l. Divi fratres 27. princ. ff. de penis, l. in criminibus 1. §. ſiquis ultro 27. & l. unus 18. §. cognitum 9. ff. de queſt. & loc. cit. notat Marant. n. 8. Menoch. n. 12. Mynſing. obf. 56. n. 8. Gaill. obf. 107. n. 12. Hiltrop. num. 6. Haun. n. 1151. P. Konig n. 17. P. Vviefner num. 7. P. Schmier nu. 24. Proceditque hoc, quando agitur de pœna corporali, non verò; de pecuniaria; quia in illa ſit præjudicium irreparabile; & deſenſio eſt juris naturæ, cui Lex poſitiva derogare non poteſt.

- 13 3 In cauſa matrimoniali; nam quia hæc æquipollet criminali ob gravitatem rei, idcirco ſicut in criminibus, ita etiam in hac cauſa locus eſt novis probationibus poſt concluſionem in cauſa. Gonz. in c. 9. de fid. inſtrum. Gaill. n. 12. Hiltrop. n. 5. Haun. n. 1151. Konig n. 18. Vviefner n. 8. P. Schmier n. 25. Ratio eſt, quia etiam hæc cauſa requirit probationes concludentes, & liquidiffimas, præſertim ſi agatur de vinculo matrimonii diſſolvendo. Accedit, quia in cauſa matrimoniali etiam poſt ſententiam permiſſum eſt uti novis, imò etiam contrariis allegationibus, & probationibus, ut habetur c. lutor 7. & c. conſanguinei 1. hoc tit. ergo multo magis id licebit poſt concluſionem in cauſa.

4 In cauſa appellationis; nam in hac produci poſſunt Inſtrumenta, & probationes, quæ antea ob cauſæ concluſionem produci non poterant l. per hanc 4. C. de tempor. & reparat. Appellat. Hiltrop. n. 9. Mynſing. n. 13. Menoch. n. 20. Haun. n. 1156. Konig n. 19. Vviefner n. 10. Schmier nu. 26. Ratio eſt, quia per Appellationem concluſio in cauſa tollitur. Excipitur, niſi partes expreſſè dixiſſent, ſe ſimpliciter concludere, & probationibus renuntiare, etiam in caſu interponendæ Appellationis; tunc enim talis renuntiatio valeret, cum quilibet renuntiare favori, pro ſe introducto, poſſit.

5 In aliis etiam cauſis, ſed in caſibus certis; & propterea ulterius.

- 14 Quæritur 6. in quibus caſibus admitti teſtes, Inſtrumenta, probationes, & ſimilia poſſint etiam poſt concluſionem in cauſa? Reſp. 1. Si Judici ex legitima cauſa ita videatur eſſe admittenda. Abb. in c. 9. de fid. inſtrum. n. 3. Menoch. lib. 1. de arbit. q. 35. nu. 10. & 22. Gaill. lib. 1. obf. 107. n. 5. & ſeqq. Hiltrop. p. 3. tit. 29. nu. 23. Brunnem. in Auth. jubenus C. de judic. num. 6. Haun. tom. 5. traſt. 4. n. 1148. Konig hic n. 13. Vviefner. nu. 6. & noviffimè P. Schmier de Proceſſ. judic. c. 15. nu. 22. Ratio eſt, quia Judici in cauſa nunquam concluditur c. Joannes 10. de fid. inſtrum. Proceditque hoc, ut ex Felino notat Haun. loc. cit. ut Judex interrogare partes poſt concluſionem in cauſa poſſit, non ſolum ad declarationem rectè actorum, ſed etiam ad fundandam de novo intentionem partis, & ſic in vim novæ probationis, & faciendæ novæ poſitiones. Neque obſtat, quod in jure ſæpe dicatur, paria eſſe concluſum eſſe in cauſa, & ſententiam laram; nam hoc tantum verum eſt reſpectu partium, non verò Judicis, cujus officium ſolum quieſcit, quando tulit ſententiam,

2 Recipiuntur Inſtrumenta, ſi noviter reperta ſint poſt concluſionem in cauſa arg. c. paſtoralis 4. de except. l. oratione 7. ff. de feriis & habetur in Ordinari. Camer. p. 3. tit. 23. von mendlichen Beſchleſſen, Menoch. loc. cit. n. 13. Gaill. n. 10. Mynſing. obf. 56. n. 9. Hiltrop. nu. 19. Brunnem. nu. 4. Haun. n. 1150. Konig. n. 15. Vviefner n. 9. Schmier n. 21. Ratio eſt, quia, quæ de novo emergunt, novo indigent auxilio l. de arate 11. §. ex cauſa 8. ff. de interrogat. Accedit, quod tempus conſeſſum ad producenda Inſtrumenta currat ſolum à die habitæ notiitiæ, non antea c. paſtoralis cit. Duo tamen hic advertenda ſunt. Primum eſt, ut nulla ſit admiſſa negligentia in perquirendis Inſtrumentis ante concluſionem; nam in penam Inſtrumenta deinceps reperta non recipiuntur. Alterum, ut producens ejuſmodi Inſtrumenta juramento firmet ſe noviter ea reperiffe, vel poſt concluſionem ad eorum notiitiæ perveniſſe cap. paſtoralis citat.

3 Valet receptio Inſtrumentorum, eſſi non de novo 15 repertorum, ſi ea ſiat parte contrariæ præſente, & non contradicente, quia tali caſu à concluſione reſeſſum, vel illa à Judice revocata cenſetur. Felin. in c. 9. de fid. inſtrum. n. 17. Abb. ibid. n. 3. Menoch. n. 14. Mynſing. nu. 10. Haun. n. 1154. Vviefner n. 9.

4 Inſtrumenta, eſſi de novo confeſta ſint, ſi per ea litigantes, non exſpectata ſententia, à lite diſcedere velint, Judex etiam poſt concluſionem in cauſa admittere debet. Menoch. n. 18. Mynſing. n. 11.

5 Admittitur probatio per confeſſionem partis adverſæ, aut per evidentiam facti, & inſpectionem ocularem; quoniam iſta probatio omne penus probationis ſuperat. Marant. loc. cit. nu. 5. & 6. Menoch. nu. 19. Mynſing. n. 10. & 11. Brunnem. n. 4.

6 Poſt concluſionem in cauſa opponi poteſt exceptio 16 excommunicationis, & quæ ad hanc probandam ſunt neceſſaria arg. c. pia 1. hoc tit. in 6. Haun. n. 1152. Et idem eſt de cæteris exceptionibus, quæ poſt ſententiam opponi poſſunt; nam ex etiam locum habent poſt concluſionem in cauſa. Brunnem. loc. cit. n. 7.

7 Non vetatur pars etiam poſt concluſionem in cauſa probationem ſuam declarare, conſ. poteſt Inſtrumenta, & ſcripturas proferre, eſſi non ad probandum, tamen ad declarandum priores probationes. Menoch. num. 23. Mynſing. num. 5. qui teſtatur etiam in Camera hoc obſervari. Ratio eſt, quia declaratio nihil novi affert arg. l. hæredes 21. §. ſed & ſi notam. ff. qui teſtam. facer. poſſ.

8 Licet poſt concluſionem in cauſa exhibere allegationes juris, & requirere Conſilium à Facultate aliqua Juridica, illudque offerre Judici. Bald. in Auth. jubenus num. 9. C. de judic. Brunnem. ibid. n. 7. & in l. 9. C. eod. n. 10. Marant. loc. cit. n. 2. Menoch. n. 21. Gaill. n. 13. Mynſing. n. 14. Hiltrop. n. 3. Haun. n. 1153. Konig n. 14. hic. Vviefner n. 5. Ratio eſt, quia per hujusmodi conſilia DD. & allegationes Juris non contravenitur concluſioni factæ, ſed ea tantum exhibentur Judici pro meliore informatione, & inſtructione; conſ. non renovant litem ſemel concluſione terminatam, neque tardant, ſed magis promovent ſententiam.

## §. II.

### De Sententia.

## S U M M A R I U M

- 17 Sententia definitio, & diviſio in definitivam, & interlocutoriam.  
18 Harum ſubdiviſiones.  
19 Tempus, quo ferri Interlocutoria debet.  
20 21 Differentia inter hanc, & definitivam.  
22 23 24 Pronuntiatio Arbitri propriæ non eſt Sententia.  
25 Proprie dicta ſententia tamen eſt interlocutoria.  
26 27 Requiſita ex parte Judicis, ut legitimè ferre ſententiam poſſit.  
28 29 30 Quid faciendum ſit Judici, cum uterque litigans cauſam probabilem ſover.  
31 32 An Judex neceſſario de quaſtione incidente, vel emergente pronuntiare debeat verbis expreſſis?



- 33 34 *An valeat sententia lata à pluribus Judicibus, quorum unus jurisdictione e. g. ob excommunicationem privatus est?*
- 35 *Quenam sententia pravealeat, quando in una, eademque causa duo, vel plures Judices diversa pronuntiant?*
- 36 *An, & quando sententia lata à judice revocari possit?*
- 37 *Qualis debeat esse sententia, ut sit legitima?*
- 38 39 *Qualis incertitudo, vel conditio obest valori sententie?*
- 40 *Quomodo sententia debeat esse conformis Libello?*
- 41 42 *An, & quando sententia lata contra jus constitutionis sit irrita?*
- 43 44 45 *An sententia, quæ lata est contra jus litigantis, ipso jure subsistat?*
- 46 47 48 *An aliquando iudex contra jus strictum ex aequitate, vel alia causa pronuntiare possit?*
- 49 *Quid dicendum de Sententia lata contra privilegium?*
- 50 51 *Sententia ferri debet, partibus litigantibus legitime citatis.*
- 52 *Cum causa cognitione, & servato juris ordine.*
- 53 *A Iudice sedente pro Tribunali.*
- 54 *Ex scripto.*
- 55 *Proprio Judicis ipsius ore.*
- 56 *In loco publico.*
- 57 *Antequam lapsu triennii in causa civili, & biennii in criminali instantia sit perempta.*
- 58 *Eo die, & hora, ad quam facta est citatio.*
- 59 *Die non feriato, & quidem interdiu, & non de nocte.*
- 60 *In eum, qui litem contestando suscepit Judicium.*
- 61 *Non est necesse exprimi causam, quæ Iudex per motus est ad condemnationis, vel absolutionis sententiam.*

17 **Q**Uæritur I. quid sit Sententia? Resp. Sententia à Sensendo dicitur; quia iudex per illam declarat, quid ipse in causa dubia, & inter partes controversas sentiat. Definitur, quod sit Pronuntiatio Judicis super re à litigantibus proposita. Duplex est; definitiva, & Interlocutoria. Definitiva est, quæ negotio, seu causæ, principaliter in iudicio deductæ, finem imponit vel absolvendo, vel condemnando. Interlocutoria, quæ inter principium, & finem causæ, non super quæstione principali, seu tantum super aliquo incidenti, vel emergenti profertur, verb. grat. super libello emendando, danda, vel neganda dilatione, admittendo, vel repellendo Procuratore, Teste &c. Ita Glossa in Clem. un. V. definitiva de Sequest. Holt. in Summ. hoc tit. num. 2. Durand. Specul. tit. de sentent. §. 2. num. 1. Marant. de ordin. judic. part. 6. tit. de sentent. act. 1. nu. 2. Hiltrop. process. judic. part. 4. tit. 1. §. quot. mod. sentent. num. 6. & 11. Pax Jordan. lib. 14. tit. 25. num. 16. &c. Prima definitiva dicitur, quia definit, & terminat litem; altera Interlocutoria à modo proferendi; quia summatis, sine solemnitate, inter principium, & finem litis, quasi interloquendo fertur. Unde quidquid Iudex post litem contestatam ante sententiam definitivam ad causam controversam faciens statuit, vel decernit in iudicio, sententia Interlocutoria dicitur, ut rectè Pirhing hic n. 1.

18 Dub. I. quotuplex sit sententia definitiva, & Interlocutoria? Resp. Sententia definitiva triplex maximè est, videlicet Absolutoria, quæ reum absolvit; Condemnatoria, quæ reum damnat; & infligit ei penam, quæ ante inflicta non erat quamvis forte Lex iussisset eam infligere; & declaratoria criminis, quæ reum non damnat, sed solum declarat commissum esse crimen, & condemnationem prius per Legem factam ostendit: unde fit, ut ea sententia quoad effectum retrahatur ad momentum, quo crimen patratum est.

Interlocutoria sententia alia simplex, alia mixta est. Simplex dicitur, quæ intra fines Interlocutoria manet, neque obest negotio principali, ut si Iudex concedat dilationem, si partes certo die adesse jubeat, si Exceptionem aliquam admittendam esse pronuntiet. Mixta ulterius progreditur, & vim definitivæ habet; quia post eam alia sententia non speratur. Talis est, quæ Iudex absolvit partes ab observatione iudicii, vel In-

Schmalzgrueber Tom. II.

stantiæ, quæ iuramentum purgatorium defert parti, quæ pronuntiat actorem sufficienter probasse intentionem suam, quæ dicit se esse incompetentem, vel contra, quæ exceptionem petemptoriam admittit, vel rejicit &c.

Tempus, quo ferri interlocutoria debet, in Mixta 19 aliquando est ante contestationem litis post citationem, ut si Iudex incompetens citet, & pars citata contra incompetentiam ejusdem excipiat; plerumque autem post litis contestationem, à qua sola, ut tit. 5. num. 1. dixi, lis, & iudicium incipit: in Interlocutoria simplici tempus ordinarium est inter principium litis, quod litis contestatione fit, & finem ejusdem, qui per sententiam definitivam imponitur.

Dixi ordinarium; nam, ut l. à Divo Pio 15. §. in venditione 2. ff. de rejudicat. dicitur, etiam post sententiam definitivam iudices interloqui solent, in Processu saltem executivo. Verum hæc propriè non est Interlocutoria sententia, sed talis ab effectu dicitur, quia sc. ad negotium principale non pertinet, cum hoc jam sit decisum per definitivam sententiam. Siquis una definitione etiam hanc cum cæteris Interlocutoriis volet complecti, dicere cum Vallens. hic §. 1. n. 6. potest, quod Interlocutoria sit pronuntiatio iudicis facta ad alicujus Articuli expeditionem.

Dub. 2. quomodo inter se differant Interlocutoria, 20 & definitiva sententia? Resp. plures sunt differentia; nam 1. differunt in significatione nominis; quia si nomen sententiæ in aliquo statuto ponatur simpliciter, de definitiva intelligi debet, nisi de Interlocutoria intelligendum ratio, vel circumstantiæ suadeant.

2 Quoad effectum; nam definitiva terminat causam, non verò Interlocutoria: per illam damnatus in certis causis, præsertim criminalibus, incurrit infamiam, non item per ullam interlocutoriam.

3 Quoad formam; nam sententia definitiva debet ferri absolute, parte citata, servato ordine juris, excipi scripto, & ex hoc pronuntiar; Interlocutoria etiam ferri sub conditione potest, neque requirit scripturam, aut ordinem judicarium, vel citationem partis, ut infra dicetur pluribus.

4 Quoad firmitatem; nam Interlocutoriam iudex revocare, & corrigere addendo, vel minuendo potest, non verò definitivam: item condemnatio per definitivam facta durat perpetuo; facta per Interlocutoriam solum, dum durat officium interloquentis, ut iterum pluribus explicabo infra.

5 Quoad potestatem appellandi; nam à definitiva sententia regulariter datur appellatio; non autem ab Interlocutoria: & in hac si appelletur, appellandum est in scriptis, & expressis causis gravaminum; à definitiva verò appellari potest statim, & viva voce; denique definitiva potest in causa Appellationis justificari non solum ex actis primæ instantiæ, sed etiam ex novis actis; Interlocutoria verò solum ex revisione primorum actorum.

Plura vide apud Marant. de ordin. judic. part. 6. tit. de Sentent. Act. 1. num. 12. & seqq. Rosbach. prax. Civil. tit. 71. à num. 8. Haun. tom. 5. tract. 5. n. 20. Vviesner hic à n. 16. Ego quoad has, & alias differentias noto, illas procedere de sententia Interlocutoria simplici maximè; nam Interlocutoria Mixta, quæ vim definitivæ habet, quoad potestatem, & formam interponendæ Appellationis, & alios juris effectus æquiparatur veræ definitivæ, paria enim sunt sententiam esse definitivam, & habere vim definitivæ: unde sicut à definitiva, ita etiam ab Interlocutoria, quæ vim definitivæ habet, appellari potest, & sicut illa revocari non potest, ita nec ista, ut tradit Glossa in c. fin. V. inanes de elect. in 6. Gaill. l. 1. obs. 30. n. 5. Pirhing hic n. 2.

Dub. 3. An pronuntiatio Arbitri sit propriè dicta 22 sententia? Siquis Arbitrum distingueret à Iudice, ex definitione ipsa appareret, pronuntiationem ejusdem non esse sententiam; sed quia Arbitri in jure æquiparatur Judici, ideo latius accipiendo Judicem, locus est controversiæ.

Affirmar Frisius. Fundamenta Affirmativæ sunt, 1. Quia pronuntiatio Arbitri vocatur in Jure sententia sæpissimè, 2. Arbitr condempnat, & absolvit, quod est officium Judicis, 3. Per Compromissum pronuntiatione Arbitri finiuntur lites, ut per sententiam Judi-



cis, & quidem fortius, atque constantius, quàm per sententiam Judicis, à qua appellari potest, 4. Compromissum, ut *l. compromissum 1. ff. de recept. qui arbit.* ad similitudinem Judiciorum redigitur, Ergo quid quid dicitur de uno, dici etiam potest de altero, & cons. sicut pronuntiatio facta in Judicio, ita etiam facta in compromisso per Arbitrum sententia dici debet.

23 Verùm hæ rationes non adeo efficaces sunt, ut discedere cogant à communi, & ut Haun. tom. 5. tr. 5. n. 4. dicit, veriore sententia, quæ negat pronuntiationem Arbitri proprie esse sententiam. Ratio est 1. quia Arbitr in Jure nunquam vocatur Judex, 2. sententia proprie dicta ferri debet ab habente Jurisdictionem; hanc autem Arbitro compromissario dare partes in eum compromittentes nequeunt *l. privatorum 3. C. de jurisd. omni. judic.* 3. Juridice loquendo sententia, & res judicata connectuntur in Rubricis, & ideo solum illa pronuntiatio est proprie dicta sententia, ex qua nascitur exceptio rei judicatæ. Hæc autem non nascitur pronuntiatione Arbitri, ut habetur *leg. ex compromisso 2. ff. de recept. qui arbit.* & *l. ex sententia 1. Cod. eod.* Ergo &c. Excipitur, si sit Arbitr à Magistratu datus; nam sententia ab hoc dicta *l. si arbitr 2. C. de sentent. & interloc.* expressè dicitur habere auctoritatem rei judicatæ.

24 Ad opposita Argumenta facilis est responsio, Ad 1. sententiæ nomen in Jure sæpe æquivocè sumitur; nam ibi etiam Judicia Assessorum quandoque sententiæ appellantur: est ergo Arbitrium sententia sumendo nomen sententiæ latius, sed non in eo sensu, quo Antonomasticè, & magis Juridicè sumitur. Ad 2. effectum illum pronuntiatio Arbitri non habet, nisi ex conventionione partium, & sic non tam ipse, quam partes per præcedentem conventionem aliquo modo sunt spontanea causa condemnationis & absolutionis. Accedit, quia eandem vim etiam habet Transactio, & Juramentum voluntarium, nec tamen sententia sunt. Ad 3. Retorqueri hoc Argumentum iterum potest in Transactionem, & Juramentum voluntarium; nam etiam per ista deciduntur lites. Ad 4. similitudo fiat cum dissimilitudine. Igitur etsi arbitria similitudinem aliquam cum sententia habeant, ab hac tamen substantiæ differunt, quòd ex hac, ut dictum est, nascatur exceptio rei judicatæ, non ex illis.

25 Dub. 4. an sententia Interlocutoria sit proprie dicta sententia? Negant Duatenus, Zasius, Maranta, quos citat Ummius *ad process. D. 19. rb. 4. num. 15.* idque ex triplici fundamento, 1. Quia in Rubr. Cod. de Sentent. & Interlocut. Sententia, tanquam aliquid diverlum ab Interlocutione, ponitur, 2. Quia *l. quod jussit 14. ff. de re judic.* Sententia apertè distinguitur ab Interlocutione, 3. Quia per Interlocutionem causa Judicialis non deciditur.

Sed retinenda est affirmativa sententia, & dicendum, etsi sententia definitiva sit nobilior species, & Antonomasticè sententia, Interlocutoriam tamen adhuc esse propriè dictam sententiam. Ita ex communi DD. sensu Corvin. in c. de sentent. & interloc. post princ. Gaill. lib. 1. obs. 129. & seq. Ummius n. 15. cit. P. Vviell. hic num. 15. P. Schmier *Process. judic. cap. 16. n. 18.* & constat 1. ex leg. inter utile 39. princ. ff. de Minor. & l. fin. C. de sent. & interloc. ubi sententia Interlocutoria verissimè supponitur esse sententia, 2. Ex *l. Judices 12. C. eod.* ubi nomen sententiæ necessariò etiam de Interlocutione accipiendum est, 3. Ex *leg. cum Judex 11. C. eod.* ubi, dum sententiæ definitivæ fit mentio, denotatur, superesse sententiam aliam, h. e. interlocutoriam; alias voci Sententiæ frustra adderetur Definitiva.

Neque obstant Argumenta opposita. Ad 1. dum sententia Interlocutioni opponitur, nomen sententiæ accipitur specificè pro definitiva: quo tamen non obstante nomen sententiæ genericè acceptum sub se complecti interlocutionem potest. Ad 2. eadem est responsio, & retorquetur Argumentum; nam etiam Jurisdictio opponitur Imperio, & tamen utrumque sub nomine jurisdictionis genericè acceptæ continetur. Ad 3. etiam per Interlocutoriam causa Judicialis deciditur, non quidem principalis (nam hoc ad definitivam pertinet) sed incidens.

26 Quæritur 2. quid requiratur ex parte Judicis, ut le-

gitimè ferre sententiam possit? Resp. 1. requiritur, ut sit competens c. at si Clerici 4. de Judic. c. si quis Clericus 1. & seqq. de foro compet. l. fin. ff. de jurisd. l. hoc editum 1. fin. ff. quod. quisq. jur. & toto Tit. C. si à non compet. Ratio est, quia Judex incompetens jurisdictione in partes litigantes caret, & cons. frustra pronuntiat, nec ab eo judicatum dici potest, cum quoad hanc causam habeat se ut privatus.

2 Ut non sit excommunicatus; nam gesta à Judice excommunicato, si excommunicatio ejus publicè nota sit, irrita sunt, cum & ipse jurisdictione sit spoliatus. Marant. de Ordin. Judic. p. 6. tit. de sentent. Aët. 1. n. 99. Layman in c. ad probandum 24. hoc tit. n. 1. Barbosa ibid. n. 2. & seqq. Pax Jordan. l. 14. tit. 25. n. 161. Zoel. hic n. 6. Et habet hoc locum etiam in judice delegato, ut colligitur ex c. ad probandum cit. Si tamen occulta sit excommunicatio judicis, valet sententia, cum jus eo casu defectum jurisdictionis suppleat arg. l. Barbarius 3. ff. de offic. Prator.

3 Ut sit prudens, & juris peritus. Novell. 82. in princ. 27 Non tamen in omnibus requiritur Legum peritia, sed in quibusdam experientia cum bono judicio conjuncta sufficit: Unde artifices de causa sui artificii, mercatores de causis suæ negotiationis, milites de re militari optimè judicant; nam cuius in sua arte credendum est arg. l. septimo 12. ff. de stat. hom.

4 Ut in formanda sententia nullo ducatur odio, offensione, aut levitate, sed merita causæ diligenter examinet, plena cognitione adhibita; nam Judex suspectus regulari potest c. si quis 3. de for. comp. l. cum specialis 8. C. de Judic.

5 Ipsemet Judex concipere debet sententiam; nec enim potest aliorum arbitrio illam committere. Marant. loc. cit. n. 13. & 126. Engl. hic n. 6. König n. 35. Hinc si Judex à Jurisperito consilium petat, illudque legat loco sententiæ, talis sententia de jure nulla est, cum sit Doctoris privati carentis jurisdictione. Excipe, nisi Judex in calce scribat: Nos Judex pronuntiamus, prout ut supra dicto Consilio continetur; tunc enim valet sententia, utpote non à Jurisconsulto tantum, sed etiam à judice lata, & confirmata.

Dub 1. quid faciendum sit judici, cum uterque litigans causam probabilem sovet? Resp. cum distinctione: Vel enim unius causa est probabilior, vel utraque, spectatis omnibus, est æqualiter probabilis.

Si primum, ferre judex sententiam debet pro illa parte, quæ probabiliorē causam pro se sovet. Ita DD. estque contraria sententia die 2. Martii 1679. ab Innocentio XI. inter prohibitas relata. Ratio est, quia hoc 1. exigit natura justitiæ, quæ instar lancis eò inclinatur, ubi majus est pondus rationum, & merita causæ, 2. Officiū judicis; nam judex in Rep. constituitur cum expressa, vel saltem tacita obligatione pronuntiandi secundum majora causæ merita, 3. Rationabile desiderium eorum, qui judicis implorant officium, cui rationaliter irascetur, cumque Injustitiæ redargueret is, qui videret, se quantumvis melioribus fundamentis nitatur, condemnari, & causam adjudicari Adversario, minus probabiliter afferenti contra Reg. 12. in 6.

Si secundum, & spectata tum ratione, tum juris, & DD. autoritate, uterque litigans aequè probabilē causam favore videtur, sunt, qui docent eo casu à judice pro arbitrio, cui voluerit, parti causam adjudicari posse. Sed minus bene; nam 1. hoc videtur alienum esse à natura justitiæ, quæ sicut suum cuique tribui jubet, ita cum paria sunt utrinque merita, & jus æquale, paria cupit adjudicari à judice, 2. Contrariarum desiderio, & expectationi litigantium, quorum unus merito indignaretur judici, si, cum æquale jus habeat cum altero, minus, quam iste, aut omnino nihil, alter totum consequeretur, 3. Fieri illud vix potest, ut non judex pro alterutra parte sic decidendo incurrat vitium acceptionis personarum, quod adeo severè jura tum Divina, tum humana à Tribunalibus acceri volunt; cur enim huic potius, quam alteri causam, & victoriam tribueret judex, nisi quod in illum aut necessitudine, aut amicitia, aut pollicitationibus inducatur?

Quare dicendum est tali casu judici regulariter abstinendum à sententia pro alterutra parte ferenda, sed potius utrique meritorum æqualitatem, & ex ista proven-



nientem Juris incertitudinem declarandam, & vel causam ad superiorem referendam, vel litigantibus suggerenda media, quibus ex ipsorum consensu controversia terminetur: cujusmodi sunt compromissum in Arbitros, rei litigiosæ divisio, transactio, vel amicabile compositio, vicijus unus rem litigiosam, alter aliam, aut certam pecuniæ quantitatem accipiat. Sanchez l. t. Moral. cap. 9. num. 45. Haun. tom. 5. tr. 2. num. 9. Vviestner num. 51.

30 Dixi Regulariter; quia non desunt casus, in quibus, etsi probationes, & ex his orta merita causæ paria sint, Judex tamen pro alterutro pronuntiare debet. Et talis est.

1 Cum litigantium alter est in possessione; nam in hac defendendus est, donec de adversæ partis Jure constet c. ex litteris 3. de prob. c. in pari 65. de R. J. in 6. ubi dicitur, in pari causa potiorum esse conditionem possidentis.

2 Si causa sit favorabilis v. g. matrimonii, dotis, libertatis, alimentorum, viduarum, pupillorum, & aliæ causæ piæ; nam tunc cæteris paribus favor causæ illius prævalet, estque pronuntiandum etiam contra reos, si favor ejusmodi pro actore stet c. fin. hoc tit. & ibi Glossa in casu.

3 Si causa sit criminalis; nam in his reo, quantumvis ejus innocentia minus probabilibus argumentis defendatur, favendum est, ut communis sensus DD. habet, & aperte constat ex Reg. 11. in 6. ibi: Cum sunt partium jura obscura, reo favendum est potius, quam actori; quod juxta omnes Interpretes in criminalibus procedit. Ratio est, quia etsi forte periculum sit, ne ita absolvatur ille, qui revera est nocens, hujus tamen absolutione minus Resp. læditur, quam innocentis condemnatione; & hinc ad istam in criminalibus Leges exigunt probationes luce meridiana clariores l. fin. C. de Probat. Conf. ex vulgata Regula; Quamvis quis non est probatus nocens, tamen si censens est innocens. In casu autem æqualium utrimque probationum accusatus non probatur nocens; ergo &c.

31 Dub. 2. utrum Judex necessariò de quæstione incidente, vel emergente pronuntiare debeat verbis expressis? Dixi n. 17. Sententiam Interlocutoriam super quæstione incidente, vel emergente proferri. Quos terminos etsi aliqui velint quoad significatum non differre, juxta alios tamen diversa significant; nam Incidentis dicitur, quod ante litem ortum est, & in lite mota incidit, sed habuit causam antiquiorem, ut est pactum de non petendo, quod factum est ante litem, de quo tamen post litem motam oppositur exceptio. Emergens appellatur, quicquid in causa nascitur, quod tamen causam non finiat, ut quando queritur, an reus sit admittendus, an confessio rei revocanda, an dilatio danda, an posuio, vel interrogatio facienda &c. His suppositis.

Respond. 1. Si de quæstione incidente agitur, quæ ipsius causæ merita respicit, tanquam ab illa quæstione dependentia, verb. grat. si queratur, an is, qui præten dit hæreditatem, sit filius, vel liber, adeoque capax hæreditatis præten sæ, non est necesse, ut Judex specialiter super hujusmodi quæstione pronuntiet sed sufficit pronuntiare de causa principali.

Constat ex l. actio 1. C. de ordin. judic. & l. si de hæreditate 2. C. de ordin. cogn. Ratio est, quia sic pronuntians indirectè dicit, ex persona victoris nullum esse impedimentum. Ergo non est opus aliis ambagibus, modò de incidente cognoverit.

32 Resp. 2. Si quæstio incidens tendit, & objicitur ad impediendum causæ, vel litis processum, necesse est Judicem de ea specialiter pronuntiare, priusquam de causa principali pronuntiet. Colligitur ex leg. inter 39. princ. ff. de minorib. & pater argumento à contrario cum Responsione priore; nam per sententiam pronuntiatam in causa principali non hoc ipso tollitur quæstio incidens, & objecta ad impediendum processum causæ, in d. pronuntiatio in causa principali est potius contraria quæstioni huic incidenti propositæ.

Resp. 3. Si quæstio sit emergens, & merita causæ non concernens, Judex quidem pronuntiare de ea debet, sed non est necesse, ut de illa expressè pronuntiet; sufficit enim, si pronuntiet tacitè, ad ulteriora scilicet procedendo, exceptione non obstante arg. c. ex parte 67. de appell. ibi: Sed quia judices hac exceptione neglecta &c. Excepunt aliquid quæstionem emergentem circa Schmalzgræber Tom. II.

ca incompetentiam Judicis, de qua volunt, quòd Judex debeat etiam expressè, & specialiter pronuntiare. Hoc tamen cum aliis negat Fachin l. 1. contr. cap. 43. concl. 4. ubi ait sapissimè observatum se vidisse, quòd sufficiat, si Judex mandet ad ulteriora procedi. Et hinc moner Haun. tom. tr. 5. n. 12. observandum in hac re consuetudinem, cum Jura deficient.

Dub. 3. utrum valeat sententia lata à pluribus Judicibus 33 quorum unus Jurisdictione, e. g. ob excommunicacionem privatus est? Resp. distinguendo inter Judices Ordinarios. & delegatos; nam si ex duobus, vel pluribus Judicibus Ordinariis unus sit excommunicatus, sententia, ut procedit à non excommunicato, valet; quia hi in solidum singuli actualem Jurisdictionem habent: At si unus ex duobus, vel pluribus Judicibus delegatis excommunicatus sit, vel alias Jurisdictione careat, sententia invalida est quoad omnes, etiam non excommunicatos, & non privatos Jurisdictione. Sumitur ex cap. ad probandum 24. hoc tit. & docent Layman ibid. num. 2. & seqq. Barbosa num. 1. & seqq. Vvagnerec. not. 2. Vallenf. §. 2. num. 3. Zoef. num. 6. Pirhing n. 73. & 75. Sannig c. 6. n. 2. Ratio est, quia Judicibus delegatis exercitium Jurisdictionis non comperit singulis in solidum, sed pro parte solum, ut omnes scilicet procedant, quia omnes judicare jussi sunt; & hinc ob defectum unius vitatur totum id, quod agit excommunicatus simul cum cæteris non excommunicatis.

Proceditque hoc 1. etiam si tales Judices delegati dari essent cum adjuncta clausula quod si non omnes, sive, ut si unus nolit, vel non possit, alter solus, vel alii procedant sine illo; nam procedendo cum inhabili v. g. publicè excommunicato, vel non valente judicare ob aliunde deficientem Jurisdictionem, inficiant propriam Jurisdictionem etiam non excommunicati: omnes enim voluerunt judicare, quod non potuerunt. Abb. in c. 24. cit. n. 4. Layman ibid. n. 2. Barbosa n. 4. Pirhing n. 74. Procedit 2. etiam in Arbitris compromissariis electis à partibus; nam si unus illorum sit privatus potestate cognoscendi de causa, quia v. g. publicè excommunicatus est, sententia etiam à cæteris lata nullius est momenti: quia Arbitria ad instar Judiciorum redacta sunt l. compromissum 1. ff. de recept. qui arbit. Procedit 3. etiam in cæteris actibus Judicialibus: nam si causa irritandi afficiat processum, eo casu etiam iste dicendus est irritus. Colligitur ex c. ad probandum cit. ubi præcipitur, ut instituarur de novo cognitio super electione. Eritque hic irritus vel in totum, vel partem, prout causa irritandi vel totum, vel partem ejusdem afficit. Layman. l. cit. n. 4. Pirhing n. 76.

Dub. 4. quænam sententia prævaleat, quando in una, eademque causa duo, vel plures Judices diversa pronuntiant? Resp. hic videndum, num diversa pronuntient in numero pari, vel dispari. Si hoc posterius, plurium sententia prævalet l. duo 39. ff. de re judic. nam & in aliis casibus major pars ad se minorem trahit, & ab omnibus conclusum censetur, quod à majori parte conclusum est.

Si prius, distinguendum, utrum sint Judices delegati, vel ordinarii. Si delegati sunt, neutrius partis sententia valet, sed utraque quasi in pendenti est, donec alterutra à JUDGE delegante confirmetur c. per hoc 17. de hæret. in 6. l. duo Judices 28. ff. de re judic. Ratio est, quia nisi aliud in rescripto expressum sit, Jurisdictionem quoad exercitium, & usum, non in solidum, sed pro parte duntaxat habent; & propterea eorum unus sine altero non potest procedere c. causam 16. de Offic. delegat.

Si verò sint Ordinarii, sententia illa præponderat, quæ est pro reo, nisi actor habeat causam favorabilem c. fin. hoc tit. & l. inter pares 38. ff. de re judic. Ratio est, quia hi singuli Jurisdictionem in solidum habent, adeo, ut unus sine altero judicare possit; cum ergo utriusque contraria pronuntiantis sententia valeat nequeat, alterutra valere debeat, æquum erit, ut pro valida habeatur, quæ lata est pro reo; urpote cujus causa alias est favorabilior Reg. favorabiliores 125. ff.

Dub. 5. an, & quando sententia lata à JUDGE revocari possit? Resp. distinguendo inter sententiam definitivam, & interlocutoriam. Prior revocari nequit, ut patet ex leg. Judex 55. ff. de re judic. potest posterior, antequam lata sit sententia definitiva c. cessante



60. de appellat. & c. si à Judice 10. junct. Glossa ibid. V. *gravamen eod. in 6.* Ratio disparitatis est, quia Judex ferendo sententiam definitivam, quoad illa causam postea Judex esse desinit, ut dicitur l. *Judex cit.* non desinit esse Judex ferendo sententiam Interlocutoriam, cum ejus pronuntiatione lis non finiatur:

Procedit autem hoc regulariter; nam plures sunt casus, quibus Judici, etiam interlocutori, revocatio sententiæ suæ permixta non est. Et talis est, 1. Si mandata jam sit executioni; cum enim tali casu res non amplius sit integra, revocari non poterit amplius lata sententia, nisi de consensu utriusque partis, 2. si confirmata sit vel à Superiore, malè appellatum pronuntiant; vel ab ipso Judice interlocutore, quod super revocatione imploratus eam non revocavit, sed geminavit, 3. si lata sit de consensu utriusque partis, 4. si adjuncta sit definitivæ sententiæ, & quodammodo ejusdem pars, 5. si Judex appellationem ab interlocutione sua ad Superiorem admisit, & ab isto, ne in causa procedat, fuit inhibitus, 6. si interlocutoria vim habeat sententiæ definitivæ.

37 Quæritur 3. qualis debeat esse sententia, ut sit legitima? Resp. 1. debet esse certa; intellige, quatenus res in Judicium deducta patitur § *curare 32. Inst. de Action.* & ibi Glossa V. *vel rei.* Ratio est, quia finis sententiæ est, ut lis sopiatur, quod non fit, quando sententia est incerta. Hinc nulla est sententia, si Judex dicat, *Solve, quod debes*, sed res simul exprimentenda est, ut patet ex § *cit. & toto tit. C. de sens. qua fin. cert. quart. proferit.*

2 Debet esse Pura, & Absoluta, & non sub conditione lata, ut habetur leg. si quidem 1. §. *biduum 5. ff. quand. appelland. sit.* Hinc non consistit sententia, qua Judex diceret: *Condemno Titium, si est probatum eum debere.* Ratio est, quia tali sententia non imponitur finis controversiæ, videturque ea sententia sine sufficienti causæ cognitione lata, cum adhuc dubium sit, an legitime probatum sit, vel non.

3 Debet esse Conformis Libello, ut colligitur ex c. qualiter 24. circa fin. & ibi Glossa V. *Judicis formam de Accusat. Clem. sap. 2. §. Verum de V. S. ut fundus 18. ff. commun. dividund.*

4 Debet esse Conformis juri; in quo tamen distinguendum est; nam dupliciter sententia aliqua esse potest contra Jus, nimirum vel contra Jus constitutionis, vel contra Jus partis litigantis. Contra Jus Constitutionis tunc esse dicitur, quando Judex aliter judicat, quam Legem definitum, vel moribus receptum sit; Contra Jus partis litigantis verò tunc, quando Judex malè negat per sententiam, quod litigans Jus suum satis probavit, aut deduxerit. His positis.

38 Dub. 1. qualis incertitudo, vel obscuritas tollat valorem sententiæ? Resp. illa, quæ major est, quam res in Judicium deducta possulet; nam quia hæc litem potius accendit, quam extinguit, merito illam Leges irritam declarant § *curare 32. Inst. de Action. leg. hac sententia 3. & l. fin. C. de sens. qua fin. cert. quant.*

Dixi, Quæ sit major, quam res in Judicium deducta possulet; nam hæc interdum talis est, ut incerta sententia ferenda sit, veluti si fructus petantur, si ex obligatione alternativa agatur &c. quo casu non est necesse, ut determinatio rei, vel quantitatis sit specifica, sed satis est, si sit relativa ad aliud, ex quo ejus certitudo peti potest.

Hinc valet sententia, qua Judex jubet summam, ab Actore petitam, vel legatam in Testamento, solvi, vel qua præcipit restitui domum cum suppellectili, Castium cum pertinentiis, fundum cum fructibus. Imò in condemnatione fructuum, & expensatum receptum est, ut Judex generaliter tantum ad fructus, & expensas restituendas condemner reum; quia etiam ab actore tantum in genere petuntur, & deinde primum in executione specificatio, & taxatio fit.

39 Dub. 2. qualis conditio sententiæ valori obstat? Resp. tantum illa, quæ est conditio propriè dicta, seu de futuro, & actum suspendit ad futurum eventum, non autem conditio de præterito, vel de præsentis. Pithing hic n. 21. Imò nec quævis conditio de futuro obest valori sententiæ, sed tantum extrinseca; nam sub conditione intrinseca, & necessaria ferri potest sententia, ut si Judex dicat: *Defero tibi Juramentum, & si præstiteris, ab-*

*solvam te, vel absolvo.* Glossa in l. cum Judex 11. V. *palam C. de sens. & interloc. omn. jud.* Perez ibid. n. 26. Haun. tem. 5. tr. 5. n. 39. Pithing hic n. 21. cit. Vviefner n. 43.

2 Obest conditio solum in sententia definitiva, non autem in interlocutoria; nam interlocutoria lata sub conditione valet. Pithing loc. cit. in fin. Imò etiam in definitiva tantum illa valorem sententiæ tollit, quæ incertitudinem, & obscuritatem inducit: si hoc non fiat, etiam sub conditione extrinseca, & de futuro lata valet, quavis appellari ab ea possit. Perez loc. cit.

3 Intelligendum hoc est præscindendo à consuetudine; nam ex hac firmitatem accipit forma illa, quæ in multorum locorum Tribunalibus usitata est, ut reus absolvatur à petitione Actoris cum clausula: *Nisi possit Actor intentionem suam melius, quam in actibus præcedentibus factum est, probare, idque si intra unum, vel alterum mensem præstiterit, fiet tunc, quod juris est &c.* & ratio est, quia nuppiam invenitur consuetudo hæc reprobata à Jure: imò utilis hic modus est partibus; quia si post ejusmodi sententiam novas probationes, exceptiones repererint, illas proponere possunt coram Judice primæ instantiæ, & sic liberantur ab onere appellandi, vitanturque incommoda, quæ sæpe ex Appellationibus, surgunt appellanti.

Dub. 3. quomodo sententia debeat esse conformis 40 Libello? Certum est, quod non semper debeat esse conformis conclusioni, & petitioni Actoris; alioquin omnis sententia deberet condemnatoria esse, nec unquam reus absolvi posset, cum semper in suo Libello actor petat condemnari reum. Quando igitur dicitur, quod sententia debeat esse conformis Libello, intelligendum est, quod debeat esse conformis quoad modum decidendi.

Debet autem conformis esse in tribus, 1. in re, quæ petitur. Unde Imperator l. fin. C. de fideicommiss. libert. stultum appellat Judicem, qui, cum res in libello petitur, & præstari potest, reum condemnat in æstimationem rei, 2. in causa petendi, ut si res ex causa donationis, venditionis &c. in Libello petatur, non ex alia adjudicetur. Valleng. hic § 3. num. 8. 3. denique in actione, ut eam, quæ instituta est, Judex sequatur, esto, Actor aliam pinguorem habuisset. Valleng. n. 8. Haun. n. 87.

Sunt tamen complures Casus, in quibus Judex deflectere à Libelli petitione potest, & aliquando plus aliquando minus in sententia determinare, quam in Libello petatum sit. Et talis casus est 1. si hoc necessitas, vel æquitas suadeat; nam huic magis, quam Libello conformem esse sententiam decet, utpote quæ vel maxime debet esse ex æquo, & iusto lata, 2. potest Judex ultra petita in Libello, & deducta in Judicio condemnare in iis, quæ virtualiter, & tacite insunt rei, ut si petatur fundus, potest condemnare etiam ad fructus &c. 3. in causis criminalibus, in quibus Judex reum ad penam, quæ sibi iusta videbitur, condemnare potest, ac debet, quantumvis in Libello eam non expresserit, aut aliam insigni petierit accusator, 4. in supremo Tribunali Principis, in quo proceditur sola veritate inspecta, 5. etiam Judex inferior declinat à petitione Libelli potest quoad modos, qualitates, & tempora, 6. denique deflectere à Libelli petitione Judex potest, & debet, si Actor causam petendi à se allegatam non probavit.

Dub. 4. an, & quando sententia lata contra Jus 41 constitutionis sit irrita? Resp. distinguendo; Vel enim est contra Jus constitutionis, quod respicit merita causæ tantum, vel contra Jus respiciens aliud extrinsecum, & diversum à meritis causæ, e.g. quod lata sit à Judice non habente Jurisdictionem, quod ab excommunicato notorie, quod contra pupillum, vel minorem stantem in Judicio sine auctoritate Tutoris, vel Curatoris, quod die festo lata sit, vel in Ecclesia à Judice seculari &c.

Si hoc secundum, sententia est ipso Jure irrita, sive error in ipsa sit expressus, sive non; nam regulariter, quicquid sit contra Jus, est nullum l. non dubium 5. C. LL. & Regul. quæ contra jus 64. de R. I. in 6. Abb. in cap. 1. hoc tit. n. 4. & 5. Pithing hic n. 7.

Si priore modo sententia repugnet Juri, videndum, an error Juris in sententia exprimitur, vel non; nam si in sententia exprimitur, ut si Judex pronuntiet minorem



rem 14. an. posse testari, aut si pronuntiet electionem esse validam, quia suspensi possunt eligere &c. Sententia ipso jure est irrita, potestque usque ad 30. annos etiam sine appellatione impugnari *c. sententia 1. hoc tit. l. illud 1. §. item cum contra 2. ff. quæ sent. fin. appell. rescind. l. si expressim 19. ff. de appellat. & relat.* non enim jure fertur sententia, quæ contra Jus ipsum pronuntiatur. *Neque refert*, an sententiam sit lata contra Legem civilem, vel Canoniam; nam etiam in foro Canonico nulla est sententia, quæ lata est contra Legem civilem, eo, quod Ecclesia Leges civiles approbet, quæ Legibus Canonici non adversantur. *Abb. in c. sententia cit. num. 1. Vivian. ibidem princ. Henr. Canif. num. 3. Gonzal. num. 6. & seqq. Vvagn. not. 1. Proceditque hoc non tantum de Legibus communibus, sed etiam particularibus locorum statutis, & consuetudinibus, utpote quæ, & ipsa Legis vim, & effectum habent. Requiritur tamen, ut Jus hujusmodi certum, & clarum sit; nam dubium Jus, seu quod varios intellectus recipit, propriè Jus non est, utpote quod debet esse manifestum can. erit autem 2. dist. 4. conf. sententia contra id lata, ex hoc capite non efficitur irrita. Abb. l. cit. n. 9.*

42 *Quod si vero Sententia contra Jus Constitutionis quidem, merita causa concernens, lata sit, sed error juris in ipsa sententia non exprimitur, videri quidem posset, etiam ipsam esse irritam ipso jure, ex paritate cum sententia lata à Judice contra Jus respiciens aliquid extrinsecum, quam ipso jure irritam dixi n. præc. etsi errorem juris expressum non contineat.*

Sed hoc non obstante, dicendum, regulariter esse validam ipso jure, & nisi appelletur intra decennium, transire in rem judicatam *cap. cum inter 13. in fin. hoc tit. l. cum prolatis 32. ff. de re judic. Abb. in cap. 1. cit. num. 7. Layman ibidem n. 3. Gonz. n. 8. Vallenf. hic §. 3. num. 7. Zoel. num. 8. Pirhing num. 4.* Ratio est, quia Jus eo casu præsumit Judicem rectè processisse. *Excipitur*, nisi injustitia sententiæ notoria sit; tunc enim etsi juris errorem expressum non habeat, ipso tamen jure invalida est sententia, prout semitur ex *cap. inter ceteras 9. hoc tit. & ratio est, quia in hoc casu cessat præsumptio, quod Juxta rectè processerit, ex qua sola præsumptione sustinetur tanquam valida sententia notoriè injusta.*

*Ad rationem dubitandi in contrarium negò paritatem.* Ratio disparitatis est, quia quando sententia fertur contra Jus respiciens merita causæ, datur judici potestas cognoscendi, & arbitrandi, cujus partis sint potiora jura: ideoque tunc præsumitur justum, quod Juxta judicavit, nisi in sententia exprimitur error juris. At vero quando sententia fertur contra Jus respiciens aliud extrinsecum causæ, tunc Juxta non habet facultatem arbitrandi, sed tantum judicandi secundum juris præscripta, eaque exequendi: adeoque sententia lata non subsistit:

43 *Dub. 5. an sententia, quæ lata est contra Jus litigantis, ipso jure subsistat? Videtur non subsistere. 1. quia sententia injusta adversatur omni juri: naturali quidem; quia Lex naturalis dicitur malum non esse faciendum: Divino; quia hoc vetat innocentem damnari, & nocentem absolvi: positivo humano; quia ita cautum est l. absentem 5. ff. de pœnis, & cap. sententia 1. hoc tit. Igitur sententia injusta, utpote contra omne Jus lata, nulla est ipso jure. 2. injustum judicium nullum est judicium, ut colligitur ex can. justum 1. caus. 23. quæst. 2. ergo etiam sententia injusta nulla est sententia. 3. nullum est Decretum, quod à judicibus contra partium justitiam interponitur. ergo nec sententia contra Jus partium lata valida erit. 4. condemnatio, & absolutio in qualibet causa ambulant pari passu l. qui damnare 3. ff. de re judic. sed absolutio contra Jus partis concessa nulla est c. cum pro causa 27. & cap. officii 42. de sent. excomm. ergo nec condemnatio contra Jus partis facta vites habet. 5. sententia, quæ fertur ex falsis instrumentis, est prolata contra Jus partis, & tamen hujusmodi sententia est ipso jure nulla c. cum venerabilis 6. & Gloss. ibidem de except. ergo & sententia, quæ profertur contra Jus partis, est ipso jure irrita.*

44 *Verum hæc non obstant communi sententiæ, juxta quam sententia, quæ lata est contra Jus litigantis, etsi iniqua sit, modo iniquitas, & injustitia ejusdem non sit notoria, ipso jure sustinetur, & nisi condemnatus intra 10. dies appellet, in rem judicatam transit. Ita*

*Vivian. in c. 1. hoc tit. & in cap. 13. eod. Henr. Canif. in Summ. hic Gonzal. in c. 9. hic num. 2. & in c. 13. num. 4. & seqq. Vvagn. not. 4. Vallenf. §. 3. num. 7. Zoel. num. 8. Engl. num. 16. Vviesner n. 47. & constat ex c. cum inter 13. hoc tit. & l. illud 1. §. item cum 2. in fin. ff. quæ sent. fin. appell. rescind. Ratio est, quia juris præsumptio est, quod Juxta rectè processerit.*

*Dixi, Modo injustitia sententiæ non sit notoria; nam si notoria sit, non minus ipso jure irrita erit sententia contra Jus litigantis lata, ac irrita est lata contra Jus constitutionis secundum dicta n. 4t. Ratio patet ex modo dictis; nam sententia contra Jus partis lata tanquam valida sustinetur ex solo hoc capite, quod, ut primum dictum est, pro Juxta sit præsumptio, eum rectè processisse. Atqui si injustitia sententiæ sit notoria præsumptio ista cessat. ergo &c.*

Sic probatæ, & explicatæ responsioni non obsunt argumenta opposita. *Ad 1. distinguendum est inter forum internum, & externum: in foro externo, quamdiu præsumptio justitiæ, quæ pro tali sententia stat, non enervatur, sententia talis sustinetur, nec auditur, qui privatam scientiam injustitiæ illius se habere fatetur; at in interno, ubi judicatur non secundum præsumptionem, sed secundum rei veritatem, privata scientia de sententiæ injustitia præsumptioni de justitia illius prævalet. Ethinc casu, quo condemnato manifestum, & evidens est, quod Juxta non rectè, sed injustè sententiam tulerit, in eodem foro conscientia illi parere non tenebitur, sed poterit ejus executionem subterfugere, modo scandalum cesset: Imò nec is, qui vicit in causa, si pro certo habeat sententiam injustam esse, salva conscientia illi sententiæ se conformare poterit; & de hoc ipse Juxta, si iniquitatem certo cognoscit, monere victorem tenebitur in conscientia. Ad 2. assertio solum intelligenda est de sententiis, quæ apparenter, & secundum opinionem justæ sunt humano arbitrio, quales sunt omnes, quæ non apparent injustæ; nam hæc sunt præsumptivè justæ. Ad 3. Jura, quæ dicunt, quod Decretum interpositum contra partium justitiam nullum sit, loquuntur de casu, quo res causæ cognitionem requirit, & hæc omissa est: Nec mirum hoc esse debet; quia tunc non servatur forma à jure præscripta, & conf. corrumpit præsumptio pro justitia sententiæ. Ad 4. etiam absolutio ab excommunicatione, si per modum sententiæ in judicio, lite inter partes pendente, contra Jus partis lata est, valet ipso jure, sicut in eisdem terminis valet excommunicatio. Hinc quando dicitur, quod absolutio contra Jus partis concessa non valeat, intelligi debet in casu, quo absque lite ad preces excommunicati, & ita tanquam gratia, beneficium consequitur: sed tunc ratio, quare invalida sit, non est injustitia, sed subreptio, qua per falsi expressionem, aut veri suppressionem contra Jus alterius obtinetur. Ad 5. aliqui concedunt tenere sententiam ex falsis Instrumentis latam, sed adversus illam concedi restitutionem in integrum, ut habetur l. Divus 33. ff. de re jud. de quo infra.*

*Dub. 6. an aliquando Juxta contra Jus strictum ex æquitate, vel alia causa pronuntiare possit? Ratio dubitandi est 1. quia in omnibus rebus æquitatis potius, quam stricti juris habenda est ratio l. placuit 8. Cod. de judic. l. in omnibus 90. ff. de R. J. ergo si Juxta agnoverit æquitatem suadente decernendum esse aliud, quam jure scripto cautum sit, & eam sequens contra Jus pronuntiaverit, justè decet. 2. Prætoris officium est contra Jus strictum ex æquitate pronuntiare, & statuere l. Divus 7. ff. de in integ. restitut. unde in pluribus casibus prætor juris asperitatem mitigavit, & correxit, ut passim videre est in Legibus: imò & Jctotum magna olim erat auctoritas pronuntiandi contra Jus scriptum, æquitate contrarium suggerente, ut iterum patet ex pluribus textibus juris civilis. ergo sententia contra Jus pronuntiata valet, & sustinetur. 3. post rem judicatam non quæritur amplius, an æquè, vel iniquè sit judicatum, sed pro veritate res judicata habetur. igitur in controversiam sententiæ æquitas deinde trahi amplius non potest. 4. Sententia prolata contra Rescripta, & constitutionem Principis ipso jure valet, ut colligitur ex l. relegatorum tempus 7. §. ad 4. ff. de interd. & relegat. ibi, Sic tamen, ut non infirmarentur sententia, quæ ita sunt prolata. sed hæc, & omne id, quod Principi placuit,*



*cuit, Legis habet vigorem*, ut ait Ulpianus *l. quod Principi 1. ff. de consil. princip. l. cum prolatis 32. ff. hoc tit.* docetur, quod iudex pronuntiasset contra Leges, putans causam agitatam per eas non juvari, ipso jure sententia valeat, & indigeat appellationis remedio: igitur quia sententia contra expressas constitutiones prolata ipso jure non improbat. 30

47 Sed his non obstantibus, dicendum, quod iudex inferior contra jus clarum neque ex æquitate, neque ex alia causa pronuntiare valeat. Ita Vivian. *in c. 1. hoc tit. in princip.* Henr. Canis. *ibidem n. 3.* Gonzal. *n. 6. & seqq.* ac communissimè ceteri. Ratio est, quia facti solum quæstio iudicis arbitrio relinquitur; quæ autem sunt juris, legis authoritati *l. accusatorum 1. §. quorum 4. ff. ad SC. Turpill. & l. ordine 15. princ. ff. ad municipal.* unde si contra jus expressè iudex pronuntiet, functionem iudicis egredius, Legislatorem se facit. Accedit, quia secundum Leges iudex sententiam ferre debet, non suo sensu *l. nemo 13. C. de sent. & interloc.* Denique sententia est Lex aliqua particularis à iudice prolata ad jus faciendum inter partes; Leges verò, & Canones sunt Leges generales à Summo Pont. vel Imperatore prolatae ad jus faciendum inter omnes eorum subditos. non autem potest inferior tollere Legem superioris. ergo &c. Dixi autem *iudex inferior*; nam superior iudex, seu quipso est Legislator, sicut Legem à se latam tollere omnino potest, ita etiam, si æquitas ita postulet, contra eam pronuntiare.

48 Rationes dubitandi allatae in oppositum facilem solutionem patiuntur. Ad 1. dico hoc proprium, & peculiare Principis esse, quod in conflictu æquitatis, & stricti juris interpretationem præbere possit. *l. inter 1. Cod. de Legib.* Ad 2. fateor olim potestatem mitigandi asperitatem juris pertinuisse ad JCTos, & Prætores, sed tantum quoad rationem, & regulam juris, non verò quoad ipsas Leges: unde directè contra Legem non statuebant, sed in casibus, à jure non decis, Leges ipsas interpretando, quod æquum videbatur, definebant: quod etiam hodie iudex potest. Ad 3. si sententia lata sit contra jus expressum, ut infra dicitur, non transit in rem judicatam; quia jure nulla est, & non meretur nomen sententiæ. Ad 4. *l. relegatorum cit.* sermo est tantum de Rescriptis ad privatorum preces concessis, quæ ipsis solum profunt, inter alios jus non constituunt, nisi eo animo concedantur, ut perennia sint, vel ad juris declarationem emanaverint, aut in Corpore juris clausæ sint. Ad 5. aliud est iudicem pronuntiare expresse contra Leges aliud sententiam ferre contra Leges, per similitudinem solum ad propositi casus resolutionem adductas: de secundo hoc casu intelligenda est Lex 32. cit. non de primo; nam si primo modo sententia sit contra Legem, nulla est, & irrita, ut hæcenus dictum est.

49 Dub. 7. quid dicendum de sententia lata contra privilegium? Videtur esse irrita; nam privilegium est, & dicitur Lex privata *canon. privilegia 3. distinct.* 3. igitur si sententia lata contra Legem est ipso jure irrita, etiam ipso jure irrita erit sententia lata contra privilegium.

Sed adhuc dicendum talem sententiam valere, & nisi Tempestivè appelletur, transire in rem judicatam. Ita Vivian. *in c. suborta 21. hoc tit.* Layman *ibidem num. 6.* Gonzal. *n. 3.* Konig *n. 46.* cum communi aliorum. Colligitur ex *c. suborta cit.* ubi etiam hæc ratio redditur: Vel enim tale privilegium fuit prolatum in iudicio, vel non fuit exhibitum, aut prolatum. Si *primum*, & iudex nihilominus sententiam adversus privilegium protulit, & tunc intelligitur illud reprobasse. Si *secundum*, iudex illius rationem habere non debuit; neque enim vi privilegii noviter reperti, vel producti sententia, à qua appellatum est, retractari potest.

Neque obstat ratio dubitandi allata; nam etsi dicatur Lex, est tamen Lex tantum privata, & talis, cui quisvis renunciare potest. igitur iudex ad privilegium non debet attendere, nisi allegetur, cum penes partem sit, utrum suo privilegio uti velit, vel non: licet allegetur, non est nisi Lex dubia, & incerta, cum semper dubitari possit, an non fortè per subreptionem obtentum, aut falsificatum sit, sicque sententia contra privilegium lata non est contra Legem claram, & indubitatam, adeoque valida.

Quæritur 4. quomodo ferri debeat sententia, seu quæ alia circumstantiæ requirantur, ut legitima sit sententia? Resp. 1. ferri debet partibus litigantibus legitime, h. e. trina, vel una peremptoria citatione ad eam audiendam vocatis. Sumitur ex *Clem. Pastoralis 2. hoc tit. l. ea quæ 7. & duab. seqq. Cod. quom. & quand. Iudex &c.* quibus textibus sententiæ, quæ lata est, altero litigantium non citato, rei judicatæ firmitas negatur. Extenditur etiam ad sententiam interlocutoriam, si talis sit, quæ absenti magnum possit afferre gravamen; quia tunc causæ cognitione, & per consequens adversæ partis citatione opus foret. Excipi debet, nisi factum sit notorium, adeo, ut liquido constet, nullam reo condemnando defensionem posse competere; tunc enim valet sententia contra absentem etiam non citatum lata *argum. capit. ad nostram 21. de Jurejur. & capit. cum olim 12. junct. Gloss. V. absenti hoc tit.* Quod si in facto etiam notorio defensio aliqua reo possit competere, etiam ibi opus erit citatione; alias sententia etiam ab Imperatore, vel Principe lata erit nulla, quippe contra Jus naturale, prout sumitur ex *Clem. Pastoralis citat.* & consentiunt DD.

Sed quid si pars citata quidem sit, sed tempore constituto post trinam, vel unam peremptoriam citationem non compareat? Ibi distinguendum est; nam si *per contumaciam* comparere nolit, rectè, & validè pronuntiare sententiam constat ex *l. ea quæ citat. & Auth. qui semel Cod. eod.* At si *absque contumacia* ex causa justa in termino constituto non adest pars, videndum est, an causa illa sit nota iudici, vel ignorata. Si nota iudici fuit, & tamen ille pronuntiavit sententiam, sententia nulla est ex *citt. textibus*, ne inde nascantur injuriæ, unde jus debet oriri. Si *ignorata*, valet, sed retractatur, siquidem is, qui absens fuit ex tali causa, eandem legitime probet iudici. At si legitimum impedimentum absentiae non plenè probet, non retractatur sententia, nisi prius probet eam iniquam esse; nam ad hoc probandum admittitur, saltem si præsumptio aliqua sit contra sententiam, per quam prior præsumptio contumaciæ elidatur. Sumitur ex *c. cum Bertholdus 18. hoc tit.* & docent Abb. *ibidem n. 1.* Gonzal. *n. 4. & seqq.* Layman *n. 6.* Pirhing *hic n. 15. & seqq.* Vviesl. *n. 31.* & hoc Teste communis DD. Excipitur causa Matrimonii, in cujus favorem conceditur restitutio contra sententiam, tamen si justa causa absentiae sufficienter probata non fuerit *c. ex literis 4. de in integr. restit.*

2 Ferri debet cum causæ cognitione, & servato juris Ordine, sive cum præscriptis processus solemnitatibus *c. ad probandum 24. junct. Gloss. V. ex alia justa causa hoc tit. l. prolata 4. Cod. de sent. & interloc. omn. judic.* Hilthrop. *p. 4. tit. 1. §. qual. sit fer. sent. n. 39.* Vvagn. *in c. 19. hoc tit. V. ordo juris*, Vallens. *hic §. 3. n. 6.* Pirhing *n. 17.* Sannig *c. 3. n. 1.*

Quæres, an hoc procedat etiam de Summo Pont. vel alio Summo Principe? Resp. distinguendo; nam aliqua ad valorem sententiæ requiruntur jure naturali, vel gentium, ut est citatio partium, & ut defensio Rei admittatur, si defensio eidem competat; alia solum jure positivo sunt introducta, ut quod Libellus offeratur in scriptis, litis contestatio fiat &c. Quoad ea, quæ descendunt ex jure naturali, vel gentium, etiam Pontifex in causis decidendis, & sententiis ferendis ordinem juris servare debet *c. in causis 19. hoc tit. & ibi Layman n. 1.* Vvagn. *loc. citat.* cum aliis. Quoad ea autem, quæ inducta sunt jure merè positivo, Papa ad ordinem juris servandum non obligatur, cum Princeps hujusmodi Legibus non sit ligatus, & Papa *ex plenitudine potestatis de jure possit supra Jus dispensare*; ut dicitur *c. proposuit 4. de concess. præbend.* & monet Vivian. *in c. 19. cit.* Laym. *n. 1. cit. Pirh. n. 18.*

3 Ferri debet à iudice sedente pro Tribunale *c. fin. hoc tit. in 6. & Novell. 82. cap. 3.* Quæ solemnitas in iudicio introducta fuit partim propter authoritatem ipsius Magistratus, partim, ut innueretur, sedato, deliberatoque animo, & omnibus accuratè perpensis ad sententiam perveniendum. Menoch. *de arbitr. lib. 1. q. 61. n. 1. & seqq.* Estque sententia aliter pronuntiata, si causa sit ordinaria, omnino invalida, & nullius penitus momenti, ut dicitur *cap. fin. hoc tit. in 6.* Proceditque hoc, ut bene advertit Gloss. *ibid. V. sedendo*, non tantum, cum definitivè iudex pronuntiat, sed etiam cum causa plenè cognoscitur, ut se-



ut sedere ibi oporteat iudicem *l. utile 2. §. dies 1. ff. quis ordin. in possess. servet. & Novell. 11. c. 3.*

Dixi autem, *Si causa sit ordinaria*; nam in causis Summariis, ubi de plano, & sine strepitu judiciali proceditur, sententia etiam à non sedente prolata valet per *Clem. saepe 22 vers. sententiam de V. S. & notat Gloss. ibid. V. stans*, Gloss. *inc. fin. cit. V. stans*, Vivian. *ibidem in rat. Menoch. n. 1. cit.*

- 54 4 Ferri debet ex scripto *c. fin. cit. l. hac lege 2. & l. seq. Cod. de sent. ex brev. recit.* Unde nulla est sententia, quæ dicta fuit, cum scripta non esset. Ratio est, quia ejusmodi sententia finem imponit controversiæ, & propterea, postquam prolata est, corrigi non potest à iudice, & de ejus veritate semper constare debet, atqui si ex scripti recitatione non profertetur, saepe contingeret, ut ejus immutaretur tenor, & in judicio prolata veritas occultaretur in præjudicium, & ludibrium victoris. ergo &c.

Non desunt tamen casus, in quibus sententia, etiam sine scripto concepta, & recitata valet. Et talis est 1. si sit lata à Papa, vel alio supremo Principe; nam isti hac, & aliis juris solemnitatibus non adstringuntur. Gloss. *in cap. fin. citat. V. illustrem hoc tit. in 6. Layman ibidem num. 3. Vviesl. hic n. 34. 2.* Si causa sit levis, & exigui momenti, quales solent esse pleræque, quæ agitantur inter personas viles, vel etiam inter aliàs, sed duotum, vel trium aureorum quantitatem non excedunt *Auth. nisi breves Cod. de sentent. ex brev. recit. Franc. in cap. fin. cit. num. 6. Layman num. 3. Batbol. n. 2. Pirbing hic n. 23. Vviesl. num. 34. 3.* Si causa sit notoria; quia in his juris ordinem, & solemnitates observare non est necesse *c. ad nostram 21. de Jurejur. Franc. l. cit. limit. ult. cum cæteris suprâ. 4.* Si sententia talis sit tantum interlocutoria super articulo incidente; hæcenim, etsi à Notario in scriptum sit referenda, verbo tamen, & sine scripto, ut *nu. 20. innui*, pronuntiari potest; quia *cap. fin. cit. & l. Statutis 3. Cod. de sent. ex brev. recit.* solum dicitur de sententia definitiva, quod ex scripto recitari debeat. Ergo à sensu contrario aliud dicendum de sententia interlocutoria. 5. Si aliud permittat consuetudo; nam per eam tolli ejusmodi solemnitates possunt. Franc. Laym. Vviesl. *l. cit.*

- 55 5 Juxta proptio ore illam pronuntiet, necesse est; alias neque nomen sententiæ merebitur, nec ab ea appellare necesse erit *c. fin. cit. l. hac lege 2. & l. seq. Cod. de sentent. ex brev. recit.* Excipiuntur *l. hac lege citat.* Personæ, *illustrem aliquam administrationem gerentes, cæterique Illustres Judices*, qui propter Dignitatis suæ prærogativam sententias per alios recitare, & publicare possunt.

- 56 6 Ferri debet in loco publico: & quidem si iudex sit *Ordinarius*, & certum Tribunal habeat, regulariter loquendo in eo ferre sententiam debet; alias sententia non valet *l. jus 11. ff. de J. & J. & l. cum sententiam 6. Cod. de sent. & interloc. omn. jud. Marant. p. 6. de sent. act. 1. n. 72. Hiltrop. p. 4. tit. 1. §. qualis sit ferend. sent. n. 3. Pax Jord. tit. 23. n. 166.* Si vero sit *Delegatus*, videndum, an ad unam solum, vel aliquas causas particulares delegatus sit, an verò ad universitatem causarum; nam si primum contingat, potest sibi eligere locum congruum, tutum, ac honestum, in quo jus dicat, cum certam sedem non habeat, sicut & arbiter. Bald. *in l. cum sententiam cit. Arsi secundum*, debet jus dicere in loco delegantis; quia Ordinarius æquiparatur: & ita intelligi debet textus *l. si locus 59. ff. de judic. Marant. l. cit. Pax Jord. n. 167. Vviesl. n. 35.*

Dixi autem, *Regulariter loquendo*; nam 1. hac Lege excipitur Episcopus, qui de causis, ad forum suum pertinentibus, per se, vel per alium sententias ferre potest in quolibet loco non exempto suæ Diocesis *capit. cum Episcopus 7. de Offic. Ord. in 6. 2.* Si partes litigantes consentiant, sententiam quilibet iudex ferre potest in alio loco non solito, modo non egrediatur Territorium suum. 3. Si ob vim hostilem, grassantem luem Epidemicam &c. in proprio judicio jus dicere nequeat. 4. Si procedatur de plano, sine strepitu judiciali. 5. In causis voluntariæ jurisdictionis. Videatur Marant. *l. cit. à num. 72.*

- 57 7 Ferri debet, antequam triennii in civili, & biennii lapsu in causa criminali Instantia sit petempta *l. properandum 13. princ. Cod. de jud. quod verum est saltem de jure*

Civili, & ubi instantiæ tempus observatur usu: de quo vide *Tit. 1. de Judic. n. 81. & 82.* Ubi ab usu Tribunalium Instantiæ tempus à jure designatum recessit, duo Juxta curare debet: *Unum est*, ut causæ definitionem non protrahat nimium cum partium litigantium damno, & sumptibus: *alterum*, ut non ita properet, ut moram sibi non faciat de causæ metitis rite se instruendi; nam *primum* si faciat, partem injustè gravat inutilibus expensis, quas cavere potuisset, si maturè ponderatis causæ meritis, ubi liquida facta fuit, ad sententiam processisset; si alterum, etsi sententia sic pronuntiata valeat ipso jure, contra eam tamen conceditur restitutio in integrum, eo, quod præsumptio sit injustitiæ, ut habetur *c. cum ex litteris 5. de in integr. rest.* nam judicantem cuncta oportet rimari, & ordinem rerum plena inquisitione discutere. Hinc, ut Vivian. *in c. 2. hoc tit.* ait, nec præcipiti festinatione, nec moratoria cunctatione, sed medium inter viam utramque tenens, lente festinando debet Juxta causam terminare.

8 Ferenda est sententia eo die, & hora, ad quam facta est citatio; alias si feratur ante vel post terminum citationis, non valet, tanquam lata parte non citata *arg. l. aut qui generaliter 5. princ. & leg. fin. §. ult. ff. quod vi, aut clam*: nisi citatus fuerit contumax; tunc enim Juxta potest ferre sententiam post terminum, quandocunque vult sine alia citatione, cum ob contumaciam semper sit in mora. Marant. *p. 6. tit. de sent. act. 1. n. 89. Pax Jordan. tit. 25. n. 181. Vallens. hic § 3. n. 12.* Imò ut notat Mynsing. *cent. 6. obs. 6. n. 12.* ex præxi consistoriorum Germaniæ Provincialium etiam extra casum contumaciæ, si non potest sententia ferri in termino citationis, consistit, & valida erit, si pronuncietur altera, vel etiam tertia die, non præcedente nova citatione.

9 Ferenda est die non feriato *c. omnes 1. de feriis*, & *59 l. fin. C. eod.* & quidem interdum, & non de nocte *c. consuluit 24. de offic. deleg.* ubi ratio additur, quia tenebre aptæ sunt ad fabricandam fraudem. *Excipe*, nisi Judicium de nocte peragi exigat necessitas, vel permittat consuetudo, vel id fiat partium consensu, saltem tacito, ut si præsentis non contradicant; nam hoc casu, licet male agat Juxta, si tamen adhibeantur sufficientia lumina, Processus institutus, & sententia lata valet, præsertim si Juxta honestus sit, cum nulla jure legatur esse irrita, & multa prohibita sint, quæ tamen acta valent *c. ad Apostolicam 16. de Regular. Glossa in c. consuluit. cit. V. tenebras Marant. n. 92. Jordan. n. 183. Vallens. hic § 3. n. 11.*

10 Ferri debet in eum, qui litem contestando suscepit Judicium: & hinc si dominus ipse contestatus est litem, sententia feretur in dominum; si procurator, regulariter in hunc feretur. Excipitur 1. si Syndicus, vel administrator generalis nomine Ecclesiæ, vel alterius communitatis agat in Judicio; tunc enim sententia potest ferri contra Ecclesiam, vel communitatem, ut constat ex *c. licet 9. de probat.* & notat *ibid. Glossa V. commune, 2.* Si Tutor nomine pupilli agat, vel Curator nomine Minoris 20. annis; nam pupillus, & minor ipse Judicium suscipere censetur *l. cum qui 5. §. si auctori 9. ff. de constit. pecun. 3.* Si agatur in Judicio non ordinatio, & procedatur simpliciter, ac de plano sine strepitu judicii. Gloss. *in l. non videtur 1. C. de sent. & interloc. omn. jud. litt. G. 4.* In causis matrimonialibus, & beneficialibus, aut similibus spiritualibus. Glossa *inc. querelam 24. V. aconomi de elect. Abb. n. 10. ibid. Layman. n. 5. 5.* In causa criminali intentata criminaliter *l. fin. C. de injur. Abb. loc. cit. 6.* In foro Canonico; cum enim hoc subtilitates Juris Civilis non attendat, in eodem sententia ferri in dominum absentem potest, 7. In Camera Imperiali; nam in hac, etsi lites omnes per Procuratorem agitentur, sententiæ tamen concipiuntur in personam domini, teste Gaill. *l. 1. obs. 111. n. 2.* ubi tamen excipit causas injuriarum, in quibus sententia contra Procuratorem fertur ad evitandam infamiam.

11 Sententia debet continere condemnationem, vel Absolutionem *c. illa 3. de accusat. & l. res judicata 1. ff. de re judic.* Perinde autem erit, sive hoc exprimatur per verba expressa, & formalia, sive per virtualia, & æquivalentia; nam ubi ad actus formam non verba certa, sed in genere tantum requiruntur, sufficiunt æqui-



æquipollentia *l. stipulatio 1. §. si quis ita 2. & §. fin. ff. de V. O.* Hinc si iudex pronuntiet Titium nihil debere Cajo, absolvisse; vel si iusserit solvere, aut præstare, quod ab eo petitur, condemnasse censetur. Hiltrop. *p. 4. num. 9.* Causam, qua iudex motus ad absolutionis, vel condemnationis sententiam est, regulariter non est necesse exprimere; quia in dubio ad eam iusta causa permotus præsumitur *c. in præsentia 6. de renunt. & cap. sicut 16. in fin. hic.* Imò nec consultum est eam exprimere; quia fortè condemnatus ab ipsa expressa ad appellandam, & sententiam impugnandam animabitur. Abb. *in cap. sicut citat. num. 11.* Dixi regulariter; excipiuntur enim complures casus, in quibus expressio causæ est necessaria. 1. In causis criminalibus, præsertim excommunicationis. 2. In causis appellationis, quando sententia, in prima Instantia lata, revocatur *c. cum Bernhardus 18. hic.* 3. Quando ab observatione iudicii, propter ineptam petitionem actoris in Libello factam, reus absolvitur. 4. Quando quis absolvitur ab instantia iudicii, & per patronos causæ stetit, quo minus causa potuerit definiti. 5. Quando in pronuntiando à jure communi, speciali ordinatione, vel statuto, aut consuetudine recepta receditur, Videatur Durand. *Specul. tit. de sentent. §. 5. num. 14.* Layman *in c. sicut cit. n. 3.* Vviesl. *hic n. 39.*

## §. III.

## De Re Judicata.

## S U M M A R I U M.

62 Quid intelligatur nomine Rei judicate?

63 Quando in hanc transeat sententia?

64 65 66 67 68 Casus, in quibus non transit.

69 70 71 72 An res judicata vim habeat etiam in foro conscientia?

73 74 75 76 77 Casus, in quibus firmitatem res judicata non habet.

62 **Q**Uæritur 1. quid intelligatur nomine Rei judicate? Resp. nomen Rei judicate dupliciter potest accipi: primo pro ipsa lite, seu causa controversa, super qua sententia lata, & quæ, ut Modestinus *l. res judicata 1. ff. hoc tit.* loquitur, *finem controversiarum pronuntiatione iudicis accipit*; & eatenus differt à sententia, sicut effectus à causa; sententia enim respectu rei judicate se habet per modum agentis, & causæ, res judicata vero per modum facti, & effectus. Canis. *in Summ. hoc tit. §. 1. Zoef. hic n. 1. Pirh. n. 3.* Secundo interdum accipitur pro ipsa sententia, non tamen statim, ac pronuntiata est, sed tum prius, quando illa nec defacto per appellationem suspensa est, nec per eandem, utpote decennio elapso, amplius suspendi potest: quod significant communiter DD. quando dicunt sententiam transiisse in rem judicatam.

63 **Q**Uæritur 2. quando sententia transeat in rem judicatam? Resp. tunc, quando victus sententiæ, & pronuntiationi iudicis acquievit, quod fieri potest vel *expressè*, solutionis v. g. terminum, aut dilationem petendo *l. ad solutionem 5. Cod. hoc tit.* vel *tacitè* appellationem intra decennium non opponendo *c. quod ad consultationem 15. hic*; nam utrovis modo si in rem judicatam transierit sententia, ita firma efficitur, ut accipiat pro veritate per *Reg. 207. ff. de R. J.* Estque præsumptio hæc juris, & jure, ita, ut postea non admittatur probatio in contrarium, etiam per Instrumenta de novo reperta *c. suborta 21. de sent. & rejudic. l. post rem 56. ff. eod.* quod statutum est propter rerum judicarum auctoritatem *l. ad solutionem cit.* quæ facit, ut quod jus non est, jus sit, & fiat, ut aliquis sit litium finis. Perez. *Cod. hoc tit. num. 2.* Gonz. *in c. lator 7. eod. n. 6.* Vviesl. *hic n. 69.* Sunt tamen varii casus, & causæ, quibus etiam intra decennium appellatum non sit, sententia tamen in rem judicatam non transit; ac proinde in iis casibus, etiam tranfacto 10. dierum spatio, allegata probabili causa, peti potest, ut de causa iterato cognoscatur, & pronuntietur: imò potest iudex ex officio, etiam invita parte, procedere ad retractandam huiusmodi sententiam, postquam de errore commissio ipsi confiterit, ut præcipitur *c. lator cit.* & notat Pirh. *hic n. 51.* Ratio est, quia ad iudicem pertinet peccata tollere.

QUæritur 3. quibus casibus sententia non transeat in rem judicatam? Resp. viginti quatuor recenset Marant. *de Ord. judic. part. 6. alt. 1. à num. 139.* præcipuos hic enumero. 1. Igitur non transit in rem judicatam sententia, quæ est irrita ipso jure, ut si à iudice incompetente, vel in falsum procuratorem mandato carentem, aut contra jus commune sit lata; nam talis sententia ne quidem decennio, multo minus decennio elapso auctoritatem rei judicate consequitur, cum de nullitate agi, & sententia retractari secundum communem doctrinam usque ad annos 30. possit, Teste Gaill. *l. 1. obs. 127. num. 8.* Neque Appellatio eo casu est necessaria, ut habetur *l. si cum inter 2. Cod. quand. provocat. non est necess.* quia Appellatio tantum interponitur, quando sententia valet.

2 Sententia lata in causa Matrimoniali, sive deinde lata sit contra Matrimonium, quod revera contractum est validè, sive pro Matrimonio, si illud ob impedimentum consanguinitatis, affinitatis &c. contractum sit invalidè; quia nec contractum validè auctoritate sententiæ judicialis dissolvi, nec contractum invalidè eadem auctoritate coalescere potest: & ideo res judicata tantum prodesse non valet, ut ab ea recedere, & reperiendi probationibus, litem de novo resuscitare non liceat *c. lator 7. c. tenor 10. c. consanguinei 11. fin. hoc tit. Gonzal. in c. lator cit. num. 9. Barb. ibidem n. 9. Pirh. n. 47. & seqq. hic, Engl. n. 24. Konig n. 53. Vviesl. à n. 71. & alii passim.*

3 Sententia lata in causa Beneficiali, argumento ducto à Matrimonio carnali ad spirituale; nam etsi vi istius ille, qui per eam in causa succubuit, & intra decennium à sententia non appellavit, eo lapso opponere volens non audiat, & sic quoad ipsum eatenus sententia transeat in rem judicatam, non tamen eo lapsu victorem ita securum efficit, ut non eo lapso de nullitate Tituli adversus illum opponi à quocunque, vel inquiri ex officio possit à iudice *c. constitutus 46. in fin. de Appell. Laym. in c. 32. de elect. n. 2. Vvagn. in c. 7. hoc tit. Pirh. num. 59. Vviesl. n. 80.*

4 Sententia excommunicationis, suspensionis, & Interdicti; nam etsi hoc modo censuratus post decennium à sententia in se lata appellare nequeat, petere tamen absolutionem, & per simplicem querelam de talis sententiæ iniuria queri potest, ut tradit Gloss. *in cap. ad reprimendam 8. V. suspendatur de offic. judic. ord. Abb. in c. 11. hoc tit. n. 9.* idque sumitur ex *c. cum contingat 36. de offic. jud. deleg. c. fin. de penis, c. sacro 48. de sens. excomm.* ex quibus constat, quod petens absolutionem, & probare volens sententiam esse injustam, semper audiat. Eodem modo probari postea potest aliquem esse ligatum censura, contra sententiam, quæ illum pronuntiavit ea esse immunem; quia pronuntiatio iudicis, quod quis non sit excommunicatus, non mutat rei veritatem, si verè sit excommunicatus.

5 Sententia lata ex falsis Instrumentis, vel Testimoniis, præsertim si Testes pecunia corrupti fuerint; nam hæc etiam post decennium retractatur, si ea condemnatus probet adversarium huiusmodi Instrumentis, vel Testimoniis usum, & iudicem in pronuntiando eorum fidem secutum esse *cap. cum J. & A. 22. hoc tit. l. Divus 33. ff. eod. l. & quæ 2. & l. falsam 3. Cod. si ex falsis &c.* Addidi, *Et iudicem eorum fidem secutum esse*; nam ut rectè advertit Abb. *in cap. cum J. & A. citat. num. 6.* si Iudex, prolatis instrumentis pluribus, quibusdam falsis, quibusdam veris, aut plurium Testium, quorundam corruptorum, aliorum idoneorum attestationibus receptis, vera secutus sententiam tulit, hæc in rem judicatam transit, & confirmanda est per textum *cap. cum J. & A. cit.* quod utile per inutile vitiari non debeat, ut habet *Reg. 36. de R. J. in 6.*

6 Sententia lata ex juramento necessatio, quod in supplementum probationum à iudice delatum est parti; hæc enim ex repertis postea instrumentis, etiam lapso decennio, impugnari, & postquam falsitas, & iniustitia juramenti sufficienter probata fuerit, retractari potest, ac debet, ut habetur *l. admonendi 31. ff. de iur. jur.* & dictum est *Tit. 24. num. 56.* Aliter res se habet in sententia lata ex juramento judiciali, à parte sc. parti delato coram iudice; hæc enim propter Instrumenta de novo reperta non retractatur: de quo vide *Tit. 24. de iur. jur. num. 35. & 36.* Ratio disparitatis est, quia de-



cifio ex juramento judiciali fit utriusque partis consensu, & propterea vim transactionis habet, quæ non retractatur prætextu instrumenti post reperti *l. sub prætextu* 19. *Cod. de transact.* at juramentum necessarium non ex utriusque consensu, sed altera parte invita desertur, & quidem ex inopia probationum. Ergo copia probationum emergens illud infirmat. Marant. p. 6. *act. l. n. 146.* Pax Jordan. tit. 25. n. 99. Zoef. hic n. 9. Pirhing num. 62. Vviesl. n. 83.

67 7 Lata ex Consilio alicujus Doctoris, sive Jurisperiti. Vvagn. in cap. 7. *hoc tit.* semper enim retractati potest, quancumque apparebit Consilium alterius rectius sentientis. Idem dicendum, si lata sit ex judicio peritotum, vel expetorum in certa aliqua arte, vel negotio; possunt enim forassis occurrere peritiores, qui ostendant priores errasse: si tamen de consensu utriusque partis sint assumpti, sententia obtineret auctoritatem rei judicatæ.

8 Lata ex depositionibus Testium de credulitate, aut aliis probationibus merè præsumptivis, nisi præsumptiones illæ fuissent juris simul, & de jure; talis enim sententia retractari potest, quancumque manifestum evadit credulitatem illam, vel præsumptionem fuisse falsam *arg. l. si qui adulteri* 31. *Cod. ad Lrg. Jul. de adult.* Felin. in c. *proposuisti* 4. de *Probat. n. 10.* Marant. *l. cit. num. 133.* Vviesl. n. 85.

68 9 Lata ex probationibus à jure reprobatis v. g. per duellum, aut experientiam ferri candentis, aquæ frigida, aut ferventis; nam tali casu sententia est ipso jure nulla: conf. juxta numer. 64. transire in rem judicatam nequit.

10 Denique quævis sententia, quando causa, ex qua aliquis condemnatus est, ad non causam transir: hinc revocanda, & pretium restituendum factori, vel sulloni est, quod solvere per sententiam debuit ob pannum, aut vestimentum, sua culpa amissum, si hoc soluto pretio repertum fuit *l. si sullo* 2. ff. de *condict. fin. caus.* Brunnem. *ibid. n. 1.* Konig hic n. 53. Vviesl. n. 86.

69 Quæritur 4. An res judicata vim habeat etiam in foro conscientia, ita ut verus debitor, (eadem quæstio fieri potest etiam de aliis casibus) si per sententiam secundum allegata, & probata absolutus est ab obligatione solvendi debitum, postquam illa lapsu decennii in rem judicatam transiit, ab ea obligatione etiam in foro animæ liberetur? Satis convenit inter DD. rem judicatam non prodece in foro animæ illi, qui mala fide, sc. cum litigandi justam causam non habere se scivit; judicium nihilominus subiit, & sententiam pro se tulit; quia non est credibile, quod Legislator, sive Ecclesiasticus, sive secularis, calumniolum litigatorem afficere præmio, & ipsi victoriam in foro animæ prodesse voluerint, sic enim litium non finis, sed initium, nec dominiorum, & jurium certitudo, sed mera confusio nasceretur, quippe cum homines improbi facilius ad lites convolarent, spe bona illecti, fore, ut rem, vel jus, quod sine judicio, & sententia consequi desperabant, per judicium, vel sententiam, per nefas extortam, plena cum securitate obtinerent.

70 Dubium itaque solum est de casu, quo quis bona fide litem contestatus, & persecutus sententiam pro se tulit, & ex postea repertis documentis rescit, se e. g. debitorem esse? Quo casu negativam defendunt Innoc. in cap. *quia plerique* 8. de *Immunit. num. 5.* Abb. *ibidem num. 25.* & in c. *cum inter* 13. *hoc tit. num. 8.* Felin. in c. *novit.* 13. de *judic. num. 5.* & 6. Sylvest. *Summ. V. sententia n. 11.* Adrian. *Quodlib. 6. art. 1. vers. ex quo infero,* Sot. *l. 3. de just. q. 4. art. 5.* Azor p. 3. c. 16. *quest. 3. vers. ceterum.* Fundantur 1. textu c. *significantibus* 2. de *purg. vulg.* ubi Innocentius III. ei, qui furti in judicio condemnatus fuit, innocentia illius post transitum sententia in rem judicatam comperta, restitui præcipit universa, quæ illius criminis prætextu eidem ablata fuerant: 2. *l. si sullo* 2. ff. de *condict. fin. caus.* & *l. in commodato* 17. ff. *commodati*, ubi permittitur repetitio solutionis, quam conductor, aut commodatarius, ex locato, vel commodato conventus, ob rem locatam, vel commodatam amissam fecerat, si res postea fuerit inventa, & recuperata, manifestat indicio, per rem judicatam Victorem in causa non effici absolutum. 3. *l. Julianus* 60. *princ. ff. de condict. indebit.* ubi dicitur, si verus debitor à creditore in judicio conventus absolvatur, natura

obligatum manere. atqui naturalem obligationem sententia judicis non potest tollere. 4. *paritate* cum pacto nudo, contractu per metum levem extorto, læn ne infra dimidium justipretii, in quibus actibus, etsi pacificens, metum inferens, lædens infra dimidium per sententiam absolvatur, ab obligatione, naturali tamen, ex hujusmodi actibus orta, non liberatur. 5. *ratione*: quia sententia judicis fundatur in præsumptione justitiæ, & meritorum causæ ejus, pro quo pronuntiatum est, c. *cum inter* 13. in *fin. hoc tit.* ibi, *Quæ præsumitur rite per omnia celebrata.* atqui præsumptio competitæ veritatis cedit, præstitum in foro animæ, in quo super omnia veritas est, ut dicitur *Esdræ l. 3. c. 3. v. 13.*

Hæc argumenta probabilissimam omnino hanc sententiam faciunt; Sed non minus probabilis etiam est affirmativa, quam defendunt Joan. Andr. in cap. *novit.* 13. de *judic.* Host. *Summ. tit. de sent. §. quot sint. vers. sed nunquid prop. med.* Rosell. *V. restitutio* 4. num. 9. Fortun. Garc. in *l. veluti* 2. ff. de *h. & l. num. 24.* Layman *l. 1. rr. 4. cap. 17. num. 3.* Gonzal. in cap. 7. *hoc tit. nu. 5. & seqq.* P. Simon Felix in *resolut. M. S. P. Schmier Process. c. 16. num. 137.* eamque Canonica decisione, & rationis pondere priori prævalere affirmat P. Vviesl. hic numer. 104. Nituntur 1. textu cap. *cum inter* 13. *hoc tit.* ubi *vers. quamvis* Innocentius pro parte diversa allegatus statuit, sententiam observandam, quæ contra jus litigantis lara fuerat ex instrumentis donationis invalidæ, & hanc secutæ infirmæ confirmationis, additque rationem, *quod quantum ad litigantes ipsos jus ex sententia factum est, postquam in rem transiit judicatam.* atqui non posset dici jus ex ea sententia ortum, si res judicata tali casu vim in foro conscientia non haberet; quia jura dici non potest, quo quis sine alterius injuria uti non potest. 2. *l. cum putarem* 36. ff. *famil. herisc.* ubi decretum, quod si quis cohæredem, qui talis non erat, admiserit ad divisionem hæreditatis, eique judicis auctoritate res quasdam hæreditarias dederit, nequeat datum repetere, tamen si postea veritas cognita, & error detectus fuerit. atqui repetitio huic injusè negaretur, si per adjudicationem à qua provocatum non est, & secutam solutionem rerum dominium non transferretur. Si autem transsetur istud, res judicata vim habet etiam in foro animæ. 3. *Ratione*; quia Reip. cum sit domina rerum nostrarum magis, quam nos ipsi, potuit tribuere rei judicatæ tantam vim, ut victorem in conscientia de re ipsi adjudicata securum redderet; & ita securum reddidisse satis colligitur ex pluribus juris utriusque textibus, quibus statuitur, ut res judicata habeatur pro veritate *l. res judicata* 207. ff. de *R. J.* ut jus inter partes litigantes constituat c. *cum inter* 13. *hoc tit.* ut nec per Instrumenta, nec per Rescriptum Principis, nec per novam sententiam, vel transactionem infringi possit *capit. inter* 20. c. *suborta* 21. in *fin. hoc tit. l. si causa* 32. *Cod. de transact. l. latam* 1. *Cod. quand. provoc. non est neceff.* 4. *paritate cum Præscriptione*, quæ, ut *Tit. 26. num. 9.* dictum est, ex tacita voluntate Domini, quam Leges ob bonum, & quietem publicam præsumunt, vires assumit, & ideo potest in omni foro. atqui etiam res judicata ex tacita, vel expressa voluntate domini, per sententiam victi, robur accipit, ut dictum est n. 63. & hæc voluntas merito à jure præsumitur, tum ut rerum dominia, & jura essent terminata, tum ut litium foret finis. igitur & ipsa proderit in utroque foro. 5. *tritis apud JCios Phrasibus*, quibus res judicata dicitur *facere de non ente ens, & de ente non ens, ex albo nigro, ex nigro albam, ex debito indebitum, & ex indebito debitum*; item cum dicunt *eam nature instar juribus dare originem, eaque perimere, auzere, & diminuer*: quæ Phrasæ, & modi loquendi valde improprii essent, si res judicata non prodesset in foro interno.

Argumenta negativæ sententiæ non sunt ita firma, 72 ut non etiam idoneam patiantur solutionem. Ad 1. sententia in cap. *cir.* relata retractationi fuit obnoxia, quia contra juris ordinem, sine probatione legitima, ex sola purgatione vulgari per duellum lata, & ipso jure fuit invalida, conf. juxta dicta n. 64. in rem judicatam transire non potuit. Ad 2. sententia in casu *ll. cit.* non retractatur, sed redit ad non causam; nam æstimatio soluta tantum est in defectum rei amissæ: unde hac reperta, & recuperata à domino, æstimatio, seu pretium ejus sine causa apud hunc existit, ac proinde tanquam inde-



indebita repeti à solvente potest, & restitui ab accipiente debet, ne cum re etiam istam cum damno solventis lucretur accipiens. *Ad 3.* id intelligi debet de eo, qui debiti conscius mala fide litigavit, & sententiam abolutoriam pro se tulit; nam hunc etiam post transitum sententiæ in rem judicatam obligatio naturalis stringit, quod jura non malam, sed bonam dumtaxat fidem habenti assident. *Ad 4.* negatur paritas; nam ex nudo pacto, metu levi, & latione infra dimidium solum negatur actio; sententiæ vero in rem judicatam transitu, & executione in victore extinguitur etiam obligatio, non quidem pronuntiatione judicis (nam prætor dare dominium nequit) sed autoritate juris rerum, juriusque dominium, vel quasi dominium in victorem transferentis, ut ostensum est *n. præc. Ad 5.* esto, quod res judicata fundet præsumptionem justitiæ, & meritum ejus, pro quo judicatum est; illius tamen autoritas, & firmitas non nititur ejus præsumptionis veritate, sed Ordinatione Legali, & salute, seu felicitate Reip. quæ, ut Cicero *Orat. pro Sylla* inquit, rebus judicatis maxime continetur, cum publice magis, expediat, ut res judicatæ firmæ, quam ut semper justæ sint, ut notat Gonzal. *in c. cum inter cit. n. 6.*

73 Quæritur 5. in quibus causis stabilita hætenus, & declarata firmitas rei judicatæ procedat? Resp. procedit solum in causis privatorum; nam ad has apertè restricta est ab Impp. Antonino, & Vero *l. Imperatores 35. ff. hoc tit.* ubi in negotio publico hujusmodi novorum Instrumentorum usus ex causa apertè permittitur. Brunnem. *in loc. cit. n. 3.* Sed etiam in privatorum causis multiplex fieri exceptio debet.

Nam 1. excipiuntur sententiæ latæ in Causis Criminalibus, si capitales illæ sint; nam cum talis sententia secundum dicta *Libr. 1. Tit. 32. numer. 30.* in eum, qui privatim scitur innocens, secundum allegata, & probata ferri non possit, etiam executioni, mandari non poterit in illum lata, quandocunque, & quomodocunque rei innocentia fuerit explorata. Aliud est in causis criminalibus non capitalibus; nam in his, ut *Tit. cit. num. cit.* dictum est, sententia ferri potest secundum allegata, & probata à iudice, etiam si iste privatim sciat eum, quem condemnat innocentem esse. igitur etiam nihil impedit, quin post sententiæ in rem judicatam transitum executioni detur, nisi condemnatus pro ejus retractatione Principi supplicare velit. Molin. *tr. 2. de l. & l. D. 568. n. 4. & 5.*

74 Excipitur 2. quando ex Instrumentis de novo repertis constat, quod jam prius lata fuerit sententia contraria, quæ in rem judicatam transit; nam sententia secunda illi opposita ipso jure esset invalida *can. eique 41. §. definitiva caus. 2. q. 6. & l. latam 1. Cod. quand. provocar. non est necess.* conf. vim rei judicatæ non habet, nec retractationem etiam post decendium faciendam impedit. Addidi, *Quæ in rem judicatam transit;* nam si in rem judicatam non transit, quod vel invalida fuerit, vel in dubium revocata, valebit secunda, & eam pronuntians iudex censetur priorem revocare, & declarare nullam *c. inter 20. hoc tit. & ibi Gloss. V. posthabita, Felin. n. 23. Alex. de Nevo n. 45.*

Excipitur 3. si adversus sententiam, à qua intra decendium provocatum non est, producat Testamento noviter repertum; nam hujus prætextu favore ultimæ voluntatis, ut exitum habeat, sententiam retractandam existimant Bald. *in l. Imperatores 3. §. 1. ff. de transact.* Felin. *in c. suborta 21. num. 12. Oddus de restit. in integr. p. 2. q. 73. art. 4. & favet l. omnibus 1. §. ratio 1. ff. test. quem ad. aper.* ubi Gajus, *Neque enim, inquit, sine iudice transigi, neque apud iudicem exquiri veritas de his controversis, quæ ex testamento profiscerentur, aliter potest, quam inspectis, cognitisque verbis testamenti.* Conf. nam favore ultimæ voluntatis noviter reperti Testamenti prætextu etiam retractatur transactio, & juramentum *l. Imperatores §. 1. cuat. & l. fin. Cod. de reb. credit.* quibus quoad vim, & robur sententia æquiparatur.

75 Excipiuntur 4. causæ Minorum; nam, ut Paulus *JCrus l. minor 36. ff. de Minor. ait, Minor omisam allegationem per in integrum restitutionis auxilium potest repetere;* conf. etiam instrumenta de novo reperta, quæ antè ignorabatur, producere. Quod Bartol. *in l. Imperatores cit. n. 1. & Felin. in c. 21. hoc tit. num. 17.* extendunt etiam ad furiosos, & prodigos; quia, ut Gloss. *in l. Orationis 2. V.*

*eodem Cod. de Carat. furios.* notat, privilegia, & beneficia Minoribus concessa ad omnes porriguntur, qui per Curatores reguntur.

Excipiuntur 5. causæ Ecclesiarum ex communi DD. qui tamen in remedio istis assignando differunt; nam aliqui eisdem concedunt Ordinarium juris communis *l. Imperatores 35. ff. hoc tit.* nam earum causæ negotium publicum reputantur *arg. can. Jus publicum 11. dist. 1.* sed melius eisdem cum Abb. *in c. 21. cit. n. 14. Layman n. 7. Gonzal. num. 8. Vviesl. hic num. 110.* asseritur extraordinarium restitutionis integrum, quale Minoribus competit; nam & ipsæ jure Minorum gaudent *capit. requisivit 1. & c. auditis 3. de in integr. restit. Neque obstat,* quod Ecclesiæ *in c. suborta 21. hic* sententiæ adversus se latæ, & rei judicatæ retractatio simpliciter denegetur; hoc enim factum fuit; quia restitutio intra quadriennium jure concessum vel non fuit petita, vel si fuit petita, quod Ecclesiæ, contra quam restitutio facienda erat, assistentiam juris communis pro se habuerit, merito est denegata Gonz. Vviesl. *l. cit.*

Excipiunt aliqui 6. & hoc beneficium restitutionis in 76 integrum extendunt etiam ad quemcunque, qui instrumenta noviter reperta ex probabili ignorantia non produxit; quod evincere conantur 1. ex *l. hujus 1. ff. ex quib. caus. major.* & adjecta ibidem clausula generali, *Si qua alia mihi iusta causa esse videbitur, in integrum restitutionem.* 2. ex *l. si mater 11. princ. ff. de except. rei jud.* ubi mater post sententiæ in rem judicatam transitum ad denuo agendum admittitur. 3. ex *l. argentarius 10. §. fin. ff. de edend.* ubi is, qui ob defectum rationum, ab ægentario non exhibitum, succubuit, ad agendum contra adversarium denuo admittitur. Sed Majoribus ex hoc capite beneficium restitutionis adversus rem judicatam negant accuratiores juris Interpretes Teste Brunnem. *in l. sub specie 4. Cod. de re judic.* ob generalitatem istius Legis, & rationem; quia si laborantes ignorantia probabili instrumenti, aut alterius probationis ad denuo agendum restituerentur, rerum judicatarum autoritas vacillaret contra *l. servo 65. §. cum prator 2. ff. ad S. C. Trebell.* Accedit, quia in judicio victus ob instrumenti non producti ignorantiam, succubuisse videtur casu fortuito, quo si læsi etiam minores sint, eisdem auxilio restitutionis non subvenitur *l. verum 12. §. si locuplet. 5. ff. de Minor.* Neque contrarium evincunt argumenta opposita. *Ad 1.* ex clausula illa subvenitur majoribus tantum, quatenus per Leges, plebiscita &c. licebit; ut ibidem dicitur. atqui *c. suborta 21. & l. Imperatores 35.* habetur, *sub prætextu novorum Instrumentorum postea repertorum* (qualia vel maxime sunt, quæ litigatori, non erant cognita) *restitui non oportere.* *Ad 2.* Mater ad denuo agendum admissa est, ex nova causa, libello antè oblato non comprehensa: quo casu rei judicatæ exceptionem non obitare agenti, advertunt Donell. *l. 22. comment. c. 5. litt. Q. Obrecht de Libell. c. 11. n. 68. & seqq.* Brunnem. *in l. si mater cit. n. 2.* & alii communiter. *Ad 3.* lex illa procedit in casu, quo dolo malo adversarii factum est, ne rationes ederentur, ut patet ex ipso textu ibi, *Cautione subrepta &c.*

Excipiunt 7. Si instrumenta noviter reperta, vel ob- 77 tenta ab eo, qui judicio victus est, produci antea non potuerunt, quo ea perdiderit, vel ab eo, qui in manibus illa habuit, debito conatu adhibito, non potuerit obtinere; nam hujus rei Summariam fidem si faciat, eundem saltem vi clausulæ generalis ad impugnandam sententiam ex tali instrumento admittendum, censet Innoc. *in c. ultra 55. de test. & attest. n. 2.* Felin. *in c. 21. hoc tit. num. 15.* Abb. *ibidem n. 16.* Alex. de Nevo *à num. 52.* Pirh. *hic num. 42. fin.* Estque sententia hæc, licet in jure non satis expressa, æquitati tamen valde consentanea, ut notat Haun. *tom. 5. tr. 5. n. 115. qui n. seq.* ex mente aliorum DD. hujusmodi litigatori utilem cautelam suggerit, ut apud iudicem protestetur, se nunc à productione instrumentorum impediti, sibi que reservare jus illis utendi, quamprimum copiam eorum nactus fuerit; tali enim protestatione admissa, eum tutum esse existimat.

Excipitur 8. si sententia lata sit ex juramento necessario, in supplementum probationum delato à iudice; hæc enim repertis postea instrumentis, si intra quadriennium in judicio illa producat victus, & simul noviter reperta juraverit, retractatur, ut dictum est *n. 66. & tit. 24. de Jurejur. n. 56.*



*Excipitur* 9. Si pars victrix post sententiam latam ultro consteatur de non jure suo in causa, in qua vicit; nam eo casu Judex illam non exequetur, etsi per lapsum decendii in rem judicatam transierit: & ratio est, quia res judicata ex confessione Judiciali retractatur, ut dictum est *Tit. 18. de Confess. n. 26.*

## §. IV.

## De Effectu Sententia, &amp; Rei Judicatae.

## S M M A R I U M.

- 78 *Effectus sententia sunt primò, quòd revocari, & corrigi nequeat ab eodem Judice.*  
 79 *Exceptiones.*  
 80 *Secundo facit Jus inter partes.*  
 81 *Aliis tamen regulariter nec nocet nec prodest.*  
 82 83 84 *Exceptiones.*  
 85 *Lata à Principe vim Legis habet.*  
 86 *Non verò lata ab inferiore Judice.*  
 87 *Exceptiones.*  
 88 *Tertiò per sententiam definitivam finitur lis.*  
 89 *Quartò, si pro actore lata sit competit ei Actio in factum ad præstandum id, in quo reus est condemnatus; si pro Reo is habet Exceptionem rei judicatae.*  
 90 *Quintò aliquando irrogat infamiam reo condemnato.*  
 91 *Secò Rescriptum, & sententia contra prius latam, nisi mentio istius fiat, invalida est.*  
 92 *Si justa sit, & hoc petatur, confirmanda est à Superiore.*

**E**ffectus Sententia, & Rei judicatae complures sunt: reduci tamen possunt ad tria capita; nam aliqui respiciunt Judicem, alii partes litigantes, alii causam, super lata est. Hinc

- 78 Quæritur 1. quem Effectum Sententia producat ex parte Judicis? Resp. Facit ut Judex officio suo censeatur functus, sic, ut sententiam à se latam revocare, aut corrigere nequeat, quamvis illam iniquam esse manifestè agnoscat, nisi vel Interlocutoria simplex, vel omnino fuerit nulla. Paret ex *l. quod jussit 14. junct. Gloss. fin. & l. Judex 55. ff. de re judic. Vallenf. hic §. 2. nu. 2. & §. 5. n. 1. Pirh. n. 85. Sannig. c. 4. n. 1.*

Proceditque hoc, ut rectè monet Vallenf. *l. citat.* ut revocari non possit ejusmodi sententia 1. etiam consensu partium. 2. in quacunque causa sive Civili, sive criminali. 3. etiam prætextu erroris, modò iste sententiam non reddat invalidam. 4. etiam intra 10. dies, qui conceduntur ad appellandum. 5. etiam, si in melius reformare Judex eandem veller. 6. neque hoc locum duntaxat habet quoad negotium principale, sed etiam quoad accessoria v. g. quoad expensarum, aut fructuum condemnationem, vel absolutionem; nam accessorium sequitur principale. 7. nec tantum procedit istud in Judice, qui sententiam illam tulit, sed etiam in successore ejusdem *l. post sententiam 9. C. de sentent. & interloc. omn. Judic. Excipitur Princeps, qui & suam, & antecessoris sui sententiam corrigere, emendare, & revocare potest ad nutum suum; quia sententiam revocari non posse, aut mutari habetur ex Jure Civili, quo solutus est Princeps.*

- 79 Dixi autem 1. *revocare, aut corrigere;* nam declarare eandem potest, & eodem die supplere, si aliqua omisit, quæ in consequentiam rei, & condemnationis principalis veniunt, ut si omisit imponere restitutionem fructuum, & expensarum &c. *l. Paulus 42. ff. de re judic. Dixi 2. Quamvis illam iniquam esse manifestè agnoscat.* Sequitur ex dictis *numer. preced.* cum enim post latam definitivam, si valida sit, Judex functus sit officio suo, Judex esse quoad causam eandem definit, nisi quoad executionem sententia, quod jam non amplius ad officium illius mercenarium, sed nobile pertinet. Dixi 3. *nisi fuerit omnino nulla;* nam si ipso Jure nulla sit, revocare eam, & corrigere Judex potest: & ratio est, quia nullam proferendo Judex nondum fructus est officio suo *l. si accusatoribus 4. C. de accusat. & inscriptio. l. si ut proponit 5. C. quom. aut. quand. Jud. &c.* Dixi 4. *vel interlocutoria simplex fuerit;* nam Interlocutoria simplex, ut *num. 36.* dictum est, extra casus ibi

expressos revocari potest, saltem de Jure Canonico, quid: quid sit de Jure Civili, de quo dubium faciunt textus *l. quod jussit 14. ff. de re Judic. & l. Divi Fratres 27. princ. ff. de pœnis,* ubi sine distinctione inter definitivam, & interlocutoriam negatur sententias revocari posse: quod dubium quidam conantur solvere, dum ajunt, textus illos solum intelligendos de sententia definitiva, quæ, quando nomen Sententia simpliciter pronuntiatur, eo nomine sola venire cæteris paribus solet, ut insinuavi *n. 20. supra.*

Quæritur 2. quem effectum producat Sententia ex parte partium? Resp. Si valet, inter ipsas Jus facit, & ad patendum obligat, nisi ab ea intra decem dies fuerit appellatum *c. cum inter 13. vers. quamvis h. tit. Ratio est, quia tum pro veritate habetur Reg. 207. ff. de R. J. & pro se habet præsumptionem Juris, & de Jure, quod sit justa: estque Præsumptio hæc adeo sortis, ut ejusmodi sententia standum sit, nec instaurari postea lis ita finita possit leg. ad solutionem 4. Cod. de re judic.*

Dub. 1. an Sententia, & Res judicata etiam aliis, quam condemnato, aut victori obstat, vel profit? Videtur respondendum affirmativè; quia, ut modò dictum est, pro veritate habetur. est autem respectu cujusque veritas semper eadem; neque enim, quod verum est respectu unius, falsum esse potest respectu alterius. Conf. quia Sententia definitiva, si in rem judicatam transit, controversiis imponit finem. non autem imponeret, si non etiam proderet, vel obesset aliis. ergo &c.

Sed dicendum rem judicatam aliis regulariter non prodesse, nec obesse, ut clarè statuitur *c. quamvis 25. h. tit. sepè 63. & ibi Gloss. in casu, & l. petitoribus ff. de re judic. l. res inter alios 2. C. quib. res judic. non nocet, & toto Tit. C. res int. al. act. &c.* Ratio est, quia uni per alterum iniqua conditio inferri non debet, ut habetur *Reg. non debet 74. ff. & Reg. 22. in 6. Proceditque hoc, etiam si eadem causa agatur, vel par sit ratio, & idem utriusque jus; nam alteri personæ potest competere alia defensio, & mutatio personarum facit rem aliam videri *l. & an 24. princ. & l. sicum uno 22. ff. de except. rei judic. Conf. nam litigantes contestando litem in Judicio inter se quasi contrahunt in ordine ad eundem Judicem, coram quo litigant l. licet 3. §. idem scribit 11. ff. de pecul. ergo sicut contractus eos duntaxat obligat, qui in eum consenserunt, non alios, ita etiam ex illo quasi contractu litigantes, non alii requirere debent.**

Dixi autem, *Regulariter;* nam plures sunt casus, quibus res inter alios acta etiam aliis prodest, vel obest. Talis est, si is, cui principaliter, & primo loco actio, vel defensio causæ competeat, patitur scienter agere alium *c. quamvis citat. & l. sepè 63. §. scientibus ff. de re judic.* quia hoc casu consentire videtur, ut alter suo nomine, tanquam Procurator ejusdem, experiat, *Neque obstat,* quòd ad hoc, ut aliquis agat alterius nomine etiam in favorabilibus sufficiat scientia, & patientia, in præjudicialibus tamen requiratur mandatum; nam ideo aliàs mandatum requiritur, quia sine mandato non esset persona habilis, & legitima ad agendum pro alio. At in nostro casu is, ad quem res secundariò pertinet, jam habet personam legitimam agendi in Judicio; nam proprium deducit jus. legitimum modò consentiat is, qui primum locum obtinet, censebitur etiam agere ipsius nomine.

2. Si is, qui causam ab aliquo habet, e. g. creditor super re v. g. fundo sibi oppignorato sine ulla protestatione agere passus est debitorem, à quo causam habet; nam etiam actio, & defensio super rei oppignorata proprietate principaliter debitori, non creditori competat, si tamen ille videns istum super re sibi oppignorata litigare, de jure suo non protestetur, sententia adversus creditorem lata nocebit debitori *cap. quamvis, & l. sepè cit. quia in litis à creditore motæ prosecutionem visus est consentire. Abb. in c. quamvis cit. nu. 9. Alex. de Nevo ibid. n. 8. Vviesl. hic n. 90.*

3. Si jus tertii, vel actio à Jure litigantium pendeat. Sic quando contra hæredem pronuntiatur Testamentum esse invalidum, hoc ipso etiam legatarius Legatum suum amplius nequit petere: & quando contra oppignorantem pronuntiatur rem oppignoratam non oppignorantis,



ris, sed alterius esse; etiam pignoris jus in eo, qui pignori eam accepit, evanescit *l. lex vetigali 31. ff. de pignor.* & *Hypoth.* quia resoluitur jure auctoris, resolvitur etiam jus successoris, nec quisquam plus juris potest transferre in alium, quam ipse habeat.

4. Si omnium vice, & jure litigatum est, ut si unus ex heredibus sub conditione scriptus, vel apud hostes erat, & interim alius hæres pure scriptus, vel qui in civitate erat, solus actiones intenderit de re, aut actione hereditaria; nam si postmodum is, qui sub conditione scriptus fuit, impleverit conditionem, vel qui captivus apud hostes detinebatur, ex captivitate rediit, & hereditatis partem est consecutus, commodum victorie, siquam actor retulit, etiam isti proderit *l. si hæres 7. ff. famul. hercisc.*

84 Si causa est individua pluribus communis, seu connexa, ut in servitute; tunc enim si unus ex sociis ratione prædii communis intendat servitutem prædio communem deberi, & obtineat, ejus victoria omnibus proderit *l. loci 4. §. si fundus 3. ff. si servit. vindic.* nam cum omnes ferè servitutes individuae sint, de individuis autem agere nemo pro parte possit, ideo sententia favorabilis uni prodest etiam alteri, & in contrarium lata contra socium nocet cæteris, nisi dolo, aut culpa socius fuisset condemnatus.

6. Quando aliorum interest: ubi tamen est distinguendum, utrum isti ad Judicium legitimè citati, in eo non comparuerint, an verò nulla illorum sit facta citatio; nam in primo casu etiam ipsis sententia lata nocet; quia censetur etiam inter ipsos judicatum, dummodo citatio ad notitiam ipsorum pervenerit, vel per ipsos steterit, quò minus perveniret. In secundo, etsi præsumptionem faciat, adeo, ut iis, tanquam publica diffamatione, vel iudiciis gravatis, purgatio Canonica iudici valeat, res tamen respectu illorum pro judicata non habetur. Videatur Abb. *inc. 25. à n. 13. Alex. de Nevo ibid. à n. 8. Pirh. ibid. à n. 82. Vviesl. à n. 89.*

85 Dub. 2. an quodcumque sententia vim Legis habeat? Respond. distinguendo inter eam, quæ lata est à Papa, vel alio supremo Principe, & inter illas, quæ à Judicibus inferioribus latae sunt. Prima regulariter vim Legis habet, & jus facit inter alios inferiores Judices, ita, ut etiam ipsi in similibus causis similiter judicare debeant, prout habetur *c. in causis 19. h. t. & l. fin. princ. C. de Legib. Vivian. inc. 19. cit. Laym. ibid. n. 2. Barb. n. 1. & seqq. Pirh. n. 19. hic.* Ratio est, quia Judicium Principis præsumitur integrum, & omnia in eo plenè examinata. Conf. ex praxi, & auctoritate utriusque Juris; pleraque enim Leges, & Canones continent sententias, & responsa Principum, ac Pontificum in particularibus causis, ex quibus sumuntur Regulæ universales similiter judicandi in causis similibus. Hinc *l. quod Principi 1. ff. de Constit. Princip.* Ulpianus, *Quod principis, ait, punit, Legis habet vigorem.*

86 Posteriores, seu latae à Judicibus inferioribus, etsi, ut num. 80. dictum est, Jus inter partes faciant, vim tamen Legis alios obligantis non habent. Ratio est, quia horum Judicium non præsumitur ita integrum, sicut Principis, nec ipsi habent potestatem condendi Legem, aut interpretandi latas quoad alios extra causam *l. fin. C. de Legib.* Hinc de iisdem Judicibus inferioribus *l. nemo 13. C. de sent. & interl. omn. Judic.* dicitur, *Non exemplis, sed Legibus judicandum esse. Excipitur, si aliquoties in aliquo Tribunali in similibus causis ita judicatum sit; tunc enim inde orta censetur consuetudo quædam, quæ Stylus Curiae, seu Fori vocatur, & conf. in eoloco, ubi viget ejusmodi consuetudo, etiam per alios deinceps ita judicandum est.*

87 Addidi regulariter; nam plures sunt Exceptiones, quibus etiam sententia Papæ, vel Principis supremi pro Lege haberi non debet. Et talis est 1. Si sententia non sit definitiva, sed interlocutoria tantum; nam Interlocutoria, nisi sit inserta Corpori Juris communis, vel nisi Princeps interloquendo Jus exponat, aut saltem ea feratur à Principe causa cognita, & partibus præsentibus non facit Jus generale. Laym. *incapit. 19. h. tit. num. 3. Vvagn. ibid. V. ceteri not. 2. Pirh. hic num. 20. 2.* Si definitiva quidem sit, sed lata contra absentem contumaciter, qui ad sententiam audiendam citatus noluit comparere; tunc enim non videtur Jus facere inter alios Judices in causis similibus *l. fin. in princ. C. de Legib.* ubi

partium præsentia requiritur ad hunc effectum. Limitat Felin. *in c. 19. cit. n. 5.* si causa in præsentia partis sufficienter cognita, & sententia tantum lata fuerit in ejusdem absentia; nam tali casu sententia in ipsum fertur non ob contumaciam, sed ob malam causam, conf. etiam in absentia partis lata, Jus debet facere. 3. Si Princeps per dispensationem, vel ex plenitudine potestatis statuerit aliquid, vel decreverit per sententiam contra, vel præter Jus commune: illud enim ad alios similes casus extendi non debet: & ratio est, quia quod à Lege communi exorbitat, non est producendum ad consequentias *l. quod verò ff. de LL. & quæ Princeps alicui ob merita causæ indulgit, vel siquam pœnam irrogavit, vel si cui sine exemplo subvenit, personam non egreditur, ut habetur l. quod Principi 1. ff. de Constit. Princip.*

Quæritur 3. quosnam effectus alios producat sententia 88 ex parte causæ, & accidentium causæ? Resp. 1. per sententiam Definitivam finitur lis, seu controversia *c. jurgantium 2. h. t.* intellige saltem quoad instantiam Judicii. Zoef. *hic n. 11. Pirh. n. 85.* Ratio est, quia post latam sententiam definitivam, si valida sit, Judex officio suo functus est, & definit esse Judex quoad eam causam *l. Judex 55. de re judic. Vide n. 78. supra.* Addidi Definitivam; nam per Interlocutoriam causa plerumque non dirimitur, vel deciditur *l. post sententiam 9. C. de sent. & interloc. omn. Judic.* nisi vim definitivam habeat.

2. Ex sententia lata pro actore, competit ei Actio in 89 factum ad præstandum, id, in quo reus condemnatus est *l. actori 8. C. de reb. credit.* quæ est actio personalis, perpetua, & rei persecutoria, & datur tam hæredibus actoris, quam in hæreses rei condemnati *l. miles 6. §. fin. ff. de Re judic.* Reo autem absoluto per sententiam datur Exceptio rei judicate contra Actorem, ejusque hæredem, vel alium ejus nomine agentem *l. rei judicate 4. ff. de except. rei judic.* Debent enim arma actoris & rei esse paria. Igitur sicut in reum condemnatum; si non satisfaciatur sententia, petitor actionem habet, ita ex diverso, si Actor finitam litem restaurare voluerit de eadem re adversus eandem personam in eadem causa, tunc reo competit Exceptio rei judicate.

3. Sententia definitiva quandoque irrogat infamiam 90 reo condemnato: quod fit 1. in omnibus Judiciis, & Delictis publicis, ut si quis condemnatur de Adulterio, Veneficio &c. 2. In nonnullis privatis, quorum quatuor recensentur *§. ex quibusdam 2. Inst. de pœn. temer. litig.* videlicet furtum, rapina, injuria, dolus. Proceditque hoc, etsi de injuria agatur solum civiliter, & ipsa injuria irrogata sit parva; quia Jura simpliciter dicunt, quod damnatus actione injuriarum fiat infamis *cap. cum te 23. junct. Gloss. ibid. V. infamia h. tit. 3.* In quatuor Contractibus, Deposito, Mandato, Tutela, & Societate, si Depositarius dolo rem destruxit, si tutor dolose versatus est in bonis sui pupilli &c. *l. Prætoris 1. ff. de his, qui notant. infam.* idque ideo in contractibus singulariter constitutum est, quia talis fallit alterum sub specie amicitie, & duas res amicissimas fidem pariter, & amicitiam lædit. Evitatur infamia hæc, si conventus actione famosa procuratorem constituat, qui eum defendat in Judicio; nam etsi postea condemnatur, tamen nec ipse, nec Procurator notatur infamia: & idem est de tutore, Curatore, Hærede *l. furti 6. §. si quis alieno 2. ff. eod. Excipitur, si causa sit criminalis; nam in Judicio Criminali ordinati non admittitur Procurator, vel si admittitur, sententia condemnatoria concipitur contra eum, qui Procuratorem misit l. fin. C. de injur. Glossa in l. furti citat. V. procurator, Laym. in cap. 23. h. tit. num. 4.*

4. Si Rescriptum à Papa impetratum est contra sen- 91 tentiam prius ab eo latam, in quo illius non sit mentio, ipsum, & collatio beneficii per illud facta invalida est, prout sumitur ex *cap. cum olim 12. h. tit. & notat ibid. Abb. n. 13. Vivian. in Ration. Gonzal. n. 7. Barbos. n. 1. & seqq. Laym. n. 3. Pirh. n. 91. & seqq. Sann. c. 4. n. 3.* Ratio est, quia Papa concedens gratiam posteriorem, nunquam præsumitur velle præjudicare gratiæ prius concessæ, eamque revocare; sed potius præsumitur circumventus ab impetrante, & quod ob multitudinem negotiorum non potuerit recordari sententiæ à se prius latæ. Estque hæc Præsumptio Juris, & de Jure, ita, ut probatio in contrarium non admittatur, ut norant Innoc. *inc. citat. V. circumventus. Host. V. eod. Pirh. num. 93.* Es'n-



Et locum habet, etiam si Rescriptum gratiæ datum sit motu proprio; quia motus proprius non confirmat gratiam contra præsumptam intentionem concedentis, ut tradit Abb. *loc. cit. num. 5. Laym. num. 3.* præsertim si posterior concessio tendat in præjudicium alterius. Idem dicendum notat Barbosa *los. cit. num. 2.* de revocatione Sententiæ Interlocutoriæ, factæ ab alio inferiore Judice; nam etsi Judex, ut *num. 36.* dictum est, Interlocutoriam suam revocare possit, in dubio tamen, si proferat secundam sententiam contrariam primæ, & hujus mentionem non faciat, non censetur primam revocare, sed magis oblitio præsumitur, quam revocatio.

92 § Sententia Definitiva ritè, ac iuste lata à Superiore confirmanda est, si id petatur: Host. in *Summ. hic num. 7.* Vivian. in *cap. ea quæ 4. eod. in Ration.* Barbosa *ibid. nu. 1.* Pirh. *hic num. 87.* & sumitur ex *cap. cit.* Excipitur, si iniqua sententia esset; tunc enim Judex appellationis non confirmare, sed retractare eandem debet. Oportet tamen injustitiam Sententiæ esse certam: nam si dubia sit, neque in Judicio posteriore Appellationis afferantur probationes, quæ dubium tollant, præsumptio est pro prioris sententia; quia semper pro hac standum est, donec de ejus injustitia constet. Gloss. *fin. in c. causam 14. in fin.* Pirh. *hic n. 89. & seq.*

## §. V.

## De Executione Sententiæ.

## S U M M A R I U M.

- 93 Quid sit Executio, & qua ejus necessitas?  
 94 A quo fieri debeat.  
 95 An etiam à Delegato, & Arbitris?  
 96 97 Quis exequi sententiam debeat, quando est appellatum?  
 98 Quando executioni mandanda sententia in actionibus criminalibus, & realibus?  
 99 Quando in Actionibus, & debitis personalibus?  
 100 101 In quem, & in cujus bona fieri executio debeat?  
 102 103 Quo modo, & ordine?  
 104 An cui commissæ est executio, possit admittere Exceptiones adversus executionem sententiæ?  
 105 106 Utrum Executor merus teneatur exequi sententiam, quam scit esse injustam?  
 107 An tertius interveniens pro suo interesse possit impedire executionem sententiæ in alios lata?  
 108 109 An is, contra quem lata sunt tres sententiæ conformes, admitti debeat ad agendum de nullitate ipsarum?

Postquam Sententia transit in rem judicatam, fieri debet ejusdem Executio; quæ ultima illius, & usque adeo necessaria perfectio est, ut sicut Leges, executione destitutæ, nihil in Rep. utilitatis, ita & Sententia lata vires ullas non habeat, si executione sit destituta.

93 Quæritur 1. quid sit Executio, & in quibus Sententiis sit necessaria? Resp. Executio describi potest, quod sit *Actus Judicialis*, quo verè, & naturaliter victori præstat, quod per Sententiam obtentum est. R. P. Schmier *Process. c. 16. n. 156.* Dixi 1. *Actus Judicialis*; quia ad strepitum Judicialis Processus pertinet, cujus est complementum. Dixi 2. *quo verè, & naturaliter præstatur victori*; quia per hoc Executio in actum redigitur, quod citra fictionem Juris tædas adjudicat in se, & natura sua, non in æquivalenti tradatur. Dixi 3. *quod per sententiam obtentum est*: quo innuitur discrimen inter Sententiam, & Executionem; per illam enim res victori verbis, & ore tantum addicitur; at in Executione ipso facto præstat.

Quoad necessitatem illius distinguendum est inter Sententiam condemnatoriam, & absolutoriam; nam in prioris opus executione est, non in posteriore, quoad rem principaliter petitam, & in Iudicium deductam: & ratio est; quia reus absolutus id, super quo contendebat in Iudicio, jam habet, & adversus actoris impetitionem imposterum Exceptione rei judicatæ satis defenditur, ut proinde Iudicis facto non sit opus. Excipitur, quando reus non tantum in Iudicio absolutus, sed

Schmalzgrueber Tom. II.

simul actor in expensis condemnatus est; quoad has enim etiam opus executionis habet. Vide Gail. *lib. 1. obs. 113. num. 18.*

Quæritur 2. à quo fieri executio debeat? Resp. non potest fieri ab ipso victore, sed debet fieri à Judice, qui Sententiam tulit, si quidem Ordinarius sit.

Dixi 1. *quod non possit fieri à Victore per l. miles 6. §. qui judicati 2. ff. de re judic.* ubi is, qui sententiæ executionem propria autoritate attentat, *actione furti, & vi bonorum raptorum tenetur.* Ratio prohibitionis iustissima fuit, quia periculum est, ne si pars victrix rem adjudicatam propria autoritate sibi vindicaret, pars victa ei resistat, sicque ad manus, rixas, & dilapidationes veniatur.

Dixi 2. *quod debeat fieri à Iudice, qui sententiam tulit*; quibus enim causæ cognitio à Lege, sive Jure commissæ est, ut Iudicibus ordinariis, qui à Lege sunt constituti, his executionem commissam esse censeretur debet, cum Iurisdictio sine aliqua coercitione nulla sit *l. fin. ff. de offic. ejus, cui mandat. est Jurisd.* Neque obstat, quod post pronuntiationem Sententiæ cesset officium Iudicis; nam solum mercenarium ejus officium cessat, quod actioni deservit, nobile autem permanet, neque eo Iudex unquam defungi potest, ut notat Mynsing. *Inst. de Offic. Jud. ad Rubr. n. 6.*

Dixi 3. *si quidem sit Ordinarius*; nam in Delegatis ali- 95 qui distinguunt inter Delegatum à Papa, Principe, vel alio Magistratu Supremo, & inter Delegatum à Magistratu, & Iudice inferiore. Priori affirmant executionem sententiæ à se latæ competere; de posterioribus negant, secluso speciali mandato. Ego *Lib. 1. Tit. 29. n. 37.* sensi cum affirmantibus, quorum Sententiam non leviter confirmat textus *cap. præterea 5. de Offic. deleg.* ubi indefinite pronuntiatur, eum, cui causa committitur, *super omnibus, quæ ad causam ipsam spectare noscuntur, plenariam recipere potestatem.*

Aliud est de Arbitris Compromissariis, qui à partibus eliguntur, & de Arbitris Iuris, qui à Iudice Ordinario cum partium consensu constituuntur; nam hi solum dati censentur ad pronuntiandum; adeoque pronuntiatione facta, extinguitur illorum officium; & hinc executio eo casu fieri debet ab Ordinario Iudice, ut dictum est *Lib. 1. Tit. 43. num. 42.* & colligitur ex *l. à Divo Pio 15. princ. ff. de re judic.* ubi Iudicium à se datorum, vel arbitratorum sententiæ exequi jubentur Magistratus Ordinarii, qui eos dederunt.

Quæritur 3. quis exequi Sententiam debeat, quando 96 est appellatum? Resp. distinguendo: vel enim Sententia in prima instantia lata reformatur, quod male judicatum, bene appellatum sit, vel contra eadem Sententia per Iudicem Appellationis confirmatur.

Si primum, vix est, qui inficias eat, eo casu executionem Sententiæ in secunda instantia latæ, quæ prima reformatur, pertinere ad Iudicem Appellationis: Durand. *Specul. tit. de execut. sent. §. 2. num. 10.* Berlich. *Pract. concl. 79. n. 7.* Haun. *tom. 5. de l. & l. tract. 5. num. 534.* Vviesl. *hic num. 123.*

Si secundum, communis, & probata Sententia distinguit inter casum, quo sententia primæ instantiæ solum confirmatur tacite & ipso facto, pronuntiando sc. fatalia esse lapsa, aut appellationem desertam; & inter casum, quo Iudex Appellationis, meritis causæ excussis, male appellatum, & à Iudice, qui Sententiam tulit, bene judicatum, expresse pronuntiat.

Si prius, executionem Iudici à quo competere, haud 97 gravate concedunt DD. hoc ipso enim, quod Iudex ad quem pronuntiet, appellationem deserat, aut fatalia præterlapsa esse, per consequens fatetur, Iurisditionem, à qua potestas exequendi dependet, non ad se devolutam, sed penes Iudicem à quo remansisse, non secus, ac si appellatum non esset *l. fin. §. illud 4. C. de tempor. appell.*

Si posterius, Iudex ad quem sententiam suam confirmatorem exequi ipse potest *l. precipimus 32. §. illud 2. C. de appellat. & Auth. si quis Cod. de Episc. audient. Marant. de Ordin. Iudic. part. 6. act. 3. num. 7.* Mynsing. *cent. 5. obs. 94. num. 2.* Farin. *prax. q. 34. num. 115.* Hiltrop. *p. 4. tit. 18. de execut. sent. num. 46.* Berlich. *loc. cit. num. 8.* Brunnem. in *l. precipimus cit. n. 4.* Haun. *tr. 5. cit. n. 537.* P. Vviesl. *hic n. 124.* P. Schm. *Process. cap. 16. n. 165.* Ratio est, quia per Appellationem, ejus susceptionem, & decisionem



nem Jurisdictio Judicis à quo suspenditur, & ad Judicem ad quem devolvitur, ut proinde exequendi facultas non illi, sed huic competat.

98 Quæritur 4. quando Executioni mandanda sit Sententia lata? Resp. distinctionem faciendam inter causas, & actiones criminales, & civiles, & inter has, an personales sint, an vero reales; nam 1. in causis, & actionibus criminalibus, si reus sit condemnatus ad pœnam, saltem corporalem, executio statim fieri potest, neque necesse est, ut lapsus decendii, quod Jure communi ad appellandum concessum est, expectetur l. cum reis 18. C. de pœnis, & docet Bartol. in l. qui ultimo 26. n. 7. ff. eod. Laym. inc. querenti 26. de offic. deleg. n. 2. Gonzal. inc. 15. hoc tit. n. 12. in fin. Vvagn. inc. 3. eod. not. 2. Vviesl. hic n. 127.

2 In actionibus realibus executioni mandari sententia debet, quamprimum illa transierit in rem judicatum, sc. post decendium §. et si in rem 2. Inst. de off. Judic. & l. qui restituere 68. ff. de R. V. Ratio est, quia dum ritulus, & bona fides possessoris est resoluta, jus nullum superit, quo rem ulterius retinere, vel possidere, aut fructus ex ea colligere valeat. Neque sufficit dare pignus, etiam quod sit multo majoris valoris quam sit res, vel possessio adjudicata, sed condemnatus debet compelli ad rem ipsam petitori reddendam c. cum aliquibus 6. hoc tit. & notat ibidem Barbosa cum aliis; idque merito, quia dans pignora non intelligitur solvere; nec invito alicui aliud, quantumcunque in se utilius præstari pro alio potest. Excipitur si possessor statim restituere nequeat; tunc enim assignabitur ipsi terminus, intra quem restituere debeat, ita tamen, ut interim sufficienter caveat per fidejussores, vel pignora de restituenda re, vel ejus æstimatione §. si ad exhibendam 3. Inst. de Offic. Judic. Gloss. in c. querenti 26. de Offic. deleg. V. quadrimestre, Laym. ibid. n. 2. Perez. C. de Usur. rei judic. Pith. n. 101. Vviesl. n. 125.

99 3 In actionibus, & debitis personalibus tempus à Jure definitum est quadrimestre, quod condemnato ad solvendum conceditur c. quod ad consultationem 15. hoc tit. c. querenti 26. de Offic. deleg. l. eos qui 2. & l. sanctimus 3. princ. C. de usurp. rei judic. Laym. inc. 6. hoc tit. num. 2. & inc. 15. eod. num. 4. Pax Jordan. l. 14. tit. 25. n. 285. Sannig n. 4. hic n. 7. Vviesl. n. 126. Ratio est, quia non semper ad manum est pecunia, sicut res in Judicio petita: & ideo non tam cito pecunia, quam res petita præstari potest. Numeratur hoc tempus à die latæ sententiæ, vel si ab ea appellatum sit, à die confirmationis prioris sententiæ l. eos qui cit. Potest tamen Judex hoc tempus abbreviare, vel extendere c. quod ad consultationem cit. junct. Gloss. V. arctari, sed abbreviare non debet sine justa causa, quia indultum à Jure beneficium non est alicui auferendum, ut dicitur Reg. 17. in 6.

Addidi, Quod condemnato ad solvendum conceditur; nam si victus in actione personali non ad solutionem debiti, seu quantitatis, sed ad præstationem speciei est condemnatus, e. g. ut rem emptam, donatam &c. tradat, intervallum quatuor mensium non conceditur, ut cum Brunnem. Process. c. 29. n. 7. advertit R. P. Schmier Process. cap. 16. num. 186. Imo etiam quando condemnatus est ad solutionem debiti terminus condemnato nullus concedendus est pro solutione in triplici casu. 1. Si conventus sit ex maleficio. 2. Si pecuniam in continenti paratam condemnatus habeat. 3. Si periculum in mora sit l. debitoribus 31. ff. de rei judic.

100 Quæritur 5. in quem, & in cujus bona executio fieri debeat? Resp. decernitur in personam, aut res illius, qui per Sententiam victus est, si non alieno, sed proprio nomine litigavit l. si se 3. ff. de rei judic.

Hinc executionem in propriis bonis non formidant, 1. Procurator, aut defensor, nisi vel liti se obtulerit, vel procurator in rem suam extiterit l. si se cit. Brunnem. Process. c. 29. n. 26. 2. Tutor, & Curator, utpote qui non spontanea voluntate, sed officii necessitate litem in commodum pupilli, vel minoris subeunt l. si fecit. §. tutor 1. & ibi Brunnem. n. 2. 3. Syndicus; cum enim iste pro Universitate ex officio litiger, executio contra Universitatem decernitur l. si se cit. §. actor 2. & ibi Brunnem. n. 3.

101 Contra actione judicari conveniri potest. 1. hæres; quia hic universaliter in Jura activa, & passiva defuncti

succedit. Ummius ad Process. D. 23. th. 1. n. 8. & parer ex l. ex contractu 44. ff. de rei judic. 2. Fidejussor, si satisfecit de judicaro solvendo. Brunnem. in l. fin. C. de Usur. rei judic. n. 8. Ummius loc. cit. n. 9. Rosbach, prax. Civil. tit. 39. n. 11. P. Schmier c. 16. cit. num. 175. 3. Emptor rei litigiosæ; nam condemnato principali, executio in emptorem, in quem pendente lite res litigiosa alienata est, etiam processu novo non instituto, fieri potest, ut aliis cit. notat Gaill. l. 1. obs. 118. n. 2. & rationem dat, quia alienario rei litigiosæ est ipso Jure prohibita, & iniquum foret tali casu actorem diversis fatigari Judiciis. Proceditque hoc, ut idem Gaill. loc. cit. aliis allegatis notat, etiam contra eum qui ignoranter rem litigiosam accepit; nam etsi ignorantia excuset à culpa, vitium tamen litigiosi non tollit.

Quæritur 6. in quibus rebus fieri Executio debeat? 102 Resp. fieri debet in ea re, ad quam tradendam, vel restituendam condemnatus est c. cum aliquibus 6. hoc tit. quia facienda est secundum Judicis condemnationem l. si se 4. §. ait prator 3. ff. de Rei judic. Neque enim æquitati, vel Juri convenit, ut aliud pro alio creditori invito solvatur l. mutuum 2. §. mutui 1. ff. de reb. credit. Unde si certa species, e. g. fundus, equus, annulus &c. sit petita, & adjudicata, neque reus, ut aliud solvat, neque actor, ut aliud accipiat; compelli potest.

Excipitur, si res in condemnationem deducta non amplius extet, vel tradi non possit; tamen enim reddere condemnatus victori debet æstimationem illius. Quod si vero nec istam reus actori reddere potest ob defectum pecuniæ, aut vult ob contrumaciam, Executio fiet in cætera ejus bona, ita tamen, ut quantum fieri potest, ad eam procedatur cum minori ejusdem damno.

Et hinc 1. res ejus mobiles, seque moventes oppi- 103 gnorandæ, vel distrahendæ, aut si emptor non inveniat, creditori pro quantitate debiti adjudicandæ l. à Divo Pio 15. §. in venditore 2. ff. de rei judic. quod mobilium, seque movenrium plerumque facilius, minusque damno sit distractio, quam immobilium. Excipiuntur vestes, lectisternia, instrumenta agriculturæ, vel artificii, libri studiosorum &c. hæc enim non auferenda æquitas suadet, quamdiu ex rebus aliis victori consuli potest Rosbach. prax. Civil. tit. 20. n. 11. Struv. Exercit. 44. th. 18. Epigl. hic n. 28. Schmier Process. cap. 16. numer. 180.

2 Si res mobiles non sufficiant, deveniendum est ad immobilia §. in venditione cit. & primo quidem ad minus pretiosa, tum vero, si istorum pretium excedat quantitas debiti, ad magis pretiosa. Vviesl. hic n. 130. Ubi duo sunt advertenda. Primum est, ad res pretiosiores non statim deveniendum esse, sed considerandam debiti quantitatem; iniquum etenim foret pro modico debito hujusmodi res pretiosas debitoris distrahi cum gravi damno debitoris. Haun. tom. 5. tr. 5. num. 583. Alterum ex plurium sententia executionem fieri non posse in Bonis feudalibus, Emphyteuticariis, Fideicommissariis, & similibus; quia sicut alienari, ita victori solutionis loco cedi, vel addici non possunt. Ummius th. 2. cit. n. 15.

3 Si res etiam immobiles vel nullæ vel ad debiti omnimodam extinctionem sufficientes non sint, pervenitur ad Jura, chirographa, & Instrumenta obligationum; vel denuntiatur debitori debitoris, ne huic solvat arg. l. nomen 4. C. quæ res pign. oblig. poss.

4 Denique si reus nihil penitus in bonis habeat, aut non ranrum, quantum exigeret quantitas debiti, procedit tritum illud: Qui non habet in are, luat incute, ut sc. addicendo operas suas creditori earundem impendio obligationem expungat.

Quæritur 7. an, cui commissæ est executio, possit 104 admittere Exceptiones oppositas contra executionem sententiæ, & de his cognoscere? Resp. distinguendum inter Executorem merum, & Mixtum. Merus est, cui nulla cognitio, sed sola executio causa jam plene cognita, decisa committitur. Mixtus est, cui non mera executio, sed etiam cognitio de facienda executione committitur.

Posterior admittere potest exceptiones, quæ solum tendunt ad impediendam, aut retardandam executionem, & de his pronuntiare; at de executionibus, quæ merita causæ concernunt, vel directe impugnant sententiam, etsi summarie executor possit cognoscere, ut si frivolæ esse cognoverit, illas rejiciat, si tamen tatione nixa



nixas repererit, plenam de illis cognitionem remittere deber ad Superiorem, & interim executione sententiæ superledere, ut colligitur ex *l. si Prætor 75. ff. de Judic.* Ratio est, quia alias Iudex inferior posset rescindere sententiam Superioris, quod est absurdum. Bartol. in loc. cit. n. 9. Gaill. l. 1. obs. 113. num. 8. Laym. inc. 5. hoc tit. num. 1. Excipitur, si sententia Arbitri, aut Delegati sui sit executioni danda ab ipso Iudice Ordinario; nam hoc casu, & quotiescunque alias ad ipsum recurritur pro executione, tanquam ad eum, qui maiorem, aut superiorem Jurisdictionem habet, cognoscere potest de exceptionibus, etiam, ut negotium definiat, & sententiam, si nullam illam repererit, rescindat per modum restitutionis in integrum, ut aliis cit. advertit Laym. loc. cit. n. 3.

105 Prioris generis Executor, seu Merus nullas Exceptiones potest admittere, nec de illis cognoscere *l. si ut proponis 6. & l. executorem 8. Cod. de execut. rei judic.* Gloss. fin. in cap. 5. hoc tit. Felin. ibid. num. 4. Barbosa num. 1. & seqq. Gaill. lib. 1. obs. 113. num. 7. Pirh. hic n. 108. Ratio est, quia iste videtur se habere, ut merus minister, & nuntius, cui sola facti executio demandata est. Idque procedit, tametsi executor sententiam à Iudice latam sciat esse injustam; nam postea quam illa in rem judicatam abiit, exequi eam debet, cum jus inter partes ortum sit, ut constat ex cap. pastoralis 28. §. quia vero de Offic. deleg. & notant Abb. in c. 5. cit. num. 4. in fin. Laym. n. 4. cit. cum reliquis supra.

Plures tamen faciendæ sunt Exceptiones, in quibus Executor metus exequi non tenetur sententiam, quam ipse scit injustam esse. Et talis est 1. si lata sit in causa criminali, in qua agitur de occisione, vel mutilatione innocentis; quia occidere innocentem est intrinsecè malum, adeoque nec executori permittitur. Abb. in cap. 5. cit. num. 5. Laym. num. 5. ibid. Pirh. hic num. 109. 2. si lata sit in causa Civili quidem, sed nulliter, & hoc sit certum; quia tunc non transit in rem judicatam, & cons. executioni dari non potest *l. si se 4. §. condemnatum 6. ff. de re judic.* Abb. n. 5. cit. Laym. n. 6. Barbosa num. 7. Pirh. n. 109. 3. si sit injusta quidem, sed tamen valida: ubi tamen non omnino conveniunt DD.

106 Nam Gloss. in c. pastoralis cit. §. quia vero V. etsi sciat, Abb. ibid. num. 5. Laym. prope finem universaliter docent, eo casu Executorem merum, si onus impositum declinare non possit, nec etiam tanquam gravatus ad Superiorem facile appellare, exequi sententiam talem posse. Rationem dant, quia veluti iure debitum est, ut sententia, quæ in rem judicatam transit, executioni derur; & condemnatus aliud habeat remedium, agendo videlicet contra Iudicem ad refarciendum damnum illatum.

Ego cum Pirh. num. 109. cit. utor distinctione inter sententiam, quæ materialiter solum, & inter eam, quæ formaliter injusta est. Si materialiter solum injusta sit, eo quod Iudex eam ferendo secundum allegata, & probata processerit, tunc Executor, saltem in causa Civili, sententiam ejusmodi, nisi facile errorem demonstrare possit, rectè, ac licitè exequitur, imò debet exequi, si Superior præcipiat. Ratio est, quia tam Iudex, quam executor, tanquam personæ publicæ operari debent secundum scientiam publicam; cuius ergo scientia, quam habet inferior, sit merè privata, non excusat, quo minus obedire debeat in publico ministerio Superiori præcipienti.

At si sententia lata sit formaliter injusta, quia Iudex non processit secundum allegata, & probata, sed ex imperitia, vel dolo ita judicavit, tunc Executor, si hoc eidem certum sit, nec debet, nec potest talem sententiam exequi; quia tunc cessat præsumptio pro Justitia sententiæ; neque tali casu executor patens sententiæ excusari posset à cooperatione injusta.

107 Quæritur 8. an tertius interveniens pro suo interesse possit impedire Executionem sententiæ inter alios latæ? Resp. distinguendo, an tertius ille intra tempus legitimum appellavit à sententia, vel non. Si primum, executio sententiæ suspenditur, donec etiam hujus causa, qui ob interesse suum appellavit, cognita sit, & decisa c. cum super 17. hoc tit. Laym. ibid. n. 1. & 4. Gonz. num. 6. & seqq. Barbosa num. 5. Pirh. hic num. 112. Ratio datur cap. cit. quia res inter alios acta regulariter aliis nocere non debet.

Schmalzgrueber Tom. II.

Si secundum, & tertius ille intra 10. dies non appellavit, vel postquam appellavit, rationabilem causam appellandi nequivit ostendere, attendendum est, an sciverit, vel ignoraverit causam agi, & sententiam latam esse.

Si ignoravit, sententia executioni danda non est, nec præjudicat tertio; quia ob ignorantiam, etiamsi non appellavit à sententia, quam ignoravit latam esse, potest impedire ejus executionem.

Si vero scivit, executio sententiæ fieri debet, ita tamen, ut integrum ipsi sit causam suam deducere in Iudicium, si velit, ut colligitur ex cap. cum super cit. & notat Gloss. ibid. V. non noceat. Ioan. Andr. nu. 11. Imol. num. 2. Laym. num. 5. Barbosa nu. 8. Pirh. hic n. 112. Ratio est, quia sibi imputare debet, quod sciens permiserit causam agi, sententiam ferri, & in rem judicatam transire.

Quæritur 9. an is, contra quem in aliqua causa tres sententiæ conformes sunt latæ, admitti debeat ad agendum de nullitate ipsarum, vel alicujus ex illis, antequam sententiæ hujusmodi plene fuerint executioni mandata? Resp. negative; sed prius executio fieri debet, post quam integrum erit condemnato agere de nullitate sententiarum. Constat ex Clem. 1. hoc tit. & docet ibid. Vivian. in ration. Barb. num. 1. Vvagn. in Summ. Pirh. hic num. 114. Ratio est, ut, quemadmodum Clem. citat. princ. dicitur, occurratur calumniis litigantium; cum enim illi, contra quos tres sententiæ conformes sunt latæ, non possint tertio appellare, sæpe dicerent, sententias latas nullas esse, ut lites protraherent in infinitum, & impedirent earum executionem: sique per viam nullitatis obtinerent, quod negatur per viam appellationis.

Estque hoc verum etiam 1. in causa criminali; nam etiam in hac executio fieri debet, antequam agatur de nullitate sententiarum, si tamen lata sit in causa criminali, in qua executio retractari possit, ut si reus condemnatus sit ad pœnam pecuniariam; alias prius agi de nullitate debet, quam fiat executio, utpote cum post executionem frustra ageretur ad nullitatem. Pirh. n. 115. hic. Extenditur 2. etiamsi tres illæ sententiæ fuissent Interlocutoria tantum, inodo latæ sint super iisdem articulis. Vagn. in Clem. 1. cit. in exegesi. Pirh. hic n. 115. & 116. quia in Clem. cit. inter Desinitivam, & Interlocutoriam non distinguitur: Extenditur 3. etiam ad causas pendentes per appellationem; nam etiam appellatione pendente, sit executio, quamvis ista, si à Iudice appellationis pronuntietur bene esse appellatum, executio sententiæ revocetur. Pirh. n. 116. cit.

Addenda tamen his ampliationibus est triplex limitatio. 1. si tertius opponat pro interesse suo de nullitate sententiæ, & executionem trium sententiarum conformium velit impedire. 2. si victor est passus, ut per victum probetur nullitas. 3. si nullitas sententiæ sit notoria.

## §. VI.

De Pœna Judicis malè judicantis, & Partium temere litigantium.

## S U M M A R I U M.

110 111 Pœna Judicis male judicantis Jure Civili.

112 Jure Canonico.

113 Triplex pœna temere litigantis.

114 In quas expensas condemnari debeat temerarius litigator?

115 Quis hoc nomine intelligatur?

116 Ad quos porrigatur hæc pœna?

117 An etiam ad eum, qui victus quidem est, sed habuit justam causam litigandi?

118 Quæ tales cause censeantur esse?

119 Quando etiam justam litigandi causam habens in expensas sit condemnandus?

120 An ista in dubio presumatur?

121 122 123 Quid de expensis in secunda instantia?

124 125 Quid de Advocato qui propriam suam causam egit in Iudicio?

126 127 An in expensis condemnare victum possit, vel debeat Iudex, etiam non imploratus?



- 128 *Utrum expensæ peti possint etiam fiscaliter?*  
 129 *An eo nomine etiam veniant rescindenda damna, & interesse?*  
 130 *An Judex expensarum taxationem revocare possit?*

**Q**Uæritur 1. quæ sit pœna Judicis malè judicantis? Resp. distinguendum hic esse, an malè judicavit dolo, & malitia sua, an vero per imprudentiam, aut imperitiam, putans se recte judicare.

*Si primum*, multum interest, an male judicavit ad id inductus gratia, timore, odio, an vero malè judicavit ad id faciendum corruptus pecunia. *Si priori modo id fecit*, tenetur ex delicto in solidum ad litis æstimationem, i. e. quantum interest partis injuste contra ipsam judicatum fuisse. *l. filiusfam. 15. juncta Gloss. fin. ff. de Judic. l. fin. & ibid. Gloss. V. æstimationis Cod. de pœn. l. dñc. qui mal. judic.* Barbosa in *l. filiusfam. cit. q. n. 47.* Laym. in *c. fin. hoc tit. n. 4.* Canis. in *summ. ibid. §. 5. Vviesl. hic n. 66.* & alii apud istos. *Si posteriori modo*, & pecunia corruptus malè judicavit, attendendum, an istud fecerit in causa pecuniaria, an vero in criminali; nam si in pecuniaria, ultra omne litis damnum restituendum parti læsæ ejus, quod datum est, triplum, & duplum ejus, quod promissum est, reddet, & dignitatem amittit. *Si vero in causa criminali*, confiscatis omnibus bonis, in exilium mittendus est *Auth. novo Jure Cod. de pœn. judic. qui mal. judic. & Novell. 124. cap. 2. Menoch. de arbit. cas. 342. à num. 15. Brunnem. in Auth. cit. n. 5. & duob. seqq.*

*Si secundum contingat*, & Judex malè judicavit per imprudentiam, aut imperitiam, obligatur ex quasi delicto, & ad litis æstimationem, seu damnum, & interesse partis condemnatur, non quidem in solidum & absolute, sed quantum, considerata culpa, æquum visum fuerit Religioni ejus, qui ea de causa pronuntiavit *princ. Inst. de obligat. quæ ex quas. delict. l. si quis 5. §. si Iudex 4. ff. de O. & A. & l. fin. ff. de var. & extraord. cogn. Menoch. de arbit. cas. 341. n. 2. & 3. Laym. in cap. fin. cit. num. 6. Canis. §. 5. citat. Pirh. hic num. 117. Vviesl. num. 65. & passim DD. Excipitur, nisi imprudentia, & imperitia sit ex culpa lata; cum enim hæc æquiparetur dolo, & dolus præsumptus nuncupetur; ideo per eam malè judicans in solidum obligabitur. *Decius in li. 1. §. 1. V. hæc autem ff. quod quisque Jur. num. 3. Clar. §. fin. quas. 83. num. 2. Menoch. de arbit. cas. 339. num. 5. Gaill. lib. 1. obs. 153. num. 4. Vvieslner hic num. 65. cit.**

Porro ab hac pœna Judex, qui dolo, vel imperitia male judicavit, non liberatur, siue ab ejusmodi sententia injusta sit appellatum statuto tempore, siue non; in d. etiam si appellationi renuntiatum sit, cum sententia in qua quoad Iudicem nunquam transeat in rem judicatam, ut pluribus *cit.* advertit Gaill. *lib. 1. obs. 153. num. 2.*

**Q**Uæritur 2. quæ sit pœna Judicis malè judicantis de Jure Canonico? Resp. Jure Canonico, si Judex Ecclesiasticus, Ordinarius, vel Delegatus, contra propriam conscientiam, & justitiam, in gravamen alterius partis, favore, vel per sordes aliquid egerit, ad æstimationem litis parti, quam læserit, condemnatur (in quo convenit cum Jure Civili) & insuper per annum ab officii executione suspenditur; si vero durante hac suspensione te Officiis Divinis ingesserit, Irregularitatem contrahit, à qua non nisi per Summum Pont. liberari potest. Ita statuitur *cap. cum aterni 1. hoc tit. in 6. & notant ibid. Vivian. in Ration. Laym. in Paraphr. Vvagn. in Summ. ibid. Barbosa num. 1. & seqq. Canis. Summ. hic §. 6. Pirh. n. 118. Vviesl. n. 67.*

Ut pœna hæc incurratur, vi constitutionis *cit.* plura requiruntur. Et 1. quidem, ut contra justitiam, seu injustè judicet, idque non solum materialiter, sed formaliter, seu contra conscientiam suam; nam si ex inconsideratione, vel ignorantia hoc faceret judicans se justè judicare, non incurrit hanc suspensionem. *Franc. in cap. 1. cit. num. 5. Barbosa num. 16. Vviesl. num. 67. 2. ut ita judicando partem litigantem gravet in Iudicio; nam si gravaret scribam duntaxat, vel nuntium juratum, aut aliam personam in Iudicio intervenientem sine gravamine partis, iterum non esset locus dictæ suspensioni secundum Joan. Andr. & alios. 3. ut ad ita judicandum motus sit favore alterius partis, vel ejus ti-*

more, aut odio, vel perfordes, h. e. largitione pecuniæ; nam hoc *cap. 1. cit.* expresse requiritur. 4. ut gravet faciendo, seu committendo; secus, si omittendo, vel negligendo: tunc enim rursus pœnam istam non incurreret Iudex; quia Constitutio *cit.* pœnalis est, conf. extendi non debet. 5. ut sit Iudex Ordinarius, vel Delegatus inferior Episcopo. Unde

Ex defectu hujus ultimi requisiti hanc pœnam non incurrit 1. Episcopi; quia Jure caurum est *cap. quia periculosum 4. de sent. Excomm. in 6.* quod Episcopi non incurrant pœnam Suspensionis, & Interdicti, nisi de illis expressa fiat mentio. 2. Arbitri Compromissarii; quia non sunt Iudices Ordinarii, vel Delegati; aliud dicendum de Arbitris Iuris, qui in locum Iudicum succedunt. 3. Auditor, & Merus Executor ob similem rationem. 4. Iudices sæculares; quia hos pœna *c. cit.* decreta, sc. Suspensionis, ligare non potest. Videretur Gloss. in *c. cit. V. in Iudicio, & V. Ecclesiastici*, Laym. *ibid. loc. cit.* Bart. n. 14. Vvagn. in *Exeg. Pirh. n. 119. Vviesl. n. 87.*

**Q**Uæritur 3. quibus pœnis coerceatur temerarius litigator? Resp. *princ. Inst. de pœn. tem. litig.* pœna, qua coerceatur, est triplex, Iuramentum Calumniæ, multa pecuniaria, & infamia. De Iuramento calumniæ jam satis dictum est *Tit. 7.*

Pœna pecuniaria, qua coerceri potest, & debet, est duplex, specialis, & generalis. Specialis locum habet in certis Iudiciis, ubi lis insciendo crescit in duplum, ut in Actione Legis Aquiliæ, actione depositi miserabilis: hæc tamen moribus hodiernis non amplius obtinet. Generalis est condemnatio in expensas, & damna, præeunte taxatione, & moderatione Iudicis, & hæc fieri potest in causis tam Civilibus, quam Criminalibus, saltem quando per modum accusationis, aut denuntiationis proceditur.

Infamia non incurritur ex omni Iudicio, sed tantum in Iudiciis famosis, & turpibus: qualia sunt Actiones ex maleficio omnes, excepta Legis Aquiliæ; ex contrahibus autem venientes quatuor duntaxat, tutelæ, mandati, depositi, & pro Socio §. *ex quibusdam 2. Inst. de pœn. tem. litig.* Ut vero his actibus quis reddatur infamis, tria conjunctim requiruntur. 1. ut Iudex competens, & ordinarius sententiam tulerit. 2. ut condemnatus sit ex proprio facto, & suo nomine. 3. ut Sententia ipsa transferat in rem judicatam. De quo latius Harprecht in §. *ex quibusdam cit. num. 1. & seqq.* & alii Legistæ, quorum accuratori examini res ista à Canonistis relinquitur.

**Q**Uæritur 4. in quas expensas temerarius litigator victori sit condemnandus? Resp. distinguendo inter Expensas Voluntarias, & Necessarias, siue, ut etiam vocantur, Delicatas, *Delicate, & Voluntarie* sunt, quæ in litem, causa non exigente, sunt, uti sunt sumptus in itinere iusto majores, liberales donationes victoriæ obtinendæ spe in ipso principio litis collatæ in Advocatos, salaria annua pro litis progressu iisdem constituta &c. *Necessariae*, seu, ut alii appellant, *Legitima, & Moderata-Expensæ* sunt, sine quibus juxta Curiarum morem lis commode expediti non potest; tales sunt, quæ sunt in iusta, & à Lege, vel consuetudine approbata Advocatorum salaria, in iter, & alimenta testium, in sportulas Iudicum, Apparitorum &c.

Ex his priores ab illomet, qui hujusmodi Expensas fecit, terendæ sunt, cum Adversarius illarum causa non censetur. Gaill. *lib. 1. obs. 151. num. 11. Berlich. p. 1. pract. concl. 78. num. 48. Haun. tom. 5. de l. & l. tract. 5. n. 172. Card. de Luca de Iudic. disc. 38. num. 17. P. Vviesl. hic num. 133. P. Schmier process. cap. 16. num. 31. Posteriores à victo victori refundendas, atque in eas illum huic condemnandum, regulæ instar desumitur ex diversis Juris utriusque textibus, Canonici quidem *c. finem litibus 5. de dol. & contum. & cap. calumniam 4. de pœnis*; Civilis vero §. *ecce enim 1. in fin. Inst. de pœn. tem. litig. l. cum quem 79. princ. ff. de Iudic. l. properandum 13. §. siue autem 6. Cod. eod.* Ratio est, quia victus temete movendo litem, aut sibi moram temere subeundo immediata, & finalis causa est, propter quam victor expensas in litem fecit; igitur æquum omnino, justumque est, ut eas resarciat *arg. c. fin. de injur. & damn. dat.**

**Q**Uæritur 5. quis intelligatur per temerarium litigatorem, ut in expensas sit condemnandus? Resp. per temerarium litigatorem hic intelligi illum, qui imprudenter, & incon-



& inconsulto, h. e. non adhibita debita diligentia, sine prævio causæ examine, consilioque adversario litem movit, aut sibi moram suscepit. Abb. *in c. 5. de dol. n. 21.* Menoch. *de arbitr. cas. 154. num. 29.* Barbosa *in l. eum quem cit. à n. 3.* Vviesl. *hic n. 134.* Pro tali haberi, & propterea in expensis condemnari, eodem Barbosa teste *n. 10.* & *segg.* solet, qui oblatum libellum mutavit; qui peritorio, quod incenarat, suspenso ad Possessorium transiit; qui personam, cui reverentia debetur, sine venia, & iussu Prætoris in jus vocavit &c.

Porto ut condemnationem facere in Expensas Iudex possit, requiritur 1. ut Victor prius expensas, quas ab Adversario suo repetit, fecerit liquidas, easque probaverit; non enim in plus condemnandus est, quam quantum temere litigando victori nocuit. 2. Si Expensæ Iudici videantur nimix, moderari petitionem Iudex debet, ne sumptuum astinatione immodica pars victa plus æquo gravetur. Excipitur, ubi Expensis Iudicialibus certa taxa est constituta; nam has si necessario, & vere erogatas victor probavit, victus sine Iudicis taxatione ad probatæ quantitatis retributionem est condemnandus. Carpzov. *Jurisp. forens. p. 1. consl. 31. defin. 8. n. 2.* 3. Ubi taxatæ expensæ fuerint à Iudice, & moderatæ, pars victrix, parte victa citata, juramento confirmare debet, se expensas non minores fecisse. Gaill. *l. 1. obs. 151. num. 11.* Berlich. *p. 1. pract. concl. 78. à num. 66.* Haun. *tom. 5. tr. 5. n. 175.* Vviesl. *hic num. 139.* qui tamen observant, hodie ex plurium Curiarum praxi etiam sine juramento victoris condemnari victum in expensas legitime probatas, & Iudicis moderatione taxatas.

6. Quæritur 6. ad quos pertineat hæc temere litigantium pœna, ut in expensas condemnari possint? Resp. pertinet 1. non solum ad eum, qui temere litigavit coram Iudice, sed etiam qui coram Arbitro Compromissario; quia arbitra ad normam, & similitudinem Iudiciorum redacta sunt *l. compromissum 1. ff. de recept. qui arbit.*

2. Ad eum, qui renuntiavit liti; nam & hic condemnandus est in expensis, saltem factis ante renuntiationem, quam facere invito adversario nequit. Jafson. *l. properandum 13. §. 6. C. de Judic. n. 2.* Bellam. *decis. 14. n. 1.* Vviesl. *hic n. 136.*

3. Ad Hæredem temerarii litigatoris, quia ad hunc liti instantia transit cum omnibus coherenibus, ac proinde etiam cum refectione expensarum, nisi ad has defunctus condemnatus esset ob contumaciam; quia cum ista delictum sit, ex quo hæres non teneretur, eo casu ad reficiendas expensas iste non obligaretur *l. un. §. fin. ff. si quis ius dicenti non obtemper.*

4. Ad temerarium litigatorem in causa criminali, nisi irroganda sit pœna sanguinis, vel alia corporis afflictiva; nam eo casu actor quidem, non tamen reus in expensas condemnari potest; cum enim quovis modo liceat sanguinem suum rueri, ac defendere, temere, ac malitiose is nunquam litigare præsumetur. Bajard. *ad Clar. §. fin. q. 62. n. 10.* Vvesenbec. *pr. Inst. de Publ. Jud. n. 11.* Modestini. *Pistor. p. 4. q. 11. à n. 5.* Berlich. *p. 4. concl. 19. n. 38.* Vviesl. *hic n. 138.*

17. Quæritur 7. utrum in litis expensis victori condemnandus sit victus, etiam quando iste non temere litigavit, sed causam justam litigandi habuit? Resp. per se loquendo non esse condemnandum *arg. l. qui solidum 78. §. etiam 2. vers. nec aliud ff. de Legat. 2. Gloss. in c. 5. V. expensas de dol. Abb. ibid. n. 22.* Covar. *pract. c. 27. n. 3.* Menoch. *de arbitr. cas. 177. n. 1.* Gaill. *l. 1. obs. 152. n. 3.* Brunnem. *in l. 13. C. de Judic. n. 49.* P. Vviesl. *hic n. 140.* P. Schmier *Process. cap. 16. num. 34.* Ratio est quia expensarum resectio imponitur victis in pœnam temeritatis *l. eum quem 79. ff. de Iudic.* is autem, qui justam causam litigandi habuit, non potest dici temere litigasse, quamvis actori succubuerit.

18. Porro, quænam sit causa litigandi justa, cum Jure definitum non sit, relinquendum est arbitrio Iudicis. Pro tali communiter à DD. habentur sequentes. 1. Si victus intentionem, vel exceptionem suam semiplene probavit, & spectare potuit se admittendum ad Juramentum suppletorium. 2. Si eandem probavit testibus, qui præter spem ejus fuerunt reprobati, vel aliter depofuerunt in Iudicio, quam extra hoc rem se habere jactantur. 3. Si pro se habuit sententiam plurium Jus

Schmalzgrueber Tom. II.

ruperitorum, Facultatis cujusdam Juridicæ, aut saltem unius celeberrimi Doctoris. 4. Si Jura pro, & contra litigatorem militantiambiguos, & varios intellectus habeant, ita, ut quis frequentiori, & meliori DD. calculo approbatus sit, non facile cognoscatur. 5. Si actor plus debito sibi petiit. 6. Si victus suscepit litem iussu Superioris, Papæ, vel alterius Principis. 7. Si eandem suscepit ad hoc inductus probabili, & aliter, quam per Juramentum calumniæ probata ignorantia. 7. Si actor debitorem, de solutione non interpellatum in Jus vocari petiit, & reus comparsens debitum confiteatur, seque ad solutionem paratum offerat; debuisse enim actor eundem extrajudicialiter pro solutione interpellare, quam deferre causam in Iudicium. 9. Si victus sit persona valde honesta, spectatæ vitæ, & fidei, vel etiam privilegio munita, ne condemnari in expensas possit. Videatur Berlich. *p. 1. concl. 78. à n. 13.* P. Vviesl. *hic n. 141.* P. Schmier *Process. c. 16. à n. 5.* aliiq. ab his cit.

Addidi *Per se loquendo*; nec enim defunt casus, quibus in expensis liti victori condemnandus est victus etiam, quando justam causam litigandi habuit. Et talis est 1. si ita Statuto, consuetudine, vel Curix alicujus praxi est introductum: & ita ex Stylo Curix, & Roræ Ramanæ observari post alios testis est Card. de Luca *de Iudic. disc. 38. n. 7.* 2. Si liti expensæ promissæ sint per contractum, & stipulationem voluntariam, & extra Iudicium. Berlich. *n. 16.* Haun. *n. 177.* Vviesl. *n. 141. cit.* 3. Si victus succubuit in aliqua interlocutoria. 4. Si in jus legitime vocatus, contumaciter non comparuit, & propterea expensarum causa fuit in Adversario. 5. Si ab initio quidem justam causam habuit, libellum recepit, & litem contestatus est, sed postea in conclusionem causæ producitur Instrumentum, per quod declaratur, quod justa causa sit destituta. Videatur Berlich. *à n. 15.* & alii ab hoc cit.

Quæritur 8. an victus in dubio præsumatur habuisse justam litigandi causam? Distingunt aliqui cum Haun. *tom. 5. tr. 5. n. 181.* inter Actorem, & Reum: & de Actore quidem negant præsumi justam litigandi causam, de Reo concedunt. Ratione disparitatis dant, quia ille paratus potuit accedere ad Iudicium, cum ultro provocet; iste autem ad hoc vocatur plerumque inopinus, & provocatus: ut proinde adversus actorem præsumptio sit, quod temere ad litigandum profuerit, non vèto adversus reum.

Sed melius Jafson *in l. properandum 13. §. 6. C. de Judic. n. 10.* Abb. *in c. 5. de dol. n. 22.* Covar. *pract. c. 27. n. 3.* Menoch. *l. 2. præsumpt. 87. num. 1.* Petr. Barbosa. *in l. eum quem 79. ff. de Iudic. n. 31.* August. Barbosa. *inc. 5. cit. n. 9.* Vviesl. *hi. n. 142.* generaliter etiam de reo negant præsumi justam causam, si ulla talis causæ non appareat conjectura. Ratio est, quia tali casu ex ipsa adversæ partis victoria præsumitur is, qui victus est, sine iufficienti consilio, & causæ discussione, adeoque temere iudicium subisse, ut adeo, nisi contrarium prober, etiam adversus ipsum locus sit *l. eum quem 79. ff. de Iudic.*

Procedi que hoc, etiam si victus præstiterit Juramentum de calumnia; quia ut *Tit. 7. de Iuram. Calumn. n. 17.* dictum est, hoc Juramentum, etsi præsumptionem calumniæ tollat, non tamen à victo tollit præsumptionem temeritatis.

Quæritur 9. an ad refectionem expensarum victori condemnandus sit, qui à sententia in prima instantia contra se lata appellavit, & succubuit in secunda? Affirmant Gloss. *in c. 5. de dol. V. expensas*, Abb. *ibid. n. 25.* Gaill. *l. 1. obs. 152. num. 4.* quod iterato victus malam causam fovisse, & calumniöse, vel saltem temere litigasse, & appellasse convincatur.

Hæc ratio quidem probat, in eo, qui sic iterato succubuit, majorem causam exigi, ut à refectione expensarum excusetur, quam requiratur in illo, qui succubuit in prima instantia, quod temeritatis præsumptio ex iterata, quam una condemnatione oriatur fortior.

Quia tamen etiam ita victus ad sic appellandum, & in secunda instantia litigandum permoveri potuit iusta causa, quam vel causæ arduitas, vel Iurium incertitudo, vel contra se in prima instantia allatarum probationum imbecillitas, & novarum, quæ in secunda productæ sunt, ignorantia poruere suggerere, incirco, ubi in secunda instantia victus talem causam probaverit, immem-  
rito



rito condemnabitur ad expensas. Gloss. in c. Sacro 48. de sent. excomm. V. proba illis error, Durand. Specul. tit. de appellat. §. 4. num. 2. Haur. tom. 5. tr. 5. n. 178. Vviesl. hic n. 145. & sumitur per argumentum à sensu contrario ex cap. sacro cit. ubi vers. verum appellans, si succubuerit, dicitur in expensas condemnandus, nisi forsan & ipsum probabilis error excuset.

- 123 Sed quid si appellatus in secunda instantia victus est, qui vicit in prima? Distingunt hic aliqui, an ex iisdem actis in causa appellationis succumbat, an vero ex novis probationibus contra se adductis: in primo casu concludunt condemnandum in expensas; in secundo dicunt eas inter se compensandas. Sed teste Gaill. l. 1. obs. 152. num. 5. in Camera observatur, ut utroque casu expensarum fiat inter se compensatio, & decisio dubii, an appellatus iustam causam litigandi habuerit, necne, relinquatur arbitrio, & discretioni Iudicis.

- 124 Quæritur 10. an Advocatus in propria causa per se litigans, & victor petere à victo possit expensas, quas facturum erat, si alterius Advocati opera fuisset usus? Affirmat Henr. Bover. Singular. V. expensæ num. 9. & videtur suadere ratio; nam etiam artifex in lite sibi mota victor petere potest compensationem lucri, quod omittere debuit ob prosecutionem litis. Atqui etiam Advocatus ob litem sibi motam impeditur facere lucrum, quod alias pro aliis postulando potuisset facere. Ergo &c.

- 125 Hec Argumentum recte probat huiusmodi Advocatum titulo interesse à victo petere aliquid posse sub nomine lucri cessantis; non tamen sub nomine expensarum, quas, si causam suam per se non egisset, facturum fuisset in Advocatum, cum revera nullas huiusmodi expensas fecerit: alias etiam ille, qui ob vires corporis, & sanitatem ad locum Iudicii venit sine equo, quo alius minus valens fuisset usus, pro equo posset & ipse expensas petere. Hinc ad questionem tenenda est negativæ cum Jafon. in l. properandum cit. num. 14. Menoch. de arbit. cas. 154. num. 5. Gaill. lib. 1. obs. 151. num. 16. Berlich. Pract. p. 1. concl. 78. nu. 51. Haun. tom. 5. tract. 5. n. 191. Vviesl. hic num. 149.

- 126 Quæritur 11. an necesse sit petere, ut victus in expensis condemnetur? Videtur respondendum affirmative ex antiqua Juris maxima, quod Iudex officium suum pro privato interesse nemini, nisi imploranti impartiri debeat.

Sed dicendum, hoc casu quidem Iudicem non teneri ad victum in expensis condemnandum, condemnare tamen etiam ad hoc non specialiter invocatum posse ex officio. Ita Jafon in l. properandum cit. num. 30. Abb. in cap. 5. de dol. num. 34. Marant. de Ord. Judic. p. 6. tit. de Libell. oblat. num. 18. Vviesl. hic n. 150. & sumitur ex l. Adiles 25. §. item 8. ff. de Edilis. edict. & l. sancimus 15. Cod. de Judic. Ratio est, quia ad Officium Iudicis pertinet, ut etsi requisitus de eo non sit, temeritatem litigantium reprimat, quod sit condemnatione in expensis.

- 127 Dixi Non teneri, nisi imploratus super hoc sit: nam si petita à victore est condemnatio in expensis, obligatur sic condemnare; alias si hoc neglexerit, tenebitur victori expensas refarcire de suo l. properandum 13. §. siue autem 6. & l. sancimus 15. cit. Cod. de Judic. Sufficit autem, si petita sint virtualiter, & implicite v. g. petendo in Libello, ubi sibi jus, & Iustitia administratur omni meliori modo; nam talem Clausulam apponens Iudicis officium non tantum super principali, sed etiam super accessoriis, conf. expensis implorasse intelligitur, ut dictum est Tit. 3. de Libell. oblat. n. 4. vers. conclusioni.

- 128 Quæritur 12. an lite principali per sententiam finita, litis expensæ à victore peti valeant actione peculiari? Ratio dubitandi est, quia lite per sententiam definitivam finita, Iudex esse definit, & officium ejus cessat quoad illam causam l. Iudex 55. ff. de re judic. & victor sententiæ acquiescens censetur consensisse in omissionem condemnationis in expensas.

Sed distinguendum est inter expensas, quæ debentur officio Iudicis mercenario, ut fere sunt, quarum condemnatio fit propter remeritatem victi, & inter eas, quæ debentur jure actionis, ut sunt, quæ debentur ex conventionem, & stipulata promissione, aut etiam ex delicto. Priores, postquam discissum est à Iudicio, non amplius peti possunt, possunt autem posteriores, Jafon

in l. properandum 13. §. siue 6. Cod. de Judic. n. 28. Abb. in cap. 5. de dol. n. 25. Durand. Specul. tit. de expens. §. 6. n. 4. Berlich. pract. p. 1. concl. 78. n. 57. Vviesl. hic n. 153. & sumitur ex l. terminato 3. C. de fruct. & lit. expens. ubi Imperatores terminato, transactioque negotio negant super expensis querelam jure competere, ex ratione, quod post absolutum, dimissumque Iudicium nefas sit litem alteram consurgere ex litis prime materia; quæ ratio solum pugnat in iis expensis, quæ debentur officio Iudicis mercenario, cessat autem in iis, quæ debentur jure actionis; quia si istæ actione peculiari petantur, lis nova non ex lite veteri, sed ex conventionem, vel delicto consurgit. Hinc cum nova sit actio, quoad illam officium Iudicis nondum cessavit.

Quæritur 13. an condemnatus in expensis, teneatur ad restitutionem damnorum, deteriorationum, & interesse præstandum litis per sententiam victori? Resp. distinguendo, an condemnatus sit in expensas ratione victoriæ solum, an vero ratione contumaciæ, vel retardati Processus. Si primum, condemnatio in expensas damna, & interesse non comprehendunt, nisi sententia se referat ad Instrumentum, in quo victus promisit solutionem cum omnibus damnis, & interesse, Sumitur ex l. properandum 13. §. siue autem 6. Cod. de Judic. ubi victus victori in expensarum causa condemnandus dicitur, quantum pro felicitis expensis litam juraverit. Si secundum, altera distinctio est adhibenda inter damna intrinseca, & extrinseca; nam priora ex tali sententia victus cum litis expensis tenetur rescire, non autem extrinseca, qualia sunt, quæ victor passus est à latronibus, cum iter faceret ad locum Iudicii. Gaill. lib. 1. obs. 151. num. 14. Berlich. concl. 78. cit. num. 56. & duobus seqq. Vviesl. hic num. 154. & sumitur ex §. ecce enim 1. vers. Hac autem Inst. de pœn. tem. litig. l. sancimus 15. C. de Judic. l. non ignoret 4. Cod. de fruct. & lit. expens.

Quæritur 14. an casu, quo aut victus adjudicatione expensarum quantitate iusto majori, in qua condemnatus est, aut victor earundem quantitate iusto minori, quam fecerit, se gravatos queruntur, Iudex taxationem revocare, & errorem corrigere valeat? Resp. interesse, an taxatio, & condemnatio facta sit per Sententiam interlocutoriam, an per definitivam: nam si per interlocutoriam, revocare taxationem, & corrigere errorem potest; non vero potest, si per definitivam, sed is, qui ita læsum se credit, confugere debet ad appellationis præsidium. Bartol. in l. ab excoctore 4. C. de Appellat. n. 13. Durand. Specul. §. 6. cit. n. 3. Berlich. concl. 78. cit. n. 94. Vviesl. hic n. 156. & 157. Ratio est, quia definitivam revocare Iudex non potest, potest Interlocutoriam, ut dictum est n. 20. & 36.

## TITULUS XXVIII.

### De Appellationibus, Recusationibus, & Relationibus.

Sententiæ effectus, ne in rem judicatam transeat, suspendi triplici modo potest, Appellatione ad Tribunal superius, recusatione Iudicis tanquam incompetentis, suspecti &c. & Relatione causæ ad Superiorem: Potissima difficultas est circa Appellationem de qua sit

#### §. I.

### De Appellationis Natura, & Causis, ob quas est introducta.

#### SUMMARIUM.

- 1 Appellationis definitio.
- 2 Definitio, & diversa acceptio Supplicationis.
- 3 Hujus differentia ab Appellatione.
- 4 Divisio istius in Judicialem, & Extrajudicialem.
- 5 Discrimen, & subdivisio illarum in Justam, Frustratoriam, & Frivolam.
- 6 Cause, ob quas remedium Appellationis est introductum.

Quæritur 1. quid sit Appellatio? Resp. Appellatio, prout huc pertinet, est ab inferiore ad superiorem Iudicem facta provocatio ratione gravaminis illati,



illati, vel inferendi. Ira communiter DD. cum Marant. p. 6. de Ord. Judic. tit. de Appellat. n. 1.

Dicitur 1. *Provocatio*: quod ponitur loco generis; nam etiam imploratio officii Judicis, simplex querela, oblatio Libelli in prima instantia *Provocatio* dici possunt.

Dicitur 2. *ab inferiore*, videlicet vel Judice, vel alio, ut comprehendatur etiam Appellatio Extrajudicialis, quæ sit ab aliis, quam judicatis, ut ab electione, spoliatione &c.

Dicitur 3. *ratione gravaminis illati, vel inferendi*; nam ab utroque appellari potest judicialiter, vel extrajudicialiter.

Dicitur 4. *ad Superiorem Judicem*, non ad inferiorem, vel parem; quia par in parem, inferior in Superiorem Iurisdictionem non habet.

Quæritur 2. quid sit *Supplicatio*, & quomodo ab Appellatione differat? Resp. tripliciter Supplicatio accipitur. 1. *Latissime* pro quibuscunque precibus Judici porrectis sive ad Iustitiam, sive ad gratiam impetrandam. Innoc. in cap. ex litteris 4. num. 3. V. *supplicavit de in integr. restit.* 2. *Latè* pro petitione restitutionis in integrum, quando præter læsionem allegatur causa probabilis e.g. imbecillitas ætatis, favor Ecclesiæ &c. ob quam Judex ex officio succurrere læso debeat, eumque restituere contra sententiam. Pirh. hic num. 6. 3. *Stricte*, quando allegata læsione, seu gravamine, petitur, ut Princeps sententiam, contra quam ordinarium Appellationis remedium non competit, ex mera gratia, & benignitate revideat, ac retractet. Marant. p. 6. tit. de appell. num. 13. Sic accepta Supplicatio, quamvis Appellationi valde similis sit, ab hac tamen plurimum differt.

Et 1. quidem differt, quia Appellatio suspendit executionem sententiæ; non item Supplicatio stricte sumpta, sed cautio præstari debet ab eo, pro quo lara est sententia de restitutione facienda, si supplicans causam obtinebit *Auth. qua supplicatio C. de precib. Imperat. offer.* 2. Appellari debet intra decennium; supplicari etiam eo lapso usque ad biennium, sed tunc executio procedit sine ulla satisfatione *Auth. cit.* 3. Appellatio fit ad alium Judicem superiorem; Supplicatio verò plerumque ad eundem, qui rulit sententiam, & à quo propter excellentiam non licet appellare. Gloss. in *Auth. citat. V. Prefectis.* 4. Appellatio est remedium ordinarium, & in Iustitia fundatum, cum sit species quædam defensionis; Supplicatio vero est extraordinarium, & innixum gratiæ meræ Principis. Marant. tit. cit. num. 18. 5. Appellari à quocunque gravamine, lite etiam pendente, potest; supplicari autem tantum post sententiam definitivam, non ante illam, nisi in certis causis *l. supplicare 2. Cod. ut lit. pend.* 6. Appellare victus à sententia definitiva bis potest; supplicare super eadem causa non nisi semel *l. si quis 5. C. de precib. Imp. offerend.* Videatur Marant. loc. cit. à n. 12.

Quæritur 3. quotuplex sit Appellatio? Resp. duplex est, Judicialis, & Extrajudicialis. *Judicialis* est, quæ interponitur ab Actibus Judicialibus, sive de iis, quæ in Iudicium veniunt, & circa istud accidunt. Interponi potest tempore triplici. 1. Ante contestationem litis, ut si terminum comparendi in Iudicio nimis brevem Judex præscripserit. 2. Post illam, sed ante sententiam, qualis est, cum appellatur à sententia Interlocutoria. 3. Post Sententiam definitivam, cum sc. ab hac, vel executione ejusdem sit Appellatio.

*Appellatio Extrajudicialis* fit ab actibus, vel decretis extrajudicialibus, quibus aliquis gravatur. Fieri potest dupliciter, nempe 1. à Iudice inferiore extrajudicialiter procedente, v.g. in deferenda Tutela, danda possessione &c. 2. A quovis alio, etiam privato, si gravamen inferat, vel illaturus timeatur v.g. in præsentatione, electione, collatione Beneficii, aut simili actu jam facto, aut etiam futuro, ne fiat.

Rejiciunt aliqui divisionem istam, tanquam, non satis consentaneam Iuri Civili, à quo solum Appellationem Iudicalem agnosci volunt. Sed si res accuratius ponderatur, in Iure utroque divisio ista fundamentum habet, Canonico quidem, dum appellationem concedit interponi posse in Electione, præsentatione &c. ut patet ex cap. cum nobis 19. auditis 29. de elect. cap. cum sis 5. cap. constitutis 46. cap. bone 51. hoc tit. & cap. concertationi 8. eod. in 6. Civili autem *l. si quidem 1. §. si quis 1. & trib. seqq. §. quand. appelland. sit, & l. hi qui 7. Cod. hoc tit.*

Schmalzgruber Tom. II.

ubi permittitur appellatio à delatione munetis Civilis, & publici.

Discrimen inter Appellationem Iudicalem, & Extrajudicalem triplex assignatur. 1. Appellatio Judicialis est propriè Appellatio, Extrajudicialis impropiè; hinc in materia pœnali, & odiosa nomine Appellationis non comprehenditur. Alex. de Nevo in cap. cum sis cit. à n. 13. Pirh. hic num. 3. Vviesl. num. 9. 2. Judicialis supponit Iudicium, & fit à solo Iudice, ejusque gravamine, non inferendo, sed illato; Extrajudicialis autem non supponit Iudicium cœptum, neque exigit necessario, ut fiat à Iudice, sed potest fieri etiam à parte, si ab hac gravamen inferatur, vel timeatur cap. constitutis, cap. bone cit. 3. Judicialis præterita suspendit, eaque pendente, acta invalida sunt, & per viam Artentari revocantur; non ira invalida sunt gesta, pendente Appellatione Extrajudiciali, nisi forte ipsi appellationi repugnent. Hauntem. 5. tract. 5. à n. 278.

Utraque hæc Appellatio subdividitur in Iustam, & Rationabilem, Frustratoriam, & Frivolam. *Iusta* est, si ex iusta, & rationabili causa; *Frustratoria*, si tantum morandæ solutionis, & Iudicii protrahendi causa; *Frivola*, si ex levi causa, vel pro re minima interjiciatur. Ex his solæ, quæ Rationabiles, & Iustæ sunt, admitti debent à Iudice, cæteræ tanquam temerariæ rejici, & appellans, non obstante tali sua appellatione, cogendus ad parendum Superiori cap. cum parati 19. hoc tit. Vallens. hic §. 1. n. 5. Pirh. n. 66. Vviesl. n. 10.

Quæritur 4. quæ sint causæ, ob quas remedium Appellationis est introductum? Resp. plures enumerantur. 1. Et principaliter, ut removeatur gravamen, inique oppressis illarum cap. suggestum 15. hoc tit. 2. Ut iniquitas judicantium, aut imperitia eorundem corrigatur *l. siquidem 1. princ. ff. eod.* 3. Ut litigator, qui vel ex ignorantia, vel ex negligentia jus suum non satis deduxit, vel probavit, & sic per sententiam primæ instantiæ læsus est, in secunda instantia reparare defectum possit. Abb. in c. 15. cit. num. 3. Vall. §. 1. n. 1. hic, Pirh. n. 4. Vviesl. n. 6.

Pater proinde saluberrimum istud Iuris remedium esse, imo non Iuris, sed naturæ; cum enim species quædam defensionis sit, & innocentæ præsidium, non immerito Abb. in Rubr. hoc tit. n. 6. cum alijs docet, Appellationem quoad substantiam Iuris naturalis esse, etsi quoad solemnitatem, & modum, quo interponenda, & promovenda est, Iuris sit positivi.

Neque obstat, quod, ut *l. siquidem 1. princ. ff. hoc tit.* dicitur, nonnunquam contingat, ut sententiæ latæ in pejus reformentur, & aliquando in causa appellationis judicaretur deterius, quam in prima instantia: item quod aliquando nulla iusta ratione, sed litis tantum prorrahendæ studio Appellatio interponatur; id enim Iudicis, & litigantium, non rei vitio evenit, & aliunde constat saluberrimis rebus homines improbos sæpe aturi ad pessima, quo abusu tamen illæ naturam non mutant.

## §. II.

De Personis, quibus Appellatio permittitur, vel non permittitur.

## S U M M A R I U M.

- 7 8 9 Quis appellare possit?
- 10 11 Quibus non sit permissum?
- 12 13 An etiam illi, qui professus est cum Inramento ante sententiam, se non provocaturum à Iudice?
- 14 An Appellatio prosit etiam correis non appellantis?
- 15 Requisita, ut prosit iisdem.

Quæritur 1. quis appellare possit? Resp. regulariter appellare permissum est omnibus, qui gravamen aliquod extra, vel intra Iudicium patiuntur, aut se passuros timeant cano. ideo 10. caus. 2. q. 6. *l. siquidem 1. ff. l. & in maioribus 20. l. si quis 30. C. hoc tit.* In specie appellare 1. potest condemnatus per sententiam, modo aliud nihil obstat: de quo infra.

2 Cæteri, quorum interest nomine proprio, seu quibus ex sententia præjudicium, vel damnum pervenire posset, quamvis contra ipsius directæ non sit lata sententia



*can. non solent* 30. *caus. 2. quest. 6. cap. cum super* 17. *de sent. & re judic. l. non solent. 1. princ. ff. de appell. recip. l. ab executore* 4. §. *alio* 2. & *l. princ. ff. hoc tit.* Sic recte appellat 1. Principalis à sententia lata contra Procuratorem non appellanter *l. ab executore §. alio cit. 2.* venditor victo emptore litigante super proprietate *loc. cit. §. item si* 3. 3. hæres pro condemnato cohærede, & pro victo hærede instituto Legatarii *l. à sententia cit. princ. & §. si hæres* 1. 4. fidejussor pro eo, pro quo intervenit. *Gloss. in l. à sententia cit. V. pro eo.* 5. creditor à sententia, qua, ipso ignorante, adjudicatum est pignus alteri *arg. l. sape 63. vers. scientibus ff. de re judic. 6. maritus à sententia, quæ super doris proprietate lata est contra socerum arg. textus ejusdem.*

3 Si etiam, quorum interest nomine alieno. Ita appellare potest 1. Procurator pro domino, modo hic mox ratum id habeat *can. non solent cit. cap. non injuste* 14. *de Procurat. l. dominus* 9. *C. hoc tit. 2.* Tutor pro pupillo, Curator pro minore *l. tutor* 27. *ff. l. si actor* 10. *C. cod. 3.* Pater pro filio, & filius pro patre *can. & l. non solent cit. l. ex consensu* 23. §. *fitiumfam.* 2. junct. *Gloss. V. non nisi partis ff. cod. 4.* Dominus pro subdito, vel servo suo *l. servi* 15. *ff. cod. 5.* Episcopus, vel Abbas pro Clerico, vel Monacho suo, & hi in causa suæ Ecclesiæ, vel Monasterii. *Laym. in c. cum inter* 16. *de elect. n. 2.* Pith. *hic n. 30.* Vviesl. *n. 5. 6.* denique quivis alius, etiam extraneus, & sine mandato, pro eo, qui ad supplicium ducitur *l. non tantum* 6. & *l. adductos* 29. *C. hoc tit.* quia innocentem defendi, & beneficiis hominis hominem affici omniam interest. *l. servus* 7. *ff. de serv. exportand. Perez. in C. hic n. 5.* Vallenf. §. 2. *n. 1.* Pith. *n. 9.* Vviesl. *n. 15.*

4 Appellare permittum est ipsi Judici contra propriam pronuntiationem casu, quo contingit eum condemnato succedere; ubi tamen distinguendum est, an sententiam, qua pars condemnata gravata est, dolo tulerit, an vero juste, quod pars victa intentionem suam, vel exceptionem non satis probaverit; nam eo casu, si ipse, postquam parti condemnatae successit, probationem ex tacti circumstantiis accuratius ponderatis novam, & omnino sufficientem afferret, ad appellandum contra propriam suam sententiam est admittendus, nec propterea arguendus temeritatis, vel imperitiæ, sed tota causa refundenda in eum, cui successit, quod jus suum aut ignoravit, aut non bene deduxerit. *Gloss. in l. 1. ff. de exc. pr. revendit. Zoesl. ff. hoc tit. n. 7.* Vviesl. *n. 16.*

5 Interdum appellare ab eadem sententia potest pars utraque litigans; si probent per eandem utriusque præjudicium afferri *c. si duobus* 7. *hoc tit.* Quod contingere potest in casu, quo sententia plures articulos continet, quorum unus adversatur actori, alter reo, ita, ut tam victus, quam victor gravatum se sentiat. *Gloss. in c. significaverunt* 11. *V. absolvit de Except. Abb. ibid. n. 7.* Vviesl. *hic eum. 17.*

10 Quæritur 2. quibus appellare non sit permittum? Resp. 1. qui sententiam contra se latam expresse, vel tacite, & ipso facto approbavit, & sic renuntiavit beneficio Appellationis *cap. gratum* 20. & *ibi Gloss. fin. de Offic. Deleg.*

2 Qui tribus Edictis, vel uno Peremptorio citatus dixit se nolle venire, ideoque ob veram contumaciam condemnatus est *l. ex consensu* 23. §. *fin. hoc tit. & ibi Gloss. V. non recte*, Vall. *hic §. 2. num. 1. & 6. & §. 4. n. 6.* Pith. *n. 26.* Vviesl. *n. 22.* Ratio est, quia qui Judicem audire, eique parere per contumaciam renuit, indignus est, ut appellans audiat a Judice.

3 Qui in eadem causa non detulit legitimæ appellationi sui Adversarii *c. constitutus* 23. & expressius *c. an sit* 42. *hoc tit.* enim cum quod quisque Juris in alium statuit, eo ipso quoque conveniat ut *l. hoc edictum* 1. *ff. quod quisque Jar.* hinc merito is non auditur, si in eadem causa, seu negotio appellare velit. Secus dicendum, si in diversa non connexa; nam in hac, etsi puniendus sit, appellare tamen non prohibetur *arg. c. dilectus* 55. *hoc tit. Gloss. fin. in c. an sit cit. Abb. ibid. n. 4.* Pith. *n. 29.* Vviesl. *n. 26.*

11 4 Qui notorii criminis reus, vel de eo, sponte, & ore proprio in Iudicio confessus, simulque non dubia, ac plena probatione convictus est *l. observare* 2. *C. quor. appell. non recip.* estque hæc Lex canonizata *can. ei qui* 4. §. *nullus etiam caus. 2. q. 6. c. serventis* 13. & *c. seq.*

*hoc tit.* Ratio est, quia appellatio instituta est ad removen- dum gravamen injuste illarum, ut dictum est *n. 6.* at- qui de hoc non potest conqueri, qui notorii criminis reus, vel de eo in Iudicio simul convictus est. ergo &c. Secus dicendum, si vel confessus tantum, vel tan- tum convictus est; nam utrique conceditur Appellatio; convicto quidem, quia forte afferet fortiores probatio- nes, quæ contra se allatas enervent; confessio autem, quia hic confessionem, saltem allegato, & probato er- rore suo, revocare permittitur, ut dictum est *Tit. 18. n. 48. & seqq.*

5 Qui eadem causa, & super eodem articulo tres conformes sententias contra se tulit; nam abbatum ul- tima appellare non potest *c. suas nobis* 65. *hoc tit. & l. un. C. ne liceat in una eademque causa.* Ratio est, quia ad- versus tertio condemnatum est præsumptio, quod fo- veat injustam causam, & ad litem duntaxat protrahen- dam appelleret, cum aliquem in eadem causa, & articulo, & à diversis Judicibus ter gravari Iura non præsumant. Dixi, *in eadem causa, & super eodem articulo*, nam su- per articulo diverso ab eo, in quo ter succubuit, ap- pellare potest; imo etiam ab eodem articulo, & sententia super eo etiam tertio lata, si ista novum gravamen afferat; ut *in l. un. cit.* recte advertunt Perez *n. 3.* Brunnem. *n. 1.* Vall. *hic §. 4. n. 5.* Vviesl. *n. 27.*

6 Excommunicatus: ubi tamen distinguendum est in- ter Appellationem Iudicalem, & Extrajudicalem. Prior ipsi permittitur; quia est species defensionis, quam ne Dia- bolo quidem denegandam scribit Speculator; posterior ei negatur; quia habet vim conventionis, atqui Excom- municatus convenire alterum nequit. ergo &c. Vide *Tit. 25. num. 14. & duob. seqq.*

Quæritur 3. an appellare possit, qui professus est cum Iuramento ante sententiam se non provocaturum à Iu- dice? *Rationem dabitandi* faciunt textus Iuris in spe- ciem sibi contrarii; nam *cap. questionis* 21. *hoc tit.* sta- tuitur, non est admittendum appellationem illis, qui priusquam ferretur sententia, juraverint se Ecclesiæ man- datis parituros; cui simile quid habetur *l. tractandum* 1. §. *si quis* 3. *ff. à quib. appellat. non lic.* Contra *c. adhuc* 20. *cod.* sic appellantis injungitur, ut vel servant, quod jurant, vel intra 40. dies post appellationem interpositam iter ar- ripiant ad ipsam proseguendam; conf. appellatio aperte iisdem conceditur. Verum apparens hæc Antilogia Iuris facile conciliatur, si *c. questionis*, & *l. tractandum cit.* dicatur prohiberi Appellationem contra mandatum, & sententiam Iuri conformem; *c. adhuc* autem dicatur loqui de sententia, vel præcepto injusto. Quare ad quæstionem.

Respondet distinguendo inter Appellationem frivola, & legitimam. Frivola per hujusmodi Iuramentum fit illicita, non vero legitima; unde non obstante Iura- mento, posteriolem istam licebit interponere, saltem quando iniquitas sententiæ, vel mandati est notoria. Abb. *in c. questionis cit. num. 5.* Vivian. *ibid. §. fin.* Laym. *n. 2.* Pith. *n. 16.* Vviesl. *n. 25.* Ratio est, quia ut cum Sylv. *V. iuramentum* 3. q. 3. communiter DD. norant, Iura- mentum præstitum circa materiam Iuris, & Iustitiæ ul- tra limites Iuris, & Iustitiæ non debet extendi, sed imbi- bitam habet hanc conditionem, si Iuri, & Iustitiæ conforme sit. igitur si sententia non est Iuri conformis, sed injusta notorie, non tenebitur jurans iuramento suo, & conf. appellare eidem licebit. Estque hoc ve- rum, licet quis juraverit, se staturum sententia Judicis, quomodocunque, aut qualiscunque lata fuerit; adhuc enim ab ea appellare potest, si illa injusta sit, & hoc sit notorium.

Dixi, *Saltem quando iniquitas sententiæ, vel mandati est notoria*, nam si notoria non est, & causa sit Civilis, appellationi ejus, qui juravit se non provocaturum, mi- lius non deferendum advertit P. Vviesl. *hic n. 25. cit.* Rationem dat, quia renuntiatio Appellationis in causis, proprium interesse concernentibus, licita est *c. directe* 39. *hoc tit. & l. tractandum* 1. §. *si quis* 3. *ff. à quib. appell. non lic.* ac proinde hujusmodi promissioni, præfer- tum si Iuramento firmata sit, eo casu standum est per re- gulam *c. cum contingat* 28. *de Jurejur. & c. quamvis* 2. *de pact. in 6.*

Quæritur 4. an si in causa pluribus communi à senten- tia, contra omnes lata, unus ratiū provocavit, & in Iudicio Appellationis vicit, ejus victoriæ emolumen- tum



tum etiam pertineat ad reliquos, qui non appellantur? Viderur tenenda negativa ex tritissima Juris maxima, quod inter alios acta aliis nec præjudicent, neque profint, prout sumitur ex *cap. quavis 25. de sent. & re judic. & l. sepe 63. princ. ff. de re judic. Et confirmatur, quia unius à sententia appellantis condemnatio non obest cæteris litis consortibus c. interrogatum 24. & ibi Gloss. V. profiteretur caus. 9. q. 5. c. significasti 5. de adulter. l. denuntiaste 17. §. queritur 6. ff. ad Leg. Jul. de adulter. ergo nec pro eodem prolata iisdem proderit.*

Sed retinenda est affirmativa sententia; nam ita aperte decisum habetur *cap. una 72. hoc tit. l. siqui 10. §. fin. ff. eod. l. si Judici 1. & l. seq. Cod. si unus ex plurib. appellav. Ratio est, quia objectum principale sententiæ Appellationis est sententia lata in prima instantia, de cujus validitate, & iustitia disputatur; non potest autem eadem sententia pro uno esse vera, & pro altero, qui Jure eodem utitur, esse falsa; igitur hoc ipso, si lata est pro uno, prodest etiam cæteris in eadem causa damnatis per sententiam primæ instantiæ.*

Ad Argumentum contrarium illa Juris maxima in casu præsentis quoad emolumentum victoriæ non procedit, cum rescissa sententia primæ instantiæ, necesse sit eandem vi omni destitui etiam quoad non appellantes, *Ad Conf.* quod condemnatio in secunda instantia non noceat aliis litis consortibus, statuendi specialis fuit ratio, quia facile contingit, ut unus ex correis metu, vel errore inducatur ad confessionem sibi præjudiciosam, vel testimoniis, aut instrumentis falsis in secunda instantia convincatur: unde si tali casu condemnatio unius pertineret etiam ad cæteros litis consortes, necessaria defensio his facile auferretur.

- 35 Queritur 5. quid requiratur ad hoc, ut sententia pro uno appellante lata profit etiam aliis non appellantibus? Resp. 1. requiritur, ut sint correi, siue in eadem causa per eandem sententiam condemnati; nam de cæteris procedit Regula supra adducta, quod res inter alios acta in Judicio aliis nec profit, nec obsit. 2. ut sententia lata sit pro uno in causa appellationis; nam si lata sit tantum in prima instantia, ordinarie, & nisi res individua sit, ut in servitutibus, sententia pro uno lata aliis non prodest, etsi eadem causa sit omnium. Et hoc est discrimen inter sententiam latam in prima, & inter latam in secunda instantia. Pirh. num. 13. 3. ut correi, siue per eandem sententiam condemnati communi omnes utantur Jure; nam si unus contra sententiam jureret Jure speciali e.g. favore ætatis per restitutionem in integrum, nisi res controversa sit incorporalis, & individua, victoria unius non prodest alteri, ut dictum est *Lib. 1. Tit. 41. num. 24. 4.* ut sit idem negotium; nam si diversum sit, uno appellante, & vincente, alteri non prodest victoria: & ratio est, quia ob diversitatem causæ non possunt censi una sententia condemnati. Abb. in *cap. 72. hoc tit. num. 4. 5.* ut sit eadem defensionis causa: secus, si sit diversa; nam diversa causa diversas sententias efficit, & sic facit, ut unus non comprehendatur in sententia lata pro altero. Abb. loc. cit. 6. ut alter ex correis, qui non appellavit, sententiam primæ instantiæ expressè, vel tacitè non approbaverit; nam si ita approbavit, respectu ipsius transit in rem judicatum, & sic appellatio alterius ipsi amplius prodesse non potest. Abb. num. 4. cit.

## §. III.

De Actibus, à quibus permixtum, vel non permixtum est appellare.

## S U M M A R I U M.

- 16 Regulariter appellari potest in omnibus causis.  
17 Et ab omni sententia valida, aut gravamine.  
18 Etiam Extrajudiciali de Jure Canonico antiquo.  
19 Quod limitatum est novo Tridentini.  
20 Appellatio non respicitur à Sententia, qua quis condemnatus est ad pœnam Legè definitam.  
21 In causis, & delictis notoriis.  
22 A mero Executore.  
23 A correctione Superioris secundum SS. Canones, vel Regulam.  
24 A sententiis Conjuratum propriè dictarum.

- 25 Ab executione Electionis confirmata.  
26 A sententia lata in Possessorio momentaneo.  
27 Ab ea, qua Judex mandat Testamentum aperiri, vel heredem scriptum in possessionem mitti.  
28 In aliis causis non admittentibus dilationem &c.  
29 30 31 32 Quamvis habeat clausula, Ut Judex procedat Appellatione remota?  
33 34 An, & qualiter appellare liceat à sententia Judicis ex Iuramento decisa?  
35 An etiam in minoribus causis admitti debeat Appellatio?

Queritur 1. in quibus causis liceat appellare? Resp. 16 regulariter loquendo, saltem de Jure Canonico antiquo, appellari potest in omnibus causis, & ab omni sententia valida, imo à quocunque alio gravamine illato, vel inferendo, etsi Extrajudiciali hoc solum sit: Ita Durand. *Specul. tit. de Appellat. §. 2. in princ.* Rebuff. *tr. de Appellat. prefat. num. 72.* Gonzal. *ad Reg. 8. Cancell. Annot. ad Gloss. 9. contr. nullit. & attent. n. 25.* Vallens. *hic §. 4. num. 1.* Pirh. *num. 31.* Vviest. *num. 28.* & apertè constat ex *can. liceat 1. & can. siquis 4. caus. 2. qu. 6. c. cum sit 5. & cap. super eo 12. hoc tit. cap. cordi 1. eod. in 6. & Clem. 3. cit. tit.* Ratio est, quia Appellatio, ut sæpe dictum est, est quædam defensio, quæ nemini facile denegari debet.

Dixi 1. in omnibus causis, videlicet tam Civilibus, quam Criminalibus, ut statuitur *can. liceat 20. caus. 2. q. 6. cap. cum sit cit. §. præterea l. non tantum 6. ff. & l. & in majoribus 20.* junctâ Gloss. V. *negotius Cod. eod.* Ratio autem, quod etiam in criminalibus admittenda, imo multo magis sit admittenda Appellatio, est, quia in istis vertitur majus periculum; agitur enim ad publicam pœnam, & de corpore, ac vita hominis.

Procedit hoc, spectato Jure communi; nam quoad Causas criminales in Imperio Romano, ex inveterata consuetudine, per *Ord. Camer. p. 2. tit. 28. §. Item nachdom 5. & Recess. Imper. de Anno 1530. §. Item als auth 95.* comprobata aliud tenet, & Appellationes in Causis Capitalibus non admittuntur. Gaill. *l. 1. obs. 1. n. 28.* Mynsing. *cent. 4. obs. 41. num. 3.* Vviest. *hic num. 32.* Schmier. *Process. cap. 17. num. 59.* idque ne promerita criminum pœnæ eludantur, aut nimium differantur. Excipitur, siquis principaliter velit nullitatem Processus prosequi; tunc enim in Camera Imperiali appellatio eidem permittitur, ut notant *cit. DD.*

Dixi 2. Et ab omni sententia valida; nam ab invalida, 17 & notorie irrita sententia frustra appellatur *l. si expressim 19. & l. ex consensu 23. §. cum Procurator 1. ff. hoc tit. l. illud 1. & seqq. ff. que sentent. sin. appell. rescind. l. latam 1. & seqq. Cod. quand. provocat. non est necess.* idque ex duplici ratione: una est, quia per talem sententiam latus remedium ordinarium ad manus habet, videlicet querelam nullitatis, quam coram Judice à quo proponere potest: altera, quia Appellatio sententiam prius latam suspendit, & ad eam rescindendam tendit; quod autem nullum est, suspendi, & rescindi non potest. Addidi, *Notorie irrita*; nam in dubio de nullitate alternativè peti potest, ut sententia declaretur nulla, vel si valida est, corrigatur. Bartol. in *l. expressim cit. n. 5.* Vallens. *hic §. 4. n. 1.* Pirh. *n. 31.* Vviest. *n. 29.*

Dixi 3. Ino à quocunque gravamine: ubi distinguendum est inter Appellationem in Judicio, & extra Judicium; nam extra Judicium appellari potest etiam à gravamine futuro, & nondum illato, nec comminato. *Clem. 3. & ibi Gloss. V. à futuro hoc tit.* At in Judicio appellari solum potest à gravamine jam inflictio, & à comminatione gravaminis inferendi injuste facta per Judicem *c. cum cessante 60. hoc tit.* Abb. *ibid. n. 5.* Pirh. *hic n. 38.*

Dixi 4. Saltem de Jure Canonico; nam de Jure Civili 18 non permittitur appellatio à sententia interlocutoria *l. ante sententia 7. Cod. quor. appell. non recip. l. si Clericus 2. C. de Episc. aud. l. apertissimi 6. C. de Judic.* Ratio discriminis inter Jus Canonicum, & Civile est, quia de Jure Canonico mitius proceditur, & in eo instantia non expirat cursu temporis; expirat autem triennio de Jure Civili: unde sæpe contingeret, si admitterentur Appellationes à quovis gravamine, ut instantia Iudicii periret ante sententiam definitivam. Accedit, quia Judex interlocutoriam, quam tulit, alias revocare potest, & siquid in ea peccatum est, per sequentem sententiam definitivam corrigere; unde præsumit Lex tales Appella-



Appellationes interponi solum litis differendæ causa. *Excipitur* triplex casus, quo Appellatio à sententia Interlocutoria etiam de Jure Civili admittitur, videlicet, si vim definitivæ habeat, ita, ut totum jus alicujus absorbeat *l. intra 39. ff. de minorib. 2.* si talis sit, postquam non speretur definitiva, v. g. si Judex pronuntiet se incompetentem, aut reum absolvar ab observatione Judicii. 3. si contineat gravamen, quod per definitivam, aut appellationem ab ista nequeat reparari, ut si Judex jubeat aliquem in carcerari, vel torqueri. Abb. *in c. super eo 12. hoc tit. n. 3.* Laym. *ibid. n. 1.*

- 19 Dixi 5. *de Jure Canonico antiquo*; nam novissimo Tridentini *sess. 13. c. 1. & sess. 24. c. 20. de reform.* prohibentur Appellationes ab interlocutoriis recipi per quoscunque Superiores, nisi in casibus modo exceptis, ut adeo nunc etiam de Jure Canonico quoad interlocutorias observanda sit dispositio Juris Civilis. Piassec. *Prax. Episc. p. 2. c. 4. art. 15. n. 3.* Zerola *Prax. V. appellatio ad 6. Vall. hic §. 4. n. 4.* Pirh. *n. 34.* Vviesl. *n. 32.*

Dixi 6. *regulariter loquendo*: nam plures sunt casus, quibus non desertur Appellationi. Et hinc

- 20 Quæritur 2. in quibus causis non liceat appellare? Resp. 1. non admittitur Appellatio à Sententia, qua crimen confessus, & convictus condemnatur ad pœnam Lege definitam. Sumitur ex *c. quia nos 32. juncta Gloss. V. in communi Capitulo in fin. hoc tit. l. si qua 244. & ibi Gloss. V. de pœna solut. 3. ff. de V. S. Gloss. in c. capientes 16. §. quod si V. inexpectati de elect. in 6.* Gonzal. *in c. irrefragabili 13. de Offic. Ordin. n. 4.* Pirh. *hic n. 61.* Vviesl. *n. 33.* Ratio est, quia à tali pœna appellans queri videtur de gravamine non per iniquitatem Iudicis, utpote qui in Iudicando Legum præcepta securus est, sed ranquam à Lege ipsa sibi illato; Lex autem injuste neminem gravat. Dixi *ad pœnam Lege definitam*; nam si pœna à Lege statuta non sit, sed ipse Judex pœnam decernat, & modum excedat, appellari poterit arg. *c. novis 43. hoc tit.* Farin. *prax. q. 101. n. 110.* Pirh. *hic n. 61.* Item appellari potest à declaratione pœnæ Iure latæ. Gloss. *marg. in l. si qua cit. litt. A.* Abb. *in c. 13. hoc tit. n. 9.* Pirh. *loc. cit.* quia non Iuris, sed hominis, seu Iudicis est declarantis, quod quis incidit in pœnam Lege decretam.

2 *In causis*, aut *delictis notoriis*; prout sumitur ex *c. cum sit §. 5. præterea, c. pervenit 13. c. consultuit 14. hoc tit.* Ratio est, quia constat reum de crimine notorio condemnatum, si appellet, tantum appellare pœnæ differendæ causa; quod admitti non debet, cum, ut *c. cum speciali 61. §. porro hoc tit.* dicitur, *Appellationis remedium non sit ad defensionem iniquitatis, sed ad præsidium innocentia institutum.* Excipitur, nisi in Appellatione exprimat legitima causa, per quam delictum notorium aliquo modo defendatur, ut si quis aliquem occidit in conspectu populi, sed alleget illum se occidisse ad sui defensionem; tunc enim admitti Appellatio debet, & hac pendente sententiam exequi Iudex, qui sententiam tulit, non potest, ut colligitur ex *c. cum speciali §. porro cit.* Abb. *in c. 14. hoc tit. n. 4.* Felin. *prax. q. 101. n. 64.* Vallenf. *hic §. 4. n. 8.* Pirh. *n. 63. & seq.*

- 22 3 *In causa executionis*, seu à *mero executore*; ubi tamen distinguendum est, an is exequendo sententiam; formam, & limites mandati, ac commissionis suæ observeret, vel excedat. Si primum, is, contra quem fit executio, appellare non potest *c. novis 43. hoc tit. l. ab executione 4. ff. eod. l. ab executione 5. C. quor. appel. non recip.* Ratio est, quia si reus tali casu gravatur, gravamen non ab executore, sed à Iudice executionem mandante illatum censetur. Igitur adversus hunc potius, quam executorem appellatio fieri deberet, vel si adversus eum non potest, etiam executio per appellationem impediti non poterit, utpote quæ est effectus sententiæ. Si secundum, appellari ab illo potest per textum *cap. quoad ad consultationem 15. de sent. & re judic.* & notat *ibidem Gloss. V. excedatur*, Abb. *n. 24.* Barb. *in c. 43. cit. n. 7.* Pirh. *hic n. 62.* Vviesl. *n. 39.* Ratio quia excedendo aliquid facere videtur, quam quod ei commissum est; ac proinde in eo, in quo excedit, definit esse executor, & sic gravamen injustum infert. Potest autem Executor modum in executione excedere multimode, ut si eam facere velit in re alia, vel in plus, quam est iudicatum, vel ante tempus, vel non servato ordine *c. g. prius in immobilibus, quam in*

mobilibus, si partes Judicis sibi vendicet; aut sententiam interpretari velit, quod mero Executori non competit *l. si ut proponis 6. C. de execut. rei judic.*

4 *In causa correctionis Regularis*, vel Ecclesiasticæ 23 disciplinæ causæ: ubi iterum distinguendum est: an Prælatus in correctione procedat ut Iudex judicialiter, an ut Pater paterne. Si primum, æque à correctione, per sententiam dictata, licet appellare, atque ab aliis gravaminibus per sententiam definitivam, vel interlocutoriam illatis. *Trid. sess. 13. c. 1. de reform. in fin. Fagn. in c. ad nostram 3. hoc tit. in 6.* Pirh. *hic n. 44.* Schambog. *n. 11.* Vviesl. *n. 35.* & novissime Clariss. P. Schmier *Process. c. 17. n. 81.* Si secundum, interest, an Superior in correctione maneat intra limites à SS. Canonibus, Regula, vel Constitutionibus Ordinis correctioni præscriptis, an vero istos excedat. Primo casu non datur Appellatio *c. ad nostram 3. & c. reprehensibilis 26. hoc tit. cap. licet 12. & cap. irrefragabili 13. de Offic. Ordin. sess. 13. cap. 1. & sess. 22. cap. 1. de reform.* Ratio est, quia ab ejusmodi correctione appellans redarguere iniquitatis censetur ipsam Regulam, vel SS. Canones. Accedit, quia correctio, quæ fit secundum Canones, & Regulas, est quædam istorum executio, à qua Appellatio regulariter non datur *c. consultuit 29. hoc tit.* Secundo casu per hujusmodi excessum, si notabilis ille sit, gravato conceditur Appellatio *c. irrefragabili, c. ad nostram cit. & c. de Priore 31. hoc tit.* Ratio est, quia tunc Prælatus, seu Superior potestate sua abutitur, & subditum injustè gravat, Debet tamen eo casu necessario exprimi causa Appellationis, sc. quod Superior corrigendo modum exceperit, ut Iudici Appellationis de Injustitia illius constet, & appareat appellatum esse in casu permissio. Abb. *in c. ad nostram cit. n. 9.* Pirh. *hic n. 45.* Vviesl. *ibid. n. 37.*

4 *In causa Censurarum, Excommunicationis, Suspensionis, & Interdicti*; ubi tamen videndum, an Censura hujusmodi jam sit lata ante appellationem, vel primum post illam, Si hoc secundum, non obstat appellanti; nam cum talis Excommunicatio nulla sit, nullum habet effectum, nec impedire potest, quo minus is, contra quem hujusmodi sententia lata est, cum aliis Fidelibus communicare etiam in Divinis possit, ut desumitur ex *c. ad præsentiam 16. hoc tit.* Neque refert, quod ita censuratus *c. cit.* referatur absolutus; quia id intelligendum de absolute ad cautelam, ut *ibidem* notat Gloss. *V. absolut.* Laym. *n. 2.* Gonzal. *n. 2.* Si primum, appellari quidem ad Superiorem potest, ut hic de Injustitia Censuræ cognoscat, effectus tamen illius per hujusmodi Appellationem non suspenditur, prout de Interdicto constat ex *c. ad hac 37. junct. Gloss. V. Interdictum hoc tit. de Excommunicatione, & suspensione c. is cui 20. infra. de sent. Excomm. in 6.* Ratio est, quia Excommunicatio, & quævis alia Censura executionem sententiæ secum trahit, & statim, atque lata est, animam ligat; & hinc Excommunicatus à Fidelium communicatione, suspensus, & interdictus à Divinis Officiis, ab ingressu Ecclesiæ, & cæteris Spiritualibus statim abstinere debet. Causa hoc statuendi fuit, ut Censuræ sic magis timeantur, si sciant homines effectum earum per Appellationem non suspendi, vel impediri posse. Debet autem hoc intelligi de Suspensione, & Interdicto non quocunque, sed de Suspensione, & Interdicto ab Officiis Divinis; hinc si quis solum suspendatur, vel interdicator à capientia possessione, ab ingressu in civitatem, vel palatium, perceptione fructuum, voce activa, & passiva, & ita suspensus, vel interdictus à tali sentenda appellet, effectus ejus per Appellationem suspenditur. Gloss. *in c. is cui cit. V. sequentem*, Abb. *in c. adhuc cit. n. 1.* Alex. de Nevo *ibid. n. 3.* Laym. *n. 2.* Avil. *de Censur. p. 3. D. 3. dub. 4. concl. 1.* Pirh. *hic n. 47.* Vviesl. *n. 41.* & alii communiter.

6 *In causa Electionis* ad impediendam executionem 25 illius, vel confirmationis istam secutæ; nam nisi appellans alleget causam valde rationabilem, Appellatio ejus non admittitur, sed electus, ipsa non obstante, investiri, sive in pacificam possessionem mitti debet *c. constitutus 46. hoc tit.* Ratio est, quia contra appellantem præsumptio est, quod malitiose appellet ad differendam duraxar investituram. *Exconfirmatur*, quia possessionis traditio habet rationem executionis; ab executione autem si fiat Appellatio, huic deferendum non est, ut dictum est *n. 22.*



est n. 22. Dixi, *Nisi appellans alleget causam valde rationabilem*; nam hanc si allegat, opponendo v. g. confirmato proprietatis defectum notorium, vel qui in continenti probari possit, Appellatio ejusdem deberet admitti c. *accidens* 23. de *accusat. c. super eo* 2. de *crim. fals.* nisi contra excipientem, vel appellantem sit præsumptio, quod malitiose opponat. Gloss. fin. in c. *constitutis* cit. Alex. de Nevo ibid. n. 44. Abb. n. 15. Pirh. n. 57. Vviesl. n. 52. Dixi 2. ad impediendam executionem Electionis, vel Confirmationis; nam si post executionem Electionis, vel Confirmationis factam, & obtentam possessionem, instituere aliquis velit actionem, accusando possessorem de crimine, vel denunciando illum, audiri debet; quia tunc cessat Præsumptio illa, quod appellans calumniose objiciat ad impediendam possessionem, vel executionem c. *constitutis* cit. in fin. & ibi Gloss. fin. Vivian. in *Ration.* Gonzal. n. 5. Pirh. n. 57. Vviesl. numer. 42.

26 7 In causa possessionis à sententia ibidem lata: ubi tamen distinguendum est, an lata illa sit in Possessorio ordinario, an vero solum in Momentaneo. Si in ordinario, ubi servato Iuris ordine, de partium possessione cognoscitur, & pronuntiatur, appellari potest, habetque Appellatio hæc de Iure saltem Canonico, quod praxis hodierna sequitur, effectum tam suspensivum, quam devolutivum c. *ex conquestione* 10. & c. *cum ad sedem* 15. de *restit. spoliat.* Clem. unic. de *sequest. poss.* & *fruct.* Brun. in l. un. C. si *demoment. possess.* n. 6. Haun. to. 5. de J. & J. tr. 5. n. 394. Engl hic n. 39. Pirh. n. 65. Vviesl. n. 44. Si in Momentaneo, ubi summarie, solaque facti specie, & verisimilitudine attentata proceditur, Appellatio quoad neutrum effectum admittitur l. un. cit. quæ Iuris Civilis dispositio, quamvis forte non de Iure Canonico antiquo ob c. *cum sit* 5. & c. *super eo* 12. hoc tit. ubi appellatio conceditur à quocunque gravamine, locum tamen habet de Iure Canonico novissimo Tridentino sess. 13. c. 1. & sess. 24. c. 28. de *Reform.* prohibentis admitti Appellationes ab Interlocutoriis Ordinariis, definitivæ vim non habentibus, ac proinde etiam à decreto Possessorii Momentanei. Ratio disparitatis inter Possessorium ordinarium, & Momentaneum est, quia per sententiam in priore latam afferuntur, vel auferuntur commoda possessionis, conf. ex causa magni præjudicii, nec reparabilis, nisi Petitorio Iudicio instituto; contra quæ lata est in posteriore Iudicio, cum solam rei denuntiationem det ad interim, non magnum, nec perpetuum affert præjudicium, quippe quod, instituto Possessorio Ordinario, reparari potest.

27 8 In causa Testamenti à Sententia, qua Iudex mandat, testamentum aperiiri, vel jubet hæredem institutum mitti in possessionem bonorum hæreditatis l. fin. ff. de *Appellat. recip.* l. *quisquis* 6. C. *quor. appell. non recip.* partim quia publice expedit ultimas Voluntates, & aperiiri, & servari; partim quia parti gravatæ sententia parum nocere videtur. Disputant hinc DD. an Appellatio his casibus non saltem operetur effectum devolutivum; in quo aliqui cum Brunnem. in loc. cit. n. 2. distinguunt, & primo quidem casu, quo appellans vult impedire, ne Testamentum aperiatur, volunt etiam hunc impediri; non vero in secundo, cum appellans vult impedire, ne scriptus hæres in possessionem inducatur: nam hoc casu eidem concedunt effectum devolutivum. Sed melius Fachin. l. 1. contr. c. 76. Hun. in *Treutl. Vol.* 3. D. 33. q. 39. P. Vviesl. hic n. 45. P. Schmier *Process.* c. 17. n. 69. etiam hoc casu utrumque effectum appellationi negant, quod deducunt ex l. *quisquis* cit. ubi non solum provocans, sed etiam Iudex, provocationi deferens multa viginti librarum argenti punitur, quæ pœna immerito irrogaretur Iudici, si provocatio tali casu operaretur effectum devolutivum.

28 9 In aliis causis non admittentibus Dilationem, ut cum pronuntiatur pro alimentis futuris inopia laboranti debitis, quo stipendiis, salariis; mercedibus famulorum præstandis, pro necessaria refectioe aggeris &c. nam in his causis Appellatio interposita effectum saltem suspensivum non sortitur l. fin. princ. ff. de *appell. recip.* l. *abstinendum* 4. C. *quor. appell. non recip.* Brunnem. ibid. a n. 1. Fachin. l. 1. contr. c. 77. P. Engl hic n. 34. P. Vviesl. n. 46. P. Schmier *Process.* c. 17. n. 70.

10 In crimine falsæ monetæ l. *quoniam* 1. C. de *fals.*

*monet. falsæ Majestatis l. constitutiones* 17. ff. *hoc tit.* Hæresis c. *ut inquisitionis* 18. de *hereticis* in 6. Raptus l. un. *vers. fin. autem* in fin. C. de *Virg.* nam horum criminum rei, etsi ante sententiam appellare possint, non tamen possunt, postquam per sententiam sunt condemnati. Vallens. hic §. 4. n. 9.

11 Non appellat Officialis v. g. Notarius, Nuntius, Executor à suo Iudice condemnatus ob male gestum officium l. nulli 3. C. *quor. appell. non recip.* sicut nec quilibet Officialis, condemnatus in Syndicatu, ad effectum retardandæ executionis Vall. hic §. 4. n. 11. ut sic Officiales officio suo rite fungantur, & ab omni sorde abstineant, si videant pœnam se appellationis interpositione differre non posse.

12 Non appellatur in causa Decimarum c. *tua nobis* 26. in fin. de *Decim.* si sc. Parochianus non possit exemptionem ostendere. 13. A nominatione ad munera autoritate publica, utilitate privata v. g. ad tutelam l. *siquidem* 10. §. *si quis* 1. ff. *quand. appelland.* secus, si nominatio facta sit autoritate, & utilitate publica l. *observare* 2. C. de *Decurion.* 14. A monitione, & mandato de residendo in Ecclesia, quam quis obtinet c. *pervenit* 28. hoc tit. 15. A Delegatis Papæ, vel alterius Principis, aut Magistratus Supremi cum Clausula, Ut Appellatione remota procedant. Verum de hoc ulterius

Quæritur 3. qualis Appellatio censeatur esse prohibita 29 quando supremus Princeps causam delegat cum clausula, Appellatione remota? Videretur solum prohiberi Appellatio frivola. 1. Ex cap. ut *debitus* 59. hoc tit. ubi Appellatio conceditur ex quacunque probabili, h. e. iusta causa. 2. Ex c. *edoceri* 21. de *rescript.* ubi diserte asseritur appellari posse ex *causarationabili*, licet inibi *bis sit Appellatio*. 3. Ex *Ratione*; quia Princeps causam ita committens non censetur alicui auferre jus defensionis, quod alias Iure naturali concessum est, est autem appellatio, ut sæpe dictum est, species quædam defensionis. ergo &c.

Sed dicendum per huiusmodi clausulam removeri Appellationes etiam iustas & rationabiles, nisi specialiter sint expressæ, & permixtæ à Iure. Ita Abb. in c. *Pastoralis* 53. hoc tit. n. 2. Ioan. Andr. ibid. n. 13. Fagn. n. 26. Perez. C. hoc tit. n. 22. Haun. tom. 5. tr. 5. n. 407. Pirh. hic n. 68. & seqq. P. Vviesl. n. 49. P. Schmier *Process.* c. 17. n. 99. & aperte deciditur c. *Pastoralis* cit. princ. Ratio est quia clausula hæc, ne reputetur odiosa, debet aliquid operari. At si solam frivolum removeret, nihil operaretur; nam huic defendendum non est, etiam si causam committens huiusmodi clausulam non adjungat. ergo &c.

Dixi, *Nisi specialiter sint expressæ, & permixtæ à Iure*. Tales autem casus plures inveniuntur. 1. Si Iudex nolit recipere exceptionem consanguinitatis, vel alterius iustæ causæ, ob quam ipse tanquam suspectus recusari à parte potest cap. *postremo* 36. hoc tit. 2. Si non admittat exceptionem citationis factæ ad locum non tutum cap. *ex parte* 47. eod. 3. Si non faciat exprimi res petitas in Libello cap. *significanti* 49. 4. Si spoliato denegat restitutionem cap. *ex conquestione* 10. de *restit. spoliat.* 5. Si gravamen sit notorium; quia tunc cessat præsumptio, quæ pro Iudice stabat, sc. ipsum processurum sine injusto gravamine. Gloss. in cap. 10. cit. 6. Denique in omni casu, in quo Jura simpliciter concedunt appellari posse. Abb. in cap. *Pastoralis* cit. num. 14. & hoc teste communiter DD. Proceditque hoc etiam in iis casibus, in quibus Jura non addunt, Non obstante, quod causa commissa sit cum clausula Appellatione remota, ut idem Abb. loc. cit. notat.

Præter hæc variis modis adhuc limitari vis clausulæ istius debet; nam 1. addita esse in causæ commissione debet à Principe supremo, qualis est solus Pontifex in Ecclesiasticis, Imperator, Rex, vel alius Magistratus Superiorem non recognoscens in temporalibus; quia inferior non potest tollere ius Superioris Iudicis, ad quem appellatur. Matant. de *Ord. Indic. part. 6. tit. de appell. num.* 337. 2. Tollit solam appellationem, non supplicationem, petitionem restitutionis in integrum, & alia remedia; imò ipsam Appellationem solum tollit à definitiva lata in causa principali, non autem ab interlocutoria, quæ interponitur ab incidentibus, & accessoriis. Pirh. n. 75. hic. 3. Eandem appellationem tollit soli litiganti; nam tertio intervenienti non obstat, quin



quin pro suo interesse appellare valeat, ut statuitur *c. super eo 15. de offic. deleg.* & merito; quia commisiones, præsertim ad lites, strictam interpretationem exigunt, & propterea ultra suos terminos ad casus, & personas non expressas extendi non debent. 4. Iphis litigantibus solum obstat quoad articulum, in quo per talem clausulam remouetur appellatio, & quoad connexos cum illo. Quoad ceteros non connexos videri debet, quo loco clausula illa sit posita: nam si in fine Rescripti sit posita, extenditur ad omnia antecedentia; si vero in medio rescripti, ad antecedentia tantum referri debet, nisi in fine Rescripti eadem clausula repetatur *c. inquisitioni 71. hoc tit.* 5. Eadem clausula Appellationem parti litiganti tollit solum quoad effectum suspensivum; nam quoad effectum devolutivum eandem non impedit; & hinc etsi Iudex a quo deferretur eidem non teneatur, admittere tamen illam Superiori, ad quem appellatum est, potest de iustitia Sententiæ prioris cognoscere, eamque rescindere, ut colligitur ex *cap. pastoralis 53. hoc tit.* & norat Abb. *ibid. num. 13.* Attentata tamen per Iudicem a quo post huiusmodi Appellationem a Iudice ad quem, licet per viam querelæ, non tamen nullitatis revocari poterunt, ut iterum advertit Abb. *loc. cit. num. 15.* & ratio est, quia cum per talem Appellationem Iurisdiclio Iudicis a quo quoad causam Appellationis non suspendatur, per eam acta sunt valida.

32 Sic explicata responsione, facile responderetur ad Argumenta contraria. Ad 1. in textu *c. ut debius cit.* non est sermo de Iudice dato cum clausula, ut Appellatione remota procedat; cons. textus iste responsioni non obest. Ad 2. Fagnan. in *cap. pastoralis cit. num. 37.* textum *cap. edoceri* putat intelligendum de appellatione ex causa per Ius expressa; vel si amplius intelligendum velis, dicam Abb. in *cap. pastoralis n. 9.* illo textu ea clausula impediri effectum suspensivum, concedi devolutivum, quod ipsum *n. præc.* concessum est. Ad 3. ea clausula non tollitur condemnato omnis defensio; potest enim ea non obstante, adire Superiorem per viam simplicis querelæ, supplicationis &c. imò & appellare, sed tantum appellationi tali negatur vis suspensiva.

33 Queritur 4. an, & qualiter appellare liceat à Sententia Iudicis Iurejurando causam decidentis? Resp. distinguendo inter Iuramentum suppletorium, & decisivum. Si decisa sit ex Iuramento suppletorio, haud dubie datur locus Appellationi ex parte partis gravatæ arg. *l. generaliter 12. §. fin. autem 2. vers. ipse autem C. de reb. credit. & l. admonendi 31. ff. de Iurejur.* Si vero decisa sit ex Iuramento decisivo litis, discrimen faciendum est inter eum, qui detulit, & eum, cui delatum est. Prior appellare non potest, ut expressè statuitur *§. si ve autem 3. & tradit ibid. Gloss. V. acutius.* Ratio ponitur *loc. cit.* quia, ut ibidem ait Imperator, *minus crudele est, parti, qua hoc detulit, propter hoc ipsum, quod Iudex ejus petitionem secutus est, s. perisse provocationem.* Posterior appellare potest, & si probaverit causam iustam, ob quam recuset præstare, ad quod ex tali sententia condemnatus est, sententia à Iudice Appellationis emendabitur *§. fin. cit. Pirh. hic num. 64.*

34 Durum est, an si is, cui Iuramentum deferretur, Adversario suo Ius reterat, sique juret, & ejus Iuramentum fecerit Iudex summus, qui retulit, condemnet, hic appellare possit? Affirmat Imol. in *cap. fin. de I. reser. nu. 4.* rationem dat; quia is, qui Iuramentum detulit, sponte elegit hanc viam, ut Iurejurando causa definitetur, adeoque appellare non potest; is vero, cui detetur hoc Iuramentum, non sponte illud retulit deferenti, sed necessitate quadam compellitur, ne videlicet ipse jurare cogatur, vel solvere.

Sed contrarium non improbabilius tenent Fachin. *l. 1. contr. c. 23.* Pirh. *hic n. 64.* Konig. *n. 28.* quia etiam referens sponte eligit hanc viam, ut Iuramento Adversarii causa decidatur, cum liberum ipsi fuerit jurare, & sic testimonio, ac Iuramento suo causam decidere. Accedit, quod Iuramentum hoc Iudiciale speciem transactionis habeat, contra quam appellare, vel supplicare non licet *l. causas 16. Cod. de transact.*

35 Queritur 5. an etiam in minoribus causis admitti debeat Appellatio? Ratio dubitandi est, quia de minimis regulariter non curatur, nec leotum habenda est ratio *l. si quis 9. §. fin. & l. seq. ff. de dol. mal.* Verum hæc Regula solum procedit in remediis extraordinariis, non au-

tem in ordinariis; nam ordinaria Iuris remedia etiam in rebus modicis conceduntur *l. si quis 1. §. illud 10. ff. de conjung. cum emancip. liber. & l. quamvis 13. ff. ut in possess. legator. &c.*

Dicendum igitur, spectato Iure communi, etiam in causis minimis deferendum esse Appellationi. Ita statuitur *c. de appellationibus 11. hoc tit. & l. & in majoribus 20. Cod. eod.* Ratio est, quia Appellatio conceditur propter iniustitiam, aut imperitiam Iudicis, ex qua aliquis gravatur *l. appellandi 1. ff. hoc tit.* atqui iniustitia, & gravamen potest accidere etiam in modica causa, sicut in magna; modicum enim non differt à magno, quando illud non est fundatum super quantitate rei, sed super iniquitate, & iniustitia gravaminis; & hinc etiam ob modicam rem ablatam datur actio furti, quod in hoc non res furto ablata, sed furantis mens attendatur.

Dixi spectato Iure communi; nam novissimo Iure per *Recessus Imperii de Anno 1645. §. viertrenfs 112.* causæ minores cum demum Appellationem recipiunt, quando summa non est infra 400. Imperiales. Gaill. *l. 1. obs. 123.* Fleck. in *Biblioth. tit. 67. n. 33. & seqq.* P. Engl *hic n. 33.* P. Schmier *Process. c. 17. n. 72.*

#### §. IV.

De Iudice, à quo, & ad quem appellatur, vel non appellatur.

#### S U M M A R I U M.

- 36 Appellatur regulariter à Iudice ferente sententiam.
- 37 Excipitur Papa, vel alius superiorem non recognoscens.
- 38 Concilium Generale, Collegium Cardinalium, & Curia suprema Imperatoris, Regum &c.
- 39 S. R. I. Electores, Archiduces Austriae &c.
- 40 Episcopus, cuius Iurisdiclio est prorogata.
- 41 Arbitrarius Compromissarius.
- 42 Coram eodem etiam Iudice, qui Sententiam tulit, est interponenda Appellatio.
- 43 Quid si copia illius haberi nequeat?
- 44 Vel à pluribus pronuntiatum sit?
- 45 Aut gravamen passus appellare prohibeatur metu?
- 46 Regulariter appellandum est ad Superiorem, & quidem gradatim.
- 47 48 49 Ordo servandus in foro Ecclesiastico.
- 50 Casus, quibus ordo non est servandus in foro Civili.
- 51 In foro Canonico.
- 52 Alia causa omittendi hunc ordinem.
- 53 Ad quem appellandum sit à sententia Iudicis Delegati?
- 54 An si Episcopus alicui causam deleget, ab hoc appellari possit ad Vicarium Generalem illius?
- 55 Quia Iuris, si partes litigantes appellent ad diversos Iudices?
- 56 An validum sit Statutum, vi cuius à Superiore Iudice provocari potest ad inferiorem?

Queritur 1. à quo Iudice appellari possit? Resp. regulariter appellari potest ab omni Iudice, qui sententiam tulit; nec tantum à Delegato, sed etiam ab Ordinario *can. omnis 3. & can. ad Romanam 8. caus. 2. quasi. 6. l. precipimus 32. §. hæc si 3. Cod. hoc tit.* Ratio est, quia Appellatio est species quædam defensionis, quæ datur opptessis contra injuriam Iudicis *l. appellandi 1. princ. ff. hoc tit.* igitur permessa esse debet ab omni Iudice, qui gravamen injustum inferre potest; Neque tacit injuriam Iudici, qui ab ejus sententia appellat *l. & in majoribus 20. Cod. hic.* Dixi autem, regulariter; nam plures sunt Iudices, à quibus vel simpliciter, vel in certis causis non permittitur Appellatio. Talis est

1. Papa, Imperator, vel alius Princeps, aut Magistratus in temporalibus superiorem non recognoscens *can. ipsi sunt 16. & can. cuncta 17. caus. 9. quasi. 3. l. tractandum 1. §. & quidem 1. ff. à quib. appell. non licet.* Ratio est, quia de substantia appellationis est, ut fiat ab inferiore ad superiorem, cum par in parem, & inferior in superiori potestatem non habeat, vel Iurisdictionem, ut illius



ut illius factum, vel errorem corrigere possit, qui autem nullum recognoscit superiorem, majorem non habet. ergo &c. *Excepitur*, nisi sententia Principis Sæcularis continet manifestam iniquitatem; tunc enim appellari posset ad Papam *arg. Gloss. in c. ex transmissam* 6. *de for. compet.* quia Papa ratione peccati omnium talium Principum est Iudex competens. Ab ipso vero Papa ad neminem datur Appellatio, ne quidem ad Concilium Generale futurum; sed ita appellantes, & ii, quorum auxilio, & favore ad hoc provocatur, ipso facto incurrunt Excommunicationem laram à Pio II. *Constit. incipit Execrabilis, edita Calend. Febr. 1459.* confirmaram à Julio II. *Constit. incipit Suscepti, edita Calend. Jul. 1509.* & reservatam Sedi Apostolicæ in *Bulla Cœne Cas. 2. Proceduque hoc*, sive sententiæ à Pont. lata sit iusta, sive iniusta; quia Bulla indistincte loquitur, & fundatur non in eo, an causa, in qua appellatur, sit iusta, vel iniusta, sed in eo solum, quod sic appellans videatur profiteri Concilium esse superius Papa, & sic Sedi Apostolicæ injuriam faciat.

38 2 Appellari non potest in Rep. Ecclesiastica à sententia Concilii Generalis legitime congregati, & Capituli uniti; quia illud repræsentat universam Ecclesiam, à qua appellare non licet *l. nemo* 4. *C. de Summ. Trinit.* Item à sententia totius Collegii Cardinalium, & ultima Rotæ Romanæ. In Statu Politico autem appellatio non permittitur à Supremis Tribunalibus Imperatoris, & Regum Parliamentis; quia in his eminere censetur authoritas ipsorum Principum supremorum, quorum nomine instituuntur hæc Tribunaia, & proferuntur sententiæ. *Tholosan. libr. 5. Partit. Jur. Canon. Tit. 15. c. 73. Marant. p. 5. tit. de Appell. n. 251. Haun. tom. 5. tr. 5. n. 338. Vall. hic §. 5. n. 3. Pirh. n. 81. Vviesl. n. 59.*

39 3 Ex privilegio in Imperio Romano appellari non potest à sententiis quorundam Principum; quales sunt Electores S. R. I. Archiduces, Duces Burgundiæ, Saxoniæ, Vvurtembergiæ &c. Verum hoc privilegium non respectu omnium æquale est, sed in aliquibus magis amplum, in aliis magis restrictum; de quo late Blumius *Process. Cam. Tit. 47. per totum.*

42 4 Ab Episcopo, cujus Iurisdictio fuit prorogata *l. Episcopale* 8. *C. de Episcop. audient.* ubi statuitur, si aliqui, videlicet Laici, non subditi Iurisdictioni Episcopi, in causis Civilibus Episcopo se committant, Appellationi locum non esse: quod speciale est in Episcopo propter Dignitatem ejus Episcopalem; nam secus obri- net in alio Iudice prorogato, vel dato ex consensu communi partium; ab his enim appellari potest, ut constat ex *c. causam* 14. *de sens. & rejudic. & l. ex consensu* 34. *princ. ff. hoc tit.* Abb. *in c. causam cit. n. 2.* Vallens. *hic §. 3. n. 4. Pirh. n. 80.* Ratio est, quia etsi eo casu partes videantur approbasse personam Iudicis non tamen sententiam ferendam, quam ignorabant.

41 5 Ab Arbitro; ubi tamen distinguendum est inter Arbitrum Iuris, & Compromissarium; nam ab Arbitro Iuris, seu illo, qui ex Iuris præscripto ab ipsis partibus litigantibus electus est, appellari potest *c. ab arbitris* 11. *de Offic. Deleg. in 6.* non vero potest ab Arbitro Compromissario, ut dictum *Libr. 1. Tit. 43. de Arbitr. n. 32. & seqq.*

42 6 Queritur 2. Coram quo Iudice sit appellandum? Resp. regulariter Appellatio interponi debet coram Iudice, qui tulit sententiam; alioquin invalida est, & nec effectum suspensivum, nec devolutivum habet. *Gloss. in c. appellatio* 9. *V. Iudici hoc tit. in 6. Guttier. pract. qq. l. 1. q. 102. n. 1. Barb. in c. fin. hoc tit. n. 17. Vallens. hic §. 5. n. 1. Pirh. n. 83.* Ratio est, quia illi innoscere debent, ne ulterius procedat, & si processerit, revocetur per eum acta, tanquam attentata.

43 Dub. 1. coram quo Iudice Appellandum, si Appellatio coram Iudice à quo fieri nequeat, eo quod ejusdem copia haberi non possit? Resp. tunc appellandum coram Iudice ad quem, si hujus copia haberi possit; si vero nec hujus copia haberi potest, appellari potest coram viris honestis, vel etiam uno honesto, adhibitis e testibus, vel coram Notario, qui testibus adhibitis, conficiet super eo instrumentum, quod nim. coram ipso appellatum fuerit in præsentia talium testium. Sumitur ex *can. biduum* 26. §. *si quis caus. 2. q. 6. & l. si quidem* 1. §. *si quis* 10. *ff. quand. appelland.* Ubi tamen duo sunt advertenda: unum est, ut si Appellatio fiat in

absentia Iudicis à quo, hæc potest eadem intimetur; nisi vel aliunde jam notitia illius ad usum pervenerit, vel idem metus, qui excusabat ab interpositione appellationis coram ejusmodi Iudice, etiam excuset ab intimatione coram eodem facienda. Vallens. *hic §. 5. n. 2. Alterum*, ut casu, quo pars appellaverit in absentia utriusque Iudicis, coram Notario, vel alio viro honesto, coram iisdem protestetur, quod coram Iudice à quo, vel ad quem appellasset, si alterutrius copia, seu præsentia commode haberi potuisset. Abb. *in c. fin. hoc tit. n. 4. Franc. ibid. n. 3. Vall. loc. cit.*

Dub. 2. coram quo appellandum, si à duobus, vel pluribus Iudicibus pronuntiata sententia fuit? Resp. tunc coram omnibus simul congregatis Appellatio fieri debet: si vero omnium copia simul haberi facile nequit, appellati potest coram singulis separatim, vel coram majore parte eorum; & tunc valebit Appellatio, acsi coram omnibus Iudicibus præsentibus fuisset appellatum *Clem. si à Iudicibus* 1. *hoc tit.* Ratio est, quia alias sæpe non fieri Appellatio intra 10. dies à Iure concessos, cum sæpe omnes Iudices simul haberi præsentibus nequeant. Sufficit autem major eorum pars; quia quod fit à majore parte, censetur factum ab omnibus *cap. cum in cunctis* 1. *de his, quæ à majore &c. & l. quod major* 19. *ff. ad municipal.* Quodsi majoris partis Iudicum præsentia haberi nequeat, sufficit appellare coram eo, vel iis, cujus, vel quorum copia haberi potest. Si nullus ex iis præsens reperiri possit, appellandum erit coram Iudice ad quem; si veto neque istius possit haberi copia, appellabitur coram honestis personis, ut dictum est ad *Dub. præc.* Coram quocunque autem Appellatio facta sit, intimari Iudici, vel Iudicibus à quo debet, si facile id fieri possit, ne ulterius procedant, ut dictum est *n. præc.*

Dub. 3. quid faciendum, si quis iusto, seu probabili metu, eoque gravi, seu cadente in constantem virum impediatur, quo minus à sententia contra illum lata appellet? Resp. is coram Iudice à quo protestari potest, quod ob talem causam, seu gravamen appellare vellet, nisi prohiberetur; vel si coram illo Iudice protestari non potest, quia vel non audet, vel ejus copiam habere non potest, tunc protestationem istam facere potest coram honestis viris, causa appellationis expressa: habebitque hæc protestatio, modo intra tempus, quo licite provocatur coram Iudice à quo, facta illa sit, eundem effectum, quem Appellatio *c. fin. hoc tit. & Gloss. ibid. in casu. Dixi, 1. iusto, seu probabili metu, eoque gravi;* nam si levis tantum sit metus, nec cadens in virum constantem, non sufficit: sufficit tamen, si gravis sit, etsi metum passus forte sua culpa causam eidem dederit: Abb. *in c. fin. cit. n. 1. Dixi 2. protestari debet,* ne videatur omisisse Appellationem per negligentiam. Abb. *loc. cit. n. 2.* Similis protestatio fieri debet, quando gravamen passus alio impedimento prohibetur, quo minus appellet. Pirh. *hic n. 87. Coroll. 2. Dixi 3. irrates tempus, quo licite provocatur,* videlicet decendium; nam æquivaleret Appellationi, & ideo quoad hoc naturam illius induit.

Queritur 3. ad quem Iudicem sit appellandum? Resp. appellandum est à Iudice inferiore ad superiorem, & regulariter quidem gradatim ad proximum, & immediatum, non, isto præterito, ad mediatum *c. dilecti* 66. *hoc tit. c. Romana* 3. *cod. in 6. l. Imperatoris* 21. *princ. ff. & l. additos* 29. *C. in cit.*

Dixi 1. ab inferiore ad superiorem; quia Superioris est corrigere factum, vel errorem inferioris, non contra *c. cum inferior* 16. *de majorit. & obed. adeo*, ut ne quidem consuetudine induci possit, ut ad minorem, vel parem fiat Appellatio; quia consuetudo inducens, ut minor in majorem, vel par in parem Iurisditionem habeat, non valet. Vallens. *hic §. 6. n. 1.*

Dixi 2. Gradatim, ne sc. Iurisditiones confundantur, & ne Iudex immediatus per contemptum præteritis videatur, atque ut partium laboribus, atque expensis parcatur. Vivian. *in c. 66. cit. Vallens. n. 1. cit. Pirh. n. 88.* Quodsi tamen præterito proximo Iudice, Appellatio fiat ad Iudicem mediatum, ea per hoc probabilitus non sit irrita, sed valet, si pars adversa, contra quam appellatum est, nihil opponat, ut colligitur ex *c. dilecti cit. ibi Excepitendo*, & tradit *ibid. Gloss. V. post hujusmodi, Abb. num. 7. Vivian. in Ration. Vall. §. 6. cit. num. 5. Pirh. num. 89.*



num. 89. Vviesit. num. 63. Ratio est, quia tunc utraque pars litantium in appellationem consentite, & Iurisdictionem prorogare censetur in Iudicem superiorem, & mediatum; neque enim, ut appelletur gradatim ad proximum, de substantia Appellationis est.

Dixi 3. Regulariter; nam plures sunt casus, in quibus ob specialem rationem ad Superiorem Iudicem mediatum, omisso medio, seu proximo appellari potest; de quibus num. 50. & seqq. Interim

- 47 Dub. 1. qualis ordo in appellando servari debeat in foro Ecclesiastico? Resp. in hoc foro 1. Ab archidiaconis, Archipresbyteris, & similibus Iudicibus Episcopo subiectis appellari debet ad Episcopum, & Sede vacante ad Capitulum, vel utriusque Vicarium Generalem c. Romana 3. §. ab Archidiaconis 1. hoc tit. in 6. Ratio est, quia Episcopus, & huius Sede vacante Capitulum est proximus Superior, & Ordinarius Iudex suorum subditorum; cumque Vicarius Generalis sit eadem moraliter persona cum Episcopo, vel Capitulo, cuius est Vicarius, sequitur etiam ad hunc appellari posse à sententia Iudicum inferiorum. Unde cum c. referente 7. de Præbend. omisso Episcopo statim provocatum est ad Archiepiscopum, est casus specialis, vel quia sic habebat consuetudo illius Ecclesiæ, ut vult Gloss. ibid. V. appellavit; vel ita pars adversa permisit, ut ibi advertit Abb. n. 4. vel potius, quia Archidiaconus ille intra fines Archidiaconatus sui exercuit Iurisdictionem quasi Episcopalem Episcopo non subordinatam, ut c. dilecti 66. hoc tit. explicat. Gonzal. n. 10.

- 48 2 Ab Episcopo, & Sede vacante à capitulo, atque ataborum Vicario Generali appellatur ad Archiepiscopum c. Pastoralis 11. princ. de Offic. Ordin. c. dilecti c. & c. Romana 3. §. debet 8. eod. in 6. Ratio est quia Archiepiscopi sunt immediati superiores Episcoporum, adeo, ut istorum Principes vocentur can. clericos 1. vers. omnes autem dist. 21. Neque obstat, quod recusato Vicario Episcopi, recusatationis causa coram Episcopo, non Archiepiscopo proponenda, & probanda sit c. si contra 4. in fin. de Offic. deleg. ut adeo videatur etiam coram hoc proponenda causa Appellationis, cum Appellatio, & Recusatio æquiparentur c. super eo 12. hoc tit. nam et si in multis conveniant, in hoc tamen differunt, quod Appellatio necessario fiat ad Tribunal superius, quale respectu Vicarii Generalis non est Tribunal Episcopi, cum utriusque sit idem Tribunal.

- 49 3 Ab Archiepiscopis appellatur ad proprium Patriarcham, vel Primatem, cui illi parent; ab hoc ad Sedis Apostolicæ Legatum, qui immediate ipsi præest; ab isto deinde ad ipsam Sedem Apostolicam, seu Romanum Pontificem, qui solus ejusdem Superior est. Gonz. in c. si duobus 7. hoc tit. n. 5. 6. & 9. ubi utiliter monet, Appellatione facta ad Papam, causam examinari ab Auditore Camere Apostolicæ; nam hic Iudex Ordinarius est omnium Appellationum, quæ interponuntur à sententiis per quoscunque latis extra Curiam, ex concessionibus Gregorii XV. Innocenti VIII. Pii IV. & Pauli V. Excipitur, si causa huiusmodi Spiritualis sit, e. g. Beneficialis, matrimonialis &c. nam hanc cognitio spectat ad Signaturam Iustitiæ, & Auditores Sacræ Rotæ.

- 50 Dub. 2. quibus casibus appellari possit, non observato ordine; Resp. cum distinctione inter Ius Civile, & Canonicum. Jure Civili, præmissis Iudicibus intermediis, immediate provocate ad Imperatorem non licet l. Imperatores 21. ff. hoc tit. l. addictos 29. C. eod. Perez C. dist. tit. Konig n. 49. & seqq. ubi cum aliis excipit 1. si agatur causa Pupilli, vel alterius miserabilis personæ; nam hi à quovis inferiore Iudice immediate possunt appellare ad Summum Principem l. un. C. quand. Imperat. int. pupill. 2. Si appellans sit Studiosus; nam hos Imperator Auth. habita C. ne filius pro patre singulari beneficentia ab omni injuria defendere constituit, ita, ut & ipsi, omnis quibuscunque Iudicibus intermediis, ad ipsam Imperatoriam Majestatem immediate provocandi licentiam habeant, teste Harprecht in Process. tit. de Appellat. concl. 74. cum pluribus ibi cit. 3. si Iudex intermedius, seu proximus palam, & evidenter deneget iusticiam Pirh. hic n. 90. 4. si aperte sit inhabilis ratione suspitionis, Excommunicationis, vel alterius defectus. Pirh. loc. cit. 5. si absens, vel alio impedimento diuturno e. g. captivitatis detentus sit.

Pirh. loc. cit. 6. Si Superior conveniat subditum inferioris coram isto sequendo forum rei; tunc enim non appellatur ad Superiorem, qui pars litans est, ne hic sit Iudex in causa propria. 7. denique si consuetudo legitime præscripta permittat, ut ad superiorem, omisso medio appelletur.

Iure Pontificio facultas non observandi ordinem à 51  
n. 47. præscriptum est non parum amplior. Nam 1. à quolibet inferiore Iudice in causis fori Ecclesiastici, vel etiam Sæcularis quoad eos, qui subsunt temporali dominio Ecclesiæ, immediate, omisis intermediis Iudicibus, appellari potest ad Summum Pont. can. si quis vestrum 3. & quatuor seqq. item can. quoties 16. & c. caus. 2. q. 6. c. si duobus 7. c. de Priore 31. c. ad audientiam 34. & c. hoc tit. Excipitur casus, quo appellatur à Subdelegato Delegati Papæ qui subdelegavit non in totum, sed aliquid sibi reservando; tunc enim cum Delegatus Papæ repræsentet personam ejusdem, non debet appellari ad ipsum Papam, sed ad delegantem c. super 27. §. porro de Offic. Deleg. & c. si delegatus 7. eod. in 6. 2. præmissis Iudicibus intermediis appellari immediate potest ad Legatum Pontificium, existentem in Provincia sibi decreta, ut ex c. cum non 1. de l. Offic. Legat. colligit Abb. in c. 66. hoc tit. n. 12. Marant. de Ord. Judic. p. 6. tit. de Appell. n. 371. Vall. hic §. 6. n. 3. Pirh. n. 90. Vviesit. num. 75. Ratio est, quia gerit vices Papæ, concurret cum quolibet Ordinatio in Provincia sibi decreta, 3. ex speciali Sedis Apostolicæ privilegio, immediatis Iudicibus omisis, appellari immediate potest ad quatuor Patriarchas Majores in Provinciis illorum Iurisdictionis subiectis c. antiqua 23. de privil. cujus textum ambiguum quidem reddere cum aliis vult Ant. de Butrio ibid. n. 11. quod eo textu Pontifex quidem concesserit ad Patriarchales illas in Provinciis suis provocari posse, non autem addiderit, id fieri posse, omisis Iudicibus intermediis. Sed non erat necesse hoc addere; quia subintelligendum constat ex eo, quod Pontifex hac sua Constitutione voluerit Sedes illas quoad Appellationem speciali prærogativa ornare, quam tamen acceperant nullam, si ad eos appellandum esset gradatim. 4. ratione Exemptionis: nam si Episcopus, vel alius Prælatus exemptus, & Sedi Apostolicæ immediate subiectus sit, ab eo, non ad Metropolitanum, sed ad Papam appellandum est. Tholosan. de Appellat. l. 4. c. 3. n. 17. 5. denique ex alia speciali causa.

Tales præter eas, quæ n. 50. recensitæ sunt, plures enumerantur. 1. si Episcopus, vel alius Prælatus Ecclesiasticus Iurisdictionem temporalem ab Imperatore, vel alio Principe sæculari accipit in feudum; tunc enim in Causis Civilibus ab ipso non ad Archiepiscopum, sed ad Imperatorem, vel alium dominum Feudi, etiam Laicum, appellari debet c. ex transmissa 6. & c. seq. de for. compet. cap. Romana 3. §. debet 8. & ibi Gloss. V. Iure alio hoc tit. in 6. Itemque dicendum, si is, qui concessit Iurisdictionem Episcopo, sibi jus appellationum reservavit Gloss. V. cit. in addit. 2. si in eadem causa concurrat Ordinarius, & Delegatus Papæ; nam eo casu non ad Superiorem Ordinarii, sed ad Papam est recurrendum, quia Delegata Iurdictio dignior est, ideoque trahit ad se Iurisdictionem Ordinariam, velut minus dignam. Ancharan. inc. si duo 3. de Offic. deleg. in 6. not. 3. Abb. in c. 27. tit. eod. num. 5. Pirh. ibid. num. 117. Idem fit, quando Iudex Ecclesiasticus, & Sæcularis simul cognoscunt; quia tum Appellatio deferri debet ad Superiorem Ecclesiasticum veluti digniorem, ut docet Bartol. in lib. 1. §. si quis num. 13. ff. hoc tit. 3. Si concurrat Iurdictio mediata, & immediata, ut si appellatur à subdito Archidiaconi subiecti Episcopo: tunc enim appellari potest vel ad Archidiaconum, vel ad Episcopum pro arbitrio appellantis; nam Archidiaconus non facit gradum cum Episcopo, sed ambo simul concurrunt. Abb. in cap. 66. hoc tit. num. 14. Alex. ibid. num. 25. in cas. 9. 4. Si Episcopus litiget cum suo subdito; tunc enim eligendi sunt Arbitri, à quorum sententia non appellatur gradatim, sed ad Papam. Abb. n. 14. cit. Marant. tit. de appell. n. 376.

Dub. 3. ad quem appellandum sit à sententia Iudicis 53  
Delegati? Resp. hic distinguendum est, an Iudex, qui sententiam tulit, sit delegatus à primo delegante, an subdelegatus ab alio delegante. Si primum, appellandum est ad delegantem, vel ejus in officio successor-



non ad alium illius Superiorem *arg. l. quod dicitur 4. prin. & l. fin. ff. quis, & à quo appellet l. Imperatores 21. §. iudem 1. ff. hoc tit.* Ratio est, quia tamen si Ordinarius totam causam deleget, non tamen potest à se totam suam Jurisdictionem abdicare, cum eam propriam, ac stabilem habeat; igitur ad eum à Delegato appellari potest. *Excipitur*, nisi Ordinarius delegans causam delegaret, quia suspectus est; nam tunc non ad ipsum, sed ad immediatum ipsius Superiorem appellabitur, Valleng. §. 6. num. 6. *hic*.

*Si secundum*, multum refert, an Delegatus totam causam subdelegaverit, ita, ut nihil Jurisdictionis in ea sibi reservaverit, vel an non subdeleget, totam, sed aliquid sibi reservet. *Si prius*, à Subdelegato non ad Delegatum, sed ad primum Delegantem est appellandum *cap. super 27. §. porro de Offic. Deleg.* Ratio est, quia totam causam subdelegando sine reservatione destituit esse Iudex, & Jurisdictionem à Delegante acceptam amittit, neque illam per Appellationem recuperat, cum partes eam interponentes ipsam conferre nequeant. *Si posterius*, à subdelegato appellabitur ad Delegatum §. *porro citat. cap. si delegatus 7. vers. ad eum, & cap. si à Delegato 14. de Offic. delegat. in 6.* Ratio est, quia tali casu Subdelegans adhuc Iudex manet illius causæ. *Excipitur*, si Subdelegans mortuus, vel excommunicatus, diu absens vel aliter impeditus foret; nam eo casu, nelis cum partium præjudicio nimis diu protendatur, appellatio fieri deberet ad primum delegantem, ut statuitur *cap. siis cui 10. eod. in 6.* Similiter ad delegantem primum interponenda est à Iudice Delegato, cui causam sibi delegatam subdelegarunt Condelegati, ne si ad ipsos appellaretur, partialiter Appellatio fiat ad ipsum Iudicem, à quo appellatio interponitur. Vide P. Vviesl. *hic n. 72. & duob. seqq.*

54 Controversia est, an si Episcopus alicui causam deleget, ab hoc appellari possit ad Vicarium Generalem illius? Negant Joan. Andr. *in cap. si contra 4. de Offic. deleg. in 6. Abb. in cap. 66. hoc tit. num. 3.* quod Episcopus, dum causam alteri specialiter delegat, hoc ipso eam videatur tollere à Jurisdictione Vicarii. Verisimilius tamen est etiam hoc casu provocari ad Vicarium posse, prout docet Alex. de Nevo *in c. 66. cit. num. 9. & 10.* & sequuntur Pirh. *hic num. 95.* Vviesl. *n. 67.* Rationem dant, quia Vicarius Generalis idem cum Episcopo Tribunal habet: unde cum hic appellationem possit recipere, etiam ille poterit, nisi aliunde constet, quod Episcopus omnino voluerit causam alteri specialiter delegatam remove à Jurisdictione Vicarii, quod in dubio non est præsumendum, modo causa talis sit, quæ alias ad Vicarii officium pertinet. *Ad Argumentum* contrarium aliud est subtractam esse Jurisdictionem in prima instantia, aliud in secunda; igitur ex hoc, quod causæ cognitio subtracta per delegationem alteri factam sit Vicario in prima instantia, non sequitur eam etiam subtractam in secunda, cum à diversis non sit bona illatio *arg. l. inter stipulantem 83. §. sacram 5. vers. sed hæc diffinitio sunt ff. de V. O.*

55 Dub. 4. quid Iuris, si uterque litigantium appellet ad diversos Iudices super eadem causa, seu negotio, e. g. unus ad Archiepiscopum, alter ad Papam? Resp. eo casu videndum, an inferior, e. g. Archiepiscopus ad quem unus litigantium appellavit, sciat, alterum appellasse ad alium superiorem, an verò hoc ignoret.

*Si primum*, Iudex inferior, ad quem alter litigantium appellavit, non amplius potest procedere in ea causa, sed appellatio, quæ interposita est ad Superiorem, prævaleat debet ei, quæ interposita est ad inferiorem; quia potestas & Jurisdictio Superioris absorbet Jurisdictionem inferioris *arg. l. contra 54. §. is qui 1. ff. de Re Judic.* Neque opus est eo casu, ut appellans ad Superiorem alleget se appellasse; qui enim aliquid scit, de eo amplius certiorari non debet. Gloss. *in cap. si duobus 7. V. nisi cognoverit hoc tit.*

56 *Si secundum*, appellans ad Superiorem comparere coram inferiore, ad quem alter litigantium provocavit, debet, si ab hoc citetur, & appellationem suam allegare; alioquin inferior Iudex poterit contra eum jure procedere *cap. si duobus cit.* Ratio est, quia Iudex inferior, seu immediatus appellationis per se habet Jurisdictionem in hanc personam, & causam, nisi elidatur per exceptionem Appellationis ad Superiorem; igitur quam-

diu non ita eliditur, valide procedit Iudex inferior, & Adversarium citat, & conf. hic, si non compareat, constituitur contumax *l. ex quacunque 2. ff. si quis in ius vocat.*

*Excipitur*, si appellatum sit à sententia, quæ continet plura capitula separata, & non connexa; nam tali casu, si unus litigantium ratione unius, alter ratione alterius provocaverit, utraque Appellatio tenet, nec una elidit alteram: quia sunt Appellationes separatae, & distinctæ, factæ à diversis sententiis; nam tot esse censentur sententiæ, quot sunt capitula diversa, & non connexa. Barb. *in c. si duobus cit. n. 2.* Pirh. *hic n. 97.*

Dub. 5. an validum sit Statutum, vi cuius à Superiore Iudice provocari potest ad inferiorem? Negant DD. non pauci, quod adversetur naturæ Appellationis, quæ majorem Jurisdictionem exigit in eo, ad quem ipsa interposita provocatur *l. appellandi 1. §. si quis 3. ff. hoc tit.* Alii tamen cum Hunnio *in Treutl. Vol. 2. D. 33. quæst. 4.* Haun. *tom. 5. tract. 5. num. 274.* Vviesl. *hic numer. 5.* putant hujusmodi Statutum, si à Superiore conditum, ejusque autoritate promulgatum sit, validum esse; quia non repugnat, ut is, qui alias superior est, in causa Appellationis propria sua voluntate inferior sit, seque subiciat ei, in quem alias imperium habet *l. est receptum 14. ff. de Jurisd.* Illustre exemplum exhibet Bulla Aurea *tit. 5. §. fin.* ubi Imperator, quem omnibus Principibus superiorem esse nemo ambigit, quoad proprias causas, & lites Electoris Palatini Jurisdictioni, vel potius, ut saniores Publicistæ explicant, arbitrio se subiecit.

## §. V.

## De Forma, &amp; Modo appellandi.

## S U M M A R I U M.

- 58 59 60 Quomodo appellandum à Sententia Definitiva?  
61 62 63 64 Quomodo ab Interlocutoria?  
65 Quibus verbis fieri Appellatio debeat?  
66 An valeat Appellatio generalis?  
67 Quoties licitum sit appellare?  
68 An Iudex ad quem cognoscere de causa principali pos-  
sit, omisso, vel non finito prius articulo Appellatio-  
nis interpositæ ab Interlocutoria?  
69 An habens legitimam Exceptionem adversus Manda-  
rum Iudicis, possit ab eo appellare, non proposita  
prius Exceptione?

Quæritur 1. quomodo appellandum sit à sententia Definitiva? Resp. 1. interest, an Appellatio statim, & in continenti fiat, an vero post intervallum; nam si fiat in continenti, h. e. Iudice adhuc pro Tribunali sedente, vel eo nondum ad actus extraneos divergente, fieri potest viva voce, & stante pede, ut loquuntur; sufficitque tunc dicere Appello, vel Provoco, ut habetur *l. sed si 2. ff. hoc tit.* quod mox in Acta à Notario referri debet *c. quoniam 11. de Probat. Si vero ex intervallo fiat Appellatio*, debet fieri in scriptis, porrecto Libello Appellatorio *l. à sententia 5. §. fin. ff. hoc tit. l. eos qui 6. §. fin. & ibi Gloss. V. libellos Cod. eod. Excipiuntur* causæ breviores, aut levioris momenti, nam in his etiam ex intervallo viva voce appellari potest. Vviesl. *ff. hoc tit. n. 9.* Valleng. §. 2. n. 1. Pirh. *n. 122.* Vviesl. *num. 82.*

2 In Libello Appellatorio exprimi debet, quis appellet, contra quem, & à qua sententia *can. post appellationem 31. §. ego caus. 2. quæst. 6. l. appellandi 1. §. fin. ff. hoc tit.* Marant. *de Ord. Jud. p. 6. tit. de Appell. n. 130.* Omitti in eo possunt 1. nomen Iudicis *Ad quem*; quia censetur appellatum ad eum, ad quem de Iure provocari debet. Vall. *hic §. 8. num. 3. 2.* Nomen Iudicis à quo, quamvis in usu sit illud exprimere. Valleng. *loc. citat. num. 2.* & colligitur ex §. *fin. cit.* ubi nulla sit de Iudice à quo mentio. 3. Allegatio causæ appellandi in specie, sed sufficit, si appellans in genere dicat se gravatum esse, vel sententiam esse injustam, vel si dicat Appello. Vall. §. 9. num. 4. Pirh. *hic num. 123.* & colligitur *arg. l. sed si ff. hoc tit.* & ratio est, quia tunc frustra allegaretur causa in specie, cum Iudex à quo de illa cognoscere non debeat,



beat, quippe jam functus officio suo. *Excipitur*, si Appellatio fiat in casibus à Jure, vel ab homine prohibitis; nam cum eo casu appellans habeat Juris præsumptionem contra se, non tenetur Iudex appellationi ejus deferre, nisi alleget causam rationabilem, ob quam cesserit ista præsumptio. *Gloss. in c. Romana 3. §. autem V. mandatur hoc tit. in 6.*

- 60 3 Qui Appellat à sententia definitiva, tamen aliquam appellandi causam exprimat, tamen alias etiam causas non expressas coram Iudice Appellationis prosecui potest, imo etiam nova instrumenta, vel novos testes producere, & prius non allegata allegare, & non probata probare, dummodo dependentia sint, seu interventia ad causæ decisionem *c. Joannes 10. de fid. Instrum. l. eos qui 6. §. siquid autem 1. C. hoc tit. l. per hanc 4. C. de temp. appell. & ibi Bartol. n. 3. Vall. §. 9. n. 6. Pirh. n. 124.* Quo differt Appellatio à Sententia definitiva ab ea, quæ interponitur à Sententia interlocutoria; in hac enim regulariter justificari Appellatio interposita nequit ex novis, & de novo probandis, ut mox dicetur *n. 64.*

- 61 Quæritur 2. quomodo sit appellandum à Sententia Interlocutoria, vel gravamine extrajudiciali? Resp. distinguendo inter sententiam interlocutoriam simplicem; & eam, quæ vim definitivæ habet. *In Appellatione ab hac posteriore* idem observandum, quod in Appellatione à definitiva, quia hæc sententiæ definitivæ per omnia æquiparatur, non solum quoad formam, & effectum interponendæ Appellationis, sed etiam quoad alios Juris effectus; paria enim sunt sententiam esse definitivam, & habere vim definitivæ. *Gaill. l. 1. obs. 130. numer. 5.*

- 62 Si appelletur à Sententia Interlocutoria simplici, etia hæc requiruntur. 1. Debet fieri in scriptis, porrecto Libello Appellatorio *c. cordi 1. princ. hoc tit. in 6.* Procceditque hoc, sive appelletur in continenti, sive ex intervallo; nam semper in scriptis perrigenda est Appellatio ab Interlocutoria ut notat *Gloss. ibid. V. interlocutoria. Vallenf. hic §. 9. n. 3. Pirh. n. 109. Vviesl. n. 89.* An id verum sit de omni Appellatione Interlocutoria, an vero de interposita solum ad Papam, DD. dissident, dum aliqui apud Haun. *tom. 5. tr. 5. n. 362.* affirmant primum; alii *Constitutionem cit. ad secundum* limitant; quorum sententia videtur verior, ex ratione; quia Constitutio illa quoad hunc articulum est odiosa, utpote correctoria Juris Civilis, quod juxta *l. sed si 2. & ibi Gloss. V. eod. ff. hoc tit.* appellationem apud Acta viva voce interpositam admittit indistincte; cons. restringi potius, quam extendi debet.

- 63 2 Debet in ea exprimi causa Appellationis *c. cordi cit. princ. c. ut debitus 59. hoc tit.* Potro causa ejusmodi allegari debet legitima, & rationabilis, atque in specie, ut notat *Vall. §. 9. n. 5.* et si notoria sit. *Marant. de Ord. Jud. p. 6. tit. de Appell. n. 154.* alias eidem, tanquam irritæ, deferre Judex non tenebitur. Ratio expressionem hanc requirendi fuit, ut debitus honor deferatur Judici à quo; nam cum iste revocare Interlocutoriam possit, & cons. fieri queat, ut ab eodem, expressa causa rationabili, Justitiam consequatur appellans, non debet permitti appellans, ab eodem recedere, non expressa causa. Dicitur autem causa rationabilis, quandocunque Judex gravat contra Jus scriptum, vel denegat Juris beneficium, ut si neget restitutionem spoliato, priusquam de proptietate cognoscat &c. *Vall. n. 5. cit.*

- 64 3 Appellatio ab Interlocutoria justificari nequit ex novis, & de novo probandis, sed solummodo ex causis, quæ in ipsa Appellatione nominatim expressæ sunt *c. cum causam 62. hoc tit. & Clem. 5. eod. junct. Gloss. ibidem V. dummodo.* Estque hoc verum, etiam si aliæ causæ notorie faverent appellanti; quia licet notorium relevet ab onere probandi, non tamen relevat ab onere allegandi. *Gloss. in Clem. cit. V. alias.* Ratio est, ne si in causa variati hoc casu posset, sæpe malitiose ad litis prorogationem Appellationes interponerentur, & novarum causarum deductionibus protraherentur. *Proccedit* autem hoc regulariter; nam triplex facienda Exceptio est. 1. Si nova causa post Appellationem interpositam primum orta, aut cognita fuit. 2. Si oblatas gravaminis alias causas Iudex à quo admittere noluit. 3. Si gravamen per sententiam definitivam irreparabile sit,

ut si Iudex decerneret alicujus torturam. Plura vide apud *Marant. p. 6. tit. de Appell. à n. 165.*

Quæritur 3. quibus verbis fieri debeat Appellatio? 65 Resp. fieri potest non tantum per verba expressa, veluti *Appello, Provoco*, sed etiam per æquipollentia, ut si quis gravatus à Iudice inferiore, e. g. Episcopo diceret, *Committo*, vel *subjicio me Iudicio Papæ, vel alterius Superioris*, prout constat ex *c. ad audientiam 34. hoc tit.* Ratio est, quia quando non requiritur ad actum aliquem certa verborum forma, tunc sufficit exprimere conceptum, vel effectum rei per verba æquipollentia, quod eo casu non tam verba loquentis, quam intentio ejusdem, cui verba servire debent, considerari debeant. *Cons. à pari* cum sententia, quæ valet, et si eam pronuntians non fuerit usus verbis *Condemno*, vel *Absolvo*, sed æquipollentibus, ut dictum est *Tir. præ. n. 61. Neque obstat*, quod Clerici recepti sub generali protectione Papæ, non ideo eximantur à Iurisdictione Episcopi Diocesani *c. ex parte 18. de privil.* nam qui post sententiam contra se latam committit se Iudicio, & protectioni superioris, intendit protectionem specialem, quæ vim Appellationis obtinet, ut bene advertit *Pirh. hic n. 104.*

Imo non solum verbis, sed etiam ipso facto appellari potest e. g. arripiendo iter ad Superiorem appellandi causa; id enim vim Appellationis habet, modo servantur ea, quæ in Appellatione verbis expressa servari debent *c. dilecti 52. hoc tit. & c. cum olim 7. de dol. & contum.* imo universim loquendo plus est aliquid factis demonstrare, quam verbis exprimere. *Gloss. inc. dilecti cit. V. facto provocare.*

Quæritur 4. an valeat Appellatio generalis, i. e. 66 facta super omni causa, quæ contra appellantem posset aliquando moveri, vel ab omni gravamine, quod sibi posset inferri? Resp. non valere, si Iudicialis sit; valere autem si extrajudicialis: quod ita verum est, ut si hujusmodi Extrajudicialis Appellatio ex probabilibus causis facta sit, devolvatur negotium ad Iudicem Superiorem, & omnia post hujusmodi Appellationem acta per viam attentati revocentur, nec admittantur Exceptiones concernentes defectum proprietatis. *Alex. in c. bona 51. hoc tit. num. 7. not. 5. & n. 8. not. 6. Vivian. inc. inter cetera 2. eod. in ration. Pirh. hic num. 107. 108. & 253. Pars 1. constat ex cap. inter cetera cit. & cap. consuluit 18. eod. Pars 2. colligitur ex cap. bona cit. & Clem. 3. hoc tit.* Ratio diversitatis est, quia à futuro gravamine non potest appellari judicialiter, potest tamen extrajudicialiter: ideoque potest etiam interponi generalis Appellatio; quia futurum gravamen non est certum.

Dixi, *Quod sibi posset inferri*; nam si quis generaliter appeller ab aliquo Iudice super omni gravamine, quod in certa causa sibi inferendum timet, tenet ejusmodi Appellatio, ut constat ex *cap. consuluit citat.* modo aliquod gravamen præcesserit, vel actu prætendatur inferri super aliquo articulo; nam cum hic articulus contineatur in illa causa, videtur tale gravamen totam causam quodammodo contigisse, ob connexionem, seu unitatem causæ. *Abb. in c. consuluit cit. n. 3. Pirh. hic n. 108.*

Quæritur 5. quoties licitum sit appellare? Resp. in 67 eadem causa à Sententia definitiva bis appellari potest, quod si autem illa bis fuit confirmata, tertio non admittitur Appellatio. Ita statuitur *cap. sua nobis 65. hoc tit. & l. un. Cod. ne lic. in un. ead. caus.* Ratio sic statuenti fuit, tum ut vitetur processus in infinitum, & ne lites fiant pæne immortales; tum quia præsumptio est contra eum, qui bis appellavit, & semper succubuit, quod injustam causam foveat, & ad litem protrahendam malitiose appeller. *Procceditque hoc* etiam in sententiis, quæ non transeunt in rem judicatam; licet enim in illis inchoari causa de novo possit, non tamen potest tertio appellari. *Abb. in cap. sua nobis cit. nu. 7. Barb. ibid. n. 2. Pirh. hic num. 126.*

Dixi *in eadem causa*, i. e. ab eadem sententia, & super eodem articulo, vel gravamine; nam super diversis articulis, vel gravaminibus licitum est tertio appellare, imo sæpius *can. quoties 16. caus. 2. q. 6. Gloss. fin. in c. directæ 39. hoc tit. Abb. n. 7. cit. Pirh. n. 127.*

Dixi 2. *si bis fuit confirmata*; nam si in prima appellatione fuit confirmata, reformata in secunda, ea pars, in cuius præjudicium reformata est, potest interponere appella-



appellationem tertiam, qua si vincat, victus, si læsum se putet, proflire potest ad quartam, ita, ut quilibet habeat duas. Abb. Pirh. l. cit.

Dixi 3. *A sententia definitiva*; nam de sententia interlocutoria specialis est difficultas, an casu, quo pars litigans post desertam Appellationem sistat se Judici à quo, & hic iterum per interlocutoriam gravare videatur, sic gravatus in eadem causa, & super eodem articulo de novo appellare possit? Videtur enim non posse; quia Judici à quo iterum sistendo appellans renuntiasset appellationi censetur. Sed etsi verum sit renuntiasset Appellationi interpositæ, non tamen hoc ipso etiam renuntiavit interponendæ; hinc cum Jura universim permittant, in eadem causa à qualibet parte bis appellari possit, hoc casu concedenda erit etiam altera Appellatio ab Interlocutoria, præsertim si causa sit favorabilis, v. g. matrimonialis, ut decernitur *c. directa cit.*

- 83 Quæritur 6. An Iudex ad quem cognoscere de causa principali possit, omisso, vel non finito prius articulo Appellationis interpositæ ab Interlocutoria? Distinguunt hic aliqui inter casum, quo omisus est articulus Appellationis, & inter eum, quo non est prius finitus: in secundo facile concedunt sufficere consensum appellati, sive ejus, contra quem appellatum est *c. cordi 1. v. post hoc h. tit. in 6.* at, ut omisso illo articulo, ad cognitionem causæ principalis possit accedere, putant requiri consensum utriusque, quod colligunt ex *c. cit. ibi: Vel de partium voluntate omisso.*

Sed, ut bene notat Pirh. *hic num. 111.* probabile est, etiam in hoc secundo casu sufficere consensum solius Appellati, modò prius revocetur gravamen, propter quod fuit appellatum. Rationem dat, quia quòd prius cognoscatur de articulo Appellationis, id fit in favorem appellati: si ergo ipse non vult, ut de illo cognoscatur, neque appellans potest de eo conqueri, cum ipse appellando voluerit, ut tota causa devolveretur ad Judicem Appellationis.

Neque contrarium efficaciter probatur ex *c. ordi citat.* quia dici potest numerum pluralem *partium* resolvendum in singularem i. e. *partis appellatæ*, vel supplendum est *maximè*.

- 69 Quæritur 7. an habens Exceptionem legitimam adversus Iudicis, vel Executoris mixti mandatum possit ab eo appellare, non proposita prius Exceptione? Resp. non posse; sed debet hæc prius fuisse proposita, & à Iudice à quo rejecta; tunc enim appellare potest, & Appellatio admitti debet, si tamen appellans probaverit Exceptionem se opposuisse, & oppositam non fuisse admittam *c. dilecto 63. h. tit. Abb. ibid. n. 21. Imol. nu. 8. Pirh. hic n. 119. & 120.* Ratio est, quia, qui appellat, antequam Iudex oppositam à se exceptionem expressè, vel tacitè procedendo ad ulteriora rejecerit, is non appellat à gravamine illato, sed futuro, quòd ipsi posset inferri, si exceptio illa non admitteretur, sed à gravamine futuro in Iudicio non est licitum appellare. Ergo &c.

Proceditque hoc, etsi Iudex disjunctivè pronuntiet, ut vel intra certum tempus pateat mandato, vel intra eundem terminum legitimam causam, cur non pateat, coram ipso alleget, aliàs incursum Excommunicationem; nam allegando justam causam evitare Excommunicationem posset Pirhing *numer. 20. citato*

## §. VI.

### De Fatalibus Appellationum:

#### S U M M A R I U M.

- 70 Quid sint Fatalia?  
71 Quando, & intra quod tempus Appellatio interponi debeat?  
72 Quando hoc tempus incipiat currere?  
73 Quomodo numerandum quoad Appellationem à gravamine Extrajudiciali?  
74 Quid, & quotuplicis generis sint Apostoli?  
75 Intra quod tempus petendi, dandi, & presentandi?  
76 Quando tempus Apostolis petendis concessum incipiat currere?  
77 An Iudex terminum iis petendis possit statuere?  
78 Quomodo sint petendi?

Schmalzgruber Tom. II.

79 Intra quod tempus appellans prosequi, & finire Appellationem debeat?

80 Quando tempus prosequendæ, & finiendæ Appellationi statutum incipiat currere?

81 82. 83 Causa, ob quas prosequendæ, & finiendæ Appellationi concedi possit biennium.

84 85 Quid requiratur, ut ob impedimentum primi anni sit concedendus secundus?

86 87 88 An tempus Jure statutum restringi valeat?

89 90 An prorogari, vel extendi?

**F**atalium nomine hic veniunt tempora, quibus ex-  
Actis Appellatio vel non conceditur, vel concessa, & interposita, aut jam introducta extinguitur, & quasi emoritur. Hujusmodi quatuor sunt. 1. Appellationis interponendæ. 2. Petendi, & concedendi Apostolos. 3. Appellationis introducendæ, sive Apostolos Iudici ad quem presentandi. 4. Appellationis prosequendæ, & finiendæ. Gregor. Tholos. *partit. Jur. Canon. l. 5. tit. 15. c. 4. in Scholiis litt. C. Vallenf. hic §. 7. nu. 1. & alii passim.*

Quæritur 1. quando, & intra quod tempus Appellatio interponi debet? Resp. olim appellandum fuit in causa propria intra biduum; in causa aliena, seu Procuratorio nomine intra triduum duntaxat, & non ultra *can. biduum 29. princ. caus. 2. q. 6. l. siquidem 1. §. biduum 5. & §. in propria 11. ff. quand. appelland. l. eos qui 6. §. fin. ff. h. tit.*

Hodie Jure tam Canonico, quàm Civili Appellationi interponendæ statutum est decendium, ut patet ex *c. quod ad consultationem 15. de sent. & re judic. c. significaverunt 36. & ibi Gloss. V. infra 10. dies de testib. cap. cum dilectus 32. in fin. & ibi Gloss. fin. de Elect. c. concertationi 8. h. tit. in 6. Auth. hodie C. eod. & Novell. 23. c. 1. Quorum proinde dierum ultimus fatalis est, ita, ut eo lapsò volens appellare non audiat, quamvis aliis Iuris remediis se defendere propterea non prohibeatur, ut constat ex *c. concertationi cit.**

Proceditque hoc, sive per se, sive per alium, ut Procuratorem, Tutorem &c. sive à Sententiæ definitiva, sive ab Interlocutoria, sive ab alio gravamine, etiam extrajudiciali appelletur, ut patet ex textibus *cit.* docent Durand. *Specul. tit. de Appellat. §. 5. nu. 1. Gaill. l. 1. obs. 139. n. 2. Blumius Process. Cam. tit. 49. n. 2. Vallenf. hic §. 7. n. 2. Pirh. n. 132. Vviefst. n. 103.*

Dub. 1. quando currere incipiat hoc tempus decendii ad appellandum concessi? Resp. incipit currere à momento late sententiæ, si adversus præsentem pronuntiatum sit, vel cognitionis de hoc obtentæ, si contra absentem, & completur in ultimo momento diei decimæ *cap. ad consultationem 15. de sent. & re judic. cap. concertationi 8. h. tit. in 6. ibi Infra decem dies, postquam sciverit, Auth. hodie C. eod. l. siquidem 1. §. dies 7. & §. fin. ff. quand. appelland. Gloss. in Clem. 3. V. à die h. t. Maranr. de Ord. Jud. p. 6. tit. de Appell. nu. 214. Gaill. l. 1. obs. 139. n. 5. Vall. hic §. 5. n. 3. Pirh. num. 135. Vviefst. numer. 104.*

Dixi 1. à momento: Hinc Gaill. l. cit. monet Notarios, ut in Instrumento Appellationis exactè notent non tantum diem, sed etiam horam interpositæ Appellationis, ad hoc, ut ritè cognoscatur, an, & quando decendium sit elapsum; nam prima dies non computatur tota, sed ab hora illius diei, quæ ad decimam diem ejusdem referri debet, ideoque fieri potest, ut decima dies in undecimam desinat: & hinc si sententiæ lata sit die Veneris hora 9. matutina, poterit quis appellare die undecima usque ad horam 9.

Dixi 2. à die late sententiæ, vel cognitionis &c. nam tempus decendii ad interponendam Appellationem concessum in principio est utile, & ignorant, tanquam legitime impedito, non currit, nisi sit verè contumax *can. biduum 29. §. si adversus absentem caus. 2. q. 6. l. siquidem 1. §. fin. ff. quand. appell. in progressu tamen efficitur continuum, ita, ut etiam Ferie solemnes includantur l. quoniam 1. C. de feriis, & l. si pars 3. vers. ferie C. de Dilation. neque id immerito, cum etiam in feriis validè interponatur Appellatio, ut dictum est *Tit. 9. de feriis n. 49.**

Dub. 2. quomodo numerandum sit tempus decendii, quando appellatur à gravamine extrajudiciali? Resp. hic distinguendum, an gravamen, à quo appellatur, sit

V. jam



jam illatum, an primum inferendum. Nam si inferendum est primum, etiam post decendum à die, qua id cepit timeri, & donec actus inferatur, appellari potest. Gloss. in c. concertationi 8. V. gravatum h. tit. in 6. Laym. ibid. n. 2. Vviesl. n. 105. Si verò jam illatum sit, appellandum est intra 10. dies, qui tamen numerandi erunt non à die celebrari actus, vel notitiæ actus, quo quis gravatus est, sed à die notitiæ gravaminis, seu illo, quo scivit actum illum in sui præjudicium, seu cum suo gravamine celebratum fuisse c. concertationi cit. & ibi Gloss. in Notat. & V. sciverit.

Peculiare aliquid habet gravamen, quod tractum successivum, & causam continuam habet, ut cum quis in carcere detinetur, ad locum non tutum citatur &c. nam ab hoc etiam post decem dies appellari potest, tamdiu sc. quamdiu durat gravamen. Marant. de Ord. Judic. p. 6. tit. de Appellat. n. 216. Gaill. l. 1. obs. 39. n. 13. Rosbach. prax. Civil. tit. 73. nu. 24. Vall. hic §. 7. n. 3. Pirh. n. 136. Vviesl. n. 105. Consequenter incarceratus, etiam si per mensem detineatur in carcere, appellare tamen semper potest, quia semper gravatur; & citatus ad Judicem non competentem, vel locum non tutum &c. appellare toties potest, quoties sic citatur, quia toties gravatur de novo.

Excipitur, si Judex interloquendo pronuntiavit illum fuisse justè incarceratum, aut locum esse tutum &c. quia tunc intra 10. dies à die factæ interlocutionis appellandum est; alioquin sententia transiret in rem judicatam, nec ulterius liceret appellare. Gaill. l. cit. nu. 14. Haun. tom. 5. tr. 5. n. 449. cum Vall. Pirh. Vviesl. l. cit. & ratio est, quia generatim sententia contra jus partis lata, ab ea intra legitimum tempus non provocetur, rei judicatæ auctoritatem sortitur l. cum prolati 32. ff. de re judic.

74 Quæritur 2. quo die Apostoli petendi, & præsentandi sint? Ad hanc quæstionem ut ritè respondeatur, præliminarter.

Dub. 1. quid sint Apostoli? Resp. Apostoli hoc loco dicuntur Litteræ dimissoriæ, quas Judex, à quo appellatum est, ad instantiam appellantis transmittit ad Judicem, ad quem appellatum est, in testimonium, & fidem Appellationis interpositæ l. un. ff. de Libell. Dimissor. l. dimissoria 106. ff. de V. S. Gloss. in l. præses 5. V. Apostolos C. hoc tit. Dicuntur Apostoli, i. e. missi; quia mittuntur ad Judicem ad quem, ut de causa Appellationis instruat: Dimissoriæ autem; quia per eas causa ad Judicem, ad quem appellatum est, dimittitur.

Potro plures sunt horum species, ut videre est apud Rosbach. Prax. Civil. tit. 74. num. 3. & seqq. Vall. §. 10. hic num. 1. Pirh. num. 139. Vviesl. nu. 106. & alios passim. Nam 1. dicuntur aliqui Dimissorii, qui sunt Litteræ ad Judicem appellatum directæ, testificantes de Appellatione coram Judice à quo, vel honestis personis interposita, & admissa, 2. Reverentiales, quando Judex à quo Appellationi defert, non ob causæ justitiam, sed solum ob reverentiam Superioris, ad quem appellatur c. cardis 1. h. tit. in 6. ibi Si Appellationi forsan ex reverentia sit delatum, 3. Refutatorii, quibus Judex à quo significat Judici ad quem, se non admisisse Appellationem l. fin. in refutatoriis 1. C. eod. & in his Judex debet exprimere causam, cur eam non admisit l. sciendum 6. ff. de Appell. recip. aliàs si sine causa rejiciat, puniatur l. quoniam 21. cap. h. t. 4. Testimoniales, quibus Notarius, vel alii viri honesti, cum Judicis copia haberi non possent, aut hic recusat dare Apostolos, testificantur, coram se appellatum c. fin. h. tit. Rosbach. l. cit. n. 6. 5. denique Conventionales, quas dat pars adversa, sive appellata admittens Appellationem, sive in Judicio, Judice refutante, aut tacente, sive extra Judicium c. sepe 44. h. tit. Rosbach. l. cit. nu. 7. Haun. tr. 5. cit. n. 455. Pirh. hic n. 139. Vviesl. n. 107.

Ex his maximè in usu sunt Reverentiales: Refutatorii non facilè dari debent, ne Justitiæ viam præcludere velle videantur. Vviesl. n. 107. cit.

75 Dub. 2. intra quod tempus petendi, dandi, & præsentandi sint Apostoli? Resp. olim petendis & recipiendis Apostolis præscripti erant quinque dies can. ab eo 24. caus. 2. q. 6. Hodie 30. dies concessi sunt c. ab eo 6. princ. h. tit. in 6. & l. Judicibus 24. C. eod. Estque hoc tempus ita necessarium, ut si intra 30. dies prædictos non pe-

tantur, vel non recipiantur, Appellationi censeatur renuntiatum can. ab eo cit. Clem. quamvis 2. h. t. l. Judicibus cit. & l. un. ff. de Libell. dimissor. Estque Præsumptio hæc Juris, & de Jure, contra quam non admittitur probatio in contrarium, posito, quod appellans neglexerit eos petere: secus, si non potuit petere, vel petiit quidem, sed per Judicem à quo sterit, quo minùs illos reciperet; nam eo casu protestari de eo debet, & lapso tempore de Apostolis negatis Judicem à quo coram Judice, ad quem provocavit, convenire potest l. si Appellationem 31. C. h. t. Vallens. hic §. 10. n. 4.

Tempus Judici ad quem præsentandi Apostolos, & introducendæ Appellationis Jure Civili Romano non uniforme, sed pro locotum, & Judicium diversitate diversimode præfixum erat leg. tempora 2. princ. & leg. final. C. de tempor. Appellat. Modò secundum Ordinationem Camera Imperialis p. 2. tit. 3. §. 2. & 5. completitur sex menses, qui currere incipiunt à die non latæ sententiæ, sed interpositæ Appellationis, teste Gaill. l. 1. obs. 140. n. 2. Jure Canonico ejus determinatio Judicis arbitrio relinqui videtur cap. personas 4. h. tit. ibi, Tu ei diem -- assignes, Quod si autem Judex à quo terminum præsentandæ Appellationis non assignaverit, cum Jure Canonico nihil statutum reperitur, vel observandum erit tempus definitum Jure Civili, vel quod Gonzal. inc. 5. h. tit. n. 10. cum aliis notat, satis erit inchoare, & finire Appellationem intra tempus eidem finiendæ præscriptum.

Dub. 3. quando tempus 30. dierum Apostolis petendis concessum incipiat currere? Respond. hic variare DD. nam aliqui volunt tempus hoc currere à die sententiæ latæ; alii à die Appellationis interpositæ. Alii melius distinguunt: Vel enim appellans habuit statim notitiam sententiæ latæ, vel non statim eandem habuit.

Si primum, statim currit tempus hoc à die sententiæ latæ l. Judicibus 24. C. h. tit. Si secundum, tempus illud numerandum est à die scientiæ, quo quis sententiam latam intellexit, & ex quo habuit facultatem appellandi, ne aliàs hoc inconveniens eveniat, quod ignoranti præclusum sit tempus petendi Apostolos, cui nondum præclusum est tempus appellandi, utpote quod secundum dicta num. 72. primum incipit currere à die scientiæ.

Unde cum l. Judicibus cit. statuitur tempus petendi Apostolos currere à die latæ sententiæ, intelligi debet, quando appellans habuit notitiam sententiæ latæ, & in continenti à sententia lata viva voce appellavit, ut sic concordet cum c. ab eo, & Clem. quamvis cit. qui textus volunt currere à die Appellationis interpositæ. Vide Rosbach. Prax. Civil. Tit. 74. n. 15.

Dub. 4. an Judex possit terminum statuere ad petendos Apostolos? Resp. etsi verius sit non posse longiorem statuere, tamen brevior potest præscribere: intra quem si appellans non compareat, & congruo loco, ac tempore petat Apostolos sibi tradi, vel oblatos recuset, non minùs efficitur Appellatio deserta, quam lapsus 30. diebus. Clem. quamvis 2. h. tit. Vall. hic §. 10. n. 6. Pirh. num. 144. Vviesl. num. 110. Ratio est, quia ejusmodi brevior terminus, à Judice præscriptus, succedit in vicem termini Juris, & eundem effectum parit c. ex insinuatione 10. h. tit.

Dixi: posse Judicem terminum constituere saltem brevior: cujus ratio est, quia Judex quoad ea, quæ ad celeriore Appellationis expeditionem pertinent, Jurisdictionem retinet; & longitudo termini à Jure dati concessa videtur in commodum, & favorem ipsius Judicis, cui ipse renuntiare non prohibetur. Marani. part. 6. de Ord. Judic. tit. de Appellat. num. 223. Addidi, Congruo loco, & tempore, videlicet, ut non petantur Apostoli, quando Judex est in prandio, vel in Missa, non de nocte, vel quando Judex est majoribus negotiis implicatus. Gloss. margin. in Clem. citat. Pirhing hic numer. 144.

Dub. 5. quomodo sint petendi Apostoli? Resp. debent peti instanter, ut dicitur cap. ab eo 6. hoc tit. in 6. ab ipso appellante, & hujus expensis. Gloss. in Clem. 2. V. oblatum h. tit. Vallens. §. 10. n. 6. in fin. Pirh. num. 142. etiam cum appellatur à sententia interlocutoria, vel gravamine illato ante sententiam; quia textus capit. ut super 4. h. tit. in 6. generaliter, & indistinctè loquitur.

In Ap-



In Appellatione extrajudiciali quidam putant non esse necessarium peti Apostolos, tutius tamen est, si etiam hoc casu petantur. Rosbach. *Prax. Civil. Tit. 74. num. 11.* & ab eo cit.

Perinde autem est, si petantur viva voce, si in scriptis, quamvis istud consultius sit, ut postea facilius probari possit fuisse petitos. Semper tamen à Judice à quo peti debent, cui etiam tempus 30. dierum præscriptum commune est cum appellante; sicut enim appellans petere, sic Judex intra illud Apostolos exhibere tenetur. Estque hoc ita verum, ut si Judex requisitus ab Appellante non tradat Apostolos, sed in ipsa causa procedat, processus non valeat, sed retractandus sit per Judicem Appellationis *c. ut super cit.* nisi Appellationi sit renuntiatum expressè, vel tacitè. Gloss. *ibid. V. renuntiatum*. Aliquando tamen, ut Rosbach. *l. cit. n. 19.* advertit, loco Apostolorum appellanti dantur acta: imo eodem teste *n. 25.* in Camera Imperiali, & nonnullis aliis Tribunalibus Appellatio recipitur, & valet; etiam sine Apostolis.

79 Queritur 3. intra quod tempus appellans prosequi Appellationem, eamque finire debeat? Respond. ad appellationem prosequendam, & finiendam, à quocunque gravamine, etiam extrajudiciali, appellatum fuerit, utroque Jure conceditur annus, & ex justa causa biennium, intra quod tempus, si appellans, vel provocans, justo impedimento cessante, Appellationem suam non fuerit prosecutus, illa deserta censetur *cap. cum sit 5. princ. c. ex ratione 8. & Clem. sicut 3. h. tit. Auth. es qui, & l. fin. §. illud 4. C. de tempor. Appell.* ita tamen, ut de Appellatione introducta, sed non continuata pronuntiet Judex *ad quem*; de illa verò, quæ ante introductionem deserta fuit, pronuntiet Judex à quo. Engl *hic num. 50.* qui addit casu, quo Appellatio nondum introducta deserta fuit, Judicem inferiorem actum consultius, si abs sententia statim progrediatur ad executionem, ut sic auferat occasionem novæ Appellationis, quæ interponi posset à sententia pronuntiante Appellationem esse desertam. Et hoc est discrimen inter Judicem à quo, & inter Judicem ad quem; nam Judex ad quem, ubi de Appellatione deserta pronuntiaverit, etiam de partium consensu in causa principali nequit procedere, quippe cum Jurisdictio, & executio ab ipso ad Judicem à quo reverti fuerit. Engl *loc. citat.*

80 Dub. 1. quando tempus hoc annale, vel biennale appellanti incipiat currere? Resp. cum distinctione, an in Judicio appelletur, an verò extrajudicialiter. Si primum, de Jure saltem Canonico incipit currere à die interpositæ Appellationis. Si secundum, interest, an appelletur à gravamine jam illato, an verò à primùm inferendo, seu futuro; nam si prius contingat, iterum tempus hoc currere incipit à die interpositæ Appellationis. Si posterius, currere incipit non à die, quo Appellatio est interposita, sed ab eo, quo gravamen, quod inferendum timebatur, re ipsa illatum est Clem. 3. *h. tit.* ut adeo anticipata Appellatio à futuro gravamine quodammodo involvat conditionem, si gravamen actu inferri contingat: & propterea trahatur ad tempus ejusdem actu illati; sicque annus, vel biennium Appellationi prosequendæ constitutum à Jure primùm ab ea die, qua gravamen illatum est, exordium sumat. Vivian. in Clem. cit. & in c. cum sit 5. h. tit. Vamell. n. 8. Gonzal. n. 10. Vviesl. *hic n. 113.*

Dixi, Jure saltem Canonico; nam spectato Jure Civili, tempus hoc annale, vel biennale non incipit currere nisi post duos menses à die interpositæ Appellationis. Novell. 82. num. 9. junct. Gloss. *V. menses*. Monner tamen Alex. de Nevo in c. ex ratione 8. h. tit. nu. 3. quod dispositio Clem. cit. de consuetudine servetur etiam in foro Civili. Unde hæc attendenda est. In Camera Imperiali, & aliis majoribus Tribunalibus, etiam Ecclesiasticis, ob multitudinem causarum ferè non attenditur Fatale appellationis prosequendæ, dummodo observentur, quæ ad eam interponendam sunt concessa, & longioris moræ causa non sint ipsi appellantes. Gaill. l. 1. obs. 141. num. 7. Rosbach. *prax. Civil. Tit. 73. n. 33.* Hann. tom. 5. tr. 5. n. 466. Vviesl. *hic n. 133.*

81 Dub. 2. ob quas causas ad Appellationis prosecutionem, & terminationem biennium concedi ex Juri permissum possit? Resp. varias à DD. recenseri, quarum

aliquæ se tenent ex parte appellantis, vel appellati, vel utriusque; aliæ ex parte ipsius Judicis, vel alicujus tertii; aliæ denique oriuntur ex casu fortuito.

Ex partes appellantis causa longius tempus concedendi est hujus adversa valetudo paupertas, & ex ea proveniens defectus sumptuum necessariorum ad prosecutionem appellationis, absentia Resp. causa, Captivitas diuturna &c. *c. ex ratione 8. h. tit. Abb. ibid. num. 4. Gaill. l. 1. obs. 142. n. 1. & 2. Vall. hic §. 14. n. 2. Pirh. num. 165. Vviesl. num. 115.* Ratio est, quia per hæc à prosecutione Appellationis legitimè impeditur; sic autem impedito tempus fatale Appellationis prosequendæ, & finiendæ non currit, ut constat ex c. ex ratione cit.

Ex facto appellati, si is per se, vel per alium extra Judicium appellante impediatur, quo minùs Appellationem prosequi possit; vel in Judicio frustratoris Dilationibus efficiatur, ne Appellatio debito tempore finiatur; nam tunc si tale impedimentum contingat primo anno, ipso Jure secundus conceditur, vel saltem appellans servatur illæsus, ut tempora prosequendi Appellationem eidem non currant. Abb. in c. ex ratione cit. nu. 8. Alex. *ibid. n. 27. & 67.* Vall. *hic §. 14. nu. 4. Pirh. num. 165. Vviesl. n. 115. cit.* Ratio est, quia tempus fatalius hoc casu labitur culpa, & facto Adversarii, ut proinde Appellatio pro deserta haberi nequeat, cum appellans nullam commiserit negligentiam.

Ex facto utriusque tam appellantis, quam appellati, si 82 pendente appellatione compromiserunt in Arbitros; tunc enim tempus, ab homine, vel à Jure ad eandem prosecutionem præfixum nec appellanti, nec appellato currit, nisi ob periculum ex dilatione, vel mora imminens Judex præcipiat, ut in causa Appellationis procedatur Clem. Quamdiu 4. h. tit. & Auth. si tamen C. de tempor. Appellat. Tempus autem, finito compromisso, vel aliàs deserto, hoc casu partibus non aliud dabitur ad prosecutionem, & finiendam Appellationem, quam quantum restabat tempore initi compromissi; quia per Compromissum solum fuit suspensum, & quiescebat, & ideo postea iterum currit. Gloss. in Clem. cit. *V. currere*, Vall. *hic §. 14. n. 5. Pirh. n. 166.*

Ex parte Judicis, quando iste ob infirmitatem, vel aliam causam pro Tribunali non sedet, vel alias per eum stat, quo minùs Appellationis causa intra debitum terminum perducatur ad finem c. ex ratione 8. h. tit. Debet tamen hoc casu Appellans, vel ejus Procurator, prout praxis observat, protestari, & quidem sepius, quod per se, partemque suam non sit, quo minùs in causa celerius procedatur, quodque proinde fatalia sibi, partique suæ currere non debeant. Gloss. in capit. cupientes 16. quod super viginti V. proposita de Elect. in 6. Marant. de Ord. Judic. p. 6. tit. de Appell. numer. 230. Gaill. l. 1. obs. 141. numer. 9. Vall. *hic §. 14. numer. 9. Pirh. num. 169.* juxta quos peculiare hoc est; nam, ut iidem notant, in casu, quo impedimentum aliunde provenit, quam ex parte Judicis, non est necessaria hæc protestatio, sed sufficit, quod impedimentum probetur, quamvis tutius semper sit protestari de impedimento.

Ex parte alicujus tertii, cum Procurator negligit cau- 83 sa prosecutionem, vel hæc à nuntio, aut alio quopiam impeditur. Gloss. in cap. ex ratione cit. *V. impotentiam*, Abb. *ibid. num. 8. in fin.* Hoc tamen casu tempus Appellationis currit, & secundus annus non indulgetur, sed appellanti datur actio ad damna, & interesse adversus Procuratorem, vel tertium impediendum; aut si is solvendo non sit, succurreret ei per restitutionem in integrum, ut cum Gloss. & Abb. cit. notant Vall. §. 14. cit. n. 10. Pirh. n. 170. Vviesl. n. 118.

Ex casu fortuito denique prorogationi Fatalium, præscriptorum prosecutioni Appellationis, justa præbetur causa, quando v. gr. viæ hostibus infectæ sunt, quo minùs ad Judicem Appellationis accedere quis possit; vel si Procurator appellantis in via captus sit: & tunc si impedimentum contingat in primo Fatali, seu anno, ipso Jure datur secundus *l. fin. §. illud 4. C. de temp. appell.* Si in secundo, subveniendum est appellanti saltem per restitutionem in integrum; quia id generale est, quod si per me non stat, mihi imputari non debet. Hinc dabitur ei annus tertius, & quidem integer, si toto anno secundo fuit impeditus; alioquin tantum præcisè temporis ei restitueretur, quantum abstulerit impedi-



impedimentum, ex natura restitutionis in integrum, quæ est, ut tantum restituatur, quantum abstulerit læso. Vall. l. cit. n. 12.

84 Dub. 3. quid requiratur, ut ob impedimentum primi anni, seu primi Fatalis concedendus sit annus secundus, seu secundum Fatale? Resp. 1. requiritur, ut impedimentum illud fuerit iustum, & inevitabile, seu inexorabile, & non affectatum; nam si appellans illud affectatum; illud affectarit vel culpa sua illi causam præbuerit, æquum non est ei hac in parte subveniri l. non exigimus 2. §. si quis tamen 8. ff. si quis cautionib. & c.

2. Cum huiusmodi impedimentum in facto consistat, & ex veritate facti dependeat, non debet præsumi, sed omnino, plenè, & evidentibus argumentis ab appellante probati, prout colligitur ex c. ex ratione 8. h. tit. ibi Dummodo constiterit, & clarè traditur c. cum sit 5. hoc tit. & l. fin. §. illud 4. C. de tempor. appell. Et hinc, si de impedimento non constiterit evidenter, nec appareat de protestatione super non lapsu fatalium, poterit Judex à quo, lapso termino, seu anno, sententiam suam, velut deserta Appellatione, mandare executioni, etiam parte non citata, ut tenet Bald. in l. si contra 8. C. de Appell. & in l. 2. in fin. C. de tempor. Appell.

85 3. Non sufficit solum probare impedimentum, sed insuper requiritur, ut appellans probet, quod diligentiam adhibuerit ad impedimentum amovendum, & Appellationem prosequendam. Gaill. l. 1. obs. 143. n. 2. & 3. Vall. §. 14. n. 6. hic Pirh. num. 171. quia tum demum dicitur ex iusta, & necessaria causa impeditus, quando post adhibitam diligentiam manet impedimentum; alioquin qui facile potest tollere impedimentum, & non tollit; non dicitur impeditus, sed potius volens pati: & qui potest facere, ut possit conditioni parere, iam posse videtur juxta Regul. 174. ff.

4. Requiritur aliqui, ut toto primo anno appellans fuerit impeditus, ne Appellationem prosequeretur; nam si aliquo tantum tempore impedimentum duravit, sic impedito concedunt quidem annum secundum, non tamen, ut eo toto uti appellans possit, sed ut inde desumat tantum, quantum in priore anno per quodcunque iustum impedimentum ei fuit ademptum arg. l. ab hostibus 15. §. fin. ff. ex quib. caus. major. Estque hoc verum teste Pirh. hic numer. 172. attento rigore Juris. At ex praxi, & usu fori, præsertim Ecclesiastici, magis obtinuit, ut propter quodcunque impedimentum primi anni detur secundus integer, modò appellans adhibuerit diligentiam aliquam, & totus primus annus non fuerit negligentia illius lapsus, sive deinde potuerit, sive non potuerit appellans, deducto impedimenti tempore, in reliquo causam peragere: quod videtur etiam colligi ex Auth. si appellatione C. de tempor. appell. ubi dicitur, quod ad obtinendum hunc secundum annum sufficiat, si vel novissima induciarum die appellans ad agendam causam coram Judice compareat. Ratio est, quia totus primus annus est in arbitrio appellantis, quando velit incipere, & prosequi Appellationem, modò superfit sibi tempus sufficiens ad eam finiendam arbitrio Judicis determinandum.

86 Dub. 4. an tempus Jure concessum restringi, & abbreviari valeat? Resp. distinguendo inter personas, quæ in Judicio Appellationis interveniunt, videlicet Appellatum, Appellantem, Judicem à quo, & Judicem ad quem. Nam

1. Appellatus Appellanti terminum ætiores præscribere non permittitur, ne in illius potestate sit, Appellantem nimium coarctare, & Adversario suo Legem ponere, Vallens. hic §. 12. n. 4. Pirh. n. 155.

2. Reddi hoc tempus brevius potest ab ipso appellante capit. personas 4. hoc tit. modò spectatis circumstantiis congruum sit; quia sic favori à Jure pro se principaliter introducto renuntiare videtur. Vviestner hic num. 123.

87 3. Quoad Judicem à quo distinguendum est inter terminum à Jure statutum ad finiendam Appellationem, & inter eum, qui statutus est ad illam introducendam. Primum abbreviare, imò nec prolongare potest, ut statuitur c. ex insinuatione 50. h. tit. & ratio est, quia Judicem ad quem, quippe Super. non potest legem præscribere, aut terminum, intra quem causam Appellationis recipere, & expedire debeat, cum alienæ, præsertim Superioris Jurisdictioni se immiscere non possit. Secun-

dum abbreviare potest, non tamen tenetur; potest enim, si velit, appellantem relinquere sub dispositione Juris communis, ut colligitur ex cap. adhuc 27. ibi, Fas tibi sit, quod verbum non imponit necessitatem, seu obligationem, sed solum facultatem, si velit, ut notat Abb. in c. adhuc cit. n. 2. Excipitur, si suspicio sit, quod pars litigans temere, & frustratorie appellaverit; tunc enim malè ageret Judex, si terminum Appellationi prosequendæ non statueret, cum malitiis hominum non sit indulgendum, ut dicitur cap. plerumque 23. de Rescript. Porro termini sic abbreviati à Judice eadem vis erit, quæ terminis præfixi à Jure, ut sicut per hujus, ita etiam per illius lapsum Appellatio efficiatur deserta, & appellans, si intra illum Appellationem non introduxerit, & quocunque modò prosecutus fuerit, sententiæ Judicis à quo compellatur stare c. personas 4. c. cum sit 5. & capit. ad aures 33. h. tit.

4. Judici ad quem denique non est permittum modèrati, vel abbreviare terminum à Jure statutum ad prosequendam Appellationem, nisi ex nimia dilatione damnum Reipub. vel periculum animarum imminet, ut in causis Spiritualibus, Electionum, Postulationum, & aliis Beneficialibus, quæ cum causam aliquo modo publicam contineant, accelerari debent: sicut & causa matrimonialis ob periculum incestus, vel adulterii: item causa alimentorum ob periculum vitæ. Abb. in capit. oblata 57. h. tit. num. 6. Alex. de Nevo ibid. num. 13. & duob. seqq. Vallens. hic §. 12. nu. 7. Pirh. nu. 153. Unde quoad hoc inter Judicem à quo & ad quem diversitas est; & ratio diversitatis est, quia Judici à quo per Appellationem sit præjudicium, cum per eam ipsius Jurisdictio suspendatur, & sæpe frustratorie appelletur ad differendam causam; contra Judici ad quem nullum sit præjudicium. igitur Judex à quo merito potest Appellationi prosequendæ brevior terminum præfigere, ut sic fraudibus obvietur; nulla autem est ratio id concedendi Judici ad quem, nisi ille casu, quo commodum publicum illud exigit, vel periculum animarum imminet. Eadem est ratio de termino dato à Judice à quo: nam neque hunc Judex ad quem abbreviare potest; quia indultum à Jure beneficium nemini est auferendum, nisi ex dilatione imminet periculum Reip. vel animæ. Abb. Pirh. l. cit.

Dub. 5. an tempus, prosequendæ, vel finiendæ Appellationis statutum, prorogari, vel extendi possit? Resp. distinguendo inter terminum à Jure datum, & datum ab homine. Terminum datum ab homine prorogare potest Judex, qui illum dedit, modò is lapsus nondum sit, & prorogatio non fiat ultra terminum à Jure datum. Rota decis. 35. alias 384. in antiquis, Decius in c. personas 4. h. tit. Vallens. hic §. 12. n. 6. Ratio est, quia quamdiu decurrit, is in ejus est potestate, & ad illum perdurat Jurisdictio. Quoad terminum datum à Jure convenit inter DD. cum neque à Judice à quo, neque ab Appellante prorogari, atque extendi posse; nam ita expressè statuitur c. oblata 57. circa med. h. tit. Gloss. ibid. in Cas. in Notat. Imol. n. 5. Pirh. n. 156.

An verò utriusque, & Appellantis, & Appellati consensu his terminus prorogari possit, controversia est inter DD. Negat Abb. in c. ex ratione 8. h. t. n. 8. cum non paucis aliis. Fundantur 1. c. oblata cit. ubi expressè habetur, quod terminus prosequendæ Appellationis præveniri possit, seu abbreviari, sed non prorogari. 2. l. nemo 3. C. de temp. Appellat. ubi dicitur, quod Appellatio introduci debeat intra tempus statutum. 3. paritate triennii ad causam principalem in prima instantia finiendam præscripti, cujus prorogatio partium consensu etiam cum Iuramento, & per viam Compromissi fieri nequit secundum Gloss. in l. properandum 13. V. triennii C. de Judic.

Verum his non obstantibus, verior esse videtur affirmativa sententia, sc. tempus exercendæ, & prosequendæ Appellationis per expressum consensum partium prorogari, atque augeri posse, ita; ut v. g. Instantia Appellationis duret quadriennio, vel longiore tempore. Ita Felin. in c. 8. h. tit. nu. 2. Scaccia de Appellat. q. 15. art. 3. num. 165. Gaill. l. 1. obs. 141. nu. 6. Vall. §. 14. num. 5. & seqq. Pirh. hic num. 167. Vviestner num. 116. & colligitur ex Clem. quamdiu 4. h. tit. Auth. sitamen, & l. fin. §. ult. C. de temp. Appell. ubi partes, ut nullum fatale observetur, pacisci permittuntur. Ratio est, quia terminus



nus appellationis prosequendæ datus est in favorem partium, quæ proinde mutuo consensu huic suo favori renuntiare possunt.

Neque obstant Argumenta allata in oppositum. *Ad 1. cap. oblata citat.* prohibet solum prorogationem termini factam à iudice, vel appellante solitariè, non vero factam utriusque appellantis, & appellati consensu: unde quoad hanc standum est *Clem.* & cæteris textibus allegatis. *Ad 2. l. nemo cit.* loquitur de reparatione temporis lapsi, non autem de prorogatione, quæ fit durante tempore: prior non permittitur etiam consensu partium; permittitur autem posterior. *Ad 3.* negatur paritas; nam precepta instantia causæ principalis cursu triennii, solum pereunt acta iudicii, sed jus partis ad denuo agendum manet integrum: at vero precepta secunda instantia, seu finita causa appellationis, totum jus appellantis corrumpit, & sententia iudicis à quo transit in rem judicatam, eique stare appellans cogitur, etsi iniqua sit. igitur merito permissum est, ut tempus Fatalium appellationis prosequendæ consensu partium prorogari possit ob præjudicium alias irreparabile.

## 6. VII.

*De Officio utriusque Judicis, à quo, & ad quem appellatur.*

## S U M M A R I U M.

- 91 92 93 Cui Appellationi Judex à quo deferre debeat?  
 94 95 96 Quod sit officium Judicis à quo, postquam appellationi detulit?  
 97 98 99 Quod sit officium iudicis ad quem?  
 100 101 102 Quando iste Judex à quo inhibere possit, ne procedat in causa, & ne sententiam exequatur?  
 103 Cui imponere onus probandi Judex ad quem in causa appellationis debeat?  
 104 Quid possit Judex ad quem in tertium, contra quem non est lata sententia, vel in aliis causis, quæ causam appellationis non tangunt?  
 105 An Appellans pœnitere, & Appellationi renuntiare possit?  
 106 107 An si litigans coram suo Iudice non appellavit ab Interlocutoria, postea vero appellavit à definitiva, Judex Appellationis possit revocare Interlocutoriam?

91 **Q**Uæritur 1. cui appellationi iudex à quo deferre debeat? Resp. regulariter tenetur deferre cuilibet appellationi *l. iudicibus 24. Cod. hoc titul.* alioquin, si non deferat, quando ex iusta causa est interposita, appellans nihilominus adire Superiorem, & coram eo appellationem, perinde ac si recepta esset, prosequi potest: adversus ipsam autem Judicem proceditur ad pœnam jure taxatam, non tamen, antequam finita sit causa; nam fortè appellans causa cadet, & sic ex ipso exitu litis colligetur, Judicem iustè appellationi non detulisse. *Vall. hic §. 11. num. 1.*

92 Porro pœna, dum appellationi sine iusta causa non desert, alia Iudici statuta est juri civili, alia jure Canonico. *Jure Civili antiquo*, si causa civilis sit, punitur pœna 30. librarum auri; si vero criminalis, arbitraria *l. quoniam 21. Cod. hoc tit.* Novissimo autem jure sustinetur damnum litis, & præterea decem libris mulctatur *Novell. 126. c. 3. Jure Canonico* Appellationi, saltem ad Papam, non deservens deponitur *can. decreto 11. §. si autem junct. Gloss. V. submotus caus. 2. quæst. 6.* vel arbitraria pœna in eum proceditur à superiore, ad quem est remittendus *c. de Priore 31. hoc tit.* Durand: *Specul. tit. de Appell. num. 1.* Marant: *de Ord. judic. p. 6. tit. de Appell. 399.* Vallens: *hic §. 11. num. 1. & 2.* Pirhing *numer. 174.* Vieft: *num. 92.*

93 Excipiuntur tamen casus illi, quibus appellatio est jure prohibita; his enim, & generaliter, quando cumque frivole, & frustratoriè interponitur, non deservens iudex appellationi, eaque insuper habita in causa procedens nulli pœnæ obnoxius est, cum tali appellationi deferre non teneatur *c. suggestum 15. hoc tit. & c. cum appellationibus 5. eodem in 6.* ne quod ad defensionem, & grava-

Schmalzgrueber Tom. II.

minum remotionem injustè oppressis indultum est remedium, ad innocentiam, & justitiam opprimendam convertatur.

Si dubia sit appellandi causa, an sit legitima, videndum, an appellatum sit à sententia definitiva, an ab interlocutoria. *Si à Definitiva*, Judex à quo deferre appellationi debet propter reverentiam superioris iudicis. *Abb. in c. debitus 59. hoc tit. num. 30.* Vallens: *hic §. 11. num. 7.* Pirhing *num. 174.* quia sententia, priusquam transit in rem judicatam, non magis habet pro se præsumptionem justitiæ, quam injustitiæ, sed pender ab eventu, utrum iusta vel injusta pronuntietur. *Si ab Interlocutoria*, quamvis satius sit, ut Judex à quo appellationi deferat, non tamen tenetur ei deferre, sed potest, non obstante appellatione ab Interlocutoria, in causa progredi, quamdiu per Judicem, ad quem provocatum est, ei non fuit legitime facta inhibitio *c. cum appellationibus 5. & c. non solum 7. hoc tit.*

Quæritur 2. quod sit Officium Judicis à quo, postquam appellationi à se interpositæ detulit? Resp. 1. debet appellanti petenti exhibere, & tradere Apostolos: & hoc ita verum est, ut si Judex requisitus eos non tradat, sed in ipsa causa procedat, Processus non valeat, sed retractandus sit per Judicem appellationis, uti constat ex *c. ut super 4. hoc tit. in 6.* & tradunt *ibidem Vivian. in ration. Franc. n. 5. limit. 2.* Pirh. *hic n. 140.* Ratio est, quia injustè negando Apostolos parti eos petenti, eandem gravat, & præsumptionem facit, quod ipse malo animo procedat, appellatio autem sit legitima. *Excipitur*, nisi appellationi sit renuntiatum expresse, vel tacite *cap. ut super cit. & Gloss. ibidem V. renuntiatum*; nam Apostoli traduntur in favorem appellantis; favori autem pro se introducto quilibet renuntiare potest.

2 Si appellatio sit acceptata ab appellato seu adversario, & ipse velit, ac petat, ut tota causa instructa ad iudicem appellationis mittatur, Judex à quo appellanti acta iudicii, seu Coptam eorum iudiciali suo Sigillo ob signatam exhibebit, quæ ad Judicem appellationis deferantur *l. is apud 2. Cod. de edend.* Quod si vero Judex à quo illa edere recuset, mandatis pœnalibus per iudicem ad quem compelli ad istud potest. *Gaill. l. 1. obf. 132. n. t.* Pirhing *hic n. 186.* Dixi, si sit acceptata, & petitur &c. nam si aut acceptata non est, aut non petitur, ut causa in Curia iudicis appellationis agatur, tunc satis est, si appellans sine actis veniat, vel Procuratorem mittat ad litteras Delegationis impetrandas *c. Nicolao 64. c. interposita 70. §. eadem quoque hoc tit. Innoc. in c. 1. V. petierit post n. 5. hoc tit. in 6.*

3 Si appellans moras trahat in prosequenda appellatione, potest Judex à quo eundem compellere, ut intra terminum ipsi præfixum vel appellationem prosequatur, vel coram se juri pareat *cap. adhuc 27. hoc titul.* Ratio est, quia qui appellationem intra tempus debitum non prosequitur, censetur non appellasse; is autem, qui non appellavit, vel non legitime recedit à Iudice, qui causam cognoscere debet, sententiæ illius parere cogitur, ergo &c. *Excipitur*, si Judex à quo sive Ordinarius, sive Delegatus, ut suspectus recusatus fuerit; tunc enim vel partes possunt eligere Arbitrum, qui de causa suspicionis cognoscat, eamque dirimat; vel potest ipse Judex recusatus compellere partes, ut Judicem eligant, cui ipse vices suas, seu causam committat *capit. adhuc cit. Abb. ibidem num. 3.* Alex. *num. 6.* Vivian. *in ration. Pirhing hic n. 180.*

Quæritur 3. quod sit Officium Judicis ad quem? Resp. 97 ante omnia debet cognoscere, an iusta fuerit causa appellandi: de quo priusquam cognoscat per se, vel per alium non suspectum, non debet, nec potest causam appellationis examinandam remittere ad Judicem, à quo est appellatum, nisi pars, quæ appellavit, consensiat *cap. accepta 35. hoc tit.* Ratio est, quia præsumptio, & periculum est, ne Judex, à quo ob gravamen appellatur, iterum grave. Proceditque hoc etiam casu, quo Judex à quo successit in locum Judicis ad quem defuncti, vel ab officio suo remoti; nam neque tunc Judex, à quo appellatum est, de causa appellationis potest cognoscere, si altera pars adversa repugnet, sed opus erit, ut alii personæ non suspectæ causam deleger, ut tradit Gloss. *in l. eos qui 6. V. provocatum junct. Gloss. marg. lit. C. Cod. hoc tit.*

Devolutionis articulo discussio, interest, an bene appellatum, 98



latum, malè judicatum Superior pronuntiavit, an contra pronuntiavit malè appellatum, bene judicatum. Si primum, de causæ, tanquam per Appellationis viam ad se legitimè devolutæ, meritis ipse cognoscet, eamque secundum ista terminabit per sententiam definitivam *l. eos qui cit.* quam etiam, nisi illa per Appellationem denuo interpositam suspendatur, mandabit executioni. *Proceditque* hoc, etiamsi appellatum sit tantum à sententia interlocutoria ante definitivam; nam eo casu, si legitimè appellatum sit, Judex ad quem cognoscere potest non tantum de articulo, à quo appellatum est, sed etiam de causa principali, nec remittere illam ad Judicem priorem debet *l. eos qui cit. princ. Gloss. in c. ut debitus 59. V. alioquin h. tit. Barb. ibid. n. 7. Gaill. l. 1. obs. 131. n. 1. Vviesl. hic n. 98.* Ratio est, quia ad eum, qui semel gravavit, causa remitti non debet, cum præsumatur etiam impofterum gravare velle.

99 Si secundum, & Judex ad quem pronuntiet malè appellatum, bene judicatum distinguendum, an appellatum sit à sententia definitiva, an ab Interlocutoria. Si à Definitiva, eandem confirmabit, atque etiam exequetur, ut dictum est *Tit. 27. n. 96. Si ab Interlocutoria*, appellante in expensis condemnato, causam remittere debet ad Judicem priorem, præcipiendo appellanti, ut non obstante tali Appellatione, ipsi obtemperet, ut deciditur *c. cum in Ecclesia 38. c. ut debitus 59. h. tit. & c. Romana 3. §. fin. eod. in 6. ut ubi Judicium cæptum est, ibi & finem accipiat l. ubi 30. ff. de Judic. Excipitur, nisi Judex à quo derulerit Appellationi, est iniquæ, & frivolæ; tunc enim non tenetur Judex ad quem causam remittere, quamvis possit, si velit, prout constat *ex c. cum Appellationibus 5. h. t. in 6.* Ratio est, quia Appellationi illegitimæ deferendo Jurisdictionem in illa causa à se abdicavit. Porro hæc, quæ de Appellatione ab Interlocutoria frivole interposita hic dicta sunt, tantum procedunt Jure Decretalium; nam Jure novissimo *Trid. sess. 24. c. 20. de reform.* Appellationes ab Interlocutoria prohibentur recipi, nisi vel vim definitivæ habeant, vel gravamen per Sententiam definitivam non reparabile inferant, ut dictum est *n. 19. supra.**

100 Quæritur 4. quando Judex ad quem inhibere Judici à quo possit, ne procedat in causa, & ne sententiam exequatur? Resp. ut hoc possit, debet 1. constare, quod appellatum sit, & quidem legitimè, infra debitum tempus, & cum cæteris requisitis, ut statuitur *c. Romana 3. §. si verò 3. h. tit. in 6. & notat ibid. Gloss. V. ne in causa, & V. sententia. Pirh. hic n. 207.* Ratio est, quia prius constare debet de potestate Jurisdictionis, quam ad illius exercitium procedatur; non autem devolvitur Jurisdictio à Judice à quo, ad Judicem ad quem, nisi constet legitimè esse appellatum, ergo &c.

101 2. Debet prius constare Judici ad quem, quod Appellatio ex legitima, & vera causa sit interposita *c. Romana cu. §. quodsi 4.* Discrimen tamen est inter Appellationem interpositam à Sententia definitiva, & inter eam, quæ interposita est ab Interlocutoria, vel à gravamine ante sententiam definitivam; nam si appellatum sit à Definitiva, potest Judex ad quem statim, cum post receptam Appellationem partes citat, simul etiam inhibere Judici à quo, ne ad executionem procedat: at si appellatum sit ab Interlocutoria, antequam inhibeat Judici inferiori in causa procedere, causa appellandi debet prius esse probata & justificata, & quidem in præsentia partium, ut rectè Pirh. hic n. 208.

102 3. Constari Judici debet, an Appellatio facta sit in casu à Jure prohibito, vel non; plurimum enim istud refert ad appellandum. Vel enim constat appellatum esse in casu à Jure prohibito, vel constat è contrario appellatum esse in casu à Jure non prohibito, vel dubium est de hoc. Si primum, non est admittenda Appellatio, & cons. neque inhibendum Judici, à quo, ne ad executionem procedat. Excipitur, nisi causa rationalis, & justa expressa fuerit in Appellatione; tunc enim illa admitti deberet, & executio sententiæ suspendi. Pirh. n. 210. Si secundum, repetenda est distinctio *n. præc.* inter Appellationem à sententia definitiva, & interlocutoria; nam si appellatum sit à sententia definitiva, hoc ipso, quod constet appellatum esse intra debitum tempus, statim Judex Appellationis absque prævia cognitione, an Appellatio recipienda sit, potest inhibere

Judici à quo, ne sententiam exequatur. Secus, si ab Interlocutoria; tunc enim, ut *n. cit.* dictum est, cognosci prius debet de veritate causæ appellandi. Si tertium, Judex ad quem ante omnia de veritate causæ cognoscere debet, & prout cognoverit justam, vel non justam esse, sententiam ferre, appellanti vel ad Judicem à quo remittendo, vel audiendo. Pirh. n. 211.

Quæritur 5. cui imponere onus probandi Judex ad quem in causa Appellationis debeat? Resp. distinguendum inter ea, quæ pertinent ad præparatoria Judicii, quæ atque ad ipsum Processum, & denique quæ spectant ad merita causæ principalis, nam secundum horum diversitatem diversa à diversis probari debent.

1. Enim, quod attinet ad Præparatoria Judicii, seu Processus Judicialis, appellans coram Judice ad quem probare debet, se legitimo tempore appellasse, atque ex causa rationali: & hinc, ut Joan. Andr. & cum ipso Alex. c. 38. n. 5. h. tit. advenit, appellans tenetur producere Appellationem, & ipsam Sententiam, à qua appellavit, ut constet, an legitimè appellaverit.

2. Quod attinet ad Processum Judicii, si pars altera, sive reus dicat aliquid omisum esse, v. g. se non esse citatum, vel sententiam latam fuisse, sine causæ cognitione, tum id probari debet ex Actorum inspectione, quæ Judex inspicat *l. is apud 2. C. de edendo.*

3. Quod ad merita causæ principalis spectat, is, qui in prima instantia Judicii directè per testes, vel instrumenta debuit probare, idem quoque in secunda, seu Appellationis instantia debet producere probationes sive novas, sive ex prioribus actis de promptas. Bartol. in *l. hi qui 7. n. 4. C. h. tit. Abb. in c. per tuas 58. h. tit. n. 6. Alex. ibid. n. 22. cas. 4. & 5. Pirh. hic n. 202.*

Quæritur 6. quid possit Judex ad quem in tertium, contra quem non est lata sententia, vel in aliis causis, quæ causam appellationis non tangunt? Resp. de his sequentia sunt advertenda. 1. tertius interveniens non per hoc subicitur Jurisdictioni Iudicis ad quem, sed coram Iudice suo immediato conveniri debet. Gloss. in *c. Romana 3. §. in alium 6. V. eod. h. tit. in 6.* quia res inter alios acta aliis non præjudicat *c. cum super 17. de sent. & re Judic.* Hinc Judex ad quem illum tertium etiam citare nequit, excepto casu, quo tertius ille Jurisdictionem ipsius turbare vellet; tunc enim illum citare posset: & ratio est, quia Iudex omnia potest, sine quibus Jurisdictionem in causa, de qua cognoscere potest, commodè exercere nequit *c. praterea 5. de Offic. Deleg.*

2. Ipse appellans in aliis causis Jurisdictioni Iudicis sui Ordinarii subiectus manet: ac proinde de his coram isto, non coram Iudice Appellationis conveniri debet *c. Romana cit. §. cum verò 7. Resp. aliqua causa.* Ratio est, quia Appellatio non eximit appellantem à Jurisdictione Iudicis à quo, nisi in ea tantum causa, super qua appellatum est *c. proposuit 24. h. tit.*

3. Si Episcopus in appellantem promulgaverit sententiam Excommunicationis, & aliarum Censurarum, Judex ad quem revocare illas non potest, aut irritas declarare, nisi vocatis partibus, prius cognoverit, num Appellatio sit legitima, vel non *c. Romana cit. §. sententias 9.* Ratio est, quia ad Iudicem ad quem devolvitur Jurisdictio primum, quando constat, quod legitima sit Appellatio.

Quæritur 7. an appellans pœnitere, & Appellationi renunciare possit? Certum est renunciare posse Appellationi interponendæ; quia potest ea omissa subicere se sententiæ, & sic facere, ut ea transeat in rem judicatam.

An interposita renunciare, & ad inferiorem Iudicem redire valeat, adversario invito, & contradicente, difficultas est: quæ solvi ope distinctionis potest: Velenim res adhuc est integra, vel per acceptionem Appellati res integra esse desit.

Si hoc secundum, non potest appellans ab Appellatione recedere in præjudicium Adversarii, & invito Appellato; quia Appellatio tunc censetur utrique parti communis. Abb. in *c. interposita 70. §. ille denique h. tit. n. 4. Alex. ibid. n. 2. Gaill. l. 1. obs. 122. n. 8. Hunn. in Treutler. D. 3. q. 24. Pirh. hic n. 191. Vviesl. n. 101.*

Si primum, & Appellatio nondum est acceptata ab Adversario seu Appellato, renunciare Appellationi potest appellans,



pellans, adeoque si consentiat, vel petat causam remitti ad Judicem à quo, jure ad hunc sit remissio §. *ille denique cit. & l. si quis 28. Cod. eod.* Ratio est, quia quod ad Judicem à quo Appellatio remitti non debeat, priusquam constet male appellatum esse, statutum est in favorem appellantis tantum; favori autem pro se introducto quilibet renunciare potest. Neque appellatus eo casu contradicere potest; quia Judicem à quo suspectum habere non potest, quippe qui proprio tulit sententiam.

Condemnatur tamen hoc casu Appellans Appellationem revocans Adversario in expensas; quia censetur temere appellasse, & malitiosè traxisse Adversarium ad Judicem Appellationis. Hinc ut liber sit à solutione expensarum, non tantum ipse, sed etiam Adversarius consentire debet in remissionem causæ ad Judicem à quo, ut rectè advertit Pirhing *hic n. 191.*

106 Quæritur 8. an si litigans coram suo Judice non appellavit ab Interlocutoria, postea vero appellavit à definitiva, Judex Appellationis possit revocare Interlocutoriam, & gravamen per illam illatum reparare? Resp. distinguendo: Vel enim sententia Interlocutoria talis est, quæ negotio, seu causæ principali præjudicet, & reddat processum retro nullum, vel talis est, ut præjudicium negotio principali nullum afferat.

Si primum, Judex Appellationis revocare, & emendare gravamen per eam illatum potest, licet gravatus intra decendum post eam laram appellare intermiserit. Si secundum, Judex Appellationis non potest hujusmodi Interlocutoriam, vel gravamen per illam illatum, vi Appellationis à definitiva postea interpositæ revocare, vel emendare, prout statuitur *cap. fin. hoc tit. in 6.*

107 Ratio primi membri est: quia si talis Interlocutoria per Appellationem à sententia definitiva revocari, & emendari non posset, non posset ipsa causa principalis bene expediri, & nihil prodesset à definitiva appellasse. Accedit, quia per talem Appellationem à definitiva ad Judicem Appellationis devolvuntur omnia, quæ prius acta sunt, cum acta sint in finem definitivæ sententiæ, igitur sicut definitivam revocare, & corrigere Judex Appellationis potest, ita etiam acta ob finem definitivæ sententiæ. Ratio secunda sumitur per Argumentum à sensu contrario; cessat enim in tali casu causa, ex qua permittitur revocare, & corrigere interlocutoriam ob Appellationem à definitiva.

Hinc consultum est, ut bene monet Pirhing *hic n. 216.* ut partes litigantes coram Judice primæ Instantiæ plene jura sua deducant, petantque probationes, & exceptiones integrè recipi, & in Actis describi; nam hoc casu, si altera pars à sententia lata appellet, & coram Judice Appellationis nihil novi afferat, is, contra quem appellatum est, non tenetur ulterius ad articulos respondere, sed ad Acta prioris Judicii referre se potest.

## §. VIII.

De effectibus Appellationis, &amp; Attentatis post illam.

## S U M M A R I U M.

- 108 Effectus appellationis duplex est, suspensivus, & Devolutivus.  
 109 110 111 112 An semper operetur utrumque effectus?  
 113 In quibus causis per Appellationem suspendatur jurisdictione Judicis à quo?  
 114 An Judex, à quo in una causa est appellatum, tanquam suspectus idcirco recusari possit quoad alias.  
 115 116 117 118 Quenam judex à quo possit circa ipsam causam, à qua est appellatum, quin vitium Attentati incurrat?  
 119 120 121 Quid requiratur, ut revocari possint, & debeant Attentata?  
 122 123 Quenam Attentatorum nomine sint revocanda?  
 124 An Attentatorum remedium locum habeat etiam in extrajudiciali Appellatione?  
 125 Discrimen triplex inter Appellationem judicalem, & extrajudicalem.

126 127 128 Quæ sint privilegia vi Attentatorum committentia?

129 Quando, quomodo, & coram quo Judice peti revocatio Attentatorum possit?

Quæritur 1. quis sit effectus Appellationis à sententia definitiva legitime interpositæ? Resp. duos celebres effectus habet, quorum unus devolutivus, alter Suspensivus dicitur.

Devolutivi effectus vi id operatur Appellatio, quod causa, super qua appellatum est, ejusque cognitio cum omnibus accessoriis ab inferiore judice devolvatur ad superiorem, ad quem est provocatum, & huic tribuat jus, ac potestatem de causa cognoscendi *c. dilectis 55 & ibi Glossa V. principale, cap. ut debitus 59. in fin. & ibi Glossa V. alioquin hoc tit. cap. Romana 3. § si vero 3. eod. in 6.*

Suspensivi vis in eo consistit, quod per eam suspendatur Jurisdictio Judicis à quo, ita, ut sententiam à se latam, pendente Appellatione, executioni mandare non possit, sed in eo statu omnia relinquere debeat, in quo statu fuerunt tempore Appellationis interpositæ *c. directa 39. hoc tit. c. venientes 19. princ. de iurejur. l. un. ff. nih. innovar. appell. interpos. l. accusatorum 1. §. fin. ff. ad S. C. Turpill.*

Addi his potest effectus tertius, Remedium Attentatorum; quo revocari debent non tantum ea, quæ pendente Appellatione innovata sunt, sed etiam illa, quæ attentata sunt ante interpositionem Appellationis post sententiam latam intra tempus decendii *c. non solum 7. princ. hoc tit. Attentata* dicuntur; quia, quæ ita facta sunt, non valent ut verè facta, sed habentur tanquam conatus ad faciendum imperfecti, sive tentata, nam fieri possent. Pirhing *hic n. 245.*

Quæritur 2. an semper Appellatio operetur effectum tam suspensivum, quam devolutivum? Resp. negative; nam interdum non habet effectum suspensivum, sed devolutivum tantum: idque in duplici maxime casu. Unus est, si appelletur à sententia nulla; nam per talem Appellationem sententia prioris Judicis non suspenditur, quippe quæ omnino non subsistit, & nullius roboris est, devolvitur tamen causa ad Judicem superiorem, ad quem est appellatum; & hoc sensu dicitur appellari posse à sententia nulla. Abb. in *Rubr. hoc tit. num. 5. & in cap. dilecto 63. eod. num. 8. Sylv. V. Appellatio num. 1. Pirhing hic n. 237.* Alter, quando appellatur à sententia censuræ Ecclesiasticæ; nam hæc per Appellationem subsequentem non suspenditur, si sit absolute inflata (quia statim ligat, cum trahat secum executionem *c. ad hac 37. c. pastoralis 53. §. verum hoc tit. & c. is cui 20. in fin. de sens. excomm. in 6.*) causam tamen transfert ad superiorem, ad quem est provocatum. Ita cum citi. Glossa in *c. ad hac citat. V. interdictum*, Barbosa *ib. n. 5. Gonz. n. 3. Vvictner n. 3.*

Dixi, Si sit absolute inflata; nam si lata solum sub conditione sit, multum refert, an lata sit ante conditionis eventum, an verò ea impleta. Si hoc secundum, censura effectum suum statim consequitur; quia transit in absolutam, & secum trahit executionem, ita, ut ab illa appellari nequeat etiam intra decendum §. *verum cit. Suarez D. 2. de censur. sect. 6. n. 4. Pirhing hic num. 234.* Excipitur, nisi censura lata sit sub conditione ipsius Appellationis, & Judex dicat, Si appellaverit, sit excommunicatus; tunc enim, cum ante Appellationem non incurrat excommunicatio, post Appellationem autem suspensa sit Jurisdictio Judicis, qui sententiam ita conditionatam tulit, etiam appellet, excommunicationem non incurrit. Abb. in *c. præterea 40. hoc tit. n. 15. Sylv. V. excommunicatio 2. nu. 16. Pirhing hic n. 236.* saltem attenta propria significatione verborum, & nisi aliter præsumi possit ex mente excommunicantis, quod intendat ligare censura etiam ante actum Appellationis perfectum.

Si primum, sententia censuræ per Appellationem sic interpositam suspenditur, ita, ut non contrahatur, si ve conditio, sub qua lata est, servetur, sive non servetur, prout deciditur, *c. præterea 40. cit. & ratio est*, quia non potest quis censuram incurrere, nisi obligetur sententia, seu præcepto exequendi id, quod sub censura ipsi præcipitur. Atqui appellans à censura sub conditione lata non obligatur præcepto, seu sententia Judicis,



dicis; si enim obligaretur, obligaretur vel ante conditionis eventum; & hoc fieri non potest, cum ab eisdem eventu pendeat sententiæ obligatio; vel post eventum, & tunc per Appellationem prius factam Jurisdictionis Judicis, seu excommunicatoris jam fuit suspensa, adeoque etiam sententia censuræ. *Neque obstat*, quod aliàs dispositio conditionalis, impleta conditione, retrahatur ad tempus; quo facta est, ut proindeidem sit, acti ab initio sine conditione fuisset facta; nam retractio hæc solum fit, quando disponens id vult, aut velle potest, aut saltem debet. At in nostro casu Judex, qui censuram infligit sub conditione e. g. si Titius intra 20. dies non satisfecerit, vel restituerit, non vult, nec velle potest, ut impleta conditione sententia censuræ retrahatur ad tempus, quo lata est; nam censura inferri non potest, nisi præcedat transgressio, vel contumacia, quam non incurrit ante 20. dies elapsos, & à Judice sibi præfixos.

112 Procceditque hoc, etiam si à sententia censuræ sub conditione lata appellatum sit post elapsos 10. dies; nam modo conditio adhuc pendens sit, & nondum impleta, per Appellationem interpositam suspenditur censura. Gloss. in *c. præterea cit. V. impedire Covar. c. in Alma p. 1. § 10. n. 4. Suar. D. 3. de censur. sect. 6. n. 4. Pirhing hic n. 234. & constat ex *c. præterea cit.* nam ibi absolute, & indefinite dicitur, *medio tempore* inter latam sententiam & eventum conditionis appellari posse, ita, ut censura non incurritur. *Ratio est*, quia qui præcipit aliquid sub censura incurrenda, nisi id fiat, quod præcipit, pendente conditione continuè gravat, & ideo semper à tali gravamine appellari potest, etiam post tempus præfixum ad appellandum, donec impleatur conditio. *Neque obstat*, quod ab aliis sententiis sub conditione latis appellari nequeat, nisi intra decendium *l. siquidem 1. §. biduum 5. ff. quand. appelland.* Disparitas est insinuada *n. præ.* quia scilicet in aliis sententiis eventus conditionis retrahitur ad tempus, quo sententia lata est, acti ab initio fuisset absolute lata; quod secundum dicta *num. cit.* fieri non potest in censura sub conditione lata.*

113 Quæritur 3. in quibus causis per Appellationem suspendatur Jurisdictio Judicis à quo? Resp. in ea solum causa, in qua appellatum est; nam in aliis ab ea diversis tam criminalibus, quàm civilibus causis Judex a quo contra appellanrem procedere permittitur *c. præterea 22. & c. proposuit 24. hoc tit.* Ratio est, quia per Appellationem appellans non eximitur à jurisdictione Judicis ordinarii, nisi in ea causa tantum, in qua appellatum est *c. cum teneamur 17. hoc tit. & Glossa in c. proposuit cit. V. in aliis.*

114 Dubium est inter DD. an Judex, à quo in una causa est appellatum, tanquam suspectus idcirco recusari possit etiam quoad alias. Affirmant Glossa in *c. proposuit cit. V. non debet.* Marant. de ordin. judic. p. 6. tit. de Appell. n. 61. propter textum *c. proposuit cit. & c. ad hæc 6. hoc tit.* Negant Abb. in *c. proposuit cit. num. 2. & Felin. ibid. n. 1.* propter non minus claram Rubricam; & *l. un. ff. apud eum, à quo appellatur, aliam causam agere compellendam.* Mediam viam invenit Bartol. in *l. un. citat. & recusatorem* hoc casu permissam esse negat de jure Canonico, de jure Civili affirmat concessam ob textum utriusque juris *citt.* Gonzal. in *c. ad hæc cit. num. 2.* cujus interpretationem approbat etiam P. Vviesner *hic n. 130. & 131.* in concordiam reducere nititur jus utrumque, dum ait neutro jure Judicem à quo, sola appellatione interposita, suspectum reddi, nisi sententiæ ab eo lata injustitia notoria sit, aut aliis indiciiis prodatur odium unius partis litigantium, amoris alterius. *Rationem* dant, quia Appellatio sola non est iusta causa offensionis, cum per ipsam Judici nulla injuria inferatur *l. & in majoribus 20. C. hoc tit. Conf.* quia si recusari posset tamquam suspectus, recusari posset vel ante Appellationis exitum, vel post illum. *Non ante;* quia adhuc ignoratur, an bene, vel malè sit judicatum, & sic imprudens suspicio offensæ est. *Non post;* vel enim postea pronuntiatur, malè fuisse appellatum, bene judicatum, vel contra bene appellatum, male judicatum. *Supremum,* ipsa causa appellationis ad Judicem a quo remittitur; & conf. non est ratio, cur in aliis causis recusetur. *Si secundum,* sæpe sententia reformatur, non quod Judex à quo imperitè, vel iniquè

pronuntiaverit, sed quod pars succumbens, omittis, quæ allegare debuit, jus & intentionem suam non satis probavit, & conf. iterum non est prudens offensæ suspicio.

Quæritur 4. quænam Judex à quo possit circa ipsam causam, à qua appellatum est, quin vitium Attentati incurrat? Resp. hic regulam generalem esse, quod Judici à quo circa causam, in qua appellatum est, liceant omnia, quæ Appellationem juvant, & ad faciliorem illius exitum tendunt, vel saltem non tendunt in illius præjudicium. Et hinc

1 Potest Judex à quo citare appellantem ad audientiam revocationem gravaminis, & tunc appellans tenetur coram ipsius Tribunali comparere; alioquin si non comparuerit, & Judex à quo in termino præfixo gravamen revocaverit, liberè potest in causa procedere, tanquam contra contumacem, perinde acti appellatum non fuisset *c. si à Judice 10. hoc tit. in 6.* Ratio est, quia tunc cessat gravamen; conf. etiam Appellatio, quæ effectus gravaminis est, cessare debet.

2 Potest pendente Appellatione præfigere terminum appellanti, inhibere partibus, ne interea quidpiam attentent, vel immurent, super ipsis Attentatis Ordine Judiciario summarie cognoscere, & quæ malè attentata, vel innovata sunt, revocare &c. *c. cum teneamur 17 hoc tit. Abb. ibid. n. 1. Vallenf. hic § 17. n. 6. Pirhing n. 222 & Canonistæ communiter.* Ratio est, quia hæc omnia ad faciliorem exitum causæ appellationis tendunt.

3 Licet post Appellationem legitime interpositam excommunicare Appellantem Judex à quo nequeat, potest tamen sententiam excommunicationis, vel alterius censuræ à se latam, non obstante Appellatione ab illa, denuntiare, & publicare appellantem excommunicatum, ut ab aliis vitetur; quia denuntiando nihil innovat, cum excommunicatio executionem post se trahat *c. Pastoralis 53. § verum hoc tit.* Item potest eundem privare fructibus sui beneficii, & distributionibus; quia ex quo exemptus est à communione Fidelium, & Ecclesiæ, non debet ex fructibus ejus alimentari. Abb. in *§. verum cit. n. 1. & 17. Vallenf. §. 17. cit. n. 4.*

4 Si excommunicatus, vel interdictus personaliter ob contumaciam, vel aliam causam, appellavit ad Papam, vel alium Judicem superiorem, potest eo non obstante, Judice à quo absolutionem petere, salva appellationis causa, eamque absolutionem Judex, qui excommunicavit, recepta prius sufficienti cautione, confettere potest, & debet, licet adversarius contradicat, & appeller, ne absolvatur *c. qua fronte 25. hoc tit.* Ratio est, tum quia per hujusmodi absolutionem ab excommunicatione factam ab eo, qui excommunicavit, non impeditur cursus appellationis; & sic nihil decedit adversario, contra quem appellatum est, cum huic sufficienter provideatur per cautionem de parendo juri: tum quia sic consulitur animæ ipsius excommunicati, ne, priusquam causam appellationis prosequatur, in excommunicatione extra communionem fidelium decedat; & in hoc etiam adversario prodest absolutio, ne interim vitetur: id autem, quod tendit ad faciliorem exitum appellationis, potest facere Judex à quo juxta dicta *n. 115.*

5 Potest Judex à quo, pendente Appellatione, in quibuscumque casibus procedere ad executionem suæ sententiæ. Et talis est 1. si appellatio sit manifestè frivola, modo ei non detulerit *c. cum appellationibus 5. hoc tit. in 6.* In notoriis; ideoque dicitur notorie criminiosum non esse audiendum *c. proposuit 24. hoc tit.* 3. in casibus, in quibus de jure appellare non licet *c. non solum 7. & ibi Glossa V. casibus eod. in 6.* 4. In casibus, ubi statuta, vel Jura concedunt paratam executionem, nisi appellans alleget justam aliquam causam, ob quam admitti debeat appellatio. Glossa in *c. Romana 3. § si autem eod. in 6.* 5. appellatio in possessorio non retractat executionem jure Civili *l. un. C. si de moment. possess.* Gloss. in *c. cum ad sedem V. interdictum de restit. spoliat.*

6 Potest innovatio fieri contra tertium, etiam super eadem re, si nihil interfit appellantis eam fieri, vel non fieri. E. g. si ex duobus correis debendi in solidum unus conventus, & condemnatus appellaverit, non obstante ea appellatione, alius conveniri, & adversus eum Judex aequè procedere potest *l. creditor 60. princ. ff. mandat.* quia res inter alios acta aliis non præjudicat. Gaill. lib. 1. obf. 144. num. 9. Vallenf. §. 17. num. 2.



118 Pendente Appellatione, potest possessor sui commodis suæ possessionis, eamque continuare; quia per Appellationem possessor ista non exiit. Vall. §. 17. cit. n. 3.

8. Judex à quo taxare potest expensas, ad quas condemnavit: quia tunc non censetur innovare, sed potius declarare pronuntiata. Vall. n. 6.

9. Partes possunt non proposita proponere, & non probata probare, atque exceptiones opponere, modò ramen actionem, & causam, coram Judice à quo propositam, respiciant, & ei connexa sint l. per hanc 4. C. de temp. Appell.

10. Denique Appellatione pendente, ea fieri possunt, quæ fieri poterant, pendente causa principali, modo si actus Judiciales sint, fiant à, vel coram Judice, qui quoad illos actus est hic & nunc competens. Vall. n. 3.

119 Queritur 5. quid requiratur, ut revocari possint, & debeant Attentata post Appellationem? Resp. hic distinguendum est inter sententiam definitivam, & Interlocutoriam. Si appellatum sit à sententia definitiva, vel Interlocutoria vim definitivam habente, sufficit, si fuerit appellatum legitime: unde si petens Attentata revocari, tria hæc probaverit, sc. esse definitivè pronuntiatum, esse appellatum, & postea attentatum, vel innovatum aliquid, audiri debet à Judice ad quem, & ante omnia revocari, quæ interim acta sunt: neque necesse est Appellationem esse justificatam, vel ut constet, aut proberetur causam appellandi veram, & legitimam esse.

120 At si appellatum sit ab Interlocutoria simplici, requiritur, ut Judici à quo à Judice Superiore canonicè inhibito sit, ne ulterius in causa procederet: ut verò inhibitiō hæc Canonica sit, præmittenda est justificatio Appellationis, seu ostendendum, quòd appellandi causa justa, & rationabilis fuerit, & sic causa ipsa per Appellationem devoluta ad Superiorem c. non solum 7. §. illa h. t. in 6. Gloss. ibid. V. ante definitivam, Franc. n. 5. Covar. pract. c. 24. n. 1. Pirh. h. n. 243. Vviesl. n. 133.

121 Ratio differentie istius est, quia per Sententiam definitivam finitur officium Judicis à quo, ejusque Jurisdictio statim, ubi à tali sententia appellatum fuerit, suspenditur, causæque rota ad Judicem ad quem devolvitur, sine ulla justificatione causæ appellandi. At verò in Appellatione ab Interlocutoria exprimenda est causa rationabilis, propter quam appellatur, eaque probanda est, ut suspensa sit Jurisdictio Judicis inferioris, à quo provocatum est.

122 Queritur 6. quænam Attentatorum nomine sint revocanda? Resp. hic iterum distinguendum est inter Appellationem à Sententia Definitiva, & inter Appellationem ab Interlocutoria. Si à definitiva, vel Interlocutoria definitiva vim habente appellatum sit, revocanda sunt omnia, quæ à tempore interpositæ appellationis, imò etiam ante illam intra decendum, quo appellari potuit, in præjudicium Sententiæ, & causæ Appellationis sunt innovata c. sollicitudinem 54. h. tit. Si verò appellatum sit à sententia Interlocutoria simplici, causa justificata, non omnia, sed ea tantum acta Judicis à quo revocantur, quæ post Canonicam inhibitionem sunt attentata. Franc. in c. non solum cit. n. 5. Laym. ibid. n. 3. Barbof. n. 3. Vviesl. hic n. 133. Excipitur, nisi Judex à quo Appellationi statim detulisset; cum enim eam admittendò à se abdicet Jurisdictionem, eaque tam super causa principali, quàm super articulo Appellationis in Superiorem transferatur, postea ab ipso acta in irritum revocanda erunt, quantumvis inhibitiō facta non sit. Gloss. in c. non solum cit. V. nisi Judex, Gaill. l. 1. obs. 144. n. 3. Pirh. hic n. 244. in fin. Vviesl. n. 133. cit.

123 Proceditque hoc, si à Judice, si à partibus aliquid attentatum sit. Joan. Monach. in c. cupientes n. 132. de elect. in 6. Vall. §. 1. 5. n. 9. hic Pirh. n. 249. Multum tamen refert, an Judex à quo, an verò partes, & quænam illarum attentet aliquid; nam si ipse Judex, aut pars appellata, pendente Appellatione, attentet aliquid, vel innovent, præterquamquòd acta revocari, & cassari debeant, etiam in expensis appellanti præstandis condemnantur. Si verò pars appellans, considerandum, an id, quod attentatur, sit immediatè contrarium Appellationi propriæ, an verò non. Si secundum. Attentata revocari debent. Si primum, non revocantur, sed

Appellationis favore privatur appellans; quia dum propria autoritate jus sibi dicit, Judicem appellationis contempsisse censetur, adeoque beneficio Appellationis indignum se reddit; frustra enim invocatur auxilium Legis, qui committit in Legem c. bone 23. de Elect. l. auxilium 37. in fin. ff. de Minorib. Vall. hic §. 15. n. 9. Pirh. n. 249. quin & attentatum aliquid contra primam Appellationem, censetur eidem renuntiasse, eamque deseruisse. Quare hoc casu sententia, à qua appellatum est, statim transit in rem judicatam, ita, ut Judex à quo, perinde, ac si appellatum non esset, ad executionem possit procedere c. cum sit 3. h. t. Neque hoc casu opus est, ut appellatus exhibeat Libellum, & petat sic attentata revocari, sed sufficit, si iis probatis, postulet, ut Judex Appellationis causam tanquam desertam pro executione ad Judicem à quo remittat. Gaill. l. 1. obs. 146. n. 11. & seqq. Vall. Pirh. l. cit.

Queritur 7. an Attentatorum remedium locum habeat etiam in Extrajudiciali Appellatione? Resp. affirmative; nam etiam hæc revocanda sunt, si appellatum sit legitime, ut colligitur ex c. bone 51. h. t. & notant ibid. Gloss. V. in eum statum, Abb. n. 10. & 19. Alex. n. 55. Pirh. hic n. 252. & 253. Vviesl. n. 134. Proinde si quis extra Judicium ex verisimilibus causis appellet, ne in possessione molesteretur, & postea spoliatur, ante omnia restituendus est in pristinum statum, in quo erat tempore Appellationis interpositæ, ita, ut per viam Attentati agere possit non tantum adversus attentantem, seu spoliantem, sed etiam adversus quemlibet siue malæ, siue bonæ fidei possessorem, & fructus percepti eidem restitui debeant, salvo manente utrique parti Jure proprietatis, prout sumitur ex cit. c. & notant DD. allegati. Ratio est, quia non solum Lex prohibet aliquid innovari pendente Appellatione, sed generaliter pendente lite c. à memoria 1. & c. seq. ut lit. pend. nih. innov. atqui Appellatio extrajudicialis, cum minimum sit provocatio ad causam, inducit litis pendentiam. Ergo &c.

Triplex tamen inter Appellationem Judicalem, & Extrajudicalem quoad attentata notandum discrimen est. 1. in Judiciali revocantur omnia Attentata, licet non sint directè contra Appellationem c. non solum 7. princ. h. tit. in 6. in Extrajudiciali autem ea duntaxat, quæ sunt directè contra Appellationem, & non alia. Vall. hic §. 15. n. 5. Pirh. n. 245. Vviesl. n. 135. & ab his cit. Ratio differentie est, quia Appellatio Judicialis, ut dictum est n. 98. etiam in uno articulo facta, in totum, & quoad totam causam suspendit Jurisdictionem Judicis: ideoque omnia revocantur; at verò Extrajudicialis non suspendit Jurisdictionem, ex quo extrajudicialiter proceditur, ideoque revocatur duntaxat, quod est in gravamen Appellationis, seu contra Appellationem. 2. Ut in Judiciali Appellatione Attentata revocantur, necesse est Appellationem esse intimatam Judici, & parti, nam alias Judex, & pars, si ignorent appellatum esse, possunt de Jure procedere in causa, nec revocantur tunc per eos Attentata; Secus in Extrajudiciali, in qua revocantur, licet non fuerit intimata Appellatio. Vall. n. 6. Pirh. n. 248. & plures alii. 3. Extrajudicialis Appellatio erga quemvis, etiam non Judicem, rendere potest, & conf. ea pendente, nihil innovari debet à parte, contra quam facta est Appellatio c. bone 23. de Elect. alioquin, quidquid actum est, revocabitur; Appellatio autem Judicialis propriè, ac directè tendit contra Judicem, ut is nihil interea mutet, indirectè verò etiam contra partem, ut nihil agat, per quod status mutetur c. cum teneamur 17. h. tit.

Queritur 8. quæ sint privilegia Remedio Attentatorum competentia? Resp. plurima sunt, estque remedium hoc longè proprius spoliato, seu turbato in sua possessione, quam Interdictum Unde vi. Nam 1. In Interdicto Unde vi, quia est instar actionis, Ordo Judicialis observandus est, nec sine Libello, litis contestatione, & aliis, quæ in Ordinariis Judiciis plerumque requiruntur, ad restitutionem pervenitur c. accedens 2. ut lit. non contest. at in revocatione Attentatorum, si notoria sint, non requiritur Ordo Judiciariorum, nec litis contestatione opus est, sed implorato officio mercenario de plano proceditur, cum sola citatione, & causæ cognitione, aliis solemnitatibus omittis Abb. in c. bone 51. h. t. n. 16. & 17. Alex. ibid. n. 22. Vall. §. 16. n. 3. Pirh.



Pirh. *hic n. 254. Vviesl. num. 137.* Imò Judex ex officio, parte non petente, & sic non jure actionis talia Attentata revocare potest; quia per illa plus ipse, quam pars læditur, & lex, prohibens aliquid lite pendente innovari, contemnitur. Gaill. *l. 1. obs. 146. n. 7.*

127 2. Interdictum pro solis immobilibus, & contra eum dumtaxat, qui spoliavit, spoliationem mandavit, aut eam suo nomine factam ratam habuit, ut *Tit. 13. a nu. 1.* dictum est, locum habet. At verò Remedium Attentatorum etiam pro mobilibus, & adversus quemcunque sive bonæ, sive malæ fidei possessorem datur, sive deinde res illæ scienter, sive ignoranter, sive per partem, sive per Judicem ad eum pervenerint *c. bona cit. c. ex parte 7. de testib. Vall. n. 5. Pirh. n. 254. cit. Vviesl. n. 138.* Ratio est, quia etsi spoliū sit gravior attentato, Attentatum tamen, ut *n. præc. dixi*, etiam Judicem, & quidem magis, quam partem offendit, Legisque prohibitionem resistit.

3. Intentans Interdictum probare debet possessionem, & spoliationem, *c. consultationem 10. de offic. deleg. agens autem via Attentati sufficit, si probet possessionem, abstrahendo, an vis intervenerit, vel non. Abb. in c. bona cit. n. 19. Pirh. Vviesl. l. cit.*

128 4. Agenti Unde vi opponi potest defectus notorius proprietatis *cap. fin. de rest. spol. in 6.* item exceptio alterius spoli *c. cum dilectus 2. V. sed quoniam, & cap. fin. de Ord. cognit.* neutrum autem obijci potest agenti remedio attentati. *Abb. n. 20. Vall. n. 1. Pirh. Vviesl. l. cit.*

5. Agenti Interdicto potest obijci exceptio Excommunicationis; quia pro ardore habetur: at in agente remedio Attentati distinguendum est, an appellaverit judicialiter, vel extrajudicialiter; nam si primo modo appellavit, Exceptio Excommunicationis ei non obest, cum hujusmodi Appellatio magis sapiat naturam defensionis; obest autem, si appelleret secundo modo, cum talis appellatio magis sit provocatio. *Decius cons. 200. col. fin. vers. secundo, Vall. num. 4. Pirh. Vviesl. n. 1. cit.*

6. Agens Interdicto in Beneficialibus, & similibus causis secundum communem multorum sententiam, ad instantiam partis, aut saltem Judici pro sua informatione ex officio petenti, exhibere aliquando debet Titulum coloratum: non verò via Attentati post Appellationem innovata revocans; nam in hoc remedio nulla requiritur prioris status iustitia, sed sufficit sola veritas, quod aliquid innovatum sit *arg. c. bona, & c. ex parte cit. & DD. hæcenus allegati.*

129 Queritur 9. quando, quomodo, & coram quo Judice non peti revocatio Attentatorum possit? Resp. *Ad 1.* peti potest in quacunque parte Judicii usque ad conclusionem in causa, non ultra. *Gaill. l. 1. obs. 146. nu. 10. Vall. §. 15. n. 7. Pirh. n. 248.*

*Ad 2.* Petuntur autem revocari dupliciter, aut implorato principaliter officio Judicis pro ipso revocatione, aut accessorie prosequendo sc. Appellationem. Et hoc casu, quamvis super Libello Attentatorum contestata his fuerit, si à causa principali separari queant, revocari ante sententiam definitivam poterunt; alias si talia sint, ut non possint rescindi, nisi per sententiam definitivam, ea expectanda erit, ut in casu *l. chirographis 57. §. ab eo 1. ff. de Administr. tutor. Gaill. l. cit. n. 8. Vallenf. num. 8.*

*Ad 3.* cognitio de revocatione Attentatorum post Appellationem pertinet ad Judicem Appellationis. Colligitur ex *c. sollicitudinem 54. h. tit.* & ratio est, quia qui de principali cognoscit, is etiam de accessoriis, seu connexis cognoscere debet; id enim juris est in accessorio, quod in principali *arg. reg. accessorium 42. in 6.* aui causa revocandi Attentata est accessoria causæ Appellationis, quippe ex illa dependens. Ergo &c. Ex quo sequitur, quod Judex inferior, sicut non potest cognoscere de causa Appellationis, ita nec de Attentatis post illam, si contingant articulum Appellationis. *Pirh. n. 255.*

## §. IX.

## De Recusationibus.

## S U M M A R I U M.

- 130 *Quid sit Recusatio?*  
 131 *In quibus conveniat cum Appellatione?*  
 132 *In quibus differat?*  
 133 *Quando proponi debeat?*  
 134 *Quomodo?*  
 135 136 *Quis Judex recusari possit?*  
 137 138 *Ex qua causa?*  
 139 140 *Quis de causa ista possit cognoscere?*  
 141 142 143 *Quod sit Officium Arbitrorum electorum in causa Recusationis?*  
 144 145 146 *Quid sit effectus Recusationis?*

Queritur 1. quid sit Recusatio Judicis? Resp. Recusatio est Judicis, vel Jurisdictioni ipsius, proposito causa suspicionis, declinatorio, eò, quod Judex ex causa verisimili suspectus sit. Colligitur ex *can. fin. caus. 3. q. 5. c. causam 17. & c. suspicionis 39. de offic. deleg. c. secundo 41. §. fin. h. tit. l. apertissimi 16. C. de Judic. & notar Durand. Specul. tit. de recusat. princ. Pirh. *hic num. 265. Vviesl. nu. 142.* Finis Recusationis est, ut lites majore sinceritate procedant; nam quodammodo naturale est suspectorum Judicum insidias declinare, & inimicorum Judicium semper velle refugere.*

Queritur 2. quomodo Appellatio, & Recusatio inter se conveniant? Resp. conveniunt maximè in tribus. 1. Quod sicut per Appellationem receditur ab audientia Judicis, ejusque Jurisdictio suspenditur, ita & per Recusationem, ita, ut Judex in causa, in qua recusatur, non possit ad aliquem actum procedere, & si processerit, processus sit nullus. *Marant. de Ord. Jud. p. 6. tit. de Appell. n. 24. Vall. hic §. 18. num. 1. Pirh. n. 266. Excipitur, si recusans post recusatorem consenserit in Judicem recusatum, vel coram eo comparuerit, nulla protestatione interjecta, quod velit sibi salvam manere recusationem.* 2. Sicut sine iusta, & probabili causa expressa non admittitur Appellatio ab Interlocutoria, ita nec Recusatio Judicis. *Gloss. in c. super eo 12. V. sicut Appellationi h. tit.* Ex quo sequitur, quod Recusatio similior sit Appellationi ab Interlocutoria, quam definitiva sententia; quia in hac non requiritur expressio causæ secundum dicta *nu. 59. supra.* 3. Sicut Regulares appellare possunt à correctione Superioris, si modum in hac excedat, ita eundem recusare, si ob passionem credatur excessurus in corrigendo, modò causa suspicionis sit manifesta. *Sanch. l. 6. moral. c. 8. n. ult.*

Queritur 3. quomodo Appellatio, Recusatio à se invicem differant? Resp. 1. non appellatur à Judice, nisi gravi; & tamen recusari potest, etiam si non graver. 2. Potest quis appellare à Judice, in quem consensit; non potest autem hunc recusare *cap. insinuante 25. de offic. deleg. & c. causam 14. de sentent. & re judic.* 3. Ab Officiali, seu Vicario Generali non potest appellari ad Episcopum; potest tamen coram hoc ille recusari *c. si contra 4. in fin. & ibi Gloss. fin. de Offic. deleg.* 4. Appellatio necessario fit ad alium, eumque majorem; non item Recusatio. *Gloss. cit. 5.* In eadem causa non licet tertio appellare, & tamen post secundam Appellationem licitum est Judicem recusare *l. un. C. ne lic. in un. ead. caus. &c.* 6. Addunt nonnulli, quod notorie delinquens non possit appellare, possit tamen recusare Judicem suspectum. Sed oppositum verius est, nempe quod in notoriis etiam non admittatur recusatio Judicis: quamvis admittatur Exceptio de incompetencia ejusdem; quia Judex incompetens semper censetur gravare, licet factum sit notorium.

Queritur 4. quando proponi debeat Recusatio Judicis? Resp. proponi debet intra dies 20. post Libellum oblatum ante litis contestationem *c. inter 20. de sentent. & re judic. l. apertissimi 16. ibi: antequam lis inchoetur junct. Gloss. V. eod. C. de Judic. Auth. offeratur Cod. de lit. contest. Ratio est, quia Exceptio recusatoria Judicis tanquam suspecti pertinet ad Dilatorias Exceptiones, quæ, ut *Tit. 25. num. 20.* dictum est, ante litis contestationem proponi debent. Imò hæc Exceptio ante alias Dilato-*



Dilatorias proponi debet, ut notat Gloss. in c. inter cit. V. subeundo: & ratio est, quia si super aliis dilatoriis subiret Judicium, in Judicem consensisse, adeoque Exceptioni Recusationis renuntiassse censeretur.

Excipitur 1. si post aliam Exceptionem Dilatoriam propositam, vel post lris contestationem causa suspitionis primùm supervenerit; nam quæ de novo emergunt, novo habent opus remedio l. de etate 11. §. ex causa 8. ff. de Interrog. in Jur. faciend. Excipitur 2. si causa suspitionis antea quidem extiterit, sed post lris contestationem primùm in notitiam Rei venerit; quia justa ignorantia excusat Reg. ignorantia 13. in 6. Excipitur 3. si super alia Dilatoria, v. g. Actorem esse excommunicatum, Judicium subeat cum protestatione, ut salva maneat Exceptio recusationis propter suspitionem c. pastoralis 4. & ibi Gloss. V. protestate de Except.

134 Quæritur 5. quomodo proponi debeat Recusatio? Resp. duo communiter requiruntur. 1. Debet proponi in scriptis, sive oblato Judici Libello Recusatorio l. apertissimi cit. ibi: Libello recusationis ei porrecto, Gloss. inc. secundo 41. V. coram eodem h. tit. Gaill. l. 1. obs. 33. n. 13. Vallenf. hic §. 18. n. 4. Pirh. n. 271. Vviesl. n. 144. Ratio est, quia hujusmodi recusatio Appellationi ab interlocutoria æquiparatur, quæ fieri in scripto debet secundum dicta n. 62.

2. In Libello recusatorio allegari debet justa causa suspitionis, & recusationis: & quidem specificè expressa de Jure Canonico c. secundo cit. in fin. cap. cum speciali 61. princ. h. tit. Civili Jure spectato, secundum aliquos sufficit allegatio generalis per textum l. apertissimi 16. eique subjunctæ Auth. si verò C. de Judic. ubi modus præscribitur recusandi suspectum Judicem, non tamen fit mentio expressionis causæ specialis.

Sed melius etiam hoc Jure expressionem causæ requirunt Cujacius l. 9. obs. 23. Gilcken in l. apertissimi citat. num. 17. & 18. Hunn. in Treutl. vol. 1. D. 12. q. 41. Vviesl. hic num. 147. ob textum l. fin. C. de Judic. & l. si pariter 9. princ. ff. de Liberal. caus. ibi, Nisi justam causam afferat, quare ad eum mitti non debeat &c. Accedit usus, & praxis Tribunalium, ipsaque ratio, quia Judicis recusatio ad suggillationem existimationis, & quodammodo injuriam illius pertinet; contra verò explorari est Juri, quoties aliquid ad injuriam, & existimationis alienæ suggillationem pertinet, in specie, & nominatim debere exprimi l. item exigit 16. ff. de dolo, & l. Prator 7. princ. ff. de injur. præsertim si vergat in contemptum Judicis, propter præsumptionem, quæ pro integritate illius militat cap. sicut 16. in fin. de sent. & re judic. & l. fin. C. de Offic. Civil. Judic. ibi, Quod non arbitramur.

Neque obstant l. apertissimi, & Auth. si vere citat. nam textus isti, cum aperte non adversentur, interpretationem ex aliis Legibus, SS. Canonibus, & Curiarum praxi debent accipere.

135 Quæritur 6. quis Iudex recusari possit? Certum est 1. prætextu suspitionis recusari non posse Principem Supremum, qui non habet alium Superiorem Iudicem in terris, uti est Papa in Spiritualibus, Imperator, vel Rex in temporalibus. Abb. in relect. c. si quis contra 4. de for. compet. num. 25. Pirh. tit. eod. num. 205. quia non habet alium Iudicem Superiorem, qui de causis possit cognoscere; & Majestas illius omnem suspitionem ab eo removeret.

Certum est 2. Jure Canonico recusari posse Iudicem tam Ordinarium, quàm Delegatum, etiam Episcopum c. secundo 41. §. tertio, c. cum speciali 61. &c. Imò totum Collegium recusari posse, communiter est receptum arg. c. licet 10. de for. compet. Gaill. l. 1. obs. 33. num. 2.

Certum est 3. Jure etiam Civili recusari posse Iudicem Delegatum, tanquam suspectum l. apertissimi & l. fin. C. de Judic. nisi delegatio expressè facta sit à Principe cum clausula, Remota recusatione. Idem videtur dicendum de Commissariis datis ad recipiendos, & examinandos testes; quia Delegatam Jurisdictionem habent. Gaill. l. cit. n. 7.

136 Controversia est, an Jure Civili recusari ob suspitionem possit Iudex Ordinarius inferior? In qua communis DD. consentiunt in negativam, moti textu Auth. si verò C. de Judic. ubi Iudici Ordinario, justa ratione recusato, cognitio causæ non omnino adimitur, sed sta-

tuitur, ut ei adjungatur Archiepiscopus, vel Episcopus, aut, ut habet moderna praxis, alius vir bonus, ac discretus, minimeque suspectus.

Alii tamen cum Hilliger ad Donell. l. 17. c. 25. litt. Q. textu Auth. cit. putant consilium duntaxat contineri. Unde existimant utroque Jure tam Ordinarium, quàm Delegatum Judicem recusari posse: quod firman etiam argumento ducto ex ratione; quia cum Ordinarius non minùs suspectus esse possit, quàm Delegatus, non fuit ratio ob suspitionem permittendi potiùs recusationem unius, quàm alterius.

Quidquid sit, in praxi observanda est Curiarum consuetudo, ut rectè advertit Haun. tom. 5. de J. & J. tr. 2. n. 75.

Quæritur 7. quæ sit justa causa recusandi Judicem? 137 Resp. hoc certò definiri nequit, sed Arbitris plerumque ad id electis examinandum relinquitur, ad quos non esset necesse recurrere, si ejus in Jure certa extaret definitio. Justa interim, & indubitata reputatur omnis illa, quam Canon, vel Lex pro tali habent. Tales autem variæ censentur: & Possunt reduci ad tria capita.

1. Quando Judex recusatus est recusatoris inimicus: quod præsumi potest 1. si litem, seu Judicalem controversiam habeat cum Judice; nam ex litibus solent oriri inimicitia: unde is, qui cum aliquo contendit in Judicio, dicitur ejus Adversarius c. de Quod vult Deo 1. de Judic. 2. Si Judex illi minatus sit, quòd occasione oblata, ei velit nocumentum inferre, aut se de eo vindicare; non enim solum censetur inimicus, qui actu infert injuriam, sed etiam, qui conatur inferre. 3. Si signum benevolentia, seu amicitia ipsi deneger, quod aliis ejusdem conditionis, & status hominibus exhibere solet.

2. Quando Judex recusatus habet specialem affectionem, aut relationem ad Adversarium recusantis. 138 Colligitur hæc 1. si Judex sit alterius partis consanguineus, vel affinis c. accedens 4. ut lit. non contest. 2. Si Dominus cap. causam 17. de Offic. delegat. 3. Si socius, vel collega cap. cum R. 35. eod. 4. Si familiaris, magna sc. non modica familiaritate cap. insinuante 25. eod. 5. Si Patronus, vel Client l. Lex 5. princ. ff. de injur. Ratio hominum omnium est, quia censetur tales peculiariter diligere, aut defendere velle.

3. Quando Judex recusatus habet specialem affectionem erga causam, quæ proponitur in Judicio. Talem habere censetur 1. si in eodem negotio egerit Advocatum, vel Procuratorem. 2. Si ut privatus similem causam habet in alio Tribunali. 3. Si ex causa in Judicio proposita speciale aliquod emolumentum redundaturum sit in ipsum Judicem: quorum ratio est, quia præsumitur ita judicaturus, sicut pro se judicari cupit, ne sibi contradicat.

Potestque his casibus recusari non solum Ordinarius, sed etiam ejus Vicarius, licet in specie adversus Vicarium nulla alia sit suspicio: item quando suspectus est dominus, ex eadem suspitionis causa allegari ut suspecta potest tota ejus familia. Videatur Marant. de Ord. Judic. p. 6. tit. de Appell. à n. 27. ubi 40. omnino causas recusandi enumerat.

Quæritur 8. quis de causæ in Recusatione expressæ 139 veritate, & legitimitate possit cognoscere? Videtur pertinere ad Judicem recusatum, ex generali regula, quòd cujusque Judicis regulariter sit cognoscere, an sua sit Jurisdictio l. ex quacunque 2. ff. si quis in jus vocat. non jer. & l. si quis 5. ff. de Judic.

Sed dicendum hoc non ad Judicem recusatum (ne in propria causa jus dicat contra Regulam Rubr. & l. unic. C. ne quis in sua caus.) sed ad Arbitros ad id electos ferè, & regulariter pertinere, qui ab ipso Judice recusato, & ejus recusatore, vel ab ipso, & ipsius Adversario, si quem habet, eligi, & de causa suspitionis proposita cognoscere debent intra terminum competentem ipsis præfixum: interim autem, dum istud fit, Judex recusatus cognitione causæ supersedere debet, nisi recusatio manifestè sit frivola; nam si talis sit, insuper habita causa suspitionis sibi objectæ, in negotio principali procedere non prohibetur. Abb. in c. cum speciali 61. h. tit. n. 12. Barb. n. 1. Laym. nu. 4. Sicut de ea etiam cognoscit, quando allegata suspitionis casu non probatur; vel quæ probata est, insufficiens esse pronuntiatur.



140 Dixi *Ferè, & Regulariter*; nam variis casibus de causa suspicionis alii cognoscunt. 1. Cum delegato recusato præsens est delegans; nam Arbitri in casu, quo Delegatus Papæ ob suspicionem recusat, ad cognoscendum de causa suspicionis idèd solum eliguntur, quia delegans multum distat, & plerumque sine magnis sumptibus, & molestiis adiri non potest. Abb. *in repetit. c. si quis contra 4. de for. compet. num. 21. Molin. tr. 5. de J. & J. D. 23. n. 15. Vviest. hic n. 149. 2.* Cum recusat Officialis, aut Vicarius Generalis Episcopi, unum cum ipso Tribunal constitutus; tum enim de causa suspicionis cognoscere ad Episcopum pertinebit, nisi hic aliunde suspectus sit, aut procul absit *cap. si contra 4. pr. vers. cum autem de Offic. Deleg. in 6. Molin. Vviest. l. cit. & alii apud istum.* 3. Quando tanquam suspectus recusat unus ex duobus ad eandem causam delegatis cum clausula, *Si ambo non potestis, unus procedat*; nam tali casu de recusationis articulo cognoscere potest condelegatus non recusatus, ut intelligat, an clausulæ conditio impleta, & Jurisdictio sua soluta sit *c. si contra cit. Molin. Vviest. l. cit.*

Ad regulam in contrarium allatam dico, illam non procedere, quando Judex recusat, quia suspectus, propter præsumptionem, ne fortè noceat parti eum recusanti; unde sicut suspectus est in causa principali, ita etiam in questione incidente competentiae, vel incompetentiæ.

141 Queritur 9. quod officium sit Arbitrorum electorum in causa recusationis Judicis? Resp. 1. omnia, quæ spectant ad articulum suspicionis, possunt Arbitri peragere, veluti citare testes, & compellere ad testificandum; eos, si delinquant, punire, ipsos examinare, exceptiones contra personas, aut dicta ipsorum admittere, pronuntiare, an causa suspicionis sit justa, & probata, vel non. Host. *in cap. 39. de Offic. Delegat. V. omnia Molin. tr. 5. D. 23. num. 10. Pith. tit. de Offic. Deleg. n. 136. Dixi, quæ spectant ad articulum suspicionis*; nam de causa principali non possunt cognoscere: & hinc ubi pronuntiaverint super causa suspicionis, functi sunt officio suo, & potestas illorum cessat. Vall. *hic §. 18. n. 6.*

142 2. Cognita suspicionis causa, videndum, an probata illa sufficienter sit, vel non, aut probata quidem, sed tanquam inidonea judicata. *Si primum*, sententia desuper lata per Arbitros, Judex cognitionem causæ principalis alteri demandabit de consensu recusatoris, vel ad Superiorem remittet, prout statutum est *cap. cum speciali 61. princ. h. tit.* Quod ipsum etiam facere potest omnia via eligendi Arbitros, ut bene notat Molin. *l. cit. n. 17. Si secundum*, causa principalis ad Judicem recusarum remittetur, isque perseverabit Judex *c. secundo 41. §. tertio h. tit.* Idem dicendum, si lapsum sit tempus præfixum arbitris, & hi intra illud de causa suspicionis pronuntiare neglexerint, vel detrectarint; nam eo casu sine ulla Arbitrorum sententia, potestas procedendi ulterius revertitur ad Judicem recusatum, & tollitur ejusdem suspensio *c. legitima 2. h. t. in 6.*

143 3. Si duo Arbitri electi, ut de causa suspicionis cognoscant, inter se concordare nequeunt, debent eligere tertium, ut quod duo ex his tribus decreverint, firmitatem obtineat *cap. cum speciali cit.* Possuntque ad hoc à Judice recusato cogi etiam per Censuram Excommunicationis *c. legitima cit. c. suspicionis 39. de Offic. deleg. Pith. hic n. 275. Excipitur*, nisi Judex recusatus terminum minus competentem assignet Arbitris; tunc enim ab eo appellari potest, per partes tamen, quæ in hoc gravantur, & non per Arbitros, nisi & hi graventur, ut quia contra ipsos profertur Excommunicatio, si intra terminum assignatum causam suspicionis non definiat. Gloss. *in cap. legitima cit. V. competens, & in Addit.*

144 Queritur 10. quis sit Effectus Recusationis? Resp. Effectus est, quod postquam fuerit proposita, pendente desuper cognitione, nisi frivolam eam esse constiterit, Judex in causa superledere, nec ad ulteriora procedere debeat; alias quæ circa eam innovarit, perinde, ut post Appellationem attentata, ante omnia erunt revocanda, ut pater ex pluribus *citt.*

Controversia est inter Interpretes, an ipso Jure hæc nulla sint, an verò validitas, vel nullitas sententiæ, & processus pendeat ab eventu probandæ, & improban-

dæ causæ, ita, ut probata causa recusationis, declaratur invalidus, improbata verò validus. Affirmant ipso Jure nullam esse sententiam, & processum Gloss. *in can. quoties 16. V. appellent. caus. 2. q. 6. Marant. de Ord. Judic. c. 4. dist. 16. n. 4. Myning. cent. 4. obs. 59. Gaill. l. 1. obs. 33. n. 12. Hiltrop. Process. p. 2. tit. 13. n. 30. Vallens. hic §. 19. n. 4. & 5. Zoef. n. 38. Fundantur* 1. quia satius est, ut impediatur, ne quid fiat, quam ut factum postea cum verecundia Judicis recusati retractetur. 2. Quia generaliter sicut inimici, ita quoque suspecti non debent judicare in causa *c. secundo 41. §. tertio h. tit.* est enim periculosissimum, & à ratione alienum coram Judice suspecto litigare. 3. Quia ipsa suspicionis exceptione proposita, Judicis recusari Jurisdictio ita suspenditur, ut non possit causam committere alteri, nisi de consensu recusantis *c. Judex 5. de offic. deleg. in 6.* igitur multo minus procedere potest in causa principali, nisi prius discutiatur articulus recusationis; cui enim non licet, quod minus est, multò minus licebit, quod majus est.

Sed distinguendum est, an causa objectæ suspicionis notoria sit, an verò non. *Si primum*, ex tali causa factam recusationem Judicis ob stare valori actorum satis convenit inter DD. teste P. Vviest. *hic n. 154. Si secundum*, videndum, an acta illa sint post electionem Arbitrorum, an ante illam post recusationem. *Si prius*, iterum erunt ipso Jure irrita, *arg. c. secundo cit. §. tertio, & c. cum speciali 61. princ. eod.* ubi dicitur, tum demum Judicem recusatum posse uti Jurisdictione sua, cum suspicionis causa intra terminum assignatum finita fuerit. Igitur per argumentum à sensu contrario intra terminum illum carebit usu Jurisdictionis. *Si posterius*, Innoc. *in c. cum speciali cit. n. 7. Imol. ibid. num. 18. & 21. Alex. n. 46. & seq. Pirh. hic n. 277. Vviest. nu. 154.* putant, sic acta à Judice recusato non esse ipso Jure nulla, sed valida, nisi interponatur Appellatio, vel alio modo causa ad alium cum effectu transferatur. Colligitur ex *c. super questionum 27. in fin. de Offic. deleg.* ubi à delegato, quando iste justæ recusationis causam non admittit, conceditur Appellatio, & ea solum habentur pro irritis, quæ post hujusmodi Appellationem interpositam acta fuerint. Igitur per argumentum à sensu contrario valida erunt, quæ post recusationem, sed ante appellationem tamen sunt acta.

Neque obstant Argumenta contraria. *Ad 1. major* 146 est verecundia Judicis, si actus ab eo factus declarari debeat ipso Jure nullus, cum hoc arguat ignorantiam Juris, aut malitiam. *Ad 2. Inimicitia, & suspicio* fundamentum præbent recusationis, non autem evincunt, quòd acta sint omnino nulla. *Ad 3. per textum cap. Judex cit.* acta Judicis recusari non irritantur: imò potius contrarium ex eo colligitur; dum enim ibi Judex recusatus permittitur saltem de consensu recusantis causam delegare alteri, sequitur, quòd adhuc habeat Jurisdictionem.

## §. X.

### De Relationibus.

## S M M A R I U M.

147 Quid sit Relatio?

148 Quomodo cum Appellatione conveniat, & ab ea differat?

149 Ex quibus causis fieri possit?

150 Quot modis?

151 Requisita, ut legitime fiat.

152 Effectus ejusdem.

Queritur 1. quid sit Relatio? Resp. Relatio est Judicis inferioris, in causa de Jure dubitantis ad Principem missa consultatio, ut sciat, quid in judicando sequatur. Durand. *Specul. tit. de Relationib. §. 1. n. 1. Marant. de Ord. Jud. p. 6. tit. de Appel. n. 7. Vall. hic §. 20. n. 3. Pirh. num. 278. Vviest. num. 158. Dixi de Jure dubitantis*; nam Relatio locum dumtaxat habet, cum Judex inferior de Jure ob ejus difficultatem, & ambiguitatem dubitat; tunc enim Papam, vel Principem consulere potest, cum ejusdem sit interpretari Leges, cujus est eas condere *l. fin. C. de LL.* Si questionem facti ad Superiorem referat, non admittitur talis Relatio;



tio; quia de hoc non consultare Principem, sed ipsemet in rei veritatem, & qualitatem debet inquirere: imò illam ad Superiorem referens præsumitur non bona fide agere, quia censetur hoc facere, ut se exoneret, & iudicandi munus eviter. Gloss. in cap. intimasti 68. V. de inquisitionis h. tit. Barbof. ibid. num. 3. Pirh. num. 278. citat.

148 Quæritur 2. quomodo Relatio conveniat cum Appellatione, & ab hac differat? Resp. Convenit tripliciter maximè. 1. Quia sicut Appellatio fit ab inferiore ad superiorem, ita & Relatio. 2. Sicut pendente Appellatione ita etiam pendente Relatione, imò etiam promissaduntaxat, nihil attentari, vel innovari debet l. ex illo 13. C. de Appell. l. si quis 1. C. de Relat. 3. sicut per Appellationem cognitio causæ devolvitur ad Superiorem; sic & per Relationem, ita, ut apud referentem, seu remittentem esse desinat l. ad Principem 22. ff. de Appellat. Vall. hic §. 20. numer. 1. Differt ab Appellatione, quia Appellatio post, Relatio autem ante sententiam, & quidem non à partibus, sed à Iudice interponitur, eaque facta, & admissa super causa, non ipse superior, sed ad eius remissionem, seu Rescriptum Iudex inferior sententiam proferre l. si quis citat. Gonzal. in cap. licet 5. de Offic. Legat. num. 5. Excipiuntur causæ criminales, in quibus prius fertur sententia, ut demum Princeps iudicer, an eam sequi oporteat l. inter pœnas 6. §. deportandi 1. ff. de interd. & relegat. Durand. Specul. tit. de Relation. §. 3. Vall. §. 10. citat. num. 2. Pirhing numer. 281.

149 Quæritur 3. ex quibus causis Iudex controversiam, vel ejus articulum transmittere ad Superiorem possit? Resp. plures enumerant Abb. in cap. intimasti 68. num. 2. h. tit. Marant. de Ord. Judic. p. 6. tit. de Appell. numer. 7. & 8. Pirh. hic num. 279. 1. quia est causa Superiori specialiter reservata, de qua Iudex inferior cognoscere nequit, ideoque eam referre debet ad superiorem Iudicem competentem c. ut debitus 59. in fin. h. tit. 2. quia Superior tali forma causam alicui delegavit, ut ea cognita, & instructa ad ipsum remittatur c. licet 5. de Offic. Legat. c. cum Bertholdus 18. de sent. & re judic. cap. ut nostrum 56. h. tit. 3. quia causa est valde ardua, & dubia, & propterea Iudex inferior consilio Superioris indiget. Ex his solum tertius modus ad Titulum præsentem spectat; nam prioribus duobus modis accepta Relatio potius Reservatio dici debet.

150 Potest autem hoc tertio modo Relatio fieri dupliciter. 1. simpliciter prout olim juxta Canones in magna Judicium ignavia, vel timiditate fieri solebat c. dudum 22. de elect. 2. addita declaratione opinionis ejus, in qua est referens. Utriusque modi Relationes olim in frequenti fuerunt usu; novissimo tamen Civili Auth. novo Jure C. de Relation. & Novell. 125. capit. 1. ab Imper. Justiniano fuerunt sublata, & constitutum, ut causa perfectè examinata per sententiam latam terminetur ab ipso Iudice, & executioni mandetur, nisi ab ea fuerit appellatum. Earum loco hodiernis moribus recurri frequenter solet ad Jurisperitos, & Academica istorum Collegia, horumque exquiri consilium: quod donec reportetur, perinde ut Relatione Principi præsentata, quasi suspensa Jurisdictione, circa causam nihil innovatur. Vall. hic §. 20. nu. 5. Brunnem. in l. si quis 1. C. de Relationibus. Jure Ecclesiastico Relationum usus retentus est, quamvis sit minùs creber. Vviestner hic num. 159.

151 Quæritur 4. quomodo Relatio causæ ad Principem fieri debeat? Respond. ut debito modo hæc fiat, plura requiruntur. 1. ut plenam vel totius causæ, si de tota causa sit dubium, vel articuli, de quo dubium est, instructionem, propositis omnibus facti circumstantiis, & allegationibus utriusque partis contineat l. si quis 1. C. de Relation.

2. Si dubitetur de tota causa, simul mitti ad Principem debent Acta l. fin. C. eod. si de articulo tantum, solum ille, de quo dubitatur, excerptus, ad Principem mittendus est, non verò totus Processus, ne illius inspectione nimium fatigetur, Pirhing hic n. 280.

3. Relationem, vel Copiam, sive Exemplar illius edere prius partibus debet; alias eidem fides non adhibetur c. intimasti 68. h. tit. Ratio est, quia Iudex posset non bene informare Superiorem de causa, tacendo veritatem, vel exprimendo falsitatem. Hinc si Relatio

partibus edita non videatur vera, vel sufficiens, eam refutare, & appellare possunt l. si quis 1. & l. seq. C. de Relat.

4. Copia hæc tradi debet in forma Authentica, ut non possit immutari cap. quoniam 11. de Probat. nempe manu Notarii, vel aliorum duorum virorum honestorum scripta, vel authentico sigillo munita. Abb. in c. intimasti cit. n. 1.

5. Utraque pars in Relationem ipsis editam consentire debet l. super 2. & ibi Gloss. V. probantur C. de Relat. Sufficit autem, si non contradicant Relationi; quia tacens consentire videtur, si consentire nolens contradicere deberet. Si una tantum pars consentiat, altera contradicat, Relatio fidem non facit, nisi ea, quæ referuntur, ex actis cognosci, probarique possint. Abb. l. cit. n. 2. in fin.

Quæritur 5. quis sit Effectus Relationis? Resp. Effectus Relationis est, quòd sicut per Appellationem, ita & per Relationem Jurisdictio inferioris Judicis suspendatur; nam si iste causam referendam esse decrevit, ex eo tempore circa causam illam jurisdictio illius quiescit, seu suspensa est, ita, ut ea pendente nihil innovari, vel attentari debeat, nec de causæ meritis inquiri, donec Superior consulatur, & ipse, vel ejus Successor responsum dederit c. licet 5. de Offic. Leg. l. ex illo 13. C. hoc tit. Host. in Summ. hic nu. 3. Durand. ibid. §. 5. Pirh. num. 282.

Procedit autem hoc solum, nisi partes consentiant; nam de partium consensu, si Relatio promissa, nondum tamen sit facta, Iudex causam reassumere, eamque iterum cognoscere potest, ut notat Gloss. in c. licet cit. V. transtulerat, Host. Durand. Pirh. l. citat. Addidi ante factam Relationem; nam postquam Relatio, seu Causa instructa Principi est præsentata, tum neque cum partium consensu Iudici cognoscere, aut quidpiam immutare concessum est, ne illudatur Principi, ut colligitur ex cap. bona 4. de Postul. Pralat. & notat Abb. in cap. licet. cit. num. 3.

## TITULUS XXIX.

### De Clericis Peregrinantibus.

### S M M A R I U M.

- 1 Quis nomine Peregrinantium veniat?
- 2 Quando Peregrinatio Romana vim Appellationis habeat?
- 3 Quinam gaudeant hoc privilegio?
- 4 Quid requiratur, ut arripiens iter ad Papam privilegio isto gaudeant?
- 5 In quibus privilegium istud competat?
- 6 Pœna eorum, qui Romipedas capiunt, spoliant &c.

**A**ppellationis vim, & effectum habet Peregrinatio ad Sedem Apostolicam: unde de Peregrinantibus subjicitur præsentì Titulo.

Quæritur 1. quis nomine Peregrinantium veniat? Respond. Peregrinans in genere dicitur, quicumque per aliena loca peragrans proficiscitur. Hic specialiter capitur pro eo, qui ad Sedem Apostolicam proficiscitur c. un. h. tit. sive ex causa peregrinationis ad Limina Apostolorum, sive ex alia causa necessaria, vel probabili illud faciat, ut tradit Innoc. in cap. ut debitus 59. de Appellat. n. 2. Abb. in c. un. cit. n. 2. & 4. Alex. ibid. n. 10. Vall. hic n. 1. Pirh. n. 1.

Quæritur 2. quando Peregrinatio ad Sedem Apostolicam vim, & effectum Appellationis habeat? Respond. tum vim, & effectum Appellationis habet, quando fit intra 10. dies à sententia lata, vel gravamine illato, modò Iudici, vel parti intimetur arg. c. un. h. tit. Ratio est, quia talis, licet non verbis, aut scripto, facto tamen ipso ad Sedem Apostolicam appellasse censetur capit. dilecti 52. de Appellat. Hinc sicut, pendente Appellatione, Iudex à quo nihil innovare potest quoad articulos, sive articulum, super quibus, vel super quo appellatum est, sic etiam nihil innovandum est in rebus ejus, qui Romam ad Sedem Apostolicam proficiscitur. Vallens. numer. 3. Ex quo sequitur, quòd sicut quod innovatum est post Appellationem interpositam, revocari debet, ita etiam, quidquid hujusmodi Pere-



grinanti post arreptum iter ablatum, vel subtractum fuerit, eidem restitui debeat. Vall. *l. cit.* Pirh. *hic num. 2.* Vviesl. *n. 1.* Imò huiusmodi Peregrinatio plus operatur, quàm appellatio; nam etiam ab onere petendi Apostolos relevat, quod non facit Appellatio. Anchoran. *inc. 6. de Appell. in 6. num. 3. not. 4.*

3 Quæritur 3. quoniam gaudeant hoc privilegio? Resp. etsi Rubrica huius Tituli, & casus in eo positus loquatur de solo Clerico peregrinante, id tamen, quod in eo statutum est, locum habet etiam in aliis peregrinantibus ad Sedem Apostolicam, etiam Laicis; quia ratio huius Constitutionis generalis est, & ad Laicos etiam pertinet, quòd videlicet proficiscentes ad Papam, sive Sedem Apostolicam sub ejusdem protectione esse censeantur. Laym. *in c. un. h. tit. v. quare*, Pirh. *n. 1. cod.* Vviesl. *nu. 3.* & alii communiter. Hinc dispositio huius cap. amplior est, quàm Rubrica.

4 Quæritur 4. quid requiratur, ut arripiens iter ad Papam privilegio isto gaudeat? Resp. requiritur 1. ut intra 10. dies id arripuerit; nam post decendum, à sententia lata, aut illato gravamine jam lapsum, arreptum iter sententiæ executionem non impedit. Vviesl. *nu. 4. hic.* 2. ut iter Judici, vel parti sit intimatum; quia alias non tenebuntur abstinere ab Attentatis, cum sint in possessione sui Juris, antequam constet illud per iter susceptum suspensum esse. 3. ut iter hoc arreptum sit ante citationem; nam si quis illud arripiat, postquam jam præventus est citatione, non prohibetur Judex in causa contra eum moveri cœpta procedere cap. *meminimus 9. de Appel.* Vviesl. *n. 4. cit.* 4. ut si Adversarius ejus impetrarit contra ipsum Litteras Apostolicas ad Delegatum, harum notitiam nondum acceperit; nam si iter arripiat, postquam Litterarum istarum notitiam jam accepit, protectio Romana ei non prodest, quòd illud malitiosè non tam ad removendum gravamen, sed ad Justitiam opprimendam arreptum præsumatur cap. *suggestum 15. de Appell.*

5 Quæritur 5. in quibus rebus proficiscenti ad Papam privilegium hoc competat? Resp. etsi *c. un. h. tit.* de iis tantum agere videatur, quæ contra ejusmodi peregrinantem post arreptum iter extra Judicium attentata, eisque ablata sunt, intelligenda tamen ejus dispositio etiam est de iis, quæ contra eundem in Judicio per processum, & sententiam Judicis auferuntur arg. *c. cit.* ubi statuitur contra proficiscentes ad Papam nihil attentandum, quia *cum rebus suis debent esse sub Apostolica protectione securi*: quæ ratio universalis est, & locum habet, sive contra illos aliquid attentetur intra, sive extra Judicium. Possuntque contra eos, qui sic peregrinantium seu absentium possessiones turbant, vel occupant etiam propinqui illorum, parentes, amici, quin & servi agere in Judicio, ut restituantur possessio; neque requiritur in his mandatum, sed sufficit, modò de rato caveant *l. Judices 1. C. si per vim, vel alio modo &c.* Gloss. *fin. in c. un. cit.* Pirh. *hic num. 3.*

6 Quæritur 6. quæ sit pœna eorum, qui Romipedas, & peregrinantes ad Limina Apostolorum capiunt, vel spoliant rebus, quas secum ferunt? Resp. hi Excommunicationem incurrunt *can. si quis 23. caus. 24. q. 3.* quæ est reservata Papæ in Bulla Cœnæ *Can. 9. & 10.* Estque perinde, sive devotionis, sive alia de causa Romam accedant. & extenditur non solum, cum eo tendunt, sed etiam, cum ibi morantur, vel inde redeunt. Pirh. *n. 4.*

## TITULUS XXX.

### De Confirmatione Utili, & Inutili.

## SUMMARIUM.

- 1 Summa presentis Tituli.
- 2 Definitio Confirmationis.
- 3 Varietas.
- 4 Quid intersit, an facta sit in forma communi, vel speciali?
- 5 In qua forma censeatur facta in dubio?
- 6 Signa, ex quibus colligitur, quòd facta sit in forma speciali.
- 7 Quibus casibus etiam in forma speciali facta non habeat vim validandi actum invalidum?
- 8 An Privilegiorum invocatio habeat vim confirmationis, ita, ut novum jus tribuat?

### 9 Quis cognoscere in dubio de confirmatione possit?

DICTUM est in præcedentibus duobus Titulis, quomodo Sententia per Appellationem, vel peregrinationem ad Sedem Apostolicam suspendatur, & potestas cognoscendi de hujus justitia devolvatur ad Superiorem. Cum verò contingat sæpenumero, ut ejusmodi sententia ab hoc confirmetur, tanquam legitime pronuntiata, hinc in Titulo præsentis agitur de Confirmatione utili, & inutili: & quidem generaliter, ut non solum includat confirmationem sententiæ, sed etiam possessionis, privilegiorum, instrumentorum, officiorum, transactionum, statutorum &c.

Quæritur 1. quid sit Confirmatio? Resp. Confirmatio est Juris prius habiti, seu quesiti per legitimum Superiorem facta corroboratio. Host. *in Summ. hic n. 1.* Tusch. *V. confirmatio concl. 704. n. 1.* Decius *in Rubric. h. tit.* Pirh. *nu. 1.* Dixi 1. *Juris prius habiti*; nam Confirmatio semper præsupponit aliquid prius esse, quod confirmetur: ac proinde sicut ratificatio est quædam convalidatio actus præcedentis, ita & confirmatio. Dixi 2. *per legitimum Superiorem*; nam quæ à privatis fiunt, approbationes potius, quàm confirmationes dicuntur. Barbof. *h. titul. in princ.* Ratio est, quia Confirmatio propriè dicta ad Imperium pertinet, quo par in parem, & multo magis inferior in Superiorem cætet. Dixi 3. *Corroboratio*; nam confirmatio supponit valorem actus: & hinc si actus ille, qui confirmatur, invalidus est, neque confirmatio eidem valorem tribuit, nisi casu, quo Superior confirmans clarè significat se actui daturum valorem, etiam si per se non sit validus, sed tunc potius innovatio quædam actus, seu nova concessio, aut provisio, quam confirmatio erit, ut infra *n. 4.* dicetur.

Quæritur 2. quod duplex sit Confirmatio? Resp. duplex est: una dicitur Confirmatio simplex, seu in forma communi, & ordinaria; altera in forma speciali, seu ex certa scientia. Priore modo fit confirmatio, quando Princeps, vel alius Superior, potestatem confirmandi habens, nulla, vel non exacta causæ cognitione præmissa, adeoque de negotio non plenè, sed confusè tantum instructus, contractum, vel actum ab inferiore gestum confirmat in eo statu, in quo antea fuit. Posteriore modo autem quando actum ab inferiore gestum confirmat, pensatis, & examinatis totius negotii circumstantiis, & qualitatibus, adeoque cum perfecta ejus notitia. Abb. *in c. 1. h. tit. n. 6.* Gonz. *in c. 2. eod. n. 5.* Vviesl. *hic n. 3.*

Quæritur 3. quid intersit, utro ex his modo confirmatio fiat? Resp. interesse plurimum; nam si in forma communi facta sit, quamvis actum validè, & legitime gestum approbando eidem firmitatem, & auctoritatem majorem conferat, nullam tamen vim, & effectum habet respectu actus invalidi, quem in sua nullitate relinquit. Suar. *l. 8. de Leg. c. 18. nu. 8.* Oliva *For. Eccl. p. 1. q. 40. n. 2.* Pirh. *hic n. 3.* Vviesl. *n. 6.* Ratio est, quia confirmatio ita facta quodam modo conditionalis est, & includit tacitam conditionem, *Si sententia justè lata, si Electio Canonica, si privilegium legitime obtentum fuit*: idque ex natura confirmationis, quæ, nisi aliud exprimat, nihil de novo facit, sed roborat factum.

At verò confirmatio, quæ fit in forma speciali, & ex certa scientia, novum jus tribuit actui confirmato, eumque si fortè invalidus esset, firmum facit, & validum, supplendo defectus, qui in eo intervenuerat, & suppleri possunt, ac solent à confirmante; quia æquivalere novæ concessioni, Suar. *l. cit. nu. 10.* Laym. *in c. 1. h. t. nu. 5.* Gonz. *ibid. n. 5.* Pirh. *hic n. 4.* Vviesl. *n. 7.*

Atque hinc fit, quòd si Privilegia alicui Ordini Religioso olim concessa, postea verò per Papam, vel Trid. revocata, nunc iterum confirmantur, si in forma communi hoc fiat, per ejusmodi confirmationem non reviviscant, neque revalidentur; reviviscant autem, si confirmantur in forma speciali, & ex certa scientia. Rodr. tom. 1. qq. *regul. q. 8. a. 6.* Laym. *l. 1. Theol. mor. tr. 4. c. 23. num. 16. q. 4.* Donat. *Prax. reg. tom. 1. p. 1. tr. 11. q. 2. n. 4. & 10.* Pirh. *hic num. 4.* Vviesl. *n. 7.*

Quæritur 4. in qua forma facta confirmatio censi in dubio debeat? Videtur dicendum, factam esse in forma speciali: quia quemlibet actum, præsertim Papæ, vel alterius supremi Principis, interpretari convenis, ut aliquid operetur, & otiosus non sit arg. *l. item veniens 20. §. præter 6. in fin. ff. de heredis. petis. & d. quorundam 12. ff. de reb.*



*reb. dub.* atqui confirmatio in forma speciali plurimum; in forma communi parum, & penè nihil operari videtur, cum invalido actui vim nullam conferat, validus autem actus absque ea robur habeat, & subsistat. *Conf. quia cap. quia diversitatem 5. de concess. prebend. & cap. examinata 7. h. t.* mentio fit de Diversis clausulis additis solitis confirmationi in forma communi. igitur si omittantur, confirmatio debet censei facta in forma speciali.

Sed dicendum, omnem confirmationem censei debere factam in forma communi, & ordinaria, nisi aliquod signum apponatur, ex quo constat eam factam esse in speciali. Ita docet Card. Tusch. *V. confirmatio concl. 708. n. 11. Suar. c. 18. cit. n. 7. Donat. tr. 11. cit. q. 6. n. 1. Oliva. q. 40. cit. n. 30. Pirh. hic n. 5. Vieft. n. 9.* Ratio est, quia confirmatio simpliciter, & nullo addito facta supponit rem esse, quæ confirmatur, cum sit qualitas accidentalis; non entis autem nullæ sint qualitates.

*Ad rationem dubitandi* dico confirmationem in forma communi non esse otiosam, qui ita confirmando actum Princeps quodammodo suum facit: cujus effectus est, ut quod ita confirmatum est, magis observetur, neque ita facile impugnetur, aut evertatur. Imò talis confirmatio, ut in Electionibus, aliquando tribuit jus in re, cum absque illa, electus tantum habeat jus ad rem. *Ad Conf. negatur Consequentia;* solum enim sequitur, quod utiliter addantur.

6 Quæritur 5. unde colligatur confirmationem factam in forma speciali? Resp. hujus signa sunt. 1. si in Instrumento, seu Rescripto confirmationis inseratur totus tenor dispositionis, vel actus, qui confirmatur, *c. venerabilis 8. h. tit. Gloss. ibid. in cas. & V. tenor compositionis, Abb. n. 2. Suar. c. 18. cit. nu. 5. Oliv. q. 40. citat. n. 5. Pirh. n. 6. Vviefst. nu. 4.* Ratio est, quia tunc constat Principem sufficientem rei notitiam, & scientiam habuisse, ideoque non obstante defectu aliquo voluisse auctoritate sua dispositionem, vel actum confirmare, & firmum, validumque reddere.

2. Si in Rescripto, sive Litteris Confirmationis expressè adjecta sit clausula *Ex certa scientia:* proceditque hoc, etsi tenor dispositionis, vel actus, qui confirmatur, Litteris illis non sit insertus. *Abb. in c. examinata 7. h. tit. in 6. Suar. c. 18. cit. nu. 6. Donat. q. 5. num. 4. Oliva n. 6. Pirh. n. 8. Vviefst. n. 4. cit.* Ratio est, quia Principi, affirmanti se sufficientem habuisse rei notitiam, adeoque non ignorasse defectum, qui per ejus potestatem supplendus fuit, credendum est.

3. Si confirmatio fiat per verba, quæ clausulæ, *Ex certa scientia* æquipollent, qualia sunt, si dicat, se confirmare actum *ex plenitudine potestatis, vel contraria non obstante dispositione, aut omnes Juris, & facti defectus supplendo &c.* *Felin. in c. nonnulli 28. de rescript. n. 13. fall. 5. Suar. n. 6. cit. Donat. num. 7. & 8. cum aliis supra.* Ratio est, quia per hujusmodi clausulam Papa, vel Princeps significat se velle confirmationem dare non secundum Jus commune, sed supra vel contra Jus ordinarium, quod non præsumitur facere, nisi ex certa scientia.

4. Si ex aliis verbis rescripti confirmatorii, vel ex narratis in illo constet, Principem cum plena causæ cognitione dispositionem, vel actum confirmasse. *Abb. inc. cum inter 5. de except. n. 7. Felin. ibid. n. 2. Donat. n. 8. cum cit.* Ratio est, quia non interest, quo modo mentem suam confirmandi exprimat, cum taciti, & expressi sit eadem vis.

5. Denique si actus confirmatio à confirmante iteretur. *Abb. inc. porrecta 6. h. tit. n. 5. Donat. n. 5. & reliqui supra.* Ratio est, quia geminatio rescripti habet vim clausulæ *Ex certa scientia.*

7 Quæritur 6. quibus casibus confirmatio in forma spe-

ciali, & ex certa scientia non habeat vim tribuendi valorem actui secundum se irritum? Resp. Esse; & 1. quidem si dispositio, vel actus, qui confirmatur, laborat defectu indispensabili à confirmante, ut si sit contra Jus naturale, Divinum, Gentium. *Abb. in c. 1. de transact. n. 5. Imol. ibid. n. 7. Berojus in c. 1. h. tit. n. 27. Laym. ibid. n. 7. Pirh. hic n. 9. Vviefst. n. 8.*

2. Si defectus, quo laborat dispositio, vel actus, sit quidem dispensabilis à confirmante, talis tamen, in quo dispensare non soleat; nam tunc, ut dispensasse censeatur, specialis mentio defectus in Rescripto confirmationis fieri debet. *Laym. l. cit. n. 8. Pirh. Vviefst. l. cit.*

3. Si Princeps defectum, seu nullitatem actus supplere non possit sine præjudicio alterius; quia jus tertio, quæsitum tollere, aut ei derogare Princeps, si specialiter non exprimat, nunquam censeatur. *Berojus nu. 28. Laym. Pirh. Vviefst. l. cit.*

4. Si actus confirmandus irritus sit ob defectum consensu, & hic Jure naturali requiratur ad actum, vel contractum, uti est in Matrimonio, non potest eum Papa, vel Princeps confirmatione sua supplere, cum non possit facere ex nolente volentem. *Abb. in c. 1. h. tit. n. 13. Suar. l. 8. de Leg. c. 18. n. 15. Pirh. n. 10. hic.*

5. Denique clausula *ex certa scientia,* vel alia æquivalens nihil operatur in iis, quæ Princeps ignorare præsumitur, ut sunt illa, quæ in facto consistunt, veluti Statuta, & consuetudines particulares locorum, nisi tenor eorum in Rescripto confirmatorio expressus esset, vel aliunde constaret de mente confirmantis. *Laym. loc. cit. Pirh. n. 9.*

Quæritur 7. an Privilegiorum innovatio habet vim 8 confirmationis, ita, ut jus novum tribuat? Resp. distinguendo: Vel enim innovatio est merè materialis, sive ipsius Instrumenti per nimiam vetustatem consumpti, vel est formalis, sive ipsius gratiæ, & Juris privilegio concessi, & in Instrumento contenti.

*Si primum,* nullum Jus novum per hujusmodi invocationem confertur, prout diserte patet ex *c. cum dilecta 4. h. tit. cap. ex parte 13. & c. quia intentionis 29. de Privil.* Ratio est, quia ejusmodi innovatio tantum sit ad conservationem tenoris Instrumenti, & faciliorem probationem ejus, quod in illo continetur. *Suar. l. 8. de Legib. c. 20. n. 3.*

*Si secundum,* tunc juxta dicta n. 4. distinguendum est, an hujusmodi innovatio facta sit tantum in forma communi, an verò in forma speciali. Nam si in forma communi tantum facta sit, tantum roborat, & auctoritatem addit Juri jam prius quæsito, & nunquam revocato, vel amisso. *Si verò fiat in forma speciali,* gratiam, & jus de novo confert, & Privilegium, quod per revocationem, usum contrarium, non usum &c. amissum est, redintegrat. *Suar. l. cit. n. 4. & seqq. Barbof. inc. cum dilecta 4. h. tit. num. 10. & seqq. Pirh. hic num. 26. Vviefst. nu. 12. & 13.*

Quæritur 8. quis cognoscere in dubio de confirmatione possit? Resp. cum distinctione: Vel enim dubitatur, an confirmatio sit vera, vel falsa, seu illegitima, an contra dubitatur, utrum facta sit in forma speciali, vel in forma communi. *In primo dubio* non potest Judex inferior de ea cognoscere, ut cum Innoc. in c. 1. princ. h. tit. notat Pirh. hic n. 15. *In secundo dubio* id examinare, & definire Judex inferior potest, ut sciat, an cognoscere, & judicare possit de re confirmata, necne, ut indicat Host. in cap. 2. h. tit. Joan. And. ibid. in fin. Pirh. l. cit. eo ferè modo, sicut Judex à quo examinare potest, utrum Appellatio sit justa, vel injusta, ut sciat, an debeat ei deferre, vel non, licet de ipsa causa Appellationis cognoscere nequeat.

*Finis Libri Secundi Decretalium.*



# I N D E X

## R E R U M, E T V E R B O R U M.

Numerus major Titulum, minor numerum Tituli indicat.

### A

#### Actio.

**A**ctiones quomodo præscribantur, & extinguantur. V. *Præscriptio*.

#### Advocatur.

Quando proponere possit in Judicio, quæ ad factum pertinent. I. 48.

*Apostoli*. V. *Appellatio*.

#### Appellatio.

Ejus Definitio, & differentia à Supplicatione. XXVIII. 1. 2. 3.

Divisio Appellationis. 4. 5.

Causæ introducendi Appellationis remedium. 6.

Quis possit, vel non possit appellare. 7. 8. 9.

An qui professus ante sententiam cum juramento, se non provocaturum à Judice. 12. 13.

An, & quando Appellatio profit correis non appellantis. 14. 15.

Actus, à quibus potest, vel non potest appellari. 16. & seqq.

Appellatur à Judice ferente sententiam. 36.

Exceptiones. 37. & seqq.

Appellatio interponenda coram Judice, qui tulit sententiam. 42.

Quid si copia illius haberi nequeat. 43.

Vel plures pronuntiarint. 44.

Vel gravamen passus absterreatur metu. 45.

Appellandum ad Superiorem, & gradatim. 46.

Ordo servandus in foro Ecclesiastico. 47. 48. 49.

Quando is non servandus in foro utroque. 50. 51. 52.

Ad quem appellandum à sententia Delegati. 53.

An à Delegato Episcopi appellari possit ad hujus Vicarium Generalem. 54.

Quid si litigantes appellent ad diversos. 55.

An valeat Statutum, ut à Superiore possit provocari ad inferiorem. 56.

Modus appellandi à Sententia Definitiva. 58. 59. 60.

Et Interlocutoria. 61. &c.

Quibus verbis appellandum. 65.

An valeat Appellatio generalis. 66.

Quoties liceat appellare. 67.

An Judex ad quem cognoscere de causa principali possit, omisso, vel non finito prius articulo Appellationis interpositæ ab interlocutoria. 68.

An habens legitimam exceptionem adversus mandatum Judicis, possit ab eo appellare, non proposita prius exceptione. 69.

Quid sint Fatalia. 70.

Quando, & intra quod tempus Appellatio interponenda. 71.

Quando hoc tempus incipiat currere. 72.

Quomodo numerandum quoad Appellationem à gravamine Extrajudiciali. 73.

Quid, & quotuplices sint Apostoli. 74.

Intra quod tempus petendi, dandi, præsentandi. 75.

Quando tempus iis petendis concessum, incipiat currere. 76.

An Judex terminum iis petendis possit statuere. 77.

Quando sint petendi. 78.

Intra quod tempus finienda Appellatio. 79.

Quando hoc tempus incipiat currere. 80.

Quando Appellationi perficiendæ concedi possit biennium. 81. 82. 83.

Quando ob impedimentum primi anni concedendus secundus. 84. 85.

An tempus Jure statutum possit restringi. 86. 87. 88.

An prorogari vel extendi. 89. 90.

Cui Appellationi Judex à quo deferre debeat. 91. 92. 93.

Officium Judicis à quo, postquam Appellationi detulit. 94. 95. 96.

Officium Judicis ad quem. 97. 98. 99.

Quando hic Judici à quo inhibere possit, ne procedat in causa. 100. 101. 102.

Cui à Judice ad quem imponendum onus probandi in causa Appellationis. 103.

Quid possit Judex ad quem in tertium, in quem non est lata sententia, & in causis, quæ non tangunt causam Appellationis. 104.

An appellans possit renunciare Appellationi. 105.

An si litigans coram suo Judice non appellavit ab interlocutoria, postea verò appellavit à Definitiva Judex Appellationis possit revocare Interlocutoriam. 106. 107.

Effectus Appellationis est Suspendivus, & Devolutivus. 108.

An semper operetur utrumque. 109. &c.

Quando per Appellationem suspendatur Jurisdictio Judicis à quo. 113.

An Judex, à quo appellatum in una causa, ideo ut suspectus possit reculari in alia. 114.

Quid possit Judex à quo circa causam, in qua appellatum, sine vitio Attentati. 115. &c.

Quando revocentur Attentata, & quæ hoc nomine revocanda sint. 119. &c.

An Attentatorum remedio locus sit in Appellatione extrajudiciali. 124.

Discrimen Appellationis Judicialis, & Extrajudicialis, ac Privilegia vi Attentatorum competentia. 125. 126. 127. 128.

Quando, & quomodo, coram quo Judice peti possit revocatio Attentatorum. 129.

De Recusationibus, Relationibus. V. *Recusatio*, *Revocatio*.

Quando peregrinatio Romana habeat vim Appellationis. V. *Peregrinatio*.

#### Attestatio.

Quid sit. XVII. 36.

Differentia ejus à Sequestratione. 37.

*Attentata*. V. *Appellatio*.

*Attestationes*. V. *Testis*.

#### Auditor.

Quid sint Auditores. I. 15.

### B

#### Beneficium.

**Q**uomodo restituendus spoliatus in causis beneficialibus. XIII. 67.

An ante exhibitionem Tituli. 68. 69.

An qui renunciavit Beneficio, quo spoliatus est. 70. 71.

De Sequestratione Beneficii. V. *Sequestratio*.

Bona fides. V. *Præscriptio*.

### C

#### Calumniæ.

**Q**uid sit Calumniari. VII. 1.

Quid, & quotuplex Juramentum Calumniæ. 2.

Hujus finis, objectum, effectus. 3.

Necessitas. 4. 5.

Quis jurare debeat decalumniæ. 6.

An omnis Actor, & Reus. 7.

An Clerici. 8.

Et Episcopi. 9.

Quis quando actor, vel Reus est universitas. 10.

An Procurator particularis admittatur ad hoc Juramentum. 11.

In quibus causis id præstandum. 12.

Quando. 13.

Quomodo. 14.

Pœna Recusantium. 15. 16.

An jurans de Calumniæ liberetur à solvendis expensis. 17.

#### Causa.

Quid sit. I. 8.

Quis Judex sit in variis Causis. V. *Judex*.

Quæ causæ sint fori mixti. II. 62.

Quot modis causæ sint connexæ. 73.

Quo ordine judicandæ Causæ. V. *Ordo Cognitionum*.

Causa Possessionis & Proprietatis. V. *Possessio*, *Proprietas*.

Quid ea sit. XII. 40.

Remedia agentis in Petitorio. 41. 42. 43.

Reme-



Remedia possessoria adipiscendæ . 44. 45.  
Retinendæ . 46. 47.  
Recuperandæ possessionis . 48.  
Judex in judicio possessorio de Spiritualibus . 49. 50. 51.

52. 53.  
Causa possessionis, & proprietatis tractanda apud eundem Judicem . 54. & seqq.

Possunt hæc duo judicia cumulari . 60. 61. 62.  
Etiam si instituitur judicium retinendæ . 63. 64. 65.  
Modus procedendi, si cumulantur . 66. 67. 68.  
An si actum ab initio judicio petitorio, eo suspenso possit intentari possessorium . 69.  
An si lata in Possessorio sententia contra Actorem, possit is admitti ad Possessorium . 70.

*Citatio.*

Ejus necessitas, definitio, multiplicitas . III. 15. 16.  
Observanda in Citationem reali . 17.  
In Edictali . 18.  
In Peremptoria . 19.  
Requisita ad legitimam Citationem . 20.  
An necesse sit addere diem, & horam, qua comparendum in judicio . 21.  
Quid agendum, si citeris ad locum non tutum . 22.  
Quid faciendum, si citandus moretur extra territorium citantis . 23.  
An cum citatione Libellus actoris mittendus reo . 24.  
Quomodo Citatio executioni danda . 25.  
An semper opus citatione . 26.  
A quo facienda . 27.  
Quis citari possit . 28.  
Effectus Citationis . 29.  
Quomodo convalideatur non rite facta, 30.

*Clerici.*

Exempti sunt à jurisdictione Sæculari . II. 73.  
Quo jure . 96. &c.  
Quis eorum singulorum judex . 74.  
Coram quo Episcopo conveniendi Clerici inferiores . 75.  
An coram solo . 76.  
Quo in loco . 77. 78.  
In quibus causis gaudeant privilegio fori . 79. &c.  
An Laico delegari possint causæ Clericorum . 83.  
Qui gaudeant hoc privilegio Fori . 81. &c.  
Quod forum Clerici ob crimen factum ante Clericatum, vel factum a Clerico, qui postea rediit ad statum Laicalem . 88. 89.  
Qui Clerici non gaudeant hoc privilegio . 90.  
Quando Judex Laicus capere possit Clericum, ut eum sistat suo judici . 91.  
An Judex Laicus, punire possit Clericum delinquentem in Officio sæculari . 92.  
An propter falsum testimonium, delatum in judicio sæculari . 93.  
An ob crimen Læsæ Majestatis, vel ob pauperiem . 94. & seqq.  
An Clerici renuntiare possint privilegio fori . 101. 102. 103.  
Renuntiantium pænæ . 104. 105.  
An Clerici prorogare possint jurisdictionem judicis non sui, præcipue si exempti sint . 147. & seqq.  
De Clericis peregrinantibus . V. *Peregrinatio.*  
Cognitiones . V. *Ordo Cognitionum.*

*Conclusio in Causa.*

Ejus definitio, & divisio XXVII. 1. 2.  
Non est de substantia Processus judicialis . 3. 4. 5.  
In causa concludunt partes, etiam per Procuratorem . 6.  
Modus concludendi in Causa . 7.  
Fit illa ore, vel scripto . 8.  
Ejus finis . 9.  
Et effectus . 10. 11.  
Quando post eam edi instrumenta, & probationes produci possint . 12. & seqq.

*Confessio.*

Ejus definitio, varietas . XVIII. 1. 2.  
Quando reus judici interroganti debeat respondere de crimine . 3. 4.  
Quando iste interrogare de Sociis criminis . 5. 6.  
Requisita, ut nominans socios adversus hos fidem faciat . 7. 8. 9.  
Requisita universim ad Confessionem judicialem . 10. 11. 12. 13. 14. 15.  
An Confessio judicialis requirat sententiam definitivam ferendam in confitentem . 16. &c.  
Effectus Confessionis judicialis . 20. &c.  
Extrajudicialis . 25. &c.  
Sacramentalis . 28. &c.  
Qualificatæ . 33. 34.  
Factæ in testamento, vel articulo mortis . 35. &c.  
Depositæ contra Socios criminis . 39. &c.  
Factæ à Procuratore . 42.

*Schmalzgruber . Tom. II.*

Vel Antecessore aut Prælato Ecclesiastico . 43.  
Tacitæ, quæ consistit in eo, quod nolit respondere . 44. 45.  
Confitentis crimen in judicio incidenter . 46. 47.  
Quando possit revocari Confessio in judicio facta . 48. 49. 50. 51.

*Confirmatio.*

Ejus definitio . XXX. 2.  
Varietas . 3.  
Quid intersit, an facta sit in forma communi, vel speciali . 4.  
In qua forma censeatur facta in dubio . 5.  
Ex quibus signis colligatur, factam esse in forma speciali . 6.  
Quando in forma speciali facta non validet actum invalidum . 7.  
An Privilegiorum innovatio habeat vim Confirmationis, ita ut novum jus tribuat . 8.  
Quis in dubio de Confirmatione cognoscat . 9.  
Contestatio Litis . V. *Lis.*

*Contractus.*

Est modus sortiendi forum . II. 30.  
Hoc sortitur, qui in tali loco contrahit . 31. 32.  
Exceptiones . 41. &c.  
An forum ex contractu sortiantur etiam Clerici, & peregrini . 33. &c.  
Procedit etiam de quasi Contractu . 36.  
Licet agatur ad rescissionem contractus &c. 37.  
Super Distractu reus conveniendus in loco Distractus . 38.  
Super administratione in loco ejus gestæ . 39.  
Juxta cujus loci jura &c. regulandus Contractus . 40.  
Ubi conveniendus reus, si Contractus impletioni destinatus sit alius locus . 44.  
Quomodo judex ratione contractus jurisdictionem suam exercere possit . 45. 46. 47.  
An in contractibus remissio locum habeat . 48.  
Contractus bonæ fidei, & stricti juris . XIV. 9.  
Quando Contractum dolus vitiet . 10. 11. 12.  
An vitiet Contractus bonæ fidei . 13. & seqq.

*Contumacia.*

Ejus definitio, Divisio . XIV. 38. 39.  
Quomodo quis fiat contumax . 40.  
Citatio ad hoc requisita . 41.  
Causæ ab ea excusantes . 42. 43.  
Modus procedendi adversus Actorem contumacem . 44. & seqq.  
Et adversus reum contumacem . 49. & seqq.  
Pœna Contumaciæ . 54. 55.  
Quando reo contumaci negetur Appellatio . 56.  
Quando adversus Prælatum criminofum in contumaciam procedi possit . 57.  
Decretum Primum, & Secundum . V. *Missio in Possessionem.*

## D

*Delictum.*

Est Titulus sortiendi forum . II. 59.  
Qui per id sortiantur forum . 60.  
Modus procedendi tenendus à Judice Delicti . 61.  
An possit delinquentem apprehendere, si in aliud territorium fugit . 62.  
Extra domicilii, & delicti locum non potest regulariter puniri reus . 65. &c.  
Quo in loco fortiaris forum ratione delicti facti in confinibus duorum territoriorum . 68. &c.  
In quo loco habeat forum, qui in uno territorio exstans, mandavit delictum exequendum in alio territorio . 71.  
Quæ Pœna delinquentis, si in loco Delicti alia pœna delicto statuta, quam in loco Domicilii delinquentis . 72. & seqq.

*Diffidatio.*

Ejus natura, origo, finis, usus apud Veteres . I. 1.  
*Dilationes.*  
Earum definitio, Varietas . VIII. 1.  
Natura, & proprietas Dilationis Citatoriae . 2. 3. 4. 5. 6.  
Dilatio deliberatoria quid? quanta? an peremptoria . 7. 8. 9.  
Dilationes Recusatoriae, seu Declinatoriae . 10.  
Dilationes Probatoriae . 11.  
Forma eas concedendi . 12.  
Spatium earum . 13.  
In causis civilibus sunt peremptoriae . 14.  
In Criminalibus dantur reo tres, actori duæ . 15.  
Aliquando plures etiam in civilibus . 16. 17.  
An prorogari possint . 18.  
Dilationes Allegatoriae . 19.



Definitoriae . 20.  
 Executoriae . 21.  
 Effectus Dilutionum . 22. 23. 24.  
 Computatio . 25. 26. 27.  
*Dolus* .  
 Definitio Doli boni . XIV. 1.  
 Mali . 2.  
 Divisio in Verum, & Praesumptum . 3. 4.  
 Incidentem, & praecedentem . 5.  
 Hujus in versantem circa actus Substantiam, & Circumstantiam . 6. 7. 8.  
 Quando Dolus Contractum vitiet . V. *Contractus* .  
 Remedia contra Dolum sunt Actio & Exceptio . 18. 19.  
 Qualis sit actio de Dolo . 20.  
 Cui detur, & adversus quem . 21. 22.  
 Quando . 23.  
 Intra quod tempus . 24.  
 Cui competat exceptio doli? & in quibus rebus . 25. 26.  
 Contra quem . 27. 28.  
 Intra quod tempus . 29.  
 Probari debet Dolus, maxime ex conjecturis . 30. 31.  
 Ex quibus . 32. 33. 34. 35.  
 Indicia excludentia Dolum . 36. 37.

*Domicilium* .

Ejus varietas . II. 8.  
 Domicilium verum quod . 9.  
 An ad id comparandum debeas bona tua in illud transferre . 10.  
 Vel diutius in eo habitare . 11.  
 Ex quibus Conjecturis colligatur constitutio Domicilii in certo loco . 12.  
 Potest in pluribus locis simul haberi domicilium . 13.  
 Potest haberi sine habitatione . 14.  
 Vis Domicilii ad constituendum Forum . 15.  
 Quasi Domicilium, & ejus effectus . 16. 17.  
 Quomodo haec acquiratur . 19.  
 De Domicilio Originis . V. *Origo* .  
 Quoad Jurisdictionem principaliter consideratur domicilium habitationis, quam Originis . 23.  
 Domicilium Originis, translatum Domicilio habitationis, de Jure communi manet . 24.  
 Invalidum est statutum, quo Cives, & Originarii vetantur mutare civitatem . 28.  
*Dominium* . V. *Proprietas* .

**E***Ecclesia* .

**Q**uis nomine Ecclesiae stare possit in Judicio . I. 39. 40. 41.

Res Ecclesiarum quomodo praescribantur . V. *Praescriptio* .

*Exceptio* .

De Exceptione Spolii & Spoliationis . V. *Ordo Cognitionum*, *Restitutio Spoliatorum* .  
 Exceptionis Definitio . XXV. 1.  
 Varietas . 2. 3.  
 Quid sit Peremptoria, seu Perpetua, & Dilatoria, seu Temporalis . 4. 5. 6.  
 Quo Jure Exceptio competat . 7. 8.  
 Quid sit Replicatio . 9.  
 Quae Replicationes rejiciendae . 10.  
 Cui, à quo apponatur Exceptio . 11.  
 Quid in hoc possit Excommunicatus . 12. usque ad 20.  
 Quomodo opponendae Exceptiones Dilatoriae . 20. 21. 22.  
 Quando Peremptoriae . 23. 24.  
 An iudex statuere possit terminum ad Dilatorias opponendas . 25. 26.  
 An etiam Peremptoriae . 27.  
 Quomodo Exceptiones opponendae . 28. 29.  
 An plures simul . 30.  
 An contrariae . 31.  
 Quomodo probandae . 32. 33.  
 Finis, & effectus Exceptionis . 34.  
 An Excipiens intentionem adversarii censeatur fateri . 35. 36. 37.  
 An Exceptiones competentes reo profint haeredibus, & fidejussoribus ejus . 38. 39.  
 An admittatur excipiens contra alium de pluralitate Beneficiorum, & ipse habens plura Beneficia . 40. 41. 42. 43.  
 An Exceptiones dilatoriae, omisae in prima instantia, opponi possint in secunda . 44. 45. 46.  
 Quando opponi possit Exceptio rei judicatae . 47. 48. 49.  
 Quomodo à reo facienda exceptio Excommunicationis . 50. 51.  
 An testis, si exceptio criminis contra illum probata est, puniri possit . 52. 53.

*Excommunicatus* .

An stet in judicio . I. 32. & seqq.  
*Executio*, *Executor* . V. *Sententia* .

*Expensa* .

De Condemnatione in Expensas . V. *Pena* .

**F***Fama* .

**Q**uid sit . XIX. 22.  
 Modus eam probandi . 23.  
 Ejus effectus in causis Criminalibus . 24.  
 In Civilibus . 25.

*Fatalia Appellationum* . V. *Appellatio* .

*Feria* .

Feriarum diversa nomina . IX. 1.

Definitio . 2.

Diversitas . 3. 4.

An feriae messium, & vindemiarum concedi omnibus debeant . 5.

Dies Feriati qui, & an omnes Judiciales . 6. 7.

Profanas instituit Princeps saecularis . 8.

Sacras solus Magistratus Ecclesiasticus . 9. & seqq.

Universales solus Papa . 13.

Episcopus pro sua Diocesi . 14.

An inducantur consuetudine . 15.

Quando incipiant . 16. & seqq.

An iis renunciari possit . 20. 21.

*Fides bona* . V. *Praescriptio* .

*Filiusfamilias* .

An stet in Judicio . I. 28. 29.

*Forum* .

Fori acceptiones variae . II. 1.

Varietas Fori proprie dicti . 2.

Quod forum competens . 3. 6.

An generali commissione eorum, quae ad Forum Ecclesiasticum pertinent, comprehendatur Jurisdictio Fori interni, & externi . 4.

Quod forum adeundum, si actor habet forum aliud, quam reus . 7.

Forum competens ratione Domicilii . V. *Domicilium* .

Forum Vagorum . V. *Vagi* .

Forum ratione Contractus, Distractus, Administrationis . V. *Contractus* .

Forum ratione Rei sitae . V. *Res sita* .

Est in arbitrio Actoris, convenire reum in loco rei sitae, vel domicilii . 57. 58. 59.

Forum ratione Delicti . V. *Delictum* .

Forum Clericorum . V. *Clerici* .

Forum Miserabilium personarum . V. *Miserabiles personae* .

Forum Militis . V. *Miles* .

Forum Studioforum . V. *Studiofi* .

Forum speciale Principum, & Ordinum Imperii . 121.

Quae Causae in foro Austregarum decidi possint . 122.

Quomodo hoc forum singulis Imperii Statibus competat . 123. 124. 125.

Fori specialia alia genera . 126.

Forum Diffamationis, ejus Iudex, Causae, praxis . 127. & seqq.

Forum L. si contendat 28. ff. de fidejuss. 133. & seqq.

Forum Praeventionis quomodo inducatur . 136. & seqq.

Forum Laici, si ipse & Clericus sunt correi . 140. 141.

Forum Prorogationis quando locum habeat . 143. & seqq.

Quae personae prorogare possint Jurisdictionem Iudicis non sui? an etiam Clerici, & Religiosi, praecipue exempti . 146. & seqq.

*Fructus* .

Fructuum Definitio, Varietas . XIII. 39. 40.

Quos fructus teneatur restituere spoliator . 41. 42.

An perceptos, vel percipiendos ex re inhonesta . 42.

Et quos sua industria percipere potuisset spoliatus . 43.

Vel etiam spoliator . 44.

An provenientes ex melioratione . 45.

In quo foro . 46.

Quas expensas possit deducere . 47.

Quos fructus debeat restituere possessor bonae fidei . 48. 49.

An consumptos, aequivalenter extantes . 50. 51. 52.

Quid si bonae fidei superveniat mala vera aut ficta . 53. 54.

Vel mala succedat bona . 55.

Quas expensas deducere possit . 56.

Sequestratio Fructuum . V. *Sequestratio* &c.

*Furius* .

Non habet personam standi in Judicio . I. 23.



## H

**H**abitatio . V. Domicilium .

## I

*Infans .***N**on habet personam standi in Judicio . I. 23.*Infantia .*

Quid sit . I. 3.

An hodie Infantia finiatur lapsu biennii vel triennii . 81.

An de Jure Canonico sit perpetua . 82.

*Instrumentum .*

Instrumenti in genere , &amp; in specie publici definitio , divisio . XXII. 1. 2.

Requisita ex parte Notarii , ut legitimum sit . 3. 4. 5.

In quo negotio confici possit . 6. 7.

Ejus vis extra territorium constituentis , vel si confectum à Notario existimato . 8. 9. 10.

An si Notarius fecit falsum , valeant alia postea rite facta . 11.

Requisita ad id ex parte formæ . 12. 13. 14.

Quæ ex his pertineant ad substantiam formæ . 15. 16. 17.

Quomodo negotium in ea describendum . 18. 19.

Quis rogare Notarium debeat pro eo faciendo . 20.

An semper requiratur Notarium interfuisse actui , de quo facit Instrumentum . 21.

Quid probet Instrumentum publicum . 22. 23.

Quid Protocolum . 24. 25. 26.

Quid Copiæ publici Instrumenti . 28. &amp; seqq.

Definitio , &amp; varietas Instrumenti privati Authentici . 36.

Quid probent Acta Judicialia . 37. 38.

Scripturæ depromptæ ex Archivo publico . 39. 40.

Vel privato . 41.

Munitæ Sigillo publico , &amp; authentico . 42. 43.

Habentes appositum Sigillum personæ privatæ . 44. 45. 46.

Libri Officialium publicorum . 47. 48.

Matriculæ , &amp; Libri Censuales . 49. 50.

Libri Ecclesiarum , Monasteriorum &amp;c. 51. 52.

Scripturæ privatæ subscriptæ à tribus testibus . 53.

An consuetudo facere possint Instrumentum Authenticum . 54.

Quid sit Apocha , Antapocha , Syngrapha &amp;c. 55.

Quid hæ Scripturæ probent pro scribente . 56. 57. 58.

Quid contra scribentem , si causa debiti in illa expressa , vel non expressa . 59. &amp; seqq.

Quid pro vel contra tertium . 66.

Quid probent Libri Mercatorum . 67. 68. 69. 70.

Registra , Annotationes , &amp; Rationes à privato Patresam. de suis acceptis , &amp; expensis conscriptæ . 71. 72. 73.

Liber Rationum à Sociis conscriptus inter Socios . 74.

Conscriptus ab eo , qui ex officio alterius bona administrat . 75.

Quid litteræ Cambii probent . 76.

Quid litteræ Missivæ contra scribentem . 77. 78.

Vel pro illo . 79. 80.

Quando Instrumenta producenda . 81.

Cui edi . 82.

Cujus sumptibus . 83.

An totum Instrumentum ; vel tantum pars . 84. 85. 86.

Requisita , ut productum probet in Judicio . 87. 88.

Quid si actor fundet intentionem suam in Instrumento , quod dicit se amisisse . 89. 90.

Quid Juris universum , si amissum Instrumentum . 91. 92.

Quando Instrumenta innovari possint . 93.

Quæ eorum interpretatio . 94.

Quomodo impugnetur ratione contrarietatis . 95. 96. 97.

Sigilli . 98. 99. 100.

Rasuræ , Lituræ , Cancellationis . 101. 102. 103.

Per testes inscriptos . 104. 105.

Per extraneos . 106. 107. 108.

Quomodo probetur falsitas Instrumenti . 109. &amp; seqq.

An ex parte falsum in totum corruat . 113. 114.

An &amp; quando fidei Instrumenti officiat simulatio . 115.

Interdictum unde vi . V. Restitutio spoliatorum .

*Judex .*

An Judex necessarius in omni causa . I. 16.

In qua causa quisque judicare possit . 17.

An Judex Supremus etiam in propria . 18.

An etiam inferior Judex . 19.

An acta à Judice solum existimato valeant . 20.

Et in quibus casibus . 22.

An , ut valeant , requiratur Titulus coloratus . 21.

Quis Judex cogere possit partes ad comparendum . 45. 46. 47.

Judex Ecclesiasticus solus cognoscit de causis Spiritualibus . 50.

De Jure Patronatus . 51.

Sepulturæ , nisi sit quæstio merè facti . 52.

De Causis matrimonialibus . 53.

Quis Judex in causa Dotis . 54.

Quis in dubio , an causa sit Spiritualis , vel temporalis . 55. 56.

Quis in causis profanis . 57.

Quis in causis mixti fori . 61.

An Laicus in crimine mixti fori punitus à Judice Ecclesiastico , ob idem puniri possit à Sæculari ? vel absolutus ab Ecclesiastico condemnari à Sæculari . 63. 64.

Quis Judex causarum Feudalium . 65. &amp; seqq.

Quis causarum connexarum . 72. &amp; seqq.

An Judex Ecclesiasticus supplere possit negligentiam Judicis sæcularis , &amp; vicissim . 58. 59. 60.

Quis Judex Competens . II. 3.

An valeat sententia Judicis incompetentis . 5.

In quo loco Episcopi , &amp; Prælati inferiores in Clericos Jurisdictionem exercere valeant . 77. 78.

Quo Ordine Judex causas cognoscere debeat . V. Ordo cognitionum .

An Judex Laicus incidenter cognoscere possit de Quæstione facti in causa spiritali . X. 12. 13. 14.

Quomodo Judex agere debeat in Causa Possessionis , &amp; Proprietatis . V. Causa .

Quid Judex interrogare , &amp; reus respondere debeat . V. Confessio .

Notanda circa Sententiam à Judice ferendam . V. Sententia .

Pœna Judicis malè judicantis . V. Pœna .

De Pœnistemerarii litigatoris , &amp; condemnatione in expensas à Judice faciendæ . V. Pœna .

De Judice quoad Appellationem , &amp; Apostolos . V. Appellatio .

De Officio Judicis , à quo , &amp; ad quem appellatur . V. Appellatio .

Quis Judex recusari possit , &amp; qua de causa . V. Recusatio .

*Judicium .*

Judicii definitio . I. 1.

Judiciorum origo . 2.

Et divisio ratione causæ efficientis . 5. 6.

Ratione materiæ . 7. 8. 9.

Ratione formæ . 10.

Ratione finis . 11. 12.

Personæ Judicium constituentes . 13. &amp; seqq.

An in omni Judicio necessarius Judex , Actor , &amp; reus . 16.

Quinam non habeant personam standi in Judicio . 23. &amp; seqq.

An partes cogi possint ad litigandum . 44.

An qui promisit se litigaturum coram Judice , postea resiliere possit . 49.

Judiciorum forma . 76.

Effectus . 77.

Causæ , ob quas sit nullum . 78.

Modi , quibus finitur . 79.

Quando peti possit absolutio ab observatione Judicii . 80.

Instantiæ finis , &amp; perpétuitas . V. Infantia .

Ordo judiciorum . V. Ordo cognitionum .

De judicio Petitorio , &amp; Possessorio . V. Causa .

*Juramentum .*

De juramento Calumniæ . V. Calumnia .

Juramenti Definitio . XXIV. 1.

Propriè fit per solum Deum verum . 2.

Ejus formulæ . 3.

Est licitum , si fit cum veritate , judicio , &amp; justitia . 4. 5.

Quis jurare possit . 6. 7.

Ejus objectum . 8.

Divisio . 9.

Quid sit juramentum voluntarium . 10.

Quis deferre illud possit . 11. 12. 13.

Quibus deferri possit . 14. 15.

In quibus causis . 16.

An in criminali . 17.

Quomodo legitimè præstetur . 18.

Quamdiu revocari à deferente possit . 19.

Ejus Effectus . 20. 21.

An habeat vim contra tertium . 22.

An rescindi possit , postmodum detecto perjurio . 23.

Quid sit juramentum judicialè . 24.

A quo deferri possit . 25.

An reo deferri possit Actor , qui nihil probavit . 26. 27. 28. 29.

Cui deferri possit . 30. 31.

In quibus causis . 32. 33.

Requisita , ut legitimè deferatur . 34.

Effectus delati , &amp; præstiti . 35. 36.

Delatum , &amp; acceptatum à deferente revocari non potest . 37. 38. 39.

Juramentum necessarium quid sit . 40.

A quo deferri possit . 41.



An à Judice, parte non petente. 42.  
 Cui deferri possit. 43.  
 Regulæ in hoc servandæ. 44. 45. 46.  
 In quibus causis deferri possit. 47. &c.  
 Requisita, ut legitimè deferatur hoc juramentum. 53. 54.  
 Effectus hujus juramenti delati, & præstiti. 55. 56. 57.  
 Quid, & quotuplex sit juramentum in litem. 58.  
 Quis, cui deferre possit. 59. & seqq.  
 Et contra quem. 63. 64.  
 In quibus causis. 65. 66.  
 Modus id præstandi. 67.  
 An cogi quis possit ad id præstandum. 68.  
 Ejus effectus. 69.  
 Et finis. 70.  
 Effectus juramenti promissorii est obligatio, hujus regulæ. 71. & seqq.  
 Ex parte jurantis est personalis. 75. & seqq.  
 Ex parte ejus, cui præstatur, realis. 79. 80.  
 Potest præstari per Procuratorem. 81. 82.  
 Firmari contractum per juramentum quid. 83.  
 Quid juramentum addat contractui aliàs valido. 84.  
 An firmet contractus jure positivo invalidos, & hos omnes. 85. usque ad 93.  
 Effectus juramenti, quod firmat contractum jure invalidum. 93. 94. 95.  
 Quis relaxet juramentum promissorium. 96. 97.  
 Quis Episcopus, si id factum homini. 98. 99.  
 An Magistratus Sæcularis. 100. & seqq.  
 An, & quæ causa requiratur ad relaxandum juramentum, vel in eo dispensandum. 105.

## L

*Libellus.*

**E**jus definitio, divisio, partes. III. 1.  
 Quid observandum in narratione facti. 2.  
 Et circa medium concludendi, ac Conclusionem. 3. 4.  
 Proprietates, & vitia libelli. 5.  
 Quid agendum, si libellus sit ineptus. 6.  
 Si alternativus. 7.  
 Si obscurus. 8.  
 An plures simul actiones in eodem libello proponi possint. 9.  
 Quid post oblatum libellum agendum judici, & reo. 10.  
 In quibus causis offerendus libellus. 11.  
 Quando possit omitti, aut mutari. 12. 13.  
 Cujus sumptibus edatur. 14.

*Lis, & Litis Contestatio.*

Lis quid sit. I. 3.  
 Litis contestatio definitur, dividitur. V. 1. 2. 3.  
 Pertinet ad substantiam judicii. 4.  
 Ejus differentia à Positionibus, Articulis, & horum Responsionibus. 5.  
 Quomodo inducatur, & impediatur. 6. 7.  
 Ejus effectus. 8.  
 Quomodo lite non contestata non procedatur ad Testium receptionem, vel Sententiam definitivam. VI. 1.  
 Exceptiones in hoc puncto. 2. & seqq.  
 Quando testes recipi possint ante Litis Contestationem. 12. & seqq.  
 Litis Pendentia. V. *Pendentia Litis.*  
 Pœna temerè litigantium. V. *Pœna.*

## M

*Matrimonium.*

**Q**uomodo facienda Restitutio in causis Matrimonialibus. XIII. 57.  
 An restituendus Conjux expulsus, si ab expellente revocatus redire nolit. 58.  
 Aut fugiens, si rediens non recipiatur. 59. 60. 61.  
 Quid si causam discessus prætendat impedimentum dirimens. 62. 63. 64.  
 Vel commissum à conjuge adulterium. 65.  
 Vel Votum continentiaæ mutuo consensu editum. 66.

*Miles.*

Quale privilegium fori habeat. II. 109.  
 Non competit id prævento ab alio judice, antequam miles fieret.

*Minor.*

Non stat in judicio sine autoritate Tutoris. I. 26. 27.

*Miserabiles Persona.*

Quænam sint, & quod privilegium fori habeant. II. 106. 107.  
 Quando eo uti nequeant. 108.

*Missio in Possessionem.*

Missio ex Primo Decreto quid. XV. 1.  
 Rectè decernitur. 2. 3.

Fit à Judice, habente mixtum Imperium. 4. 5.  
 Contra reum absentem. 6.  
 Adminicula huic concessa à jure. 7.  
 Modus mittendi in possessionem. 8. 9. 10.  
 Discrimen Missionis in actione Personali, & Reali. 11.  
 Missio locum habet in omni actione, nisi excludatur natura rei, vel actionis. 12.  
 Exceptiones. 13. 14. 15.  
 Requisita ad Missionem ex primo Decreto. 16. 17.  
 Ita missus non fit verus possessor. 18. 19. 20.  
 Exceptiones. 21.  
 Effectus Missionis ex primo Decreto. 22. 23.  
 Locus ei est aliquando etiam casu, quo lite non contestata deveniri potest ad sententiam definitivam. 24.  
 Effectus secundi Decreti. 25. 26. 27.  
 Quando Missio ex eo decerni possit. 28. 29.  
 Modus decernendi. 30.  
 Non est necessarium in actione reali, est verò in personali ad acquirendam veram possessionem. 31. 32. 33.  
 Tempus intermedium regulariter est annus. 34.  
 Quomodo computetur. 35.  
 Causæ excusantes non comparentem intra annum. 36. 37. 38.  
 Quid juris, si ob potentiam &c. Rei non potes detinere &c. bona, in quæ missus es. 39.  
 Quid si conventus super re immobili, dicat, se non esse dominum ejus. 40.

*Monasterium.*

Quis nomine Monasterii stare possit in judicio. I. 39. 40. 41.  
 Quomodo Prælato necessarius sit consensus Capituli, & vicissim. 42. 43.  
 Res Monasteriorum quomodo præscribantur. V. *Præscriptio.*

*Mulier.*

Non potest invita trahi in judicium, si honesta sit. I. 30. 31.

*Mutua Petitiones.*

Quid sint. IV. 1.  
 An durante conventionis judicio reus actorem convenire possit coram alio judice. 2.  
 An Actor declinare possit judicem eundem in causa Reconventionis. 3.  
 Judex Reconventionis. 4.  
 Quis reconvenire possit, & quem? an Clericum coram judice Laico. 5. 6. 7. 8.  
 In quibus causis sit, vel non sit locus Reconventionis. 9. 10. 11.  
 Effectus reconventionis. 12.  
 Tempus, quo proponenda est. 13.

## N

*Notarius.*

**C**irca eum notanda quoad Instrumenta. V. *Instrumentum.*

## O

*Ordo Cognitionum.*

**C**ognoscenda prius causa, à qua pendet altera. X. 2.  
 Et præjudicialis. 3.  
 Major præ minore. 4.  
 Exceptio Peremptoria, & Dilatoria præ Causa Principali. 5.  
 Hæc terminanda per sententiam, qua ad illam non est opus. 6. 7.  
 Quid si causa Principalis, & incidens ad Forum diversum spectent. 8. 9. 10. 11.  
 An judex Laicus incidenter cognoscere possit de Quæstione facti in causa spirituali. 12. 13. 14.  
 Quid juris, si reus conventus contra actorem opponat actionem, seu exceptionem spoli. 15. 16. 17. 18.  
*Origo.*  
 Ubi quis ratione Originis forum sortiatur. II. 20.  
 An ex origine fortuita. 21.  
 Vel materna, & aliorum ascendentium. 22.  
 Reliqua de Domicilio Originis. V. *Domicilium.*



## P

*Pendentia Litis.*

- I**nducitur Citatione. XVI. 1.  
 Etiam in Actionibus personalibus. 2.  
 Quando eam inducat Citatio. 3. 4. 5.  
 Effectus illius. 6.  
 Facit, ut res litigiosa alienari nequeat. 7. 8.  
 Exceptiones. 9.  
 Pœna alienantium. 10.  
 Lite pendente non potest immutari possessio. 11.  
 Nec separari Conjux à Coniuge. 12. 13.  
 Aut institui nova Electio. 14. 15. 16.  
 Vel impetrari rescritum, aut privilegium in præjudicium collitigantis. 17. 18.  
 Quomodo tollatur pendentia Litis. 19. & seqq.  
*Peregrinantes, Peregrinatio Romana.*  
 Quis nomine Peregrinantium veniat. XXIX. 1.  
 Quando Peregrinatio Romana vim Appellationis habeat. 2.  
 Qui hoc privilegio gaudeant. 3.  
 Quando eo gaudeat, qui iter Papam arripit. 4.  
 In quibus hoc privilegium competat. 5.  
 Pœna eorum, qui Romipedas spoliant &c. 6.  
*Plus Petitiones.*  
 Earum Definitio. X. 1.  
 Modi. 2. 3. 4. 5.  
 Explicantur. 6. 7. 8. 9.  
 An sibi noceat, qui petit minus debito. 10.  
 Pœna plûs petentium Jure civili. 11.  
 Jure Canonico. 12.  
 Quomodo intelligenda duplicatio temporis. 13.  
 Quomodo puniatur plûs negans. 14.  
 Modi evitandi pœnam plûs petentium. 15.  
 Causæ petendi ante tempus & diverso loco. 16.  
 Quid operetur Pœnitentia post litem contestatam. 17.  
*Pœna.*  
 Pœna Judicis malè judicantis Jure Civili. XXVII. 110.  
 111.  
 Jure Canonico. 112.  
 Pœna temerè litigantium. 113.  
 Quis temerè litiget. 114.  
 In quas expensas hic condemnatur. 115.  
 Ad quos porrigatur hæc Pœna. 116.  
 An ad victum, si habuit justam causam litigandi. 117.  
 Quæ sit talis causa. 118.  
 Quando istam habeat condemnandus in expensas. 119.  
 An ista in dubio præsumatur. 120.  
 Quid de expensis in secunda instantia. 121. & seqq.  
 Quid de Advocato, qui propriam causam egit in Judicio. 124. 125.  
 An in expensas condemnare victum possit, vel debeat Judex etiam non imploratus. 126. 127.  
 An expensæ peti possint lite finita. 128.  
 An hoc nomine veniant rescindienda damna, & interesse. 129.  
 An Judex expensarum taxationem revocare possit. 130.  
*Possessio.*  
 Possessionis definitio. XII. 1.  
 Divisio in Possessionem juris, & facti. 2. 3.  
 Hujus Varietas. 4.  
 Acquiritur Apprehensione vera. 5. 6.  
 Et ficta. 7. 8. 8.  
 Ac Dispositione Legis. 10.  
 Modus acquirendi Possessionem rerum Incorporarum. 11.  
 Quot actus ad hoc requisiti. 12.  
 Quando amittatur Possessio violentæ Possessore. 13. 14.  
 Vel nolente, aut ignorante. 15. 16.  
 Modus amittendi Possessionem rerum incorporalium. 17.  
 Commoda Possessionis. 18. & seqq.  
 Quomodo tractanda Causa possessionis. V. *Causa.*  
 De Missione in Possessionem. V. *Missio in Possessionem.*  
 Sequestratio Possessionum. V. *Sequestratio.*  
*Præscriptio.*  
 Definitur. XXVI. 1.  
 Differt ab Usucapione. 2.  
 Ejus varietas. 3.  
 Quo jure sit inducta. 4.  
 Effectus ejus est acquisitio domini. 5.  
 Utilis, & directi. 6. 7.  
 Lex Præscriptionis est justa. 8. 9.  
 Prodest in Conscientia. 10. 11. 12.  
 Ut præscribens non teneatur restituere rem præscriptam. 13. & seqq.  
 Quis possit præscribere. 17. 18.  
 Contra quos. 19. 20.  
 Renunciari Præscriptioni potest. 21. 22.  
 Requisita ad legitimam præscriptionem. 23.

- Præscribi possunt res omnes, quæ jure non prohibentur. 24.  
 Quæ res non possint præscribi. 25. & seqq.  
 Ad præscriptionem requiritur Possessio. 42. 43.  
 Sufficit civilis, sine naturali, non vicissim. 44. 45. 46.  
 Continuatio, & probatio possessionis quatenus necessaria. 47. 48.  
 Quæ jura, & obligationes defectu possessionis, præscribi non possint. 49. & seqq.  
 Quid sit bona fides, & quotuplex. 55.  
 An necessaria ad præscriptionem, & ad omnem, ac semper. 56. & seqq.  
 An præscriptionem impediatur fides dubia. 63. 64. 65.  
 An ignorantia juris, & facti. 66. & seqq.  
 An bona fides Authoris prodest successoribus. 70.  
 An mala singulari. 71.  
 Universali immediato. 72. 73.  
 Vel mediato. 74. 75.  
 An Antecessorum Civitatis, Collegii &c. Successoribus. 76. 77.  
 Aut Prælati Monasterio vel Ecclesiæ. 78.  
 An fides mala respectu unius rei vel personæ respectu alterius rei aut personæ. 79.  
 Quomodo probanda bona fides à præscribente. 80.  
 Tituli Definitio, multiplicitas. 81. 82. 83.  
 Necessitas. 84. 85.  
 Divisio. 86. 87.  
 Quando sufficiat præsumptus. 88. 89. 90.  
 Qualis requiratur ad præscriptionem servitutum. 91.  
 Quando usufructu possit Titulo pro Emptore, pro Hærede, pro Derelicto. 92.  
 Pro donato, pro suo, pro soluto. 93.  
 Utrum hæredes sui usufructu possint Titulo pro hærede. 94. 95. 96.  
 Quo tempore præscribantur res mobiles, & immobiles privatorum. 99. 100.  
 Et Res immobiles Ecclesiarum, Monasteriorum &c. 101. 102.  
 Quando præscriptio centenaria adversus Ecclesiam Romanam, & Quadragenaria adversus inferiorem locum habeat. 103. & seqq.  
 An procedat in rebus earum mobilibus. 107. 108. 109.  
 An centenaria præscriptione, qua Romana, gaudeant etiam Ecclesiæ inferiores exemptæ. 110.  
 Servitus definitio, varietas, & quo tempore acquiratur mixta, & realis affirmativa. 111. &c.  
 Et negativa. 114.  
 Quo tempore hæc extinguantur. 115.  
 Quo tempore extinguantur Actiones reales, & personales ex contractu vel quasi. 116. &c.  
 Et criminales ac obligationes ex delicto. 120. 121.  
 Notanda circa earum præscriptionem. 122.  
 Quo tempore præscribatur censibus, & obligationibus annuis. 123. &c.  
 Effectus præscriptionis generalis. 126.  
 Effectus specialis, & prærogativa præscriptionis immemorialis. 127.  
 Quando præscriptio non procedat. 128. 129.  
 Dormiat. 130. &c.  
 Interrumpatur. 134.  
 Discrimen interruptionis naturalis, & civilis. 135.  
 Citationem interruptitur præscriptio 30. annorum. 136.  
 Litis contestatione præscriptio longi temporis. 137.  
 Non tamen triennalis. 138. &c.  
 Sed per solam sententiam. 141.  
 Quibus concedatur Restitutio in integrum adversus præscriptionem. 142. 143.  
*Præsumptio.*  
 Definitio præsumptionis. XXXIII. 1.  
 Ejus differentia ab Indicio. 2.  
 Et Fictioe juris. 3.  
 Præsumptio Hominis quid. 4.  
 Ejus divisio. 5.  
 Vis ad probandum. 6.  
 Definitio præsumptionis juris, & divisio in præsumptionem juris tantum, ac juris & de jure. 7.  
 Harum differentia. 8.  
 Et exempla. 9.  
 Effectus earum. 10. 11.  
 Quando contra præsumptionem juris, & de jure admittatur probatio. 12. &c.  
 Præsumptiones violentæ non oriuntur, nisi ex violentis, & vehementissimis conjecturis. 23. 23.  
 Reliquæ Regulæ præsumptionum. 25. & seqq.  
*Probatio.*  
 Ejus definitio. XIX. 1. 2. 3.  
 Forma. 4. 5. 6.  
 Varietas. 7. 8. 9.  
 Species probationis plenæ, & ejus effectus. 10. & seqq.  
 Semiplenæ species, & effectus. 14. 15.



Quomodo duæ femiplenæ faciant plenam . 16. 17.  
 Inspectionis ocularis modus, & vis . 18. &c.  
 Quid fama probet . V. *Fama*.  
 Cui incumbat onus probandi . 26. 27.  
 Quando reo . 18. &c.  
 Quando neganti . 3. &c.  
 Cui in Judiciis Duplicibus . 39. 40.  
 An reus edere debeat Actori instrumenta sua . 41. 42.  
 Exceptiones . 43. &c.  
 An valeat pactum utendi certis probationibus . 48.  
 An si Juramento firmatum sit . 49.  
 Quid agendum cum actis prioris judicii, si causa ad alium  
 Judicem delata . 50.  
 Quomodo acta probanda, si perdita sint . 51.  
 Quid probandum . 52.  
 Quomodo probandi limites locorum . 53. 54. 55.  
 Quomodo filiatio . 56. &c.  
 Aetas . 61. 62. 63.  
 Virginitas . 64. 65. 66.

*Prodigus*.

Non habet personam standi in judicio . I. 23.

*Proprietas*.

Definitio proprietatis . XII. 22.

Et Dominii . 23.

Differentia à Possessione . 24.

Varietas . 25. 6.

Modi acquirendi Dominium . 27. & seqq.

Effectus Dominii . 38.

Quomodo tractanda causa proprietatis . V. *Causa*.

*Protocolum* . V. *Instrumentum*.

*Pupillus*.

Nou stat in judicio sine Autoritate Tutoris . I. 25.

## Q

*Quæstio*.

Quid sit . I. 3.

## R

**R**econventio . V. *Mutua Petitiones*.  
*Recusatio*.

Quid sit . XXVIII. 130.

Quomodo conveniat cum Appellatione . 131.

Quomodo ab ea differat . 132.

Quando proponi debeat . 133.

Quomodo . 134.

Quis Judex recusari possit . 135. 136.

Ex qua causa . 137. 138.

Quis de causa hac cognoscere possit . 139. 147.

Officium Arbitrorum in causa Recusationis . 141.

Effectus Recusationis . 142. &c.

*Referendarius*.

Quid sit . I. 15.

*Relatio*.

Quid sit . XXVIII. 147.

Quomodo conveniat, & differat ab Appellatione . 148.

Ex quibus causis fiat . 149.

Quot modis . 50.

Ejus effectus . 15.

*Religiosus*.

An stet in Judicio . I. 27. 38.

An Religiosi exempti subijcere se possint Jurisdictioni Or-

dinariorum . 149. 150.

*Replicatio* . V. *Exceptio*.

*Res Judicata*.

Quid sit . XXVII. 62.

Quando in eam transeat sententia . 63.

Et quando non . 64. & seqq.

An Res judicata vim habeat in Conscientia . 69. & seqq.

Quando ea non habeat firmitatem . 73. & seqq.

Effectus Rei Judicatæ . 78. & seqq.

*Res sita*.

Est modus fortiendi forum . II. 49.

Qui, quomodo conveniri possint in loco rei sitæ . 50. 51.

An etiam super re mobili . 52.

An si res absens? vel si nomet authorem suum . 53. 54.

In loco rei sitæ instituitur etiam Judicium possessorium . 55.

*Restitutio Spoliatorum*.

Quibus competat Interdictum Unde vi . XIII. 1.

An prædoni spoliato . 2. 3. 4. 5.

An Colono, Conductori, Fructuario &c. 6.

An solùm spoliato plena libertate possidendi . 7.

An et, cui homo liber, & Laico, cui res sacra, vi eripitur . 8.

Contra quem competat . 9. 10.

An contra Dominum, si servi spoliaverint . 11. &c.

An contra Judicem . 15. &c.

An contra hæredes, vel successores spoliatoris . 18. 19.

An contra eum, qui rem vi ereptam, mala fide accepit . 20. 21.

An contra tertium bonæ fidei possessorem . 22. 23.

Quousque intentari possit hoc interdictum . 24. 25.

Spoliatus ante omnia restituendus . 26.

Et si spoliator dominium in continenti probare vellet . 27. & seqq.

Exceptiones . 31. & seqq.

Probanda agenti ad hanc restitutionem . 35. 36. 37.

Restitutio spoliati debet esse plena, etiam fructuum . 38. V. *Fructus*.

Restitutio in Causis Spiritualibus . 72. & seqq.

An semper experiundum jus sit, cum quis passus est spolium . 75.

Quando reus conventus opponere possit exceptionem spoliationis . 76. 77. 78.

An contra agentem in causa Ecclesiastica possit opponi Exceptio spoliationis rei privatae, & vicissim . 79. 80.

An spoliato agenti Interdicto unde vi opponi possit Exceptio criminis . 81.

An restitutio impediatur reconventionem, exceptionem compensationis, appellationem . 82.

*Roma*.

Roma est generale domicilium civibus Romanis . II. 26.

Romæ conveniri possunt Clerici, & Laici, si ibi reperiuntur . 27. 28.

Roma esse dicitur, ubi est Curia, & Sedes Pontificis . 29.

De Romana Peregrinatione . V. *Peregrinatio*.

## S

*Sententia*.

**D**E Sententia ante Litis Contestationem . V. *Lis*.

De Conclusionem in Causa . V. *Conclusio in Causa*.

Sententiæ definitio, & divisio . XXVII. 17. 18.

Tempus, quo ferenda Interlocutoria, & hujus differentia à definitiva . 19. 20. 21.

Pronuntiatio arbitri propriè non est Sententia . 22. 23. 24.

Est verò sententia Interlocutoria . 25.

Requisita in Judice, ut sententiam legitime ferre possit . 26. 27.

Quid faciendum Judici, si utriusque litigantis causa probabilis est . 28. 29. 30.

An de causa incidente vel emergente necessario pronuntietur verbis expressis . 31. 32.

An valeat sententia plurium Judicum, quorum unus non habet Jurisdictionem . 33. 34.

Quæ sententia prævaleat, si in eadem causa plures Judices diversa pronuntiant . 35.

Quando sententia lata à Judice revocari possit . 36.

Qualis sententia sit legitima . 37.

Quæ incertitudo, vel conditio obsit valori sententiæ . 38. 39.

Quomodo sententia debeat esse conformis libello . 40.

Quando Sententia lata contra jus Constitutionis sit irrita . 41. 42.

An sententia, lata contra jus litigantis, ipso jure subsistat . 43. 44. 45.

An aliquando Judex contra jus strictum ex æquitate, vel alia causa pronuntiare possit . 46. 47. 48.

Quid si Sententia lata sit contra privilegium . 49.

Sententia ferenda partibus legitime citatis . 50. 51.

Cum causæ cognitione, servato juris ordine . 52.

Et Judice sedente pro tribunali . 53.

Ex Scripto . 54.

Proprio Judicis ore . 55.

In loco publico . 56.

Antequam lapsu triennii in causa civili, & biennii in criminali instantia sit perempta . 57.

Die, & hora, ad quam facta est citatio . 58.

Die non feriata, interdiu, non de nocte . 59.

In eum, qui litem contestando suscepit judicium . 60.

Judex non necessario exprimit causam, qua motus est ad sententiam . 61.

Quando Sententia transeat in rem judicatam &c. V. *Res judicata*.

Effectus Sententiæ . 78. & seqq.

Quid sit Executio Sententiæ, quæ ejus necessitas . 93.

A quo facienda, maxime si appellatum est . 94. 95. & seqq.

Quando facienda in actionibus criminalibus, ac realibus . 98.

Et in actionibus ac delictis personalibus . 99.

In quem, & in cujus bona facienda sit . 100. 101.

Et quomodo, ac ordine . 102. 103.

An cui commissæ est Executio, admittere possit exceptiones contra eam . 104.

An Executor merus teneatur exequi sententiam, quam icit injustam . 105. 106.



De Poena Judicis malè judicantis, & partum temere litigantium, ac condemnatione in expensas. V. *Pœna*.

*Sequestratio Possessionum, & Fructuum.*

Sequestrationis definitio. XVII. 1.

Differentia à Depósito, & Arrestatione. 2.

Divisio in Voluntariam, & Necessariam. 3.

Prior generaliter permitta, non posterior. 4. 5.

Sequester quid. 6.

Potest esse etiam Jux. 7.

Nemo potest ad id compelli. 8.

Neque officium hoc deponere pro arbitrio suo. 9.

Quæ res sequestrari possint. 10. & seqq.

Quando sequestrari possit beneficium. 14. & seqq.

Quando legitima. 24. 25. 26.

Effectus ejus. 27. 28. 29.

Sequester potest præsentare, eligere, conferre beneficium

si hæc Jura res sequestrata habeat annexa. 30. 31. 32.

Quomodo sequestrum tollatur. 33. 34.

Potest sequestrum passus ex re sequestrata accipere alimentata, & sumptus litis, si aliunde non habeat. 35.

*Servitus.*

Quomodo præscribatur. V. *Præscriptio*.

*Servus.*

In causa pecuniaria non potest stare in judicio. I. 24.

*Spoliati*. V. *Restitutio spoliatorum*.

*Studioſi.*

Quinam habeant privilegium fori, & eo gaudeant. 12. 211. & seqq.

An studentes vel docentes extra patriam suam. 115.

An in Criminalibus. 116.

An Studioſus ad locum delicti remitti debeat? & quidem si præventus sit ab alio Judice, antequam studioſus fieret. 117. 118.

An Magistratus Academicus habeat Jurisdictionem in studioſos Clericos. 119.

Quomodo amittatur privilegium fori Academici. 120.

## T

*Tempus.*

Tempora ad Præscriptiones requisita. V. *Præscriptio*.

*Testis.*

De Testium receptione ante Litis Contestationem.

V. *Lis*.

Definitio, & Varietas testium. XX. 1.

Qui testes non admittantur jure naturali. 2. 3. 4.

Positivo prohibentur impuberes. 5. 6.

Cæci, surdi, muti cum limitatione. 7. 8.

Servi. 9. 10. 11.

Corrupti pecunia pro dicendo Testimonio. 12. 13.

Qui etiam datorum non acquirunt dominium. 14.

Nisi data sint pro expensis itinerum &c. 15.

Infames. 16. 17.

Criminosi. 18. 19. 20.

Accusati, & incarcerati ob crimen infamiam irrogans. 21. 22. 23.

Perjuri. 24. 25.

Excommunicati, quorum tamen testimonium valet. 26. 27.

Personæ viles. 28.

Parentes non possunt testari pro Liberis, & vicissim. 29. 30.

An possint Fratres, Consanguinei, Affines. 31. 32.

An Conjuges pro se invicem. 33. 34.

An Domestici. 35. 36.

An Subditi, & Vasalli in causa Principis, vel Domini Directi. 37. 8.

Quando Socius criminis contra complices. 39. & seqq.

Inimicus contra Inimicum. 43. 44. 45.

Judæi, Infideles, Hæretici contra Christianos, & Catholicos. 46. 47. 48.

Laici contra Clericos. 49. 50.

Parentes contra Liberos, Liberti contra Patronos. 51.

Quando minus habiles. 52. 53.

Non potest testari minor 20. annis in causa criminali. 54.

Clericus, & Religiosus in causa sanguinis. 55.

Fœmina de Jure Canonico in causa criminali criminaliter intentata. 56.

Admittitur Jure Civili. 57.

Et Jure Canonico in causa Civili cum exceptione. 58.

Membrum Communitatis quando in hujus causa testari possit. 59. 60. 61.

Quinam non possint testari ideo, quia testarentur in causa propria. 62. & seqq.

Ordinariè sufficiunt duo testes. 68.

Non verò unus regulariter. 69. 70.

Debent esse Majores omni exceptione. 71.

Modus, quo producendi. 72. 73.

Materia. 74.

An super Secreto. 75. 76.

Quam fidem faciat testis non citatus. 77.

Regulariter admittuntur tantum trinæ productiones. 78.

Exceptiones. 79. 80. 81.

Recipiendi lite contestata, & parte altera citata. 82.

Quæ citatio non necessariò est peremptoria. 83.

Quid si non compareat. 84.

Sumptus dare debet producens. 85.

Juramentum præstandum Testi. 86.

An cuivis? & an possit remitti. 88. & seqq.

Examinandi testes à Judice in loco judicii. 93.

Examinis modus. 94. 95. 96.

Objectum. 97. 98.

Delegari potest alteri in causa civili. 99.

Non verò regulariter in criminali. 100.

Quando legitima sit depositio testium. 101. 102.

Quando dicti causam reddere debeat testis. 103. 104.

Quid probet testis singularis. 105. 106.

Et contrarii inter se. 107.

Vel sibimet. 108. & seqq.

Et testes de auditu. 111. & seqq.

Vel de credulitate. 114. 115.

Modus publicandi testes. 116. 117.

Quando attestations receptæ in uno judicio faciant fidem in alio. 118. & seqq.

An post publicatas attestations recipi testes priores, vel novipossint super articulis novis. 122. 123.

An super antiquis vel directè contrariis. 124. & seqq.

Quæ exceptiones opponi possint contra testes post publicatas Attestations. 128. 129. 130.

Publicatio Attestationum non est de substantia Processus. 131.

Exceptiones contra personas testium. 132.

Contra examen illorum. 133.

Contra delicta. 134.

An illæ cumulari possint. 135.

An Exceptio contra testem impediatur ejus receptionem. 136. 137.

Quousque liceat reprobare testes. 138.

Modus reprobandi. 139.

An possis reprobare testes à te productos. 140.

Testes compelli possunt ad testandum. XXI. 1.

Servato ordine inter pœnis. 2.

Exceptiones. 3. 4. 5.

Limitatio doctrinæ. 6.

Discrimen privilegiati, & non privilegiati. 7.

In loco judicii qui non teneantur deponere. 8. 9. 10.

Clerici, & Religiosi ad id non possunt compelli à Sæculari. 11.

Sed ab Ecclesiastico, & suo Judice. 12.

Quando testis cogi possit. 13. 14.

Quando in causa Criminali. 15. 16. 17. 18.

An in hac testificans contra reum fiat irregularis. 19. 20.

*Titulus*. V. *Præscriptio*.

## V

*Vagi*.

Conveniuntur, ubi inveniuntur. II. 18.

*Omnia ad Majorem Dei, Deiparæque Virginis Gloriam, & Honorem.*







of











